


LES
VIES DES HOMMES
Illustres, Grecs & Romains,
comparées l'une avec l'autre
par Plutarque de
Cheronee,

Translatees premierement de Grec en François par Maistre Jacques Amyot lors Abbé de Bellozane, & depuis en seconde édition reueües & corrigees en infinis passages par le mesme Translateur, maintenant Abbé de Sainte Corneille de Compiègne, Conseiller du Roy, & grand Aumosnier de France, à l'aide de Plusieurs exemplaires vieux, escripts à la main, & aussi du iugement de quelques personnages excellents en sçauoir.



1344

A PARIS;
De l'Imprimerie de Michel Vascosan.
M. D. L X V.
Avec Priuilege du Roy.



AV TRESPVISSANT ET

TRESCHRESTIEN ROY DE FRANCE HENRY

deuxieme de ce nom, Iacques Amyot Abbé de Bellozane son

tres humble & tresobeïssant seruiteur S.



Ceux qui de pere en fils sont nez ou habitez sous vne iuste, legitime & hereditaire principauté, comme la vostre, Sire, doyuent, à mon iugement, au seruice de leur prince, la deuotion que les sages anciens attribuoyent à la charité du pais ou lon a pris naissance. Car ils disoyent que le premier degré en estoit deu aux Dieux, le second au pais, & le troisieme aux parens, sans faire mention de Roy ne de Prince, pourautât que c'estoyent gens qui viuoient sous autre forme de gouuernement, que de Royaume, & qui pour inciter les hommes à defendre le public, sous lequel la vie, l'honneur & le bien de chaque particulier sont compris, & à tascher de profiter à la communauté de ceux avec lesquels on a cōuenance de natiuité, de lāgue, de loix, de mœurs & de demeure, enseignoient que non seulement la raison de tout droit humain, mais aussi la religion de droit diuin, & le deuoir de conscience obligeoyent toute personne de seruir à son entier pouuoir au bien public de son pais, outre la douceur d'affection que nature imprime en noz cœurs, & la conformité d'humeurs qui ce treuve ordinairement en noz corps, avec le ciel & l'air ou nous auons premierement respiré, qui semble vne obligation naturelle. Mais comme ainsi soit que toutes nations, non plus que tous homes particuliers, ne sont pas propres à estre regies d'une mesme sorte de gouuernement, pource qu'il est plus expedient à aucunes de seruir, que de commander, & qu'au iugement du prince des philosophes, la plus parfaite des trois especes du gouuernement de la chose publique, & la plus selon Dieu & nature, est celle de la Royauté, ceux qui par electiō ou par natiuité y sont soubmis, doyuent bien affectueusement esuertuer toutes leurs forces, & de corps & d'entendement, pour faire chacun en son endroit & selon sa vacation, seruice à leur souuerain: attendu que seruans à vn, ils profitent à tous, & qu'en luy seul gist l'heur & malheur de ses subiects: de luy depēd le repos ou travail, l'aise ou misere de tous ceux qui viuent sous son empire: luy seul represente la chose publique, veu que sa volonté est loy, sa parole arrest, & sa vie discipline exēplaire de bien ou de mal-faire. Si me semble à ce propos qu'Artabanus l'un des capitaines du roy Xerxes, respondit sagement à Themistocles, lors qu'il se retira fuitif de la Grece en la court de

Perse: Les loix & coustumes des hommes, dit-il, sont differétes, Themistocles, & y a des choses tenues pour honestes en vn païs, qui ne le sont pas en vn autre: mais bien est-il par tout honeste à vn chacun de maintenir & garder celles de son païs. Car quant à vous autres Grecs, on dit que vous n'avez rien si cher ny en si grâde recommandation, que la liberté & l'egalité: mais nous Persiés estimôs que la plus belle & la plus saincte ordonnance que nous ayôs, soit celle qui nous cōmande d'honorer, seruir & reuerer nostre Roy, ne plus ne moins que l'image de Dieu viuât, qui regit & gouuerne tout ce monde. C'est bien vn tiltre auguste & venerable que celuy la, & le plus magnifique & le plus digne, qui sçauroit estre donné à vn monarque souverain, prouueu qu'il s'en vueille souuenir, & qu'il ait tousiours la crainte de Dieu & la raison, qui luy sonne continuellement aux oreilles. Ce qui iadis s'obseruoit par coustume en la court de Perse: là ou l'un des gétils-hommes de la châtre auoit la charge de se trouuer tous les matins au reueil du Roy, & luy dire: Leue toy, Sire, pour prouueoir aux affaires, dōt le grād Mesoromasdes (car ainsi appelloyēt-ils Dieu) veut que tu ayes le soing. Ce discours de raison naturelle, Sire, quand encore le commandement des escriptures saintes, ou l'autorité des Princes est si authentiquemēt fondee, n'y seroit point, oblige assez tous voz subiects à desirer de vous faire seruice: & de ma part, ayant cherché de vous en faire, en l'institutiō de Messeigneurs d'Orleans & d'Angoulesme, voz tresheureusement nez enfans, que Dieu benie, pour employer le tēps, qui me demeuroit vuide, à faire encore quelque autre chose qui vous fust agreable, apres auoir vacqué au deuoir de l'office, auquel il vous a pleu me cōmettre de leur enseigner les lettres, ie me suis mis à reueoir ce que de lōg temps i'auoye traduit de Grec en François des Vies de Plutarque, & à continuer de traduire ce qui m'en restoit, tant que finablement, ayant conduit l'œuure totale à chef, i'ay pris la hardiesse de la vous presenter imprimée, & la faire sortir sous la sauue-garde de vostre tres-illustre nom, en publicés mains de voz hommes: non que i'eusse opinion qu'il peust issir de moy, personne si basse & si petite en toute qualité, chose qui meritaist d'estre mise deuant les yeux de vostre maiesté: mais bien ayant certaine confiance, que l'œuure de foy est si recommandable & si excellēte, qu'elle pourra faire excuser le defect qui s'y trouuera de ma part, pource que ie cōfesse auoir plus estudié à rendre fidelemēt ce que l'auteur a voulu dire, que non pas à orner ou polir le lāgage, ainsi que luy mesme à mieuls aimé escrire doctement & grauemēt en sa langue, que non pas doucement ny facilemēt. Mais en recōpense il y a tant de plaisir, d'instructiō & de profit en la substāce du liure, qu'en quelque style qu'il soit mis, prouueu qu'il s'entende, il ne peut faillir à estre bien receu de toute personne de bon iugemēt, pource que c'est en somme vn recueil abbrege de tout ce qui a esté de plus memorable & de plus digne faict ou dict par les plus grāds Rois, plus excellēs capitaines & plus sages hōmes des deux plus nobles, plus verrueuses & plus puissantes natiōs qui iamais furent au monde. Et au reste i'espere, Sire, que de vostre grace & liberalité Royale, laquelle se monstre aussi bien à receuoir guayement & ioyeusement les petits presens, comme à donner franchement & liberalemēt les grands, quād la bonne volonté des offrans excuse l'impuissance de mieuls faire, vous aurez pour agreable l'humble affection

fection que i'ay eue en ce faisant, de recomander à la posterité la memoire de vostre glorieux regne, de seruir au bien public de voz subiects, & d'enrichir nostre langue François, selon la foible portee de mon peu de sens & de literature: pource que ie m'asseure que d'icy à longues annees, quand les suruiuans trouueront tant de beaux & bons liures translatez des langues Grecque & Latine en la François, durât vostre heureux regne, & sous l'inscription de vostre tresillustre nom, lon vous donnera la louange d'auoir glorieusement couronné & acheué l'œuure, que ce grand Roy François vostre feu pere auoit heureusement fondé & commencé de faire renaistre & florir en ce noble Royaume les bones lettres, dont nostre langue va tous les iours de plus en plus receuant tel ornement & enrichissement, que ny l'Italiene, ny l'Espagnole, ny autre qui soit auioirdhuy en vsage par l'Europe, ne se pourra vanter de la surmonter en nôbre, ny en bonté des outils de sapience, qui sont les liures: & consequẽment voz subiects en recueilliront ce fruit, que sans se trauailler pour apprẽdre les nobles anciennes langues, qui coustent beaucoup de temps & de peine à apprendre, à cause qu'elles sont mortes, & qu'il les faut tirer hors des monumẽs des liures, ou elles sont ensepueliẽs, ils auront en leur maternelle, & chez eux, par maniere de dire, ce qu'il y a de plus beau & de meilleur en la Latine & en la Grecque. A raison duquel benefice ils seront de tant plus obligez à prier Dieu, comme ie fay en toute humilité & toute reuerence, pour la bonne prosperité, accroissement d'honneur, & continuation de longue vie en bonne santé de vous, Sire, & de tout ce qui appartient à vostre sacree Royale Maieité.

En vostre Royale maison de Fontaine-
belleau, au mois de Feburier,

M. D. LVIIII.

a iij

AVX LECTEURS.



A lecture des liures qui apportent seulement vne vaine & oiseuse delectation aux lisans, est à bon droit reprobuee des hommes sages & de graue iugement, & celle qui profite aussi simplement, sans faire aimer le profit qu'elle apporte, & addoucir la peine que lon préd à le recueillir, par quelque allechemēt de plaisir, semble vn peu trop austere au goust de plusieurs delicats entendemens, qui pour ce defect ne sy peuuent arrester longuement. Mais celle qui plaist & profite, qui delecte & instruit ensemble, a tout ce que lon scauroit desirer, pour estre vniuersellement aimée, receüe & estimée de toute maniere de gens, suyuant le cōmun dire du poëte Horace :

Qui le plaisir à l'vtilité ioinct

En ses escripts, le gagne de tout poinct :

& fait mieuls ces deux effects, l'vn pour l'amour de l'autre reciproquemēt, en profitāt plus d'autāt qu'elle delecte, & delectāt dauantage d'autant qu'elle profite. Ceste louange à mon aduis est deuē propremēt, ou principalement plus qu'à nulle autre, à la lecture des Histoires, comme à celle ou il y a plus d'honeste plaisir conioinct avec vtilité, & qui a plus d'efficace pour ensemble plaire & profiter, resiouir & enseigner, que nulle autre sorte d'escripture ne d'inuētion humaine. A raison de quoy il sembleroit aussi cōuenable d'aduouër que les hommes sont autant ou plus obligez aux bons esprits, qui ont meritē le nom d'Historiēs par leurs sages escripts, qu'ils ne sont à nulle autre maniere de lettres : pourautāt que l'Histoire est vne narration ordonnee des choses notables, dictes, faictes ou aduenues par le passé, pour en conseruer la souuenāce à perpetuité, & en seruir d'instruction à la posterité. Et tout ainsi comme la memoire est le tresor de l'entendement de l'homme, sans laquelle les actions des autres deux parties demureroyēt imperfaictes & presque inutiles : aussi se peut-il dire, que l'Histoire est à la verité le tresor de la vie humaine, qui preserue de la mort d'oubliāce les faicts & dicts memorables des hommes, & les aduētures merueilleuses & cas estrāges, que produit la longue suite du temps. C'est pourquoy le sage Platon veut, qu'elle ait esté appelée Histoire, pource qu'elle arreste le flux de nostre memoire, qui autrement auroit trop peu de duree & de tenue : & peut on à cela recognoistre combien nous luy sommes obligez, si nous imaginons seulemēt en quelle horreur de tenebres, & quelle fondriere d'ignorance bestiale & pestilente nous serions abyfmēz, si la souuenāce de tout ce qui s'est faict, ou qui est aduenu auāt que nous fussions nez, estoit entieremēt abolie & esteincte. Je veux dōques laisser à part l'excellence & la dignité de la chose en soy, veu que non seulement elle est plus ancienne que toute autre espee d'escripture qui onques ait esté au mōde, mais aussi qu'elle a eu cours entre les hommes, auant que l'vsage des lettres mesmes y fust : pource que lors les viuans laissoyēt à leurs successeurs la memoire des choses passees, en chāsons qu'ils faisoyēt apprendre par cœur de main à main à leurs enfans, ainsi que lon a peu veoir de nostre temps par l'exēple des barbares habitans es terres neufues occidentales, qui sans cōserue d'aucunes lettres auoyēt la cognoissance des choses aduenues bien huit cens

ans auparauant. Je laisse semblablement à deduire, que c'est la plus seure garde & le plus durable monumēt que les hommes puissent laisser de leurs faiēts en ce monde, pour consacrer leur nom à immortalité: car il n'y a ny statues, ny trophées de marbre, ny arcs de triomphe, ny coulōnes, ny sepultures magnifiques, qui puissent combattre la duree d'une Histoire eloquente, accōplie des qualitez qu'elle doit auoir. Aussi peu me veux-je arrester à peser, qu'elle a ie ne sçay quoy de venerable, en ce qu'elle fait profession de dire tousiours verité, & en ce que son propre subiect est de traiter de toutes les plus hautes & plus grandes choses qui se facent en ce monde, pource qu'il me semble que l'vtilité grāde, qui est, cōme dit Horace, presque la mere de iustice & d'equité, la recōmande tāt qu'il n'est ia besoin de luy chercher d'ailleurs autorité ny ornemēt de dignité. Car c'est vne regle & instruction certaine, qui par exēples du passé nous enseigne à iuger du present, & à preuoir l'aduenir, à fin que nous sçachiōs ce que nous deuōs suyure ou appeter, & qu'il nous faut fuir & euitier. C'est vne peinture qui nous met deuant les yeux, ne plus ne moins qu'en vn tableau, les choses dignes de memoire, qu'anciennemēt ont faiētes les puissans peuples, les Rois & princes magnanimes, les sages gouuerneurs, & vaillās capitaines & personnes marquees de quelque notable qualité, nous representāt les mœurs des nations estrāgeres, les loix & coustumes anciēnes, les desseings des hōmes particuliers, leurs cōseils & entreprises, les moyens qu'ils ont tenus pour paruenir, & leurs deportemēs, quand ils sont paruenus aux plus hauts, ou bien qu'ils ont esté deiettez aux plus bas degrez de la fortune: tellemēt qu'il ne sçauroit naistre accident en paix ny en guerre, en public ny en priué, que qui aura leu diligēment, bien entēdu & fidelemēt retenu les Histoires, n'y treuve lumiere pour s'esclarcir, & cōseil pour se resoudre à prendre party, ou à dōner aduis à vn autre en tout douteux & dangereux passage, pour elire le plus expediēt, & iuger à peu pres le poinct auquel deura tōber vn affaire bien emmellé, aduertissemēt, pour soy moderer en prosperité, & recōfort, pour se reuenir & soustenir en aduersité. Et si le fait avec plus de grace, d'efficace & de dexterité, que ne font les liures de Philosophie morale, d'autāt que les exēples sont plus aptes à esmouuoir & enseigner, que ne sont les argumēs & les preuues de raisons, ny leurs imperieux preceptes, à cause qu'ils sont particuliers, accōpagnez de toutes leurs circonstances, là ou les raisons & demonstrations sont generales, & tendēt plus à fin de prouuer, ou de dōner à entendre, & les exemples à mettre en œuvre & à executer: pource qu'ils ne mōstrent pas seulemēt comme il faut faire, mais aussi imprimēt affection de le vouloir faire, tant pour vne inclination naturelle, que tous hōmes ont à imiter, que pour la beauté de la vertu qui a telle force, q̄ par tout ou elle se voit, elle se fait desirer & aimer. Aussi le fait elle avec plus de pois & plus de grauité, que ne font les inuētions & cōpositions poëtiques, d'autāt qu'elle ne se fert iamais q̄ de la nue verité, & la poësie ordinairement enrichir les choses qu'elle louē, par dessus le merite, à cause que son but principal est de delecter: & encore plus honestement & plus doucemēt, que ne font les loix & ordonnāces ciuiles, d'autant qu'il est plus honeste instruire & enseigner, que nō pas punir & corriger. Et toutefois l'Histoire a bien aussi sa maniere de chastier les meschans par la note d'infamie perpetuelle, dont elle marque leur memoire, qui est vn grād moyen de retirer des vices ceux qui autrement auroient mauuaise & lasche volonté: cōme aussi est-ce vn bien vif & poignant aiguillon aux

hommes de gentil cœur & de nature genereuse, pour les inciter à entreprendre toutes hautes & grandes choses, que la louange & la gloire immortelle, dont elle remunere les bien-faisans. Car les liures sont pleins d'exemples d'hommes de courage & d'entendement eleué, qui pour le desir de perpetuer la memoire de leur nom, par le seur & certain tesmoignage des Histoires, ont volontairement abandonné leurs vies au seruice de la chose publique, despédus tous leurs biens, supporté trauaux infinis & d'esprit & de corps, pour defendre les oppressez, bastir edifices publiques, establir loix & gouuernemens politiques, inuenter arts & sciéces necessaires à l'entretienement & ornement de la vie humaine: de tous lesquels grands benefices la grace est deuë à la fidele recommandation des Histoires. Car encore que la vraye vertu ne demande aucun loyer mercenaire de ses actes louables, & se contéte à par soy de la consciéce d'auoir bien-fait: si est-ce chose vtile & bonne, à mon aduis, d'attirer par tous moyens les hommes à bien-faire, & ne doit on point defendre aux gens de bien d'esperer honneur, qui naturellemēt accompagne la vertu comme l'ombre le corps, de leurs vertueux faictz. Car on voit ordinairement, que c'est vn signe infallible de lasche, basse & vile nature, que ne sentir point les estincelles du desir d'honneur: & que ceux qui estiment chose impertinente, superflue ou malseante que d'estre loué, ne font aussi rien qui merite que lon les louë: ains sont coustumierement personnes de cœur failly, desquelles les pensees ne s'estendēt point plus auant que les vies, & dont la souuenance se pert aussi quand & la veuë. Or si le conseil des vieilles gens est grandement estimé, pource qu'ayans vescu longuement, il est force qu'ils ayent beaucoup veu: & si ceux qui ont longuemēt voyagé en pais estranges, qui se sont trouuez en beaucoup d'affaires, & ont grâde experience des choses de ce monde, sont reputez sages, & dignes à qui lon mette en main les resnes des grâds gouuernemens: cōbien fait à estimer la lecture des Histoires, qui en vn seul iour nous peut fournir plus d'exemples, que ne sçauroit faire le cours entier de la plus longue vie d'un hōme: Tellement que ceux qui sont exercitez à la lire ainsi qu'il appartient, encore qu'ils soyent ieunes, deuiennēt, quant à l'intelligence des affaires du mōde, tels, que s'ils estoient vieux & chenus, & n'ayans iamais bougé de leurs maisons, sont aussi aduertis, informez & instruits de tout ce qui est par le mōde, que ceux qui avec trauaux innumerables & dangers infinis ont abbregeé leurs iours à courir toute la terre habitable: cōme au cōtraire ceux qui sont ignorās des choses faites ou aduenues auant qu'ils fussent nez, quoy qu'ils soyent suragez, demeurent tousiours enfans, & dedans le propre pais de leur naissance sont en pareille condition que les estrangers. Brief il se peut veritablement dire, que la lecture des Histoires est vne eschole de prudence, que l'hōme se forme en son entendement, en considerant meurement l'estat du monde qui a esté par le passé, & obseruant diligemment par quelles loix, quelles mœurs & quelle discipline, les Empires, Royaumes & Seigneuries se sont iadis premierement establies, & depuis maintenues & grandies, ou au contraire chāgees, diminuees & perdues. Aussi lit on qu'Alexander Seuerus tres sage & vertueux empereur de Rome, toutes & quantes fois qu'il auoit à deliberer de quelque chose de cōsequence, tant au faict de la guerre, que de gouuernement, appelloit tousiours ceux qui estoient renommez de sçauoir bien les Histoires. Je sçay bien toutefois qu'il y en a qui insisteront alencontre, en soustenant que ceste lecture des Histoires ne sçauoit

que

que bien peu, ou rien du tout seruir à l'acquisition de prudence, veu qu'elle gist en action, & que c'est experience réelle & actuelle qui l'engèdre, quand l'homme remarque bien & retient fermement ce qu'il a veu à l'œil, & qu'il a expérimenté de faict, suyuant ce que dit l'ancien poëte Afranius :

Prudence suis, Vſage est le mien pere,

Qui m'engendra en Memoire ma mere :

& ce qu'entendoit le Philosophe, qui dit, que la main estoit l'inſtrumēt de ſa-
pièce: au moyen de quoy (disent-ils) ceux qui parlent de matieres de gouuer-
nement & d'affaires d'eſtat, meſmemēt de ceux de la guerre, par liures, en par-
lent comme clerks d'armes, ainſi que dit le prouerbe François, rapportāt à ce-
luy des Grecs, qui appellent vn pilote par liure, celuy qui n'a pas ſeu- & cer-
taine cognoiſſance des choſes dont il parle, voulans dire qu'il ne ſe faut pas
fier à l'intelligence que lon acquiert par la lecture, és choſes qui conſiſtent
en action, & qu'il faut auoir mis la main à l'œuure: ne plus ne moins que
rien ne ſert à deuenir bon peintre, auoir ouy ſouuent parler & diſcourir de la
peinture, & deuifer des couleurs, qui ne prent le pinceau en main: & qu'au
contraire il ſe trouue de bien ſages hōmes & de bons capitaines, qui ne ſçauēt
ne lire ny eſcrire: ioint qu'ils alleguēt dauantage qu'au faict des armes, tou-
tes choſes ſe changent d'an à autre, par maniere de dire: au moyen de quoy
les ruſes & ſubtilitez que lon pourroit apprēdre és liures, ne ſeruiroyent non
plus que les mines eſuentees, ainſi que Cambyſes remonſtre à ſon fils Cyrus
en Xenophon, diſant, que cōme en la muſique les chanſons les plus nouuel-
les ſont ordinaiemēt celles qui pour vne fois plaiſent le plus, à cauſe que ia-
mais elles n'ont eſté ouyes: auſſi en la guerre les ruſes qui n'ont point eſté
practiquees, ſont celles qui ſuccedent le mieuls, & qui ſortent le plus ſouuent
à effect, d'autant que les ennemis ſ'en doutent moins. Mais auſſi ne ſuis-ie pas
celuy qui voudroit ſouſtenir, que lon peult faire vn ſage gouuerneur d'eſtat
politique, ny vn grand capitaine d'un perſonnage qui n'auroit iamais bou-
gé de deſſus les liures en vne eſtude: combien que Ciceron eſcriue de Lucius
Lucullus, que quand il partit de Rome capitaine general & lieutenant du
peuple Romain, pour aller faire la guerre au roy Mithridates, il n'auroit ex-
perience quelconque de la guerre, mais que depuis il ſeit ſi grande diligence
de lire les Histoires, & d'interroguer ſur chaque poinct les vieux capitaines
& gens de longue experience, qu'il menoit avec luy, que quand il fut arriué
en Aſie, ou il ſalut mettre à bon eſciant la main à la beſongue, il ſe trouua vn
tresſuffiſant capitaine, ainſi que le teſmoignerent ſes effects, attendu que par
voyaes d'armes toutes cōtraires, il deſſeit les deux plus puisſans, plus redoutez
& plus grands princes qui fuſſent lors en tout l'Orient. Car ſon entēdement
fut ſi viſ, ſon ſoing ſi vigilant, & ſon courage ſi bon, qu'il n'eut point beſoing
du long apprentiſſage, ny de la groſſiere diſcipline d'vſage. Et encore que ie
confeſſe qu'il ſe ſoit trouué des gouuerneurs & capitaines, qui par la ſeu-
le vi-
gueur de leur nature aidee de longue routine d'vſage, ont fait de belles & grā-
des choſes, lon ne me ſçauroit auſſi nier, que ſ'ils euſſent adiouxte à ces dons
de nature la cognoiſſance des lettres & la lecture des Histoires, ils n'en euſ-
ſent peu faire de beaucoup plus grandes, & qu'ils n'en euſſent eſté de beau-
coup plus parfaits. Pource qu'à la perfection de ceſte ſuffiſance de bien gou-
uerner en paix ou en guerre, il y a trois choſes neceſſairement requiſes, com-
me en toute autre excellence d'art ou de ſcience, la nature, l'art, & l'exercita-

tion. La nature, au propos que nous traittôs, fournira d'un bon sens naturel, d'un corps bien composé, pour endurer tout travail, & d'une bonne volonté de ce faire valoir: l'art cōtribuera le iugement & la cognoissance acquise par les exemples & sages discours leus & releus és bonnes Histoires: & l'exercitation donnera la promptitude, l'assurance & la facilité de les mettre à execution. Car prudēce quoy qu'elle regisse l'action, est neantmoins vertu de l'entendēmēt, qui enseigne le point du milieu, auquel consiste toute louable action entre deux vicieuses extremitez, du peu & du trop: & qui s'attent à l'acquérir par rotine d'usage seulement, & aime mieuls apprendre à ses despens qu'à ceux d'autrui, il pourroit estre du nombre de ceux que touche l'ancien proverbe, qui dit que l'experience est la maistresse des fols, pource que la vie de l'homme est courte & l'experience difficile & perilleuse, mesmemēt au faict de la guerre, auquel, cōme disoit Lamachus capitaine Athenien, on ne peut pas faillir deux fois, pource que les fautes y sont de telle cōsequēce, qu'elles apportent le plus souuēt ruine d'estat ou perte de vie à ceux qui les font. Ainsi ne faut-il pas attēdre celle prudēce vsagere, qui couste si cher, & qui est si longue à venir, que l'homme bien souuēt est mort en la peine, avant qu'elle soit arriuee, & qu'il luy faudroit vne seconde vie pour l'employer, quand elle est trop tard venue: ains la faut haster par diligēce de lire continuellement és anciennes & modernes Histoires, à fin de iouir de l'heur que dit le poëte:

Heureux celuy, qui pour deuenir sage,

Du mal d'autrui fait son apprentissage.

Au demeurant quant à ceux qui vont disans que le papier endure tout, si y en a aucuns qui à faulses enseignes vsurpēt le nom d'Historiens, & qui par haine ou faueur offensent la maieſté de l'Histoire, en y meslant quelque mensonge, cela n'est point la faute de l'Histoire, ains des hommes partiaux, qui abusent indignēmēt de ce nom, pour desguiser & couvrir leurs passions: ce qui n'adiendra iamais, si celuy qui escrit l'Histoire, a les parties qui luy sont necessairement requises, pour meriter le nom d'Historien, qu'il soit despouillé de toute affection, sans enuie, sans haine ny flatterie, versé aux affaires du monde, eloquent, homme de bon iugement, pour sçauoir discerner ce qui se doit dire, & qui se doit laisser, & ce qui nuiroit plus à declarer, qu'il ne profiteroit à reprendre & à cōdamner: attendu que sa fin principale doit estre de seruir au public, & qu'il est comme vn greffier, tenant registre des arrests de la court & iustice diuine, les vns donnez selon le style & portee de nostre foible raison naturelle, les autres procedans de puissance infinie, & de sapiēce incomprehensible à nous, par dessus & contre tout discours d'humain entēdement, lequel ne pouuant penetrer iusques au fond des iugemēs de la diuinité, pour en sçauoir les motifs & les fondemens, en attribue la cause à ne sçay quelle fortune, qui n'est autre chose que fiction de l'esprit de l'homme, s'esblouissant à regarder vne telle splendeur, & se perdāt à sonder vn tel abyſme, cōme ainsi soit que rien n'adiēt, ny ne se fait sans la permission de celuy qui est iustice mesme & verité essentielle, deuāt qui rien n'est ne futur ny passé, & qui sçait & entend les choses casuelles necessairemēt. Laquelle consideration enseigne aux hommes à s'humilier sous sa puissante main, en recognoissant qu'il y a vne cause premiere qui gouuerne supernaturellemēt, d'ou vient que ny la hardiesse n'est pas tousiours heureuse, ny la prudēce biē assuree. Ces utilitez si notables sont par tout accōpagnes de delectatiō singuliere, qui prin-

cipalement

ci palemēt procede de la diuersité & de la nouuelleté dont nostre nature s'es-
iouist, & en est grandemēt desireuse, à cause qu'ayāt vne affectueuse inclina-
tion à son bien souuerain, elle le va cherchāt en tout ce qu'elle cuide beau ou
bon en ce mōde: mais ne trouuāt de quoy se cōtenter sous la voute du ciel,
elle s'ennuye & se fasche bien tost de ce que nagueres elle auoit ardemēt ap-
peté, & va ainsi errāt en la temerité de ses appetits, dont elle ne cessera iamais
de changer cōtinuellement, iusques à ce qu'estant vnīe à ceste fin derniere de
son bien souuerain, ou est la perfection de toute beauté & toute bōté, ses sou-
hairs seront à vn coup assouuis. Cest appetit de varieté ne se peut miculs re-
creer, qu'en celle qui est le repertoire & le tesmoignage du temps pere de tou-
te nouuelleté, & messagere de l'antiquité. Car si nous sentons vn plaisir sin-
gulier à escouter ceux qui retournent de quelque lointain voyage, racontans
les choses qu'ils ont vëues en estrange pais, les mœurs des hommes, la nature
des lieux, les façons de viure differentes des nostres: & si nous sommes quel-
quefois si ravis d'aise & de ioye, que nous ne sentons point le cours des heu-
res, en oyant deuiser vn sage, disert & eloquēt vieillard, en la bouche duquel
sourt vn flux de langage plus doux que miel, quand il va recitāt les aduentu-
res qu'il a eues en ses verds & ieunes ans, les trauaux qu'il a endurez, & les pe-
rils qu'il a passez, combien plus deuons nous sentir de rauissement, d'aise &
d'esbahissement de veoir en vne belle, riche & veritable peincture d'eloquence
les cas humains representez au vif, & les variables accidēs que la vieillesse du
temps a produits des & depuis l'origine du monde, les establissement des Em-
pires, ruines des Monarchies, accroissemens ou aneantissement des Royau-
mes, & tout ce qui onques a esté de plus esmerueillable par l'vniuers, le tout
representé si visuellement, qu'en le lisant nous nous sentons affectionnez, com-
me si les choses n'auoyent pas esté faictes par le passé, ains se faisoient presen-
temēt, & nous en trouuons passionnez de ioye, de pitié, de peur & d'esperan-
ce, ne plus ne moins presque, que si nous estions sur le faict, sans estre en au-
cune peine ou danger, ains avec le contentement qu'apporte la recordation
en seureté des maux que lon a autrefois endurez, & avec l'aise que descriit Lu-
crece en ses vers:

C'est vn plaisir, quand la mer violente
Est par les vens battue de tourmente,
Veoir de sur terre en toute seureté,
Quelque autre en mer durement tourmenté:
Non que ce soit volupté agreable,
De veoir autruy en peine miserable,
Mais pourautant qu'il fait grand bien de veoir
Quels maux on n'a, que lon pourroit auoir.

Aussi voit on que ceste lecture retient & arreste tellement les bons esprits,
que non seulement elle leur fait bien souuent oublier tous autres plaisirs, mais
aussi leur sert d'agreable diuertissement en leurs ennuis, & quelquefois de
medecine en leurs maladies, comme lon trouue escrit du roy Alphōse de Na-
ples, prince tant renommé par les Chroniques, pour sa sagesse & bonté, qu'e-
stant griefuement malade en la ville de Capone, apres que ses medecins eu-
rēt employé tout ce que leur art enseigne, pour luy recouurer sa santé, voyāt
que rien n'y valoit, il se resolut de ne prēdre plus de medecines: & pour passer
son temps, se fait lire deuāt luy l'histoire de Quintus Curtius, des faicts & ge-

stes d'Alexandre le grand: à la leçon de laquelle il prit si merueilleux plaisir, que la nature s'en fortifiant, surmonta l'obstination de la maladie. Parquoy estant retourné en sa conualescence, il donna congé aux medecins, en leur disant: Ne me faites plus de feste de vostre Hippocrates & Gallien, puis qu'ils ne m'ont sceu guarir: & viue Quintus Curtius, qui m'a si bien sceu aider à recouurer ma santé. Mais si la lecture & cognoissance des Histoires est agreable, vtile & profitable à toute autre maniere de gens, ie dy qu'elle est de tout poinct necessaire aux grâds Princes & aux Rois, nō seulement pource qu'ayās de plus pesantes & plus difficiles charges, la raison voudroit aussi qu'ils eussēt plus grāde prouision des qualitez qui seroyent requises pour bien s'en acquitter, ny aussi pource qu'estant le propre subiect de l'Histoire traiter de toutes hautes matieres, cōme sont guerres, batailles, conquestes de villes & de païs, traittez de paix ou d'alliance, il semble qu'elle leur soit plus particulieremēt qu'à nuls autres affectee: mais pource qu'à prédre les choses cōme elles sont, estans nez & nourris tendrement en delices, pour le grād soing & la crainte que lon a de leurs personnes, ainsi qu'il appartient à leur grandeur, ils ne traueillēt pas en ieunesse tant, comme il est besoing à qui veut apprédre les nobles langues anciennes, & les disciplines laborieuses que comprennent la Philosophie: puis quād ils ont attainit l'aage d'homme, leur deuoir les appelle aux actions des grands affaires, de maniere qu'il ne leur reste autre exercice d'entendement plus propre, que la lecture des Histoires en leur langue, laquelle sans peine leur peut enseigner, avec douceur & facilité grande, tout ce que les penibles œuures des Philosophes, touchant le gouuernement de la chose publique, leur sçauroyent monstrier pour sçaouir bien regir & gouuerner les peuples & païs que Dieu a soubmis à leur obeïssance. Mais le pis est, qu'ils sont tousiours, ou le plus du temps, enuironnez de personnes, qui ne cherchēt qu'à leur cōplaire par toutes voyes, & s'en treuue bien peu qui leur osent dire franchemēt la verité de toutes choses: & au contraire l'Histoire ne leur flatte rien: ains leur met à descouuert deuant les yeux les fautes & vices de ceux qui en grādeur de fortune ont esté semblables à eux. A raison de quoy Demetrius le Phalerien, personnage autant renommé pour sa sagesse de bien gouuerner vn estat politique, que pour son eminent sçaouir, conseilloit à Ptolomeus, le premier Roy d'Ægypte, apres le trespas d'Alexandre le grand, qu'il leust souuent & diligēment les liures, qui traittēt de l'administration des Royaumes: Pource que là dedās, disoit-il, tu trouueras plusieurs choses que tes seruiteurs & familiers ne t'oseroyēt dire. Il y a dauātage, que tels personnages ne peuēt pas facilement sortir hors des limites de leurs Seigneuries, & voyager en autres païs, comme font les personnes priuees: pource que la ialousie de leurs estats, & le regard de leur dignité requierēt, qu'ils ne se treuuent iamais en lieu ou autre leur puisse commāder, & bien souuent à faute d'auoir veu à l'œil les païs, & cognu les forces des peuples & princes voisins, on fait des entreprises bien mal fondees: auquel defaut l'information qu'ils en peuuent auoir par la lecture des Histoires, est vn des plus aisez & plus commodés remedes qu'ils sçauroyent trouuer. Mais quand il n'y auroit autre occasion que ceste dernière, elle seule deust bien conuier les Princes à lire souuēt & affectueusemēt les liures, ou sont escripts les faicts Heroïques des sages & vaillans hommes, mesmement des Rois qui ont esté deuant eux. C'est qu'en les lisant, il leur prend enuie d'en faire de semblables, mesmement à ceux qui ont le cœur

haut & genereux, pource que les semées des vertus Royales, qui sont nees avec eux, s'esucillēt alors par emulatiō de ceux qui ont esté, ou qui sont en degré pareil à eux, & cōme en noblesse de sang & en grādeur d'estat, ils ne veulent ceder à personne, encore moins le veulent-ils en gloire de faicts vertueux. De quoy lon pourroit alleguer innumerables exemples, si la chose n'estoit de soy tāt notoire, que la doute en seroit trop plus desraisonnable, que la preuue necessaire. Ainsi peut on veritablemēt cōclurre, que l'Histoire est la maistresse des Princes, de laquelle ils peuuent apprédre sans peine, en passant leur tēps, & avec singulier plaisir, la meilleure partie de ce qui est requis à leur office. Or est-il, que selō la diuersité de la matiere qu'elle traite, ou de l'ordre & maniere d'escrire dōt elle vse, on luy dōne noms differēs : mais il y en a entre autres deux principales especēs: l'une qui expose au long les faicts & aduētures des hōmes, & s'appelle du nom cōmun d'Histoire: l'autre qui declare leur nature, leurs dicts & leurs mœurs, qui propremēt se nōme Vie. Et cōbien q̄ leurs subiects soyent fort cōioincts, si est-ce que l'une regarde plus les choses, l'autre les persōnes: l'une est plus publique, l'autre plus domestique: l'une cōcerne plus ce qui est au dehors de l'hōme, l'autre ce qui procede du dedans: l'une les euenemēs, & l'autre les cōseils: entre lesquels il y a biē souuēt grāde differēce, suyuant ce que Siramnes Persien respōdit à ceux qui s'esbahissoient dōt venoit q̄ ses deuis estoient si sages, & ses effects si peu heureux: C'est pourautāt, dit-il, que les deuis sont en ma pleine disposition, & les effects en celle de fortune & du Roy. Mais entre tous ceux qui se messerēt onques de rediger par escript les vies des illustres hōmes, la palme d'excellēce, au iugemēt des plus clair-voyās, est meritoirement adiugee à Plutarque Philosophe Grec, natif de la ville de Chæronce, en la puince de la Bœoce, hōme noble, cōsommé en tout rare sçauoir, ainsi cōme ses œuures ne laissent douter à qui les a entierement leuēs. Et ayant toute sa vie iusques en sa vieillesse manié affaires publiques, cōme luy mesme tesmoigne en plusieurs lieux, mesmemēt au traitté qu'il a fait: Si l'hōme viel se doit entremettre du gouuernemēt de la chose publique: & qui iadis eut cest heur & honneur, que d'estre precepteur de l'Empereur Traian, ainsi q̄ lon tient cōmunemēt, & qu'il est expressement porté par vne missiue, qui se lit au deuāt de la traductiō Latine de ses Politiques, laquelle à dire la verité m'est vn petit suspecte, pource que ie ne l'ay point trouuee entre ses œuures Grecques, ioinct qu'elle parle cōme si le liure estoit dedié à Traian, ce qui est manifestement dedié par le cōmencemēt du liure, & pour quelques autres raisons: encore toutefois, pource qu'elle m'a semblé sagemēt & grauement escripte, & estre digne de luy, ie l'ay inferee en ce lieu: Plutarque à Traian, Salut. Ie sçauoye biē que la moderation de ta nature n'estoit point cōuoiteuse de l'Empire, cōbien que par honesteté de vie tu te fois tousiours efforcé de le meriter, à raison de quoy tu en es de tant plus estimé digne, que plus on te treuve esloigné du vice d'ambition. C'est pourquoy maintenāt ie m'esioy avec ta vertu & avec ma fortune, si tāt est que tu vueilles iustement administrer, ce que tu as deuēmerit. Car autremēt ie suis asseuré, que tu t'es exposé à de grāds dangers, & moy aux lāgues des mesdisans, pourautāt que Rome ne peut endurer vn lasche Empereur, & q̄ la cōmune voix du peuple a tousiours accoustumé de reietter les fautes des disciples sur leurs maistres, cōme Seneque est deschiré par les lāgues des mesdisans, pour les pechez de son Neron, la temerité des ieunes disciples de Quintilian est imputee à luy mesme, & blasme lon Socra-

tes d'auoir esté trop doux à son pupille: Mais quant à toy, tu feras bien toutes choses, prouueu que tu ne te departes point d'avec toy mesme, & si tu te cōposes le premier & disposes toutes autres choses à la vertu, il n'y aura rien qui ne succede selō ton desir. Ie t'ay descript les moyēs qu'il faut tenir pour bien administrer vne chose publique, & ay mōstré combien les mœurs y ont de pouuoir. Si tu y veux obtemperer, tu as Plutarque pour directeur & guide de ta vie, sinō ie proteste par ceste missiue, que ce n'est point de la doctrine de Plutarque, que tu vas au dōmage & à la ruïne de l'Empire. Ceste epistre tesmoigne disertemēt, qu'il a esté precepteur de Traian: à quoy il semble q̄ s'y rapporte aussi ce que Suïdas en escript, disant: Plutarque natif de la ville de Cheronee en la Bœoce, fut du tēps de l'Empereur Traian, & encore deuant. Mais Traian luy dōna l'hōneur de la dignité Consulaire: & voulut que les officiers & Magistrats qui seroyēt en toute la prouince de l'Esclauōniē ne feisēt chose aucune sans son autorité. Voila ce qu'en escript Suïdas, & me semble biē que Traian si sage Empereur ne luy eust pas fait ce grand hōneur, s'il ne se fust senty tenu à luy de quelque obligation notable: mais ce qui plus encore me semont à le croire, c'est que lon voit en plusieurs faicts & diēts de Traian la mesme droiture, bonté & iustice naïuemēt empraïnte, dont le moule & la forme est, par maniere de dire, engrauee es œuures morales de Plutarque, de sorte que lon remarque notoïremēt que l'vn a biē sceu faire ce que l'autre luy a sagement enseigné. Car Dion escript, qu'entre autres hōneurs que le Senat de Rome decerna à Traian, il luy dōna le tiltre d'Optimus Imperator, c'est à dire, tresbon Empereur. Et Eutropius met, que iusques à son tēps, quand vn nouveau Empereur venoit à estre receu au Senat, entre les cris d'heureux presage, & les souhaits qu'on luy faisoit, on luy crioit: Que puisses-tu estre plus heureux qu'Auguste, & meilleur que Traian. Commēt que ce soit, il est bien certain q̄ Plutarque luy dedia le recueil de ses Apophthegmes. Mais estāt retiré en sa maison, apres auoir lōguemēt vescu à Rome, il se meit à escrire ceste œuvre excellēte des Vies, qu'il appela Parallelō, cōme qui diroit l'accouplement ou assortissemēt, pource qu'il accouple vn Grec avec vn Romain, mettant leurs vies l'vne deuant l'autre, & les conferant ensemble, selon qu'ils se sont trouuez auoir entre eux cōformité de nature, de mœurs & d'aduētures, en examināt ce que l'vn a eu de meilleur ou de pire, de plus grand ou de plus petit que l'autre, le tout avec tant de beaux & graues discours par tout, tirez des plus profonds & plus cachez secrets de la Philosophie morale & naturelle, tant de sages aduertissemēs & de fructueuses instructiōs, si affectueuse recommandation de la vertu & detestatiō du vice, tant de belles allegatiōs d'autres auteurs, tāt de propres cōparaisons, & tant de hautes inuētiōs, que le liure se doit plustost nōmer vn tresor de toute rare & exquisite litterature, que de luy dōner autre nom. Aussi dit on, que Theodorus Gaza persōnage Grec d'erudition singuliere, & digne de l'ancienne Grece, estāt quelques fois enquis par ses familiers amis, qui le voyoyent si fort affectiōné à l'estude, qu'il en oublioit toute autre chose, quel auteur il choisiroit entre tous, s'il estoit réduit à ce poinct de n'en pouuoir retenir qu'vn tout seul, il respondit qu'il eliroit Plutarque, pource q̄ tout cōpris, il n'y en a pas vn qui soit si profitable & si delectable ēsemble à lire que luy. Celuy auquel il dedie son œuvre, Sosius Senecio, estoit vn Sénateur Romain, ainsi q̄ tesmoigne Dion, qui escript que les trois personnages que Traian aimoit & honoroit le plus, estoient Sosius,

Parma & Celsus, iusque à leur faire à tous trois eriger des statues. Il est vray qu'il auoit escript beaucoup d'autres vies, que l'iniure du tēps nous a enuiees, cōme notāment luy mesme fait mētion de celles de Scipion l'Africain & de Metellus le Numidique: & i'ay leu vne petite epistre d'un sien fils, ou il n'y a point de nom, trāsposite d'un vieil exēplaire de la librairie de S. Marc à Venize, par laquelle il escript à un sien amy la liste de tous les liures que son pere a cōposez: là ou entre les coupplés des vies il met celle de Scipion & d'Epaminondas, & au bout celles d'Augustus Cēsar, de Tiberius, de Caligula, de Clodius, de Neron, de Galba, de Vitellius & d'Othon. Mais ayant fait toute diligēce à moy possible de les chercher és principales librairies de Venize & de Rome: ie ne les ay peu recouurer, seulemēt en ay-ie tiré plusieurs diuersitez de leçons & plusieurs corrections, en cōferant les vieux liures escripts à la main, avec ceux qui sont imprimez, qui m'ont grandement seruy à l'intelligēce de plusieurs difficiles passages, & plusieurs y en a aussi que i'ay restitué par coniecture, avec le iugement & l'aide de quelques vns des plus sçauans hommes de cest aage en lettres humaines. Toutefois encore est-il demeuré quelques lieux, mais peu, esquelz, pource qu'il y a en l'original omission de quelques lignes, à mon aduis, i'ay mieux aimé tesmoigner la defectuosité par la marque d'une estoile, que de temerairement deuiner, ou y rien adiouxter. Mais au reste si ie me suis en quelques endroits abusé, comme il est bien aisé en auteur si obscur & ouurage si long, mesmement à personne de si peu de suffisance cōme moy, ie prieray les lisans de vouloir pour ma descharge accepter l'excuse que me donne le poëte Horace, quand il dit:

En œuvre longue il n'est pas de merueille

Si quelquefois l'entendement sommeille.

Attendu mesmemēt que tant de gens de bien & de sçauoir, y ayans par cy deuant mis la main pour le traduire, il ne s'en est encore treuue pas vn que moy seul, qui l'ait entieremēt acheué en quelque lāgue que ce soit, au moins que i'aye sçeu ne veu: & que ceux qui se sont meslez d'en traduire, mesmemēt en Latin, ont euidentemēt tesmoigné la difficulté qu'il y a, ainsi que pourront facilement cognoistre ceux qui voudront prendre la peine de conferer noz traductions. Mais si, peut estre, lon ne treuve le langage de ceste translation si coulant, comme lon a fait de quelques autres miennes, qui de pieça sont entre les mains des hommes, ie prie les lecteurs de vouloir cōsiderer, que l'office d'un propre traducteur ne gist pas seulemēt à rendre fidelemēt la sentēce de son auteur, mais aussi à représenter aucunemēt & à adombrer la forme du style & maniere de parler d'iceluy, s'il ne veut cōmettre l'erreur que feroit le peintre, qui ayant pris à pourtraire un hōme au vif, le peindroit long, là ou il seroit court, & gros, là ou il seroit gresle, encore qu'il le feist naïfuelement bien ressembler de visage. Car encore puis-je bien asseurer, quelque dur ou rude que soit le langage, que ma traduction sera beaucoup plus aisée aux Frāçois, que l'original Grec à ceux mesmes qui sont les plus exercez en la lāgue Grecque, pour vne façon d'escrire plus aigue, plus docte & pressée, que claire, polie ou aisée, qui est propre à Plutarque. Au fort si ie ne m'en suis acquitté si heureusemēt que vous eussiez pensé & désiré, Seigneurs lisans, encore ay-ie esperāce que vous excuserez le bon vouloir de celuy, qui en y aspirāt, a tasché de vous profiter. Et si ce mien labeur sera si heureux que de vous cōtenter, à Dieu en soit la louange, qui m'a donné la grace de le paracheuer.


SVR L'IMAGE DE PLVTARQVE,

inuention d'Agathius Scholaſticus Poëte Grec.

Sage Plutarque, honneur de Chæronçe,
 Les preux Romains pour ta gloire exalter,
 Ont icy fait ton image planter :
 Pource que ſans faueur paſſionnee,
 Tu as la vie au vray parangonnee
 Des meilleurs Grecs, avec ceux qui dompter
 Sceurent iadis tout le monde, & porter
 Au ciel le nom de Rome couronnee.
 Mais ſi toy meſme euſſes vif entrepris
 De rediger par eſcript vne vie,
 Qui euſt eſté à la tienne ſortable :
 Tu n'euffes ſceu en trouuer, tout compris,
 Qui ta valeur entiere euſt conſuyuie :
 Car tu n'eus onc au monde de ſemblable.

CATALOGVE DES HOMMES ILLVSTRES GRECS & Romains, comparez l'un avec l'autre par Plutarque de Chæronçe.

Theſeus	fueillet 1.	} comparez 25.	Cimon	fueillet 335.	} comparez 365.
Romulus	fueillet 12.		Lucullus	fueillet 344.	
Lycurgus	fueillet 27.	} comparez 51.	Nicias	fueillet 367.	} comparez 396.
Numa Pôpilius	fueil. 41.		Marcus Craſſus	fueil. 380.	
Solon	fueillet 54.	} comparez 75.	Sertorius	fueillet 398.	} comparez 417.
Publicola	fueillet 67.		Eumenes	fueillet 409.	
Themistocles	fueillet 76.	} comparez 462.	Ageſilaus	fueillet 418.	} comparez 462.
Furius Camillus	fueil. 88.		Pompeius	fueillet 433.	
Pericles	fueillet 104.	} comparez 129.	Alexandre le grand	464.	} comparez 581.
Fabius Maximus	118.		Iulius Céſar	fueillet 492.	
Alcibiades	fueillet 130.	} comparez 161.	Phocion	fueillet 515.	} comparez 581.
Cariolanus	fueillet 147.		Caton d'Utique	fueil. 527.	
Paulus Aemilius	fueil. 163.	} comparez 191.	Agis & Cleomenes	550.	} comparez 581.
Timoleon	fueillet 178.		Tiberius & Gaius Gracchi	568.	
Pelopidas	fueillet 191.	} comparez 219.	Demosthenes	fueillet 583.	} comparez 609.
Marcellus	fueillet 206.		Cicero	fueillet 592.	
Aristides	fueillet 220.	} comparez 246.	Demetrius	fueillet 610.	} comparez 657.
Marcus Cato	fueil. 233.		Antonius	fueillet 630.	
Philopœmen	fueil. 249.	} comparez 267.	Artôxerxes	fueillet 658.	} comparez 702.
T. Quintius Flaminius	258.		Dion	fueillet 669.	
Pyrrus	fueillet 268.	} comparez 333.	Marcus Brutus	fueil. 686.	
Caius Marius	fueil. 284.		Aratus	fueillet 704.	} comparez 720.
Lyſander	fueillet 303.	} comparez 333.	Galba	fueillet 720.	
Sylla	fueillet 316.		Ochon	fueillet 728.	



LES VIES DES HOM- mes illustres Grecs & Romains, comparees lune avec l'autre par Plutarque de Chæronce.

Theseus.



C **A**INSI comme les Historiens qui descriuent la terre en figure, amy Sossius Senecion, ont accoustumé de supprimer aux extremitez de leurs Cartes, les regions dont ilz n'ont point de cognoissance, & en coter quelques telles raisons par endroiçts de la marge : Oultre ces païs icy n'y a plus que profondes sablonnières sans eaue, pleines de bestes uenimeuses, ou de la uase que lon ne peult nauiger, ou la Scythie deserte pour le froid, ou bien la mer glacee. Aussi en cestè mienne histoire, en laquelle i'ay comparé les Vies d'aucuns hommes
D illustres les unes avec les autres, aiant fuiuy tout le temps, duquel les monuments sont encore si entiers, que lon en peult parler avec quelque uerisimilitude, ou en escrire à la reale uerité, ie puis bien dire des temps plus anciens & plus esloingnez du present : Ce qui est auparauant n'est plus que fictiõ estrange, & ne trouue lon plus que fables monstrueuses, que les poëtes ont cõtrouuees, ou il n'y a certainté ny apparence quelconque de uerité. Toutefois aiât mis en lumiere les uies de Lycurgus, qui establit les loix des Lacedemoniens, & du Roy Numa Pompilius, il m'a semblé que ie pouuois bien raisonnablement monter encore iusques à Romulus, puis que i'estoye approché si
E pres de son temps : Si ay pensé longuement en moy mesme, ce que dit le poëte Æschylus :

Quel champion se parira
A un tel homme, & qui ira
Par mon iugement à l'encontre ?
Qui soubstiendra telle rencontre ?

Et me suis à la fin resolu, de conferer celuy qui peupla la noble & fameuse uille d'Athenes, à celuy qui fonda la glorieuse & inuincible cité de Rome : en

quoy i'eusse bié desiré, que les fables de celle antiquité se fussent laissées si dextrement nettoyer par noz escriptz, que nous leur eussions peu donner quelque apparence de narration historique: mais si d'adventure en quelques endroits elles sortent un peu trop audacieusement hors des bornes de uraysemblance, & n'ont aucune conformité avec chose croyable, il est besoing que les lisans m'excusent gracieusement, receuans en gré ce que lon peut escrire & raconter de choses si uieilles & si anciennes. Or m'a il semblé que Theseus auoit beaucoup de choses semblables à Romulus: car ayās esté tous deux engendrez à la desrobée & hors legitime mariage, ilz ont tous deux eu le bruit d'estre nez de la semée des dieux:

Tous deux uaillans, ainsi que chascun sçait:

Tous deux ont eu le bon sens cōioinct avec la force de corps: & des deux plus nobles citez du monde, l'un fonda celle de Rome, & l'autre assembla en un corps de uille les habitās de celle d'Athenes. L'un & l'autre raut des femmes: & ny l'un ny l'autre ne peut euitier le malheur d'auoir querelle avecques les siens, & de se souiller du sang de ses plus proches parents. qui plus est, on tiét que l'un & l'autre à la fin encourut la haine & malueillance de ses citoiens: aumoins si nous uoulons recevoir pour ueritable ce qui s'en escrit le moins estrangement, & ou il y a plus de semblance de uerité. Theseus donques de par son pere estoit descendu en droicte ligne du grand Erechtheus, & des premiers habitans qui teindrent le pais d'Attique, lesquelz on a depuis appelez Autochthones, q uault autāt à dire cōme, nez de la terre mesme, pource qu'il n'est point de memoire qu'ilz soiēt oncques uenez d'ailleurs: & du costé de sa mere, estoit issu de Pelops, qui de son tēps fut le plus puissant Roy de toute la prouince du Peloponese: non tāt pour ses richesses que pour la multitude de ses enfans, à cause qu'il donnoit ses filles, dōt il auoit bon nōbre, aux plus grās seigneurs du pais: & alloit semant ses filz, qui estoient aussi en bon nōbre, par les uilles franches, trouuant moien de leur en faire auoir les gouuernemens. Pitheus ayeul maternel de Theseus, en fut l'un, lequel fonda la petite uille de Trœzene, & eut la reputation du plus sçauāt & du plus sage hōme qui fust de son tēps: mais la science & sagesse qui pour lors estoit en estime, cōsistoit toute en graues sentences & dicts moraux, cōme sont ceux pour lesquelz le poëte Hesiodus a esté tāt estimé en son liure intitulé, Les œuures & les iours: auquel liure se lit encores à present ceste belle sentence, que lon dit estre de Pitheus,

T u payēras promptement le salāire

Q u'auras promis au pauvre mercenaire.

Ainsi l'escriit le philosophe mesme Aristote: & le poëte Euripides appellāt Hippolytus disciple du sainct Pitheus, donne assez à entendre en quelle reputation il estoit tenu. Mais Ægeus desirant, ainsi que lon dit, sçauoir comment il pourroit auoir des enfans, s'en alla en la uille de Delphes à l'oracle d'Apollo: là ou par la religieuse du temple luy fut respondue ceste prophetie tant renommee, laquelle luy defendoit de toucher & cognoistre femme, qu'il ne fust de retour à Athenes: & pource que les paroles de la prophetie estoient un peu obscures, il retourna par la uille de Trœzene, pour les communiquer à Pitheus. Les parolles de la prophetie estoient telles:

H omme en qui est la uertu accomplie,

L e pied sortant hors du bouc ne deslie,

Q ue tu ne fois de retour à Athenes.

Ce qu'entendant

- A** Ce qu'entendant Pitheus, luy persuada, ou bien par quelque ruse l'affina, de sorte qu'il le feit coucher avec sa fille nommee *Æthra*. *Theseus* quelques apres auoir eu sa compaignie, cognoissant que c'estoit la fille de *Pitheus* qui auoit couché avec luy, & se doubtant qu'elle estoit enceinte de ses œuures, luy laissa une espee, & des fouliers, lesquelz il cacha dessoubz une grosse pierre, qui estoit creuse tout autant iustement qu'il falloit pour contenir ce qu'il y mettoit, & ne le dit à personne du monde qu'à elle seule, luy enchargeant que si d'aduenture elle faisoit un filz, quand il seroit paruen u iusques en aage d'homme assez puissant pour remuer celle pierre, & prendre ce qu'il auroit laissé dessoubz, elle luy enuoyast, avec telles enseignes, le plus secrettement qu'elle pourroit, sans que nul autre en eust la cognoissance: pourautant qu'il redoubtoit fort les enfans d'un nommé *Pallas*, lesquelz espioient tous moiens de le faire mourrir, & le mesprisoient, à cause qu'il n'auoit point d'enfans, & eulx estoient cinquâte freres tous engédrez d'un mesme pere. Cela faict, il s'en alla: & *Æthra*, quelques mois apres, se deliura d'un beau filz, lequel fut des lors appelé *Theseus*, comme aucuns ont uoulu dire, à cause de ces enseignes de recognoissance, que son pere auoit posees dessoubz la pierre. Toutefois il y en a d'autres qui escriuent, que ce fut depuis à *Athenes*, quand son pere le recogneut, & l'aduoua pour son filz: mais ce pendât es premiers ans de sa ieunesse, estât nourry en la maison de son grand pere *Pitheus*, il eut un maistre & gouuerneur appelé *Connidas*, en l'honneur duquel les *Atheniens* iusques au iourd'huy sacrifient un mouton le iour de deuant la grande feste de *Theseus*, honorâs avec meilleure raison la memoire de ce gouuerneur, que d'un *Silanion*, & d'un *Parrhasius*, ausquelz ilz font honneur aussi, pourautât qu'ilz peingnirent & moulerét des images de *Theseus*.
- C** Or estoit encore la coustume pour lors en la Grece, que les ieunes homes, au sortir de leur enfance, alloient en la uille de *Delphes* offrir partie de leurs cheueux au temple d'*Apollo*. *Theseus* y alla comme les autres: & dit on que le lieu ou se faisoit la cerimonie de ceste offrade, en a iusques au iourd'huy retenu le nom, car il s'appelle encores à present *Theseia*: mais il ne fait raire que
- D** le deuant de sa teste seulement, ainsi comme *Homere* dit que les *Abantes* se rondoient anciennemēt: & fut ceste sorte de tonsure appelée *Theseide*, pour l'amour de luy. Et quant aux *Abantes*, ilz ont ueritablement esté les premiers qu'ilz se font ainsi faict rondre: mais ilz ne l'auoiēt pas appris des Arabes, cōme quelques uns ont estimé, ny ne le faisoient pas à l'imitation des *Myfiens*: ains le faisoient pour ce que c'estoient hommes belliqueux & hardiz, qui ioignoient de pres leur ennemy en bataille, & sur toutes gens du monde sçauoient bien combattre le pied ferme à coups de main: ainsi comme le poëte *Archilochus* le resmoigne en ces uers,

- E** I lz n'usent point de fondes en bataille,
N y d'arcs aussi, mais d'estoc & de taille.
Q uand Mars sanglant sur la pleine mortelle
V a commenceant sa meslee cruelle:
A lors font ilz maint exploit inhumain,
E n combatant d'espees main à main:
C ar ouuriers de telle escrime font
L es belliqueux hommes de *Negrepont*.

La cause pour laquelle ilz se faisoient ainsi tondre par deuant, estoit, à fin que

leurs ennemis ne les peussent prendre par les cheueux en combatant, comme pour la mesme consideration, Alexandre le grand commanda aussi à ses capitaines, qu'ilz feissent raire les barbes aux Macedoniens: à cause que c'est la plus aisee prise, & plus à la main, que lon sçauroit auoir sur son ennemy en combatant, que de le saisir à la barbe. Mais pour retourner à Theseus, Æthra sa mere, tout le temps au parauant luy auoit celé qui estoit son uray pere: & Pitheus auoit faict courir le bruit qu'il estoit engendré de Neptune, pour autant que les Trœzeniens ont ce dieu en grande reuerence, & l'adorent comme patrô & protecteur de leur uille, luy faisans offrade de leurs premiers fruiçts: & si ont pour la marque de leur monnoye, le trident, qui est une fourché à trois fourchons, l'enseigne de Neptune: mais arriué qu'il fut aux premiers ans de sa ieunesse, & qu'il monstra avec la force de corps auoir une grandeur de courage, ioincte à une prudence naturelle & à un sens raffis, adonc sa mere le mena au lieu ou estoit la grosse pierre creuse, & luy declairât au uray le faict de sa naissance, & par qui il auoit esté engendré, luy fait prédre les enseignes de recognoissance que son pere y auoit cachees, & luy conseilla de s'en aller par mer deuers luy à Athenes. Theseus soubleua facilement la pierre, & prit ce qui estoit deffoubs: mais il respondit franchement, qu'il n'y iroit point par mer, cōbien que ce fust de beaucoup le plus seur, & que sa mere & son ayeul l'en priaissent fort instamment, à cause que le chemin pour aller par terre de Trœzene à Athenes estoit bien d'agereux, à raison des brigāds & uoleurs qu'il y auoit par tout. Car ce siecle la porta des hommes qui en force de bras, legereté de piedz, & puissance uniuerselle de toute la personne, surpassoient grandement l'ordinaire des autres, & ne se lassoient iamais pour quelque trauail qu'ilz prissent: mais ilz n'employoient ces dons de nature à nulle chose hōneste ny profitable, ains prenoient plaisir à oultrager uillainement & arrogamment les autres, comme si tout le fruiçt de leurs forces extraordinaires eust consisté en cruaulté & inhumanité seulement, & à pouuoir tenir en subiection, forcer, perdre & gaster, tout ce qui tumboit en leurs mains: estimans que la plus part de ceulx qui louent la honte de mal faire, la iustice, l'equite, & l'humanité, le font par foiblesse de cuer, pource qu'ilz n'ozent faire tort à autrui de peur que lon ne leur en face à eux mesmes: & pourtant, que ceulx qui par force pouuoient auoir auantage sur les autres, n'auoyent que faire de toutes ces qualitez la. Or de ces meschans hommes la, Hercules allant par le monde en ostoit & faisoit mourir aucuns: les autres, pendant qu'il passoit par les lieux ou ilz se tenoient, se cachotent de peur, & se tiroient arriere, tellement que Hercules uoyant qu'ilz estoient ainsi abbaissez & humiliez, ne faisoit plus compte de les poursuiure d'auantage: mais quand la fortune luy fut aduenue qu'il eut occis de sa propre main Iphytus, & qu'il s'en fut allé oultre mer au pais de Lydie, là ou il seruit longuement la Royne Omphale, se condamnant luy mesme à ceste peine uoluntaire, pour le meurtre qu'il auoit commis: tout le royaume de la Lydie, pendant qu'il y fut, demeura en grande paix & en grande seureté de telle maniere de gens: mais en la Grece, & aux enuirs d'icelle, ces meschancetez commencerent de rechef à se renoueller, & à se ressourdre plus que iamais, pource qu'il n'y auoit plus personne qui les chastiait, ny qui les ostaat de ce monde: à l'occasion dequoy, le chemin pour aller du Peloponese à Athenes, par terre, estoit fort dangereux. Et à ceste cause Pitheus racontant à Theseus, quelz estoient les brigāds qui tenoient ce che-

A min la, & les oultrages & uiolences qu'ilz faisoient aux passans, taschoit à luy persuader, qu'il feist plus tost ce uoyage par mer: mais il y auoit long temps, à mon aduis, que la gloire des faictz renommez de Hercules luy auoit secrettement enflammé le cueur, de maniere qu'il ne faisoit compte que de luy, & escoutoit tres affectueusement ceulx qui alloient recitant quel homme c'estoit, mesmement ceulx qui l'auoient ueu, & qui auoient esté presens quand il auoit dit ou fait aucune chose digne de memoire: car alors donnoit il manifestement à cognoistre, qu'il souffroit la mesme passion en son cueur, que Themistocles long temps depuis souffrit, quand il dist, que la victoire & le trophée de Miltiades ne le laissoit point dormir. Car aussi l'admiration grande, en laquelle Theseus auoit la uertu de Hercules, faisoit que la nuit il ne songeoit que de ses gestes, & le iour la ialousie de sa gloire le poignoit du desir d'en faire quelque fois autant, avec ce qu'ilz estoient proches parents, comme ceulx qui estoient enfans de deux cousines germaines: car Æthra estoit fille de Pitheus, & Alcmena la mere de Hercules fille de Lysidice, laquelle estoit sœur germaine de Pitheus, tous deux enfans de Pelops & de sa femme Hippodamia. Si pensa que ce seroit chose hôteuse & insupportable à luy, que Hercules fust allé ainsi par tout le monde, cherchant les meschans pour en nettoier la mer & la terre, & que luy, au contraire, fust l'occasion de combattre ceulx qui se presentoient en son chemin: en quoy faisant il deshonoreroit celuy que l'opinion commune & le bruit du peuple disoit estre son pere, si en fuyant l'occasion de combattre, il se faisoit mener par mer, & porteroit à son uray pere, pour se faire recognoistre, des souliers, & une espee nō encore taincte de sang: là ou plus tost il deuoit chercher matiere de faire cognoistre incontinent, par la marque euidente de quelques beaux faicts d'armes, la noblesse du sang dont il estoit issu. En telle deliberation se meit Theseus en chemin, proposant bien de n'oultrager personne, mais bien de se defendre & reuenger de ceulx qui entreprendroient de l'affaillir. Le premier doncques qu'il desfeit fut un uoleur nommé Periphetés, dedans le territoire de la uille d'Epidaure. Ce uoleur portoit ordinairement pour son baston une massue, & à ceste cause estoit communement surnommé Corynetés, c'est à dire, le porteur de massue. Si meit le premier la main sur luy pour le garder de passer, mais Theseus le combatit, de sorte qu'il le tua: dont il fut si aise, mesmement d'auoir gagné sa massue, que depuis il la porta tousiours luy mesme, ne plus ne moins que Hercules portoit la peau du lion: & tout ainsi que celle des pouille du liō, tesmoignoit la grādeur de la beste que Hercules auoit occise: aussi Theseus alloit par tout monstrant que ceste massue, qu'il auoit conquise des mains d'un autre, estoit imprenable entre les sienes. Passant plus oultre dedās le destroiēt du Peloponese, il en d'esfeit un autre nōmé Sinnis, & surnommé Pityocamptés, c'est à dire, ployeur de pins, & le desfeit tout en la mesme sorte qu'il auoit faict mourir plusieurs passans, nō qu'il l'eust auparavant appris, nē qu'il se fust exercité à ce faire, mais faisant ueoir par effect, que la uertu seule peult plus que ne faict tout artifice, ne toute exercitation. Cestuy Sinnis auoit une tresbelle & grande fille nommee Perigoune, laquelle s'enfuit quand elle ueit son pere occis: & Theseus l'alloit cherchant ça & la, mais elle festoit iettée dedans un boscaige, ou il y auoit force ruche, & force asperges fauluaiges, qu'elle prioit fort simplement, en enfant, comme filz eussent eu sens de l'entendre, leur promettant avec serment, que filz la

Theſeus.

cachotent & couuroient ſi bien qu'elle ne peult eſtre trouuee, iamais elle ne
les couperoit, ny ne les bruleroit. Theſeus l'appella, & luy iura ſa foy, qu'il
la traitteroient bien, & ne luy feroit mal ne deſplaiſir quelcōque: ſur laquelle
promette elle ſortit du buiſſon, & coucha auecques luy, dont elle conceut un
bel enfant, qui eut nom Menalippus. Depuis Theſeus la donna en mariage à
un nommé Deioneus filz de Eurytus Oechalien. De ce Menalippus filz de
Theſeus naquit Ioxus, lequel auec Ornitus mena des gens au païs de la Ca-
rie, ou il baſtit la uille des Ioxides: & de là uient, que ces Ioxides obſeruent
encores aujourdhuy ceſte ancienne cerimonie, de ne brulſer iamais l'eſpine
des aſperges, ny la rouches, ains les ont en quelque honneur & reuerence.
Quant à la Laie Crommyene que lon appelloit autrement Phæa, c'eſt à dire
Bure, ce n'eſtoit point une beſte dōt on deult faire peu de compte, ains eſtoit
courageuſe, & biē mal aiſee à tuer: Theſeus neātmoins l'attendit, & la tua en
paſſant chemin, à fin qu'il ne ſemblait au mōde, qu'il feiſt toutes les uail-
lances qu'il faiſoit, pour ce qu'il y fuſt contraint par neceſſité: ioinct auſſi qu'il
auoit opinion, que l'homme de bien doit combattre contre les hommes pour
ſe defendre ſeulement des meſchans, mais qu'il doit aſſaillir, & courir ſus, le
premier, aux beſtes ſauuages & mal faiſantes. Toutefois les autres ont eſcrit
que ceſte Phæa eſtoit une brigande, meurtriere, & abandonnee de ſon corps,
laquelle deſtrouſſoit ceulx qui paſſoiēt par aupres du lieu appellé Crōmyon,
ou elle ſe tenoit: & qu'elle fut ſurnommee Laie, pour ſes meurs deſhonneſtes
& ſa meſchante uie, pour laquelle finalement elle fut tuee par Theſeus. Apres
celle là il deſfeit Scirron à l'entree du territoire de Megare, pource qu'il deſ-
trouſſoit les paſſans, ainſi que le tient la plus commune opinion: ou bien,
ainſi que des autres diſent, pource que par une oultrageuſe mauuaistiē, & un
plaiſir deſordonné, il tendoit ſes piedz à ceulx qui paſſoient par là le long de
la marine, & leur cōmandoit de les luy lauer: puis quād ilz ſe cuidoient baiſ-
ſer pour ce faire, il les pouſſoit à coups de piēd, tāt qu'il les faiſoit treſbucher
en la mer: & Theſeus l'y ietta luy meſme du hault en bas des rochers. Tou-
tefois les hitoriens de Megare cōtredifans à la publique renommee, & uoulās,
cōme dit Simonides, combattre la preſcription du long temps, maintien-
nent que ce Scirron ne fut oncques ne brigand ne meſchant, ains plus toſt
perſecuteur des mauuais, & amy & allié des plus gens de bien, & plus iuſtes
hommes de la Grece: car il n'y a perſonne qui ne confeſſe, que Æacus a eſté le
plus ſainct homme de ſon temps, & que Cychreus Salaminien eſt honoré &
reueré cōme un Dieu à Athenes: & ſi n'y a homme qui ne ſache auſſi, que
Peleus & Telamon ont eſté gens de ſinguliere uertu. Or eſt il certain que ce-
ſtuy Scirron fut gēdre de Cychreus, beau pere d'Æacus, & grand pere de Pe-
leus & de Telamon, qui tous deux furent enfans de Endeide fille dudit Scir-
ron & de ſa femme Chariclo. Si n'eſt pas urayſemblable, que tant de gens
de bien euſſent uoulu auoir alliance avec un ſi malheureux homme, en pre-
nant de luy & luy donnant ce que les hommes ont le plus cher en ce monde:
& pourtant diſent ces hitoriens, que ce ne fut pas à la premiere fois que The-
ſeus alla à Athenes, qu'il tua Scirron, mais que ce fut depuis, quand il prit la
uille d'Eleuſine que les Megariens tenoient alors, là ou il trompa le gouuer-
neur de la uille nommé Diocles, & y feit mourir Scirron. Voyla les oppoſi-
tions que les Megariēs alleguent à ce propos. Il tua auſſi en la uille d'Eleuſine
Cercyon Arcadien en luctant cōtre luy. Et tirant un peu plus oultre, deſfeit
en la

A en la uille d'Hermione Damastes, qui autrement estoit surnomé Procrustes: & ce, en le faisant egaler à la mesure de ses lits, cōme luy auoit accoustumé de faire aux estrāgers passans. Cela faisoit Theseus à l'imitation de Hercules, lequel punissoit les tyrās de la mesme peine qu'ilz auoiēt faict souffrir à d'autres. Car ainsi sacrifia il Busiris: ainsi estouffa il Antheus à la lucte: ainsi feit il mourir Cycnus en combatant à luy d'homme à homme: ainsi rompit-il la teste à Termerus, dont est encore iusques aujourdhuy demouré le prouerbe du mal Termerien, pource que ce Termerus auoit accoustumé de faire ainsi mourir ceulx qu'il rencontroit, en les choquant de sa teste contre la leur. Au cas pareil Theseus alloit punissant de mesme les meschans, en leur faisant

B endurer iustement les mesmes tourmens qu'ilz auoient les premiers faict endurer iniustement à d'autres: & poursuivit ainsi son chemin iusques à ce qu'il arriua à la riuere de Cephissus, là ou quelques uns de la maison des Phytalides furent les premiers qui luy allerent par honneur au deuant, & à sa requeste le purifierēt selon les cerimonies accoustumées en ce temps là: puis aiant faict aux Dieux un sacrifice de propitiation, le festoierent en leurs maisons, & fut le premier bon recueil qu'il trouua en tout son chemin. Lon tient qu'il arriua en la uille d'Athenes le huietieme iour du mois de Iuin, que lon appelloit alors Cronius. Si trouua la chose publique troublee de seditions, partialitez & diuisions; & particulièrement la maison d'Ægeus en mauuais termes aussi, à cause que Medee aiant esté banie de la uille de Corinthe s'estoit

C retirée à Athenes, & se tenoit avec Ægeus, auquel elle auoit promis de luy faire auoir des enfans par la uertu de quelques medicines: mais aiant senty le uent de la uenue de Theseus, premier que le bon homme Ægeus, qui estoit ia uieil, sospeçoneux, & se desfiant de toutes choses, pour les grandes partialitez qui regnoient dedās la uille, sceut qui il estoit, elle luy persuada de l'empoisonner en un banquet, que lon luy feroit comme à un estranger passant. Theseus ne faillit pas d'aller à ce banquet, ou il estoit conuié: mais aussi ne trouua il pas bon de se descourir soy mesme, ains uoulant donner à Ægeus

D matiere & moien de le recognoistre, quand on apportā la viande sur la table il desguaina son espee, comme s'il en eut uoulū trencher, & la luy monstra. Ægeus tout soudain la recogneut, & incontinent renuersa la coupe ou estoit le poison que lon auoit appresté pour luy bailler. Puis apres l'auoir enquis & interrogé, l'ambrassa: & depuis, en publique assemblee de tous les habitans de la uille, declaira, qu'il l'aduouoit pour son filz. Tout le peuple le receut à grande ioye, pour le renom de sa prouesse: & dit on que quād Ægeus renuersa la coupe, le poison qui estoit dedans tumba au lieu, ou il y a maintenant un certain pourpris renfermé tout à l'entour dedans le temple que lon appelle Delphinium. Car en cest endroict la estoit anciennement la maison d'Ægeus: en tesmoignage dequoy lon appelle encores aujourdhuy l'image de Mercure, qui est au costé de ce temple regardant uers le soleil leuant, le

E Mercure de la porte d'Ægeus. Mais les Pallantides qui parauant auoiēt tousiours esperé de recouurer le royaume d'Athenes, à tout le moins apres la mort d'Ægeus, pource qu'il n'auoit point d'enfans, quand ilz ueirent que Theseus estoit recogneu & aduoué pour son filz, heritier, & successeur au royaume, alors ne pouuans plus supporter, que non seulement Ægeus, qui n'estoit que filz adoptif de Pandion, & ne tenoit rien au sang royal des Erechtheides, eust usurpé le royaume sur eulx, ains que Theseus encore l'occupast, ilz resolurent

Theseus.

de leur faire la guerre à tous deux, & s'estans diuisez en deux troupes, les uns F
uinrent tout ouuertement en armes, avec leur pere, droit à la uille: les autres
se meirent en embusche au bourg de Gargettus, en intention de les assaillir
par deux costez. Or auoiēt ilz quād & eulx un herault natif du bourg d'Agnus
nommé Leos, qui descouurit à Theseus le desseing de toute leur entrepri-
se. Theseus en estant aduerty, alla incontinent charger ceulx qui estoient en
embusche, & les meit tous au fil de l'espee: ce qu'entendans les autres, qui e-
stoient à la troupe de Pallas, se desbanderent aussi tost & s'escarterent ça & la:
d'ou uient, à ce que lon dit, que ceulx du bourg de Pallene ne font iamais allia-
ce de mariage avec ceulx du bourg d'Agnus: & qu'en leur bourg, quand on
faict quelque cry public, iamais on ne dit les paroles que lon dit ailleurs par G
tout le pais de l'Attique, Acoueté Leos, qui ualent autant à dire cōme, Or oyez
peuple: tant ilz ont en grande haine ce mot de Leos, pour la trahison que leur
fait le herault qui s'appelloit ainsi. Cela faict, Theseus qui ne uouloit pas de-
meurer sans rien faire, & quand & quand desiroit gratifier au peuple, se partit
pour aller cōbatre le taureau de Marathon, lequel faisoit beaucoup de mau-
lx aux habitans de la contree de Tetrapolis: & l'ayant pris uif, le passa à trauers
la uille, à fin qu'il fust ueu de tous les habitans, puis le sacrifia à Apollo sur-
nommé Delphinien. Or quant à Hecale, & à ce que lon compte qu'elle le lo-
gea, & du bon traitement qu'elle luy fait, cela n'est pas du tout hors de ue-
riré: car anciennement les bourgs & uillages de la autour s'assembloient, & H
faisoient un commun sacrifice, qu'ilz appelloient Hecalesion, en l'hōneur de
Iupiter Hecalien, là ou ilz honoroient ceste uieille, en l'appellār par un nom
diminutif, Hecalene, pour autant que quand elle receut en son logis Theseus
qui estoit encore fort ieune, elle le salua & caressa ainsi par noms diminutifs,
comme les uieilles gens ont accoustumé de faire feste aux ieunes enfans: &
pource qu'elle auoit uoué à Iupiter de luy faire un sacrifice solennel si The-
seus retournoit sain & sauf de l'affaire ou il alloit, & qu'elle estoit morte a-
uant son retour, elle eut en recompense de la bonne chere qu'elle luy auoit
faicte, l'honneur que nous auons dit, par le cōmandement de Theseus, ainsi
cōme l'a escrit Philochorus. Peu de temps apres cest exploit, uindrēt de Can- I
die les gens du Roy Minos, demander pour la troizieme fois, le tribut que
payoient ceulx d'Athenes pour telle occasion. Androgeos filz aîné du Roy
Minos fut occis en trahison dedans le pais de l'Attique, à raison de quoy Mi-
nos poursuiuant la uengeance de ceste mort, fait la guerre fort aspre aux A-
theniens, & leur porta beaucoup de dommage: mais oultre cela les Dieux en-
core persecuterent & affligerent fort durement tout le pais, tant par sterilité
& famine, que par pestilences & autres mau-
lx, iusques à faire tarir les riuieres.
Quoy uoiant ceulx d'Athenes, recoururent à l'oracle d'Apollo: lequel leur
respondit, qu'ilz appaisassent Minos, & quand ilz seroient reconciliez avec
luy, que l'ire des Dieux cesseroit aussi encontre eulx, & leurs afflictions pren- K
droient fin. Si enuoyerent incontinent ceulx d'Athenes deuers luy, & le re-
quirent de paix: laquelle il leur ottoia, sous condition, que l'espace de neuf
ans durans ilz seroient tenus d'enuoyer chascun an en Candie, par forme de
tribut, sept ieunes garçons, & autant de ieunes garfes. Or iusques icy tous les
historiens sont bien d'accord: mais au demeurant, non: & ceulx qui semblent
s'esloigner le plus de la uerité, comptent que quand ces ieunes garçons estoient
arriuez en Candie, on les faisoit deuorer par le Minotaure dedans le Labyrin-
the,

A the, ou bien que lon les enfermoit dedans ce Labyrinthe, & qu'ilz y alloient errans ça & là, sans pouuoir trouuer issue pour en sortir, iusques à ce qu'ilz y mouroïent de male faim, & estoit ce Minotaure, ainsi q̄ dit le poëte Euripides,

V n corps melle, un monstre aiant figure

D e taureau ioinct à humaine nature.

Mais Philochorus escrit, que ceulx de Candie ne confessent point cela, ains disent que ce Labyrinthe estoit une geole, en laquelle il n'y auoit autre mal, sinon que ceulx qui y estoient enfermez n'en pouuoient sortir: & que Minos en memoire de son filz Androgeos auoit institué des festes & ieux de pris, là ou il donnoit à ceulx qui y emportoient la uictoire, ces ieunes enfans Athe-

B niens, lesquelz ce pendant estoient soigneusement gardez dedans la geole du Labyrinthe, & qu'aux premiers ieux l'un des capitaines du Roy nommé Taurus, qui auoit le plus de credit autour de son maistre, gagna le pris. Cetuy Taurus fut homme rebours & malgratieux de nature, qui traitta fort du-

rement & superbement ces enfans d'Athenes: & qu'il soit uray, le philosophe mesme Aristote parlant de la chose publique des Bottieiens, monstre bien qu'il n'estimoit pas que Minos eust oncques faict mourir les enfans des Atheniens, ains dit qu'ilz uieillissoient en Candie, gagnas leurs uies à seruir pau-

C res à Appollo en la uille de Delphes, & que parmy eulx se messerent aussi ceulx qui estoient descenduz de ces anciés prisonniers d'Athenes, & s'en allerent quand & eulx. Mais pource qu'ilz n'y peurent pas uiure, ilz dresserent leur chemin premierement en Italie, là ou ilz demourerent quelque temps en la prouince de la Pouille, & que depuis ilz se transporterent encore de là es marches de la Thrace, là ou ilz eurent ce nom de Bottieiens: en memoire de quoy, les filles Bottieienes en un solénel sacrifice qu'elles font, ont accoustumé de chanter ce refrain, Allons à Athenes. Mais à cela peult on ueoir, combien il faict dangereux encourir la malueillance d'une uille qui sçait bien parler, & ou les lettres & l'eloquence florissent. Car depuis ce temps la Minos a esté

D tousiours diffamé & iniurié par les theatres d'Athenes, & ne luy a serui de rié le tesmoignage d'Hesiodus qui l'appelle trespassez Roy, ny la recommandation d'Homere qui le nomme familier amy de Iupiter, pource que les poëtes tragiques gaignerent, nonobstant le dessus: & du chafault, ou se iouoient leurs tragedies, espandirēt tousiours plusieurs paroles iniurieuses, & atteintes diffamatoires cōtre luy, comme à l'encontre d'un homme qui auroit esté cruel & inhumain, quoy que lon tienne communement, que Minos en l'autre monde soit le Roy qui a estably les loix des trespassez, & Radamanthus le iuge qui les faict obseruer. Estât dōcques le terme escheut, qu'il falloit payer le tribut pour la troisieme fois, quand on uint à contraindre les peres qui a-

E uoient des enfans non encore mariez, de les bailler pour les mettre à l'aduēture du sort, les citoiens d'Athenes commencerent à murmurer de rechef contre Ægeus, alleguans pour leurs griefs, que luy qui auoit esté cause de tout le mal, estoit seul exempt de la peine: & que pour faire tumber le royaume es mains d'un sien bastard estranger, il ne se soulcioit point qu'ilz fussent eulx priuez & destiruez de leurs naturelz & legitimes enfans. Ces iustes doléances des peres à qui lon ostoit les enfans, perçoient le cueur à Theseus: lequel se uoulant soubmettre à la raison, & courir la mesme fortune que feroiēt

Theſeus.

F ses citoyens, l'offrit uoluntairement à y estre enuoyé sans attēdre l'aduenture du sort, dont ceulx de la uille estimerēt grandemēt la gentilleſſe de son courage, & l'aimerent singulierement pour l'affection qu'il monſtroit auoir à la communaulté: mais *Ægeus*, apres auoir eſſaié toutes ſortes de prieres & de remonſtrāces, pour le cuider diuertir de ce propos, à la fin uoiant qu'il n'y auoit ordre, tira au sort les autres enfans qui deuoient aller quād & luy. Toutefois *Hellanicus* eſcrit, que ce n'eſtoiet pas ceulx de la uille qui tiroient au sort les enfans que lon deuoit enuoyer, mais que *Minos* luy meſme y alloit en perſonne, qui les choiſſoit, comme lors il choiſit *Theſeus* le premier, ſoubz les conditions accordees entre eulx, c'eſt à ſçauoir que les Atheniens fourniroiēt de vaiſſeaux, & que les enfans ſ'embarqueroient quand & luy ſans porter au-
G
cun baſton de guerre, mais apres la mort du Minotaure, que la peine de ce tribut ceſſa. Or parauant n'y auoit il iamais eu eſperance quelconque de retour, ny de ſalut: & pourtant auoient touſiours les Atheniens enuoyé une nauire pour conduire leurs enfans avecques une uoile noire, en ſignifiāce de perte toute certaine. Toutefois pour l'eſperance que *Theſeus* donnoit à ſon pere, ſe faiſant fort, & promettant hardiment qu'il uiendrait au deſſus du Minotaure, *Ægeus* donna au pilote de la nauire une uoile blanche, luy ordonnāt qu'à ſon retour il tendiſt la uoile blāche, ſi ſon filz eſtoit eſchappé: ſinō, qu'il meiſt la noire, pour luy mōſtrer de tout loing ſon malheur. Toutefois *Simonides* dit, que ceſte uoile que *Ægeus* dōna au pilote n'eſtoit pas blanche, ains rou-
H
ge, taincte en graine d'eſcarlate: & qu'il luy bailla pour ſignifier de loing leur deliurance & ſalut. Ce pilote auoit nom *Phereclus* *Amarſyadas*, ainſi que dit *Simonides*: mais *Philochorus* eſcrit, que *Scirus* *Salaminien* dōna à *Theſeus* un pilote nōmé *Nauſitheus*, & un autre marinier pour gouuerner la prouē, qui auoit nom *Phēas*, à cauſe que les Atheniens pour lors n'eſtoiet point en-
I
core duits à la marine: & le ſeit ceſtuy *Scirus*, pourautāt que l'un des enfans ſur leſquelz tumba le sort, eſtoit ſon nepueu: de quoy font foy les chapelles que *Theſeus* edifia depuis en l'honneur de *Nauſitheus* & de *Phēas* au bourg de *Phalerus*, ioignant le temple de *Scirus*. Et ſi dit on, que la feſte que lon nōme *Cyberneſia*, c'eſt à dire, la feſte des patrons des nauires, ſe celebre en leur honneur. Apres donc que le sort euſt eſté tiré, *Theſeus* prenāt avec luy ceulx ſur qui il eſtoit tumbé, ſ'en alla du palais au temple nōmmé *Delphinion*, of-
K
frir à *Apollo* pour luy & pour eulx l'offrande de ſupplication, que lon nomme *Hiceteria*, qui eſtoit un rameau de l'oliue ſacrée entortillé à l'entour de laine blanche: & apres auoir faiēt ſa priere, deſcēdit ſur le bort de la mer pour ſ'embarquer le ſixieme iour du mois de *Mars*, auquel on enuoye encores au-
iourdhuy en ce meſme tēple de *Delphiniō* les ieunes filles, pour y faire leurs prieres & oraiſons aux Dieux: mais on dit que l'oracle d'*Apollo* en la uille de *Delphes* luy auoit reſpondu, qu'il print *Venus* pour ſa guide, & qu'il la reclamaſt pour le conduire en ſon uoiage: à l'occasion de quoy il luy ſacrifia une
cheure ſur le bort de la mer, laquelle on trouua ſ'eſtre ſoubdainement tour-
nee en un bouc, & que c'eſt la cauſe pour laquelle on ſurnomme celle deeſſe *Epitragia*, comme qui diroit, la deeſſe du bouc. Au reſte quand il fut arriué à *Candie*, il y tua le Minotaure, ainſi que la plus part des auteurs anciens l'e-
ſcrit, avec le moien que luy bailla *Ariadne*, laquelle eſtant deuenue amou-
reuſe de luy, luy donna un peloton de fil, à l'aide duquel elle luy enſeigna qu'il pourroit facilement iſſir des tours & deſtours du Labyrinthe: & diſent
qu'ayant

- A** qu'ayant occis le Minotaure, il s'en retourna dont il estoit party, emmenant quād & luy les autres ieunes enfans d'Athenes, & Ariadne aussi. Pherecidas dit d'auantage, qu'il brisa & gasta les quilles & carenes de tous les uaisseaux de Candie, à fin que lon ne les peust soubdainement poursuiure: & Demon escrit, que Taurus capitaine de Minos fut par Theseus occis dedans le port mesme, en combatant, ainsi comme ilz estoient tous prests à faire uoile. Toutefois Philochorus raconte que le Roy Minos ayant faict ouurir les ieux, ainsi qu'il auoit accoustumé tous les ans, en l'honneur & memoire de son filz, chascun commença à porter enuie à ce capitaine Taurus, pource que lon fattendoit bien qu'il en emporteroit encore le pris, comme il auoit faict es
- B** annees precedentes, avec ce que son auctorité le rendoit mal uoulu, à cause qu'il estoit homme superbe, & si le souspeçonnoit on qu'il entretenoit la Royne Pasiphaé. Parquoy quand Theseus uint à demander le combat contre luy, Minos le luy ottroya facilement. Et estant la coustume en Candie, que les dames se trouuoient aux esbatemens publiques, & assistoient à ueoir les ieux, Ariadne se trouuant à ceulx la, y fut esprise de l'amour de Theseus, le uoiant si beau, & si adroit à la lucte, qu'il surmōta tous ceulx qui se presenterēt pour lucter. Et le Roy mesme Minos fut si ioyeux de ce qu'il auoit osté l'honneur au capitaine Taurus, qu'il le renuoya franc & quitte en son païs, en luy rendant quand & quand les autres prisonniers Atheniens, & remettāt, pour l'amour de luy, à la uille d'Athenes ce tribut qu'elle luy deuoit paier. Mais Clidemus conte ces choses d'une autre & toute differente sorte, bien particulièrement, en recherchant le commencement de plus hault. Car il dit qu'il y auoit lors une ordonnance generale par toute la Grece, qui defendoit à toute maniere de gēs, de faire uoile en uaisseau ou il y eust plus de cinq personnes, excepté à lason seul, qui fut esleu capitaine de la grande nef d'Argo, avec cōmission d'aller ça & là, pour oster & chasser tous les courfaires & larrons escumans la mer: & que Dædalus s'en estant fōuy de Candie à Athenes dedans un petit bateau, Minos contre les defenses publiques, le uolūt poursuiure avec une flotte de plusieurs uaisseaux à rames, mais qu'il fut ietté par la tourmente
- D** en la coste de la Sicile, là ou il deceda. Depuis son filz Deucalion estant grieuement courroucé contre les Atheniens, les enuoya sommer de luy rendre Dædalus, ou autrement qu'il feroit mourir les enfans qui auoient esté baillez en ostage à Minos son pere: dequoy Theseus s'excusa, disant qu'il ne pouuoit abandonner Dædalus, attendu qu'il luy tenoit de si pres, comme d'estre son cousin germain, pource qu'il estoit filz de Merope fille d'Erechtheus: mais cēpédant il feit secrettemēt faire plusieurs uaisseaux, partie dedās l'Attique mesme, au bourg de Thymetades, arriere des grās chemins passans, & partie aussi en la uille de Træzene par l'entremise de son ayeul Pitheus, à fin que son entreprise en fust plus couuerte. Puis quand tout son equippage fut prest, il mōta sur mer, premier que les Candiots en fussent aucunemēt aduertiz: de sorte, que quād ilz le descouurirēt de loing, ilz cuiderēt que se fussent uaisseaux d'amis. Au moien dequoy, Theseus descendit en terre sans aucune resistance, & se saisit du port: puis, ayant Dædalus & les baniz de Cādie pour guides, entra iusques dedans la uille mesme de Gnose, là ou il desfeit en bataille Deucaliō, deuant les portes du Labyrinthe, avec tous ses gardes & satellites, & par ce moien fallut que Ariadne sa sœur print les affaires du royaume en main. The
- E** feus feit appointment avec elle, & retira les ieunes garçons d'Athenes, qui

Theseus.

estoyent detenuz en ostage, remettant en bonne paix, amitié & concorde les Atheniens avec les Candiots:lesquelz promirent & iurerēt, que iamais ilz ne leur commenceroient la guerre. On compte encore beaucoup d'autres choses sur ce propos, mesmemēt d'Ariadne, mais il n'y a rien d'asseuré ny de certain: car aucuns disent que Ariadne se pendit de douleur, quand elle se ueit abandonnee par Theseus:les autres escriuent qu'elle fut menee par les marini-ers en l'isle de Naxos, là ou elle fut mariee à Oenarus le prebstre de Bacchus,& tiennent que Theseus la laissa, pource qu'il en aimoit une autre.

C ar il aimoit Egle Nymphe gentille,
L a quelle estoit de Panopeus fille.

Hereas Megarien dit que ces deux uers estoient anciennement entre les uers du poëte Hesiodus, mais que Pisistratus les en osta: comme aussi adiousta il ces deux autres icy à la description des enfers en Homere, pour gratifier aux Atheniens:

P irithous & Theseus enfans

D es immortelz en armes triumpfans.

Les autres tiennent qu'Ariadne eut deux enfans de Theseus, l'un desquelz eut nom Oenopion, l'autre Staphylus: & l'escriit ainsi entre les autres le poëte Ion natif de l'isle de Chio, lequel parlant de sa uille dit ainsi:

Oenopion du preux Theseus filz,

B astir iadis nostre uille tu feis.

Or quant à ce qu'il s'en lit le plus honnestes fables des poëtes, il n'y a personne qui ne le chante, par maniere de dire: mais un Pænon natif de la uille d'Amathunte le recite d'une sorte toute diuerse des autres, disant que Theseus fut ietté par une tourmente en l'isle de Cypre, aiant quand & luy Ariadne qui estoit enceinte, & si trauaillee de l'agitation de la mer, qu'elle n'en pouuoit plus, tellement qu'il fut contraint de la mettre à terre, & que depuis il r'entra dedans sa nauire pour la cuider defendre contre la tourmente, mais qu'il fut de rechef ietté loing de la coste en pleine mer par la uiolence des uents. Les femmes du pais recueuillirent humainement Ariadne, & pour la reconforter (à cause qu'elle se desconforta merueilleusement, quand elle se ueit ainsi abandonnee) elles contrefirent des lettres comme si Theseus les luy eut escrites, & quand elle fut preste à se deliurer de son enfant, elles feirent tout deuoir de la secourir: mais toutefois elle mourut en trauail, sans iamais s'en pouuoir deliurer, & fut inhumee honorablement par les dames de Cypre. Theseus un peu apres y retourna, qui fut fort desplaissant de ceste mort, & laissa de l'argent à ceulx du pais pour luy sacrifier par chascun an: & en memoire d'elle fait fondre deux petites statues, l'une de cuyure, & l'autre d'argent, qu'il luy dedia. Ce sacrifice se fait le deuxieme iour de Septembre, auquel on observe encore ceste cerimonie, que lon couche un ieune garson dessus un liēt, lequel crie, & se plaint ne plus nemoins que font les femmes en trauail d'enfant: & si dit que les Amathusiens appellent encore le boscaige auquel est sa sepulture, le bois de Venus Ariadne. Encores y a il des Naxiens qui le racomptēt autrement, disans qu'il y a eu deux Minos, & deux Ariadnes, dont l'une fut mariee à Bacchus en l'isle de Naxos, de laquelle nasquit Staphylus, l'autre plus ieune fut rauie & enleuee par Theseus, lequel puis apres l'abandonna, & elle se retira en l'isle de Naxos avec sa nourrice nommee Corcyne, de laquelle on y monstre encores aujourd'hui la sepulture. Ceste seconde A-

riadne

A riadne y mourut aussi, mais elle n'eust pas de telz honneurs apres sa mort cōme la premiere, pource qu'ilz celebrent la feste de la premiere en toute reiouissance & toute liesse, là ou les sacrifices qui se font en memoire de ceste seconde, sont entremeslez de dueil & de tristesse. Theseus donc partant de l'isle de Cădie uint descendre en celle de Delos, ou il sacrifia au temple d'Apollo, & y donna une petite image de Venus, qu'il auoit euë d'Ariadne: puis avec les autres ieunes garçons qu'il auoit deliurez, dansa une maniere de dance que les Deliens gardent encores auiourdhuy, comme lon dit: en laquelle y a plusieurs tours & retours, à l'imitation des tournoyemens du Labyrinthe: & appellēt les Deliens ceste sorte de brāsle, la Grue, ainsi que dit Dicæarchus:

B & la dansa Theseus premierement à l'entour de l'autel qui s'appelle Ceraton, c'est à dire, faict de cornes, pour autāt qu'il est composé de cornes seulement, toutes du cousté gauche si biē entrelassees ensemble, sās autre liaison, qu'elles fōt un autel. On dit aussi qu'il feit en ceste mesme isle de Delos, un ieu de pris, auquel fut premieremēt donné au uainqueur la branche de palme, pour loier de la uictoire: mais quād ilz approcherēt de la coste d'Attique, ilz furent tant espris de ioye luy & son pilote, qu'ilz oublierent de mettre au uent la uoile blanche, par laquelle ilz deuoiet donner signifiāce de leur salut à Ægeus. Lequel uoiant de loing la uoile noire, & n'esperāt plus de reuoir iamais son filz, en eut si grād regret, qu'il se precipita du hault en bas d'un rocher, & se tua. Si tost que Theseus fut arriuē au port de Phalerus, il saquitra des sacrifices qu'il auoit uouez aux Dieux à son partement, & enuoia deuāt uers la uille un sien herault porter la nouuelle de sa uenue. Le herault trouua plusieurs en la uille, qui samētoient la mort du Roy Ægeus, & plusieurs autres aussi qui le receurent à grand ioye, comme lon peut penser; & le uolurent couronner de chappeaux de fleurs, pour leur auoir apporté de si bonnes nouuelles, que les enfans de la uille estoient retournez à sauueté. Le herault receut bien les chappeaux de fleurs, mais il ne les uolut pas mettre sur sa teste, ains les meit à l'entour de sa uerge de herault qu'il portoit en la main, puis s'en retourna uers la mer, là ou Theseus faisoit ses sacrifices: & uoiant qu'il n'auoit pas encore acheué, ne uolut point entrer dedans le temple, ains demoura dehors, à fin de ne troubler les sacrifices: puis quand toutes les cerimonies furent acheuees, alors il luy alla dire les nouuelles de la mort de son pere: & adonc luy, & ceulx qui estoient en sa compagnie, demenans grand dueil, tirerent en diligence uers la uille. C'est la raison pourquoy iusques auiourdhuy, en la feste que lon nomme Oschophoria, comme qui diroit, la feste des rameaux, le herault n'y a point la teste couronnee de fleurs, ains l'est sa uerge seulement: & aussi pourquoy les assistās, apres que le sacrifice est paracheué, font de telles exclamations, Ele-leuf, iou iou: dont la premiere est le cry & la uoix dont usent ordinairement ceulx qui s'entredonnent courage l'un à l'autre pour se haster, ou bien est le refrain d'un chant de triumphe: & l'autre est le cry & la uoix de gens effroiez, ou bien affligez. Apres auoir faict les obseques de son pere, il saquitra enuers Apollo des sacrifices qu'il luy auoit uouez le septieme iour du mois d'Octobre, auquel ilz arriuerent de retour en la uille d'Athenes. Ainsi la coustume que lon garde iusques auiourdhuy, de faire cuire à tel iour des legumages, uient de ce que ceulx qui retournerēt lors avec Theseus, feirent cuire dedans une marmite tout ce qui leur estoit demouré de uiures, & en banquetterent ensemble. Aussi en est procedee l'usance de

Theseus.

porter la branche d'oliue entortillee de laine, que l'on appelle Iresione, pource que lors ilz porterent aussi le rameau de supplication, comme nous auons dit par cy deuant: & y attache lon à l'entour toutes sortes de fruiçts, pource que lors cessa la sterilité, ainsi que tesmoignent les uers que lon ua chantant apres:

A pportez luy de bon pain sauoureux,
F igues aussi, & du miel amoureux,
D e l'huile à soindre, avec pleine tasse
D e bon uin pur, qui endormir la face.

Toutefois il y en a qui ueulent dire, que ces uers furent faicts pour les Heraclides, c'est à dire, les descendans de Hercules, lesquelz festans retirez en la sauuegarde des Atheniens, furent par eulx ainsi nourriz quelque temps: mais la plus grande part tient, qu'ilz furent faicts pour l'occasion que nous auons ditte. Le uaisseau sur lequel Theseus alla & retourna, estoit une galiotte à trente rames, que les Atheniens garderent iusques au temps de Demetrius le Phalerien, en ostant tousiours les uieilles pieces de bois, à mesure qu'elles se pourrissoient, & y en remettant des neuues en leurs places: tellement que depuis, es disputes des philosophes touchant les choses qui faugmentent, à sçauoir si elles demeurent unes, ou si elles se font autres, ceste galiotte estoit tousiours alleguee pour exemple de doubte, pource que les uns maintenoient que c'estoit un mesme uaisseau, les autres, au contraire, soustenoient que non: & tient on que la feste des rameaux, que lon celebre à Athenes encores auourd'hui, fut lors premierement instituee par Theseus. On dit d'auantage qu'il ne mena pas toutes les filles, sur lesquelles estoit tumbé le sort, ains choisit deux beaux ieunes garçons, qui auoient les uisages doux & delicats comme pucelles, combien qu'ilz fussent au demeurant hardiz & prompts à la main: mais il les feit tant baigner en bains chauds, tenir à couuert sans sortir au halle ny au Soleil, tant lauer, oindre & frotter d'huiles qui seruent à attendrir le cuir, à garder le tainct frais, & à blondir les cheueux: & leur enseigna tant à contrefaire la parole, la contenance & la façon des ieunes filles, qu'ilz le sembloient estre plus tost que ieunes garçons, pource qu'il n'y auoit rien de difference que lon eust peu au dehors appercevoir, de sorte qu'il les mella parmy les autres filles, sans que personne y cogneust rien. Puis quād il fut de retour, il feit une procession, en laquelle luy & les autres ieunes garçons s'habillerent ainsi que le font auourd'hui ceulx qui portēt les rameaux au iour de la feste: & les porte lon en l'honneur de Bacchus & d'Ariadne, suiuant la fable que l'on en compte: ou plus tost, à cause qu'ilz retournerent iustement au temps & en la saison que lon cueuille les fruiçts des arbres: & y a des femmes que lon appelle Dipnophores, c'est à dire, portans à soupper, lesquelles assistent & participent au sacrifice qui se faict ce iour la, en representant les meres de ceulx sur qui le sort estoit tumbé, pource qu'elles leur apportèrent ainsi à boire & à manger: & y compte lon des fables, pource que ces meres feirent aussi des comptes à leurs enfans, pour les reconforter, & leur dōner bon courage. L'historien Demon a escrit toutes ses particularitez. Il fut d'auantage choisy lieu pour luy bastir un temple, & luy mesme ordonna, que les maisons qui auoient païé es annees precedentes le tribut au Roy de Candie, cōtribuassent tous les ans à l'aduenir aux fraiz d'un solennel sacrifice, qui se feroit en son honneur: & en dōna l'administration

- A** à la maison des Phyalides, en recompense de la courtoisie dont ilz usèrent en son endroit quand il arriua. Au reste depuis la mort de son pere *Ægeus*, il entreprit une chose grande à merueilles: c'est qu'il assembla en une cité, & reduisit en un corps de uille les habitans de toute la prouince d'*Attique*, lesquels auparauant estoient espars en plusieurs bourgs, & à ceste occasion mal aisez à assembler, quand il estoit question de donner ordre à aucune chose cōcernant le bien public: & si auoient bien souuent des querelles & des guerres les uns contre les autres. Mais *Theseus* print la peine d'aller de bourg en bourg, & de famille en famille leur dōner à entēdre les raisons, pour lesquelles ilz le deuoient ainsi faire: si trouua les pauures gens & les hommes priuez
- B** bien prests d'obtemperer à sa semonce, mais les riches & ceulx qui auoient auctorité en chasque bourg, non: toutefois il les gaigna aussi en leur promettant, que ce seroit une chose publique non subiecte à la puissance d'un prince souuerain, ains plus tost un gouuernement populaire, auquel il se retiendroient la superintendence de la guerre, & la garde des loix seulement: & au demeurant, que chasque citoien y auroit en tout & par tout egale auctorité. Ainsi y en eut aucuns qui se rengèrent à cela de leur bon gré: les autres, qui n'en auoient point d'enuie, fleschirent neantmoins, pour la crainte de sa puissance, & de sa hardiesse, qui estoit desia grande: tellement qu'ilz aimerent mieux, luy consentir de bonne uolunté ce qu'il leur demandoit, que d'attendre qu'ilz y fussent cōtrainctz par force. Si feit adonc demolir tous les palais à tenir la iustice, & toutes les sales à assembler le conseil, osta tous iuges & officiers, & bastit un palais cōmun, & une sale pour tenir le conseil au lieu ou maintenant est assise la cité que les Atheniens appellēt *Asty*, mais il appella tout le corps de la uille ensemble, *Athenes*: puis institua la feste generale & le sacrifice commun à tous ceulx de l'*Attique*, que lon appelle *Panathenea*: & en ordōna aussi un autre le seizieme iour du mois de *Ieun*, pour les estrangers qui uiēdroient s'habituier à *Athenes*, lequel fut appellē *Metœcia*, que lon observe encorēs auiourdhuy. Et cela fait, il quitta son auctorité royale, comme il auoit promis, & se meit à ordōner l'estat & police de la chose publique, cōmenceāt aux seruices des Dieux, car il enuoia en premier lieu deuers l'oracle d'*Apollo*, en la uille de *Delphes*, pour enquerir des aduentures de ceste nouvelle uille, dont luy fut rapportē une telle responce:
- C**

F ilz d'*Ægeus*, & de la fille chere
D e *Pitheus*, le hault tonnant mon pere
E n uostre uille a mis la destinee
D'autres plusieurs, & leur fin terminee.
E t quant à toy, ne ua ton cuer uailant
D e trop d'ennuy à penser trauaillant:
C ar comme un cuir enflē, tousiours iras
F lottant sur mer, & point ne periras.

- E** On treuve par escript, que la Sibylle depuis prononça de sa bouche un tout semblable oracle pour la uille d'*Athenes*:

L e cuir enflē flotte bien sur la Mer,
M ais il ne peult au dedans abyssmer.

Au demeurant, à fin de peupler & augmenter sa uille encore d'auantage, il conuia tous ceulx qui y uouldroient uenir habiter, en leur offrant tous mesmes droictz, & mesmes priuileges de bourgeoisie, que les naturelz citoiens

Theseus.

auoient: tellement que lon estime, que ces paroles dôt on use encores auioir-
dhuy à Athenes, quand on y faict un cry public, TOVS PEVPLES VENEZ
I CY, sont celles mesmes que Theseus feit alors proclamer, quand il amassa
ainsi un peuple de toutes pieces. Toutefois il ne laissa pas la grande multitu-
de d'hommes qui sy ietta pelle melle, sans ordre ny distinction quelconque
des estats: car ce fut luy premier, qui diuisa la noblesse d'avec les laboureurs,
& d'avec les artizans & gens de mestier, donnant aux nobles la charge de co-
gnoistre des choses appartenâtes au faict de la religiô & au seruice des Dieux,
de pouuoir estre esleus aux offices de la chose publique, d'interpreter les loix,
d'enseigner les choses sainctes & sacrees, & par ce moien egala la noblesse aux
deux autres estats: car comme les nobles en honneur surpassoient les autres, G
aussi les artizans les surmontoient en nombre, & les laboureurs en utilité. Et
qu'il soit uray, que ce ait esté luy, qui ait le premier incliné au gouuernemēt
de chose publique populaire, comme dit Aristote, & qui ait quitté la souue-
raineté royale, Homere mesme semble le tesmoigner au denombrement des
nauires qui estoient en l'armee des Grecs deuant la uille de Troie: par ce qu'il
appelle les Atheniens seuls entre tous les Grecs, peuple. D'auantage il feit
forger de la monoye qui auoit pour marque la figure d'un beuf, en memoire
du taureau de Marathô, ou du capitaine de Minos, ou pour inciter ses citoiēs
à s'addonner au labourage: & dit on, que de ceste monnoye ont depuis esté
appelez Hecatombœon & Decabœon, qui signifient, ualant cent beufs, & H
ualant dix beufs. Qui plus est, aiant ioinct tout le territoire de la uille de Me-
gare à celuy de l'Attique, il feit dresser celle tant renommee coulonne quar-
ree qui est pour borne dedâs le destroit du Peloponese, & y feit engrauer une
inscription, qui declaire la separation des deux pais qui la confinent. Les pa-
roles de l'inscription sont telles:

I onie est uers le Soleil naissant,

P eloponese est deuers le baissant.

Ce fut aussi luy qui institua les ieux que lon appelle Isthmia, à l'imitation de
Hercules, à celle fin que comme les Grecs celebrient la feste des ieux ap-
pellez Olympia, en l'honneur de Iupiter, par l'ordonnance de Hercules, ilz
celebrassent aussi ceulx que lon appelle Isthmia, par son ordonnance, & de
son institution, en l'honneur de Neptune: car ceulx qui se faisoient au mesme
destroit en l'honneur de Melicerta, se faisoient de nuict, & auoient plus tost
forme de sacrifice ou de mystere, que de ieux & de feste publique. Toutefois
il y en a qui ueulent dire, que ces ieux Isthmiques furent instituez en l'hon-
neur & memoire de Sciron, & que Theseus les ordonna en satisfaction de sa
mort, pource qu'il estoit son cousin germain, estât filz de Canethus, & de He-
nioche fille de Pirtheus: Les autres disent, que c'estoit Sinnis, & non pas Scirô,
& que ce fut pour luy que Theseus establit lesdicts ieux, non pas pour la me-
moire de l'autre. Quoy que ce soit, il ordonna notamment aux Corinthiens, K
de donner à ceulx qui uiendroiēt d'Athenes pour uoir l'esbatement des ieux,
au plus honorable endroit du parc & pourpris ou se faisoit la feste, autant
de place que pourroit couvrir la uoile de la nauire sur laquelle ilz seroient
uenus: ainsi comme Hellanicus & Andron Halicarnassien l'escruiuent. Quant
au uoiage qu'il feit en mer maieur, Philochorus & quelques autres tiennēt,
qu'il y alla avec Hercules contre les Amazones, & que pour honorer sa uer-
tu, Hercules luy dōna Antiope: mais la plus part des autres historiēs, mesme-

A ment Hellanicus, Pherecydes & Herodorus escriuent, que Theseus y fut à part depuis le uoiage de Hercules, & qu'il y print ceste Amazone prisonniere: ce qui est plus uraysemblable. Car on ne treuve point qu'autre de tous ceulx qui feirent ce uoiage quand & luy, aient iamais pris aucune Amazone captiue:& si dit l'historien Bion, qu'encore l'emmena il par tromperie & par surprise,pource que les Amazones aimans (ce dit il) naturellement les hommes, ne s'enfouirent point quand elles le ueirēt aborder en leur païs,ains luy enuoierent des presens:& que Theseus conuia celle qui les luy apporta, d'entrer en sa nauire: mais que si tost qu'elle y fut entree, il feit mettre la uoile au uent,& ainsi l'emmena. Vn autre historien Menecrates, qui a escrit l'histoire

B de la uille de Nicee au païs de Bithynie, dit que Theseus aiant avec luy ceste Amazone Antiope, seiourna quelque temps en ces marches la, & qu'en sa compaignie estoiet entre autres trois ieunes freres Atheniēs,Euneus,Thoas,& Solois. Ce dernier Solois deuint amoureux d'Antiope, & n'en descouurit rien à ces autres cōpaignons,si non à un,dont il estoit plus familier, & de qui il se fioit le plus: tellement qu'il en porta la parole à Antiope: laquelle reietta bien arriere sa requeste, mais au demeurant coula la chose sagement & doucement,sans l'en accuser enuers Theseus: mais le ieune homme desesperāt de pouuoir iouir de ses amours, en fut si desplaissant, qu'il se ietta la teste deuant en une riuiera,ou il se noya.Dequoy Theseus estat aduertty, & quand & quād

C de la cause pour laquelle il festoit ainsi desesperé, en fut fort dolent & marri: si luy uint en memoire un certain oracle Pythique, par lequel il luy estoit cōmandé qu'il fondast une uille en païs estrāger, à l'endroit ou il se trouueroit le plus desplaissant, & d'y laisser pour gouuerneurs d'icelle, quelques uns de ceulx qui seroient alors autour de luy. A ceste cause il fonda en ce lieu la une uille, laquelle il nomma Pythopolis, pour autāt qu'il l'auoit bastie par ordōnance de la religieuse Pythia: nomma la riuiera ou festoit noyé le ieune hōme Solois,en memoire de luy:& laissa ses deux freres pour gouuerneurs& superintendans de ceste nouuelle uille,avec un autre gentilhomme Athenien nommé Hermus: d'ou uient qu'encores auiourd'hui les Pythopolitains appellent un certain lieu de leur uille, la maison de Hermus: mais ilz faillent à l'accent,en le mettāt sur la derniere syllabe:car en le prononceant ainsi,Hermu signifie Mercure:& par ce moien ilz transportent l'honneur deu à la memoire de ce demidieu, au dieu Mercure. Voila donques quelle fut l'occasion de la guerre des Amazones, laquelle ne me semble point auoir esté chose legere, ny entreprise de femmes:car elles n'eussent point planté leur camp dedans la propre uille d'Athenes,ny n'eussent point combatu sur la place mesme que lon appelle Pnyce, ioignant le temple des Muses, si premierement elles n'eussent conquis tout le païs d'alentour:ny ne fussent pas tout de prim-fault uenues ainsi hardiment assaillir la uille. Or qu'elles soient uenues par

E terre de si loingtain païs, & qu'elles aient passé par dessus le bras de mer qui s'appelle Bosphore Cimmerien estant glacé, comme l'a escrit Hellanicus, il est biē mal aisé à croire:mais qu'elles aient campé dedans l'enceinte de la uille mesme, les noms des lieux, qui en sont demeurez iusques auiourd'hui,le tesmoignent, & les sepultures aussi de celles qui y moururent. Tant y a, que les deux armées furent longuement l'une deuāt l'autre sans combattre: toutefois à la fin Theseus aiant premier faict un sacrifice à la Peur, suiuit le mandement d'une prophetie qu'il en auoit eue, leur donna la bataille au mois d'Aoust,

Theseus.

au mesme iour que les Atheniens solennizent encore de present la feste qu'ilz appellent Boedromia. Mais l'historien Clidemus uoulant escrire par le menu toutes les particularitez de celle rencontre, dit que la pointe gauche de leur bataille festendoit iusques au lieu que lon appelle Amazonion : & que la pointe droite marcha par le costé de Chrysa, iusques sur la place que lon appelle Pnyce, contre laquelle les Atheniens uenans deuers le temple des Muses choquerent les premiers. Et qu'il soit uray, les sepultures de celles qui moururent en ceste premiere rencontre se treuuent encores en la grande rue, qui ua respondre à la porte Piraique, pres la chapelle du demidieu Chalcodus : & furét, dit il, les Atheniës en cest endroit repoulsez par les Amazones, iusques là ou sont les images des Eumenides, c'est à dire, des furies : mais de l'autre costé aussi, les Atheniens uenans de deuers les quartiers du Palladium, Ardetus & Lycium, rembarrerét leur pointe droite iusques dedans leur camp : & en tuerent un bon nôbre. Puis, au bout de quatre mois, fut faict appointement entre eulx, par le moien d'une nommee Hippolyte : car cest historië appelle l'Amazone que Theseus espousa, Hippolyte, & non pas Antiope : toutefois aucuns disent qu'elle fut tuee en combatant du costé de Theseus, par une autre nommée Molpadia, d'un coup de iauelot : en memoire dequoy la coulonne qui est ioignât le temple de la terre Olympique luy fut dressée. Si ne fault pas s'esmerueiller, si l'histoire de choses tant anciennes se treuue écrite diuersement : car il y en a mesme qui escriuent, que la Roynie Antiope enuoya secrettemēt celles qui furent lors blecees, en la uille de Chalcide, là ou aucunes d'elles guarirent, & les autres moururent, qui y furent enterrees pres du lieu que lon appelle Amazonion. Quoy que ce soit, il est bien certain, que ceste guerre se termina par appointemēt : car un lieu qui est ioignant le temple de Theseus le tesmoigne, en estant appellé Orcomosium, pource que la paix y fut iuree : & aussi en faict foy le sacrifice, que lon faict de toute ancienneté aux Amazones deuant la feste de Theseus. Ceulx de Megare monstrent semblablemēt une sepulture d'Amazones en leur uille, qui est ainsi que lō ua de la place uers le ruisseau ou lon voit une ancienne tumbé en forme de losange. Lon dit qu'il en mourut aussi d'autres pres la uille de Chæronee, lesquelles furét inhumées le lōg du petit ruisseau qui y passe, lequel s'appelloit anciēnemēt, à mō aduis, Thermodon, & maintenant s'appelle Hæmon, comme nous auons ailleurs escrit en la uie de Demosthenes. Et si semble qu'elles ne passerent pas par la Thessalie sans combattre, pource que lon y monstre encores de leurs sepultures à l'entour de la uille de Scotése pres des rochers, qui ont nom Les testes de chien. C'est ce qui me semble digne de memoire, touchant ceste guerre des Amazones : car quant à l'emotion, que décrit le poëte, qui a faict la Theseide, là ou il dit que les Amazones meurent la guerre à Theseus, pour uenger le tort qu'il faisoit à leur Roynie Antiope, en la repudiant pour espouser Phedra : & aussi quant à l'occision qu'il dict que Hercules en feit, cela me semble totalement fiction poëtique. Bien est uray, qu'apres la mort d'Antiope, Theseus espousa Phedra, aiant desia eu d'Antiope un filz nommé Hippolytus, ou comme le poëte Pindarus escrit, Demophon. Et pource que les historiens ne contredissent en rien aux poëtes tragiques, en ce qui touche les malheurs qui luy aduindrent es personnes de ceste sienne femme, & de son filz, il fault estimer qu'il soit ainsi comme nous le lisons escrit es tragedies : toutefois on treuue plusieurs autres comptes touchant les mariages de Theseus,

dont

A dont les commencemens n'ont point esté honnestes, ny les issues bien fortunées : & neantmoins on n'en a point fait des tragedies, ny n'ont point esté iouez par les theatres . Car on lit qu'il raut Anaxo Trœzenienne , & qu'après auoir tué Sinnis & Cercyon, il prit à force leurs filles: qu'il espousa aussi Peribœa la mere d'Aiax , & puis Pherebœa, & Ioppe fille de Iphicles : & si le blasme lon d'auoir laschemēt abandonne sa femme Ariadne pour l'amour d'Ægle fille de Panopeus, comme nous auons ia dit parauant . Et finalement il raut Helene : lequel rauissement emplit de guerre toute la prouince d'Attique, & fut à la fin cause qu'il luy conuint abandonner son pais : & apres tout, le feit mourir , comme nous dirons cy apres. Et combien que de son temps

B les autres princes de la Grece aient fait plusieurs beaux & grands exploitz d'armes, Herodorus estime que Theseus ne se trouua en pas un , sinon qu'en la bataille des Lapithes contre les Centaures: & au contraire, les autres disent qu'il fut au uoiage de la Colchide avec Iason , & qu'il aida à Meleager à desfaire le sanglier de Calydoine, dont est uenu, ce disent ilz, le prouerbe, Non sans Theseus: quand on ueult entendre que la chose n'a pas esté faite sans grand secours d'autrui : mais que luy mesme executa plusieurs haultz faitz de prouesse, sans requerrir aide de personne, & que pour sa uaillance uint en usage le prouerbe que lon dit, Cestui cy est un autre Theseus. Bien est il certain, qu'il aida au Roy Adrastus à recouurer les corps de ceulx qui estoient

C morts en bataille deuant la uille de Thebes : mais ce ne fut pas , comme dit le poëte. Euripides , par force d'armes , aiant uaincu les Thebains en bataille, ains fut par composition : car le plus grand nombre des anciens auteurs le met ainsi . Et d'auantage Philochorus escrit, que ce fut le premier traitté qui fut onques fait pour recouurer les corps des occis en bataille : toutefois si lit on es histoires des gestes de Hercules, que ce fut luy le premier, qui permit à ses ennemis d'enleuer leurs morts, apres les auoir passez au fil de l'espee. Mais comment qu'il en soit, on mōstre encores auiourdhuy au bourg de Eleutheres , le lieu auquel fut le peuple enterré, & les sepultures des princes se uoient à l'entour de la uille d'Eleusine: ce qu'il feit à la requeste d'Adrastus, comme

D tesmoigne la tragedie des Supplantes d'Euripides: & le confirme celle des Eleusiniens de Æschylus, là où il le fait ainsi dire à Theseus mesme . Au demeurant, quant à l'amitié de Pirithous & de luy , on dit qu'elle cōmencea en ceste sorte : La renommee de sa uaillāce estoit fort espendue par toute la Grece, & Pirithous la uoulant cognoistre par experience, alla expres courrir ses terres , & en emmena quelques beufs, qui estoiet à luy, au territoire de Marathon: dequoy Theseus estant aduertie alla incontīnēt en armes à la rescousse. Pirithous en aiant la nouuelle ne s'en fouit point, ains retourna tout court au deuant de luy : & incontinent qu'ilz s'entreuirēt, ilz furent tous deux esbahiz de la beaulté & hardiesse l'un de l'autre, tellement qu'ilz n'eurent point enuie de combattre: ains Pirithous tendāt le premier la main à Theseus, luy dit, qu'il le faisoit luy mesme iuge du dōmage qu'il pouuoit auoir receu de ceste siennecourse: & que uoluntiers il en paieroit l'amende, telle qu'il la luy plairoit

E taxer. Theseus adonc luy quitta non seulement tout ce desdommagement, mais d'auantage le conuia à uoloir estre son amy, & son frere d'armes. Ainsi iurerent ilz sur le champ amitié fraternelle: depuis laquelle iuree entre eulx, Pirithous espousa Deidamia, & enuoia prier Theseus de uenir à ses nopces, uisiter son pais, & faire bonne chere avec les Lapithes . Or auoit il aussi fait

Theseus.

F
conuier à la feste, les Centaures : lesquelz sy estans enyurez commeirent plusieurs insolences, iusques à uoloir prendre les femmes à force: mais les Lapithes les en chastierent si bien, qu'ilz en tuerent aucuns sur l'heure en la place, & depuis chasserent les autres de tout le pais, moienant l'aide de Theseus qui print les armes, & cōbatit pour eulx. Toutefois Herodorus escrit la chose un peu diuersement, disant que Theseus n'y alla point, que la guerre ne fust ia bien cōmencee: & q̄ ce fut la premiere fois qu'il ueit Hercules, & parla à luy pres la uille de Trachine, lors qu'il estoit ia de repos, aiant mis fin à ses loingtains uoiages, & à ses plus grands trauaulx. Si dit que ceste entreueuē fut pleine de bonne chere, de caresses, & d'honneurs qu'ilz s'entrefeirent, & de louāges qu'ilz s'entredonnerent l'un à l'autre: toutefois il me semble que lon doit G
adiouxtter plus de foy à ceulx qui escriuent, qu'ilz se sont entreueuz par plusieurs fois, & que la reception de Hercules en la religion & cōfrairie des mysteres d'Eleusine, luy fut ottroyee moienant le port & la faueur que luy feit Theseus: & semblablement aussi sa purification, pource qu'il falloit necessairement qu'il fust purifié, auant que pouuoir entrer en la confrairie des sainctz mysteres, à cause de quelque malheureux cas que par meschef il luy estoit aduenue de faire. Au reste Theseus auoit ia cinquante ans quand il rauit Hele-
ne, laquelle estoit encores fort ieunette, & non en aage d'estre mariee, comme dit Hellanicus: au moien dequoy quelques uns uoulans couvrir ce rauissement, comme un tresgrand crime, uont disans que ce ne fut pas luy qui la H
rauit, ains furent un Idas & un Lynceus, qui l'aiaus rauie la meirent en deposit entre ses mains, & que Theseus la leur uoulut garder sans la rendre à Castor & à Pollux ses freres, qui depuis la luy redemanderent: ou biē disent, que ce fut le pere mesme Tyndarus qui la luy bailla en garde, pour crainte qu'il auoit de Enarsphorus filz de Hippocoō, lequel à toute force la uoloit auoir. Mais ce qui est plus uraysemblable en ce cas, & qui est tesmoigné par plus d'auteurs, se fait en ceste sorte: Theseus & Pirithous s'en allerēt ensemble en la uille de Lacedemone, là ou ilz rauirent Helene estant encores fort ieune, ainsi comme elle dansoit au temple de Diane surnōmee Orthia: & s'en fouir-
rent à tout. Lon enuoya apres, mais ceulx qui y furent enuoyez ne passerent I
point la uille de Tegee. Parquoy estans eschappez hors du pais de Peloponese, ilz accorderēt entre eulx de tirer au sort, à qui des deux elle demeureroit, à la charge, que celuy auquel elle escherroit, l'auroit pour sa femme, mais qu'il seroit aussi tenu d'aider à son cōpaignon à en recouurer une autre. Le sort la donna à Theseus, qui l'emporta en la uille de Aphidnes, pource qu'elle n'estoit pas encores en aage de marier: & y aiant fait uenir sa mere pour la gouverner, les bailla en garde à un sien amy nōmé Aphidnus, luy recommandāt de la garder si soigneusement, & si secrettement, q̄ personne n'en sceust rien: & à fin de rendre la pareille à Pirithous selon qu'il auoit esté accordé entre eulx, il s'en alla quand & luy pour raur la fille de Ædoneus Roy des Molossiens, K
lequel auoit surnommé sa femme Ceres, sa fille Proserpine, & son chien Cerberus, contre lequel il faisoit combattre ceulx qui uenoient demander sa fille en mariage, promettant la donner à celuy qui demeureroit uainqueur: mais estant lors aduertty que Pirithous estoit uenu nō pour requerir sa fille en mariage, ains pour la raur, il le fait arrester prisonnier avec Theseus: & quant à Pirithous, il le fait incontinent desfaire par son chien, & fait serrer Theseus en estroite prison. Or ce pendant y auoit à Athenes un nommē Menestheus
filz de

A filz de Peteus, lequel Peteus fut filz d'Orneus, & Orneus filz d'Erechtheus. Cestuy Menestheus fut le premier qui commença à flatter le peuple, & à tascher de gagner la bonne grace de la commune par belles & attraiantes paroles: moienant lequel artifice, il irrita à l'encontre de Theseus les principaux de la uille, qui ia de long temps commenceoient à se fascher de luy; leur mettant en auant qu'il auoit osté à chascun d'eulx leurs royaultez & seigneuries, & les auoit ainsi renfermez dedás la closture d'une uille, à fin de les pouuoir mieux asservir & assubgettir de tout point à sa uoulunté. Quant au menu populaire, il le mutinoit aussi, en luy donnant à entendre, que ce n'estoit qu'un songe de la liberté qu'on leur auoit promise: mais au cōtraire, qu'ilz auoient realement & de faict esté priuez de leurs propres maisons, de leurs temples, & des lieux de leurs naissances, à fin qu'au lieu de plusieurs bons & naturelz seigneurs, qu'ilz souloient auoir au parauant, ilz fussent contrains de seruir à un seul maistre & seigneur estranger. Ainsi comme Menestheus brassoit ceste menee, la guerre des Tyndarides suruint là dessus, qui seruit beaucoup à sa pratique: car ces Tyndarides, c'est à dire, enfans de Tyndarus, Castor & Pollux, uindrent à main armee contre la uille d'Athenes: & y en a qui tiennent, que Menestheus mesme fut cause de les y faire uenir: toutefois à leur premiere arriuee ilz ne firent dommage quelconque au pais, ains demanderent seulement que lon leur rendist leur sœur. Aquoy ceulx de la uille firent responce, qu'ilz ne sçauoient là ou elle auoit esté laissée: & adonques se meirent les freres à faire la guerre à bon esciant: toutefois il y eut un nommé Academus, lequel aiant entendu, ne sçay par quel moien, qu'elle estoit recelee en la uille d'Aphidnes, le leur declaira. A raison dequoy les Tyndarides luy porterent tousiours grand honneur, tant comme il uescut: & depuis les Lacedemoniens, aians par tant de fois brulé & gasté entierement tout le reste du pais d'Attique, ne toucherent iamais à l'Academie, en l'honneur de cestuy Academus. Toutefois Dicæarchus dit qu'en l'armee des Tyndarides y auoit deux Arcadiens, Echemus & Marathus, & que du nom de l'un fut alors appelé le lieu Echedemie, qui depuis a esté nommé Academie: & du nom de l'autre a esté aussi nommé le bourg de Marathon, à cause qu'il s'offrit uoluntairement à estre sacrifié deuant la bataille, suiuant ce qui leur auoit esté enioint & ordonné par une prophetie. Si s'en allerent planter leur camp deuant la uille d'Aphidnes, & y aians gagné la bataille & prins la uille d'assault, raserent la place. Lon dit qu'en ceste bataille mourut Alycus le filz de Sciron, qui estoit en l'ost des Tyndarides, & que de luy a esté appelé Alycus un certain quartier du territoire de Megare, auquel son corps fut enterré. Qui plus est, Hereas escrit que Theseus le tua luy mesme deuant Aphidnes, en tesmoignage dequoy il allegue ces uers qui parlent d'Alycus:

E s'champs ouuers d'Aphidnes sur la plaine,
E n combatant pour la tresbelle Helene,
P ar Theseus à mort dure il fut mis.

Toutefois il n'est pas uray semblable que y estât Theseus, la uille d'Athenes, & sa mere mesme, aient esté prises: mais quand la uille d'Aphidnes fut rasée, ceulx d'Athenes commencerent à auoir peur, & Menestheus leur cōseilla de recevoir les Tyndarides en la uille, & leur faire bonne chere, attendu qu'ilz ne faisoient la guerre qu'à Theseus, qui les auoit le premier oultragez, & qu'ilz faisoient au demourant plaisir & bien à tout le monde: comme il estoit uray.

Theſeus.

Car quand ilz eurent tout en leur puissance, ilz ne demanderent autre chose, F
sinon qu'on les receust en la confrairie des mysteres, attendu qu'ilz n'estoient
point plus estrangers que Hercules: ce qui leur fut octroyé, moienant qu'A-
phidnus les adopta pour ses enfans, comme Pylius auoit adopté Hercules: &
d'auantage leur feit on honneur, ne plus ne moins que filz eussent esté Dieux,
en les appellant Anaces: soit ou pource qu'ilz feirent cesser la guerre, ou pour
ce qu'ilz donnerent si bon ordre à tout, qu'estant leur armee logee dedans la
uille, il n'y fut neantmoins faict tort ne desplaisir à personne, ainsi comme il
appartient, que ceulx qui ont la charge d'aucune chose, ueillét diligemment
pour la conseruation d'icelle: ce que signifie ceste parole greque Anacos, dont
vient à l'aduenture que lon appelle les Roys Anactes. Encores en y a il d'au- G
tres qui tiennent qu'ilz furent appelez Anaces, à cause de leurs estoilles qui
apparoissent en l'air: pource que la lague Attique dit Anecas & Anecathen,
là ou la commune dit Ano & Another, c'est à dire, en hault. Ce neantmoins
Æthra la mere de Theſeus fut emmenee prisonniere à Lacedemone, & de là
à Troie aueques Helene, comme aucuns disent, & comme Homere mesme le
tesmoigne en ces uers, ou il parle des femmes qui suiuirent Helene:

Æthra la fille à Pitheus le uieux,

Et Clymene auec elle aux beaux yeux.

Toutefois les autres reiettent ces deux uers, & maintiennent qu'ilz ne sont
point d'Homere, comme aussi ilz reprouuent tout ce que lon compte de Mu- H
nychus, sçauoir est, que Laodice l'ayant secrettement conceu de Demophon,
il fut nourry à cachetes par Æthra dedans Troie: mais l'historien Hister en
son trezieme des histoires d'Attique en faict un recit tout different des autres,
disant que quelques uns tiennent, que Paris Alexandre fut desfait en batail-
le par Achilles & Patroclus, au pais de Theſſalie, pres la riuere de Sperchius,
& que son frere Hector print la uille de Trœzene, dont il emmena Æthra: en
quoy n'y a nulle apparence. Mais Ædoneus roy des Molossiens festoiant Her-
cules un iour qu'il passa par son royaume, tumba d'auenture en propos de
Theſeus & de Pirithous, comment ilz estoient uenus pour luy raur d'emblee
sa fille: & comme aians esté descouuers, ilz en auoient esté punis. Hercules fut I
bien desplaisant d'entendre que l'un estoit desia mort, & l'autre en danger de
mourir, & pensa bien que s'en plaindre à Ædoneus ne seruiroit de rien: si le
pria seulement de uoloir deliurer Theſeus pour l'amour de luy. ce qu'il
luy octroya. Ainsi Theſeus estant deliuré de ceste captiuité, s'en retourna à A-
thenes, là ou ses amis n'estoient point encores totalement opprimez par ses
ennemis, & à son retour il dedia à Hercules tous les temples que la uille au-
parauant auoit faict bastir en son honneur: & au lieu que premierement ilz
s'appelloient Theſea, il les surnôma tous Herculea, exceptez quatre, ainsi que
l'escriit Philochorus. Or incōtinent qu'il fut arriué à Athenes, il uolut com-
mander & ordōner, comme il auoit accoustumé: mais il se trouua embrouil- K
lé de seditions ciuiles, à cause que ceulx qui le haïssoient de longue main, a-
uoient adiousté à leur haine ancienne le mespris de ne le craindre plus: & le
commun populaire estoit deuenu si corrompu, que là ou il souloit au para-
uant faire, sans mot dire ny repliquer au cōtraire, tout ce qui luy estoit com-
mandé, alors il uoloit estre obey & flaté. Si cuida Theſeus au commencement
user de force, mais il fut contraint par les brigues & menees de ses aduersai-
res de s'en deporter: & à la fin n'esperant plus que ses affaires se portassent ia-

mais

- A** mais cōme il desiroit, il enuoya secrettemēt ses enfans en l'isle de Eubœe à Elphenor filz de Chalcodus : & luy , apres auoir faict plusieurs imprecations & maledictiōs contre les Atheniēs dedans le bourg de Gargettus, en un lieu qui pour cela s'appelle encores auiourdhuy Araterion, c'est à dire, lieu des maledictiōs, il mōta sur mer, & s'en alla en l'isle de Scyros , là ou il y auoit des biēs, & y pensoit auoir aussi des amis. Lycomedes estoit pour lors Roy de l'isle, auquel Theseus demāda ses terres, cōme aiant intention de sy habiter: cōbien que les autres disent qu'il le requist de luy donner aide contre les Atheniens. Lycomedes , fust ou pource qu'il redoubta la renommee d'un si grand personnage, ou pource qu'il uoulust gratifier à Menestheus, le mena sur de haults rochers , faignant que c'estoit pour luy monstrier de là ses terres: mais quand
- B** il y fut, il le precipita du hault en bas , & le feit ainsi malheureusement mourir. Toutefois les autres disent qu'il tūba de luy mesme par cas de meschef , en se proumenant un iour apres souper , ainsi qu'il auoit accoustumé . Il n'y eut personne qui feist sur l'heure poursuite de ceste mort , ains demoura Menestheus paisible Roy d'Athenes : & les enfans de Theseus , comme personnes priuez, suiuirent Elphenor en la guerre de Troye : mais apres la mort de Menestheus , qui mourut en ce uoiage , les enfans de Theseus retournerent à Athenes, ou ilz recouurerent le royaume. Et depuis y a eu beaucoup d'occasiōs qui ont emeu les Atheniens à le reuerer & honorer comme demidieu : car en
- C** la baraille de Marathon plusieurs penserent ueoir son image en armes , combattant contre les Barbares: & depuis les guerres Medoises, l'ānee que Phædon fut preuost à Athenes, la religieuse Pythia respondit aux Atheniēs, qui auoiēt enuoyé à l'oracle d'Apollo, qu'ilz retirassent les os de Theseus, & que les metans en lieu honorable ilz les gardassent religieusement : mais il estoit bien mal aisé de trouuer sa sepulture: & quant bien on l'eust trouuee, encores estoit il plus difficile d'en emporter les os, pour la malice des Barbares habitans en l'isle , qui estoient si farouches, que lon ne pouuoit frequēter avec eulx. Toutefois Cimō l'ayant prise , cōme nous auons escrit en sa uie, & cherchant celle sepulture, apperceut de bōne fortune une aigle qui fraploit du bec & grattoit
- D** des griphes en un endroit qui estoit un peu releué : si luy uint incontinent en pensee, cōme par inspiratiō diuine, de faire fouiller en ce lieu, là ou lon trouua la sepulture d'un grand corps, avec la pointe d'une lance, qui estoit d'arain, & une espee. Lesquelles choses furent toutes portees à Athenes par Cimon sur sa galere capitainesse, que les Atheniens receurent à grāde ioye, avec processiōs & sacrifices magnifiques , ny plus ny moins que si c'eust esté Theseus luy mesme uiuant, qui fust retourné en la uille : & gisent encores auiourdhuy ces reliques tout au milieu de la uille, pres du parc ou les ieunes hommes se dressent aux exercices de la personne : & y a franchise pour les esclauēs , & pour tous pauures affligez qui sont poursuiuis par plus puissant qu'eulx : en memoire que Theseus en son uiuant fut protecteur des oppressez , & qu'il receut humainement les prieres de ceulx qui luy requierent aide . Le plus grand, & le plus solennel sacrifice qu'on luy face, est le huietieme iour d'Octobre , auquel il retourna de Cādie avec les autres ieunes enfans d'Athenes: mais on ne laisse pas encores de l'honorer tous les huietiemes iours des autres mois , soit ou pource qu'il arriua de Trœzene à Athenes le huietieme iour de Iuin, ainsi que l'escrit Diodorus le Geographe , ou pource qu'ilz estimoiēt ce nombre la luy estre plus conuenable , attendu qu'il auoit le bruit d'auoir esté engendré par
- E**

Neptune. Et lon sacrifie auffi à Neptune tous les huictiemes iours de chafque mois, à cause que le nōbre de huict est le premier cubique, procedant de nombre per, & le double du premier nombre quarré, qui represente une fermeté immobile, proprement attribuee à la puissance de Neptune, lequel pour ceste raison nous surnommons Asphalius & Gæiochus, qui ualent autant à dire comme, asseurant & affermissant la terre.

Romulus.



ES Historiens ne s'accordent pas à escrire, par qui ne pour quelle cause le grand nom de la uille de Rome, la gloire duquel fest estendue par tout le monde, luy ait esté premierement imposé: pource que les uns tiennent que les Pelasgiés, apres auoir couru la plus grande partie de la terre habitable, & auoir dompté plusieurs nations, finablement s'arrestèrent au lieu ou elle est à present fondee: & que pour leur grande puissance en armes, ilz imposèrent le nom de Rome à la uille qu'ilz bastirent, qui signifie en langage Grec, puissance. Les autres disent que apres la prise & destructiō de Troie, il y eut quelques Troiens qui festans fauluez de l'espee, s'embarquerent sur des uaisseaux qu'ilz trouuerent d'auenture au port, & furent iettez par les uens en la coste de la Thoscane, ou ilz posèrent les ancrs pres la riuiera du Tybre: & là leurs femmes se trouuans desia si mal, qu'elles ne pouuoient plus nullement endurer le trauail de la mer, il y en eut une, la plus noble & la plus sage de toutes, nommee Rome, qui cōseilla à ses compaignes de mettre le feu en leurs uaisseaux. ce qu'elles feirent: dont leurs marys du commencement furent bien mal contents: mais depuis estans contrains par la necessité de s'arrestar au pres de la uille de Pallantium, quand ilz ueirent que leurs affaires y prosperoient mieux qu'ilz n'eussent osé esperer, y trouuans la terre fertile, & les peuples uoïsins. doulx & gracieux qui les receurent amiablement, entre autres honneurs qu'ilz feirent en recompence à ceste dame Rome, ilz appellerēt leur uille de sō nom, cōme de celle qui auoit esté cause de la bastir. Et dit on que de la cōmencea la coustume qui dure encores auourd'hui à Rome, que les femmes saluent leurs parés & leurs marys en les baisant en la bouche, pource que lors ces dames Troienes saluerent & caresserēt ainsi leurs marys, apres leur auoir brulé leurs nauires, en les priant de uoloir appaiser leur courroux & maïtalent contre elles. Les autres disent que Rome fut fille d'Italus & de Lucaria, ou bien de Telephus filz de Hercules, & femme d'Æneas, autres disent, d'Ascanius filz d'Æneas, laquelle donna son nom à la uille. Autres y en a qui tiennēt, que ce fut Romanus filz d'Vlysses & de Circe, qui fonda Rome: autres ueulent dire que ce fut Romus filz d'Emathion, que Diomedes y enuoia de Troie. Les autres escriuēt que ce fut un Romistyrā des Latins, qui chassa de ce quartier la, les Thoscās, lesquelz partans de la Thessalie estoient premierement passez en la Lydie, & puis de la Lydie en Italie. Qui plus est, ceulx mesmes qui tiennent que Romulus (cōme il y a plus d'apparence) fut celuy qui donna le nom à la uille, ne sont pas d'accord

- A** d'accord touchant ses ancestres, pource que les uns escriuēt qu'il fut filz d'*Æneas* & de *Dexitheā* fille de *Phorbas*, & qu'il fut apporté petit enfant en *Italie* avec son frere *Remus*; mais que lors la riuere du *Tybre* estant sortie hors de riuē, tous les autres bateaux y perirent, exceptee la nacelle ou estoient ces deux petits enfans, laquelle de bonne fortune uint à se poser tout doucement en un endroit de la riuē qui estoit uny & plain: & qu'estans par ce moien les enfans sauluez contre toute esperance, le lieu en fut depuis appelé *Rome*. Les autres disent que *Rome* fille de celle premiere dame *Troienne*, fut mariee avec *Latinus*, filz de *Telemachus*, duquel elle eut *Romulus*: les autres escriuent que ce fut *Æmilia* fille d'*Æneas* & de *Lauinia*, laquelle fut engrossée par le dieu *Mars*. Les autres comptent une chose touchant la naissance de *Romulus*, ou il n'y a uerisimilitude quelcōque: car ilz disent qu'il fut iadis un Roy d'*Alba* nommé *Tarchetius*, homme fort meschant & cruel, en la maison duquel apparut par permission des Dieux une telle uision, C'est qu'il sourdit en son foyer une forme de mēbre uiril, laquelle y demoura par plusieurs iours: & disent qu'en ce temps là, y auoit en la *Thoscane* un oracle de *Thetys*, duquel on apporta à ce mauuais Roy *Tarchetius* une telle responce, qu'il feist que sa fille qui estoit encores à marier eust la cōpaignie dudit mōstre, pource qu'il en naistroit un filz lequel seroit tresrenommé pour sa traillāce, & qui en force de corps & prosperité de fortune surpasseroit tous ceulx de son temps.
- C** *Tarchetius* communiqua cest oracle à l'une de ses filles, & luy commanda qu'elle s'approchast du mōstre: ce qu'elle desdaigna de faire, & y enuoya l'une de ses seruantes. Dont *Tarchetius* fut si aigrement courroucé qu'il les feit toutes deux prendre pour les faire mourir: mais la nuit en dormant la deesse *Vesta* apparut à luy, qui luy defendit de le faire: à l'occasion dequoy, il leur commanda de luy ordir une piece de toile en la prison, à la charge qu'elles seroient mariees quand elles l'auroient acheuee. Ces filles estoient tout le long du iour apres, mais la nuit il en uenoit d'autres, par le commandement de *Tarchetius*, qui desfaisoient tout ce qu'elles auoient fait & tissū le iour. Ce pendant la seruante, qui auoit esté engrossée du mōstre, se deliura de deux beaux filz iumeaux: lesquelz *Tarchetius* bailla à un nommé *Teratius*, luy enioignant de les faire mourir. Ce *Teratius* les porta sur le bord de la riuere, là ou il uint une Louue qui leur donna la mammelle, & des oyseaux de toutes sortes qui leur apporterēt de petites miettes, & les leur meirent dedās la bouche, iusques à ce qu'un bouuier les apperceut, qui s'en esmerueillā fort, & print la hardiesse de s'en approcher, & enleuer les enfans: lesquelz aians ainsi esté preseruez, quand ilz furent depuis paruenus en aage d'hōmes, coururent sus à *Tarchetius*, & le desfeirent. C'est un nommé *Promathion* lequel a escrit une histoire *Italique*, qui fait ce compte: mais quant au propos qui a plus d'apparence de uerité, & qui est aussi confirmé par plus de tesmoings, ce a esté *Diocles Peparethien*, que *Fabius Pictor* suit en plusieurs choses, qui l'a le premier mis en auant entre les Grecs, au moins quant aux principaux points. Et combien qu'en ce propos mesme il y ait encores quelques uarietez, toutesfois en somme le discours en est tel: La lignee des Roys d'*Alba* descendus d'*Æneas*, par succession de pere en filz uint à la fin à tumber en deux freres, *Numitor* & *Amulius*: desquelz *Amulius*, quand se uint à faire leurs partages, feit deux lots de tous leurs biens, mettant pour l'un le Royaume, & pour l'autre tout l'or & l'argent comptāt, & tout le tresor qui auoit esté apporté de *Troie*.

Romulus.

Numitor choisit le royaume pour sa part, mais Amulius se trouuant l'or & l'argent entre mains, & à cause d'iceluy se sentant le plus fort, luy osta facilement le royaume: & craignant que sa fille n'eust des enfans qui l'en peussent un iour debouter, il la rendit religieuse à la deesse Vesta, pour user ses iours en uirginité, & n'estre iamais mariee: (Aucuns la nomment Rhea, autres Syluia, & autres Ilia.) mais toutefois peu de tēps apres, elle fut trouuee enceinte, cōtre la regle & la professiō des religieuses Vestales. Si n'y eut riē qui la sauast qu'elle ne fust promptement mise à mort, que les prieres de la fille du Roy Amulius nommee Antho, laquelle interceda pour elle enuers son pere: ce neantmoins elle fut estroittemēt reserree, sans q̄ personne hātaist ny parlaist avec elle, de peur qu'elle n'accouchast sans le sceu d'Amulius. A la fin elle se deliura de deux enfans iumeaux, beaulx & grāds à merueilles: ce qui fait encore plus grande peur que deuant à Amulius. Si commāda à l'un de ses seruiteurs, qu'il print les deux enfans, & les allaist ietter. Aucuns disent que ce seruiteur auoit nom Faustulus: les autres tiennent, que c'estoit celuy qui les enleua: commēt que ce soit, celuy qui eut charge de les ietter, les mit dedans un auge, & s'en alla uers la riuere en intention de les ietter dedans: mais il la trouua si enflée & courāt si roide, qu'il ne foza approcher du fil de l'eau, & les posa sur le bord. Cependant la riuere croissant tousiours uint à la fin à sortir de riuē, tellemēt que l'eau alla iusques dessoubs l'auge, qui la soubleua tout doucement, & la porta en un endroit uny & plain, que lon appelle maintenant Cermanum, & anciennement Germanum, comme ie croy, pource que les Romains appellent les freres de pere & de mere, germains. Or y auoit il aupres de ce lieu la un figuier sauage que lon nommoit Ruminalis du nom de Romulus, comme la plus part estiment: ou à cause que les bestes paissantes se souloient retirer dessoubs, à la grande chaleur du iour, pour y ruminer à l'ombre: ou bien à cause que les deux enfans y furēt allaiētez par la Louue, pource que les anciēns Latins appelloient la mammelle Ruma, & appellent encōres auioirdhuy la deesse que lon reclame pour esleuer les enfans de māmelle, Rumilia: aux sacrifices de laquelle on n'use point de uin, ains y offre lon du laiēt, & de l'eau meslee avec du miel. Ces deux enfans donquēs estans là ainsī gisans, on escriit, qu'il y suruint une Louue, laquelle leur donna à tetter, & un Piuert qui aida aussi à les nourrir & garder. Ces deux bestes sont estimees estre sacrees au dieu Mars, & les Latins honorēt & reuerēt singulieremēt le Piuert. Ce qui aida grandement à faire croire le dire de la mere, laquelle dit auoir conceu les deux enfans du dieu Mars: toutefois aucuns disent qu'elle print ceste opiniō par erreur, pource qu'Amulius qui la despucella, l'alla trouuer tout armē, & la forcea. Les autres tiennent que le nom de la nourrice, qui nourrit de māmelle les deux enfans, donna occasion au bruit commun de foruoier en ceste fable, à cause de l'ambiguité de sa signification, pource que les Latins appellēt d'un mesme nom Lupas, c'est à dire Louues, les femelles des Loups, & les femmes qui abandonnēt leur corps à tous uenans, comme faisoit celle nourrice, femme de Faustulus, celuy qui emporta les enfāns en sa maison. Elle s'appelloit en son droit nom Acca Laurentia, à qui les Romains sacrifient encōres auioirdhuy, & luy offre le prebstre de Mars, au mois d'Auril, les effusions de uin & de laiēt accoustumees es funerailles: & la feste mesme s'appelle Larentia. Il est bien uray qu'ilz honorent encōres un autre Larentia, pour telle occasion: Le sacristain du tēple de Hercules ne sachāt un iour à quoy passer son temps, cō-

A me il est uraysemblable, conuia de gayeté de cueur le dieu à iouer aux-dez avec luy, sous condition, que si luy gaignoit, Hercules seroit tenu de luy enuoyer quelque bon heur: & si luy perdoit aussi, qu'il appresteroit tresbié à soupper à Hercules, & luy ameneroit une belle femme pour coucher avec luy. Les conditions du ieu ainsi articulées, le sacristain ietta les dez pour Hercules premierement, & puis apres pour soy mesme. Il aduint que Hercules gagna, & le sacristain recognoissant bonne foy, & estimant estre raisonnable qu'il accomplist la paction que luy mesme auoit faicte, appresta un beau soupper, & loua ceste Larentia courrisane, laquelle estoit bien belle, mais non encores guieres renommee: & l'ayant festoiee dedans le temple mesme, y fait dresser

B un liét, & apres le soupper l'enferma dedans, comme si Hercules eust deu uenir coucher avec elle: & dit on que ueritablement il y uint, & qu'il luy commanda, qu'elle s'en allast le matin sur la place, & y saluast le premier homme qu'elle y rencontreroit, en le retenant pour son amy. Ce qu'elle fait, & trouua le premier un nommé Tarrutius, homme ia fort aagé, lequel auoit amassé beaucoup de biens, & si n'auoit point d'enfans: aussi n'auoit il iamais esté marié. Il s'accointa de ceste Larentia, & l'aima tellement, que depuis uenant à mourir, il la laissa son heritiere de plusieurs grands biens, dont elle mesme laissa depuis la plus grande partie au peuple Romain par son testament: & dit on qu'estât ia fort renommee & honoree, comme celle que lon estimoit estre

C l'amy d'un dieu, elle disparut au mesme lieu ou estoit enterree la premiere Larentia. Le lieu s'appelle auiourdhuy Velabrum, pour autant que la riuere uenant à desborder, on estoit souuent contraint de passer en bateau pour aller par cest endroit la sur la place, & appelloit on ceste maniere de passer en bateau, Velatura. Les autres disent que ceulx qui faisoient des ieux & passeréps publiques, pour gaigner la faueur du peuple, auoient accoustumé de courir de uoiles & de toiles ce passage la, par ou lon ua de la place aux lices ou se font les courses des cheuaulx, en comenceât à cest endroit la: & les Romains appellent en leur langue une uoile, uelum. C'est la cause pour laquelle ceste seconde Larentia est honoree à Rome. Faustulus donques, le maistre porchier d'Amulius, enleua les deux petits enfans, sans que personne en sceust riens, comme les uns disent: ou comme les autres le comptent, avec plus de semblance de uerité, du sceu & avec intelligence de Numitor, lequel secette-ment fournit argent à ceulx qui les nourrirent. Car on dit mesme qu'ilz furent portez en la uille des Gabiens, là ou ilz apprirent les lettres, & toutes autres choses honnestes que lon a accoustumé de faire apprendre aux enfans de bonne & noble maison: & dit on qu'ilz furent nommez Remus & Romulus, à cause que lon les trouua têtans le pis d'une Loue. Si monstra bien incontinent la beaulté de leurs corps, seulement à ueoir leur taille, & les traicts de leurs uisages, de quelle nature ilz seroient: mais à mesure qu'ilz allerent croissant, le courage leur creut aussi, & deuindrēt hommes asseurez & hardis, de sorte qu'ilz ne se troubloient, ny ne s'estonnoient aucunement pour quelque danger qui se presentast deuant leurs yeulx. Toutefois il sembloit bien, que Romulus auoit plus de sens & d'entendement que son frere: car en toutes choses qu'ilz auoient à desmesler avec leurs uoifins, touchât la chasse, ou les bornes de leurs pasturages, il donnoit euidentement à cognoistre qu'il estoit né pour commander, & non pas pour obeir. A ceste cause estoient ilz tous deux bien uoulus de leurs semblables, & de ceulx qui estoient de plus basse condi-

Romulus.

tion qu'eulx : mais au reste, quant à ceulx qui auoient la superintendence sur les troupeaux du Roy, ilz n'en faisoient compte, disans qu'ilz n'auoient rien de meilleur qu'eulx, & ne se soucioient point de leurs courroux ny de leurs menasses : ains s'addonnoient à tous exercices & toutes occupations honestes, n'estimans point, que uiure en oysiueté, sans trauailler, fust chose belle ny bonne : ains plustost exercer & endurcir son corps à chasser, courir, combattre les brigandz, pourfuiure les larrons, & à secourir ceulx ausquelz lon faisoit tort. Pour lesquelles raisons ilz furent en peu de temps fort renommez : & festant emeu d'aduéture quelque debat & different entre les pasteurs d'Amulius & ceulx de Numitor, de maniere que ceulx de Numitor emmenoiert par force partie du bestial des autres, ilz ne le peurent endurer, ains allerent apres, & les batirent tresbien : & leur aiant faict prendre la fuite, ramenerent la plus grand' partie des bestes qu'ilz emmenoiert : dequoy Numitor fut fort courroucé, mais eulx ne s'en soucierent guieres, ains amasserent à l'entour d'eulx bone troupe d'hômes uagabonds, qui n'auoient ne feu ne lieu, & de serfz fugitifs, qu'ilz desbauchoiert eulx mesmes, en leur donnant hardiesse & courage de se desrober de leurs maistres. Mais un iour, pendant que Romulus estoit empesché à quelque sacrifice, pource qu'il estoit homme deuot, aimant à sacrifier aux Dieux, & qu'il sentédoit en l'art de deuiner & predire les choses à aduenir, les bergers de Numitor rencontrerent d'aduenture Remus mal accompagné, si se ruerent soudainemét sur luy, & y eut des coups donnez, & des gés blecez d'une part & d'autre : toutefois ceulx de Numitor à la fin furent les plus forts, & prirent au corps Remus, lequel ilz menerent aussi tost deuant Numitor, & alleguerent plusieurs plaintes & charges à l'encontre de luy. Numitor ne l'osa faire punir de son auctorité priuee, pource qu'il redoubtoit son frere qui estoit homme terrible : mais il s'en alla deuers luy, & le pria à grande instance, de luy faire iustice, & ne souffrir que luy, qui estoit son propre frere, fust ainsi oultragé par ses gés. Il n'y auoit celuy en la uille d'Alba qui ne trouuaist fort mauuais le tort, que Numitor disoit luy auoir esté faict, & qui ne dist publiquement, que ce n'estoit pas un personnage que lon deust ainsi offenser : de maniere que Amulius emeu de ces raisons, luy liura entre ses mains Remus, pour en faire punition telle que bon luy sembleroit. Parquoy Numitor l'emmena chez luy : mais quand il fut en sa maison, il se print à considerer mieulx, & nō sans admiration, ce beau ieune homme, qui en haulteur & en force de corps surpassoit tous les autres : & apperceuāt en son uisage une constance asseuree, une hardiesse & fermeté de courage, qui ne fleschissoit ny ne festonnoit point pour quelque danger qu'il ueist deuant ses yeulx : & quād & quand oyant raconter ses œuures & ses faictz respōdans à ce qu'il uoyoit : mais principalement estant, à mon aduis, incité par quelque secrette inspiration des Dieux, qui bastissoient le fondement de grandes choses, il se commença, partie par coniecture, & partie par cas d'aduenture, à se doubter de la uerité : si luy demanda qui il estoit, & qui estoit son pere & sa mere, parlant à luy d'une uoix plus douce, & avec un uisage plus humain que deuant, pour l'asseurer & luy donner bonne esperance. Remus luy respondit hardiment : Certes ie ne te celeray riē de la uerité, car tu me sembles (Seigneur) plus digne d'estre Roy que ton frere Amulius, pource que tu enquiers & escoutes, auant que de condamner, & luy condamne auant que ouir les parties. Iusques icy nous auons pensé estre enfans de deux seruiteurs du Roy, c'est à sçauoir de

F
G
H
I
K

Faustulus

A Faustus & de Larentia : ie dis nous , pource que nous sommes deux freres iumeaux. Mais depuis que lon nous a faulsemēt accusez enuers toy, & que par telles calumnies on nous a mis à tort en danger de noz uies , nous entendons dire des choses estrāges de nous, desquelles le peril ou nous sommes à present esclarcira la uerité : car on dit que nous auons esté engēdrez miraculeusemēt, & nourris & allaitēz plus estrangement, es premiers iours de nostre enfance aiāns esté alimentez par les oyseaux, & par les bestes sauuages , ausquelles on nous auoit exposez en proye . Car une Louue nous donna la mammelle (ce dit on) & un Piuert nous apporta des miettes à la bouche , sur le bort de la grande riuiera ou nous auions esté iettez dedans une auge , laquelle est

B encores auourdhuuy en son entier , bandee de lames de cuyure , sur lesquelles y a quelques lettres engrauees à demy effacees , qui seruiron t à l'adventure un iour d'enseignes de recognoissance inutiles à noz parents , lors qu'il n'en sera plus temps , apres que nous aurons esté desfaičts . Numitor adonc rapportant ces paroles au temps & à l'aage que le ieune homme monstro it auoir , à considerer son uisage , ne reietta point l'esperance qui luy rioit, ains fait en sorte qu'il trouua moien d'en parler secrettement à sa fille, laquelle pour lors estoit encores estroittement gardee . Mais ce pēdant Faustus aduertty que Remus estoit prisonnier, & que le Roy l'auoit ia liuré entre les mains de son frere Numitor pour en faire la iustice , sen alla solliciter Romulus de le secourir, en luy donnant lors à entendre de qui ilz estoient filz , pource qu'auparauant il ne leur auoit iamais dit sinon en parolles couuertes, & ne leur en auoit declaré qu'en passant, autant seulement qu'il suffisoit pour leur eleuer un petit le cueur : & quand & quād prenant luy mesme l'auge, sen alla uers Numitor à grande haste, tout effro ié pour le dāger present ou il pensoit que fust Remus . Cela donna occasion de souspeçon aux gardes du Roy qui estoient à la porte de la uille , & encores se rendit il plus suspect quand il se troubla en respondant aux interrogatoires que lon luy fait, avec ce que lon descouurit l'auge qu'il portoit sous son manteau. Or y auoit il d'adventure entre ces gardes un, qui estoit celuy auquel les enfans auoiēt esté baillez pour

D les aller ietter, & auoit esté present quand ilz furent exposez à la mercy de la fortune : celuy la reconeut adonc l'auge, tant à la façon, comme aux lettres qui estoient dessus engrauees : & se doubta incontinent de ce qui estoit uray. Si ne meit pas la chose à nonchaloir, ains l'alla declarer au Roy , & quand & quand luy mena Faustus pour luy en faire confesser la uerité. Faustus se trouuāt en ceste perplexité, ne se peut pas maintenir du tout inuincible , qu'il ne cōfessast quelque chose, mais aussi ne se laissa il pas du tout aller : car il aduoua bien que les enfans estoient uiuans, mais il dit aussi qu'ilz estoient bien loing de la uille d'Alba , là ou ilz gardoient les bestes aux champs : & quant à l'auge, qu'il l'alloit porter à Ilia, pource qu'elle l'auoit par plusieurs fois prié de la luy faire ueoir & toucher , à fin qu'elle se peust mieux asseurer de son e-

E sperāce, qui luy promettoit qu'elle reuerroit un iour ses enfans. Si aduint lors à Amulius ce qui aduint ordinairement à ceulx qui se troublent, & qui font quelque chose en crainte ou en courroux : car il fut si estourdy , qu'il enuoia tout sur l'heure un, qui au demourant estoit homme de bien , mais grād amy de son frere Numitor , luy demander fil auoit point entendu que les enfans de sa fille fussent en uie. Ce personnage arriuant au logis de Numitor, le trouua presque sur le point d'embrasser & accoller Remus, & par son tesmoigna-

Romulus.

ge luy confirma son esperance, l'admonestant au surplus de mettre promptement la main à l'œuvre: & des lors en auât demoura de leur costé. D'autre part aussi l'occasion ne leur dōnoit pas loisir de differer l'entreprise, encore qu'ilz l'eussent uoulu: car Romulus estoit ia bien pres de la uille, & falloient ioin-
dre à luy plusieurs des citoiens d'Alba, qui craignoient ou haïssoient Amulius: oultre lesquelz, encores amenoit il bon nombre de combattans de-
partiz par centeines, chascune desquelles estoit conduite par un centenier, qui marchoit deuât sa troupe portant un faisceau d'herbe ou de menu bois
attaché au bout d'une perche. Les Latins appellent ces faisceaux la, manipu-
los, d'ou uient qu'encores auioirdhuy en une armee de Romains, les soul-
dards qui sont sous une mesme enseigne s'appellent manipulares. Ainsi Re-
mus sollicitant ceulx de dedans la uille, & Romulus amenant gés de dehors,
le tyran Amulius se trouua si troublé & si effroié, que sans se prouuoir d'au-
cune chose qui luy peust estre salutaire, il fut surprins en son palais, & tué.
Voila comment à peu pres le recitent Fabius Pictor, & Diocles Peparethien,
qui le premier, à mon aduis, a escrit la fondation de la uille de Rome: toute-
fois il y en a qui estiment que se sont toutes fables, & comptes faiçts à plaisir.
Mais si me semble il qu'ilz ne sont pas à reietter, ny à descroire du tout, si nous
uoulons considerer les estranges effectz que la fortune faiçt bien souuent: &
quand & quand la grandeur de l'empire Romain: lequel ne fust iamais par-
uenu à la puissance ou il se treuue maintenāt, si les Dieux ne s'en fussent mes-
lez des le commencement, & si l'eust eu quelque estrange origine, & mira-
culeux fondement. Aiant donques Amulius ainsi esté occis, apres que toutes
choses furent appaisees & remises en bon ordre, Remus & Romulus ne uou-
lurent point demourer en la uille d'Alba n'en estat point seigneurs, ny aussi
en estre seigneurs, tant que leur ayeul maternel seroit en uie. Parquoy apres
l'auoir remis en son estat, & auoir faiçt à leur mere l'honneur qui luy appar-
tenoit, ilz proposerent de s'en aller bastir une uille es lieux, ou ilz auoiēt pre-
mierement esté nourriz: car c'estoit la plus honneste couleur qu'ilz pou-
uoient prendre pour se departir d'Alba: mais à l'aduenture estoient ilz con-
traints de ce faire, uoulussent ou non, pour le grand nombre de bannits &
de serfs fugitifs qui s'estoient amassez à l'entour d'eulx, esquelz consistoit tou-
te leur force, laquelle uenoit à se perdre si une fois ilz se debandoient, & se
departoient d'avec eulx. Ainsi falloit il qu'ilz habitassent à part, en quel-
que lieu separé, pour les retenir: car qu'il soit uray, que les habitans de la uille
d'Alba ne uoulussent point que telz bannits & fugitifs se messassent parmy
eulx, ny les receuoir en leur uille pour estre leurs concitoyens, il appert assez
premierement par ce qu'ilz rauirēt des femmes: ce qu'ilz ne feirent point par
insolence, ains par expresse necessité, pour ce qu'ilz ne trouuoiet pas qui leur
en uoulust bailler, & le peult on cognoistre par ce qu'ilz porterent tresgrand
honneur à celles qui furent rauies. D'auantage quand leur uille commença
un petit à prendre pied, ilz feirent un temple de refuge pour tous affligez &
fugitifs, qu'ilz appellerent le temple du dieu Asylus, ou il y auoit franchise
pour toute maniere de gens, qui le pouuoient gaigner, & se ietter dedans: car
ilz ne rendoient ny le serf fugitif à son maistre, ny le debteur à son creancier,
ny l'homicide au iusticier: allegans pour toute defense, que l'oracle d'Apol-
lo Delphique leur auoit expressement enioint de donner franchise libre &
asseuree à tous ceulx qui recouroient à eulx: de maniere qu'en peu de temps
leur

- A** leur uille par ce moien fut toute pleine: car autremēt lon dit, qu'à la premiere fondation il n'y eut pas plus de mille maisons, comme nous dirons icy apres. Quand se uint donques à fonder leur uille, les deux freres eurent incontinent debat ensemble pour le lieu ou elle deuoit estre fondee, à cause que Romulus bastit ce que lon appelle Rome quarree, & uoulut qu'elle demeurast en la place qu'il auoit choisie: mais Remus son frere choisit un autre endroit fort d'asfiette sur le mont Auentin, qui de son nom fut appellé Remonium, & maintenant se nomme Rignarium: à la fin toutefois ilz accorderent entre eulx, qu'ilz decideroient ce different par le uol des oyseaux qui donnent heureux presage des choses à aduenir. Ainsi festans assis en diuers lieux à part pour les contempler, on dit qu'il apparut à Remus six Vaultours, & à Romulus douze. Les autres disent que Remus ueritablemēt en ueit six, & que Romulus faignit du commencement en auoir ueu deux fois autant: mais que quand Remus fut uenu deuers luy, alors il luy en apparut douze ueritablement. Et est la cause pour laquelle les Romains iusques auourd'hui es significations & pronostications du uol des oyseaux, obseruent fort les Vaultours. Vray est que l'historien Herodotus Pontique escrit, que Hercules se resiouissoit, quand il luy apparoissoit un Vaultour sur le poinct qu'il commenceoit quelque entreprise: pour ce que c'est la beste de ce monde la moins mal faisante, comme celle qui ne faiēt dommage ny ne gaste chose quelconque que les hommes sement, plantent, ou nourrissent: attendu qu'elle se paist de charongne seulement, & ne blece ny ne tue iamais chose qui ait uie: encore ne touche elle point aux oyseaux morts pour la cōformité du genre qui est entre eulx, là ou les Aigles, les Ducs, & les Sacres meurtrissent, tuent, & mangent ceulx mesmes qui sont de leur propre espece: & toutefois comme dit *Æschylus*,

Comment pourroit estre l'oyseau goulu

Qui ua mangeant son semblable, impollu?

- D'auantage les autres oyseaux sont tousiours, par maniere de dire, deuant noz yeux, & se presentent ordinairement à nous, là ou le Vaultour est chose bien rare, & mal aisee à ueoir, & ne treuve lon pas facilement leurs aires. Ce qui a donné occasion à quelques uns de prendre une opinion faulse, que les Vaultours soient oyseaux de passage, & qu'ilz uiennent pardeça de quelque pais estrange. Et les deuins tiennent que telles choses qui ne sont pas ordinaires, & que lon uoit bien peu souuent aduenir, ne sont point naturelles, ains enuoyees miraculeusement par les Dieux pour pronostiquer quelque chose. Quand Remus sceut la tromperie que son frere luy auoit faicte, il sen courroucea à bon esciant: & cōme Romulus feit faire un fossé à l'entour du pourpris qu'il uouloit enfermer de murailles, non seulement il sen moqua par mespris, mais encores empescha il l'œuure, & à la fin par maniere de moquerie faulta par dessus. Brief il en feit tant, que finablemēt il y fut tué de la main propre de Romulus, comme les uns disent: ou, comme les autres tiennent, par la main de l'un de ses gens qui s'appelloit Celer. En ce debat moururent aussi Faustulus & Plistinus son frere, qui luy auoit aidé à nourrir & eleuer Romulus. Quoy que ce soit, cestuy Celer sabsenta de Rome, & se retira au pais de la Thoscane: & dit on, que de luy les hommes prompts & soubdains ont esté depuis appelez Celeres, comme entre autres Quintus Metellus, lequel apres la mort de son pere, aiant en bien peu de iours faicte ueoir au peuple un combat d'escrimeurs à oultrance, que les Romains appellent gladiateurs, il en

Romulus.

fut surnommé Celer, pour autant que les Romains s'esmerueillèrent, comment il auoit peu faire ses apprests en si peu de temps. Au reste, Romulus aiait enterré son frere, & ses deux nourriciers, au lieu que lon appelle Remonia, se mit à bastir & fonder sa uille, enuoiant querir des hommes en la Thoscane, qui luy nommerent & enseignerent de point en point toutes les ceremonies, qu'il auoit à y obseruer selon les formulaires qu'ilz en ont, ne plus ne moins que si c'estoit quelque mystere ou quelque sacrifice. Si feirét tout premierement une fosse ronde au lieu, qui maintenant s'appelle Comitium, dedans laquelle ilz meirent des primices de toutes les choses, dont les hommes usent legitimement comme bonnes, & naturellement comme necessaires: puis y ietterent aussi un peu de la terre d'ot chascun d'eulx estoit uenu, & meslerent le tout ensemble (Ceste fosse en leurs ceremonies s'appelle le Monde, du mesme nom que les Latins appellent l'Vniuers) & à l'entour de ceste fosse trasserent le pourpris de la uille qu'ilz uoloient bastir, ny plus ne moins que qui descriroit un cercle à l'entour d'un cèdre. Et cela faict, le fondateur de la uille prent une charrue, à laquelle il attache un soc d'arein, & y attelle un thoreau & une uache, & luy mesme conduisant la charrue tout à l'entour du pourpris, faict un profond sillon, & ceulx qui le suiuet ont la charge de renuerfer au dedans de la uille, les mottes de terre que le soc de la charrue enleue, & n'en l'aïsser pas une tournee au dehors. Ceste trasse du sillon est le circuit que doit auoir la muraille: ce qu'ilz appellent en latin Pomœrium, par un racourcissement de syllabes, cōme qui diroit Post murum, c'est à dire, derriere les murs, ioignant les murs. Mais au lieu ou ilz ont pensé de faire une porte, ilz ostent le soc, & portent la charrue, en laissant un espace de la terre non labouré: d'ou uient que les Romains estiment toute l'enceinte des murailles sainte & sacree, exceptees les portes, pource que si elles eussent esté sacrees & sanctifiees, on eust faict cōscience d'apporter ens, & d'emporter hors de la uille par icelles aucunes choses necessaires à la uie de l'homme, qui toutesfois ne sont pas pures. Or tiét on que ceste ceremonie de fondation fut certainement faicte le dixneuuieme iour d'Auril, pour ce que les Romains festent encores ce iour la, & l'appellent la feste de la natiuité de leurs pais: auquel iour ilz ne sacrifioient anciennement chose quelconque qui eust uie, estimans qu'il falloit, que le iour consacré à la naissance de leur uille demourast pur & net, sans estre souillé ne contaminé de sang: toutefois si auoiet ilz, premier que Rome fust fondee, une autre feste pastorale, qu'ilz celebrient ce mesme iour la, & l'appelloient Palilia. Or sont maintenant les commencemens des mois des Romains tous differents de ceulx des Grecs: si est ce, que lon tient pour tout certain que le iour, auquel Romulus fonda sa uille, fut asseurement celuy que les Grecs appellent Triacáda, c'est à dire, le trentieme, auquel y eut eclipse de lune, que lon estime auoir esté ueüe & obseruee par le poète Antimachus natif de la uille de Teos, en la troizieme annee de la sixieme Olympiade. Mais du temps de Marcus Varro homme docte, & qui auoit autant leu aux anciennes histoires que Romain qui fut onques, il y auoit un de ses amis nommé Tarutius, homme grand philosophe & mathématicien, & se messant du calcul de l'Astrologie pour le plaisir de la speculation seulement, en quoy il estoit tenu pour excellent: Varro luy proposa un theme qu'il cherchast l'heure & le iour de la naissance de Romulus, en la colligeant par la consequence de ses aduentures, ne plus ne moins qu'il se

faict

- A** faiſt es reſolutions de quelques propoſitions Geometriques ; pource qu'ilz diſent que par un meſme artifice ſe peult predire ce qui doit aduenir à un homme en ſa uie, quand on a ſceu l'heure de ſa natiuité : & cognoiſtre auſſi l'heure de ſa natiuité, quand on ſçait ce qui luy eſt adueni en ſa uie. Tarutius donques feit ce que Varro luy propoſa : & aiant bien conſideré les aduentures, les faiſtz & geſtes de Romulus, combien il ueſcut, & comment il mourut: le tout aſſemblé & conſéré enſemble, il prononcea hardiment, que pour certain il auoit eſté conceu dedans le uentre de ſa mere au premier an de la ſeconde Olympiade le uingt troiſieme iour du mois que les Ægyptiés appellent Chœac, qui eſt le mois de Decembre, enuiron les trois heures du iour, à laquelle heure y eut eclipſe entiere de Soleil : & qu'il en eſtoit ſorty le uingtunieme du mois de Thoth, qui eſt le mois de Septembre, enuiron le Soleil leuant: & que Rome fut par luy fondee le neuſieme iour du mois que les Ægyptiens appellent Pharmuthi, qui reſpond au mois d'Auril, entre deux & trois heures du iour : car ilz ueulent dire qu'une uille a ſa reuolution & ſon temps de duree prefix, auſſi bien que la uie de l'homme, & que lon le cognoiſt par la ſituation des aſtres au iour de ſa naiſſance. Ces choſes & autres ſemblables plairont, à l'aduéture, plus aux lecteurs pour la nouueauté & curiosité, qu'elles ne les offenſeront pour leurs faulſetez. Mais apres qu'il eut fondé ſa uille, il diuiſa premierement par troupes tous ceulx qui eſtoient en aage de porter armes. Il y auoit en chaſcune de ces troupes trois mil hommes de pied, & trois cés cheuaulx : & furēt appellees Legions, pour autāt qu'elles eſtoient compoſees d'hommes eſleuz & choiſis entre tous les autres, pour combattre: & le ſurplus de la cōmune fut appellé Populus, qui uault autant à dire cōme, peuple. Apres cela il crea cent Conſeillers, les plus apparens, & les plus gens de bien de la uille, leſquelz il appella Patriciens: & toute la cōpaignie enſemble, Senatus, qui uault autant à dire proprement, cōme qui diroit le cōſeil des uieillarts. Si furent appelez Patriciens, cōme aucūs ueulēt dire, pour ce qu'ilz eſtoiēt peres d'efans legitimes: ou, cōme les autres eſtimēt, pource qu'ilz pouuoiet mōſtrer leurs peres: ce que peu des premiers habitās euſſent peu faire. Si
- D** ce n'eſt que lō ueuille dire, q̄ ce nom leur fut impoſé de Patrociniū, qui uault autāt à dire cōme, patronnage ou protection, duquel mot on uſe encores au iourdhuy en la meſme ſignificatiō: à cauſe que l'un de ceulx qui ſuiuiſſent Euāder en Italie ſ'appelloit Patrō, lequel eſtāt hōme ſecourable & qui ſupportoit les pauſes & petits, donna ſon nom à ceſt effect d'humanitē. Mais il me ſembleroit plus uray ſemblable de dire, que Romulus les eut ainſi appelez, pour ce qu'il eſtimoit que les plus gros & les plus puiſſans deuoient auoir ſoing & ſollicitudē paternelle des menuz: ioinct auſſi que c'eſtoit pour enſeigner aux petits, qu'ilz ne deuoient point craindre l'auctorité des grandz; ny eſtre maris des honneurs & preeminences qu'ilz auoient, ains uſer de leur port & faueur en leurs affaires, avec toute bienueuillance, en les nommant, & les tenās pour leurs peres: car iuſques au iourdhuy les eſtrangers appellent bien ceulx qui ſont du Senat, Seigneurs ou Capitaines: mais les naturelz Romains les appellent PATRES CONSCRIPTI, qui eſt un nom de grand hōneur & de grande dignité, ſans enuie. Il eſt uray, que du commencement ilz furent appelez Patres ſeulement, mais depuis, pource qu'il y en eut pluſieurs adioutez aux premiers, on les nōma Patres conſcripti, cōme qui diroit, peres adioutez: qui eſt le plus uenerable nom qu'il cuſt ſceu inuenter pour mettre difference
- E**

Romulus.

entre les Senateurs & le peuple. Au demourant, il sépara encore les autres F
puissans citoiens d'auec le bas & menu populaire, en appellant les uns Patroni, qui est autant à dire comme, défenseurs & protecteurs: & les autres Clientes, qui signifie adherens, ou receuz en sauluegarde: & quand & quand engendra entre eulx une merueilleuse bienueillance, qui les lia les uns aux autres par plusieurs grandes obligations reciproques, pource que les patrons declaroient à leurs adherés les loix, defendoient leurs causes en iugement, les conseilloient & prenoient tous leurs affaires en main: & reciproquemēt aussi les adherens faisoient la court à leurs Patrons, non seulement en leur portant tout honneur & reuerence, mais aussi en les secourant d'argēt pour leur aider à marier leurs filles, ou à paier leurs debtes, filz estoient pauvres: & n'y auoit G
ny loy ny magistrat qui peust contraindre le patron de porter tesmoignage à l'encontre de son adherent ou uassal, ny le uassal à l'encontre de son patron: & depuis, tous les autres droits d'alliance sont bien demourez entr'eulx, excepté seulement, que lon a trouué laid & lasche, que les grands & puissans prissent argent des petits. Mais à tant auons nous assez parlé de ceste matiere: au demourāt, quatre mois apres que la uille eut esté fondee, ainsi comme l'escrit Fabius, fut faict le rauissement des femmes: & y en a aucuns qui disent, que ce fut Romulus, lequel estant homme belliqueux de sa nature, & se confiant en quelques propheties & responses des Dieux, qui disoiēt estre predestiné, que sa uille deuiendroit tresgrande & trespuissante, moienant qu'elle fust eleuee H
en guerres & accreuë par armes, chercha ceste couleur pour oultrager les Sabins: & qu'il soit uray, ilz disent qu'il n'en feist pas raur beaucoup, ains trente filles seulement, comme celuy qui demandoit plus tost occasion de guerre, qu'il n'auoit besoing de mariages: ce qui toutefois ne me semble pas uray semblable. Mais au contraire uoiant que sa uille se estoit incontinent remplie de gens de toutes pieces, dont il y en auoit bien peu qui eussent des femmes, pource que festoient gens ramassez de tous païs, & la plus part pauvres necessiteux, que lon ne cognoissoit point: de maniere que leurs uoifins les auoient en grand mespris, & ne f'attendoit on pas qu'ilz deussent longuemēt demorer ensemble, il esperā par le moien de ce rauissement, de leur donner entree I
en l'alliance des Sabins, & cōmencement de se mesler aucunement auec eulx, quand ilz traicteroient leurs femmes doucement. Si entreprit d'executer le rapt en ceste maniere: Il feist premierement courir un bruit par tout, qu'il auoit trouué l'autel d'un dieu caché dedās terre, & appellerēt ce dieu, Confus, soit que ce fust un dieu de conseil, pource que les Romains appellent encores auioirdhuy en leur langage le conseil, Consiliū, & les premiers magistras de leur uille CONSVLES, comme qui diroit, Conseillers: ou que ce fust Neptune que lon surnomme le cheualier, ou bien le patron des cheuaulx, pource que cest autel est auioirdhuy dedans les grandes lices, couuert & caché tout le reste du temps, excepté quand on faict les ieux des courses des cheuaulx. K
Les autres disent que pource qu'il fault qu'un conseil soit ordinairement tenu secret & couuert, ilz teindrent à bonne cause cest autel du dieu Confus, caché dedans terre: mais quand il fut descouuert, Romulus en feist un sacrifice de ioye magnifique, & enuoya publier par tout qu'à certain iour prefix on iourroit à Rome des ieux publiques, & feroit on une feste solēnelle, ou tous ceulx qui y uouldroient uenir seroiēt receuz. Grāde multitude de peuple y accourut de toutes parts: & luy fut assis au plus honorable lieu des lices, uestu d'une belle

- A** belle robe de pourpre, accompagné des principaux homes de sa uille à l'en-
tour de luy: & auoit baillé le signe pour commencer le raiſſement, quād il ſe
leueroit debout, & qu'il plieroit un pan de ſa robe, & puis le deſpleroit. A
ceſte cauſe eſtoient ſes gens au guet avec leurs eſpees: leſquelz auſſi toſt qu'ilz
apperceurent le ſigne, ſ'en coururent ça & là, les eſpees traittes au poing, avec
grāds cris, raurir & enleuer les filles des Sabins, laiſſans fouir les hommes, ſans
leur faire autrement deſplaiſir. Si diſent aucuns, qu'il n'y en eut que trente ra-
uies ſeulement, des noms deſquelles furēt appellees les trente lignees du peuple
Romain: toutefois Valerius Antias eſcrit, qu'il y en eut cinq cens uingt ſept:
& Iuba, ſix cens quatre uingts & trois. En quoy faiēt grādemēt à noter pour
- B** la deſcharge de Romulus, ce qu'il n'en print iamais qu'une ſeule, qui auoit
nom Hercilia, laquelle depuis fut cauſe de moiennier & traiter appointemēt
entre les Sabins, & ceulx de Rome: car cela monſtre bien que ce ne fut point
pour faire iniure aux Sabins, ny pour ſatisfaire à aucun deſordonné appetit,
qu'ilz entreprirent ce raiſſement, ains pour conioindre deux peuples enſem-
ble, avec les plus eſtroicts liens qui ſoient entre les hommes. Ceſte Hercilia,
comme aucuns diſent, fut mariée à un Hoſtilius, le plus noble qui fuſt lors
entre les Romains: ou, comme les autres eſcriuent, à Romulus meſme, qui en
eut deux enfā: le premier fut une fille qui eut nom Prima, pource que c'eſtoit
la premiere: l'autre fut un filz, qu'il nomma Aollius, à cauſe de l'amaſ du peu-
ple qu'il auoit aſſemblé en ſa uille, & depuis a eſté ſurnommé Abillius. Ainſi
- C** l'eſcrit Zenodorus Troezenien: en quoy toutefois pluſieurs luy contredirent.
Mais entre ceulx qui raiſſoient alors les filles des Sabins, on dit qu'il ſe trou-
ua quelques gēs de petit eſtat, qui en emmenoient une belle & grande à mer-
ueilles: Ilz rencōtrèrent par cas d'adventure en leur chemin aucuns des prin-
cipaux de la uille, qui la leur uolurent oſter par force: & l'euffent faiēt, n'eufſt
eſté qu'ilz ſe prirent à crier qu'ilz la menoient à Talaffius, lequel eſtoit un ieune
hōme bien eſtimé & bien uoulu d'un chaſcun: car quād les autres entendi-
rent que c'eſtoit pour luy, ilz en firent grande feſte, & les en louerent: de ſor-
te qu'il y en eut aucū qui tournerent tout court avecques eulx, & les accom-
paignerent pour l'amour de Talaffius, en criāt à haulte uoix, & repetant ſou-
uent ſon nom: dōt eſt uenue la couſtume, q̄ iuſques au iourd'uy les Romains
chantent en leurs nopces, Talaffius, ne plus ne moins que les Grecs chantent
Ymeneus, pource que lon dit qu'il fut heureux d'auoir rencōtré ceſte femme.
Mais Sextius Sylla Carthaginois hōme de gentil eſprit & de bon ſçauoir, m'a
autrefois dit, que c'eſtoit le cry & le ſigne que Romulus auoir baillé à ſes gēs
pour cōmencer le raiſſement: à l'occaſion de quoy, ceulx qui en emportoiet, a-
loient criant ce mot Talaffius, & que de là eſt demourée la couſtume que lon
le chante encores es nopces. Toutefois la plus part des aucteurs, meſmement
Iuba, eſtiment que c'eſt un admonement, pour aduertir les nouuelles ma-
riees à penſer de faire leur beſongne, qui eſt de filer, ce que les Grecs appellent
- E** Talaffia, n'eſtans pas encore pour lors les paroles Italiennes meſlees parmy les
Grecques. Et ſi cela eſt uſay que pour lors les Romains uſaſſent de ce terme de
Talaffia comme nous autres Grecz, on en pourroit par coniecture rendre une
autre raiſon, ou il y auroit plus d'apparence: car quand les Sabins apres la ba-
taille eurent faiēt paix avec les Romains, ilz meirent au traitté un article, en
faveur des femmes, qu'elles ne ſeroient point tenues de ſeruir à leurs maris en
autre beſongne, qu'à filer la laine. Dont eſt depuis uenue la couſtume, que

Romulus.

ceulx qui baillent leurs filles en mariage, ou qui cōduisent les nouuelles mariees, ou bien qui sont presens aux nopces, crient par ieu aux nouueaux mariez, en riant, Talassius: comme tesmoignans que lon ne mène l'espousee en la maison de son mary à charge d'autre seruice que de filer la laine. De là est aussi demouree l'usance iusques au iourd'uy, que la nouuelle mariee n'entre pas d'elle mesme par dessus le seuil de l'huis de la maison de son mary, ains la portel'on au dedans, pource que lors les Sabines furent ainsi enleuees & emportees par force. Et dit on encores, que la coustume de mespartir les cheueux des nouuelles mariees avec le fer d'un iauelot, uient aussi de là, estant si gne que ces premieres nopces furent faictes par force d'armes, & par maniere de dire, à la pointe de l'espee: ainsi comme nous auons plus amplement G
escrit au liure, ou nous rendons les causes des façons de faire & coustumes de Rome. Ce rauissement fut executé enuiron le dixhuitieme iour du mois qui lors s'appelloit Sextilius, & maintenant se nomme Augustus: auquel iour on celebre encore la feste, que lon appelle Consalia. Or estoient bien les Sabins gens de guerre, & auoient grand nombre de peuple, mais ilz habitoiēt en des bourgades non fermees de murailles, estant chose appartenante à leur magnanimité de ne craindre rien, comme ceux qui estoient descēdus des Lacedemoniens: toutefois ce uoians gagez & obligez par ostages qui leur tenoiēt de si pres, & craignans que leurs filles ne fussent mal traittees, ilz enuoierent des ambassadeurs uers Romulus, par lesquelz ilz luy firent des offres & remonstrances fort raisonnables, Qu'il leur feist rendre leurs filles sans user de force ny de uiolence: & puis apres qu'il les feist demander en mariage à leurs parents, ainsi que la raison & les loix le uoloient: à fin que du gré & consentement des parties, les deux peuples uinssent à cōtracter amitié & alliance ensemble. A quoy Romulus feist response, qu'il ne rendroit point les filles que ses gens auoient rauies: mais qu'il prioit bien fort les Sabins de uoloir auoir pour agreable leur alliāce. Parquoy ceste response ouye, pendāt que les autres princes & communaultez des Sabins famusoient à consulter, & à se preparer, Acron roy des Ceniniens, homme courageux & bien entendu au faict de la guerre, & qui des le commencement auoit eu suspectes les hardies entreprises de Romulus, uoiant encore de nouueau ce rauissement de leurs filles, estima qu'il deuoit estre ia redoubtable à tous ses uoïns, & non tolerable si l n'estoit chastie. Si cōmencea le premier à luy courir sus, & à luy faire la guerre avec une puissante armee. Romulus de l'autre costé luy alla aussi à l'encontre. Quand ilz furent si pres l'un de l'autre qu'ilz se peurēt entreuoir, ilz se desfierent l'un l'autre à cōbatre d'homme à homme au milieu de leurs deux armees, sans qu'elles se bougeassent. Et Romulus faisant sa priere à Iupiter luy promet & uoua, qu'il luy feroit offrande des armes de son ennemy, si luy donnoit la grace de le desfaire. Comme il feit, car il le tua sur le champ, puis donna la bataille à ses gens, qu'il rompit, & apres tout, prit la uille: là où il ne fit mal ny desplaisir quelconque à ceulx qu'il trouua dedās, sinon qu'il leur commanda de demolir & destruire leurs maisons, & s'en aller avec luy habiter à Rome, là ou ilz auroient tous mesmes droitz & mesmes priuileges que les premiers habitans. Il n'y a rien eū qui ait plus augmenté la uille de Rome, que celle façon de ioindre & incorporer tousiours avec soy ceulx qu'elle auoit uaincus. Mais Romulus uoulant s'aquitter de son ueu, en sorte que son offrande fust tresagreable à Iupiter, & tresdelectable à ueoir à ses citoiens, K
couppa

- A** couppa un beau grand & droit chesneau, qui se rencontra de bonne aduéture au lieu, ou son camp estoit logé, & l'accoustra en forme de trophée, pendant & attachât à l'entour par ordre les armes du Roy Acron: puis ceignit sa robe, & mettant un chapeau de laurier par dessus sa longue perruque, chargea sur son espaule droite le chesneau, avec lequel il se prit à marcher deuant vers sa uille, commençant à chanter un chant royal de uictoire, estant suiuy par tout son exercite en armes iusques dedans Rome: là ou ses citoiens le receurent à grande ioye & grandes louanges. Ceste pompeuse entree a donné commencement, & reputation pour se faire desirer, aux triumphes qui se sont faictz depuis: mais l'offrande du trophée fut dediee à Iupiter surnommé Feretrien, pource que ce mot Latin FERIRE, signifie frapper & tuer: & la priere qu'auoit faict Romulus estoit, qu'il peust ferir & occire son ennemy. Telles despouilles s'appellent en Latin SPOLIA OPIMA, pour autant, ce dit Varro, que OPES signifie richesse: toutefois il me sembleroit plus uray semblable de dire, qu'elles aient esté nomées de ce mot OPVS, qui signifie œuvre ou acte, pource qu'il fault que ce soit le chef mesme de l'armée, qui ait tué de sa propre main le Capitaine en chef des ennemis, pour pouoir offrir ceste offrande de despouilles, que lon appelle Spolia opima, cōme qui diroit, despouilles principales. Ce qui n'est encores aduenü qu'à trois Capitaines Romains seulement: dont le premier fut Romulus, qui tua Acron Roy des Ceniniens: le second fut Cornelius Cossus, qui tua Tolumnius Capitaine general des Thoscās: le tiers fut Claudius Marcellus, qui occit de sa main Britomartus roy des Gaullois. Et quāt aux deux derniers, Cossus, & Marcellus, ilz entrerēt en la uille portans leurs trophées sur des chariots triumphans: mais Romulus, non. Et pourtant a failly en cest endroit Dionysius l'historien, escriuāt que Romulus entra dedans Rome dessus un chariot de triumphe: car ce fut Tarquinius filz de Demaratus, qui le premier eleua les triumphes en ceste superbe magnificēce: les autres tiennent que ce fut Valerius Publicola, qui entra le premier dessus un chariot triumphal. Quant à Romulus, on ueoit encores à Rome ses statues portans ce trophée toutes à pied. Apres ceste prise des Ceniniens, les habitans des uilles de Fidene, Crustumerium, Antemne, se banderent ensemble contre les Romains, pendant que les autres Sabins estoient encores à s'apprester. Si y eut bataille, en laquelle ilz furent desfaicts: & abandonnerent leurs uilles en proie à Romulus, & leurs terres à departir à qui il uoudroit, & eulx à trāsporter à Rome. Romulus distribua leurs terres à ses citoiens, exceptees celles qui appartenoiēt aux peres des filles qui auoient esté rauies. Car il uoulut que ceulx là les reteinsent. Dequoy les autres Sabins estāns griefuement indignez, eleurent Capitaine general un nommé Tatius, & allerent avec une puissante armée deuant la uille de Rome, laquelle estoit alors difficile à approcher, aiāt pour boulevard le chasteau assis ou est auioirdhuy le Capitole: & y auoit dedans grosse garnison, dont estoit capitaine Tarpeius, & non pas sa fille Tarpeia, comme aucuns ueulent dire, qui font Romulus un for: mais la fille du capitaine, Tarpeia, uendit la place aux Sabins, pour l'enuie qu'elle eūt d'auoir les bracelets d'or qu'ilz portoient à l'entour de leurs bras: & leur demāda pour loier de sa trahison, ce qu'ilz portoient en leurs bras gauches. Tatius le luy promet: & elle leur ouurit la nuit une porte, par laquelle elle mena les Sabins dedans le chasteau. Antigonus donques n'a pas esté seul, qui a dit qu'il aimoit ceulx qui trahissoient, & auoit en haine ceulx qui auoient trahy: ny Cæ-

Romulus.

far Augufte qui dit à Rymiralces Thracié, qu'il aimoit la trahifon, mais qu'il haïffoit les traiftres: ains eft une commune affection que lon a uers les mefchâs, pendant que lon a affaire d'eulx: ne plus ne moins que ceulx qui ont affaire du fiel & du uenim de quelques beftes uenimeufes: car ilz font bien aïfés quand ilz les reuuent, & qu'ilz les prennent, pour s'en feruir à leur befoin: mais quand ilz en ont pris ce qu'ilz ont uoulu, ilz haïffent leur malice. Ainfi en feit alors Tatius: car quand il fut dedans la fortreffe, il commanda aux Sabins que fuiuant la promeffe qu'il auoit faicte à Tarpeia, ilz ne luy efpargnaſſent ny reteinſſent rien de tout ce qu'ilz portoient en leurs bras gauches: & en tirât luy meſme le premier de ſon bras le bracelet qu'il y portoit, luy iettâ, & ſon eſcu apres: tous les autres en feirent autant, de forte qu'eſtant portee par terre à coups de bracelets & de panoiſ, elle mourut accablee ſoubs le faix: toute-fois Tarpeius fut auſſi luy meſme attainct & conuaincu de trahifon à la pourſuite de Romulus, comme Iuba dit que Sulpitius Galba l'a eſcrit. Au demourant ceulx qui eſcriuent autrement de cefte Tarpeia, diſans qu'elle eſtoit fille de Tatius capitaine des Sabins, & qu'elle couchoit par force avec Romulus: & qu'apres auoir faict la trahifon que nous auôs ditte, elle en fut ainſi punie par ſon propre pere: ceulx là, diſ-ie, entre leſquelz eſt Antigonius, ne ſont aucunement croyables. Et encore plus reſue le poëte Simylus qui dit, que Tarpeia uendit le Capitole non aux Sabins, mais au roy des Gaulois, duquel elle eſtoit amoureuſe: & le dit en ces uers,

Tarpeia la ieune garſe folle,
Qui demouroit aupres du Capitole,
Fit prendre Rome: aiant ſi grande enuie
D'eſtre en amours du roy Gaulois ſeruiue,
Qu'elle trahit deſſoubs cefte eſperance,
Le roy ſon pere avec ſa demourance.

Et un petit apres, en parlant de la maniere de ſa mort, il dit encore:
Mais les uaillans Gaulois, pour tout cela,
N'e l'ont menee en leur païs dela
Les eaux du Po: ains ſur elle ont ietté
De leurs eſcus ſi grande quantité,
Que ſoubs le faix la dolente pucelle
En endura mort amere & cruelle.

Cefte fille donques aiant eſté enterree au lieu meſme, tout le mont en fut depuis appellé Tarpeius, & luy dura ce nom iuſques à ce que le roy Tarquinius decia toute la place à Iupiter: car lors on trāſporta ſes os ailleurs, & faillit ſon nom: ſinon que iuſques auiourdhuy on appelle encore une roche, qui eſt en un endroit de ce mont du Capitole, Rupes Tarpeia, de laquelle on ſouloit anciennement precipiter en bas les malfaiteurs. Quand donques les Sabins furent ſaiſis de la fortreffe, Romulus en eſtât fort courroucé, les enuoya deſfier de uenir à la bataille: ce que Tatius ne refuza point, uoiant que ſi d'aduenture ilz eſtoïent forcez, ilz auoïent une ſeure retraitte: car le lieu d'entre les deux armées, auquel ilz deuoient cōbatre, eſtoit tout à l'entour enuironné de petites mōtagnes: de ſorte qu'il eſtoit apparêt, que le cōbat y ſeroit aſpre & penible, à cauſe de la malaiſāce du lieu, auquel on ne pourroit ny fouir, ny chaffer guerres loing, tant la place eſtoit contrainte. Or eſtoit, par cas d'aduenture, quelques iours auparauant, la riuere du Tybre ſortie hors de riue, & en eſtoit de-

mouré

A mouré un boubrier plus profond qu'il ne sembloit à le ueoir par dessus, pour ce que c'estoit en lieu plain, à l'endroit mesme ou est la grande place de Rome: on n'en cognoissoit rien à l'oeil, pource que le dessus estoit crousté: au moien dequoy il estoit plus aisé d'y tumber, & plus malaisé de s'en tirer, à cause que le dessous enfondroit. Si alloient les Sabins donner droit dedans, n'eust esté le danger de Currius, qui de bone fortune les en garda. C'estoit un des plus nobles & des plus uailhans hommes des Sabins, lequel estant monté sur un coursier, marchoit bien loing deuant la troupe des autres. Le coursier s'alla ietter dedans le boubrier, & luy qui estoit dessus, le sentât enfondrer, tascha bien du commencement à l'en faire sortir, de le picquer, & de le harasser: mais à la fin uoiant qu'il ne s'en pouuoit tirer, il le laissa là, & se sauua.

B L'endroit ou cela fut, en est encores auourd'hui appelé de son nom, Lacus Currius. Les Sabins donques euitans ce danger, commencerent la bataille: qui fut aspre, & dura longuemēt sans que la uictoire inclinast plus d'une part que d'autre: & neantmoins y mourut grand nombre de gens, entre lesquelz fut Hostilius, que lon dit auoir esté mary de Hersilia, & ayeul de Hostilius, qui fut Roy des Romains apres Numa Pompilius. Depuis y eut encore plusieurs autres rencontres en peu de iours, comme lon peult penser: mais on fait mention de la derniere sur toutes les autres, en laquelle Romulus receut un coup de pierre en la teste, si grand, que peu s'en fallut qu'il ne tumbast en

C terre: tellemēt qu'il fut contraint de se tirer un peu arriere de la meslee: à l'occasion dequoy, les Romains reculerent aussi, & s'en fouirent uers le mont Palatin, estans par force chassez hors de la plaine. Romulus commenceoit desia à se reuenir du coup qu'il auoit receu, & uouloit retourner au combat, criant tant qu'il pouuoit à ses gens, qu'ilz demourassent, & monstrassent uisage à l'ennemy: mais ilz ne laissoient point pour son hault crier, de fouir tousiours aual de rouverte, & n'y en auoit pas un qui ozast se retourner. Parquoy leuant adonc ses deux mains uers le ciel, il feit priere à Iupiter, qu'il luy pleust arrester la fuite de ses gens, & ne permettre point que les affaires des Romains allassent ainsi en ruine, ains les uoloir remettre sus. Il n'eust pas

D plus tost acheué sa priere, que plusieurs de ses gens, qui fuioient, commencerent à auoir honte de fouir deuant leur Roy, & leur uint soudain une assurance au lieu de frayeur, de sorte qu'ilz s'arresterent premieremēt à l'endroit ou est maintenant le temple de Iupiter Stator, qui uault autant à dire comme, Arresteuse: puis se rallians ensemble repoulsèrent les Sabins iusques au lieu que lon appelle de present Regia, & iusques au temple de la deesse Vesta: là ou ainsi comme les deux batailles se preparoient pour recommencer à combattre de rechef, il se presenta deuant eulx une chose estrange à ueoir, & plus merueilleuse que lon ne sçauroit dire, qui les en garda. Car les Sabines, que les Romains auoient rauies, accoururent, les unes d'un costé, les autres d'un autre, avec pleurs, cris, & clameurs, se iettans à trauers les armes, & les morts gisans sur la terre, de maniere qu'il sembloit qu'elles fussent forcenees, ou possedees de quelque esprit: & en tel estat allerent trouuer leurs peres & leurs marrys, les unes portans leurs petits enfans de mammelle entre leurs bras, les autres descheuelees, & toutes appellans ores les Sabins, & ores les Romains, par les plus doulx noms qui soient entre les hommes: ce qui attendrit les cœurs aux uns & aux autres, de façon qu'ilz se retirerent un petit, & leur feirent place entre les deux batailles. Si furent adonc leurs cris & leurs regrets entendus

Romulus.

clairement de chascun, & n'y eut celuy à qui elles ne feissent grâde pitié, tant
de les ueoir en tel estat, que d'ouyr les paroles qu'elles disoient, en adiouxant
aux franches remonstrances de leurs raisons les plus humbles prières & sup-
plications dont elles se pouuoiet aduifer. Car quelle offense (disoient elles)
ne quel desplaisir uous auons nous faict, pour lequel nous meritions tant de
maulx que nous auôs desia soufferts, & que uous nous faictes encore souffrir
maintenant? Nous auons esté uiolentemēt & contre les loix rauies par ceulx
à qui nous sommes maintenāt: mais noz peres, noz freres, noz parēts & amis,
nous y ont laissees si longuement, que la longueur du temps nous aiant liées
des plus estroicts liens du mōde avec ceulx que nous haissions mortellemēt,
nous contrainct à ceste heure d'auoir peur, en uoiant combattre & lamenter,
en uoiant mourir ceulx qui alors nous faurent iniustement. Car uous ne
nous estes pas uenus recourir lors que nous estions encōres entières, & retirer
des mains de ceulx qui nous detenoient iniquemēt, & uous uenez maintenāt
pour oster les fēmes à leurs marys, & les mēres aux petits enfans, de sorte que
le secours que uous nous cuidez faire maintenāt, nous est plus grief que l'a-
bandon que uous feistes alors de nous ne nous a esté douloureux: telle est l'a-
mitié qu'ilz nous ont portee, & telle la pitié q' uous auez ores de nous. Si don-
ques uous cōbatiez pour quelque autre occasiō que pour nous, encōre seroit
il raisonnable que uous cessissiez le cōbat pour l'amour de nous, par qui uous
estes faicts beaux peres, ayeulx, alliez, & beaux freres de ceulx contre qui uous
combattez: Mais si ainsi est que toute ceste guerre ne soit entreprise que pour
nous, nous uous supplions de tout nostre cœur que uous nous uouliez rece-
uoir avec uoz gendres, & uoz arrieres filz, & que uous nous rendiez noz peres,
noz freres & parents, sans nous uouloir priuer de noz maryz & de noz enfans,
ny nous uouloir rendre captifues & prisonnieres encōre une autre fois. Ces
prieres & remonstrances de Hersilia, & des autres dames Sabines, entendues,
les deux armées feirent une surseance d'armes, & parlerent les deux chefs en-
semble: durant lequel parlement, elles amenerent leurs maryz & leurs enfans
à leurs peres, & à leurs freres, apporterent à boire & à menger à ceulx qui en
uolurent, penserent ceulx qui estoient blecez, & les emportans en leurs logis
leur monstrerent comme elles estoient maistresses chez leurs maryz, & com-
me ilz faisoient grand compte d'elles, & leur portoient tout honneur avec
amitié coniugale: de maniere, que finablement ilz feirent appointement en-
semble, par lequel fut accordé que les Sabines qui uoudroiet demourer avec
ceulx qui les tenoient, y demoureroient, exemptes de toute autre besongne &
de tout autre seruice, comme nous auons dict auparauant, sinon que de filer
la laine: & aussi que les Sabins & les Romains habiteroient ensemble dedans
la uille, laquelle seroit appelée Rome du nom de Romulus: & les habitans en
seroient appelez Quirites, du nom de la uille dōt estoit Tatius le roy des Sa-
bins: & qu'ilz regneroient & gouuerneroient par commun accord tous deux
ensemble. L'endroit ou fut accordé cest appointement s'appelle encōres au-
iourd'hui Comitium: pource que, Coire, en lāgage Latin signifie s'assembler.
Ainsi la uille estant augmentee de la moitié, on adiouxta cent nouueaux Pa-
triciens Sabins aux cent premiers Romains, & furent adonc faictes les legiōs
de six mille hommes de pied, & de six cens de cheual, & distribua lon tous
les habitans en trois lignees, dont ceulx de Romulus furēt appelez Ramnen-
ses, de son nom: ceulx du costé de Tatius, Tatienses: & ceulx de la troisieme,
Lucerenses,

- A** Lucerenſes, à cauſe du bocage, auquel il accourut grand nombre de gens ramſſez de toutes pieces, depuis que lon y eut donné franchise à tous uenans, leſquelz depuis furēt faiçts citoiens Romains: car on appelle en Latin les bocages, Lucos. Or qu'il y ait eu du commencement à Rome trois lignees ſeulement, & nō plus, le mot meſme de Tribus, qui ſignifie ligne, le teſmoigne: car ainſi les appellent les Romains encore iuſques auiourdhuy, & Tribuns ceulx qui en ſont cheſz: mais chaſcune de ces lignees principales en auoit puis apres dix autres particulieres ſoubs ſoy, leſquelles aucuns eſtiment auoir eſté appellees des noms des dames Sabines, mais cela eſt faulx, pource que pluſieurs portēt les noms de quelques lieux. Toutefois il y eut lors pluſieurs choſes eſtablies & ordonnees à l'honneur des Dames, comme de leur ceder & dōner le deſſus quand on les rencontreroit par le chemin: ne dire rien de ſale ny deſhōneſte en leur preſence: de ne ſe deſpouiller point à nud deuāt elles: ne pouuoir eſtre appellees en iuſtice deuāt les iuges criminelz cognoiſſans des homicides: que leurs enfāſ porteroiēt au col une façon de bague q̄ lon appelloit Bulla, pourautant qu'elle eſt preſque faiçte comme ces petites bouteilles qui ſengendrēt deſſus l'eau quand il cōmence à plouuoir: & que leurs robbes ſeroiēt bordees de pourpre. Si ne conferoiēt pas les deux Roys enſemble, tout auſſi toſt que les affaires ſuruenoient, ains en deliberoit chaſcun d'eulx premierement à part avec ſes cent Senateurs, & puis ilz les aſſembloient tous en un.
- C** Tatiuſ ſe tenoit au lieu, ou maintenant eſt le temple de Iuno Moneta: & Romuluſ, au lieu qui ſ'appelle auiourdhuy Les degrez de belle riue, qui ſont à la deſcēte du mont Palatin, ainſi que lon ua au parc des grādes lices, ou lon dit que autrefois eſtoit le ſainct Cormier, dont on faiçt un tel compte. Romuluſ un iour uoulant eſprouuer ſa force, lancea (ce dit on) depuis le mont Auentin iuſques là, un iāuelot, duquel la hante eſtoit de Cormier: le fer entra ſi auant dedans la terre, qui eſtoit forte & graſſe, que nul ne la peut arracher, encore que pluſieurs y eſſayāſſent, & en feiſſent tout leur effort. La terre eſtant propre à nourrir arbres, couurit le bout de la hante, laquelle print racine, & commença à ietter branches, tellement qu'avec le temps elle
- D** deuint un beau & grand Cormier, que les ſucceſſeurs de Romuluſ enfermerent de muraille tout à l'entour, en le reuerant & contregardant comme choſe treſſaincte: & ſi d'aduēture quelcun l'alloit ueoir, qui le trouuaſt non frais ne uerdoyant, ains comme arbre qui ſe ua fanant & ſechant à faulte de prendre nourriture, il l'alloit diſant en effroy à tous ceulx qu'il rencontroit: & eulx, ne plus ne moins q̄ ſi c'eult eſté pour eſteindre un feu, alloient criāt par tout, à l'eau, à l'eau: & accouroit on de toutes parts avec des vaiſſeaux pleins d'eau, pour l'arroſer & abbreuer. Mais du tēps de Caiuſ Cēſar, qui feit refaire ces degrez, les ouuriers, comme lon dit, en fouillant, & creuſant tout à l'entour de ce Cormier, par meſgarde en offenſerent les racines, tellemēt que l'arbre en ſecha de tout point.
- E** Or receurent les Sabins les mois des Romains, touchant leſquelz nous auons eſcript ſuffiſamment en la uie de Numa: mais auſſi Romuluſ uſa de leurs eſcus: & changea la façon des armes dont il uſoit auparauāt tant luy que ſes gens: car ilz portoiēt de petits boucliers à la façon des Argiens. Et quant aux feſtes & ſacrifices, ilz ſe les entrecōmuniquerent, & n'en oſterent pas une de celles que l'un & l'autre peuple obſeruoit auparavant, mais ilz y en adiouſterent d'autres nouuelles, cōme celle que lon nomme Matronalia, qui fut inſtituee à l'honneur des Dames, pource qu'elles a-

Romulus.

uoient esté cause de faire la paix: & aussi celle de Carmentalia, en l'honneur de Carnienta, laquelle aucuns estiment estre la Deesse fatale, qui preside & domine à la naissance de l'homme: à raison dequoy, les meres la reclament & l'honorent. Les autres disent que c'estoit la femme d'Euander Arcadien, laquelle estant prophetisse inspirée du dieu Phoebus, rédoit les oracles en uers, dont elle fut surnommée Carmenta, pour ce que Carmina en Latin signifient des uers: car il est certain que son propre nom estoit Nicostrata. Toutefois il y en a qui donnent une autre deriuation & interpretation de ce mot de Carmenta, qui est plus uray semblable, comme si c'estoit à dire, Carés mente, qui signifie hors du sens, pour la fureur qui esprent ceulx qui sont inspirez d'esprit prophetique. Car en Latin Carere signifie estre priué, & Mens signifie le sens & l'entendement. Quant à la feste de Palilia, nous en auons parlé cy deuant: mais celle de Lupercalia, considéré le temps auquel on la celebre, semble auoir esté instituee pour une purification: car elle se celebre es iours malencontreux du mois de Feburier, lequel nom, à l'interpreter, signifie autant comme purificatif: & s'appelloit anciennement le iour auquel on la celebroit, Februata. Mais le nom propre de la feste uault autant à dire comme, la feste aux Loups: pour laquelle cause il semble qu'elle soit fort ancienne, ayant esté instituee par les Arcadiens qui uindrent avec Euander: combien que le nom soit commun autant aux Louues comme aux Loups, & peult auoir esté imposé à cause de la Louue qui nourrit Romulus: car nous uoions que ceulx qui courent ce iour la par la uille, que lon appelle Luperci, commencent leur course au lieu propre ou lon dit que Romulus fut exposé. Mais il sy faict des choses dont la cause & l'origine seroit bien malaisée à coniecturer: car on y tue des cheures, & amene lon deux ieunes garçons de noble maison, à qui on touche le frôl avec le cousteau raint au sang des cheures immolees, & puis les essuye lon incontinent avec de la laine trempée en lait, & fault que les ieunes garçons se prennent à rire apres que lon leur a ainsi essuyé le frôl: cela faict, on coupe les peaux des cheures, & en faict lon des courroies, qu'ilz prennent en leurs mains, & s'en uont courant par la uille tous nuds, fors qu'ilz ont un linge ceint deuant leur nature, & frappent avec ces courroies ceulx qu'ilz rencontrent en leur chemin: mais les ieunes femmes ne les fuyent point, ains sont bien aises d'en estre frappees, estimans que cela leur sert à deuenir grosses, & à facilement enfanter. Il y a encore une autre particularité en ceste feste: c'est que les Lupercques, c'est à dire, ceulx qui y courêt, sacrifient un chien. Mais un poëte nommé Butas, en certaines elegies qu'il a escriptes, ou il rend des causes fabuleuses des coustumes & cerimonies de Rome, dit que Romulus apres auoir desfaict Amulius, s'en alla courant, en grande ioye, au lieu mesme ou la Louue leur donna à tetter à son frere & à luy: en memoire de laquelle course, il dit que ceste feste de Lupercalia se celebre: & que des ieunes garçons de noble maison y courent par la uille, frappaïs & battans ceulx qu'ilz rencontrent en leur chemin, en memoire de ce que Remus & Romulus coururent depuis Alba iusques en ce lieu là, aians leurs espees traittes en leurs mains: & que lon leur touche le front avec un cousteau raint en sang, pour souuenance du danger d'estre tuez, auquel ilz furent alors: & apres tout, que lon leur essuye le front avec du lait, pour commemoration de la maniere comment ilz furent allaittez. Mais Caius Acilius escrit que Remus & Romulus, auant que Rome fust bastie, esgarerent un iour leurs bestes, & que pour les aller chercher, apres a-

A uoir fait leurs prieres à Faunus, ilz se meirent à courir ça & là tous nuds, de peur que la sueur ne les empeschast: & que c'est la cause pour laquelle auourd'hui les Luperques courent tous nuds. Et si est uray que ce sacrifice se face pour une purificatiō, lon pourroit dire qu'ilz immolent un chien à ceste fin, ne plus ne moins que les Grecs en leurs sacrifices de purgation portēt dehors les chiens: & en plusieurs endroits obseruent celle cerimonie de chasser les chiens, ce que lon appelle Periscylacismes: ou bien, si c'est pour rendre graces à la Louue qui allaicta & garda de perir Romulus, que les Romains solennisent ceste feste, ce n'est pas sans propos que lon y sacrifie un chiē, pource que c'est l'ennemy des Loups: si d'aduenture lon ne uoloit dire que ce fust pour chastier ceste beste, laquelle fasche & empesche les Luperques, quand ilz courent. Aucuns disent aussi que ce fut Romulus qui le premier institua la religion de garder le feu sainct, & qui ordonna les uierges sacrees que lon appelle Vestales: les autres l'attribuent à Numa Pompilius. Quoy que ce soit, il est bien certain qu'il a esté homme fort deuorieux, & bien entendu en l'art de deuiner les choses futures par le uol des oyseaux, qui estoit la cause pour laquelle il portoit ordinairement le baston augural, qui s'appelle en latin Litus. C'est une uerge courbee par le bout, avec laquelle les deuins quand ilz fasseiēt pour contempler le uol des oyseaux, designent & marquent les regions du ciel. On la gardoit soigneusement dedans le palais: mais elle fut esgaree du temps de la guerre des Gaulois, quand la uille de Rome fut prise, & depuis apres q̄ les barbares eurent esté chassēz, fut retrouuee toute entiere, à ce que lon dit, dedans un hault monceau de cendres, sans auoir esté aucunement endommagée, là ou toutes autres choses à l'entour auoient esté consommées, ou gastees par le feu. Il feit aussi quelques ordonnances, entre lesquelles y en a une qui semble un peu dure, laquelle ne permet point à la femme de laisser son mary, & donne licence au mary de laisser sa femme, si d'aduenture elle auoit empoisonné ses enfans, ou falsifié ses clefz, ou commis adultere: & si autrement il la repudioit, la moitié de ses biens estoit adiugée à sa femme, & l'autre à la deesse Ceres: & commandoit que celui qui repudioit ainsi sa femme, sacrifiait aux dieux de la terre. Mais cela est propre & particulier à Romulus, que n'ayant estably aucune peine contre les Parricides, c'est à dire, cōtre ceulx qui tuent leurs pere ou mere, neantmoins il appelle Parricide tout homicide, comme estant l'un execrable, & l'autre impossible. Si a semblé longuement qu'il auoit eu raison de penser, que iamais une telle meschanceté n'aduendroit: car il ne s'est trouué personne à Rome qui ait commis tel crime l'espace de six cens ans durant: & fut le premier parricide Lucius Ostius, apres la guerre de Hannibal. Mais à tant est ce assez parlé de ce propos. Au demourant, la cinquieme année du regne de Tatiū, aucū de ses parēts & amis rencontrerent d'aduenture en leur chemin quelques Ambassadeurs uenāns de la uille de Laurentum à Rome, sur lesquelz ilz se ruerent, & tascherent à leur oster leur argent: & pource que ces Ambassadeurs ne leur uolurent pas bailler, ains se meirent en defense, ilz les tuerent. Ce uillain cas aiant ainsi esté commis, Romulus estoit d'aduis que lon en deuoit faire sur le champ punition exēplaire: mais Tatiū le remettoit de iour à autre, & luy uisoit tousiours de quelque desfaicte: ce qui seul fut causē qu'ilz entrerent en dissension apparente l'un contre l'autre: car au demourant ilz festoient tousiours comporrez le plus honnestement qu'il estoit possible l'un enuers l'autre, en condui-

Romulus.

fant & gouuernant toutes choses ensemble d'un commun accord & consentement. Mais les parents de ceulx qui auoient esté occis, uoians qu'ilz ne pouuoient auoir iustice, à cause de Tatius, l'espierent un iour qu'il sacrifioit en la uille de Lauinium avec Romulus, & le tuerent, sans rien demander à Romulus: ains le louerent, comme Prince iuste & droitturier. Romulus feit bié emporter le corps de Tatius, & l'inhuma fort honorablement au mont Auentin, enuiron l'endroit qui s'appelle maintenant Armilustrium: mais au reste, il ne monstra aucun semblant de uouloir uenger sa mort. Il y a quelques historiens qui escriuent, que la uille de Laurentum effroyée de ce meurtre, luy liurerent ceulx qui l'auoient commis, mais que Romulus les laissa aller, disant qu'un meurtre auoit esté iustement uengé par un autre. Cela donna occasion de dire, & de penser, qu'il estoit bien aise d'estre deliuré de compaignō: toutefois les Sabins pour cela ne s'en emeurent ny ne s'en mutinerent point, ains les uns pour amitié qu'ilz auoient ia cōceue enuers luy, les autres pour sa puissance qu'ilz redoubtoient, & les autres pource qu'ilz l'adoroient comme un dieu, perseuererent à luy porter tousiours tout honneur & obeissance. Plusieurs estrangers mesmes reueroient aussi la uertu de Romulus, comme entre les autres ceulx que lon nommoit alors les anciens Latins, lesquels enuoyerent deuers luy, & traiterent amitié & alliance avec luy. Il prit aussi la uille de Fidenes, qui estoit fort uoisine de Rome: & disent aucuns qu'il la surprit d'emblee, aiant enuoyé deuant quelques gens de cheual, pour rompre les gons qui soustenoient les portes: & puis y suruenant avec le demourât de son armee, auant que ceulx de la uille s'en doubtaissent. Les autres escriuent, que les Fidenates coururēt & fourragerēt les premiers son païs iusques aux faulxbourgs de Rome, là ou ilz feirent de grands maulx, mais que Romulus leur dressa embusche sur le chemin, à leur retour, & en tua un bien grand nombre: & si prit d'auantage leur uille, laquelle toutefois il ne demolit point, ains en feit une colonie, c'est à dire, uille dependente de Rome, en y enuoyant deux mille cinq cens bourgeois Romains, pour y habiter. Ce qu'il feit le trezieme iour du mois d'Auril, que les Romains appellēt les Ides. Quelque tēps apres il se leua à Rome une peste si uiolente, que les hōmes en mouroiēt tout subitemēt, sans estre malades: la terre ne produisoit point de fruiēt: les bestes ne faisoient point de petits: & si pleut des gouttes de sang dedans la uille: tellemēt que, oultre les maulx qu'il est force que les hommes sentent en telz accidents, encore auoient ilz une tresgrande frayeur de l'ire & fureur des Dieux. Et quād on ueit le semblable aduenir aux habitans de la uille de Laurentum, adonc n'y eut il celuy qui ne iugeast, que c'estoit expresse uengeance diuine qui persecutoit & trauailloit ces deux uilles, pour le meurtre commis en la personne de Tatius, & semblablement es personnes des Ambassadeurs qui auoient esté occis. Parquoy les homicides d'une part & d'autre furent mis en iustice: & la punition faicte, les maulx cessèrent euidentement en l'une & en l'autre uille. Romulus purifia les uilles avec quelques sacrifices de purgatiō, que lon faict encores auourd'hui à la porte qui s'appelle Ferétine. Mais auant que la pestilence cessast ceulx de Camerin estoient uenus assaillir les Romains, & auoiēt couru tout leur païs, estimans qu'ilz ne le pourroient defendre pour l'inconuenient de la peste qui les trauailloit. Toutefois Romulus leur alla incontinent au deuant avec son armee, & les desfeit en bataille, en laquelle il mourut six mille hommes: & aiant pris leur uille, en transporta à Rome la moitié

A des habitans qui estoient demourez de la desconfiture, puis fait uenir de Rome deux fois autant que montoit le reste des naturelz Cameriniens pour habiter avec eulx à Camerin, & fut cela faict un premier iour d'Aoust: tant il y auoit ia grande multitude d'habitâs à Rome, depuis seize ans seulement qu'elle estoit bastie. Mais entre autre butin qu'il y gaigna, il en apporta un chariot de cuyure à quatre cheuaux, lequel il fait dresser au tēple de Vulcain, & mettre dessus sa statue, laquelle Victoire courōnoit d'un chapeau de triumphe. Sa puissance estā ainſi accreuē, les plus foibles de ses uoſins ployoient ſoubz luy, & se contentoient de uiure en paix avec luy: mais les puissans en auoient peur, & portoiēt enuie à son accroissement, estimās que ce n'estoit point ſagement fait à eulx de le laisser ainſi croistre à ueuē d'œil, & qu'il falloit de bonne heure empeschier son accroissement, & luy rongner les ailes. Les premiers des Thoscās qui s'en meirēt en effort furent les Veiens, lesquelz tenoient fort grād pais, & habitoiēt une grosse & puissante citē: & pour luy cōmencer la guerre, l'euoyerēt ſommer de leur rēdre la uille de Fidenes, cōme à eulx appartenātes: ce qui n'estoit pas ſeulement dēraisonnable, mais auſſi digne de moquerie, attēdu q̄ lors que les Fidenates auoient la guerre, & estoīēt en dāger, ilz ne les auoiēt pas ſecourus, ains auoiēt souffert occire les personnes, & puis uenoient à demāder les terres & maisons quād autres les possēdoient. Pourtant Romulus leur aiant faict auſſi une reſponse pleine de moquerie & de deriſion, ilz diuiferent leur armee en deux, & en enuoièrent une partie contre les habitâs de Fidenes, & avec l'autre ſ'en allerent à l'encontre de Romulus. Celle qui estoit allēe deuant la uille de Fidenes, gaigna la bataille, ou elle tua deux mille Romains: mais l'autre fut auſſi desfaicte par Romulus, & y mourut huit mille hommes des Veiens. Depuis ilz se rencontrerent encore une autre fois pres la uille de Fidenes, ou il y eut bataille, en laquelle tous cōfessent bien que le principal exploit fut faict de la main propre de Romulus, lequel ce iour la monstra toute la ruze & la hardieſſe qui ſçauroit estre en un bon capitaine, & ſembla auoir ſurpassē grandement l'ordinaire des hommes en force de corps & diſpoſition de perſonne, mais neantmoins ce qu'aucuns en diſent eſt bien malaiſē à croire, ou pour mieulx dire, du tout hors de creance, & de uerisimilitude: car ilz eſcriuent, qu'ayant eſtē tuē en celle bataille quatorze mille hommes, plus de la moitié en fut occiſē de la propre main de Romulus, ueu meſmement que chaſcun eſtime, que ce ſoit une uaine uanterie ce que les Meſſeniens racomptent d'Ariſtomenes, qu'il immola aux Dieux trois cens uictimes, pour autant de Lacedæmoniens qu'il auoit occiſ en une bataille. Leur armee donques aiant eſtē rompue, Romulus laissa fouir ceulx qui se peurent ſauuer de uiſteſſe, & tira droit uers leur uille, mais ceulx de dedans, apres auoir faict une ſi lourde perte, n'attendirent pas l'aſſault, ains ſortirent au deuant avec humbles prieres, & le requirēt de paix & d'alliance, qui leur fut ottroiēe pour cent ans, en perdant pour l'amēde une bonne partie de leur territoire, qui ſ'appelle Septemagium, c'eſt à dire la ſeptieme partie, & en quittāt aux Romains les Salines qui ſont ioignant la riuierē, & baillant pour oſtages cinquante des principaux d'entre eulx. Romulus triumpħa encore de ceulx la le iour des Ides d'Octobre, qui eſt le quinzieme du mois, menant en triumpħe pluſieurs priſonniers de guerre, & entre autres le capitaine general des Veies homme ia ancien qui ſeſtoit ſollement portē en ſa charge, & auoit monſtrē par effect eſtre moins experimētē aux affaires de la guerre que ſon aage ne

Romulus.

requeroit. De là uient qu'encores aujourdhuy, quand on sacrifie aux Dieux pour leur rendre graces de quelque uictoire, on mene au Capitole à trauers la place un uieillard uestu d'une robe de pourpre, avec la bague que lon appelle Bulla, que les ieunes enfans de bonne maison portent à leur col, & y a un herault qui marche apres, criant à uendre les Sardinians, pource que lon tiét que les Thoscans sont extraicts des Sardinians, & la uille de Veies est assise au pais de la Thoscane. Ceste guerre fut la derniere qu'eut Romulus, apres laquelle il ne se peut garder qu'il ne luy aduint ce, qui a accoustumé d'aduenir presqu'à tous ceulx, qui par extraordinaires faueurs de la fortune sont eleuez en hault estat, & en grande puissance: car se confiant en la prosperité de ses affaires, il commença à deuenir presumptueux & à tenir plus de grauité qu'il ne souloit auparauât, sortant des termes de prince courtois & accointable à tout le monde, & se desuoyant es façons de faire de monarchie superbe & odieuse à chascun, premierement pour les habits, & pour le port & contenance qu'il prit: car il portoit tousiours un saye teinct en pourpre, & par dessus une longue robe de pourpre aussi, & donnoit audience estant assis en une chaire à dossier renuersé en arriere, aiant tousiours à l'entour de luy de ieunes hommes que lon appelloit Celeres, c'est à dire, uistes, pour la grande promptitude & celerité de laquelle ilz executoient ses mandemens, & d'autres qui marchaient deuant luy portans des bastons en leurs mains, dont ilz faisoient retirer la foule du peuple, & estans ceints de courroies, dont ilz lioient & garrotoient incontinent ceulx qu'il commandoit. Or les Latins disoient anciennement Ligare, pour lier, mais maintenant ilz disent Alligare, d'ou uient que les Huissiers & sergés sont appelez Liétores: toutefois il me sembleroit uray semblable de dire, que lon y auroit adiouté un c, & que parauant ilz s'appelloient Litores sans c, pource que ce sont les mesmes que les Grecs appellent Liturgos, c'est à dire, officiers publics: & encore aujourdhuy, Leitos, ou Laos, en langage Grec signifie le peuple. Mais apres que son ayeul Numitor fut decedé en la uille d'Alba, se pouuant emparer du royaume, comme à luy appartenant par droit de succession, il en remeit le gouuernement à la commune, pour gagner en ce faisant la grace du peuple: & tous les ans elisoit un magistrat pour faire droit, & administrer iustice aux Sabins. Cela enseigna aux nobles de Rome à desirer & chercher un gouuernement libre, qui ne fust point subiect au uoloir d'un Roy seul, & ou chascun commandast & obeist à son tour. Car ceulx que lon nommoit Patriciens ne manioient rien, ains auoient le nom & l'habit honorable seulement, & les assembloit on en conseil plus pour une maniere de faire, que pour auoir leur aduis: car quād ilz estoient assemblez, il falloit qu'ilz escoutassent le commandement & l'ordonnance du Roy sans dire mot, & puis qu'ilz se retirassent, n'aians autre auantage par dessus le menu populaire, sinon qu'ilz sçauoient les premiers ce qui s'estoit fait: & encore leur estoient toutes autres choses moins griesues, mais quand il distribua luy mesme de son autorité priuee, à ses souldards les terres conquises sur les ennemis, & qu'il rendit les ostages aux Veiens sans leur en parler, adonc sembla il manifestement, qu'il faisoit grande iniure au Senat. A l'occasion de quoy les Senateurs furent depuis soupçonnez de l'auoir faict mourir, quād peu de iours apres il disparut si estrangement que lon ne sceut iamais qu'il deuint: ce qui fut le septieme iour du mois que lon appelle maintenant Iuliet, qui lors se nommoit Quintilis: sans laisser rien de certain que lon peust

asseurer

A asseürer de sa mort, sinon le temps tel que nous l'auons dit: car ce iour là on fait encore maintenant beaucoup de choses en commemoration de l'accident qui lors aduint. Et ne se fault pas trop esmeruiller de l'incertitude de sa mort: attendu que Scipion l'Africain aiant esté apres soupper trouué mort en sa maison, on ne sceut iamais aduerer ny sçauoir comment il estoit mort. Car les uns disent qu'estant maladi de sa complexion, il defaillit & mourut soudainement: les autres disent qu'il se feit luy mesme mourir avec du poison: les autres cuident que ses ennemis entrèrent secrettement la nuict en sa maison, & qu'ilz l'estoufferent en son liét: toutefois au moins trouua lon son corps tout estendu, que chascun peut considerer à loisir, pour ueoir si lon y trouueroit quelque indice, par lequel on peust coniecturer la maniere comment il seroit mort. Mais Romulus estant soudainement disparu, on ne trouua ny partie aucune de son corps, ny piece quelconque de ses habillemens. Et pourtant ont aucuns estimé que les Senateurs se ruerent tous ensemble sur luy dedans le temple de Vulcain, & qu'apres l'auoir mis en pieces, chascun d'eulx en emporta une dedans le reply de sa robbe. Les autres pensent que ceste disparition ne se feit ny dedas le temple de Vulcain, ny en la presence des Senateurs seulement: ains disent que Romulus à l'heure estoit hors la uille, près du lieu qui s'appelle le marez de la cheure, là ou il preschoit le peuple, & que tout soudain le temps se changea, & se mua l'air si horriblement que lon ne le scauroit n'exprimer ne croire: car premierement le Soleil perdit entiere-
C ment sa lumiere, comme s'il eust esté nuict toute noire: & ces tenebres ne furent pas doulces ny tranquilles, ains y eut des tonnoirres horribles, des uents impetueux, orages, & tempestes de tous costez, qui feirét fouyr le menu peuple, & l'escarterent ça & là, mais les Senateurs se serrèrent ensemble. Puis qu'ad l'orage fut passé, le iour reueni clair, & le ciel serin comme deuant, le peuple se rassembla, qui se mit à chercher le Roy, & à demander qu'il estoit deueni: mais les Seigneurs ne uoulurent pas souffrir qu'ilz en enquistent d'auantage, ains les admonesterent de l'honorer & reuerer comme celuy qui auoit esté rayuy au ciel, & qui désormais au lieu de bon Roy leur seroit Dieu propice & favorable.
D Le menu populaire pour la plus grande partie prit cela en payement, & fut tout resiouy d'entendre ces nouuelles, & s'en alla adorant Romulus en son cueur avec bonne esperance: mais il y en eut quelques uns qui recherchant la uerité du faict asprement & aigrement, troublerent fort les Patriciens, leur mettans sus qu'ilz abusoient la rude multitude de uaines & folles persuasions, & ce pendant que c'estoient eulx mesmes qui de leurs propres mains auoient occis le Roy. Estans donques les choses en ce trouble, on dit qu'il y eut l'un des plus nobles Patriciens, Iulius Proculus, estimé fort homme de bien, & qui auoit esté grand amy familier de Romulus, estant uenu de la uille d'Alba avec luy, lequel se presenta sur la place à tout le peuple, & afferma par les plus grands & les plus saincts sermens qu'on sçauoit faire, qu'il auoit rencontré Romulus en son chemin, plus grād & plus beau qu'il ne l'auoit onques ueu, armé à blanc d'armes claires & luisantes comme feu, & que fessant effroyé de le ueoir en tel estat, il luy auoit demandé: Sire, pour quelle nostre forfaiture, & à quelle intétion nous
E as-tu laissez exposer aux faulces calumnies, & imputatiōs iniques, dont nous sommes mescreuz par ton departement: & pourquoy as-tu abandonné ta uille orpheline en deuil infini? A quoy Romulus luy auoit respondu: Proculus,

Romulus.

il a pleu aux Dieux, desquelz i'estois uenu, que ie demourasse entre les homes
autant de temps comme i'y ay demouré, & qu'apres y auoir basty une cité,
qui en gloire & en grandeur d'empire sera une fois la premiere du monde, ie
m'en retournasse demourer, comme deuant, au ciel. Pourtant fais bonne
chere, & dis aux Romains, qu'en exerçant prouesse & temperance, ilz attain-
dront à la cyme de puissance humaine: & quant à moy, ie uous seray desor-
mais Dieu protecteur & patron, que uous appellerez Quirinus. Ces paro-
les semblerent croyables aux Romains, tant pour les meurs de celuy qui les
disoit, que pour le grand serment qu'il auoit faict: mais encore y eut ne sçay
quelle emotion celeste, semblable à une inspiratiō diuine, qui y aida: car per-
sonne n'y contredit, ains tout souspeçon & toute calumnie reiettee en arriere,
chascun se meit à inuoyer, prier, & adorer Quirinus. Ces propos là cer-
tainement ressemblent fort aux comptes que les Grecs font d'Aristeas Pro-
connesien, & de Cleomedes Astypaleien: car ilz disent qu'Aristeas mourut
en l'ouuroir d'un foulon, & que ses amis uindrent pour enleuer son corps,
mais qu'on ne sceut qu'il deuint: & que sur l'heure mesme il y eut quelques
gens reuenans des champs, qui affermerent l'auoir rencontré, & parlé à luy,
& qu'il tenoit le chemin de la uille de Crotone. Ilz disent aussi que Cleome-
des fut homme de grandeur & de force oultre nature, mais au demourant fu-
rieux & insensé: car apres auoir faict plusieurs autres uiolences, finalement
il entra un iour dedans une eschole pleine de petits enfans, dont le comble e-
stoit soustenu avec un pillier, & qu'il frappa de sa main contre le pillier un si
grand coup, qu'il le rompit par le milieu tellement que toute la couuerture
tumba, qui froissa & rua tous les petits enfans. On courut incontinent apres
luy pour le prédre: mais il se ietta dedans un grand coffre, qu'il ferma sur luy,
& teint le couuercle si ferme par le dedās, que plusieurs ensemble, qui se per-
forcerent de l'ouurir, n'y sceurent onques rien faire: à raison dequoy ilz rom-
pirent tout le coffre, mais quand il fut en pieces, ilz ne trouuerent leur hom-
me dedans ne uif ne mort: dont ilz furēt fort estonnez, & enuoyerent deuers
Apollo Pythique, ou la prophetisse leur respondit ce uerset,

Cleomedes dernier des Demidieux.

On diraussi que le corps d'Alcmene disparut, ainsi que lon le portoit en se-
pulture, & qu'en son lieu on trouua une pierre dedans le liēt. Brief les homes
racomptent plusieurs autres telles merueilles, ou il n'y a apparence quelcon-
que de uerité, uoulans deifier la nature humaine, & l'associer avec les Dieux.
Bien est il uray, que ce seroit laschement & meschamment faict, que de re-
prouuer & nier la diuinité de la uertu: mais aussi de uouloir mesler la terre
avec le ciel, ce seroit une grande sottie. Pourtant fault il laisser la telles fables:
estant chose toute asseuree, que comme dit Pindare,

N n'est point de corps qui ne meure:

L'ame seule uiue demeure,

I mage de l'eternité.

Car elle est uenue du ciel, & là s'en retourne, non avec le corps, mais plus tost,
lors que plus elle est esloignee & separee du corps, quād elle est nette, saincte,
& qu'elle ne tiēt plus rien de la chair. C'est ce q' uouloit dire le philosophe He-
raclitus, quand il disoit, que l'ame la plus seche estoit la meilleure, qui s'en
uole hors du corps, ne plus ne moins que la fouldre hors la nuee: mais celle
qui est destrempee avec le corps, pleine de passions corporelles, est cōme une

uapeur

A uapcur grosse, pesante & tenebreuse, qui ne se peult emflammer ny eleuer. Pourrant n'est il point besoing de uouloir enuoier, contre la nature, le corps des hommes uertueux, quand & leurs ames, au ciel: ains fault estimer & croire fermemēt, que leurs uertus, & leurs ames, selon nature & selon iustice diuine deuient d'hommes, saincts: & de saincts, demidieux: & de demidieux, apres qu'ilz sont parfaitement, comme es sacrifices de puigation, nettoiez & purifiez, estās deliurez de toute passibilité & de toute mortalité, ilz deuient, non par aucune ordonnance ciuile, mais à la uerité & selon raison uraysemblable, Dieux entiers & parfaits, en receuant une fin tresheureuse & tresglorieuse. Au demourant quant au surnom de Romulus, qui depuis fut appelé Quirinus, les uns disent qu'il signifie autant comme belliqueux: les autres tiennent qu'il fut ainsi appelé, pource que les Romains mesmes s'appellerent Quirites. Les autres escriuent que les anciens nommerent la pointe d'une iaueline, ou la iaueline mesme, Quiris: à raison dequoy la statue de Iuno surnommee Quiritide, estoit assise dessus un fer de lance, & que la lance qui estoit consacrée au palais royal, s'appelloit Mars: d'auantage que lon a accoustumé de donner par honneur à ceulx qui font bien leur deuoir en une bataille, une lance, ou une iaueline: & que pour ces raisons Romulus fut surnommé Quirinus, comme qui diroit, Dieu des armes & des batailles. Il luy a depuis esté basti un temple au mont, qui de luy s'appelle Quirinalis: & le iour auquel il disparut se nomme, la fuite du peuple, ou autrement les Nones Capratines, pource que lon ua ce iour la hors la uille sacrifier au lieu qui s'appelle le marcz de la cheure: & les Romains appellent une cheure, Capra: & en y allant ilz ont accoustumé d'appeler à haults cris plusieurs noms Romains, comme Marcellus, Gaius, en souuenance de la fuite qui fut adonc, & de ce qu'ilz s'entreappellerēt les uns les autres, fuians en grāde frayeur & en grand desarroy. Toutefois les autres disent, que cela ne se fait point pour representation de fuite, mais bien de haste & de diligēce, le rapportant à une telle histoire: Apres que les Gaulois qui auoient pris Rome en furent chassez par Camillus, la uille se trouua si affoiblie, qu'à peine se pouuoit elle rauoir & remettre sus: à l'occasion dequoy plusieurs peuples Latins s'allierent ensemble, & avec grosse & puissante armee allerent courir sus aux Romains, aians pour capitaine Liuius Posthumus, lequel alla loger son camp au plus pres de la uille de Rome, & enuoia par une trompette faire sçauoir aux Romains, que les Latins uoloient par nouueaux mariages renoueller & rafreschir l'ancienne alliance & parenté qui estoit entre eulx, à cause qu'elle commēçoit ia à faillir: & pourtant, que si les Romains leur uoloient enuoier quelque nōbre de leurs filles à marier, ou de leurs ieunes femmes uesues, qu'ilz auroient paix & amitié avec eulx, comme ilz l'auoient iadis eue avec les Sabins par ce mesme moien. Les Romains, ces nouuelles ouyes, se trouuerent bien ennuyez, estimans que liurer ainsi leurs femmes ne seroit autre chose, que se rendre & se soubmettre à la mercy de leurs ennemis: mais ainsi qu'ilz estoient en ceste perplexité, une seruante nommee Philotis, ou comme les autres l'appellent, Tutola, leur cōseilla de ne faire ne l'un ne l'autre, ains leur user d'une ruze, moienāt laquelle ilz eschapperoient le danger de la guerre, & si ne seroient point gagez ny obligez par ostages. La ruze estoit, qu'ilz l'enuoiasent elle mesme, avec quelque nōbre d'autres esclauues, les plus belles, accoustrees en bourgeoises & filles de bonne maison, & que la nuit elle leur haulseroit en l'air un flambeau

Romulus.

allumé, au signe duquel ilz ueroient avec leurs armes courir sus à leurs ennemis, pendant qu'ilz seroient endormis. ce qui fut fait. Les Latins cuiderent que ce fussent ueritablement les filles des Romains : & Philotis ne faillit pas la nuit de leur haulser en l'air, & leur monstrent un flambeau ardet de dessus un figuier sauuage, en estendant derriere quelques tapis & couuertes, à celle fin que les ennemis n'en peussent ueoir la lumiere, & que les Romains au contraire la ueissent plus clairement. Si tost donques qu'ilz l'apperceurent, ilz sortirent en diligence, en s'entreappellant plusieurs fois les uns les autres par leurs noms, au sortir des portes de la uille, pour la grand' haste qu'ilz auoient, & allerent surprétre leurs ennemis au desprouueu, de maniere qu'ilz les desfirent : en memoire de laquelle desfaite, ilz solennisent encore ceste feste que lon appelle les Nones Capratines, à cause du figuier sauuage qui s'appelle en Latin Caprificus, & festoient les Dames hors la uille sous des ramees faites de branches de figuier : & ce pendant leurs seruantes s'assembloient à l'entour, & se iouent ensemble, puis s'entre frappent, & se ruent des pierres les unes aux autres, ainsi comme lors elles secoururent les Romains qui combattoient : mais peu d'historiens approuuent ce compte. Et pource que c'est de plein iour qu'ilz appellent ainsi les noms les uns des autres, & qu'ilz uont au lieu que lon nomme le marez de la Cheure, qui est en tirant uers la mer, il semble que cela conuiet mieulx à la premiere histoire : si ce n'est d'adventure que ces deux cas soient aduenus en diuerses annees à mesme iour. Au demourant on dit que Romulus disparut d'entre les hommes en l'aage de cinquante & quatre ans, au trente huitieme de son regne.

LA COMPARAISON DE THESEVS AVEC ROMVLVS.



Est ce que nous auons peu recueillir, qui soit digne de memoire, des faits de Romulus & de Theseus : mais pour uenir à les comparer l'un à l'autre, il semble premierement que Theseus de sa propre uolunté, sans contrainte de personne, pouuant regner hors de crainte en la uille de Trozene, & succeder à son ayeul en un estat non petit, ait de luy mesme plus tost desiré & cherché les moiens de faire de grandes choses : & que Romulus au contraire, pour se deliurer de la seruitude qui le pressoit, eschapper la punition qui le menassoit, se monstra certainement, ce que dit Platon, hardy de peur : & que pour crainte de souffrir peine extreme, il fut contraint, uoulust ou non, de se hazarder à essayer de faire de grandes choses. Et puis son plus grand chef d'œuvre est, d'auoir occis un seul tyran de la uille d'Alba : là ou Theseus en passant chemin seulement, & en se preparant à plus grandes entreprises, desfeut Sciron, Sinis, Procrustes, Corynetes : & en les punissant, & ostant de ce monde, il deliura la Grece de trescruels tyrans, auant que ceulx qu'il deliuroit cogneussent qui il estoit. D'auantage il pouuoit faire son uoiage sans se trauailler, ny se mettre en danger en montant sur mer, attendu mesmement que ces brigands ne luy auoient rien mesfait : là ou Romulus ne pouuoit demourer en seureté, estant Amulius en uie : en confirmation dequoy, lon peult alleguer, que Theseus n'estant prouqué de nulle offense particuliere faite à l'encôtre de luy, courut sus & fit la guerre aux meschans : & au contraire, Remus & Romulus, tant que le tyran ne les offensa point particulierement, luy laisserent fouller

A & oultrager tous les autres. Et si lon allegue que ce soient actes memorables, que Romulus ait esté blecé en combatant contre les Sabins, qu'il ait occis de sa main Acrō, qu'il ait uaincu & subiugué beaucoup d'ennemis: aussi peult on mettre à l'encontre, de la part de Theseus, la bataille des Cétaures, & la guerre des Amazones. Mais ce que Theseus oza entreprendre touchant le payement du tribut deu au Roy de Candie, en y allant franchemēt avec les autres ieunes garçons & ieunes filles d'Athenes, & en se presentant uoluntaiemēt au danger d'estre deuoré par une cruelle beste, ou d'estre immolé dessus la sepulture d'Androgeos, ou de seruir en captiuité uile & deshonneste à hommes oultrageux & ennemis, qui est le moins de mal que lon en treuue par escript,

B ce fut un acte de si grande prouësse, magnanimité, iustice, desir de gloire, & brief de uertu si accomplie, qu'il n'est pas possible de le deuēment exprimer. Si me semble, que les philosophes n'ont point mal definy amour, quand ilz ont dit, que c'est comme une entremise des Dieux, quand ilz ueulent sauuer & garder quelques ieunes personnes. Car l'amour d'Ariadne fut, à mō aduis, œuvre de quelque Dieu, & un moien expressement preparé pour le salut de Theseus: & pourtant n'en fault il point blasmer ny reprendre l'amante, ains plus tost s'esmerueiller, que tout le reste des hommes & des femmes ne fut affectionné de mesme enuers luy. Et si elle seule se sentit passionnée de son amour,

C ie dis, & non sans grande uerisimilitude, qu'elle en merita aussi d'estre depuis aimée par un Dieu, comme celle qui de sa nature aimoit le bien & la uertu, & portoit affection aux hommes de singuliere ualeur. Mais aians tous deux eu la nature propre à commander & gouuerner, ne l'un ne l'autre ne reteint les façons de faire d'un uray Roy, ains en sortirent tous deux, l'un se changeant en homme populaire, & l'autre en tyrant: si que par diuerses passions ilz tumberent tous deux en mesme inconuenient & erreur. Car il fault qu'un Prince, deuant toutes choses, conserue son estat: lequel se conserue non moins en ne faisant rien qui ne luy soit bien seant, qu'en faisant tout ce qui luy est bien cōuenable: mais celuy qui se roidit, ou se lasche, plus ou moins qu'il ne doit, ne demeure plus ne Roy ne Prince, ains deuient ou populaire flateur, ou mai-

D stre superbe: & faict que ses subiectz le mesprisent, ou le haïssent: toutefois il semble que l'un soit erreur de trop grande bonté & humanité, l'autre d'arrogance & de fierté. Et fil n'est point raisonnable de reietter sur la fortune tous les malheurs entieremēt qui aduienēt aux hommes, ains qu'il faille en iceulx rechercher & considerer la difference de leurs passions & de leurs meurs, on ne sçauroit absouldre l'un, ny soustenir qu'il n'ait esté meū de courroux trop defraisonnable, & d'ire trop precipitee, en ce qu'il comēit en la personne de son frere, ny l'autre en la personne de son filz: toutefois l'occasion qui excita leur courroux, excuse plus celuy, qui par une plus grāde cause, comme par un plus uiolent coup, a esté renuersé: car si le malalent que Romulus eut à l'encontre de son frere, fust procedé de meure deliberation, pour le bien & utilité publique, il n'y a personne qui cuidast, que son iugement se fust ainsi soudainement laissé transporter à une si uiolente cholere: là ou, au contraire, Theseus forfeit à l'encontre de son filz, emeu par les passions que peu d'hommes ont iamais peu euitier, c'est à sçauoir, amour, ialousie, & faulx rapport de sa femme. Qui plus est, le courroux de Romulus passa oultre iusques à l'effect, dōt l'issue fut trescalamiteuse: & l'ire de Theseus ne proceda que iusques à paroles iniurieuses, & à maledictions de uieillesse irritée: pource qu'il sem-

Lycurgus.

ble que ce qui aduint oultre cela à son filz, luy aduint plus tost par cas d'aduē- F
ture qu'autrement. Voila les points que lon pourroit alleguer à l'auantage
de Theseus. Mais quant à Romulus, tout premierement il a cela de grand,
que son commencement fut trespetit: car son frere & luy estans estimez serfz,
& reputez enfans de porchers, deuant que d'estre eulx mesmes affranchiz,
affranchirent, par maniere de dire, presque tous les Latins, acquerans tout à
un coup, & à un mesme temps, plusieurs tiltres de tresgrande gloire, oppres-
seurs de leurs ennemis, sauueurs de leurs parents, roys de nations, fondateurs
de uilles nouuelles, non pas remueurs des anciennes comme Theseus, qui de
plusieurs habitations en composa une seule, & en demolit & ruina plusieurs
qui portoient les noms des anciens Roys, Princes & Demidieux de l'Attique: G
ce que toutefois Romulus fait aussi depuis, en contraignant ceulx qu'il auoit
uaincus, de destruire leurs maisons pour s'en aller habiter avec les uain-
cueurs: mais il ne remua ny n'augmenta point une uille qui auparauant luy
eust esté, ains en edifia une tout de nouveau, acquerant tout ensemble, terre,
païs, royaume, alliances, mariages, sans perdre ny tuer personne: ains au cō-
traire, en faisant beaucoup de bien à beaucoup de pauures uagabonds, qui
n'auoient ne país, ny terres, ne maisons, & ne demandoient autre chose, que
de faire d'entre eulx un peuple, & deuenir bourgeois de quelque uille: & si
ne samusa point à poursuiure des brigands & des uoleurs, ains conquist
par force d'armes plusieurs puissans peuples, prit des uilles, & triompha de H
Princes & Roys qu'il auoit desfaiçts en bataille. Et quant au meurtre de Re-
mus, on ne sçait pas certainement qui fut celuy qui l'occir, & y a la plus part
des auteurs qui en chargent d'autres que luy: mais c'est chose certaine qu'il
deliura sa mere de mort euidēte, & remeit son ayeul sur le throsne royal d'Æ-
neas, qui parauant estoit contraint de seruir & obeir uillement, sans honneur
ne dignité quelconque, & luy aiant faict sciemment plusieurs bons seruices,
iamais ne luy fait un seul desplaisir, non pas mesme par ignorance. Et à l'op-
posite, ie pense que l'oubliance ou nonchalance de Theseus, qui faillit à son
retour de faire tendre la uoile blanche, ne se sçauroit iustifier ny lauer du cri-
me de parricide, quelque longue harengue qu'elle emploiaist pour sa defense, I
encore que ce fust deuant iuges trop molz & fauorables: au moien dequoy,
un Athenien uoiant bien qu'il estoit trop malaisé d'excuser & defendre une
si lourde faulte, fainçt que le bon homme Ægeus aiant nouuelles que la na-
uire de son filz approchoit, s'en courut à grand haste uers le chasteau, pour le
ueoir de loing arriuer: & qu'en courant, il heurta contre quelque chose qui
le fait tumber: comme sil n'y eust eu pas un de ses gens autour de luy, & qu'en
le uoiant aller ainsi à grād' haste uers la mer, personne ne l'eust accompagné
ne suiuy. D'auantage quant aux faultes qu'ilz commeirent tous deux en ra-
uissant des femmes, celles de Theseus n'ont aucune couuerture ne couleur
honneste: premierement pource qu'il le fait par plusieurs fois, car il rait A- K
riadne, Antiope, Anaxo Troezeniene, & apres toutes, estant ia suraagé, &
aiant passé les ans propres à faire nopces, quoy qu'elles fussent legitimes, il
rait Helene qui n'estoit pas encore en aage de marier, tant elle estoit ieunette.
Et secondement pour la cause, car les filles des Troezeniens & des Lacede-
moniens, ny les Amazones, oultre ce qu'elles ne luy estoient point fiancees
legitimement, n'estoient point telles qu'elles deussent estre preferees, pour en
auoir lignee, à celles qui estoient à Athenes descendues des races d'Erechtheus
& de

- A** & de Cecrops : ce qui donne occasion de soupçonner, que ce qu'il en fait fut plus tost par concupiscence & desordonné appetit, qu'autrement. Au contraire, Romulus premierement en ayant rauy bien huit cēs, ou enuiron, ne les reteint point toutes pour luy, ains en prit une seulement, Hersilia, ainsi comme lon dir, & distribua les autres aux plus gens de bien de ses citoiens: & puis par l'honneur, l'amitié, & le bon traitement dont il fait user enuers elles, il conuertit celle force & uiolent rauissement en un tresbel acte & tressage, lequel unit & allia ces deux nations ensemble: & fut la source de la mutuelle bienueillance qui a depuis esté entre ces deux peuples, & par consequent, le fondement de la puissance qui en est ensuiuiue. Au demourant, le temps a esté
- B** bon tesmoing de l'amour, reuerence, constance & fermeté coniugale, qu'il establir lors es mariages entre le mary & la femme: car en l'espace de deux cens trente ans depuis, il n'y eut iamais homme qui ozaist laisser sa femme, ny femme son mary: ains, comme entre les Grecs les plus sçauans & plus curieux de l'antiquité sçauent commēt s'appelloit celuy, qui premier tua son pere ou sa mere, aussi tous les Romains sçauent qui fut celuy, qui premier repudia sa femme. Ce fut un nommé Spurius Caruilius, pource qu'elle ne portoit point d'enfans. Et au tesmoignage d'un si long temps s'accordent aussi les effectz: car le royaume fut commun entre les deux Roys, & tous les droits de la chose publique egalement communiquez entre les deux nations, par l'alliance prouene de cē rauissement. Et au contraire, les Atheniens n'acquirent amitié ny alliance avec personne quelcōque par les nopces de Theseus, ains plus tost guerre, inimitiez & occisions de leurs citoiens, avec la perte finablement de la uille d'Aphidnes, encore à grande peine, & par la mercy de leurs ennemis, qu'ilz adorerent & reclamerent comme Dieux, eschapperēt ilz le danger de souffrir par luy, ce que les Troiens souffrirēt depuis pour une mesme cause par Alexandre Paris. Tant y a au moins, que sa mere n'en fut pas seulement en danger, ains en souffrit realemēt & de fait la mesme capriuité que fait depuis Hecuba, ayant esté delaissee & abandonnee par son filz: si d'adventure ce que lon lit de la prise d'Æthra n'est chose controuuee, comme il seroit besoing
- C** pour la memoire de Theseus, que & cela & plusieurs autres choses le fussent. Car mesme ce que lon racompte de la diuinité, met grande difference entre eulx, pource que Romulus à sa natiuité fut preserué par une singuliere faueur des Dieux: & au contraire, l'oracle qui fut respondu à Ægeus, qu'il ne touchast à femme en pais estrangier, semble faire foy, que Theseus fut engendré contre la uolunté diuine.
- D**

Lycurgus.

E



N ne sçauoit du tout rien dire de Lycurgus, qui establir les loix des Lacedæmoniens, enquoy il n'y ait tousiours quelque diuersité entre les Historiēs: car & de sa race, & de la faillie qu'il fait hors de son pais, de sa mort, & mesme de ses loix, & de la forme du gouvernement qu'il institua, ilz ont presque tous escrit differemment. Mais moins encore, que de toute autre chose, s'accordent ilz du temps auquel il a uescu: pource que les uns, entre lesquelz est le philosophe

Lycurgus.

Aristote, ueulent qu'il ait esté du temps d'Iphytus, & qu'il luy ait aidé à ordonner la surseance d'armes qui se garde durant la feste des jeux Olympiques: en tesmoignage dequoy ilz alleguent la placque de cuyure dont on iouë esdicts jeux, sur laquelle est encores auiourdhuy engraué le nom de Lycurgus. Au contraire, ceulx qui comptét les temps par la suite des Roys de Lacedamone, comme font Eratosthenes & Apollodorus, le mettent plusieurs anneés auant la premiere Olympiade: & Timæus se doute qu'il y ait eu deux de ce nom, en diuers temps, mais que l'un aiant esté plus renommé que l'autre, on luy ait attribué les faicts de tous les deux, & que le plus ancien n'ait esté gueres de temps après Homere: encore y en a il qui ueulét dire qu'il l'a uieu. Xenophon mesme nous donne bien à penser qu'il soit fort ancien, quād il dit, qu'il a esté du temps des Heraclides, c'est à dire, des prochains descendans de Hercules: car il n'est pas uraysemblable, qu'il ait uoulu entendre indifferemment des descendans de Hercules, pource que les derniers Roys de Sparte ont esté de sa race aussi bien que les premiers: ainsi fault il entendre de ceulx qui ont esté, sans moien, prochains du temps mesme de Hercules. Mais toutefois, encore qu'il y ait tant de diuersité entre les historiens, nous ne laisserōs pas pour cela de recueillir & mettre par escript ce que lon treuve de luy es anciēnes histories, en elisant les choses ou il y aura moins de cōtradiction, ou qui auront de plus graues & plus approuuez tesmoings. Car tout premierement le poëte Simonides dit, que son pere fut un nommé Prytanis, non pas Eunomus: & la plus part escrit autrement la genealogie tant de Lycurgus mesme, que de Eunomus, pource qu'ilz disent que Patrocles filz de Aristodemus engēdra Sous, de Sous nasquit Eurytion, duquel Prytanis fut filz, de Prytanis nasquit Eunomus, de Eunomus Polydectes qu'il eut de sa premiere femme, & de sa seconde, qui eut nom Dianasse, nasquit Lycurgus: toutefois Eutyichides, qui est un autre historien, le met sixieme en droite ligne apres Polydectes, & unzieme apres Hercules. Mais entre tous ses ancestres le plus renommé a esté Sous, du temps duquel ceulx de la uille de Sparte subiuguerent les Ilotes, qu'ilz feirent esclauēs, & s'augmenterent & eslargirent de plusieurs terres, qu'ilz conquirent sur les Arcadiens. Et dit on que luy mesme estat un iour assiegé fort à destroit par les Clitoriens, en un lieu aspre, ou il n'y auoit point d'eau, leur feit offre de leur rendre toutes les terres qu'ilz auoient conquises sur eulx, moienant qu'il beust luy & toute sa compaignie en une fontaine qui estoit assez pres de là. Les Clitoriens le luy accorderent: & fut l'appointement ainsi iuré entre eulx. Si feit adonc assembler ses gens, & leur declara, fil y auoit aucun d'eulx qui se uoulust abstenir de boire, qu'il luy cederait & donnerait sa royauté: il n'y eut pas un en toute la troupe qui s'en peust garder, tant ilz estoient pressez de la soif, ains beurent tous à bon esciant, excepté luy, qui descendant le dernier, ne feit autre chose, que seulement se refreschir, & arroser un petit par dehors, en presence des ennemis mesmes, sans boire goutte quelconque: au moien dequoy il ne uolut point depuis rendre les terres, comme il auoit promis, alleguant qu'ilz n'auoient pas tous beu. Mais encore que pour ses faicts il ait esté fort estimé, si est-ce que sa maison n'a point esté nommee de son nom, ains du nom de son filz Eurytion: car elle a esté appelée la maison des Eurytionides: dont la raison est, pource que son filz Eurytion fut le premier, qui uolant gratifier & complaire au peuple, lascha un petit la trop roide & trop absolue puissance des Roys. De laquelle indulgence ensuiuit puis apres un desordre,

A & une dissolution grande, & qui dura longuement en la uille de Sparte, à cause que le peuple se sentant la bride lasche, en deuint audacieux : & en furent aucuns des Roys successeurs haiz de mort, pource qu'ilz uoulurent par force retenir leur autorité ancienne sur le peuple : les autres pour gagner la bone grace du populaire, ou pource qu'ilz ne se sentoient pas assez forts, furent contraints de dissimuler. Ce qui augmenta tellement l'audace & l'insolence du peuple, que le pere mesme de Lycurgus, qui estoit Roy, en fut tué : car en uolant un iour departir quelques uns qui s'entrebaroient, il receut un coup de cousteau de cuisine, dont il mourut, laissant le royaume à son filz aisné Polydectes, lequel mourut aussi tost apres sans hoirs : de maniere que chascun estimoit que Lycurgus deust estre Roy, comme aussi le fut il, iusques à ce que l'on cogneut que la femme de son frere estoit demouree enceinte : dequoy si tost qu'il se fut apperceu, il declara luy mesme que le royaume appartenoit à l'enfant qui naistroit, si c'estoit un filz : & depuis administra le royaume comme tuteur du Roy seulement. Les Lacedæmoniens appellent les tuteurs de leurs Roys, qui demeurent orphelins en bas aage, Prodicos. Mais la uesue de son frere enuoya secrettement luy faire entendre soubz main, que si luy uoloit promettre de l'espouser quand il seroit Roy, qu'elle se feroit auorter pour perdre le fruit qu'elle auoit en son uentre. Lycurgus eut en grande horreur la meschanceté & mauuaise uolunté de ceste femme, toutefois il ne reietta point de paroles l'offre qu'elle luy faisoit, ains fit semblant d'en estre bien aise, & de l'accepter : mais il luy manda qu'il n'estoit point besoing, que par breuuages ou medecines elle se deschargeast auant temps, pource qu'en ce faisant, elle se pourroit bien gaster, & se mettre en danger elle mesme, ains falloir seulement qu'elle eust patience iusques à ce qu'elle fust accouchee : car lors il trouueroit assez moien de se desfaire de l'enfant qui seroit né. Ainsi entreteint il par telz langages ceste femme, iusques au temps de son enfantement, & si tost qu'il sentit qu'elle fut prestee d'accoucher, il enuoya des gardes pour assister à son travail, ausquelz il donna charge que si elle faisoit une fille, ilz la laissassent entre les mains des femmes : & si c'estoit un filz, qu'ilz le luy apportassent incontinent en quelque lieu qu'il fust, & quelque affaire qu'il eust. Si aduint qu'elle se deliura d'un filz, enuiron l'heure de soupper, ainsi qu'il estoit à table avec les officiers de la uille, & entrerent ses seruiteurs dedans la sale qui luy presenterent le petit enfant, lequel il prit entre ses bras, & dit aux assistans, Voicy un Roy qui nous uient de naistre, Seigneurs Spartiates. En disant ces paroles il le coucha en la place du Roy, & le nomma Charilaus, qui uault autant à dire comme ioye du peuple, pource qu'il ueit tous les assistans fort ioyeux, louans & benessans sa magnanime preudhommie, & sa iustice. Par ce moien il ne fut Roy que huit mois seulement, en tout : mais il estoit d'ailleurs tant reueré, & estimé si homme de bien par ses citoiens, qu'il y en auoit plus qui luy obeissoient uoluntairement pour sa uertu, que pource qu'il fust tuteur du Roy, ne pource qu'il eust l'autorité royale en sa main : toutefois encore y en auoit il quelques uns qui luy portoient enuie, & qui taschoient à empescher son accroissement lors qu'il estoit ieune, mesmement les parents, amis, & alliez de la mere du Roy, laquelle ilz estimoient auoir esté mesprisee & deshonorée par luy : de maniere qu'un frere d'elle, nommé Leonidas, entrât un iour audacieusement en grosses paroles contre luy, ne faignit pas de luy dire, le sçay bien certainement que tu seras un iour Roy : le uolant rendre suspect, & le preuenir

Lycurgus.

par ceste calumnieuse presumption , à fin que si d'aduenture le petit Roy uenoit à deceder en aage de pupillarité, on le mescreust de l'auoir secrettement fait mourir. La mere mesme alloit aussi semant de semblables langages, lesquels à la fin le fascherét tant, avec la peur qu'il auoit de l'incertitude de l'aduenir, qu'il resolut de s'en aller hors du païs pour euitier par son absence la suspicion que lon pourroit auoir sur luy : & alla errant ça & là par le monde, iusques à ce que son nepueu eut engendré un filz qui fust pour luy succeder au royaume. Estant donques party en ceste intention, il dressa premierement son uoyage en Candie, là ou il obserua & considera diligemment la forme de uiure & de gouverner la chose publique que lon y gardoit, en hantant & cōferant avec les plus gens de bien & les plus renommez qui y fussent. Si y trouua quelques loix qui luy semblerent bonnes, & en fait extraict, en deliberation de les porter en son païs pour s'en seruir à l'aduenir : aussi en trouua il d'autres, dont il ne fait compte. Or y auoit il un personnage entre les autres qui estoit estimé bien sage, & bien entédu en matiere d'estat & de gouvernement, & s'appelloit Thales: enuers lequel Lycurgus fait tant par prieres, & par amitié qu'il auoit prise avec luy, qu'il luy persuada de s'en aller à Sparte. Cestuy Thales auoit bruit d'estre poëte Lyrique, & prenoit le tiltre de c'est art la, mais en effect il faisoit tout ce que pourroiet faire les meilleurs & plus suffisans gouverneurs & reformateurs du monde: car tous ses propos estoient belles chansons, esquelles il preschoit & admonestoit le peuple de uiure sous l'obeissance des loix, en union & concorde les uns avec les autres, estans les paroles accompagnées de chants, de gestes, & d'accents pleins de douceur & de grauité, qui secrettement addoucissoient les cueurs felons des escoutas, & les induisoient à aimer les choses honnestes, en les destournant des seditions, inimitiez & diuisions, qui pour lors regnoient entre eulx : tellement que lon peult dire, que ce fut luy qui prepara la uoye à Lycurgus, par ou il conduisit & renga depuis les Lacedæmoniens à la raison. Au partir de Candie, il s'en alla en Asie: uoulant, comme lon dit, par la comparaison de la maniere de uiure & de la police des Candiots (qui pour lors estoit austere & estroite) avec les superfluitez & delices Ioniques, considerer la differéce, qu'il y auoit entre leurs meurs & leurs gouuernemens: ne plus ne moins qu'un medecin, qui pour mieulx cognoistre quelz sont les corps sains & nets, les compareroit aux gastez & tarez. Il est uray semblable q ce fut là, ou il ueit premieremēt la poësie d'Homere entre les mains des heritiers & successeurs de Cleophylus: & trouuant en icelle le fruiēt de l'instruction politique non moindre, que le plaisir de la fiction poëtique, il la copia diligemmēt, & l'assembla en un corps pour la porter en la Grece. Vray est qu'il estoit ia biē quelque bruit de la poësie d'Homere entre les Grecs, mais c'estoit bien peu, & y auoit quelques particuliers ça & là qui en auoient des pieces descousues, sans ordre ne suite quelconque, mais celuy qui plus la fait uenir en lumiere es mains des hommes fut Lycurgus. Les Ægyptiens disent qu'il fut aussi en leur païs, & qu'y aiant trouué entre autres ordonnances, celle la singuliere que les gens de guerre y font en tout & partout separez d'avec le demourant du peuple, il la transporta à Sparte, là ou mettant à part les marchands, artizans & gens de mestier, il establir une chose publique ueritablement noble, nette & gentille: les historiens de l'Ægypte, & encore quelques uns des Grecs, le disent ainsi. Mais au demourant, qu'il ait esté en Afrique & en Espagne, & iusques aux Indes, pour y auoir

A y auoir communicatiō avec les sages du païs, que lon appelle Gymnosophistes, ie ne sache personne qui l'ait escrit, sinō Aristocrates filz de Hipparchus. Mais les Lacedæmoniens le regretterent fort quand il s'en fut allé, & le renuoyerent querir par plusieurs fois, estimans que leurs Roys n'auoient que l'honneur & le nom de Roys tant seulement, sans autre qualité qui les feist apparoir par dessus le commun populaire: & que luy, au contraire, estoit né pour commâder, aiant de nature une grace & une efficace d'attirer les hommes à uoluntaiement luy obeir: & si n'estoient point les Roys mesmes malcontens qu'il retournaist, pource qu'ilz esperoient que sa presence refreneroit & contiendrait un petit le peuple qu'il ne fust si insolēt enuers eulx. Parquoy

B retournant en ceste opinion & affection de chascun enuers luy, il ne fut pas plus tost arriué, qu'il commença à uoloir remuer tout le gouuernement de la chose publique, & changer entierement toute la police: estimant que faire seulement quelques loix & ordonnances particulieres ne seruiroit de rien, nō plus qu'à un corps tout gasté, & plein de toute sortes de maladies, riē ne proufiteroit ordonner quelque legere medecine, qui ne dōneroit ordre de purger, resouldre, & consumer premierement toutes ses mauuaises humeurs, pour puis apres luy donner une nouuelle forme & règle de uiure. Aiant donques pris ceste resolution en son entendement, il s'en alla deuant toute œuvre en la uille de Delphes, là ou apres auoir sacrifié à Apollo, il luy demanda de son

C affaire, & en rapporta celuy tant renommé oracle, par lequel la prophetisse Pythie l'appelle aimé des Dieux & Dieu plus tost qu'homme: & au demourât quant à ce qu'il requeroit la grace de pouuoir establir de bonnes loix en son païs, elle luy respondit, qu'Apollō la luy ottroyoit, & qu'il ordonneroit une forme de chse publique la meilleure & la plus parfaite qui fust en tout le monde. Ceste response l'encouragea encore d'auantage: de maniere qu'il cōmēça à s'en descouuir à quelques uns des principaux de la uille, & à les prier & enhorter secreteemēt, de le uoloir aider, s'adressant premieremēt à ceulx qu'il sçauoit estre ses amis, & petit à petit en gagnant tousiours quelques autres, qui se ioignoient à son entreprise. Puis quand l'opportunité fut uenue, il

D feic un matin se trouuer sur la place trente des premiers hommes de la uille, avec leurs armes, pour effroyer & contenir ceulx qui auroient uolunté de s'opposer à ce qu'ilz auoient proposé de faire: L'historien Hermippus en nomme uingt des plus apparens: mais celuy d'entre tous les autres qui plus luy assista en toutes choses, & plus luy aida à establir ses loix, fut un nommé Arithmiadas. Or sur le commencement de l'emeute, le Roy Charilaus pensant que ce fust une coniuration à l'encontre de sa personne, s'en effroya si fort, qu'il s'en fouyt dedans le temple de Iuno surnommee Chalcicecos, c'est à dire, au temple d'arain: toutefois depuis, quand on luy eut fait entendre au uray que c'estoit, il s'assura, sortit du temple, & luy mesme fauorisa l'entreprise, estant

E homme de bonne & doulce nature, comme tesmoigne ce que Archelaus, qui estoit au mesme temps l'autre Roy de Lacedæmone, respondit à quelques uns qui en sa presence le louoient, disans que c'estoit une bonne personne: Et comment ne seroit il bon, dit il, quand il ne sçauoit estre mauuais non pas aux meschans mesmes? Il y eut à ce changement de l'estat que renua Lycurgus, beaucoup de nouuelletez, mais la premiere & la plus grande fut, l'institution du Senat, lequel meslé avec la puissance des Roys, & égalé à eux quant à l'autorité es choses de consequence, fut, ainsi que dit Platon, un contrepoids salu-

Lycurgus.

taire au corps uniuerfel de la chose publique : laquelle auparauāt estoit toujours en branle, inclinant tantost à tyrannie, quand les Roys y auoient trop de puissance, & tantost à confusion populaire, quand le commun peuple uenoit à y usurper trop d'autorité. Et Lycurgus mit entre deux ce conseil des Senateurs, qui fut comme une forte barriere tenant les deux extremités en egale balance, & donnant pied ferme & assésuré à l'estat de la chose publique : pour ce que les uingt & huit Senateurs qui faisoient le corps du Senat, se rengeroyent aucunes fois du costé des Roys, tant que besoing estoit pour resister à la temerité populaire : & au contraire aussi, fortifioient aucunes fois la partie du peuple à l'encontre des Roys, pour les garder qu'ilz n'usurpassent une puissance tyrannique. Et dit Aristote, qu'il establit ce nombre de uingt & huit Senateurs pour autant que des trente, qui auoient du commencement entrepris de remuer le gouuernement avec luy, il y en eut deux qui abandonnerent l'entreprise, de peur : toutefois Sphærus escrit, que des le commencement il n'y en eut iamais plus de uingt & huit qui fussent de la conspiration. Et à l'adventure aussi eut il esgard que c'estoit un nombre complet, attendu qu'il est composé du sept multiplié par quatre : & que c'est le premier nombre parfait, apres le six, estant egal à toutes ses parties amassées & recueuillies ensemble. Mais quant à moy, mon aduis est, qu'il choisit ce nombre la plus tost qu'un autre, à fin que le corps entier du conseil fust de trente personnes en tout, en y adiouxtant les deux Roys. Et eut Lycurgus si grand soing de bien establis & autoriser ce conseil, qu'il en apporta un oracle du temple d'Apollon en la uille de Delphes. Cest oracle s'appelle encores aujourdhuy, Retra, cōme qui diroit, le Decret : & en est la sentence telle : Apres que tu auras edifié un temple à Iupiter Syllanien & à Minerue Syllaniene, & diuisé le peuple en lignees, tu establis un Senat de trente Conseillers, y comprenant les deux Roys : & assembleras le peuple, selon les occurrences des temps, sur la place qui est entre le Pont & la riuere de Gnacion : là ou les Senateurs proposeront les matieres, & rompront les assemblees, sans qu'il soit loisible au peuple d'y haranguer. En ce temps là les assemblees du peuple se faisoient entre deux riuieres : car il n'y auoit point de sale pour assembler le grand conseil, ny de place qui fust autrement embellie ny ornee : pour ce que Lycurgus estimoit cela ne seruir de riē à bien deliberer & choisir bon conseil, ains plus tost y nuire, à cause qu'il rend communement les hommes, qui s'assemblent en telz lieux pour deliberer d'affaires, resuans à choses uaines, en destournant leurs entendemens à considerer des statues, ou des tableaux & peintures, que lon met ordinairement pour embellir telz lieux publics : ou, si c'est en un theatre, à regarder la scene, c'est à dire, le lieu ou lon ioue les ieux : ou, si c'est en une grande sale, à contempler le lambriz, ou la uolte qui sera ingenieusement ouuree, & sumptueusement enrichie de quelque belle manufacture. Quand tout le peuple estoit assemblé en conseil, il n'estoit pas loisible à qui uouloit, de proposer & mettre en auant quelque matiere à deliberer, ny d'en dire son aduis, ains auoit le peuple autorisé seulement d'approuuer & confirmer, si bon luy sembloit, ce qui estoit proposé par les Senateurs, ou par les Roys : mais depuis, pour ce que le peuple alloit souuent forçant ou destournant les propositions du Senat, en y ostant ou adiouxtant quelque chose, les Roys, Polydorus & Theopompus, adiouxtèrent à la teneur de l'oracle susdict, que là ou le peuple uoudroit aucunement alterer les aduis proposez au conseil par le Senat, qu'il fust loisible aux Roys

A & aux Senateurs, rompre le conseil & annuller l'arrest d'iceluy, comme aiant alteré, desguisé, & changé en pis les sentences & propositions mises en auant par le Senat. Ces deux Roys persuaderent semblablement au peuple que cest accessoire, aussi bien que le principal, uenoit de l'oracle d'Apollo, ainsi que le poëte Tyrtæus en fait mention en un endroit, ou il dit:

O yez le sainct oracle prophetique

Que uous commande Apollo le Pythique:

Les Roys ausquelz appartient par deuoir,

Au bien de Sparte amiable prouuoir,

Seront les chefs & les modérateurs

B Du grand conseil, avec les Senateurs:

Et apres eulx, le commun populaire

Confirmera ce qu'il uerra leur plaie.

Aiant dóques Lycurgus ainsi temperé la forme de la chose publique, il sembla neantmoins à ceulx qui uindrent apres luy, que ce petit nombre de trente personnes qui faisoient le Senat, estoit encore trop puissant, & auoit trop d'autorité: au moyen dequoy, pour les tenir un petit en bride, ilz leur donnerét côme dit Platon, un mors, qui fut la puissance & l'autorité des Ephores, qui uault autant à dire comme Cōtrerolleurs, lesquelz furent creéz enuiron cent

C trête ans apres la mort de Lycurgus: & fut le premier eleu un nommé Elatus, du temps que regnoit le Roy Theopompus, auquel sa femme reprocha un iour en courroux, que par sa lascheté il laisseroit à ses successeurs le royaume moindre, qu'il ne l'auoit eu de ses predecesseurs: & il luy respondit, Mais plus grand, d'autât qu'il sera plus durable, & plus seur. Car aussi à la uerité, en perdant la trop absolue puissance qui leur cauſoit l'enuie & la haine de leurs citoyens, ilz eschapperent le danger de souffrir ce que leurs uoïſins, les Argiens & les Messeniens, feirét à leurs Roys, qui ne uoulurét rien lascher ny remettre de leur autorité ſouueraine. Cela fait, autant que nulle autre chose, cognoistre euidentement le grand ſens & la longue preuoiance de Lycurgus, à qui uouldra de pres considerer les ſeditions & mauuais gouuernemens des

D Argiens & Messeniens leurs prochains uoïſins & parents, autant des peuples que des Roys, lesquelz aians eu du commencement toutes choses semblables à ceulx de Sparte, & encore au departement des terres en aians eu de meilleures qu'eulx, ne prospererent pas neantmoins longuement: ains pour l'arrogance des Roys, & la desobeissance des peuples, entrerent en guerres ciuiles les uns contre les autres: & monſtrerent par effect que c'estoit une grace ſpeciale que les Dieux faisoient à ceulx de Sparte, de leur dōner un reformateur, qui temperast & ordonnast si ſagement l'estat & le gouuernemēt de leur chose publique, comme nous deduirons cy apres. La ſeconde nouuelleté que feit Lycurgus, & celle qui fut de plus hardie & plus difficile entrepriſe, fut de faire de nouueau departir les terres: car y aiant au païs de Lacedæmone tres-

E grande difformité & inegalité entre les habitans, pource que les uns, & la plus grande partie, estoient si pauures, qu'ilz n'auoient pas un ſeul poulce de terre: & les autres, en bien petit nombre, si opulents, qu'ilz possedoient tout: il aduifa que pour bannir & chasser hors de sa uille l'insolence, l'enuie, l'auarice, les delices, & d'auantage la richesse & la pauuereté, qui ſont encore plus grandes & plus anciēnes pestes des citez & des choses publiques, il n'y auoit point de moien plus expedient que de persuader à ſes citoyens, qu'ilz remeiſſent en

Lycurgus.

commun toutes les terres, possessions, & heritages de leur pais, & qu'ilz les départissent de nouveau entre eulx egalemēt, pour deslors en auant uiure tous ensemble comme freres, de maniere que l'un n'eust en biens rien d'avantage que l'autre, & qu'ilz ne cherchassent point à preceder les uns les autres en autre chose, qu'en la seule uertu: estimant ne deuoir estre autre inegalité ne difference entre les habitans d'une mesme cité, que celle qui procede du blasme des choses deshonestes, & de la louage des choses uertueuses & honestes. Suiuāt laquelle imagination, il executa de fait le departement des terres: car il diuisa tout le reste du pais de la Laconie entierement, en trente mille parts egales, lesquelles il distribua aux habitans à l'environ de Sparte: & des terres plus prochaines de la propre uille de Sparte, qui estoit capitale de tout le pais de la Laconie, en fait autre neuf mille parts, qu'il departit aux naturelz bourgeois de Sparte, qui sont ceulx que proprement on appelle les Spartiates. Toutefois aucuns ueulent dire, qu'il n'en fait que six mille parts, & que depuis le Roy Polydorus en y adiouta autres trois mille: & y en a qui disent encore, que de ces neuf mille Lycurgus n'en fait que la moitié seulement, & Polydorus l'autre. Chascune de ces parts estoit telle, qu'elle pouuoit rendre à son maistre par chascun an soixante & dix minots d'orge pour l'homme, & douze pour la femme, & de uin, & autres fructs liquides, en pareille proportio: estimant ceste quantité estre suffisante pour maintenir le corps de l'homme sain, dispos, & robuste, & qu'il n'a besoing de rien d'avantage. Si dit on que depuis en retournant un iour des champs, & passant à trauers les terres, ou les bledz auoient esté non gueres auant siez, uoiant les tas des gerbes tous egaulx, & aussi grands les uns que les autres, il se prit à rire, & dit à ceulx qui estoient en sa compagnie, que tout le pais de Laconie luy sembloit un heritage de plusieurs freres, qui eussent nouuellement fait leurs partages. Il essaya aussi de faire semblablement mettre en commun, & partager les meubles, à fin d'oster entierement toute inegalité: mais uoiant que les citoyens portoient fort impatiemment qu'on les leur ostast ainsi à la descouuerte, il y proceda par uoie couuerte, & affina subtilement leur auarice & conuoitise en cela: car premierement il descria toute sorte de monnoye d'or & d'argent, & ordōna que lon useroit de monnoye de fer seulement, de laquelle encore une grosse & pesante masse estoit de bien peu de pris: tellement que pour en loger la ualeur de cent escus, il falloit en empescher tout un grand celier en la maison, & falloit une paire de bœufs pour l'y trainner. Or estāt par ce moien l'or & l'argēt banny du pais de Laconie, il estoit force que plusieurs crimes & malefices en sortissent aussi: car qui eust uoulu defrober, prendre, receler, raur, ou retenir une chose qu'il n'eust sceu cacher, & qu'il n'y auoit pas grāde occasion de desirer, ny de proufit à la posseder, attendu que lon ne s'en pouuoit pas seruir à l'employer en autre usage: pource que quand le fer qu'on uoloit monoyer estoit tout rouge du feu, on iettoit du uinaigre dessus, qui uenoit à esteindre sa force & sa roideur, de maniere qu'il perdoit toute aptitude de seruir à en faire autre ouurage, pource qu'il deuenoit si aigre, & si esclatant, que lon ne le pouoit plus battre ne forger. Apres cela il bannit aussi tous mestiers superflus & inutiles, & encore que par edict il ne les eust point chassez, si s'en fussent ilz tous, ou la plus grāde partie, allez d'eulx mesmes, avec l'usage de la monnoie, quand ilz n'eussent plus trouué à qui se desfaire de leurs ouurages, pource que leur monnoye de fer n'auoit point de cours aux autres uilles de la Grece, ains

A s'en moquoit on par tout ailleurs, & par ce moien ne pouuoient les Lacedæmoniens achepter marchandises estrangeres, ny ne hantoit en leur port aucune nauire pour y traffiquer, ny n'entroit en leur païs aucun affecté rethoricien pour enseigner à finement plaider, ny aucun deuin pour y dire la bonne aduenture, ny maquereau pour y tenir bordeau, ou orfeure, ny ioyaulier pour y faire ou y uendre aucuns affiquetz d'or ne d'argent à parer les dames, attendu que ce sont toutes choses, qui se font seulement pour gagner & amasser argent, dont il n'y auoit point: & ainsi les delices estans destituees des choses qui les nourrissent, & qui les entretiennent, uenoient à se faner petit à petit, & finablement à tumber d'elles mesmes, ne pouuans les plus riches auoir rien d'auantage que les plus pauures, & n'y aiant la richesse moien aucun de se monstrier en public & se mettre en euidence, ains demourant recluse en la maison, oisifue, sans pouuoir de rien seruir à son maistre. Et pourtant les utensiles dont on ne se peult passer, & dont on a tous les iours à faire, comme chalits, tables, chaires, & autres telz meubles, sy faisoient tresbien: & louoit on beaucoup la forme & façon du gobelet Laconique, que lon appelloit Cothon. mesmement pour l'usage de gens de guerre, ainsi que souloit dire Critias, pource qu'il estoit fait de sorte que la couleur engardoit l'oeil de cognoistre les eaux, que lon est aucunesfois contraint de boire en un camp, si troubles & si ordes, qu'elles font mal au cueur à les ueoir seulement: & si d'aduenture il y auoit quelque ordure, & quelque limon au fond, il sarrestoit aux orees du uentre, & n'en uenoit par le gouler que la plus nette partie à la bouche de celuy qui y beuuoit. Dequoy fut aussi cause le reformateur, pource que les artizans n'estans plus occupez à besongner en ouurages superflus, emploierent leur suffisance à bien ouurer les necessaires. Mais uoulant encore d'auantage persecuter la superfluité & les delices, à fin d'exterminer de tout point la conuoitise d'auoir & de s'enrichir, il feit une autre troisieme ordonnance nouuelle, tresbelle, qui fut celle des conuiues, par laquelle il uoulut & ordonna, qu'ilz mangeassent ensemble de mesmes uiandes, & de celles qui estoient notamment specifiees par son ordonnance, par laquelle il leur estoit expressement defendu de manger à part en priué dessus riches tables & lits sumptueux, en abusant du labeur des excellents ouuriers, & des frians cuisiniers, pour s'engresser en secret & en tenebres, comme lon engrasse les bestes gourmandes: ce qui gaste & corrompt non seulement les cōditions de l'ame, mais aussi les cōplexions du corps, quand on luy lasche ainsi en abandon la bride à toute sensualité, & à toute gloutonnie: dont il aduient qu'il a besoing puis apres de beaucoup dormir, pour cuire & digerer ce qu'il a trop pris de uiande, & ueult estre aidé de baings chaulds, de long repos, & du traitement ordinaire qu'il faut à un malade. Ce fut donques chose grande à luy que d'auoir peu faire cela, mais encore plus d'auoir rendu la richesse non subiette à estre desrobée, & moins encore à estre conuoitée, comme dit Theophraste, ce qu'il feit par le moien de ce statut, de les faire manger ensemble avec si grāde sobrieté en leur uiure ordinaire. Car il n'y auoit plus moien d'user ny de iouir, non pas de monstrier seulement sa richesse à qui en eust eu, ueu que le pauvre & le riche estoient contraints de se trouuer en mesme lieu, pour y manger de mesmes uiandes: tellement que ce que lon dit communement, que Pluto, c'est à dire le dieu des richesses, est aueugle, estoit uray en la seule uille de Sparte entre toutes celles qui furent onques au monde: car il y estoit

Lycurgus.

gissant par terre, comme une peinture sans ame qui n'a aucun mouuement: attendu qu'il n'estoit pas loisible de manger deuant que de uenir es salles publiques à part en sa maison, & puis s'en uenir par contenance tout saoul au lieu du conuiue: car chascun auoit l'œil à regarder expressement, ceulx qui ne beuuoient & ne mangeoient pas de bon appetit en la compagnie, & les en blasmoit & reprenoit on comme gourmands, ou comme desdaignans par delicatesse de manger en commun avec les autres: de sorte que ce fut, à ce que lon dit, l'ordonnance qui plus fascha les riches, entre toutes celles que lors establit Lycurgus: & pour laquelle ilz crierent & se courroucerent plus contre luy, iusques à ce que uoiant qu'ilz se ruoiēt tous ensemble sur luy, il fut contraint de s'en fouir de la place. Si gaigna le deuant & se ietta en franchise dedās une eglise, auant que les autres le peussent attaindre, excepté un ieune hōme nommé Alcander, lequel n'estoit point au demourant de mauuaise nature, sinon qu'il estoit un peu prompt à la main & cholere: & poursuyuant Lycurgus de plus près que les autres, ainsi comme il se cuida retourner deuers luy, il luy donna un coup de baston sur le uisage, dont il luy creua un œil. Mais pour cela Lycurgus ne fleschit point, ains se presenta la teste leuee à ceulx qui le poursuiuoient, leur monstrant son uisage tout ensanglanté, & son œil creué: dont ilz eurent tous si grāde honte, qu'il n'y eut celuy d'eulx qui ozaist ouurir la bouche pour parler contre luy: ains au contraire, luy liurerent entre ses mains Alcander, qui l'auoit frappé, pour en faire punition telle que bon luy sembleroit, & le conuoyerent tous iusques en sa maison, monstrans qu'ilz estoient bien marris de son inconueniēt. Lycurgus en les remerciant les renuoya, & fit entrer Alcander en sa maison avec luy, là ou il ne luy mesfeist ne mesdit iamais d'une parole, ains luy commanda seulement qu'il le seruist, faisant retirer ses domestiques qui auoient accoustumé de le seruir ordinairement. Le ieune homme qui n'estoit point lourdaud ny paresseux de nature, le fit uoluntiers, sans rien repliquer au cōtraire: & quand il eut demouré quelque temps aupres de luy, estant tousiours à l'entour de sa personne, il commēça à cognoistre & gouster la bonté de son naturel, & l'affection & intention qui le mouuoit à faire ce qu'il faisoit, l'austerité de sa uie ordinaire, & sa constance à supporter tous trauaux, sans iamais se lasser: dont il se prit à l'aimer & honorer fort affectueusement, & depuis alla preschant à ses parents & amis, que Lycurgus n'estoit pas ainsi rude ne rebours, comme il sembloit de prime face, ains estoit le plus doux & le plus amiable enuers les autres qu'il estoit possible. Voila comment Alcander fut chastié par Lycurgus, & la punition qu'il en receut: c'est, que de mal conditionné iouuēceau, oultrageux & temeraire qu'il estoit au parauant, il deuint homme tressage & tresmodéré. Mais pour memoire de cestuy sien inconuenient Lycurgus edifia un temple à Minerue, qu'il furnomma Optiletide, pour autant que les Dorienx qui habitent en ce quartier la de la Moree appellēt les yeulx Optiles. Il y en a d'autres, entre lesquelz est Dioscorides, qui disent que Lycurgus receut bien un coup de baston, mais qu'il n'eut pas pourtant l'œil creué, & que au contraire, il fonda ce temple à Minerue, pour luy rēdre graces de la guarison de son œil: tāt y a que depuis ce temps la les Spartiates cesserent de porter des bastons es assemblees de conseil. Et pour retourner aux conuiues publiques, les Candiots les appelloient Andria, & les Lacedēmoïes Phiditia, fust ou pource que c'estoiēt lieux, esquelz on apprenoit à uiure sobrement & estroittement, à cause que l'espargne

A gne en langage Grec s'appelle Phido : ou pource que là s'engendroient les amitez des uns avec les autres, cōme filz eussent uoulu dire, Philitia, en mettant un d, pour une l. Il pourroit aussi estre, que lon y adiouxte de superflu la premiere lettre, comme si on eust uoulu dire, Editia, pource que c'estoient lieux ou lon alloit manger & prendre son repas : & sy assembloient par quinzaines en chasque salle, peu plus ou peu moins : & apportoit chascū d'eulx au commencement du mois un minot de farine, huit brochs de uin, cinq liures de fourmage, & deux liures & demie de figues, & oultre cela un bien petit de leur monnoye pour achepter de la pitance. Mais par dessus cela, quand quelcun d'eulx sacrifioit en sa maison, il enuoyoit les primices de son sacrifice, en la salle de son conuiue : semblablement fil auoit pris quelque uenaïson à la chasse, il y en enuoyoit une piece : car c'estoient les deux cas esquelz il estoit loisible de māger à part en sa maison, quand on auoit immolé quelque beste aux Dieux, ou que lon estoit retourné trop tard de la chasse : autrement ilz estoient contrains de se trouuer tous es salles des conuiues, filz uouloient māger. Ce qu'ilz garderent long temps fort estroittement : de maniere qu'un iour estant le Roy Agis retourné de la guerre, ou il auoit desfaiēt les Atheniens, & uoulant soupper en son priuē, avec sa femme, il enuoya demander sa portion : mais les Polemarches, qui sont certains officiers qui assistent aux Roys à la guerre comme leurs collateraux, la luy refuserent : & le lendemain Agis aiāt, par despit, omis à faire le sacrifice accoustumē d'estre fait à l'issue d'une guerre, il fut par eulx condemné à l'amende. Les enfans mesmes alloient à ses conuiues, ne plus ne moins qu'à des escholes d'honneur & de temperance, là ou ilz entendoient de bons & graues deuïs touchant le gouuernement de la chose publique, sous maistres qui n'estoient point mercenaires, & y apprenoient à se iouer de paroles les uns avec les autres, & à s'entremoqueer plaisamment sans toutefois piquer aigrement ny gaudir deshonestement, & à ne se courroucer point pour estre semblablement moquez : car c'est une qualité, entre autres, fort propre aux Lacedemoniens que d'endurer patiemment un trait de moquerie : toutefois fil y auoit aucun qui n'y prist point de plaisir, il falloit seulement qu'il priaist l'autre de s'en abstenir, & incontīnēt il cessoit. Mais c'estoit une chose ordinaire qu'à tous ceulx qui entroient dedans la salle du conuiue, le plus uieil de la cōpagnie leur disoit, en leur montrant la porte, Il ne sort pas une parole hors de ceste porte. Aussi falloit il que celuy qui uouloit estre receu en la compagnie du conuiue fust premierement approuué & receu par tous les autres, en ceste maniere : Chascun d'eulx prenoit en sa main un peu de mie de pain, laquelle il paistrissoit entre ses doigts, tant qu'il en faisoit une petite boule, & la iettoit sans mot dire dedans un bassin, que portoit sur sa teste le ualet du conuiue qui les seruoit à table : celuy qui se contentoit que l'autre fust receu, iettoit sa petite boule toute ronde : si non, il la ferroit si fort entre ses doigts, qu'il la rendoit platte. Ceste mie de pain ainsi applatie, ualoit autant comme la febue perçee, laquelle estoit es iugemens le signe de sentence condemnatoire : & fil sy en trouuoit une seule de ceste sorte, le pretendant n'estoit point receu : car ilz ne uouloient pas qu'il entrast en la compagnie personne, qui ne fust agreable à tous les autres. Celuy qui estoit ainsi rebuté, ilz disoient qu'il estoit decaddē, pource que le uaisseau dedans lequel ilz iettoient leurs petites boules de pain, s'appelloit Caddos. La plus exquisite uiande que l'on seruisst en ces conuiues là, estoit celle qu'ilz ap-

Lycurgus.

pelloient le brouet noir, tellement que quand il y en auoit, les uieillards ne mangeoient point de chair, ains la laissoient toute aux ieunes homes, & eulx à part mangeoient le brouet. Il y eut iadis un Roy de Pont, qui pour gouster de ce brouet noir, achepta expressement un cuisinier Lacedemonien : mais quand il en eut une fois tasté, il s'en fascha incontinent : & le cuisinier luy dit, Sire pour trouuer ce brouet bon, il se faudroit premierement estre bagné dedans la riuere d'Eurotas. Apres qu'ilz auoient sobrement beu & mangé ensemble, ilz s'en retournoient sans lumière chascun en sa maison : car il ne leur estoit pas loisible d'aller ny la ny ailleurs avec de la chádelle, à fin qu'ilz s'accoustumassent à marcher hardimét la nuit & en tenebres par tout. Tel estoit l'ordre & la maniere de leurs conuiues. Mais il fait bien à noter, que iamais Lycurgus ne uoulut qu'il y eust pas une de ses loix mise par escript, ains est expressement porté par l'une de ses ordonnances qu'ilz appellent Retres, qu'il ne ueult point qu'il y en ait aucune escripte : car quád à ce qui est de principale force & efficace pour rendre une cité heureuse & uertueuse, il estimoit que cela deuoit estre empraint, par la nourriture, es cueurs & es meurs des homes, pour y demourer à iamais immuable : c'est la bonne uoulunté, qui est le plus fort lien pour cōtraindre les homes à bien uiure, que lon leur sçauroit nouer, & le ply qu'ilz prennent par bonne institution des leur premiere enfance, qui fait que chascun d'eulx se sert de loy à foy mesme. Et au demourant, quant aux autres choses legeres, qui concernent les contraux des homes les uns avec les autres, qui sont choses que lon change tãost en une sorte, & tantost en une autre, selon le besoing : il pensa qu'il ualoit mieulx ne les estraindre point sous cōtraintes redigees par escript, ny en establir des coustumes qui ne se peussent changer, ains plus tost les laisser à la discretion, & à l'arbitrage des homes qui auroient esté bien nourriz & bien instituez, pour en oster, ou y adiouxter, selon que l'occurrence & la disposition des temps le requerroit : car en somme il estima, que le but principal d'un bon establis seur & reformateur de chose publique, deuoit estre, faire bié nourrir, & bien instituer les homes. L'une donques de ses ordonnances portoit expressement, qu'il n'y eust pas une loy escripte. Il y en auoit une autre contre la superfluité : laquelle ordonoit, que les couuertures des maisons se feissent avec la cōgne, & les huisseries avec la sie seulemēt, sans autre util de menuiserie. En quoy il eut la mesme imagination q̄ depuis eut aussi Epaminōdas quád il dit, en parlant de sa table, un tel ordinaire ne reçoit iamais trahison : aussi estimoit Lycurgus, qu'une telle maison ne receuroit point de superfluité ny de delices, pource qu'il n'est point d'homme si impertinent, ny de si mauuais iugement, qui portast dedās une telle maison si pauvre, & si pietre, des chalits aux pieds d'argent, ny des couuertures & tours de lits teincts en pourpre, ny de la uaisselle d'or ou d'argēt, & toute la suite de superfluité, & de delices que cela trainne apres soy : pource qu'il fault q̄ les lits soient proportionnez à la maison, les uestemens sortables aux lits, & tout le reste des meubles & de la maniere de uiure conuenable & correspondante aux uestemens. De ceste accoustumance proceda ce que le Roy Leontychidas, premier de ce nom, dit une fois : lequel souppant un iour en la uille de Corinthe, & uoiant le planché de la salle, ou il souppoit, sumptueusemēt lambrissé & ouuré, demáda à son hoste si les arbres croissoient ainsi quarrez en leur país. La troisieme ordonnance fut, qu'il defendit de souuent faire la guerre contre mesmes ennemis, de peur qu'estans

souuent

A souuent contrains de prédre les armes pour foy defendre, ilz n'en deuissent à la fin uailhans hommes & bons combatans. C'est dequoy lon blasme le Roy Agefilaus, qui fut long temps depuis : car, par estre souuēt entré en armes dedans le pais de la Bœoce, il rendit à la fin les Thebains aussi bons hommes de guerre comme les Lacedæmoniés. A l'occasion dequoy, Antalcidas le uoiant un iour blecé, luy dit: Tu reçois des Thebains le loier de leur apprentissage, tel que tu l'as merité: car tu leur as, malgré eulx, enseigné le mestier de la guerre, que parauant ilz ne uouloient apprendre ny exercer. Ce sont les ordonnances que Lycurgus luy mesme appella Retres, qui uault autant à dire comme graues sentences, ou oracles que le Dieu Apollo luy auroit donnez. Mais

B quant à la nourriture des enfans, qu'il estimoit estre la plus belle & la plus grande chose que sçauroit establir ny introduire un reformateur de loix, commenceant de loing, il regarda premieremēt aux mariages, & à la generation des enfans. Car quāt à ce que dit Aristote, qu'il essaia de reformer les femmes, & qu'il s'en deporta incōtinent, uoiant qu'il n'en pouuoit uenir à bout, à cause de la trop grande licence qu'elles auoient usurpee en l'absence de leurs marys, pource qu'ilz estoient contrains d'aller souuent aux guerres, pēdant lesquelles les hommes estoient contrains de les laisser maistresses à la maison, & les honoroient & cherissoient oultre mesure, en les appellāt Dames & maistresses: ie treuve que cela est faulx: il est bien uray, qu'il eut l'œil à les regler,

C & ordonner de leur maniere de uiure, aussi bien que des hommes, ainsi que la raison le uouloit. Premierement donques, il uolut que les filles endurcissent leurs corps, en s'exercitant à courir, lucter, ietter la barre, & lancer le dard, à celle fin que le fruit qu'elles conceuroient, uenant à prendre racine forte en un corps dispos & robuste, en germaist mieulx: & aussi qu'elles festās renforcées par telz exercices, en portassent plus uigoureusement & plus facilement les douleurs de leurs enfentemens. Et pour leur oster toute delicatessē & toute tēdreur effeminee, il accoustuma les ieunes filles, aussi bien que les garçons, à trauailler, & à danser nues en quelques festes & sacrifices solēnelz, & à chatter en la presence & à la ueuē des ieunes iouuenceaux: ausquelz bien souuent

D elles donnoient en passant quelque brocard à point, touchans au uif ceulx qui en quelque chose auroient oublié leur deuoir: & quelque fois aussi recitoient en leurs chansons, les louanges de ceulx qui en estoient dignes. En quoy faisant elles imprimoient es cœurs des ieunes hommes une tresgrande ialouzie & contention d'honneur: car celuy qui auoit esté loué par elles comme uailhant, & duquel elles auoient chanté les actes de prouesse, s'en alloit eleué en courage de faire encore mieulx à l'aduenir: & les attaintes & picqueures qu'elles donnoient aux autres, ne leur estoient moins poignantes, que les plus seueres admonestemens & corrections que lon leur eüst sceu donner: attēdu mesmemēt que cela se faisoit en presence des Roys, des Senateurs

E & de tout le reste des citoiens, qui serrouoient là pour ueoir l'esbatement. Mais quant à ce que les filles se monstroient ainsi toutes nues en public, il n'y auoit pour cela uillanie aucune, ains estoit l'esbarement accompagné de toute honnesteté, sans lubricité ny dissolution quelconque: & plus tost, au contraire, portoit auec foy une accoustumance à la simplicité, & un enuy entre elles, à qui auroit le corps plus robuste, & mieulx dispos: & qui plus est, cela leur eleuoit encore aucunement le cœur, & les rendoit plus magnanimes, en donnant à cognoistre, qu'il ne leur estoit pas moins bien seant de s'exerciter à

Lycurgus.

la prouëſſe, & eſtriuier entre elles à qui en emporteroit le pris; qu'il eſt aux hō-
mes. Dont procedoit que les femmes Lacedæmonienes auoient bien auſſi le
cueur de dire & de penſer d'elles, ce que reſpōdit un iour Gorgone femme du
Roy Leonidas: laquelle, ainſi que lon treuue par eſcript, comme une dame e-
ſtrangere deuiſant avec elle luy dit, Il n'y a femmes au monde que uous au-
tres Lacedæmonienes qui commandiez à uoz hommes: elle luy repliqua in-
continent, Auſſi n'y a il que nous qui portions des hommes. D'auantage cela
eſtoit une emorche, qui attiroit les ieunes hōmes à ſe marier: i'entens ces ieux,
danſes, & eſbatemēs que faiſoient les filles toutes nues en la preſence des ieunes
hommes: non point par contraintes de raiſons Geometriques, comme dit
Platon, mais par attraicts d'amour. Et touteſois oultre ces attraicts la, encore
eſtablit il note d'infamie à l'encontre de ceulx qui ne ſe uoudroiet marier: car
il ne leur eſtoit pas loiſible de ſoy trouueres lieux, ou lon faiſoit ces ieux &
paſſer temps publiques à nud: & qui plus eſt, les officiers de la uille les contrai-
gnoient d'environner tous nuds, au cueur d'hyuer, la place: & en cheminant
falloit qu'ilz châtaſſent une certaine chanſon faite cōtre eulx, laquelle diſoit
en ſomme, qu'ilz eſtoiet à bō droit puniz, pour n'auoir pas obey aux loix: avec
ce que quand ilz deuenoient uieus, on ne leur portoit pas l'honneur ny la re-
uerence, que lon faiſoit aux autres uieillards. Pourtant n'y eut il perſonne qui
reprist, ou trouuaſt mauuais, ce qui fut dit à l'encontre de Dercyllidas, com-
bien que ce fuſt au demourant un bon & uailant capitaine: car luy entrant
en une compagnie, il y eut un ieune homme qui ne ſe daigna leuer pour luy
faire honneur, & luy dōner place à ſe ſeoir: pource, dit il, que tu n'as point en-
gendré d'enfant, qui fuſt pour m'en faire autāt à l'aduenir. Mais il falloit que
ceulx qui ſe uouloient marier, rauiſſent celles qu'ilz uouloient eſpouſer, non
point petites garſes, qui ne fuſſent pas encore en aage de marier, ains grandes
filles, uigoureuses, & ia meures pour porter enfans: & quand il y en auoit une
rauie, celle qui auoit moiené le mariage uenoit, qui luy raſoit ſes cheueux
entierement iuſques au cuir, puis la uestoit d'un habillement d'homme avec
la chauffeure de meſme, & la couchoit deſſus une paillasse toute ſeule, ſans
chandelle. Cela fait, le nouveau marié n'eſtant ny yure, ny plus delicatement
nourry ou uestu que de couſtume, ains aiant ſobremēt ſouppé à ſon ordina-
ire, ſ'en retournoit ſecretement en la maiſon: là ou il deſſioit la ceinture à ſon
eſpouſee, & la prenant entre ſes bras la couchoit ſur un liēt, & y demouroit
quelque temps avec elle, puis ſ'en retournoit honneſtemēt au lieu, ou il auoit
accouſtumé de dormir avec les autres ieunes hommes: & de là en auant conti-
nuoit tousiours à faire de meſme, eſtant tout le long du iour, & dormant la
nuict avec ſes compagnons, excepté qu'il alloit aucunes fois ueoir ſa femme à
la deſrobee, aiant crainte & honte d'eſtre apperceu par aucun de la maiſon: à
quoy la nouuelle mariée l'aidoit auſſi de ſon coſté, eſpianſ les occasions &
moiens, comment ilz ſe pourroient trouuer enſemble ſans qu'ilz fuſſent ap-
perceuz. Ceste façon de faire duroit aſſez longuement, & rant que quelques
uns d'eulx auoient des enfans, auant qu'ilz hantaffent librement enſemble, &
qu'ilz ueiſſent leurs femmes en plein iour. Si leur ſeruoit ceste entreueue ainſi
recelee, non ſeulement à ce, que ce leur eſtoit une exercice de continēce & de
pudicité, mais auſſi à ce, que leurs perſonnes en eſtoiet plus uigoureuses pour
engendrer, & maintenoit les deux parties en ardeur & appetit de nouueaux
amoureux, non tiedes, ne languiffans, comme le ſont ordinairēmēt ceulx qui
iouiffent

- A** iouissent à cuer saoul de leurs amours, tant comme ilz ueulent: car ilz s'entrelassoient tousiours au departir l'un d'auec l'autre un aguillon de desir, & un reste & relais de chaleur amoureuse. Mais aiant estably une si grãde honesteté, & si reseruee temperance es mariages, il n'eut pas moins de soing d'en oster toute uaine & feminine ialouzie: estimant estre bien raisonnable de garder, qu'il n'y eust point de uiolence ny de confusion, mais aussi que la raison uouloit, que lon permeist à ceulx qui en estoiet dignes, engendrer des enfans en commun: se moquant de la folie de ceulx qui uengent telles choses auec guerres & effusion de sang humain, comme si les hommes ne deussent auoir en cela participation ny communication quelconque les uns auec les autres.
- B** Pourtant n'estoit il point reprochable à homme qui se trouuaist ia sur l'aage, & eust ieune femme, si l'uoioit quelque beau ieune homme qui luy aggreast, & luy semblast de gentille nature, le mener coucher auec sa femme pour la faire emplir de bonne semence, & puis aduouer le fruiet qui en naissoit, comme si il eust esté engendré par luy mesme. Aussi estoit il loisible à un honneste homme, qui aimast la femme d'un autre pour la ueoir sage, pudique, & portât de beaux enfans, prier son mary de le laisser coucher auec elle, pour y semer comme en terre grasse & fertile, de beaux & bons enfans, qui par ce moien uenoient à auoir communication de sang & de parentelle auec gens de bien & d'honneur. Car premierement Lycurgus ne uouloit point que les enfans fussent propres aux particuliers, ains communs à la chose publique: au moien dequoy il uouloit aussi, que ceulx qui auoient à en estre citoyens fussent engendrez non de tous hommes, ains des plus gens de bien seulement. Si luy sembloit que es loix & ordonnances des autres nations, touchant les mariages, il y auoit beaucoup de sottises & de uanité, attendu qu'ilz faisoiet couvrir leurs chienes; & leurs iuments, par les plus beaux chiens, & les meilleurs estalons qu'ilz pouuoient recouurer, en priât ou paient ceulx qui en estoiet seigneurs: & gardoient neantmoins leurs femmes enfermées sous la clef, de peur qu'elles ne cõceussent d'autres que d'eulx, encore qu'ilz fussent esceruelez, maladifs, ou suraagez: comme si ce n'estoit pas premierement & principalement
- D** au dommage des peres & meres, & de ceulx qui les nourrissoient, que les enfans naissent uicieus & defectueux, quand ilz naissent de personnes tarces: & au contraire, au proufit & contentement d'iceulx, quand ilz naissent beaux & bons, pour auoir esté engendrez de semblable semence. Ces choses se faisoient alors ainsi par raison naturelle & ciuile, mais neantmoins tant s'en falloit, que les femmes fussent si faciles, cõme lon dit qu'elles furent depuis, que lon ne scauoit aucienement en la uille de Sparte, que c'estoit que d'adultere: en tesmoignage dequoy se peult alleguer la responce, que feit un de ces premiers anciẽs Spartiates nommẽ Geradas, à un estrãger qui luy demandoit, quelle peine on faisoit souffrir à ceulx qui estoient surpris en adultere. Mon amy, dit il, il n'y
- E** en a point. Mais si y en auoit, luy repliqua l'estrãger. Il faudroit, dit il, qu'il paiaist un taureau si grand, qu'il peust boire de dessus la montagne de Tauregere dedans la riuere d'Eurotas. Voire-mais, comment seroit il possible de trouuer un taureau si grand, dit l'estrãger. Et Geradas en riant luy respondit: Et commẽt seroit il aussi possible de trouuer à Sparte un adultere? C'est ce que lon treuve par escript des ordonnances de Lyeurgus, touchant les mariages. Au demourãt, depuis que l'enfant estoit né, le pere n'en estoit plus le maistre, pour le pouoir faire nourrir à sa uoulunté, ains le portoit luy mesme en un

Lycurgus.

certain lieu à ce député, qui s'appelloit Lesche, là où les plus anciens de sa lignee estans assis uisitoient l'enfant : & filz le trouuoient beau, bien formé de tous ses membres, & robuste, ilz ordonnoient qu'il fust nourry, en luy destinant une des neuf mille parts des heritages pour sa nourriture : mais fil leur sembloit laid, contrefait, out flouet, ilz l'enuoyoient ietter dedans une fondriere, que lon appelloit uulgairement les Apothetes, comme qui diroit, les Depositoires, aians opinion qu'il n'estoit expedient ny pour l'enfant, ny pour la chose publique, qu'il uescust, attendu que des sa naissance il ne se trouuoit pas bien composé pour estre sain, fort & roide toute sa uie. Et à ceste cause les femmes mesmes qui les gouuernoient, ne les lauoiert pas d'eau simple, comme il se fait par tout ailleurs, ains d'eau meslee avec du uin, & esprouuoient par ce moié, si la complexion & la trempe de leurs corps estoit bone ou mauuaise : pource que l'on dit, que les enfans qui sont pour estre subiects au mal caduque, ou autrement catarreux ou maladifz, ne peuuent resister ny durer à ce lauement de uin, ains en sechent, & en tumbent en langueur : & au contraire, ceulx qui sont bien sains, en deuient plus roides & plus forts. Les nourrices aussi uoient de certaine diligence avec artifice à nourrir leurs enfans, sans les emmailloter, ny lier de bandes, ny de langes, de sorte qu'elles les rendoient plus deliures de leurs membres, mieulx formez, & de plus belle & gétille corpulence : & si en deuenoient indifferets en leur uiure, sans estre difficiles à eleuer, ny delicats ou frians, ny paoureux & craignans d'estre laissez seuls en tenebres, ny criards, ou peruers aucunemét, qui sont tous signes de nature lasche & uile. Tellement qu'il se trouuoit des estrangers, qui acheptoiert des nourrices du pais de Laconie, expressement pour leur faire nourrir leurs enfans : comme lon dit que Amylca, celle qui nourrit Alcibiades, en estoit : mais Pericles son tuteur luy bailla depuis pour son maistre & gouuerneur, un serf nommé Zopyrus, lequel n'auoit partie quelconque meilleure que les autres communs esclaués. Ce que ne fait pas Lycurgus : car il ne meit point la nourriture & le gouuernement des enfans de Sparte entre les mains de maistres mercenaires, ou de serfs acheptez à pris d'argent : & si n'estoit pas loisible au pere de nourrir ses enfans à sa mode, ainsi que bon luy sembloit. Car si tost qu'ilz estoient arriuez à l'aage de sept ans, il les prenoit & les distribuoit par troupes pour les faire nourrir ensemble, & les accoustumer à iouer, apprendre & estudier les uns avec les autres : puis choissoit en chascue troupe celui qui auoit apparence d'estre le mieulx aduisé, & le plus courageux au combat, auquel il donnoit la superintendence de toute la troupe. Les autres auoient tousiours l'œil sur luy, & obeissoient à ses comandemens, en endurant patiemment les punitions qu'il leur ordonnoit, & les couruees qu'il leur comandoit : de maniere que presque toute leur estude estoit d'apprendre à obeir : mais outre cela, les uieillards assistoient souuent à les ueoir iouer ensemble, & la plus part du temps leur mettoient en auant des occasions de debats & de querelles les uns contre les autres, pour mieulx cognoistre & descouurir quel estoit le naturel de chascun, & filz monstroient signes de deuoir estre une fois couards, ou hardis. Quant aux lettres, ilz en apprenoient seulement autant qu'il leur en falloit pour le besoing : & au demourant, tout leur apprentissage estoit, apprendre à bien obeir, endurer le trauail, & à demourer uaincueurs en tout combat. A raison dequoy, à mesure qu'ilz croissoient en aage, on leur augmentoit aussi les exercices du corps : on leur rasoit leurs cheueux, on les faisoit aller deschaux :

A deschaux:& les contraignoit on de iouer ensemble la plus part du temps tous nuds, puis quand ilz estoient paruenus iusques en l'aage de douze ans, ilz ne portoient de là en auant plus de sayons,& ne leur donnoit on tous les ans que une robbe simple seulement: qui estoit cause qu'ilz estoient tousiours sales & crasseux, comme ceulx qui ne s'estuuoient ny ne soignoient iamais, sinon à certains iours de l'annee, que lon leur faisoit un petit goustier de celle douleur. Ilz couchoient & dormoient ensemble sur des paillasses, qu'ilz faisoient eulx mesmes des bouts des cannes, & des rouzeaux qui croissoient en la riuie-re d'Eurotas, lesquelz il falloit qu'ilz allassent cueuillir & rompre eulx mesmes avec leurs mains seules, sans aucun ferrement: mais en hyuer ilz y ad-iouxtoient & mesloient parmy, ce que lon appelle* Lycophanos, pource qu'il semble que celle matiere ait en soy quelque peu de chaleur. Environ cest aage leurs amoureux, qui estoient les plus gaillards & plus gentilz ieunes hommes, commenceoiēt à hanter plus souuent autour d'eulx, & les uieillards aussi semblablement auoient plus l'œil sur eulx, se trouuans plus ordinairement es lieux ou ilz faisoient leurs exercices, & là ou ilz combattoient, & leur assistans quand ilz se iouoient à s'entremoqueer les uns des autres: ce que les uieux faisoient non par maniere de passetemps seulement, ains avec telle diligence & telle affection, comme filz eussent esté peres, maistres & gou-uerneurs de tout tant qu'ilz estoient d'enfans: de maniere qu'il n'y auoit ia-mais temps ne lieu, ou ilz n'eussent tousiours quelcun pour les admonester, reprendre, & chastier, filz faisoient aucune faulte. Et neantmoins oultre tout cela, encore y auoit il tousiours un des plus hommes de bien de la uille, qui auoit expressement le tiltre & la charge de gouuerneur des enfans, lequel les departoit par bādes, & puis donoit la superintēdence à celuy des garçons qui luy sembloit le plus sage, le plus hardy, & le plus courageux. Ilz appelloient les garçons Irenes deux ans apres qu'ilz estoient sortiz hors d'enfance, & les plus grands enfans ilz les appelloient Melirenes, comme qui diroit, prests à sortir d'enfance. Ce garson à qui se bailloit ceste charge, auoit ia uingt ans, & estoit leur capitaine quand ilz combattoient, & leur commādoit quand ilz estoient en la maison, comme à ses ualets, enioignant à ceulx qui estoient plus faits & plus forts, qu'ilz apportassent du bois quād il falloit soupper:& à ceulx qui estoient plus petis & plus foibles, des herbes. Il falloit qu'ilz les desrobassent filz en uouloient auoir. Si en alloient desrober les uns aux iardins, les autres es salles des conuiues, ou les hommes mangeoient ensemble, dedans lesquelles ilz se couloient le plus finement, & le plus caudemēt qu'ilz pouuoient: car si d'aduēture ilz estoient pris sur le faict, ilz estoiet fouettez à bon esciant, pour auoir esté trop paresseux, & non assez fins & rusez à desrober. Ilz desroboient aussi toute autre sorte de uiande sur laquelle ilz pouuoient mettre la main, espians les occasions de les pouuoir prendre habilement, quand les hō-mes dormoient, ou qu'ilz ne faisoient pas bon guet: mais celuy qui y estoit surpris estoit bien fouetté, & si le faisoit on d'auantage ieuner: car on leur donoit bien fort peu à manger, à fin que la necessité les contraignist à soy hazar-der hardiment, & à inuenter quelque habilité pour en desrober subtilement. C'estoit la cause premiere & principale, pour laquelle on leur donoit si petit à manger, mais l'accessoire estoit à fin que leurs corps en creussent en haul-teur d'auantage, pource que les esprits de uie n'estans point occupez à cuire & digerer beaucoup de uiande, ny rebatus contrebas, ou estendus en large,

*C'est une espee de chardōs, en la lan-gue des messeniēs. uoyez He-sychius.

Lycurgus.

pour la quantité ou pesanteur trop grande d'icelle s'estendoient en long, & montoient contremont, à cause de leur legereté, & par ce moien le corps en croissoit en hauteur, n'ayant rien qui l'empeschast de monter. Et semble aussi que la mesme cause les rendoit quād & quād plus beaux, pource que les corps qui sont menus & gresles obeissent mieux & plus facilement à la uertu de nature, qui donne le moule & la forme à chascun des membres: & au contraire, il semble que les corps qui sont gros, gras & trop nourriz, y résistent, n'estans pas si maniables que les autres, à cause de leur pesanteur: ne plus ne moins que lon voit par experience, que les enfans que portent les femmes qui ont leurs fleurs, & qui se purgent durant leur grossesse, sont plus greslés, & plus beaux aussi, & plus polis ordinairement que les autres, pource que la matiere dont leur corps est formé, estant plus souple est aussi plus facilement regie par la force de nature, qui luy donne la forme: toutefois quant à la cause naturelle de cest effect, laissons la disputer à qui uoudra, sans en rien decider. Mais pour retourner au propos des enfans Lacedæmoniens, ilz desfroboient avec si grād foing, & si grande crainte d'estre descouverts, que lon cōpte d'un, lequel ayant desrobé un regnardeau, le cacha dessoubs sa robbe, & se laissa deschirer tout le uentre avec les ongles & les dents de celle beste, sans iamais crier, de peur d'estre descouvert, iusques à ce qu'il en trespassa sur la place. Ce qui n'est pas incroyable, à ueoir ce que les ieunes garçons y endurēt encores auiourdhuy: car nous y en auons ueu plusieurs qui endurēt estre fouettez iusques au mourir, sur l'autel de Diane surnommee Orthia. Or ce sousmaistre qui a la superintendence sur chasque troupe des enfans, apres le soupper, seant encore à table, commandoit à l'un qu'il chantast une chanson, & proposoit quelque question à un autre, ou il falloit auoir bien pensé pour y respondre à propos, comme, *Qui est le plus homme de bien de la uille?* ou, *Que te semble de ce qu'un tel a fait?* Par laquelle exercitation ilz s'accoustumoient des leurs ieunes ans à pouuoir faire iugement des choses bien ou mal faites, & à s'enquerir de la uie & du gouuernement de leurs citoiens. Car qui ne respondoit promptement & pertinemment à telles demandes, *Qui est homme de bien,* qui est bon citoien, & qui non: ilz estimoient que c'estoit signe de nature lasche, nonchalante, & qui n'estoit point incitée à la uertu par le desir d'honneur: & si falloit que la response fust tousiours accompagnée de sa raison, & de sa preuue, courte & estrainte en peu de paroles: autrement la punition de celuy qui respondoit mal à propos estoit, que le maistre luy mordoit le poulice: & le faisoit le plus souuent en presence des uieillards & des magistrats de la uille, pour ueoir sil les punissoit avec raison, & ainsi qu'il appartenoit. Et encore qu'il le feist mal, si ne l'en reprenoient ilz pas sur l'heure, mais quand les enfans estoient retirez, alors il estoit luy mesme repris, & puny, sil les auoit trop aigrement chastiez: ou, au contraire, trop laschement. Qui plus est, on imputoit aux amoureux l'opinion bonne ou mauuaise que lon cōceuoit des enfans qu'ilz auoient pris à aimer, de sorte que lon dit que quelque fois un ieune enfant, en combatant contre un autre, s'estant laissé eschapper de la bouche un cry qui sentoit son cueur lasche & failly, son amoureux en fut condamné à l'amende par les officiers de la uille. Mais combien que l'amour fust chose si incorporee avec eulx, que mesme les honestes & uertueuses femmes aimoient les ieunes filles, il n'y auoit neantmoins point de ialouzie entre eulx, ains plus tost, au contraire, estoit cela un commencement d'amitié mutuelle entre

A entre ceulx qui aimoient en mesme lieu : & procuroient ensemblément par tous les moiens dont ilz se pouuoient aduifer, de faire que l'enfant qu'ilz aimoient en commun, fust le plus gentil & le mieux conditionné de tous les autres. Ilz enseignoient aux enfans à parler, de sorte que leur langage eust une pointe meslée avec grace & plaisir, & qu'en peu de paroles il comprist beaucoup de substance. Car Lycurgus uouloit que la monnoye de fer en grand pois & grosse masse eust bien peu de ualeur, comme nous auôs ia dit ailleurs : & au contraire, que la parole en peu de mots, non fardez ny affectez, comprist beaucoup de graue & bonne sentence, accoustumant les enfans par un long silence à estre briefts & aguz en leurs responses. Car tout ainsi que la semence

B des hommes luxurieux, qui se messent trop souuent & trop dissoluëment avec les femmes, ne peult germer ne fructifier : aussi l'intemperâce de trop parler rend la parole uaine, folle & uuide de sens. De là uient, que les responses Laconiennes estoïent si agues & si subtiles, comme lon dit, que le Roy Agis respondit un iour à un Athenien, qui se moquoit des espees que portoiēt les Lacedæmoniens, disant qu'elles estoient si courtes, que les basteleurs & ioueurs de passe passe, les aualoient facilement en la place deuant tout le monde : Et toutefois, dit Agis, si en assenons nous bien noz ennemis. Quant à moy, il m'est bien aduis que les Laconiens, en leur maniere de parler, n'usent pas de beaucoup de langage, mais qu'ilz touchent tresbien au point, & qu'ilz

C se font tresbien entendre aux escoutans : & si me semble que Lycurgus luy-mesmes estoit ainsi court & agu en son parler, à ce que lon peult coniecturer par quelques siennes responses que lon treuue par escript, comme fut celle qu'il feit à un, qui luy suadoit d'establiir en Lacedæmone un gouuernement populaire, là ou le petit eust autant d'autorité que le grand : Commence, luy dit il, à le faire toy mesme en ta maison. Semblablement aussi ce qu'il respondit à un autre, qui luy demandoit pour quoy il auoit ordonné que lon offrirst aux Dieux choses si petites & de si peu de ualeur : A fin, dit il, q nous ne cessions iamais de les honorer. Et ce qu'il dit une autrefois touchant les combats, qu'il n'en defendoit à ses citoiens sinon ceulx, esquelz on tend la

D main, c'est à dire, ou lon se rend. On treuue aussi aucunes telles responses, en quelques lettres missiues qu'il escriuoit à ses citoiens, comme quand ilz luy demanderent : Cōment nous pourrons nous defendre contre noz ennemis ? Il leur respōdit, Si uous demourez pauures, & que l'un ne conuoite point auoir d'auantage que l'autre. Et en une autre missiue, ou il discourt, s'il estoit expedient de fermer la uille de murailles : Comment, dit il, pourroit on dire que celle uille soit sans muraille, qui est ceinte & enuironnee d'hommes tout à l'entour, & non pas de brique ? Toutefois quant à ces lettres la, & autres semblables que lon monstre de luy, il est mal aisé de resoudre, si lon doit croire ou decroire qu'elles soient de luy. Mais quāt à ce, que le beaucoup parler fust

E repris & blasmé des Lacedæmoniens, on le peult euidemment monstrier par les mots aguz que quelques uns d'entre eulx ont autrefois respondu. Le Roy Leonidas dit un iour à quelcun qui deuisoit, & alleguoit beaucoup de bōnes choses, mais hors de temps & de saison : Amy tu tiens sans propos beaucoup de bons propos. Et Charilaus, le nepueu de Lycurgus, interrogué pourquoy son oncle auoit fait si peu de loix : Pource, dit il, qu'il ne fault pas beaucoup de loix à ceulx qui ne parlēt pas beaucoup. Et Archidamidas dit à quelques uns, qui reprenoïent l'orateur Hecataus de ce, qu'ayant esté conuié à soupper en un

Lycurgus.

de leurs conuiues, il n'y parla point tout le long du souper: Celuy, dit il, qui
fçait bien parler, fçait auffi quand il fault parler. Et quant à ce que i'ay dit ail-
leurs cy deuant, qu'en leurs responses agues & subtiles, il y auoit ordinaire-
ment quelque peu de pointe mellé avec grace, on le peult ueoir & cognoistre
par ces autres mots icy. Demaratus respondit à un fascheux, qui luy rompoit
la teste de questions impertinentes & importunes, en luy demandant souuēt
Qui estoit le plus homme de bien de Lacedæmone: Celuy, dit il, qui te ressem-
ble le moins. Et Agis dit à quelques uns qui haultlouoient les Eliens de ce,
qu'ilz iugeoient selon droite iustice es ieux Olympiques: Quelle grâde mer-
ueille est-ce, dit il, si en l'espace de cinq ans les Eliens font un seul iour bonne
iustice? Et Theopompus à un estranger, lequel uoulant monstrier l'affection
qu'il portoit à ceulx de Lacedæmone, disoit: En nostre uille tout le monde
m'appelle Philolacon, c'est à dire, amateur des Lacedæmoniens: Il te seroit
plus hōeste, respondit il, d'estre surnommé Philopolites, c'est à dire, aimant
ses citoiens. Et Plistonax filz de Pausanias, comme un orateur Athenien ap-
pellast les Lacedæmoniens grossiers & ignorans: Tu dis uray, luy respondit
il, car nous sommes seuls entre les Grecs, qui n'auons appris rien de mal de
uous. Et Archidamidas à un qui luy demandoit, combien ilz estoiet de Spar-
tiates: Assez, luy respondit il, pour chasser les meschans. Lon peult aussi fai-
re coniecture de leur maniere de parler par les mots de risée qu'ilz disoiēt au-
cunefois en iouant, pource qu'ilz s'accoustumoient à ne dire iamais parole à
la uolce & en uain, sous laquelle il n'y eust tousiours quelque intelligence
secrete, qui meritoit que lon la consideraſt de pres. Comme celuy que lon in-
uitoit à aller ouyr un qui cōtrefaisoit naïfuemēt le Rossignol: l'ay, dit il, ouy
le Rossignol mesme. Et un autre, qui aiant leu ceste inscription de sepulture,

A pres auoir la tyrannie esteinte

D e leur pais, par martiale attainte,

C eulx cy iadis deuant les haultes tours

D e Selinunte acheuerent leurs iours:

Ilz meritoient, dit il, bien la mort, d'auoir esteint une tyrannie: car ilz la de-
uoiet laisser toute brusler. Et un ieune garson à quelque autre, qui promettoit
de luy donner des coqz si courageux, qu'ilz mouroient sur la place en comba-
tant: Ne me donne point, dit il, de ceulx qui meurent, mais de ceulx qui font
mourir les autres en cōbatant. Vn autre uoyāt des hōmes qui s'en alloiet estās
assis dedans des coches & littieres: la Dieu ne plaise, dit il, que ie seie iamais en
chaire, dont ie ne me puisse leuer au deuant d'un plus uieil que moy. Telles
donques estoient leurs responses & rencontres: de maniere que ce n'est pas
sans raison que quelques uns ont autrefois dit, que Laconiser estoit plus tost
Philosopher, c'est à dire, exercer l'ame, que le corps. Mais oultre cela, ilz n'e-
studioient pas moins à bien chanter, & composer de beaux cantiques, qu'à
rondement & proprement parler: & si y auoit tousiours en leurs chansons, ne
fçay quel aguillon qui excitoit les courages des escoutans, & leur inspiroit
un ardent desir de faire quelque belle chose. Le langage estoit simple, sans af-
fetterie quelconque, & le subiect graue & moral, contenant le plus souuent
louange de ceulx qui estoient morts en la guerre, pour la defense de Sparte,
comme estans bien heureux: & blasme de ceulx, qui par lascheté de cuer a-
uoient restiué à mourir, comme uiuans une uie miserable & malheureuse: ou
bien estoient-ce promesse d'estre à l'aduenir, ou uanterie d'estre presentement
hommes

A hommes uertueux, selon la diuersité des aages de ceulx qui chantoient. Si ne fera point hors de propos, pour mieulx l'entédre, d'en mettre quelque exemple en ce lieu. Car es festes publiques y auoit tousiours trois danſes, selon la difference des trois aages. Celle des uieillards commenceoit la premiere à chanter, en disant:

N ous auons esté iadis
I eunes, uaillans & hardis.

Celle des hommes suyuoit apres, qui disoit:

N ous le sommes maintenant,
A l'espreuue à tout uenant.

B La troisieme, des enfans, uenoit apres, & disoit:

E t nous un iour le ferons,
Q ui bien uous surpasserons.

Brief, qui regardera de pres les œuures & compositions des poètes Laconiques, dont il se treuve encore quelques unes, iusques au temps present, & considerera la note qu'ilz faisoient sonner avec des flustes, au son & à la cadence de laquelle ilz marchotent en bataille, quand ilz alloiét chocquer l'ennemy, il trouuera que ce n'est pas sans raison, que Terpader & Pindarus conioignēt la hardieſſe avec la musique. Car Terpander parlant des Lacedamoniens dit en un endroit:

C C'est ou florit la hardieſſe unie
E n guerre avec musicale armonie:
O u regne aussi Iustice plantureuse.

E t Pindarus parlant d'eulx meſmes, dit:

L à font sages les uieillards,
L es ieunes preux & gaillards,
Q ui ſçauent baller, chanter,
E t leur ennemy dompter.

Par leſquelz teſmoignages il appert, que l'un & l'autre les fait & deſcrit aimans la musique & les armes tout ensemble: car, ainſi comme dit un autre poète Laconique,

D S çauoir doucement chanter
S ur la lyre de beaux carmes,
S iet bien avec le hanter
V aillamment le faiēt des armes.

Pour ceſte cauſe en routes leurs guerres, quand ilz uenoient à dōner une bataille, le Roy ſacrifioit premierement aux Muſes, pour ramenteuoir aux combatans, comme il me ſemble, la diſcipline en laquelle ilz auoient eſté nourriz & les iugemens, à fin qu'au plus fort & plus dangereux de la meſlée, ilz ſe repreſentaſſent deuant les yeux des ſoudards, & fuſſent cauſe de les inciter à faire actes dignes de memoire. Mais lors ilz relaſchoient un petit aux ieunes gēs la roide auſterité & dureté de leur regle de uiure ordinaire, leur permettant adonc d'accouſtrer leurs cheueux, & embellir leurs armes & leurs habillemens, & prenans plaſir à les ueoir ainſi ſ'eſgayer, ne plus ne moins que des ieunes cheuaux henniffans & ſoufflans d'ardeur de combattre. pourtant, encore que des le temps de leur premiere ieuneſſe ilz commenceaſſent à porter longs cheueux, ilz n'eſtoient iamais ſi ſoigneux de les peigner & agencer que quand ilz eſtoient pres de dōner une bataille, car lors ilz les oignoient d'huy-

Lycurgus.

les de fenteurs, & les mēspartissoient, se souuenans d'un propos de Lycurgus, lequel souloit dire que les cheueux rendent ceulx qui sont beaux encore plus beaux, & ceulx qui sont laids plus espouuentables & plus hideux à ueoir. Les exercices mesmes de leurs personnes estoient plus doulx & moins penibles en guerre qu'en autre temps, & generallyment tout leur uiure moins estroitement reformé & moins contrerollé, de maniere qu'ilz se trouuoient seulz au mode à qui la guerre estoit repos des trauaux, que les hōmes ordinairement endurent pour se rendre idoinés à la guerre. Puis quand toute leur armee estoit renee en bataille à la ueuē de l'ennemy, le Roy adonc sacrifioit aux Dieux une cheure, & quand & quand commandoit aux combatans qu'ilz meissent tous sur leurs testes des chapeaux de fleurs, & aux ioueurs de flustes, qu'ilz sonnassent l'aubade qu'ilz appellēt la chanson de Castor, au son & à la cadence de laquelle luy mesme cōmenceoit à marcher le premier: de sorte que c'estoit chose plaisante, & quand & quand effroyable, de les ueoir ainsi marcher tous ensemble en si bonne ordonnance au son des flustes, sans iamais troubler leur ordre ny confondre leurs rengs, & sans se perdre ny estonner aucunement, ains aller poseemēt & ioyeusement au son des instruments se hasarder au peril de la mort. Car il est uray semblable, que telz courages ne sont passionnez ny de frayeur ny de courroux oultre mesure: & au cōtraire, qu'ilz ont une constance & hardiesse asseuree, avec bonne esperance, comme estans accompagnez de la faueur des Dieux. Le Roy marchāt en ceste ordonnance, auoit tousiours aupres de luy quelcun, qui auoit autrefois emporté le pris es ieux & tournois publiques: & dit on, qu'une fois il y en eut un, auquel à la feste des ieux Olympiques on offrit bonne somme de deniers, à fin qu'il ne se presentast point pour combattre: ce qu'il ne uoulut faire, ains ayma mieulx avec grande peine y gagner le pris de la lucte. Et adonc quelcun luy dit: Et bien Laconien, qu'as tu gagné d'auoir emporté avec tāt de sueur le pris de la lucte? Le Laconien luy respondit en riant: l'en combattray en bataille deuant le Roy. Quand ilz auoient rompu les ennemis, ilz les chassoient & poursuioient iusques à ce que par la route & fuite entiere d'iceulx, leur uictoire fust de tout point asseuree: & lors ilz s'en retournoient tout court en leur camp, estimans que ce n'estoit acte ny de gētil cueur, ny de nation noble & genereuse, comme la Grecque, de tuer & mettre en piecēs ceulx qui estoient si desbendez, qu'ilz ne se pouuoient plus r'allier, & qui quittoient toute esperance de uictoire. Cela leur estoit non seulement honorable, mais aussi grandement proufitable, pource que ceulx qui estoiet en bataille contre eulx, sachās qu'ilz occioient ceulx qui sopiniastroient à leur faire teste, & laissoient aller ceulx qui fuioient deuant eulx, trouuoient le four plus utile que l'attendre & demourer. Hippias le sophiste dit, que Lycurgus mesme fut bon capitaine, & grand homme de guerre, comme celuy qui s'estoit trouué en plusieurs batailles: & Philostephanus luy attribue le departement des gens de cheual par cōpagnies, qu'ilz appelloiet Oulames, dont chascune estoit de cinquante hommes d'armes, qui se régeoient en quarré. Mais au contraire Demetrius le Phaleriē escript, qu'il ne fut onques à la guerre, & qu'il establit ses loix & son gouuernement en pleine paix. Quant à moy, il me semble que l'institution de la surseance d'armes durant la feste des ieux Olympiques, laquelle on dit auoir esté inuentee par luy, est bien signe d'une nature doulce, & qui aime le repos de la paix: toutefois il y en a aucuns, entre lesquelz est Hermippus, qui disent qu'il

A qu'il ne fut point des le commencement avec Iphytus à ordonner les ceremonies des ieux Olympiques, mais qu'il sy rencontra une fois par cas d'adventure, en passant chemin seulement, & sy arresta pour en ueoir l'esbatement: là ou il luy fut aduis, qu'il ouit derriere luy comme la uoix d'un homme qui le tensoit, en disant qu'il fesmerueilloit comment il ne persuadoit à ses citoiens de uouloir participer à ceste belle assemblee: & cōme il se fust retourné pour ueoir qui c'estoit qui parloit à luy, il ne ueit personne. Au moien dequoy il estima que ce fust admonestemēt uenant de la part des Dieux: si s'en alla incōtinent trouuer Iphytus, avec lequel il ordonna tous les statuts & toutes les ceremonies de celle feste, laquelle depuis en fut beaucoup plus renommee, mieulx establie, & plus asseuree qu'elle n'auoit esté au parauant. Mais pour retourner aux Lacedemoniens, leur discipline & regle de uiure duroit encore apres qu'ilz estoient paruenus en aage d'hommes: car il n'y auoit personne à qui il fust loisible ny permis de uiure à sa uolūtē, ains estoient dedās leur uille ne plus ne moins que dedans un camp, ou chascun sçait ce qu'il doit auoir pour son uiure, & ce qu'il a à faire pour le public. Brief ilz estimoient tous, qu'ilz n'estoient point nez pour seruir à eulx mesmes, ains pour seruir à leur pais: & pourtant si autre chose ne leur estoit commandee, ilz continuoient tousiours à aller ueoir ce que faisoient les enfans, & à leur enseigner quelque chose qui tournast à l'utilité publique, ou bien à l'apprendre eulx mesmes de ceulx qui estoient plus aagez qu'eulx. Car l'une des plus belles & des plus heureuses choses que Lycurgus introduisit onques en sa uille, fut le grand loisir qu'il feit auoir à ses citoiens, ne leur permettant point qu'ilz se peussent employer à mestier quelcōque uil ne mechanique: & si n'estoit point besoing de se trauailler pour amasser de grandes richesses en lieu ou l'opulence n'estoit aucunement utile ne prisee: car les Ilotes qui estoient hommes asseruiz par droit de guerre, leur labouroient leurs terres, & leur en faisoient certain reuenu tous les ans. Auquel propos on racompte d'un Lacedemonien, lequel se trouuant à Athenes un iour que lon y tenoit les plaids, entendit dire cōme un bourgeois de la uille auoit esté conuaincu & condamné d'oisiueté, & qu'il s'en alloit en sa maison tout desconforté, accōpagné de ses amis; qui le plaingnoient grandement, & estoient fort desplaisans de sa fortune: & que le Lacedemonien adonc pria ceulx qui estoient aupres de luy, qu'ilz luy montraissent celuy qui auoit esté condamné pour uiure noblement & en gentilhomme. Ce que i'ay allegué pour mōstrer combien il estimoit estre chose roturiere & seruille, que d'exercer aucun mestier mechanique, ou faire aucun ouurage de main pour gagner de l'argent. Quant aux procez, on peult bien penser qu'ilz furent bannis de Lacedæmone avec l'argent, attendu mesmement qu'il n'y auoit plus d'auarice, de cōuoitise, de pauvreté ny de disette, ains egalité avec abondāce, & grāde aisance de uiure à cause de leur sobrieté, sans aucune superfluité. Ce n'estoient que danfes, festes, ieux, banquets, passetēps de chasses, ou d'exercices de la personne, & assemblees pour deuiser durant tout le tēps qu'ilz n'estoient point occupez à la guerre: car les ieunes hōmes iusques à l'aage de trēte ans ne se trouuoient iamais au marché pour achepter ou faire aucune prouision de mesnage, ains faisoient leurs affaires & prouisiōs necessaires par leurs parents & amis, encore estoit-ce chose hōteuse aux plus uieux mesmes, de sy trouuer souuēt: & au cōtraire leur estoit honorable assister la plus part du iour es lices ou se faisoient les exercices du corps, ou bien aux reduicts & es assemblees pour

Lycurgus.

deuifer : là ou ilz passioient leur temps à discourir honestemēt les uns avec les autres, sans iamais tenir propos de gagner, de traffiquer, ny d'amaſſer argent : pource que tous leurs deuſ, ou la plus part, estoient de louer quelque chose honeste, ou blasmer les deshonestes par maniere de ieu, & avec risée, laquelle neantmoins emportoit tousiours quand & elle un doux admonestement & une correction en passant. Car Lycurgus mesme n'estoit point si austere que lon ne le uist iamais rire, ains escrit Sosibius, que ce fut luy qui dedia la petite image du Ris qui est à Lacedæmone, aiant uoulu entremesler le rire parmy leurs conuiues & autres assemblees, comme une faulſe plaisante pour adoucir le trauail & la durté de leur regle de uiure. En somme, il accoustuma ses citoyens à ne uouloir & ne pouuoir iamais uiure seuls, ains estre par maniere de dire, collez & incorporez les uns avec les autres, & à se trouuer tousiours ensemble, cōme les Abeilles, à l'entour de leurs superieurs, sortās hors d'eulx mesmes presque par un rauissement d'amour enuers leur païs, & de desir d'honneur pour seruir entierement au bien de la chose publique : laquelle affection on peult facilement & clairement ueoir empreinte en quelques unes de leurs responses, comme en ce que dit un iour Pædaretus aiant failly à estre eleu du nombre des trois cens : car il ſen retourna tout ioyeux & tout gay en sa maison, disant qu'il ſesioiſſoit de ce qu'il ſestoit trouué en la uille trois cens hommes meilleurs que luy. Et Polystratidas aiant esté enuoyé ambassadeur avec quelques autres deuers les Capitaines & Lieutenans du Roy de Perse, les Seigneurs Persiens luy demanderent filz uenoient de leur priué motif, ou filz estoient enuoyez par le public : Si nous obtenons, dit il, c'est de par le public : si nous n'obtenons, c'est de nostre priué mouuemēt que nous uenons. Et Argileonide la mere de Brasidas, demāda à quelques uns qui au retour du uoyage d'Amphipolis à Lacedæmone l'estoient allez uisiter, si son filz estoit mort en homme de bien, & digne d'estre né à Sparte : & cōme ilz le luy haultlouassent, en disant qu'il n'y auoit pas encore un aussi uaillant homme en tout le païs de Lacedæmone, elle leur repliqua, Ne dites pas cela mes amis : car Brasidas estoit bien uaillant homme certainement, mais le païs de Lacedæmone en a beaucoup d'autres qui le sont encore plus que luy. Or quāt au Senat, Lycurgus l'establit premierement de ceulx qui furent adhærens à son entreprise, cōme nous auons dit au parauant : mais il ordonna que quād il uiendroit puis apres à en mourir quelcun, q̄ lon substituast en son lieu, celuy qui seroit trouué le plus hōme de bien de la uille, moienāt qu'il passast soixante ans. C'estoit bien le plus honorable combat, qui ſçauroit estre entre les hommes, auquel celuy emportoit le pris, non qui estoit le plus uiste entre les uistes, ny le plus fort entre les forts : mais bien le plus uertueux entre les uertueux, aiant pour le loyer de sa uertu plein pouuoir, en maniere de dire, & autorité ſouueraine au gouuernement de la chose publique, & tenāt l'honneur, la uie, & les biens de tous ses citoyens en sa puissance : mais l'election ſen faisoit en ceste maniere. Le peuple premierement ſ'assembloit dessus la place, ou il y auoit quelques deputez que lon enfermoit dedans une maison, dont ilz ne pouuoient ny ueoir ny estre ueuz de ceulx qui estoient assemblez sur la place, ains seulement en entendoient le bruit : car le peuple declaroit par sa clameur celuy qu'il acceptoit, ou qu'il refusoit, des pretendans, cōme aussi declaroit il sa uolunté par ce mesme moien en toute autre chose. Les pretendans n'estoient pas introduits ny presentez tous ensemble, ains les uns apres les autres par ordre, lequel ſer-

A roit au sort. Celuy à qui le sort escheoit, passoit à trauers l'assemblée du peuple sans dire mot, & les deputez qui estoient enfermez, auoient des tablettes, esquel- les ilz notoient la grâdeur du bruit & de la clameur du peuple, ainsi que cha- cun des poursuyuans passoit, sans qu'ilz sceussent ne qu'ilz ueissent qui il es- toit: & cottoient seulement que c'estoit le premier, le second, le troisieme, ou le tantieme qu'il se trouuoit en ordre, de ceulx qui festoient presentez: & celuy au passage duquel la clameur du peuple auoit esté la plus grande, estoit par eulx déclaré eleu Sénateur. Et luy adonc portant un chapeau de fleurs des- sus sa teste, s'en alloit par tous les temples des Dieux pour leur rendre graces, estant suiuy de grand nombre de ieunes hommes qui alloient haultlouant &

B magnifiant sa uertu: & quand & quand aussi d'une grâde troupe de femmes, qui alloient chantant des cantiques à sa louange, en le beneissant de ce qu'il auoit si uertueusement uescu: puis chascun de ses parents luy apprestoient chez soy une collation, & ainsi qu'il entroit en la maison, luy disoit: La uille t'ho- nore de ce banquet. Cela fait il s'en retournoit au lieu ordinaire de son conui- ue, là ou il faisoit en toute autre chose comme de coustume, sinon qu'on luy seruoit à table deuant luy double portion, dont il en gardoit l'une, & après le souper toutes ses parentes se trouuoient à l'entree de la salle du conuiue, ou il auoit souppé: & luy en appelloit celle que plus il estimoit, à laquelle il don- noit sa seconde portion, & luy disoit: Cecy m'a esté donné en tesmoignage,

C que j'ay ceiourdhuy emporté le pris de uertu: & ie te le donne. Adonc celle là estoit reconuoyee par toutes les autres dames iusques en sa maison, ne plus ne moiens que luy par les hommes. Au demourant, quant aux sepultures Ly- curgus en ordonna aussi tressagement: car en premier lieu, pour oster toute superstition, il uoulut que les morts s'enterrassent dedans la uille, & que les se- pultures fussent à l'entour des eglises, pour accoustumer les ieunes gens à les auoir tousiours deuant les yeux, sans s'effroyer de ueoir un trespasé, comme si ce fust chose qui par la toucher seulemēt, ou passer à trauers des sepultures, rédist l'homme polu: puis il defendit de rien enterrer avec eulx, & uoulut seu- lement que lon enuelpast le corps d'un drapeau rouge, avec des feuilles d'oli- uier.

D Il n'estoit point permis d'escire dessus la sepulture le nom du trespasé, sinon d'un homme mort en guerre, ou d'une femme religieuse & sacrée. D'a- uantage le temps prefix à porter le deuil estoit fort court, car il ne duroit que unze iours seulement, & falloit qu'au douzieme ilz sacrifiasent à Proserpine, & qu'ilz laissassent leur deuil. Brief il ne laissa rien oiseux: car parmy toutes les choses dont les hommes ne se peuuent passer, il y mesla tousiours quelque aguil- lon, incitant les hommes à la uertu, & leur faisant hair le vice: & remplit sa uille de beaux & bons enseignemens & exemples, parmy lesquelz l'homme estant nourry, & les rencontrant tousiours deuant ses yeux en quelque lieu ou il allast, uenoit par force à se mouler & former au patré de la uertu. Et pour

E ceste cause il ne permet point à qui uouloit de sortir hors du païs, & aller ça & là, sans congé, par le mode, de peur que ceulx qui sortiroient ainsi à leur plai- sir, ne rapportassent quand & eulx des meurs estrangeres, & des exemples de uie corrompue & desordonnee: ce qui, petit à petit, eust peu amener une alte- ration & un changement de la police. Qui plus est, il chassa encore de Sparte les estrangers, sinon ceulx qui y auroient necessairemēt affaire, & qui y seroient uenus pour quelque chose bonne & proufitable: non qu'il eut peur qu'ilz y apprissent quelque chose qui leur seruist à leur faire aimer la uertu, comme

Lycurgus.

le dit Thucydides, & qu'ilz n'y prissent enuie de suiure la forme de sa police, F
ains plus tost de peur qu'ilz n'enseignassent à ses citoyens quelque chose mau-
uaise & uicieuse : car il est force qu'avec personnes estrangeres il entre en une
uille propos & deuis nouveaux : ces nouveaux deuis apportent quand & eulx
de nouveaux aduis : les nouveaux aduis engendrent nouuelles affections &
uoluntez discordantes & repugnantes bien souuent aux loix, & à la forme
de police ia establie, ne plus ne moins qu'à une armonie de musique bien ac-
cordee : pourtant estima il estre chose necessaire de maintenir sa uille pure &
nette de meurs & façons de faire estrangeres, ne plus ne moins q̄ de personnes
infectes de maladie contagieuse. Or en tout ce que nous auons dit entiere-
ment iusques icy, il n'y a marque ny apparéce quelconque d'iniquité ne d'in- G
iustice, dont aucuns blasment les ordonnances de Lycurgus, disans qu'elles
sont bien ordonnees pour rendre les hommes belliqueux & uaillans, non
pas iustes ny droitturiers : mais quant à celle qu'ilz appelloient Cryptia, com-
me qui diroit, la secrette, si c'est ordonnance de Lycurgus, comme le met Ari-
stote, elle pourroit auoir imprimé à Platon une mesme opiñiõ de luy, que de
sa chose publique. Ceste ordonnance estoit telle : Les gouuerneurs qui auoiẽt
la superintẽdence sur les ieunes hommes, à certains interualles de tẽps choi-
sissoient ceulx qui leur sembloient plus aduisez, & les enuoyoiẽt aux champs,
l'un deçà l'autre dela, portans quand & eulx des dagues, & ce qui estoit ne-
cessaire pour leur uiure seulement. Ces ieunes hommes estans espars emmy H
les champs, se cachoiẽt durant le iour en quelques lieux couuers, là ou ilz se
reposoiẽt, puis sur la nuict sen alloient espier les chemins, & y tuoient le pre-
mier qu'ilz rencontroient des Ilotes : & quelques fois alloient de plein iour
parmy les champs en occire les plus forts & les plus robustes, comme racom-
pte Thucydides en son histoire de la guerre Peloponesiaque, ou il dit q̄ quel-
ques Ilotes, en bon nombre, furẽt par edict public des Spartiates couronnez,
comme estans affrãchiz, & menez par tous les tẽples des Dieux pour les bons
seruices qu'ilz auoient uaillammẽt faits à la chose publique : & en peu de tẽps
on ne sceut qu'ilz deuinrent, encore qu'ilz fussent plus de deux mille, de for-
te que iamais homme n'entendit dire ny lors ny depuis comment ilz estoient I
morts. Et Aristote, oultre tous les autres, dit q̄ les Ephores si tost qu'ilz estoient
installez en leurs offices denõceoient la guerre aux Ilotes, à celle fin qu'il fust
loisible de les occire. Biẽ est il certain qu'en autres choses encore les traittoiẽt
ilz fort durement : car ilz les faisoient aucune fois boire par force du uin sans eau,
oultre mesure, tant qu'ilz les enyuroient, puis les amenoient tous yures es sal-
les de leurs conuiues, pour faire ueoir à leurs enfans qu'elle uillannie c'est que
une personne yure : & leur faisoient chanter des chansons, & danser des dan-
ses indignes de personnes honestes, & pleines de derision & de moquerie, leur
defendans expressement de chanter de celles qui estoient honestes. De sorte
que lon dit qu'au uoyage que feirent les Thebains dedãs la Laconie, les Ilotes K
que lon y prenoit prisonniers, quand on leur commandoit qu'ilz chantaissent
des uers de Terpander, ou d'Alcman, ou de Spendon Laconien, ne le uouloiẽt
pas faire, disans qu'ilz n'ozeroient chanter les chansons de leurs maistres. Tel-
lement que celuy qui s'aduisa le premier de dire, qu'au païs de Lacedæmone
celuy qui est libre est plus libre, & celuy qui y est serf est plus serf que nulle
part ailleurs en tout le monde, cogneut tresbien la difference qu'il y a entre
la liberré & la seruitude de là & d'ailleurs. Mais quant à moy, ie pense que les
Lacedæ-

- A** Lacedæmoniens commencerent à user de ces grandes rudesses & cruaultez long temps apres la mort de Lycurgus., & mesmement depuis le grand tremblement de terre qui suruint à Sparte, auquel temps les Ilotes se souleuerent contre eulx avec les Messeniens, & feirent beaucoup de maulx en tout le pais, & meirent la uille au plus grand danger qu'elle fut onques: car ie ne sçauois penser, que Lycurgus ait iamais inuenté ny institué une chose si malheureuse ne si meschante, comme ceste ordonnance la: coniecturant que sa nature estoit doulce & debonnaire, par la clemence & l'equité que lon apperçoit en tous ses autres faicts, attendu mesmemét, qu'elle a esté tesmoignée par expres oracle des Dieux. Au demourât, quand il ueit que
- B** ia par usage les principaux points de son gouuernement auoient pris pied, & que sa forme de police estoit assez forte pour se maintenir & se cōseruer d'elle mesmes, ainsi comme Platon dit, que Dieu s'esioit grandement apres qu'il eut acheué le monde, quād il le ueit tourner & mouuoir son premier mouuement: aussi luy aiant singulier plaisir & contentement en son esprit de ueoir ses ordonnances si belles & si grandes mises en usage, & si bien acheminees par reale experience, chercha encores de les rendre immortelles, autant qu'il luy estoit possible par preuoyāce humaine: de sorte qu'elles ne peussent à l'aduenir iamais estre chāgees ny alterees. Pour à quoy paruenir, il feit assembler tout le peuple, & en pleine assemblee leur remonstra, que la police, & l'estat
- C** de la chose publique luy sembloit assez bien establi pour uiure heureusemēt & uertueusement, mais qu'il y auoit neantmoins un point de plus grāde consequence que tout le demourant, lequel il ne leur pouuoit encore declarer, iusques à ce qu'il en eust communiqué & demādé conseil à l'oracle d'Apollo: & pourtant qu'il falloit qu'ilz obseruassent ses loix & ordonnances inuiolablement, sans y rien changer, remuer, ou alterer, iusques à ce qu'il fust de retour de la uille de Delphes, & quand il en seroit retourné, alors ilz feroient ce que le Dieu luy auroit conseillé. Ilz promeirēt tous de le faire ainsi, & le prirent qu'il se hastast d'y aller: mais auant que partir il feit iurer premierement
- D** aux Roys & aux Senateurs, puis consequemment à tout le peuple, qu'ilz garderoient ses ordonnances & statuts, sans y rien changer ny remuer aucunement, iusques à tant qu'il fust de retour: quoy fait, il sen alla uers la uille de Delphes, là ou si tost qu'il fut arriué il sacrifia au temple à Apollo, & luy demanda, si les loix qu'il auoit establies estoient bonnes pour bien & heureusement uiure: Apollo luy feit responce, que ses loix estoient uoirement fort bonnes, & que sa uille gardant la forme de gouuernemēt qu'il leur auoit ordonnee, deuiendroit tresglorieuse & tresrenommee. Lycurgus feit escrire cest oracle qu'il enuoya à Sparte, & apres auoir encore de rechef sacrifié à Apollo, & pris congé de ses amis & de son filz, resolut de mourir, à fin que ses citoiens ne peussent iamais estre absoulz du sermēt qu'ilz auoient fait entre ses mains.
- E** Il estoit lors qu'il prit ceste resolution paruenu à l'aage que l'homme est assez uigoureux pour uiure encore, & meur aussi pour mourir sil ueult: parquoy se sentant heureux d'estre paruenu au dessus de son entreprise, il se feit mourir à faulte de prendre nourriture, en s'abstenāt uoluntairemēt de manger: pource qu'il estimoit estre conuenable, que la mort mesme des grands personna-ges portast quelque fruiēt à la chose publique, & que la fin de leur uie ne fust non plus oiseuse ny inutile que le demourant, ains fust un de leurs actes plus meritoires, & de leurs plus uertueux exploits. Si pensa que sa mort uiédroit à

Lycurgus.

estre le comble & le couronnement de sa felicité, apres auoir fait & ordonné tant de si belles, si bonnes, & si grandes choses à l'honneur & au bien de son païs: & seroit comme un sceau de sauuegarde, qui conserueroit en estre les bonnes ordonnances qu'il auoit acheminees, attendu que ses citoiens auoient tous iuré de les garder inuiolablement iusques à ce qu'il fust de retour. Il n'a point esté deceu de son esperance, car sa uille a esté la premiere du monde en gloire & en bonté de gouuernement l'espace de cinq cens ans durant, autant comme elle a obserué ses loix, sans que nul des Roys successeurs y changeast ou alterast chose quelconque, iusques au Roy Agis filz de Archidamus: car la creatiō des Ephores ne lascha point, ains plus tost roidit les loix de Lycurgus, encore que de prime face il semblast qu'ilz fussent instituez pour maintenir & defendre la liberté du peuple, car ilz fortifierent aussi l'autorité des Roys & du Senat. Mais durant le regne d'Agis commença premieremēt l'or & l'argent à se couler dedans la uille de Sparte, & avec l'argent l'auarice & la conuoitise d'auoir, par le moien d'Alexāder, ou plus tost de Lyfander, lequel encore que de luy il fust imprenable & incorrompable par argēt, apporta neantmoins en son païs la richesse & l'auarice, & le remplit de delices, en y apportant de la guerre force or & argent, & contreuenant directement aux loix & ordonnances de Lycurgus: pendāt la uigueur & duree desquelles le gouuernemēt de Sparte ne sembloit pas estre police de chose publique, ains plus tost regle de quelque deuote & sainte religion. Et tout ainsi que les poētes fignent, que Hercules avec sa massue & sa peau de lion alloit par tout le monde punissant les uoleurs cruelz, & inhumains tyrans: aussi la uille de Sparte avec un petit billet de parchemin, & une pauvre cappe, commandoit & donnoit loy à tout le demourāt de la Grece, du gré, consentemēt & uolunté d'icelle, ostant les tyrans qui usurpoient domination uiolente sur leurs citoiens es autres uilles, decidant leurs querelles, & appaisant leurs seditions, biē souvent sans faire marcher un seul homme de guerre, ains seulement y enuoyant un simple ambassadeur: au commandement duquel les autres peuples obeissoient incontinent, ne plus ne moins que les Abeilles qui se rengent & assemblent à l'entour de leur Roy, si tost qu'elles l'apperçoient. tant estoit la reuerence grande que lon portoit au bon gouuernement, & à la iustice de ceste uille. Pourtant ne me puis-je assez esbahir de ceulx, qui vont disant que la uille de Lacedæmone sçauoit bien obeir, & non pas commander: & louēt un propos du Roy Theopompus, lequel respondit à un qui disoit, que Sparte se maintenoit, par ce que les Roys y sçauoient bien commander: Mais plus tost, dit il, par ce que les habitans y sçauent bien obeir. Car les hommes ordinairement desdaignent d'obeir à ceulx qui ne sçauent pas bien cōmander: de maniere que la fidele obeissance des subiects depēd de la suffisance de bien commander du bon Prince: car qui bien conduit, fait qu'il est bien suiuy. Et tout ainsi que la perfection de l'art d'un bon escuier d'escuirie est rendre le cheual obeissant, & le sçauoir renger à la raison: aussi l'effect principal de la science d'un Roy est, de bien enseigner l'obeissance à ses subiects. Mais les Lacedæmoniens ne faisoient pas seulement que les autres peuples leur obeissent uoluntiers, ains desiroient estre gouuernez, regiz, & cōmandez par eulx, pour ce qu'ilz ne leur demandoient ny nauires ny argent: & si ne leur enuoyoient point nombre de gens de guerre pour les contraindre, ains seulement un citoiē de Sparte, pour les gouuerner, auquel les autres peuples se soubmettoient,

A & s'en aidoyent à leur besoing, en le craignant & reuerant: comme les Siciens faiderent de Gylippus, & les Chalcidiens de Brasidas, & tous les Grecs habitans en Asie de Lyfander, de Callicratidas, & d'Agefilaus: en les nommans reformateurs & correcteurs des Princes, Peuples, & Roys, uers lesquelz ilz estoiet ça & là enuoyez: & aiās tousiours les yeux sur toute la uille de Sparte, comme sur un parfaict exemple de uie entierement reformee, & de police bien ordōnee. Auquel propos se rapporte bien à point le mot de risee, que dit un iour Stratonicus en se iouant: car il disoit, Qu'il ordonnoit que les Atheniens feissent des mysteres, processions, & autres cerimonies touchant le ser- uice des Dieux: Que les Eliens feissent des ieux de pris, comme choses qu'ilz sçauoient bien faire: & que les Lacedemoniēs les fouëtassent, filz y faisoient aucune faulte. Cela fut dit en iouant par une maniere de risee: mais An- risthenes philosophe Socratique, uoiant les Thebains deuenuz superbes & glorieux, apres qu'ilz eurent une fois uaincu les Lacedæmoiens en la iour- nee de Leuctres, Il me semble, dit il, q'ces Thebains icy font ne plus ne moins que les enfans de l'eschole, qui se glorifient quand ilz ont quelque fois batu leur maistre. Toutefois cela n'estoit pas la fin ny le but, auquel tendoit Lycur- gus, que de laisser sa cité cōmandāt à plusieurs, ainçois estimāt que la felicité de toute une uille, comme celle d'un homme particulier, consiste principale- ment en l'exercice de la uertu, & en union & concorde des habitans, il com- posa & dressa la forme de son gouuernement, à ceste fin que les citoiens de- uinssent francs de cueur, contens du leur, attrempez en tous leurs faicts, pour se pouuoir maintenir & conseruer en leur entier tresslonguement. Ceste mes- me intention eurent aussi Platon, Diogenes, & Zenon, en escriuāt leurs liures, esquelz ilz discourent du gouuernement des choses publiques, & semblable- ment tous les autres grands & sçauans personnages, qui se sont mis à escrire de mesme subiect: mais ilz n'ont laissé apres eulx que des escriptures & des pa- roles seulement: &, au contraire, Lycurgus n'a point laissé de liures ny de pa- piers, ains a produit & mis realement en estre une forme de gouuernement, que nul auant luy n'auoit iamais inuenté, & que depuis autre quelconque n'a peu imiter: & a fait uoir à ceulx qui cuident, que la definition du parfaitte- ment sage soit chose imaginee en l'air seulement, & qui ne peult estre reale- ment en ce monde, toute une uille entiere uiuant & se gouuernant philoso- phalement, c'est à dire, selon les preceptes & les regles de parfaittes sapience: au moien dequoy il a à bon droit surmonté la gloire de tous ceulx qui se sont iamais entremis d'escrire ou d'establir le gouuernement d'aucun estat politi- que. Et à ceste cause dit Aristote, qu'apres sa mort on luy feist en Lacedæmone moins d'honneur qu'il n'en auoit meritē, encore que lon luy en feist autant qu'il fut possible: car on luy edifia un temple, & luy institua lon un sacrifice solennel tous les ans, comme à un Dieu. Qui plus est, on dit que les cendres de son corps aiāns esté rapportees à Sparte, la foudre tumba dessus sa sepulture: ce que lon n'a gueres ueu aduenir à autres personnages de nom apres leur deces, sinon au poëte Euripides, lequel estant mort en Macedoine, fut enterré pres la uille d'Arethuse: qui est un grand argument aux amateurs de la me- moire de ce poëte pour respondre à ceulx qui le calumnient, qu'à luy seul soit adueni apres sa mort, ce qui parauant estoit escheut à un si saint homme, & si aimé des Dieux. Aucuns ueulent dire, que Lycurgus mourut en la uille de Cirrhe, mais Apollothemis dit, que ce fut en Elide, ou il fut porté: & Timæus

Lycurgus.

& Aristoxenus escriuent, qu'il acheua ses iours en Cădie:& dit encore de plus Aristoxenus, que les Candiots monstrent sa sepulture en la contree que lon appelle Pergamie, le long du grand chemin. Il laissa un filz unique nommé Antiorus, lequel mourut sans enfans, de sorte que sa race faillit en luy. Mais ses familiers, parents & amis feirent une compagnie & confrairie en memoire de luy, qui dura bien long temps, & appellerent les iours esquelz ilz se reduisoient ensemble, les Lycurgides. Il y a un autre Aristocrates filz de Hipparchus, qui dit, que luy estant mort en Candie, ses amis bruslerent son corps & puis en espendirent les cendres en la mer, ainsi comme il leur auoit requis & prié, pource qu'il craingnoit si d'aduenture les reliques de son corps uenoient à estre quelque fois reportees à Spartes, que les habitans ne uoulussent dire qu'il y seroit retourné, & que par ce moien, se disans absoulz du sermēt qu'ilz auoient fait, ilz n'entreprissent de remuer le gouuernement qu'il auoit institué. Voila quant à la uie de Lycurgus.

Numa Pompilius.



Ly a aussi semblablement diuersité grande entre les historiens touchant le temps auquel regna le Roy Numa Pompilius, encore que quelques uns ueuillent deriuier de luy la noblesse de plusieurs grosses maisons. Car un certain Clodius, qui a escript le liure intitulé La table des temps, afferme que les anciēs registres de la uille de Rome furēt perdus du temps qu'elle fut prise & saccagee par les Gaulois, & que ceulx que lon a auioir d'hy ne sont pas ueritables, ains ont esté composez par hommes qui ont uoulu gratifier à aucuns qui se uōt à toute force ingerans es anciēnes maisons & familles des premiers Romains, qui ne leur tienēt du tout rien. D'autre costé, encore que l'opinion cōmune soit, que Numa ait esté disciple & familier amy du philosophe Pythagoras, il y en a neantmoins qui ueulēt dire, qu'il n'eut onques cognoissance des lettres & disciplines Grecques, soustenans qu'il est bien possible qu'il ait esté si bien né, & si parfaitement cōposé à toute uertu, qu'il n'ait eu aucun besoing de maistre: & encore qu'il en eust eu besoing, ilz aiment mieulx attribuer l'honneur de l'institution de ce Roy à quelque barbare qui fust plus excellent que Pythagoras. Les autres disent, que le philosophe Pythagoras a esté long temps depuis le regne de Numa, & bien cinq aages d'hōme apres luy, mais qu'un autre Pythagoras natif de Sparte, aiant gaigné le pris de la course es ieux Olympiques en la seizieme Olympiade, au troisieme an de laquelle Numa fut cleu Roy, uint en Italie, là ou il hanta autour Numa, & luy aida à gouuerner & ordonner son royaume, dont uient qu'il y a encore beaucoup de coustumes Laconiques meslees parmy celles des Romains, que ce second Pythagoras luy enseigna: toutefois sans cela, Numa estoit natif du païs des Sabins, lesquelz se disent estre descendus des Lacedæmoniens. Ainsi est il bien malaisé d'accorder certainement les temps, mesmement à ceulx qui ueulent suiure le rolle & la table de ceulx, qui ont consecutiuelement d'Olympiade en Olympiade gaigné

A gné le pris es ieux Olympiques, attendu que ce rolle la que lon en a maintenant a esté bien tard publié par un Hippias Elie, lequel n'allegue argument quelconque neceffaire, pourquoy lon doive adiouxter foy indubitable à ce qu'il en a recueilly. Ce nonobftât nous ne laifferôs pas non plus de coucher par eſcript les choſes dignes de memoire que nous auons peu amaffer du Roy Numa, en comméceant à l'endroit qui nous ſemble le plus conuenable. Il y auoit ia trente ſept ans, autant comme auoit duré le regne de Romulus, que Rome eſtoit fondee, quand Romulus le cinquieme iour du mois de Iuillet, que lon appelle maintenant les Nones Capratines, feit un ſacrifice ſolennel hors de la uille, pres d'ũ lieu qui ſ'appelloit uulgairemēt le Marez de la cheure:

B & eſtant tout le Senat preſent à ce ſacrifice, avec la plus grande partie du peuple, il ſe leua ſoudainement en l'air un fort gros orage, & une nuee noire & eſpeſſe, laquelle tumba contre terre avec uents impetueux, foudres, eſclairs, & tonnoirres enſemble: de maniere que le menu peuple effroyé de ſi uiolente tempeſte ſ'eſcarta fuiant ça & la: & le Roy Romulus diſparut, ſi bien qu'onques depuis on ne le ueit ny mort ny uif. Cela rendit les Senateurs, & les nobles que lon appelloit Patriciens, fort ſuſpects, & courut un bruit ſourd parmi la commune, que de long temps ilz portoient impatiemment d'eſtre ſubiectz à un Roy, uoulans uſurper & ſ'attribuer à eulx meſmes la ſouueraine puiſſance, & qu'à ces fins ilz auoient occis le Roy Romulus: ioinct auſſi qu'il

C auoit depuis un peu commence à les traiter plus rigoureuſement, & à leur commander plus fierement que de couſtume: toutefois ilz trouuerent moien d'aſſopir ces murmures, & eſteindre toutes les ſuſpicions par honneurs diuins qu'ilz luy decernerent, comme à celuy qui n'eſtoit point mort, ainſe eſtoit paſſé de ceſte uie en une autre meilleure: & ſi y eut un des plus notables perſonnages d'entre eulx, nommé Proclus, qui afferma par ſerment deuant tout le peuple, qu'il auoit ueu Romulus montant au ciel, armé de toutes pieces, & auoit ouy une uoix, laquelle commandoit que de là en auant on l'appellaſt Quirinus. Mais ce tumulte appaiſé il ſourdit un autre trouble à ſçauoir qui on eliroit en ſon lieu, pource que les eſtrangers eſtans uenus d'ailleurs

D habiter à Rome, n'eſtoient point encore bien mellez, ny entierement incorporez & confus avec les naturels Romains, de ſorte que non ſeulement le commun peuple flotloit & branloit en ce doubte, mais auſſi les Senateurs, pour eſtre de pluſieurs pieces, entroient en ſouſpeçon les uns des autres. Ce neantmoins ilz ſ'accordoient bien tous en cela, qu'il falloit neceſſairemēt elire un Roy: mais au reſte ilz eſtoient en different de ſçauoir, non ſeulement qui ilz eliroient, mais auſſi de quelle nation: pource que ceulx qui auoient commence à baſtir & fonder Rome avec Romulus, ne pouuoiet ſupporter que les Sabins, auſquelz ilz auoient fait part de leur uille & de leurs terres, attentaffent & preſumaffent de commander à ceulx qui les auoient receus & associez avec

E eulx. Les Sabins de l'autre coſté alleguoient une raiſon, ou il y auoit grande apparence, c'eſtoit q̄ depuis la mort de leur prince Tatius, ilz n'auoient point troublé ny inquieté Romulus, ainſe auoiet ſouffert qu'il regnaſt paiſiblemēt, & à ceſte cauſe, que lors qu'il eſtoit decedé, la raiſon uouloit que le nouueau Roy fuſt eleu de leur nation: & ſi bien les Romains les auoient receus en leur uille, ce n'eſtoit pas à dire qu'au temps de ceſte associatiō ilz fuſſent moindres qu'eulx en choſe quelconque, & qu'en ſe ioignant avec eulx ilz auoient augmenté leur puiſſance au double, & fait un corps de peuple qui meritoit l'hō-

Numa Pompilius.

neur & le tiltre de cité. Voila les causes de leur different: mais pour obuier à ce, que de ce debat il ne s'ourdistr quelque confusion en la uille, si elle demourroit sans magistrat qui eust autorité de commander, les Senateurs, qui estoient cent cinquante en nombre, aduiserent que chascun d'eulx, l'un apres l'autre, à son tour auroit les marques & enseignes royales, qu'il feroit les sacrifices ordinaires, & despescheroit les affaires six heures du iour, & six heures de la nuict, au lieu de Quirinus: & leur sembla qu'il ualloit mieulx ainsi partager le temps, de sorte qu'il y en eust autant de l'un que de l'autre, tant pour leur regard d'eulx mesmes, cōme aussi pour le regard du peuple, pource que ceste mutation & ce transport de l'autorité souueraine passant ainsi de l'un à l'autre, diminueroit l'enuie, quand on ueroit qu'en un mesme iour & en une mesme nuict l'un d'eulx seroit & Roy & homme priué. Les Romains appellerent ceste sorte de principaulté Interregnum, comme qui diroit Entreregne: mais combien qu'ilz gouuernassent fort ciuilement & fort modereement, ilz ne peurent neantmoins eiter qu'ilz ne tumbassent en soupçons & murmures du peuple: lequel alloit disant qu'ilz auoient finement inuenté ce moien de changer le royaume en domination de petit nombre de la noblesse, à fin que toute l'autorité & le gouuernement des affaires demourast tousiours entre leurs mains, pource qu'il leur faschoit d'estre subiects à un Roy: finalement les deux parts de la uille uindrent en cest accord, que l'une eliroit le Roy lequel seroit du corps de l'autre. Cest expediēt leur sembla tresbon, tant pour pacifier leur dissention presente, comme aussi pour ce, que celuy qui seroit ainsi eleu auroit affection egale enuers les deux parts, aimāt l'une pource qu'elle l'auroit eleu, & l'autre, pource qu'il seroit de leur nation. Les Sabins defererent les premiers l'option d'elire aux Romains, & les Romains estimerent qu'il ualloit mieulx qu'ilz en eleussent un de la natiō Sabine, que d'en auoir un de leur nation qui fust eleu par les Sabins: & apres en auoir deliberé & consulté entre eulx, eleurent du corps des Sabins Numa Pompilius, lequel n'estoit pas du nōbre de ceulx qui s'en estoient uenus demourer à Rome, mais homme tant renommé pour sa uertu, que les Sabins si tost qu'ilz l'entendirent nommer, le receurent plus uoluntiers que ceulx mesmes qui l'auoient eleu. Aiant donques fait entendre au peuple leur election, on deputa les premiers & principaux personnages de l'une & de l'autre partie pour enuoyer deuers luy, le prier de s'en uenir à Rome, & accepter le royaume qu'on luy offroit. Or estoit Numa Pompilius natif de l'une des meilleures uilles qu'eussent les Sabins, qui s'appelloit Cures, dont les Romains avec les associez Sabins, s'appellerent depuis Quirites, & estoit filz de Pomponius homme d'honneur, le plus ieune de quatre freres, estant par une diuine rencontre né le mesme iour que la uille de Rome fut premierement fondee par Romulus, qui fut le vingtieme iour d'April. Cestuy donc estant naturellement enclin & addonné à toute uertu, se polit encore d'auantage par l'estude des bonnes disciplines & par l'exercice de patience & de la philosophie: de sorte, que non seulement il nettoia son ame des uices & passions que tout le monde estime reprochable, mais en osta aussi la uiolence & la conuoitise d'usurper à force l'autrui, qui lors estoient louees entre les Barbares, estimant que la uraye force estoit maistriser & contenir en soy mesme, par le iugement de la raison, toutes cupiditez. Suyuant laquelle opinion il bannit à un coup de sa maison toute superfluité & toutes delices, seruant à qui uouloit user de luy, autant à l'estranger qu'à

A qu'à celuy du pais, de iuge droicturier, & de sage conseil-
loisir nō à prendre ses plaisirs ou à amasser des biēs, ains à seruir aux Dieux, &
à contempler leur nature & leur puissance, autant que l'entendement humain
par raison en peult comprendre: dont il acquit si bon nom, & si grande repu-
tation, que Tatius qui fut Roy de Rome avec Romulus, n'ayant qu'une seule
fille nommee Tatia, le feit son gendre: mais pour ce mariage, il ne s'en eleua
point tant, qu'il uoulust aller demourer à Rome, aupres de son beau pere, ains
se teint en sa maison, au pais des Sabins, pour y seruir & traicter son pere uieil,
avec sa femme Tatia, laquelle aima mieulx uiure doulcemēt en repos aupres
de son mary, estāt hōme priué, que d'aller à Rome, là ou elle eust peu uiure en
B triumphe & en hōneur à cause de son pere. Elle mourut, comme lon dit, treze
ans apres qu'elle eut esté mariee: & depuis sa mort, Numa laissant la demourā-
ce de la uille, aima à se tenir aux champs, & aller tout seul se promenant par
les bois & par les prez sacrez aux dieux, & à mener uie solitaire es lieux escar-
tez de la compagnie des hommes. Dont proceda, à mon aduis, ce que lon dit
de luy & de la Deesse, que ce n'estoit point pour aucun ennuy, ne pour aucune
melancholie, que Numa se retiroit de la conuersation des hōmes, mais pour-
ce qu'il auoit essayé d'une autre plus uenerable & plus saincte compagnie, luy
ayant la nymphe & deesse Egerie tant fait d'honneur, que de le receuoir à ma-
ry: avec laquelle siene amie il uiuoit heureusement, comme celuy qui par la
C frequentation ordinaire qu'il auoit avec elle, estoit inspiré de l'amour & de la
cognoissance des choses celestes. Ces propos la certainement sont fort sem-
blables à quelques unes des plus anciennes fables que les Phrygiens, qui les
ont apprises de pere en filz, aiment à racompter d'un Artis: les Bythiniēs, d'un
Rodotus: & les Arcadiens, d'un Endymion, & de plusieurs autres telz hōmes,
qui en leurs uies ont esté reputez saincts & biē uouluz des Dieux. Toutefois si
est il biē uray semblable, que la diuinité n'aime ny les oiseaux ny les cheuaux,
ains les hommes, & a plaisir de hanter quelque fois familièrement avec ceulx
qui sont parfaitement bons, & qu'elle ne desdaigne point la conuersation de
ceulx qui sont saincts & religieux: mais qu'une diuine essence ait compagnie
D charnelle, & prenne plaisir à la beauté d'un corps humain, cela est biē malai-
sé à croire: & neantmoins les sages Ægyptiens cuidēt en cela faire une distin-
ction bien uray semblable, disans qu'il n'est pas impossible que l'esprit d'un
Dieu ne s'approche d'une femme, & face germer en son corps quelque com-
mencement de geniture, mais que l'homme ne peult auoir cohabitation ny
commixtion quelconque corporelle avec une nature diuine: mais ilz ne con-
siderēt pas que tout ce qui se mesle dōne autant de cōmunication de son estre,
comme il en reçoit de ce avec quoy il est meslé. Ce neantmoins il est trefrai-
sonnable de croire, que les Dieux portent amitié aux hommes, & que de celle
amitié naist l'amour, duquel on dit qu'ilz sont amoureux de ceulx dōt ilz pu-
rifient les meurs, & les adressent à la uertu. Et ne pechent point ceulx qui fei-
E gnent que Phorbas, Hyacinthus, & Admetus aient iadis esté les amours d'A-
pollo, & semblablement Hippolytus le Sicyonien, duquel on dit que toutes
les fois qu'il trauersoit le braz de mer, qui est entre la uille de Sicyone & celle
de Cirrhe, le Dieu qui le sentoit uenir s'en esiouissoit, & faisoit prononcer par
la prophetisse Pythie ces uers Heroiques:

Dessus la mer Hippolytus le chef

Que j'aime tant remonte de rechef.

Numa Pompilius.

Aussi dit on que Pan fut amoureux de Pindarus & de ses uers, & que la diuinité honora les poëtes Hesiodus & Archilochus apres leur mort par les Muses : & dit on plus, qu'Æsculapius logea chez Sophocles de son uiuant, dont on monstre encores auiourdhuy plusieurs indices, & apres sa mort un autre dieu, à ce que lon dit, luy feit auoir honorable sepulture. Or si lon concede telles choses pouuoir estre ueritables, comment peult on refuzer à croire que quelques Dieux n'aient uoulu hanter familièrement avec Zaleucus, Minos, Zoroastres, Lycurgus, Numa, & autres telz personnages, qui ont gouuerné des royaumes, & establi des choses publiques? N'est il pas uray semblable que les Dieux aient fréquenté à bon esciant avec eulx, pour leur inspirer & enseigner tant de belles choses, & qu'ilz ne se soient approchez de ces poëtes & ioueurs de lyre larmoyans & plaintifz, au moins si iamais ilz s'en sont approchez, que par esbat & en ieu seulemēt? Toutefois s'il y a quelcun qui soit d'autre aduis, le chemin est large & ouuert, comme dit Bacchilides. Car mesme ie ne treuve pas sans apparence ce que d'autres discourēt touchant Lycurgus, Numa, & autres semblables personnages, qu'aïas à manier des peuples rudes & farouches, & uoulans introduire de grandes nouuelletez es gouuernemēs de leur païs, ilz ont sagement feinct d'auoir communication avec les Dieux, attēdu que ceste fiction estoit utile & salutaire à ceulx mesmes à qui ilz le faisoient à croire. Mais pour retourner à nostre histoire, Numa estoit aagé de quarante ans quand les ambassadeurs de Rome furent enuoiez deuers luy, pour luy offrir & le prier d'accepter le Royaume, & porterent la parole Proclus & Velesus, desquelz on s'attendoit que l'un deust estre eleu Roy, à cause que ceulx du costé de Romulus fauorisoient à Proclus, & ceulx de la part de Tatius fauorisoient à Velesus : si ne luy userent pas de lōgue harengue, à cause qu'ilz estimoient qu'il deust estre bien ioyeux d'une telle aduenture : mais au contraire c'estoit à la uerité chose biē malaisée, & qui auoit besoing de grandes persuations & de beaucoup de prieres, que d'esbranler un homme qui auoit tousiours uescu en repos & en tranquillité, & de luy persuader qu'il acceptast la seigneurie d'une uille qui estoit, par maniere de dire, nee, accreue & eleuee en armes & par guerre : si leur respondit en la presence de son pere & d'un autre sien parent nommé Martius, Que toute mutation de la uie de l'homme estoit dangereuse : mais que celuy qui n'a faulte de rien qui luy soit necessaire, & qui ne se pouuāt plaindre de sa fortune & condition presente, delaisse neantmoins son estat, & abandonne sa maniere de uiure accoustumee pour en prendre une autre, ne peult dire qu'il ne face une grande folie, attendu que quand il n'y auroit autre chose, il laisse le certain pour prédre l'incertain. Mais il y a d'auātage en ce cas, c'est, que les inconueniēs & dangers de ceste royauté que lon m'offre, ne sont pas incertains, si nous uoulons considerer ce qui est entreuenue à Romulus, lequel a luy mesme esté souspeçonné d'auoir par aguet fait mourir Tatius son pair & cōpagnon au royaume, & apres sa mort a laissé les Senateurs semblablement mescreuz de l'auoir occis en trahison : & toutesfois on ua disant & chantant par tout qu'il estoit filz d'un dieu, qu'il fut à sa naissance sauué miraculeusement, & depuis nourry presque incroyablement. Là ou, quant à moy, ie suis né de semence mortelle, & ay esté nourry, eleué & instruit par personnes que uous cognoissez : & ce peu de qualitez que lon prise & loue en moy, sont toutes conditions bien esloignees de personne idoine à regner. I'ay tousiours aimé la uie retiree, le repos, & l'estude loing de manie-

A mës d'affaires, i'ay toute ma uie aimé, cherché & désiré la paix sur toutes choses, sans auoir rien de commun avec la guerre: ma conuersation a esté de hanter avec hommes qui ne se trouuent ensemble que pour seruir & honorer les Dieux, ou pour se resiouir les uns avec les autres, & qui au demourant en leur priuéuaquent à leur labourage, ou entendent à leur bestail & à leurs pasturages: là ou, Seigneurs Romains, Romulus uous a laissé beaucoup de guerres encommencees, que uous seriez à l'aduenture cõtents de ne point auoir, pour lesquelles soustenir, uostre uille auroit besoing d'un Roy belliqueux, actif, & rigoureux. D'auantage uostre peuple pour la longue accoustumâce, & pour l'accroissement qu'il a receu des armes, ne demãde autre chose que la guerre:

B & uoit on claiemët qu'il se ueult encore accroistre, & commander à ses uoifins. De sorte que quand il n'y auroit autre cõsideration, si est-ce, que ce seroit une moquerie, de uouloir maintenant enseigner à seruir aux Dieux, aimer iustice, hair la guerre & la uiolence, à une uille qui a besoing plus tost d'un Capitaine conquerant, que d'un Roy pacifique. Telles raisons & remonstrances alleguoit Numa pour se descharger de la royauté qu'on luy presentoit: mais les ambassadeurs Romains se meirent adonc à le prier & supplier avec toute l'instance qui leur fut possible, qu'il ne uoulust point estre cause qu'ilz retumbassent encore une autre fois en seditions & en guerres ciuiles les uns contre les autres, attendu qu'il n'y auoit que luy seul, duquel les deux parties de la uille s'accordassent. D'auantage quand les ambassadeurs se furët retirez,

C son pere, & Martius son parët, à part commécerent aussi à luy suader & remõstrer qu'il ne deuoit point refuser un si beau & si diuin present, & que si pour estre contët de sa fortune il ne desiroit point plus de biës qu'il en auoit, ny ne couuoitoit point l'honneur & la gloire d'estre Roy, pource qu'il en auoit une autre plus ueritable & plus certaine, qui estoit celle de la uertu, il deuoit neãtmoins estimer, que bien regner estoit faire seruice à Dieu, lequel uouloit employer la iustice qui estoit en luy, sans la laisser oyseuse: Ne fuy donques, & ne refuse point, luy dirent ilz, ceste dignité royale, laquelle est à hõme prudent & sage un beau chãp pour faire de grandes & louables œures. Là pourras-tu

D faire de magnifiques seruices aux Dieux, en addoulcissant les cueurs de ces hõmes martiaux iusques à les rëdre deuots & religieux, pource qu'ilz se tournent promptement, & se conforment facilemët à la nature de leur prince. Ilz ont aimé cheremët Tatiüs, encore qu'il fust estranger, & ont consacré la memoire de Romulus par hõneurs diuins qu'ilz luy font auiourd'hui: & à l'aduenture que le peuple se uoiãt uictorieux se saoulera facilemët de la guerre, & que les Romains se trouuans pleins de triũphes & de despouilles aurõt maintenãt à cher un prince doulx & aimãt la iustice, pour desormais uiure en paix soubz bonnes & sainctes loix: ou si tant est qu'ilz bouillët encore d'ardeur de cõbatre, ne uault il pas mieux tourner ailleurs ceste enuie de guerroyer quãd

E on peut auoir en main la bride pour ce faire, & estre ce pendãt moien de conioindre par amitië, & alliance perpetuelle, ton païs & toute la nation des Sabins avec une uille si puissante & si florissante? Oultre toutes ces remonstrances & raisons, il y auoit encore, ce disoit on, plusieurs signes qui luy en promettoient bonne encontre, avec l'affection & la sollicitation de ses citoiens, lesquelz si tost qu'ilz entendirët la uenue & la commission des ambassadeurs de Rome, le presserent d'y aller & d'accepter l'offre du royaume, pour les plus unir & incorporer avec eulx. Parquoy Numa aiant accepté le royaume, après

Numa Pompilius.

auoir sacrifié aux Dieux, se meit en chemin pour aller à Rome, ou le peuple & le Senat sortit au deuant de luy, avec un merueilleux desir de le ueoir. Les femmes alloient apres le beneissant, & chantant ses louanges, on sacrifioit en tous les temples des Dieux, & n'y auoit celuy qui ne monstraist autant d'aïse & de resiouissance, comme fil fust aduenu un nouveau royaume à la uille, & non pas un nouveau Roy. Si fut conduit en ceste ioye publique iusques sur la place, là ou celuy des Senateurs, qui pour lors se trouuoit uisroy, appelé Spurius Vettius, feit proceder à l'election, & fut unanimement eleu Roy par toutes les uoix & suffrages du peuple. A donc luy furent apportées les marques & enseignes de la dignité royale, mais luy mesme commanda, que lon attendist encore, disant qu'il falloit premierement qu'il fust confirmé Roy par les Dieux. Si prit avec luy les deuins & les presbtres, avec lesquelz il monta au Capitole, qui lors s'appelloit encore le mont Tarpeien, & là le principal des deuins le tourna uers le midy, aiant la face uoilee, & se teint debout derriere luy, en luy touchant de la main droite sur la teste, & faisant prieres aux Dieux qu'il leur pleust par le uol des oiseaux, & autres indices, declarer leur uoulunté touchant ceste election, iettant sa ueue de tous costez au plus loing qu'elle se pouuoit estendre. Il y auoit cependant un silence merueilleux sur la place, encore que tout le peuple en nombre infini y fust assemblé, attendant avec grande deuotion, qu'elle seroit l'issue de ceste diuinatiō, iusques à ce qu'il leur apparut à main droite des oiseaux de bon presage, qui cōfirmerent l'election. Et lors Numa uestant la robbe royale descendit de ce mont Tarpeien dessus la place, ou tout le peuple le receut avec grandes clameurs de ioye, cōme le plus sainct & le mieulx aimé des Dieux que lon eust sceu elire. Ainsi estant entré en possession du royaume, la premiere chose qu'il feit, fut qu'il cassa la compagnie de trois cents satellites que Romulus auoit tousiours eu autour de sa personne, & qu'il appelloit Celeres, c'est à dire, legers: disant qu'il ne se uouloit point desfier de ceulx qui se fioient en luy, ny estre Roy de gens qui se desfiaient de luy. La seconde fut, qu'il adiouxta aux deux presbtres de Iupiter & de Mars un troisieme en l'honneur de Romulus, lequel fut appelé Flamen Quirinalis, pource que les Romains appelloient aussi bien les autres presbtres plus anciēnement instituez Flamines, à cause de certains chapeaux estroicts qu'ilz portoient sur leurs testes, comme filz les eussent nommez Pilamines, pource que Pilos en langage Grec signifie un chapeau. Et lors ainsi que lon dit, il y auoit beaucoup plus de paroles Grecques meslees parmy les Latines qu'il n'y en a maintenant: car ilz appelloient les manteaux que les Roys portoient, Lænas, & Iuba dit q'c'est cela mesme que les Grecs appellent Chlænas, & que le ieune garson qui estoit ministre au temple de Iupiter s'appelloit Camillus ainsi comme aucuns peuples Grecs appellent encore le dieu Mercure, pource qu'il est ministre des Dieux. Aiant donques Numa fait ces choses à son entree pour tousiours gaigner de plus en plus l'amour & biēueuillāce du peuple, il commença incontinent à tascher d'amollir & addoucir, ne plus ne moins qu'un fer, sa uille, en la rendāt au lieu de rude, aspre & belliqueuse, qu'elle estoit, plus douce & plus iuste. Car sans point de doubte elle estoit proprement, ce que Platon appelle, une uille bouillante, aiant premierement esté fondee par hōmes les plus courageux & les plus belliqueux du monde, qui de tous costez avec une audace desesperce s'estoiēt illec iettez & assemblez, & depuis c'estoit accreuë & fortifiee par armes & guerres continuelles, tout ainsi que les pil-

A tis que lon fiche dedans terre, plus on les secoue & plus on les affermist & les fait on entrer plus auât. Parquoy Numa pensant bien que ce n'estoit pas petite ne legere entreprise, que de uouloir addoucir & renger à uie pacifique un peuple si hault à la main, si fier, & si farouche, il se seruit de l'aide des Dieux, amollissant petit à petit, & attiedissant ceste fierté de courage, & ceste ardeur de combattre par sacrifices, festes, danſes, & processions ordinaires qu'il celebreroit luy meſme, esquelles auec la deuotion y auoit du paſſetemps & de la delectation meſlee parmy, & quelquefois leur mettoit des frayeurs & craintes des Dieux deuant les yeux, leur faifant à croire qu'il auoit ueu quelques uifions eſtrâges, ou qu'il auoit ouy des uoix, par lesquelles les Dieux les menaſſoient de quelques grandes calamitez, pour touſiours humilier & abaiffer leurs cueurs ſoubz la crainte des Dieux: ce qui a eſté cauſe que lon a depuis eſtimé qu'il euſt appris ſa ſageſſe du philoſophe Pythagoras, pource q̃ la plus grande part de la philoſophie de l'un, & du gouuernement de l'autre conſiſtoit en telles ceremonies & uacatiōs aux choſes diuines: & ſi dit on qu'il ueſtit le maſque & l'apparence exterieure de ſaincteté, à meſme intention & à l'exemple meſme de luy. Car comme lon dit que Pythagoras appriuoifâ une aigle, qu'il feiſt deſcendre & uenir à luy par certaines uoix, ainſi comme elle uoloit en l'air deſſus ſa teſte, & qu'en paſſant à trauers l'aſſemblée des ieux Olympiques, il laiſſa ueoir ſa cuiſſe qui eſtoit d'or, & pluſieurs autres telles habilitéz & actes que lon en compte, qui ſembloïent eſtre miracles, & pour leſquelz Timon le Phliaſien a eſcrit ces uers de luy,

Pythagoras le ſubtil enchanteur,
De l'apparence & de gloire amateur,
Qui pour tirer les hommes en ſes retz,
Parloit touſiours en graues mots dorez:

Auſſi la feinte dont Numa ſ'affubla, fut l'amour d'une Deeſſe, ou bien d'une Nymphe de montagne, & les ſecrettes entreueues & parlemens, qu'il feignoît auoir auec elles, comme nous auons ia dit par cy deuant, & auſſi la frequentation des Muſes. Car il diſoit tenir des Muſes la plus grâde partie de ſes reuelations, & enseigna aux Romains à en reuerer une par deſſus toutes les autres, laquelle il appelloit Tacita, cōme qui diroit, taiſible, ou muette: ce qu'il ſemble auoir inuenté à l'exemple & imitation de Pythagoras, qui tant commandoit & recommandoit le ſilence à ſes diſciples: ioinct auſſi, que ce qu'il ordōna touchant les images & representations des Dieux, ſe conforme du tout à la doctrine de Pythagoras, lequel eſtimoit que la premiere cauſe n'eſtoit ny ſenſible ny paſſible, ains inuiſible & incorruptible, & ſeulement intelligible. Et Numa ſemblablement defendit aux Romains de croire que Dieu euſt forme de beſte ou d'homme: de ſorte qu'en ces premiers temps la il n'y eut à Rome image de Dieu ny peinte ny moulee, & furent l'eſpace des cent ſoixante & dix premiers ans, qu'ilz edifierent bien des temples & des chappelles aux Dieux: mais il n'y auoit dedâs ſtatue ne figure quelconque de Dieu, eſtimans que ce fuſt un ſacrilege de uouloir representer les choſes diuines par les terreſtres, attendu qu'il n'eſt pas poſſible d'atteindre aucunement à la cognoiſſance de la diuinité, ſinon par le moien de l'entendement. Les ſacrifices meſmes que Numa inſtitua, ſ'accordoient & ſe rapportoient fort à la maniere de ſeruir les Dieux, dont uſoient les Pythagoriens: car on n'y eſpandoit point de ſang, ains ſe faiſoiēt pour la plus part auec un peu de farine, & un peu d'effuſion de

Numa Pompilius.

uin & de laiçt, & avec autres telles choses legeres. Mais ceulx qui ueulent que ces deux personages aient hanité & eu communication ensemble, combattent encore avec d'autres argumens & preuues plus loingtaines. L'une est, que les Romains donnerent droit de bourgeoisie en leur uille à Pythagoras, ainsi que dit Epicharmus poëte Comique, en un petit traitté qu'il a escrit & adressé à Antenor, qui est un auteur fort ancien, comme celuy qui fut des disciples mesmes de Pythagoras : l'autre argument est, que Numa aiant eu quatre enfans, il en nomma l'un Mamercus, du nom du filz de Pythagoras, duquel on dit que la famille des Æmyliens, qui est entre les plus nobles Patriciennes, est descendue, pource que le Roy luy donna le surnom de Æmylius, à cause de son doulx & gracieux parler. D'auantage, i'ay moy mesme plusieurs fois ouy dire & compter à Rome, que les Romains aians eu un oracle, par lequel il leur estoit commandé, de dresser en leur uille des images au plus sage & au plus uaillant homme qui eust onques esté entre les Grecs, ilz feirent mettre deux statues de cuyure sur la place, l'une de Pythagoras, & l'autre d'Alcibiades : toutefois quant à cela, puis qu'il y a tant de doubtes, s'efforcer de le plus amplement refuter, ou prouuer, me sembleroit une sorte & folle opiniastrerie. Au demourant, on attribue à Numa l'erection & l'institution du college des Pontifes, & dit on, qu'il en fut luy mesme le premier : mais quant au nom de Pontife, aucuns ueulent dire, qu'ilz furent ainsi appelez, pource qu'ilz sont principalement destinez au seruice du tout puissant : car ce mot Potens signifie en langage Romain, ce que nous disons puissant. Les autres cuident que ce nom leur ait esté imposé par maniere d'exception, comme si le fondateur leur eust eu enioint de faire les seruices & sacrifices aux Dieux, qui leur seroient possibles, mais que si d'aduenture aussi ilz auoient quelque legitime empeschement, il ne les condamnoit point pour les auoir omis : toutefois la plus part appreuue une autre deriuatiõ de ce nom, ou il y a, ce me semble, moins de raison, comme filz eussent esté appelez Pontifes, pour leur auoir esté commise la charge d'entretenir le pont, ou pour raison de quelque uns des plus anciens & plus saincts sacrifices, lesquelz se font dessus le pont. Et ce que les Grecs appellent Gephyran, les Latins le nomment Pontem, c'est à dire, pont : Car à la uerité, la charge de faire reparer le pont appartient aux Pontifes, ne plus ne moins que la garde des plus sainctes & immuables cerimonies, à cause que les Romains estimoient n'estre pas loisible, ains reputoient un damnable malefice, que de uioler ou rompre le pont de bois, lequel, comme lon dit, estoit tout conioint & lié ensemble avec du bois seulemēt, sans ferrure quelconque, suyuant le commandement d'un ancien oracle. Mais le pont de pierre fut basty long temps depuis le regne de Numa, durāt que regnoit son neueu Martius. Or le premier & principal de ces Pontifes, qu'ilz appellēt le grad Pontife, tient le lieu, l'autorité, & la dignité de souuerain presbtre, & maistre de la loy, qui doit auoir l'œil, non seulement sur les cerimonies & sacrifices publiques, mais aussi sur les particuliers, pour engarder, que nul en son priué n'oultre passe les cerimonies anciennes, ou innoue aucune chose en la religion, & pour enseigner à chascun comment & de quoy il doit seruir & honorer les Dieux. Il a aussi la garde des uierges sacrees, que lon appelle Vestales : car on attribue semblablement à Numa, la premiere fondation & consecration d'icelles, & quand & quand aussi l'institution de garder avec honneur & reuerence le feu immortel qu'elles ont en garde, soit ou pour ce qu'il estimoit estre

- A** estre conuenable de deposer la substance du feu, qui est pure & nette, engarde de personnes non corrompues ny pollues; ou qu'il pensoit que la nature du feu, qui est sterile & qui ne produit rié, estoit bien seante avec la uirginité: car aussi en la Grece es lieux ou lon garde ainsi du feu perpetuel, cōme au temple d'Apollo Pythique en la uille de Delphes, & à Athenes, ce ne sont pas uierges qui en ont le soing, ains sont femmes, qui ont passé l'aage d'estre mariees: Et si d'aduenture ce feu uient à faillir, comme lon dit, qu'à Athenes la sainte lampe s'esteignit du temps de la tyrannie d'Aristion: & en la uille de Delphes lors que le temple d'Apollo fut arz & brulé par les Medois: & aussi à Rome du temps de la guerre, que les Romains eurent contre le Roy Mithridates: &
- B** aussi du temps des guerres ciuiles, quād le feu & l'autel furent ensemble tous consummez: ilz disent qu'il ne le fault pas rallumer d'un autre feu materiel, ains en faire de tout neuf, en tirāt de la flamme pure & nette des rayons du Soleil, ce qu'ilz font en ceste maniere: Ilz ont un uase creux composé des costez d'un triangle, aiant un angle droit, & deux iambes egales: de sorte que de tous les endroits de son tour & de sa circonférence, il ua aboutissant en un point: puis ilz dressent ce uase droit contre le Soleil rayant, de sorte que les rayons allumez se uont de tous costez unir & assembler au centre du uase, là ou ilz subtilisent l'air si fort qu'ilz l'enflamment: & quand on en approche quelque matiere aride & seche, le feu y prent incontinent, à cause que le rayon par le moien de la reuerberation prêt corps de feu & force d'enflammer.
- C** Aucuns estiment que ces religieuses Vestales, ne gardent autre chose que ce feu qui iamaïs ne s'esteint: les autres disent qu'il y a encore d'autres choses saintes qu'il n'est loisible de ueoir à personne qu'à elles seules, touchant lesquelles nous auons escript plus amplement en la uie de Camillus, au moins ce que lon en peult scauoir & dire. Les premieres filles qui furent rendues & uoees à ceste religion par Numa, furent, cōme lon dit, Gegania & Verenia, & après celles la Canuleia & Tarpeia: depuis, le Roy Seruius y en adiouxta deux autres, & est demouré ce nombre iusques au temps present. Leur regle fut ainsi ordonnee par le Roy, qu'il falloir qu'elles uouassent & gardassent chasteté l'espace de trente ans, es dix premiers desquelz elles apprenent ce qu'il leur fault faire, les dix d'après elles fōt ce qu'elles ont appris, & les dix derniers elles enseignēt les nouices: passé lequel temps, il leur est permis soy marier si bon leur semble, & prendre une autre maniere de uiure, en sortant de celle religion: mais à ce que lon dit, il n'y en a gueres eu qui iamaïs aient usé de ceste licence, & encore moins en est il bien pris à celles qui en ont usé, ains s'en sont toutes repenties, & ont uescu en langueur & en tristesse tout le reste de leur uie, ce qui a donné une crainte aux autres, de maniere qu'elles ont mieulx aimé soy contenir, & sont demourées uierges iusques en leur uicillesse & iusques à la mort. Aussi leur donna il de grāds priuileges & de grandes prerogatiues, comme de pouoir faire testament du uiuant mesmes de leur pere, de pouoir faire toutes choses sans entremise de curateur, cōme les femmes qui ont trois enfans: quād elles sortent en public; on porte des masses deuant elles par honneur, & si par cas d'aduenture elles rencontrent en leur chemin quelque pauvre criminel que lon mene à la mort, elles luy sauuent la uie: mais il fault que la religieuse afferme par serment, que la rencontre soit casuelle, & non point faite à propos: si aucun se iette sous leur littiere quand on les porte, il est puny de mort: aussi quand elles ont fait quelque faulte, elles sont batues par le grād
- E**

Numa Pompilius.

Pontife, qui quelque fois les fouette toutes nues, selon la qualité du delict, en lieu obscur, & sous une courtine: mais celle qui a forfait à son hōneur & uiolé sa uirginité, est enterree toute uiue ioignant une des portes de la uille, que lon appelle Porte Colline, là ou il y a au dedans de la uille une motte de terre, qui s'estend assez en long, & l'appellent les Latins par un mot, qui signifie autant comme leuee. Sous ceste leuee on creuse un petit caueau, & laisse lō une ouuerture, par laquelle on y peult deualer, & au dedans y a un petit liēt dressé, une lampe ardente, & quelque peu des uiures necessaires à soustenir la uie de l'homme, comme un peu de pain, d'eau & de laiēt en un pot, & un peu d'huile, par maniere de descharge & acquit de conscience, à fin qu'il ne semble que lon face mourrir de faim un corps qui a esté sacré par les plus deuotes & plus saintes cerimonies du monde. Cela fait, on prend la criminelle, & la met on dedans une litiere, que lon couure fort par dehors, & la ferre lon avec des courroyes, de sorte que lon n'en sçauoit pas seulement ouyr la uoix, & la porte lon ainsi enfermee à trauers la place. De tout loing qu'on uoit uenir ceste litiere, chascun se retire pour luy faire place, & ua lon apres avec une chere basse & morne sans mot dire. Il ne se fait chose en toute la uille, qui soit si effroyable à ueoir que cela, ne n'y a iour auquel les personnes soient si tristes qu'à celuy la. Puis quand elle est arriuee au lieu de ce caueau, les sergens incōtinent deslient les fermans de la litiere: & alors le grand Pontife apres auoir fait certaines prieres secretes aux Dieux, & leué ses mains au ciel, tire la patiente toute bouchée hors de la litiere, & la met dessus l'eschelle, par laquelle on descend dedans le caueau. Cela fait, il se retire & tous les autres presbtres aussi: puis quand la criminelle est descēdue, on retire amont l'eschelle, & iette lon force terre dedans l'ouuerture, de sorte que lon la comble au lineau du reste de la leuee. Voila commēt les religieuses Vestales, qui ont souillé leur uirginité sont punies. Lon tient aussi que ce fut Numa, qui feit bastir le temple rond de la deesse Vesta, auquel est gardé le feu eternel, uoulant représenter non la forme de la terre, que lon dit estre Vesta, mais la figure du monde uniuersel, au milieu duquel les Pythagoriens ueulent que soit le siege, & le sejour propre du feu, lequel ilz appellent Vesta, & disent estre l'unité: car ilz ne tiennent point que la terre soit immobile ny située au milieu du monde, ny que le ciel tourne à l'enuiron, ains au contraire disent qu'elle est suspendue à l'entour du feu, comme du centre du monde: & si ne ueulent point que ce soit l'une des premieres & principales parties de l'univers, laquelle opinion lon dit, que Platō mesme teint en sa uieillesse, q̄ la terre estoit en autre place qu'en celle du milieu, & que le centre du monde, comme le plus honorable siege appartenoit à quelque autre plus digne substāce. Mais oultre cela, l'office des Pontifes est encore, de monstrier à ceulx qui en ont affaire, tous les droits, vs & coustumes des sepultures, leur aiant Numa enseigné à ne croire point qu'il y ait en cela pollution ny contamination quelconque, ains plus tost de reuerer & honorer de seruices usitez & legitimes les Deitez soubterraines, cōme celles qui reçoient à nostre mort l'une des principales parties de nous: mais sur toutes les autres ilz ont en singuliere reuerence la deesse qu'ilz appellēt Libitina, comme celle qui est superintendente & conseruatrice des droits des morts, soit Proserpine, ou bien Venus, ainsi que les plus sçauans des Romains estiment, qui non sans cause attribuent la superintendence de ce qui concerne le commencement & la fin de la uie des hommes, à une mesme puissance de

- A** ce de la diuinité. Il ordōna aussi combien de temps on deueroit porter le deuil selon la diuersité des aages des trespassez, comme il ne uoulut point que lon portast aucunemēt le deuil pour la mort d'un enfant qui seroit decedé au des-soubz de l'aage de trois ans, & au dessus iusques à l'aage de dix ans, il ordonna que lon ne le portast point plus de mois qu'il auroit uescu d'ans, sans y ad-iouxtter un seul iour d'auātage: car il uoulut que le plus long deuil fust de dix mois seulement, autant comme il ordonna aussi que les femmes uesues demourassent en uiduité, pour le moins, apres le decés de leurs marys: autrement celle qui se uouloit remarier auant ce terme, estoit tenue de sacrifier par son ordonnance une uachē pleine.
- B** Numa institua encore plusieurs autres sortes de presbtres, mais ie n'en mentioneray plus que deux: l'une sera celle des Saliens, & l'autre celle de Fecialiens, pource qu'il me semble, que l'une & l'autre monstre euidentement la grande saincteté & deuotion singuliere qui estoit en luy. Les Fecialiens sont proprement ceulx que les Grecs appellēt Irenophylaces, comme qui diroit, conseruateurs de la paix: & ont ce me semble eu le nom de l'effect qu'ilz doiuent faire selon le deu de leur office, pource qu'ilz appaisoient les differents avec la raison par uoie d'appointement, ne permettant point, sil leur estoit possible, que lon uint à la uoie de faict & des armes, que premieremēt toute esperāce de paix ne soit retrenchee: car les Grecs appellent proprement Irenen, quand les deux parties accordent & decident leurs differents avec la raison, & non pas avec les armes.
- C** Aussi ceulx que les Romains appellent Fecialiens, alloient bien souuēt eulx mesmes en personnes, deuers ceulx qui tenoient tort aux Romains, & taschoient à leur persuader par uiues raisons, qu'ilz recogneussent bonne foy: mais filz ne uouloient se soubmettre à la raison, alors ilz appelloient les Dieux à tesmoings, en leur priant que filz ne poursuiuoient iustement ce qui par droit leur appartenoit, tous les maulx & malheurs de la guerre tūbassent sur eulx mesmes, & sur leur pais. Cela fait, ilz denonçoient la guerre à leurs ennemis: & si d'aduenture ces Fecialiens soppoisoient, ou ne uouloient consortir à la rouverte d'une guerre, en ce cas il n'estoit loisible ny à hōme priuē, ny au Roy mesme, mou-oir les armes, ains falloir que comme iuste prince il prist le congé d'ouuir une guerre par leur permission, & lors il consideroit & consultoit par quel moien il luy seroit plus expedient de la conduire. Auquel propos, on tient que le malheur qui aduint aux Romains, quand la uille fut prise & saccagee par les Gaulois, aduint pour auoir transgressē ceste sainte coustume: car les Barbares tenoient alors la uille des Clusiniens assiegee, & fut enuoiē deuers eulx ambassadeur Fabius Ambustus pour ueoir sil pourroit moienner appointement entre eulx. Il eut mauuaise responce des Barbares, & pour ceste cause estima que son ambassade fust expiree, & fut si temeraire qu'il prit les armes pour les Clusiniens, & deffia au combat d'homme à hōme le plus uail-lant des Gaulois. La fortune luy fauorisa en ce combat, de maniere qu'il des-feit le Gaulois, & le despouilla sur le champ. Les Gaulois aians ueu desfaire leur homme, enuoierent incontinent un herault à Rome pour accuser ce Fabius, comme leurs aiant contre droit & raison cōmencē la guerre sans la leur auoir premierement denoncee. Les Fecialiens adonc, remontrerent qu'il le falloir liurer entre les mains des Gaulois, mais il eut recours au peuple, qui luy fut fauorable, & eschappa par ce moien la peine qu'il auoit meritee: mais peu de temps apres, les Gaulois avec toute leur puissance allerent deuant Ro-

Numa Pompilius.

me, qu'ilz prirent, saccagerent, & bruslerent toute, excepté le Capitole: ainsi F
comme nous auons plus amplement escript en la uie de Camillus. Et quand
aux presbtres Saliés, on dit qu'il les institua pour une telle occasion: Enuiron
la huitieme annee de son regne il se leua une maladie pestilentielle, laquelle
apres auoir couru toute l'Italie, finablement enuahit aussi la uille de Rome:
dequoy estant tout le monde grandement espouuenté & descouragé, on dit
qu'il tumba du ciel un bouclier de cuyure, lequel uint entre les mains de Nu-
ma: & en cōpte lon un propos merueilleux, que le Roy mesme afferma auoir
entendu de la nymphe Egeria & des Muses, c'est à sçauoir, que ce bouclier es-
toit enuoié du ciel pour le salut & pour la conseruatiō de la uille: à ceste cau-
se qu'il le falloit diligemment cōtregarder, & en faire fondre & forger autres G
unze, qui fussent de façon & de grandeur tous semblables à celuy la, à fin que
si d'aduenture il y auoit quelcun qui entreprist de le desrober, qu'il ne sceust
lequel prendre pour le uray. D'auantage il dit encore, qu'il falloit dedier &
consacrer aux Muses, le lieu auquel il se trouuoit souuēt avec elles, & les prez
qui estoient à l'entour: & quand & quād qu'il falloit aussi destiner la fontaine
qui sourdoit au lieu mesme, aux religieuses Vestales, à fin que tous les iours
elles en allassent puiser de l'eau pour lauer & arroser le santuaire de leur tem-
ple. L'euenement tesmoigna que son dire estoit ueritable, car la maladie ces-
sa incontīnēt: & il proposa le bouclier à tous les feures qui pour lors estoient H
à Rome, pour essaier qui en feroit de plus semblables: tous les autres desesper-
erent d'y pouoir aduenir, mais un nommé Veturius Mamurius, le plus ex-
cellent ouurier qui fust pour lors, les feit tous si fort semblables, que Numa
mesme ne les sceut plus recognoistre quand ilz furent meslez. Si ordonna ces
presbtres Saliens pour les garder, & en auoir la charge, & furent nommez Sa-
liens, non pas du nom d'un Salien natif de Samothrace ou de Mantinee, cō-
me aucuns ont faulxement uoulu dire, pource que ce fut luy qui le premier
inuenta la maniere de baller armé: mais plus tost furent ainsi appelez pour
leur façon de danser en sautant: car au mois de Mars ilz uont sautelans par
toute la uille, portās ces boucliers en leurs braz, uestus de hoquetons rouges,
& ceints par dessus de bauldriers plats & larges de cuyure, aians sur leurs tes-
tes des armets de cuyure aussi, & frappās contre leurs boucliers avec des cour-
tes dagues qu'ilz portent en leurs mains. Au demourāt tout leur bal cōsiste au
mouuement de leur pieds, car ilz se remuent plaisamment, faisans plusieurs
tours & retours d'une mesure soudaine, avec force & agilité grande. Ilz ap-
pellent ces boucliers Ancyliā, à cause de la forme qu'ilz ont, laquelle n'est pas
du tout en cercle, pource qu'ilz n'ont pas leur tour entierement rond, comme
les autres boucliers ordinaires, ains y a une coupe & incisure de ligne en-
tortillee, dont les deux bouts se recourbent en plusieurs tours fort pres à pres
l'un de l'autre, de maniere que le tout ensemble uient à faire une forme cour-
be, que les Grecs appellent Ancylon: ou bien sont ainsi appelez à cause que K
Ancon signifie le coude, autour duquel ilz les portent. Toutes ces deriuatiōs
sont escriptes en l'histoire de Iuba, qui ueult à toute force que ce mot Ancyliā
ait esté tiré de la langue Grecque: & pourroit estre aussi qu'ilz auroient ainsi
esté nōmez, pource qu'ilz seroient descēdus d'enhaut, ce que les Grecs disent
Anecathen: ou pour la guarison des malades, qui s'appelle Acesis: ou pour la
cessatiō de la secheresse, qui se dit en Grec Auchmō lysis, & pour le finissēmēt
des maulx & malheurs, dōt les Atheniēs appellent Castor & Pollux Anacās,

- A au moins si lon ueult donner à ce mot la deriuaison prise de la langue Grecque. Or le loyer que receut le feure Mamurius pour auoir forgé ces boucliers, fut que iusques auiourdhuy les Saliens font encore mentiō de luy, en un certain cantique qu'ilz uont chantant par la uille, en ballant leur danse armee: toutefois il y en a qui estiment qu'ilz ne disent pas Veturius Mamurius, ains uont disāns Veterem memoriam, c'est à dire, ancienne memoire. Mais Numa apres auoir ordonné & institué ces ordres des presbtres, bastit aupres du temple de Vesta sa maison, qui s'appelle encore auiourdhuy Regia, c'est à dire, le palais du Roy, auquel il se tenoit la plus part du temps, uaquant ou à sacrifier aux Dieux, ou à enseigner aux presbtres, ce qu'ilz auoient à faire, ou à estudier
- B avec eulx à la contemplation des choses diuines, il est uray qu'il auoit une autre maison dessus le mont, que lon appelle maintenāt Quirinal, dont on mōstre encores auiourdhuy la place. Mais en tous les sacrifices, cerimonies, & processions des presbtres, il y auoit tousiours des sergens, qui marchoiēt deuant, & alloient crians au peuple, que lon se teust, laissant toute autre œuvre pour estre ententif au seruice diuin. Car, cōme lon dit que les Pythagoriēs ne trouuoiet point bon, que lon adorast les Dieux, ny qu'on leur feist prieres, en passant, ou faisant autre chose, ains uouloient que lon sortist de la maison, expressement en intentiō de les aller seruir & prier. Aussi pēsa le Roy Numa, qu'il falloit que ses subiects ne ueissent, ny n'ouyssent riē du seruice diuin, par maniere d'acquit, en faisant autre chose, ains uouloit qu'ilz entremeissent toute autre besongne, & qu'ilz y employassent toute leur pēsee & tout leur entēdemment, comme au principal acte de la religion & deuotion enuers les Dieux: de sorte qu'il uouloit pendant le seruice diuin, que lon n'entendist parmy les rues ny bruires, ne congner, ne frapper, ny souspirer d'ahan, cōme lon oyt ordinairement es lieux ou lon exerce mestiers necessaires & mechaniques, de quoy lon uoit encōre iusques auiourdhuy es sacrifices de Rome quelque trace qui en est demouree: car pendant que le magistrat contemple le uol des oiseaux, ou qu'il fait quelque sacrifice, lon crie tout hault, Hoc age: qui uault autant à dire comme, fais cecy: & est un aduertissement aux assistans, de soy recueillir pour penser à ce qui se fait. Aussi y a il plusieurs de ses ordonnances
- C semblables aux preceptes des Pythagoriens: car cōme ilz admonestoiēt, de ne se seoir point sur le picotin: de ne fendre point le feu avec l'espee: de ne regarder point derriere soy quand on ua dehors: de sacrifier aux Dieux celestes en nombre non pair, & aux Dieux terrestres en nombre pair: desquelz preceptes il ne uouloient point que le commun populaire eust intelligence: Aussi y a il beaucoup d'institutions de Numa, dont la raison est occulte, comme de n'offrir point aux Dieux uin de uigne non taillee, & de ne leur sacrifier point sans farine: de tournoier un tour en adorāt & saluant les Dieux, & de se seoir apres les auoir adorez. Or quant aux deux premieres ordonnāces, il semble que par icelles il ait uoulu recommander la clemence, & la douceur, comme estant
- D partie de la deuotion enuers les Dieux: mais quant à ce tournoyement qu'il ueult que facent ceulx qui adorent les Dieux, on dit que c'est une representation du tour que fait le ciel par son mouuement: mais il me sembleroit plus tost que ce seroit, pource qu'estans les temples tournez uers le soleil leuant, l'adrateur en y entrant mōstre le dos à l'Orient, & à ceste cause se tourne uers celle part, & puis se retourne deuers le Dieu, faisant le tour entier, & paracheuāt la consommation de sa priere par ceste double adoration qu'il fait deuant &
- E

Numa Pompilius.

derriere : si ce n'est d'adventure, qu'il ait secrettement voulu signifier & donner à entendre par ce tournoiement & changemēt de regard, ce que les *Ægyptiens* figurent par leurs roues, uoulans monstrier que les choses humaines ne demeurent iamais fermes en un estat : & pource, qu'il nous fault prédre en gré & endurer patiemmet, en quelque sorte qu'il plaise à Dieu remuer & tourner nostre uie. Et quand à ce qu'il commādoit, que lon fassist apres que lon auoit adoré, lon dit que c'estoit un presage de bonne esperance aux prians, que leurs prieres seroient exaucees, & que leurs biens leur demoureroient fermes : les autres disent que le repos est une separation des actions, & pourtāt qu'il uouloit que lon fassist aux temples des Dieux, pour monstrier que lon auoit mis fin à l'affaire que lon auoit en main au parauant, à fin d'en reprédre des Dieux le commencement d'un autre. Et peult estre aussi que cela se rapportoit à ce que nous auons dit nagueres, que Numa uouloit accoustumer ses gens à ne seruir ny ne parler point aux Dieux, en passant, ou en faisant autre chose, & à la haste, ains uouloit que lon le feist quād on a tēps & loisir, toutes autres choses ce pendant entremises. Par cest apprētissage & acheminemēt à la religion, la uille de Rome petit à petit deuint si maniable, & eut en telle admiration la grand' puissance du Roy Numa, qu'elle receut pour ueritables des comptes, ou il n'y auoit non plus d'apparēce qu'aux fables controuuees à plairir : & pēsa qu'il n'y auoit plus rien incroyable ny impossible à luy, pourueu qu'il le uoulust. Auquel propos on racompte qu'un iour aiant conuié à souper avec luy bon nombre des citoiens de la uille, il les feist seruir de uiandes fort simples & communes, & en bien pauvre uaisselle : & comme ilz cōmenceassent ia à souper, il leur icetta en auant une parole, que la Deesse avec laquelle il hantoit, à l'instāt mesme l'estoit uenue ueoir, & que tout incontīnēt la salle deuint pleine de précieux meuble, & les tables couuertes de toutes sortes de uiandes exquisēs & delicieuses. Mais encore excède plus toute uanité de mensonge, ce que lon treuve par escript touchant son parlement avec Iupiter. Car le mont Auentin n'estoit pas encore alors habité ny renfermé dedans la uille, ains y auoit forces fontaines & bocages umbrageux, là ou se uenoient ordinairement esbatre deux dieux, *Picus*, & *Faunus*, lesquelz on pourroit au demourāt estimer estre deux *Satyres*, ou de la race des *Titaniēs*, excepté que lō dir qu'ilz alloient par toute l'Italie, faisans les mesmes miracles & preuues merueilleuses par uertu de medecines, de charmes, & d'art magique, que lon racompte de ceulx que les Grecs appellent *Idæes Dactyles* : si disent que Numa les surprit tous deux, aiant mis du uin & du miel dedans la fontaine, ou ilz souloiet boire coustumieremēt. Quād ilz se sentirent pris, ilz se trāsfigurerēt en beaucoup de diuerses formes, desguisāns & transmuans leur essence en plusieurs fantasmes terribles & espouuentables à ueoir : toutefois à la fin quand ilz se sentirent si bien pris, qu'ilz ne pouuoient oucunement eschapper, ilz luy reuelerent plusieurs choses à aduenir, & luy enseignerent la purification contre la fouldre & contre le tonnerre, que lon fait encore auioürdhuy avec des oignons, des cheueux, & des Sardelles. Les autres disent que ce ne furēt pas eulx, qui la luy enseignerēt : mais que par cōiuration d'art magique, ilz feirēt descēdre du ciel Iupiter : dequoy Iupiter estant courroucé respōdit en cholere, qu'il la falloir faire avec des testes, & Numa y adiouxta incontīnēt d'oignons : Iupiter repliqua, d'hōmes. Numa de rechef luy demanda, pour diuertir un peu la cruaulté de ce commandement, quelz cheueux : Iupiter respondit, de uiues :

A & Numa y adiouxta, Sardelles: & disent que ce fut la deesse Egeria, qui enseigna ceste subtilité à Numa. Cela fait, Iupiter s'en retourna appaisé, au moien dequoy le lieu en fut appelé Ilicium, pource que Ileos en langage Grec signifie appaisé & propice, & la purification fut depuis ainsi faite. Ces comptes, nō seulement fabuleux, mais aussi dignes de moquerie, nous monstrent clairement l'affection & la deuotion des hommes de ce temps la enuers les Dieux, à laquelle Numa par accoustumance les auoit rengez. Et quant à Numa mesme, lon dit qu'il auoit si fort fiché son esperance & sa confiance en l'aide des Dieux, qu'un iour quand on luy uint dire, que les ennemis uenoient en armes luy courir sus, il ne s'en feit que rire, & respondit: Et ie sacrifie. Cē fut

B luy, comme lon dit, qui premier edifia un temple à la Foy & au Terme, & qui donna à entēdre aux Romains, que le plus sainct & le plus grād fermēt qu'ilz eussent sceu faire, estoit de iurer leur foy, cōme ilz le gardent encores auourd'hui. Mais Terme qui uault autant à dire, comme Borne, est le Dieu des confins, auquel ilz sacrifient en public & en priué sur les confins des heritages, & luy sacrifie lon maintenant des bestes uiues, mais anciennement les sacrifices se faisoient sans effusion de sang par la sage institution de Numa, qui leur remonstroit & preschoit, que ce dieu des cōfins deuoit estre pur & net de sang & de meurtre, comme celuy qui est tesmoing de iustice & garde de la paix. Ce fut aussi luy, à mō aduis, qui premier borna le territoire de Rome, ce

C que Romulus n'auoit iamais uolu faire, de peur qu'en bornant le sien, il ne confessast ce qu'il occupoit de l'autrui, pource que la borne, qui la ueult iustement garder, est un lien qui bride la puissance, & qui ne la ueult garder est une preuue & tesmoignage qui argue l'iniustice: aussi à la uerité, le territoire de Rome n'estoit pas de grande estendue au commencement, & en auoit Romulus conquis la plus grande partie, & Numa le distribua tout entierement aux habitans qui estoient pauures, pour les oster de pauureté, qui cōtraint les hommes à estre meschans, & aussi pour destourner le peuple au labourage, à fin qu'en cultiuāt la terre il se cultiuast & s'addoulist aussi soy mesme: car il n'y a mestier ny uacation quelconque au mōde, qui engendre en l'homme si

D soudain ne si uehement desir de la paix comme fait la uie rustique, en laquelle la hardiesse de combattre pour defendre le sien demeure, & y est tousiours prompte, & la conuoitise de raur uiolentement & occuper iniustement l'autrui en est ostee. Pourtant Numa uolant donner à ses subiects le labourage de la terre comme un breuuage, qui leur feist aimer la paix, & desirāt les faire addonner à ce mestier plus tost pour leurs addoucir leurs meurs, que pour augmenter leurs biens, il departit tout le territoire en certaines portions qu'il appella Pagos, qui uault autant à dire, comme uillages: en chascun desquelz il ordonna des contrerolleurs & uisiteurs, qui allassent par tout: & luy mesme quelque fois y alloit en personne, coniecturant par le labeur les meurs &

E la nature de chascun: & ceulx qu'il cognoissoit diligents, il les auançoit aux hōneurs, & leur donnoit autorité & credit: & ceulx qu'il trouuoit lasches & paresseux, en les tenant & reprenant les emendoit. Mais entre ses constitutions, on prise & loue sur toutes les autres, celle qu'il feit touchant le departement du peuple par mestiers: car la uille de Rome sembloit encore estre composee de deux nations, comme nous auons dit ailleurs: & pour mieulx dire estoit diuisee en deux ligues, tellement qu'elle ne pouuoit ou ne uouloit aucunement se reduire en un, n'estant pas possible d'en oster entierement toutes

Numa Pompilius.

partialitez, & faire qu'il n'y eust continuellement des querelles, noises & de- F
bats entre les deux parties. Parquoy il pensa que quand on ueult mesler deux
corps ensemble, qui pour leur dureté ou contrariété de nature ne peuuent re-
cevoir meslange l'un avec l'autre, on les brise & conquasse le plus menu que
lon peult, car alors pour la petitesse des parties ilz se confondent mieulx l'un
avec l'autre: aussi pensa il qu'il ualloit mieulx diuiser encore tout le peuple en
plusieurs petites parcelles, par le moien desquelles il les ietteroit en autres par-
tialitez, lesquelles uiendroient à effacer plus facilement celle principale &
premiere, quand elle seroit diuisee & separee en plusieurs petites. Si feist ceste
diuision par mestiers, comme, menestriers, orfeures, charpentiers, teintu-
riers, cordóniers, megiciers, tanneurs, fondeurs, potiers: & ainsi des au- G
tres mestiers: dont il renga tous les suppos artisans en un mesme corps, &
ordonna à chascun leurs confrairies, leurs festes, assemblees & seruices qu'ilz
feroient aux Dieux, selon la dignité de chascue mestier: en quoy faisant il osta
le premier ceste diuersité que lon ne dit, ny n'estima ló plus, Ceulx la sont Sa-
bins, ceulx cy sont Romains, & ceulx la sont bourgeois de Tatiús, & ceulx cy
de Romulus: de sorte que ceste diuision fut une incorporation, meslange, &
reünion de tous avec tous. On loue aussi entre ses ordonnances, la reforma-
tion & limitation qu'il donna à la loy qui permettoit aux peres de pouuoir ue-
dre leurs enfans, car il en excepta ceulx qui ia seroient mariez, pourueu qu'ilz
eussent esté mariez du gré & consentement de leurs peres, estimant que c'estoit H
chose trop inique & trop dure, que la femme qui penseroit auoir espousé un
homme libre, se trouuast mariee avec un serf. Il commença aussi à r'accou-
strer un petit le Calendrier, non pas du tout precisement comme il falloit qu'il
fust, ny du tout aussi ignoramment: car durant le regne de Romulus ilz usoient
des mois confusement sans ordre ny raison quelconque, en faisant les uns
de uingt iours & de moins, & les autres de tréte cinq & de plus, sans auoir co-
gnoissance aucune de l'inegalité qu'il y a entre le cours du Soleil & celuy de
la Lune, & en obseruant ceste regle seulement, qu'il y eust en l'année trois
cents soixante iours. Mais Numa considerant que la tare de l'inegalité est de
unze iours, pource que les douze reuolutions de la Lune se font en trois cents I
cinquante & quatre iours, & celle du Soleil en trois cents soixante & cinq, il dou-
bla les unze iours, dont il feist un mois, qu'il meit de deux ans en deux ans apres
le mois de Feburier, & appelloient les Romains ce mois interposé, Mercedi-
num, lequel auoit uingt & deux iours. Voila la correctio que Numa y feist, la-
quelle depuis a eu besoing encore de plus grande emendation. Il remua aussi
l'ordre des mois: car le mois de Mars qui parauant estoit le premier, il le meit
le troisieme, & feist Ianuier le premier, qui soubz Romulus estoit l'unzieme, &
Feburier le douzieme & dernier: toutefois plusieurs ont opinion que Numa
yadiouxta ces deux, Ianuier & Feburier, parce que les Romains au comen-
cement n'auoient que dix mois en l'an, comme aucuns des Barbares n'en font K
que trois, & les Arcadiens entre les Grecs n'en ont que quatre, & les Acar-
naniens six: & les Egyptiens ne faisoient leur année que d'un mois, & depuis
l'ont faite de quatre. C'est pourquoy, encore qu'ilz habitent en pais fort neuf,
ilz semblent neantmoins estre les plus anciens du monde, & qu'en leur Anna-
les ilz comptent un nombre infini d'années, comme ceulx qui comptent les
mois pour ans. Et qu'il soit uray que les Romains n'eussent au commencement
que dix mois en l'an, & nó pas douze, on le peult iuger par le nom du dernier,
qu'ilz

A qu'ilz appellent encores aujourdhuy December : & que le mois de Mars fust aussi le premier , on le peult coniecturer par ce , qu'encore le cinquieme d'apres s'appelle Quintilis , le fixieme Sextilis , & les autres consecutiuelement , suivant l'ordre des nombres : car si Ianuier & Feburier eussent alors esté les premiers , il eust fallu q le mois de Iuillet , qu'ilz appellent Quintilis , eust eu nom Septembre : ioinct aussi qu'il est bien uraysemblable que le mois , lequel Romulus auoit dedié à Mars , eust aussi esté par luy ordonné le premier . Le second estoit Apuril , ainsi nommé du nom d'Aphrodyte , c'est à dire Venus , à laquelle on sacrifie publiquement en ce mois là : & le premier iour d'iceluy les femmes se baignent aians un chapeau de meurte sur la teste : toutefois il y

B en a d'autres qui disent , qu'il n'a poit esté appelé du nom d'Aphrodyte , mais seulement a esté nommé Aprilis , pource que lors est la force & uigueur du printemps , auquel la terre fouure , & les germes des plâtes & des herbes commencent à bouter & sortir dehors : ce que le mot de soymesme signifie . Le mois ensuiuant s'appelle May , du nom de Maia la mere de Mercure , auquel le mois est consacré . Le mois de Iuin est aussi nommé ainsi pour la qualité de celle saison , qui est comme la ieunesse de l'annee : combien qu'aucuns ueuillent dire , que le mois de May ait esté nommé de ce mot , Maiiores , qui uault autant à dire comme , les uieux : & le mois de Iuin , de Iuniores , qui signifie les ieunes hommes . Tous les autres ensuiuans estoient anciennement nommez par les

C nombres selon leur ordre , Quintilis , Sextilis , September , October , Nouember & December : mais depuis Quintilis a esté nommé Iulius , du nom de Iulius Cæsar , qui desfeit Pompeius : & Sextilis a esté surnommé Augustus , du nom de son successeur à l'empire , Octauius , qui fut aussi surnommé Auguste . Vray est que Domitian uoulut aussi que lon appellast les deux ensuiuans , qui sont September & Octobre , l'un Germanicus & l'autre Domitianus , mais cela ne dura gueres , car incontinent qu'il eut esté tué , les mois reprirēt leurs anciens noms . Les deux derniers seuls sont demourez sans iamais auoir changé leurs denominations . Mais des deux que Numa y adiouxta , ou au moins qu'il transposa , celui de Feburier uault autant à dire cōme purificatif , au moins la

D deriuation du terme en approche bien fort : & en ce mois on sacrifie pour les plâtes , & solénise lon la feste des Lupercales , en laquelle y a beaucoup de choses cōformes , & semblables aux sacrifices qui se fōt pour purificatiō , & le premier , qui est Ianuier , a esté appelé du nom de Ianus . Si me semble que Numa osta le mois de Mars du premier lieu , & le donna à l'auier , entre autres causes , pource qu'il uouloit q la paix en tout & par tout allast deuant la guerre , & les choses ciuiles deuant les militaires . Car ce Ianus , ou roy , ou demidieu qu'il fust , au premier temps fut ciuil & politique : car il chāgea le uiure des hōmes , qui auāt luy estoit rude , aspre & sauuage , en maniere de uiure plus honneste , plus doulce , & plus ciuile . C'est la raison pour laquelle on le peint encore au

E jourdhuy avec deux uisages , l'un deuant , & l'autre derriere , pour ce changement de la uie des hommes : & y a à Rome un tēple qui luy est dedié , aiant deux portes , lesquelles on appelle les portes de la guerre , pource q la coustume est de l'ouurir quād les Romains ont guerre en quelque part , & de le clorre quād il y a paix uniuerselle : ce qui est bien malaisé à ueoir , & aduient bien peu souuent , pour la grādeur de leur empire , qui de tous costez est enuironné de nations barbares , lesquelles il fault cōtenir & arrester par armes . Ce neantmoins il fut une fois fermé du temps d'Auguste apres qu'il eut desfait Antonius , &

Numa Pompilius.

parauant encore, l'annee que Marcus Attilius & Titus Manlius furent Con-
suls, mais cela ne dura gueres, ains fut incōtinēt r'ouuert, pour une guerre qui
furuint: mais durant le regne de Numa il ne fut iamais ouuert une seule iour-
nee, ains demoura fermé continuellement l'espace de quarāte & trois ans en-
tiers, tant estoient toutes occasiōs de guerres & par tout esteintes & amorties:
à cause que non seulemēt à Rome le peuple se trouua amolli & addoulci par
l'exemple de la iustice, clemence & bonté du Roy, mais aussi es uilles d'alen-
uiron commença une merueilleuse mutation de meurs, ne plus ne moins
que si c'eust esté quelque douce haleine d'un uēt salubre & gracieux qui leur
eust soufflé du costé de Rome pour les rafreschir: & se coula tout doucement
es cueurs des hommes un desir de uiure en paix, de labourer la terre, d'eleuer
des enfans en repos & trāquillité, & de seruir & honorer les Dieux: de manie-
re que par toute l'Italie n'y auoit que festes, ieux, sacrifices, & banquets. Les
peuples hantoient & traffiquoient les uns avec les autres sans crainte ne dā-
ger, & s'entreuisitoient en toute cordiale hospitalité, comme si la sapience de
Numa eust esté une uisue source de toutes bonnes & honnestes choses, de la-
quelle plusieurs ruisseaux se fussent deriuez pour arroser toute l'Italie, & que
la tranquillité de sa prudence se fust de main en main communiquee à tout le
monde: tellement que les excessiues figures de parler, dont les poētes ont ac-
coustumé d'user, ne seroient pas encore assez amples pour suffisammēt expri-
mer le repos de ce regne la:

H arnois de guerre en ce pais la sont
T ous pleins de retz que les araignes font:
L a rouille y mange espees esmoulues
A deux trenchans, lances sont uermoulues:
E t n'y oit on iamais ne iour ne nuit
D es haults clairons & trompettes le bruit,
Q ui en fursault rauisse aux pauvres yeux
L e doux repos du sommeil gracieux.

Car lon ne treuue point tant que Numa fut en regne, qu'il y ait iamais eu ne
guerre ne sedition ciuile, ny attentat de nouuelleté au gouuernement de la
chose publique, & encore moins d'inimitié ou d'enuie particulièrement en
contre luy, ny de coniuration contre sa personne pour conuoitise de regner:
ains, fust ou pour la crainte d'offenser les Dieux, qui sembloient uisiblement
l'auoir pris en leur protection & sauuegarde, ou pour la reuerence de sa uertu,
ou pour sa bonne fortune, qui durant tout son regne maintint la uie des hō-
mes pure & nette de toute meschanceté. Comment que ce soit, il meit en eu-
dence deuant les yeux de tout le monde un clair exemple, de ce que Platon
long temps depuis oza dire & affermer, touchant le gouuernement des estats
politiques, que le seul moien de uray repos & deliurance de tous maux, qui
ont accoustumé de trauailler les hommes, est quand par quelque diuine for-
tune il se rencontre en une mesme personne la souueraine autorité de puif-
sance royale, avec la uolunté de sage philosophe, pour rendre la uertu mai-
stresse & la mettre au dessus du uice. Car bienheureux à la uerité est l'homme
sage, & bienheureux aussi consequemment sont ceux qui peuuent ouir les
beaux discours & bons enseignemens qui sortent de sa bouche: & me semble
que là n'est aucunemēt besoing de force, contrainte, ne menasse quelconque,
pour contenir la multitude du peuple: car les hommes uoians la uertu naïfue
emprainte

A emprainte en un uisible patron que la uie exemplaire de leur prince, ilz en deuiennent uoluntairement sages, & se conforment d'eulx mesmes en amitié, charité & cōcorde, avec attrempance & iustice les uns enuers les autres à une uie irréprehenfible & ueritablement heureuse : ce qui est le poinct dernier du plus grand bien & du plus noble secours que lon sçauroit apporter aux hommes : & est celuy la, par nature, plus digne d'estre Roy, qui par sa uertu peult imprimer es meurs des hommes une telle disposition : ce que Numa semble auoir sceu & entendu mieulx que nul autre. Au demourant, quant à ses femmes, & à ses enfans, il y a des contrarietez entre les historiens, pource que les uns disent qu'il n'espousa iamais autre femme que Tatia, & qu'il n'eut onques enfans, qu'une seule fille, qui fut nommee Pompilia: les autres escriuent au cōtraire, qu'il eut quatre filz, Pomponius, Pinus, Calpus, & Mamercus: de chascū desquelz sont, par successiō de pere en filz, demourees des plus nobles races & plus anciennes maisons de Rome, sçauoir celle des Pomponiens de Pomponius, celle des Pinariens de Pinus, celle des Calphurniens de Calpus, & celle des Mamerciens de Mamercus: toutes lesquelles familles pour raison de ceste premiere origine ont retenu le surnom de Reges, c'est à dire, Roys. Il y en a encore d'autres troisiemes qui reprēnent ces deux premiers, comme uoulans gratifier à ces familles, en les faisant, à faulses enseignes, descēdre de la race du Roy Numa: & si disent d'auantage, qu'il eut ceste sienne fille Pompilia, nō de sa femme Tatia, mais d'une autre nommee Lucretia, qu'il espousa depuis qu'il fut deuenue Roy. Mais tous sont biē d'accord, que sa fille Pompilia fut mariee avec un nommé Martius, filz de celuy Martius qui luy suada d'accepter le royaume de Rome: car il fy en alla quand & luy demourer, là ou on luy feit l'honneur de le receuoir au nombre des Senateurs: & apres la mort de Numa aiant entrepris la poursuite de la succession du royaume à l'encontre d'Ostilius, & y estant demouré uaincu, il se feit luy mesme mourir de regret. Mais son filz Martius, qui auoit espousé Pompilia, demoura tousiours à Rome, ou il engēdra Ancus Martius, lequel fut Roy de Rome apres Tullus Ostilius, & n'auoit que cinq ans quand Numa deceda: la mort duquel ne fut point soudaine, car il mourut en defaillant petit à petit, tant pour sa uieillesse, que pour une maladie lente qui luy suruint, ainsi cōme Piso l'a escrit, & trespassa aiant uescu peu plus de quatre uingts ans. Mais l'honneur que lon luy feit à ses funeraillies rendit sa uie encore plus heureuse & plus glorieuse: car tous les peuples uoïfins, amis, alliez & confederez des Romains sy trouuerent, apportans des couronnes & autres contributions publiques pour honorer ses obseques. Les nobles de la uille, que lon appelle les Patriciens, porterēt sur leurs propres espaules le liēt, dedās lequel fut posé son corps quand on le porta en sa sepulture: & les presbtres assisterent à son conuoy, aussi fait tout le demourant du peuple, iusques aux femmes & aux petits enfans, qui l'accōpagnerent au tumbeau avec pleurs, souspirs & gemissemens, non comme Roy ia suraagé, mais comme si c'eust esté un proche parent, ou amy singulier, mort auāt aage, que chascun d'eulx eust regretté. Ilz ne bruslerēt point son corps, pource qu'il l'auoit defendu par son testament, ainsi que lon dit: ains feirent deux coffres de pierre, qu'ilz enterrerent au pied du mont appellé Ianiculum, & meirent son corps dedans l'un, & dedans l'autre les liures sacrez qu'il auoit escrits luy mesme, ne plus ne moins que ceulx qui ont fait les loix des Grecs, les ont escrites en des tables: mais pource que de son uiuant, il auoit enseigné aux presbtres

Numa Pompilius.

la substance de tout entierement ce qui estoit contenu dedans, il uoulut que les tables sacrees qu'il en auoit escriptes, fussent ensepuelies avec son corps, comme n'estant pas raisonnable, que choses si saintes fussent gardees par lettres & escriptures mortes. Suiuant laquelle raison, lon dit que les Pythagoriens ne uouloient point mettre par escript leurs œuures, ny leurs inuentions, ains en imprimoient la science en la memoire de ceulx qu'ilz en cognoissoient dignes, sans escripture quelconque. Et comme quelque fois on eust communiqué aucuns des plus reclus secrets, & plus cachees subtilitez de la Geometrie à quelque personnage qui n'en estoit pas digne, ilz dirēt que les Dieux par euidens presages menassoient de uenger ce sacrilege & ceste impietē, avec quelque grande & publique calamité: Tellement que uoiant tant de choses conformes & du tout semblables entre eulx, ie pardōne facilement à ceulx qui sopiniastrēt, à soustenir que Numa & Pythagoras aient hantē & communiqué ensemble. Mais Valerius Antias historien, escript, qu'il y auoit douze liures touchāt ce qui appartenoit à l'office des presbtres, & douze autres cōtenant la philosophie des Grecs: & que quatre cents ans depuis, en l'annēe que Publius Cornelius, & Marcus Bebius furēt Consuls, il y eut un grād rauage d'eaux & de pluies, qui fendit la terre & descōurit ces coffres, desquelz les couuercles estans arrachez, on en trouua l'un totalemēt uuide, sans qu'il y eust apparence ne relique quelconque du corps: & en l'autre on trouua ces liures, lesquelz un nommé Petilius, qui pour lors estoit Præteur, eut charge de lire: & les aiāt leuz fait son rapport au Senat, qu'il ne luy sembloit point expedient, que ce qui estoit escript dedās ces liures fust publié ny diuulguē au simple peuple: & pour ceste cause qu'ilz furent apportez sur la place, ou ilz furent bruslez. Or est-ce chose qui aduient communement à tous bons & iustes hommes, qu'ilz sont plus louez & plus estimez apres leur mort que deuant, pource que l'enuie ne demeure gueres ordinairement apres leur trespas, & bien souuent meurt auāt eulx: mais neantmoins les accidents qui sont aduenuz aux cinq Roys, qui regnerent à Rome depuis Numa, ont rendu sa gloire encore plus claire & plus illustre. Car le dernier d'eux fut chassē de son estat, & mourut en exil apres y estre enuieilly: & des autres quatre nul n'est decedē de sa mort naturelle, ains ont esté les trois occis en trahison: & Tullus Ostilius, qui regna apres Numa, se moquāt avec un mespris de la plus part de ses bōnes & saintes institutiōs, mesmemēt de la deuotion enuers les Dieux, comme chose qui rend les hommes lasches & effeminez soudain qu'il fut deuenu Roy, tourna ses subiects à la guerre: mais il ne dura gueres en ceste folle temerité, pource qu'il tumba en une griefue, estrange, & diuerse maladie, qui luy feit bien changer d'aduis: & au contraire tourna son mespris de la religion en trop craintifue superstitiō, laquelle n'auoit rien de cōmun avec la uraye deuotion & religion de Numa: & encore infecta il d'auantage les autres de ce contagieux erreur, par l'inconuenient qui luy aduint à sa mort, car il fut frappē & bruslé de la fouldre.

LA COMPARAISON DE LYCVRGVS AVEC NVMA.



Ais à tant aians acheuē d'escrire les uies de Lycurgus & de Numa, il est desormais temps qu'en les mettant l'un deuant l'autre nous raschiōs, encore que ce soit chose bien difficile, à trouuer les differences qu'il y a de l'un à l'autre: car quant aux similitudes & choses communes entre eulx, elles se demonstrent assez d'elles

A d'elles mesmes en leurs faicts, comme leur temperance, leur deuotion uers les Dieux, leur sagesse à gouuerner, leur dexterité à manier leurs peuples, & leur faire croire & donner à entendre, que les Dieux leur auoient reuelé les loix qu'ilz establissoient. Mais pour uenir aux qualitez, qui sont diuerses & separement louables en chascun d'eulx: la premiere est, que Numa accepta le royaume, & Lycurgus le rendit: l'un le receut sans l'auoir prochassé, & l'autre l'ayant entre ses mains le restitua: l'un estant estrangier & homme priué, fut par estrangers eleu & choisi pour leur seigneur & leur roy: l'autre se feit luy mesme de Roy qu'il estoit, homme priué. Or est-ce une belle chose que par iustice acquerir un royaume: mais aussi est bien belle chose, que preferer la

B iustice à un royaume. La uertu meit l'un en telle reputation qu'il en fut estimé digne d'estre esleu Roy, & redit l'autre si magnanime qu'il ne fait compte d'estre Roy. La secóde est, que ne plus ne moins qu'en un instrumét de musique, l'un roidit & tédit les chordes qui estoient trop lasches à Sparte, & l'autre lascha celles de Rome qui estoient trop tendues: en quoy la difficulté plus grande est du costé de Lycurgus, car il ne persuada pas à ses citoiés de despouiller des brigandines & cuirasses, ny de poser des espees, ains de laisser leur or & leur argent, quitter liets, tables & autres meubles precieux: non pas se reposer du labeur de la guerre pour uaqer à faire festes, sacrifices & ieux, mais au contraire laisser banquets & festins, pour continuellement se traualier en armes

C & en tous penibles exercices du corps. Au moien de quoy, l'un pour l'amour & reuerence qu'on luy portoit, persuada facilement tout ce qu'il uoulut: & l'autre s'estant mis en dāger, & y ayant esté blecé, n'en uint à la fin à bout qu'avec beaucoup de peine. Ainsi fut doulce, amiable & benigne la Muse de Numa, qui si bien sceut amollir & attiedir les meurs de ses citoiens, qui par auāt estoient ardents & uiolents, qu'il leur apprit à aimer la paix & la iustice: & au contraire, si lon me ueult contraindre de nombrer entre les ordonnances & statuts de Lycurgus, ce que nous auons escrit touchant les Ilotes, qui estoit une chose trop barbare & cruelle, il me fera force de confesser que Numa fut beaucoup plus sage, plus doulx, & plus humain en ses loix, attēdu qu'à ceulx

D mesmes qui ueritablement estoient nez serfs, encore feit il goustē un petit l'honneur & la doulceur de liberté, ayant uoulu qu'es festes de Saturne ilz se feissent à table pour māger avec leurs propres maistres. Car il y en a qui ueulent que ceste coustume ait esté introduitte par le Roy Numa, & qu'il uoulut que ceulx qui auoient porté leur part du labeur de cultiuer la terre, eussent aussi part au plaisir de faire bonne chere des premiers fruiets d'icelle: les autres uont diuinans, que c'est encore une marque de celle egalité qui estoit au monde entre les hommes du temps de Saturne, lors qu'il n'y auoit ny maistre ny ualet, ains estoient tous les humains egaulx comme freres ou bien proches parents. Brief, il semble que l'un & l'autre aient également uoulu achemi-

E ner & conduire leurs peuples à temperance & à contentement du sien: mais quant aux autres uertus, il semble que l'un ait plus aimé la force, & l'autre la iustice, si ce n'est que lon ueuille dire, que pour la diuersité de la nature ou coustume de leurs peuples, qui estoient presque contraires en meurs, ilz aient esté cōtraincts de tenir aussi des moiens tous differēts. Car ce ne fut point par lascheté de cuer, que Numa osta aux siens l'usage des armes & l'enuie de guerroyer, ains fut à fin qu'ilz ne feissent tort à autrui: ny Lycurgus ne festudia de rendre les siens belliqueux pour faire oultrage aux autres, mais plus

Numa Pompilius.

toit de peur qu'on ne leur en feist: ainsi pour retrécher ce qui excedoit es uns, F
& supplier à ce qui defailloit es autres, il fut force que chascun d'eux introdui-
sist de grandes nouuelletez en leurs gouuernemens. Au demourant, quant à
l'establissement de leur police, & la distribution des estats de leur chose pu-
blique, celle de Numa estoit merueilleusement basse, & accommodée au gré
du plus menu populaire, faisant un corps de uille, & un peuple composé pelle-
melle de orfeures, menestriers, fondeurs, cordonniers, & de toute autre ma-
niere de gens mechaniques: mais celle de Lycurgus à l'opposite, estoit austere
& plus tirant au gouuernement de la noblesse, reiettant tous mestiers & arts
mechaniques entre les mains des serfs & des estrangers, & mettât en main de
ses citoiens l'escu & la lance, sans leur permettre l'exercice d'autre mestier, G
que de celuy des armes, comme à urays supposts de Mars, qui ne sçauoient
ny n'apprenoient autre science en toute leur uie, sinon d'obeir à leurs capitai-
nes, & de commander à leurs ennemis: car, le menager, marchander & traffi-
quer y estoit defendu aux homes libres, à fin qu'ilz fussent absolument & entie-
remēt libres: & tout artifice pour amasser argent y estoit permis aux esclaves,
& aux Ilotés, estant estimé aussi uil, cōme le mestier d'habiller à soupper & de
faire la cuisine. Numa ne meit point ceste difference parmy son peuple, seu-
lement leur osta il la conuoitise de s'enrichir par armes: mais au demourant il
ne leur defendit point de s'enrichir par autres uoyes licites, ny n'eut point
l'œil à unir & applanir toute inegalité, ains permet de se faire riche tant que H
lon pourroit, ne se souciant point d'oster la pauureté qui se couloit & se mul-
tiploioit fort en sa uille: ce qu'il falloit faire des le commencement, lors qu'il
n'y auoit pas encore trop grande inegalité, & que ses citoiens estoient assez
pareils & semblables en biens, c'estoit lors qu'il deuoit faire teste à l'auarice,
pour destourner les inconueniens qui en sont depuis aduenus, lesquelz n'ont
pas esté petits: car ce a esté la source, le commencement, & la racine de la plus
part des plus grands & plus pernicioeux maux qui depuis sont aduenus. Mais
quant au departement des biens, ny Lycurgus ne doit estre blasmé pour l'a-
uoir fait, ny Numa pour ne l'auoir pas fait: car ceste egalité fut à l'un la base &
le fondement de la police, qu'il institua puis apres: & à l'autre, nō: pource que I
aiant ce departement esté fait, non gueres auant du temps de son predeces-
seur, il n'estoit pas grand besoing de remuer ce premier partage, qui, comme
il est uray semblable, estoit encore pour la plus part en son entier. Quant aux
mariages & à la communaulté des enfans, l'un & l'autre a sagement uoulu
oster toute occasion de ialousie: mais ilz n'ont pas du tout suiuy mesmes che-
mins. Car le mary Romain, aiant ia assez d'enfans à son gré, si un autre qui en
desirast auoir, le uenoit prier de luy bailler sa femme, il la luy pouuoit ceder:
& estoit en luy de la donner du tout, ou de la prester, pour la reprendre puis
apres. Mais le Laconien retenant sa femme en sa maison, & demourant le ma-
riage en son entier, pouuoit prester sa femme à qui la luy demâdoit, pour en a- K
uoir enfans: & qui plus est, plusieurs, ainsi que nous auons dit ailleurs, prioiet
eulx mesmes les hommes, desquelz ilz esperoient auoir race de beaux & bons
enfans, & les mettoient eulx mesmes avec leurs femmes. Quelle difference
donques y auoit il entre ces deux coustumes, sinon que celle des Laconiens
monstroit, que les marys ne sentoient aucun ennuy ny passion quelconque
pour leurs femmes, es choses qui tant trauaillent & tourmentent de douleur
& de ialousie la plus part des autres hommes: & celle des Romains estoit une
simplicité

A simplicité un peu plus honteuse, qui pour se couvrir tiroit dessus elle le voile de mariage, & la stipulation des espousaillés, confessant que ceste communauté d'auoir femme & enfans à moitié avec un autre, luy estoit chose insupportable. D'auantage la garde des filles à marier par les ordonnances de Numa estoit plus estroite & mieulx seante à l'honneur du sexe: & celle de Lycurgus estant par trop libre & trop franche, a donné aux poëtes occasion de parler, & de leur donner des surnoms qui ne sont pas gueres honnestes, comme Ibycus les appelle Phænomeridas, c'est à dire monstrans la cuisse, & Andromanes, c'est, enrageans d'auoir le malle: & Euripides dit aussi d'elles,

Filles qui hors leurs maisons paternelles

S'ortent, aians des garçons avec elles,

Monstrans à nud les cuisses descouuertes,

Aux deux costez de leurs cottes ouuertes.

Aussi à la uerité, les flancs de leurs cottes n'estoient point cousuz par embas, de sorte qu'en marchant elles monstroient à nud la cuisse descouuerte, ce que Sophocles donne bien clairement à entendre par ces uers:

Vous chanterez la robuste pucelle

Hermione, la cote de laquelle

Sans rien cacher à l'entour de la cuisse,

Qui sort dehors toute nue, se plisse.

C Pourtant dit on, qu'elles estoient audacieuses, uiriles, & magnanimes contre leurs marys mesmes les premiers: car elles estoient entierement maistresses en leurs maisons; & en public encore auoient elles loy de dire franchement leur aduis touchant les principaux affaires. Mais Numa garda bien aux femmes l'honneur, & la dignité qu'elles auoient eue au temps de Romulus, lors que les marys s'estudioient de leur faire tout le plus gracieux traitement qu'ilz pouuoient apres les auoir rauies: mais au demourant, il y adiouxta une honnêteté grande, leur osta toute curiosité, leur enseigna sobriété, & les accoustuma à peu parler: car il leur defendit entierement le uin, & leur interdit de parler, encore que ce fust pour chose nécessaire, sinon en la presence de leurs marys: de sorte que lon compte, qu'estant un iour adueni, qu'une femme plaida elle mesme en personne sa cause en pleine audience deuant les iuges, le Senat qui en fut aduerty, enuoia incontinent deuers l'oracle d'Apollo, pour enquerir que cela pronostiquoit deuoir aduenir à la uille. Et au reste, pour montrer leur grande humilité, douceur & obeissance, on peult alleguer ce que lon treuve escrit, de celles ou il y a eu à redire: car tout ainsi cōme noz historiens Grecs cōtent ceulx qui premiers ont occis de leurs citoiens, ou qui ont fait la guerre à leurs freres, ou qui ont tué leurs peres ou meres: Aussi les Romains cōtēt, que le premier qui repudia sa femme fut Spurius Caruilius deux cents trēte ans apres la premiere fondation de Rome, ce qui parauant n'auoit iamais esté fait, & que la femme d'un Pinarius nommee Thalæa, fut la premiere qui eut noise & debat avec sa belle mere qui auoit nom Gegania, du temps que regnoit le Roy Tarquin surnommé le Superbe: tant auoient esté bien & honestement ordonnez les statuts de mariage par Numa. Aufurplus l'aage & le temps de marier les filles, que l'un & l'autre ordonna, s'accorde avec le reste de leur nourriture: car Lycurgus ne uolut point qu'on les mariait, qu'elles ne fussent toutes faittes & toutes meures, à fin que la compagnie de l'homme leur estant baillee au temps que la nature le demandoit, leur

Numa Pompilius.

fust cōmencement de plaisir & d'amour, nō pas de crainte ne de haine, quand elle feroit auancee par force auant le temps prefix par la nature : & à fin aussi que leur corps en fussent plus robustes pour porter leurs enfans , & soustenir les trauaulx & douleurs de l'enfantement, attēdu que lon ne les marie à autre intention que pour porter des enfans : mais les Romains au contraire les marient à douze ans, & encore plus ieunes, disans que par ce moien, le corps & les meurs sont entierement à ceulx qui les espousent, sans qu'autre y puisse auoir aucunement touché. Par ainsi est il euidēt, que l'un est plus naturel pour les rendre fortes à porter enfans, & l'autre plus moral pour leur donner le ply des conditions que lon ueult qu'ilz retienent tout le temps de leur uie. Au demourant, quant à ordonner de la nourriture des enfans, qu'ilz fussent eleuez, instruičts, & enseignez sous mesmes maistres & gouuerneurs, qui eussent l'œil à les faire boire, manger, iouer, & exerciter honestemēt & reglemēt ensemble, Numa n'y prouueut, non plus que le moindre autheur de loix qui fut onques, mesmement à cōparaizon de Lycurgus: car il laissa à la discretion des peres selon leur auarice, ou leur besoing, la liberté de faire nourrir & eleuer leurs enfans ainsi que bon leur sembloit, soit qu'ilz en uoulussent faire des laboureurs, ou des charpentiers, ou des fondeurs, ou des menestriers: comme si lon ne deuoit pas former les meurs des enfans, & les duire & adresser des & depuis leur naissance à une mesme fin, & que si c'estoient ne plus ne moins que des passagers en une mesme nauire, lesquelz y estans l'un pour un affaire, l'autre pour un autre, & tous à diuerses intentions, ne communiquent iamais ensemble, sinon en tourmente, pour la crainte qu'ilz ont de leur propre & particulier peril, car autrement chascun d'eulx ne pense que pour soy mesme. Et encore est il pardonnable aux autres establisseurs de loix filz ont omis quelque chose, ou par ignorance, ou quelquefois pour n'auoir pas assez d'autorité & de puissance: mais un sage philosophe aiant receu le royaume d'un peuple nouuellement amassé, qui ne luy contredisoit en rien, à quoy deuoit il plus tost employer son estude, qu'à faire bien nourrir les enfans, & à faire exerciter les ieunes gens, à celle fin qu'ilz ne fussent differents de meurs, ny turbulens pour la diuersité de leur nourriture, ains fussent tous accordans ensemble pour auoir esté des leur enfance acheminez à une mesme trace, & moulez sur une mesme forme de la uertu? Cela oultre les autres utilitez, seruit encore à maintenir les loix de Lycurgus: car la crainte du sermēt qu'ilz auoient iuré eust eu bien peu d'efficace, si par l'institution & la nourriture il n'eust, par maniere de dire, taint en laine les meurs des enfās, & ne leur eust avec le lait de leurs nourrices presque fait succer l'amour de ses loix, & de sa police: ce qui a tant eu de force que l'espace de plus de cinq cents ans durant, ses principales institutions & ordonnāces sont demourees en leur entier, comme une bonne & forte tainture, qui auroit attainit iusques au fond, & trencé tout oultre: & au contraire, ce qui estoit le but & la fin principale ou tendoit Numa, de maintenir la uille de Rome en paix & amitiē, faillit incōtinent avec luy: car il ne fut pas plus tost mort, qu'ilz ouurirent toutes les deux portes du temple de Ianus, qu'il auoit de son temps si soigneusement tenues fermees, comme si à la uerité il y eust tenu la guerre enserree, & emplirent toute l'Italie de meurtre & de sang, & ne dura rien ce tant beau, tant saint, & tant iuste gouuernemēt, auquel son royaume auoit esté de son temps, pour autāt qu'il n'auoit pas le liē de la nourriture & de la discipline des enfans qui le maintient. Commēt, me pourra icy dire quelcun, Rome n'a elle pas tousiours esté en auant, & profité

A de bien en mieulx au faict des armes: cela est une demâde qui auroit besoing de longue responce, mesmemēt à gens qui mesurent le deuât & le mieulx aux richesses, aux delices, & à la grandeur de puissance & d'empire, plus tost qu'au bien & salut publique, à la clemence & à la iustice coniointe avec contentement. Toutefois comment que ce soit, cela fait encore pour Lycurgus, que les Romains soient ainsi deuenus grands & puissans pour auoir laissé la maniere de uiure que Numa leur auoit monstree: & au contraire, que les Lacedemoniens, si tost qu'ilz commencerēt à transgresser les statuts de Lycurgus, de tresgrâds qu'ilz estoiet se trouuerent incontînēt trespets, tellement qu'aians perdu la principaulté & superiorité de la Grece, ilz tomberent encore en danger d'estre de tout point exterminiez. Mais aussi à la uerité est-ce une chose sans point de doubte excellēte & diuine à Numa, que luy estat estranger on le soit allé chercher pour le faire Roy, & qu'il ait peu ainsi changer tout, & manier à son plaisir une uille qui n'estoit point encore bien unie, sans auoir eu besoing d'armes ny de force quelconque, comme eut Lycurgus, qui pour uenir audeffus de la commune, se fortifia des plus gros de la uille, ains que par sa sagesse seule & par sa iustice, non autrement, il les ait peu contenir en paix, & faire uiure amiablement ensemble.

Solon.



D E grammairien Didymus en un petit traitté qu'il a escript & dedié à Asclepiades, touchant les tables des loix de Solon, allegue les paroles d'un Amphicles, esquelles il dit contre l'opinion commune de ceulx qui en font mention, que le pere de Solon s'appelloit Euphorion: car tous les autres escriuent conformement qu'il estoit filz d'Excestides, homme qui auoit dequoy moienement, mais au demourant estoit des plus nobles & plus anciennes maisons de la uille d'Athenes: car du costé de son pere il estoit descendu du roy Codrus: & quant à sa mere, Heraclides le Pōtique escript, qu'elle estoit cousine germaine de la mere de Pisistratus. Au moien dequoy y eut du commencement amitié grande entre eulx, partie à cause de leur parenté, & partie aussi à cause de la gentillesse & beauté de Pisistratus, duquel on dit que Solon fut un temps amoureux: d'ou uint que depuis estans tumbés en different l'un contre l'autre, pour raison du gouuernemēt de la chose publique, leur debat ne produisit aucun trop aigre ny trop uiolent accident, ains demourerent tousiours en leur esprits les deuoirs & obligations reciproques du passé qui conseruerēt la memoire de leur amour, ne plus ne moins que d'un bien grand feu la flamme encor ardente. Car que Solon n'ait pas esté trop ferme pour resister à la beauté, ny assez uailant champion pour combattre l'amour, on le peult euidemment cognoistre tant par autres escripts poetiques qu'il a faits, que par un sien statut, auquel il defend que le serf ne se parfume ny ne soit amoureux des enfans, comme mettant cela au reng des choses honestes & louables exercices, & conuiant, par maniere de dire, les personnes dignes à ce, dont il forcloist les indignes. Aussi dit on que Pisistratus mesmes fut amoureux de Charmus, & que ce fut

luy qui dedia la petite image d'amour qui est au parc de l'Academie, au lieu F
ou ceulx qui courent avec le flabeau sacré ont accoustumé de l'allumer. Mais
aiant le pere de Solon, ainsi que dit Hermippus, diminué ses biens à donner
& faire actes semblables de liberalité: luy, encore qu'il peust facilement trou-
uer qui luy fournist argēt à ses neccessitez, eut honte d'en accepter, pource qu'il
estoit de maison, qui auoit plus tost accoustumé d'en dōner & d'en aider aux
autres, que d'en prendre: si fut contraint, estant encore ieune, de se mettre à la
marchādise. Toutefois les autres disent que ce fut plus tost pour ueoir & pour
apprendre que pour traffiquer ne gagner, que Solon alla par le monde: car
à la uerité il estoit desireux de sçauoir, cōme lon peut cognoistre, par ce qu'e-
stant ia sur son aage il disoit ordinairement ce uer,

Le deuies uieil en apprenant tousiours.

Et si n'estoit point auaricieux ny trop aimant la richesse, car il dit en un lieu,

P lus riche n'est celuy qui a cheuance

D' or & d'argent en extreme abondance,

N ombre infiny de troupeaux assemblez,

C heuaux, mulets, force terres à bledz,

Q ue cil qui a de quoy tant seulement,

V estir son corps, & nourrir mollement:

M ais si de plus la iouissance il a

D e quelque fille ou femme, oultre cela,

D ont la ieunesse à beaulté soit unie,

A donques est parfaite l'armonie.

Et en un autre passage il dit aussi,

V ray est, qu'auoir ie desire des biens,

M ais non qui soient sinon à bon droit miens:

C ar à la fin qui en a autrement,

I ustice en fait uengeance seurement.

Aussi n'y a il rien qui defende, que commel'homme de bien & d'honneur, ne
doibt point se trauailler pour acquerir plus de biens qu'il ne luy en fault, il ne
puisse & ne doieue s'esuertuer d'en auoir à suffisance autant comme il en a de I
besoing. Or n'y auoit il en ce temps la, estat quelcōque qui fust reprochable,
comme dit Hesiodus, ny art ou mestier qui meist differēce entre les hommes:
ains qui plus est, la marchandise estoit tenue pour chose honorable, comme
celle qui donnoit le moien de hanter & traffiquer avec les nations estranges
& barbares, de gagner l'amitié des princes, & d'acquerir experience de plu-
sieurs choses. Tellement qu'il y a eu des marchāds, qui autrefois ont esté fon-
dateurs de grosses uilles, comme fut celuy qui premieremēt fonda Marseille,
aiant acquis l'amitié des Gaulois, habitans le long de la riuere du Rosne: &
dit on que le sage Thales Milesien, exercea aussi marchandise, aussi feit Hip-
pocrates le mathematicien, & que Platon sousteint la despence du uoyage K
qu'il feit en Ægypte, avec l'argent qu'il gagna sur des huiles qu'il y uendit.
Mais aussi est on bien d'aduis, que Solon apprit à estre excessif en despence, de-
licat en son uiure, & dissolu à parler des uoluptez en ses proēmes, un peu plus
licentieusement qu'il ne conuiēt à un philosophe, pour auoir esté nourry en
cest estat de marchandise, lequel estant subiect à beaucoup de grands hazards
& grands dangers, requiert aussi en recompense faire quelquefois bonne che-
re, & à se traiter delicieusement: & neantmoins encore appert il qu'il se met-
toit

A toît au nombre des pauures, plus tost que des riches, par ces uers :

P lusiẽrs meschans deuient riches gens,
E t plusiẽrs bons demeurent indigens,
M ais toutefois changer nostre bonté,
N ous ne uoudrions à leur meschanceté :
C ar la uertu est ferme & perdurable,
E t la richesse incertaine & muable.

Or quant à la poësie, il n'en usa du commencement, que par maniere de passe-temps, quãd il estoit de loisir, sans escrire en uers chose quelconque d'importance: mais depuis il y composa plusiẽrs graues propos de la philosophie, & y descriuit la plus grande partie de tout ce qu'il auoit fait au gouuernement de la chose publique, non pas en forme d'histoire ou de memoire, ains de discours: car il y rend raison des choses par luy faites, & en quelques endroits admoneste, tẽse, & reprent les Atheniẽs: & si y en a qui ueulent encore dire, qu'il essaia de mettre ses ordonnances & ses loix en uers, & en recitent le commencement, qui estoit tel:

P remierement ie prie à Iupitẽr
R oy de la terre & du ciel, de prester
B onne fortune à mes loix avec gloire
T elle que point n'en meure la memoire.

C Et quant à la philosophie, il aima principalement celle partie de la morale, qui traite du gouuernement des choses publiques, comme aussi ont fait la plus part des sages de ce temps là: mais quant à la philosophie naturelle, il y estoit merueilleusement simple & grossier, comme il appert par ces uers:

L a gresle dure & la neige menue
S' engendre en l'air & tombe de la nue,
E t le tonnerre horrible bruit faisant
V ient de la foudre & de l'esclair luisant :
P ar les forts uents la mer est agitee,
C ar autrement si d'ailleurs irritee
E lle n'estoit il n'y a element,
Q ui fust plus doulx, plus iuste, ny clement.

D Aussi n'y eut il en somme que Thales seul de tous les sept sages de la Grece, dont la sagesse passa, ne chercha plus oultre que la cõtẽplation des choses, qui sont en commun usage des hommes: car excepté celuy là, tous les autres acquerirent renom de sapience, pour estre bien entendus en matiere d'estat & de gouuernement. On dit qu'ilz se trouuerent un iour tous sept ensemble en la uille de Delphes, & une autrefois en celle de Corinthe, là ou Periander les assembla en un festin qu'il feit aux autres six: mais ce qui plus augmẽta leur gloire, & leur donna plus de bruit & de reputation, fut le renuoy qu'ilz feirent du tripié, quand ilz le refuserent tous, & le cederent en tour les uns aux autres par une honneste humilité. Car aians, comme lon dit, quelque pescheurs de l'isle de Coieté leur filé en mer, il y eut quelques estrangers passans de la uille de Milet, qui achepterent le traict du filé auant qu'il fust tiré: mais quand on uint à le tirer, il se trouua dedans un tripié d'or massif, lequel on dit que Helene, en s'en retournant de Troie, auoit ietté en cest endroit pour la souuenance d'un ancien oracle, qui luy uint lors en memoire. Si y eut debat pour ce tripié premierement entre les pescheurs & les estrangers, à qui l'auroit: mais puis

apres les uilles mesmes prirent la querelle pour leurs gens respectiuellement, la
 quelle eust procedé iusques à guerre ouuerte, n'eust esté q̄ la prophetisse Py-
 thia leur rēdit un mesme oracle à toutes les deux, Qu'elles dōnassent ce tripié
 au plus sage. Si fut premieremēt enuoié à Thales en la uille de Milet, cedans
 uoluntairement ceulx de Co à un particulier ce, pourquoy ilz auoiēt guerre
 cōtre tous les Milesiēs ensemble. Thales declara qu'il estimoit Bias plus sage
 que luy, & luy fut enuoié: celuy la derechef le réuoia à un autre, cōme plus sa-
 ge: & l'autre encore à un autre: de sorte, qu'aiāt ainsi tournoié & passé en tour
 par les mains de tous, il retourna à la fin, pour la seconde fois, entre les mains
 de Thales en la cité de Milet, & finablement fut porté à Thebes & dedié au té-
 ple d'Apollo surnommé Ismenien: toutefois Theophrastus escrit qu'il fut
 premierement enuoié en la uille de Priene à Bias, & puis à Thales en la uille
 de Milet, par la cession de Bias: & qu'estant ainsi passé par les mains de tous,
 il retourna encore à la fin entre les mains de Bias, & que finablement il fut en-
 uoié en la uille de Delphes. Voila comment l'escrit la plus part des anciens
 auteurs, sinon que les uns disent, que ce fut au lieu d'un tripié, une coupe
 que le Roy Crœsus enuoioit en la uille de Delphes: les autres disent q̄ c'estoit
 un uase que Bathycles y laissa: & escriuent encore une autre particuliere en-
 treueue d'Anacharsis & de Solon, & une autre avec Thales, ou ilz comptent
 qu'ilz eurent telz propos: Anacharsis estat arriué à Athenes alla battre à la por-
 te de Solon, disant qu'il estoit estranger, qui uenoit expressement pour pren-
 dre cognoissance & amitié avec luy. Solon luy respōdit, qu'il ualloit mieulx
 acquérir des amitez en son pais: & Anacharsis luy repliqua, Toy dōques qui
 es maintenant en ton pais & en ta maison, commence à faire amitié avec moy.
 Et lors Solon se baissant de la uiuacité & promptitude de son entendement,
 luy fait fort bon recueil, & le teint quelque temps avec luy en sa maison, luy
 faisant bonne chere, au temps mesme qu'il s'entremettoit plus auant du ma-
 niement de la chose publique, & qu'il composoit ses loix. Ce qu'entendant
 Anacharsis, se moqua de son entreprise, à cause qu'il pensoit avec des loix e-
 scrites refraindre & contenir l'auarice & l'iniustice des hōmes: Car telles loix,
 disoit il, ressemblent proprement aux toiles des aragnees, pource qu'elles ar-
 resteront bien les petits & les foibles qui donneront dedans, mais les riches &
 puissans passerōt à trauers, & les rompront. Solon luy respondit, Que les hō-
 mes gardent bien les contraux & pactions qu'ilz font les uns avec les autres,
 pource qu'il n'est expediēt ny à l'une ny à l'autre des parties de les trāsgresser:
 & que semblablement aussi il téperoit ses loix, de sorte qu'il faisoit cognoistre
 à ses citoiēs qu'il leur estoit plus utile d'obeir aux loix & à la iustice, que de les
 uioler. Ce nonobstant les choses sont depuis à l'espreuue aduenues plus tost
 selon la comparaisōn qu'Anacharsis en donna, que selon l'esperance que So-
 lon en conceut. Mais Anacharsis festāt aussi trouué un iour en une publique
 assemblee de peuple à Athenes, dit qu'il s'esmerueilloit qu'es consultations &
 deliberatiōs des Grecs, les sages proposent les matieres, & les folz les decidēt.
 Ilz disent aussi que Solō fut quelque fois en la uille de Milet au logis de Tha-
 les, ou il dit qu'il s'esmerueilloit de ce que Thales n'auoit iamais uolu pren-
 dre femme pour auoir des enfās: Thales ne luy respōdit rien sur l'heure, mais
 quelque iours apres, il attiltra un estranger, qui disoit uenir tout freschement
 d'Athenes, dont il estoit party dix iours seulement auparauant. Solon luy de-
 manda incontinent s'il y auoit rien de nouveau, & l'estranger que Thales

A auoit embouché, respondit, non autre chose, si n' que lon portoit en terre un ieune homme que toute la uille accompaignoit à son enterrement, pource qu'il estoit filz de l'un des plus gros personnages & des plus hommes de bien de la uille, qui n'estoit pas pour lors au pais: ains y auoit ia long tēps, à ce que lon disoit, qu'il en estoit hors. O pauvre pere malheureux, dit adōc Solon: & comment l'appelloit on? Je l'ay bien ouy nommer, dit l'estranger, mais il ne m'en souuient pas, sinon que tout le monde disoit, que c'estoit un personnage de grande sagesse & de grande preudhōmie. Ainsi Solon entrāt tousiours de plus grande en plus grande frayeur à chasque responce de cest homme, finalement ne se peut tenir, qu'estant ia tout pertroublé, il ne dist luy mesme son nom à l'estranger, & qu'il ne luy demādaſt, si c'estoit point le filz de Solō qui fust trespasſé. Ouy, respōdit l'estranger. Adonc Solō se prit incontinent à frapper sa teste, & à faire & dire tout ce qu'ont accoustumé ceulx qui sont oultrez de douleur, & qui portent impatiemmēt leur afflictio. Mais Thales adōc en riant le reteint, & luy dit, Voila la cause qui m'a gardé de me marier, Solō, & d'engendrer des enfans, laquelle est si uiolente, qu'elle t'a incontinent renuerſé, encore que tu sois au demourant bien roide & bien fort à la lucte: toutesfois quāt à ce que cestuy cy t'a dit, ne t'en dōne point d'es moy, car il n'est pas ueritable. Hermippus escrit q̄ Pataecus, celuy qui disoit auoir l'ame d'Æſope, le recite ainsi. Ce neantmoins, c'est faulte de bon sens & de bon cueur à un hōme, de n' ozer acquerir les choses qui sont necessaires pour crainte de les perdre, pour ce qu'à ce cōpte il n'auroit cher ny l'hōneur, ny les biens, ny la sciēce, quād il les possederait, de peur d'en estre priué: car nous uoiōs que la uertu mesme, qui est la plus grande & la plus douce richesse que l'homme ſcauroit acquerir, se perd biē quelquefois par maladie, ou par quelques medicines ou breuuages: & qui plus est, Thales luy mesme pour n'auoir point esté marié ne fut pas exempt de celle peur, si l ne uouloit confesser qu'il ne portoit affection quelconque à ses amis, à ses parents, & à son pais: mais au contraire, il eut un filz adoptif, & adopta un sien nepueu nōmé Cybistus filz de sa sœur. Car nostre ame aiant en soy une faculté naturellemēt amoureuse, & qui est nee pour aimer, ne plus ne moins qu'elle en a d'autres pour sentir, entēdre, & retenir, il se coule quelquefois & s'attache à celle partie affectueuse & charitable des obiects qui ne luy sont point propres, & qui ne luy appartiennēt en rien: ne plus ne moins que si c'estoit une maison, ou un heritage destitué de legitimes heritiers, que des estrangers ou des bastards par flateries trouuassent moien d'occuper & de se mettre dedans: lesquelz font de sorte, que l'ame s'estant adonnee à les aimer, en a quand & quand soing, & craint de les perdre. Tellement que uous uerrez aucunesfois des hommes rebours de nature, qui reietterāt au loing ceulx qui leur parlent de marier & engendrer enfans legitimes: & puis apres meurent de peur & de regret, quād ilz uoient les enfans qu'ilz ont euz de leurs esclauues ou de leurs cōcubines tūber malades ou mourir, & se laissent eschapper des paroles indignes d'hommes de cueur: & si y en a aucuns qui pour la mort de quelques chiens ou de quelques cheuaux se desconfortent si laschement & si miserablement, qu'ilz en sont presque au mourir. Mais au contraire aussi y en a il d'autres, qui pour auoir perdu leurs enfans, gens de bien & d'honneur, n'ont fait ne dit rien de lasche ny de laid, ains se sont portez tout le reste de leur uie en hommes sages, constans & uertueux: car c'est imbecillité & non pas charité qui cause ces douleurs infinies, & ces craintes des-

mesurees à personnes non exercitees, ny accoustumees à combatre avec la F
raison à l'encôtre de la fortune, ce qui est cause qu'ilz ne iouissent pas du plaisir de ce qu'ilz aiment ou qu'ilz desirét, lors mesme qu'il leur est present, pour les cōtinuelles frayeurs, destresses & terreurs qu'ilz feuffrent en pensant qu'ilz en seront un iour priuez à l'aduenir. Or ne fault il pàs s'armer & faire pauois de pauureté à l'encôtre de la douleur de priuation de biens, ny de faulte d'affection à l'encontre du peril de perdre ses amis, ny de fuite de mariage à l'encontre de mort d'enfans, ains se fault prouueoir de la raison contre tous accidents. Mais à tant auôs nous assez & plus qu'assez discouru sur ce propos pour le present. Aians donc les Atheniens soustenu une longue & fascheuse guerre à l'encontre des Megariens, touchant la possession de l'isle de Salamine, à G
la fin ilz s'en lasserent, & feirent un edict, par lequel ilz defendirent qu'il n'y eust plus hōme si ozé ne si hardy de mettre en auant au conseil de la uille, qu'il fallust quereller d'auantage laditte possession, & ce sur peine de la mort. Solon ne pouuant supporter une telle honte, & uoiant que les ieunes gens pour la plus part ne demandoient autre chose que l'ouuerture de la guerre, mais qu'ilz n'osoient ouurir la bouche pour en parler à cause de l'edict, il feit semblant d'estre sorty hors de son sens, & feit courir par la uille un bruit qu'il estoit deuenu fol, & aiant secrettement composé quelque uers elegiaques, les apprit par cueur pour les pronocer en public. Si se ietta un iour soudainemēt hors de sa maison, aiant un chapeau sur sa teste, & s'en courut sur la place, là H
ou il s'assembla incontinent grand nombre de peuple autour de luy, & montant dessus la pierre dōt on a accoustumé de faire les crys & les proclamatiōs publiques, commēça à prononcer en chātant l'Elegie qui se cōmence ainsi,

D e Salamine agreable seiour,

H erault ie uiens, pour uous prescher ce iour,

M ais point en prose à uous ne parleray,

A ins en beaux uers que ie uous chanteray.

Ceste Elegie est intitulee Salamine, & contient cent uers, qui sont fort beaux & bien faits: lesquelz aians lors esté publiquement prononcez par Solon, ses amis incontinent se prirent à les haultlouer, mesmement Pisistratus, & allerent enhortant & suscitant le peuple assistant de croire à ce qu'il auoit dit: si feirent de sorte que sur l'heure mesme, l'edict fut reuouqué, & recommencerēt à poursuiure ceste guerre plus chaudement que deuant, en donnant la conduite & superintendence à Solon. Or ce qu'on en compte plus uulgairement & plus communement est, qu'il s'en alla par mer avec Pisistratus au temple de Venus surnommee Coliade, là ou il trouua toutes les femmes, qui faisoient une feste solennelle, & un sacrifice ordinaire à la Decesse, & qu'ayant trouué ceste occasion, il enuoya un homme, duquel il se fioit, deuers les Megariens, qui pour lors renoient Salamine, l'ayant instruit de faire semblant d'estre traistre, K
expressement uenu pour leur donner aduertissement, que s'ilz uouloient surprendre toutes les principales Dames d'Athenes, il ne falloit autre chose, sinon qu'ilz uinsent seulement quand & luy. Les Megariens le creurent facilement, & feirent incontinent embarquer quelque nombre de leurs gens pour y aller: mais soudain que Solon apperceut, que le uaisseau partoit de Salamine, il commanda aux femmes qu'elles se retirassent, & au lieu d'elles y meit de ieunes hommes, qui n'auoient point encore de barbe, lesquelz il feit accoustrer de coeffeures, habillemens, & chausseures de femmes, avec des courtes dagues

A dagues cachees deffoubz leurs uestemens, & leur ordonna qu'ilz se iouassent & ballassent ensemble au long de la mer, iusques à ce que les ennemis fussent descendus en terre, & leur uaisseau saisy. ce qui fut fait: car les Megariens abusez, par ce qu'ilz uoient de loing, si tost qu'ilz furent abordez se ietterent incontinent à terre en foule, cuidans aller prendre des femmes, & n'en eschappa pas un qu'ilz ne fussent tous tuez sur la place. Cela fait, les Atheniens monterét aussi tost en mer, & s'en allerét en l'isle de Salamine, laquelle ilz surprirét & s'en saisirent sans difficulté. Les autres disent que la surprise ne fut pas ainsi faite, mais que Apollo Delphique luy donna premierement un tel oracle:

Tu te rendras par uœus & sacrifices,

B Premierement les demidieux propices

Patrons du lieu, dont les os sont deuers

Soleil couchant en Asope couuerts.

Suyuant lequel oracle Solon une nuit passa en Salamine, & sacrifia à Périphemus & à Cichris demidieux du pais. Quoy fait les Atheniens luy baillerét cinquante hommes, qui s'offrirent uoluntairement, & feirét un decret, par lequel ilz ordonnerent que filz prenoient l'isle de Salamine, ilz feroient les premiers au gouuernemēt de la chose publique. Solon s'embarqua avec ses gēs dessus plusieurs batteaux de pescheurs, avec une galiotte à trente rames qui le suiuoit derriere, & alla poser les ancras assez pres de la uille de Salamine, au deffoubz d'une pointe qui regarde deuers l'isle de Negropōt. Les Megariens qui estoient dedans Salamine, en aiant senty ne sçay comment quelque uent, sans toutefois en sçauoir autrement rien de certain, coururent incontinent en desordre & en tumulte aux armes, & enuoyerent un de leurs uaisseaux pour descouurir que c'estoit, lequel s'estant approché trop pres, fut pris par Solon, qui fait saisir & lier les Megariens de dedans, au lieu desquelz il fait embarquer dessus leur uaisseau les meilleurs hommes Atheniens qu'il eust en sa troupe, leur enioignant qu'ilz cinglassent droit uers la uille, en se tenant eulx le plus cachez & couuerts qu'ilz pourroiet: & au mesme instant prenāt avec luy le demourant de ses gēs, il descendit en terre, & alla rencontrer les Megariens qui estoient

D sortis aux champs: & pendant qu'ilz combattoient, ceulx qu'il auoit enuoyez dedans la nauire arriuerent, & se saisirent de la uille. Et que ce propos soit ueritable, ce que lon en represente encore aujourdhuy le tesmoigne: car il y a un uaisseau Athenien qui arriue tout coy du commencement, puis tout à coup ceulx qui sont dedans font un grand bruit, & y en a un armé qui se iettāt hors du uaisseau, s'en court en criant uers l'escueil, qui s'appelle Sciradion, à uenir du costé de la terre, & y a là aupres le tēple de Mars, que Solon y fonda apres y auoir desfait en bataille les Megariens, dont il renuoya sans paier rençon les prisonniers qui ne furēt occis en l'ardeur du cōbat. Ce nonobstant les Megariens s'opiniastrerent à uouloir encore recouurer Salamine, iusques à ce que apres auoir fait & souffert beaucoup de maulx, finablement ilz feirent les Lacedæmoniens iuges & arbitres de leur different: auquel iugement la commune opiniō est que l'autorité d'Homere seruit à Solon, pource qu'il adiouxta à la liste des nauires, qui sont nombrees en l'Iliade d'Homere, ces uers, lesquels il prononça deuant les iuges, comme aians ueritablement ainsi esté escripts par Homere:

Douze uaisseaux le preux Ajax menoit,

De Salamine, & rengez les tenoit

Solon.

A u quartier mesme auquel les capitaines

A uoient logé les cohortes d'Athenes.

Toutefois les Atheniens mesmes estiment que cela soit un compte fait à plaisir, & disent que Solon fait apparoir aux iuges, que Philæus & Euryfaces, tous deux enfans d'Aiax, furent faicts bourgeois d'Athenes. Au moien dequoy ilz donnerent l'isle de Salamine aux Atheniens, & uindrent habiter l'un au lieu qui s'appelle Brauron, au pais de l'Attique, & l'autre au bourg de Melite: en tesmoignage dequoy ilz disent, qu'encore y a il un Canton de l'Attique, qui s'appelle le Canton des Philæides du nom de ce Philæus, dont estoit natif Pisistratus. Et disent d'auantage que Solon uoulant encore plus amplement couaincre les Megariens, allegua que ceulx de Salamine n'enterroient pas leurs morts comme faisoient les Megariés, ains comme les Atheniens: car à Megare on les enterre la face tournée uers le soleil leuant, & à Athenes uers le soleil couchant: toutefois Hereas Megarien insistant à l'encontre dit, que ceulx de Megare les enterroient aussi la face tournée uers le soleil couchant, & allegua encore de plus, qu'à Athenes chascun mort auoit son cercueil à part, & qu'à Megare ilz en mettoient trois ou quatre ensemble. Mais on dit qu'il y eut encore des oracles d'Apollon Pythique qui aiderent à Solon, par lesquelz le Dieu appelloit Salamine Ionie. Ce different fut décidé par cinq arbitres natifs de la uille mesme de Sparte, Critolaidas, Amompharetus, Hypsechidas, Anaxilas & Cleomenes. Or auoit ia Solon acquis grande gloire & grande reputatiō par cest exploit, mais encore fut il beaucoup plus estimé & plus renommé pour la harangue qu'il fit à la defense du temple d'Apollon en la uille de Delphes, remontrant qu'il ne falloit pas endurer, que les Cyrrheiens abusassent à leur uolunté du santuaire de l'oracle, & qu'il falloit porter secours aux Delphiés en l'honneur & reuerence d'Apollon: car le conseil des Amphictyōs emeu par ses remonstrances & raisons, decerna la guerre contre les Cyrrheiens, comme plusieurs autres tesmoignent, & mesmement Aristote au liure qu'il a escript de ceulx qui ont gagné le pris es ieuX Pythiques, là ou il attribue l'honneur de ceste sentence à Solon: toutefois il ne fut pas eleu capitaine pour conduire ceste guerre, comme Hermippus dit que Euanthes Samien l'auoit escript: car Æschines l'orateur ne le met point, & sur les registres des Delphiens on trouue que ce fut un Alcmaon, & non pas Solon, qui fut capitaine des Atheniés seulement. Or y auoit il ia long téps, que le crime Cylonié tenoit la uille d'Athenes en grand trauail & en grande peine, depuis l'annee que Megacles estat Preuost à Athenes, fait tant par belles paroles enuers les complices de la coniuration de Cylon, qui s'estoient iettez en la franchise de la deesse Minerue, qu'il leur persuada d'ester à droit, & se presenter en iugement, en tenant par un bout un filet, qu'ilz attacheroient à la base, sur laquelle estoit posee l'image de la Deesse, à fin qu'ilz ne perdissent point leur franchise: mais quand ilz furent à l'endroit des uenerables deesses, qu'ilz appellent, qui sont les images des Furies, en descendant pour s'aller presenter en iugement, le filet se rompit de luy mesme, & adonc Megacles & les autres officiers ses compaignons, les faisirēt incontinent au corps, disans que c'estoit signe manifeste, que la deesse Minerue leur refusoit sa sauuegarde. Si furēt ceulx que lon peut saisir au corps, lapidez sur l'heure hors de la uille, & les autres qui s'en recoururēt aux autelz, y furent aussi tuez, & ne s'en sauua que ceulx qui eurent moien de faire interceder pour eulx les femmes des gouuerneurs de la uille, lesquelz depuis ce temps la furent

A furent fort mal uouluz du peuple, & cōmunement appelez les excōmuniez. Oultre cela, les descēdāns de ceulx qui auoient esté de ceste conspiration Cy-lonienne retournerēt en credit, & estāns deuenus puissāns, ne cesserent onques depuis d'auoir de grosses querelles à l'encontre des descēdāns de Megacles: & aduint q̄ leurs partialitez se trouuerēt en leur plus grāde force du tēps de Solō, lequel aiant autorité, & uoiant que tout le peuple estoit diuisé en ces deux parts, se meit entredoux avec les principaux personnages d'Athenes, & fait tāt par ses remōstrāces & prieres enuers ceulx que lon appelloit les excōmuniez, qu'ilz furent contents de se soubmettre à iugement, si furent eleuz iuges pour cognoistre du cas, trois cents hommes des plus gens de bien de la uille, & fut

B l'accusateur Myron Phlyasien. La cause fut plaidee, & par sentence des iuges les excommuniez cōdemnez: dont les uiuans s'en allerent en exil, & les os des trespassez furent deterrez & iettez hors des limites du territoire d'Athenes. Mais cependant les Megariens userent sagemēt de l'occasion de ces troubles, & assaillās les Atheniēs, leur osterent le port de Nisēe, & recouurerēt de leurs mains l'isle de Salamine. D'auātage toute la uille se trouua esprise d'une superstiteuse crainte, pource q̄ lon disoit qu'il y reuenoit des esprits, & y apparoissoit des fantasmes. Les deuins mēsmes alloiēt disans, que par leurs sacrifices ilz apperceuoient que la uille estoit contaminee de quelques cas abominables, qui auoient necessairement affaire de purgation. A ceste cause fut en-

C uoié querir iusques en Cādie Epimenides le Phæstien, que lon cōpte le septieme des sages, au moins ceulx qui ne ueulent pas receuoir Periāder en ce nombre. C'estoit un saint homme religieux & sçauāt es choses celestes par inspiration & reuelation diuine: à raison dequoy les hommes de son temps l'appelloient le nouveau Curete, c'est à dire prophete, & tenoit on qu'il estoit filz d'une nymphe nommee Balte, estant donques uenu à Athenes, & y aiant cōtracté amitié avec Solon, il luy aida beaucoup, & luy prepara le chemin à establir ses loix: car il accoustuma les Atheniens à faire leurs sacrifices plus legers & de moins de despence, & les rendit en leur dōeil plus supportables, en retrenchant certaines austeritez & cerimonies barbaresques, que la plus part

D des femmes obseruoit en portant le dōeil, en ordonnant certains sacrifices qu'il uouloit que lon feist incontinent apres les obseques d'un trespasé. Mais qui est encore plus que tout cela en accoustumāt la uille à sainteté & à deuotions par continuelz sacrifices de propitiation, par prieres aux Dieux, purgations, offrandes, & fondations, il rendit petit à petit les cueurs des hōmes plus soupplēs pour obeir à iustice, & plus idoines & traittables pour conduire à union & cōcorde. Lon compte aussi qu'ayant ueu le port de Munychia, apres l'auoir longuemēt considéré, il dit à ceulx qui estoient autour de luy, que l'hōme estoit bien aueuglé es choses de l'aduenir: car si les Atheniens, dit il, sçauoient combien de mal ce port icy leur doit amener, ilz le mangeroient, par

E maniere de dire, avec leurs propres dents. Lon dit aussi que Thales semblablement predict une pareille chose, & qu'il ordonna, que quand il seroit decedé lon enterrast son corps en un meschant lieu, dont on ne faisoit compte dedās le territoire des Milesiens, disant que ce seroit un iour la place de la uille. Epimenides donques estant pour ces causes en grande reputation enuers un chascun, les Atheniens luy feirent de grands hōneurs, & luy offrirēt de beaux presens avec bonne somme d'argent, dont il ne uolut rien prendre, & demanda seulement qu'on luy donnast un rameau de la sainte oliue, ce qui luy

Solon.

fut ottroïé, & s'en retourna à tout. Mais estât ceste sedition Cyloniene appai- F
see & esteincte à Athenes, pource que les excommuniez en estoient chassez
dehors, la uille retumba derechef en ses anciens troubles & dissensions tou-
chant le gouuernement de la chose publique, & se diuisa en autant de ligues
& partialitez, comme il y auoit de diuerfes sortes de territoire dedans le pais
de l'Attique: car il y auoit les gés de môtagne, les gens de la plaine, & les gens
de la marine. Ceulx de la montagne estoient populaires pour la uie: au con-
traire, ceulx de la plaine uouloient que petit nombre des plus gros bourgeois
eussent toute l'autorité au maniemēt des affaires: & ceulx de la marine, uou-
lans un gouuernement moien & meslé des deux, empeschoient que nulle des
parties contraires ne peust uenir au dessus de l'autre. D'auantage au mesme G
temps la querelle d'entre les pauures & les riches, procedant d'inegalité, estoit
lors au plus fort de sa uigueur: dont la uille soustenoit un tresgrand danger,
& sembloit qu'il n'y eust aucun moien de composer & pacifier tous ces diffe-
rens, sinon qu'il se leuast quelque tyrant qui occupast la monarchie & se feist
seigneur souuerain: car tout le menu peuple estoit si fort endebté aux riches,
que ou ilz labouroient leurs terres, & leur en rendoient la sixieme partie des
fruiçts, & pour ceste cause s'appelloient Hectemorij & ualets, ou ilz emprun-
toient d'eulx argent à usure sur le gage de leurs propres personnes, & ne pou-
uans payer, estoient adiugez à leurs creanciers, qui les tenoient comme serfs
& esclaués en leurs maisons, ou bien les enuoyoient uédre en pais estranger, H
& y auoit plusieurs qui par pauureté estoient contraints de uendre leurs pro-
pres enfans, pource qu'il n'y auoit point de loy qui le defendist, ou d'abandō-
ner la uille & le pais pour l'aspreté & la cruaulté des creanciers usuriers, ius-
ques à ce que plusieurs des plus dispos & plus robustes se benderent ensemble,
& s'entrécouragerent de ne souffrir plus cela, ains d'elire un capitaine d'entre
eulx homme feable, pour aller deliurer de captiuité ceulx qui seroiēt adiugez
serfs à faulte d'auoir payé leur debtes à iour prefix: & aussi pour faire de nou-
ueau repartager tout le territoire, & changer entierement tout le gouuerne-
ment. Adonc les plus sages de la uille, uoians que Solon seul estoit hors de
coulpe, comme celuy qui ne participoit ny à l'iniquité & uiolence des riches I
ny à la necessité des pauures, le prierent de se uouloir entremettre des affaires,
pour appaiser & assopir toutes ces partialitez: toutefois Phantias Lesbien escrit
qu'il usa d'une ruse, par laquelle il abusa l'une & l'autre partie pour le bien de
la chose publique: car il promet secrettement aux pauures de faire de rechef
repartager les terres, & aux riches de faire ualider & confirmer les contraux.
Comment que ce soit, il est certain que Solon du commencement fait grâde
doubte s'il y deuoit entrer, craignant la conuoitise des uns, & l'arrogance des
autres: toutefois à la fin il fut eleu Preuost apres Philombrotus, & quand &
quand mediateur & reformateur des loix & de l'estat de la chose publique, du
gré & consentement des deux parties: l'aians les riches agreable, comme hō- K
me qui n'estoit point necessiteux, & les pauures comme homme de bien. Lon
dit d'auantage, qu'une siene parole & sentence, laquelle estoit lors en la bou-
che de tout le monde, que l'egalité n'engendre point de debat, plaisoit tant à
ceulx qui auoiēt bien de quoy, comme à ceulx qui n'auoient rien: pource que
les uns prenoient ceste egalité, & esperoient qu'il la mesureroit à la dignité &
à la ualeur d'un chascun, & les autres au nombre & par teste seulemēt: de for-
te que ceulx mesmes qui estoient chefs des deux parts l'admonestoient & le
folli-

A sollicitoient qu'il se faist de la principaulté hardiment, attendu qu'il auoit toute la uille en sa main : & ceulx qui n'estoient ny de l'une ny de l'autre ligue, uoians qu'il estoit bien malaisé de pacifier les choses avec la loy & la raison, n'estoient pas mal cõtents, que le plus sage & le plus homme de bien occupast seul l'autorité souueraine : & si y en a qui disent d'auantage qu'il en eut un tel oracle d'Apollo,

Sied toy en pouppe au milieu droittement,
Et prens en main le timon hardiment
Pour gouuerner, plusieurs Atheniens
Tu trouueras à ce faire des tiens.

B Mais sur tous, ses familiers & amis le tensoient, disans qu'il seroit bien beste, si pour crainte du nom seulement d'estre appellé tyran, il faignoit d'accepter la monarchie, laquelle deuient incontinent iuste royaume, si celuy qui la prent est homme de bien: comme anciennement Tynnondas se fait roy de ceulx de Negropont de leur consentement, & presentement Pittacus l'est des Corinthiens. Neantmoins toutes ces belles raisons ne le sceurēt onques faire sortir de sa resolution: & dit on qu'il respondit à ses amis, que la principaulté & tyrannie estoit bien un beau lieu, mais qu'il n'y auoit point d'issue par ou lon en peust sortir quand on y estoit une fois entré: & en un poeme qu'il a escript à Phocus il dit,

C Si oultrager le lieu de ma naissance
I n'ay uoulu, y usurpant puissance
De tyrannie & de principaulté,
Par force inique & dure cruaulté
Souillant mon nom & ma gloire gastant,
Point ie n'en suis honteux ne repentant:
Car en cela i'espere auoir passé
Tous les humains du present & passé.

Par ou il appert qu'encore auant qu'il fust eleu reformateur de l'estat, pour establir loix nouuelles, il estoit ia en grãde reputation & auoit beaucoup d'autorité: mais luy mesme escript, que plusieurs disoient de luy, apres qu'il eut refusé l'occasion d'usurper la tyrannie,

Solon pour uray est un fol abuzé,
Qui de son gré luy mesme a refusé
Vn si grand heur que luy offroient les Dieux.
Tirer à soy le fil espacieux,
Lors que la proye estoit dedans enclose,
Il n'a pas sceu. Et non pour autre chose,
Sinon qu'il eut le cueur esuanouy,
Le sens troublé, le cerueau esblouy:

E Car autrement pour un tout seul iour estre
D'Athenes Roy, & de tant de biens maistre,
Il se fust fait apres uif escorcher,
Et ses parents tous en pieces hacher.

Voila comment il introduit le commun parlant de luy, mais aiant refusé la monarchie, il ne s'en porta point plus mollement ny plus laschement pour cela au gouuernement des affaires, & ne fleschit point pour crainte des plus puissans, ny n'accommoda point ses loix au gré & à la uoulunté de ceulx qui

l'auoient eleu reformateur, & aussi ne retrenchâ il pas le mal au uif, ny ne remua pas l'estat en la sorte qu'il eust esté le plus expedient, craignant que s'il attentoit de remuer & tourner sans dessus dessous tout le gouuernement de la uille, il n'eust pas puis apres assez de puissance pour la rasseoir & reestabli en la forme qui seroit la meilleure: pourtant remua il seulement ce qu'il esperoit ou par raisõ persuader, ou par force faire accepter à ses citoiens, en meslant, comme il dit luy mesme, la force avec la iustice. A quoy s'accorde ce que depuis il respondit à un qui luy demanda, s'il auoit estably les meilleures loix qu'il auoit peu aux Atheniens: Ouy biẽ, dit il, de telles qu'ilz eussent receues. Et ce que depuis on a obserué au langage des Atheniens, qu'ilz addoucissent la dũreté de certaines choses, qui d'elles mesmes sont odieuses en les couurant & diminuant par doux & gacieux noms, comme quand ilz appellent les putains, les amies: les tailles, contributions: les garnisons des uilles, les gardes: la prison, la maison: cela est premierement uenu de l'inuention de Solon, lequel appella l'abolition des debtes, Seisachtheian, qui uault autant à dire comme descharge. Car la premiere innouation & reformation qu'il feit du gouuernement de la chose publique, fut qu'il ordonna, Que toutes debtes passees seroient abolies, de sorte que lon n'en pourroit plus rien demander aux debteurs à l'aduenir: Que nul ne pourroit plus prester argent à usure soubz obligation du corps. Toutefois il y en a qui escriuent, cõme Androtion entre les autres, que les pauvres se contenterent, que les usures fussent moderees seulement, sans que les debtes fussent abolies & annullees entierement, & que Solon appella ce soulagement & ceste gracieuse descharge, Seisachtheian, avec l'augmentation des mesures, & de la ualeur des monnoyes: car il feit que la Mine d'argent, qui parauant ne ualoit que soixante & treze Drachmes, en ualut cent: de maniere que ceulx qui auoient à rendre grosse somme de deniers, uenoient à paier en estimation & ualeur autant comme ilz deuoient, & nõ pas autant en nombre de pieces: ainsi les debteurs y gaignoient beaucoup, & les creanciers n'y perdoient rien. Ce neantmoins la plus part de ceulx qui en ont escript, dit que ceste descharge fut une generale & uniuerselle rescision & abolition de tous contraux: à quoy il semble, que les poemes mesmes de Solon s'accordent: car il se uante & glorifie en ses uers, d'auoir osté toutes les bornes qui parauant faisoient les separations des heritages en tout le territoire de l'Attique, laquelle il dit auoir affranchie au lieu que parauant elle estoit serue: & que des bourgeois d'Athenes, qui à faulte de payement estoient adiugez pour esclaves à leurs creanciers, il en auoit ramené les uns de pais estranges, ou ilz auoient esté si longuement uagabonds, qu'ils en auoient oublié à parler le naturel langage Athenien: & les autres qui estoient demorez au pais en captiuité de miserable seruitude, il les auoit tous deliurez & affranchis. Mais en ce faisant, on dit qu'il luy entreuint un cas qui le fascha & l'ẽnuya beaucoup: car sur le poinct qu'il estoit prest de publier l'edict, par lequel il cassoit & annulloit toutes debtes, & qu'il n'estoit plus apres qu'à le coucher en bons termes, & à luy donner quelque honneste commencement, il s'en descouurit à quelques siens amis, desquelz il se fioit le plus, & avec lesquels il auoit plus de familiarité, Conon, Clinias, & Hipponicus, & leur dit, qu'il ne toucheroit point aux terres ny heritages, mais qu'il retrencheroit toutes sortes de debtes: ceulx là incontinent, auant que l'edict fut publié, allerent emprunter de ceulx qui estoient pecunieux grosse somme de deniers, dont ilz achepterent des herita-

A ges : puis quand l'edict ueint à estre publié, ilz reteindrent tresbien les heritages, & ne rendirent point l'argent qu'ilz auoient emprunté. Cela donna fort mauuais bruit à Solon, & feit que lon le calumnia à grand tort, comme s'il n'eust pas luy mesme souffert, ains fait partie de ceste iniustice & de ce tort: toutefois il se iustifia de ceste faulse imputation, moienant trois mille escus qu'il perdit: car on trouua qu'il luy en estoit autāt deu, & fut le premier qui les remeit, & donna à ses debtors, suiuant la teneur de son edict: les autres disent qu'il y en auoit neuf mille, entre lesquelz est Polyzelus Rhodien: toutefois on ne cessa iamais d'appeller depuis ses amis, Creocopides, comme qui diroit retrencheurs de debtes. Ceste ordonnance ne fut agreable ny aux uns ny aux autres, pource qu'elle offensa grandement les riches en cassant les contraux: & despleut encore plus aux pauures, pource qu'elle ne remettoit pas en commun toutes les terres, ainsi comme ilz auoient esperé, & n'egala pas tous les citoyens en facultez & en biens, comme Lycurgus auoit fait les Lacedæmoniés. Mais Lycurgus estoit l'unzieme descendant en droitte ligne apres Hercules, & auoit esté plusieurs annes Roy de Lacedæmone, ou il auoit acquis tresgrande authorité, & auoit fait beaucoup d'amis: toutes lesquelles choses luy aiderent grandemēt pour mettre à execution, ce qu'il auoit sagemēt imaginé pour l'establissement de sa chose publique: & neantmoins encore y usa il plus de force que de remonstrance, tesmoing ce qu'il y eut un œil creué en uoulant mettre sus un poinct, qui à la uerite est le principal & de la plus grande efficace, pour longuement maintenir une cité en union & en concorde, c'est de faire, qu'il n'y ait ny pauure ny riche entre les citoyens. A quoy Solon ne peut pas paruenir, pource qu'il estoit né de race populaire, & n'estoit pas des plus riches de sa uille, ains des moiens bourgeois seulement: mais bien feit il tout ce qui estoit possible de faire, avec le peu de puissance qu'il auoit, n'estant aidé que de son bon sens, & de la confiance que ses citoyens auoient en luy. Et qu'il soit uray que pour cest edict il eust encouru la malegrace de la plus part des habitans de la uille, il le tesmoigne luy mesme en disant,

C eulx qui estoient cy deuant mes amis,
D O res me sont courroucez ennemis,
 M e regardans de mal œil en trauers,
 C omme si i'eusse enuers eulx cuer peruers.

Et toutefois il dit aussi apres, que personne avec la mesme authorité & puissance qu'il auoit

N'eust onques sceu le peuple contenir,
 N y du tumulte emeu à bout uenir.

E Mais pourtant il ne passa gueres de temps, qu'ilz ne cogneussent l'utilité de son ordonnance, & adonc chascun oubliant ses particulieres doleances, ilz feirent tous ensemble un public sacrifice, qu'ilz appellerent le sacrifice de Sifachthia, c'est à dire de descharge, & eleurent Solon reformateur general des loix & de tout l'estat de la chose publique sans luy limiter sa puissance, ains remettant indifferemment toutes choses à sa uolunté, les magistrats, les assemblees publiques pour le conseil, les uoix & suffrages aux electiōs des officiers, les iugemens, le corps du Senat, avec authorité & pouuoir de definir les facultez & pouuoirs que chascun deuroit auoir, le nombre qu'ilz deuroient estre, & le temps qu'ilz auroient à durer, en retenant, confirmant ou cassant ce que bon luy sembleroit des loix & coustumes anciēnes & ia receues en usage.

Solon.

Premierement donques il reuoqua & annulla toutes les loix de Dracon, exceptes seulement celles des meurtres & morts d'hommes, pour leur trop rigoureuse feuerité, & cruauté des peines: car il n'y auoit presque qu'une sorte de punition ordonnee pour toutes fautes & tous crimes, c'estoit la mort: de maniere que ceulx qui estoient attaincts & conuaincus d'oïfueté, estoient condemnez à la mort, & ceulx qui deroboient des fruiçts ou des herbes en un iardin, estoient tout aussi feuerement punis, comme les sacrileges, ou comme les meurtriers. Et pourtant rencōtre fort bien Demades, quand il dit, que les loix de Dracon auoient esté escriptes avec du sang, & non avec de l'encre: & luy mesme estant un iour interrogué, pourquoy il auoit ainsi ordonné indifferemment à toutes sortes de crimes, peine de mort, il respondit, pource qu'il estimoit les moindres crimes dignes de telle peine, & que pour les plus grands il n'en trouuoit point de plus grieve. Secondemēt uolant Solon que les offices & magistrats demourassent entre les mains des riches citoiens, comme ilz estoient, & au demourant meller l'autorité du gouuernement, de sorte que le menu peuple en eust sa part, ce qu'il n'auoit pas au parauant: il fit une generale estimation des biēs de chascue particulier citoien: & de ceulx qui se trouuerent auoir de reuenue annuel iusques à la quantité de cinq cēts minots, & au dessus, tant en grains qu'en fruiçts liquides, il en fit le premier ordre, & les appella les Pentacosiomedimnes, c'est à dire, aians cinq cents minots de reuenue. Et ceulx qui en auoient trois cents, & pouuoient entretenir un cheual de seruice, il les mit au secōd rég, & les appella les Cheualiers. Ceulx qui n'en auoient que deux cents, furent mis au troisieme reng, & appelez Zeugites. Tous les autres au dessous s'appelloiēt Thetes, comme qui diroit, mercenaires ou maneuures, uiuans de leurs bras, ausquelz il ne permet tenir ny exercer aucun office publique, & ne iouissoient du droit de bourgeoisie, sinon en tant qu'ilz auoient uoix aux elections & aux assemblees de uille, & aux iugemens, esquelz le peuple iugeoit souuerainement. Ce qui du commencement sembla n'estre rien, mais depuis on cogneut fort bien que c'estoit tresgrande chose, pource que la plus part des proces & des differens qui naissoient entre les particuliers, uenoient à la fin deuant le peuple: car il permet d'appeler deuant le peuple de toutes les choses dont cognoissoient les officiers, à ceulx qui pensoiēt estre greuez par leurs sentēces. Et, qui plus est, pource que ses loix estoient un peu obscurement escriptes, de maniere qu'elles se pouuoient tirer en plusieurs sens, cela augmēta grādemēt l'autorité & la puissance des iugemēs, & de ceulx qui auoient à iuger, pource que ne pouuans estre leurs differens uidez ny accordez par expresse decisiō des loix, il falloit que lon recourust tousiours aux iuges, & que presque toutes questions fussent debatues deuant eulx: tellement que les iuges par ce moien uenoient à estre aucunement par dessus les loix mesmes, pource qu'ilz leur donnoiēt telles interpretatiōs qu'ilz uoloient. Solon luy mesme note & tesmoigne ceste egale distribution de l'autorité publique en un lieu de sa poësie ou il dit:

A u peuple bas i'ay donné de pouuoir
C e qu'il en doibt par iuste droit auoir,
S ans luy oster rien de sa dignité,
N y croistre aussi trop son autorité:
E t quant aux grands, qui pour leur opulence,
S ouloient auoir toute præminence,

A Icy ay prouueu auffi bien, tellement
Qu'on ne leur peult faire tort nullement.

Mais estimant qu'il estoit besoing de prouuoir encore à la foiblesse du menu populaire, il permet à qui uoudroit de prendre & espouser la querelle de ce-
B luy que lon auroit oultragé: car fil y auoit aucun qui eust esté blecé, battu, forcé, ou autrement endommagé, il estoit loisible à quiconque uouloit d'appeller l'outrageant en iustice, & le poursuiure. Ce qui fut sagement ordonné à luy, pour accoustumer les citoiens à se ressentir & se douloir du mal les uns des autres, comme d'un membre de leur corps qui auroit esté offensé: & à ceste ordonnance se rapporte une respõse que lon dit qu'il feit une fois. Estât interrogué, quelle cité luy sembloit la mieux policee, il respõdit, Celle ou ceulx
 qui ne sont point oultragez poursuiuent auffi asprement la reparation de l'in-
 iure d'autrui, comme ceulx mesmes qui l'ont receüe. Or auoit il ia estably la court & le conseil d'Areopage, en le composant de ceulx que lon elisoit par chascun an Preuosts de la uille, & en estoit luy mesme, pource qu'il auoit esté une annee Preuost: mais neantmoins uoiant que le peuple estoit encore fier & hault à la main, pour se sentir deschargé de ses debtes, il meit sus un autre second conseil pour les matieres d'estat, elisant cēt hommes de chasque lignee, dont il y en auoit quatre pour consulter & debattre les matieres auant que les proposer au peuple, à fin que lon ne peust mettre aucun party en auant, quand
C le grand conseil de tout le peuple seroit assemblé, qu'il n'eust premierement esté bien debattu & bien digeré en ce conseil des quatre cents. Au demourant il uolut que la court souueraine eust l'œil & la superintendence sur toutes choses, mesmement quant à faire entretenir, obseruer & garder les loix, estimant que la chose publique seroit moins agitée & moins tourmentée quand elle seroit affermie & arrestée avec ces deux courts, ne plus ne moins qu'avec deux fortes ancrs, & que le peuple en seroit plus paisible & plus coy. La plus part donques des autheurs est de ceste opinion, que ce fut Soló qui establit la court des Areopagites, comme nous auons dit: dequoy semble estre un grád tesmoignage, que Dracó en ses loix ne faict en nulle part mention des Areopagites, ains adresse tousiours ses paroles aux Ephetes, qui estoient les iuges criminelz, là ou il parle des meurtres & morts d'hommes. Mais toutefois la huitieme loy de la trezieme table de Solon dit ainsi en ces propres termes, Ceulx
 qui auront esté bannits ou notez d'infamie auant que Soló ait estably ses loix, seront restituez en leurs biens & en leur bonne renommee, exceptez ceulx qui
 auront esté condemnez par arrest de la court d'Areopage, ou par les Ephetes, ou par les Roys en l'auditoire du palais & hostel de la uille, pour meurtre & mort d'homme, ou pour auoir aspiré à usurper tyrannie. Ces paroles au contraire semblent prouuer & faire foy, que la court d'Areopage estoit auant que Solon fust eleu reformateur des loix: car, comment y auroit il eü des malfai-
E teurs condemnez par arrest de la court d'Areopage auant Solon, si Solon a esté le premier qui luy ait donné autorité de iuger? Si lon ne ueult dire qu'il faille un peu aider à la lettre de l'ordonnance qui est obscure, & supplier quelque chose qui luy default, en luy donnant interpretation telle, Ceulx qui se trouueront attaincts & conuaincus des cas dont cognoissent la court d'Areopage, les Ephetes, ou les gouuerneurs de la uille, lors que ceste ordonnance sera publiee, demoureront condemnez, & tous autres seront absoults & restituez. comment que ce soit, cela estoit le but de son intention. Mais au reste

Solon.

entre ses autres loix il y en a une qui luy est peculiere, pource que iamais ailleurs n'en fut establie de semblable. C'est celle qui ueult qu'en une sedition ciuile, celuy des citoiens qui ne se reuge à l'une ou à l'autre partie soit noté d'infamie: par ou il semble qu'il ait uoulu que les particuliers ne se souciaissent pas seulement de mettre leurs propres & leurs priuez affaires en seureté, sans autrement se passionner ou affectionner pour le public, en faisant uertu de ne communiquer point aux malheurs & miseres de leur pais, ains que des le commencement de la sedition ilz se ioignissent à ceulx qui auroient la plus iuste cause pour leur aider & prendre le hazard avec eulx, plus tost que d'attendre, sans se mettre en dâger, quelle des deux parties demoureroit uictorieuse. Mais il y en a une autre qui me semble de prime face impertinente & digne de G moquerie, celle qui ueult, si aucun aiant espousé selon le droit que luy en donne la loy, une riche heritiere, se treuve impuissant ou inhabile à charnellement user & habiter avec elle, qu'il loise à la femme habiter avec qui il luy plaira des proches parents de son mary: toutefois il y en a qui soustiennent que cela est bien & sagement institué contre ceulx, qui se sentans impuissans à faire acte de mary, ueulent neantmoins espouser des riches heritieres pour iouir de leurs biens, & pour le droit que leur donne la loy ueulét forcer la nature: car uoiant que la loy permet aussi à telle heritiere mal mariee s'accointer de qui elle uouldra des parents de son mary, ilz ne prochasserôt plus telz mariages, ou filz sont si lasches que de les poursuiure ou accepter, ce sera avec H leur honte & à leur confusion: & par ainsi ilz porteront la peine de leur auarice & desordonné appetit. Et est encore cela bien ordonné qu'il ne permet pas à la femme de s'accointer de tous indifferenement, ains de celuy qu'elle uouldra des parents de son mary seulement, à celle fin que les enfans qui en naistront soient à tout le moins du sang & de la race du mary. A quoy s'accorde aussi ce qu'il ueult q la nouvelle mariee soit enfermee avec son espousé, mangeant avec luy d'un coing, & q celuy qui prent telle heritiere en mariage soit tenu de la uisiter trois fois le mois pour le moins. Car encore qu'il ne luy face point d'enfans, si est ce hōneur que le mary fait à sa femme, monstrant qu'il la repete honeste, qu'il l'aime, & qu'il fait compte d'elle: ce qui oste plusieurs facheries & mescontentemens qui aduiennent souuent en tel cas, & garde que les courages & uouluntez ne s'allient de tout poinct les uns des autres. Au demourant il osta les douaires des autres mariages, & uolut que les femmes n'apportassent à leurs marys que trois robbes seulemēt, avec quelques autres meubles de biē petite ualeur, sans autre chose, ne uolāt pas qu'elles achetassent leurs maris, ny que lō feist traffique des mariages, cōme d'autre marchandise, pour y gagner, ains uolant que la coniunction de l'hōme & de la femme se feist pour auoir lignee & pour plaisir & amour, nō pour argēt. Auquel propos le tyran de la Sicile Dionysius respondit un iour à sa mere, qui uou- I loit à toute force estre mariee à un ieune homme de Syracuse: l'ay, dit il, bien K eu le pouuoir de rompre les loix ciuiles de Syracuse en y usurpant la tyrānie, mais de forcer les loix de nature en faisant des mariages hors d'aage competent, cela n'est pas en ma puissance. Aussi ne fault il pas permettre que ce desordre la ait lieu es citez bien ordonnees, ny supporter que ces coniunctions de personnes si inegales d'aage & si mal plaisantes se fassent, attendu qu'il n'y a ny acte ny fin propre & requise au mariage: & pourroit un sage gouuerneur de uille ou un censeur & reformateur des meurs & des loix, dire à un uieillard qui

A qui espouseroit une ieune fille, ce que le poëte dit de Philoctetes ;

Vraiment tu es en estat & en aage

Pour maintenant contracter mariage .

Et trouuant un ieune homme en la maison d'une riche uieille gaignant ses despés à coucher avec elle , comme lon dit que les perdrix s'engraissent à courir leurs femelles , l'ostera de là pour le mettre avec quelque ieune fille qui aura besoing de mary . uoila quant à ce point . Mais on louë grandemēt une autre ordōnance de Solon qui defend de mesdire d'un trespasſé , car c'est bien & deuotemēt fait de penser que lon ne doit toucher aux trespasſez non plus qu'aux choses sacrees , & se doit on bien garder d'offenser ceulx qui ne sont

B plus en ce monde : & si est prudēce ciuile de garder que les inimitiez ne soient immortelles . Il defendit aussi par la mesme loy d'iniurier de paroles oultrageuses les uiuans , aux eglises pendant le seruice diuin , en iugement , au palais , ou seient les gouuerneurs de la uille , ny aux theatres , pendant que lon y iouē les ieux , & ce sur peine de trois drachmes d'argent applicables à celuy qui seroit iniurié , & deux à la chose publique : car il luy sembloit que c'estoit une licēce trop dissoluē de ne pouuoir tenir nulle part sa cholere , & qu'il fault que ce soit une personne trop mal apprise : mais aussi de la pouuoir uaincre par tout , c'est chose bien difficile , & à aucuns totalement impossible . Et fault que celuy qui fait la loy ait regard à l'ordinaire possibilité des hommes , fil en

C ueult chastier peu avec exemple profitable , & non pas beaucoup sans utilité quelconque . Aussi fut il bien estimé pour l'ordonnance qu'il feit touchāt les testaments : car parauāt il n'estoit pas loisible d'instituer heritier à son plaisir , ains falloir que les biens demourassent en la race du defunct : mais luy permettant de laisser ses biens à qui lon uouldroit , pourueu que lon n'eust point d'enfans , prefera en ce faisant l'amitiē à la parentē , & le grē & grace à la contrainte & necessitē , & feit que chascun fut seigneur & maistre entierement de ses biens : & toutefois si n'approuua il pas simplemēt & indifferement toutes sortes de donations en quelque maniere qu'elles fussent faites , ains seulement celles qui ne seroient point procedees ny de sens alienē par quelque

D griefue maladie , ou par breuuages , medicines , empoisonnemens , charmes , ou autre uiolence & contrainte , ny par attraiçts & allechemens de femmes , estimant tresbien & tressagement qu'il ne falloir point mettre de difference entre l'estre forcé par uoye de faict , & induit par subornation à faire quelque chose contre le deuoir , & reputāt en tel cas la fraude egale à la force , & la uoluptē à la douleur , comme passions qui ont ordinairement autāt d'efficace les unes que les autres à faire fouruoier les hommes de la droite raison . Il feit encore une autre ordonnance par laquelle il limita les saillies des Dames aux champs , le dōeil , les festes , & les sacrifices , ostant tout le desordre & toute la licence desreglee , dont on y uſoit auparauant : car il leur defendit de sortir hors

E la uille avec plus de trois robbes , & de porter quand & elles à boire & à manger qui passast la ualeur d'un obole , ny pennier qui fust plus hault qu'une couldee : & notamment leur defendit d'aller la nuit sinon en chariot , & qu'on leur portast une torche deuant elles . Il leur defendit aussi de soy esgratigner ny meurtrir à force de se battre es enterremens des morts , de faire des lamentations en uers , d'aller plorer es funerailles d'un estranger , qui ne fust point leur parent , de sacrifier un bœuf sur la sepulture du trespasſé , d'ensepuelir avec le corps plus de trois robbes , d'aller aux sepultures d'au-

Solon.

truy, sinon à l'heure mesme du conuoy de l'enterrement, toutes lesquelles choses, ou la pluspart d'icelles, sont encores aujourdhuy defendues par noz loix: & y a d'auantage, qu'elles ueulent que ceulx qui les font soient condemez à l'amende par certains officiers, qui sont expressement ordonnez pour cōtreroller & reformer les abus des femmes, comme estans personnes effeminees & de lasche cueur qui se laissent aller à telles passions & telz erreurs en leur dœil. Et uoyant que la uille d'Athenes se remplissoit tous les iours de plus en plus, y accourans les hommes de toutes parts pour la grande seurété & liberté qui y estoit, que la plus grande partie du territoire estoit du tout sterile ou maigre, & que les hommes traffiquans sur la mer, n'ont point accoustumé de rien porter à ceulx qui ne leur rendent rien en eschange, il essaia de faire, que ses citoiens s'addonnassent aux mestiers & manufactures, & feit une loy, **Que le filz ne seroit point tenu de nourrir son pere en sa uieillesse, sinon qu'il luy eust fait apprendre un mestier.** Car à Lycurgus qui habitoit en une cité où il n'y auoit apport quelconque d'estrangers, & qui auoit si grand territoire qu'il eust peu fournir à deux fois autant de peuple, comme dit Euripides, & qui oultre cela estoit de toutes parts enuironné de grande multitude d'Iotes esclaués, lesquelz il ualloit mieulx garder d'estre oisifz, & les tenir tousiours bas, en les contraignant de trauailler & de besongner continuellement, c'estoit sagement fait de tenir ses citoiens tousiours occupez en l'exercice des armes, sans leur faire apprendre ny exercer aucun autre mestier, en les deschargeant de toutes autres uacations penibles & œuures de bras. Mais Solon accommodant ses ordonnances aux choses, & non pas les choses à son ordonnance, uoiant que le territoire de l'Attique estoit si maigre & si foible, qu'à male peine pouuoit il rapporter pour nourrir ceulx qui le labouroient seulement, & qu'il estoit impossible qu'il peust soustenir si grande multitude de peuple oisif, il luy sembla qu'il estoit besoing de mettre en honneur & en quelque dignité les mestiers. Si uoulut que la court souueraine d'Arcopage eust l'autorité & la charge d'enquerir dequoy un chascun des habitans uiuoit, & de chastier ceulx qu'elle trouueroit oisifz & ne rien faisans. Mais cela estoit encore bien plus roide qu'il ordonna, ainsi comme Heraclides le Pontique escript, que les enfans qui seroient nez de concubines, ou de femmes publiques, ne seroient point obligez de nourrir leurs peres: car celuy qui es œuures de mariage ne fait compte du deuoir, mōstre manifestement que ce n'est pas pour auoir enfans qu'il use d'une femme, ains pour en prendre uolupté seulement: aussi en reçoit il le salaire qu'il merite, & se priue luy mesme de l'autorité qu'un pere doit auoir sur ses enfans, attendu que par sa faulte, leur naissance propre leur tourne à reproche. Toutefois, à dire la uerité, il y a es loix de Solon touchant les femmes, beaucoup de choses descousuës, & qui s'entreuiuent tresmal: car il permet à qui peult prendre un adultere sur le fait, de le tuer: & celuy qui a rauy ou pris à force une femme de libre condition, il ne le condamne qu'en l'amende de cent drachmes d'argent: & celuy qui en aura esté le courratier, & qui l'aura menée, à uingt drachmes seulement, excepté si elle n'est de celles qui publiquement se uendent à qui en ueult, cōme les courtisanes, car elles vont ouuertement à ceulx qui leur donnent. D'auantage il defend de uendre ses filles ny ses sœurs, sinon que le pere ou le frere eussent trouué qu'estans à marier elles eussent forfait à leur honneur. Or n'y a il point de propos, ny de raison de punir une chose aigremēt & seueremēt en un lieu,

A & en un autre la laisser passer, par maniere de dire, en iouant, ou luy establir quelque legere amende, cōme par un acquit seulement: si ce n'est qu'estât pour lors l'argent fort court à Athenes, on ueuille dire, que ces amendes la fussent fort griesues & fort malaises à paier: car en l'appreciation des offrandes qui se deuoiēt faire es sacrifices, il met un mouton & une drachme d'argent pour un minot de bled, & ordonne qu'à celuy qui auroit gaigné le pris es ieux Isthmiques seroiēt dōnees du public cent drachmes: & à celuy qui l'auroit gaigné es ieux Olympiques, cinq cents: & pour le loyer de celuy qui apporteroit un loup, il ordōne cinq drachmes, & pour une louue, une drachme, cōme l'escriit Demetrius le Phalerien, disant que l'un estoit le pris & la ualeur d'un bœuf, &

B l'autre d'un moutō: car quāt aux taux qu'il ordōne pour les hosties exquises & elcues en la sezieme table de ses loix, il est uray semblable qu'il les taxe beaucoup plus hault, q̄ ne ualoiēt alors ordinairement les cōmunes, & neantmoins encore est le pris qu'il en met biē petit à cōparaison de ce qu'elles ualēt auourd'hui. Or est-ce chose accoustumee de tous tēps aux Atheniens que de faire la guerre aux loups, pourautāt qu'ilz auoiēt le pais plus ppre au pasturage qu'au labourage: & y en a qui uculēt dire, que les lignees du peuple Athenien, n'ont point esté nōmees par les noms des enfans de Ion, cōme la cōmune opinion le tient: mais qu'elles ont esté appellees par les diuerfes manieres de uiure qu'ilz prirent des le cōmencement: car ceulx qui s'adōnerēt aux armes se nōmerēt Oplites, cōme qui diroit, les armez: ceulx qui besongnerēt des mestiers s'appellerēt Ergades, qui uault autant à dire cōme, les artisans: des autres deux, ceulx qui labouroiēt la terre furēt appelez Gedcontēs, qui signifie laboureurs, & ceulx qui entendoient à nourrir du bestail, Egicores, qui uault autant à dire cōme, cheuriers. Et pour autant que la prouince d'Attique est fort seche & a grande faute d'eaux, cōme celle qui n'est arrosée de fleues ou de ruisseaux courās, ny de lacs, ny n'a grand nōbre de fontaines, de maniere qu'il est force d'user en la plus part du pais d'eaux de puis faiçts à la main: il feist un tel reglement, que là ou il y auroit un puis public, ceulx qui en seroiēt à une carriere de cheual pres à la ronde limitée à cinq cēts pas, pourroient prendre de l'eau de ce puis pour leur usage, & ceulx qui en seroiēt plus esloignez, seroient tenus de chercher ailleurs de l'eau pour eulx: mais si apres auoir cauē en leur fond à la pfondeur de dix brasses, ilz ne trouuoient encore point d'eau, en ce cas ilz pourroient prendre du puis de leur plus prochain uoisin une cruchee d'eau contenant six pots deux fois par chascun iour, estimāt avec grāde raison, qu'il falloit secourir la necessitē, nō pas entretenir l'oisiuetē. Il regla aussi les distances qu'il fault garder à planter arbres, en homme qui s'entendoit bien en tel cas, ordonnant que qui uoudroit plāter toute autre sorte d'arbres en son fond, le feist à cinq piedz loing de celuy de son uoisin: mais qui y planteroit un Figuier ou un Oliuier, que ce fust à neuf pieds loing: pource que ces deux arbres iettent & estendent leurs racines fort loing, & ne peuuent estre pres d'autres arbres qu'ilz ne leur portent grand dōmage: car oultre ce qu'ilz leur soubstraient leur nourriture, ilz leur iettent encore une influxion qui leur est fort nuisible. Et qui uoudroit faire un fossē ou cauē un trou en son fond, qu'il le feist aussi loing du fond de son uoisin, comme le fossē ou le trou qu'il caueroit auroit de profond: & qui uoudroit asseoir sur son fond des ruches d'abeilles, qu'il les asseist à trois cents pieds, pour le moins, loing de celles qui parauāt auroiēt esté assises autour de luy. Quant aux fruiçts de la terre, il permet de pouoir transporter hors du

Solon.

païs, & uendre aux estrangers des huiles seulemēt, & autres non, uoulant que
le Preuost de la uille par chascun an, publiast & prononceast imprecations
& maledictions à l'encontre de ceulx qui le feroient, ou que luy mesme paiaist
au public pour l'amende cent drachmes d'argent. Ceste ordonnance est en la
premiere table des loix de Solon, pourtant ne fault il pas totalement decroire
ceulx qui disent, qu'ancienement il estoit prohibé & defendu de transporter
des figues hors du païs d'Attique, & que de là les delateurs qui accusoient &
deceloient ceulx qui en transportoient, furent appelez Sycophantes. Il feit
une autre ordonnance touchant le dommage qu'auroient fait les bestes, en
laquelle il commande, si un chien mordoit quelcun, que le maistre fust tenu
de le liurer à celuy qu'il auroit mors, attaché à un cep de bois de quatre cou-
dees de long: c'estoit bonne inuention pour s'asseurer du chien. Mais il y a biē
quelque difficulté en l'ordonnance qu'il feit, que nul estranger ne peüst ac-
querir droit de bourgeoisie à Athenes, sinon qu'il fust banny à perpetuité de
son païs, ou qu'il sy en ueint demourer avec tout son mesnage & toute la fa-
mille pour y exercer quelque mestier: toutefois on dit qu'il ne le feit pas tant
pour rebuter que pour attirer les estrangers, en leur donnant assurance par
ce statut d'y pouoir acquerir droit de bourgeoisie: & quand & quand il esti-
ma aussi que les uns & les autres en feroient plus fideles à la chose publique
d'Athenes: les uns pource que malgré eulx, ilz auroient esté contraincts d'a-
bandonner leur païs: les autres pource que de meure deliberation ilz l'auroiēt
uoluntaiement laissé. C'est aussi une autre chose propre & peculiere à Solon,
qu'il a ordonné touchant ceulx qui deuroient manger à certains iours au pa-
lais & hostel de uille, ce qu'il appelle en ses ordonnances Parasiter: car il ne
ueult pas qu'une mesme personne y mange souuēt: mais aussi si celuy auquel
il eschet d'y deuoir aller, ne le ueult faire, il le condamne à l'amende, reprenāt
la chicheté & l'auarice mechanique de l'un, & l'arrogance de l'autre, de mes-
priser les coustumes publiques. Après auoir establi ses loix, il les authorisa
toutes pour l'espace de cent ans, & furent escriptes sur des aixieux ou rouleaux
de bois, qui se tournoient dedans des tableaux plus longs que larges, ou ilz e-
stoient enchassez, dont il est encore demouré quelques reliques iusques à no-
stre temps, que lon monstre en l'hostel de uille à Athenes. Aristote dit, que
ces rouleaux la s'appelloient Cyrbes: & Cratinus aussi le poëte Comique dit
en un endroit, De par Solon & de par Dracon, des Cyrbes: desquelz on com-
mence desia à frir le millet: toutefois les autres disent que les Cyrbes pro-
prement estoient les tables qui contenoient les ordonnances touchant les
sacrifices, & Axonés les autres tables. Si iura tout le conseil en commun
qu'il obserueroit & feroit obseruer de poinct en poinct toutes les ordonnan-
ces de Solon: mais particulierement encore chascun des Thesmothetes, qui e-
stoient certains officiers du corps du conseil, qui auoient specialemēt en char-
ge la garde des loix, iura solennellement sur la grande place, pres de la pierre
ou se font les proclamations publiques, promettant & uouant, que là ou il
transgresseroit un seul poinct desdictes ordonnances, il payeroit au temple
d'Apollo, en la uille de Delphes, une image d'or massif, qui pezerait autant
comme luy. Au demourant, uoiant l'irregularité des mois & du mouuement
de la Lune, laquelle ne se gouerne pas selon le cours du Soleil, se leuant & se
couchant quand & luy, ains que souuent en un mesme iour elle l'attaingnoit
& le passoit, il fut le premier qui nōma ce iour la de la Lune. *Enc car neā, c'est
à dire,*

- A** à dire, uieille & nouvelle Lune : estimant que ce qui en apparoiſſoit deuant la conionction, eſtoit du mois paſſé : & ce qui ſe monſtroit apres la conionction, appartenoit au mois enſuiuant. Et fut conſequemmēt auffi le premier, à mon aduis, qui prit bien ce que uouloit dire Homere, quand il diſoit, Lors que le mois ſacheue & ſe commēce. Le iour enſuiuant il l'appella Neomenia, qui eſt autant à dire comme, le nouveau mois, ou nouvelle Lune : & apres le uingtieme iour, qu'ilz appellent Icade, il compra la reſte du mois, non point en augmentant, ains en diminuant, ne plus ne moins qu'il uoioit la lumiere de la Lune aller en décroiſſant iuſques au trentieme iour. Aians donques ſes loix ainſi eſté publiees, il uenoit tous les iours quelques uns uers luy, qui luy en louoient, ou luy en blaſmoiēt quelques articles, & qui le prioiet d'en oſter ou bien d'y adiouxter quelque choſe, & pluſieurs luy uenoient demander cōment il entendoit quelque paſſage, & le ſommer de leur declarer en quel ſens il le falloir prendre. Parquoy conſiderant que de refuſer à le faire il n'y auroit point de propos, & qu'en le faiſant auffi il ſaquerroit beaucoup d'enuie, il propoſa commēt que ce fuſt de ſe tirer hors de ces eſpines pour eũter les hargnes, plaintes & querelles de ſes citoiens : car, comme il dit luy meſme,
- D' difficile eſt pouuoir en grand affaire
Entierement à chaſcun ſatisfaire.
- Si prit la charge de conduire une nauire pour donner quelque couleur à ſon uoyage & à ſon abſence, & demanda congé aux Atheniēs pour dix ans, eſperant que dedans ce terme la lon ſe feroit ia tout accouſtumé à ſes loix : puis mōta ſur mer, & le premier lieu auquel il aborda fut en Ægypte, où il demoura quelque temps ainſi qu'il dit luy meſme,
- Là ou du Nil l'un des bras creux & large,
Pres de Canobe en la mer ſe deſcharge.
- Il fut auffi quelque temps conſerant & eſtudiant avec Pſenophis Heliopolitain, & Sonchis Saitain, les deux plus ſçauans preſbtres qui pour lors fuſſent en toute l'Ægypte, deſquelz aiant entendu le compte de l'isle Atlantique, ainſi comme Platon l'eſcrit : il eſſaia de le mettre en uers, & le publier entre les Grecs. Au partir d'Ægypte il paſſa en Cypre, là ou il eut fort grande amitiē avec un des princes du païs nommé Philocyprus qui eſtoit ſeigneur d'une uille nō gueres grāde, que Demophoon filz de Theſeus fait iadis baſtir ſur la riuie-re de Clarie, en affiette biē forte, mais en païs aſpre, maigre & ſterile. Parquoy Solon luy remonſtra qu'il ualloit beaucoup mieux la remuer de ce lieu là en une belle & fertile plaine qui eſtoit au deſſoubs, & la y redifier plus grande & plus plaiſante qu'elle n'eſtoit : ce qui fut faiēt à ſa perſuaſion : & fut luy meſme preſent aiant toute la ſuperintendence du baſtiment de la uille, laquelle il aida à diſpoſer & ordonner tresbien, rāt pour le plaſir que pour la force & pour la ſeureté, de maniere que beaucoup de gens y uindrent d'ailleurs habiter. Et en cela pluſieurs autres ſeigneurs du païs ſuiuierēt l'exēple de ce Philocyprus, lequel pour honorer Solon appella ſa uille Soles, qui parauant ſ'appelloit Æpie. Solon meſme en ſes Elegies fait mention de ceſte fondation, diſant, en adreſſant ſa parole à Philocyprus,
- Je prie aux Dieux que ta poſterité
Et toy aiez royale autorité
- Bien longuement à Soles, & auffi
- Qu'au delaſſer ceſte noble ille cy,

A uec ma nef legere uoyager
 Dessus la mer ie puisse sans danger,
 Estant conduit par Venus couronnée,
 Qui pour auoir ceste uille ordonnée,
 En mon país me ueuille conuoier
 A sauueté, & gloire m'enuoier.

Et quant à l'entreueue & au parlement de luy & du Roy Crœsus, ie sçay bien qu'il y en a qui ueulent prouuer par collation des temps que ce soit une fable controuuee à plaisir: mais quant à moy ie ne ueulx point ainsi reietter ny condamner une histoire si renommée, receue & approuuee par tant & de si graues tesmoings, & d'auantage qui est fort conuenable aux meurs & à la nature de Solon, & quand & quand digne de sa sagesse & de sa magnanimité, encore qu'elle ne se rapporte ny ne rencontre pas du tout avec certaines tables que lon appelle Chroniques, ou lon a cotté l'ordre & la suite des temps, lesquelles infinies personnes ont essayé de corriger iusques aujourdhuy, & n'ont pourtant iamais sceu souldre ny accorder toutes les cōtrarietez & repugnances qui y sont. Solon donques à l'instance & priere de Crœsus s'en alla le uoir en la uille de Sardis: là ou estant arriué, il luy aduint tout ne plus ne moins que lon compte d'un homme né & nourry en terre ferme, qui iamais n'auoit ueu la mer ny pres ny loing, tellement que de chascue riuere quil trouuoit, il cuidoit que ce fust la mer: Aussi Solon passant à trauers le palais de Crœsus, & rencontrant en son chemin plusieurs des seigneurs de sa court uestus fort sumptueusement, & trainnans apres eulx grande suite de seruiteurs & de satellites, cuidoit tousiours que chascun d'eulx fust le Roy, iusques à ce qu'il fust mené deuant Crœsus mesme: lequel auoit sur luy tout ce qu'il estoit possible d'auoir de plus exquis, plus singulier, & plus admirable au monde, tant en pierreries que draps de riche couleur & ouurages d'orfauerie, pour se monstrier à Solon en plus magnifique, plus superbe, & plus sumptueux arroy. Et uoiant que Solon à son arriuee deuant luy, n'auoit point monstrier signe ny contenance d'homme qui s'esmerueillast de uoir toute ceste pompe là, ny n'auoit dit parole quelconque approchant de ce qu'il attédoit, ains plus tost auoit assez donné à cognoistre à gens de bon entendement, qu'il mesprisoit en soy mesme toute ceste sorte uanité & bassesse de cuer: il commanda que lon luy ouurist tous ses tresors ou estoit son or & son argent, & que lon luy monstrest tout l'opulence & la magnificence de ses meubles, sans qu'il en fust aucun besoing: car il suffisoit de le uoir tout seul, pour faire assez cognoistre quelle estoit sa nature & ses meurs. Et apres auoir bien ueu & reueu le tout, quand on l'eut une autre fois remené deuant le Roy Crœsus, il luy demanda si auoit iamais ueu homme plus heureux que luy: Solon respondit qu'ouy, & que c'estoit un bourgeois d'Athenes nommé Tellus, lequel auoit esté homme de bien, & auoit laissé des enfans bien estimez, & des biens suffisamment, & qui finablement auoit eu l'heur de mourir fort glorieusement en combattant pour la defense de son país. Crœsus aiant ouy ceste response, commença à l'estimer homme de ceruelle esuentee, ou grossier & sans iugement, de ne mesurer point la beatitude & felicité de ce mode à posseder beaucoup d'or & d'argent, & de reputer la uie & la mort d'un homme priué de petite & basse condition, plus heureuse que l'opulence & la puissance d'un si grand Roy: mais neantmoins encore luy demâda il, quel autre homme il auoit ueu plus

- A** heureux que luy apres ce Tellus. Solon luy respondit, qu'il auoit ueu Cleobis & Biton, qui estoient deux freres, lesquelz auoient singulierement aimé l'un l'autre, & leur mere, de sorte qu'à un iour de feste solennelle, qu'elle deuoit aller au temple de Iuno sur son chariot trainné par des bœufs, pource que les bœufs demouroient trop à uenir, ilz se soubmirent tous deux uoluntairement au ioug, & trainerent eulx mesmes à leur col le chariot de leur mere, laquelle en eut tresgrande ioye, & fut reputee tresheureuse par tout le peuple, d'auoir porté de telz enfans: puis aians sacrifié à la Deesse, & fait bonne chere au festin du sacrifice, ilz fallerent coucher, mais ilz ne se releuerent point le lendemain, ains furent trouuez morts sans auoir souffert mal ny douleur apres
- B** auoir receu tant de gloire & tant d'honneur. Crœsus adóc ne peut plus auoir de patience, ains luy dit tout en cholere: Et quoy, ne me mets-tu donques en nul degré des hommes heureux? Solon ne le uoulant point flatter, ny aussi l'irriter & courroucer d'auantage, luy respondit: O roy des Lydiens, les Dieux nous ont donné à nous autres Grecs toutes choses moiennes, & mesmement entre autres choses une sagesse basse & populaire, non pas royale ny magnifique: laquelle considerant comme la uie humaine est subiette à infinies mutations, nous defend de nous confier ou glorifier aux biens de ce monde, ne beaucoup estimer la felicité d'un homme qui est encores en danger de mutation & de changement: car le temps ameine tous les iours beaucoup de diuers
- C** accidents à l'homme, auxquelz il n'auoit iamais pensé. Mais quand les Dieux ont continué le bon heur à une personne iusques à la fin de ses iours, alors la reputons nous bienheureuse: mais de iuger heureux celuy qui uit encore, attendu qu'il est tousiours en danger autant comme sa uie dure, cela nous semble estre tout ne plus ne moins, que qui adiugeroit le pris de la uictoire auant le temps à celuy qui combat encore, & qui n'est pas asseuré de l'emporter. Solon ces paroles dites s'en retourna, aiant offensé, & non pas rendu sage ny emendé le Roy Crœsus. Mais Æsopus, celuy qui a composé les fables, estât pour lors en la uille de Sardis, ou il auoit esté mandé par le Roy, qui luy faisoit fort bonne chere, fut marry de ueoir que le Roy eut fait si mauuais recueil à Soló,
- D** si luy dit, par maniere d'admonestement: O Solon, ou il ne se fault point du tout s'approcher des princes, ou il leur fault complaire & agreer. Mais au contraire, respondit Solon: ou il ne fault point s'en approcher, ou il leur fault dire la uerité, & les bien conseiller. Ainsi feit Crœsus pour lors bien peu de compte de Solon: mais apres qu'il eut perdu la bataille contre Cyrus, qu'il eut perdu sa uille, & qu'il fut pris prisonnier, & que lon le môra lié & garrotté dessus un hault bucher de bois, pour le brusler à la ueuë de tous les Perses & de son ennemy mesme Cyrus, il se prit à crier tât quil peut à haulte uoix par trois fois: O Solon. Cyrus en fut esbahy, & luy enuoya demander si c'estoit un Dieu ou un homme que ce Solon qu'il reclamait ainsi seul en l'extremité de son malheur. Crœsus ne luy cela rien, & dit que c'estoit un des sages de la Grece, que i'enuoia querir il y a quelque temps, nō pour apprédre aucune chose de luy, dōt i'auois bon besoing, mais à fin qu'il fust tesmoing de la felicité en laquelle ie me trouuois alors, quand il l'auroit ueue, en la perte de laquelle il y a trop plus de mal que de bien en la iouissance: car ie cognois maintenant que tous les biens que ie possedois alors n'estoient que paroles & opinion, lesquelles me sont maintenant tourneés realement & de faict en griesues douleurs & calamitez ou ie ne puis remedier: quoy considerant ce sage Grec là, & pre-
- E**

Solon.

uoiant de loing ce que ie feuffre maintenant par les choses que ie faisois F
alors, m'aduertissoit que i'attendisse la fin de ma uie, & que ie ne presumas-
se point trop de moy, enflé de uaine gloire sur l'opinion d'une beatitude
si mal fondée & si peu assurée. Ces paroles aians esté rapportées à Cyrus
qui estoit plus sage que Cræsus, & qui ueoit le dire de Solon confirmé par
un si notable exemple, non seulement il deliura Cræsus du peril de mort,
mais l'honora depuis tousiours tant comme il uescut: ainsi eut adonc So-
lon la gloire d'auoir sauué l'honneur à l'un de ces Roys, & la uie par son sa-
ge aduertissement à l'autre. Mais pendant qu'il estoit absent il se leua de gran-
des seditions à Athenes entre les habitans, & estoient chefs de ceulx de la
plaine, Lycurgus: de ceulx de la marine, Megacles filz d'Alcmeon: & de ceulx G
de la môtaigne, Pisistratus: avec lesquelz estoient ioincts les Artisans uiuâs de
leurs bras qui estoient les plus aspres contre les riches, tellemēt qu'encore que
la uille gardast les loix & ordonnances de Solon, il n'y auoit neantmoins ce-
luy qui n'attendist la mutatiō & qui ne desirast uoir les choses en autre estat,
esperant chascune des parties que sa condition amēderoit par le changemēt,
& qu'elle uiendroīt au dessus de ses aduersaires. Estans donques les choses en
tel trouble Solon arriua à Athenes, là ou chascun luy porta honneur & reue-
rence, mais il n'estoit plus dispos de sa personne pour pouuoir parler hault en
public, ny pour manier affaires comme il auoit fait par le passé, pource que sa
uieillesse l'en engardoit: & à ceste cause parloit il separement à ceulx qui e- H
stoient chefs des parts, essayant s'il les pourroit mettre d'accord & reconci-
lier ensemble. A quoy il sembloit que Pisistratus uoulust entendre plus que
nul des autres, car il estoit courtois, & auoit la parole douce & amiable, &
si se môstroīt secourable enuers les pauures, & moderé mesme enuers ses en-
nemis: & s'il y auoit aucune bonne qualité qui luy defaillist, il la contre-
faisoit si bien, que lon croyoit qu'elle fust plus en luy qu'en ceulx qui ue-
ritablement & naturellement l'auoient, comme d'estre homme reposé, non
entreprenant, se contentant du sien sans aspirer plus oultre, haissant ceulx
qui attenteroient de changer l'estat present de la chose publique, & machi-
neroient quelques nouuelletez. Par lesquelles feintes & simulations il abu- I
soit le commun populaire: mais Solon descouurit incontinent ses meurs &
sa nature, & sapperceut le premier du but ou il tendoit, toutefois il ne le haïs-
soit point encore, ains taschoit tousiours à le gagner, & à le ramener à la rai-
son, disant souuent & à luy mesme & à d'autres, que qui luy pourroit oster de
sa fantaisie l'ambitiō de uouloir estre le premier, & le pourroit guarir de ceste
cupidité de dominer, il ne se trouueroit point d'homme mieulx né à la uertu
ny meilleur citoien que luy. Or commenceoit ia pour lors Thespis à mettre
en auant ses Tragedies, & estoit chose qui plaisoit merueilleusement au peu-
ple pour la nouueauté, n'y aiant pas encore nombre de poëtes qui en feissent
à l'enuy l'un de l'autre à qui en emporteroit le pris, comme il y a eu depuis. Et K
Solon estant de sa nature desireux d'ouir & d'apprédre, & en sa uieillesse cher-
chant à passer son temps à tous esbattemens à la musique, & à faire bonne che-
re plus que iamais, alla un iour ueoir Thespis, qui iouoit luy mesme, comme
estoit la coustume ancienne des poëtes, & apres que le ieu fut finy, il l'appella
& luy demanda, s'il auoit point de honte de mentir ainsi en la presence de tant
de monde. Thespis luy respondit, qu'il n'y auoit point de mal, de faire & dire
telles choses, ueu que ce n'estoit que par ieu. Adonc Solon frappant biē ferme
contre

A contre la terre avec un baston qu'il tenoit en sa main: Mais en louant, dit il, & approuuant de telz ieux, de mentir à son esciant, nous ne nous donnerôs garde de que nous les trouuerôs bien tost à bon esciant dedans noz contraux & noz affaires mesmes. Peu de temps apres Pisistratus festant luy mesme blecé & ensanglanté par tout le corps, se fait porter dedans un chariot sur la place, là ou il eueut fort le menu peuple, en leur donnant à entendre, que ce auoient esté ses ennemis, qui l'estoient allez surprendre en trahison, & l'auoient ainsi mal accoustré pour le different qu'il auoit contre eulx, à cause du gouuernement de la chose publique: & y en auoit plusieurs qui en estoient fort indignez, & qui crioient que c'estoit meschamment faict. Et lors Solon s'approchant, luy dit, **B** O filz d'Hippocrates, tu cōtrefais & ioues mal le personnage de l'Vlysses d'Homere: car tu t'es fouetté toy mesme pour tromper tes citoiens, & luy se esgratigna pour abuser les ennemis. Ce nonobstant la commune tumultuoit tousiours, estât toute preste de prendre les armes pour Pisistratus: & fut tenue une assemblee generale de conseil, auquel un Ariston proposa, que lon otroyast cinquante hōmes portans leuiers & masses à Pisistratus, pour la garde de sa personne. A quoy Solon montant sur la chaire & tribune des harēgues, contredit uertueusement, & remōstra au peuple plusieurs raisons semblables à celles qu'il a depuis escriptes en uers, disant:

C Chascun de uous en son affaire à part

E st aduisé, & fin comme un renard,

E t tous ensemble estes grossiers & mousses

D 'entendement, ueu qu'aux paroles doulces

D 'un homme feinct, qui uous ueult deceuoir,

V ous regardez, sans rien plus oultre ueoir.

Mais à la fin uoiant que les pauures tumultuoient, tenans le party de Pisistratus, & les riches aians peur s'enfuyoient ça & là, il se retira aussi, disant qu'il auoit monsté auoir plus de sens que les uns, & plus de cueur que les autres: plus de sens que ceulx qui ne uoyoient pas la fin ou tendoit Pisistratus, & plus de cueur que ceulx qui cognoissoient bien qu'il aspiroit à usurper la tyrānie, & neantmoins ne luy osoient pas resister. Ainsi le peuple authorisa la proposition d'Ariston, touchât l'ottroy des hallebardiers, & ne luy en limita point le nombre, ains luy souffrit en auoir au tour de luy, & en assembler autant cōme il uoulut, iusques à ce qu'il se faist de la forteresse du chasteau. Et adonc la uille se trouua bien esbaie & bien estonnee: si s'enfuirent incontinent Megacles & tous ceulx qui estoient de la race des Alcmaeonides. Et Solon qui estoit ia fort uieux, & n'auoit personne qui le secondast, s'en alla neantmoins encore sur la place, ou il parla aux citoiens qu'il y trouua leur reprochant leur bestise & leur lascheté de cueur, & quand & quand les encourageant de ne laisser pas perdre leur liberté. Ce fut lors qu'il dit un propos, qui depuis a bien esté recueilly & bien renommé: Parauant, dit il, il uous estoit plus facile d'empescher que ceste tyrānie ne se formast: mais maintenant qu'elle est toute formee, ce uous sera plus de gloire de l'abolir & exterminer. Toutefois pour toutes ces belles raisons, il ne trouua personne qui luy prestast l'oreille, tant ilz estoient tous estonnez. Parquoy il se retira en sa maison, là ou il prit ses armes & les meit deuant sa porte emmy la rue, disant, Quand à moy i'ay faict tout ce qui m'a esté possible, pour secourir & defendre les loix & la liberté de mô pais. Et depuis lors se teint coy, sans plus s'entremettre du gouuernemēt de la cho-

Solon.

se publique. Ses amis luy conseilloyent bien, qu'il s'en fouist: mais il n'en uou-
lut rien faire, & se teint en sa maison composant des uers, par lesquelz il re-
prochoit aux Atheniens leurs fautes, en disant:

S i maintenant beaucoup uous endurez,
C ontre les Dieux pource ne murmurez:
P renez uous-en à l'erreur que uous feistes
E n ottroyant des armez satellites
A -ceulx qui ont, avec telle puissance,
M is sur uoz chefs le ioug d'obeissance.

Pour telz propos, ses amis l'admonestoient qu'il regardast à ce qu'il disoit, &
qu'il y auoit danger si le tyran en entendoit parler, qu'il ne le feist mourir: &
luy demandoient, en quoy il se confioit pour parler ainsi audacieusement: il
leur respōdit, En ma uieillesse. Toutefois Pisistratus apres estre uenu au dessus
de son entente, luy feit tant d'honneur & tant de bon recueil, en l'enuoiant
querir sur sa foy, que Solon à la fin fut de son conseil, & approuua beaucoup
de choses qu'il faisoit: car Pisistratus garda luy mesme inuiolablement & feit
garder à ses amis les loix de Solon, tellement qu'estant appelé en iustice de-
uant la court d'Areopage, pour un meurtre, lors qu'il estoit ia tyran, il se pre-
senta fort modestement pour respondre aux charges que lon luy mettoit sus,
& s'en iustifier: mais l'accusateur ne poursuiuit pas. Et feit encore Pisistratus
luy mesme de nouuelles ordonnances, comme celle la, Que celuy qui auroit
esté mutilé & rendu impotent de quelque mēbre à la guerre, fust nourry tout
le temps de sa uie aux despens de la chose publique. Ce qui ia parauant auoit
esté commencé en la personne de Therisippus, ainsi comme l'escriit Heracli-
des, à la suasion de Solon, qui le meit en auant au conseil: & depuis Pisistratus
suiuant ceste proposition en feit pour l'aduenir une ordonnance generale.
Theophrastus mesme dit, que ce fut Pisistratus, & non pas Solon, qui institua
l'action d'oisiueté, ce qui fut cause que le pais d'Attique deuint plus fructueux
en estant mieulx labouré, & la uille d'Athenes en demoura plus paisible. Mais
Solon aiant commencé à coucher par escript en uers, le compte & la fable de
l'isle Atlantique qu'il auoit apprise des sages de la uille de Saïs en Ægypte, &
qui conuenoit aux Atheniens, il se lassā, & demoura en chemin, non pour af-
faire ou empeschement qu'il eust, comme dir Platon, mais seulement pour sa
uieillesse, & pource que la longueur de l'œuure luy feit peur. Car au demou-
rant qu'il eust du loisir assez, il appert par ces uers, ou il dit,

Le deuens uieux en apprenant tousiours.

Et en un autre passage, ou il dit:

D ame Venus est ores mon deduit,
E t de Bacchus le breuuage me duit,
L es dons aussi des muses: car se sont
L es poincts qui uiure en plaisir l'homme font.

Depuis Platon aiāt voulu deduire au lōg & enrichir ce subiect de la fable At-
lantique, comme uoulant, par maniere de dire, cultiuer un champ delaissé en
friche, qui aucunement luy appartenoit, pour estre extraict & descendu de la
race de Solon, il commença à y bastir un beau & superbe portail, l'enuiron-
ner de belles murailles, & y edifier de belles & grandes salles à l'entree, telles
que iamais autre traitté ny fable, ou inuention poëtique, n'en eut de si magni-
fiques: mais pource qu'il y commença aussi trop tard, il acheua sa uie auant

son

A son œuvre, laissant aux lecteurs d'autant plus de regret de n'avoir pas ce qui en reste à écrire, que plus donne de plaisir aux lecteurs ce que lon en a d'escript: car tout ainsi comme en la uille d'Athenes, le temple de Jupiter Olympien est demouré seul imparfait, aussi la sapience de Platon entre tant de beaux discours, qui en sont sortis n'a laissé imparfait, que celuy seul de la fable Atlantique. Solon donques uescut encore long temps apres que Pisistratus eut usurpé la tyrannie, ainsi que dit Heraclides le Pontique: toutefois Phantias Ephesien escrit, qu'il ne uescut plus que deux ans. Car Pisistratus usurpa dominatio tyrannique l'annee que Comias fut Preuost à Athenes: & Phantias escrit, que Solon mourut l'annee que Hegestratus le fut, qui fut l'annee prochaine d'apres. Et quant à ce qu'aucuns disent que les cendres de son corps apres sa mort, furent espendues par route l'isle de Salamine, cela semble estre chose cōtrouuee, ou il n'y a point de uraysemblance: mais neantmoins elle a esté escrite par plusieurs notables auteurs, & entre les autres, par le philosophe Aristote.

B

Publius Valerius Publicola.



C IANT donques Solon esté tel, il nous a semblé bien seâr de l'assortir avec Publicola, celuy auquel le peuple Romain dōna par honneur ce surnom la, pource que parauant il s'appelloit Publius Valerius, estat descendu d'un ancien Valerius, qui fut l'un des principaux instruments de moiener, que les Romains & les Sabins, qui estoient ennemis mortelz, se cōioignissent en un mesme peuple: car ce fut luy qui plus incita les deux Roys à s'accorder, & à se ioindre ensemble. Estant dōques Publicola descēdu de cestuy la, pēdant que les Roys dominoient encore à Rome il estoit en grande estime, tant pour son eloquence que pour sa richesse, usant de l'une droittement & librement, pour la defense de la iustice, & de l'autre liberalement & humainement, pour en subuenir aux pauvres: de sorte qu'il estoit tout apparent que si le royaume uenoit à se changer en estat de chose publique, il seroit l'un des premiers hommes d'icelle. Si aduint que le Roy Tarquinius surnommé le Superbe, n'estant point uenu au royaume par bonne uoye, ains meschamment & malheureusement, & sy estant aussi porté non point en Roy, ains en uolent & oultrageux tyran, fut si haj & si maluoulu du peuple, avec l'occasion de la mort de Lucrece, laquelle se tua elle mesme pour auoir esté uiolée à force, que toute la uille se souleua & rebella contre luy: & Lucius Brutus prenant en main la conduite de ce souleuement & de ceste rebellion, s'en adressa premierement à cestuy Valerius, qui le secōda en ceste entreprise fort affectueusement, & luy aida à chasser le Roy Tarquinius avec tous ceulx de sa maison. Or tant que lon pēsa que le peuple deust elire un seul capitaine en chef au lieu d'un Roy, Valerius se teint coy, en cedant uoluntairement le premier lieu à Brutus, cōme mieulx appartenant à celuy qui auoit esté principal auteur & cōducteur du recouurement de la liberté: mais quand on ueit que le nom de Monarchie, c'est à dire de puissance souueraine en un seul, estoit desplaisante au peuple, & qu'il la supporterait plus patiemment quand elle seroit diuisee en deux: & pour

D

E

Publicola.

ceste cause qu'il uouloit elire deux Consuls. Valerius adonc commença à F
esperer qu'il en feroit l'un avec Brutus : mais toutefois il descheut de ceste es-
perance : car contre la uolunté de Brutus mesme, fut eleu Consul avec luy
Tarquinius Collatinus le mary de Lucrece, non qu'il fust hōme de plus gran-
de uertu ny de meilleure reputation que Valerius, mais les principaulx de la
uille redoubtans les menées que faisoient ceulx de la maison royale, qui ten-
toient tous moiens de retourner, & alloient flattant & amolissant le peuple,
uolurēt auoir pour l'un de leurs chefs, celuy qui auoit occasion de leur estre
plus aspre & plus uehement ennemy, aians bien opinion que celuy la ne fles-
chiroit en rien. Valerius prit cela fort à cueur, que lon n'eust pas ceste fiance
de luy qu'il fust pour faire toutes choses au profit de son païs, pource qu'il n'a G
uoit particulièrement receu aucune iniure des tyrans : à raison dequoy il ces-
sa d'aller au Senat, de plaider pour les particuliers, & entierement de plus s'en-
tremettre des affaires publiques, de maniere qu'il donna à parler à beaucoup
de gens, & les meit en peine, craignans que pour ce mescontentement il ne se
rengest du costé des Roys, & ne fust cause de mettre la uille sans dessus des-
soubz, attendu mesmement qu'elle en estoit en grād branle. Mais quand Bru-
tus, qui auoit soupson sur quelques autres encore, uolut affermēter & fai-
re iurer sur les sacrifices tous ceulx du Senat, & qu'il leur eut assigné iour pour
ce faire solennellement : Valerius adonc descendit avec un bon uisage sur la
place, & avec une chere ouuerte fut le premier qui iura, qu'il n'espargneroit H
ny n'omettroit rien à faire qui fust au dōmage & au preiudice des Tarquins,
ains que de toute sa puissance il combattroit pour la tuition & defense de la
liberté. Cela resiouit grandement toute l'assistance du Senat, & donna grande
assurance aux Consuls, mesmement que tantost apres il monstra que les ef-
fects respondoient aux paroles du sermēt : car il uint des ambassadeurs à Ro-
me qui apportoiēt des lettres du Roy Tarquinius pleines de doulces & hum-
bles paroles pour gagner la grace du peuple, avec charge de tenir les plus
gracieux & plus humbles propos dont ilz se pourroient aduiser, pour atten-
dri les cueurs de la multitude, mesmement uenans de la part du Roy, lequel
ilz disoient auoir laissé toute fierté & ne demander que choses raisonnables. I
Les Consuls furent d'aduis de leur donner audience publique & les souffrir
parler au peuple, mais Valerius y contredit, & s'y opposa, en remonstrāt qu'il
seroit trop dangereux de donner occasion & moien de susciter quelque nou-
uelteté à une tourbe de peuple pauvre, qui auoit plus de peur de la guerre que
de la tyrannie. Depuis il reuint encore d'autres ambassadeurs, qui dirent, que
Tarquinius deormais se deportoit de plus uouloir r'entrer en son royaulme
& de faire la guerre, mais à tout le moins qu'il requeroit que lon luy rendist
son argent & ses biens à luy & ses amis, à fin qu'ilz eussent dequoy se pouoir
entretenir en leur exil. Plusieurs flechissoiēt & se laissoient aller à ceste requē-
ste, mesmement Collatinus, l'un des Consuls, qui leur fauorisoit en leur de- K
mande : mais Brutus, qui estoit homme inflexible & uiolēt en sa cholere, s'en
courut incontinent sur la place, criāt que son compaignon estoit traistre, qui
uouloit que lon concedast aux tyrans matiere de faire la guerre, là ou ilz ne
meritoient pas qu'on leur donnast seulement dequoy uiure en leur exil. Le
peuple s'assembla là dessus, & le premier qui parla en ceste assemblee fut un
priué nommé Gaius Minucius, lequel adressant sa parole à Brutus, & à tous
les assistans, leur dit : Seigneurs faictes en sorte que les biens des tyrans soient
plus

A plus tost avec uous pour leur faire la guerre, qu'avec eulx pour la uous faire à uous mesmes. Ce neantmoins les Romains furent d'aduis, qu'aians la liberté pour laquelle ilz combattoient cōtre les tyrans, ilz ne deuoient point en retenant leurs biés refuzer l'offre de paix, & qu'il ualloit mieulx leur ietter leurs biens apres eulx. Or estoit ce la moindre chose à quoy pensast Tarquinius qu'à rauoir ses biens, mais sous couuerture de les redemâder, il faisoit sous main tenter le peuple, & ourdissoit une trahison, que ses ambassadeurs cōduisoient faisans semblant de recueillir les biens du Roy & de ses gens, disans qu'ilz en auoient ia uendu une partie, & qu'ils en gardoient & en enuoyoit tous les iours, si bié que dilaians ainsi, sous ses couleurs ilz corripirent deux

B des meilleures & plus anciennes maisons de la uille, celle des Aquiliens, ou il y auoit trois Senateurs, & celle des Vitelliés, ou il y en auoit deux, qui tous estoient nepueux de par leurs meres du consul Collatin : & auoient les Vitelliens encore une autre alliance avec Brutus, car sa femme estoit leur propre sœur, & auoit plusieurs enfans d'elle, desquelz les Vitelliens auoient ia tiré à leur cordelle les deux plus grands, pource qu'ilz hantoient familièrement ensemble comme cousins germains, & les auoient induits à uouloir estre participans de leur trahison, en falliât de la maison des Tarquins qui estoit grande & puissante, moienant le support de laquelle ilz se pouuoient promettre tout accroissement d'honneur & de biens par le moien des Roys, plus tost que

C de s'arrester à la brutalité & dureté de leur pere : car ilz appelloient dureté sa feuerité encontre les meschans, ausquelz il ne pardonnoit iamais. Et au demourant il auoit long temps fait semblât d'estre insensé & idiot pour la feuerité de sa personne, à fin que les tyrans ne le feissent mourir, tellement que le nom de Brutus luy en estoit encore demouré. Apres que ces deux ieunes hommes eurent consenty & parlé avec les Aquiliens, ilz furēt tous d'aduis de s'obliger les uns aux autres, avec un grand & horrible serment, en beuuant tous ensemble du sang, & touchant des mains aux entrailles d'un homme qu'ilz immoleroient. Cela accordé entre eulx, ilz s'assemblerent pour l'executer en la maison des Aquiliens. Or auoient ilz choisy pour ce faire un quartier de la maison obscur, & ou il ne hantoit presque personne : & aduint qu'un serui-

D reur de la maison, nommé Vindex, sy cacha sans que les cōiurez en sceussent rien, non qu'il eust expressement espié l'occasion & le moien de ueoir ce qu'ilz feroient, ou que parauant il en eust eu quelque sentiment, mais sy estât rencontré par cas d'aduēture, lors que les coniuerez y entrèrent avec contenance d'y uouloir faire quelque chose de secret & de consequence, il eut peur d'estre apperceu & se teint coy, en se cachât derriere un coffre qui là estoit, de maniere qu'il ueit tout entierement ce qui sy feist, & ouit tout ce qui sy delibera & qui sy dit. Si fut la resolution de leur conseil, qu'ilz occiroient les deux Consuls, & escriuissent des lettres à Tarquinius esquelles cela estoit cōtenu, qu'ilz

E baillèrent à ses ambassadeurs estans logez chez les Aquiliens, & presens à ceste conclusion. Cela arresté ilz sortirent de là, & Vindex en sortit aussi le plus secrettemēt qu'il peut, se trouuant en grande destresse pour ne sçauoir cōment il se deuoit gouverner en cest affaire : car il estimoit estre chose bié dure, comme à la uerité elle l'estoit, d'aller accuser les propres enfans enuers leur pere qui estoit Brutus, d'une si meschante & si malheureuse entreprise, & les nepueux enuers leur oncle qui estoit Collatinus : d'autre costé aussi ne luy sembloit ce pas estre un secret qu'il deust reueler à aucun particulier priué, &

Publicola.

moins encore estoit il possible qu'il s'en peust taire, estât incité & poulsé de sa conscience, si conclut à la fin de s'en adresser à Valerius estant semond à ce faire par la facilité & humanité du personnage, qui donnoit aiseemēt accez & audience à tous ceulx qui uoloient parler à luy, & qui ne dedaignoit iamais d'ouir les propos & les affaires des pauvres. Estant donques Vindex allé deuers luy, & luy aiât déclaré le tout en presence d'un sié frere Marcus Valerius, & de sa femme, il en fut grandement esbahy & espouuété, si le reteint de peur qu'il ne s'en fouist, & l'enferma dedans une chambre, donnât la charge à sa propre femme de garder la porte, que personne n'y entraist n'y ne'n fortist, & ordonnant à son frere, qu'il allast enuironner le palais du Roy pour surprendre les lettres s'il estoit possible, & garder que personne des seruiteurs n'euadast: & luy accompagné, comme de coustume, de grande fuitte, tant de ses amis que de poursiuans, & de grand nombre de gens qui luy faisoient la court, s'en alla droit au logis des Aquiliens, qui d'aduenture n'estoient pas lors en la maison, & entrant par la porte, sans que personne luy donnast empeschement, il trouua les lettres en la chambre ou logeoient les ambassadeurs du Roy Tarquinius. Sur ces entrefaictes les Aquiliés qui en ouyrét le uent, s'en recoururent incontinent en la maison, ou ilz trouuerent Valerius qui en sortoit: si se meirét en effort de luy oster les lettres qu'il tenoit: mais Valerius & sa compagnie les en engarderent, & qui plus est leur entortillerent leurs robbes autour du col, & les entraînerent par force, quelque resistâce qu'ilz sceussent faire, iusques sur la place. Autant en fut il fait au palais mesme du Roy, là ou Marcus Valerius trouua encore d'autres lettres q̄ lon auoit enuelopees dedás des hardes, pour plus seurement les emporter, & tira aussi par force sur la place tous les seruiteurs du Roy qu'il y rencōtra. Et là les Consuls aians fait faire silence, Valerius feit amener de son logis le serf Vindex: & adonc les coniurez furent publiquement accusez, & leurs lettres leuës, sans qu'ilz eussent la hardiesse de rien respōdre. Toute l'assistance estōnce tenoit les yeux en terre la teste baissée, & n'y auoit personne qui ozaist ouurir la bouche pour parler, exceptez quelques uns, qui uoulans gratifier à Brutus, commencerēt à dire, qu'il les falloir bannir: & si leur donoit Collatinus quelque esperâce, à cause qu'il se prit à plover, & Valerius aussi pource qu'il ne disoit mot: mais Brutus appellât ses enfans par leurs propres noms: Or sus (dit il) Titus, & toy Valerius, que ne respōdez uous à ce dont on uous accuse? Et les aiant par trois fois sommez de respondre, quand il ueit qu'ilz ne respondoient rien, il se tourna deuers les executeurs de iustice, & leur dit, C'est maintenāt à uous à executer le demourant: faites uostre deuoir. Si tost qu'il eut prononcé ces paroles, les executeurs de iustice saisirent incontinent au corps les deux ieunes hommes, & en leur deschirant leurs habillemens, leur lierent les mains par derriere, puis les batièrent de uerges: ce qui faisoit si grande horreur à tous les assistans, qu'ilz n'auoient pas le cueur de les regarder, ains se tournoient d'un autre costé pour n'en rien ueoir. Mais au cōtraire on dit, que leur pere propre ne tourna iamais sa ueuë ailleurs, ny n'addoucit onques par pitié la rigueur & la seuerité qu'il monstrois en son uisage, ains regarda tousiours avec les yeux fichez, punir ses propres enfans, iusques à ce qu'ilz furent estendus tout de leur long sur la terre, & leur furent à tous deux les testes trenchees avec une hache: quoy fait, Brutus se retira, laissant faire la punition des autres à son compagnon. Cela fut un acte, que lon ne sçauroit ny suffisamment louer, ny assez blasmer: car

A ou c'estoit une excellence de uertu, qui rendoit ainsi son cueur impassible, ou une uiolence de passion qui le rendoit insensible, dōt ne l'un ne l'autre n'est chose petite, ains surpassant l'ordinaire d'humaine nature, & tenant ou de la diuinité, ou de la bestialité. Mais il est plus raisonnable, que le iugemēt des hommes s'accorde à sa gloire, que la foiblesse des iugeans face descroire sa uertu: car les Romains estiment, que ce ne fut pas si grād exploit à Romulus d'auoir premierement fondé Rome, qu'à Brutus d'auoir recouuré la liberté, & estably le gouuernemēt de la chose publique: mais pour lors, quād il se fut retiré, tout le monde demoura sur la place comme tranſy d'horreur & de frayeur par un long temps sans mot dire, pour auoir ueu ce qui auoit esté fait. Et les Aquiliēs

B prenans assurance de ce qu'ilz uoioient l'autre Consul Collatinus proceder lentement & froidement à l'encontre d'eulx, requirent que lon leur baillast tēps & loisir pour respōdre aux charges que lon leur imputoit, & que lon leur redist Vindex leur esclauē, pource qu'il n'estoit pas raisonnable qu'il demourast entre les mains de leurs accusateurs. Ce que le Cōsul leur uouloit ottroyer, & estoit ia prest de rompre l'assemblée: mais Valerius dit qu'il ne rendroit point Vindex, lequel estoit parmy la tourbe de gens qu'il auoit autour de sa personne: & si engarda que le peuple ne s'en allast, en laissant eschapper ceulx qui auoient entrepris de trahir si laschement leur païs, iusques à ce que luy mesme leur meit sus la main, en appellant Brutus à son aide, & protestant que

C Collatinus ne se portoit point en homme de bien, attendu que uoiant comme son compagnon Brutus auoit esté contrainct de faire punir de mort ses propres enfans, luy au contraire, pour gratifier à des femmes, taschoir à faire euader des traistres manifestes, & ennemis publics du païs. Dequoy le Cōsul se courrouceant, commanda que lon emmenast le seruiteur Vindex, & les sergents faisans escarter la presse, meirent la main sur luy pour l'emmener, & commencerent à frapper sur ceulx qui les en uouloient garder: mais les amis de Valerius se meirent au deuant, & les repoulserent. Le peuple mesme se prit à crier & à appeller Brutus: lequel à ce bruit retourna de rechef sur la place, & luy estant fait silence, dit, que quant à ses propres enfans, il en auoit esté tout

D seul iuge suffisant pour les punir selon qu'ilz auoient desseruy, & quant aux autres, qu'il en auoit laissé le iugement au peuple, qui estoit franc & libre. Parquoy qui uouldra, dit il, si se leue, & suade au peuple ce que bon luy semblera. Si ne fut plus besoing d'autres paroles, ains seulement de receuillir les uoix du peuple, par toutes lesquelles ilz furent condemnez, & suyuant la condemnation eurent les testes trenchées. Or estoit ia des auparauant le Consul Collatinus en quelque souspeçon, pource qu'il estoit parēt des Roys, & si haïssoit on son surnom, pource qu'il s'appelloit Tarquinius: & uoiāt d'auātage que pour ses deportemens en ce cas, il estoit hay & mal uoulu de tout le monde, il se depōsa luy mesme uoluntairemen du Consulat, & s'en alla hors la uille de Rome.

E Et adonc le peuple s'assemblant pour luy substituer un succeſſeur, Valerius fut eleu sans aucun contredit, en recompense de la bonne affection & soigneuse diligence, dont il auoit usé en cest affaire. Mais estimant que le seruiteur Vindex auoit bien meritē aussi quelque recompense, il luy feit donner, non seulement liberté par ottroy du peuple, mais aussi droit de bourgeoisie, & fut le premier serf affranchy qui fut faict citoien Romain, avec permission de donner sa uoix aux elections des officiers, en quelque lignee qu'il se uoudroit faire enroller. Long temps depuis, & bien tard, Appius pour gagner la

Publicola.

grace du menü populaire, ottroya à tous les autres serfs affranchis loy, de donner aussi leurs suffrages aux elections : & iusques auiourdhuy un parfaict affranchissement de serf s'appelle Vindicta, du nom de ce Vindicius, qui fut lors affranchy. Cela fait, les biens des Roys furent abandonnez à piller au peuple, & leur palais razé. Or estoit entre autres heritages la plus belle partie du cháp de Mars au Roy Tarquinius, elle fut lors dediee & consacree au dieu Mars, y aiant esté non gueres auant sié le bled, & estât encore demourees les ierbes sur le champ: si estimerent que lon ne deuoit aucunement moudre ny approuffiter le bled qui en estoit issu, ains ietterét les ierbes & faisceaux de bled dedás la riuere, & pareillement les arbres qu'ilz arracherent & couperent, à fin que le champ demourast tout nud, sans porter fruiçt quelcôque, sacré au dieu Mars. Ces ierbes ainsi iettees tout à un coup dedans la riuere, furét emmenees à ual par le fil de l'eau, nō gueres loing de là, iusques en un endroit ou les premieres trouuerét l'eau basse, & sy arresterét, & empescherét que les autres qui suruin-drét apres ne peurét passer oultre, & se lierét & accrocherét si bien les unes aux autres, que toute la masse cōmencea à prendre pied ferme & à se fonder dedás l'eau : depuis encore le fil de la riuere y amena tousiours force sable & force limon, qui augmenta tousiours de plus en plus & affermit celle masse, de sorte que la force de l'eau ne la peut plus esbranler, ains plus tost en la serrát & pressant tout doucement, la lia d'auantage. Ainsi allant tousiours la grandeur & la fermeté de cest amas croissant, pource que tout ce que la riuere menoit à ual sy attachoit, finablement la chose est uenue avec le temps à telle augmētatiō, que c'est auiourdhuy à Rome l'Isle sacree, ou il y a plusieurs beaux temples de diuers Dieux, & plusieurs portiques à l'entour, & l'appelle lon en lāgage Latin, Entre deux pôts. Toutefois il y en a qui ueulét dire, que cela n'aduint pas lors que ce champ des Tarquins fut cōsacré à Mars : ains fut depuis quand une uierge du nombre des Vestales, qui s'appelloit Tarquinia, donna au peuple un sien cháp qui ioignoit à celui de Tarquin, pour laquelle liberalité elle eut en recompense de grandes prerogatiues & grands honneurs, cōme entre autres, qu'il fut ordōné que son tesmoignage seroit ualable en iugement, lequel priuilege nulle autre fēme n'auoit, & luy fut aussi permis par grace speciale du peuple, de se pouuoir marier si bon luy sembloit: ce qu'elle ne uolur point accepter. uoila comment on compte que cela aduint. Mais Tarquinius aiant perdu toute esperance de pouuoir rentrer en son royaume par surprise se retira deuers les Thoscans, qui le receurent bien uoluntiers, & assemblerent grosse puissance pour luy cuider remettre. Les Consuls Romains sortirét aussi avec leur armee à l'encontre, & se rengerent les deux osts en bataille l'un deuant l'autre dedans des lieux sacrez aux Dieux, dont l'un s'appelle le bocbage Arsien, & l'autre le pré Æsuien : & comme les deux armees commencerét à s'entrecharger, Arruns filz aîné de Tarquin & le Consul Brutus s'entrerent-contrerent, non point par cas d'aduenture, ains par ce qu'ilz s'entrecherchoiēt pour executer la grande haine qu'ilz portoient l'un à l'autre, l'un comme à un tyrant ennemy de la liberté de son pais, l'autre comme à celui qui auoit esté principal autheur de les faire chasser en exil: si eslancerent leurs cheualx l'un contre l'autre, aussi tost qu'ilz s'entr'apperceurent, avec plus de fureur que de raison, & s'entrefrapperent l'un l'autre si rudement, qu'ilz en tumberent tous deux roides morts sur la place. Et aiant esté l'entree de ceste bataille si cruelle, l'issue n'en fut pas moins sanglante, iusques à ce que les deux exercites aians

autant

A autant fait que souffert de dommage l'un à l'autre, furent separez par une tempeste qui se leua:& se trouua Valerius en grande destresse pour ne sçauoir auquelz estoit demouree la uictoire de celle iournee,uoiant les combattans aussi desconfortez pour le grand nombre de leurs gens qu'ilz uoioient morts deuant eulx,que resioiis pour ceulx des ennemis qu'ilz auoient tuez:car la multitude des morts à les ueoir estoit si egale, qu'il eust esté bien malaisé d'estimer desquelz il y en auoit plus,sinon q'les uns & les autres uoians à l'œil & de pres la diminutiō de leur cāp,se confirmoient plus tost en opinion d'y auoir perdu que d'y auoir gaigné,en coniecturant de loing le dechet de leurs ennemis. La nuit suruenāt telle que lon la peult estimer après une telle bataille, quand le bruit fut appaisé en tous les deux camps, on dit que le boecage ou ilz estoient campez trembla,& ouit on une haulte uoix, laquelle dit,qu'il estoit mort un de plus seulement en ceste baraille du costé des Thoscans, que du costé des Romains. Ce fut certainement quelque uoix diuine que celle la,car incontinent les Romains s'en priret à crier hault & clair, comme gens à qui le courage estoit creu,& les Thoscās au contraire s'en effroyerēt tellemēt, que la plus part se desroba du cāp & s'escarta ça & là,& n'y en demoura sinon enuiron cinq mille, que les Romains allerent prédre tous prisonniers,& pillerēt tout ce qui estoit demouré en leur camp. Les morts furent depuis comptez,& trouua lon qu'il y en auoit sur le champ unze mille trois cents du costé des Thoscans,& des Romains autant, à un seul pres. Ceste bataille fut donnee le dernier iour de Feburier, comme lon dit,& en triumpha le Consul Valerius,estant le premier des Consuls, qui entra onques dedans Rome sur un char triumpuant trainné par quatre cheuaux:ce q'le peuple trouua beau & magnifique à ueoir,& ne s'en offensa point comme quelques uns ont uoulu dire, ny n'en porta point d'enuie à celuy qui le commencea:car autrement la coustume n'en eust pas esté si affectueusement suiuite, ny n'en fust pas demouree par tant & tant d'ans comme elle a fait depuis. Aussi prisa lon beaucoup les hōneurs qu'il feit à son compaignon Brutus au conuoy de ses funerailles & à ses obseques, là ou il feit une harengue funebre à sa louange:ce qui pleut tant aux Romains,

D & leur en fut la façō si agreable, que depuis la coustume en est tousiours demouree quand il meurt quelque grand personnage, qu'il est publiquement loué à son enterrement par les plus gens de bien suruiuans. On dit que ceste harengue funebre est plus ancienne que la premiere qui fut onques prononcee en matiere semblable dedans la Grece:si ce n'est que lon ueuille maintenir ce que l'orateur Anaximenes a escrit, que la maniere de louer ainsi les trespassez à leurs obseques, ait esté premierement instituee par Solon. Mais plus uoulut on de mal à Valerius,& luy sceut on mauuais gré de ce que Brutus, que le peuple recognoissoit pour pere de la liberte, n'auoit iamais voulu estre seul en office, ains auoit luy mesme procuré par deux fois qu'on luy substituast un compaignon:& cestuy cy au contraire (ce disoit le bruit commun) l'attribuant à luy seul la souueraine autorité, monstre bien qu'il ne ueult pas estre successeur de Brutus au consulat,& que ce n'est pas le but ou il pretend,mais de Tarquinius,au royaume. Que sert donques louer Brutus de paroles,& de faict imiter Tarquinius, aiant deuant luy seul tous les massiers, toutes les haches,& tous les faisceaux de uerges, quand il sort en public hors de sa maison, laquelle est beaucoup plus grande & plus superbe que celle du Roy,qu'il a luy mesme demolie? Aussi, à dire la uerité, Valerius habitoit en

Publicola.

une maison un petit trop superbement bastie, au pèdant du mont qui s'appel-
le Velia, & descouuroit, pour estre en affiette haulte, toute la place, tellement
que lon en pouuoit facilement ueoir tout entierement ce qui sy faisoit, & si
estoit malaisée à approcher par le dehors: de maniere que quand il sortoit
hors de sa maison, c'estoit une pompe fort superbe que de le ueoir ainsi descē-
dre d'un hault lieu, avec une suite qui sentoit la magnificēce de la court d'un
Roy. Mais en c'est endroit monstra bien Valerius, combien sert à un person-
nage colloqué en eminente dignité, & aiant en main le maniēmet de grands
affaires, auoir les oreilles ouuertes à ouir & receuoir uoluntiers un frāc par-
ler au lieu de flatteries, & la uerité au lieu de menteries: car aiant entendu de
quelques siens amis comme le peuple se plaignoit & se mescontētoit de cela, G
il ne s'opiniastra point, ny ne s'en courroucea point à culx, ains tout aussi tost
assembla force ouuriers, si matin qu'il n'estoit pas encore iour, ausquelz il feit
abbatre sa maison, & la razer iusques en terre: tellement que le iour ensuiuāt
quand les Romains assemblez sur la place ueirent ceste grande & soudaine
ruine, priferent beaucoup la grandeur de courage que Valerius auoit mon-
stree en cela: mais aussi furent ilz marris & eurent regret de ueoir une si belle
& si grande maison, qui estoit ornement de la uille, demolie en un instant, ne
plus ne moins qu'un homme que l'on auroit iniustement fait mourir par en-
uie, & quand & quand aussi de ueoir leur souuerain magistrat comme un ua-
gabond, contraint de loger chez autrui: car ses amis le receurent chez culx H
iusques à ce que le peuple luy eut donné une place, en laquelle il feit rebastir
une maison plus modeste & moins superbe que la premiere, au lieu ou est au-
iourd'hui le temple qui s'appelle Vicus Publicus. Et uolant rendre nō seule-
ment sa personne, mais aussi l'office de Consulat agreable & plaisant au peu-
ple, au lieu que parauant il luy estoit espouuentable, il separa les haches d'a-
uec les faisceaux de uerges que les massiers portoient deuant le Consul: & en-
core quand il entroit sur la place ou le peuple fut assemblé en conseil il faisoit
baissier les uerges, comme en recognoissance & reuerence de la maiesté souue-
raine du peuple: ce que tous les magistrats obseruent encore auiourd'hui. En
quoy faisant il n'abaisa pas tant sa dignité, ce q̄ le uulgaire de prime face cui- I
deroit, cōme il se retrenchā d'enuie, en facquerāt autāt de uraye authorité, cō-
me il sembloit qu'il quittaist & cedast de licence: car cela feit que le peuple prit
plaisir à se soubmettre à luy, & luy en obeit plus uolūtiers, de sorte que pour
ceste occasion il le surnomma Publicola, qui uault autant à dire comme, ho-
norant & aimāt le peuple: le quel surnom il reteint tousiours depuis, & nous
aussi d'oresenauant en escriuant le reste de sa uie n'en userons plus d'autre: car
il permet à qui uouldroit, se presenter pour demander le Consulat au lieu de
Brutus. Mais ne sçachant pas quel seroit celuy que lon y subrogeroit, & crai-
gnant que par enuie ou par ignorance, celuy qui seroit substitué ne s'opposast
à ce qu'il entendoit faire, il employa sa souueraine puissance & authorité, pen- K
dant qu'il estoit seul, en tresbeaux & tresgrands exploits: car premierement il
remplit le Senat qui estoit fort decheut & diminué d'hommes, pource que le
Roy Tarquinius en auoit faict mourir les uns quel que temps au parauant, les
autres estoient nagueres morts en la bataille, au lieu desquelz il en remeit de
nouveaux, iusques au nombre de cent soixante & quatre, puis feit des statuts
& ordonnances nouvelles, qui fortifierent grandemēt l'authorité du peuple.
La premiere fut, qu'il permet à tous criminelz qui auroient esté condemnez
par

- A par sentence des Consuls, appeller deuant le peuple: La seconde fut, qu'il cōdemnoit à perdre la uie celuy, qui oseroit entreprēdre d'exercer un office que le peuple ne luy auroit point donné: La troisieme, qui fut grandement en faueur des pauures, fut que les pauures bourgeois de la uille ne paieroiēt plus de gabelles n'impositions quelcōques: qui fut cause que plus uolūtiers chascun se meit à exercer quelque mestier & quelque manufacture. Et quāt à celle qu'il feist à l'encontre de ceulx qui desobeiroient aux mandemens des Consuls, elle fut encore trouuee si populaire, que lon estima qu'elle feist plus pour les pauures que pour les riches & puissans: car il condēna les desobeissans en l'amende la ualeur de cinq bœufz, & de deux moutons: & estoit lors le pris d'un mouton, dix oboles: & d'un bœuf, cent. Car en ce temps la les Romains n'usoient pas beaucoup de monnoye forgee, & au cōtraire auoient grand nombre de moutons & de tout autre bestail: d'ou uient qu'encore iusques auioirdhuy ilz appellent leurs facultez, Peculium, pource que Pecus signifie brebis & moutons: & anciennement la marque de leur monnoye estoit un bœuf, un mouton, ou un porceau: & si appelloient leurs enfans, les uns Bubulci, qui signifie Bouuiers: les autres Caprarij, c'est à dire Cheuriers: & les autres Porcij, qui signifie Porchiers. Mais combien qu'en toutes ses autres ordonnances il fust fort populaire & fort moderé, si est-ce qu'en celle moderation il estendit quelquefois oultre mesure la rigueur de la peine: car il feist une ordonnance,
- C par laquelle il permet de tuer, sans autrement mettre en iustice, celuy qui aspireroit à la tyrannie, uolant que celuy qui auroit fait le meurtre, fust absous à pur & à plein, moienant qu'il feist apparoir comment le tué auroit attenté de se faire Roy. Car estant impossible qu'un homme pretende à si grande chose que quelcun ne s'en apperçoie, & au contraire estant bien possible, encore q lon s'en apperçoie que quelque fois il anticipe, en se faisant si puissant qu'il n'y ait plus ordre de l'appeller en iugement: en ce cas il permettoit de preuenir par uoye de faict la uoye de iustice cōtre celuy qui tendroit à l'abolition d'icelle. On loua aussi l'ordonnance qu'il feist touchant les finances: car estant necessaire que les particuliers contribuassent argent, selon leurs facultez, pour soustenir les frais de la guerre, il ne uolut ne luy mesme prendre ceste charge, ny souffrir que personne des siens s'en entremeslast, ny que les deniers publiques entrassent nullement en maison d'aucun particulier, ains uolut que le temple de Saturne fust le tresor public, auquel on deposeroit tout l'argent qui se leueroit sur le peuple: ce que lon obserue encore iusques auioirdhuy. Au demourāt, il perneit au peuple d'elire deux ieunes hommes tresoriers qui auroient ceste charge, & furent les deux premiers eleuz Publius Veturius, & Marcus Minutius, lesquelz amasserēt grand argent: car par le denombrement du peuple il fut trouué cent trente mille chefz contribuans, en ce non compris les enfans orphelins ny les femmes uesues qui estoient exēptez de la taille. Puis quand il eut ordōné toutes ces choses, il feist elire pour son cōpaignon au Consulat le pere de Lucrece, lequel s'appelloit aussi Lucretius, auquel, pource qu'il estoit plus anciē que luy, il ceda la prerogative du plus honorable lieu, & uolut que lon portast deuant luy les faisceaux de uerges, qui estoient les enseignes du souuerain magistrat: & a lon tousiours depuis gardé cest honneur à la uieillesse. Mais estant Lucretius peu de iours apres son election decedé, on eleut derechef en son lieu Marcus Horatius, lequel fut Consul avec Publicola tout le reste de l'annee, Or se estoit en ce temps la retiré le
- D
- E

Publicola.

Roy Tarquinius au pais de la Thoscane, là ou il preparoit une autre seconde F
guerre aux Romains, & aduint une chose merueilleuse: car du temps qu'il estoit Roy, il auoit presque paracheué le temple de Iupiter Capitolin, & auoit proposé, soit qu'il eust eu quelque oracle qui luy enioignist ainsi le faire, ou qu'autrement cela luy fust uenu en la fantasie, de mettre tout au plus hault du temple un chariot fait de terre à potier cuitte, & donna charge à quelques ou-
uriers Thoscans de la uille de Veies, de le luy faire: mais en ces entrefaites il fut chassé de son royaume. Quand les ouuriers eurent formé ce chariot, & qu'ilz l'eurent mis dedans le fourneau pour le cuire, il aduint tout le contraire de ce qui naturellement a accoustumé de se faire en tel cas: c'est, que la terre ne se referra pas au feu, en estat toute l'humidité dessechée, ains à l'opposite s'enfla & G
s'engrossa, & deuint si forté & si dure, qu'il fallut rompre la couuerture & les parois du fourneau pour l'en tirer dehors. Les deuins interpreterent que cela estoit un signe celeste qui promettoit grâde prosperité & grand accroissement de puissance à ceulx à qui ce chariot demoureroit: à l'occasion dequoy, les Veiens resolurent de ne le deliurer point aux Romains qui le demandoient, & respondirent seulement qu'il appartenoit au Roy Tarquinius, & non pas à ceulx qui l'auoient chassé. Quelques iours apres il se fait en la uille de Veies un ieu de pris solennel de la course des cheuaux, auquel toutes autres choses belles à ueoir se feirét comme de coustume: mais le ieu finy, celuy qui auoit gagné le pris, aiant esté couronné pour sa uictoire, comme est l'usance ordinaire, H
conduisoit son chariot & ses cheuaux tout bellemēt hors du parc de la lice, & soudain les cheuaux, sans que l'on apperceust occasion quelconque pourquoy, s'effroierent, fust ou par cas d'aduenture, ou par expresse inspiration diuine, & s'en coururent à bride abbatue avec leur chariot deuers la uille de Rome. Le charton du commencement fait tout ce qu'il peut pour les arrester, en leur tirant la bride, & les caressant & assurant de la uoix: mais à la fin uoiant qu'il n'y pouuoit mettre ordre, il se laissa emporter à leur impetuosité iusques aupres du Capitole, là ou ilz le renuerferent avec son chariot pres de la porte que lon appelle maintenant Ratumene: dequoy les Veiens estans grandement esbahys & estonnez, permirent adonc aux ouuriers de I
rendre aux Romains le chariot de terre cuitte qu'ilz auoient fait. Mais quant au temple de Iupiter Capitolin, le premier Roy Tarquinius, qui fut filz de Demaratus, uoua de le faire edifier en une guerre qu'il eut contre les Sabins, & Tarquinius le Superbe, estat filz ou arriere filz de celuy qui l'auoit uoué, l'edifia: mais il ne le dedia pas, pource qu'on le chassa de son estat auāt qu'il fust entierement acheué. Et quand il fut de tout point accompli, & qu'il eut tous ses ornemens & embellissemens, Publicola eut fort grand desir d'auoir l'honneur de le dedier: mais les principaux du Senat luy enuierent ceste gloire, estans marris qu'il ne se contentoit pas de tant d'honneurs qu'il auoit acquis, & en paix, pour les ordonnances qu'il auoit faittes: & en guerre, pour les uictoires K
qu'il auoit gaignees (ce que bien il meritoit) mais que d'abondant il uou-
lust encore auoir l'honneur de ceste dedication, qui point ne luy appartenoit. Si poulserent & inciterent Horatius à y pretendre: & estant l'occasion aduenue qu'il falloit necessairement que Publicola menast l'armee Romaine aux champs, ilz feirent, par les suffrages du peuple, donner à Horatius l'autorité de le consacrer pendant que Publicola estoit absent, estimas qu'ilz ne le pourroient pas si bien faire luy present, & le conuoyerent au Capitole pour ce fai-
re.

A re. Les autres disent que les Consuls tirèrent entre eulx au sort, & qu'il escheut à Publicola de conduire l'armee contre son uouloir, & à Horatius de consacrer le temple, ce que lon peult coniecturer par ce qui aduint en ceste dedication: car le quinzieme iour du mois de Septembre, qui est enuiron la pleine Lune du mois que les Grecs appellent Metagitnion, estant tout le peuple assemblé au Capitole en grand silence, Horatius aiant fait toutes les autres ceremonies requises en tel affaire, & tenant ia les portes du temple, comme est la coustume, sur le poinct qu'il uouloit prononcer les paroles solennelles de la dedication, le frere de Publicola Marcus Valerius, qui ia de long temps estoit tout ioignant la porte du temple, espiaint & attendant le poinct de l'occasion,

B se prit à luy dire tout hault: Seigneur Consul, ton filz est mort de maladie au camp. Ceste nouuelle despleut grandement à tous les assistans qui l'ouirent, mais le Consul ne s'en troubla point autrement, & ne dit autre chose, sinon, Iettez en le corps ou uous uoudrez: car quant à moy, ie n'en ueux mener ny porter autre deuil: & continua de paracheuer sa dedication. Or la nouuelle n'estoit pas uraye, mais Marcus Valerius l'auoit cōtrouuee pour le cuider debouter de ceste dedication: en quoy Horatius se monstra homme de grande constance, soit ou qu'il se fust promptement apperceu que c'estoit une fraude, ou bien que la croiant ueritable, il ne s'en emeust point autrement. Mais il aduint un presque tout pareil cas à la consecration du second temple: car ce

C premier que Tarquinius auoit edifié, & Horatius consacré, fut cōsumé par le feu du tēps des guerres ciuiles, & le secōd fut rebasty par Sylla, qui ne le dedia pas: car l'inscription de la dedicatiō est de Catulus, pource que Sylla mourut auant que le pouuoir dedier: le second fut encore brulé n'agueres du tēps des troubles & tumultes qui furent à Rome soubz l'Empereur Vitellius: & le troisieme fut reedifié par Vespasian de fond en comble: & eut cest heur, entre autres, de le ueoir entieremēt fait & parfait auant que mourir, & non pas desfait, comme il fut tantost apres sa mort, surpassant en cela la felicité de Sylla, qui mourut auant que pouuoir dedier celuy qu'il auoit edifié, & Vespasian deceda auant que ueoir le sien ruiné: car tout le Capitole fut entieremēt arz & brulé

D incontinent apres son trespas: & ce quatrieme que nous uoions auioirdhuy, fut edifié & dedié par Domitian. On dit que Tarquinius à faire les fondemēs du premier seulement, despendit la somme de quarante mille marcs d'argent, mais de cestuy que nous uoions de nostre temps, tous les biens du plus riche homme priué qui soit à Rome, ne fourniroient pas à ce qu'en cousta la doreure seulement, laquelle mōta à plus de sept millions deux cents mille escus. Les coulomnes qui y sont, furent tailles en la quarriere du marbre Pentelique, & les uey à Athenes, ou elles estoiet fort bien proportionnees de la grosseur à la haulteur: mais depuis elles furent retailles & repolies à Rome, en quoy elles n'acquirēt pas tant de grace qu'elles perdirēt de proportion: car elles demourerēt trop menues & denuées de toute leur premiere beaulté. Mais celuy qui

E fesmuerueroit de la magnificence de la structure du Capitole, fil uenoit puis apres à ueoir dedans le palais de Domitian quelque galerie, ou quelque portique, ou quelque salle, ou les estuues, ou les logis de ses concubines, il diroit, à mon aduis, ce que le poëte Epicharmus dit du prodigue:

C'est uice à toy de donner largement,

Car tu y prens plaisir sans iugement.

Aussi pourroit on à bonne cause dire de Domitian, Tu n'es pas magnifique ny

Publicola.

deuot enuers les Dieux, mais c'est un vice que tu as d'aimer à bastir, & uoudrois, comme lon dit de l'ancien Midas, que tout ce qui est autour de toy deuint or & pierre. mais à tât est-ce assez parlé de ce propos. Tarquinius dōques apres celle grosse bataille, en laquelle il perdit son filz, qui combatit seul à seul cōtre Brutus, se retira en la uille de Clusium deuers le Roy Porfena, qui estoit le plus puissant prince qui fust pour lors en toute l'Italie, homme de bōne nature & de gentil cueur. Porfena luy promet de luy aider: & premierement enuoya à Rome sommer les habitans de receuoir leur Roy, ce que les Romains aians refuzé de faire, il leur enuoya denoncer la guerre, & le temps & le lieu par ou il les iroit assaillir, cōme il y alla de faict avec grosse puissance. Publicola estant absent fut eleu Consul pour la seconde fois, & avec luy Titus Lucretius. Retournant dōques à Rome pour surmonter en grandeur de courage ce Roy Porfena, il se meit à bastir une uille nommee Sigliuria, estât ia le Roy avec son armee assez pres de Rome, & l'ayant enuironnee de murailles avec grands frais, y enuoya sept cents habitans, pour monstrier qu'il se soucioit bien peu de ceste guerre: toutefois Porfena à son arriuee feit assaillir le mont de Ianiculum si uiuement, que les gardes que lon y auoit mis en furent deboutez, lesquelz en fuyant deuers Rome, tirerent apres eulx les ennemis, qui fussent entrez pesse mesle parmy eulx, n'eust esté que Publicola sortit à l'encōtre, qui attacha une grosse escarmouche au long de la riuere du Tybre, ou il arresta les ennemis, qui pour estre en plus grand nombre forceoient les Romains, iusques à ce qu'ayant esté bien blecé en ceste escarmouche, il fut emporté entre les bras de ses gens dedans la uille. Autant en prit il semblablement à l'autre Consul Lucretius, dont les Romains se trouuerent fort estonnez & descouragez, tellement qu'ilz se prirent à fouir uers la uille. Les ennemis les poursuivirent uiuement iusques dessus le pont de bois, tellement que la uille fut en tresgrand danger d'estre prise d'assault: mais Horatius Cocles, & avec luy deux autres ieunes hommes des plus nobles de la uille, Hermenius & Lucretius, se planterēt sur le pont mesme, & feirent teste à l'ennemi. Cestuy Horatius fut surnommé Cocles, qui uault autant à dire comme borgne, pource qu'il auoit perdu un œil à la guerre: toutefois les autres ueulēt dire, que ce fut pource qu'il estoit fort camus, & qu'il auoit le nez tellement enfoncé dedans la teste, que lon ne ueoit rien en sa face qui separast ses deux yeux, ains estoient ses sourciz tous conioincts: à l'occasion dequoy le peuple cuidant le surnommer Cyclops, par erreur de langue le nomma, ce disent ilz, Cocles. Comment que ce soit, cestuy Horatius Cocles eut bien la hardiesse de monstrier uisage à l'ennemy, & tenir le pont iusques à ce que lon l'eust couppé & rompu derriere luy, ce qu'ayant esté fait, il se ietta tout armé qu'il estoit, & blecé en la cuisse d'un coup de picque Thoscane, dedans la riuere du Tybre, & se sauua à nage iusques à l'autre riue. Parquoy Publicola s'esmerueillant d'un si uertueux acte suada promptement aux Romains, qu'ilz se cottizassent tous pour luy donner autant comme chascun d'eulx despēdoit en un iour, & depuis encore luy feit donner du public autant de terre, comme il en pourroit labourer à l'entour en un iour: & oultre tout cela encore luy feit il dresser une image de cuyure dedās le temple de Vulcain, reconfortant par cest hōneur la debilitation de sa cuisse ou il auoit esté blecé, & dont il estoit demouré boisteux. Mais festât le Roy Porfena obstiné à tenir Rome estroittemēt assiegee, la famine cōmēcea à tra-uailer les Romains: & si suruint encore une autre armee de la Thoscane, laquelle

A quelle courut, pillâ & gasta tout le territoire de Rome. Parquoy Publicola estant eleu Consul pour la troisieme fois, estima que pour bien resister à Porfena, il ne falloit que se tenir coy seulement, & entendre à bien garder la uille de Rome. Au demourât, aiant choisy l'occasion propre, il sortit secrettement hors de la uille avec son armee, & alla trouuer les Thoscans qui couroient tout le plat pais, lesquels il desfeit en bataille, & en tua iusques au nombre de cinq mille. Or quant à l'histoire de Mutius plusieurs la comptent diuersemēt: mais ie l'escriray en la sorte qu'elle me semble plus uray semblable. Cestuy Mutius estoit homme de bien en tout & par tout, mais principalement en la guerre, & cherchât le moien de pouuoir occire le Roy Porfena, se uestit à la guise des Thoscans, & parlant bien le langage Thoscan, s'en alla en son camp, là ou il s'approcha de la chaire, en laquelle il donnoit audience, & ne le cognoissant pas certainement, n'osa demâder lequel c'estoit, de peur qu'il ne fust descouvert, si tira son espee, & en tua celuy qu'il cuidoit estre le Roy. Il fut pris & interrogé sur l'heure, & aiant la esté apporté un foyer plein de feu pour le Roy qui uouloit sacrifier aux Dieux, il estendit sa main droite sur le feu, en regardant franchement Porfena entre deux yeux, pendant que la chair de sa main se rostissoit, avec un uisage constant & asseuré, sans aucunement se mouuoir iusques à ce que le Roy estonné de ueoir une chose si estrange, commanda que lon le laschast, & luy mesme luy rendit son espee. Mutius la prit avec la main gauche, dont on dit qu'il eut depuis le surnom de Sceuola, qui uault autant à dire, cōme gaucher, & luy dit en la reprenât: Tu ne m'eusses sceu uaincre par crainte Porfena, & tu m'as uaincu par honnesteté, pourtant te ueux-ie descouurir une chose par amour, que ie ne t'eusse iamais descouvert par force: Il y a trois cents Romains espenduz parmy ton camp, qui ont la mesme uolunté & la mesme entreprise que moy, ne cherchans autre chose que le moien & l'occasion de la pouuoir executer: le sort est tombé sur moy, & a fallu que j'aye tenté la fortune le premier: toutefois ie n'ay point de regret d'auoir faillly à tuer un si hōme de bien, qui est digne de demourer plus tost amy des Romains qu'ennemy. Porfena aiant ouy ces paroles, y adiouxta foy, & de lors en auant commença à prester plus uoluntiers l'oreille à ceulx qui luy alloient parler d'appointement: non tant, à mon aduis, pour crainte qu'il eust de ses trois cents qui espioient les moiens de le pouuoir tuer, cōme pour l'admiratiō de la grâdeur de courage des Romains. Tous les autres historiens appellēt ce personnage, Mutius Sceuola: mais Athenodorus, surnōmé Sandō, en une histoire qu'il dedia à Octauia sœur d'Auguste, dit qu'il s'appelloit aussi Opsignus. Mais Publicola estimât que le Roy Porfena n'estoit point si dāgereux ennemy de Rome, cōme il luy seroit profitable allié & amy, luy feit entēdre, qu'il estoit cōtent de le faire luy mesme iuge du differēt qu'ilz auoient avec Tarquinius: lequel il prouqua par plusieurs fois à uenir debattre iudiciellement sa querelle deuât le Roy Porfena, & qu'il luy prouuerait qu'il estoit le plus meschāt & le plus malheureux hōme du monde, & qu'il auoit esté à bon droit dechassé. Tarquinius respōdit fieremēt, qu'il ne uouloit point que personne fust son iuge, & moins encore Porfena que tout autre, attēdu que luy aiant promis de le remettre en son estat, il changeroit ia de uolunté. Porfena fut indigné de ceste responce, iugeant que c'estoit biē certain signe qu'il auoit mauuaise cause. Au moie dequoy, estāt encore sollicité par son propre filz nōmé Aruns qui fauorisoit aux Romains, il leur ottoia facilement la paix, moienāt qu'ilz luy

Publicola.

rendirent les terres qu'ilz auoiēt parauant conquises dedās le païs de la Thoscane, avec les prisonniers qu'ilz auoient pris en ceste guerre, en eschange desquelz il leur remeit aussi entre leurs mains ceulx de la uille qui festoient allez rendre à luy: pour assurance duquel appointment, les Romains donnerent dix nobles enfans des meilleures maisons de la uille, & autant de filles: entre lesquelles estoit Valeria fille propre de Publicola. L'accord estāt ainsi passé, & aiant ia Porfena rompu son armee, & tout autre equippage de guerre, pour la confiance de la paix, les filles Romaines que lon auoit baillees en ostage descendirent sur le bord de la riuere pour se lauer, en un endroit, ou la riue se courboit en forme de croissant, au dedās duquel l'eau estoit fort paisible, sans estre agitee ne troublee de uagues quelconques: quand elles furēt là, & qu'elles ueirent qu'il n'y auoit point de gardes à l'entour d'elles, ny aucuns passans, ny batteaux montans ou auallans, il leur prit enuie de trauerser à nage la riuere, qui estoit fort roide & fort profonde. Si dirent aucūs qu'il y en eut une nommee Clœlia qui passa sur un cheual, assurant & encourageant les autres qui passoient coste à coste d'elle à nage: & aians ainsi passé l'eau, elles s'allerent presenter deuant le Consul Publicola, lequel ne les loua point de ce qu'elles auoient fait, ny ne sen contenta point, ains en fut fort marry, craignant que lon n'estimast qu'il fust moins soigneux de garder sa foy que n'estoit le Roy Porfena, & que lon pourroit souspecōner que la hardiesse de ces filles fust une finesse & malice des Romains, pourtant les feit il incontinent toutes reprendre & remener à Porfena. Dequoy Tarquinius aiant esté aduertty, dressa embusche à ceulx qui les conduisoient: & si tost qu'ilz eurent passé la riuere, cōmencea à courir sur eulx, qui estoient en beaucoup moindre nombre, & neantmoins se meirent en defense: mais pendant qu'ilz cōbattoient, Valeria la fille de Publicola & trois de ses seruiteurs eschapperent à trauers les combattās & se sauuerent, les autres demourerent au milieu des armes, non sans grand danger de leurs personnes: dequoy Aruns le filz de Porfena estant aduertty, y accourut incontinent, mais à son arriuee les ennemis se meirent en fuitte, & les Romains acheuerent de reconduire leurs ostages. Porfena les reuoiāt, demanda laquelle c'estoit qui auoit commencé à passer la premiere, & auoit encouragé les autres à faire de mesme, on la luy monstra, & luy dit on qu'elle auoit nom Clœlia. Il la regarda d'un bō œil avec une chere ioyeuse, & commanda que lon luy amenaist l'un des meilleurs cheuaux de son escuirie, avec tout le plus beau & le plus riche harnois qui y fust, & le luy donna. Ceulx qui tiennent qu'il n'y eut que Clœlia qui passa la riuere sur un cheual, alleguent cela pour tesmoignage de leur dire: les autres le niēt, disans q̄ ce Roy Thoscan uoulut seulement honorer sa uirile magnanimité. Comment que ce soit, on en uoit encore l'image à cheual en la rue sacree par ou lon ua au Palais: & disent les uns que c'est la statue de Valeria, les autres de Clœlia. Mais Porfena aiant fait paix avec les Romains, en sen allant leur monstra sa magnificence en plusieurs autres choses, & mesmemēt en ce qu'il defendit à ses gēs d'emporter autres choses que leurs armes seulement, laissant son cāp plein de blez, de uiures, & de toute autre sorte de biens: d'ou uient qu'encore au iourdhuy quand on uend à l'encant quelque chose appartenante au public, le sergent crie que ce sont des biens du Roy Porfena, pour luy rendre graces & honorer sa liberalité & beneficence par ceste souuenancē eternelle, & si y a encore au iourdhuy une image de luy ioignāt le palais ou se tient le Senat, qui est faitte d'ouillage

A d'ouurage fort grossier à l'antique. Depuis estans les Sabins entrez en armes dedans le país des Romains, Marcus Valerius frere de Publicola fut eleu Cōsul avec Posthumius Tubertus : mais neantmoins toutes choses de grande consequence se faisoient par le conseil & l'autorité de Publicola, qui estoit present à tout : & par son moien Marcus son frere gaigna deux grosses batailles, en la derniere desquelles il desfeit treze mille hommes des ennemis sans en perdre un tout seul des siens. Pour lesquelles uictoires, oultre l'honneur du triumphe qu'il en eut, luy fut encore edifiee une maison aux despens de la chose publique en la contree du mont Palatin, & luy fut permis, que sa porte fouurist au dehors en la rue, là ou toutes les autres fouuroient au dedans de la maison, uoulans signifier qu'en l'ottroy de cest honneur, le public estoit tousiours compris. Lon dit que les maisons des Grecs fouuroient toutes ainsi anciennement, & le coniecture lon par les Comedies, ou ceulx qui ueulent sortir hors des maisons, battēt & font bruire les portes par le dedans des maisons, à fin que si d'aduenture il y auoit quelcun attendant au dehors, ou que quelque passant se trouuast à l'endroit, en entendant le bruit il se tirast à costé, de peur que l'huis ne l'assenast en le poulsant uers la rue. L'année ensuiuant Publicola fut eleu Consul pour la quatrieme fois, pource que l'on s'attendoit que les Sabins & les Latins ensemble deussent commencer la guerre: oultre ce que une superstitieuse crainte auoit enuahy toute la uille, par ce que les femmes grosses enfantoient leurs enfans presque tous defectueux & imperfaiets de quelque partie de leurs corps, & n'y en auoit pas un qui uint à terme. Parquoy Publicola faisant regarder es liures de la Sibylle fit quelques particuliers sacrifices à Pluton, & remeit sus quelques festes & ieux solennelz qui autrefois auoient esté enioincts par l'oracle d'Apollo. Ces moiens aians un peu resiouy la uille de bone esperâce, pource que lon pésa que le courroux des Dieux fust appaisé, il commença puis apres à prouueoir aux dangers qui les menassoient de la part des homes, à cause que lon auoit nouuelles, qu'ennemis leur foudoient de tous costez, & faisoient de tresgrands preparatifs pour leur courir sus. Or y auoit il lors entre les Sabins un personnage nommé Appius Claudius, homme tresriche & opulent en biens, fort & dispos de sa personne, & au demourant le premier homme de sa nation en eloquence & en reputation: mais ce qui coustumierement aduient aux grands personnages, d'estre subiects à l'enuie, il ne le peut euitier, ains si lon murmuroit parauāt cōtre luy, encore augmenta il beaucoup d'auantage les murmures, quand il se cuida entremettre de destourner ceste guerre que lon uoloit commencer aux Romains, disans ses enuieux & malueuillans, qu'il cherchoit d'accroistre la puissance des Romains, pour puis apres avec leur aide, se pouuoir faire tyrant & seigneur de son país. Le menu peuple prestoit uoluntiers l'oreille à telz langaiges, & sentoient bien Appius qu'il estoit fort haï des gens de guerre, de sorte qu'il craignoit que lon ne le meist en iustice: parquoy aiant bonne troupe de ses parents, de ses amis, & de ses suiuanz & adherens, il emeut une sedition entre les Sabins, qui fut cause du retardement de ceste guerre contre les Romains. Publicola de son costé mettoit peine, non seulement d'entendre les particularitez de ceste sedition : mais aussi de l'augmenter & l'enflammer de plus en plus, aiant des hommes attiltrez pour ce faire, qui portoient de telles paroles à Appius de sa part, que Publicola scauoit bien qu'il estoit homme droiturier, qui ne uouldroit pas se tienger de ses citoyens au

Publicola.

dommage public de son païs, encore que par les torts qu'ilz luy faisoient, F
ilz luy en donnassent de grandes occasions : mais sil auoit enuie de prou-
uoir à la seureté de sa personne, & se retirer à Rome, en s'ostant des mains
de ceulx qui sans cause luy uouloient si grand mal, il feroit receu & en public
& en priué aussi honorablement comme sa uertu le meritoit, & la magnifi-
cence du peuple Romain le requeroit. Clausus aiant consulté longuement &
par plusieurs fois en luy mesme sur ces propos, conclut à la fin, que c'estoit le
meilleur party qu'il pouuoit prendre en la necessité ou il se trouuoit : & aiant
resolu de le faire, sollicita encore ses amis de faire comme luy, & eulx en gai-
gnerent encore d'autres, de maniere qu'il enleua des terres des Sabins cinq
mille mesnages, avec les femmes & les enfans, qu'il emmena tous quād & luy G
demourer à Rome. c'estoit tout ce qu'il y auoit de peuple doulx, & qui aimast
le repos de la paix entre les Sabins. Dequoy Publicola estât bié aduertý deuât,
les receut humainement, à grande ioye, & avec toutes fortes de bon traite-
ment : car il dōna d'arriuee droit de bourgeoisie à toutes leurs familles, & leur
distribua pour chascun teste deux arpēts de terre, au long de la riuere du Te-
uerō, & quant à Appius, il luy en dōna uingt cinq, & le receut au nombre des
Senateurs. Voila cōment il uint au gouuernemēt de la chose publique à Ro-
me, ou il se gouerna si prudēment & si sagement, qu'il y acquit à la fin le pre-
mier lieu d'autorité, de credit, & de dignité, tant cōme il uescut : & apres luy H
laissa la famille des Claudiens descendans de luy, laquelle en noblesse & en
gloire ne cede à nulle autre maison ancienne de Rome. Mais la dissension d'en-
tre les Sabins estant appaisée par la retraite de ceulx qui s'en estoient allez ha-
biter à Rome, les seditieux gouuerneurs ne laisserent pas les autres uiure en
paix, ains crierent que ce seroit trop grande honte, que Clausus fugitif & de-
uenü ennemy, feist ce que present il n'auoit peu obtenir, que les Romains ne
fussent par eulx punis des torts & iniures qu'ilz leur faisoient. Si assemblerent
une grosse & puissante armee, avec laquelle ilz s'allerent camper pres la uille
de Fidēes, & dresserent une embusche assez pres de Rome, en certains lieux
couuerts & creux, ou ilz meirent deux mille hommes de pied, tous bien choi-
sis & bien armez, & deuoient le lendemain au matin enuoyer deuât quelques I
gens de cheual, courir iusques aux portes de Rome, les aduertissans que quād
ceulx de la uille sortiroient sur eulx, ilz feissent semblant de fourir iusques à ce
qu'ilz les eussent attirez au lieu ou estoit l'embusche : ce que Publicola aiant
entendu de poinct en poinct, par un traistre qui falla rēdre à luy, il se proueur
& prepara cōtre tous leur aguets, en departāt son armee : car il bailla à son gē-
dre Posthumius Balbus trois mille hommes de pied qu'il feist partir le soir, &
l'enuoya pour saisir la nuict les coustaux, au fonceau desquelz les Sabins se
deuoient cacher en embusche. Son compaignon au consulat, Lucretius, aiant
les plus legers & plus dispos ieunes hommes de la uille, fut ordonné pour fai-
re teste aux coureurs & fourrageurs, & luy avec le demourant de l'armee, feit K
un grand circuit pour enuoloper les ennemis par derriere. Le lendemain au
matin il feist d'aduenture un brouillas fort espes : & en un mesme instant Post-
humius descendant des coustaux avec grād cris, courut sus à ceulx qui estoiet
en embusche. Lucretius de l'autre costé commença aussi à charger les cou-
reurs, & Publicola donna dedans leur camp : de maniere qu'en tous endroits
les affaires des Sabins se porterent fort mal, car ilz furent battus par tout : & les
occirent les Romains en fuyant, sans qu'ilz tournassent uisage pour se mettre
en

- A** en defenſe, de ſorte que cela ou ilz mettoiēt l'eſperance de leur ſalut leur tour-
na à mortelle deſconfiture, pource que chaſcune de leurs troupes cuidāt que
les autres fuſſent en leur entier, ſe rompoit quand on l'alloit aſſaillir, & n'y en
auoit pas une qui feiſt teſte: car ceulx qui eſtoient dedans le cāp, ſ'en couroient
uers ceulx qui eſtoient en embuſche, & au contraire ceulx de l'embuſche cou-
roient uers le camp, tellement qu'en fuyant ilz ſe rencontroient les uns les au-
tres, & trouuoient ceulx uers leſquelz ilz fuyoient, y cuidans eſtre en ſeureté,
auoir auſſi grand beſoing d'aide cōme eulx meſmes: & ce qui les ſauua qu'ilz
ne fuſſent tous mis en pieces, fut la uille de Fidenes, qui eſtoit pres de là, meſ-
mement ceulx qui fouirent du camp quand il fut ſurpris: mais ceulx qui ne
B peurēt gagner la uille à temps, furēt tous occis ſur le champ, ou faits priſon-
niers. La gloire de ce tant heureux exploit, encore que les Romains aient ac-
couſtumé d'attribuer toutes telles grandes choſes à la deſtinee, & les referer
ordinairement à la grace des Dieux, fut neantmoins pour lors iugée par eulx
eſtre deue à la ſeule prouoyāce du capitaine: car on n'oyoit autre choſe dire à
ceulx qui auoient eſté ſur le faict, ſinon que Publicola leur auoit liuré entre
leurs mains à tuer à leur plaifir leurs ennemis boiteux & aueugles, & par ma-
niere de dire piedz & poings liez & renfermez. Le peuple fut grandement en-
richy par ceſte uictoire, tant pour les autres deſpouilles, que pour les priſon-
niers qu'ilz y gagnerēt. Et Publicola apres en auoir triumpué, & auoir mis le
C gouuernement de la uille de Rome entre les mains de ceulx qui auoient eſté
eleuz Cōſuls pour l'annee enſuiuāt, il mourut incontinent, aiant uſé ſes iours
en tout ce que les hommes eſtiment uertueux & honorable, autant qu'hom-
me uiuāt ſçauroit faire. Et le peuple, comme ſi durant ſa uie, il ne luy euſt fait
honneur quelconque, & qu'il luy fuſt encore redeuable de tous les bons &
grands ſeruices qu'il auoit faits en ſa uie à la choſe publique, ordonna qu'il
feroit enterré aux deſpens du public: ſi que pour faire ſes funerailles, chaſque
citoien cōtribua une petite piece de monnoye, qui ſ'appelle un quattrin: & les
femmes auſſi pour l'honorer à part, arreſterent entre elles qu'elles porteroient
un an tout entier le deuil de ſa mort, qui fut un deuil fort honorable & fort
glorieux à ſa memoire. Si fut enterré par expreſſe ordōnance du peuple dedās
D la uille, en la contree qui ſ'appelle Velia: & fut auſſi ottroyé priuilege à tou-
te ſa poſterité, d'y eſtre ſemblablement enſepuelie: toutefois on n'y enterre plus
perſonne de ſa race maintenant, mais quand il en meurt quelcun, on apporte
le corps en ceſt endroit là, & y a quelcun qui tenant une torche ardente la met
deſſoubz, & puis la retire incontinent, pour monſtrer qu'ilz ont bien priuile-
ge de l'inhumer là, mais que uoluntairement ilz ſe deportent de ceſt hon-
neur, & cela fait, ilz emportent le corps hors de là.

LA COMPARAISON DE SOLON AVEC PVBLICOLA.

E

OR pour uenir maintenāt à la comparaison de ces deux perſon-
nages, il ſemble qu'il y a une choſe propre à eulx qui ne ſe trou-
ue en nulle autre uie de celles que nous auons eſcriptes iuſques
icy: c'eſt, que l'un a eſté teſmoing, & l'autre imitateur de celuy
auquel il eſt aſſorty. Et qu'il ſoit uray, la ſentence que Solon
prononça deuant le Roy Crœſus, touchant la felicité de Tellus, conuient
trop mieulx à Publicola qu'elle ne fait à ce Tellus, lequel il iugea auoir eſté

Publicola.

tresheureux, pource qu'il estoit mort honorablement, qu'il auoit uescu uertueusement, & qu'il auoit laissé de beaux enfans, & toutefois il n'en fait mention en nul endroit de ses poëmes, comme de personnage de uertu excellente: & si n'eut iamais en sa uie charge honorable, ny ne laissa enfans qui aient esté fort renommez apres sa mort: Là ou Publicola, tant qu'il uescut, fut tousiours le premier homme des Romains en tout credit & toute autorité: & depuis sa mort quelques unes des plus nobles familles, & plus anciennes maisons qui soient encore à Rome iusques à nostre temps, il y a ia six cents ans, comme la maison des Publicoles, celle des Messales, & celle des Valeriens, referent la gloire de leur noblesse & de leur ancieneté à luy. Qui plus est, Tellus fut tué par ses ennemis, en combattant uailamment comme homme de bien, & gardant bien son reng: & Publicola mourut apres auoir tué les siens, qui est plus grande & plus heureuse chose que d'auoir esté tué, & apres auoir ueu son pais uictorieux soubz luy capitaine & par sa conduite: & en aiant de son uiuant mesme receu les honneurs & les triumphes qui luy estoient deuz, encore eut il la fin de ses iours & l'issue de sa uie, que Solon souhaittoit tant, & qu'il reputoit si fort, heureuse. D'auantage ce qu'il exclame par maniere de souhait en un endroit, ou il contredit à Mimermnus touchant le cours & la duree de la uie humaine, en disant,

M a mort ne soit des miens non regrettee,

A ins chaudement plore & lamentee :

E t qu'en mourant à mes amis ie laisse

G emissemens, larmes, cris, & tristesse :

Si cela est heur, il rend Publicola grandemét heureux, car à sa mort il ne laissa pas seulement à ses parents & amis, mais à toute sa uille, & à tant de milliers de personnes, pleurs, regrets, & douleur de sa mort: car les femmes Romaines le pleurerent toutes, & en porterent le deuil ne plus ne moins que si elles eussent chascune perdu leur pere, leur frere, ou leur mary.

V ray est qu'auoir ie desire des biens,

M ais non qui soient sinon à bon droit miens:

Cela dit Solon, pource que la uengeance sen ensuit puis apres. Et Publicola se garda non seulement d'acquérir des biens iniustement, mais ceulx qu'il eut il les despendit honnestement, en secourant ceulx qui en auoient besoing: de sorte que si à bon droit Solon a esté réputé tressage, il fault que nous confessiôs aussi, que Publicola a esté tresheureux: car ce que l'un a désiré pour le plus grand, le plus accomply, & plus parfait bien que l'homme sçauroit auoir en ce monde, l'autre l'a acquis, conserué, & mis en effect, tout le long de sa uie iusques à sa mort. Par ainsi a Solon honoré Publicola, & Publicola reciproquement a aussi fait honneur à Solon, en se rendant un tresparfait exemple, & un tresbeau miroir, ou lon peut ueoir comment il fault gouerner une chose publique populaire, lors qu'il osta à son Consulat toute la pompe & toute la superbe apparence, & se rendit gracieux, agreable, & amiable à tout le monde. Aussi se seruit il de plusieurs de ses loix: comme en ce qu'il uoulut, que le peuple seul eust l'autorité d'elire tous les officiers & magistrats publiques, & que lon peust appeller de tous iuges au iugement definitif du peuple, comme Solon quand il permet d'appeller deuant les iuges du peuple. Vray est, que Publicola ne crea pas un nouveau Senat comme fait Solon, mais il augmenta le nombre du premier d'autant de personnes presque qu'il estoit auparauât.

L'establissement

A L'establissement des tresoriers pour manier les finances, est aussi semblablement uenu de là, à fin que le souuerain magistrat fil est homme de bié, ne soit point diuertý par chose legere de uaquer à meilleurs & plus grands affaires: & aussi fil est meschât, qu'il n'ait pas tant de moien d'executer sa mauuaise uolunté, aiant en sa main le maniement des affaires & de l'argent. Au demourât la haine des tyrans a esté plus aspre & plus ueheméte en Publicola: car Solon punit en ses loix celuy qui auroit attenté de se faire tyran, après qu'il en seroit conuaincu: & Publicola permet de le tuer, auant que de le mettre en iustice. Et quant à ce que Solon se glorifie iustemét & ueritablement, que pouuant se faire seigneur du consentement mesme de ses citoiens, il le refusa: ceste louange n'est pas moins deuë à Publicola, lequel trouuant la dignité du Consulat tyrannique, la rendit plus moderee & plus populaire, ne prenât pas toute l'authorité qu'il eut bien peu prendre. Et semble que Solon auant luy ait bien cogneu que c'estoit le uray moien de bien gouuerner un estat politique: car il dit en un passage,

G rands & petits mieulx en obeiront,

Q uand peu ne trop chargez ilz ne feront.

Il y a une chose propre & peculiere à Solon, c'est l'abolition de toutes debtes, qui fut une entiere confirmation de liberté, pource que rien ne seruét les loix qui ueullent qu'il y ait egalité entre les citoiens, quand les debtes empeschent les pauures d'en iouir: ains là ou il semble qu'ilz usent plus de leur liberté, cōme à pouuoir estre eleuz iuges & officiers, & à dire leur aduis au cōseil & donner leurs uoix, c'est là ou ilz sont plus serfs & plus subiects, pource qu'ilz ne font là qu'obeir à tout ce que les riches leur cōmandent. Mais encore y a il en c'est acte une chose plus merueilleuse & plus notable, c'est qu'ordinairement ces abolitiōs de debtes ont accoustumé d'amener de grands tumultes & grādes seditions es choses publiques: & Solon en aiant usé en tēps opportun, ne plus ne moins que d'une medicine perilleuse & hardie, en appaisa la sedition qui estoit ia emeue, & amortissant par sa gloire, & par l'opinion que lon auoit publiquemét de sa preudhommie & de sa uertu, toute l'infamie & la calumnie qui pouuoit naistre de ce faict. Quant à leur premiere entree au gouuernement des affaires, Solon eut le commencement plus illustre, car il marcha deuant & ne suiuit pas un autre, & luy seul sans estre accompagné d'autres, fait & executa la plus grande partie de ses plus beaux exploits: mais aussi l'issue de Publicola fut beaucoup plus glorieuse & plus heureuse. Car Solon auant que mourir ueit sa chose publique renuersee, là ou celle de Publicola s'est tousiours depuis maintenue en son entier, iusques au temps des guerres ciuiles: car Solon apres auoir fait & escrit ses loix en rouleaux de bois, sans qu'elles eussent aucune personne pour les defendre, s'en alla incontinent hors la uille d'Athenes, là ou Publicola demourant continuellement à Rome au maniement des affaires, fonda & donna pied ferme aux sienes. D'auātage Solon aiant bien preueu les menees de Pisistratus, par lesquelles il aspiroit à la principauté & à se faire tyran, il ne les peut neantmoins iamais empeschier, ains fut luy mesme uaincu & opprimé de la tyrānie, qui s'establit à sa ueuë & malgré luy: là ou Publicola abolit & ruina une puissante royaulté qui ia de long tēps auoit pris pied, & estoit entierement establie, aiant eu oultre la uertu egale & l'intention semblable, fortune prospere avec puissance suffisante pour executer sa uertueuse uolunté. Mais quāt aux faicts d'armes & exploits

Publicola.

de guerre, il y a peu de conference entre eulx: car mesme Daimachus Plateien F
n'attribue pas le faict de Megare à Solon, comme nous l'auons escrit, là ou
Publicola estant chef d'armes, & combattant luy mesme de sa personne a gai-
gné plusieurs grosses batailles. Et encore quant aux actions ciuiles & affaires
de la paix, Solon ne soza presenter franchement pour suader l'entreprise de
Salamine, sinó sous couuerture d'estre sorty hors de son sens, & par une ma-
niere de ieu & de passetemps: là ou Publicola prenant le hazard, des le com-
mencement se declara, sans rien dissimuler, ouuertement ennemy de Tarqui-
nius, & depuis encore il descouurit la coniuratió: & aiant esté principale cau-
se & auteur de faire punir les traistres cōiurez, chassa non seulement les per-
sonnes des tyrans hors de Rome, mais aussi leur osta toute esperance de re- G
tour. Et sestant ainsi genereusemēt & uertueusemēt porté, sans iamais fleschir
ne uarier es affaires qui requeroient force, courage, & resistance ouuerte, il se
porta encore plus sagement es choses qui auoient besoing de prudence sans
force, de raisonnables remonstrances & de prudente suasion, quand il gai-
gna dextremement le Roy Porfena, qui estoit un ennemy redoubtable & inuin-
cible par force à luy, enuers lequel il feit tant qu'il se le rendit amy. Toutefois
aussy pourroit on insister en cest endroit, que Solon recouura aux Atheniens
l'isle de Salamine qu'ilz uouloient perdre: & au contraire, Publicola rendit à
Porfena les terres que les Romains auoient parauant conquises dedans le pais H
de la Thoscane. Mais il faut tousiours considerer les temps, esquelz les choses
ont esté faictes: car un sage gouuerneur d'estat & hōme politique se gouuerne
diuersement selon les occasions, en prenāt chascune chose par le bout qu'elle
ueult estre maniee, & bien souuent en quittant une partie sauue le tout, & en
perdant un peu gagne beaucoup, comme feit lors Publicola: car en perdant
un peu de pais qui auoit esté usurpé sur autrui, il conserua tout ce qui estoit
certainement sien. Et là ou les Romains estimoient, que ce seroit beaucoup
fait à eulx de pouoir sauuer leur uille seulement, il leur acquit de plus tous
les biens qui estoient au camp des ennemis qui les tenoient assiegez: & en fai-
sant son ennemy iuge de son different, il gagna sa cause, & si acquit d'avan-
tage ce qu'il eut esté bien aise de donner pour uaincre & obtenir en la iudica- I
ture de son different: car le Roy ennemy non seulement feit paix avec eulx,
mais encore leur laissa il tout son equippage & toutes ses prouisions & muni-
tions de guerre, pour l'opinion de la uertu, preudhommie, & legalité que le
bon sens du Consul luy feit estimer estre en tous les autres Romains.

Themistocles.



A maison dont estoit Themistocles n'a pas gueres
aidé à sa gloire: car son pere, qui se nommoit Nico- K
cles, estoit bien citoien d'Athenes, mais non pas des
plus apparents de la uille, natif du bourg de Phrear,
en la lignee Leontide: & du costé de sa mere, il estoit
mestif, comme lon dit, pource qu'elle estoit estran-
gere, ainsi que tesmoignent ces uers:

A brotonon ie suis en Thrace nec,
M ais ie puis dire estre si fortunee,

Que

A Que i'ay le grand & par tout tant chanté
 T hemistocles aux Gregeois enfanté.

Toutefois Phantias escript, que sa mere n'estoit point Thracienne, ains natifue du pais de Carie, & ne la nôme point Abrotonon, mais Euterpe: & Neanthes y adiouxte d'auantage, qu'elle estoit de Halicarnasse, uille capitale du royaume de la Carie: au moien dequoy estant la coustume que les enfans mestifz, c'est à dire, ceulx qui n'estoient pas nez de pere & de mere naturelz citoiens d'Athenes, feissent leurs assemblees pour se iouer & exercer en un certain lieu appellé Cynosarges, qui estoit un parc deputé aux exercices des ieunes gens hors les murailles de la uille, & dedié à Hercules, pource qu'entre les Dieux il n'estoit pas non plus luy mesme naturel, ains tenoit de bastardise, à cause de sa mere qui estoit femme mortelle. Themistocles fait tât enuers quelques ieunes hommes des plus nobles maisons de la uille, qu'il les mena quand & luy en ce parc de Cynosarges, & les y fait despouiller, oindre & exercer avec luy: en quoy faisant, il abolit finement la difference que lon faisoit au parauant entre les mestifz & les legitimes citoiens à Athenes. Ce nonobstant il est tout certain qu'il tenoit de quelque chose à la maison des Lycomediens, par ce que la chapelle de ceste famille, qui est au bourg de Phlyes, aiât esté arse & bruslée par les Barbares, Themistocles la fait refaire à ses despens, & l'enrichit & orna de peintures, ainsi que dit Simonides. Au demourant, c'est bien chose confessée de tous, que des le temps de son enfance on apperceuoit desia bien qu'il estoit ardent, remuant, aduisé, de bon sens, & de sa nature conuoiteux de faire toutes grandes choses, & né pour manier affaires: car es iours & heures qu'il auoit uacation de l'estude & congé de s'esbarre, il ne iouoit iamais, ny iamais ne demouroit oisif, comme faisoient les autres enfans, ains le trouuoit on tousiours apprenant par cueur, ou composant à par soy quelques harengues, le subiect desquelles estoit le plus souuent, qu'il defendoit ou accusoit quelcun de ses compagnons, à raison de quoy son maistre d'escole luy disoit ordinairement: Tu ne feras iamais peu de chose, mon enfant, ains est force que tu sois un iour quelque grand bien, ou quelque grand mal. Et pourtant quand on luy uouloit faire apprendre quelque chose seruant seulement à reformer & ciuiler les meurs, ou bien de celles que lon estudie pour plaisir & honnestes passetemps, il les apprenoit laschement & froidement: mais si c'estoit quelque chose de sens, & qui seruiſt à manier affaires, on uoyoit qu'il le notoit, & le uouloit entendre plus auant que ne portoit son aage, comme celuy qui se confioit à son naturel. Cela fut cause que depuis se trouuant en quelques compagnies mocqué par d'autres qui auoient estudié en ces arts là d'honneste & gentil entretien, il fut contraint pour se reuenger & defendre, de leur respôdre en paroles un peu haultaines & odieuses, disant qu'il ne sçauoit pas uoirement accorder une lyre ou une uiole, ny iouer d'un psalterion: mais qui luy mettroit entre ses mains une uille petite, foible, & de peu de nom, qu'il sçauoit bien les moiens de la faire deuenir grande, puissante, & de noble renom. Ce neantmoins Stefimbrotus escript, qu'il fut à l'escole d'Anaxagoras, & qu'il estudia sous Melissus le philosophe naturel: en quoy il fabuze grandement, pour n'auoir pas bien pris garde à la suite des temps: car Melissus fut capitaine des Samiens à l'encôtre de Pericles du temps qu'il teint la uille de Samos assiegée. Or est il, que Pericles estoit de beaucoup plus ieune que Themistocles, & Anaxagoras se tenoit en sa maison mesme demourant

Themistocles.

avec luy: pourtant y a il plus d'apparence & plus d'occasion de croire à ceulx, F
qui disent que Themistocles se proposa à imiter Mnesiphilus le Phrearien, lequel ne faisoit profession ny d'orateur, ny de philosophe naturel, que lon appelloit en ce temps la, ains de ce que lon nommoit alors sagesse, laquelle n'estoit autre chose qu'une prudēce de manier affaires, & un bon sens & iugemēt en matiere d'estat & de gouuernemēt, laquelle profession aiant cōmēcé à Solō auoit cōtinué de main en main iusques à luy, cōme une secte de philosophie. Mais ceulx qui sont uenus depuis y ont mēlé parmy les arts de la plaiderie, & peu à peu en ont transporté l'exercice des effects aux paroles nues: à raison dequoy ilz ont esté appelez Sophistes, comme qui diroit, contrefaisans les sages: toutefois quant à ce Mnesiphilus la, il s'approcha de luy qu'il auoit ia cōmencé à s'entremettre du gouuernement de la chose publique. Si furent les premiers mouuemens & deportemens de sa ieunesse fort uariables & diuers, comme de celuy qui se laissoit aller, ou le pouloit l'impetuosité de sa nature, sans la regler & guider avec le iugemēt de la raison: dont il aduenoit qu'elle produisoit de grandes mutations de façons de faire, & de meurs, en l'une & en l'autre partie, & bien souuent se tournoit en la pire, comme luy mēme confessa depuis disant, que les plus reuesches & les plus farouches poulains sont ceulx qui à la fin deuiennent les meilleurs cheuaux, quand ilz sont domptez, faits, & dressez ainsi comme il appartient. Au reste, tous les autres comptes que quelques uns uont adiouxant à cela, comme, que son pere le desherita, & que sa mere se fait uoluntairement mourir pour le regret & la douleur qu'elle auoit de ueoir le mauuais gouuernement de son filz, sont à mon aduis choses controuuees: car au contraire il y en a qui escriuent, que son pere mēme le uolant diuertir de s'entremettre du gouuernement de la chose publique, luy alloit monstrant au long du riuage de la mer, les corps des uieilles galeres iettees ça & la sans que lon en fait plus de compte, en luy disant, que le peuple faisoit tout ainsi des gouuerneurs quand ilz ne pouuoient plus seruir. Comment que ce soit, il est tout certain que Themistocles s'affectionna incontinent à bon esciant aux affaires, & qu'il fut bien tost atteint au uif de la conuoitise de gloire: de maniere que uolant des son commencement mettre le pied deuant tous les autres, il prit audacieusement à son arriuee la picque cōtre les plus grands & les plus puissants hommes qui se meslassent pour lors du gouuernement des affaires, mesmement contre Aristides filz de Lyfimachus qui luy estoit tousiours en tout & par tout aduersaire. Toutefois il semble que l'inimitié qu'il conceut à l'encontre de celuy-la, proceda d'une cause assez legere: car ilz se trouuerent tous deux amoureux du beau Stefilaus natif de la uille de Tios, ainsi comme l'escriit le philosophe Ariston: & depuis le commencement de ceste ialouzie la, continuerent à tenir tousiours partis contraires, non seulement en leurs priuees affectiōs, mais aussi au gouuernement de la chose publique. Toutefois ie croy bien que la diuersité de leurs meurs & de leurs conditions augmenta grandement l'inimitié & la dissension qu'ilz eurent entre eulx, pource qu'Aristides estant de sa nature homme posé, droit & entier en sa uie, & qui en ses actions ne tendoit point à flatter le peuple, ny à seruir à sa propre gloire, ains à faire, dire, & cōseiller tousiours ce qu'il estimoit estre le meilleur, le plus iuste, & le plus seur pour la chose publique, estoit contraint de resister souuent à Themistocles, qui alloit incitant le peuple à entreprendre tousiours quelque chose de nouueau, & qui mettoit

- A** tous les iours quelques nouuelletez en auant, à fin d'empescher l'accroissement de son autorité. Car on dit qu'il estoit si transporté de la cupidité de gloire, & si ardemment espris du desir de faire de grâdes choses, qu'estât encore bien ieune lors que la bataille de Marathon fut donnee contre les Barbares, ou lon ne parloit d'autre chose que de la ualeur du capitaine Miltiades qui l'auoit gaignee, on le trouuoit bien souuent tout seul resuant & pensant à par soy, & ne pouuoit dormir la nuit, ny ne uouloit le iour aller aux lieux, ny se trouuer es compagnies ou il auoit parauant accoustumé de frequenter, disant à ceulx qui sebahissoient d'un si grand changement de ses façons de faire, & qui luy en demandoient l'occasion, que la uictoire de Miltiades ne le laissoit point
- B** dormir: à cause que les autres estimoient que la desfaitte des Barbares en ceste iournee de Marathon deust estre la fin derniere de la guerre: mais Themistocles au contraire pensoit bien, que ce n'estoit qu'un commencement de plus grands affaires, ausquelz il falloit tous les iours preparant pour le salut de toute la Grece, & y exercitoit de bonne heure sa cité, preuoiant ia de loing ce qui en deuoit aduenir. Parquoy tout premierement, là ou ceulx d'Athenes auparauant auoiēt accoustumé de distribuer entre culx le reuenü annuel que lon tiroit des mines d'argēt, qui estoiet en un endroit de l'Attique nommé Laureia, il fut seul qui oza mettre en auant au peuple, qu'il falloir désormais oster ceste distribution, & employer l'argent à faire bastir force galeres pour en faire
- C** la guerre aux Æginetes, qui pour lors estoit la plus grosse qui fust en toute la Grece, à cause qu'ilz tenoient toute la mer en leur puissance, tant ilz auoiēt grand nombre de uaisseaux. Cela fut cause que Themistocles persuada plus facilement à ses citoiens ce qu'il uoulut en cest endroit, non point en les menassant du Roy Darius ny des Perses: car ceulx là estoient trop loing, & n'auoit on pas crainte, au moins gueres asseuree, qu'ilz fussent pour uenir: mais en usant opportunément de la haine & de la ialousie des Atheniens à l'encōtre des Æginetes: car de cest argēt la furent basties cent galeres, avec lesquelles ilz combattirent & desfirent par mer le Roy Xerxes, & depuis ce commencement la, attirant petit à petit, & faisans descendre ses citoiens à la marine, en
- D** leur monstrant, comme par terre à peine estoient ilz forts assez pour faire teste à leurs semblables, là ou avec la puissance qu'ilz pouuoiet acquerir en mer, ilz estoient non seulement pour se defendre des Barbares, mais aussi pour donner loy au demourant de la Grece, il les rendit mariniers & gens de mer, comme dit Platon, au lieu que parauant ilz estoient bons & roides combattans en terre ferme: ce qui donna matiere à ses malueuillans de luy reprocher depuis qu'il auoit osté au peuple d'Athenes & la picque le pauois, pour le reduire au banc & à la rame: & le gaigna à l'encōtre de Miltiades, qui luy contredisoit en cela, ainsi comme dit Stesimbrotus. Or si en ce faisant il a esté cause de gaster la netteté & purité de sa chose publique, ou non, ie le laisse disputer aux philosophes, mais que la preseruatiō de la Grece pour celle fois soit deue à la marine, & que les galeres aient esté cause de la ressource d'Athenes, oultre les autres preuues que lō en pourroit alleguer, Xerxes luy mesme le tesmoigna, par ce qu'estât encore son armee de terre toute entiere, quand il ueit celle de mer rompue & desfaiete il sen fouit, comme cōfessant qu'il n'estoit plus fort assez pour combattre les Grecs, & laissa Mardonius son lieutenāt en la Grece, plus pour empescher que les Grecs ne le poursuiussent, que pour esperance de les subiuguer, à mon aduis. Aucuns escriuent de Themistocles, qu'il estoit grand
- E**

Themistocles.

mesnager & fort subiect à son profit, pource qu'il despendoit liberalement, & F
aimoit à faire souuent des sacrifices, & à recueillir & traiter honorablement
les estrangers, à l'occasion dequoy il falloit qu'il fust diligēt & ardent à amas-
ser pour pouuoir fournir à la despenſe. Les autres au contraire, le blasment
d'auoir esté fort chiche & mechanique, iusques à enuoier uendre des presens
de uiande qu'on luy donnoit. Il demanda quelquefois à un nommé Diphili-
des qui tenoit des haras de cheuaux, un poulain en don: dequoy estant tout à
plein refuzé, il eut si grand despit, qu'il le menassa de luy rendre auant qu'il
passast gueres de temps, sa maison, le cheual de bois avec lequel Troie fut pri-
ſe: uoulant couuertement luy donner à entendre, que bien tost il luy suscite-
roit des procez & des querelles à l'encōtre de ſes propres parents, & de ſes do- G
mestiques meſmes. Il est bien uray que c'estoit le plus ambitieux homme du
monde: car des qu'il estoit encore ieune & peu cogneu, il pria à grande inſtā-
ce un excellent ioueur de Cithre, qui pour lors auoit le bruit à Athenes, nommé
Epicles, natif de Hermionne, qu'il uint exercer & monſtrer ſon art en ſa mai-
ſon, à fin que beaucoup de gens qui auroient enuie de l'ouir, demandassent ſa
maison, & uinſent chez luy. Mais estant une annee allé à la feſte & aſſemblee
des ieux Olympiques, il y uolut tenir maiſon ouuerte à tous uenās, auoir des
tētes richement parees, & toute autre magnificēce de train & d'equippage, à
l'enuy de Cimon. Cela despleut aux Grecs, lesquelz eſtimerent que ceſte deſ-
penſe estoit choſe biē ſeante, & qui ſe deuoit permettre à Cimon, à cauſe qu'il H
estoit ieune & de grande maiſon: mais à luy qui estoit homme neuf, & qui
ſembloit faire le grand plus que ſes biens & ſes facultez ne portoient, & plus
qu'il ne luy appartenoit, cela non ſeulement ne fut point loué, ains fut eſti-
mé uaine gloire & preſumption. Vne autre fois il feit les fraiſ d'une Tragē-
die qui fut iouee publiquement, & en aiant gagné le priſ', eſtant deſia l'hō-
neur de uaincre en telz ieux fort enuieé & chaudement pourſuiuy à Athenes,
il feit peindre ceſte ſiēne uictoire en un tableau, qu'il dedia & feit attacher en
un temple avec une telle inſcription: Themistocles Phrearien faiſoit les fraiſ,
Phrynicus l'auoit cōpoſee, Adimātus estoit preuoſt. Ce neantmoins il estoit L
aggreable au commun peuple en partie, pource qu'il ſaluoit chaſque citoien
par ſon propre nom, ſans que perſonne luy aidast à les nommer, & en partie
auſſi, pource qu'il ſe monſtroit iuge droitturier es affaires des particuliers,
comme il reſpondit un iour au poete Simonides natif de Chio, qui le reque-
roit de quelque choſe, laquelle n'estoit pas raifonnable, lors qu'il estoit gou-
uerneur de la uille: Tu ne ferois pas bō poete, ſi tu chātois cōtre les regles de la
„ Muſique: ny moy bō gouuerneur de uille, ſi ie faiſois aucune choſe contre les
„ loix ciuiles. Vne autre fois ſe moquant du meſme Simonides, il luy dit, qu'il
n'auoit point d'entendemēt de meſdire des Corinthiēs, ueu qu'ilz eſtoiēt ſei-
gneurs d'une ſi groſſe & ſi puiſſante cité, & de ſe faire portraire au uiſ, attēdu
qu'il estoit ſi laid. Mais eſtāt uenu en credit, & aiant acquis la bonne grace du K
cōmun peuple, il embrouilla tellement Ariſtides, qu'à la fin il le feit chaſſer &
bānir de la uille d'Athenes pour cinq ans. Et comme ia le Roy de Perſe fuſt en
chemin pour uenir faire la guerre aux Grecs, & les Atheniēs cōmenceaſſent à
deliberer qui ilz eliroiēt pour capitaine, lon dit que tous les autres qui auoiēt
accouſtumé de ſ'entremettre des affaires, craignans le danger ſe tirerent lors
en arriere, & qu'il n'y eut qu'un orateur nommé Epicyles filz de Euphemides,
homme eloquent, mais laſche de cuer & ſubiect à l'argent, qui ſe preſentaſt
à de-

A à demander ceste charge, & y auoit apparence qu'il l'obtiendrait. Parquoy Themistocles aiant peur que tout ne se perdift, si la conduite de ceste guerre uenoit à tumber entre les mains d'un tel personnage, acheta à deniers comptés, l'ambitiō d'Epicyles, pour le faire deporter de la poursuite. On louē aussi grandement ce qu'il feist, touchant le truchement qui uint avec les ambassadeurs du Roy, pour demander l'eau & la terre, c'est à dire, entiere recognoissance & obeissance aux Grecs: car il le feist saisir au corps & punir de mort, par decret publicque, pour auoir ozé employer la langue Grecque aux commandemens des Barbares. Ce fut aussi une belle chose, qu'à son instance Arthmius natif de Zelee fut noté d'infamie luy, ses enfans, & toute sa posterité, à cause

B qu'il auoit apporté de l'or du Roy de Perse, pour en gagner & corrompre des hommes en la Grece: mais le plus grād & le plus louable acte qu'il feist en cest endroit, fut, qu'il appaisa & pacifia toutes les guerres que les Grecs auoient entre eulx, persuadant aux uilles, de remettre leurs inimitiez iusques apres la guerre, en quoy lon dit que Chileus Arcadien luy aida plus que nul autre. Aiant donques esté eleu capitaine general des Atheniens, il tascha incontinent de faire embarquer ses citoiens sur les galeres, en leur remonstrant qu'ilz deuoient abandonner leur uille pour aller rencontrer par mer le Roy des Barbares, le plus loing qu'ilz pourroient de la Grece, ce que le peuple ne trouua pas bon: au moien dequoy il mena par terre bonne troupe de combattans au

C pas de Tempes avec les Lacedæmoniens, pour defendre contre les Barbares celle entree de la Theffalie, laquelle ne s'estoit point encore declaree, ny tournée du costé des Medois. Mais depuis s'estant les Grecs retirez de là sans rien faire, & aians les Theffaliens pris party avec le Roy, tellement que iusques au pais de la Bœoe, tout estoit à la deuotion des Barbares: les Atheniens adonc commencerent à trouuer l'opinion de Themistocles bonne, de uouloir combattre par mer, & l'euoyerēt avec leurs uaisseaux en la uille d'Artemisiū, pour garder le destroit: là ou les autres Grecs uouloient que les Lacedæmoniens, & leur admiral Eurybiades, eussent la preeminence de commander à tous: & les Atheniens ne uouloient point marcher sous autrui, pource qu'ilz auoient eulx seuls en ceste armee la, plus grand nombre de uaisseaux que tous les autres Grecs ensemble. Mais Themistocles preuoyant le danger qui estoit pour

D en aduenir, de luy mesme ceda uoluntairement à Eurybiades l'autorité de commander, & y feist condescendre les Atheniens, en leur promettant & asseurant, que filz se monstroient gens de bien en ceste guerre, les autres Grecs de leur bon gré, puis apres se soubmettroient à leur obeissance: par ou il apert qu'il fut lors principale cause du salut de la Grece, & celuy qui poussa plus auant l'honneur & la gloire des Atheniens, leur faisant vaincre leurs ennemis en prouesse, & leurs alliez & amis en bonté. Ce pendant la flotte de l'armee barbaresque, estant tuenue poser l'ancre au long de l'isle des Aphetes, Eurybiades uoiant si grand nombre de uaisseaux tout de front, s'en estonna, & entendant qu'il y en auoit encore autres deux cents, qui alloient faire le tour par dessus l'isle de Sciathe, se voulut incontinent retirer plus au dedans de la Grece, & s'approcher du Peloponese, à fin que l'armee de mer fust près de celle de terre, n'estimant pas qu'il fust possible de combattre la puissance du Roy Xerxes par mer. A l'occasion dequoy les habitās de l'isle d'Eubœe, aians peur que les Grecs ne les abandonnassent, firent secrettement parler à Themistocles, & luy enuoyerent une bone somme de deniers par l'entremise d'un nom-

Themistocles.

mé Pelagon, lesquelz deniers Themistocles prit, cōme Herodote l'escrit, & les donna à Eurybiades. Mais il y auoit entre ses citoiens un nommé Architeles capitaine de la galere q̄ lon appelloit sâcree, lequel resistoit fort à son intèrion, & n'ayant point d'argent pour payer & entretenir ses mariniers, faisoit tout ce qu'il pouuoit, à fin que lon partist de là uistement. Themistocles irrita ses gēs encore plus qu'ilz n'estoient encōtre luy, de maniere qu'ilz luy coururent sus dedans sa galere mesme : & luy rauirent son soupper. Dequoy Architeles estât fort indigné & courroucé, Themistocles luy enuoya du pain & de la uiande dedans un panier, au fond duquel il feit encore mettre un talent d'argent, luy mandant que pour ce seoir il souppast, & que le lendemain il aduist de prouueoir aux gens de sa galere, autrement qu'il crieroit à l'encōtre de luy, & l'accuseroit enuers leurs citoiens d'auoir pris argēt des ennemis. ainsi l'escrit Phantias le Lesbien. Au demourant, ces premieres rencōtres, qui se feirēt dedans le destroit de l'Eubœe entre les Grecs & les Barbares, ne furent pas de grâde consequence pour la decisiō finale de toute celle guerre : mais ce fut cōme un essay, qui seruit beaucoup aux Grecs, leur faisant ueoir par experience, & au danger mesme du combat, que la grâde multitude des uaisseaux, ny la pompe & magnificence des paremens d'iceulx, ny les cris superbes & chants de uictoire des Barbares, ne seruent de rien à l'encontre de ceulx qui ont le cueur de ioindre de pres, & combattre à coups de main leur ennemy, & qu'il ne fault point faire de compte de tout cela, ains aller droit affronter les hommes & s'attacher hardiment à eulx. Ce qu'il me semble que le poëte Pindarus entendit tresbien, quand il dit touchant la bataille d'Artemisium,

C eulx d'Athenes ont planté
L e glorieux fondement
D e la Grecque liberté.

Car sans point de doubte, le commencement de uaincre est fâsseurer. Ce lieu d'Artemisiū est une coste de l'isle d'Eubœe, regardant uers le Septentrion au-dessus de la uille d'Estiæ, droit uis à uis de la contree qui fut iadis en l'obeissance de Philoctetes, mesmement de la uille d'Olizon, & y a un temple non guere grand de Diane surnōmee Orientale, à l'entour duquel y a des arbres, & un circuit de coulomnes de pierre blâche tout à l'enuiron, lesquelles quād on les frotte avec la main, rendent la couleur & l'odeur de safran, & en l'une d'icelle y a une inscription en uers Elegiaques de telle substance :

A pres auoir par Martiale encombre,
I cy deuant iadis en mer desfaict
D es nations d'Asie infiny nombre,
L es preux enfans d'Athenes en ont faict
E difier, pour memoire du faict,
C e monument à Diane la sainte,
L ors que par eulx eut esté en effect
D e fiers Medois toute l'armee estaincte.

Encore monstre lon iusques auiourdhuy en celle coste un endroit, ou il y a au milieu de force sable de la pouldre noiraistre comme cendre, iusques à bien auant dedās la terre, & pense lon que ce soit ou ilz bruslerent les morts & les reliques des naufrages. Mais y estant uenue la nouuelle de ce qui auoit esté fait au pas des Thermopyles, comme le Roy Leonidas y estoit mort, & cōme Xerxes auoit gagné celle entree de la Grece par terre, adonc se retira l'armee

A de mer plus au dedans de la Grece, estans les Atheniens en celle retraitté rengez à la queuë tous les derniers, comme ceulx qui auoient le cueur eleué pour la gloire des uailances qu'ilz auoient desia faittes. Et Themistocles passant au long des lieux ou il falloit necessairement que les ennemis abordassent, & se retirassent à l'abry, engraua en grandes & grosses lettres sur des pierres qu'il trouuoit par cas d'aduenture, ou qu'il faisoit expressement apporter aux endroits, ou il y auoit bon abry pour les uaisseaux, ou commodité de prendre eau, des paroles adressantes aux Ioniens, par lesquelles il leur remonstroit qu'ilz se deuoient tourner deuers eulx, qui estoient leurs ancestres & fondateurs, & qui combattoient pour leur propre liberté, ou à tout le moins mettre quelque trouble, & faire du pis qu'ilz pourroient en l'armee des Barbares quand on uiendrait à combattre: car il esperoit que cela feroit tourner les Ioniens de leur costé, ou pour le moins mettroit les Barbares en quelque desfiace d'eulx. Au reste Xerxes estât entré par le hault de la prouince Dorique dedans le pais de la Phocide, bruslant & destruisant les uilles des Phociens, les autres Grecs ne feirent aucun deuoir de lès aller secourir, combien que les Atheniens les requissent de uoloir aller au deuant des Barbares, iusques en la Bœoce, pour preseruer le pais d'Attique, cōme eulx estoient allez par mer iusques à la coste d'Artemisiū: mais personne ne leur prestoit l'oreille, ains uoloient tous que lon se retirast au Peloponese, & que lon assemblast toutes les forces de la Grece au dedans de l'encouleure d'iceluy, en la fortifiant d'une bonne muraille qui prist depuis une mer iusques à l'autre: dequoy les Atheniens furent bien mal cōtens, & quand & quand fort descouragez & desplaisans de se uoir ainsi laissez & abandonnez par les autres Grecz: car de combattre tous seulz contrētant de milliers d'ennemis, il n'y falloit pas penser, & ne leur restoit plus d'autre expedient, que de quitter leur uille & s'enbarquer sur leurs uaisseaux: ce que le peuple entendoit fort mal uoluntiers, faisant son compte quil ne se falloit plus soucier, ny de uaincre ny de se sauuer, quād ilz auroient abandonné les temples de leurs Dieux, & les sepultures de leurs parents. Parquoy Themistocles uoyant qu'il ne pouuoit par raisons ny suasions humaines conduire le peuple à son opinion, dressa une fainte comme lon fait quelquefois es ieux des Tragedies, & commença à battre les Atheniens de signes celestes, d'oracles, & de responses des Dieux: car il se seruit pour signe & presage celeste de l'occasion du dragon de Minerue, qui de bonne aduenture enuiron ces iours la ne comparut point, comme il auoit accoustumé, au temple, & trouuoient les presbtres les oblations que lon luy portoit par chascun iour toutes entieres, sans que lon y eust aucunemēt touché. Au moié dequoy aiant esté embouchez par Themistocles, ilz semerent un bruit parmy le peuple, que la deesse tutrice de la uille l'auoit abandonnée, en leur montrant le chemin de la mer: & d'un autre costé les attira par le moien de la prophetie, qui leur commādoit de se sauuer en des murailles de bois, disant que les murailles de bois ne signifioiēt autre chose que les nauires: & que pour ceste cause Apollo en son oracle appelloit Salamine diuine, non point miserable ny malheureuse, pource qu'elle deuoit dōner le nom à une tresheureuse uictoire que les Grecs y deuoient gaigner. Ainsi aiant son aduis esté receu, il meit en auāt ce decret, que lon deposast la uille d'Athenes en la sauuegarde de Pallas qui estoit dame & tutrice du pais, & que tous ceulx qui estoient en aage de porter armes montassent sur les galeres: au demourant, que chascun aduisast

Themistocles.

de retirer quelque part en lieu de seureté sa femme, ses enfans, & ses esclaves le mieux qu'il pourroit. Ce decret aiant esté passé & authorisé par le peuple, la plus part transporta ses peres & meres uieux, les femmes & les petits enfans en la uille de Trœzene, ou les Trœzeniens les receurent fort honestement & humainemēt: car ilz ordonnerent qu'ilz seroiēt nourris aux despens du public, en leur donnant deux oboles de leur monoye par chascun iour, qui sont enuiron quatorze deniers pour teste, & permettāt aux ieunes enfans de prendre des fruiçts par tout ou ilz en trouueroient: & d'auantage entretenant des maistres d'escole aux despens de leur chose publique pour leur enseigner les lettres. Celuy qui s'inscriuit autheur de ce decret, fut un nommé Nicagoras. Or n'auoient point alors les Atheniens de deniers communs, mais le Senat des Areopagites, ainsi que dit Aristote, fournit à chascue homme de guerre huit drachmes, & fut par ce moien principale cause que les galeres furent armees: toute fois Clidemus escrit que cela fut encore une ruze de Themistocles, pource qu'estans descendus les Atheniens au port de Piræe, il feir semblant que l'escu de Pallas ou est la teste de Meduse entaillée, estoit perdu, & ne se trouuoit point avec l'image de la Deesse, & que faignant de le chercher, il fouilla par tout, & trouua grande quantité d'argēt que les particuliers auoiēt caché parmy leurs hardes. Cest argēt fut apporté en public, & par ce moien eurent les hommes de defense, qui s'enbarquerēt sur les uaisseaux, de quoy faire leurs prouisions necessaires. Quand ce uint au departir, que toute la uille d'Athenes fut montee en mer, cela faisoit d'un costé pitié à ueoir, & d'un autre costé apportoit grand esbahissement à ceulx qui consideroient la hardiesse & le bon cueur de ces hommes la qui enuoyoient deuant leurs peres & meres ailleurs, & eulx sans fleschir pour les larmes, cris, & embrassemens de leurs femmes & enfans au departir, passoient courageusement en l'isle de Salamine: Mais oultre cela, il y auoit beaucoup de uieux citoiens que lon estoit contrainct de laisser là, pource que lon ne les pouuoit transporter à cause de leur uieillesse, ce qui faisoit grande compassion: & si y auoit ne sçay quoy de pitoiable qui attendrissoit les cueurs, quand on uoioit les bestes domestiques & priuees qui couroient ça & là avec hurlemens & signifiante de regret apres leurs maistres & ceulx qui les auoient nourries, ainsi cōme ilz sembarquoiēt: entre lesquelles bestes on compte du chien de Xantippus pere de Pericles, que ne pouuant supporter le regret d'estre laissé de son maistre, se ietta dedans la mer apres luy, & nageāt au long de la galere ou il estoit, passa iusques en l'isle de Salamine, là ou si tost qu'il fut arriué l'aleine luy faillit, & mourut soudainement. Lon dit que le lieu que lon appelle encore auiourdhuy La sepulture du chien, est l'endroit ou il fut enterré. Ce sont aussi grands actes de Themistocles, que uoiant les Atheniens regretter l'absence d'Aristides, & craindre que par un despit il ne se tournast du costé des Barbares, & en ce faisant ne fust cause de ruiner les affaires de la Grece, pource qu'il auoit esté par les menées de Themistocles auant la guerre banny pour cinq ans, il mit en auant un decret, que tous ceulx qui auroient esté bānits à temps, peussent retourner pour faire, dire, & conseiller avec leurs cōcitoyens, ce qu'ilz estimeroiēt estre le meilleur pour le salut de la Grece. Et estāt Eurybiades capitaine general de toute l'armee de mer des Grecs pour la dignité de la uille de Sparte, mais au demourant homme à qui le cueur failloit au besoing, uoulant à toute force partir de là, & se retirer dedās le gouffre du Peloponèse, là ou toute l'armee de

- A** terre des Peloponesiens estoit assemblee, Themistocles cōtredit & resista fort & ferme: & fut lors qu'il feit certaines responses notables, qui ont bien esté recueillies & notees depuis. Car cōme Eurybiades luy dist un iour, Themistocles, Es ieux de pris ceulx qui se leuent auant qu'il en soit temps sont soufflettez: Il est uray, luy respondit Themistocles: mais aussi ceulx qui demeurent les derniers ne sont iamais couronnez. Vne autre fois Eurybiades haussa le baston qu'il tenoit en sa main, comme fil l'en eust uoulu frapper: & il luy dit, Frappe si tu ueux, prouueu que tu escoutes. Eurybiades adōc s'esmerueillāt de uoir en luy une si grande facilité, & si grande patience, luy permet de dire tout ce quil uoulut: & ia cōmēçoit Themistocles à le ramener à la raison, mais
- B** il se trouua là quelcun qui luy dit, Il siet mal à un homme qui n'a plus de pais ny de maison, de prescher ceulx qui en ont de les abandonner. Themistocles tournant sa parole à luy, repliqua: Nous auons, dit il, lasche & meschant hōme que tu es, uoluntairement abandonné des maisons & des murailles, ne uoulans pas nous soubmettre au ioug de seruitude pour crainte de perdre des choses qui n'ont point d'ame ny de uie, & neantmoins nostre uille ne laisse pas d'estre la plus grande de toute la Grece, car c'est une flotte de deux cents galeres toutes prestes à cōbattre, qui sont icy uenues pour uous sauuer si uous uoulez, mais si uous uous en allez, en nous abandonnant pour la deuxieme fois, uous orrez dire, auant qu'il passe beaucoup de temps, que les Atheniens auront une autre uille franche, & possederont autant de terres & d'aussi bōnes
- C** comme celles qu'ilz auront icy perdues. Ces paroles feirent incontinent penser à Eurybiades, & craindre que les Atheniens ne s'en uoulussent aller, & les abandonner. Mais comme un autre Eretrien essaiaist encore d'alleguer quel- raisons contre l'aduis de Themistocles, il ne se peult tenir de luy dire, Dea fault il q̄ uous autres parliez aussi de la guerre, qui ressemblez proprement aux casserōs, car uous auez biē un cousteau, mais uous n'aez point de cuer. Aucū escriuent, que ce pendant que Themistocles tenoit ces propos de dessus le rillac de sa galere, on apperceut une cheuesche uolant à main droite des uaisseaux, qui falla poser sur le bout du mas d'une galere, & q̄ cela fut cause de faire cōdescendre les autres Grecs à son opiniō, & se preparer à cōbattre par mer.
- D** Mais quand la flotte des uaisseaux ennemis fut arriuee en la coste de l'Attique à l'endroit du port Phalerique, ou elle couuroit tous les riuages d'alenuiron, tant que la ueue se pouuoit estendre, & que le Roy Xerxes luy mesme en personne auec son armee de terre, se fut aussi uenu camper le long de la marine, de forte que lon uoyoit toute sa puissance, tant de mer que de terre, ensemble: Alors toutes les belles raisons & remonstrances de Themistocles fescoulerēt hors de la memoire des Grecs, & regarderent derechef les Peloponesiens, commēt ilz se pourroient retirer au gouffre du Peloponese, en se courrouceāt quand on leur cuidoit parler d'autre chose. Brief, il fut arresté, que lon feroit
- E** uoile la nuict ensuiuant, & commādē aux pilotes qu'ilz reinsent leur eas tout prest pour partir. Quoy uoiāt Themistocles, & estāt fort marry que les Grecs fescartassent ainsi les uns des autres, en se retirant chascun en sa uille, & abandonnant l'auantage que leur donnoit la nature du lieu, & le destroit du bras de mer, ou ilz se trouuoient ensemble, pensa en foy mesme, commēt il y pourroit remedier: si s'aduifa de la menec d'un Sicinnus, lequel estoit Persien de nation, & aiant esté autrefois pris à la guerre aimoit Themistocles, de maniere qu'il estoit gouuerneur de ses enfans. Il l'enuoya secrettement deuers le

Themistocles.

Roy de Perse, luy donner à entendre, que Themistocles capitaine general des Atheniens, aiant bõne enuie de deuenir son seruiteur, l'aduertissoit de bonne heure, que les Grecs s'en uouloient fouir, & luy conseilloit de ne les laisser point eschapper, ains les faire charger à bon eschant, pendant qu'ilz estoient en trouble & en effroy, esloignez de leur armee de terre, à fin de desfaire à un coup toute leur puissance de mer. Xerxes estimant que c'est aduertissement uint d'homme qui desirast la prosperité de ses affaires, le receut à grande ioye, & incontinent feit sçauoir à ses capitaines de marine, qu'ilz embarquassent leurs gens sur leurs autres uaisseaux tout à loisir: mais que promptement ilz en depeschassent deux cents pour aller par derriere clorre l'issue du destroit, & enceindre les isles tout à l'environ, à fin qu'il ne se sauast pas un tout seul des ennemis: ce qui fut fait. Et adonc Aristides filz de Lyfimachus, s'en estant aperceu le premier, s'en alla au logis de Themistocles, encore qu'il luy fust ennemy, à cause que par ses menées il auoit esté bany pour cinq ans, cõme nous auons dit parauant: & l'ayant fait sortir dehors, luy compta comment ilz estoient enuironnez. Themistocles qui d'ailleurs cognoissoit assez la bonté du personnage, & estoit bien aise de ce que lors il l'estoit uenu trouuer iusques dedans sa tente, luy declara la menée qu'il auoit ourdie par l'entremise de Sicinus, le priant de luy aider à retenir les Grecs, & à procurer avec luy, attendu que sa parole estoit de plus grande autorité enuers eulx, que lon cõbattist dedans le destroit de Salamine. Aristides louant son bon sens, alla deuers les autres capitaines des galeres, les prescher & inciter à uouloir cõbattre, toutefois encore ne croyoit on point du tout ce qu'il disoit, iusques à ce qu'il arriua une galere Tenedienne, dont estoit capitaine un nommé Panerius, s'estant desrobée de l'ost des Barbares, laquelle apporta certaines nouuelles, comme le destroit asseurement estoit fermé, tellement que oultre la necessité le despit encore que les Grecs en conceurent, les incita à uouloir essayer le hazard de la bataille. Le lendemain au point du iour le Roy Xerxes faisoit en un lieu hault eleué, dont il uoyoit la flotte de ses uaisseaux, & l'ordonnance de son armee nauale au dessus du temple de Hercules, ainsi comme escrit Phaedemus, qui est l'endroit ou le canal d'entre l'isle de Salamine & la coste de l'Attique a moins de largeur, ou comme dit Acestorius, sur les confins du territoire de Megare, au dessus de la pointe, que lon appelle uulgairement Les cornes, ou il feit dresser un throne d'or, & auoit autour de soy plusieurs secretaires, pour rediger par escript tout ce qui se feroit en la bataille. Mais ainsi cõme Themistocles sacrifioit aux Dieux dessus la galere capitainesse, on luy amena trois ieunes prisonniers fort beaux de uisage, & richement parez de uestemens & de ioyaux d'or, lesquelz on disoit estre enfans de Sandace sœur du Roy & d'un prince nommé Autarctus. Incontinet que le deuin Euphratides les eut apperceuz, aiant quand & quand obserué qu'il estoit à leur arriuee failly du sacrifice une grande & claire flamme, & qu'en mesme instant quelcun des assistans à main droite auoit esternué, il prit Themistocles par la main, & luy commanda de sacrifier tous ses trois prisonniers au Dieu Bacchus surnommé Omestes, qui uault autant à dire comme cruel, pource qu'en ce faisant, nõ seulement les Grecs se saueroient: mais emporteroient la uictoire sur leurs ennemis. Themistocles fut bien esbahy d'ouir un si estrange & si terrible cõmandement du deuin: mais la cõmune suiuant sa coustume, qui est de se promettre plus tost salut es grands dangers & affaires presque desesperes, par

A moiens estranges, & hors d'apparence de raison, que par les raisonnables & ordinaires, se prit à inuoker le Dieu tout d'une uoix, & en approchant les trois prisonniers de l'autel, le contraignit de parfaire le sacrifice en la maniere que le deuin l'auoit ordonné. ainsi l'escriit Phantias Lesbien, homme sçauant en philosophie, & ayant grande cognoissance des histoires & de l'antiquité. Quāt au nombre des uaisseaux barbaresques, le poète Æschylus en la Tragedie qu'il a intitulee Les Perses, comme le sachant certainement & à la uerité, dit ainsi:

L e Roy Xerxes auoit en somme toute
M ille uaisseaux, car ie le sçay sans doubte,
B entre lesquelz y en auoit deux cents
E t sept, tout autre en uistesse passans.

Les Atheniens en auoient cent quatre uingts, sur chascune desquelles y auoit dixhuit hommes de guerre, dont les quatre estoient archers, & tous les autres bien armez. Si ne fut pas Themistocles moins sage & bien aduisé à choisir le temps que le lieu pour combattre: car il attendit à renger ses uaisseaux en bataille iusques à ce que l'heure fut uenue, qu'il auoit accoustumé de se leuer ordinairement un grand uent du costé de la mer, qui emouuoit de grosses uagues dedās le canal. Ce uent la ne faisoit point de desplaisir aux galeres Grecques, pource qu'elles estoient trappes & basses: mais aux nauires barbaresques qui auoient les proues releuees, & les planchez haults, & qui estoient pesantes & lourdes à manier, il portoit grand dommage, pource qu'il leur faisoit à tous coups monstrier les flancs aux Grecs, qui les alloient incontinent inuestir & heurter legerement, aians tousiours l'œil à ueoir ce que Themistocles leur ordonneroit, comme celuy qui entédoit mieulx que nul autre ce qui estoit à faire: & aussi qu'à l'endroit de luy l'admiral de Xerxes Ariamenes, homme uailant de sa personne, & entre les freres du Roy de beaucoup le meilleur, & le plus iuste, estant dessus une grosse nauire combattoit à coup de traict & de geot, ne plus ne moins que fil eust esté dessus les murailles de quelque chasteau. Si adressa à la galere sur laquelle combattoient ensemble Aminias Decelien, & Soficles PEDIEN: & cōme les deux uaisseaux se fussent entrechoquez l'un l'autre de front, & accrochez avec des crampons & crochets d'airain, il faulta dedans leur galere: mais eulx le soustindrent hardiment, & à coups de iaueline le réuerferent en la mer: le corps duquel la Roynie Artemisia recogneut flottant entre les autres naufrages, & l'ayant recueilly le porta au Roy Xerxes. Or ce pédant que la bataille estoit en telz termes, on dit qu'il apparut en l'air deuers la uille d'Eleusine une grāde flamme, & que lon ouit une haulte uoix & grande clameur par toute la plaine Thrasienne iusques à la mer, comme fil y eust eu grād nombre d'hōmes qui ensemble eussent à haulte uoix chāté le sacré cantique de Iacchus, & sembloit que de la multitude de ceulx qui chantoient il se leuast petit à petit une nuee en l'air, laquelle partant de la terre uenoit à fondre & tumber sur les galeres en la mer. Les autres affermoiēt auoir ueu des figures & images d'hommes armez, qui de l'isle d'Ægine tendoient les mains au deuant des galeres Grecques: & pensoit lon que ce fussent les Æacides, desquelz à publiques prieres on auoit inuocé l'aide auant la bataille. Le premier donques qui prit aucun uaisseau des ennemis, fut Lycomedes Athenien capitaine d'une galere, lequel luy ostant les paremens & enseignes, le consacra & dedia à Apollo surnommé Portant laurier, c'est

Themistocles.

à dire, uictorieux. Les autres Grecs estans de front egaulx en nombre aux Barbares, à cause du bras de mer ou ilz combattoient, qui estoit estroit, ou ilz ne pouuoient uenir au combat, que à la file, & ou ilz s'entreheurtoient & s'entr'empeschoient les uns les autres pour leur grande multitude: à la fin les presferent tant, qu'ilz les contraignirent de se tourner en fuite sur le seoir, apres auoir soustenu & combattu iusques à la nuict: & ainsi gagnerent celle tant renommee & tant glorieuse uictoire, de laquelle se peult ueritablement affermer ce qu'en dit Simonides, que

I amais nation Barbare,
N e Grecque ne fait en mer
E xploit de guerre si rare,
N e si digne de nommer:

& ce, par la prouesse & le bon courage de tous ceulx qui y combattirent, mais particulièrement par le bon sens & la sage conduite de Themistocles. Apres ceste bataille nauale Xerxes s'opiniastrant de despit en sa perte, uoulut essaier de combler le bras de mer pour passer sur une leuee son armee de terre en l'isle de Salamine: & Themistocles uoulant sonder l'opinion d'Aristides, luy dit en deuissant, qu'il seroit d'aduis, que lon allast au destroit de l'Hellespont avec l'armee de mer, pour rompre le pont de nauires que Xerxes y auoit fait faire: à fin, dit il, que nous preniõs l'Asie en l'Europe. Aristides ne trouua pas cest aduis bon: pource, dit il, que nous auons iusques icy combattu contre ce Roy Barbare, qui ne pensoit que se iouer, mais si une fois nous enfermons en la Grece, & reduisons à necessité de combattre, pour sauuer sa uie, un ennemy qui commande à si grosse puissance, il ne s'amusera plus à regarder, estant assis à son aise dessous un pauillon bié doré, le passetemps de la bataille, ains tentera toutes choses, & se trouuera luy mesme en personne par tout, pour crainte du danger: de maniere qu'il pourra bien avec diligence r'habiller la faulte qu'il a commise par negligence, & prouoira mieulx à son faict, quand il uerra qu'il y ira de sa uie & de son estat ensemble: pourtant serois-ie d'aduis, Themistocles, non seulement de ne rompre point le pont qu'il a fait faire, ains plus tost, si nous pouuiõs, de luy en bastir un autre pour le chasser le plus tost que nous pourrions hors de l'Europe. Themistocles adonc luy repliqua, Puis qu'il uous semble qu'il se doie ainsi faire, il fault donc que nous aduisions tous ensemble, d'inuenter quelque moien de l'en faire sortir le plus tost qu'il sera possible. Cela estant conclu entre eulx, il enuoya incontinent un des Eunuques du Roy, c'est à dire, de ses ualets de chambre, nommé Arsaces, qu'il trouua entre les prisonniers, par lequel il luy manda que les Grecs aians gagné la bataille par mer, auoient arresté en leur conseil d'aller au destroit de l'Hellespont pour rompre le pont de nauires qu'il y auoit fait dresser: dequoy il l'auoit bien uoulu aduertir pour l'affection qu'il luy portoit, à fin que de bonne heure il aduisast de se retirer es mers de son obeissâce, pour repasser en Asie le plus tost qu'il pourroit, pendant que luy dõneroit ordre à amuser les alliez & confederez qu'ilz ne le poursuiussent incontinent. Le Roy barbare entendant ces nouuelles, fut si effroyé, qu'il se partit à la plus grande diligence qui luy fut possible. Mais au demourât, le bon sens & la sage prouoiance de Themistocles & d'Aristides en cest endroit, se monstra bien euidentement depuis en la bataille que les Grecs eurent deuât la uille de Platees, cõtre Mardonius le lieurenant de Xerxes, lequel n'auoit qu'une petite partie de la puissance du Roy,

- A Roy, & toutefois meit les Grecs en grand danger de tout perdre. Or quant aux uilles & citez qui combattirent en ceste bataille, Herodotus escrit que celle d'Ægine emporta le pris de uailance: & quant aux hommes particuliers, que les Grecs l'adiugerent à Themistocles, combien que ce fust contre leur uolunté, pour l'enuie qu'ilz portoient à sa gloire: car apres la bataille festans retirez tous les capitaines au destroit de l'entree du Peloponense, & aians iuré sur l'autel du sacrifice, qu'ilz donneroient leurs uoix à qui mieulx leur sembleroit meriter selon leur conscience, chascun d'eulx se donna à soy mesme le premier lieu de prouesse, & le second à Themistocles. Les Lacedæmoniens mesmes le menerent à Sparte, là ou ilz adiugerent à leur
- B admiral Eurybiades l'honneur de uailance, & à Themistocles celuy de sagesse & de prudence, pour raison de laquelle ilz luy donnerent un rameau d'oliue avec le plus beau chariot qui fust en toute la uille, & enuoierent trois cents de leurs ieunes hommes pour le conuoier & luy faire cōpagnie iusques hors de leurs terres. Et dit on, qu'en la prochaine feste & assemblee des ieux Olympiques qui se fait apres ceste uictoire, depuis q̄ Themistocles fut entré dedans le parc ou se faisoient les ieux, les assistans ne firent plus compte de regarder les combattans, ains eurent tout le long du iour les yeux sur luy, en le monstrant avec le doigt aux estrangers qui ne le cognoissoiēt point, & testmoignant par battemens de mains combien ilz l'estimoient: dequoy il fut si ioyeux, que luy mesme confessa à ses familiers amis, qu'il recueilloit alors le fruit de tout tant de labeurs qu'il auoit onques endurez pour le salut de la Grece, tant il estoit de sa nature ambitieux & conuoiteux d'hōneur: ainsi que lon peut facilement cognoistre par quelques faicts & dicts notables q̄ lon a recueilliz de luy. Car aiāt esté eleu admiral d'Athenes, il n'expedia affaires quelconques, ne priuez ne publiques, à part, à mesure qu'ilz suruenoiēt, ains les remeit tous ensemble au iour mesme qu'il se deuoit embarquer, à fin que quand on le uerroit depescher tant d'affaires tout à un coup, & parler à tant de gens tout ensemble, on l'en estimast tant plus grand homme, & de plus d'autorité. Vne autre fois il se promenoit sur la greue le long de la marine, regardant
- D les corps des Barbares que la mer auoit iettez au riuage, & en uoiant aucuns qui auoient encore des chaines & des bracelets d'or, il passa oultre, mais il les monstra à un sien familier qui le suiuiot, & luy dit, Prends cela pour toy, car tu n'es pas Themistocles. Et à un Antiphates qui auoit autrefois esté beau ieune garson, & lors festoit deporté fierement enuers luy sans en faire compte, & depuis quand il le ueit paruenu en grande autorité luy alloit faire la court: Ieune filz mon amy, dit il, nous sommes tous deux, mais biē tard, deuenuz sages tout à un coup. Il disoit que les Atheniens ne l'honoroient ny ne l'estimoient point en temps de paix: mais quand il leur suruenoit quelque orage de guerre, & qu'ilz se uoyoiēt en dāger, ilz recouroiēt à luy, ne plus ne moins
- E que lon fait à l'ombre d'un Platane, quand il suruient une soudaine pluie: & puis apres quand le beau temps estoit reuenu, ilz l'esbranchoiēt & luy coupoient ses rameaux. Il y eut un natif de l'isle de Seriphe, qui estant entré en paroles avec luy, luy reprocha que ce n'estoit point par sa ualeur, ains seulement pour la noblesse de la uille dont il estoit né, qu'il auoit acquis tant de gloire. Tu dis uray, luy respondit il: mais, ny ie n'eusse iamais acquis grand honneur si i'eusse esté Seriphien, ny toy aussi quand tu eusses esté Athenien. Vne autre fois, comme l'un des autres capitaines de la uille, pour auoir fait quelque bon

Themistocles.

seruice à la chose publique, s'en glorifiast deuant Themistocles, & comparaist F
ses gestes à ceulx qu'il auoit faits: Themistocles pour respõse luy feit un cõpte,
• Que le Lédemain de la Feste tensa un iour auec elle, en luy reprochât qu'il ne
• faisoit que trauailler & auoit toute la peine, là ou elle ne faisoit rien que des-
• pendre & faire bonne chere de ce que les autres auoient gaigné: Tu dis la ue-
• rité, luy respondit la Feste, mais si ie n'eusse esté deuant toy, tu ne fusses pas
• maintenât: Aussi si ie n'eusse esté alors, uous autres ou seriez uous à ceste heu-
• re: Son filz abusoit un peu trop importunément de l'affection que luy portoit
sa mere, & de luy aussi semblablement par le moien d'elle: à l'occasion de-
quoy il disoit en se iouant, que son filz auoit plus de pouuoir qu'homme qui
• fust en toute la Grece: pource, dit il, que les Atheniens commandent aux au- G
• tres Grecs, ie commande aux Atheniens, elle à moy, & luy à elle. D'auantage
uoulât tousiours auoir quelque chose de singulier plus que les autres en tou-
tes choses, en faisant proclamer un sien heritage qu'il uouloit uendre, il cõ-
• manda au sergent qui faisoit la crice d'adiouxter à sa proclamation, que l'he-
• ritage auoit bon uoisin. De deux qui luy demandoient sa fille en mariage, il
• prefera l'honneste au riche, disant qu'il aimoit mieulx pour son gendre un
• homme qui eust faulte de biens, que des biens qui eussent faulte d'homme.
Telles donques estoient les responses & rencontres de Themistocles. Mais
apres auoir fait les choses que nous auons cy deuant exposees, il essaia incõ-
• tinent de rebastir la uille & les murailles d'Athenes en corrompant par argët H
les officiers de Lacedemone, à fin qu'ilz ne luy donnassent point d'empesche-
ment à ce faire, ainsi comme escrit Theopompus: ou, cõme tous les autres di-
sent, en les aiât abusez par une telle finesse: Il s'en alla à Sparte comme embas-
sadeur, y enuoié sur ce que ceulx de Lacedemone se plaignoiét que les Athe-
niens renfermoient leur uille de murailles, & les en accusoit enuers le conseil
de Sparte un orateur nommé Poliarchus, y aiât expressement esté enuoié pour
ce faiët par les Æginetes. Themistocles leur nia fort & ferme, & leur dit que
pour s'en informer à la uerité, ilz enuoyassent de leurs gens sur les lieux: uou-
lant par ce delay gagner tousiours autant de temps au paracheuemēt des mu-
railles, & quand & quand aussi que les Atheniens reteinsent pour ostages de I
la seureté de sa personne, ceulx qui seroient enuoiés à Athenes pour en faire le
rapport: comme il aduint. Car les Lacedemoniens informez à la uerité de ce
qui estoit, ne luy feirent point de desplaisir, ains dissimulans le malcontente-
ment qu'ilz auoiét de se ueoir ainsi affinez par luy, le renuoièrent sain & sauf.
Depuis il feit aussi accoustrer & fortifier le port de Piræe, aiant consideré la
cõmodité du lieu, pour du tout appliquer la uille à la marine: en quoy il sui-
uit un conseil presque tout contraire à celuy des anciens Roys d'Athenes, les-
quelz, ainsi comme lon dit, taschans à retirer leurs hommes de la marine, &
les accoustumer à uiure sans hanter la mer, en plantant, semant & labourant
diligemment leurs terres, inuenterent & publierent la fable que lon compre K
de la deesse Pallas, c'est à sçauoir, que querellant le patronage du pais d'Atti-
que à lencõtre de Neptune, elle produisit & mōstra aux iuges l'oliuier, moie-
nât lequel elle gagna son procez. Ainsi n'adiouxta pas Themistocles le port
de Piræe à la uille d'Athenes, comme dit le poète Comique. Aristophanes, ains
plus tost attacha la uille au Piræe, & la terre à la mer: en quoy faisant il augmē-
ta la puissance du peuple contre celle des nobles, & rendit la commune plus
audacieuse, par ce que l'autorité uint à tumber entre mains de matelots, ga-
liots,

A liots, pilotes, & autres telles gés de marine, au moien dequoy la tribune mesme des harengues qui estoit sur la place de Pnyx regardoit uers la mer: mais les trente tyrans qui furent depuis, la remuerent ailleurs pour la faire tourner deuers la terre, aians opinion que l'estre puissans par mer estoit ce qui engendroit & maintenoit l'autorité du gouuernemēt populaire, & à l'opposite que ceulx qui uiuent du labour de la terre portent plus patiemment le gouuernement de la noblesse. Encore faduifa Themistocles d'une autre chose bien plus grande pour rendre la uille d'Athenes puissante par mer: car apres la retrraite de Xerxes, fessant toute la flotte de l'armee nauale des Grecs retiree pour hyuerner au port de Pegases, il dit un iour en publique assemblee du peuple

B qu'il auoit imaginé une chose qui leur estoit trefutile & tressalutaire, mais qu'il n'estoit pas expedient de la declarer publiquement: le peuple luy ordonna qu'il la communiquast à Aristides, & que si celuy-la la trouuoit bonne qu'elle s'executast promptement. Themistocles luy declara, que ce qu'il auoit en pensee estoit, de mettre le feu dedans l'arsenal ou estoient retirez les uaisseaux des Grecs, & les brusler tous ensemble. Aristides ce conseil ouy, retourna deuers le peuple, & dit, qu'il n'y auoit rien ne plus utile, ne plus iniuste que ce que Themistocles auoit imaginé. Et adonc luy commanderent les Atheniens qu'il s'en deportast entierement. Au demeurant, les Lacedæmoniens aians proposé au conseil des Amphictyōs, qui est une assemblee generale des estats de toute la Grece, que les uilles Grecques qui n'auoient point esté de la ligue des Grecs contre les Barbares fussent deboutees de ce cōseil, Themistocles craignant que si les Argiens, les Thessaliens, & encore les Thebains uenoient à en estre forclos, les Lacedæmoniens alors n'y fussent les plus forts en nombre de uoix, & que par ce moien ilz ne feissent tout ce qui leur plairoit en ce conseil, il parla pour les uilles que lon en uouloit forclorre, si bien qu'il fit changer d'aduis aux depurez seans en ceste assemblee: leur remonstrant qu'il n'y auoit eu que trente & une uilles seulement comprises en la ligue, & encore aucunes d'icelles fort foibles & fort petites, & qu'il ne seroit pas raisonnable qu'en deboutant tout le demourant de la Grece l'autorité entiere

D de ce conseil uint à tumber entre les mains des deux ou trois des principales citez seulement. Cela fut la cause principale, que depuis les Lacedæmoniens luy uoulurent fort grand mal, & pousserēt en auant Cimon le plus qu'ilz peurent, à fin que ce fust un aduersaire qui luy feist teste au maniemēt des affaires d'Athenes: & encourut aussi la malueillance des alliez & confederez des Atheniens, pource qu'il alloit ça & là rouant par les isles, & demādant de l'argent aux habitans, ce que lon peult entendre par la proposition qu'il feit aux Andriens, desquelz il uouloit tirer de l'argent, & par la responce qu'il en eut aussi comme Herodote l'escript: car il leur dit, qu'il leur apportoit deux

E puissans Dieux, Amour & Force: & eulx luy respondirent, qu'ilz en auoient deux grands aussi qui les engardoiet de luy en donner, c'est à sçauoir, Pauureté & Impossibilité. Suiuāt lequel propos Timocreon poëte Rodien le picque bien aigrement, en luy reprochant que pour argent il r'appelloit beaucoup de bannits, & luy qui estoit son hoste & son amy, pour l'auarice de gagner une somme de deniers, il l'auoit trahy & abandonné. Les uers ou il le dit sont de telle substance:

Pausanias ne Leotychides,

Ne Xantippus aupres d'Aristides,

Themistocles.

N e me font point louables capitaines,
C 'est le meilleur qui sortit onc d'Athenes.
T hemistocles point ie ne mentionne,
I l est haï à bon droit de Latone:
C arc'est un traistre, un meschant, un qui ment,
Q ui pour un peu de deniers, laschement
A refusé à son hôte ancien
T imocreon retour au païs sien,
E n lalise: & pour la somme & pris
D e trois talents d'argent qu'il a mal pris,
A fait d'exil les aucuns reuenir
I niustement, les autres forbannir
O u mettre à mort sans digne forfaiture:
P uis a fait uoile à sa mal' aduventure,
T out pour argent, le concussionnaire,
Q ui a depuis tenu un ordinaire
D e tauernier auare & mechanique
E s ieux sacrez de l'assemblee Isthmique,
S eruant à ceulx qui sa table hantoient
C hair froide: & culx la mangeant soubhaittoient
N 'auoir iamais, pour sa meschanceté,
D u temps du faux Themistocles esté.

Mais encore l'iniuria il bien plus oultrageusement, & plus à la descouuerte
apres qu'il sen fut allé en exil, & qu'il eut esté condamné, & ce en une chan-
son, qui se commence,

O muse soit par toy la renommee
D e ces miens uers entre les Grecs semee;
A insi qu'il est bien iuste & raisonnable.

L'on dit que la cause pour laquelle cestuy Timocreō auoit esté bāny, fut pour
auoit eu intelligence avec les Barbares, & q̄ Themistocles fut un de ceulx qui
le condēnerent: à l'occasiō de quoy, quād il fut luy mesme depuis accusé aussi
du mesme crime, il composa lors les uers qui sensuiuent à l'encontre de luy,

T imocreon n'a doncques pas esté
S eul, qui avec les Medois ait traité:
I l y en a d'autres que moy meschans,
I e ne suis pas seul regnard par les champs.

Mais oultre cela, ses citoyens mesmes pour l'enuie qu'ilz luy portoient com-
menceoient desia à prester uoluntiers l'oreille à ceulx qui le calumnioient
& qui mesdisoient de luy: au moien de quoy pour cuider y obuier, il estoit cō-
traint de faire chose qui le rendoit encore plus odieux, pource que souuent
en haranguant au peuple, il leur ramenteuoit ses bienfaicts & seruices, &
uoiant que l'on s'en faschoit, il leur disoit: Pourquoi uous laissez uous de sou-
uent receuoir du bien d'un mesme endroit? Il despleut aussi grandemēt à plu-
sieurs quand il surnōma Diane, à la dedicassē du temple qu'il luy auoit fait ba-
stir, Aristobule, qui signifie, de tresbon conseil: uoulāt dire par cela, qu'il auoit
donné à sa uille & à tous les autres Grecs un tresbon & tressage conseil. Il edi-
fia aussi le tēple qui est au quartier de Melite, pres de sa maison, là ou les bour-
reaux exposent maintenant les corps de ceulx qui ont esté executez par iusti-

A ce, & là ou ilz apportent aussi les uestemens & les cordeaux des criminelz qui ont esté estranglez, ou autrement occis par iustice: & y auoit encore de nostre temps, en ce temple de Diane Aristobule, une petite image de Themistocles, laquelle donne clairement à cognoistre & monstre qu'il auoit, non seulement le cuer & l'entendement eleué: mais aussi le uisage plein de maiesté. A la fin donques les Atheniens le bannirent & releguerēt hors de leur uille pour cinq ans, en intétion de luy rabaisser son autorité & son trop grād credit, comme ilz auoient accoustumé de faire à tous ceulx dont la puissance leur sembloit excessiue & demesuree, pour l'egalité qui doit estre entre les citoiens, d'un estat populaire: car ceste maniere de bannissement à temps, qui s'appelle Ostracisme, n'estoit point punition d'aucune forfaiture, ains estoit comme un contentement & une allegiance de l'enuie de la commune, laquelle prenoit plaisir à rabattre & rabaisser ceulx qui luy sembloient trop excéder en grādeur, & euentoit par ce moien le uenin de sa malueillance par ceste diminution d'honneur. ainsi estant chassé d'Athenes, il fallā tenir en Argos. Le cas de Pausanias aduint, qui donna occasion & moien à ses ennemis de luy courir sus: mais ce luy qui s'inscriuit à l'encontre de luy accusateur & partie en matiere de trahison, fut un nommé Leobotes filz d'Alcmæon, natif du bourg d'Agraula, avec ce que ceulx de Sparte l'en chargerent & poursuiurent aussi: car Pausanias n'auoit auparauant iamais rien descouuert à Themistocles de la trahison qu'il machinoit, combien qu'il luy fust grand amy, mais quād il le ueit chassé hors de son païs, & portant fort impatiemment ceste relegation, alors il prit la hardiesse de la luy communiquer, & le solliciter d'y uouloir entendre avec luy, en luy montrant les lettres que le Roy de Perse luy escriuoit, & l'irritant à l'encontre des Grecs, comme gens ingrats & de mauuaise nature. Themistocles reietta bien arriere sa sollicitation, & luy declara ouuertement qu'il ne uouloit auoir en cela rien de commun avec luy: mais aussi ne reuela il à personne du mode les propos qu'il luy en auoit tenus, ny ne descouurit iamais ce qu'il auoit entrepris de faire, fust ou pource qu'il esperast qu'il s'en deporteroit, ou qu'il ne faudroit point d'estre assez tost descouuert par autre moien, attendu que follemēt il aspiroit à des choses trop hazardeuses sans propos ny apparece quelconque. Or apres que Pausanias eut esté puny de mort, on trouua entre ses papiers quelques lettres & escriptures, qui rendoient Themistocles fort suspect, & cryoient d'un costé les Lacedæmoniens contre luy, & d'autre costé ses enuieux le chargeoient & accusoient aussi à Athenes en son absence: auquelz il respondit par lettres du commencement, car il escriuit au peuple qu'il n'estoit point uray semblable, que luy qui cherchoit par toute uoye à dominer, & qui n'estoit point né pour seruir, ny n'en auoit aucune uoulunté, eust onques pensé de uendre sa liberté, ny celle de la Grece aux Barbares ennemis. Ce neantmoins le peuple à la suscitation de ses malueuillans, enuoya gens pour le saisir au corps, à fin de le représenter en l'assemblée des estats de la Grece, pour y estre iugé par le conseil. Dequoy luy aiant de bonne heure senty le uent, passa en l'isle de Corfou, à cause que la uille luy estoit tenue & obligee pour quelque plaisir qu'il leur auoit autrefois fait: car eulx aians quelque different contre ceulx de Corinthe, il appaisa leur querelle en donnant sa sentence en leur faueur, & condamnant les Corinthiens en amēde de uingt talents enuers eulx, & ordonnant qu'ilz iouyroient en commun de l'isle de Leucade, comme aiant esté peuplee des habitans de l'une & de l'autre uille ensemble.

Themistocles.

De là il s'en fouit en Epire, là ou estant poursuiuy par les Atheniens & par les Lacedæmoniens, il fut contrainct de se ietter en une esperance fort douteuse & bien dangereuse : car il falla rendre entre les mains du Roy des Molossiens Admetus, lequel aiant autrefois requis quelque chose aux Atheniens, auoit esté assez honteusement esconduit de sa requeste, par le moien de Themistocles, qui lors estoit au plus fort de son credit, dont ce Roy fut fort indigné cōtre luy, & estoit tout euident, que si lors il l'eust peu auoir entre ses mains, il l'eust mal traitté : toutefois en la calamité de l'exil ou il se trouuoit, il estima que la malueillance ia enuieillie de ce Roy, estoit moins à craindre pour luy, que la haine & l'enuie toute fresche de ses citoiens. Et à ceste cause falla rendre à sa mercy, & se faire suppliant d'Admetus en une maniere nouuelle, & toute differente de l'ordinaire : car il prit entre ses bras le filz du Roy, qui estoit encore petit enfant, & falla ietter à genoux ioignant l'autel domestique, pour ce que les Molossiens tienent celle façon de supplier pour la plus urgente, & celle que lon n'ozeroit esconduire ny refuser : & disent aucuns que ce fut Phthia mesme, la femme du Roy, qui l'aduisa de ceste coustume du païs, & qui quand & quand luy amena son filz près dudit autel : les autres escriuent, que ce fut Admetus luy mesme, qui pour auoir couleur de s'excuser enuers ceulx qui luy demanderoient sur l'obligation necessaire de la religion, qui luy defendroit de le rendre, luy disposa & enseigna ceste presente maniere de supplier. Ce pendant Epicrates Acharnien, trouua façon de desrober secrettement sa femme & ses enfans hors d'Athenes, & les luy enuoya, pour raison de quoy il fut depuis appellé en iustice, & executé à mort, à l'instâce & poursuite de Cimon, ainsi comme Stefimbrotus escrit : lequel puis apres ne sçay cōment oubliant cela, ou bien le faisant oublier à Themistocles, dit qu'il nauigua en Sicile, là ou il demanda à Hieron tyrant de Syracuse sa fille en mariage, luy promettant de luy conquerir en ce faisant, & luy assubiectir tous les peuples de la Grece entierement : ce que n'ayant Hieron uoulu accepter, à son refus il dressa adonc son chemin uers Asie : mais cela n'est pas uray semblable, car Theophrastus escrit au traitté qu'il a composé de la royauté, que Hieron aiât enuoyé à la feste des ieux Olympiques, des cheuaux pour courir, & y aiât fait dresser une fort magnifique, sumptueuse & riche tente, Themistocles fait une harengue aux Grecs, en laquelle il leur remonstra, que lon deuoit deschirer & saccager ceste tête de tyrāt, & ne receuoir point ses cheuaux pour courir avec les autres à qui emporteroit le pris de uistesse en ces ieux sacrez : & Thucydides met qu'il descendit iusques à l'autre mer, & sembarqua en la uille de Pydne, sans que personne le cogneust de ceulx qui estoient dedans la nauire, iusques à ce que le uent les poulsa en l'isle de Naxos, que les Atheniens d'aduēture tenoient lors assiegee, là ou craignant d'aborder, il fut contrainct de declarer qui il estoit au maistre de la nauire & au pilote, enuers lesquelz il fit tant partie par prieres & partie par menasses, en leur disant qu'il les accuseroit uers les Atheniens, que ce n'auroit point esté par ignorāce, mais par argent qu'ilz l'auroient receu en leur nauire, qu'il les contraignit de tirer oultre, & prendre la route de l'Asie. Quant à ses biens, ses amis en destournerent & sauuerēt une bōne partie, qu'ilz luy enuoy crēt en Asie : mais ce qui en uint en euidence & qui fut confisqué au public, Theopompus escrit qu'il monta iusques à la ualeur de † cent talents, & Theophrastus n'en met que quatre uingts seulemēt, là ou tout son bien ne ualoit pas * trois talents, quand il commēça à s'entremetre

† Soixante mille
escus.
* Dix huit cents
escus.

A tre du gouuernement de la chose publique. Quand il fut arriué en la uille de Cume, il trouua qu'il y auoit beaucoup de gés par toutes les costes de la marine, qui l'espioient pour le prendre au corps, mesmement entre les autres un Ergoteles & un Pythodorus, en estant la prise grandement profitable à gens qui uouloient faire leur profit de toutes choses & par tous moiens, pource que le Roy de Perse auoit fait crier à son de trompe, qu'il dōneroit deux cents talents à celuy qui le luy ameneroit: à l'occasion dequoy il s'en fouit en une petite uille de natiō Æolique, qui s'appelle Æges, ou personne ne le cognoissoit, sinon son hoste seul, Nicogenes, qui estoit le plus riche & le plus opulent homme de tous les Æoliens, aiant cognoissance avec les seigneurs, qui auoient credit à l'entour du Roy de Perse. Themistocles demoura quelques iours caché en sa maison, durât lesquelz un seoir apres le festin d'un sacrifice, le maistre des enfans de ce Nicogenes appelé Olbius, estant par inspiration diuine soudainemēt trāsporté & rauy hors de soy, se prit à pronōcer tout hault ces uers:

Donne ta uoix à la nuit noire,

Et ton conseil & ta uictoire.

Et la nuit ensuiuant Themistocles estant couché en son liēt, songea qu'il auoit un serpent entortillé à l'entour du uentre, lequel se glissa contremont le long de son col iusques à ce qu'il l'attaingnit à la face, & que lors soudainement il deuint aigle, laquelle l'embrassa entre ses ailes, & le soubleuant en l'air l'emporta bien loing, iusques à ce qu'il luy fut aduis qu'il apperceut un baston d'or, tel que ceulx que les heraults portent en main, dessus lequel elle le posa fermement, si bien que lors il se trouua deliure de la frayeur esperdue & du grand trouble ou il estoit. Pour donques le cōduire en seureté à la court, Nicogenes s'aduifa d'une telle habilité: Les natiōs barbares, pour la plus part, mesmement la Persiene, sont de nature estrangement & cruellement ialouzes des femmes, non seulement de celles qu'ilz ont espousees, mais aussi de leurs esclaués & de leurs concubines, lesquelles ilz gardent si estroittement que personne ne les uoit iamais dehors, ains demeurent tousiours r'enfermees en la maison, & quand elles uont par les champs, elles sont portees sur des charriots bien clos & couuerts tout à l'entour, de maniere que lon ne uoit point dedans. Themistocles monta sur un chariot accoustré de telle sorte, aiant instruit ses gens de respondre à ceulx qu'ilz rencontroient par les chemins, & qui demandoient qu'il y auoit dedans, que c'estoit une ieune femme Grecque du païs d'Ionie, qu'ilz menoient à un des seigneurs de la court. Si disent Thucydides & Charó Lampfacenien, que ce fut apres la mort de Xerxes qu'il y alla, & qu'il parla à son filz. Mais Ephorus, Dinon, Clitarchus, Heraclides, & plusieurs autres, escriuent que ce fut à luy mesme: toutefois il semble que le dire de Thucydides s'accorde mieulx avec les Chroniques, & les tables ou est enregistree la suite des temps, encores qu'elles mesmes ne soient pas gueres certaines. Themistocles donques arriué sur le bord du peril, s'adressa premiere-
E ment à Artabanus capitaine de mille hommes de pied, & luy dit, qu'il estoit Grec de nation, qui uouloit parler au Roy touchant des choses de tresgrande consequence, & que le Roy auoit le plus à cuer. Artabanus luy respondit en ceste maniere: Estranger mon amy, les loix & coustumes des hommes
 .. sont differentes, & estiment les uns une chose honneste, & les autres une au-
 .. tre: mais bien est il honneste à tous, de garder & obseruer celles de son païs.
 .. Or quāt à uous autres Grecs, on dit que uous estimez la liberté & l'egalité sur

Themistocles.

toutes autres choses: mais quât à nous, entre plusieurs belles coustumes & ordōnances q̄ nous auons, celle la nous semble la plus belle, de reuerer & adorer nostre Roy, cōme l'image du Dieu de nature, qui maintient toutes choses en leur estre & leur entier. Parquoy si tu te ueux accōmoder à noz façons de faire & adorer le Roy, tu le pourras ueoir & parler à luy: mais si tu as autre uoulûté, il te fauldra necessairemēt negocier & traiter avec luy par personnes interposées: car la coustume de ce païs est telle, que iamais le Roy ne dōne audience à personne qui ne l'ait premieremēt adoré. Themistocles aiant ouy ce ppos luy respōdit, Seigneur Artabanus, ie suis icy uenu en uoulûté d'augmēter la gloire & la puissance du Roy, & pourtāt non seulemēt obeiray-ie à uoz loix, puis qu'ainsi plaist à Dieu, qui a esleué l'empire de Perse en ceste grādeur: mais aussi feray que plus de gens adoreront le Roy qu'il n'y en a qui l'adorent maintenant: & pourtāt à cela ne tiene, que ie ne declare moy mesme au Roy ce que i'ay à luy dire. Mais qui dirons nous, luy demāda lors Artabanus, que tu sois: car à t'ouir parler il ne semble pas que tu sois homme de petite qualité. Themistocles luy respōdit: quât à cela, Artabanus, personne ne le sçaura deuāt le Roy. Ainsi le met Phantias: & Eratosthenes en un traitté qu'il a fait de la richesse, y adiouxte, que Themistocles eut accez à cestuy Artabanus, & luy fut recommandé par le moien d'une femme Eretrienne qu'il entretenoit. Aiant doncques esté mené deuant le Roy, apres luy auoir fait la reuerence, il se teint tout debout sans mot dire, iusques à ce que le Roy commanda au truchemēt de luy demander qui il estoit. Le truchement luy demanda: & il respondit, Sire Roy, ie suis Themistocles Athenien, qui estant banny & chassé de mon païs par les Grecs me suis retiré deuers toy, sçachant bien que i'ay fait beaucoup de mal aux Perses: mais estimant leur auoir fait encore plus de bien, attendu que ie fus celuy qui empeschā que les Grecs ne uous poursuiussent, lors qu'ayant mis les affaires de la Grece en seureté & mō païs hors de danger, il me sembla que ie pouuois bien uous faire aussi quelque plaisir. Or quant à moy, i'ay toutes uouluntez conuenables au calamiteux estat ou ie me treuve maintenant: car ie uiens en deliberation de recognoistre comme une grace si te plaist amiablement te recōcilier à moy, & de te demāder pardon si tu es encore courroucé contre moy: mais ie te prie Sire, que prenant l'inimiriē que me portent les Grecs pour tesmoignāge des seruices que i'ay faits à la nation Persiene, tu ueuilles user de ma fortune comme d'une occasion & matiere de mōstrer ta uertu, plus tost que de satisfaire à la passion de ton courroux: car en me sauuant la uie tu sauueras un suppliant qui s'est ietté en la franchise de ta mercy, & en me faisant mourir tu occiras un ennemy des Grecs. Aiant dit ces paroles il y adiouxta encore, que les Dieux par plusieurs signes & arguments l'auoient incité à se uenir rendre à luy, en racomptant la uision qu'il auoit eue en songe chez Nicogenes, & recitāt l'oracle de Iupiter Dodonien, par lequel il luy estoit commandé qu'il se retirast deuers celuy qui se nommoit comme Dieu, & qu'il auoit pensé que c'estoit luy, pource que & Dieu & luy s'appelloient & estoient à la uerité tous deux grands Roys. Le Roy l'ayant ouy parler ne luy respondit rien à l'heure, combien qu'il eust en grande admiration son bon sens & sa hardiesse: mais depuis entre ses amis il dit, qu'il se reputoit bienheureux d'auoir eu ceste bonne fortune que Themistocles s'estoit retiré deuers luy, & pria son grand dieu Arimanius, qu'il enuoiaist tousiours telle uoulunté à ses ennemis, de chasser les plus gens de bien & les plus grands hommes

A mes qu'ilz eussent entre eulx: & dit on qu'il en sacrifia aux Dieux pour leur rendre graces, & s'en meit incontinent à faire bonne chere, tellement que la nuit en songeant, au plus fort de son sommeil il s'escria de ioye par trois fois, J'ay Themistocles l'Athenien. Le lendemain au matin aiant mandé les principaux personnages de sa court, il feit aussi appeller Themistocles, lequel n'esperoit rien de bon, mesmemét quand il ueit que ceulx des gardes qui estoient à la porte luy feirent mauuais uisage, & luy dirent iniure quand ilz le ueirent & qu'ilz entendirent son nom. D'auantage Roxanes l'un des capitaines, quād Themistocles passa au long de luy pour s'approcher du Roy qui estoit assis en sa chaire, faisant tous les autres grand silence, luy dit tout bas en soupirant, ô serpent Grec cault & malicieux, la bonne fortune du Roy t'a icy amené. Toutefois quād il fut deuant le Roy, & qu'il luy eut fait une autre fois la reuerence, le Roy le salua, & luy parla amiablemēt, disant que ia il luy deuoit deux cents talents, pource que fessant presenté soy mesme, c'estoit raison qu'il receust le pris de l'argent qui auoit esté promis à celuy qui l'ameneroit, mais il luy promet encore bien d'auantage, & l'assura, en luy commandant de dire libremēt & franchement tout ce qu'il uouldroit touchant les affaires de la Grece. Themistocles adonc luy respondit, Que la parole de l'homme ressemble proprement à une tapisserie historiee & figuree, pource qu'en l'une & en l'autre les belles images qui y sont se uoient, quād on les estend, & que lon les desploie: & au contraire, n'apparoissent point, & se perdent, quand on les ferre & qu'on les ploie: au moien dequoy, il auoit besoing de temps pour pouuoir desployer sa parole. Le Roy trouua ceste comparaison fort propre & bonne, & luy dit qu'il prist tant de temps qu'il uouldroit: & il demanda un an: durāt lequel aiant suffisamment appris la langue Persienne, il parla depuis luy mesmes, sans truchement, au Roy. Si fut aduis à ceulx qui n'estoient point de la court, qu'il luy parlast des affaires de la Grece seulement: mais pource qu'au mesme temps il y eut beaucoup de nouuelletez & de changemens en la court, les grands eurent opinion qu'il auoit pris la hardiesse de luy parler d'eulx aussi, à l'occasion dequoy ilz luy porterēt depuis grande enuie: car ce n'estoit rien de l'honneur qu'il faisoit aux autres estrangers au pris de ceulx qu'il faisoit à Themistocles, pource qu'il le menoit à la chasse quand & luy, & luy fait ueoir sa mere, avec laquelle il prit familiarité, & ouit par expres commandement du Roy les discours des sages de Perse touchant la philosophie secrette qu'ilz appellent Magic. Et comme Demaratus Lacedemonien estant au mesme temps en la court de Perse, & aiant esté un iour conuié par le Roy mesme à luy demander en don ce qu'il uouldroit, eust requis que le Roy luy otroyast ceste grace qu'il peust aller par la uille de Sardis avec le chapeau royal dessus sa teste comme font les Roys de Perse: Mithropastes, qui estoit cousin du Roy, luy dit, luy touchāt en la main: Demaratus, ce chapeau royal que tu demandes, si estoit sur ta teste ne couuriroit gueres de ceruelle: car encore que Iupiter te donast sa foudre à porter en main, tu ne serois pas Iupiter pour cela. Et le Roy luy fait un fort aspre rebut pour ceste importune demande, & s'en meit en si grande cholere contre luy, que lon pesoit qu'il ne luy deust iamais pardonner: toutefois Themistocles interceda pour luy si biē, qu'il feit son appointemēt. Et dit on que les Roys successeurs qui ont esté depuis, sous lesquelz les affaires des Perses furent bien plus meslees avec ceulx des Grecs qu'ilz n'auoient esté auparauāt, quand ilz uoloient retirer à leur service quelque personnage

Themistocles.

de la Grece luy promettoient & luy escriuoient qu'ilz le feroient plus grand
aupres d'eulx, que n'auoit esté Themistocles aupres de Xerxes. A quoy se rap-
porte ce que lon compte aussi, que luy mesme aiant desia grand credit & estat
suiuy de beaucoup de gens qui luy faisoient la court, pour l'autorité qu'il
auoit, comme il se trouuaist un iour à table seruy fort magnifiquement, & de
toutes uiandes exquisés, il se tourna deuers ses enfans & leur dit, Mes enfans
nous estions perdus, si nous n'eussions esté perdus. Si escrit la plus part des hi-
storiciens, qu'il luy fut donné le reuenue de trois uilles pour son pain, son uin, &
sa pitance, sçauoir est Magnesie, Lampsaque, & Myunte: mais Neantes Cy-
zicenien & Phantias y en adioustét encore deux autres, Percote & Palæsepsie,
l'une pour son uestir, l'autre pour son coucher. Depuis quand il descendit es
basses prouinces uers la mer pour entendre aux affaires de la Grece, il y eut un
seigneur Persien nommé Epixyes gouuerneur de la haulte Phrygie qui luy
dressa embusche, aiant de longue main attilré quelques meurtriers Pisidiens
pour le tuer, quand il seroit arriué en un bourg de son gouuernemēt qui s'ap-
pelle Teste de Lion: mais ainsi comme il dormoit un iour en son logis sur le
midy, la mere des Dieux s'apparut à luy qui luy dit, Themistocles n'arriue pas
à Teste de Lion de peur que tu ne treuues le Lion: & pour cest aduertissement ie
te demande ta fille Mnesiptoleme pour ma seruante. Themistocles s'esueillant
là dessus en sursault, feit sa priere à la Deesse, & se destournant du grand che-
min prit un autre circuit: puis aiant passé le bourg se logea qu'il estoit desia
nuict, mais il y eut un des somniers qui portoient la tente qui tumba par cas
d'adventure en une riuere, au moien de quoy ses gens estendirent les tapisse-
ries qui estoient toutes mouillees à la Lune pour les secher: & les Pisidiens
n'aians pas peu discerner de loing à la Lune que c'estoient tapisseries que lon
auoit tendues pour les secher, penserent que ce fust la tente propre ou lo-
geoit Themistocles, & s'y en allerēt droit les espees traittes aux poings, espe-
rans l'y trouuer dormant: quand ilz furent tout contre, ainsi comme ilz le-
uoient ia un bout de la tapisserie, aucuns des gens de Themistocles, qui fai-
soient le guet, les apperceurent, qui leur coururent sus, & les prirent. Ainsi
Themistocles aiant eschappé ce danger, s'esbahit grandement de la faueur
que luy auoit fait la Deesse, qui s'estoit apparue à luy: en recompense de-
quoy quand il fut en la uille de Magnesie, il y feit edifier un temple de Din-
dymene, & y rédit sa fille Mnesiptoleme religieuse. Mais en passant par la uille
de Sardis, pour passer son temps il alla uisitant les temples & les offrandes que
lon y auoit donnees: si ueit au temple de la mere des Dieux, une image d'une
pucelle faitte de cuyure, aiant deux coudees de hault, que lon appelloit l'Hy-
drophore, c'est à dire, portant eau, & estoit une statue que luy mesme auoit
autrefois dediee, l'ayant fait faire de l'argent prouenu des amendes, esquel-
les auoient esté condemnez ceulx qui deroboient, & diuertissoient l'eau pu-
blique à Athenes, lors qu'il y estoit superintendant des eaux, & fust ou pour-
ce qu'il luy feist mal de ueoir ceste belle image prisonniere entre les mains
des Barbares, ou qu'il uoulust monstrer aux Atheniens combien il auoit de
credit & d'autorité en tous les pais de l'obeissance du Roy, il en parla au gou-
uerneur de la Lydie, & le pria de uoloir en sa faueur renuoyer ceste image à
Athenes. Le Barbare se courroucea fort de ceste requeste, & luy dit qu'il en es-
criroit au Roy: dont Themistocles eut si grande peur, qu'il fut contraint de
recourir aux femmes & cōcubines dudit gouuerneur, lesquelles il gaigna par
argent,

A argent, & les feit interceder pour luy, à fin que le Satrape appaifast son courroux: & depuis ceste fois la, il alla bien plus retenu & plus refervé en toutes choses, redoubrât ia l'enuie des Barbares: car il n'alla point ça & là, se promenant par l'Asie, cōme l'escriit Theopompus, ains se teint longuement en la uille de Magnesie, y iouissant en paix des dons & bienfaicts du Roy, & y estât honoré & reueré comme l'un des plus grands personnages de Perse, pendant que le Roy estoit empesché aux affaires des haultes prouinces de l'Asie, & n'auoit pas loisir de uacquer à ceulx de la Grece. Mais quand les nouuelles vindrent, que l'Egypte festoit rebellee moienant la faueur & l'aide des Atheniens, & que les galeres Greques uenoient courir iusques en l'isle de Cypre, &

B iusques aux costes de la Cilicie, & que Cimon tenoit toute la mer en sa subiection, cela luy feit adonc tourner la pensee à resister aux Grecs pour les garder de s'accroistre à son dommage: si commença lon à leuer gens, de pescher capitaines, & enuoyer messagers à Magnesie deuers Themistocles, par lesquels le Roy luy mandoit qu'il entendist aux affaires de la Grece, & qu'il luy teint les promesses qu'il luy auoit faittes. Mais luy, sans se mōstrer picqué ny irrité de rācune à l'encōtre de ses citoiens, ny emeu du desir de la puissance & autorité grande qu'il pouuoit auoir en ceste guerre, ou peult estre aussi n'estimant pas que ce fust chose dont il peult uenir à bout, attendu mesmement

C que la Grece auoit lors de tresgrāds capitaines, & que Cimon entre les autres prosperoit merueilleusement, & plus encore aiant honte de maculer la gloire de tāt de beaux faicts, de tāt de triumphes & de uictiores qu'il auoit gaignees, il prit une tressage resolution de mettre fin à sa uie telle comme il luy conuenoit: car il feit un solennel sacrifice aux Dieux, auquel il festoya ses amis: & apres auoir pris cōgé d'eulx, beut du sang de taureau, ainsi que le tient la plus commune renommee: ou, comme les autres disent, d'une forte de poison qui tue l'homme dedans uingt quatre heures: & acheua ainsi ces iours en la uille de Magnesie, apres auoir uescu iusques à l'aage de soixante & cinq ans, & la plus part d'iceulx tousiours en offices & charge grāde. Lon dit que le Roy de Perse aiant entendu la cause & la maniere de sa mort, l'en estima encore plus

D que deuant, & qu'il continua à bien traiter tousiours ses amis & ses domestiques: car il laissa des enfans qu'il auoit eus de Archippe fille de Lysander du bourg d'Alopecie, Archeptolis, Polyeuctus, & Cleopphantus, duquel Platon mesme le philosophe fait mētion, disant qu'il estoit bien bon hōme d'armes, mais au demourāt qu'il n'auoit rien de bon: quāt aux autres plus aagez, Neocles mourut d'une morsure de cheual, & quant à Diocles, son ayeul Lysander l'adoptā pour son filz. Il eut plusieurs filles, entre lesquelles Mnesiptoleme qu'il auoit euē d'une seconde femme, fut mariee à son frere Archeptolis qui n'estoit pas d'une mesme mere, & Italie fut mariee à un nommé Pāthides natif de Chio, Sybaris à Nicomedes Athenien, & Nicomache à Phasicles neveu de Themistocles, auquel les freres la donnerent en mariage dedans la uille mesme de Magnesie depuis la mort du pere, & celuy la nourrit & eleua la plus ieune de toutes qui s'appelloit Asie. Au demourāt sa sepulture magnifique se ueoit encore sur la place de Magnesie: mais quant à ses ossemens, il ne fault point adiouxter de foy à ce que Andocides en escriit, en un discours qu'il fait à ses amis, que les Atheniens aians trouué les reliques de son corps, les ieterent au uent: car il feint cela pour irriter les nobles à l'encontre du peuple. Et Philarchus en son histoire, ne plus ne moins qu'en une Tragoedie, dresse

Themistocles.

par maniere de dire, l'engin d'une feincte, avec lequel il fait uenir ie ne sçay F
quelz Neocles & Demopolis filz de Themistocles, pour emouuoir les lecteurs
à compassion: mais il n'y a homme qui ne iuge incontinent, que c'est chose
controuuee & faite à plaisir. Et Diodorus le geographe, en un traitté qu'il a
escriit des sepultures, dit, par coniecture plus tost que de certaine science, que
au long du port de Piræe à uenir de deuers le chef de Alcimus, il y a une poin-
te en forme de coulde, au dedans de laquelle quād on a doublé le bout, la mer
est tousiours platte, & y treuve lon une base grande & longue, dessus laquelle
y a comme la forme d'un autel, c'est (ce dit il) la sepulture de Themistocles, &
pense que mesme le poëte comique Platon, le tesmoigne en ces uers:

T a sepulture est à poinct situee,
P our des marchands estre bien saluee:
E lle uerra tous ceulx qui entreront
D edans le port; & qui en sortiront:
E t si l'on se fait aussi quelque combat
D essus la mer, elle en uerra l'esbat.

Au reste, ceulx de Magnesie ordonnerent quelques honneurs aux descendās
de Themistocles, qui durent encore iusques au iourd'huy, & en iouissoit de
mon temps un autre Themistocles Athenien, avec lequel i'ay eu familiere
conuersation & amitié chez le philosophe Ammonius.

Furius Camillus.



N T R E plusieurs grandes choses, qui se disent de Fu-
rius Camillus, celle la semble estre la plus nouuelle
& plus estrange, qu'ayant eu les premieres charges
de son païs, & en icelles aiāt fait beaucoup de haults
& glorieux exploits, comme celuy qui fut eleu par
cinq fois Dictateur, qui triompha quatre fois, & qui
acquit le tiltre de second fondateur de Rome, iamais
toutefois n'a esté Consul. Dequoy fut cause l'estat
auquel se trouuoit pour lors la chose publique Ro-

maine, pource que le peuple estāt en dissensio à l'encōtre du Senat, ne uouloit
plus elire de Consuls, ains elisoit d'autres gouuerneurs, qui s'appelloient Tri-
buns militaires, lesquelz encore qu'ilz feissent toutes choses avec autorité &
puissance pareille à celle des Consuls, n'estoient pas neantmoins tant odieux
au peuple à raison du nombre, pource que mettre le gouuernement des affai-
res en la main de six officiers, & non pas de deux seulement, estoit quelque re-
confort à ceulx qui supportoient mal uoluntiers la domination du petit nō-
bre de la noblesse. Ainsi Camillus estant enuiron ce temps la en la fleur de
son credit, & en la principale gloire de ses faicts, n'appeta point d'estre Con-
sul oultre la uolunté du peuple, combien que durant le temps qu'il eut la
uogue, il y ait eu des Consuls creéz par plusieurs fois. Mais en toutes les autres
charges & offices qu'il eut de toutes sortes, il se porta tellement que quand il
estoit seul, l'autorité estoit commune: & quand il auoit des compagnons, la
gloire de ce qui se faisoit en demouroit à luy seul: dont estoit cause d'un costé
sa moderation, pource qu'il commandoit sans arrogance: & d'autre costé, son

grand

- A** grand sens & sa suffisance, pour laquelle tous les autres uoluntairement luy cedoient le premier lieu, & n'estant pas encore pour lors la maison des Furiés fort renommee, il fut le premier qui de soy mesme comméça à se poulser en auant, pource qu'en une grosse bataille, qui fut donnee contre les *Æques* & *Volsques*, estant simple homme d'armes soubs le dictateur *Posthumius Tuditus*, il fut le premier qui picquant deuant toute l'armee, comença la charge, & y aiant esté blecé en la cuisse, il ne recula point pour cela, ains arrachant luy mesme le tronçon de la iaueline, qui luy estoit demouré dedans, il s'attacha aux plus uaillans hommes des ennemis, & combattit si uertueusement qu'il leur feit tourner le dos. A l'occasion dequoy oultre les autres hōneurs & recompenses qu'il en eut, il fut eleu Censeur, estant ia l'office des cẽ temps la de grande preeminence & de grande dignité. Si feit en ceste censure deux actes notables: l'un honeste, quand il induisit les hommes qui n'estoient point mariez à espouser les femmes ueufues, qui estoient en grand nombre à cause des guerres, & les renga à ce poinct en partie par remonstrances qu'il leur feit, & en partie par menasses de les cōdemner à l'amende: l'autre necessaire, quād il meit les enfans orphelins à la taille, qui par auant luy n'auoient iamais esté contribuables: dequoy furent cause les guerres continuelles, esquelles la chose publique estoit contrainte de faire grande despenſe, mesmement le siege de la uille des *Veiens*, que aucuns appellent *Veneraniens*, qui plus les pressoit alors. Car c'estoit la uille capitale de toute la *Thoscane*, laquelle en quantité d'armes & en nombre de combattans n'estoit de rien moindre que Rome, & qui sentant son cueur pour sa richesse, son opulence, & pour ses delices, auoit au parauant plusieurs fois combattu à l'encontre des Romains en plusieurs grosses batailles, pour la gloire & pour l'empire: mais lors se sentant affoiblie par plusieurs grandes desconfitures, dont elle auoit esté battue, se deportoit de ceste premiere ambition, de sortir contre eulx en cāpaigne. Et aians les habitās haulſé & bien remparé les murailles, & fait bōne prouision d'armes, de trechts, de bledz, & autres monitions necessaires, soustenoient hardiment sans crainte de rien ce siege, lequel alloit fort en longueur, & n'estoit pas moins penible
- D** & difficile pour ceulx qui assiegeoient que pour ceulx qui estoient assiegez: car au lieu que parauant ilz ne souloient estre que l'esté seulemēt aux champs, & l'hyuer se retiroient en leurs maisons, ilz furent lors premierement contraints par les Capitaines & *Tribūs* militaires, d'edifier des forts, & de fermer de muraille leur camp dedans le territoire mesme de leurs ennemis, & y passer l'hyuer aussi bien comme l'esté. Or auoit ia duré ce siege l'espace de sept ans tous entiers, & chargeoit on les capitaines de n'auoir pas bié fait deuoir de le presser assez uiuement, de maniere que finablemēt on les depōsa de leurs charges, & en eleut on d'autres en leur place pour l'acheuer: entre lesquelz Camillus en fut un, que lon crea *Tribun* militaire pour la seconde fois, & neantmoins ne
- E** feit encore riẽ pour lors en ce siege, à cause qu'il luy escheut par le sort de faire la guerre aux *Phaleriēs* & aux *Capenates*, lesquelz pẽdant que les Romains estoient empeschez ailleurs, auoient couru leurs terres, & les auoient grandemēt molestez & endōmagez durant tout le tẽps de ceste guerre de *Thoscane*. Mais Camillus en aiāt desfaict un grand nōbre, qu'il trouua en la cāpaigne, chassa les autres, & les rembarra iusques au dedās de leurs murailles. Au demourāt, l'accidēt du lac *Albanien*, qui suruint enuiron le tẽps que ceste guerre de *Thoscane* estoit en sa plus grāde force, estonna fort les Romains, n'estāt pas moins

Furius Camillus.

esmerueillable, que les plus estrâges & plus incroyables choses q̄ lon sçauroit F
entêdre, pource q̄ lon n'en peult trouuer aucune raison cômune, ny cause qui
ait son fondemēt en nature: car il estoit ia l'arriere saison de l'Autône, & finis-
soit l'esté, leq̄l n'auoit point esté trop pluuiieux, ny trop notablement fascheux
pour les soufflemés des uêts du midy. Et cômme ainsi soit qu'en Italie y ait plu-
sieurs lacs, plusieurs ruisseaux & riuieres, plusieurs fontaines & autres eaux,
les unes tarirent de tout poinct, les autres resisterent bien maigrement & peti-
tement à la secheresse, & y estoiet toutes les riuieres, comme elles ont accou-
stumé d'estre ordinairement en esté fort basses, & y auoit bien peu d'eau: mais
au contraire, le lac d'Albe, qui ne uient point d'ailleurs ny ne sort point hors
de soy mesme, estant tout à l'entour enuironné de coustaux, de montaignes, G
ou la terre est bien bonne, commença à senfler & se haulser à ueuë d'œil, sans
cause quelconque, sinon occulte & diuine, & alla tousiours ainsi croissant
au long des coustaux, iusques à ce qu'il attaignit au plus hault, môtant tous-
iours uniement sans agitation ny tourmente quelconque. Cela du commen-
cement donna aux bergers & bouuiers, qui gardoient leurs bestes à l'entour,
un grand esbaillement: mais à la fin quand la terre d'un coustaux qui souste-
noit le lac comme une chaussée, & le gardoit de se resandre en la campagne
uint à se rompre pour la pesanteur & quâtité grâde de l'eau, laquelle avec une
uiolêce & impetuosité merueilleuse, à trauers les terres labourables & les he-
ritages plantez d'arbres falla descharger en la mer: alors non seulement les H
Romains, mais aussi tous les habitans de l'Italie sen estonnerent fort, & esti-
merent que c'estoit signe & presage de quelque grâde chose à uenir, & ne par-
loit on d'autre nouuelle dedans le camp qui estoit au siege deuant la uille de
Veies, de maniere que le bruit en passa iusques à ceulx mesmes qui estoiet as-
siegez. Et comme il aduiet ordinairement es sieges qui durent si longuemēt,
que ceulx de dehors parlent & communiquent souuēt avec ceulx de dedans,
il y eut un Romain qui prit cognoissance & accoustumance de s'approcher &
deuifer familièrement avec un de ceulx de la uille, lequel sçauoit beaucoup
de choses anciennes, & estoit estimé mieulx entendu en l'art de deuiner que
nul autre de la uille. Le Romain donques luy compra un iour ce regorgemēt I
du lac d'Alba, & uoiant que l'autre apres l'auoir ouy en faisoit la plus grande
feste du monde, & se moquoit de leur siege, il luy dit que ce merueilleux acci-
dent n'estoit pas adueni seul aux Romains en ce temps la, ains en auoient eu
beaucoup d'autres encore plus estranges, lesquelz il desiroit luy communi-
quer pour ueoir sil y auroit point de moiē, que les affaires publiques se portâs
si mal, il peust donner ordre que les siens particuliers se portassent bien. Le
Veien luy respondit qu'il les entendroit uoluntiers, & luy presta l'oreille at-
tentifement, esperant ouyr de luy quelque grand secret: ainsi le Romain le
tirant de propos en propos en cheminant tousiours, quand il ueit qu'il estoit
assez loing des portes de la uille, il le saisit soudainemēt au corps & l'enleua e- K
stant plus fort que luy, & à l'aide d'autres qui accoururent du camp, le prit &
emmena deuant les capitaines. Cest homme se uoiant ainsi cōtraint, & quād
& quand sachant bien que la fatale destinee ne se peult euitier, commença à
declarer & descouurir aux Romains des anciens oracles & propheties tou-
chant les fortunes de sa uille, par lesquelz il estoit porté que iamais elle ne se-
roit prise, que les ennemis n'eussent fait retirer arriere l'eau du lac d'Alba qui
seroit débordé, & qu'ilz ne l'eussent diuertie ailleurs, de sorte qu'il ne se des-
chargeast

Furius Camillus.

90

A chargeast plus en la mer. Cela fut rapporté au Senat à Rome, & mis en deliberation du conseil: auquel il fut aduisé que lon enuoieroit à l'oracle d'Apollo en la uille de Delphes, pour luy demander ce que lon en deuoit faire. Si y furent enuoiez de grands & notables personages, Cossus Licinius, Valerius Potitus, & Fabius Ambustus: lesquelz aians fait le uoiage par mer, & eu response de ce qu'ilz demandoient, s'en retournerent au pais, & apporterēt entre autres oracles un qui disoit, que par negligence on auoit omis quelques anciennes cerimonies es feries Latines: & un autre qui commandoit, que lon engardast par tous les moiens qui seroiēt possibles, que l'eau du lac d'Alba n'entraist point en la mer, en la faisant retourner en son ancien liēt, si estoit possible: si non, en la diuertissant par plusieurs fossez & trenchees, tant qu'elle se perdist emmy les champs.

B Ces oracles entendus, les prestres r'accoustrent ce qui appartenoit au seruice diuin, & le peuple se meit apres l'eau du lac pour la destourner: quoy fait le Senat, au dixieme an de la guerre cōtre les Veiens, depōsa tous les autres magistrats, & crea Dictateur Camillus, lequel nomma pour maistre & chef de la cheualerie Cornelius Scipion: & auant toute œuvre uoua aux Dieux, que si leur plaisoit dōner heureuse issue de ceste guerre, il feroit en leur honneur celebrer les grands ieux, & edifier un temple à la Deesse que les Romains appellent Matuta, laquelle semble estre celle q nous appellons Leucothea, consideré ce qui se fait en ses sacrifices.

C Car ilz font entrer dedans son temple une chambriere, à laquelle ilz donnent des soufflets, & puis la font sortir dehors, & embrassent les enfans de leurs freres plus tost que les leurs propres: & font plusieurs autres cerimonies qui ressemblent à celles que lon fait aux nourrices de Bacchus, & aux inconueniens qui aduindrent à Ino, à cause de la cōcubine de son mary. Puis ces uœus & prieres faites, entra avec son armee sur les terres des Falisques, lesquelz il desfeit en une grosse bataille, avec les Capenates qui les estoient uenus secourir: & de là s'en alla au siege de la uille de Veies, là ou uoiant que de là prendre d'assault c'estoit chose trop dangereuse & trop difficile, il cōmencea à la faire miner, trouuant la terre d'alentour propre à cauer, & faire mines si profondes que les ennemis n'en pouuoiet rien apperceuoir:

D & luy estant ceste besongne succedee selon son esperance, il feit dōner un assaut general à la muraille, à fin d'y faire uenir tous ceulx de la uille: & pendant qu'ilz entēdoient à la defendre, ses gēs entrerent secrettement par les mines dedans le chasteau à l'endroit du temple de Iuno, qui estoit le plus grand de toute la uille, & auquel les habitans auoient plus de deuotion. Si dit on qu'à l'instant mesme le capitaine des Thoscans y sacrifioit aux Dieux, & que son deuin aiant consideré les entrailles des bestes immolees s'escria tout hault, que les Dieux donnoient la uictoire à celuy qui suruiendroit sur ce sacrifice. Les Romains qui estoient dedans la mine entēdirent ceste parole, & tout incontinent rōpirent la terre, & se jetterent dehors

E en criāt & faisant bruire leurs armes: dequoy les ennemis s'effroierēt de sorte qu'ilz se meirent à fouir, & eulx prirent les entrailles & les porterent à Camillus. Cela ressemble fort aux comptes que lon fait à plaisir: toutefois Camillus aiant par ce moien pris la uille, & uoiant du hault du chasteau cōme les Romains pilloient & saccageoient une opulence infinie qu'il y auoit dedans la uille s'en prit à plorer de pitié, & comme ceulx qui estoient autour de luy, luy dissent qu'il estoit bien heureux: il leua les mains uers le ciel, & fit une telle priere: O treshault Iupiter, & uous ô Dieux qui uoiez & iugez les bonnes &

Furius Camillus.

mauuaifes œuures des humains, Vous sçauiez assez que nous autres n'auons point uoluntairemēt à tort & sans cause commencē ceste guerre, ains iustement & par contraincte, pour nous uenger d'une uille ennemie qui nous auoit fait beaucoup d'oultrages : Mais toutefois si d'aduenture en contrepoix de ceste prosperité, il nous est predestiné quelque malheur, ie uous supplie qu'au lieu de le faire tūber sur toute la uille de Rome ou sur toute son armee, il uous plaise le faire avec le moins de mal qui sera possible cheoir sur moy seul. Aiant prononcé ces paroles il se uolul tourner à main droite, comme est la coustume des Romains quād ilz ont fait leurs prieres & oraisons aux Dieux, mais en se cuidant tourner il tumba tout de son long emmy la place. Les assistans prenans ceste cheutte à mauuais presage s'en troublerēt : mais luy apres s'estre releué, leur dit que ce qu'il auoit requis aux Dieux luy estoit aduenü. C'estoit un peu de mal en contrepoix d'une tresgrande felicité. Ainsi estant toute la uille pillée & saccagée, il uolul transporter aussi à Rome l'image de Iuno suiuant le uœu qu'il en auoit fait : & aiant mandé des ouuriers à ceste intention, il sacrifia premierement à la Deesse, la suppliant de uoloir accepter & auoir pour agreable la bonne affection des Romains, & uoluntairemēt s'en uenir habiter avec les autres Dieux qui auoient en protection la uille de Rome. Il y en a qui disent, que l'image respondit qu'elle en estoit contente : mais Liuius escrit que Camillus feit ceste priere en atouchant l'image, & que les assistans respondirent qu'elle le uoloit bien, & qu'elle iroit uoluntiers : toutefois ceulx qui affermēt que ce fut l'image mesme qui le dit, & fauorisent au miracle, ont un grand argument pour aider à le prouuer, que la fortune de la uille de Rome, laquelle de si bas & si petit commencement ne fust iamais mōtee à si haulte gloire, & si grande puissance, sans une faueur singuliere des Dieux, laquelle fest euidemment monstree par plusieurs grandes & expresses demonstrations. Et neantmoins encōre alleguēt ilz d'autres semblables merueilles, comme, que des images ont autrefois souuent rendu des gouttes de sueur, qu'ō les a ouy soupirer, qu'elles se sont tournees, qu'elles ont fait quelques signes des yeux, ainsi que lon treuue en plusieurs anciennes histoires : & pourrions aussi nous mesmes raconter plusieurs semblables merueilles, que nous auons ouy affermer aux hommes de nostre temps, qui ne sont point à reietter ny à condamner legerement. Mais quant à telles choses, il y a danger à trop les croire, & à trop les descroire aussi, à cause de l'imbecillité de la nature humaine, qui n'a point de bornes certaines, ny ne se peut retenir soy mesme, ains se laisse desborder quelque fois en uanité & superstition, & quelque fois en mespris & contemnement des choses diuines, & par ainsi l'estre retenu, & ne faire rien trop, en cela, comme en toute autre chose, est le meilleur. Au demourāt, Camillus, soit que ou la grādeur de l'œuure qu'il uenoit de paracheuer luy eust eleué le cueur, d'auoir pris une uille qui cōtestoit de per à per avec celle de Rome, & ce au bout de dix ans que le siege auoit duré, ou que les paroles de ceulx qui le benissoient & magnifioiēt luy eussent haulté le courage, & fait prendre une opinion de soy mesme plus presumptueuse que ne comportoit la ciuilité d'un magistrat de chose publique, qui est subiect aux loix, il dressa un triumphe superbe en toute autre magnificence d'apparence, & mesmement en ce qu'il se feit porter par Rome sur un chariot triūphal, trainé par quatre coursiers blancs : ce que nul autre capitaine parauāt luy n'auoit ozé faire, ny depuis luy aussi, pource que lō estime que ce soit une uoiture sacree,

- A** & proprement destinee au roy & pere des Dieux. Cela luy engendra la malueillance de ses citoiens, qui n'auoient point accoustumé que lon leur ufast de telle brauerie: & si y eut encore une autre occasion qui le rendit maloulu: ce fut qu'il fopposa à la loy qui fut mise en auant, que lon diuifast la uille de Rome: car les Tribuns du peuple proposerēt un edict, que le Senat & le peuple Romain fust mesparty en deux parts, & que ceulx à qui il escherroit par le sort demourassent à Rome, les autres allassent habiter en la uille de Veies nouvellement conquise, alleguans pour le persuader, que les uns & les autres en seroient plus riches, & garderoient plus aiscement leurs terres & leurs biens des courses de leurs ennemis par le moien de ces deux grosses uilles. Le peuple qui estoit ia multiplié en grand nombre, & qui auoit bien fait ses besongnes le trouuoit le meilleur du mode, & ne faisoit autre chose que crier & tumultuer à l'entour de la tribune aux harengues, en demandant que lon meist ceste loy aux uoix & suffrages du peuple. Mais le Senat uniuersellemēt, & les plus gēs de bien d'entre les autres citoiēs, estimans q̄ ceste propositiō des Tribuns estoit la destruction & non pas diuisiō de la uille de Rome, ne pouuoiet endurer qu'elle tirast auant, & auoiet leur recours à Camillus, lequel craignāt de uenir à l'essay de tenter si la loy passeroit ou non, alloit tousiours inuētant quelques occasiōs & quelques nouueaux empeschemēs, par lesquelz il dilayoit & reiettoit tousiours à un autre tēps l'enterinemēt de ceste loy, & pour ces raisons estoit haï de la cōmune: mais la principale & plus apparēte cause de la malueillance q̄ le peuple luy portoit, uint de la decime des despouilles, & ne fut pas sans quelque occasion, encore que à la uerité ce fust à tort si le peuple luy en uoulut mal. Car quād il alla deuāt la uille de Veies, il feit uœu qu'il offrirait aux Dieux la decime du butin qui se gagneroit à la prise de ceste uille, s'il la pouuoit prendre: mais lors qu'elle fut prise & pillée, fust ou pource qu'il luy faschast de molester ses citoiens, ou q̄ pour la multitude d'autres affaires, il eust oublié son uœu, il endura que les gēs de guerre departissent entre eulx le butin, & en feissent leur profit: puis quelque tēps apres qu'il estoit desia hors de sa charge, il en aduertit le Senat: & quand & quand les deuins rapporterēt que par les signes des sacrifices, ilz cognoissoient quelques courroux & malcontentement des Dieux, & qu'il falloir leur rendre quelques graces pour les pacifier. Quoy entendu le Senat ordōna, pource qu'il seroit malaisé que chascun peust représenter les choses mesmes qu'il auroit eues en sa part du butin, pour les repartir de nouueau, que lon r'apporteroit par sermēt la dixieme partie de ce que lon y auroit gagné. Si y eut beaucoup d'affaire, & fallut user de uiolence pour faire rendre aux pauvres soudards, qui auoient beaucoup trauaillé & beaucoup enduré en ceste guerre, une si grosse partie de leur gaig, attendu mesmement que plusieurs l'auoient desia tout despendu, à l'occasiō de quoy chascun cryoit à l'encontre de Camillus: & luy ne trouuāt autre couleur meilleure pour se couvrir, fut contrainct d'user d'une excuse la plus maigre & la plus defraisonnable qu'il eust sceu alleguer, en aduouant qu'il l'auoit fait par oubliāce. Le peuple neantmoins ne laissoit pas pour cela de sen courroucer bien asprement, disant qu'il auoit lors uoué d'offrir aux Dieux la decime des biens des ennemis: & que maintenant il uouloit decimer ses propres citoiens. Ce nonobstant chascun à la fin aiant rapporté ce qu'il deuoit pour sa part, il fut aduisé que lon en feroit fondre une coupe d'or massif, pour l'enuoyer au temple d'Apollo en la uille de Delphes: mais il se trouuoit bien peu

Furius Camillus.

d'or en la uille de Rome:& comme les officiers fussent empeschez à chetcher, F
dont ilz en pourroient recouurer, les Dames Romaines de leur propre mou-
uement arresterent entre elles, qu'elles contribueroient ce qu'elles en auoient
en leurs ioiaulx, pour employer à faire ceste offrande, qui peza iusques à huit
talents. En recompense dequoy, pour les honorer le Senat ordonna qu'elles
seroient louees publiquement de harengues funebres à leur trespas, ne plus
ne moins que les grands & honorables hommes, quand ilz uenoient à dece-
der: car la coustume n'estoit point au parauant de louer ainsi publiquement
les Dames à leurs funerailles. Si furent deputez trois des plus notables person-
nages de la uille, pour aller presenter ceste offradre, & les y enuoya ló sur une
galere fort bien equippee de bons hommes de rame, & au demourant paree & G
accoustree triumpamment: mais & en tourmente & en calme ilz furent en
grand danger de leurs personnes. Car apres auoir approché bien pres d'estre
noyez par la tourmète, quand le uent fut appaisé, ilz retumberent en un autre
peril, dont ilz eschapperent aussi contre leur esperance: pource qu'aupres des
illes d'Æolus, les galeres des Lipariens leur coururent sus, comme à des cour-
fares: toutefois quand les Lipariens ueirent qu'ilz ne se mettoient point en
defense, ains les prioient en leur tendans les mains, ilz ne les chargerét point
autremét, ains seulement attacherent la galere aux leurs, & l'aianstiree en ter-
re exposerent publiquement en uente au plus offrant à lencât les biens, & les
personnes, apres les auoir declarez escumeurs de mer, & les eussent uendus H
n'eust esté la preudhommie & l'autorité de Timasitheus, qui pour lors estoit
capitaine de la uille, lequel eut beaucoup affaire à leur persuader qu'ilz les
laissent aller: & non content de ce, fait encore tirer en mer quelques uais-
seaux qui estoient à luy, avec lesquels il les accompagna en ce uoyage, & leur
aida à faire leur offrande: à raison dequoy luy furent depuis faits de grands
honneurs à Rome, ainsi comme il meritoit. Or recommencerent derechef les
Tribuns du peuple à remettre sus la loy, touchant la diuision des habitans de
la uille de Rome: mais la guerre des Falisques suruint bien à propos, qui don-
na moien aux nobles d'elire telz magistrats, comme ilz uoulurent. Si eleurent
Camillus Tribun militaire, avec autres cinq, requerans les affaires un capitai- I
ne, qui eust ia l'autorité & la reputation toute acquise par longue experiéce
au faict des armes. Le peuple aiant authorisé ceste election, Camillus incóti-
nent avec l'armee Romaine, entra dedans le país des Falisques, là ou il alla
mettre le siege deuant la uille des Faleriens, qui estoit bien fortifiée & prou-
ueue de toutes choses requises & necessaires à la guerre: sçachant tresbien que
ce n'estoit pas entreprise legere que de la prendre, ne qui se peust executer en
peu de temps: mais uoulant comment que ce fust, tenir ses citoiens occupez à
quelque chose, & les diuertir, à fin que par estre trop de seiour en leurs mai-
sons, ilz n'eussent loisir de uacquer à seditions & dissensions ciuiles: car les
Romains usoient sagement de ce remede là, tournâs au dehors, comme bons
medecins, les humeurs qui estoient pour troubler le repos de leur chose pu- K
blique. Mais les Faleriens se confians en l'affiette de leur uille, qui estoit forte
de tous costez, faisoient si peu de cõpte d'estre assiegez, que ceulx qui n'estoiét
point à la garde des murailles, se promenoiet en robbes sans armes par la uil-
le, & alloient leurs enfans à l'escole, le maistre de laquelle les menoit ordinai-
rement hors de la uille se promener, iouer & exerciter au long des murailles:
car ilz auoient un commun maistre d'escole pour toute la uille, comme en-

A core ont les Grecs, uoulans que leurs enfans des le commencement f'accoustument à estre nourris en compagnie, & qu'ilz conuersent tousiours ensemble. Ce maistre donques espiant l'occasion de faire un mauuais tour aux Faleriens, menoit tous les iours leurs enfans à l'esbat hors de la uille, non gueres loing des murailles du cōmencement, & puis les remenoit dedās apres qu'ilz festoient esbattus & exercez. Depuis qu'il les y eut menez une fois, il les tira de iour en iour un peu plus loing pour les accoustumer à f'asseurer, en leur donnant à entendre qu'il n'y auoit point de danger, iusques à ce qu'un iour à la fin aiant tous les enfans de la uille auec soy, il donna iusques dedans le guet du camp des Romains, ausquelz il liura tous ses escholiers, & leur dit qu'ilz le menassent deuant leur capitaine general, ce qui fut fait, & quand il fut deuant **B** Camillus, il se prit à dire qu'il estoit maistre & precepteur de ces enfans, mais neantmoins qu'il auoit eu plus cher acquerir sa bonne grace, que de faire ce que le deuoir de ces tiltres la luy commādoit: au moien dequoy il luy uenoit rendre la uille, en luy liurant ces enfans entre ses mains. Camillus aiant ouy ces paroles trouua l'acte bien malheureux & meschāt, & dit à ceulx qui estoiet autour de luy, que la guerre estoit biē chose mauuaise, & ou il se faisoit beaucoup de uiolence & d'outrages: mais toutefois qu'encore y auoit il entre gēs de biē quelques loix, & quelques droits de la guerre, & que lō ne deuoit point tant chercher ne prochasser la uictoire, que lon ne fouist les obligations d'en **C** estre tenu à si maudits & si damnables moiens, & qu'il falloit qu'un grand capitaine feist la guerre se confiant en sa propre uertu, non point en la meschāceté d'autruy: si commanda à ses sergens qu'ilz deschirassent les habillemens de ce mauuais homme, en luy liant les deux mains par derriere, & qu'ilz donnassent des uerges & des escorgees aux enfans, à fin qu'ilz remenassent le traistre qui les auoit ainsi trahis en le fouettant iusques dedans la uille. Or si tost que les Faleriens eurent entendu la nouuelle, comme ce maistre d'eschole les auoit trahis, toute la uille incontinent en mena tresgrand deuil, ainsi que lon peut estimer en si griefue perte, & s'en coururent hommes & femmes pesse messe sur les murailles & aux portes de la uille, sans sçauoir qu'ilz faisoient, tāt **D** ilz estoient troublez. Et estans là ilz apperceurent leurs enfans qui ramenoiēt leur maistre nud & lié en le fouettant, & appellant Camillus leur pere, leur Dieu & leur sauueur: de maniere que non seulement les peres & meres des enfans, mais aussi tous autres citoiēs generalemēt cōceurēt en eulx mesmes une grande admiration & singuliere affection enuers la preudhommie, bonté & iustice de Camillus, tellement que sur l'heure mesme ilz assemblerent le conseil, auquel il fut resolu que lon luy enuoyeroit promptement des ambassadeurs, pour se remettre eulx & leurs biens du tout à sa discretiō. Camillus enuoya leurs ambassadeurs à Rome, là ou leur estant dōnee audience par le Senat, ilz dirent que les Romains aiās preferé la iustice à la uictoire, leur auoient enseigné de miculx aimer se soubmettre à eulx, que de retenir leur liberté, en confessant qu'ilz se sentoient plus surmōtez de leur uertu, que uaincus de leur force & puissance. Le Senat renuoya le tout à Camillus pour en faire & ordōner ainsi que bon luy sembleroit: & luy aiant fait paier une somme d'argent aux Faleriens, fait au demourant paix & alliance auec tout le reste des Falisques, & à tant s'en retourna à Rome: dequoy les gens de guerre furent tresmal contents, pource qu'ilz auoient conceu en eulx mesmes esperance de piller la uille des Faleriens, & uoyās qu'il leur falloit ainsi retourner les mains unides

Furius Camillus.

en leurs maisons, quand ilz furent à Rome commécerent à accuser Camillus F
enuers les autres citoiens, disans qu'il n'aimoit point le menu peuple, & que
par enuie il auoit osté aux pauures le moié de faire leurs besongnes. D'un au-
tre costé, comme les Tribuns du peuple eussent derechef mis en auât leur loy
touchant la diuision des habitâs de Rome, & fussent apres à la faire passer par
les uoix & suffrages du peuple, Camillus sans craindre d'encourir la malegra-
ce de la commune, feit & dit librement à la descouuerte toutes choses à l'en-
contre, de sorte que manifestement il fut cause principale que le peuple mal-
gré soy, pour la grande instance qu'il en feit, la refusa: mais aussi en demoura
il si asprement indigné contre luy, que pour quelque inconuenient qui luy G
fust aduenü en sa maison de l'un de ses enfans qui luy mourut de maladie, il
n'en addoulcit onques par pitié son courroux enuers luy: combien que luy
qui estoit de bonne & doulce nature portast ceste perte fort impatiemment,
de maniere qu'estant appellé en iustice, il ne bougea neâtmoins de sa maison,
se tenant r'enfermé avec les femmes pour le deuil qu'il menoit de la perte de
son filz. Celuy qui l'accusoit estoit Lucius Apuleius, qui le chargeoit d'auoir
soubstraiçt & derobbé partie du butin de la Thoscane, & disoit on que lon
auoit ueu chez luy quelques portes de bronze qui en auoient esté apportees.
Or estoit le peuple si fort irrité contre luy, que lon cognoissoit euidentement
que sil le pouuoit une fois auoir entre ses mains, pour quelque occasion que
ce fust, il le condamneroit: parquoy assemblant ses amis & ceulx qui auoient H
esté à la guerre sous luy ou en charge avec luy, qui estoient en bien grand
nombre, il les pria de ne uouloir point endurer qu'il fust ainsi meschamment
condemné pour faulses imputations que lon luy mettoit sus à tort, ny moqué
& diffamé par ses ennemis. Ses amis aians communiqué & consulté ensemble
là dessus, luy feirent responce, que quant au iugemēt ilz ne ueoient point qu'ilz
le peussent secourir: mais que sil estoit condamné, uoluntiers ilz se cottize-
roient tous pour luy aider à paier son amede. Et luy ne pouuât supporter une
indignité si grâde, resolut en cholere de se partir de la uille & s'en aller en exil:
& apres auoir dit adieu à sa femme & à son filz, sortit de son logis & s'en alla
iusques à la porte de la uille sans mot dire: mais quand il fut là il s'arresta tout I
court, & se retournant en arriere tendit les mains uers le Capitole & feit
prieres aux Dieux, que si ce n'estoit iustement, ains à grand tort que le
peuple par enuie le contraignoît de sortir honteusement de la uille, que
bien tost les Romains s'en repentissent, & qu'à la ueüe & au sceu de tout le
monde, ilz eussent affaire de luy & le regrettaissent. Apres auoir fait ces prie-
res à l'encontre de ses citoiens, comme feit Achilles à l'encontre des Grecs,
il s'en alla, & fut condamné par contumace en l'amende de * quinze mille
asses de monnoye Romaine, qui sont à la Grecque mille cinq cents drach-
mes d'argent, pource que As estoit une petite piece de monnoye, dix des-
quelles faisoient le Denier Romain. Mais il n'y a celuy des Romains qui K
ne croye fermement, que la punition ne s'en ensuiuiſt incontinent, & que
le tort qu'on luy faisoit n'ait esté bien tost uengé par une uengeance non ia
plaisante à rememorer, ains aspre & cuisante, mais au demourant fort notable
& tresrenomme: tant il aduint soudainement apres de malheurs à la uille de
Rome, & tant luy amena ce temps la de ruine & de danger avec honte & infamie:
soit que cela ait esté par cas d'aduenture, ou que ce soit le propre office de
quelque Dieu, de ne souffrir pas que la uertu soit ainsi ingrattement sans uen-
geance

* Ce sont environ
cent cinquante
escus.

A geance oultragee. Le premier signe donc du grād meschef à uenir qui les menassoit, fut le trespas de l'un des Céseurs qui mourut au mois de Iuillet, pource que les Romains reuerent fort & estiment sainct & sacré l'office des Censeurs. Le second signe qui aduint un peu deuant l'exil de Camillus, fut qu'un personnage qui n'estoit pas de gueres grande qualité, ny du corps du Senat, mais au demourant homme de bien & de bonne conscience, nommé Marcus Ceditius, aduertit les Tribuns militaires d'une chose qui meritoit bien que lon y pensast: car il leur dit que la nuit precedente, ainsi comme il alloit son chemin le long de la rue neufue, il entendit quelcun qui l'appelloit à haulte uoix, & qu'il se retourna pour ueoir que c'estoit: mais il ne ueit rien, ains ouit seulement une uoix plus forte que celle d'un homme, qui luy dit, Marcus Ceditius, ua t'en demain au matin uers les Tribuns militaires, les aduertir qu'ilz fattendent d'auoir bien tost icy les Gaulois. Les Tribuns ne se feirent que rire & mocquer de cest aduertissemēt, & tantost apres aduint la condamnation de Camillus. Or quant aux Gaulois, ilz estoient, comme lon dit, de la natiō Celtique, lesquelz n'estant pas leur pais suffisant pour soustenir & nourrir leur multirude, en estoient sortis pour aller chercher autres terres à habiter: & y auoit entre eulx plusieurs milliers de ieunes hommes de seruice & de bons combattans, mais encore plus de femmes & de petits enfans. Et d'iceulx les uns se iettans du costé de l'Ocean Septentrional passerent les monts Riphees, & occuperent les extremes parties de l'Europe: les autres s'arresterēt entre les mōts Pirenees & les grands mōts des Alpes pres des Senonois & des Celtoriens, ou ilz demourerent long temps, iusques à ce qu'à la fin il leur aduint de gouster du uin qui premier leur fut apporté d'Italie, dont ilz trouuerent le breuuage si bon, & furent si transportez du desir & de la uolupté d'en boire, que soudainement ilz chargerent leurs armes, & emmenerent femmes & enfans, prenās leur chemin uers les Alpes, pour aller chercher le pais qui produisoit un tel fruit, estimans toute autre terre sterile & sauuage. Lon dit que celuy qui premier leur porta du uin, & qui les alla solliciter de passer en Italie fut un Thoscane nommé Arron, homme noble, & qui au demourāt n'estoit point de mauuaise nature: mais il luy estoit adueni un tel incōueniēt. Il estoit tuteur d'un enfant orphelin le plus riche qui fust pour lors en tout le pais de la Thoscane, & quand & quād beau à merueilles, qui s'appelloit Lucumo: si fut nourry des sa premiere enfance en la maison d'Arrō, & encore apres quil fut arriué à son adolescence n'en uoulut point partir, ains fait semblant qu'il se trouuoit fort bien avec luy: mais c'estoit pour autant qu'il y auoit ia long temps qu'il entretenoit secretement la femme d'Arron, qu'il aimoit, & elle luy: toutefois à la fin, leur amour estant allé si auāt qu'ilz ne sen pouuoiet plus retirer ne l'un ne l'autre, & encore moins le celer, le ieune homme apres tout, la luy enleua, & la teint par force. Arron le meit en iustice, mais il y fait mal ses besongnes, pource que Lucumo l'opprima & supplāta à force d'amis, d'argēt, de presens, & de despense: dont il eut si grand desplaisir qu'il en abandonna son pais, & aiāt ouy parler des Gaulois, sen alla deuers eulx, & les guida à uenir en Italie, ou ilz conquerent d'arriuee toute celle contree qui estoit anciennement tenue par les Thoscans, commenceant au pied des monts, & s'estendant iusques à l'une & à l'autre mer qui enuironne l'Italie, ainsi que les noms mesmes le tesmoignent: car on appelle encore celle mer qui regarde le Septentrion, la mer Adriatique, à cause d'une uille iadis fondee par les Thoscans qui s'appelle A-

Themistocles.

dria: & l'autre, qui est uis à uis regardât uers le Midy, se nōme la mer de Thoscane. Toute celle prouince est bien plâtee d'arbres, & a de beaux & bōs pasturages pour nourrir du bestail, estant baignee & arrousee de force riuieres: & si auoit ia des ce temps la dixhuit belles & grâdes uilles, toutes fort bien assises tant pour enrichir ses habitâs par le traffic de marchandise, que pour les nourrir opulently: toutes lesquelles les Gaulois occuperent en aiant dechassé les Thoscans, ce qui auoit esté fait ia long temps auparauant. Mais pour lors les Gaulois estans entrez plus auant iusques en la Thoscane, tenoient la uille de Clusium assiegee: parquoy les Clusiens recourans à l'aide des Romains, les prierent de uouloir enuoyer lettres & ambassadeurs à ces Barbares en leur faueur, & y furent enuoyez trois des plus gens de bien & des plus honorables personnages de la uille, tous trois de la maison des Fabiens. Les Gaulois les receurent humainement à cause du nom de Rome, & cessans de battre & assaillir la uille, leur donnerent audiēce, en laquelle les ambassadeurs Romains leur demanderent, quel tort leur auoient fait les Clusiens, pour lequel ilz leur fussent uenus faire la guerre. Brennus Roy des Gaulois, ceste demande ouye se prit à rire, & leur respondit: Les Clusiens nous tiennent tort en ce, qu'estās peu de gēs & ne pouuās pas labourer beaucoup de terres, ilz en ueulent neātmoins occuper beaucoup, sans nous en uouloir faire part, à nous qui sommes estrangers hors de nostre païs, & qui en auons besoing. Le mesme tort faisoiet anciennement à uous autres Romains ceulx d'Alba, les Fidenates, & les Ardeates, & nagueres les Veiens, les Capenates, & partie des Falisques, & des Volsques, contre lesquels uous auez pris & prenez les armes toute fois & quantes qu'ilz ne uous ueulent pas departir de leurs biens, asseruissez leurs personnes, pilliez leurs biens, & ruinez leurs uilles: en quoy faisant uous ne commettez oultrage ny iniustice quelconque, ains suiuez la plus ancienne loy qui soit en ce monde, laquelle abandonne tousiours aux plus forts ce qui est aux plus foibles, commenceant aux Dieux, & acheuant aux bestes, lesquelles ont cela de nature, que les plus puissantes ueulent tousiours auoir auātage sur les plus foibles: & pourrāt cessez d'auoir pitié de ueoir les Clusiens assiegez, de peur que uous n'enseignez aux Gaulois d'auoir aussi cōpassion de ceulx que uous oppressez. Par ceste responce les Romains cogneurēt bien qu'il n'y auoit point de moien d'appointer avec ce Roy Brennus: parquoy ilz entrerent dedans la uille de Clusium, ou ilz donnerent courage aux habitans, & les inciterēt à faire une saillie avec eulx sur les Barbares, soit qu'ilz eussent enuie d'esprouer la force des Gaulois, ou de monstrier la leur, si feirent ceulx de la uille une sortie, & y eut une grosse escarmouche tout ioignant les murailles, en laquelle l'un des Fabiens nommé Quintus Fabius Ambustus, estant monté sur un cheual, le lancea à l'encontre d'un beau & grand homme Gaulois, qui s'estoit ietté assez loing deuant la troupe des autres: si ne fut point cogneu du commencement, tant pource que la meslee fut soudaine, comme aussi pource que ses armes reluisantes esblouissoient la ueuē des regardans: mais apres qu'il eut desfaict le Gaulois, & qu'il uint à le despouiller. Brennus adōc le reconeut, & protesta contre luy, appellant les Dieux à tesmoins, comme il auoit uiolé les loix & les droits des gens, estant uenu comme ambassadeur, & aiant fait acte d'ennemy. Si feit à l'instant mesme cesser l'escarmouche, & laissant le siege de Clusium, mena son armee droit deuāt Rome mesme: & à fin que lon ne pensast point que les Gaulois fussent bien aises du tort qu'on leur auoit fait pour

A pour auoir couleur hōneſte de commencer la guerre aux Romains, il enuoia deuant un herault demander celuy qui auoit fait l'offenſe pour en faire la punition, & ce pendant marcha apres à petites iournees. Le Senat fut aſſemblé la deſſus, ou il y eut pluſieurs des Senateurs qui blaſmerent la temerité des Fabiens: & ſur tous, les preſbtres que lon appelle Fecialiens, qui en feirent grāde inſtance, comme de choſe qui touchoit à la religion & à l'hōneur des Dieux, remonſtrans, que le Senat pour deſcharger & abſouldre le demourant de la uille du crime de ceſte forfaiture, deuoit en reietter toute la pollution ſur celuy qui l'auoit cōmiſe. Le Roy Numa Pompilius, le plus iuſte & le plus pacifique de tous les Roys des Romains, fut celuy qui institua le college de ces Fecialiens, & ordonna qu'ilz fuſſent gardes de la paix, & iuges pour cognoiſtre & approuuer les cauſes pour leſquelles on pourroit iuſtement commencer la guerre: touteſois à la fin le Senat renuoia la deciſiō de ce faiēt à la uoulunté & au iugemēt du peuple, deuant lequel les preſbtres Fecialiens accuſerēt ſemblablement Fabius Ambuſtus: mais le peuple ſe fit ſi peu de compte de la religion & de l'hōneur des Dieux en ce cas, qu'au lieu de liurer ceſtuy Fabius aux ennemis, il l'eſleut l'un des Tribuns militaires avec ſes freres. Ce qu'entendās les Gaulois, en furent ſi mutinez & ſi courroucez qu'ilz ne uolurent plus aucunement dilaier, ains marcherent en toute diligence deuers Rome. Or les peuples qui eſtoiēt ſur le chemin par ou ilz deuoient paſſer, eſtans eſpouuentez de les ueoir en ſi grand nombre & en ſi bel equippage, & quand & quand redoubtans la uiolence de leur courroux, cuidoiēt que le plat païs deuiſt eſtre de prinſault par eulx tout deſtruit, & que les uilles meſmes le ſeroient incontinent apres: & au contraire, ilz ne prirent choſe quelcōque en la campagne, ny ne feirent mal aucun, ne deſplaiſir à perſonne: ains en paſſant au long des uilles crioient qu'ilz ſ'en alloiēt à Rome, & qu'ilz ne uoloiēt la guere qu'aux Romains, & au demourant deſiroient d'eſtre amis de tout le monde. Eſtans donques les Barbares acheminez en ceſte intention uers Rome, les Tribuns militaires tirerent l'armee Romaine aux champs pour les aller combattre: ſi n'eſtoient pas en moindre nombre que les Gaulois, car il y auoit iuſques au nombre de quarante mille combattās à pied, mais la plus part hommes nouueaux & non aguerriz, qui parauant n'auoient iamais manié armes. Encore y eut il de la nonchalance, & dū meſpris es choſes appartenantes à la religion des Dieux: car ilz ne ſe ſoucierent, ny d'auoir les ſignes des ſacrifices heureux, ny d'enquerir des Deuins, ce q̄ lon a accouſtumé de demāder auant une bataille: mais oultre tout cela, la multitude des capitaines egaulx en pouuoir, ruina leurs affaires autāt ou plus q̄ nulle autre cauſe, cōbien que ſouuentefois auparauāt, en beaucoup moindres affaires & moindres dāgers, ilz euſſent accouſtumé d'elire des magiſtrats uniques, avec puissance ſouueraine q̄ lon appelle Dictateurs, cognoiſſans treſbien de quelle cōſequēce eſt en tēps dange-reux, qu'il n'y ait qu'un ſeul chef qui commāde & qui ait toute l'authorité de la iuſtice en ſa main, ſans qu'il ſoit tenu de rendre cōpte de ce qu'il fait. Le tort auſſi qu'ilz auoiēt ingratemēt fait à Camillus leur porta lors un treſgrand dōmage, pource que depuis les autres capitaines n'ozerēt plus cōmander roide-mēt au peuple, & ne feirēt plus que le flatter. Eſtans donques ſortiz aux chāps, ilz ſe camperent le long d'une petite riuiera, qui ſe nomme Allia, enuirō cinq lieuës & demie loing de la uille, non gueres loing de l'endroit ou ladiēte riuiera entre dedans le Tybre: & là les allerent trouuer les Barbares, qui les deſ-

Furius Camillus.

feirent en bataille, par le mauuais ordre qui estoit en leur armee: car la pointe F
fenestre de leur bataille fut incontinent rompue par les Gaulois, qui la pres-
ferent par tel effort qu'ilz la poulserēt iusques dedans la riuere: mais la pointe
droitte festant auant que chocquer retiree un peu hors de la plaine sur quel-
ques coustaux prochains, fut moins endommagee, & s'en sauua la plus part
qui se retira dedans Rome: mais des autres, ceulx qui peurent eschapper apres
que les ennemis furent las de tuer, se retirerēt la nuit en la uille de Veies, cui-
dans que celle de Rome fust perdue, & que tous ceulx qui se seroient trouuez
dedans, eussent esté mis à l'espee. Ceste desconfiture fut enuiron le plus grand
iour d'esté, la Lune estant au plein, au iour mesme que par auant estoit ad-
uenue la grande desfaiete des Fabiens, ou il y en eut trois cents tous d'un mes- G
me nom tuez en un iour par les Thoscans. Le iour neantmoins a depuis esté
appellé Alliade du nom de la petite riuere, au long de laquelle fut ceste secō-
de desconfiture. Mais quant à la difference des iours, s'il est uray qu'il y en ait
aucuns, qui naturellemēt soient malencontreux, ou si le philosophe Heracli-
tus avec bonne raison a repris le poète Hesiodus, qui en fait les uns heureux,
les autres malheureux, comme n'entendant pas que la nature de tous est une,
nous en auons traité & disputé ailleurs: toutefois pour la matiere qui s'offre
presentement, à l'aduēture ne fera il point hors de propos d'en alleguer quel-
ques exemples seulement. Il est autrefois aduenu aux Bœotiens de gagner
deux tresglorieuses uictoires le cinquieme iour du mois qu'ilz appellēt Hip- H
podromus, & que les Atheniens nomment Hecatombœon, qui est le mois de
Iuin, par chascune desquelles ilz ont tousiours remis les Grecs en liberté, l'u-
ne fut celle de Leuctres, & l'autre celle de Geræste, qui fut plus de deux cents
ans auparauāt quād ilz desfeirēt en bataille Lattamias & les Thessaliens. Au
contraire, les Perses ont esté desfaiets en bataille par les Grecs le sixieme iour
du mois d'Aoust en la iournee de Marathō, le troisieme en celle de Platees, &
au mesme iour pres de Mycale: & le uingtcinquieme iour en celle d'Arbeles,
les Atheniens gagnerēt la bataille nauale pres l'isle de Naxos, sous la con-
duite de Chabrias, enuiron la pleine Lune du mois d'Aoust: & le uingtieme
celle de Salamine, ainsi comme nous auons plus amplement deduit au traité I
que nous auons fait de la difference des iours. Aussi a semblablement le mois
d'Apuril apporté aux Barbares de bien notables pertes: car Alexandre le grād
desfeit les lieutenans du Roy de Perse en la iournee de Granique audit mois,
& furēt les Cartaginois en la Sicile desfaiets par Timoleon le uingt & septie-
me, auquel iour mesme on estime que la uille de Troie fut prise, ainsi comme
Ephorus, Callisthenes, Damastes, & Phylarchus l'ont escrit. A l'opposite
aussi le mois de Iuillet que les Bœotiens appellent Panemus n'a pas esté fauo-
rable aux Grecs: car le septieme d'iceluy ilz furent desfaiets par Antipater en
la bataille de Cranon, qui fut leur totale ruine, & parauant auoient aussi esté
battus au mesme mois pres la uille de Chæronce par le Roy Philippus: & le K
mesme iour, au mesme mois, & en la mesme annee, ceulx qui estoiet passez en
Italie avec le Roy Archidamus, y furēt tous desfaiets par les barbares du païs.
Et les Carthaginois en redoubrent le uingt & septieme iour, cōme celuy qui
leur a autrefois apporté plusieurs grandes & griefues malencontreuses. Au con-
traire aussi ie n'ignore pas que enuiron la feste des Mysteres la uille de Thebes
fut destruite par Alexandre, & que les Atheniens furent contraincts de rece-
voir en leur uille garnison enuiron le uingtieme iour d'Aoust lors que se fait
la sainte

- A la sainte procession mystique de Iacchus. Semblablement aussi que les Romains en un mesme iour perdirent leur armee avec le capitaine Scipion, qui fut desfait par les Cimbres, & que depuis sous la conduite de Lucullus ilz vainquirent le Roy Tigranes & les Armeniens : & que Attalus & Pompeius moururent tous deux à semblable iour qu'ilz estoient nez. Brief lon pourroit alleguer plusieurs exemples de personnes, ausquelles apres mesmes reuolutions de tēps sont escheuts de notables accidents de bōne & de mauuaise fortune. Mais pour retourner à nostre histoire: le iour de ceste desfaiete est l'un de ceulx que les Romains tiennent pour les plus malencontreux, & à cause de celuy-la, deux autres encore en chasque mois sont aussi reputez malheureux,
- B festant la crainte & la superstition, à cause de ce sinistre euenemēt, plus auāt estendue, ainsi comme il aduiet ordinairement: mais quant à cela, nous en auons plus amplement & plus diligemment escrit au liure, ou nous rendons raison des coustumes & façons de faire des Romains. Or apres ceste desfaiete, si les Gaulois eussent chaudement poursuiuy à la trace les fuyans, rien n'eust peu sauuer la uille de Rome, qu'elle n'eust esté entieremēt perdue & destruite, & tous ceulx qui estoient demourez dedans mis à l'espee: tant ceulx qui se sauuerent de uistesse apporterent de frayeur à ceulx qui les recueillirent, & tant ilz emplirent la uille de trouble, d'effroy & d'estonnement. Mais les Barbares ne croyans pas leur uictoire si grande comme elle estoit, & samufans à
- C faire bonne chere en une si grande ioye, & quand & quand à departir entre eulx le butin qu'ilz auoient trouué dedans le camp de leurs ennemis, donnerēt temps & loisir à la tourbe qui s'en fouit hors la uille, de se retirer à leur aise en lieu de seureté: & à ceulx qui demourerent, d'esperer encore de se pouuoir sauuer, & de se prouueoir & preparer: car en abandonnant tout le reste de la uille, ilz r'emparerent & fortifierent le mont du Capitole, & le prouueurent de toutes sortes d'armes: mais deuant toute œuure, ilz retirerent partie des choses saintes & sacrees dedans ledit fort du Capitole: & les uierges religieuses de la Deesse Vesta emporterent le saint feu avec leurs autres choses sacrees: combien qu'il y en ait quelques uns qui ueulent dire, qu'elles n'ont autre chose en
- D garde, que ce feu eternal, par l'institution du Roy Numa, qui uoulut & ordōna qu'on le reueraist comme le principe, & le commencement de toutes choses: attendu que c'est la substance la plus mouuāte qui soit en toute la nature, comme ainsi soit que la generation est un mouuement, ou à tout le moins qu'elle ne se fait point sans quelque mouuement: & uoit on que toute autre matiere, quand chaleur luy default, demeure oisifue & immobile, sans actiō quelcōque, non plus qu'une chose morte, appetant & recherchant la uigueur du feu, comme son ame, laquelle recouuree elle commence alors à se mouuoir aucunement, & à se disposer à faire ou souffrir quelque chose. Parquoy Numa estant, comme ilz disent, homme de grand sçauoir, & qui pour sa sapience auoit le bruit de cōmuniquer avec les Muses, le consacra & uoulut que lon le conseruaist sans le laisser esteindre, ne plus ne moins qu'une uiue image de la puissance eternalle qui regit & gouuerne tout ce monde. Les autres disent que deuant les choses saintes & sacrees il y a du feu tousiours ardent, par une maniere & signifiāce de purification, comme les Grecs en tiennent aussi: mais que derriere il y a au dedans des choses cachees, qu'il n'est loisible à personne de ueoir, sinō à ces uierges sacrees que lon appelle Vestales: & y en a plusieurs qui uont disant, que le Palladium de Troie, c'est à dire, l'image de Pallas, qui
- E

Furius Camillus.

fut apportee par Æneas en Italie, y est cachee. Encore y en a il d'autres qui cō-
ptent que Dardanus, lors qu'il edifia premieremēt la uille de Troie, y porta les
sainctes images des Dieux Samothraciēs, & qu'il les y dedia : mais que depuis
Æneas, quand la uille fut prise, les derobba, & les garda iusques à ce quil
sen uint habiter en Italie. Aucuns autres qui font semblant de sçauoir tou-
chant cela plus que n'en sçait le commun, tiennent qu'il y a deux tonneaux
qui ne sont pas grands, dont l'un est uuide & tout ouuert, l'autre est fermé &
plein: mais qu'il n'y a que ces uierges sacrees qui les puissent ueoir : les autres
estiment que ceulx là aient controuué ce qu'ilz en disent, pour autant que les
Vestales ietterent alors tout ce qu'elles peurent ferrer dedans deux tonneaux
qu'elles cachèrent soubz terre dedans le temple de Quirinus, à raison dequoy
l'endroit retient encore auiourd'hui le surnom des tonneaux : mais elles pri-
rent sur elles ce qui estoit le principal & le plus digne, & sen fouirent à tout
le long de la riuere. Là ou Lucius Albinus homme populaire qui sen fuioit,
aussi, aiāt chargé sur un chariot sa femme & ses petits enfans, avec les plus ne-
cessaires meubles les rencontra: mais si tost qu'il apperceut ces uierges sacrees
portans entre leurs bras les saincts ioyaulx deuouez au seruice des Dieux tou-
tes seules, & aiant beaucoup de peine à marcher, il feit incontinent descendre
sa femme, ses enfans, & ses biens, de dessus son chariot, & le leur bailla pour
monter dessus & sen fouir en quelque une des uilles Grecques. Si m'a semblé
que ie ne deuois point passer oultre, sans faire en passant ce peu de mention
de la reuerence enuers les Dieux, & de la deuotion que monstra cestuy Albi-
nus en temps si extremement dangereux. Au demourant, les prestres des au-
tres Dieux & les plus honorables uieillards de la uille, qui autrefois auoient
esté Consuls, ou qui auoient obtenu l'honneur du triumphe, n'eurent pas le
cueur d'abandonner Rome, ains se uestans de leurs plus belles robbes sacrees
se deuouerent, & par maniere de dire se sacrifierent uoluntairement eulx
mesmes à la Fortune pour le salut de leur païs, suiuiās certaines paroles & prie-
res que Fabius le souuerain Pontife leur nomma, & sen allerēt ainsi uestus af-
seoir en la grande place sur des chaires d'iuoir, attédans ce qu'il plairoit aux
Dieux leur enuoier. Mais trois iours apres arriua Brennius avec son armee, le-
quel trouuāt les portes de la uille toutes ouuertes, & les murailles sans gardes,
eut peur d'arriuee que ce ne fust quelque tromperie & quelque embusche, ne
pouuant croire que les Romains fussent si bas que d'auoir abandonné leur uil-
le: mais apres qu'il fut biē informé de la uerité, il entra dedās par la porte Col-
line, & prit Rome peu plus de trois cētsoixante ans apres sa premiere fonda-
tiō: au moins sil est uray qu'il soit demouré iusques auiourd'hui aucune cer-
taineté du compte de ces temps la, ueu que le trouble & la confusion qui fut
alors, a mis en doute plusieurs choses beaucoup plus modernes que celle la.
Si est ce pourtant qu'il passa incontinent quelque bruit, mais bien obscur &
incertain, de ceste prise iusques en la Grece, pource que Heraclides le Pōtique
qui n'a esté gueres loing de ce temps la, en un siē traitté qu'il a escrit de l'ame,
dit qu'il estoit uenu nouuelle du costé de Ponant, qu'une armee issue de par-
dela les Hyperboriens, auoit pris une uille Grecque nommee Rome, assize en
ces païs la sur le bord de la grande mer: mais ie ne m'esbahis pas si Heraclides
qui a escrit tant d'autres fables & mensonges, amplifia la nouuelle ueritable
de ceste prise de Rome, en y adiouxrant du sien les Hyperboriens & la grande
mer. C'est bien chose asseuree que le Philosophe Aristote a sçeu certainement
qu'elle

- A qu'elle fut prise par les Gaulois : toutefois il dit que celuy qui depuis la sauua s'appelloit Lucius : & ce fut Marcus Camillus, & nō pas Lucius . mais tout cela n'est dit que par maniere de coniecture . Au reste Brennus estant entré dedans Rome, ordonna partie de ses gens pour tenir assiegez ceulx qui estoient dedans le Capitole, & luy avec le reste descendant à trauers la place, s'esmerueillla fort quand il y ueit ces hommes ainsi assiz dedans leurs chaires en grauité sans mot dire, mesmemēt quand ilz ne se leuerēt point, quoy qu'ilz ueissent les ennemis en armes uenir uers eulx, ny ne chāgerent aucunemēt de visage ny de couleur, s'appuyans sur leurs bastons qu'ilz auoient es mains tout doucement sans monstrier d'estre estonnez ny effroiez de rien, & se regardās
- B les uns les autres: cela donna grand esbaillement aux Gaulois du commencement pour l'estrange façon de faire, tellement qu'ilz demourerent quelque temps en doubte d'en approcher & de leur toucher, craignans que ce ne fussent des Dieux, iusques à ce qu'il y eut un d'entre eulx qui prit la hardiesse de s'approcher de Marcus Papyrius, & luy passa tout doucemēt la main par dessus sa barbe qui estoit longue. Papyrius luy dōna de son baston si grand coup sur la teste, qu'il la luy blecea : dequoy le barbare estant irrité, desguaina son espee & l'occit. Les autres semblablement tuerent aussi tous ceulx qu'ilz rencontrerent depuis, & furent plusieurs iours à piller & saccager tout ce qui estoit dedans les maisons, & puis à la fin meirēt le feu dedans & les ruinerent
- C par despit de ceulx qui tenoient fort dedans le Capitole, pource qu'ilz ne festoient pas uoulu rendre à leur sommation, ains les auoient tresbien repoulsez quand ilz festoient cuidé approcher de la muraille : pour laquelle cause ilz demolirent la uille entierement, & passerent au fil de l'espee toutes les personnes qu'ilz peurent auoir en leurs mains, autant femmes qu'hommes, petits enfans & uieilles gens . Or ce siege allant en longueur, les uiures commencerēt à estre courts aux Gaulois, & fut force qu'ilz en allassent chercher dehors: au moien dequoy ilz se departirent, & y en eut une troupe qui demoura avec le Roy au siege du Capitole, & les autres allerent courir & fourrager le plat païs, & piller les uillages d'alentour, non pas tous ensemble, mais escartez par
- D bandes, les uns ça, les autres là, sans se doubter de rien, ny se tenir autrement sur leurs gardes, tant ilz se fioient en leur prosperité . Toutefois la plus grosse troupe d'entre eulx par cas d'aduenture s'adressa uers la uille d'Ardea, là ou Camillus se tenoit, uiuant en hōme priué, sans s'entremettre aucunemēt d'affaires, depuis qu'il estoit en exil, iusques alors qu'il commēcea à prendre esperāce & pēsement, non d'hōme qui se cōtentaist de demourer caché en seureté, & de pouuoir eschapper les mains des ennemis, ains qui espioit les moiens de les desfaire si l'occasiō s'en presentoit: parquoy uoiant que les habitās d'Ardea estoient bien en assez competant nombre, mais qu'ilz auoient faulte de cueur & de hardiesse pour la lascheté de leurs gouuerneurs & capitaines, lesquels n'auoient experience aucune de la guerre, il commença à semer ces propos parmy les ieunes hommes, Qu'il ne falloit point estimer le malheur des Romains estre procedé de la prouesse des Gaulois, ny que la calamité qui leur estoit aduenue pour n'auoir pas suiuy bon cōseil, fust œuvre de ceulx qui n'auoient de leur part fait chose quelconque pour laquelle ilz deussent auoir emporté la uictoire, ains que lon deuoit estimer, que ce n'estoit autre chose que la fortune seule qui auoit uoulu mōstrer sa puissance, & que ce seroit entreprise belle & honorable q̄ de chasser, encore qu'il y deust auoir du dāger,
- E

Furius Camillus.

des estrangers barbares hors de leur païs, attédu qu'ilz ne mettoient autre but F
à leur uictoire, sinon de perdre & consommer comme le feu tout ce qui tum-
boit entre leurs mains : mais toutefois que filz uouloient seulement prendre
courage & s'esuertuer, qu'il leur en donneroit en temps & lieu la uictoire sans
aucun danger. Les ieunes hommes trouuerent ces propos les meilleurs du
monde: parquoy Camillus s'en adressa encore aux officiers & à ceulx du con-
seil, & les aiant persuadez aussi, feit armer tous ceulx qui estoient en aage de
porter le harnois sans permettre qu'il en sortist pas un de la uille, de peur q̄ les
ennemis, qui estoient pres de là, ne s'en apperceussent. Car apres qu'ilz eurent
bien couru tout le plat païs à l'environ, & qu'ilz se furent bien chargez de pil-
lage & de toute sorte de butin, ilz fallerēt camper negligemmēt, sans se tenir G
sur leurs gardes, en une pleine campagne, là ou apres s'estre bien enyurez ilz
se meirent à dormir, & y auoit un tresgrand siléce en tout leur camp: dequoy
Camillus estât d'heure à autre bien aduertty par ses espies, feit adonc sortir les
Ardeates aux champs, & aiant couru sans bruit quelcōque ce qu'il y auoit de
chemin entre la uille & le camp des Gaulois, sy arriua iustement enuiron la
minuit, & la feit incontinent ietter de grands cris à ses gens & sonner les trō-
pettes de tous costez pour effroyer les ennemis, qui encore à grande peine se
pouuoient esueiller à si grand bruit, tant ilz estoient yures: toutefois il y en
eut quelques uns qui de peur se resueillerent en sursault, & qui reuenans à soy
prirent les armes pour faire teste à Camillus, lesquelz furent tuez en combat H
tant: mais les autres en bien plus grand nombre gifans ça & là parmy le camp
sans armes, encore tous esprits de sommeil & de uin, furent mis à l'espee sans
combattre: & ceulx qui s'enfuirent du camp la nuit, qui furent bien peu, fu-
rent aussi desfaits le iour ensuiuant par les gens de cheual qui allerēt apres, &
les occirent ainsi qu'ilz les trouuoient errans ça & là par les champs. Le bruit
de ceste desconfiture courut incontinent par toutes les uilles prochaines, ce
qui feit que plusieurs ieunes hommes se uindrent ioindre à la troupe de Ca-
millus, mesmemēt ceulx des Romains qui s'estoiēt sauuez en la uille de Veies
apres la desfaitte d'Allia, lesquelz faisoient entre eulx leurs regrets, disans:
„ O Dieux, quel capitaine la fortune a osté à la uille de Rome pour honorer I
„ celle d'Ardea des prouesses & beaux faicts de Camillus! & ce pendant celle qui
„ l'a produit & nourry demeure perdue & destruite. Et nous, à faulte de chef
„ qui nous conduise, sommes icy à ne rien faire, renfermez dedans les murailles
„ d'autrui, laissant ce pédant ruiner & gaster l'Italie deuāt noz yeux. Que n'en-
„ uoyons nous donques demander nostre capitaine aux Ardeates, ou que nous
„ ne prenons noz armes pour nous en aller deuers luy? Car il n'est plus banny
„ ny nous citiens, puis que nostre uille est en la puissance & possession de noz
„ ennemis. Ilz s'accorderent tous à ce conseil, & enuoierent deuers Camillus le
prier d'accepter la charge de capitaine: lequel leur feit responce, qu'il ne l'ac-
cepteroit point, sinon que premier ceulx qui estoient assiegez dedans le Capi- K
tole ne l'eussent legitimemēt confirmé par leurs uoix & suffrages, pource que
ceulx là, pendant qu'ilz tiendroient, representoient le corps de la uille, & que
filz luy commandoient de l'accepter, il leur obeiroit bien uoluntiers: mais
autremēt, que oultre leur gré & sans leur commandemēt, il ne s'en entremet-
troit point. Ceste responce ouye, il n'y eut celuy des Romains qui ne louast
& qui n'estimast grandement la preudhommie & l'egalité grande qui mou-
uoit Camillus: mais ilz ne sçauoient comment le faire entendre à ceulx qui
estoient

- A** estoient assiegez dedás le Capitole, pource qu'il sembloit estre du tout impossible qu'il entraist un messager dedans la forteresse assiegee, attendu que les ennemis tenoient la uille. Toutefois il y eut entre les ieunes hommes un nommé Pontius Cominius de moienne maison, mais au demourant conuoiteux d'honneur & de gloire, qui offrit uoluntairement de se mettre au hazard d'y entrer: si ne prit point de lettres à porter à ceulx qui estoient assiegez, de peur que si d'aduenture il estoit surpris, les lettres ne descourussent l'intention de Camillus, ains se uestit d'une meschante robbe, soubz laquelle il cacha quelques pieces de liege, & se mettant en chemin de plein iour, marcha tousiours sans crainte, tant quil arriua pres de Rome qu'il estoit ia nuit toute noire:
- B** & pource qu'il ne pouuoit passer sur le pont à cause que les Barbares le gardoient, il entortilla à l'entour de son col, ce qu'il auoit d'habillemens, qui n'estoient pas beaucoup ny de guerres pesans, & se mettant à nage dessus les lieges qu'il auoit apportez, feit tant qu'il passa de l'autre costé de la riuere, ou est la uille situee, & se destournant tousiours des endroits, ou il pensoit que les ennemis ne fussent endormis, pource qu'il y ueoit de la lumiere & du feu, & y entendoit du bruit, il s'en alla à la porte Carmentale, ou il y auoit plus de silence qu'ailleurs, & du costé de laquelle le mont du Capitole estoit plus roide & plus droit, pource qu'il y a des rochers fort aspres à monter, au long desquelz toutefois il grauit tât, qu'il arriua avec beaucoup de travail iusques à la muraille de la forteresse, à l'endroit dont on se donnoit moins de garde, & saluant ceulx qui estoient du guet, leur declara qui il estoit: si fut par eulx tiré à mont, & mené à ceulx qui lors estoient en magistrat, lesquels feirent incontinent assembler le Senat, auquel il annōcea la nouuelle de la victoire de Camillus, qu'ilz n'auoient point encore entēdue, & quand & quand aussi leur exposa l'aduis des gens de guerre Romains estans dehors, qui estoit de dōner authorité souueraine à Camillus, & les admonesta de la luy deferer aussi & confirmer, pource que c'estoit celuy seul, auquel les citoiēs qui estoient dehors consentoient d'obeir. Quoy entendu, les assiegez apres auoir consulté entre eulx la dessus, eleurēt Camillus Dictateur, & renuoyerēt le mesme messager Pōtius Cominius, par le mesme chemin qu'il estoit uenu. Il eut toute pareille aduenture au retour qu'il auoit eue au uenir, car il ne fut aucunement apperceu des ennemis, & rapporta à ceulx de dehors ce que le Senat auoit ordonné, dont ilz furent fort ioyeux. Ainsi uint Camillus à prendre la charge des affaires, & trouua ia bien uingt mille combattans en armes, & en assemblea encore d'auantage du secours des alliez & confederez, se preparant de iour en iour pour aller assaillir les ennemis. Voila comment Camillus fut eleu Dictateur pour la seconde fois, & s'en alla en la uille de Veies, là ou il parla aux gens de guerre Romains qui y estoient, & y en amassa encore d'auātage des alliez, pour aller le plus tost qu'il pourroit donner la bataille aux ennemis. Mais en
- E** ces entrefaittes, dedans Rome quelques uns des Barbares passans d'aduenture au long de l'endroit par ou estoit la nuit monté Pontius Cominius, apperceurent en plusieurs lieux les traces de ses pieds & de ses mains, ainsi qu'il fesoit accroché en grauisant contremont, & ueirent aussi les herbes & broissailles, qui estoient au long des rochers, froissees, & la terre eboulée, dont ilz allerent faire le rapport au Roy, qui se transporta luy mesme sur le lieu, & l'ayant bien consideré, ne feit autre chose sur l'heure: mais le soir quand la nuit fut uenue, il assemblea une troupe des plus legers Gaulois, & qui plus auoient ac-

Furius Camillus.

coustumé de grauir es montaignes, & leur dit: Les ennemis nous montrent
eulx mesmes le chemin que nous ne pouuions trouuer pour les aller surpren-
dre, & y estans montez, nous donnent assez à entendre qu'il n'est pas impossi-
ble d'y monter: si seroit grande honte à nous apres auoir si bien commencé
de faillir à bien acheuer, en abandonnant ce lieu icy comme imprenable: car
fil a esté facile à un seul d'y grauir, tât moins doit il estre difficile à plusieurs
d'y monter les uns apres les autres, attendu que l'un aide à l'autre: & si uous
aduise, que ceulx qui ferôt leur deuoir d'y môtér, seront remuneréz de presens
& d'honneurs cōuenables à leur prouesse. Le Roy aiant tenu tel langage à ces
Gaulois, ilz entreprirent hardiment d'y môtér, & enuiron la minuiet cōmen-
cerent à grauir contremont la roche plusieurs à la file, le plus coyement qu'il
leur estoit possible, faccrochans comme mieulx ilz pouuoient au long de la
pente du rocher, qu'ilz trouuoient bien roide, mais neantmoins plus accessi-
ble & plus facile qu'ilz n'auoient pensé du commencement, de sorte que les
premiers estās arriuez au plus hault, estoient ia tous prests à se saisir de la mu-
raille, & à charger les gardes qui dormoient, pource qu'il n'y auoit ny hom-
me ny chien qui les eust ouys. Mais il y auoit des oyes sacrees que lon nour-
rissoit au temple de Iuno, & leur donnoit on en autre temps à manger large-
ment: mais lors, pource que à male peine auoit on uiures pour les homes, en-
core bien estroittemēt, on n'en faisoit pas cōpte, & les traittoit on fort mal. Or
est-ce une beste qui a naturellemēt le sens de l'ouye fort aigu, & est fort paou-
reuse de sa nature, & celles la pour la faim qu'elles enduroient, estoient enco-
re plus esueillees & plus faciles à effroyer: à l'occasion dequoy elles sentirent
incontinent la surprise des Gaulois, & se prirent à courir & crier contre eulx,
tellemēt qu'elles esueillerent ceulx du chasteau: avec ce que les Gaulois uoiās
qu'ilz estoient descouuerts, ne se garderent plus de faire bruit, ains y allerēt le
plus effroyablemēt qu'ilz peurent. Les Romains oians l'alarme, priret chascū
le premier baston qu'ilz trouuerēt promptemēt à leur main, & coururent
soudainement au secours la part ou ilz entendoient le bruit: entre lesquelz le
premier de tous fut un Manlius, homme Consulaire, fort & robuste de sa per-
sonne, & aiant le cueur de mesme, lequel s'adressant à deux des Barbares en-
semble, ainsi comme l'un haultoit une hache pour luy en donner sur la teste,
le preuint, & luy couppa le poing avec son espee, & heurta l'autre au uisage
avec son escu, si rudement qu'il le feit trebucher en arriere au long du rocher,
puis se presentant sur la muraille avec les autres, qui estoient aussi accourus à
l'entour de luy, rebouta le reste des Barbares, qui n'estoient pas encore beau-
coup de montez iusques en hault, ny ne feirent pas grāde preuue de hardiesse.
Ainsi les Romains estans eschappez de ce danger, le lendemain au matin iet-
terent du hault en bas du chasteau à trauers les rochers, le capitaine qui celle
nuict auoit eu charge du guet, & ordōnerent à Manlius en recōpense du bon
seruice qu'il auoit fait, un loier plus honorable q̄ profitable, ce fut que chascū
luy contribua demie liure de froment du païs, qu'ilz appellent far, & de uin la
quatrieme partie de la mesure, que les Grecs appellent Cotyle, qui pouuoit e-
stre enuiron cheopine, autant que chascun en auoit de la munition pour son
uiure par iour. Depuis ce rebut la les Gaulois commencerent à perdre coura-
ge, pource que d'un costé ilz auoient faulte de uiures, n'ozant plus aller four-
rager la campagne, pour la crainte de Camillus, & d'un autre costé la peste
commēcea à les trauailler, pource qu'ilz estoient logez parmy un grād nom-
bre

A bre de corps morts gisans ça & là sans sepulture, & entre les ruines des maisons bruslees, là ou la cendre qui estoit fort haulte, emeue par les uêts & par la uehemençe de la chaleur, rendoit un air sec & perçant, qui offensoit grieffuement leurs corps quand ilz uenoient à l'attirer par l'aspiratiō : mais plus encore que tout cela leur feit de mal le changement de leur uiure accoustumé, pource qu'ilz uenoient de pais frais, ou il y auoit des retraittes propres pour euitter les incōmoditez de l'esté, & se trouuoient en lieux bas & mauuais pour y resider en la saison de l'Automne. Tout cela ensemble les disposa aux maladies, avec la longueur du temps qu'il y auoit qu'ilz estoient à ce siege du Capitole, car c'estoit ia le septieme mois, dōt il aduint une telle mortalité en leur camp,

B que pour le grand nombre des personnes qui y mouroient par chascun iour, on ne les ensepuelissoit plus. Mais neantmoins les affaires des assiegez pour tout cela ne s'en portoient de rien mieulx : car la famine leur alloit tousiours croissant de plus en plus, & pour ce qu'ilz n'entendoient point de nouuelles de Camillus, cela les mettoit en grand desespoir: car ilz ne pouuoient enuoyer deuers luy, tant les Barbares faisoient bon guet dedans la uille. Au moien dequoy, les deux parties se trouuans en tel estat, il se meit en auant quelques paroles d'appointement par ceulx du guet premierement, qui en parlerent entre eulx, & depuis par le consentement des principaux, Sulpitius le Tribun des Romains uint à parlementer avec Brennus : auquel parlement il fut accordé

C que les assiegez payeroient mille liures pesant d'or, & que les assiegeans incōtinent apres l'auoir receu sortiroient de la uille, & de tout son territoire. L'accord estant ainsi passé & iuré, l'or fut apporté, & quand ce uint à le pezer les Gaulois couuertement du commencement y faisoient des tours de male foy: mais puis apres tout ouuertement arrestoient le poix, & empeschoient que la balance ne iouast librement, dequoy les Romains se courroucerent à eulx: & adonc Brennus par maniere de risce & de moquerie, pour leur faire plus de despit, deceignit son espee, & la meit ceinture & tout dedans la balance ou estoit le poix. Quoy uoyant Sulpitius, luy demanda que c'estoit à dire que cela: & Brennus luy respondit, Que pourroit-ceestre autre chose, sinon que douleur aux uaincus? Ceste parole depuis est tousiours demeurée en la bouche du peuple, qui en a fait un cōmun prouerbe. Aucuns des Romains prirent à si grād despit ceste insolence barbaresque, qu'ilz uoloient à toute force que lon reprist l'or, & que lon s'en retournast en la forteresse, pour soustenir encore le siege comme deuant: les autres estoient d'aduis qu'il falloit supporter doucement ceste indignité la, & n'estimer pas que la honte consistast à payer plus que lon n'auoit promis, ains que le payer seul à quoy ilz auoient esté cōtraints par la mauuaistié du temps, estoit ce qu'ilz deuoient reputer plus necessaire que honorable. Ainsi comme ilz estoient en ce debat, tant entre eulx mesmes que contre les Barbares, Camillus arriua aux portes de la uille avec son armee, &

E entendant ce qui sy faisoit, il commanda au demourant de l'exercite qu'ilz le suiussent en ordonnance le petit pas, & luy ce pendant avec les plus gens de bien, se meit deuant en diligence. Si tost que les autres Romains l'apperceurent, ilz fouirirent incōtinent, & le receurent entre eulx avec grande reuerence sans plus mot dire, comme estant suruenu leur capitaine souuerain qui auoit toute puissance: & luy prenant l'or qui estoit dedans la balance, le bailla à ses gens, & commanda aux Gaulois qu'ilz prissent leur poix & leur balance & qu'ilz se retirassent: Pource, dit-il, que ce n'est point la coustume des Ro-

Furius Camillus.

maines de garder leur païs avec l'or, ains avec le fer. Brennus adonc entra en F
cholere, disant que c'estoit meschamment fait de cōtreuenir à l'accord qu'ilz
auoient passé & iuré. A quoy Camillus luy respondit, que cest accord n'auoit
point esté fait legitiment, & qu'à ceste cause il n'estoit point ualable, pour
ce que luy aiant auparauant esté créé Dictateur, tout autre officier & magi-
strat, par ceste siene election uenoit à estre supprimé, & à ceste cause qu'ilz a-
uoient traité avec gens qui n'auoient point autorité ny pouuoir de ce faire,
& que c'estoit à luy qu'il falloit parler, filz uouloient quelq̄ chose, pource qu'il
uenoit avec pleine puissance de leur pardonner, filz se repentoient & deman-
doient pardon, ou bié de les chastier & faire payer la peine des excez & dom-
mages qu'ilz auoient faits au païs. Ces paroles feirent sortir Brennus hors de G
foy, iusques à mettre la main aux armes, si uindrent les uns & les autres à tirer
les espees & à s'entreheuerter, ainsi qu'ilz pouuoient dedās des maisons & par-
my les rues, ou lon n'eust sceu rengier une armee en bataille: toutefois Bren-
nus festant soudain aduisé qu'il n'y faisoit pas bon pour luy, se retira incont-
inent dedans son camp avec ses gens, auant qu'il en eust beaucoup perdu, & la
nuict ensuiuant se partit de la uille avec tout son exercite, & alla camper en-
uiron trois lieues & demie loing de là, sur le grād chemin qui ua à la uille des
Gabiens, là ou Camillus avec son armee en bonne ordonnance l'alla trouuer
à l'aube du iour, aians les Romains repris courage, & luy donna la bataille,
laquelle dura longuement fort aspre, iusques à ce que à la fin les Gaulois y fu- H
rent desfaits, & leur camp pris avec grande occision: car ceulx qui eschappe-
rent la fureur de la bataille, furent tuez les uns par les Romains mesmes, qui
les poursuiuirent chaudement apres qu'ilz furēt rompus, les autres, & la plus
grande partie, par ceulx des uilles & uillages d'alentour, qui leur coururent
sus ainsi comme ilz fuyoient escartez ça & là parmy les champs. Voila com-
ment la uille de Rome aiant esté estrangement prise, fut aussi depuis estran-
gement recouuree, apres auoir demouré sept mois entre les mains des Bar-
bares: car ilz y entrerent environ le quinziesme iour de Iuillet, & en furent
chassez environ le trezieme iour de Feburier: si en triompha Camillus ainsi I
comme il appartenoit à celuy qui auoit sauué & deliuré son païs des mains
des ennemis, & qui ramenoit la uille de Rome en elle mesme, pource que
ceulx qui pendant le siege en auoient esté dehors, y rentrerent suyans son
chariot triumphal, & ceulx qui auoient esté assiegez dedans le Capitole, ou
ilz estoient cuydē mourir de male faim, leur allerent au deuant, & s'entr'am-
brasserent les uns les autres en plorant de ioye. Les prestres & ministres
des temples representerent les ioyaulx sacrez en leur entier, qu'ilz auoient les
uns cachez en terre dedans la uille mesme, les autres emportez avec eulx quād
ilz s'en estoient fouiz: ce que le peuple uoyoit aussi uoluntiers, & avec aussi
grāde ioye cōme si c'eussent esté les dieux mesmes qui fussent retournez dedās
la uille. Et apres auoir sacrifié aux Dieux en leur rendāt graces, & purifié la ci- K
té selon que leur enseignoient ceulx qui estoient entendus en telles choses, il
se meit à faire reparer les temples qui parauant estoient en la uille, oultre les-
quelz il en edifia encore un autre au Dieu Aius Locutius, au lieu ou Marcus
Ceditius auoit ouy la uoix qui leur denonceoit la uenue des Barbares. Si furēt
les places desdicts temples descouuertes à grande peine par la bonne dili-
gence de Camillus, & grande sollicitude & trauail des prestres: mais quand
ce uint à rebastir aussi le demourant de la uille, qui estoit entieremēt demolie &

A & destruite, le peuple se trouua fort mal encouragé de ce faire, reculât tousiours à mettre la main à l'œuvre, pour autant qu'ilz auoient faulte de toutes choses y necessaires, & auoient plus tost besoing de repos & de relasche apres tant de trauaux endurez, que de recommencer à se trauailler de nouveau, & se tuer le cueur & le corps, attendu qu'ilz n'auoient ny les personnes disposees, ny les biens suffisans pour y fournir. Au moien dequoy inclinans de uolunté à la uille de Veies, qui leur estoit demoree toute entiere & prouueue de toutes choses pour les receuoir, ils donnerent occasion aux harengueurs qui auoient accoustumé de tousiours prescher & parler au gré du peuple, de remettre ce propos en auant, & commencerent à prester uoluntiers les oreilles à certaines paroles seditieuses & mutines qui se disoient alencontte de Camillus, Que pour son ambition particuliere il les uouloit priuer d'une uille toute preste, & les contraignoit de se loger dedans des ruines & releuer une si grande demolition que le feu auoit faite, à fin que lon l'appellast non seulement capitaine & general des Romains, mais aussi fondateur de Rome, en deboutant Romulus de ce tiltre d'honneur. Quoy uoiant le Senat, & craignant qu'il ne s'en esmeust quelque sedition, ne uolut point permettre à Camillus qu'il se deposast de sa charge de Dictateur auant le bout de l'an, combien que nul autre ne passast iamais six mois : & au demourant se meit aussi en deuoir de sa part de reconforter & appaiser la commune, en la priant de demourer, &

C leur monstrant au doigt les sepultures de leurs ancestres, & leur ramenant en memoire les places sacrees & les lieux dediez aux Dieux, & sanctifiez par le Roy Numa, ou par Romulus, ou par les autres Roys. Mais entre autres arguments tirez des choses religieuses & diuines, ne faillirent de leur alleguer la teste d'homme toute fresche qui fut trouuee dedans terre en faisant les fondemens du Capitole, comme au lieu qui fatalement estoit destiné pour estre une fois le chef de toute l'Italie : & d'auantage le feu sacré de la Deesse Vesta, lequel aiant esté depuis la guerre reallumé par les saintes uierges Vestales, uiendroit à estre encore derechef esteint par eulx, filz abandonnoient la uille de leur naissance, oultre le grád reproche & deshonneur que ce leur seroit

D de la ueoir à l'aduenir habitee par quelques suruenans estrangers, ou bien du tout reduitte en friche & pasturage des bestes. Telles doléances & telz regrets alleguoient souuent les gens de bien à la commune tât en priué qu'en public : mais le peuple à l'opposite leur rompoit aussi le cueur de pitié, quand il leur mettoit deuant les yeux la pauureté & l'indigéce en laquelle il se trouuoit, & les supplioit de ne les uouloir point forcer de r'assembler & reioindre les pieces d'une uille destruite, comme d'un naufrage dont ilz estoient eschappez tous nuds, & n'auoient sauué que leurs personnes seulement, attendu mesmement qu'ilz en auoient une autre entiere toute preste pour le recueillir. Si fut Camillus d'aduis que le Senat s'assemblast pour consulter & resouldre absolument cest affaire : ce qui fut fait : & en ce cōseil il deduisit luy mesme plusieurs raisons, pour lesquelles on ne deuoit aucunemēt abandonner le lieu de leur naissance, & aussi feirent les autres Senateurs qui uolurēt. Finablement apres toutes ces remonstrances, il cōmanda à Lucius Lucretius qui auoit accoustumé de parler le premier en telles assemblees, qu'il se leuast pour en dire son aduis, & que les autres par ordre dissent aussi consecutiuelement les leurs. Ainsi feit chascun filéce, & à l'instant mesme que Lucretius uouloit commencer à parler, il passa d'aduenture par deuant le lieu ou se tenoit le conseil un

Furius Camillus.

centenier du guet de iour avec sa bande, lequel commanda à haulte uoix à son portenseigne, qui marchoit le premier, qu'il s'arresta là, & qu'il y planta son enseigne: car nous demourerons, dit il, tresbien icy. Ceste parole ditte & ouye, droittement sur le poinct que lon estoit en doubte & en grande attente de ce qui se resouldroit en ceste matiere, Lucretius se prit à dire qu'en remerciant Dieu deuotement il approuuoit son bon cōseil, chascun des autres à son reng en dit tout autant, & quand & quand y eut aussi un merueilleux changement & mutation de uolunté au commun populaire: car chascun alloit admonestant & encourageant son compaignon de mettre uiuement la main à l'œuure, de maniere que sans attendre que lon eust diuisé les rues, & departy à chascun sa place pour bastir, ilz se meirent tous à occuper les lieux qui plus leur agreerent, ou qui leur semblerent plus commodés pour bastir, sans qu'il y eust autre reglement ny autre departement: dont il aduint pour ceste precipitation si grande, que les rues furent toutes cōfuses, & les maisons rebasties sans ordre quelconque. car on dit que dedans l'an reuolu elle fut toute reedifiee de nouveau tāt d'edifices publiques que de priuez. Mais ceulx à qui Camillus auoit dōné charge de rechercher & marquer les places sacrees ou auoient esté les tēples, pource que toutes choses estoient cōfuses, en enuironnant le mont Palatin, ilz arriuerent à l'endroit ou auoit esté la chapelle de Mars que les Barbares auoient toute ruinee & bruslee, comme les autres, & en y fouillant & nettoyant la place, y trouuerēt par cas d'adventure le baston augural de Romulus entassé deffoubz un hault monceau de cendre: c'est un bastō courbé par l'un des bouts que lon appelle Lituus, & en usent les Deuins à designer les regions du ciel, quand ilz ueulent cōtempler le uol des oyseaux pour deuiner les choses à aduenir. Romulus qui estoit bien entendu en cest art de deuiner en usoit, & depuis qu'il fut disparu d'entre les hommes, les prestres le prirent & le garderent religieusement, sans y laisser toucher non plus qu'à un saint reliquaie. Et le retrouvant lors sain & entier, là ou toutes autres choses estoient peries & cōsumees par le feu, en furēt tresioyeux, pource qu'ilz interpreterēt que cela estoit un signe qui promettoit eternelle duree à la uille de Rome. Mais auant qu'ilz eussent paracheué leurs bastimens, il leur sourdit une nouuelle guerre, par ce q̄ tout à un coup les Æques, les Volscques, & les Latins entrèrent en armes dedans leurs terres, & quand & quād les Thoscans allerent mettre le siege deuāt la uille de Sutrium qui estoit leur allee & confederee. Et comme les Tribuns militaires, estans sortis aux champs avec leur armee, se fussent allez camper au mont Martien: les Latins les y allerent assieger si estroittement, qu'ilz furent en danger de perdre leur armee, & furent contraints de mander à Rome qu'on les uint secourir: au moien dequoy Camillus fut eleu Dictateur pour la troisieme fois. Mais au demourant, quant à l'issue de ceste guerre, on la compte en deux manieres, desquelles ie reciteray celle qui me semble fabuleuse la premiere. On dit que les Latins, soit ou pource qu'ilz cherchassent quelque occasion de commencer la guerre, ou que ueritablement ilz uoulussent conioindre derechef leurs peuples ensemble par nouuelles alliances de mariage, enuoyerent demander aux Romains des filles de libre condition, pour les espouser. Les Romains se trouuerent bien empeschez, ne sachans qu'ilz deuoient faire, craignans fort la guerre, à cause qu'ilz n'estoient pas encore bien remis sus, & se doubtoient que ceste demande de leurs filles, ne fust autre chose qu'une sommation

- A tion de leur bailler hostages, que lon couuroit du nom d'alliance de mariage: & disent qu'il y eut une seruante nommee Tutola, ou, comme les autres ueulent, Philotis, laquelle s'adressa aux magistrats de la uille, & leur cōseilla qu'ilz l'enuoyassent avec quelque nombre d'autres seruantes ieunes & belles, accoustrees en filles de bonne maison: & au demourant qu'ilz la laissassent faire. Les officiers trouuerent bon cest aduis, & choisirent des seruantes en tel nombre qu'elle uoulut, lesquelles ilz uestirēt de bons habillemēs, & parerent de beaux ioyaulx d'or, puis les liurerent entre les mains des Latins, qui estoiet campez nō gueres loing de la uille. Quand la nuit fut uenue, les autres filles cachèrent les espees des ennemis: mais ceste Tutola ou Philotis, comment
- B qu'elle fust appelee, mōtra dessus un figuier sauuage, de dessus lequel elle mōstra aux Romains un flambeau allumé, aiant par derriere tendu quelque habillement, à fin que les Latins n'en peussent rien ueoir: car elle auoit pris ce signe avec les magistrats de Rome, sans que les autres en sceussent rien, qui fut cause que la saillie des gens de guerre, quand on leur commanda sortir aux chāps la nuit, fut en trouble & en tumulte, pource qu'estant pressez par leurs capitaines, ilz s'entreappelloiet les uns les autres, & y eut beaucoup d'affaire à les renger en bataille, & ainsi allerent surprendre les ennemis dormās en leur camp, ou ilz ne se doubtoient de rien, & en tuerent la plus grande partie. Cela fut fait le cinquieme iour du mois qui lors s'appelloit Quintilis, & maintenāt
- C se nōme Iuillet, auquel il se celebre encore iusques à present une feste en souuenance de cest acte la: car premierement en sortant hors de la uille, ilz uont appellāt à haulte uoix plusieurs noms du païs, qui sont les plus cōmuns, cōme Caius, Marcus, Lucius, representans ce qu'en sortant de la uille à grande haste, ilz s'entreappelloient ainsi les uns les autres: puis les seruantes habillees honorablement, uont par la uille iouant, & disant quelque mot de rīsee à ceulx qu'elles rencontrent en leur chemin, & à la fin elles font semblant de s'entrebattre, en representation de ce que lors elles aiderent à desfaire les Latins, puis sont festoyees soubz des feuilles faictes de ramee de figuier sauuage: & s'appelle le iour de ceste feste, les Nones Capratines, à cause du figuier sauuage, cōme les uns estiment, de dessus lequel la seruante monstra aux Romains le flābeau allumé, pource que les Romains appellent le figuier sauuage Caprificus. Les autres disent que toutes ces choses la se font & se disent en remembrance de l'inconuenient qui aduint à Romulus, quand il se disparut, à mesme iour hors des portes de la uille, s'estant soudainement leué un orage avec une nuee obscure, ou comme les autres disent estant aduenue eclipse de Soleil, & tiennent que le iour a esté nōmé les Nones Capratines, pource que Capra en langage Romain signifie une cheure, & Romulus disparut d'entre les hommes ainsi qu'il preschoit son peuple au pres du lieu qui s'appelle le marez de la Cheure, comme nous auons escrit plus au long en sa uie. L'autre maniere, comme
- E la pluspart des historiens escrit l'issue de ceste guerre, est, que Camillus estant eleu Dictateur pour la troisieme fois, & sachant que les Tribuns militaires avec leur armee estoiet assiegez fort à destroit par les Latins & les Volques, fut contraint de faire armer les uieilles gens, qui pour leur aage estoient desia exempts d'aller à la guerre: & aiant fait un grand circuit à l'entour du mont Martien, pour n'estre apperceu des ennemis, fallā logger derriere eulx, là ou il feit allumer force feus pour dōner à entendre aux assiegez qu'il estoit arriué: ce que les assiegez aiant aduisé reprirent courage, & se delibererent de

Furius Camillus.

combattre : mais les Latins & les Volsques se teindrent dedans leur camp, là F
ou ilz se remparerent & fortifierent d'une closture de bois, avec force arbres
qu'ilz croiserent en trauers, pource qu'ilz se uoyent assailliz par deuât & par
derriere, & resolurent d'attendre renfort d'une autre armee de leurs gens, &
quand & quand aussi du secours des Toscons, ce que uoiant Camillus, & crai-
gnant que lon ne luy feist à luy mesme ce qu'il auoit fait aux autres, en les en-
uironnant par derriere, il pensa qu'il les falloir preuenir: & considerant que la
closture dont ilz auoient enfermé & remparé leur camp estoit toute de bois,
& qu'il se leuoit ordinairement les matins un grand uent du costé des montai-
gnes, il feit prouision de force brâdons de feu, & tirant son armee aux champs
à l'aube du iour, en ordonna une partie pour assaillir les ennemis par un costé G
avec grands cris à coups de traict: & luy avec l'autre partie qui deuoit mettre
le feu par le costé opposite dont le uent souloit uenir, estoit attendant l'heure
opportune: & si tost qu'il ueit le Soleil leué, le uent commençant à souffler à
bon esciant de deuers les montaignes, & l'escarmouche attachee de l'autre co-
sté, adonc il feit aussi donner à ceulx qu'il cōduisoit le signe de courir sus aux
ennemis, & feit ietter cōtre la closture de leur camp force pots & lances à feu,
de maniere que la flâme trouuant matiere à se prendre en ceste cloison de bois
& en ces arbres croisez, se leua incōtinēt fort grâde en l'air, & alla gaignât tout
à l'entour. Parquoy les Latins qui n'estoient prouueuz d'aucun remede pour
esteindre ceste flamme, uoians que leur camp tout à l'enuiron d'eulx estoit en H
feu, se ferrerent premierement ensemble en bien peu de lieu: mais encore à la
fin furent ilz contraints de sortir aux champs, ou ilz trouuerent leurs ennemis
bien armez & regez en bataille, tellement qu'il eschappa bien peu de ceulx
qui sortirent, & ceulx qui demourerent dedans le camp furent tous consum-
mez du feu, iusques à ce que les Romains l'esteignirent eulx mesmes pour pil-
ler les biens qui y estoient. Cela fait, Camillus laissa son filz au camp pour gar-
der les prisonniers & le butin: & luy mesme avec le reste de l'armee alla cou-
rir le pais des ennemis, ou il prit la uille des Æques. Et apres auoir rengé les
Volsques à sa uoulunté, mena incōtinēt son armee uers la uille de Sutrium,
n'ayant pas encore entendu ce qui estoit aduenü aux Sutriens, ains se hastant I
de les aller secourir, pource qu'il pensoit qu'ilz fussent encore assiegez par les
Thoscons, mais ilz auoient ia rendu leur uille par composition, & n'auoient
sauué de tous leurs biens que les habillemens qu'ilz portoient sur eulx tant
seulement: si rencontrerent Camillus par le chemin, ainsi qu'ilz alloient la-
mentans leurs fortunes avec leurs femmes & leurs petits enfans, dont il sentit
grande compassion en son cueur, les trouuant en si piteux estat. Et d'auantage
uoiant que les Romains aussi ploroient de pitié pour l'instance que leur fai-
soient ces pauvres gens, & qu'ilz estoient fort desplaisans de leur descōuenue,
il resolut en luy mesme de n'en differer point la uengeance, ains s'en aller tout
droit ce iour mesme deuant la uille de Sutrium: faisant son cōpte qu'il trou- K
ueroit les Thoscons en desarroy, sans se tenir sur leurs gardes, ny entendre à
autre chose qu'à faire bonne chere, à cause qu'ilz uenoient de prendre une uil-
le opulente & riche, ou ilz n'auoient laissé ennemy quelcōque, ny ne se doub-
toient point que de dehors on les deust uenir assaillir. En quoy il ne se mes-
compta pas: car non seulemēt il trauersa tout le territoire de la uille sans que
ceulx de dedans en fussent aduertis, ains fut aux portes, & eut saisi les murail-
les auant qu'ilz en sceussent rien, pource qu'ilz n'auoiēt ordonné guet ny gar-
des

- A** des quelconques, ains estoient espars ça & là par les maisons à gourmander & yurongner ensemble : & quand ilz sçeuvent que les ennemis estoient dedans la uille, ilz se trouuerent si saoulz & si yures, que la plupart n'auoient pas seulement le sens de fouir, ains attendirent que lon les allast tuer ou prendre fort uillainement iusques dedans les maisons. Ainsi fut ceste uille de Sutrium deux fois prise en un mesme iour : & aduint que ceulx qui l'auoient conquis la perdirēt, & ceulx qui l'auoient perdue la recouurerēt par le moien de Camillus, qui en merita l'honneur de triumphale entree dedans Rome : laquelle ne luy apporta pas moins de bienueillance, d'honneur & de gloire, qu'auoient fait les deux autres premieres, pource que ses plus malings enuieux qui uouloient que
- B** tous ses beaux faits precedēs fussent plus tost procedez de la faueur de fortune que de sa uertu, furent alors contraints par les effects, de confesser que la louange en estoit deuē à son bon sens & à sa uaillance. Le plus apparent de ses enuieux & aduersaires estoit Marcus Manlius, celuy qui repoulsa premier les Gaulois la nuit qu'ilz cuiderēt entrer dedans la forteresse du Capitole, dōt il fut surnommé Capitolin : car uoulant estre le premier de la uille, & ne pouuant arriuer par droite uoye à deuaner la gloire de Camillus, il se meit au grand chemin de ceulx qui bastissent une tyrannie, qui est de flatter le menu populaire, mesmement ceulx qui estoient endebtez, defendant leurs causes, & plaidant pour eulx en iugement cōtre leurs creanciers, & quelque fois recourant d'entre leurs mains, & leur ostant à force ceulx qui à faulte de payer leur
- C** estoient adiugez pour esclauues selon la rigueur de la loy. Par lesquelz moiens il assembla en peu de temps autour de luy grand nōbre de telz hōmes, pauures & necessiteux, lesquelz faisoient grande peur aux gens de bien & d'honneur pour les insolences qu'ilz cōmettoient, & les troubles & tumultes qu'ilz excitoient ordinaiement en la place : de maniere que pour l'effroy que lō en eut, fut eleu Dictateur Quintus Capitolinus, lequel incontinent fait prendre au corps ledit Manlius, & le cōstitua prisonnier : à l'occasiō dequoy le peuple changea de robbe : ce qui n'auoit point accoustumé de se faire, sinon en quelques grādes & publiques calamitez. Parquoy le Senat craignant qu'il ne sen ensuiuist
- D** quelque trouble de sedition, le fait relascher : mais luy pour estre sorty de prison n'en deuint de rien meilleur ny plus sage, ains alloit emouuant & mutinant la commune plus audacieusement & plus seditieusement que iamais. Si fut Camillus eleu derechef Tribun militaire, & de son temps Manlius appelé en iustice : mais quād ce uint à plaider la cause, la ueuē du Capitole fait grāde nuisance aux accusateurs, pource que l'endroit propre auquel Manlius auoit la nuit repoulsé les Gaulois, en defendant le Capitole, se ueoit de la place ou se tenoit l'audience, & luy mesme le monstroit à ses iuges, en y tendans les mains : & plorant à chaudes larmes, leur ramenteuoit comme il auoit mis sa uie en danger en combattant pour eulx : ce qui leur attēdrissoit le cueur de
- E** pitié, tellement qu'ilz ne sçauoient que faire, & remeirēt par plusieurs fois la cause à autre iour, ne le uoulans point absouldre, attendu qu'il estoit cōuaincu par si euidētes preuues, ny ne pouuās user de la rigueur & seuerité des loix, à cause qu'ilz auoient deuant leurs yeux le lieu auquel il auoit fait un si grand seruice à la chose publique. Dequoy Camillus s'estant apperceu, fait transporter le siege de ce iugement hors la uille en un lieu appelé le boccage Petilien, de là ou ne se pouuoit ueoir le Capitole : & là poursuiuirent les accusateurs uiuement leur accusation, & les iuges adonc se ramenās en memoire les mau-

Furius Camillus.

uais actes qu'il auoit faits, en cōceurent en eulx un iuste courroux de le punir F
selon ses demerites: si fut cōdemné par sentence à mourir, & estre mené sur le
mont du Capitole, dont il fut précipité du hault en bas à trauers les rochers
qui y sont: de sorte qu'il eut un mesme lieu pour tesmoing de ses plus heureux
faicts, & de sa plus miserable calamité. Oultre cela, sa maison fut rasée, en la
place delaquelle fut edifié le tēple de la deesse qu'ilz appellēt Mōeta, & publié
un edict, que de là en auāt il ne seroit plus loisible à aucū Pratricie d'habiter au
mōt du Capitole. Depuis Camillus estāt encore appellé à la charge de Tribū
militaire pour la sixieme fois, raschoit à sen excuser, tant pource qu'il se sen-
toit ia bien auant en son aage, cōme aussi pource qu'il craignoit à l'adventure
quelque enuie de la fortune, ou quelque malencōtre, apres tāt de gloire qu'il G
auoit acquise, & tant de haults faicts qu'il auoit heureusemēt acheuez: toute-
fois la plus apparēte cause, sur laquelle il fondonoit son excuse, estoit l'indispo-
sition de sa personne, pource qu'il se trouua malade enuiron ce temps là. Mais
le peuple ne uoulut point admettre ny receuoir son excuse, ains criant qu'il
ne luy demādoit point qu'il combattist ny à pied ny à cheual, mais qu'il con-
seillast & commandast seulement, le contraignit d'accepter la charge, & de
conduire l'armee avec un de ses compagnons nommé Lucius Frurius, contre
les ennemis, qui estoient les Prænestins & les Volsques, lesquelz ioincts ensem-
ble couroient & pilloient les terres des alliez Romains. Si se meit incontinent H
aux champs avec l'armee, & fallā camper au plus pres des ennemis, uoulant
quant à luy tirer ceste guerre en longueur, pour puis apres combattre sil en
estoit besoing, quand il seroit bien guarý: mais au contraire Frurius par une
conuoitise de gloire, uouloit à quelque peril que ce fust, hazarder tout chau-
dement la bataille, & alloit sollicitant à ces fins les particuliers capitaines &
chefs des bādes. A raison dequoy Camillus craignant que lon ne pensast que
par enuie qu'il portast à ses ieunes gens, il leur uoulust oster & empescher les
moiens d'acquerir honneur, & de faire quelque acte digne de memoire, luy
permet contre sa uoulunté de renger l'armee en bataille: & luy ce pendant à
cause de son indisposition, demoura avec peu de gens au camp. Ainsi sen alla
Lucius à l'estourdie presenter la bataille à l'ennemy: aussi y fut il rôpu: mais I
Camillus entendant ceste route des Romains ne se peut contenir, ains tout
malade qu'il estoit, se leuant de dessus son liēt, sen alla avec ceulx de sa mai-
son aux portes du camp, & passa à trauers les fuyās iusques à ce qu'il eust trou-
ué ceulx qui les poursuiuoient. Ce que uoians les Romains qui ia estoient en-
trez dedans le camp, le suiurent incontinent, & ceulx qui fuyoient encore au
dehors, sarresterent tout court, quand ilz le ueirent & se rallierent en battail-
le au deuant de luy, s'entre-admonestans les uns les autres, de n'abandonner
pas leur capitaine, de maniere que les ennemis cesserent de les chasser & pour-
suiure plus oultre ce iour là: mais le lendemain Camillus tirant tout son ost
aux champs, leur donna la bataille, en laquelle il les desfeit à force: & suiuant K
sa uictoire, entra pesse mesle parmy les fuyans dedans leur camp, & en tua la
plus grande partie. Cela fait, il fut aduertý que les Thoscans auoient pris la
uille de Sutrie, & mis à l'espee tous les habitans d'icelle qui estoient citoiens
Romains: à l'occasiō dequoy il renuoya à Rome la plus pesante partie de son
armee, & retenant avec luy les plus dispos, & plus legers, alla donner l'affault
aux Thoscans, qui festoient logez en ceste uille de Sutrie, & l'ayant reprise sur
eulx, en tua une partie, l'autre se sauua de uistesse, puis sen retourna à Rome
avec

- A avec une tresgrande quantité de butin, faisant cognoistre par expérience, que ceulx estoient treffages qui n'auoient point craint la uieillesse ny la maladie d'un bon capitaine experimenté & hardy, ains l'auoient cleu malgré luy, quelque uieil & mal sain qu'il fust, & preferé aux ieunes & dispos qui briguoient & poursuiuoient ceste charge. Pourtant la nouuelle estant uenue au Senat, que les Thusculaniens s'estoient rebellez, ilz y enuoyerent encore Camillus, luy enioignans de prendre avec soy celuy que bon luy sembleroit des cinq autres compagnons, lesquelz tous desiroient estre choiziz par luy & l'en requeroient: mais tous les autres omis, il eleut encore Lucius Frurius, contre l'opinion & l'esperance de tout le monde, pource que c'estoit celuy qui n'agueres auoit uoulu à toute force contre sa uoulunté hazarder la bataille, en laquelle il auoit esté desfait: toutefois Camillus uoulant, à mon aduis, couvrir ceste faulte & la honte qu'il en auoit receue, le prefera humainemēt à tous les autres. Au demourant, les Thusculaniens sentans uenir Camillus contre eulx, uoulurent finement r'habiller la faulte qu'ilz auoient faite, car ilz meirrent force gens aux champs, les uns à labourer les terres, les autres à garder les bestes, ne plus ne moins que filz eussent esté en pleine paix, & teindrent les portes de leur uille ouuertes, là ou les enfans alloient publiquement à l'escole, les artisans besongnoiet en leurs boutiques, les gens d'estat se promenoiet en robes longues sur la place, & les officiers & gouuerneurs alloient ça & là par les maisons, faisant commandemēt que lon eust à apprester les logis pour les Romains, comme filz n'eussent eu peur de mal quelcōque, ny ne se fussent sentis coupables de faulte aucune. Ce neantmoins toutes ces mines ne feirēt pas descroire à Camillus qu'ilz n'eussent point machiné de se rebeller contre les Romains: mais bien feirent elles qu'il eut pitié d'eulx, uoiant qu'ilz se repentoient de ce qu'ilz auoient uoulu faire. Si leur commanda d'aller à Rome uers le Senat requerir pardon de leur faulte, & luy mesme leur aida, nō seulement à faire absouldre leur uille du crime de rebellion, ains aussi à leur faire ottroyer priuilege de bourgeoisie Romaine. Ce sont les principaux actes que feit Camillus en son sixieme Tribunat. Depuis il y eut un Licinius Stolo, qui
- D eueut une fort grande sedition en la uille entre le commun peuple, & le Senat, pource qu'il uouloit à toute force, que des deux Consuls qui s'eliroiēt par chascū an, il y en eust l'un q̄ necessairemēt fust de maison populaire, & qu'ilz ne peussent estre tous deux de ces anciennes nobles familles que lō appelle Patricienes. Si furent bien eleuz les Tribuns du peuple: mais quant aux Consulz la commune empeschoit que lon n'en eleust, de maniere que la chose publique s'en alloit tūber en plus grāds troubles que iamais à faulte de Magistrats: pour à quoy obuier, le Senat crea Camillus Dictateur pour la quatrieme fois, dont il ne fut pas gueres content, à cause que c'estoit contre la uoulunté du peuple, & qu'il ne uouloit point entrer en contestation contre hommes, qui
- E pour auoir esté sous luy en plusieurs guerres & batailles, luy pouuoient franchement & ueritablement alleguer qu'il auoit fait plus de belles choses avec eulx en armes, qu'il n'auoit fait avec les Patriciens en paix, & neantmoins auoit esté créé Dictateur en despit d'eulx par enuie des nobles: de maniere quil estoit force, ou qu'il supplantast & opprimast le peuple, fil estoit le plus fort en ceste dissention, ou qu'il demourast luy mesme supplanté, fil se trouuoit le plus foible. Ce nonobstant Camillus essayant de remedier au mal present, & sachant le iour, auquel les Tribuns du peuple auoient proposé de mettre

Furius Camillus.

leuredict en auant pour le faire passer par les uoix du peuple, il denoncea & F
publia par affiches, que ce mesme iour la il uouloit leuer gens pour la guerre,
à fin de reuoquer le peuple de la place au champ de Mars, ou il uouloit faire
sa monstre, soubz grandes peines à qui desobeiroit. Les Tribuns du peuple au
contraire s'opposoient à ses menasses, & iuroient qu'ilz le condamneroiét luy
mesme à l'amende de cinquante mille drachmes d'argent, si ne se deportoit
de cuidoer empescher le peuple de donner ses uoix pour authoriser telle loy qui
luy plairoit. Quoy uoiant Camillus, soit qu'il craignist d'estre une autre fois
condemné & banny, ce qui n'estoit plus conuenable à luy, homme ia uieil &
ancien, & qui auoit fait tant de belles & grandes choses, ou qu'il ne se sentist
pas assez puissant pour soustenir ne diuertir un effort de peuple, il se retira G
pour ce iour la en sa maison: & les iours ensuiuans feignant estre malade, se
desmeit à la fin de sa charge. Parquoy le Senat eleut en son lieu un autre Di-
ctateur, lequel nomma pour maistre de la cheualerie celuy mesme Stolo, qui
estoit autheur & promoteur de toute ceste sedition, & luy laissa encore mettre
en auât, & faire passer par les uoix du peuple une autre loy, qui fascha les Patri-
ciens plus que nulle autre: ce fut celle qui defendoit que nul citoien Romain
ne peust tenir ne posseder plus de cinq cents arpents de terre. Si fut pour lors
cestuy Stolo en grand honneur, d'auoir fait authoriser sa loy en despit du Se-
nat: mais peu de temps apres, il fut trouué que luy mesme en tenoit d'auanta-
ge que sa loy ne permettoit, dont il fut puny de la peine contenue en sa propre H
loy: Il restoit encore le plus fascheux poinct de toute ceste dissension, ce-
luy qui auoit commencé le premier, & qui donnoit le plus d'ennuy au Senat
touchant l'election des Consuls. Mais sur ces entrefaites arriuerent nouuel-
les certaines, que les Gaulois partans derechef du long de la mer Adriatique,
s'en uenoient avec grosse puissance droit uers Rome, & quand & quand les
effets de guerre s'en ueirent quasi aussi tost, que les nouvelles s'en ouirét: car
les ennemis couroiét ia le plat pais, & les gens des chāps qui n'auoient pas eu
loisir de gagner Rome de uistesse, estoient escartez ça & là par les môtaignes.
Cest effroy appaisa pour un peu la dissension, & s'assemblant le peuple avec le
Senat, les roturiers avec les nobles, tous d'un accord & d'un consentement e- I
leurent Camillus Dictateur pour la cinquieme fois. Il estoit ia fort uieil &
s'en falloit bien peu qu'il n'arriuaist à quatre uingts ans: mais toutefois uoyāt
la necessité & le danger present, sans alleguer excuse ny chercher subterfuge
quelconque, comme il auoit fait auparauant, il accepta la charge, & si tost
qu'il l'eüst acceptee se meit incontinent à leuer gens, & à dresser son armee:
mais sachant que la plus grande uiolence des Barbares consistoit en coups de
taille de leurs espees, avec lesquelles ilz couppoient testes & espauls, en les
maniant lourdement sans artifice quelconque, il feit forger à la plus part de
ses gens salades & morrions tous de fer bien polits par dehors, à fin que les
espees glissassent au long, ou se rompissent en frappant dessus, & feit border K
leurs pauois tout à l'entour d'une lame de cuyure, pource que le bois seul ne
pouuoit pas durer ny resister aux coups: & oultre aduertit ses soudards de
porter de longs ia uelots, & les lancer soubz les espees des Barbares, quand ilz
les uerroient ramener leurs grāds coups d'amont. Puis quand les Gaulois fu-
rent assez pres de Rome, aians assis leur camp sur la riuere de l'Anien chargé
& plein de toutes sortes de pillage & de butin, adonc il tira aussi son armee
aux champs, & alla loger sus une motte qui estoit aisee à mōter, & en laquelle

- A** il y auoit plusieurs petits fonceaux, de maniere que la plus part de son armee y estoit couuerte & cachee, & ce peu que lon en uoyoit sembloit encore s'estre de peur retiré en lieu hault & auantageux. Laquelle opinion Camillus uolât augmenter d'auantage en ses ennemis, il les souffroit uenir piller iusques au pied de la motte ou il festoit logé, sans qu'il bougeast pour les empescher, ains se tenoit coy en son camp bien remparé, iusques à ce qu'il espia son occasion, que la meilleure partie de leur armee estoit escartee ça & là parmy les champs à fourrager: ceulx qui estoient demourez au camp ne faisoient autre chose que gourmander & yurongner dissoluement à toute heure. Et adonc il enuoya de bon matin auant iour, ceulx de ses gens qui estoient armez à la legere pour
- B** harceler les Barbares au sortir de leur camp, & les empescher de se pouuoit renger en ordonnance de bataille: puis à l'aube du iour fait aussi descendre en la plaine, & renga en bataille les autres bien armez, qui estoient en bon nombre & tous bien deliberez, non comme les Barbares auoient cuidé, qu'ilz fussent peu & effroyez. Cela tout premierement rabaisa le cueur aux Gaulois, par ce qu'ilz estimerent leur honneur foulé en ce que les Romains les alloient assaillir les premiers: & puis les auantcoureurs, qui les chargerent en surfault auant qu'ilz eussent loisir de se renger en bataille, ny ordonner leurs troupes, les cōtraignirent de combattre en foule & en desordre, ainsi qu'ilz se rencontroient à l'aduenture. Et à la fin encore leur uint sur les bras Camillus avec le
- C** fort de son armee, cōtre lequel neantmoins ilz coururent les espees haultes: mais les Romains les receurent avec leurs iauelots, dont ilz leur presentoient les bouts ferrez pour parer leurs coups, & ainsi faulsoient leurs espees q'auoient les lames fort ténues & subtiles, & si estoient forgees de fer fort mol, de sorte qu'elles se courboient & plioient incontinent, & leurs pauois percez à coups de iauelots, qui puis apres leur pesoient fort sur les bras quand les Romains les retiroient: au moien dequoy ilz abandonnoient leurs propres armes, & taschoient à se seruir de celles de leurs ennemis, saisissant leurs iauelots à belles mains pour les leur cuider arracher des poings: & alors les Romains uoyans comme ilz estoient descouverts, mettoient les mains aux espees. Et ainsi fut fait
- D** grand meurtre des premiers renga, les autres s'en fouyrent ça & là parmy la plaine, pource que Camillus auoit fait occuper les coustaux & les montaignes d'alentour: & ne se retirerēt point uers leur camp, pource que ne l'ayant point fortifié, à cause qu'ilz ne craignoient rien, ilz sçauoient bien qu'il seroit facilement pris. Ceste bataille, comme lon dit, fut treze ans apres la prise de Rome, depuis laquelle les Romains fassereurent fort contre les Barbares, qui parauant les auoient fort redoubtez, estimans que la premiere fois ilz ne les auoient point desfaits à uiue force, ains par ce que la pestilence festoit mise entre eulx, ou par autres estranges aduentures: & estoit la peur qu'ilz en auoient si uehement, qu'ilz feirent une ordonnance, que les prestres seroient exempts
- E** d'aller à la guerre, pourueu que ce ne fust point guerre de Gaulois. Ceste desfaiete fut le dernier exploit d'armes de Camillus, pource que la prise de la uille de Velitres fut comme un accessoire de ceste expedition: car elle luy fut rendue sans coup ferir. Mais des combats de uille en matiere de gouuernement, il luy en restoit le plus grand & le plus difficile à l'encontre du peuple, qui retournoit à Rome fort & puissant, à cause de la uictoire qu'il uenoit de gagner, & uoloit à toute force que l'un des Consuls, cōtre la coustume qui lors s'obseruoit, fust necessairement eleu des maisons populaires: à quoy le Senat re-

Camillus.

fistoit fort & ferme, & ne uouloit pas que Camillus se demeist de sa charge, esperant que par le moien de son autorité qui estoit grande, ilz combattroient mieulx pour la dignité & prerogative de la noblesse. Mais ainsi cōme Camillus estoit assis en son tribunal sur la place, ou il donnoit audience & depechoit affaires, il uint deuers luy un sergent enuoyé de la part des Tribuns du peuple, qui luy feit commandement de le suyure, & quand & quand meit la main sur sa personne, comme pour l'emmener par force. Cela eueut une crierie & un tumulte le plus grand qui eust encore point esté sur la place, par ce que les adherens de Camillus repoulsoient le sergent arriere de la chaire, & le commun peuple luy crioit d'abas qu'il le tirast, tellemēt qu'il ne sçauoit qu'il en deuoit faire, ne cōment sy gouverner. Si est-ce qu'il ne quitta point pour tant son magistrat, ains prenant les Senateurs qu'il auoit autour de luy, s'en alla uers le lieu ou se souloit tenir le Senat, là ou auāt que d'entrer, il se retourna deuers le Capitole, faisant priere aux Dieux de uouloir adresser ces troubles à bonne fin, uouant & promettāt si ceste emeute & ce trouble se pouuoit doulcemēt appaiser, de faire edifier un temple de Concorde. Quand la chose uint à estre proposee au Senat, il y eut là mesme grande contention & grande cōtrarieté d'opinions : toutefois à la fin la plus douce l'emporta, à sçauoir celle qui cedoit au peuple, & luy permettoit que l'un des Consuls fust eleu des citoyens populaires : ce que le Dictateur aiant prononcé publiquemēt deuant le peuple, comme le Senat l'auoit ainsi conclud, la commune en fut si ioyeuse, que sur l'heure mesme elle oubliā tout le maltalent qu'elle auoit contre la noblesse & le Senat, & reconuoya Camillus avec grand cris de ioye & battemēs de mains, iusques en sa maison. Le lendemain en pleine assemblee du peuple sur la place, il fut arresté que le temple de Concorde seroit basti aux despens de la chose publique, ainsi cōme Camillus l'auoit uoué, en lieu ou il se pourroit ueoir de la place mesme ou se faisoient les assemblees du peuple pour le conseil, & que lon adiouxteroit un iour d'auantage aux series Latines, & que desormais on en festoyeroit & chommeroit quatre, & que presentement se feroient par toutes eglises sacrifices aux Dieux pour leur rédre graces, & porteroit on en signe de ioye des chapeaux de fleurs sur la teste, pour ceste reconciliation. Ainsi procedant Camillus à l'election, furent creéz deux Consuls Marcus Æmilius du costé des nobles Patriciēs, & Lucius Sextus du costé des populaires. Ce qui fut le dernier acte de Camillus : car l'ānee ensuyuāt se meit la peste à Rome, laquelle oultre une multitude innumerable de peuple, emporta encore plusieurs magistrats mesmes & officiers de la uille, & en mourut aussi Camillus : lequel combien que pour auoir uestu assez longuement, & auoir acheué un raisonnable cours de uie, fust aussi meur pour mourir que homme le sçauoit estre, fut neantmoins plus plaint & regretté par les Romains luy seul, que ne furēt tous les autres ensemble qui moururēt de la peste.

PERICLES.



AESAR uoiant un iour à Rome quelques estrangers hommes riches & opulents, qui auoient tousiours entre leurs bras de petits chiés & de petites guenons, & les cherissoient merueilleusemēt, leur demanda si les femmes en leur país ne faisoient pas des enfans: reprenant tressagement ceulx qui employent enuers les bestes l'inclinatiō à aimer, & l'affection de charité que la nature a mise en nous, pour en user enuers les hommes, & non pas enuers les bestes. Au cas pareil, aussi aiant la nature empraint en nostre ame un desir naturel d'apprendre &

B de sçauoir, il est bien raisonnable de reprendre ceulx qui abusent de ce desir, à ouir & apprendre choses qui n'apportent aucun fruit, & ce pendant mettent à nonchaloir celles qui sont utiles & honnestes. Car quant aux sens extérieur qui avec quelque passion reçoit impression de son obiect, il luy est à l'aduenture force de considerer indifferemment tout ce qui se presente à luy utile ou inutile qu'il soit: mais il n'est pas ainsi de l'entendement, pource que chascun en peut user à sa uoulunté, & le tourner facilement à toute heure, & appliquer à ce que bon luy semble: à raison dequoy il le fault tousiours addōner à ce qui est le meilleur, à fin que non seulement il le contemple, mais aussi qu'il s'en repaisse & nourrisse en le contemplant. Car tout ainsi que la couleur

C la plus propre pour l'œil, est celle qui de sa uiuacité iointe avec une gayeté resiouit & conforte la ueuë: aussi doit on appliquer son entendement à cōtemplations, qui en delectant le tirent quand & quand à ce qui est son propre bien: comme sont les effects de la uertu, lesquelz en les oyant ou lisant imprimēt es cueurs une affection, & un zeile de les ensuiure. Ce qui n'est pas en toutes autres choses que nous auons en quelque estime, & ne sommes pas tousiours incitez à desirer faire ce que nous trouuons bien fait, ains au contraire, bien souuent prenans plaisir à l'œuure, nous en mesprisons l'ouurier, comme es compositions des parfums & esteintures de pourpre: car nous nous delectons de l'un & de l'autre, & neantmoins estimons les perfumiers & teinturiers personnes uilles & mechaniques. Pourtant respondit tresbien Antisthenes à un qui luy disoit q̄ Ismenias estoit excellēt ioueur de flustes, C'est-mon,

D dit il, mais au demourant homme qui ne uault rien: car autrement il ne seroit point si excellent ioueur de flustes. Auquel propos Philippus Roy de Macedoine dit une fois à son filz Alexandre le grand, qui auoit chanté en un festin fort plaissamment, & en homme qui entendoit bien l'art de Musique, N'as tu point de honte de chanter si bien? Pource qu'il suffit bien qu'un Roy emploie quelquefois son loisir à ouir chāter les chātres, & fait beaucoup d'hōneur aux Muses, de uouloir estre quelquefois auditeur des ouuriers de tel art, quād ilz font à l'enuy les uns des autres à qui chantera le mieux. Mais qui actuellemēt

E exerce quelque art basse & uille, il produit en tesmoignage contre soy mesme le labeur qu'il a employé en choses inutiles, pour prouuer qu'il a esté paresseux à apprendre les hōnestes & utiles. Et n'y eut iamais ieune homme de bō cueur & de gentille nature, qui en regardāt l'image de Iupiter, laquelle est en la uille de Pise, souhaitast deuenir Phidias, ny Polycletus en regardant celle de Iuno qui est en Argos, ne qui desirast estre Anacreō, ou Philemon, ou Archilochus pour auoir quelquefois pris plaisir à lire leurs œuures: car il ne s'enfuit pas necessairement, si l'ouurage delecte que tousiours l'ouurier en soit à louer. Ainsi

Pericles.

ne profitent point telles choses à ceulx qui les contemplent, pource qu'elles n'engédrent point es cueurs des regardans un zele de les imiter, ny n'excitent point une affection de les ressembler & de sy conformer: mais la uertu a cela de propre en ses actions, qu'elle rend l'homme qui la cognoist affectionné de sorte, q̄ tout ensemble il en treuve les actes beaux, & desire ressembler à ceulx qui les font. Car des biens de la fortune nous en aimons la fruition & la possession, & de la uertu l'action: au moien dequoy nous sommes bien contents d'auoir ces biens la des autres, mais ceulx cy, nous uoulons que les autres les aient de nous. Car la uertu a ceste force qu'elle incite la uouluté de l'homme, qui la considere, à la uouloir incontînét exercer, & engéde en son cueur une enuie de la mettre en execution, formant les meurs de celuy qui la cōtemple, non point par imitation, ains par la seule intelligence & cognoissance de l'acte uertueux, qui tout soubdain luy apporte un instinct & un propos deliberé de faire le semblable. C'est pourquoy i'ay estimé, que ie deuois continuer à mettre par escript les uies des hommes illustres, & en ay composé ce dixieme liure, auquel sont cōtenues celles de Pericles, & de Fabius Maximus qui soustreint la guerre contre Hānibal, pource que ce ont esté deux personnages semblables en plusieurs autres uertus, & mesmement en douceur & en iustice, & qui pour auoir sceu patiément supporter les folies de leurs peuples & de leurs compaignōs es charges de gouuernement, ont esté trefutiles à leurs pais: mais si nous auōs bien rencōtré de les assortir & cōferer l'un à l'autre, on le pourra mieulx iuger, par ce q̄ nous en mettrōs cy dessoubs en escript. Pericles dōques estoit de la lignee Acamātide, du bourg de Cholarge, de l'une des meilleures maisons, & plus anciennes races de la uille d'Athenes, tant du costé de sa mere que du costé de son pere. Car Xantippus son pere, qui desfeit en bataille les lieutenās du Roy de Perse en la iournee de Mycale, espousa Agariste, laquelle estoit descendue de Clisthenes, celuy qui chassa d'Athenes les descendans de Pisistratus, & ruina uaillammēt leur tyrānie, puis establit des loix, & ordōna une forme de gouuernemēt fort bien temperé pour maintenir ses citoiens en paix & en concorde les uns avec les autres. Ceste Agariste songea une nuit qu'elle auoit enfanté un lion, & peu de iours apres elle accoucha de Pericles, si bié formé en toutes les parties de son corps, qu'il n'y auoit que redire, excepté qu'il auoit un peu la teste longue, & deproportionnee en grosseur au reste de la personne: qui est la cause pourquoy toutes ses statues presque ont l'armet en teste, n'aians pas les ouuriers, ainsi qu'il est uray semblable, uolu luy reprocher celle deformité. Mais les poētes Attiques l'appelloient Schinocephalos, qui uault autāt à dire cōme, teste d'ougnon, pource que les Attiques appellent aucunes fois ce qui s'appelle en langue commune Scilla, c'est à dire, ougnō de barbarie, Schinos: & Cratinus poēte Comique en la Comēdie qu'il a intitulee Chirones dit,

L e uieil Saturne avec Sedition

O nt engendré par leur conionction

C e grand Titan, qu'en la court immortelle

D es Dieux du ciel grosse teste on appelle.

Et de rechef en celle qui se nomme Nemesis, en parlant de luy il dit,

V ien Iuppiter hostelier longue teste.

Et Teleclides aussi se moquant de luy, dit en un lieu:

A ucunes fois ne sachant bonnement

A O u il en est de son gouuernement,
I l se tient coy, & point ne se presente,
S entant du mal en sa teste pesante:
M ais quelque fois aussi seul il defferre
De son grand chef un merueilleux tonnerre.

Et Eupolis en la Comœdie qu'il intitule Demi, en interrogant & demandant particulièrement de chascun des orateurs, qu'il feinct estre retournez des enfers, quand on luy nomme Pericles le dernier, il dit:

Certainement amené tu nous as

L e chef de tous ceulx qui estoient là bas.

B Or quant à la Musique, la plus part des auteurs escrit que Damon fut celuy qui la luy enseigna, le nom duquel, comme lon dit, se doit pronocer la premiere syllabe briefue: mais toutefois Aristote dit, qu'il apprit la musique chez Pythocles. Commét que ce soit, il est certain que cestuy Damon estoit homme fort entendu & ruzé en matiere de gouuernement, qui pour dissimuler & cacher au peuple sa suffisance en cela, se couuroit du nom de Musicien, & haïtoit autour de Pericles comme un maistre de lucte ou d'escrime, qui luy enseignoit cōme il se deuoit conduire es affaires d'estat: toutefois à la fin il ne peut si bien dissimuler, que le peuple ne cogneust quil se seruoit de sa lyre & de la musique pour couverture, & comme homme remuant, entreprenant, & fauorissant à la tyrannie, fut banny pour cinq ans: ce qui donna aux poëtes Comiques matiere de parler, entre lesquelz Platō en une de ses Comœdies introduit quelcun qui luy demande,

D is moy premier Chiron, car il est bruit

Q ue Pericles tu as fait & instruiet.

Il fut aussi quelque temps auditeur & disciple du philosophe Zenon natif de la uille d'Elee, qui enseignoit la philosophie naturelle comme Parmenides, mais il faisoit profession de contredire à tout le monde, & alleguer tant d'oppositions en disputant, qu'il rengeoit son homme à ne sçauoir que respondre, ny à quoy se resouldre, ainsi cōme Timō Phliasien le tesmoigne en ces uers:

D G rande eloquence, & grande force d'art

P our disputer en l'une & l'autre part

A uoit Zenon, reprenant tout le monde

Q uand il uouloit desploier sa faconde.

Mais celuy qui frequenta plus auec luy, & qui luy donna celle grauité & celle dignité qu'il gardoit en tous ses faicts & ses dicts, plus seigneuriale que ne cōporte la condition & l'estat de ceulx qui ont à harenguer deuant un peuple libre, & qui brief luy eleua ses meurs iusques à une certaine maïesté qu'il auoit en toutes ses façons de faire, fut Anaxagoras le Clazomenien, lequel par les hommes de ce siecle là estoit communement appelé Nus, c'est à dire, l'entendement, fust ou pource qu'ilz auoient en singuliere admiration la uiuacité & subtilité de son esprit à rechercher les causes des choses naturelles, ou pource que ce fut le premier qui attribua la disposition & le gouuernement de ce monde, non à la fortune ny à la necessité fatale, ains à une pure & simple intelligence ou entendement, lequel separe comme cause premiere agente les substances de parties semblables, qui sont en tous les autres corps de l'uniuers meslez & cōposez de diuerses substances. Pericles donques aiant ce personnage en singuliere admiration, par lequel il auoit à plein esté instruiet en la co-

Pericles.

gnoissance des choses naturelles, mesmement de celles qui se font en l'air F
& au ciel, en prit non seulement une grandeur & hauteſſe de courage, &
une dignité de langage, ou il n'y auoit rien d'affecté, de bas, ny de popu-
laire, mais aussi une constance de uisage qui ne se mouuoit pas facilement
à rire, une grauité en son marcher, un ton de uoix qui iamais ne se perdoit,
& une contenance raffise & fort honneste de son habillement, qui iamais
ne se troubloit pour chose quelconque qui luy aduint en parlant, & autres
semblables choses, qui apportoit à tous ceulx qui les uoyent & confi-
deroient un merueilleux esbahissement. Auquel propos on compte, qu'il y
eut quelquefois un meschât effronté, qui fut tout un iour à l'oultrager de pa-
roles diffamatoires en pleine place, & à luy dire toutes les iniures dont il se G
pouuoit aduifer: ce qu'il endura patiemment sans iamais luy respondre un
seul mot, de peschant ce pendant quelque affaire de consequence, iusques au
soir qu'il se retira tout doucement en son logis, sans se monſtrer alteré en fa-
çon quelconque, combien que cest importun là le suiuiſt tousiours en luy di-
ſant tous les oultrages qu'il est possible de dire: & comme il fut prest à entrer
dedans son logis, estant desia nuit toute noire, il commanda à l'un de ses ser-
uiteurs qu'il prist une torche, & qu'il allast reconduire cest homme, & l'accô-
pagner iusques en sa maison: toutefois le poëte Ion escrit que la frequenta-
tion de Pericles estoit superbe & arrogante, & que parmy sa grauité & sa ma-
gnanimité il y auoit beaucoup d'orgueil & de mespris des autres: & au con- H
traire il louë grandement la ciuilité, humanité, & courtoisie de Cimon, en ce
qu'il se ſçauoit dextrement accommoder à toutes compagnies. Mais il ne
nous faut pas arreſter à ce que dit ce poëte Ion, qui uouldroit qu'en la uer-
tu il y euſt, comme en quelques Tragedies, une partie ou lon introduiſſit
des Satyres pour faire rire: & au contraire, Zenon conſeilloit à ceulx qui di-
ſoient que la grauité de Pericles estoit une presumption & une arrogan-
ce, qu'ilz feiſſent les presumptueux: pource que ceste maniere de contrefai-
re les choses honnestes & uertueuſes, apporte ſecretement, avec le temps,
une affection de les aimer & de ſ'y uouloir accouſtumer à bon eſciant. Si ne
receut pas ſeulement Pericles ces biens là de la conuerſation d'Anaxagoras, I
ains y apprit aussi à chasser hors de ſoy & mettre ſoubs les pieds toute ſuper-
ſtitieuſe crainte des ſignes celeſtes, & des impreſſions qui ſe forment en l'air:
leſquelles apportent grande terreur à ceulx qui en ignorent les cauſes, & à
ceulx qui craignent les Dieux d'une frayeur eſperdue, pource qu'ilz n'en ont
aucune cognoiſſance certaine, que la uraye philoſophie naturelle donne, &
au lieu d'une tréblante & tousiours effroyee ſuperſtition, engendre une uraye
deuotion accompagnée d'aſſeuree eſperance de bien. Lon dit à ce propos, que
lon apporta un iour à Pericles de l'une de ſes terres la teſte d'un belier qui n'a-
noit qu'une corne ſeulement, & que le deuin Lampon aiant conſideré ceste teſte
qui n'auoit qu'une corne forte & dure au milieu du front, interpreta que cela K
uouloit dire, que y aiant deux ligues & deux parts en la uille d'Athenes tou-
chant le gouuernement, celle de Pericles & celle de Thucydides, la puissance
des deux ſeroit toute reduitte en une, & notament en celle de celuy en la mai-
ſon duquel ce ſigne estoit aduenue: mais que Anaxagoras qui ſe trouua là pre-
ſent, feit fendre le rez en deux, & monſtra aux aſſiſtans comme le cerueau du
belier n'empliſſoit pas la capacité de ſon lieu naturel, ains ſe reſſerroit de tou-
tes parts, & alloit aboutiſſant en pointe comme un œuf, à l'endroit ou la cor-
ne

A ne prenoit le commencement de sa racine : si en fut Anaxagoras fort estimé sur l'heure par tous les assistans, mais Lampon le fut aussi bien tost apres, quand Thucydides fut chassé, & que tous les affaires de la chose publique uniuersellement tumberent entre les mains de Pericles. Aussi n'est il pas inconuenient, à mon aduis, que le philosophe naturel, & le deuin aient bien & ueritablement rencontré tout ensemble, aiant l'un bien pris la cause, & l'autre la fin de cest euenement: car la profession de l'un est de rechercher comment il se fait, & de l'autre pourquoy il se fait, & de sçauoir predire ce qu'il signifie. Car quant à ceulx qui disent, que rendre la cause soit oster la signifiance du signe, ilz ne considerent, qu'en uoulant abolir par ceste raison les predictions des signes

B & prodiges celestes, ilz ostent aussi quand & quand ceulx qui se font par artifice, comme les sons des bassins, les lumieres des feus le long de la marine, les ombres des aiguilles es horologes au soleil, toutes lesquelles choses se font par quelque cause & quelque manufacture, pour estre signe de quelque chose: mais ceste dispute à l'adventure appartient mieulx à un autre traitté. Et pour retourner à Pericles, estant encore ieune il redoubtoit fort le peuple, pource qu'il sembloit retraire un peu de uisage à Pisistratus, & les plus uieux de la uille craignoient aussi fort sa uoix qui estoit douce, sa langue diserte, & sa parole aisée à cause qu'elle ressembloit à celle de Pisistratus. D'auantage il auoit beaucoup de biens, & estoit de l'une des plus nobles maisons de la uille, & si

C estoient ses amis ceulx qui auoient le plus de credit & d'autorité au manieement des affaires: au moien dequoy, craignant qu'il ne fust banny du ban de l'Ostracisme, il ne s'entremettoit point du gouuernement en façon quelconque, & à la guerre se monstroient uaillant homme, & qui n'espargnoit point sa personne. Mais apres que Aristides fut mort, que Themistocles eut esté chassé, & que Cimon aiant charge des armées se trouua la plus part du temps hors de la Grece, occupé en guerres loingtaines, alors il se rengea à la ligue du menu peuple, preferant la multitude de la commune pauvre au petit nombre des nobles & des riches: ce qui estoit contre son naturel, pource que de soy mesme il n'estoit point populaire, mais il le fit, comme il est uray semblable, pour

D euitier la suspicio qu'il pretédist à usurper la tyrannie, & quand & quand aussi, pource qu'il uoyoit que Cimon inclinoit entierement du costé de la noblesse, & estoit singulierement aimé & porté des gens de bien: luy au cōtraire se ietta entre les bras de la commune, se prouoyant par ce moien de seureté pour soy mesme, & d'autorité contre luy. Si commença incontinent à suiure une toute nouuelle maniere de uiure, depuis qu'il se fut mis aux affaires: car on ne le ueit onques-puis aller par la uille, sinon qu'il allast ou en la place ou au Sénat. Il desista d'aller aux banquetz ou lon le conuioit, & laissa toute autre tel entretient d'amis, & toute telle maniere de conuersation, tellement qu'en tout le téps qu'il se mesla du gouuernement de la chose publique, qui fut fort long,

E il n'alla iamais soupper chez pas un de ses amis, sinon qu'il fut au festin des nopces de Euryptolemus son nepueu, encore n'y demoura il que iusques aux graces quand lon offre du uin aux Dieux, & se leua de table incontinent, pource que ces amiables priuaultez là abaissent fort toute haultesse affectee pour apparoir, & est bien difficile de maintenir une seueré grauité pour garder sa reputation, en se laissant familièrement hanter à tout le monde. Il est uray qu'en une uraye uertu entiere, cela est tousiours le plus beau qui est le plus apparent, & n'y a rien es gens de bien & d'honneur que les estrangers

Pericles.

trouuēt si admirable, comme leurs domestiques qui sont tousiours à l'entour F
d'eulx treuuent leur uie ordinaire. Pericles donques pour obuier à ce que le
peuple ne se saoulast de luy, sil le uoyoit continuellement, ne s'approchoit
de luy, & ne se presentoit deuant luy que par interualles, ny ne parloit pas de
toutes matieres, & ne sortoit pas en public, ains se reseruoit ne plus ne moins
que lon gardoit à Athenes la galere Salaminienne, comme dit Critolaus, pour
les matieres de grande consequence: & ce pendant manioit les autres affaires
de moindre importance par l'entremise de quelques orateurs qui estoient ses
familiers, entre lesquelz Ephialtes, à ce que l'on dit, en estoit l'un, celuy qui osta
l'autorité & la puissance à la court d'Areopage, & donna trop grande & trop
effrene licence au peuple, ainsi que dit Platon: à l'occasion de laquelle, ce di- G
sent les poëtes Comiques, il deuint si insolēt qu'on ne le pouuoit plus tenir nō
plus qu'un ieune cheual qui n'a point de bride, & prit une audace telle, qu'il ne
uoulut plus obeir, ains mordit l'isle d'Eubœe, & saulta dessus les autres isles.
Pericles donques se uoulant former un stile de parler, & une façon de langage
comme un outil conuenable & conforme à la maniere de uiure & à la grauité
qu'il auoit prise, y employoit à tous propos ce qu'il auoit appris de Anaxago-
ras, coulourant ses raisons de philosophie naturelle par l'artifice de Rhetori-
que: car aiant acquis par l'estude de ceste philosophie une haultesse de conce-
ptions, & une efficace de uenir à bout de tout ce qu'il prenoit à prouuer, avec
ce que de nature il estoit doué de bon entendement, cōme escrit le diuin Pla- H
ton, & en tirant ce qui conuenoit à son propos qu'il accoustroit puis apres par
artifice d'eloquence, il se rendit de beaucoup plus excellent orateur que nul
autre de son temps: au moien dequoy luy fut, comme lon dit, imposé le sur-
nom d'Olympien, qui uault autant à dire cōme, celeste ou diuin: encore que
quelques uns ueuillent dire, que ce fut à cause des beaux ouurages & edifices
publicques, dōt il embellit la uille d'Athenes: & d'autres à cause de la grāde au-
thorité & puissance qu'il auoit au gouuernemēt tāt en guerre qu'en paix. Mais
il n'est pas incōuenient, que ceste gloire ne luy ait esté deferee, à raison de plu-
sieurs excellētes qualitez ensemble qui estoient en luy: toutefois les Comœdies I
que feirēt iouer les poëtes de ce temps là, esquelles il y a plusieurs paroles dites
de luy, les unes à bō esciāt, les autres en ieu & avec rīsee, tesmoignent que ce fut
pour son eloquēce principalemēt que luy fut donē ce surnō: car ilz disent qu'il
tonnoit, qu'il esclairoit en harenguant, & qu'il portoit sur sa langue une foudre terrible.
Auquel propos on fait un compte d'une responce de Thucydides le Milesien, qu'il feit touchant la force d'eloquence de Pericles assez plaīsam-
ment, car il estoit homme de bien & d'honneur, & auoit longuement fait te-
ste au gouuernement des affaires à Pericles: Comme donques Archidamus
Roy de Lacedæmone luy demandaſt un iour, lequel luctoit le mieulx de luy
ou de Pericles, il luy respondiſt, Quand ie l'ay ietté par terre en luctant, il ſçait
si bien dire en le niant, qu'il fait croire aux aſſiſtans qu'il n'est point tumbé, & K
leur perſuade le contraire de ce qu'ilz ont ueu. Toutefois il estoit fort retenu
& reserué en son parler, de sorte que toutes les fois qu'il falloit presenter à la
Tribune des harengues pour prescher le peuple, il faisoit prieres aux Dieux
qu'il ne luy eschappast de la bouche, sans y penser, aucune parole qui ne ser-
uist bien à la matiere qu'il auoit à traiter: toutefois il n'est riē demouré de ses
œuures par escrit, si ce ne sont quelques edicts qu'il meit en auant: encore a
lon retiré par memoire bien peu de ses dicts notables, cōme quand il dit, qu'il
falloit

- A falloit oster la uille d'Ægine, pource qu'elle estoit comme une paille en l'œil du port de Pyræ: & une autrefois qu'il dit, qu'il uoyoit ia de loing la guerre qui leur couroit sus de deuers le Peloponese. Vne autrefois, ainsi cōme il sem-barquoit avec Sophocles, qui lors estoit son compagnon en la charge de ca-pitaine general, & qui luy louoit la beauté d'un ieune garson qu'ilz rencon-trerēt par le chemin: Il fault, luy dit il, Sophocles, qu'un capitaine ait nō seu-lement les mains nettes, mais les yeux aussi. Et Stefimbrotus escrit, qu'en la harengue funebre qu'il feit à la louange de ceulx qui estoiet morts en la guer-re de Samos, il dit qu'ilz estoient immortelz comme les Dieux: car nous ne uoyons pas les Dieux en leur essence, mais par les honneurs que lon leur fait,
- B & par les grands biens dont ilz iouissent, nous coniecturons qu'ilz soient im-mortelz, & les mesmes choses sont en ceulx qui meurent pour la defense de leur pais. Or pource que Thucydides descrit le gouuernemēt de la chose pu-blique sous Pericles, comme un gouuernement de la noblesse, & qui en ap-parence sembloit bien estre populaire, mais en effect estoit une principauté regie par le sens & l'autorité du premier hōme de la uille: & q̄ plusieurs au-tres disent, que ce fut luy qui premierement meit en auant la coustume de de-partir au peuple les terres cōquises en guerre, & de leur distribuer des deniers communs pour ueoir les ieux, & qui leur ordonna salaire pour toutes choses: qui fut une mauuaise accoustumance à cause que le commun populaire, qui
- C parauant se passoit à peu, & qui gaignoit sa uie à la peine de son corps, en de-uint superflu, sumptueux, & dissolu, pour les choses qui furent lors introdui-tes: lon pourra ueoir par la simple exposition du fait la cause de ceste muta-tion. Car Pericles à son aduenement, ainsi que nous auons dit par cy deuant, pour acquerir reputatiō pareille à celle de Cimon, tascha à se mettre en la bō-ne grace du cōmun populaire: mais n'ayant pas la richesse ny les biens si grāds que luy pour soustenir la despenſe telle que faisoit Cimon, par laquelle il en-tretenoit les pauures, en tenant maison ouuerte à tous uenans, en reuestāt les pauures uieillēs gens, & faisant oster les clostures de ses terres, uergers, & he-ritages, à fin que chascun y peust entrer & y cueuillir des fruiets à son plaisir.
- D Se uoiant par ces moiens la surmontē en la bienueuillance du commun po-pulaire, il se meit à introduire ces distributions de deniers communs, à la suggestion & par le conseil de Demonides natif de l'isle d'Ios, ainsi comme A-ristote le recite: & aiant en peu de temps gaignē la bonne grace du menu po-pulaire par ces distributions de deniers communs, qu'il leur faisoit departir tant pour auoir lieu à ueoir iouer les ieux, comme pour le salaire d'assister aux iugemens, & par autres semblables corruptions, il ſen seruit puis apres à l'en-contre de la court d'Areopage, du corps de laquelle il ne fut iamais, pource qu'il ne luy estoit onques escheut par le sort d'estre, ny preuost annuel, ny cō-seruateur des loix, ny roy des sacrifices, ny maistre des guerres, qui estoient
- E offices, lesquelz de toute ancienetē se creioient par le sort: & ceulx à qui le sort touchoit, filz festoient bien portez en l'administration de leurs magistrats, montoient, & uenoient à estre du corps de la court d'Areopage. Pericles don-ques, par ces moiens aiant acquis grand credit & grandē autorité entre le menu peuple, embrouilla tellemēt ce Senat d'Areopage, qu'il luy feit oster la cognoissance de plusieurs matieres, par l'entremise d'Ephialtes, & feit bānir d'Athenes, à temps, Cimon, comme fauorisant aux Lacedæmoniens, & cōtra-riant au bien & à l'autorité du peuple: encore que ce fust le plus riche & le

Pericles .

plus noble de toute la uille, & qui auoit gaigné de plus glorieuses uictoires, F
& auoit emply la cité d'Athenes de despouilles cōquises sur les ennemis, ainsi
comme nous auons escrit en sa uie : tāt estoit grāde l'autorité de Pericles en-
uers le peuple . Or le bannissement dont il fut banny, que lon appelle Ostra-
cisme, estoit par la loy limité à dix ans, durans lesquelz estans les Lacedæmoni-
ens descendus avec grosse puissance en la contree de Tanagre, les Atheniēs
leur allerent incontinent audeuant: là ou Cimon uolāt faire ueoir par effect
que lon le calumnioit faulxement de fauoriser aux Lacedæmoniens, sy en alla
se presenter en armes pour combattre avec ceulx de sa lignee: mais les amis de
Pericles se banderent ensemble, qui le contraignirent de se retirer comme bā-
ny . Ce qui fut aussi cause que Pericles combattit celle iournee plus asprement G
que iamais, & y acquit l'honneur d'auoir fait preuue de sa personne autant &
plus que nul autre qui fust en toute l'armee . Mais les amis de Cimon que Pe-
ricles chargeoit aussi de porter faueur aux affaires des Lacedæmoniēs, y mou-
rurent tous entierement : dont les Atheniens se repentirēt bien d'auoir chas-
sé Cimon, & le regretterent fort apres auoir esté desfaiets en celle bataille
sur les cōfins du païs d'Attique, mesmemēt pour ce qu'ilz s'attendoiet biē d'a-
uoir à la saison nouuelle une bien aspre & forte guerre . Ce que sentant Peri-
cles, il ne feignit point de gratifier en cela à la commune, ains luy mesme pro-
posa & meit en auant le decret, qu'il fust rappelé: comme il fut fait . Et retour-
né que fut Cimon, il moiena la paix entre ces deux citez, pource que les Lace- H
dæmoniens luy portoient bonne affection, & à l'opposite ilz haïssoient Peri-
cles, & tous les autres gouuerneurs . Toutefois il y en a qui escriuent, que ia-
mais Pericles ne condescendit à le faire rappeler, que premieremēt ilz n'eus-
sent fait un accord secret entre eulx par l'entremise d'Elpinice sœur de Cimō,
à sçauoir que Cimon iroit avec une armee de deux cēts galeres faire la guerre
aux païs de l'obeissance du Roy de Perse, & Pericles demoureroit en sa maison
avec l'autorité du gouuernement dedans la uille . Ceste sœur Elpinice auoit
ia auparauant une autre fois addoulcy Pericles enuers son frere, lors qu'il fut
mis en iustice pour un crime capital: car Pericles estoit l'un de ceulx à qui l'ac-
cusatiō en auoit esté deleguee & cōmise par le peuple . Elpinice alla deuers luy, I
& le pria de ne faire pas du pis qu'il pourroit à son frere . Pericles luy respondit
en riāt, Tu es trop uieille Elpinice, tu es trop uieille pour uenir à bout de si grā-
des choses . Toutefois quand ce uint au iugement q̄ la cause fut plaidee, il ne se
leua qu'une seule fois pour parler cōtre luy, cōme par maniere d'acquit : & sen-
alla, aiant fait moins de mal à Cimon q̄ nul autre des accusateurs . Qui pourra
donques adiouxter foy à Idomeneus, lequel met sus à Pericles qu'il auoit fait
occire en trahison l'orateur Ephialtes q̄ estoit son amy, & auoit tousiours esté
de son aduis & de son party au gouuernemēt de la chose publique, par ialou-
zie & enuie qu'il portoit à sa gloire? Car telles paroles diffamatoires, ie ne sçay
d'ou ramassées, a Idomeneus uomy comme une cholere à l'encontre de Peri- K
cles: lequel encore qu'il ne fust pas à l'aduēture du tout irreprehensible, si est-
ce qu'il auoit le cueur grād & noble, & la nature desireuse d'honneur, esquel-
les manieres d'hommes lon ne uoit pas gueres aduenir que telles passions si
brutales & si cruelles s'engendrent . Mais cest orateur Ephialtes estat redoub-
table à ceulx qui soustenoient le party de la noblesse, pource qu'il ne pardon-
noit aucunement à ceulx qui auoient en chose quelle qu'elle fust offensé l'au-
thorité du peuple, ains les en poursuiuoit & persecutoit en toute rigueur ius-
ques

- A ques au bout, ses ennemis luy dresserent embusche par l'entremise d'un Aristodicus Tanagrien, & le feirent tuer en trahison, ainsi comme l'escriit Aristote. Or en ces entrefaittes mourut Cimon en l'isle de Cypre, estant general de l'armee de mer d'Athenes : parquoy ceulx qui tenoient le party de la noblesse, uoyans que Pericles estoit desia grand, & qu'il marchoit deuant tous les autres citoyens de la uille, uoulans qu'il y eust quelcun de leur part qui luy feist teste, & luy rabbatist un peu son autorité, de maniere qu'il ne uinst pas à auoir puissance absoluë, ilz luy opposerent Thucydides du bourg de Alopecce, homme sage, beau pere de Cimon, pour luy resister. Cestuy Thucydides s'entendoit moins de la guerre que Cimon, mais plus des affaires de uille & du gouuernement de la chose publique, & se tenoit le plus du temps en la uille, là ou combattant continuellement à l'encôtre de Pericles en la Tribune des harengues à prescher contre luy, il eut en peu de temps mis sus une ligue pareille à celle de Pericles: car il engarda que les gens de bien & d'honneur, que lon appelle, qui sont les nobles, ne se messassent & cōfundissent parmy la commune, ainsi comme auparauant, là ou leur dignité estoit offusquee & effacee par la multitude du peuple : ains les separa d'avec la commune, & les assembla tous en un corps, qui uint à auoir puissance egale à l'autre ligue, & meit, par maniere de dire, le contrepoix à la balance. Car du commencement il n'y eut que un peu de debat occulte seulement entre ces deux partialitez, comme une feuille superficielle en une lame de fer, qui fait un peu apparoir la difference de ceulx qui tenoient le party du peuple, & de ceulx qui tenoient le party de la noblesse: mais la cōtention & dissension de ces deux personages fut comme une profonde incision, qui mespartit la uille en deux partialitez, dont l'une tout publiquement fut appelée la noblesse, & l'autre le peuple. Et pourtant Pericles relaschant encore plus alors la bride au peuple, faisoit toutes choses pour luy agreer & complaire, dōnant ordre qu'il y eust tousiours en la uille quelques ieux, quelques festes, banquets & passetemps publiques, pour entretenir la commune de telz plaisirs hōnestes: & oultre cela, il enuoyoit tous les ans à la guerre une armee de soixante galeres, sur lesquelles y auoit bon nombre de
- D pauvres citoyens, qui neuf mois de l'an durant prenoient soude du public, & quand & quand s'apprenoient & s'exercitoient à l'experience de la marine. D'auantage il enuoya au pais de la Cherronese mille bourgeois pour y habiter, & departir les terres entre eulx, cinq cents en l'isle de Naxe, en celle d'Andrōs deux cents cinquante, en la Thrace mille, pour habiter avec les Bisaltes, & d'autres en Italie quand la cité de Sybaris fut rebastie, qui depuis fut surnommee la uille des Thuriens: ce qu'il faisoit pour descharger la uille d'une multitude oisive, qui pour son oisiveté estoit curieuse & desireuse de choses nouvelles, & aussi pour prouueoir à la necessité des pauvres bourgeois qui n'auoient rien, avec ce que en logeant ainsi des naturelz citoyens d'Athenes auprès de leurs subiects ou alliez, ce leur estoit comme une garnison qui les tenoit en bride, & les gardoit d'attenter aucune nouuelleté. Mais ce qui donna plus de plaisir, & adiouxta plus d'ornement à la uille d'Athenes, qui apporta plus d'esbahissement aux estrangers, & qui seul porte suffisant tesmoignage, que ce que lon dit de l'ancienne puissance, richesse & opulence de la Grece, n'est point chose faulse: c'est la magnificence des ouurages & edifices publics qu'il fait faire. Aussi est-ce l'œuvre de toutes celles de Pericles, pour laquelle ses enuieux & malueuillans luy porterēt plus d'enuie, & dōt ilz le calumnierēt

Pericles.

plus, crians contre luy en toutes les assemblees de conseil, que le peuple d'Athenes estoit diffamé pour auoir transporté les deniers comprans de toute la Grece, qui estoient en depost dedás l'isle de Delos: & encore que la plus honneste excuse que lon eust pour couvrir ce fait, en disant que c'estoit pour la crainte des Barbares, à fin de le mettre en lieu fort, ou il fust en plus seure garde, Pericles la leur auoit ostee, & que c'estoit une trop grande iniure faite à tout le demourât de la Grece, & un tour de manifeste tyrannie, attendu qu'elle uoit deuant ses yeux que l'argent que lon luy a fait contribuer à force pour les affaires de la guerre contre les Barbares, nous l'employons à faire dorer, embellir & accoustrer nostre uille, ne plus ne moins qu'une femme glorieuse, qui ueult estre paree de riches ioyaulx & de pierres precieuses, & en faisons faire des images, & bastir des temples d'une excessifue despése. Pericles au contraire remonstroit aux Atheniens, qu'ilz n'estoient point tenus de rēdre compte de ces deniers à leurs allies, attendu qu'ilz cōbattoient pour eulx, & qu'ilz tenoient les Barbares loing de la Grece, sans qu'eulx contribuassent pour ce faire un seul homme, un seul cheual, ny un seul uaisseau, ains seulement de l'argent, lequel n'est plus à ceulx qui le payent, ains à ceulx qui le reçoient, moienant qu'ilz facent ce pourquoy ilz le reçoient, & qu'estant leur uille bien prouueue de toutes choses necessaires pour la guerre, il estoit honnestes d'employer le surplus de ses finances en choses qui à l'aduenir, quād elles seroient paracheuees, leur apporteroiēt gloire sempiternelle: & des lors que lon estoit encore apres à les faire, les enrichiroient d'une opulence presente pour la diuersité des ouurages de toutes sortes, & des matieres qui y feroient besoing, pour lesquelles amener & mettre en œuure seroiēt employez ouuriers de tous mestiers & toutes mains qui uouldroient trauailler, de maniere que tous les habitans de la uille uiendroient à en receuoir payē & salaire du public, & elle par mesme moien s'embelliroit & se nourriroit quand & quād de soy mesme. Car ceulx qui estoient forts & dispos de leurs personnes, & en aage de porter armes, auoient entretenement de la souldie publique, qu'ilz touchoient en allant à la guerre: & les autres qui ne se mesloient point des armes, comme les gens mechaniques & uiuans de leurs bras, il uouloit bien qu'ilz eussent aussi part aux deniers communs, mais nō pas sans les gagner ne sans rien faire. Ce qui fut cause qu'il meit en auant au peuple des entreprises de grands edifices, & des desseings d'ouurages de plusieurs mestiers qui ne se pouuoient acheuer que avec long traict de temps, à fin que les citoiens qui demouroiēt en la maison eussent moien de prendre part aux deniers publiques, & de s'en enrichir aussi bien comme ceulx qui alloient à la guerre, qui seruoient aux uaisseaux sur la mer, ou qui estoient en garnison à la garde des places: pource que les uns gaignoiēt à fournir les matieres, comme la pierre, le cuyure, l'yuoire, l'or, l'ebene & le cyprez: les autres à les mettre en œuure, & à en besongner, comme les charpentiers, mouleurs, fondeurs, imagers, maçons, tailleurs de pierres, teinturiers, orfeures, menuisiers besongnans d'yuoire, peintres, ouuriers de marquetterie, tourneurs: les autres à cōduire les estoifes, & à les fournir, comme marchands, mariniers, pilotes, es choses qui s'amenoiēt par la mer, & par terre les charrons, uoituriers, chartiers, cordiers, carriers, selliers, bourreliers, pionniers pour applanir les chemins, fouilleurs de mines. D'auantage chascun mestier comme capitaine auoit soubz soy sa propre armee de manœures, gagnans leur uie à la peine de leurs bras seulement, pour seruir comme d'outils

- A** & d'aides aux maistres ouuriers: de maniere que la besongne par ce moien uenoit à esandre & distribuer le gaing à toute aage & à toute qualité & condition de gens. Ainsi uenoient les ouurages à se haulser & auancer, estans superbes en magnificēce de grandeur, & nonpareilz en grace & beaulté, pource que les ouuriers, chascū en son endroit, s'efforçoiet à l'enuy les uns des autres, à surmonter la grandeur de leurs ouurages par l'excellence de l'artifice: mais encore n'y auoit il chose qui fust tant admirable, comme la celerité: car là ou lon estimoit chascun desdits ouurages deuoir à peine estre paracheué en plusieurs aages, & plusieurs successions de uies d'hōme les unes apres les autres, tous furent entierement faits & parfaits dedans le temps que dura en uigueur le credit & l'autorité d'un seul gouuerneur. Et toutefois lon dit qu'en ce mesme temps la, comme le peintre Agatharchus se glorifiait de ce qu'il peignoit promptement & facilement des bestes, Zeufis l'ayant entendu respondit, Et moy, au contraire, ie me glorifie de demourer long temps à les faire: pource que ordinairement la soudaineté & facilité ne peut donner une fermeté perdurable ny une beaulté parfaitte à l'œuure: mais la longueur du réps adiouxtee à l'affiduité de labeur en la manufacture d'un ouurage, luy donne force & uigueur de longue duree. Voila pourquoy les ouurages que fait alors Pericles sont plus esmerueillables, attendu qu'ilz ont esté parfaits en si peu de temps, & ont duré si longuement: pource que chascun d'iceulx des lors qu'il fut parfait, sentoit desia son antique quāt à la beaulté, & neantmoins quant à la grace & uigueur il semble iusques auiourdhuy qu'il uiene tout freschemēt d'estre fait & parfait, tant il y a ne sçay quoy de florissante nouueaulté, qui empesche que l'iniure du temps n'en empire la ueuē, comme si chascū desdits ouurages auoit au dedans un esprit tousiours renieunissant, & une ame non iamais uieillissante qui les entreteint en celle uigueur. Or celuy qui luy conduisoit tout, & auoit la superintendence sur toute la besongne, estoit Phidias, combien qu'il y eust plusieurs autres maistres souuerains & ouuriers tresexcellents à chasque ouurage: car le temple de Pallas qui s'appelle Parthenon, cōme qui diroit, le temple de la uierge, & se surnōme Hecatompodon, pource qu'il a cēt piedz en tout sens, fut edifié par Ictinus & Callicratidas, & la chapelle d'Eleusine, ou se faisoient les secrettes cerimonies des mysteres, fut plantee par Corcebus, lequel dressa le reng des premieres coulōnes qui sont à fleur de terre, & les lia avec leurs architraues: mais, luy mort, Metagenes natif du bourg de Xypete fit la ceinture, & puis y renga les coulōnes qui sont au dessus, & Xenocles du bourg de Cholarge, fut celuy qui fit la lanterne ou cul de lampe, qui couure le sanctuaire: mais la lōgue muraille, dont Socrates dit auoir luy mesme ouy proposer la struēture à Pericles, ce fut Callicrates qui la prit à faire. Le poēte Cratinus en une siene Comœdie se moque de cest ouurage la, comme qui alloit trop laschement en auant, & qui demouroit trop à sacheuer, en disant,
- E**

Long temps y a que Pericles de bouche

L'auancé fort, mais de faict point n'y touche.

Quant au Theatre ou auditoire de Musique destiné à ouir les ieux des Musiciens, qui s'appelle Odeon, il est bien par dedans fait à plusieurs ordres de sieges, & plusieurs renga de coulōnes, mais la couuerture est un seul comble rond, que se ua tout à l'entour courbant & couchant en soymesme, abboutissant en pointe: & dit on qu'il fut fait sur le patron & à la semblance du pail-

Pericles.

Ion du Roy Xerxes, & que Pericles en bailla le deuis & l'ordonnance: parquoy F
Cratinus en un autre passage de la Comœdie des Thraciens s'en iouë, & s'en
moque de luy en disant,

V oicy uenir Pericles au surnom
D e Iuppiter à la teste d'ougnon,
Q ui a dedans son large tez compris
D e l'Odeon la forme & le pourpris,
D epuis qu'il est eschappé du danger
D'aller banny en pais estrange.

Ce fut lors premier que Pericles procura fort affectueusement, qu'il fust ordon- G
né par le peuple, qu'au iour de la feste qui s'appelle Panathenea, lon celebrast
des ieux de pris de Musique: & aiant esté luy mesme eleu recteur desdicts ieux,
pour adiuger le pris à ceulx qui l'auroient gaigné, ordonna la maniere com-
ment pour tousiours à l'aduenir les Musiciens deuroient chanter de la uoix,
ou iouer des flustes, ou de la cithre & autres instruments de Musique. Si fut
ce premier ieu de pris de Musique fait dedans l'Odcon, & tousiours depuis y
ont aussi esté les autres celebres. Quant au portail & aux portiques du chas-
teau, ilz furent faits & parfaits dedans l'espace de cinq ans, sous la conduite
de Mnesticles qui fut maistre de l'œuvre: & aduint pendât qu'on les bastissoit
un accident merueilleux, qui monstra bien que la Deesse Minerue ne reprou- H
uoit point celle fabrique, ains l'auoit pour bien agreable: car le plus diligēt
& le plus affectionné de tous les ouuriers qui y besongnoient, tumba d'adue-
ture du hault en bas: de laquelle cheute il fut si malade que les medecins &
chirurgiens n'esperoient pas qu'il en peust eschapper. Dequoy Pericles estant
fort desplaisant, la Deesse s'apparut à luy de nuict en dormant, qui luy ensei-
gna une medecine, de laquelle il guarit facilement le patient, & en peu de tēps:
& fut l'occasion pour laquelle il feit depuis fondre en cuyure l'image de Mi-
nerue que lon surnomme de Santé, laquelle il feit mettre dedans le temple du
chateau, aupres de l'autel qui y estoit auparauant, comme lon dit. Or quant
à l'image d'or de la Deesse Minerue, ce fut Phidias qui la feit, & est ainsi escrit
en la base: mais au demourant il auoit la superintendence de tous les autres I
ouurages presque, & commādoit à tous les autres ouuriers pour l'amitié que
luy portoit Pericles: ce qui apporta à l'un enuie, & à l'autre mauuais-bruit:
pource que les enuieux & mesdisans allerent semant par tout un bruit, que
Phidias receuoit en sa maisō les Dames de la uille, soubz couleur d'aller ueoir
ses ouurages, pour les liurer à Pericles. Et les poētes Comiques prenant l'occa-
sion de ce bruit, espendirent à l'encōtre de luy force paroles iniurieuses & dif-
famatōires, le calumniāns qu'il entretenoit la femme d'un Menippus qui e-
stoit son amy & son lieutenant en guerre, & luy mettrāns sus aussi que Pyrila-
pes l'un de ses familiers nourrissoit des oyseaux, & notamment des païs, qu'il
enuoioit secrettement aux femmes dont pericles iouissoit. Mais il ne se fault K
point esbahir de ces hommes Satyriques la, qui font profession de mesdire &
de picquer tout le monde, & qui ordinairement sacrifient à l'enuie du cōmun
populaire, comme à un esprit maling, les iniures & oultrages qu'ilz iettent à
l'encontre des gens de bien & d'hōneur, ueu que Stesimbrotus le Thasien osa
bien reprocher à Pericles un crime detestable controuuē faulsemēt, qu'il en-
tretienoit la femme de son propre filz. Voila pourquoy il est, à mon aduis, bien
difficile & malaisé d'auoir entiere cognoissance de la uerité des choses ancie-

A nes par les monumens des hystoires, attedu que les successeurs ont la longueur du temps, qui leur brouille & offusque la nette intelligéce des affaires: & l'hystoire qui est escrite du uiuant des hommes dont elle parle, & du temps des choses dont elle fait mention, quelquefois par haine & par enuie, & quelquefois par faueur ou par flatterie desguise & corrompt la uerité. Mais comme les orateurs qui estoiet de la ligue de Thucydides criaissent à l'encontre de Pericles en leur harengues ordinaires, qu'il consommoit en uain les finances de la chose publique, & y despendoit tout le reuenu de la uille, Pericles un iour en pleine assemblee de uille demanda à l'assistance du peuple, si luy sembloit qu'il eust esté trop despendu: le peuple respondit, beaucoup trop: bien dōques,

B dit il, ce sera si uous uoulez à mes despés, & non pas aux uostres, pourueu qu'il n'y ait aussi que mon nom seul escrit en la dedication des ouurages. Quand Pericles eut dit ces paroles, le peuple, soit ou pource qu'il eust en admiratiō sa magnanimité, ou qu'il ne luy uoulust point ceder l'honneur & la louange d'auoir fait faire de si sumptueux & si magnifiques ouurages, luy cria tout hault, qu'il ne le uouloit point, ains entendoit qu'il les feist paracheuer aux despés du public, sans y rien espargner. Mais à la fin estāt ouuertement descēdu en contention avec Thucydides, & s'estant mis au hazard à qui feroit bannir son compagnō du ban de l'Ostracisme, il le gaigna sur luy, & le chassa de la uille, & par mesme moien desfeit aussi quād & quand la ligue qui luy estoit contraire. Parquoy estant toute partialité entierement esteincte, & la uille totalement reduitte en union & concorde, il se trouua adonc toute la puissance d'Athenes en sa main, & tous les affaires des Atheniens en sa disposition, les finances, les armes, les galeres, les illes, la mer, & une si grande seigneurie, laquelle s'estendoit partie sur les Grecs, & partie sur les Barbares, si bien fortifiée & munie d'obeissance de nations subiettes, d'amitez de Roys, & d'alliance de diuers princes & puissans seigneurs. Au moien dequoy il commença des lors à estre enuers le peuple autre qu'il n'auoit accoustumé, & à ne ceder & n'obtemperer plus ainsi facilement à tous les appetits du commun populaire, ne plus ne moins qu'à des uents contraires: & roidit un peu celle trop lasche,

D trop molle, & trop populaire maniere de gouverner, dōt il auoit usé iusques à lors, comme une trop delicate & trop effeminee armonie de Musique, en la conuertissant en un gouuernemēt plus seigneurial, & tenant plus de l'autorité royale: en cheminant neantmoins tousiours droit, & se maintenant tousiours irreprehensible à faire, à dire & conseiller ce qui estoit le plus expedient pour la chose publique. Il menoit le plus souuent par remonstrances & raisons le peuple à faire uoluntaiремēt & de bon gré ce qu'il mettoit en auant: mais quelquefois aussi le tiroit il par force, & luy faisoit faire contre sa uolūtē, ce qui estoit pour le mieulx. Suiuant en cela le stile du sage medecin, lequel en une longue & diuerse maladie permet aucunesfois à son patient, avec une mesure reseruee toutefois, des choses ou il prent plaisir: mais quelquefois aussi luy donne des medecines, qui le trauaillent & le tourmentent pour le guarir. Car, comme il est necessaire en un peuple tenant si grand empire, il aduenoit ordinairement des accidents, qui luy apportoiēt diuerses passions, lesquelles luy seul scauoit regir & manier dextremēt avec deux timons principaux, la crainte & l'esperance, refrenant avec l'une la fierté & temerité insolente de la commune en prosperité, & avec l'autre reconfortant son ennuy & son descouragement en aduersité. En quoy il monstra, & prouua euidem-

Pericles.

ment, que la Rhetorique, comme dit Platon, & l'eloquence, est un art qui me-
ne & manie les esprits des hommes à son plaisir, & que son principal artifice
est, de sçauoir bien mouuoir à propos les passions & les affectiōs, qui sont cō-
me des tons & des sons de l'ame qui ueulent estre touchez & sonnez de main
de bon maistre. Dequoy toutefois estoit cause non la force de son eloquence
seulement, ains comme tesmoigne Thucydides, la reputation de sa uie, l'o-
pinion & la fiance que lon auoit de sa preudhommie, pource qu'il n'estoit au-
cunemēt corrompable par presens, & que l'auarice ne luy commandoit nul-
lement, attendu qu'ayant rendu sa uille de grande tresgrande & tresopulen-
te, & ayant surmonté en autorité & puissance plusieurs roys & plusieurs ty-
rans, mesme de ceulx qui ont peu par testament laisser leurs estats à leurs en-
fans, il n'augmēta neantmoins iamais les biens que son pere luy auoit laissez
d'une seule drachme d'argent. Et toutefois l'historien Thucydides décrit as-
sez claiemēt la grandeur de sa puissance: & les poētes Comiques de ce temps
la, la donnent malignement soubz paroles couuertes à entendre, appellās les
familiers & amis les nouveaux Pisistratides, & disans qu'il luy falloit faire
protester & iurer qu'il n'usurperoit point la tyrannie, uoulans donner à entē-
dre que son autorité estoit par trop excessiue pour une chose publique po-
pulaire. Et Teleclides, entre autres, dit que les Atheniens luy auoient mis
entre mains le reuenu des uilles de leur obeissance, & les uilles mesmes, pour
en lier les unes & deslier les autres, & leurs murailles pour les abbattre ou re-
bastir à son plaisir, le pouuoir de traiter paix & alliance, leur force, leur puis-
sance, leurs finances, & tout leur bien entieremēt. Mais cela ne fut point pour
une boutee seulemēt, ny pour une uogue de faueur qui passast en peu de tēps,
ains dura quarante ans, estant tousiours le premier de sa cité entre des Ephial-
tes, Leocrates, Mironides, Cimons, Tolmides, & Thucydides: car apres auoir
ruiné & fait bannir Thucydides, il demoura encore par dessus tous les autres
l'espace de quinze ans, & ayant acquis une principaulté & autorité de com-
mander qui dura tousiours continuellemēt pendant ce temps là, ou celle des
autres capitaines ne duroit qu'un an, il se maintint tousiours inuincible &
imprenable par argent, cōbien qu'au demourant il ne fust point du tout mau-
uais mesnager ny paresseux de conseruer le sien. Car quant aux biens qui e-
stoient iustemēt siens, & que ses predecesseurs luy auoient laissez, à fin que par
negligence ilz ne deperissent point, & aussi qu'ilz ne luy donnassent trop d'af-
faires, & ne le reteinssent trop s'il se uouloit amuser à les faire ualoir, il les mes-
nageoit d'une maniere qui luy sembloit la plus aisée & la plus certaine: c'e-
stoit, qu'il uédoit à un coup tous les fruiets qu'il recueilloit de son reuenu an-
nuel, & puis enuoyoit à la iournee acheter au marché ce qui faisoit besoing
pour l'entreenemēt & despenſe ordinaire de sa maison. Cela ne fut point ag-
greable à ses enfans quand ilz deuiendrent un peu grands, ny ne pleut point à
ses femmes, lesquelles uouloient qu'il despendist plus largement, & se plai-
gnoient d'une si estroite & si reserree despenſe ordinaire, attendu qu'en une
si grosse & si riche maison il n'y auoit iamais rien de demourant, ains y alloit
toute recepte & toute mise par compte & par mesure iuste. Car tout ce mesna-
gement estoit conduit & entretenu par un sien seruiteur nommé Euangelus,
fort habille homme & tresbien entendu au faict du gouuernemēt d'une grā-
de maison, soit qu'il eust esté ainsi fait & instruit par Pericles, ou qu'il eust
cette prouoyance de nature. Ces choses estoient bien differentes de la sapiēce
d'Anaxagoras,

- A** d'Anaxagoras, attendu qu'il abandonna sa maison, & laissa ses terres uenir en friches & en pasturages par un contemnement des choses terrienes, & un rauissement de l'amour des celestes. Mais aussi y a il, à mon aduis, grande difference entre la uie d'un philosophe cõtemplatif, & d'un personnage actif s'entremettant du gouuernement d'une chose publique: car l'un emploie son entendement à la speculation des choses belles & hõnestes, sans pour ce faire auoir besoing d'aucũ instrumẽt, ny de matiere quelcõque exterieure: & l'autre accõmodant sa uertu à la cõmune utilitẽ des hõmes, a besoing de richesse, cõme d'un instrument nõ seulement necessaire, mais aussi hõneste, ainsi qu'elle fut à Pericles, qui en secourut plusieurs pauvres gens, & mesmement Anaxagoras entre autres: duquel on compte, qu'estant Pericles si empeschẽ ailleurs qu'il n'auoit pas loisir de penser de luy, il se trouua delaisẽ de tout le monde en sa uieillesse, & se coucha la teste affublee, en resolution de se laisser mourir de faim. Dequoy Pericles estant aduertty, s'encourut aussi tost tout esperdu deuers luy, & le pria le plus affectueusement qu'il luy fut possible, qu'il retournast en uoluntẽ de uiure, en lamentant non luy, mais soy mesme, de ce qu'il perdoit un si feal, & si sage conseiller es occurrences des affaires publiques. Adonc Anaxagoras se descouurit le uisage & luy dit, Ceulx qui ont affaire de la lumiere d'une lampe, Pericles, y mettent de l'huile pour l'entretenir. Or cõmenceoient ia en ce temps la les Lacedemoniens à auoir ialouzie de l'accroissement des Atheniens: parquoy Pericles uoulant eleuer encore d'auantage le cueur au peuple d'Athenes, & le faire penser à toutes choses haultes & grandes, meit en auãt un decret, Que lon depeschast ambassadeurs pour aller solliciter tous les Grecs, en quelque partie qu'ilz habitassent de l'Europe ou de l'Asie, & autant la petite que la grãde uille, d'enuoyer leurs deputez à Athenes en l'assemblee generale qui sy tiendroit, pour deliberer touchant les temples des Dieux que les Barbares auoient bruslez, & touchant les sacrifices que lon auoit uouez pour le salut de la Grece, lors que lon donna la bataille aux Barbares: & quand & quand aussi, touchant la marine, à fin que chascũ peust nauiger seurement là ou bon luy sembleroit, & que tous uescussent amiablement en bonne paix les uns avec les autres. Si furent enuoiez à ceste commission uingt personages, chascun desquelz auoit cinquante ans passez, dõt les cinq allerẽt deuers les Doriens qui habitent en Asie, & deuers les habitãs des Isles, iusques à celles de Lesbos & de Rhodes: cinq autres suiuiresẽt tout le païs de l'Hellespont & de la Thrace, iusques à la citẽ de Byzãce: les autres cinq eurẽt charge d'aller en la Bœoe, en la Phocide, & par tout le Peloponese, & de là passer par le païs des Locriens en toute la terre ferme adiacente, iusques en la cõtree de l'Acarnanie & de l'Ambracie: & les autres allerent premier en l'isle d'Eubœe, & de là aux Octæiens & par tout le gouffre de Malea, aux Phitiotes, aux Achaïens, & aux Thessaliens, faisans des remonstrances par tout aux peuples pour leur suader d'enuoier à Athenes, & assister au cõseil qui sy tiẽdroit pour la pacificatiõ & union de toute la Grece: mais il ne s'en feit du tout riẽ à la fin, & ne s'assemblerẽt point lesdittes uilles Grecques, par les menees des Lacedæmoniens, qui l'empescherẽt, comme lon dit: car ce fut au Peloponese que ceste semonce fut premierement reiettee. J'ay bien uõulu escrire cela, pour donner à cognoistre la magnanimitẽ de Pericles, & comment il auoit le cueur & l'entendement eleuẽ. Au demourãt, es charges de capitaine, il estoit fort estimẽ de ce qu'il menoit ses gens à la guerre seurement: car iamais de sa uoluntẽ il ne

Pericles.

hazarda la bataille, là ou il sentist qu'il y eust grande doubte ny apparét danger : & n'estimoit pas bons capitaines, ny ne uouloit ensuiure ceulx qui auoient gaigné de grandes uictoires par feste aduenturez , encore qu'on les louast & estimast beaucoup : ains fouloit dire, *Que si autre que luy ne les menoit à la boucherie*, entant qu'en luy estoit, ilz demoureroient immortelz. Et uoyant que Tolmides filz de Tolmaus, sur la confiance de ses prosperitez passees, à cause qu'il estoit grandement prisé & honoré à cause de ses beaux faicts d'armes, se preparoit pour entrer sans propos ny occasion quelconque dedans le país de la Bœoce, & auoit ia induit mille des plus hardiz & plus uaillans ieunes hommes de la uille, à s'offrir uoluntairement pour aller quand & luy en ce uoyage, oultre & par dessus le demourant de l'armee qu'il auoit leuee, il tascha à l'en diuertir, & le retenir à la maison par remonstrances qu'il luy feit publiquement deuant le peuple: là ou il dit une parole qui a bien depuis esté notee, *Que fil ne uouloit croire au conseil de Pericles*, à tout le moins qu'il attendist le temps, qui estoit le plus sage conseiller que lon scauroit auoir. Ce propos sur l'heure fut moienemét loué, mais peu de iours apres quand on apporta nouuelle, que Tolmides luy mesme auoit esté tué en une bataille qu'il auoit perdue pres la uille de Coronee, là ou plusieurs autres gés de bien & uaillans hommes Atheniens estoient demourez morts aussi, cela augmenta grandemét la reputation & la bienueillance de la commune envers Pericles, pource qu'il en fut estimé hōme sage & qui aimoit ses citoiens. Mais de tous les uoyages qu'il feit estant chef de l'armee d'Athenes, celuy de la Cherronese fut le plus aimé & le plus estimé, à cause qu'il fut tressalutaire à tous les Grecs habitans au país : car oultre ce qu'il y mena mille bourgeois d'Athenes pour y habiter, enquoy faisant il fortifia les uilles d'autant de bons hommes, il rempara encore l'encouleure qui empesche que ce ne soit une isle, avec une fortification qu'il tira d'une mer à autre : de maniere qu'il garentit le país des courses, surprises, & pilleries des Thraces habitans à l'environ, & enietta hors une trespornicieuse guerre, dont la prouince estoit continuellement trauaillee, pour le uoisinage des Barbares leurs uoissins ou habitans parmi eulx, qui ne uiuoient que de brigandage. Aussi fut il grandement estimé & renommé entre les estrangers quand il enuironna tout le Peloponese, partant du port de Peges en la coste Megarique avec une flotte de cent galeres : car il ne pilla pas seulement les uilles maritimes, comme auoit fait deuant luy Tolmides, mais entrant bien auant en la terre arriere de la mer, avec les hommes de guerre qu'il auoit sur ses galeres, feit retirer les uns au dedans de leurs murailles, tant il leur donna d'effroy, & en la contree de Nemee defeat en bataille les Sycioniens qui l'attendirent en campagne, & en dressa un trophée pour marque de sa uictoire. Et embarquant sur ses uaisseaux quelque renfort de gens de guerre qu'il prit en Achaïe pour lors alliee des Atheniens, passa en la terre ferme qui est uis à uis, & cinglant oultre la bouche de la riuier d'Achelous, alla courir toute la prouince d'Acarnanie, là ou il renferma les Oeneades au dedans de leurs murailles : & apres y auoir gasté & destruit tout le plat país, sen retourna à la maison, festant fait cognoistre en ce uoyage capitaine redoubtable aux ennemis, & executant seurement à ses citoiens : car il n'aduint pas un seul sinistre accident, par cas fortuit ou autrement, en toute celle expedition, à ceulx qui y furent sous sa charge. Depuis estant allé avec une grosse flotte de uaisseux fort bié en poinct au royaume de Pont, il y traitta

humaine-

- A** humainement les citez Grecques, & fait tout ce qu'elles luy requirent, donnât à cognoistre aux Barbares habitâs à l'enuiron, & aux princes & roys d'iceulx, la grandeur de la puissance des Atheniens, qui nauigeoiēt sans rien craindre par tout iusques ou bon leur sembloit, tenans toute la mer en leur obeissance. D'auantage il laissa aux Sinopiēs treze galeres avec quelque nombre de gens de guerre sous la charge du capitaine Lamachus, pour les defendre à l'encōtre du tyran Timesileon, lequel aiant esté dechassé avec ceulx de sa ligue, Pericles fait publier & passer un edict à Athenes, que six cents bourgeois de la uille qui uoudroient, sans contrainte, peussent aller demourer à Sinope: là ou leur seroient departiz les biens & heritages qui auoient esté au tyran, & à ses adherens. Mais au reste il n'obtempera pas aux folz appetits de ses citoiens, ny ne se laissa pas aller à leur conuoitise trop eleuee pour se ueoir des forces si grandes, & la fortune si fauorable, iusques à uouloir derechef attenter de conquerir l'Ægypte, & remuer les prouinces maritimes de l'empire du Roy de Perse: car il y en auoit desia plusieurs qui estoient espris du malheureux & calamiteux desir de la Sicile, que depuis Alcibiades alluma d'auantage. Et encore y en auoit il, qui songeoient desia à cōquerir la Thoscane & l'empire de Cartage: ce qui n'estoit pas du tout sans apparence, ny sans occasion d'esperance, ueu la grande estendue de la seigneurie qu'ilz tenoient, & l'heureux cours de leurs affaires qui leur succedoient à soubhait. Mais Pericles empescha ceste
- C** faillie, & retrencha toute ceste curieuse conuoitise, employant la plus part de leur puissance à conseruer & asseurer ce qu'ilz auoient acquis, estimant que c'estoit beaucoup fait que d'engarder que les Lacedæmoniēs ne s'accressent: car il leur estoit tousiours contraire, comme il declara en plusieurs autres endroits, & mesmement par ce qu'il fit en la guerre sainte. Car les Lacedæmoniens aians osté aux Phociens la superintendence du temple d'Apollo en la uille de Delphe, qu'ilz auoient usurpee, & l'aians remise entre les mains des Delphiens, si tost qu'ilz eurent le dos tourné, Pericles y alla aussi avec une armee, qui y remeit les Phociens. Et comme les Lacedæmoniens eussent fait engrauer sur le front d'un loup de cuyure la prerogatiue que les Delphiens leur auoient ottroyée, de pouuoir les premiers proposer leurs demâdes à l'oracle,
- D** luy aiant obtenu le mesme droit des Phociens, le fit engrauer sur le flâc droit de la mesme statue du loup de bronze. Et qu'il soit uray qu'il ait sagement contenu les forces des Atheniens au dedans de la Grece, les effects le tesmoignēt: car premierement ceulx de l'Eubœe se rebellerent, contre lesquelz il mena incontinent l'armee d'Athenes: & tout soudain luy uindrent nouuelles d'un autre costé comme les Megariens auoient aussi pris les armes contre eulx, & que les ennemis estoient ia en grosse puissance dedans le païs d'Attique, sous la conduite de Plistonax Roy de Lacedæmone. A l'occasion dequoy il s'en retourna incontinent en diligence, pour prouueoir à ceste guerre qui estoit au
- E** dedans de l'Attique mesme: si n'ouza pas se presenter en bataille contre si grand nombre de bons cōbattans, mais sachant que le Roy Plistonax, qui estoit encore fort ieune, se gouernoit par le conseil de Cleandrides principalement, pource que les Ephores luy auoient baillé pour luy assister, & pour le conseiller & le guider, il effaya de le corrompre secrettement: & l'aiant bien tost gagné par argent, luy persuada qu'il remenast les Peloponesiens hors du païs d'Attique. ce qu'il fit. Mais quand les Lacedæmoniens ueirent l'armee rompue, & que les peuples festoient retirez chascun en sa uille, ilz en furēt si cour-

Pericles.

roucez, qu'ilz condamnerent leur Roy en une grosse amende: laquelle luy ne F
pouuant payer, fut contraint de s'absenter de Lacedæmone: & Cleádrides s'en
estant fouy de bonne heure, fut par contumace condamné à mourrir. Cestuy
Cleandrides estoit pere de Gylippus qui desfeit depuis les Atheniens en la Si-
cile, auquel il semble que nature imprima l'avarice comme une maladie hé-
reditaire passant de pere en filz: car en aiant aussi esté ignominieusement at-
tainct & conuaincu pour aucuns uillains actes qu'il commet, il en fut banny
de Sparte, cōme nous auons plus au long declaré en la uie de Lyfander. Mais
comme Pericles en la reddition des comptes de ceste charge la, eust couché
un article de despenſe de dix talēts, qu'il disoit auoir employez ou il falloit, le
peuple l'alloua, sans uouloir enquerir commēt, ny en quoy, ny aduerer s'il e- G
stoit uray: & y en a quelques uns, entre lesquelz est le philosophe Theophra-
stus, qui escriuent que Pericles enuoyoit par chascun an * dix talents à Sparte,
auec lesquelz il entretenoit ceulx qui y auoient autorité, à fin qu'on ne leur
feist point la guerre, non qu'il acheptast la paix, mais bien le temps: durant le-
quel, se preparant tout à loisir, il peust auoir meilleure commodité de souste-
nir la guerre. Si tost donc que l'armee des Peloponesiēs fut hors de l'Attique,
il s'en retourna cōtre les rebelles, & passa en l'isle d'Eubœe auec cinquāte uoi-
les, & cinq mille combattans à pied tous bien armez, & là subiugua toutes les
uilles qui festoient soubleuees, chassa les Hippobates, qui estoient les plus re-
nommez d'entre les Chalcidiens, tant pour leurs richesses que pour leur uail- H
lance & prouesse: & chassa aussi semblablement les Estieiens, qu'il feit uider
hors de tout le païs, & en leur uille logea des bourgeois d'Athenes seulemēt.
Et la cause pour laquelle il les traittoit ainsi rigoureusē, sans leur uouloir
pardonner, estoit pource que eulx aians pris une galere d'Athenes prisonniere,
ilz auoiēt fait mourir toutes les personnes qui estoient dessus. Depuis aiāt
esté faitte une trefue pour trēte ans entre les Atheniēs & les Lacedæmoniens,
il feit decerner la guerre contre ceulx de l'isle de Samos, les chargeāt de ce que
leur aiant esté enioint de par les Atheniens, qu'ilz eussent à pacifier les que- I
relles qu'ilz auoient contre les Milesiens, ilz n'auoient pas voulu obeir. Mais
pource que lon a opinion qu'il entreprit ceste expedition contre Samos en fa-
ueur de Aspasia, il ne sera point hors de propos de rechercher & declarer en
cest endroit, qui estoit ceste femme, & quel artifice ou puissance si grande il y
auoit en elle, qu'elle peust ainsi prendre en ses retz les principaux hommes qui
s'entremettoient pour lors du gōuernement de la chose publique, & que les
philosophes mesmes parlassent tant & si amplement d'elle. Tout premiere-
ment donques, c'est chose biē certaine qu'elle estoit natifue de la uille de Mi-
let, fille d'un Axiochus, laquelle suyuant l'exemple d'une ancienne courtisane
d'Ionie nommee Thargelia, s'accointa des principaux & plus grands person-
nages de son temps: car ceste Thargelia estant belle de uisage, & aiant bonne
grace, auec un esprit uif, & doux langage, eut l'accointāce de plusieurs grāds K
personnages de la Grece, & gaigna au seruice du Roy de Perse tous ceulx qui
s'approcherent d'elle, si bien qu'elle sema par les uilles de la Grece de grands
cōmencemens de la faction Medoise, pource que c'estoiēt tous les plus grāds
& les plus puissans hōmes qui fussent en chasque uille de qui elle s'accointoit.
Mais quant à Aspasia, les uns disent que Pericles la hanta comme femme sça-
uante & bien entendue en matiere de gōuernemēt d'estat: car Socrates mes-
me l'alloit aussi ueoir quelquefois auec ses amis, & ceulx qui la hantoient y
menoient

* Six mille
escus.

A menoient aucunes fois leurs propres femmes pour l'ouir deuifer, cōbien qu'elle menast un train qui n'estoit gueres beau ny honneste, pource qu'elle tenoit en sa maison de ieunes garces qui faisoient gaing de leurs corps. Et *Æschines* escrit que *Lyficles*, un reuendeur de bestail, qui parauant estoit hōme de basse & uile nature, se feit le premier homme d'Athenes par la frequentation qu'il eut avec ceste *Aspasia*, depuis la mort de *Pericles*: & au liure de *Platon* intitulé *Menexenus*, encore que le commencement soit escrit par maniere de ieu & de risce, il y a cela comme de ueritable histoire, que ceste femme auoit le bruit de estre hantee par plusieurs Atheniens pour apprendre d'elle l'art de *Rhetorique*. Toutefois il semble plus uray semblable, que l'affection que luy portoit *Pericles* uint plus d'amour que d'autre cause: car il auoit bié espousé une femme qui estoit sa parente, & qui parauant auoit esté mariée à *Hipponicus*, duquel elle auoit eu *Callias* surnommé le riche, & eut depuis *Xantippus* & *Paralus* de *Pericles*: mais ne luy estant point sa compagnie agreable, il la baila, du bon gré & cōsentemēt d'elle mesme, à un autre, & prit *Aspasia*, laquelle il aimā singulierement: car toutes les fois qu'il sortoit de sa maison pour aller en la place, ou qu'il en retournoit, il la saluoit en la baisant. Au moiē de quoy es anciennes *Comœdies* elle est appelée en plusieurs lieux la nouuelle *Omphale*, & quelquefois *Deianira*, & aucunes fois *Iuno*: mais *Cratinus* l'appelle tout ouuertement putain en ces uers,

C Elle luy a sa *Iuno* enfantee
Aspasia la putain effrontee.

Et semble qu'il en eut un bastard: car *Eupolis* l'introduit en une siene *Comœdie* nommee *Demofij*, interrogant ainsi *Pyronides*,

Mon filz bastard est il encore en uie?

Et puis *Pyronides* luy respond:

Il fust pieça homme fait pour certain,

N'estoit qu'il craint ceste male putain.

Brief ceste *Aspasia* fut tant celebree & tant renommee, que *Cyrus*, celuy qui combatit contre le Roy *Artaxerxes* son frere pour l'empire de Perse, appella

D *Aspasia* celle de ses cōcubines qu'il aimoit plus, laquelle parauant s'appelloit *Milto*, estāt natifue de la *Phocide*, fille de *Hermotimus*: & aiant *Cyrus* esté tué en la bataille, elle fut prise & menee au Roy son frere, enuers lequel elle eut depuis beaucoup de credit. Cela m'est uenu en memoire en escriuant ceste uie, & m'a semblé q'c'eust esté trop durement fait de le reietter ou obmettre. Mais pour retourner à nostre propos: On charge *Pericles* d'auoir fait decerner la guerre contre ceulx de *Samos* en faueur de ceulx de *Milet*, à la requeste d'*Aspasia*, à cause que ces deux citez auoient guerre ensemble pour la uille de *Priene*, & estoient les *Samiens* les plus forts: mais les Atheniens leur commanderent qu'ilz eussent à laisser la uoie des armes, & à uenir plaider leur different deuant, eulx pour leur en estre fait droit: ce qu'ilz ne uoulurent faire: parquoy *Pericles* y alla, & y abolit le gouuernemēt du petit nombre de la noblesse, prenant pour ostages cinquante des principaulx personages de la uille, & autant d'enfans, lesquelz il meit en depost en l'isle de *Lemnos*. Toutefois il y en a qui disent, que chascun desditz ostages luy uoulut donner un talent: oultre lesquelz luy en furent encore presentez plusieurs autres, par ceulx qui ne uoloient point que l'autorité souueraine du gouuernement, fust mise entre les mains de la commune. D'auantage *Pissuthnes* Persien lieutenant du Roy de

Pericles.

Perse, pour quelque amitié qu'il portoit à ceulx de Samos, luy enuoia dix mil- F
le escus, à fin qu'il leur pardonnast : mais de tout cela Pericles n'en prit iamais
rié, ains aiant fait en Samos tout ce qu'il auoit proposé d'y faire, & y aiât esta-
bly un gouuernement populaire, s'en retourna à Athenes. Mais les Samiës se
rebellérét incontinēt apres, aiās recouuré leurs ostages par le moien de ce Pis-
futhnes qui les desrobba, & leur fournit ce qui estoit necessaire pour souste-
nir la guerre. Parquoy Pericles retourna une autre fois contre eulx, lesquelz il
ne trouua point oyseux ny estonnez en façon quelconque, ains tresbien deli-
bererez de le receuoir, & combattre pour la principaulté de la mer : si y eut une
grosse bataille entre eulx aupres de l'isle qui s'appelle Tragia : & la gaigna Pe-
ricles, aiant desfait fort glorieusement, avec quarante & quatre uoiles seule- G
ment, ses ennemis qui en auoient soixante & dix, dont les uingt estoient uais-
seaux de guerre : & quand & quand poursuiuant sa uictoire, il gaigna aussi le
port de Samos, & teint les Samiens assiegez dedans leur uille, ou ilz auoient
encore bien la hardiesse de sortir aucunefois, & combattre au deuant de leurs
murailles, mais depuis estant arriué à Pericles un renfort de plus grand nom-
bre de uaisseaux, ilz furent adonc enferrez de tout poinct. Et lors Pericles pre-
nant soixante galeres se ietta en pleine mer, uoulāt, cōme aucuns disent, aller
rencontrer, le plus loing de la uille qu'il pourroit, quelques uaisseaux Phœni-
ciens qui uenoient au secours de ceulx de Samos : ou, cōme dit Stesimbrotus,
pour s'en aller en Cypre : ce qui ne me semble pas uraysemblable. Mais à quel- H
que intention qu'il le feist, il comemit une tressourde faulte : car Melissus filz
de Ithagene grand philosophe, estāt pour lors capitaine des Samiens, uoiāt
qu'il estoit demouré peu de uaisseaux au siege deuant la uille, & encore que
les capitaines qui en auoient la charge, n'estoient pas gens gueres experi-
mentez, persuada à ses citoiens de faire une saillie sur eulx : & y eut bataille
donnee, que les Samiens gaignerent, ou ilz prirent plusieurs Atheniens pri-
sonniers, & meirent plusieurs de leurs uaisseaux à fond : au moien dequoy es-
tans demourez seigneurs de la marine, ilz meirent dedans leur uille plusieurs
choses necessaires pour la guerre, dont ilz auoient faulte auparauant : toute- I
fois Aristote escrit, que Pericles mesme en personne auoit desia auparauant
esté uaincu en une bataille nauale par Melissus. Au demourant, les Samiens
pour rendre aux prisonniers d'Athenes pareille iniure qu'ilz auoient receuē
d'eulx, leur engrauerent sur le front des cheuesches, pource que la cheuesche
est la marque de la monnoye d'Athenes, ne plus ne moins que les Atheniens
auoient imprimé sur les fronts de leurs prisonniers une Samane, c'est à dire,
une sorte de nauire Samiene, basse de prouë, mais creuse & large de uentre, de
sorte qu'elle est bōne à cingler en haulte mer, & legere à la uoile : & a esté ainsi
appellée, pource que la premiere de ceste façon fut bastie en l'isle de Samos
par le tyran Polycrates, qui la y feit faire. Lon dit que pour l'impression de ces
caracteres, le poëte Aristophanes, par une maniere de moquerie couuerte, K
dit en un passage de ses Comœdies,

Les Samiens sont hommes fort lettrez.

Pericles donques aduerty de la route de son armee, s'en retourna incontinent
au secours. Melissus luy alla au deuant, & luy donna la bataille, qu'il perdit,
& fut rembarré iusques dedans la uille, ou Pericles l'enferma d'une closture
de muraille tout à l'entour, aimant mieulx emporter la uictoire & prendre la
uille par longueur de temps & avec despenſe, que par exposer ses citoiens au
danger

- A danger d'estre tuez ou blecez: mais toutefois quand il ueit qu'ilz se faschoient de la longueur, & qu'ilz uouloient à toute force uenir aux mains, de maniere qu'il estoit bien malaisé de les retenir, il diuisa toute son armée en huit troupes, lesquelles il feit tirer au sort, & celle à qui escheoit une febue blanche demouroit en repos à faire bonne chere pendant que les autres sept cōbattoient: & dit on que de là uient, que lon appelle encore aujourduy un iour blanc, auquel on a fait bonne chere, & receu du plaisir, à cause de la febue blanche. Si escrit l'historien Ephorus, que ce fut là premierement que lon commença à user d'engins de batterie pour abbattre grosses murailles, & que Pericles en trouua la nouveauté fort esmerueillable: car ce fut Artemon un ingenieur qui
- B les inuenta, lequel se faisoit porter par tout dedans une chaire, pour conduire & haster les ouurages, à cause qu'il estoit impotent d'une iambe, & que pour ceste cause il fut appelé Periphoretos. Mais Heraclides le Pontique reprent en cela Ephorus par les uers d'Anacreon, esquelz Artemon est nommé Periphoretos, plusieurs aages auant ceste guerre de Samos: & dit que ce Periphoretos estoit un homme fort delicat, & qui craignoit toutes choses si follemēt, que la plus part du temps il ne bougeoit de sa maison, ou il se tenoit tousiours assis, aiant deux de ses seruiteurs à ses costez, qui luy tenoiēt sur la teste un pavois de cuyure, de peur qu'il ne tumbast rien sur luy: & si d'aduēture il estoit quelquefois contraint de sortir hors de son logis, il se faisoit porter dedans
- C un petit liēt suspendu bien pres de terre, & que pour ceste cause il fut surnommé Periphoretos. A la fin, au bout de neuf mois, les Samiens furēt contraints de se rēdre, & Pericles feit abbattre & raser leurs murailles, leur osta tous leurs uaisseaux, & les condamna en une grosse somme de deniers, dont ilz payerent promptement une partie, & le reste à certain terme qui leur fut prefix, pour la seureté duquel payement ilz donnerēt ostages. Mais Duris le Samien amplifie les choses en cest endroit fort pitoiablemēt, pour charger les Atheniens, & Pericles mesme, d'inhumaine cruauté, dequoy Thucydides, ny Ephorus, ny Aristote mesme, ne font aucune mention: & si ne me semble pas que ce qu'il en escrit soit ueritable, c'est à sçauoir, qu'il feit mener les capitaines des galeres, & les soudards mesmes Samiens, sur la place de la uille de Milet, ou il les
- D feit attacher sur des aix de bois par l'espace de dix iours, au bout desquelz les pauvres gens n'en pouuans plus, furent assommez à coups de bastons, dont on leur froissa les testes; & puis feit on ietter les corps, sans permettre qu'ilz fussent ensepulturez. Ainsi Duris estant assez coustumier, encore ailleurs ou il n'y a rien qui luy touche particulièrement, d'extrauaguer hors de la uerité, semble en ce lieu augmenter de paroles, oultre le deuoir, les calamitez de son païs, pour en calumnier les Atheniens, & les en rēdre odieux. Aiant donques Pericles subiugué la uille de Samos il s'en retourna à Athenes, là ou il feit honorablement inhumer les os de ceulx qui estoiet morts en ceste guerre, & luy
- E mesme feit le blason funebre à leur louange selon la coustume, dōt il fut merueilleusement estimé: de sorte que quand il descendit de la chaire ou il auoit harēgué, les autres Dames de la uille luy uenoient baiser les mains, & luy mettoient des chapeaux de fleurs & des couronnes sur la teste, comme lon fait aux champions uictorieux, quand ilz retournent des ieux ou ilz ont emporté le pris: Mais Elpinice s'approchant de luy, Vraiment, dit elle, ce sont de beaux faictz que les tiēs, Pericles, & bien dignes de chapeaux de triumphe, de nous auoir perdu beaucoup de bons & uailans citoiens, non point en guer-

Pericles.

royant les Medois, Phœniciens & Barbares, cōme fait mon frere Cimon, ains F
en destruisant une cité qui est de nostre propre nation & nostre allice. A ces
paroles respondit Pericles tout doucement, en riant, ce uer d'Archilochus,

Si uieille estant ne te perfume plus.

Mais Ion escrit qu'il se glorifia grandemēt, & conceut une merueilleuse opi-
nion de soy mesme depuis qu'il eut subiugué les Samiens, disant qu'Agamē-
non auoit demouré dix ans à prendre une cité barbare, & luy en neuf mois
auoit conquis la plus puissante uille de toute la nation Ionique. Si n'estoit pas
sans occasion qu'il l'attribuoit tant de gloire: car certainement il y eut gran-
de doubte & non moins de peril en telle conqueste, sil est uray ce qu'en escrit
Thucydides, qu'il s'en fallut bien peu que les Samiens n'ostassent la seigneu- G
rie & domination de la mer à ceulx d'Athenes. Depuis estant ia la guerre Pe-
loponesiache en branle, cōme ceulx de Corfou fussent guerroyez par les Co-
rinthiens, il persuada au peuple Athenien d'enuoyer secours aux Corfiots, &
de ioindre à sa ligue ceste isle qui estoit puissante par mer, disant que bien tost
ilz auroient les Peloponesiens ennemis declarez. Si conclut le peuple à sa fusc-
tation de secourir ceulx de Corfou, & y fut enuoyé Lacedæmonien filz de Ci-
mon avec dix galeres seulement, par une maniere de moquerie, pource que
toute la maison de Cimon portoit affection & amitié grande aux Lacedæmo-
niens: & à ceste cause feit Pericles bailler ainsi petit nombre de uaisseaux à La-
cedæmonien, & l'y enuoia malgré luy, à fin que sil ne faisoit en ceste charge H
aucun exploit digne de memoire, il en fust de tant plus soupçonné de fauo-
rifer aux Lacedæmoniēs: & tant qu'il uescut empescha tousiours, le plus qu'il
peut, de paruenir les enfans de Cimon, comme n'estans point par leurs noms
mesmes naturelz Atheniens, ains estrangers, pource que l'un s'appelloit Lace-
dæmonien, l'autre Thessalien, & le tiers Elien, & estoient tous nez d'une mere
natieue du pais d'Arcadie. Mais Pericles estât blasmé d'auoir enuoyé ces dix ga-
leres seulement, qui estoit bien peu de secours pour ceulx qui leur en auoient
requis, & beaucoup de matiere à ceulx qui mesdisoient de luy, il y en enuoya
depuis encore d'autres en plus grand nombre, lesquelles arriuerent apres la
bataille: dequoy les Corinthiens estans fort courroucez, s'en allerent plain- I
dre au conseil des Lacedæmoniens, ou ilz proposerent plusieurs charges &
plaintes à l'encontre des Atheniens, & autant en feirent aussi les Megariens,
allegans que ceulx d'Athenes leur auoient defendu leurs ports, leurs estappes,
& tout commerce & trafic es lieux de leur obeissance, qui estoit directement
contre les loix communes, & cōtre les articles de paix accordez & iurez entre
tous les Grecs. D'auantage les Æginetes se sentans foulez & trop uiolentemēt
traitez, enuoyerent secrettement faire leurs dolcances & lamentations aux
Lacedæmoniens, n'osans pas ouuertemēt se plaindre de ceulx d'Athenes. Sur
ces entrefaittes la uille de Potidæe pour lors subiette aux Atheniens, & aiant
esté anciennement fondee par les Corinthiens, se rebella, & fut assiegée par les K
Atheniens, ce qui hasta bien la guerre. Ce neantmoins ambassadeurs furent
premieremēt enuoyez à Athenes sur ces plaintes, & Archidamus roy des La-
cedæmoniens feit tout ce qu'il peut pour accorder la plus part de ces differēts,
en appaisant & addoucissant leurs alliciez, de maniere que les Atheniēs n'euf-
sent point eu la guerre pour les autres charges qu'on leur mettoit sus, silz se
fussent uoulu condescendre à reuoker le decret qu'ilz auoient fait contre les
Megariens: au moien dequoy Pericles, qui résista plus que nul autre à ceste re-
uocation,

A uocation, & qui aguifa & incita le peuple à perſeuerer opiniſtremement en ce qu'il auoit une fois ordonné contre les Megariens, fut ſeul eſtimé cauſe & auteur de la guerre Peloponeſiaque. Car on dit que les Lacedæmoniés enuoyèrent des ambaffadeurs à Athenes ſur ce poinct là: & comme Pericles alleguaſt une loy qui defendoit d'oſter le tableau, ſur lequel un edict public auroit une fois eſté eſcrit, il y eut l'un des ambaffadeurs de Lacedæmone nommé Polyarces, qui luy dit: Et bien ne l'oſte pas, mais tourne le ſeulement, car uous n'auetz point de loy qui defende cela. Ce mot fut trouué plaſant, mais non pour cela Pericles n'en fleſchit iamais: & pourtant ſemble il qu'il auoit quelque occaſion ſecrette de propre & particuliere malueuillâce contre eulx, mais la uoulant couurir d'une cauſe publique & manifeſte, il leur oſta & retrécha les terres ſacrees, qu'ilz mettoient en labourage: & pour ce faire, meit en auant un decret, Que lon leur enuoyaſt un herault pour les ſommer de ſ'en deporter, & que le meſme herault allaſt auſſi deuers les Lacedæmoniens pour en accuſer deuant eulx les Megariens. Il eſt bien certain que ce decret fut mis en auât par Pericles, auſſi n'y a il rien qui ne ſoit iuſte & raiſonnable: mais il aduint que le herault qui y fut enuoyé mourut, & penſa lon que les Megariens l'euffent fait mourir. Parquoy Charinus incontinent propoſa un decret contre eulx, Qu'ilz fuſſent declarez ennemis mortelz des Atheniens à iamais, ſans eſpoir de reconciliation quelcōque: & que ſi un Megarien mettoit le pied ſeulement dedans le territoire d'Attique, qu'il fuſt puny de mort: & que les capitaines annuelz quand ilz feroient leur ſerment ordinaire, iuraſſent entre les autres articles, que tous les ans ilz entreroient en armes par deux fois dedans le païs & au dommage des Megariens: & que le herault Anthemocritus fuſt enterré au lieu qui ſ'appelloit lors, Les portes Thriaſienes, & maintenât ſ'appelle Dipyſon. Mais les Megariens nians fort & ferme qu'ilz euffent eſté cauſe de la mort de ceſtuy Anthemocritus, en reiettoient la cauſe ſur Aſpaſia & ſur Pericles, allegans pour teſmoignage ces uers du poëte Ariſtophanes en ſa Comœdie intitulee les Acharnes, qui ſont ſi uulgaires que le commun peuple meſme les a en la bouche:

D N ozieunes gens enyurez ſ'en allerent
 D euers Megare un iour, ou ilz emblerent
 V ne putain qui Simætha ſ'appelle:
 C eulx de Megare irritez, au lieu d'elle
 S 'en ſont uenus par furtiue ſaiſie
 E nleuer deux des garſes d'Aſpaſie.

E Ainſi eſt il bien malaiſé de ſçauoir dire à la uerité la premiere origine & cauſe primitiue de ceſte guerre: mais bien ſont tous les hiftoriens d'accord, que Pericles fut principalement auteur de ce que le decret fait à l'encontre des Megariens, ne fut point reuoqué. Et tiennent aucuns que ce fut par uraye magnanimité avec bon iugemēt, qu'il perſiſta en ce qui luy ſembla le plus expediēt, pource qu'il eſtimoit que ce commandement des Lacedæmoniens, n'eſtoit qu'un eſſay, pour ſonder ſi les Atheniens leur uoudroiēt ceder: & que leur obtemperer en cela, ſeroit euidentement confeſſer qu'ilz ſe ſentoient les plus foibles: les autres au contraire diſent, que ce fut par une arrogance & opiniſtreté, pour monſtrer ſon autorité & ſa puiſſance, qu'il meſpriſa les Lacedæmoniens. Mais la plus mauuiſe occaſion, & qui touteſois a plus de teſmoings qui la confirment, ſe racompte preſque en ceſte maniere: Phidias le faiſeur d'i-

Pericles.

images, comme nous auons ià dit au parauant, auoit entrepris de faire l'image F
de Pallas, & estant amy de Pericles auoit fort grand credit enuers luy: cela luy
fuscita l'enuie de quelques malueuillans, lesquelz uoulans sonder quel iuge-
ment le peuple feroit de Pericles, attirerent Menon l'un des ouuriers qui be-
songnoient sous Phidias, & le firent uenir sur la place requerir au peuple
seureté publique, pour pouuoir deceler & accuser Phidias d'aucun crime par
luy commis. Le peuple receut son indice, & fut son accusation ouïe en pleine
assemblée du peuple sur la place, là ou il ne fut fait aucune mention de larcin,
pource que Phidias, par le conseil & aduis de Pericles, auoit tellement apposé
& appliqué l'or en la composition de l'image des le commencement, que lon
le pouuoit oster tout, & le peser: ce que Pericles allegua adonc publiquement G
aux accusateurs, leur disant qu'ilz le pesassent. Mais la gloire de ses ouurages
luy suscitoit celle enuie, pour autât mesmemét qu'ayant engraué sur l'escu de
la Deesse la bataille des Amazones, il y auoit entaillé son portraict au natu-
rel, sous le personnage d'un uieillard chaulue, q leue une grosse pierre à deux
mains: & y auoit aussi fait la portraiture de Pericles fort belle apres le natu-
rel, qui cōbattoit contre une Amazone en tel geste, que sa main haulsant une
iaueline au deuât du uisage de Pericles, par un singulier artifice semble uou-
loir cacher & couurir celle similitude, laquelle neantmoins se descouure & se
monstre d'un costé & d'autre. Si fut Phidias mis en prison, là ou il mourut de
maladie, ou bien de poison q ses ennemis luy preparerent, cōme aucuns disent, H
pour faire d'auantage soupçonner & calumnier Pericles. Comment que ce
soit, le peuple donna immunité & affranchissement de tous subsides à l'accu-
sateur Menon, suiuant un decret qu'en meit en auant Glycon, & enioignit
aux capitaines qu'ilz le prissent en leur sauuegarde, & eussent soing de la seu-
reté de sa personne. Enuiron ce mesme temps fut aussi Aspasia accusée de ne
croire point aux Dieux, estant l'accusateur Hermippus faiseur de Comœdies,
qui la chargea dauantage qu'elle seruoit de macquerelle à Pericles, receuant en
sa maison des bourgeois de la uille dont Pericles iouissoit. Diopithes quād
& quand meit en auant un decret, que lon feist inquisition des mescreans qui I
n'adiouxtoient point de foy aux choses diuines, & qui enseignoient certains
propos nouueaux touchant les effects qui se font en l'air & au ciel, tournant
la suspicion sur Pericles à cause d'Anaxagoras. Le peuple receut & approuua
ceste inquisition: & adōc fut aussi proposé par Dracontides, que Pericles meist
le compte de l'argent qu'il auoit despensé entre les mains des Pritanes, qui es-
toient comme superintendans des fināces, & que les iuges qui auroient à en
iuger, donnassent leurs sentences dedans la uille dessus l'autel. Mais Agnon
osta ce mot du decret, & y meit au lieu, que le procez fust iugé par quinze cets
iuges, & que l'action fust nommée de larcin, ou de concussio, ou d'iniustice,
comme lon uoudroit. Or quant à Aspasia il la sauua par la pitié & compassion
qu'il feit aux iuges, en priant de tresgrande affection pour elle, & plorant à K
chauldes l'armes, pendant que la cause se plaidoit, ainsi cōme l'escrit Æschines:
mais quant à Anaxagoras, craignant qu'il n'en peust faire autant, il l'en-
uoya hors la uille, & luy mesme l'accompagna. Au demourant, uoiant qu'il
auoit encouru la malegrace du peuple pour le faict de Phidias, & à ceste cause
redoubtant l'issue du iugement, il enflamma la guerre qui reculoit tousiours,
& ne faisoit encore que fumer, esperant que par ce moien il feroit esuanouir
les charges que lon luy mettoit sus, & abbattroit l'enuie que lon auoit cōtre
luy,

A luy, par ce que le peuple se trouuant en grands affaires & pleins de danger, se ietteroit du tout entre ses bras, & se cōmettroit à luy seul, tant il auoit acquis d'autorité & de reputatiō. Ce sont les causes pour lesquelles il ne uoulut pas souffrir, à ce que lon dit, que les Atheniens cedassent en rien aux Lacedæmoniens, toute fois on ne sçauoit qu'en asseurer à la uerité: mais ceulx de Lacedæmone sçachans bien que filz le pouuoient oster & ruiner, ilz iouiroient mieulx à leur plaisir des Atheniens, leur manderent qu'ilz eussent à purger leur uille du crime Cylonien, pource qu'ilz sçauoient bien que la race de Pericles du costé de sa mere en estoit entachée, ainsi comme l'escrit Thucydides. Mais ceste espreuue leur tourna tout au rebours de l'esperance de ceulx qui y furent enuoyez pour cest effect: car au lieu de faire souspeçonner & calumnier Pericles, ses citoiens l'en honorerent d'auantage, & s'en fierēt encore plus que deuant en luy, d'autant qu'ilz uoyoient que les ennemis le craignoient & le haïssoient ainsi. Parquoy auant que le Roy Archidamus entraist avec l'armée des Peloponesiens dedans le païs d'Attique, il predict aux Atheniens, que si d'adventure Archidamus en gastant & destruisant le plat païs à l'enuiron, espar gnoit ses terres & ses biens pour l'amitié & l'hospitalité qu'ilz auoient entre eulx, ou plus tost pour donner occasion à ses malueuillans de le calumnier, que des lors il donnoit à la chose publique les terres & les maisons qu'il auoit aux champs. Si descendirent les Lacedæmoniens, & leurs alliez & confederez avec grosse puissance au païs de l'Attique, sous la conduite du Roy Archidamus, & en ruinant tout par ou ilz passoient entrerent iusques au bourg d'Archarnes, là ou ilz se camperent, estimās que les Atheniens ne les y souffriroient iamais, ains leur sortiroient à l'encontre pour defendre leur païs, & monstrier qu'ilz n'auoient point le cuer failly. Mais Pericles cōsideroit qu'il seroit trop dangereux de hazarder la bataille, ou il estoit question de la propre uille d'Athenes, contre soixante mille combattans à pied, tant du Peloponese que de la Bœoce, car autant y en auoit il au premier uoyage qu'ilz y feirent. Et quant à ceulx qui uoloient combattre à quelque peril que ce fust, & qui perdoiēt patience de uoir ainsi destruire leur païs deuant leurs yeux, il les reconfortoit & appaisoit, en leur remonstrant, Que les arbres taillez & coupez reuenoient en peu de temps, mais qu'il est impossible de recouurer les hommes quand on les a une fois perdus. Toute fois il ne faisoit iamais assembler le peuple en conseil, craignant qu'il ne fust forcé par la multitude à faire aucune chose contre sa uolunté: ains cōme le sage pilote quand la tourmente le surprend en haulte mer, donne bon ordre à toutes choses en sa nauire, & tient ses defenses toutes prestes, faisant ce que son art requiert, sans s'arrester aux larmes ny aux prieres des passagers qui se tourmentent d'effroy & tirent du cuer: aussi luy aiant bien fermé la uille, & disposé de bonnes & seures gardes par tout, se gouuernoit par son iugemēt, sans se soucier de ceulx qui crioient & se courrouceoient contre luy: encore qu'il y eust beaucoup de ses amis qui le prioient à grāde instance, & plusieurs de ses ennemis qui le menassoient & le chargeoient, & que lon chantaist par la uille des chansons pleines de moqueries au deshonneur & au blasme de son gouuernement, comme d'un capitaine lasche de cuer, & qui par couardise abandonnoit toutes choses en proye aux ennemis. Cleon entre les autres estoit desia l'un de ceulx qui plus le piquoient, & commēceoit à entrer en credit & en grace de la commune, par le courroux & malcontentement que lon auoit de Pericles, comme il appert par ces uers diffamatoires de

Pericles.

Hermippus, qui furent alors publiez :

R oy des Satyres, pourquoy est-ce
Q ue tu n'as pas la hardiesse
D e prendre en main picque ny lance,
V eu qu'en homme plein de uailance
T u nous parles si fierement
D e la guerre ordinairement,
E t promet ton braue langage
D 'un preux cheualier le courage?
P uis tu enrages quand l'ardent
C leon te donne coups de dent,
N e plus ne moins que la cueux bise
L e trenchant de l'espee aguise.

Ce nonobstant, Pericles pour tout cela ne s'emeut en façon quelconque, ains
endurant patiemment, sans mot dire, toutes ces iniures, toutes ces moqueries
& picqueures de ses malueuillás, il enuoya une flotte de cét uoiles au Pelopo-
nese, en laquelle il ne uoulut point aller en personne, ains demoura à la mai-
son, pour tousiours retenir la uille en bride, iusques à ce que les ennemis se
fussent retirez, & pour entretenir le commun peuple, qui se courrouceoit, & se
faschoit de ceste guerre, il reconfortoit les pauures en leurs faisant distribuer
quelques deniers publiques, & aussi par le departement des terres conquises, H
pource qu'ayant chassé tous les Æginetes entierement hors de leur país, il feit
departir toute l'isle d'Ægine entre les bourgeois d'Athenes au sort: & si leur
estoit encore quelque cōsolation en leurs aduersitez, d'entendre le dommage
que souffroient aussi leurs ennemis: car ceulx de l'armee de mer qui furent en-
uoyez au Peloponese gasterent beaucoup de plat país, & saccagerent plusieurs
bourgs & plusieurs petites uilles: & luy mesme entrant par terre dedans le país
des Megariens, le courut & pilla tout, de maniere que les Peloponesiens rece-
uans bien autant de dommage & de perte des Atheniens par mer, comme ilz
leur en faisoient par terre, n'eussent pas si longuemét duré ne soustenu la guer-
re, ains s'en fussent bien tost lassez, ainsi que Pericles leur auoit predict, si l'y
eust eu quelque diuine puissance, qui eust secrettement empesché le discours
de la raison humaine. Car il aduint premierement une pestilēce si contagieu-
se & si uiolente, qu'elle emporta toute la fleur de la ieunesse, & affoiblit gran-
dement les forces d'Athenes, & puis les corps des suruiuās estās trauaillez de
ceste maladie, les cueurs aussi consequēment s'en aigrirent si asprement à l'en-
contre de Pericles, que leur aiant le mal troublé le sens, ilz se mutinerent cōtre
luy, cōme font les patiens contre leur medecin, ou les enfans contre leur pere,
iusques à luy faire oultrage, à la suscitatiō de ses malueuillans, lesquelz alloient
disant que la pestilence ne procedoit d'autre cause, que de la multitude des
paísans qui festoient iettez à la foule dedans la uille, au cueur d'esté, ou ilz e-
stoient contraints de se loger pesse mesle plusieurs ensemble dessoubs petites
tentes & cabannes estouffees, y demourans accroupis tout le long du iour,
sans pouuoir rien faire, au lieu qu'ilz auoient accoustumé de uiure en air li-
bre, pur & ouuert: dequoy, disoient ilz, est cause celuy, qui par la suscitation de
ceste guerre a entassé tout le peuple des champs dedas les murailles d'une uil-
le, sans les employer à chose quelconque, ains les tenans enfermez cōme des
bestes brutes dedans une estable, & les laissant infecter l'un l'autre de conta-

A gion pestilente, en ne leur donnât aucun moien de changer un peu d'air, pour pouuoir à tout le moins nettement respirer. Parquoy Pericles uoulant remedier à cela, & quand & quand aussi endommager un peu l'ennemy, feit armer cent cinquante uaisseaux, sur lesquelz il embarqua bon nombre de gens de pied armez, & de gens de cheual aussi. Cela donna grande esperance à ses citoyens, & non moins d'espouuementement aux ennemis uoyâs une si grosse puissance. Mais comme il fut prest à faire uoile, estant ia tous les gens embarquez, & luy mesme monté dedans la galere capitaineſſe, il aduint que le Soleil celiſſa soudainement, & le iour faillit: ce qui effroya merueilleusement toute la compagnie, comme si c'eust esté un fort sinistre & dangereux presage. Parquoy Pericles uoyant le pilote de sa galere tout esperdu, & ne sachant qu'il deuoit faire, estendit son manteau, & luy en couurit les yeux, puis luy demanda si cela luy sembloit mauuaise chose. Le pilote luy respondit, que non: & adonc luy dit Pericles, Il n'y a autre difference entre cecy & cela, sinon que le corps qui fait ces tenebres est plus grand, que mon manteau qui te bouche les yeux. Ces choses se disent ainsi es escoles des philosophes, mais toutefois Pericles se mettant à la uoile, ne feit aucun exploit digne d'un si grand equipage: & estant allé mettre le siege deuant la uille ſaincte d'Epidaure, à l'heure que lon esperoit certainement qu'elle deust estre prise, il fut contraint de leuer son siege pour la peste, qui fut si uiolente, qu'elle ne feit pas mourir les Atheniens seulement, mais aussi tous autres, qui, pour peu que se fust, s'approcherent d'eulx & de leur camp. A l'occasion dequoy, uoyât les Atheniens fort indignez & irritez encontre luy, il essaya de les consoler & reconforter: mais il ne peut uenir à bout de les appaiser, ains à la pluralité des uoix luy osterent la charge de capitaine general, & le condénèrent en l'amende d'une grosse somme de deniers, laquelle ceulx qui disent le moins, escriuēt auoir esté de* quinze talents, & ceulx qui disent le plus* de cinquante. L'accusateur ſouſcript en ceste condemnation fut Cleon, comme dit Idomeneus, ou Simmias, comme escrit Theophrastus: toutefois Heraclides le Pôrique, met un nommé Lacratidas. Or quant à ſes mauux publiques, ilz luy passerēt bien toſt, pource que le peuple laissa le courroux qu'il auoit contre luy, ne plus ne moins que la mouche guespe laisse l'aguillon en donnant le coup: mais en son priué, ſes affaires domestiques se portoiēt mal, tant pource que la peste luy auoit emporté plusieurs de ſes parents & amis, comme aussi pour ce que de longue main il estoit en diſſenſion avec ceulx de sa maison: car Xantippus l'aîné de ſes enfans legitimes, estant homme de mauuaise nature, & d'auantage aiant espouſé une femme ieune & despenſiere, fille d'Isander filz de Epilycus, estoit mal content de l'estroite espargne de son pere, qui ne luy fournisſoit argent que bien escharſement & bien peu à la fois: au moien dequoy il enuoya un iour au nom de Pericles, chez l'un de ſes amis, luy demander de l'argent à emprunter: qui luy en enuoya: mais comme depuis il uint à le redemander, tant ſ'en fallut que Pericles le uoulust payer, que qui plus est, il l'en appella en iuſtice. Dôt le ieune homme Xantippus estant griefuement indigné contre son pere, alloit meſdisant de luy en public par la uille, comptant par une maniere de moquerie les occupations ausquelles il uaquoit & paſſoit son temps quand il estoit en son priué, & les propos qu'il tenoit avec des Sophistes & maîtres de Rhetorique: car comme il fuſt aduenu, qu'en un ieu de pris l'un des champiōs qui combattoient à qui lanceroit mieulx le dard, eust par meſchef atteint & tué

* Neuf mille eſcus.
* T réte mille eſcus.

Pericles.

un Epitimius Theffalien, il alloit partout racomptant que Pericles auoit tout un iour esté à disputer avec Protagoras le Rhetoricien, à sçauoir qui deuoit estre iugé coupable de ce meurtre, selon la uraye & droitturiere raison, le dard, ou celuy qui l'auoit lancé, ou bien ceulx qui auoient dressé le ieu de pris. D'auantage Stefimbrotus escriit, que le bruit qui courut par la uille, que Pericles entretenoit sa femme, fut semé par Xantippus mesme. Tant y a, que ceste querelle & dissension entre le pere & le filz dura, sans iamais se reconcilier, iusques à la mort: car Xantippus mourut en la pestilence generale, & mourut aussi la sœur germaine de Pericles, qui y perdit semblablement la plus grande part de ses amis, alliez, & parents, mesmement ceulx qui luy estoient plus utiles au gouuernement de la chose publique. Mais toutefois iamais il ne fleschit pour tout cela, ny n'en rabaisa de rien la grâdeur & hautesse de son courage, quelques malheurs qui luy suruinsent, ny ne le ueit on iamais plorer, ny mener deuil aux funerailles d'aucun de ses parents ou amis, iusques à la mort de Paralus le dernier de ses enfans legitimes: car la perte de celuy la seul luy attendrit le cœur: encore tascha il à se maintenir en sa constance naturelle, & se conseruer en sa grauité accoustumee, mais ainfi comme il luy uouloit mettre un chapeau de fleurs sur la teste, la douleur le forcea quand il le ueit au uisage, de maniere qu'il se prit soudainement à escrire tout hault, & espendit sur l'heure grande quantité de larmes: ce qu'il n'auoit iamais fait en toute sa uie. Au demourant, aiant le peuple ia essayé les autres capitaines & autres gouuerneurs, & cogneu par experience qu'il n'y en auoit pas un de poix ny d'autorité suffisante pour une si grande charge, il le rappella à la fin luy mesme à la tribune des harégues pour ouir ses conseilz, & à l'estat de capitaine pour la conduite des affaires: car il se tenoit lors renfermé en sa maison pour le deuil & la douleur de ses aduersitez domestiques: mais Alcibiades & ses autres familiers & amis luy persuaderent de se monstrier au peuple: lequel s'excusa enuers luy du tort qu'il luy auoit ingratemēt fait. Et adóc Pericles reprit en main le gouuernement des affaires, comme deuant: & la premiere chose qu'il y feit, fut, qu'il requit que lon reuoquast l'ordonnance qu'il auoit luy mesme mise en auant touchant les bastards, de peur qu'à faulte d'hoir legitime de son corps, son nom & sa maison ne uint à faillir en luy. Mais quant à celle loy, uoicy comment il en alloit. Pericles estant en la fleur de son credit, auoit fait passer une ordonnance, que ceulx la seuls fussent tenus pour bourgeois d'Athenes, qui seroient nez de pere & de mere Atheniēs: quelque temps apres, le Roy d'Egypte aiant enuoyé au peuple d'Athenes, en don, quarante mille mines de bled, pour estre distribué entre les bourgeois de la uille, plusieurs à l'occasion de ceste loy furent accusez de bastardise & d'estre mestifz, dont parauāt on ne sçauoit rien, ou pour le moins on n'en faisoit compte, & y en auoit aucuns, qui faulsemēt & à tort en estoient condamnez. Tant y a, qu'il y en eut de conuaincus & uendus comme esclauues, non gueres moins de cinq mille: & ceulx qui demourerent pour iouir des priuileges de bourgeoisie, & qui furent iugez citoiens d'Athenes, se trouuerent iusques au nombre de quatorze mille & quarante. Or trouuoit on fort mauuais, qu'une ordonnance qui auoit eu tāt de pouuoir, fust reuoquee & cassée par celuy mesme qui en auoit esté autheur: mais toutefois la calamité presente, qui estoit suruenue en la propre maison de Pericles, rompit le cœur aux Atheniens: lesquels estimerent qu'il auoit suffisamment payé la peine de celle sienne arrogance,

- A gance, & croians qu'il en auoit esté puny par expresse permission & uengeance des Dieux, & que sa requeste estoit humaine, ilz luy permeirent de faire enroller son bastard au registre des legitimes citoyens de sa lignee, en luy donnant son propre nom. C'est celuy qui depuis aiant desfait les Peloponesies en une grosse bataille nauale, pres les isles Arginusés, fut executé à mort par sentence du peuple, avec les autres capitaines ses compagnons. Au reste Pericles fut lors atteint de la peste, non pas si uiolente ne si aguë que les autres, ains foible & lente, & qui par long traict de temps, & avec plusieurs changemens luy amortit peu à peu la force & uigueur de son corps, & surmôta quand & quād la grauité de son courage & de son bon iugement: & pourtant Theophrastus
- B en ses morales, au lieu ou il dispute si les meurs des hommes se chāgent selon leur aduentures, & si les passions & afflictions du corps les peuuent tant alterer, qu'elles les facent issir hors des lices & des bornes de la uertu, recite que Pericles en ceste maladie môstra un iour à l'un de ses amis, qui l'estoit allé uisiter, ne sçay quel charme preseruatif, que les femmes luy auoient attaché cōme un carcan autour du col, pour luy donner à entendre qu'il estoit fort mal, puis qu'il enduroit qu'on luy applicast une telle folie. A la fin, comme il fut arriué bien pres de passer le pas de la mort, les plus gens de bien de la uille, & ceulx qui estoient demourez encore uiuans de ses amis, estās autour de son lict, se meirent à parler de sa uertu, & de la grande puissance & autorité qu'il
- C auoit euë, en pesant la grandeur de ses faicts, & cōptant le nôbre des uictoires qu'il auoit emportees: car il auoit gagné neuf batailles estant capitaine general d'Athenes, & en auoit erigé autant de trophées à l'hōneur de son pais, & deuisoient de toutes ces choses entre eulx, cōme s'il ne les eust point entendues, pensans qu'il eust ia perdu tout sentiment: mais au contraire, aiant encore l'entendement sain, il auoit tout bien noté: si se prit à leur dire, qu'il fesmueilloit cōme ilz louoient si haultemēt ce qui luy estoit cōmun avec plusieurs autres capitaines, & en quoy la fortune mesme auoit sa part, & ce pēdant ilz ômettoient à dire ce qui estoit en luy le plus beau & le plus grād: c'est que nul Arhenien, pour occasion de luy, n'auoit onques porté robbe noire.
- D Aussi estoit il ueritablement grand & excellent personnage, non seulement pour la douceur & clemēce qu'il auoit tousiours conseruee au maniemēt de si grāds affaires, entre tant d'ennemis & de malueuillās: mais aussi pour auoir eu ce iugemēt, de reputer que le meilleur de ses plus glorieux actes estoit, n'auoir en si absoluë puissance iamais rien cōcedé à haine, enuie, ny à courroux, ny festre sans mercy uengé d'aucū sien ennemy. Si me semble q̄ cela seul rendoit son surnom d'Olympien, c'est à dire, diuin ou celeste, lequel autrement estoit trop arrogant, & trop superbe, non odieux ny enuie, ains plus tost bien feant & bien cōuenable pour auoir eu la nature si benigne & tant debonaire, & en si grande licence auoir conserué ses mains pures & nettes, ne plus ne
- E moins que nous reputons les Dieux pour estre auteurs de tous biens, & cause de nulz maulx, dignes de gouverner & regir tout le monde: non pas comme disent les poētes, qui mettent noz esprits en trouble & en confusion par leurs folles fictions, lesquelles se contredisent à elles mesmes, attendu qu'ilz appellent le ciel ou les Dieux habitent, seiour tresasseuré, & qui point ne trēble, & n'est point agité de uēts ny offusqué de nuees, ains est tousiours doux & serein, & en tout temps egaleement esclairé d'une lumiere pure & nette, cōme estant telle habitation propre & conuenable à la nature souuerainement

Pericles.

heureuse & immortelle: & puis ilz les descriuēt eulx mesmes, pleins de dissensions d'inimitiez, de courroux, & d'autres passions, qui ne cōuiennent pas seulement à hommes sages & de bon entendement. Mais ce discours seroit à l'aduenture mieux à propos en un autre traitté. Au demourant, les affaires ou se trouuerent les Atheniens incontīnēt apres la mort de Pericles, leur feirent bien sentir & regretter la perte qu'ilz auoiet faite en luy: car, ceulx qui de son uiuāt supportoient mal uoluntiers sa trop grande authorité, pource qu'elle offusquoit la leur, soudain apres quil fut decedé, & qu'ilz uindrent à essayer d'autres harengueurs, & d'autres gouuerneurs, furent contraincts de cōfesser, qu'il ne pouuoit estre une nature d'homme plus moderee en grauité, ne plus graue en douceur & bonté, que la siene: & celle tant enuieie puissance qu'ilz G appelloient durant sa uie Monarchie & tyrannie, leur apparut alors euidement auoir esté le rempart salutaire de toute la chose publique, tant il sourdit & se descouurit incontīnēt apres son deces, au gouuernement de leurs affaires, de corruption & de meschâceté, laquelle luy, tāt qu'il uescut, auoit tousiours tenue basse & foible, de sorte qu'elle n'apparoissoit point, ou pour le moins ne pouuoit uenir à telle licence, qu'elle peust commettre des fautes auxquelles il fust impossible de remedier.

Fabius Maximus.



Auant donques Pericles esté tel es choses dignes de memoire, dont nous auons peu auoir cognoissance, il est temps desormais que nous escriuions aussi quel a esté Fabius. Lon dit que le premier Fabius, duquel est descendue la maison & la race des Fabiens, qui est l'une des plus grandes & des plus nobles de Rome, fut engédre par Hercules, qui engrossa une Nymphé, ou cōme les autres disent, une femme du païs au long de la riuieré du Tybre. Et y en a qui disent, que les I premiers de ceste maison furent au commencement appelez Fodiens, pour ce qu'ilz chassoient aux bestes sauuages avec des pieges & des fosses: car iusques aujourd'hui les Romains appellent encore des fosses, fossæ: & fossioier, fodere: mais que depuis les deux premieres lettres ont esté changees, & les a lon appelez les Fabiens. Comment que ce soit, il est certain que d'icelle maison sont issus plusieurs grâds personnages: mais entre les autres il y en eut un nommé Fabius Rutilianus, qui pour la grandeur de ses faiçts fut par les Romains surnommé Maximus, c'est à dire, tresgrand: apres lequel, Fabius Maximus, celuy dont nous escriuons presentement, fut le quatrieme en droite ligne, & fut surnommé Verrucosus, à cause d'un seing naturel qu'il auoit sur K l'une des leures comme une petite uerrue: & fut aussi surnommé Ouicula, qui uault autant à dire comme brebiette, pour la douceur & pesanteur de ses façons de faire des qu'il estoit encore enfant: car sa nature lēte, coye & reposce, avec une taciturnité, & ce que lon le uoyoit peu souuent & reserueement s'escabattre à ieux d'enfans: & aussi que lon le uoyoit dur d'entendement, & qu'il auoit peine à comprendre ce qu'on luy enseignoit, ioinct que lon en faisoit ce que lon uouloit, tant il estoit obeissant à tous ceulx avec qui il hantoit: le

tout

A tout ensemble faisoit, que plusieurs qui ne le cognoissoient que par dehors, iugeoient qu'il ne seroit iamais qu'un lourdault & un nyais : mais il y en auoit d'autres, qui, le considerans de plus pres, apperceuoient en sa nature une constance immuable, & une magnanimité de lion. Et luy même depuis estant excité par les affaires, donna bien tost à cognoistre, que ce que lon estimoit en luy bestise, estoit grauité qui ne semouuoit de rien : & que ce que lon iugeoit timidité, estoit prudéce : ce qu'il n'estoit point hastif ne remuât en chose quelconque, estoit fermeté & constance. Parquoy considerant la grandeur de la seigneurie de leur chose publique, & les cōtinuelles guerres qu'ilz auoient, il endurcit & exercita son corps, cōme unes armes nees avec luy, pour s'en pouoir mieulx seruir à la guerre, & son eloquēce aussi comme un instrument de persuasion, pour en pouoir mener le peuple à la raison. Si estoit son langage cōforme & cōuenable à ses meurs, & à la maniere de uiure : car il n'y auoit fard ny affecterie quelcōque, ains estoit toute substāce avec poix & profondeur de sentēces & de cōceptions singulieres & propres à luy, sinon q'lon dit, qu'elles ressembloient fort à celle de Thucydides : car on treuve encore aujourdhuy un blason ou harēgue funebre qu'il feist deuāt le peuple à la louāge de son filz, lequel mourut au sortir de son cōsulat. Mais quant à luy, aiant esté par cinq fois eleu Consul, en son premier consulat il triompha des Liguriēs, qui sont ceulx des montaignes & de la coste de Genes : lesquelz aians esté par luy desfaits en

C une grosse bataille, ou ilz auoient perdu beaucoup de gens, furent cōtraints de soy retirer & reserrer au dedans de leurs Alpes, sans plus courrir ny fourrager les marches de l'Italie qui leur cōfine. Depuis estāt Hannibal avec grosse puissance entré en Italie, & y aiant gagné la premiere bataille près la riuere de Trebia, il tira oultre à trauers la Thoscane gastāt & destruisant tout par ou il passoit : ce qui mit la uille de Rome en grand trouble & en grand effroy : & si aduint des signes & prodiges, aucuns ordinaires & assez accoustumez aux Romains, comme ceulx des foudres & des tonnerres, & d'autres fort estranges, & non iamais ouiz ne ueuz. Car on rapporta que quelques boucliers estoient deuenus tous sanglants d'eulx mesmes, & qu'entour la uille d'Antium on trouuoit les espics de bled, en les moissonnant, tous ensanglantez,

D qu'il estoit tumbé du ciel des pierres toutes ardentes & en feu, & que au carter des Phaleriens le ciel sembla s'entr'ouurir, & en tūba plusieurs petits escripteaux, en l'ū desquelz y auoit escrit de mot à mot, Mars secouē ses armes. Mais neantmoins il n'y eut rien de tout cela qui peust arrester ny faire reboucher l'audace du Consul Caius Flaminius : lequel, oultre ce que naturellement il auoit le cueur grand & conuoiteux d'honneur, estoit encore eleué d'auantage pour aucunes merueilleuses prosperitez qu'il auoit eues auparauant, contre toute raison. Car combiē que le Senat le rappellast, & que son compagnon au consulat s'opposast à son intention, il auoit neantmoins donné une bataille aux Gaulois, malgré tout le mōde, & en auoit emporté la uictoire. Or quāt

E à tous ces signes & prodiges celestes, encore qu'ilz troublassent beaucoup de gens, si n'emouuoient ilz point Fabius, pource qu'il n'y ueoit apparēce quelconque pour s'en emouuoir : mais entendant le peu de nombre des ennemis, & la faulte d'argent qu'ilz auoient, il conseilloit, & estoit d'aduis, que lon deuoit auoir un peu de patience, & ne auanturer point la bataille, contre un homme qui auoit son armee aguerrie de longue main, & ia exercitee par plusieurs cōbats à ceste fin seulement : & estoit d'opinion qu'il falloit enuoyer du secours

Fabius Maximus.

à leurs subiects & alliez, selon qu'il en seroit besoing, pour retenir les uilles F
en leur deuotion, & ce pendant laisser amortir d'elle mesme la uigueur des
forces de Hānibal, qui estoit comme un feu de paille, & une flamme allumee
en une matiere de peu de duree: mais quelque chose qu'il sceust alleguer, il ne
le peut onques mettre en teste de Flaminius, lequel dit qu'il n'attēdroit point
que la guerre s'approchast iusques aux portes de Rome, ny ne cōbattroit point
dedans la uille pour la defendre, comme auoit anciennement fait Camillus.
Si cōmanda incōtinent à ses capitaines qu'ilz tirassent leurs compagnies aux
champs, & luy mesme monta sur son cheual, lequel sans cause apparente s'ef-
froya si estrangement, & se tourmenta tant, qu'il ietta le Consul la teste deuāt
par terre: cela neantmoins ne luy fait point changer d'opinion, ains suiuant G
sa premiere resolution, s'en alla au deuant de Hannibal & luy presenta la bat-
taille en la Thoscane, au long du lac qui se nomme Thrasimene, qui est le lac
de Peruse. Ceste bataille fut si asprement combattue d'une part & d'autre, que
combien qu'à l'instant mesme du combat, il se fust leuē un trēblement de ter-
re si uiolent que quelques uilles en furent renuersēes sans dessus dessous, au-
cunes riuieres destournees de leurs cours, & les pieds des montagnes esbran-
lez & ouuerts, il n'y eut toutefois pas un des combattans qui en sentist rien. Si
y demoura mort sur le champ le Consul mesme Flaminius, apres auoir fait
de sa personne plusieurs actēs de grāde force & de grāde hardiesse, & autour
de luy les plus gens de bien qui fussent en l'armee, le demourant s'estant mis H
en fuitte, il en fut fait un fort grād meurtre, car il fut taillé en pieces biē quin-
ze mille hommes, & y en eut autant de prisonniers. Apres la desconfiture, Hā-
nibal fait toute la diligence qui luy fut possible pour trouuer le corps de Fla-
minius, à fin de le faire inhumer honorablement, à cause de sa uertu, mais il
ne le peut onques trouuer entre les morts, ny n'a lon iamais sceu depuis qu'il
estoit deuenue. Or quāt à la premiere desfaitte de Trebia, ny le capitaine gene-
ral qui l'escruiuit, ny le messager qui en apporta la nouuelle premiere à Rome,
ne l'a dit à la uerité, ainsi cōme elle estoit, ains faignit que l'issue en auoit esté
doubteuse, de sorte que lon ne sçauoit qui en auoit eu du meilleur: mais de
ceste cy, incōtinent que le Præteur Pomponius en eut entendu la nouuelle, I
il fait assembler le peuple en conseil, là ou sans user de deguisement ne de dis-
simulation, leur dit tout ouuertement: Seigneurs Romains nous auons per-
du la bataille, en laquelle nostre armee a esté desconfitte & desfaitte tout à
plat, & le Consul mesme y est demouré mort: parquoy aduisez ce que uous
auez à faire pour uostre salut & seureté. Ces paroles iettees comme un orage
de uent impetueux sur la mer d'une infinie multitude de peuple, meirēt la uil-
le en grande trouble, & en fut l'effroy si grand, qu'il n'y auoit homme qui fust
à soy, ne qui eust le sens rassis: toutefois si furent ilz bien tous d'accord, que les
affaires auoient necessairement besoing du souuerain magistrat que lon ap-
pelle en Latin la Dictature, & d'un personnage qui la sceust exercer uertueu- K
sement sans espargner ny craindre personne, & que Fabius Maximus seul es-
toit tel, aiant la grādeur de courage, & la grauité de meurs, egale à la dignité
& autorité souueraine de ce magistrat: avec ce qu'il estoit en l'aage ou la for-
ce du corps est encore ioincte à la maturité de l'entendement, & la hardiesse
meslee avec l'experience & sagesse. Cest aduis estant approuué de tous, Fabius
fut eleu Dictateur, lequel nōma pour chef de la cheualerie Lucius Minutius:
si requit premierement au Senat, qu'il luy fust permis de monter à cheual à la
guerre,

A guerre, car il n'estoit pas permis au Dictateur, ains expressement defendu par une ordonnance ancienne, soit ou pource qu'ilz reputoient la principale force de leur armee consister en leurs gens de pied, & à ceste cause uouloient que le chef demourast entre eulx au iour de la bataille, & ne les abandonnast point, ou pource que l'autorité de ce magistrat, en toute autre chose est si grande qu'elle approche de la tyrannique, ilz uouloient qu'à tout le moins en cela le Dictateur eust affaire de la souveraine puissance du peuple. Fabius donques voulant d'entree môstrer la maiesté & la grandeur de son magistrat, à fin que chascun luy en fust plus obeissant, & plus prompt à faire son commandement, il sortit en public avec uingt & quatre sergens portans les faisceaux de uerges & les haches deuant luy: & comme l'un des Consuls luy uint au deuant, il luy enuoya commander par un sergent, qu'il eust à laisser les faisceaux de uerges qu'on portoit deuant luy, & les autres marques & enseignes de magistrat, & qu'il le uint trouuer en estat d'homme priué. Puis commençant, par un tres-beau & bon commencement, au seruice des Dieux, il remonstra au peuple cōme la perte qu'ilz auoient receüe leur estoit aduenue par la temerité & nonchalance estourdie de leur capitaine, qui n'auoit tenu compte des choses diuines, non point par la faute ny par la lascheté des combattans: & les enhorta pour ceste cause de ne craindre point leurs ennemis, ains d'appaiser l'ire des Dieux, en leur portant honneur & reuerence: nō qu'il les rendist superstitieux

C en ce faisant, ains asseuroit leur uertu par uraye deuotion enuers les Dieux, & leur ostoit ou diminueoit la crainte des ennemis, en leur dōnant certaine esperance de l'aide des Dieux. Si furent adonc uisitez les saincts liures prophetiques, q̄ lon appelle les liures de la Sibylle, qui sont tenus fort secrets, & y trouua lon quelques anciennes propheties & oracles, qui se rapportoient & se conformoient aux accidents lors aduenus, mais il n'est pas loisible de publier ny redire à autrui ce que lon y a cogneu: puis le Dictateur en pleine assemblee du peuple, deuant toute l'assistance uoua solennellemēt aux Dieux, qu'il leur sacrifieroit tout tant de fruiēt que porteroient à la prochaine saison nouuelle les brebis, les truyes, les uaches, & les cheures, en toutes les montaignes, plaines, riuieres, ou prairies de l'Italie, & feroit celebrer des ieux de Musique & iouer autres mysteres en l'hōneur des Dieux, iusques à y despendre la somme de trois cents trentre trois sesterces & trois cents trente trois deniers Romains & un tiers de denier d'auantage. Ceste somme reduitte à la monnoie Grecque monte à la ualeur de * quatre uingts trois mille cinq cents quatre uingts trois drachmes d'argent, & deux oboles. Or seroit il bien malaisé de rendre la raison pour laquelle il specifica nommeement ceste somme ainsi precise, & pour quoy il la distribua par trois, si ce n'est que lon ueuille exalter la puissance du nombre ternaire, pource que c'est un nōbre de sa nature parfait, & le premier des nompers, qui est le commencement de multitude, & qu'il comprēt en soy

E les premieres differēces & les premiers elements & principes de tous les nombres uniz & ioincts ensemble. Ainsi Fabius aiant fait que le peuple eust bone esperance en l'aide & faueur des Dieux, le rendit en ce faisant mieulx deliberé de bien faire à l'aduenir: mais luy mettant tout son espoir de uictoire en soy-mesme, comme celuy qui estimoit que les Dieux enuoyent aux hōmes l'heur & la prosperité par le moien de uertu & de prudence, s'en alla trouuer Hannibal, non point en intention de le combattre, ains en ferme deliberation de luy consumer la uigueur de son armee par long traict de temps, sa pauureté

* Ce sont enuiron
huit mille cinq
cents escus.

Fabius Maximus.

par force d'argent, & le petit nombre de ses gens par grande multitude de cō- F
battās. Si s'en alloit tousiours campant en lieux forts & haults sur les montai-
gnes, hors du danger de la cheualerie de son ennemy, qu'il coustoyoit tous-
iours, de sorte que quand l'ennemy s'arrestoit en quelque lieu, aussi faisoit il
luy, & si se remuoit, il le suyuoit à la trace, & rouoit à l'entour de luy, sans ia-
mais esloigner les montagnes, ny s'approcher de si pres qu'il peust estre con-
traint de combattre si ne uouloit: & neantmoins se monstroit tousiours à la
queuē de son ennemy, & le tenoit en continuelle crainte, par ce qu'il estimoit
qu'il allast espiant le poinct de son occasion pour le charger à son aduātage.
Mais en dilaiant & prolongeant ainsi le tēps, il uint à la fin à estre mesprisē de
chascun: car & en son camp on mesdisoit publiquemēt de luy, & les ennemis G
mesmes le tenoiēt pour homme couard & de fort lasche cueur, excepté Han-
nibal seul, lequel apperceuant bien son bon iugement, & la maniere de la-
quelle il le uouloit combattre, estima que par toute uoye de ruzē ou de for-
ce, il le falloit attirer au combat, ou autrement que les affaires des Cartagi-
nois s'en alloient ruinez, attendu qu'ilz ne se pouuoient seruir ne ualoir de
leurs armes, en quoy ilz estoient les plus forts, & ce pendant estoient minez &
consumez par multitude d'hommes, & à force d'argent, en quoy ilz estoient
les plus foibles. Si se meit à imaginer & à essayer toutes sortes de ruzes de guer-
re, dont il se pouuoit aduiser, ne plus ne moins que fait le ruzē champion de
lūte, qui cherche tout moien d'auoir prise sur son aduerfaire pour luy dōner H
le bond: car tantost il s'approchoit de luy, & luy faisoit dōner des alarmes en
son camp, tantost il s'en reculoit, & se remuoit souuent de lieu à autre, pour
ueoir si luy pourroit point attirer hors de ceste resolution, de ne mettre rien
en hazard, ains iouer tousiours au plus seur. Et quant à luy, il perseuera tous-
iours constamment en sa premiere deliberation, croyant certainement que
c'estoit le plus expedient de le faire ainsi: Mais le general de la cheualerie, Mi-
nutius, luy faisoit beaucoup d'ennuy, lequel ardent du desir de cōbattre sans
propos, & faisant de l'audacieux, alloit gaignant la bōne grace des soudards
par une furieuse ardeur de uouloir cōbattre qu'il leur imprimoit, & une uaine
esperance dont il les remplissoit, de maniere qu'ilz se moquoient de Fabius, I
en l'appellant le pädagogue de Hannibal, & au contraire louoient haulte-
ment Minutius, comme capitaine hardy, & digne de la magnanimité de Ro-
me. Cela le faisoit encore plus arrogamment monter en gloire, & en presump-
tueuse opinion de soy mesme, en piquant Fabius de ce qu'il alloit ainsi lo-
geant tousiours son camp sur les montagnes, disant que le Dictateur leur
appareilloit de beaux ieux, en leur faisant ueoir l'Italie que lon brusloit, pil-
loit & gastoit ainsi deuant leurs yeux: & demandoit à ceulx qui estoient bons
amis de Fabius, si leroit point à la fin mōter son camp iusques au ciel, se des-
fiant de la terre, ou si c'estoit de peur que les ennemis ne le trouuassent, qu'il
falloit ainsi cachant dedans les nues & les brouees. Les amis de Fabius luy K
rapportoient tous ces brocards, & luy conseilloyent de hazarder plus tost la
bataille, que de supporter plus tant de paroles iniurieuses, qui se disoient cō-
tre luy. Mais Fabius leur respondit, Si ie faisois ce que uous me conseillez, ie
serois encore plus couard qu'ilz ne cuident que ie le fois maintenant, en for-
tant hors de ma deliberation pour crainte de leurs paroles piquantes & traicts
de moquerie. Car ce n'est point hōte que d'auoir crainte pour le biē & le salut
de son pais: ains, au contraire, s'estonner pour le bruit & l'estime d'une com-
mune,

- A** mune, ou pour les impropres & calumnies des hommes, n'est point acte de personnage digne d'une si grande charge, ains plus tost d'homme seruant & obeissant à ceulx à qui il doit commander, & qu'il doit gouverner, pource qu'ilz ne sont pas sages. Depuis il aduint que Hannibal tumba en un erreur bien grand, pource que uoulant s'esloigner de Fabius, & quand & quand mener son armee en pais plain, ou il y eust uiures & fourrages pour les bestes, il commanda à ses guides, qu'ilz le conduisissent incontinent apres soupper en la plaine de Casinum. Les guides n'aians pas bien entendu ce qu'il leur auoit dit, à cause qu'il prononçoit barbarement le langage Italien, prirent l'un pour l'autre, & l'allerent ietter luy & son armee en un bout de la Champagne pres
- B** la uille de Casilinū, par le milieu de laquelle passe la riuierē que les Romains appellēt Vulturū, & le pais d'alentour est une uallee ceincte & enuironnee de montagnes tout à l'entour, excepté qu'elle s'estend deuers la mer, là ou ceste riuierē se respendant hors de son liēt, fait des maretz & des bancs de sable fort profonds, & finablement se ua descharger en celle coste de mer, qui est fort dangereuse, & ou il n'y a nul abry. Estant donques Hannibal descendu en ce fond de sac, Fabius qui cognoissoit le pais & sçauoit les adresses des chemins, suiuant ses brisees, luy serra le pas par ou il pouuoit sortir de ceste uallee, avec quatre mille hommes de pied qu'il y ordonna, & disposa le demourant de son armee sur les croupes des mōtagnes, aux endroits plus opportuns tout à l'en-
- C** uirō, puis avec ses coureurs, & les plus dispos & legerement armez de ses gēs, fait charger la queuē des ennemis: ce qui meit toute leur armee en desordre, & y en eut bien huit cents de tuez. Parquoy Hannibal uoulant tirer son camp hors de là, & cognoissant la faulte que ses guides auoient faite, en prenant l'un pour l'autre, & le danger auquel ilz l'auoient mis, les feit pendre. Mais au demourant, de forcer ses ennemis qui tenoient les cymes des coustaux, & les en dechasser à force, il n'y uoioit point de moien, ny n'en auoit point d'esperance: à l'occasion dequoy ses gens estans effroyez & descouragez, pource qu'ilz se uoyoient de tous costez enfermez, sans ordre d'en pouuoir eschapper, il se delibera d'affiner son ennemy par une telle ruze. C'est, qu'il feit choisir enuirō deux mille bœufs, de ceulx que lon auoit pris au pillage, & leur feit attacher à chasque corne des flambeaux, ou des fagots de saule, & des iauelles de sarment, & ordonna à ceulx qui en auoient la charge, que la nuict quand il leur hausseroit un signe en l'air, ilz meissent le feu en ces fagots, & chassassent les bœufs contremont les coustaux uers les pas & les endroits que les ennemis auoient occupez, & pendant que cela se preparoit, luy de son costé ordonna son armee en bataille, puis quand la nuict fut uenue la feit marcher le petit pas. Or les bœufs, tant que le feu, qui brusloit ce qu'ilz auoient attaché aux cornes, fut petit, cheminerent tout bellemēt contremōt le pied des montagnes, là ou on les chassoit, dont les bergers & bouuiers qui estoient sur
- E** les cymes des coustaux s'esmeruellerent fort de ueoir ainsi des flammes & des feuz attachez aux cornes de ces bœufs, cōme si c'eust esté une armee marchāt en ordōnance aux lumieres des torches: mais quād les cornes uindrent à estre bruslees iusques à la racine, & que le sentiment du feu fut passé iusques à la chair uisue, adonc commencerēt les bœufs à se debatre, & à secouër leurs testes, & en ce faisant, se couurirent de feu les uns les autres de plus en plus: si ne cheminerent plus bellement, ny en ordre, ains pour la frayeur qu'ilz auoient, & la douleur qu'ilz sentoient, se prirent à courir ça & là à trauers les monta-

Fabius Maximus.

gnes, portans de la flamme à leurs cornes, & à leurs cueuës, dont ilz mettoïent F
le feu es bois & buissons par lesquelz ilz passoient. Cela sembloit bien estrange
à ueoir, & estonnoit fort les Romains qui gardoient les pas des môtagnes,
car ilz cuidoient que ce fussent hommes qui courussent ainsi ça & là avec des
torches aux mains: au moien dequoy ilz en estoient tous effroyez & troublez,
pensans que ce fussent les ennemis, qui accourussent ainsi cõtre eulx, pour les
enuirõner de tous costez, tellement qu'ilz n'oserēt plus s'arrester aux passages,
ou ilz auoïent esté ordonnez, ains abandonnans les destroits se meirent à four
uers leur grand camp, & aussi tost les auantcoureurs de Hannibal armez à la
legere, se saisirent de ces pas, de maniere que le reste de l'armee eut tout loisir
de marcher à son aise iusques là, sans crainte ny peril, encore qu'elle fust char G
gee & empeschee d'une quantité grande de toute sorte de butin. Or quant à
Fabius, il s'apperceut bien des la nuiēt mesme, que c'estoit une ruze de Han
nibal, pource que quelques uns des bœufs, ainsi qu'ilz s'en fuyoient ça & là,
tumberent entre ses mains: à l'occasion dequoy, craignant de tûber en quel
que embusche pour les tenebres de la nuiēt, il teint ses gens en bataille sans
autrement bouger ny faire bruit, & le matin si tost que le iour commença à
poindre, se mit à suiure son ennemy à la trace, donnant sur la cueuë, & escar
mouchant contre les derniers dedans les destroits des montagnes, de manie
re qu'il meit tout l'ost des ennemis en desarroy, iusques à ce que Hannibal
enuoya de l'auantgarde quelque nombre d'Espagnolz, hommes legers & dis H
pos, accoustumez de grauir aux montagnes, lesquelz uenans à charger les
Romains armez de pesantes armes en tuerēt plusieurs, & feirēt retirer Fabius:
lequel en fut adonc encore bien plus mesprisē & blasme que deuant, pource
qu'il auoit tousiours monstrē de ne uouloir point à force ouuerte combattre
Hannibal, ains le miner & desfaire par astuce & prudence, en quoy il se trou
uoit luy mesme abusē & affinē par luy. D'auantage Hannibal uoulant enflā
mer encore plus l'ire & le courroux des Romains contre luy, quand il appro
cha de ses terres, commanda que lon bruslast & gastaist tout à l'environ, mais
que lon ne touchast aucunement aux sienes, & y meit expressement des gardes
pour empescher que lon n'y prist rien, & que lon n'y feist aucun dōmage. Ce I
la fut rapportē à Rome, qui aggraua bien encore plus le mescontentement
que lon auoit de luy: ioinēt que les Tribuns du peuple ne cessoient de crier
contre luy es harengues qu'ilz faisoient deuant le peuple, à la suscitation d'un
Metellus principalement, non pour inimitié qu'il eust encontre Fabius, mais
pource qu'il estoit parent de Minutius maistre de la cheualerie, & estimoit
que la mauuaise opinion que lon prendroit de l'un tourneroit à la louange &
à l'auātage de l'autre. Le Senat mesme estoit courroucé contre luy pour l'ac
cord qu'il feist avec Hannibal, touchāt les prisonniers de guerre, car il accor
da que lon eschangeroit les prisonniers en rendant homme pour homme, ou
bien * deux cents cinquante drachmes d'argent pour chasque teste, si les uns K
en auoient plus que les autres. Quand l'eschange eut esté ainsi fait, il se trou
ua que Hannibal en auoit encore de reste deux cents quarante Romains. Le
Senat ordonna que lon n'enuoyeroit point d'argent pour les deliurer, & blas
ma grandement Fabius d'auoir fait cest accord, cōme n'estāt ny honorable ny
profitable à la chose publique, pour recouurer des gens qui par laschetē de
cœur festoient laissez prendre aux ennemis. Ce qu'entēdant Fabius, suppor
ta patiemēt le courroux du Senat, mais n'ayant point d'argent, & ne uolāt
point

* Ce sont entirō
vingt & cinq
escus.

- A** point faillir à sa parole, ny abandonner ses citoiens prisonniers, il enuoya son filz à Rome avec procuratio pour uendre ses terres, & luy en apporter l'argēt incōrinent. Le ieune homme y alla, uendit les heritages de son pere, & luy en porta bien tost l'argēt au cāp, dont il rachepa les prisonniers, en enuoiāt leur rançon à Hānibal. Plusieurs de ceulx qu'il auoit racheptez le uolurēt depuis rebourser, mais il n'en uolut onques rien prēdre, ains leur dōna leur rençon à tous. Depuis estāt appellé à Rome par les presbtres pour faire quelques solēnelz sacrifices, il laissa l'armee entre les mains de Minutius pour la gouverner en son absence, avec cōdition de ne s'attacher point à l'ennemy, & de ne cōmbattre point: ce que non seulement il luy defendit tresexpressement, comme
- B** aiant souueraine puissance, ains encore l'en admonesta, & l'en pria tres instāment comme son amy. Minutius se souciant bien peu de toutes ses prieres & commandemens, aussi tost qu'il eut le dos tourné commença incōtinent à harasser les ennemis: & un iour entre les autres aiant obserué que Hannibal auoit enuoyé bonne partie de son armee au fourrage & recouurement de uiures, il alla charger ceulx qui estoient demourez, & les mena battāt iusque dedans leur camp avec grand meurtre, & plus grand effroy de ceulx qui festoiēt sauuez, lesquelz n'attendoient pas moins que d'estre assiegez dedans leur cāp: & encore apres que toute leur armee se fut rassemblée en un, il se retira malgré eulx, & sans rien perdre. Cela le remplit d'arrogance, & les soudards de temerité, encore plus que iamais.
- C** Si courut incōtinet la nouuelle de ceste desfaite iusques à Rome, & la fait on beaucoup plus grande qu'elle n'estoit: & Fabius l'ayant entendue dit, qu'il craignoit beaucoup plus la prosperité de Minutius, qu'il ne faisoit son aduersité. Mais le commun peuple s'en esiouit fort, & avec grande demonstration de ioye accourut sur la place: là ou Metellus, l'un des Tribuns du peuple, mōtant en la chaire aux harēgues, leur fait un sermō, auquel il magnifia & loua haultemēt la uertu de Minutius, & à l'opposite chargea Fabius nō plus de lascheté & de couardise, ains de trahison: accusant quād & quād les autres principaux personnages de Rome, disant que des le cōmencement ilz auoient tenu moien de tirer ceste guerre en longueur, à fin de ruiner l'autorité & la puissance du peuple, & auoient incōtinent fait tumber les affaires sous la main d'une monarchie, laquelle avec ses remises & delais donneroit loisir à Hannibal de se planter & maintenir en Italie, iusques à ce que les Cartaginois eussent moien, avec le temps, de luy enuoyer réfort d'une secōde armee, pour de tout poinct se saisir & s'emparer de toute l'Italie. Quoy entendu, Fabius se tira en auāt pour parler au peuple, là ou il ne samusa point à respōdre aux charges que le Tribun luy auoit mises sus, ains dit qu'il falloit promptement acheuer les sacrifices & cerimonies du seruice diuin, à fin qu'il s'en peust soudainement retourner au camp, pour y chastier Minutius, lequel par dessus son expresse defense auoit combattu contre l'ennemy. Il n'eut pas
- E** plus tost acheué ces paroles, qu'il se leua incōtinent un grand bruit & un tumulte parmy le peuple, pour le danger de Minutius, à cause que le Dictateur a puissance de mettre en prison, & de faire mourir qui bon luy semble, sans forme de proces ny de iugement: & estimoit on, puis que Fabius estoit une fois sorty hors de son accoustumee clemence & bonté, qu'il deuiendroit si aspre en son courroux, qu'il seroit bien malaisé de l'appaiser. Parquoy il n'y eut celuy en toute l'assistance qui ne se teust, de peur, excepté le Tribun Metellus, lequel aiant loy de tout dire, pour la seureté que luy donne son magi-

Fabius Maximus.

strat, qui seul retient son autorité quand il y a un Dictateur eleu, & demeure en son entier, estans les autres supprimez, supplia lors à grande instâce le peuple, de ne uouloir point abandonner Minutius, ny ne permettre qu'il souffrist ce que Manlius Torquatus iadis auoit fait à son filz, auquel il feir trancher la teste apres auoir uaillamment uaincu & desfait son ennemy: les admonestant d'oster à Fabius ceste puissance tyrannique de la Dictature, & de mettre leurs affaires entre les mains de celuy qui uouloit & sçauoit bien les conduire à port de salut. Le peuple fut fort emeu par ces seditieuses paroles, mais toutefois encôre n'ôza il contraindre Fabius, de quitter la monarchie de sa Dictature, combien qu'il en eust bien mauuaise opinion, & qu'il fust tresmal content de luy, ains ordonna que Minutius auroit de là en auant egale puissance, & autorité pareille à celle du Dictateur, en la cōduite des affaires: ce qui iamaïs n'auoit encore esté ouy ne ueu, mais bié tost apres il fut aussi fait une autre fois, apres la desconfiture de Cannes. Car estât lors Marcus Iunius le Dictateur au camp, lon eleut à Rome un autre Dictateur, qui fut Fabius Buteo; pour nommer & creer de nouueaux Senateurs, au lieu de ceulx qui estoient morts en la bataille: mais apres qu'il en eut nômé, & remply le conseil du Senat, le iour mesme il laissa les sergens qui portoient les haches deuât luy, & renuoya la suite qui l'accompagnoit par honneur, & se ietta à trauers la presse du peuple sur la place, uaquât à ses particuliers affaires, ne plus ne moins qu'une personne priuée. Or cuidoient bien les Romains, que Fabius uoyant comme lon auoit donné à Minutius puissance egale à la siene, le prendroit fort à cuer, & en seroit tres desplaisant: mais ilz ne cognoissoiét pas du tout sa nature, pour ce qu'il n'estima point que leur folie luy tournast à malheur, ny à dommage ou deshonneur, ains comme Diogenes le sage respondit à un qui luy disoit, Ceulx la se moquent de toy: Je ne m'en tiens, dit il, point pour moque. uolât dire qu'il reputoit ceulx la seuls estre moquez, qui se passionnent & se troublét pour des moqueries. Ainsi enduroit Fabius doulcemét, & sans passion quelcôque, quât à ce qui le touchoit particulieremét, tout ce que le peuple faisoit, seruant d'exemple & de preuue manifeste aux philosophes, qui maintiennent que l'homme sage & homme de bien ne peult estre nullement iniurié ne deshonoreré: car tout le desplaisir qu'il receuoit de la folie du peuple, estoit pour le regard de la chose publique, à cause qu'ilz auoiét donné moien à un estourdy & temeraire de seruir à sa folle ambitio au fait des armes. A l'occasion de quoy, craignât que luy aueuglé de uaine gloire & de presumptueuse opinion de soy mesme, ne se precipitast, & hastast de faire quelque grad mal auât qu'il fust arriué, il se partit soudainement de Rome, sans que personne en sceust rié, pour sen retourner au camp: là ou il trouua Minutius si fier & si superbe, qu'il n'estoit plus aucunement supportable: car il uouloit auoir autorité de commander à toute l'armee à son tour. Ce que Fabius ne luy uoulut point cōsentir, ains departit par moitié tout l'exercite avec luy, estimant qu'il ualoit mieulx qu'il commandast tousiours seul à une partie de l'armee, que par tour à la totalité: si choisit pour soy la premiere & la troisieme legion, & luy donna la seconde & la quatrieme, & partagea aussi semblablement le secours des alliez. Et comme Minutius se uantast & glorifiast de ce, que la maiesté du souuerain magistrat auoit esté rauallée & abaissée pour l'amour de luy, Fabius luy remonstra qu'il deuoit penser, fil estoit sage, que ce n'estoit point à luy, ains à Hannibal, qu'il auoit à combattre: & encore fil se uouloit opiniastrer à estriuer par ialousie encontre son compagnon, à tout le moins

A deuoit il regarder, que luy qui auoit gaigné, & qui auoit esté tant honoré par ses citoiens, ne fust pas moins soigneux de leur seureté & de leur salut, que ce-
B luy qui auoit esté uaincu & ignominieusement traité par eulx. Minutius prit
ceste aduertissement comme pour une moquerie simulée & couuerte, à la ma-
niere des uieillards, & prenant sa moitié de l'armée, se logea seul à part. Hāni-
bal n'ignoroit rien de tout ce debat, ains espioit toutes les occasions pour se
seruir de leur discord. Or y auoit il entre leurs deux camps une motte nō gue-
res malaisée à gagner, & estoit une belle assiette pour loger un camp à seure-
té, aiant commodité & aisance de toutes choses. La campagne d'alentour à
la ueoir de loing sembloit toute plaine & toute unie, pource qu'elle n'estoit
point couuerte de boscs, mais toutefois il y auoit quelques fonceaux &
quelques uallees entre deux: à l'occasion de quoy, Hannibal, encore qu'il eust
bien le moien de s'en saisir facilement d'emblee, s'il eust uoulu, ne le uolut
point faire, ains la laissa au milieu pour luy seruir d'emorche à attirer ses en-
nemis au combat. Parquoy quand il ueit que Minutius estoit séparé d'auec
Fabius, il espandit une nuit quelque nombre de ses gens par ces fonceaux &
uallees, puis le matin au point du iour enuoya une troupe non gueres gros-
se à la descouuerte pour occuper laditte motte, esperant qu'il pourroit bien
attirer par ce moien Minutius à combattre pour ce logis: comme il en aduint.
Car Minutius y enuoya premierement ses coureurs, puis toute sa gendarme-
rie, & finablement uoiant que Hannibal luy mesme uenoit pour soustenir ses
gens qui estoient dessus la motte, il sy en alla aussi avec tout le demourant de
ses forces en bataille rangée, & fit un grand effort pour chasser ceulx qui de-
fendoient la motte. Le combat dura quelque temps egal entre les deux parties,
iusques à ce que Hannibal, uoiant que son aduersaire auoit à bon escient don-
né dedans ses retz, & qu'il monstroit le derriere de son bataillon tout nud à
ceulx de ses gens qu'il auoit mis en embusche, leua incontinent le signe qu'il
leur auoit baillé, auquel ilz se leuerent tous à un coup, & se ruerent avec grāds
crys sur la cueüe des Romains, dont ilz tuerent de primsault un bon nombre,
& meirent les autres en un tel trouble, & en si grand effroy, qu'il n'est possible
de le sçauoir bien exprimer. Si fut bien adōc la brauerie de Minutius & sa fiere
audace rauallée: car il regardoit tantost l'un, tantost l'autre de ses capitaines
au uisage, & n'en uoyoit pas un qui eust courage de demourer, ains estoient
tous prests de se tourner en fuite: ce qui eust esté cause de leur totale ruine,
pource que les Numides, soy sentans les plus forts, commenceoient à se re-
spandre par la plaine tout à l'enuiron, mettans en pieces tous ceulx qui se des-
bandoient pour fuir. Estans donques les gens de Minutius tumbez en tel in-
conuenient, Fabius, qui auoit bien preueu le danger auquel ilz estoient pour
tumber, & qui pour ceste cause tenoit son armée toute preste en bataille, eut
le soing de sçauoir ce qui se feroit, non par le rapport d'aucuns messagers, ains
par le ueoir luy mesme à l'œil de dessus une butte qui estoit au deuant de son
camp. Parquoy quand il ueit Minutius & ses gens enveloppez de tous costez,
& à en branle de fuir, & qu'il entēdit leur crys, non comme de gens qui eus-
sent cueur de combattre, ains qui estoient effroyez, & regardoient à se sauuer
de uistesse, il frappa de la main sur sa cuisse, en iettant un grand soupir, & dit à
ceulx qui estoient autour de luy: O Dieux comment Minutius s'est allé preci-
piter luy mesme en sa ruine, plus tost que ie n'attendoie, & plus tard qu'il ne
uouloit! Mais en disant cela, il fit quand & quand marcher les enseignes en

Fabius Maximus.

diligence, criant tout hault, Mes amis, il nous fault hastier pour aller secourir
Minutius, qui est uailât hōme de sa personne, & aimât le bien & l'hōneur de
son pais: & si d'aduēture il a failly en se precipitāt par trop, pour cuider chasser
les ennemis, il n'est pas maintenant tēps de l'en accuser, nous le luy remōstre-
rōs une autrefois. Si rōpit incōtinent à son arriuee & escarta les Numides, qui
estoiēt au guet emmy la campagne: puis tira oultre iusques à ceulx qui char-
geoiēt sur la queuē des Romains, ou il en tua ceulx qui s'arrestèrent pour luy
faire teste: car les autres, de peur qu'ilz tūbassent eulx mesmes au dāger ou ilz
auoient régé les Romains, auant que d'estre de tout poinct enfermez, se tour-
nerēt en fuitte. Parquoy Hannibal uoiant ceste mutation, & regardant cōme
Fabius en personne, avec plus grand effort que son aage ne portoit, alloit fen-
dāt la presse des cōbattans, contremōt la motte, pour penetrer iusques au lieu
ou estoit Minutius, fait cesser le cōbat, cōmandant que lon sonnast la retrait-
te, & remena ses gens dedans son camp: estans les Romains biē aises de se pou-
voir aussi retirer à sauueté: & dit on que Hannibal, en se retirant, dit à ses amis
un tel mor en riant, Ne uous ay-ie pas dit plusieurs fois q̄ ceste nuee que nous
uoyions tousiours attachee à la cymē des mōtagnes, se creueroit à la fin quel-
que iour, avec orage & tēpeste qui tumberoit sur nous? Apres ceste rencon-
tre, Fabius aiant despouillé ceulx qui estoiet demourez morts sur le champ, se
retira aussi en son camp, sans se laisser eschapper de la bouche une seule parole
oultrageuse ny fascheuse de son compagnon. Mais Minutius, si tost qu'il fut
de retour en son camp, assemblant ses gens, leur parla en ceste maniere: Mes
amis, ne faillir iamais en maniant de grands affaires, est chose qui surpasse la
nature de l'homme: mais se seruir des fautes passees pour instruction de l'ad-
uenir, est fait en hommes sages & uertueux. Quant à moy, ie confesse n'auoir
pas moins d'occasion de me louer de la fortune, que de m'en plaindre: car ce
que le long tēps ne m'auoit peu enseigner, ie l'ay appris en une biē petite par-
tie d'un seul iour: c'est, que ie ne suis point suffisant pour commander, ains ay
moy mesme besoing d'estre regy & gouuerné par autrui: & que ie ne me doy
point opiniastrer follement à cuider uaincre ceulx, desquelz il m'est plus ho-
norable confesser estre uaincu. Si uous declare, que le Dictateur Fabius, sera
celuy qui deormais uous commandera seul en toute autre chose: mais pour
luy donner à entendre que nous recognoissons la grace, qu'auons presente-
ment receuē de luy, ie seray celuy qui uous guideray à l'en aller remercier, en
me rendant le premier obeissant à ses commandemens, & faisant tout ce qu'il
m'ordonnera. Aiant acheuē ces paroles, il commāda aux portenseignes de le
suiure, & luy marcha le premier deuers le cāp de Fabius, là ou estant arriuē, il
sen alla droit à la tente du Dictateur: dequoy chascun fesmēueilla, ne sa-
chant ce qu'il uouloit faire. Fabius luy sortit audeuāt. Et Minutius, luy aiant
mis ses enseignes à ses pieds, l'appella à haulte uoix son pere: & ses soudards
appellerent semblablement ceulx de Fabius, leurs patrons, qui est le nom du-
quel les serfs affranchiz appellent ceulx qui les ont deliurez de seruitude. Puis
quand le bruit fut appaisē, Minutius se prit à dire hault & clair: Seigneur Di-
ctateur, tu as ce iourdhuy gaignē deux uictōires, l'une sur Hannibal, que tu as
uaincu par prouesse, & l'autre sur moy ton compagnon, que tu as uaincu par
prudence & bonté: & par l'une tu nous as sauuez, par l'autre tu nous as ensei-
gnez: ainsi auons nous esté semblablement uaincus en deux sortes, l'une par
luy à nostre honte, & l'autre par toy à nostre honneur & salut. Pourtant t'ap-
pelle

A pelle ie mon pere, ne trouuant autre appellation plus uenerable, de laquelle ie te puisse honorer, & me sentant plus obligé à toy, pour la grace que i'ay presentement receuë de toy, qu'à celuy mesme qui m'a engendré, à cause que i'ay esté seul engendré par luy, & ay esté sauué par toy avec tant d'autres gens de bié qui sont icy. En disant ces paroles, il ambrassa Fabius: & le semblable firent aussi les soudards qui s'entr'accollèrent estroittement, & se baisèrent les uns les autres: de maniere que tout le camp se trouua plein de caresses & de larmes tresdoulces & expraintes à force de ioye. Depuis festât Fabius desmis du magistrat de la Dictature, furent de rechef eleuz des Consuls, les premiers desquelz suiuirent la mesme forme de gouuerner, que Fabius auoit commencee, se gardâs de presenter bataille à Hannibal, & enuoyans tousiours du secours à leurs subiects & allies pour les entretenir, & les garder de se rebeller, iusques à ce que Terétius Varro, homme de petit lieu, mais bien cogneu pour son audace temeraire, & pour le credit qu'il auoit acquis enuers le peuple par ses flatteries, fut paruenue à la dignité consulaire: car on pensa bien que par sa temerité & faulte d'experience, il mettroit incontînét le tout au hazard d'une bataille, par ce qu'il crioit en toutes les assemblees du peuple, que ceste guerre dureroit tousiours, tât que le peuple eliroit pour capitaines des Fabiés, & se uantroit publiquement, que des le premier iour qu'il uerroit les ennemis, il les desferoit. En disant ces braues paroles, il assemblea quand & quand une telle puissance, que iamais les Romains n'en auoient eu de si grâde ensemble, cõtre quelque ennemy que ce fust: car il meit en un camp iusques au nombre de quatre uingts huit mille cõbattans: ce qui mettoit Fabius, & les autres Romains qui auoient bon sens, en grande crainte, pour autât qu'ilz ne uoyoyent point de ressource aux affaires de Rome, si aduenoit qu'ilz perdissent un si grand nombre de ieunesse. Si s'adressa Fabius à l'autre Consul, qui se nommoit Paulus Æmylius, homme bien entendu au faict de la guerre, mais mal uoulu de la commune, dont il redoubtoit encore la fureur, à raison de quelque amende, en laquelle le peuple auparauant l'auoit cõdemné enuers la chose publique, & en le reconfortant l'admonesta & encouragea de resister à la folle temerité de son compagnon, luy remonstrant cõme il n'auroit pas plus d'affaire contre Hannibal, que contre Terentius Varro, pour le salut de son païs, à cause que tous deux cherchoient à combattre: l'un, pource qu'il n'entendoit pas en quoy consistoit l'auantage de ses forces: & l'autre, pource qu'il cognoissoit bié sa foiblesse. Mais il est plus raisonnable que tu me croies en ce qui concerne les affaires de Hannibal, que Terentius Varro: & ie t'assure que si lon ne luy baille point moien de combattre ceste annee, qu'il est force forcee, ou qu'il se ruine de soy mesme si demeure, ou qu'il s'en fuye honteusement avec son armee, attendu que iusques icy, quoy qu'il semble estre victorieux & maistre de la campagne, il n'y a encore eu personne de ses ennemis qui se soit tourné de son costé, & que de l'armee qu'il a amenee de son païs quand & luy, il ne luy en est pas demouré aujourdhuy un tiers. A ces remonstrances le Consul respondit en ceste maniere, ainsi que lon dit: Quand ie cõsidere l'estat de mes affaires, seigneur Fabius, il me semble estre meilleur pour moy, de tumber mort entre les picques de noz ennemis, que retüber une autre fois entre les uoix & suffrages de noz citoiens. Toutefois, puis que le bien de la chose publique requiert que lon face comme tu dis, ie m'efforceray de me monstrier sage capitaine à toy seul, plus tost qu'à tous les autres ensemble

Fabius Maximus.

qui me uouldront tirer au contraire. Ainsi se partit de Rome Paulus en ceste P
intention: mais Terentius son compagnon, uoulut à toute force qu'ilz cōman-
dassent à toute l'armee souuerainement l'un apres l'autre, chascun son iour, &
falla camper tout au plus pres de Hānibal, au long de la riuere d'Aufide, pres
du bourg qui s'appelle Cannes. Et le iour que ce fut à luy à commander à son
tour, il feit mettre hors de grand matin le signe de la bataille, qui estoit une
cotte d'armes teincte en escarlatte, que lon estēdoit dessus la tente du capitai-
ne general, tellement que les ennemis mesmes du commencement seffroye-
rent de ueoir la hardiesse de ce nouveau capitaine, & le grand nombre de cō-
battans qu'il auoit en son ost à comparaison d'eulx, qui n'estoient pas de la
moitié tant: toutefois Hannibal leur commanda qu'ilz s'armassent & se teins- G
sent prests pour la bataille: & ce pendāt luy avec peu de suite s'en alla à che-
ual mōter sur une petite butte, nō gueres roide, de laquelle il pouuoit descou-
rir euidemment tout le camp des Romains, & ueit cōment ilz se rengoient
desia en bataille. Et comme l'un de ceulx qui estoient en sa compagnie, hom-
me de pareille noblesse & condition que luy, nommé Giscon, dit que le nom-
bre des ennemis luy sembloit merueilleusemēt grād à le ueoir ainsi de loing:
Hannibal se fronceant le uisage luy respondit: Encore y a il une autre chose
bien plus esmerueillable, de laquelle tu ne t'es point aduisé Giscon. Giscon
luy demanda incontinent: & quelle? C'est, dit il, que de tout ce grand nombre
de combattans que tu uois là, il n'y en a pas un qui s'appelle Giscon comme H
toy. Ce mot de risée, dit au contraire de ce que les assistans attendoient, qui
pensoient bien que ce deust estre chose de consequence, les feit rire à bon
esciant: si descendirent de dessus la butte tous rians, & racomptèrent à ceulx
qu'ilz rencontrèrent par le chemin ceste sornette, de sorte que la risée en alla
incontinent de main à main en la pluspart du camp, & ne se pouuoit pas Hā-
nibal mesme estācher de rire. Ce que uoians les soudārdz Cartaginois, en pri-
rent une grande assurance, faisans leur compte, que leur general ne se feroit
pas ainsi mis à plaisanter & à rire si pres du peril, sil ne se fust senty de beau-
coup le plus fort, & qu'il n'eust bonne cause de mespriser les ennemis. D'auā-
tage en la bataille il usa de deux ruses de capitaine bien aduisé: la premiere I
fut, de l'assiette du lieu, ou il renga ses gens en bataille, de sorte qu'ilz auoiet
le uent au dos: car il tiroit un uent impetueux, & brullant comme un estour-
billon de foudre, lequel enleuoit de la plaine, qui estoit de grande estendue &
fablonneuse, une poudre ardēte comme feu, & la passant par dessus le battail-
lon des Cartaginois, la iettoit droit cōtre les yeux & les uisages des Romains,
par telle uiolence qu'ilz estoient cōtraints de tourner les uisages en arriere, &
troubler leurs rengs. La seconde ruse fut, la forme de laquelle il ordonna sa
bataille, car il meit deça & dela aux deux aēles les meilleurs combattans & les
plus uaillans hommes qu'il eust en tout son ost, & remplit le milieu des pi-
res & des plus inutiles qui y fussent, dont il feit comme une pointe, laquelle K
se iettoit en auāt, & passoit de beaucoup les deux costez du front de sa battail-
le, aiant enioint à ceulx des aēles, que quand les Romains auroient rompu ce
premier front, & qu'ilz poursuiuroient les reculans en arriere, de façon que le
milieu de sa bataille uiendroīt à s'enfoncer & à se courber en croissant, &
que les ennemis se trouueroient au dedans, alors ilz se ruassent d'un costé &
d'autre sur eulx, & les chargeassent incontinent par les flācs, & les enuelopas-
sent par derriere. Cela fut cause du plus grand meurtre: car quand le milieu
commencea

A. commença à reculer & à recevoir au dedans les Romains, qui poursuivoient asprement, la bataille de Hannibal chagea de forme, & au lieu qu'elle estoit au commencement en pointe, elle se trouua enfoncée au milieu en figure de croissant: & adonc les capitaines des bandes choisies qui estoient aux deux ailes, firent tourner leurs gens, les uns à la main gauche, les autres à la droite, & chargerent les Romains par les flancs & par derriere ou ilz estoient nuds, & ainsi mirent en pieces tous ceulx qui ne se peurent sauver de uistesse avant que d'estre enveloppez. Encore dit on qu'il aduint un autre incouvenient fortuit à la cheualerie Romaine: ce fut, que le cheual du Cōsul Paulus Æmilius, aiant esté blecé, le porta par terre: à l'occasion dequoy ceulx qui estoient les plus prochains de luy, mirent incontinent pied à terre pour le secourir: ce que uoiant les autres qui en estoient plus loing, imaginerent incontinent que ce fust un cōmandement fait à tous generalemēt: à l'occasion dequoy ilz descendirent de cheual, & combattirent à pied. Quoy uoiant Hannibal dit: le les aime mieulx ainsi, que s'ilz me les eussent liurez piedz & poings liez. Mais quant à ses particularitez la, ceulx qui ont escrit les histoires au long les exposent plus à plein. Au demourant, des deux Consuls, Varro se sauua à cheual avec peu de fuite de ses gens dedans la uille de Venouze, & Paulus en la foule & presse de ceste route, aiant le corps plein de traicts, qui estoient demourez dedans ses playes, & le cuer aggraué d'un si angoisseux regret, que de uoir la desconfiture de ses gens, estoit assis auprès d'une roche attendant que quelcū des ennemis uint l'acheuer de tuer: mais pour la grāde quātité de sang, dōt il auoit toute la teste & la face souillee, peu de gēs le recognoissoient, de maniere que ses amis & ses seruiteurs mesmes passoient oultre sans le cognoistre, & n'y eut qu'un ieune homme de maison noble & patriciene nomme Cornelius Lentulus, qui l'ayant apperceu, se mit en deuoir de le sauuer: car il se ietta incontinent à pied, & luy amena son cheual, le priant de uouloir monter dessus, pour essayer de se reseruer à la necessité de son païs, qui auoit plus grād besoing que iamais d'un bon & sage capitaine: mais il refusa l'offre & la priere du ieune gentilhomme, & le contraignit de remonter à cheual, quoy qu'il en plorast de pitié, & s'estant soubleué pour luy toucher en la main luy dit: Tu diras de ma part à Fabius Maximus, & luy tesmoigneras, comme Paulus Æmilius a tousiours obserué & suiuy son conseil iusques au bout, & n'a iamais rien transgressé de ce qu'il luy auoit accordé: mais qu'il a esté forcé par Varro premieremēt, & puis apres par Hānibal. Aiant dit ces paroles il donna congé à Lentulus, & se reietta en la presse de ceulx que lon tuoit, là ou il mourut. On tient qu'il fut tué en ceste bataille cinquante mille Romains, & en fut pris de prisonniers quatre mille, & dix autres mille qui depuis la bataille furent prises deux camps. Ceste belle uictoire gaignee, les amis de Hānibal luy conseilloyent qu'il suyuiſt sa fortune, & qu'il entreroit pelle melle quād & les fuyans dedans la uille de Rome, tellemēt que à cinq iours de là il pourroit soupper dedans le Capitole. Il n'est pas aisé à dire quelle raison l'en destourna, sinon que ie pense, plus tost qu'autrement, que ce fut quelque bonne fortune, ou quelque Dieu fauorable à l'empire Romain, qui se mit au deuāt, & qui le fit auoir peur & reculer à le faire. A l'occasion dequoy lon dit qu'un Cartaginois nomme Barca, luy dit en cholere: Hānibal tu sçais bien uaincre, mais tu ne sçais pas user de la uictoire. Toutefois ceste uictoire luy apporta une mutation si grande, qu'au lieu qu'il n'auoit pas au parauāt une seule uille,

Fabius Maximus.

une seule estappe, ny un seul port en Italie, & qu'il auoit grande difficulté & F
grande peine à nourrir son armee de ce qu'il pouuoit rauer & desrober à la
iournee, n'ayant pas une retraite asseuree, ny aucun lieu certain sur quoy il
peust fonder l'esperance de l'entretienement de ceste guerre, ains allant ça &
là errant & tenant les champs avec son armee, comme avec une grosse troupe
de brigands & de larrons, alors il receut en son obeissance presque toute
l'Italie: car la plus part des plus grandes & plus puissantes nations d'icelle, se
rendirent incontinct à luy: & la cité de Capoue, qui estoit la plus grosse qui y
fust, après celle de Rome, se tourna de son costé. Ainsi peut on clairement uoir
par ce bel exemple, que c'est un grand mal d'auoir à esprouuer la sagesse d'un
bon capitaine, & non pas seulement la feaulté d'un amy, ainsi que dit le poëte G
Euripides: car ce que parauant on appelloit couardise & froideur en Fabius,
incontinent après la bataille fut estimé, non point discours de sens humain,
ains plus tost de quelque celeste & diuin entendement, qui preueoit les choses
à aduenir de si loing, qu'elles ne sembloient pas croyables à ceulx mesmes qui
les enduroient. Au moien dequoy, Rome tour aussi tost reietta le demourant
de son esperance sur luy, & recourut à son conseil ne plus ne moins qu'à la
sauuegarde d'un temple ou d'un autel, de sorte que la premiere & principale
cause de faire demourer le peuple ensemble, sans s'escarter ça & là, comme il
fit du temps que Rome fut prise par les Gaulois, fut l'opinion & confiance
que lon eut en sa prudence. Car au lieu que parauant il sembloit couard & de- H
fiant, lors qu'il n'estoit point encore arriué de dāgereux inconuenient: à l'heu-
re que chascun se plongeoit en pleur, & en deuil infiny qui ne seruoit de rien,
& que tout le monde estoit si troublé, qu'on ne donnoit ordre à chose quelcō-
que, luy seul au contraire alloit par la uille d'un pas moderé, avec un uisage
constant & asseuré, saluant courtoisemēt un chascun, ostant les crys & lamē-
tations feminines, & defendant les assemblees des conuoys, qui se font pour
lamentez publiquement un trespas à son enterremēt. Et au contraire il suada
à ceulx du Senat de s'assembler en conseil, donna courage à ceulx qui estoient
en magistrat, estāt luy mesme toute leur force & toute leur uertu, pource qu'il
n'y auoit homme aiant charge publique, qui ne iettast ses yeux sur luy, pour I
sçauoir ce qu'il auoit à faire. Si fit mettre aux portes de la uille des gardes
pour empeschier de sortir ceulx qui s'en uoudroient fouir & abandonner Ro-
me: & d'auantage limita le temps & le lieu du deuil, ordonnāt que qui le uou-
droit faire, le feist en son priué dedans sa maison, & durant l'espace de trente
iours seulement, après lesquelz il falloit que tout deuil cessast, à fin que la uil-
le fust pure & nette de toutes telles choses. Et estant la feste de Ceres escheute
enuiron ces iours là, il luy sembla qu'il ualloit miculx omettre du tout les sa-
crifices & la processio que lon auoit accoustumé de faire à tel iour, que de dō-
ner à cognoistre par le petit nombre, & la tristesse de ceulx qui y assisteroient la
grandeur de la perte qu'ilz auoient faite, pource que les Dieux prennent plaisir K
à estre seruis ioyeusement par ceulx qui sont en prosperité. Ce neantmoins
tout ce que les deuins ordonnerent estre fait pour pacifier l'ire des Dieux, ou
pour diuertir les menasses des sinistres prodiges, fut fait: car on enuoya à l'o-
racle d'Apollo, en la uille de Delphes, un parēt de Fabius que lō surnōmoit Pi-
ctor, & aiant esté deux religieuses Vestales corōpues: l'une fut enterree toute
uiue, selon la loy & la coustume, & l'autre se fait mourir elle mesme. Mais biē
fait en cest endroit à admirer la grandeur de courage & magnanime clemē-
ce des

A ce des Romains, en ce que retournant le Consul Varro de la desconfiture le plus malheureusement & le plus honteusement qu'homme en eust sceu retourner, & en estant luy mesme si honteux & si desplaisant, qu'il n'ozoit pas leuer la teste: le Senat toutefois luy alla encore au deuant iusques à la porte de la uille, avec tout le peuple entierement, & le receurent honorablement. Qui plus est, ceulx qui estoient en magistrat, & les principaux du Senat, entre lesquelz estoit Fabius, quand on eut fait silence, le louèrent de ce qu'il n'auoit point desesperé du salut de la chose publique, apres une calamité si grande, ains estoit retourné en la uille pour donner ordre aux affaires, & user de l'autorité des loix, & du seruice de ses citoiés, comme aians encore moien

B de se sauuer & resoudre. Mais quand ilz entendirent, que Hannibal apres la bataille, s'estoit tourné uers les autres contrees de l'Italie, alors ilz reprirent courage, & enuoyerent des capitaines & des armées aux champs, entre lesquelz les deux principaux furent, Fabius Maximus, & Claudius Marcellus, qui par uoies presque du tout cōtraires auoient acquis louange egale & reputation pareille: pource que Marcellus, ainsi que nous auons escrit en sa uie, estoit homme qui exectoioit uiuement, comme celuy qui estoit prompt à la main, hardy de nature, & proprement tel, que ceulx que Homere appelle Martiaux & belliqueux, pour se hazarder & aduenter hardiment à tout danger: au moie de quoy, aiant affaire à un autre capitaine hardy & aduétueux aussi,

C il s'attachoit à tout propos de pareille audace en toutes rencontres à luy. Mais au contraire Fabius, perseuerât tousiours en son premier aduis, esperoit que qui ne combattroit ny ne harasseroit point Hannibal, il se ruineroit & se desferoit de soy mesme, & que son armée se mineroit d'elle mesme à force de guerroyer continuellement, ne plus ne moins que le corps d'un champion de lucte, qui pour auoir fait trop d'efforts se trouue cassé & rompu. Pourtant escrit Posidonius, que l'un fut appelé l'espee, & l'autre le bouclier des Romains, & que la fermeté & constance de Fabius à faire la guerre seurement, sans commettre rien à la fortune, meslee avec la uehemençe de Marcellus, fut ce qui preserua l'empire de Rome: car Hannibal recontrant à toutes heurtes en son chemin, l'un qui estoit impetueux comme un torrent, trouuoit que son armée en estoit toute esbrée, froissée & harassée: & l'autre, qui estoit cōme une petite riuere, qui luy couloit tout doulcement par dessus, sans faire bruit, mais continuellement l'alloit minant, & consumant petit à petit, iusques à ce que finablement il se trouua reduit à telz termes, qu'il estoit las de combattre contre Marcellus, & si redoubtoit Fabius, qui ne combattoit point: pource que pendāt tout le tēps que dura ceste guerre, il eut presque tousiours en teste ces deux capitaines estans Præteurs, ou Consuls, ou Proconsuls: car l'un & l'autre fut par cinq fois eleu Consul. Et quāt à Marcellus, il luy dressa une embusche en son cinquieme Cōsulat, ou il le surprit & tua. Mais quāt à Fabius, il le teta

E & le fonda biē par plusieurs fois, & par toutes sortes d'eschoguettes, de ruzes & d'embusches: mais il ne luy sceut iamais rien faire, sinō qu'une fois qu'il l'auoit ia esbranlé, il luy cuida faire dōner dedans les filez: car il auoit contrefait des lettres missiues, comme si les principaux de la uille de Metapont luy eussent escrit qu'il s'en uint celle part, & qu'ilz luy liureroient la uille entre ses mains, & que ceulx qui estoient de l'intelligence n'attendoient autre chose, sinon qu'il s'approchast de là. Ces lettres emeurēt un peu Fabius, de sorte qu'il auoit ia resolu de prendre une nuit partie de son armée, & s'y en aller: mais

Fabius Maximus.

pource que les signes des oyseaux ne luy en promettoient point bonne issue, F
il sen deporta : & tantost apres il descouurit que c'estoient lettres que Hannibal auoit finement contrefaittes pour le surprendre, & que luy mesme en personne s'estoit embusché pres de la uille pour l'attédre: mais cela se doit à l'adventure attribuer à la grace des Dieux, qui le uolurent preseruer. Au demourant, quant aux rebellions des uilles subiettes & souleuemens des peuples allies, Fabius estoit d'opinion qu'il ualloit mieulx les contenir par doulx & humain traitement, de maniere qu'ilz eussent honte de se remuer sans occasion, que d'aller feueremēt rechercher toute suspitions, ny se porter trop aigremēt enuers ceulx qui seroient aucunemēt souspeçōnez. Auquel propos on raconte, qu'il y auoit en son ost un soudard Marsien de nation, uaillant homme G
de sa personne, & d'aussi noble maison qu'il y en eust entre tous les allies, lequel auoit tenu quelques paroles avec d'autres soudards de sen aller rēdre aux ennemis: Fabius qui en sentit le uēt, ne luy fait point pire chere pour cela, ains l'appellāt à foy, luy dit, qu'il cōfessoit que lon n'auoit pas tenu tel cōpte de luy cōme il meritoit: de quoy, dit il, pour le present ie blasme les particuliers capitaines, qui uont ainsi distribuant les appointemens & honneurs par grace & par faueur, non pas par merite: mais cy apres ie t'en dōneray le tort à toy mesme, si tu ne parles quelquefois à moy, & ne me dis priuement tes necessitez, quand tu auras besoing de quelque chose. Luy aiant dit ces paroles, il luy dōna quand & quand un cheual de seruice pour la guerre, & l'honora d'autres H
pris d'honneur, dont on a accoustumé de recompēser les gens de bien: ce qui fait que le soudard depuis ce iour là, deuint tresfidele & tresaffectionné au seruice des Romains. Car il estoit bien aduis à Fabius, qu'il n'y auoit raison quelconque, que les ueneurs, escuyers, & autres qui se messent de dompter les bestes irraisonnables, leur ostassent la fierté sauuage & farouche qu'elles ont de nature, par diligence, accoustumāce, & soing de leur nourriture, plus tost que par les battre à coups de fouet, ny les tenir empestrees: & que celuy qui prêt à gouuerner des hommes, n'usast plus de patience, de doulceur & de clemence, que de rudesse pour les corriger: & qu'il les traitast plus rudement & plus durement que les laboureurs ne font les figuiers, oliuiers, & pommiers I
sauuages, lesquelz ilz appriuoisent & addoulcissent si bien, qu'ilz en font à la fin de bons figuiers, bons oliuiers, & bōs pommiers. Vne autre fois quelques particuliers capitaines luy rapporterēt, qu'il y auoit un de leurs soudards qui sescartoit souuent du camp & s'esloignoit de son enseigne: il leur demanda, quel homme il estoit au demourant: ilz luy respōdirent tous unanimement, que c'estoit un fort bon homme de guerre, & que lon faudroit bien à en trouuer un pareil en toutes leurs bendes, & quand & quand luy reciterēt quelques prouesses notables, & quelques preuues de sa personne qu'ilz luy auoient ueu faire. Parquoy Fabius fait soigneusement enquerir qu'elle estoit la cause qui le faisoit ainsi souuent sortir hors du camp, & trouua qu'il estoit amoureux K
d'une ieune femme, & que pour l'aller ueoir il sescartoit à tous coups de son enseigne, & mettoit sa uie en grand danger, pource qu'il y auoit assez loing: cela entendu, il y enuoya quelques gens, sans que le soudard en sceust rien, & la fait prendre & cacher dedans sa tente, puis appella le soudard qui estoit Lucanien de nation, & le retirant à part, luy dit, l'ay bien sceu cōme tu as couché plusieurs nuiēts hors du camp contre les loix & ordonnances militaires des Romains: mais aussi ay-ie bien entendu que tu es homme de bien au demourant,

A rant, pourtant te pardonne-je les fautes passées, en considération de tes bons seruites : mais dorenavant ie te veux donner en garde à un autre qui me rendra compte de toy. Le soudard se trouva bien estonné quand il entendit ces paroles. Et Fabius faisant sortir son amie, la luy mit entre ses mains, en luy disant, Ceste cy me respondra que cy apres tu demoureras au camp avec nous : & au reste, ce sera à toy à nous faire cognoistre par effect, que ce n'estoit point pour autre cause meschante que tu te desrobois, en te servant de l'amour de ceste cy pour une couverture. Voila ce que lon treuve par escript quant à ce propos. Au demourant, Fabius regaigna en ceste maniere, & remeit en l'obeissance des Romains la uille de Taréte, qui leur auoit esté emblee par trahison. Il y auoit

B en son camp un ieune homme Tarentin, qui auoit dedans la uille une sœur, laquelle luy estoit fort fidele & l'aimoit cordialement : or estoit amoureux d'elle un capitaine Brutien de nation, l'un de ceulx à qui Hannibal auoit cōmis la garde de la uille : cela donna esperance & moien au ieune homme Tarentin, de conduire à chef son entreprise, laquelle il communiqua à Fabius, & de son consentemēt s'en fouit, & alla rendre dedans Tarente, donnant à entendre qu'il se uouloit de tout poinct retirer aupres de sa sœur. Et pour les premiers iours qu'il y fut, le capitaine Brutie coucha tout seul à part, à la requeste de la fille, qui pesoit que son frere ne sceust rien de son faict : mais au bout de quelques iours, le ieune homme la tira à l'escart, & luy dit, Ma sœur, il estoit grand bruit iusques au camp des Romains, que l'un des principaulx hommes de ceste garnison t'entretenoit, ie te prie dis moy qui il est : car pourueu qu'il soit gentil compagnon, & aussi homme de bien de sa personne comme lon dit, la guerre qui cōfond toutes choses, fait, qu'il ne peut chaloir de quel lieu il soit, & n'y a rien de deshoneste en ce que lon fait par force : c'est un grand heur en temps, ou le droit & la raison n'ont point de lieu, à tout le moins de se rencontrer entre les mains d'un doulx & gracieux seigneur. La sœur aiant ouy ces paroles de son frere, enuoya querir le capitaine Brutie, & luy fait cognoistre son frere, lequel se mit incontinent à luy faciliter la iouissance de ses amours, & à luy rendre sa sœur encore plus traittable & plus amoureuse qu'elle

C ne l'estoit au parauant. au moien dequoy le capitaine aussi cōmencea à prendre assurance de luy, de maniere qu'il fut desormais facile au ieune Tarentin, de gagner & faire tourner la uolunté de cest homme amoureux, & mercenaire, soubz l'esperance de grāds presents qu'on luy promettoit, & que Fabius luy deuoit faire. Ainsi l'escriu la plus grande partie des historiens : toutefois il y en a qui escriuent, que la femme qui gagna le capitaine Brutien n'estoit point Tarentine, ains estoit Brutienne, de laquelle (ce disent ilz) Fabius se seruoit pour concubine, & qu'elle aiant sceu, que le capitaine des Brutiens qui estoient en garnison dedans Tarente, estoit aussi Brutien, & de son propre pais, en parla à Fabius, du consentement duquel elle s'approchant des murail-

D les de la uille parla à luy, & fit si bien qu'elle le gagna. Mais pendant que ceste trame fourdissoit, Fabius uolāt distraire & escarter Hannibal de ce quartier là, escriuit aux gens de guerre qui estoient pour les Romains dedans la uille de Rege, qu'ilz courussent le pais des Brutiens, & qu'ilz allassent mettre le siege deuant la uille de Caulonie pour la raser & destruire : car ilz estoient bien iusques au nombre de huit mille hommes, la plus part traistres, estans passez d'un camp à l'autre, & les plus inutiles de ceulx qui aians esté notez d'infamie pour leurs mauuais deportemens, auoient illec esté transportez de la Si-

E

Fabius Maximus.

cile par Marcellus, de sorte qu'en les perdant, la chose publique ne faisoit pas grande perte, ny n'estoit pas pour en auoir grand regret. Si pensa Fabius que les exposant en proye à Hannibal, comme un appast pour le tirer arriere de ce quartier la, il le diuertiroit des enuiron de Tarente, comme il aduint, car incontinct Hannibal se coula celle part avec son armee pour les attrapper: & ce pendât Fabius alla mettre le siege deuât Tarente, là ou six iours apres qu'il y fut arriué, le ieune homme qui auoit avec sa sœur conduit la trame du capitaine Brutien, s'en uint une nuit deuers luy, apres auoir bien noté & remarqué l'endroit de la muraille que le Brutie auoit à garder, lequel auoit promis de se faindre & de laisser entrer ceulx qui uiedroient assaillir ce costé la. Toutefois Fabius ne uoulut pas du tout fonder l'esperance de ceste execution sur la trahison du Brutien: il est bien uray qu'il alla luy mesme en personne se presenter deuant cest endroit la, mais ce fut sans rien attenter pour un temps, & ce pendant il feit dōner l'assault uiuement à tous les autres costez de la uille tant par mer que par terre, avec grands cris & grand bruit, iusques à ce que le capitaine Brutien, uoiant que tous ceulx de la uille & de la garnison couroiet la part ou ilz entendoient le bruit si grand, feit signe à Fabius qu'il estoit tēps: lequel adonc feit apporter force eschelles, par ou il monta avec sa troupe sur les murailles, & ainsi se saisit de la uille. Mais il semble qu'en cest endroit il se laissa uaincre à l'ambition: car il commanda que lon tuaist les Brutiens les premiers, à fin que lon ne sceust point qu'il auoit emporté la uille par trahison: en quoy il se trompa, car non seulement il n'en rapporta pas la gloire qu'il en esperoit, ains y acquist le blasme de desloyaulté & de cruaulté. Il mourut aussi en ceste prise grand nombre des Tarentins, & si en fut encore uendu trente mille chefs, toute la uille saccagee, & du pillage furent portez aux coffres de l'espargne publique à Rome * trois mille talents. Lon dit qu'ainsi cōme lon pilloit & emportoit tout l'autre butin, le greffier qui en tenoit le registre, demanda à Fabius qu'il uouloit que lon feist des Dieux, entendant les tableaux & les images d'iceulx: & que Fabius luy respōdit, Laissons aux Tarētins leurs Dieux courroucez à eulx. Toutefois il feit trāsporter à Rome la statue de Hercules d'excessiue grandeur, qui estoit à Tarente, & la feit peser au Capitole, ioignant laquelle il feit aussi dresser son image de bronze estant à cheual: en quoy il se monstra de beaucoup plus uiolent que Marcellus, ou, pour mieux dire, il feit cognoistre au monde combien l'humanité, clemence & bonté de Marcellus estoit admirable, ainsi comme nous auons escrit en sa uie. Hannibal aiant entendu la nouuelle de ce siege, s'estoit mis en chemin pour uenir en diligence secourir Tarente, & dit on qu'il ne faillit à y arriuer à temps, que d'environ deux lieues & demie: & quand il sceut au uray qu'elle estoit prise, il dit tout hault en public, Les Romains ont donques aussi leur Hannibal, car nous auons perdu Tarente tout en la mesme sorte que nous l'auons gaignee. Mais puis apres quand il fut retiré en son priué, ce fut la premiere fois qu'il dit entre ses familiers, q de lōgue main il auoit biē preueu qu'il leur seroit difficile, mais lors qu'il cognoissoit euidēmēt qu'il leur estoit du tout impossible de tenir l'Italie avec les forces qu'ilz auoiet. Fabius entra dedās Rome en triūphe pour la secōde fois à cause de ceste prise, & fut son second triumphe plus magnifique q son premier, cōme d'un uaillant chāpion de lūcte, qui souuent faisoit teste à Hānibal, & qui se demelloit aiseemēt de toutes ses ruzes, ne plus ne moins que des prises & accrochemens de lūcte, qui n'auoient plus la mesme force

* Vn million & huit cēt mille escus.

- A** force ny roideur, qu'elles souloient au parauant auoir, à cause q' son armée estoit en partie effeminee pour les delices & les richesses qu'elle auoit amassées, & en partie aussi rectuë & diminuée par les continuelles secousses & rencôtres qu'elle auoit endurées. Or y auoit il un Romain nommé Marcus Liuius, qui auoit esté gouuerneur de Tarente lors que Hânibal l'auoit prise, & neâtmoins auoit retenu le chasteau, & l'auoit gardé iusques à ce que la uille retourna une autrefois en la puissance des Romains: il fut marry de ueoir tant d'honneur que lon faisoit à Fabius, de sorte qu'un iour en plein Senat, estant transporté d'ambition & d'enuie, il ne se peut tenir de dire que c'estoit luy, & non pas Fabius qui estoit cause de la prise de Tarente. Fabius s'en prit à rire, & luy respôdit sur le chap: Tu as dit la uerité, car si tu ne l'eusses point perdue, ie ne l'eusse point reprise. Mais les Romains honorerent grandement Fabius en toutes autres choses, & mesmement en ce qu'ilz eleurent son filz Consul, lequel estant ia entré en possession de son magistrat, ainsi comme il depeschoit quelques affaires touchât le faict de la guerre, son pere, fust ou pour la debilité de sa uieillesse, ou pour ce qu'il uoulust esprouuer son filz, monta à cheual pour aller deuers luy, & passa à trauers la presse des gens qui estoient autour de luy, & qui auoient affaire à luy: mais le ieune homme l'ayant aduisé de loing, ne le uolut pas supporter, ains luy enuoya un officier luy faire commandement de descendre de cheual, & de uenir à pied, si d'adventure il auoit aucune chose à faire au Consul. Ce commandement desplut à tous les assistans, qui ietterent incôtinrent leurs yeux sans dire mot sur Fabius, comme estimans que lon faisoit tort à sa grandeur: mais luy descendit incôtinrent à pied, & s'en alla, plus uiste que le pas, ambrasser & caresser son filz, en luy disant: Tu as raison mon filz, & fais tresbien de monstrier que tu sçais à qui tu commandes, & que tu cognois la grandeur de l'autorité Consulaire que tu as receuë. C'est le uray moien, par lequel nous & noz ancestres auons augmenté l'empire de ceste cité, en ayant tousiours plus cher le bien & l'honneur de nostre país, que pere ne mere, ny enfans. Aussi à la uerité dit on, que le bisayeul de Fabius, le plus grád & le plus honoré personnage qui fust en Rome de son temps, comme celuy qui auoit esté Consul par cinq fois, & qui auoit eu plusieurs triumphes, à raison de plusieurs grandes & glorieuses uictaires qu'il auoit gaignees, uolut bien depuis estre encore lieutenant de son filz, & aller sous luy à la guerre quand il fut eleu Consul: & finalement retournant son filz uictorieux en la uille sur un chariot de triumphe, tiré par quatre cheuaux, il le suiuit à cheual parmy la troupe des autres, faisant gloire de ce qu'ayant par droit d'autorité paternelle domination sur son filz, & qu'estant le plus grand homme de ses citoiens, & pour tel tenu & réputé, neantmoins il se soubmettoit uoluntairement à la loy, & au magistrat qui auoit l'autorité d'icelle: toutefois ce personnage là auoit bien d'autres uertus qui le rendoient d'ailleurs admirable. Mais il aduint que ce filz de Fabius mourut auant luy, la mort duquel il supporta modereement, comme personne sage & comme bon pere: car estant la coustume qu'à la mort des personnages illustres, leurs plus proches parents feissent une funebre harengue à leur louage, au conuoy de leurs obseques, il feit luy mesme l'oraison à l'honneur de son filz, & la prononça luy mesme publiquement sur la place: & qui plus est, la redigea par escript, & la publia. Enuirô ce temps Cornelius Scipion fut enuoyé en Hespagne, dont il dechassa les Carthagiinois, apres les auoir desfaits en plusieurs batailles, & y auoir cōquis plusieurs

Fabius Maximus.

grosses uilles, & mis en grande reputation les affaires des Romains, dõt il fut F
à son retour autant ou plus honoré, aimé & estimé que nul autre qui fust en la
uille. Au moien dequoy, aiant esté élu Consul, il cōsidera que le peuple Ro-
main attendoit & exigeoit de luy quelque chose plus grande que des autres:
si pensa que de s'attacher à combattre Hannibal au dedans de l'Italie, seroit
trop fait à la uieille mode, & sentiroit trop son uieillard, & pourtant resolut
incōtinent en soy mesme de faire ueoir les armes Romaines en Afrique, & al-
ler piller le païs iusques aux portes de Carthage mesme, en trāsferant la guerre
de l'Italie en Libye, sefforceāt de tout son pouuoir de le mettre en teste au peu-
ple, & le luy faire trouuer bon. Mais Fabius au contraire, se persuadāt que ce
qu'entreprenoit ce ieune hōme mal aduisé, fust aller precipiter la chose publi- G
que en un extreme dāger, festudia de mettre Rome en la plus grande frayeur
qu'il luy fut possible, sans y espargner ne parole ne fait, qu'il pensast pou-
uoir seruir à destourner le peuple de ceste uoulunté. & sceut si bien dire & fai-
re, qu'il auoit tiré le Senat à son opinion: mais le peuple estima que c'estoit
l'enuie qu'il portoit à la gloire de Scipion, qui luy faisoit procurer tout ce-
la, pour arrester le cours de sa bonne fortune, de peur que si d'aduenture
il uenoit à faire quelque grand & memorable exploit, comme d'esteindre de
tout poinct ceste guerre, ou de chasser Hannibal hors de l'Italie, il ne sem-
blast que luy se fust porté trop laschemēt & trop mollemēt d'auoir fait train- H
ner ceste guerre si longuement. Quant à moy, ie cuide bien que ce qui meut
Fabius du commencement à luy contredire, ne fut autre chose que le soing
du salut de la chose publique, pour le grand danger qu'il y auoit en telle reso-
lutiō: mais aussi pense-je, que depuis il passa oultre le deuoir, & s'acheurta trop
opiniastrement, fust ou par ambition, ou par obstination, à uouloir empes-
cher l'accroissement de Scipion, attendu mesmement qu'il feist tout ce qu'il
peut, pour persuader à Crassus compagnon de Scipion au Consulat, qu'il ne
luy cedast ny ne luy quittaist point la cōduitte de l'armee, ains si bon luy sem-
bloit de passer en Afrique pour aller faire la guerre aux Carthaginois, qu'il y
allaist plus tost luy mesme, & qui plus est, empescha que lon ne luy deliurast
argent pour ceste guerre. Au moien dequoy Scipion estant contraint de s'en I
prouueoir d'ailleurs sur son credit, en amassa es uilles de la Thoscane, lesquel-
les pour l'amour qu'elles luy portoient, contribuerent à son entreprise, & de-
moura Crassus en la maison, tant pource qu'il estoit homme doux, & nō am-
bitieux ny contentieux de sa nature, comme aussi pource qu'il tenoit la prela-
ture de souuerain Pontife, qui par la loy de leur religion est contraint de de-
mourer en la uille. Parquoy Fabius uoiant qu'il ne faisoit rien par ce chemin
là, alla derechef par un autre à l'encontre de Scipion, taschant à retenir & ar-
rester les ieunes hōmes, qui desiroient aller à ce uoyage avec luy: car il cryoit
ordinairement en toutes les assemblees du Senat & du peuple, qu'il ne suffisoit
pas à Scipion de fouir Hannibal, mais qu'il emmenoit encore quand & luy, K
ce qui restoit de forces en Italie, abusant la ieunesse de uaine esperance, & per-
suadant aux ieunes gens d'abandonner leurs femmes, leurs peres & meres, &
leur païs, lors que l'ennemy, qui tousiours auoit esté uictorieux, & nō iamais
uaincu, estoit à leurs portes. Ces paroles de Fabius donnerent si grande crain-
te aux Romains, qu'ilz ordonnerent que Scipion se seruiroit donques en son
entreprise de l'armee qui estoit en la Sicile seulement, excepté qu'il pourroit
mener d'auantage trois cents hommes, qui l'auoient bien & fidelement seruy
en

- A** en la guerre d'Hespagne. Ainsi sembla il que iusques icy Fabius feist & dist toutes ces choses suyuant sa coustume & l'humeur de sa nature. Mais au demourât, Scipion ne fut pas plus tost passé en Afrique, que lon entédit incontinent à Rome des exploits admirables, & des effects grands & glorieux à merueilles, & quand & quand grande quantité de despouilles & de butin, qui tesmoignoient les nouuelles estre urayes, le Roy des Numides prisonnier, deux camps des ennemis arz & bruslez tout en un mesme téps, avec perte d'un grand nombre de gens, de harnois & de cheuaux qui furent consummez dedás, force lettres & messagers expres que lon enuoyoit de Cartage à Hannibal pour le rappeler, & le prier de ne s'arrester plus à poursuiure une esperance uaine qui ne uiendrait iamais à fin, ains s'en reuenir au plus tost que faire pourroit, secourir son païs. Pour lesquelles prosperitez estant Scipion si fort estimé & renommé dedans Rome, que lon ne parloit que de luy. Fabius neantmoins requit encore, & fut d'aduis, que lon luy enuoyast un successeur, sans alleguer autre cause ny raison, sinon un commun dire, Qu'il n'estoit pas seur de com-
- B** mettre tant & de si grandes choses à la fortune d'un seul homme, pource qu'il est bien malaisé qu'un mesme personnage soit en tout & par tout heureux. Ces langages adonc despleurent si fort au peuple, que lon l'en estima homme importun, fascheux & enuieux, ou que pour sa uieillesse il estoit deuenu couard, & auoit perdu toute uigueur de courage, redoubtant Hannibal trop plus effroyement qu'il ne deuoit: car encore alors qu'il eut esté contraint d'abandonner l'Italie, & s'en retourner en Afrique, il ne permettoit pas que la ioye & l'asseurance que le peuple en prenoit, fust entiere & nette de toute crainte, & de toute desfiace, ains alloit disant que c'estoit adonc que les affaires estoient en plus grand danger, & que la chose publique couroit plus grande fortune que iamais, pource que Hannibal estat de retour en Afrique deuant les murailles de Cartage mesme, seroit bien plus rude à soustenir qu'il n'auoit onques esté, & que Scipion y rencotreroit une armee encore toute chaude du sang de tant de Preteurs, Dictateurs & Cósuls Romains qu'elle auoit desfaits en Italie, de maniere que par telz lagages, la uille se trouua encore derechef toute troublee, &
- D** cöbien que la guerre fust transferee de l'Italie en Afrique, estima neantmoins l'occasion de craindre estre plus prochaine de Rome que iamais. Mais peu de temps apres, aiant Scipion desfait Hannibal en bataille rengee, abbatu & mis sous ses piedz la gloire & l'orgueil de Cartage, donna à ses citoiens une ioye plus grande qu'ilz n'auoient onques esperée: & en ce faisant redressa & assura l'empire Romain, qui peu deuant auoit esté en grand branle. Toutefois la uie de Fabius ne s'estendit pas iusques à la fin de ceste guerre, & n'entédit onques de son uiuant la nouuelle de la routte de Hannibal, ny ne ueit onques celle grande & assuree prosperité de son païs: car enuiron le téps que Hannibal se partit de l'Italie, il tumba en une maladie, dont il mourut. Or trouue lon
- E** par les histoires, que les Thebains enseuelirent Epaminondas aux despens du public, pource qu'il mourut en si grande pauvreté, que quand il fut mort lon ne trouua rien qui soit en sa maison, sinon une petite broche de fer: mais les Romains n'inhumerent pas Fabius aux despens de la chose publique, ains cötribuerät à ses funerailles pour teste la moindre piece de monoye qui eust cours alors, nō pource qu'il eust faulte de biés pour se faire inhumer, mais seulement pour honorer sa memoire, en faisant ses obseques à leur despens, cöme de leur pere commun. Ainsi eut il à sa mort honneur conuenable à la uertu de sa uie.

Fabius Maximus.

LA COMPARAISON DE PERICLES AVEC FABIUS.

VOila donques ce que lon treuve par escript de ces deux grands personnages. Et comme ainsi soit qu'ilz aient laissé l'un & l'autre plusieurs beaux exemples de uertu, tant en faict de guerre qu'en matiere de gouuernement, commençons à les conferer ensemble. Premièrement Pericles uint au maniement des affaires de sa chose publique, lors que le peuple Athenien estoit au comble de sa prosperité, & en la fleur de sa puissance, & richesse plus grande que iamais n'auoit esté auparauât, ny ne fut onques depuis. Ce qui pourroit sembler auoir esté cause de le maintenir sur ses piedz en seureté perpetuelle, sans iamais succumber, nō tant pour sa ualeur que pour la puissance & prosperité publique: là ou, au contraire, les actes de Fabius se rencōtrèrent aux plus malheureux & plus deshonzorez temps de son païs, esquelz il ne mainteint pas sa uille en ses biens sans dechoir, ains la tirant d'un trescalamiteux estat ou il la trouua, la rendit en un meilleur. D'auantage les heureux exploits de Cimon, les uictories & trophées de Myronides, & de Leocrates, & plusieurs beaux & grands faicts d'armes de Tolmides, donnerent moien à Pericles de tenir sa uille en festes & en ieux tant qu'il en eut le gouuernement, & ne la trouua pas en necessité qu'il la fallust garder à force d'armes, ou reconquerir ce qu'elle auroit perdu. Et à l'opposite Fabius uoiant deuât soy plusieurs fuittes, routtes, & defaittes, plusieurs meurtres, & morts de capitaines generaulx des armées Romaines, les lacs, les plaines, les bois remplis de leurs desconfitures, les fleues & ruisseaux regorgeas de sang & de corps morts iusques à la mer, prit en main le gouuernement de la siene, & par un moien de proceder tout different des autres, la sousteint & estaya dessoubz, de maniere qu'il la garda de tumber à plat par les demolitions & ruines que les autres y auoient faittes. Toutefois on pourroit aussi dire qu'il n'est pas si difficile de manier une uille humiliee par aduersitez, & qui, contrainte par la necessité, se laisse gouuerner au plus sage, comme de refrener la fierté & l'insolēce d'un peuple enorgueillly & eleué par longue prosperité, ainsi cōme Pericles uint about des Atheniens. Aussi la grande multitude de tant & de si griesues calamitez qui aduindrēt lors aux Romains, monstra bien que Fabius estoit un graue & constant personnage, qui ne se laissa point aller aux crieries d'une commune, ny iamais ne se departit de ses premiers cōseilz. Et peut on opposer à la prise de Samos que Pericles prit à force le recouurement de Tarente, & à l'isle d'Eubœe les uilles de la Cāpagne, qu'il retira, exceptee celle de Capoue, que les Consuls, Frurius & Appius recouurerent. Mais il semble que Fabius ne gagna iamais bataille sinō celle la dont il triompha la premiere fois, là ou Pericles dressa neuf trophées des batailles & uictories qu'il auoit gaignees tant par mer que par terre. Vray est aussi que l'on ne sçauroit alleguer un tel acte de Pericles, comme fut celuy de Fabius quand il recourut Minutius des mains de Hānibal, & preserua une armee toute entiere de Romains, qui fut sans point de doubte un faict digne de grande gloire, comme procedant de prouesse, sagesse & bonté tout ensemble: mais aussi ne fait onques Pericles un tel erreur, comme fait Fabius, quand il fut affiné & abusé par la ruse des bœufs de Hānibal, aiant trouué son ennemy, qui par cas d'aduenture festoit de luy mesme enfermé dedans le destroit d'une uallee, & l'ayant laissé eschapper la nuit par subtilité, & le iour

A par force: car il fut preuenu par trop dilaier, & battu par celuy qu'il tenoit enfermé. Et si l fault qu'un bon capitaine non seulement use bien de ce qu'il a present en main, mais aussi qu'il iuge sagement de ce qui est à aduenir. La guerre des Atheniens se termina tout en la mesme sorte que Pericles leur auoit predict: car, par ambition de uouloir trop embrasser, ilz perdirēt leur estat. Et au contraire les Romains, aians enuoyé Scipion en Afrique pour y faire la guerre aux Carthaginois, gaignerent tout ce qu'ilz uoulurent, aiant leur capitaine uaincu, non par fortune, mais par uaillāce & par prouesse leurs ennemis: de maniere que le bon iugemēt de l'un est tesmoigné par la ruine de son païs, & l'erreur de l'autre adueré par l'heureux euēnement de ce qu'il auoit voulu empescher. Or est-ce faulte pareille à un capitaine de tumber en un inconuenient non attēdu ne preuē, que par desfiāce faillir à embrasser l'occasion de faire un grand exploit quand elle se presente: car mesme default d'experience engendre temerité à l'un, & oste l'assurance à l'autre. Voila quant à leurs faicts de guerre. Et quant aux actes de gouuernemēt ciuil, c'est un grād reproche à Pericles d'auoir esté autheur de la guerre: car on tient que luy seul en fut cause, en faheurtant à ne uouloir point que lon cedast un peu aux Lacedemoniens: toutefois il m'est aduis que Fabius Maximus ne ceda luy mesme non plus aux Carthaginois, ains se presenta hardiemēt & courageusemēt à tout danger pour maintenir contre eulx l'empire de son païs. Mais la debonaireté & clemence que Fabius monstra enuers Minutius, condamne fort les brigues & menees de Pericles à l'encontre de Cimon & de Thucydides, tous deux gēs de bien & d'honneur & tenās le party de la noblesse, qu'il feit chasser de la uille & les bānir à certain tēps. Aussi estoit l'autorité & la puissance de Pericles en sa chose publique plus grāde, moienant laquelle il empescha qu'il n'y eust de son temps aucun capitaine qui executast sa folie & sa temerité au dommage du public, excepté Tolmides seul qui luy eschappa, & malgré luy alla aheurter contre les Bœotiens, ou il demoura: car tous les autres au demourant luy adhererent, & se rengerent à sa uolunté pour la grandeur de son autorité: là ou Fabius, encore que quāt à luy il ne feist point de faulte, & qu'il allast seuremēt en besoigne, si est-ce, que pour n'auoir pas esté assez fort pour empescher les autres de faillir, semble auoir esté en ce regard defectueux: car les Romains ne fussent pas tumbēz en tant de calamitez si l eust eu autant d'autorité à Rome, comme Pericles en auoit à Athenes. Et quant à la liberalité, l'un la monstra en ne uolant point accepter l'argent qu'on luy presenta, & l'autre en en dōnant à ceulx qui en auoient besoing, & rachepāt ses citoiēs qui estoient prisonniers: toutefois il n'y despendit pas grande somme de deniers, ains enuiron trois mille six cents escus seulement: là ou il ne seroit pas facile à dire combien Pericles pouoit amasser d'argent & de presens par le moien de son autorité, tant des subiects & alliez mesmes des Atheniens, comme aussi des Roys & princes estrangers: en quoy neantmoins il teint tousiours ses mains nettes de toute concussion. Mais au reste, quant à la beaulté & magnificence des temples, ouurages, & edifices publics, tous les ornemens ensemble qui furent onqués à Rome auant le temps des Cæsars, ne sont pas à comparer à ceulx dont Pericles embellit, & orna la uille d'Athenes: car il n'y a point de proportion ny de cōparaison de la sumptuosité excellente & magnificence des uns aux autres.

Alcibiades.



A race d'Alcibiades, du costé de son pere, estoit anciennement descédue d'Eurysaces, qui fut filz d'Aiax, & du costé de sa mere d'Alcmæon : car sa mere, Dinomache, estoit fille de Megacles : & son pere Clinias aiant armé & équipé une galere à ses propres cousts & despens, acquit fort grand honneur en la bataille nauale qui fut donnee le long de la coste d'Artemisium, & mourut depuis en une autre bataille pres de Coronee contre les Bœotiés, & furent tuteurs de son filz, Pericles, & Ariphron filz de Xantippus, qui estoient ses proches parés. On dit, & est uray, que l'amitié & bienueillance de Socrates seruit beaucoup à la gloire d'Alcibiades : & qu'il soit ainsi, il appert par ce que de Nicias, de Demosthenes, de Lamachus, de Phormion, de Thrasylbulus, & de Theramenes, qui tous furent grâds & renommez personnages de son temps, on ne sçait pas seulement comme leurs meres auoient nom, & au contraire, nous trouuons iusques à la nourrice mesme d'Alcibiades, qu'elle estoit Lacedæmonienne, & qu'elle s'appelloit Amycla, & que son pédagogue se nommoit Zopyrus, ainsi comme Antisthenes a escrit l'un, & Platon l'autre. Or quant à sa beauté, à l'adventure n'est il ia besoing d'en rien dire, toutefois si en diray-ie cela seulement en passant, qu'elle se mainteint tousiours florissante en son enfance, en son adolescence, & encore apres qu'il fut deuenu homme parfait, de maniere qu'elle le rendit plaisant & agreable par toutes les saisons de son aage : car ce que dit Euripides en un passage, que de tous les beaux l'arriere saison est encore belle, n'est pas uniuersellement veritable, ains est cela propre & peculier à Alcibiades avec bien peu d'autres pour la parfaittemēt belle & bonne tēperature de sa personne. On dit d'auantage qu'il auoit la langue un peu grasse, ce qui ne luy feoit pas mal, ains donnoit une certaine grace naifue & attrayante à son parler, dequoy Aristophanes mesme fait mention en un passage, ou il se moque d'un Theorus, en contrefaisant la prononciation de ceulx qui parlent gras,

Regarde moy Theolus en la face,
C e me disoit, avec sa langue grasse,
D e Clinias le filz qui est si beau :
I l a, uois tu, la teste d'un * colbeau.
S on parler gras luy a certainement
F ait rencontrer ce coup là urayement.

Et Archippus un autre poëte, se moquant aussi du filz d'Alcibiades dit ainsi,
A fin qu'à ceulx qui le uoient il semble,
Q ue de tout poinct à son pere il ressemble,
I l ua trainnant sa robbe par la place
E n cheminant d'une allure mollace,
E t contrefaiët, mettant son parler hors,
L a langue grasse, & porte le col tors.

Quant à ses meurs, elles se changerent & tournerent avec le temps par plusieurs fois, & ne s'en fault pas esbahir, ueu les grandes fortunes & les diuers accidents ou il se trouua depuis : mais entre plusieurs grandes passions aux quelles il estoit subiect de sa nature, l'ambition de uoloir en toutes choses auoir le dessus, & estre par tout le premier, estoit la plus forte & la plus uehēmente qui fust en luy, comme il appert par quelques faicts & dicts notables de

* La récontre ne se peut trouuer au langage François comme au Grec, à cause de ces deux dictiōs, corax & colax, dont l'une signifie corbeau, & l'autre flateur.

A son enfance, que lon a recueuillis par memoire. Comme un iour qu'il festba-
toit à la lucte, il se trouua d'adventure fort pressé par son compagnon, & en
grand danger d'aller par terre: mais il feit tant qu'il approcha de sa bouche le
bras de celuy qui l'estraignoit, & le mordit si serré, qu'il sembloit qu'il luy
uoulust mager la main. L'autre se sentant ainsi mordre, lascha incontinent sa
prise, & luy dit, Quoy, tu mors cōme une femme Alcibiades: non fais, respō-
dit il, mais comme un lion. Vne autre fois, estant encore petit garsonnet, il
iouroit avec quelques autres siens compagnons au ieu des osselets au beau
milieu d'une rue, & quand se uint à son tour à ietter les osselets, il suruint
d'adventure un chariot chargé: il pria le chartier qui le conduisoit d'atten-
Bdre un peu que son ieu fust acheuē, pource que les osselets estoient tumbēz
iustement en la place par ou il falloit que le chariot passast. Le chartier fut
si mal gracieux qu'il n'en uoulut rien faire, & ne laissa pas pour ses prieres de
chasser ses cheuaux, de maniere que les autres enfans se fendirent pour le lais-
ser passer: mais Alcibiades se ietta tout de son long emmy la place au deuāt
du chariot, & dit au chartier qu'il passast donc ainsi s'il uouloit. Le chartier
tout effroyé retira incontinēt ses cheuaux en arriere: & les uoifins qui apper-
ceurent cela, accoururēt tous esperdus celle part, en criant. Depuis, quand on
commença à le faire apprendre, il obeit uoluntiers à tous autres maistres
qui luy uoulurent enseigner quelque chose, excepté qu'il desdaigna d'ap-
Cprendre à iouer des flustes, disant que ce n'estoit point artifice honeste, ne
digne d'un gentilhomme: pource disoit il, que l'usage de la uiole & de l'ar-
chet ne gaste rien ny de la contenance, ny de la forme de uisage cōuenable à
un gētilhōme, là ou quand on souffle dedans une fluste, le uisage s'en altere &
s'en chāge si fort, que ses plus familiers ne le peuuēt à peine pas recognoistre.
D'auantage la lyre ne la uiole n'empeschent point celuy qui en iouē de chan-
ter & de parler quand & quand, là ou la fluste ferme tellement la bouche de
celuy qui en iouē, qu'elle luy oste non seulement la parole, mais aussi la uoix:
Pourtāt, disoit il, laissons iouer de la fluste aux enfans des Thebains q ne sça-
uēt parler: car nous autres Atheniēs, ainsi que nous enseignēt noz peres, auōs
Dpour protecteurs & patrons de nostre pais la Deesse Pallas & le Dieu Apollo,
dōt l'une ancienemēt, comme lon dit, ietta la fluste, & l'autre escorcha le flu-
steur. Ainsi Alcibiades alleguāt ces raisons, partie en ieu, & partie à bō esciāt,
non seulement se deporta d'apprendre à iouer des flustes, ains en destourna
aussi semblablement ses compagnons: car ce propos courut incontinent de
main en main parmy les ieunes enfans, q Alcibiades avec bonne raison haïs-
soit & mesprisoit le ieu des flustes, & se moquoit de ceulx qui en apprenoient:
tellement qu'il en aduint que depuis cest artifice fut à Athenes mis hors du
nombre des arts honestes & exercices liberaux, & en fut la fluste deshonorée,
& tenue pour instrument infame. Au reste, on treuve escript dedans le libelle
Ediffamatoire qu'un Antiphon composa contre Alcibiades, qu'estant encore
enfant, il s'enfouit de la maison de ses tuteurs en celle de Democrates, l'un de
ses amoureux, & que Ariphton l'un de ses tuteurs fut d'aduis de le faire crier
par la uille: mais que Pericles l'en engarda, disant que si d'aduēture il estoit
mort ilz ne le sçauroient que d'un iour plus tost par la cryce, & s'il estoit uiuāt
que le demourant de sa uie en feroit si deshonoré, qu'il uauldroit mieulx pour
luy qu'il eust du tout esté perdu. Il luy reproche d'auātage qu'il auoit tué d'un
coup de baston dedans le parc à la lucte de Sibyrrius, un des seruiteurs qui a-

Alcibiades.

uoient charge de le fuiure par tout. mais il n'est à l'aduenture pas bien raisonnable, d'adiouxtier foy à tout ce que dit un qui confesse l'iniurier expressement pour inimitié qu'il auoit encōtre luy. Or y eut il incontīnēt plusieurs gens de qualité & d'apparence, qui se rengèrent autour de luy à le caresser & tascher d'acquérir sa bonne grace, tous lesquelz donnoient assez euidentement à cognoistre qu'ilz le suyuoient pour l'excellente & singuliere beaulté qui estoit en luy, excepté Socrates seul, l'amour duquel porte grand tesmoignage, que l'enfant estoit bien né à la uertu, laquelle luy apperceuant reluisante à trauers la beaulté corporelle de son uisage, & craignant les richesses, la dignité, & l'autorité, & le grand nombre de poursuuians qui estoient apres, tant des principaux personnages de la uille que des estrangers, taschans à le gagner par flatterie & par tous attraiçts de plaisir, se uolūt entremettre de le defendre, & ne souffrir point qu'une si belle plante perdist ou gastaist son fruit en sa fleur. Car iamais la fortune ne rempara ny n'environna tant homme par le dehors, de ce que communement lon appelle ses biens, pour empescher que la philosophie n'y attaignist avec ses remonstrāces libres, seueres & poignantes au uif, comme Alcibiades fut au commencement assiegé de delices, & enfermé de ceulx qui luy subministroient tous plaisirs & toutes uoluptez, à fin de le diuertir qu'il ne uolust point escouter les propos de celuy qui le uoloit instruire de son bien & l'enseigner: & neantmoins pour la bonté de sa nature, encore cogneut il Socrates & l'approcha de foy, repoulsant & escartāt les autres riches & puissans amoureux, si se le rendit incontīnēt familier: & apres auoir ouy ses discours, qui n'estoient point deuis d'homme qui allast chercher aucune uolupté deshoneste, ne qui demandast à baiser ny à toucher, ains qui luy remonstroit, & reprenoit les imperfections qui estoient en son ame: & luy rabaissoit son orgueil & son oultrecuidance, adonc, comme lon dit en commun prouerbe,

I l sen fouit cacher l'aile pendant,

C omme le coq battu se ua rendant.

Et estima que toute la poursuite & l'affection de Socrates enuers les ieunes gens, estoit à la uerité une entremise des Dieux, & un moien dont ilz uoient enuers ceulx qu'ilz uoloient præsuer, & mettre en uoye de salut. Si comēcea à se mespriser soy mesme, & à l'auoir en admiration prenant plaisir aux caresses qu'il luy faisoit, & neantmoins portant reuerence à sa uertu, de maniere qu'il ne se donna garde qu'il eut formé en son cueur une image d'Amour, ou plus tost, comme dit Platon, un Contr'amour, c'est à dire, un amour saint & honeste: tellement que tout le monde sesmerueilloit de le uoir ordinairement boire & manger, iouer, lucter, & loger à la guerre avec Socrates, & au contraire rudoier ses autres amoureux, sans qu'ilz peussent auoir aucune bone chere de luy, & mesme se porter outrageusement enuers aucuns: comme il feit un iour enuers Anytus filz de Anthemion, car il estoit un de ceulx qui l'aimoier, & comme il feist un festin à quelques siens amis estrangers qui l'estoier uenus uoir, il y conuia Alcibiades aussi, lequel refusa d'y aller, & estant demouré à faire bonne chere en sa maison avec quelques siens compagnons, apres auoir biē beu, il sen alla follastrer chez Anytus, là ou s'arrestāt à la porte de la sale, il ueit la table & le buffet tout couuerts de uaisselle d'or & d'argēt, & commanda à ses seruiteurs qu'ilz en allassent prendre la moytié, & la portassent en sa maison: mais au reste ne daigna pas entrer dedās, ains cela fait se

retourna.

- A** retourna. Les estrangers qui estoient au festin, trouuerent ce tour bien estrange, & dirent qu'il festoit fort oultrageusement & superbement porté enuers Anytus: Mais, bien gracieusement, leur respondit Anytus: car de ce qu'il pouuoit tout emporter, il nous en a laissé la moitié. Il en faisoit autant & traittoit tout de mesme les autres qui estoient aussi amoureux de luy, excepté un estranger, qui s'estoit uenu habiter à Athenes, & estat pauvre, comme lon dit, uen-
dit tout ce qu'il auoit, dont il fit iusques à la somme de * cēt stateres qu'il luy apporta, & le pria de les prendre. Alcibiades s'en mit à rire, & estant bien aise d'auoir cogneu sa bōne uoulunté, le pria de soupper avec luy, là ou il le traicta bien, & luy fit bonne chere, puis apres soupper luy rendit son argent, & luy
- B** commanda que le lendemain il ne faillist pas à se trouuer au lieu ou lon bailloit les fermes publiques au plus offrat, & qu'il y meist enchere par dessus tous les autres. Le pauvre homme s'en uolul excuser, disant que les fermes estoient trop grosses pour luy: mais Alcibiades le menassa de le faire fouetter, sil ne le faisoit: car oultre ce qu'il luy uoloit faire plaisir, il auoit encore quel que picque particuliere à l'encontre des fermiers ordinaires. Le lendemain au matin l'estranger se trouua sur la place, au lieu ou lon estrouffoit les fermes, & y meist * un talent d'enchere, dequoy les autres fermiers furent bien courroucez, & se bendans ensemble contre luy, requierent qu'il eust à nommer promptement son respondant, pensans qu'il ne trouueroit iamais qui le uolust cautionner.
- C** L'estranger se trouua bien empesché, & commēceoit ia à se tirer arriere, quād Alcibiades crya de loing tout hault aux officiers qui presidoient à ceste enchere, C'est moy qui responds pour luy, escriuez moy, car c'est l'un de mes amis. Les fermiers oyans cela, ne sceurent plus que dire ne que faire, pource que aias tousiours accoustumé de payer les fermes des annees precedentes à l'aide des subsequetes, ilz se uoyoient priuez de ce moien de s'acquitter enuers le public, & ne trouuans autre meilleur expedient, le prierent de prendre une piece d'argent, pour se departir de son marché: mais Alcibiades ne uolul pas qu'il en prist moins d'un talent, ce qu'ilz luy baillerent: & alors il luy permit de s'en departir: ainsi fut il cause de ce gaing à ce pauvre estranger. Or donques l'amour de Socrates, encore qu'il eust plusieurs grands & puissans aduersaires, arrestoit aucunes fois Alcibiades pour la gentillesse de sa nature, par le moien des beaux discours & bonnes remonstrances qu'il luy faisoit, dont les raisons luy touchoient le cueur au uif, & l'emouuoient iusques à luy faire uenir les larmes aux yeux: mais quelque fois aussi se laissant aller aux allechemens des flatteurs, qui luy subministroient tous plaisirs & toutes uoluptez, il eschapoit à Socrates & falloir qu'il courust apres pour le reprēdre, cōme un esclaue qui s'en feroit fouy de la maison de son maistre: car il n'y auoit que celuy là seul qu'il craignist, & auquel il portast reuerence, mesprisant tous les autres au demourāt. Auquel propos, le philosophe Cleanthes fouloit dire, qu'il ne tenoit q par les oreilles le ieune enfant, dont il estoit amoureux, & qu'au cōtraire il donnoit à ses concurrens beaucoup d'autres prises, auxquelles luy ne uoloit point toucher, uolant entendre le boire & le manger, & autres plaisirs deshonnēstes: car à dire la uerité, Alcibiades estoit de luy mesme assez facile à tirer aux uoluptez, & est à l'aduenture, ce que Thucydides a uolu dire, quand il escrit qu'il estoit desordonné en son uiure ordinaire, quant à sa personne: mais toutefois ceulx qui le gastoient, s'attachoient plus tost à son ambition & à sa cupidité de gloire, luy mettans en teste qu'il deuoit entreprēdre

* Ce peruenit estre enuiron cēt florins.

* Ce sont six cēt escus.

Alcibiades.

toutes grandes choses avant qu'il en fust temps, & luy faisans à croire que si F
tost qu'il commenceroit à s'entremettre du gouuernement des affaires, non
seulement il obscurceroit & effaceroit tous les autres gouuerneurs, mais aussi
surmonteroit la reputation, l'autorité & la puissance de Pericles entre les
Grecs. Ainsi, ne plus ne moins que le fer amolli & fondu par la force du feu,
se réduisit derechef par le froit, & se resserre en soy mesme: aussi estât Alcibia-
des enflé de uanité & de præsumptueuse opinion de soy, toutes & quantes fois
que Socrates uenoit à le prendre, il le resserroit par ses remonstrances & le ren-
geoit, de sorte qu'il le rendoit bas & humble, quand il uenoit à recognoistre
combien de choses luy defailloient, & combien il estoit loing de la uraye uer-
tu. Mais un iour, estant ia fort hors de son enfance, il entra en une escole de G
Grâmaire, & demanda au maistre quelque liure d'Homere. Le maistre luy res-
pōdit, qu'il n'en auoit pas un: il luy dōna un soufflet, & s'en alla. Vn autre Grâ-
marien luy dit quelque autre fois, qu'il auoit Homere corrigé de sa main: Al-
cibiades luy repliqua, Et cōment t'amuses tu à enseigner les premieres lettres
aux petits enfans, si tu es suffisant pour corriger Homere, & que tu ne te mets
plus tost à monstres aux ieunes hōmes? Vne autre fois uolāt parler à Pericles,
il alla battre à sa porte: on luy respondit, qu'il n'auoit pas loisir de parler à luy,
pource qu'il estoit empesché à penser à par soy comment il rendroit ses cōptes
aux Atheniens: Comment, dit il en s'en allant, ne uaudroit il pas mieulx qu'il
pésast, cōment il pourroit faire qu'il n'en rendist du tout point? Au reste, estât H
encore ieune garson, il fut au uoyage de Potidæe, là ou il logea tousiours avec
Socrates, & l'eut tousiours à ses costez en toutes les rencōtres & escarmouches
ou il se trouua, entre lesquelles il y en eut une fort aspre, ou ilz se porterēt tous
deux tresbien, & y fut Alcibiades blecé: mais Socrates se ietta au deuāt de luy
pour le couurir, & le secourut si bien à la ueuē de tout le monde, qu'il le sauua
luy & ses armes, qu'ilz ne uinsent en la puissance des ennemis. Si estoit selō le
droit & la raison le pris d'honneur de ce combat deu, sans aucune doubte, à
Socrates: mais toutefois les capitaines desiroiēt l'adiuger à Alcibiades, pource
qu'il estoit de grande & noble maison: & Socrates uolant augmēter & agui-
fer sa conuoitise d'honneur & de gloire es choses honestes & louables, fut le I
premier qui tesmoigna qu'il l'auoit meritē, & qui pria les capitaines de luy
adiuger la couronne & le harnois complet. Depuis en la bataille de Delion
les Atheniens aians esté rompus & desfaits, Socrates se retiroit avec peu d'au-
tres à pied. Alcibiades, qui estoit à cheual, l'aiāt trouué, ne uolut point passer
oultre, ains l'accompagna, & le defendit contre une troupe d'ennemis qui
le poursuyuoient, & en tuoient plusieurs de sa compagnie: mais cela fut quel-
que temps apres. Et au parauant il dōna un soufflet à Hipponicus pere de Cal-
lias, qui estoit l'un des plus grands & des plus puissans hommes de sa uille, tāt
pour la noblesse de sa maison, que pour ses biēs & sa richesse, & ne le fait point
par courroux, ne pour aucune querelle qu'il eust à desmesler avec luy: mais de R
gayeté de cuer pour une gageure qu'il auoit faitte avec ses cōpagnons. Ce-
ste insolence fut incontīnēt semee & diuulguee par toute la uille, & n'y auoit
celuy cōme lon peult pēser, qui ne trouuast le fait fort mauuais: mais le lēde-
main matin, il s'en alla en sa maison, & battāt à la porte entra dedās, & se des-
pouilla deuāt luy, en luy abādonnāt son corps à fouetter & chastier à son plai-
sir. Hipponicus luy pardonna & luy remeit tout son courroux, & depuis luy
donna en mariage sa fille Hipparete: toutefois aucuns disent que ce ne fut

A pas Hipponicus qui la luy donna, ains Callias son filz, avec * dix talents de douaire: mais depuis au premier enfant qu'elle feit, il en demanda autres dix, disant qu'il luy auoit esté ainsi promis par son contract de mariage, fil aduenoit que sa femme eust enfans. Mais Callias craignant que ce ne fust une occasion cherchée pour l'aguetter & le faire mourir, à fin d'auoir ses biés, déclara publiquement au peuple, qu'il le faisoit son heritier uniuersel de tous ses biens, fil aduenoit qu'il decedast sans hoirs sortis de son corps. Ceste dame Hipparete estant honeste & gardant loyaulté à son mary, eut despit du tort qu'il luy faisoit, d'entretenir plusieurs folles femmes, tant de la uille mesme que des estrangeres, tellement qu'elle sortit de sa maison & s'en alla chez son frere.

B Alcibiades ne s'en soucia point, ny n'en feit autre compte, sinon qu'il la pria qu'elle portast elle mesme la declaratiō des causes de son diuorce au magistrat, & qu'elle ne les y enuoiaist point par autre personne interposée. Parquoy y estant elle mesme allée pour se faire departir d'avec luy, selon que la loy l'ordonnoit, Alcibiades qui sy trouua aussi, la saisit au corps & l'emporta à trauers la place iusques en sa maison, sans que personne s'osast entremettre de l'en empescher ne la luy oster: elle y demoura iusques à sa mort, qui fut bien tost apres, pendant un uoyage que feit Alcibiades en la uille d'Ephese. Ceste force ne fut point trouuee du tout illicite ny inhumaine, pource qu'il semble que c'estoit l'occasion pour laquelle la loy uouloit, que la femme qui

C uouloit faire diuorce avec son mary, allast elle mesme en public deuant le iuge en exposer les causes, à fin que le mary eust moien de parler avec elle, & tâcher à la retenir. Il auoit un chien beau & grand à merucilles, qui luy auoit cousté sept cents escus, il luy couppa la cueuë, qui estoit la plus belle partie qu'il eust: dequoy ses familiers le tenserent fort, disans qu'il auoit donné à parler à tout le monde, & que chascun le blasmoit fort d'auoir ainsi diffamé un si beau chien. Il ne s'en feit que rire, & leur dit, C'est tout ce que ie demande: car ie ueux que les Atheniens aillent cacquetant de cela, à fin qu'ilz ne dient rien pis de moy. Au demourant, il se dit que sa premiere entree à parler en public, & à se meller des affaires, fut par une donatiō d'argēt qu'il feit au public,

D non qu'il eust de longue main proietté de ce faire: mais un iour en passant de cas d'aduerture par la place, il entendit un grand bruit du peuple, & demanda que c'estoit: on luy dit, que c'estoit de l'argēt que quelques particuliers auoient donné à la chose publique: adonc il se tira en auant, & en offrit aussi du sien. Le peuple en fut si aise qu'il se prit à crier & à battre des mains, par une maniere de remerciement: dōt il fut si ioyeux, qu'il s'oublia d'auoir soubz sa robbe en son sein une caille, laquelle eut peur du bruit, & s'en uola. Le peuple s'escria, & feit encore plus de bruit que deuant: & y en eut plusieurs qui se leuerēt de leurs places pour courir apres, si qu'elle fut reprise par un pilote de nauire nommé Antiochus, qui la luy rebaila, à l'occasiō dequoy il fut depuis fort aimé d'Alcibiades.

E Mais encore que la noblesse de sa maison, sa richesse, sa prouesse, & le grand nombre de ses parents & amis, luy donnassent grande ouuerture pour se poulsier en auant au gouuernement des affaires, si n'y auoit il rien dequoy il desirast plus se faire ualoir enuers le peuple, que de la grace de son eloquence: car qu'il soit uray qu'il ait esté treseloquent, les poëtes Comiques le témoignent: & oultre ceulx là, le prince des orateurs Demosthenes, en l'oraison qu'il a faite à l'encontre de Midias, ou il dit qu'Alcibiades entre autres qualitez auoit esté treseloquent. Et si nous adiouxtons foy à Theophrastus, plus

Alcibiades.

curieux de rechercher telles choses, & plus uersé en histoires q̄ nul autre philosophe, il a escrit que Alcibiades estoit autāt ou plus aigu & ingenieux pour inuēter & imaginer ce qui estoit bon à dire, que nul autre de son tēps : ceneāt-moins quelquefois en cherchāt non seulement ce qu'il falloit dire, mais aussi comment & en quelz termes il estoit meilleur de le dire, & ne le pouuant pas rencontrer assez promptement, il restiuoit, & demouroit tout court sans mot dire au milieu de son propos, ne trouuant pas à main les pāroles telles comme il les demandoit, iusques à ce qu'il y eust un peu pensé & qu'il fust retourné en sa memoire. La despense aussi qu'il faisoit à nourrir cheuaux pour courir es ieux de pris estoit fort renommee, non seulement pource qu'il en auoit tousiours des plus uistes, mais aussi pour le nombre des chariots qu'il entretenoit : car il n'y eut onques homme priué, ne Roy mesme, qui enuoyast aux ieux Olympiques sept chariots equippez pour courir, cōme il feist, ne qui en une mesme course ait emporté le premier pris, le second, & le quatrieme, comme dit Thucydides, ou comme le met Euripides, le troisieme : car cela surmonte en splēdeur & en gloire la magnificence de tous ceulx qui s'en sont onques meslez. Le lieu ou Euripides l'escrit est un cantique qu'il composa à sa louange disant,

I e ueux pour ton nom exalter,
T es louanges en uers chanter
F ilz de Clinias. La uicētoire
E st belle chose, & grande gloire,
M ais sur toutes la tiene est telle,
Q u'onques Grec n'en eut de si belle :

C ar tes chariots magnifiques
O nt gaigné es ieux Olympiques
L e premier, second & tiers pris
D e la course. Et sans trauail pris
E n a ton chef de gloire orné
P ar deux fois esté couronné
D'oliuier, & toy clair & hault
P roclamé par uoix de herault,
V aincueur de tous les concurrens

Q ui estoient uenus sur les rengs.

Mais encore luy fut cest honneur plus illustre & plus reluisant par l'affection de luy gratifier, que les ennemis mesmes monstrent enuers luy, à l'enuy les uns des autres : car les Ephesiens luy dresserent une tente fort richemēt & magnifiquement accoustree : ceulx de Chio luy fournirent uiures pour ses cheuaux, avec force moutons & autres animaux propres à faire sacrifices : ceulx de Lesbos luy enuoyerēt du uin & d'autres prouisions de uiures, pour luy aider à soustenir la grande despense qu'il faisoit à tenir maison ouuerte, & festoier grād nombre de gens ordinairement. Toutefois l'enueie & la malignité d'aucuns siens ennemis, qui enuiron le temps de cest honneur la, luy mirent sus une calumnieuse imputation, donna matiere de parler de luy, encore plus que iamais. Car on dit qu'il y auoit à Athenes un personnage nommé Diomedes, lequel au demourāt n'estoit point mauuais homme, & estoit amy d'Alcibiades, & desiroit une fois en sa uie pouuoir emporter le pris de ces ieux Olympiques : il fut aduertty que les Argiens auoient un chariot bien equippe,

qui

A qui appartenoit à leur chose publique: parquoy sachant qu'Alcibiades pou-
uoit beaucoup en la uille d'Argos, à cause qu'il y auoit plusieurs amis, il le
pria de uouloir achepter ce chariot pour luy. Alcibiades l'achepta, mais il se
l'attribua à soy mesme, sans auoir egard à Diomedes, qui s'en desespéroit, &
appelloit les dieux & les homes à tesmoings du tort qu'Alcibiades luy faisoit:
& semble qu'il y eut proces intéré sur cela, car Isocrates a escript un plaidoyer
& oraison en la defense d'Alcibiades estant encore enfant, touchât une coup-
ple de cheuaux: toutefois en ce plaidoyer là, la partie aduerse est nommee Ti-
sias, & nō pas Diomedes. Au reste, si tost qu'il se fut ietté aux affaires de la cho-
se publique, estant encore fort ieune, il effacea incōtinent tous les autres ora-
teurs & entremetteurs du gouuernemēt, excepté deux seulement qui luy fei-
rent teste, l'un fut Phæax filz d'Erasistratus, & l'autre Nicias filz de Niceratus,
desquelz Nicias estoit ia homme d'aage, & auoit ia acquis reputation de tref-
bon capitaine, & Phæax commenceoit encore à uenir en auant, comme luy,
estant bien de bonne & noble maison, mais aiant au demourāt faulte de plu-
sieurs choses, & notamment entre autres, d'eloquence, par ce qu'il estoit plus
propre à deuiser & disputer en priué, qu'à plaider & harenguer en matiere cō-
tentieuse publiquement deuant le peuple, aiant comme dit Eupolis,

P arole assez, mais d'eloquence point.

C Lon treuve encore une harengue escripte à l'encontre d'Alcibiades & de ce
Phæax, en laquelle entre autres charges, il y a que Alcibiades se faisoit ordinai-
rement seruir en sa maison des utensiles d'or & d'argent qui appartenoint à
la chose publique, & que lon auoit accoustumé de porter par une magnificē-
ce es processions publiques, & qu'il en usoit ne plus ne moins que filz eussent
esté siens. Or y auoit il lors à Athenes un nōmé Hyperbolus natif du bourg
de Perithoide, duquel Thucydides mesme fait mētion comme d'un meschāt
homme, seruant de subiect à toutes les piqueures & les moqueries des poētes
Comiques de ce temps là: mais il estoit si deshonté, & se soucioit si peu de
bruit qu'on luy donnast, qu'il ne luy chaloit d'estre uituperé, ny ne se mou-
uoit aucunement pour chose que lon dist de luy, ce qu'aucuns appellent har-
D dieffe & fermeté de courage, là ou ce n'est que uraye impudence, mauuaistié
effrōtee, & desesperee meschāceté. Il ne plaisoit à personne, mais le menu peu-
ple s'en seruoit bien souuent, quand il uouloit piquer, iniurier, ou calumnier
les personnages de qualité. Si estoit le peuple à la suscitation & suasio de cest
Hyperbolus prest & appareillé de proceder par la pluralité des uoix au bānif-
sement de l'Ostracisme, par lequel il auoit accoustumé de bannir & de chasser
hors de la uille pour quelque temps celuy des citoiens, qui sembloit estre plus
apparent que les autres en credit, autorité & puissance, plus pour contenter
leur enuie que remedier à leur crainte. Et pource qu'il estoit tout euident que
l'un d'eulx trois ne fauldroit pas d'estre banny, Alcibiades trouua moien d'as-
E sembler en un toutes leurs trois ligue: & en aiant conferé & communiqué
auec Nicias, fait tourner le sort du bannissement sur Hyperbolus mesme qui
l'auoit mis en auant. Les autres disent, que ce ne fut pas auec Nicias qu'il en
communica, ains auec Phæax, & que ioignant sa bande auec celle de Phæax,
il feit chasser Hyperbolus, qui ne se doubtoit de riē moins, pource que iamais
homme de petite qualité ny de peu d'autorité ne tumboit en la peine de ce
bannissement, ainsi que Platon le poēte Comique le tesmoigne en un passa-
ge, ou il parle de cest Hyperbolus disant,

Alcibiades.

Quoy que ses meurs aient en uerité
Cela & pis iustement merité,
Tant est que luy, personne de si uile
Condition, & de race seruite,
N'en estoit pas digne, car inuenté
Pour telles gens n'a l'Ostracisme esté.

Mais quant à ce propos, nous en auons parlé plus amplemēt ailleurs: & pour retourner à Alcibiades, il n'estoit moins fasché de la bonne reputation que Nicias auoit enuers les estrangers & les ennemis, que de l'honneur que luy faisoient ses citoiens. Car il estoit hôte public des Lacedæmoniens, qui logeoient tous chez luy quand ilz uenoient à Athenes, & auoit fait tout le meilleur traitemēt qu'il auoit peu à leurs prisonniers, qui auoient esté pris deuant le fort de Pyle: & depuis aiant esté la paix, moienant laquelle ilz recouurerent leurs prisonniers, traittee par l'entremise & sollicitation de Nicias principalement, ilz l'en aimerent encore plus que iamais: & couroit le bruit par toute la Grece, que Pericles auoit allumé la guerre entre eulx, & Nicias l'auoit esteincte, de sorte qu'il y en auoit qui appelloient ceste paix Nicium, comme qui diroit, le chef d'œuvre de Nicias. Dequoy Alcibiades estant marry, & luy en portant enuie, proposa de rompre l'appointement comment que ce fust, & pour ce faire tout premierement estant bien asseuré que les Argiens, pour la haine & enuie qu'ilz portoient à ceulx de Sparte, ne cherchoient que moien & occasion de soy departir d'avec eulx, il leur donna secrettement esperance de l'alliance & ligue des Atheniens, & les enhorta de ce faire tāt par lettres, que de bouche, en parlāt avec ceulx qui auoient & autorité & credit enuers le peuple, leur remōstrant qu'ilz ne deuoient point craindre les Lacedæmoniens ny leur ceder aucunement, ains se tourner du costé des Atheniens, lesquelz se repētiroient bien tost de l'accord qu'ilz auoient fait, & le rōproient avec eulx. Et depuis, aians ceulx de Lacedæmone fait alliance avec les Bœotiens, & rendu aux Atheniens la uille de Panacte, non en son entier comme ilz deuoient par le traitté, ains toute demolie & destruite: luy uoyāt que le peuple en estoit fort indigné, l'aigrit & irrita encore d'auantage, & quand & quand embrouilla Nicias, le mettant en la malegrace du peuple, & le chargeant de choses ou il y auoit quelque apparence, qu'il n'auoit iamais uolu, estant capitaine, aller prendre & forcer les Lacedæmoniens qui estoient enfermez en l'isle de Sphacterie, & que encore depuis quand ilz auoient esté pris à force par d'autres, il auoit trouué moien de les faire deliurer, & les renvoyer chez eulx, pour gratifier à ceulx de Lacedæmone. D'auantage qu'estant leur amy, il ne s'estoit pas mis en deuoir de leur dissuader qu'ilz ne feissent ligue offensive & defensiue avec les Bœotiens & les Corinthiens: & au contraire, que s'il y auoit aucun peuple de la Grece qui eust enuie de deuenir amy & allié des Atheniens, il sefforceoit de l'empescher, s'il ne plaisoit aux Lacedæmoniens. Ainsi estant Nicias en la malegrace du peuple, pour les causes & raisons susdittes, il arriua par cas d'aduenture sur ces entrefaittes, des ambassadeurs de Lacedæmone, lesquelz à leur arriuee teindrent les plus honestes paroles du monde, disans auoir plein pouuoir & entiere puissance d'accorder & appointer tous differents avec toutes raisonnables & æquitables conditions. Le Senat les ouit & receut fort uolūtiers, & se deuoit le peuple assembler en conseil le lendemain, pour leur donner audience: ce que Alcibiades craignāt,

- A** feittant qu'il parla à ces ambassadeurs à part, & leur dit: Que fâictes vous seigneurs Spartiates, ne sçavez vous pas que le Senat a tousiours acoustumé de se porter modercement & gracieusement enuers ceulx qui ont à besoigner & traiter avec luy, & que au contraire le peuple de sa nature est haultain, & couiteux de toutes grandes choses? Si donques uous luy allez de prime face donner à entédre que uous soiez icy uenus aias plein pouuoir de traiter libremée avec luy de toutes choses, ne pensez uous pas qu'il uous uoudra forcer & contraindre d'autorité, à luy ortroyer tout ce qu'il uous demâdera? Pourtant Seigneurs ambassadeurs, si uous uoulez auoir raison des Atheniens, & qu'ilz ne uous contraignent à leur conceder iniquement aucune chose contre uostre uoulunté, ie uous conseille que laissant un peu arriere ceste simplicité, uous proposiez seulemēt, cōme par maniere d'ouuerture, quelques conditiōs & articles æquitables de paix, sans autrement dire que uous aiez entier pouuoir de rien accorder: & de ma part, ie uous y aideray en faueur des Lacedæmoniēs. Et quād & quād en leur disant cela, il leur iura & dōna sa foy qu'il le feroit ainfi tellement qu'il les destourna de la cōfiance qu'ilz auoient en Nicias, & les gaigna, de maniere qu'ilz ne croyoient en autre homme qu'en luy, s'esmerueillās grandement de son bon sens & de la uiuacité de son entendement, cōme d'un personnage de grande & singuliere excellence. Le lendemain au matin fut le peuple assemblé en conseil pour les ouyr, & les ambassadeurs introduicts en l'assemblée: là ou Alcibiades leur demanda tout doucement, qu'ilz estoient uenus faire: ilz respōdirent qu'ilz estoiet uenus pour faire quelque ouuerture de paix, mais qu'ilz n'auoiet point de pouuoir de rien arrester. Adonc cōmença Alcibiades à crier apres eulx en cholere, comme si c'eussent esté eulx qui luy eussent fait grand tort, & non pas luy à eulx, en les appellāt hommes desloyaux, inconstans & variables, & qui n'estoient uenus pour faire ny pour dire chose quelconque qui ualust. Le Senat mesme sen courroucea à eulx, & le peuple les rabroua bien rudement: dequoy Nicias se trouua si honteux & si confus, qu'il ne sceut que dire d'un si soudain changemēt, ne sçachant rien de la tromperie & malice dont auoit usé Alcibiades. Ainsi furent renuolēz les ambassadeurs Lacedæmoniēns sans rien faire, & Alcibiades eleu capitaine, lequel attira incōtinent à l'alliācē d'Athenes les Argiens, Eliens, & Mantiniēs. Et combien que personne n'approuue le moien qu'il teint pour aduenir à ces fins, si fut-ce un grand exploit fait à luy, que de diuiser & esbranler ainfi tout le Peloponese, & de mettre en bataille si grand nombre de combattās contre les Lacedæmoniēns, comme il feit deuant la uille de Mantinee, & esloigner si loing d'Athenes les malheurs de la guerre, & le hazard de la bataille, en laquelle les Lacedæmoniēns ne pouuoient gueres profiter filz la gaignoient, & filz la perdoient, il estoit bien difficile qu'ilz peussent sauuer leur uille mesme de Sparte. Or apres ceste bataille de Mantinee, les mille hommes d'ordonnance, qui estoient soudoiez aux despens du public, tant en paix qu'en guerre, dedans la uille d'Argos, estimans leur occasion estre uenue, essayèrent d'oster l'autorité souueraine à la commune, & se faire Seigneurs de la uille. A quoy faire les Lacedæmoniēns qui y suruindrent leur aiderent, & abolirent le gouuernement populaire: toutefois le peuple tātost apres reprit les armes, & fut le plus fort. Et Alcibiades qui y arriua tout à poinct, assura leur uictoire, & remeit sus l'autorité souueraine du peuple, puis leur persuada de tirer de longues murailles pour cōioindre leur uille à la marine, à fin q plus facilēmēt ilz

Alcibiades.

peussent estre secourus par mer de la puissance des Atheniens: si leur amena de F
Athenes mesme, force charpentiers, maçons, tailleurs de pierres, & autres ou-
utiers, & brief monstroït par tous les moïens qu'il pouuoit, auoir affection
tresgrande au bien de leurs affaires, en quoy il ne s'acqueroit pas moins à soy
particulièrement de grace & de credit enuers eulx, qu'il faisoit à sa chose pu-
blique & à son païs. Il persuada semblablement à ceulx de Patras de ioindre
aussi leur uille à la marine par le moïen des longues murailles qu'ilz tirerent
jusques au bord de la mer: & comme quelcun leur dist, O pauvres gens de Pa-
tras, que faictes uous? les Atheniens uous mangeront: Alcibiades luy respon-
dit, Il pourroit bien estre, mais ce sera petit à petit, & en comenceant par les
pieds: mais les Lacedemoniens uous deuoreront tout à un coup, & en com- G
menceant par la teste. Mais combien que Alcibiades allast ainsi fortifiant la
uille d'Athenes en puissance maritime, si ne laissoit il pas pourtāt de cōseiller
aux Atheniens & les enhorter qu'ilz entēdissent à s'agrandir aussi du costé de
la terre, ains ramenoit souuent en memoire aux ieunes hommes le serment
qu'on leur faisoit prester au bourg de Agraulos, & les sommoit de l'accōplir
par effect: car ilz iuroient qu'ilz reputeroiēt les bornes & confins de l'Attique
estre les bleds, les orges, les uignes, & les oliuiers: par lequel serment on leur
enseignoit à attribuer & reputer siene toute terre labourable cultiuee, & qui
porte fruct. Mais parmy ces beaux faicts & dicts d'Alcibiades, & avec ceste
siene grandeur de courage & uiuacité d'entendement, il y auoit de l'autre H
costé beaucoup de fautes & d'imperfections: car il estoit trop delicat en son
uiure ordinaire, dissolu en amours de folles femmes, & desordonné en ban-
quets, trop superflu & effeminé en habits, par ce qu'il alloit tousiours uestu de
grandes robes de pourpre qu'il trainnoit en se promenant à trauers la place,
avec une despense trop excessiue & trop superbe. Suiuant lesquelz delicts,
quand il estoit en galere, il faisoit ouurir & fendre le planché de la poupe, à
fin qu'il couchast plus mollement, par ce que son liēt estoit estendu non sur
les aix durs, mais suspendu en l'air avec des sangles, & portoit à la guerre un
escu doré, sur lequel il n'y auoit aucune enseigne ne deuise ordinaire aux A-
theniens, ains y auoit l'image de Cupido, tenant la foudre en sa main. Ce que I
uoyans les gens de bien & d'honneur de la uille d'Athenes, oultre ce qu'ilz
baïssoient toutes ces façons de faire & s'en courrouceoient, encore redoub-
toient ilz son audace effrence & son insolence de contemner ainsi les loix &
coustumes de son païs, comme estans indices d'homme, qui aspiroit à la ty-
rannie, & qui uouloit tout renuerfer sans dessus dessous: mais quant à l'affec-
tion du commun peuple enuers luy, le poëte Aristophanes donne bien à
entendre quelle elle estoit quand il dit,

I l le desire auoir deuant ses yeux,

E t si luy est neantmoins odieux.

E t en un autre passage aggrauant encore plus la suspition, que lon auoit de K
luy, il dit:

L e miculx seroit pour la chose publique,

N e nourrir point de lion tyrannique,

M ais puis qu'on ueult le nourrir, necessaire

I l est qu'on serue à ses façons de faire.

Car à la uerité les dons gratuits, les liberalitez, & despences magnifiques qu'il
faisoit pour donner passetemps au peuple, si grandes qu'il n'estoit possible de

plus

A plus, la glorieuse memoire de ses ancestres, la grace de son eloquēce, la beaulté de sa personne, la force de corps & hardiesse conionctē avec bon sens & experience au faiēt de la guerre; estoient causes que lon luy permettoit toutes choses, & que les Atheniens enduroient patiemment toutes ses insolences, en desguisant & addoulcissant des plus gracieux noms qu'ilz pouuoier, les fautes qu'il faisoit, les appellans ieux de ieunesse & gentillesse: comme quand il reteint prisonnier à force en sa maison le peintre Agatharchus, iusques à ce qu'il luy eust peint tout son logis: puis quand il eut acheué, il le laissa aller avec de beaux presens: qu'il luy feit, & qu'il donna un soufflet à Taureas, qui fournissoit à la despence d'une bande de ioueurs de Comœdies à l'entree de luy.

B pour emporter l'honneur des ieux, & qu'il enleua d'autorité une ieune femme Meliene qui estoit entre les prisonniers de guerre, & la teint pour sa concubine, dont il eut un enfant qu'il feit nourrir: car ilz appelloient cela œuvre de charité, combien que lon le chargeast d'auoir esté cause principale de faire passer au fil de l'espee tous les pauures Meliēs, exceptez les petits enfans, pour ce qu'il auoit fauorisé & suadé le decret de ceste inhumanité qu'un autre auoit proposé. Et aiant le peintre Aristophon peint une courtisane nommee Nemea, qui tenoit entre ses bras Alcibiades assis en son giro, tout le peuple y accouroit, & prenoit grand plaisir à ueoir ce tableau: mais les gens uieux & sages se courrouceoient de tous ces actes là, comme de choses tyranniques & faittes contre la moderation requise en bourgeoisie civile. Au moien de quoy il semble que Archestratus ne rencontra pas mal à propos quand il dit, que la Grece n'eust sceu endurer deux Alcibiades. Et un iour, ainsi comme il retournoit de l'assemblée du peuple en conseil, ou il auoit fort bien harengué au gré de l'assistance, & à ceste cause aiant obtenu ce qu'il pretendoit, s'en retournoit en sa maison accompagné d'une grande suite de gens qui le reconduisoient par honneur, Timon, celui qui fut surnommé Misanthrope, comme qui diroit, Loupgarou ou haïssant les hōmes, le rencontrant en son chemin, ne passa point oultre, ny ne se destourna point de luy, comme il auoit accoustumé de faire à tous les autres, ains luy alla au deuant, & luy touchant en la main luy dit: O tu fais bien mon enfant, & ie t'en sçay bon gré, de ce que tu uas ainsi croissant en credit: car si tu as iamais autorité, ce fera au grand mal & à la ruine de tous ceulx icy. Ces paroles ouyes, aucuns des assistans ne s'en feirent que rire: les autres en dirent iniure à Timon, & les autres les noterent bien & y penserent plus d'une fois depuis: tant estoit diuerse & differente l'opinion que lon auoit de luy, pour la uarieté de sa uie & inegalité de ses meurs & de sa nature. Or quant à l'entreprise de la Sicile, il est bien uray que les Atheniens auoient ia comēcé de la conuoirer des le uiuant de Pericles, mais toutefois ilz n'y meirēt la main qu'apres sa mort, sous l'ombre de faire alliāces & d'enuoyer ordinairement du secours aux uilles qui estoient guerroyēes & trauailles par les Syracusains: ce qui estoit comme bastir un pont pour y faire puis apres passer une plus grosse & plus puissante armee: mais celui qui de tout point leur en enflāma le desir, & qui leur suada de ny enuoyer plus ainsi peu à peu & par le menu, ains y aller avec une bonne & grosse armee tout à un coup, pour la subiuguer & conquerir toute entieremēt, fut Alcibiades, lequel sceut si bien dire que le peuple à sa persuation se mit en teste de grandes imaginations, & de luy mesme s'en promettoit encore d'auātage: car la cōqueste de la Sicile, là ou les autres terminoient leur desir, & ficheoient le but de leurs

Alcibiades.

esperances, ne luy estoit à luy sinon un commencement: & au lieu que Nicias par ses ordinaires remonstrances, diuertissoit les Atheniens d'entreprendre la guerre contre les Syracusains, comme estant entreprise trop difficile de prendre la uille de Syracuse. Alcibiades au contraire se forgeoit desia en son entendement les conquestes de Libye & de Carthage, & cela conquis passoit de là en Italie & au Peloponese: de maniere q̄ la Sicile ne seruoit plus que de fournir uiures & soude aux autres cōquestes qu'il imaginoit. Si furent incontinent les ieunes hommes d'eulx mesmes eleuez en grande esperance, & escoutoient de grande affection les plus anciens qui leur cōproient merueilles de ce uoyage, tellement que lon ne uoyoit autre chose es lieux publics ordonnez pour l'exercice des ieunes gens, & par les portiques publiques, que G troupes d'hommes assis en rond à ueoir traſſer en terre, & d'escire la forme de la Sicile, la situation de la Libye, & de Carthage. Toutefois lon dit que ny le philosophe Socrates, ny l'astrologue Meton, n'espererent iamais rien de bon de toute ceste expedition: l'un par la reuelation de son esprit familier qui luy predisoit ce qui en estoit à aduenir, comme il est uray semblable: & Meton, soit ou pour la crainte qu'il en eust en iugeant l'entreprise par discours de raison, ou qu'il eust cogneu par la diuination de son art qu'il en deuoit mal aduenir, contrefeit le furieux, & tenant une torche ardente en sa main, feit semblant de uouloir mettre le feu en sa maison. Les autres disent qu'il ne contrefeit point le furieux, mais que realement & de faict il brusta sa maison une H nuit, & que le lendemain au plus matin il s'en alla sur la place prier & supplier le peuple, qu'en consideration d'une si grande perte & si grieve calamité qui luy estoit aduenue, il leur pleust luy dispenser son filz d'aller en ce uoyage: & quant à luy il obtint ce qu'il demanda par ceste fourbe, dont il abusa le peuple: mais Nicias fut en despit qu'il en eust eleu capitaine pour la conduite de ceste guerre, n'ayant pas moins ceste charge à contrecueur pour le compagnon qu'on luy bailloit à la conduite d'icelle, que pour les inconueniens qu'il preuoyoit en l'entreprise. Mais les Atheniens estimerent que les affaires de ceste guerre se porteroient mieulx, filz ne les commettoient point totalement à la hardiesse d'Alcibiades, ains y conioignoient avec luy la prudence de I Nicias, pour autant mesmemēt que le tiers capitaine qu'ilz y enuoyoiēt aussi, Lamachus, encore qu'il fust ia homme d'aage, ne festoit pas monſtré moins bouillant, hazardeux & auantureux en quelques combats, que Alcibiades. Quand se uint donques à deliberer du nombre des combattans, de la maniere, & de tout l'equippage qu'il falloit dresser pour ceste guerre, Nicias tascha encore obliquement à empescher & faire rompre l'entreprise, mais Alcibiades luy contredit & le gaigna: & y eut un orateur nommé Demostratus qui meit en auant, que les capitaines eleus pour la cōduite de l'entreprise deuoient auoir plein pouuoir & entiere puissance de leuer à leur discretio tant de gens, & faire telz preparatifz que bō leur sembleroit: ce que le peuple accorda & au K thorisa. Mais quand tout fut prest & appareillé pour partir, il se rencontra plusieurs signes de mauuais presage: & entre les autres, il se trouua que l'embarquement fut commandé au iour propre que lon celebre la feste qui s'appelle Adonia, en laquelle la coustume est, que les femmes mettēt en plusieurs endroits de la uille, par les rues, des figures semblables aux corps morts que lon porte en terre, & representent le deuil & les lamentations que lon fait es funerailles des trespassez en plorant, & se battant pour commemoration du deuil

- A** deuil que demena la deesse Venus à la mort de son amy Adonis. D'avantage les Hermes, qui sont images & figures de Mercure, que lon souloit anciennement mettre par tous les carrefours, se trouuerent une nuit presque toutes tronçonnees, & gastees mesmemēt aux uisages: ce qui meit en effroy & troubla beaucoup de gens, uoire iusques à ceulx qui ne faisoient pas grād compte de telles choses. Si fut allegué que ce pouuoient auoir esté les Corinthiēs, qui en faueur des Syracusains qui estoient leurs parents, & auoiēt esté fondez par eulx, auroiēt procuré de faire faire ceste insolence, estimans que pour le mauuais presage, cela pourroit estre cause de rompre toute l'entreprise, & que le peuple se repentist d'auoir entrepris ceste guerre: toutefois ce propos ne fut point receu par le peuple, ny aussi les paroles de ceulx qui alloient disans qu'il ne se falloit point arrester à telz signes & presages, & que ce deuoiet auoir esté quelques ieunes gens desbauchez, qui apres bien boire auroient cōmis & fait un tel scandale, en se cuidant iouer. Mais nonobstāt toutes ses raisons le peuple prit ce faict fort à cueur, & en eut peur, estimant que personne n'eust iamais pris la hardiesse de commettre un tel cas, si ce n'eust esté une coniuuration de quelque grande chose: à l'occasion dequoy, lon recherchoit toute suspicion, pour petite & legere qu'elle fust, fort asprement, & s'assembla le Senat & le peuple aussi en conseil là dessus par plusieurs fois en peu de iours.
- C** Sur ces entrefaites Androcles, l'un des orateurs qui s'entremettoient du gouvernement de la chose publique, produisit au conseil quelques esclaves & quelques estrangers habituez en Athenes, lesquelz deposerent qu'Alcibiades & autres siens familiers auoient ainsi tronçonné & mutilé quelques autres images, & contrefait par maniere de moquerie, en un banquet priué, les cerimonies des saincts mysteres, disans notamment ces particularitez, que un certain Theodorus contrefaisoit le herault qui a accoustumé de faire les proclamations, Polytion le porte-torche, & Alcibiades le presbtre qui montre les choses saintes & mystiques, & que ses autres compagnōs estoient les assistans, comme ceulx qui pretendent & demandent à estre receus en la religion & confrairie des saincts mysteres, lesquelz pour ceste cause on appelle
- D** Mystes. Ces propres termes sont escripts en l'accusation que Thessalus filz de Cimon proposa à l'encontre d'Alcibiades, le chargeant de s'estre meschāment moqué des deux deesses, Ceres & Proserpine, dequoy le peuple estāt fort irrité & indigné à l'encontre de Alcibiades, avec ce q' l'orateur Androcles, qui estoit l'un des plus aspres ennemis qu'il eust, l'aigrissoit & irritoit encore d'auātage, il sen trouua un peu estonné du commencement: mais puis apres sentant que tous les mariniers qui deuoient aller à ce uoyage de la Sicile, & les soudards mesmes estoient fort affectionnez enuers luy, & notamment que ceulx du secours d'Argos & de Mantinee, lesquelz estoient mille hommes de pied bien armez, disoient publiquement que c'estoit pour l'amour d'Alcibiades, qu'ilz
- E** entreprenoient un si loingtain uoyage oultre mer, & que si on luy uouloit faire quelque tort & mauuais traitemēt, il se retireroient incontīnēt en leurs maisons, il reprit adonc courage & delibera sur la faueur du temps de soy presenter & ester à iugement pour respondre à qui le uouldroit accuser: à l'occasion dequoy ses ennemis s'attiedirent un peu, craignans que le peuple ne se monstrest en ce iugement plus mol enuers luy, d'autant qu'il en auoit à faire. Au moien dequoy, pour obuier à ce danger, ilz attirerent quelques autres orateurs, qui faisoient semblant de n'estre point ennemis d'Alcibiades, & neāt-

Alcibiades.

moins ne luy uouloient pas moins de mal, que ceulx qui estoient ses ennemis F
declarez: ceulx la se leuerent en pleine assemblee de conseil, & dirent qu'il n'y
auoit point de propos, que luy qui estoit eleu l'un des capitaines generaux
d'une si belle & si puissante armee, laquelle estoit ia toute preste à faire uoile,
& le secours de leurs alliez aussi, s'arrestast, en perdât temps & occasion de bié
faire, ce pendât que lon luy choisiroit des iuges, & que lon luy mesureroit les
heures, dedás lesquelles il auroit à respondre: pourrât disoient ilz qu'il falloit
que pour le present il se meist en bonne heure à faire son uoiage, puis quand
la guerre seroit acheuee cy apres, qu'il se representast pour ester à droit, & se
purger des charges que lon luy mettoit sus. Mais Alcibiades aiant incótinent
apperceu & descouuert la malice de ce delay, se tira en auant, & remonstra G
qu'il n'y auoit point de raison de le faire partir chef d'un si grosse puissance,
aiant l'entendement suspendu en continuelle crainte, pour les griefues impu-
tations qu'il laissoit derriere à l'encontre de luy, pource qu'il meritoit de mourir
sil ne s'en purgeoit & iustificoit entierement: mais quand il s'en seroit iustifi-
fié, & qu'il en seroit trouué innocent, alors il n'auroit plus rien en son enten-
dement, sinon d'aller combattre les ennemis, sans plus penser au danger des
calumniateurs: ce que toutefois il ne peut persuader, & luy fut enioinct ex-
pressément de la part du peuple, qu'il eust à s'embarquer. Ainsi fut il con-
trainct de faire uoile avec ses autres compagnons, aians en leur flotte environ
cent quarante galeres, toutes à trois rames pour banc, & de gens de combat à H
pied bien armez cinq mille & cent, de tireurs de fondes, archers, & autres ar-
mez à la legere, environ treze cents, & de toute autre munition & equippage
pour la guerre suffisamment. Arriuez qu'ilz furent en la coste de l'Italie, ilz
prirent terre en la uille de Rege, là ou au conseil qui fut tenu pour arrester cõ-
ment ilz auoient à se conduire en ceste guerre, il fut d'aduis qu'ilz deuoient al-
ler droit en la Sicile: laquelle opinion fut suyue, encore que Nicias y contred-
dist, pource que Lamachus en fut aussi d'aduis, & deprimfault à l'arriuee, il fut
cause de surprendre la uille de Catane: mais onques depuis il n'y fait exploit
aucun, pource qu'il fut incontinent rappelé par les Atheniens, pour aller re-
spondre aux crimes & imputations dont on le chargeoit. Car, comme nous I
auons ia dit auparauant, il y eut du commencement aucunes legeres suspi-
tions & accusations proposees à l'encontre de luy par quelques esclauues &
quelques estrangers: mais depuis, quand il fut party, ses ennemis le chargerēt
beaucoup plus asprement, ioignans au crime d'auoir brisé les images de Mer-
cure, le sacrilege d'auoir contrefait par maniere de moquerie, les sainctes ce-
rimonies des mysteres, & donnans à entendre au peuple, que l'un & l'autre
acte procedoit d'une mesme conspiration de remuer & changer le gouuerne-
ment de la uille, dont le peuple fut si irrité & si emeu, que lon ietta en prison
tous ceulx qui furent en forte quelconque deferez ou souspeçonnez, sans les
uouloir ouir en leurs iustifications: & se repentoit on bié fort, que lon n'auoit K
fait le proces à Alcibiades, sur des charges & informations si grandes, lors que
lon le tenoit entre mains, à raison dequoy sil y auoit aucun sien parent, amy
ou familier, qui tumbast en ceste fureur de peuple ainsi mutiné contre luy, il
en estoit bien pirement traité. Thucydides n'a point nommé, qui furent les de-
lateurs: mais quelques autres nomment Diocliides & Teucer, entre lesquelz est
le poëte comique Phrynichus, qui le dit en ces uers, ou il introduit quelcun
qui parle ainsi à une image de Mercure:

A O cher amy, ie te prie auoir cure,
 E r te garder de trebucher Mercure,
 D e peur que si en tumbant tu te casses,
 C alumnier innocent ne me faces
 P ar un nouveau Diocliides faulfaire,
 Q ui ua cherchant tout moien de mal faire.

Mercure respond.

B D e m'en garder i'auray soing ne te chaille,
 C ar ie ne ueux estre cause qu'on baille
 A l'estranger Teucer maudit uoleur,
 L e pris d'argent promis au deceleur.

C Et toute fois ces indices la ne descouurirent rien d'asseuré ny de certain : car mesme il y en eut un, qui interrogué commét il auoit peu recognoistre au visage ceulx qui auoient brisé les images, attendu que ce auoit esté la nuit, respondit qu'il les auoit cogneus à la clarté de la Lune, par ou lon cogneut euidentement, que toute sa deposition estoit faulse, pource que ce auoit esté la nuit propre de la conionction de la Lune, que le cas auoit esté commis: ce qui troubla & meit en doubte les personnes d'entendement, mais pour cela la cõmune ne laissa point à estre aussi aspre & aussi aigre à receuoir toutes sortes de calumnies & de delations, comme au parauant. Or estoit entre les prisonniers que lon detenoit pour leur faire leur proces, l'orateur Andocydes, lequel Hellanicus l'historien fait descendre de la race d'Vlysses, & le tenoit on pour homme qui haïssoit le gouuernement populaire, & fauorisoit au gouuernement du petit nombre & de la noblesse: mais l'une des principales occasions, pour lesquelles on le souspeçonnoit estre de ceulx qui auoient brisé les images, estoit pource que tout ioignant sa maison y en auoit une belle & grande, laquelle y auoit anciennement esté posée par la lignee Ægeide, & estoit seule mesmement entre les plus fameuses demouree entiere, à raison de quoy elle s'appelle encore auiourd'huy le Mercure d'Andocydes, & est ainsi publiquement nommée de tout le monde, quoy que l'inscription tesmoigne le cõtraire.

D Estant donques en prison, il aduint qu'il s'accointa & prit amitié avec un Timæus plus qu'avec nul des autres, qui estoient detenus prisonniers pour ce mesme cas. Ce Timæus n'estoit pas tant cogneu que luy: mais au demourant, hõme de grãd sens & de grãde hardiesse, lequel luy persuada & meit en teste, qu'il s'accusast soy mesme, avec quelque peu d'autres, par ce qu'en aduouât & confessant le cas, il auroit sa grace, ainsi qu'il estoit porté par le decret du peuple, là ou fil attédoit la sentéce des iuges, il y auroit d'ãger en son faict: pource que l'issue des iugemens est incertaine pour toutes gens, mais sur tous grandement à craindre & à redoubter pour les riches: & pourtant qu'il ualloit mieulx, fil regardoit à son particulier seulement, sauuer sa uie en mentant que de se laisser occire ignominieusement, avec la charge & condemnation de ce mesme crime: & fil regardoit au bien public, qu'encore seroit ce sageement fait, d'exposer à ce peril quelque peu de ceulx que lon ne sçauoit pas asseuremēt filz en estoiet ou non, pour sauuer de la fureur du peuple & repiter de la mort beaucoup de gens de bien, qui à la uerité estoient de ce mesfaict innocents. Ces raisons & suasions de Timæus eurent tant d'efficace enuers Andocydes, qu'elles le gaignerent, & luy persuaderent de s'accuser soy mesme, & quelques autres avec: si eut quāt à sa personne l'impunité q estoit promise par

Alcibiades.

Le peuple: mais tous ceulx qu'il nomma, furent condemnez & executez à mort, F
exceptez seulement ceulx qui se sauuerent de uiffesse. Et pour rendre la chose
plus uray semblable, Andocydes meit au nombre des accusez quelques uns de
ses propres seruiteurs. Mais pour cela ne fut pas assouuie l'ire du peuple, ains
comme n'ayant plus à penser de ceulx qui auoient rompu & brisé les images,
il emploia adonc entieremēt son courroux à l'encontre d'Alcibiades, iusques
à ce que finablemēt il y enuoya la galere que lon appelle Salaminienne, enioi-
gnant expressement à ceulx qui eurent la commission de l'aller querir, qu'ilz
n'attentassent point de le prendre par force, ne qu'ilz ne meissent aucunement
la main sur luy, ains luy usassent des plus doulces & plus gracieuses paroles
qu'ilz pourroient, en l'adiournant seulement à comparoir en personne deuāt G
le peuple, pour respondre à certaines imputations que lon proposoit contre
luy: pource qu'ilz auoient peur filz faisoiet autremēt, que l'armee en sa faueur
ne se mutinast dedans le pais des ennemis, & qu'il ne se leuast quelque seditiō
entre leurs gēs. Ce q̄ Alcibiades eust facilement fait, sil eust uoulu, pource que
les soudards estoient fort desplaisans de le uoir en aller, s'attendās bien que la
guerre prēdroit long traict, & iroit en grāde longueur sous Nicias, quād Al-
cibiades, qui luy estoit cōme un aguillō qui le poulsait, luy seroit osté, à cause
que Lamachus estoit biē hardy & uailāt hōme de sa personne, mais il n'auoit
point d'autorité ne de dignité en l'exercite, pource qu'il estoit de petit lieu &
pauvre. Alcibiades donques à son departemēt fait en premier lieu perdre aux H
Atheniēs la uille de Messine, pource qu'ilz auoient intelligēce avec quelques
particuliers de dedans qui la leur deuoiet liurer entre leurs mains: & Alcibia-
des les cognoissant tresbiē par leur nom, les decela à ceulx qui tenoiet le party
des Syracusains: ainsi fut ceste prattique rōpue. Puis arriuē qu'il fut en la uille
de Thuries, si tost qu'il fut descendu en terre, il se cacha, de sorte que ceulx qui
le cherchoient ne le peurent trouuer: toutefois il y eut quelcun qui le reco-
gneut & luy dit, Comment Alcibiades, ne te fies tu pas à la iustice de ton pais?
Ouy bien, dit il, sil estoit question de toute autre chose, mais de ma uie ie ne
m'en fierois pas à ma propre mere, doubant que par mesgarde elle ne meist la
sebie noire en cuidant mettre la blanche. pource que l'une estoit sentence de I
condemnation, & l'autre d'absolution. Et depuis, quand il entēdit que le peu-
ple d'Athenes l'auoit par contumace condamnē à mourir: Et ie leur feray, dit
il, bien sentir que ie suis encore en uie. Si fut l'accusation proposee à l'encon-
tre de luy en telle forme, ainsi que lon treuve par escript. Thessalus filz de Ci-
mon du bourg de Lacrades a deferé & defere Alcibiades filz de Clinias du
bourg des Scambonides d'auoir forfait contre les deesses Ceres & Proserpi-
ne, en contrefaisant par derision leurs sacrez mysteres, & les monstrāt à quel-
ques siēs familiers en sa maison, aiāt uestu une robe pareille à celle que por-
te le presbtre qui monstre les choses saintes & sacrees es dicts mysteres, & se
nommant luy mesme le presbtre, Polition le porte-torche, & Theodorus du K
bourg de Phegee le bastonnier, & les autres assistans, les cōfreres & les regar-
dans, le tout en derision & mespris des saintes cerimonies & coustumes des
Eumolpides presbtres, religieux & ministres du saint temple de la uille d'E-
leusine. Si fut condamnē par contumace à faulte de comparoir, & tous ses
biens confisque: Oultre laquelle condamnation, encore fut il ordonnē par
decret, que tous les presbtres, religieux & religieuses le maudissent & detestaf-
sent. A quoy il y eut une seule religieuse nommee Theano fille, de Menon, du
bourg

A bourg d'Agraulé, qui s'opposa, disant qu'elle estoit religieuse pour prier & benir, nō pas pour detester & maudire. Aiās donques ces sentēces si griesues este prononcces à l'encontre d'Alcibiades, au partir de la uille de Thuries il sen alla au Peloponese, ou il feit quelque tēps sa residēce en la uille d'Argos : mais à la fin redoubtant ses ennemis, & n'esperant pas qu'il y eust plus de moien de pouuoir retourner à seureté en son païs, il enuoya à Sparte demander aux Lacedæmoniens sauſcōduit & liberté de pouuoir aller & demourer en leur païs, promettant qu'il leur feroit plus de seruice & de profit estāt leur amy, qu'il ne leur auoit fait de dommage estant leur ennemy. Les Lacedæmoniens le luy ottroyerēt, & le receurent bien uoluntiers en leur uille: là ou si tost qu'il fut

B arriué, il feit d'entree trois choses. La premiere fut, qu'à son instigation les Lacedæmoniens, qui parauant dilayoient & attendoient, se resolurent de secourir promptement les Syracusains, & y enuoierent pour capitaine Gylippus, à fin de rompre les forces que les Atheniens y auoient enuoyees. La seconde fut qu'il leur feit, en la Grece mesme, cōmencer la guerre aux Atheniens. La troisieme, & celle qui fut de plus grande importāce, fut qu'il leur conseilla de fortifier dedans le territoire mesme d'Attique, la uille de Deceleē : ce qui consuma & meit au bas la puissance d'Athenes autant & plus que nulle autre chose. Et sil estoit bien uenu & bien estimé en Sparte pour les seruices qu'il leur faisoit en public, il ne gaignoit pas moins la bonne grace & bienueuillance des particuliers en priuē par sa maniere de uiure à la Laconienne : tellement que ceulx qui luy uoyoient le poil rasé iusques au cuir, se baigner en eau froide, manger du pain bis, & humer du brouet noir, eussent doubté, ou pour mieue dire, n'eussent iamais peu croire qu'un tel personnage eust iamais tenu de cuisinier en sa maison, ne que iamais il eust regardé seulement un parfumeur, ou touché un uestement fait de drap tissu en la uille de Milet. Car entre les autres artifices & habilitēz dont il estoit plein, celle la, comme lon dit, en estoit une, par laquelle il prenoit plus les hommes, c'est qu'il se conformoit totalement à leurs meurs & à leurs façons de faire, & prenoit entierement leur maniere de uiure, se transformant en toutes sortes de figures plus legeremēt que

D ne fait le Chameleon : pource que lon dit que le Chameleon ne peut prédre la couleur blāche, là ou il n'y auoit meurs, coustumes, ny façons de faire de quelque nation que ce fust, qu'Alcibiades ne sceust imiter, exercer & contrefaire quand il uouloit, autant les mauuaises que les bonnes. Car à Sparte il estoit laborieux, en continuel exercice, uiuant de peu, austere & seuer : en Ionie au contraire, delicat, superflu, ioyeux, & uoluptueux : en Thrace il beuuoit tousiours, ou estoit à cheual : sil s'approchoit de Tissaphernes lieutenant du grād Roy de Perse, il surmontoit en pompe & sumptuosité la magnificence Persienne : non que realement sa nature se changeast d'une facon de faire en une autre contraire, ny que ses meurs receussent à la uerité toutes sortes de mutatiōs :

E mais pource que sil eust suiuy sa nature, il eust peu à l'aduēture en diuers lieux offenser ceulx avec lesquels il hantoit, il se desguisoit ainsi du masque, & du manteau plus conuenable aux meurs de ceulx avec lesquels il frequentoit & prenoit la mine & la contenance plus approchante de leur naturel, de maniere que quand il estoit en Sparte, qui eust regardé à ce qui apparoiſsoit au dehors seulement, il eust dit ce que lon dit en commun prouerbe,

C n'est le filz d'Achilles, mais luy mesme.

Aussi c'est celuy mesme que Lycurgus a nourry : mais qui au dedans eust uen

Alcibiades.

à nud ses urayes affections & actions procedentes de son naturel, il eut dit au contraire ce que lon dit en un autre commun langage, F

Ceste femme est celle qui souloit estre.

Car il entreteint si bien Timea, la femme du Roy de Sparte, Agis, pédant qu'il estoit à la guerre, qu'il l'engrossa: ce qu'elle mesme ne nioit pas, ains estant accouchée d'un filz qui fut nommé Leotychides, elle l'appelloit bien de ce nom la tout hault en public, mais quand elle estoit en son priué avec ses plus familières amies, ou parmy ses domestiques, elle l'appelloit tout bas Alcibiades, tant elle estoit esprise de son amour: & luy en se moquât disoit qu'il ne l'auoit pas fait par mal ny par desordonné appetit de prendre son plaisir: mais seulement à fin que sa race regnast sur les Lacedæmoniens. Ces choses estoient G rapportees au Roy Agis par plusieurs, tant qu'il le creut à la fin, mesmement quand il uint à prendre garde au compte du temps qu'il y auoit qu'il n'auoit couché avec sa femme: car aiant une nuit senty un tremblement de terre, il s'en fouit hors de sa chambre, craignant que la maison ne tumbast, & fut dix mois depuis sans coucher avec elle, à raison dequoy estant ce filz Leotichides né au bout des dix mois, il dit qu'il n'estoit point à luy: ce qui fut cause que depuis Leotychides decheut & fut priué de la royaulté. Mais apres la totale defconfiture des Atheniés en la Sicile, ceulx des isles de Chio & de Lesbos, avec les Cyziceniens enuoyerét tout en un mesme temps des ambassadeurs à Sparte, pour faire entendre aux Lacedæmoniens comme ilz auoient bonne uolunté de se rebeller cōtre les Atheniens, moienāt qu'on leur enuoyast du secours pour les defendre. Les Bœotiens fauorisoient à ceulx de Lesbos: & Pharnabazus lieutenant du Roy de Perse, aux Cyziceniens: mais toutefois les Lacedæmoniens aimerét encore mieux secourir ceulx de Chio premieremēt, à la persuasion d'Alcibiades qui prit leur affaire en main: & luy mesme montant sur mer s'en alla en Asie, là ou il fait tourner contre les Atheniens presque tout le païs d'Ionie, & se tenant au pres des capitaines generaulx de Lacedæmone, fait beaucoup de dommage à ceulx d'Athenes. Toutefois le Roy Agis luy uouloit grand mal, partie pour l'oultrage qu'il auoit receu de luy en sa femme qu'il auoit corrompue, & partie aussi pour l'enuie qu'il portoit à sa gloire, à cause que le bruit couroit par tout, que la pluspart des beaux exploits qui se faisoient en ceste guerre succedoient à bien par le moien d'Alcibiades: & les autres semblablement les plus puissans & plus ambitieux d'entre les Spartiates commenceoient aussi à se fascher de luy pour l'enuie qu'ilz luy portoient: & eurent à la fin tāt de pouuoir, qu'ilz firent escrire par leurs magistrats à leurs capitaines estans au camp, qu'ilz le feissent mourir. Dequoy Alcibiades aiant senty le uent, ne laissa pas pour cela de faire & procurer toutes choses à l'auantage des Lacedæmoniés: mais au reste il se teint sur ses gardes, fuyant toutes occasions de pouuoir tumber entre leurs mains. Si se retira à la fin pour la seurété de sa personne deuers Tissaphernes l'un des lieutenās du Roy de Perse, K aupres duquel il acquit incōtinent tāt de credit, qu'il fut le premier & principal personnage qu'il eust autour de luy: car ce Barbare q n'estoit point hōme simple, ains malicieux & cault de sa nature, & q aimoit les personnes fines & mauuaises, auoit en admiratiō sa facilité de se pouuoir ainsi aiseemēt tourner d'une façon de uiure en une autre, & la uiuacité & subtilité de son entedement: oultre que sa compagnie & sa frequentation ordinaire pour s'esbattre & passer le temps estoit fort agreable, & si pleine de tous attraiçts de bonne grace,

A grace, qu'il n'y auoit meurs si austeres qu'elle n'adoulist, ny nature si farouche qu'elle ne prist, & n'amollist: tellement que ceulx mesmes qui le craignoient, ou qui luy portoient enuie, auoient encore non obstant plaisir de le ueoir, & se sentoient tous resiouis de parler & hanter avec luy. Au moien de quoy ce Tissaphernes, qui au demourant estoit homme reuesche, & qui naturellement haïssoit les Grecs, se laissa neantmoins si bien aller aux flatteries de Alcibiades, & en fut si espris, que luy mesme sestudioit à le cōtreflatter encore d'auantage, & luy rendre plus de caresses: car il nōma Alcibiades, la plus belle maison de plaïssance, & le plus doulx seiour qu'il eust, pour les beaux iardins, fontaines, boscages & prairies salubres & delectables qui y estoient, le tout accoustré royalement & magnifiquement. Alcibiades donques desesperant de pouuoir iamais trouuer assurance avec les Spartiates, & quand & quand redoubtāt leur Roy Agis, alloit mesdisant d'eulx, & calumniāt tout ce qu'ilz faisoient enuers Tissaphernes: en quoy faisant il empeschoit aussi qu'il ne leur aidast si affectueusement qu'il eust peu faire, & qu'il ne ruinaist de tout poinct les Atheniens: car il luy remonstroit qu'il deuoit fournir argent escharsemēt aux Lacedæmoniens, pour les laisser miner & consumer petit à petit, à fin que apres qu'ilz se seroiēt bien trauaillez & affoibliz les uns les autres, ilz en fussent tous deux ensemble plus aïsez au Roy à dompter. Aquoy le Barbare s'accorda facilement, & uoyoit on euidentement qu'il aimoit Alcibiades, & l'estimoit beaucoup, de maniere qu'il en estoit recherché, & regardé par l'une & par l'autre partie des Grecs: si se repentoient bien adonc les Atheniens pour les grāds maulx & dommages qu'ilz en auoient receuz, de ce qu'ilz auoient ordonné & decreté encontre luy, & luy mesme aussi de son costé, estoit bien desplaïssant de les ueoir reduits à si mauuais termes, craignāt que si la uille d'Athenes uenoit à estre de tout poinct ruinee, il ne tūbast luy mesme à la fin entre les mains des Lacedæmoniens, qui luy uouloient mal de mort. Or estoient enuiron ce temps là, presque toutes les forces des Atheniens en l'isle de Samos, de là ou avec leur armee de mer ilz taschoient à reconquerir ceulx qui s'estoient rebellez contre eulx, & à garder ce qui leur estoit demouré: car ilz estoient encore aucunemēt forts pour resister à leurs ennemis, à tout le moins par la mer: mais ilz redoubtoient fort la puissance de Tissaphernes, & les cent cinquante gale-res que lon disoit deuoir bien tost uenir du païs de la Phœnicie au secours de leurs ennemis: car si elles fussent uenues, la uille d'Athenes n'auoit plus de ressource ny d'esperance de salut. Ce que Alcibiades entendāt, enuoya secretemēt deuers les principaux hōmes qui fussent en l'armee d'Athenes à Samos, leur donner esperance qu'il leur redroit Tissaphernes amy, nō qu'il eust enuie de gratifier au peuple, ne qu'il se fiaist à la cōmune d'Athenes, mais aux nobles & aux gens de bien & d'hōneur, pourueu qu'ilz eussent le cueur & la hardiesse de refrener un peu la licencieuse insolēce du menu peuple, & prēdre en main l'autorité du gouuernement, pour remettre sus les affaires, & preseruer de finale ruine la uille d'Athenes. Quoy entēdu, tous les autres hōmes d'apparence y presterent fort uoluntiers l'oreille, excepté Phrynichus du bourg de Dirades l'un des capitaines, lequel se doubant de ce qui estoit ueritable, qu'Alcibiades ne se soucioit point, qui eust l'autorité souueraine du gouuernement à Athenes, la noblesse ou le peuple, ains essayoit tous les moïens de pouuoir retourner en quelque sorte que ce fust, & alloit prattiquant la bōne grace de la noblesse, en blasmant & calumniant le peuple, s'opposa à ce qu'il met-

Alcibiades.

toit en auant, toutefois son aduis pour ce coup la, ne fut pas fuiuy. Et uoyant qu'il s'estoit ouuertement declaré ennemy d'Alcibiades, il feit entendre sous main à Astyochus, qui pour lors estoit admiral des Lacedæmoniens, la pratique & menée dont il leur auoit fait ouuerture, l'admonestant de se donner bien garde de luy, & de le faire arrester prisonnier, pource que c'estoit un homme double, qui auoit intelligence avec l'une & l'autre partie: mais il n'entendoit pas, q'c'estoit un traistre qui parloit à un autre traistre. Car cestuy Astyochus faisoit la court à Tissaphernes pour son particulier profit: & uoiant que Alcibiades auoit grand credit enuers luy, luy descouurit & decela tout ce que Phrynichus luy auoit fait entédre. Alcibiades enuoya incontinent à Samos deuers les autres capitaines gens expres pour charger & accuser Phrynichus de la trahison qu'il leur auoit faite, dont tous ceulx du conseil furent fort indignez & irritez à l'encontre de luy: & luy uoiant qu'il n'auoit autre meilleur moien de se sauuer, essaya de rhabiller la faulte qu'il auoit faite par une autre encore plus grande: car il renuoya derechef uers Astyochus, se plaignât à luy de ce qu'il l'auoit decelé, & luy promet que, s'il uouloit, il luy liureroit entre ses mains toute la flotte des uaisseaux, & toute l'armee entiere des Atheniens. Toutefois ceste trahison de Phrynichus, ne porta point de dōmage aux Atheniens, à l'occasion d'une autre contretrahison d'Astyochus: car il feit aussi de rechef entendre à Alcibiades l'offre que Phrynichus luy auoit enuoyé faire. Ce que Phrynichus aiant aussi descouuert, & s'attendant bien d'en auoir une seconde recharge deuant le conseil de la part d'Alcibiades, aduertit luy mesme le premier les autres chefs de l'armee des Atheniens, que les ennemis leur deuoient uenir courir sus, & cōment, & les admonesta qu'ilz se teinsent pres de leurs uaisseaux, de faire bon guet, & fortifier leur camp à toute diligence: ce qu'ilz feirent. Et comme ilz estoient apres, leur uindrent d'autres lettres d'Alcibiades, par lesquelles il les admonestoit qu'ilz se donnassent garde de Phrynichus, pource qu'il auoit intelligence & pratique avec les ennemis de leur rendre toute l'armee d'Athenes entre leurs mains. Mais on n'adiousta point de foy à ces secondes lettres, pource que lon estima, que sachant & entendant les preparatifz & les desseings des ennemis, il s'en estoit voulu seruir pour charger & calumnier Phrynichus à tort. Ce neantmoins il y eut depuis un de ses propres ministres nommé Hermon, qui en pleine place luy donna un coup de dague, dont il le tua. Le cas fut examiné en iustice, & le tout considéré, le mort par arrest du peuple fut condamné comme traistre, & l'homicide Hermon & ses consors couronnez, en recompense de ce qu'ilz auoient occis un traistre à la chose publique. Parquoy ceulx qui uouloient bien à Alcibiades, estant pour lors les plus forts au conseil de ceste armee qui estoit en Samos, enuoyerent à Athenes un Pisander pour essayer de remuer le gouvernement, & encourager les nobles de prendre le maniement des affaires en main, & l'oster au peuple, en les asseurant que Tissaphernes leur doneroit confort & aide à ce faire, par le moien d'Alcibiades, qui le leur redroit fauorable & amy. Voila la couleur & couuerture dont se seruirent ceulx qui changerēt le gouvernement d'Athenes, & qui le meirent es mains du petit nōbre de la noblesse: car ilz n'estoient que quatre cēts, & toutefois se faisoient appeller, les cinq mille. Mais si tost qu'ilz se sentirent forts, & qu'ilz se trouuerent en main, sans contredit, l'autorité du gouvernement, ilz ne teindrent plus compte d'Alcibiades, & feit on la guerre plus froidemēt & plus laschemēt que lon ne la faisoit

A au parauant, partie pource qu'ilz se desfioient de leurs citoiens, qui trouuoient estrange la mutation du gouuernement, & partie aussi pource qu'ilz auoient opinion, que les Lacedæmoniens, qui de tout temps fauorisoient plus au gouuernement de la noblesse, en seroient plus enclins à faire paix avec eulx. Or le menu peuple qui estoit dedans la uille, ne bougea point, ains se teint coy malgré luy, pour la crainte du dâger, à cause qu'il y en eut plusieurs tuez de ceulx qui prirent la hardiesse de resister ouuertement à ces quatre cents. Mais ceulx qui estoient au camp en l'isle de Samos, ceste nouuelle ouie, en furent si grieffuement indignez, qu'ilz resolurent de s'en retourner incontinent au port de Piræe: si enuoyèrent premierement querir Alcibiades, qu'ilz eleurent leur capitaine, & luy commanderent de les conduire tout chaudement, à l'encontre de ces tyrâs, qui auoient attenté & entrepris sur la liberté du peuple d'Athenes: mais toutefois il ne fit point en cela, comme eust fait un autre, se sentant soudainement eleué & agrandy par la faueur d'une commune, ny n'estima point qu'il deust incontinēt gratifier & complaire en toutes choses, à ceulx qui d'un banny, uagabond & fuitif, qu'il estoit n'agueres, l'auoient fait chef & capitaine general de tât de bons uaisseaux, & d'une si belle & si grosse puissance: ains au contraire, ainsi qu'il estoit conuenable à capitaine digne de telle charge, pensa qu'il falloit un peu resister à ceulx, qui par courroux falloient eulx mesmes precipiter & perdre, & qu'il deuoit les garder de faire ceste faulte. Ce qui

C sans doute fut cause de preseruer alors la uille d'Athenes de finale ruine, pource que si tout promptement ilz fussent partis de Samos, pour s'en retourner à Athenes, les ennemis ne trouuans empeschement quelconque, se fussent emparez de tout le pais d'Ionie, de l'Hellefpont, & de toutes les isles, sans coup frapper, pendant que les Atheniens se fussent amusez à combattre les uns contre les autres, en guerre ciuile, dedans l'enceinte mesme de leurs murailles: ce que Alcibiades seul, & non autre, engarda d'aduenir, non seulement en preschant la commune en public, & luy remonstrant l'inconuenient, qui estoit pour arriuer de ceste soudaine departie, mais aussi en priant particulierement les uns à part, & retenant à force les autres: à quoy faire

D le secondoit aussi Thrasybulus du bourg de Stira, qui estoit en ceste armee, & crioit apres ceulx qui s'en uoloient aller: car il auoit, à ce que lon dit, la uoix plus forte & plus haultaine qu'homme qui fust en toute la uille d'Athenes. Ce fut aussi un autre bel acte & grand seruice fait par Alcibiades, qu'ayant promis de moier que les cent cinquante uoiles Pheniciennes, que les Lacedæmoniens s'attendoient certainement auoir de renfort du Roy de Perse, ne uinsent du tout point, ou qu'ilz uinsent en faueur des Atheniens: car il se partit incontinent & s'en alla en diligence deuers Tissaphernes, enuers lequel il feirent, qu'il n'amena point lesdittes uoiles qui ia estoient comparues deuant la uille d'Aspende, & faillit de parole aux Lacedæmoniens. Toutefois Alcibiades fut depuis blasme & accuse d'une part & d'autre de l'auoir diuertie, mais plus des Lacedæmoniens, qui disoient qu'il auoit remonstré à ce Barbare, qu'il ne deuoit aider ny aux uns ny aux autres, ains plus tost les laisser s'entre desfaire & ruiner eulx mesmes, pource qu'il estoit sans doute, que ce gros renfort de la flotte du Roy, uenant à se ioindre à l'une des parties, eust osté entierement à l'autre la domination & seigneurie de la marine. Quelque temps apres cela furent desfaits & chassez les quatre cents qui auoient usurpé l'autorité du gouuernement à Athenes, & ce, moienant le port & l'aide que fei-

Alcibiades.

rent fort affectueusement les amis d'Alcibiades à ceulx qui tenoient le party
du peuple. Si estoient adonc ceulx de la uille cōtents, & madoient à Alcibia-
des quil sen retournaist quand bon luy sembleroit : mais luy estimant qu'il ne
luy seroit point honorable ne bien feant de sen retourner les mains uides
sans auoir rien meritē, ains par le benefice & la grace du peuple seulement, &
uoulant au cōtraire que son retour fust glorieux & triumpfant, il se partit de
Samos premierement avec petit nombre de galeres, & sen alla rodant à l'en-
tour des isles de Cos & de Gnidos, là ou il fut aduertý, que l'admiral de Lace-
dæmone, Mindarus, sen estoit allé avec toute sa flotte au destroit de l'Helle-
pont, & que les capitaines Atheniēs le suiuiuoient à la trace : si se meit à cingler
en toute diligence celle part, pour secourir les Atheniens, & de bonne fortu-
ne y arriua avec dixhuit galeres, à l'instant mesme que les uns & les autres se
estoiēt attachez au cōbat avec tous leurs uaisseaux deuant la uille d'Abydos,
& auoient ia combattu fort asprement depuis le matin iusques au soir, aians
les uns & les autres eu du meilleur en un endroit de la bataille, & du pire en
l'autre. Si donna imagination contraire à la uerité à routes les deux par-
ties, aussi tost qu'on le descouurit de loing, tellemēt que les ennemis en prirēt
courage, & les Atheniens sen estonnerent, iusques à ce que de sa galere capi-
taine il feit haulser en l'air une enseigne d'amis, & quād & quand se rua sur
les Peloponensiēs qui auoiēt du meilleur, & dōnoient la chasse à quelques ga-
leres d'Athenes : si les tourna incōtinēt eulx mesmes en fuite, & les pourfuiuit
si uiuemēt, qu'il leur feit dōner en terre, ou il brisa les uaisseaux, & occit grād
nombre des hommes qui se ietterent en l'eau pour cuider sy sauuer à nage en
terre : quoy que Pharnabazus y fust uenu au secours des Lacedæmoniens, &
qu'il feist tout le deuoir, & l'effort qui luy estoit possible le lōg du riuage de la
mer pour sauuer les corps des galeres : mais nonobstāt, à la fin les Atheniens en
gagnerēt trente sur leurs ennemis, & sauuerēt toutes les leurs, puis dresserent
un trophée en signe de uictoire. Aiant donques Alcibiades eu ceste glorieuse
& heureuse rencontre, il se uolut aller mōstrer en triumphe à Tissaphernes.
Parquoy aiant fait prouision de beaux & riches presens pour luy donner, &
mis sus une suite & un train digne d'un capitaine general, il se meit à la uoile
pour aller deuers luy : mais il n'y trouua pas le recueil qu'il auoit esperē, par
ce que Tissaphernes, qui ia de long temps estoit diffamē par les Lacedæmo-
niens, se plaignans qu'il ne faisoit pas ce que le Roy auoit ordonné, & crai-
gnāt en estre un iour attainct & puny par le Roy, estima qu'Alcibiades estoit
arriué tout à poinct, & le reteint prisonnier en la uille de Sardis, estimant que
ceste iniustice luy seruiroit de descharge & de iustificatiō enuers le Roy : tou-
tefois au bout de trente iours, Alcibiades trouua ne sçay cōment, moien d'a-
uoir un cheual, & se desrobant de ses gardes sen fouit en la uille de Clazome-
nes : ce qui augmenta encore d'auantage la suspition que lon auoit de Tissa-
phernes, pource que lon estima que sous main il luy eust fait passage, mais
luy remonta incontinent sur mer & sen alla trouuer l'armee des Atheniens,
là ou il eut nouuelles que Mindarus & Pharnabazus estoient ensemble en la
uille de Cyzique : si feit une harengue aux souldards, par laquelle il leur remō-
stra qu'il estoit totalement necessaire qu'ilz combattissent leurs ennemis par
mer & par terre, uoie qu'ilz les allassent assaillir iusques dedans leurs forts &
leurs uilles mesmes, pource qu'autrement ilz n'auoient pas moien de recou-
urer argent pour leur entretenement. La harengue acheuee, il les feit incon-

A tinent tous embarquer, & s'en alla poser l'ancre en l'isle de Protōnese, là ou il ordōna que lon enfermast au dedans des uaisseaux de guerre toutes les fregates & autres telz petits batteaux, à fin que les ennemis ne peussent auoir de part quelconque nouuelle aucune de son arriuee, à quoy luy seruit encore ce que soudainement il tumba un grand rauage de pluies, avec tonnerres, & temps obscur qui luy aida biē à cacher & celer son entreprise, de sorte que non seulement les ennemis, mais aussi les Atheniēs mesmes n'en apperceurent rien: car ilz auoient desia fait leur cōpte, que pour ce iour la on ne feroit autre chose, & toutefois il les feit soudain rébarquer, & se partir. Ilz ne furēt pas plus tost au large en mer que le temps commença à s'esclarcir, & lors ilz ueirent de tout loing les galeres des ennemis qui estoient à la rade deuant le port de Cyzique,

B & craignant que le grand nombre de sa flotte ne fust cause de les faire fouir en terre auant qu'il les peust attacher, il commanda aux autres particuliers capitaines qu'ilz demourassent derriere, en uogant tout bellement apres luy, & luy avec quarante galeres seulement se tira en auant, & s'alla monstrer aux ennemis pour les attirer à la bataille. Les ennemis pensans qu'il n'y eust de uaisseaux que ce qu'ilz uoioient, leur uoguerent à l'encontre, & s'attachèrent incontinent à les inuestir & combattre: mais ilz ne furent pas plus tost attachés, que ceulx qui estoient demourez derriere arriuerent, dont les ennemis s'effroyerent de sorte, qu'ilz se tournerent incontinent en fuite, & Alcibiades se iettāt hors de toute sa flotte, avec uingt des meilleures galeres qu'il eust pour suiui les fuyans iusques à la coste, ou il descēdit encore en terre, & chassa si uiuement & de si pres ceulx qui estoient sortis des galeres pour se cuidoer sauuer de uistesse, qu'il en tua sur le champ un grand nombre. Et, qui plus est, Mindarus & Pharnabazus estans sortis de la uille pour secourir leurs gens, il les rompit encore tous deux, & y fut Mindarus occis sur le champ en cōbattant fort uertueusement, mais Pharnabazus s'en fouit. Ainsi eurent les Atheniens en leur puissance les corps des morts qui estoient en grād nombre, avec grāde quantité d'armes & de despouilles, & prirent tous les uaisseaux de leurs ennemis: & aians d'auantage pris la uille de Cyzique, par ce que Pharnabazus l'abandonna, & les Peloponesiens estoient morts, non seulement ilz s'asseurerent la possession du pais de l'Hellespont qu'ilz tenoient encore, mais aussi chasserēt à uiue force les ennemis hors de tout le reste de la mer, & y eut quelques lettres surprises, par lesquelles un secretaire faisoit entēdre à Sparte aux Ephores ceste desconfiture en peu de paroles, ainsi que porte la coustume du parler Laconique, & disoient lesdittes lettres en ces termes: Tout est perdu,

D Mindarus est mort, noz gens meurent de faim, nous ne sçauons ce que nous deuons faire. Au demourant, les soudards Atheniens qui furent à ceste desfaite en deuindrēt si glorieux qu'ilz ne uouloiet point, & desdaignoiēt qu'on les mellast avec les autres soudards q se estoient laissez battre par plusieurs fois,

E là ou eulx n'auoient iamais esté uaincus, pource que peu de temps auparauāt il estoit aduenue que le capitaine Thrasyllus auoit esté rompu pres la uille d'Ephese: & pour celle desfaite les Ephesiens auoient dressé un trophée de bronze à la honte & ignominie des Atheniens: ce que les soudards d'Alcibiades reprochoient à ceulx de Thrasyllus, & se magnifioient, & haultlouoient eulx & leur capitaine, ne uoulans ny loger en mesme quartier, ny se iouer & exercer avec les autres, iusques à ce que Pharnabazus leur estant uenu à l'encontre avec grosse puissance, tant à pied qu'à cheual, ainsi cōme ilz courtoient

Alcibiades.

& fourrageoient les terres des Abydeniés, Alcibiades les alla secourir, & luy F
donnant la bataille le rōpit une autre fois, & le chassa iufques à la nuit toute
noire avec Thrafyllus: car alors les foudards de l'un & de l'autre capitaine se
meflerent les uns parmy les autres, & se faifans grâdes careffes les uns aux au-
autres fen retournerent tous enfemble à grâde ioye au camp. Et le lendemain
Alcibiades, apres auoir dressé un trophée pour la uictoire du iour precedent,
alla courir & piller les païs du gouuernement de Pharnabazus, fans que per-
sonne luy ofast sortir à l'encōtre. En ceste course furent pris prisonniers quel-
ques prestres & quelques religieuses du païs, mais Alcibiades les deliura de-
puis fans leur faire payer aucune rençon: & ainsi qu'il se preparoit pour aller
faire la guerre aux Chalcedoniens qui festoient rebellez contre les Atheniés, G
& auoient receu en leur uille garnison & gouuerneur des Lacedæmoniens, il
fut aduertty comme ilz auoient serré tous leurs biens des champs, & les auoiet
deposez entre les mains des Bythiniens, qui estoiet leurs uoifins & amis, pour
les leur garder: si mena son armee sur leurs confins, & enuoya deuant un he-
rault se plaindre aux Bythiniens, & demander raison du tort qu'ilz faisoient à
ceulx d'Athenes. Les Bythiniés craignās qu'il ne fen attachast à eulx mesmes,
luy rendirent les biens qu'ilz auoient en depost: & qui plus est, feirent encore
alliance avec luy. Cela fait, il alla mettre le siege deuāt la uille de Chalcedoi-
ne, laquelle il emmura tout à l'entour, depuis un bout du riuage de la mer iuf-
ques à l'autre, Pharnabazus y uint pour luy cuider faire leuer le siege, & Hip- H
pocrates capitaine Lacedæmonien gouuerneur de la uille, assemblant tout ce
qu'il auoit de forces dedās: au mesme temps feit une faillie sur les Atheniens:
parquoy Alcibiades ordonnant ses gēs en bataille, de maniere qu'ilz peussent
faire teste à ces deux assaillans tout à un coup, feit si uaillammēt qu'il contrai-
gnit Pharnabazus de prendre la fuitte honteusemēt, & occit Hippocrates sur
le champ avec bon nombre de ses gens: puis monta luy mesme sur mer pour
fen aller au païs de l'Hellefpont amasser de l'argēt, & là surprit la uille de Se-
lybree pour auoir hardiement hazardé sā personne auant le temps qui luy e-
stoit prefix, pource que quelques particuliers de dedans, avec lesquelz il auoit I
intelligence, luy auoient donné assignation à quand ilz leueroient en l'air un
flambeau allumé enuiron la minuiēt, mais ilz furent cōtraincts de leuer leur
signe auant heure pour la crainte de l'un des consors de leur coniuration, le-
quel soudainement se repentit: ainsi fut le flambeau leué auant que toute sa
troupe fust preste. Ce que luy uoiant, prit enuiron trente hommes en sa com-
pagnie, & avec eulx fen courut uers les murailles de la uille, aiant commandé
au demourant de sa troupe, qu'on le fuiuist à la plus grâde diligēce qu'il leur
seroit possible. La porte luy fut ouuerte à luy & aux trēte hommes qu'il auoit
amenez quand & luy, oultre lesquelz encore en suruint il uingt autres armez
à la legerē seulement, mais ilz ne furent pas plus tost entrez qu'ilz entendirēt,
ceulx de la uille qui leur uenoiet en armes au deuāt, de maniere qu'il n'y auoit K
aucun moien qu'il en peust eschapper sil les attendoit: & neantmoins festant
roufiours maintenu inuincible iufques à ce iour la en toutes les rencontres
ou il auoit esté capitaine, il luy faisoit fort grād mal de fouir: parquoy il se ua
soudainement aduifer, de faire faire silence par une trompette, & le bruit ap-
paifē, il feit crier à haulte uoix par un de ceulx qui estoient au tour de luy, que
les Selybrianiens ne prissent point les armes contre les Atheniens. Ce cry re-
froidit un peu la chaleur de ceulx qui auoient bonne enuie de combattre, par

- A** ce qu'ilz cuiderent que toute leur armee fust ia dedans la uille: les autres furent bien aises d'auoir moien de traiter appointement, sans uenir aux hazard des armes. Et ainsi comme ilz parlemontoient de faire composition, le reste de l'armee arriua, & se doubtant bien que les Selybrianiens ne demandoient que paix, comme il estoit uray, il eut peur que une troupe de Thraciens, qui estoient uenus fort uoluntiers à ceste expedition, pour l'amour & en faueur de luy, en bon nombre, ne pillassent & saccageassent la uille, pourtant les feit il sortir tous dehors: & faisant accord avec les principaux des Selybrianiens à leur requeste, ne leur feit autre mal, sinon qu'ilz payerent une somme d'argent, & receurent garnison des Atheniens. & cela fait, il s'en alla.
- B** Mais pendant cest exploit, les autres capitaines Atheniens, qui tenoient la uille de Chalcedoine assiegee, feirent aussi appointemēt avec Pharnabazus, qu'il leur bailleroit quelque somme d'argent, & remettroit la uille en l'obeissance de ceulx d'Athenes, comme elle estoit auparauant: & que moienant ce les Atheniens aussi ne pourroient faire aucunes courses, ne porter dommage aux pais de son gouuernement: & que luy aussi seroit tenu de donner bonne guide & sauuegarde aux ambassadeurs d'Athenes, à ce qu'ilz peussent aller, & estre seurement deuers le Roy de Perse. Ce traitté aiant esté iuré par les autres capitaines, Pharnabazus uoulut qu'Alcibiades à son retour le iurast aussi: mais il dit qu'il n'en feroit rien, que luy mesme premier ne l'eust iuré de son costé:
- C** puis quand les sermens eurent esté prestez d'une part & d'autre, adonc il alla aussi contre ceulx de Byzance, qui festoient semblablement rebellez, & d'arriuee enuirona la uille d'une closture tout à l'entour: mais depuis il eut secrette intelligence avec deux particuliers, Anaxilaus & Lycurgus, & quelques autres qui luy promirent de luy liurer la uille entre ses mains, prouueu que l'on ny feroit point de dommage. Et pour donner execution à ceste pratique, il feit courir un bruit, qu'il estoit cōtrainct de se partir hastiuement de ce siege, pour l'occasion de quelques nouuelletez, qui festoiēt soubleuees au pais d'Ionie: & de faict, il se partit de plein iour avec tous ses uaisseaux, mais il retourna tout court la nuit mesme: & descendant en terre avec les miculx armez de ses gēs, s'approcha des murailles de la uille, sans faire bruit quelcōque, aiant ordonné aux autres, qui estoient demourez sur les uaisseaux, que ce pendant ilz uoguaissent à toute puissance dedās le port, en faisant le plus de bruit, d'effroy & de tumulte qu'ilz pourroiet, partie à fin que la soudaineté de ceste surprise estonnaist de tant plus les Byzantins, & partie aussi à fin que ce pendant ceulx avec qui il auoit intelligence, eussent plus de commodité de le recevoir & mettre seurement avec sa troupe dedans, pendant que tout le monde s'en courroit sur le port, pour faire teste à ceulx qui estoient sur les galeres. Toutefois la chose ne passa pas sans cōbattre, pource que ceulx qui estoiet en garnison dedans la uille, les uns Peloponesiens, les autres Boëtiens & Megariens,
- E** rembarrerent ceulx qui estoient sortis des galeres, si ferme, qu'ilz les contrainrent de se rembarquer: puis quand ilz entendirent, que de l'autre costé les Atheniens estoient entrez dedans la uille, ilz se ferrerent en bataille, & les allerent rencontrer. Si y fut le combat fort aspre: mais à la fin Alcibiades en demoura uainqueur, menant la pointe droite de sa bataille, & Theramenes la gauche. Et la uictoire gaignee, prit prisonniers ceulx des ennemis, qui estoiet eschappez de la desconfiture, qui se trouuerent enuiron trois cents hommes: mais hors ceste rencontre, il n'y eut pas un Byzantin mis à mort par iustice, ny

Alcibiades.

confisqué ou banny, pource que ceulx qui auoient cōduit la prattique, auoient F capitulé avec ceste condition, que lon ne leur feroit aucun dommage ny de-plaisir en leurs personnes, ny en leurs biens, & qu'on ne leur osteroit chose quelconque qui fust à eulx. Tellement que Anaxilaus, estant depuis accusé de trahison en Lacedæmone, à raison de ceste prattique, respondit, & se iustifia de sorte, que lon ne trouua point qu'il eust fait chose dont on le peust reprendre: car il dit, qu'il n'estoit point Lacedæmonien, mais Byzantin, & qu'il ne uoyoit point Lacedæmone en danger, mais Byzâce, laquelle estoit tout à l'en-tour enfermee & emmuree d'une closture, que les ennemis auoient bastie à l'environ, qu'il estoit impossible que rien y peust entrer, & que si peu de bledz qu'il y auoit dedans, les Peloponesiens & les Bœotiens, qui y estoient en gar- G nison, le mangeoient, pendant que les pauvres Byzantins mouroient de male faim, eulx, leurs femmes & leurs enfans: & pour ceste raison, qu'il ne se pou-uoit dire qu'il eust trahy son païs, ains plus tost l'auoit deliuré des miseres & calamitez que la guerre apporte quand & soy: en quoy il auoit suiuy l'exem-ple des plus gens de bien de Lacedæmone, lesquelz ne recognoissent autre ho-nesteté ny autre iustice, que ce qui est utile & profitable à leur païs. Les Lacedæmoniens, ces defences ouyes, eurent honte de les condamner, & pource les laisserent aller absouls. Mais Alcibiades desirant à la fin reueoir sa maison, ou pour mieulx dire, estre luy mesme ueu par ses citoiens, apres auoir tant de fois rompu, desfait & battu leurs ennemis, se meit à la uoile pour retourner à Athe H nes, remenant toutes les galeres Atheniennes richement parrees, & ornees tout à l'entour des pauois, armes & autres despouilles des ennemis, & en faisant re-morquer apres luy plusieurs autres captiues qu'il auoit gaignees, & portât en-core plus grand nombre des enseignes & ornemens des autres qu'il auoit bri-sees & gastees, toutes lesquelles, en comptant les unes & les autres, n'estoient pas moins de deux cents. Au demourant, quant à ce que Duris le Samien, qui se dit estre descédu de sa race, escrit, que à ce retour Chryfogonus, un si excel-lent ioueur de flustes, qu'il en auoit gaigné le pris es ieux Pythiques, sonnoit la note, à la cadéce de laquelle les galiots mouuoient leurs rames par mesure, & que Callipides un autre excellent ioueur de Tragœdies, y faisoit l'office de co- I mite, les incitât à uoguer, & estant accoustré & reuestu tout ne plus ne moins & des mesmes accoustremens que le sont telz ouriers, quand ilz uienent en plein Theatre deuant le peuple faire preuue de leur art, & que la galere capi-tainesse, sur laquelle il estoit, entra dedans le port avec une uoile de pourpre, comme si c'eust esté quelque mōmerie qu'ilz eussent uoulu faire apres la bone chere d'un festin, il n'y a ny Ephorus, ny Theopōpus, ny Xenophō, qui en fa-cent mentiō. Et si ne me semble pas croyable, q̄ luy retournât d'exil apres un si lōg bannissement, & tant de maulx & de calamitez qui en estoient ensuyuies, se fust uoulu si insolentemēt, & si superbement monstrier aux Atheniens: ains au cōtraire, il est tout certain, qu'il retourna en doubte & en crainte, car arriué K qu'il fut dedans le port de Piree, il ne uoulut point descendre de sa galere en terre, que premieremēt il n'eust ueu de dessus le tillac sur la greue du port Euryptolemus son nepueu, & plusieurs autres siens parents & amis, qui là estoient uenus pour le receuoir, & qui luy disoient qu'il descendist hardiment sans auoir crainte de riē. Si ne fut pas plus tost descédu en terre, que tout le peuple luy courut de tous costez au deuant, avec affection si grande, qu'ilz ne regar-doient pas seulement les autres capitaines, ains s'amassoient tous à l'entour de luy

A luy seul, & fescrioient de ioye qu'ilz auoient de le ueoir. Ceulx qui en pouuoient approcher, le saluoient & l'embrassoient, mais tous l'accôpagnoient: & y en auoit aucuns qui s'approchâs de luy, luy mettoient des chapeaux de fleurs sur la teste, & ceulx qui n'en pouuoient approcher, le regardoient de loing, & les uieux le monstroient aux ieunes. Mais ceste publique resiouissance estoit neantmoins entremeslee de larmes, de pleurs & de regrets, quand ilz uenoient à rememorier leurs malheurs passez, & les cōferer avec la prosperité presente, cōsiderâs qu'ilz n'eussent point perdu la Sicile, ny ne se fussent point trouuez frustrez de tout ce qu'ilz auoient au surplus esperé, s'ilz eussent laissé la conduite de leur armee, & le gouuernement de leurs affaires entre les mains d'Alcibiades, quand ilz l'enuoyerent adiourner à comparoir en personne deuant eux, ueu que lors aiant trouué la uille d'Athenes presque entierement priuee de la possession de la mer, & du costé de la terre ses forces reduites à telle extremité, qu'à peine pouuoit elle defendre ses faulxbourgs, & au dedans estant encore diuisee & embrouillee de seditions ciuiles, neantmoins en remettant sus & ramassant ce peu de forces foibles & petites qui luy estoient demourees, il luy auoit desia restitué non seulement la seigneurie & domination de la marine, mais aussi l'auoit rendue par tout uictorieuse sur la terre. Or auoit le decret de son rappel, ia auparauant esté passé & accordé par le peuple, à l'instance de Callias filz de Callæschrus, qui le meit en auant, ainsi comme luy mesme le tesmoigne en ses Elegies, ramenteuât à Alcibiades le plaisir qu'il luy auoit fait en cela, disant:

D e ton rappel premier ie proposay
E n plein conseil le decret, & l'ozay
M ettre en auant, dont ie puis maintenir
E stre celuy qui t'ay fait reuenir,
E stant l'arrest qui t'a cy rappelé
D u seu uerbal de ma langue scellé.

D Mais nonobstant, le peuple s'estant lors assemblé en conseil, Alcibiades se tira en auant, & fit une harangue, en laquelle il deplora premierement ses malheurs, & se plaignit un peu destorts que lon luy auoit faits, en reiettant neantmoins le tout à la fin sur sa mauuaise fortune, & sur quelque Dieu enuieux de sa prosperité, puis discourut bien au long sur l'esperance qu'auoient les ennemis: & au demourât, admonesta le peuple d'auoir bon courage, & de s'asseurer pour l'aduenir. Finablement luy furent par le peuple donnees des couronnes d'or, & fut eleu capitaine general d'Athenes, avec souueraine puissance tant par terre que par mer: & sur l'heure mesme fut ordonné par arrest du peuple, que tous ses biens luy seroient rendus, & que les prestres Eumolpides l'absouldroient des maledictions, & les heraults & huissiers à haulte uoix semblablement reuoqueroient les execrations, qu'ilz auoient fulminees & publiees encontre luy par commandement du peuple: ce que tous les autres feirent, excepté Theodorus le Pontife, lequel dit, le ne l'ay point excommunié ny maudit, fil n'a rien forfait contre la chose publique. Ainsi estans les affaires d'Alcibiades en si glorieuse prosperité, il y eut neantmoins aucuns, qui prirent à mauuais presage le temps auquel il estoit arriué, pour ce que le iour de son retour, par cas d'aduenture escheut au propre iour que lon celebre, en l'honneur de la Déesse Minerue, la feste que lon appelle Plynteria, qui uault autant à dire, comme la feste des lauemens, en la-

Alcibiades.

quelle les prestres, que lon nomme Praxiergides, font quelques secrets sacrifices, & occultes cerimonies, le uingt & cinquieme iour du mois de Septembre, ostās à l'image de la Deesse tous ses ioyaux & paremens, & la tenans toute cachee & couuerte: à raison dequoy les Atheniens mettent celle iournee entre les plus malencontreuses, & se gardent bien de faire ou commēcer aucune chose de consequence en icelle: & alloit on interpretant, qu'il sembloit que la Deesse ne fust point contente ny ioyeuse du retour d'Alcibiades, & qu'elle se cachoit pour ne le point ueoir & pour le reculer arriere d'elle. Ceneantmoins luy estans à ce retour toutes choses succedees selon son desir, il arma cent galeres pour retourner incontinent à la guerre, mais il luy prit une enuie honeste & gentille, qui l'arresta iusques au temps que lon celebre la solennité des mysteres: car depuis que la uille de Decelce auoit esté occupee & fortifiee par les Lacedæmoniens dedans le territoire de l'Attique, & que les ennemis, estans les plus forts en campagne, auoient tenu les chemins par ou lon ua d'Athenes à Eleusine, il n'y eut ordre de faire la procession solennelle par terre avec telle dignité & telle deuotiō que lon auoit accoustumé au parauant, ains y falloit aller par la mer: de maniere que les sacrifices, les danſes, & plusieurs autres saintes & deuotes cerimonies que lon souloit faire par le chemin, en chantant le saint cantique de Iacchus, par necessité uenoient à estre delaisſees & omises. Si sembla lors à Alcibiades que ce seroit à luy ceure meritoire enuers les Dieux, & glorieuse enuers les hommes, de rēdre à ceste feste & solennité sa forme & dignité accoustumee, en accompagnant la procession, & la defendant contre les courses & inuasions des ennemis: car il estima qu'il aduiendroit l'un des deux, ou que Agis roy des Lacedæmoniens ne se bougeroit, & par ce moien il luy diminueroit d'autant sa reputation & rabaisſeroit sa gloire, ou ſil fortoit en cāpagne, qu'il luy donneroit la bataille deuote & religieuse enuers les Dieux, attēdu que ce seroit pour defendre leurs plus saintes & sacrees cerimonies en la ueuē de son païs, là ou il auroit tous ses citoiens spectateurs & tesmoings de sa prouesse & uailłace. Aians pris ceste resolution, il la feit entendre aux prestres Eumolpides, aux huissiers, & autres supposts & ministres des mysteres: puis disposa tout le long du chemin des gens au guet sur les plus haults coustaux d'alenuiron, & enuoia deuant au plus matin, des auantcoureurs pour descouurir le païs: & apres cela feit marcher les prestres, religieux & confraires, & ceulx qui les conduisoient en procession, lesquelz il couurit & enuirona tout à l'entour de son armee qui marchoit quand & quand en bonne ordonnance, & en grand silence: qui fut une conduite d'armee fort uenerable, pleine de grande sainteté, & en laquelle si les enuieux uoloient confesser uerité, ilz diroient qu'Alcibiades feit autāt office de grād prestre & de souuerain pontife, que de capitaine. Si mena ceste procession en seureté iusques dedans la uille, sans que personne des ennemis eust iamais la hardiesse de sortir aux champs pour luy courir sus. Ce qui luy eleua le cueur encore d'auātage, & augmenta la bonne opinion que lon auoit de sa suffisance, & sage conduite en la guerre, de sorte que lon iugeoit, qu'il estoit inuincible, lors qu'il auoit entiere puissance de commander souuerainement à une armee. Au demourant quand au menu populaire & gens de basse condition, il les attira & gaigna si bien à soy, qu'ilz desiroient tous singulierement, qu'il usurpast l'autorité & domination souueraine, voire iusques à ſen adresser à luy, & luy dire & admonester qu'il se deuoit mettre au dessus

A de toute enuie, & abolir toutes ces ordonnances & coustumes de faire autho-
rifer ces choses par les uoix du peuple, & toutes telles folies qui ruinoient les
affaires de la chose publique, & qu'il falloit qu'il prist en main souueraine
l'autorité du gouuernement, pour disposer entieremēt de toutes choses à sa
uolunté sans plus craindre les calumniateurs. Or quant à luy, fil eut onques
uouloir d'usurper la tyrannie ou non, on n'en sçauoit que dire : mais il est
bien certain, que les plus gros de la uille craignās qu'il ne le feist, hasterēt son
partement le plus qu'ilz peurent, faisans toutes autres choses à sa uolunté : &
mesmement luy donnans pour compagnons en la charge de capitaine, ceulx
que luy mesme uolut. Ainsi se partit il à la fin avec une flotte de cent galeres,
B & s'en alla premierement descendre en l'isle d'Andros, là ou il desfeit en bat-
taille les habitāns de l'isle, & quelques Lacedæmoniens qui y estoient aussi,
mais il ne prit pas la uille, qui fut l'une des premieres charges & imputations
que ses malucuellās luy meirent sus depuis. Car fil y eut iamais homme ruiné
par la propre reputation que lon auoit de sa suffisance & ualeur, certainemēt
ce a esté Alcibiades : pource que les belles & grandes choses qu'il auoit faittes
l'auoiēt mis en telle estime de bō sens & de hardiesse, que là ou il faillloit à faire
quelque chose, il en estoit soupçonné, & iugeoit on que ce n'estoit pas pour
n'auoir peu, mais pour n'auoir uoulu le faire, & que là ou il se uouloit esuer-
tuer, rien ne luy pouuoit eschapper : Au moien dequoy le peuple s'estoit pro-
C mis, qu'incontinent apres son partement il entédroit dire, que l'isle de Chio
seroit prise avec tout le pais d'Ionie, & se courrouceoient pource qu'ilz n'en
entendoient point de nouuelles aussi soudainement comme l'imaginoit leur
desir, sans mettre en consideration la faulte d'argent qu'il souffroit, mesme-
ment aiant la guerre contre des ennemis, qui auoient le grand Roy de Perse
qui leur en fournissoit, & que pour ceste necessité il estoit bien souuent con-
traint d'abandonner son camp pour s'en aller ça & là chercher de l'argent, dōt
il peust nourrir, soudoier, & entretenir ses gens : car qu'il soit ainsi, la derniere
charge que lon luy meit sus, fut pour une telle cause. Lyfander enuoié par
les Lacedæmoniens pour admiral & capitaine general de leur armee de mer,
D fait tant enuers Cyrus frere du Roy de Perse, qu'il en tira une bonne & grosse
somme de deniers : moienāt lesquelz, il dōna aux mariniers quatre oboles * de
soude ordinaire par iour, au lieu qu'ilz n'en souloient auoir que trois, encore
auoit Alcibiades beaucoup d'affaire à leur en fournir trois seulemēt. A raison
dequoy, pour recouurer argent, il s'en alla faire une course iusques en la Ca-
rie. Mais ce pendant, celuy qu'il auoit laissé son lieutenant, & à qui il auoit bail-
lé la superintēdence sur les uaisseaux en son absence, nommé Antiochus, qui
estoit bien bon pilote, mais au demourant homme eceruellé, de peu de sens &
de mauuais iugement, aiant expres commandement d'Alcibiades de ne cō-
battre point en façon quelconque, encore que les ennemis luy uinsent pre-
E senter la bataille, fut si temeraire, & fait si peu de compte de ce qui luy auoit
esté tant & si expressement ordonné, qu'il arma sa galere dont il estoit capiti-
ne, & encore une autre, & s'en alla uers la uille d'Ephese passer tout le long des
proues des galeres ennemies, en faisant & disant plusieurs uillanies & plu-
sieurs oultrages à ceulx qui estoient dessus. Dequoy Lyfander estant irrité, luy
sortit à l'encontre avec peu de uaisseaux du commencement. Les autres parti-
culiers capitaines des galeres d'Athenes, uoyans Antiochus en danger, y alle-
rent au secours à la file : & adonc Lyfander aussi de son costé se ietta en pleine

*L'obole de
Athenes ua-
loit enuiron
sept deniers.

Alcibiades.

mer contre eulx avec toute sa flotte entierement, & fait en sorte qu'il les rom-
pit. Antiochus mesme y mourut, & y eut plusieurs galeres & plusieurs person-
nes prises, dont Lyfander dressa un trophée, pour marque de sa uictoire. Alci-
biades ceste nouvelle ouye, s'en retourna incontinct tout court en toute dili-
gēce à Samos, & arriué qu'il y fut alla avec le demourāt de sa flotte presenter la
bataille à Lyfander, lequel se contentant de sa premiere uictoire, ne luy sortit
point à l'encōtre, & tout aussi tost y eut un Thrasylbulus filz de Thrason enne-
my d'Alcibiades, q se partit du cap de Samos. & s'en alla droit à Athenes pour
l'accuser enuers le peuple, dōnant à entendre qu'il gastoit tout, & qu'il auoit ia
perdu plusieurs uaisseaux, pour desdaigner sa charge, & en faire trop peu de
compte, en cōmettant en son lieu des gens, qui auoient credit autour de luy, G
pource qu'ilz estoient bons cōpagnons, & qu'ilz luy faisoient passer le temps à
yurōgner, & à dire mots de gaudisserie, q les gens de marine disent entre eulx,
pendāt qu'il alloit à son plaisir ça & là amasser de l'argēt, & se donner du bon
tēps à faire banquetz avec les courtisanes Abydenienes & Ionienes, mesme-
ment en temps que l'armee des ennemis estoit si pres de la leur. On le chargea
aussi, qu'il faisoit fortifier quelque chasteau au païs de Thrace, pres la uille de
Bisanthe pour sy retirer, cōme ne pouuāt, ou plus tost, ne uoulant plus uiure
en son païs. Aux quelles imputations les Atheniens adiouxtrans foy, eleurent
incontinct d'autres capitaines, pour monstrier le courroux & le malconten-
tement qu'ilz auoient encontre luy. Ce qu'entendant Alcibiades, & craignāt H
qu'on ne luy feist pis, se retira de tout poinct hors du camp des Atheniēs, &
assemblant quelque nombre de soudars estrangers, alla en son nom faire la
guerre à quelques peuples Thraciens, qui n'estoient point sous la puissance
d'aucun seigneur, là ou il assembla bonne somme d'argent, de ce qu'il y gai-
gna, & quand & quand assura les Grecs, habitans en celle marche, des cour-
ses & inuasions des Barbares. Depuis estans les capitaines Atheniens Tydeus,
Menander, & Adimantus, avec toutes les galeres, que la uille d'Athenes auoit
pour lors en la coste que lon appelle communemēt La riuier de la cheure, là
ou tous les matins par plusieurs iours de reng, ilz se iettoient en haulte mer,
& alloient presenter la bataille à Lyfander, qui estoit à l'ancre deuant la uille I
de Lampsaque, avec toute l'armee de mer des Lacedæmoniens, puis s'en re-
tournoient au lieu dont ilz estoient partis, en bien mauuais ordre, sans faire
guet, ny foy tenir autrement sur leur gardes, comme gens qui mesprisoient
leurs ennemis. Alcibiades estāt en terre ferme, non gueres loing de là, ne mit
point à nōchaloir ceste faulte qu'ilz faisoient, ains s'en alla deuers eulx à che-
ual, & leur remōstra qu'ilz festoient mal posez en une coste, ou ilz n'auoient
nulz abriz, & point de uilles, & ou il leur falloir aller querir leur uiures bien
loing, iusques en la uille de Sestos, & qu'ilz souffroient leurs gens de marine
sortir hors des uaisseaux, quād ilz estoient à la coste, & s'escarrer ça & là en ter-
re, comme chascun uouloit, là ou ilz auoiēt tout deuant eulx une grosse ar- K
mee d'ennemis, accoustumez d'obeir promptement aux commandemēs d'un
seul chef, & pourtant leur disoit & conseilloit qu'ilz fōstassent de là, & s'en
allassent poser l'ancre deuant la uille de Sestos. A quoy les capitaines ne uou-
lurent point entendre: ains, qui pis est, l'un d'eux, Tydeus, luy commanda su-
perbement, qu'il eust à se retirer incontinct, & que ce n'estoit point luy, mais
d'autres, qui auoient charge de l'armee. Parquoy Alcibiades se doubant qu'il
y eust encore quelque trahison là dessous, se retira: & en s'en allāt, dit à quel-
ques

A ques uns de sa cognoissance, qui luy feirent compagnie à s'en retourner du camp, que si les capitaines Atheniens ne l'eussent ainsi fierement rabroué, dedans peu de iours il eust contrainst les Lacedæmoniens de uenir à la bataille contre eulx en despit qu'ilz en eussent, ou bien de quitter & abandonner leurs uaisseaux, ce que aucuns estimerent estre une uaine uanterie : les autres iugerent qu'il y auoit apparence en ce qu'il disoit, par ce qu'il eust peu amener du costé de la terre grand nombre de Thraciens, gens de traict & de cheual, avec lesquels il eust couru sus aux Lacedæmoniens, & mis leur camp en grand trouble : mais au demourant qu'il eust sagement preueu les fautes que faisoient ces capitaines Atheniens, l'euuenement qui en ensuiuit incontinent apres, le

B tesmoigna euidentement, par ce que Lyfander les alla un iour charger au des-prouueu si roidement, que de tous les uaisseaux qui estoient en leur flotte, il ne se sauua que huit galeres seulement, avec lesquelles Conon s'enfouit, & les autres qui n'estoient pas gueres moins de deux cents, furent toutes prises & emmenees captiues, avec trois mille prisonniers que Lyfander feit tous mourir. Et peu de temps apres, prit aussi la uille mesme d'Athenes, ou il brusta tout le reste de leurs uaisseaux, & feit demolir & abbattre leurs longues murailles. Apres lequel grand exploit, Alcibiades redoubtant les Lacedæmoniens, qui lors, sans contredit, estoient demourez seigneurs de la mer & de la terre, passa au pais de la Bythinie, faisant conduire apres luy grande quantité de biens, &

C portant bonne somme d'argent quand & luy, sans d'autres encore d'auantage qu'il laissoit es chasteaux de la Thrace, ou il se tenoit : mais il en perdit beaucoup en la Bythinie, que luy osterent & deroberent quelques Thraciens, habitans aux pais. Si delibera de se retirer deuers le Roy Artaxerxes, esperant que quād ce Roy l'auroit une fois essayé, il ne le trouueroit point hōme de moindre seruice, que parauant Themistocles auoit esté trouué, oultre ce que l'occasion de son aller seroit encore trouuee plus iuste, à cause qu'il n'y alloit pas pour faire la guerre à ses citoiens ny à son pais, comme faisoit Themistocles, ains au contraire en intention de requerrir le Roy, qu'il luy pleust les secourir :

D & pensant que Pharnabazus, plus tost que nul autre, luy donneroit moien de pouuoir aller seuremēt iusques à la court du Roy, il dresse son chemin deuers luy au pais de la Phrygie, ou il demoura quelque temps à luy faire la court, estant aussi reciproquement honoré & caressé par luy : Ce pendant les Atheniens se trouuoient bien desolez de ueoir leur empire perdu : mais quand encore Lyfander, apres leur auoir osté la liberté, meit leur uille entre les mains de trente gouuerneurs, alors uoians que tout estoit entieremēt perdu, là ou ilz eussent encore peu se ressourdre, filz eussent esté sages, ilz se meircnt à regretter & deplorer ensemble leurs miseres & malheurs, en rememorāt les erreurs & les fautes qu'ilz auoient faittes, entre lesquelles ilz comptoiēt pour la plus grande, la seconde fois qu'ilz s'estoient courroucez contre Alcibiades : car ilz

E le chasserent & reietterent sans qu'il eust, quant à luy, rien offensé ne forfait, aians despit seulemēt de ce, que l'un de ses ministres leur auoit, en son absence, perdu honteusement quelque petit nombre de uaisseaux, & eulx mesmes plus honteusement osterent à leur uille le plus uaillant & le mieulx entendu capitaine qu'ilz eussent. Et neantmoins encore auoiēt ilz quelque debile esperance que leurs affaires n'estoient pas de tout poinct deplorez, tant cōme Alcibiades seroit uiuant, pource que parauāt estant fugitif & banny, il ne festoit point contenté de uiure en repos sans rien faire : & maintenāt, disoient ilz, fil

Alcibiades.

a aucun moien, encore ne supportera il iamais l'orgueil & l'insolēce des Lacedæmoniēs, ny les cruaultez & oultrages de ses trente tyrās. Si n'estoit point hors de raison, que le cōmun peuple eust de telles imaginatiōs en son entendement, attendu que les trentes gouuerneurs mesmes feirēt tout deuoir de rechercher & diligēment enquerir ce qu'il faisoit, & ce qu'il pretēdoit de faire, iusques à ce que finablement Critias remonstra à Lyfander, que n'estant plus la uille d'Athenes soubs l'autorité & le gouuernemēt du peuple, les Lacedæmoniēs se pouuoient bien tenir & dire assurez seigneurs de toute la Grece: mais encore q̄ le peuple d'Athenes de soy mesme s'accōmodast à souffrir patiēmēt la subiectiō d'estre soubs un petit nōbre de gouuerneurs, iamais Alcibiades tant qu'il auroit uie ne les laisseroit uiure en paix, ains essayeroit tousiours d'y susciter & emouuoir quelque nouuelletez. Toutefois Lyfander ne se laissa poit du tout aller à ses suasiōs, que premieremēt ne luy eust esté enuoyé un mādement special par les magistrats de Lacedemone, auquel il luy estoit expressement commandé qu'il ostant, par quelque moien que ce fust, Alcibiades hors de ce monde, soit, ou que ueritablement ilz redoubtassent la subtilité de son esprit, & la grandeur de son courage à entreprendre toutes choses haultes & hazardeuses, ou qu'ilz uoulussent en cela gratifier au Roy Agis. Aiant donques Lyfander receu ce cōmandement, il enuoya, pour auoir moien de l'excuter, deuers Pharnabazus, lequel en bailla la commission à son frere nommé Magæus, & à Sufamithres son oncle. Or estoit pour lors Alcibiades en un certain bourg de la Phrygie, aiant avec luy une siene concubine qui s'appelloit Timandra. Si luy fut aduis une nuit en dormant, qu'il auoit uestu la robe de ceste siene concubine, & qu'elle le tenant entre ses bras luy accoustroit la teste, le pignoit, & luy fardoit le uisage, comme s'il eust esté femme. Les autres disent qu'il luy fut aduis, que Magæus luy coupoit la teste & faisoit brulher son corps: & dit on que ce fut bien peu de temps auant sa mort qu'il eut ceste uision. Ceulx qui y furent enuoyez pour le tuer, n'eurent pas la hardieffe d'entrer dedans la maison ou il estoit, ains meirēt le feu tout à l'entour, & luy soudain qu'il en ouit le bruit, assembla ce qu'il peut de uestemens, de tapisseries, & autres draps, qu'il ietta dessus le feu pour le cuider estouffer: & entortillant son manteau à l'entour de son bras gauche, prit son espee nue en la main droite, & se ietta hors la maison sans que le feu luy feist aucū mal, sinon qu'il luy brusta un peu ses habillemens. Les Barbares si tost qu'ilz l'apperceurent se tirerent arriere & fescarterent, & n'y en eut pas un qui l'osast attendre ny le ioindre de pres pour le combattre: mais de loing luy tirerent tant de coups de dard & de trait, qu'ilz le tuerent en la place. Puis quand ilz se furent retirez, Timandra alla prédre le corps, qu'elle enueloppa & ensepuelit des meilleurs draps qu'elle eust, & luy donna sepulture le plus honorablement qu'il luy fut possible de ce qu'elle peut faire & recouurer. Lon dit que Lais celle tant renommee courtisane que lō appelle Corinthiene, encore qu'elle fust natifue d'une petite uille de la Sicile, qui se nōme Icara, ou elle fut prise, estoit sa fille. Toutefois quant à la mort d'Alcibiades, il y en a aucuns qui accordent bien tout le demourant de ce que i'en ay escrit, excepté qu'ilz disent, que ce ne furēt ny Pharnabazus, ny Lyfander, ny les Lacedæmoniens qui le feirent tuer: mais que tenāt avec luy une ieune femme de noble maison qu'il auoit desbauchee & seduite, les freres d'elle ne pouuans supporter ceste iniure, allerent mettre le feu dedans la maison ou il se tenoit, & qu'ilz le tuerent comme nous auons dit, ainsi qu'il cuidoit saulter & se ietter hors du feu.

A A maison des Martiens, à Rome, estoit du nombre des Patriciens, & en sont sortis plusieurs grands personnages, entre lesquels fut Ancus Martius surnommé Nepos, pource qu'il estoit filz de la fille du Roy Numa, qui fut Roy de Rome apres Tullus Hostilius: aussi en furent Publius & Quintus, qui ont fait conduire dedans Rome la plus grosse & la meilleure eau qui y soit: & Césorinus, ainsi surnommé, pource que le peuple Romain l'eut Censeur par deux fois, & puis à sa persuation feit l'ordonnance & la loy, que de là en auât nul ne pourroit plus demander ne tenir ce magistrat la deux fois. Mais Gaius Martius, celui duquel nous entendons escrire presentement, estant demouré orphelin de son pere, fut nourry sous sa mere ueufue, & feit ueoir par experience, que l'orphelinage apporte bien d'autres incommoditez à un enfant, mais qu'il ne l'empesche point d'estre homme de bien & de uertu excellente par dessus le commun, & que c'est à tort que quelques uns de lasche nature le blasment. & l'accusent, comme estant cause de leur corruption, à faulte que l'on n'a pas eu soing d'eulx & de leurs meurs en leur ieunesse. Aussi a ce mesme personnage tesmoigné ce qu'aucuns estiment, qu'une nature forte & uigoureuse, quand elle est destituee de bonne nourriture, produit beaucoup de maux & de biens tout ensemble, ne plus ne moins qu'une bonne terre grasse produit beaucoup de bonnes & de mauuaises herbes, si elle n'est bien cultiuee: pource que la naturelle force, constance, & perseuerance de sa uoulunte, en ce qu'il auoit une fois entrepris, le poulsait bien à attenter & executer plusieurs belles & grâdes choses: mais aussi de l'autre costé, sa cholere qui estoit impatiente, & son obstination inflexible de ne uouloir iamais ceder à personne, le rendoient mal accointable, & mal propre pour uiure & conuerser entre les homes, lesquels auoient bien en admiration sa fermeté impassible de ne se laisser iamais uaincre ny au labeur, ny à la uolupté, ny à l'auarice, & la nommoient bien force, temperance, & iustice: mais au demourant, ilz ne sen pouuoient approcher ny le frequenter familierement comme il se fait entre citiens d'une mesme chose publique, tant ces façons de faire leur estoient mal agreables & odieuses, pour une certaine grauité qui leur sembloit trop seigneuriale. Aussi à dire la uerité, le plus grâd fruit que les hommes rapportent de la douceur & benignité des Muses, c'est à dire de la cognoissance des bonnes lettres, c'est qu'ilz en domptent & addoucissent leur nature, qui estoit au parauant sauuaage & farouche, trouuans avec le compas de la raison, le moien, & reiettant le trop. Or estoit en ce temps la, la prouesse honoree & prisee à Rome uniuersellemét par dessus toutes les autres uertus, dequoy fait foy ce que lon la nommoit **VIRTVS**, du nom mesme de la uertu, en attribuant le nom du commun genre à une espece particuliere: tellement que Vertu en Latin estoit autant à dire comme uailance. Mais Martius estant encore plus enclin aux armes que nul autre de son temps, des son enfance il comença incontinent à les prédre en main, & à les manier: mais estimant que les armures de dehors & les artificielles ne seruent de gueres à ceulx qui ne sont bien muniz & bien prouueuz des naturelles & qui naissent avec nous, il exercita tellement sa personne à toute sorte de trauail & de combat, qu'il en deuint uiste à courir, roide à lutter, & si ferme à la prise, qu'il ne se trouuoit homme qui le peust forcer: au

Coriolanus.

moien dequoy, ceulx qui contendoient à l'encôtre de luy en prouesse & bon-
té de courage, quand ilz se trouuoient surmôtez, alleguoient que cela ne pro-
cedoit que de sa force corporelle & de la durescé de sa personne, qui ne se ren-
doit iamais pour labeur ny pour trauail quelconque. La premiere guerre ou
il se trouua, estant encore fort ieune, fut quand Tarquin surnommé le Super-
be, qui auoit esté Roy de Rome, & depuis en auoit esté chassé pour son ar-
rogance, apres auoir essayé d'y r'entrer par plusieurs batailles, ou il auoit
toufiours esté desfait, finablement fait tout son dernier effort, estant secouru
des Latins, & de plusieurs autres peuples de l'Italie, q avec une grosse & puis-
sante armee auoient entrepris de le remettre en son estat, non tât pour luy faire
plaisir, comme pour diminuer & raualler les forces des Romains, lesquelz ilz
craignoiēt, & portoiēt enuie à leur accroissement. En ceste bataille donques,
laquelle eut plusieurs esbranlemens en l'une & en l'autre partie, Martius cō-
battant uaillamment à la ueuē du Dictateur mesme, ueit un Romain qui fut
porté par terre assez pres de luy: il ne l'abandonna point, ains se ietta au deuât
pour le couvrir, & occit de sa main l'ennemy qui luy couroit sus: à l'occasion
dequoy, apres que la bataille fut gaignee, le Dictateur ne meit pas un si bel
acte en oubly, ains le couronna tout le premier d'un chapeau de branche de
chesne, pource que c'est la coustume des Romains, que celuy qui sauue la uie
à un sien citoien, est honoré d'une telle couronne, soit ou que la loy feist cest
honneur au chesne en faueur des Arcadiens, lesquelz furent iadis appelez
mangeurs de gland par l'oracle d'Apollo, ou pource que facilement & par
tout les gens de guerre peuuent recouurer des branches de chesne, ou pource
que lon estima estre conuenable de donner par honneur à celuy, qui auroit
sauué la uie à un citoien, la courōne de l'arbre proprement dedié & consacré
à Iupiter sauueur & protecteur des citez: oultre ce, que le chesne entre les ar-
bres sauuages, est celuy qui porte le plus beau fruit: & entre les cultiuez &
domestiques, est le plus fort. D'auantage les hommes au commencement en
prenoiēt le glâd pour leur pain, & le miel pour leur breuage: &, qui plus est,
il leur donoit pour pitāce une bōne partie des bestes & des oyseaux, en portant
le guy de chesne, dont on fait la glus pour les prendre. On dit qu'en ceste bat-
taille apparurent Castor & Pollux, & que soudainement apres le combat on
les ueit à Rome sur la place, avec leurs cheuaux tous trempz de sueur, qui les
premiers dirent les nouuelles de la uictoire, à l'endroit ou il y a maintenāt un
temple edifié en leur hōneur, aupres de la fontaine: & de là uient que le iour
de ceste uictoire, qui fut le quinziesme de Iuillet est encore auioirdhuy con-
sacré à Castor & Pollux. Au reste lon uoit coustumierement aduenir, que
quand l'honneur & la reputation uient auant le temps à ieunes gens qui
n'ont pas la nature trop eleuee, cela esteint & rassazie incontinent leur soif
& conuoitise de gloire trop facile à assouir, là ou au contraire, les pre-
miers honneurs ne font qu'aguiser l'appetit à ceulx qui ont les cueurs fer-
mes, & ueritablement grands, & sont comme des uents qui les poulsent à en-
treprendre & à uouloir faire toutes choses haultes & louables, pource qu'ilz
n'estiment pas receuoir loyer de ce qu'ilz ont bien fait par le passé, ains plus
tost leur semble qu'ilz donnēt gage & arre de faire encore mieux à l'aduenir,
& ont hôte d'abandonner leur gloire, & de ne l'aller pas toufiours augmētant
de plus en plus par mesmes exploits de uertu. Ceste affectiō estat en Martius,
il s'efforceoit de se uaincre soy mesme en bien faisant: & uoulant faire ueoir

A tous les iours quelque nouuelle preuue de sa ualeur, alloit adiouxant prouesses sur prouesses, & amassant despouilles sur despouilles. Au moié dequoy les capitaines suiuañs faisoïent aussi à l'enuy des precedens à qui plus l'honoreroit, & à qui porteroit plus honorable tesmoignage de sa uertu: de maniere que les Romains aians eu en ce temps là plusieurs guerres & plusieurs batailles, il se trouua à toutes, & n'y en eut pas une d'or il retournañt sans quelque pris d'honneur. Et cōme aux autres la fin qui leur faisoit aimer la uertu estoit la gloire: aussi à luy, la fin qui luy faisoit aimer la gloire estoit la ioye qu'il uoioit que sa mere en receuoit: car il estimoit n'y auoir riē qui le redist plus heureux ne plus honoré, que de faire que sa mere l'ouist priser & louer de tout le monde, & le ueist retourner tousiours couronné, & qu'elle l'embrassast à son retour, aiant les larmes aux yeux espraintes de ioye: laquelle affectiō lon dit que Epaminōdas aduoua, & confessa semblablement estre en luy, reputant son principal & plus grand heur estre, que son pere & sa mere uiuans auoient ueu la uictoire qu'il gaigna en la plaine de Leuctres. Or quant à Epaminōdas, il eut ce bien là d'auoir ses pere & mere uiuans participans à sa ioye & à sa prosperité: mais Martius estimant deuoir à sa mere ce qu'il eust encore deu à son pere si eust esté uiuant, ne se contenta pas de la resiouir & honorer seulement, ains à son instance & priere il prit femme, de laquelle il eut des enfans, sans toutefois se departir iamais d'auec sa mere. Estant donques ia paruenue à grāde autorité & grande reputation à Rome par sa uertu, il aduint que le Senat soustenant les riches entra en grande dissension avec le menu peuple, lequel se sentoit trop durement traité & oppressé par les usuriers, qui leurs auoient presté quelque argent, pource que ceulx qui auoient quelque peu de quoy, en estoient priuez par les creanciers qui leur faisoient saisir ce peu de biens qu'ilz auoient à faulte de payer les usures, & puis consequemēt decreter & uendre au plus offrant pour estre payez, & ceulx qui n'auoient du tout rien, estoient eulx mesmes saisis au corps, & leurs personnes detenues en seruitude, encore qu'ilz mōstrassent les cicatrices des bleceures qu'ilz auoient receues en plusieurs batailles, ou ilz s'estoient trouuez pour le seruice & pour la defense de leur chose publique, desquelles la derniere auoit esté contre les Sabins, qu'ilz auoient combattus sous la promesse que les riches leur auoient faite de les traiter à l'aduenir plus doucement, & aussi que par autorité du conseil le prince du Senat, Marcus Valerius leur en auoit respondu. Mais apres qu'ilz eurent si biē fait leur deuoir encore ceste derniere fois, qu'ilz desfeirent leurs ennemis, & qu'ilz ueirent que lon ne les en traittoit de rien mieulx ny plus humainemēt, & que le Senat faisoit l'oreille sourde, monstrent ne se point souuenir des promesses qu'il leur auoit faites, ains les laissoit emmener cōme esclauues en seruitude par leurs creanciers, & souffroit qu'ilz fussent despouilleez de tous leurs biens, adonc commencerent ilz à se mutiner ouuertement, & à emouuoir de mauuaises & dangereuses seditions dedans la uille. Dequoy les ennemis estās aduertis, entrerēt à main armee dedans le territoire de Rome, brullans & pillans tout par ou ilz passoient: pour à quoy remedier, les magistrats feirent incontinent crier à son de trompe, que tous ceulx qui se trouueroient en aage de porter armes, se uinsent faire enroller pour aller à la guerre: mais personne n'obeit à leur commandement. A l'occasion dequoy les opinions des principaux hommes, & qui auoient autorité au gouuernement des affaires, se diuiserent aussi, pource que les uns furent d'aduis qu'il estoit raisonnable que lon

Coriolanus.

chalaſt & cedaſt un petit, à ce que les pauvres requeroiét, & que lon relaſchaft F
un peu la trop roide ſeuerité des loix: les autres mainteindrét le cōtraire, entre
leſquelz fut Martius, alleguant que le pis qui fuſt en cela n'eſtoit pas la perte
d'argent que uiendroient à ſouffrir ceulx qui en auoient preſté: mais que c'e-
ſtoit un commencement de deſobeiſſance, & un eſſay de l'inſolence & audace
d'une commune, qui uouloit abolir les loix, & mettre tout en cōfuſion, pour-
tant que le Senat, ſil eſtoit ſage, deuoit prouueoir à l'eſteindre de bonne heu-
re, & amortir des ſon commencement. Le Senat fut en peu de iours aſſemblé
par pluſieurs fois la deſſus, ſans que touteſois il y euſt reſolution quelconque:
ce que uoians les pauvres & menues gens, ſe banderent un iour enſemble,
& ſ'entredonnans courage les uns aux autres, abandonnerent la uille, & ſal- G
lerent planter deſſus une motte, qui ſ'appelle auiourdhuy le mont ſacré, le
long de la riuere du Teueron, ſans faire uiolence quelconque, ny autre de-
monſtration de mutinement, ſinon qu'ilz alloient crians que de longue main
auſſi bien les riches les auoient chaffeſ de la uille, & que par toute l'Italie ilz
trouueroyent de l'air & de l'eau & lieu pour ſe faire enterrer: & qu'auſſi bié de-
mourans à Rome ilz n'auoient rien d'auantage, ſinon qu'ilz eſtoient blecez
& tuez en continuelles guerres & batailles, qu'ilz ſouſtenoyent pour defen-
dre l'opulence des riches. Le Senat eut peur de ce departement, & enuoya de-
uers culx les plus gracieux & les plus populaires uieillards q fuſſent en toute
leur compagnie, entre leſquelz Menenius Agrippa fut celuy qui porta la pa- H
role, & apres pluſieurs raiſons franchement remonſtrees, & pluſieurs prieres
doulcement expoſees à ce peuple de la part du Senat, finablemēt il termina ſa
harégue par une fable aſſez notoire, leur diſant, Que tous les mēbres du corps
humain ſe mutinerent un iour contre le uentre, en l'accuſant & ſe plaignant
de ce que luy ſeul demouroit aſſis au milieu du corps ſans rien faire, ny con-
tribuer de ſon labeur à l'entretenement commun, là ou toutes les autres par-
ties ſouſtenoyent de grands trauaux, & faiſoient de laborieux ſeruices pour
fournir à ſes appetits: mais que le uentre ſe moqua de leur folie, pource qu'il
eſt bié uray, diſoit il, que ie reçoÿ le premier toutes les uiādes & toute la nour-
riture qui fait beſoing au corps de l'homme, mais ie la leur renuoye, & diſtri- I
bue puis apres entre culx. Auſſi, dit il, Seigneurs citoiens Romains, pareille
raiſon y a il du Senat enuers uous: car les affaires qui y ſont bien digerez, & les
conſeilz bien examinez ſur ce qui eſt utile & expedient pour la choſe publi-
que, ſont cauſe des profits & des biens qui en uienent à un chaſcun de uous.
Ces remonſtrances les addoulcirent, moienant que le Senat leur ottroya que
par chaſcun an ſeſſiroient cinq magiſtrats, que lon appelle maintenant les
Tribuns du peuple, leſquelz auroient charge de ſouſtenir & defendre les pau-
ures que lon uoudroit fouler & opprimer. Si furent eleus les premiers Tribūs
ceulx qui auoient eſté auteurs & conducteurs de ceſte ſedition, Iunius Bru-
tus, & Sicinius Vellutus: & auſſi toſt que la uille fut ainſi retournee en union K
& concorde, le peuple incontinent reprit les armes, monſtrant auoir bonne
cnuie de mieulx faire que iamais, & d'obeir aux magiſtrats affectueuſemēt en
ce qu'ilz leurs commanderoiét pour la guerre. Et Martius encore qu'il ne fuſt
pas gueres content de ueoir la puiffance du peuple augmentee, attendu que
c'eſtoit au preiudice & à la diminution de la nobleſſe, & qu'il en ueiſt les
autres nobles & Patriciens paſſionnez de meſme luy, touteſois il les admone-
ſta de ne ſe monſtrer pas moins affectionnez à prendre les armes, & à com-
battre

A battre pour la chose publique, que faisoit le menu populaire, ains leur faire
cognoistre par effect, qu'ilz ne les surmontoiet pas tant en richesse & puissance,
comme ilz faisoient en prouesse & uaillace. Or y auoit il au pais des Volsques,
contre lesquelz les Romains auoient la guerre, pour lors une uille capitale & de
principale auctorité qui s'appelloit Corioles, deuant laquelle le Consul Cominius
alla mettre le siege. Parquoy tous les autres Volsques craignans qu'elle ne
uint à estre prise d'assault, s'assemblerent de tous costez pour l'aller
secourir, en intention de donner la bataille aux Romains deuant la uille
mesme, à fin de les assaillir par deux endroits. Ce qu'entendant le Consul
Cominius, diuisa pareillemēt son armee en deux, & avec une partie s'en alla en
personne au deuant de ceulx qui uenoient de dehors, & laissa en son camp l'autre
partie pour faire teste à ceulx qui uoudroient sortir de la uille, sous la charge
de Titus Lartius l'un des plus uaillass hommes qui fussent pour lors entre les
Romains. Parquoy les Coriolains faisans peu de cōpte de ceulx qui estoient
demourez au siege deuant leur uille, feirēt une saillie sur eulx, en laquelle pour le
commencement ilz eurent du meilleur, tellement qu'ilz rembarrerēt les
Romains iusques dedans le fort de leur camp, là ou se trouua Martius, lequel
se iettāt dehors avec peu de gens, meit en pieces les premiers des ennemis, aux
quelz il s'adressa & arresta tout court les autres, en ralliant & rappelant au
combat à haulte uoix les Romains qui auoient tourné le dos, pource qu'il
estoit tel, que Caton uouloit que fust l'homme de guerre, non seulement rude
& aspre aux coups de main, mais aussi effroyable au son de la uoix, & au
regard terrible à l'ennemy. Si y eut incontinent bonne troupe de Romains
qui se rallierent ensemble autour de luy, dont les ennemis s'espouuenterent si
fort qu'ilz reculerent arriere, mais Martius non cōtent de cela, les poursuuiuit
& les chassa fuyans à ual de rouverte iusques dedans leurs portes: & là uoyant
que les Romains tiroient le pied arriere pour le grand nombre de traicts & de
flesches qu'on leur tiroit de dessus les murailles, & qu'il n'y en auoit un seul
entre eulx, qui eust la hardiesse de penser seulement à se lancer pelle melle quād
& les fuyans dedans la uille, pource qu'elle estoit pleine de gens de guerre,
tous bien armez, il les encouragea de faict & de parole, en leur criant que la
fortune auoit ouuert les portes plus pour les poursuiuans que pour les fuyans:
toutefois il n'y en eut gueres qui prissent pour cela cueur de le suiure: mais luy
mesme à trauers la presse des ennemis se ietta & poulsa iusques sur la porte, &
entra dedans la uille parmy les fuyans, sans que personne de dedans ozast de
prime face tourner uisage, ny s'arrester pour luy faire teste: mais luy regardāt
autour de luy qu'il estoit entré peu de ses gens avec luy pour le secourir, & se
uoyant de tous costez enuelpé d'ennemis qui se rallioient pour luy courir
sus, il feit adonc, comme lon escrit, des prouesses qui ne sont pas croyables,
tant de coups de main que d'agilité & disposition de personne, & de hardiesse
de courage, rompant & renuersant tous ceulx sur lesquelz il se ruoit, de
maniere qu'il en feit fouir les uns iusques aux plus reculez quartiers de la uille,
les autres de frayeur se rendirent & ietterent leurs armes en terre deuant luy, &
tous uniuersellemēt luy donnerent loisir & moien de mettre à seureté les
Romains qui estoient demourez dehors. Ainsi estant la uille prise, la pluspart
des foudards se meit incontinēt à piller, & à emporter & serrer le butin qu'ilz
auoient gaigné: mais Martius s'en courroucea bien aigrement, & cria qu'il
n'y auoit point de propos, qu'eulx entendissent au pillage, & allassent ça & là

Coriolanus.

cherchans dequoy s'enrichir, pendant que le Consul & leurs concitoiens estoient à l'adventure attachez à combattre contre leurs ennemis, & que soubz couleur de gagner quelque butin, ilz cherchassent moien de se tirer loing de l'affaire & du dâger : toutefois quelques raisons qu'il sceust alleguer, il y en eut bien peu qui luy prestassent l'oreille. Parquoy prenant avec luy ceulx qui uoluntairement s'offrirent à le suiure, il sortit de la uille, & prit son chemin uers le quartier ou il entendit que le surplus de l'armee estoit allé, admonestant & priant souuent par le chemin ceulx qui le suiuoient, de n'auoir point le cueur failly, & souuent tendant les mains au ciel, en priant les Dieux de luy faire la grace qu'il se peust trouuer à temps pour estre à la bataille, & arriuer à poinct pour hazarder sa uie en defense de ses citoiens. Or estoit adonc la coustume entre les Romains, quand ilz estoient regez en bataille, & qu'ilz estoient prests à prendre leurs pauois sur leurs bras, & à se ceindre par dessus leurs robbes, de faire aussi quâd & quand leur testamēt sans riē en mettre par escript, en nommant celuy qu'ilz uouloient faire leur hâritier en presence de deux ou de trois tesmoins: Martius arriua iustement sur le poinct que les soudards estoient apres à le faire de ceste sorte, estans ia les ennemis si pres, qu'ilz s'entreuoioient les uns les autres. Quand on l'apperceut ainsi qu'il estoit tout souillé de sang, & trempé de sueur avec petite suyte de gens, cela de prime face en troubla & estonna quelques uns: mais tantost apres, quand ilz le ueirent courir avec une chere gaye uers le Consul, & luy toucher en la main, en luy recitant comment la uille de Corioles auoit esté prise, & que lon ueit aussi que Cominius le Consul le baisa & l'embrassa: adonc n'y eut il celuy qui ne reprist courage, les uns pour auoir ouy de poinct en poinct compter le succes de cest heureux exploit, & les autres pour le coniecturer à ueoir leurs gestes de loing. Si se prirent tous à crier au Cōsul qu'il feist marcher sans plus attendre, & commencer la charge. Martius luy demanda comment estoit ordōnee la bataille des ennemis, & en quel endroit estoient leurs meilleurs combattans: le Cōsul luy feit respōse qu'il pensoit que les bādes qui estoient au front de leur bataille, estoient celles des Antiates que lon tenoit pour les plus bellicieux, & qui ne cedoient en hardiesse à nulz autres de l'ost des ennemis. Je te prie doncques, luy repliqua Martius, & te requiers que tu me mettes droit à l'encontre de ceulx la. Le Consul luy ottroya, louant grandement sa bonne uolunté: & adonc Martius quand les deux armées furent prestes à s'entrechocquer se ietta assez loing deuant sa troupe, & alla charger si furieusement ceulx qu'il rencontra de front, qu'ilz ne luy peurent longuement faire teste, car il fendit incontinent, & entr'ouurit l'endroit de la bataille des ennemis, ou il donna: mais ceulx des deux costez se tournerēt aussi tost les uns deuers les autres pour l'enuelopper & enserrer entre eulx: ce que le Consul craignant, enuoya soudain celle part les meilleurs combattans qu'il eust autour de sa personne. Si y eut adonc une fort aspre meslee à l'entour de Martius, & en peu d'heure y eut beaucoup d'hōmes tuez sur la place. Mais à la fin les Romains y feirent si grād effort, qu'ilz forcerent & rompirent les ennemis, & les aians rompus se mirent à les chasser, prians Martius qu'il se uoulust retirer au camp, pource qu'il n'en pouuoit plus, tāt il estoit las du trauail qu'il auoit enduré, & des bleceures qu'il auoit receues: mais il leur respondit que ce n'estoit point aux uictorieux à se rendre ny à auoir le cueur failly, & quand & quand alla luy mesme apres les fuians, iusques à ce que l'armee des ennemis fut entierement toute

desconfite

- A** desconfire avec grand nombre de morts, & grād nombre de prisonniers aussi. Le lendemain au matin Martius s'en alla deuers le Consul, & les autres Romains semblablement. Et là le Consul mōtant dessus un tribunal, present tout son exercite, rendit graces conuenables aux Dieux pour une si grāde & si glorieuse prosperité, puis tourna sa parole à Martius, duquel premieremēt il loua & exalta la uertu à merueilles, tant pour ce qu'il, luy mesme, luy auoit ueu faire, que pour ce que Martius luy auoit racompté, & en fin luy dit, que de tous les cheuaux prisonniers, & autres biens qui auoiēt esté pris & gaignez en grāde quātité, il en choïst dix de chascque sorte à sa uoulunté, auant que rien en fust distribué ny departy aux autres. Et oultre cela encore pour tesmoigner
- B** que ce iour là il auoit emporté le pris de prouesse sur tous les autres, luy dona encore un beau & bō cheual avec tout son harnois & tout son equippage: ce que tous les assistans louerent & approuuerent grandement. Mais Martius se tirant en auant, declara qu'il receuoit bien le present du cheual; & estoit trefaïse que son capitaine se contentast si amplement de luy & le louast si haultement, mais que du demourant, qui estoit plus tost cōme un loyer mercenaire que recompense d'honneur, il n'en uouloit point, ains se contētoit d'auoir seulement sa part egale aux autres: sinon, dit il, que ie te demande une grace de plus, & te prie de me la conceder, c'est, que i'ay entre les Volsques un hoste & ancien amy, homme de bien & d'honneur, qui maintenant est prisonnier,
- C** & au lieu qu'il souloit estre riche & opulent en sa maison, se treuve maintenāt pauvre captif entre les mains de ses ennemis: mais de tous les maulx & malheurs qui de present l'environnent, il me suffit de le pouuoir exempter d'un seul, c'est de le garder qu'il ne soit point uendu comme esclau. Ces paroles de Martius ouyes, il se leua une clameur grande de toute l'assistance, & y en eut plus de ceulx qui admirerent son abstinence, en le uoiant si peu meu d'auarice, que de ceulx qui haultlouerent sa uaillance: car ceulx mesmes qui auoient quelque peu d'enuie & de ialouzie à l'encontre de luy, pour le ueoir ainsi honorer & louer extraordinairement, l'estimerent de tant plus digne, qu'on luy donnaist encore plus grand loyer de sa ualeur, que moins il en acceptoit: & aimerent plus en luy la uertu qui luy faisoit mespriser tant de biens que celle pour laquelle, comme à personne digne, on les luy deferoit. Car plus fait à louer le sçauoir bien user des biens, que des armes: & plus encore fait à reuerer le non les appeter, que le bien en user. Mais apres que le bruit & la clameur de l'assemblee fut un peu appaisé, le Consul Cominius se prit à dire, Nous ne sçauriōs, Seigneurs, contraindre Martius d'accepter les presens que nous luy offrons, sil ne luy plaist les receuoir: mais donnons luy-en un si conuenable au bel exploit qu'il a fait, qu'il ne le puisse pas refuser, & ordonnōs que desormais il soit surnommé Coriolanus, si ce n'est que l'exploit mesme le luy ait donné auāt nous. Depuis ce iour là il porta tousiours ce troisieme nom la de Coriolanus: par ou il appert que le premier des noms que portoiēt les Romains, comme Caius, estoit leur propre: le second, comme Martius, estoit le nom de la famille & maison: & le troisieme estoit un surnō, qui se donoit ou pour quelque acte, ou quelque aduēture notable, ou pour quelque marque de la face & forme du corps, ou pour quelque uertu: ne plus ne moins que les Grecs anciennement imposoiēt aussi des surnoms aux princes, tirez ou de quelque acte memorable, comme quand ilz en ont nommé quelcū Soter & Callinicos, c'est à dire, Sauueur & uictorieux: ou de quelque mar-
- E**

Coriolanus.

* Ce furent
les princes
qui fonde-
rent la uille
de Cyrene.

que apparéte au uisage, ou en la personne, comme Physcon & Grypos, c'est à dire uentru ou qui a le uentre grand, & le nez aquilin : ou de quelque uertu, comme Euergetes & Philadelphos, c'est à dire bienfaiteur, & aimât ses freres : ou de la felicité, comme Eudæmon, c'est à dire l'heureux : car ainsi fut surnomé le second des * Battes. Et y a eu des Roys à qui est demouré pour surnom le brocard de quelque moquerie, comme à l'un des Antigones qui fut surnomé Doson, c'est à dire qui donera, pource qu'il promettoit tousiours, & iamais ne donoit, & l'un des Ptolomees qui fut appelé Lamyros, c'est à dire plaisanteur & babillard. Et de ceste façon d'imposer les noms pris de quelque traitté de moquerie, les Romains en ont plus usé que nulz autres, comme il y eut un Metellus qui fut surnommé Diadematus, c'est à dire le bandé, pource qu'il porta longuement un bandeau à l'entour de sa teste, à cause d'un ulcere qu'il auoit au frôt : & en eut un autre de la mesme famille qui fut appelé Celer, c'est à dire prompt, à cause qu'en bien peu de iours, apres la mort de son pere, il feit ueoir au peuple des combats de Gladiateurs, c'est à dire, d'escrimeurs à oultrance, dont on trouua l'appareil pour la briefueté du temps admirable. Les autres ont eu des surnoms tirez de quelque accident de leur naissance, comme encore iusques auiourdhuy ilz appellent Proculcius celuy qui naist son pere estant absent en uoyage loingtain, & Posthumius celuy qui naist apres la mort de son pere : & quand de deux freres iumeaux l'un meurt & l'autre suruit, le suruiuant s'appelle Vopiscus. Aussi imposent ilz bien souuent des surnoms pris de quelque marque & accident du corps, comme Sylla, c'est à dire couperosé : Niger, noir : Rufus, roux : Cæcus, auetgle : Claudius, boiteux : faisant en cela sagement, d'accoustumer les hommes à n'estimer point que la perte de la ueue, ny autres telz accidents fortuits, qui peuuent aduenir aux personnes, soient choses reprochables ny honteuses, ains à y respondre franchement, comme à leurs urais & propres noms, quand on les nomme par telles appellations. mais plus ample discours sur ceste matiere seroit mieulx conuenable à un autre traitté qu'à c'estui-cy. Au demourant ceste guerre acheuee, les flatteurs du commun populaire susciterent derechef une autre sedition, sans qu'ilz en eussent aucune nouuelle occasion, ny matiere de se plaindre qui fust iuste : car ilz fonderent leur seconde mutination à l'encontre des nobles & Patriciens, sur les maulx & malheurs qui estoient necessairement ensuiuius de leurs diuisions & seditiōs passees, pource que la plus part du territoire de Rome, estoit demouré sans cultiuer ny ensemençer, & si n'auoit on pas eu temps ny moien de faire uenir des bledz d'ailleurs, à cause des guerres : au moien dequoy la charité y estoit tresgrande. Ainsi uoians ces harengueurs, qui alloient gaignant la bonne grace du menu peuple, par telles flatteries, qu'il y auoit faulte de bledz en la uille, & quand bien il y en eust eu que le commun peuple n'auoit point d'argent pour en acheter, ilz commencerent à semer des bruits faulx, & propos calumnieux à l'encontré des nobles, que pour se uenger du pauvre peuple ilz auoient expressement procuré & moienné que ceste grande charité aduint. D'auantage, sur ces entrefaites arriuerent des ambassadeurs de la uille de Velitres, lesquelz offrirent leur uille au peuple Romain, & prierent que lon y enuoyast de nouueaux habitans pour la repeupler, pource que la pestilence y auoit esté si cruelle, & y auoit fait mourir tant de gens, qu'il n'y estoit pas demouré la dixieme partie du peuple, qui auoit accoustumé d'y estre. Si penserent les plus sages, que ceste necessité de

A ceulx de Velitres uenoit bien à propos, estimans estre necessaire, en si grande faulte de uiures, de descharger un peu la uille de Rome du grand nombre des habitans qui y estoient: & si pensoient bien amortir quād & quand ceste nouuelle sedition, en nettoyant la uille des plus seditieux & plus mutins, ne plus ne moins que d'une superfluité de mauuais humeurs qui causoient ceste maladie. Parquoy les Consulz feirēt un rolle de ceulx qu'ilz entédoient enuoyer à Velitres, pour y habiter par forme de Colonie, & feirent aussi tout ensemble une leuee des autres qui demouroient à Rome pour aller contre les Volsques, esperans appaiser par le moien de la guerre au dehors, les seditions & dissensions du dedans, & cuidans que quand ilz se trouueroient en armes dedans un mesme camp, en mesmes affaires, & en mesmes dangers, les pauures parmy les riches, & les roturiers parmy les nobles, ilz en uiuroient plus paisiblement & plus amiablement les uns avec les autres. Mais Sicinius & Brutus deux populaires harengueurs s'opposerēt à l'un & à l'autre, crians que les nobles, en ce faisant, couuroient la plus inhumaine cruaulté du monde sous le doux & gracieux nom de Colonie, pource qu'ilz enuoyoient leurs pauures citoiens en une uille infecte de mauuais air & pestilent, pleine de corps morts non enterrez, pour demourer en la garde d'un Dieu estranger, qui si cruellemēt auoit persecuté les siens: ce qui estoit tout autant, que filz les alloient precipiter en un abyssme de malediction: & puis, cōme fil ne leur suffisoit pas de faire mourir aucuns de leurs pauures citoiens de faim, & ietter les autres à l'abandon de la peste, encore leur suscitoient ilz une guerre uoluntaire, à fin qu'il n'y eust espee de misere & de mal, dōt le pauure peuple Romain ne fust affligé pource qu'il se lassoit de seruir aux riches. Le cōmun peuple estant abreuué de telz langages, ne uouloit point cōparoir quād on l'appelloit de la part des Cōsulz pour faire les rolles de ceulx qui auroient à aller à la guerre, & estoit aussi fort degousté de ceste nouuelle Colonie, tellemēt que le Senat ne sçauoit où il en estoit. Mais Martius, qui auoit ia acquis reputation grande, & estoit hōme de cueur, avec ce qu'il estoit estimé & honoré de tous les plus gros de la uille, se meit à faire teste & à resister ouuertemēt à ces flatteurs de la cōmune: & quant **D** au repeuplemēt de la uille de Velitres, encore le feirent ilz, en cōtraignant de partir sous grosses peines à qui desobeiroit, ceulx ausquelz il estoit escheut par le sort d'y deuoir aller: mais quāt à la guerre, le peuple n'y uouloit aucunemēt entédre. Parquoy Martius prenāt avec luy ses depédās, & ceulx qu'il peut induire par bōnes paroles à le suiure, alla courir tout le territoire des Antiates, où il trouua force bledz, & y gagna un grāde quātité de butin tāt de bestail q de personnes prisonnieres qu'il en emmena, sans qu'il en reteint chose quelcōque pour soy: & puis remena sains & saufs à Rome ceulx qui estoient allez quāt & luy, tous riches & chargez de pillage, dōt les autres qui estoient demourez à Rome se repentirent biē de ce qu'ilz ne l'auoient suiuy, & portās enuie à **E** ceulx qui y auoient si biē fait leurs besongnes, en uouloient aussi mal à Martius, aians grād despit de ueoir sa reputatiō & son credit aller ainsi tous les iours de plus en plus en auant, à cause qu'ilz estimoient que c'estoit au preiudice de la puissance du peuple. Peu de tēps apres, il uint à demander le Consulat, & fleschissoit desia la cōmune à sa requeste, aiant aucunemēt honte de rebuter & escōduire un personnage en noblesse de sang, & en prouesse de sa persōne, le premier de toute la uille, & mesmemēt q leur auoit fait tāt & de si grāds seruices: car la coustume estoit lors à Rome, que ceulx qui poursuiuoient aucun magi-

Coriolanus.

strat & office public, quelques iours durâs se trouuaissent sur la place, aiâs seulement une robe simple sur eulx, sans saye dessous, pour prier & requérir leurs citoiens de les auoir pour recommandez quand ce uiendrait au iour de l'election, soit qu'ilz le feissent ou pour emouuoir le peuple d'auantage le prians en si humble habit, ou pour pouuoir monstrier les cicatrices des coups qu'ilz auoient receuz es guerres pour la chose publique, comme certaines marques & tesmoignages de leur prouesse. Car il ne faut pèser que ce fust pour crainte & soupçon du menu populaire qu'il ne se laissast corrompre aux poursuuans par distribution d'argêt, que lon faisoit ainsi uenir les poursuuans sur la place en robe simple, tous desceincts, & sans saye dessous, pour faire leur brigade: car ce a esté bien tard & fort long temps depuis, que le uendre & l'achepter sont entreuenus es electiōs des magistrats, & que les uoix & suffrages des elifans se sont acheptez à pris d'argent. Mais aussi depuis que ceste corruption a une fois commencée es elections des offices, elle est passée de main en main iusques aux sentences des iuges, & iusques aux gens de guerre: tant qu'à la fin elle a esté cause de reduire la chose publique en Monarchie, en asseruant & assubiectissant les armes mesmes à l'argent. Pourtât me semble il, que celuy ne parla point sans raison, qui dit que, Qui premier fait des banquets & dōna de l'argent au menu peuple, fut celuy qui luy osta son autorité, & ruina la chose publique. Mais ce mal la se coula peu à peu, & gagna secrettemēt sans estre de long temps cogneu à Rome: car lon ne sçait pas qui fut le premier qui y achepta & corrópit les uoix du peuple par argent, ny les sentēces des iuges: mais à Athenes on tient, que celuy qui premier donna de l'argent aux iuges pour les corrompre, fut Anytus filz d'Anthemion, enuiron la fin de la guerre Peloponesiaque, estant accusé de trahison pour la reddition du fort de Pyle, lors que l'aage doré impollu & entier regnoit encore es iugemens à Rome. Martius donques suiuant ceste coustume, monstroït plusieurs cicatrices sur sa personne des bleceures receuës en plusieurs batailles par l'espace de dixsept ans qu'il auoit continuellement tousiours esté le premier à la guerre: tellemēt qu'il n'y auoit celuy du peuple, qui n'eust en soy mesme honte de refuser un si uertueux hōme, & s'entredisoïēt les uns aux autres, qu'il falloït, comment que ce fust, l'elire Cōsul. Mais quand ce uint au iour de l'electiō, que Martius descendit en grande magnificence sur la place, accompagné de tout le Senat, & aiant tous les plus nobles de la uille à l'entour de luy, qui poursuuoient de le faire elire Consul, avec plus chaude instance que chose qu'ilz eussent onques attētee, adonc l'amour & la bienueuillance de la commune, commēcea à se tourner en enuie & en haine, avec ce qu'ilz craignoïēt de mettre ce magistrat de souueraine puissance entre les mains d'un personnage si partial pour la noblesse, & qui auoit tant de credit & d'autorité entre les Patriciēs, de peur qu'il ne uoulust oster au peuple entierement toute sa liberté, pour lesquelles considerations ilz refuserent à la fin Martius, & furent deux autres poursuuans declarez Consulz: dequoy le Senat fut fort desplaisant, & estima la honte de ce refus luy estre plus tost faite, que non pas à Martius: lequel la prit encore plus aigremēt, & la porta plus impatiēmmēt, pource qu'il se laissoit le plus souuēt aller à la cholere & à une obstinee opiniastrété, comme si c'eust esté grandeur de courage & magnanimité, n'ayant pas celle grauité, celle froideur & douceur temperee par le iugement de bonne doctrine & de raison, qui est necessairement requise à un gouuerneur d'estat politique: & n'entendant pas que

A la chose de ce monde, que plus doit eüiter un homme qui se ueult mesler du gouuernement d'une chose publique, & cōuerfer entre les hommes, est l'opiniaistreté, laquelle, comme dit Platon, demeure avec la solitude, c'est à dire, que ceulx qui se aheurtent obstincement à leurs opinions, & ne se ueulent iamais accommoder à autruy, demeurent à la fin tous seuls: car il faut que qui ueult uiure au monde, se rendre amateur de patience, de laquelle aucuns mal aduisez se moquent. Ainsi Martius estât homme ouuert de sa nature & entier, & qui ne flechissoit iamais, comme celuy qui estimoit que uaincre tousiours & uenir au dessus de toutes choses fust acte de magnanimité, nō pas d'imbecillité & de foiblesse, laquelle poulse hors de la plus debile & plus passionnée partie de l'ame le courroux, ne plus ne moins que la matiere d'une apostume, il se retira en sa maison plein d'ire, de despit & d'amertume de cholere à l'encontre du peuple, là ou tous les ieunes gentilzhōmes, mesmement ceulx qui estoient les plus courageux, & qui auoient les esprits & les cueurs plus eleuez pour la noblesse de leurs maisons, le suiuirent, aians bien accoustumé de tout temps de l'accompagner & honorer: mais encore plus alors ilz se rengèrent autour de luy, & luy faisans compagnie mal à propos, luy aigriront & enflammeront sa cholere encore d'auantage, en se plaignant & se doulant avec luy du tort qu'on luy auoit fait, pource que c'estoit leur capitaine & leur maistre qui les conduisoit à la guerre, & leur enseignoit tout ce qui appartient à la discipline militaire, allumant tout doulcemēt une contention d'honneur & ialousie de uertu entre eulx, sans enuie, en louāt ceulx qui faisoient bien. En ces entrefaites arriua grande quantité de bledz à Rome, qui auoient esté partie acheptez en Italie, & partie enuoyez de la Sicile en don par Gelon le tyran de Syracuse, tellement que plusieurs en conceurent bōne esperance, s'attendans que quād & la charté des uiures deust aussi cesser la sedition ciuile. Si fut incontinent le Senat assemblé, & le menu peuple tout aussi tost espandu à l'entour du Palais, ou le conseil se tenoit, attendant la resolution de ce qui sy conclurroit, se promettāt que ce qui auroit esté achepté se uendroit à fort bon marché, & que ce qui auroit esté donné se distribueroit aussi par teste sans en rien faire payer, mesmement pource qu'il y auoit aucuns des Senateurs, qui estoient à ce conseil, qui suadoient d'ainsi le faire. Mais Martius se dressant en piedz, reprit adonques aigrement ceulx qui en cela uouloient gratifier à la cōmune, les appellāt flatteurs du peuple & traistres à la noblesse, & disant qu'ilz nourrissoiēt & couuoient à l'encontre d'eulx mesmes de mauuaises semences d'audace & d'insolence, qui ia auoient esté iettees parmy le peuple, lesquelles ilz deuoient plus tost auoir estouffees & suffoquees à leur naissance, silz eussent esté bien conseillez, non pas endurer que le peuple se fortifiast à leur preiudice par un magistrat de si grande puissance & autorité, que celuy qu'on leur auoit cōcedé, attendu qu'il leur estoit desia redouitable, par ce qu'il obtenoit tout ce qu'il uouloit, & ne faisoit rien sil ne luy plaisoit, & n'obeissoit plus aux Consulz, ains uiuoit en toute licence sans recognoistre aucū superieur, qui luy cōmandast, sinō les chefs mesmes & autheurs de leurs partialitez qu'il appelloit ses magistrats. Pourtant, disoit il, que ceulx qui conseilloyēt & estoient d'aduises que lō feist des dōnees publiqs, & distributiōs gratuites de bledz à la cōmune, ainsi cōme lō faisoit es citez Grecques, ou le peuple auoit plus absoluē puissance, ne faisoient autre chose que nourrir la desobeissance du cōmun populaire, laquelle en fin de cōpte se termineroit à la ruine totale de la chose publique:

Coriolanus.

car ia ne penseront ilz pas que ce soit en recôpense de leurs seruices, ueu qu'ilz
sçauent bien que tant de fois ilz ont refusé d'aller à la guerre quand il leur a e-
sté commandé: ny de leurs mutineries, quand ilz s'en sont allez d'avec nous,
en quoy faisant ilz ont trahy & abādonné leur país: ny des calūnies que leurs
flatteurs leur ont mis en auāt, & qu'eulx ont approuues & receues à l'encon-
tre du Senat: ains ne faudront pas d'estimer que nous leurs donnons & con-
cedons cela en chalant la uoile, pource que nous les craignons, & que nous
les flattons: de maniere que leur desobeissance en ira tousiours augmentāt de
pis en pis, & ne cesseront iamais de fusciter nouueaux mutinemens, & nou-
uelles seditions. Pourtant seroit-ce à nous une trop grande folie d'ainfi le fai-
re: ains, au cōtraire, si nous sommes sages, nous leur deuons oster leur Tribu-
nat, qui est tout euidemmēt la destruction du Consulat, & la diuision de ce-
ste uille, laquelle par ce moien n'est plus une, comme elle souloit estre, ains
uient à estre demēbree en deux partialitez, qui entretiendront tousiours dis-
corde & dissention entre nous, & iamais ne permettront que nous retourniōs
en uniō d'un mesme corps. En deduisant ces raisons, & plusieurs autres sem-
blables, Martius eschauffa merueilleusement en son opinion tous les ieunes
hommes, & presque tous les riches, de maniere qu'ilz crioiēt qu'il estoit seul
en route la uille qui ne flechissoit ny ne flattoit point le menu populaire. Seu-
lement y en auoit il quelques uns des uieux qui luy contredisoient, se doub-
tans bien qu'il en pourroit aduenir quelque inconuenient, comme il n'en ad-
uint aussi rien de bon: pource que les Tribuns du peuple, qui estoient presens
à ceste consultation du Senat, quand ilz ueirent que l'opinion de Martius à la
pluralité des uoix l'emportoit, se ietterent hors du Senat emmy la tourbe de
la commune, crians au peuple à l'aide, & que lon s'assemblast pour les secou-
rir. Si se fait incontinent une tumultueuse assemblée de peuple, en laquelle
publiquement furēt recitez les propos que Martius auoit tenuz au Senat: dōt
la commune se mutina si fort, qu'il s'en fallut bien peu, que sur l'heure mesme
elle n'allast en fureur courir sus à tout le Senat: mais les Tribuns ietterēt tou-
te la charge sur Martius seulement, & quand & quand l'enuoyerent sommer
par leurs sergēs, qu'il eust à comparoir tout promptement en personne deuant
le peuple, pour y respondre des paroles qu'il auoit dittes au Senat. Martius re-
chassa fierement les officiers qui luy feirent ceste sommation: & adonc eulx
mesmes y allerēt en personnes, accompagnez des *Ædiles* pour l'amener par
force: & de faict meirent les mains sur luy: mais les nobles *Patriciens* se ben-
dans à l'entour de luy, repoulsèrent les Tribuns arriere, & battirent à bon esciāt
les *Ædiles*: & pour lors la nuit, qui suruint là dessus, appaisa le tumulte. Mais
le lendemain au matin les Cōsulz uoyans le peuple mutiné accourir de tou-
tes parts en la place, eurent peur que toute la uille n'en tumbast en combu-
stion, & assemblans le Senat à grande haste remonstrerent qu'il falloit adui-
ser d'appaiser le peuple par doulces paroles, & l'addoucir par quelques gra-
cieux decrets en sa faueur: & que silz estoient sages, ilz deuoient penser qu'il
n'estoit pas lors saison de s'opiniastrer, ny de contester & cōbattre pour l'hon-
neur à l'encontre d'une cōmune, pource qu'ilz estoient tumbez en un poinct
de temps fort dangereux, & ou ilz auoient besoing de se gouuerner discrette-
ment, en y donnant quelque prouision amiable, & promptemēt. La plus grā-
de partie des *Senateurs* qui assisterent à ce conseil trouua ceste opinion la plus
saine, & sy accorda: au moien dequoy les Cōsulz sortans hors du Senat alle-
rent

A rent parler au peuple le plus doucement & le plus gracieusement qu'ilz peurent, & addoucirēt la fureur de son courroux, en iustificiant le Senat des calūnies que lon luy mettoit sus à tort, & usant de moderation grande à leur remonstrer & les reprendre des fautes qu'ilz auoient faittes. Au demourant quāt à la uente des bledz, ilz leur promirēt que pour le pris ilz n'auroiēt point de different avec eulx. Ainsi estant la plus part du peuple appaisée, & donnāt à cognoistre par le bon silence qu'il faisoit, & la paisible audience qu'il donnoit, qu'il se rēdoit, & auoit agreable ce que les Cōsulz disoient, les Tribuns du peuple se leuerent adonc, qui dirent, que puis que le Senat se rengeoit à la raison, le peuple aussi de son costé, en tant que besoing seroit, reciproquemēt

B luy cederait, mais nonobstant qu'il falloit que Martius uint en personne respondre sur ces articles, Si auoit pas suscitē & sollicitē le Senat de changer l'estat present de la chose publique, & oster au peuple l'autorité souueraine: Si aiant esté appellē en iustice de par eulx, il auoit pas par contumace desobey: Si finablement il auoit pas battu & outragé les *Ædiles* sur la place mesme deuant tout le monde: & si en ce faisant il auoit pas, tant qu'en luy estoit, suscitē une guerre ciuile, & induit ses citoiens à prendre les armes les uns contre les autres. Ce qu'ilz disoient à l'une de ces deux fins, ou que Martius contre son naturel fust contraint de s'humilier, & abaisser la haultaineté & fierté de son cueur: ou bien, s'il perseueroit en son naturel, qu'il irritast si asprement la fureur du peuple encontre luy, qu'il n'y eust iamais plus moien de le recōcilier: ce qu'ilz esperoient deuoir plus tost aduenir qu'autremēt: & ne failloiet point à bien deuiner, ueu le naturel du personnage. Car il se presenta comme pour respondre à ce qu'on luy mettoit sus, & le peuple se teut & luy donna coye audience pour ouir ses raisons: mais au lieu qu'il s'attendoit d'ouir des paroles humbles & suppliantes, il commença, non seulement à user d'une franchise de parler, qui de soy mesme est odieuse, & qui sentoit plus son accusatiō que sa libre defense, ains avec un ton de uoix forte, & un uisage rebarbatif monstra une assurance approchante de mespris & de contemnemēt: dont le peuple s'agrit & irrita fort asprement contre luy, montrant bien qu'il auoit grand despit de l'ouir ainsi brauement parler, & qu'il ne le pouuoit plus souffrir. Et lors *Sicinius* le plus uiolent, & le plus audacieux des Tribuns du peuple, apres auoir un peu conferē tout bas avec ses autres compagnons, prononça tout hault en public, que Martius estoit cōdemné par les Tribuns à mourir: & quand & quand commanda aux *Ædiles* qu'ilz le faissent au corps, & le menassent tout promptement au chasteau sur la roche *Tarpeienne*, pour de là le precipiter du hault en bas. Quand les *Ædiles* uindrent à mettre les mains sur Martius pour executer le commandement qui leur estoit fait, il y eut plusieurs du peuple mesme à qui le faict sembla trop uiolēt & cruel: mais les nobles ne se pouuans plus cōtenir, ains estans par cholere trāsportez hors d'eulx mesmes, accoururent celle part avec grands cris pour le recourir, & repoulsans ceulx qui le uouloient saisir au corps, l'enfermerent au milieu d'eulx, & y en eut quelques uns d'entre eulx qui tendirent les mains ioinctes à la multitude du peuple, en les suppliant de ne uoloir pas proceder si rigoureusement, mais les paroles ny les cris ne seruoient de rien, tant le tumulte & le desordre estoit grand, iusques à ce que les parents & amis des Tribuns, aians aduisē entre eulx qu'il seroit impossible d'emmener Martius pour le punir comme il auoit esté cōdemné, sans grand meurtre & grande occision des nobles, leur

Coriolanus.

remonstrerent & persuaderent, qu'ilz ne procedassent point à ceste execution ainsi extraordinairement & uolentement, en faisant mourir un tel personnage, sans luy faire preallablement son proces, & y garder forme de iustice, & qu'ilz en remeissent le iugement aux uoix & suffrages du peuple. Adonc Sicinius s'arrestant un peu sur soy, demanda aux Patriciens, pour quelle raison ilz ostioient Martius d'entre les mains du peuple qui en uouloit faire la punition: & au contraire les Patricies luy demanderēt, pour qu'elle raison ilz uouloient eulx mesmes faire mourir ainsi cruellement & meschamment l'un des plus hommes de bien & des plus uertueux de la uille, sans y garder forme de iustice, ne qu'il eust esté iudiciellement ouy & condamné. Or bien, dit adonc Sicinius, si ne tient qu'à cela, ne prenez point la dessus occasion ny couleur de querelle & de sedition ciuile à l'encontre du peuple: car il uous ottroie ce que uous demãdez, que son proces luy soit fait iudiciellemēt. Pourtant nous te donnons assignation, dit il, en adressant sa parole à Martius, à comparoir deuant le peuple au troisieme iour de marché prochainement uenant, pour te iustifier & prouuer que tu n'as point forfait: sur quoy le peuple par ses uoix donnera la sentence. Les nobles se contenterent pour lors de cest appointemēt, & leur suffit de pouuoir emmener Martius à sauueté. Ce pendāt en l'espace de temps qu'il y auoit iusques au troisieme iour de marché prochain apres, pource que le marché se tient à Rome de neuf en neuf iours, & l'appelle lon pour ceste cause en Latin Nundinæ, suruint la guerre contre les Antiates, laquelle leur donna esperance de faire aller en fumee ceste assignation, pensans que ceste guerre deust si longuement durer, que l'ire du peuple en seroit beaucoup diminuee, ou du tout amortie, pour les affaires & empeschemens de la guerre. Mais au contraire l'appointement fut incontinent fait avec les Antiates, & s'en retourna le peuple à Rome, là ou les Patriciens s'assemblerent & teindrent conseil par plusieurs fois entre eulx pour aduiser comment ilz feroient pour n'abandonner point Martius, & ne donner point aussi d'occasion une autre fois aux Tribuns de mutiner & soubleuer le peuple. Là Appius Clodius, qui estoit tenu pour l'un des plus aspres aduersaires de la part populaire, leur predict & protesta qu'ilz ruineroient l'autorité du Senat, & perdroyent la chose publique, si l'enduroient que le peuple eust loy & autorité de pouuoir iuger les nobles à la pluralité de ses uoix. Au contraire, les plus uieux & plus populaires d'entre les nobles disoient, que le peuple lors qu'il se uerroit la puissance & l'autorité souueraine de mort & de uie en main, ne seroit point seueres ny cruel, ains plus tost doux & humain, & que ce n'estoit point pource qu'il mesprisast les nobles ny le Senat, ains pource qu'il pensoit estre luy mesme mesprisē, qu'il uouloit auoir, comme par un reconfort & une prerogatiue d'honneur, ceste puissance de iuger: de maniere qu'au mesme instant que lon leur cederait l'autorité de iuger par leurs uoix, ilz poseroient toute ire & toute enuie de condamner. Voiant donques Martius le Senat en peine de se resouldre d'un costé pour la bonne affection que les nobles luy portoient, & de l'autre costé pour la crainte qu'ilz auoient du peuple, il demanda tout hault aux Tribuns de quoy ilz entendoient le charger & accuser. Les Tribuns luy responderent qu'ilz uouloient monstrier comme il aspirait à la tyrannie, & qu'ilz prouueroyent comme ses actions tendoyent à usurper domination tyrannique à Rome. Martius adonc se leuant en pieds, dit qu'il s'en alloit tout de ce pas presenter uoluntairement au peuple

A ple pour se iustifier de ceste imputation, & sil estoit trouué qu'il y eust seulement pensé, qu'il ne refusoit aucune sorte de punition: moienant, dit il, que uous ne me chargiez que de cela, & que uous ne deceurez point le Senat. Ilz promeirent qu'aussi ne feroient ilz: & soubz ces conditions fut le iugement accordé, & le peuple assemblé: là ou tout premierement les Tribuns uoulurent à toute force, comment qu'il en fust, que le peuple procedast à donner ses uoix par les ligneas, & non pas par les cêtenes, pource qu'en ceste maniere, la multitude des pauures disetteux, & toute telle canaille qui n'a que perdre, & qui n'a regard quelconque de l'honesteté deuant les yeux, uenoient à auoir plus de force (à cause que les uoix se comptoient par teste)

B que n'auoient les gens de bien & d'honneur, qui alloient à la guerre, & qui de leur biens soustenoient les charges de la chose publique: & puis laissant le crime de la tyrannie affectée, qu'ilz n'eussent sceu prouuer, ilz commencerent derechef à mettre sus les propos que Martius auoit tenus au Senat, empeschant que lon ne distribuast du bled à uil pris au menu peuple, & suadant au contraire de leur oster le Tribunat: & pour le tiers le chargerét encore d'un nouveau crime, c'est qu'il n'auoit pas rapporté en commun le butin qu'il auoit gaigné à courir les terres des Antiates, ains l'auoit de son autorité propre distribué entre ceulx qui auoient esté quād & luy en ceste course. Ce fut, à ce que lon dit, ce dequoy Martius se trouua le plus estonné, pource qu'il n'eust iamais estimé

C que lon luy eust deu imputer cela comme crime: au moié dequoy il ne trouua point sur le chap de defense à propos pour s'en iustifier, ains se meit à louer ceulx qui auoient esté avec luy en ceste course: mais ceulx qui n'y auoient point esté, se trouuans en bien plus grand nombre, crierent tant, & feirent tant de bruit, qu'il ne peut estre ouy. Finablement quand ce uint à recueillir les uoix & suffrages des ligneas, il s'en trouua trois qui le condemnerent, & fut la peine de leur condamnation, bannissement perpetuel: de laquelle sentence, après qu'elle fut prononcée, le peuple eut si grande ioye, que iamais pour bataille qu'il eust gaignee sur ses ennemis il n'auoit esté si aise, ny n'en auoit eu le cueur si eleué, tāt il s'en alla de ceste assemblée satisfait & resiouy. Mais au contraire, le Senat en demoura fort desplaisant & fort triste, se repentant infiniment, & se passionant de ce que plus tost il ne s'estoit résolu de faire & souffrir toutes choses, que d'endurer que ce menu peuple abusast ainsi superbement & oultrageusement de son autorité. Si n'estoit point besoing de differēce de uestemens, ny d'autres marques exterieures, pour discerner un populaire d'avec un Patricien, car on le cognoissoit assez au uisage: pource que celuy qui auoit chere ioyeuse, estoit de la part du peuple: & celuy qui l'auoit triste & melancholique, estoit de la part de la noblesse: excepté Martius seul, lequel ny en sa contenance, ny en son marcher, ny en son uisage, ne se môstra onques estonné ny rauulé de courage, ains entre tous les autres gêtillz hommes qui se tourmentoient de sa fortune, luy seul monstrois au dehors n'en sentir passion aucune, ny auoir compassion quelconque de soy mesme: non que ce fust par discours de raison, ou par tranquillité de meurs qu'il supportast patiemment & modereement son infortune, ains par une uehemençe de despit, & d'un appetit de uégeance, qui le transportoit si fort qu'il sembloit ne sentir pas son mal: ce que le commun estime n'estre pas douleur, combien que ce le soit pourtant: car quād ceste douleur s'enflamme par maniere de dire, alors elle se tourne en despit, & perd adonc celle bassesse lasche & langoureuse qui luy est naturelle.

Coriolanus.

& uoila pourquoy celuy qui est choleré semble remuant & actif, ne plus ne F
moins que celuy qui a la fiebvre semble chaleureux, comme si l'ame quand
l'homme est en telle disposition s'enfloir, se grossissoit & festédoit. Et qu'il soit
uray que Martius fust ainsi lors affectonné, il le monstra bien tantost apres
euidemment par ses effectz: car retourné qu'il fut en sa maison, apres auoir dit
adieu à sa mere & à sa femme, qu'il trouua plorantes & lamentantes à haults
cris, & les auoir un peu reconfortees & admonestees de porter patiemmet son
inconuenient, il s'en alla incontinent droit à la porte de la uille accompagné
d'un grand nombre de Patriciens qui le suyirent iusque là: & de là sans pren-
dre chose quelconque, & sans requerir personne de rien qui soit, s'en alla avec
trois ou quatre de ses adherens seulement, & fut quelque iours en ses maisons G
aux champs agité ça & là de diuers pensemens telz que sa cholere les luy pou-
uoit subministrer: à la fin ne se pouuant resoudre à rien qui luy fust honora-
ble ny profitable, ains seulement à se uenger des Romains, il proposa de leur
fusciter quelque grosse & lourde guerre de leurs plus proches uoïfins: si pensa
que le meilleur seroit de tenter premierement & solliciter les Volsques, sachant
qu'ilz estoient encore puissans & d'hommes & de biens, & qu'es pertes qu'ilz
auoient nagueres receues, ilz n'auoiét pas tant diminué de leurs forces, com-
me ilz auoient augmenté leur rancune & leur enuie de se uéger des Romains.
Or y auoit il en la uille d'Antium un personnage nommé Tullus Aufidius, H
lequel tant pour ses biens que pour sa prouesse, & pour la noblesse de sa mai-
son, estoit honoré comme un Roy entre les Volsques, & scauoit bien Martius
qu'il luy uouloit plus de mal qu'à nul autre des Romains, pource que souuen-
tefois es rencôtres ou ilz festoient trouuez ilz festoiét menassez & desfiez l'un
l'autre, & comme deux ieunes hommes courageux, qui auoient une ialouzie
& æmulation d'honneur entre eulx, auoiét fait plusieurs brauades l'un à l'au-
tre, de maniere que oultre la querelle publique ilz auoient encore chargé une
haine particuliere l'un contre l'autre. Ce neantmoins considerant que ce Tul-
lus estoit hôme de grād cuer, & qui desiroit plus que nul autre des Volsques,
trouuer quelque moien de rendre aux Romains la pareille des maulx & dom-
mages qu'ilz leur auoient faits, il feit un acte qui tesmoigne bien ce que dit I
un poëte ancien estre ueritable,

D ifficile est à l'ire resister,

C ar si elle a de quelque chose enuie,

E lle ozerà hardiment l'achepter

D e son sang propre au peril de sa uie.

Aussi feit il: car il se desguisa d'une robbe & prit un accoustrement, auquel il
pensa que lon ne le cognoistroit iamais pour celuy qu'il estoit, quand on le
uerroit en cest habit, &, comme dit Homere d'Vlysses,

A insi entra en uille d'ennemis.

Il estoit ia sur le soir quād il y arriua, & y eut plusieurs gens qui le rencontre- K
rent par les rues, mais personne ne le recogneut. Ainsi s'en alla il droit à la
maison de Tullus, là ou de primfaut il entra iusques au foyer, & illec faisoit
sans dire mot à personne, aiant le uisage couuert & la teste affublee: dequoy
ceulx de la maison furent bien esbahis, & neantmoins ne l'ozerent faire leuer:
car encore qu'il se cachast, si recognoissoit on ne scay quoy de dignité en sa
contenance & en son silence, & s'en allerent dire à Tullus, qui souppoit, ceste
estrange façon de faire. Tullus se leua incontinent de table, & s'en allant de-
uers

A uers luy, luy demãda qui il estoit, & quelle chose il demãdoit. Alors Martius se debouscha, & apres auoir demouré un peu de temps sans respõdre, luy dit: Si tu ne me cognois point encore, Tullus, & ne crois point à me ueoir, que ie fois celuy q̃ ie suis, il est force que ie me decelle & me descouure moy mesme. Je suis Gaius Martius, qui ay fait & à toy en particulier, & à tous les Volsques en general, beaucoup de maulx, lesquelz ie ne puis nier pour le furnõ de Coriolanus que i'en porte: car ie n'ay recueilly autre fruiet, ny autre recompense de tant de trauaux que i'ay endurez, ny de tant de dangers ausquelz ie me suis exposé, que ce furnom, lequel tesmoigne la malueillance que uous deuez auoir encontre moy: il ne m'est demouré que cela seulemēt, tout le reste m'a

B esté osté par l'enuie & l'oultrage du peuple Romain, & par la lascheté de la noblesse & des magistrats qui m'ont abandonné, & m'ont souffert de chasser en exil, de maniere que i'ay esté contraint de recourir comme humble suppliāt à ton fouyer, nõ ia pour sauuer & asseurer ma uie: car ie ne me fusse point hazardé de uenir icy, si i'eusse eu peur de mourir: mais pour le desir que i'ay de me uenger de ceulx qui m'ont ainsi chassé, ce que ie commence desia à faire, en mettant ma personne entre tes mains. Parquoy si tu as cueur de te ressentir iamais des dommages que t'ont fait tes ennemis, sers toy maintenant ie te prie de mes calamitez, & fais en sorte que mon aduersité soit la commune prosperité de tous les Volsques, en t'assurant que ie feray la guerre encore mieulx pour uous, que ie ne l'ay iusques icy faitte contre uous, d'autant que mieulx la peuuent faire ceulx qui cognoissent les affaires des ennemis, que ceulx qui n'y cognoissent rien. Mais si d'auenture tu te rends & es las de plus tenter la fortune, aussi suis-ie quant à moy las de plus uiure: & ne seroit point sagement fait à toy, de sauuer la uie à un qui iadis t'estoit mortel ennemy, & qui maintenāt ne te scauroit plus de rien profiter ne seruir. Tullus aiant ouy ces propos, en fut merueilleusement aise, & luy touchant en la main, luy dit: Lieue toy Martius, & aies bon courage: car tu nous apportes un grand bien en te donnant à nous: au moien dequoy tu dois esperer de plus grandes choses de la communauté des Volsques. Si le festoya pour lors, & luy feit bõne chere, sans autrement parler d'affaires: mais aux iours ensuyuans puis apres, ilz commencerēt à consulter entre eulx des moiens de faire la guerre. De l'autre costé, la uille de Rome estoit en grande combustion pour l'inimirié d'entre les nobles & la commune, mesmement depuis la condamnation de Martius, & uenoient tous les iours les presbtres, les deuins, & iusques aux personnes priuees, denoncer au conseil des signes & prodiges celestes, qui meritoient bien que lon y pensast, & que lon y prouueust soigneusement, entre lesquelz il en aduint un tel. Il y auoit un citoien Romain, nommé Titus Latinus, personnage de petite qualité: mais au demourant, homme de bien, uiuant doucement, sans superstition quelconque, & moins encore de uanité & de mensonge. Cestuy eut une uisiõ en dormant, par laquelle il luy fut aduis que Iuppiter s'apparut à luy, & luy commanda d'aller signifier au Senat, que lon auoit fait marcher deuāt sa procession un tresmauuais & tresdesplaisant danseur, & disoit que pour la premiere fois que ceste uision s'estoit representee à sa fantasie, il n'en auoit pas fait compte, & luy estant encore retournec, il ne s'en estoit pas gueres plus soucié: mais qu'à la fin, il auoit ueu mourir deuant ses yeux un sien filz bien cõditionné, & que soudainement il luy estoit pris un relaschement de tous ses mēbres, de maniere qu'il en estoit demouré tout impotēt & perclus: & de faiet il recira

Coriolanus.

toure ceste histoire en plein Senat dessus un petit grabat, sur leq̃l il s'estoit fait F
porter à bras, & ne l'eut pas plus tost acheué de cōpter, qu'il sentit incontīnēt
son corps auoir recouuré son accoustumee uigueur, de maniere qu'il se leua à
l'heure mesme sur ses iambes, & s'en retourna de son pied, sans que personne
luy aidast, en sa maison. Le Senat estonné de ceste merueille, feit diligēte in-
quisitiō du faict, & trouua que c'estoit une telle chose. Il y auoit eu quelcū qui
auoit liuré entre les mains d'autres esclauē, un sien serf qui l'auoit offensé, &
leur auoit commandé de le passer à trauers la place en le fouettāt tousiours, &
puis apres le faire mourir, & ainsi cōme ilz estoīēt apres, & qu'ilz deschiroiēt le
pauvre hōme à coups de fouet, il se tournoit, remuoit & demenoit estrāgemēt
pour la douleur qu'il sentoit. La processiō par cas d'aduētūre suruint là dessus, G
& y eut plusieurs des assistans qui en furēt scandalizez & marris, disans que ce
spectacle la n'estoit point plaisant à ueoir, ny telz gestes honnestes à rencon-
trer: mais pour cela on n'en feit autre chose, que blasmer & maudire celuy qui
faisoit ainsi cruellement punir un sien esclauē. Car les Romains uoient alors
de grande equité enuers leurs esclauē, pour autant que eulx mesmes travail-
loient de leurs propres mains, & uiuoient avec eulx, & de mesme eulx, ce qui
estoit cause qu'ilz les en traittoient plus humainement & plus familièrement:
car l'une des plus grandes peines qu'ilz feissent endurer à un esclauē quand il
auoit failly, estoit, qu'ilz luy faisoient porter sur ses espaules un bois fourchu
que lon met soubz le limon d'un chariot pour le soustenir, & le faisoīēt ainsi H
passer par deuāt tous leurs uoīsins. Celuy q̃ auoit une fois souffert cela, & que
l'on auoit ueu en cest estat, estoit decrié en tout le uoīsinage & toute la cōtree,
de maniere que lō ne se fioit plus en luy, & l'appelloit on Furcifer, à cause que
les Latins appellēt ce bois là qui soubstient le limon d'un chariot, Furca, c'est
à dire fourche. Quand donques Latinus eut fait au Senat le recit de la uision
qui luy estoit aduenue, on fut en doubte qui pouuoit estre ce mauuais & mal
plaisant danseur, qui auroit marché deuant la procession, & lors il souuint à
quelques uns des assistans de ce pauvre esclauē que lon auoit ainsi passé fouet-
tant à trauers la place, & que puis apres on auoit fait mourir: & ce qui leur en
feit souuenir, fut l'estrange & non accoustumee maniere de sa punition. Si I
furent là dessus les presbtres enquis: qui tous d'un accord furēt d'aduis que c'e-
stoit celuy là, & en fut le maistre de l'esclauē puny, & recommença lon de
nouveau la procession & tous les autres spectacles en l'honneur de Iupiter.
En quoy lon peut ueoir que le Roy Numa institua sagemēt toutes autres cho-
ses appartenantes au seruice des Dieux, & mesmement ceste coustume qu'il
establit pour rendre ses citoiēs attentifz aux cerimonies de la religiō: car tou-
tefois & quātes que les magistrats, les presbtres & ministres de la religiō, font
quelque chose appartenante au seruice diuin & à l'honneur des Dieux, il y a
tousiours un herault qui marche deuant, criant à haulte uoix, Hoc age, qui
uault autant à dire comme, fais cecy: & leur est un commandement de uac- K
quer attentifūement aux choses diuines sans y entremesler parmy autre actiō
quelconque, ny entendre ce pendant à autre occupation, cōme sachant bien
que la pluspart de ce que les hommes font, c'est par une maniere de force & de
contrainte. Mais les Romains ont bien accoustumé de recommencer de
nouveau les sacrifices, les processions, ieux, & autres spectacles qui se font
en l'honneur des Dieux, non seulement pour telle occasion, ains pour autres
aussi encore beaucoup plus legeres, comme, pource qu'en une procession, ou
lon

- A lon traînoit par la uille des images des Dieux, & autres telles reliques sacrées sur des brancars, qui s'appellent Thenfa en Latin, l'un des cheuaux qui les tiroient tumba par une defaillance, & que d'autre part le chartier pour le releuer prit les renes de la bride avec la main gauche, ilz ordonnerent que toute la procession seroit de nouveau recommencee: & depuis encore de plus fresche memoire ilz reseirent par trente fois un mesme sacrifice, pource qu'il leur sembla qu'il y estoit tousiours suruenu quelque default ou quelque erreur & empeschement, tant estoient les Romains religieux & deuots enuers les Dieux. Au demourant, Tullus & Martius parlerent secrettemēt aux principaux hommes de la uille d'Antium, leurs remonstrans que l'occasio se presentoit de rompre la guerre contre les Romains, ce pendant qu'ilz estoient en dissention les uns contre les autres. Ilz respondirent qu'ilz auroient honte de la rompre, attendu qu'il y auoit trefues iurees entre eulx pour l'espace de dix ans: mais en ces entrefaites les Romains feirent un acte qui leur en dōna bien grande occasion: car un iour de feste, en laquelle il se faisoit à Rome des ieux publics, pour quelque suspicion ou calumnieuse imputation, ilz feirent à son de trompe commandemēt aux Volsques, qu'ilz eussent à uider de la uille de Rome auant que le Soleil fust couché. Aucuns disent q̄ ce fut par une ruse & tromperie de Martius, qui enuoia à Rome deuers les Magistrats un faulx accusateur attitré, qui leur dōna à entendre que les Volsques auoient conspiré de leur courir sus pendant qu'ilz seroient à ueoir les ieux, & quand & quād de mettre le feu dedans la uille. Ce cry public rēdit tous les Volsques uniuersellement encore plus indignez à l'encontre des Romains qu'ilz n'estoient au parauant, & Tullus faisant la chose plus grieve, les irrita tellemēt, qu'à la fin ilz enuoierent à Rome leurs ambassadeurs sommer les Romains de leur rendre toutes les terres & toutes les uilles qu'ilz leur auoient ostées par le passé. Les Romains ceste sommation ouye s'en courroucerent, & ne respondirent autre chose, sinon, que si les Volsques prenoient les armes les premiers, les Romains les poseroient les derniers. Incontinent que les ambassadeurs furent de retour, & eurent fait leur rapport de ceste response, Tullus feit tenir une assemblee generale de toute la communauté des Volsques, en laquelle la guerre fut arrestee & conclue contre les Romains. Quoy fait Tullus leur conseilla qu'ilz appellassent Martius à leur seruice, sans auoir desfiance de luy pour la souuenance du passé, & qu'ilz se fiasent hardiment en luy, pource qu'il leur feroit plus de profit en combattant pour eulx, qu'il ne leur auoit fait de dommage en combattant contre eulx. Ainsi fut Martius appelé: qui parla si bien deuant toute l'assistance, qu'il en fut estimé nō moins eloquēt que belliqueux & uailant, & homme qui entēdoit tresbien le faiēt de la guerre, aiant la hardiesse cōicincte avec le bon sens & le bon entendement. Si furent luy & Tullus creez capitaines generaulx de la communauté des Volsques, avec puissance & autorité souueraine en la conduite de ceste guerre, & craignant que la lōgueur du tēps qu'il falloit pour mettre sus l'arnēe entiere, & tout l'equipage des Volsques, ne luy ostant le moien d'executer ce qu'il auoit deliberé, il laissa commission aux autres magistrats & principaux personnages de la uille, qu'ilz assemblassent le demourant des forces, & donnassent ordre aux provisions necessaires pour le camp, & luy avec les plus deliberez qui s'accorderent de le suiure promptement sans faire monstre quelconque, entra soudainemēt à main armee dedans les terres des Romains, auant que lon s'en doub-

Coriolanus.

raist à Rome, tellement que les Volsques trouuerent aux champs tant de butin F
qu'ilz ne pouuoient pas fournir à serrer & emmener leur pillage, oultre ce
qu'ilz gastoient & consumoient en leur camp: toutefois le moindre effect de
ceste course, fut le gain du pillage, & le degast & dommage fait aux terres
des Romains. Car le but principal ou il uisoit, estoit d'augmenter tousiours
de plus en plus l'inimitié & la dissension qui estoit entre les nobles & le peu-
ple: au moien dequoy, en faisant destruire, gaster & ruiner tout le demourât,
il feist soigneusement contregarder les terres & possessions des nobles, ne per-
mettant pas que lon y feist aucun dommage, ne que lon y prist chose quelcô-
que: qui fut cause qu'ilz entrèrent en querelles & seditions, les uns contre les
autres, plus grandes que iamais, reprochans les nobles aux populaires qu'ilz G
auoient iniustement dechassé un si puissant homme, & les populaires accusans
les nobles de l'auoir sollicité à leur uenir faire la guerre pour se uéger d'eulx,
à fin d'auoir ce contentement de ueoir piller & brusler leurs biens deuât leurs
yeux, pédant qu'eulx seroiēt otieux spectateurs de leurs pertes & malheurs en
toute seureté, attendu que ceste guerre ne se faisoit pas contre eulx, & qu'ilz a-
uoient au dehors l'ennemy mesme qui leur gardoit leurs biens. Aiant dōques
Marius fait ce premier exploit, qui seruoit grandement aux Volsques pour
les asseurer, & leur faire moins redoubter les Romains, il les remena à sauueté
sans rien perdre en leurs maisons: puis quand toute leur puissance, qui se trou-
ua tresgrande, & en bonne deuotion de bien faire, fut assemblee en un camp, H
ilz aduiserēt d'en laisser une partie au pais pour la garde d'iceluy, & avec l'au-
tre partie aller faire la guerre aux Romains. Si donna Marius le chois à Tul-
lus, de prédre de ces deux charges celle qui luy plairoit le plus. Tullus feit res-
ponse qu'il auoit cogneu par experience, que Marius n'estoit en uaillance de
rien moindre que luy, mais qu'en toutes batailles & rencontres il auoit touf-
iours eu meilleure fortune que luy: & pour ce, que son aduis estoit, qu'il prist
la charge de conduire ceulx qui iroient faire la guerre hors du pais, & que ce
pendant luy demoureroit à la maison, pour prouueoir à la seureté des uilles
de leur pais, & quand & quand aussi pour fournir au camp, ce qui leur feroit
besoing. Ainsi Marius estant plus fort que deuant, tira premierement uers la I
uille de Circees peuplée par les Romains, laquelle se redit uoluntairement,
& pource ne souffrit aucun dommage: & de là entra sur les terres des Latins,
esperant que ce seroit là ou les Romains le uiendroient cōbattre pour defend-
re les Latins, qui estoient leurs alliez, & qui par plusieurs fois leur auoiēt en-
uoyé demander du secours. Mais d'un costé le peuple estoit mal affectionné
à y aller: & d'autre costé les Consulz n'aians plus guerres à estre en leur office,
ne se uouloient pas hazarder pour si peu de temps: de maniere que les ambas-
sadeurs des Latins s'en retournerent sans rien faire. Parquoy Marius adonc
s'adressa aux uilles, & aiant pris à force celles des Toleriniens, Vicianiens, Pe-
daniens, & Bolaniens, qui se uoulurent defendre, il pilla les biens, & prit les K
personnes prisonnières: & au contraire, ceulx qui uoluntairement se renger-
ent de son costé, il employa toute la diligēce qui luy fut possible, à prouueoir
qu'ilz ne peussent estre acunement endommagés, non pas à son desceu mes-
me, en esloignant son camp le plus qu'il pouuoit de leurs terres. Mais aians
pris d'assault la uille de Boles, qui n'est qu'à six lieues de Rome, il y gagna une
infinie quantité de butin, & feist mettre à l'espee tous les hommes qui estoient
en aage de porter armes: quoy entendās les autres Volsques, qui auoient esté
ordonnez

A ordonnez pour demourer à la defense du païs, ne se peurent plus cōtenir, ains s'en coururent avec leurs armes au cāp de Martius, disans qu'ilz ne recognoissoient autre superieur ny autre capitaine que luy : au moien dequoy sa renommee falloit espendant par toute l'Italie, & luy donnoit on par tout la louange & la gloire de tresexcellent capitaine, attendu que sa uertu par la transposition d'une seule personne des uns aux autres auoit apporté un si estrange & si soudain changement aux affaires. Ce pendāt les choses à Rome alloient en grande confusion : car de sortir pour combattre l'ennemy, ilz n'en uouloient ouir parler, ains estoient tous les iours bendez en picque les uns contre les autres, & n'oyoit on que seditieuses paroles des nobles contre le peuple, & du peuple contre les nobles: iusques à ce q̄ les nouuelles uindrēt, que les ennemis auoient mis le siege deuāt la uille de Lauinium, en laquelle estoient les tēples & images de leurs Dieux tutelaires, & de là ou ilz estoient anciennement issus, pource q̄ ce fut la premiere uille qu'Æneas à son arriuee fōda en Italie. Si prit adonc soudainement au peuple une merueilleuse mutation de uolunté, & encore plus estrange & plus extraordinaire aux nobles, pource que le peuple uolulut que lon abolist & cassast la condamnation de Martius, & que lon le rappellast: surquoy le Senat estant assemblé, fut de contraire opinion, & empescha qu'il ne se feist, soit ou par une opiniastrētē de se uoloir formaliser contre tout ce que le peuple desiroit, ou pource qu'il ne uolulst point que ce personnage retournaist par la grace & le benefice du peuple, ou biē pource que ia ilz fussent à bon esciant indignez & courroucez cōtre luy, à cause que n'aiāt pas esté offensé de tous, il couroit neantmoins sus à tous, & se monstroir par effect ennemy tout oultre de son païs, combien que la meilleure & plus saine partie d'iceluy fust bien desplaisante & marrie du tort qu'on luy auoit fait, & s'en tenoit pour oultragee cōme luy. Ceste resolution du Senat estant publiee, le peuple se trouua lié, pour ce qu'il ne pouuoit rien authoriser ny confirmer par ses uoix, qui n'eust esté premierement digeré au Senat. Mais Martius en aiāt entēdu la nouuelle, fut encore biē plus irrité & plus indigné que parauāt, tellement qu'il leua incontinent son siege de deuant la uille de Lauinium, & tirant droit à celle de Rome, en alla loger à deux lieues & demie pres, en un lieu qui s'appelle les Fosses Chlœlienes. Ces approches de si pres, meirēt la uille de Rome en grand trouble & en grād effroy: mais toutefois elles appaiserēt aussi pour lors les seditions & dissentions qui estoient entre les parties: car il n'y eut plus personne, ny des magistrats, ny du Senat, qui ozaist contredire à l'opinion du peuple, touchant le rappel de Martius, ains uoians les femmes effroyees courir ça & là par la uille, les tēples des Dieux pleins de uieilles gēs qui ploroient à chauldes larmes en faisant leurs prieres & oraisons, & brief qu'il n'y auoit en toute la uille celuy qui eust le sens rassis, ny la hardiesse de prouueoir à chose aucune salutaire, alors ilz furent tous d'aduis que le peuple auoit bonne raison de uoloir rappeler & raccointer Martius, & que le Senat au contraire faisoit une grande faulte d'entrer en courroux & en cholere contre luy, alors qu'il estoit plus tost saison d'en sortir. Ainsi furent ilz tous unanimement d'aduis, que lon enuoyast ambassadeurs deuers luy, pour luy faire entendre, comme ses citiens le rappelloient & le restituoient en ses biens: & quand & quand le supplioient de les deliurer de ceste guerre. Ceulx qui y furent enuoyez de la part du Senat, estoient familiers amis de Martius, lesquels fattendoient bien d'auoir pour le moins, à leur arriuee, un doulx & gracieux

Coriolanus.

recueil de luy, comme de leur parent & familier amy: mais ilz n'y trouuerēt F
rien de semblable, ains furent menez à trauers le camp iusques au lieu ou il e-
stoit assis dedans sa chaire, avec une grandeur & une grauité insupportable,
aiant les principaux hommes des Volsques autour de soy: si leur commanda
de dire tout hault la cause de leur uenue: ce qu'ilz feirent es plus honestes &
plus gracieuses paroles que leur fut possible, avec le geste & la contenance de
mesme. Puis quand ilz eurent acheué de parler, il leur respondit aigrement &
en cholere, quant à ce qui touchoit au tort que lon luy auoit fait: & cōme ca-
pitaine general des Volsques, leur dit, qu'ilz eussent à rendre & restituer aux
Volsques, toutes les uilles & les terres qui leur auoient esté ostees es guerres
precedentes, & au demourant, leur decerner pareil hōneur & droit de bour- G
geoisie à Rome, comme ilz l'auoiēt ottroyé aux Latins: pource qu'il n'y auoit
autre moie assuree pour sortir de la guerre à faiēt, sinō avec cōditions egales &
raisonnables, & leur donna terme pour en deliberer, & s'en resouldre, l'espace
de trēte iours. Les ambassadeurs s'en retournerēt avec ceste respōse: & luy tout
aussi tost retira son armee hors du territoire de Rome. Ce qui fut la premiere
charge que luy meirent sus ceulx d'entre les Volsques, qui portoient enuie à
sa gloire, & ne pouuoient supporter son autorité: entre lesquelz Tullus mes-
mes en fut un, non qu'il eust particulièrement receu aucun tort ny desplaisir
de Martius, ains seulement estant picqué de ceste passion humaine, qu'il luy
desplaisoit de ueoir sa reputatiō de tout poiet obscurcie par celle de Martius, H
& de se ueoir en moins de cōpte enuers les Volsques qu'il n'auoit esté au par-
auant, attendu qu'ilz auoient en si grande estime Martius, qu'ilz pensoient
en luy seul auoir tout, & uouloiēt que leurs autres gouuerneurs & capitaines
se contentassent du credit & de l'autorité qu'il luy plairoit leur departir. De
là donques commencerent à s'ouïr les premieres murmurations & accusa-
tions secrètes à l'encōtre de luy: pource que les autres particuliers capitaines
se bendans ensemble contre luy, s'en courrouceoient, & alloiēt disant, que ce
delogement estoit une uraye trahison, non point de uilles, de places, ny d'ar-
mees, ains du temps & de l'occasion, qui estoit perte de plus grande cōsequen-
ce, pource que c'estoit ordinairement ce qui faisoit ou perdre ou conseruer ce- I
la & toute autre chose: aiant donné trente iours de surseance d'armes à l'en-
nemy, expressement pource que la guerre n'a point accoustumé de prendre
grandes mutations en moindre espace de temps que celuy la. Toutefois Mar-
tius ne laissa pas couler ce temps la sans rien faire, ains alla ce pendant gaster
& destruire les terres des alliez des ennemis, ou il prit sept uilles grādes & biē
peuplees, sans que les Romains ozassent iamais se mettre aux champs pour les
aller secourir: tant estoient leurs cucurs espris de desfiance, & mal affectionnez
à la guerre: de maniere qu'ilz resembloient propremēt aux corps qui sont de-
mourez perclus de leurs mēbres, & qui par quelque paralysie ont perdu tout
mouuement & tout sentiment. Parquoy le temps de la trefue expiré, Martius K
estant retourné sur leurs terres avec toute sa puissance, ilz renuoyerent dere-
chef une autre ambassade uers luy, le supplier de uouloir appaiser son cour-
roux & emmener les Volsques hors de leurs terres, pour puis apres à loisir met-
tre en auant telz partis qu'il uerroit estre expediēts pour les uns & pour les au-
tres: à cause que les Romains n'estoient pas pour iamais ceder ny fleschir par
crainte: mais sil luy sembloit que les Volsques eussent raison de leur deman-
der quelques articles & conditions honestes, que tout ce qu'ilz demanderoiēt
de

- A** de raisonnable leur seroit concedé par les Romains, qui d'eulx mesmes se soub-mettoient à la raison, moienant que premier ilz posassent les armes. A cela respondit Martius, que comme capitaine general des Volsques il ne leur repliqueroit rien, mais que comme encore citoien Romain il leur conseilloit de rabaisser leur orgueil, & se soubmettre à la raison filz estoient sages, & que dedans trois iours ilz retournassent avec les articles accordez qu'il leur auoit la premiere fois proposez, autrement qu'il ne leur donnoit plus saufconduit ny seureté de retourner autrefois en son camp avec paroles inutiles & uaines. Quand les ambassadeurs furent de retour à Rome, le Senat aiant ouy leur rapport ietta láchre sacree, ainsi que lon dit en commun prouerbe, comme estant la chose publique en extreme peril de tourmente: car il ordonna
- B** que tout tant qu'il y auoit de prestres, religieux, ministres des Dieux & gardes des choses sacrees, & tous les deuins, qui par l'observation du uol des oyseaux predissent les choses à aduenir, qui est une sorte de prophetie & de diuination propre de toute ancienneté aux Romains, allassent deuers Martius estans reuestus tout en la sorte qu'ilz souloient estre quand ilz faisoient leurs sacrifices, pour le prier qu'il feist premierement cesser la guerre, & puis apres qu'il parlât à ses citoiens de faire appointment avec les Volsques. Martius les laissa bien entrer dedans son camp, mais pour cela ne leur conceda il rien d'auantage, & ne leur fait ny ne leur dit rien plus gracieusement qu'il auoit fait
- C** aux premiers, ains seulement qu'ilz aduissassent l'un des deux, ou qu'ilz acceptassent la paix sous les conditions qu'il auoit premierement proposees, ou qu'ilz receussent la guerre. Quand ces gens de religion furent de retour, il fut arresté au conseil, que lon ne sortiroit point de la uille, & que lon entendroit seulement à defendre les murailles & repoulses les ennemis, filz les uenoient assaillir, en remettant toute leur esperance au temps & aux accidents inopinez de la fortune, pource que d'eulx mesmes ilz ne scauoient par quel bout commencer pour faire chose qui leur fust salutaire, ains estoit toute la uille pleine de confusion, de frayeur, & de mauuaise opiniõ de l'aduenir, iusques à ce qu'il se fait un cas semblable à ce que dit Homere en plusieurs lieux, que peu de gens
- D** neantmoins uulent croire: car en choses grandes, estranges, & hors de l'usage commun, il dit & exclame souuent de telz propos:
- Pallas Deesse aux beaux yeux immortelle
Luy meit au cueur une pensee telle.
- Et en un autre passage,
- Mais quelque Dieu de ce les retira,
Qui d'un tel bruit la commune inspira.
- Et en un autre lieu,
- Il s'en estoit de luy mesme aduisé,
Ou quelque Dieu luy auoit deuisé.
- E** Plusieurs y en a qui mesprisent ces passages d'Homere, comme si son intention fust d'attribuer au discours de la raison humaine, & à l'election de l'arbitre d'un chascun des choses impossibles, & des fables ou il n'y a point de uerisimilitude: ce qu'il ne fait pas: ains fait dependre de nostre liberal arbitre les choses uraysemblables, & qui ordinairement aduiennent par discours de raison: car il dit bien souuent de telles parolles,
- I e l'ay pensé en mon cueur magnanime.
- Et en un autre lieu,

Coriolanus.

L'ayant ouy Achilles ainsi dire,
E n eut le cueur d'aspre douleur & d'irē
E n son uelu estomac tout brulant,
E t entre deux diuers uouloirs branlant.

E t derechef en un autre endroit,
E lle ne sceut mouuoir par son langage
B ellerophon, tant fut honeste & sage.

Mais es choses estranges & extraordinaires, ou il y a besoing de quelque inspiration & instigation diuine, encore ne fait il pas que Dieu oste le franc arbitre à l'homme, ains plus tost qu'il l'incite, non pas qu'il engendre en nous la uolunté, mais bien quelque imagination qui tire & pousse la uolunté: ainsi ne rend il pas par ceste imagination, qu'il offre à la uolunté, l'operation non uoluntaire ny forcee, ains plus tost donne commencement à la uolunté, & luy adiouxte l'assurance & la bonne esperance. Car, ou il fault dire totalement que les Dieux n'ont part quelconque aux causes mouuantes & aux principes des operations humaines, ou confesser qu'il n'y a autre moien, par lequel ilz puissent aider aux hommes, ny cooperer avec eulx: car il est bien certain qu'ilz ne manient pas noz corps, ny ne remuent pas noz mains & noz pieds, ainsi que le besoing le requiert à chasque fois qu'il fault besongner, ains excitent la partie actiue de nostre ame & nostre liberal arbitre, ou au contraire le destournent & le retienent par quelques imaginations & apprehensions qu'ilz nous inspirent. Or alloient lors les Dames Romaines par tous les temples des Dieux faire leurs prieres & oraisons: mais la plus grande partie & les plus notables estoient continuellement à l'entour de l'autel de Iupiter Capitolin, entre lesquelles nommeemēt se trouua Valeria sœur de Publicola, celuy qui feit tant de seruices aux Romains & en paix, & en guerre: il estoit desia mort, quant à luy, quelque temps au parauant, ainsi comme nous auons escrit en sa uie: mais Valeria sa sœur estoit grandement honoree & estimee dedans Rome, se gouuernant si sagement qu'elle ne faisoit point de honte à la maison dont elle estoit issue: si luy prit soudainement une emotion de uolunté pareille à celles dont nous parlions nagueres, & s'aduisa, non sans quelque inspiration diuine, comme ie croy, d'un bon expedient: car elle se leua, & feit quand & quant leuer les autres Dames, & s'en alla avec elles droit à la maison de Volumnia mere de Martius, ou elle entra dedans, & la trouua avec la femme de son filz assise, & tenāt en son giron les petits enfans de Martius. S'estans dōques toutes ces Dames arrangees en rond à l'entour d'elles, Valeria commēça la premiere à parler en ceste maniere: Nous uenons deuers uous, ô Volumnia, & Vergilia, Dames uers autres Dames, sans ordōnance du Senat, ny commandement d'aucū magistrat, ains par inspiration, à mon aduis, de quelque Dieu, lequel ayant regardé en pitié noz prieres, nous a incitées à nous en uenir deuers uous, pour uous requerir de faire une chose qui sera salutaire à nous & à tous les autres citoiēs de ceste uille, mais à uous, si uous me uoulez croire, apportera une gloire plus grande & plus illustre que celle que les filles des Sabins acquirent iadis, quand au lieu de guerre mortelle elles meirent la paix entre leurs peres & leurs maris. Venez uous-en donques avec nous toutes ensemble deuers Martius, pour le supplier qu'il ait pitié de nous, & quand & quand pour luy porter tesmoignage de uerité, comme uous deuez en faueur de uoz citoiens, que combien qu'ilz aient souffert beaucoup de maux & de dommages

A dommiages par luy, iamais toutefois ne uous en ont fait, ne pensé de uous en faire par uengeance pire traitement, ains uous rendent saines & sauues entre ses mains, encore qu'ilz n'en deussent auoir en recôpese, de rien plus gracieuse composition de luy. Ces paroles de Valeria furent approuuees & accompagnées par une cômune clameur de toutes les autres Dames: & adonc Volumnia luy respôdit, Dames, nous auons part côme uous aux publiques miseres & calamitez de nostre païs, & oultre cela sommes encore surchargees de ce malheur propre, que nous auons perdu la gloire & la uertu de Martius, uoiât maintenât sa personne enuironnee des armes de noz ennemis, plus tost pour fassseurer de luy que pour le garder: mais encore le plus grief de noz malheurs

B nous est de ueoir nostre païs reduit à telz termes, que toute son esperâce gise & consiste en nous: pourautât que ie ne sçay quel cômpte il fera de nous, puis qu'il n'en fait aucun de sa chose publique & de son païs, qu'il a par cy deuant tousiours eu plus cher que sa mere, sa femme, ny ses enfans. Ce neantmoins seruez uous de nous en tout ce que uous uoudrez, & nous menez à luy: car si nous ne pouuons faire autre chose, à tout le moins pouuons nous bien mourir & rendre l'esprit en le suppliant pour le bien de nostre païs. Cela dit, elle prit sa belle fille & ses enfans quâd & elle, & avec toutes les autres Dames Romaines s'en alla droit au camp des Volsques, lesquelz eurent eulx mesmes une cômpassion meslee de reuerence quand ilz la ueirent, de maniere qu'il n'y eut personne

C d'eulx qui luy ozaist rien dire. Or estoit lors Martius en conseil avec les autres capitaines, & de tout loing qu'il apperceut uenir des femmes, s'esmerueilla que ce pouuoit estre: mais peu apres recognoissant sa femme qui marchoit la premiere, il uoulut du commencement perseuerer en son obstinee & inflexible rigueur: mais à la fin uaincu de l'affection naturelle, & estant tout emeu de les ueoir, il ne peut auoir le cueur si dur que de les attédre en son siege, ains en descendant plus uiste que le pas leur alla au deuant, & baïsa sa mere la premiere & la teint assez longuement embrassée, puis sa femme & ses petits enfans, ne se pouuât plus tenir que les chauldes larmes ne luy uinsent aux yeux, ny se garder de leur faire caresses, ains se laissant aller à l'affection du sang, ne plus ne moins qu'à la force d'un impetueux torrent. Mais apres qu'il leur eut assez fait d'amiable recueil, & qu'il apperceut que sa mere Volumnia uoloit cômencer à luy parler, il appella les principaux du conseil des Volsques,

D pour ouir ce qu'elle proposeroit, puis elle parla en ceste maniere: Tu peux assez cognoistre de toy mesme, mon filz, encore que nous ne t'en dissions rien, à ueoir noz accoustremens, & l'estat auquel sont noz pauvres corps, quelle a esté nostre uie en la maison depuis que tu en es dehors: mais considere encore maintenant, combien plus malheureuses & plus infortunées nous sommes icy uenues que toutes les femmes du monde, attendu, que ce qui est à toutes les autres le plus doulx à ueoir, la fortune nous l'a rendu le plus effroyable,

E faisant ueoir à moy mon filz, & à celle cy son mary, assiegeât les murailles de son propre païs, tellement que ce qui est à toutes autres le souuerain recôfort en leurs aduersitez, de prier & inuoyer les Dieux à leurs secours: c'est ce qui nous met en plus grande perplexité, pource que nous ne leur sçauriôs demander en noz prieres uictoire à nostre païs & preservation de ta uie tout ensemble, ains toutes les plus griefues maledictions que sçauroit imaginer contre nous un ennemy, sont necessairement encloses en noz oraisons, pource qu'il est force à ta femme & à tes enfans qu'ilz soient priuez de l'un des deux, ou de

Coriolanus.

toy, ou de leur païs: car quant à moy, ie ne suis pas deliberee d'attendre que la fortune, moy uiuante, decide l'issue de ceste guerre: car si ie ne te puis persuader que tu ueuilles plus tost biē faire à toutes les deux parties, que d'en ruiner & destruire l'une en preferāt amitié & concorde aux miseres & calamitez de la guerre, ie ueux bien que tu saches, & le tienes pour tout assure, que tu n'iras iamais assaillir ny combattre ton païs, que premieremēt tu ne passes par dessus le corps de celle qui t'a mis en ce monde, & ne doy point differer iusques à ueoir le iour, ou que mon filz prisonnier soit mené en triumphe par ces citoiens, ou que luy mesme triumphe de la uictoire qu'il aura gaignee sur son païs. Or si ainsi estoit que ie te requisse de sauuer ton païs en destruisant les Volsques, ce te seroit certainemēt une deliberation trop malaisée à resoudre: car comme il n'est point licite de ruiner son païs, aussi n'est il point iuste de trahir ceulx qui se sont fiez en toy. Mais ce que ie te demande est une deliurāce de maulx, laquelle est egaleement profitable & salutaire à l'un & à l'autre peuple, mais plus honorable aux Volsques, pource qu'il semblera, qu'aians la uictoire en la main, ilz nous auront de grace donné deux souuerains biens, la paix & l'amitié, encore qu'ilz n'en prennent pas moins pour eulx, duquel bien tu seras pñcipal autheur fil se fait, & fil ne se fait, tu en auras seul le reproche & le blasme total enuers l'une & l'autre des parties: ainsi estant l'issue de la guerre incertaine, cela neantmoins est bien tout certain, que si tu en demoures uainqueur, il t'en restera ce profit que tu en seras estimé la peste & la ruine de ton païs: & si tu es uaincu, on dira que pour un appetit de uenger tes propres iniures, tu auras esté cause de tresgriefues calamitez à ceulx qui t'auoient humainement & amiablement recueilly. Martius escouta ces paroles de Volumnia sa mere sans l'interroprer: & apres qu'elle eut acheué de dire, demoura long temps tout picqué, sans luy rien respondre. Parquoy elle reprit la parole, & recommēça à luy dire: Que ne me respōs tu, mon filz? estimes tu qu'il soit licite de conceder tout à son ire & à son appetit de uengeance, & non honeste de condescendre & incliner aux prieres de sa mere, en si grandes choses? & cuides tu qu'il soit cōuenable à un grand personnage, se souuenir des torts qu'on luy a faits, & des iniures passees, & que ce ne soit point acte d'homme de bien & de grand cueur, recognoistre les bienfaicts que reçoüēt les enfans de leurs peres & meres, en leur portant honneur & reuerence? Si n'y a il homme en ce monde qui deust mieux obseruer tous les poincts de gratitude que toy, uēu que tu poursuis si asprement une ingratitude: & si y a d'auantage, que tu as ia fait paier à ton païs de grandes amendes pour les torts que lon t'y a faits, & n'as encore fait aucune recognoissance à ta mere: pourtant seroit il plus que honeste, que sans autre contrainte ie impetrasse de toy une requeste si iuste, & si raisonnable: mais puis que par raison, ie ne le te puis persuader, à quel besoing espargne-ie plus & differe-ie la derniere esperance? En disant ces paroles elle se ietta elle mesme, avec sa femme & ses enfans, à ses pieds. Ce que Martius ne pouuant supporter, la releua tout aussi tost en fescriant, ô Mere, que m'as tu fait? & en luy serrant estroittement la main droite: ha, dit il, mere, tu as uaincu une uictoire heureuse pour ton païs, mais bien malheureuse & mortelle pour ton filz: car ie m'en reuois uaincu par toy seule. Ces paroles dites en public, il parla un peu à part à sa mere, & à sa femme, & puis les laissa retourner en la uille: car ainsi l'en prierent elles: & si tost que la nuit fut passée, le lendemain au matin remena les Volsques en leurs maisons, n'estans pas

A tous d'une mesme opiniõ, ny d'une mesme affection. Car les uns le blasmoiẽt & luy & ce qu'il auoit fait: les autres, qui estoient bien contens que lon feist appointment, disoient que ny l'un ny l'autre ne meritoit d'estre blasme ny repris: les autres, encore qu'ilz fussent mal contẽs de ce qu'il auoit fait, ne l'en estimoiẽt pas neantmoins meschant pour cela, ains alloient disant, qu'il meritoit qu'on luy pardonnast, si l'auoit fleschy à une si uiolente contrainte: tant y a que personne ne contredit au departement, ains suyurent tous son commandement, plus pour la reuerence de sa uertu que pour la crainte de son auctorité. Mais le peuple de Rome donna bien incontĩnẽt à cognoistre en quelle crainte & en quel danger de ceste guerre il auoit esté, quãd il en fut deliurẽ: car si tost que ceulx qui estoient sur les murailles de la uille apperceurent les Volsques deloger, il n'y eut temple en toute la uille qui ne fust soudainement ouuert & plein d'hommes portans des chapeaux de fleurs sur leurs testes & sacrificians aux Dieux, ne plus ne moins que lon faisoit à la nouuelle de quelque grãde uictoire gaignee: & se demõstra encore plus claiřemẽt ceste reiouissances publique, par les caresses & l'honneur q̃ le Senat & tout le peuple ensemble feĩt aux Dames: car il n'y auoit celuy qui ne dist hault & clair, & qui ne creust fermemẽt qu'elles seules estoĩẽt cause du salut & deliurãce de la uille: à l'occasion dequoy, le Senat ordõna aux magistrats, qu'ilz eussent à leur ottroyer & conceder tout ce qu'elles leur requerroient, pour leur gratifier & les honorer: & elles ne demãderẽt autre chose sinon q̃ lon feist edifier un tẽple de Fortune feminine, pour l'edification duquel encore offrirent elles de cõtribuer l'argẽt qu'il cousteroit, pourueu q̃ la chose publique prist sur soy la charge des sacrifices, cerimonies, & autres seruices q̃ appartenẽt à l'hõneur des Dieux: toutefois le Senat louant leur bonne uouluntẽ, ordonna que le temple & l'image fussent faits aux despens du public. Ce nonobstant, encore contribuerent elles de l'argent, duquel fut faite une seconde image de la Fortune, laquelle les Romains disent auoir parlẽ, ainsi comme lon la dedioit au temple, & que lon la posoit en sa place, & si afferment qu'elle prononça de semblables paroles: Dames uous m'auẽz deuotement donnee: &, qui plus est, qu'elle les pronõça deux fois: nous uoulans faire croire des choses qui ne furent iamais, ou pour le moins, qui sont bien difficiles à croire: car de ueoir des images qui semblẽt sũer, ou plorer, ou rendre quelque humeur teinte comme sang, ce n'est pas chose impossible, pource que le bois & la pierre ordinairement reçoĩent une certaine moĩtteur, dont il s'engendre de l'humeur, & si rendẽt d'eulx mesmes, ou bien prenẽt de l'air plusieurs sortes de teintures & de couleurs, par lesquelz signes il n'est pas incõuenient que les Dieux n'aduertissent aucunesfoĩs les hõmes de ce qui est à aduenir: & si est bien possible que ces images & statues iettent aucunesfoĩs quelque son semblable à un soupir ou à un gemitement, quand au profond du dedans il se fait quelque rupture ou separation uiolente des parties continues: mais que ce soit une uoix articulee ny une parole exprimee & exquisẽment formee en un corps qui n'a point d'ame, il est du tout impossible, attendu que l'ame ny Dieu mesme ne sçauroient distinctemẽt parler ny deuĩser sans un corps accomodẽ des outĩlz & organes, & des parties necessaires à former & exprimer la parole. Mais là ou l'histoire nous force d'en croire quelque chose par le recit de plusieurs graues tẽsmoĩngs dignes de foy, il fault dire que c'est quelque passion differẽte des cinq sens de nature, laquelle engendree en la partie imaginatiue de l'entendement tire à foy l'opinion, ne

Coriolanus.

plus ne moins qu'en dormant, bien souuent il nous semble que nous oyons F
ce que nous n'oyons pas, & que nous uoyons ce que nous ne uoyôs pas. Tou-
tefois ceulx qui par une uehementce d'amour & de deuotion enuers les Dieux
sont oultre mesure affectionnez & aheurtez à cela, de sorte qu'ilz ne peuuent
rien refuser ne reietter de ce qui se dit touchant telles choses, ilz ont un grand
argument pour se confirmer en ceste creance, c'est la puissance de Dieu, qui est
admirable, & n'a aucune semblance ny proportion à la nostre, ains est en tout
differéte, & quant à la nature, quant au mouuement, quant à l'artifice, & quât
à la force: & pourtant fil fait aucune chose qui nous soit impossible, ou qu'il
en produise & inuente qui transcendent l'entendement des hommes, il ne le
fault pourtant trouuer estrange: car fil est es autres choses different de nous, G
il est encore plus esloigné & plus diuers en ses œuures qu'en tout le demou-
rant: mais la plus part des faicts de Dieu, comme dit Heraclitus, à faulte de
foy demeurent incogneuz. Au demourant, Martius estant retourné de son
uoyage en la uille d'Antium, Tullus qui le haïssoit, & ne le pouuoit plus en-
durer pour la crainte qu'il auoit de son autorité, chercha les moiens de le fai-
re mourir, pensant que fil y failloit à celle fois, il ne recouurerait iamais une
pareille occasion. Parquoy aiant attiré & suscité plusieurs autres coniurez
auec luy, il requit que Martius eust à se deposer de son estat pour rendre com-
pte à la communaulté des Volsques de son gouuernement & administration.
Martius craignant de foy trouuer homme priué soubz Tullus estant capitai- H
ne general, oultre ce que sans cela, il auoit plus grande autorité que nul au-
tre entre les siens, il respōdit qu'il se demettrait uoluntiers de la charge, & la
remettrait entre les mains des seigneurs Volsques, si tous le luy cōmandoient
comme par le commandement de tous il l'auoit acceptee: & au reste, qu'il ne
refusait point de rendre compte & raison de son gouuernement des l'heure
mesme, à ceulx de la uille qui y uoudroient assister & l'ouir. Le peuple fut as-
semblé là dessus en cōseil, en laquelle assemblee il y eut quelques orateurs ap-
postez qui irritèrent & mutinerent la commune à l'encontre de luy, & quand
ilz eurent acheué de parler, Martius se leua pour leur respondre: & combien
que la commune mutinee menast un fort grand bruit, toutefois quand elle le I
ueit, pour la reuerence qu'elle portoit à sa uertu, elle s'appaïsa, & luy dōna pai-
sible audience pour à loisir deduire ses iustifications, & les plus gens de bien
des Antiates, & qui plus s'eslouissoient de la paix, monstroient à leur conte-
nance qu'ilz l'escouteroient uoluntiers, & iugeroient selon leur conscience:
à l'occasion dequoy, Tullus eut peur fil le laissoit parler qu'il ne prouast au
peuple son innocence, pource qu'il estoit entre autres choses homme treselo-
quent, auec ce que les premiers bons seruices qu'il auoit faits à la cōmunaulté
des Volsques, luy apportoit plus de faueur que les dernieres imputatiōs ne
luy causoient de defaueur: & qui plus est, cela mesme que lon luy tournoit à
crime, estoit tesmoignage de la grace qu'ilz luy deuoïent, pource qu'ilz n'eus- K
sent point estimé qu'il leur eust fait tort en ce qu'ilz n'auoient pas pris la uille
de Rome, s'ilz n'eussent esté bien pres de la prendre par le moien de sa condui-
re. Pour ces raisons estima Tullus qu'il ne falloir plus dilayer son entreprise,
ny samuser à mutiner & susciter la commune contre luy, ains se prirent les
plus mutins des cōiurez à crier, qu'il ne le falloir point ouir, ny permettre que
un traistre usurpast ainsi domination tyrannique sur la ligue des Volsques, ne
se uoulant pas demettre de son estat & autorité: & en disant telles paroles se
rurent

- A ruerent tous à un coup sur luy, & le tuerēt sur la place, sans que personne des assistans s'entremist de le secourir. Mais toutefois que ce meurtre n'ait point esté fait du sceu & consentement de la plus grande partie des Volsques, il appert par ce que de toutes les uilles des Volsques accoururent gens pour honorer le corps, lequel ilz inhumerent magnifiquement, & ornerent sa sepulture de force harnois & force despouilles, comme celle d'un uailant homme & d'un grand capitaine. Les Romains, sa mort ouye, n'en feirēt autre demonstration ny d'honneur ny de courroux, sinon qu'ilz permeirent aux Dames ce qu'elles leur requirent, de pouuoir porter le deuil de sa mort l'espace de dix mois, autant comme elles auoient accoustumé de le porter pour la mort de leurs peres, de leurs freres & de leurs marys, pource que c'estoit le plus long terme de porter deuil que le Roy Numa Pompilius eust déterminé, ainsi comme nous auons escrit en sa uie. Au demourant, les affaires des Volsques tantost apres le deces de Martius feirent fort regretter sa presence: car premiere-
B ment ilz entrerent en debat contre les Eques, qui estoient leurs alliez & confederez, touchant la precedence: & proceda ce different entre eulx iusques à s'entrebattre & se tuer les uns les autres: & puis ilz furent desfaits par les Romains en une grosse bataille, en laquelle Tullus demoura mort sur le champ, & la fleur de toute leur puissance fut aussi mise à l'espee, de maniere qu'ilz furent contraints d'accepter de treshonteuses conditions de paix, en se rendans
C subiects aux uainqueurs, & promettans faire tout ce qu'ilz leur commanderoient.

LA COMPARAISON D'ALCIBIADES AVEC M. CORIOLANVS.



- R aians exposé les faicts de l'un & de l'autre, au moins ceulx qui nous ont semblé plus dignes d'estre mis par memoire, maintenant pouuons nous ueoir que, quant aux armes, l'un n'a pas eu fort grand auantage sur l'autre: car tous deux en leurs charges ont egale-
D ment fait preuue non seulement de hardiesse & de prouesse de leurs personnes, mais aussi de bons sens, de ruse & de finesse: si ce n'est que lon ueuille dire, qu'Alcibiades a esté plus grand & plus excellent capitaine, d'autant qu'il a plusieurs fois combattu ses ennemis & par mer & par terre, & tousiours uaincu. Car au demourant, ilz ont bien cela de semblable, que là ou ilz ont esté tous deux presens, & qu'ilz ont eu loy & autorité de commander, ilz ont notoirement tousiours fait prosperer les affaires de ceulx de leur party, & plus euidément encore les ont fait empirer, quand ilz se sont tournez du party contraire. Mais quant au faict de gouuernemēt, les gens de bien & d'honneur haïssoient la maniere de proceder, dont uoit Alcibiades au maniement des affaires de la chose publique, comme estant pleine d'affet-
E terie, de dissolution, & de flatterie, pource qu'il ne uisoit qu'à gagner par toutes uoyes la grace & la bienueuillance du menu populaire: aussi de l'autre costé, le peuple Romain auoit en haine celle de Coriolanus comme trop arrogante, trop superbe & tyrannique, de sorte que ny l'une ny l'autre ne fait à louer. Toutefois encore est moins reprehensible celuy qui cherche à gratifier & cōplaire au peuple, que celuy qui le mesprise, l'outrage, & l'iniurie, de peur qu'il ne semble qu'il le ueuille flatter, pour en acquerir plus d'autorité: car il est bien mal seāt de flatter le commun peuple pour uenir en credit: mais aussi,

Coriolanus.

acquérir autorité & credit par se faire craindre, par endōmager & forcer au- F
truy, oultre ce qu'il n'est pas honeste, il est iniuste. Bien est il certain, que Mar-
tius a tousiours esté tenu pour homme rond de sa nature, simple, sans fard ny
artifice quelconque: & Alcibiades au cōtraire, fin, affecté, & peu ueritable: mais
ce, que lon blasme le plus en luy quāt à cela, fut la malice & tromperie, par la-
quelle il abusa les ambassadeurs des Lacedemoniens, & empescha que la paix
ne se feist, ainsi que Thucydides l'a escrit: toutefois cest acte, encore que pro-
ptement il ait reiecté la uille d'Athenes en guerre, au moins la rendit il plus
puissante & plus redoubtable à ses ennemis par l'adionction de l'alliance des
Mantiniens & des Argiens, qui par l'entremise d'Alcibiades fallirent &
entrèrent en ligue avec les Atheniens. Et quant à Martius, l'historien Diony- G
sius a aussi escrit, que ce fut par dol & tromperie qu'il ietta les Romains en
guerre contre les Volsques, aiant malicieusement & à tort fait soupçonner
& calumnier les Volsques, qui estoient allez à Rome pour y ueoir l'esbattemēt
des ieux: mais la cause pour laquelle il le feit, rend l'acte encore plus mauuais,
car ce ne fut point par une dissention ciuile, ny par une ialousie & contention
en matiere de gouuernement, comme feit Alcibiades, ains seulement pour
seruir à une passion cholerique, à laquelle, comme dit Dion, il n'y a rien qui
sache gré, qu'il meit en combustion & en trouble plusieurs contrees de l'Ita-
lie, & pour le courroux qu'il auoit contre son païs ruina plusieurs autres uilles
qui n'en pouuoient mais. Il est bien uray, qu'Alcibiades aussi par son ire & H
son despit fut cause de beaucoup de maux, de miseres & de calamitez à ceulx
de son païs, mais soudain qu'il apperceut qu'ilz se repentoient du tort qu'ilz
luy auoient fait, il se reuint aussi: & depuis aiant une autre fois esté dechassé,
il ne uoulut pas neantmoins fauoriser aux erreurs que faisoient les capitaines
Atheniens, ny ne les uoulut point laisser perdre en suiuant le mauuais conseil
qu'ilz prenoient, ny les abandonner au peril ou ilz se mettoient, ains feit tout
de mesme, ce que iadis auoit fait Aristides enuers Themistocles, dont il a esté
& est encore tant loué: car il s'en alla deuers les capitaines qui lors auoient la
charge de l'armee des Atheniens, encore qu'ilz ne fussent pas ses amis, & leur
remōstra en quoy ilz failloient, & ce qu'ilz auoient à faire, là ou Martius, au cō- I
traire faisoit premierement dōmage à toute Rome entierement, encore qu'il
n'eust pas esté offensé par tous ceulx de dedans uniuersellemēt, & que la meil-
leure & plus saine partie de la uille eust esté offensée quād & luy, & en eust re-
gret & desplaisir cōme luy. D'auātage les Romains essayerēt d'appaiser un seul
desplaisir & un seul despit qu'ilz luy auoient fait par plusieurs ambassades, &
plusieurs supplications & prieres, aux quelles il ne uoulut onques fleschir ny
amollir son dur cueur: & par ce mōstra qu'il auoit entrepris ceste guerre si as-
pre, & ou il ne uouloit point ouir parler d'appointement, en intētion de des-
truire & ruiner entierement son païs, non pas pour le recouurer, ne pour y re-
tourner. Il est uray qu'il y a ceste differēce, qu'Alcibiades estāt espié & aguet- K
té par les Lacedemoniens pour la haine qu'ilz luy portoiēt, & la crainte qu'ilz
auoient de luy, fut contraint de se retourner deuers les Atheniens, là ou Mar-
tius aiant esté si bien recueilly, & si bien traité par les Volsques, ne pouuoit
honestement les abandonner, attendu qu'ilz luy auoient fait tant d'honneur
que de l'elire leur capitaine general, & sestoient tant fiez en luy, qu'ilz auoient
mis toutes leurs forces & toute leur puissance en sa main, non pas cōme l'au-
tre duquel les Lacedemoniens abuserēt plus tost qu'ilz n'en userent, en le lais-
sant

- A tant aller & uenir parmy leur uille, & depuis parmy leur camp, sans honneur quelconque, tellement qu'il fut à la fin contraint de soy ietter entre les bras de Tiffaphernes: si lon ne ueult dire, qu'il alla uoluntairemēt luy faire la court, en intention de preseruer la cité d'Athenes, qu'elle ne fust entierement destruite, pour le desir qu'il auoit d'y retourner. Au reste lon trouue par escript, qu'Alcibiades prenoit souuent des presens peu honestemēt, & se laissoit corrompre par argent, lequel il despendoit puis apres encore plus uillainement, en uoluptez desordonnees & en toute dissolution: là ou, au cōtraire, Martius ne uolul pas seulement accepter les presens que ses capitaines luy faisoient legitimement pour honorer sa uertu, & estoit pourquoy le menu populaire
- B luy uouloit encore plus de mal, au different que le peuple eut cōtre les nobles touchant l'abolition des debtes, à cause que les pauures & menues gens cognoissoient bien, que ce n'estoit point pour gaing ne profit qu'il y eust, qu'il leur estoit si fort contraire en cela, & sembloit qu'il le feist par despit d'eulx tāt seulement, & pour leur desplaire expressement. Ainsi n'est-ce pas sans occasion qu'Antipater en une sienē epistre parlant de la mort du philosophe Aristote, entre les autres bōnes parties qu'il dit auoir esté en luy, fait grand cas de celle la, qu'il sçauoit bien gagner & attirer les cueurs des hommes. Car les bonnes ceuures & les uertus de Martius, pour n'auoir pas esté accompagnées de ceste grace la, deuenoient odieuses à ceulx mesmes qui en receuoient du profit, lesquelz ne pouuoient supporter sa grauité, & son opiniastrété, laquelle, cōme dit Platō, demeure avec solitude, c'est à dire, qui fait que les hommes sont peu suiuis, ou du tout abandonnez. Et au contraire, pour autant qu'Alcibiades sçauoit bien s'entretenir de bonne grace, & se comporter comme il falloit avec toutes gens, il ne se fault pas esmerueiller, si quand il faisoit biē, sa gloire en estoit haultement exaltee, & luy honoré, aimé, & bien uōlu du commun, uēu que mesme quelques unes de ses fautes estoient souuent prises en ieu, & en parloit on comme de gentilleses faittes de bonne grace & à plaisir: dont procedoit, qu'encore qu'il feist & souuent & de grands dommages à la chose publique, il estoit neantmoins souuent eleu capitaine, & luy commettoit on
- D souuent les principales charges de la uille: là ou Martius poursuiuāt un magistrat qui luy estoit deu, à cause de plusieurs grands seruices qu'il auoit faits à la chose publique, en fut neantmoins debouté. Par ainsi uoit on, que ceulx mesmes à qui l'un faisoit mal, ne le pouuoient hair: & l'autre ne pouuoit tant faire, qu'il fust aimé de ceulx dont il estoit bien estimé. Aussi ne fait iamais Martius aucun grand exploit estant capitaine des siens, ains les fait estant capitaine des ennemis contre son propre pais: là ou Alcibiades estat homme priué, & estant capitaine, fait plusieurs bons seruices aux Atheniēs. Au moien dequoy, tant qu'il fut present, il uint tousiours au dessus de ses calumniateurs autant qu'il uolul, & n'eurent leurs calumnies aucun effect encontre luy,
- E sinon pendant qu'il fut absent: là ou Martius en sa presence fut condamné par les Romains, & en sa personne meurtry & occis par les Volsques: non que ie ueuille dire qu'ilz aient en cela bien fait ny iustement, mais au moins leur donna il luy mesme quelque couleur de ce faire, quand il refusa publiquement la paix aux ambassadeurs Romains, qu'il accorda tantost apres particulieremēt, à l'instance & priere des femmes. En quoy faisant il n'ostoit pas l'inimitié qui estoit entre les deux peuples, ains laissant la guerre en son entier, il faisoit perdre à ceulx de qui il auoit charge, l'occasion de bien exploiter: là ou il falloit

Coriolanus.

que du consentement & par le conseil de ceulx qui festoient tant fiez en luy, F
que de le faire leur capitaine general, il retiraist son armee, sil eust uoulu faire
tel compte comme il deuoit de l'obligation dont il leur estoit tenu : ou sil ne
se soucioit point des Volsques en l'entreprise de ceste guerre, ains l'auoit sus-
citee seulement en intention de soy uenger, pour puis apres s'en deporter quād
il auroit assouuy son courroux, il ne falloit pas que pour l'amour de sa mere il
pardonnast à son pais, ains falloit qu'en pardonnāt à son pais il espargna aussi
sa mere, pource que sa mere & sa femme faisoient partie du corps de son pais
& de la uille qu'il tenoit assiegee. Car d'auoir inhumainement reietté toutes
publiques supplications, prieres d'ambassadeurs, & oraisons des presbtres &
& gens de religiō, pour gratifier de sa retraitte aux prieres de sa mere, cela n'e- G
stait pas tant honorer sa mere que deshonorer son pais, lequel fut preserue par
pitiē, & moienant l'intercession d'une femme, & non pas pour l'amour de soy
mesme, cōme fil n'en eust pas esté digne. Ainsi fut ceste retraitte une grace à
la uerité fort odieuse, cruelle, & de laquelle ny les uns ny les autres ne sceurēt
gré à celuy qui la feit: pource qu'il se retira, non point à la requeste de ceulx à
qui il faisoit la guerre, ny du consentement de ceulx aux despens d'esquelz il
la faisoit: de tous lesquelz accidents fut cause la seule austerité de sa nature, &
sa trop presumptueuse, haultaine, & fiere opiniastrété, laquelle estant de soy
mesme odieuse à tout le monde, quand elle est iointe à l'ambition, alors de-
uiant encore plus sauuage, plus farouche, & plus intolerable: car les hommes H
qui ont ce vice la de nature, ne ueulent point faire la court au peuple, comme
uoulans monstrier qu'ilz n'ont que faire d'hōneur populaire: & puis quād on
ne leur en fait, ilz s'en courroucent, & en sont marris. Car un Metellus, un A-
ristides, & un Epaminondas, auoiēt bien ceste maniere de faire, de ne uouloir
point flatter la cōmune, ny rechercher la bonne grace du menu populaire par
caresses & paroles flatteresses, mais c'estoit pource que ueritablement ilz mes-
prisoient ce que le peuple pouuoit ou donner ou oster: pourtāt ne se courrou-
ceoient ilz point à leurs citoiens quand ilz les condēnoient à quelques amē-
des, ou qu'ilz les bāissoient, ou qu'ilz leurs faisoient endurer quelque rebut,
ains les aimoient comme deuant tout aussi tost qu'ilz monstroient se repentir I
du tort qu'ilz leur auoient fait, & se reconcilioient facilement avec eulx incō-
rinent qu'ilz estoient rappelez: car celuy qui desdaigne de caresser le peuple
pour en auoir faueur, doit aussi moins que tout autre chercher à s'en uenger
sil en est rebuté: pource que prendre ainsi aigremēt à cuer un rebut & un re-
fus de quelque honneur, ne procede d'autre chose que de l'auoir trop ardem-
ment desiré. Pourtant Alcibiades ne dissimuloit point, qu'il ne fust bien aise
de se ueoir honoré, & marry de se ueoir mesprisé & rebuté de quelque hon-
neur, mais aussi cherchoit il les moiens de se rēdre agreable & bienuoulu de
ceulx avec lesquelz il uiuoit: là ou la fierté & haultaineré de Martius l'empes-
choit de caresser ceulx qui le pouuoient honorer & auācer, & neātmoins son K
ambitiō faisoit qu'il se despitoit, courrouceoit, & douloit, quand il se sentoit
mesprisé. C'est tout ce que lon pourroit avec raison reprēdre en luy, car au de-
mourāt toutes autres bōnes & louables qualitez estoient en luy fort apparetes:
car en temperance & netteté de mains pour ne se laisser point corrompre par
argent, il se peult comparer aux plus uertueux, plus nets, & plus entiers des
Grecks, non pas à Alcibiades, qui en cela certainement a tousiours esté trop li-
cencieux & trop dissolu, & a eu peu de regard au deuoir de l'honesteté.

A VAND ie me mis à escrire ces uies, ce fut au commencement pour profiter aux autres, mais depuis ie y ay perseueré & continué pour profiter à moy mesme, regardant en ceste histoire comme dedans un miroir, & taschant à raccoustrer aucunement ma uie, & la former au moule des uertus de ces grands personnages. Car ceste façõ de rechercher leurs meurs, & escrire leurs uies, me semble proprement un hanter familiarierement & frequenter avec eulx, & m'est aduis que ie les loge tous chez moy les uns apres les autres, quand ie uiens à chercher en

B leurs histoires, & à considerer quelles qualitez ilz auoient, & ce qui estoit de grand en chascun d'eulx, en elisant & prenant ce qui fait principalement à noter, & qui est plus digne d'estre sceu & cogneu en leurs dicts & leurs faicts. O Dieux pourroit on bien auoir un plus grand plaisir que celuy la, ne qui eust plus de force à faire que l'homme ueuille corriger & emender les uices de ses meurs ! Le philosophe Democritus escrit, que nous deuons prier qu'il se presente à nous des images heureuses en l'air, & que les bonnes qui sont propres & conuenables à nostre nature s'adressent plus tost à nous, que les mauuaises & malencontreuses, presupposant une opinion & doctrine faulse en la philosophie, & qui induit les hommes en superstitions infinies, qu'il y ait des images bõnes & mauuaises qui discourent par l'air, & qu'elles dõnent aux hõmes impression de bien ou de mal, en les inclinant au uice ou à la uertu. Mais quāt

C à moy, par la continuatiõ de lire les ancienes histoires, & d'en extraire ces uies que ie redige par escript, en receuant tousiours en mon entendemēt les choses dignes de memoire des plus gens de bié, & des plus uertueux hõmes du temps passé, ie m'instruis moy mesme, & me prepare à reietter arriere de moy & repoulsier toute mauuaise, lasche, deshoneste ou maligne condition, si d'adventure la frequentation & cõuersation de ceulx avec qui il fault que ie hante necessairement, m'en attache & m'en imprime, par contagion, aucune. Ce que ie fais en destournant ma pensee tranquille, & non agitee de passion quelconque, à la consideration de tāt de beaux exemples : comme maintenant ie uous

D presente en ce traitté les uies de Timoleon Corinthien, & de Paulus Aemylius Romain, lesquelz n'ont pas seulement eu l'intention bonne & la uolunté droite, mais aussi la fortune heureuse & pspere es affaires qu'ilz ont tous deux maniez : de maniere qu'il uous sera mal aisé à iuger & decider quād uous aurez leu leurs uies, si ce a esté plus par prudēce ou par heur qu'ilz sont uenus à chef des plus beaux & plus grands de leurs faicts. Or que la maison des Aemyliens à Rome ait tousiours esté des nobles, que lon appelle Patricienes, & des plus ancienes, les historiens, pour la plus part, en sont bié d'accord : mais que le premier de celle race, qui a donné ce nom à toute la posterité, ait esté un Marcus

E filz du sage Pythagoras, lequel fut surnommé Aemylius pour la douceur & bonne grace de son langage, il y en a aucuns qui l'ont escrit, mesmemēt ceulx qui ont dit que le Roy Numa estoit disciple de Pythagoras. Comment que ce soit, la plus part de ceulx de ceste maison, qui ont acquis honneur & reputatiõ pour auoir fuiuy la uertu, ont eu quand & quand la fortune fauorable, excepté Lucius Paulus, qui mourut en la bataille de Cānes : mais la deffortune de celuy la porte tesmoignage de sa prudence & de sa uaillance tout ensemble, pource que n'ayant peu destourner la temerité de celuy qui estoit son compa-

Paulus Aemylius.

gnon au Consulat, de l'enuie de combattre, il fut malgré luy participant du combat, mais nō pas de la fuite comme l'autre, qui aiant esté cause d'attacher la bataille, s'efouit: là ou luy, qui l'auoit empeschée à son pouuoir, y demoura ferme, & y mourut en combattāt uaillamment iusques au dernier soupir. Celuy la dōques laissa une fille nommee Aemylia, laquelle fut mariee au grād Scipion: & un filz, Paulus Aemylius, qui est celuy dont nous escriuons presentement, la ieunesse duquel se rencontra en un temps florissant en gloire, & en honneur, par la uertu de plusieurs grands & illustres personnages qui uiuoiet alors, entre lesquelz il feit reluire son nom, & si ne fut point par les mesmes arts que suiuoient, ny par le mesme chemin que tenoient les ieunes hommes bien estimez de ce tēps la: car il ne s'exercita point à plaider les causes des particuliers en iugement, ny ne se uoulut onques adonner à saluer, embrasser, & caresser les hommes pour mendier leur faueur, encore que par telle sollicitude, & par telle brigues, plusieurs uinsent à gagner la bōne grace du commun peuple: & si ne laissoit pas à le faire, pource que sa nature ne fust bien propre à l'un & à l'autre, sil eust uoulu s'en mesler, mais il aima mieulx acquérir la reputation d'homme de bien, uaillant, entier, & droitturier, comme estant ceste uoie meilleure que les deux autres, & aussi en peu de temps y surmonta il tous ceulx qui estoient de son aage. Le premier magistrat honorable qu'il demanda, fut l'Ædilité, en laquelle poursuite il fut preferé à douze autres concurrēts qui la demandoiet aussi: & si n'estoient pas hommes de petite qualité, car chascun d'iceulx paruint depuis au Consulat. Et aiant esté semblablement eleu du nombre des presbtres que les Romains appellent Augures, qui ont la charge & la superintendence des diuinatiōs qui se font par le uol des oyseaux & par les signes & presages de l'air & du ciel, il meit tant d'estude à apprendre les us & coustumes Romaines en cela, & rechercha si diligemment l'obseruance de la religion, & la diligence des anciens Romains es choses diuines, que de celle presbtrise qui parauant n'estoit estimee qu'un tiltre d'honneur, & n'estoit desirée que pour en auoir le nom seulement, il en feit l'une des principales & des plus haultes sciences qui fussent en hōneur à Rome: en quoy faisant il tesmoigna & confirma estre ueritable ce que tiennent aucuns philosophes, que Religion est la science de seruir Dieu. Car quand il faisoit aucune chose appartenante à l'office de celle presbtrise, il la faisoit avec grande experience, grand soing & grande diligēce, sans penser à autre chose, & sans y rien omettre des anciennes cerimonies, ny aussi en adiouxter de nouvelles, contestant bien souuent pour des choses qui sembloient fort legeres & petites à l'encontre de ses compagnons, en leur remōstrant qu'encore que lon presuppose que les Dieux soient faciles à contenter, & qu'ilz pardonnent aiseement les fautes faictes par seule negligēce, toutefois quād il n'y auroit autre chose, que le regard de l'entretienement de la chose publique, on ne deuroit pas facilement dissimuler ny passer en nonchaloir les omissions & fautes faittes en ces choses la: pource, disoit il, que lon ne commence iamais à remuer & changer l'estat d'une chose publique, en commettant d'entree quelque notable contrauention aux loix: mais aussi fault il estimer, que lon abandonne la garde des principaux fondemens d'un estat politique, quand on desdaigne le soing de faire obseruer diligemment les institutions d'iceluy, pour petites & menues qu'elles soiēt. Aussi se monstra il pareillement seuerer obseruateur & roide exacteur de la discipline militaire, ne cherchāt pas d'acquérir l'amour des soudards

A dards par leur complaire, quād il auoit charge en un camp, comme plusieurs faisoient en ce temps la, ny ne briguant pas d'auoir une seconde charge par se monstrier doulx & gracieux en la premiere, à ceulx qui estoient deffoubs luy, ains leur monstroient, luy mesme, de poinct en poinct, ce que portoient les ordonnances de la guerre, ne plus ne moins que feroit un presbtre qui declareroit & nōmeroit les cerimonies de quelque saint sacrifice, ou il y auroit danger de faillir d'un seul poinct: & en se montrant austere & terrible à ceulx qui desobeissoient, & qui transgressoient les loix militaires, il maintenoit la chose publique en son entier, estimant que uaincre les ennemis par armes n'estoit qu'un accessoire, par maniere de dire, au pris de bien dresser & aguerrir ses citoiens par bonne discipline. Comme donques les Romains eussent la guerre en Leuant contre le Roy Antiochus, qui fut surnommé le grand, y estans employez tous les principaux capitaines de Rome il leur en sourdit une autre en Occident du costé des Hespagnes, ou il se leua de grands mouuemés, & y fut enuoyé Aemylius Præteur, non point avec six haches, comme auoient les autres Præteurs que lon portoit deuant eulx, mais avec douze, de maniere que soubz le nom de Præteur, il eut autorité & dignité Consulaire: si y desfeit par deux fois les Barbares en bataille rengee, & en tua bien iusques au nombre de trente mille, & feit ce grand exploit par auoir bien & sagement sceu choisir l'auantage du lieu & du temps, pour combattre ses ennemis, ainsi comme ilz passioient une riuere: ce qui facilita grandement la uictoire à ses gens: & d'auantage il y conquist deux cents cinquâtes uilles, qui le receurent uoluntaiement. Et ainsi laissant toute la prouince pacifique, & ayant receu le serment de fidelité qu'elle feit de nouveau entre ses mains, il s'en retourna à Rome sans festre en tout ce uoyage enrichy d'une seule drachme d'argent: car il estoit par tout ailleurs assez peu soigneux de son profit, & si despendoit liberalement sans esparagner son bien, qui n'estoit pas grand, cōme il apparut quād il fut decedé, parce qu'à peine peult il suffire à payer le douaire qui estoit deu à sa femme. En premieres nopces il espousa Papyria fille d'un personnage Consulaire Papyrius Masso, & apres auoir long téps esté avec elle, il la repudia, cōbiē qu'il en eust de tresbeaux enfans: car ce fut elle qui luy porta le tāt renōmé Scipion secōd, & Fabius Maximus. Et quāt à la cause de ce diuorce, la cognoissance n'est point uenue iusques à nous: mais il me semble bien qu'un propos q lon cōpte en matiere de separatiō de mariage est ueritable: c'est à sçauoir q quelquefois un Romain aiāt repudié sa femme, ses amis l'en tēserēt, en luy demādant,

» Que trouues tu à redire en elle? n'est elle pas femme de biē de son corps? n'est elle pas belle? ne porte elle pas de beaux enfans? Et luy estendant son pied, leur mōstra son soulier, & leur respōdit: Ce soulier n'est il pas beau? n'est il pas bien fait? n'est il pas tout neuf? toutefois il n'y a personne de uous qui sache ou il me blece le pied? Car à la uerité les grādes fautes euidēmēt descouuertes, sont biē cause ordinairement de faire aux maris repudier leurs femmes: mais il y a quelquefois de petites hargnes & riottes souuent repetees, procedētes de quelques fascheuses conditiōs, ou de quelque dissimilitude ou incōpatibilité de nature, que les estrangers ne cognoissent pas, lesquelles par successiō de temps engendrent de si grandes alienations de uoluntez entre des personnes, qu'elles ne peuuent plus uiure ny habiter ensemble. Ainsi Aemylius aiant repudié sa premiere femme Papyria, en espousa une autre, qui luy porta deux enfans masles, qu'il retint pour luy en sa maison, & dōna ses deux premiers à adopter

Paulus Aemilius.

en deux tresnobles, tresriches & trespuissantes maisons, l'aîné en celle des F Fabiens qui fut adopté par Fabius Maximus, celuy qui fut par cinq fois Consul, & le puis-né en celle des Cornéliens, & l'adopta le filz du grand Scipion l'Africain, estant son cousin germain, & le nomma Scipion. Quant aux filles, le filz de Cato en espousa l'une, & l'autre Ælius Tubero, qui fut un grand homme de bien, & qui se maintint plus magnaniment en sa pauvreté que nul autre Romain: car ilz estoient seize proches parents tous du nom & de la race des Æliens, qui n'auoient qu'une petite maison en la uille, & une petite possession aux champs dont ilz s'entretenoient, & uiuoient tous ensemble en une mesme maison avec leurs femmes & force petits enfans. Entre lesquelles femmes fut l'une des filles de Paulus Aemilius, apres qu'il eut esté par deux G fois Consul, & qu'il eut triomphé par deux fois, n'ayant point de honte de la pauvreté de son mary, mais aiant en admiration sa uertu, pour laquelle il estoit pauvre: là ou les freres & parents de maintenant, filz ne sont esloignez les uns des autres par distances de climats tous entiers, & qu'il n'y ait des riuieres qui les separent les uns des autres, ou des murailles qui diuisent & bornent leurs heritages, & qu'il n'y ait de grands espaces uuides entre deux, ilz ne cessent d'auoir guerres & proces les uns contre les autres. Ce sont les beaux exemples que l'histoire met deuant les yeux à ceulx qui les ueulent peser & cōsiderer, pour en tirer instruction de bien uiure & se bien gouverner. Au demourant, Aemilius estant eleu Consul, alla faire la guerre aux Lyguriens, qui H habitent le long des Alpes, & que lon appelle autrement Lygustins. Ce sont hommes hardis, courageux & belliqueux, & qui lors estoient bien aguerriz pour la continuation de combattre ordinairement à l'encōtre des Romains, dont ilz estoient uoifins: car ilz tenoient l'extremité de l'Italie, qui ua abboutissant aux grâdes Alpes, & celle renee mesme des Alpes, dōt le pied est baigné de la mer de Thoscane, & qui regarde deuers la coste de l'Afrique, & sont meslez avec les Gaulois & les Hespagnolz, uoifins de celle lisiere de marine, & pour lors escumant toute la mer mediterrane, iusques au destroit des coulōnes d'Hercules, avec petits uaisseaux legers de coursaïres empeschoiēt tout le trafic & entrecours de la marchandise. Aemilius donques les estat allé chercher iusques en leur païs, ilz l'attendirent avec une armee de quarante mille combattans, & neantmoins ne laissa de les charger, encōre qu'il n'en eust pas huit mille en tout, & que eulx fussent presque cinq contre un, & les rompit & chassa iusques dedās leurs uilles, puis leur fait porter paroles d'accord & d'ap- I pointement, pource que les Romains ne uouloient pas de tout poinct exterminer ne destruire celle nation des Lyguriens, à cause qu'elle leur estoit comme un rempart ou un bouleuart contre les mouuemens des Gaulois, qui n'espioient autre chose que le moien & l'occasion d'enuahir l'Italie: parquoy ces Lyguriens se rendirent à luy, & luy meirent entre ses mains leurs places fortes & leurs uaisseaux. Aemilius leur rendit leurs places, sans y faire autre dom- K mage que d'en abbatre les murailles & fortifications: mais il leur osta tous leurs uaisseaux, sans leur en laisser pas un plus grand que des batteaux à trois rames seulement, & deliura tous ceulx qu'ilz auoient pris prisonniers tant par mer que par terre, qui se trouuerent en grand nōbre, tant Romains qu'autres. Ce sont les choses plus dignes de memoire qu'il feit en l'an de son premier Consulat: depuis il monstra par plusieurs fois auoir enuie d'estre derechef Consul, & de faict se presenta une fois à la poursuite, & en aiant esté escōduit

- A** delà en auant ne le demanda plus, ains uauqua seulement aux choses de la religion, & à bien faire instruire ses enfans, non seulement en la discipline Romaine comme luy l'auoit esté, mais aussi diligemment en la Grecque: car il tenoit autour de ses enfans des maistres de Grammaire, de Rhétorique, & de Dialectique, & d'auantage des peintres, des sculpteurs, des mouleurs, des picqueurs de chevaux, & des ueneurs qui leur enseignoient comment il falloit chasser & prendre toutes sortes de bestes: & luy mesme, sil n'auoit autre affaire pour la chose publique qui l'empeschast, estoit tousiours apres tant qu'ilz apprenoient, ou qu'ilz s'exercitoient, car il aimoit ses enfans autant ou plus que nul autre Romain. Or quant aux affaires publiques, les Romains auoient
- B** ia la guerre contre le Roy Perse, & blasmoit on fort les capitaines, qui iusques là y auoient esté enuoyez, de ce que par faulte de suffisance & de hardiesse ilz sy estoient si laschement & si honteusement portez, qu'ilz se faisoient moquer d'eulx, & receuoient plus de dommage qu'ilz n'en faisoient à ce Roy: car peu deuant ilz auoient rengé le Roy Antiochus au dela du mont de Taurus, luy aiant fait quitter tout le demourant de l'Asie, & l'auoient renfermé au dedans des bornes de la Syrie: encore auoit il esté bien aise d'achepter celle paix avec* quinze mille talents, qu'il paya pour l'amede. Et peu deuant auoient aussi vaincu le Roy de Macedoine Philippus en la Thessalie, & auoient deliuré les Grecs de la seruitude des Macedoniens: &, qui plus est, aians desfaict
- C** Hannibal, auquel nul prince ne Roy qui fust au monde, n'estoit comparable ny quant à la puissance, ny quant à la hardiesse, ilz estimoient que ce leur estoit une trop grande honte, que ceste guerre qu'ilz auoient contre Perse durast si longuement de per à per, comme si c'eust esté un aduersaire egal au peuple de Rome, attendu mesmement qu'il ne combattoit contre eulx qu'avec les reliques de la desfaite de son pere seulement, ne sachas pas que Philippus auoit laissé son armee beaucoup plus forte & mieulx aguerrie par la rouverte qu'il auoit receüe, qu'elle ne l'estoit auparauant. Dequoy il ne fera point impertinent que nous escriuions sommairement, en reprenant l'histoire un peu de plus hault. Antigonus celuy des capitaines & successeurs d'Alexandre le grand,
- D** qui eut le plus de puissance, aiant acquis pour luy & pour les siens le tiltre de Roy, eut un filz nommé Demetrius, duquel nasquit un second Antigonus, qui fut surnommé Gonatas, & eut un filz qui fut aussi nommé Demetrius, lequel ne regna pas long temps, ains mourut laissant un filz appelé Philippus en fort bas aage: à l'occasion dequoy les princes & seigneurs de la Macedoine, craignas que le royaume ne demourast sans chef, auancerent un Antigonus, qui estoit cousin du Roy dernier mort, & luy feirent espouser la mere du petit Philippus, en luy donnant du commencement le nom de tuteur du Roy & de capitaine general tant seulement: mais depuis l'ayant trouué bon prince & sage, & utile aux affaires du royaume, ilz luy donnerent absoluement le nom de Roy, & fut surnommé Doson, c'est à dire, qui donnera, pource qu'il promettoit assez, & donnoit peu. Apres luy regna Philippus, lequel en sa premiere ieunesse donna plus grande esperance de soy que nul autre des Roys: de maniere que lon estimoit qu'il seroit pour remettre un iour la Macedoine en sa gloire ancienne, & que luy seul seroit pour reprimer la puissance des Romains qui se leuoit contre tout le monde: mais aiant esté rompu en une grosse bataille par Titus Quintius Flaminius, pres la uille de Scotuse, pour lors il plia sous le ioug, & se remeit de toutes choses à la mercy des Romains: & pen-

* Ce sont
enuiró neuf
milliós d'or.

sa en estre eschappé à bon marché, pour quelque legere amende. que les Ro- F
 mains luy feirent payer; mais depuis il sen mescontenta fort, estimant que
 regner par la mercy des Romains estoit à faire à un esclauie cherchant de ui-
 ure en delices à son aise, non pas à un prince uailant & magnanime: au moie
 de quoy il tourna tout son entendement, & employa toute son estude à la
 guerre, faisant ses preparatifs le plus secrettement & le plus finement qu'il luy
 estoit possible. Car il laissoit les uilles qui estoient le long de la marine & sur
 les grands chemins, sans y fortifier chose quelcōque & à demy desertes & de-
 peuples, à fin que lon n'eust point d'occasion de se doubter & desfier de luy,
 & ce pendāt es haultes contrees de son royaume arriere des chemins passans,
 il assembloit force gens de guerre, & emplissoit les uilles & places fortes, qui G
 estoient à l'escart, d'arnies, d'argent & de bons combattans, se prouoyant &
 preparant pour la guerre, laquelle il tenoit couuerre & cachee le plus qu'il
 pouuoit: car il auoit en reserve prouision de harnois pour armer trente mille
 combattans, & bien huit millions de mines de blé retiré & serré dedans les
 fortes places, & d'argent comptant ce qu'il en falloit pour entretenir, l'espace
 de dix ans durant, dix mille estrangers pour defendre le plat pais: mais auant
 qu'il peust executer & mettre en effect ce qu'il auoit proietté de faire, il mou-
 rut de douleur & de regret, apres auoir cogneu qu'il auoit iniustement fait
 mourir le meilleur de ses enfans, Demetrius, par la calumnie & faulse accu- H
 sation du pire, qui estoit Perfes, lequel succedant à son pere au royaume, luy
 succeda aussi en la haine qu'il auoit à l'encontre des Romains: mais il n'auoit
 pas espaules pour soustenir un si pesant fardeau, mesmement estant de si uile,
 si lasche & si meschante nature, comme il estoit: car entre plusieurs autres ui-
 ces & mauuaises conditions qu'il auoit, il estoit extremement auaricieux: &
 si dit on qu'il n'estoit pas legitime, par ce que la femme de Philippus l'auoit
 pris d'une cousturiere natifue d'Argos, laquelle sappelloit Gnathainia, incō-
 tinēt qu'il fut né, & se l'auoit supposé: & tient on que ce fut la principale cau-
 se, pour laquelle il chercha les moies de faire mourir Demetrius craignāt que
 le filz legitime ne fust occasion de faire rechercher & auer sa bastardise: tou- I
 refois quelque lasche, qu'il fust & de uile & basse nature, il trouua les forces de
 son royaume si grandes qu'il se laissa aller à entreprendre la guerre contre les
 Romains, laquelle il sousteint assez longuement, & fait teste à des capitaines
 Consulaires, & repoulsa de grosses armees tant par mer que par terre, & si en
 battit aucuns, comme entre autres Publius Licinius, lequel estant entré le pre-
 mier dedans la Macedoine, il rompit en une rencōtre de gens de cheual, ou il
 luy tua deux mille cinq cents bons homes, & en prit six cents prisonniers, &
 estāt l'armee de mer à l'ancre deuāt la uille de Oree, il leur alla faire une char-
 geau desprouueu, ou il prit uingt grosses nauires de charge, avec tout ce qui
 estoit dedans, & meit les autres à fond qui estoient chargees de bledz: & si prit
 d'auantage cinquante & quatre que fustes que galiotes de cinquantes rames. K
 Le second des capitaines Consulaires ausquelz il combattit, fut Hostilius, le-
 quel il repoulsa, ainsi comme il essayoit d'entrer à force ouuerte dedās la Ma-
 cedoine par le pas de la uille de Elymie: & une autrefois qu'il y estoit entré à
 la derobee par le costé de la Theffalie, il luy alla presenter la bataille, q̄ l'autre
 n'ouza accepter. Et comme si ceste guerre luy eust donné peu d'affaire, & qu'il
 se fust peu soucié des Romains, encore fit il ce pendant un uoyage contre les
 Dardaniens, ou il desfeit & meit en piēces dix mille des Barbares, & en amena
 tresgrande

A tresgrande quantité de butin. Qui plus est, il sollicitoit une nation Gauloise habitante le long de la riuiere de la Danoue, que lon nomme les Bastarnes, hommes belliqueux & bons combattans à cheual, & semblablement aussi pratiquoit les Esclauons par le moien de leur Roy Gentius, pour les faire entrer avec luy en ceste guerre, de sorte qu'il courut un bruit qu'il auoit tant fait par argêt enuers ces Barbares, qu'ilz deuoient descendre en Italie par le hault de la Gaule, tout le lóg de la mer Adriatique. Parquoy les Romains entendás toutes ces nouuelles, penserent qu'il n'estoit plus temps de s'amuser à donner les charges de la guerre par grace & par faneur, à ceulx qui les briguoiét, ains au contraire qu'il falloit que eulx mesmes y appellassent quelque hómie d'honneur, bon capitaine & sage, qui sceust comme il falloit gouuerner & manier de grandes choses, comme estoit Paulus Aemilius, lequel estoit ia fort auant en son aage: car il auoit soixante ans: mais il estoit encore homme uigoureux & robuste, fortifié de gédres & d'enfans ieunes & dispos, & de grand nombre de parents & d'amis tous gens d'autorité, lesquelz tous ensemble d'une uoix luy conseillèrent qu'il obeist au peuple qui l'appelloit au Consulat. Il est uray que du commencement il feit un peu le long enuers le peuple qui l'en sollicitoit, & destournoit l'instance & remonstrance qu'on luy en faisoit, disant que ce n'estoit plus à luy à desirer ny accepter telles charges: mais à la fin uoiát que la commune uenoit tous les iours à sa porte, le semondre à haultes uoix qu'il sen ueint sur place, & qu'ilz crioient à l'encontre de luy de ce qu'il l'alloit refusant, il se laissa persuader. Et se tant móstré entre ceulx qui poursuyuoiet le Consulat, il fut incontinent aduis au peuple qu'il ne se presentoit pas tant pour accepter ce magistrat, côme il leur apportoit la uictoire toute certaine, & assurance d'heureuse issue de ceste guerre, tant il fut uoluntiers ueu de ses citoiens, & avec bonne esperance eleu Cósul pour la secóde fois. Parquoy si tost qu'il eut esté eleu, ilz ne uoulurent pas que lon tirast au sort suyuant la coustume, auquel des deux Consulz escherroit la prouince de la Macedoine, ains luy decernerent incontinent par leurs suffrages la charge entiere de toute la guerre Macedonique, & aiant ainsi esté eleu Consul & député pour aller faire la guerre au Roy Perses, il fut honorablement accompagné & conuoyé par tout le peuple Romain iusques en sa maison: ou il trouua une sienne petite fille nommee Tertia, estant encore en sa premiere enfance, qui estoit toute esplorée, si luy demanda, en la caressant, ce qu'elle auoit à plorer. Elle luy respondit, en l'accollát & le baisant, Ne sçavez uous pas, mon pere, que nostre Perses est mort: ce qu'elle entendoit d'un petit chien ainsi appelé, qui auoit esté nourry avec elle. A la bonne heure, ma fille, luy repliqua adóc Aemilius, i'accepte le presage. ainsi le recite l'orateur Ciceron au liure qu'il a escrit de la diuination. Or estoit-ce lors la coustume de ceulx qui estoient eleus Consulz, apres que lon les auoit declarez telz, de faire une harengue au peuple, pour le remercier de la grace & de l'hóneur qu'il leur auoit fait: suiúat laquelle usance festant le peuple Romain assemblé pour escouter Aemilius, il leur dit qu'il auoit demádé son premier Consulat pour l'amour & le regard de soy mesme, aiant eu lors besoing de tel honneur: mais qu'il festoit présenté au secód pour l'amour d'eulx qui auoient besoing d'un capitaine, au moien de quoy il ne sen sentoit point obligé ny tenu à eulx: & que silz pensoient que ceste guerre se peust mieulx conduire par un autre que par luy, uoluntiers il luy en cedoit & quittoit des lors toute la charge: & aussi silz auoient telle fiáce de luy, qu'il

Paulus Aemilius.

fust bien pour la faire, qu'ilz ne se messassent doncques point de parler ny F
d'entreprendre chose quelconque qui appartaint à l'office & au deuoir du
capitaine, ains seulement s'empeschassent de faire sans mot dire ce qui leur
feroit ordonné de sa part, & qui feroit besoing pour la conduite de ceste
guerre, pource que si chascun se uouloit encore messer de commander, com-
me lon auoit fait au parauant, à ceulx qui doiuent & à qui il appartient de
commander, ilz se feroient encore moquer d'eulx plus que iamais, en la
conduitte de leurs affaires. Ces paroles feirent que les Romains luy rendi-
rent grande obeissance, & conceurent bonne esperance de l'aduenir, estans
tous bien aises d'auoir esconduit ceulx qui par ambitieuses flatteries aspi-
roient à ceste charge, & d'y auoir commis un personnage qui eust cuer de G
leur dire franchement & librement leur uerité. Voila comment le peuple Ro-
main par se rendre subiect à la raison & à la uertu, ueint à commander aux au-
tres, & à se faire le plus grand & le plus puissant de tout le mode. Or que Pau-
lus Aemilius partant pour aller à ceste guerre, ait eu le uent à gré, & qu'il ait
aiseement fait le uoyage, ie l'attribue bien à la faueur de fortune, laquelle luy
fait ceste grace qu'il arriua si promptement & si seurement en son camp: mais
au demourant des exploits qu'il feit en toute ceste guerre, en uoiant une par-
tie faitte par la promptitude de sa hardiesse, une autre par son bon sens & bon
conseil, une autre par le deuoir que feirent ses amis qui le seruirent de grande
affection, & une autre par sa constance resoluë & asseuree au plus fort du pe- H
ril, & par auoir sceu prendre & choisir le party qu'il falloit sur le faict, ie n'en
puis attribuer aucun acte insigne ny notable à celle siene bonne fortune, de
laquelle on parle tant, comme lon peut faire es faicts d'aucuns autres capitai-
nes: si d'aduenture lon ne ueult dire, que l'auarice de Perfes ait esté la bonne
fortune de Aemilius, car pour crainte de despandre de l'argent, elle fut causé
de ruiner totalemēt les affaires de Macedoine qui estoient en tresbōs termes,
& en bien grande esperance de prosperer. Car il estoit descendu à sa requeste
en la Macedoine dix mille Bastarnes combattans à cheual, & autres dix mille
qui les coustoient tousiours es batailles à pied, tous gens uiuans de la soude
& de la guerre, comme ceulx qui ne sçauoient ny labourer la terre, ny traffi- I
quer sur mer, ny nourrir du bestail pour uiure, ny brief exercer autre mestier,
ny marchandise, que faire la guerre, combattre & uaincre ceulx qui se presen-
toient en bataille deuant eulx: qui plus est, s'estans uenus camper & loger en
la Mydonie pres des Macedoniens, qui les uoioient ainsi beaux & grands hō-
mes, & si bien exercitez & appris à manier toutes sortes d'armes, si braues & si
audacieux en paroles & menasses contre les ennemis, cela leur auoit donné
grand cuer: de sorte qu'ilz se tenoient tout asseurez, que les Romains ne les
attendroient iamais, ains s'estonneroient à les regarder aux uisages, & à ueoir
seulement leur demarche, tant elle estoit terrible & espouuentable: mais Per-
fes, apres auoir ainsi asseuré les cueurs de ses gens, & les auoir emplis de telle K
esperance, quand ce uint que les Barbares luy demâderent mille escus cōptans
pour chasque capitaine * il fut si esblouy & si troublé de son entéde-
ment quand il uint à compter la somme à quoy cela montoit, par son auarice
& sa chicheté, qu'il renuoya ce réfort des Barbares, & refusa leur seruice, cōme
fil eust uoulu mesnager & espargner pour les Romains, & non pas leur faire
la guerre à toute oultrance: & comme fil eust deu rendre compte à toute ri-
gueur de l'argent qu'il despédroit en ceste guerre à ceulx, à qui il la faisoit, cō-
bien

* Il defaut
en ce lieu
quelque
chose.

A bien qu'eulx mesmes luy enseignassent ce qu'il deuoit faire, attendu qu'oultre tout le reste de leur equippage & appareil de guerre, ilz n'auoient pas moins de cent mille personnes toutes assemblees & prestes à faire ce qui seroit de besoing: & luy entreprenant de resister à une si grosse puissance, & de soustenir une guerre, pour laquelle ses ennemis faisoient une si extraordinaire despen-
 se, d'entretenir tant de gens plus qu'il n'estoit necessaire, alloit dramant son or & son argent & le tenant seurement enfermé, comme s'il eust eu peur d'y toucher, & qu'il n'eust pas esté sien, & le faisoit luy qui n'estoit point extraict de ces Roys de Lydie & de Phœnicce, qui se glorifioient pour auoir de grands tresors, ains qui par communication & successiō de sang, se disoit tenir quel-
 B que chose de la uertu de Philippus & d'Alexandre, lesquelz pour auoir estimé que les uictoires se deuoient achepter avec l'argent, & non pas l'argent par les uictoires, sont uenus au dessus de toutes leurs entreprises, & ont battu tout le monde. Et c'est pourquoy lon disoit que ce n'estoit pas Philippus, mais son or & son argent qui prenoit les uilles de la Grece: & Alexandre uoulant aller à la conqueste des Indes, & uoiant que les Macedoniens trainnoiet apres eulx l'auoir & l'opulence Persienne, qui rendoit son cāp lourd & pesant, il fut le premier qui meit le feu au chariage royal, ou lon trainnoit son bagage, & suada aux autres d'en faire autant, à fin qu'ilz allassent plus legers & plus deliures à ce uoyage. Mais au contraire Perses ne uoulut pas, pour sauuer sa propre per-
 C sonne, ses enfans & son royaume, despendre un peu de sa cheuance, ains aima mieulx estre mené prisonnier en triumphe avec grande finance, pour mōstrer aux Romains combien il leur auoit espargné. Car non seulement il renuoya les Gaulois sans les prendre à sa soude ainsi qu'il leur auoit promis: mais, qui plus est, aiant induit Genthius le Roy d'Esclauonie à entrer avec luy en ceste guerre, moienant la somme de * trois cents talents qu'il luy promettoit four-
 nir: il presenta bien l'argēt à compter & ensacher à ceulx que Gēthius enuoia pour le receuoir. Au moien dequoy Gēthius cuidant ia tenir ce qu'il auoit demandé, commeit un cas meschant & malheureux: car il arresta & feit mettre en prison aux fers, des ambassadeurs que les Romains luy enuoierēt: ce qu'en-
 D tendant Perses, pensa qu'il n'estoit plus besoin de luy bailler argent pour le rendre ennemy des Romains, attendu que luy mesme le premier luy auoit baillé telles arres de leur estre en nemy, qu'il ne s'en pouuoit plus retirer ne repentir, & s'estoit luy mesme ietté en guerre toute certaine par celle meschanceté: & ainsi defrauda le malheureux, & le frustra des trois cents talents qu'il luy auoit promis: &, qui pis est, peu de temps apres le laissa prédre & enleuer, luy, sa femme & ses enfans, hors de son royaume, cōme de son nid, par Lucius Anicius Præteur Romain, qui y fut enuoïé avec une armee. Estant donques
 Aemylius arriué en Macedoine pour faire la guerre à un tel ennemy, il le mes-
 E prisa bien quāt à sa personne, mais il feit cas de son appareil, & des forces qu'il auoit: car il auoit dedās un camp quatre mille hommes de cheual, & de pied non gueres moins de quarante mille, avec toute laquelle puissance il s'estoit planté le long de la marine au pied du mont Olympe, en lieu dont on ne pouuoit nullement approcher, tant il en auoit bien remparé & fortifié toutes les aduenues, avec clostures & fortifications de bois, tellement qu'il y pensoit estre en toute seuriété, & y esperoit miner Aemylius, & le consumer par longueur de temps & grandeur de despen-
 se. Ce pēdant Aemylius ne chommoit pas de son entendement, & ne laissoit à tenter & essayer expedient quelcōque

* Cent quatre
 uingts mille
 escus.

Paulus Aemylius.

pour tascher à faire quelque chose : mais uoiant que ses soudards, pour la dis- F
soluë licence, en laquelle on les auoit laissé uiure par le passé, se faschoient de
tant attendre, & entreprenoient sur l'office du capitaine general, fingerans de
dire, que lon deuroit faire telle & telle chose que lon ne faisoit pas, il les en
reprit bien aigrement, & leur defendit de ne s'entremettre plus curieusement
des choses qui ne leur appartenoint point, & qu'ilz ne se souciaissent d'autre
chose, sinon de se tenir prests, & leurs armes bien en point, pour uaillammét
en seruir, & user de l'espee à la Romaine, quand leur capitaine leur en donne-
roit le temps & le moien: & pour les rendre plus uigilans, il uolunt que ceulx
qui seroient du guet y allassent sans armes de long bois, à fin qu'ilz en fussent
plus soigneux & plus ententifs à resister au sommeil, quand ilz n'auroient de- G
quoy repoulsier de loing l'ennemy sil les uenoit assaillir. Or ce qui plus tra-
uailloit son armee, c'estoit la faulte d'eau douce, pource qu'il en sourdoit bié
peu & de bien mauuaise au long du riuage de la mer. Mais Aemylius confide-
rant qu'ilz estoient au pied du mont Olympe, qui est grand & hault, & tout
couuert de bois, il coniectura à ueoir les arbres si frais & si uerds, qu'il deuoit
auoir au dedans quelques sources d'eaux uifues, qui courroient par dessoubz
la terre. Si feit ouurir & cauer plusieurs trous & plusieurs puis au lōg de la mō-
tagne, lesquelz furent incontinent tous réplis d'eau pure & nette, qui parauāt
estant retenue & serree, coula si tost qu'elle eut des conduits ouuerts & lieux
uuides ou samasser. Et toutefois il y en a q nient qu'il y ait au dedans de la ter- H
re des amas d'eaux assemblees es endroits dōt les fontaines sourdent, & disent
que la saillie qu'elles font hors des ueines de la terre, n'est point par une ma-
niere de descouuerture ny de uiolente eruption d'eau, estāt ia de longue main
toute assemblee, ains qu'elle s'engendre & se cōcree au lieu & à l'heure mesme
qu'elle coule, se tournant la matiere en eau, & en est la matiere une uapeur hu-
mide, laquelle s'espeffit & se refroidit par la froideur du dedās de la terre, tant
qu'elle en deuient fluide, & coule cōtre bas: ne plus ne moins, disent ilz, que les
mamellēs des femmes ne sont pas pleines de laiēt tout prest, comme seroient
des uases ou lon en auroit mis en reserve, ains conuertissent dedans soy mes- I
mes la nourriture que prennent les femmes, en laiēt, que puis apres elles redent
par les bouts: aussi les fonteniers & lieux frais de la terre, dont sourdēt les fon-
teines n'ont pas des amas d'eaux cachees, ny des receptacles & concaitez si
capables qu'elles puissent fournir d'eaux toutes prestes, comme qui les tireroit
d'une conserue, à tant de gros ruisseaux & tant de profondes riuieres: mais par
leur naturelle froideur & moiteur, ilz espeffissent & espraignent la uapeur &
l'air si fort, qu'ilz la cōuertissent en eau. Voila pourquoy les lieux ou lon caue
& ou lon ouure la terre, rendent & iettent plus d'eau par cest attouchemēt, ne
plus ne moins que les mamelles des femmes rendent plus de laiēt quand plus
elles sont tirees & tettees, par ce qu'ilz paistrissent miculx, par maniere de dire,
la uapeur qui est dedās, de sorte qu'ilz la conuertissent en humeur coulante: là K
ou, au contraire, les endroits de terre, ou lon ne fouille point, à faulte d'estre
debouchez & remuez, demeurent inhabiles, & non idoines à engendrer eau,
n'aians pas celle agitation & ce recoulement, qui est cause de procreer la li-
queur. Toutefois ceulx qui tiennent ceste opinion, donnēt occasion à ceulx qui
aiment les disputes, de leur opposer au contraire, qu'il faudroit donques sem-
blablement dire, que es corps des animaux il n'y ait point de sang fait de lon-
gue main, & qu'il s'engendre tout soudain quand ilz sont blecez, par la trans-
mutation

A mutation de quelque esprit, ou de quelque chair qui se tourne promptement en liqueur coulante: & d'auantage ilz sont refutez par l'experience ordinaire de ceulx qui fouillent es mines des metaulx, ou qui minent soubs terre pour prendre des places fortes, lesquelz quād ilz ont caué bien profond, rencontrēt souuentefois es entrailles de la terre des riuieres courantes, l'eau desquelles ne s'engēdre pas petit à petit cōme il faudroit qu'elle feist, sil estoit uray q par la presente ouuerture de la terre l'humeur se cōcreast, ains se desbonde tout à un coup, & ueoit on bien souuent qu'en coupant une montaigne ou fendāt une roche, il en sort tout soudain une grande quantité d'eau. Mais à tant est-ce assez parlé de ceste matiere: & pour retourner à nostre hystoire, Aemylius fut

B quelques iours là sans bouger, & dit on que lon ne ueit iamais deux si grosses armees si pres l'une de l'autre en si grand repos: toutefois à la fin en recherchāt & essayant toutes choses, il fut aduertty qu'il y auoit encore une entree pour penetrer au dedans de la Macedoine, par la contree de la Perræbie, à l'endroit du temple nōmé Pythion, & du roc sur lequel il est fondé, ou il n'y auoit point de gardes, aiant plus d'esperance d'y pouuoir passer, par ce que le pas n'estoit point gardé, que de desfiace pour l'aspreté & malaisance du chemin: si proposa la matiere au cōseil, là ou Scipion surnommé Nasica gendre du grand Scipion l'Africain, qui depuis fut un grād personnage, & eut la premiere & principale autorité au Senat, fut le premier qui se presenta & offrit pour cōduire

C ceulx que lon uoudroit enuoyer faire le tour & assaillir les ennemis par derriere: le second fut Fabius Maximus, le filz aîné de Aemylius, qui estoit encore bien ieune, & neantmoins se leua & presenta fort affectueusemēt, dont Aemylius fut bien ioyeux, & leur bailla non tant de gens comme Polybius en met, ains autant que Nasica luy mesme dit en une siene missiue qu'il escript à un Roy, ou il recite toute l'hystoire de cest exploit. Il y auoit trois mille Italiens des peuples alliez de l'Italie qui n'estoient point des legions Romaines, * & en la pointe fenestre enuiron cinq mille combattans, entre lesquelz Nasica prit encore six uingts hommes d'armes, & enuiron deux cents Candiots & Thraciens meslez ensemble, de ceulx que Harpalus auoit enuoyez, avec lequel

D nombre de gens Nasica se partit du camp, & prit son chemin deuers la marine & sen alla logger au temple de Hercules, cōme sil eust deliberé de faire le tour par la mer pour aller enuironner le camp des ennemis par derriere: mais quād les soudards eurent souppé, & qu'il fut nuict toute noire, il descouurit aux particuliers capitaines des bendes la uerité de son entreprise, & les mena toute la nuict au contraire du chemin de la marine, tant qu'il arriua au deffoubs du temple de Pythion, là ou il se logea pour reposer ses gens qui estoient trauaillez du chemin. En cest endroit la le mont Olympea de haulteur plus de dix stades, qui font demie lieuë & demy quart, ainsi qu'il appert par un escriteau qu'y a mis celuy qui l'a mesuré en ces uers,

E Le mont Olympe à l'endroit ou l'eglise
 De Pythius Apollo est assise,
 A de haulteur à droit plomb mesuree
 I usques au bout de sa cyme aeree
 Depuis le rez de la plaine d'à bas,
 M ille deux cents & soixante dix pas, *
 C omme iadis Xenagoras trouua
 F ilz d'Eumelus, & icy l'engraua,

* Dix stades & la longueur d'un arpent de terre moins quatre pieds.

Paulus Aemilius.

Prenant congé Sire Apollo de toy,
Et te priant le preseruer d'esmoy.

F

Toutefois les Geometriens tienent, qu'il n'y a ny montagne plus haulte, ny mer plus profonde, que la longueur de dix stades: si est-ce que cestuy Xenagoras, à mon aduis, ne prit pas ceste mesure à la uolee, ny par estime seulement, ains selon les regles de l'art, & avec les instrumens de Geometrie. Nafica donc que passa la nuit en cest endroit là: & ce pendât le Roy Perles uoiât qu'Aemilius ne se remuoit point du lieu ou il estoit, ne se doubtoit point aussi de la uenue qu'on luy brassoit, iusques à ce qu'il y eut un traistre Candiot, qui se dero-
bant de la troupe par le chemin, luy alla descouurir le tour & circuit que faisoient les Romains, dôt il se trouua fort estonné: & toutefois ne remua point
encore son camp de là ou il estoit, ains depescha seulement un de ses capitaines nommé Milon avec dix mille estrangers & deux mille Macedoniens, luy enioignant tresexpressément de faire la plus extreme diligence qu'il luy seroit possible, pour saisir le premier le hault de la montagne. Si dit Polybius que les Romains les allerent charger, qu'ilz dormoiēt encore: mais Nafica escrit qu'il y eut une fort aspre & douteuse rencontre à la cyme de la montagne, & dit notammēt qu'un soudard Thracien s'adressa à luy, auquel il donna un coup de iaueline dedans l'estomac, dont il le porta mort par terre, & que finablement les ennemis estans forcez, & le capitaine mesme Milon f'estant honteusement mis à fouir en sayon sans armes, il le suyuit sans plus de danger, & descendit
avec toute sa troupe en la plaine à sauueté. Cela estant ainsi aduenü, Perles se delogea à grand haste du lieu ou il estoit, & se retira arriere tout effroyé uoiât son esperance confuse, & ne sachant ou il en estoit: toutefois si falloit il necessairement, ou qu'il farrestast là deuant la uille de Pydne, pour y prendre le hazard de la bataille, ou bien qu'il departist son armee par les uilles & fortes places, en receuant la guerre dedans son païs, laquelle y estant une fois entree n'en pouuoit plus sortir sans grand meurtre & grande effusion de sang: à l'occasion dequoy ses amis luy conseilloyent, qu'il choisist plus tost le hazard de la bataille, en luy alleguāt qu'il estoit plus fort de nombre d'hommes, & que les Macedoniens s'esuertueroient de faire tout l'effort qu'ilz pourroient, attē-
du qu'ilz auroient à combattre pour sauuer leurs femmes & leurs enfans, & qu'ilz auroient leur Roy present, & uoyant le deuoir que chascun d'eulx feroit, & combattant luy mesme en personne pour eulx. Le Roy meu de ces remonstrances, se resolut & prepara pour essayer la fortune du combat, si planta son camp, considera l'affiette des lieux à l'environ, & departit les charges entre ses capitaines, en deliberation d'aller tout chaudement charger les ennemis ainsi qu'ilz arriueroient. Or estoit le lieu & le païs tel, qu'il y auoit de la plaine pour y dresser un bataillon de gés de pied armez, qui demande la campagne rase & unie: & si y auoit des mottes & coustaux tenans les uns aux autres, qui estoient propres pour gens de traiçts, nuds, ou armez à la legere, pour
se retirer quand ilz se sentiroiēt pressez, & pour aller environner à couuert les ennemis par derriere: & si y auoit deux petites riuieres, Aeson & Leucus, qui courroient à trauers: lesquelles, encore que pour lors elles ne fussent pas gueres profondes, à cause que c'estoit sur la fin de l'esté, estoient neantmoins pour donner encore quelque empeschement aux Romains. Et quant à Aemilius, si tost qu'il se fut reioint avec Nafica, il tira droit marchant en bataille contre ses ennemis: mais il apperceut de loing la bonne ordonnance de
leur

- A** leur bataille, & le grand nombre des combattans qu'il y auoit. Il sen émerueillâ, & feit arrester son armee tout court, pensant un petit en soy mesme à ce qu'il auoit à faire: & adonc les ieunes hommes aians charge sous luy, desirans que lon combattist uistement, sen uindrent deuers luy le prier qu'il ne dilayast point: mesme Nasica, entre autres, se confiant en la prosperité qu'il auoit eue à la premiere rencôtre. Aemylius luy respondit en riant, le le feroie ainsi si i'estoie en ton aage: mais plusieurs uictoires que i'ay gaignees par le passé, m'aian enseigné les fautes que commettent les uaincus, me defendent d'aller ainsi chaudement sans reposer mes gens, qui ne font qu'arriuer, assaillir une armee toute regee & ordonnee en bataille. Aiant fait ceste response, il commanda que les premieres bendes, qui estoient ia en ueuë des ennemis, se regeassent en bataille, monstrans à l'ennemy contenance de uouloir combattre: & que ce pendant ceulx qui estoient derriere se logeassent, & fortifiassent le camp. Ainsi se retournâs tousiours de main en main ceulx qui estoient les plus prochains des derniers, les uns apres les autres, on ne se donna garde qu'il eut peu à peu desfait sa bataille, & logé tous ses gens dedans son camp fortifié, sans bruit ny tumulte quelconque, & sans que les ennemis sen apperceussent. Mais la nuit uenue, quand chascun eut souppé, ainsi que lon se uouloit mettre à dormir & reposer, la Lune qui estoit au plein, & desia haulte esleuee, se cōmencea à obscurcir & noircir, & à chāger de toutes sortes de couleurs en perdāt sa lumiere, iusques à ce qu'elle disparut & eclipsa entierement.
- C** Si commencerent adonc les Romains à faire bruire des bassins & autres uaisseaux de cuyure, comme est leur facon de faire en tel accident, cuidans par ce son la rappeler, & faire reuenir sa lumiere, en haultant quand & quand uers le ciel force flambeaux ardents, & force tisons de feu. Mais les Macedoniens au contraire ne firent rien de semblable dedans leur camp, ains furēt tous espris d'une frayeur & horreur: & courut incontinent un bruit sourd parmy le peuple, que ce signe celeste signifioit l'Eclipse du Roy. Quant à Aemylius, encore qu'il ne fust pas du tout ignorant des differences des eclipses, & qu'il eust bien ouy dire qu'elles se font par ce que la Lune, en faisant son cours ordinaire à l'entour du monde, apres certaines reuolutiōs de temps uiēt à entrer en l'ombre du rōd de la terre, dedās laquelle elle demeure cachee, iusques à ce qu'aiāt passé la regiō obscurcie par ceste ombre, elle uiēt à recouurer sa clarté, qu'elle prent du Soleil: ce neantmoins estant homme religieux & deuot enuers les Dieux, si tost qu'il apperceut la Lune retournee en sa clarté pure & nette premiere, il luy sacrifia onze ueaux, & le lendemain au poinct du iour faisant sacrifice de bœufs à Hercules, il ne peut onques auoir en uingt bœufs qu'il immola, signes aucūs qui luy promeissent riē de bon: mais au uingt & unieme il en eut qui luy promeirent la uictoire, en defendāt. Parquoy apres auoir uoué un solēnel sacrifice de cent bœufs à Hercules, avec des ieux de cōbats publiqs,
- E** il ordonna à ses capitaines qu'ilz teinssent leurs gēs tous prests en ordre pour combattre: & alloit ainsi gaignant le temps pour attendre que le Soleil declinast apres midy, à fin que les Romains, qui estoient tournez uers l'Orient, ne l'eussent, en combattāt, au uisage. Ce pendant il se reposoit dedans sa tente, laquelle estoit toute arriere ouuerte du costé qui regardoit en la plaine, ou estoit le camp des ennemis. Quand ce uint sur le soir, pour faire que les ennemis commēcassent à assaillir, les uns disent qu'il usa d'une telle ruse: qu'il feit chasser uers eulx un cheual debridé, & qu'il y eut quelques uns des Romains

Paulus Aemilius.

qui coururent apres, comme pour le reprendre, & que cela fut cause d'attacher l'escarmouche: les autres disent, que les foudards Thraciens estans soubz la charge du capitaine Alexandre, chargerēt quelques fourrageurs des Romains qui portoient du fourrage au camp, duquel il sortit enuiron sept cents Lygu-riens qui coururent uistement à la rescouffe, & que suruenant tousiours ren-fort aux uns & aux autres, finalement la bataille entiere s'en ensuiuit. Par-quoy Aemilius, comme sage pilote, preuoiant par l'esbranlement de ceste es-carmouche, & l'emeute des deux camps, quelle seroit la tourmente de la bat-taille, sortit adonc hors de sa tente, & passant au long des bandes les alloit en-hortant & preschant de bien faire leur deuoir. Ce pendant Nasica picquant iusques au lieu ou se faisoit l'escarmouche, apperceut l'armee des ennemis marchans en bataille tous prests à chocquer. Les premiers qui marchoi-ent, estoient les Thraciens, qui luy semblerēt, à ce qu'il escrit luy mesme, fort effroya-bles à ueoir, car c'estoient de grands & puissans hommes, qui portoient de-uant eulx des escus de fer bien fourby & luisant, les iambes armees de greues, & de cuissots, uestus de hocquetons noirs, & branlās sur leurs espaules droi-tes des pesantes & massiues halebardes. A coste de ces Thraciens marchoi-ent puis apres les autres estrangers prenans soude du Roy, accoustrez & armez diuersement, pource que c'estoient gens ramassez de toutes pieces, & parmy eulx y auoit des Pæoniens meslez. Le troisieme squadron estoit des naturelz Macedoniens, tous hommes choisis, tant en fleur d'aage qu'en preue de har-diesse, armez de beaux harnois dorez, & par dessus de beaux hocquetons de pourpre tous neufs: au dos desquelz uenoient puis apres à se monstrier hors du camp, les uieilles bandes aux escus de cuyure, qui remplirent toute la plai-ne d'un esclair d'acier & d'une lueur de cuyure. Et quand & quand toutes les montagnes & les coustaux d'alentour retentirent du bruit & de la clameur de tant de combattans, qui s'entredonnoient courage les uns aux autres: & en ceste ordonnance marcherent si fierement, de si grande ardeur, & avec telle uistesse, que les premiers qui furent tuez en la rencontre, tumberent morts à demy quart de lieuë seulement du camp des Romains. Estant donques ia la charge & meslee commencee, Aemilius, qui accourut au front de sa bataille, trouua que les capitaines Macedoniens qui estoient aux premiers rens, auoient ia planté les fers de leurs picques dedans les targes & pauois des Romains, de maniere q̄ les Romains ne les pouuoient atteindre avec leurs espees: & apper-ceut aussi, que les autres Macedoniens quād & quand aianstiré deuant eulx leurs boucliers qu'ilz portoient derriere sur leurs espaules, baissèrent sem-blablement les picques tous à un coup, & en donnerent dedans les grandes targes des Romains, & considerāt de quelle force estoit celle haye de pauois rengez de si pres qu'ilz se touchoient les uns les autres, & l'horreur que faisoit à ueoir un front de bataille dont il sortoit tant de fers de piques & si drues, il s'en trouua plus estonné & plus effroyé que de chose qu'il eust onques ueüe: ce que depuis il racompta par plusieurs fois & en plusieurs lieux, confessant la frayeur qu'il en auoit eüe, & ce qu'il y auoit ueu: mais toutefois il la sceut biē dissimuler à l'heure: & passant au lōg des compagnies à cheual, sans corps de cuyrassē ny armet en teste, mōstra une chere gaye & deliberee à ceulx qui cō-battoient. Mais au contraire le Roy de Macedoine, ainsi qu'escrit Polybius, aussi tost que la bataille fut commēcee se retira dedās la uille de Pydne, soubz couleur de s'en aller faire un sacrifice à Hercules: lequel n'a point agreables les

A les lasches sacrifices des couards, ny n'exaulce point leurs prières, attendu qu'elles sont desraisonnables: car il n'est point raisonnable, que celuy qui ne tire point attaigne au blanc, ne que celuy qui ne demeure point ferme en bataille emporte la uictoire, ny que celuy qui ne fait rien ait du bien, ny que le meschant soit heureux & prospere. C'estoit aux prieres d'Aemylius que les Dieux fauorisoient, pource qu'il leur demandoit la uictoire en tenant les armes au poing, & en combattant les inuoquoit à son secours. Toutefois il y a un Posidonius qui se dit auoir esté de ce temps là, & qui plus est, festre trouué sur le faict, & a'escriit une histoire contenât plusieurs liures des faicts & gestes du Roy Perse, là ou il dit q ce ne fut pas par lascheté de cueur, ny soubz couleur d'aller sacrifier à Hercules, que Perse s'en alla de la bataille, ains pource que le iour de deuant il auoit receu un coup de pied de cheual en la cuisse, & qu'encore qu'il ne se peust pas bien aider, & que tous ses amis essayassent de le destourner qu'il ne se trouuast au cōbat, il se feit neantmoins amener un cheual de ceulx qu'il cheuauchoit en allant par les champs, sur lequel il mōta, & se trouua en la bataille tout desarmé, ou il luy fut tiré un nombre infiny de traicts de toutes sortes par les deux flancs: entre lesquelz il y eut un coup de iauelot qui l'assena, mais ce fut du trauers non pas de la pointe, & luy donna au costé gauche, en glissant, par telle roideur toutefois, qu'il luy froissa tout son faye, & meurtrit la chair au dessoubz, de maniere que la marque y demoura bien longuement depuis. uoyla que dit ce Posidonius à la defense & descharge de Perse. Estans donques les Romains arrestez tout court par la bataille Macedonique, sans qu'ilz la peussent aucunement forcer, il y eut un capitaine des Peligniens nommé Salius, qui prit l'enseigne de sa bende, & la ietta dedās la foule des ennemis: & adonc ces Peligniens se ruerent tous ensemble de grande impetuosité en cest endroit, pource que tous Italiens estiment estre une trop grande honte & un grand crime à gens de guerre, de perdre ou abandonner leur enseigne: si y eut d'une part & d'autre des efforts merueilleux en ce lieu là, car les Peligniés taschoiēt à couper avec leurs espees les picques des Macedoniens, ou à les repoulser arriere avec leurs grands escus, ou bien à les destourner & entreouuir, en les prenāt avec les mains. Mais les Macedoniens au cōtraire, tenans leurs picques fermes à deux mains, en perçoiēt d'oultre en oultre ceulx qui s'approchoient trop d'eulx, sans que la targe ny le haletret peussent resister à la uiolence & faulsee du coup de picque, & portoient par terre les pieds contremont ces Peligniens & Terraciniens, qui sans raison quelconque, comme bestes effarouchées, falloient eulx mesmes enferrer & se iettoient la teste baissée à la mort toute certaine, de maniere que leur premier reng y fut entierement desfait: à l'occasion de quoy ceulx de derriere reculèrent un petit, non qu'ilz fouissent les doz tournez à ual de rouverte, ains se retirerent en reculant uers le mont qui se nomme Olocrus. Ce que uoyāt Aemylius, ainsy comme escriit Posidonius, deschira de courroux sa cotte d'armes, à cause que de ses gens les uns reculoient, les autres n'ozoient affronter ce bataillon de Macedoniens, lequel estoit si bien serré de tous costez, & si biē remparé d'une cloison de picques, qui presentoiēt les fers en tout sens qu'on l'eust sceu prendre, qu'il estoit entierement impossible de pouuoit entrer dedans ny en approcher seulement: toutefois pource que la campagne n'estoit pas bien par tout plaine ny unie, le bataillon, qui estoit large de frōt, ne peut pas bien tousiours entretenir celle haye continuee de boucliers ioignans l'un à

Paulus Aemilius.

l'autre, ains fut force qu'elle se rompist & entreouvrast en plusieurs endroits, F
comme il aduient en toutes grandes batailles, selon les diuers efforts des cō-
battans qu'en un endroit elles se poulsent en auant, & en un autre elles s'en-
foncent & reculent en arriere: parquoy Aemilius saisissant soudain ceste oc-
casion, departit ses gens par petites troupes, & leur enioignit qu'ilz se ietta-
sent habillemét es entredeux, & qu'ilz occupassent les espaces qu'ilz apperce-
uroient uuides au front du bataillon des ennemis, & qu'ilz s'attachassent ain-
si à eulx, non point par une charge continue d'un tenant par tout, ains ça &
là par diuerses troupes & en plusieurs endroits. Aemilius donna cest ad-
uertissement aux particuliers capitaines & chefs des bendes, & les capitaines G
de main en main à leurs soudards, qui le sceurent bien executer, car ilz se cou-
lerent incontinent es endroits ou ilz ueirēt places uuides, & y estans une fois
entrez, assaillirent les Macedoniens les uns par les flancs, ou ilz estoient nuds
& desarmez, & les autres par derriere, de sorte que la force de tout le corps du
bataillon, qui consiste à se tenir bien ioinct & chocquer tout ensemble, quād
il fut ainsi entreouuert se perdit incōtinent. Et au demourant, quand ce uint à
cōbattre d'homme à hōme, ou de petite troupe contre autre petite troupe,
les Macedoniens avec leurs petites espees courtes uenoient à frapper sur les
grandes targes des Romains qui estoient fortes, & qui les couuroient tout le
corps iusques aux pieds: & au contraire, il falloit qu'ilz sousteinsent avec leurs
boucliers, qui estoient petits & foibles, les coups des espees fortes & massiues H
des Romains, tellement que tant pour leur pesanteur que pour la force dont
elles estoiet ramenees, il n'y auoit bouclier ny harnois qu'elles ne faullassent,
& penetroient iusques au uif: au moien dequoy ilz ne peurent pas longuemēt
resister, ains se tournerent incontinent en fuitte. Mais quand ce uint au squa-
dron des uieux routiers Macedoniens, là fut le plus fort de la meslee, ou lon
dit que Marcus Caton, filz du grand Caton & gendre d'Aemilius, en faisant
toutes les preuues de sa personne qu'il est possible à un uaillant homme de fai-
re, y perdit son espee qui luy tomba du poing, & comme ieune homme de
grand cueur, qui auoit esté bien nourry en bonne discipline, & qui pour res-
sembler à son pere, si excellent personnage que chascun scait, auoit à mon- I
strer de grands actes & exemples de uertu, il pensa qu'il ualoit mieulx mourir
que de souffrir, que luy uiuāt les ennemis eussent aucune despouille de luy. Si
courut incontinent parmy l'armee Romaine, pour y trouuer aucuns de ses
amis, auquelz il compta le cas qui luy estoit aduenü, & les pria de luy aider à
recouurer son espee, ce qu'ilz feirent: & estans bōne troupe de hardis & uail-
lans hommes, se ruerent sur l'endroit des ennemis, ou il les conduisit par tel
effort & d'une telle impetuosité qu'ilz fendirent la presse, & avec grand meur-
tre & grande effusion de sang, feirent tant qu'ilz esclarcirent la place: puis
quand elle fut toute uuide, se meirēt à chercher l'espee, laquelle ilz retrouue-
rent à la fin, à grande peine, soubz des monceaux d'autres armes & de corps K
morts, dont ilz demenerent grande ioye. Et en chantant un chant de uictoire
allerent derechef plus furieusement que deuant charger sur ceulx des enne-
mis qui faisoient encore reste, iusques à ce que finalement les trois mille Ma-
cedoniens d'élite combattans uaillamment iusques au dernier soupir, sans
iamais abandonner leurs rens, furent tous mis en pieces, apres la desfaiete
desquelz fut aussi faite une grande boucherie des autres qui fuyoient, tel-
lement que toute celle plaine, & le pied des montagnes d'alenuiron, en fu-
rent

A rent tous couuerts de morts, & le lendemain de la bataille quand les Romains passerent la riuere de Leucus, ilz la trouuerent encore toute teinte de sang : car on dit qu'il mourut en ceste bataille plus de uingt & cinq mille hommes, & n'y en eut du costé des Romains que six uingts tuez, comme dit Posidonius, ou comme l'escrit Nasica, que quatre uingts seulement : & pour une si grande desfaitte elle fut merueilleusement tost decidée & promptement executee, car ilz commencerent à combattre enuiron les trois heures apres midy, & eurent gaigné la uictoire deuant quatre, & tout le reste du iour ne firent que chasser les fuyans iusques à bien sept lieues & demie loing du lieu ou auoit esté la rencontre, de maniere qu'il fut bien auant en la nuit deuant qu'ilz fussent de retour en leur camp. Si furent tous les autres recueillis & receus à grande feste & grande ioye par leurs seruiteurs, qui leur allerent au deuant avec torches & flambeaux allumez, & les menerent en leurs tentes toutes luisantes de feuz de ioye, & couronnées de festons & de chapeaux de lierre & de laurier, excepté le capitaine general qui estoit en grand esmoy, pource q̄ de ses deux filz qu'il auoit amenez quād & luy en ceste guerre, le plus ieune ne se trouuoit point, qui estoit celuy qu'il aimoit le mieux, pource qu'il le uoioit de plus excellente nature que nul autre de ses freres : car il estoit desia courageux & cōuoiteux d'hōneur à merueilles, encore qu'il ne feist gueres que sortir lors de son enfance. Si le tenoit Aemilius ia pour tout perdu, cuidāt qu'à faulte d'experience de la guerre, & par une ardeur de ieunesse il se feroit ietté trop auant en la presse des ennemis combattans. Si fut incontinent tout le camp aduertty du deuil qu'en menoit Aemilius, & de la destresse en laquelle il en estoit. Au moien dequoy les Romains qui s'estoient mis à soupper, se leuerent tous de table, & s'en coururent à la clarté des torches, les uns uers la tête d'Aemilius, les autres hors du cāp pour chercher entre les morts s'il l'y recognoistroient point : & estoit tout le camp triste & morne, & la plaine & coustaux d'alenuirō retentissoit des cris de ceulx qui appelloiēt à haulte uoix Scipion : car il auoit des ce commencement un naturel doué & composé de toutes les bonnes & grandes parties qui sont requises en un capitaine & sage gouverneur de chose publique, autant & plus que nul autre ieune homme de son temps. A la fin comme lon n'auoit desia presque plus d'esperance qu'il reuint, il retourna de la chasse des ennemis avec deux ou trois de ses familiers seulement, souillé de sang tout frais, comme un gentil leurier acharné apres la beste, festant laissé porter au loing à l'aïse de la uictoire. C'est ecluy Scipion qui depuis ruina les deux citez de Carthage & de Numance, & qui fut le plus grand homme de guerre & le plus uaillāt capitaine des Romains en son tēps, & qui eut plus d'autorité & de reputation. Ainsi la fortune dilayant iusques à un autre temps l'executiō de l'enuie qu'elle porta à un si noble exploit, souffrit pour lors Aemilius iouir entierement du plaisir de sa uictoire : & quant à

E Perfes, il s'en fouit premierement de la uille de Pydne en celle de Pelle, avec sa cheualerie, qui s'estoit presque toute sauuee, à l'occasion dequoy les gens de pied qui estoient eschappez de uistesse les rencontrans par les chemins les appelloient traistres, lasches & meschans : &, qui pis est, en abbatoient quelques uns de dessus leurs cheuaux en terre, & les battoiēt à bon esciant : quoy uoiant Perfes, & craignant que ceste mutinerie ne se tournast cōtre luy mesme, il detourna son cheual du grand chemin & despouilla sa corte d'armes de pourpre qu'il porta deuant luy, & prit son bandeau royal en sa main de peur qu'il

Paulus Aemilius.

ne fust cogneu à ces enseignes: puis à fin qu'il peust plus aiseement parler à ses amis par le chemin, il descendit à pied, & mena son cheual par la bride: mais de ceulx qui estoient demourez autour de luy, l'un faisoit semblant de relier la courroye de son soulier q^e estoit desliée, l'autre de uoloir guayer son cheual, l'autre boire, tant qu'ilz demourerent tous derriere les uns apres les autres, & s'en fouirent, ne redoubtans pas tant la fureur des ennemis que la cruaulté de leur Roy, lequel estant troublé de ses malheurs, cherchoit à reietter la coulpe de sa desfaitte sur tous autres que sur luy. Estant donques entré la nuit dedans la uille de Pella, il y eut deux de ses tresoriers & superintendans de ses monnoyes, Euctus & Eudæus, qui luy uindrent au deuant, & en parlant librement à luy hors de saison, prirent la hardiesse de luy dire qu'il auoit fait de grandes fautes, & à luy conseiller ce qu'il auoit à faire, dont il se courroucea si aigrement, qu'il les tua tous deux à coups de poignard, de sa propre main: ce qui fut cause que tout le reste de ses seruiteurs & amis l'abandonna, & ne demoura plus autour de luy qu'Euander Candiote, Archedamus Ætolien, & Neon Bœotien. Et quant aux simples soudards, il n'y eut que les Candiots qui le suiui-
rent, encoré ne fut-ce pas pour amitié qu'ilz luy portassent, ains pour l'amour de son or & de son argent, ne plus ne moins que les abeilles demeurent en leurs ruches à cause de la cire & du miel qui y sont: car il trainnoit apres luy une grande cheuance, & leur abandonna à piller quelque uaisselle & meubles d'or & d'argent, iusques à la ualeur de bien trente mille escus. Mais arriué qu'il fut en la uille d'Amphipolis premierement, & puis en celle d'Alepse, apres que sa frayeur fut un peu rassise, il retumba derechef en la maladie qu'il auoit de longue main enracinée & nee avec luy, c'estoit l'auarice & la chicheté: car il se plaignit à ceulx qu'il auoit autour de luy, de ce qu'il auoit abandonné à piller sans y penser, à ces soudards Candiots quelques uases d'or qui auoient anciennement esté à Alexandre le grand, & pria tres instamment les larmes aux yeux ceulx qui les auoient, qu'ilz les uoulussent eschâger avec de l'argent comptant. Or ceulx qui cognoissoient bien sa nature, iugerent bien incontinent que c'estoit une ruse & menterie Cadiote, dont il cuidoit affiner des Candiots: mais ceulx qui le creurent, & qui luy rendirent ce qu'ilz auoient de uaisselle, la perdirent, car il ne leur en paya iamais depuis rien: & ainsi gagna sur ses amis la ualeur de dix huit mille escus, que ses ennemis bien tost apres luy deuoient oster & prendre. Et avec cela passa en l'isle de Samothrace, là ou il falla rendre en la franchise & sauuegarde du temple de Castor & de Pollux. Lon dit que de toute ancieneté les Macedoniens ont aimé naturellemēt leurs Roys: mais lors uoyās que tout leur appuy estoit brisé & rompu, le cueur leur faillit aussi tout à un coup, car ilz se rendirent tous à Aemilius, & le feirent seigneur de toute la Macedoine entierement en deux iours, ce qui semble cōfirmer le dire de ceulx qui attribuent les faicts & gestes d'Aemilius à la faueur de fortune. A quoy s'accorde & se cōforme aussi un accidēt qui luy aduint en la uille d'Amphipolis, que lon ne sçauroit referer ailleurs qu'à la faueur des Dieux: car ainsi qu'il sacrifioit, estant tout le sacrifice commencé, la foudre tumba du ciel, qui alluma le bois du sacrifice estant sur l'autel, & sanctifia tout le sacrifice. Mais encoré fait plus à esmeruiller le miracle de la renommee: car quatre iours apres la desfaitte de Perses, & la prise de la uille de Pelle, ainsi comme le peuple de Rome estoit aux lices à regarder les ieux de la course des cheuaux, il se leua soudainement un bruit à l'entree des lices ou se faisoit l'esbattemēt, qu'Aemilius

A lius auoit desfait en une grosse bataille le Roy Perses, & auoit conquis, pris & subiugué toute la Macedoine. Ceste nouuelle fut incontinent esmandue parmy tout le peuple, d'oit il s'ensuiuit une feste & resiouissance publique, avec cris de ioye & battemens de mains, q̄ durerēt tout ce iour la par toute la uille de Rome. Depuis on rechercha soigneusement d'oit estoit procedé ce bruit, & n'en trouua lon point de certain autheur, ains disoit egallément chascū qu'il l'auoit ouy dire, tellement q̄ pour lors ce bruit s'en alla en fumee: mais peu de iours apres ilz en eurent lettres & nouuelles certaines, qui les feirēt esbahir plus q̄ iamais, dont pouuoit estre uenu cest auantcoureur messager qui auoit semé ceste nouuelle, laquelle ne pouuoit estre lors naturellement q̄ controuuee, & neantmoins depuis estoit apparu qu'elle cōtenoit uerité. Il se lit aussi semblablement d'une bataille qui fut donnée en Italie pres de la riuere de Sagra, que le mesme iour la nouuelle en fut sceuē au Peloponese: & q̄ d'une autre, au cas pareil, qui fut donnée en Asie contre les Medois, deuant la uille de Mycale, la nouuelle en uint le mesme iour au camp des Grecs estans deuant la uille de Plataes. Et en celle grande iournée ou les Romains desfeirent les Tarquins & l'armee des Larins, incontinent apres le faict on ueit deux beaux grands ieunes hommes uenans tout freschement du camp, qui apporterent la nouuelle de la uictoire à Rome, & estima lon que ce fussent Castor & Pollux. Le premier qui parla à eulx sur la place, deuant la fontaine, là ou ilz refreschissoiēt leurs cheuaux tous trempes de sueur, leur dit qu'il s'esmerueilloit comment ilz pouuoient auoir si tost apporté ceste nouuelle, & eulx en riant luy manierent tout doucement la barbe avec les deux mains, & sur le chāp le poil qui deuant en estoit noir, luy deuint blōd. Ce miracle fait, que lon adiouxta foy au rapport qu'en fait ce personnage, qui depuis en fut surnommé *Ænobarbus*, c'est à dire, aiāt barbe blōde, comme cuyure. Vn autre pareil cas adueni de nostre tēps redoutes telles nouuelles croyables, car quand *Antonius* se rebella cōtre l'Empereur *Domitian*, la uille de Rome en fut en grand trouble, pource que lon y attendoit une grosse guerre du costé de l'Allemagne: mais en cest effroy, il se leua soudainement de soymesme un bruit de uictoire parmy le peuple, & courut la nouuelle par toute Rome qu'*Antonius* luy mesme auoit esté tué, & son armee tellement desfaite qu'il n'en estoit du tout rien demouré. Si en fut le bruit si grand que plusieurs des principaux de la uille y adiouxtèrent foy, & en sacrifierent aux Dieux, en leur redant graces de la uictoire: mais quand on uint à enquerir qui en auoit esté le premier autheur, il ne s'en trouua point, pource que l'un l'alloit tousiours reiettant à l'autre, tant qu'à la fin elle falloit perdre en la multitude infinie du peuple, comme en une mer uaste ou il n'y a ne fond ne riue, & n'y trouua lon iamais cōmencement ny fondement asséuré: parquoy le bruit s'en escoula aussi tost hors de Rome, cōme incertainement il y estoit entré: mais toutefois festāt *Domitian* mis en chemin pour aller à ceste guerre, il rencontra lettres & messagers qui luy apportoiēt nouuelles certaines de la uictoire, & trouua lō qu'elle auoit esté gaignee le mesme iour q̄ le bruit s'en estoit leué à Rome, combien que les lieux soient distans l'un de l'autre de plus de douze cents cinquante lieues. Il n'y a personne de nostre temps qui ne sache cela. Mais pour retourner à nostre histoire, *Cn. Octavius* lieutenant d'*Aemylius* en l'armee de mer alla poser l'ancre en l'isle de *Samothrace*, là ou il ne uolul point tirer par force *Perses* hors de la franchise ou il estoit, pour la reuerence des Dieux *Castor* & *Pollux*: mais l'assiegea tellement, qu'il n'eust sceu eschap-

Paulus Aemilius.

per ny s'enfouir par mer hors de l'isle: toutefois si auoit il trouué moien de gaigner secrettement un Candiot nommé Oroandes, qui auoit un brigantin, & fait marché avec luy qu'il l'enleueroit une nuit avec son argent: mais le Candiot luy ioua un tour de ruze Candiot; car aiant une nuit receu dedans son uaisseau le meuble precieux & l'or & l'argent de ce Roy, il luy manda qu'il ne faillist pas de se rendre la nuit ensuyuant sur le port à l'endroit du temple de Ceres avec sa femme, ses enfans, & les seruiteurs dont il ne se pourroit passer seulemēt: mais si tost que le soir du lendemain fut uenu, il se meit à la uoile. Si fut chose pitoyable que ce qu'il conuint alors faire & souffrir à Perses: car il se deualla la nuit avec des cordes par une petite fenestre estroite le long de la muraille, & non seulement luy, mais aussi sa femme, & ses petits enfans qui n'auoiēt iamais essayé que c'est de fuite ny de trauail quelconque, & ietta un soupir encore plus pitoyable quād quelcun qui auoit ueu Oroandes le Candiot ia cinglāt en haulte mer, luy dit, ainsi qu'il se promenoit le long du port, qu'il auoit fait uoile: car le iour commenceoit desia à poindre, & se uoyāt destitué de toute autre esperance d'eschapper, se prit à fouir deuers la muraille, & regagner la franchise avec sa femme, premier que les Romains qui l'apperceurent le peussent attaindre à la course. Quant à ses enfans il les auoit luy mesme baillez en garde à un nommé Ion, dont il auoit autrefois esté amoureux, qui luy fait lors une grande trahison, car il les liura aux Romains: & en ce faisant fut l'une des principales causes qui le contraignit, ainsi comme une beste à qui lō a osté ses petits, de se rēdre, & mettre aussi sa personne propre entre les mains de ceulx qui les auoiēt. Or se fioit il principalement en Nasica, & pource le demāda quād il se uoulut rendre: mais on luy respōdit qu'il n'estoit pas là, dont il se prit à lamenter sa miserable fortune en toute chose: & à la fin apres auoir considéré la necessité qui le cōtraignoit, il se rēdit entre les mains de Cneus Octauius, là ou il donna clairement à cognoistre qu'il auoit en luy un autre uice encore plus lasche & plus uil que l'auarice, c'estoit faulte de cuer & crainte de mourir, par laquelle il se priua luy mesme de la compassion & de commiseration des autres, qui est le seul poinct que la fortune ne peult oster aux affligez quand ilz ont le cuer bon: car il requist qu'on le menast au capitaine general Aemilius, lequel se leua de son siege quād il le ueit uenir, & luy alla au deuant avec ses amis, aiant les larmes aux yeux, comme au deuant d'un grand personnage tumbé par fortune de guerre, & par la uolunté des Dieux en une pitoyable calamité. Mais luy à l'opposite se porta fort honteusement & laschement: car il falla prosterner à ses pieds en terre le uisage contre bas, & luy embrassant les genoulx se laissa eschapper de la bouche des paroles si lasches, & de si uiles prieres, q̄ Aemilius mesme ne les peut endurer ny ouir, ains le regardant d'un uisage malcontent & marry, luy dit: Pauvre homme que tu es, comment uas tu ainsi deschargeant la fortune de ce dont tu la pouuois charger & accuser à ta descharge, en faisant des choses, pour lesquelles on estimera que tu aies bien meritē le malheur ou tu es maintenant, & indigne de l'honneur & du bien que tu auois par cy deuant? Et pourquoy uas tu ainsi rauallāt ma uictoire, & diminuāt la gloire de mes faiçts, en te monstrant homme de si lasche cuer que ce ne me sera pas grand hōneur de t'auoir vaincu, attēdu que tu n'estois pas digne aduersaire des Romains? La magnanimité en quelque ennemy qu'elle soit, est tousiours reuerce des Romains: mais la lascheté, quoy qu'elle prospere & soit heureuse, est tousiours & de tous mesprisée.

A prisee. Ce neantmoins encore le releua il: & le prenant par la main, le bailla en garde à Tubero, puis se retira dedàs sa tente, là ou il mena quand & luy ses enfans, ses gendres & autres personnes de qualité, mesmement les ieunes. Et s'estant assis, demoura longuement pensif en luy mesme bien profondement sans mot dire, de maniere que tous les assistans sen esbahissoient: mais à la fin il commécea à entrer en propos, & à leur discourir de la fortune & de l'incertitude des choses humaines, en disant: Y a il dōques homme maintenāt, mes amis, qui aiant la fortune à gré, se doiue enorgueillir & se glorifier de la prosperité de ses affaires, pour auoir conquis & subiugué une prouince, une uille ou un royaume, & non plus tost redoubter l'instabilité de la fortune: qui nous

B mettant ores deuant les yeux à nous, & à tous ceulx qui manient les armes, un si notable exemple de la commune imbecillité des hommes, nous enseigne à penser qu'il n'y a rien de ferme ny de perdurable en ce mōde. Car en quel tēps se doiuent les hommes asseurer, ueu que quand ilz sont uenus au dessus des autres, c'est lors qu'ilz sont contrainsts de plus redoubter la fortune, & mesler de la doubte & desfiāce parmy la ioye de la uictoire, filz ueulent sagemēt considerer le cours ordinaire de la fatale destinee qui tourne continuellement, donnant faueur tātost à l'un & tantost à l'autre? Vous uoiez comme en un momēt d'heure nous auons abbattu & mis soubs noz pieds la maison d'Alexandre le grand, qui a esté le plus puissant & le plus redoubté prince du monde: uous

C uoiez un Roy, qui nagueres estoit suiuy & accompagné de tant de milliers de combattans à pied & à cheual, maintenant reduit à telle extremité de misere, qu'il fault qu'il reçoie iour à iour son boire & son manger par les mains de ses ennemis. Deuons nous donques, nous autres, auoir plus de fiance qu'elle nous doiue non plus demourer tousiours fauorable en noz affaires? certes nenny. Pourtant, ce bien considéré, uous deuez, uous autres ieunes gens, uous humilier, & refrener celle folle fierté & superbe insolence, que uous auez prise pour auoir gaigné ceste uictoire, pensans tousiours à l'aduenir, & attendans à quelle fin & à quelle issue la fortune conduira l'enuie de la prosperité presente. Ainsi leur parla, comme lon dit, Aemylius, refrenāt avec ces remōstrances

D & autres semblables, la brauerie insolente de la ieunesse, ne plus ne moins que avec le mors & la bride de la raison. Puis cela fait, il logea son armee es garnisons pour la refreschir & refaire: & ce pendant luy sen alla uisiter la Grece en se donnant une recreation honorable, & quand & quand humaine & liberale: car en passant par les uilles, il soulageoit le peuple, il reformoit le gouuernement de la chose publique, & leur faisoit tousiours quelque present, donnant aux uns des bledz de ceulx que le Roy Perfes auoit amassez pour la guerre, aux autres des huiles: car il sen trouua si grande prouision que plus tost y eut faulte de gens à qui en donner, & qui en uoulussent receuoir, que de quoy dōner, tant il y en auoit. Et en passant par la uille de Delphes, il y ueit un grād pillier quarré de pierres blanches, que lon auoit basty pour y mettre dessus l'image du Roy Perfes d'or massif, il commanda que lon y meist la siene, disant qu'il estoit raisonnable, que les uaincus cedassent & quittassent la place aux uainqueurs, & en la uille de Olympe, en uisitāt le temple de Iupiter Olympié, il dit & profera tout hault celle parole, qui depuis a tant esté celebree, Que ueritablement Phidias auoit formé Iupiter, tel comme Homere l'auoit descript. Depuis quād les dix commissaires enuoyez & deputez, pour avec luy ordonner des affaires de la Macedoine, furent arriuez, il remeit & rendit aux Mace-

Paulus Aemylius.

* Ce font
soixante
mil escus.

doniens leur pais & leurs uilles, pour y demourer francs, & y uiure à leurs loix F
en payant seulement de tribut annuel aux Romains* cent talents : là ou ilz en
souloient payer à leurs Roys plus de dix fois autāt : & feit celebrer des ieu x de
toutes sortes, & des sumptueux sacrifices aux Dieux, ou il teint court pleniēre
à tous uenans, & feit de magnifiques festins, dont la despense se faisoit bien
des tresors que Perses auoit amassez, sans que rien y fust espargné: mais l'ordre
& l'honnesteté de recueillir courtoisement un chascun, & leur donner lieu
à la table selon la dignité de leur estat, en leur faisant honneur & caresse selon
leur qualité, estoit par sa prouoiāce si soigneusemēt & si curieusemēt obseruē,
q̄ les Grecs s'esbahissoiēt cōmēt es choses de plaisir & de ieu, il emploioit enco-
re sa sollicitude, & cōment en maniāt & ordōnant de si grādes choses, encore G
uouloit il auoir soing, & prédre luymesme la peine q̄ les petites allaissent aussi
cōme elles deuoiet: mais ce luy estoit une grāde ioye & singulier cōtētemēt
de ueoir, qu'entre tant de belles choses si magnifiquement apprestees & ordō-
nees pour dōner plaisir aux cōuiez, il n'y eust rien qui leur semblast si plaisant
à regarder, ne si doulx à iouir que sa cōpagnie & sa personne propre. Si disoit
à ceulx qui monstroient de s'esmeruiller de sa diligēce & sollicitude en telles
choses, qu'il falloit une mesme prudence à bien ordonner un festin, qu'à bien
dresser une bataille, à fin de rēdre l'une plus espouētable aux ennemis, & l'au-
tre pl⁹ agreable aux amis. Mais l'une des qualitez plus estimees & plus louees
qui fussent en luy, estoit la liberalité & la magnanimité: car il ne uolul pas H
seulement ueoir l'or & l'argent qui se trouua en extreme abondance es tresors
du Roy, ains les feit seulement liurer par compte & cōsigner entre les mains
des Questeurs & Tresoriers, pour les porter aux coffres de l'espargne à Rome:
seulemēt permet il à ses enfans qui aimoient l'estude & les lettres, de prendre
les liures de la librairie du Roy: & en distribuāt des presens & pris d'honneur
à ceulx qui festoient bien portez en la bataille, il donna à son gendre Aelius
Tubero, une coupe du poix de cinq marcs d'argent: c'est celuy duquel nous
auons dit auparauant, qu'il se tenoit & uiuoit avec autres seize siens proches
parents en une mesme maison, & du reuenu d'une mesme petite terre & pos-
session qu'ilz auoient aux champs. Et dit on que ce fut le premier meuble d'ar-
gent qui entra en la maison des Aeliens, encore y entra il par la uoye d'hon-
neur & de uertu: mais auparauant, ny eulx, ny leurs femmes, n'auoiēt onques
uolu auoir ny or, ny argent. Apres donques auoir ainsi bien ordōné & dis-
posé toutes choses, finalement il prit cōgé des Grecz, & admonesta les Ma-
cedoniens de se souuenir de la liberté que les Romains leur auoient donnee, à
fin qu'ilz meissent peine de la conseruer par bon gouuernement & par bon-
ne union, paix & concorde les uns avec les autres, puis se partit pour aller au
pais de l'Epire aiant receu un mandement du Senat de Rome, par lequel il
luy estoit mandé qu'il abandonnast à piller les uilles de ce pais la aux gens de
guerre qui auoient esté à la desfaitte du Roy Perses. Parquoy uolant les sur-
prēdre au despourueu toutes ensemble, sans que personne fen doubtaist, il mā-
da à toutes les uilles qu'elles eussent à enuoyer deuers luy, à un certain iour
qu'il leur assigna, dix des principaulx hōmes de chascue uille, aux quelz, quād
ilz furent uenus, il enioignit de luy aller querir & apporter à certain iour qu'il
leur assigna, tout tant d'or & d'argent qui estoit dedās leurs uilles, tant es mai-
sons priuees, comme es temples & eglises, & leur bailla à chascū un capitaine
& garnison de gens de guerre, comme si c'eust esté pour chercher & receuoir
l'or

- A l'or & l'argēt qu'il demandoit: mais quand le iour assigné fut escheut, les souldards en diuers lieux tout en un mesme temps se meirent à courir sus & à piller & rençonner leurs ennemis, de maniere que par ce moien il y eut en un mesme iour & une seule heure cent cinquante mille personnes prises & faits esclaves, & soixante & dix uilles toutes pillées & saccagees: & toutefois quād ceuint puis apres à distribuer par teste le butin de ceste generale destruction de tout un pais, il n'en reuint pas à chascue souldard plus de onze drachmes d'argent: ce qui estonna bien tout le mode, & leur feit auoir frayeur de l'issue de la guerre, en uoiant l'auoir & le uailant de toute une grande prouince reuenir à si peu de profit & si peu de gaing pour teste. Aemilius donques aiant executé ce seul exploit contre sa nature, qui estoit douce & humaine, descendit uers la uille d'Orique, là ou il sembarqua sur mer luy & son armee, pour repasser en Italie, & arriué qu'il y fut, reboursa la riuiere du Tybre dedans la galere capitaineſſe du Roy Perſeus, laquelle estoit de seize rames pour banc, accoustree magnifiquement des armes captiues, riches draps de pourpre, & & autres telles despoilles des ennemis, tellement que les Romains courans à grande foule hors de la uille au deuant de ceste galere, & marchans coste à coste d'elle à mesure qu'on la uoguoit tout bellement, eurent le plaisir d'une assemblee de feste publique, & par maniere de dire, d'un triumphe auant qu'il se feist à bon esciant. Mais les souldards qui s'estoiēt promis qu'on leur distribuerait l'or & l'argent des tresors du Roy, quād ilz ueirēt qu'on leur en auoit baillé beaucoup moins qu'ilz n'auoient esperé, ilz en furent bien mal cōtens, & en uoulurēt grād mal en eulx mesmes à Aemilius, toutefois ne l'ozans pas dire tout ouuertement, ilz l'alloient accusans qu'il leur auoit esté trop rude & trop austere en toute ceste guerre, & pour ceste cause ne se mōstroient pas fort eschauffez ny affectionnez à luy procuter l'hōneur du triumphe. Ce que sentant Seruius Galba, qui de long temps luy estoit ennemy, encore qu'il eust eu charge de mille hommes en ceste guerre soubz luy, en prit la hardieſſe de dire publiquemēt hault & cler, qu'il n'auoit poit meritē qu'on luy ottroyast l'hōneur du triumphe, en semant parmy les gens de guerre plusieurs calumnieuses paroles encontre luy, pour tousiours plus enflammer leur courroux, & irriter la malueillance qu'ilz luy portoient iusques à demander aux Tribuns du peuple une autre iournee pour pouoir à loisir deduire tout du long les charges qu'il entendoit proposer à l'encontre de luy, disant que celle la ne suffiroit pas, à cause qu'il n'y auoit plus que quatre heures de Soleil. Les Tribuns du peuple luy feirent responce qu'il parlast à l'heure mesme s'il auoit aucune chose à alleguer contre luy & qu'il n'auoit point d'autre audience. A l'occasion de quoy, il commença à prononcer une harangue diffamatoire pleine de toutes sortes d'iniures, si lōgue qu'il consuma tout le reste du iour à parler: puis quand la nuit toute noire fut uenue, les Tribuns rompirent l'assemblee, & le lendemain au matin les souldards deuenus plus audacieux apres auoir ouy la harangue de Galba, & aians conspiré ensemble, ne faillirēt pas de se renger à l'entour de Galba au mōt du Capitole, là ou les Tribuns auoiēt predict qu'ilz tiendroient l'assemblee. Si tost dōques que le iour fut clair, la matiere touchāt le triumphe de Aemilius fut mise à la decision de la pluralité des uoix du peuple, ou la premiere lignee luy refusa tout à plat le triumphe, de quoy le Senat & le reste du peuple, qui en furent incontinent aduertis, furent fort marriz de ueoir que lon feist un tel tort & une telle iniure à Aemilius: & quant à la cō-

Paulus Aemilius.

mune, elle ne faisoit autre chose, que dire seulemēt, qu'elle en estoit bien des-
plaisante, sans y donner autre prouision : mais les plus notables personnages
du Senat, criers que c'estoit une grande hôte, s'entr'enhortoiēt l'un l'autre de
refrener l'audace & l'insolence de ces gens de guerre, laquelle uiendrait à la
fin à estre si effrence, qu'il n'y auroit rien tāt inique ne si uiolent, qu'ilz n'attē-
tassent de faire, si de bonne heure on n'alloit au deuant, ueu que desia ilz s'ef-
forceoient de priuer leur capitaine des hōneurs deuz à sa uictoire. Ainsi mon-
tans tous en bone troupe au Capitole, prierent les Tribuns du peuple, qu'ilz
feissent un peu surseoir le recueil des uoix & suffrages du peuple, iusques à ce
qu'ilz eussent fait entendre à l'assistance du peuple aucunes choses necessaires
qu'ilz auoient à luy remontrer: ce qui fut fait, & leur donna lon bone & pai-
sible audience. Et adonc Marcus Seruilius personnage Consulaire, qui auoit
combattu uingt & trois fois en camp clos, & tué autāt d'ennemis qui l'auoiēt
desfié au combat d'homme à homme, se tira en auant, & parla en ceste manie-
re, le cognois, dit il, maintenant mieulx que iamais, combien grand & digne
capitaine est Paulus Aemilius, d'auoir fait de si belles & si glorieuses choses a-
uec une armee tant pleine de dissolutiō & de desobeissance : & m'esbahis fort,
comment le peuple nagueres s'esioiſsoit, & faisoit cas des uictiores & trium-
phes gaignez sur les Esclauons, & sur les nations de l'Afrique, & que mainte-
nant il porte luy mesme enuie à sa gloire, en empeschant que lon ne meine
en triumphe un Roy de Macedoine uif, & que lon ne monstre publiquement
la grandeur & la gloire des Roys Philippus & Alexandre le grand, prisonnie-
res & captiues soubz les armes Romaines. Car quelle raison y a il, attendu que
n'a pas long temps estant uenue une nouuelle incertaine, que nous auions
gaigné la bataille cōtre Perses, uous en sacrifiastes incontīnēt à grande ioye
aux Dieux, en leur priāt que bien tost uous en peussiez ueoir la uerité à l'œil: &
maintenant que le capitaine à qui uous en auiez commis la charge est uenu
en personne, uous apportant la uictoire toute certaine & toute assuree, uous
frustriez les Dieux de remerciemēs solennelz, & des hōneurs qui leur en sont
deuz, & uous mesmes de la resioissance publique accoustumee en tel cas: cō-
me si uous craignez de ueoir à l'œil la grandeur de uostre prosperité, ou que
uous uoulussiez pardonner à ce Roy uostre esclau & prisonnier: & toutefois
encore uauldroit il mieulx que ce fust par compassion de luy, que par enuie de
uostre capitaine, que uous empeschissiez le triumphe. Mais la malignité des
mauuais par uostre patience est deuenue si audacieuse, si licencieuse & si in-
solente, qu'il se treuue icy des hommes qui ne reccurent iamais coup ny buf-
fe à la guerre, ains sont gras & refaits, & ont le tainct frais comme pucelles
pour auoir tousiours esté à leur aise à couuert: & neantmoins sont si temera-
ires, que de uenir icy prescher deuāt uous du deuoir & de l'office d'un chef d'ar-
mee, & du merite du triumphe, deuāt uous, qui auez appris par tant de bleceu-
res qu'auiez receuēs sur uoz personnes à la guerre, à discerner un bon & uailant
d'avec un lasche & mauuais capitaine. Quand & quand en disant ces paroles
il ouurit sa robe par deuant, & monstra à descouvert à toute l'assistance les
cicatrices d'infinies plaies qu'il auoit receuēs en l'estomac, puis se tournant
monstra aussi à nud des parties qui ne sont pas fort honestes à descourir en
presence de gens: & apres se retournāt deuers Galba luy dit, Tu te ris & te mo-
ques de ce que ie monstre, mais ie m'en glorifie deuant mes citoiens: car ce a e-
sté pour le seruice de la chose publique, que montant à cheual continuelle-
ment

A ment, autant de nuict que de iour, i'ay receu tant de coups : & pourtant u
- maintenant acheuer de recueillir les uoix de chascun, & ie iray apres regar-
- dant & remarquant qui seront les ingrats & meschans citoiens, qui ueulent
- estre flattez, & non pas roidement commandez, comme il est necessaire que
- face un bon capitaine à la guerre. Ces paroles refrenerent & rengerent si
bien à la raison les gens de guerre, que toutes les autres lignees d'un accord
ottroyerent depuis à Aemylius, le triumphe, duquel l'ordre & la maniere
fut telle. Premierement le peuple aiant dressé force eschaffaux, tant es lices
ou se font les ieux des courses de chariots & cheuaux, que les Latins appel-
B lent *Circos*, comme à l'entour de la place, & autres endroits de la uille par
ou l'appareil du triumphe auoit à passer, tous se trouuerent avec leurs belles
robbes, pour en ueoir la magnificence. Si estoient tous les temples des Dieux
ouuerts & pleins de festons & de parfums : & y auoit par tous les quartiers de
la uille des sergens & autres officiers tenans des bastons en leurs mains, pour
faire retirer la presse & serrer ceulx qui se iettoient à la foule trop en auant par
les carrefours, & qui iroient & uiendroiēt par la uille, à fin que toutes les rues
fussent uides & nettes. Au demourant, la mostre de tout le triumphe fut des-
partie en trois iours, dōt la premiere à peine peut suffire à ueoir passer les ima-
ges, tableaux, & peintures, & statues d'excessiue grandeur, le tout pris & gai-
gné sur les ennemis & trainné à ceste monstre sur deux cents cinquante cha-
C riors. Le second iour furent aussi portez sur grand nombre de charriage, tou-
tes les plus belles & plus riches armes des Macedoniens, tant de cuyure que
de fer & acier, toutes reluisantes pour auoir esté freschement fourbies & ar-
rangees par artifice, en maniere toutefois qu'il sembloit qu'elles eussent esté
iettees pêle melle à monceaux, sans autrement prendre garde à les disposer,
des armets sur des boucliers, des halecrets & corps de cuirasse sur des greues,
des pauois Candiotz & targes Thracienes, des carquois & trouffes de fief-
ches parmy des mors & brides de cheual, des espees nues, dont les pointes sor-
toient au dehors, entrelassees parmy des picques, estans toutes ces armes en-
tassees & liees les unes sur les autres, si à propos, pour n'estre ne trop ne peu ser-
D rees, qu'en se froissant les unes les autres, ainsi qu'on les charroit par la uille,
elles rendoient un son, qui donnoit quelque frayeur à l'ouir, de maniere que
la ueuë seulement des despouilles captiues des uaincus, donnoit encore quel-
que effroy à les regarder. Apres les chariots ou estoient toutes ces armeures,
suyuoient trois mille hommes, qui porttoient l'argent monnoyé en sept cēts
cinquante uases qui pesoient enuiron * trois talents chascun, & estoiet portez
par quatre hommes, & y en auoit d'autres qui porttoient des coupes d'argent
des tasses & gobelets faits en forme des cors d'abondance, & autres pots à boi-
re, tous fort beaux à ueoir, tant pour leur grandeur que pour la singularité &
grosseur de l'entailleure, & des ourages releuez en bosse qui estoient à l'en-
E tour. Le troisieme iour au plus matin, commencerent à marcher les trompet-
tes sonnans un son, nō point tel que lon le sonne pour marcher par les chāps,
ny pour faire une monstre : mais celuy propre que lon sonne à une alarme ou
un assault pour donner courage aux soudards quād on est sur le poinct de cō-
battre. Apres lesquelz suyuoinet six uingts bœufs gras & refaits, aians toutes
les cornes dorees & les testes couronnees de festons & de chapeaux de fleurs :
& y auoit de ieunes hommes ceincts à trauers le fond du corps de beaux de-
uantz ouurez à l'aiguille qui les conduisoient au sacrifice : & de ieunes gar-

*Ce sont en
uiron, cent
quatre uigts
liures.

Paulus Aemilius.

* Ce sont environ
six cents marcs.

sons quand & eulx, qui portoient de belles aiguieres d'or & d'argent pour faire les aspergemens & effusions qui se font es sacrifices: apres lesquelz suyuoient ceulx qui portoient l'or monnoyé departy par uases pesans chascun trois talents, comme ceulx ou lon portoit l'argent: & y auoit de ces uases iusques au nombre de soixante & dixsept: puis marchoient ceulx qui portoient la grande coupee sacree que Aemilius auoit fait faire d'or massif, enrichie de pierres precieuses, pesant le poix de * dix talents, pour en faire une offrande aux Dieux: ioignant lesquelz marchoient d'autres qui portoient certains uases faits & ouurez à l'antique, & coupes magnifiques des anciens Roys de Macedoine, comme celle que lon appelloit l'Antigonide, & une autre la Seleucide, & generally tout le buffet & toute la uaisselle d'or du Roy Perse: ausquelz ioignoit tout d'un tenant son chariot d'armes, dedans lequel estoit tout son harnois & son bandeau royal, que lon appelle Diademe, dessus ses armes. Puis bié peu d'interualle apres, les enfans du Roy que lon menoit prisonniers avec la court de leurs gouuerneurs, leurs maistres d'eschole, & officiers, tous esloz, qui tendoient les mains au peuple regardât, & enseignoient aux petits enfans à faire le semblable pour requerir & demâder grace au peuple. Il y auoit deux filz & une fille, qui n'auoient pas grand sentiment ny gueres de cognoissance de leur calamité, pour le bas aage auquel ilz estoient: ce qui faisoit que les regardans en auoient tant plus de pitié, en uoyant ces pauures petits enfans qui ne cognoissoient pas le changement de leur fortune, tellement que pour la compassion que lon auoit d'eulx, on laissoit presque passer le pere sans le regarder: & y en eut plusieurs à qui de pitié les larmes en uindrent aux yeux, & fut à tous les regardâs un spectacle meslé de plaisir & de douleur tout ensemble, iusques à ce qu'ilz fussent bié loing de la ueuë. Perse le pere, suyuoit apres ses enfans & leur famille, & estoit uestu d'une robe noire, & aiât des pantoufles aux pieds à la guise de son pays, monstrant bien à sa contenance qu'il estoit tout esperdu & troublé de sens & d'entendement, pour la pesanteur des maux & malheurs dont il se sentoît accablé. Il estoit suiuy de ceulx de sa maison, ses amis familiers, officiers & seruiteurs domestiques, tous aiâs les uisages decoulourez & desfaits, donnans assez à cognoistre, par ce qu'ilz auoient tousiours les yeux fichez sur leur maistre, en l'armoyât fort chaudemêt, qu'ilz lamentoient & deploroient principalement sa malheureuse fortune, faisans peu de compte de la leur. Lon dit bien, que Perse enuoya deuers Aemilius le requerir & supplier qu'il ne fust point ainsi mené par la uille, en la môstre du triumphe: mais Aemilius se moquant, côme il meritoit, de sa lascheté & foiblesse de cuer, respondit, Cela parauât estoit, & encore est en sa puissance, si ueult. luy dōnant assez à entēdre, qu'il deuoit plus tost choisir la mort que de souffrir luy uiuât une telle ignominie: mais il n'eut onques le cuer de ce faire, tant il estoit lasche, ains attendry par ie ne sçay quelle esperāce, aima mieux estre luymesme partie de ses propres despouilles. Apres tout cela suyuoient quatre cents couronnes d'or, que les uilles & citez de la Grece auoient enuoyees par ambassadeurs expres à Aemilius pour honorer sa uictoire: & puis tout d'une suite, luy mesme uenoit apres, monté dessus son char triumpgant, lequel estoit accoustre & orné tresmagnifiquemêt. Si estoit chose tresbelle à ueoir: car oultre ce que de luymesme il estoit tresdigne d'estre regardé, quand il n'y eust eu que sa seule personne, sans toute celle grande pompe, & tant de magnificence: il estoit uestu d'une robe de pourpre rayee d'or, & portoit en

A sa main droite un rameau de laurier, comme aussi faisoit toute son armée, laquelle departie par bandes & compagnies, suivoit le chariot triumphal de son capitaine, ou aucuns des soudards alloient chantans quelques chansons de victoire, que les Romains ont accoustumé de chanter en tel cas, meslans parmy quelques brocards & traicts de risée sur leur capitaine: & les autres disoient des chants de triumphe à l'exaltation & louange des faicts victorieux d'Aemylius, lequel estoit publiquement loué, benoit & honoré de tout le monde, & de nul homme de bien haï ny enuïé, si ce n'est qu'il y ait quelque Dieu, duquel le propre office soit, oster tousiours & retrencher quelque chose des trop grâdes & excessiues prosperitez humaines, en meslant & diuersifiant la uie de l'homme du sentiment de bien & de mal, à fin qu'il n'y en ait pas un qui la passe entierement pure & nette de tout malheur, ains que, comme dit Homere, ceulx la soient reputez bien heureux, ausquelz la fortune a contrepeze le bien avec le mal. Ce que ie dis, pour autant que Aemylius auoit quatre filz, deux qu'il auoit donnez à adopter en autres familles & maisons, Scipion & Fabius, comme nous auons ia dit ailleurs au parauant: & deux autres qu'il auoit euz d'une seconde femme, lesquelz il retenoit pour luy en sa maison, & estoient encore tous deux fort ieunes, dont l'un mourut en l'age de quatorze ans, cinq iours auant le triumphe de son pere, & l'autre mourut aussi trois iours apres la pompe du triumphe, en l'age de douze ans: tellement qu'il n'y eut si dur cueur en toute la uille de Rome, à qui ce grand accident ne feist pitié, & à qui ceste cruaulté de la fortune ne feist frayeur & horreur, aiant esté si importune, que de mettre en une maison triumphale, pleine d'honneur & de gloire, de sacrifices & de liesse, un si piteux deuil, & mesler des regrets & des lamentations de mort, parmy des cantiques de triumphe & de victoire. Ceneantmoins Aemylius prenant les choses au droit point de la raison, estima qu'il ne falloit pas user de la constance & magnanimité contre les espees & les picques des ennemis seulement, ains aussi contre toute aduersité & hostilité de la fortune egale-
ment. Si compensa & contrepeza si sagement la meslange de ses aduentures presentes avec les prosperitez passees, que trouuant le mal effacé par le bien, & le priué par le public, il ne abaissa point la grandeur ny ne macula point la dignité de son triumphe & de sa victoire: car aiant ensepuely le premier de ses enfans, il ne laissa pas pour cela de faire sa triumphale entree, come nous auons escript, & le second estant aussi decédé apres son triumphe, il feit assembler le peuple Romain, & en pleine assemblee de toute la uille, feit une harengue, non point d'homme qui eust besoing d'estre consolé ny reconforté: mais plus tost qui reconfortoit ses citoiens passionnez & dolents pour le malheur qui luy estoit aduenü. Car il leur dit, Que des choses pures humaines, il n'en auoit iamais crainct une: mais des diuines qu'il auoit tousiours fort redoubté la fortune comme celle ou il y auoit bien peu de fiance, à cause de son inconstance & de sa muable uariété, mesmement en ceste derniere guerre, en laquelle l'ayant continuellement eue fauorable, comme quand on a le uent en poupe, il attendoit tousiours quelque reflux, par maniere de parler, & quelque mutation de sa faueur. Car ie trauersé, dit il, en allant, le gouffre de la mer Adriatique depuis Brindes iusques à Corfou en un seul iour, & de là en cinq iours me trouué en la uille de Delphes, ou ie sacrifié à Apollo, & dedans cinq autres iours i'arriué en mon camp, ou ie trouué mon armée en la Macedoine, & apres auoir fait les sacrifices & ceremonies ordinaires pour la purification

Paulus Aemilius.

d'icelle, ie commencé incontinent à mettre la main à l'œuvre, si bien qu'en
quinze autres iours suyans ie meis fin treshonorable à toute ceste guerre.
Mais me desfiât tousiours de la fortune, uoiant une si grãde prosperité en tout
le cours de mes affaires, & considerant qu'il n'y auoit plus d'ennemis ny d'au-
tres perilz par dela, que ie deusse craindre, ie craignois fort qu'elle ne se chan-
geast à mon retour, quand ie serois sur la mer en ramenant une si belle armee
uictorieuse, avec tant de despouilles & tant de princes & de Roys prison-
niers: & neantmoins estant arriué à port de salut, & uoyant toute ceste uille à
mó retour pleine de resiouissance, de feste, & de sacrifices, i'auois encore touf-
iours la fortune suspecte, sachant tresbié qu'elle n'a point accoustumé de gra-
tifier si liberalement aux hommes, ny leurs ottroyer choses si grandes nette-
mēt, sans qu'il y ait ne sçay quoy d'enuie meslé parmy: ny iamais mon esprit,
estant tousiours en transe aux escoutes de l'aduenir pour le regard du bien pu-
blic, n'a ietté ceste crainte arriere de soy, que ie ne me soye ueu tumbé en ce
malheur & calamité domestique, qu'il m'a fallu es iours sacrez de mó trium-
phe ensepuelir coup sur coup, de mes propres mains, mes deux ieunes enfans,
que i'auois seuls retenus pour la succession de mon nom & de ma maison.
Pourtant me semble il maintenant que ie suis hors de tout danger, au moins
quant au regard de ce qui m'est le principal, & commence à m'asseurer & me
confirmer en ceste esperance, que ceste bonne fortune uous demeurera ferme
deormais, sans crainte d'aucun sinistre accident, pource qu'elle a assez con-
trepezé la faueur de la uictoire qu'elle uous a donnée, par l'enuie du malheur
dont elle a affligé moy & les miens, en rendant le uainqueur & triumpheateur,
non moins notable exemple de la misere & de l'imbecillité humaine, que le
uaincu qui a esté mené en triumphe, excepté que Perses tout uaincu qu'il est, à
tout le moins a ce reconfort de ueoir encore ses enfans, & le uainqueur Aemy-
lius a perdu les siens. Tel fut le sommaire de la harengue genereuse, & proce-
dente d'une uraye, & non fainte magnanimité, que prononça lors Aemilius
deuāt le peuple Romain. Et cōbien qu'il eust cōpassion en son cueur de ueoir
l'esträge changemēt de la fortune du Roy Perses, & qu'il desirast fort luy pou-
voir aider, il ne peut onques faire autre chose pour luy, que de le faire trās-
porter de la prison publique, que les Romains appellent Carcer, en une maison
plus nette, & plus douce & gracieuse demeure: là ou estat estroittemēt gardé,
il se fait luy mesme mourir en s'abstenant de manger, ainsi comme la plus part
des historiens l'escrit. Toutefois il y en a quelques uns, qui escriuent une bien
nouuelle & esträge sorte de sa mort: car ilz disent, que les soudards qui le gar-
doiēt, aians cōceu quelque despit & quelque haine à l'encōtre de luy, & uoyās
qu'ilz ne luy pouuoient faire autre mal ny autre desplaisir, l'empeschèrent de
dormir, prenās songneusemēt garde quand le sommeil luy uenoit, & le gar-
dants de pouuoir clorre l'œil, en le cōtraignant par toute uoye & tout moie de
ueiller & demourer sans dormir, iusques à ce que ne pouuant plus durer en tel
estat, il y mourut. Aussi moururēt deux de ses enfans: mais le troisieme nom-
mé Alexandre, deuint bon ouurier à besongner du tour & de menuiserie, &
apprit les lettres & la langue Romaine, laquelle il sceut si bien escrire, que de-
puis il seruit de scribe & de greffier aux magistrats de Rome, & se porta fort
sagement & dextrement en cest office. Au demourāt, on adiouxte à ceste belle
conqueste du royaume de la Macedoine que cōquit Aemilius, une autre gra-
ce qui le rendit fort agreable au commū peuple, c'est qu'il apporta tant d'or
&

A & d'argent au tresor de l'espargne à Rome, qu'il ne fut onques puis besoing que le peuple cōtribuaſt rien iusques au temps & à l'annee que Hirſius & Panſa furent Conſuls, qui fut enuiron le commencement de la premiere guerre d'Auguſte & de Antonius. Et d'auātage il y a encore cela de propre & de ſingulier en Aemylius, que combiē qu'il fuſt grandemēt aimé, reueré, & honoré du commun peuple, il demoura touſiours neantmoins du party du Senat & de la nobleſſe, & ne dit ny ne feit onques choſe populaire pour acquerir la grace de la commune, ains ſe renga touſiours du coſté des gēs de bien & des nobles en tout ce que concerna le gouuernement de la choſe publique, ce que depuis Appius reprocha à ſon filz Scipion l'Africain : car eſtans les deux premiers hōmes de leur temps, & pourſuiuās tous deux enſemble l'office de Cenſeur, Apius auoit autour de luy pour fauoriſer ſa pourſuite tout le Senat & toute la nobleſſe, comme de toute ancieneté la famille des Appiens auoit auſſi touſiours tenu ce party là. Et Scipion l'Africain, encore qu'il fuſt grand de ſoy meſme, auoit neantmoins eſté de tout temps fort aimé, porté & fauoriſé du commun peuple: à raiſon de quoy, quand Appius le ueit entrer en la place, ſuiuy & accompagné de gens de petite qualité & baſſe condiſiō, comme ceulx qui autrefois auoient eſté ſerfs, mais qui au demourant entendoient tresbien comment il falloir cōduire telles brigues, faire amas de commune, & par importunité de crieries & de uoye de faiēt, ſi meſtier eſtoit, obtenir ce qu'ilz uouloient es assemblees de uille, il ſe prit à eſcrier tout hault: O paulus Aemylius, tu as bien maintenant cauſe de ſouſpirer & de gemir ſoubz la terre, ou tu es, uoiant comme un ſergent Aemylius, & un ſeditieux criart Licinius, cōduiſent ton filz à la dignité de Cenſeur. Et quant à Scipion, il fut ainſi bienuoulu du commū peuple, par ce qu'il luy fauoriſa touſiours en toutes choſes: mais Aemylius, encore qu'il teint touſiours le party de la nobleſſe, ne fut pas pourtant moins aimé du commun populaire, que ceulx qui le flattoient, & qui diſoiēt & faiſoient toutes choſes pour luy aggreer & complaire. Ce que le peuple teſmoigna, tant par autres honneurs & offices qu'il luy conféra, que par ceſte dignité de Cenſeur qu'il luy donna: car c'eſtoit lors le plus ſainēt magiſtrat, & qui auoit plus de puiſſance & d'authorité que nul autre, meſmement quant à l'inquiſition & reformation des meurs d'un chaſcun: pource qu'il eſtoit loiſible aux Cenſeurs de degrader & oſter du Senat un Senateur qui ſe gouernoit indignement, & autrement qu'il ne conuenoit à la dignité de l'eſtat, & de nōmer & declarer prince du Senat celuy qu'ilz iugeoiēt le plus homme de bien. D'auātage ilz auoient pouuoir de priuer les ieunes hōmes qui uiuoiet diſſoluēment du cheual qu'ilz auoiēt entretenu aux deſpens de la choſe publique. Qui plus eſt ce ſont ceulx qui ſont la priſee des biens d'un chaſcun citoien, & le denombrement du peuple, tenant regiſtres du nombre des perſonnes qui ſe trouuent à chaſque deſcription. Si furent nombrez par la deſcription & l'enrollement qu'Aemylius lors en feit, trois cents trente ſept mille quatre cents cinquāte & deux hommes, & nomma prince du Senat Marcus Aemylius Lepidus, qui ia par quatre fois auoit eu ceſt honneur là, & oſta du Senat trois perſonnages qui n'eſtoient pas de grande qualité: & garderent ſemblablement pareille moderation luy & ſon compagnon Martius Philippus à la reueuē & mōſtre des cheualiers Romains. Puis apres auoir ordonné & diſpoſé des plus grandes & principales charges de ſon eſtat, il tumba en une maladie, laquelle du commencement ſembla bien d'angereuſe, mais à la fin il n'y eut autre pe-

Paulus Aemylius.

ril, sinon qu'elle fut longue & malaisée à guarir: & luy aians les medecins cō-
seillé qu'il se retira en une uille d'Italie qui se nomme Velia, il s'embarqua sur
mer & y alla, ou il demoura longuement, faisant sa residence en des maisons
de plaifance le long de la marine, en grand repos & hors de tout bruit. Mais
pendant ce temps de son absence les Romains le regretterent souuent: & estās
assembléz es theatres pour ueoir l'esbattement des ieux, ietterēt par plusieurs
fois des crys, par lesquelz ilz monstroient auoir grand desir de le reuoir. Par-
quoy estant le temps escheut, auquel il falloit necessairement faire un certain
sacrifice annuel, avec ce qu'il luy sembloit qu'il se trouuoit ia assez bien de sa
persōne, il s'en retourna à Rome, ou il feit le sacrifice avec les autres presbtres,
aiant le peuple Romain espendu tout à l'entour de luy, faisant grande & cui-
dente demonstration de ioye pour son retour: & le lendemain il feit un autre
sacrifice particulier pour rendre graces aux Dieux du recouuremēt de sa san-
té: puis le sacrifice acheué il s'en retourna en sa maison, ou il se meit à table,
& sans que lon eust apperceu au parauant, ny qu'on se fust doubté d'aucune
alteration ny changement en sa personne, il luy prit tout soudain une resue-
rie & un desuoyement d'entendement, auquel il mourut trois iours apres,
n'ayant besoing ny default de chose quelconque, qu'on estime necessaire à ré-
dre les hōmes en ce monde heureux: car il ne fut pas iusques au conuoy de ses
funerailles, qui ne fust tres honorable, & y fut sa uertu decoree de tresbeaulx
& tresglorieux ornemens, qui n'estoient point or, argent, ny yuoire, ny tou-
te autre telle sumptuosité & magnificence d'appareil, ains l'amour & bien-
ueuillance & recognoissance de ses bienfaicts que monstroiet auoir enuers sa
memoire non seulement ses citoiens, mais aussi les ennemis: car tous ceulx qui
par cas d'aduenture se r'encontrerent lors à Rome, uenus ou de l'Hespagne,
ou du païs des Geneuois, ou de la Macedoine, les uns ieunes & forts se meirēt
uoluntaiement d'eulx mesmes soubz le liēt ou estoit le corps, pour aider à le
porter, & les uieux allerent apres suiuan le conuoy, en appellant Aemylius le
bienfaiteur, le sauueur, & le pere de leurs païs: pource que non seulement il
les auoit traittez doucement & gracieusement lors qu'il les auoit subiuguez
& conquis: mais aussi tout le reste de sa uie auoit tousiours continué à leur
faire quelque plaisir, & à espouser leurs affaires, ne plus ne moins que si c'eus-
sent esté ses alliez ou ses proches parêts. Tout son biē apres sa mort mōta à pei-
ne iusques à la somme de * trois cents soixante & dix mille drachmes d'argēt,
dont furent hæritiers ses deux filz: mais le plus ieune qui estoit Scipion laissa
le tout à son frere aisné Fabius, pource qu'il estoit adopté en une maison trop
plus riche, qui estoit celle du grand Scipion l'Africain. Telles ont esté la uie
& les meurs de Paulus Aemylius.

* Ce sont enuiron
treze sept mil-
le escus.

A **D** **E** S affaires des Syracusains, auât que Timoleon fust enuoié en la Sicile, estoiet en tel estat. Apres que Dió eut chassé le tyran Dionysius, il fut incontinent luy mesme occis en trahison, & se diuiserent les uns contre les autres ceulx qui luy auoient aidé à remettre les Syracusains en liberté : au moien dequoy, la cité de Syracuse changeant continuellement de nouueaux tyrans, fut si fort trauaillee de toutes sortes de maulx, que peu s'en fallut qu'elle ne deuint toute depuelee & deserte. Le demourant de la Sicile au cas pareil estoit entieremét destruit,

B & n'y auoit presque plus de uilles en pied, pour le long temps que les guerres y auoiét duré, & si peu qu'il y en auoit de demourees, estoiet pour la plus part occupees par souldards Barbares, estrangers, gens ramassez de toutes pieces, qui n'auoiét soude de personne, estans les seigneuries d'icelles faciles à usurper, & pareillement aussi aisees à changer de seigneur: tellemét que Dionysius le tyran, dix ans apres qu'il eut esté chassé par Dion, aiant mis ensemble quelque nombre de gens de guerre, & à leur aide aiant debouté Niseus, qui pour lors dominoit à Syracuse, recouura son estat, & s'en fit derechef seigneur: de maniere que fil auoit esté chassé estrangement, par une bien petite puissance, hors de la plus puissante tyrânie qui fut onques au monde, il y r'entra encore

C plus estrangemét, estant banny & pauure, & se fit derechef seigneur de ceulx qui l'auoient dechassé. Ainsi ceulx qui estoient demourez dedans la uille, furent contrains de seruir à ce tyran: lequel oultre ce que de sa nature il n'auoit iamais esté gueres humain, estoit encore lors deuenu plus cruel & plus farouche par les maulx & malheurs qu'il auoit endurez. Mais les plus gens de bien & de plus d'apparence se retirerent deuers Ictas, qui pour lors tenoit, comme seigneur, la uille des Leontins, & l'eleurent pour leur capitaine à la conduire de ceste guerre, non qu'il fust de rien meilleur que ceulx qui tout ouuertemét exercent tyrannie, mais ilz n'auoient ou recourir ailleurs, & se fioient plus en luy, d'autant qu'il estoit né comme eulx dedans la uille de Syracuse, & si auoit

D autour de luy assez gens de guerre pour faire teste à ce Tyran. Mais en ces entrefaites, les Carthaginois descendirét avec grosse puissance en la Sicile, & se meirent incontinent à pratiquer & essayer tous moiens d'y faire leurs besongnes: ce que les Syracusains, craignans, delibererent d'enuoier ambassadeurs en la Grece deuers les Corinthiens pour leur demander aide contre les Barbares, se confians en eulx plus qu'à nuls autres Grecs, non seulemét pource qu'ilz estoient extraicts & descendus d'eulx, ny pour ce qu'ilz auoient ia auparauant receu plusieurs autres bienfaicts d'eulx, mais aussi pour autant qu'ilz scauoiet que c'estoit une cité qui de tout temps auoit tousiours aimé la liberté, & haï les tyrans, & qui auoit tousiours entrepris, toutes ou la plus part de ses plus

E grandes guerres, non pour ambition de principauté, ny pour conuoitise de conquerir & de dominer, ains seulement pour defendre & maintenir la liberté des Grecs. Au contraire Ictas, qui festoit proposé pour le but & fin principale de sa charge de capitaine, la tyrannie de Syracuse, & non pas la liberté des Syracusains, en auoit ia secrettement parlé avec les Carthaginois, & neâtmoins en public louoit de paroles le conseil & la deliberatiō des Syracusains, & enuoya de sa part des ambassadeurs au Peloponese quand & les leurs, non qu'il uoulust qu'il leur uint du secours de ce quartier la, mais pource qu'il

Timoleon.

auoit esperance si les Corinthiens refusoient de leur en enuoyer, comme il estoit uray semblable qu'ilz feroient, pour les troubles & tumultes de guerres qui estoient en la Grece, que plus facilement il feroit tourner les affaires du costé des Carthaginois, lesquels pour ceste office luy seroient amis, & l'aideroient à l'encontre des Syracusains ou du tyran Dionysius: & que cela fust son dessein, il fut decouvert & auéré bien tost apres. Estans doncques ces ambassadeurs arriuez à Corinthe, & aians exposé leur charge, les Corinthiens qui auoient bien accoustumé de tout temps de prendre soigneusement la protection des uilles extraittes & deriuees de la leur, mesmement de celle de Syracuse arressterent bien uoluntiers en conseil qu'ilz leur enuoyeroient du secours: de tant plus mesmement, que pour lors ilz ne se trouuoient empeschez de guerre quelconque contre les Grecs, ains estoient en pleine paix & en grand repos. Si n'estoit plus question que de trouuer un capitaine pour conduire ce secours: & come les magistrats & officiers de la uille proposassent & nommassent quelques uns de leurs citoiens qui auoient enuie de se faire ualoir & se poulsier en auant, il y eut un homme de basse condition, qui se dressant en pieds nomma Timoleon filz de Timodemus, lequel ne s'entremettoit plus des affaires publiques, ny n'auoit plus d'esperance ny de uolunté de ce faire: tellement que lon peult avec grande raison croire, q ce fut quelque Dieu qui inspira en l'entendement de ce petit personnage la pensee de le nommer, tant luy fut incôritinent la fortune fauorable à son electiō, & tant il eut tousiours depuis en tous ses faicts d'heur & de prosperité, qui accompagnerent & ornerent sa uertu. H
Ore estoit il né d'un pere & d'une mere tresnoble en sa cité, l'un nommé Timodemus, & l'autre Demarete: & de sa nature aimoit fort le bien public de son païs, & se portoit doucement & humainement enuers tous, sinon qu'il haïssoit extremement les tyrans & les meschans. Au demourant, il auoit un naturel si bien temperé, & si egalement composé de toutes les parties requises en un homme de guerre, que en sa ieunesse il monstra tousiours en tous ses faicts auoir fort bon sens, & en sa uieillesse nō moins de cueur & de hardiesse. Il eut un frere aisné nommé Timophanes, qui ne luy ressembloit de qualité quelconque: car c'estoit un homme eceruelé, & furieusement espris & perdu I
de conuoitise de regner, que luy auoient mise en la teste une troupe de gens de basse condition, qui se disoient ses amis, & de soudards ramassez qu'il auoit tousiours autour de luy, & pource qu'il estoit impetueux & aduentureux à la guerre, ses citoiens l'en estimoient capitaine belliqueux & homme d'execution, & à ceste cause luy donnoient souuent charge de gens: à quoy Timoleon luy aidait en couurant du tout les fautes qu'il y faisoit, ou les faisant apparoir moindres & plus legeres qu'elles n'estoient, & en augmentant & embellissant ce peu de bon que sa nature produisoit. Comme en une bataille que les Corinthiens eurent contre les Argiens & les Cleoneciens, Timoleon estoit comme priué soudard entre les gēs de pied, & Timophanes son frere menant K
les gens de cheual, tumba en un tresgrand danger, & ou il luy fut bō besoing d'estre promptement secouru: car son cheual aiant esté blecé, le ietta par terre au milieu des ennemis: de quoy une partie de ceulx qu'il auoit autour de luy seffroya & sescarta ça & là: & ceulx qui demourerent, estās en fort petit nombre, & aians à combattre contre beaucoup, soustenoient à grande peine l'effort des ennemis: mais Timoleon l'ayant apperceu de loing, y accourut uistement, & couurant de son paois son frere qui estoit renuersé par terre, receut
tant

A tât en son corps, que sur ses armes, plusieurs coups de traict & de main, & avec grand trauail & grand danger, fait à la fin retirer les ennemis, & sauua la uie à son frere. Et comme les Corinthiens, craignans qu'il ne leur aduint une autre fois ce q'ia leur estoit aduenü, de perdre leur uille par la faulte de leurs alliez, eussent arresté en leur cōseil d'entretenir continuellemēt à leur soude quatre cents hommes de guerre estrangers, ilz en donnerent la charge à Timophanes, lequel mettant en oubly tout deuoir & toute iustice, essaya incontinent & executa tous les moiens, par lesquelz il pensa pouuoir paruenir à se faire entièrement seigneur de la uille, & aiant fait mourir plusieurs des principaux bourgeois, sans y garder aucune forme de iustice ny de proces, se declara finalement tout à descouuert tyran. Dequoy Timoleon fut fort desplaisant en son cueur, reputāt la meschācerē de son frere estre malheur & infortune pour luy: si tascha premierement à le reduire par bonnes paroles, en le priant & admonestant qu'il ostant & laissast ce furieux appetit de dominer, & ceste malheureuse conuoitise de regner qu'il auoit, & qu'il cherchast les moiens de r'habiller & emender les faultes qu'il auoit faittes à l'encontre de ses citoiens. Timophanes reietta bien arriere ces remonstrāces, & n'en fait aucun compte: parquoy Timoleon l'accompagna adonc de l'un de ses alliez qui auoit nom Æschylus, & estoit propre frere de la femme de Timophanes, & d'un deuin quel'historien Theopompus appelle Satyrus, & Ephorus le nomme Orthogoras, avec lesquelz quelques iours apres il s'en retourna une autre fois deuers son frere: & se mettans tous trois apres luy, le supplierent à grande instance de uouloir à tout le moins lors encore croire bon conseil, & se deporter de la tyrannie. Timophanes du commencement ne fait que se rire & moquer de leurs remonstrances: mais puis apres il monta en cholere, & se courroucea à bon esciant à eulx. Quoy uoyāt Timoleon, se retira un peu à l'escart, & se couurant le uisage se prit à plorer, & ce pendant les deux autres desguainans leurs espees occirent Timophanes en la place. Si fut le cas incontinent diuulgué par la uille, dōt les plus gens de bien louerēt grandemēt la magnanimité & haine des meschans qui estoit en Timoleon, attēdu qu'estant hōme doux & bening de sa nature, & qui aimoit cordialement les siens, il auoit neantmoins preferé le bien public de son païs à l'amour de son sang, & mis le deuoir & la iustice au deuant de l'utilité, aiant sauué la uie à son frere lors qu'il combattoit pour le bien & pour la defense de son païs, & l'ayant aussi fait mourir lors qu'il espioit les moiēs de l'asseruir, & s'en faire absolu seigneur. Mais ceulx qui ne pouuoient uiure en estat de liberté populaire, & qui auoient de tout temps accoustumé de se renger à l'entour des seigneurs, & leur faire la court, feirent semblant d'estre bien aises de la mort du tyran: mais en reprochant continuellement à Timoleon qu'il auoit commis un parricide execrable & abominable aux Dieux & aux hommes, feirent tant qu'ilz luy en imprimerēt aux cueur un regret de l'auoir fait: & d'auantage estant aduertiy que sa mere mesme le portoit fort impatiemment, & qu'elle en iettoit contre luy des paroles effroyables à ouir, & des maledictiōs horribles, il s'en alla uers elle pour la cuider reconforter: mais elle ne le uolulut iamais ueoir, ains luy fait fermer sa porte. Adonc estant oultré de douleur & troublé en son entendemēt, il luy prit soudainement uolunté de se faire mourir en s'abstenant de māger: mais ses amis ne l'abandonnerent point en ce desespoir, ains le presserent tant & par remonstrances & par prieres, qu'ilz le contraignirent de manger. Parquoy

Timoleon.

il prit alors resolution de uiure desormais aux champs en solitude, & quitter de tout poinct l'entremise du gouuernemēt des affaires publiques: de maniere qu'au commencement, il ne uenoit pas seulement en la uille, ains euitant toutes compagnies, se tenoit es plus solitaires & plus esgarez endroits des champs, ou il ne faisoit autre chose que uaguer tantost cy tantost là, & se consumer de melancholie. Voila comment le sens & l'entendement de l'homme, si n'est bien confirmé & fortifié par la raison, & par l'estude de philosophie, en l'execution de quelque grande entreprise, uacille facilement, & est poulsé hors des discours, sur lesquels il s'estoit premierement fondé, par blâmes ou louanges fort legeres bien souuent: là ou il fault non seulement que l'acte soit bon & honeste en soy, mais aussi que la resolution, dont il part, soit ferme & non subiette à changement, à fin que nous ne facions chose que nous n'aions premieremēt biē pensée & approuuée, & qu'il ne nous aduiene, cōme il fait aux frians, qui bien souuent desirent avec trefardent appetit une uian- de, puis quand ilz s'en sont une fois bien remplis, ilz s'en faschèt incontinent: aussi nous pareillement, apres auoir acheué une chose, ne nous en repentions tout soudainement pour la debilité de l'imagination & apprehension d'honesteté qui nous auoit meuz à la faire. Car la repentance rend l'acte mauuais qui de soy mesme estoit bon: mais l'election qui est fondée sur certaine science & ferme discours de raison ne se change iamais, encore que la chose entreprise ne succede pas tousiours à bonne fin. Pourtant Phocion l'Athenien, aiant résisté tant qu'il auoit peu, à quelques choses que le capitaine Leosthenes faisoit, lesquelles toutefois contre son opinion uindrent à bonne fin, & uoiant que les Atheniens sacrifioient aux Dieux publiquement pour leur en rendre graces, & se glorifioient de la uictoire qu'ilz auoient eüe: Je serois, dit il, bien content d'auoir fait cecy: mais ie ne uoudrois pas n'auoir conseillé cela. A ce mesme propos aussi, mais plus uiolentement, respondit Aristides le Locrien, qui estoit l'un des familiers & amis de Platon, à Dionysius l'aisné, tyran de Syracuse, qui luy demandoit l'une de ses filles en mariage: Je uerois plus uoluntiers ma fille morte, que mariée à un tyran. Et quelque temps apres le tyran luy feit mourir ses enfans, puis luy demanda, par une maniere de reproche, pour luy faire plus grand creuecœur, si il auoit encore alors la mesme fantasie qu'il auoit eüe au parauant, touchant le mariage de ses filles. Je suis, respondit il, bien desplaisant de ce que tu en as fait: mais de ce que i'ay dit, ie ne m'en repens point. Cela donques procede à l'aduenture d'une plus grāde & plus parfaicte uertu. Mais pour retourner à Timoleon, soit que ce fust le regret qu'il sentoit en son cœur de la mort de son frere, ou la honte qu'il auoit de se trouuer deuant sa mere, quoy que ce fust, cela luy rompit & abbatit tellement le cœur, que uingt ans depuis il ne se mesla d'affaire quelconque honorable ne publique. Comme dōc il eust esté lors nommé pour capitaine du secours que lon uouloit enuoyer en Sicile, l'ayant le peuple accepté & eleu tresuoluntiers, Teleclides qui estoit celuy qui pour lors auoit plus d'autorité & de credit es affaires de Corinthe, se dressant en pieds deuant tout le peuple, feit un preschement à Timoleon, par lequel il l'enhorta de se porter en homme de bien & uaillant capitaine en ceste charge. Car si tu te y portes bien, dit il, nous ferons iugement de toy, que tu auras occis un tyran: & si tu te y portes mal, nous iugerons que tu auras tué ton frere. Mais ainsi comme Timoleon estoit apres à leuer gens & à dresser son equippage, on apporta aux Corinthiens des

- A** lettres d'Ictas, par lesquelles il apparoiſſoit clairement, qu'il auoit tourné ſa robbe, & qu'il eſtoit traître: car il n'eut pas plus toſt depeſché ſes ambassadeurs qu'il ſe rengea du coſté des Carthaginois, & faiſoit tout ouuertement pour eulx, en intention de chaſſer Dionyſius, & ſe faire luy meſme tyran de Syracuſe. Mais craignât qu'il ne uint un capitaine avec ſecours de Corinthe auant qu'il euſt executé ſon deſſein, il eſcriuit des lettres aux Corinthiens, par lesquelles il leur mandoit, qu'il n'eſtoit ia beſoing qu'ilz ſe meiſſent en deſpenſe ny en danger pour uenir en la Sicile, meſmement pour ce que les Carthaginois en eſtoient mal contents, & qu'ilz guettoient leurs armes au paſſage avec une groſſe flotte de vaiſſeaux: & que de luy, uoiant qu'ilz demouroient trop à uenir, il auoit fait ligue & alliance avec eulx à l'encôtre du tyran Dionyſius.
- B** Ces lettres leuës, firent que ſi parauant il y auoit eu aucun des Corinthiens froidement affectionné à l'entrepriſe de ce uoyage, ilz y furent adonc tous eſchauffez par le courroux qu'ilz conceurent à l'encontre d'Ictas, tellement qu'ilz ottroyerent treſuoluntiers à Timoleon, tout ce qu'il uoluit, & luy aiderent à mettre ſus ſon equippage pour faire uoile. Quand les vaiſſeaux furent preſts, & que les ſoudards eurent tout ce qui leur faiſoit beſoing pour partir, les religieuſes de la Deeſſe Proſerpine dirent auoir eu une uiſion la nuit en dormant, par laquelle les Deeſſes Ceres & Proſerpine leur eſtoient apparues, accouſtrees comme pour uoyager, & leur dirent qu'elles uouloient aller avec Timoleon en la Sicile.
- C** A ceſte cauſe les Corinthiens equipperent une galere, laquelle ilz appellerēt, la galere de Ceres & de Proſerpine: & Timoleon luy meſme, auant que monter en mer, ſ'en alla en la uille de Delphes, ou il feit un ſacrifice à Apollo: & ainſi comme il entroit dedans le ſantuaire ou ſe rendent les reſponſes de l'oracle, il luy aduint un ſigne miraculeux: car d'entre les uœus & offrandes qui ſont pendues aux uoltes & parois du ſantuaire, il coula un bandeau, ſur lequel y auoit des courônes & des uiſtoires empraintes & portraictes de broderie, qui tomba droitement ſur la teſte de Timoleon, de maniere qu'il ſembloit propremēt qu'Apollo l'enuoyast à ceſte expedition deſia tout couronné, auāt qu'il euſt commencé de mettre la main à l'œuure.
- D** Si ſ'embarqua & feit uoile avec ſept galeres de Corinthe, deux de Corſou, & une dixieme que les Leucadiens fournirent. Quand il fut au large en pleine mer, aiant le uent en poupe, la nuit il luy fut aduis que le ciel ſoudainemēt ſe fendit, & q̄ de celle ouuerture il ſ'eſpandit en l'air au deſſus de ſa nauire une grande quantité de feu fort clair & fort apparēt à ueoir, duquel il ſe feit comme une torche ardente ſemblable à celles dont on uſe es ceremonies des myſteres. Ceſte torche les accompagna & guida tout au long du uoyage, & à la fin alla fondre & diſparoître au propre endroit de la coſte d'Italie, ou les pilotes auoient delibéré d'arriuer. Les deuins enquis ſur la ſignification de ce preſage, reſpondirent que ceſte apparition miraculeuſe teſmoignoit ce que les religieuſes de Ceres auoient ſongé, & que les Deeſſes fauorifantes à l'entrepriſe auoient monſtré le chemin par ceſte lumiere enuoyee du ciel: pour auant que l'ille de la Sicile eſt ſacrée & dediee à la deeſſe Proſerpine, meſmement que lon compte, que le rauiſſement d'elle y fut fait, & que la ſeigneurie luy en fut baillee en don nuptial au iour de ſes nopces. Ainſi doncques les ſignes celeſtes des Dieux donnerent aſſurance & bonne eſperance à ceulx qui furent en ce uoyage, leſquelz ſe haſterēt à la meilleure diligēce qu'il leur fut poſſible, juſques à ce qu'aians traueſſé la mer, ilz furent arriuez au long

Timoleon.

de la coste de l'Italie: mais quand ilz furent là, les nouvelles qu'ilz entendirēt F
de la Sicile ietterent Timoleon en grande perplexité, & descouragerent fort
les gens de guerre qu'il auoit amenez quād & luy, pour autāt que Icetes aiant
desfait en bataille le tyran Dionysius, & occupé la plus grāde partie de la uil-
le de Syracuse, le tenoit assiegé dedans le chasteau, & dedans le quartier de la
uille qui s'appelle l'Isle, ou il l'auoit rengé, & le tenoit enfermē de murailles
tout à l'entour: & ce pendant auoit prié les Carthaginois qu'ilz eussent soing
d'empeschē que Timoleon ne peust descendre & prendre terre en la Sicile, à
fin que quand ce secours la en seroit exclus, ilz peussent à leur aise departir en-
tre eulx toute la Sicile, sans que personne leur y dōnast aucun empeschemēt.
Suiuant laquelle requeste les Carthaginois enuoyerent à Rege uingt de leurs G
galeres, sur lesquelles y auoit des ambassadeurs qu'Icetes enuoyoit à Timoleō
auec creance respondante à ses faicts: car c'estoient belles parolles & bien far-
dees pour couvrir la mauuaise intention qu'il auoit en son cuer: car ilz dirēt
à Timoleon qu'il sen uint luy tout seul, si bō luy sembloit, deuers Icetes, pour
le conseiller & l'accompagner en tous affaires, qui estoient ia si bien achemi-
nez qu'il les tenoit pour acheuez: & au demourāt, qu'il renuoyast ses uaisseaux
& ses souldards à Corinthe, attendu qu'il sen falloit bien peu, que la guerre ne
fust de tout poinct acheuee, & que les Carthaginois ne uouloient en aucune
maniere, que ses gens passassent en la Sicile, & qu'ilz estoient deliberez de H
les combattre si autrement ilz s'efforceoient d'y entrer. Ainsi les Corinthiens
à leur arriuee en la uille de Rege aians trouué ces ambassadeurs, & uoians
quand & quand la flotte des uaisseaux Carthaginois qui estoit à l'ancre non
gueres loing d'eulx, furent d'un costé bien despits de se ueoir en ceste sorte a-
busez & moquez par Icetes: & n'y auoit celuy en la troupe q n'en fust fort in-
digné contre luy, & qui n'eust grande peur pour les pauvres Siciliens, uoians
tout euidemment qu'ilz demouroiēt en proye à Icetes pour loyer de sa trahi-
son, & aux Carthaginois pour recompense de la tyrannie qu'ilz luy permet-
troient establi: mais d'autre part aussi leur sembloit il bien impossible, qu'ilz
peussent forcer les uaisseaux des Carthaginois qui les guettoient au passage
asses pres d'eulx, attendu qu'ilz en auoiēt deux fois autāt qu'eulx, n'y aussi l'ar- I
mee qui estoit entre les mains d'Icetes en la Sicile, ueu qu'ilz n'estoient uenus
que pour la dresser & conduire en ceste guerre seulement. Ce nonobstant Ti-
moleō parla gracieusement à ces ambassadeurs & aux capitaines des uaisseaux
Carthaginois, leur donnant à entendre qu'il feroit tout ce qu'ilz uouloient,
pource qu'aussi bien quand il uouldroit faire autremēt il n'y gaigneroit rien,
toutefois qu'il desireroit pour sa descharge, qu'en presence du peuple de Rege
qui estoit uille Greque amie cōmune des deux parties, ilz luy proposassent en
public ce qu'ilz luy auoiēt dit à part en secret, & qu'aussi luy de sa part leur fe-
roit la mesme response que ia il leur auoit faite, & puis sen retourneroit tout
court alleguant que cela faisoit grandemēt pour la seureté de sa descharge, & K
aussi q eulx mesmes tiendroiēt & garderoiēt plus inuiolablement ce qu'ilz luy
promettoient touchans les Syracusains, quand ilz l'auroient accordé & pro-
mis deuāt tout le peuple de Rege, qui en demonreroit tesmoing. Or estoit-ce
une ruse qu'il leur brassoit pour couvrir son passage, à quoy le secundoient &
fauorisoient tous les capitaines & gouuerneurs de Rege, pour autāt qu'ilz de-
siroiēt que les affaires de la Sicile tumbassent entre les mains des Corinthiēs,
& craignoient d'auoir les Barbares pour uoisins: à ceste cause commanderent
ilz

- A** ilz une assemblée generale du peuple, durant laquelle ilz feirēt fermer les portes de la uille, donnans à entendre que c'estoit à fin que leurs bourgeois ne se diuertissent point ce pendant à autres affaires. Puis quand tout le peuple fut assemblé, ilz commencerēt à faire de longues harangues sans rien conclurre, laissant tousiours un mesme subiect de parler l'un à l'autre, à fin de gagner temps, iusques à ce que les galeres des Corinthiens fussent parties: & amusans ainsi les Carthaginois en ceste assemblée, sans qu'ilz se doubtassent de rien, poutautant qu'ilz ueoient Timoleon present qui tenoit cōtenance de se uoloir bien tost leuer pour parler aussi: mais ce pendant quelqu'un l'alla secrettement aduertir que les autres galeres auoient ia fait uoile, & qu'il n'estoit demouré que la siene seule qui l'attēdoit au port, & adonc il se coula secrettemēt parmy la presse, avec l'aide que luy feirent les Regiens qui estoiet à l'entour de la tribune d'ou se faisoient les harangues: & descendāt sur le port, s'embarqua inēotinent & se mēt aussi tost à la uoile, & aiāt atteint sa flotte, allerēt tous ensemble de conserue prédre terre en la uille de Tauromenion qui est en la Sicile, ou ilz furēt bien recueillis par Andromachus, qui piece a les y auoit appelez: car il gouuernoit celle uille, cōme fil en eust esté seigneur. C'estoit le pere de Timæus l'historien, le plus homme de bien de tous ceulx qui pour lors eussent domination en toute la Sicile: car il regissoit ses citoiens en toute iustice & toute equité, & se monstroit tousiours ouuertement ennemy des tyrans: suiuant laquelle affection il presta lors sa uille à Timoleon pour y faire son amas, & persuada à ses citoiens d'entrer en ligue avec les Corinthiens, & leur aider à deliurer de seruitude & affrāchir la Sicile. Mais les capitaines Carthaginois qui estoient à Rege, quand ilz sceurent que Timoleon auoit fait uoile apres que l'assemblée du conseil fut acheuee, en furent fort courroucez & despités de se ueoir ainsi affinez: & en eurent ceulx de Rege leur passetēps, de ueoir que des Phœniciens ne prissent pas plaisir que lon leur eust ioué un tour de finesse & de trōperie. Toutefois ilz se resolerēt à la fin d'ēuoier sur l'une de leurs galeres, un ambassadeur à Tauromenion. Cest ambassadeur parla fort audacieusemēt, & fort barbaresquemēt à Andromachus en cholere; & finablemēt luy mōstra premier le dedās, & puis apres le dehors de la main, & le menassa q sa uille seroit ainsi renuersee sans dessus dessous, si prōptement il n'en iettoit hors les Corinthiēs. Andromachus ne s'en feit que rire, & luy tēdant l'endroit de la main, & puis tout à coup luy mōstrant l'enuers, luy dit, qu'il eust soudainement à se partir de la uille s'il ne uoloit que sa galere luy fust ainsi renuersee. Au demourant, Icetes aduertty du passage de Timoleon, & en aiant peur, enuoya querir bon nombre de galeres Carthaginoises: & adonc perdirent entierement les Syracusains toute esperance de salut, uoians que leur port estoit faisy par les galeres des Carthaginois, la meilleure partie de leur uille occupee par Icetes, & le chasteau par le tyran Dionysius, & que Timoleon n'estoit encore que attaché, par maniere de dire, à une petite lisiere de la Sicile, ny tenant encore que la petite uille de Tauromenion avec bien peu de puissance, & encore moindre esperāce, à cause qu'il n'auoit pour tout moien de faire la guerre que mille hommes de pied, & de prouision de uiures & d'argēt autant qu'il en falloit pour les entretenir & nourrir seulement: oultre ce que les autres uilles de la Sicile ne se fioient point en luy, ains pour les uiolences & extorsions qu'elles auoient endurees de fresche memoire, uoloient mal de mort à tous chefs & conducteurs de gens de guerre, mesmement pour la desloyaul-

Timoleon.

té de Callippus & de Pharax, dont l'un auoit esté Athenien, & l'autre Lacedæmonien, tous deux soy disans estre uenus pour affranchir la Sicile, & en chasser les tyrans, & neantmoins y auoient fait tant de maux aux pauüres Siciliens, que les miseres & calamitez qu'ilz auoient endurees sous les tyrans leur sembloient tout or, aupris de celles que ces capitaines leur auoient fait souffrir: & reputoient plus heureux ceulx qui uoluntairement festoient rengez & soubmis au ioug de seruitude, que ceulx qui se ueoiét remis & restituez en liberté: & pourtant ne pouans croire que ce Corinthien deüst estre meilleur que les autres, ains pensans que ce fussent les mesmes ruses, & les mesmes amorces de bonne esperance & de belles paroles, qu'on leur auoit presentees au parauant, pour les attirer à uoloir accepter de nouueaux tyrans, ilz auoiét pour suspectes, & reiettoient toutes les sermons & sollicitations des Corinthiens, exceptez les Adranitains, lesquelz aians leur petite uille dedice & consacree au Dieu Adranus fort honoré & reueré par toute la Sicile, estoient lors en dissention les uns contre les autres, & appelloit l'une des parties Ictes & les Carthaginois, & l'autre auoit enuoyé deuers Timoleon: si se rencontra par cas d'adventure, que les uns & les autres se hastas pour y arriuer les premiers, ilz y arriuerent tous deux presques en un mesme temps: mais Ictes auoit iusques au nombre de cinq mille combattans, & Timoleon n'en auoit en tout que douze cents, avec lesquelz il se partit pour s'en aller uers la uille d'Adrane distante de Tauromenion enuiron de uingt lieues & demie: & pour la premiere iournee il ne fit pas grand chemin, ains se logea de bonne heure: mais le lendemain il marcha bien plus hastiuement, & par un pais aspre. Quand ce uint sur le soir, que le iour commenceoit à faillir, il eut nouuelles que Ictes ne faisoit gueres que arriuer à l'heure deuant Adrane, & qu'il se campoit. Quoy entendu les particuliers capitaines & chefs des bandes, firent arrester ceulx qui marchoiét les premiers pour repaistre & reposer un petit, à fin qu'ilz en fussent plus dispos & mieulx deliberez pour combattre: mais Timoleon sauancea d'aller uers eulx, & les pria de ne point faire ainsi, ains de tirer oultre à la plus grande diligence qu'ilz pourroient, à fin qu'ilz peussent surprendre leurs ennemis en desarroy, comme il estoit uray semblable qu'ilz les trouueroient, ne faisans que d'arriuer, & estans empeschez à faire leur logis & appareiller à soupper: mais quand & quand en leur disant ces raisons il prit son pavois dessus son bras, & se mit à marcher deuant tout le premier, aussi gaieusement comme s'il eust esté asseuré d'aller à une uictoire toute certaine. Quoy uoyans les autres, le suyirent en pareille assurance. Or leur restoit il encore à faire enuiron deux petites lieues de chemin, lesquelles acheuees, ilz chargerent incontinent leurs ennemis qu'ilz trouuerent tous desarroyez, & qui se meirent à fouir aussi tost qu'ilz les sentirét approcher, de sorte qu'il ne fut pas tué plus de trois cents hommes, & deux fois autant qui furét faits prisonniers & leur camp pris. Adonc les Adranitains ouurans leurs portes se rendirent à Timoleon, luy racomprans avec grâde frayeur & grande merueille, comme à l'instant mesme & sur le point de la charge, les portes du temple de leur Dieu festoient ouuertes d'elles mesmes, & que la iaueline que son image renoit en la main, auoit branlé mesmement au bout ou estoit le fer, & toute sa face festoit ueuë trempee de sueur, ce qui ne signifioit pas, à mon aduis, la uictoire qu'il gagna lors seulement: mais aussi les beaux exploits qu'il fit depuis, aux quelz ceste premiere rencontre la donna heureux comencement, pource que

A incontinent après plusieurs uilles enuoyèrent deuers Timoleon pour se ioin-
dre & entrer en ligue avec luy: & Mamercus le tyran de Catane, homme de
guerre & puissant en argent, rechercha son alliance: mais, qui plus est, Dio-
nysius le tyran de Syracuse estant las de suyure plus esperance, & se trouuant
bien pres d'estre forcé par l'ogueur de siege, ne fait plus compte d'Icetes, quād
il sceut comme il auoit esté rompu ainsi honteusement: & au contraire esti-
mant beaucoup la ualeur de Timoleon, enuoya deuers luy, luy faire enten-
dre qu'il se contentoit de rendre sa personne, & son chasteau entre les mains
des Corinthiens. Timoleon bien ioyeux de ceste prosperité non esperee, en-
uoya pour se saisir du chasteau Euclides & Telemachus, deux capitaines Co-
B rinthiens avec quatre cents hommes, non pas tous à la fois ny à la descouuer-
te (car il estoit impossible, estans les ennemis au guet dedans le port) mais par
petites troupes & à la derobee, il fait tant qu'il les y coula tous dedans. Ainsi
se saisirent les soudards de la place & du palais du tyran, avec tout le meu-
ble & toutes les prouisions necessaires pour la guerre qu'il y auoit dedans: car
il y auoit bon nombre de cheuaux de seruice, grande quantité de bastons &
d'armes offensives de toute sorte, & d'engins de batterie à tirer au loing, &
d'autres armes de defense, qui y auoient esté assemblees de longue main, pour
armer biē soixante & dix mille hōmes, & si y auoit encore oultre tout cela biē
deux mille hommes de guerre, lesquelz avec tout le demourant Dionysius
C liura entre les mains de Timoleon, & luy avec son argent, & quelques uns de
ses amis, sortit par la mer sans que Icetes en apperceust rien, & s'en alla rendre
au camp de Timoleon. Ce fut là ou premier on le ueit homme priué, en bas &
petit estat: encore fut il de là à peu de iours enuoyé dessus une nauire avec peu
d'argent à Corinthe, luy qui estoit né, & auoit esté nourry en la plus grande &
plus renomée tyrannie & principaulté conquise par force, qui fut onques au
mōde, & qui l'auoit luymesme renue l'espace de dix ans depuis la mort de son
pere, & auoit esté depuis que Dion l'en auoit chassé diuersement trauaillé en
guerre l'espace de douze ans, durāt lesquelz fil auoit fait beaucoup de maux,
encore en auoit il souffert d'auantage: car il ueit la mort de ses enfans qui e-
D stoient ia grands & en aage de porter armes, il ueit prendre à force & uioler
ses filles estans encore à marier, & sa propre sœur, qui estoit aussi sa femme,
premierement honnie & oultragee en sa personne des plus uillaines & plus
infames dissolutions, dont ses ennemis se peurent aduiser, & puis apres meur-
trie cruellement avec ses enfans, & leurs corps à la fin iettez dedās la mer, ainsi
comme nous auons escrit plus au long en la uie de Dion. Mais arriué que fut
Dionysius en la uille de Corinthe, il n'y eut hōme en toute la Grece qui n'eust
enuie d'y aller pour le ueoir & parler à luy: & y alloient les uns biē aises de son
malheur, cōme s'ilz eussent foulé aux piedz, celui q̄ la fortune auoit abbatu,
tant ilz le haïssoient asprement: les autres amollis en leurs cueurs de ueoir une
E si grāde mutation, le regardoient avec ne sçay quoy de cōpassion, considerās
la puissance grande qu'ont les causes occultes & diuines sur l'imbecillité des
hommes, & sur les choses qui passent tous les iours deuāt noz yeux: car ce sie-
cle la ne produisit onques chef d'œuvre ny de nature, ny de manufacture, si
merueilleux cōme fut celui la de la fortune, laquelle fait ueoir un hōme qui
peu deuant auoit esté seigneur de toute la Sicile presque, dedās la uille de Co-
rinthe s'arrester ordinairement à entretenir une uiuadiere, ou demourer tout
un iour assis en la boutique d'un parfumeur, ou boire le plus souuent en plein

Timoleon.

cabaret, ou bien tencer & debattre au beau milieu d'une rue deuant tout le monde avec des femmes faïsans publiquement marchandise de leurs corps, ou enseigner des menestrieres en plein carrefour, & disputer avec elles, du meilleur sens qu'il eust, sur l'armonie de quelques chansons que l'on chantoit par les Theatres. Ce que les uns disent qu'il faisoit ne sachant autrement à quoy passer son temps, pource que de sa nature il estoit homme de lasche cuer, & qui aimoit toutes uoluptez peu honestes: les autres sont d'aduis qu'il le faisoit pour en estre plus mesprisé, de peur que les Corinthiens n'entraissent en quelque souspeçon, & quelque desfiance de luy, aians opinion qu'il regrettaist le changement de sa uie, & qu'il eust encore intention quelquefois de tascher à recouurer son estat, & q̄ pour ceste cause il feist & faignist expressement beaucoup des choses contre sa nature, monstrant estre un grand niais à ueoir ce à quoy il s'amusoit. Ce neantmoins encore a lon recueilly & mis par memoire quelques sienes responses, qui semblent tesmoigner q̄ ce n'estoit point par lascheté de cuer, ny par bestise, qu'il faisoit toutes ces choses, ains pour s'accommoder à sa fortune presente: car estant arriué à Leucade, qui est uille anciennement fondee par les Corinthiés, comme celle de Syracuse: il dit aux habitans d'icelle, qu'il se trouuoit tout ainsi que les ieunes garçons quād ilz ont failly: car comme ilz fuyent la presence de leurs peres, aians honte de se trouuer deuant eulx, & sont plus aises de se tenir avec leurs freres: Aussi, dit il, serois ie plus content de demourer icy avec uous, non point aller me représenter à Corinthe, qui est nostre cité metropolitaine. Vne autrefois ainsi qu'il estoit à Corinthe, il y eut un estranger qui se moqua assez importunément de luy, & mesmement de ce qu'estant en sa seigneurie, il prenoit plaisir à ueoir des gens de lettres & des philosophes autour de luy, iusques à luy demāder à la fin, de quoy luy auoit seruy le sçauoir & la sagesse de Platon. Il luy respōdit, Te semble il qu'elle ne m'ait rien profité, à ueoir comme ie supporte le changement de ma fortune? Et au musicien Aristoxenus, & à quelques autres qui luy demandoient quel debat il y auoit eu entre Platon & luy, & dōt il estoit procédé: il respōdit, Que la condition destyrans estoit ueritablemēt malheureuse, & leur estat plein de beaucoup de maux, mais qu'il n'y en auoit pas un si grand, comme cestuy, que nul de ceulx que lon appelle leurs mignons, & qui les gouuernent, n'oze franchement parler à eulx, ny leur dire librement leur uerité: & que ce auoit esté par leur faulte qu'il s'estoit priué de la cōpagnie de Platon. Vne autre fois il y eut quelqu'un, qui pensant faire du plaisant, & se moquer avec bonne grace de luy, en entrant dedans sa chambre secoua sa robbe, comme lon fait quand on entre chez les tyrans, pour mōstrer que lon n'a point d'armes cachees deffoubs: mais Dionysius luy rendit son change plaisamment: car il luy dit, Fais cela quād tu sortiras de ceans, pour ueoir si tu y auras rien derobé. Et comme Philippus Roy de Macedoine, un iour à table fust tumbé en propos des chansons, poesies & tragedies que Dionysius le pere auoit composees, & faignist s'esmerueiller, quand, ne comment il auoit eu loisir de uaquer à faire semblables compositions: il luy respondit assez à propos, C'estoit, dit il, aux heures que toy & moy, & tous autres seigneurs que lō reputé grands & heureux employons à follastrer & à yurongner. Or quant à Platon, il ne ueit iamais Dionysius à Corinthe: mais Diogenes le Sinopien la premiere fois qu'il le rencontra en son chemin luy dit, Tu es bien maintenant en estat indigne de toy. Dionysius sarresta tout court, & luy dit: Vrayement

Diogenes,

A Diogenes, ie te sçay bõ gré de ce que tu as cõpassion de ma miserable fortune. Cõment, luy repliqua Diogenes, cuides tu que i'aye cõpassiõ de toy ? i'en ay plus tost despit, de ueoir un esclau tel que toy, digne de uieillir & mourir au malheureux estat de tyrã, cõme a fait ton pere, se iouer ainsi en seureté, & passer son temps parmy nous. Quand ie uiens à cõferer ces paroles de Diogenes, avec les propos qu'escriit l'historien Philistus, en deplorant la fortune des filles de Leptines, disant qu'elles estoiet reduittes de la haultesse de tous biens & tous honneurs mondains, en quoy abonde l'estat de la seigneurie tyrannique, à une uie basse & priuee, il me semble proprement que ce sont les regrets de quelque femmelette, qui regrette la perte des bouettes ou estoiet ses fards, ou ses belles robes de pourpre, ou ses bagues & ses petits affiquetz d'or. Si m'a semblé que c'est entremets de ce que nous auons escriit du tyrã Dionysius, ne feroit point trop impertinent ny hors de propos, d'estre inseré en ces uies, & qu'il ne sera point trouué fascheux ny inutile aux auditeurs, pourueu qu'ilz n'ayent point trop de haste, ou qu'ilz ne soient empeschez ailleurs. Mais au demourant si la desfortune de ce tyrã Dionysius semble estrange, la prosperité de Timoleõ ne fut pas moins esmerueillable : car dedans cinquante iours apres qu'il eut mis le pied en la Sicile, il eut entre ses mains le chasteau de Syracuse, & enuoya Dionysius confiné à Corinthe: ce qui donna si bon courage aux Corinthiens, qu'ilz luy enuoyerent de renfort deux mille hommes de pied, & deux cents cheualx, lesquelz allerent prendre terre en Italie au pais des Thuriens : mais uoyans qu'il leur estoit impossible passer de là en Sicile, pource que les Carthaginois tenoient la mer avec grosse flotte de uaisseaux, & à ceste cause estans contraincts d'attendre quelque occasion, ilz employerent ce pendãt leur loisir à un tresbel & tresdigne exploit, pource que les Thuriens qui pour lors auoient la guerre contre les Brutiens, meirët leur uille entre leurs mains, laquelle ilz garderent aussi loyaument, & aussi fidelement cõme si c'eust esté leur propre pais. Ce pẽdant Icetes tenoit tousiours le chasteau de Syracuse assiegé, empeschant le plus qu'il luy estoit possible qu'il ne uint par mer du bled aux Corinthiens qui estoient dedans : & auoit attiltré deux

D soudards estrãgers qu'il enuoya en la uille d'Adrane pour occire en trahison Timoleon, lequel n'auoit point autrement de gardes à l'entour de sa personne, & estoit de seiour parmy les Adranitains, ne se desfiant de chose du mode pour l'assurance qu'il auoit de la sauuegarde du Dieu des Adranitains. Ces soudards enuoyez pour faire cest aguẽt, furent d'adventure aduertis que Timoleon deuoit un iour sacrifier à ce Dieu, si entrerent dedans le tẽple portans des dagues dessoubz leurs robes, & feirët tãt que petit à petit ilz approcherët, passans à trauers la presse, iusques au plus pres de l'autel: mais à l'instãt mesme qu'ilz s'entredonnoient courage l'un à l'autre pour executer leur entreprise, il y eut un tiers qui donna si grand coup d'espee sur la teste de l'un de ces deux,

E qu'il en tumba par terre. Celuy qui auoit fait le coup s'en fouit incontinent, tenant tousiours son espee traitte au poing, & s'en alla gagner une haulte roche, & l'autre soudard qui estoit uenu avec le blecẽ, se saisit d'un coing de l'autel, & demanda pardon à Timoleon, à la charge qu'il luy descouueroit l'embusche qui estoit dressée contre luy. Timoleon le luy ottroya: & adonc il luy declara comme luy & son compagnon mort auoient esté enuoyez pour le tuer. Cependant on amena aussi celuy qui s'en estoit fouy sur le rocher, lequel crioit à haulte uoix qu'il n'auoit rien fait qu'il n'eust deu faire, pource qu'il auoit oc-

Timoleon.

cis celuy qui auoit tué son pere en la uille des Leótins: à quoy uerifier luy ser-
uient aucuns des assistans, qui tesmoignerét qu'il disoit uerité, & s'esmeruil-
lerent quand & quand grandement de l'artifice dont use la fortune: comment
elle conduit une menée par le moien d'une autre, & rassemble toutes choses
quelque loing qu'elles soient l'une de l'autre, & les enclauet & enchaîne en-
semble, encore qu'elles semblent estre si differentes les unes des autres, qu'el-
les n'aient rien de commun entre elles, faisant que la fin de l'une uient à estre
le commencement de l'autre. Les Corinthiens donques ceste chose entendue,
dōnerent à celuy qui bailla le coup d'espee, une courōne de la ualeur d'enuirō
cent escus d'or, pour autāt qu'il auoit presté la passiō de son iuste courroux au
bon esprit qui auoit engardé Timoleon. Et au reste, ceste bonne encontre ne
seruit pas seulement pour le present, ains fut aussi utile à l'aduenir, pource que
ceulx qui la ueirét, en conceurēt bonne esperance, & en eurent en plus gran-
de reuerēce, & plus grand soing la personne de Timoleon, comme estant hō-
me saint, aimé des Dieux, & enuoyé expressement pour deliurer la Sicile de
captiuité. Mais Ictes aiant failly à ce premier essay, & uoyant q̄ tous les iours
plusieurs se rengoiēt du costé de Timoleō, se blasma luy mesme, de ce qu'aïāt
une si grosse puissance des Carthaginois, toute preste sur les lieux, à son cōmā-
demēt, il ne s'en seruoit que par petites parcelles, comme s'il en eust eu honte,
& alloit usant de leur alliāce, à la derobee. Si enuoya querir leur general Ma-
go avec toute sa flotte. Mago à sa requeste y amena une armee effroyable à
ueoir de cēt cinquāte uoiles, dont il occupa & couurit tout le port, puis mit
en terre soixante mille combattans, qu'il logea dedans la uille mesme de Sy-
racuse, de maniere que tout le monde estimoit, que le temps, dont on auoit
parlé anciennement, & dōt on menassoit la Sicile de si longue main, qu'elle se-
roit un iour toute habitee & possedee par les Barbares, estoit adonc uenu,
pource qu'en tant de guerres que les Carthaginois auoient eues au parauant
en la Sicile, iamais ne leur estoit adueni de prédre la uille de Syracuse, & lors
par la trahison d'Ictes qui les y auoit receus, on les y ueoit campez. De l'autre
costé, les Corinthiens qui estoient dedans le chasteau, se trouuoient en grande
peine & en grand danger, pource que les uiures leur appetissoient fort, & cō-
menceoient à en auoir faulte, à cause que les ports estoient bien estroitte-
ment gardez, & si falloir qu'ilz fussent continuellement en armes pour de-
fendre leurs murailles que lon battoit & assailloit en plusieurs endroicts, a-
uec toutes sortes d'engins de batterie, & toutes sortes d'inuentions à prendre
uilles: au moien dequoy ilz estoient aussi cōtraints de se departir en plusieurs
troupes. Toutefois Timoleon par dehors leur faisoit tout le secours qui luy
estoit possible, leur enuoyant de Catane du bled, sur de petits batteaux de pes-
cheurs & autres petites barques, lesquelles se couloient dedans le chasteau le
plus souuēt en tourmēte, passans à trauers les galeres des Barbares, qui s'escar-
toient les unes des autres, à cause du uent & de l'agitation des undes de la mer:
dequoy Mago & Ictes s'estans apperceuz, resolurent d'aller prendre la uille
de Catane, de laquelle uenoient ainsi uiures aux assiegez: & prenans avec eulx
les meilleurs combattans de toute l'armee, & partans de Syracuse cinglerent
uers Catane. Mais ce pédant Leon Corinthien capitaine de ceulx qui estoient à
la garde du chasteau, uoiant du dedans q̄ les ennemis faisoient mauuais guet,
& ne se tenoient point sur leurs gardes, feit soudainement une saillie sur eulx,
& les surprenāt en tua de primfault une partie & chassa l'autre, tellement qu'il

A se faist du quartier de la uille, que lon appelle l'Achradine, qui estoit la meilleure partie de la uille; & qui moins auoit esté endommagée: car la uille de Syracuse semble estre composée de plusieurs uilles iointes ensemble; & y aiât trouué quantité de bledz, & d'or & d'argent, ne uolut point abandonner ce quartier ny retourner dedans le chasteau, ains remparant en diligence l'enceinte d'iceluy & le conioignant au chasteau avec quelques fortifications qu'il y feit à la haste, se delibera de tenir & garder l'un & l'autre. Or estoient Mago & Icetes bien pres de Catane, quand il arriua deuers eulx un cheuaucheur party de Syracuse, qui leur apporta ceste nouuelle, que l'Achradine estoit prise: dequoy tous deux furent bien estonnez, & sen retournerent tout court à grande diligence, aiâns failly à prendre ce qu'ilz pretendoient, & à garder ce qu'ilz tenoient. Et quant à cela, il est encore douteux fil se doibt attribuer à prudence & à uaillance, ou bien à faueur de la fortune: mais ce que ie diray maintenant se doibt, à mon aduis, attribuer totalement à la grace de fortune. C'est que les deux mille soudards Corinthiens, qui s'estoient arrestez en la uille des Thuriés, partie pour la crainte des galeres Carthaginoises qui les guettoient au passage sous la conduite de Hanno, & partie aussi à cause que la mer par plusieurs iours se teint fort haulte, & fut tousiours fort courroucée, à la fin prirent le hazard de passer à trauers le pais des Brutiés, & moitié de gré, moitié par force, firent tant qu'ilz gagnerent la uille de Rege, estant encore la mer fort irritée. Au moien dequoy l'admiral des Carthaginois Hanno, ne s'attendant plus qu'ilz deussent passer, ains se persuadant qu'ilz demoureroient tousiours là à ne rien faire, & perdre temps, se mit en la teste qu'il auoit inuēté une bōne ruze, & une subtile finesse pour abuser les ennemis: si cōmanda à tous les gens de mettre sur leurs testes des chappeaux de triumphe, & quand & quand feit parer & accoustrer ses galeres de boucliers, de cottes d'armes & de harnois à la Grecque, & en cest equippage sen retourna cinglant deuers Syracuse, & alla passer à force de rames, tout le long du chasteau avec grands ris & battemens de mains, faisant crier à ceulx de dedās qu'il auoit desfaict le secours qui leur uenoit de Corinthe, ainsi comme ilz cuidoient passer de la coste d'Italie en la Sicile, s'estant promis que cela descourageroit grandement ceulx qui estoient assiegez. Mais pendant qu'il samusoit à ceste sottize, & ceste habile tromperie, les Corinthiens estans arriuez par le trauers du pais des Brutiens en la uille de Rege, uoians que personne ne gardoit plus le passage de la mer, & que la tourmente, comme par miracle s'estoit tout expressement appaisée, & estoit demouree la mer fort calme & tranquille, ilz s'embarquerent soudainement sur des barques de passage & batteaux de pescheurs, avec lesquelz il passerent en la Sicile si seurement & en bonace si grande, qu'ilz tiroiēt leurs cheuaux apres eulx par les renes, nageans au long de leurs batteaux. Quand ilz furent tous passez, Timoleon les aiant recueillis, alla incontinent se saisir de Messine, & de là marchant en bataille prit son chemin droit à Syracuse, se confiant plus à la bonne fortune qui le conduisoit, qu'à la force qu'il menoit, pource qu'il n'auoit pas en tout avec luy plus de quatre mille combattās: toutefois Mago entendant sa uenue, sen effroya & troubla grandement, & si entra encore en plus grand soupeon pour une telle occasion. A l'entour de Syracuse y a des mares qui reçoient grande quantité d'eau douce, rāt des fontaines que des ruisseaux, lacs & riuieres, qui se vont par là deschargeant en la mer, & à ceste cause sy engendre & nourrit une quantité grande d'anguilles,

Timoleon.

& sy en fait en tout temps une pescherie merueilleuse, exposee à qui en uient F
prendre: parquoy les Grecs qui estoient à la foude des uns & des autres, quand
ilz auoient loisir, & qu'il y auoit surseance d'armes, s'amusoient à en pescher:
& cōme gēs d'une mesme langue qui n'auoiēt nulle cause de particulieres ini-
mitiez les uns contre les autres, ainsi cōme quād il estoit saison de cōbattre, ilz
en faisoiet leur deuoir, aussi en réps de trefues, ilz sentrehantoiet & parloient
familièrement les uns avec les autres, mesmemēt en uacquant à ceste pesche-
rie d'āguilles, & disoiēt qu'ilz fesmerruilloiet de l'affiette des beaux lieux qu'il
y auoit là au long, & cōme ilz auoient la mer bien à propos. Si y eut entre eulx
• quelcun de ceulx qui prenoient foude des Corinthiens, qui se prit à dire: Est il
• bien possible que uous autres qui estes Grecs de nation, & qui auez une si belle G
• & si grande uille, douee de tant de bonnes commoditez, la uouliez rendre
• Barbare, en y logeant auprès de uous, ces meschans Carthaginois qui sont
• les plus cruelz meurtriers qui soient au mōde: là ou uous deussiez plus tost de-
• sirer, qu'il y eust plusieurs Siciles entre eulx & la Grece. Seriez uous bien si peu
• aduisez, de croire qu'ilz aient assemblé une armee de toute l'Afrique, iusques
• aux coulomnes d'Hercules, & iusques à l'ocean Atlantique, à fin de uenir
• icy combattre pour establir la tyrannie d'Icetes: lequel, sil eust eu le sens & le
• iugement de bon capitaine, n'eust pas reietté ceulx qui sont ses ancestres &
• ses fondateurs, pour introduire & mettre en son pais les anciens ennemis d'i-
• celuy, ains y eust eu autant d'honneur & d'autorité, que raisonnablement il H
• en eust peu desirer, du gré & consentement des Corinthiens & de Timoleon.
Les soudards qui auoient esté à ce deuis, semerent ces propos en leur camp, &
donnerent occasion à Mago de suspecōner quelque trahison, avec ce qu'il
ne demandoit que quelque couleur pour s'en aller: & pourtant quoy que Ice-
tes le priaist de demourer, en luy remonstrant de combien ilz estoient plus
forts que les ennemis, ce neantmoins estimant qu'il cedit plus en uertu & fa-
ueur de fortune à Timoleon, qu'il ne le surmōtoit en nombre de gens, il mit
uoilés au uent & s'en retourna honteusement en Afrique, laissant eschapper
de ses mains, sans aucū discours de raison humaine, la cōqueste de toute la Si-
cile. Le lendemain qu'il fut party, Timoleon se alla presenter en bataille de- I
uant la uille, & quand les Grecs & luy entendirent comme les Carthaginois
s'en estoiet fous, & que de fait ilz ueirēt le port tout uuide de uaisseaux, ilz se
prirent à rire & à se moquer de la lascheté de Mago, & par derision feirēt crier
par la uille que lon donneroit un bon present à celuy qui diroit nouuelles, ou
festoit foye l'armee des Carthaginois. Ce nonobstant Icetes encore s'opinia-
stra à uouloir combattre, ne uoulant point lascher la prise qu'il renoit, ains
defendre iusques au bout les quartiers de la uille qu'il auoit occupez, soy con-
fiant en ce qu'ilz estoient forts d'affiette & mal aisez à approcher: quoy uoiant
Timoleon departit son armee, & luy avec l'une des troupes dōna à l'endroit
qui estoit le plus difficile du costé que passe la riuierē d'Anapus, & ordonna E
une autre troupe pour assaillir aussi au mesme temps du costé de l'Achradi-
ne sous la conduite d'Isias Corinthien, & une troisieme troupe du dernier
renfort qui estoit uenu de Corinthe, que menoient Dinarchus & Demaratus
pour assaillir le quartier qui s'appelle Epipoles. Ainsi l'assault estant donné de
tous costez, & tout en un mesme temps, les gens d'Icetes furent incontinent
rompus & s'enfouirent. Si est bien raisonnable d'attribuer à la prouesse des cō-
battans, & à la prudence & sagesse du capitaine, ce que la uille fut ainsi em-
portee

- A portee d'assault, & que si soudainement elle uint à estre entre les mains de Timoleon, s'en estant les ennemis fouis: mais qu'il n'y ait eu en cest assault pas un Corinthien ny tué ny blecé, il m'est bien aduis que cela proprement est ceuvre & effect de la fortune, qui auoit pris à fauoriser Timoleon; cōme uoulant estriuer & faire à l'enuy de sa uertu, à fin que ceulx qui orroient parler de ses faicts, eussent plus d'occasion de l'admirer pour heureux, que de le louer pour uertueux: car la renommee de ce grand exploit, ne courut pas seulement en peu de iours par toute l'Italie, mais aussi par toute la Grece: de maniere que les Corinthiens qui ne pouuoient encore croire, que leurs gens fussent passez à sauueré en la Sicile, entendirent tout ensemble qu'ilz estoient arriuez à port
- B de salut, & auoient eu la uictoire sur leurs ennemis, tant les affaires succederent heureusement, & tant la fortune adiouxta de soudaineté & de uistesse à la beaulté de ses faicts. Aiant donques Timoleō le chasteau & la forteresse de Syracuse entre ses mains, ne fait pas cōme Dion, car il ne l'espargna pas pour la beaulté & magnificēce de la fabrique, ains euitāt la suspitiō qui auoit premierement fait calumnier Dion, & à la fin auoit esté cause de le faire tuer: car il fait crier à son de trompe, que quiconque uoudroit des Syracusains, s'en uint avec quelque ferrement pour aider à demolir & ruiner la forteresse des tyrans. Il n'y eut homme en toute la uille de Syracuse qui n'y montaist incontinent, & qui ne reputast ce cry & celle iournee estre certain commencement du recouurement de leur liberté. Si ruinerent non seulement la forteresse du chasteau, mais aussi les palais, les sepultures, & generally tout ce qui pouuoit seruir de memoire des tyrans: & aiant la place en peu de iours esté nettooyee & aplanie, Timoleō y fait edifier des salles & auditories à tenir la iustice, à la requeste de ceulx de la uille, & y establit par ce moien l'estat de liberté populaire, en supprimant la domination tyrannique. Mais uoiant qu'il auoit recouuré une cité ou il n'y auoit point d'habitans, pource que les uns estoient morts es guerres & dissensions ciuiles, les autres s'en estoient fouis de peur d'auoir à uiure sous des tyrās, tellemēt qu'en la grāde place de Syracuse l'herbe estoit creuē si haulte & si forte, que les cheuaux y paissoient, & les palefreniers y couchoient.
- D Les autres uilles, bien peu exceptees, estoient pleines de cerfs & de sangliers: & bien souuent ceulx qui estoient de loisir, trouuoient à chasser dedans les faulxbourgs & fossez au plus pres des murailles, & n'y auoit personne de ceulx qui habitoient es chasteaux & places fortes des champs, qui en uolust sortir pour retourner habiter es uilles, tant ilz estoient tous effarouchez, & tant ilz auoient en haine & en horreur les assemblees de conseil, les harengues, & l'entremise du gouuernement dont leur estoient issus tant de tyrans. Voiant donques Timoleon ceste desolatiō: & aussi ce peu de Syracusains naturelz qui estoient eschappez, ilz furent d'aduis d'escrire aux Corinthiens qu'ilz enuoyassent des habitās de la Grece pour repeupler la uille de Syracuse, pource qu'autrement
- E les terres demoureroient inutiles sans estre cultiuees, avec ce qu'ilz attendoient une grosse guerre de l'Afrique, estās aduertis cōme les Carthaginois auoient fait pēdre en croix le corps de leur capitaine general Mago, q se estoit luy mesme tué à cause de ses mauuais deportemēs en ceste charge, & qu'ilz remettoiēt sus une autre puissante armee pour repasser, & retourner l'annee ensuiuant faire la guerre en la Sicile. Ces lettres de Timoleon estans portees à Corinthe, & quand & quād y estans arriuez les ambassadeurs de Syracuse, qui supplioient le peuple de uoloir prendre le soing & la protection de leur pauvre uille, &

Timoleon.

d'en uouloir estre derechef fondateurs . Les Corinthiens ne furent point F
tentez d'auarice ny de conuioitise de se faire seigneurs d'une si belle & si grosse
cité, ains enuoyerent premierement par toutes les assemblees de festes solen-
nelles, & ieux publics de la Grece, faire sçauoir à son de trompe, que les Co-
rinthiens aians desfait la tyrânie qui estoit en la uille de Syracuse: & en aians
chassé les tyrans, rappelloient les Syracusains fuitifs de leurs païs, & tous au-
tres Siciliens qui y uoudroient retourner habiter, en toute franchise & pleine
liberté, avec promesse de leur departir les terres iustement & également, autât
aux uns qu'aux autres, puis enuoyerent aussi messagers en Asie, & par toutes
les Isles, là ou ilz entendoient que plusieurs bannis de Syracuse s'estoient reti-
rez, les admonester & semôdre de s'en uenir à Corinthe, & que les Corinthiens G
leur donneroient uaisseaux, capitaines, & moien pour seurement les cōdui-
re iusques dedans Syracuse à leurs propres cousts & despens, en recompense
dequoy la uille de Corinthe receuoit une tresglorieuse louâge & benissemēt
d'un chascun de deliurer ainsi la Sicile de la seruitude des tyrans, de la preser-
uer qu'elle ne tumbaist soubz la main des Barbares, & de remettre les naturelz
citoiens en leurs païs & leurs maisons: toutefois ceulx de la Sicile, qui à la se-
monce de ces publiques criees s'assemblerent à Corinthe, ne se trouuans pas
en nombre suffisant, prièrent les Corinthiens de receuoir avec eulx encore
d'autres habitans, tant de Corinthe mesme, que de tout le demourât de la Gre-
ce. ce qui fut fait: & en assembla lō iusques à dix mille, qui tous ensemble sem- H
barquerent pour aller à Syracuse, ou il y en auoit desia un autre grād nombre
qui festoit retiré deuers Timoleō, tāt de la Sicile mesme, que de toute l'Italie,
de sorte que tous ensemble ilz faisoient iusques au nombre de soixante mille,
ainsi cōme Athanis l'escrit, entre lesquelz il departit tout le territoire, & leur
uendit des maisons de la uille, iusques à la ualeur de six cents mille escus, en
laissant faculté aux naturelz citoiens de retirer les leurs, & quand & quād fai-
sant par ce moien que le peuple, qui estoit extremement pauvre, eust de l'argēt
en commun pour suruenir tant aux affaires & necessitez publiques, qu'aux
frais de la guerre. Les statues mesmes furent uendues, & dōna le peuple sa sen-
tence à la pluralité de ses uoix sur chascune d'icelles: car elles furent mises en I
iustice, & accusées, tout ne plus ne moins, que si c'eussent esté hommes uiuās
que lon eust examinez & syndiquez en iustice. Et dit on que les Syracusains
reseruerent alors la statue de Gelon ancien tyran de leur uille, honorās sa me-
moire, à cause d'une grande uictoire qu'il auoit gaignee aupres de la uille
de Himere sur les Carthaginois, & cōdemnerēt toutes les autres à estre ostees
des lieux publics, & uendues. Ainsi commenceoit la uille de Syracuse à se
remplir & à se reuenir petit à petit, y accourans de tous costez gens pour y ha-
biter: au moien dequoy Timoleon pensa d'affranchir aussi les autres uilles,
& de tout poinct exterminer & defraciner les tyrannies de la Sicile: & pour y K
paruenir, leur alla faire la guerre iusques chez eulx. Le premier auquel il s'ad-
dressa fut Icetes, qu'il contraignit d'abandonner l'alliance des Carthaginois,
& de promettre qu'il demoliroit les fortresses qu'il tenoit, & uiuroit en hom-
me priué dedans la uille des Leontins. Leptines aussi semblablement, qui estoit
tyrā de la uille d'Apollonie, & de plusieurs autres petites uillettes d'alentour,
se uoiant en danger d'estre pris par force, se rendit: en quoy faisant Timoleon
luy sauua la uie, & l'enuoya à Corinthe, estimant que ce seroit chose honno-
rable à son païs, que les autres Grecs ueissēt en la cité metropolitaine les tyrās
de

A de la Sicile uiuans petitement & bassement comme bannits. Cela fait il sen retourna à Syracuse pour y uaqer, & entendre à l'establissement de la chose publique & de la police, en assistant à Cephelus & à Dionysius deux grands personnages que l'õ auoit enuoyez de Corinthe pour reformer les loix, & leur aider à establir les principales & plus belles ordonnances de leur chose publique. Et ce pëndant, pource que les soudards uouloient gagner quelque chose sur les ennemis, & ne demourer pas oisifz, il les enuoya soubs la conduite de Dinarchus & Demaratus au pais qui estoit soubz l'obeissance des Carthaginois, là ou ilz feirent rebeller contre les Barbares plusieurs petites uilles, & non seulement uescurent en affluence plantureuse de tous biens: mais encore

B amasserent ilz de l'argët pour l'entretienement de la guerre. Mais en ces entre-faittes les Carthaginois descendirent à Lylibee avec une armee de soixante & dix mille combattans, deux cents galeres, & mille autres uaisseaux qui portoient les engins de batterie, les chariots, uiures & autres prouisions & munitions necessaires pour un camp, en intëtion de ne faire plus ainsi la guerre par le menu, ains de chasser tout à un coup les Grecs de toute la Sicile entieremët: car aussi estoit-ce une puissance suffisante pour prendre & subiuguer tous les Siciliens, encore qu'ilz n'eussent point esté diuisez, mais bien unis les uns avec les autres. Parquoy estans aduertis que lon couroit leurs terres & pais, ilz y coururent incontinent en chaude chole soubz la cõduitte de Hasdrubal, &

C de Hamilcar les deux chefs de leur armee. Ceste nouuelle fut tãtost portee iusques à Syracuse, dõt les habitãs furent si effroyez, oyans parler d'une si grosse puissance, que de si grãd nombre qu'ilz estoient à peine y en eut il trois mille qui eussent la hardiesse de prendre les armes & sortir en campagne avec Timoleon. Quant aux estrangers soudoyez & entretenus, ilz n'estoient pas plus de quatre mille en tout, desquelz encore y en eut il mille qui par lascheté de cuer sen retournerent de my chemin tout court, disans que Timoleõ estoit hors de son bon sens, & plus temeraire que son aage ne portoit, de uouloir allër avec cinq mille combattans à pied, & mille cheuaux, se presenter deuant soixante & dix mille, en esloignant de bien huit grandes iournees

D de Syracuse ce peu de forces qu'il auoit pour la pouuoir defendre, tellement que sil aduenoit qu'ilz fussent contrainsts de fouir, ilz n'auroient lieu quelcõque ou ilz se peussent retraire ne sauuer, ny personne qui prist le soing de les ensepuelir & enterrer quand ilz auroient esté tuez: toutefois Timoleon estima estre aduantage pour luy, que ceulx là se fussent declarez telz comme ilz estoient, de bõne heure, auant la bataille. Et au demourant, aiant presché & encouragé les autres, les feit tous marcher en diligence uers la riuere de Crimese, là ou il estoit aduertty qu'il trouueroit les Carthaginois: & ainsi cõme il montoit un petit coustau, de dessus lequel on ueoit le camp des ennemis de l'autre costé, il arriua, par cas d'aduenture, en son ost quelques mulets

E chargez de l'herbe qui s'appelle ache, dont les soudards se fascherët de prime face, euidans que ce fust un mauuais presage, pource que nous auons accoustumé de couronner les sepultures des morts avec ceste herbe: dont est uenu le prouerbe commun, que nous disons quand quelcun est bien malade & en grand danger de sa uie, qu'il ne luy fault plus que l'ache: c'est à dire, la sepulture. Mais Timoleon uoulant les retirer de ceste superstition, & leur oster ce descouragement, feit arrester l'armee, & apres leur auoir fait d'autres remonstrances selon le temps, le loisir & l'occasion, leur dit, que la couronne se pre-

Timoleon.

sentoit d'elle mesme entre leurs mains auât la uictoire, pource que les Corin- F
thiens couronnent ceulx qui emportent le pris es ieux Istmiques, qui se cele-
brent en leur terre avec des chapeaux d'ache, & estoit encore lors le pris de la
uictoire es ieux solennelz Istmiques la couronne d'ache, comme iusques icy
l'est elle es ieux de Nemee, & n'y a pas long téps que es ieux Istmiques on a cō-
mencé à user des branches de pin. Timoleon donques aiant ainsi parlé à ses
gens, comme nous auons dit, prit luymesme de ceste ache le premier, dont il
fit un chapeau, qu'il se meit sur la teste, & apres luy les autres particuliers ca-
pitaines, & iusques aux priuez souldards: qui plus est, à l'instant mesme, les de-
uins apperceurent deux aigles uolans uers culx, dont l'une tenoit entre ses
griffes un serpent, qu'elle perçoit d'oultre en oultre avec ses ongles, & l'autre G
en uolant iettoit un cry ferme, & donnant assurance, si les mōstrerent toutes
deux aux souldards, lesquels adonc tous d'une uoix, se prirent à inuoyer les
Dieux en leur aide. Or estoit-cé sur le commencement de l'esté, enuiron la fin
du mois de May, approchant ia le soleil du Solstice d'esté, & se leua de la ri-
uiere un gros brouillas, de sorte que toute la campagne estoit couuerte de
brouee, & ne uoyoit on rien du camp des ennemis, seulement entendoit on
un grand bruit de uoix confuses, comme uenant d'une si grosse armee, & mō-
tant contremont iusques à la cyme du coustau: mais quand les Corinthiens
eurent acheué de monter celle coste, ilz meirent leurs targes & pautois en terre
pour reprendre un peu d'halene, & le soleil aiant tiré & enleué les uapeurs du H
brouillas iusques à la cyme des coustaux, l'air commença à sy espeffir & sy
grossir, de maniere que les croupes des montaignes furent toutes couuertes
de nuees, & au contraire la pleine au dessoubs demourant toute nette & puri-
fice, on descouurit adonc tout clairement la riuiera de Crimese, & ueit on les
ennemis qui la passoient en telle ordonnance. Premièrement ilz auoient mis
au deuant les chariots de guerre armez & equippez fort espouuentablement,
derriere lesquels suyuoient dix mille hommes de pied armez avec boucliers
blancs sur leurs bras, & coniecturoit on à les ueoir de loing si bien equippez, à
leur graue demarche, & à leur bonne ordonnance, que c'estoient naturelz Car-
thaginois: apres lesquels suyuoient les autres nations pelle melle, & passoient I
en foule avec grand desarroy. Et là Timoleon considerant que la riuiera luy
donnoit commodité de les prédre à demy passez, & en choisir à part tel nom-
bre qu'il uouloit, apres auoir monstré au doigt à ses gens, comme la bataille
des ennemis estoit mespartie en deux par la riuiera, pource que les uns estoient
ia passez, & les autres non: il commanda à Demaratus, que prenant les gens de
cheual, il allast commencer à charger les premiers, pour engarder qu'ilz ne se
peussent renger en bataille, & quand & quand descendant avec les gens de
pied en la plaine, donna aux autres Siciliens les deux pointes de son bataillon
y meslant parmy culx quelque nombre des souldards estrangers, & au milieu
ou il estoit en personne, reteint autour de soy les naturelz Syracusains, avec la K
fleur des estrangers, & n'arresta gueres à chocquer, uoyât le peu d'exploit que
faisoient ses gens de cheual: car il apperceuoit qu'ilz ne pouuoient aduenir à
charger à bon esciant le bataillon des naturelz Carthaginois, à cause qu'ilz
estoient couuerts des chariots armez qui couroient ça & là au deuant d'eulx,
à l'occasion de quoy, ilz estoient contraints de tournoyer continuellement,
filz ne se uouloient mettre en danger d'estre rompus tout à plat, & faire en se
retournant des saillies & des courses par bouttees sur les ennemis. Parquoy
prenant

A prenant adonc son pauois sur son bras, il cria à haulte uoix à ses gens de pied, qu'ilz le suyussent hardimét, & qu'ilz ne doublassent de rien. Ceulx qui l'ouirent trouuerent sa uoix plus que naturelle, comme estat trop plus forte & plus puissante qu'elle n'auoit accoustumé d'estre, soit ou que l'ardeur & uehementte affection de combattre luy enforcest ainsi la uoix, ou que quelque Dieu, comme sur l'heure il fut aduis à plusieurs, luy aidast à crier. Ses gens soudain luy respondirent de mesme, & le prierēt de les mener sans plus differer. Si feit adonc entendre à ceulx de cheual, qu'ilz se tirassent à costé hors de deuant les chariots, & qu'ilz allassent charger les Carthaginois par les flancs, puis feit ferrer de pres escu contre escu, & pauois contre pauois, ceulx qui estoient au

B premiers rens de son bataillon, commandant quand & quand aux trompettes de sonner: & ainsi alla de grand roideur chocquer les ennemis, lesquelz sousteindrent ce premier choc uaillamment, aians les corps armez de bons corselets de fer, & les testes de morrions de cuyure, & si portoient deuant eulx de grand pauois, avec lesquelz ilz soustenoient & reboutoient facilement les coups de iauelines & de picques. Mais quand ce uint à combattre à coups d'espee, ou il n'est pas moins besoing d'adresse & d'art que de force, incontinent il se leua des montaignes une tempeste de tonnerres effroyables & d'esclairs ardens parmy: puis les nues espesses & obscures, qui s'estoient amassees autour des cymes des coustaux & collines, se uindrent quand & quand à descharger

C en la plaine, sur laquelle se donnoit la bataille avec une orage de pluie impetueuse, uēts uiolēts & gresle meslee parmy: toute laquelle tempeste donnoit aux Grecs par derriere, & aux Barbares par deuant, leur battant les uisages, & leur esblouissant les yeux, estans continuellemēt ferus d'une pluie poulsee par le uent, & d'esclairs si souuent recoupez, que l'un n'attendoit pas l'autre. Cela leur apportoit beaucoup d'empeschemēs, mesmemēt à ceulx qui n'estoiēt pas aguerris, principalement le tonnerre, & le bruit que faisoit le uent impetueux & la gresle, en donnant sur leurs harnois: car cela engardoit qu'ilz ne peussent ouir les commandemens de leurs capitaines. D'auantage la fange faisoit aussi grande nuisance aux Carthaginois, pource qu'ilz n'estoient pas deliures en

D leurs harnois, ains pesamment armez, comme nous auons dit: puis quand les pl̄ys de leurs hocquetons furent encore abreueuez d'eau, ilz les chargerēt encore plus, & les empeschoient de combattre à leur aise: & au cōtraire, cela seruoit aux Grecs à les renuerfer plus facilement en terre, & quand ilz estoient une fois tumbēz en la fange avec leurs pesantes armes, ilz ne se pouuoient iamais plus releuer. Il y auoit d'auantage, que la riuere de Crimese estant fort enflēe, tant par ce grand rauage de pluies, que par la multitude du monde qui la trauersoit, se debordoit & regorgeoit en la plaine d'alentour, laquelle estat au dessoubs de plusieurs fonceaux, uallees & cauains, fut incontinent toute noyee, & remplie de force ruisseaux & torrēts, qui courroient à trauers la campagne, sans aucun liēt ne canal certain: entre lesquelles eaux les Carthaginois se trouuans enueloppez, malaiseement s'en pouuoient depestrer, si que finalement estans pressez de la tourmente qui les battoit tousiours de plus en plus, & d'auantage leur aians estētuez d'arriuee par les Grecs, quatre cents des meilleurs hommes qu'ilz eussent, qui faisoient le premier front de leur bataille, tout le demourant de l'armee se tourna incontinent en fuite à ual de rouverte, dont les uns estans suyui de pres, furēt mis à l'espee emmy la plaine mesme: les autres s'embarassans parmy ceulx qui passoient encore la riuere, furent emportez à ual, & noyez par l'impetuosité de la riuere: mais

Timoleon.

le plus grand nombre, cuidant gagner de uistesse les coustaux d'alenuiron, fut attainct par les armez à la legere, & le tout passé au trenchât de l'espee. Lon dit que de dix mille hōmes qui demourerent morts en ceste bataille, les trois mille estoient naturels bourgeois de Carthage, qui fut un grand deuil & une grande perte pour celle cité: car il n'y en auoit point en toute la uille de plus nobles, de plus riches, ne de plus gētilz compagnōs & plus uaillans hommes que ceulx là, & ne treuue lon point par memoire, que iamais es guerres precedentes il soit mort en un iour de bataille, tant de naturelz Carthaginois, qu'il en mourut ceste fois là, pource qu'ilz auoient accoustumé de se seruir en leurs guerres de Lybiens, Hespagnolz & Nomades, & par ce moien receuoient les desfaittes & pertes des batailles au despēs & dōmages d'autrui: aussi cogneut on biē l'estat & la qualité des morts à leurs despouilles, pource q̄ ceulx qui les despouillerēt ne s'amusoiet point à recueillir & ferrer du cuyure ne du fer, à cause qu'ilz trouuoiet assez or & argēt: car la bataille gaignee, les Grecs passerēt la riuiere, & prirēt tout le cāp des Barbares avec leurs sommiers & tout leur bagage. Quāt aux prisoniers, les soudards en deroberēt & destournerēt beaucoup: mais encore de ceulx qui uindrēt en euidence au butin cōmun, y en eut il cinq mille, & y eut deux cēts chariots de guerre pris. Si fut adōc une tresbelle & tresmagnifique chose à ueoir, q̄ la tête du capitaine general Timoleō, que lon enuironna tout à l'entour de monceaux de despouilles de toutes sortes, entre lesquelles se trouuerent mille corselets de beauté & de manufacture nōpareille, & avec cela furent apportez dix mille boucliers. Et estans les uainqueurs en petit nombre à despouiller les morts & uaincus qui estoiet en grād nombre, ilz trouuerent bien de quoy s'enrichir: mais aussi y furent ilz trois iours apres, & à la fin au troisieme iour apres la bataille, ilz dresserent un trophée de leur uictoire: & Timoleō enuoya à Corinthe, avec la nouuelle de ceste desfaitte, les plus beaux & les meilleurs harnois qui furent trouuez au pillage, à fin de rēdre son païs & la uille de sa naissance la plus louee & plus benie de tout le monde qui fust en toute la Grece, attendu qu'elle estoit seule entre toutes les citez Grecques, ou lon ueoit les principaux temples ornez & decorez, non de despouilles de peuples Grecs, ny d'offrandes conquises par meurtre & effusion du sang de ceulx qui estoient de leur mesme langue & mesme nation, qui à la uerité sont de malplaisantes memoires, ains des armes ostees aux Barbares, avec inscriptiōs, qui tesmoignoient la uaillāce & la iustice ensemble de ceulx qui les auoiet uictorieusement conquises. C'est à sçauoir, que les Corinthiens & leur capitaine Timoleon aians deliuré les Grecs habitans en la Sicile de la seruitude des Carthaginois, en auoiet donné ces offrādes aux Dieux pour leur rēdre graces de la uictoire. Cela fait, Timoleon laissant les estrāgers qu'il auoit à sa soude sur le païs de l'obeissance des Carthaginois pour y piller, gaster & ruiner tout, s'en retourna avec le demourant de son armee à Syracuse, là ou tout premieremēt il bannit de la Sicile les mille soudards qui l'auoient abandonné, avec bien expres commandement qu'ilz eussent à sortir de la uille auant que le Soleil fust couché. Ainsi passerent ces mille desloyaulx mutins en Italie, là ou ilz furēt soubz promesse de paix, tous malheureusemēt & meschamment mis en pieces par les Brutiēs: telle fut la peine que les Dieux leur feirēt paier de leur trahison. Depuis Mamercus tyrā de Catane, & Ictes, fust, ou pour enuie qu'ilz portassent à la gloire des beaux faicts de Timoleon, ou pour crainte qu'ilz eussent de luy, uoyans que les tyrans ne pouuoiet auoir fiance

- A** fiance de paix, ny d'accord avec luy, feirent alliance avec les Carthaginois, & leur escriuirent qu'ilz enuoyassent une autre armee, & un capitaine promptement, filz ne uouloient estre dechassez de toute la Sicile entieremēt. Les Carthaginois y enuoyerent Gisco avec soixante & dix uoiles, lequel à son arriuee retira à sa soude quelque nōbre de soudards Grecs, qui furent les premiers que ceulx de Carthage eussent onques euz à leur seruice : car ilz ne sen estoient iamais seruis iusques alors qu'ilz les estimerent hōmes inuincibles, & les meilleurs cōbattans de tout le mōde. D'auantage les habitās du territoire de Messine, aians fait une secrette conspiration entre culx, occirent quatre cents hōmes que Timoleon leur auoit enuoiez : & es terres de l'obeissance des Carthaginois au pres d'un lieu qui s'appelle Hieres, y eut une autre embusche dressee à Euthymus Leucadien, en laquelle luy & tous ses soudards furent taillez en pieces. La desfaitte desquelz rendit encore la prosperité & bonne fortune de Timoleon plus renommee, pource qu'ilz estoient encore de ceulx qui auoient occupé par force le temple d'Apollo en la uille de Delphes avec Philodemos le Phocien, & avec Onomarchus aians participé à leur sacrilege, & estans haïs de tout le monde, & fous comme gens excommuniez & maudits, alloient errans ça & là par le païs de la Moree quand Timoleon à son partement les recueuillit à faulte d'autres : & estans arriuez en la Sicile, ilz auoient tousiours uaincu en toutes les batailles & rencontres ou ilz festoient trouuez avec luy :
- C** mais à la fin apres que le principal de la guerre fut paracheué, estans enuoyez par luy à quelques couruees pour secourir quelques uns, ilz y perirent rous, & encore non point ensemble, mais à diuerfes fois, tellement qu'il semble proprement que la iustice diuine en faueur de Timoleon les tria d'avec les autres quand elle leur uoulut faire payer la peine deuë à leur meschanceté, de peur que les bons ne souffrissent aucun dommage de la punition des meschans. ainsi estoit la bienueillance des Dieux enuers Timoleon admirable, non moins es choses qui passoient à son desauantage, qu'en celles qui succedoient bien pour luy. Mais toutefois la cōmune de Syracuse supportoit malpatiemment quelques traicts de moquerie que leur en faisoient & disoient les tyrās :
- D** car Mamercus entre autres estimāt beaucoup de soy, pource qu'il sçauoit faire des uers, & composoit quelques Tragœdies, aiant eu en quelques rencontres auantage sur les estrangers, que les Syracusains entretenoient à leur soude, en faisoit grande gloire, & en dediāt les boucliers qu'il auoit gaignez sur culx aux temples des Dieux, y adiouxtra ces uers picquans en mespris & moquerie des uaincus,

Ces beaux pautois de pourpre coulourez,
D'yuoire & dor richement labourez,
Nous les auons gaignez par force, & pris
A uec boucliers de bien fort petit pris.

- E** Ces choses faittes, Timoleon mena son armee deuant la uille de Calauria, & cependant Icetes entrant à main armee sur les terres des Syracusains, courut tout le plat païs, ou il gagna grande quantité de butin. Et apres y auoir fait beaucoup de gast & de dommage sen retourna, passant tout au long de Calauria pour faire despit à Timoleon sachant bien qu'il auoit lors peu de gens avec luy. Timoleon le laissa passer, & puis alla apres avec sa cheualerie & ses gens de pied armez à la legere, dequoy Icetes aduertty, trauersā la riuiera qui se nomme Damirias, puis sarresta sur l'autre bord cōme pour combattre, se cō-

Timoleon.

fiant en la roideur du cours de la riuere, & en la haulteur de ses riues tant d'un F
costé que d'autre: mais il se meit adonc un debat & une contention merueilleuse entre les chefz des bendes de Timoleon, qui fut cause de retarder un peu le combat: car il n'y en eut pas un qui uoulust passer derriere son compagnó, ains uouloient tous estre les premiers pour auoir l'honneur de commencer la charge, de maniere qu'il n'y auoit point d'ordre à ce passage, tant ilz s'entre-poussioient & taschoient à gagner chascun le deuant de son compagnó. Parquoy Timoleon uoulant tirer au fort ceulx qui auroient à passer les premiers, prit de chascun d'eulx un anneau, & les ietta tous ensemble dedans le reply de son manteau: & les aians meslez ensemble, en tira par cas d'aduenture un le premier ou il y auoit la figure d'un trophée engraué: quoy uoyans ces ieunes G
capitaines s'escrierent tous de ioye, & sans plus attendre d'autre sort se meirét à passer la riuere le plus uistemét que chascun peut, & quand & quád à charger les ennemis: lesquelz ne peurét soustenir leur effort, ains se meirét à fouir, & furent tous entierement despoillez de leurs armes: mais il y en eut mille qui demourerent morts sur le champ. Et peu de iours apres Timoleon menát son armee deuant la uille des Leontins, y prit Icetes uif, avec son filz Eupolemus, & le general de sa cheualerie, qui luy furent liurez entre ses mains par ses soudards mesmes. Si furent Icetes & son filz puniz de mort comme traistres & tyrans, & Euthydemus, quoy qu'il fust uaillant homme & hardy à la guerre, ne trouua non plus de misericorde, pour quelque iniurieuse parole que lon H
le chargea d'auoir ditte contre les Corinthiens. Car lon dit que quád ilz uindrent premierement de leur país en la Sicile, pour y faire la guerre aux tyrans, en une harengue qu'il feit deuant les Leontins, il dit entre autres choses, qu'il ne se falloir point estonner ny effroyer, si

D chors estoient femmes Corinthienes.

Voila comment la plus part des hommes bien souuent s'offense plus pour de mauuaises paroles que pour de mauuais effects, & portent plus patiemment un dommage qu'ilz ne font une iniure, & pardonne lon aux ennemis quand ilz se reuengent de faict, comme ne pouuans faire de moins: mais les paroles iniurieuses semblent proceder d'une haine & d'une malignité trop excessiue. I
Au demourant, retourné que fut Timoleon à Syracuse, les Syracusains meirerent en iustice les femmes d'Icetes & de son filz, & leurs filles, lesquelles, leur proces fait, furent par sentence du peuple condempnees à la mort. C'est de tous les actes de Timoleon, celuy qui me semble le plus desaggreable: car sil eust uolu, il eust bien peu empescher q ces pauures femmes ne fussent point mortes: mais il ne s'en soucia point, & les abandonna au courroux de leurs citoiés, qui uoulurent uenger sur elles les torts que lon auoit faits à Dion, apres qu'il eut chassé le tyran Dionysius: car ce fut Icetes qui feit noyer dedans la mer Arete femme de Dion, sa sœur Aristomache, & son filz qui estoit encore petit enfant, comme nous auós escrit ailleurs en la uie de Dion. Cela fait il alla cōtre Mamercus à Catane, qui l'attendit pres la riuere d'Abolus, ou il fut desfait K
en bataille, & y mourut plus de deux mille hommes, dont la plus part estoit de Carthaginois que Gisco auoit enuoyez à son secours: & depuis il ottroya paix aux Carthaginois à leur grande poursuite & requeste, sous condition qu'ilz tiendroient ce qui est dela la riuere de Lycus, & neantmoins qu'il seroit loisible aux habitans qui en uoudroient sortir pour aller demourer au territoire des Syracusains, de le pouoir faire, & transporter quand &

culx

*C'est le commencement de la tragédie de Medee d'Euripide.

A eulx leurs biens, leurs femmes, & leurs enfans : & oultre cela, que de lors en auant les Carthaginois renonceroient à toute confederation & toute alliance des tyrans. A raison dequoy, Mamercus aiant mauuaise esperance de son faict, s'en uolut aller en Italie pour tascher à emouuoir les Lueaniens contre Timoleon & contre les Syracusains : mais ceulx qui estoient en sa compagnie, retournerent avec leurs galeres de my chemin, & si tost qu'ilz furent de retour en Sicile, liuerent la uille de Catane entre les mains de Timoleon, tellement que Mamercus fut contraint de se sauuer & s'enfouir à Messine deuers Hippon qui en estoit tyran : mais Timoleon l'y poursuivit, & assiegea la uille par mer & par terre : dequoy Hippon eut peur, & s'en cuida

B fouir sur une nauire, mais il fut pris à la sortie : & les Messeniens l'aians entre leurs mains, feirēt uenir les enfans de l'eschole au theatre, pour y ueoir un des plus beaux spectacles qu'ilz eussent sceu ueoir, c'est à sçauoir, la punition du tyran, lequel fut fouetté publiquement, & puis executé à mort. Quant à Mamercus, il se rendit luy mesme à Timoleō pour estre iugé par les Syracusains, pourueu que Timoleō ne fust point son accusateur. Si fut mené à Syracuse, là ou il essaya de prononcer deuant le peuple une harengue qu'il auoit de longue main propensee & composee : mais uoiant que le peuple crioit & faisoit un grād bruit pour ne le point ouir, & qu'il n'y auoit point d'apparence qu'il fust pour luy pardonner, il se prit à courir à trauers le theatre, & alla donner

C de la teste tant qu'il peut, contre un des degrez ou lon se siet au theatre cuidant se froisser toute la teste pour mourir promptemēt : mais il n'eut pas l'heur de pouuoir ainsi mourir, car il fut pris estant encore uif, & puny de la mesme peine que lon punissoit les brigands & les larrons. Voila comment Timoleon alloit couppant & arrachant les tyrannies de la Sicile, & y abolissant toutes guerres : car au lieu qu'il auoit l'isle toute effarouchée, sauuage, & haïe par les naturelz habitans mesmes, pour les maulx & miseres extremes qu'ilz y enduroient, il la rendit si doulce & si desirée des estrangers qu'ilz y uenoient de loing pour habiter : au lieu que les naturelz habitās s'en fouyoient au parauāt, tesmoings Agrigente & Gele, deux grandes citez, qui depuis la guerre des Atheniens auoient esté entieremēt desolees & destruittes par les Carthaginois, & furent alors repeuplees l'une par Megellus & Pheristus, deux capitaines qui uindrēt de Elce, & l'autre par Gorgos, qui uint de l'isle de Ceo : & rassemblerēt le plus qu'ilz peurent des premiers citoiens & anciens bourgeois desdittes uilles, ausquelz Timoleon donna non seulement seureté, paix & tranquillité pour sy pouuoir loger & establir à leur aise & loisir, ains leur aida affectueusement de toutes autres choses selon le pouuoir & le moien qu'il en auoit, dōt il estoit aimé & honoré de tous, comme leur pere & leur fondateur. Laquelle affection estoit commune à tous autres peuples Siciliens, de maniere qu'il n'y auoit en toute la Sicile ny appointment de guerres, ny establissement de loix,

D ny departement de terres, ou institution de police & de gouuernement, qui semblast estre biē, si Timoleon n'y auoit mis la main, comme maistre principal de l'œuure, qui luy adiouxtoit une grace qui la faisoit aimer des Dieux, & plaire uniuersellement à tous hommes. Car enuiron ce temps là, il y eut bien d'autres grands personages en la Grece qui feirent de grandes choses, entre lesquelz furēt Timotheus, Agesilaus, Pelopidas & Epaminondas, auquel Timoleon taschoit plus à se conformer & à luy ressembler qu'à nul autre : mais en tous les faicts de ces autres grāds capitaines là, y a tousiours une splendeur

E

Timoleon.

meslée avec violence, peine & labeur, tellement qu'aucuns d'iceulx ont esté F
suyuis de reprehension, & les autres de repentance: & au contraire es faicts de
Timoleon, excepté seulement ce qu'il fut contraint de faire en la personne de
son frere, il n'y a rien ou lon ne puisse avec uerité exclamer, cōme dit Timæus,
la sentence de ces uers icy de Sophocles:

Quelle Venus, quel Cupido humain

(O Dieux du ciel) ont icy mis la main?

Et tout ainsi que la poësie d'Antimachus, & la peinture de Dionysius, tous
deux Colophonien, sont bien pleines de nerfs & de uigueur, mais on uoit
incontinent, que ce sont choses trauaillées & faites avec peine & labeur: & à
l'opposite es tableaux de Nicomachus, & es uers d'Homere, oultre les autres G
graces & perfections qui y sont, encore y a il celle là, que lon apperceoit à la
premiere rencontre qu'ilz ont esté aiseement faits, & sans grande peine: Aussi
qui uouldra comparer les guerres & les batailles laborieuses & sanglantes
d'Epaminondas & d'Agefilaus, avec celles de Timoleon, esquelles oultre la
iustice & l'æquité, y a une grande aisance & facilité, il trouuera en pesant les
choses à la balace du droit & de la raison, q̄ ce n'ont point esté actes de fortune
simplement, ains de uertu heureuse & bien fortunée, combien que luy-
mesme attribuaist le total à la faueur de fortune: car & en ses missiues familie-
res qu'il escriuoit à ses amis à Corinthe, & en quelques harégues qu'il feit de-
uât le peuple de Syracuse, il dit par plusieurs fois qu'il rédoit graces à Dieu de H
ce qu'ayant voulu sauuer & deliurer de seruitude la Sicile, il luy auoit pleu se
seruir de luy, & en donner le tiltre à son nom. Et ayant fait bastir dedâs sa mai-
son un temple, il le dedia à la fortune & luy sacrifia: & qui plus est, cōsecra &
dedia toute sa maison à la sacree fortune: car il habitoit en une maison que les
Syracusains luy reseruerent & donnerent en recompense des bons & grands
seruices qu'il leur auoit faits en leurs guerres, avec une tresbelle & tresplaisan-
te possession aux champs, là ou il se tenoit quand il estoit de loisir la plus part
du temps: car il ne retourna onques-puis à Corinthe, ains en feit uenir sa fem-
me & ses enfans, & ne s'entremessa point des troubles qui depuis sourdirent
entre les Grecs, ny ne s'exposa point à l'enuie de ses citoiens, à laquelle la plus I
part des gouuerneurs & capitaines uont donner de la teste ordinairement par
une trop grande & insatiable conuoitise d'honneurs & d'autorité: ains se
teint le reste de ses iours en la Sicile, iouissant des biens que luy mesme auoit
produits, desquelz le principal & le plus grâd estoit, de ueoir tant de uilles, &
tât de milliers d'hōmes heureux par son moien. Mais pource qu'il est, par ma-
niere de dire, necessaire que non seulement toutes alouettes aient la houppe sur
la teste, comme dit Simonides, ains aussi qu'en toutes uilles regies par police
populaire, il y ait des calumniateurs, il s'en trouua deux à Syracuse de ceulx
qui auoient accoustumé de harenguer deuant le peuple, qui s'attacherent à K
Timoleon, dont l'un s'appelloit Laphystius, & l'autre Demænetus, desquelz
comme Laphystius luy donna assignation à certain iour, pour uenir respon-
dre deuant le peuple à quelques cas, dont il pretendoit le conuaincre, ses ci-
toiens se mutinerent, & ne uolurent point que cest adiournement eust lieu:
mais luy les appaisa en leur remonstrant qu'il auoit pris tant de peines & de
trauaux, & s'estoit exposé à tant de dangers, à fin que quiconque uouldroit
des Syracusains peust librement user de la franchise & liberté des loix. Et
une autrefois Demænetus en pleine assemblee du peuple, ayant repris &
blasme

A blasmé plusieurs choses par luy faites pendant qu'il estoit capitaine, Timoleon ne respondit rien à cela, ains seulement dit au peuple, qu'il rendoit graces aux Dieux, de ce qu'ilz luy auoient concedé ce qu'il leur auoit souuentefois requis & demandé en ses prieres: c'est, qu'il peust une fois ueoir les Syracusains en pleine franchise & liberté de pouuoir dire tout ce que bon leur sembleroit. Timoleon donques à l'opinion de tout le monde, ayant fait de plus belles & de plus grandes choses que nul autre capitaine Grec de son temps, & ayant seul emporté le pris de ces glorieuses entreprises, aux quelles les Retoriciens auoient accoustumé d'inciter un chascun des Grecs par leurs belles harengues, qu'ilz prononceoient es assemblees des festes & ieux publiques de la Grece, hors de laquelle il fut transporté pur & net par la fortune auant les troubles des guerres ciuiles entre les Grecs, qui y suruindrent tantost apres: & ayant fait preuue de sa suffisance au mestier de la guerre, & de sa uallance aussi contre les Barbares, & contre les tyrans, & enuers ses amis, & generally enuers tous les Grecs, s'estant monstre homme droitturier & clement: & qui plus est, aiât gaigné la pluspart de ses uictoires & de ses trophées, sans que les siens en iettassent larme d'œil, ny en portassent robbe de deuil, & ayant rendu la Sicile en l'espace de huit ans, encore non tous entiers, uuide & libre des miseres & calamitez qui y regnoient de si long temps, estant ia bien auant sur son aage, la ueuë luy commença premierement à baisser, & un peu apres il la perdit du tout, non qu'il eust fait aucune chose par laquelle il eust donné occasion à ceste maladie de luy aduenir, ny que la fortune l'eust ainsi casuellement oultragé, ains fut, à mon aduis, un accidēt de maladie hæreditaire à sa race, qui avec le temps le uint assaillir: car on dit que plusieurs de ses parents auoient semblablement perdu la ueuë, qui peu à peu avec l'aage leur alla ainsi defaillant. Toutefois l'historien Athanis escrit, que durant encore la guerre qu'il auoit contre Mamercus & Hippon, ainsi qu'il estoit en son cāp à Mylles, il luy uint une taye sur les yeux qui luy esblouit la ueuë, de sorte que chascun apperceut que bien tost il la perdrait du tout, mais que pour cela il n'en leua point son siege, ains cōtinua son entreprise iusques à ce que finalement il prit les deux tyrans, & que aussi tost qu'il fut de retour à Syracuse, il se deposa luy mesme de la charge de capitaine general, priant les citoiens de se contenter de ce qu'il auoit fait iusques alors, attendu mesmement que les affaires estoient conduits à fin telle qu'ilz eussent peu desirer. Or que luy ait supporté si patiemmet ceste siene affliction d'auoir entierement perdu la ueuë, à l'aduenture n'est-ce pas chose dont lon se doie grandement esmerueiller: mais bien fait à louer grandement, & à priser la demonstration d'honneur & de recognoissance des bienfaits q̄ luy feirēt les Syracusains apres qu'il fut ainsi deuenueueugle, en l'allant eulx mesmes souuēt uisiter, & y menāt les estrangers passans iusques en sa maison de la uille, & iusques à la possession qu'il auoit aux champs, pour leur faire ueoir leur bienfaiteur, s'esioiissans & tēnans à grand heur ce qu'il auoit choisy d'acheuer le demourant de ses iours avec eulx, & pour ce faire auoit mesprisē le glorieux retour qui luy estoit preparé en la Grece pour les grandes & heureuses uictoires qu'il auoit gaignees en la Sicile. Mais entre plusieurs autres choses que les Syracusains feirent & ordonnerent à son hōneur, celle la me semble l'une des principales, qu'ilz decretterent par edict perpetuel, que toutefois & quantes qu'ilz auroient guerre contre peuples qui ne seroient de leur mesme nation, ilz se seruiroiet d'un ca-

Timoleon.

pitaine Corinthien. C'estoit aussi une chose belle à uoir qu'ilz faisoient pour F l'honorer en leurs assemblees de conseil. Car sil estoit question de quelque affaire de peu de consequence, ilz le iugeoient & depeschoient eulx mesmes tous seuls: mais si c'estoit quelque matiere qui requist plus grande deliberation, ilz le faisoient appeller, & luy sen alloit dedans sa littere à trauers la place, iusques au theatre ou se tenoit l'assemblee du peuple, & y entroit tout ainsi qu'il estoit assis dedas sa littere, & là le peuple tout d'une uoix le saluoit, & luy leur rédoit aussi leur salut: & apres auoir donné quelque espace de tēps à ouir les louanges & benedictions que toute l'assemblee luy donnoit, on luy proposoit l'affaire dont il estoit question, & luy en disoit son aduis, lequel estant passé par les uoix & suffrages du peuple, ses seruiteurs le remenoient de G rechef en sa littere à trauers le theatre, & les citoiens le reconuoyoient quelque temps avec acclamations de ioye & battemēs de mains, puis se remettoient comme deuant à depescher le reste des affaires publiques par eulx mesmes. Et estant sa uieillesse maintenue en tel honneur avec l'amour & bienueuillance d'un chascun, comme d'un pere commun, à la fin il luy suruint quelque leger accident de maladie, dont il mourut. Si furent donnez aux Syracusains quelques iours pour faire les apprestz de ses funerailles, & aux uoïfins d'à l'entour pour y pouoir uenir: au moien dequoy le conuoy de son enterrement en fut de tant plus magnifique en toutes choses, & mesmement en ce que par ordonnance du peuple furent choisis les plus honestes ieunes gentilz hommes de la H uille, qui porterent sur leurs espauls le liēt bien paré & richement accoustré, dedans lequel estoit le corps, & le passerēt à trauers la place ou auoit esté le palais & le chasteau du tyran Dionysius, qui lors estoit demoly, & l'accompagnerent plusieurs milliers de personnes toutes couronnees de chapeaux de fleurs, & uestues de leurs belles robbes, de maniere qu'il sembloit que ce fust la procession de quelque feste solennelle, & estoient tous leurs propos louanges & benissemens du trespasé, avec chaudes larmes aux yeux, lesquelles tesmoignoient que ce n'estoit point par une maniere d'acquit qu'ilz luy faisoient cest honneur, ny pource qu'il eust esté ainsi ordonné, ains par le iuste regret qu'ilz auoient de sa mort, & pour une liberale affectio de uraye amour & bienueuillance qu'ilz luy portoient. Finablement le liēt estant posé sur le bucher ou il deuoit estre bruslé, Demetrius l'un des heraults, qui auoit la plus forte uoix & la plus haultaine, pronōcea le decret, lequel auoit esté ordonné par le I peuple, dont la substance estoit telle: Le peuple de Syracuse a ordonné, que
.. ce present corps de TIMOLEON Corinthien filz de Timodemus, seroit inhu-
.. me aux despens de la chose publique, iusques à la somme de deux mille escus,
.. & a honoré sa memoire de ieux de pris de musique, de courses de cheuaulx,
.. & d'exercices de corps, lesquelz se celebreront annuellement au iour de son
.. trespas, à tousiours & à iamais: & ce, pour auoir chassé les tyrans de la Sicile,
.. desfait les Barbares, repeuplé plusieurs grandes citez, qui estoient demourees K
.. desertes & desolces par les guerres, & finablement pour auoir restitué aux Sici-
.. liens la frāchise & liberté de uiure à leurs loix. Depuis sa sepulture fut edifiee sur la place, à l'entour de laquelle on edifia quelque temps apres des cloistres & portiques à exerciter la ieunesse aux exercices de la personne, & en fut le parc & pourpris appellé Timolcontium: & tant qu'ilz obseruerent les loix & la police qu'il leur auoit establies, ilz uescurent longuement en grande & cōtinuelle prosperité.

A LA COMPARAISON DE PAVLVS. AEMYLIVS AVEC TIMOLEON.

A sans dōques ces deux personnages esté telz, selon que lon trou-
ue par les histoires, il est tout euident qu'en les conferant l'un
avec l'autre, lon n'y trouuera pas beaucoup de differences, ny
de dissimilitudes entre eulx: car premietemēt les guerres qu'ilz
ont conduittes, ont esté contre grands & renommez aduersai-
res, l'un contre les Macedoniens, & l'autre cōtre les Carthaginois: & leurs ui-
ctoires fort notables, car l'un conquist le royaume de Macedoine, qu'il osta au
septieme Roy, qui le tenoit par succession de pere en filz depuis le grand An-
tigonus: & l'autre chassa tous les tyrans de la Sicile, & remeit en liberté toutes
les uilles & toute l'isle entierement. Si d'aduenture quelqu'un ne uouloit dire
qu'il y eust entre eulx ceste differēce, que Æmylius combattit à l'encontre de
Perfes lors qu'il auoit toutes ses forces entieres, & qu'il auoit parauāt battu les
Romains en plusieurs rencontres: là ou Timoleon s'attacha à Dionysius, lors
qu'il estoit de tout poinct desespéré, rôpu & ruiné. Et à l'opposite aussi pour-
roit on dire à l'auantage de Timoleō, qu'il desfeit plusieurs tyrans, & une tref-
grosse puissance des Carthaginois, avec une bien petite troupe de gēs, & en-
core telz quelz, non pas comme Æmylius avec une grosse armee de cōbattans
bien aguerriz, adroicts aux armes, & exercez en la discipline militaire, ains
avec gens ramassez de toutes pieces, combattās pour la soude, dissoluz, & aiās
accoustumē de ne faire à la guerre sinon ce qui leur plaisoit: car là ou les ex-
ploits & beaux faiēts sont pareilz & les moiens inegaulx, il fault cōfesser que
la louange en est deuē au capitaine. L'un & l'autre garda ses mains pures &
nettes es charges qu'ilz manierent: mais il semble qu'Æmylius y uint ainsi
preparé & formé par les loix & par la bonne police & discipline de son païs:
& que Timoleon se rēdit & forma de soymesme tel: ce qui se peult prouuer,
par ce que tous les Romains en ce temps là estoient ainsi bien conditionnez
& incorrompables, gardans tous les ordonnances de leurs païs, & crai-
gnans leurs loix & leurs citoiens: là ou, au contraire, des capitaines Grecs
qui uindrent lors ou furēt enuoyez en la Sicile, il n'y en eut pas un q ne deuint
incontinent corrompu, aussi tost qu'il y eust mis le pied, excepté Dion seule-
ment, & encore souspeçonnoit on qu'il aspiroit & pretendoit à ne sçay quel-
le seigneurie & principaulté, & qu'il proiettoit en son entendement d'establis-
à Syracuse ne sçay quel royaume semblable à celuy de Lacedæmone. Et escrit
l'historien Timæus, que les Syracusains renuoyerent Gylippus honteusemēt
& ignominieusement en sa maison pour son insatiable auarice, & pour les
grands larcins qu'il auoit commis en sa charge. Plusieurs autres semblable-
ment ont escrit les grandes desloyautez & meschancetez, que cōmeirent Pha-
rax Spartiate, & Callippus Athenien, pretendans tous deux & taschās à se fai-
re seigneurs de Syracuse: & toutefois quelz personnages estoient ilz, & quelz
moiens auoient ilz, pour lesquelz ilz eussent deu mettre en leurs fantasies de
telles esperances & telles entreprises? attendu que l'un suyuit & seruit Diony-
sius apres qu'il eut esté chassé & deietté de Syracuse, & l'autre estoit capitaine
d'une compagnie de gens de pied seulement, de ceulx qui uindrent quand &
Dion. Et au contraire, Timoleon fut enuoyé pour estre capitaine general des
Syracusains, à leur instance grande, & urgente poursuite, & n'ayant point be-
soin de prochasser & chercher, ains seulemēt de retenir la puissance que uou-

Timoleon.

luntairement on luy mettoit entre les mains, il quitta de son bon gré franchement son estat, sa charge & son autorité, aussi tost qu'il eut desfait & ruiné ceulx qui uouloient iniustement dominer. Bien est-ce chose qui fait grandement à louer & magnifier en Paulus Æmylius, que pour auoir conquis un si grand & si opulent royaume, iamais il n'en augmenta son bien de la ualeur d'une seule drachme d'argent, ny n'en ueit ne mania denier quelcōque, combien qu'il en dōnast & departist largemēt aux autres : nō que ie ueuille par cela dire, que Timoleon merite d'estre repris de ce qu'il accepta une belle maison, q̄ les Syracusains luy donnerent en leur uille, & une belle possession aux chāps: car en telles choses il n'est point deshoneste de receuoir, mais encore est il pl⁹ honeste de ne point prendre: & est une excellence de uertu, qui mōstre qu'elle ne ueult rien receuoir, prendre ny accepter, encore là ou iustemēt elle le peult faire. Et sil est ainsi que comme le corps est plus fort & mieulx composé, qui supporte mieulx les mutations de l'ardeur du chault & de la rigueur du froit: aussi l'ame est bien plus ferme & plus forte, qui ne s'esleue ny ne s'enorgueillit point pour aucune prosperité, ny aussi ne s'abaisse point pour quelconque aduersité: il semble que Æmylius en cela a esté plus parfait. qu'il ne se mōstra pas de cueur moins grād ne moins graue & constāt en la patiēce qu'il eut de supporter uertueusement le dur incōuenient qui luy aduint, quād il perdit coup à coup ses deux enfans, qu'il auoit fait en ses plus heureuses prosperitez: là ou Timoleon au contraire aiant fait un acte genereux encontre son propre frere, ne peut pas avec la force de la raison uaincre la passion qu'il en sentit, ains abbatu de regret & de repentance qu'il en eut, demoura depuis l'espace de uingt ans durant, sans ozer soy trouuer seulement sur la place, ny s'entremettre aucunement des affaires de la chose publique. Or fault il bien soigneusement se garder & auoir honte des choses laides, deshōnestes & mal faites: mais aussi auoir crainte de toute sorte de reproche, & de toute mauuaise opinion du mōde, est bien signe d'une nature simple, doulce & de bonne aire, mais qui a faulte de magnanimité.

Pelopidas.



P'ANCIEN Caton respondit un iour à quelques uns, qui haultlouoient un personnage hazardeux oultre mesure, & hardy sans discretiō es perilz de la guerre, qu'il y auoit grande difference entre estimer beaucoup la uertu & peu sa uie: qui fut sagement dit à luy. Et à ce propos on racompte, que le Roy Antigonus auoit à son seruice un soudard, entre autres, fort auātueux: mais au demourant, mal sain de sa personne, & gasté dedans le corps. Le Roy luy demanda un iour, d'ou procedoit qu'il estoit ainsi passe, & auoit si mauuaise couleur. Le soudard luy confessa, que c'estoit pour une maladie secrette, qu'il ne luy ozoit bonnement declarer. Quoy entendu, le Roy commanda expressement à ses medecins & chirurgiens qu'ilz aduisassent que c'estoit, & sil y auoit aucun moien de le guarir qu'ilz y emploiasent toute la diligence qui leur seroit possible à le bien penser: comme ilz feirent: tellement que le soudard recouura sa

- A** fanté : mais guaray qu'il fut, il ne se monstra plus si gentil compagnon, ne si auantureux aux dangers de la guerre, comme il faisoit au parauât: de manière que Antigonus mesme, s'en estât apperceu, l'en reprit un iour, en luy disant, qu'il s'esmerueilloit fort de ueoir un si grand changement en luy: dont le soldard ne luy cela point l'occasion, ains luy dit, Vous m'auiez, Sire, uous mesme rendu moins hardy que ien'estois, en me faisant penser & guarir des maulx pour lesquelz ie ne tenoie compte de ma uie. A quoy se rapporte aussi le dire d'un Sybaritain touchant la maniere de uiure des Lacedæmoniens, Que ce n'estoit pas de merucille, filz auoiët si grâde enuie de mourir à la guerre, pour se rachepter de tant de trauaux, & se deliurer d'une si aspre & si austere façon de uie, qu'estoit la leur. Mais il ne se fault pas esbahir, si les Sybaritains, homes effeminez & fondus en delices & uoluptez, estimoient que ceulx qui ne craignoient point la mort, pour le desir qu'ilz auoient de bien faire, & l'affection qu'ilz portoiët à leur deuoir, eussent en haine la uie: ce qui estoit faulx des Lacedæmoniens, car ilz referoient le uiure & le mourir uoluntiers à l'exercice de uertu, ainsi comme le tesmoigne ce blason funeral,

Ces morts icy n'eurent onc ceste foy,

Que le mourir ny le uiure de foy.

Fust beau ny bon, mais bien le sçauoir faire

Et l'un & l'autre à droit en bon affaire.

- C** Aussi à la uerité, fouir la mort n'est point de foy reprehensible, moienant que ce soit sans lascheté de cuer: ny l'attédre louable, si c'est avec un nonchaloir & mespris de la uie. Voila pourquoy Homere descrit tousiours les plus uail-lans & les plus hardis hommes les mieulx armez, quand il est temps de combattre. Et ceulx qui ont fait & estably les loix des Grecs, punissent celuy q iette & abandonne son bouclier, non pas son espee ny sa lance: pourée que l'on doibt premierement penser de foy defendre que d'offenser son ennemy, mesmement ceulx qui ont en main le gouuernement de tout un estat, ou de toute une armee. Car si la comparaison que faisoit le capitaine Athenië Iphicrates, est uraye, quand il disoit, qu'en une exercite les auâtcoureurs armez à la legere ressembtent aux mains, la gendarmerie aux piedz, le bataillon des gens de pied à l'estomac & à la poitrine, & le capitaine à la teste du corps humain: il semble que le capitaine qui se hazarde trop, & se iette en danger sans propos, n'est pas nonchalant de sa uie seulement, mais aussi de tous ceulx dont le salut pend de luy: & semblablement au cōtraire, qu'en aiant soing de la seureté de sa personne, il a soing quand & quand de tous ceulx qui sont soubz luy. Parquoy Callicratidas capitaine Lacedæmonien, encore qu'au demourant il fust un grand personnage, ne respondit pas sagement au deuin qui luy denoncea & preëdit qu'il se donnast de garde, pource que les signes & presages des sacrifices le menassoient de mort: Sparte, dit il, ne depend pas d'un home seul. Car
- E** il est uray, que pour combattre de la main par mer ou par terre, Callicratidas n'estoit rien plus qu'un seul homme uoirement: mais cōme capitaine, il auoit toute la force & puissance entiere de son armee unie & assemblee en foy. ainsi n'estoit il pas un homme seul, puis que tant d'autres perissoient quand & luy. Mais au contraire, le uieil Antigonus, estant sur le poinct de donner une bataille naualle pres l'isle d'Andros, respondit bien mieulx à un qui luy disoit, que les ennemis auoient beaucoup plus de uaisseaux que luy. Et moy, dit il, pour combien de uaisseaux me comptes tu? car il faisoit tref-

Pelopidas.

bien de mettre en grand compte la dignité du capitaine, mesmement quand F
elle est coniointe avec prouesse & experience, dont le premier chef d'œu-
re est sauuer celuy qui doibt sauuer tous les autres. Pourtant Timotheus,
ainsi comme Chares monstroir un iour publiquement aux Atheniens les
cicatrices de plusieurs bleceures qu'il auoit receuës en sa personne, & son
pauois aussi faulxé & percé de plusieurs coups de picque: Je suis, dit il, tout
au contraire: car lors que ie tenois la uille de Samos assiegee, ie eus grande
honte de ce qu'un coup de trait tiré des murailles de la uille uint tumber
tout au pres de moy, pource que ie m'estois trop auancé en ieune homme, &
hazardé plus temerairement qu'il ne conuenoit au chef d'une si grosse armee.
Car quand il sert de beaucoup pour tout le demourant, & qu'il est de grande G
importance que le chef de l'armee s'expose au peril, alors doibt il la teste baif-
see employer sa main & sa personne sans point s'espargner, & ne s'arrester
point aux paroles de ceulx qui uont disant, qu'un bon & sage capitaine doibt
mourir de uieillesse, ou pour le moins uieil: mais là ou il n'en peult aduenir
que peu d'auantage, fil luy succede bien, & au contraire perte uniuerfelle du
total, fil luy eschet mal, iamais hōme sage ne requerra, ny ne fera d'aduis qu'il
face acte de soudard priué qui porte avec soy peril de perdre un capitaine en
chef. Si m'a semblé bien seant faire ceste preface deuant les uies de Pelopidas
& de Marcellus, qui tous deux ont esté grands personages, & tous deux sont
morts autrement qu'ilz ne deuoient: car aians tous deux esté tresuaillās hom- H
mes, les armes au poing, & tous deux aians honoré leurs païs de tresglorieuses
uictories: & qui plus est, contre de tresredoubtez ennemis, pource que l'un fut
le premier, à ce que lon dit, qui rompit Hannibal, lequel iusques à ce iour la
festoit tousiours maintenu inuincible: & l'autre desfeit en bataille rengee
les Lacedæmoniens, qui pour lors commandoient en toute la Grece, tant par
mer que par terre, & tous deux perdirēt leurs uies sans propos, pour s'estre trop
temerairement hazardez lors que leurs païs auoient plus grand besoing de
telz hommes, & de telz capitaines comme eulx. C'est la cause pour laquelle,
nous suiuan les similitudes qui ont esté entre eulx, auons assorty & comparé
leurs uies l'une avec l'autre. Pelopidas dōques filz de Hippoclus, estoit de l'u- I
ne des plus nobles maisons de la uille de Thebes comme Epaminōdas, & aiāt
esté nourry en grande opulēce, uint à estre heritier de sa maison, qui estoit ri-
che & puissante des sa premiere ieunesse. Si monstra incōtinent auoir uoulūtē
de secourir du sien ceulx qui en auoiēt besoing, & qui en estoient dignes, pour
donner à cognoistre qu'il estoit ueritablemēt maistre & seigneur, non point
seruiteur de ses biens: à cause que de la plus part des hommes riches, les uns
n'usent point de leurs richesses, pource qu'ilz sont auaricieux, cōme dit Ari-
stote, & les autres en abusent, pource qu'ilz sont abandonnez à leurs plaisirs:
ainsi sont ilz serfs toute leur uie les uns des uoluptez, & les autres des negoces
& du gain. Ce que cognoissans tous ses autres amis, en le remerciant userent K
franchement de sa benignité & liberalité enuers eulx, excepté Epaminondas,
auquel seul il ne peut iamais faire rien prendre de ses biens, ains au contraire,
Pelopidas luy mesme receut de luy la uoulūtē d'imiter sa pauureté, en ce qu'il
prit plaisir & feit gloire de se uestir simplement, manger sobremēt, trauailler
uoluntiers, & faire la guerre ouuertement, estant tel comme le poëte Euripi-
des descriit Capaneus, quand il dit de luy,

I l'estoit riche & en biens opulent,

A Mais pour cela de rien plus insolent.
Car il eust eu honte, si le plus pauvre homme de la uille de Thebes se fust passé à moins que luy pour sa personne. Or quant à Epaminondas la pauureté luy estoit toute familiere & hæreditaire de pere en filz, il est bien uray qu'il se la rendit encore plus legere & plus aisce à supporter par l'estude de la philosophie, à laquelle il s'adonna, & par ce que des son ieune aage il choisit une uie simple sans superfluité quelcōque: là ou Pelopidas prit femme de grãde maison, de laquelle il eut des enfans, & neantmoins ne fut pour cela de rien plus attentif à conseruer ou augmenter son bien, ains se donna du tout à seruir à la chose publique tant qu'il uescut, de maniere que ses facultez s'en diminueret, dont ses plus familiers amis le reprenoient, en luy remōstrant qu'il auoit grãd tort de ne tenir autrement compte d'une chose qui estoit si necessaire, comme d'auoir des biés: & il leur respondit, Necessaire est elle uoirement, mais c'est à un tel que cestuy Nicodemus. en leur monstrant un pauvre homme boitteux & auetgle. Si estoient tous deux egaleme[n]t nez à toute uertu, excepté que Pelopidas prenoit plus de plaisir à exercer le corps, & Epaminōdas à exercer l'esprit & apprédre, de maniere que leurs passetemps quand ilz estoient de loisir, à l'un estoit lucter, aller à la chasse, & faire tous telz exercices de la personne: & à l'autre, ouir, estudier, & apprendre tousiours quelque chose de lettres & de philosophie. Mais entre plusieurs belles & bonnes parties qui leur ont apporté tant d'honneur & de gloire à tous deux, les hommes de bon iugement ne treuent rien de si grand ne si louable, que d'auoir maintenu tout le long de leur uie leur amitié & bienueuillance inuiolee, depuis le commencement iusques à la fin, parmy tant de combats, tant de guerres, tant de charges d'armees, & tant d'affaires de gouuernement qu'ilz ont eus à demeller ensemble. Car si lon regarde les deportemens d'Aristides & de Themistocles, de Cimon & de Pericles, de Nicias & d'Alcibiades, en l'administratiō de la chose publique, comment ilz ont esté pleins de dissensiōs, d'enuies & de ialouzies des uns contre les autres: & puis à l'opposite, que lon considere l'amour & l'honneur que se sont tousiours continuellement portez l'un à l'autre Pelopidas & Epaminondas: on trouuera sans point de doubte, que ceulx cy sont bien plus dignes d'estre nommés freres d'armes, par maniere de dire, & compagnons de charges publiques, que nuls de ces autres là, lesquels ont tousiours plus estudié & plus trauaillé à uaincre l'un l'autre, qu'à uaincre leurs ennemis: duquel effect la cause ueritable estoit la seule uertu, pource que par leurs faiets ilz ne alloient point cherchant ny gloire, ny richesse pour eulx, à la conuoitise desquelles tousiours est attachee la querelleuse & seditieuse enuie: ains festans tous deux enamourez, des le commencement, d'une amour, affectiō, & charité diuine, qui estoit de uoir leur pais trespuissant & tresflorissant par leur moiē, & en leur temps, ilz reputoient tous les bons exploits l'un de l'autre seruans à cest effect cōme leurs propres. Toutefois la plupart des historiés estime, que ceste grande & uehement amitié qu'ilz se portoient l'un à l'autre; commença & proceda d'un uoyage ou ilz furent ensemble à Mantinée au secours des Lacedemoniens, qui pour lors estoient encore alliez & confederez des Thebains: car estans rengez en bataille l'un aupres de l'autre entre les gés de pied contre les Arcadiens qu'ilz auoiēt en front, il aduint que la poincte de la bataille des Lacedæmoniens, en laquelle ilz estoient, recula, & y en eut plusieurs qui fouirent à ual de rouverte, mais eulx aimās mieux mourir que fouir, se fer-

Pelopidas.

rerent ensemble, & feirent teste à ceulx qui les pressioient, iusques à ce que Pelopidas estant blecé en sept endroits tous par deuant, tumba finablement dessus un monceau de morts, tant de leurs gens que des ennemis, les uns parmy les autres: & lors Epaminôdas, encore qu'il le teint pour mort, se ietta neantmoins au deuant pour defendre le corps & les armes, & sousteint luy seul le combat contre plusieurs, aimant mieulx mourir que d'abandonner Pelopidas gisant entre les morts, iusques à ce que luy mesme estant blecé d'un coup de pique en l'estomac, & d'un coup d'espee au bras, n'en pouuoit presque plus, quand Ageſipolis le Roy des Lacedæmoniens y suruint de l'autre poincte de la bataille tout à temps, qui les sauua tous deux hors de toute esperance. Or depuis ceste bataille les Lacedæmoniens de paroles & en apparence traiterēt bien les Thebains cōme leurs alliez amis & cōfederéz: mais en effect & à la uerité ilz commencerent à auoir suspecte la puissance & la grâdeur de courage de celle cité, mesmement pour une bende & compagnie qu'auoiēt mis sus Ismenias & Androclidas, de laquelle estoit aussi Pelopidas, pource qu'il leur sembloit que c'estoit chose trop populaire, & qui sentoit trop son desir de pleine liberté. Au moiē dequoy il y eut trois personages de la uille de Thebes, Archias, Leontidas, & Philippus, hōmes riches & puissans, qui ne se contentans pas d'estre egaulx aux autres citoiēs, persuaderēt à Phœbidas capitaine Lacedæmonien, qu'en allant & uenant par le païs de la Bœoce avec armee, il se faist un iour du chasteau de Thebes qui s'appelloit la Cadmee, & que chassant de la uille ceulx qui luy uoudroient contrarier, il meist le gouuernement des affaires entre les mains d'un petit nombre des plus nobles, lesquelz feroient toutes choses à la deuotion & au plaisir des seigneurs Lacedæmoniēs. Ce que Phœbidas feit, & executa ceste entreprise sans que les Thebains se doubtaſſent de riē, le iour de la feste que lon appelle Thesmophoria, & s'estāt faisy de la fortreſſe, feit aussi prendre au corps Ismenias, & le mener à Lacedæmone, là ou peu de iours apres on le feit mourir: & Pelopidas, Pherenicus & Androclidas, avec plusieurs autres festans sauuez de uistesse, furent bannis de Thebes à son de trōpe. quant à Epaminôdas, il demoura en la uille sans qu'on luy demâdast rien, pource qu'on le mesprisoit, comme personne de nul effect, à cause qu'il estoit tant adonné à l'estude, & que quand bien il eust eu uolunté d'attenter quelque chose, il n'eust peu l'executer pour sa pauureté. Les Lacedæmoniens ceste surprise entēdue deposerent bien Phœbidas de sa charge, & le condemnerent en dix mille escus d'amēde, mais neantmoins ilz reteindrēt tousiours avec bonne garnison la fortreſſe de Cadmee en leurs mains: ce que tous les autres uilles & peuples Grecs trouuerent fort estrange, qu'ilz approuuassent le faict, & neantmoins punissent celuy qui l'auoit fait. Ainsi les Thebains aians perdu leur ancienne liberté, & estans asseruis par ces deux, Archias & Leontidas, de telle sorte qu'ilz n'auoient plus d'esperance de pouuoir iamais sortir de ceste tyrannie, ny de la ruiner, uoyans qu'elle estoit maintenue & defendue par les Lacedæmoniens, si quand & quand on ne leur oſtoit la seigneurie & domination qu'ilz auoient en toute la Grace, tant par mer que par terre: toutefois Leontidas & ses adhærens, entendans comme les bannis de Thebes estoient à Athenes bien uenus & ueuz de bon œil par la commune, & honorez de tous les gens bien, essaya de les faire secrettement occire par aguet, & pour ce faire enuoyerēt à Athenes quelques hommes incogneus, lesquelz occirent en trahison Androclidas, mais ilz faillirent à tuer aussi les au-

A tres: qui plus est, les Lacedæmoniens escriuirēt à ceulx d'Athenes, qu'ilz n'eussent à recevoir les bannis de Thebes ny à les solliciter, ains plus tost à les destourner & chasser, comme ceulx qui par leurs alliez estoient iuridiquement declarez ennemis communs. Ce nonobstant les Atheniens oultre ce que l'humanité & bonté de tous temps leur a esté comme naturelle, propre, & nee avec eulx, uoulans encore rendre la pareille aux Thebains, qui auoient esté principaux auteurs ou moineurs de faire retourner & remettre sus l'autorité du gouuernement populaire à Athenes, attendu qu'ilz auoient ordonné par edict public, que si aucun Athenien alloit & uenoit par le país de la Bœoce portant armes contre les trente gouuerneurs tyrans qui tenoient la liberté d'Athenes oppresse, qu'il n'y eust aucun Bœotien, qui feist semblant d'en rien ueoir ne rien ouir, ne uoulurent faire aucun tort ne deplaisir aux Thebains. Et ce pendant Pelopidas, encore qu'il fust des plus ieunes, alloit tousiours sollicitant chasque banny en particulier, & en commun fait une harangue à tous, en leur remontrant, que ce ne seroit pas seulement lascheté, ains meschanceté & crime de lese maiesté diuine à eulx, filz enduroient que leur país demourast en telle seruitude, & que des estrangers y teinsent garnison pour les faire ployer soubz le ioug, pendant que eulx se contentans de sauuer leurs personnes, & mettre leurs uies en seureté, demoureroiēt oisifz à Athenes, attendans ce qu'il plairoit aux Atheniens ordonner d'eulx, & faisans la court aux orateurs & à ceulx qui par leur eloquence scauoient persuader ce qu'ilz uouloient à la commune, & pourtant qu'il falloit tout hazarder pour chose de si grande consequence, à l'exemple de la prouesse & hardiesse de Trasylbulus, à fin que cōme luy partant de Thebes chassa les tyrans qui oppressoient Athenes, aussi eulx partans d'Athenes deliurassent Thebes de seruitude: & apres les auoir par ces remonstrances tirez à son opinion, ilz enuoyerent secrettement deuers leurs amis, qui estoient demourez à Thebes, leur faire entendre leur deliberation, laquelle ilz trouuerent bonne, tellement que Charō, qui estoit le plus apparēt de tous, promeit de bailler sa maison pour faire l'assemblée: & Philidas trouua moien de se faire greffier & secretaire de Philippus & d'Archias, qui lors estoient gouuerneurs & capitaines de la uille. D'autre costé Epaminondas, sans faire semblant de rien, auoit de longue main conduit la pratique de leuer le courage aux ieunes hommes Thebains: car quand ilz passoiēt leur temps aux exercices du corps, il trouuoit moien de les faire tousiours coupler à la lucte aux Lacedæmoniens: puis quand ilz les uoyoit tous fiers de les auoir portez par terre, & d'estre les plus forts, il uenoit à les tenser, en leur disant qu'ilz deuroient auoir grāde honte, de souffrir à faulte de cuer, que ceulx la leur teinsent le pied sur la gorge, qui n'estoient pas à beaucoup pres si forts, si roides, ne si robustes qu'eulx. Si y eut un iour prefix entre ceulx de l'intelligēce pour exccuter l'entreprise, & fut aduisé que Pherenicus avec les autres bannis, demoureroit attendāt au bourg de Thriasium, & que quelques uns des plus ieunes & plus dispos prendroiēt le hazard d'aller deuāt pour entrer dedans la uille, à la charge que si d'aduēture ilz estoient surpris par les ennemis, tous les autres cōiurez ensemble seroient tenus de dōner ordre, que leurs peres & meres & leurs enfans n'eussent faulte de chose aucune qui leur fust necessaire. Pelopidas fut le premier qui se presenta à ceste couruee, & apres luy Melon, Democlidēs & Theopompus, tous hommes des premieres maisons de Thebes, qui s'entr'aimoient bien les uns & les autres, & qui pour rien n'eussent fait l'un à l'autre un

Pelopidas.

tour de desloyaulté, encore que de tout temps il y eut entre eulx une ialousie F
de gloire, & une contention d'honneur à qui emporteroit le pris de prouesse.
Si furét douze en tout, lesquelz prenans congé des autres, enuoyèrent deuant
un messager à Charon pour l'aduertir de leur uenue, & se meirent en chemin
aians de petits manteaux courts sur leurs dos, & menâs des chiens de chasse, &
portans en leurs mains des estansons à pendre les pans de retz, à fin que ceulx
qui les rencontroient par le chemin, ne se doubtrassent point de leur entreprise
& cuidassent qu'ilz fallassent ainsi promenans par les châps, & chassans pour
leur plaisir. Quand le messager qu'ilz auoient enuoyé deuant fut arriué en la
uille, & qu'il eut dit à Charon comme ilz estoient par le chemin, il ne fleschit
point quant à luy, quoy qu'il approchast du danger, ains en homme de bien G
persista en l'offre qu'il auoit faite, & dit qu'ilz feroiét les bien uenus en sa mai-
son: mais un autre, nommé Hipposthenidas, qui n'estoit pas autrement mau-
uais homme, ains aimoit le bien & l'honneur de son païs, & si estoit amy des
bannis: mais il auoit faulte de cueur & de hardiesse, au moins telle comme le
poinct de l'occasion & de l'affaire, qui lors se presentoit, le requeroit, tellemét
que la teste luy tourna, par maniere de dire, & le nez luy saigna, quâd il uint à
considerer & regarder de pres la grandeur du peril ou il luy falloit prompte-
ment entrer, n'ayant iamais au parauant discouru à par soy en son entende-
ment, qu'ilz esbranloient en ce faisant tout l'empire des Lacedæmoniens, &
bastissoient le fondement de la ruine de toute leur puissance, sur la confian- H
ce d'un petit nombre de bannis, qui auoient bien peu de moien. Parquoy re-
tournant en sa maison, il enuoya soudainement l'un de ses familiers uers Me-
lo & Pelopidas, leur dire, qu'ilz differassent leur entreprise iusques à une autre
meilleure occasiõ, & q̄ pour lors ilz s'en retournassent à Athenes. Celuy qu'il
y enuoya se nommoit Chlidon, lequel s'en alla incontinent en grande haste
chez soy, & tirant son cheual hors de l'estable, dit à sa femme, qu'elle luy ap-
portast uistement la bride, sa femme ne la pouuant trouuer promptemét, luy
dit qu'elle l'auoit prestee à l'un de leurs uoïfins, si se prirent à tenser du com-
mencemét l'un à l'autre, & puis à s'entredire des iniures, iusques à tant que sa
femme le maudissant, pria aux Dieux que malheureux uoïage peust il faire I
pour luy, & pour ceulx qui l'y enuoyoient: tellemét que ce Chlidon aiant cõ-
sumé bonne partie de la iournee à tenser & quereller avec sa femme en chole-
re, & quand & quand aussi pource qu'il prenoit à mauuais presage les maledi-
ctions & imprecations que sa femme auoit faittes contre luy, il resolu en soy-
mesme de n'y aller du tout point, & se mit à faire quelque autre chose: tant
peu s'en fallut que l'entreprise d'un si digne & si glorieux exploit ne fust rom-
pue auant que cõmee. Mais ceulx qui estoient en la cõpagnie de Pelopidas
prenâs des robbes de païsans, à fin de n'estre point cogneuz, se departirét pour
n'entrer pas tous ensemble, ains par diuerses portes, dedâs la uille, qu'il estoit
encore iour. Or faisoit il d'aduéture assez grâd uét, & negeoit, de maniere que K
pour autant que le temps commenceoit à se troubler, la plus part du monde
s'estoit retiree au dedans des maisons, ce qui seruit beaucoup à ce qu'ilz ne fus-
sent point descouuers en entrant: & ceulx qui estoient de leur intelligence les
recueuillirent à mesure qu'ilz arriuoient, & les menerét en la maison de Cha-
ron, ou ilz se trouuerent avec les bannis quarante & huit hommes seulemét.
Au reste, quant aux tyrans, uoicy comment il en alloit: Philidas le secretaire
estoit de la coniuration, comme nous auons dit, & sçauoit toute la mence: au
moien

A moien de quoy long temps au parauant il auoit expressement conuie Archias & sa compagnie, à uenir ce iour la soupper & faire bonne chere en sa maison, leur aiant promis qu'il feroit prouision de femmes de plaisir, à fin que quand ilz seroient bien yures & bien plongez en leurs uoluptez, les coniuerez en feissent plus aiseement tout ce qu'ilz uoudroient. Ainsi estant le banquet commencé, auant qu'ilz eussent encore trop beu on leur uint à descouurir la uerité de la coniuration, non pas de poinct en poinct cōme tout en alloit, ny comme chose certaine, ains seulement qu'il estoit bruit que les bannis estoient dedās la uille cachez en la maison de Charo. Philidas uoulut destourner ce propos: mais toutefois Archias enuoya l'un de ses archers à Charon, luy faire commandement qu'il eust à s'en uenir promptement deuers luy. Or estoit il desia soir, & se preparoient Pelopidas & sa compagnie, pour aller executer leur entreprise, estans tous armez, & aians ia pris leurs espees, quand tout soudain on entendit battre fort à la porte, & accourut quelcun de la maison, qui uint dire tout effroyé, que c'estoit un des satellites de Archias, qui uenoit faire cōmandement à Charon de s'en aller promptement deuers les gouuerneurs. Si penserent incontinct que toute leur entreprise fust descouuerte, & consequēment eulx perdus auant que pouuoir faire aucune preuue de leur uertu: toutefois ilz furent tous d'aduis que Charon obeist à ce mandement, & qu'il se representast deuant les gouuerneurs pour leur oster tout souspeçon. Si estoit bien Charon autrement homme hardy, constant, & assuré au peril quant à son regard: mais toutefois il se trouua lors estonné & fasché, craignant qu'il ne fust aucunemēt souspeçonné d'auoir fait tour de trahison, si l'aduenoit que tant de gens de bien & de si grands citoyens, aux quelz il auoit presté sa maison, fussent perdus. Parquoy auāt que sortir de sa maison, il alla prendre en la chambre de sa femme son filz, qui estoit encore enfant, mais beau & fort, plus que nul autre de son aage, & le mit entre les mains de Pelopidas, en le priant que si l'on cognoissoit qu'il leur eust fait quelque trahison, ou aucū tour de malengin, ilz feissent de cest enfant comme d'un ennemy, sans en auoir aucunement pitié. Les larmes uindrent aux yeux de plusieurs des coniuerez, quand ilz ueirent ce bon zele & ceste magnanimité de Charon, & le tenferent tous de ce qu'il estimoit aucun d'eulx si failly de cueur, & si espouuenté pour quelque danger qui se presentast, qu'ilz le souspeçonnassent ou accusassent de rien: & le prierent quand & quand de ne laisser point cest enfant parmy eulx, ains le faire retirer quelque part hors du danger des tyrans, ou il peust estre nourry, pour un iour faire la uengeance du tort qu'ilz auroiēt fait à eulx & à leur pais. Charon leur respondit, qu'il ne l'osteroit point, & qu'il ne uoyoit point de uie ny de salut plus heureux pour luy, que de mourir sans infamie avec son pere & avec tant de gés de bien ses amis. Ainsi apres auoir fait priere aux Dieux de leur uouloir estre en aide, & auoir embrassé & reconforté tous les cōiuerez les uns apres les autres, il s'en alla, & par le chemin festudia de composer tellemēt son uisage, sa cōtenance, & sa parole, qu'il semblast penser plus tost à toute autre chose qu'à celle qu'il auoit en pensee de faire. Quand il fut à la porte du logis ou se faisoit le festin, Archias & Philidas luy uindrent au deuant, qui luy dirent, Charon, Qui sont ceulx que lon dit estre entrez secretement en ceste uille, & qui sont cachez en quelque maison, aians des bourgeois qui sentendent avec eulx? Charon se troubla un peu du commencement, & leur demanda: Et quelles gens sont ce? Qui sont ceulx qui les recellent en ceste uille? Mais

Pelopidas.

quand il ueit que Archias ne luy en ſçauoit rien declarer de certain, il pensa bien que la deſcouuerture luy en deuoit auoir eſté faite par hōme qui ne ſçauoit pas bien toute la trame de l'entreprife. Si leur dit, Gardez que ce ne ſoit quelque faulſe alarme que lon uous ait donnee pour uous eſtōner: toutefois ie m'en enqueray: car à toute aduenture c'eſt touſiours le plus ſeur de ne mettre rien en telles choſes à nonchaloir. Philidas reſpondit qu'il diſoit uray, & à tant remena Archias en la ſalle, ou il le feit boire encore mieux que deuant, entretenant touſiours la compagnie de l'eſperance de ces femmes qui deuoient uenir, & Charon retournant en ſa maiſon, trouua les coniuerez tous preſts & appareillez de mettre la main à l'œuure, non cōme gens q'eſperaffent de ſauuer leurs uies, ny de uenir au deſſus de leurs ennemis, mais qui eſtoiēt bien reſolus de mourir uailamment, & de uendre leur mort bien cherement: ſi dit la uerité tout ainſi qu'elle eſtoit à Pelopidas ſeul, & donna à entendre aux autres qu'Archias l'auoit enuoyé querir pour luy dire quelque autre choſe. A peine eſtoit de dāger de ceſte premiere tourmente paſſé, que la fortune leur en enuoya un autre: car il arriua incontinent apres un meſſager uenant d'Athenes, qui apporta à ce meſme Archias une lettre que luy eſcriuoit le grād pontife d'Athenes qui l'appelloit Archias comme luy, & eſtoit ſon hoſte & ſon ancien amy, dedans laquelle il luy eſcriuoit, non une coniecture ſimple, ny une ſuſpition imaginee ſeulement, ains la conſpiration de poinct en poinct toute telle comme on la ueit depuis. Si fut le meſſager conduit à Archias, qui eſtoit deſia yure, & en luy donnant la lettre luy dit, Celuy qui t'enuoye ceſte miſſiue m'a expreſſemēt commandé de te dire que tu liſes incōtinent ce qu'il y a dedans, pource que c'eſt choſe de grande conſequence. Archias en ſeriant luy reſpondit, A demain matin les affaires: & prenant la lettre la mit deſſoubz ſon cheuet, puis retourna à continuer le propos qu'il auoit commencé avec Phillidas: mais depuis ceſte parole eſt demouree en uſage entre les Grecs, cōme un prouerbe commun, A demain matin les affaires. Quād donques il leur ſembla eſtre temps de commencer à executer leur entrepriſe, ilz ſe departirent en deux bendes, & ſ'en allerent les uns avec Pelopidas & Damoclidas pour aſſaillir Leontidas & Hypatus, à cauſe qu'ilz ſe tenoiēt l'un aupres de l'autre, & les autres avec Charon & Melon allerent cōtre Archias & Philippus, eſtās deſguiſez de robes de femmes qu'ilz auoient ueſtues par deſſus leurs armes, & portans ſur leurs teſtes des chapeaux de branches de Pin & de Sapin qui leur couuroient tous les uiſages. Au moien dequoy quand ilz uindrent à ſe preſenter à la porte de la ſalle ou ſe faiſoit le banquet, ceulx de dedās penſans de prime face que ce fuſſent les femmes qu'ilz attendoient, ſ'en eſcrierēt, & en feirent un bruit de ioye: mais apres qu'ilz eurent ietté leurs yeux par toute la ſalle pour recognoiſtre tous ceulx qui eſtoient à ce banquet, & que les eſpees deſguainees ilz ſe ruerent à trauers les tables deſſus Archias, & deſſus Philippus: adonc donnerent ilz bien à cognoiſtre qui ilz eſtoiēt. Et lors Philidas dit à ceulx qu'il auoit conuiez avec eulx, qu'ilz ne bougeaſſent & qu'ilz n'auoiēt nul mal, ce qu'aucuns d'eulx feirent: mais les autres en plus grand nombre, ſe uolurēt mettre en deuoir de defendre les gouuerneurs, & ſe leuerēt ſur leurs pieds avec eulx: toutefois, pource qu'ilz eſtoient ſi yures qu'ilz ne ſçauoient qu'ilz faiſoient, ilz furent tous facilement tuez quād & eulx. Mais l'execution ne fut pas ſi facile à la bēde que menoit Pelopidas: car ilz alloient cōtre Leontidas, qui eſtoit perſonne ſoigneuſe & ſobre, & quand & quand homme à la

A main, & trouuerent qu'il estoit desia couché, & la porte de sa maison fermee, à laquelle ilz battirēt longuemēt sans que personne leur ouurist: à la fin toutefois il y eut à toute peine un uallet qui les ouit ainsi frapper, & uint à la porte pour leur ouurir: si tost qu'il eut tiré le uerrou, & que la porte commença à s'entreouurir, ilz la poulserent si rudement en se iettans à la foule tous ensemble dedans, qu'ilz renuerferent le seruiteur par terre, & monterent droit à la chambre. Leontidas entédant le bruit de ceulx qui mótoient à si grāde haste, se doubta incontinent que c'estoit, & se iettant hors du list prit une espée en sa main, mais il oublia d'esteindre les lampes qui ardoiēt la nuit en sa chambre, car ilz se fussent par ce moien entrefrappez & entreheurtez les uns les autres en tenebres: mais au contraire, estant facile à ueoir en une si grande clarté de lampes, il leur alla au deuant iusques à l'huis de sa chambre, & donna à Cephisodorus, qui s'estoit ietté le premier dedans, un si grand coup d'espée, qu'il l'abbatit tout roide mort à ses piedz. Ce premier estant tumbé, il s'attacha à celui qui uenoit apres, qui estoit Pelopidas. Si fut le cōbat malaisé, tant pource que l'huis de la chambre estoit estroit, cōme aussi pource que le corps de Cephisodorus mort estendu en la place les empeschoit: toutefois à la fin Pelopidas en uint à bout, & l'ayant occis, Leontidas alla incontinent auec sa compagnie au logis de Hypatus, là ou ilz entrerēt ne plus ne moins que chez Leontidas: mais Hypatus cogneut incontinent que c'estoit, & se cuida sauuer es maisons de ses uoifins, mais les coniuerez le poursuirēt de si pres, qu'il fut tué auant que de les pouuoir gagner. Cela fait ilz se r'assemblerent avec l'autre bende de Melon, & enuoyerent incontinent en diligēce à Athenes deuers les autres bannis, & cōmencerent à crier par la uille, Liberté Liberté, armās ceulx des bourgeois qui se uenoient rēdre & allier à eulx, des armes & desponilles des ennemis, qui estoient attachees & pendues es portiques publiques & es boutiques des armeuriers & fourbisseurs à l'entour de la maison de Charon, lesquelles ilz rompoient ou faisoient ouurir à force. D'autre costé uindrent aussi à leur secours Epaminondas & Gorgidas bien armez avec une troupe de ieunes hommes, & de uieillards aussi des plus gens de bien qu'ilz auoient assemblez. Si fut incontinent toute la uille sans dessus dessous pour l'effroy, pleine de tumulte & de bruit, & y auoit ia des lumieres par toutes les maisons, courans les uns chez les autres pour sçauoir que c'estoit: toutefois le peuple ne festoit point encore assemble, ains estāt tout estōné pour ne sçauoir à la uerité que c'estoit, attendoit q̄ le iour fust uenu pour s'assembler en cōseil. Au moien de quoy il me semble q̄ les capitaines de la garnison des Lacedæmoniēs, feirēt en cela une grande faulte, qu'ilz ne leur coururent sus de bōne heure, & ne les chargerent incontinent, attendu qu'ilz estoient mille cinq cents hommes de guerre, sans un grand nombre de ceulx de la uille qui s'en alloiēt à la file ioindre à eulx: mais ilz eurent peur du grand bruit qu'ilz oyoient, des feuz qu'ilz uoyoyent par toutes les maisons, & du peuple qui alloit & uenoit de tous costez en grand nombre, à l'occasion de quoy ilz ne bougerent, ains garderent seulement la fortreffe de la Cadmee. Le lendemain au poinct du iour arriuerent de l'Attique les autres bannis bien armez, & s'assembla tout le peuple de Thebes en conseil, auquel Epaminondas & Gorgidas amenerent deuant le peuple, Pelopidas & ses confors enuironnez des presbtres & gens de religion de la uille, qui leur tendoient des couronnes pour mettre sur leurs testes, & prioient l'assemblée des citoiens qu'ilz uoulussent secourir leur Dieux & leurs

Pelopidas.

païs. Toute l'assistance du peuple se leua en piedz, aussi tost qu'elle les ueit, & avec grandes clameurs & battemens de mains, les receut comme ses bienfaiteurs qui les auoient deliurez de seruitude & remis en leur liberté: & tout sur le champ furent eleuz capitaines & gouuerneurs de la Bœoce par les uoix du peuple Pelopidas, Melon, & Charon. Si feit incontinent Pelopidas ceindre de trenchées & de cloison de bois le chasteau de la Cadmee, & luy feit donner assauls de tous costez, employant tout son effort à tascher de le prendre, & en chasser les Lacedæmoniens, premier qu'il uint de Sparte une armee pour les secourir: ce qu'il feit, & les preuint de si peu de temps, que ceulx de la garnison estans sortis du chasteau par composition, en s'en retournant à Lacedæmone trouuerent sur les terres de Megare, Cleombrotus le Roy de Sparte, qui les alloit secourir avec une grosse & puissante armee: mais de trois capitaines qu'il y auoit en ceste garnison de Thebes, les Spartiates en condempnerent les deux Hermippidas & Arcyffus à mourir, qui furent de faict executez: & le troisieme Dysaoridas estant aussi condempné en une grosse somme de deniers pour l'amende, s'en alla hors du Peloponese. Cest exploit aiant esté entrepris & executé, avec mesme hardiesse, mesme peril, & mesme trauail, que celuy de Thra-sybulus, quād il deliura la uille d'Athenes des trente gouuerneurs tyrans: & qui plus est, aiant esté conduit à mesme fin par la fortune, en a esté appelé par les Grecs son frere germain: car aussi seroit il bien mal aisé d'en alleguer d'autres que ces deux là, qui avec si peu de gens soient uenus au dessus de leur ad-uer-saires qui estoient en si grand nombre plus qu'eulx, ne qui avec si peu de moien aient uaincu ceulx qui estoient trespuissans, ne qui estans uenus à bout de leur entreprise, par le moien de leur hardiesse seule, & de leur sage cōduite, aient esté cause de plus grands biens à leurs païs. Ce qui a rendu l'entreprise encore plus honorable & plus glorieuse pour eulx, pour le changement des affaires qui en suyuit puis apres: car la guerre qui abbattit la dignité de Sparte, & qui osta aux Lacedæmoniens la principaulté de la terre & de la mer, commēcea celle nuit que Pelopidas, sans auoir surpris ne uille, ne chasteau, ne place forte, entrant luy douzieme en une maison priuee, couppa & trécha, par maniere de dire, & pour mieulx exprimer la uerité par ceste figure de parler, les chaines qui maintenoient ferme la seigneurie & principaulté, que les Lacedæmoniens auoient en toute la Grece, & lesquelles on auoit iusques à ce temps là estimé estre si fortes, qu'il seroit impossible de les briser, rompre, ny deslier. Estans donques, quelque temps apres, les Lacedæmoniens entrez à grosse puissance dedans le païs de la Bœoce, les Atheniens effroyez d'une si grande force, renoncerent tresbien à l'alliance & ligue defensiue qu'ilz auoient avec eulx: & qui plus est, meirent en iustice, & feirent le proces à ceulx qui furent accusez de tenir le party des Bœotiens, dōt les uns furent executez à mort, les autres bannis de l'Attique, les autres condempnez en grosses amendes. De faict la commune opinion estoit, que les affaires des Thebains s'en deuroient tresmal porter, attendu qu'ilz n'estoient secourus ny fauorisez de personne du monde. Or estoient celle annee capitaines generaux de la Bœoce, Pelopidas & Gorgidas, lesquelz espians les moiens de mettre derechef les Atheniens en picque & inimitié contre les Lacedæmoniens, tramerent une telle ruz. Il y auoit un capitaine Lacedæmonien, qui se nommoit Sphodrias, bien uaillant homme de sa personne, mais au demourant estourdy & leger, & qui mettoit facilement en sa teste de uaines esperances, & une folle ambition d'auoir fait

- A en sa uie quelque beau traict. Or auoit il esté laissé avec bon nombre de gens de guerre en la uille de Thespies, pour recueuillir & fauoriser ceulx de la Bœoce, qui se uoudroient rebeller contre les Thebains. Pelopidas de son autorité priuee enuoya deuers luy un marchand son familier & amy, qui luy porta de l'argent, & des paroles, qui l'emeurent encore plus que l'argent, en luy mettant en auant, qu'il deuoit attenter de plus grandes choses, & aller surprendre le port de Piræe, comme il pourroit aiseement faire s'il l'assailloit au desprouueu, lors que les Atheniens ne se doubtoient de rien, & ne le tenoient point en seure garde, & qu'il se deuoit tenir pour tout asseuré, que les seigneurs Lacedemoniens n'auroient rien si cher ny tant agreable, que de tenir la uille de
- B Athenes en leur puissance: & que les Thebains qui leur uoloient mal de mort, pour ce qu'ilz les auoient trahis & abandonnez au besoing, ne les secourroient en façon quelcōque. Sphodrias meu de ces persuasions, prit ce qu'il auoit de gens de guerre avec luy, & se partant une nuit entra dedans le pais de l'Attique, ou il penetra iusques à la uille de Eleusine: mais quand il fut là, ses gens eurent peur, & ne uolurent point passer oultre. Ainsi estant descouuert, il fut contrainct de s'en retourner à Thespies, aiant suscitè aux Lacedemonies une guerre qui ne leur fut pas de petite cōsequence, ny facile à demesler: car depuis cela les Atheniens rechercherent derechef l'alliance des Thebains, & les secoururent fort affectueusement: & , qui plus est, se remettans à la marine allerent çà
- C & là prattiquant & retirant à leur ligue ceulx qui auoient enuie de se rebeller contre les Lacedemoniens, & ce pendant les Thebains s'attachoient souuent en petites rencōtres dedans le pais de la Bœoce aux Lacedemoniens. Il est uray, que ce n'estoient pas grosses batailles: mais toutefois si leur estoit ce un grand apprentissage de la guerre, & un exercice qui leur eleuoit tousiours le cuer de plus en plus, & rédoit leurs personnes plus robustes, de maniere que par telles escarmouches ilz en deuindrent plus hardis, plus aguerris & mieulx duits aux armes qu'ilz n'estoient au parauant. Pourtant trouue lon par escrit que Antalcidas Spartiate dit un iour au Roy Agefilaus, qui retournoit de la Bœoce tout blecè: Certainement tu as receu des Thebains le salaire que tu as
- D meritè, pour leur auoir enseigné malgré eulx à faire la guerre & à combattre. Toutefois à la uerité Agefilaus ne fut pas le maistre qui leur môstra à biè faire la guerre, ains furent les bons & sages capitaines qui les sceurent bien en temps & lieu mettre deuant leurs ennemis, comme de bons leuriers laschez à propos, & puis les retirer seurement apres les auoir acharnez en leur faisant un peu gouster l'aïse & le fruit de la uictoire, entre lesquelz Pelopidas est celui, qui plus en a meritè d'honneur & de gloire, pource que depuis la premiere fois qu'ilz luy donnerent charge de gens de guerre, ilz ne faillirent iamais de l'essire continuellement par chascun an, ou capitaine de la bende sacree, ou gouuerneur de la Bœoce, tant comme il uescut, de sorte que ce fut luy
- E qui feit la plus part de tout ce qui fut fait en ceste guerre. Or y eut il plusieurs desfaittes & roughtes des Lacedemonies au pres des uilles de Platees & de Thespies, là ou Phœbidas mesme, celui q auoit surpris le chasteau de la Cadmee, fut occis entre autres: aussi en desfeit il une autre grosse troupe pres la uille de Tanagre, là ou celui qui en estoit gouuerneur Panthoidas fut tué: mais toutes ces rencontres là, comme elles seruient bien à asseurer les uainqueurs, & à leur eleuer le cuer, aussi ne matterent elles pas entierement les uaincus: car ce ne fut point en bataille rengee, ny en iournee assignee avec toute leur

Pelopidas.

puissance entiere, qu'ilz y furent battus, ains furent des courses faittes à propos, & des escarmouches, là ou tantost en fuyan, tantost en chassant, ilz s'attachèrent à eulx, & les battirent. Mais la bataille de Tegyre, qui fut comme un essay de la iournee de Leuctres, meit Pelopidas en grande reputation : car il n'y eut point de compagnon qui luy meist en dispute, ne qui partageast avec luy la gloire de la uictoire, ny ne laissa aux ennemis excuse aucune de laquelle ilz peussent couvrir leur desfaite : car il espioit tousiours l'occasion commēt il pourroit surprēdre la uille d'Orchomene, laquelle auoit pris le party des Lacedæmoniens, & auoit receu deux enseignes de gens de pied pour la garder. Et un iour estāt aduertiy que la garnison d'icelle estoit allee faire une course au pais de la Locride, esperant qu'il trouueroit la uille d'Orchomene toute uuide, il sy en alla avec la bende sacree, & quelque nombre de gēs de cheual : mais ainsy qu'il fut pres de la uille, il entēdit qu'il uenoit de Sparte une autre garnison au lieu de celle qui estoit sortie, & à ceste cause s'en retourna arriere par la uille de Tegyre, pource qu'il n'eust sceu retourner par autre chemin qu'en tournoiant au long du pied de la montagne, à cause que toute la plaine, qui est entre deux, est noyee des regorgemēs du fleue de Melas, lequel des le lieu dont il sourt s'espad & fait des marets nauigables, de sorte qu'il est impossible de le guayer. Vn peu au dessoubs de ces marets y a un temple d'Apollo surnommē Tegyrien, ou il souloit auoir anciennement un oracle qui auioirdhuy est delaisē, & ne florit iamais longuement, ains seulement iusques au temps de la guerre des Mēdois, en aiant pour lors Echecrates la superintendence. Et ueulent aucuns dire que c'est le lieu propre ou Apollo nasquit, pource que lon appelle la montagne prochaine Delos, au pied de laquelle se terminent les marets du fleue de Melas, & derriere le temple sourdent deux fontaines qui iettent de l'eau en grande quātité, bonne & fresche à merueilles, dont l'une s'appelle encore iusques auioirdhuy la Palme, & l'autre l'Oliue. Et ueult on dire que ce ne fut pas entre deux arbres, mais entre ces deux ruisseaux, que la deesse Latone accoucha : car mesme la montagne de Ptoum est là au pres, de laquelle sortit soudainement le sanglier qui l'effroya, & semblablement ce que lon compte du serpent Pytho, & du geant Tytius, se cōforment à prouuer, que c'est là proprement le lieu de la naissance d'Apollo. Il laisse plusieurs autres indices qui se rapportent à cela, pource que nous ne tenons pas en nostre pais que Apollo soit du nombre de ceulx, qui par transmutation aient esté faits d'hommes mortels Dieux immortelz, comme sont Hercules, & Bacchus, qui par l'excellence de leur uertu despouillerēt ce qu'il y auoit de mortel & de passible en eulx, ains le croyōs estre de ceulx qui eternellement ont esté sans principe de generation, au moins si nous deuons adiouxter foy à ce que les plus sçauans & les plus anciens ont laissé par escript touchant choses si grandes & si saintes. Les Thebains donques retournans d'Orchomene, & les Lacedæmoniens de l'autre costē, retournans semblablement de la Locride en un mesme temps, se rencontrerent les uns deuant les autres au pres de la uille de Tegyre. Et si tost que lon eust descouuert les Lacedæmoniēs passans le destroit, il y eut quelqu'un de la troupe des Thebains qui accourut à Pelopidas uistement, & luy uint dire, Nous sommes tumbēz entre les mains des Lacedæmoniens. Pourquoy, luy respondit il soudainemēt, plus tost que eulx entre les nostres ? Et aiant dit cela, commāda aux gens de cheual qui estoient à la cueuē de toute la troupe, qu'ilz passassent deuant, comme

- A** pour commencer la charge les premiers: & ce pendant luy renga en un petit bataillon bien ferré ce qu'il auoit de gens de pied, qui n'estoient que trois cents, esperant bien que là ou il donneroit avec ce squadrō, il forceroit & feroit les ennemis qui estoient en plus grand nombre: car il y auoit deux compagnies de Lacedæmoniens, & chascune compagnie, ainsi cōme escrit Ephorus, estoit de cinq cents hommes, & Calisthenes dit de sept cents: encore y en a il d'autres qui disent de neuf cents, entre lesquels est Polybius. Si marcherēt les capitaines des Lacedæmoniens Theopompus & Gorgoleon de grāde hardiessē contre les Thebains, & se rencōtra d'aduenture que la premiere charge commēcea es endroits ou estoiet les chefs tant d'une part que d'autre, avec
- B** une fureur & une impetuositē tresgrāde, de sorte que les premiers qui y moururent furent tous les deux capitaines des Lacedæmoniens, qui s'estoient ensemble ruez sur Pelopidas, & apres eulx ceulx qu'ilz auoient autour de leurs personnes y estans aussi fort blecez ou tuez sur le champ, le reste de l'armēe s'en trouua si effroyé qu'elle se fendit en deux, & se tira ça & là à costē donnāt passage aux Thebains pour pouoir tirer oultre s'ilz eussent uoulu: mais quād ilz ueirēt que Pelopidas par l'ouuerture du passage qu'on luy bailloit, menoit ses gens cōtre ceulx qui estoient encore en bataille, & alloit tousiours tuant ceulx qui luy faisoient teste, alors ilz se meirent tous à fouir à ual de rōupte: toutefois les Thebains ne les chasserent pas fort loing, pource qu'ilz craignoient les Orchomeniens qui n'estoient gueres loing de là: & d'auantage la nouuelle garnison, qui nagueres y estoit arriuee de Lacedæmone. Cela fut cause qu'ilz se contenterent de les auoir rompus à uiue force, & auoir en despit d'eulx passé à trauers toute leur armēe mal menee & battue. Parquoy apres auoir dressē un trophēe, & despouillē les morts, s'en retournerēt en leurs maisons bien ioyeux, & aians les cueurs fort esleuez, pource qu'en tant de guerres que les Lacedæmoniens auoient eues par le passé, tant contre les Grecs que cōtre les Barbares, il n'estoit point de memoire que iamais ilz eussent esté battus par un moindre nombre d'ennemis que le leur, ny encore par un nōbre egal en bataille renga: au moien de dequoy ilz estoiet si courageux & si terribles,
- D** que personne ne les osoit attendre, car leur reputation seule estonnoit tellement les aduersaires qui auoient à combattre contre eulx, qu'ilz ne pensoient pas avec egale puissance deuoir autant faire comme eulx. Mais ceste bataille de Tegyre fait la premiere cognoistre & à eulx, & aux autres Grecs, q̄ ce n'est point la riuierē d'Euroras seule, ny le lieu qui est entre les ruisseaux de Cnaciō & de Babyce, qui porte de belliqueux hōmes, & hardis combattans, ains que c'est par tout ou lon apprend aux ieunes hommes à auoir hōte des choses deshonnestes & uillaines, & à hazarder leurs uies pour les honnestes, en craignāt plus le reproche & le deshonneur que le peril. Ce sont ceulx la qui sont tousiours les plus redoubrables, & les plus terribles à leurs ennemis. Or quant à la
- E** bende sacree dont nous auons fait mention par cy deuant, on dit que ce fut un nommé Gorgidas qui la meit sus le premier: elle estoit de trois cents hommes choisis, qui estoient soudoyez & entretenus au despens de la chose publique, & logeoient dedans le chasteau de la Cadmee, & l'appelloit on ordinairement la bende de la uille, à cause que lors on appelloit en ce quartier la, mesment les chasteaux & fortresses des grosses citez, les uilles. Les autres ueulent dire que c'estoit une cōpagnie de gens de pied cōposēe d'hommes amoureux, & de ceulx qu'ilz aimoiēt, & à ce propos racompte lon un diēt notable de Pā-

Pelopidas.

menes, lequel en se iouant disoit, que Nestor n'entendoit rien à ordonner une F
armée en bataille, attédu qu'en l'Iliade d'Homere il cōseille aux Grecs, qu'ilz
se rengent en bataille par nations & par lignees,

A fin que plus on ait d'affection

De secourir chascun sa nation.

Car il falloir, ce disoit il, plus tost rengier un amant auprès de celuy qu'il aime,
pource que les hōmes se soucient ordinaiement bien peu de ceulx qui sont de
leur nation ny de leur lignee en un dāger: mais un bataillon qui seroit cōpo-
sé d'hōmes amoureux les uns des autres, ne se pourroit iamais ny rōpre ny for-
cer, à cause que les amants, pour l'affection uehemēte qu'ilz porteroiēt à leurs
amez, ne les abādōneroiēt iamais, & les aimez aians hôte de faire chose aucu- G
ne lasche ny deshoneste deuāt leurs amāts, tiēdroiēt, les uns pour l'amour des
autres, iusques au bout. Ce qui n'est pas hors de propos, fil est uray q̄ les amou-
reux reuerēt plus leurs amours, encore qu'ilz soiēt absens, qu'ilz ne font les au-
tres presents: ainsi que lon peult cognoistre par l'exēple de celuy qui estāt ab-
batu par terre, ainsi que son ennemy haulsoit l'espee pour le tuer, le pria qu'il
luy dōnast le coup de la mort par deuāt, de peur que son aimé uoiāt son corps
mort blecé au dos, n'en rougist de honte. Aussi dit on que Iolaus estāt aimé de
Hercules, le secourut & accōpagna en tous ses cōbats & labeurs: à loccasion
dequoy Aristote escrit, que iusques à son temps les amants se dōnoient la foy,
& iuroient loyaulté l'un à l'autre dessus la sepulture d'Iolaus. Parquoy il me H
sembleroit uraysemblable de dire, que ceste bende eust premierement esté
nommee la bende sacree, pour la mesme raison que Platon appelle un amant
amy diuin, ou inspiré de Dieu. Et treuve lō par escript, que iamais elle n'auoit
esté rōpue ny desfaitte iusques à la bataille de Chæronee, apres laquelle Phi-
lippus regardant la desconfiture des morts, sarresta à l'endroit ou estoient les
quatre cēts hommes de ceste compagnie gifāns en terre serrez les uns pres des
autres, tous percez de grands coups de picques à trauers l'estomac, dont il ses-
merueilla grandement: & entendant que c'estoit la bende des amants, il sen-
prit à larmoyer de pitié, en disant, Que mal puisse il prédre à ceulx qui souspe-
çonnent que telles gens feissent ou souffrissent rien de deshoneste. En som- I
me l'inconuenient de Laius, qui fut occis par son propre filz Oedipus, n'a
point esté la cause primitiue de ceste coustume que les Thebains auoient d'es-
tre amoureux les uns des autres, ainsi comme disent les poētes, ains ont esté
ceulx qui leur ont premieremēt estably leurs loix, lesquelz uoyās que c'estoit
une nation courageuse & uiolente de sa nature, la uolurēt un peu amollir &
addoucir des l'aage d'enfance, & à ceste intētion meslerent parmy tous leurs
actes & de plaisir, & d'affaires de consequence, le ieu de la fluste ordinaiement
le mettans en honneur & en reputation. Semblablement aussi parmy les es-
battemens de la ieunesse aux exercices de la personne introduisirent l'usance K
de faire l'amour, pour tēperer & addoucir les meurs & le naturel de leurs ieunes
hommes. Et pour ceste cause a lon biē attribué aux Thebains avec bon iu-
gement, & suiuant ce propos, pour tutrice & patrone de leur cité, la deesse Har-
monie, laquelle on dit auoir esté engendree de Mars & de Venus: car cela dō-
ne à entendre, que là ou la force & hardiēse militaire est unie & cōiointe avec
la grace d'attirer & de persuader, toutes choses sont reduittes par ceste ac-
cordee union à un tresbeau, tresbon & tresperfaiēt gouuernement. Or pour
retourner au propos de ceste bende sacree des Thebains, Gorgidas la departāt

A es premiers rences, & l'estédant le long du front de toute la bataille des gés de pied, ne fait point cognoistre ny uenir en euidéce, combien elle ualoit à part, pource qu'il ne la renga pas en un corps, de sorte que lon peust ueoir l'effect cōmun qui procedoit de toute la cōpagnie ensemble, attendu qu'elle uenoit à estre diuisee & meslee parmy beaucoup d'autres qui ualoient moins. Mais Pelopidas qui auoit clairement ueu à l'œil, cōbien ilz ualoient ensemble, pource qu'ilz auoient cōbattu seuls à l'entour de luy à Tegyre, ne les uolut plus de là en auant diuiser ny separer les uns des autres, ains s'en seruit cōme d'un corps entier aiant tous ses mēbres, avec lequel il cōmencea tousiours depuis à charger en toutes ses plus grandes & plus hazardeuses batailles: car tout ainsi que

B nous uoiōs que es ieux des courtes de chariots, q̄ les cheuaulx y estans attellez plusieurs ensemble, tout d'un front, courent plus roide & plus fort qu'ilz ne font quād ilz sont desliez, & qu'on les picque tous seuls: non que ce soit, pource qu'en s'eslanceant plusieurs ensemble, ilz fendent mieulx l'air, mais pource que celle contention & enuie qu'ilz ont les uns contre les autres, à qui courra le plus uiste, & qui passera son compagnō, leur eschauffe le courage: ainsi estimoit il que les uaillans hommes, se donnans les uns aux autres un zele & une ialouzie de bien faire, auroient plus de courage, & feroient plus grand effort quand ilz combattroient ensemble à la ueuē les uns des autres. Mais depuis

C les Lacedemoniens aians fait paix & accord avec tous les autres Grecs, denoncèrent la guerre aux Thebains seuls, & leur alla le Roy Cleōbrotus courir fus avec une armee de dix mille hommes de pied & mille cheuaulx. Si n'estoient plus les Thebains en pareil danger qu'ilz auoient esté au parauant, de perdre leur liberté seulement, ains les menassoient les Lacedemoniens tout publiquement, & leur denonceoient ouuertement qu'ilz les destruiroient & extermineroient entierement, de maniere que tout le pais de la Bœoce estoit en plus grand effroy, qu'il n'auoit onques esté: & un iour ainsi comme Pelopidas sortoit de sa maison pour aller à la guerre, sa femme qui le conuoyoit iusques hors de la porte, luy dit en plorant, qu'elle le prioit d'auoir soing de sauuer sa

D personne: & il luy respōdit, C'est aux priuez & particuliers soudards, M'amie, à qui il fault recorder cela: mais aux capitaines, il leur fault ramener en memoire, qu'ilz aient l'œil à sauuer la uie aux autres. Et arriuē qu'il fut au camp, il trouua les capitaines generaulx & chefs de l'armee en diuerfes opinions, & fut le premier qui s'accorda à celle de Epaminondas, qui estoit d'aduis que lon deuoit donner la bataille aux ennemis. Pelopidas n'estoit pour lors ny gouuerneur de la Bœoce, ny capitaine general de l'armee, ains seulemēt de la bēde sacree: mais toutefois on se fioit en luy, & luy donnoit on credit & autorité au conseil des affaires, telle cōme il appartenoit à un personnage qui auoit donē de si grandes arres de l'affection qu'il portoit à son pais. Ainsi aiant esté resolu au conseil, que lon donneroit la bataille aux ennemis, ilz se trouuerēt

E les uns deuant les autres en la plaine de Leuctres, là où il eut la nuit en dormant une uisiō qui le troubla fort. Il y a en celle campagne des sepultures des filles d'un Scedafus, que lon appelle, à cause du lieu, les Leuctrides, pource qu'elles y furent enterrees, apres auoir esté uiolees & forcees par des hostes Spartiates passans: cest acte estant si malheureux & si meschant, le pere neantmoins n'en peut auoir reparation ny uengeance en Lacedemone, & pourtant apres auoir maudit les Lacedemoniens des plus horribles & plus execrables maledictiōs & imprecations, dont il se peut aduiser, il se tua luy mesme dessus

Pelopidas.

les tombeaux de ses filles, & auoient les Lacedemoniens eu plusieurs oracles & plusieurs propheties & predictions des Dieux qui les admonestoient, qu'ilz se dónassent bien garde du courroux Leuctrique: mais le cōmun n'entēdoit pas q'ouoloit signifier cest aduertissemēt, ains s'abusoit à l'equiuocation du nom, pource qu'il y auoit dedās le païs de la Laconie, sur le bord de la mer, une petite uillette, qui s'appelloit Leuctrū, & semblablement aussy en Arcadie près la uille de Megalipolis y auoit une autre qui s'appelloit du mesme nom. Or cest accidēt estoit aduenü bien long tēps au parauāt la bataille de Leuctres: mais lors Pelopidas dormant en sa tente, eut une uision qu'il pensa ueoir ces filles de Scedafus plorantes à l'entour de leurs sepultures, & maudissant les Lacedemoniens: & quand & quand luy fut aduis qu'il ueit aussy leur pere, qui luy commandoit de sacrifier à ses filles une uierge rousse, filz uouloient auoir la uictoire. Ce commandement luy sembla de prime face cruel & inique, parquoy si tost qu'il fut leuē, il l'alla cōmuniquer aux deuins & aux chefz de l'armee, dont les uns dirent que ce n'estoit pas chose que lon deust omettre ny passer en nonchaloir, alleguans des exemples de cas semblables, comme de Menœceus filz de Creon au temps iadis, & de Macaria fille de Hercules, & de plus fresche memoire, le sage Pherecydes que les Lacedemoniens occirent, & duquel leurs Roys gardent encore la peau par le commādement d'un oracle, & Leonidas qui suyuant une diuine prophetie s'immola par maniere de dire luy mesme pour le salut de la Grece, & d'auantage les ieunes garçons que Themistocles auant la iournee de Salamine sacrifia à Bacchus surnommé Omestes, c'est à dire, mangeant chair crue: tous lesquelz sacrifices furent approuuez & acceptez par les Dieux, comme tesmoignerent les uictories qui en sont ensuyuies. Au contraire, le Roy Agefilaus partant des mesmes lieux qu'estoit anciennement party le Roy Agamemnon du temps de la guerre de Troie, & allant contre mesmes ennemis, ueit pareillement une nuit en dormant la Deesse Diane en la uille de Aulide, qui luy demandoit le sacrifice & oblation de sa fille, ce qu'il ne uoulut pas faire par auoir eu le cueur trop tendre, aussy fut il contraint de rompre son uoyage auant qu'auoir executé son entreprise, & en rapporta peu de gloire. Les autres à l'opposite maintenoient qu'il n'en falloit du tout rien faire, pource qu'un si cruel, si abominable, & si barbare sacrifice ne pourroit estre agreable à pas un des Dieux, ny à aucune essence meilleure ne plus puissante que la nostre, attendu que ce ne sont ne Typhons ny geans, qui ont la domination du monde, ains le tout puissant, qui est pere des Dieux & des hommes. Et de croire qu'il y ait des Dieux ou demidieux qui se delectent de meurtre & d'effusion de sang humain, à l'adueture est-ce une folie: mais quand bien il en seroit, il n'en faudroit tenir aucun compte, comme de ceulx qui n'auroient aucune puissance, pource que c'est signe d'une lasche & meschante ame, quand il sy imprime de si malheureux & si estranges appetits, & qu'ilz y demeurent. Estans donques les principaux de l'armee des Thebains en ce debat d'opinions, & Pelopidas se trouuāt pour leur irresolution en plus grande doubte que iamais, il y eut une ieune poultre qui s'en estant fouye du haras, & aiant pris sa course tout à trauers du camp, se uint arrester & planter tout droit deuant eulx. Si ne feirent les autres que prédre garde seulement, qu'elle auoir le poil & les crins rouges fort luyfans, & cōme elle estoit uifue & guaye à ouir son clair & fier hennissemēt: mais le deuin Theocritus q' estoit en la cōpagnie, aiant incōtinent entēdu q'c'estoit, s'escria soudainement

- A** soudainement tout hault: ô gentil Pelopidas, uoicy l'hostie que tu demandes; ne cherche plus d'autre uierge à immoler, ains reçoÿ & employe celle que Dieu mesme t'enuoye. Ces paroles dites, ilz saisirent aussi tost la poultre, & la menerent sur le tumbeau des filles de Scedafus, là ou ilz la couronnerent de festons & de chapeaux de fleurs, comme lon fait les hosties, puis apres auoir fait leurs prieres & inuocations aux Dieux, la sacrifierent à grande ioye, & allerent semer par tout le camp la nouuelle de la uision que Pelopidas auoit eüe la nuit en dormant, & du sacrifice qu'ilz auoient fait suyuant l'aduertissemēt d'icelle. Au demourant, quand ce uint au iour de la bataille, Epaminondas qui estoit capitaine general, tira toute son armee en biaisant sur le costé gauche,
- B** à fin que la pointe droite de celle des ennemis ou estoient les naturelz Spartiates, s'esloignast de tant plus des autres Grecs leurs adherets, qui estoient en l'autre pointe de leur bataille, & que uenant ainsi à charger avec toutes ses forces ensemble, Cleombrotus leur Roy qui n'auoit que une partie des siens, il le peust enfoncer & forcer. Les ennemis aians incontinent entendu pourquoy il le faisoit, commencerent à changer leur ordonnance, & uolurent esslargir & estendre leur pointe droite pour enuelopper Epaminondas, avec le grand nombre de gens qu'ilz estoient: mais Pelopidas ce pendant les preuint de uistesse, & courant de grande roideur avec le squadron de ses trois cets hommes, alla charger Cleombrotus auant qu'il peust desployer & esslargir la
- C** pointe droite de sa bataille, & la reioindre derechef en un tenant, de sorte qu'il trouua les Lacedæmoniés non encore plantez en leurs rens, & les choqua en ce desarroy qu'ilz estoient encore pêle melle les uns parmy les autres, combien que les Lacedæmoniens estans souuerains maistres & ouuriers de tout ce qui appartient à l'art & discipline militaire, ne s'accoustumassent & exercitassent à rié plus qu'à ne se troubler & confondre point, quād on remuoit l'ordonnance de leurs rens: car ilz uoloient que leurs gens feissent teste & flanc en tout sens, selon que l'affaire & le besoing s'en presenteroit, & qu'ilz se rengeassent & combattissent à tous endroits egalemt. Ainsi donques Epaminondas les allant assaillir eulx seuls avec toute la force de sa bataille en-
- D** semble, sans s'arrester aux autres, & semblablement Pelopidas avec une uistesse & hardiesse incroyable, se presentant soudain en armes deuant eulx, les effroyerent tellement qu'ilz leur feirent oublier toute leur escrime, & perdre leur magnanimité accoustumée: car ilz fouirent à ual de rouverte, & fut fait une boucherie des naturelz Spartiates plus grande qu'il n'auoit iamais esté iusques à ceste iournee là en bataille quelconque. Pourtant Pelopidas qui n'estoit lors ny gouuerneur de la Bœoce, ny capitaine general de toute l'armee, ains seulement chef de la bende sacree, emporta neantmoins autant d'honneur & de gloire de ceste uictoire, comme feit Epaminondas qui estoit & gouuerneur de la Bœoce, & capitaine general de l'armee. Vray
- E** est, que depuis ilz furent tous deux gouuerneurs de la Bœoce ensemble, quād ilz entrerent dedans le Peloponese, là ou ilz feirent rebeller contre les Lacedæmoniens & tourner de leur costé la plus part des uilles & des peuples, comme les Eliens, les Argiens, toute l'Arcadie, & la plus grande partie de la Laconie mesme, combien que ce fust au cueur d'hyuer enuiron les plus courts iours de l'an, & à la fin du dernier mois de leur annee, dōtil ne leur restoit plus que bien peu de iours, & falloit qu'incontinent à l'entree du mois ensuiuant ilz quittassent leurs charges, & que d'autres y entraissent, soubz pei-

Pelopidas.

ne de perdre la uie filz faisoient refus de ceder leur charge & autorité aux F
nouveaux officiers. A l'occasion dequoy leurs autres compagnons en l'estat
de gouuerneurs de la Bœoce, tant pour crainte d'encourir la peine de la loy,
côme aussi pour fouir le trauail de tenir camp en la plus aspre rigueur de l'hy-
uer, les pressoient & sollicitoient de remener l'armee à la maison: mais Pelopi-
das fut le premier qui s'accorda à l'opinion d'Epaminondas, & y attira aussi les
autres Thebains, à uouloir aller soubz leur conduite presenter l'assault à la
uille mesme de Sparte. Si passerēt à leur persuation la riuere d'Eurotas, & pri-
rent plusieurs petites uilles sur les Lacedæmoniens, pillerent & gasterēt tout
le plat pais iusques à la mer, conduifans soubz leurs enseignes une armee de
soixante & dix mille combattans tous Grecs, dont les Thebains ne faisoient G
pas la douzieme partie: mais la gloire & reputation grâde de ces deux person-
nages, faisoit que sans autre resolution de conseil ou ordonnance publique,
les autres allies & cōfederez fuiuoiet sans dire mot à l'encontre, & marchoiēt
uoluntairement soubz leur conduite. Aussi est-ce la premiere & souueraine
loy de nature, à mon aduis, qui ueult que celuy qui de soy mesme ne se peult
garder & defendre, se soubmette à celuy qui peut & a moiē de ce faire: ne plus
ne moins que sur la mer, ceulx qui sont dedans une nauire, encore qu'en beau
temps, durant que la mer est calme, ou pēdant qu'ilz sont à l'ancre en quelque
bonne rade, ilz se portent fierement & audacieusement enuers les pilotes, in-
continent toutefois que la tourmente se leue, & qu'ilz se uoient en danger, ilz H
iettent les yeux sur eulx, & n'ont esperance de salut qu'en eulx. Au cas pareil
aussi les Eliens & Argiens, encore que es assemblees de cōseil ilz querellassent
& debatissent à l'encontre des Thebains pour la superiorité & l'honneur de
presider en l'armee: toutefois quand ce uenoit à donner bataille, & là ou
ilz cognoissoiet qu'il y auoit du peril, ilz se rengoiet & soubsmettoient uou-
luntairement à la conduite de leurs capitaines. En ce uoyage la ilz allierent
& ioignirent en une ligue toutes les uilles de la prouince d'Arcadie, & offerēt
aux Lacedæmoniens toute la contree de Messenie, dont ilz iouissoient paifi-
blement, & rappellerent les anciens naturelz habitans, aux quelz ilz la rendi-
rent, & repeuplerent la uille de Ithome, puis en retournant en leur pais par la I
uille de Cenchrees, ilz battirent les Atheniens qui les allerent harceller dedās
le destroit de l'entree du Peloponēse, pour les cuider engarder de passer. Si e-
stoit la uertu de ces deux personnages aimée & honoree de tout le monde pour
tant de beaux & de bons exploits, & leur prosperité grandement estimée: mais
à mesure q̄ leur gloire croissoit, l'enuie de ceulx de leur pais & de leurs citoiēs
s'augmentoit aussi, qui leur brassa à leur retour un recueil qui n'estoit beau
ny honeste, ny conuenable aux seruices qu'ilz uenoiet de faire: car tous deux à
leur arriuee furēt appelez en iustice, & accusez de crime capital, pource qu'il
y auoit à Thebes une loy qui cōmandoit expressement, que ceulx qui seroient
gouuerneurs de la Bœoce cedassent incontinent l'office à ceulx qui seroient K
nouuellement eleuz des l'entree du premier mois de l'an que lon appelle en la
Bœoce Boucarion, & ilz l'auoient retenu d'auantage que le terme qui leur e-
stait prefix, quatre mois tous entiers, durant lesquelz ilz auoient executé tout
ce que nous auons dit, tant en la prouince de Messenie & d'Arcadie, qu'en la
Laconie. Le premier à qui on feit le proces fut Pelopidas, qui pour ceste cause
en fut en tant plus grand danger: toutefois à la fin ilz furēt tous deux absous:
& quant à Epaminondas, il supporta doucement ceste calumnie, & cest essay
de

A de leurs malueuillās, par lequel ilz auoient tasché à les ruiner, estimant que la patience à ceulx qui s'entremettent des affaires d'un gouuernement, est une grande partie de force & de magnanimité: mais Pelopidas estant de sa nature plus cholere, & d'auantage estant encore poulſé & irrité par quelques uns de ses amis, prit une telle occasiō pour ſen uenger. Meneclides l'orateur estoit un de ceulx qui se rendirēt dedans le logis de Charon avec Pelopidas & Melon: mais toutefois les Thebains ne luy firent pas autant d'honneur comme aux autres, dequoy aiant despit, & estant homme trefeloquent, mais uicieux au demourant, & de maligne & māuaise nature, il abusa de son eloquence à calumnier & faulſement charger & accuser ceulx qui ualoient mieulx que luy,

B ne se contentant pas de ceste premiere accusation: si ſeit tant par ses menees qu'il debouta une annee Epaminondas de l'office de gouuerneur de la Bœoce qu'il pourſuiuoit, & luy contraria longuement en tout ce qu'il effaya de faire au gouuernement de la chose publique. Mais quant à Pelopidas, il ne le peut onques mettre en la male grace du peuple, & pour ceste cause tascha à le mettre en pique & en querelle avec Charon: car c'est le commun recōfort des enuieux, quand ilz ne peuuēt faire que lon les estime aussi gens de bien que ceulx à qui ilz portent enuie, de tascher à mōſtrer, que ceulx là ne ſont point si gens de bien que quelques autres qu'ilz mettent en auant. Si ne faisoit autre chose que haultlouer ordinairement en toutes ses harengues deuant le peuple les ſaiſts & gestes de Charon, & magnifier ses uiſtoires, meſmement celle que les

C Thebains gaignerent deuant la iournée de Leuctres en une rencontre de gēs de cheual, qui fut pres la uille de Platees ſoubs ſa cōduitte: de laquelle il uolut laisser une telle memoire. Androcydes peintre Cyzicienien auoit fait marché avec ceulx de la uille de leur peindre en un tableau quelque autre bataille, & faisoit ceste besongne dedans la uille meſme de Thebes: mais ainſi qu'il estoit apres, ſuruint la rebellion des Thebains contre les Lacedæmoniens, & conſequemmēt la guerre, pour laquelle le peintre ſe retira de Thebes, laissant ſon œuure à peu pres acheuee & parfaite. Les Thebains reteindrēt le tableau rieres eulx, & ce Meneclides meit en auant au peuple que lon le pēdiſt & attachast en quelque temple ou autre lieu public, avec une inſcriptiō qui diſt, que c'estoit la uiſtoire de Charon, cuidant par là obscurcir & effacer la gloire de Pelopidas & d'Epaminondas. C'estoit une uaine & ſotte ambition, de uoloir mettre à l'encontre de tant de combats & de tant de batailles une ſeule rencontre de Charon, en laquelle mourut Gerādas l'un des nobles de Sparte, des moins renommez, & quarante autres avec luy ſeulemēt ſans autre chose. Pelopidas accusa ce decret que Meneclides propoſa, maintenant qu'il estoit directement contre les loix de Thebes, lesquelles defendoient expreſſement, que lon n'honorast aucun particulier du tiltre d'aucune uiſtoire publique, ains uouloient que lon l'attribuaſt, & que lon en donnaſt la gloire à toute la communauté du peuple. Il eſt uray que par toutes les harengues qui ſe firent en ce proces, Pelopidas loua & exalta touſiours grandement Charon: mais il prouua que Meneclides estoit un enuieux maling, & un meſchāt & mauuais homme, demandant tout hault à l'assistance du peuple, ſi iamais il feſtoit publiquement fait aucun bon exploit, pour lequel à faulte de ſy eſtre trouuē, ou autrement, il n'eust eſté condemnē en quelque ſomme de deniers, & leur mōſtra, que n'ayant ſceu paier ſes amendes, pource qu'il y en auoit trop groſſe ſomme, il feſtoit efforcē & auoit attentē de remuer & changer entierement

Pelopidas.

tout l'estat & le gouvernement de la chose publique. J'ay bien voulu reciter cela un peu au long, pource qu'il me semble qu'il donne aucunement à cognoistre quelles estoient les meurs & la nature de Pelopidas. Au reste environ ce temps là, Alexandre le tyran de Pheres faisoit ouuertement la guerre à plusieurs peuples de la Theffalie : & au demourant espioit les moiens, comment il les pourroit asservir tous uniuerfellement à soy. A raison dequoy les uilles franches enuoyerēt leurs ambassadeurs à Thebes, requerer que lon leur enuoyast un capitaine avec une armee pour les secourir. Parquoy Pelopidas uoyant que Epaminōdas estoit occupé à ordōner les affaires du Peloponese, se presenta de luy mesme, & se dōna à ceulx de la Theffalie, ne uoulant point que sa force & sa suffisance au mestier de la guerre demourast oyisue ny inutile, & estimant que la part ou estoit Epaminondas il n'y auoit point besoing d'autre capitaine. Estans dōques arriué avec une armee en la Theffalie, la uille de Larisse se meit incontinent entre ses mains, là ou le tyran Alexandre le uint trouuer, & prier de moiener accord entre luy & les Theffaliens: ce qu'il essaya de faire, en taschant de le rendre au lieu de tyran, doulx, iuste & legitime gouuerneur de la Theffalie: mais quand il ueit que quelques remonstrances qu'on luy feist, il estoit incurable, & si farouche qu'il ne se uouloit aucunemēt renger à la raison : d'auantage que lon se plaignoit de grandes cruaultez qu'il faisoit, & l'accusoit on d'estre homme dissolu & desordonné en tous ses appetits, & extremement auaricieux, il commença adonc à luy parler rudement & à se courroucer à bon esciant à luy. A l'occasion dequoy le tyran se desroba secretement, & s'en fouit avec ses satellites & souldards de sa garde : & Pelopidas laissant les Theffaliens hors de toute crainte & danger du tyran, & au demourāt en bonne paix, union & concorde les uns avec les autres, s'en alla en la Macedoine, là ou Ptolomeus faisoit la guerre à Alexandre, qui pour lors tenoit le royaume de Macedoine, & l'auoient tous deux enuoyé querir pour cognoistre, cōposer & pacifier leurs differents, & quand & quand aussi pour aider à celuy qui auroit le droit à l'encontre de celuy qui auroit tort. Arriué qu'il y fut, il appointa toutes leurs querelles, & remeit les bannis d'une part & d'autre en leurs maisons & en leurs biens: pour la seurété duquel appointment, il prit en ostage le frere du Roy, qui auoit nom Philippus, & trente autres enfans des plus nobles maisons de la Macedoine, lesquelz il mena tous à Thebes, faisant ueoir aux Grecs, combien s'estendoit loing la reputation des forces des Thebains, & la renommee de leur legalité & iustice. C'est celuy Philippus qui depuis fait la guerre aux Grecs, pour leur oster leur liberté: mais pour lors estant ieune enfant, il fut nourry à Thebes en la maison de Pammenes: c'est pourquoy aucuns ont estimé que le dit Philippus ait esté imitateur de Epaminondas, & pourroit bien estre qu'il auroit à l'aduenture appris de luy à estre ainsi prompt & de soudaine execution à la guerre, comme il a esté, ce qui n'estoit qu'une bien petite partie de la uertu de Epaminondas: mais de sa continence, iustice, magnanimité & clemence, qui estoient les parties qui le rendoient ueritablemēt grand, Philippus ny par nature, ny par nourriture, ou estude, n'en teint onques rien. Depuis les Theffaliens, aians une autrefois enuoyé à Thebes faire leurs plaintes contre Alexandre le tyran de Pheres, pource qu'il troubloit & trauailloit les uilles franches de la Theffalie, Pelopidas fut despché pour y aller comme ambassadeur avec Ismenias, & y alla sans mener aucunes forces de Thebes, ne pēsant point qu'il

A y deust auoir de guerre, à raison dequoy il fut contraint de se seruir des gens du païs mesme en l'affaire urgent qui se presenta. Au mesme temps aussi se troublerent les affaires de la Macedoine, par ce que Ptolomeus y occit le Roy, & usurpa le royaume, & les seruiteurs & amis du Roy mort appelloiēt à leurs secours Pelopidas, lequel desirant y arriuer sur le faict, & n'ayant point amené quand & luy de gens de guerre de son païs, en leua soudainement quelques uns au lieu mesme ou il estoit, avec lesquels il se mit incontinent en chemin pour aller trouuer ce Ptolomeus. Lequel quād ilz approcherent l'un de l'autre trouua moien de gagner & corrompre par argent ces soudards que Pelopidas auoit amenez, & les faire tourner de son costé: mais nonobstant cela, redoubtant encore le nom seulement, & la grande reputation de Pelopidas, il luy alla au deuant comme à un personnage plus grand que luy, & usant de toutes caresses & prieres, promet & iura qu'il garderoit le royaume aux freres du Roy defunct, & qu'il tiédroit pour ses amis & pour ses ennemis ceulx mesmes que les Thebains auroient: pour seureté de laquelle promesse, il dōna en ostage son filz Philoxenus, & cinquāte de ses amis: lesquels Pelopidas enuoya tous à Thebes. Mais ce pendant se sentant griefuement oultragé par les soudards, qui luy auoient fait une telle trahison, & entendant que la plus part de leurs biens, leurs femmes, & leurs enfans estoient en la uille de Pharsale, il pēsa que si l'en pouuoit saisir, ce luy seroit un bon moien, de prendre telle uengence qu'il uoudroit du mauuais tour qu'ilz luy auoient fait: si assembla quelque nombre de Theffaliens, & sy en alla: mais il n'y fut pas plus tost arriué, que le tyran Alexandre y suruint aussi avec son armee. Pelopidas cuidāt qu'il uint pour se iustifier & descharger des plaintes que les Theffaliens propoisoient contre luy, s'en alla deuers luy, encore qu'il sceust tresbien que c'estoit un meschant homme, & qui facilement souilloit ses mains de meurtre & de sang: mais il se cōfioit que pour l'autorité de la seigneurie de Thebes, par laquelle il estoit illec enuoyé, & aussi pour la dignité de sa personne, & pour sa reputation, il ne luy ozeroit faire aucun desplaisir: toutefois le tyrā le uoyāt mal accompagné & sans armes, l'arresta prisonnier, & quand & quand se saisit de la uille de Pharsale. Ce qui donna une grāde frayeur & terreur à tous ses subiects, lesquels penserent bien, que puis qu'il auoit pris la hardiesse de commettre une telle iniustice, il n'espargneroit plus personne, & qu'il feroit de toutes choses & de toutes personnes qui tumberoient entre ses mains, comme un homme desesperé, & se tenāt pour tout perdu. Quand ceulx de Thebes eurent ces nouuelles, ilz en furent fort griefuement marries, & promptement y enuoyerent une armee sous la conduite d'autres capitaines, & non de Epaminondas, à cause de quelque mescontentement qu'ilz auoient de luy. Or ce pendant le tyran aiant mené Pelopidas à Pheres, permit du cōmencement à qui uouloit de l'aller ueoir & parler à luy, cuidāt que sa calamité luy auroit abaissé le cueur & l'auroit humilié: mais quand il entendit au contraire, qu'il recōfortoit les habitās de Pheres, & les enhorroit d'auoir bon courage, en leur disant que l'heure estoit uenue que le tyran seroit à un coup puny de toutes ses meschancetez, & qu'il luy enuoya dire à luy mesme à son uisage, qu'il n'y auoit point de propos que tous les iours, il gehennast & feist mourir en tourmens ses pauures citoiens, qui ne l'auoient point offensé, & qu'il ne luy feist rien à luy, ueu qu'il sçauoit bien que si iamais il eschappoit de ses mains, il se uengeroit bien de luy. Le tyran s'esmerueillant de ceste grandeur de courage,

Pelopidas.

& de ceste constance de ne craindre rien, demanda pourquoy c'estoit qu'il auoit si grande haste & si grande enuie de mourir. Ce qu'ayant entendu Pelopidas, luy respondit: C'est, dit il, à fin que tu en perisses plus tost, en estant haï & des Dieux & des hommes, encore plus que tu n'es maintenant. Depuis ceste parole le tyran ne uoulut plus que personne de dehors parlât à luy: mais Thebe qui estoit fille du defunct tyran Iason, & femme d'Alexandre, entendant la cōstance, fermeté de courage & magnanimité de Pelopidas, par le rapport de ceulx qui l'auoient en garde, eut enuie de le ueoir & de parler à luy: & l'estât allé un iour ueoir, elle ne cogneut pas de prime face, comme femme, la grandeur de son courage & l'excellēce cachee de sa ualeur, le uoiant en telle captiuité, ains coniecturant à ce qu'elle le uoioit par dehors ainsi simplement uestu, les cheueulx & la barbe longue, pauurement serui & mal traité, iugea qu'il y auoit pitié en son fait, & qu'il n'estoit pas en estat conuenable à la gloire de son nom, dont elle se prit à plorer de compassion. Pelopidas qui ne sçauoit qui elle estoit, s'en esmerueillâ du commencement: mais puis apres quād on luy eut dit qui elle estoit, adonc il la salua pour l'hōneur de Iason son pere, duquel en son uiuāt, il auoit esté autrefois familier & amy. Et elle se prit à luy dire: J'ay grāde pitié de ta pauvre femme, seigneur Pelopidas. Aussi ay-ie moy de toy, luy respōdit il, ueu que n'estāt point prisonniere tu puis endurer un si meschāt hōme q̄ Alexandre. Ceste parole toucha au uif Thebe, laquelle supportoit fort impatientemēt la cruaulté, l'oultrage & uillanie de ce tyrā son mary, qui outre les autres infamies de sa uie desordonnee, abusoit charnellement du plus ieune des freres d'elle: parquoy retournant souuentefois deuers Pelopidas, & luy comptant librement ses doleances, & les torts & oultrages que luy faisoit son mary, par les propos que Pelopidas luy tenoit, elle falloit petit à petit emplissant de hardiesse, de haine, de rancune, & d'enuie de foy uenger de luy. Au surplus, les capitaines Thebains que lon auoit enuoyez pour deliurer Pelopidas, estans entrez avec leur armee dedans la Theffalie, soit par leur ignorance, ou par malheur, s'en retournerent honteusement sans rien faire. A raison dequoy ceulx de Thebes à leur retour les cōdemnerent chascun en amēde de dix mille escus, & y renuoyerēt Epaminōdas avec une autre armee, à la uenue duquel toute la Theffalie se soubseleua incontīnēt pour la reputatiō d'un si grād capitaine, & falloit biē peu poulser à la rouē pour faire trebucher le tyran en totale ruine, tant ses amis & capitaines se trouuerēt effroyez, & ses subiects bien deliberez de se rebeller, & bien ioyeux pour l'esperāce qu'ilz auoient de ueoir bien tost le tyran paier la peine tout à un coup de tant de malheures & meschancetez qu'il auoit commises par le passé. Toutefois Epaminondas mettant la consideration de son honneur & de sa gloire derriere la deliurance & le salut de Pelopidas, & craignant que Alexandre, quand il ueroit ses affaires en branle de ruine totale, ne tournast son desespoir, cōme une beste sauuage effarouchee, encontre luy, alla entretenant ceste guerre en longueur tournoyant tout à l'entour, sans donner dedans à bon esciant, soubz couleur de faire ses preparatiz, & dilayant tousiours, à fin de preparer & moderer le cueur de ce tyran partel contrepois, que ny il ne laschast trop la bride à son arrogance & effrence oultrecuidance, ny aussi il n'irritast au danger de Pelopidas l'aspreté & inhumanité de son courroux: sachant tresbien cōme il estoit homme cruel, & qui ne se soucioit de raison ny de iustice en façon quelconque, attendu qu'il faisoit enterrer des hommes tous uifz, & en faisoit couvrir d'autres

- A d'autres de peaux d'ours & de sangliers, & puis lascher des leuriers d'attache sur eulx, qui les deschiroiét en pieces, ou bien luy mesme par maniere de passe tēps les tuoit à coups de dard & de trait. Et es uilles de Melibœe & de Scotuse, qui toutes deux estoiet en paix & amitié avec luy, il espia que les habitans fussent un iour assemblez en cōseil de uille, & les feit soudain enclorre par ses satellites & passer tous au fil de l'espee, iusques aux enfans: & aiant consacré & couronné de festons de fleurs la lance dont il auoit occis Polyphron son propre oncle, il luy sacrifioit comme si c'eust esté un Dieu, & l'appelloit Tychon, comme qui diroit, heureuse à bien assener. Et quelquefois estant en un theatre ou lon iouoit la Tragœdie des Troades d'Euripides, il sortit du theatre, & enuoya neantmoins dire aux ioueurs, qu'ilz ne laissassent pas de iouer tout aussi diligemmēt que s'il y fust demouré, & qu'il n'estoit point fortly pource qu'il s'y faschast, ou qu'il ne trouuast pas leur ieu bō: mais pource qu'il auoit honte, que ses citoiens le ueissent plorer pour ouir iouer les malheurs de Hecuba & de Andromache, ueu qu'il n'auoit iamais eu pitié de pas un de tant d'hommes qu'il auoit fait tuer. Ce tyrā donques estant tel, seffroya du nom seulemēt & de la reputation d'Epaminondas: &, comme lon dit, en un commun prouerbe,

Il baissa l'æle ainsi comme le coq

Qui ua fuyant de la iouxte le choc.

- C Si enuoya incōtinent deuers luy pour s'excuser & se iustifier: mais Epaminōdas ne uoulut point que par son entremise les Thebains traitassent paix ny alliance avec un si meschant homme, ains seulement feit une surseance d'armes pour trente iours, en retirant de ses mains Pelopidas & Ismenias, avec lesquels il sen retourna à Thebes. Au demourant les Thebains estans aduertis comme les Lacedæmoniens & les Atheniens enuoyoient ambassadeurs deuers le grand Roy de Perse pour auoir son alliance, y enuoyerent aussi de leur part Pelopidas: qui fut sagemēt aduisé à eulx, d'y enuoyer un tel personnage, pour la grāde gloire de son nom. Car premieremēt il passa par les païs & provinces qui estoiet en l'obeissance du Roy, où il estoit si fort renommé, que lon ne parloit que de luy, pource que la renommee des batailles qu'il auoit gaignees cōtre les Lacedæmoniens, n'auoit pas penetré peu auant, ny passé seulementes prochaines regiōs de l'Asie, ains depuis que la premiere nouuelle de la iournee de Leuctres y fut portée, aians tousiours depuis adiouxte prouesses sur prouesses, sa gloire en accreut tellemēt, qu'elle s'espandit par tout, iusques aux plus haultes & plus loingtaines provinces de l'Orient. Et puis quād il fut arriué à la court de Perse, les seigneurs, princes, & capitaines Persiens qui le ueirent, l'eurent en tresgrande admiration, disans: Voicy celuy qui a osté aux Lacedemoniens la dominiō de la terre & de la mer, & qui a régé iusques au dela de la riuier de Eurotas & de la montagne de Taugete les Spartiates, lesquels nagueres faisoient la guerre au grand Roy de Perse, soubz la conduite de leur Roy Agésilas, iusques au milieu de l'Asie, pour les royaumes de Susse & d'Ecbatane. Si estoit le Roy mesme Artaxerxes tresioyeux de sa uenue, & le loua plus haultement, & le mit encore en plus grande estime & plus grande reputation que iamais, pour les honneurs & caresses qu'il luy feit, uoulant que ceste gloire retournaist sur luy, que lon pēsast que les plus uertueux & les plus excellēts personnages du mōde luy uinssent faire la court, pource qu'ilz estimassent sa grandeur & sa haultesse souuerainement heureuse: mais oultre

Pelopidas.

cela, quand il l'eut ueu au uisage, & qu'il eut ouy ses propos, qu'il trouua plus F
graues que ceulx des Atheniens, & plus ronds que ceulx des Lacedemoniens,
il l'en aima encore d'auantage, & prit une affection ueritablement royale en-
uers luy, tellement que sans rien diffimuler, il l'honora & le fauorisa par des-
sus tous les autres ambassadeurs, lesquelz s'apperceurent bien qu'il faisoit plus
de compte de luy que de nul autre. Combié qu'il semblast auoir fait plus grâ-
de faueur à Antalcidas Lacedemonien, qu'à pas un autre des Grecs, pour au-
tant, qu'un iour estât à table, il fosta de dessus sa teste le chapeau de fleurs qu'il
y auoit, & le trempâs luy mesme dedâs une liqueur de parfum, le luy enuoya.
Il est bien uray qu'il ne fait pas à Pelopidas des caresses de si grande priuaulté,
mais il luy enuoya des presens les plus beaux & les plus riches qu'il eust sceu G
• enuoyer, & si luy ottroya toutes ses demandes entierement, qui furent, Que
• tous les peuples Grecs demourassent francs & libres, que la uille & contree de
• Messine fussent repeuplees, que les Thebains fussent nommez les anciés amis
• hereditaires des Roys de Perse. Et aiant eu ces responses, il sen retourna sans
accepter ne prendre chose qui soit de tât de presens qu'on luy auoit offerts de
la part du Roy: ce qui fut cause que les autres ambassadeurs Grecs furent mal-
uenus en leurs citez. Car entre les autres, les Atheniés feirent le proces au leur
qui se nommoit Timagoras, par lequel il fut condamné & executé à mort. Et
filz le feirent pour auoir pris & accepté trop de presens du Roy, ilz feirét bien
& iustement: car il ne prit pas seulement de l'or & de l'argent autât qu'on luy H
en uolur donner, mais aussi accepta un liët fort riche, & des ualets de cham-
bre Persiens, pour le luy accoustrer, comme si les seruiteurs Grecs ne l'eussent
sceu faire: d'auâtage il receut aussi quatre uingts uaches à laiët, & des uachers
pour les gouuerner aiant besoing de laiët de uache à la guarison de quelque
maladie qui luy suruint: & se fait porter depuis la court du Roy iusques à la
coste de la mer Mediterrane dedans une litiere à bras, & fut donné de par le
Roy à ceulx qui le porterent deux mille quatre cents escus pour leur salaire.
Toutefois il semble que ce ne furent pas les dons qu'il auoit pris, qui plus irri-
terent les Atheniens, attendu que Epicrates le portefaix, non seulement con-
fessa en public auoir pris des presens du Roy de Perse, mais d'auâtage dit, qu'il I
uouloit proposer & mettre en auant un decret, qu'au lieu que lon elisoit tous
les ans neuf officiers qui auoient tout le gouuernement de la uille, on eleust
neuf ambassadeurs des plus pauures & plus souffreteux q fussent entre le me-
nu peuple, pour les enuoyer ambassadeurs deuers le Roy, à fin qu'ilz sen re-
tournassent riches des dons qu'il leur donneroit. Le peuple ne sen fait que ri-
re, mais ilz furent marris de ce que les Thebains auoient obtenu tout ce qu'ilz
auoient demandé, ne mettans pas en consideration, combien l'estime & re-
putation de Pelopidas auoit plus d'efficace & de force, que n'auoient toutes
les harengues que les autres eussent sceu faire, mesmement enuers un prince
qui cherchoit tousiours d'entretenir ceulx des Grecs qui estoiet les plus puis- K
sans en armes. Ceste ambassade donques augmenta grandement l'amour &
bienueuillance que tout le monde portoit à Pelopidas, à cause du restablisse-
ment & repeuplemēt de Messene, & l'affranchissemēt de tous les autres Grecs.
Mais Alexandre le tyran de Pheres estant derechef retourné à son naturel, &
aiant destruit plusieurs uilles de la Thessalie, & mis garnisons par tout le païs
des Phrhiotes, Acheiens & Magnesiens, si tost que les uilles entendirent que
Pelopidas estoit de retour, elles despescherent incōtinent leurs ambassadeurs
à The-

- A** à Thebes, pour requérir que lon leur enuoyast une armee, & Pelopidas notā-
mēt capitaine pour les deliurer de la seruitude du Tyran : ce que les Thebains
leur accorderent bien uoluntiers, & furent toutes choses prestes en bien peu
de temps. Mais sur le poinct que Pelopidas uolut partir, le Soleil soudaine-
mēt eclipsa, & en plein iour fut toute la uille de Thebes obscurcie de tenebres:
parquoy Pelopidas uoyant tout le monde effroyé pour ce signe & presage ce-
leste, ne uolut pas contraindre ses citoiens de partir en ceste frayeur, ny avec
si mauuaise esperance mettre à l'aduenture sept mille bourgeois Thebains qui
estoiēt enrollez pour aller à ce uoyage, ains se donna luy seul aux Thessaliés
avec trois cents cheuaux estrangers qui le suiurent de bonne uolunté, en la
- B** cōpagnie desquelz il se meit en chemin contre la defense des deuins, & oultre
le bon gré de ses citoiés mesmes, aux quelz il sembloit que ce signe du ciel me-
nassoit quelque grand personnage, comme luy. Mais avec ce qu'il estoit plus
ardent & plus aspre à l'encontre d'Alexandre, pour l'enuie qu'il auoit de se ué-
ger de l'iniure qu'il luy auoit faite, encore esperoit il d'auantage qu'il trouue-
roit sa maison sans dessus dessous, pour le propos qu'il auoit eu avec sa fem-
me Thebe: mais encore plus le sollicitoit & l'esguillōnoit la beaulté de l'acte
en foy, pource qu'il desiroit & s'efforceoit de faire ueoir aux Grecs, au mesme
temps que les Lacedæmoniens enuoyoient à Dionysius tyran de la Sicile des
- C** gouuerneurs & capitaines pour le seruir, & que les Atheniens comme mer-
cenaires prenoient argent & soude d'Alexandre le tyran de Pheres, en l'hon-
neur duquel ilz auoient fait dresser dedans leur uille une statue de cuyure, cō-
me à leur bienfaiteur, que les Thebains seuls prenoient au cōtraire les armes
pour deliurer ceulx qui estoient opprimez par les tyrans, & cōbattoient pour
exterminer & oster les usurpateurs de uiolente & inique domination d'entre
les Grecs. Estans dōques arriué en la uille de Pharsale, si tost qu'il y eut assem-
blé son armee, il se meit incontinent aux champs pour aller trouuer le tyran:
lequel uoyant que Pelopidas auoit biē peu de Thebains autour de foy, & que
luy se trouuoit deux fois plus de gens qu'il n'auoit de Thessaliens, il luy alla
au deuant iusques au temple de Thetis, là ou il y eut quelcun qui dit à Pelopi-
das qu'Alexandre luy uenoit à l'encontre avec grand nombre de gens: & Pe-
- D** lopidas luy répondit soudain, Tant mieulx: car nous en desferons tant plus.
Ory a il au milieu de celle plaine des mottes toutes rondes assez hault eleuees
que lon appelle communemēt Les testes de chiē: & taschoiēt les uns & les au-
tres à les saisir les premiers avec leurs gens de pied. Pelopidas qui auoit grand
nombre de cheualerie & de bons hommes d'armes, les y enuoya deuant pour
rompre ceulx des ennemis qui cuidoiēt gagner ce logis, & les aians rompus
se meirent à les poursuiure à trauers la plaine: mais ce pendāt Alexandre aians
ses gens de pied pres de là, marcha en auant, & occupa lesdittes mottes, pour-
ce que les Thessaliens qui en estoient plus loing y arriuerent trop tard: toute-
fois arriuez qu'ilz y furent, ilz s'efforcerēt de grauir contremont les pentes de
- E** ces mottes, qui estoient haultes & droittes: mais Alexandre uenāt à les char-
ger d'en hault à son aduantage, en tua ceulx qui s'aduancerent les premiers, &
les autres se tirerent arriere blecez, sans y rien faire. Ce que uoiant Pelopidas
feist incontinent rappeler ses gens de cheual qui chassoiet ceulx qu'ilz auoiēt
rompus, & leur cōmanda qu'ilz allassent chocquer les gens de pied des enne-
mis qui estoient en bataille, & ce pendāt luy mesme sen alla courāt soustenir
ceulx q cōbattoient pour gagner les mottes. Si prit un pauois sur son bras &

Pelopidas.

passant à trauers ceulx de derriere, feit tant qu'il penetra iusques aux premiers, F
aufquelz sa presence redoubla tellemēt la force & le courage, que les ennemis
cuidèrent que ce fussent autres combattans tous frais & de cueur & de corps
qui les uinsent de nouueau recharger, & neantmoins encore sousteindrent ilz
deux ou trois charges: mais à la fin uoians que ceulx la poulsioient tousiours
uigoureusement en auant contremont, & d'auantage que leurs gens de che-
ual estoient retournez de la chasse, ilz leur quitterent la place, & se retirerent
en reculant pas à pas en arriere. Ainsi Pelopidas aiant gaigné les mottes, s'ar-
resta sur la cyme, regardant l'armee des ennemis, laquelle n'estoit point enco-
re tournée en fuite à ual de rouble, mais branloit desia & estoit en grand de-
sarroy. Si ietta sa ueuë ça & là tout à l'entour pour ueoir s'il apperceuroit point G
Alexandre, & finalement il le choisit parmy les autres en la pointe droite de
sa bataille, qui taschoit à r'allier & asseurer ses gens, & l'ayant apperceu il ne
peut avec la raison maistriser sa cholere, ains s'estant son courroux enflammé
pour l'auoir ueu, il abandonna & sa personne & la conduite de son entrepri-
se à son ire, se iettant bien loing deuant tous ses gens, en criant & appellant à
haulte uoix le tyrā au combat. Le tyran ne l'attendit pas, ny ne se presenta pas
pour le combattre, ains s'en fouit cacher en la troupe de ses gardes, & quand
à ses soudards, les premiers qui cuidèrent faire teste à Pelopidas, furent par luy
mis en pieces, & en demourerent plusieurs morts sur le champ: mais les autres
se r'allians en troupe serree, & luy donnans de loing de grands coups de pi- H
ques, luy faulserent son corps de cuyrassé, & le blecerent en l'estomac, iusques
à ce que les Thessaliens aians pitié de le ueoir ainsi malmener, accoururent de
dessus les mottes celle part pour le secourir: mais il estoit ia tumbé par terre
quand ilz y arriuerent, & adonc eulx avec les gens de cheual ensemble, feirēt
un si grand effort, qu'ilz tournerent toute la bataille des ennemis en fuite, &
les poursuyuans iusques bien loing de là couvrirent toute la plaine de morts:
car ilz en tuerent plus de trois mille. Or n'est-ce pas grande merueille, si les
Thebains qui se trouuerent à ceste mort de Pelopidas en furent fort desplai-
sans, & en demenerent grand deuil, l'appellant leur pere, leur sauueur, & leur
maistre, comme celuy qui leur auoit enseigné les plus belles & les plus hono- I
rables choses que les hommes sçauroient apprendre. Mais les Thessaliens &
autres allies & confederez de Thebes, oultre ce qu'ilz surpasserent par leurs
edicts & decrets publiques qu'ilz feirent à la louāge de sa memoire, tout l'hō-
neur qui pourroit estre deu à la plus excellente uertu humaine, demonstrerēt
encore plus leur amour & affectiō enuers luy par les regrets qu'ilz en feirent,
& le grand deuil qu'ilz en menerent: car on dit que ceulx qui se trouuerent à
ceste bataille, ne despouillerent leurs armes, ne debriderēt leurs cheualx, ny
ne feirent penser leurs playes, quand ilz ouirent la nouuelle de sa mort, qu'ilz
ne fussent premierement allez aupres du corps, encore tout chauld qu'il estoit
du combat, amassans à l'entour à grands monceaux les despouilles des enne- K
mis, comme s'il en eust eu quelque sentiment, & qu'ilz n'eussent en signe de
deuil tondu & eulx & leurs cheualx, & si y en eut encore plusieurs qui apres
qu'ilz se furent retirez en leurs tentes & pauillons, ne uoulurent allumer feu,
ny boire ny manger, & y eut par tout le camp un triste & morne silence, com-
me s'ilz n'eussent pas gaigné une tresbelle & tresglorieuse uictoire, ains eussēt
esté desfaits & asseruis par le tyran. Puis quand la nouuelle de ceste mort fut
espandue par le païs, les officiers de chascue uille par ou le corps auoit à passer
avec

A avec les ieunes hommes, les enfans, & les presbtres allerent au deuant pour le reccuoir honorablemēt, en portant des representations de trophées, des courōnes, & des armes de fin or. Et quand ce uint aux funerailles qu'il fallut enleuer le corps, les plus anciens & plus notables personnages d'entre les Theffaliens s'adresserēt aux Thebains, & les prierēt de leur permettre qu'ilz le peussent eulx mesmes inhumer, & y en eut un d'entre eulx qui porta la parole en ceste maniere: Seigneurs Thebains noz bons amis & alliez, nous uous requerrons une grace, qui nous tournera à hōneur, & quand & quād nous reconfortera aucunement en une calamité si grande: car nous ne pouuons plus iamais accōpagner Pelopidas uiuant, ne luy paier les hōneurs qu'il a meritez de nous

B en façon qu'il les sente, mais si uous nous faictes ce bien de nous permettre que nous puissiōs manier son corps avec noz propres mains, l'ensepuelir & accoustrer nous mesmes à ses obseques, au moins nous fera il aduis q̄ uous croirez ce que fermemēt nous croyōs, que la perte est plus grieve & plus grāde pour les Theffaliēs qu'elle n'est pour les Thebains: car uous y auez perdu un bon capitaine, mais nous n'y auōs pas perdu un bon capitaine seulement, ains quād & quād l'esperāce du recouremēt de nostre liberté: car cōmēt uous ozerōs nous plus enuoyer demander autre capitaine, quād nous ne pourrons uous rendre Pelopidas? Ces prieres ouyes les Thebains leur ottroyerēt ce qu'ilz demādoiet:

C & me semble qu'il ne sçauoit estre de plus honorables ny plus magnifiques funerailles que furēt cellēs la, au moins à ceulx qui mesurēt la dignité, la splēdeur & magnificence, non aux ornemens d'yuoire ny de pourpre, comme fait Philistus, qui tant exalte & magnifie l'enterrement de Dionysius le tyran de Syracuse, qui fut l'issue de sa tyrannie, comme la conclusion pompeuse d'une grande tragœdie. Et Alexandre le grand à la mort d'Ephestion feit tondre non seulement les crins des cheuaulx & des mulets, mais aussi feit raser les creneaux des murailles des uilles, à fin qu'il semblast que les murailles mesmes portassent le deuil de ceste mort, en prenant au lieu de leur forme premiere cōme un habit de deuil, & une rasure portāt indice de douleur & de regret. Mais toutes telles choses sont commandemens de seigneurs faits par force & par

D contrainte, lesquelz n'engendrent qu'enuie contre la memoire de ceulx pour qui elles se font, & haine de ceulx qui sont contraints malgré eulx à les faire, & ne portent point tesmoignage d'honneur ny de bienueillance, ains plus tost sont monstre d'une pompe, arrogāce & uanité barbaresque, qui employe son autorité, & la superfluité de ses biens en choses friuoles, & qui ne font aucunement à desirer: là ou un simple homme priué, mort en païs estranger, ou il n'auoit ny femme, ny parents, ny enfans, estant à ses funerailles cōuoyé, porté, & couronné par tant de peuples & de uilles, faisans à l'enuy l'un de l'autre, à qui plus honoreroit sa memoire, sans que personne les en requist, & encore moins les y contraignist, à bon droit semble auoir attainct à la cyme de

E l'heur & de la uraye felicité humaine: car la mort des hommes heureux n'est point tresgrieve, comme disoit Aesope, ains est tresheureuse, attendu qu'elle met en seureté les prosperitez & les beaux actes des gens de biē, laissant la fortune uarier & se changer à son plaisir. Et pourtant parla mieulx, à mon iugement, un Lacedæmonien, qui caressant un bon uieillard Diagoras, qui auoit luy mesme emporté autrefois le pris des ieux Olympiques, & si auoit ueu couronner, comme uictorieux, esdicts ieux ses enfans, & les enfans de ses enfans, tant de ses filz que de ses filles, luy dit: Meurs toy maintenant Diagoras, car ia ne monteras tu pas au ciel. Mais les uictaires de ces ieux Olympiques & Py-

Pelopidas.

thiques, qui les mettroit toutes ensemble, ne sont pas à comparer à l'une seule F
de tant de batailles que Pelopidas a combattues & gaignees, aiant usé la plus
part de ses iours en hōneur & en dignité, & finablement les aiant acheuez estāt
gouverneur de la Bœoce pour la trezieme fois, qui estoit l'honneur supreme
de son païs, aiant occis parmy cela les tyrans, qui opprimoient la liberté des
Thebains, & estant mort en combattant uailamment pour le recouurement
de celle des Theffaliens. Mais si sa mort fut desplaisante aux alliez de Thebes,
elle leur fut encore plus profitable: car incontinent que les Thebains en eu-
rent la nouuelle, ilz n'en dilayerent aucunement la uengeance, ains despes-
cherent incontinent une armee de sept mille hommes de pied, & de sept cents
cheualx sous la conduite de Malcitas & de Diogiton, lesquelz trouuans G
Alexandre battu, & aiant perdu la plus part de ses forces, le contraignirent de
rendre aux Theffaliens les uilles qu'il tenoit d'eulx, & de laisser les Magne-
siés, Phriotes & Achæiens en leur liberté, retirant & ostant les garnisons qu'il
auoit mises es fortes places, & quand & quand de promettre & iurer que de
lors en auant il marcheroit sous les Thebains, contre tel ennemy qu'ilz le
uouldroient mener, ou contre qui ilz luy commanderoient d'aller. Et quant
aux Thebains, ilz se contenterent de ces conditions la: mais ie ueulx d'auan-
tage reciter la peine que les Dieux tantost apres luy feirent paier pour la mort
de Pelopidas, lequel, comme nous auons touché cy dessus, auoit premie-
rement instruiēt Thebe sa femme, qu'elle ne deuoit point craindre l'appar- H
ence exterieure, ny la puissance de la tyrannie, encore qu'elle fust entre des
satellites armez, & parmy des bannis, que le tyran entretenoit pour sa gar-
de: & d'autre costé elle craignant sa desloyaulté & haissant sa cruauté, conspi-
ra sa mort avec ses freres, qui estoient trois, Tisiphonus, Pytholaus, & Lycop-
hron, & executa sa conspiration en ceste maniere. Tout le demourant du pa-
lais ou se tenoit le tyran estoit plein de gardes & de soudards, qui faisoient le
guet toute la nuit aupres de sa personne: mais la chambre où ilz auoient ac-
coustumé de coucher estoit au plus hault estage: à la porte de laquelle y auoit
un chien attaché qui faisoit le guet, & estoit terrible à tout le monde, ne co-
gnoissant personne que eulx deux tous seuls, & un ualet qui luy donoit à mā- I
ger. Quand donc elle uoulut mettre la main à l'œuure pour mettre à execution
son desseing, elle teint tout un iour ses freres enfermez dedans une chambre
assez pres de la leur, & puis la nuit uenue s'en alla seule, comme elle auoit ac-
coustumé, en la chambre de Alexandre, qui dormoit desia, & bien tost apres
en sortit, commandant au ualet qu'il emmenast le chien quelque part arriere
de là, pource que son mary uouloit reposer à son aise & sans bruit. Or mōtoit
on en celle chambre par une eschelle seulemēt, laquelle elle deuala: & de peur
que ses freres en montant ne feissent bruit, elle la uestit & fourra de laine pre-
mier que de la deualer. Les aiāt ainsi tirez à mont avec leurs espees, & mis de-
uant la porte, elle entra en la chambre la premiere, & osta l'espee du tyrā, qui K
estoit attachee au dessus de son cheuet, qu'elle leur mōstra, aiant pris ce signe
avec eulx, pour leur donner à entendre quand il seroit espris de sommeil, &
qu'il dormiroit. Les ieunes hommes se trouuerent estonnez, & restiuerēt un
petit quand ce uint au fait & au prendre, dont elle se courroucea aigrement à
eulx, en les appellant hōmes lasches, attendu q̄ le cueur leur failloit ainsi au
besoing: & quand & quand leur iura en cholere, qu'elle mesme iroit esueiller
le tyran, & luy descouueroit toute la coniuration: tellement que partie de hō-
te, & partie de crainte, elle les contraignit d'entrer & approcher du liēt, tenant
elle

A elle mesme la lāpe pour leur esclairer: & adonc l'un d'eulx le prit par les pieds, qui les luy serra estroittement, l'autre luy renuersa la teste en arriere, en le tenāt par les cheueux, & le troisieme le tua à coups d'espee. Ainsi mourut il plus soudainement, à l'aduenture, & plus promptement qu'il ne deuoit: mais au demourant, pour la maniere dont il fut tué, ainsi comme ses meschancetez & malheuretez auoient meritē, car ce fut le premier tyran occis par la conspiration de sa propre femme: & aussi pour les oultrages que lon feit à son corps apres sa mort, car les habitans de Pheres, apres l'auoir bien trainné par toute la uille, & foullé aux pieds, le ietterent à la fin, & l'abandonnerent à manger aux chiens.

B

Marcellus.



C

Arcus Claudius, celuy qui fut cinq fois Consul à Rome, estoit filz d'un autre Marcus, à ce que lō dit: mais il fut le premier de sa maison surnommé Marcellus, qui uault autāt à dire, comme martial & belliqueux, ainsi comme eserit Posidonius, pource qu'il estoit adroit aux armes, experimēté au faict de la guerre, fort & dispos de sa personne, prompt à la main, & aimant de sa nature à combattre: mais il ne monstroit ceste aspreté & ardeur de combattre, qu'à la guerre contre l'ennemy seulement: car au demourant ses meurs estoient fort doulces & fort attrēpees. Il aima les disciplines & lettres Grecques iusques à honorer & estimer seulement ceulx qui en sçauoient: car au reste les affaires l'engarderent d'y pouuoir uaquer, & de sy exercer autant comme il eust bien desiré, pource que fil y eut onques hommes aux quelz Dieu, ainsi que dit Homere, feist

V ser en guerre & en sanglans estours

Leurs ieunes ans iusques à leurs uieux iours,

D ce furent les nobles & les principaulx hommes Romains de ce siecle la, qui en leur ieunesse eurent à combattre cōtre les Carthaginois en la Sicile, en leur fleur d'aage contre les Gaulois, pour defendre qu'ilz n'occupassent toute l'Italie, & en leur uieillesse contre Hānibal & contre les Carthaginois, encore une autre fois: car ilz ne iouirent point du priuilege de l'aage, qui les dispensoit d'aller à la guerre, comme les autres cōmuns citoiens, pour leur uieillesse, ains furent contrains, tant pour leur noblesse, que pour leur experience & uaillance, d'accepter les charges & conduittes des armées que le Senat & le peuple leur commeirent. Or quant à Marcellus, il n'y auoit sorte de combat à laquelle il reculaist, ny à laquelle il fust peu exercitē, mais encore estoit il plus asseuré au cōbat d'homme à homme en camp clos, qu'il n'estoit en nulle autre: au moiē de quoy il ne refusa iamais ennemy qui le desfiast, ains occit sur le chāp tous ceulx qui le prouoquerēt. En la Sicile il sauua la uie à son frere Otacilius qui en une rencontre auoit esté porté par terre, car il le couurit de son escu, & tua ceulx qui luy couroient sus pour l'acheuer d'occire: à raison desquelles prouesses, estant encore ieune, il eut des capitaines, soubz lesquelz il estoit à la guerre, plusieurs couronnes, & autres pris d'honneur qui se donnēt aux uail-lans hommes. Et comme il continuaist à monstrier sa ualeur tousiours de plus

E

Marcellus.

en plus, le peuple l'eut *Ædile* du nombre de ceulx qui sont les plus dignes & plus honorables: & les prestres le creerent Augur, qui est à Rome une sorte de presbtrise, à laquelle la loy donne l'autorité d'observer & considerer le uol des oyseaux pour en deuiner & prognostiquer les choses à aduenir. Mais en l'annee de ceste siene *Ædilité*, il fut contraint d'appeller en iustice & accuser malgré luy, un sien compaignon en cest office nommé *Capitolinus*: lequel estant homme temeraire, dissolu & desordonné en sa uie, deuint amoureux du filz de *Marcellus* qui auoit nom comme son pere, & le pria de son deshonneur sur le poinct qu'il estoit en la fleur de son adolescence, non moins regardé, prisé, & estimé de tout le mode pour estre honeste & bien appris, que pour estre beau filz. Or pour la premiere fois il reietta à par soy les prieres & pour-
suytes de ce *Capitolinus* sans en parler à personne: mais quand il ueit qu'il y retournoit encore une autre fois, il le dit & declara à son pere, lequel en estant griefuement indigné, comme le cas le meritoit, l'en defera & accusa deuant le Senat. *Capitolinus* du commencement allegua plusieurs exceptions & subterfuges pour ne point comparoir, & à la fin en appella deuant les Tribus du peuple, lesquelz declarerent qu'ilz ne receuoient point son appel, & ne uouloient point prédre cognoissance du faict. Ainsi estant à la fin contraint de respondre deuant le Senat, il nia le faict tout à plat, pource qu'il n'y auoit point de tesmoings qui eussent ouy les paroles: à l'occasion dequoy le Senat fut d'aduis de faire uenir en personne le ieune garson: lequel s'estant représenté deuant le Senat se prit à rougir & à plorer tout ensemble. Le Senat uoyant en luy une uergogne meslee avec des larmes, & un despit qui ne se pouoit appaiser, sans plus oultre chercher d'autre preuue, teint le cas pour tout adueré, & condamna sur le champ *Capitolinus* en une somme d'argent pour l'amende: des deniers de laquelle *Marcellus* dressa un banc de changeur, qu'il donna & dedia au seruice des Dieux. Or estât la premiere guerre que les Romains eurent cōtre les Carthaginois acheuee au bout de uingt & deux ans qu'elle auoit duré, incontinent apres leur recōmencea de nouueau une autre guerre contre les Gaulois: car les Iberiens, peuple uenu de la Gaule & habitât au pied des mōts des Alpes du costé d'Italie, combien qu'ilz fussent forts & puissans d'eulx mesmes, appelloient neantmoins encore à leur aide les autres Gaulois qui habitoient de la les monts, & en faisoient uenir de grosses armees de ceulx mesme-
ment qui ont accoustumé d'aller à la soude de qui plus leur dōne, que lon appelle *Gessates*. Si me semble que ce fut chose merueilleuse, & de grand heur pour les Romains, que ceste guerre Gauloise ne uint point à se rōpre du tēps que celle des Carthaginois duroit encore, & que les Gaulois, cōme si par maniere de dire, ilz eussent iuré de combattre à leur tour contre celuy des deux peuples, qui demoureroit uainqueur, attendirent loyaulment & de bōne foy, sans se bouger, iusques à ce qu'ilz eussent acheué, pendant que les Romains & les Carthaginois se battoient ensemble, & puis s'allerent attacher aux uain-
queurs, quand ilz n'eurent plus à faire à d'autres. Ce neantmoins l'affiette de leur païs faisoit grand effroy aux Romains pour estre de si pres leurs uoifins, pource qu'ilz auoiēt la guerre à leurs portes, à propos parler, aussi faisoit l'ancienne reputation des Gaulois, que les Romains ont ce semble plus redoubté & plus craint, qu'autre nation quelconque, pource que ce furent eulx qui anciennement priēt la uille de Rome: depuis laquelle prise il fut fait une ordonnance, que de lors en auant les prestres & gens de religion seroient dispen-
sez

A fez & exempts d'aller à la guerre, excepté quand les Gaulois s'esleueroient. Les preparatifs aussi qu'ilz feirent alors pour ceste guerre, tesmoignerent assez la crainte qu'ilz en eurent: car on tient que iamais au parauât ny onques depuis, il n'y eut tant de milliers de Romains naturelz en armes tout à un coup, qu'il y eut ceste fois la. D'auantage la nouvelle cruaulté dont ilz userent en leurs sacrifices en fait foy aussi: car au parauant ilz n'auoient iamais accoustumé d'y faire rien qui fust estrange, ny qui teint du barbare, ains auoient les opinions fort doulces & humaines quant aux cerimonies de la religion, & conformes à celles des Grecs touchant le seruice des Dieux: mais lors ilz furēt contraints d'obeir à quelques oracles & propheties anciennes, qu'ilz trouuerent escriptes

B es liures de la Sibylle, & enterrenter tous uifz dedans le marché aux bœufs deux Grecs, un homme & une femme, & semblablement aussi deux Gaulois: aux quelz iusques aujourdhuy ilz font encore au mois de Nouëbre quelques secrets anniuersaires qu'il n'est pas loisible de ueoir à tout le mode. Or es premieres rencontres de ceste guerre, il y eut de grandes uictōires & de grandes pertes aussi pour les Romains, mais pour cela n'en fut point la guerre assopie, ny reduitte à une fin asseuree. Et l'annee que Flaminius & Furius furent Consuls, & depeschez avec grosses & puissantes armées pour aller faire la guerre aux Insubriés, qui sont les Milannois, il uint nouuelles à Rome que lon auoit ueu une riuere de la Romagne toute rouge de sang, & que lō auoit aussi ueu

C tout à un coup en la uille de Rimini trois lunes: & quand & quād les presbtres & deuins qui auoiēt obserué & consideré les presāges des oyseāux au iour que ces deux auoient esté eleus Consuls, affermoiet qu'il y auoit eu erreur en leur creation, & qu'ilz auoient esté indeuēmēt eleus cōtre les signes & prognostiques des oyseāux. Parquoy le Senat leur escriuit incōtinent au cāp, & les rappella à fin qu'ilz se uinsent eulx mesmes depōser du Consulat, auant qu'ilz attentassent de faire aucune chose comme Consuls à l'encontre des ennemis. Le Consul Flaminius receut biē les lettres à temps, mais pource qu'il estoit sur le poinēt de donner une bataille, il ne les uolut point ouurir qu'il n'eust premieremēt desfait les ennemis, & couru leur païs, cōme il feit: mais aussi quand

D il retourna à Rome, encore que ce fust avec quantité grande de butin, le peuple ne uolut point aller au deuant de luy, pource qu'il n'auoit pas promptemēt obey aux lettres qu'on luy auoit escriptes, ny ne sen estoit incōtinent retourné, ainsi qu'on luy auoit mandé, ains en auoit fait audacieusemēt à sa fantasie sans point sen soucier, de maniere qu'il sen fallut biē peu que lon ne luy refusast totalement l'honneur du triumphe: car tout aussi tost que son triumphe fut acheué, on le contraignit de renoncer son Consulat, & le rēdit on hōme priué avec son compagnon: tant les Romains estoient en cela religieux, qu'ilz uouloiet que toutes choses se referassent à la grace & au bon plaisir des Dieux, ne permettant point que lon mesprisast les obseruatiōs & predictions

E des Deuins, ny les us & coustumes anciennes, quelque felicité & prosperité qui en deust aduenir: pource qu'ilz estimoiēt estre plus expedient pour le biē de leur chose publique, que leurs officiers & magistrats eussent en reuerence les cerimonies du seruice des Dieux, que qu'ilz uainquissent en bataille leurs ennemis. Et pourtant Tiberius Sempronius personnage qui fut autāt honoré, & estimé des Romains, tant pour sa bonté que pour sa prouesse, que nul autre de son temps, estant une annee Consul en nomma & declara deux autres pour l'estre l'annee ensuiuant, Scipion Nasica, & Caius Martius: lesquelz en

F
 aians pris possession, & estans ia allez es prouinces qui leur estoient escheutes
 par le sort, Sempronius par cas d'aduerture prit en main quelques petits liures,
 ou estoient sommairement escrites les regles appartenâtes aux cerimonies des
 sacrifices publiques, & en les lisant y trouua une obseruâce dont il n'auoit ia-
 mais ouy parler. L'obseruâce estoit, que quand un magistrat festoit assis hors
 de la uille en quelque tente ou maison louee, pour y contempler & obseruer
 les présages des oyseaux, & que par quelque occasion suruenante il estoit cō-
 traint de soy retirer dedans la uille, auant que les oyseaux eussent donné aucs
 signes certains, il falloit à la secōde fois quand il retournoit pour acheuer ses
 obseruations, qu'il laissast la tente ou maison premierement louee, & qu'il en
 prist une autre pour recommencer de nouueau à y faire ses contemplations. G
 Tiberius n'ayant pas sceu cela, festoit par deux fois serui d'une mesme maison,
 & auoit là dessus nommé & déclaré ces deux Consuls successeurs: mais depuis
 aiant cogneu sa faulte, il la feit entēdre au Senat, lequel ne uoulut point met-
 tre à nonchaloir une si legere omīssion, ains en escriuit aux nouueaux Con-
 suls, lesquelz incontinent quitterent leurs prouinces & sen retournerēt à Ro-
 me promptement, ou ilz se deposerent de leurs estats. Cela fut quelque temps
 depuis: mais enuiron ce mesme temps duquel nous escriuons presentement, il
 y eut deux presbtres de bien nobles maisons, & bien notables personnages,
 l'un nommé Cornelius, & l'autre Cethegus, qui tous deux furēt priuez de leur
 presbtrise, pour auoir failly à bailler les entrailles de l'hostie immolee par or- H
 dre, ainsi qu'ilz deuoīēt. Et Quintus Sulpitius, pource qu'en sacrifiant, le cha-
 peau sacerdotal, que portent ceulx que lon appelle Flamines, luy tumba de
 dessus la teste, fut deposé de sa prelatute. Et comme Minutius Dictateur eust
 nōmé pour maistrē de la cheualerie Caius Flaminius, il en fut destitué, & mis
 un autre en sa place, pour autant qu'en l'instāt que le Dictateur le nomma, on
 ouit le bruit d'une souris. Et combien qu'ilz fussent ainsi soigneux de garder
 estroittement une si exquise diligēce, mesmement en choses si legeres, ce n'e-
 stoit point pource qu'il y eust de la superstition meslee parmy, ains estoit à fin
 que lon ne transgressast aucun poinct de toutes les anciennes institutions &
 cerimonies de leur paīs. Mais pour retourner à nostre histoire, quand Flami- I
 nius se fut luy mesme deposé de son Consulat, Marcellus fut substitué en son
 lieu par ceulx que lon appelle Entreroys: & entré qu'il en fut en possession, il
 eleut pour son compagnon Cneus Cornelius, là ou lon dit que les Gaulois
 inclinans à uouloir faire appointement, & le Senat Romain mesme estant
 bien content d'entendre à la paix, Marcellus irrita le peuple, & le disposa
 à uouloir plustost la guerre. Ce nonobstant la paix fut bien faite pour lors,
 mais incontinent après les Gaulois Gessates renouellerent la guerre: car
 ilz passerent les monts des Alpes en nombre de bien trente mille combat-
 tans, & se uindrent ioindre aux Insubriens, qui estoient plusieurs fois autant:
 au moien dequoy le cuer leur estant creu, ilz allerent incontinent mettre le K
 siege deuant la uille d'Acerres, qui est assise sur la riuierē du Po, durant lequel
 siege leur Roy Briomatus prenant dix mille Gessates, alla courir & piller le
 plat paīs d'alentour du Po. Ce qu'entendant Marcellus laissa son compagnon
 avec tous les gens de pied armez, & le tiers de la cheualerie, au camp pres d'A-
 cerres, & luy avec le reste des gens de cheual, & six cents hommes de pied des
 plus legeremēt armez, se meit en chemin pour aller trouuer les ennemis, sans
 reposer ne iour ne nuict, iusques à ce qu'il eut attainct ces dix mille Gessates

A auprès d'un bourg de la Gaule de deça les monts, qui se nomme Capidion, qui de naguères estoit en l'obeissance des Romains. Si n'eut pas loisir de reposer ny refaire un peu ses gens, pource que les Barbares sceurent incontinct sa venue, & le teindrent pour ia tout desconfit, à cause qu'il auoit bien peu de gens de pied : & quant à sa cheualerie, les Gaulois ne la mettoient en aucun compte, car oultre ce qu'ilz sont fort bons hommes d'armes, & qu'ilz ualent plus en cela qu'en nulle autre sorte de combat, encore passoient ilz de beaucoup lors en nombre ceulx de Marcellus : & pource marcherent incontinct droit à luy d'une grande fureur & avec terribles menasses, comme si d'arriuee ilz eussent deu foudroyer tout. Leur Roy marchoit le premier deuant toutes ses troupes. Et Marcellus craignant qu'ilz ne l'enueleoppassent & ne l'environassent par derriere, pource qu'il estoit en si petit nombre, estendit le plus qu'il peut les ailes de sa gendarmerie, pour embrasser plus de pais, de maniere que les deux pointes uenoient à estre fort gresles, iusques à ce qu'il fut bié pres des ennemis. Et comme ia il estoit prest à se mettre au galop pour aller choquer, il aduint que son cheual effroyé du bruit & de la brauerie des ennemis, se tourna, & emporta Marcellus en arriere en despit qu'il en eust : mais luy craignant que les Romains ne prissent superstitieusement cela à mauuais presage, & n'en entraissent en quelque frayeur, qui leur troublast l'entendement, tirant la bride à main gauche, luy feit soudainement retourner la teste deuers l'ennemy, & quand & quand adora le Soleil, comme si ce n'eust pas esté par accidét qu'il eust tournoyé, ains expressement pour cest effect, à cause que les Romains ont accoustumé de faire ainsi un tour, quand ilz saluent & adorēt les Dieux : & sur le point que la meslee commécea, il feit uœu à Iupiter Feretrien de luy offrir les plus belles armes que les ennemis eussent, s'il demouroit uainqueur. Et à l'instant mesme le Roy des Gaulois l'ayant apperceu, se doubta bien à uoir les marques & enseignes qu'il auoit, que ce deuoit estre le chef des ennemis, si lancea son cheual bien loing deuant sa troupe droit à luy, en luy criant un cry de desfiance, que c'estoit à luy qu'il en uouloit, & quād & quand branlant une grosse iaueline de barde qu'il portoit en la main. C'estoit le plus bel homme & le plus grand de tous les Gaulois, & si auoit son harnois tout doré & argenté, & tant enrichy de toutes sortes d'ouurages & de couleurs, qu'il en reluysoit commel'esclair : parquoy Marcellus aiāt ietté sa ueuë sur toute la bataille des ennemis, & n'y ayant poit apperceu de plus belles armes que celles de ce Roy, iugea incontinct que c'estoit donques celuy, contre lequel il auoit fait sa priere & son uœu à Iupiter. Si picqua droit à luy, & luy donna un tel coup de iaueline, aidant la force & la roideur de la course du cheual, qu'il luy faulfa sa cuirasse, & le porta par terre, non encore mort pourtant : mais il redoubla soudain deux ou trois coups, dōt il l'acheua de tuer, puis se ietra aussi tost à bas de dessus son cheual, & en touchāt les armes du mort, leua les yeux au ciel en disant : ô Iupiter Feretrien, qui regarde du ciel & diriges les haults faicts d'armes & les prouesses des capitaines, ie t'appelle à tesmoing, comme ie suis le troisieme capitaine Romain, qui estant chef d'armee ay desfait & occis de ma propre main le Roy & chef de l'armee des ennemis, & te promets offrir & dedier les plus belles & les plus riches despouilles des ennemis, pourueu qu'il te plaise nous donner pareille fortune au demourant de ceste guerre. Cela fait & dit, les hommes d'armes Romains commencerent à se mesler parmy les Gaulois gens de cheual & gens de pied pesse mesle : car ilz n'estoient point separez

Marcellus.

à part les uns des autres, & feirent en sorte qu'ilz y gainerēt une uictoire singuliere, pour la façon qui en fut estrange & merueilleuse, pource qu'il ne fut iamais ueu ny au parauant ny depuis, que si peu de gens de cheual desfeissent si grand nombre d'hommes d'armes & de gés de pied meslez ensemble: & apres en auoir occis la plus grande partie, & auoir gaigné leurs despouilles & leur entiere destrouffe, il s'en retourna deuers son compagnon, qu'il trouua faisant la guerre aux Gaulois assez malheureusemēt, deuant la plus grande uille & la plus peuplee qu'ilz eussent, que lon nomme Milan, & que les Gaulois de deça les monts tiennent pour leur cité Metropolitaine, c'est à dire, capitale & dont toutes les autres ont esté deriuees & fondees: à l'occasion dequoy, ilz faisoient tout le deuoir à eulx possible pour la defendre, & tenoient le cōsul Cornelius autāt assiegé, comme luy eulx. Mais si tost que Marcellus fut de retour, les Gessates qui entendirēt comme leur Roy Briomatus auoit esté tué en bataille, s'en retournerent en leur païs, & la uille de Milan fut prise: apres laquelle toutes les autres se rendirent sans se faire battre, & les Gaulois se soubmirēt entierement eulx & leurs biens à la discretion des Romains, qui leur ottroyerent la paix sous equitables & raisonnables conditions. Pour lesquelles conquestes, le Senat decerna l'honneur du triumphe à Marcellus seul, & fut ce triumphe en richesse, en multitude de despouilles, en nōbre de beaux & grāds hommes prisonniers, & en toute autre sumptuosité & magnificence aussi admirable, & aussi digne de uoir que autre qui eust onques esté: mais ce qui y fut le plus agreable à regarder pour la nouueauté, fut Marcellus portant luy mesme à Iupiter sur ses espaulles la despouille entiere du Roy barbare, qu'il auoit occis: car il auoit fait coupper un chesneau de montagne hault & droit, qu'il accoustra en forme de trophée, en y attachant & pendant à l'entour par ordre toutes les pieces du harnois qu'il auoit conquis, puis quand toute la monstre de son triumphe fut acheminee, luy mesme chargea le chesneau sur ses espaulles, & mōta dessus son chariot triuphal, & alla ainsi par toute la uille portant ce trophée en triumphe, qui fut la plus belle representation, & le plus honorable spectacle, qui comparust en toute celle monstre. Son armee suyuoit apres le chariot chantant des hymnes & chants de uictoire à la louange des Dieux & de leur Capitaine, puis quand il eut trauersé toute la uille iusques au temple de Iupiter surnommé Feretrien, il y planta & dedia son trophée. C'est le troisieme & le dernier des Capitaines Romains iusques à nostre aage, à qui cest hōneur soit escheut. Car le premier qui ait ainsi fait offrande à Iupiter des armes du chef des ennemis, fut le Roy Romulus qui gagna celles d'Acron le Roy des Ceniniens: le second fut Cornelius Cossus, qui desfeit Tolumnius capitaine general des Thoscās: & le troisieme, Marcellus, qui occit de sa propre main Briomatus roy des Gaulois, & depuis luy n'est aduenue cest heur à nul autre. Le Dieu auquel se consacre & se dedie ceste sorte de despouilles s'appelle Iupiter Feretrien, ainsi surnommé, comme escriuent aucuns, pource qu'on luy porte ce trophée, suyuant la deriuation de ceste parole Grecque, FERIN, qui signifie porter, pource qu'en ces premiers temps là il y auoit encore beaucoup de dictions Grecques meslees parmy le langage Latin. Les autres ueulent dire, que c'est un des surnoms de Iupiter, qui signifie autant comme foudroiant, pource que FERIRE en langage Latin, signifie frapper: & y en a qui disent, que c'est proprement blecer à coup de main en la guerre, car encore auioirdhuy les Romains quand ilz chargent leurs ennemis en bataille,

- A** ou qu'ilz les pourfuyuent fuyans, ilz crient l'un à l'autre pour s'entredonner courage, *FERI FERI*, qui uault autant à dire comme, Tue Tue: & les despouilles que lon oste aux ennemis s'appellent generalement *Spolia*: mais celles que les capitaines ostent aux capitaines des ennemis apres les auoir occis, s'appellent particulièrement *Spolia Opima*. Toutefois il y en a qui disent, que le Roy Numa Pompilius en ses commentaires, fait mention de Despouilles Opimes, premieres, secondes, & tierces, commandant que les premieres gaignees soient consacrees à Iupiter Feretrien, les secondes à Mars, & les tierces à Quirinus: & que celuy qui auroit gaigné les premieres, eust pour sa recompense * trois cents Asse: le second, deux cents, & le troisieme, cent: mais
- B** neantmoins la commune opinion & la plus receüe est, que les Despouilles Opimes, sont quād il y a bataille rengee, que ce sont les premieres gaignees, & que c'est le chef de l'armee qui les oste au chef des ennemis apres l'auoir occis de sa propre main. mais à tant auons nous suffisamment parlé de ce propos. Au demourāt, les Romains furent si ioyeux de ceste uictoire, & de l'issue de ceste guerre, qu'ilz feirent forger du butin que lon y auoit gaigné une coupe d'or massif, du poix de cent marcs, qu'ilz enuoyerent en offrande au temple d'Apollo Pythien en la uille de Delphes pour luy en rendre graces, & feirent aussi liberalement part des despouilles à leurs alliez iusques à en enuoyer grande quantité à Hieron roy de Syracuse qui estoit leur amy & confederé. Quel-
- C** que temps apres estant Hannibal entré en Italie, Marcellus fut enuoyé avec une armee de mer en la Sicile, & depuis estant aduenue la desconfiture de Cannes, en laquelle il mourut tant de milliers de Romains, & s'en sauua bien peu de uistesse, qui s'enfouirent en la uille de Cannusium, on s'attendoit bien que Hannibal aiant desfait la fleur de la force des Romains, ne faudroit pas de tirer droit à Rome. Marcellus enuoya premierement de dessus ses uaisseaux mille cinq cēts hommes pour aider à garder la uille: & depuis aiant receu un mandemēt du Senat, s'en uint à Cannusium, là ou il prit ceulx qui estoient illec sauuez & r'alliez apres la bataille perdue, & les tira hors des places en la campagne pour la defendre. Or auoient lors esté les meilleurs capitaines qu'eussent les Romains pour la pluspart tuez en diuerfes batailles, &
- D** de ceulx qui leur estoient demourez, Fabius Maximus estoit celuy que lon tenoit pour le plus homme de bien, & le plus sage, mais encore se plaignoit on qu'il n'estoit pas homme d'executiō, & qu'il auoit faulte de hardiesse, pource qu'il pesoit trop toutes choses pour ne rien perdre, & ne mettre riē en hazard: & disoit on qu'il estoit bien bon capitaine pour defendre, mais non pas pour assaillir. Au moien dequoy on eut recours à Marcellus, & iugea lon, qu'il falloit mesler sa hardiesse & sa uiuacité actiue avec la craintie prouoyāce & sagesse de l'autre: & à ceste cause les elisoit on quelques annees tous deux ensemble Consuls, ou biē les enuoyoit on l'un Consul, & l'autre Proconsul, chacun à son tour, la part ou estoient les affaires, & suiuant ce propos Posidonius escrit, que les Romains appelloient alors Fabius Maximus leur bouclier, & Marcellus leur espee. Et Hannibal mesme disoit qu'il craignoit Fabius Maximus comme son gouuerneur, & Marcellus cōme son aduersaire, pource que l'un le gardoit de mal faire aux autres, & l'autre luy en faisoit à luy mesme. Tout premierement donques apres ceste grande uictoire de Cannes, les gens de Hannibal estās deuenuz si audacieux, & si desbauchez, & dissolus, que sans plus craindre rien ilz tenoient les champs, & s'escartoient bien loing de leur

* Ce sont enuiron
treize escus.

Marcellus.

camp, Marcellus courant sus à ceulx qui s'esloignoient ainsi, les mettoit tous F
en pieces, & alloit de tant plus diminuât tousiours les forces de son ennemy.
Et puis il secourut les uilles de Naples & de Nole, là ou il confirma les Napo-
litains, qui estoient d'eulx mesmes bien affectiōnez aux Romains, en la bon-
ne deuotion qu'ilz auoient: & entrant dedans Nole, il y trouua une sedition
entre le Senat & le peuple, pource que le Senat ne pouuoit uenir à bout de la-
commune, qui à toute force uouloit tenir le party de Hannibal, à cause qu'il
y auoit en la uille un gentilhomme nommé Bandius, tresnoble entre les siés,
& fort uaillant homme de sa personne, lequel aiant tresbien fait son deuoir
en la bataille de Cannes, apres auoir occis plusieurs Carthaginois, fut à la fin
luy mesme abbatu par terre, & trouué entre les morts tout destailé de coups: à G
raison dequoy Hannibal estimant grandement sa prouesse, non seulement le
laissa aller sans paier rançon, mais d'auantage luy dōna de beaux presens, & le
fait son hoste & son amy. Parquoy Bandius estāt de retour en sa maison, pour
luy rēdre la pareille, ne faillit pas à estre l'un de ceulx qui plus affectueusemēt
fauorisoiēt aux affaires de Hānibal, & qui plus enhortoit le peuple de Nole à
se tourner de son costé: toutefois Marcellus estima que ce seroit peché contre
les Dieux, de faire mourir un personnage q̄ auroit dōné si notable preuue de
sa uaillance, & qui auroit cōuru la fortune des Romains en leurs plus grands
affaires, & leurs plus grāds dangers: avec ce, qu'il estoit de doulce & humai-
ne nature, encore auoit il une grace de sçauoir attirer & gagner les cueurs H
des personnes par courtoisie. Au moien dequoy, l'estant cestuy Bandius un
iour allé ueoir & saluer, Marcellus luy demanda qui il estoit, combien que de
long temps il le cogneust assez, pour seulemēt auoir occasion d'entrer en pro-
pos avec luy. L'autre luy respōdit, qu'il estoit Lucius Bandius. Et adonc Mar-
cellus, monstāt d'en estre tout esiouy & esbahy: Comment, dit il, & es tu dōc
celuy Bandius duquel on parle tāt à Rome, & que lon dit qu'il fait si bien son
deuoir en la iournee de Cannes, & qu'il n'abandonna iamais le Consul Pau-
lus Æmylius, ains receut sur son propre corps plusieurs coups qui estoiet ad-
dressez à luy? Bandius respondit, que c'estoit luy uoirement: & quand & quād
luy mōstra sur sa personne plusieurs cicatrices des coups qu'il y auoit receuz. I
Et Marcellus luy repliqua: Dea, ueu que tu auois de si euidentes & si notables
marques de la bonne uolunté & amitié que tu nous portes, comment ne t'en
uenois tu incontinent uers nous? penſes tu que nous ſoions si lasches & si in-
grats, que nous ne ueillions dignement remunerer la uertu de noz amis, la-
quelle est honoree mesme des ennemis? Apres luy auoir usé de ces gracieuses
paroles, & l'auoir embrassé & caressé, il luy fit present d'un bō cheual de ser-
uice pour la guerre & luy donna * cinq cents drachmes d'argent: & depuis ce
iour la, iamais ce Bandius n'abandonna les costez de Marcellus, ains luy fait
tousiours par tout tresloyale & fidele compagnie, se monstāt tres aspre à re-
chercher, descouurir & accuser ceulx qui en sa uille tenoient party contraire, K
lesquelz estoient en grand nōbre, & auoient cōspiré entre eulx, que le premier
iour que les Romains sortiroient aux champs pour aller faire quelque course
sur les ennemis, ilz leur clorroiēt la porte à la cueuē, & saccageroiēt tout leur
bagage. Quoy entendu Marcellus ordonna ses gens en bataille au dedans de
la uille pres des portes, & à leur cueuē renga aussi les sommiers qui portoient
leur bagage: & au demourant à son de trompe fit faire defense sur peine de
la uie à ceulx de la uille, que nul ne fust si ozé ne si hardy que d'approcher des
murailles

* Cinquan-
te escus.

A murailles. Cela fut cause que Hannibal s'en tira pres, quand il ueit qu'il ne cō-
paroissoit personne dessus les murailles en armes, & s'approcha en assez mau-
uais ordre, pource qu'il cuida qu'il se fust emeu quelque mutinerie au dedans
entre le peuple & la noblesse: mais cependant Marcellus feit ouurir la porte,
pres de laquelle il estoit, & sortant soudain avec les meilleurs hōmes d'armes
qu'il eust, l'alla charger de front: & incontinent apres sortirent aussi les gens
de pied par une autre porte, courans droit à luy avec grands cris & grād bruit:
pour aux quelz faire teste, Hannibal fut contraint de departir sa troupe en
deux: mais ainsi qu'il les departoit, fut soudainement ouuerte une troisieme
porte, par laquelle sortit le demourant des Romains, qui s'allerēt ruer de tous
B costez sur les Carthaginois ia tous estonnez & effroyez pour ceste soudaine
faillie, dont ilz ne se doubtoiēt point, de sorte q'ia à male peine pouuans souf-
tenir ceulx qu'ilz auoient sur les bras, quand ilz ueirent ce nouueau renfort,
& ceste derniere surcharge, ilz furent cōtraints de se retirer. Ce fut la premie-
re fois que les gens de Hannibal commencerent à ceder aux Romains, qui les
rembarrerent avec grand nombre de morts & de blecez iusques dedans leur
camp: car aucūs escriuēt qu'il en demoura bien cinq mille morts sur le chāp,
& qu'il n'en mourut pas plus de cinq cents de la part des Romains: toutefois
C Titus Liuius n'affirme pas que la descōfiture fust si grosse, mais il dit bien que
celle rencontre apporta grāde gloire à Marcellus, & un merueilleux courage
aux Romains apres tant de pertes qu'ilz auoient faittes les unes sur les autres,
pource qu'ilz commencerent lors à croire, qu'ilz n'auoient point affaire à un
ennemy totalement inuincible, & impassible, ains qu'il pouuoit bien aussi
quelque fois souffrir perte & receuoir dommage. A raison dequoy estant en-
uiron ce temps la decedē l'un des Consuls, le peuple feit appeller Marcellus
absent pour le substituer en son lieu, & malgré les autres magistrats differa la
subrogatiō, iusques à ce qu'il fust uenu du camp, & ne fut pas plus tost arriué
qu'il fut eleu au lieu du defunct par toutes les uoix & suffrages du peuple: tou-
tefois ainsi que lon procedoit à ceste election, il tonna à bon esciāt: ce que les
presbtres & deuins iugerent estre sinistre presage: mais toutefois ilz n'osoiēt
D pas l'empescher ouuertement ny s'opposer à son election, pource qu'ilz crai-
gnoient le peuple: mais luy mesme se deposā uoluntairemēt, & quitta le cō-
sulat, & pour cela toutefois ne fut point exempt de la guerre, ains fut créé Pro-
cōsul, & conuoyé au cāp à Nole, là ou il se mit à chastier & endōmager ceulx
qui tenoiēt le party de Hannibal: lequel en estat aduertty y accourut en toute
diligēce pour les secourir, & d'arriuee luy presenta la bataille, que Marcellus
ne uoulut pas lors accepter: mais il espia son occasiō, que Hannibal auoit en-
uoyé une bonne partie de son armee fourrager, ne s'attendant plus d'auoir de
bataille, & adonc luy alla courir sus, aians baillé à ses gens de pied de grādes
parthifanes & iauelines longues, dont les soudards de marine usoient sur la
E mer, & leur aiant enseigné à les lācer de loing de toute leur puissance cōtre les
Carthaginois, qui ne sçauoient point ietter ny darder les leurs, ains combat-
toient de iauelots courts à coups de main seulement. Cela fut cause que tous
ceulx qu'ilz chargerēt alors, furent contraints de mōstrer le dos aux Romains
& qu'ilz fouirent à ual de rouverte, de maniere qu'il en demoura cinq mille de
morts sur le champ, & y eut quatre Elephāts tuez aussi, & deux pris uifs, & qui
plus est, trois iours apres ceste bataille il y eut bien enuiron trois cents hom-
mes de cheual, partie Hespagnolz, & partie Numidiens, qui se uindrēt rendre

Marcellus.

aux Romains. Ce qui n'estoit point encore aduenü à Hannibal, ains auoit cō-
tinuellement par si long temps entretenu en bonne union & loyale concor-
de une armee barbaresque, composee de tant de diuerfes & differentes natiōs:
mais ces trois cents demourerent tousiours depuis fideles iusques au bout à
Marcellus, & aux autres capitaines qui apres luy eurent charge des armees Ro-
maines. Quelque temps apres, Marcellus aiant esté eleu Consul pour la troi-
sieme fois, s'en alla en la Sicile, pource que les uictories & prosperitez de
Hannibal auoient donné cueur aux Carthaginois de uouloir reconquerir
derechef celle isle, mesmement pource que apres la mort du tyran Hierony-
mus, il s'estoit esmeu quelque tumulte à Syracuse: à l'occasion dequoy les Ro-
maines des auparauant y auoient aussi enuoyé une armee & un capitaine Pra-
teur nommé Appius, des mains duquel Marcellus aiant receu l'exercite, il
y eut un grand nombre de bourgeois Romains, qui le uindrent supplier de
leur uouloir estre en aide en leur calamité, laquelle estoit telle. De ceulx qui
eschapperent à la bataille de Cānes, les uns se sauuerēt de uistesse, les autres
furent faits prisonniers en si grand nombre, qu'il sembloit qu'il n'en fust pas
demouré assez pour garder les murailles de Rome seulemēt, & neantmoins ce
peu de ceulx qui estoient demourez, eurent le cueur si bon & si grand qu'ilz ne
uolurent onques rachepter les prisonniers que Hannibal leur abandonnoit
à bien petite rençon, ains feirent un decret, qu'ilz ne seroient point racheptez,
& souffrirent que les uns fussent tuez, les autres uendus esclauues hors de l'Ita-
lie: &, qui plus est, ilz enuoyerēt ceulx qui s'estoient sauuez à fouir, en la Sici-
le, avec defense qu'ilz n'eussent à mettre le pied en Italie, durāt le temps qu'ilz
y auroient la guerre contre Hānibal. Ceulx la se uindrēt tous ensemble ietter
aux piedz de Marcellus, si tost qu'il fut arriué, & se prosterner en terre deuant
luy, en le suppliant de leur donner lieu honnest, & loy de combattre pour la
chose publique, en luy promettant avec crys, pleurs, & larmes, qu'ilz feroient
ueoir par effect, que la rouverte qu'ilz auoient endurée à Cannes estoit aduenue
plus tost par malheur que par faulte de cueur. Parquoy Marcellus aiant pitié
d'eulx, escriuit au Senat en leur faueur, priant qu'on luy permeist de remplir
les bādes de son armee, à mesure qu'elles uiendroient à se desgarnir, de ces pau-
res hommes la. Il y eut plusieurs raisons alleguees pour & contre ceste re-
queste: mais finablement il fut conclu & resolu par le Senat, que la chose pu-
blique n'auoit que faire du seruice d'hommes lasches comme femmes: toute-
fois si d'aduenture Marcellus s'en uouloit seruir, qu'il ne luy fust loisible de
donner à aucun d'eulx, quelque acte de prouesse qu'ilz feissent, des courōnes
ou autres pris d'honneur, que les capitaines ont accoustumé de donner aux
gens de bien, & qui font bien leur deuoir. Ce decret du Senat despleut fort à
Marcellus, lequel à son retour de la Sicile en feit ses plaintes & doléances en
plein Senat, remonstrant qu'on luy auoit fait tort de ne luy permettre pas ce-
ste grace, que pour tant de bons & grands seruices faits à la chose publique, il
peust restituer l'honneur à tant de leurs pauvres citoiens. Mais pour lors estāt
en la Sicile, il receut quelque torts & iniures de Hippocrates capitaine gene-
ral des Syracusains, lequel pour gratifier aux Carthaginois, & par leur moien
se faire seigneur absolu de Syracuse, feit mourir plusieurs citoiens Romains: à
l'occasion dequoy Marcellus alla mettre le siege deuant la uille des Leontins,
& l'ayant emportee d'affault, ne feit aucun desplaisir aux naturelz habitans &
bourgeois de la uille: mais quant aux traistres qu'il y trouua, qui s'en estoient
fouïs

A fouïs de son camp pour se rendre aux ennemis, il les feit tous fouetter & pèdre puis apres. Ce neantmoins Hippocrates feit premieremēt courir le bruit à Syracuse, que Marcellus auoit fait mettre à l'espee tous les Leontins indifferement iusques aux enfans, & puis suruenant là dessus en l'effroy & tumulte de ceste faulx alarme, il se saisit facilemēt de toute la uille. Quoy entendāt Marcellus se partit des Leontins avec toute son armee, & alla planter son cāp tout au plus pres de Syracuse, dedans laquelle il enuoya de ses ambassadeurs pour remonstrer à la uerité aux habitans, ce qui auoit esté fait en la uille des Leontins, au contraire de ce qu'on leur auoit donné à entendre: mais tout cela ne seruit de rien, pource qu'ilz ne le creurēt pas, à cause que Hippocrates y estant le plus fort, les auoit gaignez. Parquoy il commēça adonc à faire approcher & assaillir la uille de tous costez, tant par terre que par mer. Appius cōduisoit ceulx qui assailloient par terre, & luy avec soixante galeres à cinq rames pour banc bien armees, & pleines de toutes fortes de traiçts & d'armes de gect, assailloit du costé de la mer, & uoguoit contre la muraille, aiant fait dresser sur une liaison de huiët galeres, ioinctes ensemble une grosse machine & engin de batterie, pour rompre la muraille, se confiant en la grande multitude de ses engins de batterie, & de toute autre prouisiō necessaire à la guerre qu'il auoit, & quand & quand en sa reputation. Mais Archimedes ne se soucioit point de tout cela, comme aussi n'estoit-ce rien aupres des engins qu'il auoit inuentez,

C non que luy en feist autrement cas ny compte, ne qu'il les eust faits cōme des chefs d'œuure pour monstrier son esprit: car c'estoiet pour la plus part ieu de la Geometrie qu'il auoit faits en s'esbattant par maniere de passetemps, à l'instance du Roy Hieron, lequel l'auoit prié de reuoquer un petit la Geometrie de la speculatiō des choses intellectiues à l'action des corporelles & sensibles, & faire que la raison demonstratiue fust un peu plus euidente & plus facile à comprendre au commun peuple, en la meslant par experiēce materielle à l'utilité de l'usage. Car cest art d'inuenter & dresser instruments & engins, qui s'appelle la Mechanique ou Organique, tāt aimée & prisee de toutes sortes de gens, fut premierement mise en auant par Architas & par Eudoxus, en partie

D pour resiouir & embellir un peu la science de la Geometrie par ceste gentillesse, & en partie aussi pour estayer & fortifier par exemples d'instruments materielz & sensibles, aucunes propositions Geometriques, dont on ne peut trouuer les demonstrations intellectiues par raisons indubitables & necessaires, comme est la propositiō, qui enseigne à trouuer deux lignes moienes proportionales, laquelle ne se peut prouuer par raison demonstratiue, & neantmoins est un principe & fondement necessaire à beaucoup de choses qui se mettent en portraiture. L'un & l'autre l'a reduitte à la manufacture de quelques instruments qui s'appellent Mesolabes ou Mesographes, qui seruent à trouuer ces lignes moienes proportionales, en tirant certaines lignes courbes & sections trauerfantes & obliques. Mais depuis s'estant Platon courroucé à eulx, en leur

E maintenant qu'ilz corrompoient & gastoient la dignité, & ce qu'il y auoit de bon & d'excellent en la Geometrie, en la faisant descendre des choses intellectiues & incorporelles aux choses sensibles & materielles, & luy faisant user de matiere corporelle, ou il fault trop uilement & trop bassement employer l'œuure de la main: depuis ce temps là, dis-ie, la Mechanique ou art des ingenieurs, uint à estre separee de la Geometrie, & estant longuement tenue en mespris par les philosophes, deuint l'une des arts militaires. Mais Archime-

Marcellus.

des aiant un iour proposé au Roy Hieron, duquel il estoit parent & familier amy, qu'il estoit possible de remuer avec tât & si peu de force que l'on voudroit, tel poix & tel fardeau que l'on présenteroit: & s'estant vanté, à ce que l'on dit, sur la confiance de la force des preuues & raisons, dont il prouuoit ceste proposition, que s'il y eust eu une autre terre, il eust peu remuer ceste cy en passant en l'autre: le Roy Hieron s'en esmerueillant, le pria de uouloir mettre en fait ceste proposition, & luy en faire uéoir quelque experience, en luy montrant quelque grosse masse & lourd fardeau remué par une debile force. Il achepta une des grosses carraques du Roy, pour laquelle tirer en terre hors de l'eau, il fallut beaucoup d'hommes, encore y eurent ilz bien de l'affaire, & si y feit mettre dedans grand nombre de personnes oultre sa charge ordinaire: & luy seul de loing estant assis à son aise, sans s'esforcer aucunement, en tirât tout bellemét avec la main, le bout d'un engin à plusieurs roues & plusieurs poulies, la feit approcher de luy, coulant aussi doucement & aussi uniement comme si elle eust flotté & couru sur la mer. Dequoy le Roy s'esbahissant, & cognoissant par ceste preuue la grande force de son art, le pria de luy faire quelque quantité d'engins, tant pour assaillir que pour defendre en toutes façons de sieges & d'assaults: ce que Archimedes luy feit, toutefois le Roy Hieron ne s'en seruit onques, pource qu'il passa la plus part de son regne sans guerre en paix: mais celle prouision & munition d'engins, se trouua lors tout à propos pour les Syracusains, & non seulement la prouision des engins tous faits, mais aussi l'ingenieur mesme qui les auoit inuentez. Quand donques ceulx de Syracuse uerrent les Romains uenir de deux costez à l'assault, ilz se trouuerent bien estonnez, & n'y auoit celuy qui dist un tout seul mot, tant ilz estoient espris de frayeur, ne cuidas pas qu'il fust possible de resister à l'effort d'une si grosse puissance: mais quand Archimedes uint à delascher ses engins, tout à un coup infinis traicts de toutes sortes, & des pierres grosses à merueilles uolerēt en l'air, avec un bruit & une roideur incroyable, contre les gens de pied, qui uenoient du costé de la terre à l'assault, renuersans & brisans tous ceulx qui se trouuoiet au dessoubz, ou à l'endroit auquel elles tumboient, sans qu'il y eust corps d'homme qui peust resister à si grande impetuosité, ny soustenir un si grand faix, de maniere que tous leurs rens en estoient troublez. Et quant aux uaisseaux qui assailloient du costé de la mer, les uns estoiet mis à fond par de longues piéces de bois, come sont les uerges ou lon attache les uoiles des nauires, qui estoient soudainemét iettees en auant de dessus la muraille avec des machines, & puis à force de peser en fondoient les galeres au fond de la mer: les autres enleuez tout debout par les proues avec des mains de fer & des crochets faits en maniere de becs de grue, plongeoiēt des pouppes en la mer: les autres saisies par dedans, avec engins tendus au contraire l'un de l'autre, qui leur faisoient faire la pirouette en l'air, uenoiet à se briser & froisser cōtre les rochers qui estoiet au pied de la muraille, nō sans grāde perte & meurtre des personnes qui estoiet dessus, & biē souuēt y en auoit qui estoiet de tout poinct enleuees hors de l'eau, qui faisoiet horreur à les regarder seulement ainsi suspendues & tournoyātes en l'air, iusques à ce que les hōmes de dedās estans iettez & lacez ça & là par le tournoyemēt, à la fin elles uenoient toutes uiides à se briser cōtre les murailles, ou biē à retūber en la mer quād la prise des engins se laschoit. Or quāt à la machine que Marcellus faisoit approcher sur une liaison de plusieurs galeres ioinctes ensemble pour battre la muraille, elle s'appelloit Sambuca,

- A** buca, pour la semblance de forme qu'elle a avec l'instrument de Musique du mesme nom, qui est une harpe: & comme elle estoit encore assez loing, il sail-
lit de dessus la muraille une grosse pierre du poix de dix quintaux, puis une se-
côde apres, & puis une troisieme coup sur coup, lesquelles uenans à dōner de-
dans celle machine avec un tonnerre & une tempeste merueilleuse, en froisse-
rent toute la base, & demembrerent & despecerent la liaison des galeres qui
la soustenoient, tellement que Marcellus ne sachant ou il en estoit, fut con-
traint de se retirer luy mesme uistement en arriere, & quand & quād enuoyer
aussi commander la retraitte à ceulx qui assailloient du costé de la terre. Si fut
tenu conseil pour aduiser ce qui estoit à faire, & fut arresté que le lendemain
B matin auant qu'il fust iour, on approcheroit le plus pres que lon pourroit de
la muraille, pource que les engins d'Archimedes qui estoient roides & fort
tendus, enuoyeroiēt par ce moien les coups de leurs pierres & de leurs traiçts
par dessus leurs testes, & consequemment luy deuiendroient de tout point
inutiles, pour n'auoir pas l'espace & la distāce de la portee qui leur falloit: mais
Archimedes festoit de longue main preparé à cela, aiant fait prouisions d'en-
gins, dont la portee estoit proportionnee & compassée à toutes distances, les
traiçts courts, les coches non gueres longues pour recouper dru & souuent,
des arbalestes de courte chasse pour assener de pres, assises en lieux que les en-
nemis ne les pouuoient ueoir de dehors. Parquoy quād ilz se cuiderēt appro-
C cher pensans estre à couuert, & que lon ne les ueist point, ilz furent tous esba-
his qu'ilz se trouuerent derechef accueuillis d'infinis coups de traiçt, & acca-
blez de pierres, qui leur tumboient à plomb dessus les testes, car il n'y auoit en-
droit de la muraille dōt on ne leur en tiraist, à raison dequoy il leur fut force de
foy retirer derechef arriere de la muraille: mais quād encore ilz en furent es-
loignez, les flesches, pierres, & traiçts qui uoloient de tous costez, les alloiēt
trouuer & assener iusques là ou ilz estoient escartez au loing: de maniere qu'il
y en eut beaucoup affolez, & beaucoup de leurs uaisseaux conquassez & frois-
sez, sans qu'ilz peussent en reuēche aucunemēt endommager leurs ennemis,
à cause que Archimedes auoit dressé la pluspart de ces engins à couuert, &
D derriere non pas dessus la muraille: tellement qu'il sembloit que les Romains
fussent combattus par quelques Dieux, tant ilz receuoient de dommage & de
maulx, & si ne uoyoit on poit d'ou ne par qui. Toutefois Marcell⁹ en eschap-
pa à sauueté, & se moquant de ses ouuriers & des maistres ingenieurs qu'il a-
uoit en son camp, leur disoit, Ne uoulons nous point cesser de faire la guerre
à ce Briareus Geometrien icy? qui estant assis à son aise au long de la mer, en se
iouant nous a rechassez ainsi honteusement avec noz galeres & uaisseaux, &
qui surpasse tous les geans à cent mains, dont les fables des Poētes font men-
tiō, tāt il nous a delasché de traiçts, de pierres, & de flesches tout à un coup. Car
à la uerité aussi tous les autres Syracusains estoient comme le corps, & les mē-
E bres de tout l'equippage d'Archimedes, & luy seul en estoit l'ame qui mou-
uoit & remuoit le total, estāns lors toutes autres armes à repos, & les sienes
seules employees tant pour assaillir que pour defendre. Finablement Marcel-
lus uoyant ses gens si effroyez, que si seulement ilz apperceuoient le bout d'u-
ne corde, ou de quelque piece de bois qui se monstraist sur la muraille ilz s'en
fuyoient courans, & crians que c'estoit Archimedes qui uouloit delascher
quelque machine contre eulx, il se deporta de plus approcher, ny de faire plus
donner d'affaults à la muraille, se deliberāt de tascher à l'auoir par lōgueur de

Marcellus.

siege. Et neantmoins Archimedes a eu le cueur si hault, & l'entendement si F
profond, & ou il y auoit un tresor caché de tant d'inuentions Geometriques,
qu'il ne digna iamais laisser par escript aucun ceuvre de la maniere de dresser
toutes ces machines de guerre, pour lesquelles il acquit lors gloire & renom-
mee non de science humaine, mais plus tost de diuine sapience: ains reputant
toute celle science d'inuenter & composer machines, & generalemēt tout art
q apporte quelque utilité à la mettre en usage uile, basse & mercenaire, il em-
ploya son esprit & son estude à escrire seulemēt choses dōt la beauté & subtilite
ne fust aucunement meslee avec necessité. Car ce qu'il a escrit sont proposi-
tiōs Geometriques, qui ne reçoieūt point de cōparaison à autres quelles qu'el-
les soient, pource que le subiect qu'elles traittent combat avec la demonstra- G
tion, leur donnant le subiect la beaulté & la grandeur, & la demonstration, la
preuue si exquisite qu'il n'y a que redire, avec une force & facilité merueilleuse:
car on ne sçauroit trouuer en toute la Geometrie de plus difficiles ny plus pro-
fondes matieres escriptes en plus simples & plus clairs termes, & par plus fa-
ciles principes que sont celles qu'il a inuentees. Ce que les uns attribuent à la
uiuacité & dexterité de son entendemēt, qui de nature estoit ainsi aisé: les au-
tres le referent à un trauail extreme, avec lequel il facilitoit tant ces choses,
qu'il sembloit qu'elles ne luy eussent rien cousté à faire: car il n'y a hōme qui
de soy mesme peust inuenter la demonstratiō de ses propositiōs quelque pei-
ne qu'il employast à la chercher, & neantmoins soudain que lon l'a entendue H
& comprise, chacun prent ceste opinion de soy mesme, qu'il l'eust bien trou-
uee, tant il conduit aiseement, & par une uoix plaine & unie, ce qu'il prêt à de-
monstrer. Pourtant me semble fort uray semblable ce que lon dit de luy, qu'il
estoit si fort espris & rauy de la doulceur & des attraiets de ceste Sirene, la-
quelle estoit, par maniere de dire, logee chez luy, qu'il en oublioit le boire &
le manger, & le reste du traitement de sa personne, de sorte que bien souuent
ses seruiteurs le trainnoiēt par force au baing pour le lauer, oindre, & estuer,
là ou encore dedans les cendres du foyer il trassoit quelques figures Geome-
triques. Et pendant que lon le oignoit d'huiles de senteurs, il tiroit avec le
doigt des lignes dessus son corps nud: tant il estoit transporté hors de soy en I
ecstase du plaisir qu'il prenoit à l'estude de la Geometrie, & ueritablement rauy
de l'amour des Muses. Mais entre plusieurs belles choses qu'il a inuentees,
il semble qu'il estimoit le plus la demonstration de la proportiō qu'il y a en-
tre le Cylindre, c'est à dire la coulonne ronde & la sphere ou boule dedans
contenue, pource qu'il pria ses parents & amis, que quand il seroit mort, ilz
feissent mettre dessus sa sepulture un Cylindre cōtenant une sphere massifue,
avec une inscription de la proportion, dont le contenant excède le contenu.
Estant donques tel Archimedes, il conserua tant qu'en luy estoit, soy & sa uil-
le inuincible. Mais pour retourner à Marcellus, durant le siege de Syracuse, il
prit la uille de Megares en Sicile l'une des plus anciennes q soit en toute l'isle, K
& si prit d'auantage le camp d'Hippocrates aupres d'Aciles, ou il tua plus de
huit mille hommes, les surprenant ainsi comme ilz estoient apres à se loger
& à fortifier leur camp, puis il courut une bonne partie de tout le plat pais de
la Sicile faisant rebeller les uilles qui tenoient le party des Carthaginois, & en
toutes rencontres qu'il eut desfeit tousiours ceulx qui fozerent presenter en
bataille deuant luy. Depuis il aduint qu'il suprit un capitaine Lacedæmoniē
nommé Damippus ainsi qu'il sortoit de Syracuse par mer: les Syracusains le
de-

A desirans rachapter, l'enuoyerent requerir de le mettre à rençon : sur laquelle rençon il fut parlementé par plusieurs fois, & estendit on expressement ceste pratique en plusieurs assignations, tant qu'il eut bien considéré une certaine tour, laquelle n'estoit pas gueres soigneusement gardee, & dedás laquelle on pouuoit secrettement mettre quelque nombre de gens, pource que la muraille de la uille, en cest endroit là n'estoit pas gueres difficile à monter. Parquoy apres qu'il eut bien coniecturé la haulteur de la ditte tour par en estre souuent approché, & auoir par plusieurs fois parlementé tout aupres, il feit prouision d'eschelles, & prit l'occasion d'une feste que les Syracusains celebroident en l'honneur de Diane, & n'entendoient ce iour là qu'à boire, iouer, & faire grande chere : de sorte, que non seulement il se saisit de la tour, ains emplit toute l'enceinte des murailles de ses soudards armez auant qu'il fust iour, & feit abbattre le portail de la uille que lon nomme Hexapyle. Et ainsi que les Syracusains aians senty la surprise, commenceoient ia à s'esmouuoir, il feit de tous costez sonner les trompettes : ce qui effroya si fort les Syracusains, qu'ilz se prirent tous à foudre, cuidans que toute la uille entierement fust desia prise, là ou il y auoit encore le plus beau, le plus grand, & le plus fort quartier de la uille, nommé l'Achradine, qui ne l'estoit point, pource qu'il est emmuré, & se ferme contre le reste de la uille, qui est diuise en deux autres parties, dont l'une s'appelle la Ville neufue, l'autre s'appelle la Fortune. Lesquelles deux parties estans gaignees, Marcellus au poinct du iour y entra par le portail d'Hexapyle : & comme ses capitaines luy dissent, qu'il estoit bienheureux d'auoir ainsi facilement pris une si belle uille, lon dit, que luy regardant & considerant la grádeur & beaulté d'icelle, se prit à larmoyer, pour la compassion qu'il eut de ce qu'il preueoit en deuoir aduenir, pensant en soy mesme cōment elle changeroit bien tost de forme, quand elle seroit toute pillée & saccagee par son armee : car il n'y auoit capitaine qui eust ozé dire de nō aux soudards qui en demandoient le pillage : encore y en auoit il plusieurs, qui uouloient à toute force q̄ lon la brustast & rastast entierement, mais Marcellus n'e uolut pas seulement ouyr parler, car encore leur conceda il bien enuis & contre sa uolunté, qu'ilz peussent faire leur profit des biens & des esclaués, leur defendant au demourant de toucher aucunement aux personnes libres, & de n'occire, outrager, uioler, ne prendre esclaué aucun des Syracusains. En quoy, combien qu'il se portast si modereement & si doucement, si est ce qu'il luy faisoit encore mal de ueoir une tant belle uille reduitte à si malheureux terme, & ne se pouuoit tenir de monstrier parmy la ioye qu'il sentoit de la uictoire, la pitié & compassion qu'il auoit de ce qu'il s'attendoit bien de ueoir en un instant tant de biens & une si plantureuse opulence dissipée & reduitte à neant. Car on dit que la richesse qui fut lors enleuee au sac de Syracuse, n'estoit pas moindre que celle de Carthage, qui depuis, non gueres long temps apres, fut saccagee, pource que ce qui restoit à prendre de la uille, fut aussi semblablement pris par trahison bien tost apres, & pillé par les soudards bon gré mal gré que lon en eust, exceptez les biens & les finances des roys, qui furent mises à part pour estre portees au tresor publicque à Rome. Mais il n'y eut rien en ceste prise de Syracuse, qui tant desplust à Marcellus, comme feit l'inconueniēt d'Archimedes, lequel estoit d'aduenture en son estude, là ou il cherchoit en luy mesme la demonstration de quelque proposition Geometrique, dont il en auoit tiré le portraict, & y aiant du tout fiché non seulement sa pensee, mais

Marcellus.

aussi sa ueuë & ses yeux, il n'auoit point entendu le bruit des ennemis qui cou- F
roient par la uille, & moins encore la surprise d'icelle. Si fut tout esbahi qu'il
ueit aupres de luy un soudard qui luy dit, qu'il sen uint quand & luy parler à
Marcellus. Archimedes luy respondit, qu'il attendist iusques à ce qu'il eust
acheué sa proposition, & reduitte en demonstration, dequoy le soudard se
courrouceant desguainna son espee & le tua. Les autres disent, que le soudard
Romain d'arriuee luy presenta la pointe de l'espee pour le tuer, & que Archi-
medes l'ayant soudain apperceu, le requit qu'il uoulust attendre un petit, à fin
que ce qu'il cherchoit ne demourast point imparfait & sans demonstration:
le soudard ne se soucia point de sa speculatio, & le tua. Encore y en a il qui le
comptent en une troisieme maniere, disans que quelques soudards le rencon- G
trèrent par les ruës, ainsi qu'il alloit porter à Marcellus quelques instruments
de Mathematique dedäs une quesse, comme sont horologes au Soleil, Sphe-
res, Angles, avec lesquelz on mesure à la ueuë la grandeur du corps du Soleil,
& cuidans que ce fust or ou argent, ou quelque autre precieux meuble qu'il
portast en ceste quesse, le tuerët. Mais bien est il certain, que Marcellus en fut
fort desplaisant, & qu'il eut en horreur, & ne uolut iamais ueoir le meurtrier
qui le tua, comme un homme maudit & excommunié, & qu'ayant trouué de
ses parents, il les caressa & honora pour l'amour de luy. Or estoient bien pour
lors les Romains estimez des autres nations, hommes entendans comme il
falloit conduire une guerre, & estoient bien tenus pour bons combattans & H
dangereux à rencontrer: mais d'equité, de clemence & d'humanité, & à brief
parler de toute autre uertu ciuile & pacifique, ilz n'auoient encore fait ueoir
aucuns exemples aux natiōs estrangeres iusques à Marcellus, qui lors môstra
par effect aux Grecs, que les Romains estoient plus iustes qu'eulx: car il traitta
si humainement ceulx qui eurent lors à faire à luy, & feit tant de graces aux par-
ticuliers, & aux uilles entieres, que si d'aduenture il y eut adonc quelque cho-
se moins que humainement faite en la uille de Enna, ou à Megares, ou con-
tre les Syracusains, ce fut plus tost par la coulpe de ceulx mesmes qui en souf-
frent le dommage, que par ceulx qui le leur feirent: & pour en faire foy i'en
reciteray un seul exemple entre plusieurs. Il y a une uille en la Sicile qui se nô- I
me Engyium, elle n'est pas grande, mais fort ancienne & bien renommee pour
l'apport qu'il y a, à cause de l'apparition de certaines Deesses qui y sont recla-
mees, & que lon appelle les Meres. Lon dit que les Cádiots ont premierement
fondé & edifié le temple qui y est, & y monstre lon des lances & des armers de
cuyure, sur lesquelz il y a le nom de Meriones, & sur d'autres celui de Vlysses
en escript, qui sont cōsacrez aux Deesses. Ceste uille fauorisoit fort opiniastre-
ment aux Carthaginois: & Nicias le premier homme d'icelle faisoit tout ce
qu'il pouuoit au cōtraire, pour les en diuertir & les faire tourner du costé des
Romains, parlant franchement & à la descouuerte en toutes les assemblees de
conseil, en remonstrât par uifues raisons, que ses aduersaires qui conseilloyët K
le contraire failloient bien lourdement au preiudice de la chose publique: au
moien dequoy ses aduersaires craignans son autorité & sa puissance, cōspi-
rerent entre eulx de le saisir au corps, & le liurer entre les mains des Carthagi-
nois: dont Nicias ayant senty quelque uent, & apparceuant bien que lon l'es-
pioit pour le prédre, usa d'une telle fourbe pour s'en sauuer. C'est qu'il sema en
public quelques propos fascheux, & feit plusieurs choses contre l'honneur &
contre l'apparition, que lon croyoit pour chose toute certaine, de ces Deesses,

disant

A disant que c'estoit tout abus, & qu'il n'y falloit point adiouxter de foy. Ses ennemis furent bien aises de ces propos, estimans que la commune incontinent iugeroit, que luy mesme se seroit procuré les maulx qu'ilz pretendoient luy faire souffrir. Vn iour dōques qu'ilz auoient assigné entre eulx pour le saisir au corps, il aduint que lon teint assemblée de uille, en laquelle Nicias harengua deuant le peuple, conseillant & suadant quelque chose: mais ainsi qu'il fut au milieu de son propos, il se laissa rumber tout de son long contre la terre, dequoy l'assistance se trouua bien esbahie, comme lon peut penser: toutefois personne ne bougea, & quelque espace de temps apres, il leua un peu la teste & la tourna ça & là avec une uoix foible & tremblante, qu'il alloit peu à peu renforceât & haulsant, iusques à ce qu'il ueit toute l'assistance du peuple esprise de frayeur & d'horreur, sans que personne oast dire mot: & adonc iettant sa robbe & deschirant son saye, il se leua sur ses piedz à demy nud, & s'en courut uers la porte du theatre en criant que les Deesses Meres le tourmentoient, personne ne luy oza toucher ny se mettre au deuant de luy, pour la superstitieuse frayeur qu'ilz auoient, pēsans que ce fust une punitiō diuine: au moien dequoy, il luy fut aisé de gagner la porte de la uille, & s'en fouir, & onques puis ne feit geste, ny ne dit parole d'homme qui semblast forsené ny possédé de maling esprit. Sa femme qui s'entendoit avec luy, & luy aidoit à conduire sa trame, alla premierement prosterner aux piedz des Deesses Meres en leur temple, comme leur suppliante, & depuis faignant uouloir aller chercher son mary, qui comme homme hors de son bon sens couroit les champs, elle sortit de la uille avec ses petits enfans sans que personne luy donnast empeschement. ainsi se retirerent ilz tous ensemble sans danger deuers Marcellus à Syracuse. Depuis les Engyeniens feirent tant d'insolences & tant de folies, qu'à la fin Marcellus y alla, qui les feit tous prendre & lier comme pour en faire la punition puis apres: mais Nicias s'en uint deuers luy, qui en luy embrassant les genoux, & luy baisant les mains, avec les grosses larmes aux yeux, le supplia de uouloir auoir pitié de ses pauvres citoiens, commenceant à ceulx qui estoient ses plus grands ennemis. Ceste bōté de Nicias attendrit le cuer à Marcellus, de sorte qu'il leur pardonna à tous, sans faire aucun dommage à la uille, & donna à Nicias plusieurs terres, oultre plusieurs autres beaux & riches dons qu'il luy feit. Posidonius le philosophe l'escript ainsi en son histoire. Au demourāt Marcellus estant rappelé par les Romains, pour la guerre qu'ilz auoient dedans leur pais & à leurs portes, s'en retourna emportant quand & luy la plus grande partie des plus beaux tableaux, peintures, statues, & autres telz ornemens qui fussent à Syracuse, en intention d'en embellir son triumphe, & puis apres en parer & orner la uille de Rome, laquelle au parauant n'auoit ny ne cognoissoit rien d'exquis ny de singulier en telz ouurages: car ceste polifure, & ceste grace & gentillesse d'ornemens de peinture & de sculpture n'y estoit point encore entree, ains estoit seulement pleine d'armes barbaresques, de harnois, & de despouilles toutes souillees de sang, & courōnee de trophées, & de monuments des uictoires & triumphes gaignez sur diuers ennemis, qui n'estoient point spectacles plaisans, ains plus tost effroyables à ueoir, ny propres pour spectateurs tendres & delicats: ains plus tost, comme Epaminondas appelloit la plaine de la Bœoce l'eschaffault, ou Mars iouoit ses ieux: & Xenophon appelloit la uille d'Ephese, la bouttrique de la guerre: aussi me semble il que lon eust peu lors appeller la uille de Rome, le temple de Mars sanglant,

ainsi que dit Pindarus. Et pourtant en acquit Marcellus encore de tant plus la bonne grace & la faueur du commun populaire, pour auoir ainsi embelly & esguayé la uille de Rome des ingenieuses delices & elegantes uoluptez des Grecs : mais à l'opposite Fabius Maximus fut plus agreable aux uieux, pour n'auoir rien emporté de semblable hors de la uille de Tarente, quād il la prit: car il est bien uray qu'il en emporta l'or & l'argent comptāt, & toute autre richesse utile : mais quand aux images & tableaux, il les laissa en leurs places en disant une parole, qui depuis a esté biē recueuillie & bien notee, Laissons aux Tarentins leurs Dieux qui leur sont courroucez. Et au cōtraire les gens d'honneur reprenoient Marcellus, premierement pource qu'ilz disoiēt qu'en cefaisant il auoit fuscité une grande haine & enuie contre la uille de Rome, en laquelle non seulement les hommes, mais aussi les Dieux estoient detenus prisonniers & menez en triumphe, & puis pource qu'il auoit emply le commun populaire de curiosité oyisfue & de babil, attēdu qu'il ne faisoit plus autre chose la plus part du iour, que s'amuser à causer & deuiser de l'excellence des ouuriers & de leurs arts & ouurages, là ou au parauāt ilz n'auoient accoustumé que de labourer ou de faire la guerre, sans sçauoir que c'estoit de delices ny de oyisfue superfluité, comme dit Euripides en parlant de Hercules,

Simple il estoit grossièrement atourné,

Mais des uertus principales orné.

Toutefois Marcellus s'en glorifioit entre les Grecs mesmes, disant qu'il auoit enseigné aux Romains à priser & estimer les beaux & admirables ouurages de la Grece, ce qu'ilz ne sçauoient pas au parauant: mais à son retour de la Sicile ses malueuillans s'opposerent à ce que l'honneur du triumphe ne luy fust point decerné: & luy sachant qu'il auoit laissé encore quelque chose à faire en la Sicile, & q̄ la guerre n'y estoit pas de tout point acheuee, avec ce qu'il craignoit qu'un troisieme triumphe ne luy suscitast trop d'enuie, se contenta de son bon gré d'auoir l'honneur du grand triūphe en la montagne d'Alba seulement, & du petit en la uille de Rome. Ceste maniere du moindre triumphe s'appelle en Grec Euan, & les Romains la nomment Ouatio: & y a ceste difference, qu'en l'Ouation, celuy à qui elle est adiugée n'entre pas dedans la uille dessus un chariot triumphe, trainné par quatre cheuaux, ny ne porte point sur sa teste du laurier en chapeau de triumphe, ny n'a point les trompettes & clars sonnants autour de luy, ains marche à pied avec des pantoufles, au son des flustes & haultsbois, portant sur sa teste un chapeau de meurte: de façon que ceste maniere d'entree ne sent point sa guerre aucunement, & en est la ueuē plus tost plaisante qu'effroyable. Ce qui m'est un grand argumēt pour croire que ces deux sortes d'entrees que lon decernoit aux capitaines qui retournoient uictorieux ont esté anciennement distinguees, plus tost par la maniere que par la grandeur de leurs faicts: car ceulx qui avec grand meurte & effusion de sang humain estoient uenus au dessus de leurs ennemis, entroient en la magnificence du triumphe qui estoit tout martial & terrible, suiuis de leurs soudards tous armez & couronnez de chapeaux de laurier, ne plus ne moins que quand ilz faisoient la reueuē & la purification de leur camp en la guerre. Mais ceulx qui sans exploiter les armes par amiable uoye de remonstrances, ou par eloquence uenoient à bout de leurs entreprises, la loy leur cōcedoit l'honneur de l'autre façon d'entree pacifique pleine de feste & de ioye, pource que la fluste est un passetemps qui appartient à la paix, & le meurte est

- A** un arbre consacré à Venus, laquelle plus qu'autre Dieu ny Deesse hait la force, la uiolence & la guerre. Et a ceste seconde sorte d'entree esté appelée Ouation, nō cōme plusieurs des Grecs ont cuidé, de ce terme Euā, qui est une uoix & un chant de ioye, encore que lon ait accoustumé de conuoyer & accōpagner le capitaine ainsi entrāt, en criant & chātant Euan : mais ce ont esté quelques Grecs qui ont uoulu tirer la deriuation de ce mot d'une coustume qui leur est ordinaire, avec ce qu'ilz ont estimé que quelque partie de cest honneur appartient au dieu Bacchus, lequel nous furnommōs Euius, & quelquefois Thriābus : mais ce n'est pas la uraye deriuation du nom, ains est, pource qu'à l'entree triumphale le capitaine triumphateur & uictorieux par les anciennes coustumes de Rome immoloit un ou plusieurs bœufs, & en l'Ouation, il immoloit seulement une brebis que les Romains appellent Ouem, dont l'entree à esté nommée Ouation. En quoy fait à considerer la difference qu'il y a entre celuy qui establit les loix & coustumes des Romains, & celuy qui fait celles des Lacedemoniens, comment ilz ordonnerent les sacrifices pour la uictoire à l'opposite l'un de l'autre, pource qu'à Sparte le capitaine qui par astuce, ou par amiable uoye a fait ce qu'il a uoulu, sacrifie aux Dieux un bœuf, & celuy q l'a fait par bataille & force d'armes, sacrifie un coq : car encore qu'ilz fussent gēs fort belliqueux, si est ce qu'ilz estimoient plus grand exploit & plus conuenable à l'homme celuy qui est conduit par remonstrāce, par bon sens & par raison, que celuy qui est executé avec hardiesse & force d'armes. Ainsi peult on considerer, lequel des deux en cela a le mieulx ordonné. Au demourant, estāt Marcellus eleu Consul pour la quatrieme fois, ses ennemis & malueuillans fusciterent les Syracusains, & leur suaderent de se uenir plaindre au Senat & crier contre luy, en l'accusant qu'il les auroit cruellement & inhumainement traitez contre les alliances & confederations qu'ilz auoient de long temps avec les Romains. Estāt donques un iour Marcellus au Capitole, ou il faisoit quelque sacrifice, ainsi que le Senat se tenoit, les deputez de Syracuse y entrerent, & se iettans à genoux requirent que lon leur donnast audiēce, & qu'on leur feist iustice. L'autre Consul qui estoit present, les rabroua, estant marry de ce qu'ilz auoient ainsi malicieusement espié l'occasion que Marcellus ne fust pas en la cōpagnie. Mais aussi tost que Marcellus en fut aduertty, toutes choses laissees il sy en alla incontinent, & fassait premierement en la chaire Consulaire, ou il donna audience, & depescha quelques affaires comme Consul, puis quād il eut acheué, il descendit de la chaire à bas, & s'alla mettre comme personne priuee, en la place d'ou souloient respondre ceulx que lon accusoit de quelque crime, donnant permission aux Syracusains de dire & alleguer ce qu'ilz uoudroient à l'encontre de luy. Si furent les Syracusains bien estonnez quand ilz ueirent la grauité de ce personnage & son asseuree contenance en toutes choses : & si parauant ilz l'auoient esprouué non soustenable en armes, encore le trouuerent ilz lors plus redoubtable en sa robe longue Cōsulaire, de maniere qu'ilz ne l'ozoient pas seulement regarder entre deux yeux. Ce neantmoins à l'instigation des aduersaires de Marcellus, ilz fassereurent à la fin, & commencerent leur accusatiō meslee de plainte & de lamentation, dōt la substāce en sommaire estoit, qu'estans amis & alliez des Romains ilz auoient souffert des choses que les autres capitaines bien souuent remettoient, & ne faisoient pas souffrir aux ennemis. A quoy Marcellus promptement respondit au contraire, que pour plusieurs maulx & plusieurs torts que les Romains

Marcellus.

auoient receuz d'eulx, ilz n'auoient rien souffert, sinon ce qu'il est impossible que ne souffrent ceulx qui resistent iusques à estre pris par force d'armes, de laquelle prise eulx mesmes auoient esté cause, n'aians pas uoulu obeir ny consentir aux raisonnables conditions de paix qu'il leur auoit par plusieurs fois proposees: & si ne pouuoient dire pour leur descharge que c'eussent esté les tyrans qui les eussent forcez de soustenir ceste guerre, car au contraire pour y pouuoir entrer, ilz auoient esté cõtens de se soubmettre à une tyrânie. Après que les uns & les autres eurent deduit leurs raisons, les Syracusains, comme la coustume est, sortirent hors la salle du Senat, & aussi feit Marcellus, laissant presider son compagnon au Consulat, & attendit à la porte le iugement du Senat sans rien changer de son uisage, ny de sa contenance accoustumee, ny pour crainte de la sentence, ny pour cholere à l'encontre des Syracusains: ains attendant doucement & attrempeement l'issue du iugement, apres que les uoix des Senateurs eurent esté recueuillies, & que par la pluralité d'icelles Marcellus eut esté absoulz à pur & à plein, les Syracusains en plorant se ietterent à ses piedz, & le supplierent de ne uoloir tenir son cueur, ny exercer son ire à l'encontre d'eulx qui estoient là presens: & au demourant d'auoir pitié du reste de la uille, laquelle estoit bien souuenante des graces qu'elle auoit receues de luy, & s'en tiendroit redeuable à tousiours-mais à luy. Marcellus emeu à pitié par leurs prieres, leur pardonna, & tousiours depuis feit tous les plaisirs qui luy furent possibles aux autres Syracusains: car à son instance & requeste, le Senat authorisa & confirma ce qu'il leur auoit ottroyé, qu'ilz peussent uiure en pleine liberté soubz leurs loix, & iouir paisiblement des biens qui leur estoient demourez: en recompense de quoy ceulx de Syracuse luy feirent plusieurs grands honneurs, & entre autres feirent une ordonnance, que de lors en auant toutes & quantes fois que Marcellus ou aucun de ses descendans mettroient le pied en la Sicile, les Syracusains en feroient feste publique, portans chapeaux de fleurs sur leurs testes, & faisans sacrifices aux Dieux. Cela fait, Marcellus commença à se tourner contre Hannibal, & là ou tous les autres Consuls presque, & tous les autres capitaines depuis la desfaitte de Cannes auoient usé de ceste seule ruze encontre luy de fouir la lice, & iamais ne s'attacher à combattre à luy, il prit un chemin du tout opposé, estimant que la longueur du temps, lequel on estimoit de uoir miner & consumer les forces de Hannibal, auroit plus tost acheué de ruiner & destruire toute l'Italie, & que Fabius Maximus qui regardoit trop à la seureté, n'estoit pas bien à propos pour remedier à la maladie presente de la chose publique Romaine, attendant que ceste guerre se terminast par la defaillance des forces de Rome, & faisant la faulte que commettent les craintifz medecins, qui par faulte d'ozer à bon esciant remedier à la maladie pendant qu'il en est tēps, different iusques à ce que la uigueur & uertu naturelle du patient est du tout amortie & esteinte. Si s'en alla premieremēt cōtre les uilles des Samnites grandes & puissantes, qui s'estoient soubstraites de l'obeissance des Romains, & les reprit avec bonne prouision de bledz & de deniers qu'il trouua dedans, oultre trois mille hōmes de guerre que Hannibal y auoit laissez pour les garder, qu'il prit aussi. Puis aiant Hannibal occis en la Pouille le uicecōsul Cneus Fuluius avec unze coulōnelz de mille hommes de pied chascun, & aiant quand & quand mis en pieces la plus grande partie de son armee, Marcellus escriuit des lettres à Rome, par lesquelles il taschoit à reconforter le Senat & le peuple, di-

- A** sant qu'il s'en alloit celle part, & qu'il s'asseurassent qu'il en chasseroit Hannibal. Ces lettres leuës ne reconforterent point les Romains, ainsi qu'escript Liuius, ains augmentèrent leur crainte & leur soucy, pource qu'ilz estimerent le danger à uenir plus grand que la perte passée, d'autant qu'ilz tenoiēt Marcellus pour plus grand & meilleur capitaine que n'auoit esté Fuluius: toutefois Marcellus suyuant ce qu'il auoit escript à Rome, chassa Hannibal hors de la Pouille, & le feit retirer en la Lucanie, auquel pais l'aiāt trouué pres d'une uille nommee Numistron, ou il s'estoit logé sur les coustaux en lieux forts & auantageux, Marcellus se campa tout aupres emmy la plaine, & le lendemain fut le premier qui presenta la bataille à son ennemy. Hannibal de l'autre costé descendit aussi en la plaine, de sorte qu'il y eut bataille, laquelle ne fut point decidée, encore qu'elle fust fort aspre, & qu'elle durast bien longuement: car aians commencé à combattre enuiron les neuf heures du matin à peine se demesslerēt ilz qu'il estoit ia nuit toute noire: & le lendemain au poinct du iour, il renga derechef ses gens en bataille parmy la desconfiture des morts & defia Hannibal à uenir une autrefois esprouuer à qui demoureroit la uictoire: ce qu'il ne uolut pas faire, ains se partit de la: au moien de quoy Marcellus eut beau loisir de despouiller à son aise les corps morts de ses ennemis, & de donner sepulture aux siens. Quoy fait, il se remeit incontinent à poursuiure son ennemy à la trace, lequel luy dressa plusieurs aguets & embusches, mais ia-
- C** mais il ne donna dedans pas une: & en toutes les rencontres & escarmouches, ou ilz s'attachèrent eut tousiours l'auantage, dont il acquit grande estime & grande reputation. A l'occasion de quoy estant prochain le temps qu'il falloit elire de nouveaux Cōsuls, le Senat fut d'aduis d'enuoier plus tost querir l'autre Cōsul qui estoit en la Sicile, que de remuer Marcellus qui estoit attaché à Hannibal. Parquoy arriué que fut l'autre Cōsul, le Senat luy commanda de nommer Dictateur Quintus Fabius, pource que le Dictateur ne s'eslit point, ny par le peuple, ny par le Senat: mais l'un des Cōsuls ou des Præteurs en pleine assemblee du peuple nōmetel qui luy plaist pour Dictateur, & semble que ce nom de Dictateur ait esté imposé de là, à cause que Dicere en langage Romain signifie nommer: toutefois les autres ueulent dire qu'il a ainsi esté appelé, pource qu'il ne met point les affaires en deliberation du Senat, ny à la pluralité des uoix & suffrages du peuple, ains commāde de sa propre autorité ce que bon luy semble, sans en parler ny demander à personne, ce qui a bien quelque apparence, par ce qu'ilz appellent les cōmandemens des magistrats Edicta, que nous autres Grecs appellons Diatagmata. Estant donques uenu de la Sicile le compagnon de Marcellus au Consulat, il uolut nommer Dictateur un autre que celuy que le Senat luy presentoit, & pour n'estre contrainct de faire ce qu'il n'eust pas uolu, il se partit une nuit & s'en retourna en la Sicile. Ainsi le peuple designa & nomma pour Dictateur Quintus Fuluius, & le Senat escriuit à Marcellus qu'il le confirmast, ce qu'il feit, & autorisa la nomination du peuple, & luy fut derechef eleu Vicecōsul pour l'annee ensuiuant, en laquelle aiant conferé avec Fabius Maximus des affaires de la guerre, ilz arresterent ensemble que Fabius iroit essayer de reprēdre la uille de Tarente, & que ce pendant Marcellus feroit la guerre à Hannibal pour le diuertir & engarder qu'il ne la pensât aller secourir. Ce conseil pris entre eulx, Marcellus l'alla trouuer pres la uille de Cannusium, là ou comme Hannibal changeast souuent de logis, pour n'estre point contrainct de uenir à la bataille.

Marcellus.

le malgré luy, il trouuoit neantmoins tousiours Marcellus deuât luy, iusques F
à ce que un iour s'estant arresté en un logis, il le harcella tant par continuelles
alarmes & escarmouches qu'il l'attira à la bataille, laquelle fut debattue tout
le long du iour iusques à la nuict, qui les contraignit tous deux de soy retirer,
& le lendemain des l'aube du iour Marcellus comparut encore en campagne
avec son armee rengeee en bataille: dequoy Hannibal estât ennuyé, assembla
les Carthaginois & leur fit une harengue, par laquelle il les pria de uouloir
encore combattre ceste fois là, si iamais ilz auoient par le passé combattu pour
• l'amour de luy: Car uous uoiez, dit-il, comment apres auoir tât de fois uaincu
• & gagné tant de batailles, nous n'auons pas loisir de reprendre alaine à
• nostre aise, & ne pouuons auoir repos quelques uictorieux que nous soions G
• si nous ne chassons cest homme icy. Apres les auoir ainsi preschez, il les
mena à la bataille, en laquelle Marcellus hors de propos & de saison, uou-
lut user d'une ruze de guerre qui luy fit perdre la bataille: car uoiant la
pointe droite de son armee fort pressée, il fit marcher l'une des legions qui
estoit derriere en ordonnance au front de la bataille pour soustenir ceulx
qui en auoient besoing: mais ce remuement troubla ceulx qui combattoient,
& donna la uictoire aux ennemis, qui occirent bien ce iour la deux mille
sept cens hommes Romains. Mais retourné que fut Marcellus en son camp,
il fit incontinent assembler ses gens, aux quelz il commença à dire, qu'il
uoyoit bien assez d'armes & de corps d'hommes, mais de Romains qu'il H
n'en uoioit point: quoy ouy les soudards luy requirent pardon de la faulte
qu'ilz auoient faite, & il leur respondit qu'il ne leur dōneroit point tât qu'ilz
seroient uaincus, mais que ouy bien quād ils auroient uaincu, & que le lende-
main il les remeneroit en bataille cōtre l'ennemy, à fin que ceulx qui estoiet à
Rome sceussent plus tost la nouuelle de leur uictoire q̄ de leur fuitte. Cela dit,
il ordōna que lon baillast de l'orge au lieu de fourment aux bandes qui auoiet
tourné le dos les premieres, tellement que combien qu'il y en eust beaucoup
en danger de leurs personnes pour les grands coups qu'ilz auoient receuz en
la bataille, si n'y en eut il pas un à qui les paroles de Marcellus ne cuissent
plus que ses propres bleceures. Le lendemain au plus matin, fut mise hors sur I
la tente du capitaine la cotte d'armes teincte en escarlatte, qui est le signe or-
dinaire quand il y doit auoir bataille, & furent les compagnies qui le iour
de deuant auoient esté deshonorées, mises à leur requeste au front de toute la
bataille, & les particuliers capitaines tirans semblablement aux chāps les au-
tres bandes qui n'auoient point esté rompues, les rengerent apres. Ce qu'entē-
• dant Hannibal, s'escria: O Dieux, quel homme est-ce cy, qui ne se sçauoit cō-
• tenir ny en bonne, ny en mauuaise fortune! car il est seul qui ne donne iamais
• repos à son ennemy quand il l'a uaincu, ny n'en prend quād il est battu. Nous
• n'aurons iamais faict à luy, à ce que ie uoy, puis que la hôte, soit qu'il gaigne,
• ou qu'il perde, luy donne tousiours un aiguillō de plus ozer, & de plus entre- K
• prendre. Apres ces remonstrāces d'une part & d'autre, cōmencerent les deux
armees à marcher, & s'entrechocquer: là ou estans les hommes aussi forts d'un
costé que d'autre, Hannibal commanda que lon feist marcher en auant ius-
ques au front de sa bataille ses Elephants, & que lon les chassast iusques de-
dans les ennemis: comme il fut fait: & fut cela cause de troubler un peu & fai-
re branler les premiers reings, iusques à ce que Flavius coulōnnel de mille hō-
mes de pied, prit une enseigne en sa main, & marcha au deuant de ces bestes, à
la

- A** la premiere desquelles il donna si rudement de la hante de l'enseigne, qu'il la fait tourner arriere. Ce premier là s'estant ainsi tourné, alla heurter le second qui le suiuoit, & le destourna: & celuy là consequemment les autres qui uenoient apres de main en main. Ce que uoyant Marcellus, commada à ses gens de cheual qu'ilz donnassent de tout leur effort en cest endroit là, ou il uoyoit les ennemis ia un peu troublez pour ces bestes qui retournoient contre eulx, & faire qu'ilz s'embarassassent encore d'auantage: comme ilz feirent, & chargerent si asprement les Carthaginois, qu'ilz leur feirent tourner le dos à ual de rouble, & les menerent battans iusques dedans leur camp, là ou fut le plus grand meurtre à cause des Elephants, qui là furent tuez, & tumberent dedans
- B** la porte du camp: car on dit qu'il fut tué en ceste desfaitte là, plus de huit mille hommes, & du costé des Romains bien trois mille, & tous les autres presque blecez. Ce qui donna moien à Hannibal de se partir de là ou il estoit à son aise, la nuit, & de s'escarter bien loing de là, pource que Marcellus ne le peut suiure promptement, à cause du grand nombre des blecez qu'il auoit en son camp, & se retira à petites iournees en la Campagne, là ou il passa l'esté à seiour en la uille de Sesse, pour faire penser & guarir ses malades. Ainsi Hannibal festât à la fin depestré de Marcellus, & aiant son armee deliure pour sen seruir à ce que bon luy sembloit, alla brullant, gastant & destruisant l'Italie de tous costez, sans craindre plus rien. Cela donna mauuais bruit à Marcellus dedans
- C** Rome, & ne faillirent pas les ennemis à se seruir de ceste occasion: car ilz susciterent incontinet un des Tribuns du peuple Publius Bibulus, homme uolent & temeraire, mais eloquent, & qui disoit bien ce qu'il uouloit, pour l'accuser. Si fait assembler en conseil le peuple par plusieurs fois, ou il meit en auant, qu'il falloit rappeler Marcellus, & dōner la charge de son armee à quelque autre: car quant à luy, disoit il, pour auoir seulement fait un peu de guerre à Hannibal, comme par maniere de dire, pour s'estre un petit eschauffé à la lutte, il s'est retiré aux baings chauds pour se traiter à son aise. Quoy entendât Marcellus, laissa ses lieutenans en son camp, & s'en alla en personne à Rome, pour respondre aux calumnies qu'on luy mettoit sus, & trouua que sur ces calunies là, on se preparoit à luy faire son proces. Si y eut iour assigné pour ouir les parties, & s'assembla le peuple dedans le grād pare des Lices que lon appelle Circus Flaminius, pour en donner sa sentence. Et là le tribun Publius Bibulus montant en chaire, deduisit bien au long son accusatiō: & Marcellus apres luy respondit sobrement, & en peu de paroles, pour se iustifier seulement: mais les principaulx & plus notables personnages de la uille prirent la parole pour luy, qui remonstrerent franchement & libremēt au peuple qu'il ne deuoit pas pirement iuger de la uertu de Marcellus, en le condemnāt d'aucune lascheté, que faisoit leur ennemy mesme, attendu que c'estoit celuy de tous leurs capitaines que Hannibal fuyoit: & faisoit tout ce qu'il pouuoit pour n'auoir point
- E** à combattre contre luy, là ou il cherchoit à combattre tous les autres. Ces remonstrances ouyes, tant s'en fallut que l'issue du proces ne fust telle comme l'accusateur esperoit, que au contraire Marcellus non seulement fut absoulz à pur & à plain, mais d'auantage fut eleu Consul pour la cinquieme fois: & entré qu'il fut en son nouveau magistrat, s'en alla premieremēt en la Thoscane, là ou uisitant toutes les bōnes uilles, les unes apres les autres, & les appaisant, il assopit un grand mouuement de tout le païs, qui estoit en branle de foy rebeller. Puis à son retour, il uoulut dedier le temple d'hōneur & de uertu, qu'il

Marcellus.

auoit fait edifier du butin gaigné en la guerre de Sicile : mais les presbtres sy F
opposerent, disans que deux Dieux ne pouuoient estre contenuz en un seul
temple : au moien dequoy il commença à en edifier un autre tout ioignant
le premier, estât toutefois fort mal content de l'opposition & empeschement
de ces presbtres, & la prenant en mauuais presage, avec ce mesmement qu'il y
auoit plusieurs autres signes & presages celestes, qui d'ailleurs le tenoient en
peine: car il y eut tout à un coup plusieurs temples attaincts & touchez de la
foudre: & les rats & souris rongerent de l'or qui estoit en la chappelle de Iupi-
ter Capitolin. Et disoit on qu'un bœuf auoit parlé : qu'il estoit sorty un enfant
de la teste d'un Elephant, & que l'enfant estoit encore uiuant. Qui plus est, les
presbtres & deuins sacrifiās aux Dieux pour diuertir & destourner le malheur G
de ces sinistres presages, iamaïs ne peurent auoir signes fauorables des sacrifi-
ces. Au moien dequoy ilz taschoient de le retenir à Rome, là ou il ardoit &
brusloit de desir qu'il auoit de s'en aller uistement à la guerre, pource que ia-
mais homme ne desira si ardemment chose quelle qu'elle soit, comme luy de-
siroit se trouuer en bataille contre Hannibal : car il ne songeoit d'autre cho-
se la nuict en dormant, & ne parloit d'autre chose le iour avec ses amis & cō-
pagnons en ueillant, ne requérāt autre chose aux Dieux en ses prieres & orai-
sons, sinon qu'il peust trouuer Hannibal en champ de bataille : & croy qu'il H
eust encore plus uoluntiers combattu dedans le poupris d'une mesme mu-
raille de uille, ou d'une mesme closture de camp. Et si n'eust esté qu'il estoit ia
comblé de gloire, & que par plusieurs preuues il n'eust fait cognoistre qu'il e-
stait autant meur, autant sage & prudēt que nul autre capitaine de son temps,
i'eusse dit que c'estoit une passion & affection de ieunesse qui le transportoit,
& un desir plus ambitieux q̄ ne portoit l'aage en laquelle il se trouuoit alors:
car il auoit plus de soixante ans quand il fut eleu Consul pour la cinquieme
fois. Ce neantmoins apres auoir fait les sacrifices propitiatoires, & les purifi-
cations telles que les deuins les ordonnerēt, il se partit de Rome avec son cō-
pagnon pour aller à la guerre, ou il trouua Hannibal de seiour entre les uil-
les de Baucie & de Venouse, & tascha par tous moiens à le tirer à la bataille:
ce qu'il ne uolulut onques faire: mais estant aduertty par ses espies que les Cō- I
sulz Romains enuoyoit une armee pour assieger la uille des Locriens q̄ lon
surnomme Epizephyriens, c'est à dire, Occidētaux, à la difference de ceulx de
la Grece, qui à comparaisō de ceulx d'Italie sont Orientaux, il dressa embus-
che à ceulx qui y alloient au dessoubz de la motte de Petelie qui estoit sur leur
chemin, ou il tua bien enuiron deux mille cinq cēts hommes. Cela enflamma
encore plus le courage de Marcellus du desir de uenir à la bataille, de sorte
qu'il se deslogea de là ou il estoit pour s'approcher encore plus près de son en-
nemy. Or y auoit il entre leurs deux cāps une butte forte d'assiette, & couuerre
de boscsages à l'entour, & y auoit des eschoguettes haultes, dont on pouoit
descourir de loing uers l'un & uers l'autre cāp, & au bas couroiet force fon- K
taines, & ruisseaux, de maniere que les Romains s'esbahissoient cōment Han-
nibal q̄ y estoit arriué le premier, ne s'en estoit saisi, & l'auoit ainsi abandonné
à ses ennemis : mais c'estoit pource, que si le lieu estoit commode pour loger
un cāp, encore luy sembloit il plus à propos pour y dresser embusche, auquel
effect il aima mieulx s'en seruir. Si emplit les bois, les fōceaux & uallees d'alé-
tour de bon nombre de gens de traict, & d'autres combattans avec armes de
lōg bois, fassurant que le lieu de soymesme y attireroit assez les Romains: en
quoy

A quoy il ne fut pas deceu de son esperance: car incontinent il courut un bruit parmy le camp des Romains, qu'il falloit occuper ce logis là, & n'y auoit celuy qui ne se messast de discourir comme bien entédu au faict de la guerre, combien d'auantage ilz auroient sur leurs ennemis, principalement filz sy alloient logger, ou à tout le moins filz y bastissoiét un fort. Parquoy Marcellus fut d'aduis d'y aller luy mesme en personne, avec quelque peu de gens de cheual, pour recognoistre & uisiter le lieu: mais auant que partir il appella son deuin pour sacrifier aux Dieux, & la premiere hostie immolee, le deuin luy en monstra le foye qui n'auoit point de teste: mais à la seconde qu'il immola se trouua une belle & grosse teste du foye, & toutes les autres parties entieres & fraisches à merueilles, de sorte qu'il sembloit qu'elles effaceassent toute la crainte des mauuais signes & presages de la premiere hostie: toutefois au contraire les deuins disoient, que cela les troubloit & espouuentoit d'auantage, pource que ces presages de sacrifices si beaux & si propices, tout à coup apres d'autres si laids & si tristes, leur estoient suspects, à cause d'une si estrange & si soudaine mutation: mais comme dit le poëte Pindarus,

I l n'est feu brulant tousiours,
M ur d'acier, ny chose nec,
Q ui peust arrester le cours
D e fatale destinee.

C Si monta Marcellus à cheual, &, qui plus est, mena quand & luy son compagnon au Consulat Quintus Crispinus, & son filz aussi qui estoit capitaine de mille hommes de pied, avec deux cents uingt hommes de cheual seulement, dont encore n'y en auoit il pas un naturel Romain, ains estoient tous Thoscans exceptez quarante Fregellaniens, qui s'estoient des le commencement de ceste guerre tousiours monstrez fort fideles & fort affectiōnez enuers Marcellus: mais estant, comme nous auons dit, la butte couuerte d'arbres & de brossailles, les ennemis auoiét mis un homme sur la plus haulte guette qui y fust, pour faire le guet & les aduertir s'il uerroit rien uenir. Les Romains ne l'eussent sceu apperceuoir, & luy au contraire descouuroit iusques dedás leur camp tout ce qui sy faisoit, comme lors il aduisa ceulx qui estoient en embusche de la uenue de Marcellus: & eulx le laisserent approcher iusques à ce qu'il fust tout contre eulx, puis tout soudain se leuerent ensemble, & enueloppans Marcellus commencerent à luy tirer coups de traict & coups de main, les uns poursuyuans ceulx qui fuyoient, & les autres combattans ceulx qui faisoient teste, qui estoient les quarante Fregellaniens, lesquels encore que les autres Thoscans eussent pris la fuitte au premier cry qu'ilz ouyrent, se serrerent ensemble pour defendre les personnes des deux Consulz, iusques à ce que Crispinus ayant receu sur son corps deux coups de iaueline, tourna son cheual pour fouir: mais il y eut un des ennemis qui donna à Marcellus un coup de lāce ayant le fer plat à trauers les flancs, dont il le percea de part en part: ce que uoians ceulx des Fregellaniens, qui estoient encore demourez en uie en bien petit nombre, le laisserent tumbé en terre, & prirent son filz qui estoit blecé aussi, avec lequel ilz se sauuerent à course de cheual dedans leur camp. Il n'y eut en ceste rencontre gueres plus de quarāte hommes tuez, & de prisonniers y eut cinq des sergens qui portoient les haches deuant les Consulz, & uingt autres hommes de cheual: l'autre Consul Crispinus mourut aussi des bleceures qu'il y receut, peu de iours apres, qui fut un inconuenient non iamais ad-

Marcellus.

uenu auparauant aux Romains, que tous les deux Cōsulz mourussent en une
 mesme rencontre. Or quant à Hannibal, il ne fait pas grand compte des au-
 tres qui demourerent pris ou morts en ceste rencontre: mais quād il entendit
 que Marcellus y estoit demouré sur le champ, il s'y encourut incontīnēt luy-
 mesme, & regardant curieusement son corps de pres & longuemēt, en consi-
 derant la force de la taille dont il estoit, & le traict de son uisage, apres qu'il
 eut le tout bien contemplé, il ne se laissa eschapper de la bouche pas une paro-
 le insolente, ny ne monstra à sa face une chere ioyeuse, comme eust fait quel-
 que autre qui fust uenu à bout d'un si aspre & si dāgereux ennemy, ains s'esba-
 hissant comment il estoit uenu là mourir ainsi estrangemēt, luy osta du doigt
 son anneau, dont il cachettoit ses lettres, & faisant ensepuelir son corps ainsi
 qu'il luy appartenoit, le fit brusler honorablement, puis en fit mettre les os
 & les cendres dedans une buye d'argent, sur laquelle il posa luy mesme une
 couronne d'or, & l'enuoya à son filz: mais il y eut quelques cheuaux legers
 Numidiens, qui par le chemin rencontrerent ceulx qui portoient celle buye,
 & la leur uolurent oster, les autres se meirent en deuoir de la retenir, de ma-
 niere qu'il fallut que les Numidiens usassent de force pour l'auoir: & ainsi en
 tirant & combattant à qui l'auroit, les os & les cendres furent semez & disper-
 sez çà & là. Ce qu'entēdant Hannibal dit à ceulx qui se trouuerent lors autour
 de luy: Voyez comment il n'est pas possible de faire aucune chose, si elle ne
 plaist à Dieu. Si fit bien chastier les Numidiens, mais au demourant, il ne se
 soucia plus de faire chercher ny recueillir les ossemens de Marcellus, aiant
 opinion que c'estoit quelque Dieu qui auoit uolu qu'il mourust ainsi estran-
 gemēt, & que d'auantage son corps demourast sans sepulture. Ainsi l'escriuet
 Cornelius Nepos, & Valerius Maximus: mais Liuius & Augustus Cēsar di-
 sent, q̄ la buye fut portee à son filz, & inhumee magnifiquemēt. Il y a en plu-
 sieurs lieux des ouurages & edifices publics, qui ont esté faits & dediez par
 Marcellus, oultre ceulx qui sont à Rome, cōme à Catane, en la Sicile un parc
 à exercer les ieunes gens; & en l'isle de Samothrace au temple des Dieux, que
 lon appelle Cabires, plusieurs images, & plusieurs tableaux qu'il y fit porter
 de Syracuse, & en l'isle de Lindos au temple de Minerue, ou il y a entre autres
 une siene statue, soubz laquelle est engraué cest epigramme, ainsi que l'escri-
 le philosophe Posidonius:

A my passant, tu uois icy l'image
 D e Claudius Marcellus, le lignage
 D uquel estant à Rome tresillustre
 E st esclarcy encore par son lustre,
 P ource qu'il fut comme une estoile claire,
 E n son païs, ou le lieu Consulaire
 I l teint sept fois, & à chascune fait
 D es ennemis grand meurtre qu'il desfeit.

Celuy qui a composé cest Epigramme, compte les deux fois qu'il fut Vicecō-
 sul pour deux Consulats entiers: mais sa posterité a cōtinué tousiours en grād
 honneur, iusques à Marcellus filz de la sœur de Auguste Cēsar, Octauia, & de
 Caius Marcellus. Il mourut ieune estāt Ædile de Rome, & aiant espousé Iulia
 fille de Auguste, avec laquelle il ne uescut pas longuemēt: mais pour honorer
 sa memoire, Octauia sa mere dedia la librairie, & Auguste Cēsar le theatre, q̄
 sōt encore appelez iusques auioirdhuy le theatre & la librairie de Marcellus.

A LA COMPARAISON DE MARCELLVS AVEC PELOPIDAS.



Cesont les choses qui m'ont semblé plus dignes de memoire es
 faicts & gestes de Pelopidas & de Marcellus: mais estans leurs
 meurs & leurs natures au demourant pareilles & semblables,
 pource qu'ilz ont esté tous deux uailhans, laborieux, magnani-
 mes & courageux, il y pourroit auoir ceste seule difference, que
 Marcellus en plusieurs uilles qu'il prit d'affault feit de grands meurtres, & es-
 pandit beaucoup de sang humain, là ou Epaminondas & Pelopidas iama-
 ne tuerent homme qu'ilz eussent uaincu, ny ne asservirent uille quelconque
 qu'ilz eussent prise: & a lon opinion que les Thebains n'eussent pas si cruelle-
 ment traitté les Orchomeniens, comme ilz feirent, si l'un d'eulx ou tous deux
 y eussent esté presens. Mais quant aux faicts, ce fut à Marcellus un grand & ad-
 mirable exploit de desfaire une si grosse troupe de Gaulois à pied & à cheual,
 avec si peu de cheualerie qu'il mena quand & luy, ce que lon ne trouuera pas
 auoir onques esté fait par autre capitaine que par luy, mesmement qui ait avec
 sa propre main occis sur le champ le chef des ennemis: à quoy Pelopidas ne
 peut aduenir, car taschant à tuer le tyran de Pheres, il fut tué luy mesme le pre-
 mier, & souffrit ce qu'il auoit enuie de faire. Toutefois lō peult opposer à cest
 acte là, les batailles de Leuctres & de Tegyre, qui furēt deux tresmemorables
 & tresglorieux combats: mais en recompense aussi ne sçauroit on alleguer
 exploit aucun de Marcellus fait d'emblee, qui merite d'estre comparé à ce que
 feit Pelopidas à son retour d'exil, quād il occit les tyrans qui detenoient The-
 bes en seruitude: car ce fut un acte de ruze, de surprise & d'emblee, le plus grād
 & le plus digne de memoire qui fut onques. Il est bien uray, que Marcellus
 auoit à faire à Hannibal, qui estoit un tresdangereux & tresredoubtable enne-
 my: mais aussi auoient lors les Thebains à faire aux Lacedæmoniens, lesquelz
 pour certain cederent à Pelopidas en la bataille de Tegyre & en celle de Leu-
 ctres: là ou Marcellus ne uainquit iama-
 Hannibal une seule fois, ainsi com-
 me escript Polybius, ains demoura tousiours inuincible iusques à la iournee
 que Scipion le desfeit en bataille. Toutefois nous adioux-
 tōs plus de foy à ce
 qu'en ont escript Cæsar, Liuius, Cornelius Nepos, & entre les Grecs le Roy Iu-
 ba, que Marcellus ait bien rompu & desfait quelque fois aucunes troupes
 de Hannibal: mais ce ne furent iama-
 routes de grande consequence, & sem-
 ble que ce ait esté plus tost quelque abus de cest Africain là, qui se mescompta
 en telles rencontres, qu'autrement: ce qui neantmoins fut meritoirement & à
 bonne raison grandemēt loué, prisé, & estimé, d'auoir tellemēt remis le cuer
 aux Romains, qu'ilz oassent attendre & faire teste à ce Carthaginois apres tāt
 de desfaittes d'armees Romaines, tant de chefs d'exercites occis en bataille,
 & un si dangereux esbranlement & troublemēt de tout l'empire Romain. Car
 celuy qui au lieu de la longue crainte & d'une frayeur esperdue ia par lōgueur
 de temps enuieillie, feit renaistre es courages des soudards Romains une en-
 uie & une ardeur de se trouuer aux prises & aux mains encontre l'ennemy, &
 qui les assura & encouragea iusques à non seulement desirer uainement la
 uictoire, mais aussi à la debatre & quereller uertueusement, ce fut Marcellus
 seul: pource que au lieu qu'ilz estoient ia tous accoustumez, pour la lōgue du-
 ree de leurs pertes & malheurs, de se reputer bienheureux quand ilz se pou-
 uoient sauuer de uistesse & eschapper des mains de Hannibal, il leur ensci-

Marcellus.

gna à auoir honte de se sauuer en routte, à ne uouloir point confesser d'auoir
esté en branle de reculer, & à estre marris quād ilz se retiroiēt sans auoir uain-
cu & battu leurs ennemis, & pour autant que Pelopidas ne fut iamais rompu
en bataille, ou il fust capitaine en chef, & que Marcellus en gaigna plus que
nul autre capitaine de son temps, il pourroit sembler que le grād nombre des
uictories de l'un, uiendroit à s'egalier & compenser avec le non auoir iamais
esté uaincu de l'autre. Il est uray q̄ Marcellus prit la uille de Syracuse, & Pelo-
pidas faillit à prendre celle de Sparte: mais ie pense que ce soit plus grande
prouesse à luy, d'auoir approché si pres de Sparte, comme il feit, & auoir passé
le premier la riuiere de Eurotas en armes, ce que iamais ennemy au parauant
luy n'auoit fait, que ce n'estoit à l'autre de prendre toute la Sicile: si ce n'est que
quelqu'un ueuille opposer à l'encontre que ce faict appartiene à Epaminon-
das, & non point à Pelopidas, comme aussi fait encore la uictoire de Leuctres,
là ou il n'y a personne qui puisse pretendre part à la gloire des faicts de Mar-
cellus: car il prit Syracuse estant seul capitaine en chef, & desfeit les Gaulois
sans son compagnon, & feit teste à Hannibal, sans que personne le secondast
ny secourust en cela: car au contraire tous les autres l'en destournoient, & luy
fut le premier qui changeant le stile de faire la guerre, dont les capitaines Ro-
mains uoient en ce temps là, enseigna le premier aux siens à ozer monstrier
uifage à l'ennemy. Quant à leur mort, ie ne louë celle de l'un ny de l'autre, &
suis en mon cuer desplaisant & marry de l'estrange façon dont ilz moururēt
tous deux, m'esmerueillant à l'opposite comment il est possible que Hanni-
bal en tant de batailles ou il s'est trouué, qu'il seroit malaisé de les nombrer
seulement, ny ait iamais esté blecé: & louë singulierement un faict de Chry-
santas, que Xenophon recite au liure de l'institution de Cyrus, disant que aiāt
ia haulsé l'espee pour en ferir un des ennemis, quand il ouit la trompette son-
nant la retraite, il se retira tout doucement & modestement sans luy mal faire.
Toutefois il semble que Pelopidas soit plus excusable: car oultre ce qu'il e-
stoit chault de l'ardeur de la bataille, il auoit un iuste & magnanime cour-
roux qui l'incitoit à chercher de se uenger: car, comme dit le poëte Euripide,

L e meilleur est qu'un chef d'oist pour sa gloire

A iant uaincu suruiue sa uictoire,

O u bien s'il est mort en terre abbatu,

Q u'il meure au moins en homme de uertu.

Car ainsi la mort de celuy qui meurt en ceste sorte ne se peut nommer accidēt
ny inconuenient, ains acte de uertu: mais oultre le iuste courroux qui tiroit
Pelopidas, encore y auoit il une autre chose qui le pouloit, non sans gran-
de raison, à faire ce qu'il feit: c'est, qu'il uoyoit la cōsommation de sa uictoire
en la mort du tyran: car il eust esté bien mal aisé de trouuer ailleurs autre oc-
casion aussi digne & aussi glorieuse pour employer & monstrier sa prouesse cō-
me celle là, & au contraire Marcellus sans aucune necessité urgente, sans celle
fureur & ardeur qui surprenent quelque fois les hommes uaillans au milieu du
combat, & les transporte hors de leur entendement, alla luy mesme inconsi-
dereement precipiter au milieu du danger, ou il mourut, non en capitaine,
ains en cheual leger & en auantcoureur, abandonnant ses trois triumphes, ses
cinq Consulats, ses despouilles & trophées qu'il auoit de sa propre main con-
quis & gaignez sur des Roys à des aduenturiers Hespagnolz, & Numidiens
qui pour la soude uendoient leur sang & leur uie aux Carthaginois, de sorte

que

A que ie croy qu'ilz s'en porterēt enuie à eulx mesmes, par maniere de dire, pour un si grand & si heureux exploit, d'auoir fait mourir entre des auantcoureurs, & descouureurs Frigellaniens le plus grand personnage, & le plus uailant homme & plus estimé des Romains. Toutefois ie ne uoudrois pas que lon pensaist que ie die cela pour blasmer ny accuser la memoire de ces deux grâds personnages, ains le fault prendre comme une plainte d'eulx, & une franche remonstrance faite à eulx mesmes & à leur propre uailance, pour laquelle employer & monstrier ilz ont fait perir toutes leurs autres uertus, en abandonnant, sans qu'il en fust besoing, trop indiscrettement leurs personnes & leurs uies, comme filz eussent uolu & deu mourir pour eulx, nō pas pour leur païs plus tost, & pour leurs amis & alliez. Mais encore apres leur mort Pelopidas fut inhumé par les alliez & cōfederez de Thebes, pour lesquelz il estoit mort, & Marcellus le fut par les ennemis mesmes qui l'auoient tué. Si est bien l'un chose heureuse & desirable en tel cas: mais l'autre a bien plus du grand, & de l'admirable, que l'ennemy mesme reuerse & honore la uertu qui luy nuisoit, que nō pas l'amy rende l'office d'amitié qu'il deuoit, pource que l'ennemy n'a rien qui le conuie à honorer son ennemy mort, sinon l'admiration de sa uertu: & l'amy bien souuent le fait plus pour le profit & l'utilité qu'il en a receuë, qu'il ne fait pour affection qu'il porte à sa uertu.

C Aristides.



D Aristides filz de Lyfimachus, estoit pour certain de la lignee Antiochide, du bourg d'Alopece: mais quant à ses biens & à ses facultez, on en a escrit en diuerfes manieres, pource que les uns disent qu'il uescut toute sa uie en trefestroitte pauureté, & qu'il laissa deux filles, lesquelles apres la mort de leur pere demourerent long tēps sans estre mariees à cause de leur pauureté: & combié que la plus part des anciennes histoires s'accorde à cela, neantmoins Demetrius Phalereus en un liure qu'il a intitulé Socrates, escrit au cōtraire, qu'il sçauoit une possession au bourg de Phaleree, que lon appelloit encore la terre & possession d'Aristides, en laquelle son corps est enterré. Et oultre cela, pour monstrier qu'il auoit bien de quoy, & que sa maison estoit opulente & riche, il en allegue de telz indices: Premièrement qu'il fut un an preuost annuel de la uille d'Athenes, que lon appelloit Archon Eponymos, pource que l'annee prenoit sa denominatiō du nom de celuy qui l'estoit par chascun an, & dit qu'il l'obteint par le sort des febues selon l'ancien usage des Atheniens: & selon la maniere qu'ilz auoient de proceder à l'election dudit office, en laquelle election n'estoient admis à tirer au sort des febues, que ceulx qui estoient de la plus haulte taxe en l'estimation de leurs biens, lesquelz on appelloit à Athenes Pentacosiomedimnes, c'est à dire, qui auoient de reuenu la ualeur de cinq cents minots de bled & au dessus. Secondement il allegue, qu'il fut relegué ou banny du ban qui s'appelle Ostracisme, duquel on n'auoit point accoustumé de bannir les pauvres, ains seulement les nobles & les riches, aux quelz le menu peuple portoit enuie, à cause de leur grandeur. Tiercement & pour son dernier argumēt, qu'il a lais-

Aristides.

fé & donné au temple de Bacchus des vases à trois piedz, que fouloient ordinairement offrir les entrepreneurs qui auoient emporté le pris es ieux de Comédies, Tragédies, ou autres telz esbattemens, dont ilz auoient fait les frais, & sont encore lesdicts vases, que lon dit auoir esté donnez par Aristides, en estre, sur lesquelz on lit une telle inscriptiō, La lignee Antiochide emporta le pris, Aristides fut le defrayeur des ieux, & Archemstratus le poëte qui feit iouer ses Comédies. Ce dernier argumēt, combié que ce soit celuy, auquel il semble auoir plus d'apparence, est neantmoins le plus foible & le plus debile: car Epaminondas, lequel, comme chascū sçait, nasquit, fut nourry, & uescut toujours en grande pauureté, & Platon aussi le philosophe, acceptèrent la charge de faire les frais de ieux qui n'estoiēt pas de petite despenſe, aiant l'un defrayé à Thebes les ioueurs de flustes, & l'autre à Athenes la dāse des enfans qui balloient en rond, à quoy faire Dion le Syracusain fournissoit argent à Platon, & Pelopidas à Epaminōdas. Car il n'est pas dit, que les hommes de uertu doiuent auoir une guerre mortelle, par maniere de dire, contre les presens q̄ leur pourroient faire leurs amis, & qu'ilz ne puissent en quelque sorte que ce soit iamais accepter ny prendre rien d'eulx, bien doiuent ilz estimer ord & sale d'en prendre par auarice pour s'enrichir, ou pour espargner & mettre en reserue: mais quand il est question de quelque entremise honorable, & de quelque magnificence publique, dont il ne reuient rien particulièrement à leur profit, ilz ne doiuent point reietter ny refuser les offres que leur font leurs amis. Et quant aux vases qu'il dit auoir esté offerts & donnez au temple de Bacchus, Panætius monstre cuidemment, que Demetrius a esté abuzé par la semblance du nom, pource que depuis le temps des guerres Medoises iusques à la fin de la guerre Peloponesiaque, il ne se treuve es registres des defrayeurs des ieux publiques que deux uaincueurs aians ce nom de Aristides, desquelz ny l'un ny l'autre n'est le filz de Lyſimachus, dont nous escriuons à present: car l'un est notamment inscript filz de Xenophilus, & l'autre a esté long temps apres celuy dōt nous parlons, ainsi que lon peult manifestement cognoistre par l'escripture & orthographe qui est selon les regles de grammaire, dont on a uzé en la Grece depuis Euclides, & aussi le peult on cognoistre par le non du poëte Archemstratus qui y est adioinct: car il n'y a personne qui face mention d'un poëte de ce nom là en tout le temps des guerres Medoises: mais au temps de la guerre Peloponesiaque, plusieurs le mettent pour auther & compositeur des hymnes & cantiques qui se chantoient es danſes publiques. Toutefois quant à ces oppositions que fait Panætius, il faudroit un peu plus auant, & plus diligemment y penser: mais quant au ban de l'Ostracisme, il est certain que tous ceulx qui estoient de beaucoup euidens par dessus les autres, fust ou en gloire & bonne renommee, ou en noblesse, ou en eloquence, y estoient subiects, attendu que Damon mesme, precepteur de Pericles, en fut banny, seulemēt pource qu'il sembla au cōmun peuple qu'il estoit trop sage. Qui plus est, Idomeneus escrit que Aristides fut preuost annuel, non par le sort des febres, ains par les uoix des Atheniens qui le uoulurent eslire: & fil le fut depuis la iournee de Plataes, ainsi comme Demetrius l'escrit, il est uraysemblable que lon luy feit cest honneur pour son excellente uertu, & ses grands merites & seruices, que les autres fouloient obtenir pour leurs richesses. Mais ce Demetrius ne s'efforce pas d'exempter Aristides seulement de pauureté, ains en ueult aussi garantir Socrates, comme si c'estoit un grand vice & un grand reproche: car il

A escrit qu'il auoit non seulement une maison à luy, mais d'auantage * soixante & dix mines d'argét, que Critô luy faisoit profiter, & luy en payoit usure. Pour donques retourner à l'histoire d'Aristides, il fut familier amy de Clisthenes, celuy qui restablit le gouuernemēt de la chose publique à Athenes, apres que les trente tyrans en eurent esté dechassez, & eut en singuliere recommandatiō Lycurgus Lacedæmonien par dessus tous autres, qui iusques à son temps festoient entremis d'ordonner ou administrer le gouuernement d'une chose publique, ce qui fut cause qu'il aima tousiours & fauoriza l'estat de l'Aristocratie, c'est à dire, de la noblesse, ou un petit nombre des plus gens de bien ont entre mains l'authorité souueraine: mais il eut pour contrepoix Themistocles filz de Neocles, qui fauorisa tousiours l'estat populaire. Si disent aucuns que des le temps de leur premiere enfance estans nourriz & instituez ensemble, ilz estoient tousiours en toutes leurs actions & en tous leurs propos contraires l'un à l'autre, soit qu'ilz se iouassent, ou qu'ilz feissent à bon esciant, & que des lors on commença à descouurir le naturel de l'un & de l'autre par celle contrariété de uolūtez, pource que l'un estoit prompt, soudain, hazardeux, fin, & qui legerement entreprenoit toutes choses: & l'autre au contraire estoit froid, reposé, constant, & arresté, qui pour rien n'eust deuoyé du droit sentier de la iustice, & n'eust usé de mensonge, d'affetterie, ny de tromperie, non pas en ieu seulemēt. Toutefois Ariston natif de Chio escrit, que leur inimitié commença d'amourettes premierement, & que par traict de temps elle uint depuis à si grand accroissement, pource, dit il, que l'un & l'autre deuint amoureux d'un ieune garson nommé Stefileus, qui estoit de l'isle de Ceos, le plus beau & le mieulx formé de tous ceulx qui estoient de son age: & ne leur passa pas ceste affection legerement, ny ne laisserent pas la ialouzie qu'ilz en conceurent l'un contre l'autre, aussi tost comme la fleur de la beaulté du garson fut passée, ains comme filz se fussent seulement essayez en ceste poursuite de leur amour, ilz s'allerent depuis ietter ensemble au gouuernement de la chose publique, pour faire à bon esciant ainsi picquez & irritéz, comme ilz estoient, de ialouzie l'un contre l'autre. Or quant à Themistocles, il se meit incessamment à gagner & pratiquer amis, par le moien desquelz il acquit en peu de temps authorité non petite, & si prouueut d'un fort rempar à la seureté de sa personne: aussi respondit il un iour à quelcun qui luy disoit, qu'il estoit biē digne de gouuerner la uille d'Athenes, & qu'il le feroit biē, prouueu qu'il se monstast egalemeēt un & commun à tous: la Dieu ne plaise, dit-il, que ie sois iamais assis en siege de gouuerneur, ou mes amis ne treuuent non plus de port & de faueur que les estrangers, qui ne me feront rien. Mais Aristides au contraire cheminant, par maniere de dire, tout seul, ne se uolūt iamais bâder ny faire ligue avec personne en l'administration de la chose publique, pour autāt que premieremēt il ne uoloit faire tort à personne à l'appetit de ceulx dont il se feroit allié, ny aussi les fascher en leur refusant quelque chose dōt ilz le pourroient requerir: & d'auantage pour autāt qu'il en uoioit plusieurs prendre la hardiesse de faire des choses cōtre tout droit & toute raison, à cause qu'ilz se sentoient forts d'amis, aiant opinion que l'homme de bien & bon citoyen ne se doibt asseurer ny fortifier d'autre rempar, que de faire, de conseiller & de dire toutes choses bonnes & honestes. Ce neantmoins uoiāt que Themistocles remuoit temerairement beaucoup de choses, & qu'il luy estoit contraire à toutes ses entreprises, & luy rompoit tous ses desseings, il estoit aussi

* Environ sept cents escus.

Aristides.

luy mesme contraint de resister aucune fois à ce qu'il mettoit en auant, & se formaliser contre luy, quelque fois pour luy rendre la pareille, & quelque fois aussi pour rabattre un peu son autorité & son credit, qui alloit tousiours augmentant pour la faueur que le peuple luy faisoit, estimant qu'il ualloit mieulx en luy cōtredisant, empescher aucune fois quelque chose qui eust esté au profit de la chose publique, qu'en le laissant en uenir au dessus, souffrir son credit & sa puissance deuenir trop excessiue en toutes choses. Brief il aduint une fois entre autres, que Themistocles aiant mis en auant une prattique qui estoit bien utile & profitable à la chose publique, Aristides luy resista de telle sorte, qu'il l'obteint & gagna contre luy: si ne se peut contenir qu'il ne dist au partir de l'assemblée, en laquelle l'entreprise de Themistocles auoit esté reiectee, qu'il estoit impossible que les affaires de la chose publique d'Athenes se portassent iamais bien, si on ne les iettoit tous deux, Themistocles & luy, dedans le barathre, qui estoit un abyssme, ou lon precipitoit les malfaitteurs cōdemnez à la mort. Vne autre fois il auoit mis en auant & proposé au peuple un aduis, contre lequel il y eut plusieurs oppositions & contradictions faittes, mais nonobstant il l'emportoit: & ainsi que le magistrat qui presidoit en celle assemblée de conseil, uouloit demāder au peuple, qu'elle estoit sa uolunté la-dessus pour le faire passer, Aristides recognoissant par les raisons qui auoient esté alleguees & deduittes contre son aduis, que ce qu'il mettoit en auant estoit dommageable au public, se deporta sur le champ de le uouloir faire autho- ser par les uoix du peuple. Il faisoit aussi souuentefois mettre ses conseils en auant par personnes interposees, de peur que Themistocles, pour la pique particuliere qu'il auoit encontre luy, ne s'opposast à un bien public. Mais on trouuoit sa grauité & sa constance grandement louable & admirable es diuers accidents qui aduiennent à ceulx qui s'entremettent du gouuernement des affaires publiques: car iamais pour hōneur qu'on luy feist, il ne s'esleua, ny pour rebut ou refus qu'il souffrist aussi, ne s'abbaissa, ny ne se troubla, aiant opiniō que un bon citoien se doibt tousiours egaleement tenir prest, & offrir corps & esprit à seruir la chose publique, sans en esperer ou attendre aucun loyer mercenaire ny d'argent, ny d'honneur & de gloire. Et pourtant un iour que lon prononceoit au Theatre certains uers de l'une des Tragédies d'Æschylus, faits en la louāge de l'ancien deuin Amphiaras, dont la substāce estoit telle,

Il ne ueult point sembler iuste, mais l'estre,

A imant uertu en pensee profonde,

D ont nous uoions ordinairement naistre

S ages conseils, ou tout honneur abonde.

tout le monde ietta incontinent les yeux sur Aristides, comme sur celuy à qui ueritablement, plus qu'à nul autre, appartenoit la louange d'une si grāde uertu: car il n'estoit pas seulement ainsi ferme & roide pour resister à faueur & à grace seulement, mais aussi à ire & à haine semblablement, pource que là ou il estoit questiō de iustice, amitiē ne luy cust sceu riē faire faire pour ses amis, ny inimitié cōtre ses ennemis. Auquel propos on racompte, que quelque fois il auoit mis en iustice un sien ennemy, & le poursuuait en iugement, & que apres qu'il eut deduit toute son accusation, les iuges furent si irritez à l'encontre du criminel, que sans l'ouir autrement, ilz le uouloient condamner: mais Aristides se leuant de son siege, s'en alla ietter aux pieds des iuges avec le criminel, en les suppliant qu'il eust audience, pour se pouoir iustifier & defendre

- A dreainsi que les loix le commandent. Et une autrefois qu'il estoit iuge entre deux particuliers qui plaidoient deuant luy, il y eut l'un des deux qui se prit à dire: Ma partie aduerse r'a fait beaucoup de tort & de fascherie à toy mesme
- Aristides. Il luy respondit promptement, Mon amy dis seulement s'il t'en a fait à toy: car ie suis icy pour te faire droit, & non pas à moy. D'auarage estant eleu tresorier general de tout le reuenu de la seigneurie d'Athenes, il monstra que tous ceulx qui auoient manié les finances de la chose publique, non seulement de son temps, mais encore au parauant, auoient grandement pillé & desrobbé le peuple, mesmement Themistocles, lequel estoit bien homme aduisé & de grand sens, mais il n'auoit pas les mains seures ny nettes: & pourtant quand
- B Aristides uoulut rendre ses comptes, Themistocles & plusieurs autres par luy suscitez, se banderent à l'encontre de luy, & le chargerent d'auoir mal uersé & desrobbe en son office, & de faict en feirét telle poursuite, qu'il en fut cōdemné par leur menec, ainsi que recite Idomeneus. Toutefois les plus gros & plus gens de bien de la uille, uoians le tort qu'on luy faisoit, prirent sa cause en main, & firent que non seulement l'amende, en laquelle il auoit esté cōdemné, luy fut remise par le peuple, ains luy fut derechef baillee la mesme charge pour l'annee ensuyuant: en laquelle il feit semblant de se repentir de s'estre gouuerné comme il auoit fait en la precedente annee, se montrant plus traitable à ceulx qui auoient à faire à luy, & ne prenant pas les choses de si pres, ny
- C ne les examinant pas si rigoureusement qu'il auoit fait au parauant: au moien dequoy ceulx qui desfrobbiēt la chose publique, le louoiēt merueilleusement & briguoiēt culx mesmes pour le faire encore continuer en cest office. Mais quand ceuint au iour de l'election, que les Atheniens le uoloient encore elire, luy mesme les en reprit, & ten sa, en leur disant: Quand i'ay fidelement & bien administré la charge que uous m'auiez commise, i'en ay receu de uous oultrage, honte, & uillannie, & maintenant que i'ay fait semblant de ne ueoir point beaucoup de larcins & de pilleries que lon commet en uoz fināces, uous me tenez pour homme de bien & bon citoien: mais ie uous dis & uous declare, que i'ay plus de honte de l'honneur que uous me faites maintenant, que ie n'eus de l'amende, en laquelle uous me condamnastes l'annee passée: & suis
- D marry qu'il fault que ie uous die, qu'enuers uous il est plus louable de gratifier aux meschans, qu'il n'est pas de garder le bien public. En deduisant ces remonstrances, & quand & quand descouurant les larcins ordinaires que commettoient les officiers de la uille, il ferma la bouche aux larrons, qui si haultement le louoient, & alloient tesmoignant au peuple qu'il estoit tant homme de bien: & au cōtraire, rapporta une iuste & ueritable louange des gens de bié & d'honneur. Au demourāt, estant Dathis lieutenant du Roy de Perse, Darius, uenu aborder avec toute sa flotte, & prendre terre au quartier de Marathō dedans le pais d'Attique, sous couleur, comme il disoit, de se uoloir seulement
- E uenger des Atheniens qui luy auoient brulé la uille de Sardis: mais à la uerité en intention de subiuguer & conquerir toute la Grece, & courant & pillant tout le plat pais: les Atheniens eleurent dix capitaines pour la conduite de ceste guerre, entre lesquelz Miltiades estoit bié celuy qui auoit plus de dignité & d'autorité: mais Aristides le suyuoit de bié pres en reputation & en credit, d'autant mesmement qu'il seruit de beaucoup à la uictoire, quand il s'accorda à l'opinion de Miltiades, au conseil ou il fut conclud, que lon donneroit la bataille aux Barbares, & aussi quand il ceda uoluntairement l'autho-

Aristides.

rité de commander souverainement en l'armée à Miltiades, pource que chaque capitaine à son tour auoit un iour, auquel il commandoit à toute l'armée, & quand le tour uint à luy, il remeit sa preeminence de commander entre les mains de Miltiades, enseignant à ses autres compagnons, que se soubmettre & obeir aux plus sages, non seulement n'est point chose reprochable, ains est & salutaire & honorable. Ainsi appaisant par son exéple le debat qui eust peu s'esmouuoir entre eulx, & les admonestant de s'accorder à suyure tout le conseil & aduis de celuy qui entendoit mieulx le faict de la guerre, il fortifia grandement Miltiades, lequel se sentit bien plus assésuré & plus ferme quand l'autorité de commander ne fut plus distraite: car depuis que Aristides luy eut une fois cedé son autorité, chascun des autres en feit autant quand ce uint à son tour, & se soubmeirent tous à luy. Mais au iour de la bataille l'endroit où les Atheniens eurent le plus d'affaires, fut le milieu là où estoient rengees les lignes Leontide & Antiochide: car ce fut le lieu où les Barbares firent plus d'effort, & où ilz combattirent plus longuement, & là Themistocles & Aristides combattans à costé l'un de l'autre, pource que l'un estoit de la ligne Leontide, & l'autre de l'Antiochide, firent de grandes prouesses à l'enuy l'un de l'autre, tant que finalement les Barbares aians esté rompus & tournez en fuite à ual de rouverte, ilz les chasserent iusques dedans leurs uaisseaux: mais embarquez qu'ilz y furēt, les capitaines Atheniens uoyans qu'ilz ne prenoient pas la rouverte des isles, qui estoit pour eulx en retourner en Asie, ains estoient poulsés par l'impetuosité du uent & des courans de la mer, au dedans de l'Attique, uers la uille d'Athenes, ilz eurent peur que la trouuée desgarnie de gens de defense, ilz ne dōnassent dedans, & à ceste cause y menerent en toute diligence neuf lignes, avec lesquelles ilz cheminerent si hastiement, que le iour mesme ilz y arriuerent, aians laissé au camp à Marathon Aristides avec les combattans de sa ligne pour garder les prisonniers, & le butin que lon auoit pris & gagné sur les Barbares. En quoy ilz ne se trouuerent point deceuz de l'opinion qu'ilz auoient de la preudhomme d'Aristides: car combien qu'il y eust force or & argent, force habillemens, meubles & autres biens infinis par toutes les tentes & pauillons des Barbares, & aussi dedans les uaisseaux qui furent pris sur eulx, il n'eut iamais la conuoitise d'y toucher seulement, ny ne souffrit qu'aucun autre y touchast, si ce ne fut à son desceu que quelques uns y firent bien leurs besongnes, comme entre autres Callias l'un des prestres de Ceres surnommé Dadouchos, c'est à dire, porte torche, pource que es secrets sacrifices de Ceres, son office estoit de tenir la torche: car il y eut un des Barbares, qui luy uoiant la teste ceinte d'un bandeau, & les cheveux longs, pensa que ce fust quelque Roy, & se iettant à ses pieds luy baisa la main, & luy monstra une grande quantité d'or qu'il auoit cachée & enterrée dedans une fosse: mais Callias se montrant le plus cruel, le plus lasche, & le plus meschant homme de dessus la terre, enleua l'or, & tua sur le champ le pauvre Barbare qu'il luy auoit enseigné, de peur qu'il ne le dist à d'autres. C'est pourquoy les poëtes Comiques par mocquerie appellent ceulx qui sont descendus de luy, Laccoplutes, comme qui diroit, enrichiz de la fosse, à cause de la fosse où Callias trouua celle quantité d'or. Incontinent apres ceste bataille Aristides fut eleu Preuost annuel d'Athenes, quoy que Demetrius Phalereus escriue que ce fut peu de temps auant sa mort, apres la iournée de Plataës. Car es registres où sont escrits par ordre les Præteurs de chascun an, il ne s'en treu-

ue point

A ue point qui aient nom Aristides, plusieurs années après un Xanthippides, en l'an duquel Mardonius lieutenant du Roy de Perse fut desfait auprès de Platées : & au contraire, incontinent après Phanippus, en l'an duquel fut la iournée de Marathon, on treuve Aristides enrollé au reng des autres Preuosts. Mais de toutes les uertus & louables qualitez q̄ estoient en Aristides, la mieulx cogneue & celle dont le peuple auoit plus d'expérience, estoit sa iustice, pour autant que c'est la uertu dont l'usage & l'exercice est le plus continuel, & du fruit de laquelle plus de gens se sentent ordinairement : dont il aduint que luy homme pauvre, bas & simple, acquit le plus diuin & le plus royal surnom que iamais homme sçauroit acquerir, c'est qu'il fut nommé par une publique uoix du peuple, le Iuste. Ce surnom n'a iamais esté requis ne désiré par les Roys, par les Princes, ny par les Tyrans : mais bien ont ilz pris plaisir de se faire surnommer les uns Poliorcetes, c'est à dire, forceurs de uilles : les autres Cerauni, c'est à dire, fouldroians : aucuns Nicanores, c'est à dire uictorieux ou conquérans : & quelques uns, Aeti & Hieraces, c'est à dire, Aigles, Faulcōs, & autres telz oyseaux de proye : aimans mieulx comme il appert par telz surnoms, la louange & la reputation procedēte de force & de puissance, que celle qui procede de bonté & de uertu. Et neantmoins la diuine essence, à laquelle ilz desirerent tant se conformer & egaler, precede toutes autres essences & natures en trois choses principalemēt, c'est à sçauoir, en immortalité, puissance, & bonté, desquelles trois, la bonté & la uertu est la plus uenerable, & ou il y a plus de diuinité. Car d'estre incorruptible & immortel, les quatre elemēts & le vuide le sont aussi bien, ainsi que tienēt les philosophes naturelz : & quant à la force & puissance, les tremblemens de terre, les fouldres, les impetueux tourbillōs de uents, les torrens & inundations d'eaux l'ont tresgrande : mais de iustice, droiture & equité, il n'y a rien qui en puisse estre participant, sinon ce qui est diuin, par le moien de la raison & de l'entendement. Et pourtant, comme ainsi soit que les hommes aient ordinairement trois differentes affections enuers les Dieux : l'une, qu'ilz les estiment bienheureux : l'autre, qu'ilz les craignent : & la tierce, qu'ilz les honorent : il semble qu'ilz les reputent heureux pour l'æternité & immortalité de leur essence : qu'ilz les craignent & redoubtent à cause de leur seigneurie & de leur toute puissance : & qu'ilz les aiment, adorent & reuerent pour leur iustice : & neantmoins les qualitez de ces trois, que plus les hommes appetent, sont l'immortalité, de laquelle nature humaine n'est pas capable : & la puissance, dont la plus grande partie depend de la fortune : & ce pendant ilz laissent la uertu en arriere, qui est le seul bien des Dieux, duquel nous pouons estre capables : en quoy ilz faillent & abusent grandement, pource que iustice rend la uie de ceulx qui sont colloquez en hault degré de fortune, de puissance & d'autorité, diuine & celeste : & iniustice la red bestiale & sauage. Or pour retourner à Aristides, ce surnom de iuste du comencement luy apporta l'amour & bienueillance du peuple : mais depuis il luy en suscita & engendra l'enuie par les menées de Themistocles mesmemēt, lequel alloit disant & semant par tout qu'Aristides auoit aboly tous les iugemens, pour autant que du gré & consentement des parties, il estoit tousiours eleu arbitre pour cognoistre & iuger de tous differēts, & que par ce moien il falloit secrettement acquerant une souueraine puissance de monarque, sans auoir besoing de gardes ny de satellites. D'auantage le peuple, qui estoit deuenu hault à la main depuis la uictoire de Marathō, & qui uouloit que toutes cho-

Aristides.

les entierement dependissent de luy & de son autorité, trouuoit mauuais & estoit marry quand quelcun des particuliers surpassoit les autres en bonne renommee & bonne reputation: à l'occasion dequoy ilz s'assemblerent de tous les costez du pais de l'Attique, en la uille, & bannirent Aristides du ban qui s'appelloit Ostracisme, desguisans l'enuie qu'ilz portoient à sa gloire, en l'appellant crainte de tyrannie. Car ceste maniere de bannissement qui s'appelloit Ostracisme, ou Exostracisme, n'estoit point punition ordonnee pour aucun crime, ny forfaiture, ains disoit on, pour luy dōner honeste couuerture, q̄ c'estoit seulement un rabais & diminution d'autorité trop grāde, & d'une puissance trop excessiue pour un estat de chose publique populaire: mais à la uerité, ce n'estoit autre chose qu'un moien de contenter doucement & gracieusement l'enuie que le peuple conceuoit à l'encontre de quelque particulier, laquelle enuie ne desploioit sa malueillance à l'encontre de celuy dont la grandeur luy faisoit en aucun mal irreparable, ains seulement en ce qu'elle le releguoit & contraignoit de s'absenter pour dix ans. Mais depuis que par pratiques & menees on commença à soubmettre de petites personnes, ou bien de mauuais hommes à ce bannissement, comme un Hyperbolus qui en fut le dernier bāny, on desista du tout d'en user à Athenes. Si ne sera point hors de propos de declarer en cest endroit, comment & pour quelle cause cestuy Hyperbolus en fut relegué. Alcibiades & Nicias estoient de leur temps les premiers hōmes d'Athenes, aians picque l'un contre l'autre, cōme il aduiet ordinairement entre pareilz. Et uoias q̄ le peuple uouloit en une assemblée pceder à l'execution de cest Ostracisme, ilz se doubterent bien q̄ c'estoit pour en releguer & bānir l'un d'eulx: si en parlerent l'un avec l'autre, & accorderent leurs iuiuans & adherēts ensemble, & les ioignirēt en une ligue, si biē, que quād ce uint à recueillir les uoix du peuple pour ueoir à la pluralité des suffrages, qui estoit celuy qui demouroit bāny, on trouua q̄ c'estoit Hyperbolus: dequoy le peuple fut si mal cōtent, uoiant la chose ainsi auilee, moquee & deshonorée, qu'onques puis il n'en uoulut user, & en abolit l'usage entierement. Mais pour donner sommairement à entēdre q̄ c'estoit, & cōme il se faisoit, il fault noter qu'à certain iour q̄ estoit dict & prefix, chascue citoie apportoit* une coquille, sur laquelle il escriuoit le nō de celuy qu'il uouloit estre bāny, & la portoit dedās un pourpris renfermé tout à l'entour d'une cloison de bois q̄ lon faisoit sur la place: puis quād chascun y auoit porté la siene, les magistrats & officiers de la uille uenoient à compter toutes ces coquilles ensemble: car si l'y auoit moins de six mille citoiens qui eussent apporté de ces coquilles ainsi escrites, l'Ostracisme estoit imperfaiet. Cela fait on mettoit à part chascue nom escrit en ces coquilles: & celuy q̄ se trouuoit escrit par plus grand nōbre de citoiens, estoit à son de trōpe proclamé banny & relegué pour dix ans, durāt lesquelz il iouissoit neātmoins de tous ses biens. Cōme donques lors chascū escriuoit sur sa coquille le nom de celuy qu'il uouloit bannir, on dit qu'il y eut un païsan si grossier & si ignorant qu'il ne scauoit ny lire, ny escrire, lequel s'adressa à Aristides, pource qu'il le rencōtra le premier, & luy bailla sa coquille, en le priāt de uouloir escrire dessus le nom d'Aristides. Dequoy Aristides s'ebahissant, luy demanda, si Aristides luy auoit fait quelque desplaisir: nenny, respōdit le païsan: & qui plus est, ie ne le cognois point, mais il me fasche de l'ouir ainsi par tout appeller le Iuste. Aristides aiant ouy ces paroles ne luy respōdit rien, ains escriuit luy mesme son nom dessus la coquille, & la luy rebaila. Mais au

* Ce mot Grec Ostracos signifie une coquille ou un tui-leau, ou un rez-de por: mais pource qu'Athenes estoit uille maritime, il semble pl⁹ cōuenable de le prendre en ce lieu pour une coquille.

A partir, en sortant de la uille, il leua ses deux mains uers le ciel, & feit une priere du tout contraire à celle d'Achilles en Homere, priant aux Dieux que iamais il n'aduint de telz affaires aux Atheniens, qu'ilz fussent contrains d'auoir souuenance d'Aristides. Toutefois trois ans apres, quand le Roy de Perse Xerxes avec son armee passa par les pais de la Thessalie & de la Bœoe, & entra iusques au fond de celuy d'Attique: les Atheniens derogans à la loy de leur Ostracisme, rappellerent tous ceulx qu'ilz auoient releguez, & ce principalement pour la crainte qu'ilz eurent qu'Aristides ne se tournast du costé des Barbares, & que son exemple n'en incitast beaucoup d'autres à faire le semblable, en quoy ilz ne cognoissoient pas bien le naturel du personnage: car auparauât

B qu'il fust rappelé, il ne cessa d'aller ça & là enhorter & encourager les Grecs à maintenir & defendre leur liberté. Et apres que le decret de son rappel fut publié, & que Themistocles fut eleu seul capitaine general d'Athenes, il le secourut tousiours fidelement en tout & par tout, tant de sa peine que de son conseil: & en ce faisant rendit son plus grâd ennemy comblé de gloire, pour autant qu'il estoit question du bien & du salut de la chose publique: car, comme Eurybiades, qui estoit chef de toute l'armee des Grecs, eust deliberé d'abandonner l'isle de Salamine, & que les galeres des Barbares se fussent tirees en haulte mer, & eussent enuironné les isles tout à l'entour, & l'issue du bras de Salamine, sans que personne sceust rien de cest enuelpement, Aristides avec

C une estrange hardiesse partant de l'isle d'Ægine, alla passer à trauers les uaisseaux des Barbares, & feit tant qu'il arriua la nuit en la tente de Themistocles, lequel il appella dehors: & sorty qu'il fut, luy parla en ceste maniere, Themistocles, si nous sommes sages tous deux, il est desormais temps que nous laissions celle uaine picque & ialouzie que nous auons iusques icy eüe l'un contre l'autre, & que nous en prenions une autre qui sera honorable & salutaire à l'un & à l'autre, c'est à sçauoir à qui fera meilleur deuoir pour sauuer la Grece, toy en commandant & faisant l'office de bon capitaine, & moy en te conseillant & executant ton commandement, attendu mesmement que i'entens que tu es seul maintenant qui touches le mieulx au

D point, & qui as le meilleur aduis, estant d'opinion & conseillant que lon hazarde la bataille par mer dedans ce destroit de Salamine, & le plus tost qu'il sera possible: mais si noz allies & confederez t'empeschent de mettre ce tien conseil en execution, ie t'aduise que les ennemis t'y aident, pour ce que la mer deuant & derriere, & tout à l'entour de nous, est desia couuerte de leurs uaisseaux, tellement qu'il est force que ceulx qui parauant ne le uouloient pas, maintenant ueuillent ou non, combattent & facent deuoir de gens de bien, pource qu'ilz sont enclos de tous costez, & n'y a passage par ou ilz peussent eschapper ny fouir. A quoy respondit Themistocles, Il me desplaist Aristides qu'en cecy tu te sois monstré plus homme de bien que moy: mais puis qu'ainsi

E ua, que l'honneur t'est deu d'auoir commencé, & de m'auoir prouqué à une si honeste & si louable contention, ie mettray peine cy apres de te uainere par bien continuer. Luy aiant fait ceste responce, il luy cōpta la ruze, dont il auoit proposé d'abuser le Roy Barbare, & le pria de faire tât enuers Eurybiades qu'il uoulust condescendre à son opinion, en luy remonstrant qu'il n'y auoit ordre de sauuer la Grece, sinon en combattant par mer, pource que Eurybiades adiouxtoit plus de foy aux paroles & remonstrances d'Aristides, qu'il ne faisoit à celles de Themistocles. Et pourtant au conseil ou tous les capitaines fu-

Aristides.

rent assemblez pour deliberer si on donneroit la bataille ou non, cōme Cleo-
critus Corinthien dict à Themistocles, que son aduis ne plaisoit pas à Aristi-
des mesme, ainsi qu'il apparoissoit par ce qu'estant present il ne disoit mot:
Aristides luy respondit soudain, C'est au contraire, car ie ne me tairoie pas si ie
ne pensoye que son conseil fust bon : mais maintenant ie ne dis mot, nō point
pour bien que ie luy ueuille, ains pource que ie treuve son conseil bon & sage.
Pendant que les capitaines Grecs estoient en ces disputes, Aristides uoyant
Psfytalee, qui est une petite isle au deuāt de Salamine dedans le destroit, plei-
ne de gens de guerre des ennemis, il embarqua dedans les esquifz de ses gale-
res les meilleurs cōbattans & plus deliberez qu'il eust de ses citoiens, avec les-
quelz il alla descendre en ceste isle, ou il desfeit en bataille, ce qu'il y trouua
de Barbares qui furēt tous mis à l'espee, exceptez les plus apparents qui furent
pris prisonniers, entre lesquelz y auoit trois filz de la sœur du Roy, qui auoit
nom Sandauce, lesquelz il enuoya à Themistocles. Ces trois seigneurs par le
commandement du deuin Euphrantidas, furēt tous trois immolez à Bacchus
surnommé Omestes, c'est à dire, cruel ou mangeāt chair crue, suyuāt un ora-
cle qui leur auoit esté respondu. Cela faict, Aristides meit au guet tout à l'en-
tour de ceste petite isle des soudards armez, pour espier ceulx q par fortune de
guerre ou de la mer feroient illec iettez, à fin qu'il ne sy sauuaft nul des enne-
mis, ny ne sy perdift aussi aucun des amis, pource que le plus grand choc des
uaisseaux & la plus aspre meslee de toute la bataille fut à l'entour de celle pe-
tite isle : au moien dequoy le trophée y fut dressé. Mais apres la bataille gai-
gnee, Themistocles uoulant sonder quelle seroit l'opinion d'Aristides, luy
dit: Nous auons fait une belle œuvre, mais il en reste à faire encore une autre
beaucoup plus belle, c'est qu'il nous fault prendre toute l'Asie entierement au
dedans de l'Europe, ce que nous ferons facilement, pour ueu que en toute dili-
gence nous cinglons uers le destroit de l'Hellespont, & allons rompre le pōt
que le Roy y a faict faire. Aristides adonc s'escria tout hault, Ho ne parle ia-
mais de ce propos là: mais plus tost, dit il, trauaillons à chercher le moien de
chasser comment que ce soit ce Roy Barbare hors de la Grece, de peur que si
nous l'y enfermōs avec une si grosse puissance, quād il uerra qu'il n'aura plus
moien de fouir, il n'ait recours par desespoir aux armes & à uailamment cō-
battre. Ces paroles ouyes, Themistocles enuoya derechef secrettemēt l'Eunu-
che Arnaces, qui estoit prisonnier, deuers le Roy Xerxes, l'aduertir de sa part
qu'il auoit retenu & destourné les Grecs, lesquelz auoient deliberé d'aller rō-
pre le pont qu'il auoit faict faire sur le destroit de l'Hellespont pour passer son
armee, & qu'il l'en auoit bien uoulu aduertir pour luy aider à mettre sa per-
sonne en seureté. Xerxes effroyé de ceste nouuelle, se meit incontinet en che-
min à grandes iournees pour gagner le destroit de l'Hellespont, & laissa en
la Grece Mardonius son lieutenant general, avec trois cents des meilleurs cō-
battans qu'il eust en son exercite. Si estoit ce Mardonius redoubtable aux
Grecs pour la puissante armee de terre qu'il auoit, & les menaffoit en leur escri-
uant de telles lettres: Vous auez uaincu avec des bois de marine des hommes
qui ont accoustumé de combattre à pied ferme sur la terre, & qui n'ont point
appris à manier la rame. Mais maintenāt les plaines de la Theffalie ou la cam-
pagne de la Bœoce sont belles & larges pour gens de cheual & gens de pied à
y faire preuue de leur prouesse, si uous uous y uoulez trouuer en chāp de bat-
taille. Il escriuit aussi d'autres propos aux Atheniens par le commandemēt du
Roy

A Roy son maistre, en leur offrant de par luy, de leur faire reedifier leur uille, de leur donner grosse pension de deniers, & oultre de les faire seigneurs de toute la Grece, moienant qu'ilz se uoulussent deporter de ceste guerre: dequoy les Lacedæmoniens furent tantost aduertis, & craingnans qu'ilz ne s'y consentissent, enuoyerent en diligēce des ambassadeurs à Athenes, pour les prier qu'ilz enuoyassent leurs femmes & leurs enfans à Sparte, & leur offrir des uiures pour entretenir & nourrir leurs uieilles gens, pource qu'il y auoit une extreme pauureté au peuple Athenien, à cause que leur uille auoit esté bruslee & destruite, & tout leur plat país pillé & gasté par les Barbares: mais après auoir ouy les offres de ces ambassadeurs, les Atheniens feirent une merueilleuse res-
B ponse aux Lacedæmoniens, de laquelle Aristides fut auteur: Qu'ilz pardōnoient aux Barbares, s'ilz estimoient toutes choses uenales à pris d'or & d'argent, à cause qu'ilz ne cognoissoient rien meilleur, ny n'auoient riē plus cher en ce monde que la richesse & l'auoir: mais au contraire, qu'ilz se mesconten-
toient fort des Lacedæmoniens, qui ne regardoient qu'à l'indigence & pau-
ureté presente des Atheniens, & oublioient leur uertu & la grandeur de leur
courage, les cuidans induire à combattre plus uertueusement pour le salut de
la Grece en leur faisant offre de uiures. Ceste responce aiant esté approuuee &
authorisee par le peuple, Aristides feit adōc uenir les ambassadeurs de Sparte
en l'assemblée, & leur cōmanda de dire de bouche aux Lacedæmoniens qu'il
C n'y auoit ny dessus ny dessous la terre tāt d'or, que les Atheniēs le uoulussent
accepter ny receuoir pour loyer d'abandonner la defense de la liberté de la Gre-
ce, & quāt au herault qui estoit uenu de la part de Mardonius, il luy mōstra le
Soleil, & luy dit, Tāt que cest astre tournera à l'entour du monde, les Atheniēs
seront mortelz ennemis des Perses, pource qu'ilz leur ont destruit & gasté leur
païs, & qu'ilz ont pollū & bruslé les temples de leurs Dieux. Oultre plus il meit
en auant, que les presbtres par le commandement du peuple excommunias-
sent, mauldissent & anathematissent, celuy qui iamais seroit auteur, que lō
enuoyast deuers les Perses pour traiter appointment avec eulx, ne qu'on
abandonnast la ligue & alliance des autres peuples Grecs. A raison dequoy
D quand Mardonius uint pour la secōde fois courir le país d'Attique, les Athe-
niens se retirerent aussi une autre fois en l'isle de Salamine: & lors fut Aristides
enuoyé ambassadeur uers ceulx de Lacedæmone, qui les reprit & blasma à
bon esciant de leur negligence & tardiueté, en ce qu'ilz auoiēt ainsi derechef
abandonné en proye la uille d'Athenes aux Barbares, & les pria de se mettre
pour le moins en deuoir de secourir & sauuer le demourant de la Grece. Les
Ephores, qui estoient certains officiers qui auoient toute la superintendence
des affaires en la uille de Sparte, aians ouy ces remonstrāces y donnerent pro-
uision, combien qu'en apparence exterieure & publique, il semblast que pour
tout ce iour là ilz n'entendissent encore à autre chose qu'à iouer & faire bōne
E chere, à cause qu'ilz celebroident ce iour une de leurs festes solennelles, qu'ilz
appelloient Hyacinthia: mais neantmoins la nuict ensuyuant, ilz meirent
aux champs, & feirent partir cinq mille naturelz bourgeois de Sparte, tous bōs
combattans & hommes choiziz, chascun desquelz estoit accompagné de sept
Ilotes, qui sont les païsans, & comme esclauē au país de Lacedæmone, sans en
faire rien entendre aux ambassadeurs d'Athenes. A l'occasiō dequoy Aristides
retourna une autrefois en leur cōseil se plaindre derechef de leur nonchalāce:
& eulx sen prirent à rire, disans qu'il resuoit, ou qu'il se moquoit, pource que

leur armee qu'ilz enuoyoiēt cōtre les estrāgers (car ainsi appelloiēt ilz les Per-
ses) estoit desia à la uille d'Orestio qui est en Arcadie. Ceste respōse ouye, Ari-
stides leur repliqua qu'ilz auoiēt tort de se moquer ainsi d'eulx, aiāt fait partir
leurs gēs si secrettement, qu'eulx n'en auoiēt rien sceu, & que ce n'estoit pas le
tēps qu'il se falloir amuser à trōper ses amis, ains plus tost les ennemis. Idome-
neus le recite de poinct en poinct en ceste sorte. Toutefois au decret qu'Aristi-
des proposa pour faire enuoyer des ambassadeurs à Sparte, il n'y est point nō-
mé pour ambassadeur, ains y sont designez Cimō, Xanthippus & Myronides.
Depuis il fut eleu par les uoix du peuple capitaine general de l'armee d'Athe-
nes en ceste guerre contre les Perses, & s'en alla au camp des Grecs pres la uille
de Platēes avec huit mille hōmes de pied tous bien armez. Et là se trouua aussi
Pausanias capitaine en chef de toute la puissance de la Grece, qui amena quād
& luy les forces de Sparte, & arriuait tous les iours à la file une multitude grā-
de de tous autres Grecs. Or quant aux Barbares, leur camp estoit tout le long
de la riuier d'Asopus: mais pour sa grande estendue, il n'estoit fermé ny for-
tifié aucunement, sinon qu'ilz auoient seulement enuironné de muraille un
certain pourpris quarré, duquel chasque costé auoit douze cents cinquante
pas de long pour y retirer leur bagage, & leurs plus precieux meubles. Et quāt
aux Grecs, le deuin Tisamenus natif de la uille d'Elide auoit predict à Pausa-
nias & à tous les Grecs ensemble, qu'ilz auroient la uictoire, pourueu qu'ilz
n'assaillissent point, & qu'ilz ne feissent que se defendre seulement. Et Aristi-
des qui auoit enuoyé à l'oracle d'Apollo en la uille de Delphes au nom des
Atheniens, eut respōse qu'ilz uiendroient au dessus de leurs ennemis, moie-
nāt qu'ilz sacrifiasent & feissent prieres speciales à Iupiter & Iuno du mont de
Cithæron, à Pan & aux Nymphes Sphragitienes, & qu'ilz feissent aussi sacrifi-
ces aux demidieux, Andocrates, Leucon, Pisander, Damocrates, Hypsion,
Actæon & Polyidus: & pourueu aussi qu'ilz hazardassent la bataille dedans
leur territoire, en la plaine de Ceres Eleusiniene, & de Proserpine. Cest oracle
meit Aristides en grande peine & grande perplexité, pour autant que les de-
midieux aux quelz il commandoit qu'on sacrifiait, estoient les ancestres des
Platæiens, & la cauerne des Nymphes Sphragitienes est en l'une des croupes
du mont de Cithæron, regardant uers l'endroit ou le Soleil se couche en estē,
& dit on qu'ancienement il y auoit un oracle, de l'esprit duquel plusieurs des
habitans à l'environ estoient possedez, & en deuenoient insensez, dont on les
appelloit Nympholepti, comme qui diroit, esprits des Nymphes: & puis de di-
re que les Atheniens auroient la uictoire pourueu qu'ilz hazardassent la bat-
taille en la plaine de Ceres Eleusiniene, & au dedans de leur territoire, c'estoit
les réuoyer au païs d'Attique: mais ainsi qu'il estoit en ceste doubte Arimne-
stus capitaine des Platæiens eut une telle uision en dormant: Il luy fut aduis
que Iupiter sauueur s'apparut à luy, & luy demanda ce que les Grecs auoient
proposé de faire, & qu'il luy respondit, Nous deuōs, Sire, demain remuer no-
stre camp au territoire d'Eleusine, & là donnerons la bataille aux Barbares,
suiuant ce que l'oracle d'Apollo nous a commandé. Iupiter luy repliqua alors
qu'ilz sabusoient grandement, pource que tout ce qu'Apollo leur auoit spe-
cifié par son oracle, estoit dedans le territoire des Platæiens, & qu'ilz le trouue-
roient ainsi s'ilz cherchoient bien. Arimnestus aiant eu ceste uision bien ex-
presse & bien manifeste, le matin aussi tost qu'il fut esueillé enuoya querir les
plus uieux & plus experimentez de ses citoiens, avec lesquelz, en conferant &
cherchant

A cherchant ou pourroit estre ce lieu, il trouua qu'au pied du mont de Cithæron pres la uille de Nyse, y auoit un ancien tēple, que l'on appelloit le tēple de Ceres Eleusiniene & de sa fille: dequoy si tost qu'ilz s'en furēt aduisez, il en alla aduertir Aristides, & trouuerent que c'estoit un lieu merueilleusement à propos pour y rengier en bataille une armee qui seroit foible de gens de cheual, pour autant que le pied du mont de Cithæron engardoit que les cheualx ne peussent aller au lieu ou estoit le tēple basty, & ou la plaine uenoit à aboutir, avec ce que là mesme estoit la chapelle d'Androcrates, qui estoit tout à l'entour couuerte & cachee de bois fort espez: & à fin que riē ne leur defaillist de tout ce qui estoit particularisé par l'oracle pour l'esperance de la uictoire, les

B Platæiens feirent un decret public, par le conseil & aduis d'Arimnestus, que les bornes du territoire de la uille de Platæes fussent ostees du costé d'Athenes, & la terre donnee en pur don aux Atheniens; à celle fin, que comme il estoit mādē par l'oracle ilz peussent cōbattre contre les Barbares dedans leur terre pour le salut & la defense de la Grece. Ceste liberalité & munificence des Platæiens a tant esté renominee, que plusieurs annes depuis le Roy Alexandre le grand aiant ia conquis l'empire de l'Asie, feit rebastir les murailles de la uille de Platæes, & en ce faisant feit proclamer par un herauld en l'assemblee des ieux Olympiques, qu'Alexandre faisoit ce bien & cest hōneur aux Platæiens, en memoire & recompense de leur magnanimité, pource qu'en la guerre contre les

C Perses ilz auoient liberalement donné leur terre aux Atheniens pour le salut des Grecs, & festoient monstrez gens de bon cueur, & bien affectionnez à la defense de la Græce. Or quād se uint à ordonner l'armee des Grecs en bataille, il y eut dissension entre les Atheniens & les Tegeates, pource que les Atheniens uoloient, que comme on auoit tousiours accoustumé de faire, si les Lacedæmoniens auoient la poincte droite de la bataille, eulx en eussent la fenestre: & les Tegeates alencontre alleguoient les prouesses & haults faictz d'armes de leurs ancestres, dont les Atheniens se mutinoient: mais Aristides se tira en auant, qui leur remonstra qu'il n'estoit pas temps de debattre contre

les Tegeates de leur noblesse ny prouesse. Et quant à uous seigneurs Spartiates, dit il, & uous autres Grecs, nous uous aduisons, que le lieu ne dōne, ny ne

D oste point la uertu, & uous assurez, que quelque lieu que uous nous bailliez, nous le defendrons & garderons si biē, que nous n'y diminuerons point l'hōneur ny la reputation que nous auons acquise es batailles precedentes: car nous sommes icy uenus, non point pour quereller ny debattre contre noz allies, ains pour combattre noz communs ennemis, ny pour haultlouer noz predecesseurs, ains pour nous monstrez nous mesmes à l'effect gens de bien en la tuitiō & defense de la Grece, pource que ceste iournee portera tesmoignage à tous les Grecs, combien chasque uille, chasque capitaine, & chasque hōme particulier en son endroit fera à estimer. Ces paroles d'Aristides ouyes, les

E capitaines & tous ceulx du conseil conclurent en faueur des Atheniens, qu'ilz auroient l'une des poinctes de la bataille. Ainsi estoit toute la Grece en grād branle, & mesmement l'estat des Atheniens en extreme danger, pource qu'il se trouua quelque nombre de citoiens des plus nobles maisons de la uille, & qui auoient eu le plus de biens auant ceste guerre, lesquelz se uoians lors reduits à pauureté, & qu'oultre leurs biens qu'ilz auoient perdus, ilz se uoyoient encore priuez de la preeminēce & de l'authorité qu'ilz souloient auoir au gouvernement de la chose publique, à cause que d'autres estoient lors en credit, &

Aristides.

estoyent promotez aux estats & offices de la uille : ilz s'assemblerēt en une mai- F
son de la uille de Plataes, & là conspirerent ensemble de ruiner & abolir à A-
thenes l'autorité du peuple, ou filz ne pouuoient uenir au dessus de leur en-
treprise, de plus tost perdre tout, & de trahir la chose publique aux Barbares.
Comme ces choses se menoient au camp, estans ia plusieurs entachez de ceste
coniuration, Aristides en sentit le uent, & en eut grāde peur, à cause du temps:
si pensa de ne mettre point à nonchaloir une chose de si grande consequence,
& de ne la rechercher aussi point trop au uif ny ne la descouvrir entierement,
ne sachant quel nombre se pourroit trouuer de coupables adherens à telle
conspiration, qui la rechercheroit iusques au bout, en regardant plus tost à ce
qui estoit iuste, qu'à ce qui selon le temps estoit profitable. Si en feit prendre G
huit seulement d'un grand nombre qu'il y en auoit, & de ces huit, les deux à
qui on uouloit cōmencer à faire le proces, pource qu'ilz estoiet les plus char-
gez, Eschines du bourg de Lampra, & Egésias du bourg d'Acharne, trouue-
rent moien de s'en fouir du camp & de se sauuer : & quant aux x autres, Aristi-
des les eslargit, donnāt moien à ceulx qui pensoient n'estre point descouverts
de s'asseurer & de se repentir de leur mauuaise uoulunté, disant qu'ilz auroient
la bataille pour iugement, en laquelle ilz se pourroient iustifier des charges
qu'on leur mettoit sus, & monstrier qu'ilz n'auoiēt onques eu autre intention
que bonne & iuste enuers leur pais. Au demourant Mardonius uoulant son-
der quel courage auoiēt les Grecs, enuoya toute sa cheualerie, de laquelle il H
estoit plus puissant de beaucoup que les Grecs, pour les escarmoucher. Or se-
stoient ilz logez au pied du mont de Citharon en lieux forts & pierreux, ex-
ceptez les Megariens qui estoient trois mille combattās campez en la plaine,
ce qui fut cause qu'ilz furent trauaillez & endommagez par les gēs de cheual
des Barbares, qui les assailloient de tous costez, pource qu'ilz en pouuoient
approcher de toutes parts, tant qu'à la fin uoians qu'ilz ne pouuoiet plus eulx
seuls soustenir si grande multitude de Barbares, ilz enuoyerent en diligence
deuers Pausanias, le prier qu'il leur enuoyast promptement du secours. Pausa-
nias oyant ceste nouuelle, & quand & quand uoiant à l'œil le camp des Me-
gariens presque tout couuert de traiçts, & de dards que leur tiroiet les Barba- I
res, & eulx contrains de se renger & ferrer en un petit coing, ne sceut qu'il y
deuoit faire: car d'y aller en personne avec les Lacedæmoniens qui estoient
gens de pied pesamment armez, il pensa qu'il n'y auoit ordre, si essaya de met-
tre quelque aiguillon de conuoirise d'honneur & quelque ialousie entre les
capitaines particuliers & chefs de bandes des autres Grecs, qui se trouuerent
lors à l'entour de luy, pour ueoir s'il pourroit en eschauffer quelcun à s'offrir
uoluntairement d'aller secourir les Megariens, mais tous les autres feirent
l'oreille sourde fors Aristides, lequel promet au nom des Atheniēs d'y aller,
& quand & quand de pescha tout sur le champ Olympiodorus l'un des plus
uailans capitaines qu'il eust soubz luy, avec sa compagnie qui estoit de trois K
cents hommes tous gens d'élite, & quelques gens de traiçt meslez parmy. Ces
soudards furent prests en un moment, & marcherent incontinent en bataille
le grand pas contre les Barbares. Ce que uoiant Masistius qui estoit general de
la cheualerie des Perses, homme grand, fort, & beau à merueilles, tourna son
cheual & picqua droit à eulx. Les Atheniens l'attendirent de pied quoy, & y
eut une rencontre fort aspre, pource que les uns & les autres uolurent à cest
essay faire un preiudice de l'issue de toute la bataille, & tant y fut combattu
que

- A. que le cheual de Masistius receut un grand coup de traict à trauers le corps, & de la douleur qu'il en sentit ietta par terre son maistre tout armé de pied en tesse comme il estoit. Tumbé qu'il fut, il ne se peut releuer, tât pour la pesanteur de son harnois, que pour autant que les Atheniens luy coururēt sus aussi tost, & combien qu'ilz fussent plusieurs à l'entour de luy à le charpenter, si ne pouuoient ilz trouuer moyen de le tuer, tant il estoit fort armé & chargé d'or, de cuyure & de fer, non seulement par le corps & par la teste, mais aussi par les iambes & par les bras, iusques à ce qu'il y eut quelcun qui luy fourra le fer de sa iaueline par dedās la uisiere de son armet, & le tua. Quoy uoians les autres Perses, se tournerent incontinent en fuitte, & abandonnerent le corps de leur
- B. general. Mais tantost apres on cogneut bien que lon auoit beaucoup fait en ceste escarmouche, non pour le nombre des ennemis qui y eussent esté tuez, car il n'y en auoit pas beaucoup, mais pour le grād deuil q̄ les Barbares en demenerēt: car ilz se rondirēt eulx, leurs cheuaulx, & leurs mulets, pour le deuil de la mort de Masistius, & emplirēt toute la cāpagne d'alenuiron de pleurs, de cris, & de hurlemens, cōme ceulx qui auoient perdu le premier hōme de tout leur cāp en uaillance & en autorité, apres le lieutenant du Roy Mardonius. Depuis ceste premiere escarmouche ilz se teindrent en leur camp les uns & les autres sans sortir aux champs plusieurs iours durās, pource que les deuins leur promettoient la uictoire autant aux Perses comme aux Grecs, pourueu
- C. qu'ilz ne feissent que se defendre seulement, & au contraire les menassoient d'estre desfaits silz se mettoiet à assaillir. Mais Mardonius uoiant qu'il n'auoit plus de uiures que pour bien peu de iours, & d'auantage que tous les iours il uenoit nouveau renfort de gens aux Grecs tant plus il dilayoit, il se resolut en fin de n'attēdre plus, ains de passer la riuiera d'Asopus le lendemain au poinct du iour, & d'aller au desproueu courir sus aux Grecs, si cōmanda des le soir de deuant à ses capitaines ce qu'ilz auoient à faire, à fin que chascun se teint tout prest: mais enuiron la minuiet il y eut un hōme de cheual, lequel sans faire bruit aucū approcha si près du camp des Grecs, qu'il parla à ceulx qui faisoiet le guet, & les aduertit qu'il auoit quelque chose à cōmuniquer à Aristides capitaine des Atheniens. Aristides fut appellé sur l'heure mesme: & sorry qu'il
- D. fut, l'homme de cheual luy dit: Je suis Alexandre Roy de Macedoine, qui pour l'amour & bienueuillance que ie uous porte, me suis mis au plus grand danger que ie sçauois faire, de uenir à telle heure icy, pour uous aduertir que demain au matin Mardonius uous donnera la bataille, à fin que ceste non attēdue inuasion de uoz ennemis ne uous estōne point, estans surpris au desproueu, & ne uous garde point de uaillammēt combattre: car ce n'est point pour aucune bonne esperance ou confiance qui luy soit de nouveau suruenue, ains pour la necessité & disette de uiures, ou il se treuve qui le contrainct a ce faire, attendu que les deuins tant par les sinistres presages des sacrifices, que par les
- E. responses des oracles, le diuertissent tant qu'ilz peuuent de uous donner la bataille, de maniere que toute son armee en est en tresgrād effroy, & en a fort mauuaise esperance: mais il luy est force forcee d'essayer la fortune, & de mettre tout à l'aduenture, ou bien fil sobstine à ne uouloir bouger d'un lieu, de mourir de male faim. Apres que le Roy Alexandre luy eut fait cest aduertissement, il le pria de s'en seruir à par luy, & s'en souuenir au temps à uenir, mais qu'il ne dist rien à personne: & adonc luy respōdit Aristides, qu'il n'estoit pas raisonnable de celler une chose de telle consequence à Pausanias, attendu

Aristides.

que c'estoit luy qui auoit la charge principale & superintendée de toute l'armée: mais bien luy promet il qu'il ne le diroit à nul autre auant la bataille, & que là ou les Dieux donneroient la uictoire aux Grecs, il l'asseuroit qu'il n'y auroit personne qui n'eust en souuenance & recommandation la bonne uolunté & bonne affection qu'il auroit monstree en leur endroit. Ces paroles dites d'une part & d'autre, le Roy Alexandre s'en retourna d'oit il estoit uenu: & Aristides au partir de là, s'en alla droit en la tente de Pausanias, ou il luy declara tout ce propos. Si furent incontinct mandez les autres capitaines particuliers, & teint on cōseil, auquel il fut ordonné que chascun tiendroit ses gēs tous prests à combattre, pource que le lendemain on auroit la bataille. Mais sur ces entrefaites Pausanias, ainsi que recite Herodote, s'adressa à Aristides, & luy dit, qu'il uouloit transposer les Atheniens de la pointe gauche en la droite, à fin qu'ilz eussent droit en teste les naturelz Persiens, & qu'ilz en combattroient plus asprement, tant pource qu'ilz estoient tous duits & accoustumez à combattre contre eulx, comme aussi, pource qu'ilz les auoiēt desia uaincus, en la premiere rencontre, & qu'il uouloit prendre pour foy & pour ses gēs la pointe gauche de la bataille, à l'endroit de laquelle deuoient estre les Grecs, qui combattoient pour le party des Perses. Ce qu'entendans tous les autres particuliers capitaines Atheniens s'en courroucerent, disans que Pausanias auoit tort, & qu'il n'y auoit point de propos de laisser tous les autres peuples Grecs en leurs lieux ou ilz auoient tousiours esté ordonnez, & de remuer seulement les Atheniens, ne plus ne moins que si ce fussent esclaves, pour les mettre à son plaisir tantost d'un costé & tantost d'un autre, & les ietter deuant les plus belliques ennemis: mais Aristides leur respondit adonc, qu'ilz ne scauoient eulx mesmes qu'ilz disoient, & qu'ilz se mescomptent grandement, par ce que nagueres ilz auoient contesté encontre les Tegeates pour auoir seulement la pointe gauche de la bataille, & s'estoient tenus pour bien honorez de ce que par sentence des capitaines, ilz auoient esté preferez à eulx, & maintenant que les Lacedæmoniens eulx mesmes de leur bon gré leur cedoient la pointe droite, & par maniere de dire, leur liuroient entre leurs mains, & leur quittoient la principaulté de toute l'armée, ilz n'embrassoient pas affectueusement cest honneur, & ne reputoient pas à gaing & auantage pour eulx, ce qu'ilz n'auoient point à cōbattre contre ceulx qui estoient extraicts de mesme sang & de mesme origine que eulx, ains contre des Barbares, qui estoient leurs naturelz ennemis. Apres qu'Aristides leur eut fait ces remonstrances, ilz furent trescontents de changer de place aux Lacedæmoniens, & n'oyoit on autre chose parmi eulx que les preschemens qu'ilz se faisoient les uns aux autres, d'auoir bon courage, & que les Perses qui lors estoient uenus, n'auoient point d'autres armes, ny les cueurs meilleurs que ceulx qu'ilz auoient uaincus & desfaits en la plaine de Marathō: Car ce sont, disoient ilz, les mesmes arcs, les mesmes robes enrichies de broderie, les mesmes chaines & carquans d'or sur des corps effeminez, & qui couurent des ames molles, lasches & couardes, là ou nous auons bien les mesmes armes & les mesmes corps aussi, mais les cueurs nous sont deuenus plus grands par tant de uictoires que nous auons depuis gaignees sur eulx, & si y a d'auantage, que nous ne combattons pas comme noz autres allies Grecs pour nostre uille & nostre pais seulement, ains encore pour ne perdre point le renom de prouesse, que nous acquismes es iournees de Marathon & de Salamine, à fin que lon n'estime point que la gloire de ces trophées là &

A de ces uictories soit deuë à Miltiades seul, ou à la fortune, ains à la uertu des Atheniens. Ainsi donques estoient les Grecs occupez à changer en diligence l'ordonnance de leur bataille: dequoy les Thebains furent incontinent aduertis par quelques traistres qui passerent d'un cāp à l'autre, & le feirent entendre à Mardonius: lequel soudainement changea aussi l'ordonnance de la sienne, & meit les Perses naturelz à la pointe droite uis à uis de la gauche des ennemis, fust ou pource qu'il eust crainte des Atheniens, ou que pour plus grande gloire, il eust enuie de combattre contre les Lacedæmoniens, & commanda aux Grecs qui tenoient son party, qu'ilz eussent à soustenir les Atheniens.

B Ceste transposition fut si apparente, que chascun la peut ueoir: parquoy Pausanias remua derechef les Lacedæmoniens, & les remeit à la pointe droite, & Mardonius semblablement aussi remeit les Perses à la gauche, cōme ilz auoient esté du commencement à l'opposite des Lacedæmoniens, tellement que le iour se passa sans rien faire es allees & uenues de ces remuemens, puis sur le soir les capitaines Grecs teindrent conseil: auquel il fut arresté qu'il estoit besoing de remuer leur camp, & aller loger en lieu ou ilz eussent l'eau plus à commandement, à cause que les ennemis leur gastoiēt & troubloient ordinaiement avec leurs cheuaux les ruisseaux & fontaines qu'ilz auoient à l'entour d'eulx. Parquoy la nuit uenue, les capitaines uolurent faire partir leurs gēs, pour aller au logis qui auoit esté ordonné: mais le peuple y alloit fort mal uoluntiers,

C & auoit on beaucoup de peine à les tenir ensemble: car ilz ne furent pas plus tost hors des trenchées & fortifications du camp, que la plus part s'en courut uers la uille de Plataës, & y auoit un grād desordre, parce qu'ilz se respandoiēt ça & là, & tendoient leurs pauillons là ou bon leur sembloit, sans qu'on eust departy les quartiers, & n'y eut que les Lacedæmoniens qui demourerēt seuls derriere, encore fut ce malgré eulx, par ce qu'un de leurs capitaines nommé Amompharetus, homme courageux à merueilles, qui ne cognoissoit nul peril, & ne demandoit de long réps autre chose que la bataille, estant impatient de tāt de remises, & disant tout hault & clair, que ce remuement de camp n'estoit autre chose sinō une belle fuitte, iura qu'il ne bougeroit de là, & qu'avec

D sa compagnie il attendroit Mardonius. Pausanias alla deuers luy, & luy remonstra, qu'il falloit faire ce que les Grecs à la pluralité des uoix auoient conclut & arresté au conseil. Et Amompharetus prit à deux mains une fort grosse pierre, & la ietta deuant les pieds de Pausanias, disant: Et uoyla la ballote que ie donne moy pour conclurre à la bataille, & ne me soucie point de toutes uoz autres lasches & couardes conclusions. L'opiniastreté de cestuy Amompharetus estōna tāt Pausanias, qu'il ne sçauoit ou il en estoit. Si enuoya deuers les Atheniens qui estoient desia en chemin, les prier qu'ilz le uolussent attēdre, à fin qu'ilz s'en allassent ensemble: & quand & quand fait marcher le reste de ses gens le chemin de Plataës, pēsant que par là il cōtraindroit à la fin de se

E leuer & bouger de là Amōpharetus, fil ne uouloit demourer tout seul. Mais en ces entrefaittes le iour uint: & Mardonius estāt bien aduertty que les Grecs abandonnoient leur premier logis, feit incontinent marcher son armee en bataille pour aller courir sus aux Lacedæmoniens. Si ietterēt les Barbares de grands cris & grandes huees, pensans n'aller pas pour combattre: mais pour seulement saccager & despouiller les Grecs fuyans, comme aussi de faict il ne sen fallut pas beaucoup. Car Pausanias uoiant la contenance des ennemis feit arrester ses enseignes, & commanda que chascun se preparast à combattre:

Aristides.

mais il oublia, fust ou pour la cholere dont il estoit emeu cōtre Amomphare-
rus, ou pour l'estonnement de ceste soudaine inuasion des ennemis, à donner
aux Grecs le mot de la bataille, dont il s'ensuyuit qu'ilz ne uindrent pas
promptement ne tous ensemble au combat, ains par petites troupes les uns
deça, les autres delà, que la charge & meslee estoit desia cōmencee. Ce pendāt
Pausanias uacquoit à faire sacrifices aux Dieux, & uoiant que ses premieres
hosties ne leur estoient pas agreables, par les obseruations qu'en auoient les
Deuins, il commanda aux Spartiates qu'ilz posassent leurs pavois en terre de-
uant leurs pieds, & qu'ilz ne bougeassent de leurs places, ains seulement eus-
sent l'œil à ce qu'il leur commanderoit, sans se mettre en defense contre les
ennemis. Cela fait il se prit derechef à immoler d'autres hosties, que desia les
gens de cheual des ennemis approchoient fort, & que les coups de flesches ar-
riuoient iusques à eulx, tellement qu'il y eut quelques uns des Spartiates ble-
cez, entre lesquelz fut le pauvre Callicrates, le plus bel homme & le plus grād
qui fust en tout l'ost des Grecs, lequel estant nauré à mort d'un coup de traict,
en rendant l'esprit sur le champ, dit, qu'il ne regrettoit point sa mort, pource
qu'aussi bien estoit il uenu de sa maison en deliberation de mourir pour la de-
fense de la Grece, mais qu'il auoit regret de mourir ainsi laschemēt sans auoir
doné un seul coup de sa main. Ceste mort fut fort pitoiable, & la constāce des
Spartiates admirable: car ilz ne bougerent iamais de leurs places, ny ne feirēt
semblāt de se defendre contre l'ennemy, qui leur couroit sus, ains souffroient
estre percez à coups de traict, & tuez sur le chāp, attēdās l'heure que les Dieux
leur mostreroient, & que leur capitaine leur commanderoit pour combattre.
Encore disent aucuns, que comme Pausanias estoit apres à faire ses sacrifices,
prieres & oraisons aux Dieux un peu arriere de la bataille, quelque troupe
de Lydiens luy courut sus, qui raut & renuersa sans dessus dessous tout son
sacrifice, & que Pausanias & ceulx qu'il auoit autour de sa personne, ne se trou-
uans à la main autres armes, les rechasserent à coups de bastōs & de fouets: en
remembrance dequoy ilz disent qu'il se fait à tel iour une procession solen-
nelle en Sparte, que lon appelle la procession des Lydiens, en laquelle les ie-
unes garçons sont fessez & fouettes à l'entour de l'autel. Si estoit Pausanias en
grande destresse de ueoir que le presbtre immoloit uictimes sur uictimes, &
qu'il ne s'en trouuoit pas une agreable aux Dieux: & à la fin il tourna ses yeux
en plorant deuers le temple de Iuno, & y tendāt aussi les mains, supplia Iuno
Cithæronine, & tous les autres Dieux, patrons & protecteurs de la cōtree Pla-
taide, fil n'estoit point es fatales destinees que les Grecs uainquissent en ceste
bataille, à tout le moins qu'ilz ne mourussent point sans uendre cherement
leur mort aux uaincueurs, & sans leur faire cognoistre & sentir par effect
qu'ilz auoient entrepris la guerre contre de uailhans hommes, & qui sçauoient
tresbiē combattre. Pausanias n'eut pas plus tost acheuē ceste priere, que les sa-
crifices se trouuerent incontinent propices, & que les presbtres & deuins luy
uindrent annoncer & promettre la uictoire, & quand & quand le comman-
dement estant aussi tost allē de main en main par tous les reings, que lon mar-
chaist contre les ennemis, on eust dit à ueoir le bataillon des Lacedemoniēs
que ce n'estoit qu'un corps, comme de quelque beste courageuse qui se heris-
soit & se preparoit pour combattre. Si fut bien incontinent aduis aux Barba-
res qu'ilz auroient une bien rude rencontre, & trouueroient des gens qui cō-
battroient iusques au dernier soupir, pourtant se couuroient ilz de leurs
grandes

A grandes targes à la Persienne, & tiroient force fleſches & traiçts contre les Lacedæmoniens, leſquelz ſe tenans bien ioinçts & ſerrez enſemble, & ſe courras de leurs pauois, alloiēt touſiours en auāt iuſques à ce qu'ilz uindrēt à les chocquer ſi uiſuement, qu'ilz leur feirēt uoler leurs targes hors des poings à grāds coups de picques & de iauelines, dont ilz leur donnoient à trauers les uiſages & les poitrines par telle uiolence, qu'ilz en portoient pluſieurs par terre : leſquelz ne mouroient point laſchement, car ilz prenoient avec les mains toutes nues les picques & iauelines des Lacedæmoniens, & en briſoient pluſieurs à force de bras, puis tiroient habillement leurs cimeterres & leurs haches, dont ilz combattoient à bon eſciant, iuſques à arracher par force les boucliers aux

B Lacedæmoniens, & à ſe prendre corps à corps avec eux, de maniere qu'ilz reſiſterent bien longuement. Orce pendant que les Lacedæmoniens eſtoient ainſi attachez au combat contre les Barbares, les Atheniens les attendoient de pied quoy aſſez loing de là : mais quand ilz ueirent qu'ilz demouroient tant à uenir, & qu'ilz ouyrent un grand bruit comme de gens qui ſe combattoient : & d'auantage, qu'il uint un meſſager qu'enuoya en diligēce Pausanias, les aduertir de ces nouuelles, adonc ilz ſe meirent en chemin à la plus grande haſte qu'ilz peurent, pour les aller ſecourir : mais ainſi comme ilz cheminoient à grand pas, à trauers la plaine, uers l'endroit dont ilz entendoient uenir le bruit, les Grecs qui tenoient le party des Barbares leur uindrent au deuant. Ce que

C uoyant Ariſtides ſe ietta bien loing deuant ſes troupes, & cria premierement à haulte uoix tant qu'il peut crier, qu'il cōiuroit les Grecs au nom des Dieux proteçteurs de la Grece, qu'ilz euſſent à ſe deporter de ceſte guerre, & à ne donner point d'empêchement aux Atheniens, leſquelz ſ'en alloient ſecourir ceulx qui mettoient leurs uies en danger pour defendre le bien public, & le commun ſalut de toute la Grece : mais quand il ueit que pour prieres ou coniurations qu'il leur feiſt, ilz ne ſ'en uouloient point deporter, ains marchoient touſiours les teſtes baiſſées pour le uenir chocquer, adōc il deſiſta de uouloir aller ſecourir les Lacedæmoniens, & fut cōtraint de faire teſte à ceulx qui luy couroient ſus, eſtans bien enuiron cinquante mille combattans, deſquelz

D neantmoins la plus part ſe deſbenda incōtinent, & ſe retira, meſmement quād ilz entendirent que les Barbares ſ'eſtoient auſſi rompus & deſbendez. Le plus fort de la bataille, & la plus aſpre meſlee, à ce que lon dit, fut à l'endroit ou eſtoient les Thebains, pource que les nobles & principaulx hommes du païs combattoient fort affectueuſement pour les Barbares, & le peuple non, mais il eſtoit mené par le petit nombre de ceſte nobleſſe qui leur cōmandoit. Ainſi fut ce iour là combattu en deux lieux, là ou les Lacedæmoniens furent les premiers qui rompirent & tournerēt en fuitte les Barbares, & y mourut Mardonius le lieutenant du Roy, d'un coup de pierre, dont un Spartiate nommé Arimneſtus luy donna par la teſte, ſuiuant ce que l'oracle d'Amphiaraus luy auoit prediçt & prophetiſé : car Mardonius auāt la bataille y auoit enuoyé un

E Lydien, & un Carien à celui de Trophoniſus, duquel le prophete rendit reſponſe au Carien en langue Carique : & le Lydien coucha dedans le ſantuaire d'Amphiaraus, là ou il luy fut aduiſ en dormant, que l'un des miniſtres du tēple luy feiſt commandement qu'il euſt à fortir du lieu ou il eſtoit, ce qu'il ne uoulut faire, & que lors le miniſtre prit une groſſe pierre qu'il luy rua à la teſte, duquel coup il luy fut aduiſ qu'il mourut. ainſi le cōpte lon. Mais au demourant, les Lacedæmoniens chaſſerent les Perſes fuyans, iuſques dedans le

Aristides.

pourpris qu'ilz auoient remparé & fortifié de cloison de bois. Et peu de temps apres les Atheniens rompirent aussi les Thebains, apres en auoir occis sur le champ trois cets des plus nobles & des plus apparens seulement, pource que à l'instant que les Thebains commécerent à tourner le dos, il uint nouuelles aux Atheniens comme les Barbares festoient enfermez dedás ce fort de bois, là ou les Lacedemoniens les tenoient assiegez. Ainsi donnerent ilz loisir aux Grecs fuyans de se sauuer de uistesse, & s'en allerent aider aux Lacedemoniés à prendre le fort des Barbares: car ilz s'y portoient assez froidement, pource qu'ilz n'estoient pas experimentez à assaillir ny forcer une muraille, là ou incótinent que les Atheniens y furent arriuez, ilz le prirét d'assault avec un tres-grand meurtre des Barbares: car de trois cents mille combattans qu'il y auoit au camp de Mardonius, il ne s'en sauua que quarante mille soubz la conduite de Artabazus: & de la part des Grecs, il en mourut enuiron treze cents soixante en tout: entre lesquelz y en auoit cinquante & deux Atheniens tous de la lignee Aiantide, laquelle se porta ce iour là plus uaillammét que nulle autre, ainsi comme l'escriit Clidemus. C'est la raison pour laquelle les Aiantides faisoient un solennel sacrifice aux nymphes Sphragitides aux despens de la chose publique, suiuant ce qui leur estoit ordonné par l'oracle d'Apollo pour leur rendre graces de celle uictoire: des Lacedemoniens il y en mourut quatre uingts & unze: des Tegeates, seize. Mais ie m'esmerueille cōment Herodote dit qu'il n'y eut que ces peuples là qui combattissent en celle iournee contre les Barbares, & nulz autres des Grecs: car le nombre des morts, & aussi les sepultures monstrent & tesmoignent, que ce fut un exploit cōmun de tous les Grecs ensemble: & qui plus est, s'il n'y eust eu que ces trois peuples qui eussent alors combattu, & que tous les autres fussent demourez sans rien faire, on n'eust point engraué sur l'autel qui fut fondé au lieu de la bataille un Epigramme, dont la fustance estoit telle,

Les Grecs uaincueurs, par haults exploits de guerre

Aians chassé les Perses de leur terre,

Ce franc autel commun à toute Grece

Ont erigé à la digne haultesse

De Iupiter, qui de leur liberté

Contre Medois protecteur a esté.

Ceste bataille fut le quatrieme iour du mois q̄ les Atheniés appellét Boedromion, qui est enuiron le mois de Iuillet, ou cōme cōptent les Bœotiés le uingtieme du mois qu'ilz appellét Panemus, auquel iour il se fait encore une assemblée publique des estats de la Grece en la uille de Platees, ou les Plateiés font un solēnel sacrifice à Iupiter protecteur de liberté, pour le remercier tousiours de celle uictoire. Et ne se fault poit esmerueiller de ceste inegalité & discordance des mois ny des iours, ueu mesmement qu'aujourdhuy q̄ l'art d'Astrologie est beaucoup plus parfaitemét entēdue qu'elle ne l'estoit alors, encore cōmencēt & acheuēt les uns leurs mois à un iour, & les autres à un autre. Apres ceste desfaitte des Barbares, il s'esmeut debat entre les Atheniens & les Lacedemoniés, touchāt le pris & l'hōneur de la uictoire, pource q̄ les Atheniés ne le uoiēt point ceder aux Lacedemoniés ny leur permettre qu'ilz en dressassent un trophée à part, tellemét qu'ilz s'en fallut bien peu, q̄ les Grecs pour ceste occasion bandez & mutinez les uns cōtre les autres, ne se ruinaissent eulx mesmes, si Aristides n'eust par remonstrances & raisons appaisé & retenu les autres capi-

Ataines ses compagnons, mesmement un Leocrates & un Myronides, enuers
 lesquelz il feit tant par uifues persuasions & sages paroles, qu'ilz furent contrés
 d'en remettre la totale decifion à l'arbitrage & au iugement des autres peuples
 de la Grece. Si furent les Grecs assemblez au lieu mesme, pour vuidier ce diffé-
 rent, & en ce cōseil Theogiton capitaine des Megariens, pour son opiniō dit,
 qu'il estoit necessaire, à fin d'eiter guerre ciuile, qui estoit pour naistre entre
 les Grecs, de deferer le pris & l'hōneur de celle uictoire à quelque autre cité q̃
 à l'une des deux qui le querelloient: apres luy se leua Cleocritus Corinthien,
 que chascun pensoit uouloir requerir cest hōneur pour la uille de Corinthe,
 pource que c'estoit celle qui auoit plus de dignité en la Grece, apres celles de
BSparte & d'Athenes: mais il feit une harengue à la louange des Plateïens, la-
 quelle fut trouuee merueilleusement honeste, & bien prise de chascun: car il
 fut d'aduis, que pour oster l'occasion de tout ce different, lon donnast le pris
 & le loyer de cest honneur à la uille de Plataës, pource que ny l'une ny l'autre
 des parties, ne prendroit à desdaing que ceulx là fussent honorez. Il n'eust
 pas plus tost acheué son dire, que Aristides le premier s'accorda à son aduis, &
 le permit au nom des Atheniens, & apres Pausaniās au nom des Lacedæmo-
 niens. Puis quand ilz se furent ainsi accordez, deuāt que partager le butin en-
 tre eulx, ilz meirent à part * quatre uingts talents, qui furent donnez aux Pla-
 tæïens, dont ilz edifierent un temple à Minerue, luy dedierent une image, &
Cembellirent tout son temple de peintures, lesquelles iusques au iourd'huy
 durent encore en leur entier: & neantmoins les Lacedæmoniens dresserent à
 part leur trophée, & les Atheniens le leur aussi à part, & aians enuoyé à l'ora-
 cle d'Apollo en la uille de Delphes, pour sçauoir à quelz Dieux, & comment
 ilz deuoient sacrifier, Apollo leur respōdit, qu'ilz fondassent un autel à Iupiter
 protecteur de liberté: mais qu'ilz ne feissent dessus aucun sacrifice, que pre-
 mierement ilz n'eussent esteint tout le feu entierement qui estoit en toute leur
 contree, pource qu'il auoit esté pollü & contaminé par les Barbares, & puis
 qu'ilz en allassent querir de pur & net à l'autel commū, sur lequel on sacrifioit
 à Apollo Pythien en la uille de Delphes. Ceste response ouye, les magistrats &
Dofficiers des Grecs, allerent ça & là par tout le pais faire esteindre tous les feuz.
 Et y eut lors un hōme de la uille mesme de Plataës nommé Euchydas, lequel
 se uint de luy mesme offrir, & promettre qu'il apporteroit du feu du temple de
 Apollo Pythien en la plus extreme diligēce qu'il seroit possible: & arriué qu'il
 fut en la uille de Delphes, apres auoir aspergé & purifié son corps d'eau nette,
 il meit dessus sa teste une couronne de laurier, & en tel estat alla prédre du feu
 sur l'autel d'Apollo, puis reprit aussi tost son chemin tant comme il peut cour-
 rir uers la uille de Plataës, là ou il fut de retour auant le soleil couché, & feit
 par ce moien en un iour mille stades de chemin, qui ualent enuiron soixante
 deux lieues & demie: mais apres auoir salué ses citoiens, & leur auoir liuré le
Efeu qu'il apportoit, il tūba soudainemēt par terre & rēdit l'esprit. Les Plateïens
 l'enleuerent tout roide mort, & le feirent enterrer dedans le temple de Diane,
 qu'ilz furnomment Euclia, c'est à dire, de bonne renommee, puis feirent en-
 grauer dessus sa sepulture un Epitaphe de telle substance:

* Quarante
 huit mille
 escus.

I cy fait son dernier seiour
 E uchidas, qui d'icy courut
 I usqu'en Delphes, & racourut
 D e là icy en un seul iour.

Aristides.

Plusieurs estiment que ceste Deesse Euclia soit Diane, & la nōment ainsi: mais F
il y en a qui tiennent, que c'estoit la fille de Hercules & de la Nymphē Myrto,
fille de Mēcētius, & sœur de Patroclus, qui mourut uierge, & depuis fut ho-
noree & reuerce des Bœotiēs & Locriēs comme une Deesse: car en toutes leurs
uilles on trouue tousiours es places communes, un autel & une image dediee
à elle, & luy sacrifient tous ceulx qui se marient autant hommes que femmes.
Depuis il fut tenu une assemblee generale de tous les Grecs, en laquelle Ari-
stides meit en auant, que par chascun an toutes les uilles de la Grece enuoyas-
sent à certain iour leurs deputez en la uille de Plataēs, pour y faire prieres &
sacrifices aux Dieux, & que de cinq en cinq ans on y celebrast des ieux pu- G
bliques, qui seroient appelez Les ieux de liberté: & que pour faire la guerre
aux Barbares on leuast sur toute la Grece dix mille hōmes de pied, mille che-
uaux, & une flotte de cent uoiles. Item que les Plataēiens de lors en auāt fussent
tenuz pour saincts & sacrez, sans qu'il fust loisible de les endommager aucu-
nement, & qu'ilz n'eussent autre charge q̄ de sacrifier aux Dieux, pour le salut
& la prosperité de la Grece. Tous lesquelz articles furent passez & authorizez
de poinct en poinct, & s'obligerēt les Plataēiens de faire tous les ans des sacri-
fices solennels, & des anniuersaires aux Grecs qui estoient morts pour la de-
fense de la liberté des Grecs dedās leur territoire. Ce qu'ilz fōt encore iusques
aujourd'hui en ceste maniere. Le seizieme iour du mois de Mēmaeteriō, que
les Bœotiens appellent Alalcomēnos, & est enuiron le mois de Ianuier, l'on H
fait une procession, deuant laquelle marche une trompette qui ua sonnant à
larme: apres suyuent quelques chariots chargez de branches de meurte & de
festons & chapeaux de triumphe, puis un taureau noir, & quelques nombre
de ieunes enfans nobles, qui portent de grāds uases à deux anses pleins de uin
& de laiēt, que lon a accoustumé de resprendre pour oblations propitiatoires
sur les sepultures des morts, & d'autres ieunes garçons de libre condition qui
portent des huyles de parfums & des senteurs dedans des phioles: car il n'est
point loisible qu'aucune personne de seruile cōdition, s'entremette ny s'em-
ploye à aucun office de ce mystere, pourautant que ceulx dont on y honore
la memoire, sont morts en combattant pour defendre la liberté de la Grece. I
Après toute ceste monstre suit le dernier, celuy qui pour lors est le Preuost des
Plataēiens, auquel tout le reste de l'annee, il n'est pas loisible de toucher seule-
ment du fer, ny de uestir robe d'autre couleur que blanche: mais lors il est
uestu d'un sayon teinct en pourpre, & tient en l'une de ses mains une buye
qu'il prent en la maison de la uille, & en l'autre une espee toute nue, & marche
en ceste contenance après toute la pompe precedēte à trauers la uille, iusques
au cimetiere ou sont les sepultures de ceulx qui moururēt en celle iournee, là
ou estant arriué il puise de l'eau en une fontaine qui là est, avec laquelle luy
mesme laue les coulōnes quarrees, & les images qui sont sur lesdittes sepul-
tures, & les oingt d'huyles de senteurs, puis immole un taureau dessus un K
amas de bois, q̄ est la tout prest, ne plus ne moins que quād on brulle les corps
de quelques trespassez, & en faisant certaines prieres & oraisons à Iupiter & à
Mercure terrestres, il conuie & semond au festin du sacrifice funeral les ames
de ces uaillans hommes qui moururent en combattant pour la liberté de la
Grece, puis il prent une couppe qu'il emplit de uin, & en le respendāt sur leurs
sepultures dit ces mots tout hault: Le boy aux preux & uaillans hommes, qui
moururent iadis en defendant la franchise de la Grece. Les Plataēiens iusques
aujourd'hui

A ujourd'huy gardent encore solennellemēt ceste cērimōnie anniuersaire. Au demourāt, quand les Atheniēs furent retournez en leur uille, uoiāt Aristides qu'ilz uouloiet auoir à toute force le gouuernemēt de l'estat populaire, auquel l'autorité souueraine est entre les mains du peuple, estimant que le peuple estoit digne, & meritoit que lon eust esgard à la prouesse & grandeur de courage qu'il auoit monstree en ceste guerre, & quand & quād aussi uoiant qu'il seroit bien malaisé de le forcer d'accepter autre gouuernement, attendu qu'il auoit les armes en la main, & le cueur accru par tāt de belles & glorieuses uictōires qu'il auoit gaignees : il meit en auāt un edict, Que l'autorité du gouuernement fust entre les mains de tous les citoiens egaleement, & que de lors

B en auant tous bourgeois, autāt pauures comme riches, peussent estre eleus par les uoix du peuple, & promez aux offices & magistrats de la uille. Au reste, comme Themistocles un iour eust dit en publique assemblee de uille, qu'il auoit propensé une chose qui estoit merueilleusemēt utile, profitable & salulaire à leur chose publique, mais qu'il y auroit danger à la dire en public, le peuple luy commanda qu'il la communiquast donques à Aristides tout seul, & qu'il en consultaſt avec luy, pour resoudre sil estoit expedient ou non de la faire. Alors Themistocles luy dit en secret, qu'il auoit aduisé de mettre le feu dedans l'arsenal ou estoient retirez tous les uaisseaux des Grecs, allegans que par ce moien les Atheniens demoureroient plus puissans que nuls autres peuples de la Grece. Cela, sans plus, entendu, Aristides ſen retourna incontinent deuers le peuple, & dit en pleine assemblee du peuple, qu'il ne pouuoit estre chose plus profitable pour la chose publique d'Athenes, ny plus iniuste & plus meschāte aussi, que celle que Themistocles auoit pēsé de faire. Ceste responce ouye, le peuple ordōna à Themistocles qu'il se deportast de celle siene entreprise, quelle qu'elle fust : tāt estoit le peuple Athenien amateur de iustice, & tant il auoit de cōfiance en la legalitē & preudhōmie d'Aristides. Lequel depuis fut enuoyé capitaine de l'armee d'Athenes, avec Cimon, pour poursuiure & faire la guerre aux Barbares : là ou uoiāt que Pausanias & les autres capitaines Lacedæmoniens qui auoient la superintēdence sur toute l'armee, estoient rudes & rigoureux aux peuples confederez, luy au contraire parloit doucement à eulx, & se monstroit le plus familier & le plus gracieux qu'il pouuoit enuers eulx, rendant semblablement son compagnon accointable à tout le monde, & egal enuers tous, non pas foulant les uns pour soublager les autres es charges de la guerre. En quoy faisant, on ne se dōna garde qu'il osta petit à petit aux Lacedæmoniēs la principaulté de la Grece, non point par armes, par nauires, ny par cheuaulx, ains seulement par bon sens & par sage conduite : car si la iustice & la bonté d'Aristides, & la douceur & debonaireté de Cimō, rendoient le gouuernement des Atheniens agreable & desirable aux autres peuples Grecs : l'auarice, arrogance & fierté de Pausanias, le faisoient encore plus souhaittable, pource qu'il ne parloit iamais aux autres capitaines des peuples alliez & cōfederez que ce ne fust tousiours en courroux, & les rabrouoit austerement : & quant aux particuliers soudards pour les moindres fautes il les faisoit fouetter outrageusement, ou bien demourer tout le long d'un iour debout, aians une ancre de fer pesante sur leurs espaules. Il n'y auoit personne qui oſast aller au fourrage, ny prendre de la paille ou de la ionchee à faire paillasses, ne qui oſast mener boire ses cheuaulx deuant les Spartiates : car il auoit ordonné des gardes pour cela, qui rechassoient à coups de

Aristides.

fouet ceulx qui sortoient deuant eulx. Et un iour qu'Aristides luy en cuida dire & remonstrier quelque chose, il froncea son uisage, & luy respôdit qu'il n'auoit pas loisir de parler à luy, ne le uoulant point ouir. A l'occasion dequoy les capitaines des autres Grecs, mesmemét ceulx de Chio, de Samos & de Lesbos, depuis se meirent apres Aristides, pour luy persuader qu'il entreprist la charge & l'autorité de commander aux autres peuples Grecs, & de prendre en sa sauuegarde les alliez & confederez, qui de long temps ne cherchoiét autre chose que de se soubstraire de l'obeissance des Lacedæmoniens, & se soubmettre aux Atheniens. Aristides leur feit respôse, que nō seulement ilz auoiēt raison de faire ce qu'ilz disoient, mais qu'ilz y estoient totalement contraints: mais toutefois que pour donner aux Atheniens occasion de s'asseurer de leur foy & loyauté, il estoit besoing qu'ilz feissent quelque cas notable à l'encontre des Lacedæmoniens, pour lequel leurs peuples n'ozassent plus desormais se departir d'avec les Atheniens. Quoy entédans Vliades Samien & Autagoras de Chio, tous deux capitaines de galeres coniuerez ensemble, allerent un iour inuestir l'un d'un costé, l'autre de l'autre, la galere capitaineſſe de Pausanias assez pres de Constantinople, ainsi qu'elle uoguoit deuât toute la flotte. Ce que uoiant Pausanias se leua incōtinent en cholere, & les menassa que dedans peu de iours il leur feroit cognoistre, qu'il eust mieulx ualu pour eulx qu'ilz eussent assailly leur propre païs, que de luy auoir ainsi couru sus: mais ilz luy respondirent, qu'il se retirast habillement s'il estoit sage, & qu'il remerciaſt hardiement la fortune, laquelle auoit uoulu que soubz sa conduitte les Grecs emportassent la uictoire en la iournee de Plātæes, & qu'il n'y auoit eu autre chose que la reuerce d'icelle, qui eust iusques là retenu les Grecs & engardé de luy faire payer la peine que son orgueil & son arrogāce meritoient. La fin fut, qu'ilz se departirent d'avec les Lacedæmoniens, & se rengèrent deuers les Atheniens. En quoy se peult clairement ueoir & cognoistre une grādeur de courage, & magnanimité admirable des Lacedæmoniens: car quand ilz s'apperceurent que leurs capitaines se gastoient & se corrumpoiēt pour la trop grande autorité & licence qu'ilz auoient, ilz quitterent uoluntaiement la superiorité qu'ilz auoient dessus les autres Grecs, & cesserent d'enuoier de leurs capitaines pour auoir la superintendence sur toute l'armee des Grecs, aimans trop mieulx que leurs citoiens fussent obeissans, & qu'ilz obseruassent de poinct en poinct la discipline & les ordonnances de leur païs, que qu'ilz eussent eulx la presidence & superiorité sur toute la Grece. Or contribuoiēt bien les uilles & peuples de la Grece quelque somme d'argent, pour fournir aux frais de la guerre cōtre les Barbares, des le temps mesmes que les Lacedæmoniens auoiēt la superiorité: mais depuis qu'elle leur eut esté ostee, les Grecs uoulurēt qu'il se feist une taille, par laquelle chascune uille fust raisonnablement cottizee selon ses facultez, à fin qu'on sceust combien chascun deuroit payer: & pour cest effect demanderent Aristides aux Atheniēs, auquel ilz dōnerent pouuoir & mandement de cottiser & taxer egalemt chascune uille, eu esgard à la grādeur de son territoire, & au reuenu d'icelle selō qu'elle pourroit & deuroit raisonnablement porter. Mais si Aristides estoit pauvre quand il entra en ceste charge & autorité si grande, que par maniere de dire, la Grece se soubmettoit toute à sa discretion, il en sortit encore plus pauvre, & feit ceste taxe & affiette de taille, non seulement iustement & nettemét, mais d'auantage si æquitablenēt selon la portee de chascun, qu'il n'y eut person-

A ne qui en demourast malcontent. Et tout ainsi que les anciens ont celebré & chanté la felicité de ceulx qui uescurent soubz le regne de Saturne, qu'ilz ont appelé l'aage doré, aussi feirent depuis les peuples alliez & confederez des Atheniens la taxe qui lors fut faite par Aristides, en la nommant le bon & heureux temps de la Grece, mesmement quand peu de temps apres elle doubla, & puis tripla tout soudain: car la taxe que feit Aristides mōta enuiron * quatre cents soixante talents: & Pericles l'augmēta presque d'une tierce partie, pour ce que Thucydides escrit, que au commencement de la guerre Peloponnesiaque les Atheniēs leuoient bien * six cents talents par chascun an sur leurs alliez: & apres la mort de Pericles, les hargneurs & entremetteurs du gouuernement de la chose publique, la haulserent petit à petit, iusques à la faire monter à la somme de * treze cents talents, non tant pour ce que celle guerre fust ainsi de grande despenſe, à cause de sa longueur, & des pertes que les Atheniens y eussent receuës, que pour autant qu'ilz accoustumerent le peuple à faire faire des distributiōs d'argent manuel à chascun citoien, à faire iouer des ieux, & à faire faire de belles images, & edifier des temples magnifiques. Ainsi donques estoit Aristides à bon droit honoré, loué, & estimé de tout le monde, pour ceste iuste imposition de taille, excepté de Themistocles, lequel s'en moquoit, & alloit disant, que ce n'estoit point une louāge propre à un homme de bien, ains plus tost à un coffre biē ferré, là ou lon peult mettre de l'argent seurement: ce qu'il disoit pour auoir sa reuēche, mais si ne le picquoit il pas si aigremēt, comme Aristides l'auoit picqué ouuertement & au uif, quand un iour en deuisant Themistocles luy dit, qu'il estimoit la plus grande partie, & plus excellente uertu que ſcauroit auoir un capitaine, estre, ſcauoir bien descourir & preueoir les cōseils & les entreprises des ennemis. Cela, respōdit Aristides, est bien necessaire, mais aussi est-ce chose honeste, & ueritablement digne d'un gouverneur & chef d'armee, d'auoir les mains nettes, & ne se laisser point corrompre par argent. Aristides donques feit iurer aux autres peuples Grecs qu'ilz obserueroient de poinct en poinct les articles de l'alliance, & luy mesme comme capitaine general les iura au nom des Atheniens, & en prononceant les execratiōs & maledictiōs à l'encōtre de ceulx qui faulseroient leur sermēt, feit ietter des masses de fer ardēt dedans la mer, comme priant aux Dieux que ainsi fussent esteincts & exterminiez ceulx qui uioleroient leur foy: toutefois depuis quād les affaires contraignirent, à mon aduis, ceulx d'Athenes de retenir un peu uiolentement leur domination, il dit aux Atheniēs qu'ilz reietrasſent toutes les execrations & maledictions sur luy, & que au demourant ilz ne laissassent point pour crainte d'icelles de faire les choses ainsi qu'ilz uerroient leur estre expedient. Brief Theophrastus escrit, que c'estoit un personnage parfaitement droit & iuste es choses priuees d'homme à hōme, mais au gouuernement des affaires publiques, qu'il faisoit beaucoup de choses selon l'exigence des temps, & selon les occurrences de sa uille, laquelle bien souuent auoit besoing de grande uiolence & de grande iniustice, cōme quand on meit en deliberation du conseil, à ſcauoir, si lon deuoit enleuer l'or & l'argent, qui estoit en depost & espargne dedans l'isle de Delos au temple d'Apollo, pour suruenir aux affaires de la guerre contre les Barbares, & le transporter de là à Athenes, suyuant ce que les Samiens auoient mis en auant, combien que ce fust directement contre les articles du traitté d'alliance faite & iuree entre tous les Grecs, quand on en demanda l'opinion à Aristides, il respondit, qu'il

* Deux cētſ soixante & seize mille escus.

* Trois cētſ soixante mille escus.

* Sept centſ quatrevingts mille escus.

Aristides.

n'estoit pas iuste, mais qu'il estoit profitable: ce neantmoins apres auoir mis en son pais, & donné à sa uille la superiorité de commander à tant de milliers d'hommes, encore demoura il tousiours en sa pauureté accoustumee, & aima tousiours iusques à son trespas autant la louange & la gloire qui luy uenoit de sa pauureté, cōme des uiétoires & trophées qu'il auoit gaignez: ce que lon peut iuger & cognoistre par cest argument. Callias le portetorche de Ceres, estoit son proche parent, lequel fut mis en iustice, par quelques siens malueuillans qui le chargerent de cas & crimes capitaux: & quād uint le iour auquel la cause deuoit estre plaidee, ilz deduisirent assez froidement & assez legerement les autres crimes dont ilz l'accusoient: mais en extrauaguant hors de leurs matiere principale, ilz parlerēt en ceste maniere aux iuges: Messieurs uous cognois-
sez tous Aristides le filz de Lyfimachus, & sçauiez comme pour sa uertu, il est
autant estimé entre tous les Grecs qu'homme uiuant le sçauoit estre. Cōment
estimez uous qu'il uiue en sa maison, ueu que uous le uoyez sortir en public, &
aller par la uille avec une pauvre robbe toute rompue & usee? N'est il pas uray
semblable, que celuy que nous uoions en public trembler de froit pour estre
si mal uestu, endure grande faim en son priué, & qu'il a grande necessité de
toutes choses requises à la uie de l'homme? & neantmoins cestuy Callias, qui
est son propre cousin germain, & le plus riche & opulēt de tous les bourgeois
d'Athenes, est si malheureux qu'il le laisse luy, sa femme, & ses enfans, en ceste
necessité, combien qu'il luy ait souuent fait plusieurs grands plaisirs, par le
moien du credit qu'il a enuers uous. Callias uoiāt que ses iuges s'esmouuoient
& s'agrissoient plus contre luy pour cela, qu'ilz n'auoient fait pour tout le de-
mourant, feit appeller Aristides en iugement, & le somma de porter tesmoi-
gnage de uerité, sil ne luy auoit pas par plusieurs fois présenté bonne somme
d'argent, & prié de le prédre, ce qu'il n'auoit iamais uoulu faire: ains luy auoit
tousiours respondu, qu'il se pouuoit mieulx & à meilleur droit uanter de sa
pauureté, que luy ne faisoit de sa richesse: & que lon trouuoit assez de gens qui
usoient les uns bien, les autres mal de leur richesse, mais qu'il n'estoit pas aisé
d'en trouuer un seul, qui portast uertueusement & magnanimement la pau-
ureté: & qu'il n'y auoit que ceulx qui estoient pauvres malgré eulx qui deussent
auoir honte de l'estre. Aristides tesmoigna que la uerité estoit telle, comme il
disoit: & n'y eut pas un des assistans à ce plaidoyer, qui ne s'en allast avec ceste
opiniō, & ceste uolunté, qu'il eust mieulx aimé estre pauvre, comme Aristi-
des, que riche comme Callias. Ainsi l'a escrit Eschines le philosophe Socra-
tique: & Platon luy defere tant, que de tous ceulx qui ont esté beaucoup esti-
mez & renommez à Athenes, il ne fait compte que de luy seul: car les autres,
dit-il, comme Themistocles, Cimon, & Pericles, ont bien emply & embelly la
uille de portiques d'edifices d'or & d'argent, & autres telles superfluitez & cu-
riositez: mais Aristides est celuy seul, qui a dirigé tous ses cōseils à la uertu au
faict du gouuernement de la chose publique. On peult aussi euidentement co-
gnoistre la grande bōté & equité qui estoit en luy par ses deportemens enuers
Themistocles: car cōbiē qu'il luy eust tousiours esté ennemy & aduersaire en
toutes choses, & qu'à sa poursuite & par ses menees il eust esté bāny d'Athe-
nes, neantmoins il ne s'en uoulut point res sentir lors qu'il en eut l'occasiō & le
moien, estant Themistocles accusé enuers le peuple de lèse maiesté, & pour-
suiuy asprement par Cimon, Alcmaon & plusieurs autres siens malueuillans:
car Aristides ne feit ny ne dit alors chose quelcōque à son preiudice, ny à son
desauantage,

A. desauantage : & ne se resiouit point de uoir son ennemy en aduersité, non plus qu'il ne luy auoit onques porté enuie en sa prosperité. Quant à son trespas, les uns disent qu'il mourut au royaume de Pont, là où il auoit esté enuoyé pour les affaires de la chose publique: les autres tiennent, qu'il mourut de uieillesse en la uille d'Athenes, grandement honoré, aimé, & estimé de tous ses citoyens. Mais Craterus le Macedonien escrit de sa mort en ceste sorte. Apres que Themistocles, dit il, s'en fut enfouy, le peuple d'Athenes en estant deuenu fier & insolent, fut cause de faire sourdre un grand nombre de calumniateurs qui se meirent à charger & accuser faulxement les premiers hommes & principaulx personages de la uille, & à leur procurer l'enuie & malueillance du commun populaire, qui s'en orgueillissoit pour la prosperité de ses affaires, & pour l'augmentation de sa puissance: entre lesquelz Aristides fut attraint de concussion & maleuersation au gouuernement de la chose publique, à la poursuite d'un nommé Diophantus natif du bourg d'Amphitrope, qui le chargea d'auoir pris argét des Ioniens, en leuant le tribut qu'ilz payoient annuellement: & dit, que pour n'auoir peu payer l'amende en laquelle il fut cōdemné, qui estoit de cinq cents escus, il fut contrainct d'abandonner la uille d'Athenes, & qu'il s'en alla en Ionie, là où il mourut. Toutefois ce Craterus n'allegue pas un tesmoignage, ny pas un argument pour uerifier son dire, ny le plaider, ny la sentence de cōdemnation, ny decret aucun touchant ce faict,

C. combien qu'il ait accoustumé de recueillir diligemment ailleurs tout cela, & d'alleguer tousiours ses auteurs. Qui plus est, tous les autres qui ont mis par escript, & fait un recueil des fautes que le peuple Athenien a laschemēt commises autresfois contre ses capitaines & gouuerneurs, alleguent bien l'exil de Themistocles, la captiuité de Miltiades qui mourut en prison, l'amende en laquelle fut cōdemné Pericles, la mort de Paches, qui se tua luy mesmes dedans la tribune aux harengues, quand il se ueit condéné: & amassent beaucoup de telles histoires, aux quelles ilz adiouxrent le bannissement d'Aristides, mais ilz ne font mention quelconque de ceste condénation que dit Craterus. D'auantage lon monstre encore auiourdhuy la sepulture d'Aristides sur le port de Phalerus, qui luy fut faite aux despens de la chose publique, cōme lon dit, pource qu'il deceda si pauvre, que lon ne trouua pas chez luy de quoy le faire inhumer: & si dit on encore plus, que par decret du peuple ses filles furent mariees aux despens du public, & eurent chascune en mariage * trois mille drachmes d'argent: & qu'à son filz Lysimachus furent dōnees * cent mines d'argent, & cent arpens de terre, & luy ordōna lon * quatre drachmes d'argét par iour de prouisiō ordinaire, à la poursuite d'Alcibiades, qui en meit le decret en auāt. Et oultre tout cela, cestuy Lysimachus laissa une seule fille nommee Polycrite, à laquelle le peuple ordonna, comme tesmoigne Callisthenes, toute telle prouision pour uiure, que l'auoient ceulx qui emportoient le pris esieux Olympiques. Et puis Demetrius le Phalerien, Hieronymus le Rodié, Aristoxenus le musicien, & Aristote le philosophe, au moins si le traitté que lō treuve intitulé, De la noblesse, est ueritablemēt des œures d'Aristote: tous ensemble tesmoignent qu'une Myrto fille de la fille d'Aristides, fut mariee au sage Socrates, qui la prit en mariage (cōbien qu'il en eust une autre espousee) pourautāt qu'elle estoit uesue, & ne trouuoit pas à qui se remarier pour sa pauureté, & auoit beaucoup affaire à uiure: toutefois Panetius leur respōd, & cōtredit assez, en ce qu'il a escrit de la uie de Socrates: mais Demetrius Phalerien

E. escrit

* Ce sont enuiron
trois cēt escus.

* Mille escus.

* Treize folz &
quatre.

Aristides.

escrit au liure qu'il a intitulé Socrates, qu'il auoit bonne souuenance d'auoir F
ueu un Lyfimachus, filz du filz ou de la fille d'Aristides, qui estoit fort pauvre,
& uiuoit de ce qu'il pouuoit gagner à interpreter des songes par certaines ta-
bles, ou estoit escrite l'art d'exposer les significances des songes, & se tenoit or-
dinairement aupres du temple de Bacchus, que lon appelle Iacchion, auquel
ensemble à sa mere, & à sa sœur, il dit auoir fait ordonner par le peuple pour
leur aider à uiure, à chascū* un triobole par iour. Il est bien certain que ce mes-
me Demetrius Phalerien, en reformant l'estat d'Athenes, ordonna qu'à la me-
re & à la fille seroit donné du public par chascun iour * une drachme d'argēt,
& ne doit on point trouuer nouveau que le peuple d'Athenes ait eu si grand
soing d'exercer charité enuers ces femmes là qui estoient resseantes en la uille, G
attendu que autrefois estant aduertty comme une petite fille d'Aristogiton es-
toit en l'isle de Lemnos en bié pauvre & petit estat, & que pour sa pauuereté el-
le ne pouuoit pas trouuer mary, il la feit uenir à Athenes & la maria en l'une
des plus nobles maisons de la uille, & si luy donna pour douaire une posses-
sion au bourg de Potamos. Ceste uille a tousiours fait par le passé, & fait encore de
present iusques à nostre temps de grands actes de bonté & d'humanité, pour
lesquelz elle est à bon droit grandement louee, prisee, & honoree de chascun.

* Environ
vingt de-
niers tour-
nois.
* Trois sols
& quatre.

Marcus Cato le Censeur.



Arcus Cato & ses ancestres estoient, comme lon dit, H
de la uille de Thuscum: mais auant qu'il allast à la
guerre, & qu'il sentremest des affaires de la chose
publique, il se tenoit & uiuoit en quelques terres &
possessions que son pere luy auoit laissees au pais des
Sabins. Et combien qu'il semblast à plusieurs que ses
predecesseurs eussent esté totalemēt incogneuz, tou-
tefois luy mesme l'ouë haultemēt son pere qui se no-
moit Marcus, comme luy, disant qu'il auoit esté uail- I
lant homme, & homme de guerre: & fait aussi mention d'un autre Caton son
bisayeul, qui pour ses uailances auoit souuent eu de ses capitaines les dons
& pris d'honneur que les Romains ont accoustumé de donner à ceulx qui ont
fait quelque acte de prouesse notable en une bataille, & qu'ayant perdu cinq
cheualx de seruice en la guerre, la ualeur luy en fut rendue en argēt des cof-
fres de la chose publique, pource qu'il s'estoit porté en homme de bien. Et cō-
me la coustume de parler à Rome fust, qu'ilz appelloient hommes nouveaux
ceulx qui n'estoient point nobles de race, ains comenceoient à s'ennoblir eulx
mesmes, & à se faire cognoistre par leur uertu, on appelloit Caton pour ceste
cause homme neuf: & quant à luy il confessoit bien estre uoirement homme K
neuf quant aux honneurs, offices & estats de la chose publique, mais quant
aux beaux faicts & bons seruices de ses predecesseurs, il maintenoit qu'il estoit
tres ancien. Il s'appelloit au commencement en son tiers nom Priscus: mais
depuis, à raison de son grand sens & de sa suffisance, il fut surnommé Caton,
pource que les Romains appellēt un homme sage, & qui a beaucoup ueu, Ca-
ton. Il estoit un peu roux de uisage, & auoit les yeux pers, ainsi que donne à
entendre celuy qui composa ces uers en haine de luy apres sa mort:

A C e faulx rousseau Porcius aux yeux pers ,
 Q ui harassoit & mordoit tout le monde,
 P luto ne ueult qu'il entre en ses enfers,
 Q uoy qu'il soit mort, de peur qu'il ne luy gronde.

Au demourant, quant à la disposition de sa personne, il estoit merueilleusement fort & robuste pour sestre de son ieune aage accoustumé à trauailler de son corps, & à uiure sobremēt, comme celuy qui auoit esté nourry aux armes & à la guerre des son commencement, de maniere qu'il estoit également bien complexionné, & pour la force & pour la santé. Et quant à la parole, estimant que c'estoit un second corps & un util, non seulement honeste, mais aussi necessaire à tout homme qui ueult uiure en honneur, & manier de grands affaires, il s'exerceoit à bien parler es petites uilles & bourgs prochains de sa maison, là ou il alloit souuent plaider des causes, & defendre en iugement ceulx qui l'en requeroient, de maniere qu'en peu de temps, il se rendit premieremēt bon plaideur, & eut la parole à commandement, & par traiēt de temps se feit orateur eloquent. Depuis laquelle suffisance acquise, ceulx qui le hantoient ordinairement commēcerent apparceuoir en luy une grauité de meurs & de façons de faire, & une magnanimité digne d'estre employee au maniement de grands affaires, & de s'exercer en la lumiere d'une chose publique souveraine: car non seulement il se garda tousiours de prendre aucun salaire ne payemēt mercenaire des plaidoiers qu'il faisoit, & des causes qu'il soustenoit: mais, qui plus est, il ne faisoit pas compte de l'hōneur qui luy uenoit de tel exercice, comme si c'eust esté le but principal ou il eust pretēdu, ains desiroit beaucoup plus se faire cognoistre, & estimer par l'exercice des armes, & par uaillammēt combattre contre les ennemis: de sorte que des qu'il n'estoit encore qu'un ieune homme, il auoit desia l'estomac tout cicatricé de coups qu'il auoit receuz en diuerses batailles & rencontres contre les ennemis: car luymesme escrit, qu'il n'auoit que dixsept ans quād il alla premierement à la guerre, qui fut environ le temps des grandes prosperitez de Hānibal, lors qu'il couroit, brusloit & pilloit toute l'Italie. Or quand ce uenoit au faict de combattre, sa coustume estoit de frapper rudement, iamais ne bouger le pied, ny reculer en arriere, monstrier un uisage terrible à l'ennemy, & luy user de menasses en luy parlant d'une uoix aspre & effroyable: ce qu'il prenoit tresbien, & enseignoit sagemēt aux autres à le faire ainsi, pource que telles choses, comme il disoit, effroyent bien souuent plus les ennemis, que ne fait l'espee qu'on leur presente. En allāt par païs il cheminoit à pied, portāt luymesme ses armes, & auoit quelque seruiteur apres luy, qui luy portoit ce qui luy estoit necessaire pour son uiure, auquel, à ce que lon dit, il ne se courroucea iamais pour chose qu'il luy eust aprestee à son disner ou à son soupper, ains luy aidoit luy mesme le plus souuēt à l'apprester, quād il auoit loisir, apres auoir fait ce que le priué soudard estoit tenu de faire pour la fortification du camp ou autre affaire. Il ne beuuoit iamais estant à la guerre que de l'eau, si ce n'estoit aucunefois qu'il se trouuoit excessiuement alteré, car alors il prenoit un peu de uinaigre: ou bien qu'il se sentoit foible: car alors il beuuoit de quelque petit uin. Or estoit d'aduenture l'heritage de Marcus Curius, celuy qui gaigna par trois fois l'hōneur du triūphe, & la maison ou il festoit anciennement tenu, prochaine des terres de Caton, lequel y alloit à l'esbat bien souuēt, & uoiant le peu de terre qu'il y auoit, & comment le logis estoit petitement & pauurement basty, il pensoit en luy.

Marcus Cato.

mesme, quel personnage deuoit auoir esté celuy, qui estât le premier homme des Romains en son temps, & aiât uaincu & dompté les plus fieres & plus bel-
liqueuses nations d'Italie, & en aiant chassé dehors le Roy Pyrrhus, labou-
roit neantmoins & cultiuoit avec ses propres mains ce peu de terre, & habi-
toit en une si pauvre & si petite mestairie: en laquelle, apres ses trois triûphes,
des ambassadeurs enuoyez de la part des Samnites le allerent quelque fois ui-
siter, & le trouuerent au long de son foyer, ou il faisoit cuire des raues, & luy
presenterent de par leur communaulté une bonne quantité d'or: mais il les
renuoya avec leur or, en leur disant, que ceulx qui se contentoient d'un tel
soupper, n'auoiét que faire d'or ny d'argent: & que quât à luy, il estimoit plus
honorable, commander à ceulx qui auoient de l'or, que non pas en auoir. Ca-
ton rememorant ces choses en luy mesme, s'en retournoit chez luy, & se met-
toit derechef à reueoir tout l'estat de sa maison, ses terres, sa famille, ses serfs, sa
despense, & à retrencher toute superfluité, & à trauailler luy mesme de ses bras
plus que iamais. Au surplus, quand Fabius Maximus reprit la uille de Taren-
te, Caton y estoit soubz sa charge en fort grande ieunesse, là ou il prit familie-
re cognoissance avec Nearchus philosophe Pythagorien, lequel il auoit fort
desiré ouir deuiser & discourir de la philosophie. Si luy feit Nearchus les mes-
mes discours, que fait Platon, quand il appelle uolupté la principale amorche
& le plus grand appast de mal faire que les hommes aient, & quand il dit, que
le corps est la premiere peste de l'ame, & que sa guarison, sa deliurance, & sa
purgation, sont les discours, les remonstrances, & contemplations qui la re-
tirent le plus loing des passios & affections corporelles. Caton adonc en aima
encore d'auantage la sobriété, la temperance, & l'accoustumance, à se passer &
côntenter de peu: car au demourant, on dit qu'il se meit bien tard, & sur l'arriere
saison de son aage, à apprendre les lettres Grecques, & à lire dedans les liures
Grecs: entre lesquelz il faida un peu de Thucydides, mais beaucoup plus de
Demosthenes à former son stile, & à dresser son eloquence: à tout le moins ses
escripts & ses liures le tesmoignent, qui sont ornez & enrichiz d'opinions,
exemples, & histoires prises es liures Grecs, & trouue lon plusieurs de ses
sentences & dicts moraux, rencontres & responses aigues, qui en sont trans-
latees de mot à mot. Or y auoit il pour lors à Rome un personnage des plus
nobles de la uille, homme d'autorité, & de bon iugement pour bien cognoi-
stre les semences de uertu naissante en une ieune personne, & encore de plus
grande bonté & honesteté pour l'auancer & poulsier en auât: c'estoit Valerius
Flaccus, lequel aiant des terres ioignantes à celles de Caton, & entendant le
rapport que ses gens luy faisoient de ses meurs & de sa maniere de uiure, luy
comptans comme il labouroit luy mesme sa terre, & qu'il auoit accoustumé
de s'en aller de grand matin aux petites uilles d'alenuiron aduocasser & plai-
der pour ceulx qui s'adressoient à luy, & puis s'en retournoit en sa maison, là
ou si c'estoit en hyuer, il iettoit seulement une iacquette sur ses espauls, & si
c'estoit en esté il s'en alloit tout nud trauailler au labourage avec ses serui-
teurs & ses ouuriers, puis se seoit avec eulx à table, beuuant de mesme uin &
mangeant de mesme pain qu'eulx, & tout plein d'autres telles façons de faire,
qui monstroient une grande équité, moderation & bonté en luy, & avec ce-
la luy recitoient aussi quelques beaux dicts moraulx, & quelques graues sen-
tences qu'ilz auoient ouyes de luy. Ces choses entendues, Valerius comman-
da un iour qu'on l'alla semondre à uenir soupper avec luy, & apres l'auoir un
peu

A peu hâté, & cogneu qu'il auoit la nature gentille, honeste & ciuile, & que c'estoit comme une bone plante qui n'auoit besoing que d'estre un peu cultiuee & transplantee en meilleur & plus noble terrouer, il l'enhorta & luy persuada qu'il s'en allast à Rome, & se meist à harenguer en public deuant le peuple Romain, & se meller des affaires: ce qu'il feit, & n'y fut pas plus tost introduit qu'il fut incontinent grandement estimé, & y acquit beaucoup d'amis pour les causes qu'il defendoit, oultre ce que Valerius Flaccus le pouloit, & mettoit fort en auant par le port & la faueur qu'il luy faisoit: si bien qu'il fut premierement eleu par les uoix du peuple Tribun militaire, c'est à dire, capitaine de mille hommes de pied, & depuis Questeur: & de là en auant, estant ia fort renommé, & aiant acquis autorité & reputation grande, il fut compagnon & concurrent de Valerius Flaccus es principaulx & plus dignes offices & magistrats de la chose publique: car il fut créé Cōsul quand & luy, & depuis Censeur. Mais pour son commencement il choisit entre tous les anciens Senateurs Romains Quintus Fabius Maximus, auquel il se uoua & dedia du tout, & ce non pas tant pour son credit, encore qu'en autorité & en reputation il surmontast tous ceulx de son temps, que pour la grauité de ses meurs & de sa uie, laquelle il se proposoit comme un tresdigne mirouer & exemple à imiter: à l'occasion dequoy il ne faignit point d'entrer en picque & en querelle avec le grand Scipion, qui pour lors, encore qu'il fust ieune, contendoit avec l'autorité, puissance & dignité de Fabius Maximus, lequel sembloit porter enuie à son accroissement. Car estant Caton enuoyé Questeur & superintendât des finances avec luy quand il entreprit de passer en Afrique, & uoiant qu'il uoist de sa naturelle liberalité & magnificence accoustumee, en donnant largemēt sans rien espargner aux gens de guerre, il luy remonstra un iour franchement que ce n'estoit pas en la folle despenſe des deniers communs, que plus il greuoit & endommageoit la chose publique, mais que c'estoit en ce qu'il alteroit & corrompoit l'ancienne simplicité de leurs predecesseurs, qui uoloient que leurs soudards fussent cōtens de peu, là ou il les accoustumoit à employer aux uoluptez, delices & choses superflues & uolontaires l'argent qui leur restoit apres auoir satisfait à leurs necessitez. Scipion luy feit response qu'il ne uoloit point de tresorier qui le contrerollast ainsi, ne qui regardast de si pres à sa despenſe, pource que son intētion estoit d'aller à la guerre à pleines uoiles en maniere de parler, & qu'il uoloit & entendoit rendre compte à la chose publique des choses qu'il auroit faittes, non pas de l'argēt, qu'il auroit despendu. Caton ceste response ouye ſen retourna tout court de la Sicile à Rome, criant avec Fabius Maximus en plein Senat, qu'il faisoit une despēse infinie, & qu'il famusoit à faire iouer des farces & comœdies, & à ueoir des combats de lucteurs, comme si on l'eust enuoyé, non pour faire la guerre, mais pour faire iouer des ieux. Si feirent tant par leur crieries, que le Senat commeit & deputa quelques uns des Tribuns du peuple pour aller ueoir sur les lieux, & informer si les charges par eulx alleguees estoient ueritables, & si ainsi estoit pour le ramener & faire retourner à Rome. Mais au contraire Scipion monstra aux cōmissaires qui y furent enuoyez, la uictoire toute euidente & assuree en l'appareil & en la prouision qu'il dresseoit des choses necessaires à la guerre, & que bien faisoit il bonne chere en compagnie priuee avec ses amis quand les affaires luy en donnoient le loisir, mais que pour quelque liberalité & gracieuseté dont il usast enuers les gens de guerre, il n'en omettoit ny ne passoit en non-

Marcus Cato.

chaloir chose quelconque de son deuoir ne qui fust de consequence, ainsi s'embarqua il, & se meit à la uoile la droite route de l'Afrique, ou il alloit faire la guerre. Au demourant pour retourner à Caton, il acqueroit tous les iours de plus en plus autorité & credit par le moien de son eloquence, tellement que plusieurs l'appelloiēt le Demosthenes Romain: mais toutefois sa maniere de uiure estoit encore bien plus renommee & plus estimee, pourautant que l'eloquence & la louange de biē dire estoit desia le but ordinaire, auquel aspiroiēt & taschoient de paruenir tous les ieunes hommes Romains à l'enuy les uns des autres: mais il s'en trouuoit bien peu qui uoulussent labourer la terre avec leurs propres mains, comme faisoient leurs anciens, soupper petitement, dîner sans feu ny appareil de cuisine, ne qui se contētaissent d'une robe simple, & d'un logis tel quel, ne brief qui estimassent plus le non appeter toutes telles delices & superfluitez, que les auoir ny en user, à cause que la chose publique estoit desia si grande qu'elle ne pouuoit plus retenir son ancienne discipline, celle purité de son austerité premiere, ains pour la longue estendue de son empire, & pour le grand nombre des peuples qu'elle auoit soubz elle, estoit force qu'elle fust meslee de plusieurs differentes façons de uiure, & de diuers exemples de meurs. Au moien dequoy, ce n'estoit pas sans occasiō que lon auoit la uertu de Caton en grande admiration, quand on uoyoit les autres incontinēt recreuz & rompuz du trauail, ou bien amolliz & eneruez de delices, & luy au cōtraire inuincible de l'un & de l'autre, nō seulement durant le temps qu'il fut ieune & cōuoiteux d'hōneur, mais aussi depuis qu'il fut deuenu uieil & chenu, apres son Consulat & son triumphe, comme un bon & gentil champion de lūte, qui en aiant gaigné le pris ne se lasseroit point de continuer tousiours son exercice iusques à la fin de ses iours. Car il escrit luy mesme qu'il ne porta onques robe qui eust cousté plus de * cent drachmes d'argēt, & qu'il auoit tousiours beu, tant en son Consulat que durant le temps qu'il auoit esté chef d'armee, du mesme uin que beuuiēt les manœuures de sa maison, & que pour son soupper iamais on n'auoit achepté au marché de la viande pour plus de * trente asses de monnoye Romaine: encore dit il que c'estoit à fin qu'il eust le corps plus fort & plus dispos pour pouoir mieulx seruir à la chose publique aux affaires de la guerre. Et dit d'auantage, qu'ayant quelquefois eū de la succession de l'un de ses amis, qui l'auoit fait son heritier, une piece de tapisserie de haulte lice, que lon apportoit lors de Babylone, il la feit incōtinent uēdre: & que de toutes les maisons qu'il auoit aux champs, il n'y en auoit pas une dont les murailles fussent crespies ny enduittes: & oultre, qu'il n'achepta onques serf plus cher que mille cinq cents drachmes, qui ualent enuiron cēt cinquante escus, comme celuy qui ne cherchoit pas des serfs delicats, ny de ceulx que lon achapte pour leur beaulté, mais des forts & robustes pour pouoir porter le trauail, cōme des chartiers, palefreniers, & des bouuiers, encore uouloit il qu'on les uendist quand ilz deuenoient uieux, à fin que lon ne les nourrist point inutiles. Brief, il disoit que lon n'auoit iamais bon marché d'une chose dont on se pouuoit bien passer, & qu'une chose dont on n'auoit que faire, encore qu'elle ne constast qu'un liard, que c'estoit tousiours beaucoup & trop l'achepter. Il uouloit que lon acquist des heritages & maisons ou il y eust plus à semer & à pasturer, que non pas à balier & à arroufer: mais quant à cela, aucuns disoient qu'il le faisoit par chicheté & par auarice: les autres le prenoient en autre sens, & disoient qu'il se retiroit & se ref-

* Dix escus.

* Enuiron dix
solz tournois.

ferroit

- A** ferroit ainsi estroittement, pour inciter les autres par son exemple à retrencher leur superfluité en despense. Toutefois de uendre ainsi les serfs ou les chasser de la maison apres qu'ilz sont enuieilliz en uostre seruice, ne plus ne moins que si c'estoient bestes mues, quand on en a tiré le seruice de toute leur uie, il me semble que cela procede d'une par trop rude & trop dure austerité de nature, & qui pense que d'homme à homme il n'y ait point de plus grande societé qui les oblige reciproquement, que de tant qu'ilz peuuent tirer profit & utilité l'un de l'autre: & tourefois nous uoions que bonté s'estend bien plus loing que ne fait iustice, par ce que nature nous enseigne à user d'équité & de iustice enuers les hommes seulement, & de grace & de benignité quelquefois iusques aux bestes brutes: ce qui procede de la fontaine de douceur & d'humanité, laquelle ne doit iamais tarir en l'homme. Car à la uerité nourrir les cheuaux usez & rompus de trauail en nostre seruice, & non seulement nourrir les chiens quand ilz sont petits, mais aussi les alimenter & en auoir soing encore quand ilz sont enuieillis avec nous, sont offices conuenables à une nature charitable & debonnaire. Comme le peuple d'Athenes uoulut & ordonna du temps que lon bastissoit le temple appellé Hecatompodon, qu'on laissast aller francs & libres les mules & mulets, qui auoient longuement trauaillé à l'acheuement de celle fabrique, & qu'on les souffrist paistre, sans leur faire empeschement; là ou ilz pourroient: & dit on qu'il y eut une mule de celles
- C** qui auoient ainsi esté deliurees, qui d'elle mesme se uint presenter au trauail, en se mettant au deuant des autres bestes de uoiture, qui trainnoient les chariots chargez uers le chasteau, en marchant quand & elles, cōme si elle les eust uolu inciter & encourager à tirer: ce que le peuple prit tāt à gré, qu'il ordonna qu'elle seroit nourrie aux despens de la chose publique, tant qu'elle uiuroit: & uoit on encore les sepultures des iuments de Cimon, avec lesquelles il gaigna par trois fois le pris de la course es ieux Olympiques, & sont lesdittes sepultures tout ioignant celle de Cimō. Aussi treuve lon plusieurs qui ont inhumé des chiens qui auoient esté nourris avec eulx, ou qui leur auoiēt tousiours fait compagnie, comme entre les autres, l'ancien Xanrippus enterra son chiē sur un chef en la coste de la mer, que lon appelle encore auiourdhuy le chef de la sepulture du chien, pource que quand le peuple d'Athenes à la uenue des Perses abandonna la uille, ce chien suiuit tousiours son maistre, nageant en mer coste à coste de sa galere, depuis la coste de terre ferme, iusques en l'isle de Salamine: car il n'est pas raisonnable d'user des choses qui ont uie & sentimēt, tout ainsi que nous feriōs d'un foulier, ou de quelque autre utensile, en les iettāt apres qu'elles sont toutes usees & rompues de nous auoir seruis, ains quād ce ne seroit pour autre cause, que pour nous diure & exerciter tousiours à humanité, il nous fault accoustumer à estre doulx & charitables, iusques à telz petits & menus offices de bonté. Et quant à moy, ie n'aurois iamais le cueur
- D** de uendre le bœuf qui auroit longuement labouré ma terre, pource qu'il ne pourroit plus trauailler à cause de sa uieillesse, & encore moins un esclau en le chassant, comme de son país du lieu ou il auroit long temps esté nourry, & de la maniere de uiure qu'il auroit de longue main accoustumee pour un petit d'argent que i'en pourrois retirer en le uendant, lors qu'il seroit autant inutile à ceulx qui l'achepteroient, comme à celuy qui le uendrait. Mais Caton au contraire faisant gloire, dit, qu'il laissa en Hespagne le cheual, duquel il festoit seruy à la guerre, durāt son Consulat, pour espargner à la chose publi-
- E**

Marcus Cato.

que l'argent qu'il eust cousté à le ramener par mer en Italie. Or si cela se doit F
attribuer à une magnanimité, ou bien à une chicheté, on en pourroit alleguer
des raisons apparentes d'une part & d'autre: mais au demourant, c'estoit uerita-
blement un personnage d'abstinéce merueilleusement admirable: car estât
chef d'armée, il ne prit iamais du public plus de trois minots de froment par
mois, pour la nourriture de luy & de sa famille, ny pl⁹ de minot & demy d'or-
ge par iour, pour la nourriture de ses cheuaux & autres bestes de uoiture. Le
gouuernement de l'isle de Sardagne luy escheut une fois par le sort estât Pré-
teur, & au lieu que les autres Préteurs auant luy mettoient le païs en grands
frais, à leur fournir des têtes & pauillôs, de liëts, de robbes, & autres meubles,
& chargeoient les habitans d'une grande suite de seruiteurs, & grâd nombre G
de leurs amis qu'ilz trainnoient tousiours quâd & eulx, & d'une grosse despê-
se qu'ilz faisoient ordinairement en banquets & festoyemens: luy au contrai-
re y feit un changement de superfluité excessiue en simplicité incroyable, car
il ne leur feit pas couster pour luy un tout seul denier, pource qu'il alloit fai-
sant sa uisitation par les uilles à pied sans monture quelconque, & le suyoit
seulemēt un officier de la chose publique, qui luy portoit une robe & un ua-
se à offrir du uin aux Dieux es sacrifices. Mais comme il se mōstroit ainsi sim-
ple & facile aux subiects en telles choses, aussi leur faisoit il d'autre costé bien
sentir sa grauité & son austerité es choses qui concernoient le faict de la ius-
tice, là ou il ne pardonnoit à personne, & es ordonnances & commandemēs, H
qu'il leur faisoit au nom de la chose publique: car là il y estoit si seuer & si as-
pre, qu'il ne uouloit pas que lon y faillist d'un seul poinct, tellemēt que l'Em-
pire Romain ne fut iamais ne plus aimable ne plus redoubtable aux habitâs
de la Sardagne qu'il fut sous son gouuernement. Ce que son stile mesme &
sa maniere d'escrire & de parler nous represente euidentement: car elle est plai-
sante, & neantmoins graue, douce & espouuentable, guaye & austere, sen-
tentieuse, & toutefois familiere, telle qu'il fault à disputer: ne plus ne moins
que Platon dit, que Socrates à l'aborder sembloit de prime face homme igno-
rant & grossier à ceulx qui n'en cognoissoient que le dehors, ou moqueur &
picquant en paroles: mais quand on le uenoit à sonder iusques au fond & pe- I
netrer au dedans, on le trouuoit plein de graues sentences, de raisons, remon-
strances & discours, qui ataignoient si bien les cœurs au uif, qu'elles faisoiet
uenir les larmes aux yeux des escoutans, & tournoient les hommes en tel sens
comme il uoloit. Pourtant ne puis-je entendre, quelle raison meut ceulx qui
tienēt que le stile de Catō ressemble à celui de Lysias: toutefois laissons en fai-
re le iugement à ceulx qui font profession de discerner les diuers genres d'ora-
teurs, & les differentes formes de stile: car quant à moy ie me cōtenteray pour
le present, de mettre par escript seulement quelques uns de ses beaux dicts &
sentences notables, pource que ie suis d'opinion que les meurs des hommes se
descourent beaucoup mieulx par les paroles, que non pas par les traicts du K
uifage, comme plusieurs estiment. Vn iour donques qu'il taschoit à destour-
ner le peuple Romain, lequel uoloit à toute force que lō feist, hors de saison,
une distribution gratuite de bled à chasque citoiën de Rome, il commença
sa harengue par une telle preface: Il est bien difficile, Seigneurs Romains, de
reduire à la raison par remonstrances un uentre qui n'a point d'aureilles. Et
une autrefois en blasmant la mauuaise police, qui lors estoit à Rome, il dit,
qu'il estoit malaisé preseruer de ruine une cité, en laquelle un poisson se uen-
doit

A doit plus qu'un bœuf. Il disoit aussi, que les Romains ressembloient un troupeau de moutons : car tout ainsi que chascun mouton à part n'obeit pas au berger, mais quād ilz sont ensemble, alors ilz suyuent tous, l'un pour l'amour de l'autre, ceulx qui uont deuant: aussi, disoit il, quand uous estes tous ensemble, uous uous laissez mener par le nez à telz, de qui chascun de uous à part ne uoudroit pas prendre le conseil en ses priuez affaires. Et une autrefois en deuisant de la puissance q̄ les Dames Romaines auoient sur leurs marits: Les autres hommes, dit il, commandent à leurs femmes, & nous à tout le demourant des hommes, & noz femmes nous commandent. Mais ce dernier est emprunté & translaté des dictz aigus de Themistocles, lequel comme son filz luy feist faire beaucoup de choses par le moien de sa mere, dit un iour à sa femme: Les Atheniens commandent au demourant des Grecs, moy aux Atheniens, toy à moy, & ton filz à toy: pourtant admoneste le, qu'il use un peu plus modereement & plus rescrueement de la licence qu'on luy permet, par le moien de laquelle il a tout estourdy & fol qu'il est, plus de puissance & d'autorité que nul autre des Grecs. Il disoit aussi, que le peuple Romain ne mettoit pas seulement le pris & la ualeur aux diuerses sortes de pourpre, mais aussi aux estudes & aux exercices de la ieunesse : Car tout ainsi, disoit il, que les teinturiers teignent le plus souuent la couleur qu'ilz uoient estre la plus requise, & qui plus uniuersellement plaist aux yeux des hommes: aussi les ieunes gens Romains mettēt peine d'apprendre, & s'adonnēt aux estats, uacations & exercices à qui plus uous dōnez de louange, & que plus uous honorez. Il admonestoit ordinairement les Romains, que si par uertu & par temperance ilz estoient deuenuz ainsi grands & puissans, ilz ne se muassent point en pis: ou s'ilz s'estoient faits grands par uice, & par intemperance, qu'ilz se changeassent en mieulx, pource que par ces moiens là ilz seroient ia deuenuz assez grāds. Il disoit aussi, que ceulx qui briguoient ambitieusement & souuent les estats & offices de la chose publique sembloient auoir peur de faillir leur chemin, & pour ceste cause qu'ilz uoloient tousiours auoir des huissiers & des massiers deuant eulx pour les conduire, de peur qu'ilz ne s'esgarassent par la uille. Il reprenoit aussi ceulx qui elisoient plusieurs fois de mesmes personnes à mesmes magistrats: Car il semble, dit il, ou que uous n'estimez pas beaucoup uoz magistrats, ou que uous n'avez pas beaucoup d'hōmes que uous iugiez dignes de les administrer. Il y auoit un de ses ennemis qui menoit une meschāte, malheureuse & honteuse uie, duquel il souloit dire, que quand sa mere prie aux Dieux, qu'ilz le laissent sur la terre, elle ne cuide pas prier, mais maudire : comme uoulant dire, que c'estoit une peste au monde. Et d'un autre qui auoit uendu les terres & heritages que son pere luy auoit laissez, estans au long de la marine, en le monstrant au doigt, il faisoit semblant de s'esbahir comment il estoit si puissant homme, qu'il auoit plus de force que n'auoit la mer: car ce que la mer ua minant petit à petit en long temps, & à grand peine, luy l'a auallé tout à un coup. Vne autrefois que le Roy Eumenes estoit uenu à Rome, le Senat luy feist un recueille merueilleux, & se perforçoient tous les plus gros personnages de la uille à le caresser & honorer à l'enuy l'un de l'autre : mais Caton au contraire monstroie euidentement qu'il auoit toutes ces caresses pour suspectes, & se gardoit de le hanter: & comme quelcun de ses familiers luy dit, le m'esmerueille bien comme uous fuyez ainsi la frequentation du Roy Eumenes, ueu que c'est un si bon prince, & qui tant ueult de bien aux Romains: le ueux bien, respondit

Marcus Cato.

il, qu'il soit ainsi: mais comment qu'il en aille, un Roy est tousiours de sa nature une beste rauissante, & qui uit de proye: & si n'y eut onques Roy, tant fust il loué & estimé, qui meritaist d'estre comparé à un Epaminondas, un Pericles, un Themistocles, ny à un Marcus Curius, ou à un Amilcar surnommé Barca. Il disoit aussi que ses ennemis luy portoient enuie, pource que ordinairement, il se leuoit la nuit avant le iour, & oublioit ses particuliers affaires pour uacquer aux publiques. Et affermoit qu'il aimoit mieulx estre priué de la recompense d'un bienfaict, que non puny d'un mesfaict: & qu'il pardonnoit à tous autres qui failloient par erreur, excepté à soy mesmes. Vn iour comme le peuple eust eleu & depute trois ambassadeurs pour enuoyer au royaume de Bythinie, dont l'un auoit les pieds tous gastez de gouttes, l'autre la teste toute pleine de trous & de fosses, pour les coups qu'il y auoit euz, & le tiers estoit tenu pour fol, Caton en se riant se prit à dire, que lon enuoyoit une ambassade, qui n'auoit ne piedz, ny teste, ny cuer*. Scipion le pria une fois en faueur de Polybius pour les bannits du pais d'Achaïe: la matiere fut mise en deliberation du Senat, là ou il y eut grande dispute & grande diuersité d'opinions entre les Senateurs, pource que les uns uouloient qu'ilz fussent restituez en leurs maisons & en leurs biens, les autres l'empeschoient: & Caton se dressant en pieds leur dit, Il semble q nous n'aions autre chose à pèser ny à faire, ueu que nous nous amusons tout un iour à disputer & contester, à sçauoir si ces uieillards Grecs icy seront portez en terre par les fossoyeurs & porteurs de Rome, ou bien par ceulx d'Achaïe. Si fut à la fin conclu & arresté qu'ilz seroient remis & restituez en leur pais: mais quelques iours apres Polybius uoulut derechef presenter requeste au Senat, tendant à ce que ces bannits restituez par ordonnance du Senat eussent les mesmes estats & honneurs en Achaïe qu'ilz y auoient quand ilz en furent dechassez, mais auant que le faire, il uoulut premierement sonder ce qu'il en sembloit à Caton: le quel luy respondit en riant, Il me semble Polybius que tu fais comme Vlysses, qui estat une fois eschappé de la cauerne du geât Cyclops, y uolut retourner pour aller querir son chapeau & sa ceinture qu'il y auoit oubliez. Il disoit aussi que les sages apprennent & profitent plus des folz, que ne faisoient les folz des sages: pource que les sages uoyent les fautes que font les folz, & se donnent garde d'y tumber, là ou les folz ne s'estudient point à imiter les beaux & bons actes que font les sages. Il disoit d'auantage qu'il aimoit mieulx les ieunes hommes qui rougissoient, qu'il ne faisoit ceulx qui pallissoient: & qu'il ne uouloit point de soudards qui remuassent les mains en allant par les champs, ny les pieds en combattant, ne qui rôlassent plus fort en dormant, qu'ilz ne crioient en se battant. Et un iour blasmant quelqu'un qui estoit extremement gras & replet: A quoy, dit il, pourroit estre utile à la chose publique un corps, qui depuis le menton iusques à la nature n'est rien que uentre? A un autre homme uoluptueux qui cherchoit à l'accointer, & à entrer en familiarité avec luy: Je ne sçauois, dit il, en le refusant, uiure ne conuerser avec hōme qui ait le palais & la langue plus sensible que le cuer. Il disoit aussi que l'ame d'un amoureux uiuoit en corps d'autrui: & qu'en toute sa uie il estoit repenty de trois choses. La Premiere, s'il auoit iamais dit aucune chose de secret à femme: La seconde, s'il estoit onques allé par eau là ou il eust peu aller par terre: La troisieme, s'il auoit passé un iour entier sans rien faire. Et à un uieillard de mauuaise uie, en le reprenant: uieillard, dit il, la uieillesse a de soy

*C'est à dire en-
 tendement: car
 ilz estimoient
 que le siege de
 la raison fust
 au cuer, sui-
 uant l'opinion
 d'Aristote.

A mesmes assez d'autres laideurs, n'y adiouxt point encore celle qui procede de uice. Et à un Tribū du peuple seditieux, que lon sospeçonnoit d'estre un empoisonneur, & qui taschoit à faire passer à toute force, & autoriser par le peuple un edict qui estoit inique: Le ne sçay, dit il, lequel des deux est pire, ou de boire les breuuages que tu bailles, ou de receuoir les edicts que tu suades. Vne autre fois estant iniurié par un qui auoit tousiours uescu desordonnément & meschamment: Le ne suis, dit il, pas pareil à toy en ceste façon de combattre à iniures, car tu es tout accoustumé & à dire facilement, & à souffrir aiseemēt que lon te die oultrage & uillānie, là ou quant à moy ie n'ay point accoustumé d'en ouir, ny ne prens point de plaisir à en dire. Voila quelle estoit la maniere de ses rencontres & sentences notables, au moins de celles que lon nous a laïsses par escript, par lesquelles on peult cōiecturer de quelles meurs & de quelle nature il estoit. Or apres qu'il eut esté eleu Consul avec son amy Valerius Flaccus, il luy escheut par le sort le gouuernement de l'Hespagne qui est deça la riuiera de Bētis: & comme il y faisoit la guerre, en conquerant aucuns des peuples par force d'armes, & gagnant les autres par amiable uoye, il se trouua tout à un coup surpris & enuironné d'une grande & grosse armee des Barbares, tellement qu'il estoit en grand danger d'estre honteusement pris prisonnier, ou bien tué sur le champ: parquoy il enuoya soudainement demander du secours aux Celtiberiēs, q sont uoïfins de la marche ou lors il se trouuoit. Ces Celtiberiens luy demanderent * deux cents talents, pour salaire de l'aller secourir: ce que les autres Romains qui estoient autour de luy ne pouuoïēt comporter, que lon acheptast ainsi le secours de ces Barbares: mais Caton leur respondit qu'ilz sabusoient, par ce qu'il n'y auoit en cela ny danger ny deshonneur: Car si nous gagnons la bataille, nous leur payerons ce que nous leur aurons promis des despouilles & de l'argent de noz ennemis: & si nous la perdons, eulx & nous y demourerons, tellement qu'il n'y aura plus ne qui paye, ne qui demāde à estre payé. A la fin il gagna celle bataille, mais ce fut apres l'auoir biē debattue, & depuis luy succederēt ses affaires fort heureusement: car Polybius escrit qu'à son mandement les murailles de toutes les uilles qui sont deça la riuiera de Bētis furent toutes abbattues & razees en un iour, & si y en auoit un grand nombre pleines de bons hommes de guerre. Il escrit bien luy mesme qu'il prit plus de uilles en Hespagne, qu'il n'y demoura de iours: ce qui n'est point uaine uāterie, si ce que lon en treuve par escript est ueritable, qu'il y en auoit biē quatre cents. Et combien que les soudards en ce uoyage eussent biē fait soubz luy leurs besongnes, & qu'ilz eussent beaucoup gagné: toutefois encore leur feit il departir à chascun une liure pesant d'argent, disant qu'il ualoit miculx que plusieurs retournassent en leurs maisons avec de l'argent, que peu avec de l'or: mais quant à luy, il afferme que de tout le butin qui fut gagné sur les ennemis il n'en estoit iamais riē uenu iusques à luy, sinon ce qu'il en auoit beu & mangé: non pas, dit il, que ie blasme ceulx qui taschent à s'enrichir de telles despouilles: mais pource que i'ayme miculx estriuer & combattre de la uertu avec les plus uertueux, que des richesses avec les plus riches, ny de la conuoitise d'amasser avec les plus auaricieux. Et si ne se maintenoit pas luy seul pur & net de toutes corruptions & cōcussions, ains aussi tous ses domestiques & autres qui depēdoïēt de luy. Il auoit en ce uoyage là d'Hespagne cinq de ses seruiteurs quād & luy, dont l'un, qui se nōmoit Paccus, achepta trois ieunes garçons de ceulx que lon auoit pris à la guerre,

* Six uingts mille escus.

Marcus Cato.

quand on uendit le pillage au plus offrant. Caton le sceut : dequoy le serui- F
teur eut si grande frayeur, qu'il se pendit & estrangla luy mesme, de peur de
uenir deuant la face de son maistre: & Caton feit reuédre les garçons, & en met-
tre l'argent qu'ilz auoient esté uendus, aux coffres de l'espargne publique. Au
reste, luy estant encore en Hespagne, Scipion le grád, qui estoit son ennemy,
& uouloit empescher le cours de ses prosperitez, & quand & quád aussi auoir
l'honneur de paracheuer la conqueste de toutes les Hespagnes, feit tant à Ro-
me par ses menées, que le peuple l'eleut pour aller au lieu de Cató. Si ne fut pas
plustost deputé à celle charge, qu'il se hаста à la plus grande diligence qui luy
fut possible de sy en aller, pour tant plustost faire cesser & expirer l'autorité
& la puissance de Caton : lequel, ce uoyant, prit seulement cinq enseignes de G
gens de pied, & cinq cents cheuaulx, pour l'accompagner & reconduire, avec
lesquelz toutefois en passant chemin il subiugua un peuple d'Hespagne qui se
nomme les Lacetaniens, & reprit six cents traistres qui estoient passez du
camp des Romains & allez se rédre aux ennemis, lesquelz il feit tous mourir,
dont Scipion fut fort marry, disant que Caton luy faisoit tort : mais Caton se
mocquant de luy soubz paroles couuertes, disoit que c'estoit le uray moien,
par lequel la cité de Rome deuiendroit tresgrande & tresflorissante, quand les
citoyens qui seroient descédus & extraicts d'anciéne noblesse, ne uouldroient
point souffrir que les hommes neufz & uenus de bas lieu emportassent le pris
de la uertu deuant eulx: & aussi quand ceulx qui seroient nez en petit lieu, & H
issus de race populaire, combattroient à qui seroient plus uertueux à l'encon-
tre de ceulx qui les surmonteroient en noblesse de sang & en gloire de leurs
ancestres. Toutefois arriué qu'il fut à Rome de retour, le Senat ordonna, que
rien ne seroit changé ne mué de tout ce que Caton auroit fait ou institué du-
rant le temps de son magistrat, tellement que le gouuernement que Scipion
auoit si affectueusement quis & prochassé en Hespagne, luy diminua plus sa
gloire, qu'il ne feit celle de Cató, par ce que tout son téps se passa en paix, sans
qu'il y eust matiere d'y faire exploit aucun digne de memoire. Au surplus Ca-
ton, apres auoir esté Consul, & obtenu l'hóneur du triumphe, ne feit point cō-
me beaucoup d'autres, qui ne se proposent pas la uraye uertu pour leur but, I
ains seulement l'honneur & la gloire du monde: au moien dequoy depuis
qu'ilz sont paruenuz aux supremes degrez d'honneur, comme quand ilz ont
esté Consulz, ou qu'ilz ont obtenu quelque triumphe, ilz se retirent de l'admi-
nistration des affaires de la chose publique, pour de là en auant uiure à leur
aise en delices, sans plus se uouloir entremettre de rien. Mais au contraire Ca-
ton n'abandóna iamais l'exercice de uertu, ains tout ainsi que ceulx q ne font
que commencer à uenir au monde, & qui sont par maniere de dire, affamez
d'honneur & de reputation, il recommença tout de nouueau, en prenant au-
tant ou plus de peine que iamais: & se presentant ordinairement sur la place
pour faire plaisir tant à ses amis qu'à tous autres citoyens qui auoient besoing K
de son conseil ou de sa peine, defendant leurs causes en iugement, & les accō-
pagnât en leurs charges de guerre, comme il accompagna Tiberius Sempro-
nius estat Cōsul, & fut l'un de ses lieutenâs en la cōqueste du païs de la Thra-
ce, & des prouinces uoísines de la riuere du Danube en celle marche. Et en-
core depuis il fut en la Grece en estat de Tribun militaire, ou coulónel de mil-
le hómes de pied soubz Manius Aquilius contre le Roy Antiochus, surnomé
le grand, lequel espouuenta autant les Romains, que feit onques ennemy
apres

- A** apres Hānibal: car aiant cōquis tous les royaumes & prouinces de l'Asie, qu'auoit auparauant tenues Seleucus Nicanor, & auoir dompté & reduit à son obeissance plusieurs Barbares nations fort belliqueuses, il en eut le cuer si esleué, qu'il oza bien entreprendre la guerre contre les Romains, comme contre ceulx qui seuls luy restoiēt dignes & assez puissans pour contester de l'empire à l'encontre de luy. Si prit une couleur pour ce faire, & une couuerture honeste, disant que c'estoit pour affranchir & remettre en liberté les Grecs qui n'en auoient aucun besoing, attendu qu'ilz uiuoient lors à leurs loix, aians esté nouvellement affrāchis de la seruitude du Roy Philippus & des Macedoniēs par le benefice des Romains: mais nonobstāt cela il passa de l'Asie en la Grece
- B** avec une grosse & puissante armee, & fut incontinent toute la Grece en grand branle, sollicitée par les belles promesses & grādes esperāces que leur mettoient deuant les yeux ceulx qui estoient au gouuernemēt des citez que le Roy auoit corropus & gaignez par argent. A l'occasion dequoy, Manius y enuoya des ambassadeurs par les uilles, entre lesquelz Titus Quintius Flaminius en fut l'un, qui reteint en office & garda de s'esmouuoir la plus grāde partie des peuples qui ia commenceoient à prester l'oreille à ces nouuelletez, ainsi que nous auons plus au long declaré en sa uie: mais Caton qui y fut aussi enuoyé ramena à la raison les Corinthiens, ceulx de Patras & les Ægiens, & seiourna assez longuement en la uille d'Athenes. Et y en a qui disent que lon treuve encore une siene harengue en langage Grec, qu'il prononça deuant le peuple d'Athenes à la louange des anciens Atheniens, là ou il dit, qu'il auoit eu grand plaisir de ueoir Athenes, pour la beaulté & la grandeur de la uille: mais cela est faulx, car il parla aux Atheniens par un truchement, combien qu'il eust bien peu harenguer en Grec s'il eust uoulu: mais il se cōtentoit tant des loix & coustumes de son païs, & du langage Romain, qu'il se moquoit de ceulx qui louoient & auoient en admiration le Grec, cōme il se moqua de Posthumius Albinus, lequel a escrit une histoire en langue Grecque, ou il prie les lecteurs en son prologue, que lon l'excuse s'il y a quelque imperfection au lāgage: car il eust bien meritē, disoit Caton, qu'on luy pardonnast uoirement, s'il eust esté
- D** contrainct d'escire son histoire en langage Grec par ordonnance des estats de la Grece, qui s'appelle le conseil des Amphictyons. Mais on dit que les Atheniens s'esmeruillerent grandement de la soudaineté & briefueté de son langage, pource que ce qu'il auoit dit rondement en peu de paroles, le truchement leur interpretoit & redisoit par une lōgue circuicion & grande trainnee de langage, tellemēt qu'il leur laissa & imprima ceste opinion, que le parler ne sortoit aux Grecs que des leures, & aux Romains du cuer. Or auoit le Roy Antiochus occupé les pas & destroiets des montaignes, que lon nomme les Thermopyles par ou lon entre en la Grece, & les auoit remparez tant de son armee qui estoit campee au pied de la montagne, que de murailles & de trēchées qu'il y auoit fait faire à la main, oultre les naturelles fortifications des lieux de montagne, & se reposoit sur lesdits remparemens, cuidāt bien auoir du tout arresté là, & diuertir ailleurs le fort de la guerre, aussi n'esperoient pas les Romains de les pouoir forcer de front: mais Caton rememorant en soy mesme le circuit que iadis auoient fait les Perses pour semblablement penetrer au dedans de la Grece, se partit une nuit du camp avec partie de l'armee pour essayer s'il pourroit trouuer le mesme chemin du tour que feiret les Barbares: mais ainsi qu'ilz cheminoient contremont la montagne, leur guide qui
- E**

Marcus Cato.

estoit l'un des prisonniers que lon auoit pris au païs, faillit le chemin, & les F
esgara en lieux fort aspres & fort malaisez, dont les soudards entrerēt en grād
effroy. Et lors Caton uoiant le danger auquel il les auoit mis, cōmanda à tou-
te la troupe, que lon ne bougeast de là, & que lon l'y attendist de pied coy, &
ce pendant luy seul avec un autre nommé Lucius Manlius, hōme fort dispos
de sa personne, & habile pour grauir cōtre les rochers des montagnes, se meit
en chemin avec une peine incroyable, & nō moindre danger de sa uie, mar-
chāt la nuict toute noire, q̄ la lune ne luisoit point, à trauers des Oliuiers sau-
uages, & entre des rochers haults & droits qui les gardoient de ueoir deuant
eulx, tellement qu'ilz ne sçauoient ou ilz alloient, iusques à ce qu'ilz tumberēt
en un petit sentier, lequel à leur aduis f'alloit rendre au pied de la montagne à G
l'endroit ou estoit le cāp des ennemis. Si meirēt quelques brisces & enseignes
sur les plus haultes crouppes des rochers, & que lon pouuoit choisir à l'œil de
plus loing au dessus du mont qui s'appelle Callidromus: puis cela fait, s'en re-
tournerent en arriere pour querir leurs gens, qu'ilz conduisirent uers leurs en-
seignes, tāt qu'ilz entrerēt en leur sentier, là ou ilz disposerēt leurs soudards en
ordre pour marcher: mais ilz n'eurēt pas gueres cheminé par ce chemin qu'il
auoit trouué, qu'il leur faillit tout court, pource qu'ilz rencontrerent une grā-
de fondriere, qui les meit derechef en plus grande destresse, & leur feit plus
grande frayeur que parauant, ne sachans pas qu'ilz fussent si pres de leurs en-
nemis, comme à la uerité ilz estoient. Le iour commenceoit desia un petit à H
poindre, & fut aduis à l'un de ceulx qui marchoient deuant, qu'il oyoit quel-
que bruit, & qu'il entreueoit tout au bas au pied des rochers le cāp des Grecs,
& quelques uns qui faisoient le guet: parquoy Caton feit là arrester toute la
troupe, & cōmanda que les soudards Formianiens, sans autres, uinsent deuers
luy, pource qu'il les auoit tousiours trouuez fort fideles & fort prompts à ex-
cuter ses commandemens. Ilz ne faillirent pas à accourir incontinent, & à se
renger tout autour de luy, & alors il leur parla en ceste maniere: Compagnōs,
il est besoing que i'aye entre mes mains quelqu'un de noz ennemis uif, pour
enquerir & sçauoir de luy, qui sont ceulx là qui gardent ce pas de montagne,
en quel nombre ilz sont, quel ordre ilz tiennent, comment ilz sont campez & I
armez, & en quel equippage ilz deliberent de nous attendre. Le moien de ce
faire gist en uistesse & hardiesse de l'aller soudainement raur & surprendre,
comme font les Lions, qui sans aucunes armes ne faignēt point de s'aller ruer
au milieu d'un troupeau de bestes timides. Il n'eut pas plus tost acheuē ses
paroles, que les soudards Formianiens, se prindrent à courir à ual de la mon-
tagne, tout ainsi qu'ilz estoient, droit à ceulx qui faisoient le guet & les char-
geās en deffoude les meirent aiseemēt tous en rouverte, & en saisirēt un au corps
avec ses armes, qu'ilz amenerent aussi tost à Caton, lequel par la deposition du
prisonnier fut aduertty, comme le fort de l'armee des ennemis estoit logé avec
le Roy en personne dedans le destroit mesmes & dedans la uallee de la mon- K
tagne: mais que ceulx qu'ilz uoyoient, estoient six cents Aetoliens tous hōmes
d'esslite, que lon auoit choisiz & ordonnez pour garder quelques crouppes de
rochers au dessus du camp d'Antiochus. Quoy entendu, Caton sans en faire
autrement compte, tant pour leur petit nombre qu'ilz estoient, que pour le
mauuais ordre qu'ilz gardoient, feit incontinent sonner les trōpettes & mar-
cher ses gens en bataille avec grands cris, cheminant luy mesme le premier
deuant toute sa troupe l'espee traitte en la main: mais aussi tost que les Aeto-
liens

A liens le ueirent descendre des rochers & uenir droit à eulx, ilz se meirent à fouir uers leur grand camp, là ou ilz emplirent tout d'effroy, de trouble & de defarroy. Et d'autre costé Manius au mesme instant donna l'assault aux murailles & fortifications, que le Roy auoit faict faire à trauers les uallées & destroiets des montagnes: auquel assault Antiochus mesme receut un coup de pierre à trauers le uisage, qui luy ietta des dents hors de la bouche, tellement que pour la douleur qu'il en sentit, il destourna son cheual & se tira arriere de la presse: & adonc n'y eut il plus rien en son armee qui feist teste, ne qui peust soustenir l'impetuosité des Romains, ains combien que les lieux fussent fort malaisez pour fouir, à cause qu'il estoit impossible de s'escarter, pource que

B d'un costé ilz auoient les haults rochers coupez, & de l'autre costé les fondrieres & les marests fort profonds, esquelz ilz tumboient fil aduenoit que les pieds leur glissassent, ou que lon les poulast, neantmoins ilz se iettoiet les uns sur les autres à trauers les destroiets, & s'entrepoulsoiet tellement qu'ilz se perdoiét eulx mesmes, de peur des coups d'espee que leur tiroiet les Romains. Et là Marcus Cato qui n'estoit iamais chiche de celebrer & prescher ses louanges, & qui n'auoit point de honte de haultouer soymesme tout ouuertement, estimant que c'estoit une suite qui deuoit tousiours accompagner les grandes prouesses & les haults faicts d'armes, adiuxta à ce glorieux exploit une braue magnificence & haultesse de paroles: car il escriuymesme, que

C ceulx qui le ueirent ce iour là chassant & foudroiant les ennemis, furent contraincts de confesser que Caton ne deuoit point tant au peuple Romain, comme le peuple Romain deuoit à Caton, & que le Consul mesme Manius, bouillant encore de l'ardeur du combat, le teint longuement embrassé, tout chauld aussi d'auoir chassé les ennemis, & qu'il s'escria tout hault, de grâde ioye qu'il auoit, que ne luy ne le peuple Romain ne scauroient paier à Caton loyer egal à ses merites. Apres ceste bataille le Consul l'enuoya à Rome pour porter luy mesme de bouche les nouuelles de ceste uictoire: si s'embarqua tout incontinent, & eut le tēps si à propos, qu'il trauersâ la mer sans fortune iusques à Brindes, & de là alla iusques à Tarente en un iour, & de Tarente en quatre autres

D iours à Rome, tellement qu'il y arriua en cinq iournees, depuis qu'il eut pris terre en Italie, & feit si bonne diligence, qu'il fut le premier qui y apporta les nouuelles de ceste uictoire: si emplit à son arriuee toute la uille de resiouissance & de sacrifices, & le peuple Romain de grande & haultaine opinion de soy mesme, comme celuy qui se persuada estre désormais assez puissant pour conquerir la monarchie du monde tant par mer que par terre. Ce sont là presque tous les plus beaux & les plus notables faicts d'armes de Catō. Mais quāt aux actes ciuilz en matiere de gouuernemēt, il semble qu'il auoit ceste opinion, q̄

E poursuyure les meschans en iustice, estoit l'une des principales choses à quoy deuoit uacquer & s'appliquer un homme de bien & bon gouuerneur de chose publique: car luy seul en accusa plusieurs, & se soubscriuit en cōpagnie avec d'autres qui en accusoiēt aussi. Briēf il suscitoit tousiours quelque accusateur, comme il feit un certain Petilius à l'encontre de Scipion: mais quant à celuy là, uoiant bien que pour la noblesse de sa maison, & pour la uraye magnanimité & grandeur de courage qui estoit en luy, il mettoit soubz les pieds toutes les calumnies & imputations que lon proposoit à l'encontre de luy, n'esperant pas le pouuoir iamais faire condamner à mourir, il se deporta de la poursuite: mais bien se formalisa il avec d'autres accusateurs à l'encontre de Lu-

Marcus Cato.

cius Scipion son propre frere, & le pourfuyuit de sorte, qu'il le feit condamner en amende d'une bien grosse somme de deniers enuers la chose publique, laquelle ne pouuant payer, il fut en grand danger d'estre pris au corps & constitué prisonnier, & eut fort affaire à s'en sauuer, en appellant de la sentence deuant les Tribuns du peuple. Auquel propos lon compte que quelque iour passant à trauers la place, il rencontra en son chemin un ieune homme, lequel uenoit d'obtenir sentece, par laquelle il auoit fait noter d'infamie un des plus grands ennemis de son pere naguere decedé, & que Caton auec une chere ioyeuse, l'embrassa & luy dit: C'est cela, mon filz, c'est cela que les gétils enfans doiuent sacrifier & offrir à l'ame de leur pere, nō pas des aigneaux ny des cheureaux, ains les larmes & condamnatiōs de leurs ennemis & aduersaires. Mais cōme il trauailloit biē les autres, aussi n'estoit il pas luymesme sans danger en l'administratiō de la chose publique: car s'il dōnoit la moindre prise du mōde sur luy, il estoit incōtinēt mis en iustice par ses malueuillās, de maniere q̄ lon dit qu'il fut accusé pres de cinquāte fois, à la derniere desquelles il estoit aagé de quatreuingts ans: & fut là ou il dit une parole, qui depuis a esté biē recueillie & bien notee, Qu'il estoit malaisé de rendre cōpte & raison de sa uie deuant les hōmes d'un autre siecle que de celuy auquel on a uescu. Encore ne fut pas ce proces là le dernier de ses combats: car quatre ans depuis, en l'aage de quatre uingts dix ans, il accusa Seruilius Galba: ainsi uescut il, cōme Nestor, presque trois eages d'homme, tousiours en cōtinuelle action. Car aiant eu de grādes picques & grāds differens touchāt les affaires de la chose publique à l'encōtre du premier Scipion surnommé l'Africain, il passa oultre iusques au tēps du second Scipion, lequel fut adopté par le filz dudit premier Scipion estant filz naturel & legitime de Paulus Æmylius, celuy qui desfeit Perseus le Roy de Macedoine. Au demourant Marcus Cato dix ans apres son Consulat demanda l'office de Censeur, qui estoit à Rome la cyme de dignité, & le comble d'honneur le plus hault ou pouuoit atteindre un citoien Romain: & par maniere de dire, le couronnement de toutes les charges & authoritez q̄ lon peult auoir au gouuernement de la chose publique. Car entre autres pouuoirs, un Censeur a loy d'enquerir sur la uie, & de reformer les meurs d'un chascū, pour ce que les Romains ont estimé, qu'il ne falloit pas qu'il fust loisible à chascun de soy marier, engendrer enfans, uiure chez soy en priué, ny faire banquets & festins à sa uoulunté, sans craindre d'en estre repris ne recherché, & qu'il n'estoit point bon de lascher la bride à tout le monde, à fin que chascun en feist à sa guise, comme son appetit l'inciteroit, ou que son iugemēt le guideroit, ains estimans que le naturel & les meurs des hommes se descouuroiēt plus en telles choses que non pas en celles que lon fait publiquement en plein iour & deuant tout le monde, ilz elisoient deux reformateurs, gardes & correcteurs pour auoir l'œil, & engarder que personne ne se deuoyast du chemin de la uertu en celuy de uolupté, & ne transgressast les ordōnances, statuts & coutumes de leur chose publique. Lesdicts officiers s'appelloient en langage Romain Censeurs, & y en auoit tousiours un necessairemēt des anciennes nobles maisons, que lon nommoit Patricienes, & l'autre des populaires. Ilz auoient l'authorité & puissance d'oster le cheual public au cheualier, & de debouter & priuer un Senateur du Senat, s'il estoit trouué qu'il eust desordonneemēt & meschamment uescu. A culx appartenoit de faire la prisee & l'estimation des biens de chasque citoien, de discerner les lignees, les aages, les estats & degrez de

A de la chose publique, & en tenir registres, oultre plusieurs autres preeminences & prerogatiues qu'auoit encore ledit magistrat. A raison dequoy, quand Caton falla presenter entre les poursuiuans qui demandoient & briguoient ledict office, tous les principaulx & les plus nobles hommes presque du Senat se meirent en effort de l'empescher d'y paruenir: les uns par enuie, estimas que c'estoit une honte & une tache à la noblesse, de souffrir que des hommes issus de lieu bas & obscur, & qui estoient les premiers de leurs races paruenuz aux dignitez de la chose publique fussent tout incontinent ainsi poulsez & auancez iusques aux supremes degrez d'honneur, & aux estats d'autorité souveraine. Les autres qui se sentoient uereux, & qui scauoient bien qu'ilz auoient transgressé les loix & ordonnances de leur pais, redoubroient l'austerité & la feuerité de cest homme, pensans bien qu'il n'espargneroit ny ne pardoneroit à personne quand une fois il auroit autorité. Parquoy apres en auoir cōsulté ensemble, ilz luy opposerent & meirent à l'encontre sept competeurs, lesquels alloient caressant & flattant la commune, avec gracieuses paroles & belles promesses qu'ilz luy mettoient en auant, comme si le peuple eust eu besoin de magistrats qui le traittassent doucement, & feissent les choses à sa uolunté. Mais au contraire Caton, sans monstrier aucune apparence de uoloir estre doux ne gracieux en l'administration dudit office, ains au contraire menassant tout publiquement de la tribune aux harégues ceulx qui auoient meschamment & malheureusement uescu: & criant à haulte uoix, que la uille auoit besoin d'une grande purgation, admonestoit le peuple d'elire, non pas les plus gracieux, mais les plus aspres & plus rigoureux medecins, comme luy en estoit un tel qu'il falloit, & entre les patriciens Valerius Flaccus un autre, en compagnie duquel seul il auoit esperance, filz estoient eleuz Censeurs ensemble, de faire un grand bien à toute la chose publique, en couppant & brullant comme les testes d'une Hydre, les delices, la uolupté & superfluité qui festoient coulees en la chose publique: & qu'il uoit bien, que tous les autres poursuiuans taschoient à y paruenir par menees & uoyes obliques, pour ce qu'ilz redoubtoient ceulx qui uoloient y uerser droittement, & y faire le deuoir de gens de bien. Et là monstra bien le peuple Romain qu'il estoit ueritablement magnanime & digne de grands & magnanimes gouuerneurs: car il ne refouit point la rudesse & roideur inflexible de ce personnage, ains en reiettant tous ces autres gracieux, qui donnoient apparence de uoloir faire toutes choses au bon plaisir du peuple, il eleut Marcus Cato Censeur avec Valerius Flaccus, en luy obeissant tout ainsi que fil eust esté ia possesseur, & non poursuiuant d'un magistrat, lequel estoit à luy à donner à qui bon luy sembleroit. La premiere chose donques qu'il feit apres estre instalé en l'estat, fut qu'il nōma Prince du Senat son amy & compagnon au magistrat de la Censure, Lucius Valerius Flaccus: & priua de la dignité de Senateur, entre plusieurs autres, Lucius Quintius, lequel auoit esté Consul sept ans auparauant, & estoit frere germain de Titus Quintius, qui desfeit en bataille Philippus Roy de Macedoine, ce qui luy estoit plus honorable, que d'auoir esté Consul: mais la cause, pour laquelle il le ietta hors du Senat fut telle. Cestuy Lucius Quintius auoit tousiours en sa compagnie, & menoit quand & luy, quand il alloit à la guerre un ieune garson, dont il auoit abusé charnellement des l'enfance du garson, & luy donnoit autant de credit & d'autorité qu'au plus grand de ses familiers & amis qu'il eust autour de soy: aduint donques un iour, qu'estant

Marcus Cato.

gouverneur d'une province consulaire, il feit un festin, auquel ce garçon, cō- F
me de coustume, estoit assis à la table aupres de luy, qui commēça à le flatter,
sachant bien qu'il se laissoit aiseement aller quand il auoit beu: & entre autres
flatteries luy dit, qu'il estoit tāt espris de son amour, que combien que sur son
partement on eust tout preparé à Rome pour donner au peuple l'esbattement
de ueoir escrimer & combattre des gladiateurs à oultrance, neātmoins il s'en
estoit party à grande haste pour le uenir trouuer sur le poinct que le combat
se deuoit faire, encore qu'il n'eust iamais ueu, & qu'il desirast fort ueoir occire
un homme. Adonc ce Lucius Quintius, pour luy rendre la pareille, & le cares-
ser aussi de son costé, Ne te chaille, dit il, ia de ce plaisir que tu as failly à ueoir,
& n'en fais ia pire chere pour cela: car ie satisferay bien promptement à ton G
desir quant à cela. Et aussi tost, en disant ces paroles, il commanda que lon ti-
rast de la prison tout sur l'heure, un des criminelz cōdemnez à mourir, & que
lon l'amenast en la salle, & le bourreau quand & quand avec sa hache. Ce
qui fust aussi tost fait. Et lors il demanda au garçon sil uouloit ueoir tuer
presentement cest homme: le garçon luy respōdit, que ouy: & adōc commā-
da à l'executeur, qu'il luy trēchast la teste. La plus grande partie des autheurs
anciens le recitent ainsi. Et mesme Ciceron, au liure qu'il a escrit de la uieilles-
se, dit qu'il est ainsi escrit en une harēgue que Caton en feit deuāt le peuple
Romain. Aiant donques Lucius Quintius esté ainsi ignominieusement ietté H
hors du Senat par Catō, son frere Titus, q en fut fort desplaisant, ne sceut ou re-
courir, sinō au peuple, lequel il supplia de faire cōmandemēt à Catō qu'il eust
à dire la cause, pour laquelle il donnoit une telle note d'infamie à sa maison.
Parquoy Catō en presence du peuple feit le recit de tout ce festin: & cōme Lu-
cius le niaist, & affermast qu'il n'en estoit rien, Caton luy defera le serment
qu'il iurast publiquement, ce dont il le chargeoit n'estre pas ueritable: mais
Lucius se uoulut excuser de le faire, à l'occasion dequoy le peuple iugea sur
le champ qu'à bon droit il auoit receu ceste note d'infamie. Toutefois quel-
que temps apres ainsi que lon iouoit des ieux au theatre, Lucius y uint & pas-
sant oultre le quartier qui estoit ordonné pour ceulx qui auoient esté Cōsulz,
falla seoir à l'escart assez loing. Le peuple en eut pitié, & luy cria tāt qu'il le cō- I
traignit de retourner se seoir parmy les autres Senateurs de dignité Consulai-
re, en rabillāt le mieulx qu'il luy estoit possible cest ignominieux accident ad-
uenue à une noble famille. Il priua aussi & ietta hors du Senat un autre nōmé
Manilius qui auoit de grandes arres de deuoir estre Consul l'annee ensuyuāt,
& ce pour autant qu'en plein iour & deuant sa fille, il auoit trop amoureuse-
ment baisé sa femme, & disoit que iamais la siene ne l'embrassoit, sinon quād
il tonnoit bien fort, & pource auoit il accoustumé de dire en se iouant, qu'il
estoit bien heureux quand Iupiter tonnoit. Il osta aussi le cheual public à Lu-
cius Scipion qui auoit triumphe pour les uictoires gaignees à l'encontre du K
grād Roy Antiochus, ce qui luy causa une grāde malueuillāce, pource qu'il
sembla à tout le monde qu'il le feist expressement pour faire honte à Scipion
l'Africain qui estoit decedé. Mais ce qui plus uniuersellement fut trouué dur,
& qui offensa plus de gēs, fut qu'il retrencha les delices & la superfluité: car de
l'oster du tout, & tout ouuertement, il estoit impossible, tant il y auoit desia
d'hōmes, qui en estoient entachez, corrōpuz & gastez: mais tournoiant obli-
quement à l'entour, en faisant la prisee & l'estimation des biens & facultez de
chasque citoien, il feit mettre en taxe & estima les uestemens, les coches, les li-
ctieres,

A dieres, les bagues & ioyaux de femmes, & les autres meubles & utensiles de mesnage, qui auoient cousté plus de * mille cinq cents drachmes pour piece, dix fois plus qu'ilz n'auoient cousté & qu'ilz ne ualoient, à fin que ceulx qui auroient despendu & mis leur argent en telles choses curieuses & superflues en paiaissent de tant plus de taille aux contributions qu'il conuiendroit faire pour les affaires de la chose publique, que leur biens seroient surtaxez, & plus hault estimez: & si ordonna que pour chasque mille d'arain, c'est à dire pour chasque mille * asses, que telles choses auoient esté prisees & estimees, les maistres en paiaissent trois de tribut à la chose publique, à celle fin que se sentans greuez de telle taille, & uoians que ceulx qui auoient autant uailant comme eulx, mais qui se contenoient simplement, & ne portoient point si grād estat, paioiet beaucoup moins de taille à la chose publique, & estoient moins chargez que eulx, se chastiaissent eulx mesmes, en se deportāt d'estre superflus, sumptueux & delicieux. Toutefois il en encourut la haine & malueillance d'un costé de ceulx qui aimerent mieulx paier ce tribut que de laisser leurs delices, & d'autre costé de ceulx qui aimerent mieulx abandonner leurs delices que de paier le tribut: car il y en a plusieurs qui estiment, que c'est leur oster leur richesses, que leur empescher les moiens d'en faire monstre, & si ont ceste folle persuasion, qu'elle se mōstre mieulx es choses superflues, qu'elle ne fait es necessaires, dequoy lon dit que le philosophe Ariston s'esbahissoit autāt & plus que de nulle autre chose, comment les hommes reputoient ainsi riches & biē heureux ceulx qui possedoient les choses curieuses, superflues & uoluntaires: plus tost que ceulx qui possedoient les utiles & necessaires. Et Scopas Thessalien, cōme quelqu'un de ses familiers luy demanda ne sçay quoy qui ne luy seruoit pas de beaucoup, & luy dist, pour plus facilement l'induire à luy conceder, C'est chose qui ne uous est ny necessaire ny utile. Et c'est, dit il, ce en quoy ie suis plus opulent & plus riche, qu'en choses superflues, & qui ne seruēt de rien. Ainsi l'ardeur & la conuoitise d'auoir, ne procede d'aucune affection ou necessité naturelle, ne qui soit conioincte à nostre chair, ains s'engendre en nous d'ailleurs, & nous uient d'une faulse opinion du uulgaire. Mais Catō se fouchant moins que de chose du monde des crieries que lon faisoit à l'encōtre de luy, en roidissoit & tendoit encore d'auantage son austerité, faisant couper & rompre les tuyaux, par lesquelz aucuns particuliers desrobboient l'eau des fontaines publiques, ainsi qu'elles passioient au long de leurs maisons, & la tiroient en leurs logis & en leurs iardins priuez, & faisant aussi demolir & abattre toutes les faillies des edifices priuez qui s'auançoient sur les rues & places publiques, & diminuant le pris des ouurages qui se faisoient aux despens de la chose publique, & au contraire haulsant les fermes & gabelles au plus hault qu'elles pouuoiet aller. Toutes lesquelles choses luy engendrèrent une grande haine & malueillance de beaucoup de gens: parquoy Titus Flaminus & quelques autres bandez à l'encontre de luy, feirent en plein Senat rescinder, casser & annuler tous les marchez & les contraux qu'il auoit faictz, avec des maistres ouuriers pour la reparation & entretenemēt des edifices publics & sacrez, comme estans faictz au dommage de la chose publique, & susciterent les plus audacieux & plus temeraires Tribuns du peuple cōtre luy, à ce qu'ilz l'appellassent en iustice deuant le peuple, & requisent qu'il fust cōdemné en l'amēde de * deux talērs, aussi luy feirēt ilz beaucoup de destourbier & d'empeschement en l'edification du palais qu'il feit bastir aux despens de la

* Environ cēt cinquāte escus.

* C'estoient petites pieces de billō qui ualoient un peu plus de quatre deniers tournois.

* Douze cents escus.

Marcus Cato.

chose publique, regardant sur la grande place, au dessoubz de celuy ou se tenoit le Senat: lequel palais fut neantmoins paracheué, & appelé de son nom Basilica Porcia, comme qui diroit, le palais que fait edifier le Censeur Porcius: toutefois il semble que le peuple Romain eut tresagreable, & loua grandement ce qu'il auoit fait en l'administration de sa Censure: car il luy fait dresser une statue au temple de la Deesse Sâté, soubz laquelle il ne fait point escrire ses faicts d'armes ny son triumphe, ains y fait engrauer une inscription dont la sentence estoit telle à la trâslater de mot à mot, A l'honneur de Marcus Cato Censeur. pourautant que par bonnes meurs, sainctes ordonnances & sages enseignemens, il redressa la discipline de la chose publique Romaine, laquelle inclinoit desia & se tournoit à mal. Si est-ce que auparauant que ceste image luy fust dressée, il se souloit moquer de ceulx qui aimoient ou appetoient telles choses, disant qu'ilz ne s'apperceuoient pas qu'ilz se glorifioient, non de leurs uertus, mais des ouurages des fondeurs, peintres & statuaires: & quât à luy, q ses citoiens portoient tousiours quand & eulx de tresbelles images & portraictures de luy empraintes en leurs cueurs: entendant la memoire de sa uie & de ses faicts. Au moien dequoy il respondit une fois à quelques uns qui s'esmerueilloient comment on dressoit ainsi des images à plusieurs petits & incongneuz personnages, & à luy non: l'aime mieulx, dit il, que lon demande pourquoy lon n'a point dressé de statue à Caton que pourquoy on luy en a dressé. Brief il ne uouloit pas qu'un homme de bien mesme souffrist qu'on le louast, si n'estoit que cela tournast au profit de la chose publique, & neantmoins ce a esté l'un des hommes qui s'est le plus loué soy mesme, tellemēt que s'il se trouuoit quelques uns, qui par erreur eussent en aucune chose oublié leur deuoir, quand on uenoit à les en reprendre il disoit qu'on les deuoit excuser, pource qu'ilz n'estoient pas Catons, pour ne point faillir. Et ceulx qui taschoiēt à imiter quelcun de ses faicts, qui ne leur aduenoit pas bien, il les appelloit sinistres Catons. Il disoit d'auantage, que es temps plus dangereux, le Senat iettoit les yeux sur luy, ne plus ne moins que les passagers qui sont dedâs une nauire regardent le pilote quand il se leue en mer une tourmente, & que souuentefois le Senat differoit & remettoit à un autre temps des affaires de bien grande conséquence, quand il n'estoit pas present, ce que d'autres que luy tesmoignent auoir esté ueritable: car il eut tresgrande autorité en l'administration de la chose publique, tant pour sa grande preudhommie que pour son eloquence, & aussi pour son extreme uieillesse. Mais oultre cela, on luy donne la louange d'auoir esté bon pere enuers ses enfans, bon mary enuers sa femme, & bō mesnager à bien gouerner & faire profiter ses biens: car il n'estimoit point que ce fust chose legere ne dont on deust faire peu de cōpte, & ne s'en mesler qu'en passant le temps seulement: pourtant ne sera il point hors de propos, à mō aduis, d'en dire icy quelque mot en tant qu'il peult seruir à la matiere presente. Premièrement il espousa une femme plus noble que riche, sachant tresbiē que l'une & l'autre seroit orgueilleuse & fiere: mais estimant aussi, que celles qui sont extraittes de noble sang, ont plus de uergongne des choses mal honestes que n'ont pas les autres, & que par là elles se rendent plus obeissantes à leurs marys en choses raisonnables & honestes. Au demourant, il disoit que celuy qui battoit sa femme ou son enfant, commettoit aussi grand sacrilege, comme qui uioleroit ou pilleroit les plus sainctes choses qui soient au monde: & estimoit plus grande louange à un homme d'estre bon mary que bon Senateur:

à l'occasion

A à l'occasion dequoy il ne trouuoit rien plus louable en la uie de l'ancien Socrates, que sa patience de s'estre tousiours humainement & doucement porté enuers sa femme qui auoit si mauuaise teste, & ses enfans qui estoient si eceruelles. Depuis que sa femme luy eut fait un filz, il n'eust sceu auoir affaire si pressé, si ce n'estoit pour la chose publique, qu'il ne le laissast pour s'en aller en sa maison à l'heure que sa fême lauoit & remuoit son enfant: car elle le nourrissoit elle mesme de son propre lait, & bien souuét donoit à tetter aux petits enfans de ses esclaves, à fin de leur imprimer une charité & amour naturelle enuers son filz, pour auoir esté nourriz ensemble & d'un mesme lait. Quand son filz fut paruenue à l'aage de raison, & qu'il comencea à estre capable d'apprendre, luy mesme luy enseigna les lettres, combien qu'il eust un serf nommé Chilon honeste homme & bon grammarien, qui en enseignoit beaucoup d'autres: mais comme il dit luy mesme, il ne uouloit point qu'un esclaué tenast son filz, ne qu'il luy tirast l'oreille, quand peult estre il n'apprendroit pas asses promptement ce qu'on luy monstreroit, & si ne uouloit point que son filz fust tenu ny redevable à un serf d'une si belle & si grande chose, comme de luy auoir enseigné les lettres. Au moyen dequoy luy mesme luy enseigna la grammaire, les loix, l'escrime, non seulement pour lancer le iauclot, iouer de l'espee, uoltiger, picquer cheuaulx, & manier toutes armes, mais aussi pour combattre à coups de poing, endurer le froit & le chault, passer à nage le courant d'une riuere impetueuse & roide: & si dit d'auantage qu'il composoit & escriuoit de sa propre main de belles histoires en grosse lettre, à fin que son filz des la maison de son pere eust cognoissance des gens de bien du temps passé, & de leurs faicts uertueux, à l'exemple desquelz il peust former sa uie pour en mieulx ualoir. Et si dit qu'il se donnoit autant garde d'user de paroles sales & uillaines en la presence de son filz, comme il eust fait deuant les religieuses Vestales. Iamais ne festuuoit avec luy: mais cela estoit alors une usance commune à tous Romains, car les gendres mesmes ne se baignoient point avec leurs beaux peres, ains auoient honte de se despouiller les uns deuant les autres. Depuis aiant appris des Grecs à se baigner nuds avec les hommes, ilz leur ont maintenant en recompense enseigné à se despouiller & baigner nuds avec les femmes mesmes. Or ne defailloit point le bon uouloir au filz de Catō, qui en desiroit faire un chef d'œuvre, en le formant & composant au moule de la parfaite uertu: car il auoit le cueur si gentil, qu'il taschoit à faire tout ce que son pere luy monstroit: mais il auoit le corps de nature si debile & si foible, qu'il ne pouuoit pas endurer grand traual: à raison dequoy son pere luy relascha un petit la trop dure & trop estroite austerité & regle de uie que luy mesme obseruoit. Mais neantmoins, quoy qu'il fust de nature debile & de petite & foible complexion, si ne laissa il pas pourtant d'estre uaillant homme, & de faire trefbien son deuoir en la guerre: car il combattit uaillamment en la bataille ou Perseus le Roy de Macedoine fut desfait par Paulus Æmylius, là ou luy estant l'espee uolee des poings par un grād coup qu'il receut dessus, avec ce qu'il auoit la main suâte, il en fut fort desplaisant, & pria quelques uns de ses amis qu'ilz luy aidassent à la recouurer: si se ruerēt tous ensemble sur les ennemis à l'endroit ou elle luy estoit tumbee, & feirent tant à force d'armes qu'ilz fendirent la presse, & esclarcirent le lieu, ou à la fin ilz la trouuerent, mais ce fut à grande peine, pource qu'elle estoit ia couuerte de monceaux d'autres armes & de corps morts, tant des Romains que des Macedo-

Marcus Cato.

niens entassez les uns sur les autres. Le general Paulus Æmylius aiant entédu F
cest acte, en loua & pris grandement le ieune homme: & trouue lon encore
aujourd'hui une lettre missiue de Caton à son filz, par laquelle il louë & ma-
gnifie fort haultement cest acte de prouesse, & celle diligence qu'il feist de re-
couurer son espee. Et depuis ce ieune Caton espousa l'une des filles de Paulus
Æmylius, sœur du secōd Scipion, qui s'appelloit Tertia, & fut receu en l'alliā-
ce de ceste si noble maison, nō moins pour sa propre uertu, que pour la digni-
té & l'autorité de son pere: ainsi eut l'estude, la peine & le soing que Caton
meit à instituer son filz, issiue telle cōme elle meritoit. Il auoit tousiours grand
nombre de serfs qu'il acheptoit petits & ieunes quand on uendoit les prison- G
niers de guerre à l'encant, & les choisissoit ainsi ieunes, pource qu'ilz estoient
encore en aage de prendre le ply de telle nourriture qu'il leur uouloit bailler,
& qu'ilz en estoient plus faciles à dompter, ne plus ne moins que de petits pou-
lins, ou de ieunes chiens. Mais nul de tout tant qu'il en auoit n'entra onques
en maison d'autrui, sinon que Caton ou sa femme l'y eussent enuoyé. Si on
leur demandoit que faisoit Caton, ilz ne respondoient sinon, ie ne sçay: & fal-
loit, quand ilz estoient en la maison, qu'ilz feissent quelque chose de necessai-
re, ou qu'ilz dormissent, car il aimoit fort ceulx qui dormoient uoluntiers, e-
stimant que les serfs qui aimoient à dormir estoient plus maniables, & que lon
en faisoit mieulx ce qu'on uouloit, que ceulx qui estoient esueillez: & aiant o- H
pinion que ce qui incitoit les esclaués à entreprendre & faire les plus grandes
meschancetez, estoit pour accomplir leur uolupté avec les femmes, il ordon-
na que les siens pourroient auoir la compagnie des serues de sa maison pour
un pris d'argent qu'il leur taxa, avec expresse defense de n'auoir affaire à autre
femme quelconque dehors de sa maison. Au cōmencemēt qu'il se meit à sui-
ure les armes, n'estant pas encore riche, il ne se courrouçoit iamais pour faulte
que feissent ses seruiteurs au seruice d'alentour de sa personne, disant qu'il
trouuoit cela laid & malseant à une personne d'honneur, que de tenfer ses ser-
uiteurs, & quereller avec eulx pour son uentre: mais depuis quand son bien &
son estat furent augmentez, si d'aduenture il festoioit ses amis ou ses compa- I
gnons, incontinent apres le soupper, il punissoit & fouettoit avec une escor-
gee ceulx qui auoient failly de seruir à la table, ou d'apprester quelque chose
que ce fust. Et procuroit tousiours par subtilz moiens, qu'il y eust noise & dis-
ension entre eulx: car il auoit leur amitié & cōcorde pour suspecte, & la crai-
gnoit. Et si d'aduenture il y en auoit quelqu'un qui eust commis aucun cas
digne de mort, il leur faisoit leur proces en presence de tous les autres, & puis
s'il estoit condamné, le faisoit aussi mourir deuāt eulx tous. Mais à la fin il de-
uint un peu trop aspre & trop ardent à acquerir, & abandonna le labourage,
disant que l'agriculture estoit de plus grande delectation que de grād profit.
Parquoy, à fin que son argēt fust mieux asseuré, & de plus grād & plus certain
reuenue, il se meit à achepter des lacs & estangs, des baings naturelz d'eau K
chaulde, des places appropriées pour le mestier des foulons, des terres ou
il y eust force pasturages, taillis & bois reuenans, dont il recueilloit de
grands deniers tous les ans: & si Iupiter mesme, ce disoit il, ne luy en pouuoit
diminuer le reuenue. D'auantage, il presta son argent à usure, & encore à usure
maritime, qui est la plus reprouee & la plus blasmee de toutes, pource qu'elle
est plus excessiue: & le faisoit en ceste sorte. Il uouloit q̄ ceulx à qui il prestoit
son argēt pour traffiquer sur mer associaissent plusieurs autres marchands avec
eulx

A eulx,iufques au nōbre de cinquante,& qu'ilz euſſent autant de nauires,& lors il entroit en la ſociet  pour une partie ſeulement,laquelle il faiſoit manier par un de ſes ſerfs affr chiz qui ſ'appelloit Quintion,& eſtoit en cela ſon fa teur, nauigant & traffiquant avec les autres parſonniers de la ſociet    qui il auoit preſt  ſon arg t   uſure. Par ainſi ne mettoit il pas tout ſon arg t au hazard de la fortune,ains une petite partie de ſon fort principal ſeulement,& en tiroit un bien gros profit de l'uſure. Qui plus eſt, il preſtoit auſſi de l'arg t   ſes propres eſclaues qui en uouloient pour acheter d'autres ieunes ſerfs,leſquelz ilz enſeignoient & dreſſoient   quelque ſeruice aux deſpens meſmes de Caton, puis les reuendoient au bout de l'an,& Caton en retenoit pluſieurs pour ſoy meſme,leur en donnant & deduiſant autant comme on leur en auoit le plus pr ſent .Et pour inciter ſon filz   faire ainſi profiter ſon arg t,il luy diſoit que ce n'eſtoit point fait en h me de cueur,que de diminuer ſon patrimoine,ains pluſtoſt le fai t d'une femme ueufue : mais encore eſtoit ce un ſigne de plus uiolente nature,& plus aſpre   l'auarice, qu'il oza dire que celuy eſtoit h me diuin & digne de louange immortelle,qui par ſon industrie augm toit tellement ſes facultez que l'acceſſoire qu'il y adiouxtoit, m toit plus que le pr cipal qu'il auoit eu & herit  de ſes parents. Au ſurplus il eſtoit ia fort auant au declin de ſon aage qu d Carneades philoſophe de la ſecte Academique,& Diogenes de la Stoique,uindrent d'Athenes ambaffadeurs   Rome,pour obtenir gr ce & remiſſ  d'une am de * de cinq c ts talents,en laquelle le peuple d'Athenes auoit eſt  condamn  par contumace,  faulte de c par ir par ſent ce des Sycioniens,  l'inſt ce & poursuite des Oropiens.Incontinent q  ſes deux philoſophes furent arriuez en la uille,les ieunes h mes Romains q  aimoient l'eſtude des lettres,les allerent ſaluer & uiſiter,& les eurent en tresgrande eſtime apres les auoir ouys,meſmement Carneades,la grace duquel en ſon parler & la force de perſuader ce qu'il uouloit n'eſt  pas moindre que le bruit qu'on luy en donnoit,meſmement qu d il ſe trouua   diſcourir en ſi grand auditoire,& deuant auditeurs qui ne furent point malings   taire ſa louange,remplit incontinent toute la uille,comme ſi c'eũt eſt  un uent qui euſt fait ſonner ce bruit aux oreilles d'un chaſcun qu'il eſtoit arri   un homme Grec ſ auant   merueilles,qui par ſon eloquence tiroit & menoit tout le monde l  ou il uouloit,& ne parloit on d'autre choſe par la uille,pource qu'il auoit empraint es cueurs des ieunes hommes Romains,un ſi grand & ſi uehement deſir de ſ auoir,que tous autres plaiſirs & exercices mis en arriere,ilz ne uouloient plus faire autre choſe que uacquer   la philoſophie,comme ſi ce fuſt quelque inſpiration diuine qui   ce les euſt incitez:dequoy les autres ſeigneurs Romains eſtoient bien aiſes,& prenoient plaiſir de ueoir leurs ieunes hommes ſ'adonner   l'eſtude des lettres & diſciplines Grecques,& frequenter avec ces deux grands & excellents perſonnages. Mais Marcus Cato des le commencement que les lettres Grecques commencer t   auoir lieu & eſtre aimees   Rome,en fut mal content,craignant que les ieunes gens ne tournaffent entierement l  leur affection & leur eſtude,& ne quittaſſent la gloire des armes & de bien faire pour l'honneur de ſ auoir & de bien dire:mais quand encore il ueit que l'eſtime & le renom de ces deux perſonnages alloit touſiours croiſſant de plus en plus,tellement que Caius Aquilius l'un des premiers h mes du Senat auoit prochaff  & pri  d'eſtre leur truchement pour interpreter leurs premieres har egues,il delibera de les renuoyer hors de la uille ſoubs quelque honneſte cou-

*Trois cents mille eſcus.

Marcus Cato.

uerture & couleur: si reprit un iour en plein Senat les magistrats, de ce qu'ilz F
retenoient ainsi longuement ces ambassadeurs sans les despescher, attendu
mesmement que c'estoient hommes qui pouuoient facilement persuader &
faire à croire tout ce qu'ilz uoloient, & que quand il n'y auroit autre raison,
pour ceste seule cause ilz deuoient arrester quelque chose sur le fait de leur
ambassade, & les réuoyer en leurs escholes disputer avec les enfans des Grecs,
& laisser ceulx des Romains apprendre à obeir aux loix & aux magistrats de
leur pais, comme au parauant. Or faisoit il cela, non pource qu'il eust aucune
priuee inimitié à l'encontre de Carneades, comme quelques uns ont cuidé: G
mais pource que generally il haïssoit toute la philosophie, & que par une
ambition il mesprisoit toutes les Muses & les lettres Grecques: ueu mesme-
ment qu'il disoit que l'ancien Socrates n'estoit qu'un causeur & un sedicieux,
qui taschoit par tel moien qui luy estoit possible à usurper tyrannie, & à do-
miner en son pais, en peruertissant les meurs & coustumes d'iceluy, & tirant
ses citoiens en opinions contraires à leurs loix & coustumes anciennes. Et se
moquant de l'eschole d'Isocrates, qui enseignoit l'art d'eloquēce, il disoit que
ses disciples enuieillissoient chez luy, pour aller puis apres exercer leur elo-
quence & plaider des causes en l'autre monde quand ilz seroiēt morts. Et pour
diuertir & degouter son filz d'estudier es lettres & disciplines Grecques, il
luy disoit, en renforceāt & grossissant sa uoix plus que sa uieillesse ne portoit,
comme si par inspiration diuine il eust prononcé quelque prophetie: Toutes H
& quātes fois que les Romains s'adonneront aux lettres Grecques, ilz perdrōt
& gasteront tout. Et toutefois le temps a monstřé, sa detraction & mesdisan-
ce uaine & faulse: car iamais la uille de Rome n'a tant flory, ny l'empire de
Rome n'a esté si grand, que quād les lettres & les sciences Grecques y ont esté
en honneur & en pris. Mais Caton n'auoit pas seulement en haine les philo-
sophes Grecs, ains auoit aussi pour suspects ceulx qui faisoient profession de
medecine à Rome: car il auoit ouy ou leu la responce que feit Hippocrates
quand le Roy de Perse l'enuoya querir, & luy feit offrir grosse somme d'or &
d'argent, s'il le uoloit aller seruir, quand il iura que iamais il ne seruiroit aux
Barbares, attendu qu'ilz estoient naturelz ennemis des Grecs. Catō affermoit I
que cela estoit un serment que tous autres medecins iuroient semblablement:
au moien dequoy il commandoit tresexpressément à son filz de les fouir tous
egalement, disant qu'il auoit fait un petit traitté de medecine, par lequel il
guerissoit ceulx de sa maison quand ilz estoient malades, & les entretenoit
quand ilz estoient en santé. Il ne leur defendoit iamais le manger, mais il les
nourrissoit de quelques herbes, & de quelques chairs legeres, comme de Ca-
nes, de Palumbes & de Lieures: car telles uiandes, disoit il, sont bonnes pour
les malades & faciles à digerer, excepté qu'elles font songer & resuer ceulx qui
en mangent: & se uantoit qu'avec ce regime là & ceste façon de medeciner, il
festoit tousiours maintenu sain quant à luy, & auoit aussi gardé ses domesti- K
ques en santé. Toutefois quant à cela, il me semble qu'il ne faisoit pas tout ce
dont il se uantoit: car il perdit sa femme, & son filz: & quant à luy, pource que
de nature il auoit le corps robuste & biē composé tant pour la force que pour
la santé, il dura longuement entier, de maniere qu'en son extreme uieillesse en-
core uoit il de la cōpagnie des femmes, & se remaria hors d'aage à une ieune
fille, ce qu'il feit pour une telle occasiō. Apres que sa premiere femme fut mor-
te, il maria son filz à la fille de Paulus Aemylius, sœur du second Scipion Afri-
cain,

A cain, & luy qui estoit ueuf se seruoit d'une ieune garce seruante, qui l'alloit à la desrobe trouuer en sa chambre: toutefois cela ne se pouuoit faire si secrettement en une petite maison, ou il y auoit une ieune Dame mariee, que lon ne sen apperceust bien: & comme un iour ceste garce par trop audacieusement fust passee deuant la chambre du ieune Caton, pour entrer en celle du pere, le ieune homme n'en dit mot: mais son pere apperceut bien qu'il en auoit eu honte, & qu'il l'auoit regardee de mauuais œil: & pource cognoissant que cela desplaisoit à ces deux ieunes personnes, son filz & sa femme, sans sen plaindre à eulx, ny leur en faire pire chere, il s'en alla un matin, comme il auoit de coutume, sur la place, avec la troupe de ceulx qui l'accôpaignoient par honneur, entre lesquelz estoit un Salonius qui auoit autrefois esté son greffier, & l'accôpaignoit comme les autres par honneur: Caton l'appellant tout hault par son nom, luy demanda fil auoit point encore marié sa fille. Salonius luy respondit que non, & qu'il n'auoit garde de le faire sans luy en auoir premierement communiqué. Caton adonc luy repliqua: Le luy ay dôques trouué un mary, & à toy un gendre, qui ne fera pas mal à propos pour elle, si d'adventure l'aage ne luy fasche, pource qu'il est fort uieil: mais au demourant, il n'y a que plaindre en luy. Salonius respondit, que quant à cela il sen remettoit du tout à luy, & luy recommandoit sa fille, le priant de luy donner tel party que bon luy sembleroit, pource qu'elle estoit son humble seruante, qui dependoit entierement de luy, & auoit besoing de sa prouoyance. Et lors Caton sans plus differer luy dit, que c'estoit luy mesme qui la demandoit en mariage. Salonius de prime face fut estonné de ces paroles, pource qu'il luy sembloit que Caton desormais estoit hors d'aage de faire nopces, & que de son costé il n'estoit pas homme pour auoir alliance d'une maison de dignité Consulaire & triumphale: mais à la fin quand il ueit que Caton le disoit à bon esciant, il l'accepta tresuoluntiers: & en ces termes sen allans ensemble sur la place, y passerent sur l'heure le contract de mariage. Et comme lon apprestoit les nopces, Caton le filz prenant quelques uns de ses parents & amis avec luy, alla deuers son pere, luy demander fil auoit cômisi aucune faulte enuers luy, ou fil luy auoit point fait quelque desplaisir, pour despit duquel il luy amenast en la maison une marastre. Et lors le pere s'escria, O ne dis iamais cela mon filz, ie treuve bô tout ce que tu fais, & ne m'en sçauois plaindre en sorte que ce soit: mais ie le fais pour autant que ie desire auoir plusieurs enfans, & laisser plusieurs citoiés telz que tu es à la chose publique. Lon dit que Pisistratus le tyran d'Athenes feit une toute telle responce à ses enfans de sa premiere femme, qui estoient desia tous grands quand il espousa sa seconde Timonassa natifue d'Argos, de laquelle il eut, comme lon dit, Iophon, & Thessalus. Mais pour retourner à Caton, il eut de ceste seconde femme un filz, lequel fut surnommé du nom de sa mere, Caton le Salonien: & son filz aîné mourut estât en office de Præteur, duquel il fait souuent mention en plusieurs passages de ses liures, le louant comme un fort homme de bien. Et dit on qu'il porta ceste perte fort constamment, & en homme graue & sage, sans que pour cela il fust de rien moins ententif aux affaires de la chose publique, qu'il auoit esté parauant. Car il ne feit point comme feirent depuis Lucius Lucullus, & Metellus surnommé Pius, qui sur leur uieillesse se retirerent totalement du gournement des affaires publiques, ains estima que c'estoit une charge & un deuoir, auquel tout homme de bien, tant qu'il a uie, est tenu: ny comme Scipion l'Africain auoit fait auparauant,

Marcus Cato.

lequel uoiant que la gloire de ses haults faicts luy suscitoit l'enuie des autres F
citoiens, changea le demourant de sa uie en repos, & abandonnant les affaires
& la uille, s'en alla tenir aux champs. Mais comme lon a escrit, que quelqu'un
dit & conseilla à Dionysius le tyran de Syracuse, qu'il ne pouuoit mieux ny
plus honorablement estre inhumé & ensepulturé que en la tyrannie: aussi es-
tima Caton, qu'il ne pouuoit mieulx ne plus honestement enuieillir, qu'en
s'entremettant tousiours, iusques au bout, des affaires de la chose publique. Et
ce pendant quand il se uouloit un peu recreer & reposer, il passoit son temps à
composer des liures, & à uaqer au mesnage des champs. Voila dont uient
qu'il a tant escrit, & de toutes sortes de liures & d'histoires. Quant au labou- G
rage & mesnage des champs, il y uaquia en ses ieunes ans pour l'utilité & le pro-
fit. Car il dit qu'il n'auoit que deux sortes de reuenu, le labourage & l'espar-
gne: mais en sa uieillesse, ce qu'il faisoit aux chāps n'estoit plus que pour plai-
sir, & pour contempler & apprendre tousiours quelque chose de la nature: car
il a mesme composé un traité de la uie rustique, & du mesnage des champs,
auquel il escrit iusques à la maniere cōme il fault faire des tartes & gasteaux,
comment il fault contregarder les fruiçts des arbres: tant il se uouloit mon-
strer singulier & bien entédu en toutes choses. Quand il estoit en ses maisons
des champs il uiuoit un peu plus opulētement qu'ailleurs, & enuoyoit sou-
uent conuier ses uoïsins & ceulx qui auoient des terres ioignantes aux sienes à H
uenir soupper avec luy, & se resioüissoit avec eulx, de maniere que sa compa-
gnie & sa frequentation n'estoit pas seulement plaisante & agreable à ceulx
qui estoient de son aage, mais aussi delectable aux ieunes gēs: car il auoit ueu
& experimenté beaucoup de choses, & s'estoit trouué en beaucoup de bōs af-
faires, & à beaucoup de bons mots qui estoient plaisans & profitables à ouir
racompter. Il estimoit la table estre l'un des principaulx moiens d'engendrer
amitié entre les hommes, & à la siene il mettoit tousiours en auant quelques
bons propos à la louange des gens de bien, & des uertueux citoiens, & ne uou-
loit pas que lon parlast aucunement des inutiles & meschans, se donnant biē
garde d'en entamer iamais le propos en quelque banquet ou il fust, ny en bien
ny en mal. Au reste lon estime que son dernier chef d'œuvre en l'administra- I
tion de la chose publique fut la destruction finale de Carthage: car celuy qui
la destruisit & ruina de faict, fut bien le second Scipion, mais ce fut par le cō-
seil & aduis de Caton principalement, que la guerre derniere contre les Car-
thaginois fut entreprise, & ce par une telle occasion. Il fut enuoyé en Afrique
pour entendre les causes des differents qui estoient entre lesdicts Carthagi-
nois, & Massinissa le Roy de Numidie, lesquelz auoient grosse guerre ensem-
ble: & y fut enuoyé, pour autant que le Roy Massinissa de tout temps auoit
tousiours esté amy des Romains, & les Carthaginois estoient deuenus leurs
alliez depuis la derniere guerre, en laquelle ilz auoiēt esté desfaicts par le pre-
mier Scipion qui leur osta & rongna pour l'amende une bonne partie de leur K
empire, & leur imposa un gros tribut. Quād dōques il fut sur les lieux, il trou-
ua la uille de Carthage non point affligee, faillie de cuer, ny appauurie, cō-
me pensoient les Romains, ains pleine de ieunesse, opulente en biēs, & abon-
dante de toutes sortes d'armes & de munition de guerre, de maniere que pour
ceste opulence elle en auoit la teste droite & le cuer eleué, & si ne proiettoit
rien de petit. Si pensa qu'il n'estoit pas temps pour les Romains de s'embeson-
gner à cognoistre des differēts d'entre les Carthaginois & Massinissa, ains que
filz

A filz ne prouoyoient de bõne heure à exterminer du tout ceste cité, qui de tout tēps leur estoit capitale ennemie, qui se ressentoit du passé, & qui s'estoit ainsi remise sus, & accreue en si peu de temps plus que lon ne sçauoit ny croire ny estimer, ilz seroient pour retüber en aussi grãds dangers qu'ilz auoiēt onques esté. Et pourtant si tost qu'il fut de retour à Rome, il ne faillit pas de remon-
B strer uifüement au senat, que les pertes & dommages que les Carthaginois auoient receuz par le passé es guerres qu'ilz auoiēt euz cõtre eulx, ne leur auoiēt pas tant osté de puissance, comme de folie & d'imprudence, & qu'il y auoit danger que les dirtes aduersitez ne les eussent rendus plus tost experimentez qu'affoibliz pour faire la guerre, & que desia ilz s'essayöient & s'exercitoient
C en ceste guerre contre les Numides, pour puis apres la faire à bon esciant aux Romains, & que la paix qu'ilz auoiēt avec eulx n'estoit qu'une surseance d'armes & un delay de guerre, pour laquelle renouueller ilz n'attendoient que quelque occasiõ opportune. Et dit on, qu'oultre ces remonstrances il auoit expressement apporté dedäs le reply de sa longue robe des figures d'Afrique, lesquelles il ietta emmy le Senat en secouant sa robe: & comme les Senateurs s'esmerueillassent de ueoir de si belles, si grosses, & si fresches figures, La terre qui les porte, leur dit il, n'est distante de Rome que de trois iournees de navigation. Mais encore est plus uiolent ce qui sen racompte oultre cela: C'est
D que de lors en auant iamais il ne disoit son aduis au Senat, de quelque matiere que ce fust dõt on deliberaist, qu'il n'y adiouxtaist tousiours ce refrain d'auantage, Et me semble aussi qu'il est besoing que Carthage soit du tout ruinee. Au contraire de quoy Publius Scipion, surnomé Nasica, disoit aussi tousiours, Il me semble expediēt que Carthage demeure. Car ce personnage uoyoit, à mō
E aduis, que le peuple Romain par sa fierté insolente commettoit beaucoup de grandes & lourdes fautes, & deuenoit si haultain à cause de ses prosperitez qui luy eleuoient le cuer, que le Senat ne le pouuoit plus qu'à grande peine contenir, & que par le moien de la trop grande autorité qu'il se donnoit, il tiroit à force toute la uille, là ou sa fantasie le poulsöit. A raison de quoy il uouloit que ceste crainte de la cité de Carthage demourast tousiours comme
une bride pour retenir l'insolence du peuple Romain, estimāt que les Carthaginois n'estoiēt pas assez puissans pour cõbattre, ne pour uaincre les Romains, mais qu'ilz l'estoiēt aussi trop pour les cõtemner, & ne les craindre point. Caton repliquoit au cõtraire, q̄ c'estoit en quoy il y auoit plus de dāger, qu'une cité de tout tēps grosse & puissante, & lors deuenue sage pour auoir esté chastice par plusieurs pertes & plusieurs aduersitez, demourast tousiours au guet à espier le peuple Romain, qui faisoit du cheual eschappé, & qui par une licence effrence qu'il se donnoit luy mesme, commettoit de bien grands erreurs: au
moien de quoy luy sembloit, q̄ ce n'estoit pas sagement aduisé de ne luy point oster du tout le danger du dehors, & la crainte de perdre son empire, quād on luy laissoit au dedans les moiens de retomber tousiours en ses fautes. Voila
cõme lon tient q̄ Caton fut cause de la tierce & derniere guerre des Romains à l'encõtre des Carthaginois. Mais au reste quand elle fut commēcee, il mourut, & auāt que mourir il prophetisa, par maniere de dire, qui seroit celuy qui y mettroit fin. C'estoit le second Scipion, qui pour lors estant ieune homme, auoit charge de mille hommes de pied seulement: mais en toutes les rencontres, & par tout ou il y auoit des affaires, il faisoit tousiours des actes de bon sens & de grande hardiesse, dont les nouuelles uenoient ordinairement à Ro-

Marcus Cato.

me:& Caton les oyāt reciter, pronōcea, cōme lon dit, ces deux uers d'Homere, F

C eluy là seul est du nombre des sages,

L es autres tous ne sont qu'ombres uolages.

Laquelle prophetie Scipion bien tost apres confirma par effect, & monstra estre ueritable. Au demourant la posterité que Caton laissa, fut un filz de sa seconde femme: lequel, comme nous auons dit, fut surnommé à cause de sa mere, Caton le Salonien, & un petit filz de son filz aîné qui estoit mort auāt luy. Cestuy Caton Salonien deceda estant Præteur, mais il laissa un filz lequel paruint à la dignité Consulaire, & fut ayeul de Caton, que lon surnomme le Philosophe, l'un des plus uertueux & des plus renōmez personages de son tēps.

LA COMPARAISON D'ARISTIDES AVEC M. CATO.



R maintenant que nous auons recueuilly par escript les plus notables choses & plus dignes de memoire de ces deux grāds personages, si nous uoulons conferer toute la uie de l'un en bloc à toute la uie de l'autre, il ne sera pas à l'aduenture bien aisé de discerner la difference qu'il y a de l'un à l'autre, estant obscurcie & cachee soubs plusieurs grādes similitudes qu'ilz ont entre eulx: mais si nous uenons à les comparer l'un à l'autre par le menu, comme nous ferions quelques œuures de poësie, ou quelques tableaux de portraiture, tout premierement nous trouuerons qu'ilz ont cela de commun entre eulx, que sans auoir eu autre chose qui les auanceast, ne qui les recommandast que leur seule uertu & propre suffisance, ilz ont tous deux gouuerné leur chose publique, ou ilz ont acquis grand honneur & grande reputation. Mais il me semble que quand Aristides uint à s'entremettre des affaires publiques, l'estat & seigneurie d'Athenes n'estoit pas encore grande chose, & qu'il luy fut facile de se mettre en auant, par ce que les autres gouuerneurs & capitaines qui estoient de son temps, & ses concurrēs, n'estoient pas fort riches ny fort apparens par dessus les autres. Car la taxe des plus riches, qui fussent lors à Athenes, estoit de ceulx qui pouuoient auoir de reuenu la ualeur de cinq cēts minots de bled & au dessus, & les appelloit on pour ceste cause Pentacosiomedimni. La seconde taxe estoit de ceulx qui en auoient uaillant trois cents, & les appelloit on les Cheualiers. La troisieme & derniere estoit de deux cēts, & les appelloit on Zeufgitæ. Là ou Marcus Cato sortāt d'une petite uillette & d'une uie chāpestre & rustique, f'alla tout d'un plein sault ietter, comme par maniere de dire, en une mer infinie du gouuernement de la chose publique Romaine, laquelle n'estoit plus gouuinee par de telz gouuerneurs & capitaines qu'estoiēt ancienemēt un Curius, un Fabricius, un Ostilius. Car le peuple Romain ne dōnoit plus les magistrats & offices à telz simples gens besongnās de leurs bras, qui uinssent tout freschemēt de mener la charrue ou de manier la houē, ains estoit ia accoustumē à regarder à la noblesse des maisons aux richesses à ceulx qui leur donnoient argent, ou qui les prioient à grande instance pour les auoir: & pour la grandeur de son empire & de sa puissance se faisoit faire la court par ceulx qui aspiroient aux honneurs & estats de la chose publique, & si n'estoit pas chose pareille d'auoir pour concurrēt & aduersaire un Themistocles, lequel n'estoit ny de maison noble, ny gueres riche: car on dit que tout le bien que son pere luy laissa ne ualoit que quatre ou cinq talēts, quand

A il cōmencea à s'entremettre des affaires de la chose publique, au pris que de cō-
battre du premier lieu d'honneur & d'autorité contre un Scipion l'Africain,
un Seruilius Galba, un Quintius Flaminius, sans auoir autre support ny autre
appuy ne moien, que une langue librement parlante pour la raison & pour la
iustice. D'auantage Aristides en la bataille de Marathon, & en celle de Platée
n'estoit que l'un de dix capitaines des Atheniens: là ou Caton fut eleu un de
deux au Consulat entre plusieurs grands & puissans competeurs, & l'un de
deux aussi à la Censure deuant sept autres poursuyuans, qui estoient des plus
notables personnages de toute la uille, lesquelz il surmonta. Et si y a plus, que
Aristides en nulle uictoire ne fut onques le premier: car en celle de Marathō,
B Miltiades emporta le premier lieu, en celle de Salamine Themistocles, & en
celle de Platées Pausanias, comme dit Herodotus, qui escriit qu'il y gagna
une tresbelle uictoire. Encore y en a il qui debattent pour le second lieu à l'en-
contre d'Aristides, comme un Sophanes, un Amyntias, un Callimachus, & un
Cynegirus, qui tous feirent de grands actes de prouesses en ces batailles là: &
à l'opposite, Caton non seulement estoit chef & le premier de toute son armee
en prouesse & en conseil, durant la guerre qu'il feit en Hespagne au temps de
son consulat: mais aussi depuis en la iournee ou le Roy Antiochus fut des-
faict au pas des Thermopyles, ou il n'estoit que capitaine de mille hommes
de pied soubz la charge d'un autre qui estoit Consul, il emporta l'honneur de
C la uictoire, ayant ouuert les portes aux Romains pour courir sus à Antiochus
en l'allant surprendre & assaillir par derriere, lors qu'il ne cuidoit auoir à faire
que de front, & qu'il ne regardoit que deuant luy: car celle uictoire, qui sans
point de doubte est un des chefs d'œuvres de Caton, chassa l'Asie hors de la
Grece, & ouurit & feit le chemin à Lucius Scipio, pour passer depuis en Asie.
Ainsi donques quant aux faiets d'armes, ne l'un ne l'autre ne fut onques uain-
cu ne desfaict en bataille: mais en paix & en matiere de gouuernement Ari-
stides a esté uaincu & supplanté par Themistocles, qui par ses menees feit tant
qu'il le ietta hors d'Athenes, & l'enuoya pour un temps en exil: là ou Caton
ayant pour ennemis coniurez presque tous les plus grands, les plus nobles &
D les plus puissans hommes qui fussent de son temps à Rome, & ayant conti-
nuellemēt tousiours combattu contre eulx, iusques au decours de sa uieilles-
se, se garda biē, cōme un ferme & roide champion de lucte, d'estre renuersé par
terre, & ne tumba iamais. Car il a accusé plusieurs en iugement publique, &
plusieurs l'ont accusé aussi: mais il en a faict condamner beaucoup, & luy ne
le fut iamais une seule fois, ayant pour toute defense de sa vie & de son inno-
cence sa lāgue, qui luy estoit un util, dont il se sçauoit tresbien aider à faire de
belles & grādes choses, & auquel, selon mō aduis, on doit plus tost attribuer
ce qu'il n'a iamais rien souffert indignemēt ny n'a onques esté condamné in-
iustement, que nō pas à la faueur de fortune ny à la sauuegarde d'aucun Dieu.
E Car c'est ueritablement une tresgrande partie que l'eloquence, comme le tes-
moigne bien ce qu'Antipater escriit du philosophe Aristote apres sa mort, di-
sant qu'entre les autres singulieres graces & perfections qui estoient en luy, il
auoit celle la souueraine, qu'il persuadoit ce qu'il uouloit. Or est ce une maxi-
me confesse de tout le mōde, que l'homme ne sçauoit auoir ny acquerir une
uertu ne science plus grande que la Politique, c'est à dire, l'art de sçauoir gou-
uerner & regir une grande multitude d'hommes, comme est une grosse cité:
de laquelle science, selon l'opinion de plusieurs l'Oeconomique, c'est à dire,

Marcus Cato.

l'art de bien regir un mesnage, est l'une des principales parties, attendu que F
une cité n'est autre chose qu'une assemblée de plusieurs mesnages & maisons
ensemble, & est adonc la cité forte & puissante en public, quand les habitans
& citoiens d'icelle sont riches & opulents en leurs particulier. Et pourtant Ly-
curgus qui bannit l'or & l'argent de Lacedemone, y establiſſant de la monoye
de fer, lequel encore estoit corrompu & gasté avec du feu & du uinaigre, ne
defendit pas à ses citoiens ceste diligence de mesnager: car il retrenchâ bien la
superfluité, les delices, l'auarice & l'ardeur d'amasser, qui accompagnent or-
dinairement les richesses: mais aussi eut il l'œil autant que reformateur de loix
qui fut onques, que ces citoiens eussent prouision de toutes choses requises
& necessaires à la uie de l'homme, craignant de uoir habiter en sa cité, & iouir G
des priuileges d'icelle, un desert necessiteux & indigent, sans heritage ne mai-
son, encore plus qu'un presumptueux, insolent & superbe pour sa grand ri-
chesse. Si m'est aduis que Caton ne fut pas moins bon pere de famille que bon
& sage gouuerneur de chose publique: car il augmenta honestement son bié,
& si enseigna aux autres le moien de l'accroistre par bon mesnage, & par intel-
ligence du labourage es liures qu'il en a escripts, ou il a recueilly plusieurs
beaux & bons preceptes seruans à ce. Mais Aristides au contraire par sa pau-
uereté a diffamé & rendu odieuse la iustice, cōme celle qui fait l'homme pauure,
& ruine une maison, estant plus profitable à tous autres qu'à ceulx qui l'ont &
qui l'exercent: & toutefois le poëte Hesiodé qui nous recommande tant & si H
fort la iustice, nous admoneste quand & quand d'entendre diligemment au
mesnage, blasmant la paresse de ne uouloir rien faire, comme le commence-
ment & la source de toute iniustice. Et pourtāt me semble il que Homere par-
le treſſagement en un passage, ou il dit:

I en'ay iamais aimé à besongner,
N y du mesnage aucunement soigner
P our mes enfans nourrir, & biens acquerre:
A ins ay aimé les armes & la guerre,
C ourir en mer sur fustes & galeres,
M anier dards & sagettes legeres:

Comme nous uolāt dōner à entendre, que ce sont deux choses relatives ne-
cessairement enchainées l'une avec l'autre, que celui qui n'a soing du sien &
de sa maison uiue iniustement & prēne de l'autrui: car la iustice n'est pas cō-
me l'huile que les medecins disent estre treſſaine au corps humain, si lon en
use par le dehors, & au contraire tresmauuaise, si lon en use par le dedans: ny
ne doit pas l'homme iuste estre profitable aux estrangers, & ce pendant n'a-
uoir soing ny de foy ny des siés. A l'occasiō de quoy il m'est aduis, que la uer-
tu politique & ciuile d'Aristides estoit defectueuse en cest endroit, fil est
uray ce que la plus part des auteurs en escrit, qu'il n'eut pas la prouoyance
de laisser seulement à ses filles de quoy les marier, ny de quoy se faire enterrer: K
là ou la maison de Caton, iusques à la quatrieme ligne, bailla des Preteurs &
des Consulz à Rome: car les enfans de ses enfans, & encore plus bas, les enfans
des enfans de ses enfans, obtindrent à Rome des plus honorables offices &
estats. Et Aristides qui fut de son temps le premier homme de la Grece, laissa
sa posterité en si grande & si extreme pauuereté, que les uns furent contraincts
de faire les deuins qui uont interpretans les songes, & disans la bonne aduen-
ture pour gagner leur uie, & les autres de demander publiquemēt l'aumone

A par necessité: & ne laissa moien à pas un d'eulx de penser à faire chose aucune grâde ny digne de luy. Mais au rebours, cela est le premier point, auquel on pourroit faire instance & le rappeler en doubte: car pauvreté n'est nulle part mauuaise ny deshoneste de soy mesme, sinon là ou elle est signe de paresse, de uie desordonnee, de superfluité & de folie: car quand elle se treuve en un personnage bien uiuant, laborieux, diligent, iuste, uailant, sage & bien gouuernant une chose publique, alors elle est une grande preuue de magnanimité & de grandeur de courage, pource qu'il n'est pas possible que celuy face de grâdes choses qui a le cuer si bas que de penser tousiours à de petites, ny que celuy secoure beaucoup d'indigents, qui luy mesme est indigent de beaucoup de choses: & n'est pas la prouision la plus necessaire qui soit à ceulx qui se uulent en gens de bien meller & entremettre du gouuernemēt de la chose publique, que la richesse, ains est la suffisance, laquelle estât cōtente de soy, & ne desirāt particulieremēt aucune chose superflue, ne distraiēt par ce moien iamais celuy qui l'a, de pēser & uaquer aux affaires publiques. Car Dieu est celuy seul qui n'a simplemēt & absoluemēt affaire de riē qui soit: parquoy la plus haulte uertu de l'hōme & la plus approchante de la diuinité, doibt estre estimee celle qui fait que l'hōme a besoing de moins de choses. Et tout ainsi cōme un corps bien cōposé & bien cōplexionné n'a que faire ny de nourriture, ny de uesture curieuse ne superflue: aussi une uie & une maison saine & nette s'entretient de peu de chose, & fault que les biens soient proportionnez à l'usage & à la necessité, pource que celuy qui en amasse beaucoup & se passe de peu, n'a pas suffisance. Car soit qu'il ne face pas grande despense, pource qu'il ne l'appete pas, il est fol de se trauailler à en amasser pl^s qu'il ne luy en fault: & sil l'appete, mais que par chicheté il n'oze despandre & iouir du fruiēt de son labour, il est miserable. Suiuant laquelle raison ie demâderois uoluntiers à Caton, Si les biēs ne sont faiēts que pour en user, pourquoy te glorifies tu d'en auoir beaucoup amassé, quand peu te suffit? Et si c'est chose louable, comme ueritablement elle est, se contenter de pain le premier trouué, boire du mesme uin que les ualets & les manœuures, ne se soucier point d'auoir des robbes teinctes en pourpre, ny des maisons dont les murailles soient enduittes ne crespies, il sensuit, que ny Aristides, ny Epaminondas, ny Manius Curius, ny Caius Fabricius, n'ont rien omis ny oublié de leur deuoir, quād ilz ne se sont point souciez d'acquerrir ce, dont ilz n'eussent point uolu user. Car il n'estoit point de besoing à un homme qui estimoit les raues & les naueaux l'une des meilleures uiandes du monde, & qui les faisoit luy mesme bouillir en son foyer, pēdant que sa femme luy pestrissoit du pain, de mener tāt de bruit, & parier d'un asse qui ualloit enuiron quatre deniers & maille, ny se trauailler d'escire par quel art & industrie lon se peult bien tost enrichir. Car il est bien uray, que c'est une belle chose & louable que le contentement de peu, & la suffisance: mais c'est pour autant qu'elle nous exempte de desirer les choses non necessaires, & de nous en soucier. Et pourtant trouue lon qu'Aristides dit au plaidoier de la cause du riche Callias, que ceulx qui estoient pauvres malgré eulx deuoiet bien auoir honte de pauvreté: mais au contraire, que ceulx qui l'estoient uoluntairement sen pouuoient & deuoient glorifier: car ce seroit sottise de penser que la pauvreté d'Aristides procedast de lascheté de cuer & de paresse, attendu qu'il pouuoit, sans commettre chose aucune mauuaise ny deshoneste, s'enrichir promptement, en prenant seulement la despouille de quelqu'un des Barbares

Marcus Cato.

quil auoit desfaiçts, & se faiffiffant de quelqu'une de leurs tentes. mais c'est de
F
ormais assez discouru sur ce poinçt. Au demourât quant aux uictories & bat
tailles gaignees par Caton, elles n'adiouxterêt presque rien à l'empire de Ro
me, lequel estoit desia si gråd qu'il n'en pouuoit guerres accroistre : mais celles
d'Aristides sont les principaux & les plus memorables faictz d'armes que fei
rêt onques les Grecs, comme la iournee de Marathon, la bataille de Salami
ne & celle de Platees : & si n'est pas raisonnable de cõparer le Roy Antiochus
au Roy Xerxes, ny les murailles des uilles d'Hespagne que Caton fait demo
G
lir à tant de milliers de Barbares, qui lors furent desfaiçts & passez au fil de l'es
pee par les Grecs, tant sur la terre que sur la mer : esquelz actes Aristides ne fut
à nul second, quant à l'effect de mettre uailamment la main à l'œuure, mais
bien en ceda il la pompe & la gloire à ceulx qui l'appetoiet plus que luy, tout
aussi facilement, comme il quitta l'or & l'argent à ceulx qui en auoient plus
affaire que luy : en quoy il monstra qu'il estoit plus excellēt, & plus digne per
sonnage qu'eulx tous. Au reste, quant à moy, ie ne ueux point reprendre la
coustume de Catõ, de se louer soy mesme si haultemēt, & de se preferer à tous
les autres, comme que luy mesme en quelque siene harēgue dit, que se louer
soy mesme est autant importun comme se despriser & blasmer : mais bien me
semble il, que celuy là est plus parfaict en uertu qui n'appete point qu'au
H
tres le louent, q̃ celuy qui se louē ordinairement soy mesme : car n'estre point
ambitieux, est une grande partie de la priuaulté & facilité requise à celuy qui
ueult uiure entre les hommes au gouuernement d'une chose publique : & au
contraire l'ambition est un uice fort odieux, & qui suscite grande enuie cõtre
celuy qui en est entaché, duquel Aristides estoit totalement deliuré, & Caton
fort taré. Car Aristides aida Themistocles son ennemy capital en ses plus
beaux actes, & par maniere de dire, luy seruit de soudard & de satellite en sa
charge de capitaine general, se rendât ministre de sa gloire : ce qui fut cause de
sauuer & remettre sus la uille d'Athenes. Et au contraire, Caton s'opposant &
resistât aux entreprises de Scipiõ, cuida empescher son uoyage & son expedi
tiõ de Carthage, en laquelle il desfeit Hānibal, qui iusques là auoit esté inuin
I
cible, encore à la fin luy dressant tousiours quelques souspeçons & quelques
calumnies, il ne cessa iamais qu'il ne l'eust chassé hors de la uille quant à luy,
& fait cõdemner tres ignominieusement Lucius Scipion son frere, de larcin &
de maleuerfation en sa charge. D'auantage quāt à la temperance & cõtinen
ce que Caton a tousiours exaltee & ornee de tresbelles & tresgrandes louāges,
Aristides ueritablemēt l'a tousiours gardeee nette & immaculee. Mais les nop
ces secondes que fait Caton, prenant en mariage une fille, qui n'estoit ny de
maison conuenable à sa dignité, ny d'aage sortable à la siene, le rendit grāde
ment, & non sans apparente raison, suspect d'auoir esté luxurieux : car on ne
le scauroit nullement excuser, ne luy donner couleur qui soit honeste, en ce
qu'estant ia hors d'aage de marier, il amena à son filz marié & à sa belle fille u
K
ne marastre en sa maison, & encore la fille d'un greffier, & qui seruoit de no
taire & de scribe publiquement pour de l'argent à qui le uouloit emploier : car
soit qu'il le feist par appetit de uolupté, ou par despit, pour se uenger de ce que
son filz auoit regardé sa garfe de mauuais œil, l'un & l'autre tourne tousiours à
sa honte, & autant l'effect que la cause. Et la couuerture qu'il allegua à son filz,
par laquelle il disoit qu'il se remarioit, n'estoit point ueritable : car si uerita
blemēt il eust eu desir d'engendrer autres enfans, qui fussent aussi gens de bien
comme

A comme estoit son filz aîné, ainsi qu'il disoit, il deuoit donques des incontînet que sa femme fut morte y prouueoir, & faire diligence de trouuer une autre femme de quelque honeste maison, nō pas se contenter de coucher avec une garce commune, iusques à ce que son filz s'en fust apperceu, & puis quand il se ueit descouvert, s'allier de celuy, non duquel l'alliance luy estoit plus honorable, mais plus aîsee & plus facile à auoir.

Philopœmen.

B N la uille de Mantinee y eut iadis un citoien nommé Cassander, de l'une des plus nobles & plus anciennes familles, & qui eut autant de credit & d'autorité au gouuernement de la chose publique, que nul autre qui fust de son temps : toutefois à la fin fortune luy courut sus, de maniere qu'il fut chassé de son païs, & se retira en la uille de Megalipolis, pour le regard principalemēt de l'amitié qu'il auoit avec Crausis le pere de Philopœmen, homme excellēt, liberal & magnifique en toutes sortes, & particulièrement affectionné en son endroit. Or

C tant comme ledict Crausis uescut Cassander fut si biē traitté de luy, qu'il n'eut faulte d'aucune chose : & apres qu'il fut decedé, Cassander luy uolāt rendre la pareille du bon recueil & amiable traitement qu'il luy auoit fait en sa uie, dressa & institua son filz estant demeuré orphelin, de la maniere qu'Homere dit qu'Achilles fut institué & nourry par le uieillard Phœnix. Si prit incontînent le naturel de l'enfant un ply de nourriture ueritablement genereuse & royale, en croissant tousiours de bien en mieulx. Depuis au sortir de son enfance, Fedemus & Demophanes, tous deux Megalopolitains, le prirēt en leur gouuernement. C'estoient deux philosophes qui auoiēt esté familiers & auditeurs d'Arcesilaus en l'ēcole de l'Academie, & depuis employerent ce qu'ilz auoient appris en l'estude de la philosophie, au gouuernemēt de la chose publique, & maniement de grāds affaires, autant ou plus que nulz autres de leur temps : car ilz deliurerent leur uille de la tyrannie d'un Aristodemus qui la tenoit soubz le ioug de seruitude, en attiltrant ceulx qui le tuerent : & aiderent aussi à Aratus à dechasser de Sycione le tyrā Nicocles : & à la requeste des Cyreniens, qui estoient trauaillez de seditions ciuiles, & de partialitez qu'ilz auoient entre eulx, allerent à Cyrene, là ou ilz reformerēt l'estat de la chose publique, & leur establirent de bonnes ordonnances : mais quant à eulx, ilz cōptoiēt entre leurs plus beaux actes la nourriture & l'institutio de Philopœmen, estimans auoir procuré un bien uniuersel à toute la Grece, en nourrissant un

E personnage de telle nature, es enseignemens & preceptes de la philosophie. Aussi à la uerité, la Grece l'aima singulierement comme le dernier homme de uertu qu'elle auroit porté en sa uieillesse, apres tant de grands & renommez capitaines anciens, & luy augmenta tousiours sa puissance & son autorité, à mesure que sa gloire croissoit : au moien dequoy il y eut un Romain, qui pour le bien louer, l'appella le dernier des Grecs, comme uolant dire, que depuis luy iamais la Grece ne porta de grand personnage, ne qui fust digne d'elle. Au demourant, quant à sa personne, il n'estoit pas laid de uisage, comme

Philopœmen.

aucuns estimēt, car on peult uoir encore auiourdhuy en la uille de Delphes son image entiere, porteraite au naturel apres le uif: & quant à ce qu'ilz alleguent d'une siene hostesse en la uille de Megare, qui le prit pour un ualet, cela aduint pour sa facilité, en ce qu'il faisoit peu de compte de soy, & se uestoit tousiours fort simplement: car ceste hostesse siene aiant esté aduertie, que le capitaine general des Acheiës uenoit loger en son logis, se traualloit & tourmentoit pour luy apprestier à soupper, à cause que d'aduenture son mary ne se trouua pas pour lors en la maison: & sur ce poinct Philopœmē arriua, uestu d'un pauvre mâteau. Elle le uoiant en cest habit, pensa que ce fust quelqu'un de ses seruiteurs qui uint deuant pour luy apprestier son logis, si luy pria de la uouloir aider à faire la cuisine: & luy posant incontinent son manteau, se mit à fendre du bois. Mais en ces entrefaittes le mary arriua, qui le trouuant ainsi embesongné, luy demanda, Ho ho, que ueult dire cela seigneur Philopœmē? Non autre chose, luy respondit il en sa langue Dorique, sinon, que ie porte la peine de ce que ie ne suis pas beau filz ny homme de belle apparence. Il est bien uray que Titus Quintius luy dit un iour, semblant se moquer de l'habitude de son corps, O Philopœmen, tu as bien belles mains & belles iambes, mais tu n'as point de uentre: pource qu'il estoit fort gresle & fort menu par le fond du corps. Toutefois il n'est aduis, que ce mot de risce estoit plustost adressé à la qualité de son armee que non pas de son corps, à cause qu'il auoit de bonnes gés de pied & de cheual: mais l'argēt pour les entretenir & nourrir luy defailloit ordinairement. Ce sont des propos qui se tiennent es escholes touchant Philopœmē. Mais pour uenir à ses meurs & à sa nature, il semble que son ambitio & le desir qu'il auoit d'acquérir honneur en son faict, n'estoit point sans quelque opiniastrété & quelque cholere: car se uoulant du tout conformer à l'exēple & imitation d'Epaminondas, il representa bien sa hardiesse à entreprendre, & son bon sens à executer toutes grandes choses, & quand & quand son entiere preudhōmie à ne se laisser iamais corrompre ny gagner par argēt: mais au débats & differēts qui entreuiennent es choses ciuiles, il ne se pouoit pas quelquefois cōtenir dedans les bornes de grauité, de patience, & de benignté, ains s'en iettoit souuent dehors par cholere & par opiniastrété: à l'occasion de quoy il semble, qu'il auoit plus des parties de bon capitaine pour la guerre, que de sage gouuerneur de chose publique pour la paix. Aussi auoit il tousiours des son enfance aimé les gens de guerre & les armes, & auoit pris grād plaisir à se duire & dresser aux exercices du corps qui y sont cōuenables, comme à eserimer, picquer cheuaux, & uoltinger. Et pour autant qu'il sembloit auoir une naturelle adresse à la lucte, aucū de ses amis, & de ceulx q auoient soing de luy l'admonestoiēt qu'il s'adōnast à telz cōbats. Il leur demanda si la uie que menoient ceulx qui faisoient mestier de telz ieux de pris luy porteroit point d'empeschement quant aux exercices de la guerre. On luy feit responce que la disposition de la personne & la maniere de uiure que suiuiōient les lucteurs, & ceulx qui se preparoient aux autres telz combats, estoit en tout & par tout contraire à celle d'un bon homme de guerre, mesmement quant à son uiure & à son exercice ordinaire, pour autant que les lucteurs mettoient peine d'entretenir & augmenter soigneusemēt leur enbonpoinct par beaucoup dormir, boire & mager cōtinuellemēt, se trauallier & reposer à certaines heures sans y faillir d'une minute, & estoient tousiours en dāger de perdre la force & roideur du corps qu'ilz en acqueroient, filz faisoient le moindre excès du monde,

- A** monde, ou filz passoiēt leur ordinaire d'un seul poinct: là où il fault que gens de guerre soient faicts & accoustumez à toute diuersité & toute inegalité de uie, & mesme qu'ilz aient appris de ieunesse à supporter facilement la diserte de toutes choses necessaires à la uie de l'hōme, & à endurer aiseement de passer les nuicts sans dormir: Ce que Philopoemen aiant entēdu, non seulement il reietta pour lors tous telz exercices & s'en moqua, mais depuis encore quād il fut chef d'armee, il s'estudia par tous moiens d'infamie & d'opprobres qu'il leur peut faire, d'en amortir & esteindre du tout la coustume, cōme celle qui rendoit les corps des hommes inutiles aux trauaux & aux combats necessaires pour la defense de leur pais, qui autrement y seroient tres idoines & utiles.
- B** Au reste, si tost qu'il fut hors de la puissance de maistres & gouuerneurs, & qu'il commença à porter les armes es courses & uoyages que faisoient ceulx de Mantinee sur les terres des Lacedæmoniens, pour surprendre d'emblee ou piller quelque chose, il s'accoustuma à estre tousiours le premier à l'aller & le dernier à retourner: & quand il estoit de loisir, en temps de paix ou de trefues, il endureissoit son corps & le ređoit dispos, robuste & leger à force de chasser continuellement, ou bien de labourer la terre: car il auoit un bel heritage qui n'estoit qu'à une lieue & un quart seulemēt loing de la uille, là où il s'en alloit ordinairement apres disner ou apres soupper: & puis la nuit uenue il se iettoit dessus quelque meschāte paillasse, & y reposoit ne plus ne moins q l'un de ses manœuures, & le matin au poinct du iour il s'en alloit ou avec les uignerons besongner aux uignes, ou avec les chartiers à la charrue, & par fois s'en retournoit à la uille, là où il uaquoit aux affaires de la chose publique avec ses amis, & avec les officiers & magistrats de la uille. Or tout ce qu'il pouuoit espargner & gagner à la guerre, il le despendoit à achepter de beaux cheuaux, ou à faire forger de beaux harnois, ou à paier la rençon de ses pauvres citoies, qui auoiēt esté pris prisonniers en la guerre: mais quant à son bien, il raschoit à l'entretenir & à l'accroistre par le reuenu du labourage seulement, cōme par le moien qu'il estimoit estre plus droit & plus iuste que les autres, & si n'y uaquoit pas en passant temps seulement par maniere d'esbat, ains y employoit grande sollicitude, comme celuy qui estimoit que tout homme d'hōneur doit trauailler à s'bien gouuerner & augmenter le sien, qu'il n'ait occasion d'appeter ou usurper l'autrui. Il ne prenoit pas plaisir à ouir toutes sortes de propos ny à lire tous liures de philosophie, ains seulement ceulx qui luy pouuoient profiter à deuenir de plus en plus uertueux: & ne lisoit uoluntiers d'Hōmere que les passages q luy sembloiēt auoir quelque efficace pour emouuoir les cueurs des hōmes à aimer la prouesse: mais entre toutes & sur toutes autres lectures, il estoit singulierement affectionné à lire les liures d'Euangelus, touchāt l'art & maniere de dresser les batailles, & aussi les histoires des faicts & gestes de Alexandre le grand, disant qu'il falloir tousiours reduire les paroles à effect, si lon ne uouloit que ce fussent comptes faicts à plaisir, & un parler ietté en l'air sans porter aucun profit: car mesme en ses liures de l'art de dresser & ordonner les batailles, il ne se contentoit pas d'en ueoir les exemples & les figures portraictes sur des tables, ains en uouloit ueoir l'experience, & faire les preuues sur les lieux mesmes: & pource quand l'armee marchoit en bataille par les champs, il y estudioit, considerant diligemment en soy mesme les accidets & les formes diuerses qui aduiennent à une bataille quād elle descēd en une uallee, ou que la plaine luy uiēt à faillir quand elle passe une riuiera, ou un fossé,

Philopœmen.

ou un pas & un chemin estroit, quand il fault qu'elle se largisse, ou qu'elle F
sestroiffisse: & non seulement l'estudioit à par soy, mais aussi en disputoit avec
ceux qui estoient autour de luy: car sans point de doubte Philopœmen a esté
l'un des hommes du monde qui a le plus estimé l'art militaire, & quelque fois
plus à l'adventure qu'il n'eust esté de besoing, & plus aimé la guerre, comme
le plus ample champ, & le subiect le plus plantureux que la uertu sçauoit
auoir pour s'exerciter, tellement qu'il auoit en mespris & desestimoit ceux
qui ne s'en mesloient point, comme gens qui n'estoient bons à rien faire. Estât
donques ia arriué au trentiesme an de son aage, Cleomenes le Roy des Laceda-
demoniens uint une nuit à l'improuuee assaillir la uille de Megalipolis, si
uiuement que d'arriuee il forcea les gardes & le guet, & entra dedans iusques G
sur la place, qu'il gaigna. Quoy entendant Philopœmen accourut soudain au
secours: ce neantmoins, quoy qu'il feist tout deuoir de bien & hardiement cō-
battre, si ne peut il iamais repoulser les ennemis, ny les rechasser hors de la
uille: mais au moins donna il temps & loisir à ses citoiens de se sauluer & se
desfrober de la uille, en arrestât ceux qui les poursuyuoient, & tirât tousiours
Cleomenes apres luy, tellement qu'il eut à la fin beaucoup d'affaire à se saul-
uer luy mesme le dernier, bien blecé, & son cheual luy aiant esté tué soubz
luy. Or quelques iours apres Cleomenes estant aduertý que les Megalopoliti-
tains s'estoient retirez en la uille de Messine, leur enuoya faire entendre qu'il H
estoit prest de leur rendre leur uille, leurs heritages, & tous leurs biens: & Phi-
lopœmen uoyant que ses citoiens estoient fort ioyeux de ceste nouuelle, &
que chascun s'apprestoit pour s'y en retourner à grãde haste, il les en destour-
na par les remonstrances qu'il leur feit, en leur donnant à entendre que Cleo-
menes ne leur uouloit pas tant rendre leur uille, que les prendre eulx mesmes
avec leur uille, preuoyant bien qu'il ne pourroit pas tousiours demourer là
pour garder des murailles & maisons toutes uuides, & que luy mesme à la fin
seroit contrainct d'en partir. Ceste remonstrance feit arrester les Megalopoliti-
tains: mais aussi donna elle occasion à Cleomenes de brusler & demolir une
grande partie de la uille, & d'en emporter une grosse somme d'argent & gran-
de quantité de tout butin. Depuis comme le Roy Antigonus fust uenu au se-
cours des Acheiens cōtre Cleomenes, & que Cleomenes eust occupé le hault I
des montaignes de Sellasie, & saisy tous les pas & aduenues de ce quartier là,
le Roy Antigonus renga son armee en bataille tout aupres, en delibera-
tion de l'assaillir & le forcer sil luy estoit possible. Philopœmen estoit lors
entre les gens de cheual avec ceux de sa uille, qui auoient à leur costé les Escla-
uons bon combattans à pied & en grand nombre, lesquelz serroient la queue
de toute l'armee. Or leur auoit il esté enioinct & commandé qu'ilz se teinsent
tout coy sans bouger, iusques à ce q̃ de l'autre pointe de la bataille ou estoit
le Roy en personne, on leur monstra en l'air une cotte d'armes attachee au
bout d'une picque: mais nonobstant ce commandement, les capitaines qui K
conduisoient ces Esclauons n'eurent pas la patience d'attendre, & allerent ras-
cher à forcer les Lacedæmoniens, qui tenoient le hault des montaignes, les
Acheiens au contraire demourerent fermes en leur place, & se teindrēt en or-
donnance comme il leur auoit esté commandé: parquoy Euclidas frere de
Cleomenes, uoiant ce desemparement & ceste separation des gens de pied des
ennemis d'avec leurs gens de cheual, enuoya soudain les plus legerement ar-
mez, & les plus dispos qu'il eust en ses troupes pour charger ces Esclauons par
derriere,

A derriere, & essayer de leur faire tourner uisage uers eulx, attendu qu'ilz estoient desnuez de gens de cheual: ce qui fut fait, & meirent ces legerement armez les Esclauons en grand trouble & grád defarroy. Quoy uoiant Philopœmen, & considerant qu'il seroit bien aisé de rompre ces armez à la legere & les faire retirer, attendu que l'occasion mesme les appelloit presque à ce faire, il s'en alla le remonstrer aux capitaines du Roy qui conduisoient la gendarmerie: mais quand il ueit qu'il ne leur pouuoit mettre en teste, & qu'ilz ne faisoient compte des raisons qu'il leur alleguoit, ains le tenoient pour un fol, à cause qu'il n'auoit pas encore acquis tant d'estime & de reputation, que lon le iugeast homme pour pouuoir inuenter ny executer une telle ruze de guerre, il s'y en alla luy mesme, y trainnant avec soy ceulx de sa uille: là ou de premiere arriuee il meit ces legerement armez en grand trouble, & finalement les tourna tous en fuite avec un bien grand meurtre. Et pour encourager encore d'auantage les gens du Roy Antigonus, & aller tout chaudement charger les ennemis, pendant qu'ilz estoient en ce trouble, il laissa son cheual & marcha à pied à trauers lieux bossus & rabboteux, pleins de ruisseaux & de fôdrieres, aiant sur son dos une cuirasse d'homme d'armes, & le reste du harnois fort pesant, & combattant en cest equippage à grande peine & grád mesaise, il eut les deux cuisses percees de part en part d'un coup de Partisane qui se d'arde avec une courroye attachee au milieu: & combien que le coup n'entraist pas fort auant dedans la chair, si fut il grand & roide, car il percea les deux cuisses d'oultre en oultre, tellement que le fer passoit de l'autre costé. Si demoura sur l'heure empestre de ce coup, ne plus ne moins que qui luy eust mis des fers aux pieds, & ne sçauoit qu'il deuoit faire: car la courroye attachee au milieu de la Partisane, luy faisoit grande douleur quâd on cuidoit retirer la Partisane par ou elle estoit entree, & n'y auoit personne de ceulx qui estoient là presens qui y ozast mettre la main: d'autre costé Philopœmen uoiât que le cōbat estoit en sa plus grâde fureur, laquelle se passeroit incōtinent, perdoit patiēce de despit, tant il auoit d'ardeur de retourner au combat: si feit tant en retirât l'une de ses cuisses & auanceant l'autre, qu'il rōpit la hante de la Partisane en deux, & s'en fit arracher les deux tronçons, l'un deçà l'autre delà: puis quâd il se sentit ainsi depestre, il meit incōtinent l'espee au poing, & s'en alla à trauers les cōbattans aux premiers rens affrôter l'ēnemy, de maniere qu'il renforcea grandemēt le courage aux siēs, & leur apporta une enuie d'imiter sa prouesse. Apres dōques que la bataille eust esté gaignee, Antigonus demanda à ses capitaines Macedoniens pour les tenter, qui les auoit meuz à faire partir & charger la cheualerie auant le signe qui leur auoit esté commandé: ilz respōdirent, qu'ilz auoiēt esté contraints d'ainsi le faire contre leur uoulunté, par ce qu'un ieune gētilhomme Megalopolitain estoit allé auant le temps commēcer la charge avec sa compagnie: & adonc leur dit Antigonus en riant, ce ieune gentilhomme là que uous dirtes, a fait un tour de sage & uaillant capitaine. Cest exploit d'armes ioint avec le tesmoignage d'Antigonus, comme lon peult penser, donna grande reputation à Philopœmen. Si luy feit le Roy Antigonus tresgrande instance qu'il uoulust prendre party avec luy, luy offrant compagnie de gēs d'armes, & bien bon appointment s'il uouloit aller à son seruice: ce que Philipœmen refusa, pour autant principalement qu'il cognoissoit sa nature, & que difficilement il se fust rengé au uoloir & commandemēt d'autrui: mais aussi ne uoulant pas demourer oisif ny estre sans rien faire, il monta sur mer

Philopœmen.

& s'en alla en Candie, là ou il sçauoit qu'il y auoit guerre, pour tousiours se
duire & s'exerciter de plus en plus aux armes: & apres y auoir demouré long
temps à s'agguerrir avec les Candiots, qui sont bien bons combattans & fort
addroits à toutes sortes de ruzes de guerre, & d'auâtage fort sobres & estroicts
en leur uiure, il s'en retourna en Achaïe, avec si bon nom & si grande reputa-
tion enuers un chascun, qu'il fut incontinct eleu capitaine general de la gen-
darmierie: & là à son aduenement il trouua, que ceulx qui deuoient seruir à che-
ual auoient de meschans petits cheuaux, les premiers qu'ilz pouuoient trouuer,
& qu'encore le plus souuent ilz s'exemptoient d'aller eulx mesmes en person-
ne à la guerre, & y enuoyoient d'autres en leurs places, & brief qu'ilz n'auoient
ne cueur ny experience aucune des armes & de la guerre: dequoy les autres
officiers & capitaines de la cōmunaulté des Acheiens, qui auoient esté para-
uant luy, n'auoient tenu compte, craignans de les offenser, pource que ce sont
tous les plus gros, & qui ont le plus d'autorité & de moie de punir ou hono-
rer qui bon leur semble: toutefois Philopœmen ne chala point pour cela, ny
ne laissa point de faire ce que portoit son deuoir, ains alla luy mesme en per-
sonne par toutes les uilles en horter, & encourager les ieunes gentils hommes
à se bien mōter, & se mettre en bon equippage pour acquerir hōneur: & là ou
il estoit besoing de contrainte, il cōdemnoit à l'amende ceulx qui y faisoient
faulte, & leur faisoit souuent faire monstres, iouxtes, tournois, & combattre
les uns contre les autres, mesmement es temps & lieux ou il sçauoit qu'il se de-
uoit trouuer grande multitude d'hommes pour ueoir l'esbattement, de ma-
niere qu'en peu de temps il les rendit merueilleusement courageux, prompts
& addroits à cheual, qui est un des principaux poincts pour tenir bon ordre,
& bien garder ses rens quand on est en bataille: tellement que s'il estoit be-
soing, que toute une troupe de gens de cheual tournaist ensemble à denny, ou
à faict, ou bien chasque homme d'armes à part, ilz y estoient si duits & si bien
accoustumez, qu'il sembloit proprement à les ueoir, que ce ne fust qu'un corps
de toute la troupe rengee en bataille qui se remuaist d'une mesme uolūtē,
tant ilz se mouuoient aiseement toutes fois & quantes qu'il falloist tourner, ou
d'un costé ou d'autre. Or en une grosse bataille que les Acheiens eurent contre
les Ætoliens & les Eliens au long du fleue de Larissus, le chef de la cheua-
lerie des Ætoliens, Demophantus, se ietta hors de ses troupes pour aller
chocquer Philopœmen, lequel luy alla aussi à l'encontre, & frappa le premier
si rudement d'un si grand coup de iaueline qu'il l'abbattit mort en terre. Et in-
continent que celuy là fut tumbé, le reste des ennemis se meit à fouir: ce qui
donna reputation grande à Philopœmen, comme à celuy qui ne cedit, ny
aux ieunes gens en prouesse pour uailamment combattre de la main, ny aux
uieux en prudence pour bien conduire une armee, & mener gens à la guerre
sagement. Bien est il uray que celuy qui premier eleua la communaulté des
Acheiens en quelque puissance & en quelque dignité, ce fut Aratus, car au
parauant luy, c'estoit bien peu de chose, à cause que les uilles de l'Achaïe fai-
soient leurs affaires, chascune à par soy, & Aratus fut celuy qui premier les
r'allia ensemble, & establit entre elles un gouuernement ciuil & honeste, &
ueritablement digne de la Grece, dont il aduint, que, comme nous uoions es
ruisseaux & riuieres, depuis qu'il y a quelque chose, tāt petite soit elle, qui s'ar-
reste & prend pied au fond, tout ce que le cours de l'eau emmene aual s'y atta-
che & s'y lie si bien, que l'un par le moien de l'autre s'y affermist, & prend une
fermeté

- A** fermeté stable & asseuree. Aussi estant la Grece fort affoiblie en ce temps là, & les citez bendees en partialitez les unes contre les autres, les Acheïens furent les premiers qui se rallierent ensemble, & puis tirerent à leur ligue les autres uilles qui sont à l'entour d'eulx: les unes en leur portant confort & aide pour les deliurer de l'oppression des tyrans, & les autres en les gaignant par leur union & cōcorde, & par la bôté de leur gouuernemēt: de maniere qu'ilz auoient intention de reduire par ces moiens tout le païs du Peloponese en un corps & en une ligue. Toutefois du uiuant d'Aratus ilz se rengeoient encore la plus part du temps soubz les armes & la puissance des Macedoniens, faisans la court premieremēt au Roy Ptolomeus, & depuis à Antigonus & à Philippus,
- B** lesquelz s'entremettoient fort auant, & auoient en main tous les principaulx affaires de la Grece: mais lors que Philopœmen uint à gouuerner & à tenir le premier lieu, les Acheïens estans desia assez puissans d'eulx mesmes pour resister aux plus puissans, ilz cesserent adonc de marcher soubz enseigne d'autrui, & d'user de gouuerneurs & capitaines estrangers: car quant à Aratus, il semble auoir esté un peu lent, & trop froid pour les exploits d'armes, & pourtant feit il la pluspart de ses faicts par amiables traittez, par intelligēces, & par l'amitié qu'il auoit avec ces Roys, ainsi comme nous auons escrit au long en sa uie. Mais Philopœmen estant homme d'execution, hardy & uaillant de sa personne, & qui en ses premieres récontres auoit eu fauorable fortune, moienant laquelle il estoit uenu au dessus de ses entreprises, augmēta le cueur avec la puissance des Acheïens, pourautant que soubz sa conduite ilz auoient accoustumé de battre tousiours leurs ennemis, & d'auoir du meilleur en la pluspart de leurs affaires. La premiere chose donques qu'il leur feit à son arriuee, fut qu'il chāgea la maniere de dresser leurs batailles & leur façon de farmer: car auparauāt ilz usoient de petits boucliers fort legers, à cause qu'ilz estoient si minces & si estroicts, qu'ilz ne couuroient pas le trauers du corps de l'hōme, & portoient des iauelines beaucoup plus courtes que picques: au moien dequoy ilz estoient bien dispos, & bōs pour escarmoucher & cōbattre de loing, mais quand se uenoit à chocquer de pres à pied ferme, les ennemis auoient auantage sur eulx: & quant à la forme de leurs batailles, ilz ne sçauoient que c'estoit de les ordonner en triangle ou en rōd, & n'usoient que de figure quarree seulement, encore ne luy donnoient ilz point de front, ou les fers des picques de plusieurs rens frappassent tous ensemble, & ou les soudards fussent si bien ferrez q̄ leurs targes se touchassent l'une à l'autre, cōme il se fait au quarre de la bataille Macedoniene, au moien dequoy ilz estoient aiseement repoulsez & ouuerts. Ce que Philopœmen corrigea, en leur persuadāt de prendre au lieu du bouclier & de la iaueline ou de l'espieu, la targe & la picque, & de farmer les testes de bons morrions, les corps de halecrets, & les cuisses & iambes de bons cuissots & bonnes grefues, à fin de combattre à pied ferme sans reculer ne bouger, non pas remuer, & courir ça & là, comme escarmoucheurs armez à la legere. Ainsi aiant enseigné & persuadé aux ieunes hōmes de farmer à bon esciant, premieremēt il les en rendit plus asseurez & leur eleua les cueurs, comme s'ilz fussent deuenus inuincibles, & puis il cōuertit leurs delices & superfluitez ordinaires en honeste despense: car de leur oster du tout une folle & uaine accoustumance qu'ilz auoient prise de longue main à l'enuy les uns des autres, qu'ilz uouloient estre uestus richement, meublez en leurs maisons de liets & de tapisseries sumptueusement, & seruiiz à la table

Philopœmen.

opulently & delicately, c'estoit chose impossible : mais pour commencer à destourner ce desir qu'ilz auoient d'estre tousiours propres, & bien empoint des choses nō necessaires, & superflus es choses utiles & honestes, il leur persuada & conseilla de resserrer un peu la despense ordinaire qu'ilz faisoient à l'entour de leurs personnes tant en habillemens qu'en seruice de table, & espargner pour se monstrier magnifiques & bien en ordre en armes, & en tout autre equippage de guerre. Parquoy lō ne uoyoit plus autre chose par les boutiques des orfeures, que coupes & pots d'or & d'argent, que lon rôpoit pour mettre à la fonte, halecrets & cuirasses que lon doroit, boucliers & mors de bride que lon argentoit. Es lices & lieux ordonnez à picquer cheuaulx uous n'eussiez ueu que ieunes poulains que lon domptoit & dressoit, & ieunes hommes qui s'exercitoient aux armes. Et entre les mains des Dames ne se uoyoit que morrions & armets, aux quelz elles attachoient des pennaches de diuerses couleurs, sayes & cottes d'armes qu'elles enrichissoient d'ouurages : desquelles choses la ueuë leur augmentoit le cueur, & leur engendroit une enuie & un propos de bien faire, sans s'espargner à la guerre. Car il est biē uray que la superfluité & sumptuosité que lon uoit en autres spectacles attraiēt secrettement les uoluntez des hommes, & les induit à conuoiter les delices, & si rend les courages de ceulx q en usent, molz & effeminez, pource que le grattement & chatrouillement, par maniere de dire, du sens exterieur qui s'en delecte, amollist & lasche quand & quand la roideur & la uigueur du pensement : mais aussi au cōtraire, la sumptuosité de despēse qui se fait en equippage de guerre, fait croistre & fortifie un gētil cueur : ne plus ne moins qu'Homere fait, qu'Achilles quand sa mere luy apporte à ses pieds les armes nouvelles, qu'elle luy a fait faire par Vulcain, en les regardant ne peult arrester en place, ains bout & brusle d'un ardent desir de les employer. Apres donc que Philopœmen eut cōduit la ieunesse d'Achaïe à se poinct, de s'armer & accoustre ainsi brauemēt, il se mit à la dresser & exerciter aux armes continuellement : en quoy nō seulement ilz luy estoient obeissans, ains se perforceoiēt d'auantage à l'enuy l'un de l'autre, de faire mieux que leurs compagnons : car ilz trouuoient merueilleusement bonne l'ordonnance de bataille qu'il leur auoit enseignee, pource qu'estant si bien ioincte & serree ensemble, il leur estoit bien aduis qu'il seroit malaisé de les rôpre : & par cōtinuation d'auoir souuent leurs armes sur le dos ilz les en trouuoïēt plus aisees & plus legeres, oultre le plaisir qu'ilz prenoiēt à les ueoir & porter ainsi riches & belles : de maniere qu'ilz ne demādoient plus que quelque occasiō pour biē tost les essayer & employer cōtre leurs ennemis. Or auoient les Achēiens pour lors la guerre cōtre Machanidas tyran des Lacedemoniens, lequel avec une grosse & puissante armee espioit tous les moïes de se faire seigneur absolu de tous les Peloponesiēs : comme donques les nouvelles fussent uenues qu'il estoit entré sur les terres des Mantiniens, Philopœmen aussi se mit incontinent aux champs avec son armee pour l'aller trouver : si se rencontrerent au plus pres de la uille de Mantinee, là ou ilz rengèrent l'un & l'autre aussi tost leurs gens en bataille. Ilz auoient tous deux bō nombre de soudards estrangers à leur soule, oultre toutes les forces entieres de leurs païs : & quand ce uint à chocquer, Machanidas avec ses estrangers chargea si rudement quelques gens de traict, & quelques archers que Philopœmē auoit mis au deuant de la bataille des Achēiens, pour commencer & attacher l'escarmouche, que d'arriuee il les tourna tous en fuite : mais au lieu d'aller

A tout d'une tire droit à l'encontre des Achéiens qui estoient en bataille, pour essayer de les rompre, il s'amusa à chasser ces premiers fuyans, & passa tout au long des Achéiens qui teindrent bien leurs rens. Ceste rouverte si grande éstât aduenue tout au commencement de la bataille, il sembloit bien à beaucoup de gens, que tout fust perdu & ruiné pour les Achéiens: mais Philopœmen feit semblant que ce n'estoit rien, & qu'il n'en faisoit point de compte: & uoiant la grande faulte que faisoient les ennemis de poursuyure ainsi à toute bride ces auantcoureurs qu'ilz auoient rompus, & d'esloigner la bataille de leurs gens de pied, qu'ilz laissoient tous nuds, & abandonnoient la place uuide, il ne leur alla point au deuât pour les arrester, ny ne s'efforcea point de les garder qu'ilz

B ne chassassent ceulx qui fuyoient, ains les laissa passer oultre: & quand il ueit qu'ilz estoient assez esloignez de leurs gens de pied, adonc il feit marcher les siens contre les Lacedæmoniens qui auoient les flancs desnuez de gens de cheual, & les chargeant à costé en se hastant de gagner à la course l'un des flancs, il les meit en rouverte avec un bien grand meurtre: car on dit qu'il en demoura plus de quatre mille sur la place, pource qu'ilz n'auoient personne qui les cōduisist, & qu'ilz ne s'attendoient pas d'auoir plus à cōbattre, ains pensoient auoir tout gagné, uoians Machanidas chasser ainsi à toute bride ceulx qu'il auoit rompus. Apres ceste descōfiture, il reuint au deuant de Machanidas qui retournoit de la chasse avec ses estrâgers: mais il se trouua d'aduerture un fossé

C profond & large entre eulx deux, sur les bords duquel ilz cheuaucherent une espace de temps uis à uis l'un de l'autre, l'un cherchant quelque endroit commode pour passer & s'en fouir, & l'autre pour le garder de ce faire. Si sembloit proprement à les ueoir ainsi les uns deuât les autres, que ce fussent bestes sauvages reduites à l'extreme necessité de se defendre à force par un si aspre ueneur comme estoit Philopœmen: mais comme ilz estoient en ce debat, le cheual du tyran qui estoit courageux & fort, & d'auantage se sentoit broché des esperons d'une part & d'autre iusques au sang, se hazarda de uoloir franchir le fossé, & s'approchant du bord se dressa sur les pieds de derriere pour lancer ceulx de deuant à l'autre bord: & adonc Simmias & Polyænus, qui auoient

D tousiours accoustumé d'estre aux costez de Philopœmen quād il combattoit, accoururent celle part pour luy presenter les fers de leurs iauelines, & le garder qu'il ne faultast: toutefois Philopœmen y fut deuant eulx, & uoiant que le cheual du tyran leuoit la teste, tellement qu'il couuroit tout le corps de son maistre, il destourna un peu le sien, & prenant sa parthisane à deux mains luy en dōna si grād coup, en poulsant de toute sa puissance, qu'il le renuersa mort dedans le fossé. En memoire dequoy les Achéiens, qui estimerēt grandement cest acte de prouesse, & ensemble le bon sens qu'il eut à bien conduire ceste bataille, luy feirent dresser une statue de cuyure en tel geste & en telle action, au temple d'Apollo en la uille de Delphes. Et dit on qu'en l'assemblée des ieux

E publiques qui s'appellent Nemea, & qui se celebrent en l'hōneur de Hercules, non gueres loing de la uille d'Argos, bien tost apres qu'il eust gagné ceste bataille de Mantinee, éstant pour la secōde fois capitaine general de la ligue des Achéiens, & se trouuant de loisir, à cause de la feste, il monstra premierement aux Grecs, qui estoient là uenus pour ueoir le passer temps des ieux, son armee rengee en bataille, & leur feit ueoir comment elle se remuoit aisemēt de tous les mouuemens qui peuuent estre necessaires en combattant, sans se troubler ne confondre, avec une grande force & grande legereté. Puis cela

Philopœmen.

faict, il entra dedans le theatre pour ouir les Musiciens chantâs sur les instrumens à qui gaigneroit le pris, estant suiuy & accompagné des ieunes gentils hommes, qui estoient uestus de leurs mâteaux de pourpre, & de leurs casques & sayôs d'escarlante à porter sur le harnois, tous en fleur d'aage, dispos de leurs personnes, & portans grand honneur & reuerécé à leur capitaine, & qui avec cela monstroient secrettemēt une certaine gentillesse de cuer, qui leur estoit eleuē par plusieurs belles rencontres, ou ilz auoient tousiours eu l'aduantage sur leur ennemis : & d'adventure ainsi comme ilz furent entrez, le Musicien Pylades chantant un poēme de Timotheus, qui s'appelle les Perses, tumba sur ces uers,

C'est luy duquel la uertu & bon heur

Vous rend, ô Grecs, de liberté l'honneur.

Et cōme le Musicien eust pronocé ce passage d'une uoix haulte & claire, ainsi qu'il appartenoit à la grauité du subiect, tous les Grecs qui estoient au theatre assemblez pour uoir les ieux, ietterent incontinent de tous costez leurs yeux sur Philopœmen, & se prirent avec une tresgrande liesse à frapper de leurs mains l'une contre l'autre, pour l'esperance qu'ilz conceuoient que les Grecs par son moien recouureroyent bien tost entieremēt leur ancienne reputation, & pour la cōfiance qu'ilz prenoient d'estre ia arriuez à la magnanimité de leurs ancestres. Et tout ainsi que les ieunes cheuaux demandent tousiours ceulx qui ont accoustumé de les cheuaucher, tellement que si d'autres montent sur eulx, ilz s'en effarouchent & s'en treuuent tout estonnez : aussi quand se uenoit à un bon affaire, qu'il falloit hazarder une bataille, l'armée des Acheiens n'auoit point de cuer, si autre que luy estoit capitaine general, & regardoit tousiours vers luy : & si tost qu'elle le uoyoit elle reprenoit courage, & ne demādoit plus qu'à mettre la main à l'œuure, tant elle auoit de fiance en son heur & en sa uertu, & non pas sans cause, attendu qu'ilz uoyoiēt que c'estoit celuy seul de tous leurs capitaines que les ennemis n'ozoient regarder au uisage, & duquel ilz craignoient seulement le nom & la reputation, comme il apparoissoit par les choses qu'ilz faisoient. Car Philippus Roy de Macedoine se persuadant que s'il pouuoit oster de ce monde Philopœmē par quelque moien que ce fust, les Acheiens se rengeroient derechef à sa deuotion, il enuoya secrettement des gēs en la uille d'Argos pour le faire tuer en trahison : mais l'embusche fut descouuerte, dont ce Roy fut depuis haï mortellement, & réputé lasche & meschant par tous les Grecs uniuersellement. Et cōme les Bœotiens eussent un iour mis le siege deuant la uille de Megare, & eussent grande esperance de l'emporter du premier assault, il se leua soudainemēt un bruit parmy eulx, que Philopœmen la uenoit secourir, & qu'il en estoit desia bien pres avec son armee : cela estoit faulx : mais toutefois les Bœotiens eurent si grande peur qu'ilz laisserent là leurs eschelles qu'ilz auoient desia dressées contre les murailles, & se meirent incontinent tous en fuite. Vne autre fois cōme Nabis tyran des Lacedæmonies, aiant succédé à Machanidas, eust surpris d'emblee la uille de Messine, Philopœmen qui pour lors estoit homme priué, & n'auoit aucune charge de gens de guerre, s'en alla deuers Lysippus capitaine general des Acheiens pour celle annee, luy remonstrier qu'il deuoit promptement aller au secours de Messine. Lysippus luy feit responce qu'il n'estoit plus temps d'y aller, & que c'estoit une uille perdue sans remede, attendu que les ennemis estoient ia dedans. Parquoy Philopœmen, uoiant qu'il ne

luy

- A** luy pouuoit mettre en teste qu'il y allaſt, ſy en alla luy meſme avec les forces de ſa uille tant ſeulement: ſi n'attendirent pas les Megalopolitains qu'il ſe feiſt une aſſemblée publique de conſeil, auquel à la pluralité des uoix du peuple par decret public queſte commiſſion luy fuſt donnée, ains le ſuyuirent tous uoluntairement comme eſtant leur capitaine perpetuel, celui qui par nature eſtoit plus digne de commander. Quand il fut aupres de Meſſine, Nabis qui en ouit les nouuelles ne l'oza pas attendre, cōbien qu'il euſt ſon armee dedans la uille meſme, ains en ſortit à la deſrobbee par une autre porte, & emmena ſon armee à la plus grande haſte qui luy fut poſſible, eſtimant que ce luy ſeroit un grand heur ſ'il pouuoit eſchapper, & ſe retirer à ſauueté, comme il
- B** feiſt, & fut par ce moien la uille de Meſſine deliuree de captiuité. Or ce que nous eſcript iuſques icy eſt ſans point de doute grandement à l'honneur & à la gloire de Philopœmē: mais depuis il fut fort blaſmé pour un uoyage qu'il feiſt en Candie à la requeſte des Gortyniens, qui l'enuoyerent prier de uoloir eſtre leur capitaine en une guerre, dont ilz eſtoient lors trauailleſ: car il ſ'y en alla au temps que le tyrā Nabis faiſoit plus fort la guerre à ſon païs, & luy imputa lon, ou qu'il fuyoit la lice, ou que hors de ſaiſon il ſe uoloit monſtrer à des eſtrangers, lors que les Megalopolitains ſes citoiens furent ſi preſſez de la guerre, que tout leur plat païs eſtant perdu & gaſté, ilz ſe retirerent dedans le pourpris de leurs murailles, & ſemerent les places uuides & les rues de leur
- C** uille pour uiure, aians leurs ennemis campeſ preſque iuſques dedans leurs portes: & luy ce pendant faiſant la guerre aux Candiots & ſeruant des eſtrangers oultre mer, dōna occaſiō à ſes malueuillās de luy mettre ſus, qu'il fuyoit à combattre pour la deſenſe de ſon païs. Toutefois il y en auoit d'autres qui diſoient, que pour autant que les Acheiens eliſoient d'autres capitaines généraux que luy, il auoit uolu ſe trouuant homme priué employer ſon loir en la charge de capitaine general des Gortyniens, qui l'en auoient enuoyé prier à grande inſtance: car il eſtoit homme qui ne pouuoit demourer oiſif, & qui uoloit ſur toutes choſes maintenir en continuel exercice ſa uertu militaire, & mettre en action ſa ſuffiſance en l'art de bien conduire une armee. A quoy ſe
- D** rapporte une parole qu'il dit un iour du Roy Ptolomēus: car cōme quelques autres le haultlouaſſent, diſans qu'il exercitoit treſbien ſon armee, & que luy-meſme dreſſoit & endureciſſoit fort ſa perſonne tous les iours à l'exercice des armes: Ce n'eſt, dit il, pas choſe louable à un Roy, en l'aage ou il eſt, de ſe dreſſer encore à l'exercice des armes: car il les d'eũt hormais realement & de faiēt employer. Tant y a que les Megalopolitains furent ſi mal contēts de ceſte ſienne abſence, laquelle ilz eſtimerent eſtre une eſpece de trahiſon, qu'ilz le uolurent bannir & priuer du droit de bourgeoisie de leur uille, & l'eũſſent faiēt n'eũt eſté que les Acheiens y enuoyerent leur capitaine general Ariſtænetus, lequel encore qu'il euſt quelques differents avec Philopœmen, touchant les
- E** affaires de la choſe publique, ne uolut pas pourtant ſouffrir qu'il fuſt par ſentence banny: & depuis uoiant que ſes citoiens ne faiſoient plus compte de luy, il feiſt par deſpit ſouſleuer & rebeller à l'encontre d'eulx pluſieurs petites uilles & uillages du plat païs, leur enſeignant à dire & mettre en auant qu'ilz n'eſtoient point leurs ſubiects, ny n'auoient point eſté leurs contribuables des le commencement, & ſi leur aidoit à le maintenir publiquement, en brouillant la uille de Megalopolis de ce proces deuant le conſeil de la ligue des Acheiens. Ces choſes aduindrent quelque temps apres:

Philopœmen.

mais pendant qu'il feist la guerre en Candie pour les Gortyniens, il ne fy F
porta point en Peloponnesien, ny en homme né au pais de l'Arcadie, faisant la
guerre magnanimement & à la descouuerte, ains se transforma es meurs des
Candiots usant de leurs ruzes, cautelles, surprises, & embusches à lencontre
d'eulx mesmes, & leur feist cognoistre q̃ toutes leurs finesses n'estoiēt que ieux
d'enfans, par maniere de dire, à comparaison de celles qui estoient inuentees
& conduittes par le sens d'un bon capitaine, experimenté & exercité à faire la
guerre à bon esciant. Aiant donques un tres glorieux renom pour les choses
qu'il auoit faittes en Cádiz, il s'en retourna au Peloponese, là ou il trouua que
Philippus Roy de Macedoine auoit esté desfait en bataille par Titus Quintus, & que les Acheïens ioincts avec les Romains faisoient la guerre au tyran G
Nabis, contre lequel il fut incontinent à son retour eleu capitaine & luy pre-
senta la bataille par mer: en laquelle il luy prit presque tout ainsi qu'il feist ia-
dis à Epaminondas, pource que l'issue de ceste rencontre fut de beaucoup pire
que lon ne l'attendoit de sa uertu & de sa renommee. Toutefois quant à Epa-
minondas, aucuns ueulent dire qu'il s'en retourna uoluntairement de l'Asie
& des isles sans rien faire, pource qu'il ne uouloit pas que ses citoiens goutas-
sent les gaings & profits de la marine, de peur qu'au lieu de bons combattans
de terre ferme, ilz ne deuinsent, comme dit Platon, petit à petit mariniers dis-
solus. Mais au contraire Philopœmen presumant que la suffisance qu'il auoit
de bien dresser une bataille en terre ferme luy seruiroit assez, & suffiroit enco- H
re en la marine, apprit à ses despens, quel lieu tient l'exercitation en la uertu, &
combien elle adiouxte de force en toutes choses à ceulx qui sont bien experi-
mentez: car non seulement il fut battu en ce combat de mer, pour n'estre pas
bien entēdu au faict de la marine: mais encore feist il une autre trespourde faulte,
c'est qu'il feist tirer en mer un uaisseau, lequel autrefois auoit bien esté fort
bon: mais il y auoit quarante ans qu'il n'auoit flotté, & embarqua de ses ci-
toiens dessus, lesquelz cuiderent tous perir, pource que le uaisseau faisoit eau
de toutes parts. Ceste rouverte fut cause que ses ennemis l'eurent en grand mes-
pris, se persuadās qu'il s'en seroit du tout fouy, & leur auroit entieremēt quit-
té la marine, au moien dequoy ilz allerent fierement mettre le siege deuant la I
uille de Gythium: dont Philopœmen estant aduertty, embarqua soudainemēt
ses gens, & leur alla courir sus au desprouueu, ainsi qu'ilz ne se doubtoient de
rien, ains estoient escartez ça & là, sans soy tenir sur leurs gardes, à raison de
la uictoire qu'ilz uenoient de gagner. Si descendit habilement ses gēs en ter-
re de nuict, & alla mettre le feu dedās leur camp, qu'il brusla tout entieremēt,
& en cest effroy en tua un bien grand nombre. Peu de iours apres ceste surpri-
se le tyran Nabis se trouua soudainement deuant luy, ainsi qu'il auoit à passer
par un tresmauuais & dāgereux passage: dequoy les Acheïens furēt bien estō-
nez, cuidans de prime face qu'il fust impossible, que iamaïs ilz se peussent tirer
à sauueté hors d'un si perilleux endroit, attendu que les ennemis en tenoient K
toutes les aduenues. Mais Philopœmen s'arrestant un peu sur soy, considera
toute la nature & situation du lieu, & apres l'auoir bien consideree, monstra
euidemment, que de toute l'art militaire le plus grād poinct est, sçauoir bien
selon le temps & l'affiette du lieu ordōner une armee en bataille: car il ne feist
que chāger un peu la forme de sa bataille, & l'accommoder à la situation du
lieu, auquel il estoit enclos: & en ce faisant, sans trouble ny tumulte, il osta
toute la doubte du danger, & chargea ses ennemis de telle sorte, qu'il les tour-

A na en peu d'heure tous en fuitte: & uoiant qu'ilz ne fuioiēt pas tous en troupp
pe uers la uille, ains s'escartoiēt parmy les champs ça & là, il feit sonner la re-
traitte, defendant que lon ne les chassa plus, pourautāt que touē le païs à l'en-
uiron estoit païs couuert & bossu, malaisé pour gēs de cheuāl à cause des ruif-
seaux, uallées & fondrieres qu'il falloit passer, & se logea qu'il estoit encōre
grand iour, se doubtant bien que les ennemis, sur le soir, quand il commen-
ceroit à faire brun, se retireroient à la file un à un, & deux à deux dedans la uil-
le: parquoy il enuoya bon nombre d'Acheïens en embusche au lōg des ruif-
seaux & coustaux qui sont autour de la uille, lesquelz feirēt grād meurtre des
gens de Nabis, à cause qu'ilz ne se retiroient pas en troupp, ains à la file, selon
B qu'ilz sen estoient fouïs l'un d'un costé, l'autre d'un autre, & s'alloient rendre
entre les mains de leurs ennemis, ne plus ne moins que les petits oiseaux qui
donnent dedans les retz de l'oïseleur. Ces actes estoient cause que les Grecs
aimoient singulierement Philopœmen, & luy faisoient de tresgrāds hōneurs
en tous les theatres & toutes les assemblees publiques: dequoy Titus Quin-
tius, qui de sa nature estoit ambitieux & conuoiteux d'honneur, auoit un peu
de ialousie, estimant qu'un Cōsul Romain par raison deuoit estre plus honoré
& prisé des Acheïes, qu'un simple gentilhomme d'Arcadie: & si pensoit bien
auoir de beaucoup mieulx meritē de la Grece, que non pas luy, attēdu que par
un seul cry de herault il auoit affranchy & remis en sa liberté ancienne toute la
C Grece, qui auāt sa uenue estoit serue & subiette aux Roy Philippus & aux Ma-
cedoniens. Depuis Titus Quintius feit paix avec le tyran Nabis, lequel peu
de temps apres fut occis en trahison par les Ætoliens. A raison dequoy la uil-
le de Sparte se trouua en grand trouble, & Philopœmen embrassant prompte-
ment ceste occasion, s'y en alla avec son armee, & feit si bien partie par amour,
& partie par force, qu'il gaigna la uille, & la ioignit à la ligue des Acheïens: si
fut fort estimē & louē des Acheïens pour ce grand chef d'œuure, d'auoir ac-
quis à leur ligue & communaulté une uille de telle puissance & de si grande
autorité: car ce n'estoit pas petit accroissēmēt de forces & de reputation, que
la uille de Sparte uint à estre partie de l'Achaïe: & si gaigna par ce moien l'a-
D mour & bienueillance de tous les plus gens de bien du païs de Lacedæmone,
pour l'esperance qu'ilz eurēt d'auoir trouuē en luy un defenseur & protecteur
de leur liberté. Parquoy quand la maison & les biens du tyran Nabis eurent
estē uendus, comme confisquez à la chose publique, ilz resolurent en leur cō-
seil de luy faire present de l'argent, qui mōta enuiron la somme de * six uingts
talents, & luy enuoyerent ambassadeur expres pour la luy offrir: là ou Phi-
lopœmen feit euidemment cognoistre que sa preudhommie n'estoit point
apparence feincte, ains une reale uerité: car premierement il n'y eut homme
de tous le Spartiates qui ozaſt prendre la hardiesse de luy aller presenter cest
argent, ains craignans tous de luy en porter la parole, & s'en excusans, à la fin
E en feirent prendre la charge à un Timolaus qui particulierement estoit son
amy & son hoste: & celuy là encōre quand il fut arriué à Megalipolis, estant
logé & festoyé chez Philopœmen, eut en si grande reuerence la grauité uene-
rable de ses propos & de sa conuersation, la simplicité de son uiure ordinaire,
& la netteté de ses meurs si entieres, qu'il n'y auoit ordre d'en approcher pour
les corrompre par argēt, qu'il n'oza onques ouurir sa bouche pour luy parler
du present qu'il luy auoit apporté, ains controuua quelque autre occasion,
pour laquelle il dit estre uenu deuers luy: & y estant renuoyé pour la seconde

* Soixāte &
douze mille
escus.

Philopœmen.

fois, il en feit encore tout autant: mais au troisieme uoyage, à toute peine s'ad-
uentura il à la fin de luy en ouurir le propos, luy declarant la bonne affection
que luy portoit la uille de Sparte. Philopœmen fut bié aise de l'ouir, & le tout
entendu s'en alla luy mesme à Sparte, ou il remonstra au conseil, que ce n'e-
stioient point les gens de bien ny leurs bons amis qu'ilz deuoient rascher à cor-
rompre & à gagner par argent, attendu qu'ilz se pouuoient à leur besoing
seruir de leur uertu sans qu'il leur coustast rié, mais que c'estoient les meschâs
& ceulx qui par leurs seditieuses harengues au conseil mutinoiét & mettoiét
la uille en combustion, qu'ilz deuoient achepter & gagner par loyer merce-
naire, à fin qu'aians les bouches fermées par dons, ilz leur feissent moins d'en-
nuy au gouuernement de la chose publique: car il est, dit il, plus expedient
d'oster la licence de parler & clorre la bouche aux ennemis, qu'il n'est pas aux
amis. tant estoit Philopœmen magnanime cōtre toute conuoitise d'argent.
Mais quelque temps apres Diophanes qui pour lors estoit capitaine general
des Acheïens, fut aduertty que les Lacedemoniens attentoient quelques nou-
uelletez, & s'apprestoient pour les aller chastier: de l'autre costé aussi les Lacede-
moniens se preparans à la guerre, mettoiient en combustion tout le Pelopone-
se: parquoy Philopœmen tascha à addoucir & appaiser le courroux de Dio-
phanes, en luy remonstrant, qu'estans pour lors le Roy Antiochus & les Ro-
mains attachez en guerre les uns contre les autres, avec deux si puissantes ar-
mees, tout au milieu de la Grece, c'estoit là ou un bon capitaine & sage gou-
uerneur deuoit auoir l'œil, & y emploier toute sa pensee, non pas remuer au-
cune chose dedans son païs en telle saison, ains plustost dissimuler pour un
temps, & ne faire pas semblant de ueoir ny d'ouir quelques faulces que lon y
pourroit commettre. Diophanes n'en uolut rien faire, ains entra à main
armee dedans le territoire de Lacedæmone avec Titus Quintius, & tirerent
tous deux ensemble droit uers la uille mesme de Sparte, dequoy Philopœ-
men conceut en luy mesme une telle indignation qu'il entreprit de faire u-
ne chose, laquelle n'estoit pas bonnemēt legitime ny totalement iuste, mais
bien estoit-ce entreprise d'un grand cueur & d'une merueilleuse hardiesse:
car il se ietta dedans la uille de Sparte, & estant homme priué garda le ca-
pitaine general des Acheïens & le Consul des Romains d'y entrer: puis
aiant appaisé les troubles & seditions qui s'y estoient souleuees, la remeit
à la communaulté des Acheïens comme elle estoit au parauant. Toutefois
luy mesme depuis estant capitaine general des Acheïens, pour quelques faul-
tes que les Lacedæmoniens commecirent, il les contraignit de receuoir les
bannis qu'ilz auoient chassés de leur uille, & feit mourir quatre uingts natu-
relz citoiens de Sparte, ainsi comme l'escrit Polybius, ou trois cents cinquāte
ainsi que met Aristocrates un autre historien: feit abbatre les murailles de
la uille, leur retrencha grande partie de leur territoire, qu'il attribua aux Me-
galopolitains, contraignit de sortir du païs de Lacedæmone tous ceulx à qui
les tyrās y auoient otroyé droit de bourgeoisie de Sparte, & les feit tous aller
habiter ailleurs en Achaïe, exceptez trois mille qui ne uoulurent pas obeir à
son commandement, à raison dequoy il les uendit comme esclaués, & de l'ar-
gēt qui en prouint pour leur faire plus de despit & d'iniure, feit bastir un por-
tique dedans la uille de Megalipolis. Et pour se fouler encore d'auantage de
faire le pis qu'il pouuoit aux Lacedæmoniens, & par maniere de dire, les fou-
ler aux pieds en leur affliction plus griefue qu'ilz n'auoient merité, il feit un

A acte tres cruel contre toute raison & cõtre toute iustice. C'est qu'il les contrain-
gnit de laisser la discipline, & maniere de nourrir les enfans que Lycurgus
leur auoit anciennement instituee, & les forcea de prendre celle dont lon uoit
en Achaïe, au lieu de celle dont ilz auoient d'ancieneté accoustumé d'user en
leur païs, pource qu'il uoyoit bien qu'ilz n'auoient iamais les cueurs bas ny
petits tant qu'ilz garderoient les ordonnâces de Lycurgus. Si furér pour lors
contraincts de ployer les testes soubz le ioug pour le faix du malheur qui les
accabloit, & endurer malgré eulx que Philopœmẽ couppast ainsi, par manie-
re de parler, les nerfs de leur chose publique : mais depuis ilz requirét aux Ro-
mains qu'il leur fust permis de reprendre leur ancienne discipline, ce que leur
B estant ottroyé, ilz reietterét arriere celle de l'Achaïe, & remirent sus au moins
mal qu'il leur fut possible apres tant de malheurs, & si grande corruption de
meurs, les anciennes coustumes & ordonnâces de leur païs. Or enuiron le tẽps
que la guerre commença entre les Romains & le Roy Antiochus au dedans
de la Grece, Philopœmen se trouua homme priué sans autorité publique, &
uoiant que ce Roy Antiochus s'arrestoit en la uille de Chalcis à ne rien faire
que l'amour, & à se marier à une ieune fille hors la saison de l'aage ou il estoit :
& uoiant aussi que ses gens de guerre Syriens, ne faisoient autre chose qu'aller
ça & là par les uilles en grand desordre, commettans mille insolences sans cõ-
duite d'aucuns capitaines, il estoit bien marry qu'il n'auoit lors la charge de
C capitaine general des Acheïens, & disoit aux Romains qu'il leur portoit en-
uie, de ce qu'ilz auoient la guerre à des ennemis qui leur cousteroient si peu à
desfaire : Car si fortune eust uoulu, ce disoit il, q̃ ie me fusse maintenant trouué
capitaine des Acheïes, ie les eusse tous mis en pieces par les cabarets & tauer-
nes. Depuis les Romains aians desfaict Antiochus, commencerent à ancrer
de plus en plus sur la Grece, de sorte qu'ilz enueloppoient ia de tous costez les
Acheïens, mesmemet que les gouuerneurs des uilles fleschissoient soubz eulx
pour gaigner leur bonne grace : & alloit desia plus que le pas la grandeur de
leur puissance à la monarchie de tout le monde, avec la faueur des Dieux, qui
les auoient ia approchez bien pres du but, ou il falloit à la fin que la fortune se
D terminast. Philopœmen ce pendant faisoit comme le bon pilote, qui resiste le
plus qu'il peult à la rudesse du temps, & à la force des undes : & combien qu'il
fust contrainct de ceder & laisser aller quelques choses à la qualité du temps,
si est ce qu'il leur estoit contraire & leur resistoit en la plus part des occurren-
ces, taschant tousiours à tirer à la defense de la liberté ceulx, qui par leur bien
dire ou bien faire auoient le plus d'autorité entre les Acheïens. Et comme
Aristænetus Megalopolitain homme de grand credit en la communaulté, &
qui estoit tousiours monstré fort affectionné aux Romains, dit un iour en
plein conseil des Acheïens, qu'il ne les falloit desdire en chose quelcõque, ny
se monstrier ingrats enuers eulx, Philopœmen oyant ce propos ce teut pour
E quelque temps, & le laissa dire, combien qu'il en fust fort despit en son coura-
ge, toutefois à la fin il fut si pressé d'impatience & de cholere, qu'il ne se peut
plus tenir de luy dire : Dea Aristænetus, pourquoy as tu si grãde haste de ueoir
la malheureuse destinee de la Grece ? Vne autrefois comme Manius estant
Consul des Romains, apres auoir desfait & uaincu le Roy Antiochus, requist
au conseil des Acheïens, que les bannits de Lacedæmone peussent retourner
en leurs païs & maisons, & Titus Quintius les en priaist aussi, Philopœmẽ l'em-
pescha, non pour haine qu'il eust à l'encontre des bannits, mais pource qu'il

Philopœmen.

uouloit que cela se feist par son moien & par la seule grace des Acheïens, à fin F
qu'ilz ne fussent tenus de ce benefice ny à Titus, ny aux Romains: & depuis
luy mesme estant capitaine general de la communaulté, les restitua en tous
leurs droicts. ainsi estoit quelque fois Philopœmê, à cause de son grand cueur
un peu trop contentieux & trop opiniastre, mesmement quand on uouloit
auoir les choses d'autorité. Finablement estant aagé de soixante & dix ans, il
fut eleu pour la huitieme fois capitaine de la ligue des Acheïens, & esperoit
bien passer non seulement l'annee de sa charge en repos & en paix, mais aussi
tout le reste de sa uie sans emotion de nouuelle guerre, selon qu'il uoyoit le
train que prenoient les affaires de la Grece. Car ne plus ne moins que la force
des maladies decline à mesure que la uigueur naturelle des corps malades ua G
decroissant: aussi entre les uilles & peuples de la Grece, l'enuie de quereller &
de guerroyer se passoit au pris que la puissance leur apertissoit. Toutefois à la
fin la uégeance diuine, qui ne laisse ny les faicts ny les dicts insolents des hô-
mes impunis, le renuerça par terre tout au bout de son terme, ne plus ne moins
qu'un bon coureur qui par malheur se laisseroit tumber au plus pres du bout
de sa carriere. Car on compte que se trouuât en une compagnie ou lon louoit
& prisoit haultement un certain personage de ce temps là comme bon capi-
taine, il se prit à dire: Et commét faites uous cas de celuy là, ueu qu'il s'est lais-
sé prendre uif prisonnier à ses ennemis? Peu de iours apres nouuelles uindrêt
côme Dinocrates Messenien, hôme particulièrement ennemy de Philopœmê H
pour quelques priuez differents qu'ilz auoient euz ensemble, & uniuerselle-
ment mal uoulu de tous autres gens de bien & d'honneur pour sa meschance-
té & sa uie desordonnee, auoit soubstraiçt la uille de Messine de la commu-
naulté des Acheïes, & disoit on qu'il uenoit en armes pour occuper un bourg
appellé Colonide. Philopœmen estoit pour lors en la uille d'Argos malade
de la fiebure, & toutefois ces nouuelles ouyes, il se meit en chemin pour aller
à Megalopolis en la plus grande diligence qui luy fut possible, tellemét qu'il
feit en un iour plus de uingt & cinq lieues: & de là se partit incōtinent & sans
delay, pour aller uers Messine, prenât avec luy les hommes d'armes Megalo-
politains seulement, qui estoient les plus riches & les plus nobles de la uille, I
mais tous fort ieunes, lesquelz uoluntairement pour l'affection qu'ilz luy
portoient, & aussi pour le zele d'ensuyure sa uertu, s'offrirent à aller quand &
luy: si se meit en chemin droit uers la uille de Messine: & tant allerét qu'ilz
arriuerent pres la motte d'Euander, là ou ilz rencontrerent Dinocrates & sa
troupe, qu'ilz chargerét si rudement qu'ilz le tournerét en fuitte: mais en ces
entrefaictes suruindrêt cinq cents hommes de renfort, que Dinocrates auoit
laisséz pour la garde du plat pais de Messine: quoy uoians ceulx qui auoient
esté rompus, & qui fuyoient, se rallierent & rassemblèrent par les coustaux.
Parquoy Philopœmen craignant d'estre enuironné, & uolant aussi remener K
à sauueté ces ieunes hommes qu'il auoit amenez quand & luy, commença à
se retirer par lieux bossus & malaisez, se tenant luy mesme à la queue, & tour-
nant souuent uisage aux ennemis en faisant des courses & saillies sur eulx,
pour les destourner d'aller apres les autres, sans que personne d'eulx luy ozast
toutefois courir sus: car ilz ne faisoient que crier de loing, & uoltiger au tour
de luy. Mais en s'esloignant ainsi par plusieurs boutées de sa troupe, pour dō-
ner loisir à ces ieunes hommes de se retirer tous les uns apres les autres à sau-
ueté, il ne se donna garde qu'il se trouua seul enucloppé de tous costez entre
grand

A grand nôbre d'ennemis, desquelz encore n'y eut il pas un qui l'ozaist aller af-
frôter pour le cōbattre à coups de main, ains seulement à coups de traict qu'ilz
luy tiroient de loing, le presserent tant qu'ilz le rengèrent à la fin en des lieux
pierreux entre des rochers coupez, là ou il auoit beaucoup d'affaire à guider
son cheual, encore qu'il le deschirast à coups d'esperon: & quant à sa uieillesse
elle ne l'empeschoit point de se sauuer, car elle estoit uerte & robuste pour le
cōtinuel exercice qu'il prenoit, mais de malheur, son corps estant affoibly de
maladie, & ia las du long chemin qu'il auoit fait ce iour là, se trouua pesant &
malaisé, de maniere q̄ sō cheual uenāt à broucher le uersa par terre. La cheute
fut lourde, & luy froissa toute la teste, tellement qu'il en demoura sur la place
B long tēps tout estēdu sans remuer ny parler, de sorte que les ennemis, pensans
qu'il fust mort, uindrēt retourner son corps pour le despouiller: mais quād ilz
luy ueirēt leuer la teste & ouurir les yeux, ilz se ietterēt adōc plusieurs sur luy,
& luy prirent les deux mains qu'ilz luy lierent derriere le dos, faisans tous les
oultrages & uillanies qu'il est possible de faire à un personnage, qui n'eust pas
cuidé q̄ iamais Dinocrates luy eust sceu faire une telle iniure, nō pas en songe
mesme. Si furent ceulx qui estoient demourez dedans la uille de Messine, es-
pris de merueilleuse iōye quand ilz entendirent ceste nouuelle, & accoururēt
tous aux portes de la uille pour le ueoir arriuer: mais quand ilz ueirent qu'on
le trainnoit ainsi contumelieusement lié & garroté contre la dignité de tant
C d'honneurs quil auoit receuz en sa uie, & de tant de trophées & de uictoires
qu'il auoit gaignees, la plupart en eut pitié, iusques à leur en uenir les lar-
mes aux yeux, en considérant l'infirmité de la nature humaine, ou il y a si peu
de fiance que c'est moins que rien. Ainsi commença peu à peu à courir un
propos de douceur par les bouches du peuple, qu'il falloit auoir souuenan-
ce des graces qu'il leur auoit faites auparauant, & de la liberté qu'il leur a-
uoit rendue, quand il chassa le tyran Nabis de Messine. Au contraire, il y en
auoit d'autres, mais bien peu, qui pour gratifier à Dinocrates, disoient qu'il
luy falloit donner la gchenne & puis le faire mourir comme un tresdāgereux
ennemy, & qui ne pardonnoit iamais depuis qu'on l'auoit une fois offensé: au
D moiē de quoy il seroit plus à craindre à Dinocrates, s'il eschappoit apres auoir
receu de luy une telle ignominie, & auoir esté prisonnier entre ses mains, qu'il
n'estoit auparauant: toutefois à la fin ilz le porterēt en un certain caueau des-
soubz terre qu'ilz appellēt le tresor, lequel n'a air ny lumiere de dehors aucu-
nement, ny n'a porte ny demie, sinon une grosse pierre dont on bousche l'en-
tree: ilz le deuallerent là dedans, & puis refermerent le pertuis avec la pierre,
& meirent des hommes armez à l'enuiron pour le garder. Or ce pendant les
ieunes cheualiers Acheïens, apres auoir fouy un espace de chemin, reuindrēt
un peu à eulx: & regardans ça & là que Philopœmen ne comparoïssoit point,
cuidèrent qu'il eust esté occis. Si s'arrestèrent long temps à l'appeller par son
E nom, & uoians qu'il ne leur respondoit point, commencerēt à dire les uns aux
autres qu'ilz estoïēt bien lasches de se retirer ainsi, & que ce leur seroit un re-
proche à iamais d'auoir abandonné leur capitaine pour eulx sauuer, attendu
mesmemēt que luy n'auoit point espargné sa uie pour les remener à sauueté:
& en poursuuiuant tousiours leur chemin & enquerant par tout de luy, ilz fu-
rent en fin aduertiz comment il auoit esté pris, dont ilz allerent porter la nou-
uelle par toutes les uilles de la ligue des Acheïens, lesquelz en menerent tous
bien grand deuil, estimans que c'estoit une fort grande perte pour eulx: par-

Philopœmen.

quoy ilz delibererent de l'enuoier requerir aux Messeniens par une ambassade expresse, & neantmoins ce pendant faire tous leurs apprests pour y aller en armes, à fin de l'auoir ou par amour ou par force. Voila ce que faisoient les Acheïens. Mais Dinocrates ne craignoit rien plus que le delay du temps, pour ce qu'il se doubtoit bien, que c'estoit ce qui seul pourroit sauuer la uie à Philopœmen. Parquoy pour preuenir toutes les prouisiôs que les Acheïens y pourroient donner, quand la nuit fut uenue, & que tout le peuple Messenié se fut retiré, il feit ouurir le caueau, & y feit deualer l'executeur de haulte iustice avec un breuuage de poison pour luy presenter, luy commandant de ne partir d'aupres de luy qu'il ne l'eust beu. Or estoit Philopœmen lors que l'executeur entra, couché sur un petit manteau, non qu'il eust enuie de dormir, mais bien le cuer ferré de douleur, & l'entendement troublé d'ennuy. Quand il ueit de la lumiere, & cest homme aupres de luy, tenât en sa main un gobelet ou estoit le breuuage du poison, il se leua en son seant, mais ce fut à grande peine tant il estoit foible, & prenant le gobelet, demanda à l'executeur s'il auoit rien ouy dire des cheualiers qui estoient uenus avec luy, principalement de Lycortas. L'executeur luy feit respôse, que la pluspart s'estoit sauuee. Adôc il feit un peu de signe de la teste seulement, & en le regardant d'un bon uisage luy dit, Il ua bien, puis que nous n'auons pas esté malheureux en tout & par tout : & sans iamais ietter autre uoix, ny dire autre parole, il beut tout le poison, & puis se recoucha comme deuant : si ne feit pas sa nature grande resistance au poison, tant son corps estoit debile, ains en fut tantost estouffé & esteinct. La nouuelle de ceste mort en alla incontinent par toutes les uilles d'Achaïe, lesquelles uniuersellemēt y eurent grand regret, & en menerent grand deuil : mais aussitost tous les ieunes hommes & les conseillers de chascune uille s'assemblerēt en la uille de Megalopolis, là ou ilz conclurent & arresterent, que sans aucun delay il falloit uenger ceste mort. Si eleurent Lycortas pour leur capitaine, soubz la conduite duquel ilz entrerent en armes dedās le païs des Messeniés, ou ilz meirent tout à feu & à sang : de sorte que les Messeniens effroyez de ceste fureur, se rendirent, & receurent d'un commun accord les Acheïens en leur uille : mais Dinocrates ne leur donna pas loisir de le faire mourir par iustice, car il se desfeit luy mesme, & tous ceulx qui auoient esté d'aduis qu'il falloit faire mourir Philopœmen, se desfeirent aussi culx mesmes : mais ceulx qui auoient dit qu'il luy falloit donner la gehenne, Lycortas les feit tous prendre pour les faire culx mesmes puis apres mourir en tourmēt. Cela fait, ilz brulerent le corps, & en meirent les cendres dedans une buye, puis se partirent de Messine, non en desordre ny pesse messe cōme chascun uoulut, ains avec une ordonnance telle, que parmy ce conuoy de funerailles, ilz meslerent cōme un triumphe de uictoire : car les hōmes y estoient bien couronnez de chappeaux de laurier en signe de uictoire, mais neantmoins ilz auoient les larmes aux yeulx en tesmoignage de deuil, & y menoit on les ennemis prisonniers enchainez & enferrez : mais aussi y estoit la buye, dedans laquelle estoient les cendres, si couuerte de chappeaux de fleurs, de festons & de bēdeaux, qu'à peine la pouuoit on uoir, estant portee par un ieune homme nommé Polybius, filz de celuy qui pour lors estoit capitaine general des Acheïens, à l'entour duquel marchoient tous les principaulx & plus honorables hommes des Acheïens, apres lesquelz suiuoient les autres gēs de guerre tous armez, & leurs cheuaulx bien accoustrez : & au demourant n'estans ne si tristes en leur con-

A tenance que le sont ordinairement ceulx qui ont cause de si grand deuil, ne si esiouiz que ceulx qui uenoïent de gagner une si grâde uictoire. Ceulx des uilles, bourgs & uillages de dessus le chemin uenoient au deuant pour toucher à la buye de ses cédres, ne plus ne moins qu'ilz luy souloïent toucher en la main & le caresser quand il retournoit de quelque guerre, & accompagnoient son conuoy iusques à la uille de Megalopolis: à l'entree de laquelle se trouuerent les uieilles gens avec les femmes & les enfans, qui se messans parmy les gens de guerre renouellerent les pleurs, regrets & lamentations de toute la miserable uille, laquelle estimoit auoir perdu quant & son citoien le premier lieu d'honneur en la communaulté des Acheïens. Si fut inhumé comme il luy appartenoit fort honorablement, & furēt les prisonniers de Messine tous assomez à coups de pierre à l'entour de sa sepulture. Toutes les uilles de l'Achaïe entre plusieurs autres honneurs qu'elles luy decernerent, luy feirent dresser des images à sa semblâce: mais depuis au malheureux temps de la Grece, quād la uille de Corinthe fut arse & destruite par les Romains, il y eut un calūniateur Romain, qui s'efforcea de les faire toutes abbattre, le chargeāt & l'accusant, comme fil eust esté en uie, d'auoir esté tousiours ennemy des Romains, & malaffectionné à la prosperité de leurs affaires: mais apres que Polybius luy eut respondu, ny le Consul Mummius ny ses assesseurs & lieutenans ne uolurent permettre que lon abolist les hōneurs faits à la memoire d'un si excellent personnage, combien qu'il eust en plusieurs choses nuit & à Titus Quintius, & à Manius. Mais ces gens de bien là, mettoient difference entre le deuoir & le profit, & estimoïent estre choses distinctes & separees l'une de l'autre, quel'honesteté & l'utilité, ainsi comme le droit & la raison le ueulent aussi, aians opinion que tout ainsi comme ceulx qui reçoient des bienfaits sont tenus d'en rendre la pareille à leurs bienfaicteurs, & leur en doiuent la reconnaissance: aussi aux hommes de uertu toutes gens de bien doiuent honneur & reuerence. Voila quant à la uie de Philopœmen.

Titus Quintius Flaminius.



T est aisé à ueoir de quelle forme & stature estoit Titus Quintius Flaminius, que nous apparions à Philopœmen, par une statue de cuyure faite à sa semblâce, qui est encore auiourdhuy à Rome apres du grād Apollo, qui fut apporté de Carthage, assis tout droit deuant l'entree des licēs, & y a soubz laditte statue une inscription en lettres Greeques: Mais quant à ses meurs & à son naturel, on dit qu'il estoit prompt & soudain, tant à se courroucer, cōme à faire plaisir, diuersement toutesfoi: car fil chastioit quelcun à qui il fust courroucé, il le faisoit legerement, & si ne tenoit point son courroux: & au contraire, ses bienfaits estoient grāds, & si demouroit tousiours bien affectionné enuers ceulx à qui il auoit une fois fait plaisir, ne plus ne moins que si eulx mesmes luy en eussent fait, estāt tousiours prest à faire de bien en mieulx pour ceulx qui luy estoient redevables, à fin de les entretenir & garder tousiours en sa deuotion, comme la plus belle acquisition qu'il eust secū faire. Et pource qu'il estoit conuoireux de gloire &

T. Quintius Flaminius.

d'honneur sur toutes choses, quand il se presentoit quelque bel & grand exploit à faire, il le uouloit luy mesme faire sans qu'autre y meist la main : & se trouuoit plus uoluntiers avec ceulx qui auoient besoing de son aide, que avec ceulx qui luy pouuoient aider & bien faire : pourautant qu'il estimoit les uns matiere d'exercer sa uertu, & les autres ses competeurs & aduersaires au prochas d'honneur & de gloire. Son premier aage se rencontra d'adventure au temps que la uille de Rome auoit le plus d'affaires, & estoit empeschee en plus grosses guerres, lors que les ieunes hommes Romains, aussi tost qu'ilz auoient aage de porter armes, estoient enuoyez à la guerre, pour apprendre en faisant le mestier de soudard à deuenir bons capitaines. Ainsi fut il nourry en cest apprentissage de la discipline militaire, & la premiere charge de gés qu'il eut fut en la guerre cōtre Hānibal de Carthage, ou il eut mille hōmes de pied soubz le Consul Marcellus, lequel aiant esté occis en un aguēt & embusche que luy dressa Hannibal, on eleut Titus Quintius gouverneur de la prouince & uille de Tarente, qui fut reprise pour la seconde fois : & en ce gouuernement acquit reputation non moins d'homme droitturier & iuste, que bien entendu au faict des armes. Au moien dequoy, quand il fut question d'enuoyer gens pour repeupler les uilles de Narnia & de Cossa, il en fut deputé conducteur & commissaire : ce qui principalement luy donna cueur & hardiesse d'aspirer tout du premier coup au Consulat, en passant par dessus les autres moindres offices, qui sont l'Ædilité, le Tribunat, & la Preture, par lesquelz, comme par des degrez, les autres ieunes hommes auoient accoustumé de paruenir au Consulat. Quand donques ce uint au temps que se faisoit l'election des Consulz, il se presenta entre les poursuyuans du Consulat, accompagné de grand nōbre de ceulx qu'il auoit menez en ces deux uilles nouuellement repeulees, qui poursuyuoient affectueusement pour luy : mais deux des Tribuns du peuple, Fuluius & Manlius, s'y opposerent, disans que c'estoit chose de raisonna- ble, que ce ieune homme anticipast ainsi ptesque par force l'office de supreme dignité, cōtre les vs & coustumes de Rome, auant que d'auoir esté, par maniere de dire, receu & passé par les premiers mysteres de la chose publique : toutefois le Senat en remeit l'entiere decisiō aux uoix & suffrages du peuple, lequel tout sur le champ le declara Consul avec Sextius Ælius, combien qu'il n'eust pas encore trente ans : puis en partissant au sort les charges de la chose publique avec son compagnon, il luy escheut celle de faire la guerre à Philippus Roy de Macedoine. Enquoy il me semble que la fortune fauorisa grandemēt aux affaires des Romains, faisant tumber la cōduitte de ceste guerre entre les mains d'un tel personnage, pource qu'ilz auoient à faire à des hommes, contre lesquelz un gouuerneur & capitaine n'eust pas esté bon, qui eust uolu auoir toutes choses par force & par uolence d'armes, & qui estoient plus tost gaignables par sages remonstrances & discours de raison : car pour soutenir le choc d'une bataille contre les Romains, Philippus auoit biē assez de puissance de son royaume de Macedoine seulement : mais pour entretenir une guerre qui eust prist traict de longue duree, & pour luy fournir argent, uiures, retraite, & brief toute autre chose requise à l'entretenement de son armee, les forces de la Grece luy estoient necessaires. Ainsi si elles n'eussent esté sagement departies & deiointes d'avec luy, la guerre encontre luy n'estoit pas pour se decider par une seule bataille, & la Grece qui iusques à ce temps n'auoit pas encore eu grande conference avec les Romains, ains commenceoit

lors

- A** lors premier d'auoir communication d'affaires à bon esciant avec eulx, si leur capitaine n'eust esté homme de sa nature doulx & traittable, qui eust plus usé de la raison que de la force, & qui eust sceu dire de bonne grace ses raisons, & escouter benignement celles que luy faisoient entendre ceulx qui auoient à faire à luy, & oultre tout cela, qui eust tenu roide pour le droit & pour la iustice: il n'est pas uray semblable, que la Grece se fust uoulu si tost soubstraire de la dominiô de ceulx qu'elle auoit desia tout accoustumez, pour se soumettre à celle de nouueaux estrangers. mais cela se pourra plus claiement uoir par le recit de ses faicts. Estant donques Titus informé, que les capitaines qui auoient esté parauant luy enuoyez à ceste guerre de Macedoine, comme Sulpitius & Publius, n'y estoient entrez que bien tard sur l'arriere saison de l'annee, & encore apres estre arriuez y auoient faict la guerre bien froidement, sans à faire de petites courses & legeres escarmouches, tantost cy, tantost là, contre Philippus, comme pour gagner quelques aduenues, ou pour enleuer quelques uiures, pensa qu'il ne luy falloit pas faire ainsi qu'ilz auoient fait, en consumant toute l'annee de leur Consulat à Rome aux affaires de gouuernement, & à iouir en leurs maisons des honneurs de leur magistrat, & puis apres sur la fin se partir pour aller à la guerre, à fin de gagner une annee par dessus celle de son office, l'une en laquelle il auroit exercé son Consulat, & l'autre en laquelle il feroit la guerre: ains desirant auoir cest honneur d'employer l'annee mesme de son Consulat à faire uiuement la guerre qui luy estoit commise,
- C** il quitta uoluntairement toutes les prerogatiues & preeminences qu'il pouuoit auoir de son estat en demourant à Rome, & requit au Senat qu'on luy baillast son frere Lucius Quintius, pour son lieutenant en l'armee de mer: & oultre ce prit enuiron trois mille uieux souldards de ceulx qui auoient desfaict premierement Asdrubal en Hespagne, & depuis Hannibal en Afrique soubz la conduite de Scipion, qui estoient encore en aage de seruice, & qui uoluntairement se condescendirent à le suyure en ce uoyage pour en faire le fort de son armee. Avec laquelle troupe il trauersa la mer sans fortune, & alla descendre en Epire, là ou il trouua Publius Iulius campé avec son armee au deuant de Philippus, qui de long temps auoit planté son camp au pres de la bouche du fleue Apfus, pour en defendre l'entree, & garder ce pas là, par ou lon entre au dedans du royaume d'Epire: tellement que Publius auoit ia demouré là longuement sans rien faire, à cause de la naturelle force & aspreté des lieux. Si prit Titus l'armee de ses mains, & le renuoya à Rome, puis alla luy mesme ueoir à l'œil & cōsiderer la nature du païs, qui est tel. C'est une grande uallee emmurée de costé & d'autre de grandes & haultes montagnes, nō moins aspres que celles qui enferment la uallee que lon appelle Tempé en Tessalie: mais il n'y a pas de si beaux bois, ny des forests uerdoyâtes, guayes prairies, ny autres lieux de plaissance, comme il y a en l'autre, ains est seulement une grâde & profonde fondriere, par le milieu de laquelle court la riuier qui s'appelle Apfus, laquelle en grosseur, en roideur & uistesse de cours ressemble assez au fleue de Peneus. Elle occupe tout l'interualle, qui est entre les pieds des montagnes, excepté qu'il y a un petit chemin qui a esté taillé à la main dedans le roc, & une sente fort estroite au long de l'eau, si mal aisee qu'à grande peine une armee y pourroit passer, encore qu'elle ne trouuast personne qui luy defendist le passage: mais si est tant soit peu gardé, il est du tout impossible qu'elle y puisse passer. Or y auoit il aucuns en l'armee qui conseil-

T. Quintius Flaminius.

loient à Titus d'aller faire un grand circuit par la contree Dassaretide, & par la uille de Lycus, là ou le païs est plain, & le chemin aisé: mais luy auoit peur que sil fessoignoît de la mer, & falloît ietter en païs maigre & peu cultivé, il n'eust faulte de viures: mesmement si Philippus refusoit la lice & fuyoit le combat, & qu'il ne fust encore à la fin contraint de s'en retourner vers la marine sans rien faire, comme auoit fait son predecesseur. Parquoy il delibera d'aller à trauers les môtagnes charger son ennemy & tâcher de gaigner le passage à force. Or tenoit Philippus le hault des montagnes avec son armee: & quand les Romains se perforceoient de grauir contremont, ilz estoient accueuilliz de force coups de dard & de traict qu'ilz leur donoient deçà & delà par les flancs: si estoient les escarmouches fort aspres pour le tēps qu'elles duroient, & y demouroient plusieurs blecez & plusieurs tuez d'une part & d'autre: mais ce n'estoit pas pour decider ne uider ceste guerre. En ces entrefaites uindrent deuers Titus quelques gens du païs, qui auoient accoustumé de garder les bestes par ces montagnes, & luy dirent qu'ilz scauoient un chemin tournoiant que les ennemis ne gardoient point, par lequel ilz promettoient conduire son armee, de sorte que dedans trois iours, au plus tard, ilz la rendroient au dessus de la montagne: & à fin que lon se fiasst & fasseraist plus de leur dire, ilz declarerēt que c'estoit Charopus filz de Machatas qui les y enuoyoit. Ce Charopus estoit le premier homme des Epirotes, lequel portoit bōne affection aux Romains, & leur fauorisoit secrettement & soubz main pour la crainte de Philippus: auquel Titus se confiant, adiouxta foy au dire de ces guides, & enuoya quand & eulx l'un de ses capitaines avec quatre mille hommes de pied, & trois cents cheuaux. Les pastres seruans de guides marchoient deuant, estans liez & garrotez, & quand le iour uenoit toute la troupe se reposoit en quelque fonceau couuert de bois, & la nuit ilz cheminoient à la clarté de la lune, laquelle de bonne aduenture estoit lors au plein. Ce pendāt Titus, depuis quil les eut enuoyez, teint le demourāt de son camp en repos, sinon qu'il feit les autres iours dresser quelques legeres escarmouches pour tousiours amuser les ennemis: mais le iour auquel ses gēs, qui alloient faire le tour, se deuoient rendre au plus hault de la montagne au dessus du camp des ennemis, il tira hors de son camp des l'aube du iour toute son armee entierement, laquelle il departit en trois troupes, & avec l'une d'icelles se ietta luy mesme du costé de la riuere, là ou le chemin est le plus estroit, faisant marcher ses bādes droit contremont la coste de la montagne. Les Macedoniens alencontre luy tiroient d'amont force coups de traict, & en quelques endroits parmy les rochers uenoient à fattachier à coups de main: & au mesme temps les deux autres troupes, à ses deux costez, faisoient aussi pareillement tout deuoir à l'enuy l'une de l'autre, de monter amont, & grauissent de grand courage cōtremont la pente roide & aspre de la montagne. Quand le Soleil fut leué, on aperceut de loing comme une fumee, non pas gueres apparente pour le commencement, ains ressemblant proprement aux brouees que lon uoit ordinairement autour des crouppes des montagnes. Les ennemis n'en pouuoient rien ueoir, pour autant que c'estoit derriere eulx, estant desia la cyme de la montagne occupee: & les Romains, encore qu'ilz n'en fussent pas bien assurez, tourefois au trauail du combat ou ilz estoient, espererent que c'estoit ce qu'ilz desiroient: mais quād ilz ueirent qu'elle alloit tousiours croissant de plus en plus, de sorte qu'elle obscurcissoit l'air, ilz l'assurerent adonc que c'estoit certaine-

A ment le signe que leur deuoient faire leurs gens. Si se prirent à crier, en montant contremont de si grand courage, qu'ilz rengèrent leurs ennemis iusques au plus roides & plus aspres endroits de la montagne, & quand & quand aussi ceulx qui estoient derriere leur respondirent à haults cris de dessus le plus hault de la montagne, dont les ennemis s'effroyerent si fort, que tout incontinent ilz se mirent tous en fuite: toutefois il n'en fut pas tué plus de deux mille, à cause que l'aspreté & malaisance des lieux engarda que l'on ne les peust suiure. Mais les Romains pillèrent leur camp, & prirent tout ce qu'ilz trouuerent dedans leurs tentes, & leurs esclaves aussi, & gaignerent le pas de la montagne par où ilz entrèrent au dedans du pais d'Epire, & le trauerserent si modcrement, & avec si grande abstinence, que combien qu'ilz fussent loing de leurs uaisseaux & de la marine, que l'on ne leur eust point distribué leur bled qu'ilz souloient auoir tous les mois, & que d'ailleurs ilz fussent assez à destroit de uiures, iamaistoutefois ilz ne prirent rien sur le pais, cōbien qu'ilz y trouuassent de tous biens en abondance. Car Titus estat aduerty, que Philippus, en passant par la Thessalie, comme fuyant de peur, auoit fait sortir les habitans hors des uilles, retirer les personnes aux montagnes, & puis mettre le feu dedans les maisons, en abandonnant à piller à ses soudards ce que les habitans y laissoient de leurs biens, pource qu'ilz n'auoient pas moien de l'emporter, à cause de la quantité ou de la pesanteur, tellement qu'il sembloit qu'il quittaist desia le pais aux Romains, il auoit l'œil, & admonestoit ses gens d'y passer sans y faire ne porter aucun dommage, cōme en pais qui leur estoit ia tout acquis, & que leurs ennemis leur auoient cédé. Si ne demourerent pas longuement à sentir cōbien leur auoit ualu ceste continence: car aussi tost qu'ilz entrèrent en la Thessalie, les uilles se rendirent uoluntairement à eulx: & les Grecs mesmes habitans oultre le pas des Thermopyles, desirerent singulierement à ueoir Titus, ne demandans autre chose que de se dōner à luy. Les Acheiens semblablement renoncerent à la ligue & alliance qu'ilz auoient avec Philippus: &, qui plus est, arresterent en leur conseil, de luy faire la guerre en compagnie des Romains. Et combien que les Ætoliens fussent pour lors amis & aliez des Romains, & qu'ilz se montraissent fort affectionnez à leur party en celle guerre: toutefois quand ilz demanderent aux Opuntiens, qu'ilz meissent leur uille entre leurs mains & qu'ilz la leur garderoient & defendroient seurement encontre Philippus, ilz n'y uoulurent oncques entendre, ains enuoyerent querir Titus, & se mirent eulx & leurs biens en sa protection & sauuegarde. Lon dit que le Roy Pyrrhus, la premiere fois qu'il apperceut de dessus une haulte eschoguerre l'armee des Romains rengee & ordōnee en bataille, dit que l'ordonnance de ces Barbares ne luy sembloit point barbaresque. Mais aussi ceulx qui n'auoient iamais ueu Titus, & qui uenoient à parler la premiere fois avec luy, estoient contraints d'en dire presque autant: car ilz auoient ouy dire aux Macedoniens, qu'il uenoit un capitaine de Barbares, qui à force d'armes ruinoit tout par où il passoit, & mettoit tout en seruitude: & au contraire ilz uenoient à trouuer un personnage, qui premierement estoit ieune d'aage, doux & humain de uisage, parlant bon Grec & amateur de uraye gloire, dont ilz se retournoient merueilleusement aises, & alloient emplissant les uilles & citez de la Grece de bonne affection enuers luy, disans qu'elles auoient trouué en luy un capitaine qui les remettroit en leur liberté ancienne: mais encore plus quād Philippus monstra auoir uolunté de faire appointement, & que Titus luy

T. Quintius Flaminius.

offrit la paix & l'amitié du peuple Romain, pourueu & soubz condition qu'il l'aissast les Grecs en leur entiere franchise, en retirant ses garnisons hors de leurs uilles & fortes places, & qu'il n'en uoulut rien faire: car adonc tous unanimement iusques à ceulx mesmes qui fauorisoient aux affaires de Philippus, dirent que les Romains n'estoient pas uenus faire la guerre aux Grecs, ains plustost aux Macedoniens, en faueur des Grecs. Au moien dequoy toutes les autres parties de la Grece se uenoient d'elles mesmes, sans aucune contrainte, rendre à luy. Et comme il passast à trauiers le país de la Bœoece sans aucune demonstration de guerre, les principaulx de la uille de Thebes sortirent au deuant de luy, combien qu'ilz teinsent le party du Roy de Macedoine à cause d'un particulier nommé Brachillelis: toutefois ilz uolurent bien honorer & caresser Titus, comme ceulx qui estoient cõtents de demourer en amitié avec l'un & avec l'autre. Titus les embrassa & parla à eulx gracieusement, en poursuivant tousiours son chemin tout bellement, en leur demandant une chose, & leur en comptant une autre, & faisant expressement durer leurs propos, à fin que ce pendãt ses souldards estãs trauallez du chemin reprissent un peu d'ha-leine: & ainsi en marchant tousiours peu à peu, il entra dedans la uille quand & eulx, dequoy ces seigneurs Thebains ne furent gueres contents, mais pourtant ilz ne luy ozerent pas refuzer, attendu mesmemet qu'il n'auoit point lors grãd nombre de gens de guerre autour de luy. Quand il fut dedans Thebes il demãda audiẽce, en laquelle il suada au peuple, tout aussi soigneusemẽt que fil n'eust pas tenu la uille en sa puissance, qu'il uoulust plus tost elire le party des Romains que celui de Philippus. A quoy faire le Roy Attalus, qui d'ad-venture se trouua en ceste assemblee, le seconda, enhortant les Thebains en grande instance à faire ce que Titus leur suadoit: mais il s'efforcea un peu plus que son aage ne portoit, pour le desir qu'il auoit, comme ie croy, de monstrier son eloquẽce à Titus, & s'eschauffa & eueut tellemet, q̃ soudain il luy prit au milieu de son parler un euanouissement & une descẽte de reume, qui luy osta tout sentiment, de sorte qu'il tumba tout pasmẽ, & peu de iours apres fut reporté sur ses nauires en Asie, là ou il n'arresta gueres à mourir. Mais ce pendãt les Bœotiens se rengerent du costé des Romains: & Philippus aiant enuoyé des ambassadeurs à Rome, Titus y enuoya aussi quand & quãd de ses gẽs, solliciter pour luy, à deux fins: l'une, que si la guerre auoit à durer contre Philippus, que son temps luy fust prolongé: l'autre, que si le Senat luy otroyoit la paix, que luy eust l'honneur de l'arrester & conclurre: car estant de sa nature fort ambitieux, il auoit peur que lon ne luy enuoyast un successeur pour continuer ceste guerre, qui luy ostast la gloire de l'auoir acheuee. Mais ses amis feirent si bonne diligence de solliciter, que ny le Roy Philippus n'obteint ce qu'il demãdoit, ny ne fut enuoyé un autre capitaine au lieu de Titus, ains luy fut gardee & continuee la charge de ceste guerre. Parquoy si tost qu'il en eut receu la cõmission & le mandemẽt du Senat, il tira uers la Thessalie en grande esperance de uenir au dessus de Philippus: car il auoit en son armee plus de uingt & six mille combattans, dont les Ætoliens faisoient six mille hommes de pied, & trois cents cheualx. L'armee de Philippus de l'autre costé n'estoit pas moindre en nombre, & cõmencerent à marcher l'un contre l'autre, tant qu'ilz arriuerent tous deux pres la uille de Scorse, là ou ilz se resolerẽt d'essayer le hazard de la bataille. Si ne s'estonnerẽt point ny eulx ny leurs gens, pour se ueoir si pres les uns des autres, ains au cõttaire, les Romains d'un

- A** costé en prirent plus grand cuer & plus grâde enuie de cōbattre, pensans en eulx mesmes le grand honneur que ce leur seroit de uaincre les Macedoniens qui estoient entre eulx tant renommez de prouësse & de uailance, à cause des haults faicts d'Alexandre le grand : & de l'autre costé aussi les Macedoniens, pensans bien que les Romains estoient autres cōbattans que les Perses, auoiet bonne esperance filz gaignoiet ceste bataille, de rendre leur Roy Philippus plus renommé par le monde, que ne l'estoit Alexandre. Titus donques faisant assembler ses gens, les prescha & enhorta de faire leur deuoir & se monstrent gens de bien en celle bataille, comme ceulx qui auoiet à faire preuue de leur ualeur au milieu de la Grece, c'est à dire, au plus beau theatre, en la plus belle
- B** ueuë de tout le monde, & contre les plus nobles & plus estimez aduersaires. Et Philippus par cas d'aduenture, ou pour la grande haste qu'il auoit, à cause que l'heure le pressoit, alla monter, sans y prédre garde, dessus un charnier ou lon auoit enterré plusieurs corps, pource que c'estoit cōme une butte un peu releuee, assez pres des trenchées de son camp, & de là commença à prescher & encourager ses gens, comme les capitaines ont accoustumé de faire deuant une bataille: mais les uoiant tous descouragez, à cause qu'ilz prenoient pour un sinistre presage, ce qu'il festoit ainsi monté dessus une sepulture pour les prescher, il s'en troubla luymesme, & différa de dōner la bataille pour ce iour là. Et le lendemain, pour autant que la nuit auoit esté moitte, à l'occasion des
- C** uents du Midy qui auoient soufflé, les nuces se resolurent en brouees & emplirent toute la plaine d'un brouillas obscur, descendant des montagnes d'alenviron un air gros & trouble, qui obscurcissoit & couuroit de tenebres, tout le long du matin, la campagne qui estoit entre les deux camps : au moien de quoy les coureurs qui furent enuoyez d'une part & d'autre pour descouurir & pour espier que faisoient les ennemis, en bien peu d'heure se rencontrerent, & s'entrechargerent les uns les autres en un endroit qui s'appelle les Testes de chien, qui sont des pointtes de rochers posees sur de petites mottes l'une deuant l'autre & assez pres les unes des autres, que lon a appellees Testes de chié, pour ce qu'elles en ont quelque semblance. Si y eut en ceste escarmouche plusieurs
- D** mutations, ainsi qu'il aduient ordinairement quand on combat en lieux bossus & raboteux, pource que tantost les uns fuyoient & les autres chassoient, tantost ceulx qui auoient chassé fuyoient eulx mesmes, & ceulx qui auoient fouy chassoient, parce que des deux camps on enuoyoit tousiours nouveau renfort à ceulx qui estoient pressez & contraincts de se retirer. La commēcoit le brouillas à tumber, & l'air à fesclearcir, de sorte que les deux capitaines pouuoient ueoir à l'œil clairement ce qui se faisoit entre leurs deux camps, au moien de quoy ilz tirerent l'un & l'autre toutes leurs forces aux chāps en bataille. Si eut Philippus l'aduantage en la pointte droite de son armee, laquelle estoit dessus le hault d'une pente, dont elle uenoit tout à un coup fondre sur
- E** les Romains par telle impetuosité, que les plus forts & plus uailans ne peurēt onques soustenir le faix de ce front de bataille si fort serré, ny celle haye de picques si furieuse: mais en la pointte gauche il ne fut pas ainsi, pource que les files du bataillon ne s'y peurent serrer de pres, ny ioindre escu contre escu, à cause que c'estoit entre les mottes & rochers qu'elle se trouuoit régee, & estoit force pour l'inegalité & malaisance des lieux qu'elle fust entreouuerte & desunie en plusieurs endroits. Ce que Titus apperceuant, abandonna la pointte gauche de sa bataille qu'il uoioit forcee par la droite de celle des ennemis, &

T. Quintius Flaminius.

passant soudain à l'autre, alla charger de ce costé là les Macedoniens, qui ne peuvent ferrer leurs files en front, ny approcher leur rengs en fond, ce qui est toute la force d'une bataille rengee à la Macedoniene, à cause que le champ estoit hault & bas, & pour combattre d'homme à homme, ilz estoient arriere si pressez, qu'ilz s'entreheurtoient & s'entremeschoient les uns les autres: car la bataille Macedoniene a cela, que tant qu'elle se maintiét en son ordonnance iointte & serree, il semble q ce ne soit, par maniere de dire, qu'un corps d'une beste de force invincible: mais aussi depuis qu'elle est une fois entreouuerte & desiointte, elle perd non seulement la force & puissance de son corps entier, mais aussi celle de chascun particulier combattant, partie à raison de la sorte des armes, dont ilz combattent, & partie aussi à raison que l'effort du total consiste plus en la disposition & liaison des files & des rengs qui s'enforcissent les uns les autres, qu'il ne fait en la prouesse & ualeur de chascun homme à part. Quand dōques ceulx de ceste pointte gauche furent tournez en fuite, une partie des Romains alla apres, & les autres coururent charger par les flancs ceulx de la pointte droite, qui combattoient encore, dont ilz feirent un grand meurtre, de maniere que alors ceulx mesmes qui du commencement auoient l'auantage s'esbranlerent, & à la fin fouirent comme les autres à ual de rouble, en iettant leurs armes: si n'en fut pas tué moins de huit mille sur le champ, & en fut pris de prisonniers enuiron cinq mille: & ne fut que la faulte des Ætoliens, que Philippus se sauua de uistesse, pource qu'ilz samuserent à piller & saccager son camp pendant que les Romains chassoient & poursuuoient les fuyans, de sorte qu'à leur retour ilz ne trouuerēt plus rien à piller. A l'occasio dequoy il commença à auoir quelques querelles entre eulx, & s'entredirent des paroles iniurieuses les uns aux autres: mais depuis encore fascherent ilz bien d'auantage Titus, parce qu'ilz s'attribuerent l'honneur de ceste uictoire, & feirent courir le bruit parmy la Grece, que c'estoient eulx qui auoient defaict en bataille le Roy Philippus, de maniere que es chansons que les Poëtes en feirent, & que le menu peuple chantoit par les uilles à la louage de ce faict d'armes, on mettoit tousiours les Ætoliens deuant les Romains, cōme en ceste cy qui eut le plus de cours, & qui fut plus chantee par tout:

Sans pleur d'amis, sans droit de sepulture,
A my passant, icy sommes gisans
Trente milliers d'hommes par guerre dure
En Thessalie aiens finy noz ans:
Desfaits nous ont les armes d'Ætolie,
Et les Latins, dont Titus estoit chef,
Qui amenez les auoit d'Italie
En Macedoine à nostre grand meschef:
Et Philippus avec sa fiere audace
S'en est fouy plus uiste que ne uont
Biches & Cerfs, quand de pres à la trace
Par aspres chiens es bois chassiez ilz sont.

Le poëte qui feist les uers de ceste chanson fut Alcæus, & les feist en haine de Philippus, augmentāt faulxement le nombre des hommes qui moururent en la bataille pour luy faire plus de despit & de honte: mais il faisoit encore plus de despit à Titus que à Philippus, à cause qu'on la chantoit par tout: car Philippus ne s'en feist que rire: & pour le contrepicquer d'un pareil traict de moc-

querie,

A querie, il feit une chanſon à l'imitation de la ſienne, d'ot la ſubſtance eſtoit telle,
S ans feuille aucune & ſans eſcorſe auſſi,
A my paſſant, on a dreſſé en l'ær
S ur ce couſtau ceſte potence cy
P our Alcæus y pendre & eſtrangler.

Mais Titus, qui deſiroit ſingulieremēt auoir honneur entre les Grecs, le prenoit fort à cuer, au moien de quoy de là en auant il mania le reſte des affaires tout ſeul ſans plus faire compte des Ætoliens, dont ilz eſtoiet fort marris, meſmement quād il receut une ambaffade de Philippus, & preſta l'oreille aux propos d'appointement qu'il luy feit mettre en auant: car alors ilz en furent ſi mal contents, qu'ilz allerent crians par toutes les uilles Grecques, que Titus uendoit la paix à Philippus, là ou lon pouuoit detraciner entierement toute ceſte guerre, & exterminer totalement la puiffance & ſeigneurie qui auoit la premiere reduit la Grece en ſeruitude. Ces calumnies que les Ætoliens alloiet ainſi ſemant par tout, troublerent aucunemēt les amis & allies des Romains: mais Philippus luy meſme leur oſta toute ſuſpicion, quand il uint en perſonne requerir paix: & ſe ſoubzmettant de tout poinct à la diſcretion de Titus & des Romains, Titus luy ottroya la paix, en luy laiſſant ſon royaume de Macedoine, & luy cōmandant qu'il euſt à ſe departir de tout ce qu'il tenoit en la Grece, & oultre qu'il payaſt pour l'amende fix cents mille eſcus, luy oſtant d'auātage toute ſon armee de mer, exceptees dix nauires ſeulement: & pour aſſurance de l'entretienement de ce traitté, luy prit un de ſes enfans qu'il enuoya à Rome en oſtage. En quoy faiſant, il eſt tout certain que Titus diſpéſa tresbien le tēps, & prouueut ſagement à l'aduenir: car deſia eſtoit Hannibal de Carthage tresgrād ennemy de l'empire Romain, bāny de ſon païs, & retiré deuers le Roy Antiochus, auquel il mettoit en teſte, & le ſollicitoit inceſſammēt de pourſuiure ſa fortune, & l'accroiffemēt de ſon eſtat, q eſtoit ia ſi biē acheminé, ioint q Antiochus de luy meſme en auoit bien bōne enuie, pource q ſur la confiāce de ſes prosperitez, & des haults faiçts d'armes qu'il auoit ia executez, pour leſquelz il auoit acquis le ſurnom de grand, il aſpiroit à la monarchie de tout le mōde, & ne demādoit que quelque occaſion de ſ'attacher aux Romains: tellement q ſi Titus, preuoiant de loing cela, n'eũt ſagement inclinē à la paix, & q la guerre d'Antiochus ſe fuſt rencōtree au meſme tēps de celle de Philippus, de ſorte q ces deux, les plus grāds & plus puiffans princes du mōde, pour leur cōmun intereſt, ſe fuſſent conioincts enſemble cōtre la uille de Rome, elle n'eũt pas eu moins d'affaires, ny n'eũt pas eſté en moindre danger qu'elle auoit eſté en la guerre des Carthaginois & de Hānibal: mais Titus entreiettāt opportunēment ceſte paix entre les deux guerres, retrenchā celle qui eſtoit preſente, auāt que celle qui eſtoit preſte à ſoudre commēçaſt, & oſta par ce moien à l'un de ces Roys ſa derniere, & à l'autre ſa premiere eſperāce. Ce pendant les dix commiſſaires que le Senat Rōmain enuoya à Titus, pour luy aſſiſter & aider à dōner ordre aux affaires de la Grece, luy conſeillerent de mettre en pleine franchise tout le reſte de la Grece, & retenir ſeulement avec bonnes garniſons les uilles de Chalcide, de Corinthe & de Demetriade, pour ſ'aſſurer qu'elles n'ētraſſent en quelque prattique d'alliance & de ligue avec Antiochus: & adonc les Ætoliens couſtumiers de detracter & meſdire, commencerent à mutiner tout ouuertement les uilles, en ſommant Titus de deſlier les forts de la Grece: car ainſi ſouloit Philippus appeller ces trois uilles là: puis demandoit, par

T. Quintius Flaminius.

maniere de mocquerie, aux Grecs, filz estoient pas bien aises d'auoir maintenant des ceps aux pieds plus pesans, mais mieulx polis & plus luisans q̄ ceulx qu'ilz auoient au parauant, & filz ne se sentoient pas bien tenuz à Titus de ce qu'il auoit deslié les pieds de la Grece pour l'attacher par le col: dequoy Titus estant fort ennuyé & marry, pria tāt ceulx du conseil qu'à la fin il les feit condescendre à sa requeste, que ces trois uilles là fussent aussi deliurees de toute garnison, à fin que les Grecs ne se peussent plus de là en auant plaindre, que sa grace & liberalité ne fust entieremēt & de tout poinct accomplie enuers eulx. Parquoy estāt escheut le temps de la feste que lon appelle Isthmia, il sy trouua une multitude infinie de peuple pour ueoir l'esbattement des ieux qui sy font, pource que la Grece, apres auoir esté longuement trauaillee de guerres, se uoyant lors en paix certaine, & en bonne esperance de pleine liberté, ne demandoit qu'à faire festes & à se resiouir. Il fut adonc fait commandement à l'assemblee à son de trompe, que lon eust à faire silence: & cela fait le herault se tira en auant au milieu de toute l'assistance qui proclama à haulte uoix, que le Senat de Rome, & Titus Quintius Consul du peuple Romain, apres auoir uaincu & desfaict en bataille le Roy Philippus & les Macedoniens, deliuroient de toutes garnisons, & affranchissoient de toutes tailles, subides & imposts, pour desormais uiure à leurs loix ancienes en pleine liberté, les Corinthiens, Locriens, ceulx de la Phocide, ceulx de l'isle d'Eubœe, les Acheiens, les Phriotes, les Magnesiens, les Thessaliens, & les Perræbiens. Or pour la premiere fois toute l'assemblee ne peut pas ouir la uoix du herault, & de ceulx qui l'ouirent, la pluspart ne peut encore pas distinctement entendre ce qu'il auoit dit, ains y auoit par tout le parc ou se faisoient les ieux un bruit confus, & un tumulte du peuple, qui s'esmerueilloit, & demandoit que ce pouuoit estre: de sorte qu'il fallut que le herault recommenceast une autre fois à proclamer. Parquoy estant derechef fait silence, le herault poulsant sa uoix plus fort que deuant, s'escria si hault, que son cry fut ouy de toute l'assemblee: & lors se leua une clameur de ioye que tout le peuple ietta si haulte, qu'elle fut entēdue iusques en la mer: & incontinent tout le monde qui auoit ia pris place, & s'estoit assispour ueoir l'esbat des cōbattās, se leua en pieds sans pl^s se soucier des ieux, & s'en allerent tous à grāde ioye saluer, embrasser, & remercier leur bienfaiteur, & le protecteur & affranchisseur de la Grece, Titus. Tellemēt, que ce que lon dit ordinairement quand on ueult exprimer une excessiue force & grandeur de bruit & de clameur, aduint lors: car il y eut des corbeaux, qui par cas d'aduenture uolans par dessus le parc du theatre, tumberent dedans. Ce qui aduient à cause que l'air se fend & se rompt par la uiolence d'une si forte uoix, tellement qu'il n'a pas la fermeté de soustenir le uol des oyseaux: au moien dequoy il est force qu'ilz tombent à terre, comme trauerfans par une espace uague, & uuide de tout soustien: si nous ne uouliōs dire que soit plustost pour la uiolence de la clameur qui fiert & frappe les oyseaux en passant par l'air, ne plus ne moins que si ce fussent coups de fiesches, dōt ilz tumbent en terre tous morts. Il peult aussi estre qu'il se fait en l'air un tourbillon, comme nous uoiōs en la mer agitee, qu'il se fait quelque fois un tournoyement des undes par la uiolence de la tourmente. Tant y a, que si Titus preuoyant bien la foule du peuple qui accouroit pour le ueoir, ne se fust de bonne heure retiré incontinēt que les ieux furēt finis, il eut eu beaucoup d'affaires à se sauuer d'estre estouffé, tant il accourut de monde de tous costez à l'entour de luy. Mais apres qu'ilz furent

A furent bien las de crier & de châter autour de son pavillon iusques à la nuit : à la fin ilz se retirèrent, & en se retirant, filz rencontroient quelques uns de leurs parents, amis ou citoiens, ilz s'entr'embrassoient & s'entrebaisoient l'un l'autre de ioye, puis s'en alloient soupper & faire bonne chere ensemble, là où s'esjouissans encoire d'avantage, comme lon peut penser, à la table ilz ne tenoient autres propos que des affaires de la Grece, discourans entre eulx combien de grosses guerres elle auoit faictes & souffertes par le passé, toutes pour recouurer ou defendre sa liberté, & neantmoins iamaïs ne l'auoit peu ne plus ioyeusement, ne plus certainement obtenir qu'elle faisoit alors, receuant le plus honorable loyer, & le plus digne d'estre combattu qui scauroit estre au

B mode, par la prouesse d'hommes estrangers qui combattoient pour elle, sans qu'il luy coustast une seule goutte de son sang, par maniere de dire, ne qu'elle perdist un seul homme, pour la mort duquel on deust porter le deuil. C'est bien chose rare entre les hommes, d'en trouuer un uailant entierement ou sage : mais encoire est il bié plus rare & plus difficile, que de toute autre sorte de uertueux, d'en trouuer un iuste : car Agefilaus, Lyfander, Nicias, Alcibiades, & tous ces autres grâds capitaines du temps passé, ont bien sceu comment il falloit conduire une guerre, mener une armee, & gagner une bataille tant par mer comme par terre : mais employer leurs uictoires en une beneficence genereuse & ueritablement honeste, iamaïs ilz ne l'ont sceu : ains, si uous exceptez

C le faict d'armes contre les Barbares en la plaine de Marathon, la bataille de Salamine, la iournée de Plataës, celle des Thermopyles, ce que feit Cimō à l'entour de Cypre, & sur le fleuve Eurymedō, toutes les autres guerres & batailles que la Grece à iamaïs faictes, ont tousiours esté contre soy mesme, & pour se mettre sous le ioug de seruitude : & tous les trophées qui furent onques dressez par elle, l'ont esté à sa honte & à sa perte : tellement qu'elle s'en est à la fin totalement ruinee & destruite, & ce principalement par la meschanceté & opiniastrerie des gouuerneurs & capitaines des uilles, enuieux les uns sur les autres. Là où une nation estrangere, laquelle, ce semble, auoit bien peu d'occasion qui la deust eschauffer à ce faire, pour n'auoir pas eu par le

D passé grande communication avec l'ancienne Grece, & du conseil & bon sens, de laquelle il deuoit sembler estrange que la Grece peust recevoir aucune utilité, l'a neantmoins avec tresgrands dangers, combats & travaux infiniz, deliuree de l'opression & seruitude de uiolents seigneurs & tyrans. Ces discours & autres semblables uenoient lors en l'entendement des Grecs, & qui plus est, l'effect respoit aux paroles de la proclamation : car en un mesme temps Titus enuoya Létulus en Asie pour remettre en liberté les Bargilietiés, & Tirillius en Thrace pour faire sortir des uilles & des isles les garnisons que Philippus y tenoit, & quand & quand aussi fut Publius Iulius en Asie deuers le Roy Antiochus, pour luy parler d'affranchir & remettre en liberté les Grecs qu'il tenoit en sa subiection. Quant à Titus il alla luy mesme en la uille de

E Chalcide, là où il monta sur mer, & s'en alla en la prouince de Magnesie, dont il feit par tout sortir les garnisons des uilles, & rendit aux citoiens de chascune, le gouuernement & administration de leur chose publique. Depuis estant escheut le temps que lon celebre en la uille d'Argos la feste de Nemea en l'honneur de Hercules, Titus fut eleu iuge & recteur des ieux qui sy font, là où aiant tresbien ordonné toutes choses appartenantes à la solennité de la feste, il y feit encoire une autre fois proclamer publiquement & solennellement la deliura-

T. Quintius Flaminius.

ce & affranchissement general de toute la Grece, & allant par les uilles y establit de tresbonnes ordonnances, reforma la iustice, & remeit les habitans & citoyens de chascune en bonne paix, amitié & concorde les uns avec les autres, en rappelant ceulx qui estoient bannits & fuitifs, & appaisant les uieilles dissensions & querelles qu'ilz auoient entre eulx: ce qui ne luy apportoit pas moins de ioye & de contentement, de pouuoir par remonstrances induire les Grecs à se recôcilier les uns avec les autres, que d'auoir par force d'armes vaincu les Macedoniens: de sorte que le recouurement de liberté que Titus auoit réduite aux Grecs, leur sembloit le moindre des bienfaicts qu'ilz eussent receuz de luy. Or dit on que l'orateur Lycurgus uoiant un iour comme les fermiers & recepueurs des tailles menoient en prison le philosophe Xenocrates, à faulte de payement d'un certain impos que deuoient les estrangers habitans en la uille d'Athenes, le leur osta par force d'entre les mains: & oultre cela, les poursuivit si bien en iustice, qu'il leur feit paier l'amende pour l'iniure qu'ilz auoient faite à un tel personnage, & que depuis le philosophe rencontrant par la uille les enfans dudit Lycurgus, leur dit: le rends à uostre pere une belle recompense du plaisir qu'il m'a fait, car ie suis cause qu'il est loué & prisé par tout, de ce qu'il a fait en mon endroit. Mais les bienfaicts des Romains & de Titus enuers les Grecs ne leur apporterent pas seulement ce fruit en recôpense, qu'ilz en furent louez & honorez par tout le monde, ains furent cause d'accroistre leur domination & seigneurie sur les autres nations, & que depuis le monde eut grande confiance en eulx à bonne & iuste cause, de maniere que les peuples & uilles, non seulement receuoient les capitaines & gouuerneurs qu'ilz leur enuoyoient, ains alloient au deuant d'eulx, & les appelloient pour se mettre entre leurs mains: & non pas seulement les uilles & communaultez, mais aussi les princes & les Roys qui se trouuoient oppressez par autres plus puissans qu'eulx, n'auoient autre plus seur recours, que de se mettre en leur sauuegarde: au moien dequoy en peu de temps, avec la faueur & l'aide des Dieux, comme ie croy, tout le monde se soubmet à leur obeissance, & sous la protection de leur empire. Aussi se glorifioit Titus d'auoir remis la Grece en liberté, plus que de nul autre exploit qu'il eust onques fait. Car quand il offrit au temple d'Apollo en la uille de Delphes des boucliers d'argent, avec son propre escu, il y feit engrauer dessus des uers, dont la substance estoit telle,

Nobles iumeaux, ô Tyndarides nez
De Iupiter, Roys de Sparte aguerrie,
Qui à dompter cheuaux plaisir prenez
Et exercer l'art de cheualerie,
Titus Romain, d'estrange seigneurie,
Aiant aux Grecs osté le ioug pesant,
En leur rendant leur liberté perie,
Vous a donné ce singulier present.

Il donna aussi une couronne d'or massif à Apollo, sur laquelle il feit mettre ceste inscription,

Celuy qui t'a donné ceste couronne
Massifue d'or luyfant & espuré,
Qui dignement, Apollo, enuironne
Les longs cheueux de ton beau chef doré,
C'est un Romain capitaine honoré,

A Titus, en qui toute prouëſſe abonde.
Fais donc, Seigneur, que ſon nom decoré
E n ſoit chanté par tous les coings du monde.

Ainſi la uille de Corinthe a eu ceſt heur, que les Grecs y ont eſté par deux fois
declarez affranchiz & remis en liberté: la premiere fois par Titus Quintius, &
la ſeconde par Neron en noſtre temps, & en meſme ſaiſon, c'eſt à ſçauoir, lors
que lon celebroit la feſte qui ſ'appelle Iſthmia: mais la premiere fois ce fut par
la uoix du herault, ainſi comme nous auons cy deſſus déclaré plus au long, &
la ſeconde fois ce fut Neron luy meſme, qui le proclama en une harégue qu'il
B feit au peuple en pleine aſſemblée de uille ſur la place: mais cela a eſté long
temps depuis. Au reſte, Titus commença lors une fort belle & fort iuſte guer-
re alencontre de Nabis, le malheureux & meſchant tyran des Lacedæmo-
niens: mais à la fin il trompa l'eſperance de la Grece, car le pouuant prendre, il
ne le uoulut pas faire, ains appointa avec luy en abandonnât la pauvre Spar-
te, indignement oppreſſée ſoubz le ioug de ſeruitude, fuſt ou pour ce qu'il eut
C peur, que ſi la guerre prenoit traict, il ne uint un ſucceſſeur de Rome, qui luy
emportast la gloire de l'auoir paracheuée, ou pour une enuie & ialouſie qu'il
auoit de l'honneur que lon faiſoit à Philopœmen: lequel ſ'eſtant monſtré par
tout ailleurs auſſi excellent capitaine qu'il en fut onques en la Grece, & meſ-
mement en celle guerre, aiant fait de merueilleux actes, tant de grâd ſens côm-
me de hardieſſe, eſtoit honoré & reueré par les Acheïens es theatres & aſſem-
blees publiques, tout autant comme Titus: dequoy Titus eſtoit malcontent,
pource qu'il luy ſembloit de raiſonnable, que un Arcadien, qui n'auoit iamais
eſté chef d'armée, ſinon en petites guerres legeres alencontre de ſes uoiſins,
fuſt autant eſtimé & autant honoré comme un Conſul de Rome, lequel eſtoit
D uenu faire la guerre pour le recouuremēt de la liberté de la Grece: & toutefois
encore rendoit Titus quelque raiſon & iuſtification de ce faiçt, diſant qu'il
ueoit bien qu'il ne pouuoit ruiner & deſfaire ce tyran, ſans une grande cala-
mité des autres Spartiates. Au demourât, de tous les hōneurs que les Acheïes
luy decernerent, qui furent grands & en grand nombre, il n'y en a pas un qui
E me ſemble auoir iuſtement & egalemeſt contrepeſé ſes bienfaits, ſinon un
preſent qu'ilz luy feirent, lequel il eut plus cher que tout le demourant: & fut
le preſent tel. Durant la ſeconde guerre Punique, que les Romains eurent cō-
tre Hannibal, il y en eut pluſieurs qui furent faits priſonniers es rencontres &
batailles qu'ilz perdirent, & eſtant uendus çà & là, demourerent eſclaves en
pluſieurs prouinces, cōme entre les autres il ſ'en trouua bien par la Grece iuſ-
ques au nombre de douze cents, leſquelz de tous temps auoient bien fait pitié
& cōpaſſion à ceulx qui les uoyoit en ſi miſerable changement de leur for-
tune: mais encore plus alors qu'ilz rencontroient en l'armée des Romains les
uns leurs filz, les autres leurs freres, & les autres leurs compagnons & amis li-
bres & victorieux, là ou eulx eſtoient ſerfs & eſclaves. Si eſtoit Titus biē mar-
ry de les ueoir en telle captiuité, mais toutefois il ne les uoulut pas oſter par
force à ceulx qui les auoient: & les Acheïens les retirerent & achepterent tous
à cinquante eſcus pour teſte, & les aians aſſemblez en une troupe, en feirent
un preſent à Titus, ainſi comme il eſtoit ſur ſon embarquement, pour ſ'en re-
tourner en Italie: qui fut cauſe qu'il ſ'en alla avec plus de ioye & de contente-
ment, aiant reçu de ſes beaux faiçts une belle recompence & digne d'un grâd
perſonnage amateur de ſes citoiens & de ſon païs. Auſſi fut ce l'ornement, à

T. Quintius Flaminius.

mon aduis, qui plus embellit son triumphe: car ces pauvres gens feirēt ce que les esclaves ont accoustumé de faire le iour que lon leur donne liberté, c'est à sçauoir, qu'ilz font raire leurs testes, & portent de petits chapeaux dessus. Ces Romains racheptez en feirent autant: & en cest estat suiuirēt le chariot triumphe de Titus le iour qu'il feit son entree en triumphe dedans la uille de Rome. Il est uray, qu'il faisoit bien bon ueoir aussi les despouilles des ennemis qui furent portees en la mōstre de ce triumphe, comme force armets faits à la Grecque, force boucliers, escus & picques à la Macedoniene avec grāde quantité d'or & d'argent. Car Itanus historien escrit, qu'il en fut porté une bien grosse somme, c'est à sçauoir, d'or fondu en masse, trois mille sept cents treze liures pesant, & d'argent en masse aussi quarante trois mille deux cents soixante & dix liures, & d'or monnoyé en pieces qui s'appelloient Philippus, quatorze mille cinq cents & quattoze, sans les mille talents que Philippus deuoit paier pour l'amende: lesquelz depuis luy furent remis par les Romains à l'intercession & requeste de Titus principalement, qui luy procura ce bien, & le feir appeller amy & allié du peuple Romain, & luy renvoyer son filz Demetri⁹, qui estoit en ostage à Rome. Mais quelque tēps apres le Roy Antiochus passa de l'Asie en la Grece avec grosse flotte de uaisseaux, & une puissante armee, pour solliciter les uilles de quitter l'alliance des Romains, & les mettre en dissension les unes avec les autres: à quoy faire le secundoient les Ætoliens, qui de long tēps auoient conceu grande malueillance cōtre le peuple Romain, & desiroient auoir guerre à luy: si enseignoient au Roy Antiochus à dire, que la guerre qu'il entreprenoit, estoit pour affranchir les Grecs & les remettre en liberté, dont ilz n'auoient point de besoing, attendu qu'ilz estoient francs & libres: mais pour autant qu'ilz n'auoient point de iuste tiltre de commencer la guerre, ilz luy enseignoient à la couvrir de la plus honeste couleur qu'il eust sceu prendre. Parquoy les Romains redoubtans fort le mouuement & le bruit de la puissance de ce grand Roy, y enuoyerent pour capitaine en chef Manius Acilius, & Titus pour l'un de ses lieutenans, à cause des Grecs, desquelz à son arriuee il assura ceulx qui auoient bonne uolunté, & les rendit encore plus fermes en l'alliance des Romains, des qu'ilz l'eurent seulement ueu: les autres qui commençoierēt desia à fleschir & à se laisser corrompre, il les reteint en leur deuoir, & les engarda de faillir, en leur refreschissant la memoire de l'amitié qu'ilz luy auoient portee, ne plus ne moins que fait un sage medecin qui sçait bien à poinct donner medicine à un patiēt pour le preseruer d'une grosse maladie. Il est uray qu'il y en eut quelques uns, mais bien peu, qui luy eschapperent, aians esté desia gaignez & gastez de tout poinct par les Ætoliés, lesquelz encore qu'il fust à bon droit indigné & irrité contre eulx, il preserua neantmoins apres la bataille: car Antiochus aiant esté uaincu au pas des Thermopyles, s'en fouyt, & à grande haste monta sur mer pour s'en retourner en Asie. Et le Consul Manius poursuyuant sa uictoire, entra dedans le país des Ætoliens, là ou il prit luymesme aucunes des uilles par force, & abandonna les autres en proie au Roy Philippus: si estoient d'un costé les Dolopiens, les Magnesiés, les Athamiens, & les Aperantins pillez & saccagez par ce Roy de Macedoine: & de l'autre costé Manius auoit ia aussi destruit la uille de Heraclee, & mis le siege deuāt celle de Naupacte, que les Ætoliens tenoient: mais Titus aiant pitié de ueoir ainsi destruire ces pauvres peuples Grecs, passa du Peloponese, ou il estoit lors au camp de Manius, & le reprit en premier lieu de l'erreur qu'il

- A** qu'il faisoit, en ce qu'ailât vaincu, il souffroit que Philippus emportast le fruit & le loyer de sa victoire, cōquerant & dōptant plusieurs peuples, païs & Roys, pendant que luy par un opiniastre courroux s'amusoit à tenir siege deuant une uille. Et puis incontinent que les assiegez l'apperceurēt de dessus leurs murailles, ilz l'appellerent par son nom, en luy tēdant les mains, & le priāt qu'il uoulust auoir pitié d'eulx: à quoy il ne leur respondit rien sur l'heure, ains se tournāt de l'autre costé se prit à plorer: mais depuis il parla avec Manius, & apaisant son courroux, feit tant enuers luy qu'il impetra aux Ætoliens sursēance d'armes pour quelques iours, tant qu'ilz peussent enuoyer des ambassadeurs à Rome pour ueoir silz pourroient obtenir grace & pardon du Senat. Mais la
- B** plus grande peine & plus grāde difficulté qu'il eut, fut à prier pour les Chalcidiens, aux quelz le Consul Manius estoit plus aigrement courroucé qu'à tous les autres: à cause que le Roy Antiochus, estant desia la guerre encōmmencee, auoit pris femme en leur uille cōtre ce que son aage portoit, & que la qualité du tēps ne requeroit: car il estoit desia uieil, & en son uieil aage, au milieu de la guerre, estoit deuenu amoureux d'une ieune damoiselle fille de Cleoptolemus, la plus belle qui fust de ce temps là en la Grece. Ce qui feit que les Chalcidiens se formaliserent fort affectueusement pour luy, & meirent leur uille entre ses mains, pour s'en seruir cōme d'un fort aux affaires de ceste guerre, au moien dequoy, quand il eut perdu la bataille il sy retira à la plus grāde hastte
- C** qui luy fut possible: & prenant la ieune dame qu'il auoit espousee, son or, son argent, & ses amis, monta sur mer incontinent, & s'en retourna en Asie. Pour ceste cause le Consul Manius, aussi tost qu'il eut gagné la bataille, tira droit avec son armee uers la uille de Chalcide en grande fureur de courroux: mais Titus qui le suiuoit, l'alloit tousiours addoucissant, & le pria tāt luy & les autres Romains qui estoient en estat, & auoient authorité au conseil, qu'à la fin il les apaisa, & impetra pardō à ceulx de Chalcide. Lesquelz aians esté preseruez d'un si grand peril par son moien, luy consacrerēt en recompense les plus beaux edifices & plus sumptueux ouurages publics qui fussent en leur uille, ainsi que lon peult ueoir par les inscriptions qui y sont encore iusques au
- D** iourd'uy: comme au parc des exercices, Le peuple Chalcidien a dedié ce parc des exercices à Titus, & à Hercules: & au temple nōmé Delphinium, Le peuple Chalcidien a consacré ce temple à Titus & à Apollo. Et encore iusques à present il fessit par les uoix du peuple un presbtre expressement pour faire sacrifice à Titus, auquel sacrifice, apres que l'hostie est immolee, & l'effusion du uin faite dessus, le peuple assistant chante un cantique de triūphe fait en uers à sa louange: mais pource qu'il seroit trop long à l'escire tout entier, nous en auons seulement extrait la fin, qui est telle:

- La foy blanche immaculee
E Des Romains nous adorons,
 Et garder inuiolee
 Loyaulté nous leur iurons.
 Chantez filles à la gloire
 De Iupiter tout puissant,
 Allez en chant de uictoire,
 Rome & Titus benissant.
 Chantez le preux capitaine
 Titus, par qui uous auez

T. Quintius Flaminius.

D e perdition certaine

I adis esté préseruez

Si n'estoient pas les Chalcidiens seuls qui luy portoiert honneur & reuerence, ains estoit honoré par tous les Grecs uniuerfellement comme il luy appartenoit, & merueilleusement aimé pour la douceur & debonaireté de sa nature: ce qui môstre que ce n'estoit point par contrainte ne par feinte, mais à bon esciant, & de bonne uolunté qu'ilz l'honoroiert. Car combien qu'il ait eu quelques differéts pour les occurrences des affaires, ou pour quelque ialousie d'honneur à l'encontre de Philopœmen premierement, & depuis à l'encontre de Diophanes capitaines generaux de la communaulté des Acheïens, iamais il ne teint son cucur, ny ne passa onques son courroux iusques à mettre en execution aucune mauuaise chose contre eulx: ains se termina tousiours en quelque contention de paroles & assemblees de conseil, là ou il parla franchement à eulx: pourtant n'y eut il iamais personne qui le teint pour homme aigre ny uindicatif, mais bié a il semblé à plusieurs leger, prompt, & soudain à se choler de sa nature. Autrement c'estoit bien la plus douce & la plus agreable compagnie d'homme qu'il estoit possible, & qui rencontroit aussi plaisamment, & aussi aiguëment: comme quand il dit unefois aux Acheïens qui se uouloient attribuer l'isle des Zacynthiens, pour les diuertir de ceste entreprise, Vous uous mettez en dâger seigneurs Acheïés, si uous sortez unefois hors du Peloponese, ne plus ne moins que les tortues, quand elles mettent la teste hors de leur cocque. Et la premiere fois qu'il parla avec Philippus pour traiter d'appointement, cômme Philippus luy eust dit, Vous auez amené beaucoup de gens avec uous, & ie suis uenu seul: il luy respôdit promptemêt, Aussi as tu tât fait que tu es demouré seul, aiant fait mourir tous tes parents & amis. Vne autre fois à Rome Dinocrates Messenié, apres auoir bié beu en un festin, se desguisa en habit de femme, & dansa en tel habit, puis le lendemain s'en alla deuers Titus, le prier qu'il le uoulust aider à conduire son entreprise à chef, qui estoit de retirer la uille de Messine hors de la ligue des Acheïés. Titus luy fit response, qu'il y penseroit: Mais ie m'esmerueille, dit il, de toy, comment tu puis danser en habit de femme, ny chanter en un festin, aiant entrepris de si grandes choses. Au cōseil des Acheïens les ambassadeurs du Roy Antiochus estans uenus pour les solliciter & induire à quitter l'alliance des Romains, & prendre celle de leur maistre, feirent un long narré de la grâde multitude des combattans, qui estoient en l'armee de leur maistre, & les nombrerēt par plusieurs diuers noms. A quoy Titus respondit, que un iour un sien amy & hoste luy donoit à soupper, & qu'il fut seruy à table de tant de mets qu'il en tenfa & reprit son hoste, s'esmerueillant dont il pouuoit auoir si tost recouuré tant de sortes de uiandes & en si grande quantité: son hoste luy respondit, que le tout n'estoit que chair de porc, laquelle estoit ainsi diuersifiée de plusieurs sautes & differétes manieres del'accoustrer: Aussi Seigneurs Acheïens, dit il, n'estimez pas d'auantage l'armee d'Antiochus pour ouir nombrer tant de gens d'armes portans lances, portans iauelines, & tant de gens de pied: car ce ne sont que tous Syriens differents de diuerses sortes de meschantes petites armes seulement. Au demourant apres ces choses faites par Titus en la Grece, & apres que la guerre d'Antiochus fut acheuee, il fut eleu à Rome Censeur avec le filz de celuy Marcellus, qui auoit esté cinq fois Consul. Ce magistrat est de tresgrande dignité, & par maniere de dire le comble & le couronnement de tous

A les honneurs qu'un citoien peut auoir en la chose publique Romaine. Ilz ietterent hors du Senat quatre personages, mais ce n'estoient pas gens gueres notables, & receurent au nombre des citoiens Romains tous ceulx qui se presenterent pour estre enregistrez es registres publiques, pourueu qu'ilz fussent nez de pere & mere de libre condition, & furent contrainsts à ce faire par Terentius Leo Tribun du peuple, lequel en haine de la noblesse, & pour leur faire despit, persuada au peuple de le commander ainsi. Or estoient pour lors les deux plus renommez & plus estimez personages qui fussent à Rome, Publius Scipio Africain, & Marcus Porcius Cato, lesquelz estoient ennemis l'un de l'autre. Titus en eleut & nomma l'un, à sçauoir Scipion prince du Senat, comme le premier & le plus homme de bien qui fust en toute la uille, & prit inimitié contre l'autre qui estoit Cato, pour une telle infortune. Titus auoit un frere nommé Lucius Quintius Flaminius, qui ne luy ressembloit en chose quelconque: car il estoit si dissolu en uoluptez, & si abandonné à son plaisir, qu'il en oubliait tout deuoir d'honesteté. Il aimoit un ieune garson dont il abusoit charnellement, & le menoit tousiours avec luy quād il alloit dehors en quelque guerre, ou en quelque charge & gouuernement de prouince. Ce garson le flattant un iour, luy dit, qu'il estoit si fort espris de son amour, qu'il auoit laissé à ueoir les combats de gladiateurs & escrimeurs à oultrage, qui se preparoiēt à Rome sur l'heure de son partement, combien que iamais il n'eust ueu tuer homme, aiant plus cher de seruir au plaisir de luy que au sien propre. Lucius estant bien aise de ce propos luy respōdit incontinent, Il n'y a rien gasté pour cela, car ie t'en feray tout à ceste heure passer ton enuie: si commanda que lon tirast de la prison un des criminelz condēnez à mourir, & feit quand & quād uenir le bourreau, auquel il commanda de luy trencher la teste au milieu du soupper. L'historien Valerius Antias escrit, que ce ne fut pas pour l'amour d'un garson, mais d'une femme qu'il aimoit: mais Titus Liuius met, qu'en une harengue que Caton mesme en feit, il y auoit escript que c'estoit un Gaulois, qui trahissans les siens s'estoit uenu rēdre à la porte de ce Flaminius avec sa femme & ses enfans, & que Flaminius l'ayant fait entrer en sa salle, le tua luy mesme de sa propre main, pour donner le plaisir de le ueoir mourir à un garson dont il estoit amoureux. Mais il est uraysemblable que Caton l'escruiuit en ceste sorte pour aggrauer le crime, & le rendre plus atroce: car, qu'il soit uray que ce ne fust pas un traistre, ains un criminel condemné à mourir, plusieurs l'ont escrit, & entre autres Ciceron mesme l'orateur le recite au traité qu'il a composé de la uieillesse, ou il le fait raconter à Caton mesme. Comment que ce soit, Marcus Cato aiant esté eleu Censeur, & nettoiait le Senat des personnes indignes d'y estre, en ietta hors Lucius Quintius Flaminius, combien qu'il fust de dignité Consulaire, & qu'il semblast que ceste note d'infamie touchast aussi à son frere Titus: à l'occasion dequoy les deux freres tous esplērez, en toute humilité se allerēt presenter au peuple en pleine assemblee, & feirēt une requeste qui sembla raisonnable & ciuile, à sçauoir qu'il fust enioinct à Caton de uenir publiquement dire & declarer pour quelle cause il auoit imprimé ceste marque d'ignominie à une si noble famille & si bien renommee que la leur. Cato adonc sans dilayer ny tirer arriere uint avec son compagnon sur la place, là ou il demanda tout hault à Titus, s'il sçauoit rien de ce banquet ou auoit esté commis le faict. Titus respondit que non: & lors Cato le racompta de bout en bout, & à la fin de sa narration prouoqua Lucius

T. Quintius Flaminius.

Quintius à finscrire à l'encontre de luy, si luy uouloit maintenir que ce qu'il luy mettoit sus ne fust ueritable. Lucius ne respondit mot: au moien dequoy le peuple iugea, que la note d'infamie luy auoit esté iustement imprimée, & reconuoya par honneur Caton depuis la tribune aux harengues iusques en sa maison: mais Titus desplaisant de la calamité de son frere, se benda à l'encontre de Caton, avec ceulx qui de longue main luy uouloient mal, & feit tant par ses menees enuers le Senat, q̄ tous les baux à ferme, tous les marchez, & tous les arrentemens qu'il auoit faits durant son magistrat, furent cassez & annullez, & si luy prepara & suscita plusieurs grâds proces: enquoy ie ne sçay si feist sagement ne ciuilement, de prendre inimitié capitale à l'encontre d'un personnage homme de bien, bon citoien, & faisant le deu de son office, pour un sien proche parent, mais indigne de sa parenté, & qui auoit bien merité la honte que lon luy auoit faite. Toutefois quelque temps apres estant le peuple assemblé au theatre pour ueoir l'esbattement des ieux, & y estans les Senateurs selon la coustume assis au plus honorable lieu, Lucius y entra, qui alla seoir humblement & simplement sans hōneur es plus reculez sieges du theatre: ce que uoiant le peuple, en eut pitié, & ne peut supporter de le ueoir ainsi deshonoré: si se prit à luy crier qu'il s'ostast de là, & ne cessa iusques à ce qu'il se fust allé seoir entre les Senateurs Consulaires, qui luy feirent place, & le receurent entre eulx. Mais pour retourner à Titus, son ambition & la conuotise d'honneur qu'il auoit de nature, fut bien estimee tant qu'elle eut matiere idoine pour s'exercer es guerres, dont nous auons par cy deuant parlé: car encore depuis son Consulat, il fut Tribun militaire de sa propre uolunté, sans que personne l'en pressast: mais quand son aage cōmencea à decliner, & qu'il eut desisté, comme estant hors de saison, de plus prochasser ny exercer charge publique, alors descouurit on euidentement qu'il estoit ambitieux oultre mesure, de se laisser maistriser à ceste passion de ieunesse au decours de sa uieillesse, qui n'estoit plus apte ny propre aux actiōs: car il me semble q̄ ce fut la seule cause qui l'incita à procurer la mort de Hānibal, ce qui luy apporta la malueillance, & le mit en mauuaise opinion de plusieurs: pource que Hānibal s'en estant fuy de son païs, se retira premierement deuers le Roy Antiochus, lequel apres la bataille qu'il perdit en la Phrygie, se contenta fort bien que les Romains luy ottroyassent la paix à telles cōditions qu'ilz uolurēt: parquoy Hannibal s'enfouit encore d'avec luy, & apres auoir longuement esté errant ça & là, finablement s'arresta au royaume de la Bithynie aupres du Roy Prusias, au sceu & à la ueuë de tous les Romains, qui ne s'en soucyoiēt plus, pource qu'il estoit uieil & cassé, sans force ne puissance aucune, comme un homme que la fortune auoit de tout poinct ruiné & foulé aux pieds. Mais Titus estant enuoyé par le Senat ambassadeur à ce Roy Prusias pour quelque autre affaire, trouua Hānibal qui faisoit sa residēce en Bithynie, & fut marry de le ueoir uiure, tellement que combien que Prusias luy feist de tresgrandes prieres qu'il uoulust auoir pitié de ce pauvre uieillard son familier, qui s'estoit uenu ietter comme en franchise entre ses bras, iamais ne le uolut laisser uiure. Or auoit Hannibal long temps au parauant eu un oracle touchāt sa mort, lequel estoit de telle substance:

T erre Libyque engloutira le corps

D e Hannibal quand l'ame en fera hors.

Si pēsa q̄ cela s'entēdist de la Libye, c'est à dire, de l'Afrique, cōme si l'eust deu

acheuer

- A** acheuer ses iours en Afrique pour estre inhumé à Carthage. Mais il y a en la Bichynie une certaine contree sablonneuse pres de la mer, en laquelle est une petite bourgade qui s'appelle Libyssa, là ou Hannibal faisoit sa demeure ordinaire, & se desiant tousiours de la pusillanimité de Prusias, & redoubtant la haine des Romains, il auoit fait long temps deuant cauer soubz terre sept mines & issues secretes, lesquelles respondoient toutes au lieu ou il se tenoit, & alloient sortir les unes ça les autres là, assez loing de son logis, sans que lon en apperceust rien par dehors. Quand donques il fut aduerry lors du commandement que Titus auoit fait à Prusias de le luy liurer entre ses mains, il essaya de se sauuer par ses mines: mais il trouua que par tout il y auoit aux issues des
- B** gardes de par le Roy, & resolut adonc de se faire mourir luy mesme. Si disent aucuns qu'il entortilla quelque linge à l'entour de son col, & puis commada à un sien seruiteur qu'il luy meist le genouil sur la fesse, & qu'en pesant dessus il tirast par derriere le linge de toute sa force en luy reuersant le col, & le pressant iusques à ce qu'il luy feist rendre l'ame: les autres disent qu'il beut du sang de taureau comme parauant auoient faict Midas & Themistocles. Mais Liuius escrit qu'il auoit du poison qu'il gardoit pour une telle occasion, & l'aiât destrempé dedans une coupe, en la tenant en sa main, il dit auant que le boire: Or sus deliurons le peuple Romain de ce grâd soucy, puis qu'ainsi est qu'il luy grieve, & luy semble trop long d'attendre la mort naturelle de ce pauvre
- C** uicillard que tant il hait, combien que Titus n'en rapportera ia uictoire qui luy soit gueres honorable ny digne des anciens Romains, lesquelz feirēt aduertir leur ennemy Pyrrus lors qu'il leur faisoit la guerre, & auoit ia gaigné des batailles sur eulx, qu'il se gardast du poison qu'on luy auoit appareillé. Telle fut la fin de Hannibal ainsi q lon treuve par escript: dôt la nouuelle estāt uenue au Senat à Rome, il y eut plusieurs à qui Titus sembla par trop importun & trop cruel, d'auoir ainsi fait mourir Hannibal lors que l'aage l'auoit de tout poinct matté, ne plus ne moins qu'un oyseau à qui toutes les plumes & tout le pennage sont tumbez de uieillesse: de tant plus mesmement qu'il n'y auoit occasion quelconque qui le pressast de ce faire, sinon une conuoitise de
- D** gloire, à fin que par les chroniques il fust nommé cause & auteur de la mort de Hannibal. Et au contraire de tant plus en louoient & estimoient ilz la clemence & la magnanimité de Scipion, lequel l'aiât desfait en bataille dedans le pais d'Afrique, lors qu'il estoit encore redoubtable, & qu'il n'auoit iamais esté uaincu, ne le fait point chasser hors de son pais, ny ne le demanda point aux Carthaginois, ains & deuant la bataille quand il parla avec luy d'appointement, il luy toucha gracieusement en la main, & apres la bataille es conditions de paix qu'il donna aux uaincus, ia mais ne meit rien en auant au preiudice de sa personne, ny ne luy courut sus en sa calamité. Et dit on que depuis ilz se rencontrerent une autrefois ensemble dedans la uille d'Ephese, là
- E** ou ainsi qu'ilz se promenoient, Hannibal premierement se meit au plus honorable lieu: ce que Scipion endura patiemment, & ne laissa pas pour cela de se promener, sans mōstrer aucun semblant d'en estre marry, puis en deuisant de plusieurs choses, ilz tumberent en propos des anciens capitaines: & Hannibal prononça & donna sa sentēce, que Alexādre le grand auoit esté le plus grād & le plus excellent de tous les autres, Pyrrus le second, & luy le troisieme, & que adonc Scipion en se soubzriant tout doulcement luy demanda: Et que dirois tu dōc, si ie ne t'eusse point uaincu? Le me mettrois, respōdit Hannibal, non.

T. Quintius Flaminius.

point au troisieme lieu, mais au premier, par dessus tous les capitaines qui furent onques. Ainsi plusieurs louans ces beaux dictz & faictz de Scipion, blasmoient grandement Titus, de ce qu'il auoit, par maniere de parler, mis les mains sur le mort d'autrui. Au contraire aussi y en auoit il d'autres qui trouuoient bon ce qu'il en auoit fait, disans que Hannibal tant comme il eust uescu, estoit un feu pour l'empire Romain, qui n'auoit besoing que de quelcun qui le soufflast, & que tât cōte il auoit esté en la force & uigueur de son aage, cen'auoit point esté sa main ny son corps qui auoit donné tant d'affaires aux Romains: mais son bō sens & sa suffisance en l'art de la guerre, avec une haine qu'il auoit enracinee en son cueur, & une rancune enuieillie à l'encontre des Romains, ce q̄ la uieillesse n'oste ny ne diminue aucunemēt: car la nature & la qualiré des meurs demoure tousiours, mais la fortune ne dure pas tousiours une, ains se ua changeant, & en se changeant incite par esperance à nous courir sus ceulx qui tousiours nous font la guerre de uolūtē, d'autāt qu'ilz nous haissent en leur cueur. Les choses que lon a depuis ueuēs aduenir font grande foy aux raisons que lon allegue à ce propos à la descharge de Titus: Car d'un costé Aristonicus filz de la fille d'un musicien ioueur de Cithre, pour la renommee d'Eumenes, duquel il estoit bastard, emplit toute l'Asie de guerres & de rebellions de peuples qui se soubzleuerēt en sa faueur: & d'autre costé Mithridates, apres tāt de pertes qu'il auoit faictes cōtre Sylla & cōtre Fimbria, & apres tant de ses armées descōfites, & tant de ses capitaines morts en bataille, se ressoudit & se refait encore grand & puissant tant par mer que par terre contre Lucullus. Et certes Hānibal n'estoit ia plus au bas que fut Caius Marius: car il auoit un Roy amy, qui luy donnoit au moins estat pour s'entretenir luy & sa maison, & si auoit superintendence sur les nauires, la cheualerie & les gens de guerre de ce Roy: là ou Marius alloit errant & mendiant sa uie par le pais d'Afrique, de sorte que ses ennemis qui estoient à Rome se mocquoiet de luy, lesquelz neantmoins tantost apres se prosternerent deuant luy, quand ilz se ueirent fouetter, meurtrir & tuer dedās Rome mesme, par son cōmandement. Ainsi n'y a il rien que lon puisse dire assurement petit ou grād, pour l'incertitude de l'aduenir, attendu qu'il n'y a autre fin de changement & de mutatiō en l'hōme que celle de l'estre. Encore y en a il qui disent que Titus ne fit pas cest acte seul ny de sa propre authorité, mais qu'il fut enuoyé ambassadeur avec Lucius Scipion, non pour autre chose que pour faire mourir Hannibal en quelque sorte que ce fust. Au reste nous n'auons point trouué que Titus ait fait autre chose digne de memoire ny en paix ny en guerre depuis ceste ambassade: car il mourut de mort naturelle paisiblement en sa maison.

LA COMPARAISON DE TITVS QVINTIVS FLAMINIVS AVEC PHILOPOEMEN.

PArquoy il est temps maintenāt que nous uenions à les cōparer. Quant est donques à la grandeur des bienfaits enuers la nation Grecque, non seulement il ne fault pas accompagner Philopœmen à Titus, mais ny les autres anciens beaucoup plus grands personnages & plus excellents capitaines que luy: car tous ces anciens là, presque, estans Grecs, ont fait la guerre à d'autres Grecs, & Titus n'estant point Grec a combattu pour les Grecs. Et lors que Philopœmen, naiāt

A moien de secourir les patures citoiens trauaillez & affligez de guerre, sen alla en Candie, Titus aiant desfait en bataille le Roy de Macedoine, Philippus, affranchit & remeit en liberte tous les peuples & routes les uilles d'icelle, qui parauant estoient en seruitude. Et si lon ueult examiner de pres les batailles de l'un & de l'autre, lon trouuera que Philopœmen estant capitaine des Acheïens a fait mourir plus de Grecs, que Titus n'a de Macedoniens, en combattant contre eulx pour la liberte des Grecs. Et quât aux imperfections, l'un estoit ambitieux, & l'autre opiniastre: l'un estoit prompt & soudain à se courroucer, l'autre difficile à appaiser. Car Titus laissa au Roy Philippus son royaume, & la dignité royale, après l'auoir uaincu, & usa de grande benignité enuers les Aetoliens: là ou Philopœmen par un despit osta à son propre pais, & à la uille de sa naissance, les bourgs & uillages, qui de tout temps estoient ses uassaux & contribuables. D'auâtage Titus demouroit fermement amy de ceulx à qui il auoit une fois fait plaisir: & Philopœme par une cholere estoit prest à oster ce qu'il auoit donné, & à desfaire le plaisir qu'il auoit une fois fait. Car aiant fait beaucoup de bien à ceulx de Lacedæmonie, depuis il raza les murs de leur uille, destruisit & gasta tout leur plat pais: & finalement réuersa toute la forme de leur gouuernement. Et si semble que par la temerité de sa cholere il fut luy même cause de sa propre mort, pour s'estre trop hasté d'aller auant qu'il en fust temps, courir sus à ceulx de Messine: non

C pas comme Titus, qui conduisit tousiours ses affaires par grand sens, & tousiours uisa au plus seur. Mais si nous regardons au nombre & à la pluralité des batailles & des uictôires, la guerre que feit Titus à l'enconête de Philippus fut acheuee en deux batailles seulement: là ou Philopœmen en infinies batailles & rencôtres ou il a tousiours eue du meilleur, ne laissa jamais en doute que sa suffisance ne luy eust plus aidé à gagner la uictôire, q la faueur de fortune. Qui plus est, Titus acquit honneur par le moien de la puissance de Rome lors qu'elle estoit en sa fleur, & Philopœmen se feit renômer par ses faictz lors que la Grece commençoit à decliner & decheoir: de sorte que les effects de l'un sont cômuns à tous les Romains, & ceulx de l'autre propres à luy seul:

D pource que Titus se trouua chef de bons & uailans combattans, lesquelz il n'auoit pas fait telz, & Philopœmen aiant esté eleu capitaine, rendit ses gens bons combattans & bien aguerris, qui ne l'estoient pas au parauant. Et quant à ce que Philopœmen eut tousiours la guerre contre les Grecs: il est bien uray que ce ne luy fut pas heur, mais bien fut ce une preuue certaine de sa ualeur. Car là ou toutes autres choses sont semblables & egales, il fault iuger q ceulx qui uainquêt ont plus de uertu. Or est il que Philopœme faisant la guerre aux plus belliqueuses nations de la Grece, c'est à sçauoir aux Candiots & aux Lacedæmoniens, en a uaincu les plus fins par ruzé & cautelle, & les plus uailans par prouesse & hardiesse. D'auâtage Titus uainquit en mettant seulement

E en œuvre ce qui estoit desia trouué, estably & ordonné, c'est à sçauoir la discipline militaire, & la maniere de renger une armée en bataille, à laquelle ses gens estoieria de l'ogue main tous duits: là ou Philopœmen apporta & introduisit l'une & l'autre en son pais, & remua tout l'ordre qu'ilz auoient parauant accoustumé de tenir: tellemēt, que ce q est le principal pour gagner une bataille, fut trouué tout de nouueau & introduit par l'un en lieu ou il n'estoit point au parauant, & seulement employé par l'autre, qui sen sceut bien aider l'ayant trouué tout prest. Au demourât quât aux actes de prouesse faicts de leur

T. Quintius Flaminius.

main propre, lon en pēult alleguer plusieurs beaux & grands de Philopœ-
men, & de Titus pas un: ains au contraire y eut un Ætoliën nommé Arche-
demus, qui se moquant de luy un iour, luy reprocha, que le iour de la bataille
pendât qu'il couroit l'espee au poing, là part ou il uoyoit que les Macedoniës
combattoient & faisoient teste, Titus tendoit les mains iointes au ciel, & sa-
musoit à faire prières aux Dieux sans se bouger, lors qu'il estoit heure de com-
battre à bon esciant. Qui plus est, tous les beaux faicts q̄ fait onques Titus, fu-
rent tousiours en estat de Consul ou de lieutenant, ou comment que ce soit, en
magistrat: là ou Philopœmen se monstra aux Acheïens, non moins uertueux
ny de moindre execution estant homme priué qu'estant capitaine: car estant
capitaine il chassa Nabis hors de Messine, & deliura les Messeniës de seruitu-
de: & estant homme priué, il ferma les portes de la uille de Sparte au uisage de
Diophanes capitaine des Acheïens & de Titus, les gardât d'y entrer, en quoy
faisant il sauua la uille d'estre saccagee. Parainſi estant né pour commander, il
ne sçauoit pas seulement commander selon les loix, ains aux loix mesmes
quand il en estoit besoing, & que le bien public le requeroit: car lors il n'atten-
doit pas que ceulx qu'il deuoit gouuerner luy donnassent autorité de com-
mander, ains la prenoit de luy mesme, & uſoit d'eulx quand il en estoit temps,
estimant, que celuy qui entédoit mieulx qu'eulx ce qu'il falloir qu'ilz feissent,
estoit plus ueritablemēt leur capitaine que celuy qui estoit eleu par eulx. Par-
quoy bien font à louer les actes de clemēce & de benignité que Titus feit en-
uers les Grecs, mais encore plus ceulx de hardiesse & de magnanimité q̄ Phi-
lopœmē feit enuers les Romains: car il est bien plus aisé de faire plaisir & gra-
tifier aux plus foibles, qu'il n'est pas de nuire & de resister aux plus puissans.
Puis que doncques après les auoir ainsi examinez & cōferez l'un avec l'autre,
il est mal aisé à discerner entierement ce qu'il y a de difference entre eulx, à
l'aduenture ne sera ce point trop mal arbitré ny iugé, si nous dōnons au Grec
la couronne de l'art militaire, & la louange de bon capitaine, & au Romain
celle de clemence, de iustice & de bonté.

Pyrrus.



Ntreuve par escript, que depuis le deluge, le premiet
roy des Thesprotiens & des Molossiens fut Phaëton,
l'un de ceulx qui avec Pelasgus uindrēt en la prouin-
ce d'Epire: mais quelques autres ueulēt dire, que Deu-
calion & sa femme Pyrra, apres auoir edifié & fondé le
temple de Dodone au pais des Molossiens, ſy arreste-
rent. Cōment que ce soit, long temps depuis Neopto-
lemus filz d'Achilles y amenant grand peuple quād &
luy, conquist le pais, & laissa apres luy une succession
des Roys, qui de son nom furent appelez les Pyrrides, à cause que des son
enfance il auoit esté surnommé Pyrrus qui uault autant à dire comme Roux,
& l'un de ses enfans legitimes qu'il eut de Lanassa fille de Cleodes filz de
Hyllus, fut aussi nommé par luy Pyrrus. C'est la cause pour laquelle Achilles
est honoré & reueré en Epire comme un Dieu, y estāt appellé Aspetos en lan-
gage du pais: mais apres les premiers Roys descendans de celle race, ceulx du
milieu

A milieu deuindrent Barbares, de forte qu'il n'est point de memoire d'eulx ny de leur puïssance, iusques à un nommé Tharrytas, lequel fut le premier qui polit ses uilles & son païs de lettres Grecques, & l'orna de meurs, loix & coustumes ciuiles, dont il se feit renommer. Ce Tharritas laissa un filz qui eut nom Alcetas, d'Alcetas nasquit Arymbas, d'Arymbas & de Troiade sa femme sortit Æacides qui espouza Phria fille de Menon Thessalien, qui fut homme fort renommé du temps de la guerre que lon surnomme Lamiaque, & qui y eut plus d'autorité que nul autre des confederez apres Leosthenes. Cestuy Æacidas eut de sa femme Phria deux filles, Deidamia & Troiade, & un filz, qui fut Pyrrus : mais de son temps les Molossiens se mutinerent, & le chasserēt de son royaume, lequel ilz meirent entre les mains des enfans de Neoptolemus. Au moien dequoy les amis d'Æacides que lon peut prendre au corps, furent tous mis à mort : mais Androclides & Angelus desrobberēt Pyrrus qui estoit encore enfant de mamelle, que les ennemis cherchoiēt par tout pour le faire mourir, & s'en fouirent à tout, trainant avec eulx peu de seruiteurs, & les femmes qui estoient necessaires pour traiter l'enfant & luy donner à tetter, à l'occasion dequoy leur fuitte estoit fort empeschée, & ne pouuoient pas faire grād chemin, de sorte qu'ilz furent facilement attaincts par ceulx qui les poursuuiuoient, & lors ilz meirent l'enfant entre les mains de Androclion, Hippias, & Neander trois ieunes hommes forts & dispos, desquelz ilz se fioient, & leur commanderent qu'ilz s'en courussent le plus roide qu'ilz pourroient uers une uille du royaume de Macedoine qui s'appelle Megares, & eulx ce pēdant partie en priant & partie en combattant arresterent les poursuuians iusques au soir. Et les aians à la fin fait retirer à toute peine, ilz s'en coururent apres ceulx qui portoient Pyrrus, lesquelz ilz trouuerent qu'il estoit ia Soleil couché : & la cuidans estre arriuez au but desiré de leur esperance, ilz s'en trouuerēt bien loing, pource qu'ilz rencontrerēt la riuere qui court au long des murailles de la uille, si aspre & si roide, qu'elle leur faisoit frayeur à ueoir : & quād ilz sonderent le guay ilz trouuerent qu'il estoit impossible de la guayer, tant elle estoit trouble & enflée de quelque rauage de pluies qui estoiet suruenues, avec ce que l'obscurité de la nuit rendoit toutes choses encore plus effroyables. Si ne furēt pas d'aduis ceulx qui portoiēt l'enfant d'essayer à le passer eulx seulz, ny les femmes aussi qui le nourrissoient, & oyans sur l'autre bord de la riuere quelques gens du païs les prierent & supplierēt au nom des Dieux, qu'ilz leur uoulussent aider à passer cest enfant, en leur monstrant de loing Pyrrus, mais ces gens ne les entendoient point pour le grād bruit que faisoit le cours de la riuere, & demourerent long tēps en ce point les uns à crier, les autres à prester l'oreille, sans pouuoir rien entendre, iusques à ce qu'il y eut quelque un de la cōpagnie qui s'aduifa d'arracher de l'escorce d'un chesne, sur laquelle il escripta avec l'ardillon d'une boucle la fortune & necessité de l'enfant, puis entortilla l'escorce à l'entour d'une pierre pour luy donner poix, à fin de la pouuoir lancer, & ainsi la ietta de l'autre costé de la riuere, & les autres disent qu'il picqua l'escorce au bout d'un iaelot qu'il darda. Ceulx qui estoient sur l'autre riuē aiant leu l'escripture de l'escorcē, & par icelle entendu le danger pressant auquel estoit l'enfant, coupperent soudainement à la plus grande diligence qu'ilz peurent des arbres, qu'ilz lierent ensemble : & ainsi trauerferēt la riuere. Celuy qui passa le premier, d'aduenture se nommoit Achilles, lequel prit l'enfant & le passa : les autres passerent semblablement les autres, selon qu'ilz

Pyrrus .

se rencontrerent. Ainsi festans sauuez & eschappez des mains de ceulx qui les poursuioient, ilz feirēt tant par leurs iournees, qu'ilz arriuerēt deuers Glaucias le Roy d'Esclauonnie, lequel ilz trouuerent en sa maison assis aupres de sa femme: si meirent l'enfant à terre au milieu de la place deuant luy. Le Roy demoura longuement pensif sans mot dire, consultant en soy mesme ce qu'il en deuoit faire, pource qu'il redoubtoit Cassander, qui estoit mortel ennemy de Æacides. Et cependant l'enfant Pyrrus, se trainnant de luy mesme à quatre pieds, prit le bout de la robbe du Roy avec ses mains, & feit tant qu'il se leua sur ses pieds contre les genoux du Roy: ce qui l'emeut à rire du commencement, & puis apres à pitié, pource qu'il sembloit un suppliant qui se fust uenu ietter entre ses bras en franchise: les autres disent que ce ne fut pas à Glaucias qu'il s'adressa, ains à l'autel des Dieux domestiques, au long duquel il se leua & l'embrassa de ses deux bras. Ce que Glaucias estimant estre fait par expresse ordonnance diuine, consigna sur l'heure mesme l'enfant entre les mains de sa femme, & luy commanda de le faire nourrir avec les siens. Peu de temps apres ses ennemis le luy enuoyerent demander: &, qui plus est, Cassander luy feit offrir * deux cents talents, pour le luy liurer entre ses mains: ce qu'il ne uoulut onques faire, ains au contraire si tost qu'il fut arriué au douzieme an de son aage, le remena avec une armee en Epire, & l'en establit Roy. Or auoit Pyrrus au uisage une maiesté royale, laquelle tenoit plus du terrible & redoubtable que du uenerable, & si n'auoit point en la machouaire de dessus les dents distinguees l'une de l'autre, ains estoit un os continuel trassé seulement un peu par dessus de petites coches aux endroits ou les dents deuoient estre diuisees, & auoit on opinion qu'il guarissoit ceulx qui estoient malades de la ratte en sacrifiant un coq blanc, & touchāt avec son pied droit tout doucement à l'endroit de la ratte le flanc gauche des malades couchez à la renuerse: & n'y auoit si pauvre, si basse, ne si uile personne qui le requist de ce remede, à qui il ne l'ottroyast, prenant le coq qu'il auoit sacrifié pour son salaire, & luy en estoit le present tresagreable. Lon dit que le gros orteuil de son pied droit auoit quelque uertu diuine, de sorte que apres sa mort quand on brussa le corps, tout le reste aiant esté consommé & reduit en cendres par le feu, on trouua ledit orteuil tout entier sans auoir esté en rien offensé: mais quant à cela nous en escrirons plus amplement cy apres. Au reste cōme il fut arriué à son dixseptieme an, cuidant desormais estre bien assuré en la possession de son royaume, il luy aduint de faire un uoyage en Esclauonnie aux nopces de l'un des enfans de Glaucias, avec lequel il auoit esté nourry, & si tost qu'il eut le dos tourné, les Molossiēns se rebellerent derechef cōtre luy, chasserent ses seruiteurs & amis, pillerent tous ses biens, & se rendirent à son aduersaire Neoptolemus. Parquoy Pyrrus aiāt ainsi perdu son estat, & se uoiāt delaisé de tout le mōde, se retira deuers Demetrius filz d'Antigonus qui auoit espousé sa sœur Deidamia, laquelle estāt encore petite garce auoit esté accordée à Alexādre filz de Alexādre le grād & de Roxane, & l'appelloit on sa femme: mais toute ceste race là aiant esté malheureusement esteincte, Demetrius l'espousa depuis quand elle fut en aage de marier. Et en celle grosse bataille qui fut dōnce pres la uille d'Hipse, là ou tous les Roys de la terre combattirēt, Pyrrus encore qu'il fust bien ieune y estant en personne à l'entour de Demetrius, tourna en fuite ceulx qui se trouuerent en teste deuant luy, & y fut renommé pour l'un des meilleurs combattans: qui plus est, apres que Deme-

* Six uingts
mille escus .

A trius eut perdu la bataille, il ne l'abandonna point, ains luy garda fidelement les uilles de la Grece qu'il luy meit entre mains. Et depuis aiant esté accordé traité entre Demetrius & Ptolomæus, il alla pour luy en ostage au royaume d'Égypte, là ou il feist cognoistre à Ptolomæus tât à la chasse qu'à tous autres exercices de la personne, qu'il estoit fort & roide & patiét de labeur: & uoiant que Berenice entre les femmes de Ptolomæus, estoit celle qui auoit plus de credit enuers son mary, comme celle qui estoit aussi la plus honeste & la plus sage, il se meit à luy faire la court plus qu'à nulle des autres: car il estoit homme qui sçauoit fort bien s'humilier enuers les plus grands, dont il pouuoit tirer du profit, & s'insinuer en leur bonne grace, côme aussi estoit il grand mépriseur de ceulx qui estoient au dessoubz de luy. Et au demourant, estant honeste & bien conditionné en ces meurs, il fut preferé à plusieurs autres ieunes princes, pour estre mary d'Antigone fille de la Royne Berenice, qu'elle auoit eue de Philippus auant qu'elle fust marice à Ptolomæus, & depuis ceste alliance de mariage estant de plus en plus estimé & fauorisé par le moien d'Antigone, laquelle se monstra bonne & uertueuse enuers luy, il feist tant à la fin qu'il eut gens & argent pour s'en retourner au royaume d'Épire & le reconquerir. Si y fut bien recueilly du peuple pour la haine qu'il portoit à Neoptolemus, à cause qu'il traittoit ses subiects durement & uiolentement. Ce neantmoins Pyrrus craignant qu'il ne se retirast deuers quelque un des autres Roys, pour en auoir secours contre luy, il aima mieulx appointer avec luy: & fut accordé entre eulx qu'ilz seroiét tous deux par ensemble roys d'Épire. Mais par traitt de temps, il y eut de leurs gens qui secrettement les irriterét, & les meirent en desfiace l'un de l'autre, dôt la principale cause & celle qui plus irrita Pyrrus, à ce que lon dit, eut telle origine. Les roys d'Épire auoient accoustumé de toute ancieneté, apres auoir fait un solennel sacrifice à Iupiter Martial, en un lieu de la prouince Mollosside qui s'appelle Passaron, de receuoir & prester aussi le serment aux Epirotes, à sçauoir les Roys qu'ilz regneroient bien & deuément selon les loix, statuts & ordonnances du païs, & les subiects reciproquement qu'ilz les defendroient, & maintiédroiét en leur royaume selon les loix aussi.

D Ceste cerimonie fut faite presens les deux Roys, qui s'entreueirent avec leurs amis, & se firent plusieurs presens l'un à l'autre. A ceste entreueuë se trouua Gelon l'un des plus fideles seruiteurs & affectionnez amis de Neoptolemus, lequel oultre plusieurs autres honneurs & semblans d'amitié qu'il feist à Pyrrus, luy donna deux paires de bœufs à labourer, lesquelz Myrtilus un des eschançons de Pyrrus, qui d'aduenture se rencôtra là, luy demâda en don: mais Pyrrus les luy refusa, & les donna à un autre, dequoy Myrtilus fut fort marry: & Gelon qui s'en apperceut bien, le conuia d'aller soupper avec luy: aucuns ueulent dire d'auantage qu'il abuza charnellement de luy, pource qu'il estoit beau & ieune, & apres soupper commença à le semondre de prendre party avec Neoptolemus, & d'empoisonner Pyrrus. Myrtilus feist semblant de uouloir entendre à ceste semonce, & d'en estre content: mais ce pédant il alla decouurir le tout à son maistre, par le commandement duquel il feist encore parler à Gelon sur ceste pratique Alexicrates premier eschançon de Pyrrus, comme pour estre consentant & participant de ceste entreprise: ce que Pyrrus faisoit pour auoir plusieurs tesmoins, par lesquelz il peust auerer & prouuer l'empoisonnement que lon machinoit à l'encontre de luy. Ainsi estant Gelon abusé, & Neoptolemus aussi avec luy, cuidant l'un & l'autre que la trame de

Pyrrus .

leur conspiration fust bien acheminee, Neoptolemus en fut si aise qu'il ne la
peut cōtenir en soy, de ioye qu'il en auoit, ains s'en descouurit à quelques uns
de ses amis. Et un iour estant allé passer son temps chez sa sœur, il ne se peut te-
nir d'en babiller avec elle, pēsant n'estre entēdu de personne que d'elle, pour-
ce qu'il n'y auoit ame pres d'eulx, sinon Phænareta femme d'un nommé Sa-
mon, qui estoit le superintendant des troupeaux de bestail du Roy, encore
estoit elle couchee sur un petit liēt & tournée deuers la muraille, de maniere
qu'il sembloit qu'elle dormist : mais aiant ouy le tout, sans que les autres s'en
doublassent, le lendemain elle s'en alla deuers la femme de Pyrrus Antigone,
& luy compra au long tout ce qu'elle auoit ouy que Neoptolemus disoit à sa
sœur. Ce que Pyrrus aiant entendu, ne fait pas semblāt de rien sur l'heure : mais
aiant fait un sacrifice aux Dieux, il conuia Neoptolemus à uenir soupper en
son logis avec luy, là ou il le tua, estant bien aduertiy de la bōne uolunté que
luy portoient les premiers & principaux personnages du royaume, qui l'en-
hortoient de se depeschier de Neoptolemus, & ne se contenter pas de n'auoir
qu'une portion de l'Epire seulement, ains de suiure l'inclination de sa nature,
laquelle l'auoit fait naistre à plus grandes choses : à ceste cause, estant encore
cette supition suruenue, il preuint Neoptolemus, & le fait mourir le premier.
Au demourāt, se souuenant des plaisirs qu'il auoit receuz de Ptolomēus & de
Berenice, il nōma le premier filz qui luy nasquit de sa femme Antigone Pto-
lomēus, & aiant fondé une ville dedans la Presque-isle de l'Epire, il la nomma
Berenicide. Cela fait, en discourant plusieurs grādes entreprises, qu'il mettoit
en son entendement, & plus encore en son esperance, il proposa en luy mesme
d'entendre premierement à gagner ce qui estoit le plus pres de luy, & trouua
moien d'ancrer dedans les affaires de Macedoine par un tel moien. Le filz
aisné de Cassander, nommé Antipater, fait mourir sa propre mere Thessalo-
nice, & chassa du pais son frere Alexandre, lequel enuoya deuers Demetrius
pour en auoir du secours, & appella semblablement Pyrrus à son aide. Deme-
trius se trouuant empesché à autres affaires ny peut pas aller si promptement,
& Pyrrus y estant arriué, demanda pour son salaire la uille de Nymphēa avec
toute la coste maritime de la Macedoine, & oultre cela encore des terres qui
n'estoient point de l'ancien patrimoine des Roys de Macedoine, ains y auoient
esté adiouxtees par armes, l'Ambracie, l'Acarnanie, & l'Amphilochie : ce que
le ieune Roy Alexandre luy aiant abandonné, il s'en saisit tresbien, en mettant
de bonnes garnisons dedans les places en son propre nom, & cōquerant le re-
ste de la Macedoine au nom d'Alexandre pressoit de pres son frere Antipater.
Cependant le Roy Lysimachus desiroit bien secourir par armes Antipater :
mais estant empesché en autres affaires, il n'en auoit pas le moien, & sçachant
bien que Pyrrus recognoissant les bienfaits qu'il auoit receuz de Ptolomēus,
ne luy refuzeroit iamais rien, il s'aduisa de luy escrire des lettres feintes sous
le nom de Ptolomēus, comme s'il luy eust bien instamment prié & cōmandé
qu'il se deportast de celle guerre qu'il faisoit à Antipater, en prenant de luy
pour les frais qu'il pourroit auoir faits la somme* de trois cents talents. Pyr-
rus ouurant les lettres cogneut incontinent que c'estoit une ruze & finesse de
Lysimachus, pource que la salutatio ordinaire que Ptolomēus souloit mettre
au commencement de ses lettres quād il luy escriuoit, ny estoit point : A mon
filz Pyrrus salut : ains y auoit, Le Roy Ptolomēus au Roy Pyrrus salut. Si dit sur
l'heure que Lysimachus estoit un meschant, & neantmoins depuis fait paix
avec

* Cent qua-
tre aings
mille cēsus.

A avec Antipater, & se trouuerent ensemble à iour assigné pour iurer sur les sacrifices les articles de leur appointment. Lon amena trois hosties pour immoler, un bouc, un taureau, & un belier, desquelz le belier tumba tout roide mort de luy mesme auant qu'on luy touchast, dequoy les autres assistans ne feirent que rire: mais il y eut un deuin nommé Theodotus qui dissuada à Pyrrus de iurer, disant que ce signe des Dieux menassoit l'un des trois Roys de mort soudaine. ainsi se departit Pyrrus de ceste paix. Au reste estans ia les affaires d'Alexandre composez, Demetrius neantmoins arriua deuers luy & cogneur bien incontinent à son arriuée que Alexandre n'auoit plus besoing de son secours, & qu'il luy faisoit peur. Si n'eurent pas esté gueres de iours ensemble qu'ilz entrerent en desfiance l'un de l'autre, & commencerent à espier tous moiens de se surprendre l'un l'autre: mais Demetrius embrassant la premiere occasion qui sen presenta, gaigna le deuant & tua Alexandre, qui n'estoit encore qu'un ieune homme, au lieu duquel il se feit declarer Roy de Macedoine. Or auoit il ia des au parauant quelques querelles à l'encontre de Pyrrus, à cause qu'il luy auoit couru le pais de Thessalie, & oultre cela la conuioitise de plus auoir, qui est le vice ordinaire des princes & grands seigneurs, faisoit que pour estre si proches uoifins, ilz s'entre craignoiet & se desfoient l'un de l'autre, encore plus mesmement apres la mort de Deidamia: mais quand ilz eurent occupé chascun partie de la Macedoine, & qu'ilz eurent à departir une mesme chose entre eulx, adonc fut bien plus grande la matiere & occasion de leur different. Au moien dequoy, Demetrius sen alla avec armee courir sus aux Ætoliens, & aiant conquis le pais, y laissa son lieutenant avec grosse puissance, Pantauchus: & luy ce pendant en personne marcha à l'encontre de Pyrrus, & Pyrrus de l'autre part cōtre luy. Ilz faillirent à s'entrerencontrer, & tirans oultre, Demetrius d'un costé entra dedans le royaume d'Épire, dont il emmena grand butin, & Pyrrus de l'autre costé penetrant iusques là ou estoit Pantauchus, luy donna la bataille, de laquelle la meslee fut fort aspre entre les soudards d'une part & d'autre, mais encore plus entre les deux chefs: car sans point de doubte Pantauchus estoit le plus hardy capitaine, le plus robuste de sa personne, & le plus adroit aux armes qu'eust Demetrius. Au moié dequoy se fiant en sa force & en son courage, il alloit appellât Pyrrus au combat d'homme à homme: & Pyrrus de l'autre costé, ne cedant à nul des Roys en prouesse ny en desir de se faire honneur, comme celuy qui se uouloit approprier la gloire d'Achilles plus par imitation de sa uertu, que pour estre issu de son sang, passa à trauers la bataille iusques au premier reng pour s'attacher à Pantauchus: si s'entrechargerent à coups de iauelines premierement, puis en se ioignant de plus pres, combattirent à coups d'espee, non seulement avec art, mais aussi avec force grande, iusques à ce que Pyrrus y fut blecé en un lieu, & blecea son ennemy en deux, l'un aupres de la gorge & l'autre en la cuisse, de maniere qu'il luy feit à la fin tourner le dos, & l'abbatit en terre: mais toutefois il ne le tua pas, pource que soudain qu'il fut tumbé, ses gens le rauirent & l'enleuerent. Mais les Epirotes encouragez par la uictoire de leur Roy & admiration de sa uertu, feirent tel effort qu'ilz rompirent à la fin la bataille des gens de pied Macedoniens: & les aians tournez en fuite, les poursuiuirent si uiuement qu'ilz en tuerēt un grand nombre, & en prirent cinq mille prisonniers. Ceste desfaite ne remplit pas tant de courroux les cueurs des Macedoniens pour la perte qu'ilz en receurent, ny de haine à l'encontre de Pyrrus.

Pyrrus.

comme elle luy apporta de gloire, & donna matiere de parler de son excellente & admirable uertu à ceulx qui l'auoiēt ueu en besongne, & qui s'estoiēt trouuez deuant luy en ceste bataille: car il leur estoit aduis qu'ilz auoient aperceu en luy le uisage, la uistesse & le mouuement d'Alexandre le grand, & qu'ilz auoient ueu comme une ombre & une representation de la uehemençe & de la force & uiolence dont il combattoit: là ou les autres Roys ne le contrefaisoient sinon en habits de pourpre, en nombre de gardes autour de leurs personnes, en une façon de ployer un peu le col & de parler haultainemēt: & Pyrrus seul le representoit en exploits d'armes, & en actes de prouesse. Au demourant, quant à sa suffisance en l'art militaire pour sçauoir dresser batailles & biē mener gēs à la guerre, on en peult tirer preuue suffisante des liures qu'il en a escrits. Et oultre ce lon dit que le Roy Antigonus interrogué, qui luy sembloit le plus grād capitaine, respōdit, Pyrrus, pourueu qu'il uieillisse, parlant des capitaines de son temps seulement: mais Hannibal le prononça le premier de tous uniuersellement en experience & suffisance au mestier de la guerre, Scipion le second, & soymesme le troisieme, ainsi que nous auons escrit en la uie de Scipion. Aussi semble il que Pyrrus ne feic iamais autre chose en toute sa uie, que uacquer & estudier à ceste science, comme à celle qui estoit ueritablement royale, sans faire compte de toutes autres sciences gentilles à sçauoir. Auquel propos on recite, que quelque iour en un festin on luy demanda, qui luy sembloit le meilleur ioueur de flustes de Python ou de Cephessias, & il respondit, que Polyperchon à son aduis estoit le meilleur capitaine: comme s'il eust uoulu dire, que c'estoit la chose seule dont un prince se doibt enquerir, & qu'il doibt apprédre & sçauoir. Il estoit doulx & priué avec ses familiers & amis, facile à pardonner quand on l'auoit courroucé: & neantmoins ardent & uehemēt à rendre les plaisirs qu'il auoit receuz. Ce qui fut cause qu'il porta fort impatiemment la mort d'Æropus, non qu'il ne dist bien qu'il ne luy estoit rien aduenü qui ne fust ordinaire à la nature humaine: mais se reprenant & se blasmat soymesme, de ce qu'il auoit tant dilayé, & tāt differé, qu'à la fin il auoit perdu tout moiē de recognoistre enuers luy les plaisirs qu'il en auoit receuz: car il est bien uray, qu'un argent presté se peult bien rendre aux heritiers de ceulx qui l'ont presté, mais il fait mal à un homme de bonne & droite nature, quand il ne peult faire sentir la recompēse des plaisirs qu'il a receuz à celuy mesme qui les luy a faits. Vne autre fois comme il estoit en la uille d'Ambracie, il y eut quelques uns de ses amis qui luy conseil-
lerēt, qu'il chassast de la uille un mesdisant, qui ne cessoit de mal parler de luy: mais il leur respondit, Il uault mieulx, qu'en demourāt icy il mesdise de nous entre peu de gens, qu'en le chassant le faire aller ça & là par tout le monde semer sa mesdisance contre nous. On luy amena un iour quelques ieunes hommes, qui en beuuāt ensemble auoiēt dit tout plein de paroles outrageuses de luy, il leur demanda s'il estoit uray qu'ilz les eussent dittes: ouy, respōdit l'un, Sire, nous les auons dittes uoirement, & en eussions bien dit encore d'auantage si le uin ne nous eust failly. Il s'en prit à rire, & leur pardōna. Apres la mort d'Antigone il espousa plusieurs femmes pour le bien de ses affaires, & pour en estre plus fort d'alliāces: Car il espousa la fille de Autoleon Roy de Pæonie, & Bircenna fille de Bardillis Roy d'Esclauonnie, & Lanassa fille d'Agathocles tyran de Syracuse, laquelle luy apporta pour son douaire l'isle de Corfou, que son pere auoit prise. Si eut de sa premiere femme Antigone un filz qu'il nom-

A ma Ptolomeus, de Lanassa un autre qui eut nom Alexandre, & de Bircenna un autre le plus ieune de tous, qui fut nommé Helenus, lesquelz tous, encore que de race & d'inclination de nature ilz fussent Martiaux, furent encore par luy nourriz aux armes, & des leur naissance aguisez & acharnez à cela. Auquel propos on racompte, que l'un d'eulx estant encore ieune enfant luy demanda un iour auquel d'eulx il laisseroit son royaume: Il luy respondit, A celuy qui aura l'espée la miculx trenchante. Cela ressemble proprement à ceste malediction Tragique, dont Oedipus maudit ses enfans,

Qu'au fer trenchant facent ilz le partage,

De leur maison & de leur heritage.

B Tant est malsociable, cruelle & bestiale, la nature de l'ambition, & la conuioitise de dominer. Mais apres ceste bataille, Pyrrus s'en retourna en son pais, plein de gloire, le cueur hault eleué, avec grand contentement de son esprit. Et comme à son retour les Epirotes ses subiects le surnommassent Aigle, il leur respondit: Si ie suis Aigle, c'est par uous que ie le suis, car uoz armes sont les ailes qui m'ont eleué. Peu de temps apres, estant aduersty que Demetrius estoit tumbé en une griesue maladie en tresgrand danger de sa personne, il se ietta soudainement dedás la Macedoine, comme pour la courir & piller seulement; mais il s'en fallut bien peu, qu'il ne la prist toute, & qu'il ne s'éparast du royaume entier sans coup frapper: car il penetra iusques à la uille d'Edessa sans

C trouuer aucune resistance, ains au contraire, plusieurs du pais se rengeoient uoluntairement à luy, & se uenoient rendre en son camp. Si feit le danger mouuoir Demetrius, plus que l'estat & la disposition de sa personne ne portoit, & d'autrepart ses amis, seruiteurs, & capitaines en peu de temps aians mis ensemble bon nombre de gens de guerre, marcherent à toute diligence, & avec bonne intention de bien faire à l'encontre de Pyrrus, lequel n'estant uenu qu'en equippage de coureur seulement, ne les uolut pas attendre, ains s'en fuit, & en s'enfuiant perdit une partie de ses gens, pource que les Macedoniens allerent apres, & le chargerent par le chemin: mais pour l'auoir ainsi facilement & tost dechassé hors de la Macedoine, Demetrius ne le contemna pas pourtant, ains pretendait à plus haultes entreprises & au recouurement des terres & seigneuries que son pere auoit tenues avec une puissance de cent mille combattans, & de cinq cens uoiles qu'il meit sus, il ne se uolut pas amuser à faire la guerre à Pyrrus, ny aussi laisser aux Macedoniens, pendant qu'il seroit absent, un si dangereux uoisin, & si malaisé à manier. Au moien dequoy n'ayant pas loisir de luy faire la guerre, il feit paix & accord avec luy, à fin de pouuoir plus à son aise courir sus aux autres Roys. Estant doncques pour ceste cause l'appointement fait entre eulx, les autres princes & Roys commencerent à descouurir l'intention pour laquelle il faisoit ce grand appareil, & en aians peur feirent entendre par lettres & ambassadeurs à Pyrrus qu'ilz s'esbahissoient commét il laissoit ainsi eschapper le point de son occasion, en attendant que Demetrius luy feist la guerre à son bon point, & aisement, & comment, ueu qu'il le pouuoit ietter hors de la Macedoine, lors qu'il entreprenoit tant de choses, & estoit empesché ailleurs, il aimoit mieulx attendre à s'attacher, à quand il se seroit ia fait grad & puissant, & qu'il n'auroit plus d'autres affaires, & cōbattre pour les autelz, temples & sepultures de la Molosside, attendu mesmement, que de fresche datte il luy auoit osté l'une de ses femmes avec la uille de Corfou. Car Lanassa se plaignant, & estant malcon-

Pyrrus.

rente de ce qu'il traittoit mieulx, & faisoit plus de cōpte de ses autres femmes, qui estoient de nation Barbares, que d'elle, s'estoit retiree à Corfou: & uolāt estre remariee à quelque Roy, auoit appellé Demetrius, sachant tresbien que c'estoit celuy de tous les Roys, qui estoit le plus aisé à induire à faire nopces. Demetrius ne faillit pas d'y aller, & l'ayant espousee, meit garnison dedans la uille de Corfou. Or ne laisserent pas les autres Roys, en escriuant ces aduertissemens à Pyrrus, de trauailler ce pendant eulx mesmes Demetrius, qui dilayoit tousiours, & estoit encore après à dresser son equippage. Car d'un costé Ptolomeus avec une grosse armee de mer, uint en la Grece, là ou il feit tourner & rebeller les uilles contre luy: De l'autre costé, Lysimachus entrant dedās la haulte Macedoine par le pais de la Thrace, la courut & pillā toute. Parquoy Pyrrus s'armant aussi quand & eulx, s'en alla deuant la uille de Berrœe, pensant bien ce qui aduint, que Demetrius uolāt aller à l'encontre de Lysimachus, laisseroit la basse Macedoine sans defense: & la nuit mesme qu'il partit, il luy fut aduis, que le Roy Allexandre le grād l'appella, & qu'il s'en alla uers luy, lequel il trouua malade en son liēt, & neantmoins eut bon recueil & bonnes paroles de luy: car il luy feit promesse de le secourir à bon esciant: & Pyrrus prit la hardiessē de luy dire, Mais cōment, Sire, me pourras tu secourir, ueu que tu es malade au liēt? Alexandre luy respondit, de mon nom seulement: & que tout aussi tost il monta dessus un cheual de Nisæe, & se meit deuant pour luy monstrier le chemin. Ceste uision qu'il eut en songe l'assura, & l'encouragea d'auantage à poursuiure son entreprise. Au moien dequoy, marchant en toute diligence, il eut en peu de iours fait le chemin qu'il y auoit iusques à la uille de Berrœe, & la surprenāt d'arriuee, y logea en garnison la pluspart de son armee, puis enuoya le reste soubz la conduite de ses capitaines, çā & là pour conquerir les enuiron. Ce que Demetrius entendant, & quād & quand aussi sentāt un mauuais bruit qui couroit en son camp parmy les Macedoniens, il n'ōza les mener plus auant, de peur que quand ilz seroient pres de Lysimachus Roy Macedonien de nation, & qui auoit grande reputation d'estre homme de guerre, ilz ne se rengaissent de son costé, & ne se rendissent à luy. A ceste cause il tourna tout court à l'encontre de Pyrrus, comme contre un prince estranger maloulu des Macedoniens. Mais quand il se fut campé assez pres de luy, plusieurs uenans de Berrœe en son camp y allerent preschans les louanges de Pyrrus, disans que c'estoit un prince magnanime, inuincible en guerre, & qui traittoit doucement & humainement ceulx qu'il prenoit: & parmy ceulx là il y en auoit d'autres qui n'estoiēt pas naturelz Macedoniens, ains estans attiltrez par Pyrrus faignoient l'estre, & alloient disans que l'occasion estoit uenue de se tirer hors de la superbe domination de Demetrius, en se tournāt du costé de Pyrrus prince doulx & gracieux, qui aimoit les souldards & les gens de guerre. Ces paroles emeurent & esbranlerēt la pluspart de l'armee de Demetrius, de maniere que les Macedoniens regardoient par tout, s'ilz pourroient choisir & trouuer à l'œil Pyrrus pour s'aller rendre à luy, car il auoit osté son armet de sa teste: mais s'estant apperceu que cela le faisoit descognoistre, il le remeit, & lors il fut recogneu de tout loing, à cause du beau & grand pennache, & des cornes de bouc qu'il portoit pour cimier dessus son armet. Si y eut adonc grand nombre de Macedoniens, qui accoururent à luy, & luy demanderent le mot du guet, cōme à leur souuerain prince & à leur Roy: les autres meirent à l'entour de leur testes des chapeaux de branches

A branches de cheſne, pource qu'ilz ueoient que ſes gens en eſtoient auſſi couronnez, & y en eut quelques uns qui prirent bien la hardieſſe d'aller dire à Demetrius meſme, qu'il feroit, à leur aduiſ, ſagemēt & bien, ſil cedit à la fortune, & abandonnoit tout à Pyrrus: tellement que Demetrius uoiant l'eſmeute de ſon camp reſpondente à ces paroles, ſ'en effroya de forte, qu'il ne ſceut autre party prendre que de ſ'enfuir ſecrettement, en ſ'affublant d'un pauvre petit manteau, & d'un chapeau qu'il mit ſur ſa teſte, pour n'eſtre point cogneu. Là deſſus arriua Pyrrus en ſon camp, qui prit & gagna tout ce qui y eſtoit, & fut ſur le champ déclaré Roy des Macedoniés. De l'autre coſté y ſuruint auſſi tantotſt apres Lyſimachus, lequel diſant auoir aidé à chaſſer & deſfaire Demetrius, uouloit ſemblablement auoir ſa part du royaume de Macedoine: parquoy Pyrrus ne ſe fiant encore paſ trop aux Macedoniés, ains eſtant en doute de leur foy, accorda à Lyſimachus ce qu'il luy demandoit, & ainſi departirent entre eulx les uilles & prouinces du royaume de Macedoine. Cela leur profita ſur l'heure & ſeruit à appaiſer la guerre qui eſtoit pour en ſoudre prôprement entre eulx: mais peu de temps apres ilz apperceurent bien, que ce partage n'eſtoit point amortiſſement d'inimitié, ains pluſtoſt cômencement de querelles & de diſſenſions entre eulx: car ceulx de qui la mer, les môtagneſ, & les deſerts inhabitables ne peuuent arreſter l'auarice, ny les bornes qui ſeparēt l'Asie de l'Europe, ne peuuent terminer l'inſatiable conuoitiſe d'auoir, cômement ſe cōtenteroiēt ilz du leur, ſans uouloir uſurper l'autrui, quād leurs confins uendroient à ſe toucher, & à ſe ioindre de ſi pres qu'il n'y auroit rien entre deux? Il n'eſt aucunement poſſible, car à la uerité ilz ſ'entrefont touſiours la guerre de uolunté, aians ces deux maledictionſ enracinees en eulx, qu'ilz eſpient continuellement les moienſ de ſe ſurprendre l'un l'autre, & portēt enuie chaſcun à ſon uoiſin: mais en apparence ilz uſent de ceſ deux termes de paix & de guerre, comme d'une monnoie, ſelon qu'il leur uient mieulx à propos, non pour le deuoir ny pour la raiſon & iuſtice, ains pour leur profit: & ſont pluſ gens de bien quād ilz confeſſent rondement qu'ilz font la guerre, que quand ilz deſguiſent la ceſſation ou ſurſeance de l'execution de leur mauuiſe uolunté par le ſainct nom de iuſtice ou d'amitié. Ce que Pyrrus teſmoigna bien alors: car uolant empêcher que Demetrius ne ſe remeiſt ſus une autre fois, & qu'il ne ſe reuint comme d'une longue & perilleuſe maladie, il alla ſecourir les Grecs contre luy, & fut à Athenes, ou il entra dedâſ le chaſteau, & y ſacrifia à la Deeſſe Minerue, puis deſcendit & en ſortit le meſme iour, diſant qu'il auoit fort agreable l'amitié & la confiance que les Athenienſ monſtroient auoir en luy: mais qu'en recôpenſe il leur conſeilloit qu'ilz ne laiſſaſſent pluſ entrer paſ un prince ne Roy dedans leur uille ſilz eſtoient ſageſ, & qu'ilz ne leur ouuriſſent point leurs portes. Cela fait, il appointa avec Demetrius, lequel peu de iours apres ſ'en eſtant allé faire la guerre en Asie, Pyrrus derechef à la ſuſcitation de Lyſimachus feit ſoubleuer & rebeller la Theſſalie contre luy, & alla guerroyer les garniſonſ qu'il auoit l'aiſſeeſ dedans les uilleſ Grecqueſ, ſe trouuant mieulx deſ Macedoniens en les tenant continuellement en exercice de guerre, qu'en les laiſſant en repos, avec ce que luy meſme eſtoit de telle nature qu'il n'eũt ſceu demourer en paix. A la fin Demetrius aiant eſté entierement deſſaict & ruiné en Syrie, Lyſimachus ſe uoiant deliuré de toute crainte quant à ce coſté là, & ſe trouuant de loiſir au demourant, & non diſtrait d'autreſ affaireſ, ſ'en alla incontînēt faire la guerre à Pyrrus, lequel eſtoit

Pyrrus.

pour lors de seiour pres la uille d'Edeffa, & rencontrât en son chemin des ui-
ures qu'on luy portoit, chargea ceulx qui les cōduisoient, & les destrouffa: au
moien dequoy il meit premierement Pyrrus à destroit de uiures, & puis par
lettres & par messagers, il corrompit les principaux hommes de la Macedoi-
ne, en leur remonstrant que c'estoit une grande honte à eulx d'auoir choisy
pour leur prince & seigneur souuerain un estrangier, duquel les predecesseurs
auoient tousiours esté subiects & uassaux des Macedoniens, & ce pendât uou-
loir ietter hors de la Macedoine ceulx qui auoient esté familiers & amis du
Roy Alexandre le grand, aux quelles remonstrâces plusieurs des Macedoniés
présterent l'oreille, dont Pyrrus festonna tellement qu'il se retira avec ce qu'il
auoit de gens de guerre, Epirotes, & autres siés alliez, en perdant la Macedoi-
ne de la mesme sorte & maniere qu'il l'auoit gaignee. Pourtât ne fault il point
que les princes & Roys blasment les hômes priuez, si quelque fois ilz se tour-
nent selon qu'il leur uiét à propos pour leur profit: car en ce faisant ilz ne font
que les imiter & ensuyure, eulx qui leur sont maistres de toute desloyauté, tra-
hison & infidelité, estimans que celuy fait mieulx ses besongnes qui moins
obserue ce que ueulent le droit & la iustice. S'estant donques Pyrrus alors re-
tiré au royaume d'Epire en abandonnant la Macedoine, la fortune luy donoit
bien occasion & moien de uiure en paix & en repos sans plus se traouiller s'il
eust uoulu se cōtenter de regner sur ses subiects & uassaux naturelz seulemēt:
mais luy estimant que s'il ne faisoit du mal à quelqu'un, ou que quelqu'un ne
luy en feist, il ne sçauroit à quoy passer son temps, & qu'il languiroit d'ennuy,
ne pouuoit demourer en paix, ains comme dit Homere d'Achilles,

I l languissoit d'estre tant de seiour,

N e demandant que la guerre & l'estour.

Parquoy ainsi comme il cherchoit matiere de nouveaux affaires, la fortune
luy en presenta une telle. Enuiron ce tēps là les Romains d'aduenture auoient
la guerre contre les Tarentins, qui ne la pouuoient soutenir, ny ne sçauoient
trouuer moien de la pacifier pour la temerité, folie, & meschanceté de leurs
gouuerneurs qui leur mettoient en teste de faire Pyrrus leur capitaine, & l'ap-
peller pour la cōduite de ceste guerre, pource que lors il estoit moins empes-
ché que nul des autres Roys, & estoit par tout estimé grand homme de guerre
& fort bon capitaine. Or les plus uieux & les plus sages bourgeois de la uille
resisterent tout ouuertemēt à ce conseil là: mais les uns estoient rebouttez par
les cryeries & la uiolence de la commune qui demandoit la guerre, les autres
uoians ces rabrouemens qu'on leur faisoit, se deportoient de plus se trouuer
es assemblees de uille. Mais un entre les autres, nommé Meton, homme de bié
& d'honneur, estant le iour escheut, auquel ceste matiere se deuoit resoudre
au conseil, & le decret s'en passer & ratifier, quand tout le peuple de Tarente
fut assemblé & assis au theatre, meit sur sa teste un chapeau de fleurs tout
fené, & prit en sa main une torche, comme s'il eust esté yure, & aiant une
menestriere iouant de la fluste, qui marchoit deuant luy, s'en alla en tel equip-
page dansant iusques au beau milieu de l'assemblee du peuple, là ou, ainsi
que constumierement il aduient en une tourbe de peuple maistre de foy, ou
il y a assez mauuais ordre, les uns se prirent à battre des mains, les autres à rire:
& n'y eut personne qui l'empeschast de faire ce qu'il uoulut, ains crierent tous
à la menestriere qu'elle iouast hardiment, & à luy qu'il chantaist, se tirant en
auant. Si feit semblât de se preparer pour ce faire: & comme on luy eut fait si-

lence

A lence pour l'ouir chanter, il se prit à dire tout hault & clair : Vous faites bien
 - seigneurs Tarentins, de ne defendre point de iouer & se resiouir à ceulx qui en
 - ont enuie, pendant qu'il leur est encore loisible de ce faire : & si uous mesmes
 - estes sages, uous iouyrez aussi tous, tant que uous estes, de uostre liberté, tādīs
 - qu'elle uous dure : car quand le Roy Pyrrus sera en ceste uille, ie uous aduise
 - qu'il uous fauldra uiure tout autrement, & prendre toute autre façon de faire.

Ces paroles de Meton emeurent plusieurs des assistans, & courut soudain un
 bruit par toute celle assemblee, qu'il disoit la uerité : mais ceulx qui auoient
 offensé les Romains, craignans que si la paix se faisoit, ilz ne fussent liurez en-
 tre leurs mains, alloient tensans le peuple, en demandant cōment ilz estoiet si

B bestes, que d'endurer que lō se moquast & se iouast ainsi licécieusement d'eulx,
 & quand & quand, en disant cela, ilz se benderent ensemble, & chasserēt Me-
 ton hors du theatre. Ainsi fut le decret passé & authorisé par les uoix du peu-
 ple, & enuoya lon des ambassadeurs en Epire qui porterent des presens à Pyr-
 rus, non seulement de la part des Tarētins, mais aussi des autres peuples Grecs

habitans en Italie, disans qu'ilz auoient besoing d'un capitaine aduisé & ex-
 perimenté, & qui eust reputation au faict de la guerre seulemēt, pource qu'au
 demourant, quant au nombre de bons combattans ilz en auoient assez en Ita-
 lie mesme, & qu'ilz pourroient mettre ensemble des Lucaniens, Messapiens,
 Samnites & Tarentins, iusques au nombre de uingt mille cheuaux, & de gens

C de pied, quand ilz seroient tous assemblez, iusques à trois cents mille combat-
 tans. Ces propos des ambassadeurs, non seulemēt eleuerent le cuer à Pyrrus,
 mais aussi imprimerēt es cueurs des Epirotes une grande uolunté & grande
 affectiō de faire ce uoyage. Mais il y auoit en la court de Pyrrus un personna-
 ge Thessalien nommé Cineas, homme de bon entendement, & qui aiant ouy
 l'orateur Demosthenes, sembloit seul entre tous ceulx qui estoient tenuz de
 cetēps là pour eloquents, renouveler en la memoire des escoutās cōme une
 image & une ombre de la uehemenēce & uiuacitē de son eloquence: Pyrrus le
 tenoit aupres de soy, & s'en seruoit à l'enuoyer ça & là en ambassades uers les
 peuples & les uilles, là ou il confirmoit ce que dit Euripide en un passage,

D Tout ce que peult force mettre à effect

Par ser trenchant, Eloquence le fait.

Pourtāt souloit dire Pyrrus, que Cineas auoit pris & gagné plus de uilles avec
 son eloquence, que luy avec ses armes : à l'occasion de quoy il luy faisoit tref-
 grand hōneur, & l'employoit en ses principaux affaires. Iceluy dōques uoiant
 que Pyrrus estoit fort affectiōnné à ceste guerre d'Italie, le trouuāt un iour de
 loisir, le meit en telz propos: Lon dit Sire, que les Romains sont fort bons hō-
 mes de guerre, & qu'ilz commandent à plusieurs uailātes & belliqueuses na-
 tions: Si donques les Dieux nous font la grace d'en uenir au dessus, à quoy
 nous seruira ceste uictōire? Pyrrus luy respondit, Tu me demandes une chose

E qui est de soy mesme toute euidente: car quand nous aurons dompté les Ro-
 mains, il n'y aura plus en tout le pais cité Grecque ny barbare qui nous puisse
 resister, ains conquerrons incontinent sans difficultē tout le reste de l'Italie,
 la grādeur, bontē, richesse, & puissāce de laquelle personne ne doibt mieulx
 sçauoir ny cognoistre que toy mesme. Cineas faisant un peu de pause, luy re-
 pliqua: Et quand nous aurons pris l'Italie, que ferons nous puis apres? Pyrrus
 ne s'apperceuāt pas encore ou il uoloit uenir, luy dit: La Sicile, cōme tu sçais,
 est tout ioignāt, qui nous rend les mains, par maniere de dire, & est une isle ri-

Pyrrus.

che, puissante, & abondante de peuple, laquelle nous sera tresfacile à prédre, F
pource que toutes les uilles y sont en dissensiō les unes cōtre les autres, n'aians
point de chef qui leur commande depuis que Agathocles est decedé, & n'y a
que des orateurs qui preschent le peuple, lesquelz serōt fort faciles à gagner.
Il y a grande apparence en ce que tu dis, respondit Cineas : mais quand nous
aurōs gaigné la Sicile, sera ce la fin de nostre guerre? Dieu nous face la grace,
respondit Pyrrus, que nous puissions attaindre à ceste uictoire, & uenir à bout
de ceste entreprise : pource, ce nous sera une entree pour paruenir à bien plus
grandes choses. Car qui se tiēdroit de passer puis apres en Afrique & à Cartha-
ge, qui seront consequemmēt en si belle prise, ueu que Agathocles s'en estant
secretement fouy de Syracuse, & aiant trauersé la mer avec bien peu de uais- G
seaux, fut bien pres de la prendre: & quand nous aurons cōquis & gaigné tout
cela, il est bien certain qu'il n'y aura plus pas un des ennemis, qui nous fachēt
& qui nous harcellent maintenant, qui oze leuer la teste cōtre nous. Non cer-
tes, respondit Cineas: car il est tout manifeste, qu'avec si grosse puissance, nous
pourrōns facilement recouurer le royaume de la Macedoine, & commander
sans contradiction à toute la Grece : mais quand nous aurons tout en nostre
puissance, que ferons nous à la fin? Pyrrus adonc se prenant à rire, Nous nous
reposerōs, dit il, à nostre aise, mō amy, & ne ferōs plus autre chose q̄ banque-
ter tous les iours, & nous entretenir de plaissans deuis les uns avec les autres, le
plus ioyeusement, & en la meilleure chere qui nous sera possible. Cineas adōc H
l'aiant amené à ce poinct, luy dit, Et qui nous empesche, Sire, de nous reposer
des maintenant, & de faire bonne chere ensemble, puis que nous auons tout
presentement, sans plus nous trauailler, ce que nous uoulons aller chercher,
avec tant d'effusion de sang humain, & tant de dangers? encore ne sçauons
nous si nous y paruiendrōs iamais, apres que nous aurōs souffert, & fait souf-
frir à d'autres des maux & trauaux infinis. Ces dernieres paroles de Cineas of-
fenserēt plustost Pyrrus, qu'elles ne luy feirēt chāger de uolunté : car il entē-
doit bien quel heur & quelle felicité il abandonnoit, mais il ne pouuoit oster
de son entendemēt l'esperance de ce qu'il desiroit. Si enuoya deuant aux Ta-
rentins Cineas avec trois mille hommes de pied, puis luy estans uenus de Ta- I
rente force uaisseaux plats, force galeres, & de toutes sortes de batteaux passa-
gers, il embarqua dessus uingt elephans, trois mille hōmes de cheual, & uingt
& deux mille de pied, avec cinq cens archers & tireurs de fonde. Puis quand
toutes choses furent prestes, il feit uoile, mais il ne fut pas plus tost en haulte
mer, qu'il se leua un uent de Nort, impetueux, hors de saison, qui l'emporta
malgré luy: toutefois le uaisseau auquel il estoit, moienant la bonne diligen-
ce, & l'effort que feirent les pilotes & mariniers, se reuint, & gaigna la coste
de l'Italie à toute peine, & avec un tresgrand peril : mais le demourant de sa
flotte fut forcé, & les uaisseaux escartez ça & là, dōt les uns aians failly la route
d'Italie, furent iettez en la mer de Libye & de Sicile : les autres n'aians peu mō- R
ter la pointe de l'Apouille, furent surpris de la nuit, & la mer qui estoit haulte
& courroucée, les ietta à grands coups de uagues contre la coste en lieux
aspres & pierreux, de maniere qu'elle les brisa tous, excepté la nauire capitai-
nesse, laquelle pendant que les uagues luy donnerēt en flanc, resista aux coups
de mer, pource qu'elle estoit grande & forte: mais depuis le uent se tourna du
costé de la terre, & luy commença à donner par deuant : tellement qu'il y a-
uoit danger que la prouë estant uiolentement battue des undes, le uaisseau ne

Auint à la fin à s'ouurir & de relascher en haulte mer, ueu qu'elle estoit ainfi furieuse, & se remettre derechef à la mercy des uents qui se tournoient à toute heure, sembloit encore le plus effroyable dâger de tous : parquoy Pyrrus tout cōsideré, aima mieux se ietter en l'eau. Si furent aussi tost ses gardes & ses plus priuez seruiteurs & amis en la mer, qui feirent tout leur effort & deuoir de le secourir : mais l'obscurité de la nuit & la uiolence des uagues que la coste rompoit & rebattoit avec un grand bruit, leur dōnoient tant d'empeschement, qu'il fut iour auât que iamais ilz peussent gagner la terre à toute peine, encore fut ce par le moien de ce, que la force du uent cōmençoit desia à se lascher :

B & quant à son corps il estoit si las & si rompu, qu'il n'en pouuoit plus : mais il auoit le cuer si grand, & une si grâde hardiesse, qu'il uenoit au dessus de toute difficulté, avec ce que les Messapiens, contre la coste desquelz, la tourmente l'auoit ietté, accoururent au secours, & feirent diligēment tout ce qu'il leur fut possible pour le sauuer, & recueillirēt aussi quelques unes des nauires qui estoient sauuees, dedans lesquelles y auoit peu de gens de cheual, & enuiron deux mille hommes de pied, & deux elephants : avec lesquelles forces Pyrrus se meit en chemin pour aller par terre à Tarente, & Cineas estant aduertty de sa uenue, luy alla au deuât avec ses gens. Or estant arriué à Tarēte, il n'y uolut du commencement rien faire par force ny malgré les habitans, iusques à ce que ses uaisseaux, qui auroient eschappé le peril de la mer fussent tous arriuez, & la plus grande partie de son armee rassemblée. Mais lors quand il eut tout ce qu'il attendoit, uoiant que le peuple de Tarente ne pouuoit ny se sauuer de luy mesme, ny estre sauué par autrui sans une estroite contrainte, pource qu'ilz faisoient leurs compte que Pyrrus combattroit pour eulx, & ce pendant ilz ne uoloient bouger de leurs maisons à se baigner, estuuer, banquetter & faire grand chere : il feit premièrement fermer tous les parcs, ou ilz souloient aller se promener & s'esbattre aux exercices du corps : & en se promenant, par maniere de passetemps discourir ensemble des affaires de la guerre, & cōbattre de parolles sans mettre la main à l'œuure, & defendit toutes assembles de festins, mommeries, & toutes autres telles ioyeusetez qui lors estoient hors de saison, les ramenant à l'exercice des armes, & se monstrāt seuer sans pardonner aux monstres de ceulx qui estoient enrollez & tēuz d'aller à la guerre, de maniere qu'il y en eut plusieurs, qui n'ayās pas accoustumé d'estre ainfi rigoureusement traitez & cōmandez, abandonnerēt de tout poinēt la uille, appellans seruitude le non auoir pleine licēce de pouuoit uiure entièrement à leur plaisir. Au demourant estant aduertty, que le Consul de Rome Albin^s s'en uenoit cōtre luy, avec une grosse & puissante armee, & qu'il estoit ia dedans la prouince de la Lucanie, là ou il gastoit & pilloit tout le païs, cōbien que le secours de leurs alliez ne fust pas encore uenu, il pensa que ce luy seroit une hôte, d'endurer que les ennemis approchassent si pres de luy, & sortit en cāpagne avec ce peu qu'il auoit de gēs : mais il enuoya deuât un herault uers les Romains, pour entendre d'eulx, filz uouldroient premier que d'entrer plus auant en la guerre uider par uoye de iustice les differents qu'ilz auoient avec tous les Grecs habitans en Italie, en se remettant à ce qu'il en arbitreroit, & qu'il trouueroit moien de les appointer : à quoy le Consul Albinus feit response, que les Romains ne le uoloient point pour arbitre, ny ne le craignoient point pour ennemy. Parquoy Pyrrus tirant oultre, fallā loger en la plaine qui est entre les uilles de Pandosie & de Heraclee, & aiant nouuelles que

Pyrrus.

les Romains estoient bien pres de luy campez au dela de la riuere de Siris, F
il mōra à cheual, & alla iusques sur le bord de la riuere pour ueoir leur camp,
& en aiant bien consideré la forme, l'affiette & l'ordonnance, la maniere d'af-
fcoir leur guet, & toutes leurs façons de faire, il s'en esmerueillla fort, & adres-
sant sa parole à l'un de ses familiers qui se trouua lors pres de luy: Ceste ordō-
nāce, dit il, Megacles, encore qu'elle soit d'hommes Barbares, n'est point bar-
bare pourtant: mais nous uerrons à l'espreuue que c'est qu'il sçauent faire. Et
depuis ceste ueuē là se souciant plus qu'il n'auoit fait de l'aduenir, il proposa
d'attendre q̄ le secours des alliez fust du tout arriué, en laissant gēs sur le bord
de la riuere pour defendre le passage, si d'aduenture les ennemis se mettoient
en effort de la passer deuant, comme ilz feirent: car ilz se hasterēt pour tascher G
à preuenir le renfort que Pyrrus attendoit, & passerent les gens de pied dessus
un pont, & les gens de cheual à guay en plusieurs endroits, de maniere que
les Grecs craignans qu'ilz ne fussent enuolopez par derriere, se retirerent. Ce
que Pyrrus entendant se trouua un peu estonné, & commanda soudain aux
capitaines des gens de pied qu'ilz rengaissent incontinent leurs bēdes en bat-
taille, & qu'ilz attendissent de pied coy ce qu'il leur manderoit, & luy ce pen-
dant avec ses gens de cheual, qui estoient trois mille, marcha oultre, pen-
sant qu'il trouueroit les Romains sur le bord de la riuere encore tous debē-
dez, & qu'il les surprendroit en desarray: mais quand il apperceut de loing au
deça de la riuere grand nōbre de gens de pied avec leur pauois en bataille, & H
qu'il ueit la cheualerie en bonne ordonnance marcher droit à luy, adonc feit
il aussi ferrer ses gens, & luy mesme commença la charge le premier, estant
bien aisē à cognoistre entre les autres, quand ce n'eust esté qu'à la beaulté &
sumptuosité de ses armes qui estoient magnifiquement estooffes. Ioinct aussi
qu'il uouloit faire ueoir par effect, que sa uaillance n'estoit de rien moindre à
l'espreuue que la renommee qu'il en auoit, mesmement en ce que cōbien qu'il
emploiaist ses propres mains & sa propre personne à combattre & repousser
uertueusement ceulx qu'il rencontroit deuant luy, il ne s'en oubloit point
neātmoins ny n'en perdoit point le sens ny la prouoiance que doit auoir un
chef d'armee pour cela, ains tout aussi raffinement comme s'il eust esté hors de I
l'affaire, il donnoit ordre & prouuoioit à tout, courant ça & là pour soustenir
& secourir ses gens aux endroits ou il luy sembloit qu'ilz estoient plus pressez.
Mais au fort de la meslee, Leonnatus Macedonien, apperceut un hōme d'ar-
mes Italiē, qui ne taschoit qu'à s'attacher à Pyrrus, & picquoit tousiours droit
à luy, en se remuant au pris qu'il se remuoit, & se trouuāt par tout ou il alloit,
si luy dit, Sire uois tu point ce Barbare là, qui est mōté sur un cheual moireau
aux pieds blācs, il semble qu'il ait enuie de faire quelque grande chose & quel-
que mauuais coup de sa main: car il te regarde ferme, & ne uise qu'à toy seul,
soufflant d'ardeur de courage, sans en uouloir à autre qu'à toy, pourtant don-
ne toy garde de luy. Pyrrus luy respondit, Il est impossible à l'homme, Leon- K
natus, d'euitier sa destinee: mais ny luy, ny autre Italien qui qu'il soit, ne s'es-
iouira ia de s'estre attaché à moy. Ainsi comme ilz tenoient ces propos, l'Ita-
lien tenant sa iaueline par le milieu, & donnant des esperōs à son cheual, cou-
rut sus à Pyrrus, au cheual duquel il donna un coup de iaueline à trauers le
corps, & au mesme instant Leonnatus aussi en donna autant à celuy de l'Ita-
lien, de maniere que les cheuaux tumberent tous deux sur la place: mais les
gens de Pyrrus, qui estoient autour de sa personne, le sauuerent incontinent,

A & occirent l'Italien sur le champ, quelque deuoir qu'il feist de bien combattre. Il estoit natif de la uille de Ferente, & auoit nom Oplacus, capitaine d'une compagnie d'hommes d'armes. Cest inconuenient aduertit Pyrrus de se garder mieulx à l'aduenir, & uoiant que ses gens de cheual reculoient, il enuoya soudain haster ses gens de pied qu'il meit aussi tost en bataille: & baillant ses armes & son manteau à l'un de ses familiers qui se nommoit Megacles, & fessant, par maniere de dire, caché dedans celles de Megacles, il retourna en la meslee contre les Romains, qui le receurent & le foustendrent uaillamment, de sorte que la bataille dura fort longuement en doute. Car lon dit, que les uns & les autres fouyrent & chasserent par sept fois, pource que l'eschange d'armes que feist le Roy, fut bien à propos pour la seureté de sa personne, mais

B il sen fallut bien peu qu'il ne luy gastaist tout, & ne luy feist perdre la bataille, à cause que plusieurs des ennemis se ruerent ensemble sur ce Megacles qui portoit les armes du Roy: & le premier qui l'assena au uif, & le porta par terre mort, aiant nom Dexter, luy osta soudainement l'armet de la teste, & prit son manteau, & sen courut à tout uers Albinus, criant tout hault qu'il auoit occis Pyrrus, en monstrant les despouilles qu'il luy pensoit auoir ostées. Lesquelles estans portees au long des bendes, & monstrees de main en main par tout, apporterent aux Romains une resiouissance grande: & au contraire un estonnement & tristesse grande aux Grecs, iusques à ce que Pyrrus en estant aduerty

C sen alla passer la teste nue & le uisage descouuert au long de toutes ses troupes, tendant la main aux soudards, & leur donnant à entendre à uiue uoix que c'estoit luy. A la fin les elephans furent ceulx qui deciderent la bataille, & qui principalement forcerēt les Romains: car leurs cheuaux de tout loing qu'ilz les sentoiet s'en effroyoiet & ne pouuoiet arrester, ainse emportoiet leurs maistres malgré eux en arriere. Quoy uoiāt Pyrrus les feit en ce desarroy charger par la gendarmerie de la Theffalie, si uiuement qu'il les tourna tous en fuitte, avec grād meurtre: car Dionysius escrit qu'il ne mourut pas guerēs moins de quinze mille Romains en ceste iournee, mais Hieronymus n'en met q̄ sept mille seulement: & du costé de Pyrrus Dionysius en met treze mille de morts,

D & Hieronymus moins de quatre mille: mais c'estoiet tous les plus gēs de bien de son armee, & ceulx de qui plus il se seruoit, & en qui plus il se fioit: toutefois il prit aussi tout d'une suite le camp des Romains qui l'abandonnerent, & retira plusieurs uilles de leur alliance, courut & pilla beaucoup de leur pais iusques à approcher de la uille de Rome, enuiron de dixhuit lieues: & si luy arriua encore de renfort le secours des alliez Lucaniens & Samnites, lesquels il tensa de paroles, pource qu'ilz estoiet arriuez trop tard apres la bataille donnée: mais si estoit il aisé à lire en son uisage, qu'il fesiouissoit fort, & festimoit beaucoup de ce qu'il auoit desfait une si grosse puissance des Romains avec ses gēs, & avec le secours des Tarétins seulemēt. De l'autre costé les Romains

E eurent le cueur si grand, qu'ilz ne deposerent point Albinus de sa charge, quelque perte qu'il eust faite, encore que Caius Fabricius dist publiquement, que ce n'estoient point les Epirotes qui auoient uaincu les Romains, mais que c'estoit Pyrrus qui auoit uaincu Albinus: uoulāt dire, que ceste route leur estoit aduenue plus par la ruze & bonne conduite du chef, que par la uaillance & prouesse de son armee. Si renplirent en diligence les legions qui estoient diminuees en mettant d'autre soudards au lieu des morts, & en leuerent encore de nouuelles, en parlant brauement & fierement de ceste guerre, comme gens

Pyrrus.

qui n'auoient point le cueur abbattu, tellement que Pyrrus s'en trouuant estonné prit aduis d'enuoyer le premier uers eulx, pour les sonder s'ilz uoudroient point entendre à quelque appointement, pensant bié que ce n'estoit pas chose facile à faire, ne dont il peust uenir à bout, que de subiuguer & prédre la uille de Rome avec les forces qu'il auoit, & que s'il pouuoit faire accord & amitié avec eulx apres sa uictoire, ce luy seroit chose grandement honorable & glorieuse. Si y enuoya Cineas, qui parla aux principaux de la uille, & leur enuoya à eulx & à leurs femmes des presens du Roy son maistre: mais il n'y en eut pas un ny pas une, qui en uolust receuoir, ains respondirent tous & toutes, que si la paix se faisoit publiquement, ilz seroient en particulier au commandement du Roy, & auroient son amitié pour agreable. Et cōme en audience publique deuant le Senat Cineas eust tenu plusieurs honestes propos, & fait plusieurs auantageuses ouuertures de paix, ilz n'en accepterent pas une ny ne monstrent aucune affection d'y uoloir entendre, combien qu'il offrist de leur rēdre les prisonniers qui auoient esté pris en la bataille sans paier rençon, & qu'il promist de leur aider à conquerir l'Italie, ne leur demandant en recompense que leur amitié seulement pour luy, & assurance pour les Tarentins, qu'on ne leur demanderoit rien à raison du passé, sans rien d'auantage: toutefois à la fin ces offres ouyes, il y eut plusieurs des Senateurs qui fleschirent, inclinās à uoloir faire la paix, alleguans qu'ilz auoient ia perdu une grosse bataille, & qu'ilz en attendoient une autre encore plus grosse, quād les forces des peuples confederez de l'Italie seroient conioinctes avec celles de Pyrrus. Mais Appius Claudius personnage notable, qui en partie pour sa uieillesse, & en partie pour auoir perdu la ueuë, ne uenoit plus au Senat, ny ne s'en tremettoit plus des affaires publiques, quand il entendit les offres que faisoit le Roy Pyrrus, & cōment le bruit couroit par la uille, que le Senat luy accorderoit les articles de paix qu'il auoit proposez, il ne se peut contenir, ains se feit porter par ses seruiteurs dedans une litiere à bras iusques au Senat, à trauers la grande place de Rome, là ou comme il fut arriué à la porte, ses gēdres & les enfans le prenans par dessoubz les bras, & se mettans à l'entour de luy le conduysirent au dedans. Le Senat feit silence par honneur à l'arriuee d'un si notable & si uenerable personnage, & luy, si tost qu'on l'eut posé en sa place, commença à parler en ceste maniere: Par cy deuant, Seigneurs Romains, ie portoys fort impatiennēt la perte de ma ueuë, mais maintenant ie uoudrois encore estre sourd, aussi bien comme auetle, quand i'oy dire les lasches & deshonnestes conclusions que uous arrestez en uoz conseils qui sont pour renuerfer toute la gloire & la reputation de Rome. Car ou sont à ceste heure les auantageux propos que uous faisiez nagueres courir par tout le mōde, Que si Alexandre le grād fust luy mesme uenu en Italie du tēps que noz peres estoient en la fleur de leur aage, & nous en nostre premiere ieunesse, on ne le chāteroit pas par tout inuincible, comme lon fait maintenant, ains seroit demouré par deça mort en bataille, ou bien auroit esté contrainct de s'en fuyr, & par sa mort ou sa fuyte auroit augmenté la renommee & la gloire de Rome? Vous monstrez bien maintenant que tous ces propos là n'estoient que uaine uanterie & folle arrogance, ueu que uous craignez les Molossiens & Chaoniens qui tousiours ont esté proye des Macedoniens, & redoubtez un Pyrrus, qui toute sa uie a seruy & fait la court à l'un des satellites & gardes du corps d'Alexandre le grand, & qui maintenant est uenu faire la guerre par deça, non tant pour

- A** secourir les Grecs habitans en Italie, que pour fouir les ennemis qu'il a par delà, uous offrant de uous conquerir tout le reste de l'Italie avec une armee, laquelle n'a pas esté suffisante pour luy conseruer une petite portion de la Macedoine seulement, pourtât ne fault il pas que uous estimiez, qu'en faisant paix avec luy, uous uous depestrerez de luy, ains plus tost que uous en attrairez d'autres à uous uenir courir sus: car ilz uous auront en mespris quand ilz uous sentiront si faciles à dompter, si uous laissez eschapper Pyrrus, sans luy faire paier l'amende de l'outrage qu'il uous a ozé faire, emportant encore pour son salaire cest aduantage sur uous, qu'il aura donné aux Samnites & Tarentins dequoy cy apres se moquer des Romains. Depuis que ces remonstrances d'Appius eurent esté ouyes au Senat, il n'y eut celuy en toute l'assemblée qui n'aimast mieulx la guerre que la paix: & renuoya lon Cineas avec ceste responce, Que si Pyrrus desiroit l'amitié & alliance des Romains, il falloit qu'il sortist premierement de l'Italie, & puis qu'à lors il les enuoyast rechercher de paix: mais que tant comme il seroit dedans l'Italie en armes, les Romains luy feroient la guerre de toute leur puissance, quand bien il auroit battu & desfait dix mille telz capitaines comme Albinus. Lon dit que Cineas, pendant qu'il fut à Rome pour tascher à traiter cest appointement, festudia & meit peine à considerer & cognoistre les meurs & maniere de uiure des Romains, & l'ordre de leur chose publique, en deuisant & conferant avec les principaulx hommes de la uille, dont il feit puis apres son rapport à Pyrrus bien au long, & luy dit entre autres choses, que le Senat luy auoit proprement semblé un consistoire de plusieurs Roys. Et au demourant quant au nombre du peuple, qu'il craignoit fort qu'ilz n'eussent à combattre contre un tel serpent, comme celuy qui iadis estoit es marets de Lerne, auquel quand on auoit couppé une teste il en reuenoit sept, pour ce que desia le Consul Albinus auoit remis sus une autre exercite deux fois aussi gros cōme auoit esté le premier: oultre lesquelz, encore laissoit il à Rome plusieurs fois autant de bons hommes idoines à porter les armes. Depuis furent enuoyez deuers Pyrrus des ambassadeurs de Rome, & entre autres Caius Fabricius touchât le
- D** faict des prisonniers: si aduertit Cineas le roy son maistre, que ce personnage estoit celuy, duquel on faisoit plus de compte à Rome, comme d'un grand homme de bien, bon capitaine & uaillant homme de sa personne, mais qu'il estoit extremement pauvre: parquoy Pyrrus le tirât à part, luy feit en priué plusieurs grandes caresses, & entre autres luy offrit de l'or & de l'argent en don, le priant d'en uouloir prendre, nō pour aucun seruice deshonesté qu'il en pretendist de luy, mais seulement pour une arre d'amitié & d'hospitalité qu'ilz auroiēt ensemble. Fabricius le renuoya bien loing avec son present: & Pyrrus ne feist autre chose pour l'heure, mais le lendemain le cuidât espouueter, pource qu'il n'auoit iamais ueu d'Elephant, cōmanda à ses gens, que quand ilz seroiēt eulx deux ensemble à deuiser, on amenast aupres d'eulx le plus grand de ses Elephās derriere une tapisserie: ce qui fut fait, & à un certain signe qu'il auoit ordonné fut soudainement la tapisserie retiree, & se trouua l'Elephant avec sa trompe au dessus de la teste de Fabricius, & ietta un cry effroyable & horrible à merueilles. Adonc Fabricius se retournant tout doulcement, sans autrement
- E** sen esmouuoir, se prit à rire, & dit à Pyrrus en soubriât, Ny ton or ne m'esmeut hier, Sire, ny ton Elephant auioirdhuy. Au demourant durant le soupper, festans mis plusieurs propos en auant, la plupart touchât les choses de la Gre-

Pyrrus.

ce, & mesmement touchant les philosophes, Cineas d'aduéture fait mention F
d'Epicurus, & recita les opinions que tenoient les Epicuriens quât aux Dieux
& au gouuernement de la chose publique, & comment ilz mettoient le sou-
uerain bien de l'homme en la uolupté, comment ilz fuioient toute charge &
toute administration publique, côme chose qui trouble & empesche la frui-
tion de la uraye felicité, & comment ilz maintenoient que les Dieux sont im-
passibles, ne se mouuans ny de pitié ny de courroux, & que sans se mesler ny se
soucier du faict des hōmes, ilz les mettoiēt à part en une uie oiseuse, pleine de
tous plaisirs & de toutes delices. Mais ainsi qu'il poursuiuoit encore ce pro-
pos, Fabricius s'escriant tout hault, se prit à dire, Pleust aux Dieux, que Pyrrus
& les Samnites tant qu'ilz auront la guerre contre nous, eussent de telles opi- G
nions en la teste. A raison dequoy Pyrrus s'esmerueillant de la constance &
magnanimité de ce personnage, desira encore plus que iamais auoir paix au
lieu de guerre avec les Romains: si fit particulièrement instance à Fabricius
qu'il uoulust moienner appointement, pour puis apres le uenir suiure & se te-
nir avec luy, & qu'il luy donneroit le premier lieu d'honneur & de credit au-
tour de luy entre tous ses amis. A quoy Fabricius luy respōdit tout bas: Cela,
Sire, ne te seroit pas expedient à toy mesme, pource q̄ tes gens, qui maintenāt
t'honorent & t'estiment, s'ilz m'auoiēt une fois cogneu à l'espreuue, me uou-
droient plustost auoir pour leur Roy, que toy. Tel estoit Fabricius: les paroles
duquel Pyrrus ne prit point en mauuaise part, ny ne s'en courrouça point, cō- H
me eust fait un tyran, ains racompta luy mesme à ses plus familiers & priuez
amis, la grandeur & haultesse de courage qu'il auoit cogneue en luy, & luy li-
ura les prisonniers sur sa foy, à fin que si le Senat ne uouloit accorder la paix,
ilz peussent uisiter & saluer leurs parents & amis, & faire la feste de Saturne a-
uec eulx, & que lon les luy renuoyast puis apres, côme aussi luy furēt ilz, ren-
uoyez apres la feste, aiant le Senat proposé peine de mort à celuy qui faudroit
à retourner. Depuis Fabricius fut eleu Cōsul, & comme il estoit en son camp,
il uint à luy un homme qui luy apporta une missiue escrite de la main du me-
decin de Pyrrus, par laquelle le medecin offroit de faire mourir son maistre
par poison, moienant qu'on luy promeist recompense condigne d'auoir ter- I
miné ceste guerre sans danger. Fabricius detestant la meschanceté de ce me-
decin, & l'ayant fait trouuer aussi mauuaise à celuy qui estoit son compagnon
au Consulat, escriuit une lettre à Pyrrus, par laquelle il l'admonesta qu'il se
donnast de garde, pource qu'on le uouloit empoisonner. Si fut la teneur de sa
lettre telle: Caius Fabricius, & Quintus Amylius Consulz des Romains, au
Roy Pyrrus salut. Tu as fait malheureuse election d'amis aussi bien que d'en-
nemis, ainsi que tu pourras cognoistre en lisant la lettre qui nous a esté escrit-
te par un de tes gens, pource que tu fais la guerre à hōmes droitturiers & gens
de bien, & te fies à des desloyaulx & meschans: dequoy nous t'auōs bien uou-
lu aduertir, non pour te faire plaisir, mais de peur que l'accident de ta mort K
ne nous face calumnier, & que lon n'estime que nous aions cherché de ter-
miner ceste guerre par un tour de trahison, comme si nous n'en peussions ue-
nir à bout par uertu. Pyrrus aiant leu ceste lettre, & adueré le contenu en icel-
le, chastia le medecin ainsi qu'il auoit meritē, & pour loyer de ceste descou-
uerture r'enuoya à Fabricius & aux Romains leurs prisonniers sans paier ren-
çon, & depescha derechef Cineas uers eulx pour ueoir s'il pourroit traiter
quelque appointement: mais les Romains ne uoulans pas receuoir plaisir de
leur

- A** leur ennemy, & moins encore loyer de n'auoir pas uoulu cōsentir à une meschanceté, ne receurent pas en pur don leurs prisonniers, ains luy en renuoyèrent tout autant de Samnites & de Tarétins, & au reste quant à traiter de paix & d'amitié, ilz n'en uoulurent pas seulement ouir parler, que premierement il n'eust emporté les armes hors de l'Italie & remené son armee dela la mer en son royaume d'Epire. Parquoy ses affaires requerans qu'il donnast une autre bataille, apres auoir un peu refreschy son armee, il tira deuers la uille d'Asculum, là ou il s'attacha pour la seconde fois aux Romains, & fut acculé en lieux malaisez pour gens de cheual, au long d'une riuiera aspre, & dont les riuages estoient pleins de marets, tellement que ses Elephans ne peurent auoir
- B** espace pour se ioindre à la bataille de ses gēs de pied : au moien dequoy y eut grand nombre de blecez & de morts, tant d'une part que d'autre. Et en fin le combat aiant duré tout le long du iour, ilz se separerent sur la nuict : mais le lendemain pour gaigner cest auantage de pouuoir combattre en pais plain, ou il se peust seruir de la force de ses Elephans, il enuoya le premier quelques troupes de ses gens pour saisir les endroits malaisez, ou il auoit combattu le iour de deuant. Et ainsi aiant attiré l'ennemy en plaine campagne, il entre-mella parmy ses Elephants force gens de traict, & combattans avec armes de iect, puis fait marcher de grande impetuosité & fureur son armee bien ioincte & serree ensemble contre celle des Romains, lesquelz n'aians pas les destours
- C** & retraittes qu'ilz auoient eues le iour precedant, furent cōtraints de uenir au combat tout de front par pais uny & plain, & tascans à rompre le bataillon des gens de pied de Pyrrus auant que les Elephants arriuaissent, feirent de merueilleux efforts avec leurs espees contre les picques des ennemis, n'espargnās aucunement leurs personnes, ains regardans seulement à assener & abbatre leurs ennemis, sans se soucier d'estre eulx mesmes atteints : à la fin toutefois, apres que la bataille eut duré biē long temps, les Romains la perdirent, & cōmencea leur route & leur fuitte à l'endroit ou estoit Pyrrus pour le grād effort qu'il y feit, & plus encore pour la force & la uiolence des Elephans, contre lesquelz ne se pouuoiet les Romains seruir de leur uertu ne uailłace, ains estoiet
- D** contraints de leur ceder, ne plus ne moins qu'à l'impetuosité d'une grosse uague de mer, ou d'un tremblement de terre, plustost que d'attēdre qu'ilz fussent foulez aux piedz & accablez par eulx, sans auoir moiē de leur riē faire, & qu'ilz souffrissent tous les plus griez martyres du monde, sans que leurs affaires en ualussent de rien miculx. La chasse ne fut pas lōgue, pource qu'ilz ne fouirent que iusques en leur camp : & dit l'historien Hieronymus, qu'il y mourut six mille hommes du costé des Romains, & du costé de Pyrrus enuiron trois mille cinq cents & cinq, ainsi qu'il estoit porté par les registres mesmes du Roy. Toutefois Dionysius n'escrit point qu'il y ait eu deux batailles donnees pres ceste uille d'Asculum, ny que les Romains y aient esté certainemēt desfaiçts :
- E** mais bien dit il, qu'il y eut une seule bataille qui dura iusques au Soleil couchant, & qu'encore à peine se separerent ilz quād la nuict fut uenue, aiant Pyrrus esté blecé d'un coup d'espieu dedans le bras, & luy aiant esté son bagage pillé par les Samnites, & qu'il mourut en ceste bataille plus de quinze mille hommes, tant du costé de Pyrrus, que du costé des Romains, mais qu'ilz se retirerent à tant les uns & les autres. Et dit on que ce fut là ou Pyrrus respondit à un qui se resiouissoit avec luy de la uictoire qu'il auoit gaignee, Si nous uaincons encore une autre fois les Romains pour le pris, nous sommes ruinez de

Pyrrus.

tout poinct, pourautant qu'il auoit ia perdu la pluspart de l'armee qu'il auoit F
amenee de son royaume quand & luy, & ses amis & capitaines presque tous
entierement, au moins bien peu s'en falloir, & si n'auoit pas moien d'en fai-
re uenir d'autres, & si apperceuoit que les alliez & confederéz qu'il auoit en
Italie se refroidissoient fort: là ou, au contraire, les Romains remplissoient
facilement leur armee de nouveaux combattans, qu'ilz faisoient uenir de leur
uille, quand il en estoit besoing, ne plus ne moins que d'une uiue fontaine
dont ilz auoient la source en leur maison: & si ne s'affoiblissoient point de
cueur pour quelques pertes qu'ilz receussent, ains de tât plus s'en efforceoient
ilz, & s'en opiniastroient par cholere de tant plus obstincement à la con-
tinuation de ceste guerre. Ainsi donques comme Pyrrus se trouuoit en tel- G
les difficultez, se presenterent derechef à luy nouvelles entreprises & nou-
uelles esperances, qui meirent son entendement en doubte: car tout à un coup
uindrent ambassadeurs de la Sicile qui luy offrirent de mettre entre ses mains
les uilles de Syracuse, d'Agrigente, & des Leontins, le prians de leur uoloir
aider à dechasser les Carthaginois hors de l'isle, & la deliurer toute de tyrans:
& d'autre costé luy uindrent nouvelles de la Grece, comme Ptolomeus, celuy
qui fut surnomé la Foudre, auoit esté tué, & toute son armee desfaite en une
bataille contre les Galates, & que lors il suruiendroit tout à poinct aux Ma-
cedoniens, qui ne demâdoient qu'un Roy. Si maudit adonc asprement la for-
tune, qui luy presentoit ainsi tout à un coup & en un mesme temps diuerses H
matieres pour faire de grandes choses: & comme si toutes les deux entreprises
eussent esté en sa main, il faisoit son compte qu'il falloit necessairement qu'il
en perdist l'une. Si fut long temps à resoudre en son entendement, à laquelle
plus tost il deuoit entendre, mais finablement il luy sembla que es affaires de
la Sicile y auoit moien & matiere de faire de plus grandes choses, attendu que
l'Afrique n'en estoit pas gueres loing: parquoy se tournant de ce costé là, il
despescha incontinent Cineas pour s'y en aller deuant parler aux uilles & citez
du païs, comme il auoit accoustumé: & luy ce pendant meit grosse garnison
dedans la uille de Tarente pour la tenir en sa deuotion, dequoy les Tarentins
furent tresmal contents: car ilz luy disoient ou qu'il demourast en leur païs I
pour soustenir la guerre contre les Romains avec eulx, qui estoit l'intention
pour laquelle ilz l'auoient fait uenir, ou bien s'il s'en uoloit aller, qu'il leur
laissast au moins leur uille en l'estat qu'il l'auoit trouuee: mais ilz leur respon-
dit bien durement, qu'ilz ne luy en parlassent plus, & qu'il falloit qu'ilz atten-
dissent son occasion: & avec ceste responce se meit à la uoile uers la Sicile, là
ou si tost qu'il fut arriué, il trouua tout ce qu'il auoit esperé, car les uilles se
meirent bien uoluntiers entre ses mains. Et là ou il fut besoing de combattre
& d'emploier la force des armes, rien n'arrestoit deuant luy du commence-
ment: car avec trente mille hommes de pied, & deux mille cinq cents de che-
ual, & deux cents uoiles qu'il y mena, il chassoit deuant luy les Carthaginois K
& alloit conquerant toute la prouince qui estoit soubz leur obeissance. Or
estoit pour lors la uille d'Eryx la plus forte place qu'ilz eussent, & y auoit de-
dans bon nombre de gens de guerre pour la defendre: il delibera d'essayer à la
forcer, & quand son armee fut preste pour donner l'assault, il se fit armer de
toutes pieces, & en s'approchât de la uille, fit uœu à Hercules de luy paier un
solennel sacrifice avec une feste de ieux publiques, moienant qu'il luy feist la
grace de se monstrier aux Grecs habitâs en la Sicile digne des nobles ancestres
dont

A dont il estoit descendu, & des grands moiens qu'il auoit entre ses mains. Ce uœu acheué, il feit incontinent sonner les trompettes & à coups de traiçt retirer les Barbares qui estoient sur les murailles: puis quand les échelles furent plantées, il monta tout le premier sur la muraille, où il trouua plusieurs des Barbares qui luy feirēt teste: mais il en ietta les uns du hault en bas d'un costé & d'autre de la muraille, & à coups d'espee en abbattit plusieurs morts à l'entour de luy, sans qu'il y fust aucunement blescé, pour ce q̄ les Barbares n'auoiēt pas la hardiesse de le regarder seulement au uisage tant son regard estoit terrible. Ce qui tesmoigne que Homere parla sagement & en homme bien expérimenté, quād il dit que la prouesse seule entre toutes les uertus morales est celle, qui aucunes fois a des mouuemens inspirez diuinemēt, & de certaines fureurs qui transportent l'homme hors de soy mesme. La uille donques aiant esté prise, il paia magnifiquement le sacrifice uoué à Hercules, & feit une feste de toutes sortes de ieux & de toutes sortes de combats. Or y auoit il alors quelques Barbares habitans à l'entour de Messine qui se nommoient les Mamertins, & faisoient beaucoup d'ennuy aux peuples Grecs d'alenuiron, iusques à leur faire paier taille & tribut, au moins à quelques uns, pource qu'ilz estoient en grand nōbre, tous hommes de guerre & bons combattans, aussi en auoiēt ilz le nom de Mars, à cause qu'ilz estoient ainsi Martiaux. Pyrrus mena son armee contre eulx & les desfeit en bataille rengee, feit mourir leurs collecteurs qui leuoient & exigeoient la taille, & rasa plusieurs de leurs fortresses: & cōme les Carthaginois le recherchassent de paix & d'amitié, en luy offrant uaisseaux & argent, aspirans à plus grandes choses, il leur feit une courte responce, qu'il n'y auoit qu'un seul moien de paix & d'amitié entre eulx, qui estoit qu'en abandonnant toute la Sicile entierement, ilz eussent pour borne entre les Grecs & eulx la mer de Libye. Car la prosperité de ses affaires & les forces qu'il se uoyoit entre mains, luy eleuoient le cuer & l'incitoient à poursuyure l'esperāce, soubs, laquelle il estoit passé en la Sicile, pretendan en premier lieu à la cōqueste de la Libye: pour à laquelle aller il auoit bien assez de uaisseaux, mais de forsaies & de gens de rame, nō: & quand il en uolut amasser, alors il cōmencea à se porter rudement enuers les uilles de la Sicile, les traittant fort rigoureusement, les forçant en courroux, & chastiant aigrement ceulx qui faisoient faulte à ses commandemens, ce qu'il n'auoit pas fait à son arriuee du cōmencement, ains au contraire auoit gagné la bonne grace de tout le mōde, en parlāt plus gracieusement que nul autre, en monstrent de se fier du tout à eulx, & ne les molestant de chose quelconque. Et tout soudain estāt ainsi deuenue de prince populaire tyran uiolent, il en fut estimé non seulement rude & rigoureux, mais qui pis est, desloyal & ingrat: & toutefois, encore qu'il leur en feist grand mal, si l'enduroient ilz neantmoins & luy concedoient ce qu'il demandoit comme chose necessaire. Mais quand on apperceut qu'il commença à soy desfier de Thœnon & de Sostratus, qui estoient les deux principaux capitaines de Syracuse, qui l'auoiēt les premiers fait uenir en la Sicile, & qui luy auoient, aussi tost comme il y fut arriué, mis la uille de Syracuse entre mains, & luy auoient aidé à faire la plus part de ce qu'il auoit fait en toute la Sicile, par ce qu'il ne uouloit plus ny les mener quād & luy, ny les laisser derriere, pour la desfiance qu'il auoit d'eulx: & que lon ueit que Sostratus craignant qu'il ne luy feist quelque mauuais tour, s'estoit absenté & retiré d'aupres de luy, & que luy se doubtrāt que Thœnon en uoulust autāt faire, l'eut fait mourir: alors se retour-

Pyrrus.

nerent toutes choses à l'encontre de luy, non point l'une apres l'autre ny petit F
à petit, ains tout à un coup, & conceurent toutes les uilles ensemble une haine
mortelle contre luy, en falliant les unes des Cartaginois, les autres des Ma-
mertins pour luy courir sus. Mais sur le point que toute la Sicile se bendoit &
conspiroit ainsi contre luy, il receut lettres des Samnites & des Tarentins, par
lesquelles ilz luy faisoient entendre, qu'ilz auoient beaucoup à faire à se defen-
dre dedans les uilles & fortes places, & que de la cāpagne ilz en estoient entie-
rement dechassez, à raison dequoy ilz le supplioient de les uenir secourir. Ce-
ste nouuelle luy uint tout à point pour courir sa fuitte, & pour pouuoir dire
que ce n'estoit point par desespoir de pouuoir bien faire ses besongnes en la
Sicile, qu'il en departoit: mais à la uerité, uoiant qu'il ne la pouuoit tenir non G
plus qu'une nauire agitée de la tourmente, il cherchoit quelque couleur ho-
neste pour en sortir, & fut la cause ueritable pour laquelle il se reietta en Italie:
toutefois au partir de la Sicile, on dit qu'il tourna ses yeux uers l'isle, & dit à
ceulx qui estoient autour de luy: O quel beau champ nous laissons, mes amis,
aux Romains & aux Carthaginois, pour y lucter & combattre! Cela aduint
peu de tēps apres tout ainsi cōme il l'auoit predict. Mais aians les barbares fait
ligue ensemble à l'encontre de luy, les Carthaginois d'un costé l'attendans au
passage, luy dōnerent la bataille par mer dedās le destroit mesme de Messine,
là ou il perdit plusieurs de ses uaisseaux, & avec le demourant s'en fouit en la
coste de l'Italie: là ou les Mamertins de l'autre costé, estās passez deuant en nō- H
bre de bien dixhuit mille combattans, ne luy ozerent pas presenter la batail-
le en pleine campagne, ains l'attendirent à certains pas de montagne, & en
lieux malaisez, ou ilz le chargerent sur la queuë, & meirent toute son armee en
grand trouble: car ilz y tuerent deux Elephans & bon nombre de ceulx de son
arrieregarde, tellement qu'il fut contrainct d'y uenir luy mesme en personne
de son auantgarde, pour les secourir contre ces Barbares, qui estoient hommes
courageux & hardiz, & qui plus est, fort bien aguerris: & y fut en grand dan-
ger de sa personne pour un coup d'espee qu'il y receut en la teste, de sorte qu'il
luy fut force de se retirer un peu arriere de la presse, ce qui augmenta le coura-
ge encore plus à ses ennemis: entre lesquelz y en eut un plus aduenteux que I
les autres, homme de haulte taille, & tout armé en blanc, qui se ietta biē loing
deuant sa troupe, & d'une uoix audacieuse & fiere appella le Roy & le desfia
au combat d'homme à homme, s'il estoit encore uiuant. Pyrrus irrité de ceste
brauerie, malgré ses gens tourna uisage, tout blecé qu'il estoit, avec sa garde:
& oultre ce qu'il estoit enflammé de cholere, aiant la face toute souillée de
sang & hydeuse à ueoir, il se ietta à trauers ses gens, & feit tant qu'il approcha
du Barbare qui l'auoit desfié, auquel il donna de toute sa puissance un si grād
coup d'espee sur la teste, que tant pour la force du bras que pour la bonté de la
trempe de l'acier, le coup descendit iusques à bas, de sorte qu'en un moment
les parties du corps diuisé en deux tumberent l'une deçà l'autre delà. Cela ar- K
resta tout court les Barbares, & les garda de passer oultre, tāt ilz furent estōnez
& effroyez de ueoir un si grand coup de main, qui leur feit estimer que Pyrrus
estoit quelque chose d'auantage qu'un homme: si le laisserēt aller depuis, sans
plus luy donner d'empeschement. Et luy cōtinuant son chemin feit tant par
ses iournees, qu'il arriua en la uille de Tarente, avec uingt mille hommes de
pied & trois milles de cheual: avec lesquelz, ioinct ce qu'il peut tirer de bōs hō-
mes de guerre de Tarente, il se meit incontinent aux chāps pour aller trouuer
les

A les Romains, qui auoient leur cāp dedans les terres des Samnites, desquelz les affaires se portoient tresmal : car ilz auoiēt les cueurs faillis pour auoir esté en plusieurs batailles & rencontres tousiours battus par les Romains, & si estoient malcōtents de Pyrrus, à cause qu'il les auoit abandonnez pour aller à son uoyage de la Sicile, à raison dequoy il n'en uint pas grand nombre deuers luy en son camp : mais nonobstant il diuisa toutes ses forces en deux, dont il enuoya nne partie en la Lucanie pour amuser l'un des Consuls de Rome, qui y estoit, à fin qu'il ne peust uenir au secours de son compagnon, & luy avec l'autre partie s'en alla contre Manius Curius, qui s'estoit logé en lieu fort & auantageux pres la uille de Beneuente, attendant le secours qui luy deuoit uenir de la Lucanie, ioinct que les deuins par les signes des oiseaux & des sacrifices, luy conseilloyent de ne bouger de là : & Pyrrus au contraire desirant le pouuoir combattre auant que le renfort qu'il attēdoit luy fust arriué, prit avec luy les meilleurs combattans qu'il eust en tout son ost, & les plus belliqueux Elephans, & se partit une nuit pour le cuider aller assaillir au desprouueu iusques dedans son camp. Or auoit il long circuit de chemin à faire & par un pais couuert de bois, tellement que leurs torches & lumieres leur faillirent : au moien dequoy plusieurs des soudards s'esgarerent, & se perdit quelque temps deuant qu'on les peust r'allier tous ensemble, de maniere que ce pendant la nuit se passa : & au point du iour les ennemis l'apperceurēt clairement ainsi comme il deualloit des montagnes. Cela les eueut de prime face, & les effroya un petit : mais neantmoins Manius aiant eu les signes des sacrifices heureux, & uoiant que l'occasiō le pressoit, sortit hors de son camp, & chargeāt les premiers qu'il rencontra des ennemis les tourna en fuite : ce qui espouuenta tout le demourāt, de sorte qu'il en demoura grand nombre de morts sur le champ, & y eut quelques Elephans pris. Ceste uictoire feit sortir Manius hors de son fort en pleine campagne, ou il y eut bataille rengee, en laquelle il rompit ses ennemis à uiue force en un endroit, mais en l'autre il fut repoulsé par la uiolence des Elephans, & contraint de reculer iusques aupres de son camp, dedans lequel il auoit laissé bon nombre de gens pour le garder : & les uoians sur le rempar du camp tous armez & en point de combattre, il les appella, & eulx uenans tous frais de lieux auantageux à charger sur les Elephans, les contraindrēt en peu d'heure à monstrier le dos & s'enfuir à trauers leurs gens mesmes, qu'ilz meurent en grand trouble & en grand desordre, duquel finablement s'en ensuiuit la uictoire totale pour les Romains, & de celle uictoire consequemment la grandeur & puissance de leur empire, pource qu'estans deuenus plus courageux par ceste bataille, & en aians accru leurs forces, & acquis la reputation d'hommes inuincibles, ilz conquerirent incontinent le reste de l'Italie, & tātost apres toute la Sicile. Voila comment Pyrrus deceut entierement de l'esperance qu'il auoit de conquerir l'Italie & la Sicile, apres y auoir consumé six ans

E à faire continuellement la guerre, durant lesquelz il empira bien ses affaires, & diminua ses forces : mais la haultesse de son courage demoura tousiours inuincible quelques pertes qu'il eust faites, & si fut tousiours estimé tant qu'il uescut, le premier des Roys & princes de son temps, tant en experience & suffisance au faict de la guerre, cōme en hardiesse & prouesse de sa personne : mais ce qu'il acquerroit par effects, il le perdoit par esperances, appetant si fort ce qu'il n'auoit pas, qu'il en oublioit à mettre en seure garde ce qu'il auoit : à raison dequoy Antigonus le comparoit à un ioueur de dez, à qui les dez disent

Pyrrus.

fort bien, mais qui ne se sçait seruir des chances qui luy uienent. Aiant doncques remené en Epire huit mille hommes de pied, & cinq cens cheuaux, & ne se trouuant point d'argent pour les soudoyer, il alloit cherchât quelque nouvelle guerre pour auoir moien de les entretenir. Parquoy luy estât encore uenu un renfort de quelque nombre de Galates, il entra dedans le royaume de Macedoine, que tenoit alors Antigonus le filz de Demetrius en intention de courir & piller le plat païs seulement: mais quand il ueit qu'il y eut pris plusieurs places, & que d'auantage deux mille hommes de guerre du païs se uindrent d'eulx mesmes rendre à luy, il commença adôc à esperer quelque chose de plus qu'il ne s'estoit promis au commencement: si marcha contre le Roy mesme Antigonus qu'il rencontra en une uallee estroite, & d'arriuce chargea sur son arrieregarde si uiuemēt, qu'il meit toute l'armee en grād desarray: car Antigonus auoit mis à la cucuē de son armee, pour la clorre, les Galates, qui estoient en assez bon nombre, lesquelz feirent deuoir de soustenir hardiment & uaillamment ceste premiere charge, & y fut la meslee si aspre, que la pluspart d'eulx y fut taillee en pieces. Apres ceulx là les conducteurs des Elephans se trouuans enuoloppez de tous costez, se rendirent eulx & toutes leurs bestes. Parquoy Pyrrus uoiant ses forces augmentees d'un tel renfort, se confiāt plus à la faueur de fortune qu'au discours de la raison, il poulsa oultre cōtre le bataillon des Macedoniens, qui estoient tous troublez & effroyez pour la desfaitte de leur arrieregarde, tellement qu'ilz ne uoulurent point baisser les picques ne combattre contre luy: & luy de son costé leur tendant la main, & appellāt les capitaines & chefs des bēdes par leurs noms: fait tout à un coup tourner de sa part tous les gens de pied d'Antigonus, lequel se sauua de uistesse avec quelques gens de cheual, & reteint aucunes des uilles maritimes de son royaume. Mais Pyrrus, entre tant de prosperitez, estimant n'y auoir rien qui plus tournast à sa gloire, q̄ la desfaitte des Galates, fait mettre à part leurs plus belles & plus riches despouilles, dont il fait une offrande au temple de Minerue Itonide, avec une telle inscription:

P yrrus aiant en bataille desfait
L es fiers Gaulois, de leur despouille a fait
C es forts escus à Minerue icy pendre,
A pres auoir d'Antigonus fait rendre
L 'armee toute: & fil les a uaincus
M erueille n'est, car au sang d'Æacus
D e tout temps est prouesse militaire,
E t à iamais sera hæreditaire.

Incontinent apres ceste bataille toutes les uilles du royaume se rendirent à luy: mais quand il eut celle d'Æges en sa puissance, il en traitta rudement les habitans, mesmemēt en ce qu'il y laissa une grosse garnison des Gaulois qu'il auoit à sa soude. Or est ce une nation insatiablement auaricieuse, comme ilz monstrent bien alors: car ilz se meirent à fouiller les sepultures des Roys de Macedoine, qui y sont enterrez, & rauirent ce qu'ilz y trouuerent d'or ou d'argent: & puis ietterent par grande insolence les ossemens au uent. Pyrrus en fut aduertty, mais il le passa legerement sans en faire compte ny demonstratiō quelconque: soit, ou qu'il le differast à autre temps pour les affaires qu'il auoit alors, ou que du tout il n'ozaist entreprendre de chastier ces Barbares: mais quoy que ce soit, les Macedoniēs luy en sceurēt fort mauuais gré, & l'en blas-

merent

- A** merent fort . Au demourant n'estans pas encore ses affaires asseurez en la Macedoine, & n'y aians point de pied ferme, son cerueau commença incontînét à s'esleuer en nouuelles esperances, & se mocquât d'Antigonus, il disoit qu'il estoit bien effronté d'aller encore uestu de pourpre comme un Roy, là ou il se deust habiller d'une simple cappe, comme personne priuee. Et l'estât Cleonymus Roy de Sparte uenu solliciter de mener son armee au païs de Lacedemone, il y entédit fort uoluntiers . Cestuy Cleonymus estoit bien du sang royal de Sparte, mais pource qu'il estoit homme uiolent, & qui uouloit faire toutes choses par main souueraine, on ne l'aimoit point à Sparte, & ne se fioit on point en luy, ains y estoit Areus roy paisible: cela estoit la plus uieille querelle
- B** qu'il eust contre le corps total de la chose publique, mais oultre celle là, il en auoit une autre particuliere pour telle occasion . Il auoit sur ses uieux ans espousé une belle ieune dame nômee Chilonide, q̄ estoit aussi de la race royale, fille de Leotychides, & étant deuenue extrememēt amoureuse du filz du Roy Areus, qui s'appelloit Acrotatus, beau ieune hōme en la fleur de son aage, elle tourmenta & deshonora grandemēt son mary Cleonymus, qui en estoit passionné de ialousie & d'amour: car il n'y auoit celuy en toute Sparte qui ne cogneust clairement que sa femme ne faisoit compte de luy. Ainsi estās ces douleurs & desplaisirs domestiques cōioincts avec les publiques, pour s'en uenger il alla par despit en courroux solliciter Pyrrus de uenir à Sparte, pour le
- C** remettre en sa royaulté: & de faict l'y mena avec uingt & cinq mille hōmes de pied, deux mille cheuaulx, & uingt & quatre Elephans: de maniere qu'il estoit aisé à cognoistre à ce grand equippage seulement, qu'il n'alloit pas en intention de remettre Cleonymus en Sparte, ains en deliberation de subiuguer & conquerir pour soymesme tout le païs du Peloponese, s'il eust peu . Car de paroles il le nyoit tresbien aux Lacedemoniens mesmes, qui luy enuoyerent des ambassadeurs ainsi qu'il estoit en la uille de Megalipolis: car il leur dit qu'il estoit uenu au Peloponese pour affranchir les uilles & citez qu'Antigonus y tenoit en seruitude, & que urayment il estoit en uolunté d'enuoyer ses petits enfans à Sparte, moienant qu'on luy permeist, à fin qu'ilz fussent nourris à la discipline Laconique, à fin qu'ilz eussent des leur enfance cest aduantage par dessus tous les autres Roys d'auoir esté biē nourris. Mais en faignāt ces choses, & en abusant ceulx qui uenoiet au deuant de luy sur le chemin, on ne se donna garde qu'il fut dedans le païs de la Laconie, là ou il ne fut pas plus tost entré qu'il commença à courir & piller le plat païs . Et comme les ambassadeurs de Sparte luy reprochassent & se plaignissent de ce qu'il leur faisoit ainsi la guerre sans la leur auoir premierement denoncée, il leur
- D** respondit: Vous n'avez pas nō plus uous mesmes accoustumé d'enuoyer denoncer & signifier ce que uous avez en pensee de faire aux autres. Adonc l'un des ambassadeurs, qui auoit nom Mandricidas, luy repliqua en son langage
- E** Laconique: Si tu es un Dieu, tu ne nous feras point de mal, pource que nous ne t'auons point offensé: & si tu es un homme, tu en trouueras quelqu'un qui uaudra miculx que toy . Depuis il tira droit à Sparte, là ou Cleonymus fut d'aduis, que de primfault il la feit assaillir: mais il ne le uolut pas faire, craignant, comme lon dit, que s'il faisoit donner l'assault de nuit, ses soudards ne saccageassent la uille, & dit qu'il seroit tout à temps de le dōner en plein iour le lendemain, pource qu'il y auoit fort peu de gens dedans la uille, & encore mal prouueuz: car, qui plus est, le Roy mesme Areus n'y estoit pas, ains estoit

Pyrrus.

allé en Candie au secours des Gortyniens, qui auoient la guerre en leur païs: F
mais ce fut ce qui sans doubte sauua la uille d'estre prise, que lon ne fait pas cō-
pte de l'assaillir chaudement, pource que lon estima qu'elle ne fust pas pour
resister, & qu'il n'y eust ame dedans pour la defendre: car Pyrrus se campa de-
uant en ferme opinion qu'il ny trouueroit personne pour le combattre, & les
seruiteurs & amis de Cleonymus y preparerent son logis, comme si pour cer-
tain Pyrrus y eust deu uenir soupper & loger. Mais quand la nuit fut uenue,
les Lacedæmoniens teindrent conseil entre eulx, ou ilz furent d'aduis d'en-
uoyer secrettement leurs femmes & petits enfans en Cádiz: à quoy elles mes-
mes s'opposèrent, & y en eut une entre les autres nommee Archidamia, qui
s'en alla en plein cōseil avec une espee porter la parole au nom des autres Da- G
mes, remonstrant que les hommes leur faisoient grand tort, s'ilz estimoient
qu'elles eussent le cueur si lasche, que de uouloir suruiure apres que Sparte se-
roit destruite: puis fut arresté en ce conseil, que lon tireroit une trēchee à l'op-
posite du camp de l'ennemy, aux deux bouts de laquelle ilz mettroient des
chariots qu'ilz enterreroient iusques à la moitié des rouës, à fin qu'aians ainsi
le pied ferme, ilz peussent arrester les Elephans & les engarder de passer: & cō-
me ilz commenceoient à mettre la main à l'œuure, y suruindrēt les filles & les
femmes, aucunes ceintes par dessus leurs cottes troussées, & les autres toutes
en chemises pour besongner à ceste trenchée avec les hommes uieux, admo-
nestans les ieunes qui deuoient combattre le iour ensuyuant, qu'ilz se reposas- H
sent ce pendant. Si prirent la tierce partie de la trenchée à faire, qui auoit six
couldees de largeur, & quatre de profondeur, & duroit huit cēts pieds de lōg,
ainsi que dit Phylarchus, ou un peu moins cōme dit Hieronymus, puis quand
ce uint au point du iour que les ennemis commencerēt à se remuer pour ue-
nir à l'assault, elles mesmes allerent querir les armes qu'elles meirent entre les
mains des ieunes hommes, & leur rendirent quand & quand la tasche qu'ilz
auoient prise à faire de la trenchée toute faite en les priant de la uouloir uail-
lammēt garder & defendre, leur remonstrans le grād plaisir que cest de uain-
cre les ennemis en combattant à la ueuē de tout son païs, & le grand heur &
grand hōneur qu'il y a à mourir entre les bras de sa mere & de sa femme apres I
auoir fait le deuoir d'homme de bien & digne de la magnanimité de Sparte.
Mais Chelidonide s'estant retiree à part auoit attaché un las courant à son col
tout prest pour se pendre & estrangler de peur de tumber entre les mains de
Cleonymus, si d'aduēture la uille uenoit à estre prise. Pyrrus donques en per-
sonne avec la bataille de ses gens de pied marcha de front cōtre les Spartiates
qui l'attēdoient aussi en bon nombre sur l'autre bord de la trenchée, laquelle
oultre ce qu'elle estoit mal aisee à trauerser, empeschoit les souldards de com-
battre à pied ferme, à cause que la terre freschemēt remuee fondoit sous eulx.
Parquoy Ptolomeus filz de Pyrrus avec deux mille Gaulois & toute l'essite des
Chaoniens, coustoiant le long de la trenchée essaya de passer de l'autre costé K
par l'un des bouts ou estoient les chariots: lesquelz estans fort auant enfoncez
dedans la terre, & entrelassez les uns dedans les autres, empeschoient non seu-
lemēt les assaillans, mais aussi les defendās: toutefois à la fin les Gaulois com-
menceoient ia à deschauffer les rouës de ces chariots & à les tirer dedans la ri-
uiere, quant Acrotatus ieune homme uoiant le danger, s'encourūt à trauers la
uille avec une troupe de trois cēts autres ieunes hommes, & alla enuolopper
Ptolomeus par derriere sans estre apperceu, à cause qu'il alla par chemin creux
&

- A & bas, iufques à ce qu'il uint à les charger par derriere, & les contraignit de tourner uifage deuers luy, en fentreheurtans les uns les autres, & fentrepouffans dedans la trenchee, & deffoubz les chariots en grand deffarroy, tant que finablement à grande peine, & avec grande effufion de fang, ilz furent rembarrez & repoulfez. Or estoient les femmes & les uieillards de l'autre costé de la trenchee, qui uoyoient clairemét à l'œil les grâdes armes que faisoit Acrotatus. Parquoy apres que son execution fut faite, il s'en retourna à trauers la uille, au lieu ou il estoit parauât, tout fouillé de fang, ioyeux & eleué en courage pour la uictoire qu'il uenoit de gagner. Les dames Spartaines le trouuerent plus grand & plus beau que iamais, tellement qu'il n'y eut celle qui ne reputast Chelidonide bien heureufe d'auoir un tel amy: & y eut quelques uns des uieillards qui le fuyuans allerent criant apres luy, Va gétit Acrotatus, be-fongne bien Chelidonide, & engêdre de bons enfans à Sparte. Le combat fut auffi fort aspre à l'endroit ou estoit Pyrrus, & y eut plusieurs Spartains qui y combattirent fort uaillamment: mais entre les autres un nommé Phyllius, apres auoir fait teste longuement & tué de fa main plusieurs des ennemis qui s'efforceoient de passer la trenchee, quand il sentit que le cueur luy defailloit pour le grand nombre des bleceures qu'il auoit, il appella l'un de ceulx qui estoient au renc de derriere luy, & luy cedant fa place, alla tumber tout roide mort entre les armes des fiens, à fin q̄ les ennemis ne peussent auoir son corps.
- C A la fin le combat aiât duré toute la iournee, la nuit suruint qui les separa, & Pyrrus estant couché en son liêt, en dormant eut une telle uifion: Il luy fut aduis qu'il frapport de la fouldre la uille de Lacedemone & la brusloit toute, dôt il estoit si ioyeux, que la ioye l'en efucilla. Parquoy efucillé qu'il fut, il cōmanda à ses capitaines, qu'ilz teinsent leurs gens tous prefts pour recommencer l'affault, & racompta à ses familiers son fonge, estimant que cela luy predisoit que sans point de doubte il prendroit la uille d'affault. A quoy tous les autres assistans s'accordoient merueilleusement, excepté un nômé Lyfimachus, qui au contraire disoit, que ceste uifion ne luy plaisoit point, pource que les lieux frappez de la foudre sont sacrez, & est defendu d'y entrer: à raison dequoy il
- D auoit auffi peur, que les Dieux ne luy signifiasent, qu'il n'entreroit point dedans la uille de Sparte. Pyrrus luy respondit: Cela, dit il, sont propos pour entretenir une commune, là ou il n'y a fondement quelcôque. Mais au contraire il fault, que chascun prenant les armes en main se propose ceste sentéce deuant les yeux,

I l n'est meilleur presage, que de prendre

A rmes en main pour son maistre defendre.

- faisant allusion aux uers d'Homere, ou il y a, pour son païs defendre. En disant cela, il se leua, & des la poïte du iour mena son armee à l'affault. De l'autre costé auffi les Lacedæmoniens d'une hardieffe & magnanimité plus grande que leurs forces, feirent merueilleux deuoir de se defendre, aians leur femmes aupres d'eux, qui leur tendoient les bastons, dont ilz cōbattoient, & bailloient à boire & à mâger à ceulx qui en auoiét besoing, & retiroient ceulx qui estoient blecez pour les penser. Les Macedoniens auffi de leur costé faisoient tout ce qu'ilz pouuoient pour combler la trenchee avec force bois, & autre matiere, qu'ilz iettoient par dessus les corps morts & les armes estans au fond du fossé: & à l'opposite les Lacedæmoniens faisoient auffi tout leur effort pour l'empescher: mais en ces entrefaittes on apperceut Pyrrus à cheual, qui aiant ia passé
- E

Pyrrus.

la trenchée & le rempar des chariots, s'efforceoit d'entrer en la uille. Ceulx qui estoient ordōnez à la defense de cest endroit là, s'escrierent incontinent, & les femmes se prirent à courir, & à crier cōme si tout eust esté perdu: & cōme il passoit desia'oultre, renuersant à coups de main ceulx qu'il trouuoit en teste deuant luy, il luy fut tiré un coup de trait Candiot, qui donna droit à trauers les flancs de son cheual, lequel pour la douleur qu'il sentit, saulta hors de la presse, & en mourant l'emporta & le uersa sur le pendant d'un coustau fort droit, & ou il estoit en grand danger de tumber du hault en bas. Cela effroya les seruiteurs & amis qu'il auoit autour de luy, & quand & quand les Lacedemoniēs les aduisans en cest effroy, coururent incontinēt celle part, & à coups de trait les repoulerent & rechasserent tous au dehors de la trenchée. Parquoy depuis ceste retraite Pyrrus feit par tout ailleurs cesser aussi l'assault, esperant que les Lacedemoniēs à la fin se redroient, attēdu qu'il y en auoit eu en ces deux iours beaucoup de tuez, & les autres presque tous blecez: mais la bōne fortune de la uille, soit qu'elle uoulust en soy mesme esprouuer la uertu des habitans, ou biē mōstrer cōbien elle a de puissance es cas desesperez des affaires du mōde, sur le poinct que les Lacedemoniens cōmenccoient à auoir mauuaise esperance de leur faict, feit uenir de Corinthe Aminias Phociē l'un des capitaines d'Antigonus avec bonne troupe de gēs de guerre, & le meit dedans la uille pour la secourir: & puis il ne fut pas plustost entré que leur Roy Areus y arriua aussi d'un autre costé, uenant de Candie, dont il ramenoit quand & luy deux mille combattans. Adōc les femmes se retirerēt en leurs maisons, faisans leur cōpte qu'il n'estoit plus besoing qu'elles s'empeschassent des affaires de la guerre. Aussi donna lon congé de s'en aller reposer aux hommes uieux, qui pour la necessité auoient esté contraincts de prēdre encore les armes oultre les forces de leur aage, & se rengerēt les nouueaux uenus au lieu d'eulx en bataille. Pyrrus entendāt ce secours s'opiniastra, & s'efforcea encore plus que iamais pour rascher à les emporter d'assault: toutefois à la fin quād il eut cogneu à ses despens qu'il n'y gaignoit rien que des coups, il s'en deporta, & alla piller & gaster tout le plat païs, delibérant y passer son hyuer: mais il ne peut euitier sa destinee, car il se leua en la uille d'Argos une sedition entre deux des principaulx citoiens, Aristéas & Aristippus, & pource qu'il sembla à Aristéas, que le Roy Antigonus fauorisoit son aduersaire, se hasta d'enuoyer le premier deuers Pyrrus, lequel estant de telle nature, qu'il amassoit & enueloppoit continuellement esperances sur esperances, en prenāt tousiours les prosperitez qui luy aduenoient pour occasion d'en esperer de plus grandes, & si d'adventure il perdoit uoulant se recouurer, & remplir ses pertes par autres nouuelles entreprises: de maniere que pour estre ne uaincu ne uainqueur, il ne pouuoit iamais reposer qu'il ne trauaillast tousiours quelqu'un, & qu'il ne fust aussi luy mesme trauaillé, se partit incontinēt pour s'en aller en Argos: mais Areus luy aiāt dressé embusches en plusieurs lieux, & aiāt occupé les plus malaisez passages par ou il auoit à passer, chargea sur les Gaulois & Molossies, qui estoient à la cueuē de son armee. Or auoit il esté ce iour là predict à Pyrrus par son deuin, qui auoit trouué en sacrifiant le foye defectueux de l'hostie immolee, que cela luy denonceoit la perte de quelqu'un de ceulx qui luy tenoient de plus pres: mais sur le poinct qu'il ouit le bruit de la charge, il ne pensa point à la prediction de son deuin, & cōmanda à son filz qu'il y allast avec les gens de sa maison, & luy ce pendant à la plus grāde haste qu'il peut, feit marcher le demou-

- A** rant de son armee pour la tirer uistemét hors de ce mauuais pas . Si fut la meslee fort aspre à l'entour de Ptolomæus: car c'estoiet tous les meilleurs hommes des Lacedæmoniens à qui il auoit affaire, conduicts par un uaillant capitaine nommé Eualcus : mais ainsi comme il combattoit fort courageusement cōtre ceulx qu'il auoit en teste, il y eut un soudard Candiot nommé Oræsus natif de la uille d'Aptera, hōme prompt à la main, & léger du pied, qui en courant au long de luy, luy donna un coup dedans le flanc dont il le porta mort par terre . Ce prince abbattu, toute sa troupe se prit incontinent à foudrir, & les Lacedæmoniens à les poursuiure si chaudement, qu'ilz ne se donnerent garde qu'ilz se trouuerent en pleine campagne bien fort esloignez de leurs gens de pied : parquoy Pyrrus qui uenoit tout à l'heure d'ouir la mort de son filz, passionné d'ire & de douleur, tourna tout court cōtre eulx avec ses hommes d'armes Molossiens, & donnant le premier dedans, en fit une merueilleuse boucherie . Car combien que par tout ailleurs il fust terrible, & inuincible aiant les armes au poing, il fit neantmoins alors plus grāde preuue de sa prouesse, force & hardiesse que iamais il n'auoit fait auparauant : & comme il eust lancé son cheual contre Eualcus, il se ietta à costé, & quand & quand luy tira un coup d'espee, duquel il faillit à luy couper la main dōt il tenoit la bride, mais il n'assena que les renes qu'il couppa: & Pyrrus tout aussitost luy tira un coup de iaueline, dont il le percea d'oultre en oultre à trauers le corps, & mettant
- C** pied à terre tailla en pieces toute celle troupe de Lacedæmoniens, tous hommes choisis à l'entour du corps d'Eualcus. Ainsi fut l'ambirion des capitaines cause de celle perte à leur pais pour neant, attendu que la guerre contre eulx estoit finie : mais Pyrrus aiant, par maniere de dire, fait sacrifice de ces pauures Lacedæmoniës à l'ame de son filz, & faict ce merueilleux combat pour honorer ses funerailles, en conuertissant grande partie de la douleur de sa mort en ire & courroux cōtre les ennemis, tira puis apres oultre le droit chemin d'Argos. Et entendant comme Antigonus auoit desia saisi les coustaux qui sont au-dessus de la plaine, il se logea pres la uille de Nauplia, & le lendemain enuoya un herault deuers Antigonus, par lequel il luy fit dire outrage, en l'appellāt meschant, & le desfia à descendre en la plaine pour combattre à qui d'eulx demoureroit Roy. Antigonus luy fit responce, qu'il faisoit la guerre autāt avec le temps, comme avec les armes, & au demourant, que si Pyrrus se fasoit de uiure, il auoit assez de chemins ouuerts pour aller à la mort . Ceulx d'Argos enuoyerent aussi ambassadeurs deuers l'un & l'autre, les prier qu'ilz se retirassent, attendu qu'ilz sçauoient bien qu'ilz n'auoient que ueoir sur la uille d'Argos, & qu'ilz la laissassent neutre & amie de tous les deux . Antigonus sy accorda & leur bailla son filz pour ostage: & Pyrrus promet bien qu'il le feroit aussi, mais pource qu'il ne donnoit point de caution & d'assurance de ce faire, on se deffoit plus de luy . Si aduindrent lors plusieurs grāds & merueilleux
- E** presages, tant à Pyrrus cōme aux Argiens. Car aiant Pyrrus sacrifié des bœufs, les testes toutes coupees & separees des corps tirerēt les langues dehors, & lecherent leur propre sang, & dedans la uille d'Argos la religieuse du tēple d'Apollo Lyccien nommee Apollonide, s'en courut parmy les rues, criant qu'elle ueoit la uille toute pleine de meurtre & de sang espendu, & un aigle qui uenoit à la meslee, mais qu'elle s'esuanouissoit incōtinent, & ne sçauoit on qu'elle deuenoit . Si arriua Pyrrus ioignant les murailles d'Argos qu'il estoit ia nuict toute noire, & trouuant la porte que lon appelle Diampères ouuerte par

Pyrrus.

Aristeas, meit dedans ses Gaulois, lesquelz se faisièrent de la place avant que
ceulx de la uille en sentissent rien: mais pour autāt que la porte se trouua trop
basse pour passer les Elephās avec leurs tours sur le dos, il les leur fallut oster,
& puis quand ilz furent au dedans les remettre en tenebres & en tumulte, à
quoy il se perdit du temps beaucoup, de maniere que ceulx de la uille à la fin
s'en apperceurent, qui s'en coururent incontinent au chasteau de l'Aspide &
autres endroits forts de la uille: mais quand & quand ilz enuoyerent en dili-
gence deuers Antigonus, le prier qu'il les uint secourir: ce qu'il feit: & arriué
qu'il fut ioignant les murailles, il demoura dehors aux escoutes, & ce pendāt
enuoya son filz avec ses principaulx capitaines dedans, qui menoiēt un bon
& gros nombre de gens de guerre. Au mesme temps y arriua aussi Areus Roy
de Sparte avec mille Candiots, & les plus dispos Spartiates, lesquelz tous en-
semble uenans à charger les Gaulois qui estoient sur la place, les meirent en
grand trouble & en grand effroy: & Pyrrus entrant par le quartier qui s'appel-
le Cylabaris avec grands cris & fieres clameurs, quand il entēdit que les Gau-
lois ne luy respondoient point fermement ny audacieusement, il se doubta
bien incontinent que c'estoit la uoix de gens pressez, & qui auoiēt beaucoup
d'affaires, au moien dequoy il se uoulut haster de les aller secourir, poulsant
les gens de cheual qui marchoiēt deuant luy à grande peine & à grand dan-
ger, à cause des trous des esgouts soubterrains, & des conduits d'eaux, dont
la uille est toute pleine. Si y auoit une grāde cōfusion comme lon peult ima-
giner en un combat de nuit, là ou personne ne ueoit ce qu'il auoit à faire, ny
n'entendoit pour le grand bruit ce que lon commandoit, & fescartāt on, en
fescartāt les uns des autres parmy les rues, ny ne pouuoient les capitaines rien
ordonner à leurs gens, tant pour l'obscurité de la nuit, comme pour la con-
fusion du tumulte qui estoit par toute la uille, & pource que les rues estoient
fort estroittes, à raison dequoy demouroient les uns & les autres sans rien fai-
re, attendans q̄ le iour fust uenu, à la poincte duquel Pyrrus aduifa le chasteau
de l'Aspide tout plein des armes de ses ennemis: & d'auantage, soudain qu'il
fut entré iusques sur la place, entre plusieurs autres beaux ouurages publics
qui y estoient pour ornemēt du lieu, il apperceut les images d'un loup & d'un
taureau de cuyure, qui cōbattoient ensemble. Ceste récontre l'estōna, pource
que sur l'heure il luy souuint d'une prophetie, qui autrefois luy auoit esté res-
pondue, que la destinee de sa mort seroit uenue lors qu'il uerroit un loup &
un taureau cōbattre l'un contre l'autre. Si cōptent les Argiens que ces images
ont esté mises sur leur place pour memoire d'un accident qui iadis aduint en
leur pais, pource que quād Danaus y entra premieremēt par le chemin q̄ s'appel-
le Pyramia, comme qui diroit terres à bledz, en la cōtrée Thyreatide, il ré-
contra en sa uoie un loup qui combattoit contre un taureau, si s'arresta pour
ueoir qu'elle seroit l'issue de leur combat, prenant le cas & supposant en soy-
mesme que le loup fust de son costé, pource qu'estant estranger comme luy, il
uenoit courir sus aux naturelz habitans du pais. Le loup demoura finablemēt
vainqueur: parquoy Danaus faisant sa priere à Apollo Lycien, poursuuiuit son
entreprise, & feit si biē qu'il chassa d'Argos Gelanor, qui pour lors estoit Roy
des Argiēs. Voila pourquoy lon dit que ces images du loup & du taureau ont
esté mises sur la place d'Argos. Pyrrus donques se sentāt tout descouragé pour
les auoir ueuës, & aussi pource que riē de ce qu'il auoit esperé ne luy succedoit
à bien, pensa de se retirer: & pourautant qu'il craignoit les portes de la uille

- A** qui estoient trop estroittes, il enuoya deuers son filz Helenus, qu'il auoit laissé hors la uille avec la plus grande partie de son armee, luy mandât qu'il demolist un pan de la muraille par ou ses gens peussent plus commodement sortir, & qu'il les recueuillist si d'adventure les ennemis leur donnoient de l'affaire au sortir: mais celuy qu'il y enuoya fut si hastif & si estourdy, avec ce que le tumulte l'empeschoit, qu'il n'entédit pas bien ce que Pyrrus luy dit, ains fit son rapport tout au cōtraire. Au moien dequoy le ieune prince Helenus prenant avec luy les meilleurs combattans qu'il eust & le reste des Elephans, entra dedans la uille pour aller secourir son pere, lequel comméceoit desia à se retirer: & tant que la largeur de la place luy donna espace de combattre à son aise, en
- B** se retirant il repoulsa tresbien ceulx qui luy couroient sus, en leur monstrant uisage par boutées: mais quand il fut rengé dedans la rue qui alloit de la place à la porte de la uille, il s'embarraffa dedans ses gens mesmes, qui luy uenoient à l'encontre de deuers la porte pour le cuider secourir: mais ilz n'entendoient pas pour le bruit ce qu'il leur crioit qu'ilz reculassent en arriere, & quand bien les premiers l'eussent entendu, & uoulu faire, ceulx de derriere qui se couloient tousiours dedas à la foule, les en eussent empeschez, avec ce que le plus grand des Elephans, par cas d'adventure estoit cheut de trauers tout au beau milieu de la porte, ou il bramoit & empeschoit de sortir ceulx qui uoloient reculer en arriere. Vn autre de ceulx qui estoient deuant entrez au dedans de
- C** la uille, nommé Nicon, qui uault autant à dire comme uictorieux, cherchant son gouuerneur, lequel auoit esté abbattu en terre de dessus luy à force de coups, se rua contre ceulx qui reculoient sur luy, renuersant amis & ennemis pêle melle, iusques à ce que aiant trouué le corps de son maistre mort, il l'enleua de terre avec sa trompe, & le portant dessus ses deux dents, s'en retourna arriere comme furieux, foulât aux piedz tout ce qu'il trouuoit en son chemin. Parquoy estans ainsi serrez & pressez les uns contre les autres, il n'y auoit personne qui se peust aider à par foy: car il sembloit que ce fust une seule masse de toute la multitude, & un seul corps cloué ensemble, qui tantost poulsa en auant, & tantost recula en arriere, si ne combattoient gueres cōtre les ennemis
- D** qui les arrestoient à tous coups & leur donnoient sur la cueuë, ains se faisoient entre eulx mesmes plus de mal que ne leur en faisoient les ennemis: car si quelqu'un desguainnoit l'espee ou baissoit la picque, il ne pouuoit plus rengainner ny releuer sa picque, ains en donoit à quelqu'un de ses gens mesmes qui se rencontroit à l'endroit, & se tuoient en s'entrecheurtant ainsi les uns les autres. Parquoy Pyrrus uoiant ce trouble & ceste tourmête de ses gens, osta la couronne qu'il auoit dessus son armet, laquelle le faisoit paroïr de loing entre les autres, & la donna à l'un de ses familiers qui se trouua le plus pres de luy, & se fiât en la bōré de son cheual, se ietta sur les ennemis qui le poursuyuoiet: si y en eut un qui luy donna un coup de iaueline, lequel passa à trauers sa cuirasse, toutefois la bleceure n'en fut pas dangereuse ny grande avec. Parquoy il s'adressa à celuy qui luy auoit tiré le coup, qui estoit un Argien, homme de petite qualité, & filz d'une pauvre uieille femme, laquelle à l'heure mesme estoit mōtee sur les couuertes des maisons, comme toutes les autres femmes de la uille, pour ueoir le combat, & apperceuant que c'estoit son filz que Pyrrus uoloit chocquer, elle eut si grande frayeur de le ueoir en ce peril, qu'elle prit à deux mains une tuyle & la ietta dessus Pyrrus: la tuyle tumbant au long de la teste à la faulte de l'armet, luy donna droit sur le chaignon du col, &

luy en brisa les iointures, dont il luy prit soudain une pasmoison telle, qu'il F
 en perdit la ueuë sur l'heure: les renes luy cheurent des mains: & luy tumba
 de dessus son cheual en terre, ioignât la sepulture de Licymnius, sans que lon
 sceust qui il estoit, au moins la cômune, iusques à ce qu'un Zopyrus qui estoit
 à la soude d'Antigonus, & deux ou trois autres soudars accoururent uistement
 celle part, & l'ayant recogneu le trainnerent au dedans d'une porte ainsi qu'il
 commenceoit à se reuenir de la pasmoison. Si desguainna ce Zopyrus une es-
 pee esclauône qu'il portoit pour luy en couper la teste: mais Pyrrus le regar-
 da entre deux yeux d'un regard si terrible, qu'il l'effroya, & luy feit tellement
 trembler la main de peur, que en ce trouble & cest effroy, il ne luy donna pas
 droit ou il falloit pour luy couper le col, ains l'assena au dessous de la bou- G
 che à l'endroit du méton, de sorte qu'il demoura long temps à luy acheuer de
 trancher la teste. Le cas fut incontînét sceu de plusieurs: parquoy Alcyoneus
 y courât en demâda la teste, cômme pour la recognoistre: mais aussi tost qu'il la
 teint, il s'en courut deuers son pere, qu'il trouua deuissant avec quelques siens
 familiers, & luy ietta deuant luy la teste. Antigonus l'ayant regardee & reco-
 gneue, chassa son filz à coups de bastô en l'appellant cruel meurtrier & barba-
 re inhumain, & se couurant les yeux du bout de son manteau, se prit à plorer
 par compassion, en se souuenant de la fortune de son ayeul Antigonus & de
 son pere Demetrius, puis feit honorablement brusler & inhumer la teste & le
 corps de Pyrrus. Depuis Alcyoneus rencontra son filz Helenus en bien pau- H
 ure estat, affublé d'un petit manteau simple, & le recueuillant humainement
 avec paroles doulces & gracieuses, le mena deuers son pere. Quoy uoiant An-
 tigonus, luy dit: Cest acte, mon filz, uault mieulx, & me plaist plus que le pre-
 mier: mais encore n'as tu pas faict du tout comme tu deuois, en ce que tu n'as
 pas osté à Helenus ce meschant mâteau qu'il a sur les espauls, lequel fait plus
 de honte à nous qui auons gaigné, qu'à luy qui a perdu. Ces paroles dittes, il
 embrassa Helenus, & l'ayant remis en honeste equippage, le renuoya en son
 royaume d'Epire, & au demourant s'estant saisy du camp & de l'armee entiere
 de Pyrrus, il traita humainement tous ses seruiteurs & amis.

Caius Marius.



N ne sçait quel estoit le troisieme nom de Caius Ma-
 rius, non plus que de Quintus Sertorius, qui teint un
 temps les Hespagnes en sa main, ny de Lucius Mum-
 mius celuy qui destruisit la uille de Corinthe: car ce
 nom de Achaicus q fut doné à Mummius, & de Afri-
 canus à Scipion, & de Numidicus à Metellus, estoient
 tous furnoms qui leur auoient esté imposez, à raison K
 des conquestes par eulx faictes. C'est un argument par
 lequel Posidonius cuide bien conuaincre ceulx qui
 disent que le troisieme nom des Romains est leur propre nom, cômme Camillus
 Marcellus Caton: car si ainsi estoit, ce dit il, il s'enfuyuroit que ceulx qui n'ont
 que deux noms n'en auroiēt point de propre: mais d'un autre costé aussi, il ne
 s'aduise pas, que par ceste mesme raison il faudroit dire, que les femmes n'au-
 roient point de noms: car il n'y a pas une femme Romaine qui ait le premier

A nom, que Posidonius estime estre le propre des Romains: & q̄ des autres deux, l'un soit le nom commun de toute la famille, comme des Pompeiens, des Mâliens, des Cornéliens, ne plus ne moins que sont entre les Grecs les Heraclides, & les Pelopides: & l'autre soit un surnom pris & imposé des faicts, ou de la nature, ou de la forme & figure du corps, ou de quelque autre semblable accident, cōme sont ces surnoms, Macrinus, Torquatus, Sylla: tout ainsi qu'entre les Grecs, Mnemon, qui signifie aiant bone memoire: Grypos, c'est à dire, aiant nez aquilin: Callinicos, uictorieux: mais quant à cela la diuersité de l'usage donneroit assez matiere de faire des oppositions au contraire qui uoudroit.

B Au demourant, quant à la forme du uisage de Marius, nous auons ueu une siene image de marbre qui est à Rauenne, uille de la Gaule, laquelle represente fort naïfvement celle rigueur & austerité de nature & de meurs que lon dit auoir esté en luy: car estant né robuste de sa personne, enclin aux armes, & aiant esté nourry à la guerre en discipline militaire plus que es ciuilitéz de la uille, quand il uint à auoir autorité il ne peut pas retenir ny moderer son courroux. Et dit on qu'il n'apprit iamais les lettres Grecques, & qu'il ne se seruit iamais de celle langue en affaire quelconque de consequence, comme si c'eust esté chose digne de mocquerie, que se traouiller pour apprendre une langue dont les maistres estoient en seruitude d'autrui: & apres son secōd triumphe, il feit un iour à la dedicasse de quelque temple, iouer des ieux

C à la Grecque pour donner passetemps au peuple Romain, & entra dedans le theatre, mais il ne feit que s'asseoir seulement, & en sortit tout incontinent. Parquoy il me semble, que comme Platon souloit dire souuent au philosophe Xenocrates, qui estoit d'une nature reuesche, chagrine & par trop seuer: O Xenocrates mon amy, ie te prie sacrifie aux Graces: aussi si quelqu'un eust peu persuader à Marius qu'il eust sacrifié aux Muses & aux Graces Grecques, c'est à dire, qu'il eust appris les lettres & les sciēces des Grecs, il n'eust pas adiouxte à tant de haults & glorieux faicts de paix & de guerre, une si laide & si malheureuse fin cōme il feit, par une cholere & une ambitiõ importune en tel aage, & par une auarice insatiable, qui cōme uents impetueux le ietterēt en une uieillesse sanglāte, cruelle & inhumaine. Ce que lon pourra bien prōptement cognoistre en lisant le discours de ses faicts. Premièrement il estoit de fort petit lieu, né de pere & mere pauures, qui gaignoiēt leur uie à la sueur de leur corps. Son pere auoit nom comme luy, & sa mere s'appelloit Fulcinia. Cela fut cause qu'il commença bien tard à hanter en la uille & à gōuster les façons de faire de Rome, se tenant tout le reste du temps au parauant en un petit uillage qui s'appelloit Cirræaton, dedans le territoire de la uille d'Arpos, là ou il menoit une uie qui estoit bien dure & champestre, à comparaison de la ciuilité & elegance de ceux qui uiuoient dedans les uilles: mais audemourant bien reformee & plus semblable aux meurs des anciens Romains. Le premier uoyage

E qu'il feit à la guerre, fut contre les Celtiberiens en Hespagne, soubz Scipion l'Africain, quand il alla assieger la uille de Numance: là ou ces capitaines en peu de temps apperceurēt bien qu'il estoit plus homme de guerre, que nul autre de ces compagnons: car il receut fort aiseement la reformation des meurs & de la discipline militaire, que Scipion remeit sus entre les gens de guerre, qui parauant estoient tous desordonnez & corrompus de uoluptez & de delices. Et si dit on que à la ueuē de son capitaine il combattit teste à teste contre un des ennemis & le desfeit: à raison de quoy, Scipion pour le rendre affectiõ-

Caius Marius.

né en son endroit, luy faisoit plusieurs autres honneurs & faueurs : & mesme-
ment un iour l'ayant fait soupper avec luy à sa table, comme quelqu'un après
le soupper eust mis en auant un propos, touchant les capitaines qui estoient
pour lors à Rome, il y eut un des assistants qui demanda à Scipion, fust ou
pource que ueritablemēt il en doubtaist, ou qu'il uoulust en cela flatter Scipio,
quel autre capitaine pareil à luy auroit le peuple Romain apres son deces. Sci-
pion aiant Marius au dessus de luy, luy frappa tout doucement sur l'espaule
& respondit, A l'aduenture sera ce cestui cy. Tant estoit l'un de ces deux per-
sonnages bien né, pour apparoir des sa ieunesse qu'il seroit un iour grand : &
l'autre, pour sagement coniecturer quelle seroit la fin par en ueoir le comen-
cement. Tant y a que ceste parole, plus que nulle autre chose, à ce que lon dit, G
eleua Marius en bonne esperance, ne plus ne moins que si c'eust esté l'oracle
de quelque Dieu, & luy donna cueur de se ietter aux affaires de la chose publi-
que : là ou par le moien du port & de la faueur que luy feit Cecilius Metellus,
la maison duquel son pere & luy auoient de tout temps suyue & honorée, il
obtint l'office de Tribun du peuple. Et en ce Tribunat il meit en auant une loy
touchant la maniere de donner les uoix & suffrages aux elections des magi-
strats, laquelle sembloit oster aux nobles l'autorité qu'ilz auoient es iugemens :
& pourtant le Consul Cotta se formalisa alencontre, & persuada au Senat de
s'opposer à ceste loy, & empescher qu'elle ne fust autorisée, & quād & quand
de faire appeller Marius deuant eulx pour leur rendre raison de son fait. La H
conclusion fut ainsi prise & arrestee au Senat, & Marius y entrant ne seston-
na point, comme eust peu faire un autre ieune homme qui n'eust encore fait
que commencer à uenir au mode, sans auoir autre qualité notable que sa uer-
tu qui le recommandast, ains prenant de foy mesme telle assurance, que luy
donnerent les haults faits qu'il executa depuis, il menassa publiquement le
Cōsul de le faire mener en prison, si il ne faisoit tout sur l'heure effacer la con-
clusion qu'il auoit fait arrester. Le Consul adonc se tourna deuers Cecilius
Metellus, & luy en demanda son aduis, lequel se dressant en pieds parla en la
defense du Consul : & l'ors Marius appellāt de dehors un sergent, luy cōman-
da qu'il faist Metellus luy mesme pour le mener en prison. Metellus en ap-
pella deuant les autres Tribuns, mais il n'y en eut pas un qui prist la cause pour
luy, tellement que le Senat apres tout fut contrainct de faire effacer & reuo-
quer la conclusion qui auoit esté prise : & lors Marius retournant en grand
honneur sur la place, en l'assemblée du peuple, fait passer & autoriser sa loy :
& prit on opinion de luy qu'il seroit homme roide, qui ne fleschiroit iamais
pour crainte, ny ne ployeroit point de honte, ains feroit teste au Senat en fa-
ueur du peuple. Toutefois il effaça bien tost ceste opinion par un autre acte
qu'il feit : car comme quelque autre eust proposé une loy pour faire gratuite-
mēt, sans rien paier, distribuer du bled à chasque citoien, il sy opposa fort roi-
dement, & le gaigna : de maniere qu'il uint à estre également honoré & esti-
mé de l'une & de l'autre partie, comme celuy qui ne uouloit gratifier ny aux
uns ny aux autres, au preiudice du bien de la chose publique. Apres le Tribu-
nat il poursuyuit l'office de l'Ædilité, celle qui est la plus honorable & la plus
grande : car il y a deux Ædilitez, l'une qui s'appelle Ædilitas Curulis, ainsi nō-
mée à cause de certaines chaires q ont les piedz courbes, sur lesquelles ilz seiēt
quand ilz donnent audience : l'autre est de moindre dignité, & l'appelle lon
Ædilitas Popularis : & quand on a eleu ces premiers grands Ædiles à Rome,

A tout sur le champ on procede aussi le mesme iour à l'election des moindres. Marius donques cognoissant euidentement qu'il s'en alloit forclos & debouté de la premiere, se tourna incontinent à demander au moins la seconde: ce qui ne fut pas trouué bon; ains l'en estima lon homme presumptueux, opiniastre, & audacieux: de sorte que en un mesme iour il souffrit deux refus, ce que iamais homme n'auoit faict au parauant: & neantmoins pour tout cela il ne rabaisa rien de son courage, ains peu de temps apres il demanda aussi la Præture, & s'en fallut bié peu qu'il n'en fust debouté: encore à la fin aiant esté eleu tout le dernier, il fut accusé d'auoir corrompu & achepté les uoix du peuple par argent: dequoy donnoit grande presumption, entre autres arguments, ce

B que lon auoit ueu un ualet de Calsius Sabacon, au dedans du pourpris ou se faict l'election, allant & uenant parmy ceux qui donnoient leurs uoix, pource que cestuy Sabacon estoit grand amy de Marius: si en fut appellé deuant les iuges, qui l'interrogerent sur ce faict: à quoy il respondit, que pour la grande chaleur qu'il faisoit, il auoit eu soif, & auoit demandé de l'eau fresche à boire, & que ce ualet luy en auoit apporté dedás un pot iusques là ou il l'estoit, mais qu'il en estoit sorty tout aussi tost cōme il eut beu. Cestuy Sabacon fut depuis osté du Senat par les pchains Céseurs, & estima lō qu'il l'auoit bié meritē ceste note d'infamie, ou pour s'estre pariuré en iugement, ou pour auoir esté si subiect à son plaisir. Caius Herennius fut aussi appellé pour porter tesmoignage

C alēcōtre de Marius, mais il allegua pour son essoine, q̄ la loy & coustume dispēsoit le patron de porter tesmoignage alencōtre de son suyuāt ou adherēt, & en fut absouls par les iuges: car les Romains appellēt Patrons ceux qui prenēt en main la p̄tection des moindres qu'eulx, disans q̄ les p̄decesseurs de Marius, & Marius luy mesme, auoient tousiours esté depēdans de la maison des Herēniens. Les iuges receurent & approuerēt ces excuses, mais Marius sy opposa, alleguāt que depuis qu'il auoit eu cest honneur que de tenir office de la chose publique, il estoit sorty de ceste bassesse de condition, d'estre plus suyuant ne dependāt de personne, ce qui n'estoit pas du tout ueritable: car tout magistrat n'exempte pas celuy qui le tient, ny sa race aussi, de demourer soubz le patron-

D nage d'autrui, ny ne les deliure pas de l'obligation de les honorer, ains fault necessairemēt que ce soit un magistrat à qui la loy permette de seoir en chaire Curule, comme ilz l'appellēt, c'est à dire, qui se porte sur un chariot par la uille. Mais encore que es premiers iours que la cause fut plaidee, l'affaire de Marius allast mal, & que les iuges luy fussent rudes & cōtraires, à la fin toutefois au dernier iour il fut absouls à pur & à plein contre l'opinion de tout le monde, par ce que les sentences des iuges se trouuerent en nombre pareil autant pour que contre luy. Si se porta assez honestemēt en l'exercice de cest estat de Præture, & apres l'an reuolu, quand ce uint à departir les prouinces au sort, il luy escheut l'Hespagne qui est au dela de la riuiera de Betis: là ou lon dit qu'il

E nettoya de brigands & de larrons tout le païs, lequel estoit encore fort farouche & sauuage pour les barbares & brutales meurs & façons de faire des habitants d'iceluy: car les Hespagnolz estimoient encore lors, que c'estoit une belle chose que uiure de brigandage. A son retour de ceste prouince à Rome, quād il se uoulut entremettre des affaires, il trouua qu'il n'auoit ny eloquence ny richesse, qui estoient les deux moiens, par lesquelz ceulx qui estoient lors en credit menoient le peuple à leur uolunté: toutefois si faisoit on compte de la fermeté de courage que lon apperceuoit en luy, de sa persenerance au travail,

Caius Marius.

& de la simplicité de son uiure, qui estoient causes de le faire honorer & auancer, tellement qu'il fut fort hautement marié: car il espousa Iulia, qui estoit de la noble & illustre maison des Cæsars, de laquelle fut nepueu Iulius Cæsar, qui depuis a esté le premier homme des Romains, & qui pour l'alliance & affinité qui estoit entre eulx, sembloit en quelque chose imiter Marius, ainsi comme nous auons escrit en sa uie. Marius donques fut homme de grande continence, & quand & quand de grande patience, comme lon peut iuger par un acte qu'il feit, s'estant mis entre les mains des Chirurgiens: car il auoit les cuisses & les iâbes pleines de grosses ueines eslargies, & s'en faschant pource que c'estoit chose laide à ueoir, il resolut de se mettre entre les mains des medecins pour se faire penser: si bailla l'une de ses iambes au Chirurgien pour y besongner, sans uouloir estre lié, cōme lon a accoustumé de faire en cas semblable, & endura patiemment toutes les extremes anguisses de douleur qu'il estoit force qu'il sentist quand on l'incisoit, sans remuer, sans gemir, ny soupirer, avec un uisage constant & assuré, sans iamais dire un seul mot: mais quand le Chirurgien aiant fait à la premiere cuisse uoulut aller à l'autre, il ne la luy uoulut pas bail-
ler, disant, Je uoy que l'amédemēt ne uault pas la douleur qu'il en fault endurer. Depuis Cecilius Metellus Cōsul, estāt designé pour aller en Afrique faire la guerre au Roy Iugurtha, il y mena quād & luy Marius pour l'un de ses lieutenans, là ou Marius uoiant qu'il y auoit matiere de faire de belles choses & de bien monstrier sa prouesse, il ne se proposa point pour son but en ce uoyage l'augmentation de l'honneur & de la reputation de Metellus, comme faisoient les autres lieutenans, & pensa que ce n'estoit point Metellus qui l'auoit appelé là pour son lieutenant, ains que c'estoit la fortune mesme qui luy presentoit une occasion fort à propos pour s'aggrandir, & par maniere de dire, le conduisoit par la main en un tresbeau champ, pour y faire ueoir ce qu'il scauoit faire: & à ceste cause s'esuertua d'y monstrier toutes les preuues qu'il est possible de prouesse & de ualeur. Car y aiant tousiours beaucoup d'affaires & beaucoup de difficultez en la guerre, iamais il ne refout par crainte pas une couruee pour dâger ou peine qu'il y eust, ny n'en desdaigna aussi pas une pour petite qu'elle fust, ains surmontant ses egaulx & compagnons en bon sens & prouoyance de ce qui estoit expedient à faire, & estriuant alencontre des priuez soudards en simplicité de uiure, & en souffrance de labeur, il en alloit acquerant la bonne grace & bienueillance d'un chascun. Car, à dire la uerité, aussi est ce un grand reconfort à ceulx qui trauaillent, que d'auoir des compagnons qui trauaillent uoluntairement quand & eulx, pource qu'il leur semble que cela, ie ne sçay comment leur oste la contrainte & la necessité: & est une chose qui plaist merueilleusement au soudard Romain, que de ueoir son capitaine mangeant publiquement en ueuē de tout le monde de mesme pain que luy, ou prenant son repos sur quelque meschante paillasse, ou mettant luy mesme le premier la main à la besongne, quand il est question de tirer une trenchee, ou de remparer & fortifier le camp: car ilz n'estiment pas tant les capitaines qui les honorent ne qui leur donnent, comme ilz font ceulx qui trauaillent, & qui s'exposent aux dangers de la guerre quand & eulx: & y a bien d'auantage, qu'ilz aiment plus ceulx qui trauaillent avec eulx, que ceulx qui leur permettent de demourer en oyssiueté. Marius donques faisant tout cela, & gagnant par ce moien la bonne grace des soudards, emplit incontinent toute la Libye, & toute la uille de Rome de sa renommee, tellement que lon

A ne parloit que de luy, pource que ceulx qui estoient au camp en Afrique escriuoient à ceulx qui estoient à la maison, que iamais on ne ueroit l'issue de la guerre contre ce Roy barbare, si on n'en donnoit la charge à Marius, en l'elisant Consul. Ces choses desplaisoient fort à Metellus, mais encore le fascha plus l'inconuenient de Turpilius, lequel aduint en ceste maniere. Il estoit de pere en filz amy & hôte de Metellus, & l'auoit suiuy en ceste guerre, aiant en son camp l'estat & la charge de maistre des ouuriers. Metellus luy commeit la garde de Vacca, grande & grosse uille: & luy, pource qu'il traittoit doulcemēt & gracieusement les habitans d'icelle, se fiant en eulx, ne se donna de garde, que par leur trahison il se trouua entre les mains de ses ennemis: car ilz meirēt

B dedas leur uille Iugurtha, mais ilz ne feirēt aucun desplaisir à Turpilius, ains le demanderent au Roy & le laisserent aller à sauueté. Il fut pour ce faict accusé de trahison: & Marius estant l'un de ses iuges au conseil, ne se contenta pas de luy estre fort aigre, mais encore irrita il plusieurs du conseil alencontre de luy, tellement que Metellus en despit qu'il en eust, fut contrainct à la pluralité des uoix, de le condēner cōme traistre à mourir: & peu de temps apres il fut trouué & auéré, qu'il auoit esté accusé & condamné à tort. Si n'y eut celuy du Conseil qui n'en fust fort marry avec Metellus, qui portoit fort impatiemēt la mort de ce pauvre innocent: mais au cōtraire Marius s'en esiouissant, & attribuant la poursuite du faict, n'eut poīt de hôte de se uāter publiquemēt, qu'il

C auoit attaché au col de Metellus une furie uengeresse du sang de son hôte qu'il auoit fait mourir à tort. Depuis cela ilz furēt ennemis declarez, & dit on que un iour Metellus, comme par maniere de mocquerie, luy dit: Tu nous ueux donques laisser, ô homme de biē, & t'en retourner à Rome pour briguer le Consulat, & ne te fuffiroit pas d'attendre à l'estre quād & mon filz. or ce filz là estoit encore un ieune garson. Mais, quoy qu'il y eust, Marius ne laissa poīt pour cela de prochasser son congé à toute instāce: & Metellus, apres luy auoir usé de plusieurs delais & remises, finablemēt luy dōna cōgé pour douze iours seulement, auāt celuy de l'electiō des Cōsuls. Parquoy Marius avec une extreme diligēce feit en deux iours & une nuit, le chemin qui estoit fort long depuis le cāp iusques à Vrigue, q est sur la mer, là ou auāt que de s'embarquer il sacrifia aux Dieux: & le deuin luy dict, q les dieux par les signes des sacrifices luy promettoiet une p̄sperité incroyable, & si grāde qu'il ne l'ozeroit esperer. Ces paroles luy eleuerent le cueur encore d'auātage. Si feit uoile incōtinēt, & aiāt uent en poupe trauersā la mer en quatre iours, puis s'encourut à Rome, là ou tout aussi tost qu'il fut arriué il s'alla mōstrer au peuple, q desiroit singulieremēt le ueoir: & estant cōduit par un des Tribuns du peuple sur la tribune aux harengues, apres plusieurs charges & imputations qu'il proposa alencōtre de Metellus, finablement il supplia le peuple de le uouloir elire Cōsul, promettant que dedans peu de iours il occiroit ou bien prendroit prisonnier le

E Roy Iugurtha. Si fut eleu sans cōtradiction quelconque, & aussi tost qu'il eut esté déclaré, commença incontinent à leuer gens de guerre, faisant enroller contre les ordonnances & contre les coustumes anciennes, plusieurs pauvres hōmes qui n'auoient rien, & plusieurs esclauēs: là ou les autres capitaines au parauant luy, n'y receuoient point de telles personnes, & ne mettoient point les armes non plus que les autres charges honorables de la chose publique, sinon entre les mains de gens qui en fussent dignes: enquoy faisant chascun de ceulx qui estoient enregistrez laissoit ses biens cōme gages pour assurance de

Caius Marius.

bien faire son deuoir à la guerre, toutefois si n'estoit-ce pas ce qui le faisoit le plus hair, ains estoient ses fieres & insolentes paroles, pleines de mespris des autres, qui offensoient les principaux hommes de la uille, pource qu'il alloit criant, par maniere de dire, publiquement par tout, que son Consulat estoit une despouille qu'il auoit par sa uertu gaignee sur la lascheté & sur les delices des riches & des nobles, & que ce qui le recommandoit au peuple, & dequoy il se fortifioit, estoient les bleceures qu'il auoit receues en son ppre corps, pour le seruice de la chose publique, nō point les monumēts des morts, ny les images & statues d'autrui: & souuentefois nommant par leurs propres noms tantost Albinus, & tantost Bestia, tous deux de maisons grandes & nobles: qui estants capitaines de l'armee Romaine auoient auparauāt faict malheureusement la guerre en la Libye, par leur lascheté & faulte d'entendre le mestier de la guerre, il demandoit à ceux qui estoient autour de luy, filz n'estimoient pas que leurs ancestres eussent plus tost souhaitté laisser des descendās d'eulx semblables à luy, que telz comme ilz estoient, attendu que eulx mesmes auoient acquis honneur & gloire, non pour estre extraicts & issus de noble sang, mais par le merite de leur uertu & de leurs haults faicts. Si ne disoit pas Marius ces parolles en uain par une brauerie & uaine gloire seulement, cherchant à se mettre en male grace de la noblesse pourneant: mais le commun peuple estāt bien aise de uoir faire honte & despit au Senat, & mesurant tousiours la grandeur du courage à la haultainerie & fierté des paroles, l'incitoit à n'espargner point la noblesse, & à picquer ainsi les personnes d'estat, pourueu qu'il agreast à la commune. Audemourant quand il fut repassé en Afrique, Metellus espris d'enuie & aussi de despit, pource que luy aiant acheué toute la guerre, de sorte qu'il ne restoit plus rien à prédre ny à gaigner presque, sinō la personne seule de Iugurtha, Marius luy en uenoit ainsi en leuer & oster la gloire & le triumphe d'entre les mains, aiant cherché de s'accroistre & augmenter par ingratitude enuers luy, ne se uoulut point trouuer avec luy, ains s'en alla d'un autre costé & laissa l'armee à l'un de ses lieutenās Rutilius pour la luy deliurer: toutefois la uengeance de ceste ingratitude, à la fin retourna sur Marius mesme. Car Sylla luy osta d'entre les mains l'hōneur du paracheuemēt de ceste guerre, tout ne plus ne moins que luy l'auoit osté à Metellus: mais comment & en quelle sorte, ie le repeteray en peu de paroles, pource que nous en auons escrit les particularitez plus au long en la uie de Sylla. Bocchus Roy de la haulte Numidie estoit beaupere de Iugurtha, auquel il ne fait pas grand secours, pendāt qu'il eut la guerre cōtre les Romains, pource qu'il haïssoit sa desloyauté, & auoit peur qu'il ne se feist plus grand qu'il n'estoit: mais à la fin, apres auoir bien fouy & erré ça & là, il fut contraint par extreme necessité de mettre sa derniere esperāce en luy, & se retirer pour son dernier refuge par deuers luy. Bocchus le receut plus tost par hôte de ne l'ozier chasser, que pour amitié qu'il luy portast, ne pour bien qu'il luy uoulust, & l'ayant entre ses mains, il faisoit semblāt en public d'interceder pour luy enuers Marius, & de luy escrire rondement qu'il ne le rendroit point: mais ce pendant il luy tramoit soubz main une trahison, & enuoya secrettemēt querir Lucius Sylla, qui estoit lors Questeur, c'est à dire tresorier general soubz Marius, & de qui il auoit receu quelques plaisirs en ceste guerre là. Sylla se commettant à la foy du Barbare, sy en alla à son mandemēt, mais quand il y fut arriué, le Barbare se repentit de ce qu'il auoit promis, & mua de uolunté, demourāt plusieurs iours à consulter

A en luy mesme, fil deuoit rendre Iugurtha, ou bien retenir Sylla mesme : toutefois à la fin il executa la trahison qu'il auoit propesee la premiere, & deliura Iugurtha uif entre les mains de Sylla. Voila la source premiere de celle pestilente & mortelle inimitié, qui depuis fut tousiours entre Marius & Sylla, laquelle cuida perdre & ruiner la uille de Rome, & son empire de fond en comble : pource, que plusieurs portans enuie à la gloire de Marius, alloiēt disans, q̄ cest acte de la prise de Iugurtha appartenoit à Sylla : & luy mesme feit faire un anneau qu'il portoit ordinairement, sur la pierre duquel il auoit fait engrauer, cōme Bocchus luy deliuroit Iugurtha entre ses mains : & depuis il en feit tousiours son cachet pour faire despit à Marius, qui estoit homme ambitieux,

B opiniastre, & qui ne pouuoit endurer qu'on luy baillast un compagnon à la gloire de ses faicts, & le faisoit Sylla principalement à la suscitation des ennemis & malueuillans de Marius, lesquelz attribuoient le commencement & les principaux exploits de ceste guerre à Metellus, & les derniers avec la consommation finale à Sylla, à fin que le peuple ne l'eust plus en si grande estime, ny en telle recommandation qu'il l'auoit eu au parauāt. Mais toutes ces enuies, toutes ces haines & detractions alencontre de Marius, furēt bien tost apres esteinctes & amorties par le grād dāger qui suruint à toute l'Italie du costé du Ponent, & ne s'en parla plus depuis que lon cogneut que la chose publique auoit besoing d'un bon capitaine, & que lon commença à regarder qui seroit

C le sage pilote qui la pourroit sauuer d'une si grosse & si dangereuse tourmente de guerre : car il n'y eut pas un des nobles & anciennes maisons de Rome, qui l'osast entreprendre, ne qui se presentast pour demander le Consulat, ains fut Marius absent eleu Cōsul pour la deuxieme fois. Car Iugurtha ne fut pas plus tost pris, que les nouuelles uindrent quand & quand à Rome de la descēte des Teutons & des Cimbres, lesquelles ne furent pas creuēs du commencement, pour le nombre infiny de combattās, qu'on disoit y auoir, & pour la puissance incroyable des armees que lon affermoit uenir : mais depuis on cogneut, que le bruit qui en auoit couru estoit moindre que la uerité, car ilz estoient trois cents mille combattans tous armez, qui menoient quand & eulx un autre encore bien plus grande multitude de femmes & d'enfans, & alloient cherchās des terres qui fussent suffisantes pour les soustenir & nourrir, & des uilles ou ilz se peussent habituer & arrester pour uiure, ne plus ne moins, qu'ilz entendoient dire, que les Gaulois ancienement estans partis de leur païs, auoient occupé la meilleure partie de l'Italie, qu'ilz auoient ostee aux Thoscans. Or ne sçauoit on à la uerité quelle nation c'estoit, ny dont elle estoit partie, tāt pource qu'ilz n'auoient aucune communication avec autres peuples, que, pource qu'ilz uenoient de païs fort loingtain, comme une nuee de peuple qui s'es-pandoit dessus la Gaule & dessus l'Italie, bien se doubtoit on que c'estoit une nation d'Allemagne, qui habitoit le lōg de l'Ocean Septentrional, & le con-

D iecturoit on à ueoir la grandeur de leurs corps, & aussi qu'ilz auoient tous les yeux chastains & roux, avec ce que les Allemans en leur langage appellēt les brigans Cimbres. Les autres disent que la Gaule, pour la grande & profonde estendue du païs du costé de la grande mer Oceane & des parties Septentrionales, en tirant uers les maretz Mæotides, & le Soleil leuant, s'estend iusques à la Scythie ou Tartarie Pontique, & que pour le uoisinage, ces deux nations se mellerent ensemble, & sortirent de leurs païs, non qu'ilz feissent ce grand uoyage tout d'une tire, mais à plusieurs reprises, marchans tous les ans sur le

E

Caius Marius.

temps nouveau plus auant en païs, de sorte que par long traict de temps ilz tra-
uerferent ainsi à force d'armes toute la terre ferme de l'Europe, & que pour ce-
ste cause, encore qu'ilz eussent plusieurs noms particuliers selô la diuersité de
leurs natiôs, toute la masse ensemble neantmoins s'appelloit l'armee des Cel-
toscythes, comme qui diroit des Gaulois Tartares. Les autres tiennent, que de
la nation des Cimmeriens, qui iadis ont esté cogneuz des anciens Grecs, il y
eut une partie non gueres grande au regard du total, qui s'en estant foye, ou
par quelque sedition ciuile estant chassée du païs, fut contraincte par les Tar-
tares de passer oultre les marets Mæotides es regiôs de l'Asie soubz la cōduite
d'un capitaine nommé Lygdamis: mais le demourant qui estoit en beaucoup
plus grand nombre, & de plus belliqueux hommes habitoit es extremes par-
ties de la terre, ioignant la grande mer Oceane, en païs umbrageux & couuers
pour les forestz cōtinuelles qui y sont si fortes & si espesses, q̃ le Soleil ne peut
penetrer iusques à la terre, & si lôgues & profondes au dedâs de la terre, qu'el-
le uient à se cōioindre iusques à la grâde forest Hercynie, qui est en Allema-
gne, & sont au demourant soubz tel endroit du ciel, ou le Pole est si fort eleué
pour l'inclinatiō des cercles equidistans, que lon nomme paralleles, qu'il est
bien peu distant du poinct qui respond droit à plomb sur la teste des habitâs,
& y estans les iours en espace de duree egaulx aux nuiçts, mespartissent tout le
temps en deux, ce qui donna matiere & occasion à Homere* de feindre, que
quand Vlysses uoulut euocquer les morts, il alla au païs des Cimmeriês cōme
en la region des enfers. Voila d'ou lon dit que partirent pour uenir en Italie
ces peuples Barbares, qui du commencement s'appelloient Cimmeriens, &
depuis, ce dit on, non sans quelque apparence, furent surnommez Cimbres:
toutefois cela se dit plustost par coniecture uray semblable que par assuran-
ce de uerité historique: mais quant à la multitude des hommes, la pluspart des
historiês escrit qu'il y en auoit plus tost d'auantage que moins, que ce que nous
auons dit, & qu'ilz estoient si courageux & si hardis, que rien ne pouuoit durer
deuant eulx, tant ilz faisoient de grands efforts de leurs mains, là ou ilz trou-
uoient à combattre si uiolentement & si subitement, qu'ilz sembloient un feu
foudroyant tout par ou ilz passoient. Au moien dequoy ilz ne trouuoient
plus personne qui leur ozast faire resistance, ains racloient & emmenoient
tout ce qu'ilz trouuoient en leur chemin, & y auoit ia eu plusieurs capitaines
Romains cōmis à gouerner & garder ce que les Romains tenoient en la Gau-
le de dela les monts, qui avec grosses armées auoient esté honteusement em-
portez par eulx. La lascheté desquelz fut cause principale de leur faire dresser
leur chemin à Rome: car aiât desfait les premiers qu'ilz auoient rencōtrez, & y
aians gaigné beaucoup de biens, ilz en furent si bien amorcez, qu'ilz resolu-
rent de ne s'arrester nulle part que premier ilz n'eussent ruiné Rome, & sac-
cagé l'Italie. Ce que les Romains entendans de plusieurs costez, appellerent
Marius pour luy donner la cōduite de ceste guerre, & l'eurent Consul pour
la seconde fois, encore que les loix fussent au contraire, lesquelles defendoient
d'elire un personnage absent, & que certain temps qui estoit prefix ne fust es-
cheut entre deux premier qu'on le peust elire pour la deuxieme fois au mesme
magistrat. Si y eut quelques uns qui alleguerent ces ordōnances pour cuider
l'empescher: mais le peuple les renuoya bien, discourant alencontre que ce
n'estoit pas la premiere fois que les loix auoient cedé à l'utilité publique, &
que l'ocasiō de deroger aux loix qui se presentoit alors, n'estoit pas moindre
que

*En l'uzie-
me de l'O-
dyssée.

- A** que celle pour laquelle ilz auoient eleu Scipion Consul contre la permission & prefixion des loix, par ce que ce n'estoit pas pour crainte qu'ilz eussent de perdre leur païs, mais pour enuie de ruiner & destruire celuy des Carthaginois, à raison dequoy le peuple passa oultre. Et Marius ramenant son armee de la Libye en Italie, prit possession du Consulat le premier iour de Ianuier, auquel les Romains commencent leur annee, & quand & quand entra en triumphe dedans la uille de Rome, monstrant aux Romains ce qu'ilz n'auoient uéu dé iamais ueoir: C'estoit le Roy Iugurtha prisonnier, lequel estoit homme si cault, qui sçauoit si bien s'accommoder à la fortune, & qui auoit quād & quād parmy son astuce & finesse le courage si grād, que personne de ses ennemis ne pensoit que lon le deust iamais auoir uif. Mais on dit qu'apres auoir esté mené
- B** en ce triumphe, il perdit l'entendement incontinent: & la pompe du triumphe finie, il fut mené en prison, là ou les sergens de haste qu'ilz eurent d'auoir sa despouille luy deschirerent à force toute sa robbe, & luy uoulans oster des bagues d'or qu'il auoit pendues aux oreilles, luy arracherent quand & quand le bout de l'oreille, puis le ietterent ainsi tout nud au fond d'une fosse profonde, aiant le sens tout troublé: toutefois ainsi qu'on l'y iettoit, en soubriant il dit, O Hercules que uoz estuues sont froides! Si uescut encore là six iours combattāt contre la faim, & desirant tousiours prolonger sa miserable uie iusques à la derniere heure, qui luy fut une punition digne des meschancetez qu'il auoit commises en son uiuant. En ce triumphe furent portees, comme lon dit, trois mille sept liures d'or pesant, & d'argent non monnoyé cinq mille sept cents septāt & cinq, & oultre cela en or & argent monnoyé uingt & huit mille sept cents escus. Apres ce triumphe Marius feit assembler le Senat dedans le Capitole ou il entra en la compagnie avec sa robbe triumphale, soit qu'il le feist par oubliance ou par une trop inciuile & grossiere arrogance: mais cognoissant que toute l'assemblée le trouuoit fort mauuais, il se leua soudain & alla prendre sa robbe longue Consulaire, puis s'en retourna tout aussi tost en sa place. Au demourant, se partant pour aller à la guerre, il pensa d'aguerir son armee par le chemin, & endurcir ses gens à la peine, les faisant courir
- D** en toutes sortes, faire de grandes & longues traittes, & contraignant chascun soudard à porter luy mesme ses hardes, & à se preparer ce qui luy estoit necessaire pour son uiure: de sorte que depuis on a tousiours appellé en cōmun proverbe les hommes laborieux, qui sont uoluntiers, sans mot dire, ce qui leur est cōmandé, les Mulets de Marius. Toutefois aucuns alleguēt une autre cause & origine de ce proverbe: car ilz disent que Scipion estant au siege deuant la uille de Numance uoulut ueoir & uisiter non seulement les armes & les cheuaux de seruice qui estoient en son ost, mais aussi les mulets & autres bestes de uoyture, pour sçauoir comment chascun les tenoit bien en poinct & en bon equippage. Si amena Marius à la monstre son cheual qu'il pensoit luy mesme, fort bien nourry, & quand & quand son mulet beaucoup plus gras, plus doux à manier, & plus fort que nul des autres. Scipion prit grand plaisir à ueoir ces bestes en si bon poinct & si bien pensees, de sorte que souuent depuis il en faisoit mention: au moien dequoy ceste maniere de parler en uint, qui depuis est demouree en commun proverbe, quand on se ueult mocquer de quelqu'un qui est perseuerant à la peine, & qui travaille continuellement, en faisant semblant de le louer, on l'appelle Mulet de Marius. Au reste il me semble que ce fut un grand heur à Marius, que les Barbares, ne plus ne moins
- E**

Caius Marius.

qu'un reflux de mer, tournerent premierement leur impetuosité deuers l'Espagne: car ce pendant il eut temps & loisir d'exerciter & aguerrir ses gens & de les asseurer: &, qui plus est, encore de se faire cognoistre à eulx. Car quand il les eut accoustumez peu à peu à ne faillir plus & à ne desobeir point, ilz trouuerent adonc son austerité de commander, & sa seuerité de ne point pardonner à ceulx qui oublioient leur deuoir, utile & salutaire, oultre ce qu'elle estoit iuste & raisonnable. D'auantage la uolence de sa cholere, l'aspreté de sa parole & la fierté de son regard, quand ilz eurent esté quelque temps nourriz avec luy, commença petit à petit à ne leur sembler plus effroyable pour eulx, ains pour leurs ennemis. Mais ce qui plaisoit encore plus que tout cela aux souldards estoit sa droiture en iustice, de laquelle il se recite un tel exemple. Il y auoit un sien nepueu nommé Caius Lusius, lequel auoit quelque charge de gens en l'armee: il n'estoit point tenu pour homme meschant au demourant, sinon qu'il auoit ce vice qu'il deuenoit incontinent amoureux des beaux garçons: comme il se meit lors à aimer un beau ieune iouuenceau nommé Trebonius, qui estoit de sa compagnie, & l'ayant par plusieurs fois sollicité sans en auoir iamais peu rien obtenir, finablement il l'enuoya une nuit querir par un sien ualet. Le ieune homme ne pouuât desobeir au mandement de son capitaine, sy en alla, & comme il fut dedans sa tente uoiant qu'il faisoit tout son effort pour le uioler à force, il desguainna son espee, & le tua tout roide. Cela fut fait que Marius n'estoit pas en son camp, lequel si tost qu'il fut de retour, H fit incontinent appeller le ieune homme en iustice. Plusieurs se presenterent soudain pour l'accuser, & personne pour le defendre: parquoy luy mesme commença à deduire asseurement son faict, & à nommer plusieurs tesmoins qui auoient ueu & sceu comme le mort l'auoit par plusieurs fois pressé de son deshonneur, & comment il luy auoit tousiours constamment resisté, sans luy uouloir aucunement abandonner sa personne, quelques dons & presens qu'il luy sceust offrir: dequoy Marius le louant & en estant bié aise, se fit sur l'heure apporter une couronne de celles, que lon a accoustumé de donner à ceulx qui ont fait en un iour de bataille quelque grande preuue de uailance, & en courónna luy mesme Trebonius, comme aiant fait un tresuertueux acte, & en I temps qui auoit besoing de beaux & bons exemples. Ce iugement de Marius éstât rapporté & publié dedás Rome, luy seruit beaucoup à obtenir son troisieme Consulat, avec ce que lon attendoit le retour des Barbares sur le temps nouveau, ausquelz les souldards Romains ne uouloient point donner la bataille sous autre capitaine que sous Marius: toutefois ilz ne uindrent pas si tost comme on les attendoit, ains se passa encore l'annee du troisieme Consulat de Marius. Parquoy approchant le temps que se deuoit faire l'electio des nouveaux Consuls, & son compagnon éstant decedé, il luy fut force de s'en aller luy mesme à Rome, laissant la superintendéce de son camp en son absence à Manius Acilius. Or y auoit lors plusieurs gens d'honneur qui brigoient K le Consulat: mais Lucius Saturninus, l'un des Tribuns du peuple qui manioit mieulx la commune à sa uolunté que nul autre, aiant esté soubz main gagné par Marius, faisoit plusieurs harégues, esquelles il suadoit au peuple d'élire Marius Consul pour la quatrieme fois. Marius à l'opposite faisoit semblât de n'en uouloir point, disant qu'il le refuzeroit si le peuple l'elisoit, & Saturninus l'appelloit traistre en criant que cela seroit ueritablement trahir la chose publique que de refuzer la charge de capitaine souuerain en un tel danger,

A & si grand besoing. Lon cognoissoit assez que c'estoit une feinte & un ieu qu'ilz iouoient assez grossièrement luy & Marius, car en ueoit le iour à trauers: mais toutefois le peuple considerant que les affaires auoient besoing de sa suffisance & de sa bonne fortune en la guerre, l'eut Consul pour la quatrieme fois, & luy donna pour compagnon Catulus Luctatius, homme qui estoit honoré de la noblesse, & si n'estoit point desagréable au cōmun peuple. Marius donques aiant nouuelles que les Barbares approchoient, passa les monts en diligence, & fortifiant son camp au long de la riuere du Rosne, y meit dedans grande prouision de tous uiures, à fin qu'il ne peust estre contrainct à faulte de uiures de uenir à la bataille, sinon à son bon poinct quād il luy sembleroit expedient: & là ou auparauant la uoiture des uiures en son camp par la mer estoit longue, dangereuse & de grande despēse, il la rēdit aisée & courte par tel moien. La bouche de la riuere du Rosne auoit accueilly tāt de uase & si grande quātité de sable, que les undes de la mer y amassoient & entassoient, avec la fange haulte & profonde, que les bancs rendoient l'entree de la riuere estroite, difficile & dāgereuse pour les grāds uaisseaux de charge, qui uenoient de la mer. Quoy considerant Marius, employa là son armee pendāt qu'elle ne faisoit rien, & luy fait cauer une grāde trenchee & canal, dedās laquelle il destourna bōne partie de l'eau de la riuere, & la tira iusques à un endroit opportun de la coste, là ou l'eau s'escouloit en la mer par une emboucheure profonde & capable des plus grandes nauires, & avec cela tranquille & platte, sans estre tourmētée des uents ny des uagues de la mer. Celle fosse rētiēt encore aujourdhuy son nom, s'appellāt la FOSSE MARIANE. Or se diuiserēt les Barbares en deux armees pour passer en Italie, dont il escheut à l'une, qui estoit celle des Cimbres, d'aller par les haultes Allemagnes & forcer ce passage là q̄ defendoit Catulus: & à l'autre, qui estoit celle des Teutōs & Ambrōs, de passer par le pais des Geneuois le long de la marine cōtre Marius. Or les Cimbres aias plus grand circuit à faire, arresterent d'auantage & demourerēt derriere: mais les Teutons & Ambrons partās les premiers, eurent en peu de iours fait le chemin qu'ilz auoient à faire iusques là ou estoit le camp des Romains, aux quelz ilz se presenterēt en nombre infiny, les uisages hideux à ueoir, & la uoix & le cry tout different des autres hommes: si embrasserent grande estēdue de la campagne d'alentour pour se camper, & uindrent desfier Marius & le prouoquer à sortir en champ de bataille. Marius ne fait compte de toutes leurs desfiāces, ains teint ses gens serrez & enfermez dedans son camp, tenant bien asprement ceulx qui fingeroient de parler temerairement au contraire, & qui par impatience de cholere, uouloient à toute force sortir pour combattre, les appellant traistres à leur pais: pourautant disoit il, qu'il n'est pas icy question de combattre pour nostre gloire particuliere, ny pour gagner des triumphes & uictōires pour nous, ains nous fault essayer par tout moien de destourner ce grand orage de guerre, & ceste foudre & tempeste, qu'elle ne faille espādre sur toute l'Italie. Or faisoit il ces remonstrances aux capitaines particuliers qui estoient soubz luy, & aux personnes de sa qualite: mais quāt aux soudards priuez, il les faisoit tenir dessus les rempars de son camp, les uns apres les autres, pour regarder les ennemis, & s'accoustumer à ueoir leurs uisages, leur cōtenance, & leur marcher, & ne s'estonner point d'ouir leur uoix & leur parole qui estoit merueilleusement estrange & bestiale, & aussi pour cognoistre la facon de leurs armes, & leur maniere de les manier. En quoy faisant, il rendit

Caius Marius.

à ses gens avec le temps, les choses qui de prime face leur auoient semblé effroyables, si familières à leur entendement, par le moien de ceste uerté ordinaire, qu'ilz ne s'en emouuoient plus: car il estimoit ce qui est ueritable, que la nouveauté fait que lon trouue par erreur de iugemēt, les choses non accoustumées plus horribles & plus espouuentables. qu'elles ne sont: & au contraire, que l'accoustumance oste beaucoup de la frayeur & terreur aux choses, qui de leur nature sont ueritablemēt effroyables. Ce qui se ueit lors par experience, car l'accoustumance de uoir tous les iours ordinairement les barbares, nō seulement diminua quelque chose de la frayeur premiere des soudards Romains: mais d'auantage leur aguissant la cholere pour les fieres menasses, & la brauerie insupportable des Barbares, leur enflāma les courages d'un ardent desir de les combattre, pource que non seulement ilz pilloient, gastoient, & saccageoient tout ce qui estoit alenuiron, ains uenoient encore dōner des assauts à leur camp, avec une telle audace, que les soudards Romains ne le pouuoient plus endurer, & laissoient aller de telles paroles iusques aux oreilles de Marius: Quelle lascheté a iamaïs cogneue Marius en nous, qu'il nous engage de combattre, & nous tient enfermez soubz la clef, & soubz la garde de portiers, comme si nous fussions des femmes? Montrons nous donques hommes, & luy allons demander s'il attend d'autres gēs de guerre que nous, pour defendre l'Italie, & s'il a deliberé de se seruir de nous comme de pionniers seulement, quād il uoudra cauer un fossé, nettoyer quelque boubier, ou destourner une riuier. Car c'est à quoy il nous a employez en grand trauail iusques icy, & sont les beaux ouurages qu'il a faits en ses deux Consulats, dont il se uantera à ceulx de Rome. A il peur qu'il ne luy en prenne, comme il a fait à Carbon & à Scipion, que les ennemis ont desconfits? Il ne fault point qu'il craigne cela: car, & luy est capitaine de bien autre suffisance, & autre reputation que n'estoient ceulx là, & son armee beaucoup meilleure que les leurs: mais commēt que ce soit, encore uaudroit il mieulx perdre en essayant de faire quelque chose, que de demourer oysieux, en souffrāt deuant noz yeulx destruire & saccager noz amis & noz alliez. Marius estoit biē aise d'ouir ces plaintes & doléances de ses gens, & les reconfortoit, en leur remonstrant, qu'il n'auoit aucune deffiance de leur uertu: mais que par aduertissement de quelques propheties & oracles des Dieux, il attendoit le temps & le lieu propre pour la uictoire: car il faisoit mener quand & luy dedans une litiere en grande reuerence une femme de Syrie nommee Marthe, que lon disoit auoir l'esprit de prophetie, & sacrifioit Marius aux Dieux par son ordonnance, au temps & en la maniere qu'elle luy commandoit. Ceste femme Syriene s'estoit premierement adressée au Senat pour parler de ces affaires, & prédit des choses à aduenir: mais le Senat ne l'auoit point voulu ouir, & l'auoit fait chasser: au moien dequoy elle se tourna adonc aux femmes, aux quelles elle feit uoir quelque preuue de ce, dont elle se uantoit, mesmemēt à la femme de Marius, aux pieds de laquelle elle se trouua un iour assise en une assemblée de ieux publiques, à uoir combattre des escrimeurs à oultrance: car elle luy predit là certainemēt celui qui uainquit: à l'occasion dequoy ceste Dame l'enuoya deuers son mary: lequel en feit cas, & la feit mener par tout apres luy dedās une litiere. Elle se trouuoit aux sacrifices que faisoit Marius, estāt uestue d'une robe de pourpre double, qui se fermoit avec des boucles, & tenāt en sa main une lance enveloppee tout à l'entour de banderoles, de festons, & de chapeaux de fleurs.

- A** Ceste maniere de farce a mis plusieurs en doubte, si Marius monstroit en public ceste femme, croyant qu'elle eust ueritablement le don de prophetie, ou si sciemment il faisoit bonne mine de le croire pour aider à la seincte. Mais ce qu'Alexander le Myndien a escrit touchant des uaultours, est bié digne d'admiration: car il dit qu'il y en auoit deux qui le suiuoient à la guerre, & qui ne failloient iamais à comparoir & à se monstrier quand il deuoit gagner quelque grosse bataille, & que ló les recognoissoit à des coliers de letó, qu'ilz portoient à l'entour du col que les soudards leur auoient attachez, & puis les auoient laissez aller: à raison dequoy ilz recognoissoient les soudards, & sembloit qu'ilz les saluassent, & eulx aussi estoient bien aises quand ilz les aperceuoient, & se promettoient que c'estoit signe de quelque bonne rencontre qui leur deuoit aduenir. Or y eut il plusieurs signes & presages, qui escheurent auant la bataille: mais tous les autres estoient assez ordinaires, excepté que lon rapporta de Tudertum & d'Ameria deux uilles de l'Italie, que ló auoit ueu la nuit au ciel des lances & escus ardents qui auoient premierement uagué ça & là, puis s'estoient entrechocquez en la mesme forme & maniere, & avec les mesmes mouuemens que font les hommes qui combattét, iusques à ce que finalement les uns reculans, & les autres poursuiuans, ilz allerent tous fondre du costé du Soleil couchant. Enuiron ce mesme temps aussi, uint de la uille de Pessinunte Batabaces le presbtre de la grande mere des Dieux, lequel apporta nouuelles, que la Deesse auoit parlé à luy du dedans de son sanctuaire, & luy auoit dit que la uictoire de ceste guerre demoureroit aux Romains. Le Senat y adiouxta foy, & ordonna que lon edificeroit un temple à celle Deesse pour luy rendre graces de la uictoire qu'elle leur promettoit. Batabaces se uolul presenter aussi au peuple en assemblee publique pour luy en dire autant: mais il y eut un des Tribuns du peuple nommé Aulus Pompeius, qui l'en engarda, en l'appellant triacleur ou basteleur, & le repoulsa oultrageusement arriere de la tribune aux harengues: mais l'incóuenient qui luy en aduint, feit que ló adiouxta encore plus de foy aux paroles de Batabaces, car le Tribun ne fut pas plus tost de retour en sa maison apres l'assemblee qu'une grosse fiebure le saisit, dont il mourut le septieme iour apres, au ueu & sceu de tout le móde.
- D** Au demourant les Teutons uoians comme Marius ne bougeoit aucunemét de son camp essayerent de luy donner assaut, mais ilz se trouuerent tellement accueuillis de coups de traiét, que apres y auoir fait perte de quelque nóbre de leurs gens, ilz s'en deporterent, & resolurent de tirer oultre, se promettás qu'ilz passeroient facilement les Alpes sans danger: parquoy troussans leur bagage ilz passerent tout le long du cáp des Romains, là ou ló cogneut plus certainemét que iamais, qu'ilz estoient en merueilleusement grand nombre, pour la longueur du temps qu'ilz demourerent à passer: car on dit qu'ilz demourerent six iours entiers à passer continuellement. Et passans assez pres du cáp des Romains, ilz leur demandoient par maniere de moquerie, s'ilz uouloient point escrite ou mander quelque chose à leurs femmes, pource qu'ilz feroient bien tost avec elles: mais quand ilz furent tous passez, & qu'ilz continuerét de tirer tousiours oultre leur droit chemin, Marius adonc partant aussi, se meit à les suiure tout bellement à la trace, se logeant tousiours à leur cueuë le plus pres qu'il pouuoit, fortifiant tresbien son camp, & choisissant tousiours lieu fort & auantageux d'affiette pour se loger, à fin de pouuoir passer les nuits en feureté. Si marcherent en telle sorte iusques à ce qu'ilz arriuerent à la uille

Caius Marius.

d'Aix, de là ou il ne leur restoit plus gueres de chemin à faire qu'ilz ne fussent dedans les montagnes des Alpes, à raison dequoy Marius se prepara là pour les combattre. Si choisit un lieu qui estoit bien fort d'assiette pour loger son camp, mais il y auoit faulte d'eaux: & le feit expressement, à ce que lon dit, à fin d'aguiser encore plus le courage de ses gens par ce moien. Plusieurs le trouuoient mauuais, luy remonstrans qu'ilz seroient en danger d'endurer grande soif, filz se logeoient là: aux quelz il respōdit, en leur montrāt une riuere qui couroit tout au long du camp des ennemis, qu'il falloit aller là achepter à boire avec son sang. Les soudards luy repliquoiēt, *Que ne nous y meines tu dōques pendant que nous auōs encore le sang humide?* Et il leur respondit tout doucement, *Pource qu'il faut auant toute autre chose fortifier nostre camp.* Les soudards, quelque mescontentement qu'ilz eussent, luy obeirent: mais les ualers n'aians à boire ny pour eulx ny pour leurs bestes, fassassent en grosse troupe, & s'en allerent deuers la riuere, portans les uns des cōgnees, les autres des haches, les autres des espees & des lāces, avec leurs cruches pour apporter de l'eau, en deliberation de combattre les Barbares, si autrement ilz n'en pouuoient auoir. Il y eut quelque petit nombre des Barbares, qui s'attacha à eulx du commencement, pource que la plus part estoit à table à disner apres festre lauez, & les autres estoient encore dedans les baings à se lauer, pource qu'en ce lieu là y a force sources de baings naturelz d'eaux chaudes: & trouuerent les Romains une partie de ces Barbares faisans grāde chere, & se donnans du bon temps à l'entour de ces baings, pour le grād plaisir qu'ilz prenoient à considerer la beaulté du lieu: mais quand ilz ouirent le bruit de ceulx qui combattoient, ilz se prirent à courir à la file la part dont il uenoit. Au moien dequoy, il estoit bien malaisé à Marius de plus retenir les soudards Romains qu'ilz n'y allassent, pource qu'ilz craignoient que leurs ualers n'y demourassent, oultre ce que les plus belliqueux des ennemis qui se nommoient les Ambrons, ceulx qui parauant auoient desfait Manlius & Scipion, deux capitaines Romains avec leurs exercites, & qui faisoient eulx seuls plus de trente mille combattans, couroient à grande haste aux armes, estans bien appesantis de leurs corps pour auoir mangé à panse pleine: mais au demourāt biē deliberez en leurs courages, & plus guays que de coustume, pour le uin qu'ilz auoient beu. Si ne uindrent point courans furieusement au combat sans garder ordre, ny ne ietterent point un cry confus, ains faisans bruite leurs armes par mesures, & marchans tous ensemble à la cadence, alloiēt souvent reperant leur propre nom, Ambrons, Ambrons, Ambrons, soit que ce fust pour s'entreappeller les uns les autres, ou pour estonner leurs ennemis par cest aduertissement. De l'autre costé aussi les premiers des Italiens, qui descendirent en bataille contre eulx, furent les Lyguriens qui sont ceulx de la coste de Genes, lesquelz leur oians ietter ce cry, & l'entendans distinctement leur respondirent aussi le mesme cry, pource qu'ilz disoiēt que c'estoit le uray furnom general de toute leur nation, de sorte que premier qu'ilz s'entrechocquassent, ce cry fut d'une part & d'autre redoublé par plusieurs fois, & le faisoient les capitaines tant deça que de là, crier à leurs gēs tous ensemble s'efforceans à l'enuy les uns des autres à qui le cryeroit le plus hault. Ceste contentiō de crier eschauffa & aguisa les courages des soudards encore d'auantage: mais les Ambrons auoient la riuere à passer, qui fut cause de leur rompre leur ordonnance, & auant qu'ilz se peussent remettre en ordonnance depuis qu'ilz furent

A furent passez, les Lyguriens coururent de grand roideur les charger les premiers, & puis les naturelz Romains pour secourir les Lyguriens qui auoient commencé la charge, se ruerent aussi quand & quand descédans de lieux auantageux sur ces Barbares, & les contraignirent par ce moien de se tourner en fuite, là ou le plus grand meurtre qui en fut fait, fut sur le bord de la riuere, dedans laquelle ilz s'entrepoulsèrent les uns les autres, tellement qu'ilz emplirent de sang & de corps morts tout le cours de la riuere. Et ceulx qui peurent repasser de l'autre costé n'eurent pas la hardiesse de se r'allier pour faire teste, de maniere que les Romains les menerent tuans & battās iusques en leur cāp & à leur charroy : là ou les femmes avec des espees & des haches en leurs maīs

B leur uindrent au deuant en grinsant les dents & hurlāt de douleur & de courroux, & chargeant tant sur les fuyans que sur les pourfuyans, les uns comme traistres, & les autres comme ennemis : mais, qui plus est, elles se ietterent au milieu des combattans en s'esforçant d'arracher les pauois aux Romains, & empoignant leurs espees avec les mains toutes nues, iusques à endurer d'un courage inuincible qu'on les naurast & les trēchast en pieces à coups d'espee. Voila comment on dit que la premiere bataille fut dōnee au long de la riuere plustost par cas d'aduenture que de propos deliberé, ny par le conseil du capitaine en chef. Mais les Romains apres auoir desfait la pluspart des Ambrons festans retirez arriere, à cause que la nuict suruint, ne se meirent pas cōme lon a accoustumé de faire en une telle prosperité, à chāter chansons de uictoire & de triumphe, ny à faire bōne chere dedās leurs tentes, les uns avec les autres, & moins encores à dormir, qui est le plus doux & le plus agreable refreschissement, que sçauoient prendre gens qui ont heureusement combattu : ains au contraire passerent toute celle nuict en grande frayeur & grande crainte, à cause que leur camp n'estoit point clos ny fortifié, & qu'ilz sçauoient tresbien qu'il estoit demouré presque innombrables milliers de Barbares qui n'auoient point combattu, avec ce que ceulx qui estoient eschappez de la desfaite des Ambrons, ne firent autre chose toute la nuict, que hurler à haults cris, qui n'estoient point semblables aux sospirs & gemissements des hommes,

D mais plus tost aux hurlemens des bestes sauvages, de maniere que le mugissement d'une si grande multitude d'hommes bestiaux meslé de menasses & de lamentations, faisoit retentir les montagnes d'alenuiron, & le canal de la riuere : au moien dequoy toute la plaine, qui estoit entre deux, ressonnoit d'un fremissement horrible & espouuētable à ouir : ce qui tenoit les souldards Romains en effroy, & Marius mesme en quelque crainte, pource qu'ilz s'attendoient d'auoir celle nuict la bataille en trouble & en desarroy : toutefois les Barbares ne les assaillirent point ny celle nuict, ny le iour ensuyuant, ains ne firent autre chose que se preparer à la bataille. Et ce pēdant Marius sachant qu'il y auoit au dessus du lieu ou ilz estoient cāpez, quelques cauains, & quelque ualees couuertes de bois, y enuoya secrettement Claudius Marcelus avec trois mille hommes de pied bien armez, luy enioignant qu'il se teint coy en embusche iusques à ce qu'il ueroit les Barbares attachez au cōbat avec luy, & q̄lors il les uint charger par derriere: les autres soupperēt quand il en fut heure, & apres soupper se reposerēt. Le lendemain au poinct du iour Marius les tira aux champs hors de son fort, deuant lequel il les renga en bataille enuoyāt deuant sa cheualerie pour tirer les ennemis à l'escarmouche, ce que uoiās les Teutons, ilz n'eurent pas la patience d'attendre que les Romains fussent

Caius Marius.

descendus en pleine campagne pour les combattre sans avantage, ains fat- F
mans à la haste en chaude chole, les allerēt trouuer iusques à la motte, sur la-
quelle ilz estoient en bataille: quoy considerant Marius, enuoya ça & là aux
particuliers capitaines, les aduertir qu'ilz ne bougeassent, & qu'ilz tempori-
fassent iusques à ce que les ennemis approchassent d'eulx d'un iect de main, &
que lors ilz lanceassent leurs iauelots, & puis tirassent leurs espees & heurtas-
sent & repoulassent les Barbares avec leurs escus, à cause que quand ilz mon-
teroient contremont la motte sur le pédant, de laquelle estoient les Romains
en bataille, il preueoit bien que leurs coups n'auroient point de force, ny
leurs ordonnance serree, uertu ny efficace quelconque, pource qu'ilz ne pour-
roient auoir le pied ferme ny la marche asseuree, ains seroient facilement ren- G
uersez en arriere pour peu qu'on les repoulast, à cause du pendant de la coste.
Marius donnoit telz aduertissemens à ses gens, mais quand & quād il les met-
roit le premier en execution: car il estoit autāt adroit aux armes qu'hōme qui
fust en toute son armee, & si n'y en auoit pas un qui fust si hardy ne si asseuré
que luy. Quand donques les Romains, faisans teste, les eurent arrestez tout
court, ainsi qu'ilz cuidoient furieusement monter cōtre mont, alors se sentans
repoulsez & pressez, ilz reculerent petit à petit en arriere iusques en la campa-
gne, & là commenceoient ia les premies à se rallier & renger en bataille sur
la plaine, quand on ouit soudain le bruit & la distraction de ceulx qui estoiet
à la cueuë de leur armee, pource que Marcellus ne faillit pas à bien prendre H
l'occasion quād il en fut tēps, à cause que le bruit de la premiere charge mon-
tant contremont les coustaux d'alenuiron, au dessoubz desquelz il estoit en
embusche, luy en donna aduis, si feit incontinent leuer ses gens, & courant
avec grands cris alla ruer sur ceulx qui estoient à la cueuë des Barbares mettāt
les derniers en pieces. Ceulx là feirent tourner uisage à ceulx qui estoient les
plus prochains deuant eulx, & ainsi des autres de main en main iusques à ce
qu'en peu d'heure, toute leur bataille commença à branler en desarroy, &
ne feirent pas grande resistance, quand ilz se sentirent ainsi chargez par deuant
& par derriere, ains se meirent tantost à fouir à ual de rouverte, & les Romains
les poursuyuans de pres en tuerent ou prirent de prisonniers plus de cēt mille, I
& prirent d'auantage leurs chariots, leurs tentes & tout leur bagage, dont ilz
ordonnerent du cōmun consentement de toute l'armee, qu'il en seroit fait un
present à Marius, sans en rien excepter sinō ce qui auroit esté furtiuemēt soub-
strait & derobbé, & combien que ce fust un present treshonorable & trespri-
uilegié, si estima lon qu'il n'auoit pas encore la recompense qu'il meritoit,
pour le bon deuoir d'excellent capitaine qu'il auoit monstré en la conduite
de celle bataille, & de toute celle guerre tant ilz se sentoient tous heureux
d'estre eschappez d'un si grand danger: toutefois il y a des historiens qui n'ac-
cordent pas que la despouille de ces Barbares ait esté dōnée à Marius, ny aussi K
qu'il y ait eu si grand nombre de morts, comme nous auons dit: mais bien dit
on, que depuis ceste bataille les Massiliens fermerent leurs uignes de hayes
faittes d'os de morts, & que les corps estans pourris & consumez dessus leurs
champs, par les grandes pluies qui tumberent dessus l'hyuer ensuyuant, les
terres en deuindrent si grasses, & en penetra la gresse si profondement au de-
dans, que l'esté ensuyuant elles rapporterent une quantité incroyable de
toutes sortes de fruiçts: & fut par ce moien uerifié ce que dit Archilocus, que
les terres labourables s'engressent de telles pourritures: aussi dit on que ordi-
nairement

- A** nairement apres les grâdes batailles, il tombe de grosses pluies, soit ou pour ce qu'il y ait quelque Dieu, qui purifie, lave & nettoye la terre souillée & pollue de sang humain avec les eaux pures & celestes, ou bien que cela se face par cause naturelle, pour ce que la desconfiture de tant de corps morts, & de sang espandu rend une moitte, grosse & pesante uapeur, laquelle espessit l'air, qui de sa nature est muable & facile à changer de bien petit commencement en alteration tresgrande. Apres ceste bataille Marius fait mettre à part les harnois & despouilles des Barbares, qui estoient demourees entieres & belles à uoir pour embellir & enrichir la pompe de son triumphe, puis fait amasser le demourant en un grand monceau sur un bucher de bois, pour en faire un magnifique sacrifice aux Dieux, étant tout son exercite en armes alenuiron couronné de chapeaux de triumphe, & luy uestu d'une grande robe de pourpre comme le porte la coustume des Romains en tel cas, & tenant une torche ardente à deux mains, laquelle il haulsa premierement contre le ciel: & sur le poict qu'il la baissa pour mettre le feu dedas le monceau, l'oy apperceut de loing quelques uns de ses amis qui uenoient à cheual courans à bride abbattue: si se fait soudain un grand silence de toute l'assemblée, desirant un chascun entendre, ce qu'ilz apportoint de nouveau. Et quand ilz furent arriuez & descendus de cheual, ilz coururent incontinent embrasser & saluer Marius, luy apportans la nouuelle, comme il auoit esté eleu Consul pour la cinquieme fois, & luy en baillerent des lettres, par lesquelles on le luy madoit de Rome.
- C** Ainsi ceste nouuelle ioye suruenue par dessus l'aïse de la uictoire, les priuez soudards tesmoignerent le plaisir qu'ilz en auoient avec grands cris & battemens de leurs armes: & les capitaines couronnerent encore derechef Marius avec nouveaux chapeaux de laurier qu'ilz luy meirent à l'entour de la teste, puis cela fait il mit adonc le feu dedans le bucher, & paracheua son sacrifice. Mais celle qui ne laisse iamais les hommes iouir de l'aïse d'une grande prosperité purement & simplement, ains entremelle tousiours en la uie de l'homme du mal parmy du bien, soit ou la fortune, ou l'enuie de la destinee, ou bien la necessité de la nature des choses terrienes, peu de iours apres ceste grande resiouissance enuoya à Marius la nouuelle de Catulus son cōpagnon au Consulat, qui fut cōme une nuee en un beau iour clair & ferein, & qui reietta derechef la uille de Rome en nouuelle frayeur & nouuelle tourmente.
- D** Car Catulus qui estoit ordonné pour faire teste aux Cimbres, estima qu'il ne falloit point qu'il s'amusast à garder les pas des mōtagnes pour cuider empescher les Barbares de passer, à cause que pour ce faire il eust esté contrainct de diuiser son armee en plusieurs parcelles, & ce fust en ce faisant trouué foible: parquoy se tirant un peu arriere des Alpes, au dedans de l'Italie, il se couurit de la riuere d'Arhesis, dessus laquelle il bastit un pont pour pouuoir passer & repasser quand il uoudroit, & en garnit les deux bouts de deux forts bien munis & bien fortifiez à fin de pouuoir commodément aller secourir les places qui estoient audela de la riuere, si d'aduenture les Barbares, quand ilz seroiēt sortis hors des destroits des montagnes les uouloient aller forcer. Or estoient ces Barbares si oultreuidez, & auoiēt leurs ennemis en si grand mespris, que pour monstrier leur force & leur audace plus tost q̄ pour besoing qu'il en fust, ne pour profit qu'il y eust, ilz enduroient qu'il ne geast sur eulx tous nuds, & montoient iusques aux cymes des montagnes à trauers les grands monceaux de glaces & de neiges: puis quand ilz estoient arriuez au plus hault, ilz esten-
- E**

Caius Marius.

doient leurs targes longues & larges dessous leurs corps, & se laissoient glif- F
fer dessus au long des rochers droits & couppez qui auoient des pentes & cheu-
res de hauteur infinie. A la fin s'estans uenus camper au pres des Romains le
long de la riuere, ilz considererent comment ilz la pourroient passer, & cō-
mencerent à la combler, rompsans les grosses buttes de terre qu'ilz trouuoient
à l'entour, ne plus ne moins que les Geans, & y apportans les grands arbres,
auec les racines toutes entieres, de grosses piéces des rochers qu'ilz brisoient,
& des tureaux de terre qu'ilz y poulsioient pour ferrer & estraindre le cours de
la riuere: mais oultre cela ilz iettoient à ual l'eau de grosses tronches de bois,
que le fil de la riuere tiroit de roideur contrebas, lesquelles à force de coups
de l'impetuosité qu'elles descendoient à ual, esbranloient les poultres qui G
soustenoyent le pont des Romains. A raison dequoy plusieurs des soudards
du grand camp s'estonnerent & en l'abandonnant commencerent à se retirer,
là ou Catulus monstra (ainsi qu'il fault qu'un bon & parfaict capitaine face)
qu'il auoit son honneur & sa gloire particuliere en moindre recommandation
que la publique de ses citoiens: car uoiât qu'il ne pouuoit tant alleguer de rai-
sons à ses gens, qu'ilz uoulussent demourer, & qu'ilz delogeoient malgré luy
en effroy, il commanda luy mesme à celuy qui portoit l'enseigne de l'aigle,
qu'il marchast, & sen courut deuers les premiers qui sen alloient, se mettant à
marcher deuant, à fin que la honte de ceste retraitte tumbast toute sur luy, non
pas sur son païs, & qu'il semblast que les Romains suiussent leur capitaine, H
& qu'ilz ne fouissent pas. Les Barbares donques assaillans le fort qui estoit au
bout du pōt dela la riuere d'Athesis, le prirent auec tous les hōmes qui estoient
dedans: & pource qu'ilz sy estoient portez en gens de bien, & auoient exposé
uertueusement leur uie au peril de la mort, pour la defense de leur païs, les Bar-
bares les laisserent aller par composition, laquelle ilz iurerent leur garder
loyalement par leur taureau de cuyure. Cetaureau depuis fut pris quand ilz
eurent perdu la bataille, & fut porté, ainsi que lō dit, en la maison de Catulus
comme les primices de la uictoire. Au demourant, les Barbares trouuant le
païs ouuert sans defense quelconque, s'espandirēt ça & là, & le pillerent tout.
A l'occasion dequoy Marius fut mandé uenir à Rome pour leur faire teste: & I
arriué qu'il y fut, chascun pensa qu'il y deust entrer en triumphe, pour autant
mesmemēt que le Senat le luy ottroya biē uoluntairement, mais il ne le uou-
lut pas faire, soit qu'il le feist, ou pour ne uoloir prouer ses soudards & les ca-
pitaines qui auoient cōbattu sous luy, estās pour lors absens, de la part d'hō-
neur qui leur estoit deu, ou que ce fust pour asseurer le peuple au danger pre-
sent, comme deposant la gloire de ses premieres uictories entre les mains de
la bonne fortune de Rome, en esperance certaine de la reprendre puis apres
plus claire & plus illustre par l'adionction des secondes. Parquoy apres auoir
remonstré au peuple & au Senat ce qui luy sembla à propos selon le temps, il
se partit incontinent pour aller trouuer Catulus, lequel il reconforta bien de K
sa uenue, & quand & quand feit aussi uenir son armee, laquelle estoit encore
en la Gaule de dela les monts: & aussi tost qu'elle fut arriuee, il passa la riuere
du Po pour engarder les Barbares qu'ilz n'endommageassent l'Italie qui est
au deça du Po. Or quāt aux Barbares ilz differoient tousiours à donner la bat-
taille, pource qu'ilz attendoient les Teutons, & disoient qu'ilz s'esmerueil-
loient grandement de ce quilz demouroient tant à uenir, soit ou que uerita-
blement ilz ne sceussent rien de leurs desconfiture, ou qu'ilz feissent semblant
de

A de n'en rien ſçauoir: car ilz battoient oultrageuſement ceulx qui leur en diſoient la nouuelle. A la fin ilz enuoyerēt deuers Marius, luy demāder des terres & des uilles ſuffiſantes pour nourrir & loger eulx & leurs freres. Marius demanda à leurs ambaffadeurs quelz freres ilz entendoient: ilz reſpondirent que c'eſtoient les Teutons: dequoy les autres aſſiſtans ſe prirent à rire, & Marius ſe mocquant d'eulx leur dit, Ne uous ſouciez point de ces freres là, car ilz ont de la terre que nous leur auons baillee qu'ilz garderont à touſiours & à iamais. Ces ambaffadeurs entendirent incontinent que uoloit dire ce traict de mocquerie, & ſe prirent à luy dire des paroles oultrageuſes, en le menaſſant, que les Cimbres tout preſentement l'en feroient repentir, & les Teutons bien

B toſt apres, quand ilz feroient tous arriuez. Commēt, leur répliqua Marius, ilz ſont arriuez, & ne ſeroit pas honēſtement fait à uous, de uous en aller ſans les ſaluer, ueu qu'ilz ſont uoz freres. Aiant dit ces paroles, il commanda que lon amenāſt les Roys des Teutons liez & enchainez, qui auoient eſté pris dedans les montagnes des Alpes par ceulx de la Bourgongne. Ce que les Cimbres aians entēdu par le rapport de leurs ambaffadeurs, ſe meirent incōtinent ſans plus dilayer en chemin pour aller trouuer Marius, qui ne ſe bougeoit point, ains entendoit à fortifier & garder ſon camp ſeulement. Lon dit que ce fut pour ceſte bataille que Marius inuenta premieremēt la nouueauté qu'il introduiſit au iaelot ou corſeſque, que les Romains auoient accouſtumé de lancer

C touſiours contre l'ennemy à la premiere charge: car auparauant la hantē du iaelot eſtoit attachée au fer, & le fer à la hantē avec deux petites cheuilles de fer qui paſſoient à trauers la hantē, & lors Marius en feit laiſſer l'une ainſi cōme elle ſouloit eſtre: mais il feit oſter l'autre, au lieu delaquelle il feit mettre une petite cheuille de bois bien mince & fort aīſée à rompre, le faiſant par ruzē, à fin que quand le iaelot lancé, uiendroit à ſe ficher dedās la targe de l'ennemy, il ne demouraſt pas tout droit, ains ſe pliaſt à l'endroit du fer, & que la cheuille de bois uenant à ſe rompre la hantē en pendīſt contrebas, tenant encore de trauers au fer fiché par la poincte. Bæorix dōques le Roy des Cimbres approchant du camp de Marius avec petit nombre de gēs de cheual, l'en

D uoia deſſier à prédre iour & lieu de bataille, pour combattre à qui demoureroit le paīs: à quoy Marius feit reſpoſe, que ce n'eſtoit point la couſtume des Romains de prendre conſeil de leurs ennemis pour ſçauoir le temps ou le lieu ou ilz deuroient donner bataille: mais neantmoins qu'il eſtoit cōtent de gratifier en cela aux Cimbres. Ainſi arreſterēt ilz entre eulx, que ce ſeroit le troiſieme iour enſuiuant en la plaine de Verſelles, laquelle eſtoit commode aux Romains pour ſe ſeruir de leur cheualerie, & aux Barbares pour eſtēdre à leur aīſe le grand nombre de leurs combattans: ſi ne faillirent point les deux parties à l'aſſignation, ains comparurent en bataille reſſe les uns deuant les autres. Catulus auoit en ſon camp uingt mille trois cents hommes de guerre,

E & Marius trēte & deux mille au ſien, qu'il diſpoſa aux deux poinctes de la bataille, enfermans Catulus avec ſes gens au milieu, ainſi comme l'eſcrit Sylla, qui fut preſent à ceſte bataille, diſant, que Marius le feit malicieuſemēt pour l'eſperance qu'il auoit de rompre les ennemis avec les deux poinctes de la bataille, à fin que la uictoire totale fuſt à ſes gens, & que Catulus ny les ſiens qui ſeroient au milieu n'y euſſent point de part, & ne peuſſent pas ſeulement affronter l'ennemy, pour autant qu'ordinairement, quand le front d'une bataille eſt ainſi de grande eſtendue, les deux poinctes ont accouſtumé de ſe ier-

Caius Marius.

ter en auant, & se fait comme un croissant de Lune, là ou le milieu est plus enfoncé: & treuve lon en d'autres historiés, que Catulus mesme accusant la malignité de Marius en ce fait, le disoit ainsi pour la descharge de son honneur. Quāt aux Cimbres, les troupes de leurs gēs de pied sortās hors de leurs forts à loisir, se rengerent en bataille quarree aussi longue que large, car en chascune sens elles occupoient pres de deux lieues de pais: mais leur cheualerie qui estoit de quinze mille cheuaulx, marcha deuant en superbe equippage: car ilz auoient en leurs testes des armets faits en forme de gueules de bestes sauuages, & de meufles estranges, sur lesquels ilz portoiēt de grands & haults pennaches qui sembloient des æles, & les faisoient trouuer à l'œil encore bien plus haults & plus grands hommes qu'ilz n'estoient. Au demourant ilz auoient les corps couuerts de cuyrasses de fer, & portoient deuant eulx de grandes targes blāches, & pour armes offensives chascun auoit en main deux iauelots à darder de loing, puis quand ilz uenoient aux coups de main, ilz auoient de grandes & pesantes espees, dont ilz combattoient de pres. Mais ceste fois là ilz ne marcherent pas de droit fil contre l'armee des Romains, ains destournerent un petit à main droite, à fin de les enfermer entre eulx & leurs gens de pied qui estoient à la main gauche. Les capitanes des Romains s'apperceurent bien incontinent de leur ruze, mais ilz ne peurent retenir leurs soudards: car il y en eut un qui s'esoria que les ennemis s'enfuyoient, & incontinent tous les autres se meirent à courir apres. Ce pendant les gens de pied des Barbares qui sembloient une mer infinie, marcherent tousiours en auant, & adonc Marius, aiant lauē ses mains en les haults deuers le ciel, promet & uoua aux Dieux un solennel sacrifice de cēt bœufs. Aussi uoua Catulus, leuāt semblablement les mains contre le ciel, qu'il edifieroit un temple à la fortune de ce iour là: & dit on que Marius aiant sacrifié, quand on luy monstra les entrailles des hosties immolees s'escria tout haut, La uictoire est mienne. Mais quand ce uint à charger, il arriua à Marius un accident d'expresse uengeance diuine, laquelle feit retourner sa finesse contre luy mesme, ainsi comme Sylla l'escriit: car il se leua, comme lon peult penser, un si grād poulcier que les deux armees se perdirent de ueuē l'une l'autre: au moien de quoy Marius s'estant mis à courir le premier pour aller commencer la charge, & aiant attiré ses gēs apres luy, faillit à rencontrer les ennemis: & aiāt passé oultre leur bataille, fut long temps errant ça & là par la campagne, pendāt que les Barbares combattoient à l'encontre de Catulus. Tellemēt que le plus fort de toute la meslee fut à l'endroit de luy & de son armee: en laquelle Sylla escriit qu'il estoit, ou il dit que la chaleur & le Soleil qui donnoit au uisage des Cimbres seruit de beaucoup aux Romains: car les Barbares estans bien durs pour souffrir & endurer les froidures, à cause qu'ilz auoient esté nez & nourris en pais froids, couuerts & umbrageux, cōme nous auons dit: au contraire estoient molz à l'encōtre de la chaleur & fondoient en sueur au Soleil, & estoient incontinent à la grosse haleine, mettās leurs pauois au deuant de leurs uisages, mesmemēt que c'estoit au cucur de l'esté, enuiron le uingt & septieme iour du mois de Iuillet q̄ fut doncce ceste bataille: & seruit aussi la poulciere aux Romains à les asseurer, pource qu'elle les engarda de ueoir de loing la multitude innumerable de leurs ennemis. Et estant chascun allé courant charger ceulx qu'ilz auoient en reste deuant eulx, ilz se trouuerent attachez au combat auant que la ueuē leur eust peu apporter aucune frayeur: oultre ce qu'ilz estoient tant endurcis au traual, & si bien

A bien aguerriz que pour quelque chaleur excessiue qu'il feist, iamaïs on n'en ueit un qui suast, ne qui soufflast, encore que le premier choc eust esté fait en courant, ce que Catulus mesme a laissé par escript à la louâge de ses souldards. Si fut la plus grande partie des Barbares, mesmement les plus belliqueux, taillee en pieces sur le champ: car à fin que lon ne peust ouurir ny rompre leur ordonnance, ceulx des premiers rengs estoïent tous liez ensemble par leurs ceintures & baudriers avec longues chaines de fer, & ceulx qui s'en fouirent furent chassés & poursuuiz iusques dedâs leur câp, là ou les poursuuans rencôtrèrent des choses horribles & espouuentables à ueoir: car leurs femmes estâs montées dessus leurs chariots uestues de robes noires en deuil tuoient ceulx

B qui fuyoient sans difference quelconque, les unes leurs peres, les autres leurs marys ou leurs freres, & estranglans leurs petits enfans avec leurs propres mains, les iettoient soubz les rouës des chariots & entre les iambes des cheuaux, puis se tuoient aussi elles mesmes apres, & dit on qu'il s'en trouua une pendue au bout du timon d'un chariot, aiant attaché par le col à ses deux talons deux de ses enfans, & que les hommes à faulte d'arbre pour se pendre, attachoient des las courants, qu'ilz se mettoient au col, aux cornes & aux iambes des bœufs, & qu'ilz les picquoient puis apres avec des aguillons, pour les faire courir & saulter, tant que les trainnans ainsi par tout, & les foulans aux pieds, ilz les faisoient à la fin mourir: & neantmoins quoy qu'il y en eust par ces moïens grâd

C nombre de morts, encore en fut il pris de prisonniers bien soixante mille, & le nombre des morts en monta deux fois autant. Si pillèrent les souldards de Marius le camp des Barbares: mais les despouilles des morts en la bataille, les enseignes & les trompettes furent toutes apportées au camp de Catulus, comme lon dit, qui estoit l'argument, que Catulus alleguoit pour monstrier que c'estoit luy & ses gens qui auoient gagné la bataille, surquoy festant emeu debat & different entre les souldards des deux camps, pour le decider amiablement ilz eleurent arbitres les ambassadeurs des Parmesâns, qui d'aduenture se rencontrèrent lors en l'armée. Les souldards de Catulus les menerent au lieu ou auoit esté faite la desconfiture, leur monstians les corps des ennemis per-

D cez de part en part avec leurs iauelots, qui estoient faciles à recognoistre, pour ce que Catulus leur auoit fait engrauer son nom dessus la hante. Ce nonobstant toute la gloire de ce grâd fait d'armes fut attribuee à Marius, tant pour la premiere uictoire qu'il auoit gagnée seul contre les Barbares, que pour la dignité des magistrats qu'il auoit euz. Qui plus est, le commun peuple le surnomma troisieme fondateur de la uille de Rome, n'estimant pas moindre le peril, dont il les auoit deliurez qu'auoit anciennement esté celuy des Gaulois: & faisans bonne chere chascun d'eulx en son priué avec sa femme & ses enfans, ilz mettoient à part les primices de leur boire & de leur manger en l'honneur de Marius, ne plus ne moins q lon fait en l'honneur des Dieux: & si uo-

E loient à toute force qu'il triomphast seul des deux triumphes: ce que toutefois il ne uoulut pas faire, ains entra avec Catulus dedans la uille en triumphe, se uoulant monstrier courtois & moderé en si grande prosperité, & quâd & quâd aussi craignant à l'aduenture les souldards de Catulus, lesquelz estoient prests & appareillez, si lon uouloit priuer leur capitaine de cest hōneur, d'empescher aussi que Marius ne triomphast. Voila comment se passa son cinquieme Consulât: apres lequel encore prochassa il le sixieme plus chaudement, & de plus ardente affection que iamaïs autre ne feit son premier, cherchant la bōne gra-

Caius Marius.

ce du menu peuple par tous moiens de caresses qu'il leur pouuoit faire pour leur gratifier, en s'humiliant & abbaissant enuers eulx, non seulement contre la dignité du lieu qu'il tenoit, mais aussi contre sa propre nature, contrefaisant le doux, gracieux & populaire, encore que de son naturel il ne fust rien moins que cela. Mais son ambition le rendoit fort craintif & fort retenu en matiere de gouuernement & de brigues & menées de uille: car celle hardiesse & constance asseuree qu'il auoit en bataille contre l'ennemy, l'abandonnoit incotinét qu'il se trouuoit en une assemblée de peuple en la uille, & sortoit facilement hors de soy au premier blasme ou à la premiere louange qu'il oyait que lon luy donnoit, encore que lon compte que quelque fois comme il eust donné droit de bourgeoisie Romaine à mille hommes Camerins tout à un coup, G pource qu'ilz s'estoient fort bien & uailamment portez en une guerre, il y eut quelques uns qui l'en accuserent, disans que c'estoit chose faite contre toutes les loix. Il leur respōdit, que pour le bruit des armes il n'auoit pas peu ouï les loix: toutefois si semble il que ueritablement il craignoit & redoubtoit fort le bruit & la cryerie du peuple en une assemblée de uille: car en temps de guerre, il retenoit bien son autorité pour le besoing que lon auoit de sa suffisance: mais en temps de paix & en matiere de gouuernement ciuil, luy estant le premier lieu de credit mis en dispute, il chercha de se couler en la bonne grace du commun populaire, & à acquerir par tous moiens sa bienueuillance, aimant mieulx estre le plus grand que le plus homme de bien. Si encourut par ces de- H portemens la haine de toute la noblesse generalement: mais il n'y en auoit pas un de qui il se doubta, ne de qui il se desfia tant comme il faisoit de Metellus, pour le tour de grande ingratitude qu'il se souuenoit luy auoir fait, & aussi pource qu'estant homme de nature droit, entier & ueritable, il en uoloit ordinairement à ceulx qui par uoyes obliques s'alloient glissant en la bonne grace du peuple, & s'estudioient à faire toutes choses pour le flatter & luy complaire: au moien de quoy Marius espioit tous moiens pour le chasser hors de Rome, pour à quoy paruenir il fallia d'un Glaucias & d'un Saturninus les deux plus audacieux, plus effrontez & plus temeraires hommes qui fussent en toute la uille, qui auoient à leur commandement toute la tourbe des souffreteux, necessiteux, & telle maniere de gens qui ne demandent que troubles & tumultes, par l'entremise desquelz il mettoit en auant de nouvelles loix populaires, & quād & quād faisoit uenir des chāps les gens de guerre, & les mesloit parmy le peuple de la uille aux assemblees publiques pour faire de la fâcherie à Metellus. D'auantage l'historien Rutilius homme de bien au demourant & ueritable: mais particulierement ennemy de Marius, escrit qu'il obtint son sixieme Consulat, moienant de l'argent qu'il feist distribuer par chascune lignee du peuple, & qu'il l'achepta à deniers comptans, à fin d'en pouoir debouter Metellus, & auoir Valerius Flaccus, non ia pour pair & cōpagnon au Cōsulat, mais plustost pour ministre de sa uolunté. Il n'y auoit iamais eu Ro- K main à qui le peuple eust conféré six fois le Cōsulat, excepté Valerius Coruinus seul: mais à celuy là, on dit qu'il y eut quarāte cinq ans entre son premier Cōsulat & son dernier: là ou Marius depuis son premier continua les cinq autres de reng tout d'une tire de la faueur de fortune: mais au dernier il excita grāde haine & enuie contre soy à cause des lourdes fautes qu'il commetoit à l'appetit de cestuy Saturninus, entre lesquelles fut la mort de Nonius que tua Saturninus, pource qu'il estoit son concurrent en la brigue du Tribunat. Puis quand

- A il eut esté eleu Tribun du peuple, il meit en auant une loy pour faire repartager les terres, en laquelle loy il auoit notammēt adiousté un article, Que tous les seigneurs du Senat uiendroient iurer publiquement, qu'ilz obserueroient & garderoient de poinct en poinct ce que le peuple par ses suffrages auroit arresté, & n'y contreuiendroient en chose quelcōque. Marius en plein Senat feit semblant de uouloir oppugner cest article, disant que ny luy ny autre homme de bon sens, à son aduis, ne feroit ce serment: car si la loy, disoit il, estoit mauuaise, on feroit, ce disoit il, tort au Senat, de le contraindre à conceder cela par force, & non de sa franche uolunté: mais il disoit cela, nō pource qu'il eust intention de le faire ainsi qu'il disoit, ains estoit un aguēt qu'il dresseoit à
- B Metellus bien mal aisé à eschapper. Car estimant, que sçauoir bien mentir fust une partie de uertu & de bon esprit, il auoit tresbien resolu en soy mesme, de ne se soucier ny souuenir aucunement de chose qu'il eust ditte au Senat: & au contraire, sachant bien aussi que Metellus estoit homme graue & sage, qui reputoit que l'estre ueritable, comme dit Pindarus, soit le commencement & le fondement d'une grande uertu, il le uouloit surprendre, en luy faisant affermer deuant le Senat qu'il ne iureroit point, sachant bien que le peuple luy en uoudroit mal de mort, quand puis apres il refuseroit à iurer, cōme il en aduint, pource que Metellus aiant lors asseuré qu'il ne iureroit point, le Senat se leua. Et peu de iours apres Saturninus appellāt les Senateurs à la Tribune aux
- C harengues pour le contraindre de iurer deuant le peuple, Marius sy alla presenter: & là toute l'assistance feit un grand silence, & eut les oreilles bien ouuertes pour ouir ce qu'il diroit: mais luy ne faisant compte de ce qu'il auoit si uailamment promis de la langue deuant le Senat, dit alors qu'il n'auoit pas le col si large, qu'il uoulust preiudicier à chose de si grande consequence, & qu'il iureroit & obeiroit à la loy, si c'estoit loy: car il y adiouxta ceste belle cautele, comme une couuerture, pour cacher & couvrir sa honte. Cela dit, il iura: & l'aiaut ueu le peuple iurer, en fut fort ioyeux, & le haultloua avec grands battemens de mains: mais les gens de bien & d'honneur baissans les testes en furent fort desplaisans, & luy uoulurent grand mal en leurs cueurs de ce qu'il
- D festoit ainsi laschement & uillainement changé. Si iurerent tous les autres Senateurs les uns apres les autres, malgré eulx, pour la crainte qu'ilz auoiēt du peuple, iusques à Metellus, lequel pour prieres, ne pour remonstrances que ses parents & amis luy sceussent faire pour l'induire à uouloir iurer, à fin de n'en courir point les peines capitales que Saturninus imposoit à ceulx qui refuse-roient à iurer, ne fleschit point, ny ne feit onques le sermēt, ains demoura ferme en son naturel, estāt prest & appareillé de souffrir toutes les peines du monde plustost que de commettre chose aucune indigne de luy: & à tant s'en alla
- E de l'assemblee deuisant avec ceulx qui l'accompagnoient, Que c'estoit chose trop facile & trop lasche, que de mal faire, & que de faire bien là ou il n'y eust point de dāger, c'estoit chose commune: mais que faire bien là ou il y eust dāger, c'estoit le propre office d'un homme d'honneur & de uertu. Saturninus adonc feit commander aux Consulz par edict du peuple, qu'ilz eussent à ban-nir Metellus à son de trompe, avec defense de luy donner ne feu ne eau, ne le loger & receuoir à couuert: & estoiet les plus basses personnes du peuple toutes prestes à luy courir sus pour le tuer: mais les gēs de bien estans desplaisans du tort qu'on luy faisoit, se rengerent au tour de luy pour le garder si on luy uoloit faire uiolence: mais luy mesme fut si bon, qu'il ne uolut pas que se-

Caius Marius.

dition ciuile se feist pour l'amour de luy, ains s'absenta de la uille de Rome, en F
quoy il feist sagement: car ou les choses, disoit il, s'amenderont, & lors le peuple se repentant de son erreur me r'appellera: ou si les affaires demeurent en tel estat qu'ilz sont à present, le meilleur sera de s'en tenir bien loing. Mais quant au uoyage qu'il feist en cestuy sien exil, combien il y fut aimé & honoré, comment il passa doucement son temps à estudier en la philosophie en la uille de Rhodes, il se dira plus à propos en sa uie. Au demourant, Marius estant contraint, en recompence de ce plaisir que luy auoit fait Saturninus, de luy laisser entreprendre & faire toutes choses à sa uoulunté, ne se donna garde qu'il feist une playe insupportable à la chose publique, l'aschant la bride à un homme G
desesperé, qui par toutes uoyes de faict, par armes & par meurtres, tendoit euidentement à usurper une domination tyrannique, & à la ruine uniuerselle de toute la chose publique. Ainsi portant d'un costé reuerence à la noblesse, & de l'autre costé desirant gratifier au commun populaire, il feist un acte lasche, & un tour d'homme à deux uisages: car un soir les principaux homes & plus gés de bien de la uille, estans allez en son logis, pour luy remonstrer qu'il deuoit refrener l'audace & l'insolence de ce Saturninus: & au mesme temps y estant aussi allé Saturninus pour parler à luy, il le feist entrer par une autre porte sans que les nobles en sceussent rien: & donnant à entendre aux uns & aux autres, qu'il auoit le flux de uentre, sous ceste couleur alloit courant tantost à l'un & tantost aux autres, sans faire autre chose que les aigrir & irriter encore H
plus qu'ilz n'estoient les uns contre les autres. Toutefois le Senat aiant à bon esciant pris l'affaire à cueur, & s'estât l'ordre des cheualiers bendé avec ceulx du Senat, Marius à la fin fut contraint de faire porter armes en la place pour reprimer les seditieux, & les renga dedans le Capitole, là ou ilz furent contraints de se rendre à faulte d'eau, à cause qu'il feist trencher les cōduits par lesquels l'eau y alloit: à l'occasion dequoy ne pouuans plus tenir, ilz l'appellerēt & se rendirent à luy soubz assurance de la foy publique: mais quoy qu'il se tournaist en tous les sens qu'il luy fut possible pour les cuider sauuer, il ne leur seruit neantmoins de rien, pource qu'ilz ne furent pas plus tost descendus en la place, qu'ilz furēt tous mis à mort. Au moien dequoy, aiant encouru la I.
male grace & du peuple & de la noblesse, quād uint le tēps que lon deuoit elire de nouueaux Censeurs, chascun s'attendoit bien qu'il deust estre l'un des pretendans, toutefois il ne le demāda point, pour la doubte qu'il eut d'en estre refusé, & en souffrit elire d'autres de beaucoup moindre dignité que luy: en quoy neantmoins il mettoit le plus beau de son costé, disant qu'il n'auoit pas voulu prochasser ce magistrat, pource qu'il ne se uoloit poit mettre en la male grace de plusieurs, en allant seuerement rechercher & contreroller leurs uies & leurs meurs. D'auantage aiant esté mis en auāt un decret de r'appeller Metellus de son exil, Marius feist & de parole & d'effect tout ce qui luy fut possible pour l'empescher: mais finablement uoiant qu'il n'y gaignoit rien, il s'en K
porta. Ainsi aiant le peuple receu & authorisé bien uoluntiers ce decret de la reuocation de Metellus, luy n'ayant pas le cueur de le ueoir reuenir en despit qu'il en eust, monta sur mer pour s'en aller en la Cappadocie & en la Galatie, sous couleur d'aller payer à la mere des Dieux quelques sacrifices qu'il luy auoit uoez: ce qui n'estoit pas l'occasion ueritable de luy faire entreprēdre ce uoyage, ains y en auoit une autre secrette, pource que n'estant pas de sa nature propre à uiure en paix, ny à manier affaires politiques, comme celuy qui auoit acquis

A acquis sa grandeur par les armes, & pensant que sa gloire & son autorité falloit petit à petit aneantissant & amortissant par trop demourer en paix sans rien faire, il cherchoit matiere de nouvelles guerres, esperant que s'il pouuoit embrouiller & irriter ces Roys de l'Asie, mesmemét Mithridates, lequel sans cela on attendoit bien qu'il deust un iour prédre les armes cōtre les Romains, il seroit incontinent sans doubte ny contradictiō aucune eleu capitaine pour luy aller faire la guerre, & consequemmét, que ce luy seroit matiere & moien d'emplir la uille de Rome de nouueaux triumphes, & sa maison des despouilles de ce grand royaume de Pont, & des richesses du Roy. Pourtant Mithridates festant mis en deuoir de luy faire tout l'honneur, tout le bon traitement, & amiable recueil qui luy fut possible, iamaïs pour tout cela il n'en plia iusques à luy monstrier un bon uisage, ny à luy user de gracieuse parole, ains luy dit brusquement en se partant d'avec luy : Il fault que tu te deliberes de faire l'un des deux, Roy Mithridates, ou que tu tasches à estre plus fort & plus puissant que les Romains, ou que tu faces sans rien repliquer à l'encontre tout ce qu'ilz te commanderont. Ce propos estonna Mithridates, lequel auoit bien ouy dire que les Romains parloient ainsi franchement, mais il ne l'auoit iamaïs esprouué ny ouy que ceste fois là. Retourné qu'il fut à Rome, il feit bastir une maison assez pres de la place, pource qu'il ne uouloit pas, ainsi qu'il disoit, que ceulx qui luy uenoient faire la court se trauaillassent, aians à faire grand chemin pour le conuoyer iusques en sa maison, ou pource qu'il estimoit que cela estoit cause que plus de gens ne le uenoient pas saluer en sa maison, & luy faire la court, que les autres Senateurs : mais cela n'en estoit pas la ueritable cause, ains estoit, pource qu'il n'auoit pas de nature la grace de recueillir & entretenir amiablemēt les personnes, & qu'il auoit faulte des parties & qualitez requises aux affaires de uille : au moien dequoy, en temps de paix on n'en tenoit compte, nō plus que d'un uieil harnois & d'un util, qui n'estoit bon qu'à la guerre tant seulement. Et quant aux autres qui estoient de sa qualité, il ne luy faschoit pas tant qu'ilz eussent la uogue deuāt luy, comme il faisoit de Sylla : car il creuoit de despit, uoiant q̄ les nobles faisoient tout ce qu'ilz pouuoient à le poulser en auant pour l'enuie qu'ilz auoient contre luy, & que le commencement & le plus grand moien de son auancement estoient les querelles & differents qu'il auoit avec luy. Mesmemét quand Bocchus le Roy de Numidie, aiant esté aduoué & déclaré par le Senat amy & allié du peuple Romain, offrit au temple du Capitole des statues de uictiores qui portoient des trophees, & aupres d'elles posa aussi en images d'or un Roy Iugurtha qui luy deliuroit & cōsignoit entre les mains de Sylla : car cela feit sortir Marius hors de soy de despit & de ialousie qu'il en eut, ne pouuant supporter qu'un autre fattribuast la gloire de ses faiçts, tellement qu'il estoit bien resolu d'abbattre ces images là, & les oster par force. Sylla aussi de l'autre costé s'opiniastroit à les uouloir maintenir au lieu ou elles auoient esté mises, de sorte que ceste seditiō ciuile fust bien tost sortie en euidēce, n'eust esté la guerre des alliez qui suruint là dessus, & la restraignit pour un temps : car les plus puissans peuples, & les plus belliqueuses nations de l'Italie, se soubleuerent ensemble à l'encōtre des Romains, & sen fallut bien peu qu'ilz ne meissent sans dessus dessous tout leur empire, pour autant qu'ilz n'auoient pas seulement la force des armes & le nombre des hommes, mais aussi les capitaines en hardiesse & en suffisance excellents à merueilles & à peu pres egaux aux Romains. Si fut ceste

Caius Marius.

guerre merueilleuse pour la diuersité des accidents qui y aduindrent, & pour F
la uarieté de la fortune en icelle : mais elle adiouxta autant de gloire & de re-
putation à Sylla comme elle en osta à Marius : car il se monstra froid &
lent en toutes ses entreprises ne cherchant qu'à dilayer & à reculer tousiours,
fust, ou pource que la uieillesse eust desia esteinct celle chaleur actiue, &
celle prompte uiuacité qui souloit estre en luy, à cause qu'il auoit ia passé le
soixante & cinquieme an de son aage, ou pource que, comme luy mesme di-
soit, il estoit deuenu goutteux & trauaillé de maladie de nerfs, de sorte qu'il
ne se pouuoit pas bien aider de sa personne, & faisoit pour la honte qu'il auoit
de demourer en arriere en la conduite de ceste guerre plus que sa puissance ne
portoit. Ce neantmoins tout tel qu'il estoit, encore gaigna il une grosse bat- G
taille, en laquelle il demoura sur le champ six mille des ennemis morts, & tât
comme la guerre dura, ne leur dōna iamais prise sur luy, ains endura patiem-
ment qu'ilz l'enfermassent quelque fois de trenchees, qu'ilz luy dissent des in-
iures & paroles de mocquerie, & qu'ilz le desfiassent à uenir au combat, sans
iamais pour tout cela se laisser transporter à sa cholere. Auquel propos on cō-
pte que Publius Silo, qui estoit le capitaine de plus grande reputation & de
• plus grande autorité que les ennemis eussent, luy dit une fois: Si tu es si grād
• capitaine, cōme lon dit, Marius, fors de ton camp & uiens à la bataille. Mais
• toymesme, luy respondit Marius, si tu es grand capitaine, contrains moy d'en
sortir, & de uenir à la bataille malgré moy. Vne autre fois cōme les ennemis H
eussent donné une occasion de leur faire quelque grande charge avec auan-
tage, les Romains eurent faulte de cueur, & ne les ozerent aller assaillir. Par-
quoy apres que les uns & les autres se furent retirez, Marius feit assembler les
• siens, & parla à eulx en ceste maniere : Le ne sçay lesquelz ie doy appeller plus
• couards ou uous ou uoz ennemis : car eulx n'ont pas eu la hardiesse de uous
• ozer regarder au dos, ny uous eulx au uisage. Toutefois à la fin il fut cōtraint
de quitter la charge, n'y pouuant plus fournir pour la debilité & foiblesse de
sa personne. Au demourant estans ia les peuples coniuerez de l'Italie reduits
fort au bas, plusieurs à Rome par le moien des harengueurs briguoiet d'auoir I
la charge de la guerre contre le Roy Mithridates, & y eut un Tribun du peu-
ple nommé Sulpitius, homme fort audacieux & temeraire, qui contre l'opi-
nion & l'esperance de tout le monde meit en auant Marius, & suada que lon
luy donnast la superintendence de ceste guerre avec tiltre & autorité de Vi-
ceconsul. Le peuple adonc se diuisa en deux parts, pource que les uns uou-
loient elire Marius, les autres appelloient Sylla, à ceste charge, disans que Ma-
rius ne deuoit plus penser que de se retirer aux baings chauds à Baies, pour y
traitter son corps affoibly de defluxions & de uieillesse, ainsi que luy mesme
disoit. Car Marius auoit en ce quartier là pres du mōt de Misene une fort bel-
le & magnifique maison, ou il y auoit des moiens de delices plus tendres &
plus effeminees qu'il ne sembloit estre conuenable à homme qui s'estoit trou- K
ué en personne en tant de batailles & en tant de dangers. Lon dit que Corne-
lia depuis l'eut pour la somme de sept mille cinq cents escus, & peu de temps
apres Luculus l'achepta plus de cinquante mille tant les delices, la superfluité
& la sumptuosité s'allèrent multipliant en peu de temps à Rome. Ce nonob-
stant Marius combattans trop ambitieusement, & en ieune homme passion-
né contre sa foiblesse, & contre la debilité de sa uieillesse, ne failloit point à se
trouuer tous les iours au champ de Mars, & à s'y exercer avec les ieunes ho-

A mes montrât son corps encore dispos & léger pour manier toutes sortes d'armes, & picquer cheuaultx, quoy que sur les derniers ans il ne fust pas fort aisé de sa personne, pource qu'il deuint fort replet & pesant. Il y en auoit qui trouuoient cela le meilleur du monde, & qui alloient expressement sur le champ pour ueoir la peine qu'il prenoit à se monstrier & à s'efforcer de faire mieulx que les autres: mais les gens de bien qui uoyoient cela, auoient compassion de son auarice & de son ambition, attendu mesmement qu'estât deuenue de pauvre trefriche, & de petit tresgrand, il ne sçauoit pas ficher un but au cours de sa prosperité, & ne se contentoit pas d'estre estimé & honoré, iouissant en paix & en repos de ce qu'il auoit ia tout acquis & present, ains tout ainsi q'il eust esté necessiteux & indigent de toutes choses, apres auoir eu tant d'honneurs & tant de triumphes, il uouloit encore aller porter sa uieillesse si grande iusques en la Cappadocie, & au royaume de Pont, pour y combattre à l'encontre d'un Archelaus & un Neoptolemus lieutenans du Roy Mithridates. Il est uray qu'il alleguoit quelques raisons pour se iustifier de cela, mais elles estoient totalement uaines: car il disoit qu'il desiroit luy mesme en personne instruire son filz en l'exercice des armes, & luy enseigner le mestier de la guerre. Cela descouurit la maladie cachee & secrette, qui de long temps se couuoit en la uille de Rome, aiant mesmement Marius rencontré un ministre & instrument fort propre à la ruine de la chose publique, que l'insolèce & la temerité de Sulpicius, lequel en tout & par tout alloit ensuiuant les faicts de Saturninus, excepté qu'il le reprenoit encore d'auoir esté trop couard & trop lasche en ses entreprises: mais luy ne uolât point dilayer, auoit tousiours à l'entour de sa personne six cents ieunes hommes de l'ordre des cheualiers, desquelz il se seruoit comme de satellites, les appellant le Cōtresenat. Et un iour ainsi que les Consulz tenoient assemblee publique dessus la place, Sulpicius y entrant en armes les feit tous deux fouir, & en ceste fuitte le filz de l'un des Cōsulz estant attrappé, y fut occis: & Sylla, qui estoit l'autre Cōsul, se sentât aussi poursuiuy de pres iusques deuant la maison de Marius, se ietta dedans, contre l'opinion de tout le monde: dequoy ne s'estât point apperceuz ceulx qui couroient apres luy, passerent oultre: & dit on que Marius luy mesme, le feit sortir à sauueté par une autre porte, & qu'estant ainsi eschappé, il s'en alla en son camp. Toutefois Sylla mesme en ses commentaires ne dit point, qu'il se fust sauué en ceste fuitte dedans la maison de Marius, ains dit qu'il y fut mené pour decider & resouldre l'affaire, auquel Sulpicius le uouloit cōtraindre, & le luy faire accorder malgré luy, en luy presentât espees nues de tous costez: & escrit qu'ayant esté ainsi trainné chez Marius, il y fut detenu en ces frayeurs iusques à ce, que retournant sur la place il fut contrainct de reuoquer la cessation des affaires que luy & son compagnon auoient par edict commadée. Quoy fait, Sulpicius adonc estant le plus fort, feit decerner à Marius par les uoix du peuple la commissiō & charge de la guerre contre Mithridates. Parquoy Marius se mettant en ordre pour partir, enuoya deuant deux de ses coulonnez pour prendre l'armee des mains de Sylla, lequel aiant le premier gagné les cueurs des soudards, & les aiant irrités à l'encōtre de Marius, les remena droit à Rome, n'estans pas moins de trentecinq mille hommes en armes, qui se iettât sur les capitaines que Marius leur auoit enuoyez, les occirent sur le champ: en reuenche dequoy Marius dedans Rome feit mourir plusieurs des amis & adherens de Sylla, & à son de trompe offrit publiquement liberté aux serfs & esclaves.

Caius Marius.

ues qui uoudroient prendre les armes pour luy, mais il n'y en eut iamais que F
trois qui se presentassent: au moien dequoy, aiant un peu faict de resistance à
Sylla, quand il entra dedans Rome, il fut bien tost contraint de prendre la
fuite, si ne fut pas plus tost hors de la uille que ceulx qui estoient en sa com-
pagnie l'abandonnans, s'escarterent les uns ça les autres là estant nuit toute
noire, & luy se retira en une siene maison des champs nommee Salonium, &
enuoya son filz en des maisons de son beaupere Mutius, qui n'estoiet pas gue-
res loing de là, pour y prédre quelques prouisions necessaires à uiure: mais ce
pendât luy s'en alla deuât à Hostie, là ou l'un de ses amis Numerius luy auoit
fait apprester un uaisseau, sur lequel il s'embarqua tout incontînet sans atten-
dre son filz, & feit uoile aiant seulement avec luy Granius le filz de sa femme. G
Ce pendant le ieune Marius estant es possessions de son beaupere Mutius, sa-
musoit à prendre quelques prouisions & à les empacqueter pour les emporter,
tant que le iour suruint qui le cuida deceler: car les ennemis eurent aduertisse-
ment qu'il estoit allé là, & y uindrent quelques gens de cheual cuidâs l'y trou-
uer: mais le concierge de la maison en aiant senty le uent, & les aiant preueuz
auant qu'ilz arriuaissent, attella uistiment des bœufs à un chariot, sur lequel il
chargea des febues & cacha deffoubs le ieune Marius, & touchant ses bœufs
s'en alla au deuât d'eulx uers la uille, & le conduisit en ceste sorte iusques en la
maison de sa femme, là ou il prit ce qui luy faisoit besoing, puis quâd la nuit
ensuyuant fut uenue, il s'en alla uers la mer, là ou il s'embarqua sur une naui- H
re qui passoit en Afrique. Mais le uieil Marius s'estât mis à la uoile, eut le uent à
propos pour cingler le lōg de la coste d'Italie: toutefois aiât crainte d'un per-
sonnage nommé Geminius, qui estoit l'un des principaux hommes de Terra-
cine, lequel luy uouloit mal de mort, il aduertit de bonne heure ses mariniers
qu'ilz se gardassent d'abborder à Terracine. Les mariniers luy uouloient bien
obeir, mais le uent se tourna du costé de la pleine mer, qui eueut une grosse
tourmente, & craignoient les mariniers que leur uaisseau, qui n'estoit qu'un
batteau, ne peust pas resister à la uiolence des uagues, avec ce que luy mesme se
portoit fort mal de son estomac, & estoit fort trauaillé de la marine: toute-
fois à la fin avec toute la peine du monde, ilz feirent tant qu'ilz gaignerent la I
coste à l'endroit de la uille de Circees. Ce pendant la tourmète alloit tousiours
augmentant, & leur estans les uiures faillis, ilz furent contraints de descen-
dre en terre, là ou ilz allerent errans ça & là sans auoir aucun but certain de ce
qu'ilz deuoient faire, ou là ou ilz deuoient tendre: mais ainsi qu'il aduient or-
dinairement en telles extremitez de destresse, il leur sembloit tousiours le plus
seur de fouir du lieu ou ilz se trouuoient, & auoir esperance en ce que point ilz
ne uoyoi-ent: car si la mer leur estoit ennemie, si estoit bien la terre. Ilz crai-
gnoient de rencontrer des hommes, & si auoient peur de n'en rencōtr-er point
pour la grande faulte & necessité qu'ilz auoient de uiures: toutefois à la fin ilz
trouuerent des bouuiers, qui ne leur peurent rien donner à manger, mais aiâs K
recogneu Marius l'admonesterent de foster de là le plus tost qu'il luy seroit
possible, pource qu'il n'y auoit gueres qu'il estoit passé par là un bon nôbre de
gens de cheual qui le cherchoient par tout. Ainsi estant reduit à telle perple-
xité qu'il ne sçauoit plus qu'il deuoit faire, mesmement pource que les gens
qu'il auoit en sa compagnie ne se pouuoient plus soustenir, tant ilz enduroi-ent
de faim, il se retira toutefois hors du chemin, & se ietta dedans un bois fort
espes, là ou il passa toute la nuit en grande angoisse: & le lendemain estant
containt

A contraint par la necessité, il delibera d'employer encore son corps & sa personne deuant que toute force entierement luy defaillist : si se meit en chemin le long du riuage de la mer reconfortant le mieulx qu'il pouuoit, ceulx qui le suyuoiert, en les priant de ne se desesperer point, ains se reseruer avec luy à la derniere esperance, se confiant en quelques prediçons que les deuins long temps au parauant luy auoient prophetisees. Car estant encore fort ieune, & demourant aux champs, il recueillit dedans un pan de sa robbe le nid d'une aigle, dedans lequel y auoit sept petits aiglets, dequoy ses pere & mere furent bien esbahis : si demanderent aux deuins que cela uouloit signifier : qui leur respondirent, que leur enfant seroit un iour l'un des plus grands & des plus

B renommez homes du monde, & que sans nulle faulte il obtiendroit par sept fois en sa uie le magistrat de souueraine autorité en son pais. Toutefois quand à cela, il y en a qui disent que ueritablement cela aduint ainsi à Marius : les autres tienent que ceulx qui se trouuerent lors à l'entour de luy, en ce lieu là & ailleurs tant comme il fut en fuite, luy aians ouy reciter ce cōpte, le creurent, & depuis le meirent par escript, comme chose ueritable, combien qu'elle soit faulse & controuuee, pource qu'ilz disent que l'aigle ne fait iamais plus de deux petits : au moien dequoy ilz soustienent encore que le poëte Musæus a menty en ce qu'il escrit en ces uers,

Trois œufs pont l'aigle, en escloft une paire,

E t n'en nourrit qu'un tout seul en son aire.

C Comment que ce soit, il est bien certain que Marius par plusieurs fois, durant le temps de sa fuite, dit, & asseura qu'il paruiendroit iusques au septieme Cōsulat. Quand donques ilz furent pres de la uille de Minturnes d'environ cinq quarts de lieue, ilz apperceurent uenir de loing une troupe de gēs de cheual le long de la marine, & en la mer deux nauires qui cingloient assez pres de la coste de bonne aduenture : si se meirent tous à courir tant comme ilz eurent de force & d'halene uers la mer, dedans laquelle ilz se ietterent, & gaignerent à nage l'une des nauires, dedans laquelle estoit Granius, & trauerferent en l'isle qui est uis à uis, appelee Enaria. Quant à Marius qui estoit pesant & mal aisé

D de sa personne, deux de ses seruiteurs luy aiderēt à le soublleuer tousiours sur l'eau avec toute la peine & toute la difficulté du monde, & feirent tant qu'à la fin ilz le meirent dedans l'autre nauire à l'instant mesme que les gens de cheual arriuerent à l'endroit du riuage, qui crierent aux mariniers qu'ilz eussent à abborder, ou biē à ietter Marius hors de leur nauire, & qu'ilz s'en allassent puis apres là ou bō leur sembleroit. Marius de l'autre costé les supplia humblemēt les larmes aux yeux qu'ilz ne le uoulussent pas faire : de sorte que les maistres de la nauire furent en peu d'heure plusieurs fois en uolūtē de le faire, & puis de non le faire : à la fin toutefois ilz respondirent à ces gens de cheual qu'ilz ne le ietteroient point hors de leur uaisseau, tellement que les gens de cheual se partirent de là en cholere : mais si tost qu'ilz furent partis, ceulx de la nauire changeans de uoluntē, en approchant de terre, ietterent leur ancre pres de la bouche de la riuere de Liris, là ou elle s'espand hors de riuē, & fait un grand marais, & dirent à Marius qu'il ualoit mieulx qu'il descendist en terre pour prendre sa refection, & refreschir un peu sa personne qui estoit fort rompue & fort trauaillee de la marine, iusques à ce que le uēt leur fust bō pour faire uoile, ce qui seroit sans nulle doubte à une certaine heure que le uēt de mer auoit tousiours accoustumē de s'assopir, & qu'il se leuoit un petit uent de terre en-

Caius Marius.

gendré des uapeurs du marets, qui leur suffiroit pour s'esslargir en haulte mer. F
Marius pensant qu'ilz luy dissent uerité, feit ce qu'ilz luy conseillèrent, & les
mariniers le descédirent sur le riuage, là ou il se coucha tout de son long des-
sus l'herbe, ne pensant à rien moins qu'à ce qui luy deuoit aduenir: car ces ma-
riniers remontans incontinent en leur uaisseau & leuans les ancrs, se meirēt
à la uoile pour fouir, estimans qu'il ne leur eust esté ny honeste de liurer Ma-
rius entre les mains de ses ennemis, ny seur aussi de le uouloir sauuer. Ainsi
Marius se trouuant seul abandonné de tout le monde, demoura longuement
estēdu sur le riuage sans mot dire: toutefois à la fin aiant repris un peu de cou-
rage encore se remeit il à cheminer en grande peine par lieux ou il n'y auoit
chemin ny sentier quelconque, à trauers des marets profonds & de grāds fos- G
sez pleins d'eaux & de bourbe, iusques à ce qu'il arriua en la petite cabane d'un
pauvre bon homme uieillard qui se tenoit en ce marets, & se iettant à ses piedz
le supplia de uouloir secourir & sauuer un personnage affligé qui luy en ren-
droit un iour recōpence plus grande qu'il ne l'oseroit esperer, s'il pouuoit une
fois eschapper du present danger ou il se trouuoit. Le uieillard, soit qu'il co-
gneust de longue main Marius, ou qu'à le ueoir seulemēt au uisage, il iugeast
bien par coniecture, que ce deuoit estre quelque grand personnage, luy dit,
que s'il ne uouloit que se reposer, sa petite cabanne estoit suffisante pour ce fai-
re: mais si d'aduēture il alloit ainsi errant pour fouir quelques siens ennemis
qui le poursuuiussent, il le meneroit bien cacher en un autre lieu plus secret & H
plus hors de bruit. Marius le pria de ce faire: & le bon homme le mena au de-
dans du marets en un endroit bas au long du cours de la riuere, là ou il le feit
coucher, & puis ietta dessus luy force cannes, rouseaux, & autre telle matiere
legere pour le couvrir sans luy faire mal. Il n'y eut pas gueres esté qu'il enten-
dit un grand bruit uenant de deuers la cabanne du pauvre uieillard, pource
que Geminius de Terracine auoit enuoyé gens ça & là en queste pour le cher-
cher, desquelz les uns par cas d'aduenture s'adresserent là, & effroyerent le
pauvre bon homme, crians à l'encontre de luy, qu'il auoit recueuilly & qu'il
receloit un ennemy du peuple Romain. Ce qu'entēdāt Marius, se leua du lieu
ou le bon homme l'auoit mis, & s'estāt despouillé entra en un endroit du ma- F
rets ou l'eau estoit fort boueuse & fangeuse, & la fut trouué par ceulx qui le
cherchoient: lesquelz l'ayant tiré tout nud hors de celle fange, le menerent en
l'estat qu'il estoit dedās la uille de Minturnes, là ou ilz le consignerēt entre les
mains des officiers de la uille, pource que le mandement du Senat auoit esté ia
publié par toutes les uilles d'Italie, par lequel il estoit commandé que lon eust
à poursuiure publiquemēt & à courir sus à Marius, & à le tuer en quelque part
que lon le peust trouuer: toutefois les officiers de Minturnes furent d'aduis
d'en consulter premierement entre eulx, & ce pēdant le feirent mettre en gar-
de chez une femme de la uille nommee Fannia, que lon pensoit luy estre grā-
de ennemie à cause d'une ancienne querelle, q̄ estoit telle. Elle auoit eu autre- K
fois un mary nommé Tinnius, duquel elle se uouloit departir, & luy redemā-
doit son douaire, qui estoit grand. Le mary au contraire luy mettoit sus qu'el-
le estoit adultere: & de ce different Marius en son sixieme Consulat auoit esté
iuge. Les parties ouyes, par le discours du proces il fut trouué que ceste Fannia
festoit mal gouvernee, & que le mary l'ayant bien sceu auāt que de l'espouser,
l'auoit neantmoins prise toute telle, & auoit longuement uescu avec elle: par-
quoy Marius blasmat l'une & l'autre, cōdemna le mary à restituer le douaire,

A & nota d'infamie la femme, la condamnant par ignominie en amende de quatre quattrins: toutefois Fannia pour cela ne se monstra point lors femme offensée, & ne pensa à rien moins qu'à se uéger quand elle ueit Marius entre ses mains, ains au contraire le traitta de ses biens, & le reconforta au mieulx qui luy fut possible, dequoy Marius la remercia grandemét, & luy dit qu'elle eust bonne esperance pource qu'en entrant chez elle il auoit eu une rencontre de bon presage qui fut telle. Ainsi qu'on le menoit, quand il fut pres du logis de ceste Fannia, estant la porte toute ouuerte, il en estoit sorty un asne courant pour aller boire en une fontaine qui couloit pres de là, & trouuât en son chemin Marius, le regarda d'une façon toute gaye & eniouee, s'arrestant premierement tout court deuant luy, & puis se prenant à braire fort hault, & à saulter & regibber au long de luy. Sur quoy Marius fondant sa coniecture, disoit, que les Dieux luy signifioiét, qu'il se sauuerait plus tost par eau que par terre, pource que l'asne au partir d'aupres de luy s'en estoit allé boire, sans se soucier de manger. Aiant dit ce propos à Fannia il uoulut reposer, & cōmanda qu'on le laissast seul, & qu'on fermaist la chambre sur luy: mais les officiers de la uille aians bien consulté sur ce faict, furent en fin d'aduis, qu'il ne falloist point différer, ains le faire promptement mourir. Ceste resolution prise, il ne se trouua personne qui l'ozaist aller executer, & y eut un homme d'armes Gaulois ou Cimbre de natiō (car l'un & l'autre se treuve par escript) qui s'y en alla l'espee nue en la main. Or estoit l'endroit de la chambre, auquel Marius se repositoit, fort trouble & obscur, & dit on qu'il sembla à l'homme d'armes qu'il ueit sortir des yeux de Marius deux flammes ardentes, & entendit une uoix sortant de ce coing là tenebreux, q luy dit, Ozes tu bien, hōme, uenir pour occire Caius Marius? Le Barbare aiant ouy ces paroles, s'en sortit incontinent de la chambre, iettant son espee emmy la place, & criant ces mots seulement, Je ne sçauois tuer Caius Marius. Cela estonna premieremét ceulx de la uille, puis apres les eueut à compassion, de sorte qu'ilz se blasmerent eulx mesmes, & se repentirent d'auoir pris une si cruelle resolution en leur conseil & si ingrate à l'encōtre d'ũ personnage qui auoit preserué toute l'Italie, auquel refuzer secours en un si extreme besoing, estoit un grand peché. Laissons le donques aller (ce dirent ilz entre eulx) là ou il uouldra, pour endurer ailleurs ce que sa destinee luy apportera, & prions aux Dieux qu'ilz nous pardonnent ceste offense, d'auoir seulement ietté Marius indigent & nud hors de nostre uille. Pour ces cōsiderations s'en allerent les Minturniens tous, à la foule là ou il estoit, & l'environnerent en propos de le conduire & accompagner à sauueté, iusques sur le bord de la mer: & combien qu'ilz se hastassent de le secourir de bonne affectiō, l'un d'une chose l'autre d'une autre, & qu'ilz feissent la meilleure diligence qui leur estoit possible, si passa il quelque espace de tēps, pource que le bois de Marica qu'ilz appellent, & qu'ilz ont en singuliere reuerēce, tellemét qu'ilz obseruent fort religieusement de n'emporter rien de tout ce qui a une fois esté porté dedans: Ce boschage, dis-ie, estoit entre leur uille & la coste de la mer, & leur empeschoit le droit chemin pour y aller, & s'ilz uouloient faire le circuit tout alentour, il falloist beaucoup demourer: à raison dequoy, comme ilz fussent en doubte, il y eut un des plus uieux de la uille, qui dit tout hault, qu'il n'y auoit point de chemin prohibé ny defendu à ceulx qui alloient pour sauuer la uie à Marius, & luy mesme le premier, prenant quelqu'une des hardes que lon portoit pour l'accommoder en la nauire, passa à trauers le bois. Et

Caius Marius.

luy estant toute autre chose promptement fournie de pareille affection, mes- F
memēt la nauire que luy presta un nommé Bellæus, il feit depuis peindre tout
le discours de ceste histoire au long en un tableau, qu'il donna au temple dōt
il sortit quand il s'embarqua. Party qu'il fut, le uent, de bonne fortune, le por-
ta en l'isle d'Enarie, là ou il trouua Granius & quelques autres de ses amis,
auec lesquelz il se remeit à la uoile prenant la route de l'Affrique: mais aians
faulte d'eau, ilz furent contrains d'aborder en la Sicile au territoire de la uil-
le d'Erix, là ou d'aduenture se trouua un Questeur Romain qui garçoit celle
coste, & s'en fallut bien peu qu'il ne prist Marius mesme qui estoit descendu
en terre, car il tua seize de ses gens qui estoient descēdus auec luy pour pren-
dre de l'eau: parquoy Marius se partāt de là à grande haste, trauersa la mer, tāt G
qu'il arriua en l'isle de Menynge, là ou il entendit premierement, que son filz
s'estoit sauué auec Cethegus, & qu'ilz s'en estoient allez ensemble deuers le Roy
des Numides Hiempsal, le supplier de leur uouloir estre en aide: cela luy feit
repandre un peu de courage, & luy donna hardiesse de passer de celle isle en
la coste de Carthage. Or estoit lors gouuerneur de l'Afrique un Præteur Ro-
main nōmé Sextilius, auquel Marius n'auoit iamais fait ne mal ne bien, & à
ceste cause esperoit, q̄ par pitié seulemēt il luy pourroit faire quelque secours:
mais il ne fut pas plustost descendu en terre auec peu de ses gens, qu'il luy uint
audeuant un sergēt, lequel s'adressant à luy mesme luy dit, Sextilius Præteur
& gouuerneur de la Libye te defend de mettre le pied en toute sa prouin- H
ce, autrement il te declare qu'il obeyra aux mandemens du Senat, & te pour-
suiura comme ennemy du peuple Romain. Marius aiant ouy ceste defense
eut le cuer si serré de courroux & de douleur, qu'il ne sceut que respōdre pro-
prement, & demoura un espace de temps sans dire mot, regardant le sergent
de mauuais œil, iusques à ce qu'il luy demanda qu'il uouloit respōdre à la de-
fense du Præteur: & alors Marius luy respondit auec un soupir trenchāt, tiré
du profond du cuer, Tu diras à Sextilius, que tu as ueu Caius Marius banny
de son païs, assis entre les ruines de la uille de Carthage. par laquelle respon-
se il mettoit sagement au deuāt des yeux de ce Sextilius, l'exemple de la ruine
de celle puissante cité & la mutation de sa fortune, pour l'aduertir qu'il luy en I
pouuoit bien autant aduenir. Ce pendant Hiempsal Roy des Numides, ne sa-
chant à quoy se refoudre, faisoit bien hōneur & bon traitemēt au ieune Ma-
rius, & à ceulx de sa compagnie, mais quand ilz s'en uouloient aller, il cōtrou-
uoit tousiours quelque nouuelle occasiō pour les retenir, & estoit aisé à ueoir
qu'il ne reculoit point ainsi pour occasiō quelconque qui fust bonne: toute-
fois il aduint unē chose qui leur seruit à eulx sauuer. C'est que le ieune Marius
estant beau de uisage, feit pitié à l'une des cōcubines de ce Roy, de le ueoir en
tel estat. Ceste pitié fut un cōmencement & une couuerture de l'amour qu'elle
luy portoit: mais le ieune homme à ses premieres approches ne uouloit point
entendre à elle, & la reboutoit: toutefois à la fin uoyant qu'il n'auoit d'autre K
moien d'eschapper de là, & cōsiderant qu'elle faisoit toutes choses à leur auā-
tage plus diligemment & plus affectueusement qu'elle n'eust fait, si elle n'eust
tendu à autre fin qu'à iouir seulement de son plaisir, il commēça à la fin à ac-
cepter ses caresses, tant que finablement elle luy donna moien de s'enfuir &
de se sauuer luy & ses amis. Si se retira deuers son pere, & apres qu'ilz se furent
entr'embrassez &aluez, en cheminant le long de la marine ilz rencontrerent
deux Scorpions, qui se combattoient l'un contre l'autre. Cela sembla un mau-
uais

- A** uais presage à Marius , à l'occasion dequoy ilz monterent tristement sur un bateau de pefcheur , & passerent en l'Isle de Cercina, qui n'est gueres distante de la coste de terre ferme. Ilz n'eurent pas plus tost leué l'ancre qu'ilz apperceurent des gens de cheual que le Roy Hiempsal auoit enuoyez au lieu dont ilz estoient partiz , & fut celuy là l'un des plus grands dangers qu'il eust point eschapper. Ce pendant on auoit nouuelles à Rome cōme Sylla faisoit la guerre au lieutenant de Mithridates au païs de la Bœoce , & à Rome les Consuls estans entrez en dissension l'un contre l'autre, iusques à prendre ouuertement les armes, Octauius y auoit gagné la bataille, & estant demouré le plus fort auoit chassé Cinna, lequel taschoit à usurper une domination tyrannique , &
- B** au lieu de luy auoit esté substitué Consul Cornelius Merula : de l'autre costé Cinna amassoit gens du reste de l'Italie, & faisoit la guerre à ceulx qui estoient en la uille. Dequoy Marius estât aduertty , fut d'aduís de s'en retourner au plus tost qu'il seroit possible en Italie : & assemblant quelques gens de cheual de la nation des Maurusiens en Afrique , & quelques Italiens qui s'estoient sautez là, iusques au nombre de mille hommes en tout, il mōta sur mer & uint aborder en un port de la Thoscane, qui se nomme Telamon, là ou si tost qu'il fut descendu en terre, il feit publier à son de trompe, qu'il donneroit liberté aux esclaués, qui se uiendroiēt rendre à luy. D'auātage les laboureurs, bergers, & pasteurs de toute celle marche, pour la reputation du nom de Marius, accourerēt de toutes parts uers la marine, dont il choisit les plus roides & les mieulx dispos, & les gaigna par belles parolles, de maniere qu'en peu de iours en aiāt mis ensemble une bonne troupe, il en chargea quarāte nauires. Au demourant sachant que Octauius estoit un grād hōme de bien, qui ne uouloit auoir d'autorité sinon tant que les loix & la raison luy en donnoient : & au cōtraire, que Cinna estoit suspect à Sylla, & qu'il cōbattoit pour remuer & faire des innouations. en l'estat de la chose publique, il resolut de s'aller ioindre à luy avec ses forces. Si enuoya premierement deuers luy pour luy faire entendre qu'il luy obeyroit comme au Consul, & feroit tout ce qui luy seroit enioinēt & commandé par luy : Cinna le receut, & luy donna tiltre & autorité de Viceconsul, luy enuoyant des sergens pour porter les haches & les uerges deuant luy avec toutes autres enseignes d'autorité publique. Ce que Marius ne uolut point accepter, disant que ces ornemens là n'estoient point cōuenables à la misere de sa fortune, ains se uestit tousiours d'une pauvre meschante robbe, & laissa croistre ses cheueux depuis qu'il fut banny estant aagé de plus de soixante & dix ans, cheminant lentement & pesamment pour faire plus de compassion à ceulx qui le uoyoiēt : mais parmy toute celle pitoyable apparēce, il retenoit neantmoins tousiours le naturel de son regard & de son uifage, qui estoit plus effroyable & terrible qu'autremēt : & eē qu'il parloit peu, & qu'il s'alloit triste, morne & pensif, monstroît plus tost un courage enuenimé au dedans, que non pas humilié par son bannissement. Apres donques auoir salué Cinna & parlé aux soudards, il commença incontinent à mettre la main à l'œuure, là ou il feit en peu de iours un grand changemēt aux affaires : car premierement en trenchant les uiures par mer avec ses uaisseaux, & pillant les marchands qui portoiēt bledz & autres uiures à Rome, il fut en peu de temps maistre des prouisiōs necessaires pour uiure, puis il alla le long de la coste prenant toutes les uilles maritimes, tant que finablement il prit iusques à celle d'Hostie par trahison, là ou il tua la plus part de ceulx qui estoient dedans, &

Caius Marius.

pilla leurs biens: puis faisant un pont sur la riuere du Tibre, il osta entieremēt F
à ses ennemis l'esperance, & le moien d'auoir aucunes prouisions par la mer.
Cela fait, il tira droit uers la uille avec son armee, là ou il se saisit premieremēt
du mont que lon appelle Ianiculum, par la faulte d'Octauius, lequel ruina ses
affaires non tant par faulte d'entendre ce que le besoing de la guerre requē-
roit, comme par une importune bonté & iustice de uouloir trop exactement
observer les droits contre l'utilité: car comme plusieurs l'admonestassent de
proposer liberté aux esclauē pour leur faire prendre les armes à la defense de
la chose publique, il respondit qu'il ne donneroit iamais loy ny priuilege de
bourgeoisie Romaine aux esclauē, de laquelle il debouttoit Caius Marius
pour maintenir l'hauthorité des loix. Mais estant arriué à Rome Cecilius Me- G
tellus filz de celuy Metellus Numidicus, qui aiant commencé la guerre en la
Libye contre Iugurtha en fut deboutté par Marius, les gens de guerre aban-
donnerēt incontinent Octauius, & se rengerent à luy, pource qu'il leur sem-
bla mieulx entendant la charge de capitaine, uoulans auoir un chef qui leur
sceust bien commander pour sauuer la uille & la chose publique: car ilz pro-
mettoient de combattre uaillammēt, & s'asseuroiēt qu'ilz uiendroient au des-
sus des ennemis, pourueu qu'ilz eussent un capitaine homme d'execution qui
les sceust bien mettre en besongne. Metellus ne trouua pas cela bon, & leur
commanda en courroux qu'ilz s'en retournassent au Cōsul: & eulx, par despit,
s'en allerent rendre aux ennemis. Metellus aussi uoiant qu'il y auoit mauuais H
ordre en la uille pour faire teste aux ennemis, en sortit: mais Octauius à la per-
suasion de quelques deuins & de quelques sacrificateurs Chaldejens, qui luy
promettoient que toutes choses iroient bien pour luy, demoura dedans Ro-
me. Car ce personnage là estant au reste d'aussi bon entendement que nul au-
tre Romain de son temps, & qui maintenoit la dignité Consulaire en son en-
tier, sans se laisser gagner par flatteries, suyuant les ordonnances & coustu-
mes anciennes comme un formulaire immuable, sans en omettre ny trespasser
un seul poinct, me semble auoir eu ceste imperfection, qu'il hantoit plus sou-
uent avec des deuins, pronostiqueurs, & diseurs de bone aduenture, que non
pas avec gens entendus au fait des armes & de gouuernement: au moien de- I
quoy auant mesme que Marius fust entré dedās la uille, il fut tiré à force hors
de la tribune aux harégues, & tué sur la place par quelques uns de ses satellites
qu'il enuoya deuant. Encore dit on que quand il fut tué on luy trouua en son
sein une figure de diuination Chaldaïque: en quoy fair à noter une grāde cō-
trariété, c'est que de ces deux grands personnages, l'un, à sçauoir Marius, s'est
soustenu & remis sus pour n'auoir point mesprisé l'art de deuiner: & l'autre,
Octauius, s'est perdu & ruiné pour sy estre fié. Estans donques les affaires de
Rome en tel estat, le Senat s'assemblant enuoya des ambassadeurs deuers Cin-
na & deuers Marius, les requerant qu'ilz uoulussent entrer en la uille pacifi-
quement, sans souiller leurs mains du sang de leurs citoiens. Cinna scant en K
son siege, comme Consul, leur donna audience, & leur fait assez douce & hu-
maine responce, & Marius estoit aupres tout debout, qui ne disoit mot: mais il
monstroit bien à l'austerité de son uisage & à la fierté de son regard, qu'il em-
pliroit incontinent la uille de meurtre & de sang: au partir de laquelle audiē-
ce, Cinna entra dedans Rome bien accompagné & enuironné de gēs de guer-
re: mais Marius sarresta tout court à la porte, disant par une maniere de moc-
querie mellee de courroux, qu'il estoit banny, & qu'il auoit iudiciellement, &

- A** luyuant la forme des loix esté chassé de son païs : parquoy si lon uouloit qu'il y r'entraist, qu'il falloit q par un cōtraire decret on abolist le premier de son bānissēmēt, cōme si eust esté quelque religieux obseruateur des loix, & cōme si la liberré eust alors eu lieu dedās Rome. Si fait assembler le peuple sur la place pour proceder à l'enterinement de son rappel : mais auant que trois ou quatre des lignees eussent donné leurs uoix leuant le masque, & ostant toute ceste feinte de faire à croire qu'il uouloit estre legitiment rappelé de son exil, il entra dedans aiant autour de luy pour ses sattellites une troupe des plus dissolus & plus audacieux esclaués, qui s'estoient uenuz rendre à luy, qu'il appelloit les Bardiēiens, lesquelz à une seule parole qu'il leur disoit, ou à un seul clin d'œil, ou signe de la teste qu'il leur faisoit, tuoient beaucoup de gens par son cōmandement, iusques à tant qu'ilz occirent à coups d'espee aux pieds de Marius un Sénateur nōmé Ancharius, lequel auoit esté Præteur, pource que Marius ne le resalua pas quād il uint un iour parler à luy: depuis lequel meurtre ilz continuerent à occire aussi tous ceulx à qui Marius ne rendoit point de salut, & aux quelz il ne respondoit point: car c'estoit le signe qu'il leur auoit baillé pour les tuer, uoire en pleine rue deuant tout le monde, de maniere que ses amis mesmes estoient en grāde frayeur toutes les fois qu'ilz s'approchoiēt de luy pour le saluer. Ainsi aiant esté ia tué grand nombre de gens, Cinna à la fin commença à s'en souler & à appaiser son courroux: mais celuy de Marius falloit tous les iours aigrissant & enflammant de plus en plus, & luy croissoit la soif de se uenger, tellemēt qu'il n'espargnoit personne quelconque de ceulx qu'il auoit tant soit peu en souspeçon, & n'y auoit ne uille ne grand chemin qui ne fust pleine de chasseurs & d'espieurs, qui alloient cherchans & poursuuās ceulx qui se cachoiēt ou qui s'enfuyoient. Là ou lon cogneut bien par experience qu'il n'y a foy d'amitié ny d'hospitalité asseuree, ny en qui lon se doiue fier, quād on a la fortune contraire: car il se trouua bien peu d'hostes & d'amis qui ne trahissent & ne decellassent leurs hostes & leurs amis, qui fussēt recourus à eulx. A raison dequoy, de tāt plus sont à louer les seruiteurs de Cornutus, lesquelz aiās caché secrettemēt leur maistre en sa maison, pendirēt par le col le corps mort de quelque hōme populaire, & luy aians mis au doigt un anneau d'or, le mōstrerēt aux satellites de Marius, & l'enfeuclissans ne plus ne moins que si c'eust esté leur propre maistre, l'inhumerent sans que personne se doubtaist que ce fust une feincte, & ainsi Cornutus recelé par ses seruiteurs se retira à sauueté au païs de la Gaule. Marcus Antonius l'orateur auoit biē aussi trouué un fidele amy, toutefois il y fut malheureux. Ce fidele amy estoit un pauvre hōme populaire, lequel aiant receu en sa maison l'un des principaux personnages de Rome pour le cacher, & luy uoulant faire la meilleure chere qu'il pouuoit de ce peu qu'il auoit, enuoya un sien ualet en une tauerne prochaine de son logis querir du uin, & comme le ualet tasta & goustast le uin plus songneusement qu'il n'auoit accoustumé, & en demanda de meilleur, le tauerrier luy demanda pourquoy il n'en prenoit du nouueau, & du commun, ains en uouloit du meilleur & du plus cher: le ualet luy respondit simplement comme à son familier & amy, que son maistre festoyoit Marcus Antonius, lequel festoit allé cacher en son logis. Le ualet n'eut pas pl² tost le dos tourné, que le tauerrier traistre, malheureux & meschant, s'en alla courant chez Marius, lequel estoit desia à table, ou il souppoit. On le fait parler à luy, & il luy promet de luy liurer Antonius entre ses mains: quoy entédant Ma-

Caius Marius.

rius, en fut si aise qu'il s'escria tout hault, & frappa des mains l'une contre l'autre, tât il fut ioyeux, & s'en fallut bien peu qu'il ne se leuast de table pour aller luy mesme en personne iusques sur le lieu, & l'eüst fait si ses amis ne l'eussent retenu : mais il y enuoya un de ses capitaines nommé Annius avec quelque nombre de soudards, auxquels il cōmanda qu'ilz luy en apportassent tout proprement la teste : ilz y allerent, & quand ilz furēt arriuez au logis ou le tauerrier les guida, Annius demoura à l'huis, & les soudards monterent en la chambre haulte par les degrez, & là trouuans Antonius se prirent à encourager l'un l'autre de le tuer, n'ayant personne d'eulx le cueur d'y mettre le premier la main, pource que le langage d'Antonius estoit une si douce Sirene, & auoit une si bonne grace en son parler, que quand il commença à les prescher, & à les prier qu'ilz luy uoulussent sauuer la uie, il n'y eut celuy d'eulx qui eust le cueur si dur, que de luy toucher ny de le regarder seulement au uisage, ains tennans tous les yeux contre bas, se prirent à plorer : parquoy Annius uoyant qu'ilz demouroient tant à retourner, monta luy mesme en la chambre, ou il trouua Antonius preschant ses soudards, & eulx tous esblouis & attendris par la douceur de son eloquence: si leur dit à tous uillanie, & luy courant sus luy mesme en fureur, luy couppa la teste de sa propre main. Semblablement aussi Catulus Luctatius, celuy qui auoit esté Consul avec Marius, & qui auoit triüphé des Cimbres quand & luy, se uoyant en ce peril, meit des gens apres pour interceder & prier pour luy, aux quelz Marius ne feit iamais autre responce, sinō: Il fault qu'il meure. Parquoy il s'enferma en une petite chambre, là ou il feit allumer beaucoup de charbon, & avec la uapeur d'iceluy s'estouffa. Or apres que les testes estoient coupees on iettoit les corps tous nuds emmy les rues & les fouloit on aux pieds: ce qui ne faisoit pas pitie seulement, ains frayeur & horreur à ceulx qui les regardoient. Mais apres tout, encore n'y auoit il rien qui tant despleust & greuast au peuple, que l'oultrageuse & dissolue luxure & insolence de ces satellites, que lon appelloit Bardiaëns, lesquelz entrās à force dedās les maisons, apres en auoir tué les maistres, uioloient leurs ieunes enfans, & prenoient à force les femmes & maistresses, sans qu'il y eust personne qui reprimaist leur cruauté, luxure, & auarice insatiable, iusques à ce que Cinnna & Sertorius à la fin leur coururent sus, ainsi comme ilz dormoient en leur camp, & les desfeirent tous. Mais sur ces entrefaittes, cōme si la chance tout à un coup se fust tournée, nouuelles uindrent de tous costez à Rome, que Sylla ayant mis fin à la guerre contre le Roy Mithridates, & recouré les prouinces qu'il auoit usurpees, s'en retournoit en Italie avec une tresgrosse puissance. Ce qui feit surseoir & cesser un petit ces maulx & miseres si grādes qu'il n'est possible de les exprimer, pource que ceulx qui les faisoient, s'attendirēt bien qu'ilz auroient incōtinent la guerre sur les bras. A l'occasion dequoy Marius fut élu Consul pour la septieme fois: & sortant de son logis en public le premier iour de Ianuier, qui est le commencement de l'annee, pour prendre possession de son Consulat, il feit precipiter du hault en bas du roc Tarpeien un Sextus Lucinus, ce qui semble auoir esté un grād signe & certain presage des maulx & miseres qui aduindrent puis apres l'annee mesme à ceulx de leur party, & à toute la uille aussi. Mais luy ayant ia le corps tout rompu des trauaux passez, & l'esprit surchargé & accablé d'ēnuy & de soucy, ne se peut à ce dernier besoig ressourdre ny plus esuertuer quand il uint à penser au discours de ceste nouvelle guerre, qui le menassoit, & aux dangers, aux peines & trauaux, ou il luy conuenoit

A contuenoit entrer, plus grans & plus griefts que iamais: car par l'experience qu'il auoit de la guerre, il trebloit de frayeur quand il se mettoit à y penser, cōsiderant qu'il auroit à cōbattre, non un Octauius, ny un Merula capitaines d'une tourbe seditieuse de gens ramassez, ains à un Sylla, qui estoit celuy qui l'auoit parauāt chassé de son pais, & qui uenoit de rembarrer le puissant Roy Mithridates iusques au fond du royaume de Pont & de la mer Euxine. Ainsi ployant soubz le faix de telles considerations, mesmement quand il se ramenoit deuant les yeux le long temps qu'il auoit esté banny, uagabond, & errant ça & là par le mode, les grandes fortunes qu'il auoit passees, & les dangers où il auoit esté tant de fois, estant poursuiuy & par mer & par terre, il se trouuoit en merueilleuse destresse & angoisse d'esprit, qui luy causoient une inquietude telle, qu'il ne pouuoit reposer la nuit, ou sil s'endormoit, il luy uenoit des songes turbulents en la fantasie, & luy estoit aduis qu'il oyoit une uoix qui tousiours luy cornoit à l'oreille,

D u fier lion le giste espouventable,

Quoy qu'il n'y soit, est tousiours redoubtable.

Et sur tout craignant encore plus le non pouuoir reposer & d'ormir, il se meit à faire des banquets importuns, & à boire oultre ce que son aage ne comportoit, taschāt à gagner le sommeil par ces moiens là, pour euitier le soucy: mais à la fin il arriua quelqu'un uenāt de la mer, qui luy donna certain aduertissement de tout: ce qui luy fut comme une surcharge de nouvelle frayeur. Ainsi estant desia extremement affligé, partie pour la crainte de l'aduenir, & partie pour le faix & le comble du malheur present, il luy fallut bien peu de rengregement pour le faire tumber en la maladie dont il mourut, qui fut une pleuresie, ainsi comme escrit le philosophe Posidonius, lequel dit notamment qu'il entra en sa chambre ainsi qu'il estoit desia malade, & parla à luy des affaires, pour lesquelles il estoit uenu en ambassade à Rome. Toutefois un autre historiē Caius Piso escrit, qu'un iour apres soupper Marius se promenant avec ses amys, entra en propos de ses aduentures, commençant des le commencement de sa uie, & qu'il leur compta tout du lōg, combien de fois la fortune s'estoit tournée & pour & contre luy, concluant à la fin, que ce ne feroit pas fait en sage homme de se plus fier en elle. Apres lequel discours acheué il prit cōgé d'eulx, & se meit au liēt, où il fut sept iours entiers malade, au bout desquelz il mourut. Il y en a qui mettent que son ambition se descouurit fort euidentement par une estrange resuerie qui luy monta au cerueau durāt ceste maladie: car il luy fut aduis qu'il faisoit la guerre à Mithridates, & representoit en son liēt tous les mesmes gestes & les mesmes mouuemens de la personne, cōme sil eust esté en une bataille, criant à pleine teste les mesmes cris qu'il souloit crier, quand il estoit au plus fort d'un faict d'armes: tant il auoit l'affection & l'enuie de ceste charge profondement empreinte en son entendement, pour l'ambition extreme & la ialousie, dont il estoit espris si excessiuemēt, qu'en l'aage de soixante & dix ans, apres auoir esté le premier qui fut onques à Rome par sept fois eleu Consul, & apres auoir amassé des richesses & des biens qui eussent peu suffire à plusieurs roys ensemble, encore neantmoins mouroit il à regret, se plaignant & lamentant de sa fortune comme sil fust mort auāt terme, premier que d'acheuer & accomplir ce qu'il auoit desiré. C'est bien au contraire de ce que le sage Platon fait quand il approcha de son trespas: car il loua & remercia le Dieu de sa fatale destinee, & sa bōne fortune, de ce que premieremēt

Caius Marius.

il auoit esté homme raisonnable & non pas beste brute, & puis Grec non pas F
Barbare, & oultre tout cela, de ce que sa naissance s'estoit rencontrée au temps
de Socrates. Semblablement aussi dit on qu'Antipater natif de la uille de Tar-
se, un peu auant que mourir, rappellât en sa memoire les heurs qu'il auoit euz
en sa uie, n'oublia pas à compter entre les autres choses, l'heureuse nauigatiō
qu'il auoit eue à uenir de son pais à Athenes: ce qui tesmoignoit qu'il mettoit
en ligne de compte pour une grande grace toute faueur de la fortune, & qu'il
la conseruoit en perpetuelle memoire, comme en celle qui est le plus assuré
tresor que l'homme sçauroit auoir pour garder les biens q̄ la nature ou la fortu-
ne luy donnēt. Mais à l'opposite les folz ingrats enuers Dieu & nature laissent
auec le temps escouler la memoire de leurs prosperitez passées, & ne retenans G
rien ny le conseruans en perpetuelle memoire, demeurēt tousiours uuides de
biens & pleins d'esperance, haletās tousiours apres l'aduenir, & laissant ce pé-
dant aller le present: combien que la raison uoudroit qu'ilz feissent plustost
au contraire, pource que la fortune leur peult bien empescher l'aduenir, & ne
leur peult oster le passé, & neantmoins ilz iettent & chassent hors de leur me-
moire ce benefice certain de la fortune, cōme s'il ne leur appartenoit plus en
rien, & uont tousiours resuant apres ce qui est incertain: ce qui ne leur aduiēt
pas sans raison, pour autant que serrans & amassans des biēs exterieurs auant
que d'auoir basti un bon fondement, & un ferme soubastemēt de raison par
bonne doctrine, ilz ne peuuent puis apres assouuir ne remplir la cōuioitise H
insatiable de leur ame. Ainsi dōques trespassa Marius le dixseptieme iour de son
septieme Consulat, dequoy toute la uille de Rome sur l'heure fut bien aise, &
reprit un peu de cueur, cuidant bien estre deliuree d'une sanglante & cruelle
tyrannie: mais peu de iours apres ilz cogneurent, à leurs despēs, qu'ilz auoiēt
changé un uieil maistre qui s'en alloit de ce monde à un ieune qui ne faisoit
que uenir. tant son filz le ieune Marius feit de cruaultez & d'inhumanitez de-
puis la mort de son pere, faisant mourir tous les plus apparêts & plus notables
personnages de la uille. On le teint du commencement pour homme aduen-
tureux & hardy, à l'occasion dequoy on le surnomma filz de Mars: mais bien
tost apres ses effects monstrerent bien le contraire: & à ceste cause fut surnō- I
mé filz de Venus. A la fin il fut enfermé & assiegé par Sylla dedans la uille de
Peruse, ou il feit tout ce qu'il peut pour cuider sauuer sa uie, mais ce fut en
uain: & finalement uoyant qu'il n'y auoit ordre ny moien aucun d'eschap-
per, la uille s'en allant prise, il se tua luy mesme de sa propre main.

Lyfander.



L y a au tresor des Acanthiēs, qui est au tēple d'Apol-
lo en la uille de Delphes, une telle inscriptiō, Brasidas K
& les Acanthiens de la despouille des Atheniens: cela
fait que plusieurs estiment que l'image de pierre qui
est pres de la porte au dedās de la chambre, soit l'ima-
ge de Brasidas: mais c'est l'image de Lyfander faite au
naturel, aiant une grosse perruque, & la barbe fort es-
pesse & fort longue, à la façon des anciens. Car ce que
aucuns disent, que les Argiens apres auoir esté descō-
firs

A fits & desfaits en une grosse bataille, se feirēt tous raire, en demonstration & signe de deuil publique, & au contraire que les Lacedæmoniens pour tesmoigner & monstrier l'aïse de leur uictoire laisserent croistre leurs cheueux, cela n'est pas ueritable, non plus que ce que d'autres alleguent, que les Bacchiades s'en estans fouis de Corinthe en Lacedæmone, les Lacedæmoniens les trouverent si laids & si difformes, pource qu'ilz auoient les testes toutes rases, que cela leur feit uenir enuie de laisser croistre leurs barbes & leurs cheueux: car cela est une des ordonnances de Lyncurgus, lequel disoit que la perruque rend ceulx qui sont naturellement beaux plus agreables à ueoir, & les laids plus espouuentables à regarder. Au demourant lon dit que Aristoclitus pere de

B Lyfander n'estoit pas de la maison des roys de Sparte, combien qu'il fust de la race des Heraclides: mais son filz Lyfander fut nourry en fort estroite pauureté se rendant obeissant aux statuts & ordonnances du païs autant que nul autre, se monstrāt ferme de cuer à l'encōtre de toutes delices & de toute uolupté, sinon de celle qui procede de l'hōneur que lon fait à ceulx qui sont biē: car lon ne tient pas pour chose deshoneste ny mauuaise à Sparte, que les ieunes hommes se laissent uaincre à ceste uolupté là, pource qu'ilz ueulent que leurs enfans des leur premiere ieunesse, cōmencent à sentir les aguillons de la gloire, prenās plaisir d'estre louez, & aiās regret de se sentir blasmez: car ilz ne font cōpte de celuy q ne se passionne point ny de l'un ny de l'autre, ains le tiennent pour homme de uil & lasche cuer, qui n'a pas uolunté de bien faire.

C Ainsi fault il penser que l'ambitiō & l'obstination qui estoit en Lyfander luy procedoit de la discipline & nourriture Laconique, & n'en doibt on point trop accuser son naturel: biē est il uray qu'il estoit de sa nature homme courrisan qui sçauoit entretenir & flatter les grands & puissans plus que ne portoit l'ordinaire des naturelz Spartiates, & si estoit patient à supporter aïseement l'importunité de ceulx qui auoient plus de puissance & d'autorité que luy quād il en uenoit du profit, ce que aucuns estiment estre une grande partie de la science de bien sçauoir manier affaires d'estat. Aristote en un lieu ou il dit que les grandes natures sont ordinairement subiectes à la melancholie, com-

D me celle de Socrates, de Platon & de Hercules, escript que Lyfander aussi non pas du commencement, mais sur sa uieillesse tumba en la maladie de melancholie: mais bien a il eu ceste qualité propre & peculiere à luy entre toutes autres, que s'estant tousiours porté treshonestement en sa pauureté, sans iamais auoir esté uaincu ne corrompu par or ny argēt, il emplit neantmoins son païs de richesse & de conuoytise d'auoir, & luy feit perdre la bonne reputation qu'il auoit pour n'estimer point la richesse ny l'auoir, en y introduisant quantité grande d'or & d'argent apres auoir uaincu & dompté les Atheniens, sans que toutefois il en reteint pour soy une seule drachme d'argent. Suyuant lequel propos, comme Dionysius le tyrā de Syracuse eust un iour enuoyé à ses

E filles des robbes de la Sicile fort belles & fort riches, il ne les uolut pas recevoir, disant qu'il auoit peur que telles robbes ne les feissent trouuer plus laides: toutefois peu de temps apres luy mesme estāt enuoyé de son païs ambassadeur uers le mesme tyrā, cōme il luy eust enuoyé deux robbes, luy mādant qu'il en choisist, laquelle il uoudroit pour la porter à sa fille, il respōdit qu'elle mesme sçauoit miculx choisir laquelle luy seroit la plus propre, & les emporta toutes deux. Mais pour uenir à ses faïcts d'armes, la guerre Peloponesiaque alloit en grande longueur, pource que depuis la desfaitte de l'armee que les

Lyfander.

Atheniens auoient enuoyee en la Sicile, lors que lon pensoit qu'ilz eussent entièrement perdu toute la domination de la mer, & que consequemment, ilz deussent bien tost apres donner de tout poinct en terre, Alcibiades retournant de son exil au maniement des affaires y feit une tresgrande mutation : car il rendit les Atheniens derechef aussi forts par mer que les Lacedemoniens, lesquels à ceste cause rentrerent en nouuelle peur, & recommencerent à entredre derechef à bon esciant au faict de ceste guerre, uoians qu'ilz auoient besoing de plus grãde puissance & de plus suffisant capitaine que iamais. Si y enuoyèrent Lyfander pour admiral, lequel arriuat en la uille d'Ephese, la trouua fort bien affectionnee enuers luy, & fauorisant de uolunté tres affectueusement au party des Lacedemoniens: mais au demourât fort pauure, mal accoustree, & bien pres de prendre totalement les meurs & façons Barbares des Perses, pour la grande frequentation qu'ilz y auoient, attendu que le pais de la Lydie l'environne tout à l'entour, & que les capitaines du Roy de Perse n'en bougeoient le plus du temps: parquoy y aiant assis son camp, il y attira de toutes parts des nauires marchants, & y dressa un arcenal ou atelier à bastir gale- res, de maniere qu'en peu de temps il remeit leurs ports en ualeur par la fre- quentation des marchands qui recommencerent à les hanter, & leur place & estappe par le trafic de la marchandise, & remplit les maisons particulieres, & les gens de mestier de manufactures & de moiens de gagner, tellement que depuis ce temps là elle s'achemina en l'esperance de paruenir à celle grandeur & magnificence ou nous la uoions maintenant. Au reste estant Lyfander ad- uerty comme Cyrus l'un des enfans du grand Roy de Perse estoit arriué en la uille de Sardis, il s'y en alla pour parler à luy, & se plaindre de Tisaphernes, le- quel aiant cõmandemēt du Roy de secourir les Lacedemoniens, & les aider à debouter les Atheniēs, & les chasser hors de la marine, sembloit aller trop las- chement & froidemēt en besongne pour la faueur qu'il portoit à Alcibiades: car en fournissant argēt escharsemēt, il estoit cause q̃ toute leur armee de mer sen alloit en ruine. Cyrus de son costé estoit biē aise qu'il y eust des plaītes de Tisaphernes, & que lon parlast cõtre luy, pource qu'il estoit meschāt, & aussi pource qu'il auoit quelq̃ particulier differēt avec luy: au moiē de quoy il aima fort Lyfander tant pour ces doleāces qu'il proposoit à l'encõtre de Tisapher- nes, cõme aussi pour le plaisir qu'il luy dõnoit de sa conuersation, à cause qu'il estoit hõme qui sçauoit fort bien cõplaire & faire la court aux grands: par les- quelz moiens aiant gagné la bonne grace de ce ieune prince, il le sollicita & encouragea fort à pouffuyure ceste guerre. Et comme il fut prest à se departir d'avec luy, Cyrus luy feit un festin, apres lequel il le pria de ne refuser point l'offre de sa liberalité, c'estoit qu'il luy demãdast frāchemēt tout ce qu'il uou- droit, l'assurant qu'il ne seroit esconduit de chose quelcõque. A quoy Lyfan- der luy respondit: Puis que ie uoy que tu as si bonne uolunté enuers nous, ie te prie, Cyrus, & te conseille que tu augmētes la paye ordinaire de noz mari- niers d'une * obole par iour, à fin que au lieu de trois oboles qu'ilz reçoient maintenant, ilz en reçoient doreſenauant quatre. Cyrus fut bien aise d'en- tendre ceste largesse que uouloit faire Lyfander, & luy feit deliurer dix mille Dariques, par le moien desquelz il adiouxta un obole de plus à la foudē ordi- naire des mariniers. Ceste liberalité feit qu'en peu de tēps les galeres des enne- mis demourerent uides, pource que la plus part des galiots & matelots se retira là ou on leur dõnoit d'auantage, & encore ceulx qui demourerēt deuin- drent

* Obole es-
toit une pe-
tite piece
d'argēt, qui
pouuoit ua-
loir enuiron
sept deniers
de nostre
monnoye.

A drent paresseux, descouragez & seditieux, faisans tous les iours beaucoup de peine à leurs superieurs & capitaines: mais toutefois combien que Lyfander eust ainsi soubstraict les hommes à ses ennemis, & leur eust fait un tel dommage, si n'ozoit il encore uenir à la bataille nauale, redoubtant la ualeur d'Alcibiades, qui estoit homme d'execution, aiant plus grand nōbre de uaisseaux que luy, & qui iusques à ce iour là n'auoit iamais esté uaincu ny par terre ny par mer, en bataille quelconque ou il eust esté chef. Mais il aduint qu'il passa del'isle de Samos en la uille de Phocce, qui est en la terre ferme uis à uis, laissant la charge & superintendence de toute la flotte de ses uaisseaux en son absence, à son pilote nōmé Antiochus, lequel faisant du hardy par une maniere de mocquerie, & de mespris de Lyfander, s'en alla iusques dedās le port des Ephesiēs avec deux galeres seulement, & passa audacieusement & superbement tout au long de l'arcenal ou estoient leurs uaisseaux en chātier, avec grandes rīces & grād bruit. Cela irrita Lyfander, de maniere qu'il fit premierement deualer en mer quelque nōbre de galeres, avec lesquelles il luy dōna la chafse: mais uoyant que les autres capitaines Atheniens uenoient à la file au secours, il en fit armer encore d'autres, tellement q̄ se renforceās ainsi d'un costé & d'autre, petit à petit ilz uindrēt à la bataille entiere: laquelle Lyfander gaigna, & aiāt pris quinze galeres sur ses ennemis, en dressa un trophée en signe de uictoire. Le peuple d'Athenes ouye la nouuelle de ceste desfaitte, en fut si aigremēt courroucé contre Alcibiades, qu'il le depōsa prōptement de sa charge: & les gens de guerres semblablement, qui estoient au camp à Samos l'en desestimèrent, & commencerent à parler mal de luy: à l'occasion de quoy il se retira du camp, & s'en alla au païs de la Cherronese en Thrace. Ceste bataille fut de plus grand renom que de grand effect, pour la reputation d'Alcibiades: & au demourant, Lyfander faisant uenir deuers luy en Ephese ceulx qu'il uoyoit en chasque uille plus hardis & de cuer plus grand & plus eleué que le commun des autres citoiens, alloit bastissant les fondemens de grandes mutations & grandes nouuelletez, qu'il establit depuis es gouuernemens des citez, admonestant ces particuliers & les sollicitant de faire des ligues entre eulx, de gaigner amis, & faire des menees pour auoir les affaires de leurs uilles en main, leur promettant que si tost que les Atheniens seroiēt desfaictz, eulx aussi seroient quand & quand deliurez de la subiection de leurs peuples, & auroient chascun en son païs l'autorité souueraine: ce qu'il leur confirmoit, & en faisoit preuue à chascun d'eulx par effect, par ce qu'il auancoit à tous hōneurs, charges & preeminēces es affaires tous ceulx qui de longue main estoient ses hostes & ses amis, ne se souciant point de faire contre le droit & contre la raison, prouueu que cela seruiſt à leur auancement, tellemēt que pour ces occasions chascun se rengerait de son costé, chascū le desiroit, & cherchoit à luy gratifier & complaire, soubz l'esperance qu'il n'y auoit chose si grande, qu'ilz ne s'assurassent de l'obtenir de luy quand il auroit le maniemēt des affaires en main. Pourtāt ne ueirent ilz pas uoluntiers Callicraridas à son arriuee, quand il uint pour luy succeder en l'office d'admiral, ny depuis aussi quand ilz eurent cogneu par experience, que c'estoit l'un des plus droits, des plus iustes & plus hōmes de bien du monde, ny n'eurent pour agreable sa maniere de gouuerner, laquelle estoit simple, droitturiere, sans fard ny artifice quelconque, ains louerent bien sa parfaite uertu, comme ilz eussent fait l'image de quelque Demidieu faite à l'antique, qui eust esté de beaulté

Lyfander.

ſinguliere : mais ce pendant ilz regrettoient la chaulde affection que l'autre monſtroit enuers ſes amis, l'amour qu'il leur portoit, & l'utilité qu'ilz en tiroient, de maniere que quand il monta ſur mer pour ſ'en retourner, tous ceulx qui eſtoient au camp, en furent les plus deſplaiſans du monde, iuſques à en plorer à chauldes larmes, & luy de ſon coſté ſ'eſtudia de les rendre encore pirement affectionnez enuers Callicratidas. Car entre autres choſes il r'enuoya à Sardis le reſte de l'argent que Cyrus luy auoit baillé pour payer les mariniers, diſant que Callicratidas en allaſt luy meſme demander ſil en uouloit auoir, & qu'il trouuaſt le moien d'entretenir ſes gens : finalement quād il ſe uoulut embarquer, il proteſta deuant toute l'aſſiſtāce, qu'il luy laiſſoit, liuroit & conſignoit entre ſes mains l'armee commandant à toute la marine : & Callicratidas pour conuaincre de faulſeté ſon ambition & ſa uanterie de uanité menſongere, luy reſpōdit, S'il eſt ainſi que tu le diſ, uiens donc me conſigner les galeres en la uille de Milet en paſſant par deuant l'ille de Samos, car puis que tu commandes à toute la marine, il ne fault point que nous craignons les ennemis qui ſont en Samos : à quoy Lyfander luy repliqua qu'il n'auoit plus de commandemēt ſur l'armee, & que c'eſtoit luy, & à tant ſe partit prenant la droite route du Peloponeſe, & laiſſa Callicratidas en tresgrande perplexité : car il n'auoit point apporté d'argent du païs quand & luy, & ne uouloit point contraindre les uilles de luy en fournir, uoyant qu'elles eſtoiet d'ailleurs aſſes foulees. Si ne luy reſtoit plus d'autre moien, ſinon que de ſ'en aller deuers les lieutenans du Roy de Perſe pour leur en demander, comme auoit fait Lyfander : mais il eſtoit le plus mal propre du mōde, & le moins idoine pōur ce faire, à cauſe que c'eſtoit un perſonnage libre de ſa nature, & magnanime, qui eſtimoit eſtre moins ignominieux, & moins reprochable aux Grecs d'eſtre battus & uaincus par autres Grecs, que d'aller faire la court & requerir des hommes Barbares, leſquelz auoient bien de l'or & de l'argent, mais au demourant rien de bon ny d'honneſte : à la fin toutefois contraint par la neceſſité, il ſe meit en chemin pour aller en Lydie, & tira droit au logis de Cyrus, là ou il dit au premier trouué, que lon feiſt entendre que c'eſtoit l'admiral des Lacedemoniēs, Callicratidas, qui uouloit parler à luy. L'un des gardes de la porte luy reſpondit, Eſtranger mon amy, Cyrus n'a pas maintenant loisir, car il eſt à table. Callicratidas luy reſpondit tout ſimplement : il n'y a point de danger, j'attendray bien icy iuſques à ce qu'il ait acheué. Quoy entendans les Barbares eſtimerent que ce deuoit eſtre quelque lourdault, & pour ceſte premiere fois ſ'en alla meſpriſé & mocqué d'eulx. Mais à la ſeconde fois luy aiant eſté ſemblablement la porte refuſee, il ſe deſpita & ſ'en retourna comme il eſtoit uenu en la uille d'Ephēſe, maudiſſant & deteſtant ceulx qui les premiers feſtoiet ainſi abbaiffez & auillez que d'aller faire la court aux Barbares, en leur enſeignant de ſ'en orgueillir pour leurs biens & leurs richesses, iurant deuant toute l'aſſiſtance, que ſi toſt qu'il ſeroit de retour à Sparte, il feroit tout ce qui ſeroit en luy pour pacifier les Grecs entre eulx & les mettre d'accord, à fin qu'ilz fuſſent redoubrables aux Barbares, & qu'ilz n'euffent plus à faire d'eulx ny de leur aide pour ſe ruiner les uns les autres. Mais Callicratidas aiāt le cuer digne de Sparte, & eſtant à comparer en iuſtice, uailleance & grādeur de courage aux plus excellents hommes Grecs qui furēt onques, peu de temps apres mourut en une bataille nauale qu'il perdit au pres des iſles Arginuſes. Parquoy les allies de Lacedæmone uoians que les affaires alloient en empi-

rant,

A rant, despescherent ensemblément une ambassade à Sparte, par laquelle ilz requirent au cōseil que lon renuoyast Lyfander pour admiral; & qu'ilz feroiēt toutes choses de meilleur couragē sous sa conduite que sous autre capitaine que lon y sceust enuoyer: autant leur en escriuit Cyrus. Mais pour autant qu'il y auoit une loy q̄ defendoit, qu'un mesme personnage ne fust deux fois admiral, & que neantmoins ilz uouloient gratifier à la requeste de leurs allies, ilz donnerent le nom & le tiltre d'admiral à un nommé Aracus, & à luy de superintendant de la marine: mais en effect ilz luy baillerent la souueraine autorité de toutes choses. Si fut sa uenue fort agreable, comme celle qui de long temps estoit fort attendue & fort desirée par ceulx qui sentremettoiēt du gouuernement des uilles, & qui y auoiēt authorité, pource qu'ilz esperoiēt bien augmenter encore d'auantage leur puissance par son moien, & de tout point amortir celle du peuple. Mais ceulx qui aimoient une ronde simplicité & ouuerte magnanimité es meurs d'un gouuerneur & capitaine general, quand ilz uenoient à comparer Lyfander à Callicratidas, le trouuoient fin & cauteleux, qui faisoit la plus part de ses faicts de guerre par trôperie & surprise plus tost qu'autrement, comme celuy qui faisoit compte de la iustice quād elle estoit utile, mais qui autremēt prenoit l'utilité pour la iustice & pour l'honesteté, n'estimant point que le uray de nature fust plus fort ne plus puissant que le faulx, ains mesurant la ualeur de l'un & de l'autre au profit qui en sortoit, en se mocquant de ceulx qui disoient, que les descendans de Hercules ne deuoient point faire la guerre par ruzes ne cautelles: Car quand la peau de liō n'y peut fournir, disoit il, il y fault coudre aussi celle du regnard. A quoy se rapporte ce que lon escrit qu'il feist en la uille de Milet: car ses hostes & amis aux quelz il auoit promis de leur aider à ruiner l'autorité du peuple, & à chasser de la uille leurs aduersaires, aians changé de conseil, & s'estans reconciliez avec leurs contraires, il feist semblant en public d'en estre bien ioyeux, & de leur uouloir aider à faire leur appointment ensemble, mais à part en secret il les tena bien asprement, & leur remonstra qu'ilz estoient bien lasches de ce faire, & les sollicita au contraire de courir sus à la part du peuple: puis

D quand il entendit qu'il y auoit eue entre les parts de la uille, il y accourut soudain comme pour l'appaiser: & entré qu'il fut dedans la uille, les premiers qu'il rencontra du party de ceulx qui uouloient remuer l'estat du gouuernement & oster l'autorité au peuple, il se courroucea à eulx, & les tena fort de paroles, leur commandant d'une façon rigoureuse, qu'ilz eussent à le suiure, comme s'il en eust deu faire quelque grosse punition: & à l'opposite, à ceulx qu'il trouuoit de l'autre party, il leur disoit qu'ilz n'eussent point de peur, & qu'ilz ne craignissent point qu'on leur feist aucun mal ny desplaisir là ou il seroit present: mais il faignoit & leur faisoit malicieusement à croire cela, pour faire demourer les plus apparents & les plus affectionnez au party populaire,

E à fin de les faire puis tous ensemble mourir, cōme il feist: car tous ceulx qui demourerēt en la uille sous la fiâce de ses paroles, furent tous mis à mort. A ce propos aussi Androclidas a laissé par escript un mot q̄ souloit dire Lyfander, par ou il appert qu'il faisoit biē peu de compte de se pariurer: car il disoit qu'il falloit tromper les enfans avec le ieu des osselets, & les hommes avec les sermens, suiuant en cela Polycrates le tyran de Samos, mais nō pas avec raison: car luy estoit capitaine legitime, & l'autre uiolent usurpateur de domination tyrannique: & si n'estoit point fait en uray Laconien, de se porter enuers les

Lyfander.

Dieux ne plus ne moins qu'enuers les ennemis, ou encore piremēt & plus in-
iurieusement: car celuy qui trompe son ennemy, moienant la foy qu'il luy
iure, donne à cognoistre qu'il le craint, mais qu'il ne se soucie point de Dieu.
Cyrus donques aiant fait uenir Lyfander à Sardis, luy donna de l'argēt large-
ment, & luy en promeit encore d'auantage: & pour plus magnifiquemēt luy
declarer la uoulunté qu'il auoit de luy gratifier, luy dit, que quand le Roy son
pere ne luy uoudroit rien fournir, il luy en donneroit plus tost du sien propre:
& quand tout autre moien de recouurer argent luy defaudroit, qu'il feroit
plus tost fondre, & monnoyer la propre chaire sur laquelle il feoit quand
il donnoit audience en iustice, laquelle estoit toute massiue d'or & d'argent.
Brief, quand il s'en uolut aller en la Medie deuers le Roy son pere, il luy lais-
sa pouuoir de recueuillir les tailles & tributs ordinaires des uilles de son gou-
uernement, & luy donna entierement la superintendence de tout son estat: &
finablement en luy disant adieu, il le pria qu'il ne donnast point de bataille
par mer aux Atheniēs, iusques à ce qu'il fust retourné de la court, pource qu'il
ne reuiēdroit point qu'il n'eust pouuoir de faire uenir beaucoup de uaisseaux,
tant de la Phœnicie que de la Cilicie. Parquoy, ce pēdant qu'il fut en ce uoya-
ge, Lyfander ne pouuant combattre ses ennemis avec pareil nombre de uais-
seaux, ny aussi demourer oisif sans rien faire avec un si bon nombre de galeres
s'en alla en cours, ou il prit quelques isles, & pilla celles d'Ægine & de Sala-
mine, au partir desquelles il alla faire descēte en la terre ferme de l'Attique,
& y salua le Roy de Lacedēmone Agis, lequel estoit expressement descēdu du
fort de Decelie iusques à la marine pour le ueoir, à fin aussi que leur armee de
terre ueist la puissance de celle de mer, & comment elle dominoit en la mari-
ne plus qu'elle ne uouloit, toutefois aiant nouuelles cōme la flotte des Athe-
niens le suiuiot à la trace, il prit une autre route pour s'en refouir en Asie par
les isles, & en s'en retournant il trouua tout le païs de l'Hellespont uuide de
gens de guerre: il meit le siege deuant la uille de Lampsaque, & l'assaillit avec
ses galeres du costé de la mer, & Thorax y estant aussi arriué au mesme temps,
en toute diligence avec son armee de terre, dōna aussi l'assault de son costé, de
maniere que la uille fut prise à force, que Lyfander abandōna à piller aux sou-
dards. Or ce pendant la flotte des Atheniens, qui estoit de cent quatre uingts
uoiles, estoit à l'ancre deuant la uille d'Eleunte au païs de la Cherronese, & les
nouuelles ouyes que la uille de Lampsaque estoit perdue, s'en uindrent à tou-
te diligence en celle de Sestos, là ou s'estans refreschis de uiures, ilz allerent
cinglans tout au long de la coste iusques à un endroit qui s'appelle la riuere
de la Cheure, uis à uis de la flotte des ennemis, qui estoient encore à l'ancre
deuant la uille de Lampsaque. Or estoit lors capitaine des Atheniens entre
autres un nommé Philocles, celuy qui meit en auant & suada au peuple d'A-
thenes de faire couper aux prisonniers de guerre le poulce de la main droit-
te, à fin qu'ilz ne peussent plus manier la picque, mais biē seruir à tirer la rame.
Les uns & les autres se reposerēt pour ce iour là, en esperāce que le lendemain
ilz ne faudroient pas d'auoir la bataille. Mais Lyfander aiant bien autre in-
tention en son entendement, commanda neantmoins aux mariniers & pilo-
tes, qu'ilz teinsent leurs galeres toutes prestes comme pour donner la bataille
le lendemain au poinct du iour, à fin que chascun s'embarquast de bōne heu-
re, & se teint en ordonnance de bataille sans faire bruit quelconque, attendās
ce qui leur seroit enioint & ordonné de sa part: & quand & quand il feit aussi

A tenir l'armee de terre en bataille le long du riuage de la mer. Le lendemain matin au Soleil leuant les Atheniens comencerent à uoguer avec toutes leurs galeres régees en bataille toutes d'un front: mais Lyfander, encore qu'il eust ses uaisseaux en ordre pour combattre, les proues tournées deuers les ennemis des deuant le iour, ne uogua point pourtant à l'encôtre, ains enuoyant de petits esquifz aux premieres galeres, leur defendit tres estroittement qu'ilz n'eussent à bouger aucunemét, ains qu'elles se teinssent en ordonnance, sans mener bruit ne uoguer à l'encôtre de l'enemy, encore s'estas les Atheniens retirez sur le soir, il ne donna pas congé aux soudards de sortir des galeres en terre, qu'il n'eust premierement enuoyé deux ou trois galeres pour recognoistre la flote des ennemis, lesquelles rapportèrent qu'elles auoient ueu les Atheniens descendus en terre: Le lendemain ilz en feirent tout autant, & le troisieme iour aussi, & iusques au quatriesme, de sorte que les Atheniens en conceurent une grande confiance d'eulx-mesmes, & un grand mespris de leurs ennemis, estimans que ce fust pour crainte d'eulx, qu'ilz se tenoient ainsi ferrez, & ne s'osoient tirer en auât. Sur ces entrefaites Alcibiades, qui pour lors se tenoit au pais de la Cherronese, en quelques places qu'il y auoit conquises, s'en vint à cheual au camp des Atheniens, pour remonstrer aux capitaines & chefs de l'armee les grandes fautes qu'ilz faisoient, premierement en ce qu'ilz auoient posé l'ancre, & tenoiét leurs uaisseaux en une coste descouuerte, ou il n'y auoit abry quelconque pour se pouoir retirer s'il fust suruenu quelque tourmente. & puis en ce qu'il leur falloit aller querir leurs uiures bien loing de là iusques en la uille de Sestos, au port de laquelle ilz se deuoient plus tost retirer, attendu qu'ilz auoient peu de circuit à faire pour y arriuer, & auroiét la uille à leur doz qui les fourniroit de toutes choses necessaires, & si s'elloigneroiét de leurs ennemis, qui estoient gouuernez par un seul chef qui leur commandoit souverainement, & si bien disciplinez, qu'à un seul sifflet ilz executoient promptement tout ce qui leur estoit enioinét & ordonné. Ces remonstrances que faisoit Alcibiades, non seulement ne furent point receuës par les capitaines Atheniens: mais, qui plus est, y en eut un nommé Tydeus, qui luy respondit **D**oultrageusement, que ce n'estoit pas à luy à commander, & qu'il y en auoit d'autres à qui appartenoit ceste charge. Parquoy Alcibiades se doubtant qu'il y auoit encore là deffoubz quelque trahison, se retira le cinquieme iour, les Atheniens aians fait la mesme contenâce d'aller presenter la bataille à leurs ennemis, & sestans sur le soir retirez comme de coustume fort nonchalamment, en mauuais ordre, & en gens qui ne comptoiét leurs ennemis pour rié. Lyfander enuoya apres eulx quelques galiotes pour les recognoistre, commandant aux capitaines d'icelles, que quand ilz apperceuroient que les Atheniens seroiét issus hors de leurs galeres, ilz tournassent arriere en la plus extreme diligence qui leur seroit possible, & quâd ilz seroiét au milieu du deistroit, qu'ilz **E**leuassent en l'air au bout d'une picque sur la prouë un bouclier de cuyure, pour signe de faire uoguer toute la flote en bataille: & ce pendant luy-mesme en personne alla de galere en galere aduertissant & admonestât chascun capitaine, qu'ilz eussent à tenir leur galiots, mariniers & soudards tous prests, à fin que quand le signe leur seroit leué ilz uoguassent de toute leur puissance en bataille cõtre les ennemis. Parquoy si tost que le bouclier de cuyure eust esté leué en l'air, & que Lyfander de sa galere capitaineffe, eut fait sonner la trõpette pour le signe de demarer, i ncontinent les galeres commencerent à uo-

Lyfander.

guer à l'enuy les unes des autres, & les gens de pied qui estoient sur terre, s'en coururēt aussi gagner un hault rocher, qui respondoit sur la mer, pour uoir quelle seroit l'issue de ce cōbat, pource q̄ la distāce d'une coste à l'autre en cest endroit là n'est q̄ d'enuirō une petite lieue, laquelle ilz eūrēt trauessee en peu d'heure, pour la diligence & l'effort que feirent les uogueurs de ramer. Or le premier des capitaines Atheniens, qui apperceut de la terre ceste grosse flotte qui uenoit à pleine uogue pour les inuestir, ce fut Conon, lequel cria incontinent aux soudards que chascun courust s'embarquer, & se passionnant de uoir les choses en tel dāger, appelloit les uns par leurs noms, en supplioit aucuns, & contraignoit les autres à entrer en leurs galeres : mais toute sa diligence ne seruoit de rien, pource que les soudards estoient escartez ça & là : car aussi tost qu'ilz furent à leur retour sortis des galeres, les uns s'en allerent achepter des prouisions, les autres s'allerent promener par les champs, & y en auoit aucuns qui s'estoient mis à soupper dedans leurs tentes, & autres à reposer & dormir, ne se doubtrant de rien moins que de ce qui leur deuoit aduenir, pour l'ignorance & faulte d'experience de leurs chefz. Mais comme les ennemis estoient ia prests à chocquer avec grands cris & grand bruit de rames, Conon aiant huit galeres, se coula secrettement hors de la meslee, & prenāt la fuite se sauua en l'isle de Cypre deuers Euagoras : ce pendant les Peloponesiens se ruans sur les autres galeres en prirent les unes toutes uuides & en froisserent les autres, ainsi cōme, les soudards cōmenceoient à s'embarquer dessus. Et quāt aux hommes les uns furent occis aupres de leurs uaisseaux, ainsi comme ilz y accoururēt en desordre tous nuds, & sans armes, pour les cuider secourir, les autres furent tuez en la fuite, pource que les ennemis descendirent en terre, qui leur donnerent la chasse, & y en eut de prisonniers trois mille avec les capitaines. Et prit Lyfander d'auantage toute la flotte des uaisseaux entierement, exceptee la galere sacree que lon nomme Paralos, & les huit qui s'enfoirēt avec Conon, & apres auoir pillé tout le camp des Atheniens, attacha leurs galeres captiues aux poupes des siennes, & s'en retourna avec chāts de triūphe au son des flustes & haultsbois deuers la uille de Lampsaque, aiant fait avec bien peu de trauail un tresgrād exploit, & couppé en peu d'heure la lōgue duree d'une guerre la plus diuerse qui eust onques esté auparauant en ce monde, & qui auoit produit tant & de si variables & si estranges accidēts de la fortune, qu'il n'est pas croyable : car il auoit eu infinies batailles par mer & par terre : les affaires y auoiet uarié infinies fois : il y estoit mort plus de capitaines qu'en toutes les autres guerres de la Grece ensemble : & tout cela fut à la fin lors acheué & terminé par le bon sens & la bonne conduite d'un seul homme. Pourtant y en eut il qui estimerent que ce grand coup fust un acte des Dieux, & qui dirēt que au partir du port de Lampsaque, pour aller inuestir la flotte des ennemis, ilz apperceurent sur la galere de Lyfander les deux feus que lon appelle les estoiles de Castor & de Pollux, l'une d'un costé & l'autre de l'autre. Il y en a aussi qui disent que la cheute de la pierre fut un presage, qui pronostiquoit ceste grande desfaitte. Car il tumba du ciel enuiron ce temps là, ainsi que plusieurs le tiennent une fort grande & grosse pierre en la coste que lon appelle la riuere de la cheure, laquelle pierre se monstre encores auourd'hui, tenuē en grande reuerence par les habitans du païs de la Cherronese. Et dit on que le philosophe Anaxagoras auoit predict, que l'un des corps attachez à la uolte du ciel en seroit arraché, & tomberoit en terre par un glissement & un esbran-

lement

- A** lement qui deuoit aduenir : car il disoit que les astres n'estoient pas au propre lieu ou ilz auoient esté nez , attendu que c'estoient corps pesans & de nature de pierre : mais qu'ilz reluisoient par l'obiection & reflexion du feu elementaire, & auoient esté tirez là sus à force, là ou ilz estoient retenus par l'impetuosité & uiolence du mouuement circulaire du ciel, ainsi comme au commencement du monde ilz y auoient esté arrestez, & empeschez de retumber icy bas, lors que se feit la separation des corps froids & pesans d'avec les autres substances de l'univers. Il y a une autre opinion d'aucuns philosophes, ou il y a plus d'apparence qu'en celle là : car ilz disent que ce que nous appellons estoiles tumbantes ou coulantes, ne sont point fluxions ny deriuations du feu elementaire, qui s'esteignent en l'air presque aussi tost comme elles y sont allumées, ny aussi une inflammation ou combustion de quelque partie de l'air, qui pour sa trop grande quantité se respande contremont, ains sont des corps celestes, qui par quelque relaschement de la roideur ou deuoyemēt du cours ordinaire du ciel, sont elancez & iettez icy bas, non pas tousiours en quelque endroit de la terre habitable, mais le plus souuent dehors en la grāde mer Oceane, qui est cause que lon ne les uoit point. Toutefois le dire d'Anaxagoras a un tesmoing qui le confirme, c'est Damachus, lequel en son traitté de la religion escrit, que l'espace de soixante & quinze iours durans, auant que celle pierre tumbast, lon ueit continuellement en l'air un fort grand corps de feu comme
- C** une nuee enflāmee, laquelle n'arrestoit point en un lieu, ains alloit & uenoit se mouuant de diuers & rompus mouuemens, par l'agitation desquelz il en issoit des lambeaux de feu qui tumboient en plusieurs lieux, & reluisoient en tumbant, ne plus ne moins que font les estoilles tumbantes. A la fin quand ce grand corps de feu se fut posé en cest endroit là de la terre, les habitans du pais apres s'estre un peu assurez de leurs peur & estonnement, s'assemblerēt au lieu pour uoir que c'estoit, & n'y trouuerent aucun effect ny aucune apparence de feu, ains seulement une pierre gisante sur la terre bien grande, mais non pas à comparaison de la moindre partie de ce que monstroit le pourpris de ce grand corps de feu, si il le fault ainsi nōmer. Or est il bien certain que le dire de
- D** Damachus en cela a besoing de fauorables auditeurs : mais aussi si il est ueritable, il refute entierement le discours de ceulx qui maintiennent que ce fut une pointe de rocher, que la uiolence d'un estourbillon de uent arracha de la cyme de quelque montagne, & le porta par l'air tant que le tournoyement de l'estourbillō dura : mais aussi tost comme il faillit, & qu'il uint à se lascher, elle tumba. Si nous ne disons que ce corps lumineux qui apparut ainsi par plusieurs iours en l'air, estoit ueritablemēt feu, lequel uenāt à se resoudre & esteindre, engendra en l'air ce uiolent orage & uent si impetueux, qu'il eut bien la force d'arracher & ietter la pierre en bas. Toutefois c'est à une autre sorte de traitté à determiner plus amplement & plus absoluēmēt de ceste matiere. Au
- E** demourant, cōme les trois mille prisonniers Atheniēs que lon auoit saiziz en ceste surprise, eussent esté cōdemnez par le cōseil à mourir, Lyfander appellāt Philocles l'un des capitaines, luy demanda de quelle peine il se iugeoit digne pour auoir conseillē à ses citoiens une chose si meschāte & si cruelle. Philocles ne fleschissant en rien pour quelq̄ calamité ou il se ueist, luy respōdit, N'accuse point ceulx qui n'ont point de iuge pour cognoistre de leur faict : mais puis q̄ les Dieux t'ont fait la grace d'estre uainqueur, fais de nous ce que nous eussions fait de toy, si nous t'eussions uaincu. Cela dit, il s'en alla lauer & estuuer, puis

Lyfander.

uestit un beau manteau, comme fil eust deu aller à quelque festin, & sen alla F
frâchement le premier à la boucherie, mōstrant le chemin à ses citoiens, ainsi
comme le recite Theophrastus. Ces choses faittes, Lyfander avec sa flotte sen
alla par les uilles maritimes, là ou autât qu'il y trouuoit d'Atheniēs, il leur cō-
mādoit qu'ilz se retirassent à Athenes, en leur faisant entendre, qu'il n'en par-
dōneroit à pas un, ains feroit mourir tous ceulx qu'il trouueroit hors de la uil-
le: ce qu'il faisoit à cautelle, à fin de les renger tous au dedans de l'enceinte des
murailles d'Athenes, pour tât plus tost les pouuoir affamer à faulte de uiures:
car autremēt ilz luy eussent bien dōné de l'affaire, filz eussent eu dequoy souf-
tenir le siege longuement. Mais en toutes les uilles ou il passoit, si elles estoiet G
gouuernees par autorité du peuple, ou qu'il y eust quelque autre sorte de gou-
uernement, il y laissoit en chacune un recteur ou gouuerneur Lacedemonien
avec un cōseil de dix officiers de ceulx q parauāt auoiet eu amitié & intelligē-
ce avec luy: ce qu'il faisoit autât es uilles allies & cōfederées de tout tēps aux
Lacedemoniēs cōme en celles q nagueres leur auoiet esté ennemies. Si alloit
ainsi nauiguant au long des costes lentement sans se haster, en se bastissant &
establissant, cōme une principaulté sur toute la Grece uniuersellemēt, à cause
qu'il ne choisiroit pas pour officiers ceulx qui estoient les plus riches, ny les
plus nobles, ou les plus gens de bien, ains prenoit ceulx qui estoiet des ligue
qu'il auoit luy mesme mises sus en chascque uille, en leur donnāt autorité de
punir & recōpenser ceulx q bon leur sembloit, iusques à se trouuer luymesme H
present, & assister en personne à la mort de ceulx qu'ilz faisoient mourir, ou
qu'ilz chassoient & bannissoient de leur païs, ce qui donna aux Grecs mauuai-
se esperance de doulx & gracieux gouuernement sous la domination des
Lacedæmoniens. A raison dequoy il me semble que le poëte Theopompus
refusoit quand il accomparoit les Lacedemoniēs aux tauernieres, disant qu'ilz
auoient donné à taster aux Grecs du doulx breuuege de la liberté, & puis y a-
uoient mēlé du uinaigre: car des le commencement le goust de leur gouuer-
nement, & l'essay qu'ilz en dōnerent aux Grecs, leur fut fort aigre, à cause que
Lyfander ostoit par tout l'autorité du gouuernement aux peuples, & la met-
toit entre les mains d'un petit nombre des plus uiolents, & plus audacieux, & I
plus seditieux, qui fussent en chascque uille, & apres auoir demouré quelque
temps en ce uoyage à faire ces changemens, il enuoya deuant à Lacedæmo-
ne porter nouuelles, comme il sen uenoit avec deux cents uoiles, & parla en
la coste de l'Attique aux Roys Agis & Pausanias, se promettant bien qu'il em-
porteroit la uille d'Athenes tout de primsaült: mais quand il ueit qu'au re-
bours de son esperance, les Atheniēs luy faisoient teste à bon esciāt, il sen re-
tourna une autrefois avec sa flotte en Asie, là ou il acheua de changer & re-
muer en toutes les uilles egalemeēt la maniere du gouuernement, establis-
sant en chascune un conseil de dix officiers seulemēt, & faisant par tout mou-
rir plusieurs des citoiens, & en bannissant aussi plusieurs, comme entre les au- K
tres il chassa tous les Samiēs hors de leur païs, & y remeit tous les bannis qui
parauāt en auoient esté dechassez, & estant encore la uille de Sestos entre les
mains des Atheniens, il la leur osta: mais, qui plus est, il ne uoulut pas que les
naturelz Sestiens y demourassent, ains les en chassa, & donna leur uille, leurs
maisons & leurs terres aux pilotes, comites & galiots, q auoiet esté à la guer-
re sous luy, à quoy toutefois les Lacedæmoniens luy contredirent, & fut la
premiere chose, en laquelle il fut par eulx desdit: car ilz remeirēt, malgré luy,

A les Sestiens en leurs maisons & en leurs biens. Mais ainsi comme les Grecs estoient bien marris de ueoir ces actes là de Lyfander, aussi furent ilz tous bien aises de ueoir ces autres cy. C'est qu'il remeit les Æginetes en leurs maisons, & en leurs terres long temps apres qu'ilz en auoient esté dechassez : autant en feit il semblablement des Meliens & des Scioneiens, dont les Atheniens auoient occupé les terres & les biens, qu'il en chassa, & les rendit aux proprietaires & naturelz habitans. Au demourant, aiant nouvelles, que ceulx qui estoient dedans la uille d'Athenes se trouuoient fort à destroit de uiures, il s'en retourna dedans le port de Piræe, de là ou il pressa la uille de si pres, qu'il la contraignit de se rendre à telles conditions qu'il uoulut :

B toutefois il y a des Lacedemoniens qui disent, que Lyfander escriuit aux Ephores, La uille d'Athenes est prise : & que les Ephores luy rescriuirent, Il suffit qu'elle soit prise : mais cela est un compte fait à plaisir, pour faire trouuer la chose plus belle. Car à la uerité la capitulation que les Ephores enuoyerent, & les articles furent telz : Les seigneurs du conseil de Lacedæmone ont ainsi arresté, Que uous abbattiez la fortification du port de Piræe, Que uous demolissiez les longues murailles qui ioignent le port à la uille, Que uous laissiez & quittiez toutes les uilles que uous tenez, & uous contentiez de la uie & de uostre pais seulement : en ce faisant uous aurez la paix, moienant que uous baillez encore ce qu'il faudra, que uous receurez les bannis : & quant au nombre des uaisseaux, uous en ferez ce qui sera aduisé. Les Atheniens accorderent les articles contenus en ce billet, suivant le conseil de Theramenes filz d'Ancon, lequel comme un ieune orateur nommé Cleomenes, luy demanda publiquement en courtois, si estoit bien si ozé & si hardy de faire ou dire chose contraire à ce qu'auoit iadis fait Themistocles, en consentant aux Lacedemoniens de demolir par leur commandement les murailles que luy auoit edifiees malgré eulx. Il luy respondit sur le champ, Je ne fais rien, ieune filz mon amy, qui soit contraire aux faits de Themistocles. Car ainsi come luy feir iadis bastir ces murailles pour le salut de ses citoiens, qui lors estoient, aussi les faisons nous maintenant abbattre & demolir pour la mesme cause : & si estoit uray

D que les murailles rendissent les citez bien heureuses, il sensuiuroit que celle de Sparte, qui n'en eut oncques, seroit la plus malheureuse du monde. Lyfander donques aiant receu tous les uaisseaux des Atheniens exceptez douze, & les murailles de la uille aussi pour en faire à sa discretion, le seizieme iour du mois de Mars, auquel iour ilz auoient anciennement gaigné la bataille navale dedans le destroit de Salamine contre le Roy de Perse, il leur meit incontinent en auant, & leur conseilla qu'ilz changeassent la forme de leur gouvernement. Ce que le peuple entendit tresmaluoluntiers, & s'en courroucea fort asprement : à l'occasion de quoy Lyfander leur enuoya denôcer, qu'ilz auoient contreuenu aux capitulations & articles du traité fait avec eulx, attendu que

E leurs murailles estoient encore debout, étant passé le terme de dix iours, dedans lesquels ilz auoient promis de les abbattre, & pourtant qu'il remettroit une autre fois en deliberation du conseil, comment on les deuoit traiter apres auoir enfrainct les articles de la premiere paix. Les autres disent, que de fait il remeit en deliberation du conseil des allies & confederes, à sçauoir s'ilz deuoient de tout poinct ruiner la uille, & asservir comme esclaves les habitans d'icelle : auquel conseil on dit qu'il y eut un Thebain nommé Erianthus, qui fut d'opinion que lon rasast entierement la uille, & que lon desertaist le pais,

Lyfander.

de sorte qu'il ne seruiſt plus que de paſcages pour les beſtes: mais p dant ceſte F
deliberation, il ſe fait un banquet, auquel eſtans tous les cheſz de l'arm e con-
uiez, il y eut un chantre Phocien qui ch ra l'entree du choruſ de la trag die
d'Electra, compoſ e par le po te Euripides, laquelle ſe commence ainſi,

D ame Electra fille d'Agamemnon,

E n voſtre court iadis de grand renom,

O res champeſtre & deſerte, ie vien.

Ces paroles  meurent   compaſſion les c eurs des aſſiſtans, de maniere qu'il
fut aduiſ   la pluſpart, que ce ſeroit un trop grand pe  , que de deſtruire &
ruiner une ſi noble cit , qui portoit de ſi beaux  ſprits & de ſi grands perſon- G
nages. Parquoy Lyfander, comme les Atheniens ſe fuſſent ſoubmis en tout &
par tout   ſa diſcretion, fait uenir de la uille pluſieurs men ſtrieres qui iouo t
des fluſtes & des haults bois, &  ſſembla toutes celles qui  ſtoient en ſon c p,
& au ſon de leurs inſtrum ts fait demolir les murailles & fortifications de la
uille d'Athenes iuſques au rez de terre, & fait bruſſer toutes leurs galeres en la
preſence des allies & confederez de Laced mone, qui ce pendant balloient
& iouoient aians des chapeaux de fleurs ſur les teſtes, pour monſtrer que ce
iour l  leur  ſtoit un commencement de uraye & entiere liberr . Incontinent
apres il changea auſſi l' ſtat du gouuernement,  ſtabliffant un c ſeil de tren-
te officiers en la uille, & au port de Pir e, un autre de dix, qui auo t toute l'au- H
thorit , & quand & quand mettant bonne garniſon ded s la fortreſſe du cha-
ſteau, & y laiſſant pour ſuperintendant & ſouuerain gouuerneur un gentil-
homme Spartiate nomm  Callibius: lequel haulſa un iour un baſton qu'il re-
noit en ſa main pour en d ner   Autolicus homme diſpos & roide   la lu te,
ſur lequel le philoſophe Xenophon c poſa iadis le liure qu'il appelle le Con-
uiue: mais luy qui entendoit les ruzes de la lu te le faiſit ſoudainement aux
cuiſſes, & l'enleuant en l'air le ietta par terre   la renuerſe: de quoy Lyfander
non ſeulement ne ſe courroucea point, mais reprit  ncore Callibius, diſant
qu'il ſe deuoit ſouuenir, ſil euſt  ſt  ſage, qu'il auoit   gouuerner des hommes
libres, & non pas des  ſclau s: toutefois peu de iours apres, les tr te nouueaux
reformateurs feirent mourir ceſtuy Autolycus pour faire plaſir   Callibius. I
Cela fai t Lyfander remonta ſur mer, & ſ'en alla au pa s de Thrace, & enuoya
deuant   Sparte tout ce qu'il luy  ſtoit demour  d'or & d'argent de reſte entre
ſes mains avec tous les preſens que lon luy auoit faits   luy particulierement,
& les couronnes que lon luy auoit d nees, qui  ſtoient en grand n bre, ainſi
que lon peut p ſer, que pluſieurs luy en preſenterent, ueu la gr de puiffance
qu'il auoit, & que par maniere de dire, il  ſtoit c me un prince ſouuerain ſur
toute la Gr ce, & donna le tout   porter   Gylippus, qui auoit  ſt  capitaine
des Syracuſains en la Sicile. Ceſtuy Gylippus deſcoufut par deſſoubs les cou-
ſtures des ſacs ou l'argent  ſtoit, & en tira de chaſque ſac une bonne ſomme,
puis les recoufut, ne ſe doubtant pas qu'il y auoit au deſſus de chaſque ſac un K
bordereau, par lequel  ſtoit declar  le nombre & les  ſpeces d'or & d'argent
qu'il y auoit. Arri   qu'il fut   Sparte, il cacha deſſoubs les tuyles de ſa mai-
ſon l'argent qu'il auoit derob , & alla conſigner & liurer entre les mains des
Ephores les ſacs qu'il auoit apportez, leur monſtrant ſur chaſcun le ſeau que
Lyfander y auoit fait appoſer. Les Ephores aians ouuert les ſacs & c pt  l'ar-
gent, trouuerent que la ſomme ne ſ'accordoit pas avec les bordereaux, & ne
ſ auo t d r procedoit la faulte: mais un ſeruiteur de Gylippus la leur deſcou-

A uir foubz paroles couuertes; difant, que foubz les tuyles de la maifon de fon maiftre couchoit un grand nôbre de hibous, pource que la pluspart de l'or & de l'argêt monoye q couroit alors par la Grece, auoit pour marque un hibou ou une cheuefche, à caufe des Atheniés. Ainfi Gylippus après rât de beaux & grands exploits d'armes qu'il auoit faits, feftant laiffé aller à cômètre un fi lasche & fi uillain cas, fut banny du païs de Lacedemone: mais les plus fages bourgeois de Sparte, & qui uoyoient de plus loing, redoubrâs la puiffance de l'or & de l'argent, laquelle ilz cognoiffotent euidentement par l'exemple de ce forfait, attendu qu'il auoit eu tant de force, que de faire fouruoyer du droit chemin un de leurs principaux hommes, reprenoient & blasmoient grandement Lyfander, en proteftant deuant les Ephores, qu'ilz deuoient renuoyer hors de Sparte tout cest or & cest argent côme une peste, & un appast & amorce attraiante à mal faire, & qu'ilz ne deuoient ufer que de leur monoye feule- ment, de maniere que la chofe fut mife en deliberation du confeil: & escrit Theopompus, que ce fut un nommé Sciraphidas qui le propofa, toutefois Ephorus le nomme Phlogidas, qui le premier opina en ce confeil, qu'il ne falloir point admettre ny receuoir en la uille de Sparte monnoye d'or ny d'argent, ains fe feruir feule- ment de celle de leur païs, qui eftoit de fer, lequel premierement auoit esté eſteinct uenant du feu avec du uinaigre, à fin que lon ne le peult plus forger ny l'employer à autre uſage: car il deuenoit C ſiaigre & ſi eſclattant par le moien de celle trempe que lon n'en pouuoit plus rien faire, & puis il eftoit peſant & lourd à remuer, attendu que une bien groſſe maſſe ualoit bien peu de pris. Et à l'adventure eftoit il ainſi par tout anciennement, que lon uſoit de petites brochettes de fer, & en quelques lieux de cuyure, au lieu de monnoye, dont eſt encore iuſques auourd'uy demouré le nom d'obole en uſage, qui ſignifie en langage Grec broche, & ſont de petites pieces de monnoye, dont les ſix font une drachme, laquelle ſemble auoir eſté ainſi appelée, pource que c'eſtoit autant que la main pou- uoit empoigner de ces brochettes, à caufe que Dratteſte ſignifie empoigner en langue Grecque: toutefois à l'inſtance des amis de Lyfander, qui ſ'y op- D poſerent & teindrent la main à cela, il fut arreſté au confeil, que l'argent demoureroit en la uille, & ordonné qu'il auroit cours ſeule- ment pour les affaires de la chofe publique: & que ſ'il eſtoit trouué que aucun particulier en ſer- raſt & en poſſedaſt en ſon particulier, il en ſeroit puny de mort, comme ſi Ly- curgus quâd il ſeit ſes loix euſt craint l'or & l'argent, non pas la conuoiſiſe & l'auarice que l'or & l'argent apportent quand & ſoy, laquelle n'eſtoit pas tant oſtee par la defence aux particuliers d'en auoir en priué, comme elle eſtoit en- gendree par la permiſſion d'en amaffer en public, pource que l'utilité que lon ueit qu'il portoit avec ſoy, luy dôna reputation, & le ſeit appeter: car il eſtoit impoſſible qu'ilz meſpriſaſſent en priué, comme chofe inutile, ce dont ilz E uoyoient que lon faiſoit compte en public, comme de chofe neceſſaire, ne qu'ilz penſaſſent que cela particulierement ne peult de rien ſeruir à chaſcun en ſon priué, qui publiquement eſtoit tant requis & tant eſtimé. Ains fault pé- ſer que les façons de faire bonnes ou mauuaiſes publiques ſe coulét bien plus toſt par contagion de l'accouſtuman- ce es meurs des particuliers que les faul- tes & uices des particuliers n'empliſſent les uilles & les chofes publiques de mauuaiſes qualitez, & eſt plus uray ſemblable que les parties ſe gaſtent, & ſe corrompent avec la corruption du total quand il ſe tourne à mal, que nô pas

Lyfander.

les parties corrompues tirent en corruption le total, pource qu'au contraire les fautes d'une partie gastee, qui pourriét estre preiudiciables au total, sont souvent redressees & corrigees par les autres parties saines & entieres. Mais ceulx qui prirent alors ceste resolution en leur conseil, d'auoir de l'argent en public, meirent pour gardes aux maisons de leurs bourgeois la crainte de la peine & de la loy, à fin que l'argent ny entraist point, & ce pendant ne donnerent pas ordre de tenir les entrees de leurs ames closes à toutes passios & à toutes affectiōs & tous desirs d'argēt, ains plus tost au contraire leur feirent uenir à tous l'enuie & la conuoitise de s'enrichir comme d'une chose grande & honorable. Mais quant à cela nous en auons encore ailleurs repris & noté les Lacedæmoniens. Au demourant Lyfander feit faire, du butin qu'il auoit gagné sur les ennemis, une statue de bronze à sa semblâce, pour mettre en la uille de Delphes, & à chasque particulier capitaine de galeres aussi, & oultre cela les deux estoilles de Castor & de Pollux d'or, lesquelles un peu auant la iournee de Leuctres disparurent, de sorte que lon ne sceut qu'elles deuindrent: & en la chambre du tresor de Brasidas & des Acanthiens y auoit aussi une galere faitte d'or & d'yuoire de deux coudées de long, que Cyrus luy enuoya apres qu'il eut gagné la uictoire nauale contre les Atheniens. D'auantage Alexandrides historien, natif de la uille de Delphes, escrit, que là mesme Lyfander auoit mis en depos* un talent d'argent, cinquante & deux mines, & onze pieces d'or, qui s'appelloient Stateres: mais cela ne s'accorde pas avec ce que tous les autres historiens escriuent conformement de sa pauureté. Estât donques lors en autorité & puissance plus grande que n'auoit iamais esté hōme Grec auant luy, il monta en une presumption & une gloire encore plus grande que n'estoit sa puissance. Car, ainsi comme Doris escrit, ce fut le premier des Grecs à qui les uilles dresserēt des autelz & offrirent des sacrifices comme à un Dieu, & en l'honneur de qui on chanta premierement des hymnes, & en est encore iusques au iourdhu y memoire d'un qui se commenceoit en ceste maniere:

C hantons le grand capitaine
D e sainte Grece diuine,
Q ui de la cité Spartaine
I adis prit son origine.

Les Samiens ordonnerēt par decret public, que les festes de Iuno, qui s'appelloient en leur uille Heræa, s'appelleroient Lyfandria: & luy auoit en sa compagnie un de ses citoiens nommé Chærilus, qu'il entretenoit au tour de luy, à fin qu'il ornaist & magnifiast ses faicts par sa poësie. Vn autre poëte qui s'appelloit Antilochus, feit un iour quelque nombre de uers en sa louange, dont il fut si aise qu'il luy donna tout un plein chapeau d'argent. Il y en eut deux autres Antimachus Colophonien, & Niceratus natif d'Heraclee, qui composerent à son honneur des poëmes à l'enuy l'un de l'autre: & Lyfander en adiuagea la couronne & la uictoire à Niceratus, dont Antimachus fut si despit & si marry qu'il effacea ce qu'il en auoit escript: mais Platō qui lors estoit ieune, & aimoit Antimachus, le reconforta, en luy disant, que l'ignorance oste la ueuë de l'entendement à ceulx qui en sont entachez, tout ne plus ne moins que fait l'aucuglemēt la ueuë des yeux corporelz à ceulx qui sont aucugles. Et Aristonous excellent ioueur de cithre, comme celuy qui par six fois en auoit gagné le pris es ieux Pythiques, se uolant insinuer en la bonne grace de Lyfander, luy promeit que s'il luy aduenoit iamais de gagner le pris de son art, il se fe-

* Et tout en
semble fait
environ uin-
ze cents trē-
te escus.

A roit proclamer & nommer esclau de Lyfander. Si estoit ceste ambitio de Lyfander odieuse & desplaissante seulement aux grands personnages & homes de sa qualite: mais oultre son ambition, il deuint à la fin arrogant & cruel, pour les flatteries de ceulx qui le suyuoient & qui luy faisoient la court, de sorte qu'il ne gardoit ne proportion ne mesure à recompenser ses amis, ny à punir ses ennemis. Car à ceulx qui auoient eu amitié & hospitalité avec luy, il leur donnoit pour leur obeir des seigneuries souueraines & puissances absolues de uie & de mort en leurs uilles & citez, & n'auoit que un seul moien d'appaiser & assouir son courroux, c'estoit qu'il falloit que celuy qu'il auoit une fois pris en haine mourust, & n'estoit pas possible de se sauuer de ses mains: comme il monstra bien depuis en la uille de Milet, là ou craignant que ceulx qui defendoient la partie populaire, ne s'enfouissent, & uoulant que ceulx qui estoient cachez sortissent, il promet & iura qu'il ne leur feroit mal ne desplaisir quelconque: à quoy les pauues gens se fierent, mais tout aussitost qu'ilz furent sortis, il les liura entre les mains de leurs aduersaires qui estoient les chefs de la noblesse, pour les faire tous mourir, & si n'estoient pas moins de huit cents hommes, les uns & les autres ensemble. Pareillement aussi se faisoit il es autres uilles du meurtre des populaires sans nombre: car il ne faisoit pas mourir seulement ceulx contre qui il auoit particulièrement quelque uieille det: mais aussi gratifioit, & aidoit, & seruoit en ce cela aux inimitiez, auarices & cupiditez des amis qu'il auoit en chascun lieu. Pourtāt fut trouué fort bien dit à propos un mot d'Eteocles Lacedæmonien, que la Grece n'eust sceu porter deux Lyfandres. Ce que Theophrastus escrit auoir esté dit tout de mesme d'Alcibiades par un Archestratus: mais en Alcibiades il n'y auoit que l'insolence, les delices & la uaine gloire qui desplaist aux hommes: mais en Lyfander il y auoit une austerité de nature, & une aspreté de meurs qui redoit sa puissance redoutrable & insupportable. Toutefois les Lacedæmoniens ne firent pas grād compte de tous les autres qui s'allerent plaindre de luy: mais quand ilz eurent entendu les doleances de Pharnabazus, qui leur enuoya des ambassadeurs expres pour se plaindre à eulx des torts & iniures qu'il luy faisoit, en pillant & fourrageant les pais de son gouuernement, alors les Ephores courroucez contre luy, arresterent prisonnier Thorax l'un de ses amis qui auoit eu charge en l'armee quand & luy, & trouuans qu'il auoit de l'or & de l'argent particulièrement en sa maison contre les defences, le firent mourir, & à luy mesme luy enuoyerent incontinent ce qu'ilz appellēt la Scytale, comme qui diroit la courroye, par laquelle ilz luy manderent qu'il eust à s'en retourner aussi tost comme il l'auroit receue. Ceste Scytale est une telle chose: quand les Ephores enuoyent à la guerre un general, ou un admiral, ilz font accoustrer deux petits bastons ronds, & les font entierement egaler en grandeur & en grosseur, desquelz deux bastons ilz en retienēt l'un par deuers eulx, & dōnent l'autre à celuy qu'ilz enuoyēt. Ilz appellent ces deux petits bastons Scytales, & quand ilz ueulēt faire secrettement entēdre quelque chose de consequence à leurs capitaines, ilz prennent un bandeau de parchemin long & estroit comme une courroye, qu'ilz entortillent à l'entour de leur baston rond, sans laisser rien d'espace uuide entre les bords du bandeau: puis quand ilz sont ainsi bien ioincts, alors ilz escriuent sur le parchemin ainsi enrollé, ce qu'ilz ueulent: & quād ilz ont acheué d'escrire, ilz deueloppent le parchemin & l'enuoyent à leur capitaine, lequel n'y sçauroit autrement rien lire ny co-

Lyfander.

gnoistre, pource que les lettres n'ont point de fuyte ny de liaison continuee, F
ains sont escarrees l'une ça, l'autre là, iusques à ce que prenant le petit rouleau
de bois qu'on luy a baillé à son partement, il estend la courroye de parchemin
qu'il a receuë tout à l'entour, tellement que le tour & le ply du parchemin ue-
nant à se retrouver en la mesme couche qu'il auoit esté plié premierement, les
lettres aussi uienent à se rencontrer en la fuyte cōtinuee qu'elles doiuent estre.
Ce petit rouleau de parchemin s'appelle aussi bien Scyrale cōme le rouleau de
bois, ne plus ne moins que nous uoyons ailleurs ordinairement, que la chose
mesuree s'appelle du mesme nom que fait celle qui mesure. Quand donques
ceste bāde ou courroye fut apportee à Lyfāder, qui estoit lors au païs de l'Hel-
lespont, il s'en trouua tout estonné & tout troublé, craignāt sur toutes autres G
choses les charges & accusatiōs de Pharnabazus: si meit peine de parler à luy
auant que partir, esperant faire sa paix par ce moien. Quand ilz furent ense-
ble, Lyfāder le pria de uoloir escrire une autre lettre aux seigneurs de Sparte
contenant tout le contraire de la premiere, comment il ne luy auoit fait tort
ne desplaisir quelconque, & qu'il n'auoit point d'occasion de se plaindre de
luy: mais il ne s'apperceuoit pas que c'estoit un Candiot, comme lon dit en cō-
mun prouerbe, qui uoloit affiner un autre Candiot: car Pharnabazus luy
aiant promis qu'il feroit tout ce dequoy il le requeroit, escriuit bien en public
à descouuert une missiue de telle substance que Lyfāder la demandoit: mais
en derriere il en auoit une autre de substance toute contraire, laquelle estoit si H
semblable au demourant par le dehors, que lon n'eust sceu discerner l'une de
l'autre à les ueoir par le dessus: & quand se uint à la cacheter & y apposer son
seau, il supposa dextremēt celle qu'il auoit escrite en derriere, & la luy bailla.
Ainsi Lyfāder arriué qu'il fut à Sparte, s'en alla droit, selon la coustume, au
palais où se tenoit le Senat, & bailla ses lettres aux Ephores, cuidant bien par-
icelles estre iustificē des principales & plus dangereuses charges que lon luy
pourroit mettre sus, pource que Pharnabazus estoit fort aimé des seigneurs
Lacedæmoniens, à cause que durāt toute la guerre, il festoit tousiours mōstré
fort prompt & fort affectionné à les secourir plus que nul autre des lieutenans
du Roy de Perse. Les Ephores aians leu ceste missiue la luy monstrerēt, & lors I
il cogneut euidentement, comme lon dit en commun langage, qu'Vlysses n'a-
uoit pas seul esté cauteleux: si se retira sur l'heure en son logis fort cōfus: mais
peu de iours apres retournant au palais pour parler aux seigneurs du conseil,
il leur dit qu'il estoit necessaire qu'il feist un uoyage au temple de Iupiter Hā-
mon pour s'acquitter enuers luy de quelques sacrifices, qu'il luy auoit uouez
& promis deuant les batailles qu'il auoit gaignees. Or y en a il qui disent que
ueritablement Iupiter Hammon s'apparut à luy en dormant, ainsi comme il
tenoit la uille des Aphygeiens, qui est au païs de Thrace, assiegee: & que par
son commandement il se leua de deuant, & chargea ceulx de la uille qu'ilz re-
merciaissent Iupiter Hammon & luy sacrifiāssent: au moiē dequoy ilz estimēt K
que c'estoit à bon esciāt qu'il poursuiuoit ainsi son cōgé d'aller en ce uoyage
de Libye pour acquitter les uœuz qu'il auoit faits. Mais la pluspart tenoit
pour tout certain, que ce uoyage qu'il prochassoit, n'estoit qu'une couuerture
pour auoir occasion de s'absenter, à cause qu'il craignoit les Ephores, & qu'il
ne pouuoit endurer le ioug qu'il luy falloit porter quand il estoit à la maison,
ny ne pouuoit plus souffrir qu'on luy commandast, qui fut la uraye occasion
de luy faire chercher ce pelerinage, ne plus ne moins qu'un cheual que lon
oste

A offe des pascages libres, & des prez ouuers pour le renger en une estable, & le remettre à son labeur accoustumé: toutefois Ephorus en escript une autre cause, laquelle ie reciteray cy apres. A la fin aiant obtenu son cōgé à toute peine, il s'embarqua & feit uoile: mais durant son absence les Roys de Lacedæmone festans aduisez, que luy tenoit toutes les uilles en sa deuotiō par le moien des amys qu'il auoit en chascune, aux quelz il auoit donné toute l'autorité du gouuernement d'icelles, & qu'il uenoit à estre par ce moien comme un prince absolu & seigneur perpetuel de toute la Grece, ilz entreprirent de remettre le gouuernement des uilles & citez entre les mains des peuples, & en debouter ses amis qu'il y auoit establiz. Sur quoy il se leua incontinent un grand mouuement: car premierement les bannits d'Athenes aians surpris le chasteau de Phyle, coururēt sus de là aux trente gouuerneurs tyrans, & les defeirēt en bataille: à l'occasion dequoy Lyfander retourna promptement, & remōstra aux Lacedæmoniens qu'ilz deuoient tenir la main au gouuernement du petit nōbre, & chastier l'insolence des peuples. Parquoy à sa poursuite ilz enuoyerēt premierement * cent talents aux trente tyrans pour leur aider à soustenir ceste guerre, & le designerent luy mesme pour capitaine: mais les deux Roys luy portans enuie, & craignans qu'il ne reprist une autre fois la uille d'Athenes, resolurēt que l'un d'eulx y iroit: & y alla de faict Pausanias, lequel en apparece fait bien semblāt de soustenir les tyrans cōtre le peuple, mais en effect meit

C peine d'appaier ceste guerre, de peur que Lyfander par le moien de ses amis & adherens, ne uint à auoir encore une autre fois la uille d'Athenes en sa puissance, ce qui luy fut facile à faire. Ainsi aiant remis les Atheniens en bōne amitié, union & concorde, les uns avec les autres, & esteinct les partialitez & seditions qui estoiet entre eulx, il couppa par le pied l'ambition de Lyfander. Mais peu de temps apres festans derechef les Atheniens soubleuez & rebellez cōtre les Lacedæmoniēs, Pausanias fut luy mesme blasme d'auoir lasché trop la bride à l'audace, & l'insolence du peuple, qui parauant estoit retenue & refrence par l'autorité du petit nombre de gouuerneurs: & au cōtraire feit que lon donna à Lyfander l'honneur de capitaine qui n'ordonnoit point les affaires à l'appetit d'autrui, ny à la pompe de uaine gloire, ains roidement au profit & à l'utilité de Sparte. Vray est qu'il estoit hault en paroles & terrible à ceulx qui luy resistoient, comme il respondit un iour aux Argiens qui querelloient de leurs confins à l'encontre des Lacedæmoniēs, & sembloiet alleguer de meilleures raisons. Ceulx, dit il, qui serōt les plus forts en cecy, en leur mōstrāt son espee, serōt ceulx qui plaiderōt le mieulx la cause de leurs cōfins. Vne autre fois en quelque assemblee de conseil, cōme un Megarien eust parlé assez hardimēt & libremēt, il luy respōdit, Tes paroles, mō bel amy, auroiet besoig d'une ciré. uoulant dire qu'il estoit d'une uille trop foible, pour tenir des propos si haultains. Et aux Bœotiens qui estoient en branle de se declarer amis ou ennemis, il leur enuoya demander s'il passeroit par leur païs les picques leuees ou baissées. Et comme les Corinthiens se fussent departis de leur alliance, il approcha son armee de leurs murailles: mais ainsi que ses gens estoient en doute, & marchādoient s'ilz iroiet à l'assault ou non, il apperceut d'aduēture un lieure qui sortit des fossez de la uille, & leur dit adōc: N'auiez uous point de honte de craindre d'aller assaillir des ennemis, qui sont si lasches & si paresseux, que les lieures dorment à leur aise dedans le pourpris de leurs murailles? Audemourant, le Roy Agis estant uenu à deceder, laissa son frere Agésilas,

* Soixante mille escus.

Lyfander.

& son filz reputé Leotychides : parquoy Lyfander qui auoit esté autrefois amoureux d'Agésilas, luy conseilla qu'il maintient que la royauté luy deuoit appartenir, comme à l'hoir legitime le plus prochain descendant de la race de Hercules, à cause que lon suspecçonnoit Leotychides estre filz de Alcibiades, pource qu'il auoit secrettement entretenu Timæa femme d'Agis, lors qu'estant banny de son pais, il s'estoit retiré à Sparte : & Agis mesme concludant par la raison du temps qu'il auoit esté absent, que sa femme ne pouuoit estre enceinte de ses œuures, ne faisoit compte de Leotychides, & auoit monstté ouuertement tout le reste du temps, qu'il ne le recognoissoit point pour son filz, iusques à ce qu'estant tombé malade de la maladie dont il mourut, il se fait porter en la uille de Heræa, là ou estant pres de mourir, partie à la supplication de Leotychides mesme, & partie à l'instance de ses amis, qui l'en presserent bien fort, il le recogneut & l'aduoua pour son filz, en presence de plusieurs tesmoins, lesquelz il requit de uoloir tesmoigner enuers les seigneurs Lacedemoniens, ceste siene declaration de recognoissance, ce qu'ilz feirēt en faueur de Leotychides : toutefois Agésilas l'emportoit sur luy, principalement pour le port & la faueur que luy faisoit Lyfander, n'eust esté un Diopithes homme tenu & reputé sçauant en matiere d'anciennes propheties qui nuysoit fort au party d'Agésilas, pour un ancien oracle qu'il alleguoit à l'encontre d'un default qu'Agésilas auoit, qu'il estoit boitteux :

R egarde bien ô nation Spartaine,
Quoy que tu fois magnanime & haultaine,
Que royauté boitteuse ne se germe
En toy qui as l'alléure droite & ferme :
Car autrement des malheurs te uiendront,
Non esperez, qui long temps te tiendront
Enueloppee en tourmente de guerre,
Dont les humains perissent sur la terre.

Plusieurs à l'occasion de cest oracle, se rendoient & se laissoient aller du costé de Leotychides : mais Lyfander leur remonstra que Diopithes ne prenoit pas bien le droit sens de l'oracle, pource que Dieu ne se soucioit pas que quelqu'un estant offensé à un pied uint à estre Roy de Lacedemone : mais que bien la royauté clocheroit & seroit ueritablement boitteuse, si des bastards n'estas point nez de legitime mariage uenoient à regner sur les urays naturelz descendants de Hercules. Par ces raisons & remonstrances Lyfander, ioinct le grand credit & l'autorité qu'il auoit, tira tous les autres à son opinion, de sorte que Agésilas par ce moien fut déclaré Roy de Lacedæmone. Si commença incontinent Lyfander à luy mettre en teste qu'il entreprist d'aller faire la guerre en Asie, luy donnant esperance qu'il ruinerait l'empire de Perse, & qu'il se feroit le premier homme du monde. D'auantage il escriuit aux amis qu'il auoit es uilles de l'Asie, qu'ilz enuoyassent demander aux Lacedæmoniens le Roy Agésilas pour leur capitaine, à faire la guerre aux Barbares : ce qu'ilz feirent, & enuoyerent des ambassadeurs expres à Sparte pour le requerrir : qui ne fut pas moins d'honneur procuré par Lyfander à Agésilas, que de l'auoir fait elire Roy. Mais les hommes ambitieux de nature, n'estans pas au demourant mal propres ny mal idoines pour commander, ont ceste imperfection, que par la ialouzie de la gloire, ilz portent ordinairement enuie à leurs semblables, ce qui les empesche de faire beaucoup de belles choses : car ilz tiennent pour leurs aduersaires

A aduersaires en la poursuite de la uertu, ceulx dont ilz se pourroiet & deuroiet plus tost seruir & aider à faire de belles & grandes choses. Agefilaus doncques estant eleu chef de ceste entreprise, mena quand & luy en ce uoyage Lyfander, entre les trente Conseillers, qui luy furent baillez pour luy assister, & le choisit, comme celuy par le conseil duquel il esperoit le plus se gouverner & l'approcher le plus pres de soy, comme le principal de ses amis: mais quand ilz furent arriuez en Asie, ceulx du païs qui n'auoient point encore de familiarité & de cognoissance avec Agefilaus, parloient peu & non gueres souuent à luy, & au contraire aians cogneu & hanté de longue main Lyfander, ilz le suyuoient, & luy alloient faire la court iusques en son logis, les uns par honneur, pource qu'ilz estoient ses amis, les autres par crainte, pource qu'ilz se desioient de luy, ne plus ne moins qu'il se fait, & qu'il aduient souuent es theatres quād on y iouē des tragœdies, q̄ ceulx qui iouēt le personnage de quelque messager ou de quelque seruiteur, sera plus excellent ioueur, & qui se fera ouir entre tous les autres, & au contraire celuy qui a le bâdeau royal à l'entour de la teste, & le sceptre en la main, à peine l'entend on parler: ainsi estoit il lors, car toute la dignité deuë à celuy qui commande estoit à l'entour du conseiller, & ne demouroit au Roy que le nom de la royaulté seulement, denué de toute puissance. Si me semble bien que ceste indiscrette & importune ambition de Lyfander, meritoit bien à l'aduenture quelque reprehension, iusques

C à le rengier, & le faire contenter du second lieu d'honneur apres le Roy: mais aussi de reietter de tout poinct par une conuoitise & ialouzie de gloire, & uilipender ainsi un sien amy & bienfaiteur, cela me semble auoir esté chose indigne d'Agefilaus. Car tout premierement il ne luy donna iamais moien de rien faire, ny ne luy comemit onques charge qui fust honorable: ains, qui pis est, fil sentoit qu'il eust pris en main les affaires de quelques uns, & qu'il leur fauorisast, il les renuoyoit tousiours esconduits en leurs maisons, sans qu'ilz peussent rien obtenir de ce qu'ilz poursuyuoiet, moins que les plus basses personnes qui eussent sceu uenir, amortissant ainsi petit à petit, & luy ostant toute son autorité. Parquoy Lyfander uoiant comme il estoit ainsi refusé & rebuté de toutes choses, & s'apperceuant que le port & faueur qu'il cuidoit faire à ses amis leur estoit nuyfible, il se deporta de prendre plus leurs affaires en main, & les pria de ne s'adresser plus à luy, & de ne le suyure plus, ains de se retirer deuers le Roy, & deuers ceulx qui pouuoient mieulx que luy faire plaisir à ceulx qui les honoroient. Cela entendu, plusieurs desisterent de luy rompre plus la teste d'affaires, mais non pas de luy faire honneur, ains se trouuoiet à sa suite pour l'accompagner quand il se uoloit aller promener, ou s'esbatre aux exercices de la personne, & luy faisoient la court, ce qui irritoit & aigrissoit encore d'auantage Agefilaus cōtre luy, pour l'enuie qu'il portoit à sa gloire, de maniere que là ou il dōnoit souuent à des simples souldards de belles & honorables commissions de la guerre à executer, ou des uilles à gouverner, il establit Lyfander pour toute prouisiō, commissaire des uiures, & distributeur des chairs, & puis se mocquant des Ioniens qui luy faisoient tant d'honneur, Qu'ilz aillent maintenant, disoit il, faire la court à mon distributeur des chairs. Parquoy Lyfander estimant qu'il estoit besoing de luy en parler, s'adressa à luy, & luy dit en peu de paroles à la guise des Laconiens: Vrayment, Agefilaus, tu sçais fort bien abbaïsser tes amis. Ouy bien, luy respondit Agefilaus, quand ilz ueulent estre plus grands que moy: & au contraire, ceulx qui

Lyfander.

ſeſtudient à maintenir & augmenter mon authorité, c'eſt raiſon qu'ilz ſen F
ſentent. Voiremais, repliqua Lyfander, Ie n'ay pas fait à l'aduenture ce que tu
dis: mais quand ce ne ſeroit que pour le regard des eſtrangers qui ont les yeux
ſur nous, ie te prie mets moy en tel endroit de ta charge, ou ie te puiſſe eſtre
moins odieux & plus utile. Depuis ces propos Ageſilaus l'enuoya ſon licute-
nant au païs de l'Helleſpont, là ou il garda bien en ſon cuer le courroux qu'il
auoit cõtre luy, mais pour cela il ne laiſſa pas de faire tout ce qu'il falloir pour
le bien des affaires, comme entre autres choſes, il pratiqua & feit rebeller cõ-
tre ſon maiſtre un capitaine Perſien nommé Mithridates, uaiſſant homme de
ſa perſonne, & qui eſtoit grand ennemy de Pharnabazus, & auoit une armee
qu'il mena à Ageſilaus. c'eſt tout ce qu'il feit quant à la guerre en ce uoyage G
là. Parquoy quelque temps apres, il ſen retourna à Sparte avec peu d'hõneur,
eſtant grieuement picqué & indigné contre Ageſilaus, & haïſſant plus que
iamais tout l'eſtat & gouuernement de la uille de Sparte: à l'occafion de quoy
il reſolut adonc en luy meſme de mettre en auant, ce qu'il auoit de long temps
propenſé & proietté de faire, pour la mutation du gouuernement, qui eſtoit
une telle entrepriſe. Entre les deſcendans de Hercules qui ſe meſſerent parmy
les Doriens, & retournerent au païs de Peloponeſe, le plus grand nombre &
les plus apparens ſe logerent & habituerent en la uille de Sparte: mais tous
ceulx qui eſtoient de la race n'eurent pas droit de ſucceder au royaume, ains y
en eut deux maiſons ſeulement, l'une qui ſ'appelloit des Eurytionides, & l'autre H
des Agiades: les autres maiſons, encore qu'elles fuſſent extraictes d'une
meſme ſouche, pour la nobleſſe de leur ſang n'auoiét point plus de part au
royaume que le demourât du peuple: car les honneurs qui ſ'acquierent par la
uertu y eſtoiét propoſez à tous les habitâs qui les pouuoïent acquerir. Lyfander
dõques eſtât un de ceulx là, q eſtoiét deſcendus de la uraye race de Hercules,
& qui neantmoins n'auoiét point de part à la royaulté, quãd il ſe ueit eleué en
grand hõneur & grande gloire par les merites de ſes haultsſaiçts, & qu'il eut
acquis beaucoup d'amis, & beaucoup de credit & d'authorité au maniement
des affaires, il luy feit grand mal de ueoir que ceulx qui n'eſtoient de rien plus
nobles que luy, fuſſent roys en la uille qu'il auoit accreue par ſa uertu, & q luy I
ne peult auoir tant de puiſſance, que de faire oſter à ces deux maiſons le priui-
lege que les Roys deuffent eſtre eleus d'elles ſeulement, & le faire eſtendre à
tous ceulx qui ſeroient iſſus de la race & du ſang de Hercules. Toutefois les
autres diſent, qu'il ne le uouloit pas faire eſtendre aux deſcédans de Hercules
ſeulement, mais auſſi à tous les naturelz Spartiates, à celle fin que ce loyer
d'honneur fuſt affecté non à ceulx qui ſeroient deſcendus de la race de Her-
cules, mais à tous ceulx qui le reſſembleroient en uertu, laquelle l'auoit ren-
du luy meſme egal aux Dieux en honneur: car il eſperoit bien que quand on
iugeroit ainſi de la royaulté, il n'y auroit hõme en la uille de Sparte qui plus
toſt fuſt eleu Roy que luy, au moien de quoy, il attenta premierement de le K
ſuader à ſes citoyens par uiues raiſons, & à ces fins apprit par cuer une ha-
rengue, que luy compoſa Cleon Halicarnafien ſur ce propos. Mais depuis
conſiderant en luy meſme, que la grandeur d'un changement ſi eſtrange
qu'il uouloit innouer, auoit beſoing d'un plus hardy & plus roide ſecours,
il ſe meit à drefſer une machine, comme lon dit en commun prouerbe,
pour emouuoir ſes citoyens, ne plus ne moins que lon fait ſouuét es tragédies
ou lon drefſe des engins pour faire deſcendre quelque Dieu du ciel: & fut ce-
ſte

A ste feincte qu'il se meit à controuuer des oracles & propheties, estimant que toute la Retorique de Cleon ne luy seruiroit de rien, si premierement il n'emplissoit & n'esblouissoit les cueurs de ses citoiens de quelque superstition, & quelque crainte des Dieux, pour puis apres les amener plus facilémēt à la raison. Si dit Ephorus qu'il essaya premierement à corrompre par argent la religieuse qui rend les oracles au temple d'Apollo en la uille de Delphes, & depuis celle du tēple de Dodone par l'entremise d'un Pherecles, & que aiāt esté refusé de l'une & de l'autre, il s'en alla finablement au temple de Iupiter Hammon, là ou il parla aux presbtres, & leur offrit beaucoup d'argent pour mesme effect, dont ilz se courroucerent tellement à luy qu'ilz enuoyerēt des gens expres à Sparte pour le charger de les auoir uoulu corrompre: de laquelle accusation aiāt esté absouls par le conseil, ses accusateurs qui estoient des Libyēs, en s'en allant dirent: Nous iugerons quelque fois plus iustement que uous n'avez fait, Seigneurs Lacedæmoniens, quand uous uiendrez un iour pour habiter en nostre pais de la Libye: supposans qu'il y auoit une ancienne prophetic, laquelle portoit que les Lacedæmoniens deuoient unefois aller habiter au pais de la Libye. Mais il uault mieulx que nous escriuions tout du long le discours entier de la menee & la ruse & malice de la feincte qui ne fut pas petite, ny bastie sur un fondement tel quel, ains comme en une proposition de Mathematique y eut plusieurs grandes presuppositions, & plusieurs premisses longues & bien emmellees pour uenir à la conclusion, laquelle ie deduiray de poinct en poinct, suiuant ce qu'en a escrit un historien & philosophe tout ensemble. Il y auoit es marches du royaume de Pōt une femme qui se disoit estre enceincte d'Apollo: ce que plusieurs, comme lon peut penser, ne uouloient point croire, & plusieurs aussi y adiouxtoient foy, de maniere, que quand elle se fut deliuree d'un beau filz, plusieurs gens d'estat & de qualité prirēt le soing de le faire nourrir & entretenir. Cest enfant, ne sçay pour quelle cause ny comment, fut nommé Silenus: & Lyfander aiant cē commencement d'ailleurs, ourdit & acheua le demourant de la trame du sien: car il eut plusieurs, & non point petits personnages qui luy aiderēt à bastir, par maniere de dire, l'entree de ceste farce, en faisant courir le bruit de la naissance de cest enfant, sans que lon peust souspeçonner à quelle intētion ilz le faisoient: & si apporterent encore une autre nouuelle de Delphes qu'ilz semerent aussi par la uille de Sparte, sçauoir est, que les presbtres du temple y gardoient des liures secrets, ou il y auoit de tres anciens oracles, aux quelz eulx mesmes n'osoient pas toucher, ny n'estoit loisible à personne de les lire, sinon à un qui seroit né de la semēce d'Apollo, lequel deuoit uenir apres un lōg espace de tēps, & faire apparoir de sa naissance aux presbtres qui gardoient les dicts papyrus, & ce par quelque marque & enseigne qu'ilz auoient secrette entre eulx: moicnant laquelle, estant recogneu pour filz d'Apollo, il pourroit adonc prendre les papyrus & lire les anciennes reuelatiōs & propheties qui y estoiet. Ces choses ainsi preparees, on auoit donné ordre que Silenus uienendroit à demander ces papyrus, comme estant filz d'Apollo, & que les presbtres qui aidoient à cōduire la menee, feroient semblant de s'enquerir diligemmēt de toutes choses & de s'informer comment il estoit né, & que finablement apres qu'ilz auroiet bien uerifié tout, alors ilz luy consigneroient entre ses mains les papyrus, cōme à celuy qui ueritablement seroit filz d'Apollo, & que luy en presence de plusieurs tesmoins les liroit publiquement, & entre autres notamment celle

Lyfander.

pour laquelle ceste longue feinte estoit attiltee touchant la royaulté de Lacedæmone, Qu'il estoit meilleur & plus expedient aux Spartiates qu'ilz eleussent pour leurs Roys ceulx qui se trouueroient les plus gens de bien de tous leurs citoiens. Mais comme ce Silenus fust desia paruenu à son adolescence, & fust expressement uenu en la Grece pour executer ce desseing, tout le mystere fut gasté par la couardise de l'un des ioueurs & des compagnons de Lyfander qui luy aidoint à conduire ce mystere, lequel quand ce uint au faict & au prédre eut peur, & se retira de l'entreprise: toutefois il n'en fut iamais rien descouuert du uiuant de Lyfander, ains seulement apres sa mort: car il mourut premier que le roy Agefilaus fust retourné de l'Asie, estant auant que mourir tumbé en la guerre Bœotique, ou plus tost y aiant luy mesme fait tumber la Grece: car il se dit en l'une & en l'autre sorte: & y en a qui en mettent la coulpe sur luy, les autres sur les Thebains, les autres sur tous deux: car ilz tournēt en crime aux Thebains ce qu'ilz renuerferent sans dessus dessous, les sacrifices publiques que faisoit Agefilaus en la uille d'Aulide: & disent aussi qu'Androclides & Amphitheus estans gaignez & corrompus par argēt du Roy de Perse, pour embrouiller les Lacedæmoniens de guerres, au dedans de la Grece susciterent celle guerre entre les Grecs, & commencerent à courir & piller le païs des Phociens. Les autres disent que Lyfander estoit courroucé à eulx, pource que seuls entre tous les alliez & confederez, ilz demandoient la dixieme partie de tout le butin qui auoit esté gaigné en la guerre contre les Atheniens, & qu'ilz auoient esté malcontents de l'argent que Lyfander auoit enuoyé à Sparte. Mais sur tout leur uouloit Lyfander plus de mal, à cause qu'ilz auoient les premiers donné moien aux Atheniens de se deliurer de l'oppression des trente tyrās qu'il auoit establis pour gouuerneurs à Athenes, & pour lesquelz fauoriser & faire craindre, les Lacedæmoniens auoient ordonné par edict public, Que les bannits qui s'enfouyroient d'Athenes, pourroient estre pris au corps en quelque lieu qu'ilz s'en fouissent, & que ceulx qui y mettroiēt empeschement seroient declarez rebelles & ennemis des Lacedæmoniens: car au contraire de cest edict, les Thebains en feirent un autre fort semblable, & conuenable aux glorieux faicts de Bacchus & de Hercules leurs ancestres, par lequel estoit porté, Que toute maison & toute uille fust ouuerte par tout le païs de la Bœoce aux Atheniens qui y uoudroient uenir, & que celuy qui ne secourroit un banny d'Athenes cōtre celuy qui le uoudroit emmener par force, payeroit l'amende de six cents escus: & si luy auoit aucuns qui portassent armes uers Athenes par le païs de la Bœoce, q̄ les Thebains ne feissent pas semblant d'en rien ueoir ne rien ouir. Si ne fut point une simulation de dire qu'ilz ordonnassent de paroles choses si humaines & si biē seantes à un peuple Grec, & puis que les effects ne respondissent pas aux edicts & proclamations. Car Thrasylbulus & ses consors qui occuperent le chasteau de Phyle, partirent de Thebes, dont ilz eurent argent & armes, & leur donnerent les Thebains le moien de commencer & de conduire leur entreprise si secrettement, qu'elle ne fut point descouuerte. Voila donques les causes, pour lesquelles Lyfander prit si fort à cuer la querelle contre les Thebains, & estāt sa cholere fort uiolente, mesmement à cause de la melācholie qui alloit de iour en iour croissant en luy pour raison de sa uieillesse, il fit tant enuers les Ephores qu'il leur persuada d'y enuoyer garnison, & luy mesme en prenant la charge, se meit incōtinent en chemin avec ses gens: mais depuis on y enuoya encore le roy Pau-

- A** **sanias** avec une armee, lequel deuoit faire un grand circuit, & entrer dedans le païs de la Bœoce par la môtagne de Citheron, & Lyfander le deuoit aller rencontrer par le païs de la Phocide, avec une bonne troupe de gens de guerre qu'il auoit. Si prit la uille des Orchomeniens, laquelle se rendit uoluntairement à luy auffi tost qu'il fut arriué deuât, & de là s'en alla à celle de Lebadie, qu'il pillâ : & de là escriuit au roy Pausanias, qu'au partir de Platæes, il prist son chemin droit uers la uille d'Aliarte, & que luy le lendemain au poinct du iour se rendroit ioignât leurs murailles. Ces lettres furent surprises par quelques coureurs des Thebains qui rencontrèrent le messager qui les portoit: parquoy les Thebains aduertis de leur entreprise, laisserent leur uille à garder
- B** aux Atheniens qui leur estoient uenus au secours, & eulx la nuict enuiron le premier sonne se partirent de Thebes, & cheminerent toute la nuict en si bonne diligence, qu'ilz arriuerent le matin à Aliarte un peu deuât Lyfander, & meirent une partie de leurs gens dedans la uille. Quant à Lyfander, il auoit proposé du commencement de tenir ses gens dessus une motte qui est pres de la uille, & là attendre la uenue de Pausanias: mais depuis, quand il ueit que le iour se passoit & qu'il ne uenoit point, il ne peult plus auoir patiëce, & prenât ses armes apres auoir presché les alliez qu'il auoit avec luy, feit marcher ses gens en bataille plus longue que large le long du grand chemin qui alloit uers la uille. Ce pendant les Thebains qui estoient demourez hors la uille,
- C** laissant Aliarte à main gauche, fallerent ruer sur la cueuë de l'armee des ennemis à l'endroit de la fontaine, qui s'appelle Cissusa: là ou les fables des poëtes cōptent que les nourrices de Bacchus le lauerēt quand il sortit du uentre de sa mere, pource que l'eau qui y sourd, combien qu'elle soit fort claire & douce à boire, a neantmoins ne sçay quoy de couleur de uin: & les iauelots de Cadie, que lon appelle, sont tout à l'entour non gueres loing, ce que les Aliartiens alleguent pour prouuer que Radamanthus a autrefois demouré en ce quartier là, & s'y monstre encore iusques aujourdhuy sa sepulture, qu'ilz appellent Alea: & y a assez pres de là aussi le monument d'Alemena: qui fut, ainsi qu'ilz disent, inhumee en ce lieu là, aiât esté mariee avec Radamanthus depuis la mort d'Amphytrion. Mais les Thebains, qui estoient dedans la uille avec les Aliartiens, ne se bougerent iusques à ce qu'ilz ueirent Lyfander avec les premiers de sa troupe tout aupres de leurs murailles: car alors ilz feirent soudainement ouurir les portes, & se ruans sur luy se tuerent luy mesme avec son deuin & quelque peu d'autres, pource que la pluspart se retira au fort de leur bataille: toutefois les Thebains ne les lascherent point, ains les poursuivirent si uiuement & de si pres, qu'ilz les meirent tous en route, & leur feirent à tous prendre la fuitte à trauers les montagnes apres en auoir occis trois mille sur le champ: aussi y en demonstra il trois cents des Thebains, qui poursuivirent les ennemis trop asprement iusques en lieux aspres & forts pour eulx.
- E** C'estoiēt presque tous ceulx que lō suspecōnoit à Thebes de fauoriser sous main au party des Lacedemoniens, & pour le desir qu'ilz eurent d'oster ceste opinion à leurs citoiens, se hazarderent sans propos, tellement qu'ilz se perdirent en ceste poursuite. Pausanias eut nouuelle de ceste desfaitte sur le chemin de Platæes à Thespies, & tira oultre, marchant tousiours en bataille iusques à Aliarte: là ou arriua aussi en mesme temps Thrasybulus, amenant de Thebes le secours des Atheniens. Et comme Pausanias fust en propos d'enuoyer demander aux ennemis licence de pouuoir enleuer leurs morts pour

Lyfander.

les inhumer, les plus aagez des Spartiates qui se trouuerent en son armée, le trouuans fort mauuais, s'en courroucerent premieremēt entre eulx, puis s'en allerēt au Roy mesme, luy protester qu'il faisoit deshonneur à Sparte, de uouloir enleuer le corps de Lyfander par le cōgé & la mercy des ennemis, & qu'il falloit l'aller combattre à uiue force d'armes, & l'inhumer honorablement apres qu'ilz auroient uaincu les ennemis, ou bien si la fortune uouloit qu'ilz y fussent desfaits eulx mesmes, qu'encore leur seroit il plus honorable de demourer gifans sur la campagne aupres de leur capitaine, que de demander congé pour enleuer son corps. Mais nonobstant toutes ces remonstrâces des uieillards, le roy Pausanias uoyant que c'estoit chose biē mal aisee de desfai- re les Thebains en bataille lors qu'ilz uenoient d'estre uictorieux: & d'auan- tage que le corps de Lyfander gisoit tout ioignant les murailles d'Aliarte, tel- lement qu'il seroit bien difficile, & non moins dangereux de l'enleuer, encore qu'ilz eussēt gagné la bataille, il enuoya un herault aux ennemis. Et aiāt fait trefues pour quelques iours, emmena son armee arriere, & emporta le corps de Lyfander, lequel ilz inhumerent aussi tost qu'ilz furent hors des confins de la Bœoce dedans le territoire des Panopeiens, là ou est encores aujourd'hui sa sepulture sur le chemin, par ou lon ua de la uille de Delphes à celle de Chæronée. Là ou estant le camp de Pausanias logé, lon dit qu'il y eut un Phocien, lequel faisant le discours de la bataille à un autre qui ne s'y estoit pas trouué, dit que les ennemis les estoient uenus charger ainsi que Lyfander auoit ia H passé l'Oplites, dequoy l'autre s'esmerueillant, il y eut un Spartiate amy de Lyfander qui luy demāda, aiāt ouy tout leur propos, que c'estoit qu'il appelloit Oplites, & qu'il n'auoit point ouy nommer ce mot là. Comment luy respōdit adōc le Phocien, si est-ce que les ennemis ont là abbatu les premiers de noz gens qui sont demourez sur le champ: car le ruisseau qui passe au long des murailles de la uille s'appelle Oplites. Ce que le Spartiate aiāt entendu, il se prit aussi tost à plorer chaudement, en disant, Or est il donques impossible à l'homme d'euitier sa destinee: pource que Lyfander auoit autrefois eu un oracle, dont la substance estoit telle,

I e te conseille aller tousiours fuyant,

O Lyfander, Oplites le bruyant,

E t le Dragon filz de la terre mere,

Qui finement t'assaudra par derriere.

Toutefois il y en a qui estiment que ce ruisseau de Oplites n'est pas celuy qui passe le long des murailles de Aliarte, ains est le torrent qui court pres la uille de Coronee, & ua tumber en la riuiera de Phliarus au lōg de la uille: & disent que ancienemēt on l'appelloit Hoplia, mais maintenant on l'appelle Isomātus. Celuy qui tua Lyfander fut un Aliartiē nommé Neochorus, lequel portoit sur son eseu un Dragon peinct: ce que l'oracle uouloit signifier, ainsi que lon coniecture. Lon dit aussi que du temps de la guerre Peloponesiaque, les Thebains eurent un oracle du temple d'Apollo Ismenien, lequel oracle leur prophetisa la bataille qu'ilz gagnerent pres le chasteau de Delium, & ceste cy de Aliarte, qui fut trente ans depuis. La teneur de l'oracle fut telle:

T oy qui uiendras guetter les louueaux fins

G arde toy bien des extremes confins,

E t de la morte Orchalide, ou sans cesse

G ist le Regnard qui iamaïs ne la laisse.

A Il appelle les extremes confins, le territoire qui est à l'entour de Delium, pour ce que là cōfine la Bœoce avec le païs de l'Attique, & la motte Orchalide, celle qui se nomme aujourdhuy Alopeque, comme qui diroit la regnardiere, laquelle est du costé que la uille d'Aliarte regarde la montagne de Helicon. Aïât dôques Lyfander ainsi esté occis, les Spartiates sur l'heure en furēt si des-
 B plaisans, qu'ilz en uoulurēt faire un proces criminel, comme d'un crime capi-
 tal à leur roy Pausanias, lequel n'en oza attendre l'issue du iugement, ains
 senfouit en la uille de Tegee, là ou il acheua le reste de ses iours en la frâchise
 & sauuegarde du tēple de Minerue. Car la pauureté de Lyfander qui uint à
 estre descouuerte à sa mort, rendit sa uertu plus claire & plus illustre qu'elle
 n'estoit auparauant, quand on ueit que de tant d'or & d'argent qui estoit passé
 par ses mains, tant d'autorité qu'il auoit euë, de tant de uilles & de citez qui
 luy auoient fait la court, & brieſ d'une si grande & si puissante royaulte, par
 maniere de dire, qu'il auoit euë entre mains, iamais il n'en auoit aggrandy ny
 augmenté sa maison d'une seule maille, ainsi comme l'escrit Theopompus,
 auquel on doit adiouxter plus de foy quād il louë que quād il blasme, pour
 ce qu'il prent plus de plaisir à mesdire ordinairement, qu'il ne fait pas à louer.
 Quelque temps apres, ainsi qu'escrit Ephorus, il aduint que les Spartiates eu-
 rent quelque different avec leurs alliez, pour raison duquel il fallut uisiter les
 C papyrus que Lyfander auoit en sa maison. Ageſilaus y alla, & trouua entre les
 autres papyrus, la harēgue qu'il auoit preparee pour persuader aux Spartiates
 de changer leur gouuernement, & leur remonſtrer qu'il falloit oſter aux Eu-
 ryrionides & aux Agiades, le priuilege qu'ilz auoient, que les roys de Sparte
 ne pouuoient estre eleuz que de ces deux familles là, & remettre ce priuilege
 en commun, de sorte qu'il fust loisible d'elire roys de Sparte ceulx qui seroiēt
 les plus gens de bien de toute la uille. Ageſilaus fut entre deux de mōſtrer ce-
 ſte harengue en public, pour faire ueoir aux Spartiates quel citoien auoit esté
 Lyfander en son cueur: mais Lacratidas hōme sage & prudent, qui lors estoit
 preſidēt des Ephores l'en engarda, disant qu'il ne falloit poit deterrer Lyfan-
 der, ains plus tost enterrer avec luy sa harengue qui estoit escripte d'un si grād
 D artifice & si finemēt pour persuader. Toutefois si luy feirēt ilz plusieurs grāds
 honneurs encore apres sa mort, & entre autres, ilz condempnerent en grosse
 amende deux citoiens, qui auoient fiancé ses deux filles du uiuant de leur pe-
 re, & puis les refuzerent quand ilz ueirēt qu'à sa mort il se trouua ainsi pauvre,
 pourautant qu'ilz auoient recherché son alliance, pensans qu'il fust bien ri-
 che, & puis n'en auoient point uoulu quād par sa pauureté ilz auoiēt cogneu
 qu'il estoit homme de bien & entier. Ainsi peult on ueoir qu'il y auoit à Spar-
 te peine establie contre ceulx qui ne se marioient point, ou qui se marioient
 trop tard, ou qui se marioient mal, & à ceste peine estoient subiects ceulx qui
 au lieu de chercher l'alliance de gens de bien, ou de leurs parents, cherchoiēt
 E à se marier richement. Voila ce que nous auions a escrire des faiēts & meurs
 de Lyfander.



Lucius Cornelius Sylla estoit bien de race de Patriciens, qui sont à Rome les nobles & gentilzhommes, & y eut un de ses ancestres nommé Rufinus, qui paruint à la dignité Consulaire, lequel toutefois a esté plus renommé pour l'infamie dont il fut noté, que pour honneur auquel il soit parvenu, à cause qu'il se trouua auoir en sa maison plus de dix mares en uaisselle d'argent, chose qui estoit en ce temps là defendue par ordonnance expresse, & pour ceste raison fut priué de l'honneur de Sénateur, & perdit le priuilege d'entrer au Senat: depuis laquelle ignominie tous ses descendans demourerent tousiours bas. Et Sylla mesme eut bien peu de biens de son pere, tellement qu'en sa premiere ieunesse il demoura en maison d'autrui à bié petit louage, ainsi que depuis il luy fut reproché quand on le ueit plus riche que lon ne pensoit qu'il eust merité. Car comme il se uantast & glorifiast à son retour de la guerre d'Afrique, il y eut un personnage de bien & d'honneur qui luy dit: Et comment seroit il possible que tu fusses homme de bien, aiant si bien de quoy comme tu as, ueu que ton pere ne t'a rié laissé? Car combien que desia ne fust plus es meurs des hommes Romains celle ancienne roideur de uie entiere, & celle purité qui y souloit estre, & qu'ilz eussent un peu decliné, & receu en leurs cueurs la conuoirise des delices & de la superfluité, ce neantmoins encore mettoient ilz en pareil degré de reproche ceulx qui ne se maintenoient pas en la pauvreté de leurs peres, que ceulx qui consumoient & mettoient à mal la richesse que leurs parents leur auoient laissée. Mais depuis encore quand il eut toutes choses en sa main, lors qu'il faisoit mourir tant de gens, il y eut un homme né de serfs affranchis, qui pour auoir recelé & sauué un de ceulx qui estoient bannis par affiches, estant tout prest à estre precipité du hault de la roche Tarpeienne, luy reprocha qu'ilz auoient longuement uescu & logé ensemble dedans une mesme maison, luy payant uingt escus de louage pour le hault de la maison, & Sylla trente pour le louage du bas: tellement qu'entre leurs deux fortunes il n'y auoit pour lors que dix escus à dire. Voila ce que lon treuve par escript qu'à la premiere condition de ses biens: au demourant quant à la forme de son corps le reste se uoit assez par ses images & statues qui sont demourees: mais quant à ses yeux uerds qui estoient aspres, ardents & estincellans à merueilles, la couleur de son visage les rendoit encore plus effroyables à ueoir: car il estoit fort couperosé & semé de taches blanches par endroits, * dont on dit que le nom de Sylla luy fut imposé à raison de sa couleur, & y eut un des gaudisseurs d'Athenes, qui luy en donna un traict de mocquerie par ce uer:

Sylla est une meure asperse de farine.

Si n'est point impertinent d'aller par telz signes & indices extérieurs recherchant le naturel de ce personnage, lequel on dit auoir esté de sa nature si enclin à gaudir & mocquer, qu'estant encore fort ieune & incogneu, il ne bougeoit ordinairement d'auec des farceurs, bouffons, & bastleurs, à yurôgner & gourmâder en toute dissolutiô, & depuis encore apres qu'il fut uenu au dessus de toutes choses, il assembloit tous les iours les plus effrontez gaudisseurs, plaisans, & toute telle maniere de gens qui font profession de faire rire, avec lesquelz il beuuoit & mangeoit ordinairement, & estriuoit auec eulx à qui diroit de meilleurs brocquards, & qui se gaudiroit le mieulx: en quoy il ne fai-

* C'est pource que syl en Latin signifie l'ochre, qui devient rouge quand elle est mise au feu: & pourtant Syllaceus color en Latin signifie couleur de pourpre.

- A soit pas seulement hors de temps & de saison chose malseante à son aage; mais aussi laissoit aller en nonchaloir plusieurs affaires, qui pour la dignité & la grandeur du lieu qu'il tenoit, requeroient qu'il y eust l'œil plus diligemment: car depuis qu'il s'estoit une fois mis à table, il ne luy falloit plus parler d'affaires de consequence: & combien que hors de là il fust homme actif, diligent & feure, il deuenoit soudainement tout autre depuis qu'il s'estoit une fois iecté en telle cōpagnie pour boire & faire bōne chere: de sorte qu'il se rédoit oultre mesure priué, & par trop familier à ne sçay quelz farceurs, plaisans, balladins, & danseurs, qui en faisoient alors tout ce qu'ilz uouloient. De ceste dissolutiō proceda, à mon aduis, le vice de la luxure, auquel il estoit subiect, se laissant facilement aller aux uoluptez & à l'amour, si bien que quand il fut uieil encore ne s'en pouuoit il tenir. Car estā encore en ses ieunes ans il deuint amoureux d'un ioueur de farces nommé Metrobius, & cela luy alla croissant avec l'aage: car aiant commencé le premier à aimer une courtisane, femme riche, nommée Nicopolis, à la fin par continuation de la hanter, & par la grace que luy donnoit enuers elle la fleur de sa ieunesse & beaulté, elle mesme deuint amoureuse de luy, de maniere, que uenant à mourir elle l'institua son heritier. Aussi fut il heritier de sa belle mere, qui l'aima comme si c'eust esté son propre filz, & se trouua moienement riche apres auoir recueuilly ces deux successions. Depuis aiant esté eleu Questeur au premier Consulat de Marius, il s'embarqua
- C quand & luy pour aller faire la Guerre au roy Iugurtha, là ou arriué qu'il fut au camp, il se mōstra homme de ualeur en toutes autres choses, & mesmemēt aiant sceu bien user d'une occasion qui se presenta à luy, il gagna l'amitié de Bocchus roy des Numidiens: car il recueuillit & traitta humainement ses ambassadeurs eschappez des mains d'une troupe de brigands Numidiens, & leur aiant fait de beaux presens, les fait recōuoyer avec bonne & seure garde. Or quant à ce roy Bocchus, il y auoit ia long temps qu'il haïssoit & craignoit son gendre Iugurtha, & lors apres qu'il auoit esté desfaiēt en bataille, & qu'il s'estoit allé ietter entre ses bras, il machinoit de luy faire un tour de trahison, pour lequel effect il enuoya querir secrettement Sylla, aimant mieulx que la
- D prise de Iugurtha se feist par luy que par soy. Si en communiqua Sylla avec Marius, duquel aiant eu quelque petit nombre de gens de guerre pour l'accompagner, il s'alla mettre en un tresgrand danger, en commettant sa personne à la foy d'un Roy barbare pour en prédre un autre, attendu mesmemēt que celuy en qui il se fioit, uisoit de si grāde desloyaulté enuers ses plus proches alliez: toutefois Bocchus aiant les deux en sa puissance, & s'estant luy mesme rengé à ce poinēt de necessité, qu'il estoit force qu'il trahist ou l'un ou l'autre, apres auoir longuement disputé en luy mesme, lequel il feroit plus tost, à la fin executa le desseing de sa premiere trahison & deliura Iugurtha entre les mains de Sylla. Il est bien uray, que celuy qui triompha de ceste prise fut Marius, mais l'enuie que lō luy portoit, faisoit que lō attribuoit la gloire du faiēt
- E à Sylla: ce qui secrettement faschoit fort Marius, mesmement que Sylla, qui de sa nature estoit haultain, & qui lors premier commenceoit à uenir d'une uie basse, obscure & incogneue en quelque lumiere entre ses citoiēs, & à gouter que c'est de l'honneur, en deuint si ambitieux & si conuoiteux de gloire, qu'il en feit grauer l'histoire en un anneau qu'il porta tousiours depuis, & s'en seruit de cachet. L'engraueure estoit le roy Bocchus qui liuroit, & Sylla qui receuoit Iugurtha prisonnier. Ces choses desplaisoient fort à Marius: mais

Sylla.

toutefois estimant que Sylla n'estoit pas encore tant enuieé que luy, il se seruit F
de luy à la guerre: car en son second Consulat il le feit l'un de ses lieutenās, &
en son troisieme il eut charge soubz luy de mille hōmes de pied, & feit beau-
coup de bons & utiles exploits par luy: car estant son lieutenant, il prit un ca-
pitaine des Gaulois Tectosages qui se nommoit Copillus, & estant chef de
mille hommes, il feit tant enuers les Marses, qui est une grande, puissante &
peuplee nation en Italie, qu'il leur persuada de demourer bons amis, alliez &
confederez des Romains, pour lesquelz actes il apperceut que Marius estoit
fasché contre luy, pource qu'il ne luy donnoit plus de commissions honora-
bles, ny matiere de faire rien de bon, ains au contraire, empeschoit le plus
qu'il pouuoit son accroissement. Au moien dequoy il se renga du costé de G
Catulus qui estoit compagnon de Marius au Consulat. Cestuy Catulus estoit
bien homme de bien, mais un peu froit au faict des armes, ce qui estoit cause
qu'il commettoit à Sylla tous les plus grāds & principaux affaires de sa char-
ge: en quoy faisant il luy donna matiere d'augmenter non seulement sa repu-
tation, mais aussi son credit & sa puissance: car il cōquit & subiugua par force
d'armes la pluspart des nations barbares qui habitēt dedans les monts des Al-
pes, & y aiant faulte de uiures au camp, il en prit la cōmission, & en feit uenir
si grande quantité, que ceulx de Catulus en aians plus qu'il ne leur en falloit,
en departoient à ceulx de Marius, ce que luy mesme escrit auoir fort despleu à
Marius. Voila la premiere source de leur inimitié, laquelle aiant commencé H
par un si friuole & si leger fondement, proceda en auāt par guerres ciuiles, ef-
fusion de sang, & partialitez & dissentions irremediabiles, iusques à ce, que fi-
nablement elle se termina en une uiolente tyrannie & confusion de tout l'es-
tat & empire Romain, ce qui monstre & tesmoigne que le poëte Euripides
estoit homme sage, & bien entendant les maulx qui aduienēt aux choses pu-
bliques, quand il conseille & commande aux gouuerneurs, de fouir l'ambi-
tion comme une trespestilēte & mortelle furie à ceulx qui saccointent d'elle.
Au demourant Sylla estimant que la reputation qu'il auoit desormais acqui-
se par les armes, estoit suffisante pour luy ouurir le chemin aux estats & hon-
neurs de la uille de Rome, il ne fut pas plus tost retourné de la guerre qu'il se I
meit incontinent à sonder la uolunté du peuple, se faisant escrire entre ceulx
qui demandoient la Prēture urbaine, c'est à dire l'office du iuge ordinaire qui
faisoit droit à ceulx de la uille, & en fut refusé par les uoix du peuple, dont
luy mesme en attribue la cause au menu populaire, disant que la cōmune sça-
uoit bien l'amitié qu'il auoit avec le roy Bocchus, & que à ceste cause les me-
nues gēs s'attendās, que s'il estoit Ædile auant que Præteur, il leur feroit ueoir
de grādes & magnifiques chasses, & des cōbats de bestes sauages de la Libye,
eleurent d'autres Præteurs, & le debouterent de sa poursuite, en esperance de
le contraindre par ce moien d'estre premierement Ædile. Toutefois il semble
qu'il ne cōfesse pas la cause ueritable de ce rebut là, cōme son faict mesme l'en K
argue & condamne: car l'annee ensuiuant il fut eleu Præteur, moienāt ce qu'il
gaigna partie du peuple par caresses, & partie par argent: à l'occasiō dequoy
estant uenu à grosses paroles à l'encontre de Cæsar, iusques à le menasser en
cholere qu'il useroit de l'autorité & puissance à l'encōtre de luy que son offi-
ce luy donnoit. Cesar en riant luy respondit, Tu as raison de l'appeller ton of-
fice: car il est uoirement tien, puis que tu l'as achepté. Mais apres que le temps
de sa Prēture fut expiré, il fut enuoyé en la Cappadocie, aiant pour couuerture
de

A de son uoyage la commission de remettre Ariobarzanes en son estat : mais la cause ueritable estoit pour reprimer un peu le roy Mithridates, lequel s'entre-mettoit de trop de choses, & alloit embrassant un accessoire de nouvelle seigneurie de non moindre estendue que celle qu'il auoit auparauant : uray est, qu'il ne mena pas grand nombre de gens de guerre de l'Italie, mais il fut affectueusement seruy & secouru par les allies & confederez du peuple Romain sur les lieux, à l'aide desquelz il desfeit une grosse troupe de Cappadociés, & depuis encore une autre plus grosse d'Armeniés qui uenoiet au secours, tellement qu'il dechassa Gordius de la Cappadocie, & y remeit Ariobarzanes: apres lequel exploir ainsi cōme il estoit de seiour au long de la riuier d'Euphrates,

B il uint deuers luy un Parthe nommé Orobazus, ambassadeur du Roy des Parthes Arsaces. Or ces deux nations, la Romaine & la Parthiene, iamais au parauant n'auoient eu communication de chose quelconque ensemble: & est cela un des poincts, entre les autres, qui mōstre la grande fortune qu'auoit Sylla, que les Parthes se soient adressez à luy premier pour auoir amitié, & contracter alliance par son moien avec les Romains. Lon dit qu'à la reception de cest ambassadeur, il feit apprester trois chaires, l'une pour Ariobarzanes, l'autre pour l'ambassadeur Orobazus, & la troisieme pour luy, qu'il feit mettre au milieu des deux autres, sur laquelle seant, il dōna audience à l'ambassadeur: ce qui fut cause q̄ le roy de Parthe feit depuis mourir Orobazus. Si y en a q̄ louēt

C cest acte de Sylla, de ce qu'il teint ainsi haultemēt sa grauité enuers des Barbares: les autres le blasment, cōme acte d'ambition faict impertinēment hors de propos & de saison. Et a escrit un Calcidien qui se trouua à ceste reception en la suite d'Orobazus, qu'il regarda soigneusement le uisage de Sylla, & obserua diligemment & attentifusement tous les mouuemens, tant de son esprit que de sa personne, considerant, suyuant les regles de l'art de la physiognomie, qu'elle deuoit estre sa nature, & qu'ayant le tout bien contemplé, il dit, qu'il estoit force forcee que ce personnage là fust un iour tresgrād, & qu'il s'esmerueilloit comme deslors mesme il pouuoit supporter qu'il ne fust le premier du monde. Quand il fut de retour à Rome il y eut un Césorinus qui l'appella en

D iustice, comme concussionnaire, le chargeant d'auoir pris & emporté quand & luy grosse somme d'argent d'un royaume allié & amy des Romains, cōtre la defence expresse des ordonnances: toutefois il ne poursuyuit pas son accusation, ains s'en deporta. Ce pendāt l'inimitié commencee entre luy & Marius se ralluma par une occasion nouvelle de l'ambition du Roy Bocchus, lequel en partie pour s'insinuer de plus en plus en la bōne grace du peuple Romain, & en partie aussi pour gratifier à Sylla, dōna & dedia au temple de Iupiter Capitolin des images de uictoire qui portoient des trophées, & aupres d'elles l'image de Iugurtha que luy deliuroit entre les mains de Sylla, le tout de fin or. Dequoy Marius fut si fort indigné, qu'il attēta de les oster par force: mais il y

E eueut d'autres qui prirent à defendre la cause de Sylla, tellement que pour la querelle de ces deux personnages, la uille estoit toute preste de tumber en grāde combustion, n'eust esté que la guerre des allies de l'Italie, qui de long tēps se couuoit & fumoit, s'enflamma tout à un coup contre la uille de Rome: ce qui reprima un peu pour l'heure la sedition. En ceste guerre qui fut de tresgrāde consequence, comme celle ou il y eut de fort diuers accidēs, & qui apporta beaucoup de maulx aux Romains, & les meit en de tresgriefz dangers, Marius ne peut onques faire rien de grand: par ou il appert que la uertu militaire

Sylla.

a befoing de la uigueur, force & roideur du corps : & Sylla au contraire y aiât F
fait plusieurs bons & utiles exploits, acquit reputation de grand homme de
guerre & de bon capitaine entre ses citoiens, mais de tresgrand & de tresheu-
reux entre les ennemis mesmes : toutefois il ne fait pas comme auoit fait Ti-
motheus Athenien filz de Conon, lequel comme ses enuieux & malucueillans
attribuassent ses beaux faiëts à la faueur de fortune & peignissent en destab-
leaux la fortune, qui luy apportoit les uilles toutes prises & enuelopees de
retz pendant qu'il dormoit, il le prit à mal & s'en courroucea contre ceulx qui
le faisoient, disant qu'ilz luy ostoiët la gloire qui luy appartenoit : à l'occasio
dequoy un iour qu'il estoit retourné de la guerre, apres auoir rédu compte au
peuple & recité publiquement les choses par luy faictes en son uoyage, il dit, G
Seigneurs Atheniens, la fortune n'y a point de part en tout ce que ie uous ay
compté. Les Dieux furent indignez de ceste folle ambition de Timotheus, de
maniere qu'il ne fait onques puis chose qui ualust, ains luy tournerent toutes
choses à cōtrepoil, iusques à tant qu'il ueint à estre si fort hay du peuple, qu'il
fut à la fin chassé & banny d'Athenes. Mais Sylla, au contraire, n'enduroit pas
seulement en patience le dire de ceulx qui le preschoient heureux, & singulier-
ement fauorizé de la fortune, ains augmentant ceste opinion, & s'en glori-
fiant comme d'une grace speciale des Dieux, attribuoit toute la gloire de ses
faiëts à la fortune, soit qu'il le feist par une maniere de uaine gloire, ou que
ueritablement, il eust ceste fantasie, que les Dieux le guidoient en tous ses H
affaires : car il a escrit luy mesme en ses cōmentaires, que des entreprises qu'il
sembloit auoir bien consultees, celles qu'il hazardoit chaudement selon
l'occasion qui se presentoit contre ce qu'il auoit parauant arresté & resolu en
son conseil, c'estoient celles qui luy succedoiët le mieulx. D'auantage quand
il dit qu'il estoit mieulx né à la fortune qu'à la guerre, il semble qu'il reco-
gnoissoit tenir ses prosperitez plus tost de la fortune que de la uertu. brief il
semble qu'en tout & par tout il se soubmettoit entierement & aduouoit de
pendre totalement de la fortune, attendu mesmement qu'il attribue à une sin-
guliere faueur des Dieux la bonne union & concorde qu'il maintient avec
Metellus son beaupere, qui estoit homme en autorité & en dignité pareil à I
luy : car là ou lon s'attendoit qu'il luy deust faire beaucoup d'empeschement,
il le trouua tresdoux & gracieux en son endroit en tout ce qu'ilz eurent à de-
meller ensemble à raison de la societé de leur office. Qui plus est, en ses com-
mentaires qu'il dedia à Lucullus, il luy conseille & l'admoneste de ne tenir
rien si certain que ce que les Dieux luy auroient reuelé ou commadé la nuit
en songe. Il escrit aussi que lors qu'il fut enuoyé avec armee à la guerre des
alliez il se fait aupres de Lauerne soudainemēt une grande fente & ouuerture
de terre, de laquelle il sourdit incontinent un grand feu & une flamme claire
qui ialit uers le ciel, surquoy les deuins enquis respondirēt que cela signifioit
qu'il y auroit un homme de bien, & beau de uisage par excellēce, qui prenant K
l'autorité souueraine en sa main appaiseroit tous les troubles & tumultes
qui estoient lors en la uille de Rome, & dit que c'estoit luy que les Dieux en-
tendoiet, par ce qu'il auoit entre autres choses ce poinct là de singuliere beau-
té, que ses cheveux estoient blonds comme fin or, & qu'il n'auoit point de hō-
te de se nommer homme de bien, apres auoir fait tant de belles & de grandes
choses. Mais à tant auons nous assez parlé de la fiance qu'il auoit en la faueur
des Dieux. Au demourant il semble auoir esté fort inegal en ses meurs, & fort
dissembla-

- A** dissemblable à soy mesme : car fil estoit beaucoup en un endroit, il donnoit encore plus en un autre. Il auançoit les uns sans propos, & rebutoit les autres sans raison. Il s'humilioit enuers ceulx dont il auoit affaire, & se faisoit adorer par ceulx qui auoient affaire de luy, de maniere que lon n'eust sceu dire fil estoit de nature plus arrogât, desdaigneur, ou plus uil flatteur. Car quant à l'inegalité, dont il uoit es punitions de ceulx qui l'auoient offensé, faisant quelquefois pour les moindres causes du monde gehenner les hommes, & puis au rebours endurât patiemment des plus griesues forsaictures du monde, & pardonnant aucunes fois legerement des offenses irreparables & irremediabiles, & puis punissant avec meurtres, effusion de sang, & confiscatiō de biens de trespetites & treslegeres fautes. On pourroit accorder cela en ceste maniere, en disant q̄ de sa nature il estoit homme uindicatif, & qui tenoit fort son cueur: mais qu'il addoulcissoit quelquefois celle amertume de sa nature par la raison, selon qu'il luy estoit expediēt & utile pour ses affaires: car en ceste guerre des alliez ses souldards luy occirent à coups de pierres & de bastons un de ses lieutenās nommé Albinus, hōme de qualité, cōme celuy qui auoit esté Preteur: il passa ce grand crime sous silence, sans en faire aucune punition, & le tourna en uanterie, allant par tout disant, que ses gēs en estoient plus obeissans & plus diligens aux couruees de la guerre, tellement qu'il leur faisoit reparer & amender leurs fautes par actes de prouesses: & si ne se soucia point de ceulx
- C** qui l'en reprenoient, ains aiant ia proietté & designé en son entendement de ruiner Marius, & de se faire elire capitaine pour aller faire la guerre au roy Mithridates, à cause que celle des alliez estoit desia cōduite à fin, il caressoit & flattoit à ces fins les gens de guerre qu'il auoit soubz sa charge. Si fut à son retour de ceste guerre à Rome eleu Consul avec Q. Pompeius estant desia aagé de cinquante ans, & espousa une femme de grande & illustre maison, Cecilia, fille de Metellus qui lors estoit le grand Pontife, pour lequel mariage le commun populaire alla chantant par la uille des chansons faittes contre luy, & plusieurs des principaux hommes de la uille, luy en porterent enuie, n'estimās pas digne d'une telle Dame, celuy qu'ilz auoient estimé digne du Consulat,
- D** ainsi que dit Titus Liuius. Si n'espousa il pas celle la seule: car il en auoit ia eu une premiere estāt encore fort ieune, qui s'appelloit Ilia, & luy porta une fille, apres laquelle il espousa Elia, & puis une autre troisieme nommee Cœlia, laquelle il repudia, pource qu'elle ne faisoit point d'enfans: mais ce fut honorablemēt, en disant beaucoup de biē d'elle, & avec plusieurs beaux dōs & riches presens qu'il luy donna, toute fois peu de iours apres il espousa Metella, ce qui feit penser qu'il auoit repudié Cœlia à faulses enseignes. Cōment que ce soit, il honora & aima tousiours Metella, tellement que depuis le peuple de Rome desirant que les bannits de la faction de Marius fussent rappelez, & en estant esconduit & refusé par Sylla, appella en public à haulte uoix Metella, la priāt de leur aider à obtenir leur requeste. Et semble que quand il eut pris la uille
- E** d'Athenes, il la traitta un peu durement & cruellement, pour autant que quelques uns se gaudiſſans & mocquās de dessus les murailles auoient dōné quelques brocquards & quelques traits de mocquerie à Metella. Mais cela fut depuis: & pour lors faisant son compte, que le Consulat estoit peu de chose à cōparaison de ce qu'il esperoit à l'aduenir, il brusloit de desir d'aller faire la guerre à Mithridates, à quoy il auoit pour contraire, Marius qui y pretendoit aussi par une ambition & une forcence conuoitise de gloire, qui sont des passions,

Sylla.

lesquelles ne uieillissent iamais, cōme lon peut ueoir par cest exemple, attēdu F
qu'il estoit ia hōme pesant, malaisē de sa personne, rōpu du trauail des guer-
res, dont il ne faisoit que sortir, & cassē de la uieillesse, & neantmoins aspiroit
encore à auoir charge d'aller faire des guerres si loingtaines oultre mer, pour
à quoy paruenir, ce pendant que Sylla s'en alla un tour iusques au camp pour
donner ordre à quelques choses qui luy restoient à faire, luy demourant en la
uille forgea celle pestilente & mortelle sedition, qui feit seule plus de maulx à
la uille de Rome, que ne feirent onques tous ses ennemis ensemble. Ce que les
Dieux mesmes auoient denoncē par plusieurs signes & presages: car le feu se
prit de luy mesme aux hantes des enseignes, que lon eut beaucoup d'affaires à
esteindre: & y eut trois corbeaux, qui apporterent leurs petits deuant tout le G
monde, & les mangerent, puis en reporterent les reliques dedans leurs nids: &
comme les souris eussent rongē quelques ioyaux d'or, qui estoient en un tem-
ple, les secreains avec une ratouere en prirēt une qui estoit pleine, & feit cinq
petits souriceaux dedans la ratouere mesme, dont elle en mēgea les trois: qui
plus est, un iour que le ciel estoit clair & serein, sans nuce quelcōque, lon ouit
le son d'une trompette si aigue, que tout le monde en fut presque hors de soy,
pour la frayeur d'ouir un si grand bruit. Surquoy les sçauāns deuins de la Tho-
scane enquis, respondirent que ce tant estrange signe denoncoit la mutation
du monde, & le passage en un autre aage, pource qu'ilz tienēt qu'il y en doibt H
auoir huit tous differents les uns des autres en meurs & en façons de uiure, à
chascun desquelz, ce disent ilz, Dieu a prefix certain terme de duree: mais que
tous uienent à finir leur cours dedans l'espace de la reuolution du grand an,
& que quand l'un est acheuē & l'autre prest à cōmencer, il se fait ainsi quelque
grād, merueilleux & estrāge signe en la terre ou au ciel, de maniere q̄ ceulx qui
ont estudiē en ceste science là, cognoissent incontīnēt clairement, qu'il est né
des hōmes tous differēts des precedēs en leurs uies & en leurs meurs, & q̄ sont
plus ou moins agreables aux Dieux, q̄ ceulx qui estoīēt auparauāt, car ilz di-
sent qu'entre les autres grādes mutatiōs qui se font à ces passages là d'un aage
en un autre, la science de deuiner les choses qui sont à aduenir croist en repu-
tation & rencōtre en ses predictions quād il plaist à Dieu enuoyer de plus ex- I
pres & plus certains signes, pour pouuoir cognoistre & predire les choses fu-
tures: & au contraire en un autre aage elle uient en mespris, & dechet de repu-
tation, pource qu'elle est temeraire, & fault à rencontrer en la pluspart de ses
pronostications, à cause qu'elle n'a que des moiens obscurs & tous effacez in-
struments pour cognoistre ce qui doibt aduenir. Voila les fables qu'en alloiēt
racomptant le plus sçauans deuins de la Thoscane, & ceulx qui sembloient
y entendre quelque chose par dessus les autres. Mais ainsi cōme le Senat com-
municoit de ces presages avec les deuins, estant assemblē dedans le temple
de la deesse Bellone, il y eut une passe qui uola dedans à la ueuē de tout le mō-
de, portāt en son bec une cigale qu'elle mespartit en deux, dont elle laissa une K
partie dedās le temple, & emporta l'autre dehors, surquoy les deuins & inter-
preteurs de telz presages, dirent qu'ilz se doubtoient d'une sedition & dissen-
sion entre les païsans & le menu populaire de la uille, par ce que ce menu peu-
ple là ne fait que crier ordinairement, non plus que la cigale, & les païsans se
tiennent aux champs. Marius donques s'accointa de l'un des Tribuns du peu-
ple nommé Sulpitius, lequel ne cedit à homme uiuant en toutes les plus ex-
tremes meschancetez & malheuretez que lon sçauoit dire, de sorte qu'il ne
fault

A fault point demander, pire que quel autre il estoit, mais plustost en quoy il estoit le pire, pource qu'il auoit en soy cruaulté, auarice, & temerité ensemble, & toutes si extremes, qu'il ne se soucioit point de faire les choses les plus hon-teuses & les plus meschantes du monde, pourueu qu'elles luy tournassent à profit, attendu qu'il auoit dressé sur la place un banc, là ou il receuoit publi-quement les deniers de la uente du droit de bourgeoisie Romaine qu'il uen-doit à des serfs affranchiz, & à des estrangers qui la uouloient achepter, pour lesquelz effects il entretenoit trois mille satellites, & une troupe de ieunes hommes de l'estat des cheualiers Romains, qu'il auoit tousiours à l'entour de sa personne tous prests à executer, ce quil leur commandoit, & les appelloit le

B Contresenat : & aiant fait passer par les uoix du peuple une ordonnance, que nul Senateur ne peust emprunter ne deuoir plus de deux cents escus, luy mes-me quand il uint à mourir laissa trois cents mille escus de debtes. Cest homme donques estat comme une beste furieuse laschee par Marius emmy le peuple, réuersa toutes choses sans dessus dessous à force d'armes & par uoye de fait : car il feit passer plusieurs mauuaises ordonances par les uoix du peuple, & en-tre autres celle, par laquelle il donnoit à Marius la commission d'aller faire la guerre au roy Mithridates, pour lesquelles uiolences les Consulz decernerét cessation, iustice, & surseance de tous affaires publiques. Et un iour ainsi cō-me ilz preschoient le peuple là dessus, en assemblée de uille, sur la place deuât

C le temple de Castor & de Pollux, il mena cōtre eulx la troupe de ses satellites, ou il tua plusieurs personnes sur la place, & entre autres le propre filz du Con-sul Pōpeius, & eut le pere mesme, tout Cōsul qu'il estoit, beaucoup d'affaire à se sauuer de uistesse : & Sylla fut poursuiuy iusques dedans la maison de Ma-rius, là ou il fut contraint de promettre qu'au sortir de là, il iroit publique-ment reuoker la cessation des affaires publiques qu'il auoit commandee : au moien dequoy aiant priué Pompeius de son Consulat, il n'en priua pas Sylla, ains seulement luy osta la charge d'aller faire la guerre au roy Mithridates qu'il transféra en la personne de Marius, & enuoya sur le champ des capitai-nes en la uille de Nola pour prendre l'armee qui y estoit & la mener à Marius :

D mais Sylla gaigna premier le deuant, & s'enfouit au camp, là ou il feit enten-dre aux soudards la uerité du fait, laquelle entendue, les soudards mutinez assommerent à coups de pierres les capitaines de Marius : & Marius de l'autre costé feit aussi mourir à Rome les amis de Sylla, & saccagea leurs maisons & leurs biens : si ne uoyoit on plus autre chose que gens fuyans, les uns du camp à Rome, les autres de Rome au cāp. Le Senat n'estoit pas à soy, ny ne se gou-vernoit plus à sa uolunté, ains falloit qu'il obeist aux mandemens de Marius & de Sulpicius, lesquelz aduertis comme Sylla s'en uenoit droit à Rome, en-uoyerēt au deuât de luy deux des Præteurs, Brutus & Seruilius, pour luy faire defence de par le Senat qu'il n'eust à passer oultre. Ces deux Præteurs parle-

E rent un peu audacieusement à Sylla, dequoy les soudards se mutinerent, de sorte qu'ilz furēt entredeux de les tuer si le champ, mais au moins leur rom-pirent ilz les haches & les faisceaux de baguettes que lon portoit deuant eulx, leur osterent leurs robes de pourpre, dont ilz estoient uestus comme magis-trats, & les renuoyerent ainsi uillainemēt oultragez & uituperez. Si fut aisé à iuger en les uoyant seulement avec une triste taciturnité, despouillez de tou-tes marques & enseignes de la dignité Prætoriale, qu'ilz n'apportoient autres nouuelles que les pires qu'elles eussent sceu estre, & qu'il n'y auoit plus ordre

Sylla.

d'appaiser ceste sedition qui hormais estoit irremediable. Parquoy Marius & ses adherens se meirent à faire leurs prouisions pour la force, & ce pèdant Sylla avec son compagnon Pompeius se partit de la uille de Nola, menât quand & luy six legions toutes complètes, qui ne demandoient autre chose que de marcher à grâd iournees droit à Rome: mais luy en estoit en doubte, discourant en luy mesme le grand danger qu'il y auoit, iusques à ce que son deuin Posthumius, aiant consideré les signes & presages des sacrifices que Sylla feit sur ceste deliberation, luy tendit les deux mains, & luy dit qu'il le feist lier & garder iusques au iour de la bataille, parce qu'il estoit content de souffrir peine de mort, s'il ne uenoit bien tost à son honneur au dessus de toutes ses entreprises. Et dit on aussi, que la nuit s'apparut à Sylla mesme en songe la Deesse Bellone, que les Romains ont en grâde reuerèce, l'ayant appris des Cappado-ciés: ie ne sçay si c'est la Lune ou Minerue, ou bien Enyo la Deesse des batailles. Il luy fut aduis qu'elle s'approcha de luy, & luy meit en main la foudre, luy cōmandant qu'il en fouldroyast ses ennemis, en les luy nōmant les uns apres les autres par leurs propres noms, & qu'eulx frappez de celle foudre tumboient deuant luy & perissoient incōtinent, de sorte que lon ne sçauoit qu'ilz deuenoient. Ceste uision l'encouragea encore d'auantage, & l'ayant le matin communiquee à son cōpagnon, il achemina son armee droit à Rome. Quād il fut à Picines, il luy uint d'autres ambassadeurs au deuant qui le prierent au nom du Senat, qu'il ne uoulust point ainsi de primfaut en fureur approcher de la uille, & que toutes choses deuës & raisonnables luy seroient ottroyees par le Senat. Sylla, leur demande ouye, leur fait response, qu'il se logeroit là, & cōmanda sur l'heure à ses maistres de camp qu'ilz departissent les quartiers comme lon auoit accoustumé de faire. Les ambassadeurs se confians en cela, s'en retournerent à Rome: mais ilz n'eurent pas plustost le doz tourné qu'il enuoya deuant Lucius Basillus, & Caius Mummius pour saisir l'une des portes de la uille, & les murailles qui sont du costé du mont Esquilin, & luy en toute diligence marcha aussi tost apres eulx. Basillus entra dedans la uille, & se saisit de la porte à force: mais le commun peuple desarmé monta incōtinent sur les couuertes des maisons, & à coups des tuyles & de pierres, l'arresta & le garda non seulement de penetrer plus auant au dedans, ains le r'embarra iusques au murailles de la uille. En ces entrefaittes Sylla en personne arriua, lequel uoyant à l'œil comme les choses alloient, cria à ses gens qu'ilz meissent le feu dedās les maisons, & luy mesme prenāt une torche allumee en sa main, leur monstra le premier comment il falloit faire, ordonnant à ses archers & gens de traict, qu'ilz tyrassent leurs lances & autres instruments à feu contre-mont aux haults estages des maisons: en quoy il se laissa bien transporter à la cholere sans propos par une passion cholerique & desir de uengeance, n'ayant deuant les yeux autre consideration que de se uenger de ses ennemis, sans faire aucun compte de ses amis, de ses parents, ny de ses alliez, & sans estre aucunemēt touché de misericorde, estant son courroux si ardemment enflammé, qu'il ne mettoit aucune differèce entre ceulx qui l'auoiēt offensé, & ceulx qui ne luy auoient rien fait. Par tel moien fut Marius repoulsé au dedās de la uille iusques au temple de la Terre, là ou il feit proclamer à son de trompe & à cry public, qu'il donneroit liberté aux esclaués qui s'en iroient rendre à luy: mais là dessus suruindrent ses ennemis, qui le presserent si fort qu'il fut cōtraint de s'enfouyr hors de la uille. Adonc Sylla assemblant le Senat, le feit, comme en-

A nemy de la chose publique condamner à mourir luy & quelques autres , entre lesquelz fut le Tribun du peuple Sulpicius , qui fut trahy & decelé par un sien esclau, auquel Sylla donna liberté selon la promesse qu'il en auoit faite par edict public: mais puis apres quand il fut libre, il le feit precipiter du hault en bas d'un rocher, & non content de cela, feit encore promettre à cry public grosse somme d'argent à qui occiroit Marius, qui fut ingratemēt & inhumainement faict à luy, attendu, que peu de iours auparauāt Marius l'ayant eu dedans sa maison entre ses mains, l'en auoit laissé sortir à sauueré. Cōbien que s'il nel'eust uoulu lascher alors, ains le laisser occire à M. Sulpicius, il eust eu souuerainement, & sans contredit toutes choses en sa puissance, & neantmoins

B il luy pardōna: mais Sylla peu de iours apres se trouuāt auoir mesme prise sur luy, ne luy rendit pas la pareille, ce qui couuertement despleut au Senat: mais le peuple luy monstra tout ouuertement, & par effect le maltalent qu'il en auoit: car il rebuta un Nonius qui estoit son nepueu, & un Seruius qui soubz la cōfiāce qu'ilz auoiēt en son port & faueur, s'estoiēt presentez à demāder quelques offices, & oultre ceste honte du refus, encore eleut il par despit de luy aux offices qu'ilz pretendoient d'autres, de l'honneur & auancement desquelz on sçauoit bien que Sylla seroit le plus marry: toutefois il dissimula cela, faisant semblāt d'en estre bien ioyeux, en disant que par son moiē le peuple Romain iouissoit de pleine & entiere liberté, pouuant faire tout ce qui luy plaisoit. Et

C pour appaiser un peu la malueillance que le peuple luy portoit, il teint la main à faire elire Consul Lucius Cinna qui estoit de faction contraire à la sienne, l'ayant premierement obligé par sermens & par maledictions si autremēt il faisoit, qu'il fauoriseroit à ses affaires & à son party. Si monta Cinna au Capitole, & là tenant une pierre en sa main promet & iura par sermēt, qu'il garderoit loyaument foy & amitiē à Sylla, priant aux Dieux que là ou il ne le feroit il fust dechassé hors de Rome, ne plus ne moins qu'il ietteroit la pierre qu'il tenoit hors de sa main, & en disant cela il la getta en terre deuāt plusieurs personnes: mais nonobstant toutes ces execrations là, il ne fut pas plus tost entré en possession du Cōsulat, qu'il cōmencea à uouloir incontinent remuer

D & changer tout: car entre autres choses il uouloit faire faire le proces à Sylla, & luy suscita pour accusateur Verginius l'un des Tribūs du peuple: mais Sylla le laissa là avec ses iuges, & s'en partit pour aller faire la guerre au roy Mithridates. Si dit on qu'en uiron ce temps là que Sylla s'embarqua, & se partit de l'Italie, il aduint à Mithridates, qui lors faisoit sa residence en la uille de Pergamum, plusieurs presages & aduertissemēs des Dieux, comme entre les autres, que les Pergameniēns pour l'honorer aians fait faire une image de Victoire portant en sa main un chapeau de triumphe que lon descēdoit avec des engins, à l'instant qu'elle fut toute preste à luy mettre le chapeau sur la teste, l'image se brisa & tumba la couronne emmy le theatre toute rompue en pieces, tellemēt que toute l'assistance du peuple en eut grande frayeur, & Mithridates mesme en entra en une grande defiance de sa fortune, combien que pour lors ses affaires luy succedassent miculx qu'il n'eust ozé parauant esperer: car il auoit osté aux Romains l'Asie, & la Bythinie, & Capadocie aux propres roys qu'il en auoit dechassez, & pour lors estoit de sejour en la uille de Pergamum à departir entre ses amis des richesses, principaultez & grandes seigneuries. Et quant à ses enfans, l'aîné estoit au royaume de Pont & du Bosphore, ou il gouernoit ses terres patrimoniales qu'il auoit

Sylla.

euës par succession de pere en filz de ses predecesseurs, iusques aux deserts qui F
sont delà les mers Meotides, sans que personne luy donnast aucun empeschement: & l'autre, Ariarathes, avec une grosse armee estoit apres à conquerir la Thrace & la Macedoine: semblablement aussi ses capitaines & lieutenans avec grosse puissance faisoient plusieurs grandes & belles cōquestes en diuers lieux, entre lesquelz Archelaus estât seigneur & maistre de toute la mer, pour le grand nombre de uaisseaux qu'il auoit, alloit conquerant les isles Cyclades, & toutes celles qui sont au delà du chef de Malea, mesmemēt celle d'Eubœe entre les autres, & commençant à la uille d'Athenes, auoit faict soubleuer & rebeller toutes les natiōs de la Grece, iusques en la Thessalie, excepté qu'il receut quelque perte pres la uille de Chæronee, là ou Brutius Sura l'un des lieutenans de Sentius gouuerneur de la Macedoine, homme de bon sens & de grande hardiesse, luy alla au deuât & l'arresta tout court, ainsi qu'il couroit tout le pais de la Bœoce, ne plus ne moins que un impetueux torrent: car il luy feit teste pres la uille de Chæronee & le desfeit en trois rencōtres, de maniere qu'il le repoulsa & le contraignit de se renger derechef à la marine. Mais ainsi qu'il estoit à le poursuyure, Lucius Lucullus luy alla faire commandement de ceder à Sylla qui uenoit, & luy laisser conduire & administrer celle guerre contre Mithridates, selon la charge & commission qui luy en auoit esté baillee: à l'occasiō de quoy il sortit hors du pais de la Bœoce, & s'en retourna deuers son capitaine Sentius, combien que ses affaires fussent mieulx acheminez qu'il ne H
eust sceu desirer, & que toute la Grece fust en grand branle & grande uolunté de se retourner, pour la reputation de sa preudhommie & bonté: toutefois ce que nous en auons dit sont les plus beaux faicts qu'il feit en cest endroit là. Mais Sylla à son arriuee recouura incontīnēt toutes les autres uilles de la Grece, qui enuoyerent deuers luy & l'appellerent aussi tost qu'elles furent aduerties de sa uenue, exceptee celle d'Athenes qui estoit contrainte par le tyran Aristiō de seruir aux affaires du roy Mithridates. Si y alla incōtinēt avec toute sa puissance, & assiegea le port de Piræe tout à l'entour, le faisant battre avec toutes sortes d'engins de batterie, & assaillir de tous costez, combien que s'il eust eu patience d'attēdre un peu de tēps, il eut peu auoir par famine la haulte I
uille sans se mettre en aucun danger, attendu qu'elle estoit ia reduitte à une extreme disette & necessité de uiures: mais la haste qu'il auoit de s'en retourner à Rome, pour la crainte des nouuellerez qu'il en entendoit par chascun iour, le contraignoit de precipiter ainsi cest guerre avec grands dangers, plusieurs combats, & despence infinie, attendu que oultre le reste de son equipage il auoit uingt mille que mulles que mulets trauiillans par chascun iour pour fournir à ses engins de batterie. Et quand l'autre bois luy commença à faillir, à cause qu'il se gastoit souuent de ses engins apres qu'ilz estoient tous faicts, les uns se brisans & rompsans d'eulx mesmes pour leur pesanteur, les autres estans consumeux par le feu que les ennemis y iettoient continuellemēt, K
il meit à la fin les mains aux bois sacrez, & feit couper les arbres de l'Academie, qui en estoit mieulx fournie, que nul autre parc de plaissance, qui fust es faulxbourgs de la uille: aussi feit il tailler ceulx du parc de Lyceum, & pource qu'il luy falloit un grand argent à l'entretienement de ceste guerre, il toucha aussi aux plus saincts temples de la Grece, se faisant apporter tāt de celuy d'Epidaure, que de celuy d'Olympe, les plus riches & plus precieux ioyaux qui y fussent. Il escriuit aussi au conseil des Amphietyons, lequel se tenoit en la uille

A le de Delphes, qu'il ualloit mieulx que lon luy portast les deniers cōptans qui estoient au temple d'Apollo, pource qu'il les garderoit plus seuremēt qu'ilz n'estoient, & si d'aduenture il estoit contrainct de sen seruir, qu'il en rendroit puis apres tout autant: & pour cest effect y enuoya Caphis Phocien l'un de ses familiers & amis, luy commandant qu'il feist pezer tout ce qu'il prendroit: Caphis s'en alla à Delphes: mais quād il y fut, il eut peur de toucher aux choses sacrees, & en presence du conseil des Amphictyons plora à chaudes larmes de ce qu'il estoit contrainct de faire un tel acte contre sa uolunté. Et cōme quelques uns des assistans dirent, qu'ilz entendoient du dedans du temple le son de la Cithre d'Apollo, soit qu'il creust certainement qu'il fust uray, ou

B bien qu'il uoulust imprimer à Sylla ceste superstitieuse crainte, il le luy escriuit: & Sylla en se mocquant luy manda, qu'il fesmervailloit comment il ne faduisoit pas que chanter & iouer de la Cithre estoient signes de ioye, & non pas de courroux, & pourtant qu'il ne faignist point pour cela de passer oultre, en prenant ce qu'il luy auoit ordonné, pource que Apollo le luy donnoit. Or quant aux autres ioyaux du temple d'Apollo, le commun peuple ne sceut point qu'ilz luy fussent enuoyez: mais le tonneau d'argent qui seul estoit demouré de reste des offrandes des Roys, les Amphictyons furent contraincts de le faire rōpre en pieces, pource qu'il estoit si grād & si pesant que les bestes de uoitture ne l'eussent sceu porter tout entier. Cest acte leur feit ramener en

C memoire, les autres anciens capitaines Romains comme Flaminius, Manius Acilius, Paulus Æmylius, desquelz l'un aiant chassé le roy Antiochus de la Grece, les autres desfait des roys de Macedoine, non seulement n'auoient iamais touché à l'or ny à l'argent des temples de la Grece, ains au contraire y auoient enuoyé des offrandes, & les auoient tous euz en grand honneur & reuerence. Mais ceulx là aussi estoient capitaines legitimemēt eleuz & enuoyez à telles charges, qui auoient leurs soudards bien disciplinez & accoustumez à employer promptement leur peine pour faire les commandemens de leurs superieurs sans rien repliquer à l'encontre, & estoient bien quant à eulx en grādeur de courage & en magnanimité roys: mais en despée pour leurs per-

D sonnes, simples & estroicts, sans faire frais, sinō necessaires, mesurez & limitez à la raison, estimans que c'estoit chose plus honteuse de flatter leurs soudards que de craindre les ennemis, & au contraire les capitaines du temps de Sylla uoulans auoir le premier lieu en leur chose publique par force, non pas par uertu, & aiās plus affaire d'armes les uns contre les autres, que contre les estrangers ennemis, estoient contraincts de caresser & flatter ceulx à qui ilz deuoiet commander en acheptant les peines de leurs soudards par les grandes despences qu'ilz faisoient pour les tenir bien aises & les contenter: en quoy faisant ilz ne se donnerent de garde qu'ilz rendirent leur païs serf, & se feirent eulx mesmes esclaves des plus meschans hommes du monde en cherchant par tout

E moien de commander à ceulx qui ualoient mieulx que eulx. Cela fut ce qui chassa Marius, & apres le feit retourner contre Sylla. Cela feit que Cinna tua Octauius, & Fimbria occit semblablement Flaccus, aux quelz mauix Sylla fut un des premiers & principaulx qui donnerent les commencemens, en despens sans mesure, & donnant largemēt aux gens de guerre pour plus gaigner la bienueillance de ceulx qu'il auoit soubz luy, & attirer à soy ceulx qui estoient soubz les autres: au moien de quoy tant pour induire les estrangers à trahison, comme pour fournir à la dissolution des siens, il auoit besoing de

grand argent, mesme en ce siege ou il estoit: car il auoit une si grande & si uement eunie de prendre la uille d'Athenes qu'il estoit impossible de la luy faire passer, fust ou par une uaine ambition qu'il auoit de combattre contre l'ancienne reputation de celle uille, dont elle ne retenoit plus rien qu'une ombre seulement, ou pour un courroux des broquards & traicts de mocquerie que le tyran Aristion iettoit à tout propos de dessus les murailles cōtre luy & contre Metella, pour luy faire plus grand despit. Ce tyran estoit un homme qui auoit l'ame composee de cruauté & de toute dissolution ayant recueilly toutes les imperfectiōs & les pires qualitez du roy Mithridates, qui toutes ensemble estoient coulees en luy: au moien dequoy ceste pauvre cité, qui iusques alors auoit eschappé tant de guerres, tant de tyrannies, & tant de seditions ciuiles, fut par luy, comme par une maladie incurable, conduite à l'extremité: car le minot de bled y ualloit cent escus, & estoient les personnes contraintes par la famine de mager l'herbe de l'espargoutte, qui croissoit à l'entour du chasteau, & faisoient bouillir de uieux souliers & de uieilles burettes à huyle pour en tirer quelque saueur qu'ilz mangeoient, pendant que luy ne faisoit autre chose tout le long du iour que boire & yurongner, baller, mommer, & dire mots de gaudissierie & de farcerie contre les ennemis, souffrant ce pendant que la sainte lampe de Minerue festeignist à faulte d'huyle: & quand la religieuse d'icelle luy enuoya demander un quart de boisseau de bled, il luy en enuoya un de poiure: & comme les Conseillers de la uille, les presbtres & gens de religion fussent allez au chasteau deuers luy, le supplier à ioinctes mains qu'il uoulust auoir pitié de la uille, & faire quelque composition avec Sylla, il les feit chasser & escarter à coups de traict. A la fin bien tard, encore fut ce à grande peine, qu'il enuoya deuers Sylla deux ou trois de ceulx qui luy faisoient compagnie à yurongner, lesquels ne demanderent qu'ad ilz furent là, aucune composition salutare, ains se meirent à haultlouer & magnifier les faicts de Theseus, de Eumolpus, & des Atheniēs contre les Medois.

Parquoy Sylla leur respōdit, Mes beaux harengueurs retournez uous en avec route uostre retorique, car les Romains ne m'ont point enuoyé icy pour apprendre ny pour estudier, ains pour desfaire & dompter ceulx qui se sont rebellez contre culx. En ces entrefaittes, il y eut des espies en la uille qui ouyrēt des uieillards deuisans ensemble au lieu qui s'appelle Ceramique, & blasmas le tyran de ce qu'il ne faisoit autrement garder l'endroit de la muraille qui respond au quartier de Heptachalchon, qui estoit la seule aduenue par ou les ennemis pouuoient plus facilement mōter sur la muraille: si s'en allerent soudain rapporter à Sylla, ce qu'ilz auoient ouy dire à ces uieillards. Sylla ne le meit pas en nonchaloir, ains se transporta sur le lieu mesme la nuit pour le recognoistre, & ayant ueu qu'il estoit uoyrement prenable, meit incontinent la main à l'œuure: & escrit luymesme en ses commentaires, que le premier qui monta sur la muraille fut Marcus Teius, lequel trouuant un soudard qui luy uoulut faire teste, luy donna de son espee un si grand coup de toute sa force dessus son armet qu'il rompit son espee en pieces, & neantmoins pour se ueoir desarmé de l'espee ne recula point arriere, ains demoura ferme & teint ce lieu là tant que par iceluy la uille fut prise, suyuant ce que les uieillards auoient entre culx deuisé. Si feit Sylla abbattre tout le pan de muraille qu'il y a entre la porte du Pirée & la porte sainte, & ayant biē fait nettoyer & applanir la breche, y entra enuiron la minuit en trefeffroyable arroy sonnant grand nombre

- A nombre de clairons, de cornetz & de trompettes, & y entra quand & luy toute son armee en bataille, criât, A sac, à sac:& Tue, tue:pource qu'il leur auoit abādōné la uille à piller & à mettre tout au fil de l'espee: à ceste cause se ietterēt les foudards parmy les rues les espees traittes aux poings, qui feirēt un meurtre incroyable, de sorte que iusques auioirdhuy on ne specifie point le nôbre des personnes qui y furent tuez, ains pour monstrier la grandeur du meurtre qui y fut fait, on môstre le lieu iusques ou coula le sang, car oultre ceulx q furent tuez par tout le reste de la uille, le sang de ceulx qui furēt occis sus la grande place seulement baigna tout le quartier du Ceramique iusques à l'endroit que lon appelle Dipylō:& y en a qui disent d'auantage, qu'il regorgea par les portes iusques dedās le faulxbourg. Mais fil y eut grande multitude de peuple ainsi tué, encore dit on qu'il y en eut d'auantage, ou autant pour le moins, de ceulx qui se desfeirēt eulx mesmes pour la cōpassion & pour le regret qu'ilz eurent de ueoir leur païs en si piteux estat, cuidans bien pour tout certain qu'il fust arriué à son extermination derniere. Ceste opinion fut cause que les plus gens de bien de la uille desespererent de se pouuoir sauuer, & craignirent de demourer en uie, pourautant qu'ilz penserent qu'ilz ne trouueroient humanité quelconque ny moderation de cruauté en Sylla. Toutefois en partie par les prieres de Midias, & de Calliphon bannits d'Athenes, qui le supplierent à genoux, & se prosternerent en terre à ses piedz, & en partie aussi à la requeste des Senateurs Romains qui estoient en son camp, qui le prierēt de pardonner au corps de la uille:ioinēt aussi qu'il auoit desia suffisamment assouuy son appetit de uengeance, apres auoir dit quelques propos à la louange des anciens Atheniens, il conclut à la fin qu'il donnoit le grand nombre au petit, & les uiuās aux trespassez. Luy mesme escrit en ses cōmentaires qu'il prit la uille d'Athenes le propre iour des Calendes de Mars, qui uient à se rencontrer avec le premier iour du mois que nous appellons Anthesterion, auquel de fortune il se fait à Athenes plusieurs choses en memoire du deluge, & de celle ruine uniuerselle du monde, qui fut iadis par inundation des pluyes, comme estant aduenue en ce mois là. Aiant donques la uille ainsi esté prise, le tyran Aristiō
- D s'enfouit au chasteau, là ou il fut assiegé par Curion, que Sylla y laissa expressement pour cest effect, & apres auoir tenu encore longuement, il se rendit à la fin de luy mesme contraint par faulte d'eau, & ne se fut pas plustost rendu, que tout incōritent par manifeste ordonnance diuine, le temps comme miraculeusement se changea: car le mesme iour, & au mesme instāt que Curio le mena hors du chasteau, estāt le ciel fort serain, il s'amassa tout soudain des nuees, dont il tumba si grand rauage de pluyes, que tout le chasteau fut plein d'eau. Peu de iours apres eut aussi Sylla le port de Piræe, là ou il brusta la plus grande partie des edifices, entre lesquelz fut l'arcenal & l'armurerie qu'auoit fait bastir ancienement Philo, estant un bastiment & une fabrique esmerueillable. Ce pendant Taxilles l'un des lieutenans du roy Mithridates uenant de la Thrace & de la Macedoine avec cent mille combattans à pied, dix mille chevaux, & quatre uingts & dix chariots de guerre armez de faux, mandoit à Archelaus qu'il s'approchast de luy, pource qu'il estoit encore à l'acre au port de Munichia, ne uoulant pas abandonner la marine, ny aussi uenir au combat avec les Romains, pource qu'il cherchoit plustost à tirer ceste guerre en longueur, & ôster à ses ennemis les moiens de recouurer uiures. Ce que Sylla cognoissant beaucoup mieulx que luy, se partit du païs de l'Attique, qui estoit
- E

Sylla.

maigre, & qui en pleine paix ne l'eust sceu nourrir, & s'en alla en celuy de la Bœoce: en quoy le commun estimoit qu'il feist erreur de laisser l'Attique, qui est pais aspre & malaisé pour gens de cheual, & s'en aller en la Bœoce pais de câpaignes plaines & descouuertes, attêdu qu'il sçauoit bié que la force principale des Barbares consistoit en leur cheualerie, & en leurs chariots armez: mais pour euitier la famine & faulte de uiures, comme nous auons dit, il estoit contraint de chercher la bataille. D'auantage encore auoit il une aultre cause qui le pressoit & le tenoit en crainte, c'estoit Hortensius homme courageux & opiniastre, qui luy amenoit un réfort de gens de la Theffalie, & les Barbares l'attendoient au passage du destroit des Thermopyles. ce furent les causes qui feirét prendre à Sylla le chemin de la Bœoce. Mais ce pendant Caphis, qui estoit de nostre pais, abusant les Barbares, conduisit Hortensius par un autre chemin du mont de Parnassus, & le rendit au dessoubz de la uille de Thitora laquelle n'estoit pas encore alors si grosse uille côme elle est maintenant, ains estoit seulemēt un chasteau assis sur une poincte de rocher couppé tout à l'entour, là ou anciennement se retirerent à sauueté les Phociens fuyans la uenue du roy Xerxes. Là se logea Hortensius, ou il sousteint & repoulsa les ennemis tant que le iour dura: & la nuit uenue descendit par chemins aspres & malaisés iusques à la uille de Patronide, là ou il se ioignit à Sylla, qui luy uint au deuant avec toute sa puissance. Quand donques ilz furent iointz ensemble, ilz se camperent dessus une motte qui est tout au milieu de la plaine d'Elatee: le fond de la terre y estoit bon, au moien de quoy y auoit force arbres, & si sourdoit de l'eau au pied: la motte s'appelle Philobœotus, de laquelle Sylla louëmerueilleusement l'assiette & la nature. Quand ilz furent campez, ilz ne semblerent qu'une poignée de gens aux ennemis: car aussi n'estoient ilz pas plus de mille cinq cents hommes de cheual, & moins de quinze mille hommes de pied. Parquoy les autres capitaines malgré Archelaus tirerent leurs troupes aux châps, & remplirēt toute la plaine d'alenuirō de cheuaux, de chariots, de boucliers & d'escus, de sorte que l'air se fendoit pour la uiolēce du bruit & des cris de tant de nations diuerses, qui tout à un coup se rengoient en bataille: mais quand & quand la superbe magnificence de leur equippage n'estoit pas du tout superflue ny inutile, ains seruoit grandement à effroyer les regardās, pource que la lueur de leur harnois richement accoustrez & estoifez d'or & d'argent, & les couleurs de leurs cottes & sayes d'armes à la Medoise, & à la Scythique meslées parmy la splēdeur de l'acier fourby, & du cuyure reluisant, rendoient à mesure qu'ilz alloient & uenoient comme un esclair & une apparence de feu, qui faisoit frayeur à la uoir seulement: de maniere que les Romains n'ozoient pas seulement sortir hors des trenchées de leur camp, & ne leur pouuoit Sylla faire tant de remonstrances qu'il leur ostant ce grād effroy, & ne les uoulant pas aussi forcer de sortir en ceste frayeur, estoit contrainct de ne bouger, & d'endurer, quoy qu'il luy en feist grand mal, de uoir les Barbares se rire & se mocquer superbement & oultrageusement de ses gens & de luy: toutefois à la fin ce fut ce qui luy seruit le plus, à cause que ses ennemis l'aians en mespris, ne se teindrent point sur leurs gardes, ains se laisserent aller à tout desordre, encore qu'autremēt ilz ne fussent gueres obeissans à leurs capitaines, pource qu'il y auoit trop de chefs qui s'entremettoient de cōmander, au moie de quoy il en demouroit peu dedās le camp, & tout le reste de la multitude alleché du gaing qu'ilz faisoient à aller piller & saccager uilles, fescar-

- A** toit plusieurs iournees loing du camp: car lon dit qu'ilz ruinet̃er alors la uille des Panopeiens, qu'ilz saccagerent celle des Lebadieus, & pillerent le temple sans que pas un de leurs capitaines leur eust baillé congé ne commandement de ce faire. Cependant Sylla qui uoyoit deuant ses yeux ruiner & destruire tant de uilles, le portoit fort impatiemment, & en estoit bien desplaisant: mais il ne laissoit pas ce pendant chommer ses gens, ains les cōtraignoit de traual-
B ler à destourner le cours de la riuere de Cephissus, & à cauer de grandes tren-
 ches sans donner à personne eongé de reposer, ains au contraire, chastiāt as-
 prement ceulx qui alloient laschement en besongne, à celle fin, que se faschās
 de la peine qu'ilz prenoient apres tāt d'ouurages, ilz aimassent miculx essayer
 le hazard de la bataille, cōme il en aduint: car le troisieme iour qu'ilz eurent
 commecé à besongner, ainsi comme Sylla passoit au long d'eulx, ilz se prirēt
 à crier, qu'il les menast contre les ennemis. A quoy il leur feit responce que ces
 cris là n'estoiet pas de gens qui eussent enuie de combattre, mais plustost qui
 se faschoient de traualler: toutefois sil est uray que uous aiez si bonne uoulū-
 té de combattre, ie ueux, dit il, que uous alliez tout de ce pas avec uoz armes en
 ce lieu là: en leur monstrant l'endroit, auquel iadis auoit esté le chasteau des
 Parapotamiens, qui lors, la uille aiant esté destruite, n'estoit plus rien que
 une crouppe de montagne pierreuse, couppée tout à l'entour, & distante du
 mont de Edylion d'autant que la riuere d'Assus est large, qui passe entre
 deux, & qui au pied mesme de la montagne s'en ua tumber en celle de Cephis-
C sus, & toutes deux ensemble aians le cours fort roide rendent laditte crouppe
 tres forte d'affiette pour y loger un camp: & pourtāt Sylla uoiant les soudards
 aux boucliers de cuyure du camp des ennemis, qui prenoient leur chemin
 pour sy aller loger, les uouloit preuenir, & se saisir le premier du logis, cōme il
 feit, moienant la bōne diligence, & la grāde affection des soudards: parquoy
 Archelaus estant rebouté de là, tourna son chemin deuers la uille de Chæro-
 nee. Adonc quelques Chæroniens, qui estoient au cāp de Sylla, le supplierent
 qu'il ne uoulust point abandonner leur uille à l'ennemy. Sylla leur desirant
 gratifier en cela, y enuoya l'un de ses coulonnels Geminius avec une legion,
D & quand & quand donna aussi congé d'y aller aux Chæroniens, qui feirent
 tout ce qui leur fut possible pour arriuer en leurs maisons premier que Gemi-
 nius, mais il ne sceurent onques, tant il se monstra homme de bien, & plus af-
 fectionné à les sauuer qu'ilz n'estoient eulx mesmes: toutefois Iubas ne nom-
 me pas le coulommel qui y fut enuoyé Geminius, mais Hericius. Ainsi eschap-
 pa nostre uille de ce danger, dont elle approcha de si pres. Cependant il ue-
 noit du temple de Lebadie & de la caue de Trophonius de bonnes nouuelles
 aux Romains, & des oracles & propheties qui leur promettoient la uictoire,
 desquelles propheties ceulx du païs en racomptent d'auātage: mais Sylla mes-
 me au dixieme liure de ses commentaires escrit, que Quintus Titius, homme
E de qualite & de nom entre ceulx qui traffiquoient es païs de la Grece, s'en uint
 deuers luy apres qu'il eut gaigné la bataille de Chæronee, luy annoncer que
 Trophonius luy faisoit sçauoir, qu'il auroit dedās peu de temps une seconde
 bataille au mesme lieu, dont il emporteroit encore la uictoire. Apres celuy là
 un autre homme de guerre nommé Saluenius, luy rapporta aussi quelle de-
 uoit estre l'issue de ses affaires en Italie, disant le sçauoir par reuelatiō diuine,
 & s'accordoient ces deux en la maniere de la reuelation: car ilz disoient auoir
 ueu un Dieu tout semblable en maiesté, beaulté & grādeur, à l'image de Iupi-

Sylla.

ter Olympien. Sylla donques aiant passé la riuere de Assus falla loger au pied F
du môt d'Edylium, aupres d'Archelaus, lequel auoit assis & fortifié son camp
entre les deux monts de Acontium & de Edylium ioignât la uille des Assiens.
Le lieu auquel il se campa se nomme encore iusques au iourd'huy Archelaus
de son nom. Vn iour apres que Sylla eut changé de logis, il laissa Murena en
son camp avec une legion & deux cohortes pour amuser & fascher tousiours
les ennemis qui estoient en trouble, & luy ce pendant feit un sacrifice le long
de la riuere de Cephissus, lequel sacrifice acheué, il s'achemina deuers la uille
de Chæronce pour prendre les forces qui y estoient, & quand & quand pour
aller recognoistre le mont que lon appelle Thourion que les ennemis auoient
occupé. C'est une crotte de montagne rude & aspre de tous costez aboutif- G
sant en pointe, ne plus ne moins qu'une pomme de pin, à l'occasion dequoy
nous l'appellôs Orthopagum: au pied duquel passe un ruisseau que lon nom-
me Morion, & y a aussi un temple d'Apollo surnommé le Thurien: & dit on
que ce surnom de Thurien luy a esté imposé & donné du nom de Thuro, qui
fut mere de Chæron fondateur de la uille de Chæronce, comme lon dit: les au-
tres tienent que la uache qui fut donnee pour guide à Cadmus, se presenta à
luy en ce lieu là, qui en a depuis retenu le nom, pourautant que les Phéniciens
appellent une uache, Thor. Quand donques Sylla fut assez pres de Chæronce,
le coulannel qu'il y auoit enuoyé en garnison pour la defendre, luy uint au
deuant avec ses gens bien armez, portant un chapeau de laurier, & Sylla H
apres auoir recueilly & salué les souldards, les prescha de faire leur deuoir de
bien combattre: & comme il estoit apres uindrent à luy deux citoiens de Chæ-
ronce, l'un nommé Homoloichus, & l'autre Anaxidamus, qui luy promirent
de chasser les ennemis, qui auoient saisy le mont de Thurium, pourueu qu'il
leur baillast quelque petit nombre de gens de guerre, pource qu'il y auoit
un petit sentier, dont les Barbares ne se doubtoient point, commençant à un
lieu qui se nomme Petrochus, ioignant le temple des Muses, par ou lon pou-
uoit aller à la cyme de ce mont de Thurium, & que suyans ce sentier là ilz se
trouueroient au dessus des Barbares, & les assommeroient facilement à coups de
pierres, ou bien les contraindroient de descendre malgré eulx en la cāpagne. I
Sylla estant asseuré par le tesmoignage de Geminius que c'estoient deux har-
dis & uailans hommes, aux quelz on se pouuoit seuremēt fier, leur bailla gēs
& leur commanda d'executer leur entreprise, & ce pendant luy dressa son ar-
mee en bataille dessus la plaine, departant sa cheualerie sur les æles, & se mit
à la pointe droite, baillant la gauche à Murena: & Gallus & Hortensius ses
lieutenans estoient à la cueuë avec quelques bandes d'arriere garde qu'ilz te-
noient au guet sur les coustaux, pour engarder que les ennemis ne les peussent
enuelopper par derriere, pource que lon apperceuoit de loing que les ennemis
iettoient force cheualerie & force gens de pied armez à la legere sur les æles, à
fin que les pointes de leur bataille fussent plus aisees à se courber & estendre K
pour encendre les Romains par derriere. Mais sur ces entrefaictes les deux
Chæronciens, aux quelz Sylla auoit dōné Hericius pour capitaine, aians fait
le tour du mont de Thurium, sans que les ennemis s'en apperceussent uindrēt
à se monstrier tout soudain au coupeau de la montagne, qui effroyerent tel-
lement les Barbares, qu'ilz se mirent incontinent en fūitte, & s'entretuerent
eulx mesmes les uns les autres pour la plus part: car ilz ne sousteindrent point,
ains en s'enfuyans contre bas tumboient bien souuent sur les pointes de leurs
propres

- A propres parthifanes & iaelines, & s'entrepoulsans les uns les autres, se precipitoient du hault au bas de la montagne, aians les ennemis à leur dos, qui les chassoïent d'amôt, & les frappoïent par derriere, là ou ilz estoïent descouverts, de sorte qu'il y en demoura de morts bien enuiron trois mille à l'entour de ce môt de Thurion, & quant à ceulx qui se cuiderent sauuer de uistesse, Murena qui estoit desia en bataille en rencontra les uns fuyans, aux quelz il couppa le chemin & les desfeit, les autres prirent le chemin de leur cāp, & allerent à la foule dōner droit dedās le bataillon de leurs gens de pied, dont ilz meirent la plus grāde partie en desarroy, & feirēt un grād destoubrier à leurs capitaines auāt qu'ilz peussens se remettre en ordonnance, qui fut l'une des principales causes de leur desfaire. Car Sylla les alla charger en ce trouble, aiāt passé en diligēce
- B ce qu'il y auoit de distance entre les deux armées : en quoy faisant il osta toute l'efficace aux chariots armez de faulx, lesquelz prenēt leur plus grāde force de la longueur de leur course qui donne l'impetuosité, roideur & uiolence à leur chasse, là ou quād ilz ont la carriere trop courte pour s'eslācer, leur coup en est lasche & n'a point de force, ne plus ne moins q̄ les coups de traiēt quād la corde de l'arbaleste n'est pas assez roide tēdue, cōme il en prit alors aux Barbares: car leurs premiers chariots desplacerēt si laschement, & dōnerent si mollemēt que les Romains les renuoyoïent & repoulsoient facilemēt avec grādes rises & battemēs de mains, en disant, Aux autres: ne plus ne moins que lon fait ordinairement à Rome aux ieux de la course des cheuaux. Cela fait, les batail-
- C les des gens de pied commencerēt à chocquer les Barbares avec leur picques baissées, en se serrant les uns contre les autres à ce qu'on ne les peust ourrir, & les Romains avec leur iaelots qu'ilz lancerent d'arriuee, & puis tout soudain desguainnerent leurs espees, dont ilz destournoient les picques des ennemis pour plus tost les pouuoir ioindre de pres au corps en la cholere ou ilz estoïent à cause qu'ilz uoyoient au front de la bataille des Barbares quinze mille esclauē que les lieutenans de Mithridates par edict public auoient affranchiz & departis par bandes entre les autres gens de pied : à l'occasiō de quoy il y eut un centenier Romain qui rencontra lors plaisamment quand il dit, qu'il n'a-
- D uoit iamais au parauant ueu, que les serfs eussent loy de faire & dire comme les personnes libres, sinon aux iours des festes de Saturne : toutefois ceulx là contre le naturel des serfs eurent bien la hardiesse d'attendre le choc, & ne les pouuoient les gens de pied Romains si promptement fendre, ny rompre, ny faire reculer, pource qu'ilz se tenoient fort serrez les uns contre les autres, & que leur files estoient aussi fort longues, iusques à ce que les Romains qui estoient derriere les premiers rengs, leur tirerent tant de coups de pierres avec des fondes, & tant de coups de dards & de traiēts, qu'à la fin ilz les contraignirent de tourner le dos, & les meirent tous en rōupte. Et cōme Archelaus cōmenceast à estendre la pointe droite de son armee pour cuider enueller
- E les Romains par derriere, Hortensius feit incontinent courir les bandes qu'il auoit avec luy pour le charger par les flancs: ce que Archelaus aiant apperceu feit aussi tost tourner uisage aux gens de cheual qu'il auoit au tour de luy, qui estoient plus de deux mille, de sorte que Hortensius aiant ceste grosse troupe de cheualerie sur ses bras, fut contrainct de se retirer petit à petit uers la montagne, se sentant esloigné de la bataille des siens, & enuironné des ennemis. Ce qu'entendāt Sylla, qui estoit en la pointe droite de sa bataille, & n'auoit point encore combattu, tira incontinent celle part pour le secourir : mais Ar-

Sylla.

Archelaus coniecturant par le poulcier que les cheuaux enleuoient, ce que c'estoit, laissa là Hortensius, & se tourna tout court & en diligéce uers la pointe droite des ennemis, d'ot estoit party Sylla, esperant la surprédre desprouueue de chef qui y cōmandast. De l'autre costé Taxilles fait aussi marcher quand & quand ses boucliers de cuyure contre Murena, de sorte que se leuant un grād bruit de deux costez, & les mōtagnes retentissantes à l'environ, Sylla farresta tout coy, ne sachant uers quelle part il deuoit plus tost tirer: à la fin aiant pris resolution de s'en retourner au lieu dont il estoit party, il enuoya Hortensius avec quatre enseignes au secours de Murena, & luy avec la cinquieme tira en diligence uers la pointe droite de son armee, laquelle estoit desia attachee au combat de per à per à l'encontre d'Archelaus: au moien dequoy, quand Sylla y fut arriué de renfort, ilz forcerent aiseement leurs ennemis, & rompus qu'ilz les eurent, les chasserent fuyans à ual de rouverte iusques à la riuiera, & iusques à la montagne de Acontium. Tourefois Sylla n'oublia pas Murena, ains se meit en chemin pour s'en aller le secourir, & trouuant qu'ilz auoient aussi bié uaincu de leur costé, il se meit à chasser les fuyans avec eulx. Si fut là fait un grand meurtre des Barbares emmy la campagne, & y en eut beaucoup qui en cuydant gagner leur camp furent tous mis en pieces, tellement que de toute celle multitude infinie de combattans qu'ilz auoient, il n'en eschappa que dix mille seulemēt, lesquelz se sauuerent de uistesse en la uille de Chalcide: & au cōtraire, Sylla escript qu'il ne trouua à dire q̄ quatorze de ses souldards seulement encore en reuint il deux le soir mesme. Parquoy aux trophées qu'il feist dresser pour marque de ceste uictoire, il y feist escrire en teste, Mars, Victoire, & Venus, comme uoulant dire, qu'il auoit uaincu en ceste guerre autant par heur, que par force ny par engin, ou science de l'art militaire. Ce trophée fut dressé pour la bataille qu'il gagna en plaine campagne à l'endroit ou Archelaus cōmencea à fouir, iusques au ruisseau de Molus: mais il y en a un autre à la cyme du mont de Thurium, là ou les Barbares furent surpris par derriere, ou il est escript en lettres Grecques, que la prouesse d'Omoloichus & d'Anaxidamus, fut cause de faire gagner celle uictoire. Sylla pour la resiouissance de ceste grande bataille gaignee, feit iouer des ieux de musique en la uille de Thebes, ou il feist dresser un eschaffault pour les ioueurs aupres de la fontaine d'Oedippus, & en furēt iuges quelques personages Grecs qu'il feist uenir des autres uilles, pource qu'il haïssoit mortellement les Thebains, de maniere qu'il leur osta la moitié de leurs terres, qu'il consacra à Apollo Pythien, & à Iuppiter Olympien, ordonnant que du reuenu d'icelles, on rendist & payast l'argent qu'il auoit pris & enleué hors de leurs temples. Apres cela estant aduertie que Flaccus l'un de ses contraires, aiant esté eleu Consul à Rome, trauersoit la mer Ionique soubz couleur de uenir faire la guerre au roy Mithridates, mais à la uerité pour la luy faire à luy mesme, il prit son chemin deuers la Theffalie pour luy aller au deuant: mais quand il fut en la uille de Melitea, il luy uint nouuelles de tous costez qu'il estoit arriué une nouvelle armee du roy, nō moindre q̄ la premiere, laquelle couroit de rechef, pilloit & gastoit tous les païs qu'il auoit laissez derriere: car Dorylaus l'un des lieutenās de Mithridates estoit arriué à Chalcide avec une grosse flotte de uaisseaux, sur lesquelz il auoit amené bien quatre uingts mille combattās, les meilleurs, miculx aguerris, & miculx en poinct qui fussent en toute la puissance du roy Mithridates, & de là estoit passé en la Bœoce, là ou il auoit occupé tout le païs,

A & taschoit d'attirer Sylla à la bataille, quelques raisons qu'Archelaus luy alleguast au cōtraire pour l'en cuider diuertir: car mesme il feit courir un bruit, que tant de milliers de combattans ne pouuoiet auoir esté desfaits en la premiere bataille sans quelque trahison. Mais Sylla retournant tout court, feit bié cognoistre à ce Dorylaus, auât qu'il passast gueres de iours, qu'Archelaus estoit homme sage qui cognoissoit tresbié la ualeur & la uertu des Romains, tellement que Dorylaus en aiant un peu essayé, seulemēt en quelques legeres escarmouches quil feit contre Sylla à l'entour de Tilphossion en la Theffalie, fut luy mesme le premier q mainteint qu'il ne falloir pas hazarder la bataille contre les Romains, ains plustost tirer ceste guerre en longueur, & miner les

B Romains par la despenſe. Ce neantmoins la commodité de la grande & large plaine qui est à l'entour d'Orchomene ou ilz estoient campez, donna courage à Archelaus, à cause qu'elle luy sembla fort à propos à donner bataille pour celuy qui estoit le plus fort de cheualerie: car de toutes les plaines qui sont dedans le païs de la Bœoce la plus grâde & la plus ouuerte est celle d'au pres de la uille d'Orchomene, pource qu'elle est toute raze sans arbre quelcō que, & s'estend iusques aux marets, esquelz se descharge le fleuue de Melas, lequel a sa source assez pres de la uille d'Orchomene, & seul de tous les fleuues de la Grece est nauigable des le lieu mesme dont il sourd, & si a une autre singularité, c'est qu'il croist & deborde es plus grâds iours d'esté, comme le Nil,

C & produit les mesmes plantes & les mesmes arbres que luy, excepté qu'ilz ne portēt point de fruiēt, ny ne uienēt pas si grands cōme ceulx de l'Ægypte. Son cours n'est pas long, pource que la plus grâde partie de son eau se perd incontinent en des lacs & marets couuers de brossaïlles, & n'en y a qu'une bien petite partie qui se ua rendre dedans la riuier de Cephisus à l'endroit propre, ou naissent les cannes dont on fait les bonnes flustes. Quand donques ilz furent campez les uns pres des autres. Archelaus se teint coy sans rien entreprendre: mais Sylla se meit incontinent à faire tirer de grâdes trêchees de costé & d'autre pour clorre le chemin à ses ennemis, de pouuoir sortir en la campagne spacieuse & ferme, ou ilz eussent peu estendre tant qu'ilz eussent uōulu leur gendarmerie, & poulsē les Romains dedans les maretz: cē que les Barbares ne pouuās supporter, si tost que leurs capitaines leur eurēt lasché la bride, ilz descocherent en si grande fureur, que non seulement ilz escarterent ceulx qui beſoignoient aux trêchees de Sylla, mais aussi effroyerēt la plus part de ceulx qui estoient en bataille pour les defendre, lesquelz se meirent aussi à fōuir. Quoy uoiant Sylla, se ietta incontinent de dessus son cheual à terre, & faïſſant une enseigne, se ietta à trauers les fuyans iusques à ce qu'il trouua les ennemis, en criant, Soudards Romains, mon hōneur me commande de mourir icy, & pourtant quand on uous demandera, là ou uous auez abandonné uōstre capitaine, ſouuenez uous de respondre que ce a esté à Orchomene. Ilz eurent si grande honte de ces paroles, qu'elles leur feirēt tourner uisage, avec ce, qu'il luy suruint encore deux cohortes de renfort de la poincte droite de la bataille, lesquelles ſoubz sa cōduitte chargerēt les ennemis si aspremēt, qu'ilz les tournerent tous en fuitte: quoy faïēt il retira ses gens, & apres les auoir fait disner, recommença derechef à faire enclore de trêchees le camp des ennemis, lesquelz sortirent aussi une autre fois en bien meilleur ordre que la premiere, là ou Diogenes filz de la femme d'Archelaus, combattant uaillemēt à la ueuē de tout le mōde, en la poincte droite de leur bataille, fut porté mort

Sylla.

par terre, & les archers estés pressez de si pres par les Romains qu'ilz ne se pou- F
uoient pas aider de leurs arcs, prenoient leurs flesches à pleines mains, & en
frappoient leurs ennemis au lieu d'espees, pour les cuider faire reculer, iusques
à ce que finablement ilz furēt tous rembarrez iusques dedās leur camp, ou ilz
passerent la nuit en grande destresse tant pour la perte de ceulx qui estoient
morts, que pour le grand nombre des blecez: le lendemain Sylla remenant
encore ses gens uers le camp des ennemis, alla tousiours continuant ses tren-
chees: & estans fortz quelques gens à l'escarmouche, il les chargea si rude-
ment, que de primfault il les tourna en fuite: cela meit tel effroy en tout le
camp, qu'il n'y eut plus personne qui y ozast arrester, de maniere que Sylla
suiuant sa uictoire y entra pesse messe quād & les fuians, & le prit tout entiere- G
mēt. Si furēt incontinct les marets tous teincts de sang, & le lac plein de corps
morts: tellement que iusques auiourdhuy on treuve encore en ce quartier là
plusieurs arcs barbaresques, des morriōs & des pieces de cuyrasses, des espees
enfondrees dedans le boubrier du marets, encore qu'il y ait bien pres de deux
cents ans que celle bataille fut donnee. Voila comment passerent alors les af-
faires pres des uilles de Chæronee & d'Orchomene. Au reste pendant que ces
choses passoient en la Grece, Cinna & Carbo traittoient à Rome inhumaine-
ment & cruellement les plus gens de bien & plus notables personnages qui y
fussent, à l'occasion de quoy, plusieurs fuyans leur tyrannie, se retiroient au
camp de Sylla, ne plus ne moins qu'en un port de salut, tellement qu'en peu de H
temps il eut à l'entour de luy un apparée de Senat Romain. Metella mesme,
sa femme s'estant à grande peine derobbee avec ses enfans, luy uint apporter
les nouuelles, cōme sa maison en la uille & ses possessions aux champs auoient
esté toutes arses & bruslees par ses malueuillās, le suppliāt de uoloir aller se-
courir ceulx qui estoient encore demourez à Rome. Sylla ces nouuelles ouyes
se trouua en grande perplexité: car d'un costé il luy faisoit bien mal de ueoir
son pais ainsi miserablement affligé: & d'autre costé il ne sçauoit comment il
s'en pourroit aller, laissant une telle entreprise qu'estoit la guerre contre un si
puissant Roy que Mithridates, imperfecte: mais ainsi qu'il estoit en ce pense-
mēt, uint deuers luy un marchād nommé Archelaus, natif de la uille de De- I
lium, qui luy apporta secrettement quelques paroles de la part d'Archelaus
l'autre lieutenant de Mithridates: ce qui luy fut si agreable, que luy mesme
prochassa qu'ilz s'entreueissent pour parlementer avec Archelaus, & de faict
s'entreueirēt le long de la marine pres la uille de Delium, là ou il y a un tēple
d'Apollo. Si commença Archelaus à entrer en propos, mettāt en auant, que
Sylla se contentast de laisser l'entreprise d'Asie & du royaume de Pont, & qu'il
s'en retournast à la guerre ciuile de Rome, pour laquelle le Roy luy fourniroit
tant d'argent, tant de uaisseaux, & de gens, comme il uouldroit. Sylla prenāt
adonc la parole, luy dit, qu'il luy conseilloit d'abandonner le seruice de Mi-
thridates & de se faire Roy luy mesme, luy offrant de le faire declarer amy & K
allié du peuple Romain, pourueu qu'il luy liurast entre ses maīs toute la flot-
te des uaisseaux qu'il auoit. Archelaus monstra auoir en abomination d'ouir
parler de trahison: & adonc Sylla suiuant son propos luy repliqua, Comment
Archelaus, toy qui es un Cappadociē seruiteur d'un Roy barbare, ou pour le
plus son amy, as le cueur si bon que pour tant de biens que ie t'offre, tu ne uou-
drois faire un acte lasche ny meschant, & neantmoins tu as bien la hardiesse
de me parler de trahison à moy qui suis lieutenant du peuple Romain & Sylla,

comme

- A cōme si tu n'estois point celuy qui en la bataille de Chæronce te sauuas de uistesse, avec bien peu de gens, de six uingts mille cōbattans que tu auois en un camp auparauant, & qui te cachas deux iours dedås le maretz d'Orchomene, laissant les cāpagnes de la Bœoce si ionchees & couuertes de corps morts que lon n'y pouuoit passer. Depuis ceste replique Archelaus changea bien de langage, & se prosternāt deuant Sylla, le supplia bien humblemet de uoloir terminer ceste guerre & faire paix avec Mithridates: à quoy Sylla respondit qu'il en estoit bié cōtent, & fut la paix accordee entre eulx, soubz cōditiō, q̄ Mithridates se departiroit de l'Asie mineur, qu'il laisseroit la Paphlagonie, qu'il rendroit la Bithynie à Nicomedes, & la Cappadocie à Ariobarzanes, & payeroit
- B aux Romains * deux mille talérs, & leur bailleroit soixāte & dix galeres, avec tout leur equippage: à l'encōtre dequoy Sylla luy assuereroit aussi & cōfirmeroit le demourāt de son estat, & le feroit declarer amy & allié du peuple Romain. Ces articles passez & accordez entre eulx, Sylla reprit son chemin par la Theffalie, & par la Macedoine uers le país de l'Hellestōt, menant quād & luy Archelaus, auquel il feit beaucoup d'honneur: car cōme il fust tumbé en une grosse & perilleuse maladie en la uille de Larisse, il sy arresta & eut soing de le faire pēser & guarir, ne plus ne moins q̄ si c'eust esté l'un de ses principaux capitaines ou de ses cōpagnons. Ce qui fut cause de faire calūnier la bataille de Chæronce, cōme n'ayant pas esté loyaument cōbattue ny nettement gaignee,
- C ioinēt encore que Sylla rendit à Mithridates tous ses autres seruiteurs & amis qu'il tenoit prisonniers, excepté le tyrā Aristion, qu'il feit empoisonner, pourautāt qu'il estoit aduersaire d'Archelaus, & principalemēt pour les terres qu'il dōna à ce Cappadocien, car il luy en donna dix mille arpēts dedås l'isle d'Eubœe, & aussi qu'il luy bailla tousiours le tiltre d'amy & allié du peuple Romain: toutefois quāt à cela, Sylla luymesme s'en iustifie en ses cōmentaires. Ce pendāt arriuerēt deuers Sylla les ambassadeurs de Mithridates, lesquelz dirēt que leur maistre acceptoit & ratifioit bien tous les autres articles du traitté, excepté qu'il prioit que lon ne luy ostant point le país de la Paphlagonie, & quāt aux galeres, qu'il ne uoloit point parler de les promettre seulement: à quoy
- D Sylla leur respondit promptement en courroux, Comment Mithridates doncques, comme uous dittes, ueut retenir la Paphlagonie, & refuse de bailler les uaisseaux que ie luy ay demandēz, là ou ie m'attendoie qu'il me remerciroit bien humblement à genoux, si ie luy laissoie seulement la main droite, avec laquelle il a fait mourir tant de citoiens Romains. I'ay bonne esperāce de luy faire bien parler autre langage, si tost que ie seray passé en Asie: maintenant qu'il est de sejour en la uille de Pergame, il parle bien à son aise de ceste guerre qu'il n'a pas ueuë. Les ambassadeurs effroyez de ses paroles, ne repliquerent rien à l'encontre: mais Archelaus prit la parole, & le pria d'amollir son courroux en plorāt, & luy touchant en la main: si feit tant qu'à la fin il obtint que
- E Sylla l'enuoyeroit deuers Mithridates, l'assuerant qu'il luy feroit accorder la paix soubz toutes les conditions qu'il demādoit, ou fil ne luy pouuoit persuader, qu'il se tueroit soy mesme de sa p̄pre main. Sur ceste promesse Sylla le depescha, & ce pendant entra avec son armée dedans la Mysie, & apres en auoir couru & pillé une grande partie, s'en retourna en la Macedoine, là ou Archelaus le reuint trouuer pres la uille de Philippes, luy apportāt nouuelles q̄ tout iroit bien: mais que le roy Mithridates le prioit, commēt que ce fust, qu'il parlāt à luy. Et ce qui le faisoit ainsi chaudement rechercher de parler avec luy,

*Douze cēs
mille escus.

Sylla.

estoit principalement Fimbria, lequel aiant occis Flaccus l'un des capitaines de la faction contraire à Sylla, & aiant desfait quelques lieutenans de Mithridates, s'en alloit le trouuer luy mesme pour le combattre: ce que Mithridates craignant choisit plus tost de se faire amy de Sylla. Si s'entreueirent au pais de la Troade en la uille de Dardane, y aiant Mithridates une flotte de deux cents uoiles tous uaisseaux à rames, & par terre uingt mille hommes de pied, & six mille cheuaux, avec force chariots armez de faulx, là ou Sylla n'auoit que quatre enseignes de gens de pied, & deux cents cheuaux seulement. Mithridates alla au deuant de luy, & luy tendit la main: mais Sylla luy demanda premier si acceptoit la paix soubz les conditions que Archelaus auoit accordees. Mithridates ne luy respondit rien: parquoy Sylla suyuant son propos, luy dit: Si est-ce à faire à ceulx qui requierēt quelque chose, de parler les premiers, & fuffit aux uaincueurs de se taire & escouter leur requeste seulement. Alors commença Mithridates à uouloir iustifier sa cause, reiectant partie de l'occasion de ceste guerre sur la uolunté des Dieux qui l'auoient ainsi ordonné, & partie sur les Romains mesmes. Adonc Sylla prenant la parole luy repliqua, qu'il auoit biē de long temps ouy dire, que Mithridates estoit un prince treseloquent, mais que lors il le cognoissoit par experience, ueu qu'en des actes si malheureux & si meschans, il n'auoit point eu faulte d'honeste langage pour les pallier & desguiser: mais au contraire, il luy deduisit aigrement, & feit confesser les inhumanitez par luy commises, & apres luy demanda de rechef si ratifioit ce que Archelaus auoit fait. Il respondit, que ouy: & alors Sylla le salua, l'embrassa & le baïsa, puis faisant approcher les roys Nicomedes & Ariobarzanes, les reconcilia & remeit en grace avec luy. La fin fut, que Mithridates apres auoir deliuré à Sylla soixante & dix galeres, & cinq cents hommes de traict, s'en retourna par mer en son royaume de Pont. Mais Sylla entendit que ses gens estoient mal contents de cest appointement qu'il auoit fait avec Mithridates, pource qu'ilz ne pouuoient supporter de ueoir ce Roy là, qui estoit le plus grand, le plus aspre, & le plus cruel ennemy qu'ilz eussent, comme celuy qui en un seul iour auoit fait tuer cent cinquante mille citoiens Romains, qui estoient par toute l'Asie, s'en aller sain & sauf avec les richesses & les despouilles de celle prouince, laquelle il auoit pillée & taillée à son aise l'espace de quatre ans durant, à quoy il respondit pour sa descharge, qu'il n'estoit pas assez puissant pour faire la guerre à Mithridates & à Fimbria, si une fois ilz se fussent conioincts ensemble contre luy. Au partir de là il alla cōtre Fimbria, lequel estoit campé pres la uille de Thyatira, si se logea au plus pres de luy, & pendant qu'il faisoit enfermer son logis d'une trêchee, les soudards de Fimbria sortans de leur camp tous en saye sans armes uenoiēt saluer ceulx de Sylla, & leur aidoiēt bien affectueusement à faire leur trenchee: parquoy Fimbria uoiant celle mutation de uolunté en ses gens, & redoubtant Sylla comme celuy duquel il n'attendoit grace ne mercy quelcōque, se tua luy mesme dedans son camp. Et adonc Sylla condamna le pais total de l'Asie mineur à payer la somme de * uingt mille talents en commun, & en particulier encore ruina il les maisons priuees par l'insolence & la longue residence des gens de guerre qu'il y meit en garnison: car il ordonna que chascun hoste baille-roit par chascun iour à celuy qui seroit logé chez luy enuiron la ualeur de cinquante trois solz & quatre en argent, & si seroit tenu de luy apprestier à soupper à luy & à ses amys, autant qu'il luy plairoit en appeller & conuier à soupper

* Ce sont enuiron
douze millions
d'escus.

A à soupper avec luy, & que chascun capitaine auroit par iour cinquante drachmes d'argent, qui ualent enuiron cinq escus, & auroit une robe de chambre pour la maison, & une autre quand il uoudroit aller à l'esbat par la uille. Cela fait & ordonné, il se partit de la uille d'Ephese avec toute sa flotte, & en trois iours arriua au port de Piræe, là ou il fut receu en la confrairie des mysteres, & reteint pour soy la librairie d'Apellicó Teïen, en laquelle estoit la plupart des œuures d'Aristote, & de Theophraste, qui n'estoient pas gueres encore cogneus, ny uenus es mains des hommes: & dit on que aiant ceste librairie esté portee à Rome, le grammarien Tirannion trouua les moïens d'en soustraire une grande partie, & qu'Andronicus le Rodien aiant par ses mains recouuré les originaux, les mit en lumiere, & escriuit les summaires que nous auons maintenant: car les anciens philosophes Peripatetiques ont bien esté d'eulx mesmes gens de bon esprit & sçauans, mais ilz n'ont gueres eu de liures d'Aristote, ny de Theophraste, & ce peu qu'ilz en ont eu, encore ne les ont ilz pas entieremēt ny parfaitement ueuz, pource que la succession de Neleus Scepsien, à qui Theophraste laissa tous ses liures par testament, uint à tomber entre les mains de gens grossiers & ignorans, qui ne s'en sceurent pas faire honneur. Au demourant, ainsi comme Sylla estoit de sejour à Athenes, il luy uint aux iambes une douleur endormie avec une pesanteur, ce que Strabon dit estre, par maniere de dire, un beguoyement de la goutte, c'est à dire un apprentissage de la goutte qui commence à se former, à l'occasion de quoy il se fit porter par mer, au lieu que lon nomme Adipsium, ou il y a des baings naturels d'eaux chaudes, dedans lesquels il se baigna, passant son temps ce pendant, & s'esbattant tout le long du iour à ouir des Musiciēs, ioueurs de farces, & toute telle maniere de gens. Et un iour ainsi qu'il se promenoit sur le bord de la mer, il y eut des pescheurs qui luy presenterent de fort beaux poissons: il prit plaisir à leur present, & leur demanda dont ilz estoient: ilz luy feirent response qu'ilz estoient de la uille d'Ales. Cōment, dit il, y a il donques encore quelqu'un uiuāt de ceulx d'Ales? ce qu'il disoit, pour autāt qu'apres la bataille d'Orchomene, en poursuiuāt ses ennemis il auoit pris & destruit trois uilles de la Bœoce tout en mesme temps, Anthedon, Larymne, & Ales. Les pauvres pescheurs furent si effroyez de ceste parole qu'ilz demourerent muets, & ne sceurent que dire: dont il se prit à rire, & leur dit qu'ilz s'en allassent en bōne heure sans auoir peur, pource qu'ilz estoient uenus avec des intercesseurs qui n'estoient point petits, & qui ualoient bien que lon en feist compte. Depuis ces paroles ouyes, les Aleïens reprirēt cueur & hardiesse de se r'assembler en leur uille. Et Sylla passant à trauers la Theffalie & la Macedoine, descendit uers la coste de la mer, se preparant pour passer de la uille de Dyrrachium en celle de Brundisium avec douze cēts uoiles. La uille d'Apollonie est au pres de celle de Dyrrachium, & ioignant icelle y a un parc sacré aux Nymphes, là ou dedans une verte uallee & belle prairie sourdent par cy par là des bouillōs de feu, qui fluent continuellement: & dit on que là fut pris un Satyre dormant tout tel que les peintres & les imagers le figurent, si fut mené à Sylla, & interrogué par toutes sortes de truchemens, qui il estoit, mais il ne respondit rien que lon peust entendre, ains seulement ietta une uoix aspre meslee du hennissement d'un cheual & du buglement d'un bouc, de quoy Sylla s'esmerueillant, l'eut en horreur, & le fit oster de deuant luy comme chose monstrueuse. Au reste quand il fut prest à embarquer ses gens pour passer la mer,

il eut crainte que si tost qu'ilz auroient un pied en Italie, ilz ne se desbédassent F
incontinent, s'en retournant chascun en sa uille: mais ilz iurerent & promei-
rent d'eulx mesmes premierement qu'ilz demoureroient & se tiendroient en-
semble, & qu'ilz ne feroiēt de leur uoulūtē aucun mal en Italie: & oultre cela,
uoyans qu'il auoit affaire de beaucoup d'argent, luy en offrirent du leur &
en contribuerent chascun selon le moien qu'il auoit, & selon sa puissance:
toutefois Sylla ne le uolūt point prendre, ains les remercia tous de leur bon-
ne uoluntē, & apres les auoir preschez & enhortez de bien faire, passa contre
quinze chefz d'armees de ses ennemis qui auoient quatre cents cinquante en-
seignes de gēs de pied en armes, ainsi que luy mesme l'escriit en ses commen-
taires. Mais les Dieux luy promettoient par plusieurs euidents signes heureu- G
se fortune en ses affaires: car en un sacrifice qu'il feit, aussi tost qu'il eust trauer-
sé la mer, aupres de Tarēte, le foye de l'hostie se trouua tout formé en maniere
d'une couronne ou chapeau de laurier, duquel dependoient deux banderol-
les. Et peu auāt son passage en la Champagne pres du mont Epheon, en plein
iour apparurent deux grands boucs, faisans tout ne plus ne moins que font
deux hommes qui combattent: toutefois ce n'estoit pas chose uraye, ains une
uision apparente seulement, laquelle se leuant de la terre petit à petit s'espandit
ça & là en l'air, & à la fin s'esuanouit cōme des nuages qui disparoissent: &
peu de tēps apres en ce mesme lieu, le ieune Marius & le Cōsul Norbanus, qui
amenoient contre luy deux puissantes armees, furent par luy desfaits auant H
qu'il eust rengé ses troupes en bataille, ny ordōné à chascun l'endroit ou il
deuroit combattre, employant seulement l'affection de bien faire que ses gēs
monstroient auoir, & l'ardeur de leur courage. Puis suiuant sa uictoire, il con-
traignit le Cōsul de s'enfermer dedans la uille de Capouē, apres luy auoir tué
six mille de ses gens. Cest exploit d'armes, ainsi qu'il dit luy mesme, fut cause
que ses gens ne se desbenderent, ny ne se retirerēt point chascun en sa maison,
ains se mainteindrent ensemble, & ne feirent point de compte des ennemis,
encore qu'ilz fussent plusieurs contre un: & dit d'auantage, qu'en la uille de
Siluium il y eut un esclau d'un citoien nommé Pontius, lequel estant espris
de fureur prophetique & diuine, s'adressa à luy, disant qu'il luy annonçoit I
de la part de la deesse Bellone, qu'il demoureroit le plus fort, & emporteroit la
uictoire de ceste guerre: mais que s'il ne se hastoit, le Capitole s'en alloit brus-
lé, cōme il aduint au mesme iour qu'il luy auoit predit, qui fut le fixieme iour
du mois que lon appelloit alors Quintilis, & que nous appellons maintenant
Iuillet. Qui plus est, Lucullus, un des capitaines du party de Sylla, se trouuant
pres la uille de Fidentia, avec seize enseignes seulement, à l'encontre de cin-
quante des ennemis, se confioit bien assez en la bonne uoluntē de ses gens,
mais pource qu'ilz estoient la pluspart tous nuds & desarmez, il craignoit de
hasarder la bataille: & ainsi comme il estoit en ce pensement à delibérer ce
qu'il en deuoit faire, il se leua un petit uēt du costé d'une belle prairie, qui leur K
souffla grande quātité de fleurs, lesquelles il sema sur les soubdards. Ces fleurs
s'arrestoient d'elles mesmes, ainsi qu'elles tumboient, aux uns sur leurs bou-
cliers, aux autres sur leurs morriōs sans cheoir à terre: tellement qu'il sembloit
de loing aux ennemis que ce fussent chappeaux de fleurs, qu'ilz eussent sur
leurs testes. Cela rēdit les soudards encore mieulx affectiōnez qu'ilz n'estoiēt,
& en ceste uoluntē si deliberee allerent charger leurs ennemis, qu'ilz desfei-
rent, & en occirent sur le champ bien dixhuit mille, & si prirent encore leur
camp.

A camp. Ce Lucullus estoit frere de l'autre Lucullus, qui depuis desfeit les Roys, Mithridates, & Tigranes: toutefois Sylla uoiant encore ses ennemis esendus tout à l'entour de luy, avec plusieurs grosses & puissantes armées, pensa qu'il luy falloit user de ruse avec la force: si fit solliciter & semondre Scipion l'un des Consulz, de faire appointment avec luy: ce que Scipion ne refusa point, & sur cela se fit plusieurs allees & uenues, plusieurs assemblees & plusieurs entreueës & parlemens ensemble, pource que Sylla tiroit la conclusion en longueur le plus qu'il pouuoit, trouuant tousiours quelque occasion de dilayer, pour ce pendant prattiquer & corrompre les soudards de Scipion par le moien des siens, qui estoient tous faits & duits à telles ruzes & tromperies, aussi

B bien que leur capitaine: car entrans dedans leur camp & se mellans parmy eulx, ilz en gaignoient les uns promptement par argent comptant, les autres par promesses, les autres par caresses, flatteries & belles remonstrances qu'ilz leur faisoient. Finablement apres que ceste prattique eut duré quelque temps, Sylla s'approcha de leur camp avec uingt enseignes seulement, & les soudards de Scipion le saluerent & se rendirent à luy, & demoura Scipion tout seul en sa tente, ou il fut pris, mais on le laissa puis apres en aller. Ainsi Sylla avec ses uingt enseignes, ne plus ne moins que les oyseleurs avec leurs oyseaux mignons, en ayant attiré en ses filez quarante des ennemis, les emmena tous ensemble dedans son camp. Ce fut alors que Carbon dit qu'il auoit à combattre

C un regnard & un lion tout ensemble en Sylla, mais que le regnard luy faisoit plus de mal & plus de dommage que le lion. Depuis cela le ieune Marius aiant en un camp quatre uingts & cinq enseignes pres la uille de Signium presenta la bataille à Sylla, lequel auoit bien bonne enuie de combattre, mesmement ce iour là, pource qu'il auoit eu la nuit une telle uision en dormant. Il luy fut aduis qu'il ueit Marius le pere, qui estoit decedé ia long temps y auoit, admonestant son filz qu'il se gardast tresbien du iour du lendemain qui luy deuoit apporter un tresgrand malheur: à l'occasion de quoy Sylla desiroit singulierement uenir à la bataille ce iour là, & à ceste fin fit uenir Dolobella, qui estoit logé assez loing de luy: mais les ennemis se

D mettoient entre deux, & luy bouchoient le passage pour le garder de se ioin-dre à Sylla: & les gens de Sylla au contraire combattoient pour luy ouurir le chemin, avec si grand trauail qu'ilz en estoient tous las & recreuz, ioint aussi qu'il suruint une grosse pluye, ainsi qu'ilz trauailloient à faire le chemin, qui les rompit, & lassa encore plus que la besongne qu'ilz auoient faite: parquoy les particuliers capitaines des bandes s'en allerent le remonstrer à Sylla, & le prier de uouloir differer la bataille à un autre iour, luy monstras les soudards recreuz du trauail, couchez sur leur targes & bouchiers en terre, pour se reposer: quoy uoyant, il leur accorda, combien que ce fust mal uoluntiers. Mais

E comme il eut donné le signe de loger, & que lon commenceoit desia à fermer le camp de la closture de paliz & d'une trenchee à l'entour, uoicy arriuer Marius à cheual, marchât brauement deuant toute sa troupe, en esperance de trouuer & surprendre ses ennemis en desordre, & par ce moien les rompre & desfaire facilement: mais au contraire la fortune adonc accōplit à Sylla la reuelation qu'il auoit eue en dormant, car ses gens entrerent en cholere & abandonnans l'œuvre de la trenchee, ou ilz besongnoient, ficherent leurs iauclots dessus le bord, & s'en coururent les especes traittes aux poings avec grands cris charger les ennemis, lesquelz ne sousteindrent pas leur fureur longuement,

Sylla.

ains se tournerent bien tost en fuite, ou il en fut faict un tresgrand meurtre. F
Le capitaine Marius tourna sa fuite deuers la uille de Præneste, dont il trouua les portes fermées: mais on luy deualla de dessus la muraille une corde, de laquelle il se ceignit & fut ainsi guindé à mont: toutefois les autres, entre lesquels Fenestella en est un, disent que Marius ne ueit pas seulement la bataille, pource qu'estant aggraué de trauail & de faulte de dormir, il se coucha dessous quelque arbre à l'ombre, pour se reposer un petit, apres auoir desia baillé le signe & le mot de la bataille, & s'endormit si serré, qu'à peine se peut il esueiller pour le bruit de la rouverte & fuite de ses gens. Sylla escript luymesme qu'il ne perdit en ceste bataille que uingt & trois de ses hommes, & qu'il en tua uingt mille des ennemis, & en prit huit mille prisonniers, & si eut semblable G
prosperité par tout ailleurs en ses lieutenâs, Pompeius, Crassus, Metellus, Seruilius, lesquels sans rien perdre, ou bien peu, desfeirent plusieurs grosses & puissantes armées des ennemis, de maniere que Carbo le principal chef de la faction aduersaire, & qui plus la maintenoit en pied, s'enfouit une nuit de son camp, & s'en alla oultremer en Afrique. Le dernier affaire qu'il eut, fut contre Telestinus Samnitain, lequel estant comme un champion de lucte frais & reposé qui s'attache à un ia las & trauaillé d'auoir plusieurs fois combattu, faillit à le renuerser & abbattre par terre sur les portes mesmes de Rome: car ayant ramassé bon nombre de combattâs avec un Lamponius Lucanien, il tiroit en toute diligence uers la uille de Præneste pour deliurer le ieune Marius H
qui y estoit assiégué: mais entendant que Sylla à grandes iournees uenoit d'un costé pour le rencontrer par deuant, & Pompeius d'un autre costé par derriere: & uoyant que le chemin luy estoit clos de pouoir aller ny en auant ny en arriere, il prit une resolution hazardeuse, comme grand homme de guerre qu'il estoit, & qui s'estoit trouué en plusieurs bons affaires, de tirer droit à Rome, & se partit une nuit avec toute sa puissance pour y aller, si s'en fallut bien peu qu'il n'y entrast de primfault: car elle estoit sans garde & sans defense quelconque: mais il s'arresta à enuiron demie lieuë de la porte Colline, se glorifiant & se promettant toutes grandes choses pour auoir abuzé tant & de si grands capitaines. Le lendemain au matin sortirent de la uille à l'escarmouche quelques ieunes gentilshômes des meilleures maisons, dont il en occit plusieurs, I
& entre autres, Appius Claudius ieune homme de fort noble maison & homme de bien: à l'occasion dequoy y eut, comme lon peult penser un grand trouble & grand effroy dedans la uille, mesmement des femmes qui crioient & couroient ça & là, cuidans desia estre toutes prises: mais sur ces entrefaites arriua le premier Balbus, que Sylla enuoya deuant à bride abbattue avec sept cents cheuaux, & n'arrestant sinon qu'autant qu'il falloit pour donner halene aux cheuaux & les refreschir un peu seulement, il les feit rebrider incontinent, & alla charger les ennemis pour les arrester. Tantost apres comparut aussi Sylla, qui commâda aux premiers arriuez de ses gés qu'ilz desieunassent habilemēt, K
& tout incontinent les renga en bataille, combien que Dolabella & Torquatus luy remonstraissent, & le priaissent de ne uouloir exposer ses gens las, & recreuz du chemin qu'ilz auoient faict, à cest extreme peril ou il alloit de tout, attendu mesmement qu'ilz n'auoient pas à faire à Carbo ny à Marius, ains aux Samnites & aux Lucains, qui estoient deux nations fort belliqueuses, & celles qui haïssoient plus asprement les Romains. Ce nonobstant il les renuoya, & commanda aux trompettes qu'ilz sonnassent le son de la bataille qu'il estoit desia

A desia presque quatre heures du soir, & fut la meslee aussi aspre & plus aspre que nulle autre qui eust esté en toute celle guerre. La pointe droite ou estoit Crassus y eut de beaucoup le meilleur, mais la gauche y fut fort pressée & fort endommagée. Ce qu'entendant Sylla & y cuidât aller au secours, monté sur un cheual blanc fort courageux & fort uiste: les ennemis le recogneurent, & y en eut deux qui estendirent les bras pour luy lancer leur iauelines, sans que luy les apperceust: mais son costiller donna un coup de fouet au cheual, qui le feit passer oultre si à point, que les fers des iauelines luy passerent rez à rez de la cueüe, & se planterent en terre. Lon dit qu'il auoit une petite image d'Apollo d'or, qu'il auoit apportée de la uille de Delphes, laquelle il souloit tousiours
B porter en son sein à la guerre, il la prit lors en sa main & la baisa, en disant: O Apollo Pythien, as tu si haultement eleué Cornelius Sylla, le bié fortuné iusques icy par tant de glorieuses uictoires, pour le renuerser maintenant en terre tout à un coup, si hôteusement, aux portes mesmes de son país avec ses ci-toiës. En inuoquant ainsi Apollo à son aide, Sylla se ietta parmy ses gens, en priant les uns, & menassant les autres, iusques à mettre les mains sur aucuns pour les arrester: mais nonobstant cela, toute celle pointe gauche de son armee fut rompue & mise en fuitte par les ennemis, & luy mesme parmy la foule des fuyans fut cōtrainct de regagner son camp de uistesse, aiant perdu plusieurs de ses familiers & amis, & y eut aussi plusieurs de la uille qui estans
C partis pour ueoir le combat seulemēt, y moururēt, & furent foulez aux pieds par les hommes & par les cheuaux, de maniere que lon pensoit desia que ce fust fait de la uille. Et s'en fallut bien peu, que ceulx qui renoient Marius assiegé ne leuassent leur siege, pource que plusieurs fuyans de celle rouverte, donnerent iusques là, qu'ilz dirēt à Lucretius Offella, lequel auoit la superintendence de ce siege, qu'il delogeast le plus tost qu'il pourroit de là, pource q̄ Sylla estoit mort, & la uille de Rome prise par les ennemis. Mais estant ia fort auant en la nuit, il arriua au camp de Sylla quelques gens que Crassus y enuoyoit, qui demandoient à soupper pour luy & pour ses gens, pource que aiant chassé les ennemis, qu'il auoit rompus, iusques à la uille d'Antemna, ou ilz s'estoiēt
D retirez, il s'estoit aussi campé là: ce qu'entendant Sylla, & estant aussi aduertie comme la plus part des ennemis auoit esté desfaitte en la bataille, s'en alla luy mesme le lendemain matin à Antemna, là ou trois mille hommes des ennemis, enuoyerent deuers luy pour sçauoir sil les uoudroit receuoir à mercy, & qu'ilz se rendroient à luy, aux quelz il feit response qu'il leur donneroit la uie si premier que de s'en uenir deuers luy, ilz faisoient quelque dommage à leurs compagnons. Parquoy ces trois mille se fians en ceste promesse, se ruerent sur les autres, de sorte, que pour la pluspart ilz s'entretuerent eulx mesmes les uns les autres. Et neantmoins Sylla aiant fait assembler ce qui
E en estoit demouré, tant de ces trois mille là que des autres, iusques au nombre de six mille hommes, dedans le parc des lices ou lon fait courir les cheuaux, teint le Senat dedans le temple de la deesse Bellone, là ou pendant qu'il faisoit harengue, il auoit ordonné gens pour desfaire & mettre en pieces ces six mille hommes. Si furent les cris que ietterent tant d'hommes que lon tuoit ainsi en peu de lieu, fort grands, comme lon peult penser: tellement que les Senateurs seans en conseil les oyoient facilement, & s'esbaissoient que ce pouoit estre: mais luy continuant tousiours le propos qu'il leur auoit commencé d'un uisage constant, sans muer de couleur, leur dit qu'ilz entendissent seu-

lement à ce qu'il leur disoit, sans se soucier de ce qui se faisoit dehors, pource F
 que c'estoient quelques meschans que lon punissoit par son commandement.
 Cela estoit assez pour faire toucher au doigt au plus grossier qui fust dedans
 Rome, qu'ilz n'auoient que changé seulement de tyran, & qu'ilz n'estoient
 point hors de tyrannie. Mais Marius aiant tousiours esté des son commence-
 ment seuer & austere de nature, ne se chagea point pour puissance qu'il eust,
 & ne feit que tendre & roidir d'auantage, son austerité naturelle : là ou Sylla
 aiant du commencement uzé modereement & ciuilement de sa fortune, &
 aiant donné opinion de soy, que fil uenoit à auoir l'autorité souueraine de
 prince, il fauoriferoit bien la noblesse, mais neantmoins aimeroit aussi l'uti- G
 lité du peuple : & d'auantage aiant esté en sa ieunesse homme de plaisir, aimât
 à rire, tendre à pitié, iusques à plorer facilement, & puis à la fin estant devenu
 ainsi cruel, feit non sans cause, calumnier & condamner les grands accroisse-
 mens de puissance & d'honneurs, d'estre cause que les meurs des hommes ne
 demeurent pas telles qu'elles estoient du commencement, ains se vont chan-
 geât, & rendēt les uns folz, les autres uains, & les autres cruelz & inhumains :
 toutefois si cela fut un changement de nature produit par la mutation de for-
 tune, ou bien plustost une descouuerture de malignité cachee, qui uint à se
 descouurir quand elle eut moien & licence de le faire, ce seroit à un autre for-
 te de traitté à le decider. Tant y a, que Sylla se ietta au sang, & emplit la uille de
 Rome de meurtres sans fin & sans nombre : car il y en eut plusieurs tuez pour H
 inimitiez particulieres, qui n'auoient iamais eu rien à demesler avec Sylla, le-
 quel permettoit à ses amis & à ceulx qu'il auoit autour de luy, de cōmettre de
 telz excès, iusques à ce qu'il y eut un ieune hōme nommé Caius Metellus qui
 prit la hardiesse de luy demander en plein Senat, quand seroit la fin de tant
 de maulx, & quand ilz arriueroyent à tel but qu'ilz se peussent asseurer de ne
 ueoir desormais plus les miseres qu'ilz uoyoyent tous les iours : car nous ne
 uoulons pas te prier de pardonner à ceulx que tu as deliberé de faire mourir,
 mais bien de oster de doubte ceulx que tu as resolu de sauuer. A quoy Sylla
 respōdit, qu'il n'estoit pas encore bien resolu de ceulx qu'il deuoit sauuer. Me-
 tellus luy repliqua, Declare au moins ceulx que tu ueux faire mourir. Sylla I
 respondit, que si feroit il. Toutefois aucuns disent que ce ne fut pas Metellus,
 mais Aufidius, l'un de ses flatteurs, qui luy dit ceste derniere parole. Parquoy
 Sylla incontinent sans en parler ny cōmuniquer à pas un des magistrats, pu-
 blia par affiches les noms de quatreuingts qu'il uouloit faire mourir, dequoy
 chascun estant malcōtent, il en publiā un iour apres autres deux cēts & uingt,
 & consequemment le troisieme iour encore autant. Surquoy faisant une ha-
 rengue au peuple, il dit publiquement, qu'il auoit proscrip̃t & condamné
 à mourir ceulx dont il festoit peu souuenir : mais qu'il proscriroit puis apres à
 la iournee ceulx qui luy uiendroyent en souuenance. Celuy qui sauuoit en sa
 maison un proscrip̃t, pour loyer de ceste humanité, estoit luy mesme condē-
 né & banny, sans excepter ceulx qui auroient recueilly leurs freres, leurs filz, K
 leurs peres, ou leurs meres : & le pris de l'homicide qui tuoit un des proscrip̃ts,
 estoit deux talents, qui sont douze cēts escus : quoy que ce fust un esclau qui
 eust tué son maistre, ou un filz qui eust tué son pere : & ce qui fut trouué en-
 core plus iniuste que tout, c'est qu'il nota d'infamie les enfans, & les enfans des
 enfans de ceulx qu'il auoit proscrip̃ts, & confisqua tous leurs biens. Ce qui ne
 se faisoit pas seulement à Rome, mais aussi en toutes les uilles de l'Italie, & n'y
 auoit

A auoit temple de quelque dieu que ce fust, ny autel domestique, ou franchise d'hospitalité, ny maison paternelle qui ne fust souillee de sang, & cõtaminee de meurtre, car les maris estoient tuez entre les bras de leurs femmes, & les enfans au giron de leurs meres, encore n'estoit ce rien de ceulx que lon tuoit par haine & inimitié priuée, aupres de ceulx que lon meurtrissoit pour auoir leurs biens: & pouuoient bié dire ceulx qui les tuoiet, Son beau grád logis fait mourir cestuy cy: son beau iardin, celuy là: un autre, ses baings naturelz: comme entre les autres Quintus Aurelius, homme qui ne s'estoit iamais entremis ny melle de rien, & qui ne pensoit que ces maulx luy deussent toucher en rien de plus pres, que d'auoir pitié de ceulx qu'il uoyoit ainsi miserablemēt tuez, s'en alla un iour sur la place, là ou en lisant le rolle des noms de ceulx qui estoient proscripts par affiches, il y trouua le sien entre les autres, & s'escria tout hault, O malheureux que ie suis! helas ma maison d'Alba me fait mourir. Il n'alla pas gueres loing de là qu'il rencontra un qui le tua. Ce pendant le ieune Marius uoiant bien qu'il ne pouuoit eschapper qu'il ne fust pris, se desfeit luy mesme. Et Sylla se transportant à Preneste fait du commencement le proces à ceulx de la uille, un à un, gardant quelque forme de iustice à les faire punir: mais depuis, comme fil n'eust pas eu loisir de tant y uacquer, il les fait assembler tous en un lieu, iusques au nombre de douze mille hōmes, qu'il fait passer tous au fil de l'espee, exceptant seulement son hoste, auquel il dit qu'il faisoit grace de luy sauuer la uie: mais l'hoste luy respondit magnanimement, qu'il ne feroit iamais tenu de sa uie à celuy qui auroit ainsi tué & meurtry tous ceulx de son país, & se iettant parmy ses citoiens, se fait uoluntairement occire quand & eulx. Lon trouua aussi fort estrange l'acte de Lucius Catilina, lequel auparauant que ceste guerre ciuile fust terminee auoit occis son propre frere, & lors il pria Sylla qu'il le meist au nombre des proscripts, cōme s'il eust esté encore uiuāt, ce qu'il fit, & pour luy rendre graces de ce plaisir, alla tout de ce pas occire un Marcus Marius qui estoit de la partie & faction cōtraire, & luy en apporta la teste publiquemēt deuant tout le mōde, au milieu de la place ou il estoit assis: & cela fait s'en alla lauer ses mains souillees de sang, dedans le benoistier du tēple d'Apollo qui estoit pres de là. Mais oultre tāt de meurtres encore y auoit il d'autres choses qui desplaisoient fort au monde: car il se declara luy mesme Dictateur, lequel magistrat n'auoit esté il y auoit bien six uingts ans à Rome, & se fait decerner abolition generale de tout le passé, & pour l'aduenir licence de faire mourir qui bon luy sembleroit, cōfisqueer biens, repeupler uilles, en fonder de nouuelles ou en saccager & destruire d'aciens, oster royaumes & les donner à qui il luy plairoit. Qui plus est, il uēdit publiquement à l'encan les biens qu'il auoit cōfisquez, si fieremēt & si superbemēt feant en son tribunal, qu'il faisoit plus de mal aux assistās de les ueoir estrouffer à ceulx à qui il les adiugeoit, que de les oster à ceulx qu'il cōfisquoit, don-

E nāt aucune fois tout un país, ou tout le reuenu de quelques uilles à des femmes pour leur beauté, ou à des farceurs plaisans, menestriers, ou à de meschans esclaves affranchiz, & à aucuns des femmes ailleurs mariees, qu'il ostoit à leurs legitimes maris par force pour les leur faire espouser malgré elles. Car uoulant, comment que ce fust, s'allier de Pompeius Magnus, il luy commanda de repudier la femme qu'il auoit espousee, & osta à Magn^o Glabrio Æmylia fille d'Æmylius Scaurus, & de Metella sa femme, & la luy fait espouser toute grosse qu'elle estoit de son premier mary: mais elle mourut en trauail d'enfant au

Sylla.

logis de Pompeius: & comme Lucretius Ofella, celuy qui auoit cōduit le ieune Marius à l'extremité, poursuuiſt & demandaſt l'office du Conſulat, Sylla premierement luy feit defence qu'il ne le demandaſt: toutefois nonobſtant ſa defence, il ſ'en alla un iour ſur la place avec grande ſuite de gens qui fauoriſoient à ſa pourſuite. Sylla y enuoya un centenier des ſatellites qu'il auoit autour luy, qui le tua deuant tout le monde, pendāt que luy eſtoit aſſis en ſon tribunal au temple de Caſtor & de Pollux, regardāt d'en hault faire ce meurtre. Le peuple qui ſe trouua à l'entour, faiſit incontinent le meurtrier, & le mena deuant Sylla: lequel commanda à ceulx qui le luy preſentoient en tumulte, qu'ilz ſe reuſſent, & qu'ilz laiſſaſſent aller le centenier, pource que c'eſtoit par ſon commandement qu'il l'auoit faiſt. Au demourant, quant à ſon triumphe, il fut bien ſurperbe & magnifique à ueoir pour la nouveauté, ri cheſſe & ſumptuoſité des deſpouilles royales, qui furent portees à la monſtre: mais encore fut il bien plus embelly & plus digne de ueoir pour les ban nits, qui eſtoient les plus nobles & les plus puiffans perſonnages de toute la uille, qui ſuyuient ſon chariot triumpbal, eſtans couronnez de chapeaux de fleurs, appellans Sylla leur pere & leur ſauueur, à cauſe que par ſon moien ilz retournoient en leur païs, & recouuroient leurs biēs, leurs femmes & leurs enfans. A la fin de ce triumphe il feit une harēgue en pleine aſſemblee du peuple Romain, en laquelle rendant compte & raiſon des choſes par luy faittes ſuyuans la couſtume, il ne recita pas moins ſoigneuſement ſes bonnes aduē tures & proſperitez q̄ ſes uailances & proueſſes: & finalement dit, qu'il uou loit que pour la faueur que luy auoit fait fortune, on le ſurnōmaſt Felix, c'eſt à dire, heureux ou bien fortuné, & luymeſme quand il eſcriuoit aux Grecs ou qu'il traittoit d'affaires avec eulx, ſe ſurnommoit Epaphrodytus, comme qui diroit, aimé & fauoriſé de Venus. Ses trophées meſmes qui ſont encore en no ſtre païs, ont ceſte ſuſcription, Lucius Cornelius Sylla Epaphrodytus. Et comme ſa femme Metella luy euſt fait deux enfans iumeaux, filz & fille, il nō ma le filz Fauſtus, qui ſignifie heureux, & la fille Fauſta, pource que les Ro mains appellent Fauſtum, ce qui ſuccede proſperement & par grād heur. Brief il ſe fioit de tant plus en ſon heur & en ſa bonne fortune qu'en ſes faiſts, que combien qu'il euſt tant tué & fait mourir de gens, & qu'il euſt fait un ſi grand changement & une ſi grande innouation en la choſe publique, ce neant moins encore ſe depoſa il luymeſme uoluntairement de ſon eſtāt de Dicta teur, & remeit entre les mains du peuple l'authorité d'elire les Conſuls, ſans qu'il entreuint à l'election, hantant comme perſonne priuee parmy les autres citoiēs en la place, & expoſant ſa perſonne à qui luy euſt uoulu demāder com pte & raiſon du paſſé. Si y eut un ſien ennemy, homme audacieux & teme raire, nommé Marcus Lepidus, qui fut eleu Conſul contre ſa uolunté, non ia pour affection que le peuple portaſt à ce Lepidus, mais pour gratifier à Pom peius qui le portoit & luy fauoriſoit: parquoy Sylla uoiant Pompeius qui ſ'en retournoit de l'electiō en ſa maiſon, biē ioyeux d'auoir emporté la uictoire de celle brigade, il l'appella & luy dit: Vrayemēt tu as biē cauſe de te reſiouir, ieune filz mon amy, car tu as fait un beau chef d'œuvre, aiant fait elire Cōſul Le pidus le plus eſtourdy fol qui ſoit en toute ceſte uille, plus toſt que Catulus le plus homme de bien qui y ſoit: mais ie t'aduerry bien d'une choſe, c'eſt qu'il ne te fault pas dormir maintenant, car tu as armé & fortiſié un ennemy qui te fe ra à toy meſme la guerre. Ceſte parole de Sylla fut une ueritable prophetie,

- A** car Lepidus incontinent feit tant d'insolences, que bien tost il fut aux prises avec Pompeius. Au surplus Sylla donnant & consacrant à Hercules la dixme de tous ses biës, feit de sumptueux festins au peuple Romain, desquelz les preparatifz furent si grands & si excessifz, que lon iettoit par chascun iour grande quantité de uiandes dedans la riuere, & y beuuoit on du uin de quarante ans & plus. Pendant lesquelz festins, qui durerent par plusieurs iours, Metella sa femme deceda de maladie, durant laquelle les prestres & deuins l'aduertirët, qu'il ne falloit pas qu'il s'approchast d'elle, ne que sa maison fust pollue du deuil d'un trespasé, au moien dequoy Sylla feit diuorce avec elle malade, & la feit trāsporter qu'elle estoit encore uiuante, en une autre maison. Ainsi ob-
- B** serua il bien soigneusement ceste ordonnance des deuins par une superstitiō: mais il transgressa la loy qu'il auoit luymesme faite, touchant le reglement des funerailles, n'espargnant despence quelconque en celles de Metella, aussi feit il celle qu'il auoit semblablement faite luymesme, touchant la reformation des banquetz, reconfortāt son deuil par festins ordinaires pleins de toutes delices & de toute dissolution. Quelques mois apres il se feit des ieux d'escrime à oultrance, & n'estans point encore les places distinguees au theatre, ains seans les hommes pesse melle parmy les femmes, il se trouua ioignant Sylla une Dame affise, belle de uisage, & de grande maison: car elle estoit fille de Messala, & sœur de Hortēsius l'orateur, nommee Valeria, laquelle auoit de-
- C** nagueres fait diuorcé avec son mary: ceste Dame en passant au long de Sylla par derriere, s'appuya un peu de la main sur son espaule, & luy osta un poil de dessus sa robbe, puis passa oultre & s'alla seoir en sa place. Sylla s'esmerueillā de ceste priuaulté, & la regarda: adonc elle luy dit, Ce n'est rien, Seigneur, sinon que ie desire aussi bien que les autres, me sentir un peu de ta felicité. Ceste parole ne despleut point à Sylla, ains au cōtraire il donna à cognoistre qu'elle l'auoit chatouillé: car il luy enuoya incontinent demander son nom, & s'enquit de quelle gens elle estoit, & comment elle auoit uescu, & depuis cela ilz sentreietterent force œillades, & tournerent à tout propos le uisage l'un uers l'autre, & s'entr'enuoyerent des ris l'un à l'autre, tant qu'à la fin ilz uindrēt aux
- D** promesses & conuentions de mariage, pour lequel Valeria à l'aduenture ne merite point de reprehension: mais encore qu'elle fust la plus honeste, la plus sage, & la plus uertueuse du monde, si est-ce que l'occasion qui eueut Sylla à l'espouser, ne fut ny belle ny bonne, pource qu'il fut incontinent espris par un regard & un parler affecté, cōme si c'eust esté quelque ieune garson: & ce sont ordinairement les plus laides & les plus honteuses passions de l'ame, qui se mouuent de telles choses: toutefois encore qu'il eust ceste ieune Dame en sa maison, si ne laissoit il pas de tenir continuellemēt chez soy des menestrieres & basteleuses, & d'auoir tousiours en sa cōpagnie des farceurs plaisans, chātres & Musiciens, avec lesquelz il beuuoit & yurongnoit sur de petits liēts bas
- E** tout le long du iour: car ceulx qui lors auoient plus de credit à l'entour de luy estoient un Roscius ioueur de farces, un Sorex maistre bouffon, & un Metrobius chantre, duquel il fut tousiours, tant qu'il uescut, amoureux, & ne le dissimuloit pas, encore qu'il fust hors d'aage d'estre aimé. Ceste uie dissoluē fut cause de luy augmēter sa maladie, dont la cause primitiue fut legere du commencement: car il fut long temps sans s'appercevoir qu'il auoit une apostume dedans le corps, laquelle par successiō de temps uint à corrompre sa chair, de sorte qu'elle la tourna toute en poulx, tellement que combien qu'il y eust

Sylla.

plusieurs personnes apres à l'espouiller nuit & iour, ce n'estoit encore rien de F
ce que lon en ostoit au pris de ce qui reuenoit, & n'y auoit uestement, linge,
baing, lauatoire, ny viande mesme, qui ne fust incōtinent remplie du flux de
ceste ordure & uillanie, tant il en sortoit: car il entroit plusieurs fois le iour
dedans le baing pour se lauer & nettoyer: mais tout cela ne seruoit de rien, car
la mutation de sa chair en ceste pourriture le gaignoit incontīnēt de uistesse,
& n'y auoit moien de nettoyer qui peust suffire à si grande quantité. Lon dit
que iadis entre les plus anciens hommes dont il soit memoire, Acastus filz de
Pelias mourut de ceste maladie de poux, & lōg temps depuis le poēte Alcma,
& Pherecydes le Theologien, aussi fait Callisthenes Olynthien estant detenu
en prison, & Mutius homme sçauant es loix, & fil fault faire mētion de ceulx G
qui sont renommez, encore que ce ne soit pour nulle cause bonne, lon treuve
qu'un serf fugitif nōmé Eunus, celuy qui suscita le premier la guerre des serfs
en la Sicile, aiāt esté pris & mené à Rome, mourut aussi de ceste mesme mala-
die. Au demourant, Sylla non seulement preueit sa mort, mais aussi en escri-
uit aucunement: car il acheua, d'escrire le uingt & deuxieme liure de ses com-
mentaires deux iours auant qu'il trespast, auquel liure il dit, que les deuins
de Chaldæe luy auoiēt predict qu'il falloir, apres auoir honorablemēt uescu,
qu'il decedast en la fleur de ses prosperitez, & dit encore que son filz, lequel e-
stoit decedé un peu auant Metella sa femme, s'apparut à luy en dormant uestu
d'une meschante robbe, & que s'approchant de luy il le pria de ne se trauailler H
plus, & qu'il s'en allast avec luy deuers Metella sa mere pour desormais uiure
avec elle en paix & en repos, toutefois pour sa maladie il ne laissa pas de s'en-
tremettre encore des affaires publiques: car dix iours auant son trespas, il pa-
cifia une sedition qui festoit emeuē entre les habitans de la uille de Puteches,
& leur establit des statuts & ordonnances, suyuant lesquelles ilz auroient de
là en auant à uiure & à se gouuerner, & le iour de deuant qu'il trespast estāt
aduerty que Granius qui deuoit de l'argent à la chose publique, différoir de
payer, attēdant sa mort, il l'enuoya querir & le fait uenir en sa chambre, là ou
si tost qu'il fut uenu il le fait enuironner par ses ministres, & leur commanda
de l'estrangler deuant luy: mais à force de crier apres luy & de se tourmenter, I
il fait creuer l'apostume qu'il auoit dedans le corps, & rendit grande quantité
de sang, au moien dequoy luy estant toute force faillie, il passa la nuit en
grande agonie, & puis mourut laissant deux petits enfans de Metella: car Va-
leria depuis sa mort accoucha d'une fille, qui fut appelée Posthuma, pource
que les Romains appellēt Posthumes, les enfans qui naissent apres la mort de
leurs peres. Si tost qu'il fut decedé, plusieurs se retirerent deuers le Consul Le-
pidus, & se banderent avec luy pour empescher que son corps ne fust hono-
rablement inhumé, comme lon auoit accoustumé de faire aux personnes de
sa qualité: mais Pompeius, encore qu'il fust mal cōtent de luy, à cause que par
son testament il ne luy auoit rien laissé, comme il auoit fait à tous ses autres K
amis, en fait deporter les uns par amour & par prieres, & les autres par menas-
ses, & accompagna le corps iusques dedans Rome, donnant au conuoy de ses
funerailles & seureté & honneur tout ensemble: & dit on que les Dames Ro-
maines entre autres choses y contribuerent si grande quantité de senteurs &
de drogues odorantes à faire parfums, que oultre celles qui furent portees en
deux cents & dix mannes on en forma une fort grande image à la semblance
de Sylla mesme, & une autre d'un massier portant les haches deuant luy tou-

- A tes faittes d'encens fort exquis & de cinamome. Quand uint le iour prefix aux funeraillles on se doubtoit le matin qu'il deust plouuoir, à cause que le ciel se tenoit tout couuert, tellement qu'ilz n'enleuerent point le corps pour le porter au feu qu'il ne fust bien enuiron sur les trois heures apres midy, & lors il se leua soudain une bouffee de uent impetueux qui enflamma incontinent tout le bucher, de sorte que le corps fut en peu d'heure tout consumé auant que la pluye commenceast, & sur la fin que le bucher s'en alloit declinant, & le feu assopissant, il tumba une fort grosse pluye qui dura toute la nuit, de maniere qu'il sembla que la bonne fortune l'accompagnant iusques au bout, aida encore apres sa mort à ses obseques. Sa sepulture est sur le champ de Mars, & dit
- B on que luy mesme feit l'inscription de l'Epitaphe qui est dessus escript, dont la substance est en somme, que iamais homme ne le passa ny à faire bien à ses amis, ny à faire mal à ses ennemis.

LA COMPARAISON DE SYLLA AVEC LYSANDER.



- R maintenant que nous auõs exposé au long la uie du Romain aussi, uenons à les comparer ensemble. Ilz ont donques cela commun entre eulx, que tous deux se sont faits grands, aians pris en eulx mesmes le commencement de leur croissance: mais cela est propre & particulier à Lysander, que tous les offices & degrez
- C de dignité qu'il a euz en sa chose publique, ce a esté du gré & du consentemēt de ses citoiens estans de sain iugement: car il ne les a forcez à rien, ny n'a usurpé aucune puissance extraordinaire sur eulx contre les loix: là ou, comme dit le commun prouerbe,

O u discord regne & partialité,
 Le plus meschant a lieu d'autorité.

- Comme pour lors à Rome le peuple estant corrompu, & l'estat du gouuernement depraué & gasté, il sy leuoit aujourd'hui un tyran, & demain un autre: au moien dequoy il ne se fault point esmerueiller si Sylla usurpa la domination, là ou de telles gens comme un Glaucia, & un Saturninus chassoient de
- D la uille, & faisoient bannir de telz personages comme Metellus, & là ou en pleine assemblee de uille on tuoit sur la place les filz des Consuls, là ou lon auoit la force des armes par or & par argent dont on acheptoit les soudards, & ou lon faisoit passer les edicts & ordonnances nouuelles auec le feu & l'espee, dont on forceoit les contredisans. Toutefois ie ne dis pas cela pour reprendre celuy qui parmy tant de difficultez a trouué moien de se faire le plus grand, mais pour môstrer que ie n'estime pas le plus homme de bien celuy qui a esté le premier en une uille si fort deprauee, & que celuy qui fut enuoyé de Sparte, alors qu'elle estoit la miculx policee & miculx ordōnce, aux plus grāds affaires, & aux plus honorables charges, estoit reputé le meilleur des meilleurs, &
- E le premier des premiers: dont il aduint que l'un rendoit souuent son autorité à ses citoiens qui la luy auoient baillee, lesquelz la luy rebaillerent par plusieurs fois, pource que l'honneur de la uertu luy demouroit tousiours, qui le rendoit le premier: là ou l'autre aiant une fois seulement esté eleu chef d'une armee, demoura dix ans entiers cōtinuellement en armes, se faisant luy mesme par force tantost Consul, tantost Viceconsul, & tantost Dictateur, mais tousiours demourant tyran. Il est bien uray que Lysander attenta de remuer & changer l'estat du gouuernement de son païs, mais ce fut plus doucement

& plus legitiment que Sylla: car il le uolut faire avec remonstrance de la F
raison, non point avec les armes au poing, & si ne uouloit pas changer toutes
choses à un coup comme l'autre, ains uouloit seulement corriger l'election
des Roys: ce qui selon nature sans point de doubte sembloit iuste, que celuy
qui entre les bons seroit le meilleur, fust eleu Roy en celle cité qui tenoit la
principaulté sur toute la Grece, nō point pour sa noblesse, mais seulement pour
sa uertu. Car tout ainsi que le bō ueneur ne cherche pas ce qui est né d'un bon
chien, mais le chien mesme qui soit bon: ny semblablement le sage homme
d'armes, ce qui est né d'un cheual, mais le cheual mesme: aussi celuy qui s'en-
tremet d'establiir un gouuernement polirique, commet une lourde faulte, fil
s'amuse à chercher de qui deura naistre son prince, & nō pas quel il sera, atten- G
du que les Spartiates mesmes ont priué aucuns de leurs Roys de la couronne
& royauté, pource qu'ilz n'estoient point royaux, ains hommes inutiles &
personnes de neāt. Le uice, encore qu'il soit en un subiect ou il y a noblesse de
sang, est tousiours infame: & la uertu est honoree pour l'amour de soymes-
me, & nō pour estre ioincte à la noblesse. Quant aux torts & iniustices qu'ilz
ont tous deux commises, l'un les a commises pour ses amis, & l'autre iusques
à offenser ses amis: car il est certain que Lyfander fait beaucoup de uiolences
pour gratifier à ses familiers, & que la pluspart des hommes qu'il fait mourir
fut pour establiir la tyrannique domination d'aucuns de ses amis: là ou Sylla
tascha par enuie à oster son armee à Pompeius, & à Dolabella la superinten- H
dence de la marine que luy mesme luy auoit baillee, & fait occire publique-
ment deuant ses propres yeux Lucretius Ofella, qui pour recompēse de plu-
sieurs grands seruices qu'il auoit faits, demandoit l'honneur du Consulat: en
quoy faisant il donna grande frayeur à tout le monde, de faire ainsi tuer ses
propres amis. D'auantage leurs deportemens, quāt à l'auarice & à la uolupté,
monstrent que l'intention de l'un estoit celle d'un bon prince, & celle de l'aut-
re d'un tyran: car on ne treuve point que Lyfander en si grande puissance &
si grande authorité comme il eut, ait iamais fait acte d'intemperance, ny de
dissolution, ains a tousiours euité, autant que fait onques homme, le repro-
che de ce commun proverbe,

Lions chez eulx, & regnards au dehors.

Tant il a tousiours mené une uie ueritablement Laconique, & estroittement
reformee en tout & par tout, là ou Sylla ne fut iamais moderé en ses concupi-
scences, ny par pauureté lors qu'il estoit ieune, ny par l'aage apres qu'il fut de-
uenue uieil, ains en faisant des ordōnances à ses citoiens touchant l'honesteté
des mariages, & touchant la continence, luy ce pendant ne faisoit que uac-
quer à l'amour & cōmettre adulteres, ainsi que l'escrit Salustius, dōt il aduint
qu'il appauurit & espuisā tant la uille de Rome d'or & d'argent, qu'il uendit
à deniers comptans affranchissement entier & pleine exemption à des uilles
alliees & confederees, encore que tous les iours il ne feist autre chose, que cō- K
fiscquer & soubhaster les plus riches maisons & plus argenteuses qui fussent en
la uille: mais cela ne montoit encore rien aupres de ce qu'il respendoit tous
les iours, & qu'il iettoit à ses plaisans & à ses flatteurs. Car quelle espargne ny
quelle mesure deuōs nous estimer qu'il gardast es dons qu'il faisoit à parten
ses bancquets priuez, ueu que le iour en public, estant tout le peuple Romain
à l'entour de luy à le ueoir uendre les biens qu'il auoit confisquees, il fait es-
trouffer pour bien petit pris une fort grande cheuāce à l'un de ses familiers &

A amis: & cōme quelque autre y eust mis par dessus luy i. ne grosse enchiere, & le crieur l'eust crice à haulte uoix, il s'en courroucea, disant, Mes amis lō me fait icy un grand tort, de ne me permettre point que ie uēde mon butin à ma uoulūre, & d'en disposer cōme ie uoudray: là ou Lyfander au cōtraire enuoya au public de Sparte avec l'autre argent, les presens mesmes que lon luy auoit particulièrement donnez: combien que ie ne louē pas ce qu'il feist en cest endroit, car à l'aduenture feist il plus de dommage à Sparte, en y introduisant l'or & l'argent, que Sylla ne feist à Rome, en l'en espuisant & appauurissant, mais ie l'allegue pour prouuer seulemēt & monstrier qu'il n'estoit auaricieux aucunement. Ilz ont bien tous deux fait chascun enuers sa uille, ce que lon ne treuve point qu'autres qu'eulx aient onques fait: car Sylla estant homme superflu, desordonné & dissolu, rendit ses citoiens reformez & reglez: & Lyfander, au contraire, emplit sa uille de uices, dōt il n'estoit point entaché. Ainsi pecherent ilz tous deux, l'un en ne gardant pas ce qu'il commandoit par ses loix, & l'autre en rendant ses citoiens pires que soy: car il enseigna aux Spartiates à conuoiter les choses que luy mesme auoit apprises à mespriser. Voyla quant aux affaires de paix, & aux choses ciuiles. Au demourant quant aux exploits de guerre & aux faictz d'armes, il n'y a point de cōparaison de Lyfander à Sylla, ny en nombre de uictōires, ny en hazard de batailles: car Lyfander ne gaigna seulemēt que deux batailles naualles: ie luy adiouteray encore la prise d'Athenes, qui ne fut pas, à considerer la chose en soy, un grand exploit de guerre, mais biē, à cōsiderer la reputatiō qu'il en acquit, fut-ce un acte tresglorieux. Et quāt aux choses qui luy aduindrēt en la Bœoe, ioignant la uille d'Aliarte, on pourroit dire à l'aduenture, qu'il y eut du malheur: mais aussi me semble il, qu'il y eut bien de sa faulte, de n'auoir pas attēdu le gros renfort qui luy uenoit de l'armee du Roy, qui arriua de Plataēs incontinent apres sa desfaiete, & par un courroux & une uaine ambition, il alla auant le temps donner de la teste contre une muraille: tellement que des hommes telz quelz, faisans une saillie sur luy, le desfeirēt sans propos. Car ce ne fut point comme Cleombrotus qui mourut en la iournee de Leuctres, en faisant teste aux ennemis qui pressoient fort les gens: ny comme Cyrus, ou comme Epaninondas, qui pour arrester les gens qui branloient, & pour leur dōner la uictōire assuree, receut un coup mortel, car tous ceulx là moururent ainsi que doibt mourir un magnanime Roy, & un uaillant capitaine: là ou Lyfander s'alla temerairement perdre luy mesme sans honneur, cōme un simple aduēturier, ou auantcoureur, tesmoignant que les anciens Spartiates faisoient sagement de foudrir à combattre des murailles, pource que le plus homme de bien & le plus uaillant du monde y peult estre tué, non seulement par le soudard premier uenu, mais aussi par une femme, ou par un enfant, ainsi que lon dit, que le preux Achilles fut mis à mort par Paris dedans les portes mesmes de Troie.

E Au contraire, il ne seroit pas aisé de nombrer seulemēt les uictōires que Sylla gaigna en batailles reengees, & les milliers d'ennemis qu'il occit, oultre ce qu'il prit par deux fois la uille de Rome mesme, & le port d'Athenes, non par famine, comme feist Lyfander: mais par force, apres auoir par plusieurs grosses batailles chassé Archelaus hors de la terre ferme, & rengé à la marine: & si fait à considerer contre quelz capitaines ilz ont tous deux eu affaire, car il m'est aduis que ce n'estoit qu'un esbat & un ieu, par maniere de dire, à Lyfander, de combattre un Anuichus pilote d'Alcibiades, ou de surprendre &

abuser un Philocles harengueur du peuple Athenien:

D uquel la langue en peu d'honneur preschante,

E stoit trop plus que l'espect trenchante:

& que Mithridates à mon aduis, n'eust pas daigné accôparer à l'un de ses palefreniers, ny Marius à l'un de ses sergens ou massiers: là ou, pour ne nommer point particulièrement tous les autres Princes, Seigneurs, Consulz, Præteurs, Capitaines & Gouverneurs, que Sylla eut à combattre, qui estoit le capitaine Romain, qui fust plus à redoubter que Marius? quel Roy y auoit il au monde plus puissant que Mithridates? & des chefs de guerre Italiens, y en eut il onques de plus belliqueux que Lamponius & Telesinus, desquelz Sylla en chassa l'un, en dompta l'autre, & tua les deux derniers? Mais, qui plus est encore que tout ce que nous auôs dit, à mon aduis, Lyfander fait tous ces beaux faictz à l'aide de tout son païs: là ou, à l'opposite, Sylla fait les siens estant banny du sien par ses ennemis: & au mesme temps que lon luy chassoit sa femme, qu'on luy demolissoit sa maison, qu'on luy tuoit ses amis à Rome, luy faisoit ce pendant la guerre à milliers innumerables de combattans en la Bœoce, & exposoit sa personne aux hazards de la guere, dont il demoura en fin uictorieux au bien & à l'honneur de son païs: ne pour alliance particuliere que le roy Mithridates luy feist offrir, & secours de gens & d'argent pour aller guerroyer ses ennemis, iamais il ne fleschit, ny ne s'amollit enuers luy, ains qui plus est, ne luy daigna pas parler ny toucher en la main seulement, que premier il ne luy eust luy mesme dit & promis de sa propre bouche, qu'il quitteroit & laisseroit l'Asie, qu'il liureroit ses galeres, & rendroit les royaumes de la Bithynie, & de la Cappadocie à leurs Roys naturelz: ce qui me semble auoir esté le plus bel acte que fait onques Sylla, & qui procedoit de plus grande magnanimité, d'auoir ainsi postposé son particulier au public, ne plus ne moins que les chiens de gentil cueur, qui iamais ne laissent leur prise, ny iamais ne demordét, que leur aduersaire ne soit abbatu, & puis apres s'en estre allé pourfuiure la uengeance de ses particulieres iniures. Encore apres tout me semble il, que lon peult iuger quelle difference il y auoit entre leurs deux natures, par ce qu'ilz feirent à l'endroit de la uille d'Athenes: car Sylla l'ayant prise apres qu'elle luy eut fait la guerre forte & ferme pour l'accroissement de la seigneurie du roy Mithridates, encore la laissa il libre, franche, & uiuante à ses loix: & au contraire, Lyfander la uoiant despouillee d'un si bel empire & si grande principaulté qu'elle souloit auoir, n'en eut point de pitié, ains la priua de la liberré du gouuernement populaire, auquel elle auoit de tout temps auparauât uescu, & y establit de trescruels & tresiniques tyrans: pourtant m'est-il aduis, que nous ne nous esloignerons pas fort de la uerité, quand nous en ferons ce iugement, que Sylla fait bien de plus grandes choses, mais que Lyfander cōmeit moins de fautes: & quand nous adiugerons à l'un l'honneur de continence & de temperance, & à l'autre de uaillance & de suffisance au faict des armés.

A E deuin Peripoltas, celuy qui amena de Theſſalie au païs de la Bœoce, le roy Opheltas, avec les peuples q̄ eſtoient ſoubz ſon obeiffance, laiſſa une poſterité qui depuis a flory long temps au païs, la plus part de laquelle ſ'habitua en la uille de Chæronce, pource que ce fut la premiere par eulx conquiſe ſur les Barbares qu'ilz en dechafferent. Mais ceulx de ceſte race eſtans ordinairement gens de grand cueur, & naturellemēt enclins aux armes, ſe hazarderēt tant à tous dāgers de la guerre es courſes des Medois par la Grece & batailles des Gaulois, qu'ilz y demourerēt preſque tous, & n'en eſchappa qu'un petit enfant orphelin de pere & de mere nōmé Damon, & ſurnōmé Peripoltas, lequel ſurpaſſa grandemēt tous les autres ieunes hommes de ſon temps tant en beaulté de corps qu'en grandeur de courage, combien qu'il fuſt au demourant homme dur, rude & auſtere de ſa nature. Or aduint il qu'au ſortir de ſon enfance, un Romain capitaine d'une enſeigne de gens de pied, laquelle eſtoit en garniſon dedans la uille de Chæronce pour y paſſer l'hyuer, deuint amoureux de luy, & pource qu'il ne le pouuoit gagner ny par prieres, ny par dons, il y auoit grāde apparence qu'il ſ'efforceroit & taſcheroit à en iouyr par force, pourautant meſmement que la uille de Chæronce, qui eſt le lieu de ma naiſſance, eſtoit pour lors bien peu de choſe, & dont pour ſa foibleſſe & pauureté on faiſoit adonc bien peu de compte. Ce que Damon craignant, & quand & quand prenant à cueur qu'il fuſt ainſi uillainement ſollicité de ſon deſhonneur, ſe delibera de luy dresser embuſche, & feit tant qu'il attira aucuns de ſes compagnons non en grand nombre, à fin que l'entrepriſe ſe peult conduire plus ſecretement à cōiurer avec luy contre ce capitaine. Si furēt ſeize cōiurez en tout, qui une nuit ſe barbouillerent les uiſages de ſuye, & le matin apres auoir beu enſemble, au poinct du iour coururent ſus à ce Romain qui faiſoit un ſacrifice ſur la place, & le tuerent avec bon nombre de ſes gens, puis cela fait ſ'enfouyrent hors de la uille, laquelle ſe trouua grandement troublee pour ce meurtre, & fut aſſemblé le conſeil la deſſus, qui condamna ſur le champ Damon & ſes complices à mourir, à fin que cela leur ſeruiſt de deſcharges & de iuſtification enuers les Romains: mais le ſeoir meſme, ainſi que tous les magiſtrats & officiers de la uille ſouppoient enſemble dedans le palais ſelon la couſtume, Damon & ſes adherens entrerent d'emblee au lieu ou ilz eſtoient, qui les occirent tous, & puis ſ'en refouirent une autre fois hors de la uille. Or aduint qu'environ ce temps là Lucius Lucullus allant en quelque expedition, paſſa avec ſon armee par la uille de Chæronce, & pource que le cas eſtoit lors freſchemēt aduenue, ſ'y arreſta quelques iours pour informer du faiet & en ſçauoir la uerité: ſi trouua que la communaulté de la uille n'en eſtoit aucunemēt coupable, ains que plus toſt elle meſme auoit auſſi eſté oultragee, parquoy il prit les ſoudards qui eſtoient demourez de la garniſon, & les emmena quand & luy. Ce pendāt Damon couroit & pilloit tout le plat païs, & rodoit touſiours à l'entour de la uille, tellement que les habitans à la fin furent contraincts d'enuoyer deuers luy, & par doulces paroles & decrets fauorables, feirent tant qu'ilz l'attirerent en la uille, là ou retourné qu'il fut, ilz l'eleurent Gymnaſiarche, c'eſt à dire, maiſtre des exercices de la ieuneſſe: mais peu apres, ainſi qu'il ſe faiſoit un iour frotter d'huyle tout nud dedans l'eſtuue, ilz le tuerent en trahiſon: & pourau-

tant qu'il fut longuement qu'en ce lieu là apparoiſſoiēt des eſprits, & que lon
 y entendoit des gēmiſſemens & ſouſpirs, ainſi que le cōptoiēt noz peres, on
 feit condamner & murer la porte de l'eſtue: touteſois encore iuſques aujour-
 dhuy ceulx qui ſe tienent là aupres diſent qu'ilz y uoient des uiſions, & y en-
 tendent des uoix & cris eſpouuentables. Mais ceulx qui ſont deſcendus de ce
 Damon (car il y en a encore de ſa race au païs de la Phocide pres la uille de
 Stiris, qui ſurtous les autres retienent les façons de faire & le langage des Æo-
 liens) ſont appellez Aſbolomeni, comme qui diroit, les barbouillez de ſuye,
 pourautant que Damon & ſes conſors ſe ſouillerent les uiſages de ſuye quād
 ilz coururent ſus au capitaine Romain. Mais eſtans les Orchomeniens uoi-
 ſins de ceulx de Chæronce, & ennemis à cauſe du uoiſinage, ilz louerent un
 aduocat Romain, lequel accuſa tout le corps de la uille, ne plus ne moins que
 ſi c'eũt eſté une perſonne priuee, du meurtre cōmis es perſonnes des Romains
 que Damon & ſes complices auoient tuez. Si fut le proces intenté, & la cauſe
 plaidee deuāt le gouuerneur de la Macedoine, pource que les Romains n'en-
 uoyoiēt point encore alors de gouuerneurs en la Grece, & les aduocats qui
 plaidoiēt pour ceulx de Chæronce appellerent à teſmoing Lucius Lucullus,
 alleguans qu'il ſçauoit treſbien la uerité du faiēt: parquoy le gouuerneur luy
 en eſcriuit, & Lucullus en ſa reſponſe luy teſmoigna au uray ce qui en eſtoit:
 au moien de quoy noſtre uille gaigna ſa cauſe, qui autrement eſtoit en danger
 de ſa ruine. Parquoy les habitans qui pour lors eſtoient, ſe ſentans eſchappez
 d'un ſi grand peril par le teſmoignage de Lucullus, luy feirent faire une ima-
 ge de pierre qu'ilz dreſſerent en ſon hōneur ſur la place, ioignāt celle de Bac-
 chus. Et nous, encore que par pluſieurs aages & ſiecles nous ſoiōs ia eſloignez
 de ce temps là, ſi eſtimons nous que ſon bienfaict ſ'eſtende iuſques à nous qui
 ſommes de preſent, & pourautant que nous auons op̄inion que l'image & le
 portraict qui dōne à cognoiſtre les meurs & conditions des perſonnes eſt trop
 plus excellent, que celuy qui ne repreſente que le corps & le uiſage ſeulement,
 nous comprendrons en ceſt œure des uies des hōmes illuſtres que nous cō-
 parons l'un à l'autre, ſes geſtes & ſes faiēts, en eſcriuant la uerité ſimplement:
 car il ſuffit que nous monſtrions auoir ſouuenance de ſon benefice, & croions
 que luy meſme ne uouldroit pas que pour loier d'un teſmoignage ueritable
 on luy payaſt une narration faulſe & controuuee en ſa faueur. Mais tout ainſi
 comme quand nous faiſons peindre & portraire apres le uif, quelques beaux
 uiſages, & qui ont fort bōne grace, ſi d'aduenture il ſy treuue quelque imper-
 fection & quelque choſe de laid, nous ne uoulons pas ny qu'on la laiſſe du
 tout, ny qu'on ſ'empesche auſſi trop à la repreſenter, pource que l'un rendroit
 la portraiture difforme, & l'autre diſſemblable: auſſi pourautant qu'il eſt mal
 aiſé, ou pour mieulx dire, peult eſtre, impoſſible, de monſtrer un perſonnage
 duquel la uie ſoit entierement innocente & irreprehenſible, il ſe fault arreſter
 à eſcrire pleinement les choſes qui auront eſté uertueuſement faittes, & en ce-
 la taſcher à repreſenter parfaitemment la uerité, ne plus ne moins q̄ le uif. Mais
 ou il ſe trouuera quelques faultes & erreurs parmy leurs actions, leſquelles
 ſeront procedeēs, ou de quelque paſſion humaine, ou de la contrainte des tēps
 de la choſe publique, il les fault plus toſt eſtimer defaults & imperfections de
 uertu non du tout accomplies, que meſchancetez expreſſes procedentes de ui-
 ce formé, ny de certaine malice: & ne ſera ia beſoing de ſ'amuſer à les expri-
 mer trop diligemment & par le menu en noſtre hiſtoire, ains plus toſt les paſ-
 ſer

A ser legerement, comme par une reuerentiale honte de la pauvre nature humaine, laquelle ne peult produire un homme si parfait ne si bien composé à la uertu, qu'il n'y ait tousiours quelque chose à redire. En pensant doncques à qui ie pourroie comparer Lucullus, il m'a semblé que ie le deuoie cōferer avec Cimon, pource qu'ilz ont tous deux esté uaillās & belliqueux contre les ennemis, aians tous deux fait de beaux & grāds exploits d'armes à l'encōtre des Barbares, & tous deux ont esté doulx & gracieux enuers leurs citoiens, tous deux aians esté les principaux moiens de pacifier les guerres & dissentions ciuiles en leurs païs, & l'un & l'autre aiant gaigné de tresglorieuses uictaires sur les Barbares: car iamais capitaine Grec auant Cimon, ny Romain auant Lucullus n'auoit esté si loing faire la guerre, mettāt à part les faiçts de Bacchus & de Hercules, & les gestes aussi de Perseus contre les Æthiopiens, les Medois & les Armeniens, & ceulx d'Iason, si d'aduenture il peult auoir duré depuis leur temps iusques au nostre aucun monumēt qui merite que lon y adiouxte foy. D'auantage ilz ont encore cela commun entre eulx, qu'ilz n'ont point cōduit à fin leurs entreprises, aiant bien l'un & l'autre battu & miné son aduersaire, mais non pas entieremēt desfait ne ruiné: & si peult on encore remarquer une grande conformité de nature entre eulx par l'honesteté & courtoisie & humanité, dont ilz usoient à recueuillir & traicter les estrāgers en leurs maisons, & par la magnificence, sumptuosité & opulence de leur uie & despence ordinaire. Nous omertons à l'aduenture encore quelques autres similitudes: mais elles seront aisees à remarquer par le discours de leur histoire. Cimon dōques estoit filz de Miltiades & de Hegesipylé Thraciene de nation & fille du roy Olorus, comme lon treuue en certaines compositions poëtiques que Melanthius & Archelaus ont escriptes de Cimō. Le pere mesme de l'historié Thucydides, qui estoit aussi de la parété de Cimon, s'appelloit semblablement Olorus, monstrant par ceste cōformité de nom que ce roy Olorus estoit un de ses ancestres, & si possedoit des mines d'or au païs de la Thrace, ioinct que lon tiēt qu'il y mourut en un certain lieu, qui se nomme la Forest fossoyee, là ou il fut tué: mais ses cendres & ses oz furent rapportez au païs de l'Attique, & se uoit encore son tumbau entre les sepultures de la famille de Cimon aupres de celle de Helpinice sœur dudiçt Cimon: toutefois Thucydides estoit du bourg de Alimus, & Miltiades de celuy de Lacia. Miltiades dōques, son pere aiant esté condamné enuers la chose publique en l'amende de* cinquante talents, à faute de payement fut mis en prison, là ou il mourut, & laissa Cimon orphelin en fort grande ieunesse, avec sa sœur, qui estoit aussi encore ieune fille à marier. Si fut Cimō es premiers ans de sa ieunesse fort mal nommé, & eut un tresmauuais bruit par la uille, estant tenu pour ieune homme dissolu, grand beueur, & ressemblant entierement de façons de faire à son ayeul, qui auoit eu nom Cimon comme luy, mais pour sa bestise auoit esté surnommé Coalemos, qui uault autant à dire, comme le sot. Stesimbrotus mesme le Thasien, qui fut environ le temps de Cimon, escrit que iamais il n'apprit ny la Musique, ny autre art quelconque de celles que lon auoit accoustumé de faire apprendre aux enfans de bonne maison en la Grece, & qu'il ne tenoit du tout rien ny de celle uiuacité d'esprit, ny de celle grace de parler, qui est propre aux enfans nez au païs d'Attique: mais nonobstant qu'il estoit d'une nature genereuse, magnanime, & ou il n'y auoit rien de simulé ny de feinct, tellement que ses façons de faire sentoient plus tost son Peloponesien que son Athenien: car il estoit tel

* Ce sēt environ trente mil escus.

que le poëte Euripides a décrit Hercules,

D e peu de monstre & sans nul parement,

H omme de bien au reste entierement.

Cela se peult adiouxter bien à propos, à ce que Stefimbrotus a escrit de luy: toutefois en sa premiere ieunesse il fut soupçonné d'auoir affaire charnellement avec sa sœur, laquelle autrement n'auoit pas gueres bon bruit: car elle forçoit à son honneur avec le peintre Polygnotus, qui en peignant les Dames Troienés captiues contre les parois du Portique, que lon appelloit alors Plefianaction, & qui se nomme maintenant Pœcile, c'est à dire, enrichy de diuerses peintures: il tira, comme lon dit, le uisage de Laodice sur le uif de Helpinice. Si n'estoit point ce peintre Polygnotus homme mechanicque ny mercenaire, qui peignist ce portique pour gagner de l'argent, ains fait liberalement ceste honesteté à la chose publique, ainsi que tous les historiens de ce temps là le tesmoignent, & que le poëte mesme Melanthius le dit en ces uers:

A ses despens, sans loyer mechanicque,

Il a orné nostre place publique,

E t décoré les saincts temples des Dieux,

E n y peignant les faicts des demidieux.

Toutefois il y en a qui disent que Helpinice n'habitoit point clandestinement, ains publiquement avec son frere Cimon, comme sa femme legitiment espousée à cause qu'elle ne peut trouuer mary d'aussi noble maison comme elle pour sa pauureté: mais que depuis un nommé Callias, qui estoit l'un des plus riches & des plus opulents de la uille, la demanda en mariage, offrant de payer du sien l'amende, en laquelle son pere Miltiades auoit esté condamné enuers la chose publique, si lon la luy uouloit bailler à femme: à quoy Cimon se consentit, & soubz ceste condition la luy bailla en mariage. Ce neantmoins il est tout certain que Cimon a esté un peu subiect à l'amour & aux femmes: car le poëte Melanthius en certaines elegies, esquelles en iouant il fait mention d'une Asteria natieue de Salamine, & d'une autre appelée Mnestra, comme si Cimon en eust esté amoureux: & si est tout certain qu'il estoit fort affectionné enuers sa femme legitime Isodice, fille d'Euryptolemus, filz de Megacles, & qu'il porta sa mort tresimpatiemment, à ce que lon peut iuger par les Elegies qui luy en furent escrites pour le reconforter en son deuil. Le philosophe Panætiusestime qu'Archelaus le Physicien fut celuy qui composa lesdictes elegies, en quoy il y a bien quelque apparence à considerer la raison du temps: mais au demourant les meurs & la nature de Cimón estoient en tout & par tout grandement à louer: car il ne cedit, ny à Miltiades en hardiesse, ny à Themistocles en bon sens & sagesse, & si est sans doute, qu'il estoit plus iuste & plus homme de bien que tous les deux: car n'estant de riē moindre qu'eulx, es parties d'homme de guerre, & uertus de bon capitaine, il les surpassoit grandement tous deux es qualitez de bon gouuerneur, & en l'administratiō des affaires de uille du temps qu'il estoit encore ieune & non experimēté en la guerre. Car quād Themistocles à l'arriuee des Medois, conseilla au peuple Athenien de sortir de la uille, & abandonner ses terres & son pais pour s'embarquer sur les galeres, & combattre les Barbares par mer dedans le destroit de Salamine, comme tout le monde se trouua estonné d'un conseil si hardy & si auantureux, Cimón fut le premier qui avec une ioyeuse chere s'en alla tout le long de la rue du Ceramique, avec d'autres ieunes hommes ses familiers & amis, uers

- A le chasteau, portant en sa main un mors de bride pour le consacrer & offrir à la deesse Minerue : uoulant par là signifier, que la uille pour lors n'auoit que faire de gens de cheual, ains de gens de marine: & apres auoir fait son offrande il prit l'un des boucliers qui estoient attachez & pendus aux parois du temple, puis aiant fait sa priere à Minerue, il descendit sur le port, & fut le premier qui donna cuer & hardiesse à la plus grande partie des citoiens, de laisser la terre & de monter sur mer. Oultre cela il estoit beau personnage, comme tesmoigne le poëte Ion, & de belle taille, aiant les cheueux crespes & espes: & se porta si bien & si uaillamment en l'affaire au iour de la bataille, qu'il en acquit incontinent reputation grande avec l'amour & bienueillance d'un chascun:
- B tellement que plusieurs estoient ordinairement apres luy à le prescher & enhorter de prendre courage, & penser deslors à faire choses respondentes à la gloire que son pere auoit acquise en la iournee de Marathon. Et depuis, aussi tost qu'il commença de s'entremettre du gouuernement des affaires, le peuple le receut & recueuillit à grande ioye, estant desia las & ennuyé de Themistocles: à l'occasion dequoy Cimon fut incontinent eleué & auancé aux plus grandes charges & aux plus grands honneurs de la uille, estant agreable à la commune à cause de sa douceur & de sa simplicité: ioinct aussi qu'Aristides luy seruit de beaucoup à son aduancement, tant pource qu'il uoyoit en luy une addroitté & gentille nature, que pource qu'il en uouloit faire un contrepoix à l'encontre de la ruze & hardiesse de Themistocles. Parquoy, apres
- C que les Medois s'en furent fouis de la Grece, estant enuoyé par les Atheniens pour capitaine de la marine, lors que la uille d'Athenes n'auoit encore point de principaulté ny d'empire, ains suiuiot Pausanias & les Lacedæmoniens, il teint tousiours ses citoiens en tous les uoyages, en merueilleusement bon ordre & bõ equipage, & plus prompts à bien faire que nul autre nation qui fust en toute l'armee. Et depuis cõme Pausanias eust intelligéce avec les Barbares pour trahir la Grece, & en eust escript au Roy de Perse, traittant ce pèdant rudement & fierement les alliez & confederez de son païs, & faisant beaucoup d'insolences pour l'autorité grande qu'il auoit, & pour la folle arrogâce dõt il estoit plein. Cimon au contraire recueuilloit doucement ceulx à qui Pausanias faisoit oultrage, & en les escoutant humainement, & parlant gracieusement à eulx, on ne se dõna garde qu'il osta la principaulté de la Grece d'entre les mains des Lacedæmoniens, & la meit entre celles des Atheniens, non point par force d'armes, mais par son doux parler & par sa courtoise façon de faire, & de sa gracieuseté: car la plus part des alliez, ne pouuant plus supporter l'orgueil & le mauuais traitement de Pausanias, se rengerent uoluntairement sous la charge de Cimon & d'Aristides, qui non seulement les receurét, mais d'auantage escriuirent aux seigneurs du cõseil des Lacedæmoniens, qu'ilz rappellassent Pausanias, à cause qu'il faisoit deshonneur à Sparte, & mettoit
- D toute la Grece en trouble & en combustion. Suiuat lequel propos on compte, que Pausanias un iour en la uille de Byzâce enuoya querir une ieune fille nommee Cleonice de bõne maison, & de noble parenté, pour en faire son plaisir. Les parents ne la luy oferent refuzer pour la fierté qui estoit en luy, & la laisserent enleuer. La ieune fille pria ses ualets de chambre d'oster & esteindre toute lumiere, & s'approcha de son liët en renebres, le plus coyemét qu'elle peut, sans faire bruit quelconque: mais en allant elle heurta du pied cõtre quelque chose, & tumba, & en tombant renuersa la lampe qui estoit aupres du liët de
- E

Pausanias, lequel dormoit desia. Le bruit que feit la lampe renuersee l'esueilla F
 en sursault, & pensa soudainemēt que ce fust quelqu'un de ses malueuillās qui
 le uint surprendre en trahison. Si meit incontīnēt la main à son poignard qui
 estoit soubz le cheuet de son liēt, & en frappa & blecca la ieune fille de telle
 sorte, que biē tost apres elle en mourut: mais onques puis elle ne laissa reposer
 en paix Pausanias, pource que son esprit reuenoit toutes les nuiēts, & luy ap-
 paroissoit ainsi comme il cuidoit dormir, luy disant en courroux un carme
 Heroique, dont la substance est telle,

C hemine droit & reuere iustice :

M al & meschef à qui fait iniustice .

Cest oultrage irrita tellemēt & enflamma de courroux tous les alliez à l'encō- G
 tre de luy, qu'ilz l'assiēgerent soubz la conduite de Cimon dedans la uille de
 Byzance, dont toutefois il eschappa, & se sauua secrettement. Et pour autant
 que l'esprit de la fille ne le laissoit point en paix, ains le trauailloit cōtinuelle-
 ment, il s'enfouit en la uille de Heraclee, là ou il y auoit un temple ou lon cō-
 iuroit les ames des trespassez, & y coniura celle de Cleonide pour la prier d'ap-
 paier son courroux. Elle s'apparut incōtinēt à luy, & luy dit, que si tost qu'il
 seroit arriuē à Sparte, il seroit deliuré de ses maux: signifiant couuertement, à
 mon aduis, la mort qu'il y deuoit souffrir. plusieurs historiens le racompent
 ainsi. Cimon donques accompagné des Grecs alliez & confederez, qui ia se-
 stoient retirez par deuers luy, fut aduerty, comme quelques Persiens gros per- H
 sonnages & parents du Roy mesme, qui tenoient la uille de Eione assise sur la
 riuiera de Strymon au païs de la Thrace, faisoient beaucoup d'ennuy & de dō-
 mage aux Grecs habitans à l'environ. Si monta sur mer avec son armee, & s'y
 en alla, ou d'arriuee il uainquit & desfeit les Barbares en bataille, & les aiant
 desfaits chassa le demourant iusques dedans la uille, puis alla courir sus aux
 Thraciens qui habitēt dela la riuiera de Strymon, qui furnissoient des uiures
 à ceulx d'Eione, & leur aiant fait abandonner le païs, le teint & le garda tout
 entieremēt: au moien dequoy il renga les assiēgez à telle necessité, que Butes
 lieutenant pour le roy de Perse desesperant de ses affaires meit le feu dedans
 la uille, & se brusla luymesme avec ses amis & ses biens. Ainsi ne fut il pas fait I
 grand butin à la prise de celle uille, à cause que les Barbares bruslerent quand
 & eulx le plus beau & le meilleur qui y fust: mais il conquist & bailla à peupler
 & habiter aux Atheniens le païs d'alentour, qui est fort plaisant & fort fertile,
 en memoire dequoy le peuple luy permet de faire dresser en public, & con-
 sacrer trois Hermes de pierre, qui sont coulōnes quarrees, au dessus desquelles
 on met des testes de Mercure, & sur la premiere d'icelles y a une inscription
 en grauee, dont la substance est telle :

B ien furent gens de magnanime race,

C eulx qui dedans Eione, seante

L e long des eaux du Strymon en la Thrace,

F eirent souffrir famine noircissante

A ux fiers Medois, & par force effroyante

D e Mars sanglant aussi les desconfirent

P artant de fois, qu'à la fin concluante

E n desespoir, eulx mesmes se desfeirent.

Sur la seconde y en auoit une autre telle,

L es citoiens de la uille d'Athenes

A O nt fait dresser ces trois images cy,
 P our honorer leurs uailans capitaines,
 E t guerdonner leurs seruices aussi.
 Ceulx qui uiendront apres,uoians qu'ainfi
 L e pris d'honneur aux gens de bien s'applique,
 P lus uouluntiers en prendront le soucy
 D e bien seruir à la chose publique.

Et sur la troisieme aussi une telle:

B M enestheus conduisoit l'exercite
 D e ceste uille en la guerre Troiene,
 L e quel estoit, comme Homere recite,
 S ur tous les Grecs excellent capitaine
 P our mettre un ost en bataille. Anciene
 D onques uous est, non nouuelle ou estrange,
 A theniens, ceste noble louange,
 D 'estre tenus pour sages conducteurs
 D 'un faiët de guerre ou tout à poinët se rengenç,
 E t de la main hardis executeurs.

Or combien que le nom de Cimon ne soit point compris en ces inscriptions, si estimoit on pour lors que ce luy estoit un honneur singulier, pource que ne
 C Miltiades ne Themistocles n'en eurent onques de pareil. Ains comme Miltiades requist un iour au peuple, qu'il luy fust permis de porter sur sa teste un chapeau d'Oliue, il y eut un nommé Sochares natif du bourg de Decelie, qui se dressa en piedz, au milieu de l'assemblee, & s'y opposa disant une parole qui fut bien agreable au peuple, quoy qu'elle fust ingrate & mal recognoissante le bon seruite qu'il auoit fait à la chose publique: Quand tu auras, dit il, Miltiades, uaincu tout seul les Barbares en bataille, alors demande que lon t'honore tout seul aussi. Mais pour quelle cause donques estoit le seruite de Miltiades tant agreable aux Atheniens? C'estoit, à mon aduis, pour autant que
 D soubz les autres capitaines ilz auoient combattu pour se defendre eulx & leur pais seulement, & soubz la conduite de Cimon ilz auoient assailly & battu leurs ennemis iusques chez eulx, là ou ilz conquerent les uilles d'Eione & de Amphipolis, qu'ilz peuplerent depuis de leurs propres citoiens, & y gaignerent aussi l'isle de Scyros, que Cimon prit par une telle occasion. Les Dolopiens la tenoient, qui estoient hommes nonchalans de labourer & cultiuer la terre, mais de toute ancieneté grâds coursaïres, qui uiuoient de ce qu'ilz escumoïent en la mer, de maniere qu'à la fin ilz n'espargnerent pas les marchands mesmes & passagers qui abbordoient en leurs ports, ains en destroufferent quelques uns Thessaliens, qui y estoient allez pour y cuider traffiquer, & apres auoir pillé leurs biens, encore meirent ilz les personnes en prison: mais ilz
 E trouuerent moien d'en eschapper, & sauuez qu'ilz se furent, eurent recours au parlement des Amphiçtyons, qui est une assemblee generale de tous les peuples & estats de la Grece. Les Amphiçtyons, le faiët entendu, condamnerent toute la communaulté des Scyriens en une grosse amende: mais la commune ne uolut rien contribuer au payement de ceste amende, ains respondit que ceulx qui auoient destrouffé les marchands, & qui en auoient le pillage entre leurs mains, la payassent s'ilz uouloient: & pource qu'il y auoit en cela quelque apparence, les particuliers larrons craignans qu'ilz ne fussent contraincts

Cimon.

à ce faire, escriuient des lettres à Cimon, par lesquelles ilz luy manderēt qu'il
s'approchast avec son armee, & qu'ilz luy liureroiēt leur uille entre ses mains:
ce qui fut fait. Ainsi aiant Cimon cōquis ceste isle, en chassa les Dolopiens, &
deliura en ce faisant la mer *Ægee* de Courfaires. Cela faiēt, il luy souuint que
l'ancien *Theseus* filz d'*Ægeus*, s'en fuyant d'*Athenes*, estoit uenu en ceste isle
de *Scyros*, là ou le roy *Lycomedes*, pour quelque soupçon qu'il auoit eu de
luy, l'auoit faiēt occire en trahison, si meit peine d'en trouuer la sepulture,
pource que les *Atheniens* auoient un oracle & prophetie, par laquelle il leur
estoit mandé de rapporter ses reliques & ses os à *Athenes*, en luy faisant hon-
neur comme à un demidieu: mais ilz ne sçauoient ou il estoit inhumé, pour-
ce que les habitans de l'isle au parauant n'en uouloient rien dire, ny permettre
que lon la cherchast. Mais Cimon feit alors telle diligence de la chercher, que
finablement il en trouua le tumbeau à toute peine, & meit les ossemens sur sa
galere capitaineſſe parée & accoustree magnifiquement, & ainsi les reporta
en son païs quatre cents ans apres que *Theseus* en estoit party: dequoy le peu-
ple luy ſceut merueilleusement bon gré, & en acquit grande bienueillance
des *Atheniēs*, qui, en memoire de ce, feirent un iugement des poētes *Tragic-*
ques q fut fort notable: car cōme le poēte *Sophocles*, qui estoit encore ieune,
eust fait iouer sa premiere *Tragedie*, *Aphepsiō* le *Preuoſt*, uoiāt qu'il y auoit
de grandes brigues & partialitez de faueurs entre les spectateurs, il ne uolut
point tirer au sort ceulx qui deuoiēt estre iuges de ce ieu, pour adiuger le pris
à celuy des poētes qui l'auroit mieulx meritē: mais quand Cimon & les autres
capitaines entrerent au theatre pour ueoir l'esbattement, apres qu'ilz eurent
faiēt les oblations ordinaires & accoustumees au Dieu, en l'honneur duquel
se font les ieux, il les arresta, & leur feit prester le sermēt de iuger selon le droit
& l'equitē à dix qu'ilz estoient de chasque lignee du peuple un: & le serment
prestē les feit ſeoir comme iuges pour donner leur sentence, lequel des poētes
deuoit emporter le pris. Si s'efforcerent tous de faire le mieulx qu'ilz peurent
pour la dignitē des iuges: mais *Sophocles* par sentence des iuges fut declarē
le uainqueur: dequoy *Æschylus*, à ce que lō dit, fut si dolent & si marry, qu'il
ne demoura gueres depuis à *Athenes*, ains s'en alla par despit en *Sicile*, là ou
il mourut, & fut inhumē pres la uille de *Gele*. Ion escrit, qu'estant encore ieune
garſon nouuellement uenu de *Chio* à *Athenes*, il souppa un iour avec *Ci-*
mon au logis de *Laomedon*, & qu'à la fin du soupper, apres que lon eut fait les
effusions accoustumees aux Dieux, Cimon fut priē par la compagnie de uou-
loir chanter: ce qu'il feit de bien-bonne grace, tellement que tous les assistans
l'en louerent grandement, disans qu'il estoit plus ciuil & plus gentil que *The-*
mistocles, lequel en une pareille assemblee ou lon le pria de uouloir iouer de
la *Cithre*, respondit qu'il n'auoit point appris à chāter ny à iouer de la *Cithre*,
mais qu'il sçauoit bien faire d'une petite & pauvre uille une riche & puissante
citē. Apres cela les propos & deuis de la compagnie estans, comme il aduiēt,
coulez à parler des faiēts & gestes de Cimon, & aians les principaux esté reci-
tez, luy meſme en racompta un qu'il estimoit le plus aduiſē, & faiēt de plus
grand ſens que nul de tous autres qu'il eust onques faiēts. Car cōme les *Athe-*
niens & leurs alliez ensemble eussent pris grand nombre de prisonniers *Bar-*
bares es uilles de *Sestos* & de *Byzance*, les alliez par honneur luy defererent la
preeminence de despartir entre eulx le butin: ce qu'il feit, & meit en un lot les
corps tous nuds des *Barbares*, & en l'autre tous leurs accoustremens & toutes
leurs

A leurs despouilles. Les alliez trouuerēt ce partage fort inegal: mais neantmoins Cimon leur donna l'option de choisir lequel ilz uoudroient des deux, & que les Atheniens se cōtenteroient de l'autre qu'ilz laisseroiēt. Si y eut un capitaine Samien nōmé Herophytus, qui conseilla aux alliez de prendre plus tost les meubles & despouilles des Perſes, que les Perſes meſmes, ce qu'ilz feirent: car ilz prirent les bagues & accouſtrements des prisonniers, & laisserent les personnes aux Atheniens. A l'occasion dequoy Cimon pour lors fut au iugement de la commune eſtimé mauuais partageur, pource que les alliez emportoieēt forces chaines, carquans & bracelets d'or, force beaux & riches accouſtrements de pourpre à la Perſienne, & les Atheniens emmenoient des corps tous nuds d'hōmes mols & mal accouſtumez au trauail & à la peine: mais peu de temps apres les parēts & amis de ces prisonniers uindrent de la Phrygie & de la Lydie, qui les rachep̄terent d'une groſſe ſomme de deniers chaſcun, tellement que Cimon en amassa tant d'argēt, qu'il en ſoudoya & entreteint toutes ſes galeres l'eſpace de quatre mois, & ſi en demoura encore une bonne quantité à l'eſpargne d'Athenes de la rençon qu'ilz payerent. Eſtant dōques Cimon deuenu riche, il deſpendit les biens qu'il auoit honorablement gaignez ſur les Barbares, encore plus honorablement à en ſuruenir au beſoing de ſes pauvres citoiens: car il ſeit oſter toutes les cloſtures de ſes terres & heritages, à ſin que les eſtrangers paſſans, & ſes citoiens qui en auroient affaire, y peuſſent prendre du fruiēt qui y ſeroit, tant comme ilz en uoudroient ſans danger, & tenoit tous les iours en ſa maiſon une table, non friande, mais ou il y auoit à manger pour beaucoup de perſonnes, & ou ſes pauvres bourgeois qui y uouloieēt uenir eſtoient receuz & repeuz, ſans qu'ilz euſſent beſoing de trauailler de leur meſtier pour uiure, à ſin qu'ilz en euſſent plus de loifir de uacquer aux affaires de la choſe publique: toutefois le philoſophe Ariſtote eſcrit, que ce n'eſtoit pas à tous Atheniens indifferemment qu'il tenoit maiſon, ains à ceulx qui eſtoiēt du bourg de Lacia ſeulement, dont luy meſme eſtoit natif. Dauātage il auoit touſiours à l'entour de luy quelques ieunes hōmes de ſes domeſtiques, bien uestus, & ſi d'adventure, en allant par la uille, il rencontroit quelque uieil citoien, qui fuſt pauurement uestu, il faiſoit deſpouiller un de ces ieunes gens & changer d'accouſtrement à luy, & cela n'eſtoit point pris en mauuaife part, ains ſembloit à tous choſe uenerable: qui plus eſt, ces meſmes ieunes hommes portoient touſiours ſur eulx bonne ſomme d'argent, & quand ilz trouuoient ſur la place ou par les rues quelque honeſte citoien qu'ilz cogneuſſent eſtre pauvre, ilz luy mettoient ſecretement, ſans mot dire, quelque piece d'argent en la main. Dequoy il ſemble que le poēte meſme Cratinus parle en une ſiene comēdie intitulée, les Archiloches:

E M etrobis ſcribe ſuis, qui m'eſtoie
T rop toſt uenté, & qui me promettoie
D e bien traiter ma uieilleſſe à la table
D u bon Cimon, aux pauvres charitable,
E t acheuer le reſte de mon aage
A uec ce grand & diuin perſonnage,
P remier des Grecs en toute honeſteté,
E t meſmement en hoſpitalité.

D'auantage Gorgias Leontin diſoit, que Cimon acqueroit des biens pour en uſer, & qu'il en uſoit pour eſtre honoré: & Critias, celuy qui fut l'un des tren-

te tyrans d'Athenes, en ses Elegies soubhaitte & demande aux Dieux

D es heritiers de Scopas l'opulence,

L e noble cueur, & la magnificence

D u preux Cimon, & d'Agésilas

L es glorieux trophées qu'il a euz.

Le nom de Lichas Spartiate a esté fort renommé & célébré entre les Grecs: & toutefois nous n'en sçavons autre cause pourquoy, sinon qu'à un iour de feste solennelle, ou les ieunes gens s'exercitoient & dansoient tous nuds en la uille de Sparte, il auoit accoustumé de festoier les estrangers qui y uenoient pour ueoir l'esbattement. Mais la magnificence de Cimon surpassoit la liberalité, humanité, & hospitalité ancienne des Atheniens: car ilz ont les premiers enseigné aux hommes par toute la Grece, comment il falloit semer le bled & en user pour se nourrir, & ont aussi monsté l'usage des eaux des fontaines, & comment il falloit allumer & entretenir le feu. Là ou Cimon faisant de sa propre maison un hospitail, ou tous ses pauvres citoyens estoient nourriz & alimentez, & laissant aux estrangers passans cueuillir les fructs qui croissoient à chasque saison en ses terres, ramenoit, par maniere de dire, une autre fois au monde celle communaulté de biens que les poëtes disent auoir anciennement esté sous le regne de Saturne. Et quant aux obiections de ceulx qui calumnioient ceste honeste liberalité, disans que c'estoit pour flatter la commune, & gagner la bonne grace du menu populaire, ilz estoient refutez & couaincus par la maniere de uiure qu'il suiuoit audemourant: car il tenoit le party de la noblesse, & uiuoit à la guise des Lacedæmoniés: ce qui appert, par ce qu'il fut tousiours contraire à Themistocles, lequel augmentoit & eleuoit oultre mesure l'autorité & puissance du peuple, & pour cest effect se ioignit avec Aristides, & s'attacha à Ephialtes, lequel en faueur du peuple uoloit oster & abolir la court d'Areopage. Et là ou tous les autres gouuerneurs de son temps, excepté Aristides & Ephialtes estoient cōcussionnaires & tous atteints de corruptions: luy au cōtraire se maintint toute sa uie incorrompable au fait du gouuernement de la chose publique, & eut tousiours les mains nettes, faisant, disant & conseillant toutes choses purement & nettement en l'administratiō des affaires publiques, sans iamais pour ce faire, prendre argent de personne quelconque. Auquel propos on treuve escript, qu'un seigneur Persien nommé Rosates traistre à son maistre le Roy de Perse, s'en fouit un iour à Athenes, là ou comme il fust tous les iours harassé & desiré par les crieries ordinaires des calumniateurs qui l'accusoient enuers le peuple: il eut à la fin recours à Cimon, & luy porta iusques en sa salle deux coupes toutes pleines, l'une de Dariques d'or, & l'autre de Dariques d'argent, q sont pieces de monnoie ainsi appellees, à cause q le nom de Darius y estoit escrit: ce q uoiant Cimon s'en prit à rire, & luy demāda lequel des deux il aimoit mieulx qu'il fust, ou son amy, ou son mercenaire. Le Barbare luy respondit qu'il aimoit trop mieulx l'auoir pour amy. Réporte donc, luy repliqua Cimon, ton or & ton argent, & t'en uas: car si ie suis ton amy, il sera tousiours à mon cōmandement, pour en user toutes & quantes fois que i'en auray besoing. Enuiron ce temps là commencerēt les aliez & confederez des Atheniens à se lasser de la guerre contre les Barbares, desirans uiure deormais en repos, & uacquer au labourage & à leur trafic & mesnage, attendu qu'ilz auoient chassé les ennemis de leur pais, & qu'ilz ne leur faisoient plus d'ennuy: au moien dequoy ilz payoient bien l'argent, à

A quoy ilz auoient esté cortizez, mais ilz ne uouloient plus fournir d'hommes ny de uaisseaux comme au parauant: à quoy faire les autres capitaines Atheniens, les contraignoient par toutes uoies, & faisoient le proces à ceulx qui y failloient, les condemnans en grosses amendes, si rudemēt, qu'ilz en rendoiēt la principaulté & seigneurie des Atheniēs odieuse à leurs alliez. Mais Cimon prenoit un chemin tout contraire à cela: car il ne forceoit ny ne contraignoit personne, ains se contentoit de prendre de l'argent & des uaisseaux uuides de ceulx qui ne uouloient ou ne pouuoient seruir de leurs personnes, estant bien aise de les laisser abastardir & appareffir en leurs maisons par les attraiçts du repos, & deuenir, au lieu qu'ilz souloient estre bonnes gens de guerre, laboureurs, marchands & mesnagers, du tout alienez des armes par leur bestise, & par l'enuie qu'ilz auoiēt de uiure à leur aise en delices: &, au contraire, faisant tousiours monter sur ses galeres bon nombre des Atheniens les uns apres les autres, & les endurecissant au trauail par continuelz uoiages, il feit qu'en peu de temps ilz deuindrent seigneurs & maistres de ceulx mesmes qui les soudoyent & entretenoient, pource qu'ilz s'accoustumerent petit à petit à flatter & à craindre iceulx Atheniens, lesquelz ilz uoyoient estre cōtinuellement à la guerre, aiās tousiours le harnois sur le dos & les armes en la main, s'aguerissant à leurs despens, & par le moien de la soude & de l'argēt qu'ilz leur fournissoient: tellement qu'à la fin ilz se trouuerent subiects & tributaires, au lieu qu'ilz estoient compagnons & alliez au commencement. Aussi n'y eut il iamais capitaine Grec qui r'abaissast & refrenast plus la fierté ny la puissance du grand Roy de Perse, que feit Cimon: car apres l'auoir dechassé hors de toute la Grece, il ne le laissa pas en repos, ains le poursuiuant au pied leué, cōme lon dit communement, auāt que les Barbares peussent reprendre leur haleine, ou donner de sens rassis ordre à leurs affaires, il usa de telle diligence, qu'il prit aucunes de leurs uilles par force, & d'autres par pratiques qu'il feit rebeller à l'encōtre du Roy, & se tourner du costé des Grecs: tellement, qu'il ne demoura pas un homme de guerre pour le Roy de Perse en toute l'Asie depuis le païs d'Ionic iusques en la Pamphylie: qui plus est, estant aduertty que les capitaines du Roy estoient en la coste de la Pamphylie avec une grosse armee de mer, & grande flotte de uaisseaux, uoulant les espouuenter, de sorte qu'ilz n'ozassent plus se monstrier ne comparoir en toute la mer qui est audeça des isles Chelidonienes, il se partit de l'isle de Gnidos, & de la uille de Triopium avec deux cents galeres, lesquelles auoient esté des le commencement tresbien faittes & deuisees par Themistocles, tant pour cingler legerement, que pour tournoier facilement: mais Cimon les feit alors eslargir & tirer le plâché d'un costé iusques à l'autre, à fin qu'elles peussent porter plus grand nōbre de gens de guerre en bataille pour assaillir les ennemis. Si dressa son cours premierement à l'encontre des Phaselites, qui estoient Grecs de nation, & neantmoins ne uoloiēt ny se tourner du costé des Grecs, ny recepuoir leur armee en leurs ports, si courut d'arriuee & pilla tout leur plat païs, puis approcha son armee de leurs murailles: mais ceulx de Chio anciens amis des Phaselites estans à ce uoyage en l'armee de Cimon, addoucirēt un peu son courroux, & feirent fça- uoir de leurs nouuelles à ceulx de dedans la uille, par des lettres qu'ilz attachoient à des flesches, & les tiroient par dessus les murailles, tant qu'à la fin ilz moierent leur appointment, soubz cōdition que les Phaselites payeroiēt pour l'amende dix talents, qui sont enuiron six mille escus: & au demourant,

qu'ilz fuiuroiēt l'armee des Grecs, & combattroient de là en auant avec eulx, F
 & pour eulx à l'encontre des Barbares. Or dit Ephorus, que le capitaine Persien qui auoit charge de l'armee de mer, s'appelloit Tithraustes, & de celle de terre Pherendates. Mais Callisthenes escrit qu'Aryomandes filz de Gobrias estoit lieutenant du Roy, aiant l'autorité principale sur toute l'armee, laquelle estoit à l'ancre aupres du fleue d'Eurymedon, n'ayant aucune uolunté de combattre, à cause qu'ilz attendoient un renfort de quatreuingts uoiles Phœnicienes, qui leur deuoient uenir de Cypre. Mais Cimon au contraire cherchant à les combattre auant que les galeres Phœnicienes se peussent ioindre à eulx, meit les sienes en bataille, deliberé de les assaillir pour les contraindre de uenir au combat, si d'eulx mesmes ilz n'y uouloient uenir. Quoy uoias G
 les Barbares, se retirerent premieremēt au dedans de la bouche du fleue Eurymedon, à fin qu'on ne les peust enuironner par derriere, ny forcer de uenir à la bataille malgré eulx: toutefois quand ilz ueirent que les Atheniens les uenoient chercher iusques là, ilz leur uoguerent à l'encontre avec une flotte de six cents uoiles, comme le met Phænodemus, ou comme escrit Ephorus, avec trois cents cinquante seulement: mais ilz ne feirent rien digne d'une telle & si grosse puissance, au moins quant au combat de mer, ains tournerent incontinent les prouës uers le riuage, là ou ceulx qui le peurent gaigner à temps se sauuerent de uistesse dedās l'armee de terre, qui n'estoit pas loing de là, en ordonnance de bataille: mais les autres que lon peut attrapper en chemin, furent occis, & leurs galeres mises à fond ou prises: à quoy lon peult cognoistre H
 qu'il y en auoit un grand nombre, car il s'en sauua beaucoup, cōme il est uray semblable, & y en eut aussi beaucoup de brisees, & neantmoins encore en prirent les Atheniens deux cents prisonnieres. Ce pendāt leur armee de terre s'approcha du bord de la mer, parquoy Cimon fut un peu en doubte, si il deuoit faire sortir ses gens en terre, ou non, pource qu'il luy sembloit chose bien mal aisee & dangereuse de prédre terre malgré les ennemis, & d'exposer les Grecs, qui estoient trauaillez & lassez du premier combat, aux Barbares qui estoient entiers, frais & reposez, & en nombre plusieurs cōtre un: toutefois uoiant que ses gens se confioient en leurs forces, oultre le courage que leur donoit la premiere uictoire, & qu'ilz ne demandoient autre chose que d'aller charger les ennemis, il les feit descendre en terre encore tous bouillans de l'ardeur de la premiere bataille. Si coururent incontinent de grāde roideur, & avec haults cris à l'encontre des Barbares, qui les attendirēt de pied ferme, & sousteindrēt le premier choc uaillammēt: au moien dequoy la meslee fut fort aspre & fort cruelle, & y moururent tous les plus gens de bien & les plus gros personnages de l'armee des Atheniens: mais les autres combattirent si uertueusement, qu'à la fin le champ leur demoura, & à toute peine tournerent les Barbares en fuite, dont ilz occirent une bonne partie sur la place & prirent les autres prisonniers avec toutes leurs tentes & pauillons qui estoient pleins de toute sorte de biens & de richesses. Ainsi Cimon, comme un uaillant champion des ieux sacrez, aiant en un mesme iour emporté deux uictories, & aiant surmōté la nauale que les Grecs auoient gaigné dedans le canal de Salamine, par celle qu'il gaigna lors sur la terre, & celle que les Grecs gagnerent par terre deuant la uille de Platæes par celle qu'il gaigna ce iour mesme en la mer, ne se contenta pas encore de cela: car apres deux si belles & si glorieuses uictories gaignees, il combattit encore pour l'honneur du trophée, estant aduertty que les quatre- uingts

A uingts uoiles Phœnicienes, trop tard uenues pour se trouuer en la premiere bataille nauale, estoient arriuees au chef de Hydre, il cingla en toute diligence celle part. Or ne sçauoient encore les capitaines de celle flotte rien de certain de la desfaitte de leur armee principale, ains en estoient en doubte, ne pouuans se persuader, qu'elle eust ainsi esté desconfite: au moien dequoy ilz furent de tant plus effroyez quād ilz apperceurent de loing l'armee uictorieuse de Cimon: & en conclusion ilz perdirent tous leurs uaisseaux, & la plus grāde partie de leurs gens, qui furent tous ou noyez, ou occis. Cest exploit d'armes rabaisa & dompta tellement l'orgueil du Roy de Perse, qu'il en feit ce traitté de paix qui est tant mentionné es anciennes histoires, par lequel il

B promet & iura, que de là en auant ses armes n'approcheroient point plus pres de la mer de Grece, que de la carriere d'un cheual, & ne nauigueroit point plus auāt que les isles Chelidonienes & Cyanees, avec galeres ny autres uaisseaux de guerre. Toutefois l'historiē Callisthenes escrit, que cela ne fut point couché dedans le traitté, mais que le Roy l'obseruoit pour l'effroy qu'il eut de ceste grande desfaitte: & que depuis il se teint tousiours si loing de la mer de Grece, que Pericles avec cinquāte uoiles, & Ephialtes avec trente seulement, nauiguerent iusques pardela les isles Chelidonienes, sans que iamais il leur uint à l'encontre flotte quelconque des Barbares. Si est-ce pourtant, qu'entre les actes publics d'Athenes que Craterus a recueuilliz, setreuent les articles de ceste paix couchez tout du lōg, comme d'une chose qui ueritablement

C a esté: & tiēnt on, que pour ceste occasion les Atheniens fonderēt un autel de la paix, & qu'ilz feirent un tresgrand honneur à Callias, qui auoit esté ambassadeur deuers le Roy de Perse pour luy faire iurer ce traitté. Apres donc que les despouilles des ennemis eurent esté uēdues à l'encan, il se trouua tant d'or & d'argent es coffres de l'espargne, qu'il suffit à tous autres affaires, & encore en feit on bastir le pan de muraille du chasteau qui regarde uers le Midy, tant ce uoiage & ceste destrouffe les enrichit. Et dit on que la fabrique des lōgues murailles qui conioignēt la uille avec le port que lon appelle les Iambes, fut bien bastie & paracheuee depuis, mais que les premiers fondemens en furent

D faits de l'argēt que Cimon fournit & bailla luy mesme: & pource que l'ouurage se rencontroit en lieux pleins d'eaux & marescageux, qu'il fallut affermir le maretz à force cailloux & gros quartiers q̄ lon ietta au fond à pierre perdue. Cefut aussi luy qui embellit & orna le premier la uille d'Athenes de lieux de liberal exercice & d'honeste esbattement, lesquels peu de temps apres furent en tresgrande recommandation: car il feit planter des platains en la grande place, & de l'Academie qui parauant estoit seche & nuē, il en feit un plaisant uerger & boccage biē arrosé de fontaines qu'il y conduisit, & y feit dresser de belles allees couuertes pour se promener, & de belles carrieres lōgues & nettes pour courir. Quelques temps apres il eut nouuelles, que certains Persiens

E qui tenoient la Cherronese, c'est à dire, demy isle du pais de Thrace, n'en uoloient point sortir, ains appelloient à leur aide les peuples de la haulte Thrace pour leur aider à la defendre contre luy, duquel ilz ne faisoiet point de cōpte, pource qu'il estoit party d'Athenes avec biē petit nombre de uaisseaux, il leur alla courir sus avec quatre galeres seulemēt, & en prit treize des leurs. Parainfi en aiant chassé les Persiens, & subiugué les Thraciens, il cōquit à son pais toute la Cherronese de Thrace: & au partir de là s'en alla contre ceulx de l'isle de Thafos, qui s'estoient rebellez cōtre les Atheniēs, & les aiant desfaits en bat-

taille par mer, ou il gaigna trente & trois de leurs uaisseaux, il prit d'auanta-
 ge leur uille par siege, & acquit aux Atheniens les mines d'or qui sont au dela
 de leur uille, avec toutes les terres qui leur appartenoint. Ceste cōqueste luy
 donnoit grande commodité & moien de passer en la Macedoine, & d'en oc-
 cuper deslors une bonne partie: mais ne l'ayant pas uoulu faire, il fut souspe-
 çonné d'en auoir pris de l'argēt, & de s'estre laissé corrompre par presens du roy
 Alexandre: & de faict il en fut appelé en iustice par conspiration de ses mal-
 ueuillans qui se banderent à l'encontre de luy: mais en se defendant, & dedui-
 sant ses iustifications deuant les iuges, il leur dit, Je n'ay point contracté d'a-
 mitié ny d'hospitalité avec les Ioniens, ou avec les Thessaliens, qui sont
 peuple riches & opulents, ny n'ay point pris leurs affaires en main, com-
 me ont faict quelques autres pour estre par culx honorez & en receuoir du
 profit: mais biē ay-ie pris hospitalité avec les Macedoniens, pource que i'ay-
 me & ueulx imiter leur temperance, sobriété & simplicité en leur maniere de
 uiure, laquelle ie prefere à tous biens & à toute richesse, combien que ie soye
 bien aise d'enrichir la chose publique des despouilles de noz ennemis. Stesim-
 brotus faisant mention de ceste accusation, dit que Helpinice sa sœur s'en alla
 au logis de Pericles qui estoit le plus aspre & le plus uehement de tous ses ac-
 cusateurs, pour le prier de ne uouloir pas si asprement poursuiure son frere, &
 que Pericles en soubriant luy respondit: Tu es trop uieille Helpinice, tu es
 trop uieille desormais, pour uenir au dessus de telz affaires: mais neantmoins
 quand ce uint à plaider la cause, il luy fut plus doux que nul autre des accusa-
 teurs, & ne se leua qu'une seule fois pour parler contre luy, comme par manie-
 re d'acquit, de sorte qu'il eschappa, & fut absoulz à pur & à plein de ceste accu-
 sation. Au demourant, tant qu'il fut present en la uille, il refrena & reteint
 tousiours l'insolence du peuple, qui entreprenoit sur l'autorité des gens de
 bien, & tiroit à soy toute souueraineté de puissance & de cōmandement: mais
 aussi tost qu'il fut party pour s'en aller à la guerre, la cōmune n'ayant plus per-
 sonne qui luy contredict, renuersa sans dessus dessous tout le gouuernement
 de la uille, & confondit toutes les anciennes loix & coustumes, dont ilz auoient
 usé de tous temps, & ce à l'instigation & par la mence d'Ephialtes: car ilz oste-
 rent la cognoissance de toutes causes presque à la court d'Arcopage, & mettās
 toute l'autorité des iugemens entre les mains du peuple, reduisirent l'estat
 de la cité en pure Democratie, c'est à dire, en gouuernement ou le peuple a
 plein pouuoir & souueraine puissance, estant ia Pericles en grād credit, lequel
 fauorisoit au party de la commune. Parquoy Cimon à son retour trouuant
 que l'autorité du Senat & du Cōseil auoit ainsi honteusement esté diminuee,
 en fut fort marry, & rascha de remettre les iugemens ainsi comme ilz estoient
 au parauant, & restituer le gouuernement des gens de bien qui auoit esté esta-
 bly du tēps de Clisthenes: mais adonc recōmencerent ses ennemis à crier con-
 tre luy, renouvelans le mauuais bruit qui auoit autrefois couru de luy, qu'il
 entretenoit sa propre sœur germaine, & oultre cela le calumnians de fauori-
 ser aux affaires des Lacedæmoniens, à quoy se rapportent des uers du poëte
 Eupolis fort diuulguez à l'encontre de Cimon:

M eschant n'est il, mais il est negligent,

A imant le uin plus qu'il ne faict l'argent,

E t quelque fois secrettement s'escarte

P our s'en aller les nuicts coucher à Sparte,

A L aissant sa sœur au logis, la pauurette
H elpinicé, dormir toute seulette.

Et fil est ainsi, qu'estant paresseux & subiect au uin, il ait pris tant de uilles & gagné tant de batailles, il est certain que s'il eust esté sobre, & uigilant, il n'y eust eu ny deuât ny apres luy capitaine Grec, qui l'eust passé en gloire de faicts d'armes. Bien est il uray, que des son cōmencemēt il aima tousiours les meurs des Lacedæmoniens: car de deux enfans iumeaux qu'il eut d'une femme Clitoriene, il en nomma l'un Lacedæmonius, & l'autre Eleus, ainsi cōme Stefimbrotus l'escrit, disant que pour cela Pericles leur reprocha souuent le lignage de leur mere: toutefois Diodorus le Geographe escrit, que & ceulx là & un
B autre troisieme nommé Thessalus, luy estoient nez de Isodice, fille de Euryptolemus filz de Megacles. Comment que ce soit, il est tout certain, que son credit s'augmenta de beaucoup par le port & la faueur que luy faisoient les Lacedæmoniens, lesquelz haïssoient desia Themistocles, & en haine de luy estoiet bien aises que Cimon, qui estoit encore ieune hōme, eust plus de pou-
C uoir & d'autorité que luy à Athenes, dequoy les Atheniens mesmes s'apperceuoient bien, & n'en estoient point marris du commencement, pourau- tant que ceste bienueuillance des Lacedæmoniens enuers luy, leur apportoit de grandes commoditez: car quand ilz commencerent à s'aggrandir en puis-
D sance & à prattiquer secrettemēt, q̄ les Grecs alliez laissent les Lacedæmo- niens pour se ioindre à eulx, ilz ne sen fascherent point, pour l'honneur & l'a-
C mour qu'ilz portoient à Cimō, lequel pour lors manioit seul presque tous les affaires des Grecs, à cause qu'il se portoit humainement & gracieusement en- uers les alliez, & estoit fort agreable aux Lacedæmoniens: mais depuis quād ceulx d'Athenes furent deuenus grands & puissans, & qu'ilz ueirent que Ci-
mon n'adheroit pas pour un peu aux Lacedæmoniens, ains les aymoît trop à leur gré, ilz en eurent despit, pource qu'à tout propos, il les magnifioit & hault louoit deuant eulx, & mesmement quand il les uouloit reprendre de quelque
D faulte qu'ilz auoiet commise, ou bien qu'il les uouloit induire à faire quelque chose: Les Lacedæmoniens, ce leur disoit il, n'ont garde de faire ainsi. cela, cō-
me dit Stefimbrotus, luy suscitoit grandemēt l'enuie & la haine de ses citoiēs. Mais la principale charge que lon luy meit sus, & celle qui plus luy porta de
nuisance, aduint par une telle occasion. La quatrieme annee du regne d'Ar-
chidamus filz de Zeuxidamus roy de Sparte, il aduint le plus grand & le plus espouuentable tremblement de terre en la uille de Lacedæmone & aux enui-
rons, dont il soit memoire au parauant: car la terre en plusieurs endroits de la
contree s'ouurit & se baissa comme en abyfme: la montagne de Taygete en
branla si terriblement, qu'il y en eut des pointes de rochers qui tumberent en
bas: toute la uille entierement en fut brisee & conuassée, exceptees cinq mai-
sons: car toutes les autres furent ruinees. Et dit on qu'un peu deuât qu'il com-
E menceast, les ieunes hommes de la uille avec les ieunes garçons s'esbattoient
aux exercices du corps, tous nudz, dedans un portique & galerie couuerte: &
comme ilz se iouoient ensemble, il se leua aupres d'eulx un lieure. Les ieunes
hōmes l'ajans apperceu se meirent à courir apres, & à le poursuyure tout ainsi
nudz & huylez qu'ilz estoient, avec grāde rīsee. Ilz ne furent pas plus tost par-
tis, que le cōble de la galerie tumba sur les garçons qui estoient demourez des-
foubz, & les accabla tous. En memoire dequoy le tumbeau ou ilz furēt depuis
inhumez s'appelle iusques aujourdhuy Sismarias, cōme qui diroit, la sepul-

ture de ceulx que le tremblement de terre a tuez. Mais le roy Archidamus s'ad- F
uisant soudainement par le danger present de celuy qui estoit prest à aduenir,
& uoiant que ses citoiens ne taschoient qu'à sauuer leurs plus precieux meu-
bles, & les tirer hors de leurs maisons, feit uistement sonner aux trôpettes une
chaude alarme, comme si les ennemis fussent uenus leur courir sus en surpri-
se, à fin que les habitans de la uille, toute autre œuure laissée, accourussent en
diligence avec leurs armes deuers luy. Cela sans point de doubte sauua pour
lors la uille de Sparre, pource que les païsans, & ceulx des petites uilles d'alen-
tour, accoururent de toutes parts en armes pour surprendre au desproueu, &
saccager ceulx qui seroient eschappez de ce tremblement: mais quand ilz les G
trouuerent bien armez en ordonnance de bataille, ilz s'en retournerent com-
me ilz estoient uenus, & depuis commencerent à leur faire la guerre ouuerte-
ment, aians attiré aucuns de leurs uoïfins à leur ligue, mesmement les Messe-
niens qui avec eulx feirent à bon esciant la guerre aux Spartiates: parquoy les
Lacedæmoniens enuoyerent Periclidas à Athenes pour demander secours,
duquel le poëte Aristophanes se mocquant dit,

P alle, seant sur les autelz tousiours,

E n robbe rouge il demande secours.

A quoy Ephialtes resistoit fort & ferme, criant & protestant que lon ne deuoit
point secourir, ny releuer une cité ennemie de celle d'Athenes, ains plustost
la laisser gisante par terre, & souffrir fouler aux pieds l'orgueil & l'arrogance H
de Sparte. Mais Cimon, ainsi que dit Critias, preferant le bien de Sparte à l'ac-
croissement de son païs, feit tant qu'à sa persuation le peuple l'enuoya avec bō
nombre de gēs de guerre à leur secours: qui plus est, lon met les paroles mes-
mes, dont il usa pour emouuoir le peuple à luy ottroyer sa demande: car il les
pria de ne uouloir pas permettre que la Grece clochast, cōme si Lacedemone
eust esté l'un de ses pieds, & Athenes l'autre, ny souffrir q̄ leur cité fust priuee
de sa cōpagne au ioug de la defence de la Grece. Aiant dōques obtenu secours
pour mener aux Lacedæmoniens, il passa son armee par les terres des Corin-
thiens, dequoy Lachartus capitaine de Corinthe se courroucea à luy, disant
qu'il ne deuoit point estre ainsi entré dedans leur païs en armes, sans premie- I
rement en auoir demandé congé à ceulx de la uille: pource, disoit, il que quād
on bat à la porte d'une maison priuee, encore n'entre lon pas dedans, que pre-
mierement le maïstre de la maison ne le commande. Adonc luy repliqua Ci-
mon: Mais uous autres Corinthiēs n'avez pas heurté aux portes des Cleoneïēs
ny des Megariens pour y entrer dedans, ains les avez rompues & y estes entrez
par force d'armes, estimāns que tout deuoit estre ouuert à ceulx qui estoient
les plus forts. Ainsi respondit Cimon audacieusement à ce capitaine Corin-
thien, pource qu'il en estoit besoing, & passa avec son armee à trauers le païs
de Corinthe. Depuis ceulx de Lacedemone enuoyerent une autrefois requie-
rir secours aux Atheniens à l'encontre des Messeniens & des Ilotes, qui sont K
leurs laboureurs & esclaués, lesquelz auoient saïsy la uille de Ithome: mais
quand ilz furent arriuez les Lacedæmoniens eurent peur de la grāde puissan-
ce qu'ilz auoient amence & de leur hardieffe: à l'occasion dequoy ilz les ren-
uoyerent sans rien faire eulx seuls de tous les alliez, qui estoient uenus à leur
secours, comme gens prompts à entreprendre toutes nouuelletez. Les Athe-
niens s'en retournerēt fort mal contens de ce renuoy, & tousiours depuis uou-
lurent grand mal à ceulx qui fauorisoient aux affaires des Lacedæmoniens: au

- A moien dequoy pour la moindre occasion qu'ilz peurent auoir à l'encontre de Cimon, ilz le bannirent de leur pais pour dix ans : car c'estoit le terme prefix à ceulx qui estoient releguez & bannis par le ban de l'Ostracisme, durant lequelz dix ans les Lacedemoniens entreprirent de deliurer la uille de Delphes de la seruitude des Phociens, & de leur oster la garde & superintendence du temple d'Apollo, qui est en laditte uille, pour à quoy paruenir ilz uindrent planter leur camp près la uille de Tanagre en la Phocide, là ou les Atheniens les allerent trouuer pour les combattre. Ce qu'entendant Cimon, encore qu'il fust en exil, se rendit au camp d'Athenes avec ses armes, en intention de faire son deuoir de biē combattre avec ses citoiens à l'encontre des Lacedemoniēs,
- B & serengea es bandes de la lignee Oeneide, dont il estoit : mais ses malueillans cōmencerent à crier contre luy, qu'il n'estoit uenu pour autre chose que pour troubler l'ordonnance de leur bataille, à fin d'amener puis apres les Lacedemoniens à la uille mēme d'Athenes. Dequoy le grand conseil des cinq cēt hommes eut peur, & enuoya faire defence aux capitaines qu'ilz n'eussent à le receuoir en la bataille, de maniere qu'il fut contrainct de se retirer : mais auant que partir il pria Euthippus Anaphlystien, & ses autres amis qui estoient notez & soupçonnez, cōme luy de fauoriser aux affaires des Lacedemoniēs, qu'ilz feissent tout deuoir de uailamment combattre à l'encontre des ennemis, à fin que celle iournee leur seruist de descharge & de iustification de leur
- C innocence enuers leurs citoiens : ce qu'ilz feirent. Car retenans ses armes, ilz dresserent un petit squadron d'entre eulx, & combattirent si courageusement & si obstineement, qu'ilz y moururent tous sur le champ, cent qu'ilz estoient, laissant un grand regret & griefue repentance aux Atheniens, de ce qu'ilz les auoient ainsi faulcement & à tort mescreuz de desloyaulté enuers leurs pais : à l'occasion de quoy ilz ne garderent pas long temps leur courroux à l'encōtre de Cimon, en partie, comme ie croy, pour ce qu'ilz eurent souuenāce des bons seruices qu'il leur auoit faicts par le passé, & en partie aussi, pource que la qualite du temps y aidā. Car aians esté desfaicts en une grosse bataille deuāt Tanagre, il fattendoiēt que sur le temps nouueau les Peloponesiēs ne fauldroiēt
- D pas de leur uenir courir sus avec une grosse puissance, au moien dequoy ilz reuocquerent le bannissement de Cimon par un decret, duquel Pericles luy-mesme fut autheur : tant estoient les inimitiez des hommes, ciuiles & moderees en ce temps là, & leurs courroux aisez à appaiser, là ou il estoit question du biē public : & tant l'ambition, qui est la plus uehementē & la plus forte passion de toutes celles dōt les esprits des hommes sont trauallez, cedit & s'accommodoit aux affaires & aux necessitez de la chose publique. Aussi tost donques que Cimon fut de retour, il assopit la guerre & appointa les deux citez ensemble : mais uoiant que les Atheniens ne pouuoient demourer en repos, ains uoloient estre en perpetuel mouuement, & s'enrichir & aggrandir par les guerres de peur qu'ilz ne s'attachassent à aucun peuple Grec, ou qu'en rodāt à l'entour du Peloponese & des isles de la Grece, avec une si grosse flotte de uaisseaux qu'estoit la leur, ilz ne fuscitassent quelque occasion de guerre ciuile entre les Grecs, ou de plaintes à leurs confederez à l'encontre d'eulx, il arma & equippa deux cents galeres pour aller une autre fois faire la guerre en Cypre & en Egypte, uoulant accoustumer les Atheniens à la guerre cōtre les Barbares, & quand & quand les enrichir iustement des despouilles de ceulx qui leur estoient naturellement ennemis : mais sur le point que toutes choses furent en ordre

pour partir, & l'armée preste à s'embarquer pour faire voile, il eut une telle uision la nuit en dormant. Il luy fut aduis qu'une lyce asprement courroucée abbayoit contre luy, & que parmy son abboy elle iettoit une parole humaine en disant,


Vien hardiment, car mes petits & moy,

Si tu y uiens, aurons plaisir de toy.

Ceste uision estant mal aisee à souldre & à interpreter, Astyphilus natif de la uille de Posidonie, homme bien exercité en telles cōiectures, & familier amy de Cimon, luy declara q̄ ceste uision luy predisoit sa mort, l'exposant en telle sorte, Le chien est ordinairement ennemy, & ueult mal à celuy à qui il abbaye. Or ne sçauoit on faire plus grand plaisir à son ennemy que de se laisser mourir: d'auantage la meslange d'une parole humaine avec l'abboy d'une chienne ne signifie autre chose qu'un ennemy Medois, pource que l'armée des Medois est meslee de Barbares & de Grecs. Oultre ceste uision, ainsi comme il sacrifioit au Dieu Bacchus, le deuin ouurit l'hostie apres qu'elle eust esté immolee, & à l'entour du sang qui en decoula iusques en terre, il rassembla une multitude grande de fourmis, qui emporterent petit à petit ce qui en estoit figé, & en enduirent le gros arteil du pied de Cimon tout à l'entour, sans que de long temps personne s'en donnast garde: à la fin toutefois Cimon, d'adueture s'en aduisa, & ainsi comme il les regardoit faire, le ministre du sacrifice luy apporta môstrer le foye de la beste immolee, à qui le gros bout, qu'on appelle la teste, deffailloit, & l'estimoit un tresmauuais & finistre presage. Toutefois, pource que toutes choses estoient si prestes, qu'il ne pouuoit reculer à ce uoiage, il monta sur mer & fit voile, & enuoyant soixante de ses galeres en Ægypte, il alla avec le demourant rengier de rechef la coste de la Pamphylic, là où il desfeit en bataille nauale l'armée du Roy de Perse, qui estoit de galeres Phœniciennes & Ciliciennes, & conquist les uilles d'alenuiron, espiant tousiours les moiens de penetrer au dedans de l'Ægypte: car il ne mettoit point de petites entreprises en son entendement, ains desseignoit de destruire tout l'empire entierement du grand Roy de Perse, pour autant mesmement qu'il estoit aduertty que Themistocles estoit en grand honneur & en grand credit entre les Barbares, à cause qu'il auoit promis à leur Roy de luy cōduire son armée, & luy faire de grâds seruices, toutes & quâtes fois qu'il uoudroit faire la guerre aux Grecs. Et dit on que ce fut la principale cause, pour laquelle Themistocles se fit uoluntairement mourir, qu'il desespéroit de pouuoir conduire les affaires de la Grece au poinct qu'il auoit promis, sentant bien qu'il n'estoit pas facile de uaincre la uertu & felicité de Cimon, lequel pour lors tenoit son armée au long del'isle de Cypre, proiettât en soy mesme de bien grandes entreprises: mais en ces entrefaictes il enuoya quelques uns de ses gens à l'oracle de Iupiter Hammon, pour l'enquerir de quelque chose secrette: car nul ne sceut iamais, ny lors ny depuis, pour quelle cause il les y auoit enuoyez: aussy n'en rapporterent ilz aucune respōse, car ilz ne furent pas plus tost arriuez, que l'oracle leur cōmanda qu'ilz s'en retournassent: pour autāt (leur dit il) que Cimon estoit desia par deuers luy. Ceste respōse ouye, les enuoyez reprirēt incontinct leur chemin deuers la mer: & quād ilz furent de retour au cāp des Grecs q̄ pour lors estoit en Ægypte, ilz entendirent que Cimon estoit decedé, & en rapportāt le nōbre des iours q̄ estoient passez depuis sa mort, au temps q̄ Iupiter leur auoit respōdu que Cimon estoit desia par deuers luy, ilz cogneurent q̄ couuer-

- A rement il leur auoit signifié son trespas, & que deslors il estoit avec les Dieux. Il mourut au siege de la uille de Citium en Cypre, comme aucuns disent, ou bien d'un coup qu'il receut en une rencontre, comme disent les autres : & en mourant, il commanda à ceulx qui estoient soubz sa charge, qu'ilz s'en retournassent au pais sans euentier ny publier sa mort : ce qui fut fait si sagement & si dextrement, qu'ilz s'en retournerent tous à sauueté, sans que personne des ennemis, ny des allies mesmes s'en apperceust. Ainsi fut l'armee des Grecs gouvernee & cōduitte par Cimon, encore qu'il fust mort, l'espace de trente iours, ainsi comme escrit Phanodemus, & depuis sa mort n'y a eu aucun capitaine Grec qui ait fait chose digne de memoire contre les Barbares, pource que les
- B harengueurs & gouverneurs des principales citez de la Grece, les irriterēt les unes contre les autres, & ne se trouua personne qui se iettast entre deux pour les departir. Ainsi se ruinerēt les Grecs les uns les autres par guerres ciuiles, qui fut un grand respit pour les affaires du Roy de Perse : &, au contraire, ruine de la puissance des Grecs, si grande que lon ne le scauroit biē exprimer. Il est bien uray, que lōg temps depuis, Agesilaus feit ueoir les armes Grecques en Asie, & y commença un peu de guerre contre les lieutenās du Roy, gouverneurs des basses prouinces de l'Asie : mais auant qu'il peust faire aucun exploit memorable, il fut r'appellé par nouueaux troubles & guerres ciuiles qui se ressusiterent derechef entre les Grecs, & fut cōtraint de s'en retourner au pais, laissant
- C les tresoriers & financiers du Roy de Perse, leuans tailles & subsides sur les citez Grecques de l'Asie, quoy qu'elles fussent allies & confederées de Lacedæmone. Là ou du temps que Cimon gouerna, lon ne ueit onques commissaire ne sergēt royal qui apportast aucunes lettres patentes, ou mādemens du Roy, ny hōme d'armes qui ozaist approcher de la mer plus pres de uingt & quatre ou uingt & cinq lieues. Les sepultures que lon appelle iusques auiourdhuy Cimonias, tesmoignent que ses cendres & ses os furent rapportez en Attique : Toutefois ceulx de la uille de Citium honorent encore une certaine sepulture, qu'ilz disent estre la tumbe de Cimon, par ce qu'en une famine & grande sterilité de la terre, ilz eurent un oracle qui leur commanda de ne mettre pas
- D Cimon en nonchaloir, ainsi comme l'orateur Nausicrates a laissé par escript, ains le reuerer & honorer comme un Dieu. Telle a donques esté la uie du Capitaine Grec.

Lucullus.



E

Vant à Lucullus, il eut bien un ayeul personnage de dignité Consulaire, & estoit son oncle maternel Metellus, celuy qui fut surnommé Numidicus, pour autant qu'il auoit conquis & subiugué la prouince de Numidie : mais son pere fut atteint & conuaincu de larcin au maniement des finances de la chose publique : & Cecilia sa mere eut le bruit de ne se gouverner pas honnestement. Mais quant à luy, auant qu'il eust eu aucun office, & qu'il se fust aucunement entremis des affaires de la chose publique, le premier acte qu'il feit à son arriuee, fut, qu'il accusa & mit en iustice Seruilius Augur l'accusateur de son pere d'auoir pareillement mal uersé en son estat, & derobbé la chose publique : ce que

les Romains trouuerent un gentil acte, & fut quelque temps que lon ne parla d'autre chose à Rome, ne plus ne moins, que si c'eust esté quelque exploit de grande uaissance: car autrement encore estimoient ilz, que c'estoit chose genereuse & magnanime d'accuser les meschans, sans estre poulsé d'aucune occasion ne passion priuee, & prenoient grand plaisir de ueoir les ieunes hommes s'attacher à poursuiure en iustice ceulx qui auoient forfait, ne plus ne moins que de gentilz leuriers acharnez apres les bestes sauuages. Toutefois les brigues & poursuites furent si grandes en ce proces là, qu'il y eut des hommes blecez, & aucuns tuez sur la place, tant que finablement Seruilius fut absous. Si estoit Lucullus eloquent, & exercité à bien dire, tant en langue Grecque q̄ Romaine, de maniere que Sylla luy adressa l'abbregé de ses gestes qu'il auoit recueuillis, cōme à celuy qui sçauroit mieulx en composer une histoire entiere, & la coucher plus elegamment par escript: car il n'auoit pas seulement le langage à main & propre pour parler d'affaires, & pour deduire discrettement un plaidoyer, comme lon en uoit d'autres, qui en matiere de proces, ou quand ilz ont audience publique,

S embrent un thun, qui par grande roideur,

D e l'Ocean perce la profondeur:

Mais puis apres quand on les tire hors des termes de la pratique & des harenques publiques,

I lz sont à sec, & sans grace ou science

D emeure à plat morte leur eloquence.

Car Lucullus auoit des son ieune aage appris par honesteté les lettres humaines que lon appelle, & les sciences liberales: & quand il uint sur sa uieillesse, alors il laissa son entendement se reposer & refreschir apres beaucoup de travaux en l'estude de la Philosophie, en resueillant la partie contemplatiue de son ame & amortissant, ou à tout le moins refrenant de bonne heure la partie ambitieuse & actiue apres le different qu'il eut à l'encontre de Pompeius. Mais pour faire encore plus ample foy de sa litterature, oultre ce que nous en auons recité, on dit qu'estant encore fort ieune, il feit une gageure à l'encontre de l'orateur Hortensius, & de l'historiographe Sisenna, ne pesant que se iouer du cōmencement, & à la fin ce fut à bō esciant, qu'il mettroit par escript la guerre Marsique en uers ou en prose Latine ou Grecque, selon qu'il escherroit par le sort: & luy escheut la prose Grecque à mon aduis, pource q̄ iusques auourd'hui, lon treuue une petite histoire en langue Grecque de la guerre que les Romains feirent à l'encontre des Marses. Il porta grande amitié à son frere Marcus Lucullus, comme il monstra par plusieurs indices, dont le plus notable, & qui se treuue plus mentionné par les Romains, fut tel: Lucius estoit plus uieil que luy, & toutefois iamais ne uoulut demander ny accepter office de la chose publique auant luy, ains attendit le temps de son frere, & laissa passer le sien, pour laquelle debonnaireté il gaigna tant la bōne grace du peuple, qu'estant absent il fut eleu Edile, & son frere aussi tout ensemble pour l'amour de luy. La fleur de sa ieunesse se rencontra au temps de la guerre Marsique, en laquelle il feit plusieurs actes de bon sens & de grande hardiesse: mais toutefois la cause pour laquelle Sylla le tira à sa part, fut plustost sa constance, sa douceur & debōnaireté qu'autre chose, & depuis qu'il l'eut une fois choisi, il l'employa tousiours depuis le commencement iusques à la fin, aux principaux & plus importās de ses affaires: cōme fut la commission qu'il luy bailla, de faire

A battre de la monnoie: car la plus grandé partie de l'argent qui fut despendu en la guerre contre Mithridates fut monnoyé dedás le Peloponése par son commandement: à raison dequoy on appella les pieces Lucullienes, lesquelles eurent long temps cours entre les gens de guerre, qui en acheptoiént ce que leur faisoit besoing, sans qu'on feist difficulté de les prendre. Depuis estant Sylla à Athenes le plus fort par terre, mais le plus foible par mer, de maniere que ses ennemis luy couppoient les uiures, il enuoya Lucullus en Ægypte & en Libye, pour luy amener les uaisseaux qu'il trouueroit en ces quartiers là. Or estoit il au cueur de l'hyuer quand il fut despesché, & neantmoins il ne laissa point de se mettre à la uoile avec trois brigantins de la Grece & autant de galiottes Rodienes, s'exposant non seulemēt au danger de la mer en si lóge navigation, mais aussi des ennemis, lesquels se sentás les plus forts alloiēt rodāt par tout, & tousiours en bōne flotte: mais nonobstāt toutes ces difficultez il descēdit premieremēt en l'isle de Candie, laquelle il tira à sa deuotiō, & de là s'en alla en la uille de Cyrene, ou il trouua les habitás trauáillez de guerres ciuiles & de continuelles oppressions de tyrans, desquelz trauaux il le guarentit, & leur establit une forme de gouuernement, en leur ramenant en memoire un propos que Platon autre fois, comme en esprit de prophetie, auoit dict à leurs ancestres. Car comme ilz le priaissent de leur uouloir escrire des loix, & leur ordonner quelque bonne forme de regir & gouuerner leur chose publique, il leur respondit qu'il estoit bien malaisé de donner loy à gens si riches, si heureux, & si opulēts qu'ilz estoient, pource qu'à la uerité il n'est rien si malaisé à tenir soubz bride, que l'homme qui se sent auoir la fortune à cōmandemēt: aussi n'y a il au contraire rien si prest à receuoir conseil & reglement, que celui à qui fortune a couru sus. Cest admonestement rendit les Cyreniens pour lors plus souples & plus obeissans aux ordonnances que Lucullus leur establit. Au partir de là il tira uers Ægypte, là ou il perdit bonne partie des uaisseaux qu'il auoit amassez par une surprise de coursaies: mais quant à sa personne il se sauua, & fut magnifiquement reccu en la uille d'Alexandrie: car toute l'armee royale de mer luy alla au deuant en bonne ordonnance & en tresbel equippage, ne plus ne moins qu'elle auoit accoustumé de faire au Roy quād il retournoit de quelque uoyage par mer. Le roy mesme Ptolomeus, qui lors estoit fort ieune, luy feit le meilleur recueil qui luy fut possible: car entre autres caresses, il luy feit apprester son logis & son manger dedás son chasteau royal, là ou iamais au parauant capitaine estranger n'auoit esté logé, & n'ordonna pas autant de despenſe seulement pour le festoier comme il auoit accoustumé de faire aux autres, ains en commanda quatre fois autāt: toutefois Lucullus n'en usa sinon autant qu'il en eut de besoing pour sa personne, & au demourant ne uolut accepter present quelconque, combien que le Roy luy en feist presenter iusques à la ualeur de quatre uingts talents: qui plus est, il ne uolut pas seulement mōter iusques à la uille de Memphis, ny uisiter pas une des autres singularitez & merueilles tant renommées qui sont en Ægypte, disant que cela estoit à faire à homme de loisir, qui ua par le monde pour ueoir seulement & prendre son plaisir, non pas à luy qui auoit laissé son capitaine aux chāps, tenant camp deuāt les murailles de ses ennemis: mais apres tout, ce ieune roy Ptolomeus en somme ne uolut onques entrer en ligue avec Sylla craignant de se ietter en la guerre: bien luy bailla il gens & uaisseaux pour le conduire iusques en Cypre. Et ainsi qu'il se uolut embarquer, le Roy luy di-

Lucullus.

fant adieu, & l'embrassant, luy presenta une fort belle & precieuse emeraulde F
enchassée en or, laquelle Lucullus refusa du commencement, iusques à ce que
le Roy luy monstra son image qui y estoit engrauee: car adonc il eut crainte
de la rebouter, de peur que le Roy, estimât qu'il s'en fust allé du tout mal cō-
tent de luy, ne luy feist dresser en mer quelque embusche. Si assembla quelque
nombre de uaisseaux des uilles maritimes qui sont là entour, excepté de celles
qui recelloient les pirates & escumeurs de mer, & qui estoient participantes
de leurs larcins, & avec ceste flotte passa en Cypre, là ou il fut aduertý, que ses
ennemis s'estás cachez à l'abry de quelques pointes de terre, le guettoïét pour
le surprendre au passage: à l'occasion dequoy il feist tirer ses uaisseaux en terre,
& manda aux uilles d'alentour qu'il s'estoit resolu d'hyuerner là, & pource G
qu'elles eussent à luy faire prouision de uiures & de toute autre munition ne-
cessaire pour y passer l'hyuer, & attendre la saison nouuelle: mais ce pendant
incōtinent qu'il ueit le téps propre pour faire uoile, il feist à grande haste rede-
ualler ses uaisseaux en mer, & tout aussi tost se partit, cinglant le iour à demi-
uoile, & la nuit à pleine uoile desploice, si bien que par le moié de ceste ruze
il gaigna Rhodes sans faire perte d'un seul uaisseau. Les Rhodiés luy en bail-
lerent encore d'autres, & oultre ceulx là il feist si bié enuers les Gnidiens & en-
uers ceulx de l'isle de Co, qu'ilz abandonerent le party du roy Mithridates, &
allerent quand & luy faire la guerre à ceulx de Samos: mais luy seul chassa de
Chio les gens du Roy, & remeit en liberté les Colophonies, aiant pris prison- H
nier Epigonus le tyran, qui les tenoit en seruitude. Or enuiron ce téps là auoit
desia Mithridates esté contrainct d'abandonner la uille de Pergame, & se re-
tirer en celle de Pitane, dedans laquelle Fimbria le tenoit bien estroittement
assiégé par terre: au moien dequoy aiant son recours à la mer, il enuoya que-
rir ses forces nauales & maritimes de tous costez, n'ozant s'attacher ny hazar-
der la bataille par terre contre Fimbria, qui estoit homme hardy & aduentu-
reux de nature, & d'auantage uictorieux pour lors: dequoy Fimbria s'apperce-
uoit fort bien, mais il n'auoit aucunes forces par mer, qui fut cause qu'il en-
uoya deuers Lucullus, le prier de s'en aller celle part avec sa flotte, pour luy ai-
der à desfaire ce Roy, qui estoit le plus grand & le plus aspre ennemy qu'eust I
le peuple Romain, à fin qu'une si belle & si riche proië, que lon pouruiuoit
avec tant de perils & tant de traux, n'eschappast aux Romains lors qu'ilz la
tenoient entre leurs mains, & que d'elle mesme elle s'estoit uenue ietter dedás
leurs rez, à quoy d'autant plus deuoit il entédre, que s'il aduenoit que Mithri-
dates fust pris, il n'y auroit personne qui rapportast plus d'honneur & de gloi-
re de sa prise, que luy qui se seroit mis au deuant de sa fuite, & qui luy auroit
mis sus la main lors qu'il se seroit pésé sauuer de uistesse, tellemét que la louá-
ge de ce grand exploit uiendroit à estre commune entre eulx deux, l'un pour-
ce qu'il l'auroit chassé de la terre, & l'autre pource qu'il l'auroit forclos de la
mer: au demourant, que les Romains ne feroiét compte de toutes les prouesses K
& haults faicts d'armes que Sylla auroit faicts en la Grece, deuant les uilles de
Cheronee & d'Orchomene, à cōparaison de ceste prise. Voila les propos que
Fimbria luy mandoit, enquoy il n'y auoit rien, ou il n'y eust grande apparen-
ce: car il n'y a personne qui puisse doubter, que si Lucullus alors l'eust uoulu
croire, & qu'il fust allé avec ses uaisseaux clorre l'emboucheure du port de la
uille, en laquelle Mithridates estoit assiégé, attéd du mesmemét qu'il n'en estoit
pas gueres loing, que ceste guerre n'eust là pris sa fin, & que cela n'eust deliuré

A le monde de maux infiniz, qui depuis en sont aduenus: mais, soit ou que Lucullus preferast la consideration de ce qu'il deuoit à Sylla, de qui il estoit lieutenant, à tout autre regard & profit & priué & public, ou qu'il eust en haine & abomination Fimbria, comme personne damnee, & qui peu deuant auoit par sa malheureuse ambition souillé ses mains du sang de son amy & de son capitaine: ou que par quelque prouidēce & permission diuine, il espargnast alors Mithridates, à fin que ce luy fust puis apres un aduersaire digne, contre lequel il monstrest sa ualeur: comment que ce fust, tant y a qu'il ne uolur onques entendre à ce que luy mandoit Fimbria, ains donna à Mithridates espace & loisir de sen fouir, & consequemment de se mocquer de tout l'effort de Fimbria: mais luy seul depuis desfeit l'armee nauale du Roy une fois aupres du chef de Lectum, qui est en la coste de la Troade, & l'autre fois pres l'isle de Tenedos, ou Neoptolemus lieutenant de Mithridates en la marine l'espioit avec beaucoup plus grand nombre de uaisseaux qu'il n'en auoit, & neantmoins aussitost que Lucullus l'eust descouuert, il se ietta bien loing deuant sa flotte dessus sa galere capitaineſſe, qui estoit une galere Rhodiene à cinq rames pour banc, que conduisoit un pilote nommé Demagoras, homme fort affectionné au seruice des Romains, & bien exercité aux combats de la mer. Et comme Neoptolemus de l'autre costé luy uoguaſt de grande roideur à l'encontre, commadant à son pilote qu'il dressast sa galere pour chocquer droit de front, Demagoras craignant le choc de ceste galere royale, qui estoit forte & massiue, & d'auantage bien armee de poinctes & esperons de cuyure par le deuant, n'osa pas chocquer de la prouë, ains fit habilemēt donner le tour à la siene, & s'ier en arriere uers la poupe. Ainsi la galere estant en cest endroit là baissée, uint à receuoir le coup du heurt sans dommage quelcōque, attendu qu'il donna es parties qui sont tousiours dessus l'eau. Ce pendant ses gens approcherent, & adonc Lucullus commandant à son pilote qu'il retournast la prouë de sa galere, fit plusieurs actes dignes de memoire, si bien qu'il meit en route ses ennemis, & chassa Neoptolemus. Au partir de là, il sen alla trouuer Sylla sur le poinct qu'il estoit prest de trauerſer la mer à l'endroit de la Cherroneſe, si luy aida à passer son armee, & quand & quand luy asseura le passage: puis quand la paix fut accordee, & que le roy Mithridates se fut retiré en ses païs & royaumes qui sont au long de la mer maiour, Sylla condēna la prouince de l'Asie, pour l'amende de sa rebellion, en la somme de uingt mille talents, qui montent iusques à la raison de douze millions d'or. Et pour leuer ceste grosse taille, fut par luy cōmis Lucullus avec pouuoir de faire battre de la monnoye, qui fut un grand reconfort & grand soulagemēt pour les uilles de l'Asie, en la rigueur dont Sylla auoit usé enuers elles: car en une cōmission si ruineuse & si odieuse à tout le monde, comme estoit celle là, il se porta non seulement en homme droit, entier & net, mais aussi doulx & humain: car quant aux Mytileniens, qui tout ouuertemēt s'estoient rebellez cōtre luy, il desiroit bien qu'ilz recogneussent leur faulte, & qu'en satisfaction de l'erreur qu'ilz auoient commis en adherant à Marius, ilz souffrissent quelque punition legere. Mais uoiant qu'ilz estoient furieusement obstinez en leur malheur, il alla adonc contre eulx, & les aiant desfaits en bataille, les contrainit de senfermer dedans leurs murailles, puis meit le siege deuant leur uille, là ou il leur ioua d'une telle ruze, c'est qu'en plein iour il monta sur mer à la ueuē de ceulx de la uille, & cingla uers la uille d'Elea: mais la nuit secret-

Lucullus.

temēt il s'en retourna, & sans faire bruit se meit en embusche au plus pres de la uille. Les Mytileniens qui ne se doubtoient de rien, sortirēt le lendemain matin temerairement sans ordre, & sans se tenir sur leurs gardes pour aller piller & saccager le camp des Romains, cuidans qu'ilz n'y trouueroiēt personne: mais Lucullus saillant soudainement sur eulx, en prit un grand nombre de prisonniers, & en tua bien enuiron cinq cents de ceulx qui se uolurēt mettre en defense, & y gaigna bien six mille esclaves, avec une quantité infinie de tout autre butin. Au demourant les Dieux le preseruerēt, qu'il ne s'entremeit onques de tant de maux & miseres de toutes sortes que Sylla & Marius en ce temps là feirent porter & souffrir à la pauvre Italie, estant ce pendant occupé aux affaires de l'Asie: & neantmoins pour estre absent, il n'eut pas moins de faueur & de credit enuers Sylla, que ses autres amis: car, cōme nous auons desia dict, il luy adressa & dedia ses commentaires pour l'affection qu'il luy portoit, & par son testament l'institua tuteur de son filz, laissant Pompeius en arriere, ce qui semble auoir esté la premiere occasion du different & de la ialousie qui sourdit depuis entre eulx, par ce qu'ilz estoient tous deux ieunes & ardents de cupidité d'honneur. Vn peu apres la mort de Sylla, Lucullus fut eleu Consul avec M. Cotta, enuiron la cent soixantieme Olympiade, & lors recommença lon à mettre en auant qu'il estoit besoing de reprendre la guerre contre Mithridates, mesmement Marcus Cotta, lequel alloit disant par tout, qu'elle n'estoit point esteincte ny amortie, ains seulement endormie: parquoy quād les Cōsuls uindrēt à tirer au sort les prouinces dont ilz deuoient auoir le gouuernemēt, Lucullus fut fort marry, de ce que la Gaule d'entre les Alpes & l'Italie luy escheut à son sort, par ce qu'il luy sembloit que ce n'estoit pas prouince ou il y eust matiere de faire rien de grand, & ce qui plus l'aiguillonnoit à le desirer, estoit la gloire que Pompeius alloit tous les iours acquerant par les grands exploits d'armes qu'il faisoit en Hespagne: tellement que c'estoit chose toute certaine, qu'il eust esté eleu capitaine pour faire la guerre à Mithridates incontinent qu'il eust acheué celle de l'Hespagne, à l'occasiō dequoy quād Pompeius enuoya demander à grande instāce de l'argent pour la soude de ses gens, escriuāt au Senat, que si on ne luy en enuoyoit promptement il laisseroit là Sertorius & l'Hespagne, & qu'il remeneroit toute son armee en Italie. Lucullus emploia tout son pouuoir, à ce q̄ biē tost il luy en fust enuoyé, de peur qu'il ne retournaist en Italie, pour occasion quelle quelle fust, en l'an de son Consulat: car il pésoit bien que s'il y retournoit avec une si puissante armee, il feroit & obtiendrait facilement à Rome tout ce qu'il uouldroit, attendu mesmement que Cethegus, qui auoit pour lors tout le credit & la uogue au gouuernement des affaires dedans Rome, à cause qu'il disoit & faisoit entierement tout ce qu'il sentoit estre plaisant & agreable au cōmun peuple, estoit en picque à l'encontre de luy, qui haïssoit ses meurs & sa maniere de uiure, comme de personne abandonnee à tout uice & à toute dissolution: au moien dequoy il faisoit la guerre tout ouuertement à ce Cethegus là. Mais il y auoit un autre harengueur de peuple nommé Lucius Quintius, lequel uouloit faire casser, rescinder & annuller toutes les ordonnances & tous les actes de Sylla, ce qui estoit remuer tout l'estat de la chose publique, & remettre la uille de Rome en trouble & en combustion, laquelle se trouuoit pour lors en paix & en repos, Lucullus admonesta celuy là doucement en priué, & en public le tenfa & reprit tellement de paroles, qu'il le destourna de ceste mauuaise entreprise, &

A ramena à la raison l'ambition temeraire de cest homme là, en maniant le plus sagement & le plus dextremēt qu'il estoit possible, pour le salut de la chose publique, le commencement d'une maladie, de laquelle infinis maux estoient pour aduenir. En ces entrefaittes les nouvelles uindrēt, que le gouuerneur de la Cilicie, Octauius, estoit decedé. Si y eut incontinent plusieurs prochassans qui se meirent à briguer & poursuiure ce gouuernement, & à faire la court à Cethegus, cōme à celuy, qui plus que nul autre auoit moien de la faire tumber entre les mains de qui il uouldroit, Quāt à Lucullus il ne faisoit pas grād compte de ce gouuernement de la Cilicie pour le regard de la prouince, mais considerant que la Cappadocie estoit tout ioignant, & se persuadant, que fil

B en pouuoit obtenir le gouuernement, iamaïs on ne bailleroit à autre qu'à luy la commission de faire la guerre à Mithridates, il resolut de faire tout son effort, & essayer tous moiens de paruenir à ce, qu'autre ne l'eust que luy: & apres auoir tenté tout autre expedient, il fut contraint à la fin, contre son naturel, de recourir à un moien qui n'estoit ny beau ny honeste, mais bien le plus expedient qu'il eust sceu auoir pour paruenir à la fin qu'il desiroit. Il y auoit en ce temps là une femme à Rome qui s'appelloit Præcia, fort renommée, tant pour sa beauté que pour sa bonne grace à plaisamment deuïser, au demourant des-hontee, comme celles qui publiquement font marchandise de leurs corps: mais pour autant qu'elle employoit le credit & la faueur de ceulx qui la han-

C toïēt, & qui alloïēt deuïser avec elle, pour seruir au bien des affaires & des brigues de ceulx qu'elle aimoit, elle en acquit le bruit oultre ses autres graces & parties louables qui estoient en elle, d'estre femme de bonne amour & d'efficace, pour conduire à chef une bonne entreprise, ce qui luy donna tresgrande reputation. Mais encore depuis qu'elle eut gagné Cethegus, qui auoit pour lors la uogue, & manioit à son plaisir tous les affaires de la chose publique, estāt deuenu si amoureux de ceste fême, qu'il ne la pouuoit esloigner de ueuë: adonc toute la puissance & l'autorité de la uille de Rome se trouua entre ses mains, pource qu'il ne se depeschoit rien par le peuple que Cethegus n'en fust le poursuiuāt, & Cethegus ne poursuiuoit rien, que Præcia ne luy cōmandast.

D Parquoy Lucullus se meit à la gagner & à finsinuer en sa bonne grace, par presens, & toute autre maniere de caresses, dōt il se peut aduïser, oultre ce que c'estoit desia un tresgrand salaire à une femme ambitieuse & superbe, comme estoit celle là, que lon la ueïst requise, & recherchee d'un tel personnage que Lucullus, lequel par ce moien uint à auoir incontinent Cethegus à son commandement: car il ne feit plus que le louer en toutes assemblees du peuple, & à luy prochasser & procurer le gouuernement de la Cilicie, & depuis que cela luy eut une fois esté ottroyé, il n'eut plus besoing de l'aide de Præcia ny de Cethegus: car tout le peuple de luy mesme luy defera unanimemēt la charge de faire la guerre à Mithridates, cōme à celuy seul q se sçauoit mieulx desfaire q

E nul autre capitaine, pour autāt que Pompeius estoit encore apres Sertorius en Hespagne, & que Metellus estoit desia trop uieil, qui estoïēt les deux seuls qui eussent peu cōtendre & cōbattre du merite de ceste charge à l'encōtre de luy: toutefois son cōpaignon au Cōsulat M. Cotta, supplia tāt le Senat, que lon l'y enuoia aussi avec une armee de mer pour garder les costes de la Propontide, & defendre le païs de la Bithynie. Lucullus dōques aiāt ceste cōmission, passa en Asie avec une seule legion qu'il leua de nouueau à Rome, & quād il fut arriué là, il prit le reste des forces qu'il y trouua q estoient de gens corrópus & gastez

Lucullus.

de longue main par les delices du pais & par auarice: car entre autres y estoient F
les bendes que lon appelloit les bendes Fimbrianes, d'hommes desbauchez &
malaisez à tenir en discipline militaire, à cause que de long temps ilz estoient
accoustumez de uiure à discretion sans obeir à personne. Ce furent ceulx qui
auec Fimbria tuerent leur capitaine Flaccus, Cōsul du peuple Romain, & qui
depuis trahirent Fimbria mesme & l'abandonnerēt à Sylla, hommes mutins,
felons & meschans: mais au demourant bons combattāz, bien aguerriz & ex-
ercitez à porter les trauaux de la guerre. Ce neantmoins en peu de temps Lu-
cullus retrenchā bien leur audace, & reforma les autres pareillement, qui ia-
mais au parauant n'auoient, à mon aduis, experimenté que c'estoit que d'un
bon capitaine & d'un chef qui sceust commander, ains auoient accoustumé G
d'estre tousiours sous des conducteurs qui les flattoient, & ne leur comman-
doient sinon autant qu'il leur plaisoit. Au reste, quand aux affaires des enne-
mis, ilz estoient en tel estat. Mithridates qui auoit esté du commencement au-
dacieux & braue, comme le sont ordinairement les Sophistes, iusques à ozer
entreprendre la guerre contre les Romains, auec une armee inutile & uaine à
l'effect, mais bien pompeuse & magnifique à l'œil, depuis qu'il eut une fois
esté battu & chastié auec non moins de honte que de perte, quand ce uint à la
seconde guerre il reseca toute pompe superflue de son armee, & la restraignit
en uray appareil & utile equippage de guerre pour bien seruir au besoing: car
il osta la multitude confuse de toutes sortes de nations, les fieres menasses des H
Barbares en tant de langues differentes, & les armes enrichies de broderie,
d'orfauerie & de pierres precieuses, cōme choses qui enrichissoient plus ceulx
qui les gaignoient, qu'ilz ne donnoient de force ny de courage à ceulx qui les
portoient, & au contraire feit forger des espees longues & fortes à la Romaine,
des boucliers pesans & massifz, & feit amas de cheuaux mieulx faictz &
plus addroictz que richemēt parez, puis meit ensemble six uingts mille com-
battans à pied, ordōnez & equippez ne plus ne moins qu'une bataille de Ro-
mains, auec seize mille cheuaux de combat, sans ceulx qui trainnoient les cha-
riots de guerre armez de faulx tout à l'entour, qui estoient iusques au nombre
de cent, & oultre tout cela encore assembla il grand nombre de nauires & de I
galeres, qui n'estoient point parees de beaux pauillons dorez, comme la pre-
miere fois, ny de baings & estuues, ny de chambres & cabinets delicieusement
accoustrez pour les damoiselles, ains pleines d'armes, de flesches, & de traictz,
& d'argent pour la foudre des gens de guerre, auec tout le quel appareil il alla
premierement enuahir la Bithynie, de laquelle les uilles le receurent uolun-
tiers encore une autrefois, non seulement celles de la Bithynie, mais aussi tou-
tes celles de l'Asie entierement, lesquelles retumberēt en leurs premieres ma-
ladies & miseres par la cruaulté des fermiers & usuriers Romains, qui en leuāt
les tailles & impos sur elles, leur faisoient endurer des choses intolerables. Vray
est que Lucullus les en chassa, comme des Harpyes, qui estoient la nourriture K
de la bouche à ces pauvres gens là: mais se fut depuis, & pour lors il ne feit au-
tre chose que tascher à les redre plus doulx & plus raisonnables, en les tenant
& reprenant de ce qu'ilz uoient de si grande rigueur. Cela appaisa un peu les
inclinations des peuples à rebellion: car il n'y en auoit pas un, en maniere de
dire, qui n'eust bien bonne enuie de ce faire. Or pendant que Lucullus enten-
doit à telz affaires, Marcus Cotta estimant que ceste absence de son compa-
gnon, luy estoit une occasion fort à propos pour bien faire ses besongnes, se
prepara

- A prepara pour combattre Mithridates: & combien que de plusieurs endroits on luy apportast nouvelles, que Lucullus avec son armee estoit desia en la Phrygie, & qu'il sen uenoit uers luy, ce neantmoins cuidant desia tenir l'honneur du triumphe, comme chose toute certaine, entre ses mains, de peur que Lucullus n'y participast, il sauancea de donner la bataille, ou il fut battu luy mesme tant par mer que par terre, si bien qu'il y perdit en mer soixante de ses uaisseaux avec toutes les personnes qui estoient dedās, & quatre mille hommes de pied en terre, & puis fut enclos & assiegé dedans la uille de Chalcedoine, dont il n'eut autre esperance d'eschapper, que par le moien du secours de Lucullus: toutefois il y en auoit au camp de Lucullus, qui le sollicitoient & le
- B pressoient de laisser là Cotta, & poulser oultre, l'assurans qu'il trouueroit le royaume de Mithridates tout uuide de gens de guerre & sans defense quelcōque, de sorte qu'il sen saisiroit facilement, & estoient les propos & paroles des soudards qui auoient despit de ce que Cotta par sa folle temerité & oultreuidance, non seulement auoit perdu & mené à la boucherie ceulx qui estoient dessoubs sa charge: mais encore les empeschoit de uaincre & uenir à bout de ceste guerre sans coup ferir, par ce qu'il le falloit aller secourir: mais Lucullus en la harenque qu'il leur feit sur ce propos, leur respondit qu'il auoit plus cher sauuer un seul citoien Romain, que gagner tout ce qui estoit en la puissance des ennemis. Et cōme Archelaus qui auoit esté en la premiere guerre lieutenant de Mithridates, & depuis en ceste scōde s'estoit tourné du costé des Romains, l'assurast que si tost qu'on le uerroit au royaume de Pôt, tout se rebelleroit contre Mithridates, & se rendroit à luy, il luy feit response qu'il ne se montreroit ia plus couard que les bons ueneurs, lesquelz ne laissent iamais la beste pour aller à son giste. En disant cela, il feit marcher son armee droit là ou estoit Mithridates, aiant en tout son camp trente mille hommes de pied & deux mille cinq cents cheuaulx: & quand il fut approché si pres des ennemis qu'il pouuoit à l'œil aiseemēt ueoir tout leur ost, il fésmerueilla de la multitude grande de cōbattans qui y estoit, & fut en uolunté de ne donner point de bataille, pensant qu'il estoit plus expedient de prolonger le temps, & tirer
- D ceste guerre en longueur: mais un Marius capitaine Romain, que Sertorius auoit enuoyé d'Hespagne à Mithridates avec quelque nōbre de gens de guerre, luy alla au deuāt, & le prouoqua à uenir au combat. Lucullus de son costé meit aussi ses gens en ordonnance pour combattre: mais sur le poinct que les deux batailles estoient prestes à s'entrechocquer, l'air se fendit soudainemēt, sans que lon eust au parauant apperceu aucune sensible mutation de temps, & en ueit on euidentement descendre entre les deux batailles un grand corps enflammé, dont la forme & figure estoit comme d'une tonne, & auoit couleur d'argent bouillant. Ce signe & presage celeste, estonna tellement les deux armees, qu'elles se retirerent toutes deux sans combattre: & aduint ce miraculeux cas, ainsi que lon dit, au lieu de la Phrygie, qui s'appelle Otryes. Mais depuis Lucullus discourant en luy mesme, qu'il n'y auoit si grandes provisions ne si grandes richesses au monde, qu'elles peussent longuement fournir à nourrir tant de milliers d'hommes ensemble, comme en auoit Mithridates en son camp, aians mesmement les ennemis campez deuant eulx, il cōmāda qu'on luy amenaist un des prisonniers en sa tente, & l'interroqua premieremēt combien ilz estoiet logez ensemble par chasque chambree, & puis combien il auoit laissé de bled en leur logis: apres que le prisonnier luy eut ré-
- E

du responce à tout ce qu'il luy uoulut demãder, il le feit remener, & cõmanda F
qu'on luy en amenaſt un autre, & puis un troiſieme, aux quelz il feit de ſem-
blables interrogatoires qu'il auoit faittes au premier: puis en cõparant la quã-
tité du bled & d'autres uiures qu'ilz auoient auec le nombre des hommes qu'il
leur falloir nourrir, il trouua que dedans trois ou quatre iours les uiures leur
faudroient, au moien dequoy il ſarreſta & ſe confirma en ſa premiere delibe-
ration de laiſſer couler le tẽps ſans hazarder la bataille. Si feit amaffer de tou-
tes parts, & apporter grãde quantité de bledz en ſon camp, à fin qu'ayant abõ-
dance de tous uiures en ſon armee, il peuſt à ſon aiſe eſpier, & attendre les oc-
caſions que les neceſſitez des ennemis luy preſenteroient. Ce pendant Mithri-
dates alloit eſpiãt les moiens de ſurprẽdre la uille des Cyziceniens, qui auoient G
eſté battus en la bataille de deuant Chalcedoine auec Cotta, là ou ilz auoient
perdu trois mille hommes de guerre & dix de leurs vaiſſeaux: & à fin que Lu-
cullus ne ſeuſt riẽ de ſon entrepriſe, il ſe partit un ſoir incontĩnẽt apres ſoup-
per, prenant l'occaſion d'une nuit obſcure & pluuiieuſe, & feit ſi bonne dili-
gence, que le matin au poinct du iour il ſe trouua deuant la uille, & planta ſon
camp à l'endroiẽt ou eſt aſſis le temple de la deeſſe Adraſtia qui eſt la fatale de-
ſtinee. Dequoy Lucullus aiãt eſté aduertý, ſe meit auſſi toſt à le ſuyure à la tra-
ce, & fut bien aiſe de ce qu'il ne le rencontra point en chemin, par ce que ſon
armee ne pouuoit marcher en ordonnance de bataille reũge, & ſalla loger H
en un bourg, qui ſ'appelloit Thracia, en lieu auãtageux pour luy, & commo-
dement aſſis pour les chemins & aduenues des lieux circõuoiſins, dont il fal-
loit neceſſairement que les uiures uiſſent au camp de Mithridates: parquoy
preuoyant en ſon entendement ce qui en aduiendroit, ne le uoulut point ca-
cher ny celer à ſes gens, ains apres que ſon camp fut logé & bien fortiſié de
trenchees, les feit aſſembler en conſeil, ou il leur feit une harẽgue, & leur dit
publiquement auec grande demonſtration de toute confiance, que dedans
peu de iours il leur bailleroit la uictoire entre leurs mains, ſans qu'il leur cou-
ſtaſt une ſeule goutte de leur ſang. Ce pendãt Mithridates enuironna de tou-
tes parts les Cyziceniens par terre, ayant diuiſé ſon armee en dix camps, & par
mer ayant bouché d'un coſté & d'autre auec ſes vaiſſeaux, l'entree du bras de I
mer qui ſepare la uille d'auec la terre ferme. Si auoient les Cyziceniẽs bon cou-
rage au demourant, & eſtoient bien deliberez de ſouſtenir & endurer toutes
extremitez pour l'amour des Romains: mais une choſe ſeule les tenoit en pei-
ne, qu'ilz ne ſçauoient ou eſtoit Lucullus, & n'en pouuoient ouir nouuelles,
combien que ſon camp fuſt fort apparent & aſſis en lieu que lon le pouuoit ai-
ſement ueoir de la uille: mais les gens de Mithridates les abuſoient, car en
leur monſtrant les Romains qui eſtoient campez au deſſus d'eulx, aſſez pres,
Voiez uous, diſoient ilz, ce camp là? ce ſont les Medois & les Armeniens, que
le roy Tigranes a enuoyez au ſecours de Mithridates. Ces paroles effroioient
les Cyziceniens, uoians tant d'ennemis eſpandus à l'entour d'eulx, en ſi grand K
nombre, que quand Lucullus uiendroit pour les ſecourir, il ne ſçauoit par ou
paſſer: toutefois à la fin ilz entendirent la uenue de Lucullus par un nommé
Demonax que Archelaus leur enuoya, auquel du commencement ilz n'ad-
iouxterent point de foy, eſtimans que ce fuſſent choſes feintes & controuuees
qu'il leur diſoit, à fin de leur donner meilleur courage de ſupporter conſtam-
ment les trauaux du ſiege, iuſques à ſe qu'il arriua un petit garſon qui auoit
eſté pris des ennemis, & puis leur eſtoit eſchappé, & ſ'en eſtoit retourné en la
uille:

- A uille: si luy demanderent, ou lon disoit que Lucullus estoit: le garson se moqua d'eulx, pensant qu'eulx mesmes ne feissent que se iouer, de luy demander cela: mais quād il ueit qu'ilz parloient à certes, il leur monstra du doigt le cāp des Romains, & adonc ilz le creurent & s'en assēurerent. Or y a il assez pres de la uille de Cyzique, un lac qui s'appelle Dascylliride; & est nauigable d'assez grāds batteaux. Lucullus en feit tirer en terre celuy q estoit le plus capable, & le feit trainner sur un chariot iusques dedans la mer, puis y embarqua dessus autant de soudards comme il y en peut tenir, lesquelz entrerēt la nuit dedās la uille, sans estre apperceuz du guet des ennemis. Ce peu de secours recōforta grandement les assiegez: & si semble que les Dieux, prenans plaisir de ueoir qu'ilz eussent si bon courage, les uolurent encores assēurer & confirmer d'auantage par plusieurs signes tres euidents qu'ilz leur enuoyerent diuinemēt; & mesmement par un qui fut tel. Le iour de la feste de Proserpine; laquelle feste s'appelle Persephattia, estoit prochain, & n'auoient ceulx de la uille point de uache noire pour immoler ce iour là au sacrifice solēnel; comme leurs anciennes cerimonies le requeroient, si en feirent une de paste, & la porterent au pres de l'autel, car celle qui auoir esté deuouee à ce sacrifice, & que lō nourrissoit expres pour seruir à ce iour là, estoit par les champs à l'autre riue du bras de mer, ou elle pasturoit avec le reste du bestail de la uille: mais ce iour là elle se separa toute seule d'avec le reste du troupeau, & trauersa à nage le bras de mer iusques dedans la uille, là ou elle falla d'elle mesme presenter au sacrifice.
- C D'auantage la deesse mesme Proserpine s'apparut la nuit en dormāt à Aristagoras secretaire d'estat de la chose publique des Cyziceniens, qui luy dit, Je suis icy uenue pour amener le flusteur de Libye contre la trompette Pōtique; & pourtant dis à tes citoiens de par moy, que ie leur mande qu'ilz aient bon courage. Le lendemain comme le secretaire eust fait entendre sa uision, les Cyziceniens se trouuerent fort esbahiz de ces paroles de la Deesse, ne pouuans comprendre ce qu'elles uoloient signifier: mais à l'aube du iour il se leua un uent impetueux qui eueut une tourmēte en la mer & les machines & engins de batterie du Roy, qui estoiet desia tout ioignāt les murailles de la uille pour les battre, ouurages merueilleux, qu'auoit inuentez & dressez un ingenieur Thessalien nommé Niconides, commencerent à crier & esclatter si fort par l'agitation du uent, que lon pouuoit aisement iuger & preuoir ce qui en aduiēdroit. Puis tout à un coup le uent du midy se r'enforcea si uiolentement, & par une uehemence si grande, qu'il brisa, rompit, abbattit, & froissa en un momēt tous ces engins, mesmemēt une tour de bois de la haulteur de cent couldees, laquelle il esbranla si lourdement qu'il la renuersa par terre. Encore dit on plus, qu'en la uille d'Ilium, la deesse Minerue s'apparut à plusieurs personnes en dormant, toute trempee de sueur, & monstrant une partie de son uoile deschirce, cōme si elle fust tout freschemēt retournee de porter secours aux Cyziceniens: en confirmation dequoy, les habitans d'Ilium mōstrent encore au iourd'huy une coulōne, là ou cela pour une memoire perpetuelle est escript. Si fut Mithridates bien fort desplaisant du bris & de la perte de ses machines, moienāt laquelle les Cyziceniens auoient eschappē le peril de l'assault & consequemment du siege, iusques à ce, qu'il entendit à la uerité, la famine grande qui estoit en son camp, & la necessitē si extreme que les soudards estoient contrains de manger de la chair d'homme, ce que ses capitaines, en l'abusant, luy auoient pour un temps cēlé & deguisē: mais aussi tost comme il le sceut, il ne

F
 fopiniaſtra plus par uaine ambition à uouloir obſtinement demourer en ce ſiege, pource que Lucullus ne luy faiſoit point la guerre de mines ny de brauades, ains (côme lon dit en commun prouerbe) il luy ſaultoit à deux pieds ſur le uentre, c'eſt à dire, qu'il faiſoit entierement ce qui eſtoit en luy pour luy trencher uiures de tous coſtez. Et pourtant un iour que Lucullus eſtoit allé pour forcer quelque chasteau qui luy faiſoit ennuy aſſez pres de ſon cāp, Mithridates ne uoulant perdre ceſte occaſion, enuoya preſque tous ſes gens de cheual au recouurement de uiures en la Bithynie, avec tout ſon charroy, ſes beſtes de uoiture, & les plus inutiles de ſes gēs de pied: de quoy Lucullus eſtāt aduertý ſ'en retourna la nuit meſme en ſon camp, & le lendemain au matin en la ſaiſon d'hyuer ſe meit à les ſuiure à la trace, avec dix enſeignes de gēs de pied ſeulement, & toute ſa cheualerie: mais les neges eſtoient ſi grandes, le froid ſi aſpre, & le temps ſi rude & mauuais, que pluſieurs des ſoudards ne le pouuans ſupporter en moururēt par le chemin: toutefois il ne laiſſa point de tirer oultre, ſi bien qu'il attaignit ſes ennemis pres la riuiera de Ryndacus, là ou il en feit une telle deſconfiture, que les femmes meſmes de la uille d'Apollonia ſortoient, & alloiēt deſtrouſſer ce qu'ilz auoiēt chargé de uiures, & deſpouiller les morts, dont il y eut un grād nombre, comme l'on peult eſtimer en une telle rouverte: & neātmoins encore fut il pris ſix mille cheuaux de ſeruices, un nombre infiný de beſtes de uoiture, & biē quinze mille perſonnes: tout lequel butin il ramena en ſon camp, en le paſſant par deuāt celuy des ennemis. H
 Mais ie m'eſbahy fort de l'historien Saluſte en ceſt endroit, qui dit que ce fut là premierement que les Romains ueirēt des chameaux, & que iamais au parauant ilz n'en auoiēt ueuz: car ie treuve eſtrange, qu'il penſaſt que ceulx qui long temps deuāt, ſoubz Scipion, auoiēt uaincu le grād Antiochus, ou qui nagueres auoiēt combattu contre Archelaus pres des uilles d'Orchomene & de Charonee, n'euſſent point ueu de chameaux. Mais pour retourner à noſtre propos, Mithridates effroyé de ceſte deſſaite reſolut incontinent de ſ'en fouir le plus toſt qu'il luy ſeroit poſſible: & pour amuſer & retenir quelque temps Lucullus derriere luy, il ſaduifa d'enuoyer ſon admiral avec ſon armee de mer en la mer de la Grece: mais ainſi côme il eſtoit preſt à faire uoile, I ſes gens meſmes le trahirent, & le liurerent entre les mains de Lucullus avec dix mille eſcus qu'il portoit quand & luy, pour taſcher à en corrompre & gagner partie de l'armee des Romains. Cela entendu, Mithridates ſ'en fouit par la mer, & laiſſa le reſte de ſon armee de terre entre les mains de ſes capitaines pour la ramener. Lucullus alla apres iuſques au fleue de Granicus, là ou il les chargea, & apres en auoir tué uingt mille, en prit de priſonniers un nombre infiný. Et dit on qu'en celle guerre il mourut bien, tant de gens de guerre comme de ualers, & autres gens ſuiuans le camp, iuſques au nombre de trois cents mille perſonnes. Cela fait, Lucullus ſ'en retourna en la uille de Cyzique, là ou apres auoir employé quelques iours à iouir de l'honneur qui luy eſtoit K deu, & à receuoir le bon recueil que luy feirent les Cyziceniens, il alla uiſiter toute la coſte de l'Helleſpōt pour aſſembler vaiſſeaux & dreſſer une armee de mer, & en paſſant par la Troade, on luy feit ſon logis dedans le temple de Venus, là ou ainſi qu'il dormoit la nuit en ſon liēt, il luy fut aduis qu'il aperceut la Deeſſe deuant luy, qui luy dit ces uers,

C omment dors tu, ô lion courageux,

Q uand pres de toy ſont des cerfs umbrageux?

- A Si se leua du liēt incontinent, & faisant appeller ses amis, leur récita la uision qu'il auoit eue, estant encore nuēt toute noire: & sur ces entrefaites arriuerēt quelques uns uenans de la uille d'Illion qui luy apporterēt nouuelles, que lon auoit apperceu au port des Acheiens quinze galeres à cinq rames pour banc de celles du roy Mithridates, & qu'elles cingloient uers l'isle de Lemnos. Parquoy il se meit aussi tost à la uoile, & les alla toutes prendre: car d'arriuee il occit le capitaine qui se nommoit Isidorus, & puis alla contre les autres mariniens qui estoient à l'ancre le long de la coste, & le uoiant uenir contre eulx, tirerent tous leurs uaisseaux en terre, & combattans de dessus le tillac, blecerent plusieurs des soudards de Lucullus, qui ne le pouuoient enuironner par derriere, à cause du lieu ou elles estoient, ny le inuestir par deuant, à cause que leurs galeres flottoient en mer, & les autres estoient appuyees & echouees fermement contre la terre. Toutefois à la fin, Lucullus à toute peine trouua façon de mettre en terre les meilleurs combattās qu'il auoit lors autour de luy, par un endroit ou il trouua que lon pouuoit descendre en l'isle. Ces soudards allerent charger les ennemis par derriere, dont ilz en tuerent aucūs d'arriuee, & contraignirent les autres de couper les chables qui tenoient les galeres attachées aux riuages: mais quād ilz s'en cuiderēt fouir arriere de la terre, les galeres s'entreheurterent, & froisserent les unes les autres, & qui pis est, allerent donner dedans les poinctes & esperons de celles de Lucullus: si furent tuez
- C plusieurs de ceulx qui estoient dessus, & les autres pris prisonniers, entre lesquels fut amené à Lucullus le capitaine Romain nomme Marius, que Sertorius auoit enuoié d'Hespagne à Mithridates: car il estoit borgne, & Lucullus auoit commandé à ses gens auant la meslee, qu'ilz ne tuassent pas un des ennemis qui n'eust qu'un œil, à fin qu'il n'eust pas cest heur, que de mourir en combattant, ains que lon le feist honteusement & ignominieusement mourir par iustice. Cela faict Lucullus se hastia d'aller luy mesme en personne à la poursuite de Mithridates, pource qu'il s'attēdoit de le trouuer encore en la coste de la Bithynie, là ou Voconius le luy auroit arresté: car il auoit enuoyé deuant ce Voconius avec quelque nombre de uaisseaux en la uille de Nicomedie pour l'empescher de fouir: mais il s'amusa tant en l'isle de Samothrace à sacrifier aux Dieux d'icelle, & se faire receuoir & instruire es cerimonies de leur religion, qu'il ne peut pas puis apres arriuer à temps pour engarder de partir Mithridates, lequel auoit ia faict uoile avec toute sa flotte, se hastant à toute diligence de gagner le royaume de Pont auāt que Lucullus retournast de là ou il estoit allé: mais en chemin il fut accueilly d'une tourmente si uiolente qu'elle emporta partie de ses uaisseaux qui coururent fortune, & partie en brisa & meit à fond, tellement que toute les costes & riuages d'alenuiron par plusieurs iours furent pleins & semez de corps morts & de naufrages que les uagues de la mer y ietterent. Quant à sa personne il estoit dedās une grosse
- E naue de charge, laquelle ne pouuoit pas pour sa grandeur cingler au long de la terre, & ne se laissoit pas aisement gouverner ny manier aux pilotes en une si impetueuse tourmente, & uagues si uiolentes, que les mariniers y perdoient toute cognoissance, & si estoit desia si pesante & si remplie de l'eau qu'elle faisoit qu'ilz ne l'ozoient plus eslargir en pleine mer, de maniere qu'il fut contrainct de passer en un petit briguantin de coursaies, & mettre sa personne & sa uie entre les mains de larrons & escumeurs de mer, à l'aide desquelz à la fin non sans extreme danger & contre toute esperance, il se sauua en terre, & fait

tant qu'il arriua en la uille de Heraclee au royaume de Pont. En quoy faict à
 noter que la uanerie, dont usa Lucullus en cest endroit enuers le Senat Ro-
 main, encore qu'elle peust autrement sembler un peu ambitieuse, ne luy tour-
 na point par courroux des Dieux, au rebours de sa pensee: car comme le Senat
 eust ordonné, que pour mettre fin à ceste guerre on dressast & équippast une
 flotte de uaisseaux, & pour ce faire eust donné assignation de dixhuit cents
 mille escus, Lucullus empescha par lettres qu'il ne se feist, & escriuit brauemēt
 que sans toute ceste despence, & ce grand appareil, il se faisoit fort de chasser
 Mithridates hors de la mer avec les uaisseaux empruntez de leurs alliez & cō-
 federez seulemēt: & le fait de faict avec une speciale grace & aide des Dieux,
 par ce que lon dit que ceste horrible tourmente, qui perdit l'armee de Mithri-
 dates luy fut suscitée par Diane, courroucée de ce q̄ les Pontiques auoier pillé
 son tēple, qui est en la uille de Priapos, & en auoient enleué & transporté son
 image. Or y en auoit il plusieurs qui conseilloyēt à Lucullus de differer le de-
 mourant de ceste guerre à une autre saison: mais nonobstant toutes leurs re-
 monstrances, il alla par les païs de la Galatie & de la Bithynie, enuahir le roy-
 aume de Mithridates: auquel uoyage il eut du commencement disette de ui-
 ures, tellement qu'il y auoit trente mille hommes de la Galatie, qui suyuoient
 son armee, portans chascun un minot de bled sur leurs espauls: mais entrant
 auant en païs, & y conquerant tout, il uint à auoir si grande abondāce de tou-
 tes choses, qu'un bœuf ne se uendoit en son camp qu'une drachme d'argēt, qui
 pouuoit ualoir enuiron trois solz & six, & un esclau quatre fois autant, qui
 sont enuiron quatorze solz. De tout autre butin il y en auoit une quantité si
 grāde, que ou lon n'en faisoit compte, ou on le consommoit en tout abandō,
 pource que lon ne trouuoit pas à qui le uendre, à cause que chascun en auoit:
 car ilz ne feirent que courrir & cheuaucher tout le païs, iusques à la uille de
 Themiscyra, & aux campagnes qui sont au lōg de la riuier de Thermodon,
 n'arrestans en pas un lieu, sinon autant qu'ilz demouroiēt à le saccager & pil-
 ler: à raison dequoy les soudards se plaignoiēt de leur capitaine, pource qu'il
 receuoit à composition toutes les uilles, & n'en prenoit pas une à force, ny ne
 leur donnoit moien de s'enrichir du pillage. Encore à ceste heure, disoiēt ilz,
 nous fera il passer oultre Amisus cité riche & puissante, que nous prendrions
 facilement à force, qui luy donneroit roidement un assaut, pour nous mener
 aux deserts des Tibareniens & des Chaldeiens combattre Mithridates. Lucul-
 lus ne faisoit compte de toutes ces plaintes & doleāces des soudards & ne s'en
 soucioit point, pource qu'il n'eust iamais cuydé qu'ilz deussent uenir iusques
 à telle fureur & à telle mutination, comme ilz feirent depuis: & au contraire,
 il se iustificoit plus soigneusemēt enuers ceulx qui le reprenoiēt & blasmoiēt
 de ce qu'il s'arrestoit & amusoit si longuement à des uilles & uillages qui ne
 ualloient pas beaucoup, & ce pendant donnoit loisir à Mithridates de se re-
 faire, & remettre sus une autre armee nouuelle. Car c'est le poinct (ce leur di-
 soit il) auquel ie tends, & qui me faict ainsi amuser & seiourner ça & là, ne de-
 mandant autre chose, sinon qu'il se puisse une autre fois faire fort, & remettre
 ensemble une seconde armee, qui luy donne la hardiesse de se trouver encore
 deuant nous en bataille, & de ne fouir plus. Ne uoiez uous pas qu'il a à son
 dos une infinité de païs deserts ou lon ne le pourroit iamais suyure à la trace,
 & tout aupres de luy le mōt de Caucasus, & plusieurs autres inaccessibles, qui
 sont suffisans pour receler & cacher non luy seulement, mais autres innume-
 rables

A rables princes & roys qui uoudroient fouir la lice, & ne uenir point au combat: d'auantage il y a peu de iournees de chemin depuis la prouince des Cabi-
reniens iusques au royaume d'Armenie, là ou est de seiour Tigranes le Roy
des roys qui a la puissance si grande, qui deboutte les Parthes de l'Asie, & trās-
porte des uilles Grecques toutes entieres iusques au royaume de la Medie, qui
tiēt toute la Syrie & la Palestīne, qui a occis & exterminé les Roys successeurs
du grand Seleucus, & a emmené par force leurs femmes & leurs filles en capti-
uité. Ce grand & puissant roy est allié de Mithridates, cōme celuy qui a espou-
sé sa fille, & n'est pas uraysemblable que quand il l'ira humblemēt requerir de
luy donner secours en son extreme necessité, l'autre soit pour l'abandonner,
B ains est plus tost à croire qu'il prendra la guerre cōtre nous pour le defendre:
ainsi en nous cuydans hastier de chasser Mithridates, nous nous mettrons en
danger d'attirer & prouoquer un nouuel ennemy Tigranes, qui de long tēps
ne cherche autre chose que quelque occasion apparēte de nous faire la guer-
re, & il n'en sçauroit auoir de plus honeste apparence, que de prédre les armes
pour defendre d'extreme ruine un Roy son uoisin & son allié si proche, aiant
esté cōtrainct de se ietter entre ses bras. Quel besoing donques est il que nous
mesmes procurions cela, & que nous enseignions à Mithridates ce qu'il n'en-
tend pas, à qui il doibt recourir pour luy aider à nous faire la guerre, & que
nous le poulsons, ou que pour mieulx dire, nous le mettions avec noz pro-
C pres mains en uoye d'aller requerir secours à Tigranes, ce qu'il ne fera ia-
mais de sa uoulunté, s'il n'y est necessairement contrainct, estimant que ce luy
feroit deshonneur. Ne uault il pas mieulx que nous luy donnons le temps &
le loisir de rassembler une autrefois les forces de son royaume, & se remettre
sus, à fin que nous combattions plus tost contre les Colchiens, Tibareniens,
Cappadociens, & autres telz peuples que nous auons desia battus tant de fois,
que contre les Medois & Armeniens? En ceste resolution demoura Lucullus
long temps deuant la uille d'Amisus, faisant tout expressement durer le siege
sans le presser: puis quand l'hyuer fut passé, il y laissa Murena pour le conti-
nuer, & s'en alla avec le reste de son armee trouuer Mithridates, lequel auoit
D planté son camp pres la uille de Cabira, delibéré d'y attēdre les Romains, aiāt
remis sus un exercite de quarante mille combattans à pied, & quatre mille
cheualx, aux quelz il se fioit le plus, tellement qu'il passa la riuere de Lycus,
& alla presenter la bataille aux Romains en une pleine campagne. Si y eut
quelques escarmouches de gens de cheual, esquelles les Romains eurent du
pire, & y fut pris un Romain nommé Pomponius homme bien estimé, lequel
fut mené, fort blecé qu'il estoit, deuant Mithridates, qui luy demanda si en
luy sauuant la uie, & le faisant guarir, il uoudroit pas deuenir son seruiteur &
son amy: Ouy bien, luy respondit il promptement, si tu fais paix avec les Ro-
mains, sinon, ie te seray tousiours ennemy. Le Roy estima beaucoup sa uertu
& ne luy feit aucun desplaisir. Quant à Lucullus il craignoit de descendre en
E la plaine, pource que son ennemy estoit le plus fort de gens de cheual, & si
doubroit aussi d'un autre costé de prendre son chemin par la mōtagne, pour-
autant qu'il estoit long, malaisé, & plein de bois & de forests: mais ainsi cōme
il estoit en ceste doubte, on prit d'aduenture quelques Grecs, qui s'en estoient
fouiz cacher dedans une cauerne là au pres, entre lesquelz y en auoit un uieil
nommé Artemidorus, lequel promet à Lucullus, s'il le uoloit croire & suy-
ure, qu'il le rendroit en un lieu fort & seur pour y loger son cāp, & ou il y auoit

un chasteau au dessus de la cité de Cabira. Lucullus adiouxta foy à son dire, & si tost que la nuict fut uenue, feit allumer force feuz en son camp, & s'en par-
tir, & apres auoir passé quelques pas de montagnes & destroiets dangereux, il
se trouua le matin au lieu qu'Artemidorus luy auoit promis: & furent les en-
nemis bien estonnez quand le iour fut uenu, de le uoir là au dessus d'eulx, en
lieu dont il pouuoit sortir avec aduantage sil luy plaisoit de combattre, & sil
ne luy plaisoit, & qu'il se uoulust tenir coy, il estoit impossible de l'y forcer:
car il estoit lors entre deux de hazarder la bataille ou non. Mais sur ces entre-
faittes, on dit que quelques uns du camp du Roy lancerent d'adventure un
cerf: ce q'uoians les Romains leur allerét au deuât pour leur couper chemin,
& cōmencerent par ce moien à se charger les uns les autres, y suruenant tous-
iours d'une part & d'autre, gens de renfort, tant qu'à la fin ceulx du Roy y fu-
rent les plus forts: mais les Romains uoiàs de dessus les rempars de leur camp
la fuitte de leurs gens, en eurent si grād despit, qu'ilz s'en coururét tout chaul-
dement à Lucullus, le prier qu'il les menast au combat, & qu'il leur donnast le
signe de la bataille. Lucullus leur uoulant dōner par effect à entendre, com-
bien sert la presence & la ueuë d'un bon & sage capitaine en un combat, & en
bon affaire, leur commanda qu'ilz ne bougeassent quant à eulx, & luy mes-
me en personne descendit en la plaine, ou il feit commandemēt aux premiers
de ses gens qu'il rencontra fuians, qu'ilz eussent à s'arrester, & à retourner au
combat quand & luy: ce qu'ilz feirent promptement, & les autres aussi pareil-
lement: & ainsi se r'allians tous ensemble, tournerent facilement leurs enne-
mis qui les chassoient en fuitte, & les remenerent battans iusques dedans leur
fort. Puis quand il fut de retour en son camp, il imposa à ceulx qui auoiēt fouy
une certaine note d'infamie, dont les Romains ont accoustumé d'user en tel
cas: c'est, qu'il leur feit creuser un fossé de douze piedz de long, estans en che-
mises tous desceints, leurs autres compagnons presens, & les regardans faire.
Or y auoit il en l'ost du Roy Mithridates, le prince des Dandariens, qui sont
certains peuples barbares habitans au long des marets Mæotiques, & s'appel-
loit ce seigneur Olrhacus, gētil cheualier de sa personne, hardy & adroit aux
armes, & homme de bon sens pour conduire un grand affaire, autāt qu'autre
qui fust en toute la troupe, & d'auantage homme de bonne grace & de bon
entretien en compagnie, sachāt bien se rendre agreable à tous. Cestuy aiant
tousiours quelque contention à l'encontre des autres seigneurs de son païs, &
quelque ialousie, à qui auroit le premier lieu d'honneur & de faueur aupres
du Roy, s'adressa à Mithridetes, & luy promet qu'il luy feroit un grand serui-
ce, c'est qu'il occiroit Lucullus. Le Roy fut fort aise de ceste promesse, & l'en
loua grandement en son priuë: mais en public il luy feit quelques iniures &
oultrages, expressement à fin qu'il eust quelque couleur de contrefaire le cour-
roucé, & de s'en aller rendre à Lucullus, comme il feit. Lucullus le receut à
grāde ioye, à cause qu'il estoit fort renommé en son camp, & pour l'esprouuer
luy donna incontinent quelque charge, en laquelle il se porta tellement, que
Lucullus estima beaucoup son bon entendement, & loua sa diligence, de
maniere qu'il luy faisoit cest honneur de l'appeller quelquefois au conseil, &
de le faire manger à sa table. Vn iour donques que ce Dandarien pensa auoir
trouué l'occasion opportune pour executer son entreprise, il commanda à ses
ualets qu'ilz luy reinsent son cheual tout prest hors des trenchées du camp, &
en plein iour comme les soudards se reposoient & dormoient ça & là emmy

A le camp, il s'en alla en la tente de Lucullus, pensant ny trouuer personne qui luy en defendist l'entree, pour la priuauté & familiarité qu'il auoit prise auec luy, attendu mesmement, qu'il disoit auoir quelque chose de consequence à luy cōmuniquer: & de faict y fust entré sans doubte, si le dormir, qui perd tāt d'autres capitaines, n'eust alors preserué & sauué Lucullus qui dormoit: car l'un des ualets de chambre nommé Menedemus, qui de bonne aduéture gardoit la porte, luy dit qu'il uenoit mal à propos, pour aūtant que Lucullus tra-uailłé d'affaires & de faulte de dormir, ne faisoit que de se mettre à sommeil-ler. Olthacus, quelque chose que l'autre luy dist, ne s'en uouloit point aller, & dit qu'il y entreroit uoulust ou nō, pource qu'il auoit à luy parler de chose de
B grande importance. Menedemus luy respondit, que ce ne sçauoit estre cho-
se de plus grande importance ny plus necessaire, que la conseruation de la uie & santé de son maistre, lequel auoit necessairement besoing de repos, & en di-
sant cela le repoulša auec les deux mains. Olthacus alors eut peur, & se tira
secretement hors des trenchees du camp, monta à cheual & picqua droit au
camp de Mithridates, sans auoir executé rien de ce qu'il auoit entrepris. Ainsi
appert il, que l'occasion & opportunité du temps donne aux grāds affaires, ne
plus ne moins qu'aux drogues & medicines que lon ordonne aux patiēs, l'ef-
ficace de sauuer ou oster la uie aux hommes. Quelque temps apres, Lucullus
enuoya l'un de ses capitaines nommé Sornatius, au recouurement de uiures,
C auec dix enseignes de gens de pied, dequoy Mithridates estāt aduertty, enuoya
à sa queuē un de ses capitaines aussi, qui s'appelloit Menander, auquel Sornat-
ius donna la bataille & le desfeit auec grand meurtre de ses gens: & depuis
Lucullus y r'enuoya encore un autre de ses lieutenās, Adrianus, auec une bō-
ne troupe, à fin qu'il y eust des bledz en son camp plus qu'il ne luy en falloit.
Mithridates ne le meit pas en nonchaloir, ains enuoya apres deux de ses capi-
taines, Menemachus & Myron, auec grād nombre de gens, tant de pied que
de cheual, lesquelz furent tous entierement mis en pieces, excepté deux seule-
ment qui retournerent en porter les nouuelles au camp, lesquelles Mithrida-
tes ascha biē à desguiser, disant que la perte estoit beaucoup moindre que lon
ne pensoit, & qu'elle estoit aduenue par l'ignorance & par la temerité de ses
D lieutenans: mais Adrianus à son retour passa en grande pōpe & magnificence
tout au long de son camp, ramenans grand nombre de chariots chargez de
bled & de despouilles qu'il auoit gaignees: ce qui meit Mithridates mesme en
si grand desespoir, & tous ses gens en tel effroy & en tel trouble, qu'il resolut
de ne s'arrester plus là. Parquoy les seigneurs qui auoiēt credit autour de luy,
commencerent à enuoyer deuant & faire emporter secretement leur bagage
hors du camp, mais ilz empeschoient que les autres n'en feissent autant. Les
autres gens de guerre uoians ces contenances des mignons du Roy, se prirent
à repoulser & forcer ceulx qui les uouloient engarder de sortir, & tant fallu-
E ma ceste mutination, qu'ilz uindrent iusques à destrousser les sommiers qui
emportoient leur bagage, & à les tuer eulx mesmes sur le chāp: entre lesquelz
se trouua Doryalus qui estoit l'un des principaulx capitaines de tout leur cāp,
qui n'auoit rien sur luy qu'une robe de pourpre, pour laquelle il fut tué, &
Hermæus le maistre des sacrifices fut foulé aux piedz, & estouffé à la porte du
camp par la multitude des fuians, & Mithridates mesme parmy la presse & la
foule de ceulx qui s'enfuyoiēt en si grād effroy, se ietta hors de son camp sans
auoir autour de sa personne une seule garde ny un seul escuyer, ne qu'il peust

Lucullus.

seulement recouurer un cheual de son escuyrie, iusques à ce que Ptolomæus F
l'un de ses ualets de chambre, qui l'apperceut en la foule des fuyans, descédit
de dessus un cheual qu'il auoit & le luy bailla, mais ce fut bien tard : pource
que desia les Romains estoient à sa queue qui le poursuuoient de bien pres, &
ne fut point à faulte de uistesse qu'ilz faillirent à le prendre, car ilz en furent
assez pres pour le faire : mais l'auarice & conuoitise des soudards leur feit per-
dre la proye qu'ilz auoient si long temps poursuuie, avec tant de travaux &
tant de hazards de batailles, & frustra Lucullus du pris & loyer de toutes ses
uictiores : car ilz en estoient approchez de si pres, que s'ilz eussent encore pour-
suiuy le moins du monde, ilz l'eussent pris sans point de doubte. Mais un des
mulets qui portoient son or & son argent, fust ou par cas d'aduenture, ou bien G
par ruse propensee de Mithridates, qui l'eust expressement fait ietter au deuant
de ceulx qui le poursuuoient, se trouua au beau milieu du chemin, entre luy
fuyant, & les Romains poursuuans, lesquelz s'amuserent à piller l'or & l'arget,
se combattans à qui en auroit : & ce pendant Mithridates gagna le deuant, si
bien, que depuis ilz ne le peurent plus l'attaindre. Si ne fut pas cela seul le dô-
mage, que l'auarice des soudards feit à Lucullus, ains aiant d'auantage esté pris
l'un des principaux secrettaires du Roy nommé Callistratus, il commanda
qu'on le menast au camp : mais ceulx qui le conduisoient, aduertiz qu'il auoit
en un baudrier, dont il estoit ceint, cinq cents escus, le tuerent pour les auoir :
& neantmoins encore leur permit Lucullus de saccager & piller le camp des H
ennemis. Depuis ceste fuite de Mithridates, Lucullus prit la uille de Cabira
& plusieurs autres chasteaux & fortes places, là ou il trouua de grands tresors,
& les prisons pleines de pauures prisonniers Grecs, & de plusieurs princes pa-
rents du Roy mesme, qui se tenoient pour morts long temps y auoit, & lors se
se uoyas deliurez de celle miserable captiuité par la grace & le benefice de Lu-
cullus ne penserent pas estre tirez de prison, mais estre resuscitez & retournéz
en une seconde uie. Là fut aussi prise l'une des sœurs de Mithridates nommee
Nyssa, à qui la prise fut salutaire, là ou ses autres femmes & sœurs que lon pen-
soit auoir reculees plus loing du danger, & mises en pais de plus grande seure-
té pres la uille de Phernacie moururent piteusement & miserablemēt : car Lu- I
cullus enuoya deuers elles l'un de ses ualets de chābre nommé Bacchilides leur
porter nouuelles qu'il leur cōuenoit à toutes mourir. Il y auoit entre plusieurs
autres Dames, deux sœurs du roy, Roxane & Statira, qui auoient biē quarante
ans chascune, & toutefois n'auoient iamais esté mariees, & deux de ses femmes
espousees, toutes deux du pais d'Ionie, l'une appelée Berenice, natieue de l'ille
de Chio, & l'autre Monimé de la uille de Milet. Ceste cy estoit fort renommee
entre les Grecs, pource que quelques sollicitations que luy sceust faire le Roy
en estant amoureux, & qu'il luy eust enuoyé quinze mille escus cōptans pour
un coup, iamais ne uoulut entendre à toutes ses poursuittes, iusques à ce qu'il
yeust accord de mariage passé entre eulx, & qu'il luy eust enuoyé le Diademe K
ou bâdeau royal & appelée Roïne. La pauure dame, tout le temps auparauant
depuis que ce Roy barbare l'eut espousee, auoit uescu en grande desplaisance,
ne faisant continuellement autre chose que de plorer la malheureuse beaulté
de son corps, laquelle au lieu d'un mary luy auoit donné un maistre, & au
lieu de compagnie coniugale & que doit auoir une Dame d'honneur, luy a-
uoit baillé une garde & garnison d'hommes barbares, qui la tenoient comme
prisoniere, loing du doulx pais de la Grece, en lieu ou elle n'auoit qu'un son-

A ge & une ombre des biens qu'elle auoit eſperez, & au cōtraire auoit réellement perdu les ueritables, dont parauāt elle iouiſſoit au païs de ſa naiſſance: & quād ce Bacchilides fut arriué deuers elles, & leur euſt fait commandemēt de par le Roy qu'elles euſſent à elire la maniere de mourir qui leur ſembleroit à chafcunc plus aiſee & la moins douloureuſe, adonc elle ſ'arracha d'alentour de la teſte ſon bandeau royal, & le ſe nouant à l'entour du col ſ'en pendit: mais le bandeau ne fut pas aſſez fort & ſe rōpit incontīnēt, & lors elle ſe prit à dire, O maudit & malheureux tiffu, ne me ſeruiras tu point au moins à ce triſte ſeruiſſe: en diſant ces paroles elle le ietta contre terre crachant deſſus, & tendit la gorge à Bacchilides pour la luy couper. L'autre, Berenice, prit une coupe

B pleine de poiſon, ſa mere preſente, qui la pria de luy en bailler la moitié: ce qu'elle feit, & le beurent toutes deux enſemble: ſi fut la force du poiſon aſſez uiolente pour eſteindre la mere qui eſtoit affoiblie de uieilleſſe, mais elle n'eut pas l'efficace de ſuffoquer ſi promptement la fille, pource qu'elle n'en auoit pas pris la quantité qu'il luy en falloir, ains tira longuement aux traits de la mort, iuſques à ce que Bacchilides la haſtant d'acheuer, elle meſme finalement ſ'eſtouffa. Quant aux deux ſœurs qui n'eſtoient point mariees, on dit que l'une beut auſſi du poiſon en maudiffant & deteſtāt fort la cruaulté de ſon frere, mais que Statira ne dit iamais une mauuiſe parole, ne qui ſentiſt ſon cueur failly, ou aiant regret à mourir, ains au contraire qu'elle loua & remercia ſon frere de ce que ſe uoiant en danger de ſa perſonne, il ne les auoit

C point oubliées, ains auoit eu le ſoing de les faire mourir auant qu'elles tombaſſent eſclaues entre les mains des ennemis, & premier qu'ilz peuſſent faire aucun oultrage à leur hōneur. Ces piteux inconueniens feirent grand mal au cueur de Lucullus, qui eſtoit doulx & bening de ſa nature: toutefois il tira oultre pourſuyuant touſiours Mithridates à la trace, iuſques à la uille de Talaria, là ou entendant que quatre iours auant qu'il y arriuaſt, Mithridates ſ'en eſtoit fouy deuers Tigranes en Armenie, il ſ'en retourna, aiant premiere

D ment ſubiugué les Chaldeiens, & les Tibareniens, pris Armenie la mineur, & mis les uilles, chasteaux & places fortes en ſon obeiffance. Puis enuoya Appius deuers le roy Tigranes le ſommer qu'il euſt à luy rendre Mithridates, & quant à luy il reprit ſon chemin deuers la uille d'Amiſus, qui eſtoit encore aſſiegee: & la cauſe pourquoy ce ſiege duroit ainſi longuement, eſtoit la ſuffiſance & grāde experience du capitaine qui la tenoit pour le roy, nommé Callimachus, lequel entendoit ſi bien comme il ſe faut ſeruir de tous engins de batterie, & eſtoit ſi ruzé en toutes les habilitéz que lon ſçauroit inuenter pour defendre une place aſſiegee qu'il faſcha grandement les Romains en ce ſiege, dont il fut bien payé puis apres: mais toutefois ſi fut il affiné lors par Lucullus, lequel à l'heure qu'il auoit touſiours au parauant accouſtumé de faire ſonner la retraite, & rappeler ſes gens de l'aſſault pour les reſreſchir & repoſer, il feit

E un iour au contraire ſoudainement aſſaillir la muraille, & de primſault en occupa une petite partie auant que iamais ceulx de dedans peuſſent uenir à tēps pour la defendre. Ce que uoyant Callimachus, & cognoiſſant qu'il n'y auoit plus d'ordre de la tenir, abandonna la uille: mais premier que d'en partir, il mit le feu dedans, fuſt ou pour enuie qu'il portaſt aux Romains, ne uolāt point qu'ilz ſ'enrichiſſent du ſac d'une ſi puiffante uille, ou par une ruze de guerre, à fin qu'il euſt plus beau loiſir de ſe ſauuer & de ſ'enfuir: car perſonne ne ſe ſoucia de ceulx qui ſ'enfuyoient par mer, à cauſe qu'incontinent la

flamme fut si grande, qu'elle s'espa'dit de tous costez iusques aux murailles, & les soudards Romains se preparoient seulement à piller. Mais Lucullus uoiât le feu de dehors en eut pitié, & y uoulut remedier, priât les soudards de le uoloir aller estaindre, à quoy personne ne prestoit l'oreille, ains uoloient tous le pillage, faisans bruire leurs armes avec grands cris, iusques à ce qu'il fut cōtrainct de leur abandoner la uille à piller, esperant que par ce moien au moins sauueroit il les edifices du feu, mais les soudards feirent tout le contraire: car en cherchant par tout avec torches & flambeaux allumez pour ueoir s'il y auoit rien de caché, ilz bruslerent eulx mesmes grand nombre de maisons, tellement que Lucullus y entrant le lendemain, & uoiant la desolatiō que le feu y auoit faitte s'en prit à plorer, disant à ses familiers qui estoient autour de luy, que souuentefois au parauant il auoit estimé Sylla bienheureux: mais que iamais il n'auoit encore eu son bon heur en si grande admiration cōme ce iour là, en ce que desirant sauuer la uille d'Athenes, les Dieux luy auoient fait la grace de le pouuoir faire: & moy, dit il, qui desiroie en cela l'ensuyure & sauuer ceste cy, la fortune contre mon desir m'a reduict à la reputation de Mummus, qui feit brusler Corinthe. Toutefois encore s'efforcea il en ce qu'il peut alors de remettre sus ceste pauvre uille: car quant au feu, il suruint par aduerture diuine une pluye presque à l'instant qu'elle fut prise qui l'esteignit, & luy mesme auant qu'en partir feit rebastir bōne partie des edifices que le feu auoit consumez, & y receut humainement tous les habitans qui s'en estoient fouiz oultre lesquelz il y logea encore d'autres Grecs, qui y uoulurent de quelque part que ce fust aller habiter, & si leur accreut leur destroit & territoire de sept lieues & demie de pais qu'il leur donna. La uille estoit colonie des Atheniens qui l'auoiēt fondee & bastie du tēps que leur empire estoit en sa fleur, & qu'ilz dominoient en la mer, au moien de quoy plusieurs fuyans la tyrannie d'Ariston, s'y en alloient habiter, & y auoient tout droit de bourgeoisie, comme les naturelz habitans: ainsi leur aduenoit ce bon heur, qu'en delaisant leurs propres biens ilz alloient posseder & iouir ceulx d'autrui: mais quant à ceulx de la uille qui peurent eschapper d'une telle desolation, Lucullus les reuestit tresbien, & si leur donna* deux cents drachmes d'argent à chascun, & les renuoya tous en leur pais. Le grammarien Tyrannion fut pris alors, que Murena requit & demāda à Lucullus, & luy aiant Lucullus ottroyé, il l'affranchit: en quoy il usa inciuilement & illiberalēmēt du don que Lucullus luy auoit fait: car en luy dōnant ce prisonnier qui estoit grandement estimé & renomē pour son sçauoir, il n'entendoit pas que pour cela il fust deuenu serf, de sorte qu'il fust besoing que Murena l'affranchist: car faire semblant de luy rendre sa liberré en l'affranchissant, n'estoit autre chose que luy oster celle qu'il auoit des sa naissance. mais en beaucoup d'autres choses, & non en ceste là seule, monstra bien Murena qu'il n'auoit pas toutes les parties qu'un homme de bien & bon capitaine doit auoir. Au partir de là Lucullus s'en alla uisiter les uilles de l'Asie, à fin que cependāt qu'il n'estoit point occupé aux affaires de la guerre elles eussent quelque soulagement des loix & de la iustice: car à faulte que de long temps elle n'y auoit point esté administree ny exercee la pauvre province estoit affligee & oppressee de tāt de maulx & de miseres qu'il n'est homme qui le peust presque croire ny langue qui le sceust exprimer, & ce par la cruelle auarice des fermiers gabelleurs & usuriers Romains qui la mangeoient & la tenoient en telle captiuité que particulièrement & en priué les pauvres

*Vingt escus.

A peres estoient contraincts de uendre leurs beaux petits enfans, & leurs ieunes filles à marier pour payer la taille & l'usure de l'argent qu'ilz auoient emprunté pour la payer, & publiquement en commun les tableaux dediez aux temples, les statues de leurs Dieux & autres ioyaux de leurs eglises, encore à la fin estoient ilz eulx mesmes adiugez cōme esclaves à leurs creanciers pour user le demourant de leurs iours en miserable seruitude: & pis encore estoit ce qu'on leur faisoit endurer auant qu'ilz fussent ainsi adiugez: car ilz les emprisonnoient, ilz leur donnoient la gehenne, ilz les destiroient sur le cheualet, ilz les mettoient aux ceps, & les faisoient tenir à descouuert tout de bout en la plus grande chaleur d'esté au soleil, & en hyuer dedans la fange ou dessus la glace, tellement que la seruitude leur sembloit un releuement de miseres & repos de leurs tourmens. Lucullus trouua les uilles de l'Asie pleines de telles oppressions, mais en peu de temps il en deliura ceulx qui à tort en estoient affligez. Car tout premierement il ordonna que de lors en auant on compteroit pour l'usure, qui se payoit tous les mois, la centieme partie de la debte principale seulement, & non plus, qui est à raison de douze pour cent par chascun an. Secondement il retrencha & osta toutes usures qui passoient le sort principal. Tiercement, qui fut le plus grand poinct, il establit que le creancier & usurier iouyroit de la quatrieme partie des fruiçts & du reuenu de son debteur: & qui auoit cōioinct l'usure avec le sort principal, c'est à dire, qui auoit pris usure de l'usure, estoit priué de l'un & de l'autre: tellemēt q̄ par le moie de ses ordōnances toutes les debtes furent payees en moins de quatre ans & les terres & possessions rendues toutes nettes & deschargees de toutes debtes à leurs propriétaires. Ceste surcharge d'usures estoit procedee des uingt mille talēts, qui sont douze millions d'or, en quoy Sylla auoit condamné le pais de l'Asie, laquelle somme ilz auoient bien payee desia deux fois aux fermiers & gabelleurs Romains, qui l'auoient faict monter en amassant & accumulāt tousiours usures sur usures, iusques à la somme de six uingts mille talents, qui sont soixante & douze millions d'or. Parquoy ces gabelleurs & fermiers s'en allerent crier à Rome contre Lucullus, disans qu'il leur faisoit le plus grād tort du monde: & à force d'argent susciterent quelques uns des harengueurs ordinaires à l'encontre de luy, ce qui leur estoit aisé à faire, pour autant mesmement qu'ilz tenoient en leurs papyrus plusieurs de ceulx qui s'entremettoient des affaires à Rome: mais Lucullus n'estoit pas seulement tenu cher & aimé des pais, auquelz il faisoit du bien, ains estoit aussi desiré & souhaitté des autres prouinces, lesquelles reputoient bien heureuses celles qui pouuoient auoir un tel gouverneur. Au demourant, Appius Clodius, celuy que Lucullus auoit enuoyé deuers Tigranes, estant frere de la femme que Lucullus auoit lors espousee, se fit premierement conduire par quelques guides qui estoient hommes du Roy mesme, lesquelz de propensee malice le conduisoient par le hault pais, luy faisans faire un grād circuit & prédre une torse de plusieurs iournees, qui n'estoit point necessaire, iusques à ce que l'un de ses serfs affranchis, qui estoit natif de la Syrie, luy enseigna le droit chemin: parquoy il donna congé à ces conducteurs Barbares, & laissant leur fallacieux destour du droit chemin, en peu de iours passa la riuiera d'Euphrates & arriva en la cité d'Antioche surnommee Epidaphne, là ou il luy fut mandé qu'il attendist le retour de Tigranes, qui estoit au pais de la Phœnicie, ou il subiuguoit quelques uilles, qui luy restoient encore à conquerir, & ce pendant il gagna secrettement plusieurs

princes & seigneurs qui n'obéissoient que par force & mal gré eulx à ce Roy d'Armenie, entre lesquelz estoit Zarbienus Roy de la province Gordaine, & promeit aussi à plusieurs citez de nagueres subiuguees & reduites en seruitude qui enuoyent deuers luy, le secours de Lucullus, leur mandant que pour le present elles ne remuassent rien: car la domination de ces Armeniés n'estoit pas supportable, mais intolerable aux Grecs, mesmement l'orgueil & l'arrogance du Roy, lequel pour ses grandes prosperitez estoit deuenu si superbe & si presumptueux, que tout ce que les hommes tiennent communemēt le plus cher, & qu'ilz aiment le plus, non seulement il l'estimoit estre sien, mais luy sembloit qu'il n'eust esté fait en ce mode que pour luy, estant monté en ceste excessiue presumption par les grandes faueurs que fortune luy auoit faittes. Car à son commencement c'estoit peu de chose, & neantmoins avec ce peu qu'il auoit, dont on ne faisoit compte, il subiugua plusieurs grādes nations, & rabaisa la puissance des Parthes, autāt que hōme qui eust iamais esté parauāt luy. Il emplit le pais de la Mesopotamie d'habitans Grecs, qu'il tira par force de la Cilicie & de la Cappadocie, les contraignāt d'aller habiter là. Il feit aussi changer de maniere de uiure aux Arabes que lon furnōme Scenites, cōme qui diroit Tenteniers, pource que c'est un peuple uagabōd, qui n'a point d'autres maisons que des tentes qu'il porte tousiours quand & soy, les transportant de leur pais naturel, & les faisant demourer fermes aupres de soy pour se seruir d'eulx à enuoyer ça & là en marchandise. Il y auoit tousiours plusieurs roys en sa court qui le seruoient: mais entre les autres, il y en auoit quatre qui estoient continuellement au pres de sa personne comme gardes ou laquais, pource que quand il alloit par les champs à cheual, ilz couroient à pied à costé de luy en chemises, & quand il estoit assis en son siege à donner audience, ilz estoient tout debout autour de sa chaire les mains entrelassees l'une dedans l'autre, laquelle contenance sembloit estre la plus certaine confession, & le plus grand adueu de seruitude qu'ilz eussent scēu luy faire, comme s'ilz eussent par cela déclaré, qu'ilz luy quittoient toute leur liberré, & qu'ilz offroient leurs corps à leur seigneur, plus prests de souffrir que de faire chose quelconque. Toutefois Appius Clodius ne s'estonnant ny ne s'effroyant point pour toute ceste pompe tragique, quand il luy fut donné audience, luy dit franchement à son uisage, qu'il estoit uenu pour emmener quād & luy Mithridates, lequel estoit deu au triumphe de Lucullus, & pource qu'il le sommoit de le luy rendre entre ses mains, autrement qu'il luy denonceoit la guerre. Ceulx qui furent presens à ceste sommation, cogneurent bien aisemēt que Tigranes, encore qu'il se perforceast de monstrier une chere ouuerte, avec un ris feinct & contrefait, en oyant ces paroles fut bien emeu en son cuer d'ouir ce ieune homme ainsi brauement & franchement parler: car en uingt & cinq ans qu'il auoit desia regné, ou pour mieux dire, qu'il auoit oultrageusement tyrannisé, il n'auoit iamais ouy parole franche & libre que celle là, ce neantmoins il feit response à Appius qu'il n'abandonneroit point Mithridates, & que si les Romains luy faisoient la guerre il se defendroit: & aiāt despit de ce que Lucullus par les lettres qu'il luy escriuoit, l'appelloit Roy seulement, & non pas Roy des Roys, par les lettres qu'il luy rescriuit ne le daigna aussi appeller Capitaine. Au cōgé prendre, il luy enuoya de beaux & riches presens, qu'il refusa: & le Roy luy en renuoya d'autres encore d'auantage, desquelz Appius ne prit qu'une couppe seulement, de peur qu'il ne semblast à ce Roy, qu'il les refusast ainsi obstine-

A ment pour aucune malueillance particuliere qu'il eust encontre luy, & luy renuoya le demourant, puis sen retourna à grâdes iournees deuers son capitale. Or n'auoit Tigranes auparauât iamais uoulu seulement ueoir Mithridates son allié si proche, qui par fortune de guerre auoit perdu un si grand & si puissant royaume, ains le faisoit tenir superbement, & sans hōneur, comme si c'eust esté un prisonnier en lieux marescageux & mal sains: mais alors il l'enuoya querir honorablement, & le receut avec grandes caresses. Quand ilz furent ensemble au palais royal, ilz se retirerēt à part pour parler en secret l'un à l'autre, là ou ilz se iustificerent & excuserēt des souspeçons qu'ilz auoient cōceues l'un de l'autre, au grand preiudice de leurs seruiteurs & amis, sur qui ilz en reietterēt les occasions, entre lesquelz estoit Metrodorus le Scepsien, homme de grand sçauoir, & qui disoit plaisamment ce qu'il uouloit, & à qui Mithridates auoit porté si grande amitié, que lon l'appelloit le pere du Roy. Mithridates au commencement de ses affaires l'auoit enuoyé deuers Tigranes, luy requerir secours à l'encontre des Romains, & Tigranes luy demanda: Mais toy mesme Metrodorus, que m'en conseillerois tu? Metrodorus, soit ou qu'il regardast au profit de Tigranes, ou qu'il ne uoulust point que Mithridates eschappast, luy respondit, le te conseilleroie Sire, cōme Ambassadeur, que tu le feisses, mais cōme Cōseiller, que tu ne le feisses point. Tigranes en feit lors le recit à Mithridates, pensant que pour cela il ne luy deust point faire de des-

B plaisir en sa personne, mais au contraire il fut incontīnēt mis à mort: de quoy

C Tigranes fut bien marry, & se repentit fort d'en auoir dit ce qu'il en auoit dit, combien qu'il ne fust pas entierement la cause totale de son malheur, & qu'il n'eust fait seulement que poulser la malueillance que Mithridates des auparauant auoit conceuë encontre luy. Car il y auoit desia long temps qu'il luy en uouloit, ce que lon cogneut quand on surprit ses papyrus, & escriptures secre-

D tes, entre lesquelles on en trouua une, par laquelle il ordōnoit, que Metrodorus fust tué: mais en recōpense Tigranes en inhuma le corps magnifiquement, sans espargner sumptuosité quelconque enuers le corps mort de celuy que uiuant elle auoit trahy. Il mourut aussi en la court de Tigranes un orateur nommé Amphicrates, si celuy là merite qu'on face mention de luy pour la uille d'Athenes: dont il estoit natif: car on dit qu'estant banny de son pais, il sen fuit en la uille de Seleucie, celle qui est assise sur la riuierre du Tigris: & comme les habitans de la uille le priaissent d'enseigner l'art d'Eloquence en leur pais, il ne daigna, ains leur respondit presumptueusement, que le plat estoit trop petit pour tenir un daulphin, comme fil eust uoulu dire, que c'estoit trop peu de chose que de leur uille, pour l'arrester. De là il se retira deuers Cleopatra fille de Mithridates & femme de Tigranes, là ou il fut biē tost souspeçonné & deferé, tellement qu'il luy fut defendu de plus hanter ny conuerfer avec les Grecs, dont il eut si grand regret, que luy mesme se feit mourir à faulte de manger. Et fut celuy là honorablement aussi inhumé par la Roynie Cleopatra au pres d'un lieu qui s'appelle Sapha, comme lon dit en ce pais là. Quant à Lucullus, apres qu'il eut remis toute l'Asie en bonne paix, & bonne tranquillité, & qu'il y eut estably de bonnes ordōnances sur le faict de la iustice, il ne meit pas aussi en nonchaloir les choses de passetemps & de plaisir, ains ce pendāt qu'il fut de loisir en la cité d'Ephese, feit faire force ieux, festes, & combats de lucteurs & d'escrimeurs à oultrance pour la resiouissance de sa uictoire, en donnant l'esbattement aux uilles de la prouince, lesquelles en recompense in-

stituerent aussi une feste solennelle en son honneur qu'ilz appellerēt Lucullia, & la celebrerent à grande ioye, monstrans une uraye & non feincte amitié & bienueuillāce enuers luy, qui luy estoit plus agreable, & luy donoit plus de contentement que tout l'honneur qu'ilz luy eussent sceu faire. Mais depuis qu'Appius fut de retour, & qu'il eut arresté & conclud, qu'il falloir aller faire la guerre à Tigranes, il sen retourna au royaume de Pont, ou il prit son armee qu'il y auoit laissée en garnison, & la mena deuāt la uille de Sinope pour l'assiēger, ou plustost pour y assieger quelques Ciliciens qui s'estoient iettez dedans en faueur de Mithridates. Mais quand ilz ueirent uenir Lucullus contre eulx, ilz occirent une bonne partie des naturelz citoiens, & mettant le feu dedans la uille, senfouyrent une nuit: dequoy Lucullus estāt aduertty, entra dedans, & y meit à l'espee huit mille de ces Ciliciens qui estoient encore demourez, & fait rendre aux naturelz habitans tout ce qui estoit à eulx: mais la cause principale, qui luy fait prendre soing de preseruer ceste uille, fut une telle uision: Il luy fut aduis la nuit, en dormant dedans son liēt, que quelqu'un s'approcha de luy, & luy dit, Marche un peu plus oultre Lucullus, car Autolycus uient, qui desire parler à toy. Ce songe l'esueilla, mais à son resueil il ne sceut cōiecturer que uouloit dire ceste uision. Ce fut le iour mesme qu'il prit la uille de Sinope, là ou en poursuiuant les Ciliciens qui se sauuoient de uistesse, il trouua une statue gisante par terre sur le bord de la mer, que ces Ciliciens auoient voulu emporter: mais ilz furent pris & chassés de si pres, qu'ilz n'eurent pas loisir de la charger sur leurs uaisseaux. Ceste statue, à ce q̄ lō dit, estoit l'un des plus beaux, & des plus nobles chefs d'œuures du statuaire Sthenis: & y a quelqu'un qui dit, que c'estoit l'image d'Autolycus, celuy qui fonda Sinope: car Autolycus fut un des princes qui partirent de Thessalie, avec Hercules, pour aller contre les Amazones, & fut filz de Demachus. Et se dit, qu'au retour de ce uoyage, la nauire sur laquelle il festoit embarqué avec Demoleon & Phlogius, donna contre un escueuil, qui est en la coste de la Cherronese, ou elle se perdit: mais que luy festant sauué avec ses armes & ses gēs aussi, fait tant qu'il arriua en la uille de Sinope, qu'il osta à quelques Syriens, que lō dit estre descenduz & nommez d'un Syrus filz d'Apollon, & de la nymphe Sinope fille d'Asopus. Parquoy Lucullus entendant ce propos, se souuint d'un aduertissement de Sylla, lequel en ses commentaires escrit, qu'il n'est rien que lon doie tenir plus asseuré, ny que lon doie plus fermement croire, que ce qui nous est signifié par songe. Ce pendant il fut aduertty que Tigranes & Mithridates estoient tous prests à descēdre en la Lycaonie & en la Cilicie, à fin qu'ilz peussent les premiers s'emparer de la prouince de l'Asie: si s'esmerueilla grandement du conseil de Tigranes, puis qu'il auoit eu intention de courir sus aux Romains, comment il ne festoit aidé de Mithridates au faict de ceste guerre, lors que ses forces estoient en leur entier, & qu'il ne ioignoit alors sa puissance avec celle de luy, plustost que de le laisser ruiner & destruire, & puis avec une froide esperance aller maintenant commēcer une nouuelle guerre, en se precipitant avec ceulx qui ne pouuoient eulx mesmes se releuer. Sur ces entrefaites, Machares filz de Mithridates qui tenoit le royaume du Bosphore, luy enuoya une courōne d'or du poix de mille escus, le priant qu'il uoulust le nommer & luy donner le tiltre d'amy & allié des Romains: à l'occasion dequoy Mithridates estima q̄ cela estoit la fin finale de sa premiere guerre, & laissant Sornatius avec six mille combattans, à la garde du royaume de Pont, se partit

- A avec douze mille hommes de pied, & peu moins de trois mille chevaux pour aller à la seconde: ce que tout le monde estimoit estre grande temerité à luy, & le iugeoient en cela fort mal conseillé, de s'aller avec si petite troupe, ietter entre nations belliqueuses, & s'exposer à tant de milliers de gens de cheual en un pais long & large infiniment, enuironné tout à l'entour de tres profondes riuieres & de montagnes couuertes de neiges en tout temps, tellement que ses souldards, qui au demourant n'estoient gueres bien disciplinez n'y obeissans à leur capitaine, le suyuoient enuis, & estriuoient à l'encontre de ses commandemens. D'autre costé les harengueurs à Rome crioient ordinairement contre luy, & protestoient deuant le peuple, qu'il alloit semant
- B une guerre d'une autre, dont la chose publique n'auoit que faire, & qu'il ne cherchoit autre chose que susciter tousiours occasions de nouvelles guerres, à fin que tousiours il eust des armées à son commandement, & qu'il ne posast iamais les armes, pour auoir tousiours moien de faire bien ses besongnes particulieres aux despens & au dâger public. Ceulx là avec le temps executerent leur desseing, qui estoit de faire rappeler Lucullus, & luy subroger Pompeius. Mais Lucullus, nonobstant cela, ne laissa point d'acheminer & haster son armee le plus tost qu'il luy fut possible, tellement qu'en peu de iours il arriua à la riuere d'Euphrates, laquelle il trouua enflée, troublée, & impetueuse, pource que c'estoit en hyuer, dont il fut sur l'heure bien fasché, pour autât
- C qu'il pensoit bien que cela le deust arrester tout court un long temps, & luy donner beaucoup de peine & de destourbier à trouuer des batteaux & à faire faire des radeaux pour bastir un pont à passer. Mais sur le soir l'eau commença un petit à s'escouler, & puis se baissa si fort la nuit, que le lendemain la riuere se trouua toute reduitte à son canal ordinaire: qui plus est, les gens du pais uoians de petites islettes qui apparoiſsoient desia au milieu du cours de l'eau & la riuere dormante, comme un maret à l'entour d'elles, adoroient Lucullus comme un Dieu, pource que c'estoit chose qu'ilz n'auoient gueres iamais au parauant ueu aduenir, & à son arriuee ce fleuve s'estoit soudainement soubmis à luy, & s'estoit rendu doux & traittable pour luy donner seur & facile passage: parquoy pour ne perdre l'occasion, il passa incontinent son armee, & si tost qu'il fut passé, il trouua sur l'autre riuie une rencontre d'heureux presage, qui fut telle. Sur l'autre riuie de la riuere passoiēt quelque nombre de uaches sacrees à la Deesse Diane surnommée Persiene, que les Barbares habitans delà le fleuve d'Euphrates reuerēt & honorēt sur tous les autres Dieux, & ne se seruent desdites uaches à autre usage qu'à les sacrifier & immoler à ceste Deesse, ains uont passant par toute la contree là ou elles uenlēt, sans estre liees ny empestrees aucunement, aians seulement la marque de la Deesse, qui est une lampe imprimee sur leur corps, & n'est pas aisé d'en prendre quand on en a besoing, ains y a beaucoup à faire. L'une de ses uaches sacrees, après que
- E l'armee fut toute passée, se uint d'elle mesme rendre dessus une roche que lon estime aussi sacree à la mesme Deesse, en baissant la teste & tendant le col, comme font celles qui sont court attachees, ne plus ne moins que si elle fust uenue expressement se presenter à Lucullus pour estre immolee, comme elle fut: mais oultre celle là, il immola aussi un taureau à l'Euphrates, pour luy rendre graces de ce qu'il luy auoit donné si facile passage. Si ne feit Lucullus pour ce premier iour là, que camper seulement delà la riuere: mais le lendemain & les autres iours ensuyuans, il entra auant en pais par la cōtrec de la Sophene, sans

faire mal ne desplaisir aux personnes qui se uenoient rendre à luy, ou qui re-
 ceuoient uoluntiers son armee: car mesme comme ses gens uolussent qu'on
 allast prendre de force un chasteau, dedans lequel on disoit qu'il y auoit force
 or & argent, il leur monstra de loing la montagne de Taurus, en leur disant:
 C'est celuy là qu'il uous fault plus tost aller prendre: car quant à ce qui est de-
 dans ce chasteau, il est en reserue pour ceulx qui uaincront: & tirant oultre à
 grandes iournees, il passa la riuere de Tigris, puis entra à main armee dedans
 le royaume d'Armenie. Quant à Tigranes, le premier qui luy oza porter la
 nouvelle des là de Lucullus, ne s'en esiouit gueres: car il luy feit trencher la
 teste, au moien dequoy personne ne luy en oza plus parler, tellement qu'il
 auoit desia le feu, que ses ennemis allumoient tout à l'entour de luy, qu'il n'en
 sçauoit encore rien, ains estoit avec ses mignons à ouir des propos de flatte-
 rie, que Lucullus feroit bien grand Capitaine, si luy auoit la hardiesse de l'atten-
 dre seulement en la uille d'Ephese, & si ne s'enfuyoit incontinent de toute
 l'Asie, si tost qu'il le sentiroit approcher avec une si triumpante armee de rât
 de milliers d'hommes. Ainsi peult on ueoir, que cōme tous corps & tous cer-
 ueaux ne sont pas assez fermes, ny assez forts pour porter beaucoup de uin:
 aussi ne sont pas tous entendemens assez resolu ne constans, pour ne sortir
 point hors de soy, ny des bornes de raison, en grâdes prosperitez. Toutefois à
 la fin Mithrobarzanes, l'un de ses mignōs, fut celuy qui luy oza dire la uerité,
 lequel ne se trouua gueres miculx de sa franchise de parler qu'auoit fait l'autre,
 pource que Lucullus l'enuoya incontinent avec trois mille cheuaux & bō
 nombre de gens de pied, luy commandant qu'il luy amenaist le capitaine uif,
 & qu'au demourant il passast par dessus le uentre de tous ses gens. Or quant à
 Lucullus il estoit desia campé avec une partie de son armee, & l'autre uenoit
 apres, lors que ses coueurs luy uindrent dire la uenue de ce capitaine Barba-
 re: si eut peur de prime face, que si l'ennemy les uenoit assaillir ainsi escartez
 les uns des autres, & nō en poinct de combattre, il ne les meist en rouverte & en
 desarroy. Au moien dequoy il demoura dedans son camp à le faire fortifier &
 remparer, & enuoya Sextilius l'un de ses lieutenans avec mille six cents che-
 uaux, & un peu plus de gens de pied, tant nuds qu'armez, luy enioignant qu'il
 fallast planter au plus pres de l'ennemy sans combattre, pour l'amuser & ar-
 rester seulement, iusques à ce qu'il eust nouuelles que toute l'armee seroit en-
 semble dedans le camp. Si tascha bien Sextilius à le faire ainsi qu'il luy estoit
 commandé, mais il fut contrainct contre sa resolution de uenir au combat,
 tant Mithrobarzanes l'alla temerairement & audacieusement assaillir: si y eut
 rencontre, en laquelle Mithrobarzanes mourut luy mesme en cōbattant uail-
 lamment, & tous ses gens mis en fuite, en laquelle ilz furent presque tous oc-
 cis, peu exceptez, qui se sauuerent de uistesse. Depuis ceste desfaite, Tigranes
 abandonna sa grande cité royale de Tigranocerta, qu'il auoit luy mesme ba-
 stie, & se retira deuers le mont de Taurus, là ou il assembla gens de tous costez:
 mais Lucullus ne luy uolant pas donner loysir de se preparer, enuoya d'un
 costé Murena pour couper chemin & rōpre ceulx qui s'assembloient autour
 de luy, & d'un autre costé enuoya Sextilius pour empescher une grosse troupe
 d'Arabes q luy uenoit, lesquelz Sextilius chargea ainsi cōme ilz se uouloient
 loger, & les desfeit presque tous: & Murena suyuant Tigranes à la trace, espia
 l'occasion qu'il passoit une uallee longue & estroite, au fond de laquelle y a-
 uoit mauuais chemin, aiant une armee qui estoit de longue estendue: si luy

A donna sur la queue usant de l'opportunité, & Tigranes se mit incontinent en fuite, faisant ietter tout le bagage emmy le chemin au deuant de l'ennemy pour le retarder, & y eut grand nombre d'Armeniens occis en ceste rouverte, & plus encore de pris. Ces choses ainsi faites Lucullus s'achemina deuers la cité de Tigranocerta qu'il assiegea tout à l'entour. Il y auoit dedans grand nombre de Grecs, lesquelz y auoient esté transportez par force de la Cilicie, & beaucoup de Barbares aussi à qui on en auoit autant fait, Adiabeniens, Assyriens, Gordiëniens, & Cappadociens, desquelz Tigranes auoit ruiné les uilles, & les auoit contraincts de s'en uenir habiter là : au moien dequoy ceste uille estoit pleine d'or & d'argent, de medalles, statues, tableaux, & peintures, à cause que tout le

B monde, autant les hommes priuez que les princes & seigneurs, s'estudioient pour complaire à ce Roy, d'enrichir & embellir ceste cité, de toute sorte de paremens & ornemens de uille. A l'occasion dequoy, Lucullus pressa le plus qu'il peut le siege, se persuadant que iamais Tigranes ne supporteroit qu'elle fust prise, ains qu'encore qu'il eust autrement deliberé, neantmoins par un courroux il luy uendroit presenter la bataille pour le faire leuer le siege : ce qu'il prenoit tresbien, n'eust esté que Mithridates par lettres & par messagers expres, luy desconseilloit fort de hazarder la bataille, & luy suadoit plus tost de couper uiures de tous costez aux Romains avec sa gendarmerie, autant luy en dit & cōseilla Taxiles capitaine q̄ Mithridates luy auoit enuoyé, & qui

C estoit avec luy en son cāp, le pria à grāde instāce de ne uouloir point esproauer les armes des Romains, qui estoient chose inuincible. Tigranes escouroit patiemment leurs raisons du commencement, mais quand les Armeniens avec toutes les forces du païs furent arriuez, & les Gordiëniens, & que les Roys des Medois & des Adiabeniens furent aussi uenus avec toute leur entiere puissance, & que d'autre costé, luy fut aussi arriué un grād nombre des Arabes, qui habitent le long de la mer de Babylone, & grand nombre aussi d'Albaniens, uenās de la mer Caspiene, & d'Iberiëns qui sont leurs proches uoïfins, oultre une autre grosse troupe des peuples francs & uiuans sans Roy, qui habitent au long de la riuere d'Araxes, les uns uenus liberalement pour luy faire plaisir, les autres pour les pensions & pour la soude qu'il leur donnoit, alors ne se teint il plus à sa table, ny en ses conseilz, autres propos que de certaine esperāce de la uictoire, de braueries, & de menasses barbaresques, tellement que Taxiles fut en danger de sa personne, pource qu'il contredisoit obliquement à la conclusion qui auoit esté prise au conseil de donner la bataille, & eut on opiniō que Mithridates portoit enuie à la gloire du Roy, & que pour ceste occasion, il luy alloit ainsi dissuadant la bataille, à raison dequoy Tigranes ne le uoluit pas seulement attendre, de peur qu'il n'eust part à l'honneur de sa uictoire, ains se mit aux champs avec tout ce grād exercite, disant entre ses priuez amis, ainsi que lon compte, qu'il n'estoit marry que d'une chose seule, c'estoit qu'il luy

D falloit combattre contre Lucullus seul, & non contre tous les capitaines Romains ensemble. Et si n'estoit pas ceste brauerie si folle, ne si hors de bōs sens, qu'il n'y eust quelque apparence, quand il regardoit autour de luy tant de nations diuerses, tant de roys qui le suyuoient, tant de batailles de gens de pied armez, & tant de milliers de gens de cheual : car il auoit en son armee uingt mille hommes de traict, & de tireurs de fonde seulement : cinquante & cinq mille hommes de cheual, dont il y en auoit dixsept mille armez de toutes pieces, ainsi que Lucullus mesme l'escruiuit au Senat : & de gens de pied armez, di-

Lucullus.

tribuez par enseignes & squadrons, cent cinquante mille: de pionniers, charpentiers, massons & autres telles gés de bras pour applanir les chemins, bastir ponts à passer les eaux, curer les riuieres, couper des bois & faire autres telles œuures, iusques au nombre de trente cinq mille, qui suyuoient à la queue de l'armee ordonnez en gens de guerre, faisans paroïr le camp de plus grande monstre, & luy donnans plus de force aussi. Quand il fut au dessus du mont de Taurus, & que lon peut de la uille ueoir à clair toute son armee, & que luy aussi peut choisir de l'œil celle de Lucullus, qui tenoit sa uille de Tigranocerta assiegee, les Barbares qui estoient dedans recueuillirent ceste ueue avec grands criz de ioye, & grands battemens de mains, menassans de dessus leurs murailles les Romains, en leur monstrant l'armee des Armeniens. G Lucullus ce pendât teint conseil sur ce qu'il auoit à faire, auquel cōseil les uns furent d'aduis qu'il leuast son siege, & qu'il allast avec son armee toute entiere sans la departir cōtre Tigranes, les autres ne trouuoient pas bō qu'il laissast à son dos un si grand nombre d'ennemis, ne qu'il leuast son siege: adonc leur respondit Lucullus, qu'ilz ne disoient bien ny les uns ny les autres, mais que tous deux ensemble le conseilloyent tresbien. Au moien dequoy il diuisa son armee, & laissa au siege deuant la uille Murena avec six mille combattans, & luy avec uingt & quatre cohortes, esquelles il n'y auoit pas plus de dix mille hommes de pied armez, & toute sa cheualerie, avec enuiron mille hommes de traicts & tireurs de fōdes, s'en alla au deuant de Tigranes, & logea en une grande & spacieuse plaine au long de la riuere. Si sembla le camp des Romains bien peu de chose à Tigranes, de maniere que pour quelque temps il seruit de risee & de passetemps aux flatteurs de sa court: car les uns s'en mocquoient, les autres tiroient au fort, & iouoient leur part des despouilles, comme s'ilz eussent desia gaigné la bataille, & chascun des Roys & des capitaines falloit presenter au Roy, le requerant bien instamment de luy faire ceste grace, qu'autre ne s'en empeschast que luy, & que le Roy se teint à l'escart assis en quelque part pour ueoir l'esbattemēt. Et lors Tigranes uoulāt monstrier qu'il sçauoit plaisammēt rencontrer, & dire le mot, aussi bien que les autres, dit une parole fort uulgaire, S'ilz uienent comme ambassadeurs, ilz sont beaucoup: mais s'ilz uienent comme ennemis pour faire la guerre, ilz sont bien peu. Voila comment ilz se mocquoient & se gaudissoient pour lors. Le lendemain au point du iour Lucullus tira ses gens tous armez aux champs en bataille. Or estoit le camp des Barbares de l'autre costé de la riuere uers le Soleil leuant, & d'adventure le cours de la riuere se destournoit tout court deuers le Soleil couchant, là ou il y auoit meilleur quay pour la passer: au moien dequoy Lucullus faisant marcher son armee en bataille à ual le cours de la riuere pour trouuer le quay, & la hastant d'aller, sembla à Tigranes se retirer, tellement qu'il feist appeller Taxiles & luy dit en riāt, Vois tu ces beaux legionaires Romains, q̃ tu preschois tant estre gens inuincibles, les uois tu maintenant fouir? K Taxiles adonc luy respōdit, Je uouldroie, Syre, que ta bonne fortune feist au iourd'uy quelque miracle: car à la uerité ce seroit chose bien estrange, que les Romains fouissent, mais ilz n'ont pas accoustumé de prendre leurs beaux accoustremens sur leur harnois quand ilz ueulent seulement cheminer par les champs, ny ne portent pas leurs pauois & escus descouuers, ny leurs armets nuds en la teste comme ilz les ont maintenant, leur aiant osté leurs estuis & couuertures de cuyr: mais sans point de doubte, ce bel equippage auquel

A nous les uoions ainsi reluire, est certain signe qu'ilz ueulent cōbattre, & qu'ilz marchent pour trouuer leurs ennemis. Taxiles n'auoit pas encore acheué son propos, que Lucullus, à la ueuë de ses ennemis, feit tourner tout court le portenſeigne qui portoit la premiere aigle, & que les bâdes prirēt leur place pour passer la riuere en ordonnance de bataille. Adonc Tigranes se reuenant à toute peine, comme d'une yuressse, s'escria tout hault par deux ou trois fois, Ilz uienent à nous, ilz uienent à nous. Si y eut grand trouble & grand tumulte quand se uint à renger tant de monde en bataille. Le roy Tigranes en prit à conduire le milieu, & en bailla la poincte gauche à mener au roy des Adiabeniens, & la droite au Roy des Medois, en laquelle estoit la pluspart des hommes d'armes armez de toutes pieces, qui faisoient le premier front de toute la bataille. Mais ainsi cōme Lucullus estoit prest à passer la riuere, il y eut quelques uns de ses capitaines qui le uindrent aduertir qu'il se deuoit garder de combattre ce iour là, pource que c'estoit l'un de ceulx que les Romains estiment malencontreux, & les appellēt Attri, c'est à dire noirs, pource que c'estoit celuy auquel un Scipion auoit esté desfait en bataille rengee, avec toute son armee, par les Cimbres: & Lucullus leur respondit ceste parole, qui depuis a tant esté celebree, le le rédray aujourd'hui heureux pour les Romains. c'estoit le sixieme iour du mois d'Octobre. En disant ces mots, & les admonestāt d'auoir bō courage, il passa la riuere, & marcha le premier droit uers l'ennemy, armé d'un corselet de fer fait à escailles reluisant au Soleil, & par dessus une cotte d'armes frangee tout à l'entour, tenant desia l'espee traitte en la main, pour donner à entendre à ses gens qu'il falloit soudainement aller ioindre de pres les ennemis, pour combattre à coups de main contre eulx, qui n'auoient accoustumé de combattre que de loing à coups de trait, & qu'il passeroit si uistement & si roidemēt l'espace de chemin qu'il leur falloit pour tirer, qu'ilz n'auoiēt pas le loisir de descocher, & uoiāt que le fort de leurs hommes d'armes, dōt on faisoit si grand cas, estoit rengé en bataille au dessous d'un coustau, duquel le dessus estoit plain & uny, & la montee qui duroit enuiron un quart de lieuë n'estoit pas fort roide ny couppee, il y enuoya quelque nombre de gens de cheual Thraciens & Gaulois qu'il auoit à sa soule, & leur cōmanda qu'ilz les allassent charger par les flancs pour les troubler, & qu'ilz essayassent à trencher leurs lances avec leurs espees, pource que tout l'effort de ces hommes d'armes consiste en leur lance, & ne peuuent faire autre chose, ny pour eulx, ny contre leurs ennemis, tāt ilz sont pesamment & malaiseemēt armez, de sorte qu'il semble qu'ilz soient emmurez dedans leur harnois, comme dedans une prison de fer: & luy quand & quand prenant deux enseignes de gens de pied se perforcea de gagner aussi le hault de ce coustau, aiant ses foudards à son dos qui le suiuiōient de grād courage, pource qu'ilz le uoyoiēt le premier trauaillant à pied, & grauissant contremont la pente du coustau.

E Quand il fut au dessus, il s'arresta un peu à lieu plus eminent, & se prit à crier à haulte uoix, La uictoire est nostre compagnons, la uictoire est nostre: & en disant cela les mena droit contre ces hommes d'armes, leur commandant qu'ilz ne s'amussent point à lancer leurs iauelōts, mais qu'ilz prissent leurs espees en leurs mains, & en frappassent sur les iambes & sur les cuisses de ces hommes d'armes, pource qu'ilz n'ont autres parties de leurs corps qui soiēt descouuertes: toutefois il ne fut point de besoing de telle escrime, pource qu'ilz n'attendirent pas les Romains, ains avec grands hulemens tournerent bride incon-

Lucullus.

rinent, & s'allerent ruer tressachemēt eulx & leurs cheuaulx, tout ainsi lourds F
& pesans qu'ilz estoient à trauers les bandes de leurs gens de pied auant qu'ilz
eussent donné un seul coup, tellement que si grand nombre de milliers d'hō-
mes fut mis en rouverte sans coup ferir, & sans qu'il y eut personne blecé, ne
que lon ueist une seule goutte de sang espādu: mais le grand meurtre fut quād
ilz prirent la fuitte, ou pour mieux dire, quand ilz cuiderent fouir, car ilz ne
le peurent pas faire, s'entr'empeschās eulx mesmes de fouir pour la lōgueur &
profondeur de leur bataillons. Tigranes entre autres ne faillit pas à desloger
des premiers avec bien petite compagnie, & uoyant son filz en pareille fortune
ne que luy fuyant, il s'osta le bādeau royal d'alentour de la teste & le luy bail-
la en plorant, luy commādan qu'il se sauuaſt le miculx qu'il pourroit par un G
autre chemin: mais le ieune prince n'ōza pas prendre la hardiesse de s'en ben-
der la teste, ains le bailla en garde à l'un de ses plus feaux seruiteurs, lequel fut
pris, de maniere qu'entre les autres prisonniers, le fut aussi le Diadēme ou
bandeau royal de Tigranes. On tient qu'il mourut en ceste desfaite plus de
cent mille hommes de pied, & des gens de cheual qu'il s'en sauua biē fort peu.
Du costé des Romains il y en eut enuiron cēt blecez, & cinq tuez. Le philoso-
phe Antiochus, faisant mention de ceste bataille en un traité qu'il a compo-
sé des Dieux, escrit que iamais le Soleil n'en ueit de pareille, & Strabo un au-
tre philosophe, en quelques histoires abbregees qu'il a escriptes, dit que les
Romains auoient honte, & se mocquoient d'eulx mesmes, de ce qu'ilz auoient H
employé les armes cōtre de si lasches esclauē: & Titus Liuius tesmoigne que
iamais les Romains ne se trouuerēt en bataille avec si petit nombre de com-
battans contre si grande multitude d'ennemis: car les uainqueurs n'estoient
en tout que la uingtiesme partie, & encore pas, de ceulx qui furent uaincus.
Dont les plus uieux & plus experimentez capitaines Romains louoient gran-
demēt Lucullus, en ce qu'il auoit desfait deux des plusgrāds & des plus puis-
sans princes du monde par deux moiens totalement contraires, l'un par tar-
dité, & l'autre par soudaineté: car il mina & consuma Mithridates par reculer
& dilayer, lors que ses forces estoient en leur entier: & au cōtraire il ruina Ti-
granes par se haster. Ainsi feit il ce que peu de capitaines ont iamais sceu faire, I
c'est qu'il usa de tardité pour executer, & de hardiesse pour assseurer son affai-
re. Cela fut cause que Mithridates ne se hasta pas fort pour estre au iour de la
bataille, pensant que Lucullus useroit de sa ruze accoustumee, de dilayer &
reculer tousiours, & pourtāt s'en uenoit il à petites iournees au cāp de Tigranes:
mais rencontrant en son chemin un petit nombre d'Armeniēns du com-
mencement qui s'en fuyoient tous effroyez & espouuentez, il se doubta incō-
tinent de la desfaite, puis en trouuāt d'autres en plus grād nombre tous nuds
& naurez, alors il en fut au uray du tout informé: si se meit à chercher Tigranes,
lequel il trouua tout seul abandonné de ses gens en bien pauvre estat, &
ne luy rendit pas la pareille en son aduersité de l'arrogance & du mespris, K
dont Tigranes luy auoit usé en la siene: ains descendit de cheual pour se dou-
loir & plorer avec luy leur commune infelicité, & luy bailla tous ses officiers,
& tout le train de maison royale qui le suyuoit, pour le seruir, en le recōfortāt
& l'admonestant d'auoir bon courage pour l'aduenir, puis se meirēt tous deux
ensemble à rallier & rassembler gens de guerre de tous costez. Cependant il se
leua une sedition dedans la uille de Tigranocerta entre les Grecs & les Barba-
res, pource que les Grecs uouloiet rendre la uille entre les mains de Lucullus,
lequel

A le quel sur cela luy faisant donner un assault, l'emporta, & se saisit des tresors du Roy, qui estoient dedas, abandonnant au demourant la uille aux soudards à piller, en laquelle outre les autres richesses, il se trouua en argët monnoyé bien * huit mille talents. Encore outre tout cela dóna il du butin qui fut lors gagné sur les ennemis * huit cents drachmes d'argent à chasque homme de guerre. Et entendant qu'il se trouuoit en celle uille force musiciens, ioueurs de Comédies, sonneurs d'instruments, & autres telz ouuriers qui sont requis à faire festes publiques, que Tigranes auoit fait uenir de toutes parts pour dedier le theatre qu'il auoit fait bastir en sa uille, il s'en seruit à faire les ieux & festes de sa uictoire. Puis cela fait, il renuoya les Grecs en leurs pais, leur donnant argent pour faire leurs despens par les chemins, & les Barbares aussi qui auoient esté là tirez par force hors des lieux de leur naissance: ainsi aduint il, que de la desolation & destruction d'une uille desertee, plusieurs furent rebasties & repeuplees: au moien de ce qu'elles recouurerent leurs naturelz habitans, lesquelz en aimerent & reuererent depuis Lucullus comme leur bien faitteur & leur fondateur. Toutes autres choses luy succedoient aussi semblablement ainsi que meritoit sa uertu: car il aimoit & desiroit plus les louanges qui procedent de bonté, de iustice, & de clemence, qu'il ne faisoit celles qui naissent des haults & grands faicts d'armes, pource qu'il disoit que son armee auoit part à celles cy, & que la fortune s'en attribuoit une bonne partie: mais que celles là estoient propres à luy tout seul. En quoy il monstrois bien qu'il auoit une bonne ame, bien composee, & bien instruite à la uertu, aussi en receut il le fruit, dont il estoit digne: car par ces qualitez il gagna les cueurs des Barbares, tellement que les roys des Arabes se uindrent uoluntairement mettre eulx & leurs biens entre ses mains: aussi se rendit à luy la nation des Sopheniens: & celle des Gordieniens en fut si affectionnee en son endroit qu'ilz eussent uoluntiers abandonné uilles, maisons, & pais pour le suyure avec leurs femmes & leurs enfans, pour une telle occasiõ. Zarbonus roy de ces Gordieniens, cõme nous auons dit au parauant, auoit sous main secrettement faict alliance avec Lucullus, par le moien d'Appius Clodius, ne pouuant plus supporter la tyrãnie de Tigranes. Cela fut descouuert à Tigranes, qui l'en feit mourir, luy, sa femme, & ses enfans, premier que les Romains entraissent à main armee dedans le pais d'Armenie: toutefois Lucullus ne le meit pas en oubly, ains en passant par son royaume luy feit des funerailles royales: car aiant fait dresser un beau buscher, accoustré magnifiquement de drap d'or & d'argent, & autres riches despouilles de Tigranes, il y uolut luy mesme en personne mettre le feu, & luy feit les effusions funerales accoustumées aux enterremens avec ses amis & parents, luy faisant cest hõneur que de l'appeller son amy & allié du peuple Romain: & si ordõna une grosse somme de deniers pour luy faire dresser une magnifique sepulture, car on trouua grande quantité d'or & d'argent dedans son chasteau royal: & si y auoit une prouision de trois cents mille mines de bled: ce qui enrichit bié les soudards, & feit esmerueiller Lucullus de ce, que n'ayant receu pas une seule drachme d'argent de l'espargne de Rome, il auoit entretenu ceste guerre par elle mesme. Enuiron ce mesme temps aussi le Roy des Parthes luy enuoya presenter par ambassadeurs expres son amitié & son alliance: à quoy Lucullus entendit fort uoluntiers, & luy enuoya aussi des ambassadeurs de son costé: lesquelz à leur retour luy feirent rapport, que le roy des Parthes estoit en doubte de se

* Quatre
milliõs huit
cents mille
escus.

* Quatre-
uings escus.

resouldre en quelle part il deuoit plus tost incliner, & que secrettement il fai- F
 soit demander à Tigranes le royaume de la Mesopotamie pour loyer de le se-
 courir à l'encôtre des Romains. Dequoy Lucullus f'estant bié au uray infor-
 mé resolut de laisser là Tigranes & Mithridates, comme deux aduersaires las
 & recreuz, & delibera de sonder & esprouuer un petit les forces & la puissance
 des Parthes en leur allant faire la guerre estimant que ce luy seroit une grande
 gloire d'auoir descôfit & desfaict tout d'une tire trois si puissans roys, ne plus
 ne moins qu'un uaillant champion de lucte qui auroit tout de renc abbatu
 trois bôs lucteurs, & d'auoir passé à trauers le país de trois les plus grâds prin-
 ces qui fussent soubs le Soleil tousiours uictorieux, sans iamais estre uaincu: si
 escriuit incontinent à Sornatius & aux autres siens capitaines qu'il auoit lais- G
 sez à la garde du royaume de Pont, qu'ilz luy amenassent en diligéce les forces
 qu'ilz auoient soubz leur charge, faisant son compte de partir de la prouince
 Gordiène pour aller à ce uoyage contre les Parthes: mais il en aduint bien au-
 trement. Car ses lieutenans qui ia par plusieurs fois au parauant auoient trou-
 ué leurs soudards mutins, & rebelles à leurs commandemens, alors cogneu-
 rent euidemment leur mauuaise uolunté & desobeissance incorrigible: car
 il ne leur fut onques possible pour quelques remonstrâces qu'ilz leur peussent
 faire, ny pour cōtrainte dōt ilz sceussent user, de les pouuoir tirer de là, ains au
 contraire ilz cryoient & protestoient qu'ilz ne demoureroient pas mesme là H
 ou ilz estoient, ains s'en iroient en leurs maisons, laissant là le royaume de Pōt
 sans garde ny garnison quelconque. Le pis fut encore, que quand on appor-
 ta ces nouuelles au camp de Lucullus, elles dōnerent exemple & audace aux au-
 tres de se mutiner aussi, avec la bonne enuie qu'ilz en auoient, pource qu'estâs
 pleins de richesses & accoustumez aux delices, ilz en estoient deuenus pesâns
 pour plus endurer les trauaux de la guerre, & ne uouloiet plus que se reposer:
 au moien dequoy quand ilz entendirent les audacieux termes que tenoiet les
 autres, ilz les appelloient hommes & gens de cueur, disans qu'il falloit suyure
 le chemin qu'ilz leur enseignoient, & qu'ilz auoient assez fait de seruices, qui
 meritoient bien qu'on leur donnast congé de se retirer à sauueté, & de se repo-
 ser deormais. Lucullus oyant ces propos, & d'autres pires encore & plus sedi- I
 tieux, rompit son entreprise du uoyage des Parthes, & s'en alla pour rencôtrer
 derechef Tigranes estant au cueur de l'esté: mais quād il fut au dessus du mōt
 de Taurus, il fut bien ennuyé de ueoir les chāps & les bleds encore tous uerds,
 tant les saisons sont tardifues en ces quartiers là, à cause de la froideur de l'air,
 toutefois il descendit en la plaine & desfeit en deux ou trois rencontres les Ar-
 meniens qui se hazarderent de l'attendre, & puis courut & pilla tout le plat
 país sans empeschement quelconque, enleuant les bleds qui auoient esté ap-
 prestez pour la prouision du camp de Tigranes, tellement qu'il meit ses enne-
 mis en la necessité & disette de uiures que luy mesme craignoit, & ne laissa pas
 pour cela de les prouoquer par tous autres moies pour les faire uenir à la bat- K
 taille, tantost faisant enclorre leur camp de trêchees tout à l'environ, comme
 fil les eust uoulu affamer, tantost destruisant & gastant tout le plat país de-
 uant leurs yeux: mais pour auoir esté battus tant de fois, iamais ne uolurent
 plus bouger. Ce que uoyāt Lucullus, à la fin leua son camp, & s'en alla mettre
 le siege deuant Artaxata la uille capitale du royaume d'Armenie, dedans la-
 quelle estoient ses femmes legitimes & ses petits enfans, esperant que Tigra-
 nes aduēturerait encore une bataille plus tost que de laisser perdre ceste uille.

A Lon dit que Hannibal de Cartage, apres que le roy Antiochus eut esté desfait par les Romains, se retira deuers Artaxes, auquel il monstra & enseigna de faire plusieurs choses utiles & profitables à son royaume, & entre autres, que aiant considéré l'un des plus beaux, plus plaisans, & plus fertiles endroits de toute la prouince, qui demouroit inutile sans que lon en feist compte, il y trassa & des-seigna le plant d'une uille, & depuis y amena le Roy, & l'enhorta de la faire bastir & peupler. Le Roy en fut fort aise, & le pria de prédre luy mesme la charge de conduire l'œuvre: & qu'ainsi fut edifiée ceste belle, grande & triumpante cité, laquelle fut appelée du nô du Roy Artaxata, & des lors faite le siege capital de tout le royaume d'Armenie. Tigranes donques estant au uray aduerty que Lucullus alloit mettre le siege deuât, ne le peut endurer, ains se meit à suyure les Romains avec toute son armee, tât qu'au quatrieme iour il s'alla camper tout aupres d'eulx, de sorte qu'il n'y auoit que la riuere de Harfanias entre deux, laquelle il falloit q les Romains trauerfassent nécessairemēt, pour aller deuât Artaxata. Lucullus donques apres auoir sacrifié aux Dieux, s'assurant de la uictoire, cōme de chose qu'il eust desia tenue entre ses mains, fait passer son armee en ordōnace de bataille, mettāt douze cohortes de front, & les autres derriere, de peur que les ennemis q auoient en teste grāde gendarmerie & bonne, ne les enueloppassent: & deuant eulx encore auoient ilz des archers à cheual Mardiēs, & des Hiberiens portans lances, aux quelz Tigranes se fioit plus qu'en nuls autres, cōme aux plus belliqueux & meilleurs cōbattans qu'il eust à sa foulde: si ne feirent ilz pas pourtant grandes armes, car aians escarmouché un petit seulement contre la cheualerie Romaine, ilz n'ozèrent attendre les legionaires qui uenoient derriere, ains s'escarterent en fuyāt les uns d'un costé & les autres d'un autre, & attirerent apres eulx les gens de cheual Romains, qui se meirent à les poursuivre. Mais adonc les hommes d'armes qui estoient à l'entour de la personne de Tigranes, uoians la cheualerie Romaine ainsi escartee, commencerent à marcher contre les gens de pied, parquoy Lucullus uoiant le grand nombre qu'il y en auoit, & cōment ilz estoient bien armez & bien equippez eut peur, & enuoya rappeler ses gens de cheual qui chassoient, & ce pendant luy mesme marcha le premier à l'encontre des seigneurs & satrapes, qui se trouuoient en front deuant luy, avec tous les plus gens de bien de leur ost, aux quelz il donna un tel effroy, que deuant qu'il les peust ioindre à coups de main, ilz se tournerent tous en fuite. Il y auoit trois Roys en bataille l'un aupres de l'autre: mais celuy des trois qui fouit le plus honteusement, & le plus laschement, fut Mithridates le Roy de Pont, lequel n'eut pas le cueur d'endurer seulemēt les cris & clameurs des Romains. Si fut la chasse longue: car elle dura toute la nuit, iusques à ce que les Romains furent las de tuer, de prendre prisonniers, & de serrer toute sorte de butin: & dit Titus Liuius, qu'il fut bien tué plus d'hommes en la premiere bataille, mais

E qu'en ceste seconde, il mourut de plus grands personnages, & furent pris les principaux des ennemis. Depuis ceste bataille, Lucullus eleué en courage, & ne craignant plus rien, se delibera de tirer plus auant en païs, pour acheuer de ruiner & destruire du tout ce Roy barbare: mais en la saison de l'equinocce Autumnal qui estoit lors, il feir un si aspre temps (ce qu'il n'eust iamais cuidé) & tumba tant de froidures, que le plus du temps il negeoit, & si le ciel se descouuroit, il geloit & estraignoit si rudement, que les cheuaux ne pouuoient boire de l'eau des riuieres, tant elle estoit excessiuelement froide & gelec, & ne

Lucullus.

les pouuoient passer à quay, pource que quand ilz cuidoient passer par dessus F
la glace, elle se rompoit & tréchoit les nerfs de leurs pieds, tant elle estoit forte
& dure: d'auantage le pais estant tout plein d'arbres, de bois & de forests, & les
chemins estroicts, ilz ne pouuoient aller par les champs qu'ilz ne fussent in-
continent tous trempés de la nege qui en tumboit sur eulx, & quand ilz arri-
uoient au logis, c'estoit encore pis, pour ce qu'il falloit qu'ilz couchassent en
lieux molz & humides. A l'occasion dequoy les soudards n'eurent pas sui-
uy beaucoup de iours apres la bataille, qu'ilz refuserent de passer oultre: si en-
uoyerent premierement leurs coulonnels & capitaines, le prier de se deporter
de ceste entreprise, & puis s'amasserent par troupes plus audacieusement, &
commencerent à murmurer & crier la nuit dedas leurs tentes, qui est un cer- G
tain signe d'une armee mutinee, & qui a enuie de se rebeller contre son chef,
combien que Lucullus feist tout son pouuoir de les prier bien instamment,
qu'ilz uoulussent auoir un peu de patiëce & supporter encore ce trauail, à tout
le moins iusques à ce qu'ilz eussent pris la uille de Carthage en Armenie, à fin
qu'ilz peussent ruiner l'ouurage & la memoire du plus grand ennemy que les
Romains eurent onques au monde, entendant de Hannibal: mais quand il
ueit que pour tout cela ilz n'en uouloient rien faire, il les ramena en arriere, &
repassa le mont de Taurus par autres passages, puis descendit en la prouince
qui s'appelle Mygdonie, terre fertile & chaulde, ou il y a une grosse uille &
fort peuplee, que les habitans du pais appellēt Sibus, & les Grecs Antioche de H
Mygdonie. Il y auoit dedans, pour l'autorité, Gouras, qui estoit propre frere
de Tigranes: mais pour l'experience des engins de batterie, & suffisance en telz
affaires, celuy Callimachus, qui parauant auoit donné tant de peine à Lucul-
lus au siege de la uille d'Amisus. Lucullus alla planter son camp deuant, & la
fait assaillir par tous les moiës que l'on peult forcer une uille, si uisuemēt, qu'en
peu de temps elle fut prise d'assault: & quant à Gouras, qui se rendit à la mercy
de Lucullus, il fut traité gracieusement: mais quāt à Callimachus, il ne le uou-
lut point ouir, encore qu'il promest, si on luy uouloit sauuer la uie, qu'il reue-
leroit des cachettes ou il y auoit de grāds tresors que personne ne sçauoit que I
luy, ains commanda que l'on le menast apres luy les fers aux piedz, pour luy
faire receuoir la punition qu'il meritoit, de ce qu'il auoit mis le feu en la uille
d'Amisus, & luy auoit osté le moien de monstrier aux Grecs sa bonté, son affe-
ctiō & liberalité enuers eulx. Iusques icy l'on pourroit ueritablement dire, que
la fortune suiuit & accompagna Lucullus en toutes ses entreprises, & en tous
ses affaires: mais d'icy en auant, il semble que le bon uent de la faueur de for-
tune luy faillit tout court, tant il feit toutes choses à grande peine, & tant tou-
tes choses luy succederent au rebours & mal à propos. Il est uray qu'il mōstra
bien tousiours la uertu, la patience & grandeur de courage que doit auoir
un bon & uailant chef d'armee: mais ses exploits & ses faicts n'eurent onques
puis celle grace de facilité, ny celle splendeur de gloire qu'ilz souloient auoir K
auparauant, ains au contraire fut biē pres de perdre celle qu'il auoit par le pas-
sé acquise, pour les aduersitez qui luy aduindrent, & pour les querelles & dif-
ferents qu'il eut sans propos avec ses gens. Et le pis est encore, que de tous ces
malheurs on luy en attribue la principale coulpe à luy mesme, pour autant
qu'il ne sceut ou ne uolut pas s'entretenir en la bonne grace de la multitude
des soudards, estimant que tout ce que fait un capitaine ou autre personne cō-
stituee en dignité pour complaire à ceulx qui sont sous sa charge, soit se fai-

A redeshonneur à soy-même, & donner occasion aux subiects de mespriser son autorité: & ce qui plus encore luy porta de nuisance, fut qu'il ne portoit pas tel respect qu'il deuoit aux hommes de qualité, & qui en noblesse estoient egaulx à luy, ains les auoit en mespris, & ne les estimoit rien à comparaison de luy: car on dit qu'il auoit ces uices & imperfections là, estant au demourant doué de toutes les uertus, dons de nature, & bonnes cōditions que lon sçauoit desirer: car il estoit beau personnage & de belle taille, bien parlât, sage & aduisé autant en affaires de gouuernement, comme en fait de guerre, & autant pour prescher un peuple en la uille, cōme des soudards en un camp. Salustius escrit, que des l'entree de ceste guerre les soudards commencerent à se mescontenter de luy, pour autāt qu'il leur fait passer deux hyuers tout de reng en campagne l'un deuant la uille de Cyzicus et l'autre deuant celle d'Amisus: autant les facherēt & irriterent encōre les autres hyuers ensuiuās, car ou ilz les passerēt en terre d'ennemis, ou encōre que ce fust en pais d'alliez & amis, il les fait neantmoins camper soubz les tentes en campagne: car iamais Lucullus n'entra une seule fois avec armee dedans uille Grecque, ny confederee. Or si les soudards estoient d'eulx mesmes mal affectionnez enuers Lucullus, les harengueurs de Rome qui estoient ses ennemis, & qui portoient enuie à sa prosperité & à sa gloire, leur donnoient encōre bien plus grandes occasions de se mutiner à l'encontre de luy, par ce qu'ilz le chargeoient ordinairement en leurs harengues enuers le peuple qu'il tiroit en longueur, & faisoit durer ceste guerre, expressement à fin qu'il eust tousiours moien de dominer, & tousiours matiere d'amasser, tenant ensemble presque toute la Cilicie, l'Asie, Bithynie, Paphlagonie, Galatie, le royaume de Pōt, l'Armenie, & toutes les prouinces qui sont iusques au fleue de Phāsīs: encōre auoit il de nagueres pillé les royales maisons de Tigranes, cōme si on l'eust enuoyé là pour saccager & despouiller seulement, non pas pour desfaire & dompter ces roys là. Et dit on que ce fut l'un des Præteurs, Lucius Quintius, qui usa de ces termes là. Aussi fut ce celuy qui plus eueut le peuple à decerner que Lucullus seroit reuocqué de sa charge, & qu'on luy enuoyeroit des successeurs aux gouuernemens des prouinces qu'il tenoit. Par mesme moien fut aussi ordonné que plusieurs qui estoient soubz sa charge seroient dispensez de leur sermens, & auroient congé de s'en reuenir de la guerre quand bon leur sembleroit. Mais oultre toutes ces telles & si grandes difficultez, encōre y auoit il une autre plus dāgereuse peste, & qui gastoit plus les affaires de Lucullus q̄ tous les autres maulx ensemble, c'estoit Publius Clodius homme insolent, oultrageux & plein de toute temerité. Il estoit frere de la femme que Lucullus auoit espousee, laquelle estoit si deshontee & si abandonnee à son plaisir, que lon chargeoit son propre frere de l'entretenir. Ce Clodius estant lors au camp de Lucullus, n'y tenoit pas le lieu, ne n'y auoit pas l'honneur qu'il pensoit bien meriter: car il festimoit digne, & uouloit y estre le premier: & au contraire, il y en auoit beaucoup deuant luy, pource qu'il estoit homme ainsi uicieux & si mal conditionné. A l'occasion dequoy il cōmencea par despit à suborner & prattiquer les bendes que lon appelloit Fimbrianes & à les irriter à l'encontre de Lucullus, semant de doulces & gracieuses paroles entre les soudards, qui uouloient & auoient bien accoustumé d'estre flattez: car c'estoient ceulx que Fimbria auoit induits à tuer le Cōsul Flaccus, & à l'essire pour leur capitaine au lieu de luy: au moien dequoy ilz prestoient uoluntiers l'oreille aux propos de Clodius, & l'appelloient gentil ca-

pitaine & amateur des souldards, pource qu'en parlant à eulx il faisoit semblât F
d'auoir compassion d'eulx, si iamais ilz ne feroient à bout de tant de trauaulx
& de tant de guerres, ains useroient miserablement leurs iours à guerroyer
continuellement, tantost une nation, & tâtost une autre, & à aller uagabonds
par tous les Climats du môde, sans receuoir aucun digne loyer d'une si labo-
ricuse & si longue guerre, seruâs seulemēt de garde aux chariots & chameaux
de Lucullus chargez de uaisselle d'or & d'argēt & de pierres precieuses, là ou
les compagnons de guerre qui auoient esté soubz la charge de Pompeius e-
stoient desia de repos en leurs maisons auec leurs femmes & leurs enfans, &
possedoient de bonnes terres, estans habituez en de belles uilles comme gros
& riches bourgeois, & si n'auoient point chassé Mithridates & Tigranes hors G
de leurs royaumes en des deserts inhabitables, & n'auoient point destruit &
ruiné les royales maisons de l'Asie, ains auoient seulemēt fait un peu de guer-
re en Hespagne contre des bannits, & en Italie contre des serfs fugitifs. Vou-
lons nous donques, disoit il, auoir toute nostre uie le harnois sur le dos? ne
uault il pas mieulx que nous reseruions nous autres, qui sommes eschappez
iusques icy, noz corps & noz uies à ce gētil capitaine là, qui estime que la plus
grande gloire qu'il sçauroit acquerir, soit, enrichir ceulx qui uont à la guerre
soubz luy? Par telles mutines & seditieuses calumnies, fut l'armee de Lucullus
tellement desbauchee, que les souldards ne le uoulurēt plus suiure, ny contre
Tigranes, ny contre Mithridates, lequel alla incontīnēt ietter de l'Armenie H
en son royaume de Pont, & cōmencea à le reconquerir, ce pendāt que les sou-
dards Romains, mutinez à l'encontre de leur capitaine, estoient de seiour à
ne rien faire en la prouince Gordiāne, prenans leur excuse sur l'hyuer, & s'at-
tendans que Pompeius ou autre capitaine uiendroit bien tost leuer le siege, &
succeder à Lucullus: toutefois quand ilz ouirēt les nouuelles, que Mithrida-
tes auoit ia desfait Fabius l'un des lieutenans de Lucullus, & qu'il s'en alloit
contre Sornatius & contre Triarius, ilz en eurent honte, & se laisserent mener
à Lucullus: mais Triarius, par une uaine gloire, quand il sentit que Lucullus
approchoit, se hastia de uoloir raur la uictoire, cōme si c'eust esté chose tou-
te assuree, deuāt que Lucullus arriuaist, & fut luy mesme uaincu en une gros- I
se bataille, ou lon dit qu'il mourut plus de sept mille hommes Romains, en-
tre lesquelz y auoit cent cinquante centeniers, & de capitaines de mille hom-
mes uingt & quatre, & si prit Mithridates leur camp d'auantage. Peu de iours
apres la desfaiſte y arriua Lucullus, q̄ cacha Triarius, que les souldards demā-
doient à toute force en courroux pour le faire mourir: si essaia Lucullus à son
arriuee d'attirer Mithridates à la bataille, mais Mithridates n'en uouloit poit,
pour autant qu'il attendoit Trigranes, lequel descēdoit auec une grosse puis-
sance. Parquoy il se resolut d'aller une autrefois au deuant de Tigranes, pour
le combattre premier qu'ilz ioignissent leurs forces ensemble: mais comme
il se fust mis en chemin, les bendes Fimbrianes luy feirent encore une nou-
uelle sedition, & ne uoulurent point suiure les enseiges, disans & alleguans
que par decret du peuple ilz auoient congé, & qu'ilz estoient quittes de leur
serment: comment que ce fust, que ce n'estoit plus à Lucullus à leur commā-
der, attēdu q̄ le gouuernemēt des prouinces qu'il tenoit, estoit ia baillé à d'au-
tres. Ce q̄ uoiāt Lucullus, s'abbaiſſa si fort enuers eulx, pour les cuider fleschir,
qu'il n'est sorte d'indignité à laquelle il ne se soubmeist, iusques à les aller
prier & supplier dedās leurstêtes les uns apres les autres, les l'armes aux yeux,

- A** en la plus grande humilité qui luy estoit possible, uoiré iusques à touchés es mains de quelques uns : mais eulx reboutoient fierement toutes ses caresses & prieres, iettrans deuant luy leurs bourses uides, & luy disant felon nemét qu'il allast combattre luy tout seul les ennemis, puis qu'il auoit secu si bien s'enrichir tout seul de leurs despouilles : toutefois par l'intercession & à la requeste des autres soudards, ces Fimbrians furent contraincts de promettre qu'ilz demoureroient encore l'esté, par tel si, que si durât ce temps il ne uenoit personne leur presenter la bataille, au bout du terme prefix ilz s'en pourroient aller là ou bon leur sembleroit. Il estoit force que Lucullus acceptast ceste condition, ou bien qu'il demourast tout seul, & consequemment qu'il abandonnast le país aux Barbares : ainsi les reteint il ensemble, mais ce fut sans plus ozer essayer de les contraindre ny de les mener à la bataille, se cõtètant bié qu'ilz uoulussent seulement arrester, estant contrainct d'endurer que Tigranes ce pendât courust & pillast la Cappadocie, & que Mithridates derechef brauast, lequel il auoit escrit parauât au Senat auoir esté par luy entieremét destruiet, tellement qu'il uenoit des commissaires & deputez de Rome à sa sollicitation pour ordonner avec luy des affaires du royaume de Pont, comme d'une province toute asseurement acquise à l'empire Romain : & quand ilz furent arriuez sur les lieux, ilz trouuerent qu'il n'estoit pas maistre de soymesme, & que ses propres soudards luy faisoient toutes les mocqueries, insolences & iniures que lon scauroit dire : car ilz furent si dissolus enuers leur capitaine, & l'eürèt en si grand mespris, que quand la fin de l'esté fut uenue, ilz s'armerent de leurs armes, & desguainnans leurs espees par derision appellerent au combat les ennemis qui n'estoient plus en campagne, ains festoient desia retirez, & après auoir ietté les cris qu'ilz ont accoustumé de crier au choc d'une bataille, & fait semblant de cõbattre, en demenant leurs espees parmy l'air uagüe, ilz s'en allerent du camp, protestans que le temps estoit expiré qu'ilz auoient promis à Lucullus de demourer. D'autre costé Pompeins escriuoit aux autres soudards qui estoient encore au camp, qu'ilz eussent à s'en uenir deuers luy : car il estoit desia subrogé capitaine au lieu de Lucullus, pour faire la guerre aux Roys
- D** Mithridates & Tigranes, par la faueur du peuple, & par les menées & flatteries des harengueurs de Rome. Ce qui despleut fort au Senat & à tous les gens de bien & d'honneur, pource qu'il leur sembloit que lon faisoit grand tort à Lucullus de luy enuoyer un successeur, non des trauaulx & d'agers de la guerre, mais de l'honneur & de la gloire du triumphe, & de le contraindre de ceder & quitter à un autre, non tant la charge de capitaine, que le pris & loyer d'honneur qui luy appartenoit pour les seruices faiets en icelle : mais encore sembla cela plus inique & plus indigne à ceulx qui estoient sur les lieux, pource que tout incontinent que Pompeius fut arriué en Asie, il luy osta toute puissance de punir ou remunerer personne quelconque, pour bons ou mauvais offices que lon eust faiet en ceste guerre à la chose publique, & defendit par affiches attachees es lieux publiques, que lon n'allast plus deuers luy, & q lon n'obeist point à chose que luy ne lès dix commissaires enuoyez pour disposer de l'estat des prouinces par luy conquises, manderoient ou ordonneroient : & si luy estoit Pompeius redoubtable, pource qu'il uenoit avec une trop plus grosse & plus puissante armée que la siene, toutefois leurs amis furent d'aduis qu'ilz s'entreueissent : & s'assemblerēt de faiet en un bourg de la Galatie, là ou d'arriuee ilz s'entreualuerent amiablement, & s'esioirēt l'un avec l'autre des beaux

Lucullus.

faits & glorieuses victoires qu'ilz auoient tous deux gaignees. Lucullus estoit le plus aagé, mais Pompeius auoit plus de dignité, pource qu'il auoit esté capitaine general du peuple Romain en plusieurs guerres, & qu'il auoit desia triomphé par deux fois. Les faisceaux de uerges que portoiēt les sergens deuant eulx estoient entortillez de brâches de laurier, pour les victoires qu'ilz auoient gaignees : mais celles des sergens de Pompeius estoient toutes seiches, pour-
autant qu'ilz auoient fait un long chemin par pais secs & arides. Ce que uoias ceulx de Lucullus, leur en donnerent courtoisement des leurs qui estoient toutes uertes & cueuillies de frais : ce que les amis de Pompeius prirent à bon signe & heureux presage : car aussi, à dire la uerité, les choses que feit Lucullus en sa charge furent cause de l'honneur que Pompeius acquit depuis en la sie-
ne : toutefois à la fin ilz ne furent de rien meilleurs amis pour auoir parlé ensemble, ains se partirēt l'un d'auec l'autre, encore plus alienez qu'ilz n'estoient au parauant. Car Pompeius par un edict cassa & annulla toutes les ordonnances de Lucullus, & luy emmenant tous ses autres gés de guerre, ne luy en laissa que seize cents seulement pour accompagner son triumphe, encore ne le su-
uoient ilz gueres uoluntiers : tant estoit Lucullus ou par nature, ou par fortune defectueux en ce qui est le principal en un grand capitaine, c'est de se faire aimer à ses gens : mais s'il eust eu ceste perfection avec tant d'autres excellentes uertus qu'il auoit, cōme la magnanimité, prudence, grand sens, diligence, & iustice, le fleuve d'Euphrates n'eust point esté la dernière borne de l'em-
pire Romain du costé de l'Asie, ains se fust estendu iusques à la mer d'Hyr-
canie, voire iusques au bout du monde, pour autāt que Tigranes auoit desia vaincu les autres nations qui sont au delà, exceptee celle des Parthes, laquelle n'estoit pas pour lors si puissante comme elle se môstra depuis du temps de Cras-
sus, ne si bien unie, ains estoit si foible, tant pour les dissentions qu'ilz auoient au dedans entre eulx, que pour les autres guerres de leurs uoïfins qui les tra-
uailloient au dehors, qu'ilz ne pouuoient pas seulement resister aux Armeniés qui les harassoient. Mais à bien prendre les choses, ainsi comme elles sont, il m'est aduis que Lucullus porta plus de dōmage à son pais par des autres, qu'il ne luy feit de profit par soy mesme, pource que les trophées & victoires qu'il gagna en Armenie si pres des Parthes, la uille de Tigranocerta, celle de Nisi-
bis, qu'il auoit saccagees, & les richesses grandes qui en furent apportees à Rome, le Diademe aussi de Tigranes, qui fut mené en triumphe comme captif, incita Crassus à uoloir passer en Asie, comme si tous les Barbares ne fussent autre chose que despoilles routes certaines, & proiē exposee à qui premier les uoloit aller prendre : mais au contraire, se trouuant à son arriuee enfoncé & accablé des fleches des Parthes, il seruit de tesmoignage pour prouuer que Lucullus n'auoit pas tant vaincu par faulte de sens, ou lascheté de cuer de ses ennemis, que par sa propre hardiesse & son bon entēdement : mais cela se uerra cy apres. Au demourāt Lucullus estant retourné à Rome, y trouua premièrement son frere Marcus accusé par un Gaius Memmius de ce qu'il auoit administré en l'office de Quæsteur du temps & par le cōmandement de Sylla, dōt il fut par sentence des iuges absoulus à pur & à plein : mais Memmius en aiant despit tourna son courroux en cōtre luy mesme, irritāt le peuple, & luy dōnant à entēdre que Lucullus auoit retenu & derobé beaucoup de richesses qui de-
uoient uenir à la chose publique, & que pour miculx faire ses besonges, il auoit tiré ceste guerre en longueur : au moien de quoy il leur suadoit de luy refuser

A tout à plat l'honneur du triumphe: & fut Lucullus en grand danger d'en estre frustré totalement, mais les plus gens de bien de la uille, & qui auoient le plus d'autorité se meslerent parmy les lignes quād ce uint à le faire passer par les uoix du peuple, & feirent tant par leurs prieres, & par leur instance & pour-
B fuitte, qu'à la fin, à toute peine, le peuple luy permit d'entrer en la uille en triumphe. Si feit Lucullus une entree triumpnale, laquelle ne fut point es-
C merueillable ny ennuyeuse pour la longue fuitte de la monstre, ny pour la multiude des choses qui y fussent portees, comme quelques autres capitaines auoient fait: car il feit orner & parer le parc des lices, que lon appelle à Rome Circus Flaminius, des armes des ennemis qui estoient en fort grand nombre,
D & des machines & engins de batterie du Roy, qui fut chose plaisante à ueoir: & en la monstre y eut quelque nombre de ses hommes d'armes armez à hault
E appareil, & dix chariots de guerre armez de faulx, qui passerēt, & soixante des principaux amis & capitaines des deux Roys qui furēt menez par la uille pri-
sonniers: & y furent aussi quand & quād trainnees cēt & dix galeres toutes ar-
mees par les proues de forts esperōs d'arain, & une statue de Mithridates toute
d'or de six piedz de hault, avec un riche pauois couuert de pierres precieuses:
oultre tout cela y auoit uingt taudis tout chargez & plains de uaisselle d'ar-
gent, & trente & deux autres chargez aussi de uases & de harnois d'or, & d'or
monnoyé aussi que des hommes portoient: apres lesquelz suyuoient huit mu-
lets portans des liets d'or, & cinquante & six autres qui portoient l'argēt fon-
du en masse, & cent & sept qui portoient l'argent monnoyé, lequel pouuoit
monter à la somme de * deux millions sept cents mille drachmes: & se por-
toient d'auantage des tables ou estoit escripte par articles la somme d'argent
qu'il auoit parauāt deliuree à Pompeius, pour la guerre contre les coursaïres,
& aux Questeurs & tresoriers generaux, pour mettre aux coffres de l'espargne
de la chose publique: & puis en un article à part, qu'il auoit baillé * neuf cents
cinquante drachmes à chasque homme de guerre pour teste. Apres la mon-
stre de ce triumphe finie, il feit un festin general, auquel il festoia toute la uil-
le, & les uillages d'alenuiron que les Romains appellent Vicos. Et depuis il re-
D pudia sa femme Clodia pour son impudicité & son mauuais gouuernement,
& espousa Seruilia sœur de Cato: mais il ne gagna gueres au change, & ne
rencontra pas mieulx en ce second mariage qu'au premier: car excepté qu'elle
n'auoit point le mauuais bruit d'auoir esté pollue & incestee par ses propres
freres, elle estoit au demourāt aussi deshoneste, impudique & dissoluē comme
la premiere, & toutefois il se contraignit à l'endurer pour quelque temps, à
cause de la reuerence qu'il portoit à son frere: mais à la fin il s'en lassa, & la re-
E pudia comme l'autre. Au reste aiant donné merueilleuse esperance de soy au
Senat, lequel pensoit bien auoir recouuré en luy un personnage pour seruir
de contrepois, & faire teste à la tyrānie de Pōpeius, & pour defendre à l'encōtre
du peuple l'autorité de la noblesse & du Senat, attendu qu'il auoit acquis par
ses haults faicts grāde autorité & grāde reputation, on fut tout esbahy qu'il
delaissa & quitta soudainemēt toute entremise du gouuernement des affaires
de la chose publique, soit ou pource qu'il ueist qu'elle auoit desia pris coup, &
qu'il estoit trop mal aisé de la retenir qu'elle n'allast en precipiee: ou bien, cō-
me disent les autres, pourautant que se uoiant cōblé d'honneur, il delibera de
se reposer deormais, & de mener la plus doulee & la plus aisee uie qu'il pour-
roit, apres auoir passé tant de peines & de traualx, dōt la fin n'auoit esté gueres

* Deux cēt
soixante &
dix mille
escus.

* Quatre
vingts quin-
ze escus.

heureuse. En quoy les uns sont bien de son opinion, & approuuēt ceste grande mutation en ce qu'il ne fait pas comme Marius, aussi ne luy en prit il pas comme à luy : car Marius apres les belles uictories qu'il auoit rapportees des Cimbres, & tant de beaux & haults faicts d'armes qu'il auoit à son grand honneur executez, ne se uoluit pas contenter & retirer lors qu'il estoit cōme un exemple de parfaite felicité : mais par une insatiable cupidité de gloire & effrence conuoitise de dominer, il s'alla attacher sur son uieil aage à de ieunes hommes en brouillis de gouuernemēt, qui le ietterent à faire des uiolences estranges, & luy en feirent souffrir encore de plus inhumaines. Aussi eust Ciceron (ce disent ilz) uieilly plus heureusement, si apres auoir esteinct la coniuration de Catilina, il se fust retiré en repos : & semblablement Scipion, si aiāt adiouxte la prise de la uille de Numance à celle de Carthage, il se fust uolu reposer : pour autant, disent ilz, qu'il y a une certaine reuolution & prefixion de temps, oultre lequel l'homme sage ne se doit plus entremettre des affaires de la chose publique, ne plus ne moins, que passe la fleur de l'aage & la uigueur du corps, l'homme n'est plus idoine à la iouxte ny à la lūte, & autres telz exercices de la personne. Mais au contraire Crassus & Pompeius se mocquoient de Lucullus, de ce qu'il se laissoit ainsi aller aux delices & à la uolupté, comme si le uiure uoluptueusement & delicieusement ne fust pas plus mal feant à ceulx de son aage, que le commander à une armee, ou le gouuerner les affaires d'une chose publique. Et quāt à moy, en lisant la uie de Lucullus il m'est proprement aduis que ie lis quelque ancienne Comēdie, de laquelle le cōmencemēt est laborieux, & la fin ioyeuse : car aussi y trouuez uous à l'entree de beaux faicts d'armes en guerre & de gouuernement en paix : mais à l'issue, ce ne sont que festins, banquets, & peu s'en fault qu'il n'y ait mesme des mommeries, des danses aux torches, & tous autres telz ieux que font les ieunes gens : car ie mets en ligne de compte de delices ses edifices sumptueux, ses belles allees à se promener, ses estuues : & encore plus, ses tableaux & peintures, & ses statues, & la curiosité grande qu'il auoit de telz arts, & de telz ouurages qu'il amassoit de tous costez à gros frais & grands despens, abusant excessiuemēt à cela de la richesse plātreuse & ample qu'il auoit acquise es charges & guerres qu'il auoit maniees : tellemēt qu'auioirdhuy que la superfluité a pris depuis si grād accroissemēt, encore compte lon les iardins que fait faire Lucullus entre les plus sumptueux & plus delicieux qu'aient les Empereurs. Et pourtāt Tubero le philosophe Stoi que aiāt ueu les superbes ouurages qu'il faisoit faire aupres de Naples le long de la marine, là ou il y auoit des montagnes percees à iour, & suspendues à uolutes, & de grands fossez, cauez à force, pour faire passer & courir la mer à l'etour de ses maisons, & y nourrir du poisson, & des logis qu'il faisoit fonder & bastir dedans la mer mesme, l'appella Xerxē Togatum, cōme sil eust uolu dire, le Xerxes Romain, pource q'iadis Xerxes feir ainsi fendre le mont d'Atho, & y cauer un canal pour passer ses nauires. Il auoit bien aussi d'autres lieux de plaissance dedās le territoire de Rome aupres de Tusculū, ou il y auoit de grādes salles & galleries ouuertes à iour de tous costez, dont on pouoit ueoir au loing tout à l'environ. Pompeius y estant allé quelque fois le ueoir, le reprit, disant qu'il auoit biē deuise & accoustre son logis pour l'esté : mais que pour l'hyuer il estoit inhabitable. Lucullus s'en prit à rire, & luy respondit, Estimes tu donques que i'aye moins de sens & d'entendement, que n'ont les cigognes & les grues, & que ie ne sache bien se-

A lon les faisons, changer de demourance & de maisons? Vne autre fois il y eut quelque Præteur Romain, lequel faisant faire des ieux pour dōner passer-temps au peuple, luy demanda à prester des manteaux de pourpre pour accoustrer les ioueurs. Lucullus luy respōdit qu'il feroit regarder fil en auoit, & qu'il les luy presteroit: puis le lendemain luy demanda de combien il en auoit affaire, & l'autre luy respondit qu'il en auroit assez de cent. Lucullus adonc luy repliqua, qu'il luy en fourniroit de* deux cēts fil en auoit affaire. Et pourtāt le poëte Horace faisant ce compte y adiouxte une belle exclamation contre la superfluité, disant que lon estime la maison petite & non riche, là ou il n'y a des meubles beaucoup plus qu'il n'en fault, & là ou ce qui est caché, & que le maître ne sçait pas, n'est plus que ce qui est en euidence. Il y auoit aussi de la uanité en sa despence de table ordinaire, non seulement en ce que les liēts esquelz on māgeoit, estoient couverts de riches couuertes de pourpre, & qu'il estoit seruy en uaisselle d'or & d'argēt enrichis de pierres precieuses, & qu'il y auoit ordinairement quelques danses, musiques, farces, ou autres telz passer-temps: mais aussi en ce que lon seruoit tousiours de toutes sortes de uiandes exquisement accoustrees, & d'ouurages de four, confitures & issues de table curieusement labourees & apprestees, par ou il se rendoit admirable à gens de petit entendement & de basse condition seulement. Pourtant fut Pompeius bien estimé d'une parole qu'il dit un iour qu'il estoit malade, & que le medecin luy auoit ordonné qu'il māgeast d'une griue: car comme ses seruiteurs luy dirent qu'il seroit malaisé d'en recouurer, lors qu'il estoit la saison de l'esté, sinō chez Lucullus, là ou lon en nourrissoit tout le long de l'an: il ne uolut pas que lon en allast demāder, ains dit à son medecin: Cōment, si dōques Lucullus n'estoit voluptueux, Pompeius ne sçauroit il uiure? & cōmanda que lon luy apprestast quelque autre chose de celles que lō recouure facilement. Catō estoit son amy & son allié, toutefois il haïssoit si fort sa maniere de uiure & sa despence ordinaire, que comme un iour quelque ieune homme en plein Senat pronōceast une longue & ennuyeuse harengue, hors de saison & de propos, touchant la simplicité du uiure, la sobriété & temperance, Caton ne le pouuāt plus endurer, se leua en pieds & luy dit, Ne cesseras tu d'aujourd'hui de nous prescher, toy qui es riche comme un Crassus, qui uis comme un Lucullus, & parles cōme un Caton? Les autres aduouent bien que cela fut ainsi dit, mais que ce ne fut pas Caton qui le dit: toutefois il est tout euident par les dicts memorables que lon a recueuillis de Lucullus, que non seulement il prenoit plaisir à ceste maniere de uiure opulently, mais encore qu'il en faisoit gloire. Car à ce propos on racompte, qu'il festoia par plusieurs iours en sa maison quelques personnages Grecs, qui estoient uenus de la Grece à Rome, & qu'eulx comme homes nourris à la sobriété & simplicité grecque, apres y auoir esté quelques fois eurent honte, & refuserent d'y aller plus, quand depuis on les en alla semondre, cuidans que ce fust pour l'amour d'eulx, que ceste grande despence se feist. Dequoy Lucullus estant aduerty, leur dit, Ne laissez pas Seigneurs de me uenir uoir pour cela: car il est bien uray qu'il se fait quelque chose d'auantage que mon ordinaire pour l'honneur de uous: mais ie ueux bien que uous sachez que la plus part s'en fait pour l'amour de Lucullus. Vne autre fois qu'il souppoit tout seul, ses gens n'auoient appresté qu'une table & moien- nement à soupper, il s'en courroucea & feit appeller celuy de ses seruiteurs qui auoit charge de cela, lequel luy dit, Pourautant seigneur que tu n'as enuoyé semō-

*Horace dit
cinq mille.

Lucullus.

dre personne, j'ay pensé qu'il ne falloit ia faire grád appareil pour le soupper: F
Comment, luy repliqua il, ne sçauois tu pas que Lucullus deuoit auioirdhuy
soupper chez Lucull^s? Brief, c'estoit chose si cogneue dedás la uille de Rome,
que lon ne parloit que de la sumptuosité & magnificence de la maison de Lu-
cullus. Au moien dequoy Cicron & Pompeius le uoulás esprouuer, s'adres-
ferent un iour à luy sur la place, le uoyans de loisir: car l'un estoit bien de ses
plus grás & plus familiers amis: & l'autre, encore qu'ilz eussent eu quelque dif-
ferent ensemble pour les affaires de leurs guerres, ne laissoit pas neantmoins
de le hanter, & parler amiablemēt l'un à l'autre. Cicron dōques apres l'auoir
salué, luy demanda s'il seroit cōtent que lon l'allast ueoir. Le plus du monde,
respondit il, & uous prie bien fort d'y uenir. Nous uoulons donques, dit adóc G
Cicron, Pompeius & moy soupper auioirdhuy avec toy, sous condition
que tu ne feras rien apprestre pour nous, oultre ton ordinaire. Lucullus leur
respondit qu'ilz seroient trop mal traittez, & qu'il ualoit mieulx attendre au
lendemain. Ce qu'ilz ne uoulurent point faire, ny seulement luy permettre
qu'il parlast à ses seruiteurs, de peur qu'il ne leur cōmandast d'apprestre quel-
que chose d'auantage que pour luy seul: toutefois à sa requeste, ilz luy per-
meirent de dire seulement tout hault en leur presence à l'un de ses seruiteurs,
Qu'il soupperait ce soir là en Apollo: car ainsi s'appelloit l'une des plus sum-
ptueuses & plus magnifiques salles de son logis: & les trompa finement par ce
seul mot là, sans qu'ilz s'en aduissassent, pource q̄ chascune salle auoit un taux H
prefix & certain de la despence qui s'y deuoit faire à chascque fois que l'on y
souppoit, ses meubles propres & toute l'ordonnance du seruice, de sorte que
quand ses seruiteurs auoient entendu en quelle salle il uouloit soupper, ilz
sçauoient aussi tost combien il falloit despandre à ce soupper, & quel ordre il
y falloit tenir. Or auoit il accoustumé de despēdre quand le festin se faisoit en
ceste salle d'Apollo * cinquante mille drachmes d'argent, & y fut ce iour là le
soupper appresté à ce pris, tellement que Pompeius s'esmeruilla grandement
comme il estoit possible qu'un soupper de si excessiue despence eust esté si pro-
ptemēt & si soudainemēt appareillé. En telles choses donques usoit Lucullus
dissoluēment & oultrageusement de sa richesse, comme d'un instrument ue- I
ritablemēt serf & barbare. Mais aussi estoit ce une honeste & louable despence
celle qu'il faisoit à recouurer & faire accoustrer des liures: car il en assembla
une grande quantité, & de fort bien escripts, desquelz l'usage luy estoit enco-
re plus honorable que la possession, pource que ses librairies estoiet tousiours
ouuertes à tous uenans, & laissoit on entrer les Grecs sans refuser la porte à pas
un, dedans les galleries, portiques, & autres lieux propres à disputer, qui sont à
l'entour, là ou les hōmes doctes & studieux se trouuoient ordinairement, & y
passoient bien souuent tout le iour à conferer ensemble, cōme en une hostel-
lerie des Muses, estás bien aises quand ilz se pouuoiet depestrer de leurs autres
affaires pour s'y en aller. Luy mesme aussi souuentefois se mesloit parmy eulx K
dedás ces galleries, prenāt plaisir de cōmuniquer avec eulx, & si aydoit à ceulx
qui auoiet des affaires à les depešcher de tout ce qu'ilz luy requeroient. Brief,
sa maison estoit une retraite & un recours pour tous ceulx qui uenoient de la
Grece à Rome. Il aimoit toutes sortes de philosophie, & n'en reiettoit pas une
secte: mais il estima tousiours des son commencement, & eut en plus grande
recommandation la secte Academique, non celle que lon nomme la nouvel-
le, combien qu'elle fust lors en grande uogue pour les œuures de Carneades,

* Cinq mil-
le escus.

A que Philo faisoit ualoir, mais bien l'ancienne, laquelle auoit lors pour defen-
 seur le philosophe Antiochus natif de la uille d'Ascalon, homme eloquent &
 disert, que Lucullus meit toute peine de gagner, & l'auoir en sa maison pour
 amy familier, à fin de l'opposer aux auditeurs & adherents de Philo, desquelz
 estoit Ciceron, qui a composé un tresbeau liure contre ceste secte de l'ancienne
 Academie, auquel il introduit Lucullus soustenant l'opiniõ des uieux Aca-
 demiques, qui maintenoient que l'homme peult certainement sçauoir & com-
 prendre quelque chose, & appelloit cela Catalepsin, & luy soustiẽt le contrai-
 re. Le liure est intitulé Lucullus: car ilz estoient, comme nous auõs desia dit
 ailleurs, fort bons & grãds amis, & tendoient à une mesme fin au gouuernement
 de la chose publique: pource que Lucullus ne s'estoit pas tant retiré des
 affaires qu'il ne s'en uoulust plus meller aucunement, ny plus en ouir parler,
 ains seulement ceda & quitta de bonne heure à Marcus Crassus & à Caton,
 l'ambition & la contention de uouloir estre le premier, & d'auoir le plus d'au-
 thorité, comme chose qui n'estoit ne sans dāger, ny sans hazard de recepuoir
 de grandes indignitez. Et ces deux personnages là estoient ceulx dont le Se-
 nat se couuroit, & qu'il pouloit en auant contre la trop grande puissance de
 Pompeius, que lon auoit pour suspecte, depuis que Lucullus eut refusé ce pre-
 mier degre là de credit & d'authorité: mais au demourant il se trouuoit sur la
 place aux iugemens & aux assemblees du peuple, pour faire plaisir à ses amis
 C quād ilz l'en requeroient: & alloit aussi au Senat quād il estoit question de rō-
 pre le coup à quelque menee, & faire receuoir un rebut à quelque ambitieuse
 pratique de Pompeius: car il reuerfa toutes les ordonnāces & cōstitutions qu'il
 auoit faictes, apres auoir descōfit les Roys, Mithridates & Tigranes, & empef-
 cha à l'aide de Caton une distributiõ & departemẽt de deniers qu'il auoit escript
 que lon feist à ses gēs de guerre: tellemẽt, que Pompeius eut recours à l'amitié,
 ou pour parler plus rondement, à la conspiration & coniuration de Crassus
 & de Cæsar, avec le support desquelz il emplit toute Rome d'armes & de sou-
 dards, & feit par force passer & ratifier au peuple ce qu'il uoluit, apres auoir
 chassé uiolentement Lucullus & Caton de la place. Dequoy les gens de bien
 D & d'honneur estans courroucez, & trouuans fort mauuais que lon eust faict
 un si grand oultrage à deux telz personnages, les adherents de Pompeius su-
 bornerent un Brutien, qu'ilz disoient auoir esté surpris en aguet, comme il es-
 pioit Pompeius pour le tuer. Sur quoy ledict Brutie estāt interrogé au Senat,
 nomma quelques autres, & deuant le peuple Lucullus, disant que c'estoit luy
 qui l'auoit attiltré pour occire Pompeius, mais personne n'y adiouxta foy: car
 on apperceut bien sur le champ que c'estoient eulx mesmes qui l'auoient apo-
 sté, & suborné pour accuser faulxement Lucullus, & les autres aduersaires de
 Pompeius: ce qui fut encore plus claiemẽt adueré quelques iours apres, quād
 on ietta le corps de ce Brutien mort emmy la rue hors de la prison, qu'ilz di-
 E soient estre mort de luy mesme par maladie: mais les marques toutes euiden-
 tes du cordeau, dont ilz l'auoient estrāglé, & des coups qu'ilz luy auoient bail-
 lé, monstroiet tout clairement, que c'estoient eulx mesmes, qui apres l'auoir
 suborné, l'auoient ainsi tué. Cela fut cause que Lucullus se retira encore plus
 des affaires de la chose publique, & quand encore il ueit que lon eut chassé si
 meschamment Ciceron en exil, & que lon trouua moien d'esloigner Caton,
 soubz couleur de l'enuoyer avecques charge en l'isle de Cypre, à lors il se las-
 cha du tout. Aucuns escriuent qu'un peu deuant sa mort l'entendement luy

uaria, s'affoiblissant par l'aage petit à petit : mais Cornelius Nepos dit, que ce ne fut point par uieillesse ny par maladie qu'il se tourna, mais par poison que luy donna l'un de ses serfs affranchis, qui auoit nom Callisthenes, lequel luy bailla, non à mauuaise intention, mais à celle fin que son maistre l'aimast d'auantage, pensant que ce poison eust force de faire aimer, & il luy troubla le sens tellemēt, que luy encore uiuant, son frere Marcus, comme son curateur, eut l'administration de ses biens. Ce neantmoins quand il uint à mourir, encore fut il autant plaint & regretté de tout le peuple, comme fil fust mort en la plus grande uogue de son credit, & en sa plus grande prosperité : car tout le peuple accourut au cōuoy pour honorer ses funerailles, & fut le corps porté sur la place par les plus nobles ieunes hommes de la uille. Voulant le peuple à toute force l'inhumer dedans le champ de Mars, ainsi cōme ilz y auoient inhumé Sylla : mais pour autant que personne n'y auoit pensé, & que les apprests des choses y necessaires n'eussent pas esté faciles à faire, son frere supplia le peuple de se contenter que ses funerailles luy fussent faittes en une siene terre qu'il auoit pres la uille de Tusculum, là ou sa sepulture luy estoit preparee, & ne uescut pas luy mesme gueres de tēps apres. Car tout ainsi que Lucullus en aage & en honneurs ne l'auoit gueres laissé derriere, aussi ne fait il pas à la mort : car son frere qui l'auoit tousiours fort aimé, ne luy peut longuement suruiure.

LA COMPARAISON DE LVCVLLVS AVEC CIMON.



Lest, à mon aduis, l'un des principaux poincts, pour lesquels à bon droit on peut reputer Lucullus bienheureux, d'estre mort au temps qu'il mourut, auant que ueoir la mutation de la chose publique, que les fatales destinees bastissoient desia par seditiōs & guerres ciuiles entre les Romains, & qu'il decēda en son païs estant desia bien en branle de la perdre, mais iouyssant routefois encore de sa liberté : & est aussi l'une des semblances qu'il a plus conformes avec Cimon, lequel mourut, les Grecs estans en la uigueur de leur concorde, & non encore en trouble & en combustion les uns contre les autres : uray est que ce fut en son camp, & en estat de capitaine general de son païs, non pas retiré chez soy comme las ny oiseux en sa maison, ny comme festant proposé pour le but & le loyer de ses armes, de ses uictōires & de ses triumphes, une uie uoluptueuse en banquets & festins. Suyuant ce que Platon en se mocquāt reprent & blasme sagement en Orpheus, lequel promet à ceulx qui auront bien uescu en ceste uie, pour recōpense de leur uertu, une yuressse perpetuelle en l'autre monde. Bien est-ce une tres honeste consolation & cōtētement d'esprit à un personnage affoibly de uieillesse, & que l'aage contrainct de se retirer du manie- ment des affaires, tāt de la paix que de la guerre, que passer son tēps doulcemēt en repos & tranquillité à l'estude des lētres, ou il y ait delectation conioincte avec honeste contemplation : mais de terminer ses actions uertueuses, & les referer à la uolupté cōme à leur dernier but, & au surplus uieillir en uoluptez & en delices, solēnisant tout le reste de sa uie la feste de Venus, apres auoir cōduit des guerres, & commandé à des armées, cela ne me semble point digne de l'honeste Academie, ny bien seant à un suyuant la doctrine de l'ancien Xenocrates : mais plus tost conuenable à un homme penchant & se laissant aller

A en la discipline d'Epicurus. Si est chose bien esmerueillable en tous deux, que la ieunesse de l'un ait esté reprehensible & uicieuse: & de l'autre, au contraire, honeste & uertueuse: mais meilleur est celuy q se ua changeant en miculx, & fait plus à louer la nature, en laquelle le uice uieillist & la uertu uient en uigueur, q celle ou le contraire se fait. D'auantage ilz se sont tous deux enrichiz par mesmes moiens, mais ilz n'ont pas tous deux usé semblablement de leurs richesses: car il n'y auroit point de propos de uouloir cōparer la fabrique de la muraille qui regarde uers le midy dedans le chasteau d'Athenes, laquelle fut bastie de l'argent que Cimon apporta à Athenes, avec les chambres delicieuses, & les logis hault eleuez pour ueoir de loing, & enuironnez de canaux d'eau tout à l'entour, que Lucullus feit edifier au pres de Naples des despouilles des Barbares: ny pareillement aussi ne fait à comparer la table de Cimon qui estoit sobre & simple, mais ouuerte à tout le monde, à celle de Lucullus qui estoit sumptueuse & sentoit son Satrappe: pource que celle là à peu de frais nourrissoit tous les iours beaucoup de personnes, & ceste cy estoit excessiue en despence pour nourrir peu d'hommes en superfluité de delices. Si ce n'est que lō ueuille dire, que le temps a peu estre cause de ceste diuersité: car on ne sçait si Cimo eut eu loisir de se retirer des affaires & des armées en uieillesse paisible, loing de guerres & de toute entremise du gouuernement de la chose publique, eust point mené une uie encore sumptueuse, & plus dissoluë & abandonnée à toute uolupté, pource q de sa nature il aimoit le uin, les festes, les ieux, & si estoit subiect aux femmes, comme nous auons dit: mais les prosperitez & heureux succez des affaires apportent des plaisirs aux hommes ambitieux de nature & nez à manier de grandes choses, qui leur font oublier les appetits des autres uoluptez. Et pourtant si Lucullus fust mort en l'aage qu'il manioit les armes, & qu'il commādoit à des armées, il n'y auroit homme, tāt fust il curieux ou subtil à rechercher & reprēdre les fautes d'autrui, qui peüst trouuer un tout seul poinct à blasmer en Lucullus: uoila quant à leur maniere de uiure. Au demourāt, quant aux affaires de la guerre, il est certain qu'ilz ont esté l'un & l'autre tresexcellents capitaines, tant par mer que par terre. Mais

D comme es ieux de pris & exercices de la personne que lon faict par la Grece, ceulx q en un mesme iour gaignēt le pris de la lucte & de l'escrime des poings, sont nommez par une estrāge coustume non uaincueurs, mais uictoires, pour plus leur faire d'honneur: aussi me semble il q Cimon aiant en un mesme iour couronné la Grece de deux trophées, pour deux batailles gaignees, l'une par mer, & l'autre par terre, merite d'auoir quelque preference par dessus les autres capitaines. Qui plus est, Lucullus receut de sa chose publique l'autorité de commander qu'il eut, & Cimon la dōna à la siene. Lucullus trouua son païs ia commandant aux peuples alliez & confederez, à l'aide desquelz il desfeit ses ennemis: & Cimon, au contraire, trouua son païs marchant soubz l'enseigne d'autrui, & se porta de sorte par sa uertu, qu'il le feit presider à ses alliez & triūpher de ses ennemis, contraignant les Perses de luy ceder par force la domination de la mer, & suadant aux Lacedemoniens de uoluntaiement s'en deporter. Et si la plus grande partie que sçauroit auoir un excellent capitaine, est se faire tellemēt aimer de ses soudards qu'ilz prennent plaisir à luy obeir, Lucullus fut mesprisē de ses gēs: & Cimo fut estimē & admirē des alliez mesmes. Celuy là fut abandonē par ses gens propres, cestuy cy fut suiuy par les estrāgers mesmes: car les alliez se ioignirent à luy. Celuy là reuint en son païs delaisē de

Lucullus.

ceulx avec qui il en estoit party: cestuy cy retourna commandant à ceulx avec
lesquelz il auoit esté enuoyé pour obeir à autrui: & aiant fait tout à un coup
trois grandes choses & fort difficiles à faire pour son païs, c'est à sçauoir, paix
avec les ennemis, principaulté sur les aliez, & bienueuillance avec les Lace-
demoniens. Tous deux entreprirent de ruiner de grands empires & de cōque-
rir toute l'Asie, & ne peurent ny l'un ny l'autre cōduire leur entreprise à chef,
l'un pour l'inconuenient de la mort qui le surprit tant seulemēt, car il mourut
estāt capitaine en chef, & estāt ses affaires en bō train: mais l'autre on ne le sça-
uroit de tout poinct excuser qu'il n'y ait eu en luy quelque faulte de n'auoir
pas sceu, ou n'auoir pas uolu satisfaire aux plaintes & doleāces de ses gēs, dōt
ilz conceurēt une si grande & si aigre malueuillance à l'encontre de luy. Tou-
tefois lon pourroit aussi dire q̄ ce default luy est à l'aduenture cōmun avec Ci-
mon, lequel fut souuent mis en iustice par ses citoiēs, qui finablement le bāni-
rēt de son païs pour l'espace de dix ans, à fin que de dix ans, cōme dit Platon, ilz
n'entendissent sa uoix: car, à dire la uerité, peu souuent aduiēt que les natures
graues des gēs de bien plaisent à la multitude, ny soient agreables à une cō-
mune, pourautāt que s'efforceās ordinairement de la redresser quād elle se tord,
elle leur fait desplaisir, ne plus ne moins que font les bendes & ligatures des
medecins & chirurgiens, car encore que ce soit pour remettre en leur lieu na-
turel les ioinctes des membres denouez & deboittez, elles font neantmoins
grande douleur au patient, pourtant n'en fault il à l'aduēture dōner la coulpe
ny à l'un ny à l'autre. Au reste Lucullus porta bien plus auant les armes que ne
fit Cimon: car ce fut le premier capitaine Romain, qui avec armee passa le
mont de Taurus & la riuere de Tigris. Il prit & brūla deuāt les yeux presques
des Roys mesmes, les uilles royales de l'Asie, Tigranocerta, Cabira, Sinope, &
Nisibis, & penetra du costé de Septentrion iusques à la riuere de Phasis, du
costé du Leuāt iusques à la Medie, & du costé de Midy iusques à la mer rouge
& aux royaumes de l'Arabie, soubmettant tout à l'empire Romain, & aiant
desfaict toutes les forces de ces deux puissans Roys, ne laissa rien à leur prédre
que leurs personnes seulement qu'ilz s'enfouirent cacher en des deserts infi-
nis & forests inaccessibles, comme bestes sauuages: à quoy lon peult euidem-
ment cognoistre la difference qu'il y a entre les effects de l'un & l'autre, par ce
que les Perses, comme filz n'eussent receu aucune perte ny dommage de Ci-
mon, se trouuerent incontinent apres en bataille contre les Grecs, & desfei-
rent la plus grande partie de leur armee en Ægypte, là ou Mithridates & Ti-
granes apres les uictories de Lucullus ne firent onques puis beau fait: car l'un
se sentant ia du tout affoibly & rompu par les premieres batailles, ne oza ia-
mais monstrier à Pompeius une seule fois son armee hors du fort de son camp,
ains s'enfouit au royaume du Bosphore, là ou il mourut: & Tigranes fallā luy
mesme prosterner en terre, tout nud & sans armes deuant Pompeius, & s'ostāt
le diademe d'alentour de la teste le ietta à ses piedz, non point le flattāt pour
les uictories par luy gaignees, mais pour celles dont Lucullus auoit ia trium-
phé: au moien dequoy il se teint quitte à bon marché, & se reputa bien heu-
reux quād Pompeius luy rendit seulemēt la marque & le tiltre de Roy, com-
me luy aians esté ostez au parauant: Parquoy plus grand capitaine, comme
meilleur lucteur, doibt estre reputé celuy qui laisse son aduersaire plus debili-
té à qui doibt combattre apres luy. D'auantage Cimon trouua la puissance du
Roy de Perse toute harassée, & la fierté de Perses rauallée par plusieurs grosses
desfaites

A desfaittes, ou Themistocles, Pausanias, & Leotychides les auoient battus, & leur allant encore donner une recharge, il luy fut aisé de uaincre les corps de ceulx qui auoient desia les cueurs uaincus : là ou Lucullus assaillit Tigranes lors qu'il n'auoit encore iamais esté battu, ains auoit le cuer eleué & hault pour plusieurs grosses batailles qu'il auoit gaignees, & grâdes cōquestes qu'il auoit faittes. Et quant à la multitude des ennemis, il n'y a point de comparaison entre ceulx que desfeit Cimon, & ceulx qui se trouuerent en bataille contre Lucullus, tellement qu'à tout peser & comprendre il seroit malaisé à décider, lequel des deux a esté plus grand homme, attendu mesmement qu'il semble que les Dieux ont esté fauorables à l'un & à l'autre, aduertissans l'un de ce qu'il auoit à faire, & l'autre de ce dont il se deuoit garder. Ainsi appert il par ce tesmoignage mesme des Dieux, qu'ilz ont tous deux esté gens de bien, & que tous deux ont eu une nature diuine.

Nicias.

C **D** OVRCE qu'il me semble qu'avec bōne raison i'ay asforty Nicias avec Crassus, & comparé les calamitez qui aduindrent à l'un contre les Parthes, à celles qui arriuerent à l'autre en la Sicile, ie ueux bien m'excuser enuers ceulx qui prendrōt ces miens escripts en leurs mains pour les lire, les aduertissans qu'ilz n'estiment pas qu'en exposant ces choses que Thucydides a descriptes si disertemēt, si uisuemēt, & avec tant de mouuement d'affections, se montrant en cest endroit si eloquent, qu'il ne l'est nulle part ailleurs tant, & n'a laissé esperance de le pouoir imiter, i'aye uoulu faire cōme l'historien Timeus, lequel esperāt surmonter Thucydides en uiuacité d'eloquence, & faire trouuer Philistus ignorant & du tout fascheux & impertinēt, se ua ietter en son histoire à uoloir deschiffrer les batailles tant de mer que de terre, & les harengues que l'un & l'autre ont le plus elegamment escrites, là ou, ne luy desplaise, il n'approche d'eulx, nō plus que feroit un homme de pied d'un eoche de Lydie, comme dit Pindarus, & se fait luy mesme cognoistre homme de mauuaise grace, & de peu de iugement en cela, ou, comme dit Diphilus,

G ras & souillé du suif de la Sicile.

E Et si se laisse en beaucoup de lieux couler es sottises de Xenarchus, comme la ou il dit, qu'il estime que c'estoit un mauuais presage pour les Atheniens, que le capitaine Nicias, aiant le nom deriué de ce mot Nice, qui signifie uictoire, contredist à l'entreprise de la Sicile: & que par la mutilation des Hermes, c'est à dire, des images de Mercure, les Dieux les aduertissoient, qu'en ceste guerre là ilz deuoient receuoir & souffrir beaucoup de maux par le capitaine des Syracusains, qui auoit nom Hermocrates filz de Hermon: & d'auantage qu'il estoit uray semblable que Hercules portast faueur aux Syracusains, à cause de la Deesse Proserpine, en la protection de qui est la uille de Syracuse, pour recompense de ce qu'elle luy bailla le chien des enfers Cerberus: & au contraire qu'il uoloit mal aux Atheniens, pource qu'ilz defendoient les Egestains, lesquels estoient descendus des Troiens, ses mortelz ennemis, à cause que pour

la foy faillie, & pour le tort que luy tenoit le Roy Laomedon, il destruisit leur uille: mais à l'adventure auoit il aussi bon iugement à escrire toutes ces galanteries là, comme à reprendre le stile de Philistus, ou à iniurier Platon & Aristote. Quant à moy, il m'est aduis que generally toute ceste contention & ambitieuse ialousie de tascher à dire ou escrire mieulx que les autres, est chose basse, & qui sent son escholier desputatif: mais quand encore elle s'adresse à uouloir combattre ce qui est si excellent que lon ne le peult imiter, alors me semble elle une folie priuee de tout sentiment. Parquoy m'estant du tout impossible de passer ou omettre quelques faicts, que Thucydides & Philistus ont descrits, mesmement ceulx par qui on peult mieux cognoistre l'humeur & le naturel de Nicias caché deffoubs plusieurs grâds accidets, ie passeray legerement par dessus, en m'y arrestant seulement autant que la necessité m'y contraindra pour ne me faire estimer homme du tout paresseux & negligent. Au demourant ie me suis estudié de recueillir des choses qui ne sont pas communes à tout le mode, que d'autres ont par cy par là escrites, ou que i'ay retirees de quelques antiquailles, ou de quelques anciés registres, d'ot i'ay tissé une narration qui ne sera point, ce me semble, inutile, ains seruira beaucoup à cognoistre les meurs & la nature du personnage. Tout premierement donques, on peult dire de Nicias ce que Aristote a escrit, c'est qu'il y a eu trois citoiens à Athenes fort gens de bien, & qui ont aimé le peuple d'une charité & affectiō paternelle, Nicias filz de Niceratus, Thucydides filz de Miliesius, & Theramenes filz d'Agnō: mais moins ce dernier que les deux autres, pource qu'il a esté autrefois picqué & moqué comme estranger uenu de l'isle de Ceos, ioint aussi qu'il n'estoit pas ferme ny constant en une resolution au gouuernemēt de la chose publique: ains tenoit tantost un party, & tantost un autre, à l'occasiō de quoy il fut surnomé Cothurnus, qui est une sorte de brodequin dont usoient anciennement les ioueurs de Tragedies, qui conuient à l'un & à l'autre pied: & des deux autres, Thucydides qui estoit plus anciē, feit beaucoup de bons actes en faueur des gens de bien & d'honneur à l'encontre de Pericles, qui cherchoit de complaire à la cōmune, & Nicias qui estoit plus ieune fut bien en quelque estime du uiuant mesme de Pericles: tellement qu'il fut capitaine avec luy, & eut d'autres charges publiques sans luy par plusieurs fois: mais depuis que Pericles fut mort, il fut incontinent poulsé au premier lieu de credit & d'autorité par le port & faueur des hōmes riches & personnes de qualité principalement, qui en feirent comme un rempar à l'encontre de la meschanceté, audace & temerité de Cleon, cōbien qu'il eust aussi la bonne grace du peuple, qui aida semblablement à l'auancer: car il est bien uray que ce Cleon pouuoit beaucoup, à cause qu'il flattoit le commun populaire, le traittant ne plus ne moins qu'un uieillard, & luy donnant tousiours quelque moien de gagner: mais neantmoins ceulx mesmes à qui il festudioit de complaire & de gratifier, cognoissans son auarice, son insolence effrontee, & sa temerité, poulsioient en auant Nicias, pource que sa grauité n'estoit point trop austere ny fascheuse, ains estoit meslée d'une maniere de crainte, qu'il sembloit qu'il redoubtast la presence du peuple, ce qui rendoit la commune encore mieux affectionnee enuers luy: car estant homme de sa nature craintif & desfiāt, il cachoit ceste couardise en la guerre par la bonne fortune, qui le fauorisa tousiours egaleement en toutes les entreprises ou il fut capitaine. Et au demourāt celle craintiue façon de faire qu'il auoit en la uille, & qu'il redoub-

- A toît si fort les calumniateurs, estoit trouuee populaire, & luy acqueroit la bienueillance de la commune: par le moien de laquelle il entroit de plus en plus auant en autorité, à cause que le commun populaire craint ordinairement ceulx qui le mesprisent, & auance ceulx qui le craignent, pource que le plus d'honneur que sçauoient faire les grands au menu peuple, est de monstrier qu'ilz ne le mesprisent point. Or quant à Pericles, pource qu'il manioit toute la chose publique par une uraye uertu, & par la force de son eloquence, il n'auoit que faire de mine composée, ny d'aucun artifice populaire pour gagner la bonne grace du peuple: mais Nicias aiant faulte de cela & abondance de biens, alloit par le moien d'iceulx, acquerant la bonne grace de la multitude:
- B & là ou Cleo par une facilité de s'accommoder à tout, & une maniere de plaisanterie entretenoit les Atheniens en seconçant toutes leurs uouluntez, luy ne se sentant pas propre pour luy faire teste par semblables moies, falloit courrant en la bone grace de la cōmune par liberalitez, despenses à faire iouer des ieux publiquemēt, & autres telles magnificēces, surpassant en sumptuosité de despense, & en bone grace de telz esbattemēs, tous ceulx qui auoiēt esté deuāt luy, & qui estoient avec de son tēps. Il y a encore iusques auiourdhuy en estre, quelques uns des dōs qu'il a cōsacrez au peuple, cōme une image de Pallas, qui est au chasteau d'Athenes, aiant perdu sa doreure, & un petit tēple qui est dedās celuy de Bacchus au dessoubz des uases à trois piedz que dōnent les entrepreneurs quand ilz ont gagné le pris es ieux: car il emporta par plusieurs fois le pris es ieux, qu'il defrayoit, & iamais n'y fut uaincu. Lon cōpte à ce propos, qu'en certains ieux qu'il faisoit une fois faire à ses despēs, il se presenta sur l'eschaffault des ioueurs deuāt le peuple un de ses seruiteurs habillé en forme de Bacchus. Il estoit fort beau de uisage, de fort belle taille, & n'auoit point encore de barbe. Les Atheniens prirent si grād plaisir à le ueoir en cest accoustremēt, qu'ilz furent longuemēt à battre des mains en signe de ioye, ce que uoiant Nicias, se dressa en piedz, & dit tout hault qu'il estimoit que ce seroit peu religieusement fait, de laisser en seruitude un corps d'hōme, qui publiquemēt auoit esté trouué, ressemblant à un Dieu, & sur l'heure donna liberté à ce ieune esclau.
- D Lon fait aussi mentiō de quelques actes de magnificēce & de deuotiō tout ensemble, qu'il feit en l'isle de Delos, en laquelle les danfes que les uilles Grecques y enuoyoient pour chanter des hymnes en l'hōneur d'Apollo, souloient au parauant y arriuer tumultuariemēt sans ordre, pource q le peuple qui accouroit incontinent en foule au deuant, les faisoit soudainement chanter sans garder ordonnance quelconque, à cause qu'ilz descendoient de la nauire à la haste en cōfusiō, laissoient leurs habits, & prenoient ceulx qu'ilz deuoiēt porter à la processiō, & mettoient leurs chappeaux de fleurs sur leurs testes tout en un mesme instant. Mais luy au contraire, quand il fut commis à y cōduire la danse d'Athenes, alla premierement descendre en l'isle de Renia, qui
- E est tout ioignant celle de Delos, avec ses danseurs, ses hosties pour sacrifier, & tout le reste de son equippage, portant quand & soy un pont qu'il auoit fait faire à Athenes à la mesure du canal qui est entre l'une, & l'autre isle, orné de peintures, doreures, de festons & chappeaux de triumphe, & de tapisserie fort exquisement: & la nuit le feit dresser sur le canal, qui n'est pas large, puis le matin au point du iour feit passer toute sa danse chantant par dessus, & conduisit toute ceste processiō accoustree magnifiquement, iusques au temple d'Apollo: & apres le sacrifice, le festin, & les ieux de pris qu'il y feit faire, il y

donna un beau grand Palmier de cuyure, dont il feit offrande à Apollo, & y a-
 chepta une possession de mille escus, qu'il cōsecra pareillement au Dieu patrō
 del'Isle, & ordonna que le reuenu d'icelle feroit tous les ans employé par les
 Deliens, à faire un sacrifice & un festin public, auquel ils feroient prieres à
 leur Dieu, pour la bonne santé & prosperité de Nicias: car ainsi le feit il escrire
 & engrauer dessus une colonne qu'il laissa en Delos, comme gardiene de son
 offrande & de sa fondation. Depuis ce Palmier estât rôpu par les uents, tumba
 dessus la grande statue qu'auoient donnee les Naxiens, & la renuersa par terre.
 Or est il bié uray, qu'en ce faict là y a beaucoup de pompe, de mōstre, & d'am-
 bition populaire: mais toutefois qui considerera au demourant les meurs & le
 naturel du personnage, on pourra croire qu'il le feit premierement, & princi-
 palement par zeile de deuotion, & secondement pour en donner quelque plai-
 sir & passetemps au peuple: car cōme tesmoigne Thucydides, il estoit de ceulx
 qui reuerent avec une tremeur les Dieux, & qui du tout sont addonnez à la re-
 ligion. Et trouue lon par escript en l'un des dialogues de Pasiphoon, que tous
 les iours il sacrifioit aux Dieux, & tenoit un deuin ordinaire en sa maison, dō-
 nant à entendre que c'estoit pour aduiser avec luy, ce qui deuoit aduenir es af-
 faires de la chose publique: mais à la uerité, c'estoit pour enquerir de ses affai-
 res propres, mesmement de ses mines d'argent: car il en auoit plusieurs grādes
 au quartier de Laurion, qui luy rendoient bien beaucoup de profit: mais aussi
 les fouilloit on avec grand peril, & y falloit entretenir grand nombre d'escla-
 ues à y besongner continuellement. Aussi estoit la plus part de son bien en ar-
 gent comptant, qui estoit cause qu'il auoit tousiours force demandeurs apres
 luy, aux quels il dōnoit: car il ne donnoit pas moins à ceulx qui pouuoiet mal
 faire, qu'à ceulx qui meritoient d'auoir du bien, & qui estoiet dignes de se sen-
 tir de sa liberalité: de sorte que sa timidité estoit un reuenu & une rête aux mes-
 chans, aussi bien que sa liberalité l'estoit aux gēs de bien, de quoy lon peult ti-
 rer preuue & tesmoignage des anciens poētes Comiques: car Teleclides par-
 lant de quelque calumniateur en un passage, dit ainsi,

O n ne uolut Charicles luy donner
 D ix escus seuls, pour ne le blasonner
 D'estre l'aisné des enfans de sa mere,
 P remier issu hors de sa gibbeciere:
 E t Nicias luy en donna quarante.
 M ais pourquoy c'est, combien que ie me uante
 D e le sçauoir, ie n'en diray ia rien:
 I e l'aime, & croy qu'il est homme de bien.

Et celuy duquel Eupolis se mocque en sa Comēdie, qui est intitulēe Marycas,
 amenant en ieu un pauvre bon homme simple, luy demande:

Le calumniateur.

C ombien de temps y a il que tu n'as
 E stē parlant avecques Nicias?

Le bon homme.

I e ne l'ay pas seulement ueu en face,
 S inon l'autre hyer, ie le uy sur la place.

Le calumniateur.

I a l'auoir ueu cest homme me confesse:
 M ais ueu que luy le cognoist, pourquoy est ce

Que seulement il l'a ueu en passant,
Si trahison il ne nous ua brassant?
O mes amis, ouir ie uous ay fait,
Comme i'ay pris Nicias sur le fait.

L'auteur.

O insensez, cuideriez uous surprendre
Vn tresbon homme en fait qu'on peust reprendre?

Et Cleó menassant en la Comédie d'Aristophanes, intitulee les Cheualiers,
dit ces paroles,

Les harengueurs à la gorge prendray,

Et Nicias estonné ie rendray.

Phrynichus mesme donne en passant à entendre qu'il estoit ainsi paoureux &
facile à effroyer, quand il dit en parlant de quelque autre,

Bon citoien estoit il, non point bas

Ne uil de cueur comme ua Nicias.

Estant dōques de sa nature ainsi craintif, & aiant peur de dōner quelque occa-
sion aux harégueurs de le calumnier, il se reserroit iusques là, qu'il n'osoit ny
boire ny manger avec personne de la uille, ny ne s'osoit trouuer es cōpagnies
pour deuiser & pour passer le temps, ains fuyoit tous telz esbattemens & plai-
sirs entierement: car quand il estoit en office il ne bougeoit du palais à despe-
cher affaires, depuis le matin iusques à la nuict, & s'en alloit le dernier du cō-
seil, y arriuant tousiours le premier. Et quand il n'auoit rien à faire en public,
alors estoit il de difficile acces, & ne pouuoit on parler à luy, pource qu'il se te-
noit r'enfermé dedans sa maison: & quelques uns de ses amis parloiet à ceulx
qui uenoient à sa porte, les prians de l'excuser, disans qu'il estoit encore lors
empesché pour les affaires de la chose publique. Celuy qui plus luy aidoit à
iouer ce mystere sans parler, & qui plus le mettoit en reputation de ceste grā-
deur & grāuité, estoit un Hieron, lequel auoit esté nourry en la maison de Ni-
cias, & que luy mesme auoit instruit es lettres: & en la musique. Il se disoit e-
stre filz d'un Dionysius qui fut furnommé Chalebus, duquel on treuve enco-

res auourdhuÿ quelques ceuures poëtiques, & qui estât capitaine d'une trou-
pe de gés que lon enuoyoit pour peupler en Italie, y fonda la uille de Thuries.
Cest Hieron donques le seruoit & secondoit à enquerir secrettement ce qu'il
uouloit scauoir des deuins, & quād & quand alloit semant ces propos parmy
le peuple, que Nicias menoit une miserable & trop laborieuse uie pour le
soing qu'il auoit de la chose publique, iusques là, qu'en se lauāt es estuues, ou
en beuuant & mangeant à table, il auoit tousiours l'esprit tēdu à quelque af-
faire de la uille, laissant les siens propres pour penser aux publiques, de sorte
qu'à peine commençoit il à dormir quand les autres bien souuent ache-
uoient leur premier somme, dont sa personne en ualloit beaucoup pis, oultre
ce qu'il en deuenoit rebours & malgracieux à ceulx qui parauant estoient ses
familiers amis: en maniere, ce disoit il, qu'il les ua perdant avec ses biens, pour
festre entremis du gouuernement de la chose publique, là ou les autres s'en-
richissent & acquerēt des amis par le credit qu'ilz ont d'estre escoutez du peu-
ple, en se donnant du bon tēps, & ne se faisant que iouer des affaires publiques
qu'ilz ont entre leurs mains. A la uerité aussi estoit la uie de Nicias telle, qu'il
pouuoit ueritablement dire ce que le roy Agamemnon dit de soymesme en la
tragédie d'Euripides, qui se nomme Iphigenie en Aulide.

D e l'apparence en grandeur nous uiuons,

M ais en effect au peuple nous seruons.

Et uoiant que le peuple se seruoit bien en quelques choses de l'experience de ceulx qui estoient eloquents, ou qui auoient plus grands sens que les autres: mais neantmoins qu'il se desioit tousiours de leur suffisance, & s'en donoit de garde, leur abaissant le courage & diminuant leur authorité, comme il apparoissoit par la condamnation de Pericles, & par le bannissement de Damon, & par la desiance qu'ilz eurent d'Antiphon Rhamnusiens, & plus encore par ce qu'ilz feirent à Laches celuy qui prit l'isle de Lesbos, lequel estant mis en iustice pour rendre compte de sa charge en plein iugement, desguainna son espee & s'en tua luy mesme publiquement deuant tout le monde. Ce cōsidéré il taschoit à euitier les charges qui estoient ou trop difficiles, ou trop petites, & là ou il en acceptoit quelque une, son principal regard estoit tousiours de ne rié hazarder & aller seurement en besongne: au moien dequoy la plus part des affaires qu'il prenoit en main luy succedoient heureusement, cōme lon peult pēser: mais toutefois il n'en attribuoit rien à sa sagesse ny à sa suffisance & uertu, ains cedit le tout à la fortune, & recouroit tousiours aux Dieux, estant cōtēt de diminuer sa gloire pour obuier à l'enuie. Ce que les euenemēs des choses qui passerent en ce temps là nous tesmoignent: car la uille d'Athenes aiant receu de son temps plusieurs grandes & lourdes secousses, il n'eut aucunemēt part à pas une d'icelles: car les Atheniens furēt lors desfaits une fois en Thracē par les Chalcidiens, mais ce fut soubz la cōduite de Calliades & de Xenophon, qui estoient capitaines, & la perte qu'ilz feirent en Ætolie fut soubz la charge de Demosthenes: une autre fois en l'isle de Delos ilz perdirent mille hommes en une desfaite, ou estoit chef Hippocrates. Et quant à la pestilence on en donnoit la plus part de la coulpe à Pericles, qui retira & enferma dedās les murailles de la uille le peuple des champs à cause de la guerre, là ou pour la mutatiō des lieux & du changemēt de leur maniere accoustumce de uiure ilz tumberent en pestilente maladie. Mais de tout cela on n'en imputoit chose quelconque à Nicias, & au contraire estant capitaine il prit l'isle de Cythera estant en assiette fort propre pour endommager le païs de la Laconie, & dōt les habitans estoient Lacedemoniens, il reconquit aussi plusieurs places qui s'estoient rebelles en la Thrace & les remeit en l'obeissance d'Athenes, & aiant enfermé les Megariens dedans leurs murailles, il prit d'arriuee l'isle de Minoa, & au partir de là, bien tost apres il prit aussi le port de Nisee, & faisant descente sur le païs des Corinthiens, il desfeit ceulx qui se presenterent en bataille deuant luy, & en occit un bon nombre, & entre autres le capitaine Lycophon. Mais en ceste récontre il luy aduint d'oublier à inhumer deux de ses gens qui y estoiet morts, dōt on n'auoit peu trouuer les corps en recueuillāt les autres: mais si tost qu'il en fut aduerty, il feit arrester toute la flotte, & enuoya deuers les ennemis un herault demander congé d'enleuer ces deux corps: combien que par l'usance de la guerre ceulx qui enuoyoient demāder congé d'enleuer les morts pour les inhumer, quittaient la uictoire, de sorte qu'il ne leur estoit pas puis apres loisible de dresser un trophée pour marque de uictoire, pource qu'il sembloit que ceulx qui les auoient en leur puissance fussent uictorieux, & ne se pouuoit dire que ceulx qui les demandoiet de grace, les eussent en leur puissance, autremēt ilz ne les eussent pas requis: toutefois il aima mieulx quitter l'hōneur de la uictoire, que de laisser deux de ses citoiens morts en campagne.

A gnes sans donner sepulture à leurs corps, puis après auoir couru & pillé toute la coste de la Laconie, & desfait en bataille quelques Lacedæmoniens qui se trouuerent deuant luy en campagne, il prit la uille de Thyraea que tenoient alors des Æginetes, lesquelz il emmena prisonniers à Athenes. Et comme les Peloponesiens eussent mis sus de grosses armées tât par mer que par terre, pour aller deuant le fort de Pyle, que le capitaine Démonsthenes auoit fortifié, la bataille donnée par mer, il aduint qu'il demoura dedås l'isle de Sphaæterie quatre cents naturelz citoiens de Sparte: parquoy les Atheniens estimerent que ce seroit un grand exploit à eulx, comme certainement il estoit, que de les prendre uifz: mais le siege en estoit mal aisé, pource que c'estoit en lieu ou il y auoit faulte d'eau au cueur d'esté, & qu'il falloit faire un grand circuit pour y porter des uiures en leur camp, ce qui seroit puis après l'hyuer uenu bien dangereux, & presque totalement impossible. Au moien dequoy ilz estoient bien marris, & se repentoient fort d'auoir renuoyé l'ambassade des Lacedæmoniens qui estoit uenue deuers eulx pour traiter d'appointement, & l'auoient renuoyee sans rien faire à l'instance de Cleon, qui y resista principalement pour faire desplaisir à Nicias, lequel estoit son ennemy & sollicitoit fort affectueusement ce que demandoient les Lacedæmoniens; & pour ceste cause ce Cleon persuada aux Atheniens qu'ilz refusassent l'offre de paix & d'appointement qu'ilz estoient uenus presenter: mais depuis quād le peuple vit que ce siege alloit en lógueur, & que leur camp y souffroit de grieues necessitez, il commença à se courroucer contre Cleon, lequel en reietta toute la coulpe sur Nicias, disant que par sa couardise & lascheté il laisseroit eschapper ces assiegez, & que si luy eust esté capitaine ilz n'eussent pas duré si longuement. Adonc se prirent les Atheniens à luy dire tout hault, Et que n'y uas tu donc toy mesme encōre maintenāt pour les prendre? Et Nicias mesme se dressant en piedz dit hault & clair, que uoluntiers il luy cedoit toute la charge de ceste entreprise de Pyle, & qu'il leuast tāt de gens qu'il uoudroit pour y aller & faire de faict quelque bon seruice à la chose publique, non pas se uanter avec audacieuses paroles, ou il n'y auoit point de danger. Cleon du commencement le refusa, & se trouua un peu estōné, pource qu'il ne se fust iamais doubté qu'on luy eust deu respōdre cela: toutefois à la fin uoiant que le peuple l'en pressoit, & que Nicias crioit après luy, son ambition s'excita & enflamma, de maniere que non seulement il accepta la charge de capitaine, mais specifia un terme, que dedans uingt iours après qu'il seroit arriué sur les lieux, ou il feroit mourir tous ces assiegez, ou il les ameneroit prisonniers à Athenes. Ce que les Atheniens oyans, eurent plus d'enuie de rire à bon esciant, que de le croire: car aussi auoient ilz bien autrement accoustumé de prendre sa folie & fureur en ieu, & se rire de sa temerité. Comme lon compte qu'un iour d'assemblée publique qu'il deuoit haranguer, le peuple assis des le matin l'attendit longuement, & qu'à la fin il sy uint presenter bien tard, aiant sur sa teste un chapeau de fleurs, ou il pria l'assistance de uouloir differer ceste assemblée iusques au lendemain: pource, dit il, que ie suis aujourd'hui empesché à festoyer quelques miens amis estrangers qui me sont uenuz ueoir, & en ay fait un sacrifice aux Dieux. Le peuple ne s'en feit que rire, & se leuant s'en alla: toutefois il eut adonc la fortune propice, & se porta si bien en ceste charge après Démonsthenes, que dedans le terme du temps qu'il auoit prefix, il prit tous les assiegez, exceptez ceulx qui furent tuez en combattant, & leur aiant fait quitter les armes les amena pri-

sonniers à Athenes. Cela fut une grande honte à Nicias, pource qu'il ne fut pas pris comme un rendre ou ietter ses armes, mais fut iugé encore pis, & fut tenu pour une plus ignominieuse lascheté, d'auoir ainsi uoluntairement quitté à son ennemy, à faulte de cuer, la charge de faire un si beau & si grand exploit, en se deposant luy mesme de l'honneur de capitaine: aussi sen moque bien derechef Aristophanes en la Comédie des Oyseaux, disant,

D e sommeiller il n'est heure en effect,

N y retifuer comme Nicias faict.

Et en un autre passage de la Comédie des Laboureurs, ou il dit:

I e ueux des champs laboureur deuenir.

Q ui te defend de t'y aller tenir?

V ous: car ie donne au public & presente,

C ent escus d'or, pourueu que lon m'exempte

D e tout office & iurisdiction.

N ous acceptons l'offre & condition:

C ar avec ceulx qui par Nicias ont

E sté payez, deux cents tout droit ce sont.

Mais, qui pis est, en ce faisant il porta grand dommage à la chose publique, laissant monter Cleon en tel credit & telle reputation: car depuis cela il chargea une si grande audace & si grande presumption, qu'on ne le peut plustener: ce qui fut cause de plusieurs maux à la uille, d'ot Nicias luy mesme se sentit autant ou plus que nul autre. Ce fut luy entre autres choses qui osta toute l'honesteté & toute la reuerence que lon gardoit au parauant aux harengues publiques en preschant le peuple: car il commença le premier à y crier à plei-
teste, & à y frapper avec la main sur sa cuisse en ouurant sa robe par deuant, & à courir ça & là par la tribune en parlant, dont puis apres proceda l'effrennee licence & la nonchalance de tout deuoir, en laquelle tumberent les orateurs & entremetteurs des affaires, qui fut à la fin cause de la totale ruine. La
commenceoit Alcibiades en ce temps là à uenir en auant, & à se mesler des affaires, qui n'estoit pas ainsi entierement corrompu ny simplement meschant, ains, comme lon dit de la terre d'Egypte, que pour sa fertilité

E lle produit drogues medicinales

T out pesse mesle, autant bonnes que males.

Aussi la nature d'Alcibiades estant grande & forte en l'une & en l'autre partie, donna commencement à beaucoup de nouuelletez, dont il aduint que Nicias encores apres qu'il fut deliuré de Cleon, ne peut pas remettre la uille d'Athenes en paix & en tranquillité, ains aiant ia commencé d'acheminer les affaires à port de salut, il fut derechef reietté en pleine guerre par la uehemen-
ce & impetuosité de l'ambition d'Alcibiades. Ce qui aduint en ceste maniere. Ceulx qui plus empeschoient le repos & la paix uniuerselle de la Grece, estoient Cleon d'un costé & Brasidas de l'autre, pource que la guerre couuroit la meschanceré de l'un, & honoroit la uertu de l'autre, donnant à l'un moien & matiere de commettre beaucoup de malheuretez, & à l'autre de faire plusieurs beaux & glorieux faicts d'armes. Ces deux donques estans morts tous deux ensemble en une bataille qui fut donnee pres d'Amphipolis, incontinent Nicias trouuant ceulx de Sparte, qui de long temps ne desiroient rien plus que la paix, & les Atheniens qui n'estoient plus si chauds à la guerre, ains les uns & les autres, par maniere de dire, las & re-

A creus, & baissans d'eulx mesmes les mains, il alla cherchant les moiens de faire, que ces deux citez retournassent en amitié l'une avec l'autre, & que tous les autres Grecs semblablement fussent deliurez des maulx de la guerre, à fin que de lors en auant ilz peussent uiure en uraye & certaine felicité. Si eut incontinēt fauorables à son desseing tous les riches, tous les uieux, & toute la multitude des laboureurs. Et en parlant encore particulieremēt à plusieurs des autres, auoit tant fait par uiues raisons qu'il les auoit rédus plus refroidis à chercher la guerre: au moien de quoy, donnant bonne esperance à ceulx de Sparre, que les choses estoient bien disposees à la paix, filz y uouloient entendre, les Spartiates luy adiouxterent foy, tant pource qu'ilz l'auoient trouué par tout ailleurs homme doux & debonnaire, comme aussi pource qu'il auoit eu soing de faire traiter gracieusement & humainement les prisonniers qui auoient esté pris aupres du fort de Pyle, & leur auoit rendu la misere de leur prison plus aisee à supporter. Or auoient ilz ia fait entre eulx une trefue pour un an durāt, lesquels recommēceans derechef à hanter les uns avec les autres, & à gouter les plaisirs de la paix & de la sobriété de pouuoir librement aller ueoir ses hostes & amis estrangers, ilz commenceoient à soubhaitter fort une uie tranquille, reposee & paisible, là ou lon ne souillaist plus ses mains de sang humain, & prenoient grand plaisir à ouir en désant chanter de telles chāsons,

A u rastelier ma lance soit couchee,

C L a toile y soit de l'araigne attachee.

Et se souuenoient aussi uoluntiers, & avec ioye de celuy qui disoit, qu'en la paix le son des trompettes n'esueille point ceulx qui dormēt: mais le chāt des coqs: & au contraire, ilz maudioient & reiettoient ceulx qui disoient estre predestiné, que la guerre dureroit trois fois neuf ans: & ainsi uenans à parler de toutes choses ensemble, ilz feirent la paix uniuerselle: tellemēt, que la pluspart des hommes estima qu'ilz estoient seurement arriuez à la fin extreme de tous leurs maulx, & ne parloient plus d'autre personne que de Nicias, disans que c'estoit un personnage aimé des Dieux, qui pour sa deuotiō enuers eulx, luy auoiēt fait ceste grace, que le plus beau & le plus grād bien qui peust aduenir au mōde estoit appellé de son nom: pource que à la uerité il n'y auoit celuy qui n'estimast que ceste paix estoit certainement l'œuure de Nicias ne plus ne moins que la guerre auoit esté l'œuure de Pericles, lequel pour causes bien legeres persuada aux Grecs de se precipiter en griesues calamitez: & Nicias au cōtraire les auoit induits à uoloir deuenir amis, en oubliāt les griefs maulx qu'ilz auoient receuz les uns des autres en la guerre passee: de sorte, que iusques auioirdhuy, ce traité là s'appelle Niciū, comme qui diroit la paix de Nicias. Si furent les articles de la paix arrestez, qu'ilz rendroient reciproquement les uilles, terres, & places qu'ilz auoient prises durant la guerre les uns sur les autres, & les prisonniers aussi: & que ceulx là cōmenceroient à rendre, aux quelz il escherroit par le sort de deuoir commencer les premiers. Et escrit Theophrastus qu'il achepta à beaux deniers comptans, le sort, à fin que les Lacedæmoniens commenceassent les premiers à rendre. Mais comme les Corinthiēs & les Bœotiens estans malcontents de cest appointemēt, taschassent par plaintes & doleances qu'ilz mettoient en auant, de resusciter la guerre de nouveau, Nicias persuada aux Atheniens & aux Lacedæmoniens, d'adiouxter de renfort à leur paix, alliance & ligue offensive & defensiue pour un plus seur lien, à fin qu'ilz en fussent plus asseurez les uns des autres, & plus

redoubtables à ceulx qui se uoudroient soubleuer ou rebeller contre eulx. Ces F
choses se faisoient cōtre la uolunté d'Alcibiades, lequel oultre ce qu'il estoit
mal né à la paix, uouloit encore grand mal aux Lacedæmoniens à cause qu'ilz
s'adressoient à Nicias, dont ilz auoient bōne opinion, & ne faisoient compte
de luy, ains le mesprisoient. A l'occasion dequoy il auoit bien essayé des le
commencement, d'empescher ceste paix, & n'auoit peu rien faire. Mais peu
de temps apres, sentant que les Atheniens n'estoient pas si contens de ceulx de
Lacedæmone, comme ilz estoient auparauant, & qu'ilz estimoient qu'ilz leur
faisoient tort en ce qu'ilz auoient de nouveau fait alliance sans eulx avec les
Bœotiens, & ne rendoient point les uilles de Panacte & d'Amphipolis selon
qu'ilz estoient tenus de faire par le traitté de la paix, adonc il se mit à ampli- G
fier & aggreger leurs plaintes, & à irriter & aigrir le peuple sur chascune d'i-
celles, & finablement aiant fait uenir une ambassade de ceulx d'Argos à Athe-
nes, il mena si bien la pratique, que les Atheniens feirent ligue offensive &
defensive avec eulx. Mais sur ces entrefaites arriuerent aussi à Athenes d'au-
tres ambassadeurs de Lacedæmone, avec plein pouuoir d'accorder de tous
différents, lesquels aians premierement parlé au Senat, proposerēt toutes cho-
ses honestes & raisonnables. Parquoy Alcibiades craignāt, filz proposoiet ces
choses mesmes deuant le peuple, qu'ilz ne le tiraissent à ce qu'ilz uouloient: il
abusa ces pauures ambassadeurs par une telle trōperie: car il leur promet & iu-
ra de leur aider à obtenir tout ce qu'ilz prétendoiet, pourueu qu'ilz ne mōstras- H
sent ny ne confessassent point auoir tout pouuoir de leur seigneurie, leur don-
nant à entendre que cela estoit le plus expedient moien pour paruenir à leurs
fins. Les Ambassadeurs le creurent, & se tournerent deuers luy en se departāt
d'avec Nicias. Parquoy Alcibiades les amena en pleine assemblee de conseil
de uille deuant le peuple, là ou il leur demanda publiquement hault & clair
deuant tout le monde, filz auoient libre puissance & plein pouuoir de traiter
& accorder de toutes choses: ilz luy respondirēt tout hault que non, & adōc se
changeant contre leur esperance, il cōmença à appeller ceulx du Senat à tes-
moings filz auoient pas en plein Senat dit du contraire, & conseilla au peu-
ple de ne se fier point & n'adiouxter foy quelconque à personnes qui seroient I
si manifestement conuaincus de mensonge, & qui sur une mesme matiere di-
soient tantost d'un & tantost d'autre. Il ne fault pas demander si les ambassa-
deurs se trouuerent bien estonnez: car Nicias mesme ne sceut que dire à cela,
tant il se trouua esbahy, confus, & surpris d'ennuy pour une chose si peu espe-
ree: & en fut le peuple si emeu, qu'il fut entredeux de faire sur l'heure mesme
uenir les ambassadeurs d'Argos pour cōclurre la ligue avec eulx: mais il sur-
uint là dessus un tremblement de terre qui seruit à Nicias & rōpit celle assem-
blee. Et le lendemain le peuple s'estant derechef assemblé, à peine peut il tant
faire & tant dire, que le peuple uoulust tenir en surseance la conclusion de la
ligue avec les Argiens, iusques à ce que luy eust esté un tour ambassadeur de- K
uers les Lacedæmoniens, promettant que toutes choses iroient bien en ce fai-
sant. Arriué qu'il fut à Sparte, on le recueillit & honora comme personnage
d'honneur, & qu'ilz estimoient bien affectionné enuers eulx: mais au demou-
rant il ne peut rien faire, ains se trouuant uaincu par ceulx qui fauorisoient
aux Bœotiens, s'en retourna à Athenes comme il en estoit party, là ou il ne fut
pas seulement mal uenu & pis estimé, mais en danger de sa personne, pour le
courroux du peuple, qui à son instance & à sa persuasion auoit rendu de telz
person-

A personnages prisonniers, & en si grand nōbre, pource que les prisonniers que lon auoit amenez de Pyle, estoient tous des premieres maisons de Sparte, & auoiet leurs parêts & amis tous les principaux personnages de la uille : toutefois le peuple à la fin ne luy en feit autre rudesse, sinon qu'il eleut Alcibiades pour capitaine, & feit alliance avec les Eliens, & les Mátiniens q s'estoient rebellez contre les Lacedæmoniens, & avec les Argiens aussi, & enuoyerent des brigáds à Pyle pour endommager le país de la Laconie. Pour lesquelles occasions ilz retōberent derechef en la guerre. Or ainsi cōme le different & la querelle d'entre Alcibiades & Nicias estoit en sa plus grande force, escheut le téps de l'Ostracisme, c'est à dire, d'un bānissement q se faisoit à certains interualles de téps, par lequel le peuple bānissoit pour dix ans celuy des citoiens qui luy sembloit le plus suspect pour son credit, ou autrement plus enuié pour ses richesses. Si se trouuerét adonc ces deux personnages en grád esmoy, & en non moindre danger, s'assurans bié que l'un d'eulx deux ne faudroit pas à estre relegué par ce prochain bānissement: pource que le peuple haïssoit la uie d'Alcibiades, & redoubtoit sa hardiesse, ainsi cōme nous auons plus amplement déclaré en sa uie: & quant à Nicias, ses richesses le rendoiet enuié, & trouuoit on sa maniere de uiure trop estráge, d'estre ainsi mal accointable, & si peu populaire comme il estoit, le tenans à trop gráde grauité: ioint aussi qu'il leur estoit encores odieux, pource que ia en plusieurs occurrences il auoit formellemēt cōtreuenue à ce que le peuple desiroit, & l'auoit contraint malgré son uouloir de reuenir à ce qui luy estoit utile. Brief, à parler rondemēt, il y auoit là dessus un combat entre les ieunes qui demádoient la guerre, & les uieux qui ne uouloiet que la paix, desirans les uns chasser Nicias, & les autres Alcibiades:

M ais ou discord regne en une cité,

L e plus meschant a lieu d'autorité.

Comme il aduint alors, car le peuple d'Athenes estant diuisé en deux partialitez, donna lieu d'autorité à quelques uns des plus audacieux & des plus uicieux qui fussent en toute la uille, entre leuelz estoit un Hyperbol⁹ du bourg de Perithus, hōme qui n'auoit aucune puissance ny aucune ualeur, pour laquelle il deust estre hardy, mais qui pour estre audacieux & temeraire uint en credit & en quelque puissance, faisant deshonneur à son país pour l'honneur du credit qu'il y auoit. Cestuy donques pensant estre bien loing du dāger de ce bannissement, comme celuy qui sçauoit bien, que pour ses merites il estoit plus digne d'estre mis au ceps que non pas au renc des gens d'honneur, & se promettant que quād l'un de ses deux personnages seroit banny, luy demoureroit chef de l'autre part à l'encontre de son aduersaire qui demoureroit, mōstrois ouuertement qu'il estoit bien aise de leur dissension, & alloit irritant le peuple à l'encōtre de l'un & de l'autre: parquoy Nicias & Alcibiades cognoissans sa mauuaistié, apres auoir parlé secrettement ensemble ioignirent leurs deux parts en un, & les aians unies se trouuerent les plus forts, de sorte que ny l'un ny l'autre d'eulx ne fut banny, ains en feirent tumber le sort sur Hyperbolus mesme: ce qui sur l'heure donna matiere de risée & de plaisir au peuple, mais depuis ilz en furent bien marriz, pource qu'il leur sembla que c'estoit auiler l'ordonnance de ce bannissement, que de l'employer en un homme qui n'en estoit pas digne, estimans que c'estoit quelque honneur, que d'estre ainsi chastié, ou pour miculx dire que ce bannissement là estoit un chastiemēt pour un Thucydides, un Aristides, & autres telz personnages: mais pour un Hy-

perbolus, que ce luy estoit trop d'honneur, & occasion de se glorifier, que pour
sa meschanceté il auoit la mesme correction que lon donnoit aux plus gens
de bien pour leur grandeur: ce que mesme le poëte Comique Platon dit en un
passage,

Quoy que ses meurs aient en uerité,
Cela & pis iustement merité:
Tant est que luy, personne de si uile
Condition, & de race seruite,
N'en estoit point digne: car inuenté
Pour telles gens n'a l'Ostracisme esté.

Aussi n'y en eut il on que puis pas un qui fust banny de ceste sorte de bannisse-
mēt ains fut Hyperbolus le dernier de tous, comme Hipparchus Cholargié a-
uoit esté le premier, pource qu'il estoit parent du tyran. Mais bié est la fortune
chose, sur laquelle on ne scauroit asseoir iugement, ny la comprendre par di-
scours de raison: car si Nicias se fust exposé franchement au hazard de ce ban-
nissement contre Alcibiades, il fust aduenu l'un des deux, ou qu'il fust demou-
ré en la uille aiant chassé son aduersaire s'il eust uaincu, ou bien qu'il fust sor-
ty auant que tumber es extremes miseres & calamitez, ou il tumba depuis, &
luy fust demouré la reputation d'auoir esté un tressage capitaine, s'il eust esté
en ce combat uaincu. Je n'ignore pas toutefois que Theophrastus escrit, que
Hyperbolus fut banny par le moien de la dissension qui estoit entre Pharax &
Alcibiades, non pas Nicias: mais la plus part des autres historiés le mettēt ain-
si que j'ay dit. Estant donques uenus à Athenes les Ambassadeurs des Ege-
stains & des Leontins, pour suader aux Atheniens d'entreprendre la cōqueste
de la Sicile, Nicias fut uaincu par l'astuce & l'ambition d'Alcibiades, lequel
auant qu'il fust tenu aucune assemblee de conseil sur ce faict, auoit desia pre-
ueni la commune par uaine esperance qu'il leur auoit donnée, & corrompu
leur iugement par faulses raisons qu'il leur auoit alleguees, tellement que les
ieunes gens es lieux ou ilz se reduisoient ensemble pour s'esbattre aux exerci-
ces de la personne, & les uieillards es bouttiques des artisans, ou es niches &
demyronds, esquelz ilz se trouuoient assis ensemble pour deuiser, ne faisoient
autre chose que traſſer en terre la forme de la Sicile, en discourant entre eulx
de la nature de la mer d'icelle, & comprans les ports & les lieux qui regardent
deuers l'Afrique, pource qu'ilz ne faisoient pas leur compte que la Sicile deust
estre le pris & le but de ceste guerre, ains plus tost le fourreau de leurs armes,
là ou ilz feroient leur amas pour de là aller faire la guerre contre les Carthagi-
nois, & conquerir toute l'Afrique, & consequemment toute la mer d'icelle
iusques aux coulones de Hercules. Comme donques ilz eussent tous si fort à
cueur ceste guerre, Nicias qui y contredisoit, ne trouuoit gueres de gens ny
d'hommes de qualité qui en cela le secondassent, pource que les riches crai-
gnans qu'il ne fust aduis au peuple, qu'ilz le feissent pour euitier les charges, &
fouir la despence qu'il leur conuiendroit faire, ne disoient mot, quoy qu'ilz
n'en fussent pas cōtens: mais luy pour cela ne se faignoit, ny ne se lassoit point
de conseiller & prescher tousiours au contraire, ains encore apres que la reso-
lutiō de faire l'entreprise eut esté arrestee, & luy eleu le premier capitaine avec
Alcibiades & Lamachus, pour l'executer en la prochaine assemblee de uille
qui se teint, il se leua derechef & rascha encōre à en destourner le peuple avec
toutes les protestations qui luy fut possible, iusques à charger & accuser Alci-
biades

A biades, que pour sa propre ambition, & pour son particulier profit, il iettoit la chose publique en une si dangereuse & si loingtaine guerre: mais tout cela ne seruit de rien, ains plus tost en sembla il plus idoine que nul autre à ceste charge pour son experience; ioinct aussi que lon estima, que les choses seroiēt bien plus seurement conduittes, quād sa craintifue prouoyance seroit meslee avec la hardiesse d'Alcibiades & la douceur de Lamachus; ce qui confirma d'auantage l'election: puis il y eut un des orateurs nommé Demostratus, qui plus incitoit les Atheniens à l'entreprise de ce uoyage, qui se dressant en pieds dit qu'il feroit bien cesser Nicias de plus leur alleguer des subterfuges & excuses, & meit en auant un decret, que le peuple donnast plein pouuoir aux capitaines eleuz, de dire, conseiller, & faire tout ce que bon leur sembleroit, tant ça que là, & persuada au peuple de le passer & authoriser. Toutefois on dit que les presbtres alleguoient beaucoup de choses qui estoient pour empescher l'entreprise: mais Alcibiades aiāt aussi d'autres deuins attiltrez, alleguoit semblablement des oracles anciens, qui disoient qu'il deuoit aduenir de la Sicile une tresgrande gloire aux Atheniens, & appostoit aussi quelques pelerins qui affermoient uenir tout freschement de l'oracle de Iupiter Hammon, dont ilz apportoiēt un oracle, par lequel il estoit porté, que ceulx d'Athenes prendroient tous les Syracusains. Qui plus est, sil y auoit aucuns qui sceussent des signes & presages à ce contraires, ilz les taisoient de peur qu'il ne semblast que par affection ilz s'entremissent de mal pronostiquer, ueu que les signes mesmes qui estoient tous euidēs & notoires ne les diuertissoient pas, comme fut le tronçonnemēt & la mutilatiō des Hermes & images de Mercure, qui en une nuit se trouuerent toutes mutilces, exceptee une seule que lon appelloit l'Herme de Andocides, qui fut iadis donnee & consacree par la lignee Ægeide, & estoit assise droit deuant la maison d'un citoien qui s'appelloit Andocides. D'auantage le cas qui aduint pres l'autel des douze Dieux: car il y eut un homme qui sy en courut soudainement, & apres auoir tournoyé tout à l'entour, se couppa luy mesme sa nature avec une pierre: & au temple de la uille de Delphes, il y auoit une petite image de Minerue d'or, assise dessus un palmier de cuyure, que la uille d'Athenes y auoit donné des despouilles gaignees sur les Medois. Il y eut par plusieurs iours des corbeaux qui sallās percher dessus, ne cesserent de le becquetter, & rongerēt tant le fruit qui estoit d'or qu'ilz le firent tumber: mais ceulx d'Athenes disoient que c'estoient les Delphiens gaignez par les Syracusains, qui auoient fainct & controuué cela. Il y eut aussi une prophetie qui leur commanda qu'ilz amenassent à Athenes une religieuse de Minerue estant en la uille de Clazomenes: ilz enuoyerent querir ceste religieuse, laquelle s'appelloit Hesyehia, c'est à dire, repos: & semble que c'estoit ce que les Dieux par cestē prophetie leur conseilloyent, que pour lors ilz se deuoient reposer. Ce que craignant l'Astrologue Meton, soit ou que les presages celestes l'effroyassent, ou que par discours de raison humaine il redoubtast l'issue de ce uoyage, il contrefeit le furieux, pource qu'il auoit quelque charge en l'armee, & meit le feu en sa maison. Les autres disent qu'il ne contrefeit point autrement le furieux, mais qu'une nuit à son esciant, il meit le feu en sa maison, & que le lendemain il s'en alla sur la place avec une cōtenance d'homme fort affligé, supplier le peuple de uouloir en consideration de la fortune qui luy estoit aduenue, dispenser de ce uoyage son filz, lequel auoit une galere à defrayer & conduire, & estoit tout prest à faire uoile. D'auantage

l'esprit familier du sage Socrates, qui auoit accoustumé de l'aduertir des choses à aduenir, luy reuela que ce uoyage se faisoit à la ruine de la uille d'Athenes, ce queluy mesme cōpta à ses plus familiers amis, par la bouche desquelz il alla iusques aux oreilles de la plus grande partie du peuple, & si y en eut beaucoup à qui la rencontre des iours esquelz ilz feirent leur embarquement affoiblit fort le courage: car ce fut iustemēt es iours que les femmes celebriēt la feste du trespas d'Adonis, & y auoit en plusieurs endroits de la uille des images d'hommes morts, que lon portoit en terre, & des femmes apres qui lamentoient & en menoient le deuil, de sorte que ceulx qui adiouxtent aucunement foy à telz presages, disoiēt que cela leur desplaisoit fort, & qu'ilz craignoient que cela ne signifiait que l'equippage de ceste armee, qui estoit si magnifique & si florissante, ne uint en sa fleur mesme incontinent à se fener. Or quant à Nicias, d'auoir bien tousiours contredit à l'entreprise pendāt quelon en deliberoit, & de ne s'estre iamais eleué de uaine esperance, ny esblouy de l'honneur d'une si honorable charge iusques à en changer d'opinion, c'estoit fait en homme de bien, constant & sage: mais quand il eut ueu que ny par remonstrances il n'auoit iamais peu destourner le peuple de ceste guerre, ne par prieres se faire exēpter de la charge de capitaine, ains q̄ le peuple malgré luy uouloit qu'il fust l'un des chefs de ceste armee, alors n'estoit il plus temps de craindre tāt, ny de tāt reculer, ny de tourner si souuēt la teste, cōme un enfant pour regarder de dessus sa galere derriere luy, en repetant souuēt, & souuēt redisant q̄ raison n'auoit point eu de lieu en la cōclusion de ceste entreprise: car cela n'estoit que descourager ses compagnons, & faire reboucher la premiere pointe de toute leur expedition, là ou il falloit promptement courir sus aux ennemis, & en mettant uifuemēt la main à l'œuure, esprouuer la fortune: mais il feit tout au rebours, car comme Lamachus fust d'aduis que d'arriuee on alast droit deuant Syracuse, & que lon leur dōnast la bataille au plus pres que lon pourroit de leurs murailles, & que Alcibiades fust aussi d'opiniō, que premierement on taschast à gaigner les uilles qui estoient de l'alliance des Syracusains, & apres les auoir fait rebeller, alors s'en aller contre eulx, Nicias au contraire dit en conseil, qu'il luy sembloit qu'ilz deuoient tout bellement aller recognoissans à l'entour les costes de la Sicile, pour faire ueoir leurs galeres & leurs armes, & puis s'en retourner tout court à Athenes, en laissant seulement quelque petit nombre de leurs gens aux Egestains pour leur aider à se defendre: ce qui des le commencement attriedit fort l'ardeur de bien faire & rompit le courage aux gens de guerre. Et peu de temps apres aians les Atheniens renuoyé querir Alcibiades pour luy faire son proces, Nicias demourāt capitaine avec un autre en apparence, mais en puissance & autorité estant seul chef de toute l'armee, il ne cessa iamais de dilayer & restiuer en tournoiāt ça & là, & perdant le temps à consulter, tant que la uigueur de l'esperāce de ses gens s'en alla languissant, & au contraire la frayeur que les ennemis auoient eue de prime face en uoiant une si puissante armee, s'alla peu à peu escoulant. Toutefois estant encore Alcibiades en l'armee, deuant qu'il fust mandé d'Athenes ilz allerent avec soixante galeres deuant Syracuse, dont ilz teindrent les cinquante en bataille hors du port, & enuoyerent les dix au dedans du port pour descourir: lesquelles approchantes de la uille, feirēt crier à haulte uoix par un herault, qu'ilz estoient illec uenus pour remettre les Leontins en leurs terres & maisons, & priēt une nauire des ennemis, dedans laquelle entreau-

A rtes choses se trouuerēt des tables, ou estoiet par ordre escrits les noms de tous les habitans de Syracuse par leurs generatiōs & lignees. Ces tables se gardoiēt assez loing de la uille dedans le temple de Iupiter Olympien, mais lors on les auoit enuoyé querir, pour sçauoir le nōbre des gens de seruice & d'aage pour porter les armes. Ces tables aians esté supriſes par les Atheniens & portees aux cheſz de l'armee, les deuins uoians ceſte lōgue liſte de noms, le priſēt en mauuaife part, craignans que ce ne fuſt l'accompliſſement de la prophetie qui leur promettoit, que les Atheniens deuoient une fois prédre tous les Syracuſains, toutefois lō dit que ceſte prophetie fut accōplie par un autre exploit, lors que Callippus Athenien aiāt occis Dion, ſe ſaiſit de la uille de Syracuse. Mais depuis qu'Alcibiades fut party de l'armee toute l'autorité & puissance de commander demoura entiere à Nicias, pource que Lamachus estoit bien homme courageux, droitturier & uaillant de ſa perſonne, ne ſ'eſpargnant aucunemēt en l'affaire, mais au demourant ſi pauvre & ſi ſimple, qu'à toutes les fois qu'il auoit esté eleu capitaine, en rendant raiſon de ce qui estoit paſſé par ſes mains, il auoit touſiours mis en ligne de compte un peu d'argent pour luy auoir une robe, & des pantoufles: & à l'opposite l'autorité de Nicias estoit plus grāde, tant pour autres cauſes que pour ſes richesses, & pour la reputation de beaucoup de telles choses qu'il auoit faittes auparauāt. Auquel propos lon comprē que quelque autre fois qu'il estoit encore capitaine, ſe trouuant au palais de la ſeigneurie à Athenes avec ſes cōpagnons en conſeil pour deliberer de quelque affaire, il dit à Sophocles le poēte qui en estoit, qu'il parlaſt & diſt ſon opinion le premier, cōme celuy qui estoit le plus uieil de la compagnie. Sophocles luy reſpondit, Je ſuis le plus ancien uoiremēt mais tu es le plus uenerable, & celuy à qui lon a plus de reſpect. Auſſi lors tenant Lamachus deſſoubz luy, encore qu'il fuſt plus hōme de guerre, & meilleur capitaine que luy, en uſant froidement des forces qu'il auoit entre mains, & dilayant touſiours, & ſ'en allant roder autour de la Sicile le plus loing qu'il pouuoit des ennemis, il leur donna premierement temps & loiſir de ſ'aſſeurer, & puis allant mettre le ſiege deuant Hybla, qui n'estoit qu'une meſchante petite uille, & ſ'en eſtāt leuē ſans la prendre, il en tumba en ſi grād meſpris, que lon ne ſeit plus compte de luy. A la fin il ſe retira à Catagne n'ayant fait autre exploit, ſinon qu'il prit Hyccara qui estoit une meſchante petite uille de Barbares, d'ou lon dit qu'estoit natiue la courtiſane Lais, & qu'eſtant encore lors ieune garſe, elle y fut uēdue entre les autres priſonniers, & depuis portee au Peloponeſe. Finablement eſtant ia la ſaiſon de l'eſté paſſee, il fut aduertty que les Syracuſains auoient ia priſ tāt de cueur, qu'ilz luy deuoient eulx meſmes les premiers uenir courir ſus, & uenoient deſia leurs gens de cheual eſcarmoucher iuſques tout cōtre ſon camp, demandans par moquerie aux Atheniens ſilz estoiet uenus en la Sicile pour habiter avec ceulx de Catagne, ou bien pour remettre les Leontins en leurs maiſons. Alors à toute peine ſe reſolut il de ſ'en aller deuāt Syracuse, & uolāt y planter ſon camp en ſeureté & à loiſir ſans rien hazarder, il enuoya deuant un homme de Catagne à Syracuse pour les aduertir, comme ſi c'eust esté une eſpie, que ſilz uouloient ſurprendre le cāp des Atheniens au deſprouueu, & ſe ſaiſir de tout leur bagage, il falloit qu'ilz ſ'en uinſent à certain iour qu'il leur aſſigna deuers Catagne, pource que les Atheniens estoient la pluſpart du temps dedās la uille, en laquelle y auoit des naturelz citoiens, qui fauoriſans aux affaires de Syracuse auoient deliberē, ſi toſt qu'ilz ſentiroient les Syracu-

fains approcher, de se saisir du port de la uille, & de mettre le feu dedans les
 uaisseaux des Atheniens, & qu'il y en auoit ia grand nombre de ceulx de la
 uille qui estoient de ceste intelligence, & qui n'attendoient autre chose que le
 iour & l'heure de leur uenue. Cela fut la plus grande habilité de guerre que
 fait Nicias en tout le temps qu'il fut dedans la Sicile : car il fait par ceste ruse
 sortir les ennemis aux chaps avec toute leur puissance, de maniere qu'ilz lais-
 serent leur uille toute uuide, & ce pendant luy partant de Catagne avec toute
 sa flotte, se saisit tout à son aise du port de Syracuse, & choisit un endroit à pla-
 ter son camp, auquel les ennemis ne le pouuoient endommager, de ce dont
 ilz estoient les plus forts, & luy leur pouuoit sans empeschement courir sus,
 avec ce en quoy il se cōfioit le plus, & comme les Syracusains retournez tout
 court de Catagne luy presentassent la bataille, tout ioignant les murailles de
 leur uille, il sortit en campagne aussi & les desfeit. Il est uray qu'il ne mourut
 pas beaucoup d'ennemis sur le champ, pource que leurs gés de cheual empes-
 cherent la poursuite: mais en faisant rompre & briser les ponts qui sont sur la
 riuere, il donna matiere à Hermocrates de se moquer de luy: car en reconfor-
 tant & assurant les Syracusains, il leur dit que Nicias estoit biē digne de mo-
 querie en ce, qu'il faisoit tout ce qu'il pouuoit pour ne combattre point, com-
 me s'il ne fust pas expressement uenu d'Athenes à Syracuse pour combattre.
 Ce neantmoins il meit les Syracusains en grande peur & en grand effroy: car
 au lieu qu'ilz auoient quinze capitaines ilz n'en eleurent que trois seulement,
 aux quelz le peuple promet par serment qu'il leur laisseroit plein pouuoir &
 entiere puissance de commander & ordonner de toutes choses. Le temple de
 Iupiter Olympien estoit assez pres du camp des Atheniens, dont ilz auoient
 fort bonne enuie de se saisir, pource qu'il estoit plein de riches ioyaux & of-
 frandes d'or & d'argent, qui autrefois y auoient esté donnees: mais Nicias di-
 laya & differa tant d'y aller tout expressement, que les Syracusains y enuoye-
 rent bonne garnison pour le tenir en seure garde, discourât en luy mesme que
 si ses gens uenoient à prédre & piller ce temple, la chose publique ne s'en sen-
 tiroit du gaing aucunement, & luy ce pendant soustien droit toute la coulpe
 du sacrilege. Et au demourant ne fessant en chose du mode seruy de sa uictoi-
 re, dont le bruit estoit incontinct couru par toute la Sicile, peu de iours apres
 il s'en retourna en la uille de Naxe, là ou il passa son hyuer, consumant beau-
 coup de uiures avec une si grosse armee que celle qu'il auoit, & faisant bien
 peu d'effect avec quelques Siciliens qui se rendoient à luy, & ce pendant les
 Syracusains reprenans cueur s'en retournerent derechef à Catagne, là ou ilz
 pillerent & gasterent tout le plat pais, & bruslerent le camp que y auoient
 accoustré les Atheniens. A raison dequoy tout le mode blasmoit fort Nicias,
 lequel par trop attēdre, differer & uoloir faire les choses trop seuremēt, lais-
 soit eschapper les occasions de faire plusieurs beaux & bons effects: car quand
 il uoloit mettre la main à l'œuure, il y besongnoit de sorte, que personne
 n'eust sceu reprendre ses actiōs, pource qu'il entreprenoit bien, & depuis qu'il
 estoit une fois en train, il executoit diligēment: mais il estoit lent à se refoul-
 dre & couard à entreprendre. Quand donques il commença à remuer son
 armee pour retourner deuant Syracuse, il la conduisit si dextremēt, avec telle
 diligence & telle seureté tout ensemble, qu'il fut arriué par mer à Thapse, &
 descendu en terre, & eut surpris le fort d'Epipoles, auant que les Syracusains
 en sceussent riē, ne y peussent mettre remede: car estant l'élite des Syracusains

A sortie sur luy pour le cuider empeschier, il les desfeit, & en prit trois cents prisonniers, & meit en rouverte leurs gens de cheual, que lon estimoit parauant inuincibles. Mais ce qui plus estonna les Syracusains, & sembla plus esmerueillable aux autres Grecs, fut, qu'en peu de temps il enferma d'une ceinture de murailles toute la uille de Syracuse, qui n'estoit pas de moindre estendue que celle d'Athenes, & plus mal aisee à enuironner à cause de l'inegalité du pais bossu, & quand & quand à cause de la mer qui en bar les murailles, ioinct aussi qu'il y auoit des murets tout encontre, & neantmoins il s'en fallut bié peu que tout malade qu'il estoit d'une cholique pierreuse, il ne cōduisit un tel ouu-
B rage à fin, & est raisonnable d'attribuer ce default de ce qu'il ne fut pas entiere-
ment paracheué à celle maladie, qui fait que ie m'esmerueille grandement de la diligence & sollicitude du capitaine, & de la prouesse & gentillesse des souldards, qui appert par les belles choses quilz feirent. Car Euripides apres leur desfaitte & totale desconfiture, en fait une deploration funebre en uers, là ou il dit ainsi,

Syracusains, par huit fois ilz desfeirent;

Tant que les Dieux point de tort ne leur feirent.

Mais on trouuera que ceulx de Syracuse ne furent pas desfaits huit fois seulement par eulx, ains encore d'auantage, iusques à ce que ueritablement il y eut quelque resistance des Dieux & de la Fortune, qui ueritablemēt se banderent contre eulx, lors qu'ilz estoient eleuez au plus hault de leur puissance. Si se trouuoit Nicias en personne à la plus part des affaires, forçant l'indisposition de son corps. Mais un iour sa maladie s'estant rengregee, il fut contraint de demourer couché dedans son camp avec peu de ses seruiteurs, & ce pendāt Lamachus aiant seul la charge de l'armee, combattoit contre les Syracusains, lesquelz tiroient une muraille depuis leur uille iusques à l'enceinte, dont les Atheniens les uouloient enfermer, pour empeschier qu'ilz ne la peussent continuer tout à l'entour. Et pource que les Atheniens estoient les plus forts en la pluspart de ces escarmouches, ilz poursuiuoient bien souuent leurs ennemis fuyans assez inconsiderement, cōme il aduint un iour que Lamachus pou-
D sa si auant, qu'il se trouua seul à soustenir une troupe de gens de cheual de ceulx de la uille, deuant lesquelz marchoit le premier Callicrates hōme courageux & gentil compagnon de sa personne, qui deffia au combat d'homme à homme Lamachus. Lamachus l'attēdit & fut blecé le premier, mais il ne laissa pas d'assener aussi Callicrates si au uif, qu'ilz tumberent tous deux ensemble morts sur la place: parquoy les Syracusains se trouuans en cest endroit là les plus forts, enleuerent son corps & l'emporterent hors de là, mais quand & quād ilz s'en coururent à bride abbattue deuers le fort du camp des Atheniēs, là ou estoit Nicias malade sans gardes ny defence queleōque, & neantmoins il ne laissa pas de se leuer hastiement du liēt, & uoiant le danger ou il estoit,
E commanda à quelques siens domestiques qu'ilz meissent le feu dedās du bois que lon auoit apporté deuant les trenchees du camp pour faire quelques machines & engins de batterie, & dedās les engins qui y estoient desia tous faits & tous dressez. Cela arresta les Syracusains, sauua Nicias, & quand & quand le fort du camp ou estoit tout l'argēt & toutes les hardes des Atheniēs, pource que les Syracusains uoians de loing, entre eulx & le fort, une si grāde flamme qui s'enleuoit en l'air, s'en retournerēt tout court uers la uille. Ces choses ainsi aduenues, Nicias se trouua seul capitaine, en grande esperance neantmoins

de faire quelque chose de bon, si que plusieurs uilles de la Sicile se tournoient desia de son costé, & arriuoiét en son cāp nauires chargees de bled de tous costez, se rengaét chascun deuers luy, pource que ses affaires se portoiét bien, de sorte que ceulx de Syracuse cōmenceoiét desia à luy faire porter parolles d'appointement, n'esperans pas de pouuoir defendre la uille cōtre luy. Gylippus mesme capitaine Lacedæmonien qui uenoit à leur secours, aiant entendu par le chemin cōme la uille de Syracuse estoit enfermee tout à l'entour, & cōme elle se trouuoit fort à destroit, poursuiuit son uoyage, nō plus en esperāce de pouuoir defendre la Sicile, cuidant qu'elle fust desia toute entre les mains des Atheniens, mais en intention de secourir à tout le moins les uilles de l'Italie s'il luy estoit possible: pource que le bruit couroit desia par tout, que les Atheniens auoient tout gaigné, & qu'ilz auoient un capitaine inuincible, autant pour sa prudence que pour la faueur que fortune luy faisoit. Nicias mesme s'estant contre son naturel asseuré pour la prosperité qu'il uoyoit en ses affaires, & principalement pour les rapports qu'on luy faisoit de Syracuse, & les nouvelles qu'il en auoit par ceulx mesmes de dedans, qui uenoient secrettement ou enuoyoiēt deuers luy, se persuadant qu'il auroit la uille dedans peu de iours par cōposition, ne se soucia point d'empescher l'arriuee de Gylippus, ny ne meit point gens au guet pour le garder de descendre en la Sicile: aussi y descendit il sans qu'il en sceust rien avec un batteau de passage, tant on le mesprisoit & en faisoit on peu de compte. Estāt descendu bien loing de Syracuse, H il commença à mettre force gens de guerre ensemble, auant que les Syracusains mesmes sceussent qu'il fust arriué, ne qu'ilz attendissent sa uenue, tellement que lon auoit desia indit l'assemblée de conseil pour dēliberer des articles & capitulations, soubz lesquelles on accorderoit avec Nicias, & y en eut quelques uns qui dirent que lon se deuoit haster de passer l'appointement deuant que la closture fust entierement paracheuee, à cause qu'il en restoit bien peu à parfaire, & estoit la matiere pour l'acheuer toute preste & portee sur le lieu. Mais à l'instant mesme du peril arriua en la uille Gongyllus qui uenoit de Corinthe avec une galere, à l'aborder duquel estant incontinent tout le peuple, comme lon peult penser, accouru à l'entour de luy, il leur declara que I Gylippus arriueroit bien tost, & qu'il uenoit apres luy d'autres galeres à leur secours: ce que les Syracusains ne croyoient point encore fermement, iusques à ce qu'il arriua un messager expres depesché par Gylippus mesme, qui leur commanda de sa part qu'ilz sortissent en armes au deuant de luy. Alors reprenans courage ilz fallerent incontinēt tous armer: & Gylippus ne fut pas plus tost arriué deuant Syracuse, qu'il renga tout chaudement ses gens en bataille pour aller assaillir les Atheniens: lesquelz Nicias aussi de son costé aiant disposé en ordonnance pour combattre, comme ilz estoient les uns deuant les autres, Gylippus à la uenue des Atheniēs posa ses armes en terre, & leur enuoya denoncer par un herault, qu'il leur permettoit de s'en pouuoir aller uies & bagues sauues hors de la Sicile. Aux quelles paroles Nicias ne daigna faire res- K pōse: mais il y eut quelques uns des soudards, qui en se moquaēt demāderent au herault, si pour la uenue d'une cappette & d'un baston de Lacedæmone, les Syracusains se sentoient si fortifiez qu'ilz en deussent auoir les Atheniens en mespris, lesquelz nagueres auoient tenus aux fers en leurs prisons trois cents Lacedæmoniens beaucoup plus robustes & plus cheuelus que n'estoit Gylippus, & les auoient rendus à leurs citoiens. Aussi escrit Timæus que les Siciliēs

A mesmes ne faisoient aucun compte de Gylippus, ny lors, ny depuis avec. Depuis, pource qu'ilz descoururent sa lasche convoitise & son avarice : & lors, pource qu'ilz le ueirent ainsi uestu simplement d'une meschäte cappe, & portant les cheveux fort longs, dõt ilz se mocquerent. Et toutefois luy mesme dit apres, que si tost qu'il fut comparu en la Sicile, plusieurs de tous costez fallerent renger de grande affection autour de luy, ne plus ne moins que font les oyseaux à l'entour de la cheueche : lequel propos me semble plus uraysemblable que le premier : car ilz s'amassoient autour de luy, pource qu'ilz uoyoiēt en ceste cappe & en ce baston les marques & la dignité de la uille & seigneurie de Sparte. Aussi dit bien Thucydides, que ce fut luy seul qui feit tout : & **B** autant en dit Philistus mesme, qui estoit Syracusain, & qui ueit à l'œil comme toutes choses passoient. Toutefois en ceste premiere rencontre les Atheniens eurent du meilleur, & tuerēt quelque nombre des Syracusains, entre lesquelz fut Gongylus Corinthien : mais le lendemain Gylippus dōna bien à cognoistre, combien uault la suffisance & experience d'un sage capitaine : car avec les mesmes armes, les mesmes hommes, mesmes chevaulx, & aux mesmes lieux, en changeant seulement l'ordonnance de sa bataille, il desfeit les Atheniēs, & les aiant chassez battant iusques dedans leur camp, meit les Syracusains en besongne à bastir des mesmes pierres & de la mesme matiere que les Atheniēs auoient apportees pour acheuer leur closture des murailles à trauers, pour **C** couper l'autre & engarder qu'elle ne se peust ioindre ny continuer, de sorte que ce qu'ilz en auoient faict iusques là ne leur seruoit plus de rien. Cela fait, les Syracusains aians repris courage, commencerent à armer galeres & avec leurs gens de cheual & leurs ualers courans çà & là par la campagne, y surprirent beaucoup de prisonniers : & Gylippus d'un autre costé s'en alla en personne par les uilles de la Sicile preschant & sollicitant les habitans, qui tous luy obeissoient fort uoluntiers, & prenoient les armes à sa fuscitation. Ce que uoiāt Nicias retumba derechef en ses premieres façons de faire, & considerāt la mutation de ses affaires, recommencea à perdre courage : car il escriuit incontinent aux Atheniens qu'ilz enuoyassent une autre armee en la Sicile, ou **D** plus tost qu'ilz rappellassent celle qui desia y estoit, & comment que ce fust qu'ilz luy donnassent congé, & le deschargeassent de l'estat de capitaine, attēdu sa maladie. Les Atheniens auoient bien esté entre deux des auparauāt qu'il escriuist d'y enuoyer un renfort : mais l'enuie que les principaux de la uille portoient à la grāde prosperité de Nicias, y auoit tousiours fait soudre quelque retardement, iusques alors qu'ilz resolurent d'y en enuoyer en diligence. Si deuoit Demosthenes incontinent apres l'hyuer partir avec une grosse flotte de uaisseaux : mais l'hyuer mesme Eurymedon y alla deuant, qui luy porta de l'argent, & la nouelle comme le peuple luy auoit eleu pour compagnōs aucuns de ceulx qui estoient tous portez sur le lieu, Euthydemus & Menander. **E** Mais sur ces entrefaites Nicias estant assailly par les ennemis en surprise, tant par mer que par terre tout en un mesme temps, encore qu'il eust du commencement moins de galeres en nōbre que ses ennemis, si en brisa il & meit à fond plusieurs des leurs : mais aussi du costé de la terre, il ne peut pas secourir ses gens à temps, pource que Gylippus de primfaut luy surprit un fort qui s'appelloit Plemmyrion, dedans lequel on auoit retiré l'equippage de plusieurs galeres & bonne somme d'argent comptant, qui fut tout perdu, & si y eut bon nombre d'hommes tuez, & beaucoup de prisonniers aussi, & qui estoit encore

de plus grande consequence, il estoit à Nicias l'aissance de faire uenir seuremēt
 uiures par la mer en son camp: car pendant que les Atheniens tenoient ce fort
 il leur estoit facile avec toute seureté de conduire uiures en leur camp estans
 couverts de ce fort, mais depuis qu'ilz l'eurent perdu il leur fut bien mal aisé:
 car il falloit qu'ilz combattissent tousiours contre les ennemis, qui estoient à
 l'ancre deuant ledit fort. D'auantage il fut aduis aux Syracusains, que leur ar-
 mee de mer n'auoit pas esté desfaite, tant pource que les ennemis fussent plus
 forts, que pour ce que leurs gens les auoient poursuyuis en desordre: au moien
 dequoy ilz uoulurent une autrefois essayer la fortune en meilleur ordre &
 meilleur equippage que deuant: mais Nicias ne uouloit aucunement que lon
 retournaist au combat, disant que ce seroit grande folie à eulx, attendu qu'il
 leur uenoit une si grosse flotte de uaisseaux, que Demosthenes amenoit de ré-
 fort, avec une armee fresche, de uouloir par une temerité se haster de combat-
 tre avec moindre nombre de uaisseaux equippez maigrement. Au contraire,
 Menander & Euthydemus de nouueau promeus à l'estat de capitaine, estoient
 poussez d'ambition & de ialousie contre les deux autres capitaines, desirans
 preuenir Demosthenes en faisant quelque chose de beau auant qu'il arriuaist,
 & surmonter par mesme moien les faictz de Nicias: mais la couuerture qu'ilz
 prenoient pour masquer leur ambition, estoit la reputatiō de la uille d'Athe-
 nes, laquelle s'en alloit, ce disoient ilz, de tout poinct aneantie & perdue, silz
 monstroient auoir crainte des Syracusains qui les prouoquoient au combat.
 Ainsi forcerent ilz Nicias de uenir à la bataille, en laquelle ilz furent battus &
 desfaits par le bon conseil d'un pilotte Corinthien qui se nommoit Ariston,
 de sorte que toute la pointe gauche de leur bataille, ainsi que le descrit Thu-
 cydides, fut entierement desconfite, & y perdirent grand nombre de leurs gēs.
 Au moien dequoy Nicias se trouuoit en grande destresse, considerant d'un
 costé combien il auoit enduré de trauail, pendant qu'il auoit esté seul en chef
 capitaine, & d'autre costé, cōment quand on luy auoit baillé des compagnēs,
 ilz luy auoient fait commettre une lourde faulte: mais sur le poinct qu'il estoit
 en ce desespoir, on ua descouurir au dessus du port Demosthenes avec sa flotte
 equippee & armee brauement, & pour bien estonner les ennemis: car il y a-
 uoit soixante & treize galeres, sur lesquelles estoient embarquez cinq mille
 hommes de pied tous armez, & d'archers, tireurs de fondes, & autres gens de
 traict non moins de trois mille, les galeres parrees de beaux harnois & de for-
 ce enseignes, de grand nombre de clairons, de haultbois, & de tous autres or-
 nemens de marine, le tout accoustré pompeusement & triumpamment pour
 dōner plus de frayeur aux ennemis. Si fault pēser que les Syracusains se trou-
 uerent derechef en grand esmoy, cuidans qu'ilz se trauaillioient en uain, & se
 consumoient pour neant, attendu qu'ilz ne uoyoient aucune apparence de
 pouuoir estre deliurez de leurs maux: au contraire Nicias fut bien resiouy de
 l'arriuee d'un si gros renfort, mais la ioye qu'il en eut ne luy dura gueres: car
 si tost qu'il commença à cōmuniquer des affaires avec Demosthenes, il trou-
 ua qu'il uouloit que lon allast tout chaudemēt assaillir les Syracusains, & que
 lon hazardast tout le plus tost qu'on pourroit, à fin de prédre uistement la uil-
 le de Syracuse, & puis s'en retourner aussi tost au païs. Ceste soudaineté sembla
 fort estrange à Nicias, & redoubta fort ceste hardiesse si estourdie, si le pria de
 ne uouloir rien faire temerairement, ny à la desesperce, luy remontrant que
 tirer les choses en longueur faisoit contre leurs ennemis, lesquels n'auoient

- A plus d'argent, & par ce moien uien droient bien tost à estre abandonnez de leurs allies, & silz uenoient à estre encore un coup à destroit de uiures, ilz retourneroient bien tost deuers luy pour chercher appointement, comme ilz auoient desia fait au parauant: car il y auoit plusieurs dedans Syracuse qui auoient secrette intelligence avec Nicias, & l'aduertissoient qu'il deuoit demeurer, pource que les Syracusains se trouuoient trauallez & lassez de ceste guerre, & se faschoient fort de Gylippus, de maniere que si la disette de uiures uenoit à sy augmenter un peu d'auantage ilz se rendroiet de tout poinct. Nicias deduisant ces remonstrances, partie en paroles couuertes, & partie en retenât à dire, ne les uoulant pas declarer publiquement, feit imaginer à ses compagnons, que c'estoit belle couardise qui luy faisoit tenir ces propos là, & qu'il retournoit encore à ses premieres longueurs, attentes & delais, pour uouloir auoir les choses toutes assurees, par lesquelles façons de faire il auoit des le commencement laissé perdre la uigueur de son armee, à faulte d'auoir uiuemēt de premiere abordee couru sus aux ennemis, & auoir retifué iusques à ce que la premiere ardeur de ses gens fust toute refroidie, & luy uenu en mespris de ses ennemis: au moien dequoy les autres se rengèrent à l'opinion de Demosthenes, à laquelle Nicias malgré luy se lascia cōduire aussi à toute peine. Parquoy Demosthenes la nuit mesme prenant les gens de pied s'en alla assaillir le fort d'Epipoles, là ou auāt que les ennemis eussent rien senty de sa uenue, il en tua les uns sur la place, & tourna en fuite ceulx qui se uoulurent mettre en defence, mais il ne se contenta pas de cela, ains passa oultre iusques à ce qu'il vint à rencontrer les Bœotiens, lesquelz furent les premiers qui se rallierēt ensemble, & s'en coururent les picques baïssées contre les Atheniens d'une si grande fureur, & avec si haults cris, qu'ilz renuerferent les premiers sur la place, dont tout le reste de leur armee se trouua en grand trouble, & en entra en grand effroy, pource que les premiers fuyans desia falloiet ietter à trauers ceulx q chassoient encore, & ceulx qui descendoient de la motte d'Epipoles, & couroient contrebas, uenoient à rencontrer de front ceulx qui fuyoient arriere tous esperdus, & s'entreheurtoient, cuidans que ce fussent ceulx qu'ilz chassoient, tellement qu'ilz faisoient à leurs gens propres ce qu'ilz eussent peu faire pour le pis à leurs ennemis. Car ceste confusion de se trouuer ainsi pêle melle, les uns parmy les autres, accōpagnée d'effroy & de faulte de s'entrecōgnoistre: ioinct aussi qu'ilz ne pouuoient pas ueoir certainement, à cause que c'estoit de nuit, laquelle n'estoit ne si obscure que lon ne ueist du tout rien, ne si claire que lon peust assureement discerner à l'œil ce qui se presentoit, mesmement que la Lune estoit ia fort basse, & qu'enore si peu de clarté qu'elle redoit estoit offusquee de tant d'armes & de tāt d'hōmes qui alloient & uenoiet, & ne suffisoit pas pour s'entrecognoistre les uns les autres, de sorte que la peur qu'ilz auoient de l'ennemy les faisoit desfier mesme de l'amy. Toutes ces choses ensemble mettoient les Atheniens en grādes perplexitez, & les faisoiet tumber en griefz inconueniens. Et si y auoit d'auātage, qu'ilz auoient la Lune au dos, au moien dequoy leur ombre uenoit à tumber deuant eulx, qui cachoit la multitude & la lueur de leurs armes: & au cōtraire, la reuerberation des rayons de la Lune, qui donnoit contre les boucliers de leurs ennemis, les faisoit sembler estre en beaucoup plus grand nombre, & bien mieux armez qu'ilz n'estoient. Finablement les ennemis les pressans uiuement & de pres de tous costez, depuis qu'ilz eurent une fois commecé à tirer le pied arriere, ilz se

meurent à fouir à ual de rouverte, & furent les uns tuez par les ennemis qu'ilz auoient à leur dos, & les autres par entre eulx mesmes, & les autres en tombant du hault en bas des rochers: & d'autres encore, qui s'estoient escartez fuyans à l'aduenture parmy les champs, le lendemain au matin furent atteints & mis à l'espee par les gens de cheual de Syracuse: tellemēt qu'en fin de compte il en demoura deux mil de morts sur la place, & y en eut biē peu de ceulx qui se sauuerent de uistesse, qui rapportassent leurs armes. Parquoy Nicias qui s'estoit tousiours bien doubté qu'il en aduiendroīt tout autāt, alloit accusant & blasmant la temerité de Demosthenes: & luy s'en defendant comme il pouuoit, estoit d'aduis qu'au premier iour ilz remōtassent sur leurs uaisseaux pour s'en retourner au païs, disant qu'il ne se falloīt plus attendre qu'il leur uint d'autre renfort, & qu'avec ce qu'ilz auoient, ilz n'estoient pas forts assez pour leurs ennemis: outre ce, que quād ilz seroient assez forts, encōre seroient ilz contrains de se remuer ou s'en fouir du lieu où ilz estoient campez, aians biē ouy dire de tout temps qu'il estoit dangereux & pestilent pour un camp: & lors uoians manifestement qu'il leur estoit maladif & mortel, mesmement en la saison où ilz estoient, enuiron le commencement de l'Autonne: car il y auoit desia beaucoup de leurs gens malades, & tous uniuersellement desgouttez & failliz de cuer. Nicias oyoit mal uoluntiers parler d'un tel partement, non qu'il ne craignist les Syracusains, mais pource qu'il redoubtoit encōre plus les Athēniens, leurs calumnies, & leurs iugemens. Au moien de quoy il dit au conseil qu'il ne uoyoit point qu'il y eust encōre d'inconuenient à demourer là, mais quand bien il y en auroit, qu'il aimoit mieulx que les ennemis le feissent mourir, que nō pas ses propres citoiens: estat en cela de cōtraire opinion à celle que depuis eut Leon Byzantin, quand il dit à ses citoiens, l'aime mieulx mourir par uous que avec uous. Et au demourant quant au lieu où ilz deuroient remuer leur camp, qu'ilz auroient tout loisir d'en deliberer plus amplement. Quand Nicias eut dit ceste opiniō au cōseil, Demosthenes qui en sa premiere n'auoit pas esté heureux, ne se oza formaliser à l'encontre, & les autres estimans que Nicias ne s'opiniastroīt point ainsi fermement à cōtredire au partement, qu'il ne se fiasst en quelque chose qu'il entendoit de dedans la uille, sy accorderent aussi: mais quand on sceut qu'il estoit uenu un nouueau secours aux Syracusains, & que lon ueit que la peste se prenoit de plus en plus en leur camp, alors Nicias mesme fut d'aduis que lō deuoit partir, & fait on sçauoir aux soudars qu'ilz se teinssent tous prestz pour s'embarquer. Ce neantmoins quand toutes choses furent prestes pour faire uoile, sans que les ennemis en eussent rien aperceu, comme de chose dōt ilz ne se fussent iamais doubtez, la Lune ua eclipter & perdre subitement sa lumiere la nuict: ce qui apporta une grāde frayeur à Nicias & à ses semblables, qui par ignorance & superstition redoubtoient telles apparences. Car quant à l'eclipse & obscurcissement du Soleil qui se fait tousiours en la cōiunction de la Lune, le commun peuple presque de ce tēps là en auoit desia cognoissance, & entēdoient aucunement que cela se fait par le corps de la Lune: mais l'eclipse de la Lune mesme, que c'est qu'elle rencontre qui l'obscurcit ainsi, & comment estant au plein elle uient tout soudain à perdre sa clarté & se muer en toutes sortes de couleurs, cela n'estoit pas facile à comprendre, & le trouuoient fort estrange, tenans pour tout certain que c'estoit signe de quelques grands malheurs, dont les Dieux menassoient les humains. Car Anaxagoras qui a esté le premier qui a escrit le plus certaine-

A ment, & le plus hardiment de l'illumination & de l'obscurcissement de la Lune, n'estoit pas alors ancien, ny son inuention encore diuulguee, ains estoit tenue secrette & cognue de peu de gés, qui ne l'ozoient communiquer qu'avec crainte à ceulx desquelz ilz se fioiét fort bien, à cause que le peuple ne pouuoit lors endurer les philosophes traittans des causes naturelles que lon appelloit alors Meteorolesches, comme qui diroit, disputés des choses superieures qui se font au ciel ou en l'air, estant aduis à la commune qu'ilz attribuoieent ce qui appartenoit aux Dieux seuls à certaines causes naturelles & irraisonnables, & à des puissances agissantes non par prouidence ne discours de raison uoluntaire, ains par force & contrainte naturelle, à raison dequoy Protagoras en fut banny d'Athenes, Anaxagoras en fut mis en prison, dōt Pericles eut bien affaire à le retirer, & Socrates encore qu'il ne se meslast aucunement de celle partrie là de la philosophie, neantmoins en fut cōdemné à mort pour la philosophie: & bien tard depuis la doctrine de Platon uenant à estre publiquement receüe tant pour la bonté de sa uie, comme aussi pource qu'il soubmettoit la necessité des causes naturelles à la puissance diuine, cōme à un plus excellent principe & à une cause plus puissante, osta la mauuaise opinion que la commune auoit de toutes telles disputes, & dōna cours & entree publique aux sciēces mathematiques. Et pourtāt l'un de ses disciples & familiers Dion, estant suruenue une eclipse de Lune à l'instant mesme qu'il leuoit les ancres au partir de Zacynthe, pour aller faire la guerre au tyran Dionysius, sans autrement s'en estonner ny troubler, ne laissa pas de faire voile: & arriué qu'il fut à Syracuse, en dechassa le tyran. Mais encore aduint il lors de malheur à Nicias, qu'il n'auoit plus de bon & experimenté deuin: car celuy qu'il souloit auoir, qui luy ostoit beaucoup de sa superstitiō, nommé Stilbides, estoit mort un peu au parauant: car ce presage d'eclipse de Lune, comme dit Philochorus, n'estoit point mauuais pour gens qui uouloient fouir, ains au contraire leur estoit fort bon: pource, dit il, que les choses que lon fait en crainte ueulēt estre cachees, & leur est la lumiere ennemie. Mais encore sans cela, on n'auoit accoustumé de se tenir quoy & se cōtegarder que trois iours seulement en telz accidents de la Lune & du Soleil, ainsi comme Autoclides mesme le prescrit au liure qu'il a fait de telles expositions, là ou Nicias meit lors en auant qu'il falloit attēdre toute une autre reuolution du cours entier de la Lune, comme fil ne l'eust pas ueuē toute pure & nette incontinent qu'elle eut passé l'espace de l'air umbragé & obscurcy par l'ombre de la terre: mais toutes autres choses presque oubliees & delaissees, Nicias se meit à sacrifier aux Dieux, iusques à ce que les ennemis reuindrent assieger par terre leurs forts & tout leur camp, & par mer saisir & occuper tout le port, non seulement les hommes portans armes embarquez sur les galeres: mais aussi iusques aux ieunes enfans sur des bateaux de pēcheurs & autres legeres barques, avec lesquelles ilz s'approchoient des Atheniēs, & leur disoient uillanie pour les attirer au combat, entre lesquelles il y en eut un de bonne & noble maison nommé Heraclides, lequel se tant ietté avec son bateau plus auant que les autres, fut pres d'estre surpris par une galere d'Athenes qui luy uogua à l'encontre: ce que craignant Pollichus son oncle, se tira en auant avec dix galeres de Syracuse, dont il estoit capitaine, pour le secourir. Les autres galeres craignans semblablement que ce Pollichus n'eust mal, se tirerent pareillement en auant, de maniere qu'il s'attacha une grosse bataille nauale que les Syracusains gagnerent, & occirent le

capitaine Eurymedon & plusieurs autres : ce qui effroya tellement les soldards F
 Atheniens, qu'ilz commencèrent à crier qu'il n'y auoit plus ordre de demou-
 rer là, & qu'il se falloir retirer par terre, pource qu'après la bataille gaignee
 les Syracusains auoient incontinent bouché l'entree du port. Nicias ne peut
 condescendre à une telle retraite, pource qu'il disoit que ce seroit trop gran-
 de honte d'abandonner leurs galeres & autres uaisseaux à l'ennemy, ueu qu'il
 n'y en auoit pas gueres moins de deux cents, ains fut d'aduis que lon arma
 cent dix galeres des plus uaillans hommes de pied & des meilleures gens de
 traict qui fussent en l'armee, pource que les autres galeres n'auoient plus de ra-
 mes : & le demourant de l'armee Nicias le renga au long du riuage de la mer
 sur le port, abandonnant leur grand cāp & leurs murailles qui prenoient ius- G
 ques au temple de Hercules : au moien dequoy les Syracusains, qui iusques à
 ce iour là n'auoient peu faire les sacrifices accoustumez à Hercules, y enuoye-
 rent adōc leurs prestres & leurs capitaines, qui les y feirent. Estans dōques ia
 les combattans embarquez sur les galeres, les deuins s'en uindrent annoncer
 aux Syracusains, q̄ les signes des sacrifices leur promettoient certainemēt une
 tresglorieuse uictoire, pourueu qu'ilz ne fussent point les premiers à assaillir,
 & qu'ilz ne feissent que se defendre, pour autāt que Hercules estoit ainsi uenu
 au dessus de toutes ses entreprises en se defendant quād'on le uenoit assaillir.
 En ceste bonne esperance uoguerent les Syracusains en auāt, & y eut une bat- H
 taille de mer la plus rude & la plus aspre q̄ eust point encore esté en toute ceste
 guerre, laquelle ne donna pas moins de passion ny moins de trauail & de de-
 stresse à ceulx qui regardoient de dessus le riuage, qu'à ceulx mesmes qui com-
 battoient, pource qu'ilz uoyoient entièrement tout le faict du combat, ou il y
 eut en peu d'heure beaucoup de changemens, la plus part contraires à ce que
 lon en attendoit : car les Atheniens se feirent autant de mal à eulx mesmes par
 l'ordonnance qu'ilz teindrēt au combat, & par l'equippage de leurs uaisseaux,
 comme leurs ennemis leur en feirent, à cause qu'ilz auoient rengé toutes leurs
 galeres ensemble en une flotte cōtinuee, & si estoient fort pesantes d'elles mes-
 mes & fort chargees, là ou celles des ennemis estoient fort legeres, & uenoient
 les unes d'un costé les autres d'un autre, & ceulx qui estoient dessus leur ict- I
 toient des pierres, dont le coup est aussi dangereux d'un endroit comme de
 l'autre, là ou les Atheniens ne tiroient que dards, flesches, & traicts, dont le
 branlement des uaisseaux tordoit & empeschoit le droit fil, de maniere qu'ilz
 n'assenoient pas tous de pointe : ce que Ariston pilote Corinthien auoit ensei-
 gné aux Syracusains, & luy mesme y fut tué en combattant uaillamment lors
 que les Syracusains estoient desia uaincueurs. Ainsi les Atheniēs estans tour-
 nez en fuitte avec grand meurtre & grande desconfiture de leurs gens, le moie
 d'eulx enfouyr par mer leur fut de tout poinct retrenché, & uoians d'autre
 costé qu'il estoit bien difficile qu'ilz se peussent sauuer par terre, ilz furent si
 effroyez, & quand & quand si descouragez, qu'ilz ne faisoient plus de resistan- K
 ce aux ennemis qui uenoient tout aupres d'eulx tirer & emmener leurs uais-
 seaux, ny n'enuoyoient demander cōgé d'enleuer leurs morts pour les ensep-
 uelir, y aiāt encore plus de pitié d'abandonner les malades & les blecez, qu'à nō
 inhumier les trespassez. Ce que uoians deuant leurs yeux, encore se reputoient
 ilz eulx mesmes plus miserables & plus malheureux, pēsans bien qu'aussi arri-
 ueroient ilz à mesme fin comme eulx, mais ce seroit avec plus de miseres & plus
 de maux. Et comme ilz eussent resolu de partir la nuit, Gylippus uoiant que
 les

A les Syracusains festoient par toute la uille mis à sacrifier aux Dieux, & à faire bõne chere, tât pour l'aïse de la uictoire cõme pour la feste de Hercules, estima qu'il seroit bien malaisé de leur persuader, ny de les cõttraindre de prédre soudainemēt les armes pour courir sus aux ennemis qui s'en alloiēt. Mais Hermocrates s'aduifa de luy mesme de iouer d'une telle ruze à Nicias. Il enuoya quelqu'un de ses familiers uers luy, l'aiāt embouché de dire, qu'il uenoit de la part de ceulx, qui durāt la guerre au parauāt luy souloient dõner de secrets aduertissemens, lesquelz luy mandoiēt qu'il se gardast bien de se mettre en chemin celle nuiēt, sil ne uouloit dõner dedans les embusches q̃ les Syracusains leur auoiēt dressees, aians enuoyé deuāt faïfir tous les destroits & passages par ou il

B falloit qu'ilz passassent. Nicias abusé par ceste malice, ne faillit pas de demourer toute celle nuiēt, cõme sil eust eu peur de ne rüber pas dedans les retz & les aguets des ennemis, lesquelz le lendemain des le poinēt du iour gaagnerent les deuans, occuperent les destroits des chemins, boucherent les passages des riuieres, & rompirēt les ponts, puis aux prochaines campagnes ouuertes meïrent leurs gens de cheual en bataille, de sorte que les Atheniens n'auoiēt plus endroit aucun, par ou ilz peussent eschapper ny aller en auāt sans combattre: toutefois à la fin apres auoir attendu encore tout ce iour là, & la nuiēt ensuyuant, ilz se meirent en chemin avec grands cris, pleurs & lamentations, cõme si c'eust esté leur naturel pais, & non terre d'ennemis, dont ilz se fussent partis

C & ce tant pour la faulte & necessité qu'ilz auoient de toutes choses necessaires à la uie de l'hõme, que pour le regret qu'ilz sentoient d'abandoner leurs parēts & amis blecez ou malades, qui ne pouuoïēt suyure la troupe, & aussi pource qu'ilz attendoiēt encore pis que ce qu'ilz uoyoiēt present deuant leurs yeux. Mais de toutes les choses pitoyables à ueoir qui fussent en ce camp là, encore n'y en auoit il point de si miserable, ne qui feïst tant de compassion, que la personne propre de Nicias, lequel estāt affligé de sa maladie, maigre & desfait, estoit encore indignemēt reduit à extreme disette de tous refreschissemens necessaires au corps de l'homme, lors qu'il en auoit plus de besoing, à cause de l'indispositiõ de sa personne: & neantmoins tout malade qu'il estoit, encore

D faïsoit & supportoit il beaucoup de choses que les bien sains trauaillent beaucoup à faire & à endurer, donnant euidentement à cognoistre à un chascū, que ce n'estoit pas tant pour son regard ne pour enuie qu'il eust de sauuer sa personne, qu'il supportoit tous ses trauaux, que pour le regard & pour l'amour d'eulx qu'il n'abandonnoit encore point l'esperance. Car là ou les autres se mettoient à plorer & à lamenter, de peur & de douleur qu'ilz auoient, luy si d'aduenture il estoit aucunefois contrainēt de ce faire, monstroït que c'estoit pour la consideration qui luy uenoit en l'entendement du deshonneur & de la honte ou estoit ressorty ce uoyage, au lieu de l'honneur & de la gloire qu'ilz esperoient en rapporter: mais si le ueoir en telle misere incitoit les regardans à

E pitié, encore y estoit on plus emeu quād on uenoit à rememorer ce qu'il auoit tousiours dit & presché en ses harengues pour rompre ce uoyage, & destourner le peuple de ceste entreprise: car alors iugeoit on plus asseurement qu'il ne meritoit pas tant de maulx. Mais quand & quand cela leur faïsoit encore perdre toute esperance de l'aide des Dieux, quand ilz uenoient à discourir en eulx mesmes qu'un personnage si deuot, qui iamais n'auoit rien espargné qui feïst à l'hõneur & au seruice des Dieux, ne trouuoit la fortune de rien meilleure ne plus douce en son endroit, que les plus meschans & plus uicieux hom-

mes qui fussent en toute l'armee. Ce neantmoins encore s'efforceoit il par bon uisage, par une parole ferme, & par caresses qu'il faisoit à tout le monde, de donner à cognoistre qu'il ne tumboit point soubz le faix, ny ne se rédoit point au malheur: & tout le long du chemin l'espace de huit iours durant, quoy qu'il fust à toute heure continuellement chargé, harasse & blecé, il mainteint tousiours la troupe qu'il conduisoit en son entier, iusques à ce que Demosthenes avec tout ce qu'il menoit de gens de guerre, fut pris prisonnier en un uillage qui s'appelloit Polyxelios, ou il estoit demouré derriere, & auoit esté enucloppé par les ennemis en combattant, & quand il se ueit enucloppé il desgainna son espee, & s'en donna luy mesme dedans le corps: mais il n'en mourut pas pourtant, à cause qu'il fut incontinent enuironné des ennemis, qui le saisirent au corps. Les Syracusains coururent aussi tost apres Nicias, qui luy en porterét la nouuelle: & pource qu'il ne les en croyoit pas, il y enuoya quelques uns de ses gens de cheual, qui luy rapportèrent que ueritablement toute celle partie de leur armee estoit prise: parquoy il requit adonc à Gylippus, qu'ilz uoulussent entendre à quelque appointment, comme de laisser aller les Atheniens à sauueré hors de la Sicile, en prenant d'eulx telz ostages qu'ilz uoudroiet, pour la seureté du remboursement de tous les deniers que les Syracusains auroient despédus en ceste guerre, qu'il leur promettoit faire payer. A quoy les Syracusains ne uoulurent point entendre, ains usans de fieres menasses en courroux, & luy disans uillanie, le rechargerent plus asprement que iamais, estant ia destitué de toute sorte de uiures, & neantmoins encore sousteint il toute celle nuit, & marcha tout le iour ensuyuant quoy qu'il fust continuellemét chargé de loing à coups de traict, iusques à ce qu'il arriua à la riuere de Asinarus, dedans laquelle les ennemis poulserent à force une partie de ses gés, & les autres mourans de soif s'y ietterent d'eulx mesmes pour cuider boire, & là fut le plus grand & le plus cruel meurtre de ces pauures gens, qui en beuant estoiet tuez, iusques à ce que Nicias se iettant aux piedz de Gylippus, luy dit: Puis que les Dieux uous ont donné la uictoire, aiez pitié, non ia de moy, qui par ces calamitez ay acquis gloire & renom immortel, mais de ces autres Atheniens: en uous ramenans en memoire que les fortunes de la guerre sont communes, & que les Atheniens en ont usé doucement & modereemét enuers uous, toutes & quantes fois que la fortune leur a esté fauorable à l'encôtre de uous. Gylippus oyant ces paroles de Nicias, & quād & quād le regardât au uisage, en eut pitié, pource qu'il sçauoit bien qu'il auoit fauorisé aux Lacedæmoniens, au dernier appointment, & si estimoit que ce luy seroit une grande gloire s'il emmenoit prisonniers les deux capitaines de ses ennemis, pourtant receut il à mercy Nicias, & le reconforta, commandant au reste que lon prist aussi les autres prisonniers: mais son commandement fut tard entendu de chascun, tellement qu'il y en eut beaucoup plus de tuez que de pris, combien que les particuliers soudards en sauuerét plusieurs à la desrobee. Au demourant, aias assemblé en une troupe ceulx qui publiquement furent pris, ilz les despouillerent de leurs armes, desquelles ilz accoustrerét en guise de trophées les plus beaux arbres qui fussent au long de la riuere. Puis se mettrons des chapeaux de triumphe sur leurs testes, & aians paré leurs cheuaux triumpamment, & au contraire tondu ceulx de leurs ennemis, s'en retournerent uictorieux en la uille de Syracuse, estās uenus au dessus de la plus fameuse guerre que les Grecs eussent point encore eüe les uns contre les autres, & en aians rapporté la plus

A parfaite & plus accomplie uictoire qui scauroit estre, & ce par uiue force de uertu, de prouesse & de uailance. Si fut à leur retour tenue une assemblee des Syracusains & de leurs alliez, en laquelle l'un des orateurs & entremetteurs du gouuernemēt, meit en auāt premieremēt que la iournée, en laquelle ilz auoient pris Nicias fust de lors en auant festee solennellement à iamais, sans qu'il fust loysible d'y faire autre œuure, que sacrifier aux Dieux, & que la feste fust appelée Asinarie du nom de la riuere, sur laquelle auoit esté la desfaitte. ce iour fut le uingt & sixieme du mois de Iuillet. Et quant aux prisonniers, que les alliez des Atheniens, & leurs ualets, fussent publiquemēt uenduz à lencan: mais que les naturelz Atheniens de condition libre, & leurs confederez du pais de la Sicile, fussent retenus captifz dedans les prisons des quarrieres, exceptez les capitaines que lon feroit mourir. Les Syracusains approuerēt ceste sentence: & comme le capitaine Hermocrates leur cuidast remōstrer, que l'user humainement de leur uictoire, leur seroit plus honorable que la uictoire mesme, il fut rabroué fort tumultueusement: mais, qui plus est, comme Gylippus leur demanda les capitaines pour les mener uifz aux Lacedæmoniens, non seulement il en fut refusé, ains en fut par eulx uillainement iniurié, tāt ilz estoient ia deuenus fiers en leur prosperité, avec ce que durant la guerre mesme ils estoient faschez de luy, ne pouuans supporter son austerité & sa seuerité de commander à la Laconienne: encōre dit Timæus d'auantage, qu'ilz l'accusoient d'auarice & de larcin qui luy estoit un uice hereditaire. Pour ce Cleandrides son pere aiant esté attainct & conuaincu de cōcussion, en auoit esté banny de Sparte, & luy mesme depuis aiant soubstraict * trente talents de mille, que Lyfander enuoyoit par luy à Sparte, & les aiant cachez dessoubz la couuerture de sa maison, en fut descouuert, & contrainct de s'en fouir fort ignominieusement en exil, comme nous l'auons plus amplement declaré en la uie de Lyfander. Si escrit Timæus, que Nicias & Demosthenes ne furent pas lapidez par les Syracusains, comme disent Thucydides & Philistus, ains qu'ilz se desfeirent eulx mesmes pour l'aduertissement que leur enuoya faire Hermocrates, auant que l'assemblee du peuple fust rompue, par un de ses gens, que les gardes laisserent entrer en la prison: mais que les corps en furent bien iettez & exposez, à qui les uolunt ueoir, à l'entrée de la geole. I'entends que iusques auioirdhuy en un temple de Syracuse on monstre un bouclier, que lon dit estre celuy de Nicias, couuert par dessus d'or & de pourpre fort iolyemēt tissus & meslez ensemble: & quant au reste des prisonniers Atheniens, la plus part mourut de maladie & de mauuais traitemēt dedans ceste geole des quarrieres, ou ilz n'auoient pour leur uiure que enuiron deux escuelles d'orge, & une d'eau par iour: uray est qu'il y en eut beaucoup de desrobez, qui furent uendus comme esclaves, & beaucoup aussi que lon ne cogneut pas, qui eschapperēt pour ualets, & furent aussi uendus pour serfz: mais à ceulx là on leur imprima sur le front la figure & marque d'un cheual, & s'en trouua qui oultre la seruitude endurerēt encōre ceste peine là, aux quelz leur humble patience & honesteté fut profitable: car ou ilz furent en peu de temps affranchiz, ou s'ilz demourerent serfz, furent aimez & bien traitez de leurs maistres. Il y en eut mesme quelques uns que lon sauua pour l'amour d'Euripides: car les Siciliens ont plus aimé la poësie de ce poëte que nulz autres Grecs du cuer de la Grece, de sorte que quand il en uenoit quelques uns qui en apportoit des monstres & des eschantillons seulement, ilz prenoient plaisir à les apprendre par cuer, & se les entredonnoient

* Dix huit mille escus de six cens mille.

les uns aux autres à grande ioye. Au moien dequoy, lon dit que plusieurs de F
ceulx qui peurent eschapper de celle captiuité & retourner à Athenes, alloient
saluer & remercier affectueusement Euripides, luy comptans les uns comme
ilz auoient esté deliurez de seruitude pour auoir enseigné ce qu'ilz auoient re-
tenu en memoire de ses œuures, les autres comme apres la bataille festâs sau-
uez de uistesse en allant uagabonds ça & là parmy les champs, ilz auoient trou-
ué qui leur donnoit à boire & à manger pour chanter de ses carmes: dequoy il
ne se fault pas esbahir, attédu que lon compte qu'il y eut une fois quelque na-
uire de la uille de Caunus, laquelle estant chassée & pourfuyue par des fustes
de courfaires, se cuida sauuer dedâs leurs ports, & que du commencement ilz
ne uolurent pas la laisser entrer, ains la rechasserent: mais que puis apres ilz G
demanderent à ceulx qui estoient dedans s'ilz sçauoient point quelques châ-
sons d'Euripides: ilz respondirent que ouy, & adonc ilz leur permirent d'en-
trer, & les receurent. La nouuelle de ceste miserable desconfiture ne fut pas
creuë de prime face quâd elle fut entendue à Athenes: car ce fut un estranger,
lequel estant descendu au port de Piree s'alla seoir & reposer comme lon fait
en la boutrique d'un barbier, & pësant que ce fust chose ia toute notoire & co-
gneue à Athenes, se prit à en deuifer. Le barbier luy aiant ouy compter, deuant
que d'autres la peussent aussi entendre, s'en courut tant qu'il peut en la uille, &
s'adressant aux magistrats & gouuerneurs sema ceste nouuelle par toute la
place. Les officiers sur l'heure mesme feirēt signifier une assemblee de uille, là H
ou ilz menerent le barbier, lequel interrogué de qui il tenoit ceste nouuelle,
ne sceut iamais rien dire de clair ny de certain, de maniere qu'il fut tenu pour
un forger de nouuelles, q mettoit pour neât en trouble & en frayeur la uille:
si fut attaché & lié à la rouë ou lon gehennoit les criminelz, & y fut tourmen-
té longuement, iusques à ce qu'il arriua des gens qui en apporterent certai-
nes nouuelles & compterent par le menu comment tout le malheur estoit ad-
uenue. Ainsi ne cuida lon iamais croire qu'il fust aduenue à Nicias, ce que luy
mesme auoit souuentefois predict qui luy aduiendroit.

Marcus Craffus.



Arcus Craffus estoit filz d'un pere qui auoit esté Cen-
seur & auoit eu l'honneur du triumphe: mais il fut
nourry en une petite maison avec deux autres siens
freres, qui tous deux furent mariez du uiuant mesme
de leurs pere & mere, & mangeoient tous ensemble à
une mesme table, ce qui semble auoir esté cause prin-
cipale, pour laquelle en son uiure ordinaire il fut
homme reglé & bien ordonné, & estant l'un de ces K
deux freres decedé, il espousa sa femme de laquelle
il eut des enfans: car quant aux femmes il a toute sa uie esté autant reformé
que nul autre Romain de son temps, combien que depuis estant sur son aage,
il fut accusé d'auoir eu affaire avec une des religieuses de la deesse Vesta nom-
mee Licinia, & fut le delateur qui en accusa Licinia un nommé Plotinus: mais
la cause pour laquelle elle en fut soupçonnée fut, qu'elle auoit un beau iar-
din & lieu de plaissance, ioignant les faubourgs de la uille, que Craffus desi-
roit

A roita uoir à bon marché, & pour ceste occasion estoit tousiours apres à faire la court à ceste femme; ce qui le feit tumber en ceste suspicion: ainsi aiant semblé aux iuges que ce n'estoit qu'auarice qui luy faisoit faire, il fut absoulz à pur & à plein de l'inceste dont il estoit accusé, & ne laissa iamais en paix la religieuse qu'il n'eust eü sa possession. Ainsi disent les Romains, qu'il n'y auoit que ce seul vice d'auarice en Crassus, laquelle offusquoit plusieurs belles uertus qui estoient en luy: mais quant à moy, il me semble que ce vice n'y estoit pas seul, mais que y estant le plus fort, il cacheoit & effaçoit les autres. Or pour montrer la grande conuoirise d'auoir qui le dominoit, on allegue deux principaux argumens, l'un est la maniere & le moien dont il usa pour acquerir, & B l'autre la grandeur de ses biens: car à son commencement il ne pouuoit pas auoir uailant plus de * trois cents talents. Et durant le temps qu'il s'entremit des affaires de la chose publique, il offrit à Hercules la dixme de tous ses biens entierement, & feit un festin public à tout le peuple Romain, & si donna à chaque citoien Romain autant de bled qu'il luy en falloir pour uiure trois mois, & neantmoins quand il partit pour aller faire la guerre aux Parthes, luy mesme uoulant sçauoir combien montoit tout son auoir, trouua qu'il arriuoit à la somme* sept mille cent talents: mais si est loysible de dire iniure en escriuant la uerité, ie dis qu'il amassa la plus part de celle grande richesse du feu & du sang, faisant des calamitez publiques son plus grand reuenue. Car Sylla C aiant pris la uille de Rome uendit publiquement au plus offrant les biens de ceulx qu'il faisoit mourir, les reputant & appellant son butin, uolant que plusieurs des plus grands & plus puissans de la uille fussent entachez de ce peché comme luy, & en ceste subhastation Crassus ne se laissa onques de prendre en don, ny d'achepter de luy. D'auantage uoiant que les plus ordinaires & plus coustumieres pestes des edifices de Rome estoient le feu & les ruines des maisons; pour la pesanteur & la multitude des estages bastis l'un sur l'autre, il acheptoit des serfs qui estoient massons, charpentiers, architectes, & en auoit bien iusques au nombre de cinq cents, puis quand le feu d'aduenture se mettoit en quelque maison, il uenoit achepter la maison mesme qui brusloit, & D celles qui estoient aupres, que les proprietaires luy abandonnoient à bien uil pris pour le danger euidant qu'ilz y uoyent, tellement que par succession de temps une grande partie des maisons de la uille de Rome ueint & estre à luy: mais combien qu'il eust tant d'esclaves ouuriers de bastir, si ne edifia il iamais que la maison seule ou il se tenoit, disant que ceulx qui aimoiēt à bastir se destruisoient & desfaisoient eulx mesmes, sans que personne les combattist: & combien qu'il eust plusieurs mines d'argent, beaucoup de bones terres labouables, & grand nombre de gens qui les labouroiēt, toutefois cela n'estoit encore rien au pris de ce que luy ualoient ses esclaves & ses serfs, tant il en auoit grand nombre, & de si excellens, comme des lecteurs, des escriuains, orfeures, E argentiers, receueurs, maistres d'hostel, escuyers trenchans, & autres telz officiers de table, prenant bien la peine de leur assister quand ilz apprenoiēt, voire de les dresser & enseigner luy mesme, & brief estimant que le plus grand soing que doibue auoir un maistre bon mesnager, soit de bien faire instruire ses esclaves, comme estans les utilz & instruments uifz du mesnage. En quoy il n'auoit pas mauuaise opinion, au moins s'il le pensoit ainsi comme il le disoit, qu'il fault administrer & manier toute autre chose par ses seruiteurs, & ses seruiteurs par soy mesme: car nous uoyons q' l'art du mesnage, entant qu'elle

* Cent quatre
vingts
mille escus.

* Quatre
milliōs deux
cents soixante
mille escus.

Marcus Crassus.

concerne le gouuernement des choses qui n'ont point de uie ou de raison, est basse, tendant au gaing seulement: mais en tant qu'elle cōcerne le gouuernement des hommes, elle tient ne sçay quoy de la science politique qui est de sçauoir bien regir une chose publique: mais comme il auoit bonne opinion en cela; aussi l'auoit il mauuaise en cecy, qu'il n'estimoit ny n'appelloit point homme riche celuy, qui ne pouuoit de son bien soudoyer & entretenir une armee, pource que la guerre, ainsi que souloit dire le Roy Archidamus, ne se faict point avec un pris arresté de despée: au moien dequoy il fault aussi que la richesse suffisante pour la soustenir, ne soit point limitee. Et en cela il estoit bien esloigné de l'opinion de Marius, lequel aiant distribué à chascun pour teste quatorze arpens de terre, entendant qu'il y en auoit aucuns qui ne s'en cōtentoient pas & en demandoient d'auantage, il leur feit response, la dieu ne plaise qu'il y ait Romain qui estime peu de terre, ce qui est suffisant pour le nourrir. Toutefois encore estoit Crassus honeste enuers les estrangers: car sa maison estoit ouuerte à tous, & si prestoit de l'argét à ses amis sans leur en demander profit: mais aussi tost que le terme qu'il leur auoit prefix estoit passé, il le redemandoit precisement & rigoureusement, de sorte que sa gratuité estoit bien souuent plus fascheuse, que si l'en eust demandé beaucoup d'usure. Il est uray que sa table, quand il conuioit quelqu'un à manger chez luy, estoit assez simple, & cōmune en traitement, sans superfluité quelcōque: mais la netteré dont il estoit seruy, & le bon recueil qu'il faisoit aux personnes, estoit plus agreable que si l'en eust esté plus opulently & plāturement seruy. Quant à l'estude des lettres il s'exercita principalement à l'eloquence, mesmement à celle qui est utile pour parler en public, de sorte qu'il deuint un des mieux disans qui fust à Rome de son temps, surmontant par soing, labeur & diligence ceulx qui de nature y auoient plus d'apritude que luy: car lon dit qu'il n'eut iamais si petite ne si legere cause en main, qu'il n'y uint tousiours préparé & aiant estudié pour la plaider: & bien souuent que Pompeius ou Cesar, & Ciceron mesme faignoient & doubtoient de se leuer pour parler, luy ne faillloit iamais d'acheuer de defendre quelque matiere que ce fust, si l'en estoit requis: à l'occasion dequoy il en estoit plus uniuersellement agreable, comme personnage seruiable, soigneux de faire plaisir, & secourable. Aussi estoit sa courtoisie fort agreable en ce qu'il saluoit, caressoit, & embrassoit gracieusement tout le monde: car il ne rencontroit pas un hōme qui le saluast en allant par la uille, tant fust il petit & de basse cōdition, qu'il ne le resaluast par son nom. On dit aussi qu'il estoit fort uersé es histoires, & si estudia un petit en la philosophie, mesmemēt en celle d'Aristote, que luy lisoit un Alexander, homme qui monstra bien qu'il estoit de douce & facile nature par la frequentation qu'il eut avec Crassus: car il seroit mal aisé de dire si l'estoit plus pauvre quand il commença à le hanter, qu'apres qu'il l'eut bien longuement hanté. C'estoit celuy de tous ses amis, sans lequel il n'alloit iamais sur les chāps: & quand il y alloit, il luy prestoit un chappeau pour s'en couvrir par le chemin, mais aussi tost qu'ilz estoient de retour, il le luy redemandoit. O grande patience d'homme: ueu mesmement que la philosophie dont il faisoit profession, le pauvre souffrant ne mettoit point la pauureté entre les choses indifferētes: mais quant à cela, nous en parlerons cy apres. Estans donques Cinna & Marius les plus forts, & reprenans leur chemin deuers la uille de Rome, chascun se doubra bien incontinent, qu'ilz n'y uenoient pour bien quelcōque de la chose publique,

A que, ains euidemment à la mort & ruine des plus gens de bien qui fussent en la uille, comme aussi y furent tuez tous ceulx qui y furent trouuez, entre lesquels estoit le pere & le frere de Crassus, & luy qui estoit encore lors fort ieune, se sauua du danger present de leur arriuee. Mais au reste, sentant qu'ilz auoient des gens au guet de toutes parts pour le surprendre, & que les tyrans le faisoient chercher par tout, il prit pour l'accompagner trois de ses amis, & dix seruiteurs seulement, avec lesquels il s'enfouit, à la plus extreme diligence qui luy fut possible, en Hespaigne, là ou il auoit autrefois esté avec son pere, lors qu'il la gouuernoit comme Præteur, & y auoit acquis des amis: toutefois y trouuât tout le monde effroyé, & redoubtant la cruauté de Marius, comme

B fil eust esté à leurs portes, il ne s'osa descouurir à personne: ains se icitta aux champs, & s'alla cacher dedans une grande cauerne, qui estoit au long de la mer, en une possession d'un nommé Vibius Paciacus, & enuoya l'un de ses seruiteurs deuers ce Vibius, pour sonder quelle uoulunté il auroit enuers luy, avec ce que les uiures commençoient desia à luy faillir: Vibius entendant comme il festoit sauué, en fut bien aise, & festant informé du nombre des personnes qu'il auoit avec luy, & du lieu ou il festoit retiré, il ne l'alla pas uoir luy mesme, ains appella un sié esclau son receueur qui luy gouuernoit ceste terre, & le menant aupres, luy commanda qu'il eust à apprester tous les iours à soupper, & le porter tout cuit aupres du rocher, soubz lequel estoit la cauerne,

C sans mot dire, ny curieusement enquerir ny chercher que c'estoit, autrement qu'il le feroit mourir: mais que là ou il feroit fidelemēt ce qu'il luy ordonoit, il luy promettrait liberté. Or est ceste cauerne le long de la coste non gueres loing de la mer, & y a deux rochers, qui uenans à se ioinde & à la couurir par dessus, reçoient au dedans un peu de uent doux & gracieux, & trouue lon quād on y est entré une haulteur merueilleuse, & en la largeur du dedans plusieurs caueaux qui entrent l'un dedans l'autre de grande capacité, & si n'y a point faulte de lumiere ny d'eau: car il y a une fontaine de fort bonne eau, qui coule au long du rocher, & les naturelles fendasses de la roche, mesmement à l'endroit ou les rochers se uienent à ioinde, receuans la clarté du dehors, la transmettent au dedans, de maniere que de iour il y fait clair, & si n'y degoutte point d'eau, ains y est l'air pur & sec à cause de l'espeisseur de la roche, laquelle enuoye toute l'humidité qu'elle rend en la fontaine courâte. Se tenant dōques Crassus en ce lieu là, le receueur de Vibius luy portoit tous les iours ce qui luy faisoit besoing pour son uiure, ne uoiant point ceulx à qui il le portoit ny ne les cognoissant nullement. Et au contraire estant bien ueu d'eulx qui sçauoient & obseruoient l'heure, à laquelle il auoit accoustumé de uenir apporter leur prouision, si ne leur apprestoient pas seulement autāt à manger qu'il leur en falloit necessairement pour uiure, ains plantureusement pour faire bonne chere, pource que Vibius festoit deliberé de faire tout le meilleur traitement qui luy seroit possible à Crassus, iusques à s'aduiser qu'il estoit fort ieune, & qu'il luy falloit donner quelque moien de prēdre les plaisirs que requeroit son âge, pource que de luy fournir & subministrer ses necessitez seulement, luy sembloit office & traittemēt d'homme qui le secouroit plustost par contrainte que de bonne affection. Si prit deux belles ieunes garces qu'il mena quand & luy sur ce riuage de la mer, & quand il fut pres de la cauerne, leur monstra par ou il falloit monter, & leur dit qu'elles y entraissent hardiment. Crassus de prime face, quād il apperceut ces garces eut peur d'estre des-

Marcus Crassus.

couuett, si leur demanda qui elles estoient, & qu'elles alloient cherchant: elles F
qui auoient esté embouchees par Vibius, responderent qu'elles cherchoient
leur maistre, lequel estoit caché là dedans. Adonc cogneut bien Crassus, que
c'estoit un ieu de Vibius qui luy uoit de certe courtoisie, si les fait entrer, & les
y reuint avec luy tant comme il y fut, faisant par elles entendre à Vibius ce qu'il
uouloit. Fenestella escrit qu'il en auoit ueu l'une q estoit desia uieille, & qu'il
luy auoit souuentefois ouy raconter cela de grande affection. Finablement
Crassus apres auoir demouré huit mois ainsi caché dedans celle cauerne, sou-
dain qu'il entendit la mort de Cinna, en sortit: & si tost qu'il se fut donné à
cognoistre, il accourut bon nombre de gens de guerre à l'entour de luy, dont
il en choisit deux mille cinq cents, avec lesquels il passa par plusieurs uilles, G
& en saccagea une nommee Malaca, ainsi que plusieurs escriuent, mais luy
le nioit, & contestoit fort & ferme à l'encontre de ceulx qui le disoient. De-
puis aiant fait prouisiō de uaisseaux, il passa en Afrique deuers Metellus Pius,
homme de grande reputation, & qui auoit ia assemblé une assez grosse armee,
mais il n'y demoura pas long temps, ains estāt entré en quelque different avec
luy, se retira deuers Sylla, qui le receut & luy fait autant d'honneur qu'à nul
autre qui fust autour de luy. Mais Sylla depuis qu'il fut repassé en Italie, uou-
lant employer tous les ieunes hommes de bonne maison qu'il auoit en sa cō-
pagnie, donna diuerses charges aux uns & aux autres, & enuoya Crassus en
la contree des Marses pour y leuer des gens de guerre. Crassus luy demāda des H
gardes, à cause qu'il luy falloir passer par aupres de quelques places que les en-
nemis tenoient. Sylla luy respondit en cholere, & avec un accēt de courroux,
Iete donne pour gardes ton pere, ton frere, tes parēts & amis, qui ont esté mes-
chamment & malheureusement tuez, dont ie poursuis à main armee la uen-
geance sur les meurtriers qui les ont occis. Crassus se sentant attrainct au uif, &
picqué de ceste parole, se partit incontinent, & passant hardimēt à trauers les
ennemis, assembla bone troupe de gens, & tousiours depuis se monstra prōpt
à Sylla, & affectionné en tous ses affaires. Et de là dit on que commença pre-
mierement l'estrif & la ialouzie d'honneur qui estoit entre luy & Pompeius,
lequel estant plus ieune que luy, & né d'un pere malnommé dedans Rome, & I
que le peuple auoit haï autant qu'il fait onques homme, neantmoins deuint
incontinent par sa uertu, & se fait grand par les belles choses qu'il fait adonc:
tellement que Sylla luy faisoit des honneurs, qu'il faisoit bien peu souuēt aux
plus uieux & à ceulx qui estoient egaux à luy, comme de se leuer au deuant de
luy quand il arriuoit, descourir sa teste, l'appeller capitaine: ce qui aguisoit
& enflammoit fort Crassus, encore que lon ne luy feist point de tort de prefe-
rer Pompeius à luy, à cause qu'il n'auoit point encore lors d'experience de la
guerre: & aussi que ces deux uices qui estoient nez avec luy, la chicheté & l'a-
uarice gastoient tout ce qu'il y auoit de beau & de bon en ses faicts: car au
fac de la uille de Tuderia qu'il prit, il destourna la pluspart du butin qu'il fer- K
ra pour luy, dont il fut accusé enuers Sylla. Toutefois en la derniere bataille
de toute ceste guerre ciuile, qui fut la plus grande & la plus dāgereuse de tou-
tes, deuant Rome mesme, la poincte ou estoit Sylla fut repoulee & desfaite:
mais Crassus qui conduisoit la poincte droite uainquit & chassa les ennemis
iusques à bien auant en la nuit, & enuoya deuers Sylla luy porter nouuelles
de sa uictoire, & luy demander des uiures pour ses gens. A l'opposite aussi en-
courut il grande infamie es confiscations & subhastations des biens de ceulx
qui

A qui estoient proscribeds, acheptant de grandes richesses à bien petit pris, ou les demandant en don. Encore dit on qu'au païs des Brutiens il en cōfiska un de sa propre autorité que Sylla n'auoit point commandé, pour auoir ses biens: dequoy Sylla aiant esté aduersty, ne se uoulut onques puis seruir de luy, en aucun affaire publique. Si est bien estrange chose, que cōbien qu'il fust un tres-grand flatteur pour se couler en la bonne grace de quiconque il uouloit, il estoit neantmoins aisé à prendre luy mesme, & à se laisser gagner à quiconque l'eust entrepris par artifice de flatterie: & dit on qu'il auoit encore cela de propre & particulier en luy, que combien qu'il fust le plus auaricieux homme du monde, il blasmoit & haïsoit neantmoins le plus asprement qu'il est possible ceulx qui le ressembloient. Mais la gloire que Pompeius alloit tous les iours acquerant es charges de la guerre luy faschoient fort, & ce qu'il eut l'honneur du Triumphe auant que d'estre Senateur, & que les Romains l'appelloient communement Pompeius Magnus, c'est à dire le grand: car comme un iour en sa presence quelqu'un uoiât uenir Pompeius dist, uoicy Pompeius le grād, Crassus en se mocquant luy demanda, Et combien a il de hault? toutefois n'esperant pas se pouuoir egaler à luy en faicts d'armes, il se donna aux affaires de uille, & par diligence & assiduité d'aduocasser, defendre en iugement les accusez, prester argent à ceulx qui en auoient affaire, assister & fauoriser à ceulx qui briguoient quelque office ou demandoient quelque autre chose au peuple, il acquit à la fin autorité & reputation pareille à celle que Pompeius auoit acquise par plusieurs grands exploits d'armes, & leur aduenoit une chose peculiere à eulx deux: car la renommee & la puissance de Pompeius estoit plus grande à Rome lors qu'il en estoit absent, & au cōtraire, quād il estoit present, Crassus l'emportoit bien souuent par dessus luy, à cause d'une certaine grauité & grandeur qu'il maintenoit en sa maniere de uiure, fuyant l'estre souuent ueu du peuple, & se gardāt de hanter es lieux publiques, & s'entremettant de parler pour bien peu de gens, & encore mal uoluntiers, à fin de garder sa faueur & son credit tout entier pour l'employer pour soy mesme, quand il en auoit besoing, là ou au cōtraire l'assiduité de Crassus estoit utile à plusieurs, pource qu'il estoit ordinairement en la place & donnoit facile acces à tous ceulx qui se uouloient aider de luy, estant continuellement en l'exercice de telz offices, s'ingerant de faire plaisir à tout le monde, tellement que par celle priuaulté & facilité il uenoit à surmonter en grace la grauité & maïesté de Pompeius. Mais quāt à la dignité de la personne, au beau parler, & à la grace du uisage, tout cela estoit, à ce que lon dit, egal en tous deux: toutefois ceste ialouzie ne transporta iamais Crassus, iusques à une malueillance & inimitié ouuerte: car il estoit bien marry de ueoir honorer Pompeius & Cæsar plus que luy, mais ceste ambitieuse passion ne fut iamais en luy accompagnée d'une rancune ny d'une malignité de nature, combien que Cæsar aiant une fois esté surpris par les coursaïres en Asie, & estāt par eulx detenu prisonnier s'escria tout hault: O quel plaisir tu auras, Crassus, quand tu entendras ma prison! Ce nonobstant ilz furent depuis cela bons amis, comme il appert par ce que Cæsar estant une fois prest à partir pour s'en aller Præteur en Hespagne, ses creanciers le uindrent tous à un coup assaillir, & pource qu'il n'auoit pas dequoy leur satisfaire, arresterent tout son equippage: mais Crassus ne l'abandonna point à ce besoing, ains le deliura en respondant pour luy de la somme de * huit cents trente talents. Brief estant la uille de Rome diuisee en trois li-

* Quatre cents quatre uingts dix-huit mille escus.

Marcus Crassus.

gues, celle de Pompeius, celle de Cæsar, & celle de Crassus : car quant à Caton F
sa reputation, & l'estime que lon auoit de sa preudhômie, estoit plus grâde que
son credit ny sa reputatiô, & estoit sa uertu plus admirée que suyuiue. Les plus
graues & les plus rassis se rengoient du costé de Pompeius : mais les plus uo-
lages & plus prompts à entreprendre toutes choses temerairement, suyuoient
les esperances de Cæsar. Crassus nageant au milieu, se seruoit de tous les deux,
& changeant souuent de party en l'administration de la chose publique, n'e-
stait ny constant amy, ny dangereux & mortel ennemy, ains se departoit ai-
sement & d'amitié & d'inimitié, là ou il uoyoit son profit, de sorte que bien
souuent on le uoyoit en petite distance de temps louer & blâmer, defendre &
accuser de mesmes loix & de mesmes hommes : & procedoit autant son credit G
de la crainte que lon auoit de luy, que de bonne affection qu'on luy portast,
côme on le peult iuger, par ce qu'un Sicinnius qui trauailla fort tous les gou-
uerneurs & entremetteurs des affaires de la chose publique en son temps, re-
spondit quelque fois à un qui luy demâdoit, pourquoy il ne s'attachoit point
à Crassus, ains le laissoit en paix, ueu qu'il harassoit tous les autres : pource, dit
il, qu'il a du foin à la corne. car la coustume estoit à Rome quand il y auoit un
bœuf subiect à frapper de la corne, qu'on luy entortilloit du foin à l'entour, à
fin que lon s'en donnast de garde. Au demourant, le soubleuement des gla-
diateurs que quelques uns appellēt la guerre de Spartacus, & les courses & pil-
leries qu'ilz feirent par l'Italie, prit son commencement par une telle occasion. H
Il y auoit en la uille de Capoue un nômé Létulus Batiatus, qui faisoit mestier
de nourrir & entretenir grâd nôbre de ces escrimeurs à oultrance, que les Ro-
mains appellēt gladiateurs, dôt la plus part estoit de Gaulois & de Thraciens,
lesquelz estoient detenus enfermez non pour aucune forfaiture qu'ilz eussent
cômise, ains seulement pour l'iniquité de leur maistre qui les auoit acheptez, &
les contraignoit par force de combattre les uns cōtre les autres à oultrance : si
y en eut deux cents qui delibererent entre eulx de s'enfouir, mais leur conspi-
ration aiant esté descouuerte auant que leur maistre y donnast ordre, il y en
eut soixante & dix huit qui allerent en une rostisserie, ou ilz saisirent des bro-
ches, des coupperets & cousteaux de cuisine, & se ietterent hors de la uille. I
tout : par le chemin ilz rencontrerent d'aduenture des chariots chargez d'ar-
mes dont ont accoustumé de combattre les gladiateurs, que lon portoit de
Capoue en quelque autre uille, ilz les pillerent à force & s'en armerent, puis
occuperēt un lieu fort d'assiette, & eleurent d'entre eulx trois capitaines, dont
le premier fut Spartacus hōme natif du païs de la Thrace de la nation de ceulx
qui uont errans avec leurs troupeaux de bestes par le païs, sans iamais s'arre-
ster fermes en un lieu. Il auoit non seulement le cuer grâd, & la force du corps
aussi : mais estoit en prudence & en douceur & bonté de nature meilleur que
ne portoit la fortune ou il estoit tumbé, & plus approchant de l'humanité &
du bon entendement des Grecs que ne font coustumierement ceulx de sa na- K
tion. Lon dit que la premiere fois qu'il fut amené pour uendre comme esclau
à Rome, ainsi qu'il dormoit, il apparut un serpent entortillé à l'entour de son
uisage : ce que uoiant sa femme, qui estoit de la mesme natiô que luy, mais de-
uineresse & inspiree de l'esprit prophetique de Bacchus, predict que ce signe
luy pronostiquoit qu'il paruiendroit quelque iour à une grande & redoubra-
ble puissance, laquelle se termineroit en heureuse issue. Ceste femme estoit
encore avec luy, & le suyuit quand il s'enfouit : si repoulsèrent premierement
quel-

A quelques gens qui sortirent de Capoue sur eulx pour les cuidoer reprendre, & leur aians osté leurs bastons & leurs armes de soudards, furent bié aises de les changer à ceulx de gladiateurs, qu'ilz ietterent, comme estans barbares & des-honestes. Depuis fut enuoyé contre eulx un autre Præteur Romain nommé Clodius, avec trois mille hommes, qui les assiegea dedans leur fort, lequel estoit une motte ou il n'y auoit qu'une bien aspre & estroite montee que Clodius gardoit, & le demourât tout à l'entour n'estoit que haults rochers, droits & coupez, & au dessus y auoit grande quantité de uigne sauuage, de laquelle les assiegez coupperent les plus longs & plus forts sermens, & en firent comme des eschelles de cordes, si roides & si longues, qu'estans attachez au hault elles touchoient iusques au bas de la pleine, & avec cela descendirent tous seurement, excepté un qui demoura au hault pour leur ietter leurs armes apres eulx, & quâd il les leur eut toutes iettees, il se sauua luy mesme aussi le dernier. Les Romains ne se doubtoient point de cela, au moien dequoy les assiegez aians enuironné le tour de la motte, les allerent assaillir par derriere, & les effroyerent si fort de ceste soudaine surprise, qu'ilz se meirēt tous à fouir, de maniere que leur camp fut pris. A dōc plusieurs bouuiers & bergers qui gardoiēt les bestes là au long, se ioignirent à ces fugitifz, tous hommes dispos de leurs personnes, & prompts à la main, dont ilz en armerent les uns, & se seruirent des autres comme d'auantcoureurs pour aller descourir. A l'occasiō dequoy fut despesché à Rome un autre capitaine, Publius Varinus, pour les aller des-faire, duquel ilz desfeirēt en bataille premieremēt un lieutenant q'auoit nom Frurius, avec deux mille hommes, & depuis encore en desfeirent un autre nommé Cossinius, que lon luy auoit baillé pour conseiller & pour compagnon, avec grosse puissance: car Spartacus aiant espié qu'il se baignoit en un lieu qui s'appelle Salines, faillit de bien peu à le surprendre, & eut ce capitaine beaucoup d'affaire à se sauuer de uistesse: mais au moins luy saisit Spartacus sur l'heure tout son bagage, & puis le poursuyuant chaudemēt à la trace, prit tout son camp entierement avec grande occision & meurtre de ses gens, entre lesquels y mourut Cossinius: & aiant semblablement battu en plusieurs rencontres le Præteur mesme en chef, & finablement luy aiant pris les sergēs qui portoiēt les haches deuât luy & son cheual propre, il estoit ia deuenu si puissant que chascun le redoubtoit, & neantmoins luy mesurant sagement ses forces, & ne s'attendât point qu'il peust uenir au dessus de la puissance des Romains, il achemina son armee deuers les Alpes, estant d'aduis que le meilleur seroit quand ilz auroient passé les monts que chascun se retirast en son pais, les uns en la Gaule, & les autres en la Thrace: mais ses gens se confians en leur multitude, & se promettant de grâdes choses, ne luy uouloient point en cela obeir, ains uouloient courir & piller toute l'Italie. Parquoy le Senat en estant en peine, non ia pour la honte ny pour l'indignité seulement que leurs gens fussent ainsi desfaicts par des esclauues soubleuez, ains pour la crainte & pour le danger ou en estoit toute l'Italie, y enuoya tous les deux Cōsuls ensemble, cōme à l'une des plus difficiles & plus perilleuses guerres qui leur eust peu aduenir. Gellius donques l'un des Consuls chargeant en surprise au desprouueu une troupe d'Allemās, qui par arrogance & mespris s'estoiēt separez & escartez du cāp de Spartacus, les meit tous à l'espee, & Lentulus son cōpagnon avec de grosses & puissantes armees enuirona de tous costez Spartacus, lequel s'approcha de ses lieutenās qui les cōduisoier, & leur dōna la bataille, ou ilz furēt

desfaits, & perdirét tout leur bagage entieremēt. Parquoy tirāt oultre son chemin deuers les Alpes, Cassius le Preteur, & gouuerneur de la Gaule d'alentour du Po, luy alla au deuāt avec une armee de dix mille combattans. Il y eut une grosse bataille, ou il fut desfait: & aiant perdu beaucoup de ses gens, à grande peine se peut il sauuer luy mesme de uistesse: ce que le Senat entédant fut fort malcontent des Consuls, & leur mandant qu'ilz ne se messassent plus de ceste guerre en donna toute la charge à Crassus, lequel fut suiuy en ce uoyage de plusieurs nobles ieunes hommes de bonne maison, tant pour sa reputation que pour la bonne affection qu'ilz luy portoient. Si alla Crassus planter son camp en la Romagne, pour attendre de pied ferme Spartacus, qui y addressoit son chemin. Et enuoya Mummius l'un de ses lieutenans avec deux legiōs faire un autre lōg circuit pour enuelopper l'ennemy par derriere, luy enioignāt de le suiure tousiours à la trace: mais sur tout, luy defendant bien expressement de le combattre ny escarmoucher aucunement: mais nonobstant toutes ces defences, incontinent que Mummius se ueit en esperance de pouuoir faire quelque chose, il luy donna la bataille, en laquelle il fut luy mesme desfait, & y perdit beaucoup de ses gens, & beaucoup y en eut qui se sauuerēt à la fuite, aians seulement perdu leurs armes: à raison dequoy Crassus se courroucea griefuemēt à luy, & recueuillant les fuyans, leur donna d'autres armes: mais il leur demāda pleges qui les cautionassent de les mieux garder à l'aduenir qu'ilz n'auoiēt fait les premieres, & de cinq cents qui auoiēt esté aux premiers reñcs & qui auoient les premiers commencé à fouir, il les departit en cinquante dixaines, de chascune desquelles il en feit mourir un, sur lequel le sort tomba, ramenāt en usage ceste ancienne façon Romaine de punir les lasches souldards, qui de long temps n'auoit esté pratquee: car c'est une maniere de mort qui porte avec foy grande ignominie, & se faisant publiquement deuant tout le camp, donne grande horreur & grande frayeur à ceulx qui uoyent faire ceste punition. Crassus donques aiant ainsi chastié ses gens, les mena droit contre Spartacus, lequel se retiroit tousiours arriere, tant que par le païs des Lucaniēs il arriua à la coste de la mer, là ou il trouua au destroit du Far de Messine quelques uaisseaux de coursaïres Ciliciens: si luy prit enuie de passer en la Sicile. Et y aiant ietté deux mille hommes, y resuscita encore la guerre des esclaves, qui ne faisoit gueres que d'y estre assopie, & y falloit bien peu d'emorche pour la rallumer: mais ces coursaïres luy aians promis de le seruir à son passage, & aians pris sur cela des presens de luy, le tromperent & s'en allerent au loing. Parquoy se tirant derechef arriere de la marine, il alla asseoir son camp dedās la demie isle des Regiens, là ou Crassus le uenant trouuer, & uoiant que la nature du lieu luy enseignoit ce qu'il auoit à faire, il se meit à uouloir fermer de muraille l'encouleure de ceste demie isle, tant pour garder ses gēs d'estre oisifz comme pour oster à ses ennemis le moien de recouurer uiures. C'estoit un ouurage long & difficile, mais neantmoins il le paracheua contre l'opinion de tout le monde, en bien peu de temps, & feit tirer une trenchee depuis un costé de la mer iusques à l'autre à trauers ceste encouleure qui duroit bien quinze lieues de long, & auoit ceste trenchee de largeur quinze pieds, & autant de profondeur: & audeça de la trenchee feit bastir une muraille haulte & forte à merueilles, dequoy Spartacus ne faisoit point de compte & s'en mocquoit du commencement: mais quand son pillage luy commēça à faillir, & que uoulant aller au loing pour recouurer uiures, il se trouua enfermē de celle muraille,

A le, & n'y aiant plus rien à prendre ny à manger en tout le pourpris de la demie
 isle, il espia une nuit fort rude qu'il negeoit & faisoit un fort grand uent, du-
 rant laquelle il feit combler un endroit de la trenchee non gueres large avec
 force terre, pierres & branches d'arbres, par ou il passa la tierce partie de son ar-
 mee. Si eut peur Crassus de prime face, qu'il ne prist à Spartacus une soudai-
 ne uolunté de tirer droit à Rome: mais il se rassura bien tost de ceste peur
 quand il sceut qu'il y auoit debat entre eulx, & qu'une grosse troupe s'estant
 mutinee contre Spartacus estoit allee camper à part sur un lac de la Lucanie,
 duquel on dit que l'eau se change par interualles de temps, & deuient douce,
 & puis apres si salee que l'on n'en peult boire. Crassus les allât charger, les chassa
 B bien de dessus le lac, mais il n'en peult pas tuer grand nombre, ny les poursui-
 ure gueres loing, pource que Spartacus y arriua soudainement avec son armee
 qui arresta sa poursuite. Or auoit parauant Crassus escrit au Senat, qu'il fal-
 loit r'appeller Lucullus de la Thrace, & Pompeius d'Espagne, dont il se re-
 pectoit alors, & se hastoit le plus qu'il pouuoit de mettre fin à ceste guerre pre-
 mier que ceulx là arriuasent, sachant bien que lon attribuerait toute la gloi-
 re de l'auoir acheuee à celuy d'eulx qui arriuerait, & luy uindroit au secours,
 non pas à luy: parquoy il se resolut d'assaillir premierement ceulx qui s'estoient
 mutinez, & qui s'estoient logez à part, desquelz estoient les capitaines un nom-
 mé Caius Cannicius, & un autre nommé Castus. Si enuoya deuant six mille
 C hommes de pied pour saisir une motte, leur enioignant de faire tout ce qu'ilz
 pourroient pour n'estre point apperceuz ny descouuers des ennemis, ce qu'ilz
 tascherent bien à faire, couurans leurs morriôs & armets le mieux qu'ilz pou-
 uoient: mais nonobstant ilz furent apperceuz par deux femmes qui faisoient
 quelques sacrifices à l'escart pour leurs ennemis, & furent en tresgrand danger
 d'estre tous perdus, n'eust esté que Crassus qui suruint tout à poinct à leur se-
 cours, donna aux ennemis la plus aspre bataille qui eust point encore esté don-
 nee en toute celle guerre: car il y fut occis douze mille trois cents hommes sur
 le cháp, desquelz il ne s'en trouua iamais que deux blecez par derriere, & tous
 les autres moururent en la place qui leur auoit esté ordonnee pour leur reng
 D en combattant uailamment. Apres ceste desfaitte Spartacus se retira vers les
 montagnes de Petelie, là ou Quintus l'un des lieutenans de Crassus, & Scrofa
 son tresorier le suiuirent en l'escarmouchant tousiours par le chemin sur la
 cueüe: mais à la fin un iour il tourna uisage tout à un coup, & mit les Romains
 qui le harassoient en rouverte, là ou le tresorier mesme fut griefuement blecé, &
 eut on beaucoup d'affaire à le sauuer. Cest auantage qu'ilz eurent alors sur les
 Romains, fut cause de la ruine finale de Spartacus, pource que les gens qui es-
 toient la plus part esclaves fugitifs, en monterent en si grand orgueil, & en pri-
 rent telle audace, qu'ilz ne uoulurent plus reculer à combattre, ny n'obeirent
 E plus à leurs capitaines, ains comme ilz estoient ia par chemin les environne-
 rent avec leurs armes, & leur dirent qu'il falloit, uoulussent ou non, qu'ilz re-
 tournassent tout court, & les remenassent par la Lucanie contre les Romains,
 qui estoit tout ce que Crassus demandoit, pource qu'il auoit nouuelles, que ia
 Pompeius approchoit, & y auoit plusieurs à Rome qui parloient & briguoiēt
 pour luy, disans que la uictoire finale de ceste guerre luy estoit deuë, & que si
 tost qu'il seroit arriué sur les lieux il la decideroit par une seule bataille. A ce-
 ste cause Crassus cherchant à combattre, & se logeant le plus pres qu'il pou-
 uoit des ennemis, faisoit un iour tirer une trenchee, laquelle les fugitifs uou-

Marcus Crassus.

lurent empescher, & uindrent en grande furie charger sur ceulx qui y beson-
gnoient : l'escarmouche s'eschauffa, & suruenoit tousiours gens de renfortāt
d'une part que d'autre, si que Spartacus à la fin uoiant qu'il estoit contraint ré-
gea toutes ses forces aux chāps en bataille. Quoy faict, on luy amena son che-
ual, sur lequel il deuoit cōbattre, & desguainnāt son espee il le tua à la ueue de
tous ses gēs, en disant, Si ie suis desfait en ceste bataille, ie n'en auray plus que
faire: & si ie demeure uictorieux, i'en auray assez de beaux & de bons des enne-
mis à mon cōmandemēt. Puis cela fait se ietta à trauers la presse des Romains
pour cuider approcher & ioindre de pres Crassus, mais il n'y peut aduenir, &
tua de sa main deux centeniers Romains qui luy feirent teste. Finablement
tous ceulx qu'il auoit autour de luy s'en fouirent, & luy demoura ferme iuf-
ques à ce qu'estant enuironné de tous costez, en combattant uaillamment il
fut mis en pieces. Mais combien que Crassus eut fort bien usé de sa fortune, &
fait tout le deuoir de bon capitaine & de uaillant homme, en exposant sa per-
sonne aux dangers, si ne peut il faire que l'honneur de l'acheuement de celle
guerre ne uint encore à Pompeius, pource que ceulx qui eschapperent de ceste
derniere bataille tumberēt entre ses mains, & les acheua de desfaire, tellemēt
qu'il escriuit au Senat que Crassus auoit bien desfait les fugitifs en bataille
rengée, mais que luy auoit couppé toutes les racines de ceste guerre. Pompe-
ius donques eut entree triumphale dedās Rome pour auoir uaincu Sertorius,
& reconquis l'Hespagne: mais quant à Crassus, il ne demanda pas seulement
le grand triumphe, & si estima l'on encore qu'il faisoit indignemēt, & peu ma-
gnaniment de triumpher du petit triumphe à pied, que les Latins appellēt
Ouatio, pour auoir desfait des serfs fugitifs. Et quant à ce moindre triumphe,
d'ou il a esté nommé Ouatio, & en quoy il est different du grand triumphe,
nous en auons ailleurs suffisamment escrit, en la uie de Marcellus. Apres cela
Pōpeius estant des lors appellé au Consulat, Crassus encore qu'il eust esperāce
d'estre eleu Cōsul quād & luy, ne desdaigna pas neātmoins de le requerir qu'il
luy uoulut aider. Pōpeius en prit la charge bien uolūtiers, pource qu'il desi-
roit cōment q̄ ce fust, auoir tousiours Crassus obligé de quelque plaisir à luy:
si luy favorisa fort affectueusement, iusques à dire publiquement au peuple
en pleine assemblee de uille, qu'il ne sçauoit pas moins de gré au peuple de
luy donner Crassus pour compagnon au Consulat, que de le faire luy mesme
Consul: routefois ilz ne continuerēt pas en ceste beneuolence quand ilz furēt
instalez en leur estat, ains eurent tousiours debat ensemble, & furent contrai-
res presque en toutes choses: de maniere que pour l'occasion de ce discord, ilz
passerent tout leur Consulat sans y rien faire qui soit digne de memoire, sinon
que Crassus feit un grand sacrifice à Hercules, & feit un festin general au peu-
ple Romain de mille tables, & distribua à chasque citoien Romain du bled
pour uiure trois mois. Mais sur la fin de leur Consulat, ainsi cōme ilz tenoient
assemblee de uille, il y eut un nommé Onatius Aurelius, homme peu cōgneu,
cheualier Romain toutefois, mais au demourant ne se meslant point des af-
faires, & se tenant la plus part du temps aux champs, lequel montant en la tri-
bune aux harengues racompta au peuple une uision qu'il auoit eue en dor-
mant: Car Iupiter (dit il) m'estant ceste nuit apparu, m'a commandé de uous
dire publiquemēt que uous ne souffriez point Crassus & Pompeius se deposer
de leur Consulat, que premierement ilz ne se soient reconciliez ensemble. Il
n'eut pas plus tost acheué ceste parolle, que le peuple leur commanda qu'ilz
feissent

A feissent appointment: à quoy Pompeius ne respondit point, ains se teint tout coy sans bouger ny parler: mais Crassus luy toucha le premier en la main, & se tournât deuers le peuple, dit tout hault, Je ne fais rien de lasche ny indigne de moy, Seigneurs Romains, si ie recherche le premier l'amitié & bone grace de Pompeius, attêdu que uous mesmes l'avez furnômé Grand auant qu'il eust encore aucun poil de barbe, & que uous luy avez decerné l'honneur du triûphe premier qu'il fust du Senat. Voila tout ce qui fut faict de notable durant le Consulat de Crassus: mais sa Censure fut de tout poinct imperfecte, & se passa sans y faire chose quelconque: car il ne s'y feit ny reueuë du Senat, ny monstre des cheualiers, ny denombrement du peuple & estimation des biens d'un chascun, combien qu'il eust pour compagnon le plus doux & le plus traittable homme qui fust pour lors dedans Rome: mais on dit que des le commencement Crassus aiant voulu faire un acte uiolêt & inique, qui estoit de rendre l'Égypte prouince tributaire aux Romains, Catulus luy resista uertueusement, & que de la s'estant meu different entre eulx, ilz quitterent l'un & l'autre uoluntairement leur estat. Quant à la coniuration de Catilina, qui fut de grande consequence & pres de ruiner & destruire la uille de Rome, Crassus en fut bien aucunement soupçonné, & y eut un des complices d'icelle qui le nomma comme en estant, mais on ne luy adiouta point de foy: & Ciceron mesme en quelque siene oraison en attache assez euidemment la suspicion à Crassus & à César, mais ceste oraison n'a esté publicce que depuis la mort de l'un & de l'autre: & en celle qu'il feit pour rendre compte des actes de son Consulat, il dit que Crassus une nuit alla deuers luy, & luy porta une lettre missiue faisant mention de Catilina, côme luy confirmant que la coniuration d'oe on faisoit enqueste estoit toute certaine. Tât y a que tousiours depuis Crassus en uolul mal à Ciceron: mais ce qui le garda que tout ouuertement il n'encherchast les moiens de luy nuire pour s'en uenger, fut son filz Publius Crassus, lequel estant homme studieux, & qui aimoit les lettres, ne bougeoit des costez de Ciceron, de sorte que quand on luy uolul faire son proces, il changea de robbe comme luy, & en feit aussi châger aux autres ieunes hommes de bonne maison, & finablement feit tant par prieres enuers son pere qu'il le reconcilia avec luy. Au demourant César estant de retour de son gouuernemêt se preparoit pour demander le Consulat, & uoiant que Pompeius & Crassus estoient derechef retumbez en dissention l'un contre l'autre, ne uouloit pas en priant l'un de luy aider à sa brigue, encourir l'inimitié de l'autre, ny n'esperoit pas aussi sans le port de l'un ou de l'autre pouuoir obtenir ce qu'il pretendoit, à raison de quoy il se mit à moiener accord entre eulx, en leur remôstrant fouuent & leur discourant, que taschans à se ruiner l'un l'autre, ilz uenoient à augmenter le credit & l'autorité d'un Ciceron, d'un Catulus, & d'un Caton, lesquels n'auroient point de pouuoir filz se uouloient entr'entendre, en ioignât ensemble leurs liguees & leurs parts, pour d'une force & d'un consentement commun manier toute la chose publique à leur uolunté. Ce que César leur aiant persuadé, & les aiant reconciliez ensemble, uint par ce moien à ioindre & composer de leurs trois liguees une force inexpugnable & inuincible, qui depuis ruina le peuple & le Senat Romain, pource qu'ilz ne les rendit pas plus grands qu'ilz n'estoient au parauant, l'un par le moien de l'autre: mais se feit soy mesme tresgrand par le moien d'eulx deux: car si tost qu'ilz l'eurent pris à fauoriser, il fut incontinent eleu Consul sans difficulté quelconque, & s'estant

Marcus Crassus.

bien porté en son Consulat, luy feirent au bout decerner de grosses armées, & F
luy meirent en main les Gaules: ce qui fut, par maniere de dire, le mettre avec
leurs propres mains dedans la forteresse qui tiendroit la uille en subiectiō, espe
rans qu'ilz burineroient entre eulx deux le demourant, quand ilz luy auroient
procuré & faict decerner un tel gouuernement. Or quant à Pompeius ce qui
luy feit faire ceste faulte, ne fut autre chose que son excessiue ambition: mais
quāt à Crassus, oultre son uice ancien & ordinaire d'auarice, il y adiouxta en
core une conuoitise nouuelle de triumphes & de uictoires, pour la ialouzie
que fusciterent en luy les haults faicts d'armes de Cæsar, à fin que luy estant
superieur en toutes autres choses, il ne luy fust inferieur en celle là seule, ny
iamais ne le lascha ceste ambrieuse passion, qu'elle ne l'eust cōduit à une mort G
ignominieuse coniointte avec perte & calamité publique. Pource que Cæsar
estant descendu de sa prouince de Gaule iusques en la uille de Lucques, plu
sieurs Romains y allerēt le ueoir, & entre autres Pompeius & Crassus, lesquelz
aians communiqué en secret avec luy, conclurent de mettre à bon esciant la
main à l'œuvre pour tenir sous eulx toute la puissance de l'empire Romain,
& ce moienant que Cæsar retiendroit les forces qu'il auoit entre mains, & que
Crassus & Pompeius prendroient d'autres prouinces & d'autres armées aussi:
pour à quoy paruenir il n'y auoit qu'un seul moiē, qui estoit que Pompeius &
Crassus briguaissent un second Consulat, à quoy Cæsar leur deuoit aider en es
criuant aux amis qu'il auoit dedans Rome, & y enuoyant bon nombre de ses H
soudards qui se trouueroient au iour de l'election. Pour cest effect Pompeius
& Crassus s'en retournerent à Rome, ou ilz furent incontinent soupçonnez
de ceste pratique, & courut le bruit assez commun par toute la uille, que ceste
entreueuē de Lucques ne s'estoit point faite à aucune intention bonne, telle
ment que Marcellinus & Domitius demanderent en plein Senat à Pompeius
s'il prochasserait le Cōsulat, & il leur respondit, que à l'aduenture le prochas
seroit il, & à l'aduenture aussi que non: & la mesme demande luy estant dere
chef repliquee, il respondit qu'il le prochasserait pour les bons, & nō pas pour
les meschās. Ces respōces furent trouuees presumptueuses & fieres: mais Cra
sus respondit plus modestemēt, que s'il uoyoit qu'il fust expediēt pour la cho
se publique, il le prochasserait, sinō, qu'il ne le prochasserait point, de manie
re que sur ces paroles aucuns prirent la hardiesse de le prochasser, comme Do
mitius entre les autres: mais depuis quand ilz se furent ouuertement declarez
poursuyuās, tous les autres par crainte se deporterent de leur poursuite, exce
pté Domitius que Caton pria, prescha & enhorta tant comme son parēt & son
amy qu'il le feit persister en son esperance, luy remontrant que cela estoit cō
battre pour la defence de la liberté, pource que ce n'estoit pas au Consulat que
Crassus & Pompeius aspiroient, ains à une domination tyrannique, & que ce
n'estoit point poursuite d'un magistrat ce qu'ilz faisoient, ains un uiolent
rauissement de prouinces telles qu'ilz uoudroient, & d'armées qu'ilz preten
doiēt se faire bailler par ce moiē. Caton criant tout hault ces propos, & quād
& quand les croyant fermement, poulsa, par maniere de dire, Domitius à for
ce iusques sur la place, là ou plusieurs gens de bien se ioignirent à eulx, pour
ce qu'ilz s'esmerueilloient quel besoing il estoit que ces deux personnages
poursuyussent un second Consulat, & pourquoy ilz briguoient de l'auoir de
rechef ensemble & non avec d'autres, ueu qu'il y en auoit tant qui n'estoient
poit indignes d'estre cōpagnōs ny de l'un ny de l'autre en ce magistrat. A ceste
cause

A Pompeius craignāt de ne pouuoir paruenir à son entente, n'espargnia point de faire les plus deshonestes & plus uiolentes choses du monde : car entre plusieurs autres, le iour de l'election, ainsi comme Domitius accompagné de ses amis alloit bien matin, auant l'aube du iour, au lieu ou elle se deuoit faire, le seruiteur qui portoit une torche deuant luy fut occis, par gens qu'il auoit mis en embusche pour le tuer, & plusieurs de sa compagnie blecez, du nôbre desquelz fut Caton, & les aians tous mis en fuitte, les teindrent assiegez & enfermez dedans une maison, iusques à ce qu'ilz furent eleuz tous deux ensemble Consulz : & peu de temps apres faisans derechef avec les armes enuironner la mesme maison, apres auoir chassé Caton hors de la place, & auoir faict occire quelques uns des contredisans qui ne uolurent pas fouir, ilz prolongerent à César son gouuernement des Gaules pour autres cinq ans, & pour eulx se firent decreter par les uoix du peuple, les prouinces de la Syrie & des Hespagnes : & depuis quand ilz uindrent à les tirer au sort entre eulx deux, la Syrie escheut à Crassus, & les Hespagnes à Pompeius. C'est aduenture du sort fut agreable à chascun, pource que d'un costé le peuple ne uoloit pas que Pôpeius esloignast de guerres loing la uille de Rome, & luy mesme estant à moureux de sa femme, estoit bien aise d'auoir occasion de s'en tenir pres, en demourant le plus du temps en sa maison. Mais sur tous, Crassus incontinent que ce sort de la Syrie luy fut escheut, fait tant de demōstrations, que lon cogneut euidentement qu'il le tenoit pour le plus grand heur qui luy fust onques adueni, tellement qu'il ne se pouuoit pas tenir, qu'en grande compagnie, & entre des estrangers, il ne luy en eschappast quelque parole : mais en priué & entre ses familiers & amis, il dit tant de folles & uaines uanteries que un ieune homme à peine en eust dit d'auantage : ce qui estoit & contre son aage & contre sa nature, aiant esté tout le reste de sa uie aussi reserué, & aussi peu uanteur qu'il est possible d'estre : mais lors s'estant eleué follement, & deuoyé de son bon naturel, il ne fchoit pas les bornes de son esperance à la conquēste de la Syrie ny des Parthes, ains se promettant qu'il feroit ueoir que tout ce qu'auoit fait Lucullus à l'encontre de Tigranes, & Pompeius à l'encontre de Mithridates, n'estoient que ieux d'enfans, par maniere de dire, il estendoit l'esperance de ses conquestes iusques à la Bactriene, iusques aux Indes, & iusques à la grande mer Oceane du costé du Soleil leuant, eombien que au decret qui en fut passé par le peuple, il ne soit faite aucune mention de la guerre cōtre les Parthes : mais tout le monde scauoit bien que Crassus en brusloit de desir, tellemēt que César mesme luy en escriuit de la Gaule, luy louant sa deliberatiō, & l'enhortant de la poursuiure. Mais pourautant que l'un des Tribuns du peuple nommé Ateius, estoit tout resolu de s'opposer à son partement, aiant plusieurs autres de mesme deliberation, lesquelz trouuoient fort mauuais que lon allast ainsi uoluntairement de guayeré de cueur, mouuoir la guerre à des peuples qui n'auoient aucunement irrité ny offensé les Romains, ains estoient leurs amis & leurs alliez, Crassus craignant ceste conspiration requit Pompeius de luy uoloir assister, & l'accōpagner iusques au dehors de la uille, à cause qu'il auoit grande autorité, & estoit fort reueré de la cōmune, ainsi qu'il apparut alors : car cōbien qu'il y eust grand nôbre de peuple assemblé tout expressement pour empescher ce partemēt de Crassus, & crier apres luy, ce neātmoins quād ilz ueirēt Pôpeius marcher deuant luy avec un regard doulx, & une face riāte, ilz furent tous appaisez, & s'ouurirēt d'eulx mesmes pour les laisser passer, sans

Marcus Crassus.

leur mot dire. Il est bien uray q̄ le Tribun Ateius se meit au deuant d'eulz, & à F
haulte uoix defendit à Crassus qu'il n'eust à bouger de la uille, avec grandes
protestatiōs sil faisoit au contraire: & uoiant que pour sa defence il ne laissoit
pas d'aller son chemin, il cōmanda à l'un de ses sergens qu'il luy meit la main
sur le collet, ce q̄ les autres Tribuns uolurēt empescher, mais pour cela l'offi-
cier ne lascha point sa prise, iusques à tant que Ateius s'en courāt uers la porte
de la uille, meit une chaufferette pleine de feu ardent tout au milieu de la rue.
Puis quand Crassus fut à l'endroit, ietta dedās quelques perfums, & feit dessus
quelques aspersions en pronōçant certaines maledictiōs & imprecations ef-
pouuentables & horribles, & inuocāt des Dieux, dont les noms sont estrāges G
& terribles: si disent les Romains que ces maledictiōs là sont bien anciennes,
mais tenues secretes, pource qu'elles ont telle efficace, que celuy qui en est u-
ne fois maudit, ne peult iamaïs eschapper, ny aussi celuy qui en use, il ne luy
en prent iamaïs bien: à raison dequoy peu de gēs en usent, & non iamaïs que
ce ne soit pour quelque grande occasion. A ceste cause reprenoit on grande-
ment Ateius d'auoir prononcé telles imprecations, & experimenté de si ef-
froyables cerimonies, qui retournoiēt au dommage de la chose publique, at-
tendu que c'estoit pour l'amour d'elle qu'il uoloit maudire Crassus, lequel
aiant poursuiuy son chemin arriua à Brundisium, que les tourmētes de l'hy-
uer n'estoient pas encore passees, mais pour cela il ne laissa pas de faire uoile:
aussi perdit il plusieurs uaisseaux, & neantmoins avec le reste de son armee se H
meit en chemin par terre à trauers le royaume de la Galatie, là ou il trouua le
Roy Deiotarus qui estoit fort uieil, & neantmoins bastissoit une nouvelle
uille, si luy dit en se moquant, Il me semble, Sire roy, que tu te commēces bien
tard à bastir, de t'y estre mis à la dernière heure du iour. Ce roy des Galates luy
respondit sur le champ, Aussi n'es tu pas toy mesme party gueres matin, à ce
q̄ ie uoy, Seigneur capitaine, pour aller faire la guerre aux Parthes. Car Craf-
sus auoit ia passé soixante ans, & si le monstroit son uisage encore plus uieil
qu'il n'estoit. Mais arriué qu'il fut sur les lieux, les affaires du commencement
luy succederent selon son esperance: car il bastit facilement un pont sur la ri-
uiere d'Euphrates, & passa sans inconuenient son armee par dessus, puis entrāt I
en la Mesopotamie, y receut plusieurs uilles, qui uoluntairement se rendirēt
à luy: toutefois il y en eut une de laquelle estoit tyran un Apollonius, ou cent
de ses souldards aians esté tuez, il y mena toute son armee, & l'aiāt prise à for-
ce, saccagea tous les biens, & uendit les personnes à l'encan. Les Grecs appel-
loient ceste uille Zenodotia, pour la prise de laquelle il souffrit que ses gens
l'appellassent Imperator, c'est à dire, souuerain capitaine, ce qui luy tourna à
honte, & en fut estimé homme de bas & petit cueur, aiant peu d'esperance de
grandes & haultes choses, puis qu'il faisoit cas d'un si petit exploit: puis aiant
logé en garnison par les uilles qui s'estoient rendues à luy iusques au nombre
de sept mille hommes de pied, & enuiron mille cheuaux, il s'en retourna en ar-
riere passer son hyuer au païs de la Syrie: là ou son filz l'alla trouuer, uenant K
des Gaules d'avec Iules Cæsar, qui l'auoit honoré des pris d'honneur que les
capitaines Romains ont accoustumé de donner aux gens de bien, & qui ont
fait leur deuoir en la guerre, & si amenoit à son pere mille hommes d'armes,
tous gens d'esslire. Cela me semble auoir esté l'une des premieres fautes que
commeit Crassus en ce uoyage, pource qu'il falloit qu'il poulst oultre d'une
tire, & qu'il donnast iusques en Babylone, & en Seleucie citez de tous temps
ennemies

A ennemies des Parthes: & au cōtraire pour auoir differé, il donna temps & loisir à ses ennemis de soy prouueoir & preparer. D'auantage on blasme aussi grãdement les occupations aux quelles il uacqua pendant qu'il fut en la Syrie, comme tenans plus du marchand que du capitaine: car il n'employa point ce temps à reueoir son armee, ny à la faire exercer aux armes, ains à compter le reuenu des uilles, & demoura plusieurs iours à sommer au poix & à la balance le tresor d'or & d'argent qui estoit au temple de la deesse de Hierapolis. Qui pis est, il enuoyoit denoncer aux peuples, princes & uilles, qu'ilz eussent à luy fournir certain nombre de gens de guerre, & puis les en dispensoit en prenant argent d'eulx, ce qui luy donna tresmauuais bruit, & le feit uenir en grãd mespris de tout le monde. Le premier presage de son malheur luy uint de ceste deesse de Hierapolis, laquelle aucũs estimēt estre Venus: les autres disent que c'est Iuno: les autres ueulēt que ce soit la Nature, & la cause premiere qui donne les commencemens d'humeur aux choses qui uienent en estre, & celle qui a enseigné aux hommes la source dont procedent tous biens. Car ainsi comme ilz sortoient de son temple, le ieune Crassus tumba le premier sur la face, & luy mesme apres trespucha sur son fils: & comme ia il faisoit assembler les garnisons des lieux ou elles auoient hyuerné pour marcher en campagne, il arriua deuers luy des ambassadeurs de la part du Roy des Parthes Arfaces, qui luy exposerent leur charge en peu de paroles, disans que si ceste armee estoit enuoyee par les Romains pour guerroyer leur maistre, il ne uouloit aucune paix ny amitié avec eulx, ains entendoit de leur faire guerre mortelle à toute oultrance: mais sil estoit ainsi, comme il auoit ouy dire, que Crassus contre la uolunté de ses citoiens, par une conuoitise particuliere de faire son profit, fust uenu de gayeté de cuer, commencer la guerre aux Parthes, & occuper leur pais, qu'en ce cas là Arfaces se porteroit plus modereement pour la pitié qu'il auoit de la uieillesse de Crassus, & qu'il se cōtenteroit de laisser aller uies & bagues sauues les gens de guerre Romains, qu'il estimoit estre plus tost dedans ses uilles en prison, qu'en garnison. A cela respondit Crassus brauement, qu'il leur feroit respōdre dedans la cité de Seleucie, dequoy le plus ancien des ambassadeurs qui auoit nom Vageses, se prit à rire, & luy monstrant la paulme de sa main, luy dit, Plustost naistroit du poil dedas ce creux de ma main, Crassus, que tu uoyes la cité de Seleucie. Ainsi se partirent ces ambassadeurs, & s'en retournerent deuers le roy Herodes, luy denoncer qu'il ne falloir penser qu'à la guerre. Sur ces entrefaites aucuns des gens de guerre que lon auoit laissez en garnison dedans les uilles de la Mesopotamie, s'en estās sauuez hazardueusement, & par grand' aduenture, apporterēt à Crassus des nouuelles qui meritoient bien que lon y pensast soigneusement, aiant ueu à l'œil le grand nombre de cōbattans qu'il y auoit au camp de l'ennemy, & leur maniere de combattre en quelques assauls qu'ilz auoient donnez aux dittes uilles: & comme il aduient ordinairement à ceulx qui sont eschappez de quelque danger, faisant les choses encore plus espouuentables, & plus dangereuses qu'elles n'estoient, ilz alloient comptant, que c'estoit chose impossible de se sauuer de uistesse deuant eulx quand ilz poursuiuoient, ny de les attraindre quand ilz fuyoient, & qu'ilz auoient des sorres de fleches toutes nouuelles, plus uistes & plus soudaines que la ueuē, & qui perceoient tout ce qu'elles rencontroient auant que lon peust ueoir celuy qui les delaschoit. Au demourant quāt aux armes dont usoient leurs gens de cheual, que les offensives estoient telles, qu'il n'y

Marcus Crassus.

auoit harnois, quel qu'il fust, qu'elles ne faullassent, & les défensiués trempées F
de sorte, qu'il n'y auoit effort auquel elles ne resistassent. Les soudards Romains
oyans ces nouuelles perdoient le courage, pource qu'ilz s'estoient auparauant
persuadé, que les Parthes ne différoient en rien d'auec les Armeniens & les
Cappadociés, que Lucullus auoit tant battus & tant pillez qu'il s'en estoit las-
sé, & auoient ia fait leur compte, que toute la plus grande difficulté qu'ilz au-
roient en toute ceste guerre, seroit la longueur du chemin qu'il leur conuien-
droit faire, & le trauail de poursuiure & chasser gens qui ne les attendroient
point: & lors tout au rebours de leur esperance, ilz entendoient qu'il leur faul-
droit uenir aux mains & combattre à bon esciant: au moien dequoy quel- G
ques uns de ceulx mesmes qui auoient charge & autorité en l'ost, entre les-
quelz fut Cassius le Questeur & superintendant des finances, furēt d'aduis que
Crassus se deuoit arrester tout court, pour remettre derechef l'entreprise tota-
le en deliberation du conseil, à sçauoir, si lon deuoit tirer oultre, ou quoy. Les
deuins mesmes donnoient couuertement à entēdre à demy, que les Dieux en
tous leurs sacrifices monstroiet de malheureux presages à Crassus, & mal aisez
à pacifier: mais Crassus ne leur presta point l'oreille, ny à eulx, ny à autres quel-
cōques, sinō à ceulx qui luy cōseilloient de se haster: mais ce qui plus l'asscura
& l'encouragea, fut Artabazés le Roy de l'Armenie, lequel uint deuers luy en
son cāp auec six mille cheuaux qui n'estoiet seulemēt que la cornette & la gar-
de du Roy: car il en promettoit autres dix mille tous armez à blanc & bardez, H
auec trente mille hommes de pied qu'il entretenoit à sa soude ordinaire, con-
seillant à Crassus qu'il entraist dedās le païs des Parthes par le costé de l'Arme-
nie, pour autant que non seulement son camp auroit foison de uiures qu'il luy
fourniroit de ses païs, mais aussi pour autant qu'il marcheroit en seureté, aiat
au deuant de luy un païs de montagnes & païs bossu, mal aisé à gēs de cheual,
qui estoit la seule force des Parthes. Crassus le remercia assez froidement de sa
bonne uoulunté, & de l'offre d'un si beau & si magnifique secours: mais il luy
dit qu'il prendroit son chemin par la Mesopotamie, là ou il auoit laissé beau-
coup & de bons hommes de guerre Romains, & ainsi se departit ce Roy Ar-
menien. Mais ainsi comme Crassus passoit son armee par dessus le pont qu'il E
auoit fait dresser sur la riuiera d'Euphrates, il se leua tout à un coup d'estran-
ges & horribles tonnerres, auec esclairs continuelz qui donnoient droit de-
dans les yeux de ses gens: d'auantage il fundit une nuce noire, dont il sortit un
impetueux tourbillō de uent, auec une foudre ardente dessus son pont, qui en
rompit & brisa une grande partie: & tumba deux coups de foudre dedans le
lieu où son camp deuoit aller loger. Qui plus est l'un de ses grands cheuaux e-
stant accoustré magnifiquement, prit son mors aux dents, & auec celuy qui
le cheuauchoit, falla ietter dedās la riuiera, ou il se noya, de sorte que lō ne le
reueit oncques puis: & dit on que la premiere aigle, quand on la cuida enleuer
pour faire marcher le camp, se retourna d'elle mesme en arriere. Outre ce, il ad- K
uint que quand on uint à distribuer les uiures aux soudards, apres qu'ils eurent
tous passé le pont, que la premiere chose qu'on leur donna, furent du fel & des
lentilles, que les Romains estiment signes de deuil & presage de mort: pour-
ce que lon en offre es funeraillles des trespassez. Apres tout cela, ainsi que Cra-
sus mesme harenguoit & preschoit les soudards, il luy eschappa une parole
qui troubla grandement toute l'armee: car il leur dit qu'il faisoit expressement
rompre la liaison du Pont qu'il auoit basty sur la riuiera, à fin qu'il ne retour-
nast

A nst pas un d'eulx:& là ou fessant apperceu que ceste parole aiant esté brusquement & inconsiderement ditte, auoit esté mal prise, il la deuoit reprendre & exposer comme il l'entendoit,ueu que ses gens en estoient estonnez,il n'en feist compte,tant il fut opiniastre & outrecuidé.Finablement il feist le sacrifice accoustumé pour la purgation de son armee,& comme le deuin luy tédist les entrailles de l'hostie qui auoit esté immolee, elles luy tumberent des mains, dequoy uoiant que tous les assistans estoient faschez & troublez,il se prit à rire en disant,Voila que c'est de uieillesse: mais toutefois uous uerrez que les armes ne me tumberont ia des poings.Cela fait il commécea de marcher en pais le long de la riuere,avec sept legions de gés de pied,& peu moins de quatre mille cheuaulx, & presque autant de gens de traict arméz à la legere: si luy uindrent ses auantcoureurs faire rapport,que de dessus une haulte guette ilz auoient considéré tout le país à l'environ,autát que leur ueuë pouuoit porter,& n'auoiét sceu descouurir pas un seul homme:mais que bié auoient ilz trouué la trace de grád nombre de cheuaux, qui sembloient s'en estre retournez en arriere, dont Crassus le premier reprit bonne esperance,& ses gens aussi, qui commencerent à en desestimer les Parthes,tenans pour tout asseuré, qu'ilz ne uiendroient point au combat. Toutefois Cassius au contraire luy remonstroit tousiours, qu'il luy sembloit meilleur qu'il refreschist un peu son armee en quelques unes des uilles ou il tenoit garnison,iusques à ce qu'il entédist quelque chose certaine des ennemis, ou bien qu'il tirast droit à la cité de Seleucie le long de la riuere, laquelle luy donneroít moien de faire conduire uiures aiseemét par batteaux,qui suiuroient tousiours son cáp, & si les garderoit que les ennemis ne les peüssent enuironner par derriere,tellemét que ne les pouuans assaillir que par deuant,ilz n'auoient point d'auantage sur eulx. Ainsi comme Crassus estoit apres à consulter & deliberer sur cela,il uint à luy un capitaine d'Arabes nommé Ariamnes,homme fin & cauteleux,qui fut le principal & le plus grád de tous les malheurs que la fortune assambla lors en un mesme temps pour faire trespucher Crassus en miserable ruine:car il y auoit quelques uns de ceulx qui parauant auoiét esté en ces país là à la guerre,soubz Pompeius,qui le cognoissoient bien,

D & sachans que Pompeius luy auoit fait quelques plaisirs, cuidoient que pour cela il fust demouré bien affectiõné enuers les Romains: mais il auoit esté lors pratiqué & attiltré par les capitaines du Roy des Parthes,auéc lesquels il auoit intelligence pour abuser Crassus,& tascher à le tirer le plus arriere qu'il pourroit de la riuere & du país bossu,pour le jeter en país de campagne infinie,ou lon le peust enuelopper de tous costez avec la cheualerie: car ilz ne uouloient rien moins qu'aller chocquer de front les Romains à coups de main. Ce Barbare donques estant uenu deuers Crassus,commencea à hault louer Pompeius comme son bienfaicteur (car il estoit avec tout le reste un beau parleur) & magnifiant l'armee de Crassus,le reprenoít de ce qu'il alloit ainsi tirant les choses en longueur,en dilayant & consumant le temps à faire ses preparatifs,comme s'il eust besoing d'armes, & nõ de pieds & de mains assez habiles & uistes, contre des ennemis,qui de long temps ne pensoient à autre chose qu'à prendre les plus cheres personnes, & plus precieux meubles qu'ilz eussent, pour s'en fouir atoutes deserts de la Scythie,ou de l'Hyrkanie.Mais encore si uous pensiez,disoit il,auoir à les combattre, la raison uoudroit que uous uous hastissiez de les aller donques trouuer,auát que leur roy eust mis toutes ses forces ensemble:car pour le present uous n'avez en teste que Surena & Sillaces deux de ses lieutenás

Marcus Crassus.

qu'il a iettez au deuant de uous pour uous amuser, & engarder que uous ne le F
poursuiuiez: mais quant à luy, il ne comparoistra point. Tout cela estoit faulx,
pource que Hyrodes aiant des le commencement diuisé ses forces en deux, luy
auec une partie alloit destruisant le royaume d'Armenie pour se uéger du roy
Artacuasdes, & auoit enuoyé Surena à l'encôtre des Romains, nô qu'il le feist
à mon aduis, par maniere de mespris, côme quelques uns ont uoulu dire, pour-
ce qu'il n'est pas uray semblable qu'il desdaignast de se trouuer en bataille cō-
tre Crassus, qui estoit l'un des principaux hommes de la uille de Rome, & qu'il
trouuaist plus honorable d'aller faire la guerre à Artacuasdes en Armenie, ains
me semble qu'il le faisoit expressement pour euitier le plus apparent danger, se
tenant ce pendât au loing, ou il peust à seureté regarder ce qui en aduiédroit, & G
qu'il enuoya deuant Surena pour tenter la fortune du combat, & aussi pour di-
uertir les Romains: car cestuy Surena n'estoit point homme de basse ou petite
qualité, ains le secōd des Parthes apres le Roy, tāt en noblesse, qu'en richesse &
en reputation: mais en uaillance, suffisance & experience du faict des armes, le
premier personnage qui fust de son tēps entre les Parthes, & au demourāt en
grandeur & beaulté de corps, ne cedāt à nul autre. Quand il marchoit par les
chāps auec son train seulemēt, il auoit biē tousiours mille chameaux à porter
son bagage, & menoit deux cēts chariots de concubines, & d'hōmes d'armes
armez de toutes pieces mille, & d'autres armez à la legere encore d'auātage, de
forte qu'il faisoit en tout de ses subiects & uassaux plus de dix mille cheuaux. H
Il auoit par successiō hereditaire de ses ancestres le priuilege de mettre le pre-
mier le bandeau royal ou diademe à l'entour de la teste du Roy quād il estoit
déclaré Roy, & si auoit oultre cela remis le Roy Hyrodes, qui regnoit pour
lors, en son royaume, duquel il auoit esté dechassé, & luy auoit conquis la
grande cité de Seleucie aiant esté le premier qui auoit mōté sur les murailles,
& aiant renuersé de sa propre main ceulx qui les defendoient. Et cōbien qu'il
n'eust pas encore pour lors trente ans, si estoit il tenu pour homme tressage, de
bon sens, & de bon cōseil, qui furent les moiens par lesquelz il defeit Crassus,
lequel par son audace & son oultrecuidance du commencemēt, & depuis par
la crainte & l'espouuentement ou le reduisirent ses malheurs, se rendit facile à I
surprēdre, & exposé à tous aguets. Parquoy le Barbare luy aiāt lors faict croire
tout ce qu'il uoulut, en l'esloignant de la riuiera le mena par le trauers de la
plaine, là ou du cōmencement ilz eurent le chemin assez beau, mais puis apres
fort mauuais, pource qu'ilz entrerent en des sablons ou leurs pieds enfon-
droient bien auant, & en des campagnes rases, ou il n'y auoit, ny arbres, ny
eaux quelconques, & dont lon ne ueoit fin ne borne quelcōque que lon peust
discerner à l'œil, de sorte que non seulemēt la soif & la malaisance du chemin
trauailloit les Romains: mais aussi le desconfort de leur ueuē, qui n'auoit à
quoy s'arrester les descourageoit, à cause qu'ilz ne uoyoient ny pres, ny loing,
ny arbre, ny riuiera ou ruisseau, ny coustau de montagne, ny herbe ou plante K
uerdoyante, ains à parler propremēt une mer infinie d'arcnes desertes de tous
costez de leur camp. Cela commença à les faire doubter qu'ilz estoient tra-
his: mais quād auec cela il leur uint nouuelles de Artacuasdes, qui māda qu'il
estoit detenu en son païs par la grosse guerre que Hyrodes luy faisoit, à l'occa-
siō de laquelle il ne pouuoit enuoyer le secours qu'il auoit promis, mais qu'il
conseilloit à Crassus de tourner son chemin uers Armenie, à fin que leurs for-
ces ioinctes ensemble ilz combattissent le Roy Hyrodes: sinō, à tout le moins
qu'il

A qu'il fust aduertý de marcher tousiours, & se camper en païs bossu, fuyant les plaines & lieux ou la cheualerie se peust aider, & s'approchant tousiours des montagnes. A cela Crassus par sa folie ne uoulut rien rescrire, ains respondit de bouche seulement en cholere, que pour lors il n'auoit pas loysir d'entendre au faict des Armeniens: mais que puis apres il iroit en Armenie, pour se uerger de la trahison que Artacuasdes luy faisoit. Si fut Cassius derechef fort courroucé de ceste responce: mais pource qu'il uoyoit que Crassus ne prenoit pas en bonne part ce qu'il luy en disoit, il ne luy en uoulut plus remonstrer: mais tirá à part ce capitaine d'Arabes, Ariamnes, le tesa aigremét en luy disant: O malheureux & meschant que tu es, quel maling esprit t'a amené uers nous, & par quelz charmes & forcelleries as tu si bien sceu enchâter Crassus, que tu luy ayes persuadé de uenir ietter son armee en cest abyfme de desert, & prendre ce chemin qui mieulx est conuenable à un Arabe capitaine de larrons qu'à un capitaine general du peuple Romain? Le Barbare estant homme cault & malicieux, parlant tout doux le reconfortoit, & le prioit d'auoir encore un peu de patience, & en allant & uenant au long des bendes, faisant semblant d'aider aux souldards, leur disoit par maniere de rusee, le croy, Compagnons, que uous cuydez cheminer par la campagne de Naples, & uoudriez bien trouuer les beaux ruisseaux & fresches fontaines, les petits bocages, les baings naturelz, & les bones hostelleries qui sont à l'entour, pour uous refreschir, & ne uous soutenez pas que uous trauezsez les deserts des confins de l'Arabie & de l'Assyrie. Voila comment ce Barbare alloit entretenant les Romains pour un temps: mais depuis auant qu'il fust notoiremēt descouuert pour traistre, il deslogea de bonne heure, toutefois encore fut ce du sceu & consentement de Crassus, auquel il donna à entendre qu'il iroit brasser quelque trouble & tumulte au camp des ennemis. Lon dit que ce iour là Crassus sortit de sa tente avec une robbe noire, non point rouge, comme est la coustume des capitaines Romains: toutefois s'en estât aduisé, il la changea incontinent: & dit on plus, que ceulx qui portoient les enseignes eurent beaucoup affaire à en arracher les hantes, tant elle estoient fichees auant en terre quand il fallut partir: de quoy Crassus se mocquant, les hastoit encorres d'aller, contraignāt les gens de pied de marcher aussi tost cōme la gendarmerie, iusques à ce qu'il retourna quelque peu des coureurs que lon auoit enuoyez deuant pour descouurir, lesquelz rapporterent que tous leurs autres compagnons auoient esté desfaicts par les ennemis, & que eulx auoient eu beaucoup d'affaire à se sauuer de leurs mains, & qu'ilz s'en uenoient en grand nombre, bien deliberez de leur donner la bataille. Ceste nouuelle estonna tout le camp: mais Crassus s'en trouua encore plus estonné que nul autre, si commença à renger ses gens en bataille, n'ayant pas le sens bien rassis de haste & d'effroy: si feit ses rens clairs du commencement, regeans les souldards en quarre assez loing l'un de l'autre, à fin d'occuper le plus qu'il pourroit de la plaine pour engarder que les ennemis ne le peussent enuelopper, fuyuant l'aduis & le conseil de Cassius, & departit ce qu'il auoit de gens de cheual sur les deux ailes: mais depuis il changea d'opinion & estroissit la bataille de ses gens de pied en forme de tuille plus large que longue, faisant front & monstrāt uisage de toutes parts: car il y auoit douze cohortes en file à chascque costé, & au lóg de chascque cohorte une compagnie de gens de cheual, à fin qu'il n'y eust aucun endroit qui n'eust le secours de la cheualerie tout prest, & que de tous costez sa bataille en fust egaleement remparee, puis en donna une pointe à conduire à

Marcus Crassus.

Cassius, l'autre à son filz Publius Crassus, & luy se meit au milieu, en laquelle ordonnance ilz marcherēt tant qu'ilz arriuerēt à un ruisseau nommé Ballissus, qui n'est pas grād, & ou il n'y a pas beaucoup d'eau: mais qui uint neantmoins biē à poinct aux soudards pour la grande soif & les grandes chaleurs qu'ilz auoient endurees par chemin si penible, ou ilz n'auoient point trouué d'eau. Si furent la plus part des capitaines d'opinion q̄ lon deuoit là cāper & y passer la nuit, à fin de pouuoir ce pendant recognoistre les ennemis le plus que lon pourroit, & sçauoir quel nombre de combattans ilz estoient, & en quel equippage pour le lendemain au matin les aller trouuer: mais Crassus se laissant aller à l'instance que luy faisoient son filz & les hommes d'armes qu'il auoit amenez quand & luy, qui le pressoiēt de faire marcher l'armee, & sans delay aller charger l'ennemy, il commanda que ceulx qui uoudroient repaistre repeussent tout debout sans bouger de leurs rens, puis tout soudain auant que ce mandement peust estre allé par tout, commanda derechef que lon marchast, non point le petit pas ny à reposes, comme il fault faire quand on ua pour donner une bataille, ains uiste & roide, iusques à ce que lon apperceut les ennemis, qui de prime face ne semblerēt pas aux Romains estre en si grand nōbre, n'en si braue equippage cōme ilz auoient estimé: car quant à la multitude, Surena l'auoit expressement couuerte de quelques troupes qu'il auoit iettees deuant, & pour cacher la splendeur de leur harnois leur auoit fait ietter des habillemens & des peaux de bestes par dessus leurs armes. Mais quand ilz furent pres les uns des autres, & que le signe de chocquer fut leué en l'air, premieremēt ilz remplirent toute la cāpagne d'un bruit espouuētable & terrible à ouir, pource que les Parthes ne s'incierēt pas à combattre par le son des cornets ny des trōpettes, ains ont de gros tabourins de cuyr creux par dedans, à l'entour desquelz ilz attachent des sonnettes & autres quinquilleries de leton, puis sonnent avec cela de plusieurs costez tout ensemble, dont il en sort un bruit sourd, qui semble propremēt meslé du rugissement de quelque beste sauuage & du son effroyable du tonnerre, qui uient à ferir l'ouye, laquelle est celuy de tous les sentimens, qui plus prōptement & plus uiuement emeut l'ame & les passions d'icelle, & plus soudainement fait sortir l'homme hors de soy. Estans donques ia les cueurs des Romains effroyez de ce son là, les Parthes tout à un coup ietterent à bas les couuertures qu'ilz auoient mises par dessus leurs harnois, & adonc se monstrent ilz flamboyans avec leurs armets & cuyrasses de fer Margien bien fourby, qui estincelle & reluit cōme feu & leurs cheuaux semblablement bardez de bardes de fer & de cuyre, mesmement le capitaine en chef de toute leur armee. Surena qui estoit le plus bel homme & le plus grand de tout son ost & estimé aussi hardy & aussi uailant de sa personne qu'il y en eust point, encore que la delicatesse de sa beaulté qui tenoit un peu de l'effeminé, ne promeist pas une telle fermeté de courage, pour ce qu'il se fardoit le uisage, & portoit les cheueux mespartis en greue à la guise des Medois, cōbien que les autres Parthes laissassent encore croistre leurs cheueux à la mode des Tartares, sans les agencer ny peigner aucunement, pour en estre plus effroyables à ueoir à leurs ennemis. Si auoient du commencement proposé de charger les Romains avec leurs bourdons, pour essayer de fendre & ouurir leurs premiers rens: mais quand ilz ueirent de pres la profondeur de leur bataille si bien serree, & ou les hōmes estoient plantez si fermes & de pied coy, ilz reculerent arriere, & là ou il sembloit qu'ilz se uoulussent escarter, debender & mettre en rouverte, on fut tout esbahy que lon apperceut au contraire qu'ilz

A qu'ilz le faisoient pour enueller leurs ennemis de toutes parts. Si commanda Crassus à ses gens de traict & armez à la legere, qu'ilz feissent une saillie sur eulx: ce qu'ilz feirent, mais ilz n'allerent pas gueres loing, car ilz furent soudain accueuilliz & enferrez de tant de coups de flesches, qu'ilz furent contrains de se reietter derechef sous le couuert de leurs gens armez, ce qui fut le commencement du trouble & de l'effroy, quād les Romains ueirent la uolée & la faulsee grande que faisoiet ces coups de flesches des ennemis, qui rompoient leurs armes, & perçoient tout ce qu'ilz rencontroient, autant le dur que le mol. Adonc les Parthes se tenans un peu arriere, commencerent à tirer de loing puelle melle tous ensemble de tous costez, sans garder ordonnance ny tirer de uisee, pour

B autant que la bataille des Romains estoit si pressee, & leurs rens si serrez, que quand ilz eussent uoulu, ilz n'eussent sceu faillir à en assener quelqu'un: si donnoient de roides & uolés coups de sagettes avec leurs arcs, qui estoient grāds & forts, & qui par la grandeur de leur courbe, quād on les enfonçoit à point, chassoiet la fleche avec une roideur & impetuositē merueilleuse. Au moien de quoy les Romains se trouuoient desia en mauuais termes: car filz demouroiet en leurs rens, ilz s'y trouuoient griefuement naurez, & filz se cuidoiēt auancer pour aller ioindre de pres & choquer l'ennemy, ilz trouuoiet qu'ilz ne luy pouuoient non plus faire de dommage, & en receuoient tout autāt: pource que

C aupris qu'ils approchoient, les Parthes s'en fuyoient, & si ne laissoient pas de tirer tousiours en fuyant: car ilz le scauent faire mieulx que gens du monde, apres les Scythes: & cest bon sens à eulx, qu'en se sauuant de uistesse, ilz combattēt tousiours: & par ainsi ostent l'infamie à leur fuite. Si soubsteindrent toutefois les Romains, & endurerent tant qu'ilz eurent esperance que les Parthes, apres auoir despeschē toutes leurs flesches, uiendroient à combattre de pres à coups de main: mais quand ilz entendirent qu'il y auoit un grand nombre de chameaux tous chargez de flesches, là ou les premiers qui auoient tirē, faisans le tour en alloiet prendre de nouuelles, adonc Crassus uoyant qu'ils n'en auroiet iamais le bout, commença à perdre le courage, & enuoya deuers son filz, luy mandant qu'il s'efforceast de ioindre & charger les ennemis, auāt que par eux

D ilz fussent enuolpez de toutes parts: car c'estoit de son costē principalement, que l'une des pointes de la bataille des ennemis s'approchoit le plus pres, & le cheualoit pour l'environner par derriere. Parquoy le ieune Crassus prenant avec soy treze cents cheualx, dont les mille estoient de ceulx que Cēsar auoit enuoyez, & cinq cents homes de traict, avec huit enseignes de gēs de pied portans boucliers les plus prochaines de l'endroit ou il estoit, s'elargit un petit en tornoiet pour aller choquer ceulx q le cheualoiet pour l'environner, lesquelz leuoias uenir, soit ou qu'ilz se fussent troublez de frayeur, ou q malicieusement, ilz le feissent, comme aucuns disent, pour attirer ce ieune Crassus le plus loing qu'ilz pourroiet de son pere, tournerēt bride & se meirent en fuite: quoy uoyāt

E le ieune Crassus s'escria tout hault, Ilz ne nous attendront pas: & piequa à bride abbatue apres, aussi feirent quand & luy Censorinus & Megabacehus, l'un Senateur Romain & homme eloquent, l'autre hardy homme, fort & uailāt de sa personne, tous deux familiers amis de Crassus, & presque de son aage. Ainsi estans les gens de cheual de celle troupe attirez à la poursuite, ceulx de pied ne uolurent pas non plus demourer derriere, ny monstrier qu'ilz eussent moins de courage, ny moins de ioye ou d'esperance: car ilz cuidoiēt bien auoir ia tout uaincu, & ne faire plus que chasser, iusques à ce, que quand ilz se

Marcus Crassus.

furent bien esloignez, ilz apperceurent la tromperie, pource que ceulx qui faisoient semblant de fouir deuant eulx tournerent uisage tout court, & d'autres encore en plus grand nombre leur uindrēt courir sus : si s'arrestērēt de pied quoy aussi, pensans que les ennemis uoians qu'ilz estoient ainsi peu de gens, les uendroient charger à coups de main : mais ilz leur meirent au deuant une teste de leurs hommes d'armes bardez & armez de toutes pieces, & avec leurs cheuaux legers s'espendirent ça & là à l'entour d'eulx, sans tenir ordonnance : & en cheuauchant & uoltigeant parmy la plaine, remuerent les monceaux de sable iusques au fond, dōt il se leua en l'air une poulsiere si merueilleuse, q̄ les Romains ne se pouuoient pas à peine entreueoir ny parler ensemble, ains estans serrez en peu de lieu, & s'entrepressans les uns les autres, estoiet naurez à coups de fleches, & mouroiēt d'une mort qui n'estoit point aisee ny soudaine, ains crioiet d'angoisse pour la destresse de douleur qu'ilz sentoiet, & en se tourmentant & tournant dessus le sable, rompoient les fleches dedans leurs playes : puis en taschant à arracher à force les pointes barbeles, qui auoient penetrē au dedans de leurs corps bien auāt, à trauers les ueines & les nerfs, ilz uenoiet à deschirer leurs playes d'auātage, & consequēment à se perdre & affoler eulx mesmes : si y en auoit beaucoup qui mouroiēt en ce martyre, & ceulx qui ne mouroiēt pas demouroient inutiles à se defendre. Et comme Publius Crassus les priaist & enhortast de donner dedans les homes d'armes bardez, ilz luy monstroient leurs mains coufues à coups de fleches avec leurs pauois, & leurs pieds semblablement percez de part en part, & attachez à la terre : de sorte qu'ilz n'eussent sceu ny s'enfuir, ny se defendre. Parquoy luy mesme donnant courage à ses gens de cheual, les alla chocquer avec eulx, & les chargea biē uigoureusement, mais c'estot avec trop de desauantage, tant à offenser qu'à se defendre & courir, pource que luy & ses gens frappaient avec des iauelines foibles & legeres sur de fortes cuirasses de bon acier ou de gros cuir : & au contraire les Parthes avec forts & puissans bourdons chargeoient dessus les Gaulois, qui auoiet les corps nuds, ou fort legerement armez. C'estoiet ceulx aux quelz le ieune Crassus se fioit le plus, cōme ceulx avec lesquelz il faisoit de merueilleuses prouesses : car ilz empoignoiet à belles mains les bourdōs des Parthes, & les embrassans corps à corps, les iettoiet de dessus leurs cheuaux en terre, là ou ilz demouroiet tous estēdus sans se pouoir remuer pour la pesanteur de leurs armes, & plusieurs y en auoit qui laissoiet leurs cheuaux, & se iettoient soubz les uentres de ceulx des ennemis qu'ilz perceoient à coups d'espee. Les cheuaux de la douleur bondissoiet en l'air, & foulans aux piedz leurs maistres & leurs ennemis pelle melle tūboient morts en la place. Et si y auoit d'auātage, q̄ la chaleur & la soif trauailloit fort les Gaulois, q̄ n'auoiet point accoustumē d'ēdurer ny l'une ny l'autre : & y demoura aussi la plus grāde partie de leurs cheuaux, qui en courāt de toute leur puissance contre les homes d'armes des Parthes s'enfermoiet eulx mesmes des pointes de leurs bourdōs. Si furēt à la fin cōtraints de se retirer deuers leurs gens de pied, aians au milieu d'eulx Publius Crassus qui se trouuoit desia fort mal des playes qu'il auoit receuēs. Et uoiās assez pres d'eulx une motte d'arenes un peu releuee, tirerent celle part, ou ilz attacherēt leurs cheuaux au milieu, & enclouirent le pourpris de la motte avec une haye qu'ilz feirent de leurs targes & pauois, cuidans par ce moien se couvrir & defendre mieulx des Barbares, mais il leur aduenoit tout au contraire : car en pais uny & plain, ceulx des premiers rengs couurent aucunemēt ceulx de derriere : mais là ceulx

A de derriere se trouuans tousiours plus haults que ceulx de deuant pour la nature de la mortte qui se releuoit au milieu, ilz ne pouuoient aucunement eschapper, ains estoient tous atteints egaleement autant les uns que les autres, regrettans leur misere & malheur, de ce qu'il leur falloit ainsi pauurement mourir sans auoir moien de faire sentir leur ualeur à leurs ennemis. Or y auoit il lors avec Publius Crassus deux Grecs de ceulx qui habitent en celle marche, en une uille appelée Carres, & se nommoit l'un Hieronymus, & l'autre Nicomachus: ceulx là conseillèrent à Publius Crassus qu'il essayast de se desrober avec eulx, & s'enfuir en une uille nommee Ischnes, qui n'estoit pas loing de là, & tenoit le party des Romains: mais il leur respondit, qu'il n'estoit point de si cruelle mort au monde, que pour crainte d'icelle il uoulust abandonner ceulx qui mouroient pour l'amour de luy. Cela dit, il leur conseilla qu'ilz aduifassent à eulx sauuer, & en les embrassant leur donna congé: & luy ne se pouuant aider de la main qu'il auoit percee d'un coup de fiesche, commanda à son escuyer qu'il luy donnast de l'espee à trauers le corps, luy presentant le flanc. On dit que Censorinus en fit tout autât: mais Megabacchus se tua luy mesme de sa propre main, & aussi feirent les plus gens de bien qui fussent en la troupe: & quant aux autres qui demourerent, les Parthes môtans contremont la mortte les percerent en combattant avec leurs lances & bourdons, & n'y en eut point plus de cinq cents de pris prisonniers. Cela fait, ilz coupperēt la teste à Publius Crassus, & s'en retournerēt aussi tost contre le pere, lequel estoit lors en tel estat. Apres qu'il eut commandé à son filz qu'il chargeast les ennemis, & qu'il y eut quelqu'un qui luy rapporta qu'il les auoit rompus, & qu'il les chassoit bien loing: ioinct qu'il apperceut que ceulx qui estoient demourez en leur grosse bataille, ne le pressoiet pas si uifement cōme ilz faisoient auparauant, à cause qu'une bonne partie estoit couruë apres les autres, il cōmencea à reprendre un peu de courage, & tenant ses gens ferrez, les retira le mieux qu'il peut en un coustau, esperant tousiours que son filz ne demoureroit gueres à retourner de la chasse. Mais Publius se uoiāt en danger, auoit enuoyé plusieurs messagers deuers son pere, pour le luy faire entendre, dont la plus part tūba es mains des Barbares, qui les desfeirēt: & les derniers estans eschappez à grāde peine, luy apporterent nouuelle comme son filz estoit perdu, si prōptement il n'estoit secouru, & encore avec une grosse puissance. Ces nouuelles ouyes, Crassus se trouua en grande destresse de deux diuerses passions: l'une de la crainte, se uoyāt en danger de perdre tout, & l'autre de desir qui le tiroit à uouloir aller secourir son filz: de sorte qu'il ne uoyoit plus rien en ses affaires, avec la lumiere de raison: si se resolut il à la fin de mener toutes ses forces, pour tascher à le secourir: mais sur ces entrefaites, arriuerent les ennemis, retournans de sa desconfiture, avec un bruit & un cry de uictoire, plus espouuentable que iamais: & ouit on incontinent tout à l'entour bruire & tonner un grand nombre de tabourins. Si s'attendoient bien les Romains d'auoir tout incontinēt une aultre alarme: mais ceulx qui portoient la teste de Publius fichée au bout d'une lance, s'approchās pres d'eulx, la leur monstroient, en leur demandant par une maniere d'outrageuse mocquerie, filz cognoissoient la maison dont il estoit, & qui estoient ses parents: pource qu'il n'est pas uray semblable (disoient ils) que un si gentil & si uaillant ieune hōme soit filz d'un si lasche & si couard pere, comme est Crassus. Ceste uenē abbatit & feit perdre le courage aux Romains, plus que nul autre dāger qu'ilz eussent encore essayé en toute la bataille: car elle ne leur enflamma point un courroux en leurs cueurs, qui

Marcus Crassus.

les aiguillonast à en uouloir faire la uengeance, comme il estoit conuenable, F
ains leur engédra un tremblemēt & une frayeur, qui les amortit de tout poinct:
combien que Crassus se monstraist plus uertueux en cest accident, qu'il n'auoit
encore faict en toute celle guerre: car cheuauchant au long des bendes, il alloit
criât tout hault, C'est à moy seul mes amis, c'est à moy seul que touche le deuil
& la douleur de ceste perte: mais la grandeur de la fortune & de la gloire de Ro-
me demeure inuincible en son entier, tant comme uous serez sur uoz pieds: tou-
tefois si uous auez aucune compassion de moy, pour m'auoir ueu perdre un si
uaillât & si uertueux filz, ie uous supplie que uous la ueuilliez monstrier, en la cō-
uertissant en ire contre uoz ennemis: faites leur cher achepter la ioye qu'ilz en
ont receüe: prenez uengeance de leur cruaulté, & ne uous estonnez point pour G
malheur qui me soit aduenü: car il est besoing que ceux qui aspirent à choses
grandes, supportent aussi aucunes fois quelque perte. Lucullus n'a pas desfait Ti-
granes, ny Scipion Antiochus, sans qu'il leur ait cousté du sang. Noz predeces-
seurs perdirent iadis mille nauires à plusieurs fois, auant qu'ils eussent asseuré la
conqueste de la Sicile, & plusieurs armées & capitaines generaux en Italie, pour
la perte desquelz, ilz n'ont pas laissé depuis à uenir au dessus de ceulx, qui les a-
uoient auparauât desfaicts: car l'empire de Rome n'est point uenu en celle grā-
deur de puissance, ou il se treuve maintenant par heur & faueur de la fortune,
ains par patience es traualx, & constance es aduersitez, sans iamais succumber
aux dangers. Crassus faisant ces remonstrances aux soudars pour les encoura- H
ger à bien faire, n'apperceuoit point qu'ilz s'en esmeussent d'auantage, ains au
contraire, aiant commandé que lon criaist le cry de la bataille, il cogneut adōc
clairement qu'ilz estoient espris de frayeur, pource que la clameur que ietta son
armée fut foible, basse & inegale, comme non procedente de tous egale-
ment. Là ou à l'opposite, celle des Barbares fut grande, forte & braue. Puis quand se
uint à mettre la main à l'œuure, les archers à cheual des Parthes enueloppans
les Romains sur les ailes, leur tirerent en flanc une infinité de flesches: mais les
hommes d'armes leur donnans de front avec leurs gros bourdons, les contrai-
gnirent de soy serrer en peu de lieu, exceptez quelques uns qui plustost que d'e-
stre tuez à coups de flesches, prirent la hardiesse de se ietter à la desesperée à I
trauers eulx, ou ilz ne leur pouuoient pas faire grand dommage, & estoient
bien tost abbattus morts à grāds coups de leurs grosses lances, qu'ilz leur pas-
soient de part en part à trauers le corps fer & bois & tout, avec si grande roi-
deur, que bien souuent ilz en enfiloient deux à la fois. Apres qu'ilz eurent ain-
si combattu quelque temps, la nuict suruint qui les feit retirer, disans qu'ilz
uouloient bien ottroyer celle nuict de respit à Crassus, à fin qu'il eust loisir de
lamentez & plorer la mort de son filz, si ce n'estoit que prouoyant plus sagemēt
à son affaire, il aimast mieulx pour son salut s'en uenir uoluntairement de-
uers le Roy Arsaces que d'attendre qu'on luy menast par force. Ainsi les Par-
thes se logeans pres des Romains, estoient en grande esperance de les desfaire K
le lendemain: & au rebours les Romains eurent une tresmauuaise nuict, ne
faisans compte ny d'ensepuelir les morts, ny de penser les blecez, qui trespas-
soient en grande destresse de douleurs, ains lamentoit un chascun sa misera-
ble fortune, pource qu'il leur estoit bien aduis, qu'il ne s'en saueroit pas un,
filz demouroient là iusques au lendemain: & d'autre costé, filz se uouloient
mettre la nuict en chemin à trauers celle grande plaine infinie, leurs blecez les
mettoient en grande peine: car filz faisoient compte de les emporter quand &
eulx,

A eulx, cela retardoit beaucoup leur fuite: & filz les laissoiēt, par leurs cris & clameurs ilz aduertiroient les ennemis de leur departemēt. Et combien que tous estimassent Crassus estre cause principale de leur calamité, encores neantmoins desiroient ilz ueoir sa face, & entendre sa parole: mais luy festoit retiré à part, sans lumiere, gisant la teste affulee, de peur de ueoir personne, seruant à la commune d'exemple de l'instabilité & uariété de fortune, mais aux hommes sages & de bō iugement, d'instruction pour cognoistre les effects de mauuais cōseil, & de folle ambition, laquelle l'auoit tāt auēglé, qu'il ne se pouuoit cōtenter de n'estre pas le premier entre tant de millions d'hommes: ains festimoit par maniere de dire, le dernier de tous, & que tout luy defailloit, pourautant que lon le tenoit inferieur & moindre que deux autres seulement. Si le uolurēt pourtant faire leuer Octauius l'un de ses lieutenans, & Cassius, & se meirent en deuoir de le reconforter: mais à la fin le uoians si affligé de douleur que plus n'en pouuoit, eulx mesmes appellerent les chefs des bandes & les centeniers, avec lesquels ilz teindrent conseil, ou il fut resolu qu'il ne falloît aucunement là demourer. A ceste cause ilz feirent de leur autorité partir l'armee, sans trompette & sans bruit du commencement, mais puis apres les naurez & malades qui ne pouuoient suyure le camp, sentans que lon les abandonnoit, se prirent à escrier & se tourmenter de telle sorte, qu'ilz meirent tout le camp en grand trouble & en grand desarroy, & l'emplirent de crys, pleurs, & lamentations, tellement que les premiers deslogez qui marchoiēt deuant, en entrèrent en effroy, cuidās que ce fussent desia les ennemis qui les reuinssent assaillir. Ainsi en tournant souuēt uisage & se regeant en bataille, ou en chargeant sur des bestes de uoitture les naurez qui les auoiēt suyuis, ou bien en les deschargeāt, ilz demourerēt en chemin, exceptez trois cents cheualx q̄ conduisoit Ignatius qui arriuerent enuiron la minuiēt à la uille de Carres, & appella en langage Latin les gardes qui faisoient le guet sur la muraille, & eulx luy aians respondū, il leur dōna charge de dire à Coponius qui en estoit gouuerneur, que Crassus auoit eu une grosse bataille cōtre les Parthes, sans leur dire autre chose, ny leur declarer qui il estoit, & cheuaucha tant qu'il arriua au pont que

D Crassus auoit faict faire, par ce moien se sauua il & ceulx de sa troupe, mais aussi fut il griefuement blasme d'auoir abandonné son capitaine: toutefois encores seruit à Crassus ceste parole qu'il ietta ainsi à l'aduenture pour faire entendre à Coponius, lequel estimant que ceste grande haste, & ce propos si couré & si cōfus qu'il auoit ainsi dit en passant, estoit signe qu'il n'auoit rien de bon à leur dire, commanda incontinent à ses souldards qu'ilz prissent leurs armes, & si tost qu'il entēdit que Crassus festoit mis en chemin pour retourner, il luy alla au deuant & le conduisit luy & son armee en la uille. Or auoient bien les Parthes apperceu le delogement des Romains, & neantmoins ne les auoient pas voulu poursuire la nuit, mais le lendemain au matin entrans dedans le

E camp dont ilz estoient partis, occirent tous ceulx que lon y auoit laissez qui n'estoient pas moins de quatre mille personnes, & en prirent à course de cheual plusieurs qu'ilz trouuerent esgaréz & errans ça & là parmy les champs, entre lesquels il y eut un des lieutenās de Crassus nommé Barguntinus, qui escarta hors de l'armee quatre enseignes toutes entieres qu'il estoit encores nuit, & aiant failly le chemin se retira dessus une motte là ou les Parthes l'allerent assieger & le desfeirent, quoy qu'il se defendist uailamment, luy & toute sa troupe entierement, exceptez uingt hommes qui tenans leurs espees nues aux poings,

Marcus Crassus.

se ietterent la teste baissée à trauers eulx, de laquelle hardiesse ilz furent si esbahis qu'ilz s'ouurirent deuant eulx, & les laisserēt aller le pas uers la uille de Carres. Sur ces entrefaittes uint une faulse nouuelle à Surena, que Crassus avec les principaux personnages de son ost s'en estoit fouy, & que la multitude qui festoit coulee dedans la uille de Carres estoit de gés ramassez de toutes pieces, ou il n'y auoit pas un seul homme de qualité: parquoy Surena pensant auoir perdu le couronnement de sa uictoire, & toutefois en estant encore en doute, mais en uoulant sçauoir la uerité certaine, à fin que ou il sarrestast à assieger la uille de Carres, ou qu'il allast apres Crassus, enuoya un de ses truchemens pres les murailles de la uille, luy commandant qu'il appellast Crassus, ou Cassius, & qu'il leur dist que Surena uoloit parler avec eulx. Le truchement feit ce qui luy estoit commandé, & fut rapporté à Crassus, qui accepta la semonce: & peu apres arriuerent du camp des Barbares quelques soudards Arabes, qui cognoissoient bien de ueuë Crassus & Cassius, les aians tous deux ueuz par plusieurs fois en leur camp auant la bataille. Ces Arabes uoians Cassius dessus les murailles luy dirent que Surena estoit content de faire appointemēt avec eulx, & de les laisser aller à sauueté, comme bons amis de son maistre, pourueu qu'ilz quittassent au Roy des Parthes la Mesopotamie, & qu'il leur sembloit que cela estoit expedient pour l'une & pour l'autre partie, plus tost que de uenir à l'extreme necessité. Cassius trouua l'ouuerture d'appointement bonne, & leur dit, qu'il falloit donques assigner iour & lieu, auquel Crassus & Surena se trouueroient ensemble pour en parler. Les Arabes respondirent qu'ilz le feroient, & à tant se departirent. Cela entēdu Surena fut fort aise de les auoir en lieu ou il les peust assieger: si mena le lendemain toute son armee deuant la uille, ou les Parthes dirent mille outrages & iniures aux Romains, leur disans qu'il falloit qu'ilz leur liurassent Crassus & Cassius pieds & poings liez, filz uouloiet auoir aucune grace ou appointement. Les Romains furent fort desplaisans de ceste tromperie, & dirent à Crassus qu'il ne se falloit plus attendre à la lōgue & uaine esperance du secours des Armeniens, ains furent tous d'opinion de la fuite: mais qu'il ne falloit pas que personne des Carreniens en sceust rien, iusques à l'heure du partement: mais Crassus le dit luy mesme au plus desloyal & plus infidele qui fust en toute la uille nommé Andromachus, qu'il auoit encore choisys pour sa guide. Cet traistre Andromachus feit entendre bien au long toute la resolution des Romains à leurs ennemis: mais pour autant que ce n'est point la coustume des Parthes de iamais combattre la nuit, & qu'il estoit malaisé de les y attirer, & que de l'autre costé Crassus se partoist la nuit, Andromachus eut peur q̄ les Romains ne gaignassent tant de chemin deuāt, que les Parthes ne les peussent pas r'attaindre puis apres, si les conduisit malicieusement tantost par un chemin, & tātost par un autre, & finablement les alla ietter à trauers un marrest profond, par un chemin ou il y auoit force grands fossez, & ou il falloit faire plusieurs tours & retours à grande peine pour en sortir, tellement qu'il y eut quelques uns de l'armee, qui commencerent à se doubter que ce n'estoit point à bonne fin que cest Andromachus les faisoit ainsi tourner & uirer, & ne le uoluerēt plus suyure, ains s'en retourna Cassius entre autres deuers la uille de Carres, dont ilz estoient partis, & cōme ses guides qui estoient Arabes luy conseillassent qu'il y demourast iusques à ce que la Lune eust passé le signe du Scorpiō, il leur respondit: mais ie crains encore plus celuy du sagittaire: & prit son chemin le plus tost qu'il peut avec cinq cents hommes de cheual uers l'Assyrie.

A Il y en eut d'autres qui aians des guides fideles gaignerent un païs de montagnes qui s'appelle Sinnaca, & se retirerent en lieu de seurere auât la poincte du iour, & pouuoient ceulx là estre enuiron cinq mille hommes que conduisoit Octauius un homme de bien. Mais le iour surprit Crassus comme il estoit encore en ces malaisez chemins, dedans les maretz ou le traistre Andromachus l'auoit expressement cõduit, & auoit avec luy quatre enseignes de gens de pied, portans boucliers, & bien peu de gens de cheual, & cinq Sergens qui portoier les hasches & uerges deuant luy, avec lesquelz à grande peine & grand trauail il regaigna le droit chemin, que les ennemis estoient desia à sa cueuë, & ne sen falloit plus qu'enuiron trois quarts de lieuë qu'il ne fust reioinct à Octauius. Si

B gaigna de uistesse une motte, laquelle n'estoit pas si roide pour gens de cheual ne si forte comme les autres monts qui s'appellent Sinnaques, au dessoubz desquelz elle est, & seua conioindre à eulx par un long dos de coustau qui passe à trauers la plaine, tellement que Octauius uoyoit tout claiement le danger auquel estoit Crassus, si y courut d'amont luy mesme le premier avec peu de ses gens qui le suiurent du commencement, mais puis apres les autres, disans qu'ilz seroient bien lasches filz demouroient derriere, y coururent tous aussi, & d'arriuee chargerent les Parthes si uiuement qu'ilz les feirent retirer arriere de celle motte, & enfermans Crassus au milieu d'eulx le couurirent tout à l'entour avec leurs boucliers, disans magnanimement, que iamais fiesche des Parthes ne toucheroit à la personne de leur capitaine, q̃ premier ilz ne les eussent tous

C tuez les uns apres les autres, en combattant iusques au dernier soupir pour le defendre: parquoy Surena uoyant que les Parthes alloient ia plus froidement en besongne qu'ilz ne souloient, & que si la nuit les surprenoit, & que les Romains peussent gaigner les haultes montagnes, il seroit puis apres impossible de les auoir, il pensa d'abuser Crassus par une telle ruze. Il feit soubz main lacher quelques prisonniers, deuant lesquelz il auoit expressement fait tenir de telz propos, Que le Roy des Parthes ne uouloit point auoir une guerre immortelle à l'encontre des Romains, & qu'au contraire, il desiroit plustost acquerir leur amitié par quelque grace notable qu'il leur feroit, comme en traittât Cras-

D sus doucement. Suiuant lesquelz propos il feit r'appeller ses gens du combat, & s'approchât luy mesme en personne avec les principaux hommes de son ost tout pacifiquement, son arc desbendé, il tendit la main droite, & appella Crassus pour parlementer d'appointement avec luy, disans, que si les Romains auoient essayé les forces & la prouesse de leur Roy, ce auoit esté malgré luy, pour ce qu'il n'auoit peu moins faire que de soy defendre, mais qu'il desiroit lors de franche uolunté leur faire cognoistre sa bonté, clemence & humanité, par ce qu'il estoit cõtent de faire paix avec eulx & les laisser aller ou bon leur sembleroit à sauueté. Tous les autres Romains ouirent fort uoluntiers ces paroles de Surena, & en furent tres aises: mais Crassus qui souuentefois s'estoit trouué

E circouenu par leurs ruses & tromperies, ioinct que lors il ne uoyoit point qu'il y eust d'occasion apparente, pour laquelle ilz deussent estre ainsi soudainement changez, n'y uouloit point prester l'oreille, & s'en cõseilloit avec ses amis: mais les soudars se prirent à crier à l'encontre de luy, qu'il y deuoit aller, iusques à l'iniurier, & luy dire oultrageuses parolles, qu'il les uouloit bien exposer eulx à la boucherie, & que luy n'auoit pas la hardiesse de descendre pour aller seulement parler aux ennemis tous desarmez. Crassus essaya premierement à les apaiser par prieres, en leur remonstrant, que filz uouloient auoir encore patiëce

Marcus Crassus.

pour ce peu qu'il restoit du iour, quand la nuict seroit uenue, ilz se pourroient F
tout à leur aise retirer en sauueté dedans les montagnes & lieux aspres, ou les
ennemis ne les pourroient suiure: & en leur montrant le chemin au doigt, les
pria de ne uouloir point perdre le courage ny l'esperance de leur salut, atten-
du qu'ilz en estoient si prochains. Mais à la fin uoyant qu'ilz se mutinoient, &
qu'en faisant bruiure leurs armes ilz le menassoient s'il n'y alloit, adonc crai-
gnant qu'ilz ne l'outrageassent de faict, il se prit à marcher deuers l'ennemy, &
en se retournant dit seulement ces paroles, Toy Octavius, & toy Petronius, &
vous autres seigneurs Romains, qui auez charge en ceste armee, vous uoyez
comment lon me contraint, en despit de moy, d'aller ou ie uois, & estes bons G
tesmoins, comme lon me force honteusement & uiolentement: toutefois ie
vous supplie si vous eschappez de ce danger, que vous disiez par tout ou vous
vous trouuerez, que Crassus est mort, non pour auoir esté rendu & liuré par ses
citoiens entre les mains des Barbares, comme ie suis: mais pour auoir esté abu-
zé & deceu par ses ennemis. Octavius ne uolut pas demourer sur la motte,
ains descendit quand & luy: mais Crassus renuoya ses sergens qui le suiui-
oient aussi. Les premiers de la part des Barbares qui luy uindrent au deuant, furent
deux à demy Grecs, lesquelz descendans de cheual luy feirent la reuerence, &
le saluans en langage Grec luy dirent, qu'il enuoyast deuant quelques uns de
ses gens, aux quelz Surena monstreroit, que luy & ceulx de sa suite uenoient
sans armes. A quoy Crassus leur respôdit, que s'il eust fait estat aucun, ou cōpte H
de sa uie, il ne se seroit iamais uenu mettre entre leurs mains: toutefois il en-
uoya deuant deux freres, appelez Rosciens, pour sçauoir avec quel nombre de
gens, & à quelle intencion ilz se trouueroient ensemble. Ces deux freres ne fu-
rent pas plus tost deuers Surena, qu'il les feit retenir, & luy ce pendât avec tous
les principaulx personages de son armee continua son chemin à cheual: puis
quand il fut aupres de Crassus, Comment, dit il, qu'est-ce à dire cela: un capi-
taine general du peuple Romain est à pied, & nous sommes à cheual. Et quand
& quand commanda à ses gens que lon luy amenast promptement une mon-
ture. Crassus luy respondit, qu'en cela ny l'un ny l'autre d'eulx ne faisoit faulte I
de suiure la coustume de son païs, quand il est question de se trouuer ensemble
pour parlementer d'appointement. Alors luy repliqua Surena, que quant à
l'appointement il estoit ia bien tout fait entre le roy Hyrodes & les Romains,
mais qu'il falloit aller iusques à la riuere, pour en reduire & mettre les articles
par escript, pource que vous autres Romains ne vous souueniez gueres bien des
capitulations que vous auez accordees. En disant ces paroles il luy tendit la
main droite: & comme Crassus uolut enuoyer querir un cheual, Surena luy
dit, Il n'en est point de besoing, car le Roy te fait present de cestuy cy: & aussi
tost luy en fut amené un avec un harnois doré, sur lequel les escuyers le mon-
terent incontinent, & se meirent à la cueuë, en le battât pour le faire aller plus
uiste. Ce que uoiât Octavius, meit le premier la main sur la bride du cheual, & K
apres luy Petronius Capitaine de mille homes de pied: puis tous les autres cō-
sequemmet se meirent à l'entour, pour l'arrester, & oster par force d'aupres de
Crassus ceulx qui le pressoient deça & delà: si commencerent à s'entrepouls-
er les uns les autres en courroux premierement, puis uindrent iusques à s'entre-
frapper. Et adóc Octavius desguainnât son espee, en tua le palefrenier de l'un
de ces seigneurs Barbares: un autre uint par derriere qui tua Octavius. Petro-
nius n'auoit point de pauois: & aiant receu un coup sur la cuirasse, se ietta de
son

A son cheual à bas sans estre blecé, & d'un autre costé uint un Parthe nommé Pomaxathres qui occit Crassus : toutefois il y en a qui disent que ce fut un autre qui le tua, mais que celuy là luy couppa la teste & la main apres qu'il fut rumbé mort à terre. Toutefois ces choses se disent plus tost par cōiecture que par certaine science: car quant à ceulx qui y estoient, les uns furent tuez sur le champ en combattant à l'entour de Crassus : les autres se sauuerent incontinent de uistesse dessus la morte. Les Parthes les suiuirent, & leur dirent que Crassus auoit payé la peine qu'il auoit meritee : mais au demourant, que Surena madoit aux autres qu'ilz descendissent à seureté. Ce que les uns feirent, & se rendirent entre les mains de leurs ennemis : les autres s'escarterent quand la nuict fut uenue, dont il y en eut quelques uns, mais biē peu, qui se sauuerent: les autres poursuuius & chassés par les Arabes, furent tous mis à l'espee: de maniere que lon tient, qu'il mourut en toute ceste desfaitte iusques au nombre de uingt mille hommes, & y en eut dix mille faits prisonniers. Au demourant Surena enuoya la teste & la main de Crassus au roy Hyrodes iusques en Armenie : & ce pendant fait courir le bruit iusques en la cité de Seleucie, qu'il amenoit Crassus uif, aiāt dressé un equippage de monstre qu'il appelloit, par maniere de mocquerie, son Triūphe: car il y auoit entre les prisonniers un, q̄ lon appelloit Caius Pacianus, qui ressembloit fort à Crassus, auquel ilz baillerēt une robbe de femme à la barbareque, & l'auoient fait à respōdre quād on l'appelloit Crassus, ou seigneur capitaine: si le menoient dessus un cheual, aiant deuāt luy force trompettes, & des sergens montez sur des chameaux, qui portoient deuant luy des faisceaux de uerges liees auec des haches, & y auoit force bourses attachees aux uerges, & des testes de Romains coupees de frais attachees aux haches, & apres luy marchaient des putains courtisanes & menestrieres Seleucienes, qui alloient chantans des broquards & atteintes de mocquerie, par grande derision, sur la couardise & lascheté effeminee de Crassus. Et quant à cela qui se faisoit ainsi publiquement, tout le monde le pouuoit ueoir : mais oultre cela Surena aiant fait assembler le Senat de Seleucie, leur produisit les liures impudiques d'Aristides, qui sont intitulez les Milesiaques, qui n'estoit pas chose faulsement supposee, car ilz auoient esté trouuez & pris entre le bagage d'un Romain nommé Roscius : ce qui donna grande matiere à Surena de se mocquer fort oultrageusement & uillainement des meurs des Romains, qu'il disoit estre si desordonnez, qu'en la guerre mesme ilz ne se pouuoient pas contenir de faire & de lire telles uillannies. Si sembla bien adonc aux seigneurs du Senat de Seleucie que Esōpe auoit esté bien sage quand il dit, que les hommes portoient chascun à leur col une besasse, & que dedans la poche de deuant ilz mettoient les fautes d'autrui, & dedans celle de derriere les leurs propres: quand ilz consideroient que Surena auoit mis en la poche de deuant ce liure des dissolutions Milesiaques, & en celle de derriere une longue cueuē de delices & uoluptez Parthiennes, qu'il trainnoit apres soy en si grād nombre des chariots pleins de concubines, que son armee ressembloit, par maniere de dire, aux uiperes & aux mufaraignes, pource que le deuant, & ce que lon y rencontroit de premier front, estoit furieux & espouuentable, à cause que ce n'estoient que lances, iauelines, arcs, & cheuaux : mais tout cela se finissoit puis apres en une trainnee de putains, d'instrumens de musique, danses, chansons, & banquets dissolus, auec courtisanes toute la nuict. Je ne ueux pas dire que Roscius, ne fust bien à reprēdre: mais ie dis que les Parthes estoient eulx mesmes bien déhontez de blasmer

Marcus Crassus.

ces liures des delices Milesienes, attendu qu'ilz ont eu plusieurs Roys du sang F royal des Arfacides, nez de courtisanes Ioniques & Milesienes. Pendant que ces choses passioient, Hyrodes auoit desia fait appointment & alliance avec Artacuasdes le Roy d'Armenie, aiant fiancé sa sœur pour femme à son filz Pacorus: & se faisoient l'un à l'autre de grands banquets & grands festins, esquelz il se recitoit souuent des poësies Grecques, pource que Hyrodes n'estoit point ignorant de la langue, & Artacuasdes y estoit tant exercité que mesme il y cōpōsa quelques tragœdies, quelques oraisons, & quelques histoires, dōt les unes sont encores en estre iusques auiourdhuy: mais le soir que la teste de Crassus fut apportee, les tables estoient encore dressees, & y auoit un ioueur de Tragedies nommé Iason, natif de la uille de Tralles, qui recitoit de la Tragedie des G Bacchantes d'Euripides le passage, ou il parle de l'inconuenient d'Agave, qui couppa la teste à son filz: & sur le poinct que chascun prenoit plus grand plaisir à l'ouir, Sillaces entrant dedans la salle, apres auoir fait la reuerence au Roy, presenta deuant toute l'assistance la teste de Crassus. Ce que uoians les Parthes qui là estoient, se prirent incontinent à battre des mains, & à s'escrier de ioye qu'ilz en eurent. Lors les officiers par le commandement du Roy, meirent à table Sillaces: & Iason baillant son accoustrement du personnage de Pentheus, qu'il deuoit iouer, à quelqu'un des dāseurs, prit entre ses mains la teste de Crassus, & contrefaisant les Bacchantes esprises de fureur, commença à prononcer ces uers, avec un geste, un chant, & une uoix de personne rauie en esprit, & H transportee hors de soy:

N ous apportons à l'hostel,
V n cerf que de coup mortel,
N agueres auons attainct
S ur la montagne, & esteinct.
H eureusement fut emprise
L a chasse de telle prise.

Cela pleut fort à toute la compagnie: & comme lon chantaft consequemment les uers qui suyuent apres, ou le chorus demande & respond alternatiuement:

Cho. Qui l'a tué en ueneur?

Ag. A moy en est deu l'honneur:

Pomaxathres oyant ces paroles, se leua soudain, car il estoit avec les autres à table, & alla prendre la teste comme à luy appartenāt de dire ces paroles au uray, non pas au ioueur qui les auoit proferees. Le Roy prit plaisir à ce debat, & donna à Pomaxathres un present tel que la coustume du pais le porte en tel cas, & à Iason la ualeur de six cēts escus. Voila quelle fut l'issue de l'étreprise & du uoyage de Crassus, qui ressemble proprement à la fin d'une tragedie. Mais la uengeance de la cruauté de Hyrodes, & de la desloyaulté periure de Surena retumba en fin sur les testes de l'un & de l'autre, comme ilz auoient bien meritē: car Hyrodes feit mourir Surena pour l'enuie qu'il porta à sa gloire, & Hyrodes K apres auoir perdu son filz Pacorus en une bataille ou il fut desfait par les Romains, deuint malade d'une maladie qui se tourna en hydropisie: & son secōd filz Phraates luy cuidant auancer ces iours, luy donna à boire du ius de l'aconite. La maladie cōbattit le poison, de sorte qu'ilz se chasserent l'un l'autre hors du corps: à l'occasion de quoy Phraates uoiant que son pere commenceoit à se mieulx porter, pour auoir plus tost fait, il l'estrangla luy mesme.

A LA COMPARAISON DE CRASSVS AVEC NICIAS.

R pour uenir maintenant à la comparaifon, premierement il est certain que la richesse de Nicias estoit plus iustement acquise, ou moins reprehensible, que celle de Crassus; cōbien qu'autrement, à dire la uerité, il soit bien malaisé d'approuuer le gaing de ceulx qui font fouiller es minieres des metaux, pource qu'ilz se seruēt ordinairement ou de meschans hommes, ou de Barbāres esclāues qu'ilz y tiennent à force, les uns en ferrez, les autres languissans & mourās, pour le mauuais air de ces cauernes soubterraines subiettes à engendrer maladies, ou ilz demeurent continuellement: mais encore qui compateroit ce moien de gagner avec ceulx dont s'enrichit Crassus, en acheptant les cōfiscations que uendoit Sylla, ou avec celle mechanique marchandise de faire gaing en acheptāt des maisons qui brusloient ou qui estoient en danger de brusler, on la trouuera plus raisonnable: car Crassus en uoist aussi publiquement & notoirement cōme du labourage de la terre, ou de prester argent à usure. Et au reste, quant aux autres crimes que lon luy a quelque fois imputez, & qu'il nioit fort & ferme, comme qu'il prenoit de l'argēt des parties pour opiner au Senat en leur faueur, qu'il mettoit en auāt quelque chose au dōmage des alliez du peuple Romain, pour en tirer du profit, qu'il alloit flattāt & caressant des femmes pour en amēder, qu'il receloit & aidoit à cacher des malfaitteurs, pourueu qu'il y gaignast, de tout cela iamais Nicias n'en fut seulement soupçonné: ains au contraire estoit publiquement mocqué de ce qu'il despendoit à donner aux calumniateurs pour sa timidité: qui eust esté à l'aduenture chose malseante à un Pericles & à un Aristides, mais necessaire à luy qui estoit né de telle sorte qu'il ne se pouoit iamais asseurer. Dequoy l'orateur Lycurgus depuis fait gloire deuant le peuple: car estant accusé de s'estre ainsi racheté de calumniateurs avec de l'argent, il dit franchement au peuple: Je suis trefaise de ce qu'ayant si longuēment manicuoze affaires, il s'est trouuē que i'ay plus tost donnē, que pris. Et quant à la despence aussi, celle de Nicias tenoit plus du bon bourgeois de uille: car il despendoit à dedier quelque belle image aux Dieux, ou à faire iouer des ieux & passer temps publiques pour donner recreation au peuple. Mais tout l'argent qu'il employa à cela, & tout le demourant de son uailāt avec, n'estoit rien que une partie de ce que Crassus despendit au festin publique qu'il feit, ou il festoya pour une fois tant de milliers d'hommes, & les nourrit encore quelque temps puis apres: tellement que ie m'esbahy comme quelques uns ont ignorē, que le vice ne soit une inegalité & une discordance de meurs qui se repugnent à soy-mesme, quand ilz uoient des hommes qui despendent ainsi honestement, ce qu'ilz ont acquis uillainement. Voila quant à leurs richesses: & quant à leurs deportemens en l'administration de la chose publique, en ceulx de Nicias on ne trouuera rien de malicieusement, uiolentemēt, ny iniustement fait, ny trace aucune de audace ou d'oultrecuidance, ains plus tost toute simplicité: car il fut à la bonne foy circumuenu par Alcibiades; & ne se presenta iamais à parler deuant le peuple, que ce ne fust avec une crainte fort reseruee: là ou, au contraire, lon blasme Crassus d'auoir esté fort lasche & fort desloyal à changer facilement d'amis & d'ennemis: & luy mesme ne nioit pas qu'il ne fust uiolentemēt & par force parueni à son second Consulat, ayant louē des meurtriers pour occire Caton & Domitius: & en l'assemblee qui fut tenue pour departir les gou-

Marcus Crassus.

uernemens des prouinces, il y eut beaucoup d'hommes blecez, & en demoura F
quatre tuez dessus la place: & qui plus est, luy mesme (ce q nous auôs omis en
estriuant le cours de sa uie) donna de sa propre main un coup de poing sur le ui-
sage d'un Lucius Annalius, qui luy cõtedisoit, & l'en enuoya tout ensanglanté:
mais comme Crassus fut en telle choses uiolent & tyrannique, aussi la pusilla-
nimité de Nicias à l'opposite, & sa trop lasche couardise en ses entremises du
gouuernement, uoie iusques à se soubmettre aux plus basses & plus uiles per-
sonnes, est digne de tresgrande reprehensio, là ou Crassus en cest endroit se mō-
stra certainement homme magnanime & de cueur hault eleué, n'ayant point à
combattre contre ne sçay quelles personnes, telles comme estoient un Cleon, G
ou un Hyperbolus, ains ne uoulant point ceder à la gloire & splendeur de Cæ-
sar, ny aux trois triumphes de Põpeius, ains plus tost egaler sa puissance & son
autorité à la leur, & de faict aiant surmōté celle de Pompeius en la dignité de
Censeur. Car il fault que les grands hommes par leurs haults faicts en l'admi-
nistration des affaires publiques, se rendēt illustres & non pas enuiez, en amor-
tissant l'enuie par la grandeur de leur puissance: mais si tant estoit que Nicias
preferast le repos & la seureté de sa personne à toute autre chose, & qu'il crai-
gnist Alcibiades en la tribune aux harégues, les Lacedemoniens au fort de Py-
le, Perdiccas en la Thrace, il y auoit si large espace pour se reposer en la uille
d'Athenes, en se retirant de tout poinct du maniemment des affaires, & en se rē- H
sant un beau chappellet de tranquillité à mettre sur sa teste, comme disent au-
cuns Rhetoriciens: car quant au desir de moienner la paix, c'estoit sans point
de doubte une affection diuine en luy, & un acte digne d'un tresgrand person-
nage, d'auoir fait tout ce q estoit en luy pour appaiser la guerre: en quoy Craf-
sus ne seroit pas à comparer à luy quand bien il auroit adiousté à l'empire Ro-
main toutes les prouinces qui sont iusques à la mer Caspiene, & iusques à la
grande mer Oceane des Indes. Mais aussi quant on a affaire à un peuple qui
cognoist bien ceulx qui marchent de bon pied, & qui uont le droit chemin de
la uertu, & que lon s'y sent plus fort en credit & en autorité, il n'est pas conue-
nable qu'à faulte de cueur on y laisse occuper lieu aux meschans, ny que lon y
donne moien de paruenir aux estats de la chose publique à ceulx qui n'en sont I
pas dignes, ny qu'on permette que lon se fie à ceulx de qui lō se deuroit desfier,
comme feit Nicias, lequel fut cause qu'un Cleon, qui parauant n'estoit rien que
un effronté harengueur, & un grand criart, fut eleu capitaine. Aussi ne loué-je
pas d'autre costé Crassus de ce, qu'en la guerre contre Spartacus il se hastade
luy donner la bataille avec plus de precipitation temeraire que de seureté: car
son ambition le luy feit faire, pource qu'il auoit peur que Pompeius qui appro-
choit, ne luy ostant la gloire de tout ce qu'il auoit fait en tout le temps qu'auoit
duré ceste guerre, ne plus ne moins que Mummius osta à Metellus la gloire de
la prise de Corinthe. Mais, q plus est, le faict de Nicias en cela est de tout poict
hors des limites de raison, & ne l'en sçauroit on excuser aucunement, pource K
qu'il ne ceda pas à son aduersaire l'honneur & la charge de capitaine, quand il
y eut apparence de heureuse issue, ou de non gueres grande difficulté ou dan-
ger: mais là ou il se doubta qu'il y auroit grand peril, il se contenta de mettre
sa personne en seureté, & ne se soucia point au reste du public: ce que ne feit pas
Themistocles du temps de la guerre contre les Perses, car pour empescher que
un hōme de peu de ualeur, fol & estourdy, estāt eleu capitaine general d'Athe-
nes, ne fust cause de la ruine publique, il luy donna secrettemēt de l'argēt pour
le

A le faire desister de sa poursuite: & Caton lors qu'il ueit qu'il y auoit plus d'affaires & plus de danger, demanda l'office de Tribun du peuple pour le bien de la chose publique. Et au contraire, Nicias se reseruant pour aller faire la guerre contre la uille de Minoa, ou contre l'isle de Cythere, ou contre les pauures malheureux Meliens, si estoit question d'aller puis apres combattre cōtre les Lacedæmoniens, alors il quittoit & despouilloit le manteau de capitaine, & abandonnant à la temerité & faulte de suffisance de Cleon, les uaisseaux, les armes, & les hommes en temps d'affaires, qui requeroient le plus sage & le mieulx experimenté capitaine que lon eust peu trouuer, ce qui n'estoit pas mettre à nonchaloir les moiens de se faire honneur, mais estoit faillir au besoing de la

B fenece & du salut de son païs, qui fut cause que depuis oultre son gré & sa uolunté, il fut contrainct de receuoir la charge de capitaine pour aller faire la guerre en la Sicile aux Syracusains, à cause que le peuple estima que la raison, pour laquelle il dissuadoit si fort l'entreprise, n'estoit pas, pource qu'il estimast qu'elle ne fust pas expediente pour la chose publique, ains que par sa paresse & lascheté de cuer, il uouloit faire perdre à son païs une belle occasion de conquerir la Sicile. Toutefois cela est un grand tesmoignage de l'opinion que lon auoit de sa preudhommie & de sa bonté, que cōbien qu'il haïst la guerre, & qu'il fouist les charges & les honneurs de la chose publique, iamais toutefois ses citoiens ne failloient à l'eslire comme le plus suffisant, le mieulx entédu, & le plus homme de bien de la uille. Et au cōtraire Crassus qui ne desiroit autre chose, ne peut

C iamais aduenir à estre eleu capitaine general, sinō en la guerre contre les esclaves, encore fut ce par necessité à faulte d'autre, pource que Pompeius & Metellus & les deux Luculles estoient lors absens occupez à autres guerres, combien que au demourant il eust alors la uogue, & qu'il eust grand credit & grande autorité: mais, à mon aduis, que ceulx mesmes qui luy fauorisoient, le tenoient, comme dit le poëte comique,

Homme de bien par tout, fors qu'à la guerre.

Toutefois à la parfin cela ne seruit de rien aux Romains qui furent forcez par son ambition & son ardente conuoitise de dominer, pource que les Atheniēs

D enuoyerent Nicias à la guerre malgré luy: mais Crassus y trainna les Romains malgré eulx, de maniere que le public tumba en calamité par l'un, & l'autre y tumba par le public: combien qu'en cela il y ait matiere de louer plus tost Nicias, que de blasmer Crassus: car l'un usant du iugement de capitaine experimenté & sage, n'espera iamais qu'ilz peussent cōquerir la Sicile, & pourtant en dissuada tousiours l'entreprise, sans soy laisser abuser à l'esperance de ses citoiens, & l'autre aiant entrepris la guerre contre les Parthes, comme estant chose facile de les desfaire, se trouua trompé de son esperance: mais au moins aspira il à grandes choses. Et comme Iulius Cæsar conqueroit à l'empire Romain les prouinces de l'Occident: c'est à sçauoir les Gaules, les Allemagnes & l'Angle-

E terre: aussi desiroit il aller deuers l'Orient, & penetrer iusques à la grande mer Oceane des Indes, en subiuguant toutes les prouinces de l'Asie: à quoy Pompeius mesme aspira, & Lucullus y pretendit aussi, tous deux gens de bien, & qui se mainteindrēt tousiours doulcemēt enuers tous, & neantmoins eurent la mesme intention, & se proposerent le mesme but que feit Crassus: car quād la charge de la guerre en Orient fut par decret du peuple donnée à Pompeius, le Senat le trouua mauuais, & y resista tant qu'il peut. Et comme les nouuelles fussēt uenues que Cæsar auoit desfaict en bataille trois cēts mille Allemans, Caton

Marcus Crassus.

opinât sur ce faict au Senat, fut d'aduis que lon le deuoit liurer entre les mains F
des Allemans qu'il auoit uaincus, pour en faire la punitiō, & en ce faisant des-
tourner la uengeâce du courroux des Dieux, à cause de la paix iniustemēt uio-
lee, sur la teste de celuy seul qui en estoit uiolateur. Et neâtmoins le peuple, sans
l'arrester aux remonstrances de Caton, en fait faire festes & processions publi-
ques l'espace de quinze iours durans, en grande resiouissance par toute la uille,
faisant sacrifices publiques aux Dieux, pour leur rendre graces de ceste si gran-
de uictoire. Comment donques pensons nous qu'il eust esté affectionné, & cō-
bien de iours cuidons nous qu'il eust fait fester & sacrifier, si d'adueture Craf-
sus eust escrit de Babylone, qu'il eust esté uictorieux, & qu'il eust conquis tous
les royaumes de la Medie, de la Perside, des Hyrcaniens, de Suse, de Bactres, & G
qu'il en eust fait des prouinces & gouuernemēs nouueaux de l'ēpire Romain?

Car si le droit il conuient uioler,
comme dit Euripides à ceulx qui ne peuuent uiure en repos & se contenter du
leur, il ne fault pas s'amuser à petites choses, comme à raser un chasteau de Scā-
die, ou une uille de Mende, ny à chasser les Æginetes estans desia hors de leur
naturel païs, & festās allez cacher, comme oyseaux denichez, en un autre trou,
ains fault mettre à hault pris le uiollement du droit: non pas legeremēt, & pour
peu de cas mespriser la iustice, comme si c'estoit chose à quoy lon se deust peu
arrester: car ceulx qui louent l'intention d'Alexandre le grand au uoyage des
conquestes qu'il feit en Leuāt, & blasment celle de Crassus, ont tort de iuger du H
cōmencement par les euenemēs de la fin. Au demourant quant aux executiōs
de leurs charges, Nicias y fait de beaux & bons exploits: car il desfeit les enne-
mis en plusieurs batailles, & s'en fallut biē peu qu'il ne prist la uille de Syracu-
se: & ne luy peult on attribuer la coulpe de tous les incōueniens qui aduinrēt
en celle guerre de la Sicile, ains en doibt on accuser en partie la pestilence, &
en partie aussi l'enuie que luy portoiēt ceulx qui estoient demourez à Athenes,
l'à ou Crassus fait tant d'erreurs, & commeit de si lourdes fautes en tout son
uoyage qu'il ne donna pas loisir à la fortune de faire rien de bon pour luy: tel-
lement, que ie ne m'esbahy pas tant, comme sa folie fut uaincue par la puis-
sance des Parthes, cōme ie m'emerveille, qu'elle peut uaincre la bonne fortune I
des Romains. Et comme ainsi soit, que tous deux sont periz par semblable
malheur, l'un en n'ayant rien obmis de ce qui appartient à l'art de deuiner, les
choses à aduenir, & l'autre en aiant desdaigné d'en rien obseruer, il est certai-
nement bien difficile de discerner & iuger, lequel des deux y proceda plus seu-
rement: mais toutefois, si est la faulte plus excusable que lon commet par timi-
dité en suiuant les uieilles & receuēs opinions, que non pas celle que lon com-
met par temerité & oultrecuidance, en transgressant les loix & coustumes de
tout temps establies. Quāt à leur mort celle de Crassus est moins à blâmer: car
il ne se rendit point uoluntairement, ny ne fut point lié ny mocqué, ains seu-
lement se laissa aller aux prieres de ses amis, & fut desloyalement circōueni par K
l'infidelité des ennemis, là ou Nicias soubz l'esperance de sauuer honteuse-
ment & laschement sa uie, s'estant soubmis à la mercy de ses ennemis en ren-
dit sa mort de tant plus ignominieuse.

A



B

C

D

E

En'est à l'aduéture pas chose dont lon se doieue emeuiller, qu'en espace de temps infiny, ainsi que la fortune tourne & uarie diuersement, il aduiene souuent par casuelle rencontre des accidens du tout semblables les uns aux autres. Car soit ou qu'il n'y ait point de nombre arresté ny certain des euenemens qui peuvent escheoir, la fortune a matiere assez plantureuse & ample pour produire des effects qui s'entresemblent, ou que les cas humains soiét compris en nôbre déterminé, il est force qu'il arriue souuent des accidens entieremēt semblables, attendu qu'ilz se font par mesmes causes & par mesmes moiens. Mais pourau tant qu'il y en a qui prennent plaisir à recueillir de telz cas fortuits, qu'ilz ont ueuz ou ouis si conformes l'un à l'autre, qu'ilz ressemblēt propremēt aux choses que lon fait de propos deliberé & avec raison propensee. Comme, pour exemple, Que de deux hommes qui ont eu nom Attrys, tous deux issus de grād lieu, l'un en la Syrie & l'autre en l'Arcadie, l'un & l'autre fut occis par un sanglier: & que de deux qui eurent nom Acteon, l'un fut deschiré par ses chiens, & l'autre par ses amoureux. Et que des deux renommez Scipions, les Cartaginois furent premierement uaincus par l'un, & depuis entieremēt ruinez & destruits par l'autre. Que la uille de Troie fut la premiere fois prise par Hercules pour les cheuaux que Laomedon luy auoit promis: la seconde fois par Agamemnon, moienant le grand cheual de bois: & la troisieme fois par Charidemus, à l'occasion d'un cheual qui tumba dedās la porte, & engarda que les Troiens ne la peussent fermer à temps. Et que de deux uilles aians le nom de deux plantes odoriferētes, Ios & Smyrna, dont l'une signifie la Violette, & l'autre la Myrrhe, on tient que le poēte Homere nasquit en l'une, & qu'il mourut en l'autre. Nous y pouuons bien encore adiouxter cest exemple cy, qu'entre les capitaines anciens, les plus belliqueux, & qui ont fait de plus grādes choses par astuce & ruz de guerre inuentee de bon esprit, ont esté borgnes, comme Philippus, Antigonus, Hannibal, & Sertorius, dont nous escriuons à present: lequel on peult ueritablement dire auoir esté plus continent uers les femmes que Philippus, plus fidele uers ses amis qu'Antigonus, plus humain uers ses ennemis que Hannibal, & qu'il ne cedoit en bonté d'entēdement à nul d'eulx, mais en faueur de la fortune à tous, laquelle luy aiant esté en toutes choses plus rigoureuse & plus dure qu'à ses ennemis qui estoient tous grands personages, neantmoins il se monstra en experience egal à Metellus, en prouesse à Pompeius, & en fortune à Sylla, si bien qu'estant banny de son pais, estranger en prouince estrange, & commandant à une nation barbare, il sousteint un temps la guerre contre la puissance du peuple Romain. Si m'a semblé que de tous les capitaines Grecs, il n'y en auoit point que nous luy puissions plus raisonnablement appaier que Eumenes le Cardian, pource que tous deux ont bien sceu commander, tous deux ont esté & hardis & ruzez en guerre, tous deux bannits de leurs pais, tous deux capitaines d'estrangers, & tous deux uiolentemēt & meschamment tuez, aians tous deux esté occis en trahison par ceulx mesmes, avec lesquels ilz auoient desfait leurs ennemis. La maison dōques de Quintus Sertorius estoit assez noble en la uille de Nursia au pais des Sabins, mais son pere le laissa petit enfant, & fut nourry honestement dessoubz sa mere ueufue, laquelle il aima & reuera tousiours singulieremēt. Elle se nommoit, comme lon

dit, Rea. Son commencement fut qu'il s'exercita à plaider des causes assez passablement, de maniere qu'estant encore fort ieune hōme, il uint à Rome en quelque credit, par le moien de son eloquence: mais l'honneur & la reputation qu'il acquit depuis, par les prouesses qu'il feit, le conuierent à tourner du tout son estude & son ambition aux armes & à la guerre. Si fut son premier apprentissage, lors que les Cimbres & les Teutons avec grosse puissance, enuahirent le pais de la Gaule, là ou les Romains aians esté desfaits en bataille, soubz la conduite d'un Scipiō, son cheual luy fut tué soubz luy, & luy blecé, & neantmoins encore trauersā il le Rosne à nage, avec sa cuirasse sur son dos & sa targe, rompant à force l'impetuosité de celle riuere, tant il auoit le corps fort & dispos, & bien exercité à porter le trauail & la peine. La seconde fois que ces Barbares retournerēt avec un nombre infiny de combattans, & avec fieres & terribles menasses, les Romains en eurent tel effroy, que lon estimoit lors bien gentil compaignon celuy, qui auoit bien la hardiesse de demourer en son reng, & d'obeir à son capitaine. Marius fut adonc chef de l'armee Romaine, & Sertorius entreprit d'aller recognoistre le camp des ennemis. Si se uestit d'un habillement de Gaulois, & apprit les plus communs termes, dont on uze en leur langage, pour parler quand on s'entretencōtre, & ainsi s'alla ietter parmy les Barbares, là ou aiant partie ueu à l'œil, & partie ouy dire ce qu'il desiroit plus entendre & sçauoir, il s'en retourna deuers Marius, qui l'honora lors de tel loyer, comme il meritoit, & depuis en toute celle guerre, il feit tant d'actes de bon sens, & de grande hardiesse, que son capitaine l'en eut en tresbonne estime, & le meit en reputation, luy commettant de ses principaux affaires: parquoy apres ceste guerre des Cimbres & Teutōns, il fut enuoyé en Hespagne, soubz la charge de Didius Præteur, avec charge de mille hommes de pied, lesquelz il mena hyuerner en la uille de Castulo, es marches des Celtiberiens, là ou les soudards trouuans des uiures à foison, ne faisoient autre chose que gourmander & yurongner, & cōmettre mille insolēces, apres qu'ilz estoient yures, tāt que les Barbares de la uille les en eurent en si grand mespris, qu'ilz enuoyerent une nuit querir du secours de leurs plus proches uoïfins, les Gyrisœniens, & allans par les logis des Romains, en occirent une bōne partie. Sertorius entédant le bruit, se ietta incontinēt hors de la uille, avec quelque peu de ses gens, & r'alliant ceulx qui s'eschappoient aussi de uistesse à la file, il feit le tour du circuit de la uille, & trouuant la porte, par laquelle les Gyrisœniens estoient entrez, encore toute ouuerte, se coula dedans: mais il ne feit pas cōme ilz auoient fait eulx, ains mettant bonnes gardes aux portes, & en tous les endroits de la uille, feit passer au fil de l'espee, tous ceulx qui estoient dedans, en aage de porter armes. Puis quand ilz eurent executé ceste uengeance, il leur commanda qu'ilz posassent leurs uestemens ordinaires, & leurs armes, & qu'ilz se uestissent & armaissent de celles des Barbares qu'ilz auoient tuez, & qu'ilz allassent apres luy, uers la uille des Gyrisœniens, dont estoiet uenus ceulx, qui les auoient assaillis en surprise la nuit. Les Barbares à ueoir de loing les uestemens, & les armes de leurs gens, pēsans certainement q̄ ce fussent eulx, ouurirēt leurs portes, & en sortit une grāde foule de peuple, pour aller au deuant de leurs amis & citoiens, qu'ilz cuidoiēt auoir bien faiēt leurs besongnes, ainsi en tuerent les Romains un grād nombre tout ioignant les portes de leur uille, & les autres s'estans rendus à la mercy de Sertorius, furent par luy uendus. Depuis cest acte, Sertorius fut fort renommé par toute l'Hespagne, & aussi tost qu'il fut de retour à Rome, fut eleu Questeur ou

A tresorier general de la Gaule, qui est de la les mōts à l'entour du Po, qui uint bié à propos pour les affaires de Rome, pource que lors s'ameur la guerre des peuples confederez de l'Italie, que lon appelle la guerre Marfique, en laquelle il eut charge & commission de leuer gens de guerre, & faire forger armes, ou il fit si bonne diligence, & hasta tellement la besongne à comparaifon de la longueur & paresse des autres ieunes gēs, qu'il en acquit la reputation d'homme d'execution, & qui estoit pour faire un iour de belles & grādes choses: mais quoy qu'il fust parueniu à la dignité de capitaine, il ne laissa point pour cela de hazarder aussi hardimēt sa personne, comme eust fait un simple soudard, ains fit de merueilleuses armes de sa propre main, sans s'espargner aux plus dangereuses meslees, tellement qu'à la fin il y perdit un œil qui luy fut creué en combattant: de quoy tant s'en fault qu'il eust honte, que au cōtraire il s'en glorifioit ordinairement. Car les autres, disoit-il, ne portent pas tousiours quand & eulx les marques & tesmoignages de leurs prouesses, ains les laissent quelque fois à la maison, comme sont les chaines, carquans, iauelines, & couronnes, qu'il leur ont esté donnez par leurs capitaines pour tesmoignage de leur uertu: mais luy portoit tousiours, en quelque lieu qu'il allaist, les enseignes de sa uailance, tellement que ceulx qui regardoient sa perte, uoy oient aussi quand & quand le tesmoignage de sa ualeur. Aussi luy en fit le peuple l'honneur qui luy appartenoit: car quand il entra au theatre, il le receut avec grands battemens de mains & grandes louanges, ce qu'à peine faisoient les Romains aux plus uieux capitaines, & qui pour leurs grāds seruites estoient les plus honorez. Toutefois cōme il se fust présenté à demander l'office de Tribun du peuple, il en fut debouté & en decheut par les menees de Sylla qui l'empescha, dōt il semble que sourdis celleuchement haine & grande malueuillanee qu'il porta tousiours depuis à Sylla: par quoy apres que Marius aiāt esté uaincu par Sylla, s'en fut enfouy, que Sylla fut party de l'Italie pour aller faire la guerre à Mithridates, & que des deux Consulz l'un, c'est à sçauoir Octauius, mainteint la part & ligue de Sylla, & Cinna l'autre Consul, qui ne demandoit que choses nouuelles, r'assembla & rascha de remettre sus celle de Marius, laquelle s'en alloit ancantissant, Sertorius se rengea deuers luy pour autant mesmement qu'il uoyoit que Octauius estoit homme lent, & qu'il ne se fioit nullemēt aux amis de Marius. Si y eut une cruelle rencontre qui se fit dedans la uille mesme sur la grande place, là ou Octauius uainquit, & Cinna & Sertorius se sauuerent à la fuite, n'aiās pas perdu guerres moins de dix mille hōmes en ceste seule desfainte: mais ilz prattiquerent & gaignerent par bons moiens les autres gens de guerre qui estoient espādus ça & là parmy l'Italie, si bien qu'en peu de temps ilz se trouuerent egaulx en nombre d'hommes & assez puissans pour combattre une autrefois Octauius. De quoy Marius estant aduertiy monta incontinent sur mer, & s'en retourna de l'Affrique en Italie, & s'en uint renger à Cinna, comme soudard priué à son capitaine & à son Cōsul. Si furent tous les autres tresbien d'aduis qu'on le receust: mais Sertorius l'empescha de toute sa puissance, fust ou pource qu'il eust peur que son autorité n'en diminuast quand il auroit approché de luy un autre capitaine de plus grāde dignité, ou pource qu'il redoubtast l'aspreté & la uiolēce de Marius, qui ne pardōnoit iamais, craignant qu'il ne gastast tout, par ce qu'il ne sçauoit pas tenir un moiē en son courroux, & qu'il ne oultrepassast les bornes de la raison, en se uengeant de ses ennemis. Si aduenoit qu'ilz eussent la uistōire: ieinēt qu'il disoit qu'il ne leur restoit plus guerres qu'ilz ne fussent entie-

rement au dessus de leurs affaires, & que si une fois ilz receuoient Marius, il leur
 emporteroit toute la gloire & tout l'honneur d'auoir conduit ceste guerre à
 chef, & que ce seroit un compaignon malaisé, & mal feable en autorité. A quoy
 Cinna respōdit, que le discours qu'il faisoit, & les raisons qu'il alleguoit estoient
 bien ueritables : mais neantmoins qu'il auoit honte, & ne uoyoit pas commēt
 il peust honnestement refuzer ny renuoyer Marius, mesmement apres l'auoir
 mandé & fait uenir expressement pour luy commettre partie de la conduite
 de ceste guerre. Lors repliqua Sertorius, Quāt à moy i'estimois que Marius fust
 reuenu de son propre mouuement sans estre mandé, & par ainsi regardant à ce
 qui me sembloit le plus expedient, ie conseilloyis de ne le receuoir point : mais
 puis qu'ainsi est que tu l'as mandé premierement, c'estoit mal fait à toy de con-
 sultier, si tu le deuois receuoir ou non, puis qu'il estoit uenu à ton mandement :
 & es tenu de t'en seruir, pource qu'estant uenu sur ta parole, l'obligation de la
 foy ne te permet plus en pouuoir discourir. Ainsi fut mandé Marius : & quand
 il fut arriué, ilz departirent toute leur armee en trois, puis cōmencerent à guer-
 royer leurs ennemis de tous costez, si bien qu'ilz demourerent uictorieux : mais
 en celle uictoire Cinna & Marius feirent toutes les cruauitez & inhumanitez
 qu'il est possible de faire, tellement que les Romains estimerent que tous les
 maulx qu'ilz auoient endurez tout le long de la guerre, n'estoient que ieu au pris
 des calamitez & des miseres qu'ilz souffrirent depuis. Mais au contraire Serto-
 rius ne feit iamais occire homme pour aucune malueillance particuliere qu'il
 eust contre luy, ny ne feit onques oultrage à personne apres qu'il fut uain-
 cueur, ains à l'opposite estoit marry des inhumanitez que Marius faisoit : &
 quand il pouuoit parler à part en priué avec Cinna, l'addoucissoit le plus qu'il
 pouuoit, & le rédoit par ses prieres plus moderé. Finablement uoiant un grand
 nombre de serfs, desquelz Marius s'estoit seruy à faulte d'autres soudards en ce-
 ste guerre, & desquelz il usoit encore pour ses satellites & ministres de sa cruau-
 té tyrannique, les aiant tousiours à l'entour de sa personne comme sa garde, &
 permettant qu'ilz se feissent riches & opulents, en partie de ce que luy mesme
 leur donnoit ou leur commandoit, & en partie aussi de ce que uiolentement ilz
 commettoient d'eulx mesmes sans son commandement à l'encontre de leurs
 maistres, en les tuant eulx, forceāt leurs maistresses, & uiolāt leurs enfans. Ser-
 torius ne pouuant plus supporter telles meschacerez, les feit tous occire en leur
 camp ou ilz se logeoient & retiroient ensemble, n'estans pas moins de quatre
 mille hommes. Depuis estant le uieil Marius decedé, & Cinna bien tost apres
 aiant esté tué, & le ieune Marius contre son aduis & contre les loix de Rome
 aiant par force usurpé le Cōsulat, & Carbo, Scipion, Norbanus aians esté rom-
 pus & desfaits par Sylla retourna de la Grece, en partie par la faulte & lasche-
 té de cuer des capitaines, & en partie aussi par ce qu'ilz estoient uendus & tra-
 hiz de leurs gens, considerant que sa presence ne seruoit de rien aux affaires qui
 alloient tousiours de mal en pis, à cause que ceulx qui y auoient plus de pouuoir
 estoient ceulx qui auoient moins de sens & moins d'entendement : & encore
 apres tout, quād il ueit que Sylla estoit uenu planter son camp tout au plus pres
 de celuy de Scipion, en le caressant, & luy donnant esperance d'une bone paix,
 pendant que soubz main, il luy subornoit & prattiquoit ses gens, & que Scipiō
 iamais n'en uolut rien croire, combien qu'il luy predist & luy remonstrest
 bien à certes : adonc ne pouuant plus esperer que leurs affaires se portassent ia-
 mais bien à Rōme, il se partit pour aller en Hespagne, en intētion que sil pou-

A uoit se saisir le premier, & asseurer du gouuernement de celle prouince, ce fust à tout le moins une retraite & un refuge pour ceulx de leur ligue qui seroient chassez & bannits de leur pais: mais par le chemin en y allât il eut le temps fort mauuais & fort rude. Et oultre cela en passant par un pais de montagnes, les Barbares habitans du lieu luy demanderent tribut & salaire pour luy donner passage par leurs terres: dequoy ceulx qui estoient en sa compagnie se courrouceient à bon esciant, disans que c'estoit une honte & indignité trop grande qu'un Proconsul du peuple Romain payast tribut à ces meschans Barbares: mais Sertorius ne se soucia point de la hôte qu'ilz disoient q̄ ce luy seroit, ains leur respōdit, qu'il a cheptoit le tēps, qui est la chose q̄ doit tenir plus chere ce-
 B luy q̄ aspire à faire de grādes choses, & contenta les Barbares avec de l'argent, puis feit si bōne diligence qu'il s'empara de l'Hespagne, laquelle il trouua florissante en nombre de peuples, mesmemēt de ieunes hōmes en aage de porter armes: mais aiāt par le passé esté si mal traittee par l'auarice, l'insolēce & l'arrogance des gouuerneurs que lon y enuoyoit ordinairement de Rome, qu'ilz en auoient en haine toute maniere de gouuernemēt. Si rascha deuāt toute œuure à acquerir la bienueuillance de tous ceulx du pais generalemēt: des nobles, en hantant & conuersant familièrement avec eulx: & de la commune, en leur relaschant partie de leurs tailles & subsides: mais ce qui plus uniuersellement le feit aimer de tous, fut qu'il les exempta de loger les gens de guerre, & de rece-
 C uoir garnisons dedans les uilles, contraignant ses gens de dresser leurs tentes, & faire leurs logis aux faulxbourgs le long des bōnes uilles pour y passer l'hyuer, & y faisant luy mesme le premier tendre son pauillon, & y couchant. Ce neantmoins il n'obtempēra pas en toutes choses au grē ny à la uoulunté des Barbares pour auoir leur bonne grace: car il feit armer tous les bourgeois Romains qui se trouuerent habituez en Hespagne de l'aage de pouuoir porter armes, & faisant en plusieurs endroits bastir de routes sortes d'engins & de machines de batterie & grād nōbre de galeres, cōreint en office les uilles soubs sa main, semōstrant d'eulx & humaines affaires de paix, & redoubtable en appareil de guerre contre ses ennemis. Or apres qu'il fut aduertty que Sylla tenoit la
 D uille de Rome, & que la part & ligue de Marius & de Carbo, estoit entierement destruite, se doubtant bien qu'il ne passeroit pas gueres de temps, que l'on n'en- uoyast quelque capitaine avec une grosse & puissante armee contre luy, il en- uoya de bon ne heure occuper les pas des monts Pyrenées par Iulius Salinator, qui y mena six mille hommes de pied armez. Et peu de tēps apres y arriua aussi de l'autre costé Caius Annius enuoyé par Sylla, lequel uoyāt qu'il n'y auoit ordre de forcer Salinator en lieu si auantageux, s'arresta tout court au pied de la montagne, ne sachant qu'il deuoit faire: mais il y eut de male aduēture un Cal- furnius surnommé Lanarius, qui tua Salinator en trahison: à l'occasiō dequoy ses gens abandonnerent aussi tost les cymes des montaignes, & adonc Annius
 E y passa tout à son aise, & avec sa puissance, qui estoit grosse, repoulsa ceulx qui le uoulurent empescher de tirer oultre. Parquoy Sertorius ne se sentāt pas assez fort pour le combattre, se retira avec trois mille hōmes dedans la uille de Carthage la neufue, là ou il monta sur mer: & de là trauersa en Afrique, & alla descendre en la coste des Maurusiens, ou ses gens issirent incontinent des uais- seaux pour se refreschir d'eau, s'escartans ça & là, sans autrement foy tenir sur leurs gardes: au moien dequoy les Barbares se ruerent sur eulx, & d'abōdee en- tuerent un bon nombre, tellement que Sertorius fut contraint de se rembar-

quer, & repréndre la route de l'Hespagne, mais il n'y peut aborder, pource qu'on F
l'en repoulsa. Et à ceste cause se mit à cingler avec quelques fustes de coursa-
res Ciliciens uers l'isle de Pityeuse, ou il prit terre malgré la garnison que An-
nius y auoit mise, laquelle il forcea: mais peu de iours après Annius y alla luy
mesme avec bon nombre de uaisseaux, & cinq mille combattans dessus. Serto-
rius se resolut de l'attendre & de le combattre par mer, combien que ses uais-
seaux fussent minces & legers, comme ceulx qui estoient faits expres pour cin-
gler legerement & non pas massifs pour combattre: mais le uent du Ponent se
leua impetueusement, lequel haulsa la mer par telle uiolence, qu'il ietta une grã-
de partie des uaisseaux de Sertorius par le trauers, à cause qu'ilz estoient ainsi le-
gers, contre les riuages pierreux, & luy avec petit nombre de uaisseaux, estant G
forelos de la terre par ses ennemis, & de la mer par la tourmente, fût contraint
de demourer l'espace de dix iours en haulte mer à l'ancre, à cōbattre avec grãd
peril & grand trauail, les uagues & les uents, qui furent tousiours ce temps du-
rant fort impetueux: toutefois à la fin ilz s'appaiserent, & aussi tost il leua l'an-
cre, & alla poser en quelques petites isles desertes & sans eau, qui sont semées en
celle playe. Puis au partir de là passa le destroit de Gilbratar, & tournant à main
droitte prit terre en la coste de l'Hespagne, qui regarde la grande mer Oceane
un peu au dessus de la bouche du fleuue de Bæris, lequel se deschargeant en l'O-
cean. Atlantique donnoit anciennement le nom à ce quartier là de l'Hespagne,
qui en estoit appelée l'Hespagne Batique. Là le trouuerent des mariniers nou- H
uellement arriuez des isles de l'Ocean Atlantique, que les anciens appelloient
les Isles fortunées. Ce sont deux isles pres l'une de l'autre, n'y aiant qu'un petit
bras de mer entre deux, & sont loing de la coste d'Afrique enuiron de cent uingt
& cinq lieuës. Il y pleut bien peu souuent une pluye douce, mais ordinairement
y souffle un doux & gracieux uent, qui apporte une rosee, laquelle attrempé tel-
lement la terre qu'elle en est grasse & fertile, non seulement pour pouuoir pro-
duire tout ce que lon y uoudroit planter & semer, mais aussi en produit d'elle
mesme, sans ceuvre ne main d'homme, tant & de si bõ fruit, qu'il suffit à nour-
rir le peuple y habitant, oyssif, sans qu'il ait besoing de se donner peine ou sou-
cy de rien. L'air y est doux & ferein sans iamais offenser les corps, pource que I
les saisons de l'an y sont fort temperées, & que les mutatiōs des qualitez de l'air
ny sont iamais excessiues, à cause que les uents qui y soufflent deuers la terre du
costé de deça, comme sont les uents de la Tramontaine & du Leuant, quãd ilz
uiennent à sortir hors du rond de la terre habitable sont ia lassez pour la lon-
gueur de leur cours, & puis fallans espandre en un espace infiny d'air & de mer,
ilz ont desia perdu toute leur force auant qu'ilz puissent arriuer là. Et les uents
qui y soufflent de deuers la haulte mer, cōme sont ceulx du Midy & du Ponët,
y amènent bien quelque fois de la mer de petites pluyes menues: mais le plus
souuent ne font que refreschir un peu l'air d'une moiteur qui nourrit douce-
ment toutes choses que la terre y produit, tellement que iusques aux Barbares K
est cela passé en ferme & assuree creance, que là sont les champs Elysiens, & le
sejour des ames bienheureuses que le poëte Homere a tant celebré. Ce qu'en-
tendant Sertorius il luy prit une merueilleuse enuie de s'en aller habiter en ces
isles là, pour y uiure en repos loing de tyrannie & de toutes guerres: mais si tost
que les coursaies Ciliciens, qui ne demandoient point la paix, ains ne cher-
choient que quelque pillage & quelque butin, en ouyrēt le uent, ilz le laisserēt,
& s'en allerent en Afrique pour remettre un Ascalius filz de Iphtha au royaume

A me des Maurusiens : toutefois leur departie ne feit point perdre le cueur à Sertorius, ains delibera d'aller secourir ceulx qui faisoient la guerre à Ascalius, à fin que ce peu de gés de guerre qu'il auoit encore avec luy, uoyans quelque maniere de nouuelle esperance, & moien de s'employer, ne l'abandonassent point estans contraincts de se desbender par la necessité. Les Maurusiens furent trefaïses de son arriuee, & luy meit incontinct la main à l'œuure, & desfeit en bataille Ascalius, puis l'alla assieger dedās la uille, ou il s'estoit retiré apres la defaïtte de son armee: dequoy Sylla estant aduertty, y enuoya un nommé Paccianus avec armee pour secourir Ascalius. Sertorius luy donna la bataille, en laquelle il l'occit sur le champ, & gaigna le reste de son armee qui se rēdit à luy, puis il prit la uille de Tigenna, dedans laquelle Ascalius s'en estoit fouy avec ses freres. Les Libyens tienent & escriuent que Anteus est leans enterré : mais Sertorius ne pouuant croire ce qu'en comptoient les Barbares du païs, pour la grandeur de la sepulture qu'ilz en monstroïēt, la feit descouurir tout à l'entour, & ouurir, & y aiant trouué un corps d'homme de soixante coudees de long, à ce que lon dit, en demoura grandemēt esmerueillé, & apres auoir immolé dessus une hostie, feit recouurir & re fermer le tumbeau: en quoy faisant, il augmenta fort l'honneur que la uille portoit à la memoire d'Anteus, & cōfirma ce que lon en comptoit en ce pays là: car ceulx de la uille de Tigenna comptent que apres la mort d'Anteus, sa femme qui se nommoit Tinga coucha avec Hercules, duquel elle eut un beau filz, qui fut nommé Sophax, & fut roy de celle contree, ou il fonda ceste uille, qu'il appella du nom de sa mere. Et disent encore que ce Sophax eut un filz nommé Diodorus, lequel conquist & meit en son obeïssance la plus grande partie de l'Afrique, avec une armee de Grecs Olbianiens & Mycenienens, que Hercules y auoit menez, & qui s'estoïēt habitez en ce quartier là. Nous auons bien uoulu embrasser l'occasion qui se presentoit, de dire cela en passant, pour l'hōneur de Iuba, le plus gentil historien qui fut oncques de sang royal, pource que lon tient que ces ancestres sont descendus de ce Sophax & de ce Diodorus. Sertorius donques comme uictorieux aiant tout le païs en sa main, ne feit aucun mal ny desplaisir à ceulx qui se meirent en sa mercy, & qui se fierent en luy, ains leur rendit leurs biens, leurs uilles & leur gouuernement, se contentant de ce que de leur bon gré & franche uolunté, ilz luy offrirent. Cela fait, il se trouua en doubte de ce qu'il deuoit faire, & en quelle part il deuoit tourner: mais comme il estoit en peine de s'en resoudre, arriuerent deuers luy des ambassadeurs que les Lusitaniens luy enuoyoient expres pour le prier deuouloir estre leur capitaine general, pource qu'ilz auoient necessairement befoing de quelque personnage de grande reputation & d'experience au faïct de la guerre, pour la crainte qu'ilz auoïēt des Romains, & qu'ilz n'en sçauoient point d'autres de ceste qualité, auquel ilz fozassent cōmettre ny fier qu'à luy, ioint que ceulx qui auoïēt uestu avec luy faisoïēt bien bon rapport, & louoïēt grandement ses meurs & son naturel, qui estoit tel à ce que lon en trouue par escript. On ne le uoyoit gueres iamais espris ny de peur ny de ioye, ains comme il estoit de nature homme sans peur au milieu du peril, aussi estoit il moderé en sa prosperité. Il ne cedoit en hardiesse à nul capitaine de son temps pour uailamment combattre, & de sens rassis en toutes soudaines rencontres: mais ou il estoit question de faire une surprise de bon entendement, ou de sçauoir bien choisir l'auantage d'un lieu fort d'assiette pour loger ou combattre, ou de passer une riuiera, ou eschapper un mauuais pas: & pour ce faire

estoit besoing de grande legereté, & de iouer de quelque ruze, & quelque faulſe F
 emorche aux ennemis, en tēps & lieu, il en estoit ouurier tres excellent. Oultre
 cela, il estoit liberal & magnifique à remunerer les beaux faicts d'armes, & cle-
 ment à punir les forfaitures: toutefois le meurtre qu'il commeit sur ses der-
 niers iours es personnes des ieunes enfans qu'il tenoit riere luy en hostage (qui
 fut sans point de doubte un acte de grande cruaulté, & d'un courroux qui ne
 peult pardonner) semble monſtrer & faire foy, qu'il n'estoit point clement ny
 humain de nature: mais que finement il le contrefaisoit quelque fois, pource
 que le temps & ses affaires le requeroient ainsi. Quant est à moy, ie suis bien
 d'aduis qu'il ne ſçauroit aduenir malheur si grief qu'il eust le pouuoir de chan-
 ger & tourner tout au contraire la uertu pure & nette, fondee en iugement de G
 raison: mais aussi n'est il pas impossible que les bonnes uoluntez & doulces
 natures, se sentans oultragees & affligees indignement, ne puissent avec la for-
 tune changer leurs inclinations naturelles: comme ie pense qu'il aduint lors
 à Sertorius, lequel quand la fortune luy uint à faillir & à estre rebourſe, deuint
 fauage & farouche, iusques à se uenger cruellement de ceulx qui l'auoient
 trahy meſchamment. Mais pour retourner au propos dont nous estions issus,
 Sertorius se partit d'Afrique à la ſemonce des Luſitaniens, qui le choiſirent
 pour leur capitaine general, avec plein pouuoir & autorité ſouueraine: &
 arriué qu'il y fut, leua incontinent gens de guerre, avec leſquelz il reduiſit en
 ſon obeiffance les peuples de l'Heſpagne, qui ſont les plus uoiſins de celle mar- H
 che, dont la plus part ſe ſoubmeit uoluntairement à ſon obeiffance, princi-
 palement pour le bruit qu'il auoit d'estre homme doulx & humain, & quand
 & quand homme de faict & d'execution: ioinct aussi qu'il uſa de quelques ha-
 bilitéz & ſubtiles inuentionſ pour les gagner & attirer, comme fut entre au-
 tres la ruze de ſa biche, qui fut telle. Il y auoit un païſan nommé Spanus, qui
 ſe tenoit aux champs, ou il rencontra un iour, par cas d'aduenture, une biche
 qui auoit freſchemēt fait ſon ſan, & aiant eſté l'ancee par des chaffeurs, ſe trou-
 ua en ſon chemin, mais il ne ſceut prendre la mere, & prit à la courſe le ſan, qui
 estoit une petite biſche de pelage eſtrange: car elle estoit toute blanche. Or par
 cas de fortune Sertorius ſe trouua lors en ce quartier là, qui de ſa couſtume e- I
 ſtoit bien aïſe, quand on luy faiſoit quelques telz petits preſens, tant de fruitſ,
 que de gibbier, ou de uenaïſon: & ſi faiſoit bonne chere à ceulx, qui luy en ap-
 portoient, les remunerans honeſtement: ſi luy alla ce païſan offrir ſon petit
 biſchot, dont Sertorius fut aſſez ioieux ſur l'heure, & avec le temps il la rendit
 ſi priuee & ſi familiere, qu'elle uenoit à luy quand il l'appelloit, & le ſuiuoit
 par tout ou il alloit, & ne ſeffarouchoit point de ueoir continuellement grand
 nombre de ſoudards armez, ny d'ouir le bruit & tumulte du camp: ſi bien que
 petit à petit il tourna cela en miracle, faiſant à croire aux Barbares que c'e-
 ſtoit un don que Diane luy auoit fait, par lequel elle luy faiſoit entendre &
 ſçauoir pluſieurs choſes à aduenir, ſachant bien que naturellement les Bar- K
 bares ſont faciles à prendre & à deceuoir par ſuperſtition, avec ce qu'il les in-
 duiſoit à receuoir ceſte creance par un tel artifice, quand il auoit eu quelques
 ſecrēts aduertiffemens que les ennemis deuoient uenir aſſaillir aucuns en-
 droits des païs & prouinces à luy ſubiettes, ou que lon luy auoit par ſurpri-
 ſe ou par intelligence emblé quelqu'une de ſes places, il leur donnoit à en-
 tendre, que ſa biſche auoit la nuit en dormant parlé à luy, & luy auoit enioint
 qu'il teint ſes gens tous preſts en armes. Semblablement aussi quand il auoit

- A** eu aduis, que quelqu'un de ses lieutenans auoit gaigné une bataille, ou auoit eu aucun auantage sur ses ennemis, il faisoit cacher le messager & amener sa bische en public, couronnée & couuerte de bouquetz & de chapeaux de fleurs, puis disoit que c'estoit quelque bonne nouuelle qui luy deuoit bien tost uenir, les enhortant d'auoir bonne esperance & de se resiouir, en sacrifiant aux Dieux pour leur redre graces de ce q̄ bien tost il auroit quelque bone nouuelle. Ainsi en leur imprimant ceste superstition en la teste, il les rendoit plus maniables & plus obeissans à sa uolunté, de sorte qu'ilz ne p̄soient plus estre gouuernez par un hōme estranger, qui auoit le sens & l'entendement plus grand que eulx, ains croyoient fermement, que c'estoit quelque Dieu qui le cōduisoit: avec ce q̄ les
- B** effects respondoient à leur opinion, pourautant qu'ilz uoyoient à l'œil sa puissance croistre, contre toute apparente raison: car avec deux mille cinq cents hommes de guerre, qu'il appelloit Romains, combien qu'il y en eust la plus part d'Africains, qui estoient passez quand & luy de l'Afrique en Hespagne, & quatre mille Lusitaniens, avec enuiron sept cents hommes de cheual, il sousteint la guerre, contre quatre grands capitaines Romains, soubz la charge desquelz il y eut bien six uingts mille hommes de pied, six mille cheuaux, & de gens de trait, & tireurs de fōdes, bien deux mille, avec un nombre infiny de uilles & de païs, là ou luy n'en auoit que uingt au commencement: & toutefois atout une si foible puissance, qu'il se trouua entre mains à l'entree de ceste
- C** guerre, non seulement il conquist de grands païs, & prit plusieurs bonnes uilles, mais aussi prit prisonniers aucuns des capitaines, que lon enuoya contre luy. Il desfeit Cotta en bataille par mer, pres la uille de Mellaria, & rompit aussi en bataille rengee, Fidius gouuerneur de l'Hespagne Bétique, pres de la riuere de Batis, ou il tua deux mille hommes Romains, & par son Quæsteur desfeit aussi Lucius Domitius, Proconsul de l'autre prouince d'Hespagne, & une autrefois desconfit aussi Toranius, un autre capitaine, l'un des lieutenans de Metellus, qu'il tua sur le chāp, avec toute son armee: & à Metellus mesme q̄ lon estimoit l'un des plus grands personages au faict de la guerre, & des meilleurs capitaines q̄ les Romains eussent pour lors, il luy dōna tant de trauerses,
- D** & le rengea à telz termes, qu'il fallut que Lucius Lollius uint du Languedoc pour le secourir: & qui plus est, que lō enuoyast de Rome en diligence le grād Pompeius, avec une nouuelle armee: car Metellus ne sçauoit plus qu'il deuoit faire ny de quel costé se tourner, aiant à faire à un homme hardy & aduentureux, que iamais il ne pouuoit attirer à bataille rengee, ny le attrapper en pleine campagne: mais qui se muoit & tournoit facilement en toutes formes, pour l'agilité & legereté de ses souldards Hespagnolz de nation, armez à la leger: là ou luy auoit accoustumé de combattre en iournee assignee, de pied ferme sans bouger, & conduisoit une armee pesante & chargee de harnois, laquelle sçauoit tresbien garder ses rengs & en combattant de pied ferme à coups de
- E** main renuerser son ennemy, & luy passer sur le uentre: mais de grauir contre-mont les montagnes, & d'estre tousiours attaché à la cueuë de ces hommes legers comme le uent, à les chasser & poursuiure, attendu qu'ilz fuyoient continuellement, & n'arrestoient iamais en place, elle ne l'eust sceu faire, ny n'eust sceu endurer la faim & la soif, uiure sans cuisine, & sans feu, coucher à mesme terre, sans tentes ne pauillons, comme faisoient ceulx de Sertorius. Ioinct aussi que luy, qui estoit desia bien auant sur son aage, apres plusieurs grands labeurs & trauaux qu'il auoit endurez en ses ieunes ans, se laissoit desia un peu aller aux

uoluptez & aux delices, & estoit attaché à Sertorius, qui lors se trouuoit en la fleur de son aage plein de uigoureux esprits, oultre ce que de nature il auoit le corps merueilleusement bien composé pour la force, legereté & sobriété: car il n'estoit aucunement subiect à sa bouche, ny ne beuuoit iamais oultre mesure, non pas mesme quand il estoit hors d'affaires en plein repos: car il festoit accoustumé de ieunesse à supporter de grâds traux, faire de longues traittes, passer plusieurs iours & nuicts de reng sans dormir, manger peu, & se contenter de uiandes les premieres trouuees: & quand il se trouuoit de loisir, il estoit sans cesse à cheual à chasser & courir ça & là parmy les champs, au moien dequoy il acquit une grande experience & adresse, pour se sçauoir habilement tirer hors d'un mauuais passage quand il estoit pressé de son ennemy, & au contraire aussi de l'enclorre quand il auoit auantage sur luy, & de cognoistre par ou lon pouuoit passer, & par ou non. Et pourtant Metellus, qui ne demâdoit qu'à combattre, soustenoit toutes les incommoditez & toutes les pertes que souffrent ceulx qui sont uaincuz: & au contraire Sertorius, en declinant la bataille, & fuyant deuant luy, auoit sur luy tous les auantages qu'ont ceulx qui chassent leurs ennemis apres les auoir rompus: car il luy retrenchoit uiures de tous costez, il luy ostoit l'eau, il le gardoit de pouuoir fourrager. Quand il cuidoit marcher en pais, il l'arrestoit: quand il estoit arresté & logé, il luy donnoit tant d'alarmes, qu'il le contraignoit de deloger. S'il mettoit le siege deuant quelque place, il se trouuoit luy mesme incontinent assiegé pour la necessité de uiures en quoy Sertorius le mettoit, tellement que les soudards n'en pouuoient plus. Et comme Sertorius defiait au combat d'homme à homme Metellus, ilz crierent que c'estoit bien dit, & qu'il falloit qu'ilz combattissent capitaine contre capitaine, & Romain contre Romain: toutefois Metellus le refusa tresbien, & les soudards s'en mocquerent: mais luy ne s'en faisoit que rire, & faisoit sagement: car, comme dit Theophrastus, Il fault qu'un capitaine meure en capitaine, non pas en simple soudard. Au demourant, Metellus festant un iour aduisé que les Langobrites qui faisoient beaucoup de seruice & d'aide à Sertorius, estoient aisez à forcer & à prendre par la soif, à cause qu'ilz n'auoient qu'un seul puis dedans leur uille, & quant aux ruisseaux & fontaines qui sont aux faulxbourgs & enuiron de la uille, celuy qui tiendrait la uille assiegee, sans point de doubte en estoit le maistre, esperant qu'il contraindrait la uille de se rendre à luy dedans deux iours, au plus tard, il commanda à ses gens, qu'ilz prissent des uiures, pour cinq iours seulement: mais Sertorius aduertie de ce, y donna bon ordre, & promptement: car il feist emplir d'eau deux mille peaux de cheure, & promet pour chascune peau bonne somme d'argent à qui les porteroit: ce que plusieurs Hespagnolz, & plusieurs Maurusiens, incontinent entreprirent: desquelz Sertorius choisissant les plus robustes, & les plus dispos, il les enuoya par un chemin de montagne, leur enioignant qu'en deliurant ces cheures pleines d'eau à ceulx de la uille, ilz en feissent quand & quand sortir toute la tourbe inutile, à celle fin que l'eau fournist plus longuement à ceulx qui demoureroient pour la defence de la uille: dequoy Metellus estant aduertie en fut fort fasché, pource que desia estoiet presque tous consumez les uiures qu'il auoit commandé de prendre à ses gens, & à ceste cause enuoya un sien lieutenant nommé Aquinus, avec six mille hommes, au recouurement de uiures. Sertorius en fut tantost aduertie, qui luy dressa embusche à son retour dedans une uallee couuerte de bois, là ou il meit

- A en aguet trois mille hommes pour luy donner sur la cucuë en surfault, pendant que luy le chargeroit de front. Ainsi le tourna il en fuitte, & tua sur le champ une partie de ses gens, & en prit l'autre: mais Aquinus le capitaine aiant perdu ses armes & son cheual, se sauua de uistesse au camp de Metellus, lequel à l'occasion de ceste rouverte fut contrainct de leuer honteusement son siege, dont il fut fort moqué des Hespagnolz. Pour telz aëtes estoit Sertorius merueilleusement aimé, estimé, & honoré des Barbares, & mesmement pource qu'il les auoit agguerriz & instruiçts à la discipline Romaine, leur ostât la façon de cōbattre furieuse, sauuage & bestiale qu'ilz auoient au parauant, & leur enseignant à user d'armes Romaines, à garder leurs rences en cōbattant, suyure l'enseigne, & à prendre le signe & le mot de la bataille, de sorte qu'au lieu d'une grande troupe de briguans & larrons, à quoy ilz ressembloient au parauant, il en fit une belle armee, bien agguerrie & bien ordonnée. D'auantage il leur departoit force or & argent, leur montrant à en faire dorer leurs armers, & enrichir d'ouurages leurs targes & boucliers, & à seuestir proprement de riches manteaux & de beaux hocquetons par desfoubz, leur enseignant à se tenir honestement, & leur fournissant argent pour ce faire, par ou il gaignoit merueilleusement les cueurs des Barbares. Mais plus encore les obligea il, par ce qu'il fit à leurs enfans: car de tous les peuples & païs qui estoient soubz son obeïssance, il enuoya querir les ieunes enfans des meilleures & plus nobles maisons, & les fait tous assembler dedans Osca bonne & grande uille, ou il leur bailla des maistres pour leur enseigner les sciences & lettres tant Grecques que Latines, donnant à entendre à leurs parents, que c'estoit à fin que quand ilz seroient grâds, ilz en fussent plus idoines à estre employez aux affaires de la chose publique: mais à la uerité c'estoient hostages qu'il prenoit finement d'eulx pour s'asseurer de leur foy & loyaulté. Si estoïent les peres fort ioyeux de ueoir leurs enfans uestus à la guyse Romaine de belles robbes longues brodees de pourpre tout à l'entour, aller honestement aux escholes, & que Sertorius payoit leur despence, & que luy mesme bien souuent prenoit la peine de les examiner, pour ueoir comment ilz auoient profité, & qu'il faisoit des presens à ceulx qui auoient le mieulx estudié, leur donnant certaines bagues & ioyaux à pendre au col, que les Romains appellent Bullas, tellement qu'estant alors la coustume en Hespagne, que ceulx qui estoient à l'entour du prince ou du capitaine mourussent avec luy, quand il uenoit à mourir, & estant celle coustume de se deuouer ainsi uoluntairement à mourir quand & son seigneur appelée par les Barbares la Deuotion, il y en auoit bié peu de leurs escuyers ou de leurs plus priuez amis, qui se deuouassent ainsi à mourir quand & les autres capitaines: mais au contraire plusieurs milliers d'hommes suyuoient ordinairement Sertorius aians uoué de perdre leurs uies quād il perdrait la siene. En tesmoignagne de quoy lon dit que son armee aiāt un iour esté rôpue pres de ne sçay quelle uille d'Hespagne, cōme les ennemis le poursuyussent asprement, les Hespagnolz n'espargnans aucunemēt leurs uies pour sauuer la siene, l'enleuerent sur leurs espauls, & le passerent par dessus eulx de main en main iusques à ce qu'ilz l'eussent mis dedans la uille, puis quand ilz l'eurent osté du danger & mis à sauueté, adonc ilz entendirent à eulx sauuer à la course le mieulx qu'ilz peurent. Si n'estoit pas bien uoulu des Hespagnolz seulement, mais aussi des autres

gens de guerre uenus de l'Italie: au moien dequoy quād Perpenna Vento, qui F
estoit de la mesme ligue, fut arriué en Hespagne avec grosse somme d'argēt &
bon nōbre de gens de guerre, en intention de faire la guerre à par soy contre
Metellus, les soudards s'en courroucerēt à luy, & ne parloit on q̄ de Sertorius
en son cāp: ce q̄ faisoit grād despit à Perpēna, pource qu'il estoit hōme super-
be & arrogāt, pour la richesse & la noblesse de sa maison. Mais quand les nou-
uelles uindrent, que Pompeius passoit desia les monts Pyrenees, les soudards
prirent leurs armes, & arracherent les hantes des enseignes, qui estoient fi-
chees en terre, crians apres Perpenna, qu'il les menast à Sertorius, & le me-
nassans, que s'il ne le faisoit, ilz le laisseroient tout seul, & s'en iroient trou-
uer un capitaine, qui sçauroit bien sauuer & eulx & luy ensemble: de sorte G
que Perpenna, par ce moien fut contraint, uoulust ou non, d'obtemperer
à leur uoulunté, & de mener cinquante & trois enseignes qu'il auoit, ioin-
dre avec celles de Sertorius. Ainsi deueint l'armee de Sertorius fort grosse & puis-
sante: mesmement depuis que toutes les uilles, qui sont au deça de la riuere
d'Ebrus, se furent rendues à luy: car adonc gens de guerre luy accoururent
de tous costez: mais c'estoit une tourbe, confuse & temeraire de Barbares, ra-
massez de toutes pieces, lesquelz n'auoient pas la patience d'attendre l'occa-
sion, ains crioient en grand tumulte, que lon allast chaudement charger
l'ennemy: ce qui faschoit à Sertorius, & tascha premierement à les remettre
& rendre capables de la raison, par remonstrances, mais quand il ueit qu'ilz H
se mutinoient, & qu'ilz uouloient à toute force que lon allast, comment que
ce fust, assaillir les ennemis hors de temps & de saison, adonc leur lascha il la
bride, & les laissa aller en telle sorte, qu'il s'attendoit bien qu'ilz seroient bat-
tus: mais aussi qu'il donneroit bien ordre qu'ilz ne seroient pas pourtant per-
duz, esperant que de lors en auant ilz en seroient plus souples à obeir à ses cō-
mandemens. Si en aduint tout en la sorte qu'il auoit coniecturé, mais il alla
au deuāt pour les recueuillir, & les ramena à sauueté dedās son camp. Et pour
leur oster la defiance qu'ilz pouuoient auoir imprimee en leurs cueurs, à cau-
se de ceste secousse, peu de iours apres ceste rouverte, il fait assembler toute son
armee, comme pour les prescher, puis fait amener au milieu de toute l'assem- I
blee deux cheuaux, l'un foible extrememēt & desia uieil, l'autre grād & fort,
& qui entre autres choses auoit la cueuē forte espeffe, & belle à merueilles.
Derriere celuy qui estoit ainsi foible & maigre il fait mettre un beau grand
homme & puissant, & derriere le fort cheual en fait mettre un autre petit &
debile, qui à leueoir monstroit auoir bien peu de force. Et quand il eut fait
un signe qu'il leur auoit ordonné, l'homme qui estoit puissant & fort, prit à
deux mains la cueuē du cheual maigre, & la tira de tout son effort, comme
s'il l'eust uolu arracher, & l'autre qui estoit debile se meit à tirer poil apres
poil de celle du puissant cheual. Quand ce grand & puissant homme eut bien
trauaillé & sué en uain, pour cuider rompre ou arracher la cueuē du cheual K
foible, & qu'il n'eut en somme fait autre chose que appareiller à rire à ceulx
qui le regardoient, & qu'au contraire l'homme foible en bien peu d'heure &
sans aucune peine, eut rendu la cueuē de son grand cheual sans un seul poil:
adonc Sertorius se dressant en piedz, Voiez (dit il) mes compagnons & amis,
comment la perseuerance fait plus que la force: & comme plusieurs choses
inexpugnables à qui les cuideroit forcer tout à un coup, avec le temps se lais-
sent

- A sent prendre quand on y ua petit à petit: car la continuatiō est inuincible, par la longueur de laquelle il n'est force si grande, que le temps à la fin ne mine & ne consume, estant le plus seur & le plus certain secours que sçauoient auoir ceulx qui en sçauent attendre & choisir l'opportunité: & au contraire aussi le plus dangereux ennemy que sçauoiēt auoir ceulx qui font les choses avec precipitation. Par telles inuentions que Sertorius ourdissoit ordinairement, pour entretenir les Barbares, il leur enseignoit à attēdre les occasions du temps. Mais entre toutes ses ruzes de guerre, celle dont il usa à l'ençōtre du peuple que lon appelle les Characitaniens, fut autant estimee que nulle autre. C'est un peuple qui habite delà la riuere du Tagus, & n'ont ces Characitaniens ne uilles, ne uillages pour leur ordinaire demourance: ains ont un coustau assez grand & haut, ou il y a force cauernes, & force trous creux & profonds dedans les rochers, qui regardent droit uers le Septentrion. Tout au long du pied de ce coustau y a une fondriere d'Argille, & une terre si tendre, & si pourrie, qu'elle n'a pas force de soustenir, quand on marche dessus: ains aussi tost que lon y touche tant soit peu, elle se rōpt, & se resoult en pouldre, comme feroit de la chaux uiue ou de la cēdre qui la fouleroit. Au moien dequoy, quand ces gens auoient doubte de quelques ennemis, ou qu'ilz auoient serré dedans leurs cauernes ce qu'ilz auoient robbé & pillé sur leurs uoisins, ilz ne faisoient que se tenir dedans leurs cauernes pour estre à seureté,
- C car il estoit impossible de les y forcer. Si aduint quelquefois que Sertorius sestant esloigné de Metellus, s'en alla camper aupres du coustau ou demouroient ces Barbares, qui l'eurent en mespris, cuidans qu'il eust esté desfait par Metellus: parquoy estant irrité de cela, ou uoulant monstrier qu'il ne fuyoit point, le lendemain au matin s'approcha à cheual le plus pres qu'il peut du coustau, pour le recognoistre, & considerer de pres la nature du lieu, & uoiāt qu'il n'y auoit aucunes aduenues par ou lon y peust entrer, il ne pouuoit autre chose faire, que se promener ça & là bien fasché, & user de menasses uaines sans effect: mais en allant & uenant il apperceut que le uent eleuoit en l'air un grād poulcier de ceste terre fresse, que i'ay ditte, & le iettoit & chassoit contre
- D les trous de ces Characitaniēs dōt les bouches & ouuertures, cōme nous disiois nagueres, sont tournées deuers le Septentrion. Or le uent qui soufle de deuers le Septentrion, que quelques uns appellent Cæcias, est celuy de tous les uents, qui plus ordinairement tire en ce quartier là, s'engendrant es plaines marescageuses d'alentour, & es montagnes en tout temps couuertes de neiges, mesmement lors qu'il estoit au cueur d'esté, auquel temps il se nourrit & se renforce par les neiges & glaces Septentrionales qui se fondent adonc, & lors halena souefuement tout le long du iour refreschissant les Barbares & leur bestail aussi. Sertorius discourant cela en soy mesme, & entendant des habitās du pais à l'enuiron que cela se faisoit ordinairement, commanda à ses gens
- E qu'ilz amassassent grande quantité de ceste terre legere & cendreuse, & qu'ilz en feissent un grand monceau droit au deuāt de ce coustau, dequoy les Barbares se mocquoient avec grandes rices du commencement, cuidans que ce fust une leuee qu'il uoulust haulser pour les aller combattre: mais nonobstant il feit continuer la besongne tout le long du iour iusques à la nuict, puis sur le soir remena ses gens en son camp. Le lendemain à l'aube du iour il se leua premierement un petit uent, qui esleua le dessus seulement, & le plus delié de

celle terre pouldreuse, comme la bale quand on uanne le bled : mais à mesure
 que le Soleil commença à se haulser, le uent de Tramontaine se renforça
 aussi, qui couurit incontinent de poulcier tout le coustaui. Puis là dessus arri-
 uerent les gens de Sertorius qui remuerent iusques au fond le monceau qu'ilz
 auoient amassé le iour de deuant, & briserent les morttes de ceste Argille se-
 che. Ceulx qui estoient à cheual manioient leurs cheuaux par dessus, pour
 tousiours faire soudre, plus grande quantité de poulcier, que le uent prenoit
 aussi tost qu'il estoit enleué hors de terre, & le iettoit dedans les trous & ca-
 uernes de ses barbares, donnant à droite ligne dedans les ueuës, & ouuertu-
 res d'icelles. Parquoy n'ayans autres souspiraux, ny autres issues, sinon cel-
 les dedans lesquelles le uent leur donnoit, leurs ueuës furent tantost estoup-
 pées, & le dedans de leurs cauernes remply d'un air chaud & estouffé, telle-
 ment qu'ilz ne pouuoient plus, qu'à grande peine, respirer : car quand ilz cui-
 doient reprêdre leur haleine, cest air estouffé & le poulcier ensemble leur en-
 troit dedans la gorge, de maniere qu'ilz eurent beaucoup à faire à durer & sou-
 stenir seulement deux iours, & au troisieme se rendirent à la discretion de
 Sertorius : ce qui ne luy augmenta pas tant ses forces, comme il luy accrut sa
 reputation, d'auoir ainsi bien sceu gagner par engin, ce qui estoit imprena-
 ble par force. Or durant tout le temps qu'il feit la guerre cōtre Metellus seul,
 il eut le plus souuent auantage sur luy, pour autant que Metellus qui estoit
 desia uieil, & de sa nature lent & pesant, ne pouuoit pas resister à ce ieune hō-
 me hardy, qui conduisoit une armee legere, ressemblant plustost à une troup-
 pe de larrons & de brigans, que non pas à un exercite de gens de guerre. Mais
 depuis que Pompeius eut passé les monts Pyrenees, & qu'estans campez l'un
 deuant l'autre, Pompeius luy eut monstré toutes les ruzes de guerre, & tous les
 tours de bō capitaine qu'il sçauoit, & luy semblablement à Pompeius, & neât-
 moins que lon ueit que Sertorius auoit encore le plus souuent auantage, tant
 à luy dresser embusches, qu'à se garder des sienes: adōc fut le bruit & le renō
 de Sertorius si grand, que iusques à Rome mesme il fut estimé le plus grād ca-
 pitaine, & le mieux entēdu au faict de la guerre, qu'autre qui fust de son tēps.
 Car ce n'estoit pas peu de chose que la reputation de Pompeius, ains florissoit
 desia sa gloire qui depuis s'augmenta encore d'auantage pour les haultes
 prouesses qu'il auoit faictes sous Sylla, lequel l'en surnomma luy mesme Pō-
 peius Magnus, c'est à dire, le grand, & si auoit meritē l'honneur du triūphe
 auant que la barbe luy fust uenue: tellement qu'à son arriuee en Hespagne plu-
 sieurs des uilles & citez qui obeissoiēt à Sertorius furēt en brāle de foy retour-
 ner deuers luy : mais elles changerent de uolunté depuis par la fortune qui
 aduint à la uille de Lauron contre l'esperance de tout le monde : car comme
 Sertorius eust mis le siege deuant, Pompeius y alla en grande diligence avec
 toute son armee pour le leuer de là. Si y auoit tout aupres de la uille une peti-
 te motte fort commode pour y loger un camp & endōmager ceulx de la uille,
 au moien dequoy l'un se hastoit pour s'en emparer, & l'autre pour l'en engar-
 der: toutefois Sertorius y arriua le premier qui s'en saisit, & Pompeius y arriua
 tantost apres, qui fut bien aise de ce que la chose estoit ainsi aduenue, cuidant
 bien tenir à ce coup là Sertorius, estant en fermē d'un costé, de la uille de Lau-
 ron: & de l'autre costé, de son armee : à l'occasion dequoy il manda à ceulx de
 la uille qu'ilz ne se souciaffent de riē, que de regarder à leur aise de dessus leurs

- A** murailles Sertorius qui uouloit assieger les autres, luy mesme assiegé bien à l'estroit avec son armee. Cela fut rapporté à Sertorius, qui ne s'en feit que rire, & dit qu'il enseigneroit à ce ieune disciple de Sylla (car ainsi appelloit il Pompeius par mocquerie) qu'il faut que un sage capitaine regarde plus derriere soy que deuant: & en disant cela, monstra aux Lauronitains six mille hommes de pied bien armez, qu'il auoit laissez dedans le camp dont il estoit party, pour uenir occuper la motte, ou il estoit alors, à fin q si Pōpeius d'aduēture le cuidoit uenir assaillir, ilz luy dōnassent sur la cueuē. Ce que Pompeius aiant trop tard apperceu, n'ozoit presenter la bataille à Sertorius, craignant d'estre enucloppé par derriere, & d'autre costé auoit honte d'abandonner les
- B** Lauronitains, lesquelz à la fin il fut cōtrainct de ueoir perdre & destruire deuant ses yeux, sans qu'il oast bouger pour y penser mettre ordre: car quād les Barbares ueirēt qu'ilz n'auoient point d'esperance d'estre secourus, ilz se redirent à la mercy de Sertorius, lequel pardonna aux personnes, & les laissa toutes aller ou ilz uoulurent: mais il brusta toute la uille, non point par courroux ny par cruaulté (car c'est le capitaine qui a le moins usé de cruaulté par cholere) mais pour faire honte & clorre la bouche à ceulx qui faisoient tant de cas de Pompeius, & l'auoient en si grande estime, à fin que le bruit courust entre les Barbares que luy estant present, & presque se pouuant chauffer au feu qui brusloit une bonne uille de ses allies deuant ses yeux, iamais il n'auoit ozé
- C** ny peu leur donner secours. Bien est il uray que durant le cours de ceste guerre Sertorius receut aussi plusieurs pertes & dommages, mais ce fut tousiours, ou le plus souuent, par la faulte de ses lieutenans: car quant à luy il se maintint tousiours inuincible, & ceulx qu'il conduisoit aussi, n'estant iamais battu qu'en ses lieutenās: encōre acqueroit il plus d'hōneur par les ressources des batailles que ses capitaines luy perdoient, & que luy recouuroit, que n'atōiēt fait ses aduersaires, qui les auoient battus, comme en la iournee qu'il gagna contre Pompeius pres la uille de Sucron, & une autre fois contre Metellus & Pompeius ensemble pres la uille de Tutia. Et quant à la desfaite de Sucron, on tient qu'elle aduint par l'ambition de Pompeius, qui se uolul
- D** hastier de peur que Metellus ne fust participant de l'hōneur de sa uictoire, & Sertorius ne demandoit autre chose qu'à le combattre auant que Metellus se ioignist à luy, & pourtant luy donna la bataille sur le soir, estimant que les tenebres de la nuit feroient grand destourbier à ses ennemis, & à se sauuer filz estoient uaincus, & à chasser filz demouroient uaincueurs, à cause qu'ilz estoient estrangers & qu'ilz n'auoient pas cognoissance du païs. Quād les batailles uindrent à s'entrechocquer, Sertorius ne se trouua pas du commencement à l'opposite de Pompeius, ains à l'encontre d'Afranius qui conduisoit la pointe gauche de la bataille de Pompeius, & luy estoit en la droite de la siene: mais il fut aduertty que la pointe gauche de son armee, contre qui Pompeius combattoit, estoit si fort pressee, qu'elle reculoit en arriere, & ne pourroit plus gueres durer, si promptement elle n'estoit secourue: au moien dequoy il bailla incontinent la conduite de la droite, ou il estoit, à d'autres siēs capitaines, & s'en courut hastiuement à la gauche qu'il trouua en grand brāle de fouir à ual de rouverte: si rallia ceulx qui auoient desia tourné le dos, & remeit en bon ordre ceulx qui faisoient encōre teste, & apres les auoir encouragez tant de sa parole que de sa presence, il alla recharger plus uiuement que
- E**

Sertorius.

iamais Pompeius qui chassoit desia, pensant auoir asseurement tout gaigné, & fait un tel effort qu'il retourna toute l'armee des Romains entierement en fuite, de maniere qu'il sen fallut bien peu que Pompeius luy mesme n'y fust occis sur le champ: car il y fut bien fort blecé, & se sauua par une estrange sorte, qui fut, que quand les Africains de Sertorius, luy estant porté par terre, eurent pris son cheual, lequel estoit fort richement accoustre de harnois d'or & d'autres precieux ornemens, en les partissans entre eulx, & debattans à qui en auroit, ilz le laisserent eschapper cessans de le poursuiure. Mais Afranius ce pendant, incontinent que Sertorius fut party pour aller secourir l'autre pointe de sa bataille, tourna en fuite ce qu'il trouua de front au deuant de luy, & les mena battant iusques au dedans des trenchees de leur camp, dedas lequel il entra pelle mesle avec les fuians, & le pilla qu'il estoit desia nuit toute noire, ne sachant rien de la rouverte & desfaitte de Pompeius, ny ne pouuant retirer ses gens du pillage. Parquoy Sertorius y arriuant là dessus, & les trouuant en desarroy, en tua une grande partie, puis le lendemain matin fait encore armer ses gens, & les ietta aux champs pour presenter derechef la bataille à Pompeius: mais depuis aiant eu nouuelles que Metellus estoit près de là, il fit sonner la retraite, & se deslogea de là ou il estoit campé, disant, Si ceste uieille ne fust uenue, ie uous eusse bié renuoyé ce garson à coups de uerges à Rome. Si estoit fort desplaisant de ce que l'on ne pouuoit nulle part trouuer ny recouurer sa biche blanche: car aussi estoit il priué d'un grand artifice & d'un subtil moien pour contenir les Barbares en deuoir, mesmement lors qu'ilz auoient plus grand besoing d'estre reconfortez: mais de bonne aduenture, il y eut quelques uns de ses gens, qui s'estans esgarez la nuit, la rencontrerent en leur chemin, & l'aians recogneuë à sa couleur, la prirent & la luy ramenerent. Ce qu'entendant Sertorius leur promeit une bonne somme d'argét prouueu qu'ilz ne dissent iamais à personne uiuante qu'ilz la luy eussent ramenee, & quand & quand la fait diligemment cacher. Peu de iours apres il sortit en public avec un uisage riant, & une chere guaye comptant par tout aux principaux seigneurs & capitaines des Barbares, q'les Dieux en dormant luy auoient signifié & predit, que bien tost il luy deuoit aduenir un grand heur: & en disant cela, monta en son siege pour dōner audiēce & faire droit à chascun: & lors ceulx qui gardoiēt la biche non gueres loing de là, la laisserent aller secrettement: & elle si tost qu'elle apperceut Sertorius, accourut incontinent à son siege à grande feste, mettant sa teste entre ses genoux, & luy touchant du musle en la main droite, comme elle auoit accoustumé de faire au parauant. Sertorius d'autre costé la caressa aussi, & luy fait grāde feste tout à propos, avec demonstrence de si tendre affection que les larmes luy en uenoient, ce sembloit, aux yeux: dōt les Barbares assistans demourerent tous picquez & estonnez du commencement, mais puis apres quand ilz y eurent un peu pensé, ilz se prirent à battre des mains de ioye qu'ilz en eurent, & le reconuoyerent iusques en son logis avec grands cris de resiouissance, disans & aians ferme opinion qu'il estoit homme diuin & bien uolu des Dieux, dont ilz conceurent en leurs cueurs un grand contentement, & une asseuree esperance que leurs affaires iroiēt tousiours de bien en mieulx. Vne autre fois dedas le territoire des Saguntins, aiant reduit ses ennemis à extreme necessité de uiures, il fut contrainct de uenir malgré luy au combat, à cause qu'ilz en uoyent

A uoyoiét une grosse trouppes de leurs gens pour fourrager le pais, & recouurer uiures: si fut la chose bien & courageusement combattue tant d'un costé que d'autre, & y fut occis Memmius le plus uailant capitaine qu'eust Pompeius, en combattant uailamment au plus fort de la bataille. Sertorius se sentât le plus fort suiuit sa premiere pointe, faisant tousiours grand meurtre de ceulx qui l'attendoient, tant qu'il penetra iusques à Metellus mesme, qui l'attendit en se defendant plus uigoureusement que son aage ne portoit, si bien qu'il y fut blecé d'un coup de parthiane. Cela feit honte aux Romains, non seulement à ceulx qui le ueirent, mais aussi à ceulx qui l'ouyrent dire, & eurent uergogne d'abandonner leur capitaine: & tournans ceste uergongne en courroux contre les ennemis, ilz couurirent Metellus avec leurs targes & escus tout à l'environ, & en le tirant hors de la presse feirent un tel effort, qu'ilz cōtraignirent les Hespagnolz de reculer en arriere. Ainsi estant la chance de la uictoire tournée, Sertorius pour donner moien à ses gens rompus, de se retirer à sauueté, & quand & quād loisir à un nouveau renfort qu'il faisoit uenir, de s'amasser tout à leur aise, il sen fouit expressement en une uille de montagne forte d'assiette, là ou il feit bonne mine de bien reparer les murailles, fortifier les portes, n'ayant rien moins deliberé, que d'attēdre ny soustenir le siege là dedans: car c'estoit une emorche qu'il iettoit au deuant de ses ennemis, lesquelz se uindrent planter & amuser deuant celle uille, esperans qu'ilz la prendroient facilement, & cependant laisserent à poursuiure les Barbares, qui eurent tout loisir de se retirer à leur aise en lieu de seurcté: & si ne donnerent pas ordre d'empescher de s'assembler un nouveau renfort qui uenoit à Sertorius, lequel auoit enuoyé ses capitaines es uilles prochaines, & pais circonuoisins pour leuer gens, leur aiant expressement enioint, que si tost qu'ilz auroient mis ensemble un nombre competent, qu'ilz le luy enuoyassent, cōme ilz feirent: & luy, si tost qu'il en eut les nouuelles, fendant aiseemēt ses ennemis, passa sans difficulté à trauers eulx, & alla trouuer ses gens, avec lesquels il reuint tout soudain plus fort que deuant harasser derechef ses ennemis, & leur couper uiures du costé de la terre par les embusches, aguets & surprises qu'il leur faisoit à toutes heurtes, & qu'il se trouuoit habilemēt en tous lieux ou ilz se cuidoient adresser, pour l'agilité & legereté de son armee, & du costé de la mer par le moien de quelques fustes de coursaies, dont il courroit toute la coste, & tout le pais prochain du riuage de la mer: tellement que les deux capitaines siens aduersaires furēt cōtrains de s'escarter loing l'un de l'autre, & sen alla Metellus hyuerner en la Gaule, & Pompeius demoura en Hespagne bié à destroit de toutes choses à faulte d'argent pour passer l'hyuer es terres des Vacceiens, & escriuit au Senat à Rome, qu'il remeneroit son armee en Italie, si promptement on ne luy enuoyoit argēt, & qu'il auoit ia dependu le sien en combattant iournallemēt pour la defence de l'Italie, de sorte que lon tenoit ia pour tout assēuré à Rome, que Sertorius seroit premier en Italie que Pompeius, tant il auoit reduit à l'estroit les principaux & plus estimez capitaines de cest aage là, par son bon sens, & sa bonne conduite. Si monstra bien Metellus combien il le redoubtoit, & cōbien il l'estimoit grād & redoubtable ennemy: car il feit publier à son de trompe, Que si aucun Romain le pouuoit tuer, il luy donneroit * cent talents en argent, & uingt mille arpens de terre, & si il estoit banny, luy promettoit rehabilitation & restitu-

* Soixante mille escus.

tion de tous ses biens, acheptant par trahison la mort de celuy qu'il n'esperoit plus pouuoir iamais desfaire par armes. D'auantage il luy aduint une fois de gagner une bataille cōtre Sertorius, dont il fut si eleué, & eut tant de ioye pour ceste prosperité, qu'il se feit pour cela appeller Imperator, c'est à dire souuerain capitaine, & souffrit que par les uilles ou il passoit, on luy en dressast des autelz & luy feist des sacrifices. Et si dit on de plus, qu'il se laissa mettre sur la teste des chapeaux de fleurs, & se festoyer en banquets dissolus, esquelz il seoit à table uestu d'une robbe triūphale, & y feit on des images de uictoire qui se rouloient parmy la salle avec engins & mouuemēs secrets, portans lesdites images des trophées d'or & des courōnes & chapeaux de triumphe, & des danſes de beaux ieunes enfans, & de belles ieunes filles qui chatoient des cantiques de triumphe en sa louange: en quoy ueritablement il estoit digne d'estre moqué, se mōstrant ainsi transporté de ioye, & esblouy de uaine gloire, pour auoir une fois seulement fait retirer celuy qu'il souloit appeller le fugitif de Sylla, & le reste des bannits de Carbo. Et au contraire, lon peult cognoistre la magnanimité & grandeur du courage de Sertorius, premieremēt à ce qu'il appelloit les bannits qui festoient sauuez de Rome, & retirez deuers luy, Senateurs, & les tenant riere soy, les nōmoit le Senat, & en faisoit les uns Questeurs, les autres Præteurs, ordonnant toutes choses selon les coustumes, & à la guise de son païs, & puis à ce que faisant la guerre avec les armes des uilles d'Hespaigne, & la soustenant à leurs despens, iamais neantmoins il ne leur ceda un tout seul point de l'autorité souueraine, non pas seulement de parole, ains leur bailla tousiours gouuerneurs, officiers, & capitaines Romains cōme celuy qui disoit tousiours, qu'il cōbattoit pour la liberté du peuple Romain, non pour accroistre la puissance des Hespagnolz au preiudice des Romains. Car aussi à la uerité, il auoit une grande deuotion enuers son païs, & desiroit singulierement y pouuoir estre rappelé: mais neantmoins en ses aduersitez, quand ses affaires se portoiēt mal, c'estoit alors qu'il se mōtroit de plus grand cueur, sans donner apparēce aucune à ses ennemis de courage affoibly ne rauallé: mais en ses prosperitez, quand il auoit auantage sur eulx, il mandoit à Metellus & à Pompeius, qu'il estoit bien content de poser les armes, & de uiure chez soy en homme priué, moienant qu'il fust par edict public rappelé & restitué, & qu'il aimoit mieulx estre le moindre citoyen de Rome, qu'estant banny de son païs, estre appelé Empereur de tout le reste du monde. Et disoit on, que l'une des principales causes, pour lesquelles il desiroit tant estre rappelé, estoit l'amour qu'il portoit à sa mere, soubz laquelle il auoit esté nourry enfant orphelin de son pere, & auoit mis toute son affectiō entierement en elle: de sorte que quand ses amis qu'il auoit en Hespaigne le manderent pour y uenir en prendre le gouuernemēt & y estre leur capitaine, apres y auoir esté quelque temps, aiāt eu nouuelle que sa mere estoit decedee, il en sentit si grande douleur, que peu s'en fallut qu'il n'en mourust de regret: car il demoura sept iours entiers couché par terre en plorāt, sans dōner le mot du guet à ses gens, & sans se laisser ueoir à aucun de ses amis, iusques à ce que les autres capitaines principaux & de mesme qualité, que luy uindrent à l'entour de sa rente, & l'importunerent tant par prieres & remonstrances, qu'ilz le contraignirent d'en sortir, & de se mōstrer, & parler aux soudards, & d'entendre à ses affaires qui estoient tresbien acheminez. Pourtant ont plusieurs

- A iugé partelz indices, que de sa nature il estoit doux & de bonne aïre, & que son inclination naturelle estoit d'aimer le repos & la tranquillité d'esprit & de corps : mais que pour cause necessaire il fut contraint de prendre charge de gens de guerre, ne pouuât autrement uiure en seureté, & qu'estant trauail-
lé & poursuiuy par ses ennemis sans pouuoir nulle part trouuer lieu de repos & de seureté, il fut cōtraint d'auoir recours aux armes, & d'entretenir la guerre, comme une garde necessaire à la defence de sa personne. Le traitté mesme qu'il feit avec le Roy Mithridates sentoît bien son homme de cuer hault & magnanime : car apres que Mithridates aiant esté uaincu par Sylla, se fut remis sus, ne plus ne moins qu'un lucteur, qui aiant esté terrassé par son aduersaire, se feroit redressé sur ses pieds pour combattre une autre fois, il enuahit derechef l'Asie, lors que la renommee de Sertorius estoit desia si grâde qu'elle s'estendoit par tous les climats du monde, de maniere que les marchands qui uenoient des parties de l'Occident, emplissoient les prouinces de l'Oriēt, mesmement le royaume de Pōt, des nouuelles de Sertorius, ne plus ne moins que de marchandises quilz fussent allé querir & changer en pais estrâge. Parquoy Mithridates fut emeu d'enuoyer deuers luy, estant encore plus incité à ce faire par les finesse & flatteries de ses mignōs de court, qui acompároïēt Sertorius à Hānibal, & luy au Roy Pyrrhus, & disoient que les Romains asfailliz de deux costez, ne pourroient iamais durer ny resister à deux si excellentes natures, & si grosses puïssances ensemble, quand le plus gentil capiraine du monde seroit conioinct avec le plus grand & le plus puïssant Roy qui fut onques. Si enuoya Mithridates ses ambassadeurs iusques en Hespagne deuers Sertorius, avec lettres & pouuoirs de luy promettre argent & uaisseaux pour fournir à ceste guerre, en recompense dequoy il demandoit que Sertorius luy rendist & luy confirmast la possession de l'Asie, laquelle il auoit cedee & quittee aux Romains par l'appointement qui auoit esté fait entre luy & Sylla. Sertorius assembla son conseil, qu'il appelloit le Senat, pour deliberer sur cela. Si furent tous les autres d'opinion, que lon deuoit accepter les offres que presentoit Mithridates, encore bien aises, attēdu que lon ne leur demandoit qu'un tiltre en l'air & un nom de choses qui n'estoïēt point en leur puïssance, au lieu dequoy on leur offroit realement & de faict, les choses dont ilz auoient plus grand besoing : mais au contraire, Sertorius ne le uoulut onques accorder. Bien consentoit il à Mithridates qu'il teint la Cappadocie & la Bithynie, q estoïēt prouinces accoustumees de uiure sous des Roys, & sur lesquelles le peuple Romain n'auoit point de droit : mais il dit nommeement qu'il ne souffriroit iamais qu'il usurpast derechef une prouince, qui par loyal tiltre, c'est à sçauoir par lay testamētaire de celuy qui en estoit iuste seigneur, appartenoit au peuple Romain, & dont il auroit esté debouté en guerre à force d'armes par Fimbria, & que depuis il auroit uoluntairement quittee en
E paix par accord fait entre luy & Sylla, pource (disoit il) qu'il uouloit augmēter & accroistre par ses uictiores l'empire de Rome, nō pas uaincre par le dōmage & diminution d'iceluy : à cause qu'un homme de bien doit prochainement de uaincre avec honneur, mais non pas sauuer sa uie mesme, avec honte & deshonneur. Ceste respōce rapportee à Mithridates, le mit en grād esbahissement : & treuve lon par escript qu'il dit adonc à ses plus priuez amis, Que nous commandera donques Sertorius au pris, quand il sera seant au Senat

Sertorius.

* Vn million.
huiſt cents mille
eſcus.

dedans Rome, ueu que maintenant, qu'il est reietté là au bout du monde le F
long de l'Ocean Atlantique, il nous preſcrit certaines bornes & confins,
iuſques ou il ueult que noſtre royaume ſ'eſtende, & nous menaſſe deſia de
la guerre, ſi nous attentons aucune choſe ſur l'Asie. Ce nonobſtant il y eut
accord paſſé & iuré entre eulx, que Mithridates retiendroir les païs de Cap-
padocie & de Bithynie, & que Sertorius luy enuoyeroit l'un de ſes capitai-
nes avec ſecours de gés de guerre, & qu'en ce faiſant le Roy ſeroit tenu de
luy bailler la ſomme de* trois mille talents, & quarante nauires de guerres:
ſi y enuoya Sertorius un de ſes capitaines, qui auoit nom Marcus Marius Se-
nateur de Rome, qui ſ'en eſtoit fouy uers luy, avec lequel Mithridates for-
cea quelques uilles de l'Asie, & quand Marius y entroit dedans avec les ſer- G
gens qui portoient deuant luy les faiſceaux de uerges & les haches, comme
deuant un Proconſul du peuple Romain, Mithridates marchoit apres luy,
& ſe demettoit uoluntairement au ſecond lieu, en luy deſerât, comme à ſon
ſuperieur, & Marius affranchiſſoit de faiſt aucunes des uilles, & eſcriuant à
d'autres leur annonçoit que Sertorius leur faiſoit la grace de leur remettre
les tailles & gabelles qu'elles payoient, tellement que la pauvre Aſie affligée
par l'auarice des treſoriers & fermiers du peuple Romain, & auſſi par l'inſo-
lence & fierté des gens de guerre qui y eſtoient en garniſon, commença à
ſeſblouir d'eſperance de nouuelleté & à deſirer la mutation de gouuernemēt
que lon luy propoſoit. Mais au contraire en Heſpagne les Senateurs bannis H
de Rome, qui eſtoiēt en l'armee de Sertorius de meſme qualité & dignité que
luy, incontinent qu'ilz ſentirēt les affaires en eſtat qu'ilz ſe pouuoient promet-
tre d'eſtre auſſi forts cōme leurs aduerſaires, & qu'ilz n'eurent plus crainte de
danger, conceurent auſſi toſt une enuie & folle ialouzie de la puissance & de
l'autorité de Sertorius, meſmemēt Perpenna entre autres, lequel enflé d'une
uaine preſumption & ambitieuſe temerité pour la nobleſſe de ſa maiſon, pre-
tendoit à ſe faire chef de toute l'armee, & à ſes fins alloit ſemant entre ſes fa-
miliers amis de telles ſeditieuſes, & mauuaises paroles: Quelle malē deſtinee
(diſoit-il) mes amis, nous cōduit touſiours de mal en pis, nous qui n'auōs pas
uolu obeir à Sylla, lequel domine aujourdhuy toute la terre & la mer entie- I
remēt, & auons mieux aimé quitter noz biens & noz maiſons, & maintenant
eſtās uenus par deçà en eſperance d'y uiure en liberté, nous nous ſoubmettons
uoluntairemēt à ſeruitude, en nous rendās ſatellites de Sertorius pour l'aſſeu-
rer & defendre en ſon exil, en recōpēſe de quoy il nous paist de belles paroles,
en nous appellāt le Senat, dont ſe moquēt tous ceulx qui nous entendēt ainſi
nōmer, & ce pendāt nous conuient endurer des indignitez, faire ce qu'il nous
commande, & porter de la peine & du trauail autant que font les Heſpagnolz
& les Luſitaniens meſmes. Ainſi la plus part d'entre eulx eſtans abbreviez de
ces paroles mutines, n'ozèrent pas neantmoins ſe rebeller ouuertement en-
contre luy, pour la crainte de ſon autorité: mais ſecretement & ſoubz main E
ilz luy gaſtoient & ruinoient ſes affaires, faiſans de cruelles executions des
Barbares, ſoubz couleur de iuſtice, & leur faiſans payer de gros tributs, di-
ſans qu'ilz le faiſoient par le commandement de Sertorius, dont il aduenoit
que pluſieurs uilles ſe ſoubleuoient contre luy, & ſe rendoient à ſes ennemis,
& luy ſourdoient tous les iours de nouuelles mutinations: mais ceulx qu'il y
enuoyoit pour appaiſer les emeutes, ſ'y gouernoient tellement qu'au lieu
d'adoul-

- A d'adoucir les mescontentemens & desobeissances des peuples, ilz les aigrissoient d'auantage : & au lieu de assopir les tumultes, ilz en excitoient encore de nouueaux: tellemēt que cela altera la douceur & debonnaireté, de laquelle Sertorius au parauant auoit tousiours usé, de maniere qu'il se porta cruellemēt enuers les nobles enfans, qu'il faisoit nourrir en la uille d'Osca: car il en feit mourir les uns, & uendit les autres comme esclaués. Ainsi Perpenna aiāt desia plusieurs complices de sa malheureuse coniuration à l'encontre de la personne de Sertorius, y attira encore un nommé Manlius, qui auoit des principales charges en l'armee. Cest hōme estoit amoureux d'un beau ieune garson, & pour luy dōner à cognoistre combien il l'aimoit, luy declara un iour
- B toute la trame de ceste conspiration, en luy disant qu'il ne feist plus compte des autres qui l'aimoient aussi, & qu'il meist toute son affection en luy, pour ce que dedans peu de iours il le uerroit deuenir bien grand. Ce garson estant plus affectionné uers un autre qui se nōmoit Aufidius, luy alla deceler tout ce que Manlius luy auoit dit, de quoy Aufidius se trouua merueilleusemēt esbahy, à cause qu'il estoit aussi luy mesme l'un des coniurez: mais il ne sçauoit pas encore que Manlius en fust, & comme le garson luy nommast Perpēna, Gracinus, & quelques autres que Aufidius sçauoit bien estre de la ligue, il en fut encore plus effroyé, toutefois il ne feit pas semblant de rien, & dit au garson que touchant cela, il n'en estoit rien, & l'admonesta de ne samuzer plus désormais aux paroles de ce Manlius là, qui n'estoit qu'un glorieux qui se uentoit de ce qui n'estoit pas uray, & ne le faisoit que pour le deceuoir. Ce neant-
- C moins au partir de là il sen alla droit trouuer Perpēna, & luy cōpra cōmēt leur entreprise estoit descouuerte, luy remōstrant le grād danger qu'il y auoit filz ne l'executoient prōptement: ce q̄ les autres coniurez confesserēt estre ueritable, à l'occasiō de quoy ilz ourdirēt une telle trahison. Ilz attirerēt un messenger q̄ apporta des lettres faulses & supposees à Sertorius, par lesquelles ilz feignoient que l'un de ses lieutenās luy auoit gaigné une grosse bataille, en laquelle il auoit occis grād nōbre des ennemis. Sertorius en fut fort aise, cōme lon peult penser, & en feit sacrifice aux Dieux, pour leur rēdre graces de ceste
- D bōne nouuelle: & adonc Perpenna uoyant que l'occasion se presentoit, le cōuia à soupper en son logis avec ses autres familiers qui estoiet là presens, tous cōiurez cōme luy, & feit tāt par importunité de prieres, que Sertorius luy promeit. Or auoit Sertorius de tout tēps accoustumé de garder une grande honesteté à la table, sans souffrir que lon y feist ne que lō y dist aucune chose dissoluē, & auoit mesme duit ceulx q̄ māgeoiēt ordinairement avec luy à tenir tous propos graues & de bons sens, & à faire honestemēt bonne chere les uns aux autres, sans aucuns ieux ne propos desordonnez. Quand ce uint donques au milieu du soupper, eulx qui ne cherchoiet que quelque occasion de querelle, commēcerent à dire des paroles ordres & sales, faisans semblant d'estre yures,
- E & à faire plusieurs dissolutions honteuses & uillaines tout expressement pour l'irriter. Adonc luy, fust ou pource qu'il ne peust plus endurer de ueoir telles uillānies, ou qu'il se doubtaist de leur mauuaise uoulunté par le beguoyement de leur parler, & par l'irreuerence non accoustumee qu'ilz monstroient luy porter, se laissa aller à la renuerse sur le liēt, ou il estoit à table, comme ne prenant plus d'aduis à ce qu'ilz faisoiet & disoient. Lors Perpenna prit une coupe pleine de uin, & faisant semblāt de boire, la laissa tumber tout à son esciāt.

Sertorius.

Elle feit bruit en tumbant à terre, qui estoit le signe, qu'ilz auoient pris entre eulx, & aussi tost un Antonius, qui estoit assis au dessus de Sertorius à la table, luy donna un coup de dague. Sertorius aiant senty le coup s'efforça de se lever: mais le traistre meurtrier se ietta sur son estomach, & luy teint les deux mains, de maniere qu'il fut là occis sans se pouuoir defendre, frappans tous les coniuerez ensemble dessus luy. Incontinent que ceste mort fut diuulguee, la plus part des Hespagnolz enuoyerent ambassadeurs deuers Pompeius & Metellus, & se rendirent à eulx, & Perpenna avec ceulx qui luy demourerent essaya de faire quelque chose, & se uolul seruir des forces & de l'equippage de Sertorius, mais le tout fut à sa ruine, & à sa confusion, dōnant à cognoistre au monde qu'il estoit un meschant, qui ne sçauoit ny cōmander ny obeir: car il falla attacher à Pompeius, qui l'eut incontinent miné, tant que finablement il fut pris prisonnier, & encore ne se porta il pas à ceste derniere calamité en homme uertueux & digne de commander: car pour cuider sauuer sa uie, s'estant saisy des papiers de Sertorius, il feit offre à Pompeius de luy bailler entre ses mains les lettres missiues de plusieurs des principaux Senateurs de Rome, escriptes de leurs propres mains, par lesquelles ilz mandoient à Sertorius qu'il menast son armee en Italie, & qu'il y trouueroit beaucoup de gens qui desiroient sa uenue, & ne demandoient autre chose que la mutation du gouuernement. Là ne feit point Pompeius un acte de ieune homme, ains d'un cerueau meur, rassis & bien composé, deliurant par ce moien la uille de Rome de grāde peur & du danger de grādes nouuellerez: car il amassa ces lettres & papiers de Sertorius en un monceau, & les brussa toutes, sans en lire une seule, ne permettre qu'autre en leust: & d'auātage feit incontinct mourir Perpenna pour doubte qu'il n'en nommast quelques uns, craignant que s'il en nommoit, cela ne fust derechef occasion de nouueaux troubles & nouuelles seditions. Quant aux autres coniuerez, les uns furent depuis amenez à Pompeius, qui les feit tous mourir, & les autres s'en fouyrent en Afrique, ou ilz furent tous desfaiets par ceulx du pais, & n'en demoura pas un qui ne fust tué malheureusement, excepté Aufidius le concurrent en amour de Manlius, lequel ou pource que lon n'en teint compte, ou pource qu'il ne fut point reconnu, uieillit en une meschante bourgade de Barbares, pauvre, miserable, & haï de tout le monde.

EVMENES

A HISTORIEN Duris escrit, que Eumenes natif de la uille de Cardie au pais de Thrace, estoit filz d'un roulier, qui pour sa pauureté se mesloit de uoytures en la demy-ille de Thrace, & neâtmoins qu'il fut nourry & instruiet honestement tant aux lettres que aux exercices de la personne, mais que luy estant encore en son enfance, le Roy de Macedoine Philippus passa d'aduerture par la uille de Cardie, là ou n'estât point pressé d'affaires, il prit plaisir à ueoir escrimer & combattre les ieunes hommes de la uille, & lucter les enfans: entre lesquelz Eumenes se porta si bien, & le trouua Philippus si gentil, si adroit, & de si bonne grace, qu'il le prit en amour, & l'emmena quand & luy: toutefois il me semble que le dire est plus uray semblable de ceulx qui escriuent, que Philippus l'auancea pour l'amitié & cognoissance qu'il auoit avec son pere, au logis duquel il logeoit. Apres la mort de Philippus il demoura tousiours au seruice du roy Alexandre son filz, ou il fut trouué homme d'aussi bon sens, & aussi loyal enuers son maistre que pas un des autres: & combien que lon l'appellast le chancelier ou premier secretaire, si est ce que le Roy luy faisoit autant d'honneur cōme à ses plus grands & plus familiers amis: car au uoyage des Indes le Roy le fit son lieutenant en une conqueste, ou il l'enuoya capitaine en chef d'une armee, & eut le gouuernement de la prouince que tenoit Perdicas quād apres la mort de Hephæstion, il fut substitué en son lieu. Et pourtant comme Neoptolemus, qui estoit le premier escuyer, apres la mort d'Alexandre dit au conseil des seigneurs Macedoniés, qu'il auoit suiuy & seruy le Roy avec l'escu & la lance, & que Eumenes l'auoit suiuy avec la plume & le papier, les seigneurs se moquerent de luy, sachans que oultre les autres grands honneurs qu'auoit receuz Eumenes, le Roy l'auoit bien tant uoulu honorer que de le faire son allié par mariage: car la premiere Dame de qui Alexandre s'acointa en Asie fut Barsine fille d'Artabazus, de laquelle il eut un filz qui fut nommé Hercules, & des deux sœurs d'elle il en donna l'une, appelée Apama, en mariage à Ptolomeus, & l'autre qui auoit aussi nom Barsine à Eumenes, lors qu'il distribua à ses amis & seigneurs de sa court, les Dames Persiennes pour les espouser. Ce neantmoins il encourut par plusieurs fois la malegrace du Roy Alexandre, & fut en quelque danger pour Hephæstion. Car comme Hephæstion eust un iour donné à la suite d'Alexandre un logis à Euius ioueur de flustes, que les seruiteurs d'Eumenes auoient retenu & pris pour leur maistre, il s'en alla en grande eholere deuers Alexandre, erier, avec un autre nommé Mentor, qu'il ualoit mieulx ietter là les armes, & apprendre à fluster & à iouer des Tragedies, puis que lon preferoit telle maniere de gens à ceulx qui portoient le harnois sur le dos, tellement que Alexadre sur l'heure s'en courroucea comme luy, & en ten-

B

C

D

E sa Hephæstion: mais incontinent apres aiant changé d'aduis, il en sceut fort mauuais gré à Eumenes, pource qu'il luy sembla qu'il n'auoit pas tāt usé d'une franchise de parler contre Hephæstion que de brauerie & d'audace enuers luy. D'auantage une autre fois quand Alexandre voulut enuoyer Nearchus avec son armee de mer pour descouurir les costes de l'Ocean, il ne se trouua d'aduerture point d'argent en ses coffres: il en demanda à emprunter à tous ses amis, mesmement à Eumenes entre les autres, à qui il demāda trois cents talents. Eumenes ne luy en bailla que cent, encore disoit il qu'il auoit eu grande peine à

* Six cents mille
aleus.

les amasser par ses recepueurs. Alexandre ne luy en dit mot, & ne uolunt pas
 que lon prist ses cent talents : mais il commada à quelques siens officiers qu'ilz
 allassent mettre le feu dedans la tente de Eumenes, le uolant cōuaincre de luy
 auoir menty en le prenant sur le faict, quand il feroit transporter son or & son
 argent : toutefois la tente fut route arse & bruslee, auant que lon en peust rien
 transporter, au moien dequoy Alexandre se repentit bien depuis d'y auoir
 fait mettre le feu, pource que toutes ses lettres & papiers y furent bruslez : mais
 apres que le feu en fut esteinct, on y trouua d'or & d'argent fondu en masse &
 meslé ensemble plus de * mille talents, dont toutefois Alexandre ne prit rien,
 & qui plus est, manda à tous ses lieutenans, capitaines & gouuerneurs de pais
 quelque part qu'ilz fussent, qu'ilz luy enuoyassent des copies de toutes les lettres
 qu'ilz luy auoient au parauant escriptes, pource q les originaux en estoient brulez
 & commanda à Eumenes de les reprēdre. Depuis encore une autre fois il entra
 en grosse cōtestation & querelle à l'encontre de Hephæstion, pour quelque don
 qui luy auoit esté fait, & luy en dit Hephæstion plusieurs oultrageuses & iniu-
 rieuses paroles, & luy aussi semblablement à Hephæstion, dequoy le Roy pour
 l'heure ne luy fait point autrement pire chere : mais peu de temps apres, estant
 Hephæstion uenu à mourir, le Roy se trouuant oultré de douleur & de regret
 pour la mort de luy qu'il auoit aimé si chèrement, mōstrois fort mauuais uisa-
 ge, & parloit aigrement à tous ceulx qu'il sçauoit qui luy auoient porté enuie
 de son uiuant, & qu'il pensoit estre bien aises de sa mort, spécialement à Eume-
 nes sur tous les autres qui luy en estoit fort suspect : tellement que par plusieurs
 fois il luy ramenteut & reprocha les iniures qu'il luy auoit dites : mais luy qui
 estoit aduisé, & sçauoit bien prendre tel uisage & tel lāgage que le temps le re-
 queroit, tascha de s'asseurer par le reuers de ce qui l'auoit cuidé ruiner : car il se
 studia de seconder la uolunté d'Alexandre qui ne cherchoit que moien d'hon-
 orer la memoire de Hephæstion le plus magnifiquement qui luy seroit possi-
 ble, en luy trouuant nouuelles inuentions d'honneurs pour plus magnifier la
 mort du defunct, & fournissant argent liberalement, sans rien espargner, pour
 celebrer ses funerailles, & pour luy faire construire une superbe sepulture. De-
 puis apres que le Roy Alexandre fut decedé, il y eut different & debat entre les
 gens de pied Macedoniens, & les Seigneurs qui auoient esté le plus pres d'Alex-
 andre : auquel differēt Eumenes adheroit bien de faict & de uolunté au par-
 ty des Seigneurs, mais de parole, il fait semblāt de uoloir estre neutre & amy
 cōmun de toutes les deux parts, comme personne priuee, disant que ce n'estoit
 point à faire à luy, qui estoit estrāger, de s'entremettre des querelles des Mac-
 edoniens. Et cōme les autres seigneurs se fussent partis de Babylone, luy demou-
 rant derriere, addoucit fort une grande partie des soudards, & les rendit plus
 maniables, & plus prests de s'accorder avec les seigneurs : parquoy les seigneurs
 & capitaines aians depuis parlé ensemble, & cōposé un peu leurs premiers dif-
 ferents, departirēt entre eulx les gouuernemēs des prouinces qu'ilz appelloient
 Satrapies, auquel partage Eumenes eut la Cappadocie, la Paphlagonie, & tou-
 te celle coste q est au dessous de la mer Pōtique, iusques à la uille de Trapezū-
 ce, laquelle pour lors n'estoit pas encore de l'empire de Macedoine : car Aria-
 rathes la tenoit cōme Roy : mais il estoit dit que Leonatus & Antigonus l'en
 mettroient en possession, & l'en establiroient gouuerneur, avec une grosse &
 puissante armee, qui pour cest effect leur seroit baillée. Toutefois depuis Anti-
 gonus ne fait compte de ce que Perdicas luy en escriuit, aiant desia mis en sa

- A** resté de grandes imaginatiōs d'embrasser tout, en mesprisant tous les autres : & Leonatus descendit iusques en la Phrygie, & entreprit leuoyage de ceste con-
 quēste pour l'amour de Eumenes : mais comme il estoit ia acheminé, Hecateus
 tyran des Cardias l'alla trouuer en son ost, qui le pria de uouloir plus tost aller
 secourir Antipater & les autres Macedoniens qui estoient assiegez dedans la
 uille de Lamia. Si prit enuie à Leonatus de passer la mer pour s'y en aller, & taf-
 cha de le faire trouuer bon à Eumenes, & de le reconcilier avec Hecateus : car
 ilz n'estoient pas bien l'un de l'autre, à cause de quelque different, que le pere
 de Eumenes auoit à l'encōtre de cestuy Hecateus pour le gouuernemēt de leur
 uille : car Eumenes l'auoit souuentefois accusé publiquement deuant le Roy
B Alexandre, en luy mettant sus tout ouuertement, qu'il estoit un tyran, & sup-
 pliāt le Roy, que son plaisir fust de uouloir faire rendre la liberté aux Cardias,
 & pourant comme Eumenes s'excusast d'aller faire la guerre aux Grecs, alle-
 guant qu'il craignoit Antipater qui estoit son ennemy de long temps, & qu'il
 auoit peur que tant pour sa rancune enuieillie, que pour gratifier à Hecateus, il
 ne le uoulust faire mourir. Leonatus adonc se descouurit à luy, & luy declara
 toute son intention : car il faisoit semblant de passer la mer pour aller secourir
 Antipater, mais à la uerité c'estoit pour tascher à s'emparer du royaume de Ma-
 cedoine : & là dessus luy mōstra quelques lettres missiues de Cleopatra, la quel-
 le luy mandoit qu'il s'en uint en la uille de Pella, & q̄ là elle l'espouserait. Quoy
C entendu Eumenes, fust ou pource que ueritablement il redoubtast Antipater,
 ou bien qu'il n'eust point bonne opinion de Leonatus, le uoyant hōme estour-
 dy, & faisant ses choses avec une soudaine & non constante impetuositē, se de-
 partit une nuit de luy, avec ce qu'il auoit de gens qui estoient enuiron trois
 cents cheuaux, & deux cēt hommes de pied de ses seruiteurs qu'il auoit armez,
 emportant quand & soy sa cheuance en or, qui pouuoit monter à la somme de
 * cinq mille talents, & s'enfouit avec cela deuers Perdiccas, auquel il descouurit
 tous les desseings & les entreprises de Leonatus, à l'occasion de quoy il eut in-
 continent grand credit autour de luy, & fut appelé au cōseil. Et peu de temps
 apres Perdiccas le conduisit en la Cappadocie, avec une grosse armee qu'il me-
 noit & conduisoit luy mesme en personne. Si fut Ariarathes pris prisonnier, &
D Eumenes estably gouuerneur du païs : les bonnes uilles duquel il bailla en gar-
 de à ses amis, & les y laissa capitaines des garnisons qu'il y ordonna, mettant
 par tout iuges, receueurs, gouuerneurs, & tous autres officiers telz qu'il uolut,
 par ce que Perdiccas ne s'en entremet aucunement : toutefois Eumenes se par-
 tit quand & luy, tant pource qu'il luy uouloit faire la court, cōme aussi pource
 qu'il ne uouloit point esloigner les Roys. Mais Perdiccas se promettant qu'il
 uiendroit bien à bout luy seul de l'entreprise ou il alloit, & estimāt que ce qu'il
 laissoit derriere auoit necessairement besoing de quelque homme de fait &
 d'entēdemēt, sur la foy duquel il se peust reposer de la garde de son estat : quād
E ilz furent en la Cilicie fait retourner Eumenes soubz couleur de le renvoyer en
 son gouuernement : mais à la uerité pour cōtenir en office le royaume de l'Ar-
 menie, qui confinoit aux païs de son gouuernemēt, pour autant que Neoptole-
 mus soubz main y faisoit quelques menees, & y braffoit quelques nouuelletez.
 Et combien que ce Neoptolemus fust de sa nature homme hault à la main, pre-
 sumptueux & aueuglé d'une folle arrogance, si s'estudia il de le contenir & gar-
 der de rien attenter par bonnes paroles & gracieux entretien. Et au demourant
 uoiant que la bataille des gens de pied Macedoniens estoit deuenue merueil-

*Trois mil-
liōs d'escus.

leusement audacieuse & braue, il feit pour une contrequarre amas de gens de cheual, & pour ce faire donna aux gens du pais qui pourroient seruir à cheual, affranchissement de toutes tailles & toutes contributions, & achepta grand nombre de cheuaux de seruice, qu'il distribua à ceulx qu'il auoit autour de luy, desquelz plus il se fioit, en leur eleuant & aguissant le cueur par hōneurs & presens qu'il donnoit à ceulx qui faisoient bien leur deuoir, & adressant leurs corps, & les endurcissant à la peine par les remuer souuent de lieu à autre, & les faire exerciter continuellement, de sorte que des seigneurs Macedoniens, les uns en demourerent estonnez, les autres plus asseurez quand ilz ueirent que par ceste diligence, il auoit bien assemblé en peu de temps, iusques au nombre de six mille trois cents hommes de cheual. Or enuiron ce temps Craterus & Antipater apres auoir dompté les Grecs, passerēt avec leur armee en Asie pour ruiner l'estat & la puissance de Perdiccas, & auoit on nouuelles que biē tost ilz enuahiroient la Cappadocie: parquoy Perdiccas estant d'un autre costé empesché en la guerre qu'il auoit contre Prolomæus, feit Eumenes capitaine general avec plein pouuoir & souueraine puissance sur tous les gēs de guerre qui estoient pour son party, tant en la Cappadocie, qu'en l'Armenie, & escriuit des lettres à Neoptolemus, & à Alcetas, par lesquelles il leur mandoit & commādoit qu'ilz eussent à obeir à Eumenes, & à le laisser ordonner de toutes choses à sa uolunté. Quant à Alcetas il respondit tout rondement, qu'il ne se trouueroit point à ceste guerre, pource que les Macedoniens qui estoient soubz sa charge, auoient honte de prendre les armes contre Antipater, & non seulement ne les uouloient point prendre contre Craterus, ains au contraire, estoient deliberez de le recevoir pour leur capitaine, tant ilz luy portoient grande affection. Au regard de Neoptolemus, il n'auoit pas moins de uolunté de faire quelque trahison, & de iouer un mauuais tour à Eumenes: car quand il fut mandé par luy au lieu d'obeir, il ordonna ses gens en bataille contre luy pour le cōbattre. Et là Eumenes receut le premier fruct de sa prouoyance & de la cheualerie qu'il auoit mise sus, pour faire teste aux gens de pied Macedoniens: car estans desia les siés rompus & desfaits, il uainquit & tourna en fuite Neoptolemus avec ses gens de cheual, & gaigna tout son bagage: puis les mena en bonne ordonnance de bataille contre les Macedoniens, qui estoient escartez ça & là, à poursuiure & chasser ses gens de pied qu'ilz auoient rompus, & les surprenant en ce desordre, les contraignit de poser les armes, & se rendre à luy, & quand & quand de luy prester serment de fidelité, d'aller à la guerre par tout ou il les uoudroit mener. Quant à Neoptolemus, il r'allia quelque nombre des fuyans, avec lesquels il sen alla deuers Craterus & Antipater, lesquels enuoyerent deuers Eumenes, le prier de se uouloir tourner de leur costé, soubz condition que non seulement il iouyroit des pais & prouinces qui luy auoient esté cōsignees en gouuernemēt: mais q̄ encore luy en adiouxteroit on d'autres, & d'autres forces aussi, & si deuiendroit en ce faisant bien amy d'Antipater, au lieu que parauāt il auoit tousiours esté son ennemy. A quoy Eumenes feit responce, que aiant de tout temps esté ennemy d'Antipater, il ne sçauroit soudainement deuenir son amy, maintenant qu'il uoit qu'il traite ses amis comme il feroit ses ennemis: mais au demourant, qu'il estoit prest & appareillé de mettre en bōne paix & amitié Craterus avec Perdiccas soubz toutes conditions egales, iustes & raisonnables, au reste, que s'il s'ingeroit de luy courir sus pour luy uouloir oster le siē, il luy porteroit secours tant que l'ame luy battroit au corps, & qu'il abandonneroit plus tost

A tost sa uie que sa foy. Ceste responce estant rapportée à Antipater, ilz teindrent conseil à loisir pour resouldre de ce qu'ilz auoient à faire, & sur ces entrefaites arriua deuers eulx Neoptolemus, lequel apres sa rouverte s'estoit mis en chemin pour les aller trouuer: si leur conta comment la bataille estoit passée, & les pria tres instammēt, qu'ilz le uoulussent secourir tous deux ensemble, si estoit possible, ou pour le moins Craterus seul, pour autant qu'il estoit singulieremēt aimé & désiré sur tous des gens de pied Macedoniens, de sorte que des l'heure qu'ilz uerroient seulement son chapeau, & qu'ilz entendoient sa uoix, ilz accourroient à grande ioye se rendre à luy: car à la uerité aussi auoit Craterus une grande reputation entre les Macedoniens, de sorte que depuis la mort d'Alexandre, il fut plus désiré de la commune des soudards, que nul autre capitaine, pource qu'il leur souuenoit encore, que pour l'amour d'eulx & pour les soutenir, il auoit souuent encouru la malegrace d'Alexandre, pource qu'il taschoit à le retirer & diuertir de prendre les façons de faire des roys de Perse, aux quelles Alexandre se laissoit aller petit à petit, & qu'il defendoit les coustumes de la Macedoine, & les uoloit faire entretenir, là ou par arrogāce & par delices on commenceoit à les laisser & auoir en mespris. Pour lors donques Craterus enuoya Antipater en la Cilicie, & luy avec la plus grande partie de l'armee s'en alla contre Eumenes avec Neoptolemus, esperant le surprendre au desprouueu & le trouuer en desarroy, cuidant qu'il ne s'amuseroit qu'à faire bonne chere, & à se donner bon temps, apres une si recente uictoire. Si fut bien à Eumenes fait en sage & uigilant capitaine, d'auoir donné si bon ordre à son affaire, qu'il fut tout à temps aduertie de la uenue de son ennemy, & qu'il teint son armee en bon equippage toute preste pour se defendre de luy, mais ce ne fut pas pourtāt un tour de souveraine maistrise au mestier de la guerre: mais d'auoir si prudemment donné ordre par tout, que non seulement ses ennemis ne sceurent rien de ce qu'il n'estoit point de besoing qu'ilz sceussent: mais aussi que ses gens mesmes eurent occis en champ de bataille Craterus, premier qu'ilz sceussent cōtre qui ilz auoient à cōbattre, & d'auoir sceu si biē celer à ses cōbattans un si redoutable aduersaire, cela me semble bien un acte singulier & un chef d'œuvre d'un grād & excellent capitaine, pour quoy faire il usa de tel artifice. Premieremēt il fit courir le bruit par tout son ost, que c'estoit Neoptolemus & Pigres, qui retournoient encore une autre fois cōtre luy, avec quelques gēs de cheual ramassez de toutes pieces, de Cappadociēs & Paphlagoniens, & aiant deliberé de deloger la nuit, il se trouua espris de sommeil, & en dormant eut une uisiō assez estrāge: car il luy fut aduis qu'il ueit deux Alexandres, qui s'appareilloient pour cōbattre l'un cōtre l'autre, menāt chascun d'eulx une bataille de gens de pied, ordōnez à la Macedoniene, & que quād ilz se uolurent entrecharger, la Deesse Minerue uint au secours de l'un, & Ceres au secours de l'autre: si luy sembla qu'apres auoir longuement combattu, celui auquel Minerue auoit fauorisé fut desfait, & que Ceres cueuillit des espics de bled, dōt elle fit une couronne à celui qui estoit demouré uainqueur sur le champ. Il eut opiniō que ce songe faisoit pour luy, & luy promettoit la uictoire, pource qu'il combattoit pour une prouince fort fertile en bledz, & ou il y auoit grande quantité de beaux fourmēs: car elle estoit uniuersellement par tout ensemeencee, & estoit chose plaisante à l'œil, & qui bien sentoit sa longue paix, de ueoir les campagnes toutes couuertes de beaux bledz encore tous uerds: & fut encore plus confirmé en sa premiere imagination, quand il entendit que les ennemis auoient donné pour le mot de la

bataille à leurs gens, Minerue & Alexandre, il donna aux siens, Ceres & Alexandre, leur commandant que chascun feist un chappellet d'espics de bled, & qu'ilz le meissent sur leurs testes, & qu'ilz en entortillassent des festons & liasses à l'entour de leurs bastons. Il fut plusieurs fois entre deux de declarer à ses plus feaux capitaines contre qui ilz auoient à cōbattre, & de ne se fier pas en soy seulement, de taire & tenir secrette une chose si necessaire: toutefois à la fin il demoura en sa premiere resolution, & pensa que le plus seur estoit, ne commettre ce danger qu'à sa seule pensee: mais quand ce uint à ordonner sa bataille, il ne meit pas un Macedonien à l'opposite de Craterus, ains y meit deux cōpagnies d'hommes d'armes estrangers, que cōduisoient Pharnabazus filz d'Arrabazus & Phœnix le Tenedien, aux quelz il enioignit expressement, que si tost qu'ilz uerroient deuât eulx les ennemis, ilz leur courussent sus, & les chargeassent incontinent sans leur donner loisir de parler ny de se retirer, & sans uouloir ouir herault ny trōpette qu'ilz enuoyassent deuers eulx, pource qu'il craignoit merueilleusement que les Macedoniës ne se tournassent cōtre luy, filz recognoissoient une fois Craterus: & quant à luy il se meit en la pointe droite de sa bataille avec une troupe de trois cents hommes d'armes, qui estoient l'esslite de toute son armee, là ou il deuoit rencontrer de front Neoptolemus. Apres doncques qu'ilz eurent passé un petit coustau qui estoit entre les deux batailles, ceulx d'Eumenes, suyans ce qui leur estoit commandé, se meirent incontinent au galop droit à l'encontre de leurs ennemis: ce que uoiant Craterus s'en trouua bien estōné, mauldissant & iniuriant Neoptolemus qui l'auoit ainsi abuzé, luy donnant à entendre que les Macedoniens se retourneroient de son costé aussi tost comme ilz l'apperceuroient, & neantmoins pria ceulx qui estoient à l'entour de luy, qu'ilz se monstraissent ce iour là gens de bien, & quand & quand picqua luy mesme de grande roideur droit contre ses ennemis. Si fut ce premier choc merueilleusement dur & aspre tant d'un costé que d'autre, & furent tantost les lances & iauelines brisees & rompues, puis tout soudain desguainerent leurs espees, & ne fait point Craterus ce iour là de deshonneur à la memoire d'Alexandre: car il abbattit plusieurs de ses ennemis autour de luy, & repoulsa uailamment ceulx qui se rencontrerent de front au deuât de luy, & les rompit par plusieurs fois: mais à la fin il y eut un homme d'armes Thracië, qui le coustoyant luy tira un coup, dont il le ietta par terre: quand il fut abbattu, les autres passoient oultre par dessus, mais un des capitaines d'Eumenes nommé Gorgias, le recogneut, qui meit aussitost le pied en terre, & ordōna gens à l'entour pour le garder: mais il estoit desia bien bas, & tiroit aux traiçts de la mort en grande destresse. De l'autre costé Eumenes & Neoptolemus, qui de long temps se uouloient mal de mort, enflāmez de courroux & de rancune enuieillie, se cherchoiēt l'un l'autre: car aux deux premieres passees ilz ne festoiēt peu entrer encōtrer: mais à la troisieme, si tost qu'ilz se furēt entrecognez, ilz brocherent leurs cheuaux des esperons l'un contre l'autre, les espees aux poings, avec grands cris. Si se heurterent les deux coursiers de front, ne plus ne moins que si eussent esté deux galeres armees qui se fussent choquees l'une l'autre: & les deux capitaines laschans les brides de leurs cheuaux, avec les deux mains s'entr'accrocherent l'un à l'autre, taschans à s'arracher les armets des testes: & à rompre les courroyes de leurs cuyrasses sur les espaules. Comme ilz estoient en ce saboulement, leurs cheuaux s'enfouyrent de dessoubz eulx, & eulx tumberēt tous deux en terre, se tenans tousiours corps à corps comme s'ilz eussent lucté.

A Neoptolemus se redressa sur ses pieds le premier : mais ainsi comme il se releuoit, Eumenes luy couppa le iaret, & fut tout aussi tost debout. Neoptolemus s'appuyant sur un genouil, à cause qu'il ne se pouuoit soustenir sur l'autre iambe blecée, se defendoit d'abas le mieulx qu'il pouuoit cōtre Eumenes, qui estoit sur ses deux piedz: mais il ne luy pouuoit donner attainte mortelle, & au contraire il en receut une dedans la gorge, dont il cheut à la renuerse tout estendu: & adonc Eumenes bouillant de courroux pour l'anciene rancune qu'il auoit contre luy, commença à le despouiller, en luy disant des oultrages, ne se donnant pas de garde, tant il estoit emeu de cholere, que Neoptolemus auoit encore son espee, de laquelle il le blecea par dessoubz sa cuirasse à l'endroit ou elle ioinct aux parties naturelles : mais le coup luy feit plus de peur que de mal, & n'y pareut comme point, à cause que Neoptolemus n'auoit presque plus de force quand il le frappa, cōme celuy qui trespassa incontinct après. Eumenes donques aiant despouillé son corps, se trouua bien mal de sa personne, à cause qu'il auoit les bras & les cuisses toutes hachees de coups, toutefois il remōta à cheual & picqua uers l'autre pointe de sa bataille, cuidāt que ses ennemis teinsent encore. Si fut là aduerry que Craterus estoit blecé à mort, & s'en alla en diligence la part ou il gisoit, & le trouua qu'il pouloit encore, & n'auoit pas perdu toute cognoissance: parquoy il meit pied à terre, & en plorant à chaudes larmes, luy prit la main droite, detestant & mauldissant Neoptolemus, par lequel il auoit esté reduit à si piteux accessoire, & luy contrainct de se trouuer en bataille cōtre l'un de ses plus chers amis, pour luy faire souffrir ou receuoir de luy cest extreme meschef. Eumenes gaigna ceste seconde bataille dix iours apres la premiere: dont il acquit une tresgrande reputation, pour autant qu'il auoit desconfit l'un de ses aduersaires par bon sens, & l'autre par prouesse: mais cela mesme luy suscita grande enuie & grande malueuillance, non seulement des ennemis, mais aussi de ceulx mesmes de sa part, quand ilz uindrent à considerer, que luy hōme estranger & forain, avec les propres armes & les propres mains des Macedoniens, auoit desfait le premier, & le plus estimé capitaine d'entre eulx. Or si la fortune eust uoulu que Perdiccas eust esté plus tost aduerry de la mort de Craterus, c'eust esté, sans nulle doubte, le plus grād personnage de tous les Macedoniens: mais de malheur deux iours apres que Perdiccas eust esté tué par une mutination de ses gens en Ægypte, ceste nouuelle de la uictoire d'Eumenes & de la mort de Craterus y arriua, dont les Macedoniens furent si courroucez cōtre Eumenes, que soudainement ilz le condamnerent à mourir, & fut donnee la charge de ceste uengeance à Antigonus & à Antipater. Et comme Eumenes en passant au lōg du mōt Ida, ou estoit un des haras du Roy, en eust pris & emmené des cheuaux autant qu'il en uoulut, & en eust enuoyé une lettre patente de certification aux harassiers & escuyers qui en auoient la charge, Antipater, à ce que lon dit, s'en prit à rire, disant par mocquerie qu'il sesmerueilloit de la grande prouoyāce d'Eumenes, & si l'esperoit qu'on luy deust rendre ou demander compte des biens du Roy. Or desiroit il combattre es grandes plaines de la Lydie, mesmement aupres de la uille capitale de Sardis, pour autant qu'il estoit le plus fort de cheualerie, & aussi qu'il desiroit faire ueoir à Cleopatra la puissance de son armee: toutefois à la requeste d'elle mesme qui craignoit que Antipater ne la chargeast d'aucune chose, il passa oultre iusques en la haulte Phrygie, ou il hyuerna en la uille de Celænes, & là Pelemon, Alceras & Docimus estriuerent ambitieusement contre luy, touchant la superintendence de

Eumenes.

* Soixante mille
eleus.

l'armee, disans qu'il leur appartenoit aussi bien comme à luy d'en estre chefz F
souuerains: à quoy Eumenes leur respondit, Vrayment c'est bien ce que lon dit
communemēt, Du danger de perdre tout on n'en parle point. Et aiant promis
aux soudards de les payer dedās trois iours, pour satisfaire à sa promesse il leur
uendit les metairies, maisons fortes, & les chasteaux du plat païs, avec le be-
stail & les personnes dont ilz estoient pleins, puis le capitaine ou chef de ban-
de qui en auoit achepté un, les alloit prédre de force, avec les engins de batterie
que leur fournissoit Eumenes, & quand ilz les auoient pris, alors ilz departoient
à leurs gens des biens qu'ilz y trouuoient, iusques à la concurrēce de ce qui leur
pouuoit estre deu de leur soule. Ceste inuention le remeit derechef en grace
avec ses gens, tellemēt qu'un iour aians esté trouuez emmy son camp quelques G
billets, que ses ennemis y auoient fait semer, par lesquels ilz promettoient de
grands estats, & d'auātage* cent talents à qui tueroit Eumenes, les Macedoniés
qui estoient soubz luy en furēt fort irritez, de sorte qu'ilz feirent entre eulx une
ordonnance, que de là en auāt il y auroit tousiours mille des plus gentilz com-
pagnōs d'entre eulx, & qui auroient eu quelques charges, qui ne bougeroient
iamais d'autour de luy, pour faire le guet autour de sa personne, & le garder la
nuict à tour de rolle, les uns apres les autres: à quoy tous d'un consentement
f'accorderent, & leur faisoit Eumenes les mesmes hōneurs que les Roys de Ma-
cedoine auoient accoustumé de faire à leurs amis, dont ilz se tenoient pour biē
honorez: car par leur concession il luy estoit permis de donner à qui bon luy H
sembloit des chapeaux & des manteaux de pourpre, qui estoit le plus honora-
ble don que le roy eust sceu faire en la Macedoine. Or est il certain que les pro-
speritez enflent & eleuent le cuer à ceulx mesmes qui l'ont petit de leur nature,
tellement qu'ilz apparoiſſent aucunesfois magnanimes, encore qu'ilz ne le
soient pas, quand on les uoit en hault degré d'honneur ou de felicité, ou la for-
tune les a colloquez: mais celuy qui ueritablement est magnanime, & qui a le
cueur ferme, se cognoist mieulx en aduersité, quand il ne plie ny ne succumbe
point aux afflictions comme Eumenes. Car premierement aiāt perdu une bar-
taille en la cōtree des Orcyniens, au païs de la Cappadocie, par trahison de l'un
de ses gens, & estant poursuiuy, il ne dōna iamais le loisir au traistre de se sau- I
uer de uistesse, & de se pouoir retrairre deuers les ennemis, ains le prit & le feit
pendre sur le champ: & apres qu'il eut fouy un espace de temps, il tourna bride
tout court, & reprenant son chemin un peu à costé, au contraire de ceulx qui le
chassoient, il les passa secrettement sans estre apperceu d'eulx, & chemina tant
qu'il retourna au mesme champ ou auoit esté la bataille, là ou il planta son
camp, & y feit recueillir les corps de ses gens qui y estoient morts, lesquels il
brusla avec les huis, portes, & fenestres de tous les bourgs & uillages de là au
tour qu'il feit arracher, les capitaines à part, & les soudards d'un autre costé,
leur faisant eleuer pour tombeaux de haults monceaux de terre, tellement que
Antigonus, qui y reuint aussi tantost apres, s'esmerueilla grādement de sa har- K
dieſſe & de son assurance. Au partir de là il rencontra le bagage d'Antigo-
nus, là ou il pouuoit, sans danger ny difficulté quelconque, prendre grand
nombre de prisonniers tant de serfz que de personnes franches, & gagner
toutes les richesses qu'ilz auoient amassees par tant de guerres, tant de païs,
& tant de uilles qu'ilz auoient pillees: mais il eut peur, si ses gens se char-
geoient de tant de butin, qu'ilz n'en fussent plus pesans, & plus empeschez
& malaisez pour fouir, & quand & quand plus molz à supporter la peine
de

- A** de courir uagabonds ça & là, mesmement par un long temps, qui estoit ce en quoy il auoit toute son esperance de uenir à bout de ceste guerre, faisant son compte, que Antigonus se fascheroit à la fin de le poursuiure si longuement à la trace, & par ce moien qu'il se tourneroit d'un autre costé, toutefois il uoioit biē que ce luy seroit aussi chose impossible de garder les Macedoniens directement & par autorité de se saisir de tant de biens qui s'offroient deuant eulx en si belle prise: parquoy il leur commanda seulement qu'ilz se traitassent un peu, & qu'ilz feissent reposer leurs cheuaux premieremēt, & que puis apres ilz iroient incontinent destrouffer ce bagage de leurs ennemis: mais ce pendant il enuoya par un secret messager aduertir Menāder qui auoit la charge de garder & conduire ce bagage, qu'il se retirast en toute diligēce de la plaine & campagne unie, au pendant d'une montagne qui estoit là au pres inaccessible à gens de cheual, & là ou on ne les pourroit enuironner, & que là il se fortifiast, luy mandant que c'estoit pour l'amitié & familiarité qu'ilz auoient autrefois eue ensemble, qu'il luy enuoyoit faire cest aduertissement. Menāder entendant le danger qu'il y auoit, feit incōtinent trouffer tout le bagage, & adōc Eumenes enuoya tout ouuertement ses coureurs pour descouurir, & luy uenir faire le rapport, & quand & quand feit commandement que lon s'armast, & que lon bridast les cheuaux, comme s'il eust eu uolunté de les mener contre les ennemis, mais sur ce poinct retournerent les coureurs, qui luy rapporterent qu'il n'y auoit ordre de prendre ny de forcer Menander, par ce qu'il s'en estoit fouy en un lieu si fort de nature, qu'il estoit impossible de l'auoir. Eumenes feit semblant d'en estre bien desplaisant: mais pourtant il emmena son ost de là. Depuis Menander en feit le cōpte à Antigonus, & les Macedoniēs qui estoient en son armee en louerent grandement Eumenes, & en furent mieux affectionnez enuers luy qu'ilz ne l'estoient auparauant, pource qu'estant en sa puissance d'emmener leurs enfans comme esclauē, & uioler leurs femmes, il les auoit espargnez: mais Antigonus pour leur oster ceste opinion, leur disoit; Vous uous abusez mes amis: car ce n'a point esté pour l'amour de uous, ny pour uous faire plaisir, que Eumenes ne s'est point saisy de uoz femmes, uoz enfans & uoz biēs,
- D** ains a esté, pource qu'il auoit peur de se mettre des entraues aux pieds, & le gardassent de fouir legerement. Au partir de là, Eumenes fuyant tousiours deuant Antigonus, & errāt ça & là parmy les champs, conseilla luy mesme à plusieurs des soudards qu'ilz se retirassent ailleurs, fust ou pource qu'eritablemēt il eust soing de leur bien, ou pource qu'il n'en uoulust pas trainner si grād nombre apres luy, à cause qu'ils estoient trop peu pour soustenir une bataille, & trop pour celer sa fuite: à la fin il se retira dedās une place forte, qui s'appelloit Norra, es confins de la Lycaonie, & de la Cappadocie, avec cinq cents cheuaux, & deux cents hommes de pied bien armez: encore quand il y fut arriué, il donna congé à tous ceulx qui luy demanderent, pource qu'ilz n'eussent sceu endurer
- E** l'incommodité du lieu qui estoit fort serré, & la faute de uiures & d'autres provisions necessaires, qu'il leur eust fallu supporter, si le siege uenoit à durer longuement deuant, & le leur donna liberalemēt avec tres amiables caresses & gracieuses paroles. Peu de iours apres Antigonus arriua deuant la place, & premier que l'assiēger, luy manda qu'il ueint parler à luy en fiance. Eumenes feit responce qu'Antigonus auoit en sa cōpagnie plusieurs de ses amis, qui apres luy pourroient estre chefs de sa ligue: & au cōtraire qu'avec luy, n'y auoit pas un des Seigneurs, pour lesquelz il combattoit: & pourtant si Antigonus uouloit qu'il al-

Eumenes.

last parler à luy, qu'il falloit doncques qu'il luy baillast en ostage quelques uns F
de ses plus especiaux amis: & cōme derechef Antigonus insista, en disant qu'il
estoit raisonnable qu'il ueint deuers luy, attendu qu'il estoit le plus grand & le
plus fort, Eumenes feit responce, Je n'estimeray iamais homme plus grand que
moy, tant que i'auray mon espee en ma puissance. Antigonus à la fin y enuoya
dedans la place son propre nepueu Ptolomæus, ainsi comme Eumenes le demã
doit: & adonc il sortit de la place. Si s'entre saluèrent à l'arriuee, en s'embrassant
l'un l'autre bien amiablemēt, cōme ceulx qui autrefois auoient eu grãde cōmu-
nication & grande familiarité ensemble: puis quand ce ueint à parler de leurs
affaires, ilz teindrent plusieurs propos. Eumenes ne feit onques mention ny re-
queste qu'on le laissast aller à sauueté, ny qu'on luy pardonnast, ains demanda G
qu'on luy cōfirmaist ses gouuernemens, & que lon luy restituast ce qui luy auoit
esté dōné: dont ceulx qui assisterent à ceste entreueuē furent bien esbahis, & en
aimerēt mieulx son gentil cueur & son assuree hardiessē. Mais durant leur par-
lemēt les Macedoniens accouroiēt de toutes parts du cāp, pour ueoir quel hō-
me c'estoit que cestuy Eumenes, pource que depuis la mort de Craterus, il n'y
eut capitaine de qui il se parla tant entre les soudards Macedoniens, comme de
Eumenes. Mais Antigonus craignant qu'ilz ne luy feissent quelque uiolence à
sa personne, leur commanda à haulte uoix qu'ilz se retirassent, & leur feit ietter
des pierres pour les cuider garder d'approcher, encore fut il à la fin contraint
de les faire repoulsē à force par les archers de sa garde, & de prendre Eumenes H
entre ses bras, & si eut bien à faire avec tout cela de le rendre & recōduire à sau-
ueté dedans la place. Depuis ce parlement, Antigonus feit enclore de murail-
le tout à l'entour ceste forteresse de Nora, & y laissa gens en nōbre suffisant pour
y continuer le siege: & avec le reste de son armee s'en partit. Ce pendant Eume-
nes demoura assiegé dedans celle place, ou il y auoit foison de bledz, d'eau &
de sel, & nō d'autre chose qui fust bonne à mager, ny douceur aucune dont ilz
se peussent sustēter avec le pain, & neantmoins de ce qu'il auoit il entretenoit
en ioyeuse chere ceulx qui estoient leans avec luy: car il les faisoit tous les uns
apres les autres mager avec luy, & si addoulcissoit encore celle façon de uiure
d'une franche & gaye priuaulté de diuiser familièrement avec eulx de choses I
plaisantes en beuuant & mangeant: car oultre ce qu'il festudioit le plus qu'il
pouuoit de leur mōstrer face riante, il auoit naturellement le uisage fort doux
& fort beau, & ne sembloit point un hōme de guerre qui toute sa uie eust esté
nourry aux armes & rompu des trauaux de la guerre, ains se monstroit homme
frais & ieune, & estoit en toutes ses parties si bien formé & si bien composé,
qu'il n'estoit pas possible qu'un excellent ouurier eust sceu mieulx garder tou-
tes les proportions des membres, qu'elles estoient obseruees en luy. Son parler
n'estoit point aigu ny uehement, ains estoit doux & attrayant, comme on le
peult cognoistre & iuger par ses lettres missiues. Or n'y auoit il riē qui plus en-
dōmageast les assiegez, que le petit espace de la place, laquelle n'auoit pas plus K
de demy quart de lieuē de circuit, & y estoient logez en de petites maisonnet-
tes si serrees, qu'ilz ne sy pouuoient pas à grande peine tourner, & beuuoient &
mangeoient sans point faire d'exercice, ny eulx ny leurs cheuaux. Voulant dō-
ques Eumenes leur oster non seulement celle pesanteur languissante qui uient
de ne rien faire, à ceulx mesmement q ont accoustumé de trauailler: mais aussi
les tenir en halene, & les rendre dispos à pouuoir legerement prendre la fuite,
si d'aduenture quelque occasion s'en presentoit, il bailla aux hommes la plus
longue

- A** longue & plus spacieuse salle qui fust leant, aiant quatorze coudees de longueur pour eulx proumener, les instruisant qu'ilz marchassent tout bellement pour le commencement, & puis qu'ilz hastassent petit à petit leurs pas. Quant aux cheuaux, il les faisoit sangler les uns apres les autres sur le deuant, puis avec des longes & poulions attachez aux soliveaux, les faisoit un peu souleuer: tellement qu'ilz se soustenoient sur leurs piedz de derriere, mais des piedz de deuant ilz ne pouuoient toucher en terre qu'un petit, de la pinse du pied tant seulement. Quand ilz estoient ainsi suspenduz, les palefreniers uenoient par derriere les inciter, partie avec leurs cris, & partie avec des fouetz qu'ilz tenoiēt en leurs mains, dont les cheuaux irritez & courroucez ruoient des pieds de derriere, & raschoient à prédre terre avec ceulx de deuant qui estoient soubleuez hors de terre, de façon qu'ilz ne faisoient que la racler un peu par le dessus seulement, & n'auoient sur eulx nerf qui ne tendist & ne trauaillast par ce moie: parquoy ilz souffloient & escumoiēt de sueur, & estoit un tresbon exercice, tant pour les mettre en halene, que pour leur tenir les iambes soupplles pour mieux courir: puis on leur bailloit leur orge toute mondee & escorchee, à fin qu'ilz la cuississent mieulx & la digerassent plus tost. Ce siege auoit ia duré longuement, quand les nouuelles uindrēt à Antigonus que Antipater estoit mort en Macedoine, & que le royaume estoit en grand trouble, à cause des factions & partialitez de Cassander & de Polyperchon: parquoy Antigonus qui ne mettoit point de
- C** petites imaginations en sa teste, ains embrassoit de cōuoitise tout l'empire entier des Macedoniens, uoulut auoir Eumenes pour amy, à fin qu'il luy aidast à conduire ses desseings à effect: si luy enuoya Hieronymus pour traiter de paix avec luy, & luy bailla la forme du serment qu'il uouloit qu'il iurast. Eumenes l'ayant ueu, ne le uoulut pas ainsi iurer, ains le corrigea, puis dit qu'il se rapportoit au iugement des Macedoniens qui là estoient, le tenant assiegé, laquelle forme des deux estoit la plus equitable, celle qu'Antigonus luy auoit fait presenter, ou celle que luy auoit corrigea: car en celle qu'Antigonus luy auoit enuoyee, il faisoit un peu de mention des Roys au cōmencement, par une maniere d'acquit seulement: & puis en tout le reste, l'obligeoit à soy particulie-
- D** rement: mais Eumenes y meit en premier lieu Olympias, la mere du Roy Alexandre, & les Roys ses enfans apres, & au demourāt, iuroit qu'il seroit amy des amis, & ennemy des ennemis, non d'Antigonus seulement, mais aussi des Roys & d'Olympias: ce que les Macedoniens qui estoient au siege deuant Nora, trouuerent le plus raisonnable. Parquoy apres auoir fait prester le serment & iurer à Eumenes, suiuant celle forme ilz leuerent leur siege & enuoyerēt deuers Antigonus pour le luy faire pareillement iurer. Cela fait, Eumenes rendit aux Capadociens leurs ostages qu'il auoit tenus quand & luy dedans Nora, & ceulx qui les uindrent querir luy baillerent en eschange des cheuaux de guerre, des sommiers, des tentes & pauillons. Si commença à rallier ses gens qui estoient
- E** escartez ça & là depuis sa desfaiete, tellement qu'en peu de iours il eut ramassé plus de mille homes de cheual, avec lesquelz il s'enfouit, craignāt encore Antigonus, & fait sagement: car non seulement il auoit contremandé qu'on le renfermast, & qu'on le reint plus à destroit q'iamais: mais encore escriuit il biē aigrement & en grande cholere aux Macedoniens qui auoient accepté la correction du sermēt. Ainsi donques comme il estoit fuyant & errant par les chāps il receut lettres de ceulx qui estoient en Macedoine craignans l'accroissement d'Antigonus, mesmemēt d'Olympias, laquelle luy madoit qu'il s'en uint en la

*Trois cēt mil-
le escus.

Macedoine, pour auoir la tutelle & la garde du petit filz d'Alexandre quel on
 taschoit à faire mourir, & en receut aussi d'autres de Polyperchō & du roy Phi-
 lippus, qui luy mandoient qu'il feist la guerre à Antigonus avec l'armee & les
 forces qui estoient en la Cappadocie, & que pour se rembourser de ce qu'on
 luy auoit osté, il prist * cinq cents talents de l'argent du Roy, qui estoit en la
 uille de Cyndes, & pour les frais de la guerre, tant comme il en auroit besoing,
 & quand & quand escriuirent aussi à Antigènes & à Teutamus les deux capi-
 taines des Argyraspides, c'est à dire, des soudards aux boucliers d'argent, qui
 estoient les uieilles bendes de l'armee d'Alexandre. Ces capitaines aians receu
 ces lettres feirent assez bon recueuil de paroles à Eumenes, & luy monstrent
 bon uisage: mais en effect il estoit aisé à cognoistre à leurs contenance qu'ilz
 en estoient enuieux, pource qu'ilz s'estimoient bien tous deux dignes & suffi-
 sans pour commander à Eumenes, non pas pour le seconder: mais Eumenes s'y
 porta fort sagement, car quand à l'enuie il l'appaisa, en ne prenant point l'ar-
 gent que lon luy auoit mandé qu'il prist pour soy, comme n'en aiant point
 affaire, & qu'à leur ambition & opiniastrété de ne uouloir point estre com-
 mandez par luy, combien qu'ilz ne sceussent ny commander ny obeir, il les
 gaigna par une superstition qu'il leur meit en auant. C'est qu'il leur feit à croire
 que Alexandre s'estoit en dormant apparu à luy, & luy auoit monstre un pauillon
 magnifiquement paré & accoustré, comme il appartient à un Roy, dedans le-
 quel pauillon y auoit un trosne royal, & luy dit que là ou ilz uoudroient tenir
 leur conseil là dedás, il s'y trouueroit, & leur aideroit en tous leurs conseilz, &
 en la cōduitte de tous leurs affaires, pourueu qu'ilz commenceassent tousiours
 par luy. Il persuada aiseemēt cela à Antigènes & à Teutamus, lesquelz ne uou-
 loient point aller deuers luy pour deliberer des affaires, ny luy aussi n'estimoit
 pas que ce fust chose digne de luy qu'on le ueist aller à la porte des autres: par-
 quoy d'un commun consentemēt ilz feirent incontinent dresser un beau & ri-
 che pauillō que lon appelloit le pauillon d'Alexandre, là ou ilz faisoient leurs
 assemblees de conseil, pour deliberer des affaires de plus grande consequence.
 Cela faict, ilz tirerent uers les haultes prouinces, là ou sur le chemin Peucestas
 qui estoit grād amy d'Eumenes s'alla ioindre à eulx, & les autres Satrapes avec
 ce qu'ilz auoient de gens de guerre. Cela fortifia bien l'armee des nobles Macé-
 doniens, quant au nombre d'hommes, & quant à la beaulté de leurs armes &
 de tout leur equippage: mais quant à leur personnes pour autant que depuis
 la mort d'Alexandre ilz n'auoient eu qui leur cōmandast, ilz en estoient deue-
 nus uoluntaires, à cause de ceste dissoluē licence, & delicats en leur façon de
 uiure, & si auoient oultre cela, chargé une fierté tyrannique nourrie & accreüe
 par les uanitez & fumees des Barbares, tellement que quand ilz se trouuerent
 plusieurs ensemble, ilz ne se peurēt endurer ny accorder les uns avec les autres,
 & se meirent à caresser & flatter deshonteement les uieulx soudards Macédo-
 niens en leur fournissant argent, & leur faisant des banquets & des festins de
 sacrifices, de maniere qu'en peu de temps ilz feirent d'un camp une tauerne de
 intemperance & de toute dissolution, là ou les seigneurs briguoient & ache-
 ptoient la faueur de gens de guerre pour estre eleuz par eulx chefz de tout l'ost,
 ne plus ne moins q'lon fait les uoix de la cōmune es citez franches, ou le peuple
 est souuerain pour estre auancé aux estats & honneurs de la chose publique. Si
 s'apperceut incontinent Eumenes, que ces seigneurs Satrapes se mesprisoient
 les uns les autres: mais que tous le craignoient, & se desfioient de luy, & qu'ilz
 n'esprioient

- A** n'espioient que quelque occasion à propos pour le tuer: parquoy pour y obuier il feist semblant d'auoir affaire d'argent, & en emprunta une bonne grosse somme, principalement de ceulx qu'il sçauoit qui le haïssoient le plus; à fin que de là en auant ilz se fiasent en luy, & desistassent de l'espier, pour la crainte qu'ilz auroient de perdre l'argent qu'ilz luy auroient presté, dont il aduint une chose bien estrange: car l'auoir & l'argent d'autrui, luy fut sauuegarde & assurance de sa uie: & au lieu que les autres donnent de l'argent pour l'asseurer & sauuer, cestuy par en prendre meit sa uie en seureté. Quant aux souldards Macedoniens pendât qu'ilz ne sentirent point de dâger d'aucuns ennemis qui les feist craindre, ilz se retireroiēt deuers ceulx qui leur donnoient, pour l'enuie qu'ilz auoiēt de se faire declarer capitaines generaux, & se trouuans le matin à leur leuer leur faisoient la court & les accompagnoient par tout: mais quand Antigonus se fut approché & logé tout au plus pres d'eulx, avec une grosse & puissante armee, & que les affaires parlerent, en manière de dire, & monstrerent au doigt qu'il falloit necessairement trouuer un bon chef de guerre: alors non seulement les souldards se renegerent deuers Eumenes, mais aussi tous ces Satrapes, qui en temps de paix & de seureté faisoient tant des grands, luy cederent uoluntairement, & se soubmeirent d'eulx mesmes sans mot dire, à garder le lieu & faire ce qu'il leur uoulut commander. Car comme Antigonus essayast tous moiens de passer la riuere de Pasitigris, les autres Satrapes qui estoient disposez en diuers lieux pour l'en engarder, ne sentirent pas seulement l'effort qu'il en feit, & n'y eut que Eumenes seul qui luy feist teste, & luy donna la bataille, ou il luy tua tant de ses gés, qu'il en emplit toute la riuere, & si en prit quatre mille prisonniers. Mais plus euidentement encore monstrerent ces souldards des uieilles bandes, une autrefois en une maladie qu'eut Eumenes, qu'elle opinion ilz auoient de luy & des autres, c'est à sçauoir, que les autres leur sçauoient bien tenir maison & les festoier magnifiquement, mais que luy seul estoit digne d'estre leur capitaine & de commander: Car Peucestas pour leur auoir faict un grand festin au royaume de Perse, & leur auoir donné à chasque souldard un mouton pour sacrifier, esperoit auoir acquis grand crédit & grande faueur entre eulx: mais peu de iours apres ainsi que l'armee marchoit pour aller trouuer les ennemis, Eumenes d'adventure tumba en une grosse & dangereuse maladie, à l'occasion de laquelle il se faisoit porter dedans une litriere assez loing du camp pour estre hors de bruit, à cause qu'il ne pouuoit reposer. Ilz n'eurent pas faict long chemin qu'ilz apperceurent les ennemis deuant eulx, lesquelz aians passé quelques petites montagnes qui estoient entre deux, descendoient en la plaine. Quand ilz ueirent sur le hault des montagnes la lueur des armes de leurs ennemis qui flamboyent aux rayons du soleil, & le bon ordre qu'ilz tenoient en marchant en bataille, les Elephans avec leurs tours dessus leurs dos, & les gens d'armes avec leurs sayons de pourpre par dessus leur harnois, qui estoit l'accoustrement qu'ilz portoient quand ilz alloient trouuer l'ennemy pour combattre: adonc les premiers s'arrestèrent tout court, & crierent que lon appellast Eumenes pour les cōduire, & qu'ilz ne passeroient point oultre, s'ilz ne l'auoiēt pour leur chef. En disant cela ilz feirent quand & quand hault le bois, & posèrent leurs pauois en terre à leur piedz, s'entredifans les uns aux autres qu'ilz demourassent, & à leurs particuliers capitaines aussi, aux quelz ilz declarerēt rondement qu'ilz ne bougeroient de là, ny ne combattroient nullement, si Eumenes n'y estoit present pour les conduire. Dequoy Eumenes estant aduertty, uinē

deuers eulx grand erre, en pressant les esclaves qui portoit la litiere, & la fai-
 sant ouvrir & descouvrir de costé & d'autre, rendit la main droite aux sou-
 dards, en leur donnant à entendre, qu'il estoit tresioyeux de la bonne opinion
 qu'ilz auoient de luy, & eulx aussi incontinent qu'ilz le ueirent le saluèrent en
 langage Macedonien, & releuerent leurs pauois, dont ilz frapperent contre
 leurs picques avec grands crys, disans que les ennemis uinrent quand ilz uou-
 droient, & qu'ilz leur dōneroient la bataille puis que leur capitaine estoit avec
 eulx. D'autre costé Antigonus qui auoit entendu par les prisonniers, que ses
 gens auoient pris es courses & escarmouches, que Eumenes estoit tumbé mala-
 de, & que lon le portoit dedās une litiere, tant il estoit mal disposé de sa per-
 sonne, estima qu'il n'auroit pas grand affaire à desconfire tout le reste, celuy là
 estant malade, & pour ceste cause se hastoit le plus qu'il pouuoit de leur donner
 la bataille: mais quand il fut approché de si pres qu'il peut bien ueoir claire-
 ment l'ordonnance & la contenance de ses ennemis, qui estoient rengez en bat-
 aille si bien, qu'il n'estoit pas possible de mieulx, il en fut fort estonné, & s'ar-
 resta tout picqué un long temps, pendant lequel il apperceut de loing la litiere
 d'Eumenes que lon portoit de l'un des bouts de la bataille à l'autre, dont il se
 prit à rire fort hault, ainsi comme estoit sa coustume, & se tournant deuers ses
 amis: C'est, dit-il, celle litiere là, à mon aduis, qui nous fait la guerre, & qui
 nous presente la bataille: mais en disant cela, il feit sonner la retraite, & reme-
 na ses gens en son camp. Quand ceste peur fut un peu passée, les Macedoniens
 retournerēt derechef à leur façō de faire accoustumee, les Satrapes à briguer &
 flatter les soudards, & les soudards à faire les audacieux & braues en grād mes-
 pris de leurs capitaines, tellement que quand ce uint à prendre leurs garnisons
 pour hyuerner, ilz departirent entre eulx presque toute la prouince des Gabe-
 niens, de sorte qu'il y auoit bien depuis les premiers logis iusques aux derniers
 soixante & deux lieues de distance. Ce qu'Antigonus aiant entēdu, se delibera
 de leur aller courir sus lors qu'ilz ne se doubteroit de rien moins, si retourna
 tout court à eulx par un chemin bien plus court que celuy par ou il estoit uenu,
 mais beaucoup plus mal aisé aussi, & ou il n'y auoit eau quelconque, esperant
 que si les pouuoit surprendre ainsi escartez les uns des autres, qu'il ne seroit pas
 aisé à leurs capitaines de les rassembler, au moins si promptement tous ense-
 mble: mais comme il se fust mis en chemin par ce pais aspres & desert, il y fut ac-
 cueuilly de si impetueux uents & de si grandes froidures, que ses gens ne peurēt
 onques aller auant, & furent contrains de seiourner pour se prouueoir de re-
 medes necessaires cōtre l'iniure du temps. Les remedes estoient d'allumer for-
 ce feuz, qui furent cause que leurs ennemis furent aduertis de leur uenue, pour-
 ce que les Barbares demourans es montagnes, qui regardent deuers le desert,
 s'esbahissans de ueoir si grand nombre de feuz en la plaine, enuoyerent en dili-
 gēce sur des chameaux faicts à la course, en aduertir Peucestas qui estoit le plus
 prochain de la montagne, & fut si effroyé de ceste nouuelle, qu'il ne sceut qu'il
 deuoit faire: car uoiant les autres ses compagnons aussi effroyez comme luy, il
 se prit à fouir, attirant apres luy tous ceulx qu'il trouuoit en son chemin la part
 ou il passoit: mais Eumenes appaisa ce grand effroy, en leur promettāt qu'il ar-
 resteroit & retarderoit ceste soudaine surprise de leur ennemis, de sorte qu'ilz
 arriuerōiēt trois iours plus tard q lon ne les attendoit: ce qu'ilz creurēt. Et adōc
 enuoya Eumenes ça & là par tout messagers aux autres capitaines, leur mādāt,
 qu'à route diligence ilz meissent leurs gens ensemble, & se trouuassent en cer-

A tain lieu qu'il leur assigna : & ce pendant luy mesme avec quelques autres capitaines alla choisir un endroit à propos pour l'assiette d'un camp, lequel endroit se pouuoit clairement uoir du hault des montagnes, qu'il falloit passer en uenant de deuers le desert, si le fait fortifier de trenchees & departir par quartiers, esquelz il fait faire force feuz, en telle distance les uns des autres, comme on les fait en un cāp. Cela n'eust pas plus tost esté fait, qu'Antigonus arriva au dessus des montagnes, qui apperceut de tout loing ces feuz, dont il fut fort desplaisant, pource qu'il estima que ses ennemis long temps auparauant eussent esté aduertis de sa uenue, & qu'ilz luy uinssent au deuant : parquoy craignant qu'il ne fust contraint de uenir à la bataille contre ses ennemis qui estoient frais

B & reposez, là ou les siens estoient las & recreuz du trauail & mesaise qu'ilz auoient enduré à passer le pais desert; il se meit en chemin pour remener son armee, nō par la courte uoye, par laquelle il estoit uēnu, mais par le pais habité & peuplé de grosses uilles & bons bourgs, à fin de refaire un peu son ost qui estoit grandement trauaillé. Toutefois uoiant que lon ne luy donoit nulles alarmes, & que lon ne luy dresseoit aucunes escarmouches, cōme il se fait ordinairement quand deux armees sont si prochaines l'une de l'autre, d'auantage que les gens du plat pais luy disoient qu'ilz n'auoient point ueu d'autre armee que la sienne, mais que là autour tout estoit bien plein de feuz, il se doubta bien adonc que c'estoit une ruze de guerre dont Eumenes l'auoit abuzé : si en fut tant despit,

C qu'il tira droit la part où il le pensoit trouuer, se deliberant de n'user plus de surprise, ains de commettre tout au hazard d'une bataille rengee: mais ce pendāt la plus grande & meilleure partie de l'armee, s'assembla à l'entour d'Eumenes, pour la grande estime que chascun auoit de son bon sens & de sa suffisance: tellement qu'ilz uoulurent & ordonnerent que luy seul comme capitaine souverain, commandast en l'armee. Cela desplaie grandement aux deux capitaines des Argyraspides, Antigēnes & Teutamus, qui en conceurent une telle enuie contre luy, que des lors ilz machinerent sa mort, & s'assemblans avec plusieurs des Satrapes, & des particuliers capitaines teindrent conseil, pour sçauoir quād & comment ilz le deuoient occire: mais la plus part de ceulx qui eurent uoix en

D ce conseil, furent d'aduīs que lon se deuoit encōte seruir de luy pour la cōduite de la bataille, mais incontinent apres qu'il le falloit faire mourir: cela estant arresté, Eudamus capitaine des Elephans, & un autre nommé Phædimus, s'en allerent secrettement deuers Eumenes, & luy declarerent ce qui auoit esté conclud en celle assemblee contre luy, non pour aucune bonne affection qu'ilz luy portassent, ou pour aucun uoloir qu'ilz eussent de luy faire plaisir, ains seulement pour crainte de perdre l'argent qu'ilz luy auoient porté. Eumenes les remercia fort, & les loua de leur fidelité, puis l'alla compter à ses plus feaux amis, en leur disant, Voyez comment ie suis enuironné d'un troupeau de sauages & cruelles bestes. Cela fait il escriuit son testament, & deschira ou meit au feu

E toutes les lettres missiues, & les papiers qu'il auoit riē luy, ne uolant point qu'apres sa mort ceulx qui luy auroient escrit quelques secrets aduertissemens en souffrissent. Apres qu'il eut ainsi disposé de ses particuliers affaires, il meit en deliberatiō s'il deuoit faire perdre la bataille, & en laisser la uictoire aux ennemis, ou s'il s'en deuoit fouir par la Medie & l'Armenie en la Cappadocie : mais il n'en arresta rien deuant ses amis, ains apres que le malheur ou il se trouuoit luy eut donné plusieurs diuers pensemens, encore se resolut il de combattre, & ordonna l'ost en bataille, preschant & priant les estrangers tāt Grecs que Bar-

bares, de faire bien leur deuoir : car quant aux uieux routiers Macedoniens, tât f
 fen fault qu'ilz eussent besoing d'estre preschez, que au cōtraire ilz l'enhortoiet
 eulx mesmes qu'il eut bon courage, disans que leurs ennemis ne les attendroiet
 iamais, à cause que c'estoient tous les uieux & plus experimentez soudards qui
 auoient esté en toutes les conquestes du roy Philippus & de son filz Alexadre,
 & n'estoit point de memoire que iamais ilz eussent esté rompus ny desfaits en
 bataille renee, estant la plus part d'eulx aagez de soixāte & dix ans, au moins
 n'y en auoit il point de plus ieunes que de soixante ans. A l'occasion dequoy
 quand ce uint qu'ilz prirent leur course pour aller chocquer de plus grāde roi-
 deur leurs ennemis, ilz s'escrierent tout hault parlans aux autres soudards Ma-
 cedoniés qui estoiet soubz Antigonus, O meschās garçons, uous prenez uous G
 à uoz peres? & se ruans ainsi sur eulx avec un courage enflammé de courroux,
 en peu d'espace desconfirent tout leur bataillon entierement, & en fut la plus
 part tuee sur le champ à coups de main. Si fut l'armee d'Antigonus tout à plein
 desconfitte en cest endroit: mais du costé ou estoit la gédarmerie, il eut l'auan-
 tage par la lascheté de Pēucestas qui se porta tresmal en celle iournee, de sorte
 que Antigonus gagna tout leur bagage, moienāt le bon sens qu'il eut au plus
 fort du danger, ioinēt que la nature du lieu ou fut la bataille, luy seruit aussi:
 car c'estoit une campagne rase, longue & large infinimēt, qui n'estoit ny trop
 enfondrante, ny aussi trop ferme ny trop dure, ains couuerte par le dessus d'un
 menu sable, ressemblant à celle escume seche que lō uoit sur la greue de la mer H
 quand elle s'est retiree. Ce sable ainsi delié estant emeu par les courses, allees
 & uenues de tant de milliers d'hommes & de cheuaux durant le combat, auoit
 eleué en l'air un grand poulcier, ne plus ne moins, que qui briserait & remue-
 roit de la chaux uifue, & en blanchissant l'air troubloit la ueuē, de maniere que
 lon n'eust sceu rien ueoir deuant soy : au moien dequoy il fut aisé à Antigonus
 se saisir des hardes & du bagage de ses ennemis, sans qu'ilz en apperceussent
 rien, aiant donques la bataille eu telle issue, Teutamus incontinent enuoya
 deuers Antigonus, le prier de leur rendre leur bagage qu'il auoit pris & emme-
 né dedans son camp. Antigonus feit responce, que non seulement il rendroit
 les biens aux Argyraspides, mais que encore en toute autre chose il les traite-
 roit le plus gracieusemēt qu'il pourroit, moienant qu'ilz luy rendissent Eume-
 nes entre ses mains : & alors ces Argyraspides prirent une tresmalheureuse &
 meschāte resolution de le liurer uif entre les mains de ses mortelz ennemis. Si
 s'approcherent premierement de luy, sans monstrier aucun semblāt qu'ilz uou-
 lussent mettre la main sur sa personne, ains plus tost que c'estoit pour le garder
 & defendre comme ilz auoient de coustume, se plaignans les uns de leurs biens
 qu'ilz auoient perdus, les autres luy disans qu'il ne se souciaist point, & qu'il a-
 uoit gaigné la bataille : & les autres accusans la lascheté des autres Sarrapes,
 aux quelz il auoit tenu, qu'ilz n'eussent entierement emporté la uictoire: mais à
 la fin apres l'auoir bien espié, il y en eut un qui se ietta sur luy & luy osta son es-
 pée: les autres le saisirēt aussi tost au corps, & luy lierent les deux mains derrie-
 re le dos avec sa ceinture. Quoy entédant Antigonus, y enuoya Nicanor pour
 le prendre d'entre leurs mains, & le luy amener: & lors aiant requis qu'on luy
 permist de parler, ainsi qu'on le menoit à trauers les bendes de ces uieux sou-
 dards Macedoniens, soubz cōdition qu'il ne leur feroit prieres aucunes ny re-
 quete pour les diuertir de ce qu'ilz uouloient faire, ains leur diroit choses qui
 concernoient grandement leur profit. Il luy fut ottroyé. Adonc estant fait si-
 lence,

A lence, il monta dessus un tertre un peu releué, là où il se prit à dire en estendant
 ses mains liees, O meschans & desloyaux hommes, les plus qui nasquirent on-
 ques en Macedoine ! Quel triumphe, ne quelle uictoire si grande a iamais gai-
 gnee sur uous Antigonus, qui en a tant cherché les moiens, comme de uous
 mesmes uous luy donnez maintenant, en luy liurant uostre capitaine lié &
 garroté entre ses mains ? Ne uous seroit ce pas grande honte, si uous estant le
 champ de bataille demouré apres estre uictorieux, uous quittiez seulement
 l'honneur de la uictoire à uostre ennemy pour l'auarice de retirer seulemēt quel-
 ques hardes que uous auriez perdues ? & maintenāt uous ne faites pas ceste las-
 cheté seule, ains qui pis est, enuoyez uostre capitaine pour la rençon de uostre
B bagage. Quant à moy, quoy que lon m'emmeine lié, ie demeure neantmoins
 inuaincu, uainqueur de mes ennemis, & uendu par ceulx qui deussent estre mes
 amis. Mais à tout le moins, ie uous requiers au nom de Iupiter, protecteur des
 armées, & en l'honneur des Dieux, aux quelz appartient la garde du fermēt de
 fidelité iuree, ie uous supplie & coniure, que uous me tuez uous mesmes en ce
 lieu : car aussi bien sera ce tousiours uostre faict, quand ie seray par main enne-
 mie mis à mort au camp d'Antigonus : & si ne deuez craindre qu'il en soit mal
 cōtent : car il ne demāde Eumenes que mort, & nō pas uif. Ou si uous ne uolez
 employer uoz mains à cest office, desliez m'en l'une des miens seulement, elle
 suffira pour cest effect : & si d'aduēture uous doubtez de me mettre un glaiue en
C la main, jettez moy piedz & mains liees aux bestes, & en ce faisant ie trous ab-
 sours & descharge du fermēt q̄ uous auez presté entre mes mains, cōme tresbiē
 & sainctemēt acquittez de la foy que uous auez iuree à uostre capitaine. Quād
 Eumenes eut ainsi parlé, tout le reste de l'armee eut grande compassion de luy,
 tellement que les larmes leur en uindrēt aux yeux, mais les Argyraspides crie-
 rent qu'on le menast, & que lon ne s'arrestast plus à ses beaux preschemens, &
 que ce n'estoit pas mal employé, que ce meschāt Cherronesien fust puny selon
 qu'il l'auoit deseruy, attēdu qu'il auoit ainsi trauaillé les Macedoniēs de guer-
 re & de bataille, ou il n'y auroit iamais fin : mais que bien seroit ce chose indi-
 gne, si il falloit que les plus uaillans hommes que iamais eussent euz en leur ser-
D uice les roys Philippus & Alexandre, apres tant de peines & de trauaux, perdif-
 sent en leur uieillesse le gain & la recompense d'auoir usé toute leur uie aux la-
 beurs de la guerre, de maniere qu'ilz fussent contraints de mendier leurs uies,
 mesmement apres q̄ leurs femmes auoient desia couché trois nuiēts avec leurs
 ennemis. En disant cela, ilz le menerent le plus roide qu'ilz peurēt uers le camp
 d'Antigonus, lequel craignāt que la foule du peuple qui couroit pour le ueoir
 ne le suffoquast, à cause qu'il n'estoit demouré personne au camp, y enuoya dix
 des plus forts Elephants qu'il eust, & bonne troupe d'hommes d'armes Me-
 dois & Parthiens, pour faire faire place & escarrer la presse : & arriuē qu'il fut en
 son cāp, il n'eut pas le cueur de le uouloir ueoir en si piteux estat, à cause qu'ilz
E auoiet eu par le passé amitié & familiarité ensemble : mais ceulx à q̄ il en auoit
 commis la garde luy uindrent demander comment il uouloit qu'il fust gardé,
 & il leur respondit, comme un Lion ou comme un Elephant : toutefois un peu
 apres il en eut pitié, & le feit descharger de ses plus pesans fers, & luy enuoya
 l'un de ses seruiteurs domestiques pour le traicter & auoir soing de sa personne,
 & permit à qui uouloit de ses amis de l'aller uisiter & luy porter ses necessitez.
 Ainsi dilaya Antigonus par plusieurs iours à se resouldre de ce qu'il en deuoit
 faire, escoutant tout ce qu'on luy en disoit, & qu'on luy en promettoit, pource

Eumenes.

que Nearchus le Candiot, & Demetrius son propre filz parloient pour luy, & P
raschoient de luy sauuer la uie, au cōtraire de tous les autres seigneurs & capi-
taines qui estoient autour d'Antigonus, lesquelz uouloient qu'on le feist mou-
rir. Pendāt que lon estoit en ces termes, Eumenes demāda un iour à Onomar-
chus qui auoit la charge de le garder, A quoy tient que Antigonus aiant un
sien ennemy entre ses mains, ne le fait mourir promptement, ou qu'il ne le de-
liure magnanimement? Onomarchus luy respondit oultrageusement, qu'il
n'estoit pas temps lors de faire du hardy, & de mōstrer qu'il ne craignoit point
la mort, & que c'estoit en la bataille ou il l'auoit deu monstrier. Eumenes luy
repliqua, Ainsi m'aide Iupiter que ie l'ay faict aussi, & si tu ne m'en crois, de-
mande le à ceulx qui se sont attachez à moy: mais ie n'en ay point trouué de G
plus uailant ny de plus fort que moy. Lors recouppa Onomarchus, Mainte-
nant donques puis que tu as trouué plus fort que toy, que n'attens tu l'heure qui
luy plaira? Finablement quād Antigonus eut arresté de le faire mourir, il ordō-
na que lon ne luy baillast plus à māger: & fut ainsi deux ou trois iours que lon
le menoit à sa fin, en luy ostant le boire & le manger: mais il suruint quelques
nouuelles pour lesquelles il fallut que le camp deslogeast soudainement, à l'oc-
casion dequoy auāt que partir on enuoya un homme qui l'acheua de tuer. An-
tigonus permit à ses amis d'en prendre le corps & de le brusser, puis en recuei-
lir les cédres & les os pour les enuoyer à sa femme & à ses enfans. Aiant Eume-
nes finy ses iours en ceste maniere, les Dieux n'establirent autres commissaires H
pour uēger la desloyaulté des Argyraspides & de leurs capitaines qui l'auoiet
trahy, que Antigonus mesme, lequelles abomināt comme cruelz meurtriers,
desloyaux & periures aux hommes & aux Dieux, les consigna à Ibyrtius gou-
uerneur de la prouince d'Arachosie, luy donnant trefexpres mandemēt de les
perdre, & mettre tous à male fin en quelque maniere q̄ ce fust: tellemēt que nul
d'eulx ne retournaist iamais en la Macedoine, ny ne ueist la mer de la Grece.

LA COMPARAISON D'EUMENES AVEC SERTORIUS.



Est ce que nous auons peu recueillir qui soit digne de memo- I
re des faicts & gestes de Sertorius & d'Eumenes. Et pour uenir à
les comparer l'un avec l'autre, cela premierement leur est com-
mun à tous deux, qu'estans estrangers en pais estrange, & ban-
nits du leur, ilz ont tousiours, iusques à leur trespas, esté capitai-
nes de diuerses nations, & ont esté souuerains capitaines de grosses & belli-
queuses armées. Mais Sertorius a cela de propre, que tous ceulx de sa ligue & de
son party luy cederent le premier lieu d'aūthorité cōme au plus suffisant d'en-
tre eulx, & à celuy qui estoit le plus digne de commāder: & a Eumenes, que en-
tre plusieurs qui estriuoient encontre luy de la superintendence de toute l'ar-
mée, il gaigna par ses faicts le premier degré d'aūthorité en son ost: tellement K
que à l'un obeirent ceulx qui uouloiet estre gouuernez par un homme de bien
& bon capitaine, & à l'autre cederent pour le bien public, ceulx qui se sentoient
foibles de suffisance pour pouuoir commander. Car Sertorius estant Romain
commanda aux Hespagnolz & Lusitaniens, & Eumenes qui estoit Cherrone-
sien, aux Macedoniens: dont ceulx là estoient ia de long temps soubz l'empire
Romain, & ceulx cy en ce temps là auoient conquis & subiugué tout le mon-
de. D'auantage Sertorius estant desia en reputation grande pour estre Senateur

Romain,

- A Romain, & pour auoir au parauant eu charge de gens de guerre, paruint à la dignité de capitaine general & chef souuerain d'une grosse armee: là ou Eumenes y uint desestimé & desdaigné pour son estat de secretaire: & n'eut pas seulement lors qu'il commença à y pretendre moins de moien pour y paruenir que Sertorius, mais aussi de bien plus grands contraires & de plus grands empeschemens pour l'accroistre & se maintenir: car plusieurs ouuertemēt luy furent contraires, & secretemēt luy machinerēt sa mort, nō pas cōme à Sertorius, à qui nul ne cōtraria du cōmencemēt, iusques à la fin que quelques uns de ses cōpagnons soubz main coniurerent à l'encontre de luy. Pourtant estoit ce à Sertorius fin de tous ses perilz, que uaincre ses ennemis: là ou à Eumenes ses plus grands dangers luy procedoient des uictioires qu'il gaignoit sur les siens, pour la malignité de ceulx qui portoient enuie à sa gloire. Quant est donques aux faicts d'armes, ilz sont presque tous esgaulx & pareilz: mais au demourant quant à leurs conditions, Eumenes aimoit naturellement la guerre, les debats & les querelles: & Sertorius estoit amy de paix, de douceur, & de tranquillité. Car l'autre pouuāt uiure en seureté avec honneur, s'il eust uolu ceder aux premiers, & se retirer des armes, aima mieulx auoir la guerre aux plus grands de Macedoine au peril de sa uie, tant qu'à la fin il y mourut aussi: & Sertorius qui ne uouloit point s'embrouiller d'affaires, fut contrainct pour la seureté de sa propre personne, de prendre les armes cōtre ceulx, qui ne le uouloient pas laisser uiure en repos: car si Eumenes n'eust point esté si ambitieux & si opiniastre que de contester à l'encōtre d'Antigonus du premier degré d'autorité, & qu'il se fust uolu contenter du second, Antigonus en eust esté bien aise, là ou Pompeius ne uolut oncques souffrir, que Sertorius peust uiure & demorer en repos. Ainsi l'un se meit uoluntairement à faire la guerre pour dominer, & l'autre fut malgré luy contrainct de dominer, pource qu'on luy faisoit la guerre: par ou il appert que celuy là aimoit naturellement la guerre, qui preferoit la conuoitise de plus grand estat que le sien, à la seureté de sa uie: & que cestuy cy estoit ueritablement homme de guerre, qui trouua moien d'asseurer sa uie par la defence des armes. D'auantage l'un fut occis, sans qu'il se doubtaist de la trahison qu'on luy brassoit, & l'autre attendāt de iour en iour la mort que lon luy machinoit: dont cela est signe de grande debonnaireté de nature en ce qu'il ne se desioit point de ceulx qu'il pensoit deuoir estre ses amis, & cecy de quelque faulte de sens & de cueur, car il fut pris comme il s'en uouloit foudir. Parquoy la mort de Sertorius ne feit point de deshonneur à sa uie, quand il souffrit par ses compagnons, ce que ses ennemis mortelz ne luy auoient iāmais peu faire souffrir: l'autre n'ayant sceu foudir à son malheur auant que d'estre pris, & ayant cherché le moiē de uiure encore en sa prison & captiuité, ne sceut euitier honestement ne supporter uertueusement la mort: car en requerant & priant son ennemy de luy sauuer la uie, il soubmettoit le cueur & le corps à celuy, qui parauant n'auoit que le corps en sa puissance.

Agésilas.



Archidamus filz de Zeuxidamus aïat glorieusement re-
gné en Lacedamone, laissa deux enfans, dont l'un fut
Agis, qu'il eut d'une notable Dame nommée Lâprido,
l'autre fut Agésilas de beaucoup plus ieune, qu'il eut
de la fille de Melisippidas, qui auoit nom Eupolia : &
pource que la succession au royaume appartenoit aux
filz aisné Agis, le puisné Agésilas aiant à demourer
homme priué fut nourry en la discipline Laconique,
laquelle estoit bien dure & penible : mais aussi ensei-
gnoit elle aux enfans à obeir : & estime lon que ce soit la cause pour laquelle
le poëte Simonides appelle Sparte Damasimbrotos, c'est à dire, domptant les
hommes, pource qu'elle rend par longue accoustumance ses citiens mania-
bles & obeissans à ses loix, autant ou plus que cité qui ait onques esté au mode,
en les domptant des leur enfance, comme lon fait les ieunes poulains. La loy
exempte & dispense de ceste subiection, les enfans qui doiuent succeder à la
royauté : mais Agésilas eut cela de propre plus que les autres de ceste qualité,
qu'il uint au degré de commander, aiant appris d'enfance à obeir : ce qui fut
cause qu'il sceut beaucoup mieulx que nul autre Roy s'accommoder & se com-
porter avec ses subiects, aiant adiouxé à la grandeur royale & aux façons de
prince qu'il auoit de nature, la courtoisie & la priualté qu'il auoit acquise par
nourriture. Du temps donques qu'il estoit es troupes qu'ilz appellent des en-
fans qui sont nourriz ensemble, Lysander fut amoureux de luy pour sa gentil-
lesse principalement : car estant plus courageux & plus ferme en ses opinions
que nul autre des enfans, comme celuy qui uouloit tousiours en toutes choses
estre le premier, avec une uehemençe & une impetuosité si grande en tout ce
qu'il uouloit, qu'il estoit impossible de la uaincre ny de la forcer : il estoit d'un
autre costé si doux & si souple, qu'il faisoit tout ce que lon luy comādoit par
gracieuseté & rien par crainte, luy faisant plus grand mal de se sentir blasmer
qu'il ne luy greuoit de traualier. Et quant à l'imperfection de sa iambe, qui es-
toit plus courte que l'autre, la beaulté de sa personne estât pour lors en sa fleur,
& sa gentillesse, en ce que lon uoioit qu'il la portoit si patiemment & si guaye-
ment, que luy mesme s'en mocquoit & s'en gaudissoit le premier, cela couuroit
grandement ceste defectuosité : &, qui plus est, faisoit d'auantage apparoir
la franchise de son courage, attendu que lon ueoit que pour estre boiteux, il
ne refusoit peine ny traual quelconque. Quant à la forme de son uisage nous
ne l'auons point portraite au naturel, pource qu'il ne le uoulut pas, ains defen-
dit expressement par son testament, que lon ne feist ny peindre ny mouler au-
cune image de son corps : mais bien treuve lon qu'il estoit de petite stature, &
qu'il promettoit biē peu de soy à le ueoir : mais ce qu'il estoit tousiours guay &
deliberé, & iamais chagrin, ny fascheux ny en parole, ny en uisage, cela le ren-
doit plus agreable & plus amiable, uoïre iusques en sa uieillesse, que les plus
beaux du monde : toutefois les Ephiores, ainsi comme Theophrastus escrit,
condemnerent à l'amende leur Roy Archidamus, à cause qu'il auoit espousé
une petite femme, disans qu'il leur engendreroit des roytelets, nō pas des roys.
Mais du temps que son filz aisné Agis regnoit, Alcibiades fuitif & banny d'A-
thenes s'en fouir de la Sicile en Lacedamone, & n'eut pas gueres demouré à
Sparte, qu'il fut incontinent soupçonné d'entretenir la femme du roy Agis,
qui s'appelloit Timæa, de maniere que pour ceste cause Agis n'aduoua point

A pour son filz l'enfant qu'elle feït, disant qu'elle l'auoit conceu d'Alcibiades: de-
quoy Timea ne se soucioit gueres, ainsi comme Duris escrit, car quelquefois
estant en son priué entre ses femmes, elle l'appelloit tout bas Alcibiades, non
pas Leotychides: aussi dit on qu'Alcibiades mesme disoit, que ce n'estoit point
pour faire mal ny desplaisir à personne qu'il s'estoit approché de la Roïne Ti-
mæa, ains seulement pource qu'il desiroit qu'il y eust des Roys de Lacedæmo-
ne engendrez de sa semence. Toutefois il fut contraint pour ceste occasion de
sortir hors de Lacedæmone pour la defiance qu'il auoit du Roy Agis, qui touf-
iours depuis eut l'efant pour suspect, & ne le teint iamaïs pour legitime iusques
à ce qu'estant tumbé malade au liët de la mort, Leotychides s'alla ietter à ge-
B noux les larmes aux yeux deuant luy, & sceut si bien faire que Agis en presence
de tesmoins, declara qu'il l'aduouoit pour son filz. Ce neantmoins apres la
mort d'Agis, Lysander, qui ia auoit desfait les Atheniens par mer, & auoit
plus de credit & d'autorité en la uille de Sparte, que nul autre, entreprit de fai-
re tumber la royauté sur Agésilas, disant qu'elle n'appartenoit point à Leo-
tychides, attendu qu'il estoit bastard: autant en disoient aussi plusieurs autres
des citoiens qui aimoient la uertu d'Agésilas, & luy fauorisoient fort affe-
ctueusement, à cause qu'il auoit esté nourry & eleué d'enfance avec eulx. Mais
au contraire aussi y auoit il à Sparte un deuin nommé Diopithes, qui sçauoit
par cueur une infinité de propheties anciennes, & estoit tenu pour fort sçauant
C & suffisant homme en tout ce qui cōcernoit les choses diuines: celuy là main-
tenoit qu'il n'estoit point loisible qu'un boitteux fust Roy de Sparte, & pour le
prouer il allegua en iugement cest ancien oracle:

R egarde bien, ô nation Spartaine,
Quoy que tu sois en courage haultaine,
Que Royauté boitteuse ne se germe
E n toy qui as l'alleure droite & ferme:
C ar autrement des malheurs te uiendront
N on esperez, qui long temps te tiendront
E nueloppee en tourmente de guerre,
D Qui d'hommes rend depeuplee la terre.

Lysander à l'encontre repliquoit, que si les Spartiates redoubtoient cest oracle,
c'estoit plus tost de Leotychides qu'ilz se deuoient garder, pource qu'il ne cha-
loit point aux Dieux, si aucun s'estant affolé un pied uenoit à estre Roy: mais
bien s'il n'estoit pas legitime ny ueritablement extraiët de la race de Hercules:
car ce seroit alors, disoit il, que la royauté uiendrait à clocher. Agésilas alle-
guoit d'auantage, que le Dieu mesme Neptune auoit tesmoigné que Leotychi-
des estoit bastard: car il auoit contrainët Agis par un tremblement de terre, de
sortir hors la chambre de sa femme, & que depuis plus de dix mois apres auoit
esté né Leotychides. Ainsi fut Agésilas pour ces causes & moiens, non seule-
E ment déclaré Roy de Sparte, mais aussi luy fut adiugee la succession des biens
de son frere Agis, & en debouta lon Leotychides: toutefois uoiant que les pa-
rents de luy du costé de sa mere, estoient extremement pauures: mais gens de
bien au demourant, il leur laissa la moitié des biens, en quoy faisant il acquit
honneur & bienueuillance de tout le monde, au lieu de l'enuie & de la mal-
ueuillance que lon luy eust autrement portee pour le faïët de ceste succession. Et
quant à ce que Xenophon escrit, qu'en obeissant à son païs, il y acquit si gran-
de puissance, qu'il faisoit entierement tout ce qu'il uouloit, uoicy que c'estoit:

Agésilas.

Les Ephores & les Sénateurs auoient pour lors la souveraine autorité au gouvernement de la chose publique: mais les Ephores ne demouroiēt en leurs offices qu'un an seulement, & les Sénateurs demouroiēt en cest honneur toute leur uie, aias esté ordōnez & establiz pour refrener l'autorité des Roys, à fin qu'ilz n'eussent pas toute puissance, ainsi comme nous auons plus amplement escript en la uie de Lycurgus: à l'occasion dequoy des que les Roys uenoient à succeder au royaume, ilz auoient incontinent une picque & une inimitié hereditaire, par maniere de dire, à l'encontre d'eulx. Mais Agésilas suyuit un chemin totalement contraire à ses predecesseurs: car au lieu de prendre querelle & de s'attacher à eulx, il leur porta tout honneur & toute reuerence, n'entreprenant iamaïs rien qu'il ne leur eust communiqué premierement, & quand il estoit mandé par eulx y allant plus uiste que le pas. Toutes & quantes fois qu'il estoit en sa chaire royale à donner audience, si d'aduenture les Ephores y suruenoient, il se leuoit au deuant d'eulx, & quand un nouueau Sénateur uenoit à estre esleu, il leur enuoyoit par honneur à chascun une robbe & un bœuf pour sacrifier. Par tous lesquelz moiens il sembloit qu'il honorast & qu'il augmentast la dignité de leurs offices, là ou il alloit soubz main amplifiant sa propre puissance, & adiouxtoit à la royaulté une grandeur, que lon luy concedoit pour la bienueillance que lon luy portoit. Au reste quant à ses deportemens enuers les autres citoiens, il estoit moins reprehensible ennemy qu'amy: car il ne nuisoit iamaïs iniustement à ses ennemis, mais il aidoit bien souuent à tort & en choses iniustes à ses amis: & aiant honte de ne recompenser & de ne honorer pas assez ses ennemis quand ilz auoiēt bien fait, il ne pouuoit condēner ny blasmer ses amis encore qu'ilz eussent mal fait, ains estoit tousiours bien aise de les secourir comment que ce fust, & de faillir plus tost avec eulx, estimāt que rien ne pouuoit estre mauuais de ce que lon fait pour suruenir à son amy. Et si l'aduenoit que quelqu'un de ses aduersaires tumbast en affliction, il estoit le premier qui en auoit compassion, & si le secouroit uoluntiers si l'autre l'en requeroit: par lesquelz moiens il gaignoit la bonne grace & l'amitié de tout le monde. Ce que uoians les Ephores, & redoubtrant sa puissance qu'ilz uoyoient aller ainsi en auant, le condēnerent en une amēde, y adiouxant la cause, que c'estoit pource qu'il possedoit luy seul les cueurs de tous les citoiens, qui deuoient estre communs. Car tout ainsi qu'il y a des philosophes naturelz qui tiennent, que qui osteroit du monde le discord & la noise, le cours des corps celestes s'arresteroit, & que la generation & tout mouuement cesseroit, pource qu'ilz disent que c'est la cause qui maintient l'armonie de ce monde: Aussi semble il que celuy qui establit les loix des Lacedemoniens, mesla parmy le gouvernement de sa chose publique, l'ambition & la ialousie entre les citoiens, comme un aiguillon de la uertu, uolant que les gens de bien eussent tousiours quelque chose à desmeller & à debattre les uns contre les autres, estimant, que celle lasche & paresseuse grace par laquelle les hommes s'entrecedent & s'entrepardōnent les uns aux autres sans se controller, estoit à faulser enseignes appelée concorde. Et euidēt aucuns, que certainement Homere eut ceste opinion, pource qu'il n'eust pas autrement fait Agamemnon se reioissant de uoir Vlysses & Achilles quereller à grosses paroles ensemble, si n'eust estimé que le debat & l'enuie entre les principaux homes (qui fait qu'ilz ont l'œil l'un sur l'autre) tournast au grād bien de la chose publique: toutefois cela n'est pas sans doute, ny ne se doit pas à l'aduēture confesser simplement,

pource

A pource que les noïses & dissensions excessiues entre les citoïens sont tresdommageables & dangereuses aux choses publiques. Au demourant un peu apres que Agésilas fut paruenü à la royauté de Lacedæmone, il arriua quelques uns uenans de l'Asie, qui apporterēt nouuelles comme le Roy de Perse faisoit preparer une grosse armee de mer pour debouter & deposseder les Lacedæmoniés de la seigneurie de la marine : & d'auantage Lyfander desirant estre une autre fois r'enuoyé en Asie pour y secourir ses amis, lesquelz il auoit laissez comme seigneurs & maistres des uilles & citez du pais : mais pource qu'ilz abusoient uiolentement & iniquement de leur autorité, les uns en estoïēt dechassez par leurs propres citoïens, les autres executez à mort, il meit en teste à Agésilas

B qu'il entreprist ce uoiage, de passer en Asie pour aller faire la guerre à ce Roy Barbare loing de la Grâce, premier que son armee & son equippage fussent prests. Pour à quoy plus facilement paruenir, il escriuit à ses amis en Asie, qu'ilz enuoyassent à Sparte demander Agésilas pour leur capitaine : ce qu'ilz feirēt : & Agésilas en pleine assemblee du conseil de la uille, accepta la charge, pourueu qu'on luy baillast trête capitaines Spartiates pour luy assister & le cōseiller en ses affaires, deux mille Ilotes affrâchiz, avec six mille des allies de Lacedæmone. Cela luy fut facilement accordé, moienant le port & la faueur que luy feit Lyfander, & l'enuoya lon incontinent avec les trente capitaines qu'il auoit demande, desquelz Lyfander fut le premier, non seulement pour l'authorité & la reputatiō qu'il auoit acquise, mais aussi pour l'amitié qu'il portoit

C à Agésilas, lequel se sentoît plus tenu à luy de ce qu'il luy auoit procuré ceste charge, que de ce qu'il l'auoit fait paruenir à la royauté. Parquoy ce pendant que l'armee s'assembloit au port de Geræste, luy avec quelques uns de ses amis s'en alla en la uille d'Aulide, là ou il luy fut aduis que la nuit quelqu'un en dormant luy dit, O Roy des Lacedæmoniens, tu sçais qu'il n'y eut onques capitaine general de toute la Grâce eleu, que iadis Agamemnon, & roy maintenant apres luy : & pource que tu commandes aux mesmes peuples qu'il faisoit, & que tu uas faire la guerre aux mesmes ennemis, partât d'un mesme lieu pour y aller, il est raisonnable que tu faces aussi un mesme sacrifice à la deesse qu'il feit à son

D departement. Agésilas n'eut pas plus tost eu ceste uision, qu'il luy souuint incontinent que Agamemnon à la persuasion des deuins sacrifia en ce mesme lieu sa propre fille, toutefois il ne s'en effroya point, ains le matin en feit le compte à ses amis, & leur dit qu'il sacrifieroit à la Deesse, ce dont il estoit uray semblable qu'elle se delecteroit, & qu'il ne uouloit point ensuiure la cruelle deuotion de cest ancien capitaine Agamemnon : & disant cela, il feit amener une bische couronnee de chapeaux de fleurs, & commanda à son deuin de l'immoller, ne uoulant pas que celuy qui estoit deputé par les gouuerneurs de la Bœoce eust l'honneur de ce faire, cōme le portoit la coustume du lieu, ce qu'entendans les magistrats & gouuerneurs de la Bœoce en furent malcontents, &

E enuoyerent leurs sergens denôcer à Agésilas qu'il se deportast de uouloir faire faire sacrifices en ce lieu là contre les loix, us & coustumes du pais. Les sergens qui y furent enuoyez feirent le contenu de leur cōmission : mais trouuans que la beste estoit desia immolee, & les quartiers dessus l'autel, il les prirent & les ietterent ça & là hors de dessus ledit autel. Cela fascha Agésilas qui estoit sur son embarquement, & s'en alla de là tout courroucé contre les Thebains avec mauuaise esperance de l'issue de son uoiage à cause de ce sinistre presage, qui sembloit luy pronostiquer, qu'il ne ressortiroit pas à telle issue cōme il de-

Agésilas.

siroit. Arriué qu'il fut en la uilled'Ephese, il eut incōtinent à desplaisir l'honneur qu'il ueit que lon y faisoit à Lyfander, & la fuite grande qu'il y auoit: car tous ceulx du païs alloient ordinairement à son logis pour luy faire la court, & quand il en sortoit le suiuiot & l'accompagnoient par tout, comme si Agésilas n'eust eu que le nom & l'apparence de capitaine general pour la loy de Lacedæmone qui le uouloit ainsi, & que Lyfander fust celuy, qui à la uerité eust le plein pouuoir & l'autorité de tout faire: car iamais n'auoit esté enuoyé capitaine Grec en ces marches là, qui y eust acquis tant de reputatiō, ne qui sy fust fait tant redoubter comme luy, ne iamais n'y eut homme qui feist plus de bien à ses amis, ny plus de mal à ses ennemis: lesquelles choses estans toutes fresches, ceulx du païs s'en souuenoient encore, avec ce qu'ilz uoyot Agésilas homme simple, populaire, & de peu de mōstre en toutes ses façons de faire, là ou au contraire ilz remarquoiet en Lyfander la mesme uehemençe, aspreté & briefueté de langage qu'ilz y auoiet autrefois cogneuë: au moien dequoy tout le monde plioit entierement soubz luy, & n'estoit fait que ce que luy seul commandoit. Ce qui fut cause que les autres Spartiates premierement s'en facherēt, pource qu'il sembloit proprement qu'ilz fussent uenuz pour seruir à Lyfander, & non pas pour conseiller le Roy: mais depuis Agésilas mesme s'en ennuya & s'en mescontenta aussi, encore q̄ de sa nature il ne fust point enuieux ny marry de ueoir faire honneur à d'autres qu'à luy: mais estant de son naturel fort conuoiteux de gloire & homme courageux, il auoit peur que sil se faisoit quelque chose de beau en ceste guerre, lon ne l'attribuast à Lyfander, pour la grande reputation qu'il auoit: parquoy il commença à se porter de ceste sorte enuers luy. Premierement il contredisoit à tous ses conseils & toutes les entreprises qu'il mettoit en auant, mesmement celles aux quelles il se monstroit plus affectionné il n'en faisoit pas une, ains en prenoit d'autres à executer plus tost que celles là: d'auantage sil y auoit aucuns poursuiuans qui eussent à faire à luy, ou qui le requissent de quelque chose, silz s'appuyoiet sur la faueur de Lyfander, il les renuoyoit tous sans rien faire. Au cas pareil aussi es iugemens, sil y en auoit aucuns que Lyfander rabrouast, ilz estoient tous asseurez de gagner leurs proces: & au contraire, sil y en auoit à qui il portast affection, & à qui il desirast gratifier, il estoit malaisé qu'ilz se sauassent d'estre condempnez à l'amende. Toutes lesquelles demonstrations se faisoient ordinairement, non point par cas d'adventure en un ou en deux, ains egaleement en tous, comme de propos deliberé, Lyfander se doubant bien de la cause, ne la desguisa point à ses amis, ains leur dit franchement que c'estoit à cause de luy, que lō leur faisoit ce tort & ce rebut, & pourtant leur cōseilla qu'ilz allassent faire la court au Roy & à ceulx qui auoient plus de credit que luy. Agésilas estima qu'il disoit & faisoit tout cela pour susciter la haine du monde à l'encontre de luy: parquoy luy uoulant faire encore plus grand despit, il l'establit commissaire des uiures, & distributeur des chairs, & apres l'auoir fait, encore escrit on qu'il dit tout hault en presence de plusieurs qui le peurent ouir: Qu'ilz aillent maintenant faire la court à mon distributeur de chair. Dequoy Lyfander se plaignant luy dit, Vrayement Syre Agésilas, tu sçais tresbien cōment il fault raualler tes amis. Ce fais-mon, respondit Agésilas, ceulx qui ueulent entreprendre sur mon autorité, & estre plus grands que moy. Voire mais, repliqua Lyfander, à l'adventure ne l'ay-ie pas fait ainsi que tu le dis: toutefois si tu as telle opiniō dōne moy quelque charge, & quelque lieu, auquel sans te facher, ie te puisse estre uile.

- A** Depuis ces propos, Agésilas l'enuoya en la marche de l'Hellespont, là ou il pratiqua un seigneur Persien, nommé Spithridates, des païs du gouuernemēt de Pharnabafus, qu'il amena à Agésilas avec grosse somme d'or & d'argēt, & bien enuiron deux cents hommes de cheual: mais pour cela il ne remeit point le maltalent qu'il auoit conceu à l'encontre de luy, ains garda tousiours depuis ceste rancune en son cueur: tellement, que depuis il espia tousiours les moiens de faire oster aux deux maisons royales le priuilege qu'elles auoient de la royauté, pour la mettre en commun à toutes les familles des Spartiates, & pour ce different là, eust suscité un grand trouble en la uille de Sparte, à mon aduis, s'il ne fust mort si tost cōme il feit, en un uoiage qu'il entreprit au païs de la Bœoce.
- B** Voila cōment les grandes natures ambitieuses, ne pouuans tenir moien, & se garder d'exceder en tropes gouuernemens des choses publiques sont souuētefois cause de plus de mal que de bien: car encore que Lyfander eust esté facheux & importun, comme il estoit ueritablement, de monstrier ainsi son ambition hors de temps & de saison, Agésilas n'ignoroit pas qu'il y auoit beaucoup d'autres moiens moins reprehensibles de chastier un personnage grand & illustre qui pechoit par une ambitieuse conuoitise de se monstrier seulement. Et m'est aduis que tous deux aueuglez d'une mesme passion, faillirēt: l'un de ne cognoistre pas la puissance de son supérieur: & l'autre, de ne pouuoir supporter l'ignorance & l'imperfection de son amy. Or du commencement Tisaphernes redoubtant Agésilas, feit quelques trefues avec luy soubz un donner à entendre, que le Roy se cōtenteroit de laisser les uilles Grecques de l'Asie en pleine liberté: mais depuis quād il pensa auoir assemblé des forces suffisantes pour le combattre, il luy denoncea la guerre, laquelle Agésilas accepta fort uoluntiers, pour autant mesmement que lon auoit grande esperance par la Grece qu'il feroit quelque grande chose en ce uoiage, & luy mesme estimoit que ce luy seroit une grande honte, que les dix mille Grecs qui estoient retournez du fond de l'Asie iusques à la mer maiour, soubz la cōduitte de Xenophon, eussent uaincu & battu l'armee du Roy, autant de fois comme ilz auoient uoulu, & que luy qui estoit capitaine general des Lacedæmoniens, lesquelz donnoient pour
- D** lors la loy à la mer & à la terre, ne feist aucun acte digne de memoire entre les Grecs: Parquoy pour uenger incontinent le desloyal periure de Tisaphernes par une iuste tromperie, il feit semblāt de uouloir premieremēt entrer dedās le païs de la Carie, au moien de quoy le Barbare y feit l'amas de toute sa puissance, mais soudain il tourna bride tout court, & se ietta dedās la Phrygie, ou il prit plusieurs uilles, & y gaigna beaucoup de biens, faisant uoir à ses gens, que uoler l'accord de paix ou de trefues, que lon a iuré, c'est mespriser les Dieux: mais que deceuoir & abuser ses ennemis n'est pas seulement iuste, ains est aussi honorable, & y a du profit conioinct avec le plaisir. Au demourant, pource qu'il estoit le plus foible de cheualerie, & que les entrailles des bestes qu'il auoit
- E** sacrifiées aux Dieux se trouuoient defectueuses, il s'en retourna en la uille d'Ephese, là ou il amassa des gens de cheual, faisant entendre aux hommes riches qui ne uoudroient aller culx mesmes en personne à la guerre, qu'il les en dispensoit, pourueu qu'ilz fournissent d'un homme & d'un cheual de seruice en leur place, & y en eut plusieurs qui le feirēt ainsi, de maniere qu'en peu de iours Agésilas se trouua bon nombre de uaillans hommes d'armes au lieu de gens de pied qui ne ualoient gueres: car ceulx qui n'alloient pas uoluntiers à la guerre souldoyoient ceulx qui y uouloient bien aller en leur place, & sembla-

Agésilas.

blement aussi ceulx qui ne uouloient seruir à cheual, payoient au lieu d'eulx F
ceulx qui en desiroient seruir : en quoy il suyuit sagement l'exemple du Roy
Agamemnon, qui dispensa un riche couard d'aller personnellemēt à la guerre,
en prenant de luy une bonne iument. Or auoit il commandé aux commissaires
qui uendoient publiquement au plus offrant à lencan les prisonniers de guer-
re, qu'ilz les despouillassent tous nudz pour les uendre : ce qu'ilz feirent, & se
trouuoit assez de gens qui acheptoient uoluntiers leurs despouilles & leurs
habillemens : mais quant aux corps ilz s'en mocquoient, les uoians ainsi blâcs,
delicats & tendres, pour auoir esté nourriz en delices à l'umbre au couuert, tel-
lement qu'il se trouuoit peu de gens qui y meissent enchere, pource qu'ilz les
estimoient personnes inutiles, & qui ne ualoient rien. Adonc Agésilas se trou- G
uant à ceste uente expressement pour ceste fin, dit à ses gens : Voyez uous mes
amis, ce sont là les personnes à qui uous combattez, & icy les despouilles pour
qui uous combattez. Depuis estant la saison uenue de se remettre en campa-
gne, & de rentrer dedans le païs des ennemis, il dit publiquement, qu'il entre-
roit dedans la Lydie, non point en intention de tromper plus Tisaphernes :
mais luy mesme se trompa : car pour s'estre trouué deceu la premiere fois, il ne
adiouxta plus de creance à ceste seconde publication, ains se persuada que ce
seroit à ce coup là qu'il entreroit en la Carie, attendu mesmement que c'estoit
un païs bossu & malaisé pour gens de cheual, en quoy il se sentoit le plus foi-
ble : mais nonobstant Agésilas entrant, comme il auoit predict, dedans le plat H
païs, auquel est située la uille royale de la Lydie, Sardis, Tisaphernes fut con-
traint d'y accourir au secours à grande haste, & y estant arriué en extreme di-
ligence avec sa cheualerie, il surprit par les champs plusieurs des ennemis es-
cartez sans ordre ça & là à piller le plat païs, & en mit la plus part à l'espee.
Quoy entendant Agésilas, discourut en luy mesme, que les gens de pied de
son ennemy ne pouuoient pas encore estre arriuez, & que luy au cōtraire auoit
toute son armee complete, au moien de quoy il pensa qu'il ualoit mieulx uenir
à la bataille promptement que dilayer d'auantage : si mesla parmy sa cheuale-
rie ses gens de pied armez à la legere, & leur commanda qu'ilz allassent uiste-
ment attacher l'ennemy, pendant que luy feroit suyure à leur cueuë les au- I
tres pesamment armez : ce qu'ilz feirent : mais les Barbares se meirent inconti-
nent en rouverte, & les Grecs poursuuyans uiuement & de pres, prirent leur cāp
& occirent un grand nombre des fuyans. Depuis ceste bataille ilz eurent le
moien, non seulement de courir & piller les païs du Roy à leur aise, sans dāger :
mais aussi de ueoir la uengeance de Tisaphernes, qui estoit un mauuais hom-
me & tres aspre ennemy de la nation des Grecs : car le Roy de Perse enuoya in-
continent en sa place un autre sien lieutenant appelé Tithraustes, qui luy feit
trencher la teste, & enuoya deuers Agésilas, le prier de uoloir entendre à ap-
pointement, & luy faire offrir force or & argēt pour s'en retourner en son païs.
A quoy Agésilas feit responce, que quant à la paix, il n'estoit pas en luy de la K
faire, & que c'estoit aux Lacedæmoniens, & qu'au regard de luy il estoit plus
aise d'enrichir ses souldards que soy mesme : mais qu'oultre cela les Grecs n'esti-
moient point honorable prédre des presens de leur ennemy, ains des despouil-
les : toutefois uolant gratifier en quelque chose à Tithraustes, pource qu'il
auoit fait la uengeance d'un commun ennemy de tous les Grecs, il mena son
armee hors de la Lydie en la Phrygie, moienant la somme de * trente talents :
qu'on luy bailla pour ses frais. Ainsi qu'il estoit par le chemin il receut un petit
billet

* Cent quatre
vingts mille
eleus.

A billet des officiers & magistrats de Sparte; qui luy mandoient comme on luy auoit baillé la charge de l'armée de mer avec celle de terre, ce que iamais autre capitaine Lacedæmonien auant luy n'auoit eu : aussi estoit il sans contredit le plus grand & le plus digne personnage qui fust uiuant de son temps ; ainsi que Theopompus mesme l'escriit en quelque passage, comme celuy qui se faisoit estimer plus pour sa uertu, qu'il ne faisoit pour la grandeur de son autorité : toutefois il semble qu'en cest endroit il commeit une faulte, quand il feit son lieutenant en l'armée de mer un Pisander frere de sa femme, là ou il y auoit d'autres capitaines plus aagez & plus experimentez que luy, aiant plus de regard à gratifier à sa femme & à honorer un sien allié, qu'à faire ce qui estoit le plus utile pour son païs .

B Cela fait, il mena son armée es prouinces du gouuernement de Pharnabazus, là ou il trouua non seulement abondance de tous uiures, mais aussi y amassa grosse somme d'argent : & de là passa iusques au royaume de Paphlagonie, ou il feit alliance avec le Roy Cotys, qui rechercha affectueusement son amitié pour la uertu & la constante foy qui estoit en luy : comme feit aussi Spiridathes, lequel abandonna Pharnabazus pour se rendre à Agésilas, & depuis qu'il s'y fut rendu, iamais ne se partit d'aupres de luy, ains le suyuit & l'accompagna tousiours par tout . Il auoit un filz qui estoit un fort bel enfant, nommé Megabates, duquel Agésilas estoit amoureux, & une fort belle fille preste à marier qu'Agésilas feit espouser à ce Roy Cotys : & prenât de luy mille homes de cheual, avec deux mille homes de pied armez à la leger, s'en retourna en la Phrygie, là ou il destruisit les prouinces du gouuernement de Pharnabazus, lequel ne l'osoit attêdre en cāpagne ny mesme se fier en ses fortresses, ains alloit tousiours fuyât deuant luy, emportant quād & soy la plus part de ce qu'il aimoit le mieulx & qu'il tenoit le plus cher, en se retirât tousiours arriere, d'un lieu en autre, iusques à ce que Spiridathes accompagnē d'un Spartiate nommé Erippidas, le pressa un iour de si pres, qu'il luy prit son camp, & se saisit de tout le precieux meuble qu'il auoit quād & luy . Mais là Erippidas se monstra un peu trop aspre à rechercher ce qui auoit esté soustraiēt du butin, cōtraignant les Barbares à le rendre, iusques à uouloir uisiter & fouiller par tout . Ce qui irrita si fort Spiridathes, qu'il se retira incontînēt avec les Paphlagoniens en la uille de Sardis, de quoy Agésilas fut aussi marry que de chose qui luy aduint en tout ce uoyage : car il estoit marry d'auoir perdu un si home de biē que Spiridathes, & la troupe de gens de guerre qu'il auoit emmenee quād & luy, laquelle n'estoit pas petite : & si auoit encore peur que lon le notast de ceste mechanique chicheté, dōt il auoit tousiours estudiē à se maintenir pur & net, & non seulement soy, ains aussi tous ceulx de son païs . Mais oultre ces causes apparentes, encore le poignoit fort l'amour de l'enfant, qui estoit profondement empraint en son cueur, combien que lors qu'il l'auoit au pres de luy, suyuant son naturel de ne uouloir iamais estre uaincu, il s'esforcaist de combattre son desir, de maniere qu'un iour Megabates s'approchât de luy pour le caresser & baiser, il destourna sa teste : de quoy l'enfant aiant eu hōte, s'en deporta de lors en auant, & ne l'osa plus saluer que de loing . Ce qui despleut d'un autre costē à Agésilas, au moien de quoy se repentant d'auoir destournē le baiser de Megabates, il faisoit semblant de s'esmeruiller, pourquoy il ne le saluoit plus d'un baiser cōme il auoit accoustumé : & quelques uns de ses familiers luy respondirent adonc, Tu en es cause toy mesme, Syre, qui n'as pas ozē attendre, ains as eu peur du baiser d'un si bel enfant : car encore y retourneroit il bien qui le luy diroit, pourueu que tu

Agésilas.

re gardes de le fouir une autre fois, cōme tu as ia faict. Cēs paroles ouyes, Agē- F
silaus demoura un espace de tēps tout pensif, & honteux, & leur respondit à la
fin : Il n'est point de besoing que uous luy en parliez, car ie uous assure q̄ ie se-
rois plus aise de pouuoir encore un coup resister à un tel baïser, que si tout ce
que ie uoy deuant moy me deuenoit or. Ainsi se comportoit Agēsilaus enuers
Megabates lors qu'il estoit autour de luy : mais au cōtraire quād il en fut esloi-
gné, il s'en trouua si ardemment espris, qu'il seroit malaisé d'affirmer si l'enfant
fust une autre fois retourné & se fust présenté deuant luy, si l'enfant se fust peu garder
de se laisser baïser. Depuis Pharnabazus rechercha de parler avec luy, & les as-
sembla ensemble un Cyziceniē nommé Apollophanes, qui estoit hôte cōmun
à tous deux : si se trouua le premier Agēsilaus avec ses amis au lieu assigné pour G
leur entreueüe, & en attendāt Pharnabazus se ietta deffoubz un arbre à l'ombre
sur l'herbe q̄ y estoit haulte & drue, iusques à ce que Pharnabazus y arriua aussi,
auquel on estendit des peaux doulces à long poil, & des tapis ouïrez de diuer-
ses couleurs pour se seoir dessus : mais aiant hôte de ueoir Agēsilaus ainsi cou-
ché par terre dessus l'herbe nue, il s'y coucha aussi aupres de luy, combien qu'il
fust uestu d'une robe de merueilleusement delice tissure & fort riche teinctu-
re. Apres qu'ilz se furent entresaluez Pharnabazus commença à parler, ou il
n'eut point faulte de bonnes remonstrances & iustes doleances, comme celuy
qui auoit fait beaucoup de plaisir aux Lacedæmoniens en la guerre contre les
Atheniens, & en recompense se trouuoit lors pillé & saccagé par eulx. Et Agē- H
silaus uoiant les autres Spartiates qui assistoient à ceste entreueüe iettans les
yeux contre bas de honte, & ne sachans que respondre à cela, pource qu'ilz co-
gnoissoient bien que lon faisoit tort à Pharnabazus, prit la parolle, & respōdit
en ceste maniere: Quand nous auōs parcy deuant esté amis du Roy, seigneur
Pharnabazus, nous auons usé de ce qui estoit à luy comme amis, & maintenāt
que nous sommes deuenus ses ennemis, nous en usons aussi comme ennemis:
& uoians que tu ueux estre l'un de ses esclauē, ce n'est pas de merueilles si nous
taschons de l'endommager en te mal faisant : mais de l'heure que tu aimeras
miculx estre amy & allié des Grecs, que serf du Roy de Perse, estimé que ces hō-
mes de guerre, ces armes, & ces nauires, & nous tous sommes pour garder & I
defendre tes biens & ta liberré à l'encontre de luy, sans laquelle il n'y a rien de
beau, de bō, ny de desirable en ce mōde. A cela luy respondit Pharnabazus ou-
uertement, & luy donna à entendre qu'elle estoit son intention : car si le Roy,
dit-il, enuoye par deça un autre capitaine pour estre son lieutenant, assurez
uous que ie me tourneray tout aussi tost des uostres : mais aussi s'il me donne la
charge & superintēdence de ceste guerre, ie n'omettray riē de diligēce ny d'af-
fection à faire entierement tout ce que ie pourray pour son seruice à l'encontre
de uous. Ceste response pleut à Agēsilaus, lequel luy prenant la main en se le-
uant quād & luy, luy dit: Ie desirerois, seigneur Pharnabazus, qu'aïant le cuer
tel, comme tu l'as, tu fusses nostre amy plus tost que nostre ennemy. Mais ainsi K
que Pharnabazus s'en retournoit avec ses gens, son filz qui estoit demouré der-
riere accourut à Agēsilaus, & en riant luy dit, Sire Agēsilaus, ie ueux cōtracter
amitié & hospitalité avec toy : & en disant cela luy presenta quand & quand
un dard qu'il tenoit en sa main. Agēsilaus l'accepta, & fut biē aise de ueoir l'en-
fant qui estoit beau, & de la gentille careffe qu'il luy faisoit : si regarda autour
de luy, si l'y auroit quelqu'un en sa compagnie qui eust quelque chose de beau
qui peust estre propre pour luy rendre la pareille, & apperceut le cheual d'un
sien

A ſien ſecretaire nommé Adæus, qui eſtoit accouſtré d'un beau & riche harnois: il luy ſeit incontinent oſter, & le donna au beau & gentil ieune garſon, lequel iamaſ depuis il n'oublia, ains quelque temps apres comme il euſt eſté chaffé de la maiſon de ſon pere, & priué de ſes biens par ſes freres, eſtant cōtrainct de ſen fouir au Peloponeſe, il l'eut touſiours en ſinguliere recommandation, uoir iuſques à luy aider en quelques ſienes amours: car il aima fort affectueuſement un ieune garſon Athenien, que lon nourriſſoit aux exercices de la perſonne pour un iour combattre es ieux de pris: mais quand il fut deuenu grand & roide, & qu'il ſe uint preſenter pour eſtre enrollé au nombre de ceulx qui deuoient combattre es ieux Olympiques, il fut en dāger d'en eſtre de tout poinct reietté: parquoy le Perſien qui l'aimoit eur recours à Agéſilaus, le requérant de uouloir aider à ce ieune chāpion, de ſorte qu'il ne ſouffriſt point ce deſhōneur d'eſtre refuzé. Agéſilaus luy deſirant gratifier iuſques à là, ſy employa, & obtint ce qu'il demandoit, non ſans grande peine & grāde difficulté. Ainſi eſtoit Agéſilaus en toutes autres choſes biē roide à obſeruer de poinct en poinct tout ce que les loix commandoient: mais es affaires de ſes amis, il diſoit que garder eſtroitement la rigueur de iuſtice, eſtoit une couuerture, dont ſe couuroient ceulx qui ne uouloiet point faire pour leurs amis. Auquel propos on treuve encore une petite lettre miſſiue qu'il eſcriuoit à Idrien prince de la Carie, pour la deliurance d'un ſien amy. Si Nicias n'a point failly, deliure le: ſil a failly, deliure le pour l'amour de moy: mais comment que ce ſoit, deliure le. Tel donques eſtoit Agéſilaus en la plus part des affaires de ſes amis: toutefois il eſcheoit biē des occasions ou il regardoit plus toſt à l'utilité publique, comme il monſtra un iour à quelque delogement qu'il fut contrainct de faire un peu en trouble à la haſte, tellement qu'il luy fut forcē qu'il abandonna un qu'il aimoit, malade: & cōme l'autre l'appellaſt par ſon nom ainſi cōme il ſen partoît, & le ſuppliaſt de ne le uouloir point abandoner, Agéſilaus ſe retourna & dit, ô qu'il eſt malaiſé d'aimer & eſtre ſage tout enſemble: ainſi l'a eſcrit le philoſophe Hieronymus. Or y auoit il ia deux ans entiers qu'il eſtoit en ceſte guerre, & ne parloit on plus es haultes prouinces de l'Asie que d'Agéſilaus, courāt par tout une tref-glorieuſe renommee de ſon honeſteté, ſa continence, courtoisie & ſimplicité: car quād il alloit ſeul avec ſon train par les chāps, il logeoit touſiours dedās les plus ſaincts tēples des Dieux, uoulant que les Dieux meſmes fuſſent regardās & teſmoings de ce qu'il faiſoit en ſon priué, là ou bien ſouuent nous ne uoulons pas que leshōmes ſeulement uoient ce que nous y faiſons, qui plus eſt entre tāt de milliers de ſoudārdſ qui eſtoient en ſon cāp, à peine euſt on trouué une pail-laſſe pire que celle, ſur laquelle il dormoit: & quant au froid & au chaud, il ſupportoit l'un & l'autre ſi aiſeemēt, qu'il ſembloit qu'il fuſt touſiours né à ſupporter ſeulement la qualité de l'air & de la ſaiſon, ou il ſe trouuoit. Si eſtoit choſe fort plaiſante aux yeux des Grecs habitans en Aſie, de ueoir les Satrapes lieutenans du Roy des Perſes, gouuerneurs des prouinces, & autres ſeigneurs, qui parauant eſtoient ſi ſuperbes & ſi intolerables, & qui ne pouuoiet pas, par maniere de dire, en leur peau, tant ilz eſtoient gorgez de richesses, de uoluptez, & de delices, faiſans lors la court, en grande crainte, à un homme qui alloit ſimplemēt ueſtu d'une pauvre meſchante cappe, & de ueoir comme ilz ſe reſſerroient & reformoient pour une ſimple parole courte qu'il leur diſoit à la Laconiene: de maniere qu'il uenoit alors en penſee à pluſieurs, de dire ces uers du poete Timotheus,

Agésilauſ.

Mars eſt un tyran, & la Grece
Ne craint or, argent, ny ri cheſſe.

Eſtant donques toute l'Asie emeuë, & ſe tournant en pluſieurs endroits de ſon coſté uoluntai remēt, apres y auoir reformé les uilles & citez, & leur auoir ré-
du l'adminiſtration de leur choſe publique en toute liberté, & toute franchiſe,
ſans effuſion de ſang humain, & ſans banniſſement d'un ſeul homme, il deli-
bera de paſſer oultre, & en transportant la guerre arriere des coſtes de la mer
Grecque, aller combattre contre le Roy meſme de Perſe pour ſa propre perſon-
ne, & luy mettre en compromis ſes richelſſes & ſes delices, dont il iouiſſoit trop
à ſon aife en ſes haults païs d'Ecbatane, & de Suſe, & l'empescher ſi bien qu'il
n'eult pas loiſir d'entendre à mouuoir la guerre entre les Grecs, & en diſpoſer à
ſa uolunté ſans ſe bouger de ſa chaire, en corrompant à force d'argent ceulx
qui auoient autorité au gouuernement de chaſcune des uilles. Mais ſur les en-
trefaittes qu'il eſtoit en ce penſement, arriua deuers luy Epicydidas Spartiate,
qui luy apporta nouuelles, comme la uille de Sparte eſtoit fort preſſee de guer-
res que luy faiſoient les autres peuples Grecs: au moien dequoy les Ephores le
rappelloient, & luy mandoient qu'il eult à retourner pour defendre ſon païs.

O Grecs qui plus de mauſx uous procurez,

Qu'onques n'ont fait Barbares coniuerez!

Car comment pourroit on appeller d'autre nom, celle enuie ou celle coniura-
tion, que feirent alors les Grecs à l'encontre d'eulx meſmes, par laquelle ilz ar-
reſterent avec leurs propres mains la fortune qui les conduiſoit au comble de
felicité, & retournerent contre leurs propres entrailles, les armes qui ia eſtoient
acheminees à l'encontre des Barbares, en rappelant en leur païs la guerre qui
en eſtoit bannie. Car ie ne ſuis pas de l'opinion de Demaratus le Corinthien,
quand il dit que les Grecs eſtoient priuez d'un ſingulier plaifir, qui n'auoient ueu
Alexandre le grand aſſis dedans le throſne royal de Darius, ains au contraire
ie croy plus toſt qu'ilz euſſent deu plorer, quand il euſſent penſé qu'ilz auoient
laiſſé ceſte gloire à Alexandre & aux Macedoniés, lors qu'ilz deſpendoient &
perdoient follement tant de bons capitaines de la Grece es batailles de Leu-
ctres, de Coronee, de Corinthe, & d'Arcadie. Toutefois Agésilauſ ne feir on-
ques acte plus meritoire ne plus grand, q̄ de ſen eſtre retourné lors en ſon païs,
ny ne feir onques un plus bel exēple d'obeiſſance & de iuſtice deuë à ſon païs,
que celui là. Car ſil eſt ainſi, que Hannibal commenceant deſia à faire mal ſes
beſongnes, & à eſtre deboutté de l'Italie, ne cuida encore preſque iamaïs, ſinō
à toute force, obeir à ſes citoiens, qui le rappelloient pour les aller defendre de
la guerre qu'ilz auoient ſur les bras, & dedans leur propre païs: Et Alexandre le
grand eſtant rappellé pour meſme cauſe en ſon royaume de Macedoine, tant
ſen fallut qu'il y retournaſt, qu'encore ſen moqua il, quand il entendit la groſ-
ſe bataille que ſon lieutenant Antipater auoit euë contre le Roy Agis, di-
ſant, Il me ſemble quand i'oy compter ces nouuelles, que ce pendant que nous
deſfaifions par deçà le Roy Darius, il y ait eu par delà en Arcadie une bataille
de rats. Sil eſt (dy-ie) ainſi, que ces deux grands capitaines aient tenu ſi peu de
compte de leur païs, ne doit on pas reputer la cité de Sparte bienheureuſe, d'a-
uoir eu un Roy qui luy ait porté tant d'honneur & de reuerēce, & tant d'obeiſ-
ſance à ſes loix, que tout auſſi toſt qu'il eut receu le petit billet, par lequel il luy
eſtoit comandé de ſen retourner, il abandonna & quitta tant de biens, & tant
de uiſſance qu'il auoit paſſible entre ſes mains, avec une eſperāce treſbiē fon-

A dec & tresbien acheminee de beaucoup encore d'auantage, & ſembarqua pour ſ'en retourner tout ſoudain: laiſſant oultre cela un tresgrand regret à tous les allies & confederez de ſon païs, de ce qu'il n'acheuoit pas un ſi beau chef d'œuvre qu'il auoit ſi bien commencé: Certes ouy: & ſi refuta un dire de Demotra-
B tus Phœacien, lequel diſoit que les Lacedemoniens eſtoient plus gens de bien en public, & les Atheniens en particulier: car ſil ſ'eſtoit monſtré bon Roy & excellent capitaine enuers le public, encore ſe faiſoit il ſentir plus doux amy en priué, & plus agreable en familiere conuerſation. Et pource qu'en la mon-
 noye Perſienne il y auoit d'un coſté la figure d'un archer imprimee, il dit en ſe
 departant, q̄ dix mille archers le chafſoient de l'Asie: car autāt en auoit on por-
 té à Thebes & à Athenes, q̄ auoiēt eſté diſtribuez entre les harégueurs & gou-
 uerneurs du peuple, qui ſuſciterent par leurs harengues ces deux puiffantes ci-
 tez, & leur feirent prendre les armes contre les Spartiates. Aiant donques à ſon
 retour paſſé le deſtroit de l'Helleſpont, il prit ſon chemin à trauers le païs de la
 Thrace, là ou il ne pria iamais ny peuple, ny prince barbare pour ſon paſſage,
 ains leur enuoyoit ſeulement demander comment ilz uouloient qu'il paſſaſt
 par leurs terres, cōme amy, ou comme ennemy. Tous les autres le receurent a-
 miablement, & l'honorèrent chaſcun ſelon leur puiffance: mais ceulx que lon
 y appelle les Trochaliés, aux quelz le Roy meſme Xerxes feit des preſens pour
 auoir amiable paſſage par leurs terres, luy enuoyerent demander pour le laiſſer
 C paſſer * cent talents en argent, & cent femmes: à quoy Agésilauſ ſe moquant
 d'eulx feit reſpōce, Et que ne ſont ilz donques uenus quand & uous pour les re-
 cepuoir? Et en diſant cela feit auſſi toſt marcher ſes gens cōtre les Barbares, qui
 l'attendoient en bataille pour le cuider engarder de paſſer, & les aiant rompus
 en occit un grand nombre ſur le champ. Autant en enuoya il demāder au Roy
 de Macedoine, ſil paſſeroit par ſes païs, ou comme amy, ou comme ennemy.
 Ce Roy feit reſpōce, qu'il y penſeroit. Et bien, repliqua Agésilauſ, qu'il y penſe
 donques: mais ce pendant nous ne laiſſerons pas de tirer touſiours oultre. Adōc
 ce Roy ſeſbahiffant de ſa grande hardieſſe, & craignant qu'il ne luy feiſt quel-
 que deſplaiſir en paſſant, l'enuoya prier qu'il paſſaſt comme amy. Or eſtoient
 D pour lors les Theſſaliens en alliance avec les ennemis des Lacedemoniés: par-
 quoy en paſſant par leur païs, il le fourragea & pillā cōme terres d'ennemis, &
 enuoya en la uille de Lariffe Xenocles & Scytha pour la cuider induire à pren-
 dre party avec les Lacedæmoniens. Ces deux ambāſſadeurs y furent retenus &
 arretez priſonniers: dequoy tous les autres Spartiates eſtās grieveſement indi-
 gnez, eſtoient d'aduis que Agésilauſ y deuoit aller mettre le ſiege deuant: mais
 il leur reſpondit qu'il ne uoudroit pas auoir gaigné toute la Theſſalie entiere,
 pour perdre l'un de ces deux hommes là, & à ceſte cauſe feit tant qu'il les retira
 par compoſition. Ce qui n'eſt pas, à l'aduenture, trop à eſmerueiller en la per-
 ſonne d'Agésilauſ, ueu qu'une autre fois entendant qu'il y auoit eu une groſſe
 E bataille donnee pres la uille de Corinthe, en laquelle eſtoient demourez ſur le
 champ pluſieurs grands & uailans perſonnages du coſté des ennemis, & bien
 peu des Spartiates, il n'en feit point bonne chere, ny ne ueit on point qu'il ſ'en
 reſiouïſt, ains au contraire, en ſouſpira tresfort & du profond du cuer, en di-
 ſant, O pauvre Grece, tant tu es malheureuſe d'auoir occis avec tes propres
 mains tant de bons hommes tiens, qui euſſent eſté ſuffiſans pour deſfaire en un
 iour de bataille tous les Barbares enſemble. Mais comme les Pharfaliés, ainſi
 qu'il paſſoit ſon chemin le harcellaſſent, & endommageaſſent la cueuē de ſon

* Soixante
mille eſcus.

Agésilas.

armée, il prit cinq cents chevaux, avec lesquels il les alla charger si uifvement, F
qu'il les rōpit à force : & de ceste uictoire feit dresser un trophée au deffoubz du
mōt qui s'appelle Narthacium, & luy fut ceste uictoire autāt ou plus agreable,
que nulle autre, pource que avec si petite troupe de gēs de cheual q̄ luy mesme
auoit mis sus, & qu'il auoit dressez, il se trouua auoir desfait en bataille ceulx
qui de tout temps se glorifioient de leur cheualerie. Là le uint trouuer Diphri-
das l'un des Ephores estant enuoyé expres de Sparte pour luy commāder qu'il
eust à entrer incontinent en armes dedans le païs de la Bœoce : & luy, combien
qu'il eust deliberé d'y entrer une autre fois avec beaucoup plus grosse puissance :
toutefois ne uoulant en aucune chose desobeir aux seigneurs du conseil de son
païs, dit incontinent à ses gens, que la iournée pour laquelle ilz estoient retour- G
nez de l'Asie s'approchoit, & quand & quand enuoya querir deux compagnies
de ceulx qui estoient au camp pres de Corinthe. Puis ceulx de Sparte le uolans
honorer, pource qu'il auoit si promptement obey à leur mandement, firent
crier en la uille, que les ieunes hommes qui uoudroient aller secourir le Roy de
leurs personnes, uinsent bailler leurs noms : & adonc n'y en eut pas un qui ne
fallast presenter fort affectueusement pour se faire enroller : mais les gouver-
neurs en choisirent cinquante seulement des plus uigoureux & mieux dispos,
qu'ilz luy enuoyerent. Ce pendant Agésilas passa le pas des Thermopyles, &
trauersant le païs de la Phocide amy de ceulx de Lacedæmone, entra dedans la
Bœoce, & alla planter son camp pres la uille de Cheronee, là ou soudain qu'il H
fut arriué, il ueit le Soleil eclipser qui perdit sa lumiere, & prit une forme de
Lune quand elle est en son croissant : & au mesme temps entēdit la nouuelle de
la mort de Pisander, lequel auoit esté tué en une bataille nauale qu'il auoit per-
due contre Pharnabazus & Conon pres l'isle de Gnidos. Ceste nouuelle luy fut
fort desplaisante, comme lon peut penser, tant pour le regret de la perte du
personnage qui estoit son allié, cōme aussi pour le dommage du public : toute-
fois de peur que cela ne descourageast ses gens, & ne meist quelque frayeur en
leurs cueurs, mesmement sur le poinct qu'ilz estoient prests d'auoir la bataille,
il commanda à ceulx qui uenoient de la marine qu'ilz semassent un bruit tout
au contraire de ce qu'ilz luy auoient dit, & luy mesme pour seconder leur dire I
sortir en public aiāt sur sa teste un chapeau de fleurs, & sacrifia aux Dieux cō-
me pour les remercier de ceste bonne nouuelle, & quand & quand enuoya à ses
amis à chascun sa portion de la chair des bestes immolees comme il a accou-
stumé de se faire en une reiouissance publique, puis marchant en païs, aussi
tost qu'il apperceut de loing les ennemis, & que luy fut aussi apperceu d'eulx,
il ordonna ses gens en bataille, dont il donna la pointe gauche aux Orcho-
meniens, & luy mena la droite. Les Thebains de l'autre part se rengèrent à la
droitte de la leur, & donnerent la gauche aux Argiens. Xenophon qui se trou-
ua en ceste bataille du costé d'Agésilas, avec lequel il estoit reuenu de l'Asie,
escrit qu'il n'en fut iamais une telle. Il est bien uray que la premiere rencontre K
ne fut pas fort opiniastrement debattue, ny ne dura pas longuement, pource
que les Thebains rompirent incontinent les Orchomeniens, & Agésilas les
Argiens : mais quand les uns & les autres entendirent que les pointes gauches
de leurs batailles auoient des affaires, & qu'elles reculoient en arriere, ilz re-
tournerent tout court, là ou Agésilas pouuant auoir la uictoire entiere sans
aucun danger, s'il eust seulemēt uolu laisser passer le bataillon des Thebains,
& puis les charger sur la cueuē apres qu'ilz eussent esté passez, par une opinia-

- A** ſtrété de uouloir monſtrer ſa proueſſe, & par un ardeur de courage aimia mieux leur donner en teſte, & les alla chocquer de front, ne les uoulant uaincre ſinon à uiue force. Les Thebains de l'autre coſté le receurent non moins courageuſemét, & y eut là une meſlee fort aſpre par tous les endroits de la bataille, mais principalement au lieu ou il eſtoit, entre les cinquante ieunes hommes qui luy auoient eſté enuoyéz pour la garde de ſa perſonne, la uaillance deſquelz luy uint adonc fort à propos, & luy fut tres ſalutaire: car encore qu'ilz feiſſent tout le deuoir qu'il eſt poſſible de bien cōbattre, & qu'ilz ſe meiſſent au deuant pour le garder, ilz ne le peurēt neantmoins ſauuer d'eſtre biē blecé, mais bien l'emporterēt ilz nauré de pluſieurs coups de iaueline & d'eſpee qu'il receut à trauers ſon harnoïs, lequel en fut faulſé en beaucoup de lieux, & ſe rengerans en troupe ſerree au deuant de luy pour le couürir, tuerent grand nombre des ennemis & pluſieurs d'eulx auſſi demourerent morts ſur la place, iuſques à ce que finalement uoians qu'il eſtoit trop mal aiſé de forcer les Thebains de front, ilz furent cōtraints de faire ce qu'ilz n'auoient pas uoulu du cōmencement: car ilz ſouurirent pour les laiſſer paſſer, puis quand ilz furent paſſez, prenant garde qu'ilz marchoiert en deſordre, comme ceulx qui cuidoiert bien eſtre hors de tout danger, ilz les ſuiuirēt, & courans au long d'eulx les rechargerent de nouveau par les flancs: mais pour cela encore ne les peurent ilz tourner en fuitte à ual de rouverte, ains ſe retirèrent les Thebains au petit pas à la montagne de Helicon, ſe ſentans fort fiers de l'euenement de ceſte bataille, en laquelle ilz feſtoient quāt à eulx maintenus inuincibles. Mais Agésilauſ, encore qu'il ſe portat fort mal, à cauſe de pluſieurs bleceures qu'il auoit ſur ſa perſonne, iamais pourtant ne ſe uoulut retirer en ſeureté pour ſe faire penſer, que premieremēt il n'eut eſté au lieu de la bataille, & qu'il n'en eut ueu emporter les corps morts de ſes gens dedans leurs armes. Quant aux ennemis, il commāda que lon laiſſat aller ou ilz uoudroient ceulx qui ſ'en eſtoient fouiz dedans le temple de Minerue Itoniene, qui n'eſtoit pas loing de là, deuāt lequel y a un trophée que les Thebains iadis y dreſſerent apres y auoir deſfait en bataille, ſoubz la conduite de Sparton, l'armee des Atheniens, & y auoir occis ſur le champ le capitaine Tolmides. Le lendemain au poindre du iour Agésilauſ uoulant eſprouuer ſi les Thebains auroient courage de deſcendre une autre fois à la bataille, commanda à ſes ſouldards qu'ilz meiſſent des chappeaux de fleurs deſſus leurs teſtes, & aux menestriers q iouaſſent de leurs fluſtes, pēdant qu'il faiſoit dreſſer & accouſtrer un trophée comme uiſtorieux: & aiant ſes ennemis enuoyé demander licence d'enleuer leurs morts, il leur ottroya trefues pour ce faire, en quoy faiſant il confirma ſa uiſtoire, puis ſe feit porter en la uille de Delphes, là ou ſe iouoient les ieux Pythiques, & y feit la proceſſion & le ſacrifice ordinaire à Apollo, en luy offrant la decime de tout le butin qu'il auoit apporté de l'Asie qui monta bien à la ſomme de cent talents. Cela fait il ſ'en retourna en ſa maiſon, là ou ſes citoiens l'aimerent, & l'eſtimerent plus que iamais pour la ſimplicité de ſa uie & de ſa conuerſation: car il ne ſe monſtra point en ſes façons de faire autre qu'il n'eſtoit auparaüant, ny changé de ſon naturel par les meurs des eſtrangers, comme font ordinairement les autres capitaines quand ilz retournent d'une expedition longue & loingtaine, de ſorte qu'il meſpriſaſt les couſtumes de ſon païs, ou deſdaignaſt d'obeir aux ordonnances d'iceluy, ains tout ne plus ne moins que ceulx qui n'auoient iamais paſſé la riuere de Eurotas, continua touſiours à les obſeruer, entretenir & garder, ſans rien innouer en

Agésilas.

son boire & manger, lauer & estuuer, en l'equippage de sa femme, es ornemens F
de ses armes, ny aux meubles de sa maison: car il y laissa les mesmes portes qui y
estoit de tout réps, si uieilles & si anciennes, que ló estimoit q̄ ce fussent celles
mesmes q̄ Aristodemus y auoit mises: & dit Xenophon, que le Canathre de sa
fille n'estoit en rié plus magnifique q̄ ceulx des autres. on appelloit Canathres
en Lacedæmone des figures de Gryphôs, de Cerfs, ou de Boucs, dessus lesquel-
les on portoit les ieunes filles en certaines processions solénelles que ló faisoit
par la uille. Xenophô n'a point escrit côme s'appelloit ceste fille d'Agésilas: &
Dicæarchus se plaint & se courrouce que lon ne sçait le nom d'elle, ny celuy de
la mere d'Epaminondas: mais nous auons trouué es registres de Lacedæmone G
que la femme d'Agésilas se nommoit Cleora, l'une de ses filles Apolia, & l'autre
Prolyta: & uoit on encore iusques au iourd'huy en la uille de Sparte, sa lance,
qui n'est point differente des autres. Mais uoiant qu'il y auoit aucuns des ci-
toiens de Sparte qui se glorifioient, & cuidoient bien estre quelque chose d'a-
uantage que les autres, pource qu'ilz tenoient des cheuaux en l'estable, il per-
suada à sa sœur qui s'appelloit Cynisca, qu'elle montast dessus son chariot & en
allast essayer de gagner le pris de la course es ieux Olympiques, pour donner à
cognoistre & faire ueoir aux Grecs que cela n'estoit acte de uertu quelconque,
ains de richesses & de despence seulement: & aiant au tour de luy le philoso-
phe Xenophon qu'il aimoit, & duquel il faisoit grand cōpte, il luy suada d'en-
uoyer querir ses enfans pour les faire nourrir en Lacedæmone, là ou ilz appren- H
droient la plus belle science que les hommes sçauoient apprendre, c'est à sça-
uoir, obeir & commander. Apres la mort de Lyfander il trouua en Sparte une
ligue de plusieurs citoyens bandez & coniurez à l'encontre de luy, que Lyfan-
der luy auoit suscitée à son retour de l'Asie: & à fin que lon cogneust quel citoié
auoit esté Lyfander en son uiuant, il fut entre deux de mōstrer & reciter en pu-
blic une harengue qu'il trouua entre ses papiers, laquelle l'orateur Cleon Hali-
carnassien auoit cōposée, & Lyfander la deuoit prononcer en publique assen-
blée deuant tout le peuple, par laquelle il uouloit mettre en auant beaucoup de
nouueaultez, & remuer presque tout le gouuernement de la chose publique de
Lacedæmone: mais il y eut un des conseillers, homme sage, qui aiant leu la ha-
rengue, & craignāt la uiuacité des raisons y alleguees & deduictes, luy dit qu'il
luy conseilloit de ne deterrer point Lyfander, ains plus tost d'enterrer sa ha-
rengue quand & luy. Agésilas le creut, & ne remua rien: & quant à ceulx qui
luy auoient esté ou estoient aduersaires, il ne leur uoulut point nuire ouuerte-
ment: mais il trouuoit moien d'en faire tousiours enuoyer quelqu'un capitai-
ne d'armée, ou bien de luy faire auoir quelque autre charge, & puis faisoit eui-
demment cognoistre comment ilz ne festoient pas portez en gens de bien es
charges que lon leur auoit donnees, ains auoient esté auaricieux & meschans:
& neantmoins filz uenoient à en estre appelez en iustice, encore les secouroit
& aidoit il, & les se rendoit par ce moien amis au lieu qu'ilz luy estoient enne- K
mis, & les regaignoit en ce faisant: de sorte qu'il n'eut à la fin personne qui luy
fust aduersaire. Car l'autre Roy Agesipolis son concurrent estant filz d'un pere
que lon auoit banny, se trouuant lors en fort bas aage, & de nature estāt hom-
me doux & debonnaire, ne s'entremettoit gueres du gouuernemēt de la cho-
se publique: toutefois encore se porta il de maniere enuers luy, qu'il le rendit
sien: car les deux Roys quand ilz estoient en la uille, mangeoient ensemble en
une mesme salle. Et Agésilas cognoissant que de sa nature il estoit enclin à
l'amour

- A** l'amour, comme aussi estoit il luy mesme, luy mettoit tousiours en auant quelque propos des beaux enfans de la uille, & incitoit ce ieune homme à en aimer quelqu'un qu'il aimoit luy mesme: & le secondoit en cela, pource q̃ es amours Laconiques il n'y a rié de deshoneste, ains toute cōtinnence & route honesteté avec un zele, & un soing de rendre l'enfant que lon aimoit le plus uertueux & le mieulx conditionné, ainsi que nous auons plus amplement deduit en la uie de Lyncurgus. Par ces moiens donques Agésilas estant paruenue à auoir plus grande autorité que nul autre en sa uille, feit auoir la charge de la marine à son frere de mere qui s'appelloit Teleutias, & luy s'en alla avec son armee par terre deuant la uille de Corinthe, de laquelle il prit les longues murailles, & Teleutias luy aida à ce faire du costé de la mer. Les Argiens la tenoient alors, & celebrent la feste des ieux Isthmiques, ainsi comme Agésilas y arriua, & les en chassa sur le poinct qu'ilz uenoient de sacrifier au Dieu Neptune, & furent contrains d'abandonner tous leurs apprests. Adonc les bannis de Corinthe qui estoient avec luy, le prierent de uouloir luy mesme presider à ceste feste, & ordonner les ieux, mais il ne le uolut pas faire, ains uolut que eulx mesmes le feissent & y presidassent, seulement y demoura il tant comme les ieux durerent pour leur donner seureté. Depuis quand il en fut party, les Argiens y retournerent qui celebrerent une autrefois ces ieux Isthmiques, & y eut aucuns de ceulx qui auoient gaigné le pris à la premiere fois qui l'emporterent encore à la seconde, & d'autres qui aians uaincu aux premiers furent uaincus au seconds. En quoy Agésilas disoit que les Argiens festoient declarez hommes de bien peu de cuer, s'ilz estimoient chose si grãde & si honorable que de presider à ces ieux là, qu'ilz n'auoient ozé uenir cōbattre contre luy le droit qu'ilz y pretendoient. Quant à luy, il estimoit qu'il falloit garder un moien en telles choses, sans en estre trop curieux: car il honoroit bien de sa presence telles assemblees solennelles de danses & de festes publiques, qui se faisoient à Sparte d'ancieneté, & ne faillait iamais de se trouuer avec grãd plaisir & grande affection à telz esbattemens, que faisoient les ieunes garçons & les ieunes filles à Sparte: mais au demourant en matiere de ieux, il ne faisoit pas semblât de cognoistre seulement ce que les autres auoient en singuliere admiration. Auquel propos on recite que Callippides excellent ioueur de Tragedies, & qui estoit grandement renommé, honoré, & estimé entre les Grecs pour l'excellence de son art, le rencontra un iour, & le salua premieremēt, puis se ietta assez presumptueusement au renc de ceulx qui se promenoient quand & luy, se presentant deuant luy, & estimant qu'il commenceroit le premier à luy faire quelque carresse, à la fin il luy dit: Comment, Sire Roy Agésilas, ne me cognois tu pas? Agésilas le regardant au uisage, luy respondit: Et n'es tu pas Callippides le farceur? & n'en fait autre compte. Vne autrefois comme lon le conuiaist à ouyr un qui contrefaisoit naïfement le chant du rossignol, il ne le uolut point ouyr disant, l'ay souuent ouy le rossignol mesme. Et comme le medecin Menecrates pour auoir esté heureux en la cure de quelques maladies desesperées eust esté surnommé Iupiter, & usurpast un peu trop arrogammēt ce surnom là, de sorte qu'il eut bien la hardiesse de mettre en la suscription d'une missiue qu'il luy escriuoit, Menecrates le Iupiter au Roy Agésilas salut: Agésilas luy rescriuit, Agésilas à Menecrates santé. Mais pendant qu'il estoit dedans le territoire de Corinthe, ou il auoit pris le temple de Iuno, ainsi comme il regardoit ses gens qui pilloient & fourrageoient tout le plat pais, il arriua deuers luy des ambassa-

Agésilas.

deurs de Thebes pour luy parler de paix & d'amitié avec les Thebains : mais luy qui de tout temps haïssoit ceulx de Thebes, & qui oultre cela estimoit qu'il fust lors expedient pour le bien de ses affaires, monstrier semblant de n'en faire compte, teint contenance cōme fil n'eust ny ueu ny ouy ceulx qui parloient à luy . Mais sur l'heure mesme il aduint un cas, cōme par expresse uengeance diuine, qui luy rendit bien la pareille: car auant q̄ les ambassadeurs se departissent d'avec luy, il eut nouuelles que l'une de leurs legions, qu'ilz appellent Mœres, auoit esté toute taillee en pieces par Iphicrates, qui fut la plus grāde perte qu'ilz eussent receuë de bien long temps : car ilz y perdirent grand nombre de bons & uaillans hommes tous naturelz Lacedæmoniens, qui furent tuez par des aduenturiers mercenaires, & tous armez à bon esciant par hommes nudz ou armez à la legere . Si se meit Agésilas incontinent aux champs pour les cuider aller secourir ou uenger : mais sur le chemin il fut certainement informé qu'ilz estoient tous depeschez, au moien dequoy il s'en retourna, dont il estoit party au temple de Iuno, & lors feit appeller les ambassadeurs Bœotiens pour leur donner audience : & eulx luy uoulans rendre la pareille du tour de mespris qu'il leur auoit faict au parauant, ne feirent aucune mention de paix, ains luy requirent seulement qu'il les laissast entrer dedās Corinthe. Dequoy Agésilas aiant despit, leur respondit, Si c'est pour ueoir uoz amis se glorifier en leur prosperité, uous le pourriez demain seurement faire : & le lendemain les menant quād & luy, il alla gaster & destruire le païs des Corinthiens iusques tout cōtre les murailles de leur uille: & ainsi apres auoir fait ueoit aux ambassadeurs Bœotiens comme ceulx de Corinthe n'ozoient sortir aux champs pour defendre leur païs, il leur donna congé, & recueuillāt quelques uns qui estoient eschapez de la troupe desfaite, les remena en Lacedæmone, partāt tousiours du logis auant iour, & n'y arriuant qu'il ne fust nuict toute noire, de peur que les Arcadiens, qui les haïssioient & qui leur portoient enuie, ne se resiouissent de leur perte . Depuis ce uoiage pour gratifier aux Achæiens, il alla quand & culx au païs de l'Acarnanie, dont il emmena gande quantité de butin, apres auoir defait les Acarnaniens en bataille: mais comme les Achæiens le requissent qu'il y uoulust demourer tout l'hyuer, pour oster à leurs ennemis tout moien d'ensemencer leurs terres, il leur respondit qu'il n'en feroit rien : pource, dit il, qu'ilz craindrōt plus la guerre à la saison prochaine, quād ilz auront leurs terres ensemencees, cōme il aduint : car y estant l'armee retournee pour la seconde fois, ilz feirent appointment avec les Achæiens. Enuiron ce temps Pharnabazus & Conon avec l'armee du Roy de Perse, estans sans contredit seigneurs entierelement de toute la marine, pilloient toute la coste de la Laconie: & d'auantage les murailles de la uille d'Athenes se rebatissoient de l'argēt que Pharnabazus leur fournissoit, à raison dequoy les seigneurs de Lacedæmone furent d'aduis qu'il ualloit mieulx faire paix avec le roy de Perse, & pour cest effect enuoyèrent Antalcidas deuers Tiribazus, abandonnans laschement & meschammēt à ce roy Barbare les Grecs habitans en l'Asie, pour la liberte desquelz Agésilas luy auoit faict la guerre. Ainsi n'eut point Agésilas de part à ceste honte & à ceste infamie, pource que Antalcidas, qui estoit son ennemy, chercha par tous moiens de faire ceste paix, à cause qu'il uoyoit que la guerre augmentoit tousiours l'autorité, l'honneur & la reputation d'Agésilas, lequel toutefois respondit lors à un qui luy reprochoit, que les Lacedæmoniens Medisoient, c'est à dire, fauorisoient aux Medois: Non font, dit il, mais les Medois Laconisent.

A sent. & neantmoins en menassant, & denonceant la guerre à ceulx des Grecs qui ne uouloient accepter les conditions de ceste paix, il les contraignit de cōsentir à ce que le Roy de Perse uoluit: ce qu'il feist principalement pour le regard des Thebains, à fin qu'estans contraincts par les capitulations de la paix, de remettre tout le pais de la Bœoce en liberté, eulx en demourassent de tant plus foibles. Ce qu'il declara bien manifestement, par ce qui sensuiuit tantost apres: car comme Phœbidas eust fait un meschant & malheureux acte, d'auoir en pleine paix surpris & occupé le chasteau de la uille de Thebes que lon appelloit la Cadmee, dont tous les autres peuples Grecs estoient fort indignez, & les Spartiates mesmes n'en estoient pas guerres contens, principalement ceulx qui

B estoiet cōtraires à Agésilas: à l'occasion dequoy, ilz demandoiet en courroux à Phœbidas, par cōmandement & adueu de qui il auoit fait ceste surprise, pour deriuier toute la suspicion du faict sur luy. Agésilas ne faignit point de dire hault & clair pour la descharge de Phœbidas, qu'il falloit regarder & considerer le faict en soy, sil estoit point utile pour leur chose publique, & que c'estoit bien besongné que de faire de son propre mouuement, sans attendre autre cōmandement, ce que lon cognoissoit estre utile pour le bien public: & toutefois il auoit tousiours accoustumé de dire en ses priuez deuis, que Iustice estoit la premiere de toutes les uertus, pour autant, disoit il, que la prouesse ne uale rien, si elle n'est conioincte avec la iustice, & que si tous les hommes e-

C stoient iustes, alors on n'auroit que faire de la prouesse. Et à ceulx qui disoient, Le grand Roy le ueult ainsi: Et en quoy, disoit il, est il plus grand que moy, sil n'est plus iuste? aiant en cela bonne & droite opinion, de penser qu'il falloit prendre la difference du grand au petit Roy à la iustice, comme à la mesure royale. Et comme apres la paix faite, le Roy de Perse luy eust particulieremēt enuoyé une lettre missiue, par laquelle il luy escriuoit qu'il desiroit auoir amitié & hospitalité particuliere avec luy, il ne la uoluit point accepter, disant qu'il suffisoit de l'amitié publique, & que tant comme celle là dureroit, il ne seroit point besoing d'en cōtracter d'autre entre eulx. Mais puis apres quand

D seuenoit aux effectz, il ne retenoit plus ceste belle opiniō premiere, ains se laissoit bien souuent transporter à l'ambition ou à son obstination, mesmement à l'encontre des Thebains comme il feist lors, quand non seulemēt il sauua Phœbidas, ains feist que la uille de Sparte prit sur elle, & adouua la forfaiture qu'il auoit commise, en retenant la forteresse de la Cadmee, & mettant le gouuernement de la uille de Thebes entre les mains d'Archidas & de Leontidas, par intelligēce desquelz Phœbidas festoit saisy de la Cadmee: pourtant eut on incōtinent opinion, que c'estoit bien Phœbidas qui auoit fait l'execution, mais que Agésilas en auoit donné le conseil: & les choses qui ensuiuirent depuis, declarerent que ceste suspicion estoit entierement ueritable. Car apres que les Atheniens eurent chassé hors de la Cadmee la garnison Lacedæmonienne, & remis la uille en sa liberté, mettant sus aux Thebains qu'ilz auoient meschâment occis Archidas & Leontidas, lesquelz de nom s'appelloient gouuerneurs, mais de faict estoient urays tyrans, il leur commença la dessus la guerre: & Cleombrotus, qui desia regnoit, apres le deces d'Agésipolis fut enuoyé deuant en la Bœoce avec armee, pource que Agésilas aiant passé quarante ans au dessus de l'aage d'adolescence, & pour ceste cause estant dispensé par les loix d'aller plus à la guerre, ne uoluit pas prendre la charge de ceste expedition, aiant hôte que lon le ueist combattre pour la querelle de deux tyrans, là ou peu deuant il auoit

Agésilas.

pris & porté les armes en faueur des bannits contre les Phliasiens. Or y auoit il F
lors un Laconien nommé Sphodrias de faction contraire à celle d'Agésilas,
qui pour lors estoit gouuerneur en la uille de Thespies, homme hardy & uail-
lant de sa personne, mais tousiours plein de nouuelle esperance, plus tost que
de bon sens ny de bon iugement: iceluy desirant acquerir renommée, & estimant
que Phœbidas estoit uenu en honneur & en reputatiō pour la hardie entrepri-
se qu'il auoit executée à Thebes, se persuada que ce luy seroit chose encore bien
plus honorable, si de foy mesme il surprenoit le port de Piræe, & qu'il ostant par
ce moien aux Atheniens l'usage de la marine en leur courât sus au desprouueu
du costé de la terre. On estime que cela fut une trame ourdie par Pelopidas, &
par Gelon, gouuerneurs de la Bœoe, lesquelz attirerēt quelques hōmes qui G
feirent semblant d'estre fort affectionnez au party des Lacedæmoniens, & en
hault louant ce Sphodrias, luy donnerent à entendre, qu'il n'y auoit que luy
seul qui fust digne d'exécuter un si glorieux chef d'œuvre, de maniere que par
leurs persuasions ilz le conduisirent à entreprendre de faire ceste surprise, qui
n'estoit pas moins damnable ny moins meschante que celle de la Cadmée à
Thebes: mais elle fut moins hardiment & moins diligemment attente: car le
iour le surprit qu'il estoit encore en la plaine de Thriasium, & commença là
l'aube du iour à poindre, là ou il faisoit son compte d'arriuer qu'il seroit enco-
re nuit aux murailles du Piræe: & dit on que les gens qu'il menoit aians apper-
ceū quelques feuz des tēples de la uille d'Eleusine, en eurent peur & s'en effroye- H
rēt: qui plus est, luy mesme uoyāt qu'il ne se pouuoit plus cacher perdit le cou-
rage, de maniere qu'il s'en retourna honteusement & ignominieusement en la
uille de Thespies, sans faire autre chose qu'emmener un peu de pillage. Pour ce
cas furent incontinent enuoyez des accusateurs d'Athenes à Sparte, lesquelz
trouuerēt qu'il n'estoit ia besoing de l'accuser, pource q̄ desia les gouuerneurs
& magistrats l'auoiēt fait adiourner à comparoir en personne deuant eulx, pour
luy faire son proces criminel: mais luy ne s'osa presenter, redoubtant la fureur
de ses citoiens, pensant bien qu'ilz uoudroient monstrier que le tort leur auoit
esté fait à eulx mesmes, à fin que lō n'estimast qu'ilz l'eussent fait faire. Or auoit
cestuy Sphodrias un filz nommé Cleonymus, duquel estāt encore enfant beau I
de uisage, Archidamus filz d'Agésilas estoit amoureux, & lors se trouuoit en
grāde peine, comme l'on peult estimer, uoiant celuy qu'il aimoit en la destres-
se du dānger de perdre son pere, & si ne luy osoit ouuertemēt aider, à cause que
Sphodrias estoit des aduersaires d'Agésilas: toutefois Cleonymus s'en estant
adressé à luy, & luy aiant requis & prié les larmes aux yeux qu'il gaignast son
pere, pource que c'estoit celuy de tous dont ilz auoient plus grāde peur, Archi-
damus fut trois ou quatre iours apres son pere, le suiuant par tout pas à pas sans
luy en oser entamer le propos: mais à la fin estāt le iour du iugemēt prochain,
il prit la hardiesse de luy declarer cōme Cleonymus l'auoit prié de uoloir in-
terceder enuers luy pour le faict de son pere. Et Agésilas sachant bien que son K
filz aimoit Cleonymus, ne le uolut point destourner de ceste affection, pour-
ce q̄ l'enfant des les premiers ans de son enfance, auoit tousiours donné espe-
rance qu'il deuiendrait un iour aussi homme de bien que nul autre: mais aussi
ne monstra il pour lors aucune apparence à son filz qu'il uoulust rien faire pour
ses prieres, & ne luy respondit autre chose, sinon qu'il aduiseroit ce qui seroit
honeste & conuenable de faire en ce cas: parquoy Archidamus en estant hon-
teux, cessa de hāter Cleonymus, là ou auparauant il y souloit aller plusieurs fois
le

A le iour pour le uoir: cela feit que les amis de Sphodrias defespererēt de son faict encore plus que iamais, iufques à ce que l'un des familiers d'Agefilaus nommé Etymocles, deuifant avec eulx leur descouurit ce qu'en pensoit Agefilaus, qui estoit, que quant au faict en soy, il le trouuoit mauuais, & le blafmoit au possible, mais au demourant, qu'il tenoit Sphodrias pour un uaillant homme, & uoyoit que la chose publique auoit befoing de telz hōmes de feruice: car Agefilaus tenoit ordinairement ce propos là quand on uenoit à parler du proces de Sphodrias pour gratifier à son filz: tellemēt que Cleonymus s'apperceut incontinent que Archidamus auoit fait de bōne foy tout ce qu'il auoit peu pour luy, & les amis de Sphodrias en prirent adonc plus grand courage de le fecourir & de soliciter & parler pour luy à bō esciant.

B Agefilaus auoit cela entre autres choses, qu'il aimoit fort tendrement ses enfans: & compte lon de luy qu'il se iouoit avec eulx emmy la maison, quand ilz estoient petis, montāt dessus un baston ou dessus une canne comme sur un cheual, auquel estat l'un de ses amis l'ayant un iour trouué en son priué, il le pria de n'en uouloir rien dire, iufques à ce que luy mefme eust de petits enfans. Finablemēt Sphodrias par sentence de ses iuges fut absouls à pur & à plein: ce que les Atheniens aiant entendu, en enuoyerent denōcer la guerre aux Lacedemoniēs, dōt Agefilaus fut fort blasmé, qui pour gratifier à un fol & leger appetit de son filz, auoit empesché un iuste iugemēt, & rendu sa uille coupblé enuers les Grecs, de si grieues forfaitures.

C Au reste uoiant que l'autre Roy son compagnon Cleombrotus n'alloit point uoluntiers à la guerre contre les Thebains, il sy en alla luy mefme, en transgressant l'ordonnance touchant la charge de conduire l'armee, que parauant il auoit obseruee, & entrant à main armee dedans le païs de la Bœœce, y feit du dommage, & y en receut aussi: au moien dequoy Antalcidas un iour le uoiant

nauré luy dit, Certainement tu reçois bien des Thebains le salaire que tu merites; pour leur auoir enseigné malgré eulx à cōbattre, ce qu'ilz ne sçauoiēt, ny ne uouloient faire. Car à la uerité, lon dit que les Thebains deuindrent alors plus belliqueux que iamais ilz n'auoient esté au parauant, festans adressez & exercez aux armes par les continuelles inuasions des Lacedemoniens. Aussi

D estoit ce la raison, pour laquelle l'ancien Lycurgus en ses loix, que lon appelloit Retres, leur defendoit de faire souuent la guerre contre un mefme peuple, de peur qu'ilz ne le contraignissent en ce faisant d'apprendre à la faire. Si en estoit Agefilaus haï des alliez mefmes de Lacedæmone, lesquelz alloiēt disant que ce n'estoit pour aucune offense qui concernast le public, ains pour une particuliere rācune & opiniaftreté qu'il cherchoit à perdre & ruiner les Thebains, & qu'à l'appetit de luy, il falloit qu'ilz se consumassent à aller tous les ans porter les armes, tātost cy, tantost là, sans qu'il en fust autrement befoing en fuiuat une petite troupe de Lacedæmoniēs, là ou ilz estoient eulx, en beaucoup plus grand nombre. Ce fut lors qu'Agefilaus leur uoulant faire ueoir quel nombre

E ilz estoient de gens de guerre, ufa d'un tel artifice. Il commanda un iour que les alliez pelle melle se asseissent les uns parmy les autres tous d'un costé à part, & les Lacedæmoniens à part aussi de l'autre costé: puis feit crier par un herauld que tous ceulx qui estoiēt du mestier de faire pots de terre se leuassent sur leurs piedz: quand ceulx là furēt leuez, il feit crier que les fondeurs se leuassent aussi, & puis les charpentiers, & apres les massons, & consequemment ainsi de tous autres mestiers, de maniere que tous les alliez presque, obeiffans à ces proclamations, se trouuerent à peu pres de bout: & ne s'en leua pas un des Lacedæmoniēs,

Agésilas.

pource qu'il leur estoit defendu d'apprendre ny exercer aucun art ou mestier
mechanique:& lors Agésilas se prenant à rire leur dit, Voyez uous maintenāt
mes amis, combien plus de gens de guerre nous mettrons aux champs que uous
ne faites: A son retour de ce uoiage de Thebes passant par la uille de Megare,
ainsi comme il montoit au palais public de la seigneurie qui estoit dedans le
chasteau, il luy prit soudainemēt une grāde conuulsion de nerfs avec une dou-
leur uehemente à sa iambe saine, qui s'en enfla & deuint fort grosse avec une
inflammation extreme, & pensa lon que ce fust du sang dont elle fust pleine, au
moien dequoy il y eut un medecin de Syracuse en Sicile qui luy fait ouurir la
ueine de dessoubz la cheuille du pied, ce qui appaisa biē les douleurs: mais il en
sortit du sang en si grande abondance que lon ne le pouuoit estancher, de sorte
qu'il en tumba en grandes pasmoisons, & fut en tresgrand danger de mort
soudaine: toutefois à la fin on trouua moien d'estancher le sang, & le porta lon
en Lacedæmone, là ou il fut malade bien long temps, de sorte qu'il ne peut al-
ler à la guerre, durant lequel temps il aduint beaucoup de pertes & de desfaites
aux Lacedæmoniens tant par mer que par terre, entre lesquelles celle de Leu-
ctres fut la principale, là ou ilz furēt la premiere fois uaincus & desfais en bat-
taille renee par les Thebains. Si furent d'aduīs tous les Grecs qu'il falloit faire
une paix uniuerselle, & s'assemblerēt ambassadeurs & deputez de toutes les uil-
les de la Grece, en Lacedæmone pour cest effect. L'un de ces deputez fut Epami-
nondas homme fort renommé pour ses grandes lettres & pour son sçauoir en
la philosophie, mais qui n'auoit point encore fait preuue de grand capitaine.
Iceluy uoiant comme tous les autres ambassadeurs & deputez fleschissoient &
plioient dessoubz Agésilas, prit la hardiesse de parler franchement, & fit une
harengue non pour la cause des Thebains seulement, mais pour toute la Gre-
ce ensemble, par laquelle il remonstra à la communaulté, comme la guerre al-
loit augmentant la uille de Sparte seule: & au contraire, diminuant toutes les
autres uilles & citez de la Grece. A ceste cause, qu'il conseilloit à tous de uouloir
entendre à traiter & composer une bonne paix par bonne equité & egalité
entre tous, à fin qu'elle durast plus longuement, quād tous les cōtractans feroiēt
egaulx. Agésilas adōc uoians que tous les autres Grecs assistās à ceste assem-
blee luy prestoient l'oreille fort attentiuement, & prenoient fort grand plaisir
à l'ouir discourir ainsi franchement de la paix, il luy demanda tout hault s'il
estimoit pas iuste & raisonnable que toute la Bœoce fut remise en pleine liber-
té & en toute franchise. Epaminondas de l'autre costé luy demanda prompte-
ment & hardiement, si luy aussi n'estimoit pas qu'il fust iuste & raisonnable de
remettre toute la Laconie en son entière liberté. Adōc Agésilas en courroux
se dresseant sur ses pieds, luy commanda de respondre ouuertement, s'ilz remet-
troiēt pas toute la prouince de la Bœoce en sa liberté: & Epaminōdas luy repli-
qua tout de mesme, si eulx remettroiēt pas aussi celle de la Laconie en sa liber-
té. Cela irrita tellemēt Agésilas, avec ce qu'il estoit bien aise d'auoir ceste cou-
leur pour l'ancienne rācune qu'il portoit à ceulx de Thebes, que sur l'heure il ef-
facea le nom des Thebains de la liste de ceulx qui deuoient estre compris en la
paix, & leur denoncea la guerre tout sur le champ, & dōna semblablement cō-
gé aux deputez des autres peuples Grecs, avec telle conclusion qu'ilz appoin-
teroient amiablement les differents qu'ilz auoient ensemble s'ilz se pouuoient
accorder par uoye de paix, & ceulx qui ne se pourroiēt appointer par uoye d'a-
miable composition, ilz les decideroient par armes, pource qu'il estoit bien

A malaisé de nettoier, resouldre & vuidér toutes les querelles qu'ilz auoient ensemble. Or estoit pour lors d'aduenture le roy Cleombrotus avec une armee au pais de la Phocide, & luy escriuirent les Ephores qu'il eust à marcher incontinent au dommage des Thebains, & quand & quand enuoyèrent par tout pour assembler le secours de leurs allies qui n'estoient point guerres affectionnez, & n'alloient point uoluntiers à ceste guerre: mais toutefois aussi n'ozoient pas ouuertement refuzer d'y aller, ny desobeir aux Lacedæmoniens. Et combien qu'il y eust plusieurs signes de mauuais presage, comme nous auons escrit en la uie d'Epaminondas, & que Prothous Laconien résistast de tout son pouuoir à l'entreprise de ceste guerre, Agésilas pour cela ne laissa point de tirer oultre,

B esperât bié auoir trouué le poinct de l'ocasiõ pour se uéger des Thebains, lors que tout le reste de la Grece estoit en paix & en liberté, & eulx seuls exclus du traitté de la paix. Mais quand il n'y auroit autre chose q̃ la briueté du tēps, elle toute seule monstre bien q̃ ceste guerre fut conduite par cholere, plus tost que par discours de raison, pource que le traitté de paix uniuerselle entre les autres Grecs fut conclud à Sparte le quatorzieme iour de May, & les Lacedæmoniens furēt desfaits en la bataille de Leuctres le cinquieme de Iuig, de maniere qu'il n'y eut q̃ uingt iours de l'un à l'autre. Il y mourut mille naturelz Lacedæmoniēs avec leur Roy mesme Cleombrotus, & les plus uailas Spartiates autour de luy, entre lesquelz fut Cleonymus le filz de Sphodrias ce beau ieune homme, du-

C quel nous auons parlé cy deuant, qui aiant esté abbattu par trois fois au pied du Roy mesme, par trois fois se releua, & à la fin finale fut occis en combattant uertueusement contre les Thebains. Ceste desconfiture estant aduenue aux Lacedæmoniens contre l'opinion de tout le monde, & ceste prosperité aux Thebains si grande & si glorieuse, que iamais Grecs cōbattans contre autres Grecs n'en gaignerent de telle, la cité neantmoins qui fut uaincue, ne fait pas moins à louer & estimer pour sa uertu, que celle qui la uainquit. Car, comme Xenophon dit, que les deuis, les ieux & passetemps des gens de bien à la table mesme ont tousiours quelque chose digne d'estre mise en memoire, & dit en cela uerité: aussi ne fait pas moins, mais d'auantage, à noter & considerer, ce que les

D gens d'honneur disent, & la contenance qu'ilz tiennent en leur aduersité, qu'en leur prosperité. Car alors il se faisoit d'aduenture une feste publique à Sparte, & estoit la uille pleine d'estrangers uenus pour ueoir les danses & ieux qui se font à corps nuds dedas le Theatre, quand arriuerent ceulx qui apporterēt les nouuelles de la desfaitte de Leuctres: mais les Ephores combien que le bruit courust incontinent par toute la uille que tout estoit ruiné pour eulx, & qu'ilz auoient perdu toute leur principaulté en la Grece, ne uolurēt pas neantmoins pour cela, que la danse sortist hors du Theatre, ny que la uille changeast en aucune chose la forme de la feste, ains enuoyèrent par les maisons au parents les noms de ceulx qui estoient morts en la bataille, & eulx demourerēt au Theatre à faire continuer & paracheuer les ieux & l'esbattement des danses qui se-

E forcerent à l'enuy à qui gaigneroit le pris. Le lendemain au matin quand tout le monde sceut certainement ceulx qui estoient morts, & ceulx qui estoient échappez, les peres, parés, amis, & allies de ceulx qui estoient morts, se trouuerent sur la place avec bons uisages & contenance d'hommes ioyeux, & aians bon courage s'entr'embrassans les uns les autres: & au contraire, les parents de ceulx qui festoient sauuez demourerent en leurs maisons avec leurs femmes, comme gens qui sont en deuil: & si d'aduenture quelqu'un d'eulx estoit con-

Agefilaus.

traint de sortir dehors pour quelque affaire necessaire, on luy uoyoit une cō- F
tenance si triste & si affligee qu'il n'osoit pas parler ferme, haulser la teste ny
leuer les yeux, & uoyoit on encore plus ceste difference entre les femmes: car
celles qui attendoient leurs enfans retournans de celle bataille, estoient mor-
nes & tristes, sans mot dire, & au contraire les meres de ceulx que lon disoit y
estre morts s'en alloient par les eglises en rendre graces aux Dieux, s'entreui-
sient l'une l'autre ioyeusement & affectueusement: toutefois quand la com-
mune ueit que leurs alliez commenceoient à les laisser & se departir d'avec
eulx, & que lon attendoit de iour à autre que Epaminōdas encouragé par sa ui-
ctoire se iettast dedans le Peloponese, alors leur uint il à la plus part un remors
de conscience touchant les oracles des Dieux, qui leur defendoient d'elire un G
Roy boitteux comme estoit Agefilaus, & quand & quand leur prenoit un
grand descouragement & une grande frayeur, à cause qu'ilz estimoient leur
uille estre tumbee en ce malheur, pour autant qu'ilz auoient deboutté de la
royaulté un qui estoit entier, pour y mettre un defectueux, dequoy les Dieux les
auoient aduertiz qu'ilz se gardassent sur toutes choses. Mais toutefois son au-
thorité estoit si grande pour sa uertu & sa reputation si bonne, que non seule-
mēt ilz se seruoient de luy à la guerre, comme de leur Roy & de leur souuerain
capitaine: mais aussi uoient de son conseil & de son aduis quand il estoit que-
stion de trouuer expedient en quelques difficultez ciuiles: comme ilz feirent H
lors qu'ilz estoient en doubte, filz deuoient imposer à ceulx qui s'en estoient
fouiz de la bataille, que lon appelle à Sparte Tresantas, c'est à dire, ceulx qui
ont eu peur, les notes d'infamie aux quelles les loix les condamnent, pource
qu'ilz estoient en grand nombre, & tous des plus nobles & plus puissantes mai-
sons de la uille, de peur qu'ilz ne leur suscitassent quelque nouuelleté: car oultre
ce qu'ilz sont declarez inhabiles de iamais tenir office ny magistrat quelcon-
que en la chose publique, c'est deshōneur que leur donner femme en mariage
ny en prendre d'eulx, & qui les rencontre en son chemin les peult frapper s'il
ueult, & fault que eulx l'endurent baissans la teste sans mot dire, & sont con-
traints d'aller uestus salement & pauurement de meschantes robbes rappedees
de drap de couleur, & si sont tenus de faire razer une partie de leur barbe, & I
l'autre non: si leur sembloit chose dangereuse d'en ueoir plusieurs par la uille
notez de ceste infamie, mesmement lors qu'ilz auoient besoing de grand nō-
bre de gens de guerre, au moien de quoy ilz s'en r'apportèrent du tout à Agefi-
laus pour y pourueoir. Et luy, sans oster ny adiouxter ou changer rien aux loix,
en publique assemblee de tout le peuple Lacedamonien, dit, que pour ce iour là
il falloit laisser dormir les loix, pourueu que de lors en auant elles reprissent
leur autorité. Par ce moien il maintint les loix sans y rien corriger, & si sau-
ua l'honneur à ces pauvres gens: mais pour remettre le cueur à leur ieunesse, &
leur oster l'estonnement qui les auoit saisis, il entra en armes dedans l'Arcadie,
là ou il se garda de donner bataille, & seulement prit une petite uille sur les K
Mantiniens, & courut le plat pais: ce qui resiouit un peu la uille de Sparte, & la
remeit en quelque esperance, comme n'ayant occasion de se desesperer de tout
poinct: mais tantost apres arriua Epaminondas dedans le pais de la Laconie,
avec quarante mille hommes de pied armez, sans une autre multitude infinie
de peuple nud ou armé à la legeré, qui suyuoit son camp pour derobier seule-
ment, de maniere qu'il y auoit en tout iusques au nombre de soixante & dix
mille combattans, qui entrerent dedans la Laconie en armes quand & luy. Il y
auoit

A uoit bien enuiron six cents ans, que les Doriens estoient entrez en celle province de la Laconie, & sy estoient habiruez, & en tout cest espace de tēps iamais on n'auoit ueu les ennemis dedans le païs iusques à ce iour là : car au parauant onques ennemy n'y estoit ozé entrer en armes : mais lors ilz le saccagerent & brullerent, tout entier qu'il estoit, iusques à la riuiera d'Eurotas, & iusques tout contre la uille de Sparte, sans que personne en sortist pour leur donner empeschement, pource que Agésilas, ainsi comme escrit Theopompus, ne uouloit pas permettre que les Lacedæmoniens se presentassent pour resister contre un si impetueux torrent, & si uiolent orage de guerre, ains aiant garny le milieu de la uille, & les principales aduenues d'icelle, de gens de defence, supportoit patiemment les fieres braueries & menasses des Thebains, qui l'appeloient nommeement au combat, & luy disoient qu'il sortist dehors en campagne pour defendre son païs, luy qui seul estoit cause de tous ces maux, aiant allumé & enflammé ceste guerre. Si cela perçoit le cueur à Agésilas, non moins de regret luy donnoient les troubles qui semouuoient dedans la uille, & les cris, allees & uenues des uieilles gens, qui perdoient patience de ueoir ce qu'ilz ueoient deuant leurs yeux, & des femmes mesmement qui ne se pouuoient tenir en un lieu, ains couroient ça & là comme personnes forsennees d'ouir le bruit que faisoient les ennemis, & de ueoir le feu qu'ilz mettoient par tout en la campagne : car ce luy estoit une grande destresse de douleur quand il uenoit à penser en luy mesme, qu'estât uenu à la royaulté lors que sa uille estoit la plus puissante & plus florissante, qu'elle eust iamais esté, il ueoit de son regne sa dignité rauallée, & sa gloire retréchee, ueu que luy mesme s'estoit souuent uanté que iamais femme Laconienne n'auoit ueu fume de camp d'aucun ennemy : comme lon dit aussi qu'Antalcidas respondit un iour à quelque Athenien, qui contesloit à l'encontre de luy sur la uaille de l'un & de l'autre peuple, en alleguant pour ses raisons, que les Atheniens auoient souuent chassé les Lacedæmoniens de la riuiera de Cephissus. Il est uray, dit le Laconien, mais nous ne uous chassâmes iamais de celle d'Eurotas. Semblablement aussi respondit un autre Spartiate des moins renommez, à un Argien qui luy reprochoit, Il y a plusieurs de uoz gēs ensepueliz dedans le païs de l'Argolide, & il n'y en a point des uostres enterrez en la Laconie. Lon dit qu'Antalcidas estât pour lors Ephore enuoya secrettement ses enfans en l'isle de Cythere pour doubte que la uille de Sparte ne fust prise. Mais Agésilas uoiant q̄ les ennemis s'efforceoient de passer la riuiera, & penetrer au dedās de la uille, entendoit à defēdre seulement le milieu qui estoit le plus hault, au deuant duquel il tenoit ses gens en bataille. Or estoit lors d'aduēture la riuiera d'Eurotas plus grosse qu'elle n'auoit accoustumé d'estre, pource qu'il estoit tūbé force neges, & faisoit plus de mal à passer aux Thebains pour sa froideur, qu'elle ne faisoit pour sa roideur. Si y eut quelques uns qui monstrerent à Agésilas Epaminondas marchant le premier deuant toute sa bataille, il le regarda long temps, le suiuant tousiours de l'œil sans dire autre chose que ce mot seulement, O le grand homme que uoyla ! Epaminondas donques aiant fait tout ce qui luy estoit possible pour donner bataille aux Lacedæmoniens dedans la uille mesme de Sparte, & y dresser un trophée, ne peut onques y attirer Agésilas, ny le faire sortir de son fort : parquoy il fut à la fin cōtraint de s'en partir, & s'en alla acheuer de piller & gaster tout le plat païs. Mais dedans la uille, il y eut enuiron deux cents mutins, hommes qui de long temps auoient mauuaise uolunté, lesquelz faquirent un quartier de la uille ou

Agésilas.

est le temple de Diane, lieu fort d'assiette & bien malaisé à forcer, qui s'appelle F
Issorium. Les Lacedæmoniens uoulurent incontinent courir en fureur contre
eulx: mais Agésilas craignant q̄ cela ne fust cause de quelque plus grâde nou-
uelté, cōmanda aux autres qu'ilz ne bougeassent, & luy seul en robe simple
sans armes s'y en alla, criant à ceulx qui le tenoient, Vous auez autremēt enten-
du que ie n'ay cōmandé: car ce n'est pas icy que i'auois ordonné que uous uous
assemblissiez, ny tous en un lieu: mais i'auois commandé que les uns allassent
là, & les autres là: en leur monstrant diuers quartiers de la uille. Les seditieux
entendās ces paroles, en furēt bien aises, pource qu'ilz cuiderent que leur mau-
uaise intention ne fust point descouuerte: & sortans de là se departirent aux
endroits qu'il leur auoit monstrez: & adōc Agésilas en faisant uenir d'autres, G
se saisit du fort de Issorium, & fit prendre enuiron quinze de ces seditieux cō-
iurez, qu'il fit tous mourir la nuit ensuiuant. Mais il fut lors descouuert une
autre coniuration beaucoup plus grande de Spartiates mesmes, qui s'estoient
assemblez secrettemēt en une maison pour y susciter quelque nouveau remue-
ment. Agésilas en aiant communiqué en cōseil avec les Ephores, les fit aussi
tous mourir sans autre forme de proces, là ou iamais au parauāt homme Spar-
tiate n'auoit esté executé à mort, que premier il n'eust esté condamné iudiciel-
lement. Et comme tous les iours il y eust plusieurs de leurs uoifins, & des Ilotes
mesmes qu'ilz auoient enrollez en leurs bandes pour gens de guerre, qui se des-
roboient, & s'alloient rendre aux ennemis, ce qui descourageoit fort le demou- H
rant, Agésilas commanda à ses ualets, que tous les iours aux matins ilz allas-
sent uisiter les paillasse, esquelles ilz auroient couché, & qu'ilz prissent les ar-
mes de ceulx qui s'en seroiēt fouiz, & les couchassent, à fin que l'on ne cogneust
point le nombre de ceulx qui se seroient desrobez. Et quant au parlement des
Thebains, les uns disent qu'ilz se partirent de la Laconie pour l'hyuer qui sur-
uint, à cause duquel les Arcadiens commenceoient desia à se desbander & à se
departir en desordre: les autres disent qu'ilz y demourerēt trois mois tous en-
tiers, durant lesquelz ilz destruisirent la plus grâde partie du pais: mais Theo-
pompus escrit que les capitaines des Thebains aians desia cōclud de se retirer,
il uint deuers eulx un Spartiate nōmé Phrixus, enuoyé de la part d'Agésilas, I
qui leur porta dix talents à fin qu'ilz s'en allassent: tellement que pour faire ce
qu'ilz auoient de long temps arresté de faire d'eulx mesmes, encore eurent ilz de
l'argent de leurs ennemis pour faire leurs despēs par le chemin. Mais ie ne puis
entendre commēt il soit possible que tous les autres historiēs n'aient rien scēu
de cela, & que Theopompus seul en ait eu la cognoissance. Bien est il certain &
confessé de tous, que Agésilas seul fut cause de sauuer la uille de Sparte, pour-
ce que laissant à part son ambition & son opiniastrété, qui estoiet passions nees
auec luy, il entendit seulement à prouueoir aux affaires seurement: toutefois
iamais depuis ceste lourde cheute, il ne la peut releuer ny remettre sus en la re-
putation, ny en la puissance ou elle auoit au parauant esté. Car tout ainsi com- K
me un corps sain, mais qui de tout temps a gardé une diette & regime de uiure
trop exquis, la moindre faulte & le moindre desordre qu'il fait puis apres ga-
ste tout: aussi estant le gouuernement de la chose publique de Sparte tresbien
estably & biē composé à la uertu, pour faire uiure ses citoiens en paix & en cō-
cordé les uns avec les autres, quand ilz y uoulurent adiouxter des dominations
& seigneuries uiolentes, dont Lycurgus estimoit qu'une cité pour heureusemēt
& uertueusement uiure, n'a point de besoing, ilz allerent incontinent en de-
cadence.

A cadence. Or estoit desia Agésilas si uieil, que pour sa uieillesse il n'alloit plus à la guerre: mais son filz Archidamus, aiât le secours q̃ Dionysius le tyrâ de Syracuse leur enuoya, gaigna une bataille contre les Arcadiens, que lon appella la bataille sans larmes: car il n'y mourut pas un seul de ses gés, & y fut tué grâd nombre des ennemis. Ceste uictoire môstra bien clairement la foiblesse & diminution grande de la uille: car parauant ce leur estoit chose si ordinaire & si coustumiere, que de uaincre leurs ennemis en bataille, qu'ilz n'en sacrifioient aux Dieux dedâs la uille, pour leur rêdre graces de la uictoire, autre chose qu'un coq: & ceulx qui auoient cōbattu ne s'en uatoient point, ny ceulx qui en oyent compter les nouuelles ne s'en esioissoient point trop: car quand ilz gagnerent

B à Mantinee celle grande bataille que Thucydides a descrite, les Ephores enuoyerent à celuy qui en auoit apporté la nouuelle, pour tout present, une piece de chair de leur salé, & non autre chose: mais lors quand on apporta la nouuelle de ceste uictoire, & que lon entendit qu'Archidamus s'en retournoit uictorieux, il n'y eut personne qui se peust contenir en la uille, ains son pere mesme le premier luy alla au deuant plorât de ioye, & apres luy les autres officiers, & toute la multitude de uieillards, & des femmes, descédit iusques sur le bord de la riuere, tendans les mains au ciel, & remerciens les Dieux, comme si leur uille eust adonc uengé sa honte, & recouuré son hōneur, & qu'elle recommenceât à ueoir derechef le iour clair & serain, comme deuant. Car iusques là lon

C dit que les marys mesmes n'osoient pas seulement regarder franchement au uisage leurs femmes, tât ilz auoient de honte des pertes qu'ilz auoient receuës. Mais estant la uille de Messine repeuplee & rebastie par Epaminondas, qui y rappelloit les anciens naturelz habitâs de tous costez, ilz n'oserent se presenter à combattre pour l'empescher, cōbien qu'en leurs cueurs ilz en fussent grieuement indignez & en sceussent fort grand mal à Agésilas, pource que de son regne, ilz auoient perdu le territoire d'icelle, qui n'estoit pas de moindre estendue que toute la Laconie, & qui en bonté cōbattoit avec les meilleurs endroits de toute la Grece, dont ilz auoient iouy paisiblement par tant d'annees, & si long temps durant. Ce fut la cause pour laquelle Agésilas ne uolut point ac-

D cepter la paix que les Thebains luy enuoyerent offrir, ne uoulâs pas quitter de parole, ce que les ennemis leur tenoient de faict: mais en s'opiniastrant à le uoloir encore combattre & quereller, non seulement il ne le recouura pas, ains s'en fallut bien peu qu'il ne perdist d'auâtage la uille mesme de Sparte par une ruze de guerre, dont il fut affiné, pource que s'estans de nouveau les Mantiniens departis de l'alliance des Thebains, & aians enuoyé querir les Lacedemoniens, Epaminondas aduertty comme Agésilas estoit party avec toute sa puissance pour uenir au secours des Mantiniens, se partit une nuit de Tegee, sans que ceulx de Mantinee en sceussent rien, & s'en alla droit à Sparte, de sorte qu'il s'en fallut bien peu qu'en allant par un autre chemin que Agésilas ne uen-

E noit, il ne surprist au desprouueu la uille de Sparte toute uide de gés de defence: mais un Thespien nommé Euthynus, ainsi que dit Callisthenes, ou comme escrit Xenophon, un Candiot, en apporta la nouuelle à Agésilas, qui soudainement enuoya deuât un homme de cheual pour en aduertir ceulx de la uille, & luy mesme se mettant en chemin pour y retourner, ne tarda gueres à y arriuer: & tantost apres y arriuerent aussi les Thebains, qui passans la riuere d'Euroras dōnerent l'assault à la uille. Et là Agésilas uoiant qu'il n'estoit plus tēps de s'en ir trop sur ses gardes, & de ne uoloir rien adenturer, la defendit ui-

Agésilas.

goureusement plus que son aage ne portoit, comme celui qui pesoit que l'heure estoit uenue qu'il falloit s'exposer la teste baissée à tout peril, & combattre à la desesperée. Ainsi par desesperoir & par hardiesse, à quoy iamais au parauant il ne s'estoit voulu fier, ny n'en auoit iamais voulu user, il repoulsa lors arriere le danger, & sauua la uille de Sparte des mains d'Epaminondas, dont il dressa un trophée pour auoir ainsi repoulse les ennemis, faisant ueoir aux femmes & aux petits enfans les hommes Lacedæmoniens, qui payoient à leur pais un beau & honorable loyer de leur naissance & nourriture: mesmemēt Archidamus qui y feit entre autres merueilles de combattre, tant pour la gentillesse de son courage, que pour la disposition de sa personne, courât ça & là par les rues & ruelles de la uille, avec peu de suite aux endroits ou il y auoit plus d'affaire, & en repoulstant les ennemis. Lō dit aussi qu'il y eut lors un Isadas filz de Phœbidas, qui feit des prouesses estranges & admirables à ueoir, non seulement à ses citoyens, mais aussi aux ennemis: car il estoit fort beau de uisage & de taille, & se trouuoit iustemēt lors en la plus agreable fleur & en la plus belle saison de son aage, lors que l'homme passe de l'enfance en la ieunesse, & estât nud nō seulement d'armes defensives, mais aussi de tous uestemens, & aiant tout le corps oinct d'huyle, cōme pour lucter, tenant en l'une de ses mains une Parthisane, & en l'autre une espee, il sortit hors de sa maison en tel estât, & s'alla ietter en la presse de ceulx q cōbattoient, frappât & abbattât tous ceulx des ennemis qu'il trouuoit deuant luy, & si n'y fut ia mais blecé, soit ou pource que Dieu le uolust preseruer à cause de son excellente uertu, ou que les ennemis eussent opinion qu'il y eust en ce faict là quelque chose plus que d'homme. Les Ephores depuis luy donnerent une couronne pour honorer sa prouesse, mais ilz le condamnèrent quand & quand en une amende* de mille drachmes d'argent, pource qu'il auoit esté si temeraire que de se hazarder au peril de la bataille sans armes defensives. Peu de iours apres ilz eurent une autre bataille deuant la uille de Mantinee, là ou Epaminondas aiant desia rompu les premiers rens des Lacedæmoniens, & pressant encore uiuement les autres, en donnant courage au siens de les poursuivre asprement, il y eut un Laconien nommé Anticrates, qui l'attendit de pied coy, & luy donna un coup de iaueline, comme escrit Dioscorides: toutefois les Lacedæmoniens iusques au iourd'huuy appellent les descendans de cestuy Anticrates Machæriônās, qui uault autant à dire, comme Spadassins, comme sil l'eust frappé d'un coup d'espee: car les Lacedæmoniens l'aimerent & l'estimerent tant, à cause de ce coup là, pour la grande crainte qu'ilz auoient eue d'Epaminondas uiuant, qu'ilz ordonnerent de grands honneurs & de grands presens à celui qui l'auoit tué, & à ses descendās affranchissement de toutes charges & contributions publiques, duquel affranchissement iouissoit encore de nostre temps un Callicrates qui estoit descendu de cestuy Anticrates. Apres ceste bataille & la mort d'Epaminondas, aians les Grecs fait paix uniueruelle entre eulx, Agésilas uoulut encore debouter & exclorre les Messeniens de iurer le traitté de celle paix, disant qu'il ne leur appartenoit point de iurer pour un chef, attendu qu'ilz n'auoient point de uille, & pource que tous les autres Grecs nonobstant cela les receurent au nombre des contractans & prirent leur serment, les Lacedæmoniens se departirent de ce traitté de paix generale, & ne demoura que eulx seulz, qui feissent la guerre en esperance de recouurer le pais & territoire de Messene, le tout à l'instigation de Agésilas, qui fut adonc estimé par les Grecs homme uiolent, cruel, & insatiable

* Cent escus.

A ble de guerres, d'aller ainsi minant par dessous, pour faire tûber par toute maniere le traité de paix uniuerselle. Et d'autre costé estant contrainct de fascher ses citoiens au dedans de sa uille à faulte d'argent du public, en empruntant d'eulx & les cōtraignant de cōtribuer, il se meit en mauuaise opinion de tout le monde, là ou il ualoit mieulx imposer fin à tous ces malheurs là, puis que le tēps le portoit ainsi, non pas apres auoir perdu un si grād empire de tant de cittez & de uilles, & auoir esté défaify de la principaulté de toute la Grece rāt par mer que par terre, se tourmenter encore pour recouurer le reuenu des heritages & possessions du territoire Messenien. Mais encore perdit il plus de sa reputation quand il se donna à un capitaine Ægyptien nommé Tachos, pource que

B lon estima que c'estoit chose indigne de luy, qu'un tel personnage qui estoit réputé le plus grand de toute la Grece, & qui auoit remply toute la terre de la renommee de son nom, allast louer sa personne pour de l'argēt, & la gloire de son nom, à un Barbare traistre & rebelle à son maistre, pour faire à son seruice office de capitaine mercenaire: car estāt aagé de plus de quatre uingts ans, & aiāt le corps tout detaillé de bleceures, quād il eust accepté ceste belle & honorable charge pour le recouurement de la liberré des Grecs, encore n'eust point esté son ambition du tout irreprehensible, pource que les choses qui sont de foy belles, ont leur temps & leur saison, ou pour mieulx dire les bonnes & belles ne different d'avec les laides & mauuaises, sinō en tant qu'elles cōsistent en

C une certaine moderation & mediocrité. Toutefois Agésilas ne se soucia point de tout cela, & n'estima point qu'il y eust indignité quelcōque en seruice qui se fait au bien de la chose publique, ains plus tost se persuada, que c'estoit chose indigne de luy, de uiure oyfif sans rien faire en une uille, attendāt que la mort leuint saisir, pourtant assembla il en la Grece gens de guerre de l'argent que Tachos luy enuoya, avec lesquelz il s'embarqua, aiant pour ses conseillers, & ses collateraux trente Spartiates, comme il auoit eu à son premier uoiage. Arriué qu'il fut en Ægypte, incontinent les principaux gouuerneurs & capitaines du roy Tachos descendirent uers la marine pour le recueillir & luy faire honneur, & non ceulx là seulement, mais aussi plusieurs autres Ægyptiens de

D tous estats & de toutes sortes, qui l'attendoient en grande deuotion, pour la grande renommée du nom d'Agésilas, y accoururent de tous costez pour ueoir quel homme c'estoit: mais quand ilz n'y ueirent magnificence quelconque de fuitte, ny d'equippage, ains seulement un uieillard couché sur l'herbe le long de la marine, petit de personne, simple en sa contenance & de nulle monstre, uestu grossement d'une meschante robbe toute usée, il leur prit adonc enuie de rire & de se mocquer, disans entre eulx que c'estoit ueritablemēt ce qu'il y auoit en la fable, Que une mōtagne fut quelque fois en trauail d'enfant, & puis qu'en fin elle s'accoucha d'une souris. Encore le trouuerent ilz plus estrange quand on luy apporta des presens pour sa bien uenue: car il prit bien des farines des

E ueaux & des oysons, mais des confitures, pastisseries, senteurs, & parfums, il les refusa: & comme ceulx qui les auoient apportez le pressassent d'en prendre, il leur dit qu'ilz les portassent aux Ilots ses esclaves. Theophrastus escrit qu'il prit alors plaisir à l'herbe du papier, & qu'il trouua beaux les chappellots qui s'en font pour la netteté & polisseure d'icelle, & qu'il en emporta quand il s'en alla. Mais pour lors aiant parlé à Tachos, qui estoit apres à mettre sus son armee, & à dresser son uoiage, il ne fut pas fait capitaine general, comme il l'auoit esperé, ains fut fait seulement coulonnael des estrangers, Chabrias general

Agésilas.

de l'armée de mer, & le chef du total par dessus estoit Tachos en personne: cela F
premierement despleut fort à Agésilas: car il estoit contrainct, uoulust ou nō,
de supporter la uaine gloire & folle arrogāce de cest *Ægyptien*: ce qui luy gre-
uoit beaucoup, & fallut qu'il allast par mer quand & luy cōtre les *Phéniciens*,
ployant soubz le ioug, & endurant malgré luy contre sa dignité & contre sa
nature, iusques à ce que l'occasion fust uenue de s'en ressentir. Car un nepueu de
ce Tachos nommé *Nectanebos*, aiant charge d'une partie de l'armée, se rebel-
la contre luy, & aiant esté eleu roy par les *Ægyptiens*, enuoya deuers Agésilas
le prier de le uenir secourir, aussi enuoya il deuers Chabrias le solliciter de pré-
dre party avec luy, leur promettant à l'un & à l'autre de grands presens: dequoy G
Tachos s'estant apperceu, se meit à les supplier tous deux de ne l'abandonner
point: ce que feit Chabrias, qui reconfortant Agésilas, & luy faisant plusieurs
remonstrances, tascha de le contenir en l'amitié de Tachos. A quoy Agésilas
luy respondit, quant à toy Chabrias, qui es icy uenu de ton propre mouuement,
tu puis bien faire tout ce que bon te semble, mais c'est autre chose de moy: car
mon païs m'a cy enuoyé pour capitaine au seruice des *Ægyptiens*, pourtant ne
me seroit il pas honeste que ie feisse la guerre à ceulx que lon m'a enuoyé pour
seruir & secourir, si n'estoit que ceulx mesmes qui m'y ont enuoyé, me commā-
dassent maintenant le contraire. Ceste response faite, il depescha quelques uns
de ses gens à Sparte pour y aller accuser Tachos, & louer Nectanebos: & eulx
y enuoyèrent aussi chascun de son costé pour prier le conseil de Lacedemone, H
l'un comme estant leur amy & allié de tout temps, & l'autre promettant leur
estre à l'aduenir de tant plus loyal & plus affectionné amy. Les Lacedæmoniés
ces prieres des deux ouyes, respōdirent en public, qu'Agésilas auroit soing de
prouuoir à cela, & en secret luy escriuirent qu'il feist ce qu'il ueroit estre le plus
expedient pour la chose publique de Sparte. Ainsi Agésilas prenāt avec luy les
aduēturiens qu'il auoit amenez de la Grece, se retira deuers Nectanebos, se cou-
urāt de ceste couuerture, que c'estoit pour le bié de son païs, pour desguiser une
mauuaise & meschante chose: car qui luy osteroit ce masque de l'utilité publi-
que, on trouueroit que le plus iuste nom qu'on luy sçauroit bailler, seroit trahi-
son: mais les Lacedæmoniens mettans le premier poinct d'honneur en ce qui I
est utile à leurs païs, ne cognoissoient autre iustice, que ce qu'ilz pensoient de-
uoir seruir à l'accroissement & à l'augmentatiō de Sparte. Ainsi Tachos se uoyāt
abandonné par ses mercenaires estrangers, s'en fouit: mais d'un autre costé il se
leua aussi en la uille de Mendes un autre Roy à l'encontre de ce Nectanebos, le-
quel aiant mis ensemble iusques au nombre de cent mille combattans, uenoit
pour trouuer & combattre Nectanebos. Et Nectanebos cuidant donner bon
courage à Agésilas, luy alloit disant, que les ennemis estoient bien en grand
nombre, mais que c'estoient hommes ramassez de toutes pieces, gēs de mestier
la plus part, dont il ne falloit point faire de compte, pource qu'ilz ne sçauoient
que c'estoit de la guerre: & Agésilas luy respondit, Mais au contraire, ie ne K
crains pas leur multitude, ains leur ignorance & faulte d'experience, comme
celle qui est plus malaisée à deceuoir: car les ruses de guerre ualent & seruent à
l'encontre de ceulx qui se uoulās defendre, & se tenās sur leurs gardes, se doub-
tent & desient, & par ce moien attendent une chose plus tost que une autre: là
ou celuy qui ne se doute de rien, & qui n'attend point une chose plus tost que
l'autre, ne donne aucune prise à celuy qui tasche à l'abuser, non plus que celuy
qui ne se remue point à la lucte, ne donne point de pente ny de moien de l'es-
branler

A branler à son aduersaire qui lucte contre luy. Depuis le Meridesien mesme enuoya deuers Agefilaus pour rascher à le prattiquer, dequoy Neētanebos eut crainte & defiance, au moien dequoy comme Agefilaus luy conseilla de descendre à la bataille le plus tost qu'il pourroit, & ne tirer point ceste guerre en longueur contre gens qui ne scauoient que c'estoit de combattre : mais qui pour leur grande multitude le pouuoient bien enuironner & l'enfermer de tréchees & le preuenir en plusieurs choses, il en entra encore en plus grād soupson & plus grande defiance de luy, tellement qu'à la fin il se retira dedans une grande uille bien close de bonnes murailles, & qui estoit de fort grand pourpris, dont Agefilaus fut bien malcontent, & luy desplaist fort de ueoir que l'on se desiaist ainsi de sa foy : mais neantmoins aiant hôte de se tourner derechef uers un autre, ou de s'en retourner en fin sans riē faire, il le suiuit & entra quand & luy dedans celle forteresse, là ou les ennemis le poursuirent, & arriuez qu'ilz furent deuant la place, commencerent à trencher tout à l'entour pour le renfermer : à raison dequoy l'Ægyptien Neētanebos craignant d'un autre costé d'estre long temps assiegé, uouloit uenir à la bataille, & auoit les aduenturiers Grecs de son aduis qui ne demandoient autre chose, mesmement pource qu'il y auoit bien peu de bled en la place : & au contraire Agefilaus l'empeschant, & ne sy uoulant pas accorder, fut encores en plus mauuaise estime que parauant à l'endroit des Ægyptiens, iusques à dire qu'il estoit traistre à leur Roy : mais il commençoit à endurer plus patiemment les iniurieuses calumnies, dont on le chargeoit, attendāt le temps à propos pour executer une ruze qu'il auoit en son entendement, laquelle estoit telle. Les ennemis faisoient une trenchee grande & profonde à l'entour de la uille pour de tout poinct l'enfermer : parquoy quand les deux bouts de la trenchee furent assez près l'un de l'autre, & qu'il s'en falut biē peu qu'ilz ne se uinsent à rencontrer, attendans que le soir de ce iour là fust uenu, il commanda aux Grecs qu'ilz s'armassent & se teinsent tout prests, puis s'adressa à l'Ægyptien & luy dit : Voicy le poinct de l'occasion propre pour te sauuer, laquelle occasion ie ne t'ay point uolu dire, iusques à ce qu'elle fust uenuē, de peur de la perdre. Parquoy maintenant que les ennemis eulx mesmes **D** avec leurs propres mains, nous ont procuré le moien de nous retirer à sauueté en faisant ceste tréchee, de laquelle ce qui est desia finy les empesche de se pouoir seruir de leur multitude, & ce qui eut esté à faire nous donne commodité de les pouoir combattre avec nombre egal & mesure pareille : parquoy deliberē toy de te mōstrer à ce coup hōme de cueur, & nous suyuant à la trace, sauuetoy de uistesse toy & tes gens : car ceulx des ennemis que nous rencontrerōs de front, ne nous soustiendront iamais, & les autres à cause de la trenchee qui nous couurira par les costez, ne nous pourrōnt porter dommage. Ces paroles ouyes Neētanebos s'esmerueillā grandement de son bon sens, & se mettant au milieu des Grecs alla donner dedans ses ennemis, lesquelz en peu d'heure furent facilement mis en rouverte, au moins ceulx qui attendirent, & qui oferent faire teste. Depuis qu'Agefilaus eut gagné ce poinct, q Neētanebos le uolus croire, il affina encore les ennemis de la mesme ruze, dont il les auoit ia affinez, ne plus ne moiens que d'un mesme tour de lucte, dont ilz ne se sceurēt pas garder : car tantost faisant semblant de fouir, & les attirant apres luy, & tantost tournoiant ça & là, il feit tant qu'à la fin il tira toute ceste grande multitude en une chaussee estroite, serree de deux costez de grand fossez, larges & profonds pleins d'eau courante, puis quand ilz furent au milieu, il leur serra soudain le

Agésilas.

← C'est trente huit mille escus.

pas avec le front de sa bataille, qu'il egala à la largeur de la chaussée, & en ce faisant egala aussi le nombre de ses combattans à la multitude des ennemis, pource qu'ilz ne le peurent plus environner, ny par les flancs, ny par derriere, au moien de quoy apres auoir fait bien peu de resistance, ilz furent tous tournez en fuitte, & en demoura grand nombre de morts sur la place, & les autres depuis qu'ilz eurent esté une fois rompuz se desbanderent & s'escarterent fuyas ça & là: tellement que depuis les affaires de ce Roy Ægyptien se porterent bié, & se trouua assésuré en son estat, dont il aima de là en auant singulieremēt Agésilas, & en luy faisant tout l'honneur & toutes les caresses qu'il luy estoit possible de faire, le pria de uoloir encore demourer & passer l'hyuer avec luy: mais il se uoluit hastier de retourner au pais, pource que la guerre y estoit sachāt que sa uille auoit faulte d'argent, attendu qu'elle estoit contrainte d'entretenir à sa soude des soudards estrangers. Parquoy Nectanebos luy donna en fin congé fort honorablemēt & fort magnifiqumēt, en luy faisant don, oultre tous autres honneurs & presens, de * deux cents trente talents d'argēt comptant, pour suruenir aux frais de la guerre que soustenoit son pais: mais estant la mer tourmētee, comme en la saison d'hyuer, il mourut par le chemin, aiant toutefois iagagné terre avec ses uaisseaux en un lieu desert de la coste de Libye, qui s'appelle le port de Menelaus, apres auoir uescu quatre uingts & quatre ans, desquelz il en auoit esté quarāte & un roy de Sparte, & durāt trēte d'iceulx, & plus, auoit tousiours continuellemēt esté estimē le plus grand & le plus puissant homme, & quasi cōme capitaine general de toute la Grece, iusques à la iournee de Leuctres. Au reste estant la coustume des Lacedæmoniens, qu'ilz inhumoient les corps de leurs citoiens qui decedoient hors du pais, au lieu mesme ou ilz mouroient, & les y laissoiēt, exceptez ceulx des roys que lon rapportoit au pais, les Spartiates qui lors estoient à l'entour d'Agésilas, à faulte de miel, feirent foudre de la cire sur son corps, & le reporterēt en ce point à Sparte. Son filz Archidamus luy succeda en la royaulté, laquelle demoura par succession cōtinuelle aux descēdāns de luy, iusques à Agis que Leonidas feit mourir, à cause qu'il taschoit à remettre sus l'ancienne discipline & forme de uiure de Lacedæmone, estant le cinquieme roy de pere en filz apres Agésilas.

Pompeius.



Le peuple Romain semble auoir eu toute pareille affection enuers Pompeius des son commencement, que Prometheus en une Tragedie d'Æschylus monstre auoir enuers Hercules, apres auoir esté deliuré par luy, quand il dit:

Ce filz icy m'est aussi bon amy

Comme le pere aspre & rude ennemy.

Car iamais les Romains ne feirent demonstration de haine plus aigre, ny plus aspre, à l'encontre d'autre capitaine, qu'ilz feirent à l'encontre de Strabon pere de Pompeius: uray est que tant qu'il uescut ilz redoubterent sa puissance en armes, pour autāt que c'estoit un tresgrand homme de guerre: mais quand il fut mort, aiant esté frappé d'un coup de tonnerre, ilz arracherent le corps de dessus le liēt, ainsi comme on le

portoit

A portoit en terre, & luy feirent infiniz oultrages & uillanies: & au contraire, iamais Romain n'eut l'amour du peuple si uehement, ne qui commenceast de si bonne heure, qui plus florist en sa prosperité, ne qui plus constammēt perseuerast en son aduersité, comme l'eut Pompeius. Il n'y auoit qu'une seule cause qui feist ainsi hair son pere, c'estoit une auarice exttreme & une cōuoitise insatiable d'auoir: mais plusieurs, au contraire, faisoient aimer le filz, Temperance en sa uie, adresse aux armēs, eloquence en son parler, foy en sa parole, facile acces & amiable recueil à qui auoit à faire à luy, de sorte qu'il n'y auoit homme ne qui demandast plus enuis que luy, ne qui feist plus uoluntiers plaisir quād on l'en requeroit: car il donnoit sans arrogance, & prenoit avec dignité. D'auantage

B en ses premiers ans son uisage luy aidoit beaucoup à la premiere rencontre à gaigner la bonne grace de chascun: car il y auoit ne scay quoy de douceur agreable conioinct avec une grauité humaine, & des la fleur & uigueur de sa ieunesse, se monstra incontīnēt en ses meurs & en ses façons de faire, une uenerable haultesse de maiesté royale. Il auoit aussi les cheueux un peu releuez, le regard & mouuement des yeux doux, qui causoient celle ressemblance que l'on disoit qu'il auoit, plus qu'elle n'apparoist, avec les images du Roy Alexandre le grand: mais pource quē plusieurs luy en donnoient le nom, luy mesme ne le refuioit pas, de sorte qu'il y en auoit qui en iouant l'appelloient assez notoiremēt Alexandre: au moien dequoy Philippus, hōme Consulāire, ne faignit point de

C dire publiquemēt en une siene harēgue, qu'il faisoit en sa faueur, que ce n'estoit pas de merueille, si luy estant Philippus aimoit Alexandre. On dit aussi que la courtisane Flora estant deuenue uieille, prenoit grād plaisir à cōpter ordinairement de la frequentation qu'elle auoit eue en ses ieunes ans avec Pōpeius, disant qu'il estoit impossible quand elle couchoit avec luy, qu'elle s'en departist sans le mordre. Elle comptoit aussi, que l'un de ses familiers qui se nōmoit Geminus, deuint une fois amoureux d'elle, & qu'il luy rōpoit la teste à force de la prier & solliciter continuellement: elle luy respondit qu'elle n'en feroit iamais rien, pour l'affection qu'elle portoit à Pōpeius. Parquoy Geminus en parla luy mesme à Pōpeius: lequel uolant luy gratifier en cela, luy permit, mais onques

D puis ne luy toucha ny ne parla à elle, cōbien qu'il semblast qu'il en fust encore amoureux: & elle ne le porta pas en femme de son mestier, ains en fut longuement malade de douleur & de regret: & neātmoins on dit que ceste Flora estoit lors si renommee pour sa grace & sa beaulté, que Cecilius Metellus faisant orner & embellir le temple de Castor & de Pollux, de beaux tableaux, & de belles peintures, y feit mettre entre autres le portrait d'elle au naturel pour son excellence beaulté. Qui plus est, Pompeius traitta durement & illiberalement, contre son naturel, la femme d'un de ses serfs affranchis nommé Demetrius, qui en son uiuant auoit eu tresgrand credit autour de luy, & qui estoit mort riche de

E quatre mille talents, craignant sa beaulté, qui estoit singuliere & fort renommee, de peur que l'on n'estimast qu'il en fust amoureux. Mais quoy quil fust en cela si retenu & si preuoiant de loing, ceneantmoins encore ne peut il pas cūter que ses malueuillās ne l'en taxassent & blasmassent: car on le calumnia, que pour gratifier & complaire à ses femmes, il laissoit aller & ne faisoit pas semblant de ueoir beaucoup de choses qui concernoient le bien public. Quant à la facilité & simplicité de son uiure ordinaire, on en recite un mot notable qu'il dit en une siene maladie, estant degousté & ne pouuant manger: car pour le remettre en son appetit, le medecin luy ordonna qu'il mangeast d'une griue. On

*Deux mil-
liōs quatre
cents mille
escus.

Pompeius.

en chercha par tout & n'en peut on trouuer à uendre, pource que c'estoit hors
de leur saison: mais il y eut quelqu'un qui dit que l'on en trouueroit chez Lucul-
lus, qui en faisoit nourrir tout le long de l'an: Commēt, dit il, Si Lucullus n'e-
stoit friant, Pompeius ne uiuroit il pas? Et laissant l'ordonnance de son mede-
cin, se feit accoustre de ce que recouuroit facilement: mais quant à cela nous
en parlerons cy apres. Au reste, estant encore fort ieune en camp avec son pere,
qui faisoit la guerre à Cinna, il auoit pour familier & compagnon, logeant en
une mesme tente avec luy un Lucius Terentius, lequel aiant esté gaigné pour
un pris d'argent, auoit promis à Cinna de le tuer, & d'autres coniurez auoient
aussy promis de mettre le feu dedans la tente de leur capitaine. Ceste conspira-
tion fut descouuerte à Pompeius ainsi comme il estoit à table, dont il ne s'esto-
na point, ains au contraire se monstra plus deliberé, & feit meilleure chere à ce
Terētius, qu'il n'auoit appris de faire: mais quand il fut heure de se retirer pour
dormir, il se deroba secrettement de sa tente, & s'en alla donner ordre à la seu-
reté de la personne de son pere, & se teint en son logis. Terentius, quand il pen-
sa que l'heure d'exercuter son entreprise fust uenue, se leua & s'en alla l'espee nue
en la main au liēt ou souloit coucher Pompeius, & donna plusieurs coups de
pointe dedans le matterats. Cela fait il se leua une grande emeute par tout le
camp; pour la haine que l'on portoit au capitaine, & uouloient les soudards à
toute force s'aller rendre à l'ennemy, commēceans ia à destendre leurs tentes,
à serrer bagage, & à prédre leurs armes pour y aller: & quant au capitaine, crai-
gnant ce tumulte, il n'osa pas sortir de son logis: mais son filz se ietta au milieu
des soudards mutinez, en les suppliant humblement les larmes aux yeux, de ne
uouloir pas faire ce mauuais tour à leur capitaine: & finalement se ietta la fa-
ce contre terre tout de son long à trauers la porte du camp, leur disant qu'ilz
passassent par dessus son corps filz auoient si grande enuie de s'en aller: dequoy
ilz eurent si grande honte qu'ilz s'en retournerent en leur logis, & changeans
de uolunté se reconcilierent avec leur capitaine, exceptez huit cēts qui s'en al-
lerent. Mais depuis, incontinent apres le deces de son pere, qui estoit surnom-
mé Strabon, il fut comme son heretier appellé en iustice au lieu de luy, que l'on
accusa de male uersatiō, & de l'arcin des deniers publiques: mais il descouurit
& auera que c'estoit un de ses serfs affranchiz, nommé Alexander, qui en auoit
soubstrait la plus grande partie, & le representa aux iuges: toutefois encore le
chargea l'on luy mesme en son propre & priué nom, d'auoir destourné des toi-
les & des pents de retz à chasser, & des liures qui auoient esté pris en la uille d'As-
sculum. Ce qui estoit uray: car son pere les luy auoit donnez à la prise de celle
uille, mais il les auoit perduz depuis, quand les satellites de Cinna à son retour
dedans Rome, entrerent par force en sa maison, & la pillerent. Si y eut en
ce proces plusieurs plaidoiers auant la sentence diffinitive, esquelz Pompeius
se faisant cognoistre aux iuges aigu, de bon entendemēt, & constant plus que
ne portoit l'aage auquel il estoit, en acquit si bone reputation, & si grande gra-
ce, que Antistius qui pour lors estoit Præteur, & qui presidoit en celle cause,
pour la bone opinion qu'il en conceut de luy, l'en aima, & luy feit offrir souz
main sa fille en mariage: & luy en aiant fait porter paroles par ses amis, Pom-
peius l'accepta, & en furent secrettement faictes les promesses entre eulx. De-
quoy toutefois le peuple s'apperceut biē, pour la peine & le soing que Antistius
prenoit à luy fauoriser: tellement, que quand il uint à prononcer la sentence
des iuges, qui estoit absolutoire, tout le peuple assistant, ne plus ne moins que

A si c'eust esté par un commandemēt, se prit à crier d'une uoix, Talassio Talassio, qui est le cry que ló a accoustumé de crier de toute ancieneté aux nopées à Rome: & en est la coustume procedee, ainsi que lon dit, d'une telle origine. Lors que les principaux & les plus nobles des Romains rauirēt des filles des Sabins, estās uenues à Rome pour y ueoir l'esbartemēt de quelques ieux publiques qui sy faisoient, il y eut quelques gens de bien petite & uile qualité, comme des bouuiers ou des bergers qui en enleuerent une fort belle & grande: & de peur que d'autres de plus grand estat qu'eulx ne la leur ostassent, ilz allerent crians par les rues Talassio Talassio, comme filz eussent uoulu dire, c'est pour Talassius, à cause que ce Talassius estoit un ieune gētilhomme cogneu & bien uoulu de tout le monde: tellement que ceulx qui ouyrēt nommer son nom, s'en pri-rēt à frapper des mains en signe de resiouissance, & à crier aussi Talassio, com-mē eulx, louans le choix qu'ilz auoient fait. De là dit on qu'est uenue la coustume que lon a tousiours depuis crié ce mot à ceulx qui se marient, pour autant mesmement que le mariage de celle belle fille fut heureux à Talassius. C'est ce qui me semble plus uraysemblable de tout ce que lon compte de ce cry nuptial de Talassio. Peu de iours donques apres ce iugement, Pompeius espousā Antistia, & depuis s'en étant allé au camp de Cinna, on luy meir sus à tort & le calumnia lon de quelque chose dont il eut peur, & à ceste cause se derobba secrettement: & pource qu'il ne comparoissoit plus, il courut incontinent un bruit parmy le camp, que Cinna l'auoit fait mourir, qui fut occasiō que ceulx qui de long temps estoient faschez de luy, & qui le haïssoient, luy coururēt sus. Si euidabien se sauuer de uistesse, mais il fūt tantost attrainct par un des particuliers capitaines qui le suiuiot l'espee traicte en la main: quoy uoiant Cinna, se ietta à ses pieds, & luy tendit son anneau duquel il seelloit & cachettoit ses lettres, qui ualoit beaucoup: mais le capitaine luy dit fort oultrageusement, Je ne uiens point icy pour sceller aucunes lettres de cōtract, ains pour chastier un meschāt & cruel tyran: & en disant cela, le tua sur la place. Cinna aiāt ainsi esté tué, Carbo luy succeda, & prit les affaires en main, étant encore plus cruel tyran que le premier, & tantost apres suruint Sylla desiré de la plus part des Romains, pour les griefz maulx qui les oppressoient en si grande extrémité, qu'ilz n'estimoiet pas peu de soulagement que de changer de maistre, aians les miseres passees reduit la uille de Rome à ce poinct, que n'esperant pas de pouuoir iamais recouurer sa liberté, elle ne cherchoit plus que la plus douce & plus equitable seruitude. Or estoit lors Pompeius en celle partie de l'Italie qui se nomme La marque d'Ancone, là ou il auoit des terres, plus toutefois pour l'amour & la bienueuillance hereditaire de pere en filz, que luy portoient les uilles du pais que pour autre chose: & uoiant que les plus nobles & les plus gens de bien des Romains abandonnoient leurs maisons & leurs biens pour s'en fouir de tous costez, comme en un port de salut, au camp de Sylla, il ne uoulut point aller deuers luy en fugitif, sans rien contribuer à l'augmentation de ses forces, comme personne d'estituee qui ne cherchast qu'à se sauuer, ains y uoulut aller honorablement avec armee, comme celuy qui luy uouloit à luy mesme le premier faire plaisir: si commença à sonder les uoluntēz, & à solliciter ceulx du pais, qui luy prestèrent uoluntiers l'oreille, & ne uolurēt rien faire pour ceulx qui uenoiet de la part de Carbon, entre lesquelz y en eut un nommé Vindius, qui fauancea de dire, que Pōpeius au sortir de l'eschole se uouloit soudain faire leur capitaine, dequoy ilz furent si courrouceez qu'ilz se ruerent sur luy, & le tuerēt

Pompeius.

en la place. Depuis cela Pompeius qui n'auoit que uingt & trois ans, sans attē- F
dre que personne luy donnast autorité de commander, la prit de luy mesme,
& feit dresser au milieu de la place d'Auximum grāde & puissante uille, un tri-
bunal, là ou il feit commandement à deux freres, qui s'appelloient les Venti-
diens, les deux premiers hommes de celle uille, qui en faueur de Carbon resi-
stoiet à ce qu'il faisoit, qu'ilz eussent incontinent & sans delay à sortir de la uil-
le, & commença à leuer gens, establiſſant des capitaines, sergens de bandes,
centeniers, & autres estats, selon les ordōnances de la discipline militaire. Puis
alla par toutes les autres uilles de celle marche en faire autānt, là ou tous ceulx
qui faisoient pour Carbon en tout ce quartier là, luy cedoient & fostoient de
deuant luy, & les autres se ioignoient uoluntairement à luy, de maniere qu'en G
biē peu de temps il eut mis trois legiōs ensemble routes entieres, assemblē mu-
nition pour les nourrir, & recourē sommiers, chariots & autres uoitures pour
porter le bagage: & puis cela fait se meit en chemin pour mener tout cest e-
quippage à Sylla, non point à grandes iournees comme hōme qui eust crain-
te d'estre rencontré, & qui eust esté bien aise que lon ne l'eust point ueu par le
chemin, ains seiournant sur le chemin aux endroits ou il pouuoit endomma-
ger l'ennemy en quelque chose, sollicitant les uilles par ou il passoit à se rebel-
ler contre Carbo, iusques à ce que trois capitaines de la part contraire, Carin-
na, Coelius, & Brutus, tous trois ensemble l'allerent assaillir, non pas tous trois
de front, ny d'un mesme costé, ains par trois diuers endroits, l'environans tout H
à l'entour avec trois armées, cuidans bien l'emporter de primſault: toutefois
Pompeius ne s'en estonna point, ains assembla routes ses forces en un lieu, &
marcha premier contre l'armée de Brutus, aiant mis au front de sa bataille de-
uant les gens de pied, ceulx de cheual, entre lesquelz il estoit luy mesme en per-
sonne. Et comme les hommes d'armes de l'ennemy, qui estoient Gaulois, luy
marchassent aussi à l'encontre, il donna le premier au plus apparēt & plus puis-
ſant d'entre eulx un si grand coup de iaueline qu'il le porta par terre: ce que
uoians les autres, se tournerent aussi tost en fuitte, & rompirent eulx mesmes
leurs gens de pied, de sorte que tous se meirent à fouir: à l'occasion dequoy
les capitaines entrèrent en dissention les uns contre les autres, & se retirèrent I
les uns d'un costé, les autres d'un autre, au mieulx qu'ilz peurent. Et adonc les
uilles d'alenuiron, pensans qu'ilz s'escartassent ainsi de peur, se rendirent toutes
à la deuotion de Pompeius. Depuis le Cōsul Scipion festant aussi approché de
luy pour le combattre, quand les deux batailles furent l'une deuant l'autre, a-
uant qu'ilz fussent prests à lancer leurs iauelots, ceulx de Scipion saluans ceulx
de Pompeius se tournerent de son costé, & ne peut Scipiō faire autre chose que
s'en fouir. Finablement Carbo mesme luy aiant enuoyé à la cueuē plusieurs cō-
pagnies de gens de cheual pres la riuere d'Arſis, il tourna uisage contre eulx,
& les chargea si rudement, qu'il les mena battant iusques en des lieux dont il e-
stoit impossible que gens de cheual se peussent tirer: au moien dequoy eulx E
uoias qu'ilz n'auoiet moiē de se sauuer, se redirent à sa mercy, eulx, leurs armes
& leurs cheuaux. Sylla n'auoit encore rien entēdu de toutes ces desfaittes: par-
quoy au premier bruit qu'il en ouyt, craignāt qu'il ne se perdist, estāt enuelop-
pé de rāt de capitaines ennemis, il se haſta de tirer celle part pour l'aller secou-
rir: & quand Pōpeius fut aduertty qu'il approchoit, il cōmanda à ses capitaines
qu'ilz feissent armer leurs gēs, & qu'ilz les rengaſſent en bataille, afin que leur
general les trouuaſt plus braues & mieulx en poict quād il les luy presenteroit:

A car il esperoit bien que Sylla luy feroit grand hōneur, mais il luy en feit encōre plus qu'il n'en esperoit, pource que quand il l'aperceut de tout loing uenāt à luy, & qu'il ueit son armee si bien en ordre, ou il y auoit de si beaux hommes, & qui monstroient si bons uisages, & portoient tous les testes droittes pour tār d'auantages qu'ilz uenoient de gaigner sur leurs ennemis, il descendit de cheual à pied: & comme Pompeius le saluaft en l'appellant Imperator, qui est à dire capitaine en chef, Sylla le resalua tout de mesme, contre l'attente & l'opiniō de tous les assistans, qui ne s'attendoient pas qu'il fust pour communiquer l'hōneur de ce nom là à un si ieune homme, mesmemēt qu'il n'estoit point encore receu au corps du Senat, attendu qu'il combattoit contre des Mariēs & des Scipions pour ce tiltre là. Tout le reste de l'hōneur & de bon traitement que Syl-

B la luy faisoit, respondoit à ses premieres caresses là: car quand Pompeius arriuoit au lieu ou il estoit, il se leuoit au deuant de luy, & se descouuroit en retirāt sa robbe de dessus sa teste, ce qu'il ne faisoit pas facilement à d'autres, encore qu'il y eust beaucoup de gens de bien & de grands personnages autour de luy: toutefois ces honneurs là n'enorgueillirent point Pōpeius, ains cōme Sylla le uoulust incōtinent enuoyer en la Gaule, là ou estoit Metellus qui ne sembloit point y faire exploit digne des forces qu'il auoit, Pompeius respondit qu'il ne luy sembloit point raisonnable d'oster un ancien capitaine qui auoit plus fait & plus ueu que luy: mais si Metellus de luy mesme le uouloit & l'en prioit, qu'il

C iroit uolūtiers luy aider à conduire ceste guerre. Metellus en fut bien contēt, & luy escriuit qu'il y allaft, & adonc donnant dedans, il y feit à par soy de merueilleux exploits d'armes, & si eschauffa d'auantage la hardiesse & uertu militaire de Metellus, qui commenceoit desia un peu à uieillir, ne plus ne moins que lon dit que le cuyure ia fondu uenant à couler à l'entour de celuy qui est encore froid & dur, l'amollit & le dissould plus facilement & plus tost que ne fait le feu mesme. Mais tout ainsi comme d'un uaillant champion de lucte ou d'escrime qui a tousiours honorablement uaincu par tout ou il a combatu, on ne met point en ligne de compte les uictories pueriles qu'il a gaignees contre ses cōpagnons lors qu'il estoit encore ieune garson, & ne les met on point

D par escript: aussi ay-ie craint de toucher aux faicts d'armes q̄ Pōpeius feit alors, encore qu'ilz soiēt en soy mesme admirables, pource qu'ilz sōt cachez, obscurs & enfoncez soubz la grandeur & le nōbre infiny des guerres, batailles & affaires qu'il eut depuis, de peur q̄ si ie m'amusoie beaucoup à descrire par le menu ces premiers cōmencemēs là, ie ne passasse puis apres de leger les principaux actes & plus notables accidens de ce personnage, qui plus clairemēt mettent & exposent son naturel en euidence. Apres donques q̄ Sylla fut uenu au dessus de ses affaires en Italie, & qu'il eut esté declaré dictateur, il recōpēsa ses autres lieutenans & capitaines, qui auoient tenu son party, en les auanceant aux hōneurs & aux dignitez de la chose publique, & en leur ottroyant liberalement tout ce

E qu'ilz luy demandoient: mais quant à Pompeius, l'ayant en admiration pour sa uertu, & estimant que ce luy seroit un grand appuy pour la seureté de ses affaires, il chercha de sen allier & de le se ioindre, comment que ce fust, par alliance: en quoy Metella sa femme estant bien de son aduis, ilz feirēt tant qu'ilz persuaderent à Pompeius de repudier sa femme Antistia, pour espouser Æmylia fille de Metella, & de son premier mary Æmylius Scaurus, laquelle estoit aussi mariee à un autre, & enceincte. Ces nopces furent uiolētes & tyranniques, plus conuenables au temps de Sylla, que non pas à la nature ny au meurs de Pom-

Pompeius.

peius, de uoir oster ceste nouuelle espousee *Æmylia* à son mary legitime, pour la luy mener toute grosse, & chasser *Antistia* honteusement & piteusement, attendu que de nagueres elle auoit perdu son pere, & pour cause de son mary qui la repudioit: car *Antistius* fut occis dedàs le Senat mesme, à cause qu'il fut estimé tenir le party de *Sylla* pour l'amour de son gendre *Pompeius*: & sa mere uoyant le grand tort que lon faisoit à sa fille, se feit uoluntairement mourir elle mesme, tellement que cest inconuenient fut comme un accessoire de la Tragedie de ces malheureuses nopces, & aussi la mort d'*Æmylia* mesme, laquelle bien tost apres mourut en trauail d'enfant chez *Pompeius*. Mais sur ces entre-faittes uindrent nouuelles à Rome, que *Perpenna* s'estoit emparé de la Sicile, & qu'il se preparoit pour faire de ceste isle un fort & une retraite à ceulx qui estoient de la part & faction contraire à *Sylla*: ioinct que *Carbo* rodoit à l'entour avec quelque nombre de uaisseaux, & que *Domitius* estoit passé en Afrique, & plusieurs autres grands personnages bannits, qui auoient peu se sauuer des proscriptions, s'estoient iettez de ce costé là. Si fut enuoyé *Pompeius* contre tous ceulx là avec grosse puissance, mais il n'eut pas plus tost mis le pied en la Sicile, que *Perpenna* la luy ceda & quitta route: là ou il traitta humainement & remeit sus toutes les autres uilles, qui parauant auoient esté fort trauaillees & fort affligées, exceptez les *Mamertins* seuls habitans en la uille de *Messine*, lesquels uoulurent decliner son tribunal & sa iurisdiction, alleguans qu'ilz en auoient priuilege expres & ancienne ordonnance du peuple Romain, & il leur respondit en cholere: Nous allegueriez uous mes huy les loix, à nous qui auons les espees au costé? Aussi semble il qu'il se porta un peu oultrageusement en la calamité de *Carbo*: car si il estoit necessaire, comme à l'aduenture il estoit, de le faire mourir, il le falloit faire incontinent qu'il l'eut entre ses mains: car en ce faisant on eust attribué toute la haine du faict à celuy qui l'auoit commandé: mais il se le feit amener deuant soy, & l'interroqua publiquement à la ueuë de tout le monde, dont plusieurs des assistans furent tresmal contents, puis commanda que lon l'allast faire mourir. Il fut emmené, & dit on que quand il ueit l'espee desguainnee, dont on luy uouloit trencher la teste, il pria les executeurs qu'on luy donnast un peu de temps & de lieu pour descharger son uentre qui le pressoit. *Caius Oppius* l'un des familiers de *Iulius Cesar* escrit aussi, qu'il se porta inhumainement enuers *Quintus Valerius*: car sachant, dit il, qu'il estoit homme lettré & si sçauant qu'il en auoit peu de semblables, quand on le luy amena il le tira à part, & se promena quelques tours avec luy, puis apres auoir enquis & appris de luy ce qu'il uouloit, il commanda à ses satellites qu'ilz l'emmenassent: & le feissent mourir incontinent: mais il ne fault pas croire legerement à tout ce qu'escrit *Oppius*, quand il parle des amis ou ennemis de *Iulius Cesar*: car *Pompeius* estoit contrainct de faire punir les plus notables personnages des ennemis de *Sylla* qui tumboient entre ses mains, quand ilz estoient notoirement pris: mais au reste, tous ceulx qu'il pouuoit laisser soy cacher, il le faisoit, & feignoit ne les point sçauoir: & qui plus est, donna encore moien à quelques uns de se sauuer. Bien auoit il deliberé de chastier asprement la uille des *Himeriës*, à cause qu'elle auoit opiniaistrement tenu le party des ennemis: mais *Sthenis* l'un des gouuerneurs de la uille, luy aiant requis audience, luy dit, qu'il ne feroit pas iustement, si pardonnant à celuy qui estoit autheur de toute la faulte, il destruisoit ceulx qui n'auoient point failly. *Pompeius* adonc luy demanda qui estoit celuy, qu'il uouloit dire estre autheur de tout le mal: & *Sthenis* luy respondit,

- A** respondit, que c'estoit luy mesme, qui auoit persuadé à ses amis, & contrainct par force les ennemis de faire tout ce qu'ilz auoient fait. Pompeius aiant pris plaisir à oïr parler ainsi franchement & magnaniment cest homme, luy pardonna, remettant le crime à luy premier, & consequemmēt à tous les autres Himeriens: mais estant aduertý que ses souldards faisoient quelques uiolences par les chemins, il leur seella à tous leurs espees, & en punit ceulx q ne garderēt le seel en son entier. Ainsi cōme il estoit apres à executer & ordōner ces choses en la Sicile, il receut un mandemēt du Senat & lettres de Sylla, par lesquelles il luy estoit commandé, qu'il passast incōtinent en Afrique pour y faire la guerre avec toutes ses forces à Domitius, qui auoit ia assemblé beaucoup plus de gens de guerre, que Marius n'en auoit eu quād il estoit nō gueres au parauāt passé de l'Afrique en Italie, & auoit mis sans dessus dessous les affaires des Romains, estant deuenü de bāny fugitif aspre tyrā. Parquoy Pōpeius en peu de tēps aiant préparé tout son equippage pour s'embarquer, laissa en son lieu gouuerneur de la Sicile, le frere de sa femme Memmius, & luy monta en mer avec six uingts uaisseaux à rames, & bien huit cents autres uaisseaux de charges pour porter les uiures, les armes, l'argēt, & les engins de batterie, & tout le reste du bagage. Descēdu qu'il fut avec toute sa flotte, partie à Vrigue, & partie à Carthage, il y eut incontinent bien sept mille hōmes de guerre des ennemis qui se vindrent rendre à luy, oultre sept legions toutes complettes qu'il menoit quād & luy: &
- C** dit on qu'à son arriuee, il luy aduint un cas pour rire: car il y eut, ce dit on, quelques souldards qui trouuerēt un tresor, là ou ilz gagnerēt grosse somme de deniers. Ce qu'estant uenu à la cognoissance des autres, ilz prirent opinion que ce chāp, ou le tresor auoit esté trouué, deuoit estre tout plein d'or & d'argent, que les Carthaginois y auoient anciennement caché du temps de leurs calamitez. Si ne fut pas adonc possible à Pompeius de se seruir de ses souldards à chose quelconque plusieurs iours durant, & n'y peut faire autre chose que s'en rire, uoiant tant de milliers d'hommes fouillans en la terre, & réuersans ce champ, iusques à ce qu'eulx mesmes s'en lasserent à la fin, & luy dirent qu'il les menast ou bon luy sembleroit, pource qu'ilz auoient suffisamment payé la peine de leur folie.
- D** Domitius luy alla au deuant avec son armee en bataille: mais il auoit au deuant une fondriere d'un torrent aspre & malaisée à passer, avec ce que des le matin il se leua un grand uent avec une grosse pluye, de sorte que Domitius ne pesant pas que de tout ce iour là ilz deussent combattre, commanda à ses gens que lon troussast bagage pour deloger de là. Pompeius au contraire le prenāt à occasion propre pour luy, feit soudainemēt marcher ses gēs, & passa la uallee. Ce que uoians les ennemis qui estoient en desarroy s'en troublerent, & en ce trouble uoulurent faire teste: mais ilz n'estoient ne tous ensemble, ny egaleement regez en bataille, ioinēt que le uent leur chassoit la pluye contre les uisages: toutefois ceste tempeste faisoit bien aussi de l'ennuy aux Romains, pource qu'ilz ne s'entreuoyoient pas les uns les autres, de maniere que Pompeius luy mesme fut en dāger d'estre occis par un de ses souldards, qui ne le cognoissant pas, luy demanda le mot de la bataille, & il demoura un peu trop longuement à luy respōdre. Finablemēt apres auoir desfait les ennemis avec grande effusion de sang (car on dit que de uingt mille qu'ilz estoient, il ne s'en sauua que trois) les souldards saluerent Pompeius du nom d'Imperator: mais il leur respondit qu'il n'accepteroit point l'honneur de ce nom là, tant cōme il ueroit le camp de l'ennemy estant encore debout, & que s'ilz le iugeoient digne de ce nom

Pompeius.

là, qu'il falloit donc qu'ilz abbatissent premierement ceste closture là, qui rem-
paroit le camp de l'ennemy. Ce qu'entendans les soudards, y allerent tout de ce
pas l'affaillir : là ou Pompeius combattit la teste nue, de peur de tumber en l'in-
conuenient ou il estoit desia cheut une fois : si fut adonc le camp pris à force, &
Domitius luy mesme tué dedans. Depuis laquelle desfaitte les uilles du pais se
rendirent, aucunes uoluntairement, autres furent prises d'assault & par force,
comme fut aussi pris le roy Iarbas qui auoit combattu pour Domitius, & son
royaume donné à Hiampsal. Mais Pompeius uolant encore d'auantage em-
ployer ses forces & la bonne fortune de son armee, entra auant en la Numidie,
& penetra plusieurs iournees au dedans, gaignant & conquerant tout ce par ou
il passoit, & rendant par ce moien la puissance des Romains espouventable &
redoutable aux Barbares de ce pais là, qui commenceoient desia à n'en faire
plus de compte. Et si dit d'auantage qu'il ne falloit pas que les bestes sauuages
mesmes de l'Afrique demourassent sans esprouuer la force & la fortune des Ro-
mains, au moien dequoy il employa quelques iours, mais peu, à chasser aux
Lions & aux Elephans: car dedans l'espace de quarante iours en tout, il eut des-
fait les ennemis, reconquis le pais d'Afrique, & ordonné les affaires des Roys
& prouinces de tout le pais, n'ayant encore que uingt & quatre ans. Quand il
fut de retour en la uille d'Vtique, on luy apporta lettres de Sylla, qui luy man-
doit qu'il eust à casser tout le reste de son armee, & demorer là avec une legion
seulement, attendant un autre capitaine qui y seroit enuoyé pour luy succeder
au gouuernement du pais. Ce mandement luy fascha, encore qu'il n'en donast
rien à cognoistre, & en fut marry en son cueur: mais ses soudards monstrent
euidemment qu'ilz en estoient malcontents, & comme il les priaist de s'en uou-
loir aller deuant, ilz se prirent à dire paroles oultrageuses & iniurieuses de Syl-
la, adiouxant qu'ilz n'estoient point deliberez, quoy qu'il y eust, de l'abandon-
ner, & qu'ilz ne uouloient point qu'il se fiasst à un tyran. Mais uoiant qu'il ne
les pouuoit gaigner, quelques remonstrances qu'il leur feist, il descendit de son
tribunal & se retira plorant en sa tente, là ou les soudards l'allerent querir, & le
rapporterent en son siege, & consumerent une bonne partie du iour, eulx à luy
remonstrer qu'il uoulust demorer & leur commander, & luy à les prier qu'ilz
uoulussent obeir à Sylla, & ne point se mutiner, iusques à ce que uoiant qu'ilz ne
cessoient point de crier au cōtraire, & de le presser, il iura q plus tost il se tueroit
s'ilz le uouloient forcer, encore ne cuiderent ilz iamais pour cela s'appaiser. Si fut
premierement rapporté à Sylla, que Pompeius s'estoit rebellé contre luy: ce qu'ayant
entendu, il dit à ses amis: Il estoit donques, à ce que ie uoy, predestiné q i'aurois
en mes uieux iours à combattre cōtre des enfans. ce qu'il disoit à cause du ieune
Marius qui luy auoit donné beaucoup d'affaires, & l'auoit rengé en un extreme
dāger. Mais quād il fut biē informé de la uerité, sentant q tout le mōde à Rome
se deliberoit de luy aller au deuant, & de le receuoir avec tout l'hōneur & demō-
stration de bienueuillāce qu'ilz luy pouuoient faire: il uolut luy mesme faire
encore plus q les autres, & sortant de sa maison luy alla à l'encontre, & en l'em-
brassant le plus affectueusement qu'il peut, le salua, en l'appellant Magnus, qui
signifie le grand, & cōmanda aux assistans qu'ilz le nōmassent aussi de mesme:
toutefois il y en a qui disent q ce fut en Afrique ou ce nom luy fut premierement
donné par une publique clameur de toute son armee, mais qu'il luy fut puis a-
pres confirmé & ratifié par Sylla. Bien est il uray que luy fut le dernier long
temps apres, quand on l'enuoya Proconsul en Hespagne à l'encōtre de Serto-
rius

Arius, qui s'escriuit en ses lettres missiues, & en ses mandemens & lettres patentes, Pompeius Magnus, pource que lors ce nom estant ia tout accoustumé, ne luy caufoit plus d'enuie. Dont à bõ droit, fait à louer & à admirer la sagesse des anciens Romains, lesquelz ne recompensoyent pas de telz honorables tiltres & noms les haults faictz d'armes & exploits de guerre seulemēt: mais aussi les uertus ciuiles & louables actiõs de la paix: car il y en a eu deux q̃ le peuple à surnomé Maximi, c'est à dire tresgrāds, desquelz l'un fut Valerius, pource qu'il remeit en union & concorde, la cõmune avec le Senat, avec lequel il estoit en discord, & l'autre estoit Rullus, pourautāt qu'il osta du nombre des Senateurs quelques personnages nez de serfs affranchiz, qui moienant leur richesse, par faueur y auoient esté mis. **B** Apres cela Pompeius demāda l'honneur du triumphe, & Sylla s'y opposa, alleguāt pour ses raisons, qu'il n'appartenoit d'entrer en triumphe dedans la uille de Rome, sinon aux Consulz ou aux Præteurs: à l'occasion dequoy le premier Scipion aiant desfait les Carthaginois en plus grandes & plus grosses batailles dedans l'Hespagne, n'auoit iamais demandé cest honneur, pource qu'il n'estoit ny Consul ny Præteur, & que si Pompeius s'opiniastroit à uouloir faire entree triumpnale dedans Rome, lors que pour sa grāde ieunesse, à faulte d'aage, il n'estoit pas encore du Senat, cela seroit cause de faire enuier à luy cest hõneur, & à soy sa puissance. Voyla les raisons q̃ Sylla luy alleguoit, en luy donnant à entendre qu'il n'estoit point delibéré de luy permettre, ains qu'il luy resisteroit & l'en engarderoit s'il se uouloit obstiner au contraire: toutefois cela ne fait point de peur à Pompeius, lequel luy dit franchement, qu'il deuoit penser, que plus de gens adoroient le Soleil leuāt, que le Soleil couchāt: comme s'il eust uolu dire, que son credit & son autorité uenoit à croistre, & celui de Sylla à se diminuer. Sylla n'ouyt pas lors claiement ce qu'il auoit dit, mais apperceuant aux uisages & à la contenance de ceulx qui estoient presens qu'ilz s'en esbahissoiēt, il leur demanda que c'estoit qu'il luy auoit respondu, & quand il l'eut entendu, s'esmerueillant de l'audace d'un si ieune homme, il s'escria par deux fois coup sur coup, Qu'il triumphe, Qu'il triumphe donques de par Dieu. Dequoy plusieurs estans marris & malcontents, Pompeius, à ce que lon dit, pour leur faire encore plus grand despit, uolut estre en ce triumphe porté sur un chariot triumpnal, trainné par quatre Elephans: car il en auoit amené plusieurs captifz de ceulx que tenoient les princes & Roys qu'il auoit subiuguez: mais la porte de la uille se trouuant trop estroite, il s'en deporta & se cõtenta de se faire tirer par des cheuaux. Et comme ses soudards n'auans pas obtenu tout ce qu'ilz esperoiet, & qu'ilz s'estoient promis, luy uoulussent faire quelque trouble, & donner quelque empeschement en son triumphe, il dit qu'il ne s'en soucioit point, & qu'il laisseroit plus tost là tout l'appareil de son triumphe, que de se soubmettre à les flatter: à raison dequoy y eut un notable personnage nommé Seruilius, l'un de ceulx qui plus asprement s'estoit opposé à l'ottroy de ce triumphe, qui dit publiquemēt, qu'il cognoissoit alors, que Pompeius estoit ueritablement Magnus, c'est à dire grand, & digne du triumphe. Et estant tout euident, que s'il eust uolu, il eust des lors esté facilement receu au nombre des Senateurs, il ne le prochassa point, ainsi comme lon dit, cherchant honneur en ce qui estoit plus estrange & plus esloigné de l'ordinaire: car ce n'eust pas esté chose grandement esmerueillable, s'il eust esté receu au corps du Senat auant l'aage legitime: mais bien estoit ce à luy une gloire illustre, de Triumpher auāt que d'estre Senatur: ce qui encore luy seruit beaucoup à gagner tousiours de

Pompeius.

plus en plus la bonne grace du commun populaire: car il estoit fort aise de le
ueoir apres son triumphe se maintenir au reng des cheualiers Romains: & au
contraire Sylla estoit fort fasché de le ueoir monter en telle gloire & uenir en
si grand credit: mais toutefois aiant honte de l'empescher, il s'en teut iusques à
ce, que malgré luy & par force il feit paruenir un Lepidus au Consulat, moie-
nant le port & la faueur qu'il luy feit en sa brigade, à cause que le peuple luy fut
fauorable à sa requeste & pour l'amour de luy seulement, à l'occasion dequoy
Sylla leuoiant retourner de l'election à trauers la place avec une longue suite
de gens qui l'accompagnoient par honneur, il ne se peut tenir de luy dire, le
uoy iouuenceau mon amy, que tu es fort ioyeux d'auoir uaincu en ceste bri-
gade, & aussi y a il bien dequoy urayement: car c'est une belle chose & magna-
nime d'auoir eu tant de pouuoir enuers le peuple, que par ta faueur le plus mes-
chant homme du monde Lepidus, à emporté le Consulat deuant Catulus, l'un
des plus hommes de bien de toute ceste uille: mais ie te ueux bien aduertir qu'il
te fault bien garder de dormir maintenât, & auoir bien l'œil aux affaires, pour-
ce que tu as armé & fait fort un aduersaire contre toy mesme. Mais ce en quoy
principalement Sylla monstra qu'il ne uouloit point de bien à Pompeius, fut
en son testament: car il laissa quelque lay testamentaire à tous ses autres amis,
& en institua aucuns tuteurs & curateurs de son filz, sans faire aucune mention
de Pompeius, ce que toutefois il supporta fort doucement & fort ciuilement,
de maniere que Lepidus & quelques autres uoulans empescher que le corps ne
fust inhumé dedás le champ de Mars, & que ses funerailles ne se feissent publi-
quement, luy teint la main au contraire, à ce que le conuoy s'en feist & hono-
rablement & seurement. Mais tantost apres le trespas de Sylla se ueit claiement
ce qu'il auoit predit: car Lepidus se uolât attribuer l'autorité & la puissance
qu'il auoit eue sans rien deguiser & sans tournoyer à l'entour, se fortifia d'ar-
mes incontinent, remuant derechef les reliques de la partie contraire de Ma-
rius, que Sylla n'auoit du tout peu extirper ny esteindre, & qui de long temps
estoient aux escoutes, ne demandans que quelque occasion de se renoueller.
Vray est que son cōpagnon au Consulat Catulus, que la meilleure & la plus fai-
ne partie du Senat & du peuple suiuiot, estoit estimé un tres homme de bien,
temperant, sage & droitturier: mais il estoit plus propre à gouuerner affaires de
paix qu'à conduire une armee & manier une guerre: tellement que les affaires
mesmes sembloient requerir Pompeius: lequel ne branla point à consulter en
quelle part il inclineroit, ains se renga tout incontinent du côté des gens de
bien, & tout aussi tost fut eleu chef des forces que l'on meit sus pour resister à Le-
pidus, lequel auoit ia reduit en son obeissance une bonne partie de toute l'Ita-
lie, & tenoit la Gaule de dela les mōts avec une armee qu'il auoit mise entre les
mains de Brutus. Or quant à tout le demourant, Pompeius en uint facilement
à bout: mais il demoura long temps deuant Modene à l'encontre de Brutus. Et
ce pendant Lepidus festant coulé iusques à Rome, & s'en tenât aupres, enuoya
demander un second Consulat, effroyant ceulx qui estoient dedás la uille avec
une grosse troupe de gens ramassez de toutes pieces qu'il auoit autour de luy:
mais cest effroy fut tātost amorry par une lettre missiue qu'escriuit Pompeius,
contenant comme il auoit mis fin à toute ceste guerre sans coup ferir, pource
que Brutus, soit ou que luy eust trahy son armee, ou que son armee l'eust trahy,
luy mesme se rendit à la discretion de Pompeius, qui luy bailla quelque nom-
bre de gens de cheual qui le menerent iusques à une petite uille assise sur le Po:

A & un iour apres il y enuoya Geminius qui le feit mourir, dequoy Pompeius fut depuis fort blasme, pource que aiant escrit au Senat des le commencement de la mutation, que Brutus s'estoit uoluntairement rendu à luy, il escriuit depuis d'autres lettres qui le chargeoient apres l'auoir fait mourir. Ce Brutus estoit pere de celuy qui depuis occit Iulius Cesar avec l'aide de Cassius: mais il ne se porta pas si laschement, ny en faisant la guerre, ny en mourant comme feit son pere, ainsi comme nous auons escrit au long en sa uie. Lepidus donques estant contraint d'abandonner l'Italie s'enfuit en l'isle de Sardaigne, là ou il mourut de maladie qui luy uint, non tant du regret de la ruine de ses affaires, ainsi que lon dit, comme de la douleur qu'il receut d'une lettre qui tomba entre ses

B mains, par laquelle il cogneut que sa femme auoit forfait à son honneur. Or estoit il encore Sertorius, lequel estoit bien autre homme de guerre & autre capitaine que Lepidus, & auoit occupé l'Hespagne, tenant les Romains suspendus en grande crainte, pource que toutes les reliques des guerres ciuiles s'estoient retirees à l'entour de luy, ne plus ne moins qu'une derniere maladie, & auoit ia desfait plusieurs autres moindres capitaines, mais pour lors estoit aux prises avec Appius Metellus, qui en son temps auoit bié esté homme de guerre & uailant de sa personne: mais pour lors à cause de sa uieillesse, sembloit aller un peu trop laschement en besongne, & n'embrasser pas assez uiuement les occasions de la guerre, que Sertorius par sa soudaineté & sa legereté luy rauissoit d'entre

C les mains, en se trouuant à tous coups deuant luy à lors qu'il y pensoit le moins, plus tost en guise de capitaine de brigans qu'autrement, & en le troublant par embusches qu'il luy dressoit à toutes heures, par trauerses qu'il luy donnoit, & par courses qu'il faisoit sans cesse autour de luy, là ou le bon homme Metellus auoit appris à combattre de pied ferme, & en bataille régee, & à conduire gés pesamment armez. A raison dequoy Pompeius tenait tousiours son armee ensemble, alloit prattiquant à Rome que l'on l'enuoyast en Hespagne pour secourir Metellus, & combien que Catulus luy mandast qu'il cassast son armee, il n'en feit rien, ains soubz quelques nouuelles couuertures qu'il inuetoit, feit tât qu'il demoura tousiours en armes à l'entour de Rome, iusques à ce qu'on luy eust donné la charge qu'il demandoit, dont fut autheur Lucius Philippus, qui le mit en auât au Senat, là ou lon dit, que comme l'un des Senateurs trouuant

D estrange de luy ouyr proposer cela, luy demanda, Comment Philippus estimes tu d'oc qu'il soit expedient d'enuoyer Pompeius en Hespagne Proconsul? c'est à dire, pour un Consul. Non pas certes, respôdit Philippus, Proconsul seulement, mais pro Consulibus: c'est à dire, pour les deux Consulz. uoulant dire que tous les deux Consulz de ceste annee là, estoient personnes de nulle ualeur. Arriué donc que fut Pompeius en Hespagne, les hommes ainsi qu'il aduiant à la uenue de tous nouueaux capitaines, en prirent toute autre esperance qu'ilz n'auoient eüe au parauant: tellement que les uilles & les peuples qui n'estoient

E pas trop fermes en la deuotiõ de Sertorius, se rebellerent incõtinẽt, & se tournerent contre luy: à l'occasion dequoy Sertorius sema quelques paroles fieres & orgueilleuses à l'encontre de luy, disant par maniere de moquerie, qu'il ne uoudroit que des uerges pour chastier cest enfant, fil ne craignoit ceste uieille: uoulant entendre Metellus: mais quelque chose qu'il dist, si se tenoit il bien plus sur ses gardes, & alloit bien plus retenu à la guerre, qu'il ne faisoit auparauant, pour la doubte qu'il auoit de Pompeius. Car Metellus estoit fort dissolu en sa uie (ce que lon n'eust pas pensé) s'estant du tout laissé aller aux delices & à la

Pompeius.

uolupté: mais on ueit soudainement une grande mutation en luy, tant au rabaissement de la grauité, & de la pompe & magnificence qu'il tenoit au parauant, qu'au retrenchement de la superfluité de sa despense. Cela, oultre ce qu'il apportoit grand hōneur à Pompeius, luy acqueroit encore de plus en plus l'amour & bienueillance du peuple, quand on ueit qu'il estroissit & resserra encore plus la simplicité de son uiure ordinaire. Il n'eut pas beaucoup de peine à s'y accoustumer, pource que de sa nature il estoit homme réglé & ordonné en ses appetits. Or y eut il en ceste guerre plusieurs aduétures diuerses & plusieurs accidets telz q̄ les portēt les armes: mais il n'y en eut point qui le faschast tant, comme feit la prise de la uille de Lauron, que Sertorius prit sur luy: car là ou il le cuidoit tenir enfermé, & que ia il s'en estoit laissé eschapper de la bouche quelque parole de uanterie, il fut tout esbahy qu'il se trouua luy mesme environné par derriere, de maniere que ne s'ozant bouger de là ou il estoit campé, il fut contraint de ueoir brusser sa uille deuant ses yeux: mais depuis il desfeit en bataille rengee pres de Valence Herennius & Perpenna, tous deux gens de guerre & lieutenans de Sertorius, deuers lequel ilz festoient retirez, & en ceste rouverte leur occit plus de dix mille hommes. Ceste uictoire luy aiant eleué le cueur, il se hastoit pour aller trouuer Sertorius en personne, & le combattre seul, à fin que Metellus n'eust point de part à l'honneur de la uictoire. Si uindrēt au combat pres la riuere de Sucron, enuiron le soleil couchāt, tous deux craignans que Metellus n'y fureint, l'un à fin qu'il cōbattist seul, & l'autre à un seul. H L'issue de ceste bataille fut douteuse, pource qu'il y eut tant de ça que delà l'une des pointes, qui eut auantage sur l'autre: mais quant aux capitaines, Sertorius en emporta l'honneur: car il desfeit seul tout ce qu'il trouua en teste deuant soy: & quant à Pōpeius, il y eut un grand hōme d'armes, qui estant à pied s'adressa à luy, & cōme ilz uindrent à s'entrecharger, les espees croisans glisserent iusques sur leurs mains, mais non pas en mesme sorte: car Pompeius ne fut que un peu bleté seulement, & l'homme d'armes eut la main coupee toute nette, & adonc se ietterent plusieurs ensemble sur luy, pource que desia ses gēs en cest endroit là estoient tournezz en fuitte: mais il se sauua d'une estrange sorte cōtre son esperance, en abandonnant aux ennemis son cheual, lequel estoit richement enharnaché d'un harnois d'or, & couuert d'un caparañson qui ualoit beaucoup, & ce pendant que les ennemis le partageoient entre eulx, & se combattoient à qui en auroit, il leur eschappa. Le lendemain au poinct du iour l'un & l'autre renga de rechef ses troupes en bataille, pour se confirmer la uictoire que chascun d'eulx pretendoit auoir eue: mais Metellus fureint la dessus, qui fut cause que Sertorius se retira à la desbandee: car son camp se rompoit ainsi facilement, & puis se ramassoit aussi soudainement, de maniere que Sertorius alloit quelque fois errant tout seul par les champs, & puis tout à coup se trouuoit avec cent cinquante mille combattans, ne plus ne moins qu'un torré, qui quelques fois est à sec, & puis se remplit en un instant. Mais Pompeius apres ceste bataille allant pour saluer Metellus, quand ilz furent assez pres l'un de l'autre, cōmanda à ses sergēs qu'ilz baissassent les faisceaux de uerges & les haches qu'ilz portoient deuant luy pour honorer Metellus, cōme personnage de plus grande dignité que luy: ce que Metellus ne uoulut pas permettre, ains en cela & en toutes autres choses se monstra bon & equitable enuers luy, sans attribuer rien de plus qu'à luy pour auoir esté Consul, & estre son ancien, sinon que quand ilz campoient ensemble, c'estoit luy qui donnoit le mot du guet à

A tout le camp, toutefois le plus du temps ilz campoient separcemiēt, pource que leur ennemy, qui estoit si remuant qu'il n'arrestoit iamais en une place, & en peu de temps se faisoit uoir en diuers lieux, le contraignoit de se separer & diuiser pour prouueoir à tout, les tirant soudainement d'un affaire en un autre, tellement qu'à la fin en leur couppant uiures de tous costez, pillant leur pais, & tenant la coste de la marine, ilz les chassa tous deux, & les feit sortir hors des provinces de leurs gouuernemens qu'ilz auoient en Hespagne, les contraignāt de se retirer ailleurs à faulte de uiures. Ce pendāt Pompeius qui auoit employé & despendu la meilleure partie de son bien en ceste guerre, demanda de l'argēt au Senat pour payer ses gens, menassant que si on ne luy en enuoyoit, il s'en retourneroit en Italie avec son armee: parquoy Lucullus qui lors estoit Consul, encore qu'il fust aduerfaire à Pompeius, toutefois pource qu'il prochassoit d'auoir la charge d'aller faire la guerre au Roy Mithridates, sollicita que l'on luy en enuoyast craignant de donner occasion à Pompeius, lequel ne demandoit autre chose q̄ de laisser Sertorius pour tourner ses forces contre Mithridates, la desfaitte duquel luy seroit plus glorieuse, & non pas si difficile ne si dāgereuse. En ces entrefaites mourut Sertorius occis en trahison par ceulx qu'il estimoit ses amis, entre lesquelz Perpēna estoit le principal, qui uoulut apres sa mort essayer de faire comme luy, aiant les mesmes moiens, le mesme equippage, & les mesmes forces que luy: mais non pas le mesme entendemēt pour les employer, & en sçauoir user. Parquoy Pōpeius marchant incontinent droit à luy, & uoiāt qu'il ne sçauoit, par quel bout se prendre à ses affaires, luy attiltra une amorche de dix cohortes, qu'il enuoya piller la cāpagne, leur aiant commādē de fescarter les uns des autres, & se respandre le plus qu'ilz pourroient. Perpenna ne faillit pas de donner aussi tost dedās & de les poursuyure: mais Pōpeius qui l'attendoit au passage, se trouua soudain au deuant avec toute son armee en bōne ordonnance, qui luy donna la bataille, par laquelle il obtint uictoire finale de toute celle guerre, pource que la plus part des capitaines y fut tuee sur le chāp, & Perpenna mesme le chef de tous luy fut amenē prisonnier, qu'il feit mourir incontinent: en quoy il ne merite point d'estre blasēmē ny cōdemné d'ingratitude, comme mal recognoissant les bōs tours & plaisirs que Perpēna luy auoit faits en la Sicile, ainsi comme aucuns le chargent, ains plus tost fait à louer en cela, comme aiant fait acte de grande magnanimité, & usē de conseil salutaire à toute la chose publique, pource que Perpenna festant saisy des papiers de Sertorius, monstroit des lettres missiues des plus grands & plus puissans hommes de Rome, lesquelz desirans remuer l'estat & changer le gouuernemēt, appelloient Sertorius en Italie: parquoy Pompeius craignāt que cela ne fust cause d'exciter encore de plus grandes seditions & guerres ciuiles que celles qui estoient assopies, feit mourir le plus tost qu'il peut ce Perpenna, & brūla toutes ses lettres, & tous ses papiers sans en lire rien. Cela faict il seiourna encore en Hespagne quelque temps, iusques à ce qu'il eust esteinct les plus uiolētes emotions, & que les affaires les plus embrouillees & plus troublees y fussent un peu appaisees & rassies, puis remena son armee en Italie, là ou il arriua cōme la guerre seruile y estoit encore en sa plus grande uigueur: & pourtant Crassus à qui la charge en auoit esté commise se hasta de donner uistement la bataille, laquelle il gaigna, & occit bien douze mille trois cents hommes de ces serfs fugitifs: mais la fortune uolant que Pompeius, cōment que ce fust, eust encore part à la decision de ceste guerre, feit que cinq mille de ces fugitifs qui s'estoient sauuez

Pompeius.

de la bataille, luy tumberent entre les mains, & escriuit au Senat le premier, F
que Crassus auoit bien desfait en bataille rengee les gladiateurs, mais que luy
auoit couppé iusques au fond toutes les racines de la guerre: ce que les Ro-
mains estoient bien aises de dire & ouir dire, tant ilz luy portoient d'amour &
de bienueuillance. Mais quant au recouurement de l'Hespagne & à la desfaite
de Sertorius, il n'y auoit personne qui dist, non pas en ieu seulement, qu'autre
que Pompeius y eust rien fait: toutefois quelque honneur ne quelque affection
qu'ilz luy portassent, si y auoit il tousiours quelque suspesço & quelque crain-
te qu'il ne uoudroit pas laisser son armee, ains uoudroit à la descouuerte pren-
dre & suyure le chemin qu'auoit tenu Sylla, q estoit, par force d'armes usurper
puissance & autorité souueraine: au moien dequoy il n'y auoit pas moins de G
ceulx qui couroient au deuant de luy, & qui luy alloient faire les caresses de la
bien uenue, par crainte, que de ceulx qui le faisoient pour bõne affection: mais
depuis qu'il eut retrenché toute ceste suspicion, en declarant qu'il romproit
son armee tout aussi tost comme il auroit fait son entree en triumphe, il ne re-
stait plus rien que ses enuieux peussent reprendre en luy, sinon qu'il enclinoit
plus en la partie du peuple, qu'il ne faisoit en celle du Senat, & qu'il auoit uou-
lunté de remettre sus l'autorité & dignité du Tribunat du peuple, que Sylla
auoit abbattue, pour en acquerir la bõne grace de la commune en tout ce qu'il
pourroit: ce qui estoit uray, car iamais le peuple Romain ne chercha ny ne de-
sira si ardemment chose quelcõque, cõme il feist de ueoir remettre ce magistrat H
là en son entier. De sorte que Pompeius mesme reputoit un grand heur à luy
de festre rencontré à temps de pouuoir executer un tel acte, pource qu'il n'eust
pas sceu imaginer ne trouuer une autre grace, de laquelle il eust peu si aggre-
ablement recompenser la bienueuillance que ses citoiens luy portoient, si quel-
que autre l'eust preueni à ce faire. Luy aiant dõques par decret du Senat esté or-
donné un second Triumphe & premier Consulat, cela ne le feist point trouuer
plus esmerueillable ne plus grand: mais bien iugea lon estre un indice tres ex-
pres de sa grandeur, ce, que Crassus le plus riche, le plus eloquêt, & le plus grãd
de tous ceulx qui pour lors sentremettoient du gouuernement de la chose pu-
blique, & qui s'estimoit plus que Pompeius & que tous les autres, n'oza iamais I
demander le Cõsulat qu'il n'en eust premierement prié & requis Pompeius, qui
en fut bien aise, pource que de long temps il ne cherchoit que quelque occasiõ
de luy faire plaisir, au moien dequoy il brigua luy mesme affectueusement en
sa faueur, & en pria le peuple, promettat qu'il leur sçauroit aussi bon gré de luy
donner Crassus pour compagnon, que de l'esslire luy mesme pour Consul. Ce-
neantmoins aians esté ensemble eleuz, ilz furent tousiours contraires l'un à
l'autre en toutes choses, & ne s'accorderent iamais de rien en tout le temps de
leur Consulat. Crassus auoit plus d'autorité au Senat, mais Pompeius auoit
aussy plus de credit enuers le peuple: car il luy rendit l'office du Tribunat, & si
permett que la puissance de iuger & cognoistre des causes tant ciuiles que cri- K
minelles par edict expres fust rendue & transferee à l'ordre des cheualiers Ro-
mains: aussy fut ce chose fort plaisante & aggreable à ueoir au peuple Romain,
quand luy mesme alla se presenter deuant les Censeurs pour auoir exemption
d'aller à la guerre, pource que la coustume estoit ancienemēt à Rome, que les
cheualiers Romains, quãd ilz auoient hanté les armes & suiuy les guerres cer-
tain temps, qui estoit prefix par les ordonnances, amenoient leur cheual au mi-
lieu de la place deuant deux magistrats que lon appelloit les Censeurs, là ou ilz
nommoient

A nommoient les uoyages, les lieux, & les capitaines, sous lesquels ilz auoient esté à la guerre, & apres auoir rendu compte de leurs deportemens, alors filz sy estoient portez en gens de bien, ilz estoient declarez exempts d'aller à la guerre filz ne uouloient, & estoit là chascun ou honoré, ou chastié selon qu'il l'auoit deseruy en sa uie. Si estoient lors les deux Censeurs Gellius & Lentulus assis honorablement en leur tribunal, & faisoit on la reueüe des cheualiers Romains, qui passoient par deuant eulx pour estre examinez & uisitez à la monstre, quand on fut tout esbahy que lon ueit d'un bout de la place uenir Pópeius, aiant bien deuant luy les autres marques & enseignes du Consulat, mais au demourant menant luy mesme son cheual par la bride. Quand il fut assez pres, & que lon cogneut certainemēt que c'estoit luy, il cōmanda aux sergens qui portoiēt les haches deuant luy, qu'ilz s'ouurissent pour le laisser passer, & approcha son cheual du parquet & tribunal des Censeurs. Si fut le peuple espādu tout à l'enuirō rauy d'esbahissement, & se feit un tresgrand silence. Les Censeurs mesmes furēt fort ioyeux de le ueoir ainsi se soubmettre aux loix, & luy en mōstrerent une grande reuerence. A la fin le plus aagé d'eulx l'interroguā en ceste sorte: Le te demande, Pompeius Magnus, si tu as esté autant de temps à la guerre cōme il est ordonné par les loix. Adonc respondit Pompeius à haulte uoix: ouy, ie y ay esté uoirement autant de temps comme il fault, & non soubz autre capitaine que soubz moy mesme. Le peuple aiant ouy ceste responce fescria de ioye, & ne se peut tenir d'exelamer à haulte uoix, tant il en fut aise: & les Censeurs mesmes descendirent de leur tribunal, & l'allerent par honneur reconduire iusques en sa maison, pour gratifier & complaire à une multitude grande de peuple qui les fuyuoit avec grands battemēs de mains & toutes demonstrations de resiouissance. Sur la fin de leur Consulat, comme la dissension d'entre luy & Crassus allaist tousiours croissant de plus en plus, il y eut un Gaius Aurelius qui estoit biē cheualier Romain, mais au reste ne s'estoit iamais entremis des affaires publiques, iusques alors qu'en publique assemblee de uille il monta sur la tribune aux harangues, & dit publiquement deuant tout le peuple, que Iupiter s'estoit la nuit apparū à luy, & luy auoit cōmandé de faire entēdre de sa part aux deux Cōsulz qu'ilz n'eussent point à se deposer de leur Consulat, que premierement ilz ne se fussent reconciliez ensemble. Pour ces paroles Pompeius ne se bougea point: mais Crassus le prit par la main, & le saluant le premier dit hault & clair deuant tout le monde: Seigneurs Romains, ie ne pense point faire chose lasche ny de cueur bas de ceder le premier à Pompeius, attendu que uous mesmes l'avez estimé digne d'estre surnommé le grand, auant que la barbe luy fust uenue, & auquel uous avez decerné l'honneur de deux triumphes auant qu'il fust du Senat. Cela dit, ilz feirent appointment ensemble, & puis se deposerent tous deux de leur magistrat, & quand à Crassus, il continua tousiours la maniere de uiure qu'il auoit commencee: mais Pompeius fuyoit le plus qu'il pouuoit à plaider pour autrui, & commenceoit petit à petit à se retirer de frequenter la place, les iugemens, & de se mesler de proces, sortant peu souuent en public, & quand il y sortoit c'estoit tousiours en grosse troupe: car il estoit malaisé de le ueoir plus hors son logis, & de parler à luy qu'il n'y eust tousiours grande multitude de personnes autour de luy, & estoit bien aise que lon ueist ainsi grande suite de gens apres luy, pource que cela luy donnoit une grandeur & une maiesté uenerable, d'estre ueu tousiours ainsi grandemēt suiuy & accōpagné, estimant qu'il falloit pour maintenir sa dignité qu'il ne se laissast pas hanter ny frequenter

Pompeius.

familierement à petites gens, pource que ceulx qui se sont faicts grands par les armes uienent facilement en mespris, quand ilz se mettent puis apres à uiure en gens de uille: car ilz ne peuuent se réger à l'egalité populaire, qui doit estre gardee entre bourgeois d'une mesme uille, & ueulent rousiours estre plus que les autres, aussi bien en la uille comme au camp. Et au contraire, ceulx qui se sentent & confessent estre inferieurs en guerre, estiment que ce leur seroit un reproche intolerable, de n'estre superieurs à tout le moins en paix: au moié de quoy filz peuuent tenir au palais, & en affaires de uille, un hōme de guerre, qui se soit rendu illustre par triumphes & par uictories, ilz le rauallent & le tiennent soubz eulx, là ou ilz ne portent point d'enuie à la gloire militaire de ceulx qui leur cedent reciproquement le credit & l'honneur es affaires de uille, ainsi cōme il apparut euidentement peu de iours apres en la personne de Pompeius. Car la puissance des coursaies escumeurs de mer prit sa premiere origine au pais de la Cilicie, & n'en feit on point de cas du commencement, pource que lon ne s'en apperceut pas: mais ilz uindrent à prendre cueur & hardiesse de s'augmenter au temps de la guerre contre le Roy Mithridates, là ou ilz se louerent à faire quelques seruices à ce Roy. Et puis les Romains estans empeschez à leurs querelles ciuiles, & se combattans entre eulx aux portes mesmes de la uille de Rome, la mer ce pendant demourât sans garde, les tira en auât, & leur donna courage de passer plus oultre qu'ilz n'auoient encore fait, de sorte que non seulement ilz destrouffoient les marchâds allans & uenâs par la mer, ains forceoient aussi les isles & les uilles maritimes, de sorte qu'il y auoit ia des hommes opulents en biens, d'ancienne noblesse, & qui estoient tenus pour gens de fort bon sens, qui s'embarquoient sur des uaisseaux de coursaies, & se ioignoient à eulx, comme si le mestier en fust deuenu louable & honeste. Si auoient desia dressé en plusieurs lieux des arcenaux, des ports & des tours, & guettes à faire les signes de feu le long de la marine bien fortifiées: & oultre cela, de grosses flottes de uaisseaux fourniz non seulement de bons & forts galiots pour la rame, de ruzez pilotes, & d'experts mariniers, leurs uaisseaux addroits & legers pour biē seruir en un bon affaire, mais aussi accoustrez si superbement, que lon haïssoit encore plus leur odieuse superfluité, que lon ne redoubtoit le dāger de leurs forces: car ilz auoient les pouppes de leurs galeres toutes dorees, les tapis & couuertes de pourpre, les rames argentees, comme prenans plaisir à faire monstre de leur brigandage. Lon neuoyoit & n'oyoit autre chose par toutes les costes de la marine, que sons d'instrumens de musique, chansons, banquets, & festins, prises de capitaines, & gens de grande qualité, rençonnemēs de mille prisonniers, toutes lesquelles choses se faisoient au grand deshonneur & à la honte du peuple Romain. Car ilz auoient bien de tous uaisseaux de coursaies iusques au nombre de mille, & auoient desia bien pris quatre cents uilles, ou ilz destruisoient & uoloient plusieurs saincts temples des Dieux, qui iusques alors iamaïs n'auoient esté ne polluz ne pillez, comme celuy des Iumeaux en l'isle de Claros, celuy de Samothrace, celuy de la Terre en la uille de Hermione, celuy d'Æsculapius en Epidaurē, ceulx de Neprune en Istmos, à Tenare, & en Calabre, ceulx d'Apollo en Actium, en l'isle de Leucade, ceulx de Iuno en Samos, en Argos & en Leucanie. Ilz faisoient aussi entre eulx quelques estranges sacrifices au mōt d'Olympe, & quelques secrettes cerimonies de religion, entre lesquelles estoit celle de Mithres, qui est le Soleil, laquelle dure encore iusques au iourd'huy, aiant esté monstree par eulx premieremēt. Mais oultre plusieurs insolences

A solences & iniures qu'ilz feirent aux Romains sur la mer, ilz sortoient encore en terre & alloient espier les chemins, ruiner & destruire leurs maisons de plaisance, qui estoient aux chaps le lóg de la marine, & prirent une fois deux Præteurs Romains, Sextilius & Bellinus, uestus de leurs grâdes robes de pourpre, avec leurs sergens mesmes & leurs officiers, qu'ilz emporterent tous quand & eulx. Aussi fut surprise par eulx la fille d'Antonius, personnage qui auoit eu l'honneur du Triumphe, ainsi côme elle s'en alloit aux chaps, & fut racheptée d'une grosse somme d'argét: mais ce en quoy il y auoit plus de mespris & de moquerie estoit, que quand ilz auoient pris quelqu'un, & qu'il se prenoit à crier qu'il estoit citoien Romain, & qu'il nommoit son nom, alors ilz faisoient semblant

B d'estre tous estonnez & d'auoir bien grande peur: car ilz frapptoient des mains sur leurs cuisses, & se mettoient à genoux deuant luy, en le suppliant de leur uouloir pardonner. Le pauvre prisonnier pensoit qu'ilz feissent tout cela à bon esciant, les uoiant ainsi humiliez & contrefaisans si bien les espouuentez, il en uenoit aucuns qui luy mettoient des souliers aux piedz, & d'autres qui luy uestoient une robe lógue à la Romaine, de peur (ce disoient ilz) qu'il ne fust une autre fois mescogneu: puis quád ilz s'estoient assez moquez de luy, & en auoient assez pris leur plaisir, tant comme ilz auoient uoulu, finablement en pleine haultemer, ilz iettoient hors le uaisseau une eschelle, & luy disoient qu'il montast dessus & qu'il s'en allast à la bonne heure: mais s'il ne uouloit descendre de luy

C mesme, ilz le poulssoient à force, & le faisoient ainsi noyer. Ceste puissance de larrons occupoit & tenoit entierement toute la mer Mediterrane en sa subiection: tellement qu'il n'y auoit marchand de sorte quelconque, qui y peust nauiger ny traffiquer. Ce qui fut la cause principale qui eueut les Romains, craignans la necessité de uiures, & attendans une grande famine, d'enuoyer Pompeius pour oster la dominatió de la mer à ces coursaies, & celuy qui premierement en meit le propos en auant fut Geminius, l'un de ses familiers, ne luy donnant pas par son edict l'authorité d'un admiral, ou d'un general de la marine seulement, ains luy donnant manifestement puissance de monarchie souveraine sur toutes sortes de personnes, sans estre subiect à rendre compte, ny à

D estre puis après syndiqué de ce qu'il auroit fait en ceste charge: car la teneur de son edict luy donnoit plein pouuoir de commander souverainement en toutes les mers qui sont entre les terres, depuis les coulónes de Hercules, & en toute la terre ferme à l'environ, iusques à uingt & cinq lieues arriere de la mer (Il y auoit pour lors bien peu de pais soubz l'empire Romain qui en fussent reculez de plus loing que cela, ains estoient compris là dessoubz de tresgrâdes natiós, & de tres puissans princes) d'auantage il luy donna aussi pouuoir d'elire du Senat quinze lieutenans pour leur departir à chascun les charges particulieres, & les quartiers q bon luy sembleroit, & de prédre argent au tresor, ou es mains des receueurs de la chose publique pour entretenir une flotte de deux céts uoiles, avec entiere puissance de leuer tant de gens de guerre, tant de galiots & de gens de rame, comme il luy en plairoit. Ceste propositiō aiant esté leuē publiquement le peuple l'aduoua & authorisa de merueilleuse affection: mais aux principaux homes & plus gens de bien du Senat, il sembla que c'estoit un pouuoir qui surpassoit toute enuie, mais qui leur apportoit occasiō de grâde crainte, de dōner ainsi à un particulier puissance si absoluë, & si peu limitee: au moie de quoy ilz s'y opposerent tous, excepté César, lequel y fauorisa, nō qu'il se souciaist de faire plaisir à Pompeius, mais pource que des lors il taschoit ia de fin-

Pompeius.

finuer en la bonne grace du peuple : mais tous les autres hommes d'honneur F
en tenferent & reprirent griefuement Pompeius, iusques à tant que l'un des Cō-
sulz luy reprocha qu'il uouloit ensuiure la trace de Romulus, mais qu'à l'aduē-
ture aussi ne faudroit il pas d'auoir une mesme fin que luy. Le peuple le cuida
assommer pour ceste parole. Catulus se presenta puis apres pour parler à l'encō-
tre de cest edict: le peuple du commencement luy donna paisible audiēce, pour-
ce que c'estoit une personne uenerable, & luy commença à deduire sans aucu-
ne demonstration d'enuie beaucoup de belles choses à la louāge de Pompeius,
& à la fin conseilla au peuple de l'espargner, & de n'exposer pas à tout propos
au dāger de tant de guerres les unes sur les autres un personnage, lequel ilz de-
uoient tenir si cher: car si uous ueniez à le perdre, dit il, quel autre auez uous que G
uous puissiez mettre en son lieu? Le peuple adōc escria tout hault, Toy mesme:
parquoy uoiant qu'il perdoit sa peine de cuider diuertir le peuple de ceste uou-
lunté, il s'en deporta. Roscius se presenta apres pour cuider aussi parler, mais il
ne peut onques auoir audience: & luy uoiant que lon ne le uouloit autrement
escouter, monstra par signe que lon ne deuoit pas bailler ceste charge à Pom-
peius seul, ains à un autre encore avec luy. Ce que le peuple n'ayant pas trouué
bon, se prit à crier si fort, qu'un corbeau uolant à l'instant par dessus, s'en esua-
nouit & tumba emmy la presse du peuple: par ou lon peut comprendre, que les
oyseaux qui tombent de l'air en terre, ne cheent pas pource que l'air agité par
aucune uehemente concussion se rompe ny se fende: mais pource que le coup H
de la uoix, quand elle est si forte & si uiolēte, qu'elle fait comme une tourmente
en l'air, les frappe & les ataint. Si fut pour ce iour là l'assemblée rompue sans y
rien arrester ny conclurre, & au iour prefix que lon deuoit faire passer le decret
par les uoix & suffrages du peuple, Pompeius s'en alla aux champs, là ou estant
aduerty comme le peuple l'auoit authorisé, il retourna & r'entra la nuit dedās
la uille pour eiter l'enuie que lon eust eue à lencontre de luy, quād on eust ueu
le mode qui fust couru de routes les parts de la uille au deuant de luy, & qui l'eust
accompagné iusques en sa maison. Le lendemain au matin sortant en public,
il sacrifia aux Dieux, & luy estant donnée audience en pleine assemblée du peu-
ple, il feit de sorte que lon luy adiouxta encore beaucoup de choses à son pou- I
voir, au double presque de l'appareil qui luy auoit esté ordonné au premier de-
cret: car il obtint que le public luy armeroit cinq cents uaisseaux, & luy leua
lon bien six uingts mille combattāns à pied, & cinq mille à cheual, & choisit
on dedans le Senat uingt & quatre personnages qui tous auoient eu gouuerne-
mens & charges d'armes, & quand & quand deux tresoriers generaux. Sur ces
entrefaittes les uiures d'aduenture rauallerent, dont le peuple estant fort aise,
prit occasion de dire, que le seul nom de Pōpeius auoit desia amorty ceste guer-
re. Toutefois il diuisa toute la mer d'entre les terres en treze regions, en chascu-
ne desquelles il ordonna certain nombre de uaisseaux, & par dessus un deses
lieutenans: ainsi aiant espandu ses forces par tout, il enueloppa dedans ses retz K
tous les uaisseaux des coursaies qui se trouuoient ensemble en flotte: & les aiant
pris, les feit tous tirer en terre: mais ceulx qui festoient de bonne heure des-
bandez, ou qui autrement peurent eschapper de ceste chasse generale, s'en foy-
rent tous cacher en la Cilicie, ne plus ne moins que les Abeilles en leur ruche,
contre lesquelz il uoulut aller luy mesme en personne avec soixante des meil-
leurs uaisseaux: toutefois il ne passa point pour y aller, que premierement il
n'eust nettoyé toute la mer de la Thoscane, les costes de la Libye, de la Sarda-

A gne, de la Sicile, & de la Corſe, de tous ces larrons, qui parauât y ſouloient eſcumet, ce qu'il eut fait en l'eſpace de quarante iours, moienant une peine infinie qu'il en prit, & la bonne diligence que feirent auſſi ſes lieutenans. Mais cōme l'un des Conſulz nommé Piſo, par deſpit & enuie qu'il portoit à ſa gloire, feiſt tout le deſtoubrier qu'il pouuoit à ſon appareil, & entre autres choſes, luy euſt caſſé ſes hommes de rame, il enuoya deuât ſes uaiſſeaux faire le tour de l'Italie pour ſe rendre en la uille de Brundufium, & luy ſ'en alla ce pendant par la Thoſcane à Rome, là ou ſi toſt qu'il fut ſceu qu'il uenoit, tout le peuple ſ'eſpandit hors la uille pour luy aller au deuant, cōme ſil y euſt eu ia long temps qu'il fuſt ſorty: car ce qui augmentoit encore d'auâtage l'aïſe que le peuple auoit de

B le ueoir, c'eſtoit la mutation plus prompte & plus ſoudaine qu'ilz n'auoient eſperé, des uiures qui arriuoient tous les iours en abondance de tous coſtez, tellement qu'il ſ'en fallut bien peu, que Piſo ne fuſt priué & depoſé de ſon Conſulat: car Gabinius en auoit ia le decret tout eſcrit & preſt à preſenter au peuple, mais Pompeius l'en engarda: & apres auoir moienné & fait tout doucement, ce qu'il auoit à faire, il ſe rédit en la uille de Brundufium, là ou il monta en mer & fait uoile. Et cōbien qu'il fuſt ſi preſſé du temps & de l'occaſion en ce uoiage, qu'il paſſoit au long des bonnes uilles ſans entrer dedâs, tant il auoit de haſte: ce neantmoins il ne uoulut point ainſi paſſer la uille d'Athenes, ains y deſcendit en terre, & apres y auoir ſacrifié aux Dieux & ſalué le peuple, ſ'en retourna

C r'embarquer, & en ſortant de la uille, il leur deux eſcripteaux qui auoient eſté faits en ſa louange, l'un au dedans de la porte, qui diſoit,

D' autant es tu Dieu, cōme

Tu te recognois homme:

Et l'autre au dehors de la meſme porte, qui diſoit,

Nous t'attendions, nous te uoions,

Nous t'adorons, & conuoyons.

Et pource qu'ayant pris quelques courſaires de ceulx qui ſoy tenans encore enſemble alloient eſcumans la mer ça & là, il les traitta humainement quand ilz luy requirét pardon, & tenans leurs uaiſſeaux & leurs perſonnes en ſa puiſſance, ne leur feit mal quelconque, leurs compagnons en prenans bonne eſperance, ſouyrent les autres capitaines, ſes lieutenans, & ſ'allèrent rendre, eulx, leurs femmes, & leurs enfans, entre ſes mains. Pompeius leur pardonna à tous ceulx qui ſe rendirent uoluntairement, par le moien deſquelz il uint à deſcouurir & à ſuyre à la trace les autres, qu'il prit à la fin, leſquelz ſe ſentans coupables de cas irremiſſibles ſe cachotent: toutefois le plus grand nombre d'iceulx, & les plus riches & plus puiſſans auoient retiré leurs femmes, leurs enfans, leurs biés, & tout leur peuple inutile à la guerre, dedans des chasteaux & petites uillettes fortes du mont de Taurus, & ce qu'il y auoit d'hommes de deſence ſ'embarqua ſur leurs uaiſſeaux deuant la uille de Coraceſium, là ou ilz attendirent Pompeius, & luy donnerent la bataille, en laquelle ilz furent deſfaits premierement en mer, puis aſſiegez en terre: mais tantost apres ilz requirerent qu'on les priſt à mercy, & ſe rendirent eulx, leurs uilles, & leurs iſles qu'ilz auoient fortifiez, de ſorte qu'elles eſtoient bien malaiſees non ſeulement à forcer, mais auſſi à approcher. Ainſi fut ceſte guerre achetuee, & tous les courſaires, en quelque part ou endroits qu'ilz fuſſent, chaeſez hors de la mer en l'eſpace de trois mois, & non plus. Si y gaignâ grand nombre de tous autres uaiſſeaux, oultre quatre uingts & dix galeres armees d'eſperons d'arain: & quant aux perſonnes, qui

Pompeius.

estoyent plus de uingt mille, il ne meit pas seulement en deliberation, si les F
deuoit faire mourir: mais aussi de les laisser aller & s'escarter à leur uolunté, ou
bien se rassembler encore derechef, ueu qu'ilz estoient en si grand nombre, pres-
sez de la pauureté, & tous hommes de guerre, il ne luy sembla pas que ce fust sa-
gement fait. Parquoy discourant en luy mesme que l'homme de sa nature n'est
point un animal indomptable ny farouche de soy mesme, ains au contraire,
qu'il sort hors de son propre & de son naturel, quand il s'addonne à uice, & qu'il
s'appriuoise par accoustumance petit à petit, & par changemens de lieux & de fa-
çons de uiure: attendu que les bestes mesmes qui de leur nature sont sauuages &
farouches, s'addoucisent bien & despouillent leur fierté naturelle, en les accou-
stumant peu à peu à une uie plus douce: il resolut de transporter ces Courfaires G
de la mer en la terre, & leur faire gouter la uie iuste & innocente, en demourant
es uilles, & labourant la terre. Si en logea aucuns dedans quelques petites uilles
des Ciliciens qui estoient à demy desertes, & qui pour ceste cause les receurent
uoluntiers, moienant qu'on leur bailla des terres pour les nourrir. La uille
aussi des Soliens auoit nagueres esté destruite & depuelee par Tigranes le
Roy des Armeniens: la uoulant remettre sus, il y en meit un nombre: & en lo-
gea semblablement plusieurs en la uille de Dyme au pais d'Achaie, q lors auoit
faulte d'habitans, & tenoit grande quantité de belles & bonnes terres. Or quant
à cela, ses ennieux & malueillans l'en blasmoient: mais quant à ce qu'il feit en
Candie, ceulx mesmes qui estoient ses plus grands & meilleurs amis, ne s'en pou- H
uoient contenter. Car Metellus qui estoit parent de celuy qui auoit fait la guer-
re quand & luy en Hespagne à l'encontre de Sertorius, auoit esté enuoyé Præteur
& gouverneur en Candie auant que Pompeius fust eleu capitaine general à l'en-
contre des Courfaires, pource que la Candie estoit comme la seconde resniere
& retraite de ces larrons, apres la Cilicie: & Metellus y en aiant trouué un grand
nombre, les alloit par tout exterminant & les faisoit mourir là ou il les rencôn-
troit: mais ceulx qui s'estoient peu sauuer iusques là, estans estroitement assie-
gez, enuoyerent deuers Pompeius le requerir de leur uouloir pardonner & les
prendre à mercy, en luy remonstrant que celle isle estoit dedans les bornes de
sa charge, comme celle qui en tous endroits que lon eust sceu la prendre uenoit I
à se rencontrer au dedans de la mesure que lon luy auoit prefixe sur la terre arrie-
re de la mer. Pompeius les receut à mercy, & escriuit à Metellus qu'il se depor-
tast de continuer ceste guerre, & quand & quand feist sçauoir aux uilles qu'elles
n'eussent à obeir à ses commandemens: puis enuoya l'un de ses lieutenans Lu-
cius Octavius, lequel entra dedans les uilles que Metellus tenoit assiegees, & cō-
battit pour les courfaires. Cela rendit Pompeius, non seulement enuié & haï,
mais aussi subiect à mocquerie, de prester ainsi la sauuegarde de son nom à des
meschans larrons qui n'auoient ne Dieu, ne loy, & leur attacher son autorité,
ne plus ne moins qu'un preseruatif, à fin de les respirer de la mort, pour une en-
uie & opiniaistreté qu'il prit à l'encontre de Metellus. Car à bon droit reprend K
on mesme Achilles, & dit on qu'il ne feit point en homme sage, ains en ieune
fol estourdy, & transporté par conuoitise d'honneur, en ce qu'il faisoit signe
aux autres Grecs au fort de la bataille, & leur defendoit de tirer coup à Hector,
ainsi que dit Homere:

Que c'est honneur autre ne luy leuaft,

Et que trop tard puis il n'y arriuaft.

Mais Pompeius feit bien pis: car il combattit pour des communs ennemis de

- A tout le monde, à fin de priuer de l'honneur du triumphe un prateur Romain, qui auoit beaucoup trauaillé pour les destruire & exterminer: toutefois Metellus ne desista point pour ses defences, ains aiât pris d'assault les Coursaires, les fait executer à mort, & après auoir fait & dit plusieurs oultrages & iniures à Octavius parmy son camp, le laissa en fin aller. Si tost que la nouuelle fut arriuee à Rome que ceste guerre de Coursaires estoit entierement paracheuee, & que Pompeius n'ayant plus que faire, alloit uisitant les uilles, il y eut un Tribun du peuple nommé Manilius, qui proposa une autre decret au peuple, que Põpeius prenant toutes les forces & toutes les prouinçes qui estoient lors dessoubs la charge de Lucullus, & de plus toute la Bithynie, que tenoit aussi Glabrio, allast faire la guerre aux roys Tigranes & Mithridates, retenât oultre cela tousiours son armee de mer, & sa puissance sur la marine en la mesme qualite & condition qu'il la tenoit au parauant. Cela estoit, à brief parler, soubmettre à un seul homme toute la puissance entiere de l'empire Romain: car les prouinçes ausquelles sa premiere commission ne s'estédoit, comme la Phrygie, la Lycaonie, la Galatie, Cappadocie, Cilicie, la haulte Colchide, & l'Armenie, toutes luy estoient adioutees par ceste seconde, avec les armées & les forces desquelles Lucullus auoit desia battu ces deux puissans roys. Si ne s'arrestoient pas tant ceulx du Senat au tort que lon faisoit en cela à Lucullus, que lon priuoit de la gloire de ses propres faicts, pour la donner à un autre, qui luy succederoit plus tost à l'honneur du triumphe, que non pas au trauail ny au peril de la guerre, combien qu'ilz cogneussent euidément que lon luy faisoit une grande iniustice, & luy uoist on d'une tresgrande ingratitude: toutefois, cela, dis-je, ne les mouuoit pas encore tant, comme il leur desplaisoit de ueoir establir la puissance de Pompeius en une manifeste tyrânie, & pourtant alloient s'admonestans les uns les autres, & s'entredonnant courage de resister fort & ferme à cest edict, & de ne laisser point ainsi perdre leur liberté. Toutefois quâd le iour fut escheut, auquel le decret deuoit estre passé, ilz eurent si grande peur d'irriter le peuple, que le courage leur faillit à tous, & n'y eut personne qui ozaist dire un mot à l'encôtre, sinon Catullus, qui l'accusa & le blasma fort longuement: mais
- D à la fin uoiant qu'il ne pouuoit gagner un seul homme du peuple, il se prit à crier aux Senateurs à haulte uoix par plusieurs fois, qu'ilz aduisassent donques de trouuer quelque montagne ou quelque haulte roche, sur laquelle ilz se peussent retirer pour sauuer & defendre leur liberté, ainsi comme autrefois anciennement auoient fait leurs ancestres. Mais nonobstant tout cela, le decret fut passé & autorisé par les uoix de toutes les lignees, à ce que lon dit: & par ainsi fut Pompeius absent fait seigneur presque de tout ce que Sylla par force d'armes & effusion de sang humain, s'estant fait maistre de Rome, auoit eu en sa puissance. Quand il receut les lettres par lesquelles on luy madoit ce qui auoit esté ordonné par le peuple en sa faueur, lon dit qu'en la presence de ses familiers amis, qui lors estoient autour de luy, & s'en esiouissoient avec luy, il fronça ses sourcilz & frappa sa cuisse, comme estant desormais fasché & ennuyé de tant de charges les unes sur les autres, en disant: O Dieux ne seray-ie dôques jamais au bout de tât de trauaux? N'eust il pas miculx ualu pour moy, que i'eusse esté quelque petite personne basse & incogneue, que d'estre ainsi continuellement à la guerre le harnois sur le dos? Ne uerray-ie jamais le temps, que me depesrant des lacs de ceste enuie, ie puisse uiure doucement avec ma femme & mes enfans, aux champs en ma maison? Telles paroles alloit disant Pompeius:

Pompeius.

mais ses plus priuez amis mesmes, ne peurent endurer ne supporter ceste trop
euidente simulation, cognoissans tresbien que oultre son ambiriõ naturelle &
conuoitise de dominer, il estoit trefaise d'auoir obtenu ceste charge, pour le
different & la querelle qu'il auoit avec Lucullus: aussi le descourirent bien in-
continent les effectz. Car il enuoya soudain ses mandemens par tout, par les-
quelz il enioignoit trefexpressemēt à toutes sortes de gens de guerre qu'ilz eus-
sent à se retirer par deuers luy, & quand & quand feit aussi uenir tous les prin-
ces & roys compris dedans le destroit de sa charge, & en allant par pais ne
laisa rien qu'il ne remuast & changeast de tout ce que Lucullus auoit fait &
ordonné, iusques à remettre à plusieurs les peines & à oster les graces qu'il auoit
donnees, & s'opiniastra en somme à faire toutes choses pour donner à cognoi-
stre à ceulx qui suyuoiet & honoroiet Lucullus, qu'il n'auoit autorité ne puis-
sance quelconque: de quoy comme Lucullus feist ses plaintes, leurs amis furent
d'aduis qu'ilz s'entreueissent pour parler l'un avec l'autre, ce qu'ilz firent au
pais de la Galatie: & comme deux grãds chefs d'armees Romaines qui auoiet
fait de belles & triumpantes choses, les sergens portoient deuant eulx les fai-
sceaux de uerges entortillees de rameaux de laurier. Mais quand ilz se rencon-
trèrent, Lucullus uenoit de lieux couuers & umbragez d'arbres & de uerdure, &
Pompeius au contraire auoit passé par un grand pais aride & sec, ou il n'y auoit
arbre quelconque: parquoy les sergens de Lucullus uoians les branches de lau-
rier que portoient ceulx de Pompeius toutes seiches & fenees, leur en baillè-
rent des leurs qui estoient fresches & uertes, dont ilz ornerent & entortillerent
leurs uerges & leur haches. cela sembla proprement estre un signe que Pom-
peius uenoit pour oster & emporter le pris d'honneur à Lucullus. Or auoit Lu-
cullus esté Consul deuant Pompeius, aussi estoit il plus âgé que luy: mais la di-
gnité de Pompeius estoit plus grande, d'autant qu'il auoit desia triumphe par
deux fois. Si furent leurs propos à la premiere rencontre les plus gracieux & les
plus honestes qu'il est possible: car ilz magnifierent honorablement les haults
faictz l'un de l'autre, & dirent qu'ilz s'esioiſsoient chascun de la prosperité de
son compagnon: mais à la fin la conclusion n'en fut ny belle ny bonne, ains
uindrent iusques à grosses paroles, Pompeius reprochant à Lucullus son aua-
rice, & Lucullus à Pompeius son ambition, de sorte que leurs amis eurent bien
à faire à les departir. Sortant de là Lucullus distribua des terres en la Galatie,
comme par luy conquises, & donna d'autres graces & presens à qui bon luy
sembloit: & Pompeius estant campé assez pres de luy defendoit par mandement
qu'il enuoyoit par tout, que lon n'obeist à chose quelconque qu'il ordonnast,
& si luy osta tous ses gens de guerres, exceptez seize cents, encore estoient ce de
ceulx qu'il estimoit qui luy seroient inutiles pour leur arrogance, & qui uou-
loient mal à Lucullus. D'auantage pour diminuer la gloire de ses faictz, il di-
soit publiquement, que Lucullus auoit combattu la pompe & la monstre seu-
lement de ces deux Roys, & luy auoit laissé à combattre leur uraye, saine, & as-
sagie puissance, pource que Mithridates auoit lors mis son recours aux armes,
aux pauois, espees & cheuaux: & Lucullus pour sa reuence disoit, que Põpeius
s'en alloit combattre à un fantasme, & à une ombre seulémēt, ne plus ne moins
q'un oyseau de cuer lasche, aiāt tousiours accoustumé de se ietter sur des corps
morts que d'autres ont portez par terre, & à uenir dissiper les reliques des guer-
res faittes par autrui, cõme il auoit fait, en s'attribuant l'honneur de la desfaitte
de Sertorius, de Lepidus, de Spartacus, là ou Metellus, Crassus & Catulus les
auoient

A auoiēt desfaits: & pourtāt qu'il ne falloir point s'esmerueiller s'il auoit cherché les moiens de se faire supposer à la gloire & aux triūphes des royaumes de Pont & d'Armenie, ueu qu'il auoit tant fait par ses menées, qu'il festoit ingeré, comment que ce fust, iusques au triumphe des esclauē fugitifz. Depuis Lucullus s'en estant party, Pompeius disposa bonnes garnisons par toutes les costes & mers qu'il y a depuis la prouince de la Phœnicie, iusques au royaume du Bosphore, & cela fait, prit son chemin par terre pour aller en personne trouuer Mithridates, lequel auoit en un camp trente mille hommes de pied, & deux mille chevaux ensemble, & neantmoins ne s'ozoit atout cela presenter à la bataille, ains festoit campé premierement dessus une montagne forte d'affiette, & mal-aisée à assaillir, toutefois il l'abandonna depuis, à cause qu'il n'y trouuoit point d'eau: mais il n'en fut pas plus tost party, que Pompeius s'en faist incōtinent: & coniecturant par la nature des plātes & des arbres qui y uerdoioient, & semblablement par des uallons & cauains qu'il y uoyoit, que selon raison il y deuoit aussi auoir des sources de fontaines, il commanda que lon y creusast depuis par tout, de maniere qu'en peu d'heure son camp eut tresgrande abondance d'eau, & s'esmerueilla fort comment Mithridates auoit ignoré cela si lōguement: à la fin, il alla camper tout à l'entour de luy, & l'enferma de muraille dedans son propre camp, là ou apres auoir enduré le siege quarante & cinq iours, Mithridates avec l'esliré de toute son armee s'en fouit, sans que Pōpeius en aperceust rien, ayant premieremēt fait occire toutes les personnes inutiles & les malades de son camp. Depuis Pompeius le retrouua une autre fois pres la riuierē d'Euphrates, & s'en alla loger tout ioignant luy: mais craignant qu'il ne passast la riuierē premier qu'il y peust estre à temps pour l'empescher, il feit desloger son armee & marcher en bataille des la minuit: enuiron laquelle heure iustement, on dit que Mithridates eut en songe une uision qui luy pronostiquoit ce qui luy deuoit aduenir: car il luy fut aduis, qu'ayant le uent en poupe il cingloit à pleines uoiles au beau milieu de la mer de Pōr, & qu'il uoyoit desia le destroit du Bosphore, dont il s'esioiſſoit fort & en faisoit grāde feste à ceulx qui nauiguoier quand & luy, comme celuy qui pensoit estre desia certainemēt arriuē à port de salut, mais que soudain il se trouua destituē de toutes choses errant à la mercy des uērs parmy les undes de la mer sur une petite piece de sa nauire rompue. Et comme il estoit en la destresse de ceste illusion, il arriua quelques uns de ses plus familiers, qui luy dirent, que Pompeius estoit desia si pres d'eulx, qu'il n'y auoit plus autre ordre, sinō qu'il falloir combattre pour defendre leur camp. Si commencerent incōtinent les capitaines à renger les troupes en bataille pour combattre: & Pompeius estāt aduertie qu'ilz se preparoier pour le receuoir, feit doute d'exposer ses gens au hazard du combat en tenebres, & fut d'aduis qu'il ualloit mieulx les enfermer seulement tout à l'entour pour leur oster tout moien de s'en pouuoir fouir, puis quand le iour seroit uenū qu'il les feroit alors assaillir tout à l'aise par ses gens qui estoient meilleurs combattans: mais les plus uieux capitaines & chefz des bendes luy feirent tant de prieres & tant de remonstrances, que finablement ilz l'emeurent à faire tout promptement donner l'affault, pource qu'il ne faisoit pas si obscur que lon ne ueist du tout goutte, à cause que la Lune qui estoit basse, & prochaine de son coucher, rendoit encore assez de clarté pour ueoir les corps des hommes: mais pource qu'elle baissoit fort, les umbres qui festendoient bien plus loing que les corps, ataignoient de tout loing les ennemis, de sorte qu'ilz ne pou-

Pompeius.

uoient pour cela iuger certainement la uraye distance qu'il y auoit iusques à eulx, & comme filz eussent esté tout au pres d'eulx, ilz leurs lanceoient leurs dards & iauelots dont ilz n'assenoient personne, pource qu'ilz estoient trop loing. Ce que uoians les Romains, leur coururent sus avec grands cryz: mais les Barbares ne les oserent attendre, ains s'effroyerent, & leur tournerét le dos fuyans à ual de rouverte, là ou il en fut fait une grãde boucherie: car il y en eut de tuez là plus de dix mille, & fut leur camp mesme pris. Quant à Mithridates, il fendit la presse des Romains des le commencement de la meslee, avec bien enuiron huit cents cheuaux, & passa oultre: mais incōtinent ses gens s'escarterét, les uns deça, les autres dela, en maniere qu'il se trouua seul avec trois autres, dōc l'un estoit Hypsicratia l'une de ses cōcubines, laquelle auoit bien tousiours esté hardie & auoit eu cuer d'homme, tellement que Mithridates pour l'amour de cela l'appelloit Hypsicrates: mais lors estāt uestue en homme d'armes Persien, & aiāt le cheual de mesmes, elle ne se trouua iamais lasse ny recreuē pour quelques lōgues courses que feist le Roy, ny iamais ne se lassa de seruir sa personne, ny de penser son cheual, iusques à ce qu'ilz arriuerent en un chasteau fort, qui s'appelloit Inora, qui estoit plein d'or & d'argent, & d'autres precieux meubles du Roy. Si y prit Mithridates force riches accoustremēs, qu'il distribua à ceulx qui se r'assemblerent là autour de luy, & donna à chascun de ses amis un mortel poison pour porter quand & eulx, à fin que nul d'eulx ne tumbast uif fil ne uouloit, entre les mains des ennemis. De là il uolut prendre son chemin en Armenie deuers le roy Tigranes: mais Tigranes le luy enuoya au deuant defendre, & qui plus est, feit crier à son de trompe, qu'il dōneroit * cent talents à qui l'occirroit: au moie de quoy, passant la source du fleue d'Euphrates, il s'en fouit à trauers le pais de la Colchide. Ce pendant Pōpeius entra dedans le pais d'Armenie à l'instance du ieune Tigranes, qui s'estoit desia rebellé contre son pere, & estoit allé r'encontrer Pōpeius sur la riuere d'Araxes, laquelle sourd es mesmes lieux presque que fait celle d'Euphrates: mais elle prent son cours deuers le soleil leuant, & ua tumber en la mer Caspiene. Si marcherent auāt en pais eulx deux ensemble, receuans les uilles qui se rendoient à eulx. Mais le roy Tigranes, qui peu auant auoit presque esté destruit & ruiné par Lucullus, entendant que Pompeius estoit doux & bening de sa nature, receut garnison en ses fortes places & ses maisons royales, & prenant avec soy ses parents & amis, se mit en chemin pour aller se rendre luy mesme à Pompeius. Quād il fut arriué, estāt à cheual iusques tout ioignant la closture du camp, il en sortit deux sergens de Pompeius, qui luy feirent commandement de descendre de cheual, & entrer dedās à pied, pource que iamais on n'auoit ueu hōme à cheual dedans le camp des Romains. Tigranes non seulement obeir à cela, mais d'auantage desceignit son espee qu'il leur bailla: & finalement quand il fut assez pres de Pompeius, ostāt son chapeau royal de dessus sa teste, il le uolut mettre deuant les piedz de Pōpeius, & en se prosternant en terre le plus honteusement du monde se demettre iusques à luy embrasser les genoux: mais Pompeius luy mesme le preuint, & le prenant par la main le mena seoir au pres de luy à l'un de ses costez, & son filz à l'autre, puis leur dit à tous deux, Quāt aux autres pertes que uous auez faittes il uous en fault prendre à Lucullus, lequel uous a osté la Syrie, la Phœnicie, Cilicie, Galarie, & la Sophene: mais ce q uous est demouré iusques à mō temps, ie le uous laisse encore, en paiāt aux Romains pour l'amēde du tort que uous leur auez fait * six mille talents, & ueux que ton filz ait pour sa part la So-

* Soixante mille
escus.

* Trois millions
six cents mille
escus.

A phene. Tigranes accepta ces conditions de paix, & adonc les Romains le saluerent Roy, dont il fut si aise, qu'il promet de donner à chasque simple soldat la ualeur de cinq escus, & à chasque centenier cent, & à chasque coulonnel de mille hommes six cents : mais son filz en fut au contraire tres mal content: tellement que Pompeius l'ayant enuoyé semondre d'aller soupper en son logis, il feit responce que ce n'estoient pas de telles faueurs, ny de telz hõneurs qu'il attëdoit de Pompeius, pource qu'il trouueroit assez d'autres Romains qui luy en feroient autant. Pour ces paroles Pompeius le feit prendre prisonnier, & garder pour estre mené en triumphé à Rome. Peu de temps apres Phraates roy des Parthes enuoya deuers Pompeius luy demander ce ieune prince, comme estant son gendre, & quand & quand luy remonstrer qu'il se deuoit contenter de terminer ses conquestes à la riuere d'Euphrates. A quoy Pompeius luy feit responce, que le ieune Tigranes touchoit de plus pres à son pere qu'à son beau pere: & quant aux bornes de ses conquestés, qu'il les limiteroit là ou le droit & la iustice le requerroit. Au demourant laissant Afranius en l'Arménie pour la garde du pais, il passa à trauers les nations qui habitent au lóg du mont de Caucasus, poursuiuant Mithridates, desquelles natiõs les deux plus grandes & plus puissantes sont les Albanien & les Hiberien, dont les Hiberien s'estendent iusques aux montaignes Moschiques & au royaume de Pont, & les Albanien gisent deuers le Soleil leuant, & la mer Caspiene. Cetylz cy du commencement

C otroyerët passage par leurs terres à Põpeius qui le leur enuoya demander. Mais l'hyuer surprit les Romains en leur pais, & avec cela la feste des Saturnales escheut aussi pendant qu'ilz y estoient. Et lors les Barbares s'assemblerent plus de quarante mille cõbattans en un camp, & passans la riuere de Cyrnus, laquelle descend des montaignes Hiberienés, & receuant celle d'Araxes qui passe à trauers l'Armenie, se ua descharger par douze bouches en la mer Caspiene: toutefois les autres disent que ce Cyrnus ne reçoit pas l'Araxes, mais qu'il uà à par soy tumber en la mesme mer pres des bouches de l'autre: passans, dis-je, la riuere d'Araxes, ilz allerent courir sus aux Romains. Pompeius les eust bien peu garder de passer la riuere s'il eust uoulu, mais neantmoins il les laissa passer à

D leur aise, puis quand ilz furent tous passez, il leur alla à l'encontre & les desfeit en bataille renee, & en occit sur le champ un tresgrand nombre: toutefois depuis il pardonna l'offence à leur Roy, qui l'en enuoya requerir par ambassadeurs expres, & feit paix avec luy: & partant de là tira contre les Hiberien, qui n'estoiet pas moins en nombre que les premiers, mais bien meilleurs combattans, & qui desiroient singulierement faire quelque bon seruice au besoing à Mithridates, & repoulser arriere Põpeius. Ces Hiberien ne furent iamais subiects à l'empire ny des Perses, ny des Medois, & si eschapperent la subiection mesme des Macedoniens, pour autant qu'Alexandre ne l'arresta point au pais de Hyrcanie: toutefois Pompeius alors les desfeit en une grosse & sanglante

E bataille: car il en demoura neuf mille morts sur la place, & en fut pris bien dix mille: puis au sortir de là il entra dedans le pais de la Colchide, là ou Seruilius l'alla rencontrer ioignant la riuere de Phasis avec la flotte de uaisseaux, dont il gardoit la mer de Pont. Or d'aller poursuiure Mithridates qui festoit caché parmy les nations uoissines du destroit de Bosphore & des maretz Mæotides, il y auoit beaucoup de difficultez: & d'auantage, il eut encore nouuelles que les Albanien festoient une autre fois rebellez, contre lesquelz son courroux & obstiné desir d'en faire la uengeance le tiroient: à l'occasion de quoy il repassa

Pompeius.

derechef la riuere de Cyrnus, avec grande peine & grand danger: pource que les Barbares auoient remparé un long espace de l'autre riue, avec force arbres grâds & gros, trauez en croix: & encore apres qu'il l'eut à toute peine trauezsé, il se trouua en un fascheux pais, ou il auoit à faire bien l'og chemin sans trouuer aissance d'eau quelconque: au moien dequoy il feit emplir d'eau bien dix mille peaux de cheure, & marcha en auant pour rencontrer ses ennemis, qu'il trouua aupres de la riuere d'Abas, ou ilz auoient soixante mille combattans à pied, & douze mille à cheual, mais tous mal armez, de peaux de bestes sauuages la pluspart. Leur chef estoit le frere propre du roy nommé Cosis, lequel quand se uint aux coups de main, s'adressa à Pompeius mesme, & luy tira un coup de iauelot qui l'assena à l'endroit propre ou se lace le corps de cuyrassé: mais Pompeius luy en tira un autre d'une iaueline, dont il le percea de part en part, & le porta roide mort en terre. Aucuns disent qu'en ceste bataille il y eut des Amazones qui combattirēt du costé des Barbares, estans descendues des mōtagnes qui sont au long du fleue de Thermodon, pource qu'apres la desconfiture, les Romains en despouillant les morts trouuerēt des boucliers & des brodequins, telz q̄ fouloient porter les Amazones: mais il ne sy trouua iamais un seul corps de femme: aussi habitent elles au costé de la montagne de Caucasus, regardāt uers la mer d'Hyrkanie, & ne confinent point aux Albaniēs, ains y a entredeux les Geles & les Leleges, avec lesquelz elles hantent deux moys par chascun an seulement, se trouuans ensemble au long de la riuere de Thermodon, & tout le reste de l'annee elles uiuent & demeurent à part. Apres ceste derniere bataille, Pompeius s'estant mis en chemin pour penetrer iusques au pais de Hyrcanie, & à la mer Caspiene, il fut contraint de s'en retourner arriere pour la multitude grande des serpens uenimeux & mortelz qu'il y trouua, en estat approché de trois iournees. Si s'en retourna en Armenie la mineur, là ou il receut des presens que luy enuoyerent les Roys des Elymiens & des Medois, & leur rescriuit amiablement: mais il enuoya Aphranus avec partie de son armee contre le Roy des Parthes, lequel estoit entré en armes dedans la prouince Gordiane, ou il trauailloit les subiects du roy Tigranes: mais il en fut chassé, & poursuuy iusques à l'Arbelitide. Au demourant de toutes les amies & concubines du roy Mithridates qui luy furent amenees, il n'en cogneut iamais pas une, ains les renuoya toutes à leurs parents & amis, pource qu'elles estoient la pluspart filles de Princes, Seigneurs, ou Capitaines. Toutefois Stratonice celle qui auoit plus de credit autour de luy, & à qui il auoit baillé en garde le chasteau ou estoit la plus grande quantité de son or & de son argent, estoit fille d'un Musicien chantre, lequel n'estoit au demourant gueres riche; sinon d'ans, dont il estoit fort chargé. Mais aiant un soir en un festin chanté deuant Mithridates, elle le raut si fort de son amour, qu'il uolul la nuit mesme l'auoir à coucher avec luy, & son uieillard de pere s'en alla en sa maison tout fâché, de ce que le Roy ne luy auoit pas daigné dire seulement une gracieuse parole: mais le lendemain matin à son resueil, il fut tout esbahy qu'il trouua en son logis les tables toutes chargees de uaisselle d'or & d'argent, une grāde suite de seruiteurs, de ualēts de chambre & de pages, & qu'on luy apporta de fort beaux & riches accoustremens, & deuant la porte un cheual biē équipé, ainsī comme l'estoient ceulx des mignons du Roy, quand ilz uouloient aller par la uille. Si pēsa que ce fust un tour de mocquerie dont on luy uolust iouer, tellement qu'il s'en uolul foudrir, n'eust esté que les seruiteurs le reteindrent, qui luy

dirent

- A dirent, que c'estoient les biens d'un grand riche homme de naguères mort, que le Roy luy auoit donnez, & que tout ce qu'il en uoyoit là n'estoit qu'un eschantillon, par maniere de parler, au pris des autres meubles & possessions qui estoient en celle succession: ainsi commençant petit à petit à le croire, il uestit à grande peine la robe de pourpre que l'on luy auoit apportee, & montant à cheual s'en alla promener par la uille, criant, Tout cecy est à moy, tout cecy est à moy. Dequoy come quelques uns se mocquassent, il leur dit qu'ilz ne se deuoient point esmerveiller de l'ouir crier ce qu'il disoit, mais plus tost de ce qu'il ne iettoit des pierres à ceulx qu'il rencôtroit parmy les rues, tant il estoit transporté de ioye hors de soy. Stratonice donques estant nee de telle race & de tel sang, liura la place entre les mains de Pompeius, & luy offrit encore plusieurs beaux & riches presens, dont il ne prit que ceulx qui pouuoient seruir ou à orner les temples des Dieux, ou à embellir son triumphe, & uoulut que Stratonice reteint tout le demourât pour elle. Semblablement aussi, luy aiant le Roy des Hiberiens enuoyé un chalit, une table, & une chaire, le tout d'or massif, en le priant de les uoloir recevoir deluy en don, il consigna le tout entre les mains de ses tresoriers pour en tenir compte à la chose publique. En un autre chasteau nommé Canon, il trouua quelques papiers & quelques lettres missiues secretes de Mithridates qu'il leut avec grand plaisir, pource que par icelles il descouuroit euidentement qu'elle estoit la nature de ce Roy: car il y auoit des memoires, par lesquelles il apparoissoit qu'il auoit empoisonné, oultre plusieurs autres, son propre filz Ariarathes, & Alceus le Sardianic, pource qu'il auoit emporté deuant luy le pris de la course des cheuaux. Il y auoit aussi des interpretations de songes que luy ou ses femmes auoient songez, & des lettres lasciuues d'amour, de Monime à luy, & de luy à elle. Theophanes dit d'auantage que l'on y trouua un discours de Rutilius, par lequel il luy suadoit & l'incitoit à faire mourir tous les Romains qui estoient en l'Asie, ce que toutefois l'on estime avec grande raison estre un mensonge malignement controuué par cestuy Theophanes, lequel haïssoit Rutilius, pour autant à l'aduenture qu'il ne luy ressembloit en chose quelconque: ou peult estre aussi pour gratifier à Pompeius, le pere duquel Rutilius deserit en ses histoires pour le plus meschant homme du monde. Au partir de là Pompeius tira vers la cité d'Amisus, là ou son ambition le conduisit à faire des actes, par lesquels il se cōdemnoit soy mesme en ce, que au parauant aiant fort repris & blasme Lucullus, de ce que uiuant encore l'ennemy, il auoit fait des mandemens & ordonnances, distribué des dons, & conferé des honneurs, que les capitaines uictorieux auoient accoustumé de faire apres que la guerre estoit de tout point acheuee, & qu'ilz l'auoient cōduitte à fin: luy mesme, estant encore Mithridates au royaume de Bosphore le plus fort, & y aiant assemblé une grosse & puissante armee, fait tout ce qu'il accusoit & reprenoit en autrui, ordonnant des prouinces, & distribuât des dons & presens à chascun selō son merite: estans là uenus deuers luy douze roys Barbares, avec plusieurs autres princes, seigneurs, & capitaines, pour aux quelz gratifier, en rescriuant au roy des Parthes, il ne daigna mettre le tiltre que les autres auoient accoustumé de luy donner en la superscription de leurs lettres, le nōmans le Roy des Roys. Mais il luy prit une grande enuie & grand desir de recouurer la Syrie & de penetrer à trauers l'Arabie iusques à la mer rouge, à fin d'estendre ses uictoires & conquestes de tous costez, iusques à la grande mer Oceane, qui enuironne la terre. Car en la Libye il fut le premier des Romains qui alla uictorieux iusques à la

Pompeius.

grande mer, & d'autre costé en Hespagne il eslargit l'empire Romain, & le termina à l'Ocean Atlantique : & pour le troisieme costé nagueres en poursuiuant les Albaniens, il s'en fallut bien peu qu'il n'atteinist iusques à la mer d'Hyrkanie. Si se meit en chemin avec intèrion d'estendre le circuit de son uoiage iusques à la mer rouge, mesmement qu'il uoyoit que Mithridates estoit bien mal aisé à chasser & à prendre par armes, & plus difficile à uaincre quand il fuyoit que quand il combattoit, au moien dequoy il dit qu'il luy laisseroit à la cuerre un plus fort & plus aspre ennemy que soy mesme, ce seroit la famine: car il ordonna des gardes avec nombre suffisant de uaisseaux, pour espier les marchâds qui nauigueroyent au païs de Bosphore pour y porter uiures ou autres marchâdis, aiant estably peine de mort à ceulx qui le feroiét: puis avec la meilleure partie de son armee, se meit en chemin, sur lequel il trouua les corps des Romains qui auoient esté desfaits par Mithridates soubz la charge de Triarius, & n'auoient point encore esté inhumez : si les feit tous recueillir & enterrer honorablement & magnifiquement. Ce qui aiant esté omis par Lucullus, fut, à mon aduis, l'une des principales causes de le faire hair à ses gens : & aiant subiugué par Afranius les Arabes habitans autour du mont d'Amanus, il descendit luy mesme en personne dedans la Syrie, de laquelle il feit un gouuernemēt & une prouince acquise à l'empire Romain, pource qu'elle n'auoit nul Roy legitime : & cōquit aussi la Iudee, ou il prit le Roy Aristobulus, & y fonda aucunes uilles, & en affranchit & deliura de seruitude d'autres, qui estoient usurpees & detenues à force par des tyrans qu'il feit punir : mais le plus du temps qu'il y cōsuma fut à iuger les differents, & à pacifier par arbitrage, les querelles & differēts qui estoient entre les uilles franches, les princes & les roys, enuoyant de ses amis aux lieux ou il ne pouuoit aller luy mesme. Comme aiant esté eleu arbitre entre les Parthes & les Armeniens, touchant un certain païs qu'ilz pretendoient les uns & les autres, il y enuoya trois deputez, pour en decider & iuger definitiuement : car si la renommee de sa puissance estoit grāde, celle de sa uertu, de sa iustice & bonté, ne l'estoit pas moins, tellement qu'elle couuroit beaucoup de faultes que commettoient ses familiers, & ceulx qui auoient credit autour de luy: car il estoit de si bonne nature, qu'il ne les pouuoit engarder de mal faire, ny chastier & punir quād ilz auoient forfait : mais il se deportoit en forceuers ceulx qui parloient ou auoient à faire à luy, qu'ilz estoient contraincts d'endurer patiemment leurs conuoitises, auarices, & importunitēz. Celuy de ses domestiques qui auoit plus de credit autour de luy, estoit un serf affranchy nommé Demetrius, lequel estoit bien aduisé au demourant, excepté qu'il abusoit un peu de sa fortune, auquel propos on fait de luy un tel compte. Catō le philosophe estant encore ieune, mais aiant desia grande reputatiō de sagesse & tenant biē son renc, s'en alla en Antiochie pour ueoir la uille, n'y estāt point Pompeius, & quant à luy, selō sa coustume, il cheminoit à pied, & ses amis qui l'accompagnoient par honneur estoient à cheual. Si apperceut à l'entree de la uille une troupe de gens uestus de robbes blanches, & le long de la rue d'un costé des enfans, & de l'autre costé des garçons rengez en maniere de haye, dōt il se courroucea pensant que ce fust pour l'amour de luy & pour luy faire honneur, que lō feist ceste procession, ce qu'il ne uouloit aucunement. Si commanda à ses amis qu'ilz descendissent de cheual & marchassent à pied comme luy: mais quand ilz furent pres la porte de la uille, le maistre des cerimonies qui cōduisoit toute celle procession, aiant un chapeau de fleurs sur sa teste, & une uerge

A uerge en la main, leuruint au deuant, qui leur demanda, ou ilz auoient laissé Demetrius, & quand il uiendroit. Les amis de Caton se prirent à rire de ceste demâde: mais Caton ne feit que dire, O pauvre malheureuse uille! & passa outre. Toutefois Pompeius mesme estoit cause qu'on luy portoit moins d'enuie que lon n'eust fait autrement, pource que lon uoyoit l'audace, dont ce Demetrius uisoit enuers luy, & qu'il ne le prenoit point à mal, ny ne s'en courrouçoit point. Car lon dit que bien souuent, quand Pompeius auoit conuié quelques gens de uenir manger en son logis avec luy, il recueilloit luy mesme les conuiez, & attendoit qu'ilz fussent tous uenus, que ce Demetrius estoit desia à table, & auoit presumptueusement les aureilles & la teste couuertes du reply de sa robbe. Et auant qu'il fust de retour de ce uoiage en Italie, il auoit desia acquis les plus belles maisons de plaissance, & les plus beaux parcs & uergers qui fussent à l'entour de Rome, & auoit aussi de très sumptueux iardins que lon surnommoit communement, Les iardins de Demetrius, combien que son maistre Pompeius iusques à son troisieme Consulat, fust logé simplement & petitement. Mais depuis aiant fait bastir ce tant magnifique, & tant renommé Theatre, que lon appelle le Theatre de Pompeius, il feit aussi edifier aupres, cōme un appenty de son Theatre, une autre maison, laquelle fut bien plus honorable que la premiere, mais ou il n'y eut rien de trop pourtant: de sorte que celuy qui en fut seigneur apres luy, quand il entra dedans, s'esmerueillâ, & demanda: Et ou est-ce que mangeoit le grand Pompeius? ainsi le compte lon. Au demourant le roy des Arabes habitans à l'entour de la forteresse qui se nomme Petra, n'ayant iusques là iamais fait compte de la puissance des Romains, en eut alors grande peur, & escriuit à Pompeius qu'il estoit prest & appareillé de faire tout ce qu'il luy plairoit luy commander: & Pompeius uoulant esprouuer ce qu'il auoit sur le cueur, mena son armee deuant ceste place de Petra: mais ce uoiage ne fut approuué de gueres de gés, pource que lon l'interpretoit, que c'estoit une occasion cherchée pour euer d'aller apres Mithridates, cōtre lequel on uoloit qu'il tournast plus tost toutes ses forces, comme contre l'ancien ennemy, qui commenceoit à se remettre sus, & se preparoit pour mener, à ce que lon entendoit, une grosse & puissante armee à trauers la Tartarie & la Hongrie, en Italie. Mais Pōpeius estimât que plus tost il luy mineroit sa puissance, en luy laissant faire la guerre, qu'il ne le prendroit au corps en fuyant, ne se uolust pas traouiller pour neant à le poursuiure: & à ceste cause alloit cherchât ces entreiects d'autres guerres, & tirant ainsi le temps en longueur, iusques à ce que finalement la fortune luy denoua la difficulté de ce nœu: car estant ia pres de la place de Petra, & aiant ia logé son camp pour ce iour là, ainsi comme il s'exercitoit à picquer & manier un cheual à l'entour de son camp, il arriua des messagers du royaume de Pont, qui luy apportoiert de bonnes nouuelles, comme lon pouuoit cognoistre & iuger de tout loing aux fers de leurs iauelines, pource qu'ilz estoient entortillez de branches de laurier. Ce que les soudards aiant apperceu, s'en coururent incontinent deuers luy, qui uoloit premierement acheuer son exercice que lire ses lettres: mais cōme ilz criassent & le pressassent, il descendit de cheual, & prenant les lettres s'en retourna en son camp, là ou il n'y auoit point de perron hault eleué, dont il peust harenguer, & si n'auoient pas les soudards la patience d'en faire un à la mode du camp, que les gens de guerre font eulx mesmes avec de gros gazonz & grosses mottes de terre qu'ilz entassent les unes sur les autres: mais de haste & d'affection grâde qu'ilz auoier

Pompeius.

d'entendre ce que portoient cès lettres, ilz amasserent en un monceau les basti- F
nes & selles des chevaux, sur lequel Pompeius montant leur declara, cōme Mi-
thridates estoit mort, s'estant luy mesme fait mourir, pourautant que son filz
Pharnaces s'estoit soubfleué, & auoit pris les armes cōtre luy, & s'estoit emparé
de tout ce que possedoit son pere, luy escriuāt qu'il le tenoit & gardoit pour soy
& pour les Romains. Ces nouuelles entendues, tout le camp, comme lon peut
penser, en demena grande ioye, & se meit tout le monde à sacrifier aux Dieux
pour leur rendre graces, & à faire bonne chere, comme si en la personne seule
de Mithridates, il leur fust mort infinis ennemis: & Pōpeius par ce moien aiant
trouué fin à ceste guerre plus facilement qu'il n'auoit esperé, se partit inconti- G
nent de l'Arabie, & aiant trauersé en peu de temps les prouinces qui sont entre-
deux, feit tant par ses iournees, qu'il arriua en la uille d'Amisus, là ou il trouua
force presens que lon luy auoit apportez de la part de Pharnaces, & plusieurs
corps de sang royal, entre lesquelz estoit celuy mesme de Mithridates, que lon
ne pouuoit pas bien recognoistre au uisage, à cause q̄ ses seruiteurs auoient ou-
blié d'en faire escouler ou desecher la ceruelle, toutefois encore le recognois-
soit on bien à quelques cicatrices qu'il auoit en la face, au moins ceulx qui de-
siroient le ueoir: car quant à Pompeius, il ne le uolūt iamais regarder, de peur
d'irriter encōtre soy l'ire uégeresse des Dieux, ains l'enuoya en la uille de Sino-
pe: mais biē s'esmerueilla il de ueoir la grādeur, & la sumptuosité & magnificē-
ce des uestemens & des armes qu'il portoit: toutefois il y eut un nōmé Publius, H
qui aiant derobbé le fourreau de son espee, lequel auoit cousté * trois cēts talēts
à faire, le uendit à Ariarathes: & un autre nommé Caius, qui auoit de ieunesse
esté nourry avec Mithridates, aiant semblablement derobbé le chappeau, qui
estoit fait d'un merueilleux artifice, le dōna à Faustus, filz de Sylla, qui le luy de-
manda, dont Pompeius ne sceut rien pour lors: mais Pharnaces l'ayant descou-
uert, en feit punir ceulx qui les auoient derobbez. Apres donques auoir donné
ordre aux affaires de dela, & y auoir estably toutes choses, il se meit alors en
chemin pour s'en retourner en toute ioye, & toute feste: car en passant par My-
tilene, il affranchit de toutes charges la uille pour l'amour de Theophanes, &
assista à un ieu de pris qu'ilz ont accoustumé de faire tous les ans, ou les poētes I
recitent de leurs œuures à l'enuy les uns des autres, n'aians ceste fois là pris au-
tre subiect de leurs compositions que les faictz & gestes de Pompeius: Il trouua
le theatre ou se faisoient ces ieux de belle façon, & en feit prendre le plant & la
forme pour en faire un pareil à Rome, mais bien plus grād & plus magnifique.
En passant aussi par la uille de Rhodes, il uolūt ouyr harenguer & declamer
tous les maistres de Rhétorique, & leur feit à chascun present * d'un talent. Po-
sidonius a redigé par escript le discours & la dispute qu'il eut en sa presence à
l'encōtre de Hermagoras le Rhétoricien, sur le subiect que Pōpeius mesme leur
donna, touchāt la Question generale & uniuerselle: & à Athenes il en feit tout
autant aux Philosophes: mais il donna d'auātage à la uille * cinquante talents K
pour la faire reparer. Si pensoit biē à son retour en Italie y deuoir arriuer le plus
honoré homme du monde, & desiroit se retrouver en sa maison avec sa femme
& ses enfans, comme aussi il cuidoit bien y estre attendu d'eulx en grande de-
uotion: mais le Dieu qui a soing de messler tousiours parmy les grandes & illu-
stres faueurs de la fortune, quelque chose de sinistre, le guettoit en chemin, &
luy dresseoit embusche en sa propre maison pour luy rendre son retour doulou-
reux: car sa femme Mutia, en son absense, s'estoit mal gouuernee. Pendant qu'il

* Cent quatre
vingts mille
escus.

* Six cents escus.

* Trente mille
escus.

- A en estoit loing, il ne teint compte des rapports que lon luy en feir: mais quand il approcha de l'Italie, & qu'il eut, ainsi comme ie pense, l'entendement plus à deliure pour penser de pres aux mauuais rapports qu'on luy en auoit fait, alors il luy enuoya denoncer qu'il la renôccoit & repudioit pour femme, sans auoir lors escript, ny iamais dit depuis pour quelle cause il la repudioit: mais la cause en est escripte es epistres de Ciceron. Au demourant auant son arriuee il courue plusieurs bruits de luy par la uille de Rome, qui en estoit en peine & en trouble, pource que lon y disoit qu'il meneroit son armée tout droit en la uille, & se feroit certainement seigneur de tout l'empire Romain: tellement que Crassus en sortit à la derobbee, emportant quand & luy ses enfans & son argent, soit
- B ou pource que ueritablemēt il en eust crainte, ou plus tost, comme il sembloit, pour faire la calumnie uraysemblable, & rendre l'enuie plus aspre à l'encontre de luy. Parquoy si tost qu'il eut le pied en Italie, il feist assembler tous ses gens de guerre, & apres les auoir preschez & caressez, selon que le temps & l'occasion le requeroit, leur commanda qu'ilz se desbandassent & se retirassent chascun en sa maison pour donner ordre à leurs affaires, pourueu qu'ilz eussent souuenance de se retrouver ensemble à Rome, au iour de son triumphe. Ainsi fessant son armee incontinent rompue & la nouuelle en estant aussi tost courue par tout, il aduint une chose merueilleuse: car les uilles uoians Pompeius le grand, sans compagnie de gēs de guerre, avec petite suite de ses domestiques & familiers
- C amis seulement, ne plus ne moins, que s'il fust retourné, non de ses grādes conquestes, mais de quelque uoiage ou il fust allé pour son plaisir, se vuidèrent toutes pour aller au deuant de luy, tāt les peuples luy portoiēt d'amour & de bienueillance, & l'accompagnerent, uoulust ou non, iusques dedans Rome, avec plus grande puissance q̄ celle qu'il auoit ramenee en Italie, de maniere que s'il eust eu enuie de remuer quelque chose en l'estat de la chose publique, il n'eust point eu besoing de son armee. Et pource q̄ la loy & coustume defendoit d'entrer dedans la uille deuant le triumphe, il enuoya requerir le Senat, de uouloir differer pour quelques iours l'election des Consuls: & luy faire ceste grace, à fin que present il peust assister & fauoriser à Piso, qui demandoit ceste annee là le
- D Consulat: mais il fut debouté de sa requeste, par la resistance que luy feist Caton qui l'empescha, dont Pompeius s'esbahissant, & s'esmerueillant de sa franchise de parler, & de la roideur, de laquelle seul il uisoit à soustenir & defendre les choses iustes & raisonnables, il eut enuie de le gaigner, comment que ce fust. Parquoy aiant Caton deux niepces, il en demanda l'une en mariage pour soy, & l'autre pour son filz: mais Catō se doubta qu'il faisoit ceste poursuite pour le gaster & le corrompre, sous couleur de ceste pretendue alliance, l'en esconduisit: dont sa sœur & sa femme estoient tres mal contētes, de ce qu'il refusoit ainsi l'alliance du grand Pompeius. Mais enuiron ce mesme temps, il aduint que luy, desirant par toutes uoyes promouvoir Afranius au Cōsulat, feist distribuer quelque argent par les lignes du peuple, & fut l'argent deliuré es iardins mesmes de Pompeius, de sorte que la chose en fut toute diuulguee par la uille, & le blasma lon fort de ce q̄ le souuerain magistrat de la chose publique, qu'il auoit obtenu en recompense de ses haults faicts, il le uouloit rendre uenal, & le faire achepter à pris d'argent à ceulx qui ne le pouuoient acquerir ne meriter par
- E uertu: & adonc Caton remonstra à sa femme & à sa sœur, Voiez uous, il nous eust fallu maintenant participer à ce blasme là, si nous eussions pris l'alliance de Pompeius. Ce qu'elles aians entendu, cōfesserent que son aduis auoit esté le

Pompeius.

meilleur, eu esgard au deuoir & à l'honneur. Au reste quant à la magnificence F
de son triumphe, encore qu'il fust departy en deux iours, il n'y eut pas du temps
assez, ains y eut plusieurs choses que lon auoit preparees pour estre portees à la
monstre qui demourerent, de maniere qu'il y en auoit largement pour hono-
rer, embellir, & orner encore un autre triumphe. Entre autres choses, on y por-
ta deuant des escritteaux ou estoient cōtenus les noms des nations dont il triū-
phoit, qui estoient celles qui sensuiuent, le royaume de Pōt, l'Armenie, la Cap-
padocie, la Paphlagonie, la Medie, la Colchide, les Hiberiens, les Albanien, la
Syrie, la Cilicie, la Mesopotamie, la Phœnicie, la Palæstine, la Iudee, l'Ara-
bie, les Courfaires & escumeurs de mer desfaits par tous les quartiers du môde,
tant par mer que par terre: en tous lesquelz païs il prit iusques au nôbre de mille G
chasteaux, & non gueres moins de neuf cents uilles & citez: & de uaisseaux de
courfaires, enuiron huit cents: & de uilles, au parauant desertes, par luy repeu-
plees, trente neuf. D'auātage les escritteaux portoiēt aussi, que parauant ses cō-
questes, le reuenu ordinaire de la chose publique ne montoit par chascun an,
qu'à cinq milliōs d'escus, & que lors de ce qu'il auoit adiouxte & acquis à l'em-
pire Romain, ilz en receuoiēt huit millions, & cinq cēts mille escus, & qu'il ap-
portoit presentement au tresor de l'espargne publique, tāt en or & argent mô-
noyé, qu'en bagues & ioyaux, la ualeur de deux millions d'or, sans ce qui auoit
esté donné & distribué aux gens de guerre, dont celuy qui en auoit eu le moins
selō sa qualite, en auoit receu cent cinquāte escus. Les prisonniers q lon mena H
en la monstre de ce triumphe, oultre les capitaines de courfaires, furēt le filz de
Tigranes roy d'Armenie, avec sa femme & sa fille, & la femme mesme du Roy
Tigranes, laquelle s'appelloit Zosime, le roy des Iuifs Aristobulus, la sœur de
Mithridates avec cinq de ses enfans, quelques Dames de la Scythie, les ostages
des Hiberiens & Albanien, & ceulx du Roy de la Commagene, & oultre cela
grand nombre de trophées, autant comme luy ou ses lieutenans auoient gai-
gné de batailles en diuers lieux. Mais encore ce qui luy tournoit à plus gran-
de gloire, & qui n'aduint iamais ny deuant ny apres à autre capitaine Romain
qu'à luy, fut qu'en ce troisieme triumphe, il triumpha de la troisieme partie du
monde: car il y auoit bien eu d'autres Romains parauant luy qui auoient triū- I
phé par trois fois: mais luy triumpha la premiere fois de l'Afrique, la seconde de
l'Europe, & la troisieme de l'Asie, tellement qu'en ces trois triumphe, il sem-
ble auoir, par maniere de dire, triūphé de toute la terre habitable entierement,
& si estoit lors, ainsi que disent ceulx qui le cōparent, & qui le ueulent faire en
toutes choses ressembler à Alexandre le grand, au deffous de trente & quatre
ans, toutefois, à la uerité, quoy qu'ilz dient, il approchoit lors des quarante: &
bien heureux eust il esté, si sa uie ne se fust point prolongee oultre le point que
luy dura la fortune d'Alexandre, pource que tout le temps qu'il uescut depuis
ne luy apporta que ou des prosperitez odieuses, ou des aduersitez irremedia-
bles: car en employāt le credit & l'autorité qu'il auoit acquis par bons moien K
pour fauoriser à d'autres iniustement, autant comme il leur adiouxta de puis-
sance, autant se diminua il de sa gloire, & ne se donna garde qu'il se trouua rui-
né par sa propre grandeur, ne plus ne moins que les uilles qui laissent entrer
leurs ennemis iusques dedans les plus forts endroits & meilleurs quartiers
qu'elles aient, leur adiouxtent leurs propres forces d'elles mesmes, aussi Casar
f'estant aggrandy moienant la faueur de la puissance de Pōpeius, le desfeit & le
ruina puis apres luy mesme, avec les propres moien dont il l'auoit fait fort cō-

- A** tre les autres : ce qui aduint en ceste maniere. Lucullus à son retour de l'Asie ou Pompeius l'auoit iniurieusement traité, fut des lors bien ueu & bien receu du Senat, & encore plus de puis quand Pompeius fut aussi arriué: car le Senat mesme l'incita à se faire ualoir & à prendre les matieres à cuer à bon esleient: mais il rebouchoit desia au demourant, & estoit sa chaleur actiue es affaires de la chose publique ia route refroidie, pour s'estre trop adonné à l'aïse de sa personne, & au plaisir de iouyr de sa richesse & de ses biens en repos, toutefois Pompeius ne fut pas plus tost de retour, qu'il s'attacha auïsiement à luy, touchant les choses qu'il auoit establies & ordonnees en Asie, que Pompeius auoit routes cassées & annullees, & l'emportoit au Senat moienant le port & la faueur que
- B** Caton luy faisoit, à l'occasion dequoy Pompeius se trouuant ainsi rebutté & harassé au Senat, fut contrainct de recourir aux Tribuns du peuple, & de s'acointer de ieunes hommes euentez, dont le plus meschant, le plus audacieux, & le plus temeraire estoit un nommé Clodius, qui le uous prit incontinct & le bailla en proie au peuple, l'ayant tousiours à ses costez, & le trainant à tout propos par la place apres luy, contre sa dignité, pour luy faire confirmer toutes les nouuelletez que luy proposoit & mettoit en auant pour flatter la commune, & finfinuer en la grace du menu populaire: mais d'auantage encore luy demanda il pour son salaire comme si ce n'eust pas esté une honte, ains une grace qu'il luy eust requise, qu'il abandonast Cicéron, qui estoit son amy, & qui auoit fait
- C** beaucoup pour luy en l'administration de la chose publique: ce qu'il obtint de luy, tellement que quand Cicéron se uoiant appellé en iustice en danger de sa personne, l'enuoya requérir de luy aider, il feit fermer la porte de deuant de son logis à ceulx qui uenoient de sa part, & s'en sortit par une autre porte de derriere: à l'occasion dequoy, Cicéron craignant l'issue du iugemēt, s'en alla uoluntairement hors de Rome. Enuirō le quel temps Cæsar retournant de sa preture d'Hespagne, commença des lors à mener une pratique, qui presentemēt luy acquit une singuliere bienueuillâce, & depuis luy apporta une grāde puissance, mais au contraire un tresgrand dommage à Pompeius & à la chose publique: car il estoit apres à poursuire son premier Consulat: & uoiant que tant
- D** comme Pompeius seroit en inimitié avec Crassus, en se ioignant à l'un, il auoit l'autre pour ennemy, il chercha les moïens de les mettre d'accord: chose qui de prime face sembloit la meilleure & la plus honeste du monde, mais qui estoit entreprise finement & malicieusement à mauuaïse intention. Car la force qui parauant estant diuisee en deux parts maintenoit la chose publique en egal cōtrepoix, ne plus ne moins qu'un bateau egalemeēt chargé d'un costé que d'autre, tellement qu'il ne peult pancher ny ça ny là, uenant à se conioindre en un corps, & à n'estre plus qu'une, feit l'inclinatiō si forte qu'il ne se trouua personne qui y peust contrepezer, de maniere qu'à la fin aussi renuerfa elle tout sans dessus dessous. Pourrāt disoit le sage Caton à ceulx qui alloient discourās, que la querelle & inimitié de Pompeius & de Cæsar auoit ruiné la chose publique, qu'ilz se mescomptoiēt grādement de s'en prendre à ce qui auoit esté le dernier, pource que ce n'auoit pas esté leur discord ny leur inimitié qui auoit esté premiere & principale cause de ceste ruine, ains plus tost leur amitié & concorde: car par icelle Cæsar fut eleu consul, lequel se meit incontinent à caresser & flatter le menu populaire & la multitude des souffreteux & indigēs, mettant en auant des repeuplemēs de uilles, des distributions de terres à ceulx qui n'en auoient point, derogant en cela à la dignité du souverain magistrat,
- E**

Pompeius.

& rendant, par maniere de dire, le Consulat un tribunat du peuple. Son compa-
gnon Bibulus luy resistoit le mieulx qu'il pouuoit, & Caton se deliberoit bien
de seconder & aider Bibulus de toute sa puissance, iusques à ce que Cæsar ame-
na en la tribune des harengues, Pompeius, deuant toute l'assistance du peuple,
& en l'appellant par son nom, luy demanda s'il approuuoit pas tous les decret
qu'il auoit mis en auant. Pompeius respondit que ouy. Si donques il se treuve
quelqu'un, dit Cæsar, qui par force ueuille empescher qu'ilz ne soient authori-
sez par les uoix du peuple, ne uiendras tu pas pour soustenir & defendre le bien
du peuple? Ouy, respondit Pompeius, ie y uiendray uoirement: & contre ceulx
qui menassent de l'espee, i'apporteray l'espee & le bouclier. Iamais Pompeius
n'auoit en toute sa uie ne fait ne dit chose si importune que celle là, de sorte que
ses amis mesmes, pour le cuider excuser, disent q̄ ceste parole luy eschappa sans
y penser: toutefois par ce qui s'en suiuit puis apres, il apparut bien euidentement
qu'il s'estoit du tout dōné à Cæsar, pour en faire tout ce que bon luy sembleroit:
car à peu de iours de là il espousa Iulia sa fille, sans que personne s'en fust iamais
doubté, combien qu'elle fust fiancée à Piso qui la deuoit bien tost espouser: &
pour appaiser le mal talent de Piso, il luy donna en mariage sa fille, qu'il auoit
aussi au parauant promise à Faustus filz de Sylla, & Cæsar espousa Calpurnia fil-
le de Piso. Cela fait, Pompeius emplissant toute la uille de gens de guerre, feit à
force tout ce qu'il uoulut: car ainsi comme le Consul Bibulus s'en alloit en la
place accompagné de Lucullus & de Caton, ilz ruerent sur luy à l'improuueu, H
& rompirent les faisceaux de uerges que lon portoit deuant luy, & y eut quelque
un qui par derision luy ietta un plein pānier de fiente sur la teste: deux des Tri-
buns du peuple qui estoient en sa suite, y furent blecez. Et par ce moien aiās vui-
dé la place de ceulx qui leur cōtrarioient, ilz feirēt à leur aise passer le decret de
la distributiō des terres: duquel appast le menu peuple estāt alleché, se laissa me-
ner par eulx à tout ce qu'ilz uoulurent, & ne s'enquit plus de rien à l'encontre,
ains sans mot dire au contraire, il donnoit sa uoix pour authoriser tout ce qu'il
leur plaisoit proposer. Si furent là ratifiees les ordonnances, pour lesquelles
Pompeius auoit debatuec Lucullus, & decreta lon à Cæsar le gouuernement
des Gaules, tant deça que dela les monts, des Alpes & de l'Esclauonnie, pour
l'espace de cinq ans, avec quatre legions complètes. Et pour l'annee ensuyuāt
furent designez Consuls Piso beaupere de Cæsar, & Gabinius le plus grād flat-
teur que Pompeius eust à l'entour de luy. Or pendant que ces choses se passoiēt
Bibulus se mainteint renfermé dedans sa maison sans en ozer sortir huit mois
durans, quoy qu'il fust Consul, & enuoyoit seulement dehors des affiches pour
attacher es lieux publiques, par lesquelles il chargeoit & accusoit Pompeius &
Cæsar: & Caton, ne plus ne moins que fil eust esté inspiré de quelque esprit pro-
phetique, alloit preschant & predisant publiquement en plein Senat, ce qui
estoit pour en aduenir à la chose publique, & à Pōpeius mesme: mais Lucullus
ne se uoulant plus trauailler se tenoit cōy, & iouissoit de son repos cōme n'e-
stant plus pour porter la peine, ny d'aage pour se mesler d'affaires: & fut lors
que Pompeius dit, qu'il estoit plus hors de saison à hōme uieil de uacquer à son
plaisir, que uacquer aux affaires de la chose publique: & neantmoins luy mes-
me fut aussi tantost amolly de l'amour de sa nouuelle espouse, & n'entēdit plus
à autre chose la plus part du temps qu'à luy complaire, se tenant le plus souuent
avec elle en ses maisons de plaissance qu'il auoit aux champs, ou bien en ses iar-
dins, sans plus se soucier de ce que lon faisoit en l'administratiō de la chose pu-
blique,

A blique, de manière que Clodius, qui lors estoit Tribū du peuple, uint à l'en mes-
priser, & à entreprendre des choses fort seditieuses : car aiant chassé Ciceron, &
enuoyé Catō hors de Rome en Cypre, soubz couleur d'une commission & ad-
ministration publique : & d'un autre costé César s'en estant allé es Gaules, uoiāt
que le commun peuple luy obeissoit, à cause qu'il faisoit & disoit tout ce qu'il
pouuoit imaginer pour le flatter & luy aggreer, il attenta incontinent à l'en-
contre des ordonnances de Pompeius, taschant à en faire casser & annuler
quelques unes : comme entre autres il tira par force le ieune Tigranes hors de
prison, lequel il menoit tousiours par la uille quand & luy, & alloit suscitāt
tous les iours des querelles & proces aux amis de Pompeius, pour esprouuer en
B en leur faict quel credit & quelle puissance il auroit. Finablemēt un iour que Pō-
peius estoit sorty de sa maison en public, pour assister au iugemēt de l'un de ces
proces, ce Clodius aiant autour de luy une caterue de uagabonds, hōmes aban-
donnez à qui il ne chaloit qu'ilz feissent, se planta dessus un endroit releué, ou
il estoit ueu de tous costez de la place, & commença à faire tout hault de telles
interrogatoires : Qui est le capitaine de ceste uille, le plus luxurieux ? Qui
l'homme qui cherche l'homme ? Qui est celuy qui gratte sa teste avec un doigt ?
Et ses satellites luy respondoient, crians à haulte uoix à chasque demande qu'il
faisoit, cōme si c'eust esté un choeur qui eust alternatiuement respōdu au presb-
tre à chasque fois qu'il secouoit un pan de sa robbe, C'est Pōpeius. Cela greuoit
C fort Pompeius, qui n'auoit point accoustumé d'ouir ainsi publiquement mes-
dire de soy, & n'auoit point appris de cōbattre de ceste forte : mais encore estoit
il plus marry de ce qu'il apperceuoit que le Senat estoit bien aise de luy ueoir
faire ceste honte & cest oultrage, en uengeance de ce qu'il auoit laschemēt tra-
hy & abandonné Ciceron. Parquoy s'estant d'auantage fait quelque batterie
sur la place mesme, là ou il y eut des gens blecez, & aiant esté surpris un des serfs
de Clodius, avec une espee qui festoit à force coulé à trauers la presse, iusques au
pres de la personne de Pompeius, prenant la couuerture de ceste occasion : mais
à la uerité craignant l'insolence & les paroles iniurieuses de Clodius, il ne uou-
lut onques puis se trouuer en la place, tant que son Tribunat dura, ains se teint
D tousiours en sa maison, consultant avec ses amis, cōment il pourroit faire pour
appaier l'ire du Senat à l'encontre de luy : & y en eut un nommé Culeo, qui luy
conseilla de repudier sa femme Iulia, pour renōcer du tout à l'amitié de César,
& se retourner entierement du costé du Senat : ce qu'il ne uoulut pas faire, mais
bien presta il l'oreille à ceulx qui luy conseillerent de faire rappeler Ciceron,
personnage qui estoit ennemy mortel de Clodius & tresaimé du Senat. Si con-
duisit le frere de Ciceron, qui en deuoit faire la requeste au peuple sur la place,
avec bon nombre de gens de defence, là ou il y eut des coups ruez & des hom-
mes tuez d'une part & d'autre : toutefois il demoura à la fin plus fort que Clo-
dius. Et ainsi Ciceron estant rappelé par decret expres du peuple, si tost qu'il
fut de retour remeit Pompeius en la bonne grace du Senat, & quand & quand
E suada la proposition que lon auoit ia mise en auant, de donner à Pompeius cō-
mission de faire uenir des bledz à Rome, par laquelle il remeit une autre fois en
la puissance de Pompeius tout tant de mer & de terre, par maniere de dire, qu'il
y auoit deffous l'empire Romain : car par la teneur du decret qui en fut passé, se
trouuerent en sa main tous les ports, toutes les estappes & marchez, toute la uē-
te des grains & des fruičts de la terre, & pour dire en un mot, tout le faict &
trafic des marchāds traficquans sur la mer, & des laboureurs cultiuans la terre.

Pompeius.

Ce que Clodius calumniait, alloit disant que la charté & faulte de bledz n'auoit point fait inuenter ny proposer le decret de ceste commissiō: mais au contraire, que pour auoir ceste commissiō, lon auoit fait naistre la faulte de bledz, à fin de faire reuenir comme d'une pasmoison & remettre un petit sus par ceste nouuelle charge l'autorité de Pompeius & sa puissance, qui s'en alloit languissant. Les autres disent que ce fut une ruze du Cōsul Spinther, lequel uolul employer Pompeius en ceste plus grande charge, à fin que luy fust enuoyé pour secourir & remettre en son royaume le roy Ptolomæus: toutefois Canidius tribun du peuple meit encore en auât d'y enuoyer Pōpeius sans armee, avec deux sergens portans les haches deuant luy seulemēt, pour remettre d'accord ce roy Ptolomæus avec ceulx d'Alexâdrie: laquelle charge n'eust pas esté desaggreable à Pōpeius: mais le Senat reietta ceste propositiō soubz honeste couleur, faignât qu'il auoit peur qu'en ce faisant Pōpeius ne meist sa personne en dâger. Ce neât-moins on trouuoit souuent par la place & emmy le Senat de petits billets, esquelz estoit escrit, cōme Ptolomæus requeroit qu'on luy baillast Pōpeius au lieu de Spinther pour le remener: toutefois Timagenes escrit q̄ Ptolomæus s'en alla à Rome, & laissa l'Ægypte sans qu'il en fust autremēt besoing, à la suasiō & suscitation d'un Theophanes, qui luy meit en teste de ce faire, à fin de dōner nouueaux moiens à Pompeius de bien faire ses besongnes & matiere de nouuelles guerres: mais la malignité de ce Theophanes n'a pas tant rendu cela croyable, comme le naturel de Pompeius l'a fait tenir pour incroyable, pource que son ambition n'auoit rien de si maling ny de si meschât cōme cela. Luy aiant doncques esté donnee la commissiō de faire uenir des bledz, il enuoya par tout ailleurs ses lieutenans & amis, & luy en personne s'en alla en Sicile: & cōme il fut prest à s'en reuenir, il se leua un grand uent en mer, tellement que les mariniers faisoient doubte de leuer les ancres: mais luy mesme le premier monta dedans la nauire, & cōmanda que lon meist les uoiles au uent incontinent, criant tout hault, Il est necessaire que i'aille, non pas necessaire que ie uiue: & ainsi par sa bonne diligence & sa hardiesse, ioinct la bonne fortune qui luy fauorisa, il emplit toutes les estappes & marchez de bledz, & toute la mer de nauires, de maniere quel'abondance qu'il en feit uenir, fournit non seulement à la uille de Rome, mais aussi aux enuirs, & en sourdit cōme une uiue fontaine, & un large ruisseau qui s'espandit par toute l'Italie. Or enuiron ce mēme temps, les grâdes conquestes que Cæsar faisoit es Gaules l'eleuoient bien fort hault: mais là ou il sembloit qu'il fust biē loing de Rome attaché à faire la guerre aux Belges, aux Sueuiens & aux Anglois, on ne se dōna garde qu'il la faisoit par secrettes menees au milieu du peuple Romain & es principaux poincts des affaires de la chose publique contre Pompeius, pource qu'il auoit autour de sa personne les forces d'une armee comme un corps militaire qu'il aguerrissoit & endurcissoit au trauail, non point en intention de s'en ualoir contre les Barbares seulement: car les combats qu'il auoit contre eulx, ne luy estoient que comme une maniere de chasse, par lesquelz il rendoit à la rendre inuincible & redoutable à tout le monde: mais au demourant l'or & l'argent, les despouilles & autres richesses qu'il gaignoit en si grande abondance sur les ennemis qu'il defaisoit, luy estoient comme l'ame de ce corps, par le moien de laquelle il gaignoit & corrompoit beaucoup d'hommes en enuoyant de grands presens à Rome à ceulx qui uenoient à estre Édiles, Præteurs, ou Cōsulz, & à leurs femmes mesmes: tellement qu'ayant repassé les Alpes, & estant uenu faire son hy-

A uer en la uille de Luquès, il y eut une grande multitude d'autres personnes, hommes & femmes, qui y coururent à l'enuy les uns des autres : mais du Senat mesme il y en eut deux cents qui y furent deuers luy, entre lesquelz nommeement furent Crassus & Pompeius: & ueit on pour un coup six uingts sergens portans les haches deuât Præteurs ou Procōsulz à la porte de son logis. Si renuoya tous les autres pleins d'argent & de promesses: mais avec Pompeius & Crassus il feir une paction qu'eulx deux ensemble demanderoiēt encore le Consulat, à quoy Cæsar les deuoit aider, en enuoiant à Rome au iour de l'election bon nombre de ses gens de guerre pour y dōner leurs uoix en leur faueur, & que si tost qu'ilz auroient esté eleuz, ilz prattiqueroiēt de se faire dōner à eulx, par decret du peuple, les gouuernemens de quelques nouuelles prouinces & nouuelles armees aussi, & feroiēt confirmer & prolonger en son nom, celles qu'il tenoit pour autres cinq anrees. Quād la nouuelle de ceste marchandise fut diuulguee parmy le peuple de Rome, les plus gens de bien & les principaux de la uille en furent fort desplaisans, tant que Marcellinus en pleine assemblee du peuple leur demanda à eulx deux s'ilz poursuiuroient le Consulat à la prochaine election: à quoy le peuple mesme leur commandant de respondre, Pompeius respondit le premier, que peult estre le demanderoit il uoirement, & peult estre aussi que non: mais Crassus respondit plus ciuilement, qu'il en feroit ce qu'il ueroit estre le plus expediēt pour le bien & l'utilité de la chose publique. Marcellinus adonc s'attacha à Pompeius, & parla de grande uehemençe contre luy, iusques à tant que Pompeius luy reprocha à la fin en courroux, qu'il estoit le plus iniuste & le plus ingrat homme du mōde, ueu qu'il ne recognoissoit point en son endroit, que par son moié il estoit deuenue de muet eloquent, & de pauvre affamé saoul, iusques à rendre souuēt sa gorge. Ceneantmoins tous ceulx qui parauāt auoiēt proposé de demander le Consulat, s'en deporterent adonc, excepté Lucius Domitius, auquel Caton conseilla & donna courage de ne desister point, pource (luy disoit il) que tu ne combats point pour obtenir un magistrat, ains pour defendre la liberté publique à l'encontre de deux tyrans. Parquoy Pompeius & ses adherens, craignans la uehemençe de Caton, de peur qu'ayant ia tout le Senat à sa deuotiō il n'attirast aussi de son costé la plus saine partie du peuple, pēserent qu'il ne falloit pas l'aïsser uenir Domitius iusques en la place, & à ceste fin enuoyerent des gens en armes contre luy, qui d'arriuee occirēt un nommé Melitus qui portoit la torche deuant luy, & contraignirent les autres de prendre la fuitte, entre lesquelz Caton fut le dernier à se retirer, aiant esté blecé au coude du bras droit en defendant Domitius. Estans doncques Pompeius & Crassus paruenus au Consulat par telle uoie, ilz ne se porterent de rien plus modestement, ny plus honestement au demourant. Car premierement comme le peuple fust apres à eslire Caton Præteur, Pompeius qui presidoit en l'assemblee de l'election, uoiant qu'il s'en alloit estre eleu, la rompit, alleguant faulxement qu'il auoit obserué quelques mauuais presages du ciel pour auoir occasion de la rompre, & depuis ilz corrompirent par argent les lignes du peuple pour faire elire Præteurs Antias & Vatinius, & consequemment, feirent proposer par un Tribun du peuple des edicts, par lesquelz la charge que Cæsar auoit, luy estoit prolongee pour autres cinq ans, suiuant ce qu'ilz auoient contracté ensemble: & le gouuernement de la Syrie, avec la charge de faire la guerre aux Parthes, estoit commis à Crassus, & à Pompeius toute l'Afrique & toutes les Hespagnes, avec quatre legions, dont il en presta lors deux à Cæsar,

Pompeius.

qui les luy demanda pour la guerre qu'il auoit en la Gaule. Cela passé & arresté par le peuple, Crassus incontinent se partit pour aller à son gouuernemēt, laissant l'exercice de son Cōsulat: & Pompeius demourant à Rome, à la dedication de son Theatre fait iouer de beaux ieux de pris, tant d'exercices de la personne, comme de lettres & de la Musique, & fait aussi faire des chasses & combats de bestes sauuages, esquelles il y eut bien iusques au nombre de cinq cents lions tuez: mais apres tout, il n'y eut rien si esmerueillable ne si espouuētable, que les combats des Elephants. Ces liberalitez & despences faites pour donner passe-temps au peuple, le firent derechef beaucoup estimer, & luy apporterent une grande bienueuillance de la commune: mais d'un autre costé, il ne se suscita pas moins d'enuie quand il commeit la charge de ses gouuernemens & de ses legions à ses lieutenans, pendant que luy alloit ça & là se donnant du bon tēps avec sa femme par tous les beaux lieux de plaissance de l'Italie, soit ou qu'il fust amoureux de sa femme, ou qu'elle estant amoureuse de luy, il n'eust pas le cueur de la laisser. Car lō disoit par tout, & estoit chose assez notoire, que ceste ieune dame Iulia aimoit son mary plus ardemment, que ne sembloit porter l'aage ou il estoit: dont il m'est aduis que la cause estoit l'honneste continence de luy, qui ne cognoissoit autre femme que celle qu'il auoit espousee, ioint que sa grauité naturelle n'estoit point fascheuse, ains estoit sa compagnie & sa conuersation fort plaissante & fort agreable aux femmes, si en cela nous ne uolōs reprouer le tesmoignage de la Courtisane Flora: mais il est bien certain qu'en une election d'Ediles, estās quelques uns uenus iusques à mettre la main aux armes si rudement, qu'il y eut plusieurs hommes tuez tout cōtre Pompeius, de maniere que luy en estant tout souillé de sang, il fallut qu'il changeast d'habillemēs, à raison de quoy ses seruiteurs coururēt à grande haste en son logis reporter ses accoustremēs ensanglātez pour luy en porter d'autres. La ieune Dame se trouuant pour lors enceinte, apperceut d'aduenture sa robe toute sanglante, dont elle entra soudain en si grāde frayeur, qu'elle en tumba toute pasmee, & eut on beaucoup de peine à la faire reuenir de ceste pasmoison, mais elle en auorta sur l'heure: au moien de quoy ceulx mesmes qui estoient les plus aspres à reprēdre l'amitié qu'il auoit avec Cēsar, ne le pouuoiet blasmer de l'amour qu'il portoit à sa femme. Elle deuint encore une autre fois grosse depuis, dont elle mourut en traual d'enfant, & l'enfant ne suruescut gueres de iours apres la mere. Et cōme Pōpeius se disposast pour l'aller inhumer en une siene terre qu'il auoit pres la uille d'Alba, le peuple par force en emporta le corps au champ de Mars, plus pour la pitié & compassion qu'il eut de la ieune Dame, que pour enuie de gratifier ny à Cēsar, ny à Pompeius: & neātmoins encore de ce que le peuple en faisoit pour le regard d'eulx, il sembloit en faire plus pour l'amour de Cēsar absent, que de Pompeius present. Mais aussi tost que ceste alliance, laquelle couuroit plus tost, qu'elle ne refrenoit leur ambitieuse conuoitise de dominer, fut esteincte, il se leua incontinent dedans Rome une tourmente, & commencerēt toutes choses à branler, & à se semer parmy le peuple des paroles & propos de sedition & de diuision: puis tantost apres suruint aussi de renfort la nouuelle de la mort & desfaitte de Crassus, qui fut comme une grande barriere ostee, laquelle empeschoit que ces deux parts ne s'entreheurtassent & n'entraissent en guerre ciuile: car l'un & l'autre des deux chefs le redoubtant, se rengoit encore aucunement à la raison enuers son compagnon. Mais aussi tost que la fortune leur eust osté cet tiers, qui eust encore peu contester contre celuy des deux qui

fut

A fust demouré uainqueur, alors eust on peu ueritablement dire de ces deux qui demourerent; ce que le poëte Comique dit,

L'un contre l'autre adonc se met en poinct,

Ses mains saupoudre, & d'huyle son corps oingt.

Tant est la fortune peu de chose au pris de la nature, dont elle ne peult iamais assouuir la cupidité, ueu que si grande longueur & largeur d'empire, & si uaste estêdue de pais; ne peut encore arrester ne borner la conuoitise de ces deux personnages: ains combien qu'ilz eussent souuent ouy dire, & souuent leulx mesmes, que

Les Dieux aians le monde en trois party,

B C hascun se tient content de son party:

ilz ne pensoient pas neantmoins, que l'empire Romain fust suffisant pour eulx qui n'estoiet que deux: toutefois Pompeius dit lors en une harengue qu'il feit deuât le peuple, Que tous les estats & toutes les charges qu'il auoit euës en l'administration de la chose publique, ce auoit tousiours esté plus tost qu'il n'auoit esperé, & les auoit aussi tousiours quittees plus tost que lon n'auoit attendu. Ce qu'à la uerité tesmoignoient toutes les armées qu'il auoit euës entre mains, lesquelles il auoit tousiours cassées de bonne heure: mais lors uoiant bien que Caesar ne casseroit pas la siene, il chercha de se fortifier des estats & offices de la uille contre luy sans remuer autre chose, ny monstrier autrement qu'il se defiait de

C luy, ains plus tost faisant semblât de le mespriser & de n'en faire point de cōpte: mais quand il ueit que ces magistrats de la uille ne se distribuient pas à son gré ny à sa uolunté, pour autant que les citoiens qui les elisoient estoient corrompus par argent, il laissa adonc tout aller en abandon, de maniere qu'il n'y auoit plus de magistrat qui cōmādaist, ny auquel on obeist en la uille. A l'occasion de laquelle confusion il courut incōtinent par la uille un grand bruit, qu'il estoit besoing d'elire un Dictateur: & fut le premier qui l'osa mettre en auât un Tribun du peuple nommé Lueilius, qui suada que lon eleust Pōpeius: à quoy Caton contredit si uiuement, que le Tribun fut en danger d'estre sur le champ depōsé de son office: mais plusieurs des amis de Pōpeius se tirerent lors en auât,

D qui l'excuserent, remonstrans qu'il n'auoit ny recherché ny désiré aucunement cest estat de Dictature, dont Caton le loua grandement, & le pria & enhorta de uoloir tenir la main à ce, que les choses se peussent remettre en bō estat. Pompeius eut honte de reculer à chose si raisonnable, & y eut l'œil, si bien que lon eleut deux Consuls, Domitius & Messala: mais depuis les choses estans retumbees encōre en plus grande confusion que iamais, de sorte que lon ne pouuoit elire de nouueaux magistrats: & à l'occasiō de ce, plusieurs remettās en auant le propos d'elire un Dictateur plus audacieusement que parauant, Caton craignāt d'estre forcé à ceste fois, delibera de ietter à Pōpeius quelque magistrat de puissance & autorité limitee, pour le destourner de celui q'auoit autorité exces-

E siue & tyrānique. Bibulus mesme qui estoit ennemy de Pōpeius, fut le premier qui meit en auât au Senat que lon l'eleust seul Consul, pource, dit-il, que par ce moien ou la chose publique sortira du trouble, auquel elle est maintenāt, ou si elle doit rüber en seruitude, au moins seruira elle à celui q'est le plus hōme de bien. Ceste opiniō fut trouuee bien estrāge, mesmemēt pour le regard de celui qui la proposa: & Caton s'estant dressé en piedz, chascun imagina soudain q'ce fust pour y contredire, mais luy estant fait silēce, il dit hault & clair, que quāt à luy il n'eust iamais proposē le premier celle opinion: mais puis qu'elle estoit

Pompeius.

proposée par un autre, qu'il estoit bien d'aduis qu'on la fuyust, pour autant, dir F
il, qu'il uault mieulx auoir un magistrat qui commande, qui qu'il soit, que de
n'en auoir point du tout, & qu'il neuoioit personne qui fust pour sçauoir bien
commâder en si grands troubles que feroit Pompeius. Le Senat approuua ceste
opinion, & ordonna que Pompeius seroit eleu seul Cōsul, & que s'il uoioit qu'il
eust besoing de compaignon qu'il en peust nommer un tel que bō luy sembleroit: mais non deuant deux mois. Ainsi fut Pompeius déclaré seul Consul par
Sulpitius, qui se iour là estoit à son retour Entreroy, & adonc Pompeius caressa
fort amiablement Caton, en le remerciant de l'honneur qu'il luy auoit fait, &
le priant de le uouloir en particulier aider de son cōseil aux affaires de son Cō-
sulat. Caton luy respondit qu'il ne falloit point qu'il le remerciast, pource qu'il G
n'auoit rien dit en tout ce qu'il auoit opiné pour l'amour de luy, ains pour l'a-
mour de la chose publique seulemēt, & que là ou il l'en requerroit il le conseil-
leroit uoluntiers en particulier: mais quand il ne l'en requerroit point, il ne
laisseroit pas de dire en public ce q bon luy sembleroit. Tel estoit Catō en tou-
tes choses. Mais Pompeius retournant en la uille, espousa Cornelia, la fille de
Metellus Scipion, nō fille, ains de nagueres demouree ueufue de Publius Craf-
sus le filz qui fut occis par les Parthes, auquel elle auoit esté mariee la premiere
fois. Ceste Dame auoit beaucoup de graces pour attirer un homme à l'aimer,
oultre celles de sa beaulté: car elle estoit honestement exercitee aux lettres, bien
apprise à iouer de la lyre, & sçauante en la Geometrie, & si prenoit plaisir à ouir H
propos de la philosophie, non point en uain ny sans fruiēt: mais, qui plus est,
elle n'estoit point pour tout cela ny fascheuse, ny glorieuse, comme le deuie-
nent ordinairement les ieunes femmes, qui ont ces parties & ces sciences là.
D'auantage elle estoit fille d'un pere, auquel on n'eust sceu que reprendre ny
quand à la noblesse de sa race, ny quand à l'honneur de sa uie: toutefois les uns
reprenoient en ce mariage, que l'aage n'estoit point sortable, pource que Cor-
nelia estoit ieune assez pour estre plus tost mariee à son filz: & les plus honestes
estimoiet, qu'en ce faisant il auoit mis à nonchaloir la chose publique au tēps
qu'elle estoit en si grands affaires, pour aux quelz remedier elle mesme l'auoit
choisy comme medecin, & s'estoit iettée entre les bras de luy seul: & ce pendāt I
il s'amusoit à faire nopces & festes, là ou plus tost il deuoit penser, que son Cō-
sulat estoit une publique calamité, pource qu'il ne luy eust pas esté ainsi baillé
extraordinairement à luy seul, contre les ordonnances & les loix, si les affaires
publiques se fussent bien portez. Au demourāt, il se mit à faire proceder à l'en-
contre de ceulx qui par uoies indeuës de bourse delice, & d'argent distribué, e-
stoient paruenus aux honneurs, & auoient obtenu des magistrats: & aiant fait
des loix & ordonnances, selon lesquelles les proces & iugemens s'en deuroient
faire, il administra bien dignement & syncerement toutes autres choses, au re-
ste donnant seureté, ordre, silence, & grauité aux iugemens, en y assistant luy-
mesme en personne, avec force d'armes, excepté que quand son beaupere en K
fut aussi, entre les autres, appelé en iustice, il enuoya querir en sa maison les
trois cents soixante iuges, & les pria de luy uouloir estre en aide, tellement que
l'accusateur se deporta de son acēusation, quād il ueit Scipion accompagné &
conuoyé par ses iuges mesmes, en retournant de la place. Cela donna derechef
mauuais bruit à Pompeius, & encore fut il blasme d'auantage, de ce qu'ayant
par ordonnance expresse defendu que lon ne louast plus publiquement ceulx
qui seroient appelez en iustice pour aucun crime, pendant que lon feroit leur

- A** proces, luy mesme un iour entra au parquet, ou se faisoient les iugemens pour louer publiquement Plancus: à l'occasion dequoy, Caton qui lors estoit l'un des iuges, se boucha les oreilles avec les deux mains, disant qu'il ne luy estoit pas loisible d'ouir louer un criminel, ueu qu'il estoit defendu expressement par les loix: ce qui fut cause de faire recuser Caton à iuge, auant qu'il dōnast la sentence: mais nonobstant cela Plancus fut condamné par tous les autres iuges, à la grande honte & uitupere de Pōpeius: car peu de iours apres, Hypseus homme Consulair, estant aussi semblablement accusé, l'attendit un iour cōme il sortoit du baing pour s'aller mettre à table, & luy embrassant les genoux le supplia de luy uoloir estre en aide: mais il passa oultre superbemēt, sans luy respondre autre chose, sinō, qu'il luy gastoit son soupper, & ne faisoit autre chose: pour laquelle inconstāce & inegalité de faire faueur aux uns, & tenir rigueur aux autres, il fut à bon droit repris & blasmé: mais au reste il reduisit toutes autres choses en bon estat, & opta pour compagnon au Consulat son beaupere Scipion, pour les cinq derniers mois, puis se feit cōtinuer ses gouuernemēs pour autres quatre ans, avec estat de prēdre à l'espargne * mille talēts par chascun an, pour entretenir & soudoier ses gens de guerre. Ce que uoians les amis de Cēsar commencerent à s'attacher là, & requirent que lon eust donques aussi quelque regard à Cēsar, qui menoit de si grandes & si lourdes guerres pour l'empire Romain, disans qu'il estoit bien raisonnable, attendu ses grands seruices, que lon luy donnast un autre Consulat, ou que lon luy prolongast encore le temps de son gouuernemēt, durant lequel temps il peust au moins iouir en paix de l'honneur de commander à ce que luy mesme auoit acquis, sans qu'un autre successeur luy uint oster le fruiēt de son labeur. Surquoy s'estant meue grande dispute & grande contention à Rome, Pompeius comme uoulant reparer à l'enuie que lon en eust peu conceuoir contre Cēsar, pour l'amitié qu'il luy portoit, dit qu'il auoit lettres de luy, par lesquelles il demādoit qu'on luy enuoyast un successeur, & que lon le deschargeast de la guerre: & au surplus, qu'il luy sembloit bien raisonnable que lon luy ottroyast priuilege de demander un second Cōsulat, encore qu'il fust absent: à quoy Caton s'opposa formellemēt, disant qu'il falloit qu'il s'en retournast homme priué, & que posant les armes il uint luy-mesme prochasser d'obtenir quelque bien & quelque recōpense de ses citoiēs. Mais pourautāt que Pompeius ne repliqua ny ne contesta point à cela, ains se teut comme n'ayant que dire à l'encontre, on suspeçonna & interpreta lon d'auantage, qu'il n'auoit point bonne opinion de la uolunté de Cēsar, ioinct qu'il luy enuoya redemander les deux legions qu'il luy auoit prestees sous couleur de la guerre des Parthes: toutefois Cēsar, encore qu'il entendist bien pour quelle occasion on les luy redemādoit, les luy renuoya grandement honorees de beaux & bons presens. Enuiron ce temps Pompeius tumba malade à Naples d'une grosse & dangereuse maladie, de laquelle toutefois il guarit: & les Neapolitains à la persuation d'un des principaux de leur uille nommé Praxagoras, sacrifierent publiquement aux Dieux pour leur rendre graces de sa conualescence: leurs prochains uoïfins en feirent apres autant, de sorte que cela de main en main s'estendit par toute l'Italie, & n'y eut ne petite ne grande uille qui n'en feist feste & resiouissance publique par plusieurs iours: & ne trouuoit on lieu assez capable pour tenir ceulx qui luy alloient de tous costez au deuant, ains en rompoient les chemins: tous les uillages, les bourgs, les ports de mer estoiet pleins de gēs qui sacrifioient aux Dieux, & faisoient festin pour la ioye

* Six centz mille escus.

Pompeius.

du recouurement de sa santé. Il y en auoit mesme plusieurs qui luy alloient F
au deuant & le recueilloient avec des torches allumées, portans chapeaux de
fleurs sur leurs testes, & puis le conuoyoyent & l'accompagnoient, en luy iettant
force bouquets & force fleurs dessus luy, tellement que le conuoy qu'il eut à
ce retour là, tout le long du chemin, fut l'une des plus belles, plus honorables,
& plus magnifiques choses à ueoir qu'il eut onques en sa uie: mais aussi tint on
qu'elle fut cause, autant que nulle autre occasion, de susciter la guerre ciuile: car
l'opinion presumptueuse de soy mesme qui luy entra en la teste, avec l'extreme
ioye qu'il sentit de se ueoir ainsi honorer & aimer, surmonta le discours de la
raison qu'il deuoit fonder sur les choses urayes, non sur l'apparence, & luy fai-
fant oublier la diligence de soy tenir sur ses gardes qui luy auoit tousiours au G
parauant assuré ses prosperitez & ses faicts, la chagea en audacieuse brauerie,
qui luy feit mespriser la puissance de Cæsar, iusques à dire qu'il n'auroit que faire
d'armes ny d'autre laborieuse sollicitude à l'encontre de luy, & qu'il le desfe-
roit quand il uoudroit beaucoup plus facilement qu'il ne l'auoit fait premiere-
ment. D'auantage Appius retourna là dessus de la Gaule, qui luy ramena les
gens de guerre qu'il auoit prestez à Cæsar, rabaisant fort de paroles les choses
qu'il auoit faittes par delà, & tenant plusieurs propos oultrageux & iniurieux
à l'encontre de Cæsar: car il disoit que Pompeius ne cognoissoit pas bié ses pro-
pres forces ny sa reputation, de se uouloir fortifier d'autres armes contre luy,
pource qu'il le desferoit avec les siennes propres, si tost que lon le uerroit, tant les H
foudards, disoit il, portoient de haine à Cæsar, & auoient grand desir de ueoir
Pompeius. Ces propos enflerent si fort Pompeius & le remplirent de si grande
nonchalance, par se fier & presumer trop de soy, qu'il se moqua de ceulx qui
craignoient trop la guerre: & à ceulx qui luy disoiēt, si Cæsar s'en uenoit droit à
Rome, qu'ilz ne uoyoiēt pas avec quelles forces ilz luy peussent resister, il respo-
dit d'un uisage riant & avec une chere ouuerte, qu'ilz ne se donnassent point de
soucy quant à cela: car toutes & quâtes fois, dit il, que ie frapperay du pied seu-
lement la terre d'Italie, ie feray soudre de toutes parts gens de guerre à pied &
à cheual. Ce pendant Cæsar au contraire entendoit à bon esciant à ses affaires
s'approchant de l'Italie, & enuoyant tousiours de ses foudards à Rome pour I
estre à l'election des magistrats, en gagnant soubz main & corrompant touf-
iours plusieurs de ceulx qui estoient en office, à force d'argēt, entre lesquelz fut
Paulus l'un des Consulz, auquel il feit tourner sa robbe, moienant la somme de
* mille cinq cents talents, & Curio Tribun du peuple qu'il acquitta d'une infini-
nie somme de debtes, & Marcus Antonius qui pour l'amitié qu'il portoit à Cu-
rio, auoit aussi part à ses debtes, en estant obligé comme luy. Il fut d'auantage
trouué que l'un des capitaines uenus de la part de Cæsar estant aupres du Senat,
& entendant que le conseil ne luy uouloit pas ottroyer la prolongation de son
gouuernement qu'il demandoit, dit, en frappant de la main sur le pommeau de
son espee: Ceste cy, dit il, la luy baillera. Brief tout ce qu'il ourdissoit & qu'il fai- K
soit, tendoit à ceste fin là: toutefois les demandes & requestes que faisoit Curio
au nom de Cæsar sembloient un peu plus raisonnables & plus populaires: car il
demandoit l'un des deux, ou que lon feist poser les armes à Pompeius, ou que
lon ne contraignist point Cæsar de les poser non plus que luy: car ou estans (ce
disoit il) tous deux priuez, ilz se rengeront d'eulx mesmes à la raison, ou rete-
nans leurs armées aussi fortes l'une que l'autre, ilz se contenteront de ce qu'ilz
ont sans rien remuer l'un pour la peur de l'autre: mais qui osteroit les forces à

* Neuf cets mil-
le escus.

- A l'un, & les laisseroit à l'autre, il doubleroit la puissance qu'il redoubtoir. A cela repliqua Marcellus le Consul outrageusement, appellant Cæsar un brigand, disant que lon le deuoit declarer ennemy public du peuple Romain, s'il ne posoit les armes: toutefois à la fin Curio, Antonius & Piso feirent tât, que la chose fut mise en preuue de la pluralité des uoix de ceulx du Senat: car il dit que ceulx qui seroient d'aduis que Cæsar seul posast les armes, & que Pompeius retint les sienes passassent tous d'un costé. Il y en eut la plus part qui y passerent: puis apres il commanda que ceulx qui uoudroient que l'un & l'autre les posassent, & que ny l'un ny l'autre ne les retint, passassent: & adonc il n'en demoura que uingt & deux seulement qui feissent pour Pompeius, & tous les autres en-semble se rengèrent du costé de Curio, lequel à ceste cause sortit en la place la teste hault leuee de ioye comme uictorieux, & fut recueuilly par ceulx de sa ligue avec haults cris & grands battemens de mains en signe de reiouissance, & avec force festôs, bouquets & chappeaux de fleurs qu'ilz ietterét sur luy. Põpeius n'estoit pas present à ceste espreuue qui se feit de la uoulunté du Senat, pource q̃ ceulx qui ont charge & comãdement sur des armées, ne peuuét par les loix Romaines entrer dedans la uille: mais Marcellus se leuant, dit qu'il ne uouloit pas demourer assis s'amusans à ouir des harengues & des disputes, ce pendant qu'il sçauoit de uray que dix legiõs passoient desia les mõts des Alpes pour uenir en armes droit cõtre eulx, & qu'il enuoyeroit au deuant hõme qui leur feroit teste pour la defence de la chose publique. Depuis cela lon chãgea de robbes à Rome, cõme lon a accoustumé de faire en un deuil public: & Marcellus passant à trauers la place suiuy du Senat, s'en alla deuers Põpeius, deuant lequel estant arriué, il luy dit tout hault, Ie te comãde Põpeius que tu aies à secourir la chose publique, avec les forces q̃ tu as ia toutes prestes, & que tu en leues encore d'autres. Autât luy en dit aussi Lëtulus l'un de ceulx q̃ estoiet designez Cõsulz pour l'annee ensuiuant: mais comme Pompeius cuida leuer & enroller gës de guerre dedans Rome, les uns ne uouloient point obeir à son mandement, les autres y uenoient à regret en petit nombre, froidement, & avec peu d'affection: & la plus part crioient, Appointement appointement, à cause que Antonius auoit leu deuât tout le peuple, malgré le Senat, une lettre missiue de Cæsar, contenant certaines demandes & offres fort à propos pour attirer le menu peuple: car il requeroit que Pompeius & luy sortissent tous deux hors de leurs gouuernemës, & qu'ilz laissassent leurs armées pour ester à droit, & se remettre entierement au iugement du peuple, en luy rendant compte & raison de tout ce quilz auoiet fait. Lentulus qui estoit desia entré en possession de son Consulat, ne faisoit point assembler le Senat: mais Ciceron nagueres retourné de la Cilicie alloit raschant de moiener accord, mettant en auant que Cæsar laissast les Gaules, & tout le reste de son armée, exceptees deux legions seulement, qu'il retiendroir avec le gouuernement de l'Esclauonie, attendant un second Consulat. Pompeius trouua cest expedient mauuais: & les amis de Cæsar se laisserent cõduire iusquës à conceder que Cæsar laisseroit encore l'une de ses legions: mais Lentulus sy opposa, & Caton d'un autre costé aussi, criant que Pompeius s'abusoit & se mescontoit, de maniere que toutes ces uoies d'appointement n'eürét point de lieu. Et ce pendant nouuelles uindrét à Rome que Cæsar s'estoit desia saisi d'Ariminum bonne & grãde uille de l'Italie, & qu'il s'en uenoit avec toute sa puissance droit à Rome: ce q̃ estoit faulx, car il n'auoit pas encore avec luy plus de trois cents cheuaux, & cinq mille hommes de pied, n'ayant pas uoulu attendre

Pompeius.

le reste de son armee, qui estoit encore de la les monts en la Gaule, ains se hastât F
pour surprendre ses aduersaires au desprouueu pendant qu'ilz estoient en trou-
ble & en effroy, & qu'ilz ne se doubtoient pas que sa uenue deust estre si soudai-
ne, plus tost que de leur dōner temps de se prouueoir, & les cōbattre lors qu'ilz
feroient tous preparez: car quand il fut arriué sur le bord de la riuiera de Rubi-
con, qui fait la separation du gouuernemēt qui luy auoit esté baillé d'auec l'I-
talie, il s'arresta tout coy un espace de temps sans mot dire, & differa un peu,
pensant en soy mesme la grande & hardie entreprise ou il falloit ietter, puis
tout soudain, ne plus ne moins que ceulx qui se lancent d'un hault rocher en
aby sme de profondeur infinie, fermant la bouche à la raison, & clouât les yeux
à l'imagination du peril, il escria à ceulx qui estoient à l'entour de luy en lan- G
gage Grec, Le dé soit ietté. comme s'il eust uoulu dire, prenons en l'aduenture: à
tout perdre n'y a qu'un coup perilleux: & fait passer son armee. Si tost que la
nouuelle en fut diuulguee à Rome, il y eut un si grād effroy que lon n'en auoit
encore point ueu de pareil: car tout le Senat s'en courut incontinent deuers Pō-
peius, & s'y en fouirent aussi tous les magistrats de la uille, là ou Tullus luy de-
manda quelles forces & quelle armee il auoit pour les defendre: Pompeius luy
respondit auec quelque demeure, & d'une parole mal asseuree, qu'il auoit les
deux legions que Cæsar luy auoit r'enuoyees toutes prestes, & qu'il pensoit que
de ceulx qu'il auoit nagueres fait leuer à la haste, il feroit bié iusques au nōbre
de trēte mille cōbattans. Tullus adōc s'escria tout hault, Tu nous as abusez Pō- H
peius: & conseilla que lon enuoyast des ambassadeurs deuers Cæsar. Il y auoit
en celle compagnie un nommé Faonius, lequel n'estoit pas mauuais homme
au demourāt, sinon que par une opiniastrētē & une audace, il cuidoit bien cō-
trefaire la fraîche liberté de parler dont ufoit Caton: celuy là luy dit alors, qu'il
frappast du pied cōtre la terre, pour en faire soudre les gēs de guerre qu'il leur
auoit promis. Pompeius supporta doucement l'importunité oultrageuse de
cest homme: & comme Caton luy ramenaist en memoire ce qu'il luy auoit pre-
dit de Cæsar dès le commencement, il luy respōdit, En ce que tu m'en as predit,
tu as certes prophetizé plus ueritablement: mais ce que i'en ay fait, ie l'ay fait à
la bonne foy plus amiablement. Si fut adonc Caton d'aduis que lon eleust Pō- I
peius capitaine general de la chose publique, auec plein pouuoir & puissance
souueraine de toutes choses, disant, Que les mesmes hōmes qui font les grāds
maulx, sont ceulx qui mieulx y sçauent remedier: & incontinent se partit pour
aller en la Sicile, le gouuernement de laquelle luy estoit escheut par le sort, &
chascū des autres Senateurs pareillemēt s'en alla aux prouinces qui leur estoiet
aduenues. Ainsi estant presque toute l'Italie esbrālee, il n'y auoit ordre ny rai-
son quelconque en tout ce qui s'y faisoit: car ceulx qui estoient hors de Rome
y accouroient fuians de tous costez, & au contraire, ceulx qui habitoient de-
dans en sortoient à grande haste, & l'abandonnoient en tel trouble & telle cō-
fusion, que ce qui pouuoit seruir aiant bon uouloir d'obeir, se trouuoit debile, K
& ce qui nuisoit pour la desobeissance y estoit puissant & malaisé à regir & à
manier aux magistrats qui auoient loy de commander. Car il n'y auoit moien
quelconque d'appaiser leur effroy, & ne l'aissoit on pas à Pompeius ordonner
des choses à son iugement, ains selon q̄ chascun se trouuoit passionné de dou-
leur, de crainte ou de doute, il l'en alloit remplissant: tellement que bien sou-
uent en un mesme iour se prenoient toutes contraires resolutions de conseil. Il
ne pouuoit entendre rien de certain des ennemis, pource que les uns luy rap-
portoient

- A portoient tantost d'un, & les autres tantost d'un autre, & fil ne les uouloit croire ilz s'en courrouceioient à luy. Finablement aiant arresté qu'il uoioit le tumulte & la confusion si grande à Rome, qu'il n'y auoit ordre d'en uenir à bout, il commanda à tous ceulx du Senat qu'ilz s'en allassent apres luy, denonceant à ceulx qui demoureroient qu'il les tiendroient pour adherents de Cæsar, & sur les uespres abandonna la uille. Les deux Consulz sans sacrifier aux Dieux, ainsi que lon a accoustumé de faire, auant que partir pour aller à la guerre, s'en fouirent aussi, de façon que Pompeius au plus fort de ses affaires & au milieu du peril, se pouuoit dire heureux, pour ueoir la grande affection & bienueuillâce que tout le monde luy portoit : car encore que plusieurs reprissent la maniere de sa conduite, il n'y en auoit neantmoins pas un qui haïst le cōducteur, ains en eut on trouué plus de ceulx qui ne pouuoient abandonner Pompeius pour l'amour qu'ilz luy portoient, que de ceulx qui le suiuiroient pour maintenir leur liberté.
- B Peu de iours apres qu'il fut party, Cæsar arriua à Rome, lequel se saisissant de la uille, parla humainement à tous les autres qu'il y trouua, apaisant leur effroy, excepté qu'il menassa de faire mourir Metellus l'un des Tribuns du peuple, qui le uoulut empescher de prendre de l'argent au tresor de la chose publique : & si adiouta à ceste cruelle menace une parole encore plus aspre : car il luy dit, que le dire luy estoit plus difficile que le faire. Ainsi aiant rebouté Metellus, & pris ce qu'il uoulut, il se mit à suiure Pompeius à la trace, taschant à le chasser dehors de l'Italie, premier que l'armee qu'il auoit en Hespagne luy peust arriuer.
- C Pendant Pompeius s'estant saisi de la uille de Brundisium, & aiant recouuré quelques uaisseaux, fait incōtinent embarquer dessus les deux Consulz avec trente enseignes de gens de pied, qu'il enuoya deuant oultremer, à Dyrrachium : & depescha quand & quand Scipion son beaupere, & Gneus Pompeius son filz, pour aller en Syrie faire prouision de nauires : & luy aiant bien remparé les portes de la uille, & disposé sur les murailles les plus uistes & plus legers de ses soudards, avec expres commandement à ceulx de la uille qu'ilz ne bougeassent de leurs maisons, il fit encore fossoier & trencher par le dedans de la uille les rues en plusieurs endroits, & remplit les dittes fosses & trenchees de
- D paux pointus & aguisez par les bouts, exceptees deux rues par lesquelles il deuoit se redre sur le port. Puis le troisieme iour apres, aiant desia embarqué à loisir toute l'autre multitude de ses gens, il fit soudainement haulser un signe en l'air à ceulx qu'il auoit laissez pour la garde des murailles, lesquels accoururent aussi tost à luy, & les aiant habillement recueuillis en ses uaisseaux, il leua les ancrs & trauersa la mer. Incontinent que Cæsar apperceut les murailles denuees de gés, il se doubta bien que Pōpeius s'en estoit fuy, & uoulant courir apres, s'en fallut bien peu qu'il ne s'enferrast en ces paux fichez, & qu'il ne tumbast dedans les trenchees, n'eust esté que ceulx de la uille l'en aduertirēt, ainsi se garda il de passer par le trauers de la uille, & tournoya à l'entour pour aller au port, ou il trouua q̄ toute la flotte auoit desia fait uoile, exceptez deux uaisseaux seulement,
- E sur lesquels y auoit peu de gens de guerre. Or y en a il qui mettent ce departement de Pompeius entre les meilleures ruzes de guerre dont il usa iamais : toutefois Cæsar mesme s'esbahissoit comment, aiant une uille forte en sa puissance, & attendant son armee qui luy uenoit d'Hespaigne, & estant maistre de la mer il abandonna onques l'Italie. Ciceron aussi le reprend de ce qu'il ensuiuoit plus tost le stile & la conduite de Themistocles, que de Pericles, ueu que les affaires ressembloïēt plus au tēps de cestuy cy, que de celuy là : & Cæsar mes-

Pompeius.

me mōstra bien par effect qu'il craignoit fort le temps, car aiant surpris Numerius l'un des amis de Pompeius, il l'enuoya à Brundisium deuers Pompeius, luy faire offre d'appointer avec egales cōditions: mais ce Numerius feit uoile quād & Pompeius. Par ce moien donques, Cēsar s'estant emparé & fait seigneur de toute l'Italie en soixante iours, sans coup ferir, ny sang esandre, uoloit bien tout promptement aller apres Pompeius: mais pour autant qu'il n'auoit point de uaisseaux prests, il s'en deporta & tira en diligence uers Hespagne pour trouuer moien de gaigner l'armee qui y estoit. Et ce pendāt Pompeius assembla une tresgrosse puissance par mer & par terre: celle de mer estoit de tout poinct inuincible, car il y auoit de uaisseaux pour combattre iusques au nombre de cinq cents, & de galiottes, fustes & fregates un nombre infiny: & quant à celle de terre, il y auoit toute la fleur de la cheualerie Romaine & de l'Italie aussi, iusques au nombre de sept mille cheuaux, tous hommes riches, de grandes maisons, & de hault courage: mais ses gens de pied estoient hommes ramassez de toutes pieces qui auoient besoing d'estre aguerriz & exercitez à loisir au faict des armes, comme aussi les faisoit Pompeius exercer continuellement, estant de seiour pres la uille de Berrē, là ou il ne se tenoit point luy mesme oisif, ains traualloit autant de sa personne, que fil eust esté en la fleur de son aage: ce qui estoit de grande efficace pour asseurer & encourager les autres, de uoir le grand Pompeius aagé de soixāte ans il ne s'en falloir que deux, combattre à pied tout armé, & puis à cheual desgainer son espee sans difficulté pēdant que son cheual couroit à bride abbattue, & puis la rengainer tout aussi facilēmēt, lancer le iauelot non seulement avec dexterité de donner à poinct nommé, mais aussi avec force de l'enuoier si loing, que peu de ieunes gēs le pouuoient passer. A luy seuenoient rendre les Roys, Princes & seigneurs de païs: & de capitaines Romains qui auoient eu charges, s'en trouua autour de luy un nombre de Senat complet, entre lesquelz s'y en alla Labienus mesme, qui estoit parauant l'un des amis de Cēsar, & qui auoit tousiours esté quand & luy es guerres de la Gaule: & Brutus le filz de celuy qui fut occis en la Gaule, homme de grand cueur, & qui iamais au parauant n'auoit parlé à Pompeius, ny ne l'auoit salué, pource qu'il le reputoit auoir esté meurtrier de son pere: & neantmoins falla lors uoluntairement soubmettre à luy, comme à celuy qui combattoit pour la liberté de Rome. Ciceron mesme, combien qu'il eust autrement escrit & conseillé, eut honte de n'estre pas du nombre de ceulx qui uoloient hazarder leur uie pour la defence du païs. Aussi y alla Tidius Sextius iusques en Macedoine, encore qu'il fust extremēmēt uieil & qu'il fust boitteux d'une iambe: tellement q̄ les autres s'en gaudissoient & mocquoient, mais Pompeius quād il l'apperceut se leua & luy courut au deuant, estimant que c'estoit un bien euidēt tesmoignage de la bonne opinion que lon auoit de luy, que de si uieilles gens, faisans plus que leur aage ny leur force ne portoit, aimassent mieulx estre en peril avec luy quē toute seureté en leurs maisons. D'auantage il fut tenu une assemblee de Cōseil, en laquelle suiuant l'opinion de Caton, lon arresta que lon ne feroit mourir pas un citoien Romain, sinon en bataille, & ne saccageroit on uille quelconque qui fust subiecte à l'empire Romain. Cela feit que la part de Pōpeius en fut encore biē plus aimee: car ceulx qui ne se mesloient aucunemēt de ceste guerre, ou pource qu'il en habitoient trop loing, ou pource qu'ilz auoient si peu de force & de moien que lon n'en faisoit pas autrement cōpte, encore fauorisoient ilz de uolunté & de parole la plus iuste partie, estimans celuy estre ennemy des

- A Dieux & des hommes, qui ne desiroit que Pompeius uainquist. Toutefois Cæsar aussi de sa part se monstroit doulx & gracieux, là ou il estoit le plus fort: car aiant pris & gaigné toute l'armée de Pompeius, qui estoit en Hespagne, il en laissa aller les capitaines ou bon leur sembla, & se seruit des soudards: puis repassant derechef les monts, il trauersâ à grandes iournees toute l'Italie, tât qu'il arriua en la uille de Brundisium qu'il estoit desia au cueur d'hyuer, là ou passant la mer, il alla prendre terre en la uille d'Oricum, menant quand & luy Vibius l'un des amis de Pôpeius qu'il auoit pris prisonnier, & l'enuoya deuers luy pour luy offrir derechef qu'ilz se trouuassent ensemble, & que dedâs trois iours ilz eussent à casser & rompre leurs armées tous deux, & que s'estans reconciliez
- B l'un avec l'autre, & s'estans donné la foy l'un à l'autre, ilz s'en retournassent ensemble bons amis en Italie. Pompeius estima derechef que ce fust un aguêt & une embusche pour le surprendre, & descendant soudainement uers la marine se saisit de tous les lieux propres & assiettes fortes de nature pour loger un camp à seureté, & semblablement de tous les ports, playes & rades de bon abry pour les nauires, & ou lon pouuoit seurement aborder, de maniere que tout uent souffloit bon pour luy, apportant en son camp ou gens, ou uiures, & argent. Au contraire, Cæsar estoit si pressé & si à destroit tant par terre que par mer, qu'il estoit contrainct de chercher la bataille en allant assaillir Pompeius iusques dedans ses forts pour essayer de l'attirer au combat, ou il auoit du meilleur la
- C plus part du temps, & emportoit l'auantage presque en toutes les escarmouches qui s'y faisoient, excepté une fois qu'il faillit à perdre toute son armée, & à estre du tout ruiné, par ce que Pompeius rembarra si uaillamment ses gens, qu'il leur feit à tous tourner le dos, apres en auoir tué deux mille sur le champ: mais il ne peut, ou pour mieulx dire, à mon aduis, il n'osa entrer pelle melle dedans leur camp parmy les fuyans, tellement que le soir Cæsar en son priué dit à ses amis, que ce iour là les ennemis eussent emporté la uictoire finale, filz eussent eu un chef qui eust sceu uaincre. Ceste uictoire eleua le cueur à ceulx du party de Pôpeius, de maniere qu'ilz uoulurent à toute force hazarder la bataille. Pôpeius mesme escriuit aux Roys estrâgers, princes, seigneurs, & uilles de son alliance,
- D comme s'il eust eu desia tout gaigné, cōbien qu'il redoubtast grandemēt l'issue d'une bataille, & uoulust plus tost miner ses ennemis par longueur de temps à faulte de uiures, uoiant bien qu'autremēt ilz estoiet, en maniere de dire, inuincibles par armes, attendu que de long temps ilz auoient tousiours accoustumé de demourer uictorieux quand ilz combattoient ensemble, & que desormais pour leur uieillesse ilz se faschoient de faire d'autre sorte la guerre, comme d'aller errans ça & là par diuers païs, remuer souuent de logis, creuser des trenchées, bastir des clostures & remparemens de camp, tellement que pour ceste cause ilz ne demandoient autre chose que de uenir bien tost aux mains, & attacher une bataille. Ce neantmoins au parauant encore persuaadoit aucunement Pôpeius à ses gens, par les remonstrances qu'il leur faisoit, qu'ilz ne bougeassent: mais quand ilz ueirent qu'apres ceste dernière rencontre, Cæsar forcé par la necessité de uiures, se leua de là ou il estoit campé, pour aller en la Thessalie à trauers le païs des Athamaniens, alors n'y eut il plus ordre de contenir la fierté & la gloire de ses gens, qui cryoient que Cæsar s'enfuyoit, & uoloient les uns que lon allast apres, & que lon le poursuiuist uisuellement, les autres que lon repassast en Italie. Il y en eut qui enuoyerent deuât à Rome de leurs seruiteurs & de leurs amis, pour retenir les logis & maisons plus prochaines de la place, pource

Pompeius.

qu'ilz auoient bien intétion que incontinent qu'ilz seroiét de retour en la uille, ilz demanderoient des offices & estats de la chose publique: & y en eut d'autres, qui de guayeré de cuer nauiguerent en l'isle de Lesbos deuers Cornelia, que Pompeius auoit fait retirer là pour luy porter ceste bonne nouuelle que la guerre estoit acheuee. Mais estant le conseil assemblé la dessus, pour resouldre ce que lon auoit à faire, Afranius fut d'aduis que lon deuoit entendre à retourner le plus tost qu'on pourroit en Italie, pource que c'estoit le principal pris que lon pretendoit en ceste guerre, & que ceulx qui en seroient seigneurs auroient incontinent apres à leur deuotion la Sicile, la Sardagne, la Corsique, l'Hespagne, & la Gaule: & d'auantage qu'il n'estoit pas honeste (ce qui plus deuoit emouuoir Pompeius que nulle autre chose) de laisser tyranniquement outrager & iniurieusement traiter leur païs, qui leur tendoit, par maniere de dire, les mains de si pres, estâts detenu en seruitude par des esclaués & des flatteurs de tyrans. Mais Pôpeius ne iugea pas qu'il fust ny honorable pour luy de fouir une autrefois deuant Cæsar, & de se faire suiure là ou la fortune luy donnoit moien de le chasser & poursuiure luy mesme, ny sainct enuers les Dicux d'abandonner Scipion son beaupere, & plusieurs autres personages consulaires, qui estoient en la Grece & en la Thessalie, lesquelz ne faudroiét pas de tumber incontinent entre les mains de Cæsar qui ne les secourroit avec toute la cheuâce & les forces qu'ilz auoient, lesquelles n'estoient pas petites, & que ceulx prouoyoient le mieulx au bien de la uille de Rome qui en tiroient le plus loing la guerre, à fin que sans souffrir, ueoir ny ouir rien des maulx q̄ la guerre apporte quand & soy, elle attendist en paix celuy qui finalement demoureroit uictorieux. Cela cōclut, il se remeit à suiure Cæsar à la trace, delibéré de ne luy donner point de bataille, mais bié de le tenir assiegé, & le miner à faulte de uiures, en le poursuiuant & serrant tousiours de pres, estimant qu'il luy estoit expediét d'ainsi le faire encore pour une autre raison, à cause qu'il luy fut rapporté un propos qui s'estoit tenu entre les cheualiers Romains, lesquelz discouroient qu'il falloit desfaire le plus uistemét que lon pourroit Cæsar, à fin de le desfaire luy mesme aussi incontinent apres: & dit on q̄ cela fut la cause, pour laquelle Pompeius n'employa onques Caton en chose de consequence. durant toute ceste guerre: car quand il se meit à marcher apres Cæsar, il le laissa sur la coste de la marine à la garde du bagage, craignant que soudain qu'ilz auroient ruiné Cæsar, il ne le uoulust contraindre de quitter aussi tost toute son autorité. Ainsi se mettât à marcher tout bellement à la cueuë de Cæsar, il fut calumnié, & commença lon à crier contre luy qu'il ne faisoit pas la guerre à Cæsar, ains à son propre païs & au Senat, à fin qu'il demourast tousiours en autorité de commander, & que iamais il ne cessast d'auoir autour de luy comme ses satellites & ses ministres ceulx qui pretendoient deuoir estre eulx mesmes seigneurs de tout le monde. D'auantage Domitius Enobarbus l'appelloit à tous coups Agamemnon. & le roy des roys, ce qui luy suscitoit enuie, & Faonius n'estoit pas moins fascheux ne moins picquant que ceulx qui se mocquoient ainsi importunement à la descouuerte, car il alloit criant, Messieurs ie uous aduise que uous ne mangerez point encore l'annee qui uient des figues de Thuscule. Et Lucius Afranius, lequel auoit perdu l'armee q̄ estoit en Hespagne, & en estoit soupçonné de trahison, uoiant que Pompeius lors reculoit à la bataille: le m'esmerueille (disoit il) que ceulx qui m'accusent ne vont franchement trouuer celuy qu'ilz appellent marchand & acheteur de prouinces pour le combattre incontinent.

- A** incontinent. Par ces langages & beaucoup d'autres semblables ilz contraignirent à la fin Pompeius, lequel ne pouuoit endurer que lon mesdist de luy, & ne pouuoit rien refuser à ses amis, de suyure leurs esperances & leurs appetits, en se departant de ses sages conseils : ce que ne deuoit pas faire un pilote de nauire seulement, tant s'en fault qu'il fust excusable en un capitaine general, aiant entier pouuoir & autorité souveraine sur tant de nations, & sur de si puissantes armées : & là ou il fouloit louer les medecins, qui ne complaisoient iamais aux uoluntés & appetits desordonnez de leurs patients, luy mesme se laissa aller à obtemperer à la plus mal saine partie de son armée, craignāt de leur desplaire, là ou il estoit question de leur uie & de leur salut. Car qui iugeroit ne sains ne
- B** sages ceulx qui en se promenant par leur camp briguoient desia les offices & estats de Consulz & de Præteurs, & ueu que Spintier, Domitius, & Scipion debattoient, desia entre eulx & faisoient des brigues & menees pour la prelature de souverain Pontife que tenoit Cæsar, comme s'ilz eussent eu à faire à un roy d'Armenie Tigranes, ou à un roy des Nabateiens qui fust campé aupres d'eulx, non pas à Cæsar, & à son armée, laquelle auoit pris à force d'assault mille uilles, auoit subiugué plus de trois cents diuerfes nations, auoit gagné infinies batailles cōtre les Allemans & Gaulois, sans iamais auoir esté uaincue, auoit pris un million d'hommes prisonniers, & en auoit occis un autre million en batailles rengées. Mais nonobstant tout cela, ceulx du party de Pompeius estans
- C** tousiours à crier apres luy & à luy rompre la teste, finablement quand ilz furēt descendus en la plaine de Pharsale, ilz le forcerent de mettre la chose à la deliberation du Conseil, auquel Labienus estant chef de la cheualerie, se dressa le premier sur ses piedz, & iura deuant tout le monde, qu'il ne retourneroit point de la bataille qu'il n'eust desfait & mis en rouverte les ennemis: autant en iurerēt aussi tous les autres apres luy. Et la nuit ensuiuant il fut aduis à Pompeius en dormant, qu'il entroit dedans le Theatre, là ou le peuple le recueilloit avec grands battemens de mains par honneur, & que luy ornoit le temple de Venus uictorieuse de plusieurs despouilles. Ceste uision de songe d'un costé luy donnoit bon courage, & d'une autre costé le luy rompoit aussi, pour autant qu'il
- D** auoit peur, qu'estant la race de Cæsar descendue de la Deesse Venus, son songe neuoulust signifier qu'elle seroit annoblie & illustree par la uictoire & par les despouilles qu'il gagneroit sur luy. Qui plus est, il y eut en son camp des bruits & tumultes effroyans, sans aucune cause apparente, que lon appelle vulgairement frayeurs paniques, qui l'esueillèrent en sursault : & enuiron l'heure que lon remue le guet au matin, lon apperceut dessus le camp de Cæsar, dōt lon n'oyoit bruit quelconque, une grande clarté, & s'en alluma comme un flambeau ardet qui uint fondre sur le camp de Pompeius: ce que Cæsar luy mesme dit auoir ueu ainsi comme il alloit uisiter ses guetz. Et sur l'aube du iour aiant proposé de deloger auant que les tenebres de la nuit fussent toutes esclarcies, ainsi cōme les
- E** soudards abbattoient desia leurs tentes & leurs logis, & enuoyoit deuāt leurs sommiers & leurs ualets, il uint des courēurs qui rapporterent qu'ilz auoient apperceu dedans le camp des ennemis force armes que lon portoit ça & là, & que lon y entendoient une emeute & un bruit, cōme de gens qui se preparent à la bataille : apres ces premiers il en arriua encore d'autres, qui rapporterent que les premiers rengs estoient desia ordonnez en bataille. Parquoy Cæsar se prit à dire, que le iour donques qu'ilz auoient tant desiré estoit uenu, auquel ilz auroient à combattre contre des hommes, non pas contre la faim ny contre la

Pompeius.

disette de viures, & incontinent ordonna que l'on estendist deuant sa tente une F
cotte d'armes rouge: car c'est le signe, duquel usent les Romains pour signi-
fier qu'il doibt auoir bataille: ce que uoiant les soudards, laisserét là leur бага-
ge & leurs têtes, & avec grands cris de ioye s'en coururét prendre leurs armes,
& les chefs des bandes menans leurs gens chascun aux lieux ou ilz deuoient e-
stre, les rengerent en leurs rangs sans trouble ne tumulte quelconque, tout aussi
paisiblement & aussi aiseement, cōme s'ilz eussent ordonné une danse. Si estoit
Pompeius à la poincte droite de son armee aiant en teste deuât luy Antonius,
& auoit mis au milieu de sa bataille son beaupere Scipion, lequel uenoit à ré-
contrer de front Lucius Albinus à la poincte gauche: puis estoit Lucius Domi-
tius: laquelle estoit r'enforcie de force cheualerie. Car tous les cheualiers Ro- G
mains s'estoient presque iettez en ce costé là pour tascher à forcer Cæsar qui e-
stait à l'opposite, & rompre la dixieme legion, dōt on faisoit compte, comme
de la plus belliqueuse qui fust en tout l'ost de l'ennemy, de maniere que Cæsar
combarroit tousiours de sa personne au milieu d'elle: mais uoiant la poincte
gauche de ses ennemis ainsi fortifiée de cheualerie, & craignāt la lueur de leurs
harnois fourbis à blanc, il feit uenir six enseignes de renfort, qu'il metit derriere
sa dixieme legion, leur enioignant qu'ilz ne bougeassent aucunement, de peur
que les ennemis ne les descouurissent: mais si tost que la gendarmerie des enne-
mis uiendroit à charger, qu'à lors courās de roideur ilz se iettaient à costé des
premiers régs, sans toutefois lācer leurs iauelots de loing, comme ont accou- H
stumé de faire les plus uaillans combattans, à fin de plus tost uenir à l'escrime
des espees: ains les dresser cōtre mont, & en donner aux yeux & aux uisages des
ennemis: pource, dit il, que ces beaux dāseurs icy mignons n'attēdront iamais,
de peur q' uous ne leur gastiez leurs beaux uisages & leurs beaux teincts, ny ne
pourront iamais endurer la lueur de uoz ferremens quand uous les leur appro-
cherez pres des yeux. Voilà ce que faisoit Cæsar. Mais Pompeius estant à cheual
alloit considerant l'ordonnance & la contenance des uns & des autres, & ob-
serua que ses ennemis attēdoient tous de pied quoy sans bouger de leurs rangs,
le temps & le signe de charger: & au contraire, que la pluspart de ses gens n'a-
uoit pas la patience d'attendre ferme en un lieu, ains branloit & flotloit à faulte I
d'experience & de bien sçauoir le mestier de la guerre: à l'occasion de quoy il
eut peur qu'ilz ne se desbendassent, auant mesme que la bataille fust commen-
cée: si enioignit expressement à ceulx des premiers rangs, qu'ilz demourassent
fermes sur leurs marches en defence, & que soy tenāts bien serrez ensemble ilz
attendissent sans bouger le choc de l'ennemy. Cæsar depuis blasma ce cōman-
dement là, pour autant (disoit il) que cela affoiblit la uiolēce que le courir don-
ne aux premiers coups, & quand & quand oste l'eslancement des combattans
les uns contre les autres, qui a accoustumé de les réplir d'impetuosité & de fu-
reur plus que nulle autre chose, quād ilz uienent à s'entrechocquer de roideur,
leur augmentant le courage par le cry & la course, & rend la chaleur des sou- K
dards, en maniere de dire, refroidie & figee. Il pouuoit auoir en l'armee de Cæ-
sar enuiron uingt & deux mille combattans, & en celle de Pōpeius un peu plus
que deux fois autant. Comme donques le mot de la bataille eust ia esté donné
d'une part & d'autre, & que les trompettes commēcerent à sonner, Donnez de-
dans: le commun ne pensa plus qu'à son affaire particulier: mais quelques uns
des plus gens de bien Romains, & quelques Grecs qui se trouuerét sur les lieux,
hors toutefois des batailles, uoians les choses si pres du peril, allerent confide-

A rās en eulx mesmes, à quelz termes la conuoitise & l'opiniaistreté de deux hommes auoit conduit les forces de l'empire Romain : car c'estoiēt mesmes armes, ordonnances de batailles toutes semblables, enseignes communes & en tout pareilles, la fleur de tant de uailhans hommes d'une mesme cité, & une si grosse puissance qui falloit destruire elle mesme, seruāt de notable exemple pour mōstrer combien la nature de l'homme est auéglee, furieuse & forsenée, depuis qu'elle se laisse une fois transporter à quelque passion : car filz eussent uoutu regir & gouuerner en paix ce qu'ilz auoient conquis, & se contenter de iouir de ce qu'ilz auoient tout acquis, la plus grāde & la meilleure partie du monde, de la mer & de la terre estoit soubz leur obeissance. Ou biē encore filz eussent uoul-

B lu seruir à leurs cupiditez de uictiores & de triumphes, & en ressaier leur soif, ilz auoient assez matiere de faire la guerre contrē les Parthes & contrē les Allemans, & si ne leur restoit pas peu d'affaire à cōquerir & subiuguer toute la Scythie, ou les Indes : & si auoient en cela honeste couleur pour couurir leur auarice, car ilz eussent peu dire que c'estoit pour enseigner la uie ciuile à ces natiōs là barbares. Et quelle cheualerie de la Scythie, ny quelles flesches des Parthes, ou richesse des Indiens eust peu soustenir l'effort de soixāte & dix mille combattans Romains, mesmemēt soubz la conduite de deux telz capitaines, comme Pōpeius & Cēsar : desquelz ces estranges & loingtaines nations là, ont plus tost entēdu les noms, que celuy mesme des Romains, tāt ilz ont penetrē auant

C par leurs uictiores, en subiuguant des peuples farouches, sauages & barbares : Et lors estoient l'un deuant l'autre en armes pour s'entredesfaire, sans auoir, à tout le moins, pitié de souiller & maculer leur gloire, dont ils estoient si ambitieux, que pour elle ilz n'espargnoient pas leur propre pais, aians iusques à ce iour là esté de faict & de renom inuincibles. Car l'affinité qu'ilz auoient cōtractee ensemble, l'amour de Iulia & ses nopces des le commencement furent suspectes de n'estre que tromperie, & plus tost ostage & plege d'une conspiration faite entre eulx pour le regard de quelque cōmodité particuliere, que non pas arre de urayē amiriē. Quand donques la plaine de Pharsale fut couuēte d'hommes, de cheuaux & d'armes, & que le signe de chocquer eut esté donné d'une

D part & d'autre : le premier de l'armēe de Cēsar qui se prit à courir pour charger, fut Caius Crassianus capitaine de cent uingt & cinq hommes, uoulant satisfaire à une grāde promesse qu'il auoit fait à Cēsar, lequel l'ayant ueu le matin sortir le premier du camp, luy auoit demandé en le saluant par son nom, qu'il luy sembloit de l'issue de ceste bataille, & le capitaine luy tendant la main luy cria tout hault, Tu la gaigneras Cēsar, n'en fais point de doubte, & me loueras au iourdhuy ou uif, ou mort. Se souuenant donques de ceste parole, il fut le premier qui se ietta hors des rengs, & en tirant plusieurs autres apres luy, alla donner la teste baissée au beau milieu des ennemis : si uindrent incontinent au cōbat des espees à coups de main, & sy faisoit grand meurtre d'hommes : car ce capitaine pouloit tousiours en auant, & alloit fendant la presse, & mettāt en pieces tout ce qu'il rencontroit au deuant de luy, iusques à ce, qu'il y en eut un qui l'arresta d'un coup d'estoc qui luy donna droit dedās la bouche, & le percea de part en part, tellement que la poincte de l'espee uenoit à sortir au chinō du col. Ainsi estant cestuy Crassianus tumbē mort en terre, le combat uint à estre egal en cest endroit là. Mais Pompeius ne fait pas soudainemēt marcher la poincte gauche de sa bataille ou il estoit, ains differoit tousiours, & iettoit ses yeux ça & là pour ueoir ce que feroiēt ses gens de cheual, lesquelz estendoient leurs cō-

pagnies pour enuveloper Cæsar, & en auoient enuoyé deuant quelque petit nombre seulement, pour commécer à enfoncer le bataillon de ses gés de pied. Au contraire, si tost que Cæsar eut fait leuer en l'air le signe de la bataille, ses gens de cheual se tirerent un peu à costé, & les six cohortes qu'il auoit mises en aguët derriere, ou il y auoit trois mille combattans, se prirent soudainement à courir pour charger l'ennemy par le flanc: & comme ilz furent ioignant les cheuaux, ilz dresserent les fers de leurs uoges & iauelots cōtremont, ainsi que Cæsar leur auoit enseigné de faire, & en donnerent droit aux uisages de ces ieunes gentils hommes, qui ne s'estoiét iamais trouuez en combat, & n'attendoiet point ceste escrime là, ny ne l'auoiet point apprise: aussi n'eurent ilz pas la hardiesse de parer ny soustenir les coups qui leur estoient ainsi tirez aux yeux & à la face, ains destournans les testes, & mettans les mains au deuât de leurs uisages, se tournerent honteusement en fuite. Ceulx là estās rompus & mis en fuite, les gens de Cæsar ne teindrent compte de courir apres, ains s'allerēt ruer sur le bataillon de gens de pied, mesmemēt à l'endroit ou il estoit denué de gés de cheual, & conséquément plus aisé à coustoyer & enuironner. Ainsi estās chargez en flanc par ceulx là, & de frōt par la dixieme legion, ilz ne peurent resister ny faire teste longuement, uoians qu'au rebours de ce qu'ilz auoient esperé, qui estoit d'euveloper leurs ennemis, ilz se trouuoiet eulx mesmes enfermez. Ceulx là estans donques aussi tournez en fuite, quand Pompeius en ueit la poulciere en l'air, il se doubta incontinet bien que c'estoit la desfaiete de sa cheualerie. Et seroit mal aisé de dire, quelle pensee luy uint adonc en l'entendement: mais bien peult on asseurer que, à sa cōtenance, il ressembla proprement à une personne estonnee ou abestie, & qui a perdu le sens & l'entendement, ne se souuenāt plus qu'il estoit le grand Pompeius: car sans mot dire à personne il se retira pas à pas en son camp, representant au uif ce qui est descript en ces uers d'Homere:

L e hault tonant Iupiter enuoya
 A u preux Ajax la peur, qui l'effroya :
 D ont perdu il s'arresta tout coy,
 E t sur son dos ietta derriere soy
 S on large escu, ou estoient par dessus
 S ept cuirs de bœuf, l'un sur l'autre tissus.
 P uis se tira hors la presse en fuiant,
 T ou siours les yeux ça & là tournoyant.

En tel estat entra Pompeius dedās sa tente, là ou il demoura assis quelque temps sans parler, iusques à ce que plusieurs des ennemis entrèrent pesse messe avec les gens fuyans dedans son camp: & lors encore ne dit il autre parole sinon, Comment, iusques en nostre camp! & non autre chose: ains se leuant prit une robe conuenable à sa fortune, & s'en sortit. Les autres legions fouirent aussi: & fut fait un grand meurtre des ualets & des gardes que lon auoit laissez dedans le camp. Car de soudards, A finius Pollio qui combattit luy mesme en ceste bataille du costé de Cæsar, escrit qu'il n'en mourut en tout que six mille. Mais à la prise de leur camp les gens de Cæsar cogneurent bien euidentement la folie, la uanité & legereté de ceulx de Pompeius: car il n'y auoit ny tente ny pavillon qui ne fust plein de festons & de chapeaux de meurtre, les lits tous couuerts de fleurs, les tables chargees de pots & de coupes pleines de uin, & un appareil & preparatif de gens, qui ueulent sacrifier & faire feste, plus tost que s'armer pour aller au combat: tant ilz alloient abusez de uaine esperance, &

A pleins de folle oultrecuidance, à ceste bataille. Quand Pompeius fut un peu loing de son camp, il laissa son cheual aiant peu de gens autour de luy : & uoiant que personne ne le poursuuyoit, il marcha à pied lentement, avec telles imaginations en son entendement que lon peut penser que deuoit auoir un personnage, lequel auoit accoustumé par l'espace de trente & quatre ans de uaincre continuellement, & d'estre tousiours le plus fort, là ou il commençoit lors premier à essayer sur sa uieillesse, que c'est de se trouuer uaincu & de fouir, & qui discouroit en luy mesme, comment il auoit perdu en une seule heure, la gloire, la puissance & l'autorité qu'il auoit acquise par tât de guerres & tant de batailles, & pour laquelle il estoit nagueres suiuy & obey de tant de milliers d'hommes de guerres, de tant de cheuaux, & d'une si grosse flotte de uaisseaux, & lors il sen alloit ainsi petit & reduit à si peu de train, que ses ennemis mesmes qui le cherchoiēt l'en mescognoissoient. Passé qu'il eut la uille de Larisse, il entra dedans la uallee de Têpe, là ou aiant soif il se coucha sur le uentre & beut en la riuere, puis se releuant chemina tant qu'il arriua sur le bord de la mer dedans une pauvre cabane de pescheurs, puis enuiron l'aube du iour entra dedans un petit batteau de riuere avec ceulx qui l'auoient suiuy estans de condition libre : car quant aux serfs il les renuoya & leur conseilla qu'ilz se retirassent deuers Cæsar hardimēt, & qu'ilz n'eussent point de peur. Ainsi comme il alloit régeant la coste avec ce petit batteau, il apperceut une grosse nauire de charge au large de la mer à la rade, qui leuoit l'ancre pour faire uoile : le maistre de la nauire estoit un Romain, lequel combien qu'il ne fust familier de Pompeius, le recogneut incōtinent au uisage. Il s'appelloit Peticius, & la nuit precedente auoit songé qu'il uoioit Pompeius, non tel comme il auoit accoustumé de le ueoir, mais bien plus raualé & plus affligé, parlant avec luy. Si auoit racompté son songe à ceulx qui nauiguoient avec luy, ainsi comme lon fait souuent, mesmement quand lon songe choses de grande consequence, & que lon se trouue de loisir : & à l'instant y eut quelqu'un des mariniers qui luy dit qu'il uoioit un batteau de riuere, qui uenoit droit à toute uogue uers eulx, & qu'il y auoit dedans des personnes qui secouoient leurs habillemens, & leur tendoient les mains. Parquoy Peticius se dressant sur ses piedz recogneut incōtinent Pompeius, tout tel comme il l'auoit ueu la nuit en songeant : & se battāt la teste de douleur, cōmanda aux mariniers qu'ilz deualassent l'esquif, & tēdit la main, appellant Pōpeius par son nom, se doubtant bien à le ueoir en tel estar, de ce qui luy estoit aduenü, & q̄ fortune luy auoit couru sus : au moien dequoy, sans attendre qu'il le priaist ne qu'il luy parlast de sa desconuenue, il le recueillit en sa nauire, & tous ceulx qu'il uoulut quand & luy, puis se meit à la uoile. Avec luy estoient les deux Lentules & Faonius, & tantost apres apperceurent encore sur le riuage le roy Deiotarus, qui se debattoit à leur faire signe qu'ilz le receussent aussi, cōme ilz feirent : & quand l'heure du soupper fut uenue, le maistre de la nauire leur appresta à soupper de ce qu'il auoit, & Faonius uoiant que Pompeius à faulte de ualẽts, commenceoit à se lauer soy mesme, courut à luy & le lãua & oignit, & depuis continua tousiours à le seruir & luy ministrer tout ce que font les serfs à leurs maistres, iusques à luy nettoyer les pieds & à luy apprestier à soupper : au moien dequoy y eut quelqu'un qui uoiant comme il faisoit ce seruice liberalement avec une simplicité naïfue, sans affecterie ny feintise quelconque, luy dit ce uer,

Que tout siet bien à un gentil courage :

Pompeius.

Ainsi Pompeius passant par deuât la uille d'Amphipolis, trauersa de là en l'isle F
de Lesbos pour y prendre sa femme Cornelia & son filz, qui estoient en la uille
de Mytilene: parquoy aiant posé l'ancre en la rade, il enuoya un messager en la
uille deuers Cornelia, non pas tel comme elle l'attendoit: car selon les nou-
uelles que lon luy escriuoit pour luy gratifier, & que lon luy rapportoit tous
les iours, elle esperoit que la guerre eust esté entierement decidee pres la uille de
Dyrrachium, & qu'il ne restast plus à Pompeius que de poursuiure Cæsar qui
s'en feroit fouy. Le messager donques la trouuant en telle esperance, n'eut pas le
cueur assez ferme pour la saluer seulement, ains luy donnant à entendre plus
par ses larmes que par ses paroles, le principal du malheur, luy dit, qu'elle se ha-
stast uistement si elle uouloit ueoir Pompeius en une nauire seule, & encore nō G
siene, mais empruntée. La ieune Dame oyant ceste nouuelle, tumba tout à plat
contre terre, ou elle demoura long tēps esuanouye sans parler ny muer: & apres
qu'elle se fut reuenue de pasmoison, considerât qu'il n'estoit pas tēps de lamē-
ter ny larmoyer, elle descendit en diligence par le trauers de la uille sur le bord
de la mer, là ou Pompeius luy alla au deuant, & la prit entre ses bras, pource
qu'elle ne se pouuoit pas soustenir, ains se laissoit tumber de douleur, en disant,
* Helas, c'est bien une œuvre de ma fortune, non pas de là tiene, cher mary, que
* ie te uoy maintenāt reduit à une seule pauvre petite nauire, là ou deuant que tu
* espoufasses la malheureuse Cornelia, tu soulois cingler en ceste mer avec cinq
* cents uoiles. Helas pour quoy m'es tu donques uenu ueoir, & que ne me laisses H
* tu avec ma sinistre & malencontreuse destinee, puis que c'est moy qui t'ay ap-
* porté tant de malheur? Helas tant i'eusse esté femme heureuse, si ie fusse morte
* auant que d'entendre la mort de Publius Crassus mon premier mary, que les
* Parthes me tuerent: & tant i'eusse esté sage, si, comme i'auoie proposé, i'eusse
* abandonné ma uie incontinent apres luy, là ou ie suis demouree pour porter
* encore malheur au grand Pompeius. Lon dit que Cornelia prononça lors de
* telles paroles, & que Pompeius luy respondit: Tu ne cognoissois à l'aduenture
* que la bonne fortune Cornelia, laquelle t'a peult estre abusée, pour autant qu'el-
* le auoit demouré avec moy plus longuement qu'elle n'a accoustumé de s'ar-
* rester en un lieu: mais puis que nous sommes nez hommes, il est force que nous I
* supportions patiemment ces aduersitez cy, & que nous tentions encore la for-
* tune: car il n'est pas hors d'esperance, que nous ne puissions de la calamité pre-
* sente retourner en la prosperité passée, aussi biē que de la prosperité passée nous
* sommes tumbés en la calamité presente. Ces paroles ouyes, Cornelia renuoya
en la uille querir son bagage & sa famille, & les Mytileniens uindrent publi-
quement uisiter & saluer Pompeius, en le priant de uoloir descendre en terre,
& se uenir refreschir en leur uille, ce qu'il ne uolut faire, ains luy mesme leur
conseilla d'obeir au uainqueur, sans auoir peur de rien, pource que Cæsar estoit
homme equitable & de benigne nature, & se tournant deuers le philosophe
Cratippus, qui estoit aussi descendu de la uille entre les autres citoiens pour le K
ueoir, se plaignit à luy de sa fortune & disputa un peu avec luy touchant la pro-
uidence diuine: en quoy Cratippus luy ceda un petit, le remettant tousiours en
meilleure esperāce, de peur qu'il ne luy fust trop ennuyeux & importun, si l'eust
uolu à bon esciant contester à l'encōtre de ses raisons, pour defendre que tou-
tes choses sont regies & gouuernées par la prouidence diuine, pource que fina-
blement leur dispute fust uenue à tumber sur ce poinct, que Pompeius luy eust
demandé quelque chose touchant ceste prouidence, & que Cratippus luy eust
respondu,

- A** respondu, que pour le mauuais gouuernemēt des affaires, il estoit besoing que la chose publique tumbast entre les mains d'un prince souuerain, & puis il luy eust à l'aduenture demandé, Comment & à quelles enseignes ueux tu que nous croyons, que tu eusses mieulx usé de la fortune, si tu fusses demouré uainqueur, que ne faict ou fera Cæsar? Mais il fault laisser cela ainsi comme il a pleu aux Dieux en ordonner. Aians donques Pompeius pris sa femme & ses amis, il se meit à la uoile sans aborder nulle part, sinon ou il estoit contrainct à ce faire, pour prendre uiures, ou faire eau. La premiere uille ou il entra fut Attalie, au pais de la Pamphylie, là ou quelques galeres de Cilicie l'allerent trouuer, & se rassemblèrent autour de luy quelques gens de guerre, & se trouuerent derechef
- B** soixante Senateurs Romains en sa compagnie: mais entendant que son armee de mer estoit encore en estre, & que Caton auoit recueuilly bō nombre de soudards de la desfaitte qu'il auoit transportez quand & luy en Afrique, il se prit à lamenter en se plaignant à ses amis, de ce que lon l'auoit contrainct à combattre par terre, & n'auoit on pas souffert qu'il fadaist de l'autre puissance, en laquelle il estoit sans point de doubte le plus fort, & qu'il se teint tousiours auprès de son armee de mer, à fin que si la fortune luy disoit mal sur terre, il eust incontinent ses forces de la marine toutes prestes pour en resister à son ennemy: aussi, à la uerité, iamais Pompeius ne fait en celle guerre une plus grande faulte, ny Cæsar ne s'aduifa d'une meilleure ruze, que de tirer son ennemy à la
- C** bataille ainsi loing du secours de son armee de mer. Mais estant Pompeius contrainct de remuer & faire quelque chose selon le peu de moien qu'il auoit, il alloit ça & là par les uilles prochaines, & à aucunes alloit luy mesme en personne leur demander de l'argent, dont il equippoit & armoit des uaisseaux, & neantmoins redoubtant la uistesse & soudaineré de son ennemy, qu'il ne le preuint auāt qu'il peust mettre sus aucun suffisant appareil pour luy faire teste, il se meit à considerer quelle retraitte & quel recours il pouuoit auoir pour lors, ou il se peust retirer à seureré: & apres auoir le tout bien consulté, il luy sembla qu'il n'y auoit pas une prouince de l'empire Romain qu'ilz peussent garder ny maintenir: & quant aux royaumes estrangers luy fut aduis que pour le present il n'y en auoit point qui les peust mieulx recueillir ny receuoir plus seurement, ainsi
- D** foibles qu'ilz estoient, pour puis apres les remettre sus & les accompagner de plus de forces, que feroit celuy des Parthes. Les autres de son conseil tournoiet leur opinion deuers l'Afrique & le roy Iuba: mais Theophanes Lesbien, disoit que ce luy sembloit temerairement faire, que de laisser le royaume d'Ægypte, qui n'estoit qu'à trois iournees de nauigatiō de là, & le Roy Ptolomeus qui ne faisoit encore q̄ sortir de son enfance, estant debteur hāreditaire de l'amitié & de la grace que son pere auoit receuës de Pompeius, pour s'aller ietter entre les mains des Parthes, la plus infidele & plus desloyale nation du monde, & ne uouloir pas se fier à un prince alié des Romains, près duquel tenant le second
- E** lieu de parole, il pouuoit estre le premier d'effect, & ne uouloir esprouuer son honesteté, ains plus tost aller soubmettre sa personne à la puissance d'Arfaces, qui n'auoit pas seulement peu auoir celle de Crassus uiuant, & mener une ieune femme de la maison des Scipions entre des Barbares, qui ne mesurēt leur puissance ny leur grandeur, sinon à la licence de commettre toutes les uillanies & toutes les infamies qu'il leur plaist: car posé encore qu'elle ne soit point uiolce pareulx, si est ce neantmoins chose indigne, que lon puisse penser qu'elle l'ait peu estre, pour auoir esté en la puissance de ceulx qui ont eū moien de le faire.

Pompeius.

Il n'y eut que ceste raison seule, ainsi comme lon dit, qui destournast Pompeius F de prendre le chemin d'Euphrates, au moins si nous uoulons consentir q ce ait esté le discours de la raison, & non sa mauuaise fortune qui l'ait guidé à prédre le chemin qu'il suiuit. Aiant donques esté resolu au cōseil, que le meilleur estoit de s'enfuir en Ægypte, il se partit de Cypre en une galere Seleuciene avec sa femme : & les autres de sa compagnie s'embarquerent semblablement, les uns sur des galeres aussi, & les autres dedans de grosses naues de marchands, ou ilz traufferent la mer sans danger, & aians nouvelles que le Roy estoit en la uille de Pelusium avec son armee, ou il faisoit la guerre à sa sœur, il teint celle route & enuoya deuant faire sçauoir au Roy qu'il estoit là arriué, & le prier de le uoloir receuoir. Ce roy Ptolomæus estoit encore fort ieune, mais ccluy qui me- G noit tous ses affaires nommé Pothinus, assembla un conseil des principaux hommes & plus aduisez de la court, lesquelz auoient autorité & credit selon qu'il luy plaisoit leur en departir : & assemblez qu'ilz furent, leur commanda de la part du Roy de luy dire chascun son aduis, touchant ceste reception de Pompeius, à sçauoir si le Roy le deuoit receuoir ou non. Si estoit ce desia une grande pitié de ueoir un Pothinus ualet de chambre du Roy d'Ægypte, & un Theodotion maistre d'eschole, natif de Chio, que lon auoit loué pour enseigner la Retorique à ce ieune Roy, & un Achilles Ægyptien, consulter entre eulx, ce que lon deuoit faire du grand Pompeius : car ceulx là estoient les principaux H conseillers & entremetteurs des affaires du Roy, entre les autres ualets de chambre, & ceulx qui l'auoient nourry. Si attendoit Pompeius, aiant posé l'ancre en la rade assez loing de la coste, la resolution de ce conseil : auquel les opinions des autres furent differentes, en ce que les uns uoloient que lon le renuoyast, les autres que lon l'appellast & que ló le receust. Mais le Retoricien Theodotion uolant monstrier son eloquence, alla discourir que ny l'un ny l'autre n'estoit seur : pource, dit il, que filz le receuoient, ilz auroient Cæsar pour ennemy, & que filz l'escondusissent que Pompeius leur tourneroit à crime, ce qu'ilz l'auroient chassé, & Cæsar ce qu'ilz ne l'auroient retenu : à raison de quoy le meilleur estoit le mander pour le faire mourir, pource qu'en ce faisant ilz ac- I querroient la bonne grace de l'un, & ne craindroiét plus la male grace de l'autre : encore dit on qu'il adiouta à son dire ce traict de ruse, Vn homme mort ne mord point. Aians donques arresté cela entre eulx, ilz donnerent la cōmission de l'executer à Achilles : lequel prenant avec soy un Septimius, qui autrefois auoit eu charge de gens soubz Pompeius, & Saluius un autre Centenier aussi, avec trois ou quatre autres satellites, se fait mener à la galere ou estoit Pompeius, dedans la quelle s'estoient aussi rendus tous les principaux personnages de sa fuite, pour ueoir que ce seroit : mais quád ilz ueirét ceste maniere de recueil qui n'estoit royale, ny magnifique, ny en chose quelconque respondât à l'esperance que leur auoit donnee Theophanes, attendu qu'ilz ne uoioient que bien peu de gens qui uenoient à eulx dedans une barque de pescheur, ilz commen- K cerent à auoir suspect le peu de compte que lon faisoit d'eulx, & conseillerent à Pompeius de tourner arriere & s'elargir en haulte mer, pendant qu'ilz estoient encore hors la uolée du traict. Ce pendât la barque s'approcha, & Septimius se leua le premier en pieds q salua Pópeius en l'agage Romain du nom d'Imperator, qui est à dire, souuerain capitaine, & Achilles le salua aussi en l'agage Grec, & luy dit qu'il passast en sa barque, pource que le long du riuage il y auoit force uase & des bancs de sable, tellement qu'il n'y auoit pas assez eau pour sa galere:

A mais quand & quād on uoioit de loing plusieurs galeres de celles du Roy, que lō armoit en diligēce, & toute la coste couuerte de gens de guerre, tellemēt que quand Pompeius & ceulx de sa compagnie eussent uoulu changer d'aduīs, ilz n'eussent plus sceu se sauuer, & si y auoit d'auātage qu'en mōstrant de se desfier, ilz dōnoient au meurtrier quelque couleur d'executer sa meschāceté. Parquoy prenant congé de sa femme Cornelia, laquelle desia auant le coup faisoit les lamentations de sa fin, il commāda à deux centeniers qu'ilz entraissent en la barque de l'Ægyptien deuant luy, & à un de ses serfs affrāchiz qui s'appelloit Philippus, avec un autre esclauē qui se nommoit Scynes. Et comme ia Achilles luy tendoit la main de dedans sa barque, il se retourna deuers sa femme & son filz, & leur dit ces uers de Sophocles:

Qui en maison de prince entre, deuient
S erf, quoy qu'il soit libre quand il y uient.

Ce furent les dernieres paroles qu'il dit aux siens, quand il passa de sa galere en la barque, & pource qu'il y auoit loing de la galere iusques à la terre ferme, uoiant que par le chemin personne ne luy entamoit propos d'amiable entretiēt, il regarda Septimius au uisage, & luy dit: Il me semble que ie te reconnois compagnon, pour auoir autrefois esté à la guerre avec moy. L'autre luy feit signe de la teste seulement, qu'il estoit uray, sans luy faire autre response ne carese quelconque: parquoy n'y aiant plus personne qui dist mot, il prit en sa main un petit liuret, dedans lequel il auoit escript une harengue en langage Grec, qu'il uouloit faire à Ptolomēus, & se mit à la lire. Quand ilz uindrent à approcher de la terre, Cornelia avec ses domestiques & familiers amis se leua sur ses pieds, regardant en grande destresse d'esprit quelle seroit l'issue. Si luy sembla qu'elle deuoit bien esperer quand elle apperceut plusieurs des gens du Roy, qui se presenterent à la descente comme pour le recueillir & l'honorer: mais sur ce poinct ainsi comme il prenoit la main de son affranchy Philippus pour se leuer plus à son aise, Septimius uint le premier par derriere qui luy passa son espee à trauers le corps, apres lequel Saluius & Achilles desguainnerent aussi leurs espees, & adonc Pompeius tira sa robbe à deux mains au deuant de sa face, sans dire ne faire aucune chose indigne de luy, & endura uertueusement les coups qu'ilz luy donnerent en soupirant un peu seulement, estant aagé de cinquante neuf ans, & aiant acheué sa uie le iour ensuiuant celuy de sa natiuité. Ceulx qui estoient dedans les uaisseaux à la rade, quand ilz apperceurent ce meurtre ietterent une si grande clameur que lon l'entendoit iusques à la coste, & leuans en diligence les ancres se meirent à la uoile pour s'enfouir, à quoy leur seruit le uēt qui se leua incontinent frais aussi tost qu'ilz eurent gaigné la haulte mer, de maniere que les Ægyptiens qui s'appareilloiēt pour uoguer apres eulx, quād ilz ueirent cela s'en deporterent, & aians couppé la teste en ietterent le tronc du corps hors de la barque, exposé à qui eut enuie de ueoir un si miserable spectacle. Philippus son affranchy demoura tousiours aupres, iusques à ce que les Ægyptiens furent assouuiz de le regarder, & puis l'ayant lauē de l'eau de la mer, & enuélépé d'une siene pauvre chemise, pource qu'il n'auoit autre chose, il chercha au long de la greue, ou il trouua quelques demourant d'un uieil batteau de pescheur, dōt les pieces estoient biē uieilles, mais suffisantes pour brusler un pauvre corps nud, & encore nō tout entier. Ainsi cōme il les amassoit & assembloit, il suruint un Romain homme d'aage, qui en ses ieunes ans auoit esté à la guerre sous Pōpeius: si luy demāda, Qui es tu, mon amy, qui fais cest apprest pour

Pompeius.

les funerailles du grand Pompeius? Philippus luy respondit, qu'il estoit un sien F
affranchy. Ha dit le Romain, tu n'auras pas tout seul cest honneur, & te prie
ueuille moy receuoir pour compaignon en une si sainte & si deuote rencôtre,
à fin que ie n'aye point occasion de me plaindre en tout & par tout de m'estre
habitué en pais estranger, aiant en recompense de plusieurs mauix que i'y ay
endurez, rencontré au moins ceste bonne aduventure, de pouuoir toucher avec
mes mains, & aider à ensepuelir le plus grand capitaine des Romains. Voila
commét Pompeius fut ensepulturé. Le lendemain Lucius Lentulus ne sachant
rien de ce qui estoit passé, ains uenant de Cypre alloit cinglant au long du ri-
uage, & apperceut un feu de funerailles, & Philippus aupres, lequel il ne reco-
gneut pas du premier coup: si luy demanda, Qui est celuy qui aiant icy acheué G
le cours de sa destinee, repose en ce lieu: mais soudain iettant un grand soupir,
il adiouxta: hélas à l'aduventure est-ce roy grand Pompeius: puis descendit en
terre, là ou tantost apres il fut pris & tué. Telle fut la fin du grand Pompeius. Il
ne passa gueres de temps apres que Cæsar n'arriua en Ægypte ainsi troublee
& estonnee, là ou luy fut la teste de Pompeius presentee, mais il tourna la face
arriere pour ne la point ueoir, & aiant en horreur celuy qui la luy presentoit,
comme un meurtrier excôunié, se prit à plorer: bien prit il l'anneau, duquel il
cachettoit ses lettres, qui luy fut aussi présenté, & ou il y auoit engraué en la
pierre un lion tenât une espee: mais il feit mourir Achilles & Pothinus: & leur
Roy mesme Ptolomeus aiant esté desfait en une bataille au long de la riuere H
du Nil, disparut, de maniere que lon ne sceut onques puis qu'il estoit deuenue.
Quant au Reticien Theodorus, il eschappa la punition de Cæsar: car il sen
fouit de bonne heure, & sen alla errant ça & là par le pais d'Ægypte, estant mi-
serable & hay de tout le monde. Mais depuis Marcus Brutus apres auoir occis
Cæsar, se trouuant le plus fort en Asie, le rencontra par cas d'aduventure, & apres
luy auoir fait endurer tous les tourmens dont il se peut aduifer, le feit finable-
ment mourir. Les cendres du corps de Pompeius furent depuis rapportees à sa
femme Cornelia, laquelle les posa en une sienne terre qu'il auoit pres la uille de
Alba.

LA COMPARAISON DE POMPEIUS AVEC AGESILAUS. I

Aians donques exposé les uies d'Agésilas & de Pompeius, uenôs
maintenant à les conferer ensemble, en touchant legeremét les
differences qu'il y a entre eulx, qui sont telles. La premiere est,
que Pompeius paruint à sa gloire & puissance par une tres iuste
uoye, fessant luy mesme poulse en auant, & aiant en plusieurs
grandes choses aidé Sylla à deliurer l'Italie de la domination des tyrans: là ou
il semble qu'Agésilas usurpa la royauté de Lacedæmone contre tout droit &
des Dieux & des hommes, aiant fait declarer Leotychides bastard, que son fre-
re auoit aduoué pour son filz legitime: & aiant tourné en mocquerie la prophe- K
tie des Dieux, qui parloit d'une royauté boitteuse. La seconde est, qu'il porta
tousiours honneur & reuerence à Sylla, tant comme il uescut: & encore quand
il fut mort en ensepultura le corps honorablement malgré Lepidus, & donna
sa fille en mariage à Faustus Sylla son filz, encore qu'il n'eust pas moins fait
pour Sylla que Sylla pour luy. Au contraire, Lysander auoit fait Agésilas
Roy de Lacedæmone, & capitaine general de toute la Grece. La troisieme est,
que les iniustices que comemit Pompeius au gouuernement de la chose publi-
que

A que, furent pour complaire à ses alliez: car la plus part des erreurs qu'il y feit, fut pour cōplaire à Cæsar & à Scipion ses deux beauxperes. Là ou Agefilaus pour gratifier à son filz, sauua la uie à Sphodrias, qui auoit merité la mort pour le tort qu'il auoit fait aux Atheniens, & sousteint affectueusement Phœbidas, nō pour autre chose, que pour le crime mesme qu'il auoit commis oultrageāt les Thebains en pleine paix. Brief, les mesmes mauux que Pompeius suscita aux Romains par ignorance, ou par n'auoir rien peu refuzer à ses amis, Agefilaus les feit par cholere & par opiniaisteté aux siens, aiant allumé la guerre contre les Bœotiens. Et si il fault compter la fortune de l'un & de l'autre entre les erreurs qu'ilz ont commis, les Romains ne pouuoient esperer ny craindre celle de Pompeius, là ou Agefilaus ne permet pas aux Lacedæmoniés d'euitier les inconueniens qu'ilz sçauoient & preuoioient leur deuoir aduenir par un Roy boirteux. Car quand bien Leotychides eust esté dix mille fois prouué & adueré bastard, la race des Eurytionides pour cela ne fust pas demouree courte, qu'elle n'eust peu fournir un autre Roy legitime, qui eust marché droit, si n'eust esté que Lyfander en faueur d'Agefilaus deguisa aux Lacedæmoniens la uraye intelligence de l'oracle. Mais aussi de l'autre costé, il ne fut onques trouué une si sage inuention en matiere de gouuernement, que fut celle que trouua Agefilaus pour remedier à la doubte & difficulté ou estoient les Lacedæmoniés, touchāt ceulx qui s'en estoient fouys de la bataille de Leuctres, quād il conseilla que lon laist dormir les loix pour ce iour là: ny ne sçauoit on en mettre à l'encontre un semblable de Pompeius, lequel au contraire ne uolut pas obseruer les loix que luy mesme auoit faittes, pour monstrier à ses amis combien il auoit de pouuoir. Là ou Agefilaus se trouuant en un tel destroit, qu'il estoit contraint d'abolir les loix pour sauuer la uie à ses citoiens, inuēta un tel expedient, par lequel les loix ne feirēt point de dōmage au public, ny ne furēt point abolies, de peur qu'elles n'en feissent. Il donne aussi tiltre de uertu ciuile & d'acte de gouuernement à ce faict incomparable d'Agefilaus, quand il abandonna toutes les conquestes qu'il auoit faittes en Asie, soudain qu'il eut receu le petit buletin qu'on luy enuoya de son pais pour le faire retourner, car il ne fait pas comme Pompeius, lequel se rendit grand en profitant à la chose publique, ains à l'opposite pour le regard du bien de la chose publique, il abandonna une telle gloire & si grande puissance, que nul capitaine, ny deuant ny depuis ne l'eut pareille en ces quartiers là, excepté Alexandre le grand. Et pour reprendre un autre commencement, touchant les faicts de guerre, & exploits d'armes: quant au nōbre des triumphes pour les uictories gaignees & à la puissance des armées que Pompeius a conduittes, ie pense que Xenophon mesme, si il uiuoit, ne sçauoit y comparer les uictories d'Agefilaus, encore que pour les autres belles & bōnes qualitez qu'il a en luy, on luy ait concedé cela, comme un priuilege special de pouuoir dire & escrire tout ce qu'il luy plaist de ce personnage là: & si me semble

E qu'il y a encore difference entre ces deux personnages icy, quāt à l'equite qu'ilz garderent enuers leurs ennemis: car l'un uolant afferuir la uille de Thebes, & de tout poinct exterminer & destruire celle de Messine, l'une estant en tout & partout citée ancienne de son pais, & l'autre uille mere & capitale de toute la nation Bœotiene, il s'en fallut bien peu qu'il ne perdist luy mesme celle de Sparte: car au moins en perdit il la principaulté qu'elle auoit sur le demourāt de la Grece. Et l'autre à l'opposite, donna des uilles pour habiter aux coursaïres qui uolurent changer leur maniere de uiure: & estant en sa puissance de mener Tigra-

nes à Rome en triumphe, il aima mieulx le faire allié & cōfederé des Romains, F
 disant qu'il auoit plus chere la gloire de tout un siecle, que celle d'un iour. Mais
 fil est raisonnable d'attribuer le premier lieu, & le premier pris d'honneur de la
 uertu militaire d'un capitaine aux plus grands exploits & conſeils d'armes, de
 plus grande cōſequence, le Lacedæmonien laiſſe le Romain beaucoup derri-
 re: car premierement il n'abandonna iamais ſa uille, ny n'en ſortit point, en-
 core qu'elle fuſt aſſaillie par ſoixāte & dix mille combattans, & qu'il y cuſt de-
 dans peu de gens de defence, leſquelz auoient encore un peu deuant eſté deſ-
 faits en la bataille de Leuctres, & Pompeius pour auoir entendu que Caſar a-
 uec cinq mille hōmes de pied ſeulement auoit pris une uille d'Italie, ſ'en fouit de
 Rome, ſi fort il eſtoit effroyé: en quoy il ne ſe peut ſauuer de l'un des deux, ou G
 qu'il ne ſ'en ſoit fouy laſchement pour ſi peu de gens, ou qu'il n'en ait imaginé
 d'auantage faulſement, car il emmena ſa femme & ſes enfans, mais il abandonna
 ceulx des autres ſans defence en ſ'enfuiāt, là ou il falloir ou uaincre en cōbattāt
 pour ſon païs, ou receuoir les cōditions de paix que luy offroit celuy qui eſtoit
 le plus fort: car quand tout eſt dit, c'eſtoit un ſien citoien & un ſien allié. Et luy
 qui auoit eſtimé eſtre choſe inſupportable que de luy prolōger le terme de ſon
 gouuernement, ou luy ottroyer un ſecond Conſulat, luy donna moien & oc-
 caſion, en luy laiſſant prédre la uille de Rome, de dire à Metellus & aux autres,
 qu'il les eſtimoit ſes priſonniers de guerre. Ce qui eſt donc le principal en un
 bon chef d'armee, de contraindre ſes ennemis à uenir au combat quand il ſe H
 ſent le plus fort, & quand il eſt le plus foible ſe garder d'y pouuoir eſtre con-
 traint, Agéſilaus le bien obſeruant, ſe maintint touſiours inuincible: & Caſar
 ſceut bien euitier de n'eſtre point endommagé en ce ou il eſtoit le moins puis-
 ſant, & au contraire, ſceut ſi bien faire qu'il contraignit Pompeius de hazarder
 à ſa totale ruine la bataille par terre, ou il eſtoit le plus foible, & ſe rendit par
 ce moien incontinent ſeigneur de l'argent des uiures & de la mer, là ou ſes en-
 nemis auoient le tout en leurs mains ſans combattre. Et ce que lō allegue pour
 le cuidoer excuſer, c'eſt ce que plus griefuement l'accuſe & le condamne, meſ-
 mement pour un ſi grand & ſi experimenté capitaine. Car comme il eſt bien
 eroyable, qu'un ieune chef d'armee puiſſe eſtre deſtourné d'un ſage & ſeur cō-
 ſeil par les crieries & importunitéz de rompeurs de teſte, qui luy pourroient met-
 tre deuant les yeux, que ce luy ſeroit une grande honte & une laſcheté de cuer
 ſil faiſoit autrement, auſſi luy ſeroit celle faulte aucunement pardonnable. Mais
 le grand Pompeius, le camp duquel les Romains appelloient leur païs, & ſa ten-
 te le Senat, & nommoient ceulx qui eſtans à Rome manioient les affaires de la
 choſe publique, Præteurs & Conſuls, rebelles & traîtres à l'empire Romain:
 celuy que lon n'auoit iamais ueu cōmandé par autrui, ains qui auoit touſiours
 eſté capitaine en chef en tant de guerres ou il ſ'eſtoit trouué, & ou il auoit touſi-
 ours bien fait, qui le pourroit excuſer de ſ'eſtre laiſſé, par maniere de dire, for-
 cer aux brocards de Faonius & de Domitius, iuſques à hazarder une bataille K
 ou il eſtoit queſtion de tout l'eſtat de l'empire, & de la liberté de Rome, de peur
 que lon ne l'appellaſt le roy Agamēnon. Car ſil ne regardoit ſeulement qu'au
 deſhōneur & à l'infamie preſente, il deuoit faire teſte, & combattre des le com-
 mencement pour les murailles meſme de la uille de Rome, non pas pretendre
 que ſa fuite fuſt une imitation de la ruze, dōt iadis auoit uſé Themistocles, &
 puis apres reputer que ce luy fuſt honte de ſejourner en la Theſſalie quelque
 temps ſans uenir au combat: car la plaine de Pharfale n'eſtoit point une lice ny

A un camp clos que Dieu leur eust préparé, pour y combattre nécessairemēt à qui demoureroit l'empire: & n'y auoit point de herault qui l'appellast au combat, comme il y a es ieux de pris, là ou il fault respondre à son nom & uenir combattre, ou bien quitter l'honneur de la couronne à un autre, ains y auoit assez d'autres cāpagnes & des uilles innumérables: ou, pour mieulx dire, toute la terre habitable, dont la cōmodité qu'il auoit de la marine, luy donnoit le choix & l'optiō sil eust plus tost uoulu ensuiure Fabius Maximus, ou Marius, ou Lucullus, ou bien Agésilas mesme, lequel ne sousteint pas de moindres tumultes dedans la uille mesme de Sparte, quand les Thebains l'y allerēt semondre d'en sortir pour defendre le plat pais, & semblablement en Égypte, ou il supporta doucement plusieurs faulces & calumnieuses imputations, dont le Roy mesme le chargeoit, en le priant & admonestant tousiours qu'il eust un peu de patience: & à la fin aiant suiuy le meilleur conseil, selon ce qu'il auoit des le commencement resolu en son entendemēt, il sauua les Égyptiens malgré eulx, & mainteint luy seul la uille de Sparte sur ses pieds en un si uiolent esbranlement, & dressa un trophée dedans la uille mesme de Sparte à l'encōtre des Thebains, aiant donné moiē à ses citoiens de uaincre depuis, en ne s'estant pas laissé contraindre de les mener lors à leur perte & ruine certaine, dont il aduint que depuis il fut hault loué par ceulx qu'il auoit ainsi sauuez malgré eulx. Et à l'opposite Pompeius fut blasmé par ceulx mesmes, à l'appetit & à la suasio desquelz il auoit fait la faulte: toutefois il y en a qui disent qu'il fut deceu par son beau-pere Scipion, lequel uoulant desrober la pluspart de l'argent qu'il auoit apporté de l'Asie & le retenir pour soy, le hasta & sollicita de donner la bataille, en luy donnant à entendre qu'il n'y auoit plus d'argent. Mais encore que cela fust uray, si ne deuoit pas un bon capitaine rüber en cest erreur, ny pour s'estre laissé ainsi facilemēt mesconter, s'exposer au peril de perdre tout. En les mettāt doncques ainsi l'un deuant l'autre, nous les pouuons mieulx considerer. Au demourant quant à leur allee en Égypte, l'un sy en fouit par force, l'autre y alla uoluntairemēt avec peu d'honneur, pour gagner de l'argent à seruir des Barbares, en intention d'en faire puis apres la guerre au Grecs. Et puis ce que nous reprochons aux Égyptiens pour le tort qu'ilz feirent cruellement à Pompeius: cela mesme reprochent les Égyptiens à Agésilas pour le mauuais tour qu'il leur feit: car l'un fut desloyalement outragé à mort par ceulx à qui il festoit fié de sa vie: & l'autre abandonna au besoing ceulx qui festoient fiez en luy, & se tourna contre ceux mesmes, au secours desquelz il estoit premierement uenu.

Alexandre le grand.

E tant proposé d'escrire en ce liure les vies du roy Alexandre le grand, & de Iulius Cæsar qui desfeit Pompeius, pour le nombre infiny des choses qui se presentent deuant moy, ie n'useray d'autre prologue, que de prier les lecteurs qu'ilz ne me reprenent point, si ie n'expose pas le tout amplement & par le menu, ains sommairement en abbregeāt beaucoup de choses, mesmemēt en leurs principaux actes & faicts plus memorables: car il fault qu'ilz se souuiēnt, que ie n'ay pas pris à escrire des hi-

Alexandre le grand.

stoires, ains des vies seulement : & les plus haults & plus glorieux exploits ne sont pas tousiours ceulx qui monstrent mieulx le uice ou la uertu de l'homme, ains bien souuent une legere chose, une parole ou un ieu, mettent plus clairement en euidence le naturel des personnes, que ne font pas des desfaittes ou il fera demouré dix mille hōmes morts, les grosses batailles, ny les prises des uilles par siege ne par assault. Tout ainsi donques cōme les peintres qui portraiet au uif, recherchent les semblances seulement ou principalement en la face, & aux traictz du uisage, esquelz se uoit cōme une image emprainte des meurs, & du naturel des hommes sans guerres se soucier des autres parties du corps, aussi nous doibt on conceder que nous allions principalement recherchans les signes de l'ame, & par iceulx formās un portraict au naturel de la uie d'un chacun, en laissant aux historiens à escrire les guerres, les batailles & autres telles grandeurs. C'est dōques chose tenue pour toute asseuree que Alexandre le grād du costé de son pere estoit descendu de la race de Hercules par Caranus, & du costé de sa mere qu'il estoit extrait du sang des Æacides par Neoptolemus. Et dit on que le Roy Philippus son pere estat ieune garson deuint amoureux de sa mere Olympias, qui estoit aussi encōre petite fille orpheline de pere & de mere en l'Isle de Samothrace, là ou ilz furent tous deux ensemble receuz en la confrairie de la religion du lieu, & que depuis il la demanda en mariage à son frere Aribbas, qui la luy donna: mais la nuit de deuant celle qu'ilz furent enfermez ensemble dedans leur chambre nuptiale, l'espouse songea que la foudre luy estoit tumbee dedans le uentre, & que du coup il s'estoit allumé un grād feu, lequel uint à se dissouldre en plusieurs flammes qui s'espandirēt par tour, & Philippus son mary songea aussi depuis qu'il seelloit le uentre de sa femme, & que l'engraueure du seel dont il le seelloit, estoit la figure d'un Lion. Si interpreterent les autres deuins, que ce songe l'admonestoit qu'il deuoit soigneusement auoir l'œil sur sa femme: mais un Aristander Telmesien respondit, que c'estoit à dire q̄ sa femme estoit enceinte: pource, dit il, que lon ne seelle point un uase ou il n'y a rien dedās, & qu'elle estoit grosse d'un filz q̄ auroit un cueur de Lion. On dit aussi que quelque fois ainsi comme elle dormoit en son liēt, on apperceut un grand serpent estendu tout au long d'elle, qui fut cause principale, à ce que lō presume, de refroidir l'amour que luy portoit & les caresses que luy faisoit son mary, de maniere qu'il n'alloit plus si souuent comme il auoit accoustumé au parauāt coucher avec elle, fust ou pource qu'il eust peur qu'elle ne luy feist quelques charmes & quelques sorcelleries, ou qu'il se reputast indigne d'auoir sa compagnie, aiant opinion qu'elle fust aimée & iouye de quelque Dieu. On le racompte encore en une autre sorte. C'est que les femmes de ce quartier là de toute ancieneté sont ordinairement esprises de l'esprit d'Orpheus & de la fureur diuine de Bacchus, dont on les surnomme Clodones, & Mimallones, cōme qui diroit furieuses & belliqueuses, & font plusieurs choses semblables aux femmes Edoniens & Thraciens qui habitent au long de la montaigne de Æmus: tellement qu'il semble que ce mot de Thresceuin, qui en langage Græc signifie curieusement & superstitieusement uacquer aux cerimonies du seruice des Dieux, ait esté deriué d'elles: & que Olympias aimant telles inspirations & telles fureurs diuines, en les exerçant plus barbaresquement & plus effroyablement que les autres, attiroit apres elle en leurs danses de grands serpens priuez, lesquelz se glissans souuent par entre les lierres, dont les femmes sont couuertes en telles cerimonies, & hors des vans sacrez qu'elles y portēt, &

A sentortillans à l'entour des iaclines qu'elles tienēt en leurs mains, & des chap-
peaux qu'elles ont sur leurs testes, espouuentoient les hommes. Ce neantmoins
depuis que Philippus eut ueu ceste uision, il enuoya Charon Megalopolitain à
l'oracle d'Appollo en Delphes pour enquerir que ce pouuoit estre, & ce qu'il
deuoit faire: ou il luy fut respondu, qu'il sacrifiaſt à Iuppiter Hammon, & qu'il
le reuerast sur tous les autres Dieux, mais qu'il perdit l'un de ses yeux; celuy qu'il
auoit mis à la fente de l'huis de sa chambre, lors qu'il ueit ce Dieu en forme de
serpent couché aupres de sa femme. Et Olympias ainsi cōme escrit Eratosthe-
nes, disant adieu à son filz, lors qu'il se partit pour aller à la cōqueste de l'Asie,
apres luy auoir reuelé à luy seul en secret, de qui, & comment elle l'auoit con-
ceue, le pria & admonesta de prendre courage digne de celuy qui l'auoit en-
gendré. Les autres au contraire, disent qu'elle detesta ce compte là, en disant,
Alexandre ne cessera il point de me rēdre suspecte à la Deesse Iuno, en la faisant
ialouse de moy? Tant y a, comment qu'il en soit, que Alexādre nasquit le sixie-
me iour de Iuin, que les Macedoniens appellent Lous: auquel iour propre fut
bruslé le temple de Diane en la uille d'Ephese, cōme tesmoigne Hegesias Ma-
gnesien, qui en fait une exclamation & une rencontre si froide, qu'elle eust peu
estre suffisante pour esteindre l'embrasemēt de ce temple. Car il ne se fault pas
(dit il) esmerueiller cōment Diane laissa lors brusler son temple, pource qu'elle
estoit assez empeschee à entendre, comme sage femme, à l'enfantement & à
la naissance d'Alexandre: mais il est bien uray que tous les presbtres, deuins,
& prophetes qui lors estoient en Ephese, estimans que cest embrasement du tē-
ple estoit certain presage de quelque autre grand inconuenient, s'en coururent
comme forcenez par la uille, battans leurs uisages, en criant, que ce iour là il e-
stoir né quelque grand malheur & quelque grande peste pour l'Asie. Et un peu
apres que Philippus eut pris la uille de Potidæ, il luy uint trois grandes nou-
uelles toutes à un coup: l'une, que Parmenion auoit desfait les Esclauons en
une grosse bataille: l'autre qu'il auoit gaigné le pris de la course des cheuaux
esieux Olympiques: & la troisieme, que sa femme luy auoit fait un filz, q estoit
Alexandre, dequoy estant de luy mesme bien ioyeux, les deuins luy augmēte-
rent encore sa ioye, en luy promettant que ce filz qui estoit ainsi né, avec trois
uictories toutes ensemble, seroit à l'aduenir inuincible. Or quant à la forme de
toute sa personne, les images faittes de la main de Lysippus sont celles qui la re-
presentēt le mieulx au naturel. Aussi ne uoulut il point qu'autre imager le rail-
last que luy: car plusieurs de ses successeurs & de ses amis le contrefeirent bien
depuis, mais cest ouurier là, sur tous les autres, a parfaitement bien obserué &
representé sa façon de porter le col un bien peu penchant sur le costé gauche,
& aussi la douceur de son regard & de ses yeux. Mais quand Apelles le peignit
tenant la foudre en sa main, il ne representa pas sa naifue couleur, ains le feit
plus brun & plus obscur qu'il n'estoit au uisage: car il estoit naturellement
blanc, & la blâcheur de son teinēt meslee d'une rougeur qui apparoissoit prin-
cipalement en sa face & en son estomac. Et me souuient d'auoir leu es commē-
taires d'Aristoxenus, que sa charneure sentoit bon, & qu'il auoit l'aleine tres-
douce, & iſſoit de toute sa personne une odeur fort souefue, tellement q les ha-
billemens qui touchoient à sa chair en estoient comme tous parfumez, dont la
cause possible estoit la temperature & complexion de son corps fort chaulde
& tenant du feu, pource que la douce senteur s'engēdre par le moien de la cha-
leur qui cuit & digere l'humidité, ainsi cōme Theophrastus estime: dont uient

Alexandre le grand.

que les plus seiches regions, & parties de la terre les plus bruslees de la chaleur F
du Soleil, sont celles qui portent le plus & de meilleures espiceries, à cause que
le Soleil enleue l'humidité superflue des corps, comme matiere propre de pu-
trefaction: & semble que ceste chaleur naturelle rendoit Alexandre subiect
à boire, & courageux aussi. Au demourant, des qu'il estoit encore enfant,
on cogneut euidentement qu'il seroit continent quant aux femmes: car estant
impetueux & uehement en toutes autres choses, il estoit difficile à emouoir
aux plaisirs du corps, & en prenoit fort sobrement: mais au contraire sa con-
uoitise d'honneur estoit accompagnée d'une fermeté de courage & une ma-
gnanimité plus constante que son aage ne portoit: car il n'appetoit pas toute
sorte de gloire, ny procedéte de toutes choses indifferément, cōme faisoit son G
pere, lequel aimoit à mōstrer son eloquēce, comme eust fait un Retoricien &
engrauoit en ses mōnoyes, les uictories qu'il auoit gaignees es courses de che-
uaux & chariots aux ieux Olympiques, ains cōme quelques uns luy demāda-
fent un iour s'il se uouldroit poit presenter à la feste des ieux Olympiques, pour
essaiier d'y gaigner le pris de la course, pource qu'il estoit fort dispos, & leger du
• pied à merueilles: ouy bien, respōdit il, si c'estoiet roys qui y courussent: cōbien
que à parler uniuersellement, il haist toute sorte de ces combattās là en ieux de
pris: car aiant par plusieurs fois fait des festes, ou il proposoit des pris aux iou-
eurs de Tragédies & de Comédies, aux chātres, musiciens, ioueurs de flustes &
de cythres, & iusques aux poētes, & ou semblablemēt il faisoit faire des chasses H
diuerses de tout genre de bestes, & des combats à coups de baston, iamais il ne
prit plaisir à faire cōbattre à l'escrime des poings, ny à l'autre escrime ou les cō-
battās faidēt de tout ce qu'ilz peuuent. Il recueuillit une fois des ambassadeurs
du Roy de Perse, pendāt que son pere estoit allé en quelque uoiage hors de son
royaume, & se rendant priué avec eulx, les gaigna tellement par la courtoisie
dont il leur usa & la bonne chere qu'il leur feit, & par ce qu'il ne leur demādoit
rien de puerile ny de petit, ains les interrogeoit des distances qu'il y auoit d'un
lieu à autre, & de la maniere comment on alloit sur les champs es haultes pro-
uinces de l'Asie, & du Roy mesme de Perse, cōme il se deportoit enuers ses en-
nemis, & quelles forces & puissance il auoit, qu'ilz en demourerent grandemēt I
satisfaiets & plus encōre esmerueillez, de maniere qu'ilz n'estimerent plus l'e-
loquence & la uiuacité d'esprit de Philippus, dont on faisoit tant de compte, à
comparaison de l'instinct à toutes haultes entreprises, & des grands faicts que
promettoit le naturel de son filz. Au moien dequoy toutes les fois qu'il uenoit
nouuelles que son pere auoit pris aucune uille de renom, ou gaigné quelque
grosse bataille, il n'estoit point fort ioyeux de l'entēdre, ains disoit à ses egaulx
• en aage: Mon pere prédra tout Enfans, & ne me laissera rien de beau ny de ma-
• gnifique à faire & à cōquerir avec uous. Car n'aimāt point la uolupté, ny l'ar-
gent, ains la uertu & la gloire, il estimoit que tant plus son pere luy laisseroit de
grandes & glorieuses conquestes, tant moins il luy demoureroit de bien à fai- K
re par luy mesme: & pōurtāt uoiant que l'estat de son pere & son empire alloit
croissant tous les iours de plus en plus, il cuidoit que tout ce qu'il y auoit de
beau à faire au monde se deust entierement consumer en luy, & aimoit mieulx
recueuillir de luy une seigneurie, ou il y eust occasions de grosses guerres, de
grandes batailles, & force matiere de se faire honneur, que non pas de grands
tresors, des delices, ny de grands moiens de uiure à son plaisir. Or y auoit il au-
tour de luy, comme lon peut penser, plusieurs personnes ordonnees pour le
dresser

A dresser & bien nourrir, comme gouuerneurs, chambellans, maistres & precepteurs: mais Leonidas estoit celuy qui auoit la superintendence par dessus tous les autres, homme austere de sa nature, & parét de la Roync Olympias: mais quant à luy il haïssoit ce nom de maistre, ou precepteur, combien que ce soit une belle & honorable charge, à raison dequoy les autres l'appelloient le gouuerneur & conducteur d'Alexandre, à cause de la dignité de sa personne & de ce qu'il estoit parent du prince: mais celuy qui tenoit le lieu, & qui auoit le tiltre de maistre, estoit un Lyfimachus natif du pais d'Acarnanie, lequel n'auoit rien de bon ny de gentil en soy: mais pource qu'il se nommoit Phœnix, & Alexandre Achilles, & Philippus Peleus, il tenoit le second lieu apres le gouuerneur. Au reste comme Philonicus Theffalien eust amené au Roy Philippus le cheual Bucephal pour le luy uendre, en demandant * treize talents, ilz descendirēt en une belle carriere pour l'essaier & le picquer. Il fut trouué si rebours & si farouche, que les escuyers disoient que lō n'en pourroit pas iamais tirer serui-
ce, à cause qu'il ne uouloit pas souffrir que lon montaſt dessus luy, ny seulement endurer la uoix & la parole de pas un des gentils hommes, qui fussent autour de Philippus, ains se dressoit à l'encontre d'eulx tous, de façon que Philippus s'en despita, & commāda que lon le remenaſt cōme beste uicieuse, sauuage & du tout inutile: & l'eust on faict, si n'eust esté que Alexandre, qui estoit present, dit, O Dieux quel cheual ilz rebutent pour ne ſçauoir à faulte d'adresse & de hardieſſe s'en seruir. Philippus aiāt ouy ces paroles, pour la premiere fois ne feit pas semblāt de rien: mais cōme il les allaſt repetāt plusieurs fois entre ſes dents autour de luy, monſtrant d'estre bien marry dequoy lon renuoyoit le cheual, il luy dit à la fin: Tu reprens ceulx qui ont plus d'aage & d'experience que toy, comme si tu y entēdois quelque chose plus que eulx, & que tu ſceusses mieulx comment il fault mener un cheual à la raison qu'ilz ne font. Alexandre luy reſpondit: A tout le moins manieroie-ie mieulx ceſtuy cy, qu'ilz n'ont fait eulx. Mais aussi, repliqua Philippus, si tu n'en peux uenir à bout, non plus qu'eulx, quelle amende ueux tu paier pour ta temerité? Je ſuis content, reſpondit Alexādre, de perdre autant comme uault le cheual. Chascun ſe prit à rire de ceſte reſponce, & fut entre eulx deux la gageure accordee d'une certaine ſomme d'argent. Et adonc Alexandre ſ'en courant uers le cheual, le prit par la bride & le retourna la teſte uers le ſoleil, ſeſtāt apperceu, comme ie croy, que le cheual ſe tourmentoit, à cause qu'il uoioit ſon ombre, laquelle tumboit & ſe remuoit deuant luy à meſure qu'il ſe mouuoit: puis en le careſſant un peu de la uoix & de la main, tant qu'il le ueit ronflant & ſoufflant de courroux laiffa à la fin tout doucement tumber ſon manteau à terre, & ſe ſoubleuant dextrement d'un ſault leger monta deſſus ſans aucun danger, & luy tenant un peu la bride roide ſans le battre ny haraſſer, le remeit gentimēt: puis quād il ueit qu'il eut ietté tout ſon feu de deſpit, & qu'il ne demandoit plus qu'à courir, alors il luy dōna carriere à toute bride, en le preſſant encore avec une uoix plus aſpre que ſon ordinaire & un talonnement de pieds. Philippus du cōmencement le regarda faire avec une grāde deſtreſſe de crainte qu'il ne ſe feiſt mal, ſans mot dire toutefois: mais quād il le ueit addroittemēt retourner le cheual au bout de la carriere, tout fier de l'aïſe d'auoir bien faict, alors tous les autres aſſiſtans ſ'en eſcrierent par admiration, mais au pere les larmes, à ce que lon dit, en uindrent aux yeux de ioye qu'il en eut, & quand il fut deſcendu de cheual, luy dit en luy baiſant la teſte: O mon filz, il te fault chercher un royaume qui ſoit digne de toy: car la Macc-

* Sept mille
huit cētſ ef-
cus.

Alexandre le grand.

doine ne te sçauoit tenir. Et considerant que sa nature estoit difficile à emou- F
uoir, pource qu'il s'opiniastroit à ne uouloir point estre forcé de rien, mais que
par remonstrance on le conduisoit facilement à la raison, luy mesme tascha
toufiours à luy persuader par raison, ce qu'il luy uouloit faire faire, plus tost que
de luy commander : & ne se fiant pas trop de l'institution & nourriture de son
filz aux maistres de musique & des lettres humaines qu'il auoit mis autour de
luy pour l'enseigner, ains estimant que c'estoit charge de plus grande portee
que la leur, & qui auoit besoing, comme dit Sophocles,

D e plusieurs mors & de plusieurs timons :

il enuoya querir Aristote le plus renommé & le plus sçauant philosophie de
son temps, en luy payant un treshonorable salaire pour l'escholage de son filz : G
car aiant par auant deserté & destruit la uille de Stagira, dont il estoit natif, il
la rebastit depuis en faueur de luy, & y remeit les habitans qui s'en estoient fouis
ou qui auoient esté reduits en seruitude, & leur ordonna pour leur demouran-
ce, & pour le seiour de leurs estudes, la maison de plaissance qui est aupres de la
uille de Mieza, là ou lon monstre encore des sieges de pierre que Aristote y feit
faire, & des allees couuertes d'arbres pour se promener à l'ombre. Si me semble
que Alexandre n'apprit pas de luy les sciences morales & politiques seulemēt,
ains ouyt aussi les autres plus secretes, plus difficiles, & plus graues doctrines,
que les disciples d'Aristote appelloient proprement Acroamatiques, ou E-
poptiques, comme qui diroit speculatiues, qu'il fault auoir ouyes du maistre H
pour les entendre, ou recluses arriere de la cognoissance du uulgaire, lesquelles
sciences, ilz ne publioient point ny ne les communiquoient point à la com-
mune, tellement que Alexandre mesme estant ia passé en Asie : & entendant
cōme Aristote en auoit mis hors, & publié quelques liures, luy en escriuit une
lettre, par laquelle il l'en tenfa assez librement pour l'hōneur de la philosophie,
• & estoit la teneur de la missiue telle. Alexandre à Aristote Salut. Tu n'as pas biē
• fait d'auoir publié tes liures des sciences speculatiues, pourautant que nous ne
• aurons rien par dessus les autres, si ce que tu nous as enseigné en secret, uient à
• estre publié & communiqué à tous, & ie ueux biē que tu saches que j'aimeroie
• mieulx surmonter les autres en intelligēce des choses haultes & trespōnes, que I
• non pas en puissance. Adieu. A quoy Aristote, pour appaiser cest ambitieux
mescontentement, luy respond, que ces liures là n'estoient ny publiez, ny à pu-
blier : car, à la uerité, tout le traitté qu'il appelle Metaphysique, c'est à dire, oul-
tre la science naturelle, ne contient rien qui soit utile ny à enseigner, ny à ap-
prendre, & n'est qu'une monstre & ostentation de profond entendement, pour
ceulx qui sont desia sçauans. Il me semble aussi que ce fut Aristote, plus que nul
autre, qui luy feit prendre plaisir & affection à l'art de medecine : car il n'en ai-
ma pas seulement l'intelligence & theorique, ains en exercea aussi la pratique,
en secourant ses amis quād ilz demouroient malades : & composa quelques re-
ceptes de medicamens & quelques reglemens de uiure, ainsi comme lon peut K
cognoistre par ses lettres missiues, pource que de sa nature il estoit homme stu-
dieux, & aimoit à lire. Il uolut aussi auoir l'Iliade d'Homere de la correction
d'Aristote, que lon appelle encore la corrigee, & la mettoit toufiours avec son
poignard dessous le cheuet de son liēt, l'estimant & la nommant nourriture
ou entretient de la uertu militaire, ainsi comme Onesicrates a escrit. Et quand
il fut es haultes prouinces de l'Asie, ne pouuant recouurer promptement d'au-
tres liures, il escriuit à Harpalus qu'il luy en enuoyast. Il luy enuoya les histo-

Alexandre le grand.

467

A res de Philistus, avec plusieurs Tragédies de Euripides, de Sophocles, & d'Æschylus, & quelques hymnes de Telestus & de Philoxenus. Si aima & honora du commencement Aristote, non moins que son propre pere, comme il disoit luy mesme, pource que de l'un il auoit receu le uiure, & de l'autre le bien uiure: mais depuis il l'eut un peu suspect, non iusques à luy en faire aucun desplaisir, ains seulement iusques à ne luy faire pas tant ny de si amiables & si affectueuses caresses, cōme il auoit appris au parauāt, ce que lon presuma estre signe de quelque alienation de uolunté: toutefois pour cela ne luy sortit point de lame le desir & l'amour de la philosophie, qu'il auoit des son enfance empraint en son cuer, & qui y estoit creu avec son aage quand & luy, ainsi que tesmoignerent depuis l'honneur qu'il feit au philosophe Anaxarchus, & les * cinquante talents qu'il luy enuoya: & Dandamis & Calanus, desquelz il feit si grand compte. Au reste, estant Philippus allé faire la guerre à ceulx de la uille de Byzance, & luy en l'aage de seize ans demouré en Macedoine son lieutenant & garde de son seau, il dompta & subiugua les Medariens qui festoient rebellez: & aiant pris leur uille d'assault en dechassa les Barbares habitans, & y en logea d'autres meslez de plusieurs nations surnommant la uille Alexandropolis, c'est à dire, la uille d'Alexandre. Il se trouua aussi avec son pere en la bataille de Cheronee contre les Grecs, là ou lon dit que ce fut luy qui donna le premier dedans la bade, que lon appelloit sacree, des Thebains: & iusques à mon temps encore mōstroient on un uieil chesne, que ceulx du pais appelloient ordinairement le chesne d'Alexandre, pourautant que son pauillon y estoit lors tendu dessoubz: & non gueres loing de là est le charnier, auquel furent enterrez les corps des Macedoniens qui moururent en la bataille. Pour lesquelles choses son pere, comme lon peult estimer, l'aimoit uniquemēt, & estoit biē aise d'ouyr que les Macedoniens appelloiēt Alexandre leur Roy & Philippus leur Capitaine: mais les troubles, qui depuis aduindrēt en sa maison, à cause de ses nouvelles nopces & nouvelles amours, engendrerent de grands differens & de lourdes querelles entre eulx, pource que la maladie de la dissention & ialousie des femmes penerra iusques à departir les cueurs des Roys mesmes, dequoy fut principalement cause l'aigre nature d'Olympias, laquelle estant femme ialouse, cholere & uindicatiue de nature, alloit irritāt Alexandre & augmentant les mescōrentemens qu'il auoit de son pere: toutefois la plus apparente occasion fut celle que luy donna Attalus aux nopces de Cleopatra, que Philippus espousa fille, estāt deuenue hors d'aage & de saison amoureux d'elle. Car Attalus qui estoit oncle de la nouvelle mariee s'en yura au festin des nopces, & estant yure admonesta les autres seigneurs Macedoniens qui estoient aussi au festin, qu'ilz priaissent aux Dieux que de Philippus & de Cleopatra il leur peust naistre un hoir legitime, pour succeder au royaume de Macedoine: dequoy Alexādre se sentāt picqué, luy ietta une coupe à la teste, en luy disant, Et moy traistre que tu es, te semble il donques que ie sois bastard? Ce que uoiant Philippus se leua soudain de la table l'espee traitte en la main: mais de bonne fortune pour tous deux, estāt troublé de cholere & deuin, il tumba en terre, & adōc Alexādre se mocquāt de luy: Voila, dit il, celuy qui se preparoit pour passer d'Europe en Asie, en uoulant seulement passer d'un liēt à un autre, il s'est laissé tumber tout de son long. Depuis ce grand scandale, il prit sa mere Olympias & la remenant en son pais d'Epire, s'en alla ce pendant tenir en Esclauonnie. Mais en ces entrefaites Demaratus Corinthien estant hoste de Philippus, & aiant une priuaulté fort franche avec luy, le

*Trēte mille escus.

Alexandre le grand.

uint ueoir, & apres les premieres caresses de la salutation, comme Philippus F
luy demandaſt cōment eſtoient les Grecs d'accord enſemble : Vrayement, luy
reſpondit il, Sire, c'eſt bien à toy à te ſoucier & parler de la cōcorde des Grecs,
ueu que tu as enſpy ta propre maiſon de ſi grandes querelles & de tant de diſ-
ſenſions. Ceſte parole poignit Philippus au uif, & luy ſeit recognoiſtre ſa faulte,
de maniere qu'il ſeit reuenir Alexādre par l'entremiſe de ceſtuy Demaratus,
qu'il y enuoya pour luy perſuader qu'il retournaſt. Et comme Pexodorus prin-
ce de la Carie deſirant par le moien d'alliāce de mariage entrer en ligue offen-
ſiue & deſenſiue avec Philippus, preſentaſt ſa fille aiſnee en mariage à Aridæus
filz de Philippus, & euſt enuoyé en Macedoine Ariſtocritus ſon ambaffadeur,
pour traiter & manier ceſt affaire : les familiers d'Alexandre & ſa mere com- G
mencerent derechef à luy faire de nouueaux rapports, & à luy mettre en teſte
nouuelles ſuſpitiōs, que Philippus uouloit à ſon preiudice auancer par ce gros
mariage Aridæus, & le laiſſer ſon ſucceſſeur au royaume : dōt Alexādre ſe trou-
uant ennuyé, enuoya un nommé Theſſalus ioueur de Tragédies deuers Pe-
xodorus en la Carie, pour luy remonſtrer qu'il deuoit laiſſer la Aridæus qui e-
ſtoit baſtard, & n'auoit pas le ſens entier ny raiſſis, & chercher plus toſt l'allian-
ce d'Alexandre. Pexodorus fut bien plus content d'auoir Alexandre pour ſon
gendre, que non pas Aridæus : mais Philippus en eſtant aduertty, ſ'en alla luy-
meſme en la chambre d'Alexandre, menant quand & luy l'un de ſes familiers
Philotas filz de Parmenion, & le tenſa fort aſprement, en luy remonſtrant qu'il H
auroit bien le cueur laſche & indigne de l'eſtat qu'il luy laiſſeroit à ſon treſpas,
ſil ſe contentoit d'eſpouſer la fille d'un Carien, qui eſtoit ſerf & uaiſſal d'un Roy
barbare : & quand & quand eſcriuit aux Corinthiens, qu'ilz luy enuoyaſſent
Theſſalus pieds & poings liez, & bānit de la Macedoine Harparlus, Nearchus,
Phrygius, & Ptolomeus, les mignons de ſon filz, leſquelz Alexandre rappella
depuis, & les teint tous en grand lieu de faueur aupres de luy. Quelque temps
apres Pauſanias aiant eſté uillainement oultragé en ſon corps du ſceu & par le
commandement d'Attalus & de Cleopatra, & n'en aiant peu obtenir repara-
tion ny iuſtice de Philippus, tourna ſon ire contre luy, & le tua luy meſme par
deſpit : duquel meurtre la coulpe pour la plus part fut bien donnee à Olympias, I
laquelle, ainſi que lon dit, incita & pouſſa ce ieune homme bouillant de cour-
roux à ce faire : mais auſſi y en eut il quelque ſuſpition, qui toucha à Alexādre :
car on dit que comme Pauſanias luy parlaſt de ſon affaire apres l'iniure receuë,
& ſ'en plaigniſt à luy, il luy allegua ces uers qui ſont en la Tragédie de la Me-
dee du poëte Euripides, là ou elle dit en courroux qu'elle ſe uengera

Du marié & de la mariee,

Et qui luy a pour femme appariee.

Toutefois depuis il ſeit diligēment chercher & punir ſeuierement tous les cō-
plices de la coniuration, & ne fut pas contēt de ce que ſa mere Olympias auoit
cruellement traité Cleopatra. Si uint à ſucceder à la couronne de Macedoi- K
ne en l'aage de uingt ans, & trouua ſon royaume expoſé à grandes enuies, eſpié
de dangereux ennemis, & de tous coſtez enuironé de grieſs perilz, à cauſe que
les nations Barbares, uoiſines de la Macedoine, ne pouuoiet ſupporter le ioug
de la ſeruitude eſtrangere, ains regrettoient leurs Roys naturelz. Et Philippus
aiant conquis la Grece par force d'armes, n'auoit pas eu du temps aſſez pour la
bien dompter, & entierement accouſtumer au ioug, ains y aiant ſeulement un
peu remué les gouuernemens, auoit laiſſé les choſes en grād trouble & en grād
branle,

Alexandre le grand.

468

A branle, pour n'estre pas de longue main accoustumee de seruir: parquoy ceulx du Conseil de Macedoine redoubtans la mauuaistié du temps, estoient d'aduis que Alexandre abandonnast totalement les affaires de la Grece, & qu'il ne facheurast point autremēt à les uouloir auoir par force: & au demourāt qu'il rattachast à regaigner tout doucement les Barbares qui s'estoiēt rebellez, & remediér sagement par douceur aux soubleuement de ces nouuelletez. Mais luy tout au contraire, se delibera de maintenir & asseurer ses affaires par hardiesse & magnanimité, aiant opinion, que si on le sentoit fleschir à ce cōmencement tant peu que ce fust, tout le monde luy courroit sus, & se soubleueroit à l'encōtre de luy. Si amortit incontinent les mouuemens des Barbares, en courāt soudain avec son armee iusques à la riuere du Danube, là ou il desfeit en une grosse bataille Syrmus le roy des Triballiens: & aiant nouvelles d'un autre costé, comme les Thebains s'estoient rebellez, & que les Atheniens s'entendoient avec eulx, pour leur monstrier & faire sentir qu'il estoit homme, il feit incontinent marcher son armee uers le destroit des Thermopyles, disant qu'il uoloit faire ueoir à l'orateur Demosthenes, qui l'appelloit enfant, pendant qu'il estoit en Esclauonnie & au païs des Triballiens, qu'il estoit deuenu adolescent en passant par la Theffalie, & qu'il le trouueroit homme fait deuant les murailles d'Athenes. Arriué qu'il fut deuant Thebes, il uolut donner moien à ceulx de la uille de se repentir, & leur demanda seulement Phœnix & Prothytes auteurs de la rebellion. Et au demourant feit proclamer à son detrompe, qu'il donnoit pardon & seureté à tous ceulx qui se retourneroient deuers luy: mais les Thebains à l'opposite luy demanderent Philotas & Antipater deux de ses principaux seruiteurs, & feirent crier publiquement que ceulx qui uoudroient defendre la liberté de la Grece se ioignissent à eulx: à l'occasion dequoy il lâcha adonc la bride aux Macedoniens pour leur faire la guerre à toute oultrance. Si combattirent les Thebains de courage & d'affection plus grande que n'estoit leur puissance, attēdu q̄ leurs ennemis estoient plusieurs cōtre un: mais quand la garnison des Macedoniens qui estoient dedās le chasteau de la Cadmee, fortāt sur eulx, les uint encore charger par derriere, alors estans enuolopez de toutes pars, ilz furent presque tous tuez sur le chāp, la uille prise, destruite & rasée rez pied rez terre. Ce qu'il feit faire en intention d'espouuenter principalement les autres peuples Grecs par l'exemple de ceste grande desolation des Thebains, à fin qu'il n'y en eust plus pas un qui oast leuer la teste cōtre luy: & toutefois encore uolut il donner quelque couleur honeste à ceste executiō deuengance, disant qu'il uoloit satisfaire aux plaintes & doleāces de ses allies & confederez, pource qu'à la uerité les Phociēs & les Plateiens chargeoiēt & accusoient deuant luy les Thebains de grands oultrages: au moien dequoy exceprant les prestres & gens de religion, & tous ceulx qui estoient amis particuliers, ou hostes de seigneurs Macedoniens, tous les descendans & parents du poëte Pindarus, & tous ceulx qui auoient contredit à ceulx qui suadoient la rebellion, il feit uendre tout le demourant des habitās de Thebes, qui se trouuerent iusques au nombre de trente mille, sans ceulx qui estoient morts en la bataille, qui passoiēt six mille. Mais entre les miseres & calamitez de ceste pauvre uille de Thebes, il y eut quelques souldards Thraciēs, lesquelz aiant razé la maison de Timoclea dame de bien & d'hōneur issue de noble race, departirēt ses biens entre eulx, & leur capitaine l'ayant prise à force & uiolee, luy demanda si elle auoit point caché d'or ou d'argent en quelque part. La Dame luy res-

Alexandre le grand.

pondit que ouy, & le menant tout seul en un iardin, luy monstra un puis, dedās
lequel elle disoit, que uoiāt la uille prise, elle auoit iettē toutes ses bagues & tout
ce qu'elle auoit de plus beau & de plus riche meuble. Le Barbare Thracien se
baissa pour regarder dedans le puis, & elle qui estoit derriere, le poulsa dedans,
& puis ietta dessus force pierres, tāt qu'elle l'assomma. Les soudards quād ilz le
sceurent, la fafirent incontinent, & la menerent liee & garrottee deuant le roy
Alexandre: lequel, à ueoir son uisage, sa contenāce & sa marche, premieremēt
iugea bien que c'estoit quelque Dame d'hōneur & de grand lieu, tant elle mar-
choit asseuremēt & constāment apres ceulx qui la menoient, sans se monstrier
estōnee ny effroyee de chose quelconque: puis quand Alexandre luy demāda
qui elle estoit, elle luy respōdit qu'elle estoit sœur de Theagenes celuy qui auoit
donē la bataille au roy Philippus deuant la uille de Chæronce, ou il estoit mort
pour la defence de la liberrē des Grecs en estat de capitaine general. Alexandre
se merueillāt de ceste responce genereuse, & aussi de l'acte qu'elle auoit fait, cō-
manda q̄ lon la laissast aller libre avec ses enfans là ou elle uoudroit, & feit ap-
pointemēt avec les Atheniēs, quoy qu'ilz mōstrassent euidēs signes d'estre fort
desplaisans de la fortune des Thebains. Car estāt lors escheute la feste des My-
steres, ilz la laisserēt pour le deuil qu'ilz en portoient, & à ceulx qui s'enfouyrēt
en leur uille, feirent toute l'humanitē qui leur fut possible: mais fust, ou pource
q̄ son courroux estoit desia assouuy, suiuant en cela le naturel des liōs, ou pour-
ce qu'il uoulust apres un exemple de trescruelle uengeance, en mōstrer un autre
de singuliere clemence, non seulement il absolut les Atheniens de tout crime,
ains leur cōseilla & les admonesta d'auantage qu'ilz eussent l'œil aux affaires, &
qu'ilz entendissent à eulx, pource que leur uille estoit pour doner un iour la loy
à toute la Grece, si d'aduēture il uenoit à mourir. Lon dit bien que certainemēt
il se repentit par plusieurs fois depuis, d'auoir ainsi miserablement exterminē
les Thebains, & fut le regret qu'il en eut cause, que depuis il se mōstra plus hu-
main enuers beaucoup d'autres: & sans point de doubte il eut opinion que le
meurtre de Clytus qu'il occit à la table, & le refus que luy feirent les Macedo-
niens de passer oultre à la conqueste du demourant des Indes, qui fut comme
une imperfection de son entreprise & diminution de sa gloire, luy aduindrent
par le courroux & la rancune de Bacchus qui s'en uoulut uenger de luy: & n'y
eut onques puis Thebain de ceulx qui peurent eschapper la fureur de sa uictoi-
re, qui eust affaire à luy, ou le requist d'aucune chose, qui n'impetrast tout ce
qu'il demandoit. voila comment la uille de Thebes fut traittee. Au demourāt
les Grecs aiens tenu une assemblee generale des estats de la Grece dedans le de-
stroir du Peloponese, ou ilz resolurent qu'ilz feroient la guerre aux Perses avec
Alexandre, il y fut eleu capitaine general de la Grece: & là cōme plusieurs gens
tant philosophes que gens d'affaires l'allassent uisiter, pour s'esjouir avec luy de
son electiō, il cuida bien que Diogenes le Sinopien, qui se tenoit ordinaiemēt
à Corinthe, le deust aller ueoir aussi: mais quand il ueit qu'il ne faisoit compte
de luy, ains se tenoit à son aise au faulxbourg qui s'appelle Cranium, il s'en alla
luy mesme deuers luy, & le trouua couchē tout de son long au Soleil: toutefois
quand il ueit tant de gens uenir deuers luy, il se leua un petit en son seant, & re-
garda Alexandre au uisage. Alexandre le salua & le caressa de paroles: & puis
luy demanda, si luy auoit point affaire de quelque chose. Ouy, respondit il, C'est
que tu t'ostes un petit de deuant mon Soleil. Alexandre prit si grād plaisir à ce-
ste responce & eut en telle admiration la haultesse & grandeur de courage de
cel

Alexandre le grand.

469

A cest hōme, de ueoir le peu de cōpte qu'il auoit fait de luy, qu'au partir de là, cō-
me ses familiers se rissent ensemble & se moquaissent de luy, il leur dit, Vous en
direz ce que uous uoudrez: mais certainement si ie n'estois Alexandre, ie uoul-
droie estre Diogenes. Et uoulant enquerir l'oracle d'Apollo touchāt son uoia-
ge del'Asie, il s'en alla en la uille de Delphes: mais il se r'encontra de fortune,
qu'il y arriua es iours que lon appelle malencontreux, esquelz lō n'auoit point
accoustumē de demander rien à Apollo, ce neantmoins il enuoia premiere-
ment deuers la prophetisse qui prononceoit les oracles, la prier de uenir: & cō-
me elle en feist refus, alleguāt la coustume qui luy defendoit d'y aller, luy mes-
me y alla en personne, & la trainna par force au temple. Elle adonc uoiāt qu'el-
B le ne pouuoit resister à son affection, luy dit, Tu es inuincible, à ce que ie uoy
mon filz. Ce qu'Alexandre aiant entendu, dit, qu'il ne demandoit point d'autre
oracle, & qu'il auoit celuy qu'il desiroit d'elle. Depuis quand il fut sur le poinct
de partir pour aller à son uoiage, il eut plusieurs signes & presāges diuinement
enuoyez: & entre autres, une image du poēte Orpheus faite de bois de Cypres,
en la uille de Lebethres, enuiron ces iours là rendit grande quantité de sueur: &
comme plusieurs redoubtassent ce pronōstique là, le deuīn Aristander au con-
traire l'interpreta, qu'il en falloit bien esperer: car c'est signe, dit il, qu'Alexan-
dre fera des conquests & des prouesses d'armes dignes d'estre chantees & renō-
mées par tout le monde, lesquelles feront souuent uenir la sueur au front des
C poētes & des musiciens, pour la peine qu'ilz auront à les descrire & les chanter.
Quand au nombre des combattans qu'il mena avec luy, ceulx qui en mettent
le moins disent, trente mille hommes de pied, & cinq mille de cheual: & ceulx
qui en mettent le plus escriuent, trēte & quatre mille de pied, & quatre de che-
ual. Et pour les soudoyer & entretenir, Aristobulus escrit qu'il n'auoit pas plus
de* soixante & dix talents: & Duris ne met de prouisiō de uiures, que pour trē-
te iours seulement: & Onesicritus dit d'auantage, qu'il deuoit plus de* deux cēts
talēts. Toutefois, encore qu'il entrast en ceste guerre avec si peu de moien pour
la soustenir, si ne uoulut il iamais monter sur sa nauire, que premierement il ne
se fust informé de l'estat de tous ces amis, pour entēdre les moiens qu'ilz auoiēt
D pour le suiure, & qu'il n'eust d'istribué à l'un des terres, à l'autre un uillage, & à
l'autre le reuenue de quelque bourgade, ou de quelque port, tellement qu'en ces
dons là, il emploia & cōsuma presque tout le domaine des Roys de Macedoi-
ne. Parquoy Perdicas luy demanda, Mais pour toy Syre, que retiēs tu? Et il luy
respondit promptement, l'Esperance. Nous y uoulons donques, repliqua Per-
dicas, auoir part aussi, puis que nous allons quād & toy. & ainsi refusa le reue-
nu que le Roy luy auoit assigné pour sa pension: ce que quelques uns des autres
feirent aussi comme luy: mais ceulx qui en uolurent receuoir, ou qui en demā-
derent, il leur en donna fort liberalement, & despēdit en cela la plus part du
domaine ordinaire de son royaume. En telle affectiō & telle deliberation dō-
E ques passa il le destroit de l'Hellespont, & allant iusques en la uille d'Ilium y sa-
crifia à Diane, & y espendit des effusions funerales aux Demidieux, c'est à dire,
aux princes qui moururent en la guerre de Troie, dont les corps y estoient en-
sepueliz, principalemēt à Achilles, la sepulture duquel il oignit d'huile, & cou-
rut nud tout à l'entour avec ses mignōs selon la coustume ancienne des funeraill-
les, puis la couurit toute de chappeaux & de festons de fleurs, disant qu'il estoit
bien heureux d'auoir eu en sa uie un loyal amy, & apres sa mort un excellēt hé-
rault pour dignement chanter ses louanges. Et ainsi qu'il alloit ça & là par la

* Quarante
neuf mille
escus.

*Cent vingt
mille escus.

Alexandre le grand.

uille, uisitant les choses notables qui y estoient, quelqu'un luy demâda s'il uou- F
loit point ueoir la lyre de Paris: auquel il respondit, Je n'ay pas grande enuie de
ueoir celle là, mais ie uerroye uoluntiers celle d'Achilles, sur laquelle il iouoit
& chantoit les haults faiçts & prouesses des hōmes uertueux du temps passé. Ce
pendât les capitaines & licutenâs du Roy de Perse, Darius, aians mis une grosse
puissance ensemble, l'attendoient au passage de la riuere du Granique. Si estoit
necessaire de combattre là, comme à la barriere de l'Asie pour en gaigner l'en-
tree: mais la pluspart des capitaines de son conseil craignoient la profondeur
de ceste riuere, & la haulteur de l'autre riuie qui estoit roide & droite, & si ne la
pouuoit on gaigner ny y monter sans combattre: & y en auoit qui disoient,
qu'il falloit prédre garde à l'obseruâce ancienne des mois, pource que les Roys G
de Macedoine n'auoient iamais accoustumé de mettre leur armee aux champs
le mois de Iuin: à quoy Alexandre leur respondit qu'il y remedieroit bien, cō-
mandant que l'on l'appellast le second May. D'auantage Parmenion estoit
d'aduis que pour le premier iour il ne falloit rien hazarder, à cause qu'il estoit
desia tard, à quoy il luy respondit que l'Hellespont rougiroit de honte, si luy
craignoit de passer une riuere, ueu qu'il uenoit de passer un bras de mer: & en
disant cela il entra luy mesme dedans la riuere avec treize compagnies de gēs
de cheual, & marcha la teste baissée à l'encontre d'une infinité de traicçts que les
ennemis luy tirerēt mōtant contremōt l'autre riuie, qui estoit coupee & droite,
& qui pis est, toute couuerte d'armes, de cheuaux, & d'ennemis q l'attendoiet H
en bataille renee, poulsans les fiens à trauers le fil de l'eau, qui estoit profon-
de, & qui couroit si roide, qu'elle les emmenoit presque aual, tellement que lon
estimoit qu'il y eust plus de fureur en sa conduite que de bon sens ny de con-
seil. Ce nonobstant il s'obstina à uoloir passer à toute force, & feit tant qu'à la
fin il gaigna l'autre riuie à grâde peine & grande difficulté: mesmement, pour-
ce que la terre y glissoit à cause de la fange qu'il y auoit. Passé qu'il fut, il fallut
aussi tost combattre pesse melle d'homme à homme, pource que les ennemis
chargerent incontinent les premiers passez auant qu'ilz eussent loisir de se ren-
ger en bataille, & leur coururent sus avec grands cris, tenans leurs cheuaux
bien ioinçts & serrez l'un contre l'autre, & combattirent à coups de iauelines I
premierement, & puis à coups d'espee, apres que les iauelines furent brisees.
Si se ruerent plusieurs ensemble tout à un coup sur luy, pource qu'il estoit facile
à remarquer & cognoistre entre tous les autres à son escu, & à la cueuē qui pen-
doit de son armet, à l'entour de laquelle y auoit de costé & d'autre un pennache
grand & blanc à merueilles. Il fut attainct d'un coup de iauelot au default de la
cuirasse, mais le coup ne percea point: & comme Roefaces & Spithridates deux
des principaux capitaines Persiens s'adressassent ensemble à luy, il se destour-
na de l'un, & picquant droit à Roefaces, qui estoit bien armé d'une bonne cui-
rasse, luy donna si grand coup de iaueline qu'elle se rompit en sa main, & meit
aussi tost la main à l'espee: mais ainsi comme ilz estoient accouplez ensemble, K
Spithridates s'approchant de luy en flanc, se soubleua sur son cheual, & luy ra-
mena de toute sa puissance un si grand coup de hache barbaresque, qu'il coup-
pa la creste de l'armet, avec un des costez du pennache, & y feit une telle faulce
que le tranchant de la hache penetra iusques aux cheueux: & ainsi cōme il en
uouloit encore donner un autre, le grād Clytus le preuint qui luy passa une Par-
thisane de part en part à trauers le corps, & quand & quand tumba aussi Roefaces
mort en terre d'un coup d'espee que luy donna Alexandre. Or pendant que

A la gendarmerie combattoit en tel effort, le bataillon des gens de pied Macedoniens passa la riuere, & commencerent les deux batailles à marcher l'une contre l'autre: mais celle des Perles ne sousteint point courageusement ny loquement, ains se tourna incontinent en fuite, exceptez les Grecs qui estoient à la soude du Roy de Perse, lesquelz se retirerent ensemble dessus une motte, & demanderent que lon les prist à mercy: mais Alexandre donnant le premier dedans, plus par cholere que de sain iugement, y perdit son cheual qui luy fut tué sous luy d'un coup d'espee à trauers les flancs. Ce n'estoit pas Bucephal, ains un autre: mais tous ceulx qui furent en celle iournee tuez ou blecez des siés, le furent en cest endroit là, pource qu'il s'opiniastra à combattre obstinément contre hommes agguerriz & desesperez. Lon dit qu'en ceste premiere bataille il mourut du costé des Barbares uingt mille hommes de pied, & deux mille cinq cents de cheual: du costé d'Alexandre, Aristobulus escrit qu'il y eut de morts trente & quatre en tout, dont les douzes estoient gens de pied, à tous lesquelz Alexandre uoulut, pour honorer leur memoire, que lon dressast des images de bronze faittes de la main de Lysippus, & uoulant faire part de ceste uictoire aux Grecs, il enuoya aux Atheniens particulièrement trois cents boucliers de ceulx q furent gaignez en la bataille, & generalemēt sur toutes les autres despouilles, & sur tout le butin fait mettre ceste treshonorable inscription: Alexandre filz de Philippus, & les Grecs, exceptez les Lacedæmoniens, ont conquis ce butin sur les Barbares habitās en Asie. Quant à la uaisselle d'or ou d'argent, draps de pourpre, & autres telz meubles delicieux à la Persienne, il les enuoya presque tous à sa mere, au moins bien peu s'en fallut. Ceste premiere rencontre apporta soudainement un si grand changement des affaires en faueur d'Alexandre, que la cité mesme de Sardis siege capital de l'empire des Barbares, au moins en toutes les prouinces basses & uoissines de la mer, se rendit incontinent à luy, & les autres aussi, exceptees celle de Halicarnasse, & celle de Milet, qui luy resisterent: mais il les prit à force. Et aiant semblablement conquis tout ce qui estoit à l'entour, il se trouua puis apres en doute de ce qu'il auoit à faire au reste: car souuent il luy prenoit enuie d'aller tout chauldement trouuer Darius en quelque part qu'il fust, pour mettre tout au hazard d'une bataille, & souuent aussi luy sembloit plus expedient de s'exerciter premierement en la conqueste de ces pais bas, & se fortifier & equipper de l'argent & des richesses qu'il y trouueroit pour puis apres marcher en meilleur equippage contre luy. Mais il y a au pais de la Lydie pres la uille des Xanthiens une fontaine, laquelle se desborda lors d'elle mesme, & en regorgeant par dessus ses riuies ietta hors du fond une petite lame de cuyure, sur laquelle y auoit des caracteres engrauez de lettres anciennes, lesquelles disoient que l'empire des Perles deuoit estre ruiné par les Grecs: ce qui luy aiant encore accru le cuer d'auantage, il se hesta de nettoyer toute la coste de la mer iusques en la Cilicie & en la Phœnicie. Mais la facilité, avec laquelle il courut au long de la coste de Pamphlie a donné occasion & matiere à plusieurs historiens d'amplifier les choses à merueilles, iusques à dire que ce fut un expres miracle de faueur diuine que ceste playe de mer se soubmeit ainsi gracieusement à luy, ueu qu'elle a autrement tousiours accoustumé de tourmenter & traouiller fort asprement ceste coste là, tellement que bien peu souuēt elle cache & couure des pointes de roc, qui sont toutes de reng assez drues le long du riuage, au dessoubs des haults rochers droits & coupez de la montagne. Et semble que Menander mesme en une sie-

Alexandre le grand.

ne Comœdie tesmoigne ceste miraculeuse felicité, quand il dit en se iouant: F

Cecy me sent son grand heur d'Alexandre,
Car si quelqu'un ie cherche, il se uient rendre
Incontinent deuant moy de luy mesme:
Si par la mer, qui maint homme fait blesme,
Il me conuient aucun lieu trauerser,
I e puis ainsi que sur terre y passer.

Toutefois Alexandre mesme en ses epistres, sans autrement en faire si grand miracle, escrit simplement qu'il auoit passé par mer le pas que lon appelloit uulguaiement l'eschelle, & que pour le passer, il s'estoit embarqué en la uille de Phaselide, au moien dequoy il y seiourna plusieurs iours, durans lesquelz y G
aiaut ueu sur la place une image de Theodectes (car il estoit Phaselitain) il y alla un soir apres soupper mener une danse, & ietta dessus force bouquets & chapeaux de fleurs, honorant de bonne grace, en faisant semblât de se iouer, la memoire du defunct pour la conuersation qu'il auoit eue avec luy uiuant, à cause d'Aristote & de l'estude de la philosophie. Cela faict, il subiugua aussi les Pisidiens qui luy cuyderent resister, & conquist aussi toute la Phrygie, là ou en la uille de Gordius, que lon dit auoir esté anciennement le seiour ordinaire du Roy Midas, il ueit le chariot duquel on parle tant, lié d'une liaison d'escorce de Cormier, & luy en compta lon un propos, que les habitans du pais tenoient pour prophetie ueritable, que celui qui pourroit delier ceste liaison estoit predestiné pour estre un iour Roy de toute la terre. Si dit le commun que Alexandre ne pouuant delier ceste liaison, pource que lon n'en uoioit point les bouts tant ilz estoient entrelassez par plusieurs tours & retours les uns dedans les autres, desguainna son espee & couppa le nœud par la moitié, de sorte que lon ueit alors plusieurs bouts de la liaison: mais Aristobulus escrit qu'il le denoua fort aiseement, aiant premierement osté la cheuille qui tient le ioug attaché au timon, & en tirant apres le ioug dehors. Au partir de là il alla subiuguer les Paphlagoniens & les Cappadociens, & entendit le trespas de Mennon, qui estoit celui de tous les capitaines de marine que Darius eust à son seruice, que lon attendoit qui deust donner plus d'affaires & plus d'empeschement à Alexandre: I
au moien dequoy estât asseuré de sa mort, cela le cōfirma de tant plus en la resolution qu'il auoit prise de mener son armee es haultes provinces de l'Asie. Aussi luy uenoit desia le roy Darius au deuant, aiant faict son amas à Suse, se confiât en la grande multitude de ses combattans, dont il auoit mis six cents mille en un camp, & aussi en un songe que ses deuins luy auoient exposé, plus à son gré pour luy complaire qu'à la uerité. Car il luy fut aduis une nuit en dormant qu'il uoioit toute l'armee des Macedoniens en feu, & que Alexandre le seruoit estât uestu de la mesme robbe que luy portoit lors qu'il estoit Asgande du feu Roy, & qu'estant entré dedans le temple de Bellus, il estoit soudainement disparu & euanouy. Par lequel songe il appert euidentement que les Dieux luy donnoient K
à entendre, que les faicts des Macedoniens seroient tresrenommez & tresglorieux, & que Alexandre conquerroit toute l'Asie, ne plus ne moins qu'auoit fait Darius, qui de Asgande estoit deuenu Roy: mais que bié tost il finiroit aussi sa uie en grande gloire. Encore prit il plus de confiance, quand il ueit que Alexandre seiourna quelque temps en la Cilicie, cuidant que ce fust pour crainte qu'il eust de luy: mais ce fut pour une maladie, laquelle aucuns disent luy estre aduenue de trauail, les autres pour s'estre baigné en la riuere de Cydnus, qui

estoit

A estoit froide cōme glace: dequoy que ce fust, il n'y eut pas un des autres medecins qui ozaſt entreprendre de le ſecourir, eſtimans que le mal estoit incurable & plus puissant que tous les remedes que lon luy pourroit bailler, & craignans que les Macedoniés ne ſen priſſent à eulx, & ne les calumniaſſent, filz failloiet à le guarir. Mais Philippus Acarnanien conſiderant qu'il ſe portoit trefmal, & ſe conſiant en l'amitié que ſon maistre luy monſtroit, penſa que ce ſeroit trop laſchement fait à luy, ſi le uoiant en tel danger de ſa uie, il ne ſe hazardoit iuſques à eſprouuer tous les derniers & plus extremès remedes de ſon art, à quelque peril que ce fust de ſa propre perſonne: au moien dequoy il entreprit de luy donner medecine, & luy perſuada de la prendre & boire hardiment, ſi bié toſt

B il uouloit eſtre ſain & diſpos pour aller à la guerre. Sur ſes entrefaittes Parmenion luy eſcriuit une lettre du camp, par laquelle il l'aduertiffoit qu'il ſe dōnaſt bien garde de ce Philippus, pource qu'il auoit eſté prattiqué & gaigné par Darius, ſoubs promeſſe de grands biens, qu'il luy deuoit dōner avec ſa fille en mariage, pour loyer de faire mourir ſon maistre. Alexandre aiant leu ceſte miſſiue, la meit deſſoubs ſon cheuet, ſans la monſtrer à perſonne de ſes plus familiers: & quand l'heure de prendre la medecine fut uenue, Philippus entra dedās la chambre avec les autres priuez amis du Roy, portant en ſa main le gobelet ou estoit la medecine. Alexandre adonc luy donna la lettre, & prit au meſme inſtant le gobelet de la medecine franchemēt, ſans monſtrer qu'il euſt doute

C ny ſouſpeçon de rien. Si fut choſe eſmerueillable, & qu'il faiſoit fort bon ueoir, que l'un d'un coſté liſant la lettre, & l'autre beuuant le breuuage en meſme temps, & de conſiderer comme ilz ietterēt tous deux enſemble les yeux l'un ſur l'autre, mais non pas avec une meſme chere, ains Alexandre avec un uiſage riāt & ouuert, teſmoignant la cōfiance qu'il auoit en ſon medecin Philippus, & l'amitié qu'il luy portoit: & l'autre avec contenance d'homme qui ſe paſſionnoit & ſe tourmétoit pour ceſte faulſe calumnie que lon luy auoit miſe ſus: car tantost il tendoit les mains uers le ciel, appellant & inuoquant les Dieux à teſmoings de ſon innocence, & tantost il ſ'approchoit du liēt & prioit Alexandre d'auoir bon courage & de faire aſſeurement ce qu'il luy diroit. Car la medecine commençant à eſtre maiſtreſſe chaſſa & enfondra, par maniere de dire, iuſques au fond du corps la uigueur & force naturelle, de maniere qu'il perdit la parole, & luy uint une grāde foibleſſe, & paſmoison telle, qu'il n'auoit preſque plus de poulx ny d'apparence de ſentiment: toutefois cela paſſé il fut en peu de iours remis ſus par Philippus. Et apres ſ'eſtre un petit renforcé il ſe monſtra aux Macedoniens: car iamais ilz ne uoulurent auoir patience, quelque choſe qu'on leur ſceuſt dire ne promettre de ſa conualeſcencē iuſques à ce qu'ilz l'eūrēt ueu.

D Ory auoit il au cāp de Darius un banny de Macedoine nommé Amyntas, lequel cognoiſſoit bien le naturel d'Alexādre, & uoiant Darius en uolunté de l'aller trouuer iuſques dedans les deſtroits & uallees des montagnes, le pria de l'attēdre plus toſt au lieu ou il estoit en païs plat & ouuert de tous coſtez, attēdu qu'il

E auoit à combattre avec grande multitude de combattans contre bien peu d'enemis, & que c'estoit ſon auantage de le trouuer en large campagne. Darius luy reſpōdit, qu'il n'auoit que peur qu'il ſ'enfouiſt auant qu'il le peuſt attein dre ou rencōtrer, & que par ce moien il luy eſchappast des mains. Amyntas luy re pliqua, Quāt à cela, Sire, ie te prie n'en aies point de peur: car ie t'aſſeure ſur ma uie, qu'il te uiendra trouuer, & que de ceſte heure il ſy en uient tout droit. Toutefois les remonſtrances de ceſtuy Amyntas ne peurent diuertir Darius qu'il ne

Alexandre le grand.

feist marcher son camp uers la Cilicie. Et au mesmetéps Alexandre aussi dressa son chemin deuers la Syrie pour l'aller rencontrer : mais il aduint une nuit qu'ilz se faillirent l'un l'autre, & le iour uenu retournerent tous deux en arriere, Alexandre estant bien ioyeux de ceste aduerture, & se hastant pour rencontrer son ennemy dedans les destroits, & Darius taschant à regagner le logis, dont il estoit parry & tirer son armee hors des destroits, commençant desia à s'apercevoir de la faulte qu'il auoit faite, de s'estre ietté en lieux serrez d'un costé de la mōtagne, & de l'autre costé de la mer & de la riuere de Pindarus qui court par le milieu, de sorte qu'il falloit q son armee s'escartast & se diuist en plusieurs troupes, & en pais rabboteux & malaisé pour gens de cheual, duquel au cōtraire l'assiette en estoit la plus propre du mode pour ses ennemis, qui estoient G
bonnes gens de pied & en petit nombre. Mais si la fortune donna à Alexandre le champ à propos pour combattre à son auantage, luy sceut encore mieulx ordonner sa bataille pour gagner la uictoire : car quoy qu'il fust en nombre de combattans beaucoup plus foible & moindre que son ennemy, si se sceut il biē donner de garde qu'il ne peust estre enuironné, par ce qu'il auancea la pointe droite de sa bataille beaucoup plus que la gauche, & se trouuāt en celle pointe combattant es premiers reings, il meit en rouverte les Barbares qui se rencontrerent en teste au deuāt de luy : mais il y fut blecé d'un coup d'espee qu'il receut en la cuisse. Chares escrit que ce fut Darius mesme qui le luy donna, & qu'ilz se rencontrerent iusques à combattre teste à teste l'un contre l'autre à coups H
de main. Toutefois Alexandre luy mesme escriuant de ceste bataille à Antipater dit bien qu'il y fut blecé en la cuisse d'un coup d'espee, & qu'il n'en estoit point ensuiuy autremēt d'inconuenient, mais il ne met point qui fut celuy qui le blecea. Aiant donques gagné une tresglorieuse uictoire, comme celle ou il estoit mort plus de cent & dix mille de ses ennemis, il ne peut neantmoins prendre Darius, pource qu'il gagna le deuāt à fouir d'environ un quart de lieuë seulement : mais bien prit il le chariot de bataille, sur lequel il combattoit & son arc aussi, puis sen retourna de la chasse & trouua les Macedoniens qui pilloient & saccageoient tout le reste du camp des Barbares, ou il y auoit une richesse infinie (combien qu'ilz eussent laissé la plus part de leur bagage en la uille de Damas pour uenir plus deliures à la bataille) mais ilz luy auoient reserué pour sa personne le logis du Roy Darius, qui estoit plein d'un grand nōbre d'officiers, de riches meubles, & de grāde quātité d'or & d'argēt. Parquoy si tost qu'il fut arriué, apres auoir osté ses armes, il entra dedās le baing, en disant, Al-
lons nous en lauer & nettoyer la sueur de la bataille dedās le baing de Darius mesme. Et là un de ses mignōs luy repliqua, mais bien d'Alexandre : car les biēs des uaincus appartiēnt de droit aux uaincueurs, & doiuent estre nōmez d'eulx. Et quand il ueit, entrant dedans l'estue, les bassins, baignoueres, les buyes, les phioles & bouettes aux parfums toutes d'or fin, ouurē & labourē exquisement, toute la chambre parfumeē d'une odeur si soueue qu'elle sembloit un paradis : K
puis au partir du baing qu'il entra dedās sa tente, la uoiant si haulte, si spacieuse : le liēt, la table, & l'apprest du soupper, le tout si bien & si magnifiquemēt en poinēt, que c'estoit chose digne d'admiration, il se tourna deuers ses familiers, & leur dit : C'estoit estre Roy cecy, à uostre aduis n'estoit pas ? Mais ainsi comme il se uouloit mettre à table pour soupper, on luy uint dire que lon luy amenoit la mere & la femme de Darius prisonnieres entre les autres dames, & deux de ses filles non encore mariees, lesquelles aians ueu son chariot & son arc, se-
stoient

A estoient prises à crier & à se battre desesperement, pensans qu'il fust mort: Alexandre demoura assez long temps sans rien respondre à cela, sentât plus de pitié de leur mauuaise fortune, que de ioye de la siene bonne: & si enuoya à l'heure mesme Leonatus deuers elles pour leur faire entédre que Darius n'estoit point mort, & qu'il ne falloit point qu'elles eussent peur d'Alexandre, pource qu'il ne faisoit la guerre à Darius que pour regner seulement: & qu'au regard d'elles, elles auroient de luy tout ce qu'elles auoient de Darius, pendant qu'il estoit regnant, & auoir son empire en son entier. Si ce propos sembla doux à ces Dames prisonnieres, les effectz suiuirent apres, qu'elles trouuerent de nō moindre humanité: car premieremēt il leur permit d'inhumér tous ceulx qu'elles uolurent des seigneurs Persiens morts en la bataille, & de prédre au pillage tous les draps, ioyaux & ornemens qu'elles uouldroient pour honorer leurs funeraillies, & si ne leur diminua chose quelconque de tout l'honneur, ny du nombre des officiers & seruiteurs, ny de tout l'estat qu'elles auoient au parauant, ains leur feit paier encore plus grandes pensions qu'elles ne souloient auoir: mais la plus honorable, la plus belle, & la plus royale grace qu'il feit à ces princesses prisonnieres, qui auoient tousiours uescu en grande honesteté & grande pudicité, fut qu'elles n'ouyrent ny n'entendirent onques chose qui leur deust donner crainte, ou seulement soupeon de rien qui fust au preiudice de leur honneur, ains eurent leur priué secret, sans que personne hāstast parmi elles ny les ueist, non comme en un camp d'ennemis, ains tout ne plus ne moins q̄ si elles eussent esté en quelque sainct monastere de religieuses estroitement reformees & gardees: combien que la femme de Darius, à ce que lon escrit, fust une tresbelle princesse, cōme Darius aussi estoit un tresbeau & grād prince, & que les filles ressemblassent à leurs pere & mere. Mais Alexandre estimāt, à mon aduis, estre chose plus royale, se uaincre soy mesme, que surmonter ses ennemis, ne les toucha ny elles, ny autres fille ou femme, auāt que les espouser, exceptee Barsene, laquelle estāt demouree uefue par le trespas de Memnon, fut prise aupres de Damas. Elle estoit sçauāte es lettres grecques, douce & de bonne grace, fille d'Artabazus qui estoit né d'une fille de Roy. Alexandre la cogneut à la suscitation de Parmenion, ainsi que l'escrit Aristobulus, qui le sollicita de prendre son plaisir d'une si belle & si noble Dame. Mais au demourant en regardant les autres Dames Persiennes qui estoient prisonnieres, belles & grandes à merueilles, il disoit en se iouant, que les Dames de Perse faisoient mal aux yeux à qui les contemploit: mais monstrant à l'opposite de leurs belles faces la beaulté de sa continence & chasteté, il passoit par deuant sans sy affectionner, non plus que si c'eussent esté des images de pierre sans ame. Auquel propos Philoxenus, lequel il auoit laissé son lieutenant es prouinces basses & maritimes, luy escriuit une fois qu'un Theodorus marchand Tarentin auoit deux ieunes enfans à uendre de beaulté singuliere, & qu'il luy mandast, sil luy plaisoit qu'il les luy acheprast. Il fut si marry de cela, qu'il se prit à crier tout hault par plusieurs fois, Mes amis, quelle uillannie a iamais apperceuē Philoxenus en moy, pour la quelle il ait deu festudier, pendant qu'il ne fait rien là, à me procurer de telz reproches? & luy feit rescrire sur le champ avec force iniures, qu'il renuoyast ce marchand Tarentin à la mal'heure, & sa marchandise quand & luy. Aussi reprit il biē aigrement un ieune hōme nommé Agnon, qui luy auoit escrit qu'il uoloit achepter un ieune garson, que lon appelloit Crobilus, qui auoit le bruit dedans la uille de Corinthe à raison de sa beaulté, en

Alexandre le grand.

intention de le luy mener. Et une autre fois aiant esté aduerty, que Damon & Timotheus Macedoniens estans sous la charge de Parmenion, auoient uiolé les femmes de quelques soudards estrangers qui estoient à sa soule, il escriuit à Parmenion qu'il en eust à faire information, & que s'il trouuoit qu'ilz les eussent de faict uiolées, qu'il les fait mourir tous deux comme bestes sauuages nees à la ruine des hommes. Et escriit en celle lettre de soy mesme ces propres paroles: Quant à moy, tant s'en fault que j'aye ueu ny pensé de ueoir la femme de Darius, que ie ne ueulx pas seulement souffrir que lon tienne propos de sa beaulté deuant moy. Il auoit accoustumé de dire, qu'il se recognoissoit mortel principalement à deux choses, à dormir, & à engendrer: comme aiant opinion, que le trauail & le plaisir de la uolupté que lon prend avec les femmes procedent d'une mesme imbecillité & foiblesse de nature. Aussi estoit il fort sobre de sa bouche quant au manger, comme il monstra par plusieurs autres preuues, & mesmement par ce quil dit à la princesse Ada, laquelle il aduoua pour sa mere, & la fait royne de la Carie: car comme elle, pèsant luy faire plaisir, luy enuoyast tous les iours force uiades exquisés, & force ouurages de four, & confitures, & oultre tout cela encore, des cuisiniers & des pasticiers qu'elle tenoit pour excellents en leur mestier: il luy manda, qu'il n'en auoit que faire, pource que son gouuerneur Leonidas luy en auoit baillé de meilleurs, c'est à sçauoir, pour le disner, se leuer auant iour & marcher la nuit, & pour le souper, le peu manger au disner: & ce mesme gouuerneur, disoit il, alloit souuent ouurer & uisiter les coffres ou lon estuyoit les matterats de mon liét, & mes habillemens pour ueoir si ma mere y auroit rien fourré de friandise, & de superfluité. Et si estoit moins subiect au uin qu'il ne sembloit: mais ce qui le faisoit estimer tel, estoit le long temps qu'il demouroit à table, plus à deuiser qu'à boire: car à chasque fois qu'il beuuoit il mettoit tousiours en auant quelque long propos, encore estoit ce quand il se trouuoit de grand loisir: car en temps d'affaires, il n'y auoit, ny festin, ny banquet, ny ieu, ny nopces, ny autre passe temps qui l'arrestast, comme ont fait plusieurs autres capitaines. Ce que lon peut facilement cognoistre par la briefueté de sa uie, & par la grandeur & multitude des haults faicts qu'il fait en si peu de temps qu'il uescut. Quand il estoit de loisir, le matin, apres estre leué, la premiere chose qu'il faisoit, il sacrifioit aux Dieux, & puis se mettoit incōtinent à table pour disner: & au reste passoit tout le long du iour son temps ou à chasser, ou à composer quelque chose, ou à pacifier quelque querelle entre les gens de guerre, ou à lire. Et s'il marchoit par les champs, qu'il ne fust point trop pressé d'aller, il s'exercitoit en allant par pais à tirer de l'arc, ou à mōter sur un chariot, ou à en descēdre, ainsi cōme il couroit. Bien souuēt, par maniere de ieu, il chassoit aux regnards, ou s'esbattoit à prendre des oiseaux, ainsi cōme lō peut ueoir par les memoires de ses papiers iournaux: puis, quand il estoit arriué au logis, il entroit au baing, là ou il se faisoit frotter & huiler. Cela fait, il demandoit aux panetiers & escuyers trenchans si tout estoit prest en cuisine, & commēceoit à soupper bien tard, de maniere qu'il estoit tousiours nuit auāt qu'il se meist à table, là ou il prenoit merueilleusemēt grand soing, & auoit diligemmēt l'œil, à ce que rien ny fust distribué inegalement, ne plus à l'un qu'à l'autre de ceulx qui mangeoient quand & luy, & tenoit longuemēt table, pource quil aimoit à parler & à deuiser, cōme nous auons dit. Si estoit bien sa compagnie & sa conuersation, au demourāt la plus agreable & la plus plaisante, que de Roy ne prince qui fut onques: car il n'auoit faulte de

A de grace quelconque, excepté que lors il estoit un peu facheux pour ses uanteries, & tenoit en cela trop du soudard uâteur, qu'il aimoit à racompter ses uailances: car oultre ce que de luy mesme il se laissoit facilement aller à ceste uanité de brauerie, encore se souffroit il mener par le nez, en maniere de parler, aux flatteurs. Ce qui estoit bien souuēt cause de la ruine des gēs de bien qui se trouuoient autour de luy, lesquelz ne uouloient ny le louer en sa presence à l'enuy des flatteurs, ny n'ozoient aussi dire moins qu'eulx des mesmes louanges qu'ilz luy donnoient, pource qu'en l'un y auoit de la honte, & en l'autre du danger. Apres soupper s'estāt derechef lauē il s'endormoit bien souuent iusques à midy, & quelquefois tout le long du iour ensuiuant. Quant à luy il n'estoit aucunement curieux de uiandes exquisēs, de sorte que quād on luy enuoyoit des païs uoïns de la mer quelques fruits singuliers, ou des plus rares poissons, il les enuoyoit ça & là à ses amis, sans en retenir bien souuēt rien pour soy: toutefois sa table estoit tousiours magnifiquement seruie, & en augmenta tousiours la despence ordinaire à mesure que ses prosperitez & conquestes allerent en auant, iusques à ce qu'elle mōra à la somme de mille escus par iour. Aussi s'arresta elle là, & fut prefix ce but de despēce à ceulx qui le uouloient festoyer, qu'ilz ne peussent despandre d'auantage. Mais apres ceste bataille de Issus, il enuoya en la uille de Damas saisir l'or & l'argent, le bagage, les femmes & les enfans des Perles qu'ilz y auoiēt laissez, là ou les hommes d'armes Theffaliens feirent tres bien leurs besongnes: car aussi les y auoit il expressement enuoyez à ceste intention, pource qu'il les auoit ueus faire tresbiē leur deuoir au iour de la bataille, toutefois le reste de son armee en fut aussi tout remply de richesse: & lors premier les Macedoniens aians goustē l'or & l'argēt, les delices, les femmes, & la maniere de uiure des Perles, ne plus ne moins que les chiēs qui ont une fois esté à la curee, depuis qu'ilz treuuent la trace de la beste, ne demandoient plus que à aller apres, & à poursuiure ceste opulence Persienne. Ce neantmoins Alexandre fut d'aduis que premierement il ualoit mieulx s'asseurer des prouinces basses & maritimes. Si uindrent incontinent deuers luy les Roys, qui luy meirent entre ses mains le royaume de Cypre, & toute la Phœnicie, exceptee la uille de Tyr, deuant laquelle il alla mettre le siege, ou il demoura sept mois, l'assaillāt avec de grandes chaussees qu'il feit ietter en mer, & avec force engins de batterie, & par mer avec deux cents galeres. Durant ce siege, il luy fut une nuit aduis que Hercules luy rendoit la main de dessus les murailles de la uille, & l'appelloit par son nom, & y eut aussi plusieurs des Tyriens qui songerent en dormant, qu'Apollo leur disoit qu'il s'en uoloit aller deuers Alexandre, pour autant que ce que lon faisoit dedans la uille, ne luy plaisoit point: à l'occasion dequoy ilz lierent & attacherent son image qui estoit de grandeur excessiue, avec force chaisnes, & la clouerent avec de gros & grands clous à sa base, ne plus ne moins que si c'eust esté quelque traistre qui s'en fust uolu aller rendre aux ennemis, en le nommāt Alexandriste, c'est à dire partial fauorisant à Alexandre. Encore eut là Alexandre une autre uision en dormant: car il luy fut aduis qu'il ueoit de loing un Satyre qui se iouoit de loing à luy, mais quād il s'en cuidoit approcher pour le prendre, il s'eschappoit tousiours de luy, iusques à ce que finalement apres l'auoir bien priē & bien couru autour de luy, il luy tomba entre les mains. Les deuins enquis sur ce songe, responderent avec fort uray semblable apparence, qu'il ne falloit que diuiser en deux ce mot Satyros, en disant, sa Tyros, qui signifieroit, la uille de Tyr sera tiene: & mōstre lon encore

Alexandre le grand.

la fontaine, apres de laquelle il luy fut aduis qu'il ueit le satyre. Durant ce siege, il alla faire la guerre aux Arabes habitans le long du môr qui s'appelle Antiliban, là ou il fut en grâd danger de sa personne, pour auoir attendu son precepteur Lyfimachus qui l'auoit suiuy, disant qu'il n'estoit point pire ne plus uieil que Phoenix: car quâd ilz furent au pied de la môtagne, ilz laisserent leurs cheuaux, & commencerent à marcher contremont à pied: mais luy aiant le cueur si gentil, qu'il ne uouloit point laisser derriere son maistre d'eschole, qui estoit si las que plus n'en pouuoit, mesmement pource que le soir estât ia uenu, & que les ennemis n'estoiét pas gueres loing d'eulx, il demoura à la cueüe, s'arrestant à luy dōner courage de cheminer, & à le porter presque à demy, de maniere qu'il ne se donna garde, qu'il se trouua esloigné de son armee avec bien petite troupe de ses gēs, & surpris de la nuit & d'un tres aspre froid, en un fort mauuais & rude païs, là ou il apperceut de loing force feuz que les ennemis auoient allumez, les uns ça les autres là, & se confiant en la disposition de sa personne, ioint qu'il auoit tousiours accoustumé de remedier aux difficultez & necessitez ou se trouuoient les Macedoniens par son propre trauail, en mettât luy mesme la main à la besongne, il s'en courut uers ceulx qui auoient allumé ces plus prochains feuz, & aiant occis de son espee deux des Barbares qui estoient couchez au long du feu, y raut un tizon, & s'en recourut atout uers ses gēs qui en allumerent un grâd feu, dont aucuns des Barbares s'effroyerent tellement, qu'ilz s'en meirét en fuitte, & les autres qui le cuiderent uenir charger furét par luy desfaits. Ainsi se logea il pour celle nuit luy & ses gēs hors de dāger. Chares l'a ainsi escrit. Au reste le siege de Tyr eut à la fin telle issue. Alexandre faisoit reposer la plus grande partie de son armee, estant lasse & trauaillee de tant de combats qu'elle auoit supportez, & enuoyoit peu de gens à l'assault pour engarder seulement les Tyriens de pouuoir reposer: & un iour le deuin Aristāder aiāt sacrifié aux Dieux, & considerāt les signes des entrailles, affirma fort asseuremēt aux assistās, que la uille seroit prise dedās la fin du mois, dōt tout le môde se prit à rire, en se moequāt de luy, pource que c'estoit le dernier iour. A raison dequoy Alexandre le uoiant demouré tout court, comme celuy qui ne sçauoit qu'il deuoit dire, & s'efforçant de faire tousiours ressortir à effect les predictions des deuins, ordonna que lon ne comptast point ce iour là pour le trentieme, ains pour le uingtseptieme, & sur l'heure mesme fait sonner les trōpettes & donner un assault à la muraille plus roide qu'il n'auoit proposé du commencement. Si en fut le combat fort aspre, pource que ceulx mesmes qui estoient demourez dedans le camp ne se peurent tenir qu'ilz n'y cōtussent au secours de ceulx qui auoient esté deputez pour assaillir: tellement que les Tyriens se uoians ainsi furieusement assaillir de tous costez, perdirent le cueur, & par ce moien fut la uille prise ce mesme iour. Depuis ainsi comme il estoit deuant Gaza uille principale, & la plus grande de la Syrie, il luy tumba dessus l'espaule une motte de terre, que luy laissa cheoir un oyseau uolant en l'air: l'oyseau s'en alla poser sur un des engins de batterie, dont il battoit la uille, & se trouua pris & empestre dedans des retz faits de nerfs, dont on se seruoit pour tourner à couuert les cordes des engins. Aristāder predict que cela signifioit qu'il seroit blecé en l'espaule, mais aussi qu'il prendroit la uille: & en aduint tout ne plus ne moins. Et comme il enuoyast à sa mere Olympias, à Cleopatra, & à ses autres amis force presens du butin qui fut gaigné au sac de celle uille, il enuoya entre autres choses cinq cents quintaux d'encens à son gouuerneur Leonidas,

- A & cent de myrrhe, se souuenant d'une esperance qu'il luy auoit autrefois donnee, lors qu'il estoit encore enfant: car ainsi qu'il sacrifioit un iour aux Dieux, il prit de l'encens à deux mains pour mettre dedans le feu à faire du parfum: ce
- que uoiant Leonidas, luy dit, Quand tu auras conquis la region ou croissent
• les drogues odorantes, & les especeries, tu feras ainsi des parfums largement:
• mais pour cest'heure contente toy d'user plus estroittement de ce que tu as de
• present. Alexandre se souuenant lors de son aduertissement, luy escriuit en ceste
• maniere, Nous t'enuoyons de l'encens & de la Myrrhe en abondance, à fin
• que desormais tu ne sois plus chiche enuers les Dieux. Il luy fut aussi apporté
un petit coffret, qui fut estimé le plus riche & le plus precieux meuble qui eust esté
B gagné en la desfaitte de Darius: & il demanda à ses priuez qui estoient autour de luy, quelle chose leur sembloit plus digne d'estre mise dedans: les uns luy dirent d'un, les autres d'autre: mais luy dit, qu'il y mettroit l'Iliade d'Homere pour la dignement garder. Cela tesmoignent & escriuent tous les historiens qui sont les plus dignes de foy. Et si ce que ceulx d'Alexandrie racomptent sur la foy & au rapport de Heraclides, est ueritable, il semble bien que Homere ne luy fut pas inutile en ce uoiage: car ilz disent, que quand il eut conquis l'Ægypte, il y uoulut bastir une grande cité, la peupler de tresgrand nombre d'habitans tous Grecs, & la nommer de son nom: & estoit desia tout prest à trasfer & enclorre un certain lieu, qui luy auoit esté choisi par le conseil des ingenieurs & maistres ouuriers, mais la nuit de deuant il eut une uision merueilleuse: car il luy fut aduis qu'il se uint presenter deuant luy un personnage aiant les cheueux tous blancs de uieillesse, avec une face & une presence uenerable, lequel s'approchant de luy prononça ces uers:
- C

V ne Isle y a dedans la mer profonde
T out uis à uis de l'Ægypte feconde,
Qui par son nom Pharos est appelée.

- Il ne fut pas pl⁹ tost leuë le matin qu'il s'en alla ueoir ceste isle de Pharos, laquelle estoit pour lors un peu au dessus de la bouche du Nil q^l lon appelle Canobique, mais maintenant est ioincte à la terre ferme par une leuee que lon y a faite à la
- D main, & luy sembla que c'estoit l'affiette du monde la plus propre, pour ce qu'il auoit en pensee de faire: car c'est comme une langue ou une encouleure de terre assez raisonnablement large qui separe un grand lac d'un costé, & la mer de l'autre, laquelle se ua là aboutissant en un grand port: si dit alors que Homere estoit admirable en toutes choses, mais qu'entre autres il estoit tressçauât architecte, & commanda que promptement on luy trassast & designast la forme de la uille selon l'affiette du lieu. Or ne trouuerent ilz point là sur l'heure de croye ou de terre blanche pour marquer, à raison dequoy ilz prirent de la farine, dont ilz trasserent dessus la terre qui estoit noire, une grande enceinte courbee en figure circulaire, le rond de laquelle se terminoit par le dedans en deux bases droittes de grandeur egale, qui uenoient à clorre toute la grandeur de ce pourpris en forme de manteau Macedonique. Alexandre en trouua le portraict beau & y prit grand plaisir: mais soudainement une multitude infinie de grands oyseaux de toutes especes se leua du lac & de la riuier, en si grand nombre qu'ilz obscurcissoient l'air, comme eust fait une grosse nuee, & uenans à se poser en ce pourpris là, mangerent route la farine sans qu'il y en demourast chose quelconque. Alexandre se troubla de ce presage: mais les deuins luy dirent qu'il ne falloit point qu'il s'en faschast, pource que c'estoit signe qu'il bastiroit là une
- E

Alexandre le grand.

uille si plantureuse de tous biés, qu'elle suffiroit à nourrir toutes sortes de gens: F
parquoy il commanda adonc à ceulx à qui il en auoit baillé la charge, qu'ilz se
meissent apres, & luy ce pendant prit son chemin pour aller au temple de Iupi-
ter Hâmon. Le chemin estoit long, & y auoit beaucoup de trauaux & beaucoup
de difficultez, mais deux dangers principaux entre tous les autres: l'un estoit
fautte d'eau, pour laquelle il y a plusieurs iournees de pais desert & inhabita-
ble: l'autre estoit, que le uent du Midy ne se leuast impetueux pendant qu'ilz se-
roient par le chemin, & qu'il ne donnast dedans les sables, qui sont d'estendue
& de profondeur infinie, comme lon dit qu'ancienement il eueut une telle
tourmente en ces plaines là, & y en leua de telz monceaux de sablons, que cin-
quante mille hommes de l'armee de Cambyfes y demourerēt morts dessoubz. G
Il n'y auoit personne en sa suite qui ne discourust & ne preueist bien ces dan-
gers: mais il estoit mal aisé de diuertir Alexâdre de chose quelconque qu'il eust
enuie de faire, pource que la fortune luy cedant en toutes ses entreprises, le ren-
doit entier & ferme en ses opinions, & la grandeur de son courage faisoit qu'il
s'obstinoit inuinciblement en toutes choses, quand il les auoit une fois entre-
prises, iusques à uouloir forcer non seulement les ennemis, mais aussi le temps
& les lieux. Au demourant les secours & remedes que Dieu luy enuoya cōtre les
difficultez & dangers de ce uoiage là, ont esté trouuez plus croyables que les
responces que lon dit qu'il luy dōna depuis, ains, qui plus est, ont fait que lon
a aucunement adiouxte foy aux oracles que lon escrit, qui luy furent respon- H
dus. Car premierement les grandes eaux qui tumberent du ciel, & les pluyes
continuelles, les garentirent du danger de la soif en destrempant la secheresse
du sable, qui en deuint moitte & ferré en soy mesme, de maniere que l'air mes-
me en fut plus doulx, plus frais, & plus net: d'auantage comme les bornes &
marques, aux quelles les guides recognoissoient le chemin, fussent cōfuses, de
sorte qu'ilz erroient ça & là sans sçauoir plus ou ilz alloient, il leur apparut des
corbeaux, qui les guiderent en uolant deuant eulx, se hastans de uoler quand
ilz les uoioient suyure, & les attendans quand ilz demouroient derriere: & qui
est encore plus admirable, Callisthenes escrit, que la nuit avec leurs châtis, ilz
rappelloient ceulx qui s'estoiēt esgarez, & cryoient si fort qu'ilz les remettoiēt I
en la trace du chemin. A la fin, aiant trauersé le desert, il arriua au temple qu'il
cherchoit: là ou d'arriuee le grand presbtre le salua de la part du Dieu, comme
de son pere: & Alexandre luy demanda si luy estoit point eschappé quelqu'un
de ceulx qui auoient occis son pere. Le presbtre luy respondit qu'il se gardast de
blasphemer, pource que son pere n'estoit point mortel: parquoy reprenant
son propos, il luy demanda si les meurtriers qui auoient conspiré la mort de
Philippus auoient tous esté puniz, & puis l'interroga aussi touchant son empi-
re, si luy feroit la grace d'estre monarque de tout le mōde: le Dieu luy respon-
dit par la bouche de son prophete, que ouy, & q̄ la mort de Philippus estoit en-
tierement uengée: & adonc il feit de magnifiques offrandes au Dieu, & donna K
de l'argent largement aux presbtres & ministres du temple. Voila ce qu'escri-
uent la plus part des auteurs touchant ce qu'il demanda, & ce qui luy fut re-
spondu par l'oracle: il est uray que Alexandre mesme en une siene missiue qu'il
escrit à sa mere, dit qu'il auoit eu quelques secretes responses de l'oracle, les-
quelles il luy communiqueroit à elle seule quand il seroit de retour en Mace-
doine. Les autres disent que le presbtre le uolant saluer en langage Gree avec
plus amiable expression, luy uolul dire: O Paidion, qui uault autant à dire, que
cher

A cher filz: mais que la lague luy fourcha un peu, à causeq̃ ce n'estoit pas son langage naturel, & qu'il meit une, s, au lieu d'une, n, à la fin, en disant, ô Pai Dios, qui signifie, ô filz de Iupiter: & que Alexādre fut bien aise de cest erreur de langage, dont il courut un bruit parmy ses gens, que Iupiter l'auoit appellé son filz. On dit aussi qu'il uolut ouyr le philosophe Psammō en Ægypte, & qu'il trouua fort bon un propos qu'il luy teint, en luy discourāt, que Dieu estoit Roy des hommes, pource, disoit il, que ce qui regne, & qui domine en toutes choses, est tousiours diuin: mais luy mesme en discourut avec meilleure raison & plus philosophiquement, quand il dit, Que Dieu estoit bien pere commun de tous les hommes, mais que particulieremēt il retenoit pour soy, & aduouoit siens, ceulx qui estoient les plus gens de bien. Brief enuers les Barbares il se mōstroit plus arrogant, & faisoit semblant de croire fermement qu'il eust esté engendré par ce Dieu là, mais enuers les Grecs il parloit de celle geniture diuine plus fièrement & plus modestement: toutefois en une lettre qu'il escriuit aux Atheniens touchant la uille de Samos, il dit: Je ne uous ay pas donné ceste noble & franche cité là: car uous la tenez en don de celuy que lon appelloit alors mon seigneur & mon pere: entendant le Roy Philippus. Mais depuis aiant esté blecé d'un coup de traict, & en sentant griefue douleur, il se retourna uers ses amis, & leur dit: Cela qui coule de ma playe est uray sang, & nō point comme dit Homere,

C V ne liqueur de rien, semblable à celle
Qui flue aux Dieux de nature immortelle.

Et un iour qu'il faisoit un si uiolent orage de tonnerre que tout le monde en estoit effroyé, Anaxarchus le rhetoricien se trouuāt lors aupres de luy, luy dit: Et roy filz de Iupiter, en ferois tu bien autant? Alexandre en riant luy respondit: Je ne uex pas estre espouuētable à mes amis, comme tu uex que ie le sois, quand tu mesprises le seruice de ma table y uoiant mettre des poissons dessus, & disant que lon y deust uoir des testes de princes & de Satrapes. Car on dit, à la uerité, qu'un iour comme Alexandre enuoyast quelque petits poissons à Hephēstiō, cestuy Anaxarchus se laissa eschapper de la bouche ceste parole là, en cuidant se mocquer, & monstrier que cest peu de chose, que de ceulx qui uont prochassans les grāds estats & haults lieux d'autorité par dessus les autres, avec tant de trauaux & tant de perilz, comme n'aians rien du tout, ou bien peu plus que les autres, es plaisirs & delices de ce monde. Quand doncques il n'y auroit autres preuues ny autres raisons, que celles que nous auons recitees, encore pourroit on biē iuger par icelles, que Alexandre ne s'abusoit point en soy mesme, ny ne s'enorgueillissoit point de ceste presumptueuse opinion, de cūder qu'il fust engendré d'un Dieu, ains qu'il s'en seruoit pour tenir les autres hommes soubz le ioug d'obeissance, par l'opiniō qu'il leur imprimoit de ceste diuinité. Au partir d'Ægypte il s'en retourna en la Phœnicie, là ou il feit des sacrifices, des festes & processions en l'honneur des Dieux, & aussi des dāses, des ieux de Tragédies, & autres telz passetemps, qui estoient fort beaux à ueoir non seulement pour la magnificence de l'appareil, mais aussi pour l'affection & la diligence des entremetteurs qui s'efforceoient de faire mieulx à l'enuy les uns des autres: car c'estoient les princes de Cypre qui estoient les entrepreneurs, & qui fournissoiēt tout ce qu'il falloit aux ioueurs, ne plus ne moins qu'à Athenes on tire au sort un bourgeois de chascue lignee du peuple, à qui il eschet de faire les frais de telz ieux. Et contendoient ces seigneurs d'une merueilleuse affection à

Alexandre le grand.

qui feroit le mieulx, meſmement Nicocreon qui eſtoit roy de Salamine en Cy-
pre, & Paſicrates ſeigneur de la uille de Soles: car il eſtoit eſcheur à ces deux
princes de fournir aux deux plus excellents ioueurs, Paſicrates à Athenodorus
& Nicocreon à Theſſalus, auquel Alexandre fauoriſoit fort, ſans toutefois de-
clarer ſa faueur, ſinon apres que Athenodorus par ſentence des iuges à ce com-
mis eut eſté déclaré le uainqueur: car alors en ſ'en retournant des ieux, il dit
qu'il approuuoit & confirmeroit le iugement des iuges, mais qu'il cuſt uolun-
tiers quitté une partie de ſon royaume, pour ne uoir point Theſſalus uain-
cu. Et cōme ceulx d'Athenes euſſent cōdemné Athenodorus à l'amende, pour
autant qu'il auoit failly de ſoy trouuer à Athenes aux iours des Bacchanales,
eſquelz ſe iouoient les Comœdies & Tragœdies, il pria Alexandre de uoloir
eſcrire pour luy, à ce que l'amende luy fuſt remiſe: mais il ne le uolul pas faire,
ains enuoya l'amende, qu'il paya luy meſme de ſon argēt. Vn autre bon ioueur
nommé Lycon, natif de la uille de Scarphie, aiant un iour excellemment ioué
entre laſſa dextrement en ſon rolle quelque uer, par lequel il luy demandoit en
don* dix talents: Alexandre ſ'en prit à rire, & les luy donna. En ces entrefaittes
Darius luy eſcriuit & à quelques uns de ſes amis auſſi, pour le prier qu'il ſe con-
tentaſt de prendre de luy* dix mille talents, pour la rençon des perſonnes pri-
ſonnieres qu'il tenoit entre ſes mains, avec tous les païs, terres & ſeigneuries qui
ſont deçà la riuere d'Euphrates, & l'une de ſes filles en mariage pour deſormais
eſtre ſon allié & ſon amy. Il communiqua ceſt affaire à ſes amis, entre leſquelz
Parmenion luy dit, l'accepteroie cela quāt à moy, ſi i'eſtoie Alexandre. Auſ-
ſi feroie-ie moy certainement, reſpondit Alexandre, ſi i'eſtoie Parmenion.
Mais en fin il reſcriuit à Darius, que ſ'il ſe uoloit uenir rendre à luy, il ſeroit
treſhumainement traité par luy, ſinon qu'il ſe mettroit des le premier iour en
chemin pour l'aller trouuer: toutefois il ſ'en repentit biē toſt apres, pource que
la femme de Darius mourut en trauail d'enfant, dont il monſtra euidentement
qu'il eſtoit fort deſplaiſant, pource qu'il auoit perdu un grād moié de faire co-
gnoiſtre ſa clemēce & ſon humanité: mais au moins en inhumain il le corps tres
magnifiquemēt, ſans y rien eſpargner. Or y auoit il entre les Eunuques ualets
de chābre de la Roynie un nommé Tiroſ, q' auoit eſté pris quād & les fēmes: il ſe
deſrobba du camp d'Alexandre, & mōtant deſſus un cheual, ſ'en courut deuers
Darius luy porter la nouuelle de la mort de ſa femme. Darius adonc ſe prit à la-
menter à haults cris, & à frapper & battre ſa teſte, les larmes aux yeux, & dit en
ſouſpirant amerement, ô Dieux à quelle malheureuſe fortune ſont reduits les
affaires de Perſe, puis que la femme & la ſœur du Roy a eſté non ſeulement faite
priſonniere de ſon uiuant, mais encore à ſa mort n'a pas à tout le moins peu a-
uoir l'honneur de ſepulture royale. A cela reſpōdit auſſi toſt l'Eunuque, Quāt
à la ſepulture, Sire, & à tout l'honneur & le deuoir que lon pourroit deſirer, tu
ne ſçauois accuſer la mauuiſe fortune de la Perſe. Car à la Roynie Statira, tant
cōme elle a ueſcu captiue, ny à ta mere, ny à tes filles, il n'a defailly choſe quel-
conque des biens ny des honneurs qu'elles ſouloient auoir auparauant, ſinon
de uoir la lumiere de ta gloire, laquelle le ſeigneur Oroſmades reſtituera en-
core en ſon entier, ſi dieu plaift, ny à ſa mort n'a eſté nō plus deſtituee d'aucū
ornemens de funeraillies qu'elle cuſt ailleurs peu auoir, ains a eſté honoree des
larmes meſmes de tes ennemis: car Alexādre eſt auſſi doux & humain en ſa ui-
ctoire, comme il eſt aſpre & uailant en la bataille. Darius entendant ces paro-
les de l'Eunuque, & aiant le ſens un peu troublé de douleur, entra incontinent

* Six mille eſcus

* Six millions
d'eſcus.

A en mauuaises souspeçons: & retirant l'Eunuque à part au plus secret endroit de sa tente, luy dit, Si tu n'es, aussi bien que la fortune des Perses, deuenu Macedonien d'affection, ains recognois encore en ton cueur Darius pour ton maistre, iete prie & te coniuere par la reuerence que tu doibs à ceste grande lumiere du Soleil, & à la dextre royale, que tu me dies la uerité? Ne sont-ce point les moindres maux de Statira ceulx que ie lamente, sa captiuité & sa mort? & auôs nous point encore souffert pis de son uiuant, de sorte que nous eussions esté moins indignement & honteusement malheureux si nous fussions tumbé entre les mains d'un ennemy cruel & inhumain? Car, quelle honeste communication peult auoir eu un ieune prince uictorieux avec la femme prisonniere de son ennemy, pour laquelle il luy ait uoulu tât faire d'honneur? Ainsi que Darius parloit encore, l'Eunuque Tireus se ietta à ses pieds, & le pria de ne dire point telles paroles, & ne faire point ce tort à la uertu d'Alexandre, ny ce deshonneur à sa sœur & femme trespassee, en se priuant soy mesme du plus grand reconfort, & de la plus douce cōsolation qu'il pourroit desirer en son aduersité, c'est d'auoir esté uaincu par un ennemy qui a des perfections plus grandes que ne porte la nature humaine, ains plus tost d'auoir en admiration l'excellente uertu d'Alexandre, lequel festoit monstre encore plus chaste enuers les Dames, que uailant encontre les hommes de Perse. & en disant cela l'Eunuque le luy assura & cōfirma par des sermens & des execrations horribles, en luy comptant au long & par le menu l'honesteté, cōtinance & magnanimité d'Alexandre. Adonc Darius retournant en sa sale, ou estoit ses plus familiers amis, & tendât les mains uers le ciel, fait ceste priere aux Dieux: O Dieux protecteurs des Roys & des royaumes, ie uous supplie en premier lieu, qu'il uous plaise me faire la grace que ie puisse remettre sus la bonne fortune de la Perse, de sorte que ie laisse cest empire à mes successeurs aussi grand & aussi glorieux cōme ie l'ay receu de mes predecesseurs, à fin que demourant uictorieux ie puisse rendre la pareille à Alexandre, de l'humanité & honesteté, dōt il a usé en mon aduersité à l'endroit de ce qui m'est en ce monde le plus cher: ou bien si la prefixiō du temps est uenue, auquel il faille necessairement, ou par quelque uengeance diuine, ou par naturelle mutation des choses terrienes, que l'empire de Perse prene fin, qu'à tout le moins il n'y ait autre apres moy qui seie dedans le throsne de Cyrus, que Alexandre. La pluspart des historiens met, que tout cela fut ainsi fait & dit. Au reste Alexandre aiant reduit à son obeissance tout ce qui est deça la riuere d'Euphrates, se meit en chemin pour aller au deuant de Darius, lequel descédoit avec un million de cōbattans: & y eut quelqu'un qui luy compta, pour passer le téps, comme les ualets de son armee festoient diuisez en deux bandes, & auoient eleu un capitaine en chef de chacune, nommant l'un Alexandre, & l'autre Darius, & qu'ilz auoient commencé à escarmoucher premierement à coups de mottes de terre, & puis à coups de poing: mais qu'à la fin ilz festoient eschauffez, iusques à uenir aux pierres & aux bastons, de maniere que lon ne les pouuoit departir. Celà ouy, Alexandre uoulut que les deux capitaines combattissent teste à teste l'un contre l'autre, & arma luy mesme celuy que lon appelloit Alexandre, & Philotas arma celuy que lon nommoit Darius. Si samassa toute l'armee à l'entour pour uoir le passer temps de ce combat, comme estant un presage qui donneroit cognoissance & iugement de l'aduenir. Le cōbat fut aspre entre les deux champions: mais à la fin le nommé Alexandre uainquit, & luy donna Alexandre pour son loyer douze uillages, avec priuilege de pouuoir porter l'habit Persic.

Alexandre le grand.

ainsi l'escriit Eratosthenes. Au demourant la derniere grande bataille qu'il eut contre Darius, ne fut point à Arbeles, comme le met la plus part des historiés, ains à Gaufameles, qui signifie, à ce que lon dit, en langage Persien, la maison du chameau, pource que quelqu'un des anciens Roys de Perse s'estant sauué des mains de ses ennemis à la course dessus un dromadaire, le fit loger là: & ordonna le reuenu de quelques uillages pour la nourriture & entretenemēt d'iceluy. Or y eut il eclipse de lune au mois d'Aoust enuiron le temps que cōmence la feste des Mysteres à Athenes, & l'unzieme nuiēt apres, les armées estans enueuē l'une de l'autre, Darius teint ses gens en bataille, allāt luy mesme par tout avec des torches reuisciter les bandes & compagnies. Et Alexandre pendant que les soudards Macedoniens dormoient, estoit deuant sa tente avec le deuin Aristāder, ou il faisoit à part quelques secretes cerimonies, & quelques sacrifices à * Apollo. Et les plus anciens capitaines des Macedoniens, mesmemēt Parmenion, uoians toute la plaine qui est entre la riuier de Niphates, & des montagnes Gordyenienes reluisantes de feuz & de lumieres des Barbares, & quand & quand un bruit confus, & un son effroyable, ne plus ne moins que d'une mer infinie qui retentissoit de leur camp, s'esmerueillerent d'une si grande multitude d'hommes, & teindrēt propos ensemble qu'il seroit trop mal aisé & presque impossible de soustenir tant de mōde filz cōbattoient de plein iour. Au moien dequoy allans deuers Alexandre apres qu'il eut acheuē ses cerimonies, ilz luy conseillerent qu'il donnaist la bataille de nuiēt, pource qu'en ce faisant les tenebres cacheroient à ses gens ce qui estoit le plus effroyable en l'ost de son enemy: & il leur fit adonc ceste responce, qui depuis a tant esté celebree, Je ne ueux, dit il, point desrobber la uictoire. laquelle respōce semble à quelques uns folle & presumptueuse, de se iouer & mocquer ainsi si pres d'un extreme peril. Mais il y en a d'autres qui sont d'aduis que ce fut uraye magnanimité presente & bon iugement à luy pour l'aduenir, de ne donner plus d'occasion à Darius, apres qu'il auroit esté uaincu, de reprendre encore courage, & d'essayer une autre fois, la fortune s'il eust peu accuser les tenebres & la nuiēt, comme causes de sa desfaitte, ne plus ne moins qu'à la precedente rōupte, il disoit que ce auoiet esté les montagnes, les destroits, & la mer, par qui il auoit esté desfait, pource que iamais Darius n'eust cessé de guerroyer à faulte d'hommes ny d'armes, ueu le grand empire & l'estendue infinie des païs qu'il tenoit: mais que bien eust il desisté d'auoir plus recours aux armes quand il eust perdu tout cueur & toute esperāce, lors qu'il se fust ueu desfait à uiue force, de plein iour, en bataille rengee. Apres que ses capitaines se furent retirez en leurs logis, il se ietta dessus un liēt en sa tête, là ou il s'endormit tout le reste de la nuiēt plus serré qu'il n'auoit accoustumē, de maniere que les seigneurs qui uindrēt à son leuer le matin, s'ebahirent bien fort, comme il dormoit encore, & d'eulx mesmes feirent commandemēt aux soudards qu'ilz mangeassent: puis uoians que le temps les pressoit, Parmenion entra dedans sa chambre, & s'approchant de son liēt l'appella deux ou trois fois par son nom, tant qu'il l'esueilla, & luy demanda comment il dormoit ainsi si haulte heure, en homme qui a desia uaincu, & nō pas qui est prest à donner la plus grande & plus hazardeuse bataille qu'il eut onques: à quoy Alexādre luy respondit en riant, Cōment, & ne te semble il pas que nous aions desia uaincu, estans hors de peine d'aller courir ça & là apres Darius par un païs infini & destruit, comme il nous eut fallu faire s'il eust uoulu fouir la lice, & gaster tousiours le païs deuant nous? Si ne se mōstra pas seulement la grādeur

* Les autres exemplaires mer-
tent, à la Peur.

A leur de son courage & son assurance magnanime fondee en discours de raison auant la bataille seulement, mais aussi au plus fort du combat mesme, pour ce que la poincte gauche de son armee que conduisoit Parmenion brâla & recula un peu, à cause que la gendarmerie Bactriene donna de grande roideur, & par grand effort en cest endroit là sur les Macedoniens, & que Mazæus lieutenant de Darius enuoya hors de leur bataille quelque nombre de gens de cheual, pour assaillir & charger ceulx que lon auoit laissez dedâs le camp à la garde du bagage. Parquoy Parmenion estonné de l'un & de l'autre, enuoya deuers Alexandre l'aduertir cōme leur camp estoit perdu & leur bagage aussi, si promptemēt il n'enuoioit un grād secours du front de sa bataille à ceulx qui estoient à la cueuē. Quād ces nouuelles luy uindrēt de la part de Parmeniō, il auoit desia donē à ses gēs le signe de la bataille pour cōmencer la charge. Si feit respōce à celui qui les luy apporta, que Parmeniō n'estoit pas en son bō sens, ains estoit troublē de son entendement, ne se souuenant pas qu'en gaignât la bataille, ilz ne saueroiēt pas seulement leur bagage, ains conquerroient d'auantage & gaigneroient celui de leurs ennemis, & qu'en la perdât il ne se falloir plus soucier ny de leurs hardes, ny de leurs ualets, ains penser seulement de mourir honorablement en biē faisant son deuoir de uaillammēt cōbattre. Aiant mandē ceste respōse à Parmeniō, il meit son armēt en sa teste: car il auoit pris le reste de son harnois auant que partir de sa tente, qui estoit un sayōn de ceulx q se font en la Sicile, ceint, & par dessus une brigandine faite de plusieurs doubles de toile, qui estoit du butin gaignē en la bataille d'Iffus. Son habillemēt de teste estoit d'un fer reluyfant cōme argent pur & fin, de la façon de l'armeurier Theophilus, le hault col de mesme, exceptē qu'il estoit tout couuert de pierrerie, & une espee legerē à merueilles & de parfaittemēt bōne trempe, qu'il auoit eue en don du Roy des Citieiens, aiant accoustumē de combattre le plus souuent d'une espee en un iour de bataille: mais sa ceinture estoit de beaucoup plus sumptueuse & plus riche manufacture, que tout le reste de son accoustrement: car c'estoit ouurage de l'ancien Helicon, dont la cité de Rhodes luy auoit fait un present, & la portoit aussi ordinairement aux batailles. Or ce pendant qu'il ordonnoit les compagnies en bataille, & qu'il preschoit les souldards, & leur remōstroit quelque chose, ou qu'il se promenoit au long des bandes pour uisiter tout, il montoit dessus un autre cheual pour espargner Bucephal, à cause qu'il estoit desia un peu uieil: mais quand il falloit mettre à bon esciant la main à l'œuure, alors on le luy amenoit, & soudain qu'il estoit dessus, il alloit cōmēcer la charge. Mais lors apres auoir longuement presché les hommes d'armes Thessaliēs & les autres Grecs pareillement, comme ilz l'eussent tous assuré qu'ilz feroient bien leur deuoir, & priē qu'il les menast tout de ce pas charger les ennemis, il prit adonc sa iaueline en sa main gauche, & leuant la droite uers le ciel requit aux Dieux, comme escrit Callisthenes, que fil estoit ueritable qu'il fust engendré de Iupiter, il leur pleust ce iour là estre en aide, & donner bon courage aux Grecs. Le deuin Aristander estoit à cheual tout contre luy, uestu d'un manteau blanc, & aiant dessus sa teste une couronne d'or, qui luy mōstra à l'instant mesmes de sa priere, un aigle uolāt en l'air par dessus sa teste, & dressant son uol iustement contre les ennemis. Cela assura grandement & emplit de merueilleuse hardieffe ceulx qui le ueirent, & en ceste resiouissance les hommes d'armes sentredonnans courage les uns aux autres, commencerent à se mettre au galop & le bataillon de gens de pied se branla aussi apres eulx: mais auant que les

Alexandre le grand.

premiers arriuassent à pouuoir chocquer, les Barbares tournerent le dos, & y eut là une grande chasse, poulsant Alexandre les fuyans contre le milieu de leur bataille, là ou estoit Darius en personne: car il l'apperceut de loing par dessus les premiers reings tout au fond de la compagnie royale, pource qu'il estoit beau & grand personnage monté dessus un hault chariot de bataille, lequel estoit borné & enuironné de tous costez de plusieurs troupes de gens de cheual tous bien en point & rengés en belle ordonnance, pour attendre & recevoir l'ennemy. Mais quand ilz apperceurent de pres Alexandre si terrible, chassant à ual de rouverte les fuyans à trauers ceulx qui tenoient encore leurs reings, cela les effroya de sorte qu'ilz se desbanderent la plus part: mais les gens de bien & les plus uailhans hommes se feirent tous tuer deuant leur Roy, & en tumbant les uns sur les autres, empescherent que lon ne peust promptement poursuiure le Roy: car estans portez par terre & tirans aux traiçts de la mort encore embrassoient ilz les pieds des hommes & des cheuaux. Adonc uoiant Darius tous les maulx & malheurs du monde deuant ses yeulx, & comme les bandes qu'il auoit rengées au deuant de luy pour sa sauuegarde se renuersoient toutes sur luy, de sorte qu'il ny auoit moien de faire tirer auât son chariot ny le retourner en arriere tant les rouës estoient engagees & embarrasées entre des monceaux de corps morts, & q̄ les cheuaux aussi cōme assiegez & presque cachez dedans les tas de la desconfiture se tourmentoient, & saultoient de frayeur, tellement que le charton ne les pouuoit plus guider ne conduire, il abandonna finalement son chariot, & quittant ses armes monta dessus une iument qui nagueres auoit fait un poulain, & se sauua de uistesse: toutefois encore ne se fust il pas sauué n'eust esté que Parmenion enuoya derēchefuers Alexandre le prier de leuenir secourir, pource qu'il y auoit encore en cest endroit une grosse puissance ensemble, qui ne faisoit point semblant de reculer. Comment que ce soit, on blasme Parmenion de s'estre ce iour là porté laschement & froidement, fust ou pource que la uieillesse luy diminuast ia quelque chose de sa hardiesse, ou pource qu'il fust marry, & qu'il portast quelque enuie à la puissance d'Alexandre qui deuenoit trop grande à son gré, ainsi que dit Callisthenes: tāt y a, que Alexandre fut bien mal content de ce second renuoy, & n'en dit pas toutefois la cause ueritable à ses gens, ains feignāt qu'il uouloit que lon cessast de tuer, ioint que la nuit approchoit, il feit sonner la retraite, & s'achemina uers l'endroit de son armee qu'il cuidoit auoir de l'affaire: mais par le chemin il eut nouuelles qu'encore là auoient esté ses ennemis desfaiçts, & qu'ilz fuyoiēt de tous costez à ual de rouverte. Ceste bataille aiant eu telle issue, on pensa bien adonc que l'empire des Perses estoit entierement ruiné, & Alexandre consequemment deuenu Roy de toute l'Asie, si en feit de sumptueux & magnifiques sacrifices aux Dieux, & donna à ses familiers de grandes richesses, terres, maisons & seigneuries: & uoulāt aussi monstrier sa liberalité aux Grecs, il leur escriuit qu'il uouloit que toutes tyrannies fussent abolies en la Grece, & que tous peuples Grecs uescussent soubz leurs loix en liberté: mais particulièrement il feit entendre à ceulx de Plataës, qu'il uouloit faire rebastir leur uille, pour autant que ancienement leurs predecesseurs auoient baillé & donné leur país aux Grecs pour y combattre contre les Barbares pour la defence de la liberté commune de toute la Grece, & enuoya iusques en Italie à ceulx de Crotone, partie du butin pour honorer la memoire de la uertu & bonne affection de Phaylus leur citoien, qui du temps des guerres Medoises, comme les Grecs

A habitans en Italie eussent abandonné ceulx de la uraye Grece, pource qu'ilz ne pensoiét pas qu'ilz se deussent iamais sauuer, s'en alla avec un sien uaisseau, qu'il arma & equippa à ses propres cousts & despens, à Salamine, à fin de se trouuer à la bataille, & estre participant du commun peril des Grecs : tant estoit Alexandre affectionné & amy de toute uertu, & desiroit conseruer la memoire des beaux & louables faicts. Au reste en allât par le país de Babylone, qui se rendit incontinent tout à luy, il s'esmerueilla fort quád il ueit en la prouince d'Ecbarane le gouffre, dont il sort continuellement de gros bouillons de feu comme d'une fontaine, & aussi la source du Naphthe qui en iette si grande abondance qu'elle en fait comme un lac. Ce Naphthe est une matiere qui ressemble proprement au bitume: mais il est si prompt & si facile à allumer, que sans toucher à la flamme, par la seule lueur qui sort du feu il s'enflamme, & enflamme aussi l'air qui est entre deux : laquelle nature les Barbares du país uoulans faire ueoir & donner à entendre à Alexandre, arroserent de gouttes de ceste liqueur la rue, par laquelle lon alloit au logis d'Alexandre en Babylone, puis aux deux bouts de la rue approcherēt des flambeaux de ces gouttes de Naphthe, dōt ilz auoiēt aspergé les deux costez de la rue, pource que l'air commenceoit ia à s'obscurcir sur la nuit, & festās les premieres gouttes subitemēt allumees, il n'y eut point d'interualle de temps sensible que tout le demourant ne fust aussi tost enflammé en un moment, & que le feu n'eust aussi tost gagné depuis un bout iusques à l'autre, de sorte que toute la rue en fut esclairée d'un feu continué. Or y auoit il un Athenophanes natif d'Athenes, qui seruoit le Roy au baing de luy frotter & oindre & nettoier le corps quand il festuuoit, & aussi ensemble de luy resiouir l'esprit de quelque ioyeux entretien & de quelque honeste passeremps. Cestuy aduisant un iour dedās l'estuue un ieune page nommé Stephanus apres d'Alexandre, laid de uisage, mais chantant fort plaisamment, dit au Roy, Veux tu, Sire, que nous esprouuions la uertu de ceste matiere de Naphthe sur Stephanus? car si le feu se prent à luy & qu'il ne s'esteigne point, ie diray lors que sa force sera certainement grande & inuincible. Le page s'offrit fort uoluntiers à en souffrir la preuue sur sa personne: mais ainsi cōme lon l'en frottoit, au toucher seulement il ietta incontinent une si grande flamme, & fut tout le corps du page en un moment espris de tant de feu, qu'Alexandre s'en trouua en extreme peine & perplexité, & n'eust esté que de bonne aduenture, il se trouua dedās l'estuue force uases pleins d'eau, que lō auoit apprestee pour le baing, qu'ilz prirent aussi tost, iamais on n'eust peu secourir le page à temps, que le feu ne l'eust brulé & suffoqué deuant, encore eurent ilz beaucoup d'affaire à l'esteindre, & en demoura le page fort malade. Ce n'est donques pas sans apparéce que quelques uns, uoulans que la fable de Medee ait esté chose ueritable, disent que la drogue dont elle frotta la courōne & le uoile qu'elle donna à la fille de Creon, comme il est tant mentionné par les Tragédies, fust ceste liqueur de Naphthe, pource que ny la courōne, ny le uoile ne pouuoiet ietter le feu d'eulx mesmes, ny ne sy estoit pas le feu allumé non plus de soy même : mais y estant l'aptitude de s'enflammer apposee par ce frottement de Naphthe, l'attrait de la flamme en fut si prompt & si soudain que lon ne s'en apperceut point à l'œil : car les rayons & les fluxions qui sortent du feu quand ilz uienent de loing, iettēt aux autres corps la lumiere & la chaleur seulement : mais à ceulx qui ont en eulx une siccité uenteuse, ou une humeur grasse & gluante s'uniffans ensemble, & ne cherchans de leur nature qu'à s'allumer & faire feu, ilz alterent facilement, &

Alexandre le grand.

* En cest endroit
deffailent quel-
ques lignes en
l'original Grec.

* Vingt-quatre
millions d'or.

* Il semble qu'il
entēde, de laines
teinctes en pour-
pre: & la meilleu-
re qui serrouast
en Europe, estoit
celle de Hermio-
ne uille de la La-
conie.

enflamment la matiere qu'ilz y treuuent preparee. Mais on est en doubte com-
ment il s'engendre * ou si plus tost ceste matiere liquide, & ceste humeur là
qui s'enflamme ainsi facilement, sourt & coule de la terre qui a la nature grasse
& preste à faire feu: car tout le pais d'alentour de Babylone est fort ardent, de
maniere que bien souuent les grains d'orge emmy l'aire faultēt & petillēt bien
souuent contremont, comme si la terre par la uehemençe de l'inflammation
eust un poulx hault qui les feist ainsi faulteler, & les hommes aux grādes cha-
leurs d'estē y dorment sur des grāds sacs de cuir pleins d'eau fresche. Harpalus
que Alexandre y laissa pour son lieutenant & gouuerneur du pais desirant y
orner & embellir les iardins du palais royal, & les allees d'iceulx de toutes les
plātes de la Grece, uint bien à bout d'y edifier toutes les autres, exceptē le lierre G
seulement, que la terre ne uolul iamais endurer, ains le feist tousiours mourir,
pource qu'il ne pouuoit endurer la temperature d'icelle qui estoit ardente, & le
lierre de sa nature aime l'air & le pais froid. Ces digressions là sont un peu hors
de propos: mais à l'aduenture ne feront elles point ennuyeuses aux lecteurs
quelque difficiles qu'ilz soient, pourueu qu'elles ne soient pas trop longues. Au
surplus Alexandre festant emparē de la uille de Suse, trouua dedans le cha-
steau * quarante mille talents en or & argent monnoyē, sans une quantitē
ineestimable d'autres riches & pretieux meubles, entre lesquelz on dit qu'il se
trouua * trois cents mille liures pesant de pourpre Hermionique, que lon y
auoit amassē & serree en l'espace de deux cents ans, il ne s'en falloit que dix, & H
neantmoins retenoit encore la uiuacitē de sa couleur aussi guaye comme si elle
eust estē toute fresche: & dit on q̄ la cause pour quoy elle festoit ainsi bien con-
seruee, uenoit de ce que la teinture en auoit estē faitte avec du miel es laines qui
ia parauant estoient teinctes en rouge, & avec de l'huile blanche es laines blā-
ches: car on en uoit de celles là teinctes d'aussi long temps qui tiennent encore
la uigueur de leur lustre nettē & reluisante. Dinon escrit d'auantage, que ces
Roys de Perse faisoient uenir de l'eau des riuieres du Nil & du Danube, laquelle
ilz faisoient ferrer avec leurs autres tresors par une magnificence, comme pour
confirmer par là la grādeur de leur empire, & monstrier qu'ilz estoient seigneurs
du monde. Mais aiant le pais de la Perse, les entrees & aduenues malaisēes, tant I
pource qu'il est de soy aspre, comme aussi pource que les passages estoient gar-
dez par les meilleurs hommes de la Perse, à cause que le Roy Darius fuyant de
la bataille sy estoit retirē, il y eut un homme parlant la lāgue Grecque & Per-
siene, né d'un pere natif de la Lycie, & d'une mere Persiene, qui conduisit Ale-
xandre au dedans par un destour & circuit de chemin, qui ne fut pas trop long,
fuyuant ce qui autre fois auoit estē predit par la prophetisse Pythie, estant Ale-
xandre encore en son enfance, qu'il y auroit un Lycien qui le guideroit & cō-
duiroit à l'encontre des Perses, si fut fait dedans le pais grande occisiō des pri-
sonniers que lon y prit: car Alexandre luy mesme escrit, que pensant que cela
deust seruir à ses affaires, il commanda que lon meist les hommes à l'espee. Lon K
tient qu'il y trouua tout autant d'or & d'argent monnoyē comme il auoit fait
en la citē de Suse, qui fut emportē avec le reste des precieux meubles, & toute la
cheuance royale par dix mille paires de mulers, & cinq mille chameaux. Mais
en entrant dedans le chasteau de la citē capitale de Perse, Alexandre aduisa
d'aduenture une grande image de Xerxes, laquelle auoit estē, sans y penser,
abbattue en terre par la multitude des soudards qui se iettoient à la foule dedās:
sy s'arresta tout court, & parlant à elle, comme si elle eut eu sens & uie, dit: le ne

Alexandre le grand.

479

A ſçay ſi ie doy paſſer oultre ſans te faire redreſſer, pour la guerre que tu ſeis iadis aux Grecs, ou ſi ie te doy faire releuer pour le regard de ta magnanimité & de tes autres uertus. Finablement apres auoir demouré long temps à péſer en luy meſme ſans mot dire, il paſſa oultre, & uoulant refaire un peu ſon armee qui eſtoit laſſe & trauaillée, meſmement qu'il eſtoit lors la ſaiſon d'huyuer, il y ſejourna quatre mois tous entiers. Là ou lon dit que la premiere fois qu'il ſaſſeit dedans le throſne royal ſoubs un ciel d'or, Demaratus Corinthien qui luy portoit amitié & bienueuillance hereditaire, commencee dès le temps de Philip-pus ſon pere, ſe prit à plorer de ioye en bon uieillard comme il eſtoit, diſant que les Grecs parauant decedez eſtoient bien priuez d'un fort grand plaſir, de
B n'auoir pas eu ceſt heur, que de uoir Alexandre aſſis dedàs le throſne royal de Xerxes. Et depuis ainſi comme il ſe preparoit pour aller encore apres Darius, il ſe mit un iour à faire bonne chere, & à ſe recreer en un feſtin, ou lon le conuia avec ſes mignons, ſi priueemēt, que les concubines meſmes de ſes familiers furent au bâquet avec leurs amis, entre leſquelles la plus renommee eſtoit Thais, natifue du païs de l'Attique, eſtant l'amie de Ptolomeus, qui apres le trespas de Alexandre fut Roy d'Ægypte. Ceste Thais partie louant Alexandre dextre-ment, & partie ſe iouant avec luy à la table, ſ'auancea de luy entamer un pro-
C pos bien conuenable au naturel affecté de ſon païs, mais bien de plus grande conſequence qu'il ne luy appartenoit, diſant que ce iour là elle ſe ſentoit bien largement à ſon gré recompensee des trauaux qu'elle auoit ſoufferts à aller er-
rant ça & là, par tout le païs de l'Asie en ſuyuant ſon armee, quand elle auoit eu ceſte grace & ceſt heur de iouer à ſon plaſir dedans le ſuperbe palais royal des grands Roys de Perſe: mais qu'encore prendroit elle bien plus grand plai-
ſir à bruſſer, par maniere de paſſetemps & de feu de ioye, la maiſon de Xerxes qui auoit bruſlé la uille d'Athenes, en y mettant elle meſme le feu en la preſen-
ce & deuant les yeux d'un tel prince comme Alexādre, à celle fin que lon peuſt
D dire au temps aduenir, que les femmes ſuyuans ſon camp auoient plus magni-
fiquemēt uengé la Grece des mauſx que les Perſes luy auoient faiçts par le paſſé, qui n'auoient iamais fait tous les capitaines Grecs qui furent onques ny par
E terre, ny par mer. Elle n'eut pas ſi toſt acheué ce propos, que les mignons d'A-
lexandre y aſſiſtans, ſe prirent incontinent à battre des mains & à mener grād bruit de ioye, diſans que c'eſtoit le mieux dit du monde, & incitans le Roy à le faire. Alexādre ſe laiſſant aller à leurs inſtigatiōs, ſe ietta en pieds, & prenāt un chapeau de fleurs ſur ſa teſte & une torche ardēte en ſa main, marcha luy meſ-
me le premier: ſes mignons allerent apres tout de meſme, cryans & iouans tout à l'entour du chaſteau. Les autres Macedoniens qui en ſentirēt le uent, y accou-
rurent auſſi incontinent avec torches & flambeaux tous ardens en grande reſ-
iouiſſance, pource qu'ilz faiſoient leur compte que cela eſtoit ſigne que Ale-
xandre penſoit de ſ'en retourner en ſon païs, non pas faire ſa demourance en-
tre les Barbares, puis qu'il bruſloit & gaſtoit ainſi le chaſteau royal. Voyla cō-
me lon tient qu'il fut ars & bruſlé: routeſois il y en a qui diſent, que ce ne fut pas de ceſte ſorte, par maniere de ieu, ains par deliberation du conſeil: commēt que ce ſoit, c'eſt bien choſe cōſeſſee de tous, qu'il ſ'en repentit ſur l'heure meſme, & qu'il commanda que lon eſteigniſt le feu. Mais eſtant de ſa nature liberal, & ai-
mant à donner, ceſte uolunté luy creut encore d'auantage à meſure que ſes af-
faires allerent proſperant, & ſi accōpagnoit les preſens qu'il faiſoit d'une chere guaye, & d'une careſſe qui les rédoit encore beaucoup plus agreables. Dequoy

Alexandre le grand.

ie ueux en cest endroit reciter quelque peu d'exemples. Ariston, qui estoit cou-
lonnel des Pæoniens, aiant occis un des ennemis, & luy en montrant la teste,
luy dit: Sire, un tel present en nostre païs se recompense d'une coupe d'or. A-
lexandre en se riant luy respondit, Ouy bien d'une coupe vuidë: mais i'en boy
à toy dedans ceste cy pleine de bon uin que ie te donne. Vne autre fois il trou-
ua un pauvre homme Macedonië qui menoit un mulet chargé de l'or du Roy,
& comme le mulet se trouua si las & recreu qu'il ne pouuoit plus se soustenir,
le mulatier Macedonien chargea la somme sur ses espaules & la porta luy mes-
me une espace du chemin, mais à la fin il sen trouua si chargé, qu'il uouloit
mettre son fardeau en terre: ce que uoiant Alexandre, demanda que c'estoit, &
l'aïant entendu, luy dit, Ne te lasse point, & fais tant que tu le portes encores
iusques en ta tente, car ie le te donne. Brief il sçauoit plus mauuais gré à ceulx
qui ne uouloient point prendre de luy, qu'à ceulx qui luy demandoient: com-
me il escriuit à Phocion, qu'il ne le tien droit plus pour un de ses amis, s'il refu-
soit les presens qu'il luy faisoit. Il n'auoit d'aduenture rien donné à un ieune
garçon qui se nommoit Serapion, lequel seruoit de ietter la balle à ceulx qui
iouoient, nō pour autre cause, que pource qu'il ne luy demandoit rien. Parquoy
un iour que le Roy y uint pour iouer, ce garçon ietta tousiours la balle aux au-
tres qui iouoient avec luy, & à luy non: tellement que le Roy à la fin luy dit, Et
à moy, ne me donnes tu point? Non respondit il, Sire, pource que tu ne deman-
des point. Alexandre entendit incontinent ce qu'il uouloit dire, & s'en prenāt
à rire, luy feit depuis beaucoup de bien. Il y auoit à sa suite un nommé Proteas,
homme plaissant, qui rencontroit fort plaissamment, & de bonne grace, en cō-
pagnie: il aduint qu'Alexandre, pour quelque occasion, fut courroucé à luy:
parquoy ses amis se meirent à prier & interceder pour luy, à ce qu'il luy uoulust
pardonner, & luy mesme estāt present, luy requit aussi pardon, aiant les larmes
aux yeux. Alexādre dit, qu'il luy pardonnoit: & le plaissant luy repliqua, Don-
ne m'en donques, Sire, quelque seureté premierement, si tu ueux que ie m'en as-
seure: il commanda sur l'heure qu'on luy donnast * cinq talëts. Quant aux biës
qu'il dōnoit, & aux richesses qu'il departoit à ses familiers, & à ceulx qui estoient
de la garde de son corps, on peult euidentement cognoistre qu'ilz estoient fort
grands par une lettre missiue que sa mere Olympias luy en escriuit un iour, ou
il y a ces propres termes, le suis bien d'aduis que tu faces autrement des biens à
tes familiers amis, & que tu les tienes en honneur auprès de toy: mais tu les fais
egaulx aux grands Roys, & leur donnes les moiës de faire beaucoup d'amis en
te les ostant à toy mesme. Et comme sa mere luy en escriuiſt souuent de sem-
blables à ce mesme propos, il les gardoit secrettement sans les communiquer à
personne, sinon un iour, que comme il en ouurit une, Hephæstion qui se trou-
ua present, s'approcha, ainsi qu'il auoit accoustumé, & la leut avec luy: Alexan-
dre ne l'en engarda point, mais apres qu'il l'eut acheuee de lire, il tira de son
doigt l'anneau duquel il scelloit & cachetoit ses lettres, & en meit le cachet cō-
tre la bouche d'Hephæstion. Il donna au filz de Mazeus, qui estoit le plus grād
personnage que Darius eust autour de luy, un second gouuernement oultre ce-
luy qu'il auoit parauant, encore plus grand que le premier. Le ieune Seigneur
le refusa, disant: Comment, Sire, par cy deuant il n'y auoit qu'un Darius, & tu
fais maintenant plusieurs Alexandres. Il donna aussi à Parmenion la maison
de Bagoas, là ou lon dit qu'il se trouua de meubles Susians seulement, pour
* mille talents. Il manda à Antipater qu'il prist des gardes pour la seureté de sa
personne

* Trois mille
escus.

* Soixante mille
escus.

A personne, à cause qu'il auoit des ennemis & malucuellas qui le guettoient. Aussi
dōna il & enuoya plusieurs beaux & grands presens à sa mere : mais il luy mā-
da qu'elle ne se messast point autrement plus auant de ses affaires, & qu'elle n'en-
treprist point l'estat d'un capitaine : dequoy elle s'estant courroucée, il suppor-
ta patiemment l'aspreté de son courroux. Et comme Antipater un iour luy eust
escrit une lōgue lettre à l'encontre d'elle, apres l'auoir toute leuë, il dit: Antipa-
ter n'entend pas qu'une seule larme de mere, efface dix mille telles lettres. Au
reste s'estant apperceu, que ceulx qui auoient acces autour de luy, estoient de-
uenus par trop dissolus & desordonnez en delices, & superflus en despence, de
maniere que un Agnon Teien portoit de petis clous d'argent à ses pantouffes,
B & que Leonnatus faisoit porter parmy son bagage la charge de plusieurs cha-
meaulx de pouldre d'Egypte pour s'en seruir seulemēt quād il iouoit à la lucte
& autres telz exercices de la personne, & que lon trainnoit aussi apres Philotas
des toilles pour la chasse de douze mille cinq cents pas de long, & qu'il y en a-
uoit qui usoient de precieux parfums & de senteurs liquides quand ilz s'estu-
uoient & baignoiēt, plus qu'il n'y en auoit qui se frottassent d'huile simple seu-
lement, & qu'ilz menoient des ualez de chambre delicatz pour les estriller &
frotter dedans le baing, & pour faire mollement leurs lits, il les en reprit dou-
cement & sagemēt, en leur disant, Qu'il s'esmerueilloit cōment eulx qui auoiēt
combattu tant de fois & en si grosses batailles, ne se souuenoiēt pas, que ceulx
C qui trauaillent dorment plus souefuemēt & de meilleur somme, que ceulx qui
ne trauaillent point, & comment ilz n'apperceuoient pas, en conferāt leur ma-
niere de uiure avec celle des Perses, que le uiure en delices est chose seruite, & le
travailler chose royale. Et comment prendroit la peine de penser luy mesme
son cheual, ou de fourbir sa lāce & son armet, celuy qui par mollesse desdaigne
ou desaccoustume d'employer ses mains à frotter son propre corps? Ne sçauiez
vous pas, que le comble de nostre uictoire consiste à ne faire pas ce que faisoiet
ceulx que nous auons uaincus & desfaits? Et pour les conuier par son exemple
à trauailler, il prenoit encore plus de peine que iamais, à la guerre & à la chasse,
& se hazardoit à tout peril plus aduentureusemēt qu'il n'auoit onques fait : tel-
lement qu'un ambassadeur Lacedæmonien, s'estant trouué present à luy ueoir
D combattre & desfaire un grand lion, luy dit: Tu as certainement bien combat-
tu contre ce lion, Sire, à qui demoureroit le roy. Craterus feit depuis met-
tre ceste chasse au temple d'Apollo en Delphes, ou sont les images du lion, des
chiens, & du Roy combattant le liō, & de luy mesme qui y suruint au secours:
estās toutes les dittes images de cuyure, les unes faittes de la main de Lysippus,
& les autres de Leochares. Ainsi dōques Alexandre, tant pour exercer sa per-
sonne à la uertu, que pour inciter ses gēs à faire de mesme, s'exposoit à telz ha-
zards: mais ses familiers pour les grands biens & grandes richesses, dont ilz e-
stoient gorgés, uouloiēt uiure en delices sans plus se trauailler, & leur greuoit
E d'aller d'auantage errās par le mōde d'une guerre en une autre, à raison dequoy
ilz commenceoient peu à peu à le blasmer & à dire mal de luy: ce que du com-
mencement Alexandre supporta doucement, disant que c'estoit chose digne
d'un Roy, souffrir d'estre blasmé, & ouir mal pour faire biē: route fois les moin-
dres demonstrations qu'il faisoit à ses amis tesmoignoient une amitié cordia-
le, & un honneur grand qu'il leur portoit, dequoy ie ueux en cest endroit met-
tre quelques exemples. Peucestas aiant esté mors d'un ours, l'escruiuit à ses au-
tres amis, & ne luy en manda rien. Alexandre n'en fut pas content, & luy escri-

Alexandre le grand.

uit, A tout le moins mande moy comment tu te portes maintenant, & si aucuns F
de ceulx qui chassoient avec toy t'ont point abandonné au besoing, à fin qu'ilz
en soient punis. Estant Hephæstion absent de sa court pour quelques affaires,
il luy escriuit, que ainsi comme ilz s'esbattoient à combattre une beste, qui s'appelle Ichneumon, Craterus s'estoit de malé fortune rencontré au deuant du iavelot de Perdiccas, & en auoit esté blecé en toutes les deux cuisses. Peucestas estant eschappé d'une grosse maladie, il en escriuit à Alexippus le medecin qui l'auoit pensé, en le remerciant. Estant Craterus malade, il eut quelques uisions une nuict, à raison desquelles il feit certains sacrifices pour le recouurement de sa santé, & luy manda qu'il en feist aussi: & comme le medecin Pausanias luy uoulust dōner une medecine de Ellebore, il luy escriuit des lettres, par lesquelles il luy feit entendre la peine ou il en estoit, & l'admonesta qu'il regardast bien soigneusement comment il useroit de celle medecine. Il feit mettre en prison Ephialtes & Cissus, qui luy allerent les premiers denoncer la fuitte & retraite de Harpalus, comme l'accusans à tort & faulxement. Aiant commandé que lon feist un rolle des uieilles gēs & des indisposez & malades, pour les reuoyer au païs en leurs maisons, il y eut un Eurylochus Ægeié qui se feit enroller entre les malades, & depuis fut trouué qu'il n'auoit point de mal, & confessa qu'il l'auoit fait seulement pour suiure une ieune femme nommee Telelippa, dont il estoit amoureux, qui s'en retournoit es païs bas deuers la mer. Alexandre demanda de quelle cōdition estoit ceste femme: il luy fut respōdu, que c'estoit H
une courtisane de condition libre. Adōc, ie desire, dit il à Eurylochus, fauoriser ton amour, toutefois de l'arrester par force, ie ne puis: mais aduise de faire en sorte par dons, ou par bonnes paroles, qu'elle soit contente de demourer, puis qu'elle est de condition libre. C'est chose merueilleuse, commēt il prenoit la peine d'escrire pour ses amis, iusques à de si petites choses qu'il faisoit, comme quād il escriuit en Cilicie pour un seruiteur de Seleucus qui s'en estoit fouy d'avec son maistre, commandant que lon feist diligence de le chercher. Et par une autre missiue, il louë Peucestas de ce qu'il auoit fait arrester & prendre Nicon un esclau de Craterus: & à Megabyzus, touchant un autre serf qui s'en estoit fouy en la franchise d'un temple, il luy commande aussi par lettres de l'en faire sortir pour luy mettre la main sur le collet, mais autrement de ne luy toucher point. Et dit on qu'au commencement, quand il seoit en iugement pour ouir plaider quelques causes criminelles, pendant que l'accusateur deduisoit le faict de son accusation, il tenoit tousiours l'une de ses oreilles close avec la main, à fin de la cōtregarder pure, & non preuenue d'aucune calumnieuse impression, pour ouir les defences & iustificacions de l'accusé. Mais depuis, la multitude des accusations que lon proposa deuant luy l'irrita & le rendit aspre, iusques à luy faire croire les faulxes pour le grand nōbre qu'il en trouua de urayes: mais ce qui plus le faisoit sortir hors de soy mesme, estoit quand il entendoit que lon auoit mesdit de luy, & estoit adonc cruel sans uoloir pardonner en façon quelconque, comme celuy qui aimoit mieulx la gloire que l'empire, ny que sa propre uie. Au demourant, il se remeit lors en chemin pour aller apres Darius, pensant qu'il deust encore combattre: mais entédant comme Bessus l'auoit pris, adonc il donna congé au Thessaliens de s'en retourner en leurs maisons apres leur auoir fait dō de * deux mille talēts oultre leur soulede & leur paye ordinaire: mais en ceste poursuite de Darius, qui fut longue, laborieuse & penible, pource qu'en unze iours il feit bien à cheual enuiron deux

* Douze cents mille escus.

Alexandre le grand.

481

A cents & six lieues: tellement que pour la plus part ses gens estoient si las & si creuz, qu'ilz n'en pouuoient plus, mesmement à faulte d'eau. Il trouua un iour quelques Macedoniens qui portoient dessus des mulets des peaux de cheure pleines d'eau qu'ilz uenoient de querir d'une riuere, & uoiant qu'Alexandre mouroit de soif, estant ia enuiron le midy, ilz coururent uistement à luy, & luy presenterent de l'eau pour boire dedans un armet: il leur demâda à qui ilz portoient ceste eau, & ilz luy respondirent qu'ilz la portoient à leurs enfans: mais pour ueu que tu uiues Siré, nous pourrôs bien tousiours refaire d'autres enfans, si nous perdons ceulx cy. Aiant ouy ces paroles il prit l'armet, & regardant autour de luy, que tous les hommes d'armes qui l'auoient suiuy estêdoient le col pour ueoir ceste eau, il la rendit à ceulx qui la luy auoiêt presentee, en les remerciant, sans en boire: car si ie boy seul, ceulx cy, dit il, perdront tout courage. Et adonc eulx uoians la gentillesse de son courage, luy crierêt tout hault, qu'il les menast hardiment: & quand & quand se prirent à fouetter leurs cheuaux, disans qu'ilz n'estoient plus las, & qu'ilz n'auoient plus de soif, ains qui plus est, qu'ilz ne pensoiêt pas estre mortelz, tant comme ilz auoiêt un tel Roy. Si estoit bien la bonne uolunté de le suiure egale en tous, mais toutefois il n'y en eut que soixante seulement qui donnassent quand & luy iusques dedâs le camp des ennemis, là ou passans par dessus force or & argent qui gisoit espandu emmy la place, & tirans oultre plusieurs chariots pleins de femmes & d'enfans qu'ilz trouuoient emmy les champs, fuians ça & là à l'aduenture sans chartier qui les conduisist, ilz coururent à bride abbattue iusques à ce qu'ilz eussent attaints les premiers fuians, pensans bien que Darius y deuoit estre, & feirent tant qu'ilz le trouuerent à la fin à grande peine estendu dessus un chariot, aiant le corps tout percé de plusieurs coups de dards & de iauelots que lon luy auoit donnez: & estant bien pres de rendre l'esprit, ce neantmoins encore demanda il à boire, & beut de l'eau fresche q̄ luy bailla Polystratus, auquel apres auoir beu il dit, Cestuy est le dernier de mes malheurs, mon amy, qu'aiant receu ce plaisir de toy, ie n'ay pas moien de le te rendre: mais Alexandre t'en donnera la recompense, & les Dieux à Alexandre de la bonté, doulceur & humanité, dont il a usé enuers ma mere, ma femme, & mes enfans, en la main duquel ie te prie que tu touches pour moy. En disant ces dernieres paroles, il prit la main de Polystratus & rendit l'ame tout aussi tost. Alexandre y suruint incontinent apres, & monstra euidemmēt qu'il luy desplaisoit fort de sa fortune, & deslacha son mâteau, le ietta dessus le corps, & l'en enuoloppa. Depuis aiant trouué moien d'auoir Bessus entre ses mains, il le feit desmembrer avec deux arbres haults & droitz, qu'il feit courber l'un deuers l'autre, & attacher à chascun une partie du corps, puis les laisser retourner en leur naturel par telle impetuosité q̄ chascun en emporta sa piece. Mais pour lors aiant fait ensepuelir & embausmer royalemēt le corps de Darius, il l'enuoya à sa mere, & receut au nombre de ses amis son frere Exathres: puis avec la fleur de son armee, descendit au pais des Hyrcaniens, là ou il ueit le gouffre de la mer Caspiene, qui ne luy sembla pas moindre q̄ celuy de la mer de Pont: mais biē en est l'eau plus doulce q̄ celle des autres mers. Si ne peut rien trouuer ny sçauoir de certain q̄ c'estoit, ny dōt elle uenoit: mais ce qui luy en sembla plus approchant de la uerité, est q̄ ce soit un regorgemēt des marests Meotides. Et toutefois les anciēz philosophes naturelz semblēt en auoir sceu la uerité: car plusieurs ans deuant le uoiage & les cōquestes d'Alexandre, ilz ont escrit, q̄ des quatre principaux gouffres de mer qui uienent de l'Océa, & entrēt

Alexandre le grand.

au dedàs des terres, le plus Septentrional est celuy de la mer Caspiene, qu'ilz appellent aussi la mer Hyrcaniene: mais en passant par ce pais là, il y eut quelques Barbares qui au desproueu se ruerēt sur ceulx qui menoiēt Bucephal le cheual de bataille d'Alexandre, & le priēt, dequoy il fut si despit qu'il enuoya denocer par un herault à ceulx du pais, qu'il mettroit tout à l'espee iusques aux femmes & aux petits enfans, filz ne luy faisoient ramener son cheual: & cōme ilz le luy eussent ramené: &, qui plus est, liurē leurs uilles & leurs places entre ses mains, il les traita tous humainemēt, & si paya d'auantage la rençon de son cheual à ceulx qui le luy remenerent. Au partir de là il entra en la prouince Parthienc, là ou se trouuant de loisir il commença à se uestir à la mode des Barbares, soit ou qu'il se uoulust accoustumer aux meurs & façons de faire du pais, estimāt qu'il ne pourroit auoir meilleur moien de gagner les cueurs des hommes qu'en se accoustumant à leurs manieres de uiure, ou bien qu'il le feist pour sonder & tenter les cueurs des Macedoniens, à fin de sçauoir comment ilz prendroient l'usance qu'il uouloit introduire de l'adoration, c'est à dire, de faire la reuerence & s'encliner deuant le Roy, en les accoustumant ainsi petit à petit à supporter la mutation & le changement de sa maniere de uiure, combien que du premier coup il ne prit pas l'accoustrement des Medois, qui estoit par trop estrange & de tout poinēt barbaresque: car il ne porta point de braguesques, ny la robbe trainnāte en terre, ny le hault chapeau pointu, ains prit un habit moie entre celuy des Medois & celuy des Perses plus modeste que celuy là, & plus pompeux que cestuy cy, encore du commencement ne le porta il que quand il auoit à parler à quelques Barbares, ou en son priuē entre ses familiers amis: mais depuis il se monstra au peuple en public avec cest accoustrement en allant par les champs, ou bien en donnant audience publiquement, qui fut chose biē desplaisante aux Macedoniens: mais ilz auoient sa uertu en si grande admiration, qu'ilz estimoient estre raisonnable qu'on luy concedast qu'il peust faire aucunes choses pour son plaisir & à sa fantasie: car oultre les autres heurts qu'il auoit euz auparauant, il auoit nagueres receu un coup de fiesche qui luy auoit rompu l'os de la iambe, & une autre fois auoit aussi receu un coup de pierre sur le chignon du col, dont il tumba en un esblouissement de la ueuē qui luy dura bien long temps, & neantmoins ne laissoit pas pour tout cela de s'exposer encore à tous perilz sans en rien s'espargner: car il passa encore la riuere de Oxartes, qu'il estimoit estre le Tanais, & aiant desfait en bataille rengee les Scythes, les chassa battant plus de cinq grādes lieues, quoy qu'il fust trauaillē d'un flux de uentre. Ce fut là ou lon dit que la royne des Amazones le uint trouuer: car ainsi l'a escrit la plus part des historiens, comme Clitarchus, Polycritus, Onesicritus, Antigenes, & Hister: mais Chares le rapporteur, & Ptolomēus, Anticlides, & Philon le Thebain, Philippus le rapporteur: & oultre ceulx là Hecataeus Erethrien, Philippus Chalcidien, & Duris le Samien, disent que c'est chose controuuee & faite à plaisir, & semble que Alexandre mesme leur en porte resmoignage: car escriuāt toutes choses par le menu à Antipater selon qu'elles passioient, il luy mande bien que le Roy de la Scythie luy uouloit bailler sa fille en mariage, mais il ne fait aucune mention d'Amazones: & dit on que long tēps depuis Onesicritus leur à Lyfimachus, qui estoit desia Roy, le quatrieme liure de son histoire, là ou ce compte là de l'Amazone est escrit, & que Lyfimachus, en se soubriant, luy dit, Et ou estoie-ie donques en ce temps là? Mais quant à cela, ny pour le croire on n'auraia Alexandre en plus grande reputation,

A putation, ny pour le decroire en moindre estime. Au reste, craignant que les Macedoniens ennuyez de ceste longue guerre, ne uoulussent plus passer oultre, il laissa derriere le demourant du peuple de son armee, & prit seulement uingt mille hommes de pied, & trois mille cheuaux, qui estoient la fleur de tout son exercite, avec lesquels il entra dedans le pais de l'Hyrkanie, & là leur feit une harengue, en laquelle il leur remonstra, que les nations Barbares de l'Asie, ne les auoient ueuz qu'en songe, par maniere de dire, & que s'ilz se retiroient en Macedoine, n'ians que sculemēt emeu, & non de tout poinct subiugué & dōpté l'Asie, les peuples irritez leur courroient sus à leur retour, ne plus ne moins qu'à des femmes, toutefois qu'il donnoit bien congé de s'en aller à ceulx qui se uoudroient retirer, en protestant neantmoins à l'encōtre de ceulx qui s'en iroient, qu'ilz l'auroient abandonné au besoing, luy, ses amis, & ceulx qui auroient si bon cuer que de le uoloir suyure en une si glorieuse intention de uoloir soubmettre toute la terre habitable à l'empire des Macedoniens. Cela est ainsi couché, & presque en mesmes termes, dedans l'epistre que Alexandre en escrit à Antipater, là ou il met d'auantage que leur aiant tenu ce propos, ilz se prirent à crier tout hault, qu'il les menast en tel quartier du mode qu'il uoudroit. Quand ceulx la eurent donné leur consentement à son espreuue, il fut puis apres facile de gagner le reste du peuple, qui suyuit aiseement l'exemple des principaux. Parquoy il se conforma adonc encore d'auantage en sa maniere de uiure aux meurs de ceulx du pais, & reciproquement aussi les meurs de ceulx du pais à ceulx de la Macedoine, aiant opinion que moienant ceste mellange, & ceste communication de façons de faire, les choses s'entretiendroient miculx en bonne paix union & concorde par amitié que par force, quand il seroit loing des pais de la Perse. A l'occasion de quoy il feit choisir trente mille enfans du pais, ausquelz il feit apprendre les lettres Grecques, & les nourrir & adresser aux armes à la discipline Macedonienne, ordonnant plusieurs maîtres pour les instruire en l'une & en l'autre. Quand au mariage de Roxane, il fut bien fait par amourettes, pource qu'il en deuint amoureux en un festin où il la ueit, & la trouua belle à son gré, & de bonne prise : mais si uint il aussi à propos pour le bien de ses affaires que s'il eust esté fait par meure deliberation de cōseil : car les Barbares en prirent assurance de luy d'auantage, quand ilz ueirent qu'il cōtractoît alliance de mariage avec eulx, & l'en aimerent beaucoup miculx que deuant quand ilz considererent en eulx mesmes, que fessant au parauāt tousiours montré fort continent en telles choses, encore n'auoit il point uolu toucher ceste ieune Dame, de l'amour de laquelle seule il s'estoit trouué uaincu, sinon en legitime mariage. Et luy considerant que des deux qu'il aimoit plus chèrement Hephæstion trouuoit bon ce qu'il en faisoit en cela, & qu'il l'accoustroit comme luy : mais que Craterus au contraire retenoit tousiours les façons de faire de son pais, il traittoit d'affaires & negocioit avec les Barbares par l'entremise de celuy là, & avec les Grecs & les Macedoniens par l'entremise de cestuy cy : en somme, il aimoit plus l'un, & honoroit l'autre d'auantage, estimant & disant que Hephæstion aimoit Alexandre, & Craterus aimoit le Roy. Au moien de quoy ces deux personnages ne se uoloient point de bien l'un à l'autre au fond de leurs cueurs, ains entroient souuent en querelle, tellement qu'une fois ilz en uindrēt iusques à mettre la main aux armes & à desguainer l'un cōtre l'autre, & y accouroient desia leurs amis au secours d'une part & d'autre : mais Alexandre y alla aussi, qui en public deuant tout le monde tenfa fort Hephæstion, l'ap-

Alexandre le grand.

pellant fol & insensé, de ne cognoistre pas que qui luy osteroit Alexandre, il ne demoureroit plus rien : mais en priué, à part, il reprit aussi bien aigrement Craterus, & les appellât tous deux l'un deuant l'autre leur fait faire paix ensemble iurant par Iupiter Hammon, & par tous les autres Dieux, que c'estoient bien les deux homes du monde qu'il aimoit le mieulx, mais neantmoins que s'il s'apperceuoit qu'ilz eussent plus de differens ensemble, il les occiroit tous deux, ou pour le moins celuy qui auroit commencé la querelle: parquoy depuis ceste heure là, on escriit qu'ilz ne feirét ny ne dirent rien l'un à l'autre, non pas en ieu tant seulement. Or auoit Philotas filz de Parmenion grâde authorité entre les Macedoniés, pource qu'il estoit uailant home de sa personne, patier de labeur, liberal, & aimant les siens autât ou plus que nul autre seigneur, qui fust en tout le câp apres Alexandre. Auquel propos on racôpte, que quel que fois il y eut un de ses amis qui luy demanda de l'argent: il commanda tout aussi tost à son argétier qu'il luy en baillast. L'argétier luy respôdit, qu'il n'y en auoit point: & son maistre luy repliqua, Que dis tu, qu'il n'y en a point: n'as tu ny uaiselle, ny accoustrement que tu peusses uédre ou engager, pour luy en trouuer: mais au demourant il estoit si haultain & si importun à faire môstre de ses richesses, en se uestant plus superbement, & se traittant plus curieusement & plus opulamment qu'il n'appartenoit à homme priué, que cela le faisoit hair, pource qu'il contrefaisoit ainsi à faulses enseignes le grand & le magnifique, de mauuais iugement, & avec une mauuaise grace, dont il deuint par sa folie suspect & enuié de tout le monde, tellement que son pere mesme luy dit un iour: Mon filz, fais toy plus petit. Il auoit esté ia long temps au parauant accusé & deferé enuers Alexandre, pource que quand le bagage de l'armée de Darius, qui estoit en la uille de Damas, fut pris apres la bataille de la Cilicie, il y eut plusieurs prisonniers amenez au camp d'Alexandre, & entre les autres une ieune courtesane natifue de la uille de Pydne, belle de uisage, laquelle se nommoit Antigone. Philotas trouua moien de la recouurer, & comme ieune homme amoureux qu'il estoit, en banquetant avec elle se laissoit eschapper de la bouche bien souuent des paroles ambitieuses & des uaines uanteries de soudard, en attribuant à luy mesme & à son pere la plus part des haults faiéts d'armes qui auoient esté exercez en toute ceste guerre, & appellant à tout propos Alexandre, ce ieune garçon, & disant que par leur moien il iouyssoit du nom & tiltre de roy. Ceste femme rapporta ces propos à un sien familier, & celuy là, comme il se fait ordinairement, à un autre, tant qu'il paruint iusques aux oreilles de Craterus, lequel prit la femme & la mena deuant Alexandre, qui l'ouit, & l'ayant ouye luy commanda qu'elle continuast tousiours de hanter avec Philotas, à fin qu'elle luy rapportast tout ce qu'elle luy entendroit dire. Philotas ne sachât rien de ceste embusche, tenoit tousiours ceste Antigone aupres de luy, & se permettoit ordinairement de dire plusieurs paroles folles & indifferettes à l'encôtre du Roy, une fois par courroux & autre fois par uaine gloire: mais Alexandre, combien qu'il eust ceste uehementé preuue & accusation à l'encontre de Philotas, la dissimula pourtant sans en rien faire demonstration quelcônque pour l'heure, fust ou pour l'assurance qu'il auoit en l'amour & bienueillance que Parmenion luy portoit, ou pour crainte qu'il auoit de leur puissance & authorité grande. Mais enuiron ce mesme temps, il y eut un Macedonien nommé Limnus, natif de la uille de Chalestra, qui espioit en grande sollicitude les moiens de faire mourir Alexandre, & estant amoureux d'un ieune garçon qui se nommoit Nicomachus

A chus, le sollicita de uouloir aider à exécuter son entreprise: le garson le refusa tresbien & descourrit ceste subornation à un sien frere, qui auoit nom Balinus, lequel sen adressa à Philotas, & le pria de les introduire tous deux deuant Alexandre, pource qu'ilz auoient quelque chose de grande consequence & tres necessaire à luy communiquer. Philotas ne les feit point parler au Roy, & ne scait on pourquoy, disant qu'il estoit empesché à quelques autres plus grands affaires, au moien dequoy ilz s'adresserent à un autre, qui leur donna entree vers Alexandre, auquel ilz exposerent premierement le faict de la conspiration de Limnus, & feirét aussi en passant mention de ce qu'ilz festoient premierement adressez à Philotas par deux fois, qui n'auoit fait compte de les introduire &

B les faire parler à luy: cela irrita fort Alexandre, & encore le fut il plus quād celuy qu'il enuoya pour prendre Limnus au corps, le tua, à cause qu'il se meit en defence; & ne se uoulut pas laisser prendre, pensant auoir perdu un grand moien de descourrir entierement & auerir toute la conspiration. Et pour autant qu'il faisoit mauuais uisage à Philotas, il incita ceulx qui de longue main luy uouloient mal, lesquelz allerent disans tout ouuertement, que c'estoit desormais trop attendu au Roy, pource qu'il n'estoit point à croire que ce Chalestrien Limnus eust iamais eu la hardiesse d'entreprendre une telle conspiration, & qu'il n'en estoit que le ministre: ou, pour miculx dire, que l'instrument remué & manié par une plus grande puissance que la siene, &

C qu'il falloit enquerir de ceste coniuration sur ceulx qui auoient si grand interest à la faire celer. Depuis que Alexandre eut une fois ouuert les oreilles à telles paroles & telles presumptions, il y eut aussi tost mille calumnies proposees à l'encontre de Philotas de maniere qu'il fut saisi au corps & mis à la torture en presence des autres seigneurs familiers du Roy, qu'il comemit à luy faire & parfaire son proces, estant luy mesme caché derriere une tapisserie pour escouter tout ce qu'il diroit: là ou lon compte, qu'aians ouy les paroles lasches qu'il dit à Hephæstion, en le suppliant d'auoir compassion de luy, & les prieres uilles & basses, qu'il luy feit, il dit en soy mesme: Dea, aiant le cueur si mol & si effeminé, Philotas, ozois tu bien entreprendre de si grādes choses? Tant y a que

D Philotas fut executé à mort: & incontinent apres son executiō, Alexandre enuoya en diligence au royaume de la Medie, faire tuer aussi Parmeniō, q y estoit son lieutenant, personnage qui auoit seruy Philippus en la pluspart de ses principaux affaires, & qui seul ou plus q nul des autres anciens seruiteurs de son pere, auoit incité Alexandre à entreprendre le uoyage de la conqueste de l'Asie, & qui de trois enfans qu'il y auoit menez quād & luy, en auoit ueu mourir deux deuant luy, & puis fut occis avec le troisieme. Ceste execution rendit Alexandre redoubrable, à plusieurs de ses amis, mesmement à Antipater, lequel enuoya secretemēt deuers les Etoliens traiter sous main une alliance avec eulx, pource qu'eulx mesmes craignoient aussi Alexandre à cause qu'ilz auoient destruit

E les Oeniades: ce qu'Alexandre aiant entendu, dit que ce ne seroient pas les enfans des Oeniades, mais luy mesme qui en feroit la uengeance sur les Etoliens. Non gueres de temps apres, aduint aussi l'inconuenient du meurtre de Clitus, lequel, à l'ouir nuement & simplement reciter, sembleroit encore plus cruel que celuy de Philotas: mais en racomptant la cause quand & quand, & le temps auquel il aduint, on trouuera que ce ne fut point de propos deliberé, ains plus tost par cas d'adventure, & de meschef, aiant Alexandre seulement presté l'occasion de son ire & de son uin à la male fortune de Clitus: car uoicy comme le cas ad-

Alexandre le grand.

uint. Il estoit arriué quelques gens des pais bas deuers la marine, qui auoient apporté à Alexandre des fructs de la Grece. Alexādre sebahissant de les ueoir ainsi beaux & frais, appella Clitus pour les luy monstrier & luy en donner. Clitus d'aduēture sacrifioit lors aux Dieux, & laissa son sacrifice pour y aller: mais il y eut trois moutōs, sur lesquels on auoit desia fait les effusions accoustumées pour les immoler, qui le suivirent: ce qu'entendāt Alexandre, le communiqua aux deuins, Aristander & Cleomantis Laconien, qui tous deux respondirent que c'estoit un mauuais signe. A raison dequoy il ordonna sur l'heure que lon sacrifiaſt pour le salut de Clitus, pour autant meſmement, que trois iours au parauant, il auoit eu la nuit en dormant une uision eſtrange, pource qu'il luy fut aduis qu'il uoioit Clitus uestu de robe noire assis entre les enfans de Parmenion, qui tous estoient morts: toutefois Clitus n'acheua point son sacrifice, ains ſ'en alla soupper chez le Roy, qui ce iour là auoit sacrifié à Castor & Polux. Il fut beu à bon eſciant à ce festin, durant lequel furent chantez quelques uers d'un Poëte nommé Pranichus, ou comme les autres mentēt, d'un Picrion, composez à l'encontre de quelques capitaines Macedoniens, qui n'a gueres auoient eſté battus par les Barbares, pour leur faire honte, & apprestier à rire à la compagnie, dont les uieux qui estoient à ce festin furent malcontents, & iniurierent le poëte qui les auoit faits, & le musicien qui les chantoit. Au contraire Alexandre & ses mignons y prenoient plaisir, & cōmandoient au chātre qu'il continua: dequoy Clitus qui estoit desia un peu surpris de uin, avec ce qu'il estoit de sa nature homme assez reueſche, arrogant & superbe, se courroucea encore d'auantage, disant que ce n'estoit point bien ny honestemēt fait d'iniurier ainsi, meſmemēt parmy des Barbares ennemis, de pauvres capitaines Macedoniens, qui ualoient mieux que ceulx qui se rioient & se moquoient d'eulx, encore qu'il leur fuſt aduenū par fortune quelque malheur. Alexādre là dessus luy respondit, qu'il plaidoit pour luy meſme, appellant couardise & lascheté, malheur. Et adonc Clitus se dressant sur ses pieds, se prit à luy repliquer: Mais ceste miene couardise te sauua la uie, à toy qui te dis filz des Dieux, lors que tu auois desia tourné le dos à l'espee de Mithridates, & le sang que ces pauvres Macedoniens ont respandu pour toy, & les bleccures qu'ilz ont receuēs en combattans pour toy, t'ont fait si grand, que tu desdaignes maintenant le roy Philippus pour ton pere, & te ueux à toute force faire filz de Iupiter Ammon. Alexandre picqué au uif de ces paroles, luy repliqua soudain: Dea, meschant malheureux que tu es, penſes tu demourer à la fin impuny de telz propos que tu tiēs ordinairement à l'encontre de moy, en murinant cōtre moy les Macedoniēs? Et Clitus luy repliqua, D'icy & desia sommes nous assez punis, Alexandre, ueu que nous receuons un tel loyer de nōz trauaux & labeurs, que nous tenōs pour bien heureux ceulx qui ſont morts auant que de ueoir les Macedoniens fouettez de uerges Medoiſes, & contrains de prier les Perſes pour auoir acces & entree deuers leur Roy. Clitus alloit disant la teste leuée de semblables paroles, & Alexandre se roidissant & ſoubleuant à l'encōtre, & luy disant iniure: mais les plus uieux taschoient à appaiser la noiſe & le tumulte: au moien dequoy Alexandre se tournant deuers Xenodochus Cardian, & Artemius Colophonien, leur demanda, Vous ſemble il point que les Grecs entre les Macedoniens ſoient comme demidieux, ſe promenans entre beſtes ſauuages? Mais Clitus pour cela ne cedit point, ny ne diminueoit rien de son audace, ains alloit criant, qu'Alexandre diſt publiquement tout hault ce qu'il auoit à dire, ou qu'il ne cōuiaſt point

A uenir souper avec luy des hommes libres, & qui auoient accoustumé de parler franchemēt, ains qu'il se teint avec de Barbares esclauē, qui adoroient sa ceinture Persienne, & sa longue cote blanche. Adonc Alexandre, ne pouuant plus tenir sa cholere, prit une pomme de celles que lon auoit seruy à sa table, & la luy ietta à la teste, & chercha son espee, laquelle Aristophanes l'un des gardes de son corps luy auoit expressement ostee: & comme tous les autres se meifissent à l'entour de luy pour le retenir, & le prier de s'appaiser, il se ietta neantmoins hors de table, & appella ses gardes en langage Macedonien, qui estoit signe d'un bien grand trouble, & comāda à un trompette qu'il sonnast à larme: & pource qu'il reculoit & ne le uouloit pas faire, luy donna un coup de poing, dequoy le trompette fut depuis biē estimē, comme celuy qui auoit seul empeschē, que tout le camp ne se mutinast. Encore ne fleschissoit point Clitus pour cela, iusques à ce que ses amis à toute peine le ietterēt hors de la sale: mais il y r'entra par une autre porte, prononçant fort audacieusement, & irreuerēment ce uer de la tragedie d'Andromache, du poēte Euripides,

L as que les meurs de Grece se corrompent!

Adonc Alexandre ostant par force à un de ses gardes la iaueline qu'il tenoit en sa main, ainsi que Clitus luy uenoit à l'encontre, & auoit ia leuē la tapisserie qui estoit au deuant de la porte, luy en donna tout à trauers du corps, dont il tomba tout aussi tost par terre avec un soupir, & un cry qu'il ietta. La cholere fut à l'instant mesme passee à Alexandre, qui demoura tout picqué: & uoiant ses familiers autour de luy, qui ne disoient mot, retira la iaueline du corps pour s'en donner à luy mesme dedans la gorge: mais ses gardes incontinent luy prirent les mains, & l'emporterent malgré luy de là en sa chambre, ou il passa toute la nuit & tout le iour ensuiuant à plorer ameremēt, iusques à ce que ne pouuant plus crier ny lamenter, il demoura estendu tout de son long, iettant seulement de profonds soupirs. A l'occasion dequoy, ses amis n'entendans plus sa uoix eurent peur, & entrerent par force en sa chambre pour le recōforter: mais il n'en uolut ouyr parler pas un, sinon Aristander le deuin, qui luy ramena en memoire la uision qu'il auoit eue touchant Clitus en dormant, estant le presage de ce qui deuoit aduenir: par ou lon deuoit iuger que c'estoit chose fatale, & predestinee auant qu'il fust né. Il sembla qu'il prist pied à ces paroles. Depuis on feit entrer Callisthenes le philosophe alliē d'Aristote, & Anaxarchus natif de la uille d'Abdera, dont Callisthenes entrant doucement en propos, & allāt à l'entour, sans luy alleguer chose qui le peust offencer, taschoir dextremēt à luy amollir son deuil. Mais Anaxarchus qui des son commencement auoit rousiours tenu un chemin à part en l'estude de la philosophie, & auoit acquis le bruit d'estre homme superbe & mesprisant ses compagnons, en entrant dedās la chambre se prit à crier des la porte tout hault: Voila Alexandre le grand, celuy que toute la terre habitable regarde, & redoubte maintenant: Voylela iettē par terre plorant comme un esclauē pour la peur qu'il a des loix & du blasme des hommes, comme fil ne deust pas luy mesme leur donner la loy, & leur establir les bornes de ce qui est iuste, ou iniuste, attēdu qu'il a uaincu pour demourer seigneur & maistre, non pas pour seruir à une uaine gloire. Ne sçais tu pas que les poētes disent, que Iupiter a Themis, c'est à dire, le droit & la iustice assis à ses costez? que signifie cela, sinon que tout ce que le Prince fait est saint, droit & iuste? Ces langages d'Anaxarchus aligerent bien pour lors la douleur du Roy Alexandre, mais aussi rendirent ilz depuis ses meurs bien plus dissolues

Alexandre le grand.

en beaucoup de choses, & bien plus uiolentes: & comme par ce moien là il fin-
finua soy mesme merueilleusement auant en la bonne grace du Roy, autant
rendit il la conuersation de Callisthenes, qui de soy mesme n'estoit pas autre-
mēt trop agreable, à cause de son austerité, encore plus odieuse qu'elle n'auoit
iusques alors esté. Auquel propos on racompte qu'un iour au soupper du Roy,
on meit en auant un discours touchant les saisons de l'annee & la temperature
de l'air, & que Callisthenes fut de l'opinion de ceulx qui tenoiēt, que la region
ou ilz estoient pour lors estoit plus froide, & que l'hyuer y estoit plus aspre
qu'en la Grece. Anaxarchus soustenoit le contraire & contestoit opiniastrēmēt
à l'encontre, tant que Callisthenes luy dit: Si est il force que tu confesses qu'il
fait plus froid en ce pais cy qu'en celuy là, car tu passois là tout l'hyuer, avec une
pauvre simple cappe seulemēt sur ton doz, & icy tu es couuert de trois tapis l'un
sur l'autre quand tu es à table. Ceste attainte poignit au uif Anaxarchus, & l'ir-
rita bien encore plus asprement: & quāt aux autres gens de lettres Rhetoriciēs
& flatteurs, ilz le haïssoiēt aussi semblablement, pource qu'ilz le uoioiēt estimé,
fuiuy & honoré des ieunes hommes, à cause de son eloquence, & non moins
aimé des uieux, à cause de l'honesteté de sa uie, laquelle estoit graue, uenerable,
& contente du sien, sans qu'il demandast iamaïs rien. Par ou lon cognoissoit
q̄ la cause qu'il alleguoit, pour laquelle il suyuoit Alexādre en ce uoiage, estoit
ueritable: car il disoit que c'estoit pour impetrer du Roy, que ses citoiens ban-
nits fussent remis en leur pais, & leur uille repeuplee & rebastie. Mais combien
que la bonne reputation qu'il auoit, fust cause principale de l'enuie qu'on luy
portoit, si est-ce que luy mesme donnoit bien aussi quelques occasions à ses en-
uieux & malueuillans de le calumnier, par ce qu'il refuzoit souuēt, quand on le
conuioit, d'aller soupper chez le Roy, & si luy alloit il ne disoit mot, montrant
par ceste siene grauité & taciturnité que ce que lon y disoit & faisoit, ne luy
plaisoit point, de sorte qu'Alexandre mesme dit une fois de luy,

I e hay celuy, qui d'estre sage faiēt

P rofession, & ne l'est en son faiēt.

Suyuant lequel propos on racompte, que souppant un iour chez le Roy, il fut
requis par plusieurs de ceulx qui auoient aussi esté conuiez, de faire à l'improu-
ueu une harengue à la louange des Macedoniens durant le soupper, & qu'il
parla sur ce subiect là, avec un tel flux d'eloquence, que les escoutans s'en leuerēt
de table, & battans des mains en signe de ioye, ietterent plusieurs bouquets &
chappeaux de fleurs dessus luy: mais qu'Alexandre allegua lors ce que dit le
poëte Euripide,

M alaisē n'est de bien dire amplement,

Quand on en a bel & riche argument.

Mais montre nous, dit il, ton eloquence à blasmer les Macedoniens, à celle fin
que recognoissāns ce en quoy ilz faillent, ilz l'emendēt pour en estre meilleurs
à l'aduenir: & qu'adonc Callisthenes se tournant à dire tout le contraire, de-
duisit franchement plusieurs choses au grand desauantage des Macedoniens,
monstrār comme la diuision & dissension des Grecs entre eulx, auoit esté cause
de l'accroissement de Philippus alleguant ces uers:

L à ou discord regne en une cité,

L e plus meschant a lieu d'autorité.

A l'occasion de quoy, il suscita encontre soy mesme une grande & griesue mal-
ueuillance des Macedoniens, tellement que Alexandre mesme dit à l'heure,

qu'il

Alexandre le grand.

485

A qu'il n'auoit pas tant fait monstre de son eloquence, que de sa malignité, & de la mauuaise uolunté qu'il portoit aux Macedoniens. Hermippus historien escriit, qu'un Stræbus seruiteur de Callisthenes, qui lisoit deuant luy, le recita ainsi depuis à Aristote, & que Callisthenes uoiant bié que Alexâdre s'en estoit offensé, & qu'il luy en uouloit mal, repeta deux ou trois fois ces uers d'Homere en sen allant,

P atroclus est luy mesme dececé,

Qui en uertu t'auoit bien excédé.

A quoy lon peult ueoir clairement qu'Aristote iugea bien, quand il dit de ce Callisthenes, qu'il estoit bien homme eloquent, mais qu'il n'auoit point d'entendement. Car en reiectant fort & ferme, comme philosophe, l'adoration de faire en finclinant & ploiant le genouil la reueréce au Roy, & en disant hault & clair en public, ce que les plus gens de bien, & les plus uieux Macedoniens n'ozoient dire que secrettement en l'oreille, combien qu'ilz en fussent tous fort marris, il deliura bien la Grece d'une grande honte, & Alexandre aussi d'une plus grande, en le diuertissant de prochasser telle maniere d'adoration: mais aussi se perdit il soy mesme, par ce qu'il sembla qu'il uoulust auoir le Roy d'audace, & le forcer plus tost, que l'induire par raison. Suiuant lequel propos Charles le Mytilenié a laissé par escript, que un iour en un festin, Alexâdre apres auoir beu, tédit sa couppe à l'un de ses amis, lequel la prit, & se leuât sur ses pieds y beut aussi, en se tournant deuers l'autel domestique, & faisant premierement une grande reuerence, alla baïser Alexandre, & puis se meit à table: ce que tous les autres conuiez feirent semblablement les uns apres les autres, iusques à ce que Callisthenes prit aussi la couppe à son reng, le Roy n'y prenant point garde, ains deuisant avec Hephæstio, & apres auoir beu s'approcha pour le baïser cōme les autres: mais qu'il y eut un Demetrius, surnommé Phidō, qui dit au Roy, Ne le baïse point Sire, car luy seul ne t'a point fait de reuerence: Alexâdre tourna la teste de l'autre costé sans le uouloir baïser, & que Calisthenes adonc cria tout hault, Et bien de par dieu, ie m'en uois aiant moins que les autres d'un baïser. Ainsi cōmencea la malueillance contre luy à s'imprimer au cuer d'Alexandre, dont il sen suiuit que premierement Hephæstion fut creu, disant que Callisthenes luy auoit promis qu'il adoreroit & feroit la reuerence à Alexandre, mais qu'il luy auoit failly de parole: & puis un Lyfimachus, un Agnon, & autres semblables, poulserét encore à la roué, disans que ce Sophiste sen alloit glorifiâr, ne plus ne moins que sil eust ruiné & aboly une tyrannie, & que tous les ieunes gens le suiuiroient, & s'amassoient autour de luy par honneur, comme celuy qui seul, entre tât de milliers d'hommes portans les armes, auoit le cuer franc & noble. Et pourtant, quand la coniuration de Hermolaus à l'encontre de la propre personne d'Alexandre uint à estre descouuerte, lon trouua la calūnie uray semblable, que quelques faulx accusateurs proposerent à l'encontre de Callisthenes, qu'il auoit respondu à cest Hermolaus, qui luy demandoit comment il pourroit deuenir le plus renommé homme du monde, En tuant celuy qui estoit ia le plus renommé: & que pour l'inciter à executer sa conspiration, il luy auoit dit, qu'il ne falloit point qu'il eust peur d'un liét d'or, ains se souuenir qu'il auoit à faire à un homme, lequel estoit aucuncfois malade, & aucunesfois blecé comme les autres. Toutefois il n'y eut iamais pas un des complices de Hermolaus, quel que angoisse de tourmés qu'on leur feist souffrir, pour leur faire dire qui estoient leurs consors, qui nommast Callisthenes: & Alexâ-

Alexandre le grand.

dre mesme escriuant de ce faict, incontinent apres, à Craterus, à Attalus, & F
à Alcetas, dit que les seruiteurs mis à la torture auoient tousiours persisté à dire,
que eulx seuls auoient conspiré contre luy, & que nul autre n'en estoit consen-
tant. Mais depuis en une autre missiue qu'il en escriuit à Antipater, il en char-
gea Callisthenes, disant, Ses seruiteurs ont esté lapidez par les Macedoniens,
mais ie puniray moy mesme le maistre cy apres, & ceulx qui me l'ont enuoyé,
& qui ont receu & logé en leurs uilles les meurtriers, qui uenoient de propos de-
libéré pour me tuer. En quoy il descouure manifestement la mauuaise uolun-
té qu'il auoit contre Aristote, pource que Callisthenes auoit esté nourry en sa
maison, à cause de la parenté qui estoit entre eulx, étant Callisthenes filz de He-
ro, niepce d'Aristote. Si disent les uns qu'Alexandre le feit pendre: & les autres, G
qu'il mourut de maladie en prison: toutefois Chares escrit, qu'il fut gardé pri-
sonnier l'espace de sept mois entiers, à fin qu'il fust iugé en plein conseil pre-
sent Aristote mesme: mais qu'estant deuenu fort gras, il mourut à la fin de la
maladie des poux, enuiron le temps qu'Alexandre fut blecé en combattant cō-
tre les Malliens Oxydraques, en la conquête des Indes, ce qui fut quelque tēps
apres. Mais Demaratus Corinthien, étant ia bien auant au declin de son aage,
prit enuie d'aller ueoir Allexandre, & l'ayant ueu de faict, dit que les Grecs qui e-
stoient decedez au parauant, estoient priuez d'un singulier plaisir, de ne ueoir
point Alexandre seant dedans le throsne royal de Darius. Toutefois il ne iouit
pas longuement de la bienueuillāce que le Roy luy portoit, pource qu'il mou- H
rut de maladie bien tost apres qu'il fut arriué en son camp, & luy furent faites
des funerailles magnifiques: car tout l'exercite en armes luy dressa un comble
de terre en forme de tumbeau, duquel l'enceinte estoit fort grande, & la haulteur
de quatre uingts couldees. Ces cédres puis apres furent cōduittes iusques
à la coste de la marine dessus un chariot à quatre cheuaulx, équipé & accou-
stré sumptueusement. Au demourant, Alexandre étant prest à partir pour al-
ler à la conquête des Indes, s'aduīsa que son armee estoit pesante & mal aisee à
remuer pour la grande multitude de bagage, & de butin qu'elle trainnoit apres
elle: parquoy un matin que les chariots estoient desia chargez, il brussa premie-
rement les siens & ceulx de ses amis quand & quand, puis commanda que lon
meist aussi le feu dedans ceulx des foudards Macedoniens, dont le conseil en I
sembra plus dangereux au delibérer, que l'execution à l'espreuue ne s'en trouua
difficile, pource qu'il y en eut bien peu qui en fussent malcōtens, & la plus part,
ne plus ne moins que filz eussent esté poussez & inspirez par quelque esprit di-
uin, avec un cry & un chant de ioye, s'entredonnerent les uns aux autres qui en
auoient affaire, les utensiles necessaires dont l'homme ne se sçauoit passer, &
puis brulerent & gasterent eulx mesmes le demourant. Ce qui encouragea &
incita Alexandre encore d'auārage, oultre ce qu'il estoit ia deuenu un peu seue-
re, & qu'il punissoit aigrement sans pardonner à ceulx qui faisoient faulte: car
ayant ordonné Menander l'un de ses familiers pour luy garder une forte place,
il le feit mourir, à cause qu'il n'y uoulut pas demourer, & tua luy mesme à coups K
de trait Orsodates un capitaine Barbare qui s'estoit rebellé & soubleué contre
luy. Au reste enuiron ce tēps là y eut une brebis qui feit un agneau, lequel auoit
dessus la teste, la forme & la couleur propre d'un chapeau royal à la Persienne,
qui s'appelle Tiare, aux deux costez duquel il y auoit deux genitoires. Alexan-
dre eut ce presage en horreur & abomination, tellement qu'il se feit purifier, par
quelques presbires Babylo niens, qu'il auoit tousiours accoustumé de mener
quand

A quand & luy pour cest effect, & dit à ses amis que ce presage ne l'emouuoit pas tant pour le regard de foy, que pour le regard d'eulx, craignant que les Dieux apres son deces n'eussent destiné de faire rumber la puissance de son empire entre les mains de quelque homme couard & de lasche cueur. Toutefois un autre signe & presage qui aduint incontinet apres, luy osta ceste crainte & ce decouragement. Car un Macedonien nommé Proxenus qui auoit charge des meubles du Roy, ainsi comme il faisoit cauer en quelque lieu pres la riuere d'Oxus pour y dresser la tente & le logis du Roy, descouurit une source d'humeur grasse & huileuse, dont apres que lon eut espuisé la premiere, il en sourdit une autre claire, qui ne differoit de rien, ny en odeur, ny en goust & saueur, de l'huile naturelle, aiât le lustre & la grassesse si semblable, que lon n'y eust sceu trouuer ny cognoistre aucune difference: ce qui estoit de tât plus esmerueillable, qu'en toute celle cõtree il n'y auoit point d'oliuiers. Lon dit bien que l'eau mesme de la riuere d'Oxus est fort molle, de maniere qu'elle laisse le cuir gras de ceulx qui sy lauent ou sy baignent: toutefois on uoit bien par ce qu'Alexandre luy mesme en escrit à Antipater, qu'il en fut fort aise, mettant cela entre les plus grands signes q̄ les Dieux luy eussent enuoyez. Les deuins luy interpreterent ce presage, que c'estoit signe q̄ son uoiage luy seroit glorieux, mais penible & laborieux, à cause q̄ les Dieux, disoiēt ilz, ont donné l'huile aux humains pour un refreschissement en leurs traualx. Aussi encourut il en plusieurs griefz dangers,

C & fut blecé à bon esciant par plusieurs fois en combattât en ce uoiage. Mais la principale perte qu'il y feit de ses gēs uint de faulte de uiures & du mauuais air: mais luy s'esforceant de surmōter fortune par hardiesse, & sa puissance par uertu, n'estimoit rien imprenable à cueur uaillant & hardy, ny rien trop fort pour un courage ferme & asseuré. Auquel propos on recite, que comme il alla st mettre le siege deuant la roche de Sisimethres, qui sembloit du tout inaccessible, de maniere que les soudards en desesperoient, il demāda à Oxyarthes quel cueur auoit ce Sisimethres: Oxyarthes luy feit respōce que c'estoit le plus couard homme de tout le monde. Cela ua bien, dit adonc Alexandre: car la place est doncques prenable, sil est uray ce que tu dis, puis que celuy qui y cōmande n'a point de cueur: & de faict il la prit par la frayeur qu'il feit à Sisimethres: mais il en assiegea depuis encore une autre, aussi roide & aussi difficile à approcher que celle là, & y faisant aller les ieunes soudards Macedoniens à l'assault, en appella l'un qui se nommoit Alexandre comme luy, & luy dit: Il faut bien que tu te monstres aujourd'hui homme de bien, quād ce ne seroit que pour le nom que tu portes. Le ieune homme ny faillit pas, car il y combattit si hardiment qu'il y fut occis, de quoy Alexandre fut fort desplaissant. Vne autre fois cōme ses gens craignissent d'approcher la uille de Nyse, pour autant que le long d'icelle passe une riuere profonde, il se presenta sur la riue, & dit: ô lasche que ie suis, que n'ay-ie appris à nager? & uoulut trauerser la riuere à nage sur son escu: mais

E apres qu'il eut fait cesser le combat de l'assault, il uint deuers luy des ambassadeurs des uilles assiegees, pour luy requerir pardon, lesquelz furent bien esbahiz premierement de le uoir armé de toutes pieces, sans cerimonie à l'entour de sa personne: mais plus encore, quād luy estant apporté un quarreau, il commanda au plus uieil d'entre eulx, qui s'appelloit Acuphis, qu'il le prist pour se seoir. Acuphis s'esmerueillant de ceste grande courtoisie & humanité, luy demanda qu'elle chose il uouloit que eulx feissent pour desormais estre ses bons amis. Le ueux, luy respondit il, que ceulx au nom desquelz tu uiens en ambassade deuers

Alexandre le grand.

moy, t'elisent pour leur prince, & qu'ilz m'enuoient pour ostages, cent les plus
gens de bien qui soient entre eulx. Acuphis se prit à rire de ce commandement,
& luy repliqua, Voire mais, Sire, ie les regiray bien mieulx & plus facilement
en t'enuoyant les pires qu'en t'enuoyant les meilleurs. Il y auoit aussi un Roy
nommé Taxiles, qui tenoit un pais aux Indes de non moindre estendue à ce
que lon dit, que toute l'Egypte, gras en pasturages, & abôdant de tous fruiçts
autât qu'il y en ait point au monde, & si estoit homme sage, lequel apres auoir
salué Alexandre, luy dit: Qu'auons nous besoing de nous combattre & faire la
guerre l'un à l'autre, Alexandre, si tu ne uiens point pour nous oster l'eau ny le
demourant de ce qui est necessaire pour nostre nourriture: pour lesquelles cho-
ses seules, les hommes de bon sens doiuent entrer en combat: car quant aux au-
tres biçs & richesses si i'en ay plus que toy, ie suis tout prest & appareillé de t'en
departir des miens: & si i'en ay moins que toy, ie ne refuse pas de t'en remercier
si tu m'en ueux dônner des tiens. Alexâdre aiât pris plaisir à l'ouir ainsi sagement
parler, l'embrassa & luy dit: Cuides tu q̄ ceste entreueuë nostre se puisse desmel-
ler sans cōbattre, non obstant toutes ces bōnes paroles & cēs amiables caresses?
non, nō, tu ny as rien gaigné: car ie te ueux cōbattre & te cōbatray de courtoi-
sie & d'honesteté, à fin que tu ne me surmontes point en beneficence & bonté.
Ainsi receuant de luy plusieurs beaux presens, & luy en donnant encore d'auā-
tage, finablement à un soupper en beuuant à luy, il luy dit, Le boy à toy * mille
talents d'or monnoyé. Ce present fascha bien ses familiers: mais en recompen-
se il luy gaigna bien aussi les cueurs de plusieurs princes & seigneurs Barbares
du pais. Or y auoit il quelque nombre de gens de guerre Indiens les plus belli-
queux de tout le pais, qui uiuans de la soude ordinairement se mettoient au ser-
uice des bonnes uilles franches, & les defendoient uaillamment, faisans beau-
coup de maux & d'empeschement en plusieurs endroits à Alexandre, lequel
aiant fait appointment avec eulx dedans une uille, ou ilz s'estoient enfermez,
quand ilz en furent fortiz sur la fiance de l'appointment qu'ilz auoient fait, il
les rencontra par le chemin ainsi cōme ilz se retiroiēt, & les meit tous au fil de
l'espee. Il n'y a que ceste seule tache en tous ses haults faicçts d'armes qui ternis-
se un peu son honneur: car au demourant, il fest tousiours en tout & par tout
porté iustemēt & royalemēt en toutes ses guerres. Mais les philosophes & gēs
de sçauoir des Indiens ne luy donnoient pas moins d'affaire, pource qu'ilz al-
loient blasfât & tensant les princes & roys qui se rendoient à luy, & faisoient
prendre les armes aux citez franches à l'encontre de luy, à raison de quoy il en
fait pēdre plusieurs. Quât au Roy Porus, Alexâdre luy mesme en ces epistres
descriit au long ce qu'il fest contre luy: car comme la riuere de Hydaspes cou-
rust entre les deux armées, Porus tenoit tousiours ses elephans sur l'autre riuē en
bataille, les testes tournees deuers les ennemis pour les engarder de passer, &
luy faisoit tous les iours mener grād bruit, & faire grād tumulte en son camp,
à fin d'accoustumer les Barbares à ne s'en estonner point, & aiant choisy une
nuict fort obscure, que la lune ne luisoit point, il prit une partie de ses gens de
pied, & la meilleure de sa cheualerie, & s'en alla bien loing des ennemis passer
en une isle, qui n'estoit pas gueres grande, là ou passé qu'il fut, il se leua un ora-
ge impetueux de pluyes, uents, esclairs, & tonnerres, qui tumboient dedans son
camp, tellement qu'il ueit deuant ses yeux plusieurs de ses gens, qui furent ars &
bruslez par la foudre en ceste petite isle: mais pour cela il ne laissa pas de uouloir
comment que ce fust, gaigner l'autre riuē. Or la riuere estant enflée des gran-

* Six cents mil-
le ciscus.

A des pluyes qu'il auoit fait la nuit précédente, rompit une grãde ouuerture par ou bonne partie de l'eau s'escouloit : ainsi se trouua il quand il fut passé sur l'autre bord de la riuere entre deux eaux mal assuré, & n'ayant pas le pied ferme, pource que la terre y estant fort trempée, glissoit, & l'impetuosité de la riuere la minoit & rompoit d'un costé & d'autre. Ce fut là ou lon escrit qu'il dit : O Atheniens pourriez uous bien croire, combien de traux & de dangers i'endure, pour estre loué de uous ? toutefois c'est Onesicritus qui le met ainsi quant à ce poinct là : mais luy mesme escrit qu'ilz laisserent là les radeaux, sur lesquels ilz auoient passé le grand cours de la riuere, & qu'ilz trauerserent avec leurs armes sur leurs dos, le bras qui s'escouloit par la rupture, estãs dedãs l'eau, B iusques aux mamelles, & qu'ayant à la fin passé, il picqua avec sa cheualerie environ cinq quarts de lieuẽ deuant la bataille de ses gens de pied, faisant son cõpte que si les ennemis le uenoient chocquer avec leur gendarmerie, il se trouueroit de beaucoup le plus fort, & que s'ilz poulsioẽt en auant leurs gẽs de pied, les siens y pourroient bien arriuer assez à temps. L'un des deux aduint cõme il l'auoit imaginé : car mille cheuaux & soixante chariots armez des ennemis se ietterent deuant leur grosse troupe, qu'il desfeit & prit tous les chariots, & des hommes d'armes en demoura quatre cents de morts sur le champ. Parquoy Porus cognoissant à telles enseignes qu'Alexandre en personne estoit passé, luy marcha adonc à l'encõtre avec toute son armee en bataille, exceptee quelque C partie qu'il laissa derriere pour faire teste au reste des Macedoniens filz sefforceoient de passer la riuere. Alexandre donques craignant la multitude grande de ses ennemis, & la uiolence de leurs Elephans, ne donna pas de front dedans le milieu, ains estant en la poincte gauche de sa bataille, chargea sur un coing de celle des ennemis, aiant ordonné à ceulx qui estoient en la droite d'en faire autant de leur costé tout ensemble; ainsi furent les deux coings de l'armee des ennemis rompus & tournez en fuitte, mais ceulx qui y auoient esté forcez se retirerent uers leurs Elephans, & se rallierent à l'entour d'eulx. Par ce moien estant la bataille meslee, le combat y fut long, tellement qu'à peine furent les Barbares desconfits entierement à trois heures apres midy. Ainsi le décrit en D ses epistres, celuy mesme qui gagna la iournee. Au reste la plus part des historiens s'accorde à escrire, que Porus auoit quatre couldees & un palme de hault, & qu'estant monté dessus un Elephant, il ne s'en falloit rien qu'il ne respondist en haulteur, grandeur & grosseur, à la proportion de sa mõture, combien que ce fust un fort grand Elephant, lequel monstra en ce combat une merueilleuse prudence naturelle, & un grand soing de sauuer le Roy son maistre : car tant qu'il le sentit encore fort, il repoulsa tousiours courageusement, & reboutta ceulx qui luy couroient sus : mais quãd il apperceut, que pour les coups de traict & autres bleceures qu'il audit receues sur son corps, le cuer luy commenceoit à faillir : alors craignant qu'il ne tumbast en terre, il se baissa tout bellement à E genoux, & prenant doucement avec sa trombe les dards & traicts qu'il auoit dedans le corps, les luy tira tous l'un apres l'autre dehors. Estãt donques ce roy Porus pris, Alexandre luy demanda comment il le traitteroit. Porus luy respondit qu'il le traittast royalement. Alexandre luy redemãda s'il uouloit rien dire d'auantage, & il respondit derechef, que tout se comprenoit sous ce mot Royalement. Parquoy Alexandre ne luy laissa pas seulement les prouinces dõt il estoit Roy au parauant, pour de là en auant le tenir comme Satrape, en forme de gouuernement : mais aussi luy adiouta encore beaucoup de païs. Et aiant

Alexandre le grand.

aussi subiugué les peuples francs & libres, dont il y auoit iusques à quinze nations, cinq mille uilles assez bonnes, sans un nombre infiny de uillages, & encore trois fois autant d'autre país, il en establit gouuerneur & Sarrape un de ses familiers, qui s'appelloit Philippus. En ceste bataille mourut son bon cheual Bucephal, non sur le champ, mais depuis, ainsi cōme on le pensoit des bleceures qu'il y auoit receuës, ou cōme dit Onesicritus, de uieillesse pour auoir trop trauaillé ueu son aage, car il auoit trente ans quand il mourut: dont Alexandre eut aussi grand regret, comme s'il eust perdu quelque sien familier amy, en tesmoignage dequoy il feit bastir une grosse uille au lieu ou son corps fut enterré sur la riuere d'Hydaspes, qu'il appella de son nom Bucephalie. Lon dit aussi qu'ayant perdu un chien nōme Peritas, qu'il auoit nourry & qu'il aimoit, il feit semblablemēt bastir une uille qu'il appella de son nom. Sotion escrit qu'il l'auoit ainsi entēdu de Potamon le Lesbien. Ceste derniere bataille contre le roy Porus, feit reboucher les cueurs des Macedoniēs, & les degousta de passer outre à la conqueste du demourā des Indes: car considerant qu'ilz auoient eu tāt de peine à le rompre, encore qu'il n'eust que uingt mille hommes de pied, & deux mille cheuaulx, ilz desdirent fort & ferme Alexandre, quand il les cuida à toute force faire encore passer la riuere de Gangēs, entendans dire aux gens du país qu'elle auoit deux lieues de large, & cent brasses de profond, & que la riuere de dela estoit toute couuerte d'armes, de cheuaux & d'Elephans, pource que lon disoit que les Roys des Gangarides & des Præsiens l'attredoient avec quatre uingts mille combattans à cheual, & deux cēts mille à pied, huit mille chariots de guerre bien armez, & six mille Elephans aguerris. Si n'estoit point cela un compte faux, augmēté & enrichy à plaisir: car un Roy nommé Androcottus qui regna peu de temps apres, donna à Seleucus cinq cents Elephans pour un coup, & avec une armee de six cēts mille combattārs trauersa, cōquit & subiuga toutes les Indes. Alexandre dōques irrité & courroucé du refus de ses gēs, se teint quelques iours renfermé en sa tête couché par terre, disant, qu'il ne leur sçauoit gré aucun de tout ce qu'ilz auoient fait iusques à là, filz ne passoiēt encore la riuere de Gāges, & que le retourner en arriere n'estoit autre chose, que confesser auoir esté uaincu. Mais quand il ueit & considera qu'il y auoit grande apparence aux remonstrances que ses amis luy faisoient pour le reduire & reconforter, & que les soudars uenoient à sa porte crier & lamenter, en le suppliant de les remener, il en eut à la fin compassion, & se laissa conduire à uoloir retourner: toutefois auant que partir il imagina plusieurs faulses & uaines inuentions, pour augmenter & perpetuer la gloire de son nom en ces quartiers là: car il feit forger des armes plus grandes, des mangeoires pour les cheuaux plus haultes, & des mords de brides plus pesans q̄ l'ordinaire, & les feit semer & laisser ça & là. Il y feit aussi bastir de grāds autelz à l'hōneur des Dieux, que les Roys des Præses iusques auiourd'huuy, ont encore en ueneration grande, & trauersans la riuere y uient faire des sacrifices à la guise des Grecs. Androcottus estoit lors un ieune garson, qui ueit Alexandre, & depuis dit qu'il s'en fallut bien peu qu'il ne prist & gaignast tout le país, tāt le Roy qui regnoit pour lors, estoit mesprisē & haï de ses subiects pour sa meschanceté, & pour la bassesse du lieu dōt il estoit issu. Au partir de là, il uolut aller ueoir la grāde mer Oceane, & feit faire plusieurs batteaux à rames, & plusieurs radeaux, sur lesquelz il se deuailla tout à son aise par les riuieres: mais ceste nauigation ce pendant ne fut point oisifue ny sans guerre: car il descendoit souuent en terre, & alloit assail-

A lant les uilles, & conquerant tout par ou il passoit. Mais en assaillant la uille des Malliens, que lon dit estre les plus bellicueux hommes de tous les Indies, il sen fallut bié peu qu'il ne fust luy mesme mis en pieces: car aiant fait retirer à coups de trai& ceulx qui defendoient les murailles, il monta dessus le premier par une eschelle, laquelle rompit aussi tost qu'il fut monté: & adonc les Barbares se rallians ensemble tout contre la muraille, luy tirerent d'embas force coups, & luy aiant bien peu de ses gens autour de soy, se lancea, en se tenant serré, du hault à bas au beau milieu des ennemis, là ou de bonne aduenture, il se trouua, en tombant, sur ses pieds: & comme ses armes eussent sonné de la secousse, les Barbares effroyez, cuiderent ueoir une lumiere & un fantosme qui marchast deuant luy, de façon qu'ilz se prirent à fouir du commencement, & s'escarterent les uns ça, les autres là: mais depuis sestás un peu reuenus de l'effroy, quand ilz apperceurent qu'il n'y auoit que deux de ses escuyers seulement autour de luy, ilz recoururent tous contre luy, & le combattirent les uns de pres à coups d'espee ou de iaueline, dont ilz le blefferent à trauers son harnois: & un entre les autres soy tenant quelque peu plus arriere, luy tira un coup de fiesche si uiolét & si roidde, qu'il luy faulsa la cuirasse, & luy entra dedás les costes à l'endroit de la mamelle. Le coup fut si grád, que le corps sen laissant aller, ploya le genouil en terre: parquoy celuy q luy auoit tiré accourut uistemét avec son cymeterre tout nud en la main, mais Peucestas & Limneus se ietterét au deuant, qui tous deux furent blecez: tellement que Limneus en mourut sur la place, & Peucestas fait teste, tât qu'Alexandre luy mesme tua le Barbare de sa main, apres auoir receu plusieurs plaies & bleceures sur son corps. Finablement il luy fut delasché un coup de piló sur le col, duquel se trouuât essourdy, il s'appuya contre la muraille regardant les ennemis: mais à l'instant accoururent les Macedoniés de tous costez qui le prirent & l'emporterent dedans sa tente tout pasmé, & aiant desia perdu toute cognoissance, à l'occasion dequoy, il courut incontinent un bruit par tout le camp, qu'il estoit mort. Si y eut grande difficulté & beaucoup d'affaire à s'ier la fiesche, qui estoit de bois: ainsi luy estant sa cuirasse à toute peine ostee, il fallut encore tirer le fer de la fiesche, lequel estoit fiché dedans l'un des os, aiant quatre doigts de long & trois de large, à ce que lon dit: au moien dequoy en le luy arrachant, il luy prit tant d'esuanouissemens, qu'il approcha bien pres de rendre l'esprit, toutefois à la fin il se reuint & eschappa de ce danger: mais se sentát fort foible, il demoura long temps à tenir diette, & à se faire acheuer de penser, sans sortir du logis, iusques à ce qu'il entendit les Macedoniens, qui crioient & menoient un grand bruit deuant son logis, pour le desir qu'ilz auoient de le ueoir. Et adonc il prit une robbe longue, & sortit en public, puis apres auoir sacrifié aux Dieux pour le recourement de sa santé, il se remeit derechef en chemin, sur lequel il subiugua encore plusieurs grands païs, & prit beaucoup de bonnes uilles. Il prit aussi dix des sages du païs, qui uont tous nuds, & que lon appelle pour ceste cause Gymnosophistes, lesquelz auoient fait rebeller Sabbas contre luy, & auoient fait beaucoup de grands maux aux Macedoniens, & pource qu'on les tenoit pour les plus agus, plus subtilz & plus courts, en leurs responce, il leur proposa plusieurs questions, qui sembloient insolubles, leur commandant de les soudre, autrement qu'il feroit mourir celuy qui auroit le premier failly à bien respondre, & tous les autres apres, & uolunt que l'un qui estoit le plus uieil de tous, fust le iuge de leurs responce. La demande qu'il feit au premier fut, Lesquelz il estimoit estre en plus grád nombre, les morts ou les

Alexandre le grand.

uiuants. Il respondit, que c'estoient les uiuants: pource, dit il, que les morts ne
sont plus. Au second il demanda, laquelle nourrissoit de plus grandes bestes, la
terre ou la mer. Il respondit, la terre, pource que la mer n'est qu'une partie d'i-
celle. Au troisieme, lequel est le plus fin des animaux. Il respondit, celuy que
l'homme n'a point encore cogneu. Au quatrieme, pourquoy il auoit fait re-
beller Sabbas: a fin, dit il, qu'il uescust honorablement, ou qu'il mourust mal-
heureusement. Au quatrieme, lequel auoit esté le premier, le iour ou la nuit. Il
respōdit, le iour a precedé d'un iour. Et comme le Roy trouuaist ceste responce
estrangere, il y adiouxta, A demandes estranges, il est force que les responces soient
aussi estranges. Parquoy passant oultre, il demanda au sixieme, par quel moien
se pourroit l'homme plus faire aimer: En estant tresbon, & ne se faisant point
craindre. Au septieme il demanda, comment se pourroit un homme faire Dieu.
En faisant, respondit il, quelque chose impossible à l'homme. Au huitieme, la-
quelle estoit la plus forte, la uie ou la mort: il respondit, la uie, ueu qu'elle sup-
porte tant de choses. Et au dernier, Iusques à quel aage est il expedient que l'ho-
me uiue? Iusques à tant, dit il, qu'il n'estime point le mourir meilleur q̃ le uiure.
Ces responces ouyes, il se tourna deuers le iuge, luy cōmandant de pronōcer sa
sentence sur icelles. Le iuge dit, qu'ilz auoient tous respondu, l'un pis que l'autre.
Tu mourras donques toy mesme le premier, luy dit adonc Alexandre, aiant dō-
né une telle sentence. Non feray pas, repliqua il, Sire, si tu ne ueux estre mēteur,
attendu que tu as dit, que tu ferois mourir le premier, celuy qui auroit pīremēt
respondu. La fin fut, qu'il les laissa aller, en leur donnant encore des presens. Il
enuoya aussi Onesicritus deuers les autres sages Indiens qui estoient les plus
estimez, & reputez les plus gens de bien uiuans à part en repos, pour les prier de
uenir deuers luy. Cestuy Onesicritus auoit esté des disciples de Diogenes le Cy-
nique, auquel on dit que Calanus un de ces sages respondit fort arrogamment
& fierement, qu'il despouillast ses habillemens pour ouir ses paroles tout nud,
autremēt qu'il ne parleroit point à luy, non pas s'il uenoit de la part de Iupiter
mesme: mais Dandamis luy respondit plus gracieusement: & l'ayant ouy cōpter
quelz hommes auoient esté Socrates, Pythagoras, & Diogenes, il dit que ces
personnages là luy sembloient auoir esté bien nez & de bon entendemēt, mais
qu'ilz auoient trop reueré les loix en leur uie: toutefois les autres escriuent que
Dandamis ne dit autre chose, sinon qu'il demanda pour qu'elle cause Alexan-
dre auoit fait un si long chemin, que d'estre uenu iusques aux Indes. Quāt à Ca-
lanus, le Roy Taxiles feit tant enuers luy, qu'il luy persuada de s'en aller deuers
Alexandre. Il s'appelloit par son droit nom Sphines: mais pource qu'il saluoit
ceulx qu'il rencontroit en son langage Indien, disant Cale, qui estoit autant à
dire comme, Dieu uous gard, les Grecs le surnōmerent Calanus: & dit on qu'il
meit deuant les yeux d'Alexandre une figure & exemple de son empire: ce fut
qu'il ietta en terre deuant luy un cuyr tout sec & reraict de grande secheresse,
puis meit le pied sur un des bouts. Le cuyr baissé de ce costé là, se releua en tous
les autres, & tournoiāt tout à l'environ en marchāt tousiours sur les bords, luy
feit ueoir, que le cuyr pressé d'un costé se releuoit semblablement par tout ail-
leurs, iusques à ce qu'il uint à mettre le pied sur le milieu du cuyr: & lors le total
se teint également bas. Voulant donner à entendre par ceste similitude à Ale-
xandre, qu'il deuoit principalemēt, & le plus du temps resider au milieu de son
empire, & nō point s'en esloigner trop loing. Au reste le uoyage que feit Ale-
xandre par les riuieres, pour aller ueoir la grande mer Oceane, dura sept mois

A entiers: & y entrant sur des nauires, y nauiga iusques en une petite isle qu'il appella Scyllustin, mais les autres l'appellent Psitulcin, là ou il descendit, & y feit des sacrifices aux Dieux, & y considera la nature de la grande mer Oceane, & la qualité de toute celle coste de marine, autant cōme il y peut penetter. Puis aiāt fait prieres aux Dieux, que iamais cōquerant apres luy ne passast oultre les bornes de son uoyage, il sen retourna arriere de la marine: mais il uoulut q̄ ses uaisseaux, q̄ estoient en mer, feissent le circuit, en laissant le païs des Indes à la main droite, establisant pour capitaine de toute la flotte Nearchus, & pour principal pilotte Onesicritus. Et ce pendant luy mesme se meit en chemin par terre à trauers le païs des Orites, là ou il se trouua en extreme necessité de uiures, & y

B perdit beaucoup d'hōmes: tellemēt qu'il ne ramena pas des Indes la quatrieme partie des gēs de guerre qu'il y auoit menez, qui estoiet iusques au nōbre de six uingts mille cōbattans à pied, & bien quinze mille cheuaux: car les uns mouroiet de maladies aiguës: les autres pour auoir mangé de mauuaises choses: les autres pour les chaleurs & secheresses extremes: mais la plus part mouroit de malefaim, en trauerfant le païs nō cūltiue ne semé, de ces pauures gens qui uiuoient fort durement, n'aians pour tous moiēs qu'un peu de petites brebis, qu'ilz nourrissent de poissons de mer, dont leur chair est de mauuaise senteur. A la fin aiant trauerfē ce païs avec beaucoup de peine en l'espace de soixāte iournees, il entra en la Gedrosie, là ou il trouua abondance grande de tous uiures, dont luy

C feirēt prouisiō les Gouverneurs, Princes, & Roys, les plus uoifins de celle marche. Apres dōques auoir là un peu refreschy son armee, il se remeit en chemin à trauers la Carmanie, ou il fut l'espace de sept iours durāt à banqueter cōtinuellement, en passant tousiours païs, car il estoit dessus un eschaffault plus long que large, hault eleué, & trainné par huit cheuaux, en continuel festin, avec ses plus priuez amis, la nuit & le iour: apres lequel eschaffault suiuoient plusieurs chariots couverts, les uns de belles tapisseries & de riches draps de pourpre, les autres de belle ramee fresche que lon renouuelloit à chasque bout de champ, ou estoient ses autres amis & capitaines tous couronnez de chapeaux de fleurs, qui beuuoient & faisoient bonne chere ensemble. Lon ne uoioit ny

D armet, ny lance, picque ny rondelle en toute l'armee, ains par tout ce chemin les soudards avec flascons, couppes, tasses & gobelets d'or & d'argent puisoient leuin dedans de grandes pippes & tonneaux defoncez, dont ilz beuuoient les uns aux autres, aucuns en marchant par les champs & titant tousiours auant, autres assis à table: & n'oyoit on que flustes & haultsbois, aulbades, chansons, & danses de femmes qui balloient & follaistroient par tout ce chemin: car parmy ceste dissolue maniere de marcher par païs, & parmy toutes ces yurongneries estoit meslé un ieu, que chascun s'esfforceoit de contrefaire toutes les insolences des Bacchanales, cōme si le Dieu Bacchus y eust esté present en personne, & qu'il eust luy mesme guidé & conduit toute ceste mommerie. Quand il

E fut arriué au chasteau royal de la Gedrosie, il y seiourna encore quelques iours pour refreschir son armee, en festes, banquets & festins, là ou lon dit qu'un iour apres auoir bien beu, il alla ueoir le ieu de pris des danses, entre lesquelles, celle qu'auoit dresse & deffrayee Bagoas un ieune homme, dont Alexandre estoit amoureux, emporta la uictoire, & que ce Bagoas, tout ainsi uestu qu'il estoit des accoustremens du bal, passa à trauers le Theatre, & alla feoir tout ioignāt Alexandre, dequoy les Macedoniens furent si aises, qu'ilz se prirent à battre des mains & à mener un grand bruit de ioye, luy criant tout hault qu'il le bai-

Alexandre le grand.

fast, tant qu'à la fin il le prit entre ses bras, & le baïsa deuant tout le monde. Là
le reuint trouuer Nearchus, qui luy racompta tout ce qu'ilz auoient fait & ueu
en leur nauigation: de quoy il fut si aise, qu'il luy prit enuie de nauiger luy mes-
me, entrant par la bouche de l'Euphrates en l'Ocean avec une bonne & gros-
se flotte de uaisseaux, & s'en aller enuironner toutes les costes de l'Arabie & de
l'Afrique, pour puis apres s'entrer dedans la mer Mediterranee par le destroit
des Coulones de Hercules: à laquelle intention il feit bastir grand nombre de
uaisseaux en la uille de Thapsaque, & assembloit on desia matelots, pilotes &
mariniers de tous costez. Au demourant la difficulté du uoyage qu'il entreprit
pour la cōqueste des Indes, le danger ou il fut en cōbattant contre les Malliès,
avec le grād nombre que lon disoit qu'il auoit perdu de ces gēs en ceste expedi-
tion: toutes ces causes ensemble faisans croire qu'il n'en retourneroit iamais à
sauueté, dōnerēt la hardiesse aux peuples, qu'il auoit ia cōquis, de se soubleuer,
& à ses lieutenans & gouuerneurs de prouinces, occasion de commettre mille
meschâcerez, pilleries, & oppressions de peuples. Brief, cela meit tout son estat
en grand branle, & y causa de grandes nouuelletez, & tant que Olympias &
Cleopatra entrees en dissension à l'encontre d'Antipater, diuiserēt entre elles
deux son gouuernement, prenant Olympias pour soy le royaume d'Epire, &
Cleopatra celuy de Macedoine. Ce qu'entendant Alexandre, dit, que sa mere
auoit esté la mieux aduisee: pource que iamais les Macedoniens n'eussent en-
duré d'estre regis & gouuernez par une femme. A ceste cause il s'enuoya dere-
chef Nearchus uers la marine, delibérant d'emplire derechef d'armes & de
guerre toutes les costes & toutes les prouinces maritimes: Et luy mesme en per-
sonne uisitant les païs elloignez de la marine, alla punissant les capitaines &
gouuerneurs qui auoient mal uersé en leur charge, entre lesquelz il tua de sa
propre main avec un coup de picque, qui luy passa au trauers du corps, Oxyar-
tes, l'un des enfans d'Abulites. Et cōme Abulites luy mesme n'eust fait aucune
prouision de uiures pour son armee, ains luy eust préparé & amené* trois mille
talents seulement, il luy feit mettre l'argent deuant ses cheuaux, lesquelz n'en
gousterent aucunement: & lors il luy dit, Que me sert donques maintenant ta
prouision? & quand & quand le feit arrester prisonnier. Et en passant par le païs
de Perse premierement il renouella la coustume ancienne, qui estoit, Que tou-
tes & quantes fois que les Roys retournoient d'aucun loingtain uoïage, ilz dō-
noient à toutes les femmes un escu pour teste, de sorte que lon dit que pour ce-
ste cause aucuns de leurs Roys naturelz ne retournoient pas souuent au païs, &
que Ochus entre les autres ny fut iamais une seule fois, se bānissant ainsi uou-
luntairement de son païs, pour la chicheté & crainte de faire ceste despence. Et
puis y aiant trouué la sepulture de Cyrus descouuerte & fouillee, il feit mourir
celuy qui l'auoit fait, combien qu'il fust narif de Pella en Macedoine, homme
de qualité, nommé Polymachus, & en aiant leu l'inscriptiō qui estoit escripte
en lettres & paroles Persiennes: il uoulut qu'on l'escruiſt aussi en lettres Grec-
ques au dessoubz, & estoit la substance de l'inscription telle: O homme, qui que
tu sois, & de quelque part que tu uienes, car ie suis asseuré que tu uiedras: Ie suis
Cyrus, celuy qui cōquit l'Empire aux Perses: & te prie que tu ne me portes point
d'enuie de ce peu de terre qui couure mon pauvre corps. Ces paroles emeurent
grandement à compassion le cueur d'Alexandre, quād il considera l'incertitu-
de & l'instabilité des choses humaines. Et là mesme Calanus aiant esté un peu
de temps indisposé de flux de uentre, requit qu'on luy dressast un buscher tel
que

* Dix huit cents
mille escus.

Alexandre le grand.

490

A que lon fait pour brusler le corps d'un trespasé, là ou il alla à cheual, & apres auoir fait sa priere aux Dieux, espâdir sur soy mesme les effusiōs q̄ lon a accoustumé de respâdre aux funerailles des trespasés, & aiant couppé un touffeu de ses cheueux, auant que mōter dessus le buscher, il prit congé de tous les Macedoniens, qui estoient là presens, en leur touchant en la main, les priant de faire ce iour là bonne chere & banqueter avec le Roy, lequel il reuerroit bien tost apres dedans la uille de Babylone. Aiant dit ces paroles il se coucha de son lōg sur le buscher, & se couurant le uisage, ne se remua onques, quād le feu s'approcha & l'alla saisir, ains se maintenant tousiours en la mesme disposition qu'il s'estoit couché, sans remuer ne pied ne main, se sacrifia luy mesme, selon que le portoit la coustume des sages du païs. Autāt en feit, plusieurs annes depuis, un autre Indien, qui estoit à la suite de Cēsar en la uille d'Athenes, & y monstre lon encore iusques au iourd'uy, une sepulture que lon nomme communement, la supulture de l'Indien. Alexandre retourné de ueoir ce feu, conuia plusieurs de ses amis & de ses capitaines à soupper quand & luy, là ou il proposa une couronne en pris à celuy qui beuroit le mieulx. Celuy qui beut le plus fut un nommé Promachus, qui beut iusques à quatre brocs de uin, & gaigna la couronne, qui ualoit six cents escus, mais il ne uescut que trois iours apres : & des autres qui iouerent à ce ieu de boire à l'enuy, il en mourut quarante & un, comme Chares l'a escrit, pource qu'il suruint un fort grād froid sur leur yuressse & leur uin. Quand ilz furent en la uille de Suse, il y feit les nopces de ses plus familiers, & y espousa luy mesme Statira, l'une des filles de Darius, departāt semblablement les autres Dames Persienes, selon qu'elles estoient de plus grand sang & de plus haults lignage, aux plus grands de ses amis. Si feit un festin solennel des espousailles publiques des Macedoniens, de ceulx mesmes qui par auant auoier esté mariez, auquel festin, on escrit que y aiant neuf mille personnes assises à table, à chascune fut donnee une coupe d'or, pour espandre & offrir du uin à l'honneur des Dieux : & là, oultre les autres magnificences admirables qu'il feit, il acquitta toutes les debtes des Macedoniés, lesquelles mōterent à la somme de* dix mille talents, cent & trente moins. Mais cōme Antigē-

D nes le borgne se fust fait enroller à faulses enseignes entre les endebtez, aiant amené un qui affermoit luy auoir presté argent à la banque, il feit payer l'argent : mais depuis on auera contre luy qu'il n'en estoit rien, dont Alexandre fut si courroucé contre luy, qu'il l'en chassa de sa court, & le priua de son estat de capitaine, cōbien que ce fust un uaillant hōme à la guerre : car estant encore ieune, il eut un coup de traict dedans l'œil deuant la uille de Perinthe que Philippus tenoit assiegee, & luy uoulut on biē sur l'heure mesme oster le traict : mais luy ne se lascha onques pour ce coup, ny ne uoulut permettre qu'on luy arrachast le traict, qu'il n'eust premierement repoulsé & rembarré les ennemis, iusques au dedans de leurs murailles. Il prit adonc fort aigrement ceste ignominie, & l'eut si fort à cuer, qu'il estoit tout euident qu'il en mouroit de douleur & de regret : ce que Alexandre craignant, luy pardonna, & si uoulut encore qu'il rereint l'argent qui luy auoir esté baillé. Or les trente mille ieunes garçons qu'il auoit laissez soubz des maistres pour les diure, dresser & exerciter à tout ce qui appartient au mestier de la guerre, estans deuenus forts & puissans de corps, beaux de uisages, & merueilleusement dispos & addroits aux armes à les ueoir en leurs exercices, Alexandre en fut fort ioyeux quād il les ueit : mais cela descouragea grandement les Macedoniens, & les meit en grāde crainte, pour-

E

* Six millions d'or, moins soixante & dix huit mille escus.

Alexandre le grand.

ce qu'ilz estimerēt que de lors en auant le Roy feroit moins de compte d'eulx: F
& pourtant cōme il uoulust renuoyer es païs bas deuers la mer, les malades ou
impotens, & qui auoiēt perdu quelque membre à la guerre, ilz respondirēt que
cela estoit leur faire tort & iniure, d'esloigner ainsi de soy ces pauures gens là,
apres s'en estre seruy à tout ce qu'il auoit uoulu, & puis les reietter ainsi à leurs
païs, & à leurs parens, non en telle dispositiō qu'ilz estoient quād il les en auoit
tirez. A l'occasion dequoy, ilz disoient fil uouloit dōner congé aux uns qu'il le
dōnast donques à tous, & qu'il les reputast tous inutiles, mesmement puis qu'il
auoit autour de luy, ses beaux ieunes danseurs, disoient ilz, avec lesquelz il iroit
acheuer de conquerir toute la terre habitable. Alexandre fut fort indigné de
ces propos, tellement qu'il leur en dit à tous des iniures en cholere, & chassant G
ses gardes ordinaires, en prit d'autres Persiens, en faisant les uns gardes de son
corps, & ses satellites, les autres ses huissiers, heraults, & executeurs de ses man-
demens, desquelz les Macedoniens le uoians accompagné, & eulx mesprifez,
reculez & reiettez honteusemēt en arriere, rabbaisserent bien la hauteur de leur
courage, & apres auoir parlé ensemble cuiderent enrager de ialouzie & de des-
pit. Finablement la matiere consultee entre eulx, ilz s'en allerēt d'un commun
aduis sans armes tous nuds en chemises deuant sa tente se rendre à luy, cryans
& plorans, en le priāt qu'il feist d'eulx ce qu'il luy plairoit, comme de meschās
& ingrats qu'ilz estoient: mais luy, encore que son courroux s'amollist & s'ad- H
doulcist desia, ne les receut pas neantmoins pour ceste premiere fois, & eulx
aussy ne s'en allerent point, ains demourerent deux iours & deux nuits deuant
sa porte en tel estat se plaignans à luy, & l'appellās leur souuerain & leur Roy,
iusques à ce que au troisieme iour sortant hors de son logis, & les uoiant ainsi
affligez, esplorez, & piteux à ueoir, il s'en prit à plorer luy mesme bien longue-
ment: puis, apres les auoir un peu tencez, leur usa de gracieuses paroles, donnāt
congé de soy retirer à ceulx qui estoient deuenus inutiles pour la guerre, en leur
faisant de tresmagnifiques presens, & escriuāt à son lieutenant Antipater, qu'en
routes les assemblees de ieux & esbattemēs publiques, ilz fussent tousiours pre-
ferez & assis aux plus honorables lieux, couronnez de chapeaux de fleurs, &
uolul que les enfans orphelins de ceulx qui seroient decedez à son seruice re- I
ceussent la sode de leurs peres. Au reste, estant arriué en la cité d'Ecbatane au
royaume de la Medie apres y auoir despesché les plus pressifs affaires, il se re-
meit derechef à faire ieux, festes, & passetemps publiques, luy estans nouuelle-
ment uenus de la Grece, trois mille maistres & ouuriers de telz esbattemens.
Mais il aduint enuiron ce temps là que Hephæstion tūba malade d'une fiebure,
& comme ieune homme de guerre qu'il estoit, il ne se contregarda pas de la
bouche, comme il deuoit, ains aiant espié l'occasion que son medecin Glaucus
s'en estoit allé au Theatre pour ueoir les ieux, il se meit à disner, & mangea un
chapon rosty, & beut un grand plein pot de uin qu'il auoit fait refreschir, dōt
sa fiebure luy rengregea si fort, que peu apres il en mourut. Alexandre porta K
cest inconuenient impatiemment oultre toute mesure: car il commanda que
les crins des cheuaux & des mulets, en signifiante de dōeil, fussent tous coup-
pez sur l'heure, & que tous les creneaux des murailles des uilles en fussent sem-
blablement abbatuz, & feir pendre le pauure medecin, & defendit que lon ne
iouast de flustes ny d'autre instrumēt quelconque de musique dedans son cāp,
iusques à ce que lon luy apporta une oracle de Iupiter Ammon, par lequel il e-
stoit commandé de reuerer Hephæstion & luy sacrifier cōme à un Demidieu.

Alexandre le grand.

491

- A** A la fin, pour reconforter son doeil, & passer un peu son ennuy, il s'en alla à la guerre, comme à la chasse d'hommes, là ou il subiugua la nation des Cossiens qu'il extermina toute, y tuant iusques aux petits enfans : ce qui fut appelé le sacrifice des funeraillles de Hephæstion. Et aiant uoulunté de despendre en sa sepulture & en l'appareil de ses obseques * dix mille talents, & de surmonter encore la despence par la singularité de l'inuention & excellence de l'artifice, il desira fort entre les autres maistres ingenieurs un Stasirates, pource qu'en ses inuentions il y auoit tousiours quelque chose de grand, de hardy, & de magnifique: car un iour en deuisant avec luy, il luy dit, que de toutes les montagnes qu'il cognoissoit au monde, il n'y en auoit point qui fust plus propre à former
- B** en figure de l'hôme qu'estoit le mont d'Atho en la Thrace, & que s'il uouloit il luy en feroit la plus noble & la plus durable statue qui onques eust esté au monde, laquelle en sa main gauche tiendrait une uille habitable de dix mille personnes, & de la droite uerseroit une grosse riuere en la mer: toutefois Alexandre n'y uoulut point entédre, mais lors il estoit apres à diuiser & imaginer avec les maistres ingenieurs des inuentions bien plus estranges & de plus excessiue despence. Et comme il prenoit son chemin pour s'en aller en Babylone, Nearchus estant derechef retourné de la grande mer Oceane par la riuere d'Euphrates, luy dit, qu'il l'estoit adressé à luy quelques deuins Chaldeiens qui luy conseilloyent & l'admonestoient qu'il n'entraist point dedans Babylone, de-
- C** quoy Alexandre ne feit point autrement de compte, & tira oultre: mais quand il fut tout ioignant les murailles, il apperceut un grand nombre de corbeaux qui crailloient & s'entrebarroient les uns les autres, dont les uns tumberent en terre tout auprès de luy: & luy aiant esté rapporté que le capitaine de Babylone Apollodorus auoit sacrifié aux Dieux pour sçauoir qu'il aduiendroit de luy, il enuoya querir le deuin Pythagoras pour sçauoir de luy, si estoit uray. Le deuin ne renia point le fait, & Alexandre luy demanda quelz auoient esté les signes du sacrifice: il respondit, qu'ilz n'auoient point trouué de reste au foye. O Dieux, dit adonc Alexandre, uoila un uehement presage! toutefois il ne feit point de desplaisir pour cela à Pythagoras: mais bien se repentit il qu'il n'auoit adiouxté foy aux paroles de Nearchus. A l'occasiõ de quoy il se logeoit souuēt en cãpaigne hors de Babylone, & s'en alloit esbattât sur la riuere d'Euphrates: car il aduint plusieurs autres signes & presages les uns sur les autres, qui le fâcherent. Entre les autres, il y eut un asne priué qui alla assaillir le plus beau & le plus grand des lions, que lon nourrissoit en Babylone, & le tua d'un coup de pied. Et un iour cõme il se fust despouillé tout nud pour se faire frotter & huiler, & iouer à la paulme, quãd il uoulut apres reprẽdre ses uestemens, les ieunes gentils hommes qui iouoient avec luy, trouuerent un homme assis dedans sa chaire, qui ne disoit mot, ains auoit mis le bandeau royal à l'enõtour de sa teste, & la robbe du Roy sur son dos: on luy demanda qui il estoit, & il fut longuement sans respondre, iusques à ce que s'estant à la fin reuenu, il dit, qu'il se nommoit Dionysius, qu'il estoit natif de Messine, & que pour aucunes charges que lon luy auoit mis sus, il auoit esté enuoyé de la mer iusques là, ou lon l'auoit longuement detenu prisonnier: mais que nagueres le Dieu Serapis s'estoit apparu à luy, luy auoit destaché ses fers, & commandé qu'il prist la robbe & le Diademe du Roy, & qu'il fassist en son siege sans dire mot. Cela ouy, Alexandre feit mourir l'homme, suyuant ce que les deuins luy en conseillerent: mais il en entra en une grãde tristesse, & grande apprehension d'estre destitué de l'aide

* Six millions d'or.

Alexandre le grand.

des Dieux, & quand & quand aussi en grande desfiance de ses amis, entre les-
quelz il redoubtoit plus Antipater & ses enfans, que nulz autres: car l'un nom-
mé Iolas, estoit son premier eschanfon, & l'autre Cassander, estant nouuelle-
ment arriué du pais, la premiere fois qu'il ueit quelques Barbares, faisans la re-
uerence à Alexandre, cōme celuy qui auoit esté nourry à la Greque, & qui n'a-
uoit iamais ueu telle chose, il s'en prit à rire un peu trop licécieusement à pleine
gorge, dont Alexandre fut si despit; qu'il le prit par les cheueux à deux mains,
& battit les murailles de sa teste. Vne autre fois comme Cassander s'ingeraist de
uouloir respondre à quelques uns, qui accusoient Antipater son pere, Alexan-
dre le rabroua fort asprement, en luy disant, Que ueux tu alleguer? penses tu que
ces gens icy eussent entrepris un si long uoiage, pour calumnier à tort & faul-
sement ton pere, s'il ne leur eust point faict d'iniustice? Cassander au contraire
luy repliqua, que cela mesme qu'il disoit estoit indice euident & presumption
grande de calumnie, qu'ilz estoient uenus ainsi loing, à fin que lon ne peust
promptement aduerer & conuaincre leur faulse accusation: dequoy Alexandre
se prit à rire tout hault, & dit, Voyla des arguces & subtilitez d'Aristote, pour
prouuer le pour & le contre: mais cela ne uous guarentira pas, que ie ne uous
chastie bien, si ie treuve que uous aiez fait tort à ses gens icy. Brief lon dit que
des lors, il fir prima si fort au cueur de Cassander une frayeur, & y penetra si
auant, que long temps depuis comme il estoit desia Roy des Macedoniens, &
tenoit toute la Grece en sa main, en se promenant par la uille de Delphes, & re-
gardant les images qui y sont, il en apperceut une d'Alexandre, dont il fut sou-
dainement si effroyé, que les cheueux luy en dresserent en la teste, & en trembla
de telle sorte, qu'à peine se peut il de long temps apres r'asseoir ny rassurer. Ale-
xandre donques depuis qu'une fois il se fut laissé aller à ceste desfiance de l'aide
des Dieux, en deuint si troublé de sens, & si espouuenté en son entendement,
qu'il ne luy aduenoit plus chose extraordinaire, pour petite qu'elle fust, qu'il
n'en feist cas comme d'un signe & presage celeste, de maniere que son logise-
stait tousiours plein de presbtres & de deuins, qui sacrifioient, ou qui le puri-
fioient, & qui uacquoient aux diuinations: tant a de pouuoir & d'efficace d'un
costé la mescreance & l'impieté de contemner les Dieux, quand elle se met es
cueurs des hommes, & de l'autre costé aussi la superstition, coulant tousiours,
ne plus ne moins que l'eau contre bas es ames abbaissées & rauallées par crain-
te, comme elle remplit alors Alexandre de folie, depuis qu'une fois la frayeur
l'eut faisy. Toutefois luy aians esté apportées quelques responces, touchât He-
phæstio de l'oracle de Iupiter Ammon, il laissa son dœil, & se remeit derechef à
faire banquets & sacrifices: car il festoya magnifiquement Nearchus, & festât
un iour estuüé, comme de coustume, ainsi qu'il se uouloit endormir, l'un de ses
capitaines Medius, le uint prier de se trouuer à un banquet, qu'il faisoit en son
logis: il y alla, & y beut tout ce seoir & tout le lendemain, tellement qu'il en
prit la fiebure, non pour auoir beu la couppe toute entiere de Hercules, comme
quelques uns escriuent, ne pour auoir tout soudainement senty une griesue dou-
leur entre deux espaulles, ne plus ne moins que qui luy eust donné un coup de
lance: car ce sont toutes choses controuuées à plaisir, & faulsement escrites par
aucuns qui ont voulu rendre l'issue de ceste grande Tragœdie, par maniere de
dire, plus lamentable & plus pitoyable. Mais Aristobulus met, que aiant une
fiebure uiolente & une alteration extreme, il beut du uin, dont il commença à
entrer en resuerie, & à la fin en mourut le trentieme iour du mois de Iuin: & au

Alexandre le grand.

492

- A** papier iournal de sa maison , ou est descrit par le menu , tout ce qu'il faisoit à chasque iour , il y a que le dixhuietieme de Iuin, il dormir dedans l'estuue, pource qu'il eut la fiebure. Le lendemain apres s'estre lauë & estuüé, il s'en alla en sa chambre, & passa tout ce iour chez Medius à iouer aux dez, puis le soir bien tard, apres s'estre bagné, & auoir sacrifié aux Dieux, il mägea & eut la fiebure la nuict: le uingt ieme s'estant derechef bagné, & aiant fait son sacrifice ordinaire aux Dieux, il se meit à table dedans l'estuue mesme, escourant ce pendant Nearchus qui luy comptoit de sa nauigation, & des choses qu'il auoit ueuës en la grandemer Oceane: le uingt & uniesme iour aiant fait de mesme, il se trouua encore plus enflâmé que iamais, & se sentit fort mal la nuict d'une grosse fiebure, & tout le iour ensuyuant, auquel il se feit remuer & porter son liët au long du grand uiuier, là ou il deuisa avec ses capitaines, touchant quelques places uaquantes en son armee, leur commandant de n'y mettre point d'hommes qui ne fussent bien esprouez. Le uingt & troisieme aiant la fiebure fort grosse, il se feit porter aux sacrifices, & ordonna que ses principaux capitaines demourassent dedans son logis seuls, & que les autres moindres, comme centeniers & chefs de bandes, ueillassent & feissent le guet au dehors. Le uingt & quatrieme il se feit porter en l'autre palais royal, qui est dela le lac, ou il dormit un petit, mais la fiebure ne le lascha onques, & quand ses capitaines uindrent pour luy faire la reuerence & le saluer, il ne parloit plus: autant en feit il le uingt &
- C** cinquieme, de sorte que les Macedoniens penserent qu'il fust mort, à raison dequoy, ilz uindrent battre aux portes du palais, & crier en menassant ses plus priuez amis, de façon qu'ilz les forcerët de leur ouurir: si leur furët les portes ouuertes, & passerent un à un en saye au long de son liët. Ce iour là Python & Seleucus par ordonnance des principaux familiers du Roy, furët enuoyez au temple du Dieu Serapis, pour enquerir de luy filz porteroient là Alexadre. Le Dieu leur respondit, qu'ilz le laissassent là: ou il mourut le uingt & huitieme sur le soir. Il est ainsi escript, presque de mot à mot, en ces mesmes termes, dedans le papier iournal de sa maison. Si n'y eut sur l'heure suspicion aucune qu'il eust esté empoisonné: mais on dit que six ans apres, il s'en descouurit quelque indice, à raison dequoy, sa mere Olympias feit mourir beaucoup de gens, & ietta auuent les cendres d'Iolas, au parauant decédé, pource que lon disoit que c'estoit luy qui luy auoit baillé à boire le poison. Ceulx qui tiennent que ce fut Aristote, qui conseilla à Antipater de ce faire, par le moien duquel fut porté le poison, disent qu'un Agnothemis le racompta apres l'auoir ainsi ouy dire au Roy Antigonus, & fut le poison, à ce qu'ilz disent, une caue froide comme glas qui distille d'une roche estant au territoire de la uille de Nonacris, & la recueille lon ne plus ne moins qu'une rosee dedans la corne du pied d'un asne, pource qu'il n'y a autre sorte de uaisseau qui la puisse contenir, tant elle est extrememēt froide & perceante. Les autres maintienēt que tout ce que lon compte de cest empoisonnement est faulx, & alleguent pour le prouuer un argument qui n'est pas petit, c'est que les principaux capitaines, incontinent qu'il eut rédu l'esprit entrerët en grāde dissensiō, à raison de laquelle le corps demoura par plusieurs iours tout nud sans estre ensepuely en pais chauld & estouffé, & neantmoins iamais n'apparut signe aucun sur le corps, qui donnast suspicion ny coniecture de poison, ains se mainteint tousiours net & frais & entier. Il laissa Roxane enceinte, laquelle pour ceste occasion estoit honoree & reuerree des Macedoniens: mais elle haïssoit extremement Statira, pour une ialouzie qu'elle auoit

conceuë à l'encontre d'elle, & la trompa moienant une lettre cōtrefaite qu'elle F
luy enuoya, cōme si Alexandre luy eust mandé qu'elle uint deuers luy: mais si
tost qu'elle fut arriuee, Roxane la tua elle & sa sœur, puis en ietta les corps de-
dans un puis, qu'elle feit apres combler du sceu & avec l'aide de Perdiccas, qui
eut incontinent apres le decès d'Alexandre l'autorité & puissance principale,
à cause d'Aridæus, lequel il trainnoit tousiours quand & luy, comme sauuegar-
de de son autorité royale. Cest Aridæus estoit né d'une femme de basse con-
dition & publique nommee Philinna, & si n'auoit pas au demourant le sens bō
pour une indisposition de sa personne, laquelle ne procedoit point de nature
ny d'aucun accident fortuit: car au cōtraire lon dit qu'en sa premiere enfance,
il apparoiſſoit en luy ne ſçay quoy de bonne & gentille nature: mais que le G
corps aiant esté gasté par quelques breuuages que Olympias luy bailla, l'en-
tendement s'en sentit aussi & s'en déuoya.

Iulius Cæsar.



SYLLA se trouuant au dessus de ses affaires, uoulut que
Cæsar repudiaſt sa femme Cornelia fille de Cinna, qui
auoit pour un tēps eu ſouueraine puissance à Rome: H
mais ne l'ayant peu ny par promesses, ny par menasses
induire à ce faire, il luy confisqua son douaire: & la
cause pourquoy Cæsar uouloit mal à Sylla, estoit la
parété qu'il auoit avec Marius, lequel auoit eu à fem-
me Iulia propre sœur du pere de Cæsar, de laquelle il
auoit eu le ieune Marius, qui par ce moien uenoit à e-
ſtre couſin germain de Cæsar. Mais Sylla au commencement de ses uictories
estant empesché à de plus grandes choses, & à faire mourir tant d'autres de ses
aduerſaires, ne teint pas compte de le faire chercher: & luy ne se contenta pas
d'estre en ſeureté caché, ains se presenta de luy meſme au peuple, deman-
dant une place uacante de preſbtriſe, étant à peine entré en son adolescence, I
dōt il fut debouté, par le moien de ce que Sylla ſoubs main luy fut aduerſaire:
& comme il fuſt entredeux de le faire d'auantage tuer, quelques uns de ses fa-
miliers luy dirent qu'il n'y auoit point de propos de faire mourir un ſi ieune
garſon: mais il leur repliqua, qu'ilz n'eſtoient pas bien ſages, ſilz n'apperce-
uoient, qu'en ce ieune garſon y auoit pluſieurs telz que Marius. Ceste parole
aiant esté rapportée à Cæsar, il ſoſta de Rome, & demoura long temps caché
entre les Sabins, allāt tousiours d'un lieu à autre: mais un iour, comme il ſe fai-
ſoit transporter d'une maiſon en une autre, à cause qu'il eſtoit malade, il tumba
entre les mains des ſatellites de Sylla, qui alloient recherchant ces lieux là, &
prenant au corps ceulx qu'ilz y trouuoient cachez: toutefois il corrompit le ca- K
pitaine, qui auoit nom Cornelius, moienant * deux talents qu'il luy donna: &
estant ainſi eſchappé, descendit uers la coſte de la mer ou il ſ'embarqua, & ſe
retira en la Bithynie deuers le roy Nicomedes, là ou aiant esté un peu de temps
il remonta derechef ſur mer, & fut pris par des courſaires aupres de l'isle de
Pharmacuse: car ces eſcumeurs là tenoient deſia toute la marine, avec groſſes
flottes de nauires, & nombre infiny de uaiſſeaux. Ces courſaires de prime face
luy demanderent * uingt talēts pour ſa rençon, dont il ſe mocqua d'eulx, com-
me

* Douze cents
eſcus.

* Douze mille
eſcus.

A me ne sachans pas quel personnage ilz auoient pris, & de luy mesme leur en promet * cinquante, puis enuoya ses gens l'un deça, l'autre dela, au recouurement des deniers, tellement qu'il demoura seul entre ces larrons Ciliciens, qui sont les plus grands meurtriers & les plus sanguinaires hommes du monde, avec un de ses amis, & deux esclaves seulement: & neantmoins il en faisoit si peu de compte, que quand il auoit enuie de dormir, il leur enuoyoit commander qu'ilz se teussent. Si fut trente huit iours entiers avec eulx, non comme prisonnier gardé, ains plus tost comme prince suiuy & accompagné d'eulx, ne plus ne moins, que si c'eussent esté ses satellites. Durât lequel temps il se iouoit & esbattoit aux exercices de la personne avec eulx naïfvement en toute assurance, & quelque fois escriuoit des uers, ou composoit des harengues, puis les appelloit pour les luy ouir reciter, & si d'adventure ilz ne monstroient y prendre goust & en faire estime, il les appelloit tout deuât eulx ignorans & barbares, & en riant les menassoit souuent qu'il les feroit pendre: dont eulx estoient bien aises, à cause qu'ilz prenoient le tout en ieu, pensans que ceste siene franchise de parler ainsi librement à eulx, ne procedoit que d'une simplicité de jeunesse naïfue: mais quand sa rençon fut uenue de la uille de Milet, & que l'ayant payee, il fut remis en sa liberté, il arma soudainement quelques uaisseaux dedans le port de Milet pour aller apres ces larrons, lesquels il trouua encore à l'ancre en la mesme isle: si en prit la plus grande partie, & pilla leur bien, mais

C quant aux personnes, il les mena en la uille de Pergamum, là ou il les meit en prison, pendant qu'il alla parler à celuy qui pour lors auoit le gouuernemēt de l'Asie, qui estoit un nommé Iunius, comme à luy appartenāt de faire la iustice de ces malfaitteurs, attendu qu'il estoit Preteur de l'Asie: mais ce Preteur aiant belle enuie de mettre la main sur leur argent, à cause qu'il y en auoit bōne somme, respondit qu'il aduiferoit tout à loisir au faiēt de ces prisonniers: parquoy Cæsar le laissant là, s'en retourna à Pergamū, là ou il feit publiquement pendre & mettre en croix tous ces larrons, comme il leur auoit souuentefois predict & promis en l'isle, là ou il sembloit qu'il ne se feist que iouer. Depuis, comme la puissance de Sylla commenceast à se passer, ses amis luy manderent qu'il s'en

D retournaſt. à la maison: parquoy il s'en alla premierement à Rhodes, pour y estudier quelque temps soubz Apollonius filz de Molon, que Ciceron mesme oyoit, car c'estoit un honeste homme, & un grād maistre de rhetorique & d'eloquence. Lon dit que Cæsar estoit fort heureusement né pour bien parler & plaider deuāt un peuple, & qu'oultre l'aptitude naturelle qu'il y auoit, il sy estoit encore fort diligemment exercitē, de maniere, que sans nulle doubte il auoit le secōd lieu des bien disans de son temps, & en quitta le premier pour entendre à se faire plus tost le premier en armes, & en puissance & autorité, n'estant pas arriué iusques à tel degré de la perfection de bien dire, que sa nature l'eust peu conduire, pour auoir plus tost uoulu uacquer aux guerres & au manement d'affaires, qui en fin de compte le rendirent seigneur de l'Empire Romain. A l'occasion de quoy au liure qu'il composa depuis à l'encontre de celuy que Ciceron auoit escript à la louange de Caton, il prie les lecteurs que lon ne face pas comparaison du stile d'un homme de guerre à l'eloquence d'un excellent orateur, qui y auoit employé la plus part de sa uie. Retourné qu'il fut à Rome, il appella en iustice Dolabella, le chargeant d'auoir mal & uiolentement uersé au gouuernemēt de sa prouince, & y eut plusieurs uilles Grecques qui luy enuoyerent leur tesmoignage: toutefois Dolabella en fut absous, & Cæsar

Iulius Cæsar.

uoulant rendre la pareille aux Grecs de la bonne affection qu'ilz auoient mō-
stree enuers luy au faiēt de ceste accusatiō, prit en main la cause pour eulx, quād
ilz accuserent de concussion Publius Antonius, deuant Marcus Lucullus Præ-
teur de la Macedoine, là ou il le poursuiuit si uiuement, qu'Antonius fut con-
traint d'appeller deuant les Tribuns du peuple à Rome, alleguant, pour dōner
couleur à son appel, qu'il ne pouuoit auoir sa raison en plaidant dedans la Gre-
ce contre les Grecs. Si fut incontinent Cæsar à Rome en la grace de beaucoup
de gens, par le moien de son eloquence, à cause qu'il defendoit leur cause en iu-
gemēt, & singulieremēt aimé & bienueoulu de la commune, pour une gracieu-
se façon qu'il auoit de saluer, caresser, & arraisonner priueement & familiere-
ment tout le monde, estant en cela plus soigneusement courtois que son aage
ne portoit, & si y auoit encore quelque faueur pour la bonne table & maison
plantureuse qu'il tenoit ordinaiemēt, & pour la magnificence de la despence
qu'il faisoit en tout le reste de sō uiure, laquelle petit à petit le poulsait en auāt,
& luy dōnoit credit enuers le peuple. Et ses enuieux cuidās que ceste faueur luy
deust faillir aussi tost, comme il ne pourroit plus fournir à la despence, ne tein-
drent compte de la rabbatre du commencement, & la laisserēt peu à peu croi-
stre & uenir en uigueur: mais à la fin l'ayant laissé deuenir grande & mal aisee à
renuerser, combien qu'elle tendist manifestement à remuer & changer un iour
tout l'estat de la chose publique, ilz apperceurent trop tard, qu'il n'y a si petit
commencement en chose quelconque, que la continuation & perseuerance ne
rende bien tost grād & fort, quād pour le mespriser on n'y met point d'empê-
chement. Le premier donques qui semble auoir eu desfiance & crainte de sa fa-
çon de proceder en l'entremise des affaires de la chose publique, ne plus ne
moins, que le sage pilote qui redoubte une bonace riante en haulte mer, & qui
cogneut la ruzee malice qu'il cachoit soubs le mâteau de celle priuaulté, cour-
toisie & gayeté qu'il monstroït au dehors, fut Ciceron. Mais quand ie cōsīde-
re, ce disoit il, ceste perruque si bien peignée, & si curieusement accoustree, &
que ie luy uoy gratter sa teste du bout d'un doigt seulemēt, il m'est aduis au cō-
traire, qu'un tel homme ne pourroit iamais auoir mis en sa teste une si malheur-
reuse entreprise, que de uouloir ruiner la chose publique Romaine. Toutefois
cela fut long temps depuis. Au reste, la premiere demonstration que luy feit le
peuple de la bienueuillance qu'il luy portoit, fut, quand il demanda un estat de
Tribun, c'est à dire, de capitaine de mille hommes de pied, à l'encōtre de Caius
Pompius, & qu'il l'emporta, & fut esleu deuant luy. La seconde & plus euidēte
que la premiere, fut, quād la femme de Marius, Iulia, qui estoit sa tante, mourut:
car il feit sur la place, cōme son nepueu, une harengue funebre à sa louange, &
au conuoy de ses obseques eut bien la hardiesse de mettre en euidence des ima-
ges de Marius, qui fut la premiere fois qu'elles furēt ueuēs depuis la uictoire de
Sylla, à cause que Marius & tous ses consors & adherents, auoient esté iugez &
declarez ennemis de la chose publique. Car cōme quelques uns murmuraissent
& criaissent pour ce faiēt contre luy, le peuple bruyant à l'encontre, avec grāds
battemens de mains, monstra qu'il en estoit bien aise, & qu'il luy sçauoit bon
gré de ce qu'il ramenoit des enfers, par maniere de dire, les hōneurs de Marius
en la uille de Rome, apres un si long temps que lon les auoit tenus ensepuelis.
Or estoit ce bien la coustume de toute ancieneté, que les Romains faisoïēt des
harengues funebres à la louange des femmes aagees, quand elles uenoïēt à de-
ceder, mais non pas des ieunes: & Cæsar fut le premier qui l'oua ainsi publique-
ment

A ment sa femme decedee, ce qui luy adiouxta encore quelque bienueuillance, & feir que la cōmune par une cōpassion l'en aima encore d'auantage, cōme hōme debonaire & de nature cordiale. Apres les obseques de sa femme il s'en alla Questeur, c'est à dire, Tresorier soubz le Preteur Tubero, lequel il honora tousiours depuis, en sorte, que quād il fut luy mesme fait Preteur, il feir elire son filz Questeur: puis au retour de ceste charge, il espousa sa troisieme femme Pōpeia, aiāt de sa premiere Cornelia, une fille qui depuis fut mariee à Pompeius le grād. Mais en faisant ceste despence extreme qu'il faisoit, pour laquelle il sembloit à quelques uns, qu'il acheptoit une fumee de faueur populaire, courte & de peu de duree trop cherement, là au ou contraire il acheptoit les plus grandes choses qui soient en ce monde à bien petit pris. On dit que deuant qu'il eust aucun office de la chose publique, il se trouua endebté de la somme, de * treize cēts talents. Et pource qu'ayant esté cōmis à la charge de faire reparer & entretenir le paué du grand chemin qui s'appelle la uoye d'Appius, il y despendit beaucoup du sien: & que d'autre part à son aduenemēt à l'office de Ædile; il dōna au peuple l'esbattemēt de uoir combattre trois cēts & uingt couples de gladiateurs, c'est à dire, escrimeurs à oultrāce, & qu'e toute autre sumptuosité de faire iouer ieux, & donner festins publiques, il abyσμα, par maniere de dire, la magnificēce de tous ceulx qui s'estoient efforcez d'en faire au parāuant, il rendit le peuple tellement affectionné enuers luy, qu'il alloit imaginant de nouueaux estats, nouueaux honeurs, & nouuelles charges pour le recompenser. Or y auoit il dedans Rome deux ligues & partialitez, l'une de Sylla, qui estoit forte & puissante, & celle de Marius, qui n'osoit pas alors leuer la teste, tant elle estoit dissipee, mise au bas & raualee: mais Cēsar la uoulant remettre sus, au temps mesmement que les festes, esbattemens, & ieux publiques de son Ædilité, estoient en leur plus grande uogue, il feir secrettement faire des images de Marius, & des uictoires qui portoient des trophées, lesquelles images il alla une nuit poser & dresser dans le Capitoile. Le lendemain au matin quād on y ueid reluire ces ouurages dorez, & singulierement biē faits & bien labourez, tesmoignās par les inscriptions que c'estoient les uictoires que Marius auoit gaignees sur les Cimbres, chascun s'esmerueilla grandement de la hardiesse de celuy qui les auoit ozé mettre là, car on sçauoit assez qui c'estoit: & en estant incontinent le bruit espandu par toute la uille, chascun y accourut pour les ueoir. Si y en eut aucuns qui crierent à l'encontre de Cēsar, que c'estoit une tyrannie qu'il se bastissoit en resuscitant, par maniere de parler, des honneurs, qui auoient esté ensepeliz & enfouiz dedans la terre par edicts & ordonnances publiques, & que cela n'estoit qu'une espreuue & un essay pour sonder la uolūtē du peuple qu'il auoit appastē par la magnificence de ses esbats publiques, à fin de sentir fil estoit assez appriuoisé, & fil endureroit bien que lon iouast à telz ieux, & que lō remuast de telles nouuelletez. Au contraire, ceulx de la part de Marius s'asseurans les uns les autres, se declarerent en bien grand nombre, faisans retētir tout le mont du Capitoile à force de crier & de battre des mains, en maniere que les larmes en uindrēt aux yeux de plusieurs, de grande ioye qu'ilz eurent, quād ilz ueirent les images de Marius, & en fut Cēsar haultemēt louē & estimē par eulx eomme personnage plus digne que nul autre de la parentē de Marius: & estant le Senat assemble la dessus, Catulus Luctatius l'homme de la plus grande auctorité qui fust pour lors dedans Rome, se leua, & parla fort asprement contre Cēsar, ou il dit une parole, qui depuis a bien esté notee, Que Cēsar n'alloit plus

*Sept cents
quatre uingt
mille escus.

Julius Cæsar.

par mines secretes, ains par ouuerte batterie, attétant de ruiner la chose publique, toutefois Cæsar à l'heure luy respondit si bien, que le Senat s'en contenta, dont ceulx qui l'auoient en estime, se leuerent en esperance encore d'auantage, & l'admonesterent qu'il prist hardiment cuer de ne ceder à personne, & que de la uolunté du peuple mesme, il surmonteroit tous les autres, & seroit le premier homme de la uille. Sur ces entrefaites alla de uie à trespas le souuerain Pontife Metellus, pour la prelatüre duquel deux les plus notables personages de la uille, & qui auoient plus d'authorité au Senat, Isauricus & Catulus, entre-
rent en briguel'un contre l'autre, & neantmoins Cæsar ne leur ceda point, ains se presenta au peuple, la demandant aussi bien comme eulx, & estant la brigue des uns & des autres egale, Catulus d'autant qu'il estoit homme de plus
grande dignité, craignant d'auantage l'incertitude de l'issue de l'election, en-
uoya deuers Cæsar, luy faire presenter soubz main grosse somme de deniers, s'il se uouloit deporter de sa poursuite: mais il luy feit responce qu'il en emprunteroit encore plus grosse somme pour debattre ceste brigue à l'encontre de luy. Quand le iour de l'election fut escheut, comme sa mere le conuoyast iusques à
la porte de son logis les larmes aux yeux, il luy dit en l'embrassant: Ma mere tu
uerras auiourd'huy ton filz souuerain Pontife, ou bien banny de Rome. Fina-
blement les uoix du peuple recueuillies & la brigue bien debattue, il se trouua uainqueur, & l'emporta: ce qui donna grande crainte au Senat & aux gens de
bien, pource qu'ilz estimerent que de lors en auant il feroit faire au peuple tout
ce qu'il uoudroit: à l'occasion dequoy, Catulus & Piso reprenoient grandemēt
Ciceton, de ce qu'il l'auoit espargné en la descouuerture de la coniuration de
Catilina, ou il luy auoit donné prise sur luy: Car Catilina aiāt proposé nō seule-
ment de renuerfer l'estat de la chose publique, mais aussi de ruiner entieremēt
l'épire de Rome, & mettre tout sans dessus dessous, eschappa des mains de la
iustice à faulte de preuues suffisantes, auant q̄ le fond de ses conseilz fust à plein
descouuert: mais il laissa dedans la uille Lentulus & Cethegus compagnons
de sa conspiration, ausquelz on ne sçait pas si Cæsar donna point secretement
quelque confort & aide: mais bien est il certain que publiquement eulx aians
esté en plein Senat cōuaincus à fait, comme Ciceron, qui estoit pour lors Cō-
sul, demanda à chasque Senateur son opinion, comment on les deuoit punir,
tous les autres precedens iusques à Cæsar, opinerent qu'il les falloir faire mou-
rir: mais Cæsar quand ce fut à luy à parler, se dressant en pieds pronōça une ha-
rengue qu'il auoit premeditee, en laquelle il discourut, q̄ ce n'estoit point cho-
se accoustumee ny iuste que de faire mourir des hommes, mesmement de telle
noblesse & de telle dignité, que preallablement on ne leur eust fait leur proces
& qu'ilz ne fussent iudiciellement condēnez, si ce n'estoit en une extreme ne-
cessité: mais si on les mettoit en prison en quelques uilles de l'Italie telles que
Ciceron aduiferoit pour le mieulx, iusques à ce que Catilina fust desfait, alors
le Senat pourroit en paix ordonner tout à loisir, ce qui en deuroit estre fait. Ce-
ste opinion sembla plus humaine, avec ce qu'elle fut prononcee d'une grande
grace & uehemençe d'eloquence, de sorte que non seulement ceulx qui opine-
rent apres luy la suyirent: mais aussi plusieurs de ceulx qui auoient opiné par
auant, reuocquerēt leur premiere sentence, & adhererēt à la siene, iusques à ce
que le renc de parler fut uenu à Caton & à Catulus, lesquelz y contredirent fort
& ferme, principalement Caton, qui parla de sorte qu'il rendit Cæsar mesme
suspect de la conspiration, & se formalisa uigoureušemēt contre luy, de façon
que

A que les criminelz furent mis entre les mains des exécuteurs de iustice pour les faire mourir : & comme Cæsar sortist du Senat, il y eut une troupe de ieunes hommes qui accompagnoient Ciceron, pour la seureté de sa personne, qui luy coururent sus les espees traictes au poings, mais on dit que Curion le couvrit lors de sa robbe, & le tira d'entre leurs mains : & Ciceron, mesme comme ces ieunes hommes ietrasent les yeux sur luy, leur fait signe de la teste qu'ilz ne le tuassent point, fust ou pource qu'il redoubtaist la fureur du peuple, ou bien qu'il estimaist que ce seroit meschammét & iniustement fait. Toutefois si cela est ue-
B de l'occasion qui se presentoit lors à propos contre Cæsar, & d'auoir trop redoubté le peuple qui embrassoit fort affectueusement sa protection. Car peu de iours apres estant allé au Senat pour respondre aux souspeçons & presumptiôs qu'il y auoit contre luy, & y aiant esté rabroué fort rudement, tenant le Senat plus long temps qu'il n'auoit accoustumé, le peuple s'en uint à l'entour de la salle le demander & crier tout hault, qu'on le laissast sortir : parquoy Catô craignant principalement la mutination des pauures disetteux, qui estoient ceulx qui emouuoient tout le demourant du peuple, aians mis leur esperance en Cæsar, il suada au Senat de leur faire distribuer gratuiemét du bled pour un mois, laquelle distribution uenoit à apporter de despence nouuelle à la chose publi-
C que la somme de cinq cents cinquante mille escus. Ce conseil esteignit pour lors euidemment une grande crainte, & dissipa la principale partie de la puissance de Cæsar en tēps fort opportun, lors qu'il s'en alloit estre Præteur, & qu'il estoit plus à craindre que iamais, pour l'autorité que luy donnoit son magistrat, du tēps duquel toutefois il n'aduint aucū trouble en la chose publique, ains luy arriua à luy mesme un sinistre accidēt en sa maison. C'est qu'il y auoit un ieune homme de noble & patricienne maison nommé Clodius, homme riche & eloquent : mais qui au demourant n'cedoit en audace, insolence & temerité à nul de ceulx, qui ont esté les plus renommez pour leur meschanceté. Il estoit amoureux de Pompeia, femme de Cæsar, laquelle n'en estoit pas mal cō-
D tēte : mais on la tenoit en si estroitte garde, & la mere de Cæsar, Aurelia, femme de bien & d'honneur, auoit l'œil sur elle de si pres, que ces deux amans ne se pouuoient trouuer ensemble qu'aucc grāde difficulté, & non moindre danger. Or adorent les Romains une Deesse, qu'ilz appellent la Bonne deesse, comme les Grecs ont celle qu'ilz appellent Gynécia, qui est à dire, la Deesse des femmes, & les Phrygiens se l'attribuans à eulx particulieremét, disent que c'est la mere du roy Midas : mais les Romains tiennent que c'est une Nymphé des bois mariee au dieu Faunus, & les Grecs ueulent que ce soit celle des meres de Bacchus que lon n'oze nōmer, en signe de quoy au iour de sa feste se font des ramees & feuil-
E lades de branches de uigne, & y a un Dragon sacré pres l'image de la Deesse, suyuant la fable que lon en recite, ioinct qu'il n'est point loisible à hōme quel qu'il soit, d'assister à ses sacrifices, non pas seulement estre dedans la maison, là ou on les fait : & dit on que les femmes à part elles y font plusieurs cerimonies, lesquelles ressemblent fort à celles des sacrifices de Orpheus. Quand donques le tēps de la feste est escheut, le mary, en la maison duquel se doibt faire l'assemblée du sacrifice, qui est l'un des Consulz ou des Præteurs, & aucc luy tout autre masse sort de son logis, & sa femme demeure pour donner ordre à toute la maison, là ou la plus part des cerimonies se font la nuit, & y a tout plein de ioyeu-

Iulius Cæsar.

fetez de chans & de musique meslee parmy ces uieilles, qui durēt toute la nuit. F
Pompeia dōques femme de Cæsar aiant à celebrer celle annee la feste, Clodius
qui n'auoit point encore de barbe, & par ce moien esperoit n'estre point des-
couuert, se desguisa de l'accoustrement d'une menestriere, pource qu'il auoit le
uisage assez semblable à une ieune femme: & trouuant les portes ouuertes fut
sans estre apperceu, mis au dedans par une chamberiere qui estoit de l'intelli-
gēce, & qui s'en courut deuant pour aduertir Pompeia de sa uenue: elle demou-
ra assez longuement à retourner, & Clodius n'ayant pas la patience de l'attēdre
au lieu ou elle l'auoit laissé, s'en alla errant ça & là parmy la maison qui estoit
grande & spatieuse, fuyant tousiours la lumiere, & fut d'adventure rencontré
par l'une des seruantes d'Aurelia, laquelle cuidāt que ce fust une femme, le pria G
de iouer, & comme il en feist refus, elle le tira en auant, luy demandant, qui &
dont elle estoit. Clodius adonc luy respondit, qu'il attendoit l'une des femmes
de Pompeia, qui s'appelloit Abra, ainsi estant cogneu à la uoix, la seruante de
Aurelia s'en courut incōtinent là ou estoiet les lumieres & la troupe des Da-
mes, criant qu'elle auoit trouué un hōme desguisé en habit de femme: dequoy
les Dames se trouuans estonnees, Aurelia feit aussi tost cesser les cerimonies du
sacrifice, & cacher ce qu'il y auoit de secret, & quād & quād elle mesme les por-
tes de la maison fermees, alla par tout avec torches & flambeaux, pour trouuer
cest homme, lequel fut à la fin trouué dedans la chambre de la seruante de Pō-
peia, avec laquelle il sy en estoit fouy, & estant recogneu des Dames, fut chassé H
dehors de la maison par les espaules. Si ne faillirent pas les Dames de racōpter
le faict à leurs marys la nuit mesme, aussi tost qu'elles furent de retour en leurs
maisons, & courut le lēdemain un bruit par toute la uille, que Clodius auoit at-
tenté une chose malheureuse & meschante, & qu'il en deuoit payer la peine, nō
seulement à ceulx à qui il auoit faict cest oultrage, mais aussi à la chose publi-
que, & aux Dieux, & y eut l'un des Tribuns du peuple, qui l'appella en iustice &
l'accusa de lèse maiesté diuine: & y eut aucuns des plus puissans & principaux
hommes du Senat, qui se banderent aussi contre luy, le chargeans de plusieurs
autres horribles dissolutions, mesmement d'auoir commis inceste avec sa pro-
pre sœur, q estoit mariee à Lucullus: toutefois le peuple s'opposant à leurs chau- I
des poursuittes, defēdit Clodius, & luy seruit de beaucoup enuers ces iuges, qui
se trouuerent estonnez, & eurent peur d'irriter la commune. Ce neantmoins
Cæsar incōtinent repudia sa femme, à raison dequoy, estant appelé par
l'accusateur pour porter tesmoignage à l'encontre de Clodius, il respon-
dit qu'il ne sçauoit rien de ce que lon proposoit contre luy. Ceste respon-
ce estant trouuee estrange, l'accusateur luy demanda, comment & pourquoy
donques il auoit repudié sa femme: Pource, dit il, que ie ne uex pas, que ma
femme soit pas seulement sospeçonnee. Et disent les uns que Cæsar le pen-
soit à la uerité ainsi, comme il l'affermoit: les autres pēsent qu'il le faisoit pour
gratifier au commun peuple qui desiroit, commēt que ce fust, sauuer Clodius, K
lequel fut aussi absouls de ce crime, par ce que la plus part des iuges donna sa
sentence en lettres confuses, craignant d'un costé le dāger de la commune, filz
le condemnoient: & de l'autre costé, la mauuaise opinion des gens d'honneur
filz l'absouloient. Au demourant, estant escheut à Cæsar, à l'issue de sa præture,
le gouuernement de l'Hespagne, les creanciers uindrent crier apres luy, & l'im-
portuner pour estre payez sur son partement, & ne pouuant cheuir à eulx, il fut
contraint de recourir à Crassus, qui estoit pour lors le plus riche homme de la
uille

A uille de Rome, & qui auoit besoing de l'exécution & actiue uiuacité de Cæsar à l'encontre de la puissance de Pompeius, au gouuernemēt de la chose publique. Crassus respondit pour luy à ses plus importuns creanciers & qui le pressoient le plus, en se constituant plege pour la somme de* huit cents & trente talents, quoy moienāt, ilz le laisserēt aller en son gouuernemēt: auquel uoiage lon dit, qu'en trauersant les monts des Alpes, il passa par une petite uillette de Barbares habitee de peu d'hommes, pauures & mal en poinct, là ou ses familiers qui l'acōpagnoient se prirent à demāder, en riant entre eulx, sil y auoit point de brigues pour les estats & offices de la chose publique en ceste uille là, & sil y auoit point de debats & d'enuies entre les principaux pour les honneurs d'icelle, &

B Cæsar parlant à certes, respōdit, le ne sçay pas cela, dit il, mais quāt à moy i'aimerois mieux estre icy le premier, que le secōd à Rome. Vne autre fois semblablemēt en Hespagne il se meit à lire quelque histoire des faicts d'Alexandre, & l'ayant leuē, il demoura longuemēt pensif en soy mesme, & puis se prit à plorer. Ce qu'oians ses amis, s'esmerueillerent fort quelle douleur en pouuoit estre la cause, & il leur respōdit, Ne uous semble il pas que ce soit assez pour se douloir, que le Roy Alexandre, en l'aage ou ie suis, ait iadis tant conquis de peuples & de païs, & que ie n'aye encore fait chose quelconque digne de memoire? Parquoy si tost qu'il eut le pied en Hespagne, il commença incontinent à mettre la main à la besongne, de maniere qu'en peu de iours il eut fait dix nouuelles enseignes de gens de pied oultre uingt autres que y estoient desia, & les menāt

C contre les Callæciens & Lusitaniens y cōquit tout, & penetra iusques à la grād mer Oceane, subiuguant toutes les nations qui parauant ne recognoissoient point les Romais à seigneurs: & sil y donna bon ordre, quant aux affaires de la guerre, il n'ordonna pas moins sagement ne moins diligemment ceulx de la paix, remettant les uilles en bonne union & concorde, les unes avec les autres, & sur tout pacifiant les proces & differens qui estoient entre les debtors & les creanciers à raison des usures: car il ordonna que les creanciers prendroient par chascun an les deux parts du reuenu de leurs debtors, iusques à ce qu'ilz fussent entierement r'emboursez, & que les debtors s'aideroient de la troisieme, pour lesquelles il retourna de son gouuernement en bonne reputation, sy estāt luy mesme fait riche, & y aiant aussi enrichy ses soudards, qui à raison de ce luy donnerent le tiltre & le nom d'Imperator, qui signifie souuerain capitaine. Mais pource que les loix & ordonnances Romaines uoloient, que ceulx qui poursuiuoient l'hōneur du triumphe, demourassent dehors la uille, & que ceulx qui demandoient le Consulat fussent au contraire, dedans en personne, se trouuant en ceste difficulté, à cause qu'il estoit arriué iustemēt au temps que se deuoit faire l'election des Consulz, il enuoya supplier le Senat de luy faire la grace, qu'il peust absent par l'entremise de ses amis prochasser le Consulat: à la quelle requeste Caton du commencement resista, alleguant la loy expresse, qui

E estoit formellement au contraire: mais depuis uoiant, que nonobstant ses oppositions, plusieurs des Senateurs gaignez par Cæsar, inclinoient à sa requeste, il essaya de la faire neantmoins resortir à neant, luy soubstraiant le temps, en consumāt tout le iour à parler. A l'occasion dequoy Cæsar se resolut de quitter plus tost la poursuite du triumphe, & d'entendre à celle du Consulat, & entrant dedans la uille y mena une pratrique, laquelle abusā tout le monde, excepté Caton: ce fut la reconciliation de Pompeins & de Crassus, les deux plus grands & les plus puissans personnages de la uille de Rome, lesquelz estoient

* Neuf cēts quatre uingts & dix mille elcus.

Iulius Cæsar.

parauant en picque l'un contre l'autre, & Cæsar les aiant réduits en amitié, & aiant par ce moien recueilly la puissance de tous les deux en luy seul, on ne se donna garde, que sous un acte qui auoit la plus belle apparence & le plus honnesté tiltre du monde, il renuerfa sans dessus dessous toute la chose publique Romaine: car ce ne fut pas la dissension de Pompeius & de Cæsar qui suscita la guerre ciuile, ainsi que l'on estime communemēt, ains fut plus tost leur union, pourée qu'ilz s'allierent ensemble, premieremēt pour ruiner l'autorité du Senat & de la noblesse, & puis apres en entrerent en querelle l'un contre l'autre. Et Caton qui le predict & prophetisa par plusieurs fois, en rapporta pour lors la reputation d'homme fascheux & importun, mais depuis en fut estimé plus sage que heureux en ses conseilz. Ainsi fut adonc Cæsar au milieu de ces deux grands personages, qu'il auoit reconciliez ensemble, conduit à l'assemblée de l'élection, là ou il fut, sans contredit, eleu Cōsul avec Calphurnius Bibulus: & si tost cōme il fut installé, cōmencea à mettre en auant des edicts, & des loix mieux seantes à quel que seditieux Tribun du peuple, que non pas à un Consul, attendu qu'il proposoit par icelles des departemens de terres & distributions de bleds, sans payer, à chasque citoien, pour aggreer à la cōmune: en quoy les gens de bien & d'hōneur du Senat s'opposerent à son entente, & luy qui ne demandoit que quel que oēcasion coloree, commença à crier & protester, que la rudesse & duresse du Senat le chassoit malgré luy, & le cōtraignoit d'auoir recours à caresser le peuple, & de fait s'y encourut, aiant à l'un de ses costez Crassus, & à l'autre Pompeius, aux quelz il demanda tout hault en pleine assemblée de uille, s'ilz approuuoient pas les edicts qu'il auoit mis en auant, ilz responderent tous deux que ouy: parquoy il les pria de leur uouloir tenir main forte à l'encontre de ceulx qui menassoient de les empescher à la pointe de l'espee, ce que Crassus promeit de faire, mais Pompeius y adiouxta dauātage, que à l'encontre de ceulx qui y apporteroient l'espee, il y uiedroit avec l'espee & le bouclier. Ceste parole despleut grandement aux seigneurs du Senat, comme n'estāt pas seulement indigne de sa grauité, & malscante à la reuerēce qu'il deuoit porter au Senat, ains estāt plus tost furieuse, & plus cōueniable à quel que ieune estourdy: mais le commun peuple, au contraire, en fut fort aise. Et Cæsar uoulant encore plus estroittement embrasser la puissance de Pompeius, luy donna en mariage sa fille Iulia, laquelle estoit desia fiancee à Seruilius Scipion, luy promettant en eschange, de luy donner celle de Pompeius, laquelle estoit aussi promise à Faustus filz de Sylla: & peu de temps apres, luy mesme espousa Calphurnia, fille de Piso, lequel il feit desseigner Consul pour luy succeder l'annee ensuiuāt. A raison de quoy Caton alloit criāt & appellāt les Dieux à tesmoings, que c'estoit chose que l'on ne deuoit point endurer ne souffrir, qu'ilz allassent ainsi butinant entre eulx l'empire Romain par le macquerellage de telles nopces, en se faisant ainsi donner, les uns aux autres, des gouuernemens de prouinces, & des charges de grosses armées par le moien de leurs mariages. Et Bibulus compagnon de Cæsar au Consulat, uoiant que pour faire toute la resistance qu'il pouuoit à ces loix, il ne gaignoit rien, ains que par plusieurs fois il s'estoit mis en danger d'estre tué sur la place avec Caton, il se teint renfermé dedans sa maison tant que le reste de son Consulat dura. Et Pompeius aussi tost qu'il eut espousé Iulia, remplit toute la place de gens armez, & feit passer & autoriser les loix que Cæsar mettoit en auant en faueur du peuple, & puis decerner à Cæsar pour sa prouince toutes les Gaules, tāt de deça que de dela les monts, ensemble l'Es-

clauonnie,

- A clauonnie, avec quatre legiōs, pour le tēps & le terme de cinq années. A quoy, comme Caton s'efforceast de contredire, Cæsar le feit prendre par ses sergens pour le mener en prison, pensant qu'il en appelleroit deuāt les Tribuns du peuple: mais il sy en alloit sans mot dire: & Cæsar uoiant, que non seulement les gens de bien & d'honneur en estoient marris, mais aussi que le commun populaire, pour la reuerence qu'il portoit à la uertu de Caton, s'en alloit apres avec un silence & une chere morne & triste, il pria luy mesme sous main l'un des Tribuns qu'il allast oster Caton d'entre les mains des sergens. Depuis lequel acte il y eut peu des Senateurs qui se uoulussent trouuer soubz luy President au Senat, ains ne pouuans supporter les choses qu'il faisoit, s'en alloient hors de la uille: entre lesquelz il y en eut un fort uieil, nommé Cōsidius, qui luy dit un iour franchement, que c'estoit pour la crainte de ses armes que les autres n'y ozōient comparoir: & Cæsar luy respondit, Et que ne te tiens tu dōques toy mesme, pour la mesme crainte, en ta maison? A quoy Considius luy repliqua, Pource que ma uieillesse m'oste la crainte: car aiant desormais si peu à uiure, ie ne me soucie plus gueres de la cōtregarder. Mais la plus uillaine chose qui fust faite en tout le Consulat de Cæsar, semble auoir esté, de faire elire Publius Clodius Tribun du peuple, qui luy auoit fait un si grand oultrage en sa femme, & auoit polu & uiolé les sainctes ueilles mystiques des Dames, qui se faisoient dedās sa maison. Ce Clodius ne cherchoit à se faire eslire Tribun du peuple pour autre raison, que pour ruiner Cicerō, & Cæsar mesme ne se partit point de Rome pour aller trouuer son armee, qu'il ne les eut attachez l'un à l'autre, & chassé Ciceron hors de l'Italie. Voila ce que lon treuve qu'il feit auant les guerres de la Gaule: Mais le temps des grandes armes & conquestes qu'il feit depuis, & de la guerre, en laquelle il subiuga & dōpra toutes les Gaules, prenant un tout autre commencement de uie, & entrant en une façon de faire toute differente du passé, le feit cognoistre aussi grand homme de guerre, & aussi excellent capitaine, que nul des autres, qui onques furent renommez pour sages & uailās chefs d'armees, & qui plus ont acquis de gloire pour leurs haults faicts de prouesse. Car qui luy uoudra comparer tous les Fabiens, les Scipiōs, les Metelles, & ceulx
- D mesme de son temps, ou un peu plus anciens, comme un Sylla, un Marius, les deux Luculles, & Pompeius mesme,

Duquel le nom iusques aux cieulx s'esleue:

- on trouuera que les gestes de Cæsar en toute uertu militaire & preference au faict de la guerre, les surmontent tous entieremēt. L'un en malaisance des païs, ou il feit ses conquestes: l'autre en estendue des regions qu'il adiousta à l'empire Romain: l'autre en multitude & puissance des ennemis qu'il desfeit: l'autre en dureré & aspreté des hōmes aux quels il eut affaire, les meurs desquelz il polit & addoulcit depuis: l'autre en douceur, humanité & clemence uers ceulx qu'il auoit pris: l'autre en liberalité & beneficence grande uers ceulx qui combattirent soubz sa charge en ces guerres, & tous en nombre des iournees qu'il gagna, & multitude des ennemis qu'il occit en bataille. Car en moins de dix ans que dura la guerre de la Gaule, il prit d'assault ou par force, huit cents uilles, subiuga trois cēts nations: & aiant eu deuāt soy en bataille trois milliōs d'hōmes armez, à plusieurs fois, il en occit un million, & en prit de prisonniers bien autant. Au reste il se feit tant aimer de ses gens, qui furent si ardemment affectionnez à luy faire seruice, qu'au lieu qu'ilz n'estoient rien plus que les autres, quand ilz combattoient pour quelque autre querelle, fil estoit question

Julius Cæsar.

de l'honneur ou de la gloire de Cæsar, alors ilz estoient inuincibles, & se ietoient la teste baissée à tout peril, par tel fureur que nul ne les pouuoit soutenir. Comme lon peult cognoistre par l'exemple d'Acilius, qui en une bataille nauale qu'il eut deuant la uille de Marseille, estant faulté dedans un uaisseau des ennemis y eut la main droite abbattue d'un coup d'espee, & neantmoins pour cela n'abandonna point son bouclier qu'il tenoit de la main gauche, ains en poulsant & frappant les ennemis aux uisages, les fait tous fouir, de maniere qu'il demoura maistre du uaisseau: & Cassius Scæua en une rencontre pres la uille de Dyrrachium, aiât eu l'œil creué d'un coup de trait, l'espaule perçee d'un coup de iauelot, & la cuisse aussi d'un autre, & aiât receu sur son pauiouis trente coups de flesches, appella les ennemis, faignant de se uouloir rédre à eulx: mais comme deux y fussent accourus, il aualla l'espaule à l'un d'un coup d'espee, & blecea l'autre au uisage, de sorte qu'il luy fait tourner le dos, & à la fin encore se sauua il, par ce que quelques uns de ses compagnons y accoururent au secours. Et en Angleterre, cōme les chefs des bandes se fussent iettez les premiers dedans un marets plein d'eau & de bourbe, & les ennemis leur y courusent sus asprement, il y eut un simple soudard, qui en la presence de Cæsar, lequel uoioit à l'œil tout le combat, se ietta au milieu des combattans, & y faisant de grands & admirables efforts de prouesse, continua si uaillammēt, qu'il fait en fin prendre la fuitte aux Barbares, & sauua les capitaines des bendes, qui autrement estoient en grand danger de leurs personnes, puis passans le marets le dernier de tous avec grand difficulté à trauers de l'eau boueuse & fangeuse, partie à nage, & partie à pied, il fait tant à la fin qu'il gaigna l'autre riue, mais ce fut sans son bouclier. Cæsar s'esmerueillant de son gentil cueur, luy alla au deuant avec grand cris de ioye pour le recueillir & caresser, mais le soudard au contraire, la teste baissée & la larme à l'œil, se ietta à ses pieds, luy requerāt pardon de ce qu'il auoit abandonné son bouclier. Et en Afrique, Scipion aiât surpris une des nauires de Cæsar, dedās laquelle estoit entre autres Granius Petronius, de nagueres eleu Questeur, il fait saccager & mettre en pieces tous les autres, & quāt au Questeur, il dit qu'il luy donnoit la uie. Mais Petronius luy respondit: Que les soudards de Cæsar n'auoient point accoustumé de recevoir en don, ains de dōner la uie aux autres, & en disant cela, il se passa son espee propre à trauers le corps, & se tua luy mesme. Or ce qui engendroit & nourrissoit ceste grandeur de courage, & ceste affection uehemēte de bien faire en eulx, c'estoit Cæsar luy mesme: premieremēt en leur donnant, & en les honorāt largement, & leur faisant cognoistre par effect, qu'il n'amassoit point des richesses à la guerre pour uiure puis apres en delices à son plaisir, ny pour en abuser à ses propres uoluptez, ains que c'estoit un pris & salaire commun de la uertu qu'il serroit pour en recompenser les hommes de ualeur & les gens de bien, auquel salaire il ne participoit luy mesme, sinon en tāt qu'il le départoit aux soudards qui le meritoient: & puis en s'exposant luy mesme le premier franchemēt à tout peril, & ne se lassant iamais de trauail quelconque: & quant à sa hardiesse de se hazarder ainsi aduentureusemēt à tout danger, il ne s'en esbahissoient pas tāt, sachans bien que c'estoit la conuoitise de gloire, dont il estoit enflammé, qui l'incitoit à ce faire: mais la fermeté qu'il auoit de supporter tous trauaux plus que les forces de son corps ne portoient, c'estoit ce que plus les faisoit esmerveiller: car il estoit gresse & menu de corsage, & auoit la charnure blanche & molle, subiect à douleurs de teste, & si tumboit quelque fois du mal caduc, le-

- A** quel luy prit la premiere fois, cōme lon dit, à Cordubeuille d'Hespagne: mais il ne se seruit pas de la foiblesse de son corps, pour une couuerture de se traiter mollement & delicatement, ains au contraire il prit les labeurs de la guerre cōmeune medecine pour guarir l'indisposition de sa personne; combattāt à l'encontre de sa maladie en estant continuellement par chemin, en uiuant sobrement, & en couchant à l'air ordinairement: car la plus part des nuiċts, il dormoit dedans un chariot, ou dedans une litiere, employant par ce moien son repos à faire tousiours quelque chose, & de iour en allant par pais uisitant les uilles, les places fortes, ou les camps fortifiez. Il auoit tousiours au pres de luy dedans son chariot un secretaire assis, lequel estoit accoustumē à escrire en allant par pais, & un soudard derriere luy qui portoit son espee, combien qu'il allaſt en si grande diligence que la premiere fois qu'il sortit de Rome, avec charge publique, il arriua en huit iournees à la riuere du Rosne. Or d'estre bien à cheual & y auoir ferme tenue, ce luy estoit chose fort aisee, pource qu'il l'auoit apprise des son enfance, s'estant accoustumē à donner carriere à un cheual courant à toute bride, en tenant ses mains entrelassees derriere son dos. Mais en la guerre de la Gaule, il s'exercita encore d'auātage à dicter lettres missiues en cheuauchant par les champs, & à fournir à deux secretares ensemble, tāt qu'ilz en pouuoient escrire, encore dit Oppius à plus de deux: & dit on que ce fut luy qui inuenta le premier la maniere de parler avec ses amis par chiffre de lettres trāsposees, quād il n'auoit pas loisir de parler de bouche à eulx pour la presifue necessitē de quelque affaire, ou pour la multitude de ses occupations, ou pour la grande estendue de la uille de Rome. Et pour monſtrer sa facilitē & simplicitē grande en son uiure ordinaire, on allegue cest exemple que Valerius Leo un sien hoste, luy donnant un iour à soupper en la uille de Milan, seruit à table des asperges ou lon auoit mis d'un unguent au lieu d'huyle: il en mangea simplement, sans faire semblant de rien, & tenſa ses amis qui s'en offenceoiēt, en leur disant qu'il leur deuoit bien suffire de n'en manger point si cela leur faisoit mal au cueur, sans en faire honte à leur hoste, & que celuy qui se plaignoit de telle inciuitē estoit bien inciuit luy mesme. Quelque autrefois en allant par pais il fut contrainċt par une grosse tempeſte qui se leua soudainement, de se heberger en la maisonnette d'un pauvre païſan, ou il n'y auoit pour tout logis qu'une seule chābre si petite, qu'il n'y pouuoit gesir qu'une seule personne, encore bien maigrement, il dit à ses amis qui l'accompagnoient, Il fault ceder les lieux honorables aux plus grands, & les necessaires aux plus malades. Suiuant lequel propos, il uoulut que Oppius, qui estoit mal disposē, couchast à couuert au dedans, & luy avec ses autres amis, coucha soubz la faillie de la couuerture de la maison au dehors. Au demourant, la premiere guerre qu'il eut à son arriuee en la Gaule, fut contre les Heluetiens, & cōtre les Tiguriniens, lesquelz aiās brulé leurs bōnes uilles, iusques au nombre de douze & bien trois cents bourgades, uouloiēt passer à trauers celle partie de la Gaule, qui estoit en l'obeissance des Romains, ne plus ne moins qu'auoient fait ancienement les Cimbres, ausquelz ilz ne cedioiēt point en hardiesse, & si estoient bien en aussi grād nōbre, comme de trois cents mille ames en tout, dont il y en auoit cent quatre uingt & dix d'hōmes portās les armes. Ce ne fut pas luy mesme en personne qui desſeit les Tiguriniens, ains fut Labienus l'un de ses lieutenans qu'il y enuoya, & qui les desſeit au long de la riuere d'Arar: mais les Heluetiens le uindrēt charger luy mesme au desſprouueu par le chemin, ainsi comme il conduisoit son ar-

Julius Cæsar.

mee vers une uille de ses alliez. Quoy uoiant, il se hasty de gaigner uistement F
un lieu fort d'affiette, auquel il rengea ses gens en bataille, & cōme on luy eust
amené son cheual de bataille pour monter dessus, il dit; Quand i'auray rompu
les ennemis, ie monteray alors dessus, pour les chasser & poursuivre: mais pour
ceste heure, allons les charger. En disant cela il marcha à pied, & alla dōner de-
dans, ou il demoura longuement à combattre, auant que pouuoir forcer ceulx
qui estoient en bataille: mais le plus grād affaire fut encore à forcer leur camp,
& le rempart qu'ilz auoient fait de leur charroy, pource que là non seulement
ceulx qui auoient esté rompus en la bataille, se rallierent ensemble, & feirent
teste: mais aussi leurs femmes & leurs enfans combattans iusques au dernier
sospir, se feirent tous tailler en pieces, de sorte qu'à peine fut acheué le combat G
à minuit. Si l'acte de ceste uictoire fut beau de soy mesme, il y en adiouxta en-
core un autre autant ou plus beau, c'est qu'il remeit ensemble les Barbares, qui
estoient eschappez de la bataille en nombre de bien cent mille ames, & les cō-
traignit de retourner au païs qu'ilz auoient laissez, & aux uilles qu'ilz auoient
eulx mesmes bruslees: ce qu'il feist de peur que les Allemans passans le Rhin ne
uinssent occuper ce païs là comme uacant. La seconde guerre fut ouuertement
en defendant les Gaulois contre les Allemans, combien que luy mesme, non
gueres au parauant eust faict receuoir & adouuer leur roy Ariouistus pour amy
& allié du peuple Romain: mais ilz estoient insupportables à leurs uoifins, & si
estoit tout apparent, que là ou le moien & l'occasion se presenteroit, de eulx H
eslargir, ilz ne se contenteroient pas de ce qu'ilz tenoient, ains uoudroient usur-
per & occuper aussi le reste de la Gaule, & sentant que quelques uns de ses capi-
taines restiuoient de peur, mesmement les ieunes hommes des nobles maisons
de Rome, qui pensoient estre uenez à la guerre soubz luy, cōme pour un esbat,
& pour s'enrichir, & prendre leur plaisir seulement, il teint assemblee de cōseil,
là ou il leur commāda, que ceulx qui auroient peur se retirassent, & qu'ilz ne se
presentassent point enuis à la bataille, puis qu'ilz auoient les cueurs si lasches
& si foibles que de reculer au besoing, & qu'au regard de luy il estoit tout reso-
lu d'aller trouuer les Barbares, quand il n'auroit que la dixieme legiō seulemēt:
pource, disoit il, que ny les ennemis, aux quelz ilz auoient à faire, n'estoient point I
plus uailans que les Cimbres, ny Marius n'auoit point esté plus suffisant capi-
taine que luy. Ceste harengue entendue, les soudards de la dixieme legion luy
enuoyerēt des ambassadeurs pour le remercier de la bonne opinion qu'il auoit
d'eulx, & les autres legions iniurierent leurs capitaines, & tous ensemble le suy-
uient plusieurs iournees en bonne intention & bonne affection de bien faire
leur deuoir, iusques à ce qu'ilz arriuerent à douze lieues pres des ennemis, si fut
adonc l'insolence & la brauerie d'Ariouistus bien refroidie, quand il entendit
ceste arriuee, à cause que les Romains uenoient assaillir & chercher les Alle-
mans, au lieu qu'ilz n'esperoient pas & ne faisoient pas leur compte qu'ilz les
deussent attendre seulement, au moien dequoy ne s'estant iamaiz doubte qu'il K
en peust ainsi aduenir, il admiroit grandement la hardiesse de Cæsar, ioint
qu'il uoioit que son armee en estoit toute troublee. Mais ce qui plus encore re-
bouchoit la pointe de leurs courages, estoient des femmes deuineresses qu'ilz
auoient entre eulx, lesquelles faisoient profession de cognoistre & predire les
choses à aduenir, en considerant les tournoiemens des riuieres, les tourbillons
& le bruit que font les eaux en coulant à ual, & toutes ces choses considerees
leur defendoient de uenir à la bataille iusques à la nouuelle lune: dequoy Cæ-
sar

- A farestant aduertý, & uoiant que pour ceste raison les Barbares ne se bougeoiét; estima qu'il seroit bon de les aller assaillir ce pendant qu'ilz estoient ainsi decouragez par ceste superstition, plus tost que de perdre temps à attendre leur occasion: & les allant escarmoucher iusques dedans leurs forts, & iusques dessus des coustaux & collines, ou ilz festoient logez & fortifiez, les irrita tât, qu'à la fin ilz descendirent tous courroucez en la plaine, là ou ilz furent rompus en bataille renee, & chassez par l'espace de bien dixhuit lieues de país, iusques à la riuere du Rhin, & fut la campagne, qui est entre deux, toute couuerte de morts & de despouilles. Mais Ariouistus gaignant le deuant de uistesse, passa le Rhin, & se sauua avec peu de ses gens: car on dit qu'il mourut bien en ceste
- B desconfiture iusques au nombre de quatre uingts mille hommes. Apres lequel exploit Cæsar laissa son armee pour hyuerner en garnison dedans le país des Sequaniens, & luy ce pendant uoulant entendre aux affaires de Rome, passa en la Gaule, à trauers laquelle court la riuere du Po, étant partie du gouuernement qui luy auoit esté donné, pource que la riuere qui s'appelle Rubicon, fait la separation de la Gaule, qui est deça les Alpes, d'avec le reste de l'Italie: là ou faisant seiour, il alloit prattiquant & gaignant amis dedans Rome, à cause que plusieurs l'y alloiét ueoir, aux quelz il donnoit tout ce dont ilz auoient affaire, & les renuoyoit bien garnis de bons presens, & encore plus de promesses & d'esperances pour l'aduenir. Et durant tout le temps de ceste cõqueste des Gaulles,
- C Pompeius ne se donna point garde, que reciproquement il subiuguoit les Gaulois par les armes des Romains, & gaignoit les Romains par l'argent des Gaulois: mais aiant nouuelles que les Belges, qui sont les plus belliqueux, & les meilleurs hommes de guerre des Gaulois, tenans la tierce partie de la Gaule festoiét soubleuez, aians mis ensemble grand nombre de combattans armez, il dressa incontinent son chemin celle part en toute diligence, & les trouua cõme ilz couroient & pilloiét le país de leurs uoifins Gaulois allies des Romains, si leur dõna la bataille, & en desfeit la plus grande partie qu'il trouua en trouppes, f'estant portee laschement au combat, tellement qu'il en tua si grand nombre, que pour la multitude des corps morts les Romains passoient à pied les riuieres profondes, les lacs, & les estangs qui en estoient comblez. Depuis laquelle
- D desfaitte, ceulx qui sont les plus maritimes & plus uoifins de l'Ocean, se rendirent à luy sans coup ferir, à raison dequoy il mena son armee contre les Neruiens les plus aspres & plus belliqueux de toutes ces marches là, lesquelz habitans en país pleins de bois, auoient retiré leurs femmes, leurs enfans, & leurs biens, en un fond de forest, le plus arriere qu'ilz auoient peu de leurs ennemis, & eulx en nombre de plus de soixante mille combattans uindrent un iour en deffoude courir sus à Cæsar, ainsi comme il se logeoit, & qu'il entëdoit à faire fortifier son camp, ne se doubtant de rien moins que d'auoir la bataille ce iour là. Si rompirent de prinsault la cheualerie Romaine, & enuironnans la
- E douzieme & septieme legion, en tuerent tous les capitaines & chefs des bades: & n'eust esté que Cæsar luy mesme prenant un pauois sur son bras, & fendant la presse de ceulx qui combattoient au deuant de luy, s'alla ruer à trauers les Barbares, & que la dixieme legiõ uoiant sa personne en dâger, accourut celle part de dessus un coustau ou elle estoit en bataille, & fendit les renes des ennemis, il ne se fust pas ce iour là sauué un seul homme des Romains: mais prenans exemple à la prouesse de Cæsar, ilz combattirent, ainsi que lon dit en commun langage, par dessus leur puissance, & neantmoins encore ne peurent ilz faire

Julius Cæsar.

tourner le dos à ces Neruiens, ains fallut qu'ilz les taillassent tous en pieces sur le champ: car on escrit que de soixante mille combattans qu'il y auoit, il ne s'en sauua que cinq cents, & trois de leurs conseillers seulement, de quatre cets qu'ilz estoient. Ce que le Senat Romain aiant entédu, ordonna que lon sacrifieroit aux Dieux, & feroit on processions & festes chommées par l'espace de quinze iours durant, n'en aiant iamais au parauant esté tant ordonné à Rome pour uictoire quelconque qui eust esté gaignee, pource que lon trouua que le danger auoir esté fort grand pour festre tant de nations soubleuées tout à un coup: mais encore l'amour & la bienueuillance que le commun peuple portoit à Cæsar, faisoit trouuer la uictoire plus glorieuse & plus illustre: car quand il auoit donné ordre aux affaires de la Gaule de dela les monts, il s'en uenoit tousiours passer son hyuer aux enuirs du Po, pour disposer les choses de Rome à sa deuotion. Car non seulement ceulx qui briguient les offices estoient eleuz par le moien de l'argent qu'il leur fournissoit, dont ilz corrompoient & achetoient les uoix du peuple, & faisoient puis apres en leurs magistrats tout ce qu'ilz pouuoient pour accroistre & augmenter sa puissance: mais aussi la plus part des plus grands & plus nobles personages allerent iusques à Lucques par deuers luy, comme Pompeius, Crassus, & Appius gouuerneur de la Sardaigne, & Nepos Viceconsul en Hespagne, tellement qu'il sy trouua pour une fois six uingts sergens portans uerges & haches deuant les magistrats, & des Senateurs plus de deux cents, lesquelz reindrent conseil ensemble, là ou ilz arresterét que Pompeius & Crassus seroient eleuz pour l'annee ensuyuant une autrefois Consulz, que lon feroit de nouueau ordonner argent à Cæsar, pour l'entretienement de son armee, & prolonger le téps de son gouuernement, pour autres cinq ans. Cela sembla fort estrange & fort defraisonnable aux gens de bien & de bon sens: car ceulx mesmes à qui Cæsar donnoit & fournissoit tant d'argent, alloient preschant & suadant au Senat, que lon luy en deuoit decerner & ordonner du public, comme s'il n'en eust point eu, ou pour mieulx dire, contraignoient le Senat de soupirer & gémir en uoiant les choses qu'ilz mettoient en auant. Caton n'y estoit pas present, car on l'auoit expressement enuoyé en Cypre: mais Faonius qui suyuoit la trace de Caton, quand il ueit qu'il ne gaignoit rien à y resister & contredire, se ietta hors du Senat en courroux, & s'en alla criât parmy le peuple, que c'estoit une grande honte: mais personne ne luy prestoit l'oreille, les uns pour la reuerence qu'ilz portoient à Pompeius & à Crassus, les autres pource qu'ilz desiroient fauoriser aux affaires de Cæsar, comme sur lequel ilz auoient fondé toute leur esperance: au moien dequoy, ilz ne s'en emouuoient de rien. Au demourant, Cæsar s'en retournant en la Gaule de dela les monts, trouua une grosse guerre au pais, à cause que deux grandes & puissantes nations de Allemagne, auoient de nagues passé le Rhin, pour y conquerir de nouuelles terres, & s'appelloit l'une de ces nations les Ipes, & l'autre les Tenterrides: & quant à la bataille que Cæsar leur donna, il en escrit luy mesme en ses Commentaires, de ceste sorte, Que les Barbares aias enuoyé deuers luy, & fait trefues pour quelque temps, ce neantmoins ilz luy uindrent courir sus ainsi comme il passoit son chemin, tellement que huit cets de leurs hommes d'armes en rompirent cinq mille des siens, pource qu'ilz ne s'en doutoient ny ne s'en desioient point aucunement, & qu'ilz luy renuoyerét encore d'autres ambassadeurs pour l'abuser encore une autre fois, lesquelz il reteint, & feit quand & quand marcher toute son armee contre eulx, estimant estre simplese de garder foy ne luy

- A** à telz Barbares si desloyaux & si infideles : mais Canusius écrit que comme le Senat decernast que lon sacrifiait encore , & que lon feist de nouveau des processions & des festes en l'honneur des Dieux pour leur rendre graces de celle victoire, Caton au cōtraire fut d'opinion qu'il falloit liurer Cæsar entre les mains des Barbares, pour descharger & purger la chose publique du crime de foy uollee, & en destourner la malediction sur celuy seul qui en estoit auteur. Il estoit bien passé de ces Barbares, iusques au nombre de quatre cents mille chefs, lesquels furent presque tous desfaits, exceptee quelque petite troupe qui f'estant sauuee de la desconfiture, repassa le Rhin. Les Sycambriens, qui sont une autre nation d'Allemagne, les recueuillirēt : & Cæsar prenant ceste occasion, avec la
- B** bonne enuie qu'il auoit autrement d'acquerir la gloire d'estre le premier homme Romain ; qui eust passé le fleuve du Rhin avec armee, bastit un pont dessus. C'est une riuiera fort large, mesmement à l'endroit ou il dressa son pont : car il se respand là fort loing tant d'un costé que d'autre, & si est son cours fort aspre & fort roide; tellement que les troncs d'arbres & les grosses pieces de bois que lon iettoit à ual la riuiera auoient grand eoup, & faisoient grand effort contre les poultries qui soustenoient le pont : mais pour soustenir leur choc, & aussi pour rompre & alentir un peu l'impetuosité du fil de l'eau, il feist planter au dessus de son pont des defences de grosses pieces de bois que lon ficha à force au fond de la riuiera, & eut en l'espace de dix iours dressé & acheué son pont de la
- C** plus belle charpenterie, & à uoir de plus ingenieux deuis que lon sçauroit penser ne croire : & passant son armee par dessus, ne trouua personne qui s'ozast presenter en bataille deuant luy : car les Sueuiens mesmes, qui estoient les plus belliqueux de toute la Germanie, s'estoient retirez avec leurs biens en des profondes uallees, & fondrieres toutes couuertes de bois & de forests : parquoy apres y auoir bruslé le pais de ses ennemis, & assuré ceulx qui tousiours auoient tenu le party des Romains, il s'en retourna derechef en la Gaule, apres auoir demouré dixhuit iours en tout dedans l'Allemagne au dela du Rhin. Le uoiage qu'il feist aussi en Angleterre, fut d'une hardiesse grandement recommandable : car ce fut luy premier qui nauiga l'Ocean occidental avec
- D** armee nauale, & qui à trauers la mer Atlantique passa son armee pour aller faire la guerre en ceste isle ; si grande, que plusieurs des anciens n'ont pas uolu croire qu'elle fust en nature, & qui a mis plusieurs historiens en grande dispute, maintenans que c'estoit chose faulse & controuuee à plaisir, & luy fut le premier qui commença à la conquerir, & qui estendit l'empire Romain plus auât que le rond de la terre habitable : car il y passa par deux fois de la coste opposite, uis à uis en la terre ferme de la Gaule, & en plusieurs batailles qu'il y eut, feist plus de dommage aux ennemis que de profit à ses gens, pource qu'ilz n'eussent sceu rien prendre ny gagner, qui eust ualu, sur des hommes pauures & necessiteux : au moié dequoy sa guerre n'y eut pas telle issue comme il la desiroit,
- E** ains prenant seulement des ostages du Roy, & luy imposant certain tribut qu'il paieroit par chascū an au peuple Romain, s'en retourna derechef en la Gaule, là ou il trouua à sa descente des lettres prestes à passer la mer, par lesquelles ses amis luy mandoient de Rome le trespas de sa fille, laquelle estoit morte en travail d'enfant chez Pompeius, dont Pompeius mesme & Cæsar aussi, menerent grand deuil, & leurs amis s'en trouuerent fort troublez, pensans bien que l'alliance qui maintenoit la chose publique, laquelle autrement n'estoit pas gueres saine, en quelque paix, & en quelque repos, estoit dissoulte & rompue : mesme-

Julius Cæsar.

mēt, pource que l'enfant, apres auoir peu de iours surueſcu ſa mere, mourut auſſi. Si prit la commune le corps de Iulia, en deſpit qu'en euſſent les Tribuns du peuple, & le porta au champ de Mars, là ou elle fut inhumee. Mais Cæſar aiant eſté contraint de departir ſon armee en pluſieurs garniſons pour hyuerner, tāt elle eſtoit grande & groſſe: & ſ'en eſtant allé, pendant l'hyuer, du coſté de l'Italie, comme il auoit accouſtumé: toute la Gaule à un coup ſe ſoubleua en armes, & meit ſus de uiſſans exercites, qui allerēt ça & là courir ſus aux ſoudards Romains, & eſſaier à forcer les forts ou ilz feſtoiet logez en leurs garniſons. Le plus grand nombre, & des plus belliqueux Gaulois qui fuſſent de ceſte cōſpiree rebellion, eſtoit conduit par un nommé Ambiorix, & ſ'adreſſerēt premiere-ment aux garniſons de Cotta & de Titurius qu'ilz occirēt, eulx, & tout ce qu'ilz auoient de gens de guerre quād & eulx: puis allerēt aſſieger avec ſoixante mille combattans la garniſon qui eſtoit ſoubz la charge de Quintus Ciceron, & ſ'en fallut bien peu qu'ilz ne la priſſent à force, pource que les ſoudards y furent tous entieremēt blecez: mais ilz eurent ſi bon cuer qu'ilz feirēt en ſe defendāt plus, par maniere de dire, qu'ilz ne pouuoiet. Ces nouuelles uenues à Cæſar, qui en eſtoit lors bien loing, il ſ'en retourna en extreme diligence, & aiant aſſemblé ſept mille hommes de guerre en tout, ſe haſta d'aller ſecourir Ciceron, qui eſtoit ainſi preſſé. Les aſſiegeans en furent aduertis, qui leuerent inconinēt leur ſiege pour luy aller à l'encontre, faiſans leur compte, qu'ilz l'emporteroiet tout du premier coup, à cauſe qu'il auoit ſi peu de gens. Cæſar pour les abuſer, reculoit toujours en arriere, & faiſoit ſemblant de fouir deuant eulx, ſe logeant en lieux propres pour capitaine qui a à combattre avec peu de gens, contre grand nombre d'ennemis, defendāt à ſes ſoudards de ſortir du logis à l'eſcarmouche en quelque ſorte que ce fuſt, & les contraignant de haulſer les rempars de ſon camp, & d'en fortifier les portes, cōme gens qui ont peur, à fin que les ennemis l'en euſſent en plus grand meſpris, iuſques à ce qu'il eſpia l'occafion qu'ilz uindrent un iour en deſordre aſſaillir les tréchees de ſon camp, tāt ilz furent pleins de preſumptueuſe temerité: & alors faiſant une ſaillie ſur eulx, les meit tous en fuite avec meurtre d'un bien grand nombre. Ce qui amortit & appaiſa les rebellions des Gaulois en ce quartier là, ioint q̄ luy meſme en perſonne alloit au cuer d'hyuer es lieux ou il entēdoit qu'il ſe remuoit quelque nouuelleré, pour ce qu'il luy eſtoit uenu de l'Italie un renfort de trois legions entieres au lieu de celles qu'il auoit perdues, deux que Pompeius luy auoit preſtees des ſienes, & une qu'il auoit nouuellement leuee en la Gaule d'alentour du Po. Mais en ces entreſaittes, les commēcemens de la plus grāde & plus perilleuſe guerre qu'il eut en toute la Gaule, aiāt eſté de longue main proiettez & menez ſecretemēt par les principaux hommes des plus belliqueuſes nations du païs, ſe deſcourirent tout à un coup, y aiant une uiſſance grāde à merueilles, tant pour le grād amas de gens de guerre qu'ilz leuerent, & d'armes qu'ilz aſſemblerent de toutes parts, comme pour les richesses qu'ilz meirent enſemble, pour les fortes places qu'ilz preparerent, & pour la malaifance des païs ou ilz ſe ſoubleuerent, meſmement lors qu'il eſtoit encore la ſaiſon d'hyuer, auquel les riuieres eſtoiet ge- lees, les bois & forests couuertes de neges, les campagnes noyees de torrens, & les champs comblez de nege ſi haulte, que lon ne pouuoit pas recognoiſtre les chemins, les marets, ruiſſeaux, & riuieres ſorties hors de riuies & debordees, rô- pans ou courans & cachans les uoies publiques. Toutes leſquelles difficultez enſemble, eſtoient bien, à ce qu'il leur eſtoit aduis, ſuffiſantes pour empescher

A que Cæsar ne peust courir sus à ceulx qui s'estoiēt rebellez. Si estoient plusieurs nations ensemble, qui auoient conspiré ceste rebellion: mais les deux principales estoient les Aruerniens & les Carnutes, qui auoient eleu pour capitaine en chef, & auquel ilz auoient donné la superintendēce de toute celle guerre, un Vercingetorix, duquel auparauant les Gaulois auoient fait mourir par iustice le pere, à cause qu'il leur sembla qu'il aspirast à se faire Roy. Ce Vercingetorix donques diuisant ses forces en plusieurs parties, & y commettant à chascuné plusieurs particuliers capitaines sous luy, auoit si bien prattiqué, qu'il auoit tiré à sa ligue tous les peuples d'alēuiron, iusques à ceulx qui sont deuers la mer Adriatique, aiant entrepris de faire prendre les armes tout à un coup à toute la

B Gaule ensemble, de tant plus mesmemēt qu'il estoit bien aduertty, que ceulx de Rome se bendoiēt desia à l'encōtre de Cæsar: tellement q̄ sil eust attēdu un peu plus tard, iusques à ce que Cæsar fust entré en ses guerres ciuiles, il eust mis l'Italie en aussi grande crainte, & aussi grand danger qu'elle auoit esté du temps des Cimbres. Mais Cæsar qui conduisoit tressagement toutes choses appartenantes au faict de la guerre, & qui sur tout se sçauoit tresbien seruir à poinct de l'occasion du temps, si tost qu'il entendit les nouuelles de ce soubleuement, se partit en diligence, retournant par les mesmes chemins qu'il estoit allé, faisans cognoistre aux Barbares qu'ilz auoient affaire à une force inuincible, & à laquelle il leur seroit impossible de resister, ueu la diligence extreme qu'il auoit

C faite avec son armee, par un si cruel hyuer: car là ou ilz n'eussent peu croire que un simple messager fust uenu en si peu de temps de là ou il estoit iusques à eulx, ilz furent esbahiz qu'ilz le ueirēt avec tout son exercite, gastant & bruslant leur plat païs, forceant & destruisant leurs uilles & places fortes, & receuant à mercy ceulx qui se retournoiēt deuers luy, iusques à ce que les Heduiens prirēt les armes cōtre luy, lesquelz auparauāt se souloient nōmer freres des Romains, & estoient grandement honorez par eulx, à l'occasion dequoy, les gens de Cæsar quand ilz entendirent comme ilz s'estoient conioints avec les peuples coniuers, en receurent grād desplaisir, & en furent fort descouragez: & pour ceste cause Cæsar se partant de là, passa à trauers le païs des Lingones, pour entrer en

D celuy des Sequaniens, qui estoient amis des Romains, & les plus pres de l'Italie de ce costé là, au regard du reste de la Gaule. Là le uindrent les ennemis assaillir & enuironner de tous costez, avec un nombre infiny de milliers de combattans, & luy aussi ne faillit pas de les attendre, & combattre si bien, qu'avec le temps & l'effroy qu'il leur donna, il les renga finablement à sa uolunté: mais du commencement pourtant il semble qu'il y receut quelque secousse, car les Aruerniēs monstroient en un de leurs temples, une espee pendue, qu'ilz disoiēt auoir esté gaignee sur Cæsar, & luy mesme depuis en passant un iour par là, la ueit, & s'en prit à rire, & cōme ses amis la uoulussent faire oster de là, il ne uolut pas qu'ilz le feissent, disant qu'il n'y falloir pas toucher, puis q̄ c'estoit chose sacree: toutefois à ce premier cōmencement, ceulx qui se sauuerēt de uistesse, ou la plus part d'iceulx se retirerent & s'en fouirent avec leur Roy dedās la uille d'Alexia, deuant laquelle Cæsar alla mettre le siege, encore qu'elle semblast estre imprenable, tant pour la haulteur des murailles, que pour la multitude des hommes de defence qu'il y auoit dedans. Mais durāt ce siege il luy suruint un peril de dehors plus grand que lon ne sçauoit à peine exprimer: car une armee de bien trois cents mille combattans, les meilleurs qui fussent entre routes les nations de la Gaule, le uint trouuer ainsi qu'il estoit au siege deuant Alexia,

Iulius Cæsar.

oultre ceulx qui estoient renfermez dedans la uille, qui ne montoient pas moins F
de soixante & dix mille : tellement, que se trouuât en serré entre deux si grosses
puissances, il fut contraint de se fortifier de deux murailles, l'une contre ceulx
de la uille, & l'autre cōtre ceulx de dehors, pource que si ces deux grosses puis-
sances se fussent iointes & assemblees ensemble, certainement c'eust esté fait
de Cæsar : parquoy ce siege d'Alexia, & la bataille qu'il gagna deuant, à bon
droit luy acquirent plus d'honneur & de gloire, que nulle autre, pource que ce
fut le danger ou il feit plus d'actes de prouesse, de hardiesse, de bon sens & sa-
gesse, qu'il ne feit en affaire ou il se trouuaist onques. Mais ce qui fait plus à es-
merueiller en cela, est, que ceulx de la uille ne sceurent iamais rien de ceulx qui
les uenoient secourir, sinon apres que Cæsar les eust desfaits, & encore plus, que G
les Romains mesmes, qui estoient ordōnez pour garder la muraille bastie cō-
tre la uille, n'en sceurent rien non plus, sinon apres le faict, quand ilz entendi-
rent le cry des hommes, & les lamentations des femmes qui estoient dedans
Alexia, quand ilz apperceurent aux autres costez de la uille force pauois estoif-
fez d'or & d'argēt, force cuirasses & corselets sanglans, force meuble & uaisse-
le, force tentes & paillons faits à la mode des Gaulois, que les Romains ap-
portoient de la desconfiture en leur camp, tant ceste grosse puissance disparut
& s'esuanouit soudainement, ne plus ne moins qu'un fantasme ou un songe,
aiant esté la plus part occise en un iour de bataille sur le champ. Au reste ceulx
d'Alexia apres auoir donné beaucoup de trauail & à Cæsar & à eulx mesmes, H
finablement se rendirent : & Vercingetorix, celuy qui auoit suscité & conduit
toute ceste guerre, s'estant armé de ses plus belles armes : & aiant aussi paré & ac-
coustré son cheual de mesme, sortit par les portes de la uille, & alla faire un
tour tout à cheual à l'entour de Cæsar, estant assis en sa chaire : puis descendant
à pied, osta tous les ornemens à son cheual, & despouilla toutes ses armes, qu'il
ietta en terre, & s'alla seoir aux pieds de Cæsar sans mot dire, iusques à ce que
Cæsar le bailla en garde cōme prisonnier de guerre, pour apres le mener à Ro-
me en triumphe. Or auoit Cæsar de long temps proposé & entrepris de ruiner
Pompeius, comme aussi Pompeius luy, pource que aiant Crassus este tué par les I
Parthes, qui seul pouuoit espier, que l'un d'eulx deux dōnast en terre, il ne re-
stait plus à Cæsar pour se faire le plus grand, que de destruire Pompeius qui l'es-
toit, ny à Pompeius pour obuier à ce que cela ne luy aduint, que de desfaire
le premier Cæsar, que seul il craignoit : combien qu'il n'y auoit pas long temps
qu'il commenceoit à le craindre, pource que iusques à un peu deuant ce temps
il auoit tousiours fait peu de compte de luy, estimāt que ce luy seroit tousiours
chose bien facile de desfaire, quand il uoudroit, celuy qu'il auoit fait tel com-
me il estoit. Mais Cæsar au contraire, s'estant des son commencement propo-
sé ce but là, comme un champion de lucte, qui n'estudie sinon cōment il pour-
ra terrasser & abbatre ses aduersaires, se retira à l'escart loing de Rome pour
s'exerciter en ces guerres de la Gaule, là ou il aguerrit son armee, & quand & K
quand augmenta la gloire de son nom par ses haults faicts d'armes : de manie-
re qu'il se uint à egaler aux gestes de Pompeius, & ne luy resta plus pour execu-
ter & mettre à effect son entreprise, que quelques occasions coulōrees, que Pō-
peius en partie luy donna, & en partie aussi les temps luy apporterēt, & sur tout
le mauuais gouuernement qu'il y auoit pour lors en la chose publique Romaine,
par ce que ceulx qui y poursuiuoient les estats & offices, acheproient les
uoix du peuple à beaux deniers comptans, qu'ilz deliuroient públiquement à

A la banque sans uergongne ne crainte quelconque, & uenoit le commun populaire aiant uendu ses uoix à pris d'argët, au lieu & iour de l'election, combattre pour celuy qui l'auoit payé, non avec ses uoix & suffrages, mais avec arcs, fondes & espèces, de sorte que l'assemblée bien peu souuent se departoit, que la tribune aux haréques ne fust souillée & diffamée de sang, & de morts qui y estoient occis sur la place, demourant ce pendant la uille en trouble sans magistrats qui y commandassent, ne plus ne moins qu'une nauire en tourmente, sans pilote: tellement que les hommes de bon sens & de bon iugemēt uoians une telle fureur & une telle confusion, se fussent bien contétez, de peur qu'il ne leur aduint pis, filz fussent rûbez en une monarchie, & en la main d'un seul qui eust eu souueraine puissance, & y en auoit plusieurs qui osoiēt bien dire publiquemēt, qu'il n'y auoit plus ordre de remedier aux maulx de la chose publique, que par le moien d'un seul, auquel on donnaist plein pouuoir, puissance & authorité souueraine, & qu'il falloit prendre ceste medecine par la main de celuy qui seroit le plus doux & plus gracieux medecin, uoulans couuertement donner à entendre Pompeius: & comme luy mēme soubz belles paroles fardees, monstraist semblant de ne le uouloir point, & ce pēdant soubz main procuraist toutes les choses qui pouuoient seruir à ceste fin, & taschaist, plus que nul autre, à se faire elire Dictateur, Caton s'en apperceuant bien, & craignant qu'à la fin le peuple ne fust par luy forcé de ce faire, suada au Senat de le declarer plus tost seul Consul, à fin que se contentant de ceste plus iuste & plus legitime principauté, il n'en conuoirast point d'autre: ce que non seulement le Senat luy otroya, mais d'auantage luy prolongea le temps du gouuernement de ses Provinces: car il en auoit deux, l'Hespagne, & l'Afrique toute entiere, lesquelles il regissoit & administroit par ses lieutenans qu'il y commettoit, entretenāt son armee des mille* talents que la chose publique luy fournissoit par chascun an. Cela fut cause que Cæsar enuoya aussi gens pour demander en son nom le Cōsulat, & semblablement prolongation du temps de son gouuernemēt, à quoy Pompeius du commencement se teut: mais Marcellus & Lentulus, qui haïssoiēt Cæsar d'ailleurs, y contredirent fort & ferme, en adiouxant à ce qui estoit necessaire à dire ou à faire, d'autres choses, qui ne l'estoiēt pas, pour luy faire hôte & despit: car ilz priuerent du droit & priuilege de bourgeoisie Romaine, les manans & habitans de la uille de Noucome en la Gaule de deuers l'Italie, ou Cæsar de nagues les auoit logez: & Marcellus estant Cōsul, feit de son temps fouetter de uerges un des Senateurs de là, qui estoit uenu pour cest affaire à Rome, en disant qu'il luy imprimoit expressement ces marques là, à fin qu'il cogneust par là, qu'il n'estoit point citoyen Romain, & qu'il les allast monstrier à Cæsar. Mais depuis ce consulat de Marcellus, Cæsar laissant desia puiser en ses coffres les richesses Gauloises, à ceulx qui sentremettoient du gouuernement de la chose publique à Rome, tant comme ilz en uouloient: & aiant ia acquitté **E** Curio d'une somme de debtes, & donné au Consul Paulus* mille cinq cents talents, dont il feit bastir ce tant renômé Palais, ioignant la place, q̄ lon appelle la Basilique de Paulus, au lieu de celuy de Fuluius: alors Pompeius entrant en crainte de ceste menee, commença à prochasser ouuertement, tant par luy comme par ses amis, que lon enuoyast un successeur à Cæsar, & luy redemanda les gens de guerre qu'il luy auoit prestez pour la guerre & conqueste de la Gaule. Cæsar les luy renuoia, faisant present à chascun particulier soudard de* deux cents cinquante drachmes d'argent: mais ceulx qui les ramenerent, quand ilz

* Soixāte mille escus.

* Nonāte mille escus.

* Vingt cinq escus.

Julius Cæsar.

furent à Rome, semerent parmy le peuple des paroles qui n'estoient ny belles F
ny bonnes à l'encontre de Cæsar, & abusèrent Pompeius mesme de faulces per-
suasions & uaines esperances, luy dõnant à entendre qu'il estoit singulieremēt
desiré au camp & en l'armee de Cæsar : & que si pardeça dedans Rome il faisoit
mal aiseement ce qu'il uouloit, tant pour l'enuie qu'on luy portoit, que pour
quelques mauuais humeurs cachees entre ceulx qui se mesloient du gouuer-
nement de la chose publique, il se pouuoit asseurer que par dela toute l'armee
estoit à son commandement : & que si les soudards repassoient une fois les mōts
& retournoient en Italie, ilz se uiendroient incōtinent tous rendre deuers luy,
tant ilz haïssoient Cæsar à cause qu'il les faisoit trop traualier & continuelle-
ment combattre, ioint aussi qu'il leur estoit suspect, & qu'ilz se doubtoient qu'il G
aspiroit à se faire Monarque. Ces propos enflerēt Pōpeiū de uaine presumptiō
de soy mesme, & le rendirent nōchalant, de sorte qu'il ne teint compte de fai-
re ses preparatifz pour la guerre, comme n'ayant point d'occasion de craindre,
& s'amusant à resister à Cæsar de paroles seulement, & d'opinions contraires à
ses demandes au Senat, cuidant bien le combattre pour dire, Je suis d'aduis de
cecy ou de cela : mais Cæsar ne s'en soucioit point. Car lon dit que l'un de ses
capitaines qu'il auoit enuoyé pour ses affaires à Rome, estant deuant la porte
du Senat, & entendant que lon ne luy auoit pas uolu donner la prolōgation
du temps de son gouuernement qu'il auoit demandé, en frappant de la main
sur la poignee de son espee dit, Et puis que uous ne luy uoulez pas ottroyer, ce- H
ste cy le luy baillera. Toutefois les demandes que proposoit Cæsar, auoient la
plus belle apparence du monde : car il disoit qu'il estoit cōtent de laisser les ar-
mes, pourueu que Pompeius les laissast aussi, & que tous deux, comme person-
nes priuees, uinsent à prochasser d'obtenir quelque bonne recompense de leurs
citoiens, remonstrent que ceulx qui luy ostoient la force des armes, & la con-
firmoient à Pompeius, le calumnioient à tort de se uouloir faire Monarque, &
ce pendant donnoient les moiens à l'autre de l'estre. Curion faisant ces offres
& remonstrances au nom de Cæsar publiquement deuant le peuple, fut ouy à
grande ioye & grands battemēs de mains, de maniere qu'il y en eut qui luy iet-
terent des bouquets & des fleurs sur luy quand il s'en alla, ne plus ne moins que I
lon fait aux chāpions qui sont declarez uictorieux es ieux de pris. Et Antonius,
l'un des Tribūs du peuple en apporta une lettre missiue que Cæsar en escriuoit,
& la feit lire publiquement par les Consuls. Mais au Senat Scipiō, beaupere de
Pompeius, meit en auant une telle sentence, que si dedans certain iour prefix,
Cæsar ne posoit les armes, qu'il fust iugé & déclaré ennemy du peuple Romain.
Et lors les Consulz demanderent tout hault à l'assistance des Senateurs, silz e-
stoient d'aduis que Pōpeiū laissast les armes : à laquelle demāde il y en eut bien
peu qui s'accordassent : & puis apres demanderent silz estoient d'aduis que Cæ-
sar les laissast : & à celle là, presque tous dirent que ouy. Mais comme Antonius
adonc requist, que tous deux ensemble les laissassent, alors tous egale- K
ment furent d'aduis : toutefois pour l'importune uiolence de Scipion & de Marcel-
lus, qui crioient qu'il falloit user de force d'armes, non pas d'opinions, contre
un larron, le Senat adonc se leua sans rien arrester & changea lon de robbes
par la uille, comme lon a accoustumé de faire en un deuil public, à cause de ce-
ste dissension. Depuis il uint d'autres lettres de Cæsar, qui sembloient encore
plus raisonnables, car il requeroit qu'on luy baillast la Gaule qui est entre les
monts des Alpes, & l'Italie, avec l'Esclauonie, & deux legions seulemēt, en de-
laissant

- A** laissant toute autre chose, iusques à ce qu'il peust prochasser un second Consul. Et Ciceron l'orateur, nagueres retourné de son gouuernement de la Cilicie, cherchant tous moiens de les accorder, amollissoit le plus qu'il pouuoit Pompeius : lequel disoit qu'il estoit bien d'opinion de luy accorder le demourant de ce qu'il demandoit, pourueu qu'il laissast ses gens de guerre. Et Ciceron sollicitoit enuers les amis de Cæsar, qu'ilz se contentassent de ces deux prouinces, & de six mille hommes de guerre seulement pour auoir paix: à quoy Pompeius mesme se plioit bien, & les luy concedoit: mais Lentulus le Consul ne le uolul point, ains chassa Curion & Antonius ignominieusement hors du Senat, donnant eulx mesmes à Cæsar la plus belle couleur & plus honeste couuerture qu'il eust sceu desirer, par laquelle il irrita le plus ses souldards, en leur môstrant ces deux personnages constituez en dignité & office publique, qui auoient esté cōtrains de s'en fouir deuers luy desguisez en esclaués sur des uoitures de louage: car ilz s'estoiēt ainsi habillez de peur, au sortir de Rome. Or n'auoit il pas pour lors à l'entour de luy plus de cinq mille hommes de pied, & trois cēts cheuaux, pource que le reste de son armee estoit demouré delà les môts, qu'il auoit ia enuoyé querir: mais uoiant que l'exécution de son desseing & de son entreprise n'auoit pas besoing de grand nombre de gens de guerre du commencement, ains plus tost d'estonnement de sa hardiesse, & de soudaineté de rair l'occasion du temps, pourautant qu'il effroyeroit plus facilement ses aduersaires en les surprenant au desprouueu, lors qu'ilz ne croiroient iamais qu'il deust uenir, qu'il ne les forceroit en les allant assaillir avec toute sa puissance, quand il leur donneroit loisir de se prouueoir: il commāda à quelques siens capitaines & chefs de bandes, qu'ilz s'en allassent sans faire semblāt de rien avec leurs espees seulement, & non autres armes en la uille d'Ariminum, grande uille, que lon rencontre la premiere au sortir de la Gaule, & qu'ilz s'en saisissent sans tuer ny blecer personne, & sans emouuoir tumulte, que le moins qu'il leur seroit possible: puis aiant commis la superintendence de tout ce qu'il auoit de force quād & luy à l'un de ses familiers nommé Hortēsius, tout le long du iour il demoura en public en ueuē de tout le monde à regarder combattre des escrimeurs à outrance, qui s'exercitoient aux armes deuant luy, iusques à un peu deuant le soir qu'il entra en son logis, là ou apres s'estre un peu estuué, il entra dedans la sale, & fut quelque temps avec ceulx qu'il auoit fait cōuier à soupper quand & luy: puis quand se uint à la nuict close, que lon ne uoioit desia plus goutte, il se leua de table, & pria la compagnie de faire bonne chere, & que personne ne bougeast, pource qu'il reuiendrait incontinent: mais il auoit deuant aduertiy quelques uns de ses plus feaux amis, en petit nombre, qu'ilz le suiussent, nō pas tous ensemble, mais les uns par un chemin, les autres par un autre, & luy montant dessus un coche de louage, fait semblant d'aller d'un autre costé du commencement, & puis tourna tout court deuers Ariminum. Quand il fut arriué
- E** au petit fleuue de Rubicon, lequel separe la Gaule de deça les Alpes d'avec le reste de l'Italie, il sarresta tout coy: car plus il approchoit du faict, plus il luy uenoit en l'esprit un remors, de pēser à ce qu'il attentoit, & plus il uarioit en ses pensemens, quand il consideroit la grande hardiesse de ce qu'il entreprenoit. Si feit adonc plusieurs discours en son entendement sans en dire mot à personne, inclinant tantost en une part, & tantost en une autre, & changea son conseil en beaucoup de partis cōtraires à part soy, aussi en disputa il beaucoup avec ceulx qu'il auoit de ses amis quand & luy, entre lesquelz estoit Asinius Pollio,

Julius Cæsar.

* Le Grec dit en
sa maniere de
parler, Le dē soit
icū.

discourant avec eulx, de combien de maulx par le monde seroit causé & com- F
mencement ce passage de la riuere, & combien leurs successeurs & suruiuans
en parleroient un iour à l'aduenir. Mais finalement se iettant comme par une
impetuosité de courage hors de tout ce pensēmēt de l'aduenir, & disant ce mor
qu'ont accoustumé de dire ordinairement ceulx qui se aduenturent à entrepri-
ses fort hazardeuses & hardies, * A tout perdre n'y a qu'un coup perilleux, poul-
sons : il se meit à passer la riuere, & depuis qu'il l'eut une fois passée, il ne feit
plus que courir sans arrester nulle part, de sorte qu'auant le iour il fut dedans
Ariminum & s'en saisit. Mais on dit que la nuit de deuant qu'il passa ceste riuie-
re, il eut en dormant une illusion damnable, c'est, qu'il luy fut aduis qu'il auoit
affaire avec sa propre mere. Si tost que les nouvelles de la prise d'Ariminū furēt G
espondues, ne plus ne moins que si la guerre eust esté ouuerte tant par mer que
par terre à portes arriere renuersees, & que si toutes les loix Romaines, aussi biē
que les bornes de son gouuernement, fussent entieremēt transgressées, on eust
dit que les uilles mesmes toutes entieres se leuans de leur places s'en fuyoient
de l'une à l'autre par toute l'Italie, non pas les hommes & les femmes à l'effroy,
comme l'on auoit bien ueu autrefois, de maniere que la cité de Rome mesme,
fut incontinent toute remplie, comme d'un flux, des peuples uoissins tout à l'en-
uiron, qui s'y ietterent de tous costez à la foule, sans qu'il y eust plus officier ny
magistrat qui la peust par autorité regir, ny par remonstrance de raison cō-
tenir en une si uiolente tempeste & torment, tellemēt qu'il s'en fallut bien peu H
qu'elle ne se ruīnast d'elle mesme, pour autant qu'il n'y auoit endroit ou il n'y
eust des affections contraires, & des emeutes uiolentes & dangereuses, à cause
que ceulx qui estoient bien aises de ce trouble, ne s'arrestoient pas en une place,
ains allant ça & là par la uille, quand ilz en rencontroiēt d'autres en plusieurs
lieux qui monstroīēt semblant d'estre espouuētez ou desplaisans de ce tumult-
re, comme il est impossible autrement en une si grande uille, entroient de pa-
roles en picque avec eulx, & les menassoient audacieusement de l'aduenir. Pō-
peius mesme, qui d'ailleurs se trouuoit assez estonné, estoit encore plus troublé
par les mauuais langages que les uns luy uenoient tenir d'un costé, les autres
d'un autre, luy reprochans aucuns que c'estoit bien employé, & qu'il portoit a- I
donc meritoirement la penitence de ce qu'il auoit agrandy Cæsar à l'encontre
de soy mesme & de la chose publique. Autres le blasmans de ce qu'il auoit re-
fuzé les honestes offres & raisonnables cōditions de paix que Cæsar luy auoit
offertes, en le laissant contumelieusement iniurier par Lentulus. D'autre costé
Faonius luy disoit qu'il frappast lors cōtre la terre, à cause qu'un iour en plein
Senat Pompeius parlant haultainement, auoit dit que personne ne s'enquist
ny ne se souciaist de ses preparatifs pour la guerre, pource que toutes & quantes
fois qu'il uoudroit frapper du pied cōtre la terre, il empliroit d'armees toute l'I-
talie. Ce neantmoins encore estoit il lors plus puissant que Cæsar, en nombre
de gens de guerre : mais on ne le laissa iamais user de son conseil, ains luy ap- K
porta lon tant de nouvelles faulses, & luy meit on tant de frayeurs deuant les
yeux, comme filz eussent desia eu leur ennemy à leur cueuē, & qu'il eust desia
tenu tout en sa main, qu'il ceda à la fin, & se laissa emporter à la foule des autres,
prenant ceste resolution qu'il uoioit les choses en tel trouble & en tel tumulte,
qu'il estoit force d'abandonner la uille, commandant à ceulx du Senat qu'ilz le
suyussent, & qu'il n'y en eust pas un qui demourast derriere, si n'estoit qu'il ai-
mast mieulx la tyrannie que la liberté & la chose publique. Ainsi les Consulz
mesmes

- A** mesmes avant que faire les sacrifices ordinaires, qu'ilz ont accoustumé de faire premier que sortir de la uille, s'en fouyrent, aussi feit la plus part des Senateurs, prenans à la haste chez eulx, ce qui premier leur uenoit à la main, ne plus ne moins que s'ilz l'eussent pillé à la desrobbee chez autrui : & y en eut aucuns de ceulx mesmes, qui de tout temps auoient fort affectueusement tenu le party de Cæsar, qui eurent lors le sens si troublé de cest effroy, qu'ilz s'en fouyrent aussi, & se laisserent emmener au cours de l'emeute, sans qu'il en fust aucun besoing. Mais sur tout estoit-ce chose pitoiable à uoir, que la uille, laquelle s'en alloit à l'adventure, comme une nauire abandonnee des pilotes, desesperans de la pou- uoir sauuer en si grosse tourmente : toutefois quoy que la departie en fust si mi-
B serable, encore estimoient les hommes que la fuite fust leur pais pour l'amour qu'ilz portoient à Pompeius, & abandonnoient Rome ne plus ne moins que si c'eust esté le propre camp de Cæsar, ueu que Labienus mesme, qui estoit l'un des plus grands amis de Cæsar, comme celuy qui auoit tousiours esté son lieutenant en la guerre de la Gaule, & qui festoit tousiours porté tresuaillement en tous les affaires ou il festoit trouué, l'abandonna lors, en se retirant deuers Põpeius : mais Cæsar luy enuoya apres luy son argent & tout son bagage, puis alla camper deuant la uille de Corfinium, dedans laquelle estoit Domitius avec trente enseignes : lequel se uoyant assiegé, cuida incontinent estre perdu, & desesperant de son fait, demanda à un sien esclau, qui estoit medecin, du poison. Le
C medecin luy bailla un breuuage, qu'il beut, pensant bien en mourir : mais tantost apres oyant raconter comme Cæsar uisoit d'une merueilleuse clemence & humanité enuers ceulx qu'il prenoit, il se repentit d'auoir beu le breuuage, & commença à se lamenter, & à regretter le trop temeraire conseil qu'il auoit pris. Le medecin le reconforta, en luy remonstrant qu'il auoit beu un breuuage pour faire dormir seulement, dont il fut fort aise, & s'en alla tout aussitost rendre à Cæsar, lequel luy donna la uie sauue, & neantmoins l'autre ne laissa pas de se desrobber incontinēt, & s'en fouyr deuers Pompeius. Ces nouuelles portees à Rome, resiouirent & reconforterent fort ceulx qui y estoient demourez : & y en eut de ceulx qui en estoient fortis, qui y retourne-
D rent. Pendant Cæsar prit à sa soude les gens de Domitius, & autant en feit il par toutes les uilles, ou il surprit les capitaines qui leuoient gens de guerre pour Pompeius, de sorte qu'ayant ia assemblé une grosse & redoubtable puissance, il tira droit ou il le pensoit trouuer luy mesme : mais Pompeius ne l'attendit pas, ains s'enfouit en la uille de Brundisium, de là ou il feit passer deuant à Dyrrachium les deux Consulz, avec ce qu'ilz auoient de forces, & luy mesme y passa aussi puis apres, quand il sentit que Cæsar estoit arriué, ainsi comme nous declarerons plus amplement & par le menu cy apres en sa uie. Si eust bien uoulu Cæsar aller apres & le poursuyure tout promptement : mais à faulte de uaisseaux, il s'en retourna tout court à Rome, festât fait en l'espace de soixâte iours
E maistre & seigneur de toute l'Italie, sans aucune effusion de sang. Estant à Rome, il la trouua beaucoup plus paisible qu'il ne s'attendoit, & y rencontra plusieurs Senateurs, ausquelz il parla treshumainemēt & gracieusement, les priāt de uouloir enuoyer deuers Pompeius, pour accorder leurs differents avec toutes conditions iustes & raisonnables : ce que toutefois ilz ne firent pas, soit ou pource qu'ilz redoubtassent la fureur de Pompeius, à cause qu'ilz l'auoient abandonné, ou qu'ilz estimassent que Cæsar au fõd de son cuer ne le uolust pas ainsi qu'il le disoit de bouche, usant de tel langage pour une honeste couerture seu-

Julius Cæsar.

lement: & comme l'un des Tribuns du peuple, Metellus, le uolust empêcher de prendre de l'argēt es coffres du tresor & espargne publique, & luy alleguast quelques loix qui le defendoient, il luy respondit, Que le temps des armes & le temps des loix estoient deux: & si ce que ie fais d'aduenture te desplaist (dit il) oste toy d'icy pour ceste heure: car la guerre ne comporte point ceste licence de contredire ainsi franchement de paroles: & puis quand i'auray posé les armes, & que nous aurons fait appointement, alors tu uiendras prescher & haréguer tant que tu uoudras: encore te dis- ie cela de grace, en remettant & relaschant autant de mon droit: car tu es à moy, toy & tous ceulx qui m'aians esté contraires estes tumbz soubz mes mains. En disant ces paroles, il s'en alla au tresor: & pource que lon ne trouuoit point les clefz, il feit uenir des ferruriers, & feit leuer les ferrures: à quoy Metellus s'opposa de rechef, & y eut là quelques uns qui l'en louerent, disans qu'il faisoit bien, iusques à ce que Cæsar grossissant sa parole, le menassa qu'il le tueroit tout roide, s'il le faschoit d'auantage, & si luy dit plus: Tu sçais bien, ieune homme, qu'il m'est plus malaisé de le dire, que de le faire. Ceste parole feit non seulement que Metellus se retira lors bien uiste de peur: mais aussi que depuis on luy fournit tousiours promptement tout ce qu'il luy fallut pour la guerre: car il la uoloit aller faire en Hespagne pour en chasser Petreius & Varro, lieutenāns de Pompeius, & mettre en ses mains les armées & les prouinces qu'ilz tenoient premierement, à fin de s'en aller puis apres contre Pompeius mesme, en ne laissant rien derriere, qui luy fust ennemy. Il fut en ce uoiage là par plusieurs fois en danger de sa personne, pour les embusches & aguets, que lon luy dressa en beaucoup de lieux & de manieres, & en danger aussi de perdre toute son armee à faulte de uiures, & neantmoins il ne cessa iamais de poursuiure, prouoquer à la bataille, & enfermer de tréchees ces lieutenans de Pōpeius, iusques à ce qu'il eut reduit leurs camps & leurs armées par force en son obeissance: uray est que les chefs se sauuerēt, & s'enfouyrēt deuers Pōpeius. Quād il fut de retour à Rome, son beaupere Piso le pria d'enuoyer des ambassadeurs à Pompeius, pour chercher les moiēs d'appointer avec luy: mais Isauricus pour gratifier à Cæsar y contredit, & aiant esté créé Dictateur par le Senat, il rappella incontinent les bannits, il remeit en tous honneurs les enfans des proscripts, condemnez & bannits du temps de Sylla, & soublagea un peu les debtors, en retréchant partie des usures qui couroient sur eulx, & feit encore quelques autres telles ordonnances, mais bien peu: car il ne reteint la souveraine puissance de Dictateur que unze iours seulement, & en la quittant, il se nōma luy mesme Consul avec Seruilius Isauricus, puis se meit aussi tost à poursuiure le reste de sa guerre, laissant derriere par le chemin le reste de son armee, & se mettāt deuant avec six cents cheuaux, & cinq legiōs de gens de pied seulement au cueur d'hyuer, enuiron le mois de Iāuier, qui respōd à celui q les Atheniēs appellēt Posideon: & aiāt trauersé la mer Ionique, & mis ses gēs en terre, il prit les uilles d'Oricum & d'Apollonie, puis renuoia ses uaisseaux en la uille de Brundisiū pour luy amener le reste de ses souldards, qui n'auoit peu cheminer si tost q luy, lesquelz pendant qu'ilz furent par le chemin, cōme gens qui auoient ia passé la fleur de leur aage & la uigueur de leur corps, & qui desormais se trouuoient las & recreuz de combattre tant d'ennemis en tant de batailles, faisoient entre eulx leurs plaintes de Cæsar, en disant: Quād sera- ce à la fin, & à quel but, que cest homme cessera de nous trainner par tout le monde apres luy, en se seruuant de nous, ne plus ne moins que si nous fussions utilz insensibles & impassibles?

A fibres: il n'est pas le fer de noz armes qui ne soit usé à force de coups: ne cessons nous iamaïs apres un si long temps d'auoir le halecret sur le dos, & le pa-
 uois sur le bras: Cæsar ne deust il pas pèser, au moins quand il uoid nostre sang,
 noz playes & noz bleccures, que nous sommes hommes mortelz, & que nous
 sentons les maülx & les douleurs que sentent les autres hommes? & il nous ua
 au cueur d'hyuer exposer à la mercy des uèts & de la mer, en tēps que les Dieux
 mesmes ne sçauroient pas forcer, comme fil fuyoit deuât ses ennemis & ne les
 poursuuiuoit pas. En tenât ces langages, les soudards s'acheminoient tousiours
 à petites iournees deuers la uille de Brundisium: mais quand ilz y furent arri-
 uez, & qu'ilz trouuerent que Cæsar auoit desia fait uoile, ilz changerent bien
B soudainement de langage & de uolunté: car ilz se blasmerent eulx mesmes, &
 dirent iniures à leurs capitaines aussi, pour autant qu'ilz ne les auoient hastez
 d'auantage de cheminer, & se seants sur les plus haultz rochers & pointes de
 la coste, iettoient leur ueuë dessus la haulte mer, regardās uers le royaume d'E-
 pire, filz uerroiēt point reuenir les uaisseaux pour les passer. Ce pendant Cæsar
 qui estoit en la uille d'Apollonie, n'ayant pas armee suffisante pour combattre
 son ennemy, se trouuoit en grâde peine de ce que le reste demouroit trop à ue-
 nir, ne sachant qu'il deuoit faire: mais à la fin il se resolut à un conseil fort dā-
 gereux, de s'embarquer à la desrobbee sur une fregate à douze rames seulement
 pour repasser derechef à Brundisium: ce qui ne se pouuoit faire sans extreme
C peril, ueu que toute celle mer estoit occupee par grosses flottes & puissantes ar-
 mees des ennemis. Si s'ēbarqua une nuit uestu d'une robe d'esclauē, & se ietta
 dedans la fregate sans mot dire, non plus que fil eust esté quelque personne de
 basse & uille cōdition. La fregate estoit sur la riuere d'Anius, la bouche de la-
 quelle fouloit estre ordinairement platte & tranquille, pour un petit uent de ter-
 re qui se leuoit tous les matins, & repoulsoit bien loing les flots de la haulte
 mer: mais ceste nuit là d'aduētūre il souffla un uent marin qui amortit le uent
 de terre, de maniere que la roideur du cours de la riuere, uenant à combattre
 contre le flot de la mer & à l'encontre de la uiolence des uagues, l'emboucheu-
 re en deuenoit fort perilleuse, estant l'eau de la riuere repoulsee & reboursee
D contremont avec grād bruit & dangereux tournoyement d'eau: au moien de-
 quoy le maistre qui gouuernoit la fregate, uoiant qu'il ne pouuoit uenir à bout
 de sortir hors de ceste emboucheure, commāda à ses mariniers de s'ier en arrie-
 re pour retourner à mont l'eau, ce que sentant Cæsar, se donna incontinet à co-
 gnoistre à luy, qui fut de prime face bien estonné de le ueoir au uisage, & Cæ-
 sar le prenant par la main luy dit, Mon amy aies bon courage, & poulse hardi-
 ment sans craindre rien, car tu menes Cæsar & sa fortune quand & luy. Adonc
 les matelots oublians tout le danger de la tourmente, se remeirent à uoguer en
 auant, & feirent tout l'effort qui leur fut possible pour cuider forcer le uent &
 sortir hors la bouche de ceste riuere, mais à la fin il n'y eut ordre, pource que la
E fregate semplissoit fort d'eau, & fut bien pres d'aller à fond, tellement que Cæ-
 sar se trouua contraint à son grand regret de retourner en arriere: & comme il
 s'en retournoit en son camp, les soudards luy uindrent au deuant en foule, se
 plaignans à luy, & luy faisans leurs doleances, de ce qu'il ne s'asseuroit pas de
 pouuoir uaincre ses ennemis avec eulx seuls, ains se tourmentoit iusques à met-
 tre sa personne en danger pour aller querir les absents, à cause qu'il ne se fioit
 pas des presents. Mais sur ces entrefaites arriua Antonius amenāt de Brundu-
 sium le demourant de l'armee: parquoy Cæsar se sentant fort assez, alla pre-

Julius Cæsar.

.. senter la bataille à Põpeius, lequel estoit logé fort à propos pour auoir uiures
.. tant par mer que par terre: mais Cæsar qui des le commencement n'en auoit pas
.. eu abondance, s'en trouua bien tost à destroit, tellemēt que ses gens cueuilloiet
des racines qu'ilz mesloient avec du laiēt, & les mangeoient: ilz en faisoient
aussi du pain, & quelquefois en escarmouchant contre les ennemis, & courant
au long de ceulx qui faisoient le guet, leur en iettoient iusques dedās leurs trē-
chees, disans, que tant comme la terre produiroit de telles racines, iamais ne
cesseroient de tenir Pompeius assiegé. Pompeius defendit que lon ne semast ny
ces paroles ny ce pain parmy son camp, de peur que cela ne feist perdre le cueur
à ses gens, & qu'ilz n'eussent horreur quand ilz uiendroient à considerer la du-
reté & aspreté des ennemis à qui ilz auoient affaire, attendu qu'ilz ne selassoiet
de rien, non plus que bestes sauages. Or se faisoit il ordinairement des cour-
ses & escarmouches tout ioignant les trenchees & fortifications du camp de
Pompeius, esquelles Cæsar auoit presque tousiours l'aduantage, excepté une
seule ou ses gens fouyrent à ual de rouverte si effroyement, qu'il fut ce iour là en
grand danger de perdre camp & tout: pource que Pompeius sortit en bataille
sur eulx, & ne le peurent soustenir, ains furent menez battant iusques dedans
leur camp, les trenchees duquel en furent toutes comblees de morts que lon
tuoit iusques dedans les portes & tout contre les remparemens, tant ilz furent
uiument & de pres poursuiuis. Cæsar alla bien au deuant des fuians pour ras-
cher à leur faire tourner uisage, mais il n'y gagna riē: car quand il cuidoit pré-
dre les enseignes pour les arrester, ceulx qui les portoient les iettoient à terre,
de maniere que les ennemis en prirent iusques au nombre de trente & deux, &
s'en fallut biē peu que luy mesme n'y fust occis: car comme il eust ietté sa main
sur celle d'un grād & puissant soudard qui fuyoit tout au lōg de luy, en luy fai-
sant commandement de demourer & monstrier uisage à l'ennemy, le soudard
plein de frayeur haulsa l'espee pour le frapper: mais l'escuyer de Cæsar le preuint
qui luy aualla l'espaule d'un coup d'espee: & fut Cæsar ce iour là en si grand de-
sespoir de ses affaires, que quand Pompeius, pour quelque crainte ou par quel-
que enuie de fortune eut failly de mettre fin à ceste grande besoigne, & se fut
retiré en son camp, se contentant d'auoir r'embarré & chassé ses ennemis ius-
ques dedans le leur, Cæsar retournāt au sien avec ses amis, dit hault & clair, La
uictoire estoit auourd'hui à noz ennemis, s'ilz eussent eu un chef qui eust sceu
uaincre. Retourné qu'il fut en son logis, il se coucha, & luy fut celle nuit la
plus mauuaise & plus fascheuse qu'il eut onques: car il ne cessa de discourir en
son entendemēt avec une grāde destresse, la grāde faulte qu'il auoit faite en la
conduite de s'estre opiniastré à demourer tant là au long de la marine, estans
ses ennemis les plus puissans par la mer, ueu qu'il auoit deuāt soy un pais large
& plantureux de tous biēs, des uilles de la Macedoine & de la Thessalie, & n'a-
uoit pas eu le sens de tirer la guerre, sans tant s'amuser là à perdre temps, en lieu
ou il estoit plus assiegé de ses ennemis par faulte de uiures, que luy ne les assie-
geoit par force d'armes: ainsi se faschant & ennuyāt de se uoir ainsi à destroit
de uiures, & ses affaires en si mauuais train, il se délogea de là ou il estoit, en de-
liberation d'aller trouuer Scipion en la Macedoine, faisant son compte, que ou
il attireroit Pompeius à la bataille malgré luy, quand il n'auroit plus la mer à
son dos qui luy fournist uiures en abondance, ou bien qu'il desferoit aiseemēt
Scipion quand il seroit seul, s'il n'estoit secouru. Ce délogement de Cæsar eleua
le cueur à l'armee de Pompeius, & à ses capitaines, qui uoulurent à toute force
que

A que lon allast apres luy, comme ia fuyant & desfait: mais quāt à luy, il ne uou-
loit point en sorte du monde, hazarder la bataille qui estoit de si grande con-
sequence, ains se sentant tresbien prouueu de toutes choses necessaires pour at-
tendre le temps, uouloit tirer ceste guerre en longueur, à fin de matter & con-
sumer par traict de temps ce peu de uigueur qui restoit à l'armee de Cæsar, de
laquelle les meilleurs hommes estoient bien aguerriz, & auoiēt une hardiesse
nompareille pour un iour de bataille: mais d'aller ainsi errant par pais, & re-
muant ainsi souuent le camp de lieu à autre, combattre une muraille, aller au
guet, & estre en armes toutes les nuits, ilz ne le pouuoiet, la plus part, plus fai-
re, à cause de leur uieillesse, estans deormais deuenus trop pesans pour porter
B ceste peine, de maniere que la foiblesse de leurs corps leur diminuoit aussi d'au-
tant la uigueur du courage. D'auantage il festoit mis quelque maladie pestilē-
te entre eulx procedee des mauuaises uiandes, qu'ilz auoient esté contrains de
manger: &, qui estoit encore pis, il n'estoit ny fort d'argent, ny n'auoit moien
de recouurer uiures, de sorte qu'il sembloit qu'en peu de temps il se desferoit &
se ruineroit de soymesme. Pour lesquelles raisons Pompeius ne uouloit com-
battre en forte quelconque: mais il n'auoit en cela que Caton seul de son opi-
nion, encore estoit, pource qu'il uouloit espargner le sang de ses citoiens: car
aiaut ueu ceulx qui estoient demourez morts sur la place du costé des ennemis
en la derniere escarmouche, lesquelz n'estoient pas moins de mille hommes, il
C se couurit le uisage, & s'en alla plorāt. Tous les autres au contraire le tensoient
& le blasmoient, de ce qu'il restiuoit ainsi à uenir à la bataille, & aucuns le pic-
quoient, en l'appellant Agamemnon, & le Roy des Roys, disant qu'il faisoit
ainsi durer ceste guerre, pource qu'il ne uouloit pas se dessaisir de ceste autori-
té souueraine, & qu'il estoit bien aise de ueoir tousiours tant de capitaines à ses
costez, qui luy uenoient faire la court iusques en son logis: & Faonius un ecer-
uelé, qui alloit contrefaisant furieusement le frāc & rōnd parler de Caton, fai-
- soit semblant de se tourmenter, en disant, N'est ce pas grande pitié, que nous
- ne mangerons pas encore l'annee qui uient des figues de Thuscū, pour l'am-
- bitieuse conuoitise de dominer qui est en Pompeius? Et Afranius nagueres re-
D tourné de l'Hespagne, là ou pource qu'il luy estoit mal succédé, on le calūnioit
d'auoir trahy & uēdu à Cæsar son armee pour un pris d'argēt, alloit demandāt
pourquoy e'estoit que lon ne combattoit ce marchand, que lon disoit auoir a-
chepté de luy la prouince d'Hespagne, tellement que Pompeius à la fin poulse
par ces langages, alla malgré luy apres Cæsar pour le cōbattre: Si se trouua Cæ-
sar du commencement en grande peine par le chemin, pource qu'il ne trouuoit
pas qui luy uoulust bailler uiures, estant mesprisé de tout le monde, à cause de
la perte & desfaitte qu'il auoit receuē nouuellement: mais depuis qu'il eut pris
la uille de Gomphes en la Theffalie, non seulement il recouura uiures à foison
pour nourrir son armee, mais aussi la guarentit & deliura estrangement de
E maladie, pource que y aians les soudards trouuē grande quantité de uins, ilz
chasserent la contagion de pestilence à force de boire & de faire grande chere:
car ilz ne feirent autre chose que baller, mommer, & iouer les Bacchanales par
tout le chemin, tant qu'ilz se guarirent de maladie par yurongner, & se feirent
des corps tous neufs. Quād ilz furent tous deux arriuez en la Pharsalie, & tous
deux campez l'un deuant l'autre, Pompeius retourna derechef à sa premiere re-
solution, de tant plus mesmement qu'il auoit eu des presages de signifiante fr-
nistrē & de mauuaises uisjons en dormant: car il luy fut aduis une nuit qu'il

Julius Cæsar.

entroit dedans le Theatre, là où les Romains le recueilloient avec grands battémens de mains: mais ceulx d'alentour de luy estoient si presumptueux & si temeraires, & se promettoient si asseuremēt la uictoire, que desia Domitius Spinther & Scipion se debattoient entre eulx, & briguoient le souverain pōtifficat que tenoit Cæsar, & y en eut plusieurs qui enuoyerēt deuant à Rome pour retenir & louer les plus prochaines maisons de la place, comme estans plus cōmodés aux Præteurs & aux Consuls, faisans desia leur compte, que ces offices là ne leur pouuoient fouir incontinent apres la fin de ceste guerre. Mais sur tous autres brilloient d'ardeur de combattre les ieunes gentils hommes & cheualiers Romains, qui estoient bien mōtez & armez à l'auantage de harnois bien fourbis & reluisans, leurs cheuaux gras & refaits, & eulx beaux ieunes hōmes, & en nombre de sept mille, là où ceulx de Cæsar n'estoient que mille seulemēt. Le nombre des gēs de pied n'estoit pas semblable non plus: car ilz estoiet quarante & cinq mille contre uingt & deux: parquoy Cæsar feit assembler les siens, aux quelz il remonstra, cōme Corfinius estoit pres de là qui luy amenoit deux legions entieres, & qu'il auoit quinze autres cohortes soubz la charge de Calenus, lesquelles il faisoit tenir à l'entour de Megare & d'Arhenes: puis leur demanda s'ilz uoloient attendre ce renfort là, ou s'ilz aimoient mieulx hazarder la bataille eulx seuls: les soudards s'escrierent tout hault qu'ilz le prioiet de ne differer poit, ains plus tost qu'il imaginast & inuētaist quelque ruze pour attirer l'ennemy à la bataille le plus tost qu'il pourroit. Et ainsi cōme il sacrifioit aux Dieux pour la purification de son armee, la premiere hostie n'eut pas plus tost esté immolee, que son deuin luy asseura, que dedans trois iours il auroit la bataille. Cæsar luy demanda s'il apperceuoit point es sacrifices quelque heureux presage touchant l'issue: & le deuin luy respondit, Tu feras mieulx toy mesme la responce à cela que moy, car les Dieux nous promettent une grande mutation & grand changement de l'estat des choses qui sont à present en un autre tout contraire: parquoy si tu es bien maintenant, attens toy d'auoir cy apres pire fortune: & si tu es mal, asseuré roy, q̄ tu l'auras meilleure. Et la nuict de deuant la bataille, ainsi comme il alloit enuiron la minuiet uisitant les guets, on ueit comme un grand brandon de feu allumé en l'air, qui passant par dessus le camp de Cæsar, alla fondre dedās celuy de Pōpeius: & enuiron l'heure que lon remue le guet du matin, lon entendit une faulse alarme, sans cause apparete, que lon appelle communement terreur Panique, qui se meut dedans le camp des ennemis: toutefois si ne s'attēdoit il point de combattre pour ce iour là, ains auoit proposē de deloger de là où il estoit campé pour tirer uers la uille de Scotuse, & estoient desia les tentes & pauillons de son camp abbatus, quand ses coureurs uindrent à grande haste deuers luy, apporter nouuelles comment les ennemis se preparoient pour uenir à la bataille: dequoy il fut fort ioyeux, & apres auoir fait prieres aux Dieux, qu'ilz luy uoulussent estre ce iour là en aide, il rengea ses gens en bataille qu'il departit en trois troupes, dōnant pour chef à celle du milieu Domitius Calvinus, & à celle de la pointe gauche Antonius, & luy se meit à la droite, choisissant son lieu pour combattre en la dixieme legion: contre laquelle uoyant que les ennemis auoient ordōné toute leur cheualerie, il eut peur quand il les ueit en si grand nombre & en si braue equipage, au moie dequoy, il feit habilemēt uenir de la cueuē de sa bataille six cohortes, lesquelles il meit en embusche derriere sa pointe droite, aiant premierement bien instruit les soudards de tout ce qu'ilz auroient à faire quād la che-

A ualerie des ennemis uiendroit à commencer la charge. De l'autre costé Pompeius se meit aussi en la pointe droite de sa bataille, baillant à cōduire la gauche à Domitius, & Scipion beaupere de Pompeius prit à mener le milieu. Or festoient les cheualiers Romains tous iettez en la pointe gauche, comme nous auons desia dit, en intention d'enuelopper la droite de Cæsar par derriere, & de faire leur plus grand effort à l'endroit mesme ou estoit le chef de leurs ennemis, faisans leur compte qu'il n'y auoit battaillon de gés de pied si profond, qu'il peust soustenir le choc d'une si grosse troupe de cheualerie, & qu'au premier heurt il foudroyeroiēt tout, & leur passeroient par dessus le uentre. Quand ceuint sur le poinct que d'un costé & d'autre les trompettes commencerent à sonner le son de la bataille, Pompeius commanda à ses gens de pied, qu'ilz se teinsent fermes en leur marche bien serrez ensemble, & qu'ilz attendissent sans bouger le pied la course de leurs ennemis, iusques à ce qu'ilz fussent prests à lancer leurs iauelots. Enquoy Cæsar depuis dit qu'il auoit fait une lourde faulte, ne considerant pas que ceste rencontre, qui se fait en courant de roideur, oultre ce qu'elle donne force plus roide aux premiers coups, encore enflāme elle le courage des hommes, pource que cest elancement commun de tous les combattās qui courent ensemble, luy est comme un soufflet qui l'allume. Ainsi donc que Cæsar faisoit desia marcher sa bataille pour aller commencer la charge, il aperceut l'un de ses capitaines uaillant homme, & bien experimenté au faict de la guerre, & duquel il se fioit beaucoup, qui preschoit les soudards qu'il auoit soubz sa charge, les enhortant de bien faire leur deuoir de combattre uaillamment, si l'appella par son nom, & luy dit tout hault: Et bien Caius Crassinius, quelle esperance deuons nous auoir? & comment sommes nous deliberez de bien faire ce iourdhuy? Adonc Crassinius haulsant la main, luy respondit tout hault: Nous uaincrons glorieusement ce iourdhuy, Cæsar, & te promets que tu me loueras auant que ce iour passe, ou mort ou uif. Ces paroles dittes, il fut le premier, qui alla courant donner dedans les ennemis, tirant sa bende apres luy qui estoit de six uingts hommes, & fendant les premiers renes, entra avec grande occision bien auant dedans la bataille des ennemis, iusques à ce qu'en faisant ces grands efforts, il fut à la fin rembarré d'un coup d'estoc qui luy donna droit dedans la bouche par telle uiolence, que la pointe de l'espee luy uint à ressortir par derriere au chignon du col. Ainsi estans ia les gens de pied au milieu de la bataille attachez au cōbat de main, les gens de cheual de la pointe gauche de Pompeius, marcherent aussi fierement, eslargissans leurs troupes pour enuelopper par derriere la pointe droite de la bataille de Cæsar: mais auant qu'ilz cōmenceassent à charger, les six cohortes, que Cæsar auoit mis en aguet derriere luy, se prirent à courir droit à eulx, sans lancer de loing leurs iauelots comme ilz ont accoustumé, ny en frapper à coups de main les cuisses, ny les iambes des ennemis, ains taschans à leur donner droit dedans les yeux, & à les en assener au uisage, suyuant ce que Cæsar leur auoit enseigné, pource qu'il esperoit que ces ieunes gentilz hommes, qui n'auoient gueres hanté les armes ny accoustumé de se ueoir blecez, & qui estoient en la fleur de leur aage & de leur beaulté, craindroient fort ces bleceures là, & n'arresteroient iamais, tant pour la crainte du dāger present d'y perdre la uie, que pour la doubte que leurs beaux uisages n'en demourassent difformes à l'aduenir: cōme il en aduint, car ilz ne peurent onques souffrir, que lon leur apportast ainsi pres du uisage les pointes des iauelots, ains s'esblowirent de peur, quand ilz ueirent qu'on leur

Julius Cæsar.

approcha le fer luyfant si pres des yeux, & tournerent le dos en s'affublant le visage de peur que lon ne les y bleceast: ainsi se rompans d'eux mesmes, ilz se prirent finablement à fouir tressachement à ual de rouverte, & furent cause de faire perdre tout le demourant: car ceulx qui les auoient rompus, coururent incontinent assaillir le bataillon des gens de pied par derriere, & les meirent en pieces. Adonc Pompeius uoiant de l'autre pointe de sa bataille, ses gens de cheual ainsi desbendez & escartez en rouverte, ne fut plus celuy qu'il estoit auparauant, ny ne se souuint plus d'estre le grãd Pompeius, ains ressemblant proprement à un homme, auquel les Dieux ont osté le sens, & qui est estonné d'une ruine diuinement aduenue, il se retira sans mot dire en sa tente, là ou il l'asseit, attendât ce qui pourroit aduenir, iusques à ce que toute son armee aiant esté desfaite & mise en rouverte, les ennemis uindrent à monter sur les rempars qui clouoient son camp, & à combattre à coups de main contre ceulx qui les gardoient: & lors comme estant un peu reuenue à soy, il ne dit que ceste seule parole, Comment, iusques à nostre camp! & despouillant à grande haste sa cotte d'armes, & son accoustrement de capitaine, en uestit une conuenable à sa fortune, & s'en sortit à la desrobbee. Au reste, commēt il se gouerna depuis ceste fortune, & comme festant mis entre les mains de quelques Égyptiens, il fut par eulx occis meschamment, nous le declarons en sa uie. Mais lors Cæsar entrant dedans le camp de Pompeius, & y uoiant les corps estendus de ceulx que lon auoit ia tuez, & d'autres que lon tuoit encore, se prit à dire en soupirant: Ilz l'ont eulx mesmes ainsi uoulu, & m'ont à ce contrainct. Car Caius Cæsar apres auoir fait tant de belles conquestes, & uictorieusement acheué tant & de si grosses guerres, eut neantmoins esté condamné, s'il se fust désaisi de son armee. Asinius Pollio dit qu'il prononça la sentence de ces paroles en langage Romain, que luy depuis a escrites en Grec: & dit d'auantage, que la plus part de ceulx qui furent mis à l'espee dedans le camp, estoient ualets & seruiteurs, & qu'en toute la bataille il ne mourut pas plus de six mille soudards. Quant à ceulx qui furent pris prisonniers, Cæsar en mella beaucoup parmy ses legions, & pardonna à plusieurs personnages de qualité, entre lesquelz fut Brutus, celuy qui depuis le tua, & dit on qu'il fut en grande peine, quād apres la bataille, on ne le trouua point soudainement: mais depuis il sceut qu'il estoit uif, & festant uenu de luy mesme rédre à luy, il en fut fort ioyeux. Si y eut plusieurs signes qui pronostiquerent l'issue de ceste bataille, telle comme elle fut, mais le plus notable fut celuy qui aduint en la uille de Tralles, ou il y auoit dedans le temple de Victoire, une image de Cæsar; la terre d'alentour, estant fort dure d'elle mesme, estoit pauce de pierre encore plus dure, & neantmoins on dit qu'il en sourdit une palme, tout ioignant le soubhastement de la statue. Et en la uille de Padouë, Caius Cornelius homme excellent en l'art de deuiner, citoien & familier amy de Titus Liuius l'historien, estoit d'aduenture ce iour là assis à contempler le uol des oyseaux, & ainsi que Liuius mesme le racompte, cogneut le poinct du temps que fut la bataille donnée, & predict à ceulx qui estoient presens, A ceste heure propre se commence la meslee: à ce mesme instant s'entrechocquent les deux armées. Puis se rassant une autrefois, pour cōsiderer derechef les oyseaux, apres en auoir contéplé les presages, se dressa soudain sur ses pieds, & cria tout hault cōme fil eust esté inspiré & poulcé par quelque esprit diuin, La uictoire est tienne, Cæsar. Dequoy s'esmerueillans tous les assistans, il osta la couronne qu'il auoit dessus sa teste, en faisant serment, que iamais ne la y remettroit, que l'euenement

A nement n'eust porté tesmoignage à la uerité de son art. Liuius afferme qu'il fut ainsi fait. Au reste Cæsar aiant donné entiere exemption & affranchissement à la nation Thessaliene, en consideration de la uictoire qu'il auoit eue en leurs pais, s'en alla apres Pompeius, & estant passé en Asie, y affranchit aussi les Gni- diens, en faueur de Theopompus, celuy qui a fait le recueuil des fables, & relas- cha à tous les habitans de l'Asie le tiers des tributs qu'ilz payoient, puis arriua en Alexandrie, que Pompeius y auoit desia esté mis à mort: si eut en horreur Theodotus, qui luy en presenta la teste, tournât le uisage d'un autre costé pour ne la point ueoir, mais bien prit il son cachet, & en le regardant se prit à plo- rer, & à tous ses familiers & amis, que le roy d'Ægypte auoit fait arrester ainsi

B qu'ilz alloient errans par ses pais, il leur feit des biens, & les gaigna tous à sa deuotion: suyuant lesquelz offices, il escriuit à ses amis de Rome, que le plus gråd & le plus doulx fruiet qu'il receuoit de sa uictoire, estoit qu'il sauuoit tous les iours la uie à quelques uns de ses citoiens, qui auoient porté les armes contre luy. Et quant à la guerre qu'il eut en Alexandrie, aucuns disent qu'elle ne fut point necessaire, & qu'il l'entreprit uoluntairement pour l'amour de Cleopa- tra: en quoy il acquit peu d'honneur, & si meit sa personne en gråd danger. Les autres en reiettent la coulpe sur les ministres du Roy d'Ægypte, mesmement sur Pothinus l'Eunuque, lequel aiant la principale autorité entre les serui- teurs du Roy, apres auoir naguere fait occire Pompeius, & chassé de la court

C Cleopatra, espioit encore secrettement les moiens, comme il en pourroit autât faire à Cæsar: à raison dequoy, en aiant senty quelque uent, il commença des lors à passer les nuicts entieres en banquets & festins, à fin d'estre en plus gran- de seureté de sa personne. Mais oultre ce, encore alloit ce Pothinus disant & faisant ouuertement beaucoup de choses insupportables, pour faire hôte & su- sciter enuie à l'encontre de Cæsar: car il faisoit distribuer à ses gens de guerre le plus mauuais & le plus uieil blé qu'il pouuoit trouuer: & si les souldards s'en plaignoiet, il leur respôdoit, qu'il falloir qu'ilz eussent patiëce, & qu'ilz s'en cõ- têtassent puis qu'ilz mägeoient aux despës d'autrui: & à la table il ne faisoit ser- uir qu'en uaisselle de bois & de terre, disant que Cæsar auoit eu toute celle d'or

D & d'argent pour quelque debte, à cause que le pere du Roy, qui lors regnoit en Ægypte, deuoit à Cæsar un million & sept cents cinquante mille escus, dont Cæ- sar au parauant en auoit remis les sept cents cinquante mille à ses enfans: mais lors il demanda le milliõ qui restoit pour en payer ses gës, à quoy Pothinus luy respôdit, q pour lors il feroit mieulx de s'en aller à la poursuite de ses autres af- faires, qui luy estoient de plus gråde consequëce, & q puis apres il recouurerait tout à loisir une autre fois sa debte avec la bõne grace du Roy. Cæsar luy repli- qua qu'il n'auoit qu'à faire du conseil des Ægyptiës pour ses affaires, mais qu'il uouloit estre payé: & secrettement manda à Cleopatra, qui estoit aux champs, qu'elle reuint: & elle prenant en sa compagnie Apollodorus Sicilien seul de

E tous ses amis, se meit dedans un petit bateau sur lequel elle uint aborder au pied du chasteau d'Alexandrie, qu'il estoit ia nuict route noire: & n'ayant moien d'y entrer autrement sans estre cogneue, elle festendit tout de son long dessus un faisceau de hardes: que Apollodorus plia, & lia pardessus avec une grosse courroye, puis le chargea sur son col, & le porta ainsi dedans à Cæ- sar par la porte du chasteau. Ce fut la premiere emorche, à ce que lon dit, qui attira Cæsar à l'aimer, pource que ceste ruse luy feit apercevoir qu'elle estoit femme de gentil esprit: mais depuis quand il eut cogneu sa doulceur & bonne

Julius Cæsar.

grace, il en fut encore bien plus espris, & la remeit en bõne amitié avec le Roy F
son frere, soubz condition qu'elle regneroit aussi quand & luy. Si fut pour ceste
reconciliation préparé un grand festin, au quel le barbier de Cæsar, qui estoit
l'un de ses esclaves, la plus craintive personne du monde, ne laissant rien à fu-
reter, rechercher & oreiller, pour ceste desfiâce naturelle qu'il auoit, descourrit
que Pothinus & Achillas dressioient une embusche à son maistre pour le tuer.
Ce que Cæsar aiant auéré, meit bonnes & seures gardes à l'entour de la salle ou
se faisoit le festin, si bien qu'il occit Pothinus luy mesme: mais Achillas se sau-
ua de uistesse, & s'en fouit au camp du Roy, là ou il suscita une dangereuse &
malaisée guerre à Cæsar, pource qu'avec bien peu de gens qu'il se trouuoit lors
à l'entour de luy, il auoit à combattre une grosse & puissante uille. Mais le pre- G
mier danger auquel il se trouua, fut la faulte d'eau, pource que ses ennemis fei-
rent boucher & fermer les canaux, par lesquelz l'eau uenoit de la riuere au cha-
steau. Le second fut, que uoiant comme les ennemis uenoient pour luy oster ses
uaisseaux, il fut contraint de repoulsier ce peril avec le feu, lequel brussa quand
& l'arcenal ou estoient les uaisseaux, celle grande & tant renommee librairie
d'Alexandrie. Le troisieme fut en la bataille nauale qui se donna pres la tour
du Phar, là ou uoulant aller secourir ses gens qui combattoient en la mer, il saul-
ta de dessus le mole ou la leuee dedans un batteau: ce que uoyans les Égyptiens
uoguerent de tous costez celle part, & luy se iettas dedans la mer, se sauua à na-
ge en grande peine & avec grande difficulté. Et dit on que ce fut là, que tenant H
plusieurs papiers & liurets en l'une de ses mains, il ne les lascha iamais, ains les
teint tousiours hors de l'eau en nageant de l'autre main, combien qu'on luy ti-
rast ce pendât infinis coups de traict, & qu'il fust contraint de se plonger sou-
uent en l'eau: mais le batteau fut incontinent mis à fond. Et finablement le Roy
fessant retiré deuers ses gens, qui faisoient la guerre à Cæsar, il luy alla à l'encõ-
tre, & luy donna la bataille qu'il gaigna, avec grande effusion de sang: mais
quât au Roy il ne comparut ny ne fut ueu onques puis, à raison de quoy il esta-
blit Royne d'Épypte sa sœur Cleopatra, laquelle estant grosse de luy, peu de
temps apres accoucha d'un filz, que ceulx d'Alexâdrie appellerent Cæsarion, &
luy s'en alla en la Syrie, & de là se promenant par l'Asie, il eut nouuelles cõme I
Domitius aiant esté desfait en bataille par Pharnaces filz de Mithridates, s'en
estoit fouy du royaume de Pont, avec bien peu de gens, & que ce Roy Pharna-
ces poursuivant sa uictoire, avec une conuoitise insatiable, ne se cõtentoit pas
d'auoir ia occupé la Bithynie, & la Cappadocie, ains tẽtoit encore l'Armenie,
que lon appelle la Mineur, suscitant tous les Roys, princes & potentats de ceste
marche là, à l'encontre des Romains. Si dressa incontinent Cæsar son chemin
droit celle part avec trois legions, & luy donna une grosse bataille pres la uil-
le de Zela, en laquelle il luy meit en pieces toute son armee, & le dechassa de
tout le royaume de Pont: & pour donner à entendre la soudaineté de ceste ui-
ctoire, l'escruiant à Rome à l'un de ses amis, Anitius, il luy manda ces trois pa- K
roles seulement, VENI, VIDI, VICI. c'est à dire, Je ueins, Je uei, Je uainqui.
Mais ces paroles pour auoir presque une semblable cadence en langage Ro-
main, ont une grace de briefueté plus plaisante à l'ouye, qu'elle ne se peut ren-
contrer en autre langue. Cela fait il repassa en Italie, & s'en retourna à Rome
finissant l'annee pour laquelle il auoit esté eleu Dictateur la seconde fois, là ou
cest office parauant luy n'auoit iamais esté annuel: si fut eleu Consul pour l'an-
nee ensuiuant, mais on le blasma fort de ce, que ses gens de guerre en une mu-
tination

A tinatiō aians tué deux personnages de dignité Prétoriale, Cosconius & Galba, il n'en feist iamais autre punitiō ny autre demonstratiō, qu'en lieu de les appeller souldards, il les appella citoiens, & leur dōna à chascun pour teste la ualeur de cent escus, & de grandes terres dedans l'Italie. Aussi luy donna lon grand blasme pour les insolēces furieuses & forsenees que faisoit Dolabella pour l'auarice d'Anitius, & les yurongneries d'Antonius & de Corfinius, qui faisoit demolir & rebastir la maison de Pompeius, comme n'estant pas suffisante pour luy, dont les Romains estoient fort malcontents. Cæsar n'ignoroit point tout cela, & eust bien uoulu que les choses n'eussent point esté telles : mais pour paruenir aux fins ou il pretendoit, il estoit contraint se seruir de relz ministres qui le secōdoient en ses desseings. Or depuis la bataille de Pharsale Caton & Scipion s'en estans fouis en Afrique : & s'y estant le roy Iuba ioint avec eulx, ilz auoient assemblé une grosse & puissante armee : parquoy Cæsar se resolut de leur aller faire la guerre, si passa enuiron le cueur d'hyuer en la Sicile, là ou à fin de retrencher à ses souldards & capitaines toute esperance d'y faire long seiour, il falla loger sur la greue mesme de la marine, & au premier uent propice s'embarqua avec trois mille hommes de pied, & quelque petit nombre de gens de cheual, puis les aiant mis en terre auant qu'ilz s'en apperceussent, il se rembarqua derechef pour aller querir les autres, craignāt qu'il ne leur aduint quelque malencontre au passage, & les aiant trouuez par le chemin, les conduisit tous en son camp, là ou estant aduertty que ses ennemis se confioient en un ancien oracle, qui portoit q'c'estoit chose fatalemēt destinee à la famille des Scipions, que d'estre uictorieux en Afrique, on ne sçait sil le feist par moquerie en mespris du chef de ses ennemis Scipion, ou bien si ce fut à bon esciant pour s'attribuer le presage du nom : mais comment que ce fust, en toutes les rencontres, escarmouches, & batailles de celle guerre, il donna tousiours la superintendēce de son armee à un personnage de bien petite qualité, & dont on ne faisoit compte quelcōque, pource qu'il estoit extrait de la race des Scipions Africains, & de faict s'appelloit Scipion, surnommé Sallution, auquel il donnoit la preeminēce, comme sil eust esté capitaine en chef, toutes les fois qu'il falloir combattre, & estoit cōtraint de souuent aller harceller ses ennemis, pource que ny les hommes en son camp n'auoient abondance de bledz, ny les bestes de fourrage, ains estoient les gens de guerre contraints de prendre de la moussē marine apres en auoir lauē la salure avec de l'eau douce, pour la donner à manger à leurs cheualx parmy quelque peu d'autre herbe uerte pour luy dōner goust, à cause que les Nomadiens, qui sont cheuaux legers & hommes fort dispos, & en grand nombre, suruenoient en un moment par tout, & tenoient toute la campagne à l'enuirō, de sorte que lō ne s'osoit escarter du camp pour aller au fourrage. Et un iour comme les hommes d'armes passassent leur tēps à regarder un Africain, lequel faisoit merueilles de baller & de iouer de la fluste, eulx estās assis en grād plaisir, & aians ce pendant baillé leurs cheuaux à leurs ualers, les ennemis par une soudaine surprise les enuelopperent de toutes parts, & en tuerent sur le champ une partie, & chassans les autres à ual de rouverte, les poursuirent iusques à entrer pesse messe dedans leur camp parmy eulx : & si n'eust esté que Cæsar en personne, & avec luy Asinius Pollio, sortans du camp y allerent au secours, & arresterent les fuians, la guerre ce iour là eust esté toute paracheuee. Encore y eut il une autre rencontre, ou les ennemis eurent le meilleur, en laquelle on dit, que Cæsar prenāt au collet le portenseigne qui portoit l'aigle

Julius Cæsar.

l'arresta par force, & luy faisant tourner uisage luy dit, C'est là ou sont les ennemis. Ces auantages eleuerent le cueur à Scipion, & luy donnerent hardiesse de uouloir hazarder la bataille: & laissant d'un costé Afranius, & de l'autre costé le roy Iuba, cāpez assez pres l'un de l'autre, il se meit à fortifier un logis pres la uille de Thapsaque au dessus du lac, pour leur seruir de fort & de seure retraite à tous en ceste bataille: mais ainsi cōme il trauailloit après, Cæsar aiant trauersé en extreme & incroyable diligence, un grand païs de bois par des aduenues dont on ne se doubtoit point, en surprit les uns par derriere, & assaillit les autres par deuât au desprouueu, de maniere qu'il les meit tous en rouverte, & leur fait prendre la fuitte, puis suiuant ceste premiere pointe de l'occasio & le cours de sa bonne fortune, il alla tout d'une tire assaillir le camp d'Afranius, qu'il prit aussi de primfault, & celuy des Nomades semblablement, s'en estant le roy Iuba fouy, tellement qu'en une petite partie d'un seul iour, il prit trois camps, & tua sur le champ cinquante mille hommes de ses ennemis sans perdre que cinquante souldards des siens. Ainsi racomptent en somme le discours de ceste bataille aucuns des historiens: mais il y en a d'autres, qui escriuēt qu'il n'assista pas en personne à l'execution, pource que comme il ordonnoit ses gens en bataille, l'acces du mal caduque, auquel il estoit subiect, le surprit, & que sentant bien qu'il luy uouloit uenir, auant qu'il en eust le sens troublé, & qu'il en fust totalement saisy, il se fait emporter en un chasteau, pres du lieu auquel se donna la bataille, là ou il se teint en repos, iusques à ce que l'acces de sa maladie fust entierement passé. Quant à ceulx qui eschapperent de ceste bataille, personnages de dignité Prætoriale ou Consulaire, plusieurs se desfeirēt eulx mesmes, quand ilz se ueirent prisonniers, & plusieurs aussi en fait mourir Cæsar: mais desirant pouuoir tenir sur tous les autres Caton uif en sa puissance, il tira incontinent à la plus grande haste qui luy fut possible, uers la uille d'Vtique, que Caton auoit pris à garder & defendre, au moien dequoy il ne s'estoit point trouué en la bataille, toutefois estât par le chemin certifié qu'il s'estoit luy mesme desfait de sa propre main, il mōstra bien euidément, qu'il en fut fort marry: mais en quelle part, ne pour quelle occasion, on n'en sçait rien. Vray est, qu'il dit bien sur l'heure: O Caton, ie te porte enuie de ceste tiene mort, puis que tu m'as enuié la gloire de te sauuer la uie. Ce neantmoins le liure qu'il escriuit de puis à l'encontre de Caton mort, ne monstre point apparence de cueur amolli ny addoulcy enuers luy. Et comment luy eust il pardonné, s'il l'eust tenu uiuant en sa puissance, ueu que contre luy mort il espandit une si uiolēte cholere: toutefois on coniecture qu'il luy eust pardonné, par l'humanité dont il usa enuers Ciceron, enuers Brutus, & infinis autres, qui auoient porté les armes contre luy: & dit on qu'il escriuit ce liure, non tant par rancune qu'il eust à l'encontre du mort, que par une ambition ciuile, pour une telle occasion: Ciceron auoit escrit un liure à la louange de Caton, & l'auoit intitulé, Catō. Ce liure, ainsi que lon peult penser, fut fort bien recueilly, cōme estant composé par un treseloquent Orateur, & sur un fort bel argument. Cæsar en fut bien mal content, estimant que louer celuy, de la mort duquel il auoit esté cause, n'estoit autre chose que l'accuser luy mesme, & pour ceste cause escriuit un liure à l'encontre, dedās lequel il ramasse plusieurs charges & imputations qu'il met sus à Caton: le liure est intitulé AntiCatō. L'un & l'autre liure, iusques au iourd'huy a encore beaucoup de partisans qui les defendent, les uns pour l'affection qu'ilz portent à la memoire de Cæsar, & les autres à celle de Caton: mais retourné qu'il fut de l'Afrique

A frique à Rome, tout premierement il feit une harengue deuant le peuple, en laquelle il magnifia & loua fort haultement ceste siene uictoire derniere, disant qu'il auoit acquis à l'empire Romain tant de païs, qu'il pourroit fournir à la chose publique deux cents mille minots de bled de rente par chascun an, & deux milliõs de liures d'huile, puis feit trois entrees triũphales, l'une de l'Ægypte, l'autre du royaume de Pont, & la troisieme de l'Afrique, non pour y auoir desfait Scipion, mais le roy Iuba: le filz duquel, qui auoit aussi nom Iuba, estant lors un ieune enfant, fut mené captif en la monstre de ce triũphe. ceste captiuité luy a esté tresheureuse, aiant fait que au lieu qu'il fust demouré un Barbare Nomadien, il a depuis par le moien de l'estude qu'il feit en sa prison, esté nommé entre les plus sçauans historiographes des Grecs. **B** Apres ces trois triũphes il feit de grãds dons à ses gens de guerre, & pour gagner la grace du commun populaire, feit de grands festins publics & des ieux aussi: car il festoya tout le peuple Romain à un coup, en uingt & deux mille tables, & luy donna le passe-temps de ueoir combattre plusieurs couples d'escrimeurs à oultrance, & des batailles nauales en memoire de sa fille Iulia, qui estoit decedee long temps au parauant: puis apres tout ces esbattemens fut faite la reueuë & le denombrement accoustumé du peuple, auquel furent trouuez au lieu de trois cents mille chefs de citoiens, qui y souloient estre ordinairement, cent cinquãte mille seulement: tant ceste guerre ciuile auoit apporté de calamité & de perte à la chose publique, & tant elle auoit consumé grand nũbre de peuple Romain, sans encore parler des maulx & miseres qu'elle auoit causees au reste de l'Italie, & aux autres prouinces de l'empire Romain. Ces choses toutes acheuées, il fut eleu **C** Consul pour la quatrieme fois, & sen alla en Hespagne pour y faire la guerre aux enfans de Pompeius, lesquelz estoient encore ieunes: mais neantmoins auoient assemblé une merueilleusement grosse & puissante armee, & si monstroient auoir le courage & la hardiesse digne de commander à une telle puissance, de sorte qu'ilz meirent Cæsar en extreme danger de sa propre uie. La plus grande bataille qui fust dõnee entre eulx en toute ceste guerre, fut pres la uille de Munda, en laquelle Cæsar uoiant ses gens fort pressees, & aiãs beaucoup d'affaires à soustenir les ennemis, se ietta à trauers la meslee des combattans, crians **D** aux siens, filz n'auoient autrement point de honte de se laisser battre, qu'ilz le prissent au corps, & le liurassent eulx mesmes de leurs propres mains à ces ieunes enfans, & ainsi avec tout l'extreme effort qu'il peut faire, aiant à toute peine fait reculer & fouir les ennemis, il en tua sur le champ plus de trente mille, & en perdit des siens mille les meilleurs qu'il eust. Apres ceste bataille, se retirant en son logis il dit à ses familiers, que plusieurs fois au parauant il auoit combattu pour la uictoire, mais qu'à ceste derniere seule il auoit combattu pour sauuer sa propre uie. Il gagna ceste bataille le iour propre de la feste des Bacchanales, auquel on dit que Pompeius, le pere, estoit sorty de Rome, pour aller **E** commencer ceste guerre ciuile, & y eut entre deux quatre ans entiers de distance. Quant à ses enfans, le plus ieune se sauua de la bataille: mais peu de iours apres Didius apporta la teste de l'aisné. Ceste guerre fut la derniere de celles de Cæsar, mais l'entree triũphale qu'il en feit à Rome, despleut autãt & plus aux Romains q̃ chose qu'il eust point encore faite, pource qu'il n'auoit point desfait des capitaines estrangers, ny des roys Barbares, ains auoit ruiné les enfãs du plus grand personnage qui fust en Rome, à qui la fortune auoit esté cõtraire, & en aiant esteinct la race, on n'estimoit point qu'il luy fust bien seant de triũ-

Julius Cæsar.

pher ainsi des calamitez de son païs, en s'esjouissant d'une chose, pour laquelle F
defendre il n'auoit qu'une seule excuse enuers les Dieux & enuers les hommes,
c'est, que ce qu'il en faisoit, il le faisoit par contrainte, de tant plus mesmement
que iamais auparauant il n'auoit enuoyé ny lettres ny message au public, pour
uictoire quelconque, qu'il eust obtenue ny gaignee en toutes ces guerres ciui-
les, ains en auoit tousiours de hôte reietté la gloire. Ce nonobstât les Romains
fleschissans à sa fortune, & receuâs le mors en la bouche, à cause qu'ilz estimoiet
que la principaulté d'un seul leur donneroît moien de respirer un petit de tant
de maulx & de miseres qu'ilz auoient endurees en ces guerres ciuiles, ilz l'eleu-
rent Dictateur perpetuel pour toute sa uie. Cela estoit manifestement une ty-
rannie certaine, pource que lon adioustoit à la souueraine puissance & plein G
pouuoir de la Dictature, le non craindre d'en estre iamais depose. Et lors Cice-
ron commença à mettre en auant au Senat, qu'on luy decernast des hōneurs,
dont la grandeur estoit encore aucunement humaine, mais il y en eut d'autres
depuis, qui luy en adiouxterent d'excessifs: & faisans à l'enuy les uns des autres,
à qui plus luy en donneroit, le rendirēt odieux & fascheux à ceulx mesmes qui
luy estoient les plus equitables, pour la haultesse desmesuree, & l'importunité
des honneurs, preeminences, & prerogatiues, qu'ilz luy decernerent: aussi dit
on que ceulx qui le haïssoient n'y fauoriserent pas & n'y teindrent pas moins
la main, que ceulx qui le flattoient, à fin qu'ilz eussent plus grandes occasions
de conspirer cōtre luy, & qu'il semblast qu'avec plus iustes querelles, ilz eussent H
attenté contre sa personne. Car au demourant, quant à luy, depuis qu'il eut a-
cheué ses guerres ciuiles, il se porta de sorte, que lon n'eust sceu que reprendre
en luy, & me semble que meritoiremēt, & à bon droit fut decerné lors entre au-
tres honneurs, que lon feroit bastir un temple de Clemence, pour luy rendre
graces de l'humanité dont il auoit usé en sa uictoire: car il pardōna à plusieurs
de ceulx qui auoient porté les armes & fait la guerre contre luy: & qui plus est,
donna des honneurs & offices de la chose publique à quelques uns d'eulx, cō-
me à Cassius, & à Brutus, entre autres, qui tous deux estoient Preteurs. Et aians
esté les images de Pompeius abbattues, il les feit redresser: à raison dequoy Ci-
cero dit lors, que Cæsar en releuant les images de Pompeius, auoit assuré les I
sienes. Et comme ses amis luy cōseillassent qu'il prist des gardes pour la seure-
té de sa personne, & aucuns d'eulx se presentassent à l'en seruir, il ne uolut on-
ques le faire, disant, qu'il ualloit mieulx mourir une fois, que tousiours attēdre
la mort en crainte: mais pour acquerir l'amour & la bienueillance du peuple,
comme la plus honorable, & la plus seure garde qu'il eust sceu auoir, il feit de-
rechef des festins publics, & des donnees & distributions generales de bled:
& pour aussi gratifier aux gens de guerre, il repeupla plusieurs uilles, qui par le
passé auoient esté destruites, ou il logea ceulx qui n'auoient point de retraitte,
dont les plus nobles & les principales, furēt celles de Carthage & de Corinthe,
& aduint que tout ainsi comme elles auoient toutes deux esté par auant prises K
& destruites ensemble, aussi furent elles alors repeuplees en un mesme temps.
Et quant aux hommes de qualité, il les gaigna aussi, promettant aux uns des
Pretores & des Consularz à l'aduenir, & aux autres d'autres hōneurs & preemi-
nences, & à tous en general bonne esperance, taschant à faire par tous moiens
que chascun fust content de sa domination: tellement qu'estant l'un des Con-
sulz, nommé Maximus, par cas fortuit decedé un iour auant la fin de son con-
sular, il declara Consul, pour ce iour qui restoit seulemēt, en son lieu Caninius
Rebilius,

Iulius Cæsar.

511

- A** Rebillius, en la maison duquel comme tout le monde allaſt pour le ſaluer, & feſiour avec luy de ſa promotion, comme eſt la couſtume de faire aux magiſtrats nouuellement eleuz, Ciceron en ſe iouant dit, Haſtons nous d'y aller, deuant que ſon Conſulat expire. Au reſte, Cæſar eſtant né pour faire toutes grandes choſes, & aiant de ſa nature le cueur conuoiteux de grand hōneur, les proſperitez de ſes conqueſtes & proueſſes paſſees, ne le conuietent point à uouloir iour en paix & en repos du fruit de ſes labeurs, ains plus toſt l'eſchaufferent & l'encouragerent à en uouloir entreprendre encore d'autres pour l'aduenir; luy engendrans touſiours de plus en plus imaginations de plus haultes entrepriſes & deſir de gloire nouuelle, comme ſi la preſente fuſt deſia toute uſce. La-
- B** quelle paſſion n'eſtoit autre choſe qu'une ialouſie & æmulation de ſoy meſme; ne pl⁹ ne moins que d'une autre perſonne; & une obſtinatiō de ſe uouloir touſiours uaincre ſoy meſme, combattant touſiours en luy l'eſperance de l'aduenir avec la gloire du paſſé, & l'ambition de ce qu'il deſiroit faire avec ce qu'il auoit deſia fait. Car il auoit propoſé & faiſoit deſia ſes preparatifs pour aller guerroyer les Parthes, & apres les auoir ſubiuguez paſſer par l'Hyrcanie, & en environnant la mer Caſpiene & le mont de Caucaſe, reuenir gaigner le royaume de Pont, pour puis apres entrer en la Scythie: & aiant couru tout le païs & toutes les nations & prouinces uoiſines de la grande Germanie, & la Germanie meſme, ſ'en retourner à la fin par la Gaule en Italie, & eſtendre ainſi l'empire Ro-
- C** main à la ronde, de ſorte qu'il fuſt de toutes pars borné de la grande mer Ocean. Mais ce pendāt que ce uoiage ſ'appreſtoit, il eſſaya de couper l'encouleur du deſtroit du Peloponeſe à l'endroit ou eſt aſſiſe la uille de Corinthe, & feir rier un canal des riuieres du Teuerō & du Tybre, cōmenceant à la uille meſme de Rome, & le feir aller droit à la uille de Circees, par une large & profōde fofſe, qu'il feir cauer, laquelle falloir deſgorger en la coſte de Terracine, pour donner ſeureté & cōmodité plus grande aux marchāds qui uenoient à Rome pour y traffiquer. D'auātage il delibera auſſi de deſtourner l'eau, qui cauſe les maretz qui ſont entre les uilles de Nomentum & de Setium, pour y aſſecher la terre, & la rēdre labourable à pluſieurs milliers d'hommes, & en la coſte de la mer plus
- D** prochaine de Rome faire ietter bien auant des groſſes & fortes leuees, & faire nettoier toute la rade d'alentour d'Oſtie des rochers & pierres cachees ſoubz l'eau au long de la coſte, & oſter tous autres empeſchemens, qui en rendoient l'abbord mal ſeur aux uaiſſeaux, & y baſtir des ports, des argenaux & abris dignes de tant de nauires qui y hantoient & arriuoient ordinairement. Toutes ces choſes ſe preparoient encore, & ne uindrent point à effect. Mais la compoſition du Calédier, & reformatiō de l'annee, pour oſter toute cōfuſion des tēps, fut ſagemēt inuentee & cōduitte à fin par luy, laquelle ſeſt trouuee à l'uſer fort cōmode & plaiſante: car nō ſeulement es plus anciēs tēps, les Romains n'auoient point de certain formulaire, ny de regle arreſtee pour accorder les reuolutions des mois avec le cours de l'annee, dōt il aduenoit une telle cōfuſion des temps, que les ſacrifices & les feſtes annuelles uenoient à tumber petit à petit en ſaiſons totalement contraires à ce, pourquoy elles eſtoient inſtituees: mais encore lors le peuple ne ſçauoit en façon quele on que, combien montoit le cours de la reuolutiō du ſoleil, & n'y auoit que les preſbtres ſeuls qui l'entendiſſent, & qui en euſſent cognoiſſance: au moien de quoy ilz adiouxtoiēt ſoudainemēt, quād bon leur ſembloit, ſans que perſonne qu'eulx en preueiſt rien, le mois ſupernumeraire & intercalaire, qui anciennement ſe nommoit Mercedonius. Lon dit
- E**

Julius Cæsar.

que le roy Numa Pompilius fut le premier qui inuenta ceste façon d'interpo-
fer un mois : toutefois ce fut un foible remede, & qui ne s'estendit pas gueres
loing pour corriger les erreurs qui se faisoient au compte de l'annee, & les re-
mettre à leur poinct. Mais Cæsar proposant la matiere aux plus sçauans philo-
sophes, & aux plus experts Mathematiciëns de son temps, inuenta & publia par
le moien des sciences qui estoient desia en estre, une reformation singuliere, &
plus exquisement calculee que nulle autre, de laquelle les Romains usans ius-
ques icy, semblent moins errer que les autres nations, en la reduction de ceste
inegalité des mois aux ans : toutefois encore ne peut il si bien faire, que ceulx
qui portoient enuie à sa grandeur, & qui enduroient malouoluntiers sa domi-
nation, ne luy en donnassent des attaintes. Car Ciceron l'orateur se trouuant G
en quelque cōpagnie ou il y eut un qui dit, Demain se leuera l'estoile de la Ly-
re, il ne se peut tenir de dire, Ouy par edict : comme si les hommes receuoient
encore cela par contrainte de commandemēt. Mais ce qui luy engendra une
plus manifeste haine, & plus mortelle, fut la conuoitise de se faire nommer &
declarer Roy, laquelle donna au commun populaire la cause premiere de luy
uouloir mal, & à ceulx qui de longue main luy gardoient une mauuaise uou-
lunté couuerte, en donna la plus honeste occasion qu'ilz eussent peu desirer.
Toutefois ceulx qui luy procuroient cest honneur, semerent un bruit parmy
le peuple, qu'il estoit porté par les liures prophetiques de la Sibylle, que les Ro-
mains desferoient alors la puissance des Parthes, quand ilz leur feroient la guer- H
re soubz la conduite d'un Roy, mais autrement qu'ilz n'y aduiendroient iamais,
& eurent bien la hardiesse un iour qu'il retournoit de la uille d'Alba à Rome,
de l'appeller & saluer Roy, dont le peuple se courroucea : & luy en estant mar-
ry, respōdit qu'il ne s'appelloit point Roy, ains se nommoit Cæsar : à quoy n'y
eut personne qui luy repliquast rien, ains se fit un silence grand de toute l'as-
sistance : & adonc luy tout fasché, marry & ennuyé, tira oultre son chemin. Et
comme on luy eust decerné au Senat des honneurs transcendants toute hault-
tesse humaine, les Consulz & les Præteurs suyuis de toute l'assemblee des Sena-
teurs, l'allerent trouuer en la place, ou il estoit assis sur la tribune aux harégues
pour luy notifier & declarer ce qui auoit esté en son absence decerné à sa gloi- I
re : mais luy ne se daigna onques leuer au deuant d'eulx à leur arriuee, ains
parlant à eulx, cōme si c'eussent esté personnes priuees, leur respōdit que ses ho-
neurs auoient plus tost besoing d'estre retrenchez qu'augmentez. Cela ne fas-
cha pas seulement le Senat, ains fut aussi trouué fort mauuais du peuple, qui esti-
ma la dignité de la chose publique estre par luy mesprisee & cōtemnee, à ueoir
le peu de compte qu'il faisoit des principaux magistrats d'icelle, & du Senat, &
n'y eut hōme de ceulx à qui il fust loisible de f'oster de là, qui ne s'en allast la te-
ste baissée, avec une morne & triste taciturnité : tellement que luy mesme s'en
apperceuant, se retira sur l'heure en sa maison, là ou tirant sa robe d'alentour
de son col, il cria tout hault à ses amis, qu'il estoit tout prest de rendre la gorge K
à qui la luy uouldroit couper. Toutefois on dit que depuis pour s'excuser de
ceste faulte, il allegua sa maladie, à cause que le sens ne demeure pas en son
entier à ceulx qui sont subiects au mal caducque quand ilz parlent de bout sur
leurs piedz deuant une commune, ains se trouble aisement, & leur prend
soudain un esblouissement : mais cela estoit faulx. Car il auoit bien uolu se le-
uer lors au deuant du Senat, mais Cornelius Balbus l'un de ses amis, ou pour
mieux dire, de ses flatteurs, qui se trouua lors aupres de luy, l'en engarda, en luy
disant,

A disant, Ne te ueulx tu pas souuenir que tu es Cæsar, & souffrit que lon te face l'honneur & la reuerence qui t'est deuë : Oultre ces occasions de malueillance & de mescontentement du peuple, suruint encore de surcharge, la honte qu'il feit aux Tribuns du peuple, en telle maniere. Il estoit d'aduenture lors la feste des Lupercales, laquelle plusieurs escriuent auoir ancienement esté propre & peculiere aux pasteurs, & qu'elle ressemble en quelque chose à celle que lon appelle la feste des Lyceiens en Arcadie. Comment que ce soit, à ce iour là y a plusieurs ieunes hommes, & aucuns de ceulx mesmes qui lors sont en magistrat, qui courent tous nuds parmy la uille, frappans par ieu & en riant avec des courroyes de cuyr à tout le poil ceulx qu'ilz rencontrent en leur chemin, &

B y a plusieurs Dames de bien & d'honneur qui leur uont expressement au deuant, & leur presentent leurs mains à frapper, comme font les enfans de l'escole à leur maistre, aians opinion que cela sert à celles qui sont grosses pour plus aisement enfanter, & à celles qui sont steriles pour deuenir grosses. Cæsar regardoit ce passetemps, estant assis sur la tribune aux harengues dedans une chaire d'or, en habit triumphal : & estoit Antonius l'un de ceulx qui couroient ceste course sacree, pource qu'il estoit lors Consul. Quand donc il uint à entrer sur la place, le monde qui y estoit se fendit pour luy faire uoye à courir, & luy s'en alla presenter à Cæsar un bandeau royal, que lon appelle diademe, entortillé d'un delié rameau de laurier, à laquelle presentation il se feit un battement de

C mains non gueres grand, de quelques gens que l'on auoit expressement appostez pour ce faire : mais au contraire quand Cæsar le refusa, tout le peuple unanimement frappa des mains : & comme derechef Antonius le luy representa, il y eut derechef peu de gens qui declarassent en estre contents par leurs battements de mains : mais quand il le rebouta pour la seconde fois, tout le peuple universel feit encore derechef un grand bruit à force de battre des mains. Ainsi Cæsar aiant cogneu à ceste espreuue, que la chose ne plaisoit point à la commune, il se leua de sa chaire, commandant que lon portast ce diademe à Iuppiter au Capitole : mais depuis on trouua quelques unes de ses images par la uille qui auoient les testes badees de diademes à la guise de Roys : & y eut deux des Tribuns du peuple, Flavius & Marullus qui les allerent arracher, & qui plus est, trouuans ceulx qui auoient les premiers salué Cæsar, Roy, les firent mener en prison, & le peuple à grosse foule alloit apres battans des mains en signe de liesse, en les appellas Brutes, à cause que Brutus fut ancienement celuy qui dechassa les Roys de Rome, & qui transfera la souueraine autorité & puissance, qui fouloit estre en la main d'un seul prince, au peuple & au Senat. Cæsar fut si fort irrité & courroucé de cela, qu'il deposa Marullus & son compagnon de leurs offices, & en les accusant iniurioit quand & quand aussi le peuple, disant qu'ilz estoient ueritablement Brutaux & Cumains, c'est à dire, bestes & lourdaux. A l'occasion de quoy le peuple adonc se tourna deuers Marcus Brutus, lequel du costé de son pere estoit extrait & descédu de la race de ce premier Brutus, & du costé de sa mere, estoit de la maison des Seruiliens, l'une des plus nobles & des plus anciennes de toute Rome, & si estoit nepueu & gendre de Marcus Cato. Mais les grands honneurs, grâdes graces & faueurs que luy faisoit Cæsar, le retenoient & refroidissoient, que de luy mesme il ne conspirast la destruction & extermination de la Monarchie, pource que non seulement il luy sauua la uie apres la iournee de Pharsale & la desfaitte & fuitte de Pompeius, & la donna aussi à sa requeste à plusieurs autres de ses familiers & amis : mais encore monstra il, qu'il

Julius Cæsar.

se fioit beaucoup en luy: car il luy auoit desia fait auoir la plus honorable Præture ceste année là, & si estoit dessigné pour estre Cōsul de là à quatre ans, l'auoit emporté deuant Cassius, qui le briguoit à l'encōtre de luy, par la faueur de Cæsar, qui dit en ceste brigue, ainsi que lō a laissé par escript: Il est uray que Cassius allegue de plus iustes remonstrances & raisons, mais pourtant si ne passera il point deuant Brutus. Et un iour comme quelques uns le luy accusassent, ainsi que la cōiuration se menoit & se tramoit desia, il ne leur uolut point adiouter de foy, ains touchant son corps avec la main leur respondit, Brutus attend ceste peau, comme uoulant dire, que Brutus pour sa uertu estoit bien digne de dominer, mais neantmoins que pour ambition de dominer il ne se monsteroit iamais ingrat, ny ne cōmettroit iamais une meschanceré. Toutefois ceulx qui demâdoient la mutation, & qui ne regardoient que celuy là seul, ou à tout le moins qui le regardoiet plus que nul autre, ne s'ozoient adresser à luy pour luy dire de bouche ce qu'ilz desiroient, mais la nuit ilz emplissoiet son tribunal & siege Prætorial, là ou il tenoit son audiēce, de petits billets & escritteaux, dont la pluspart estoit de telle substance, Tu dors Brutus, & n'es pas uray Brutus. Pour le quelz escritteaux Cassius sentant que le desir d'honneur feschaufoit de plus en plus en luy, sollicita plus instamment que iamais ceulx qui escriuoient ces petits billets, aiant luy mesme quelques causes particulieres de haine à l'encontre de Cæsar, lesquelles nous auōs declarees en la uie de Brutus. Aussi l'auoit Cæsar pour suspect: tellement qu'un iour parlant à ses plus feaux, il leur demanda, Que uous semble il que Cassius ueuille faire? car quant à moy il ne me plaist point de le ueoir ainsi passe. Vne autre fois on calumnia enuers luy Antonius & Dolabella, qu'ilz machinoient quelque nouuelleté à l'encontre de luy, à quoy il respondit, le ne me desie pas trop de ces gras icy, si biē peignez & en si bon poinct, ains bien plus tost de ces maigres & passes là. entendant de Brutus & de Cassius. Mais certainement la destinee se peult bien plus facilement preueoir, que non pas euirer, attendu mesmement qu'il en apparut des signes & presages merueilleux: car quant à des feuz celestes, & des figures & fantasmes que lon ueid courir ça & là parmy l'air: & aussi quāt à des oyseaux solitaires, qui en plein iour se ueindrent poser sur la grande place, à l'aduerture ne meritent pas telz pronostiques d'estre remarquez ny declarez en un si grand accident. Mais Strabon le philosophe escrit, que lon ueid marcher des hommes tous en feu, & qu'il y eut un ualet de soudard qui ietta de sa main force flāme, de maniere que ceulx qui le ueirent penserent qu'il fust brulé, & quand le feu fut cessé, il se trouua qu'il n'auoit eu nul mal. Cæsar mesme sacrifiant aux Dieux, il se trouua une hostie immolee q n'auoit point de cuer, qui estoit chose estrāge & mōstrueuse en nature, pource que naturellemēt une beste ne peult uiure sans cuer: & y en a beaucoup q cōptent, qu'il y eut un deuin q luy predict & l'aduertit long tēps deuant, qu'il se donast bien de garde du iour des Ides de Mars, qui est le quinzieme, pource qu'il seroit en grād dāger de sa personne. Ce iour estāt uenu, il sortit de sa maison pour sen aller au Senat, & saluāt le deuin, luy dit en riāt, Les Ides de Mars sont uenues: & q le deuin luy respōdit tout bas, Elles sont uenues uoirement, Cæsar, mais elles ne sont pas passees. Et le iour de deuant chez Marcus Lepidus, qui luy dōnoit à soupper, il signoit d'aduerture des lettres missiues, cōme il faisoit souuent, & oyant un propos que les autres mirēt en auāt, Quelle sorte de mort estoit la meilleure & la plus desirable: il cria tout hault, en preuenāt les autres, Celle que moins on attend. Apres le soupper estāt couché

A couché auprès de sa femme, comme il auoit accoustumé, tous les huys & fenestres de sa chambre s'ouuurent d'elles mesmes, & s'estant esueillé en sursault tout emeu du bruit & de la clarté de la lune, qui rayoit dedans la chambre, il ouyt sa femme Calpurnia dormât d'un profond sommeil, qui iettoit quelques uoix confuses, & quelque gemissemens, non articulez, & que lon ne pouuoit entendre: car elle songeoit, que lon l'auoit tué, & qu'elle le lamentoit, le tenant mort entre ses bras: toutefois il y en a qui disent que ce ne fut point ceste uision qu'elle eut, mais que par ordonnance du Senat il auoit esté apposé au comble de sa maison, pour un ornement & une maiesté, comme quelque pinnacle, ainsi que Liuius mesme le recite: Calpurnia en dormant songeoit qu'elle le uoioit rompre & quasser, & luy sembloit qu'elle le regrettoit & en ploroit, à l'occasion dequoy, le matin quand il fut iour elle pria Cæsar, qu'il ne sortist point pour ce iour là dehors, s'il estoit possible, & qu'il remeist l'assemblée du Senat à un autre iour, ou bien s'il ne se uoloit mouuoir pour ses songes, à tout le moins qu'il enquist par quelque autre maniere de diuination, ce qui luy deuoit eë iour là aduenir, mesmement par les signes des sacrifices. Cela le mit en quelque soupçon & quelque desfiance, potrice que iamais auparauant il n'auoit apperceu en Calpurnia aucune superstitiõ de femme, & lors il uoioit qu'elle se tourmentoit ainsi fort de son songe: mais encore quand il ueit qu'apres auoir fait immoler plusieurs hosties les unes apres les autres, les deuins luy respondoient toujours que les signes & presages ne luy en promettoient rien de bon, il resolut d'enuoyer Antonius au Senat pour rompre l'assemblée. Mais sur ces entre-faites arriua Decius Brutus, surnommé Albinus, auquel Cæsar se fioit tât, que par testament il l'auoit institué son second heritier, & neantmoins estoit de la coniuration de Cassius & de Brutus, & craignât que si Cæsar remettrait l'assemblée du Senat à un autre iour, leur conspiration ne fust esuentee, se mocqua des deuins, & tenfa Cæsar, en luy remontrant qu'il donnoit occasion au Senat de soy mescontenter de luy & de le calumnier, par ce qu'il prendroit ceste remise à un mespris, à cause que les Sénateurs s'estoient ce iour là assemblez à son mandement, & qu'ilz estoient tous prests à le declarer par leurs uoix, Roy de toutes les prouinces de l'empire Romain hors l'Italie, en luy permettant de porter à l'entour de sa teste le bendeau royal par tout ailleurs, tant sur la terre que sur la mer, là ou si maintenant quelqu'un leur alloit denoncer de sa part, que pour ceste heure ilz se retirassent chascun chez soy, & qu'ilz retournassent une autre fois quand Calpurnia aura songé de meilleurs songes, que diroient les malueillans & les enuieux, & comment pourroient ilz recevoir & prendre en payement les raisons de tes amis qui leur cuideront donner à entendre, que cela ne soit point seruitude à eulx, & à toy domination tyrannique: toutefois si tu as (dit il) du tout resolu d'abominer & detester ce iourd'uy, encore seroit il meilleur au moins, que sortant de ta maison, tu allasses iusques là, pour les saluer, & leur faire entendre que tu remets l'assemblée à un autre iour. En luy disant ces paroles il le prit par la main, & le mena dehors. Il ne fut gueres loing de son logis, qu'il uint un serf estrangier, qui feit tout ce qu'il peut pour parler à luy, & quand il ueid qu'il n'y auoit ordre d'en approcher pour la foule du peuple, & la grande presse qu'il eut incontinent autour de luy, s'alla ietter dedas sa maison, & se mit entre les mains de Calpurnia, luy disant qu'elle le gardast iusques à ce que Cæsar fust de retour, pource qu'il auoit de grandes choses à luy dire: & un Artemidorus natif de l'Isle de Gnidos, maistre de Rhetorique en langue

Iulius Cæsar.

Grecque, qui pour ceste fiene profession auoit quel que familiarité avec aucuns
des adherés de Brutus, au moié dequoy il sçauoit la plus part de ce q se machi-
noit cōtre luy, luy uint apporter en un petit memoire escript de sa main, tout ce
qu'il luy uouloit descourir: & uoiāt qu'il receuoit biē toutes les requestes qu'o
luy presentoit, mais qu'il les bailloit incontinent à ses gens qu'il auoit autour
de luy, il s'en approcha le plus pres qu'il peut, & luy dit: Cæsar lis ce memoire
cy que ie te presente seul & promptement, car tu trouueras de grandes choses
dedans, & qui te touches de bien pres. Cæsar le prit, mais il ne le peult oncques
lire, pour la multitude grande des gens qui parloient à luy, combien que par
plusieurs fois il essayast de le faire: toutefois tenant tousiours le memoire en sa
main, & le gardant seul, il entra dedans le Senat. Les autres disent, que ce fut un
autre qui luy presenta ce memoire, & q Artemidorus quelque effort qu'il feist,
ne peut oncques approcher de luy, ains fut tousiours repoulsé tout au long du
chemin. Or peuuent bien toutes ces choses estre aduenues accidentellemēt, &
par cas fortuit: mais le lieu auquel estoit lors assemblé le Senat aiant une ima-
ge de Pompeius, & estant l'un des edifices qu'il auoit dōnez & dediez à la chose
publique avec son Theatre, monstroient bien euidemment, que c'estoit pour cer-
tain quelque diuinité qui guidoit l'entreprise, & qui en conduisoit l'execution
notamment en ceste place là. Auquel propos on racompte que Cassius, un peu
deuant qu'ilz meissent la main à l'œuure, ietta sa ueuē dessus l'image de Pom-
peius qui là estoit, & l'iuoqua tout bas à son aide, combien qu'autrement il
adherast assez aux opinions d'Epicurus: mais le poinct du danger present le ra-
uit, & transporta sur l'heure hors de soy engendrant en luy une passion sou-
daine au lieu des discours qui le mouuoient, & aux quelles il adheroit quand il
estoit en sens rassis. Quant à Antonius, pource qu'il estoit fidele à Cæsar, & fort
& robuste de sa personne, Brutus Albinus l'entretint au dehors du Senat, luy
aiant commencé tout expres un bien long propos. Ainsi comme Cæsar entra,
tout le Senat se leua au deuant de luy par honneur, & adonc les uns des coniurez
se meirent derriere sa littere, les autres luy allerent à l'encontre de front,
cōme uoulant interceder pour Metellus Cimber, qui requeroit le r'appel de son
frere estant en exil, & le suyirent ainsi en le priant tousiours, iusques à ce qu'il
se fut assis en son siege: & comme il reiettaست leurs prieres, & se courrouceast à
eulx les uns apres les autres, à cause que d'autant plus qu'il les refusoit, d'autant
plus ilz le pressoient & l'importunoient plus uiolentemēt, à la fin Metellus luy
prenant sa robbe à deux mains la luy aualla d'alentour du col, qui estoit le si-
gne que les coniurez auoient pris entre eulx pour mettre la main à l'execution:
& adonc Cascas luy donna par derriere un coup d'espee au long du col, mais le
coup ne fut pas grand ny mortel, pource que festāt troublé, comme il est uray
semblable, à l'entree d'une si hardie & si perilleuse entreprise, il n'eut pas la for-
ce ny l'assurance de l'assener à poinct. Cæsar se retournant aussi tost uers luy,
empoigna son espee, qu'il teint bien ferme, & tous deux se prirent ensemble à
crier: le blecé, en Latin, O traistre meschant Casca, que fais tu? & celuy qui l'a-
uoit frappé, en Grec, Mon frere aide moy. A ce commencement de l'emeute, les
assistans qui ne sçauoient rien de la conspiration, furent si estonnez & si espris
d'horreur de uoir ce qu'ilz uoyoyent, qu'ilz ne sceurēt oncques prendre party
ny de s'en fouir, ny de le secourir, non pas seulement d'ouurir la bouche pour
crier: mais ceulx qui auoient coniuré sa mort, l'environnerent de tous costez
les espees nues en leurs mains, de sorte que de quelque part qu'il se tournast, il

- A** trouuoit tousiours quelques uns qui le frapportoient, & qui luy presentoient les espees luyfantes aux yeux & au uisage, & luy se demenoit entre leurs mains ne plus ne moins que la beste sauuage acculee entre les ueneurs: car il estoit dit entre eulx, q̄ chascun luy donneroient un coup & participeroit au meurtre, à l'occasion dequoy, Brutus mesme luy en donna un à l'endroit des parties naturelles: & y en a qui disent qu'il se defendit tousiours & resista aux autres, en trainnant son corps ça & là, & en criant à pleine uoix, iusques à ce qu'il apperceut Brutus l'espee traitte en la main: car alors il tira sa robbe à l'entour de sa teste, sans plus faire de resistance, & fut poulcé, ou par cas d'aduenture, ou par expres conseil des coniurez, iusques contre la base, sur laquelle estoit posée l'image de Pompeius, qui en fut toute ensanglantee: de maniere qu'il sembloit proprement qu'elle presidast à la uengeance & punition de l'ennemy de Pompeius, estant renuersé par terre à ses pieds, & tirant aux traicts de la mort pour le grād nombre de playes qu'il auoit: car on dit qu'il eut uingt & trois coups d'espee, & y eut plusieurs des coniurez, qui en tirant tant de coups sur un seul corps s'entreblecerent eulx mesmes. Aiant dōques esté Cæsar ainsi tué, le Senat, quoy que Brutus se presentast pour uouloir rendre quelque raison de ce qu'ilz auoient fait, n'eut iamais le cueur de demourer, ains s'enfouit atrauers les portes, & remplit toutes la uille de tumulte & d'effroy, tellement que les uns fermoient leurs maisons, les autres abandonnoient leurs bouttiques & leurs bancs, & s'en alloient courans sur le lieu pour ueoir que c'estoit, les autres l'aian s'ieu s'en retournoient chez eulx. Mais Antonius & Lepidus, qui estoient les deux plus grands amis de Cæsar, se desrobbans secrettement, s'en fouirent en autres maisons que les leurs. Et Brutus & ses consors estans encore tous bouillans de l'execution de ce meurtre, & montrans leurs espees toutes nues, sortirent tous ensemble en trouppes hors du Senat, & s'en allerēt sur la place n'aian point uisages ny contenance d'hommes qui fouissent, ains au contraire, fort ioyeux & asseurez, admonestans le peuple de uouloir maintenir & defendre sa liberté, & s'arrestans à parler aux gens de qualité qu'ilz rencontroient par le chemin, dōt il y en eut aucuns qui les suiuirent, & se meslerent parmy eulx, comme filz eussent esté de la coniuration, pour en usurper à faulses enseignes partie de l'honneur: entre lesquelz furent Caius Octauius, & Lentulus Spinther, qui depuis furent tous deux puniz de leur uaine conuoitise de gloire par Antonius & par le ieune Cæsar, qui pour ceste cause les feirent mourir, & si encores ne iouirent ilz onques de la gloire, pour l'ambition de laquelle ilz mouroient, par ce que lon ne creut iamais qu'ilz eussent esté du nombre des coniurez: car ceulx qui les en punissoient, uengeoient plus tost en eulx la uoulunté que l'effect. Le lendemain Brutus avec ses consors descendit en la place pour parler au peuple, qui luy donna audience telle, qu'il apparoissoit qu'il ne reprouoit ny n'approuuoit trop ce qui auoit esté fait: car il monstroit par un grand silence morne, que d'un costé il auoit pitié de Cæsar mort, & de l'autre costé il reueroit la uertu de Brutus. Mais le Senat decerna une abolitiō generale de tout le passé: & pour contenter & accorder un chascun, ordonna aussi que la memoire de Cæsar seroit honoree comme d'un Dieu, & qu'il ne seroit changé aucune chose de ce qu'en son uiuant il auroit ordonné, & decerna aussi des prouinces & des honneurs cōuenables à Brutus & à ses adherens, de maniere que chascun estimoit les choses estre fort bien composees & remises en tresbon estat. Mais quand on uint à ouurir le testamēt de Cæsar auquel on trouua qu'il leguoit à chascun

Julius Cæsar.

citoien Romain un honeste present d'argent, & que le commun peuple ued
son corps qui fut porté à trauers la place, tout decouppé à coups d'espee, adonc
n'y eut il plus d'ordre de contenir & arrester la commune, qu'ilz ne feissent un
amas de bois autour de ce corps, des tables, bâcs, establis & barrières qu'ilz al-
loient arracher ça & là par la place: & mettans le feu dedans, le bruslèrent, puis
quâd le feu fut bien allumé, ilz prirent des tizons ardens & s'en allerent es mai-
sons de ceulx qui l'auoiēt occis pour les brusler: les autres coururēt par toute la
uille cherchâs s'ilz en pourroïēt trouuer quelqu'un pour le deschirer en pieces,
toutefois ilz n'e rencontrerēt pas uns, pource qu'ilz s'estoiēt tresbiē renfermez,
munis & fortifiez dedans leurs maisons. Mais il y eut un des familiers de Cæsar
nommé Cinna, qui la nuit de deuant auoit eu en dormant une uision estran-
ge, pource qu'il luy fut aduis que Cæsar le cōuioit à soupper, & que luy n'y uou-
loit point aller, toutefois que le prenant par la main il l'y auoit mené malgré
luy: & lors aiant entendu comme le peuple brusloit son corps sur la place, il
partit de son logis pour cuider aller faire honneur aux funeraillies du defunct,
encore que la uisiō qu'il auoit eue la nuit precedēte le teint en quelque doub-
te, de sorte qu'il en auoit la fiebure. Estant arriué sur la place, il y eut quelqu'un
de la commune qui demanda qui il estoit: il fut nōmé par son nom: ce premier
le dit à un autre, & cest autre encore à un autre de main en main, de maniere
que le bruit courut incontinent parmy le peuple, que c'estoit un de ceulx qui a-
uoient occis Cæsar, à cause qu'il y en auoit un entre les coniurez qui s'appelloit
aussi comme luy, Cinna: & pensans que ce fust il, ilz se ruerent incontinent sur
luy par telle fureur, qu'ilz le desmembrerent en pieces sur la place mesme. Cela
espouuenta Brutus & Cassius plus que nulle autre chose, à l'occasion dequoy
peu de iours apres ilz sortirent de la uille: & quant à ce qu'ilz feirent & qu'ilz
souffrirent depuis iusques à leur mort, nous l'auons amplement escrit en la uie
de Brutus. Au demourant Cæsar mourut en l'aage de cinquāte & six ans, & ne
suruescut Pompeius gueres plus de quatre ans, n'ayant receu autre fruit de cel-
le domination & principaulté qu'il auoit si ardemment prochassée toute sa uie,
& à laquelle il estoit en fin paruenue avec tant de trauaux & tant de dangers,
qu'un nom uain seulement, & une gloire qui luy suscitoit l'enuie & la haine de
ses citoiens: toutefois celle grande fortune & faueur du ciel qui l'auoit accom-
pagné tout le long du cours de sa uie, luy continua encore en la uengeance de
sa mort, poursuivant & par mer & par terre tous ceulx qui auoiēt conspiré cōtre
luy, tant qu'il n'en demoura pas un seul à punir de tous ceulx qui de faict ou de
conseil auoient participé à la conspiration de sa mort. Mais de toutes les cho-
ses qui en aduindrēt aux hommes en la terre, la plus esmerueillable fut celle de
Cassius, lequel apres auoir esté desfait en bataille en la iournee de Philippes,
se tua luy mesme de la propre espee dont il auoit frappé Cæsar: & de celles qui
aduindrent au ciel, la grande comète qui apparut fort euidente sept nuits cō-
tinuelles apres sa mort, & quād & quand aussi l'offuscatiō de la lumiere du So-
leil, lequel tout le lōg de ceste annee là, se leua tousiours passe & nō iamais avec
sa clarté estincellente, dont sa chaleur en fut aussi tousiours fort foible & debi-
le, & l'air consequemmēt tout le long de l'annee gros, tenebreux, & espez pour
l'imbecillité de la chaleur qui ne le pouuoit resouldre ny subtiliser: ce qui fut
cause que les fruits de la terre en demourerēt cruds & imperfects, se flettrissans
auant que pouuoir meurir pour la froideur de l'air. Mais sur tout la uision qui
s'apparut à Brutus, monstra euidentement que l'occision n'en auoit point esté
aggreable

- A** agreable aux Dieux: & fut la uision telle, Brutus estât prest à passer son armee de la uille d'Abydos en la coste opposite qui est uis à uis, se reposoit comme de coustume la nuit dedans sa tente, ne dormant point encore, ains pensans à ses affaires & à l'aduenir: car on dit que ce a esté l'un des plus uigilâs capitaines & moins subiect à dormir qui fut onques, & qui de sa nature ueilloit le plus: il luy fut aduis qu'il entendit quelque bruit à la porte de sa tente, & regardant celle part à la lumiere d'une lampe qui se baissoit desia fort, il apperceut une uision horrible, comme d'un homme de grandeur extraordinaire & excessiue, & hideux de uisage, dequoy il s'effroya du commencement: mais quand il ueid que ce fantasme ne luy faisoit ny ne luy disoit rien, ains se tenoit deuant luy tout
- B** coy au pres de son liêt, il luy demâda à la fin qui il estoit: le fantasme luy respōdit, le suis tō mauuais ange & esprit, Brutus, & tu me uerras pres la uille de Philippes. Brutus luy repliqua adōc, Et biē, ier'y uerray donc: & incontīnēt l'esprit disparut. Depuis se trouuant en bataille pres ceste uille de Philippes à l'encōtre d'Antoniū & de Cæsar, à la premiere iournee il gaigna la uictoire, & rompant tout ce qu'il trouua de frōt au deuant de luy, chassa iusques dedans le camp du ieune Cæsar, qu'il pillā: mais la nuit de deuant le iour auquel il deuoit donner la seconde bataille, ce mesme fantasme s'apparut une autre fois à luy sans luy mot dire: parquoy Brutus entendant bien que son heure estoit uenue, se ietta la teste baissée à tous les perilz & dangers de la bataille, & neantmoins n'y
- C** peut encore mourir en combattant: ains uoiant ses gens deuant soy rompus & desfaits, il se retira à la course sur une croupe de rocher couppé, là ou se iettāt de l'estomach sur la pointe de son espee nue, avec l'aide de l'un de ses amis qui aida le coup, à ce que lon dit, il se percea le corps d'oultre en oultre, & mourut sur le champ.

Phocion.

- D** Orateur Demades eut un temps grād credit à Athenes, à cause qu'il disoit & faisoit, en son entremise du gouuernemēt de la chose publique, tout ce qu'il pensoit agreer & seruir aux Macedoniēs & à Antipater: au moien dequoy il estoit contraint, bien souuent, de conseiller & suader beaucoup de choses derogantes à la dignité de sa uille, & contraires au naturel d'icelle: & puis pour s'excuser souloit dire, que lon luy deuoit pardonner s'il le faisoit ainsi, pource qu'il n'auoit à gouverner q̄ les reliques du naufrage de son païs. Ce propos, encore qu'il soit dit un peu trop crument & temerairement, pourroit sembler ueritable, qui le transfereroit au gouuernemēt de Phocion: car, à dire la uerité, Demades estoit
- E** luy mesme le naufrage de sa uille, uiuant si dissoluement, & se conduisant si honteusement en son gouuernement, qu'Antipater mesme disoit de luy, apres qu'il fut deuenu uieil, qu'il n'en estoit demouré, non plus que d'une hostie immolee, que la langue & le uentre: mais la uertu de Phocion aiant eu à combattre un puissant & uiolent ennemy, que le temps, les calamitez de la Grèce furēt cause qu'elle n'a pas esté si renōmée ne si celebree qu'elle meritoit d'estre: car il ne fault pas adiouxter foy aux paroles de Sophocles, faisant la vertu foible, quand il dit,

Phocion.

Pas ne demeure aux affligez, seigneur

Le sens tout tel, qu'ilz l'auoient en bon heur:

Ains fault seulement conceder à la fortune, quand il luy plaist de s'opposer aux hommes uertueux & aux gens de bien, qu'elle ait tant de puissance qu'au lieu qu'ilz deussent receuoir l'honneur & la grace qu'ilz meritent, elle met sus à aucuns d'eulx des faulces imputations & malignes calumnies, qui sont causes que lon ne croit pas leur uertu telle cōme elle est. Et toutefois il semble à plusieurs que les peuples francs, sont plus uiolents & plus oultrageux enuers leurs bons citoyens en temps de prosperité, pource que l'heureux succes de leurs affaires, & l'accroissement de leur puissance leur eleue le cueur: mais c'est tout le contraire: Car ordinaiemēt les aduersitez rendent les hōmes despits, chagrins, & aisez à G mettre en cholere, & leur ouyē difficile aspre & s'offensant de tout propos & de toute parole un peu rōdement ditte. Celuy qui reprēt ceulx qui faillent semble proprement leur reprocher leurs mesaduentures, & celuy qui parle franchemēt semble les calumnier: Car tout ainsi que le miel, qui est doux de sa nature, engendre neantmoins douleur quand on l'applique aux ulceres ou aux bleccures & parties entamees: aussi bien souuent les sages & urayes remonstrances, mordent & irritent ceulx qui sont en malheur, si elles ne sont bien addoulcies, & qu'elles ne ployēt & obeissent un petit. C'est pourquoy le poëte Homere appelle le Doulx Menoices, qui uault autant à dire, cōme cedant & obeissant à la H partie de l'ame, qui est enflée de despit & de courroux, & ne luy resiste, ny ne la combat point: ne plus ne moins que l'œil malade s'arreste plus uoluntiers à regarder les couleurs sombres, obscures, & non reluyfantes, & refuit celles qui sont uifues, guayes & brillantes: aussi en une cité, de laquelle les affaires ne uont pas au gré des citoyens, le peuple a les oreilles trop delicates & trop craintifues, à cause de son imbecillité, pour supporter patiemment une langue disant la uerité librement, lors qu'il demande principalement à ouir les choses qui ne luy ramènent point sa faulte deuant ses yeux: & pourtant est-ce un tēps dangereux pour ceulx qui gouernent, en toutes sortes: car il perd avec la chose publique, celui qui flatte: & deuāt, celui qui ne flatte point. Tout ainsi donques comme les Mathematiciens disent, que le Soleil ne suit point totalement le cours du I firmament, ny aussi n'a pas son mouuement du tout opposite ne contraire, ains en biaisant un peu, & cheminant par une uoye oblique fait une ligne torse, qui n'est point trop uiolentement roide, ains ua tournoiant tout doucement, & par son obliquité est cause de la conseruation de toutes choses, maintenant le monde en tresbonne temperature. Aussi en matiere de gouuernement d'une chose publique, la trop roide seuerité de contreuenir à tout propos & en toutes choses à la uolunté du peuple est trop dure & trop rude: comme aussi la facilité de se laisser tirer à l'erreur de ceulx qui faillent, pource qu'ilz uoient le peuple affectionné & enclin en celle part, est un precipice fort glissant & tresdangereux. Mais la uoye du milieu, de ceder aucunefois au gré du peuple pour le K faire obeir ailleurs, & de luy ottroyer une chose plaisante pour luy en demander une utile, est un moien salutaire pour bien regir & gouuerner les hommes, lesquelz se laissent à la fin conduire doucement & utilement à executer beaucoup de bonnes choses, quand on ne les ueult pas auoir en tout & par tout de haulte lucte, ny par une uiolente & seigneuriale autorité. Il est bien uray que ce moien est fort malaisé & difficile à garder, à cause qu'il y a de la maiesté qui se mesle avec la gracieuseté: mais aussi quand elles sont une fois meslees ensemble,

- A** ble, il n'y a armonie si musicale, ne consonance si bien accordée, ne si parfaite qu'est celle là : aussi dit on que c'est le stile que le Dieu de nature garde au gouvernement de ce monde, sans rien forcer, addoucissant par remonstrance & persuasion de raison la contrainte de luy obeir. Ce default de l'austerité estoit en Caton le ieune, car il n'auoit pas la nature, ny les meurs agreables à un peuple, ny propres pour se faire aimer à une commune: aussi ne uint il point en credit pour auoir flatté le peuple. C'est pourquoy Ciceron dit, qu'en se gouuernant ne plus ne moins que s'il eust esté en la uille & en la chose publique que forme Platon, & non pas en la lie & au marc de celle de Romulus, il fut débouté, & faillit à obtenir le Cōsulat. Si m'est aduis qu'il ressemble propremēt aux fruiçts
- B** qui uienent hors de saison : car tout ainsi que lon les uoit uoluntiers & les louëlon, mais on n'en use point : aussi l'innocence ancienne estant ia de si long temps sortie hors d'usage, & uenant lors apres si long interualle à se monstrier parmy les uies corrompues & les meurs gastees de ce temps là, luy acquit une grande gloire & grande renommee : mais au demourant elle ne se trouua pas forttable à mettre en œuvre, ny propre à employer aux affaires, pource que la grauité & perfection de sa uertu estoit trop disproportionnee à la corruption de ce siecle là. Car il ne uint pas à s'entremettre du gouuernement des affaires estant desia la chose publique ruinee, cōme fait Phocion en la siene, ains y uint comme elle estoit desia fort esbranlee & trauaillée de grande tourmente : & si
- C** n'eut iamais le timon ny l'autorité de pilote en main, ains s'attacha seulemēt à manier les uoiles & le cordage, en assistant & secondant ceulx qui auoient plus de credit & de puissance que luy, & neantmoins encore dōna il beaucoup d'affaire à la fortune, laquelle aiant entrepris de ruiner & abolir la chose publique, le fait bien à la fin par d'autres, mais ce fut à grāde peine, lentemēt, & avec un long traict de temps, encore fut elle bien pres de demourer deffoubs, par le moien de Caton & de sa uertu: à laquelle ie compare celle de Phocion, nō qu'il me soit aduis, qu'ilz aient esté semblables de similitude generale & uniuerselle seulement, comme de dire qu'ilz ont tous deux esté gēs de bien, tous deux bien entendus en matiere d'estat & de gouuernement: car encore y a il difference de
- D** prouesse à prouesse, comme entre celle d'Acibiades & celle d'Epaminondas: & de prudence à prudence, comme de celle de Themistocles à celle d'Aristides: & de iustice à iustice, comme de celle de Numa à celle d'Agésilas: mais les uertus de ces deux personnages cy monstrent tout un mesme traict, un mesme moule, un mesme tainēt, & mesme couleur empreinte en leurs meurs, iusques au plus menues & dernieres particularitez, aians tous deux eu l'austerité presque en egale mesure coniointe avec la doulceur, la prouesse avec la prudence, la uigilance craintifue pour les autres, avec l'assurance resoluë pour eulx mesmes, fuite des choses honteuses, & zele de la iustice, si semblablemēt annexes en tous deux, qu'il fault un bien subtil & delié iugement, comme un util pour
- E** en trouuer & sçauoir discerner les diuersitez. Or quant à Caton, c'est chose cōfessée de tous, qu'il estoit de grande & noble maison, comme nous dirons plus au long en sa uie: & quant à Phocion, ie coniecture qu'il ne soit point issu de bas ny de uil lieu : car s'il eust esté filz d'un faiseur de cuilliers, comme dit Idomeneus, Glaucippus le filz d'Hyperides aiant recueilly en l'inuectiue qu'il a escrite contre luy tous les maulx qu'il a peu, n'eust pas oublié à luy reprocher la bassesse roturiere de son lignage, ne luy n'eust pas esté si honestement ne si liberalement institué comme il fut : car en sa premiere ieunesse il fut disciple

Phocion.

de Platon, & depuis de Xenocrates en l'escole de l'Académie, ou il s'addonna
des son commencement à toutes perfections de bonne meurs: car, cōme Duris
a escrit, iamais Athenien ne le ueit ne rire ne plorer, ny se lauier en estuue pu-
blique, ny aiant les mains hors du couuert de sa robbe, quand il estoit uestu de
long: car quand il alloit par les champs estant à la guerre, il cheminait touf-
iours pieds nuds & sans robbe, si ne faisoit un froid extreme & insupportable,
de sorte que les soudards, par maniere de ieu, & de commun prouerbe, disoient
entre culx, que c'estoit signe de grād hyuer, quād ilz uoyoient Phocion uestu.
Et cōbien qu'il fust fort doulx & fort humain de sa nature, si est-ce qu'à leueoir
au uisage, il monstroit estre austere & mal accointable, de sorte qu'un homme
qui n'eust point eu de familiarité avec luy, ne l'eust pas facilement abordé seul: G
& pourtant un iour que l'orateur Chares se mocquoit de la seuerité de ses sour-
cilz, comme le peuple Athenien s'en fust pris à rire, il respondit publiquement,
Ces miens sourcilz, Seigneurs Atheniens, ne uous ont iamais fait mal, mais les
rises de ces mignons icy uous ont souuentefois fait plorer. Son parler sembla-
blement, pour les bonnes conceptions & les beaux discours qu'il contenoit, es-
toit plein de tres utile & salutaire instruction, mais c'estoit avec une briefueté
imperatiue, austere & nullement addoucie: car, comme disoit le philosophe
Zenon, que l'homme sage doit tremper sa parole en sens & en raison, premier
que de la prōnōcer: aussi le parler de Phocion, en bien peu de langage com-
prenoit beaucoup de substāce: & semble que ce soit la raison pour laquelle Po-
lyeuctus Spherien, dit que Demosthenes estoit tresbon orateur, mais que Pho-
cion estoit treseloquent. Car tout ainsi comme les pieces d'or ou d'argent sont
les meilleures, qui soubz moins de masse ont plus de pris & plus de ualeur: aussi
la force du parler gist à signifier beaucoup en peu de paroles. Auquel propos
on racōpte, qu'un iour estāt tout le Theatre plein de peuple, Phocion se prome-
noit à part tout seul pēsant en luy mesme au dessoubz de l'eschaffault d'ou par-
lent les ioueurs, & y eut un de ses amis, qui le uoiant ainsi pensif luy dit: Tu
penses à quelque chose Phocion. Ce fais mon, certes, respondit il: car ie pense
si ie pourrois point retrencher quelque chose de ce que i'ay à dire au peuple A-
thenien. Et Demosthenes mesme faisant bien peu de compte de tous les autres
orateurs de son temps, quand Phocion se leuoit pour parler, il souloit dire tout
bas en l'oreille à ses amis: Voyla la hache retrenchant mes paroles qui se leue.
Toutefois cela se pourroit à l'aduēture aussi biē referer à ses meurs: pource que
non seulement une parole, mais aussi un clin d'œil, ou un signe de teste d'un
homme de bien, a force de persuader contrepesante & de plus de pois, que ne
sont infinis arguments & closos artificielles de Rhetorique. Au demourant en
sa ieunesse il accointa le capitaine Chabrias, & le suyuit, apprenant de luy
beaucoup de choses appartenantes au faict de la guerre, & reciproquement aussi
le corrigeant de quelques imperfections qu'il auoit de nature. Car estant Cha-
brias, au demourant, homme lent & difficile à emouuoir, quand ce uenoit au
combat il brusloit d'ardeur de courage, tellement qu'il se iettoit à clos yeux au
dāger, entre les plus temeraires: aussi luy en cousta il la uie dedās l'isle de Chio,
ou il uolūt abborder le premier avec sa galere & descendre en terre malgré les
ennemis: mais Phocion estāt prudent à se garder, & uif à executer, eschauffoit
d'un costé la tardité de Chabrias, & de l'autre attiedissoit son ardēte impetuo-
sité: à raison de quoy Chabrias estant homme doulx & debōnaire, l'en aimoit
& l'auançoit aux affaires, le faisant cognoistre aux Grecs, & se seruant de luy es
choses

A chofes de plus grande confequence, comme il luy feit acquerir grand honneur & grande reputation en la bataille nauale qu'il gaigna pres l'ifle de Naxos, ou il luy donna à conduire la pointe gauche de fon armee: & fut la mellee plus afpre en cest endroit là, que nulle part ailleurs, auffi y furent les ennemis plus toft rompus. Ceste bataille eftant la premiere que la uille d'Athenes gaigna avec fes forces feules depuis fa prife, fut caufe que le peuple en aima fort Chabrias, & commença à faire compte de Phocion, comme d'un personnage de feruice, & digne d'auoir charge. Ceste bataille fut gaignee le iour propre de la fefte des grands Myfteres, en memoire de laquelle Chabrias tous les ans le feizieme iour d'Aouft donoit à boire à qui en uouloit du peuple Athenié. Depuis

B Chabrias l'ayant choify pour l'enuoyer receuoir l'argét & les uaiſſeaux que les allies infulaires deuoient cōtribuer, luy bailla uingt galeres pour y aller, & dit on que Phocion luy respondit, que ſil l'enuoyoit pour cōbattre des ennemis, il auoit beſoing de plus grand nombre de uaiſſeaux, & ſil l'enuoyoit comme ambassadeur deuers des allies & amis, qu'une galere ſeule luy ſuffiſoit. Ainſi y allant avec ſa galere ſeule, apres auoir parlé aux uilles & communiqué avec les officiers & gouuerneurs d'icelles doulcement & ſimplement, il ſ'en retourna avec une bonne flotte de uaiſſeaux, que fournirent les allies, & de l'argent auffi pour porter aux Atheniens. Si ne continua pas ſeulement Phocion à honorer Chabrias tant comme il ueſcut, ains encore apres ſa mort embralla la protection de ceulx qui luy appartenoient, & ſ'eſtudia de rendre ſon filz Cteſippus, homme de bien, quoy qu'il le ueiſt fort depraué & fort incorrigible, & ne ceſſa point pour cela d'eſſayer touſiours à le reduire & à couvrir ſon infamie, toutefois lon dit que comme ce ieune hōme eſtant ſoubz ſa charge en quel que guerre ou il eſtoit capitaine, luy rompiſt la teſte & l'importunaſt, en luy faiſant tout plein de queſtions faſcheuſes, ſ'ingerant de le uouloir conſeiller, reprendre, & enſeigner l'office & le deuoir de capitaine, il ne ſe peut tenir de dire: O Chabrias Chabrias, ie paye bien maintenant l'amitié que tu m'as portee en ton uiuant, en endurent l'importunité de ton filz. Et uoiāt que ceulx qui ſ'entremettoient lors du gouuernement des affaires à Athenes, auoiēt departy entre culx

D ne plus ne moins que au ſort, les charges de la guerre & de la uille, tellement que les uns, comme Eubulus, Ariſtophon, Demoſthenes, Lycurgus, & Hyperides, ne faiſoient que harenguer deuant le peuple, & mettre les matieres en auant, & les autres comme Diopithes, Menestheus, Leosthenes, & Chares, ſe faiſoiēt grāds pour aller à la guerre, & auoir charge des armees, il aima mieulx ſe propoſer à imiter & enſuyure la maniere de gouuerner qu'auoient tenue Pericles, Ariſtides, & Solon, comme eſtant plus entiere & compoſee de l'un & de l'autre egalemant: car chaſcun d'eulx, à mon aduis, comme dit le poëte Archilochus,

Enſemble eſtoit bon ſeruiteur de Mars,

E Et ſi ſçauoit des Muſes les doux arts.

Auſſi n'ignoroit il pas, que la Deeffe tutrice d'Athenes, Pallas, eſtoit & ſ'appelloit Polemique & Politique tout enſemble, c'eſt à dire, aiant les parties requiſes pour gouuerner en guerre & en paix. S'eſtant donques ainſi preparé le but, auquel il tendit touſiours en toute ſon entremiſe du gouuernement de la choſe publique, fut, qu'il ſuada touſiours le repos & la paix, & neātmoins fut plus ſouuent eleu capitaine, & eut plus de fois charge d'armees, non ſeulement que tous les hommes de guerre de ſon temps, mais auffi de tous ceulx qui ont eſté deuant

Phocion.

luy, ne prochassant ny ne demãdant point telle charge, ny aussi ne les fuyant F
ny reiettant point quand le besoing de la chose publique l'y appelloit: car c'est
chose certaine qu'il a esté par quarante cinq fois élu capitaine, sans qu'il se soit
iaïmais trouué une seule fois aux assemblees des elections, estant tousiours élu
en son absence, & tousiours enuoyé querir absent: tellement que les hommes
de bon sens se fmerucilloient de ceste façon de faire du peuple, ueu que iâmais
Phocion ne faisoit ny ne disoit chose quelconque pour luy complaire, ains le
plus souuent contredisoit à sa uoulunté, comment il uoït neantmoins des au-
tres gouuerneurs qui estoient plus gracieux, plus ioyeux, & plus agreables en
leurs harengues pour une maniere d'esbattement & de passer temps, ne plus ne
moins que lon dit des Roys, qu'ilz se seruēt de leurs flatteurs & plaisants, apres G
qu'ilz ont lauē les mains pour se mettre à table: mais quand il estoit question
de dōner les charges de la guerre, alors y pēsans sobremēt & à bon esciant, il y
appelloit tousiours le plus austere & le plus sage hōme de la uille, & celuy qui
seul ou plus que nul autre, s'opposoit à tous ses appetits, & à toutes ses uolun-
tez. Car un iour aiāt esté publiquemēt leu un oracle de Delphes, le quel disoit,
Que tous les autres Atheniens estans d'accord, il y en auoit un seul qui estoit
contraire à tout le reste de la uille, Phocion se tirant en auāt dit publiquemēt,
que lon ne se donnaist point autrement peine d'enquerir qui c'estoit, & que c'e-
stoit luy, pource qu'il ne trouuoit rien bon de tout ce que lon faisoit. Vne autre
fois il luy aduint de dire une opinion deuant l'assemblee du peuple, laquelle fut H
uniuersellement approuuēe & receuē de tout le mōde, & uoiant que toute l'as-
sistāce se trouuoit ainsi tost de son aduis, il se retourna deuers ses amis, en leur
demandant, Helas mes amis ne m'est il point eschappē de dire quelque mau-
uaïse chose en n'y pensant pas? Vne autrefois comme les Atheniens deman-
dassent quelque contribution liberale & uoluntaire d'argent à chascun, pour
faire un sacrifice, les autres de sa qualite aians desia baillē leur part, il fut aussi
nommeement appellē par plusieurs fois pour contribuer la sienne: mais il leur
dit, Demādez en à ceulx qui sont riches, car quant à moy i'aurois hôte de uous I
en bailler, n'ayant pas encore payē cestuy cy: en monstrant l'usurier Callicles,
qui luy auoit prestē de l'argent: mais comme ilz ne cessassent point pour cela
de crier & de braire contre luy, il se meit à leur faire ce compte, Il y eut un iour
quelque homme couard qui se preparoit pour aller à la guerre, & sur le point
qu'il uouloit partir il entēdit crier des corbeaux, & pēsant que ce fust un mau-
uais presage pour luy, il posa ses armes, & s'arresta tout court au logis. Depuis
il les reprit une autrefois, & se meit en chemin pour aller au cāp: les corbeaux
recommencerent à crier arriere de plus belle, & lors il demoura à faict, & dir fi-
nablement, Vous crierez tant & si hault que uous uouldrez, mais si ne mange-
rez uous point de mon corps. Quelque autre fois les Atheniēs estans à la guer-
re soubz sa charge, uouloïēt à toute force qu'il les menast pour aller chocquer
& charger leurs ennemis, il n'en uolut rien faire: à l'occasion de quoy ilz l'ap- K
pelloient lasche de cueur & couard, & il leur respōdit, Ny uous ne me scauriez
faire hardy, ny moy uous couards: toutefois nous nous entrecognoïssons bien
les uns les autres. Vne autre fois en temps fort d'angereux, le peuple le rudoïoit
à mueruilles, & uouloit qu'il rendist promptement compte de son administra-
tion & de sa charge: il leur respondit, O mes amis, sauuez uous, sauuez uous
premierement. Et comme durant la guerre ilz fussent humbles & souples de
belle peur qu'ilz auoient, mais tout soudain la paix faite, ilz brauassent de pa-
roles

A roles & criaissent à l'encontre de Phocion, qu'il leur auoit osté la uictoire toute
 - assurée d'entre les mains: il ne leur feit que dire, Vous estes bien heureux d'a-
 - uoir un capitaine qui uous cognoist, car autrement uous fussiez piecé a perdus.
 Ilz eurent d'adventure quelque different pour leurs confins à l'encôtre des Bœo-
 tiens, lequel ilz ne uouloient point plaider en iustice, ains le cōbattre en champ
 de bataille: mais Phocion leur dit qu'ilz ne l'entendoient pas, leur conseillant
 de combattre plus tost de paroles, en quoy ilz estoient les plus forts, que nō pas
 avec les armes, en quoy ilz estoient les plus foibles. Son opinion en une assem-
 blee de conseil despleut quelquefois tant aux Atheniens, qu'ilz ne uouloient
 pas seulement auoir la patience de l'ouir parler: & il leur dit adonc, Vous me
 B pouuez bien forcer, Seigneurs Atheniens, de faire ce qui ne se deueroit pas faire:
 - mais de me faire dire contre mon opinion chose qui ne se doit pas dire, uous
 - ne m'y sçauriez cōtraindre. Il rembarroit aussi biē uiuement les Orateurs qui luy
 estoient contraires, quand ilz s'attachoient à luy, comme il respondit une fois
 - à Demosthenes, qui luy disoit, Le peuple te tuera quelque iour, Phociō, si l'en-
 - tre en sa fureur: Mais toy, dit il, si l'entroit iamais en son bon sens. Et à Polyeu-
 ctus le Sphettien, lequel un iour qu'il faisoit grande chaleur, suadoit au peuple
 d'entreprendre la guerre contre le roy Philippus, & estant presque hors d'alci-
 ne, souffloit & suoit à grosses gouttes, comme celuy qui estoit fort gras, de sor-
 te qu'il falloit qu'il beust de l'eau par plusieurs fois pour acheuer sa harengue:
 C Vrayement, dit il, c'est bien raison que uous decerniez la guerre à la persua-
 - sion de cestuy cy: car, que pensez uous qu'il fera quand il aura le harnois sur le
 - dos, & que les ennemis seront pres en bataille, ueu que maintenant en pronō-
 - ceant seulement une harengue qu'il a estudee de longue main, il est en danger
 - de creuer & estouffer deuant uous? Et comme en une assemblee de conseil, Ly-
 curgus luy eust dit plusieurs oultrages en presence de tout le peuple, & apres
 tout, que Alexandre aiant demandé dix des citoiens d'Athenes pour en faire
 - ce que bon luy sembleroit, il auoit conseillé de les liurer: il respondit, l'ay sou-
 - uent conseillé plusieurs choses bonnes & belles à ceulx cy, mais ilz n'en ueu-
 - lent rien faire. Il y auoit lors à Athenes un nommé Archibiades qui contrefai-
 D soit le Lacedæmonien avec une barbe lōgue & forte à merueilles, une meschā-
 te cappe, & une mine & contenance tousiours triste. Phocion se trouuant un
 iour en assemblee de uille rabroué par le peuple, l'appella à tesmoing pour prou-
 uer & confirmer son dire: mais l'autre se leuāt, alla tout au contraire conseiller
 ce qu'il sentoit estre agreable au peuple, ce qu'entendant Phocion, le prit à la
 - barbe, & luy dit: Que ne faisois tu donques raire ceste barbe, puis q tu te uoulois
 - meller de flatter? Il y auoit un autre grand plaideur nōmé Aristogiton, qui en
 toutes assemblees de uille ne faisoit autre chose que corner la guerre ordinaire-
 ment & prescher les armes au peuple. Puis quād il fallut leuer gēs & enroller les
 noms de ceulx qui deueroient aller à la guerre, il s'en uint en la place, appuyé sur
 E un bastō, les deux iambes bādees, pour faire à eroire qu'il estoit malade: & Pho-
 - cion l'apperceuant de tout loing dessus la tribune aux harengues, cria tout hault
 - au secretaire qui escriuoit les rôles, Escry aussi Aristogiton lasche & meschāt,
 - qui contrefait le boitteux. Tellemēt que quelquefois ie m'esmerueille, commēt
 ne pourquoy, un homme si aspre & si seuer, comme il appert par ces exemples
 qu'il a esté, eut onques le surnom de bon. Toutefois à la fin ie trouue q c'est bien
 chose difficile, mais non pas impossible de trouuer un homme comme un uin,
 qui soit gracieux & un peu ferme tout ensemble, comme des autres au contrai-

Phocion.

re, qui de prime face semblent doux au hanter, & puis se trouuēt fort fascheux F
& dommageables à ceulx qui conuerfent avec eulx. Ce neantmoins on lit, que
l'orateur Hyperides dit un iour au peuple d'Athenes, Seigneurs Atheniens, ne
regardez pas feulelement fi ie fuis aigre, mais confiderez fi ie le fuis fans y auoir
profit & pour neant. comme fi les hommes n'estoiēt fascheux & ennuyeux que
pour l'auarice feulement, & comme fi le peuple ne craignoit & ne haïffoit pas
plus toft, tous ceulx qui par arrogance, enuie, insolence, cholere, & opiniaftre-
té, abusent de leur credit & autorité. Phocion donques ne feit iamais mal ne
desplaisir à citoien quelconque pour inimitié priuee qu'il eust à l'encontre de
luy, n'y n'en haït onques pas un, ains estoit feulemēt aspre, rude & aigre à l'en-
contre de ceulx qui refistoient à quelque chose qu'il entreprenoit de faire pour G
le bien public: car au demourant il se monstroït en toute autre chose doux &
gracieux, courtois & humain à tout le monde, iusques à hanter priueemēt avec
ceulx qui luy estoient aduerfaires, & les fecourir en leurs affaires s'ilz uenoient
à tumber en quelque dāger & en quelque aduerfité. Suiuant lequel propos, ses
amis le tenferent un iour de ce qu'il defendoit en iugemēt un meschant, à qui
lon faisoit le proces criminel, & il leur respōdit, que les gens de bien n'auoient
point befoing de telle defence. Vne autre fois Aristogiton le calumniateur e-
stant en la prison, apres auoir esté defia condemné, enuoya deuers luy le sup-
plier de le uenir ueoir, ce qu'il feit, & alla iusques dedās la prison, dont ses amis
le uouloient diuertir: mais il leur dit, Laissez moy faire: car en quel lieu pour- H
rois ie ueoir Aristogiton plus uoluntiers qu'en la prison? Au reste, quand il
partoit d'Athenes quelque armee de mer, fil y auoit un autre capitaine qui en
fust chef que Phocion, les uilles maritimes allies des Atheniens & les insulai-
res, munissoient leurs murailles, combloient leurs ports, & apportoint des
champs dedans la uille leurs femmes, leurs enfans, leurs esclauē, leur bestail,
& tout le reste de leurs biens, comme si c'eussent esté ennemis declarez en guer-
re ouuerte: mais au cōtraire, si Phocion en estoit chef, ilz alloient iusques bien
loing au deuant avec leurs uaisseaux couronnez de festons & de chappeaux de
fleurs en signe de resiouissance publique, & le conduisoient eulx meſmes en
leurs maisons. Et comme le Roy Philippus taschant à s'emparer secretement I
de l'isle d'Eubœe, y feist passer une armee de la Macedoine, & y allast pratit-
quant les uilles par le moien de quelques particuliers tyrans. Plutarchus Ere-
trient y appella les Atheniens, en les priant de uoloir oster des mains de ce
Roy, l'isle qu'il alloit tous les iours de plus en plus occupant, si bien toft on n'y
remedioit. Phocion y fut enuoyé pour capitaine avec peu de gens, pource que
lon faisoit compte, que ceulx du pais se ioindroiēt incontinent fort affectueu-
sement à luy: mais au contraire, y r'encontrant à son arriuee tout plein de trai-
stres, tout corrompu, guasté, & miné à force d'argent, que Philippus y despen-
doit, il se trouua en tresgrand danger: au moien dequoy il se retira dessus une
motte separee de la plaine de Tamynes, avec une grande & profonde uallee, là K
ou il se fortifia, & y arresta toute l'elite des gens de guerre qu'il auoit avec luy,
admonestāt les particuliers capitaines, qu'ilz ne se souciaſſent point des autres
mutins & seditieux, qui ne faisoient que babiller & ne ualoïēt rien au beſoing,
ains les laissaſſent aller & s'escarter hors du camp là ou ilz uoudroient: pour
autant, diſoit il, que relz foudards auffi bien nous seroiēt inutiles par deça pour
leur desobeissance, & nuïroient à ceulx qui auroient bonne uolunté de faire le
deuoir: & pardelā se sentans coupables d'auoir abandonné le camp & de ſ'en-
estre

A estre allez sans congé, ilz n'oseront crier à l'encontre de nous, & se garderont bien de nous calumnier. Puis quand les ennemis vindrent en bataille pour le charger, il commāda à ses gens qu'ilz se teinsent tous prests en armes sans bouger, iusques à ce qu'il eust acheué de sacrifier aux Dieux, là ou il demoura bien longuement, soit ou pource qu'il ne peust auoir les signes heureux des sacrifices, ou qu'il taschast à attirer pl^s pres les ennemis: mais Plutarchus Eretrié cuidant qu'il dilayast ainsi à marcher par faulte de cueur, se ietta aux chāps le premier, avec quelques aduēturiens qu'il auoit à sa soude: quoy uoiant les gens de cheual ne se peurent non plus contenir, ains marcherent aussi après luy uers les ennemis en mauuais ordre, escartez les uns ça, les autres là, comme ilz estoient

B sortis du camp: parquoy les premiers aians esté rompus par les ennemis, tous les autres se desbanderēt aussi tost d'eulx mesmes, & Plutarchus mesme se meir à foudre, de sorte que quelques troupes des ennemis, pensans auoir desia tout gaigné, donnerent iusques dedans le camp, & tascherent à en abbattre la fermeture: mais cependant les sacrifices de Phocion estans paracheuez, les Atheniens sortirent sur eulx, qui les tournerent incontinent en fuite, apres en auoir tué un grand nombre tout ioignant les trenchées de leur camp. Cela fait Phocion ordonna que la bataille demourast ferme sans se bouger, pour attendre & recueuillir ceulx de leurs gens qui estoient encore espandus ça & là par les champs de la premiere rouverte: & luy ce pendant avec une troupe de combattans choisiz en toute son armee, alla dōner à trauers les ennemis. Si fut la meslee fort aspre, car les Atheniens y combattirēt tous courageusemēt, sans point espargner leurs personnes: mais sur tous les autres, deux ieunes hommes combattans aux costez du capitaine, Glaucus filz de Polymedes, & Thallus filz de Cineas, y emporterēt le pris de prouesse. Toutefois Cleophanes ce iour là mōstra bien aussi sa ualeur: car il cria tant apres leurs gēs de cheual qui auoient esté rompus, & les somma tant d'aller secourir leur capitaine, qu'il disoit estre en danger, qu'il les r'allia & ramena au cōbat: en quoy faisant il fut cause de dōner la uictoire assuree & entiere aux gens de pied. Depuis ceste bataille il chassa Plutarchus mesme hors d'Eretrie, & aiāt pris le chasteau de Zaretra assis en lieu

D tres opportun pour ceste guerre, à l'endroit ou l'isle seua estroiffissant en une longue chausse, serree d'un costé & d'autre de la mer, il defendit que lon ne prist pas seulement des Grecs prisonniers, de peur que les harengueurs d'Athenes ne contraignissent quelque fois le peuple Athenien par une soudaine cholere, d'exercer aucune cruaulté encontre eulx. Ces choses ainsi faittes, Phocion sen retourna à la maison: mais il n'eust pas plus tost le dos tourné, que les allies & cōfederez d'Athenes regretterēt incōtinent biē sa iustice & sa bōté: & les Atheniens cogneurent aussi sa ualeur & sa suffisance: car Molossus, celuy qui luy succeda en la charge de capitaine au gouuernemēt du reste des affaires, sy porta de sorte q̄ luy mesme y fut pris prisonnier. A raison dequoy, Philippus embrassant toutes grādes choses en son esperāce, sen alla avec toute son armee au

E pais de l'Hellespont en opiniō qu'il y prédroit incōtinent toute la Cherronese, les uilles de Perinthe & de Byzāce, & pourtāt ceulx d'Athenes estans tous resolu d'y enuoyer du secours pour l'empescher de uenir au dessus de son entente, eleurēt Chares pour capitaine à l'instāce & poursuite grāde des orateurs qui le meirent en auant: mais y estant allé avec bon nōbre de uaisseaux, il n'y fit exploit quelconque digne des forces qu'il y auoit menees, pource que les uilles ne uoioient pas seulement receuoir sa flotte dedans leurs ports, à raison de-

Phocion.

quoy il estoit contrainct d'aller rodant ça & là le long des costes suspect à tout F
le monde, rençonnant les amis, & mesprisé des ennemis. Ce qu'entendant le
peuple, ioinct aussi que les harengueurs l'irriterent par leurs preschemens or-
dinaires, fut fort courroucé, se repentât d'auoir enuoyé secours aux Byzantins:
mais Phocion adonc se tirant en auant leur remōstra que ce n'estoit pas à leurs
alliez & confederez se desfians, qu'il se falloir courroucer, ains à leurs capitai-
nes, qui se portoit de sorte que lon auoit occasiō de se desfier d'eulx: Ce sont
ceulx là (disoit il) à qui il uous en fault prendre, car il uous rendent odieux &
redoubtables à ceulx mesmes qui ne se sçauoiēt sauuer sans uostre secours. Ces
paroles emeurēt le peuple, de façon que sur l'heure mesme elles luy feirent chā-
ger d'aduis, tant qu'ilz baillerent à Phocion un autre renfort qu'ilz enuoyèrent G
celle part pour secourir leurs alliez, ce qui fut de tresgrande consequence, pour
preseruer la uille de Byzance: car oultre ce que ia sa reputation estoit grande,
Cleon le premier homme de Byzance en uertu & en autorité, aiant esté com-
pagnon & familier de Phocion en l'eschole de l'Academie, le plegea enuers sa
uille: & adonc les Byzantins ne uoulurent pas qu'il campast au dehors, ains
ouurans leurs portes le receurent au dedās de leur uille, & meslerēt parmy eulx
les Atheniens: lesquelz uoians que ceulx de la uille se fioiēt ainsi d'eulx, se por-
terent si honestement en leur conuersation ordinaire, qu'il n'y eut plainte au-
cune d'eulx, & si uaillammēt en tous combats & assaults, que Philippus, lequel
on estimoit parauant si terrible en armes, que rien n'arrestoit deuant luy, & ne H
se trouuoit personne qui s'ozast presenter en bataille contre luy, sen retourna
de l'Hellespont sans rien faire, sinon perdre beaucoup de sa reputation, là ou
Phocion gaigna quelques uns de ses uaisseaux, & recouura les places fortes ou
il auoit mis garnisons: & faisant des descentes en plusieurs endroits de ses ter-
res, courut & pilla tout le plat pais, iusques à ce que sestāt assemblé bon nom-
bre de gens pour le defendre, il y fut blecé, & pour ceste occasion contrainct de
sen retourner à la maison. Quelque temps apres les Megariens enuoyèrent
secrettemēt deuers luy, pour luy liurer leur uille entre ses mains: mais Phocion
craignant que les Bœotiens, filz en estoient aduertiz, ne le preuinssent auant
qu'il y peust estre à temps, il feit tenir une assemblee de conseil de uille au plus I
matin, en laquelle il declara au peuple ce qu'on luy auoit mandé de Megare: &
comme le peuple eust promptement arresté d'y entendre à bon esciant, Phociō
feit tout aussi tost sonner la trompette, & au partir de l'assemblee sans leur don-
ner autre loisir que de prendre leurs armes seulement, il les mena incontinent
droit à Megare, là ou aiant esté receu, il enferma de muraille le port de Nisēe,
& tira deux longues murailles depuis la uille iusques là, moienant lesquelles il
ioignit la uille à la marine, & feit en sorte que du costé de la terre, ne craignant
gueres plus ses ennemis du costé de la mer, elle fut entierement en la dispositiō
& deuotion des Atheniens. Et comme les Atheniens sestans ia tout ouuerte-
ment declarez ennemis de Philippus, eussent esleu en son absence d'autres ca- K
piraines, pour luy aller faire la guerre, luy si tost qu'il fut de retour à Athenes,
uenant des Isles, suada au peuple, attendu que Philippus auoit bien bonne en-
uie de uiure en paix avec eulx, redoubtant le danger que les forces d'Athenes
pouuoient apporter à ses affaires, que lon deuoit receuoir les articles & condi-
tions de paix qu'il presentoit. A quoy s'opposant un plaideur ordinaire, qui ne
bougeoit iamais des plaits, à calumnier & chicaner tousiours quelqu'un, ius-
ques à luy dire, Commēt Phocion, oses tu bien tascher à aduertir les Atheniēs
de

A de la guerre, quand ilz ont desia les armes en main? Ouy urayment, luy respondit Phocion, encore que ie sache tresbien, que s'il y a guerre, ie te cōmanderay, & s'il y a paix tu me cōmāderas. Ce neātmoins il ne peut obtenir, & le gaigna Demosthenes. encontre luy pour celle fois, conseillant aux Atheniens d'aller donner la bataille à Philippus, le plus loing qu'ilz pourroient du pais d'Attique: & Phocion luy dit adonc, Mon amy ne nous amusons point à disputer en quel lieu nous luy donnerons la bataille, mais regardons seulement comme nous la gaignerons: car en ce faisant, nous reculerons la guerre bien loing de nous: car ceulx qui sont uaincus, quelque part qu'ilz soient, ont tousiours le dāger aupres d'eulx. Apres la bataille perdue contre Philippus, les seditieux qui ne demandoient que toutes nouuelletez en la uille, tirerent Charidemus en auant pour le faire elire capitaine general d'Athenes, dequoy les gens de bien & d'honneur eurent grande peur, & prenans avec eulx toute la court & le Senat d'Arcopage, prierēt si affectueusement le peuple, avec les larmes aux yeux, qu'à la fin ilz impetrerent, mais ce fut à grande peine, que lon meist les affaires de la uille entre les mains de Phocion: lequel fut bien d'aduis de receuoir au demourant la forme de uiure, & les humaines conditions d'appointement qu'il leur offroit: mais comme l'orateur Demades eust mis en auāt, que la uille d'Athenes entrast au commun traitté de paix, & en la commune assemblee des estats de la Grece, qui se deuoit assembler à l'instance de Philippus, Phocion n'en fut pas d'aduis, ains le dissuadā, iusques à ce que lon entēdist ce que Philippus demanderoit aux Grecs en celle assemblee. Toutefois son opiniō pour lors n'eut point de lieu pour la mauuaise tiē du temps, & bien tost apres uoiant que les Atheniēs se repentoient de ce qu'ilz n'auoient pas creu son conseil, quand ilz ueirēt qu'il leur falloit fournir des uaisseaux & des gens de cheual à Philippus, il leur dit adōc, La crainte de ce dont uous uous plaignez maintenant, me faisoit opposer à ce que uous auez consenty: mais puis que uous l'avez accordé, il le uous fault supporter patiemment, & ne perdre pas le courage pour cela, uous reduisant en memoire, que uoz ancestres par le passé ont quelques fois donné la loy aux autres, & quelques fois l'ont aussi receuē d'autrui: & en se portāt bien & sagemēt en l'une & en l'autre fortune, ont preseruē non seulement ceste citē, mais aussi tout le demourant de la Grece. Depuis estant uenue la nouuelle de la mort de Philippus, le peuple tout incontinent en uolut faire les feux de ioye, & des sacrifices aux Dieux, comme pour une tresbonne nouuelle, mais Phocion ne le uolut point permettre: pour autant, dit il, que ce seroit un signe de trop bas & trop petit cuer, que de se resiouir de la mort d'autrui, avec ce que l'armee qui uous a desfaits à Chæronee n'en est diminuee que d'une teste seulement. Et cōme Demosthenes en ses harengues ordinaires dist des paroles iniurieuses d'Alexādre, lors qu'il approchoit desia avec son armee de la uille de Thebes, il luy dit ces uers d'Homere,

E O Malheureux, que uas tu irritant

V n si farouche & aspre combattant,

& qui ne conuoite autre chose que grādeur de gloire: Veux tu, estant un si grād feu allumē, ietter ceste uille dedans: quant à moy, si bien les Atheniens se uoloiēt perdre, ie ne leur permettray pas pourtāt: car à ceste fin ay-ie pris la charge de capitaine. Et depuis, la uille de Thebes aiant esté entieremēt destruite & rasce, comme Alexandre demandaſt à ceulx d'Athenes qu'ilz luy liurassent entre ses mains Demosthenes, Lycurgus, Hyperides & Charidemus, l'assemblee

du peuple ne sachant que respondre à ceste sommation, ietta s'es yeux sur Phocion seul, & l'appella plusieurs fois par son nom, pour en dire son opinion: parquoy il se leua, & approchant de luy l'un de ses amis nommé Nicocles, celui qu'il aimoit le plus cherement, & en qui il auoit plus de fiace, dit hault & clair, F
 " Ceulx qu'Alexandre uous demande, ont cōduit ceste uille en tel destroit de necessité, que si bien il demandoit cestuy Nicocles, ie ferois d'aduis qu'on luy deliurast: car moy mesme reputerois que ce me seroit un grand heur, si ie pouuois mourir, de sorte que ma mort sauuaist la uie à tous mes autres citoiens: & encore que i'aye en mon cueur grāde pitié & compassion de ces pauvres desolez qui s'en sont fouys de la ruine de Thebes en ceste uille, si est-ce pourtant que ie suis d'aduis, qu'il uault mieulx que les Grecs lamētent la perte d'une seule uille, que G
 " de deux, & me semble pour ceste raison, qu'il uault mieux en l'un & en l'autre poinct tascher par prieres & remonstrances à impetrer grace de celui qui est le plus fort, que de s'opiniastres à uouloir combattre à sa certaine ruine. Si dit on qu'Alexandre reietta le premier decret qui fut arresté par le peuple sur sa demande, & se destourna pour ne point ueoir les ambassadeurs qui le luy auoient apporté: mais il receut le second qui luy fut porté par Phocion mesme, entendāt dire aux plus uieux seruiteurs de son pere, qu'il faisoit grand compte de ce personnage: à raison dequoy Alexandre non seulement luy donna audience, & luy ottroya sa requeste, mais d'auantage, son conseil. Car il luy conseilla fil aimoit le repos, qu'il posast du tout les armes & cessast de faire la guerre: mais H
 " fil aimoit la gloire, qu'il tournast ses armes contre les Barbares, & non pas cōtre les Grecs. Et en luy deduisant plusieurs raisons & remonstrāces accommodees au plus pres du naturel, & de ce qu'il pensoit qu'Alexandre desiroit, il le changea & l'addoucit tellement, qu'Alexandre au departir luy dit, que les Atheniens deuoient auoir l'œil aux affaires, pource que si luy uenoit à monrir, il ne cognoissoit point d'autre peuple à qui l'empire fust deu, qu'à eulx: & uolāt auoir particuliere amitié & alliance d'hospitalité avec Phocion; il luy feit tant d'honneur, qu'il y auoit bien peu de ses plus familiers, à qui il en feist autāt. Au quel propos l'historien Duris escrit, qu'apres qu'il fut deuenu grand, & qu'il eut desfait le Roy Darius, il osta de la salutation de toutes ses lettres missiues ce mot que lon a accoustumé d'y mettre, Chærin, c'est à dire, ioye & salut, sinō en celles qu'il escriuoit à Phocion, & qu'il ne faisoit plus cest honneur de saluer ainsi ceulx à qui il escriuoit, qu'à Phociō & Antipater: ce q̄ Chares a aussi escrit. Bien est-ce chose confessee de tous, qu'il luy enuoya bōne somme d'argent en don: car il luy enuoya * cent talents. Lequel argent aiant esté apporté à Athenes, Phocion demanda à ceulx qui le luy auoient apporté, pourquoy, ueu qu'il y auoit tant de bourgeois à Athenes, Alexandre luy enuoyoit ce present à luy seul. Pource qu'il t'estime seul homme de bien & d'honneur. Et Phocion leur repliqua, Or qu'il me laisse donques le sembler & l'estre toute ma uie. Nō pour cela les messagers ne laisserent pas d'aller apres luy iusques en sa maison, là ou ilz ueirent une tresgrande simplicité: car ilz trouuerent sa femme qui paistriffoit elle mesme, & luy en leur presence tira de l'eau de son puis pour se lauer les pieds: à raison dequoy ilz luy feirent encore plus grande instance que deuant, qu'il uoulust receuoir le present du Roy, se courrouceans à luy, en disant que c'estoit une grande honte de le ueoir uiure ainsi pauurement & estroittement, attendu qu'il estoit amy d'Alexandre. Parquoy Phociō uoiant passer par la rue un pauvre uieillard affublé d'une meschante robbe, sale & orde, il leur deman-

* Soixante mille escus.

- A da filz l'estimoient moins que ce pauvre bon homme là, la dieu ne plaife, respondent ilz incontinent: & toutefois, leur repliqua, il ueit encore de moins que ie ne fais, & si se cõtente, & a assez. Brief, leur dit il, quand ie prendray une si grosse somme d'or, ou ie ne m'en seruiray point, & lors il uaudroit autât que ie n'en eusse du tout point pris: ou ie m'en seruiray, & lors ie feray que toute ceste uille en parlera mal & du Roy & de moy. Ainsi fut reporté le present hors d'Athenes, seruant de notable exemple à tous les Grecs, pour leur donner à cognoistre, que plus riche est celuy qui n'a que faire de tant d'or & d'argent, que celuy qui le luy donnoit. Alexandre aiant entendu que son present auoit ainsi esté refusé, en fut malcontent, & escriuit derechef à Phocion, qu'il ne pouuoit
- B estimer ses amis, ceulx qui refusoient à prendre de luy: toutefois pour cela encore ne prit il point d'argent, ains seulement le requit de uouloir en faueur de luy, deliurer Echecratides rhetoricié, Athenodorus natif de la uille d'Imbros, & deux Corinthiens, Demaratus & Spartus, qui auoient esté retenus prisonniers en la uille de Sardis pour aucunes charges que lon leur mettoit sus. Alexandre les feit incõtinent deliurer, & enuoyant Craterus en la Macedoine, luy commanda de donner à Phocion l'une de ces quatre uilles de l'Asie qu'il aimeroit le mieulx, Cios, Gergethus, Mylasson ou Elees, luy mandant qu'il se courrouceroit bien plus aigremét qu'il n'auoit fait à la premiere fois, s'il les refusoit: toutefois Phocion n'en uoulut onques acceper pas une. Et Alexandre bien tost apres s'en alla mourir. L'on uoit encore au iourd'huy au quartier de Melite la maison de Phocion lambrissée de lames de cuyure, mais au demourât fort simple & sans aucune superfluité. Quât aux femmes qu'il eut espousees, on ne treuve rien par escript de la premiere, sinon que Cephisodotus mouleur d'images estoit son frere: mais la seconde ne fut pas moins renommee à Athenes pour son honesteté & sa simplicité en toutes ses actions, que Phocion pour sa iustice & bonté. Suiuant lequel propos, on dit qu'un iour comme les Atheniens estoient assemblez au theatre pour ueoir iouer des Tragédies nouvelles, l'un des ioueurs, à l'heure mesme qu'il deuoit entrer sur l'eschafault pour iouer son rolle, demâda au deffrayeur des ieux un masque de Roïne, & une suite de damoilles accoustrees magnifiquement pour l'accompagner, à cause qu'il iouoit le rolle d'une princesse: le deffrayeur ne luy en bailloit point, & le ioueur s'en courrouceoît & faisoit cesser les ieux, à cause qu'il ne uouloit pas sortir sur l'eschafault. Melanthius qui estoit le deffrayeur l'y poulsa par force, criant tout hault, Ne uois tu pas la femme de Phocion qui ua tousiours avec une chambrière seule par la uille, & tu ueux faire le glorieux & corrompre les meurs des Dames d'Athenes? Ces paroles furent ouyes du peuple qui estoit au theatre attendant, qui par le grand bruit qu'il en mena en battant des mains, monstra les auoir trouuees fort bonnes. Ceste Dame, cõme une siene amie & hostesse du païs d'Ionie, estant uenue à Athenes, luy feist monstre de ses ioyaux & bagues d'or enrichies de pierres pretieuses, luy feist responce, Tout mon parement est mon mary Phocion, qui depuis uingt ans en ça a tousiours esté continuellemét eleu capitaine des Atheniens. Le filz de Phocion luy feist une annee entédre qu'il desiroit uoltiger & picquer les cheuaux avec les autres ieunes gens, qui combattoient à qui emporteroit le pris de tel esbattement aux ieux de la feste de Panathenea, son pere le luy permet, nõ pource qu'il appetast aucunemét l'honneur de telle uictoire, mais à fin qu'en s'adressant & s'exercitât à cest honeste exercice, il en deuint mieulx cõditionné, pource qu'il estoit assez dissolu ieune hõ-

Phocion.

me, & qui aimoit le uin: toutefois pour ce coup là il emporta le pris de bié uol- F
tiger & manier les cheuaux, & y eut plusieurs des amis du pere qui le prierēt de
leur faire cest honneur, qu'en leurs maisons ilz feissent le festin de celle uictoi-
re. Phocion le refusa à tous les autres, excepté à un seul, auquel il permit de fai-
re ceste demōstration de bōne uoulunté enuers sa maison, & y alla luy mesme
au soupper, là ou entre les autres delices & superfluité de l'appareil, il trouua
que lon auoit appresté des lauemens de uin & d'espiceries odorātes pour lauer
les pieds des conuiez ainsi qu'ilz entreroiēt au festin. Si appella son filz, & luy
dit, Comment souffres tu, Phocion, que cestuy nostre amy gaste & deshonore
ainsi ta uictoire par ceste superfluité de delices? Et desirāt retirer de tout poinct
ce ieune homme de ceste dissoluē maniere de uiure, il le mena à Sparte, & le G
meit avec les enfans qui y sont nourris en la discipline que lō appelle Laconi-
que. Cela despleut aux Atheniens, de ueoir que Phocion mesprisast ainsi les
meurs, coustumes, & façons de faire de son pais: & comme Demades l'orateur
luy dist, Que ne suadōs nous au peuple Athenien de receuoir la forme du gou-
uernement & la discipline de Lacedæmone? Quant à moy, si tu ueux estre de
la partie, ie m'offre à le proposer & à le mettre en auant le premier. Vraye-
ment, respondit adonc Phocion, il seroit bien seant, de suader aux Athe-
niens de uiure en commun, ainsi que font les Lacedæmoniens en leurs con-
uiuies, & de louer les ordonnances de Lycurgus, qui sont austeres, à toy qui
es ordinairement ainsi parfumé & si delicatement uestu. Vne autre fois Ale H
xandre leur aiant mandé qu'on luy enuoyast quelque nombre de galeres: les
harengueurs à l'encontre preschoient que lon n'en deuoit rien faire: le peu-
ple appella nommeement Phocion pour en dire son aduis: lequel leur respon-
dit franchement, Je suis d'aduis, ou que uous donniez ordre à estre les plus forts
en armes, ou que uoustaschiez d'estre amis de ceulx qui le sont. Pytheas l'o-
rateur à son aduenement, qu'il ne faisoit encore que commencer à harenguer
deuant le peuple, babilloit desia à tout propos audacieusemēt & presumptueu-
sement, & Phocion luy dit: Dea ce nouueau uenu icy se taira il iamais? Et com-
me Harpalus, lieutenant d'Alexandre en la prouince de Babylone, s'en estant I
fouy de l'Asie, avec grosse somme d'or & d'argent, fust uenu descendre au pais
de l'Attique, incontinent ceulx qui auoient accoustumé de faire marchandise
de leur langue à prescher le peuple, coururent à l'enuy les uns des autres deuers
luy: lequel ne faignit pas de leur ietter à chascun quelque somme d'argēt, pour
les attirer & appaster: car ce luy estoit peu de chose, ueu la grande quantité
qu'il en auoit apportee: mais à Phocion, il en enuoya de luy mesme * sept cents
talents, uoulant encore mettre le surplus de son auoir, & sa personne propre en
la protection & sauuegarde de luy seul. A quoy Phocion luy fit une bien dure
responce, Qu'il le feroit repentir sil ne se deportoit de gaster & corrompre la uil-
le d'Athenes. A l'occasion dequoy Harpalus se retira lors bien esbahy deuers
ceulx qui auoient pris argent de luy: mais peu apres les Atheniens mettans son K
affaire en deliberation, il ueit que ceulx qui auoient pris argent de luy, auoient
tourné leur robbe, tellement qu'au lieu de le defendre, ilz l'accusoient, à fin que
lon ne les souspeçonnast d'auoir pris argent de luy: & au contraire, que Phocion
qui l'auoit si rudement renuoyé sans uouloir rien prendre, aiant en ses cōseilz
le principal regard à l'utilité publique, auoit encore eu en quelque considera-
tion le sauueement de sa uie, il se remeit derechef à essayer de le gagner par tous
moiens, & le considerant & recognoissant de tous costez, trouua que c'estoit
une

* Quatre cents
quatre uingts &
dix mille escus.

A une place imprenable par argent : mais il se feit amy de Charicles , gendre de Phocion, qui fut cause de luy dōner bien mauuais bruit, pource que lon uoyoit qu'il se fioit de toutes choses en luy, & l'employoit en tous ses affaires, iusques à luy cōmettre la charge de faire bastir une magnifique sepulture à la Courtesane Pythonice, dōt il estoit amoureux, & dōt il auoit eu une fille . Mais si l'accepter une telle charge estoit ignominieux à Charicles , encore le diffama l'œuvre d'auantage , quand elle fut paracheuee : car on uoit iusques au iourd'huy la sepulture au lieu qui s'appelle Hermium, ainsi que lōua d'Athenes à Eleusine, n'ayant rien d'excellēce digne de la despence de * trēte talents, que lon dit qu'il luy compra pour la fabrique de celle sepulture. Qui plus est , apres le trespas de **B** Harpalus, ce Charicles & Phocion mesme prirent la fille, & la feirent soigneusement nourrir : toutefois estant depuis Charicles appellé en iustice pour respondre de l'argēt que lō l'accusoit auoir pris de Harpalus, il pria son beaupere Phocion de luy uouloir aider, & luy assister en iugement, pour fauoriser sa defence : mais Phocion luy refusa tresbien, en luy disant : Iet'ay, Charicles, pris pour mō gendre à toutes choses iustes & honestes seulement . Ausurplus, le premier qui apporta à Athenes la nouuelle de la mort d'Alexandre, fut un Asclepiades filz de Hipparcus, auquel Demades disoit qu'il ne falloit point adiouxter de foy, pource, dit il, que s'il fust uray, toute la terre piece a sentiroit l'odeur d'un tel mort. Mais Phocion uoiant que le peuple leuoit ia la teste, ne demandant que **C** toutes nouuellerez, taschoit à le moderer & contenir : & cōme plusieurs des harengueurs montraissent incontinent en la tribune aux harengues, & criaissent que la nouuelle d'Asclepiades estoit certaine, & que Alexandre estoit ueritablement mort, Phocion leur respondit, Si elle est uraye aujourd'huy, elle sera donques encore uraye demain, & apres demain : & pourtant, Seigneurs Atheniens, ne uous hastez point, ains deliberez tout à loisir, & prouuoiez seurement à ce que uous auez à faire . Et comme Leosthenes eust tant fait par ses menaces qu'il eust ietté la uille d'Athenes en la guerre, q̄ lon appella la guerre des Grecs, & demanda st en se mocquant à Phocion qui en estoit marry, quel bien il auoit fait à la chose publique, en tant d'annees qu'il auoit esté capitaine general d'Athenes, Phocion luy respondit, Le bien que i'ay fait n'est pas perit : car ce pendant que i'ay esté capitaine, les citoiens d'Athenes ont esté enterrez en leurs paternelles sepultures . Ce Leosthenes parloit tousiours haultement & auantageusement deuant le peuple, au moien dequoy Phocion luy dit un iour, Tes propos, ieune homme mon amy, ressemblent proprement aux Cyprez : car ilz sont grands & haults, mais ilz ne portent point de fruit. Adonc Hyperides se dressant en piedz, luy demanda, Quand donques, Phocion, conseilleras tu aux Atheniens de faire la guerre? Quand ie uerray, dit il, les ieunes hommes bien deliberez de n'abandonner point leurs rens, les riches contribuer argēt uoluntairement, & les orateurs s'abstenir de desrobber la chose publique. Ce neât **E** moins plusieurs s'esmerueilloiet de ueoir la belle & grosse armee que Leosthenes auoit leuee, & demandoient à Phocion ce qu'il luy sembloit d'un tel preparatif. Il est beau, dit il, pour une course & carriere : mais ie crains le retour & la continue de la guerre, pource que ie ne uoy point que ceste uille ait plus d'autre moien de recouurer argent, ny autres uaisseaux, ny autres gēs de guerre, que ceulx là . Ce qui fut depuis tesmoigné par l'euenemēt, pource que du commencement Leosthenes feit de grands exploits d'armes : car il desfeit en bataille les Bœotiens, & renga Antipater dedans la uille de Lamia : ce qui eleua les

* Dix huit mille escus.

Phocion.

Atheniens en grande esperance, de sorte que lon ne faisoit à Athenes autres
choses que festes & sacrifices continuellement pour rendre graces aux Dieux
de tant de bonnes nouvelles:& y en auoit quelques uns qui cuidans bien con-
uaincre Phocion, de maniere qu'il ne scauroit que respondre, luy demandoiet
fil uoudroit pas bien auoir fait toutes ces belles choses là: Ouy urayment, leur
respondit il, ie les uoudroie bien auoir faittes, mais non pas n'auoir conseillé
ce que i'ay conseillé. Et comme lon escriuist & apportast tous les iours de bon-
nes nouvelles les unes sur les autres, il dit: O Dieux quand cesserons nous de
uaincre & de gagner? toutefois Leosthenes à la fin estant mort en ce uoiage,
ceulx qui craignoient que Phocion ne fust substitué capitaine au lieu de luy, &
qu'il ne pacifiast ceste guerre, attirerent un personnage peu cogneu & de peti-
te qualité, qui en pleine assemblee de conseil uint dire, qu'estant amy de Pho-
cion, & son compagnon d'eschole, il supplioit le peuple de l'espargner & le cō-
tregarder, pource qu'ilz n'en auoient point d'autre semblable à luy, & qu'ilz
enuoyassent plus tost au camp Antiphilus. Dequoy le peuple estant bien d'ad-
uis, Phocion se tira en auant qui dit, qu'il n'auoit iamais esté à l'eschole avec
cest homme là, & qui plus est, qu'il ne le cognoissoit du tout point, ny n'auoit
onques esté son familier: Mais pourrant, qui que tu sois, dit il, ie te tien desor-
mais pour mon amy, & pour mon bienueillant, car tu as conseillé au peuple
ce qui m'est le plus expedient: Ce neantmoins le peuple à toute force, uoulant
aller contre les Bœotiens. Phocion y resista le plus qu'il peut, de paroles pre-
mièrement: & comme ses amis luy remontrassent qu'il se feroit tuer, de con-
treuenir ainsi ordinairement à la uolunté du peuple, il leur respondit, A tort
me ferot ilz mourir, si ie fais & procure ce qui leur est utile: & à bon droit aussi,
si ie fais le contraire. Mais uoiant que pour cela ilz ne se laschoient point, ains
cryoient de plus en plus encontre luy, alors il commanda au herault qu'il
proclamast à son de trompe, que tous bourgeois, manans & habitans d'Athe-
nes, depuis l'aage de quatorze ans, iusques à soixante, eussent promptement au
partir de l'assemblee à le suyure en armes, portés avec eulx des uiures pour cinq
iours. Ceste crie entendue, il y eut un grand trouble par toute la uille, & s'en
coururent incontinent les uieillards deuers luy se plaindre de la duresse de son
edict: & il leur respondit, Je ne uous fais point de tort: car moy mesme qui suis
aagé de quatre uingts ans, seray quand & uous. Ainsi les retint il pour lors, &
leur feit perdre leur folle enuie de guerroyer: mais estant la coste de la marine
courue & pillée par le capitaine Micion, lequel avec bon nombre de Macedo-
niens naturelz & d'autres estrangers, estoit descendu au territoire du bourg de
Rhamnus, & gastoit tout le plat país à l'environ, Phocion y mena les Athe-
niens, là ou comme plusieurs accourussent à luy, l'un deça, l'autre delà, entre-
prenans sur son estat de capitaine, & s'ingerans de luy conseiller les uns de lo-
ger son camp sur une telle motte, les autres d'enuoyer en tel endroit les gens
de cheual, les autres de camper icy: O Hercules, dit il, combien ie uoy de capi-
taines, & peu de souldards! Puis quand il eut rengé ses gens de pied en bataille,
il y en eut un qui se ietta bien loing deuant les autres hors de son renc: mais se-
stant aussi auancé l'un des ennemis pour le charger, l'Athenien eut peur, & se
retira en sa place, & lors Phocion luy dit: N'as tu point de honte, ieune estour-
dy que tu es, d'auoir ainsi par deux fois abandonné ton renc, l'un auquel tu
auois esté mis par ton capitaine, & l'autre auquel tu t'estois planté toy mesme?
Et allant tout aussi tost charger l'ennemy, le rompit à force, & tua sur le champ
le

A le capitaine mesme Micion avec bon nombre de ses gens. Or estoit pour lors l'armee de la ligue des Grecs en la Thessalie, là ou elle gaigna une bataille contre Antipater, & contre Leonnatus, qui s'estoit ioinct à luy avec les Macedoniens qui l'auoit nagueres ramenez de l'Asie, & y fut occis sur la place Leonnatus, estant Antiphilus chef des gens de pied, & Menon Thessalien coulounel de la cheualerie. Mais peu de temps apres estant Craterus repassé de l'Asie en Europe avec grosse puissance, il y eut une autre bataille pres la uille de Cranô, en laquelle les Grecs furent desfaits: toutefois la desfaitte ne fut pas grande, & n'y mourut pas beaucoup de gens, encore fut ce par la desobeissance des soldards aux capitaines, qui leur estoient trop doux, aussi estoient ilz trop ieunes.

B ioinct aussi que si tost comme Antipater tenta leurs uilles, ilz se desbanderent tous, & abandonnerent treshonteusement la defence de la liberté commune: parquoy Antipater s'achemina incontinent droit pour aller avec son armee deuant la uille d'Athenes. Ce que sentans Demosthenes & Hyperides, abandonnerent la uille: mais Demades ne pouuant fournir à payer l'argét qu'il deuoit au public, aiant esté condamné en sept amendes enuers la chose publique, pour auoir autant de fois proposé au peuple, & mis en auât des choses contraires aux loix, en demouroit infame, & ne luy estoit pas loisible de parler & haranguer en public: toutefois pour lors en estant dispensé, il proposa que lon enuoyast des ambassadeurs, avec plein pouuoir deuers Antipater, pour tascher à

C traiter quelque paix avec luy. Le peuple craignant de commettre ceste absolue puissance de traiter à qui que ce fust, appella nommeement Phocion, disant qu'il n'y auoit que luy seul à qui il se peust confier. Et adonc leur respondit Phocion, Si i'eusse esté creu es conseils que ie uous ay tousiours donnez, uous ne seriez pas maintenant en peine de consulter de si grandes choses. Ainsi estât le decret authorisé par le peuple, il fut enuoyé luy mesme deuers Antipater, lequel estoit pour lors campé en la Cadmee, s'apprestât pour de là entrer au premier iour dedans le país d'Attique. Si luy requit Phocion, que premier qu'il delogeast de là, il feist appointemēt avec eulx. A quoy Craterus respondit proprement, Phocion, tu ne nous demande pas chose raisonnable, que demourans

D icy nous mangions & foulions le país de noz alliez & amis, là ou nous pouuons aller uiure, & nous enrichir es terres de noz ennemis: toutefois Antipater prenant Craterus par la main: Il fault, dit il, que nous facions ce plaisir à Phociō. Mais au demourant, quant aux capitulations de la paix, il uolut que les Atheniens leur enuoyassent la carte blanche, & remeissent les conditions du traité à leur plaisir, ne plus ne moins que luy estant assiegé dedans la uille de Lamia auoit remis tout pouuoir de capituler à la discretion de leur capitaine Leosthenes. Ceste responce ouye, Phociō s'en retourna à Athenes, ou le peuple se uoiât contrainct, accepta par force la condition de traiter, que luy offroit l'ennemy.

E Ainsi retourna derechef Phociō à Thebes deuers Antipater avec d'autres ambassadeurs: entre lesquelz les Atheniens eleurent le philosophe Xenocrates, pource que le renom, l'estime, & la reputation de la uertu de ce personnage estoit si grande par tout le monde, que lon pensoit qu'il n'y auoit arrogance, ny cruaulté, ny cholere si grande en cuer d'homme, qui qu'il fust, que le regard seul de Xenocrates n'amollist, iusques à le contraindre de luy porter quelque honneur & quelque reuerence. Ce nonobstant il en aduint tout au contraire par la malignité de la nature d'Antipater ennemie de toute uertu: car tout premierement, il ne le daigna oncques seulement saluer, là ou il embrassa tous les

Phocion.

autres. Surquoy lon trouue que Xenocrates dit adonc, Antipater faiët bien de F
auoir honte de me ueoir tesmoing du mauuais tour, & traitement inique qu'il
ueult faire aux Atheniens. Puis quand il commença à parler, il n'eut iamais la
patience de l'endurer, ains l'entferompant à tous propos, & le rabrouant, il luy
commanda à la fin de se taire du tout: mais apres que Phocion eut parlé, il leur
feît responce, que les Atheniens auroient paix, alliance, & amitié avec luy, prou-
ueu qu'ilz luy iurassent Demosthenes & Hyperides entre ses mains, qu'ilz gou-
uernassent leur chose publique selon la forme de gouvernement instituee par
leurs ancestres, là ou il n'y eüst que ceux qui auroient de quoy, qui fussent admis
aux estats & offices de la chose publique, & qu'ilz receussent garnison dedans
le port de Munychia: qu'ilz remboursassent l'argent qui auroit esté despendu G
en ceste guerre, & oultre cela, qu'ilz en payassent encore une somme pour l'a-
mée. Tous les autres ambassadeurs s'en contentèrent, & accepterent ces con-
ditions de paix comme douces & humaines, excepté Xenocrates, lequel dit,
que pour esclaves, il les traittoit assez doucement: mais pour un peuple franc
& libre, trop durement. Parquoy Phocion le supplia qu'il uoulust à tout le moins
leur remettre la garnison: à quoy lon dit que Antipater luy respondit, Phocion
nous desirons te gratifier en toutes choses, fors en celles qui seroient cause de ta
ruine & de la nostre. Les autres escriuent qu'il ne respondit pas ainsi, mais qu'il
luy demanda, si l'ouloit pleger & cautionner les Atheniens, qu'ilz entretiend-
roient loyaument les articles & conditions de ceste paix, sans plus remuer H
aucune nouuelleté, si l'les exemptoit de receuoir garnison. A quoy cōme Pho-
cion se teüst & dilayast à respondre, il y eut un Callimedon surnommé Ca-
rabos, homme uiolent, & haïssant la liberté populaire, qui se iettant à la
trauerse dit, Et si cestuy estoit si fol que de pleger cela, Antipater, luy croi-
rois tu pour tant, & laisserois tu pour cela de faire ce que tu as deliberé? Ainsi
furent les Atheniens contraincts de receuoir garnison des Macedoniens,
de laquelle fut capitaine Menyllus un honeste hōme & familier amy de Pho-
cion. Ce commandement de receuoir garnison dedans le port de Munychia
fut trouué superbe, & fait par Antipater plus tost par une uaine gloire de mō-
strer oultrageusement sa puissance, que pour bien qui en peust aduenir à ses af-
faires. Mais encore le iour auquel il s'en saisit & empara, augmenta d'auantage I
le regret: car ce fut iustement le uingtieme d'Aoust, que la garnison y entra, lors
que lō celebre la feste des mysteres, en laquelle on a accoustumé de faire la pro-
cession qui s'appelle Iacchus, depuis la uille d'Athenes iusques à celle d'Eleusi-
ne, de sorte qu'estant la solennité de ceste sainte cérémonie confuse, il uint en
pensée à plusieurs de considerer, comme ancienement es plus heureux temps de
la chose publique, auoient esté ouyes & ueues des uoix & uisions diuines à tel
iour, dont les ennemis estoient demourez estonnez & effroyez: & lors, au con-
traire, en la mesme solennité les dieux uoyoient la plus triste calamité qui eust
peu escheoir à la Grece, & uenir le plus saint & le plus plaisant iour qui fust K
parauant en toute l'année à estre contaminé du tiltre du plus malheureux eue-
nement qui aduint onques aux Grecs, c'estoit la perte de leur liberté. Or peu
d'années au parauant auoit on apporté un oracle de Dodone à Athenes, Que
lon gardast bien les rochers de Diane, de peur que des estrangers ne s'en empa-
rassent: & enuiron ce mesme temps, les rideaux dont on enuironne tout à l'en-
tour les saints liëts mystiques, estans baignez en l'eau, prirent une couleur iaul-
nastre & passe comme celle d'un trespasé, au lieu de la uiue couleur de pourpre
qu'ilz

A qu'ilz fouloient auparauant auoir: & qui plus est, les autres draps nō sacréz des particuliers que lon trempoit tout aupres dedans la mesme eau, retenoient leur naïfue uiuacité de couleur. Et comme l'un des ministres du temple lauast un petit pourceau dedās la mer en un endroit du riuage pur & net, il sortit soudain un grād poisson de la mer qui luy uint oster d'entre les mains, & en aualla tout le derriere: par ou lon coniectura que les Dieux leur donnoient à entendre qu'ilz perdroyent le bas de leur uille, & ce qui estoit le plus prochain de la mer, mais qu'ilz sauueroyent les parties haultes: toutefois ceste garnison pour l'honesteté du capitaine Menyllus ne fascha point les Atheniens. Mais il y eut plus de douze mille citoiens qui furent deboutez de la iouissance du droit de bourgeoisie, à raison de leur pauureté, desquelz une partie demoura à Athenes, à qui il semble que lon faisoit un grand tort & une grande iniure: & une autre partie s'en alla en Thrace, l'à ou Antipater leur assigna uille & terres pour demorer. Ceulx là sembloient proprement gés que lon eust pris d'assault, ou par siege dedans une uille que lon contraignist d'abandoner leur pais. Au demourant la mort de Demosthenes en l'isle de Calauria, & de Hyperides pres la uille de Cleones dōt nous auons escrit ailleurs, furent presque cause de faire regretter le temps des regnes de Philippus & d'Alexandre: ne plus ne moins, que depuis lon dit qu'ayant esté Antigonus desfait, ceulx qui l'auoiēt uaincu & occis, oppresserent & traitterent si rudement leurs subiectz, que au pais de la Phrygie un laboureur fouillant en terre, & estāt interrogué, que c'estoit qu'il cherchoit, C respondit en soupirant, le cherche Antigonus. Aussi uenoit il lors en pensee à plusieurs d'en dire autant, quand ilz rememoroient la magnanimité & generosité de ces deux grands princes, en leur courroux, comme ilz pardōnoient facilement, & remettoient leur maltalent, nō pas ainsi comme Antipater, qui soubz le masque de se comporter en homme priué, d'aller simplement uestu, & uiure sobrement & à peu de despence, dissimuloit la puissance tyrannique qu'il usurpoit, & ce pendant s'en monstroït plus uiolent seigneur & plus cruel tyran enuers ceulx à qui la fortune auoit couru sus. Toutefois Phocion impetra de luy le rappel de plusieurs qu'il auoit bannits, & à ceulx qu'il ne peut faire D rappeler, au moins leur procura il que leurs confins ne fussent point si loingtains, comme des autres qui estoient releguez pardela les monts Acrocerauniens, & le chef de Tēnarus, hors de la Grece, ains qu'il leur fust à tout le moins loisible de demorer au dedans du Peloponese, entre lesquelz fut un Agonides faulx accusateur. Au reste gouuernant ceulx qui estoient demourez dedans la uille en grande iustice, & avec grande humanité, quand il en cognoissoit aucuns doux & paisibles de nature, il les tenoit tousiours en quelque magistrat: mais ceulx qu'il sçauoit estre remuans, seditieux, & amateurs de nouuelletez, il les engardoit de pouuoir paruenir à office quelcōque, & leur ostoit tout moien d'exciter troubles, de sorte qu'ilz se fenoient d'eulx mesmes, & apprenoiēt avec E le temps à aimer les champs, & à s'addōner au labourage. Et uoiant que Xenocrates payoit un certain tribut à la chose publique, que payoient par chascun an les estrangers habitans à Athenes, il luy uoulut faire donner droit de bourgeoisie & le faire enregistrer au nombre des citoiens: mais Xenocrates ne uoulut pas, disant qu'il ne uouloit point auoir de part à celle bourgeoisie, pour laquelle empescher il auoit esté enuoyé ambassadeur. Et comme Menyllus luy enuoyast de l'argent en don, il feit responce que Menyllus n'estoit point plus grand seigneur qu'auoit esté Alexandre, ny luy n'auoit point lors plus grande

Phocion.

occasion d'accepter son present que quand il auoit refuzé celuy du Roy: & cō-
me Menyllus luy repliquast, q̄ sil n'en auoit besoing pour soy, à tout le moins
qu'il le prist pour son filz Phocus, il respondit, Si mon filz Phocus changeant
de façon de uiure ueult estre homme de bien, il aura assez pour uiure de ce que
ie luy laisseray: mais sil se ueult tousiours gouuerner comme il fait de pre-
sent, il n'y a richesse qui luy peust suffire. Mais une autre fois il respondit bien
plus roidement à Antipater, qui luy uouloit faire faire quelque chose, laquelle
n'estoit point honeste: Antipater, dit il, ne me sçauroit auoir pour amy & pour
flatteur tout ensemble. Antipater mesme souloit dire qu'il auoit deux amis à
Athenes, Phocion & Demades, à l'un desquelz il n'auoit iamais sceu faire rien
prédre, & n'auoit iamais peu assouuir l'autre. Aussi estoit la pauureté de Phocion
un grand argument & grand tesmoignage de sa preudhommie, attendu qu'il
estoit enuieilly en icelle apres auoir esté tant de fois en sa uie capitaine gene-
ral des Atheniens, & auoir eu l'amitié de tant de Princes & de Roys: là ou De-
mades prenoit plaisir à faire monstre de sa richesse es choses mesmes qui sont
defendues par les loix de la uille: car y aiant lors une ordonnance à Athenes,
par laquelle il estoit prohibé que nul estrangier ne peust estre des danseurs qui
dāsoient es ieux publics sur peine de * mille drachmes, que le deffrayeur des-
dictes danses payeroit pour l'amende à la chose publique, Demades faisant
quelques ieux à ses despēs, y en feit uenir cent baladins estrāgers pour un coup,
& apporta quād & quand l'argent pout payer l'amende publiquemēt au thea-
tre deuant tout le peuple, à mille drachmes pour chasque teste. Vne autre fois
quād il maria son filz qui s'appelloit Demas, il luy dit, Mon filz, quād i'espou-
say ta mere il y eut si peu de feste, que nostre prochain uoisin n'en ouyt rien: là
ou maintenant les Princes & les Roys contribuent aux frais de tes nopces. Au-
surplus les Atheniens rompoient ordinairement la teste à Phocion d'aller re-
querir Antipater, qu'il uoulust retirer sa garnison de leur uille, mais il trouuoit
tousiours quelque moien de reietter ceste ambassade, fust ou pource qu'il n'es-
perast pas pouuoir obtenir ceste grace, ou plus tost pource qu'il ueist q̄ le peu-
ple en estoit plus humble & plus souple à mener à la raison, pour la crainte de
celle garnison: mais bien impetra il d'Antipater, qu'il ne demandast pas prop-
rement son argent, ains en differast encore le payement: parquoy uoians que
Phocion n'y uouloit autrement entendre, ilz se tournerent deuers Demades,
lequel en prit la charge biē uoluntiers, & sen alla avec son frere en Macedoi-
ne, là ou sans poit de doubte sa destinee le cōduisit à sa male heure, sur le point
qu'Antipater estoit desia rōbé malade de la maladie dōt il mourut, & passioēt
les affaires par les mains de son filz Cassander, lequel auoit surpris une lettre
missiue de ce Demades, par laquelle il mandoit à Antigonus en Asie, qu'il sen
uint à toute diligence pour s'emparer de la Grece & de la Macedoine, qui ne
pendoient plus qu'à un uieil filet, encore tout pourry, en se moquāt ainsi d'An-
tipater. Parquoy Cassander, aduertiy qu'il fut de son arriuee, le feit incontinent
saisir au corps, & luy approchant premierement son filz tout ioignant luy, le
tua deuant ses yeux, si pres de luy, que le sang en ialit sur luy, & fut le pere tout
ensanglanté du meurtre de son filz: puis, apres luy auoir bien reproché son in-
gratitude & sa desloyale trahison, & luy auoir fait & dit toutes les uillanies &
oultrages dont il se peut aduiser, il le tua aussi finablement luy mesme. Mais
combien qu'Antipater à son deces eust estably Polyperchon capitaine general
de l'armee des Macedoniens, & Cassander seulemēt coulōnnel de mille hom-
mes

* Centescus

A mes de pied: ce neantmoins Cassander incontinent qu'il fut decedé, prenant les affaires en main, & s'en saisissant le premier, éuoya tout soudain Nicanor pour succeder à Menyllus en la charge de capitaine de la garnison d'Athenes, auât que la mort de son pere fust diuulguee, luy commandant de se saisir, comment que ce fust, de la forteresse de Munychia. ce qu'il feist. Et peu de iours apres entendirent les Atheniens la nouuelle de la mort d'Antipater, dõt Phocion fut fort blasmé, & accusé d'auoir sceu long temps auparauant, ceste mort, & de l'auoir celee pour gratifier à Nicanor: toutefois il ne feist compte de ces imputations là, ains s'accointa de Nicanor, & l'entretint si bien, que nō seulement il le rendit doulx & gracieux aux Atheniens: mais, qui plus est, luy persuada encore de

B faire quelque despence pour donner au peuple le passetemps de quelques ieux qu'il feist iouer à ses despēs. Sur ces entrefaites Polyperchon, qui auoit la charge de la personne du Roy, uoulant donner une trouffe à Cassander, enuoya au peuple d'Athenes une patente, par laquelle estoit porté, comme le ieune Roy rendoit aux Atheniens la pleine & entiere liberte de l'estat populaire, uoulant & entendant que tous Atheniens indifferemmēt gouuernassent leur chose publique, selon les loix, vs & coustumes de tout temps gardees en leur païs, ainsi comme auoiēt faiēt leurs predecesseurs. Cela estoit un aguet dressé à Phocion: car Polyperchon ourdissant ceste menee pour s'emparer de la uille d'Athenes, comme il apparut bien tost apres par effect, n'esperoit pas pouuoir uenir au des-

C sus de ceste liēne entēte, sil ne trouuoit moien de chasser premieremēt Phociō: & pensoit bien qu'il en seroit chassé si tost q̄ ceulx qui auoient esté priuez & deboutez par son moiē du droit de bourgeoisie, uiendroiēt à s'entremettre derechef du gouuernemēt, & q̄ les harengueurs & calumniateurs auoiēt alors loy de dire tout ce qu'ilz uoudroiēt. Les Atheniens aians ouy le cōtenu en ceste patente, cōmencerent incōtinent à s'esmouuoir un petit, à raison dequoy Nicanor desirāt parler à eulx en leur Senat, q̄ s'estoit assemblé dedās le Pirée, il s'y en alla, & meit sa personne entre leurs mains soubz la foy de Phociō: dequoy estāt secretement aduertty Dercyllus capitaine pour le Roy, qui estoit aux champs pres de la uille, se meit en deuoir & tascha de le prédre au corps: mais Nicanor

D en sentit le uent de bonne heure, & se sauua. Si estoit bien euident qu'il se uoudroit incontinent resentir de cest oultrage, & s'en uenger sur la uille, & accusoit on Phocion de ne l'auoir pas uoulu retenir, & l'auoir laissé eschapper: à quoy il respōdit, qu'il se fioit aux promesses de Nicanor, & qu'il n'estimoit pas qu'il y eust aucun danger à craindre de ce costé là, toutefois sil en aduenoit autrement, qu'il aimoit en toutes sortes mieulx, que lon cogneust manifestement que c'estoit luy qui receuoit, & nō pas qui faisoit le tort. Ceste responce, sil eust esté question de chose qui n'eust concerné que luy seul, pourroit sembler à qui la considereroit de pres, estre partie d'une grande bonté & grande magnanimité: mais attendu qu'il mettoit en hazard le salut de son païs, en estant

E mesmement capitaine general, & tenant lieu d'autorité publique, ie ne sçay sil transgressoit point un autre droit, & ne uioloit point une autre foy prealable & de plus grande obligation, c'est à sçauoir, le regard qu'il deuoit auoir sur toutes choses au bien & à la seureté de ses citoiens. Car cela ne sçauoit on alleguer pour sa defence, qu'il ne uoulut pas mettre la main sur Nicanor, de peur de ietter sa uille en guerre toute manifeste: mais que pour une couuerture, il mettoit en auant la foy qu'il luy auoit promise & iuree, & la iustice qu'il uoloit obseruer en son endroit, à fin que pour reuerence de luy, Nicanor puis

Phocion.

apres se teint en paix, & ne feist point de dommage aux Atheniens: mais à la F
uerité il semble qu'autre chose ne l'abusa, que la trop grande confiance qu'il
eut en ce Nicanor, comme il appert par ce que combien que plusieurs luy uin-
sent deferer qu'il espioit les moïens de pouuoir surprendre le port de Pirée, &
qu'il faisoit tous les iours passer des gens de guerre en l'isle de Salamine, & taf-
choit à corrompre par argent aucuns des habitans dedans l'enceinte du port,
il n'y uoulut iamais prester l'oreille, ny en croire rié. Qui plus est, aiant Philo-
m^{as} Lamprien, mis en auant un decret, que les Atheniens se teinsent prests
en armes, pour faire ce que le capitaine Phocion leur commanderoit, il n'en
fait compte iusques à ce que Nicanor sortant en armes du fort de Munychia,
commença à enfermer de trenchees le port de Pirée: mais lors quand il y cui- G
da mener le peuple pour l'empescher, il le trouua mutiné à l'encontre de luy,
de maniere que personne ne faisoit semblant d'obeir à son commandement.
Sur ces entrefaites Alexādre filz de Polyperchon arriua avec une armee soubs
couleur de uenir au secours de ceulx de la uille contre Nicanor, mais à la uerité
en intention de se saisir luy mesme du reste de la uille s'il pouuoit, mesmement
lors qu'elle estoit en combustion, une partie contre l'autre, par ce que les ban-
nits y entrèrent pelle melle quand & luy, & y accoururent aussi force estran-
gers, & autres gens notez d'infamie, de maniere qu'il se teint une assemblee de
uille cōfuse de gés ramassez de toutes pieces, sans ordre quelcōque, en laquelle
Phociō fut depōsé de son estat, & furēt eleuz autres capitaines en son lieu, & si H
n'eust esté que lō apperceut cest Alexādre, qui parla seul à seul à Nicanor, & y-
retourna par plusieurs fois tout ioignāt les murailles de la uille (ce qui meit les
Atheniēs en desfiāce & souspeçon) iamais la uille ne se fust sauuee qu'elle n'eust
esté prise. Si fut incontīnēt Phociō accusé de trahison bien asprement par l'ora-
teur Agnonides: ce que craignās Callimedon & Pericles s'absenterēt de bōne
heure de la uille, & Phocion avec ses autres amis, qui ne s'en estoient pas souys,
s'en allerent deuers Polyperchon, & l'accompagnerent aussi Solon Platæien,
& Dinarchus Corinthien, qui pensoient auoir quelque amitié, & quelque pri-
uaulté avec Polyperchon: mais estant par le chemin Dinarchus tumbé mala-
de en la uille de Elatie, ilz y demourerent plusieurs iours, attendans qu'il fust I
guary, durans lesquelz à la persuasion de l'orateur Agnonides, & à l'instance
de Archestratus, qui en proposa le decret, le peuple enuoya deuers Polyperchō
des ambassadeurs pour accuser Phocion, tellement que les deux parties y arri-
uerent en un mesme temps, & le trouuerent par les champs avec le Roy, pres
d'un uillage de la Phocye nommé Pharyges, assis au pied du mont Acrorion,
que lon surnomme maintenāt le Gaulois. Là feit Polyperchon tendre un des
d'or fait en façon de ciel, soubs lequel il feir seoir le Roy, & les principaulx de
ses seruiteurs & amis autour de luy: mais d'entree auant toute autre œuure, il
feit prendre au corps Dinarchus, & cōmanda que lon le menast mourir, apres
luy auoir donné la torture: puis cela faict, il commanda aux Atheniens qu'ilz K
proposassent ce qu'ilz auoient à dire. Et lors ilz commencerent à crier & à me-
ner un grand bruit, en s'entre accusans les uns les autres en la presence du Roy
& de son conseil, iusques à ce qu'Agnonides se tira en auant, qui dit, Seigneurs
Macedoniens, faictes nous mettre tous en une cage, & nous enuoyez piedz &
poings liez à Athenes au peuple, pour nous y faire rendre cōpte de nostre faict.
Le Roy se prit à rire de ceste parole: mais les Seigneurs Macedoniēs assistans à
ceste audience, & quelques estrangers qui estoient là uēnus pour ouyr l'accu-
sation,

A sation, faisoient signes de la teste aux ambassadeurs qu'ilz deduisissent là presentement deuant le Roy, les articles de leurs accusations, plus tost que de les remettre deuant le peuple à Athenes. Mais les parties n'estoient point egalemēt ouyes, pource que Polyperchon rabrouoit souuēt Phocion, & luy rôpoit à tous coups son propos, ainsi comme il cuidoit deduire ses iustifications, iusques à frapper par cholere d'un baston qu'il tenoit en la main contre terre, & à luy cōmāder à la fin qu'il se teust & qu'il se retirast. Et cōme Hegemon luy dist, qu'il pouuoit luy mesme estre bon tesmoing, comme il auoit tousiours loyaument aimé & seruy le peuple, il luy respondit en courroux, Ne uiens point icy mētir faulxement contre moy en la presence du Roy. Le Roy adonc se leua de son siege, & prenāt une lance en cuida donner à Hegemon, n'eust esté que soudainement Polyperchon l'embrassant par derriere, le retint: & ainsi se rompit ceste audience & assemblée de conseil: mais aussi tost il y eut des gardes qui faisirēt Phocion, & ceulx qui estoient aupres de luy. Ce que uoyans quelques autres de ses amis, qui en estoient un peu loing, s'affublerēt le uisage, & s'en fouyrent iustement hors de là: les autres furent menez prisonniers à Athenes par Clitus, nō tant pour leur faire & parfaire leur proces, comme lon disoit, que pour les executer comme ia condemnez à mort. Encore fut la façon, dont on les mena, ignominieuse: car on les trainna dessus des chariots tout le lōg de la grāde rue de Ceramique, iusques au theatre, là ou Clitus les teint tant que les magistrats eussent faiēt assembler le peuple, sans forclorre de ceste assemblée ny serf, ny estranger, ny homme noté d'infamie, ains laissans le theatre ouuert à tous, & à toutes de quelque condition qu'ilz fussent, & la tribune aux harengues libre à quiconque uouloit parler contre eulx. Si furent premierement les lettres du Roy leuēs publiquement, par lesquelles il mandoit au peuple, qu'il auoit bien trouué ces criminelz attaincts & cōuaincus de trahison, mais neātmoins qu'il leur en auoit renuoyé le iugement & la cognoissance pour les condamner, cōme à ceulx qui estoient francs & libres. Adonc representa Clitus ses prisonniers deuant le peuple, là ou les gens de bien & d'honneur, aussi tost qu'ilz ueirent Phocion, baissèrent les yeulx contre terre, & se courans la face de peur de le ueoir se prirent à plorer, toutefois il y en eut un qui se leuant sur ses pieds dit hault & clair: Seigneurs, Puis que le Roy renuoye au peuple le iugement de si grands personages, il seroit à tout le moins bien raisonnable, que lon feist retirer de ceste assemblée les serfs, & les estrangers qui ne sont point bourgeois d'Athenes. Mais la commune ne le uolut point consentir, ains se prit à crier que lon deuoit charger sur ces traistres ennemis du peuple, qui luy uouloient oster l'autorité souueraine pour la dōner à un petit nōbre de tyrans, tellement qu'il n'y eut plus personne qui ozaist parler pour Phocion. Mais aiant difficilement & à grande peine obtenu audience, leur demāda, Seigneurs Atheniens, commēt nous uoulez uous faire mourir, iustement, ou iniustement? Quelques uns luy respondirent, iustement: & comment, repliqua il, le pouuez uous faire si uous ne nous oyez premieremēt en noz iustifications? Non pour cela encore ne peurent ilz auoir audience. Et adonc Phocion s'approchāt de plus pres, leur dit: Bien, Seigneurs, ie confesse uous auoir faiēt tort, & que les faulxes que i'ay faites en l'administration de uostre chose publique, meritent la mort: mais ceulx cy qui sont avec moy, pourquoy les uoulez uous faire mourir, attendu qu'ilz n'ont riē forfait? La cōmune luy respondit, Pource qu'ilz sont tes amis. Ceste responce ouye, Phocion se retira sans plus dire un seul mot. Et l'orateur

Phocion.

Agnonides tenât un decret tout escript, le leut au peuple, par lequel estoit porté, que le peuple iugeast à la pluralité de ses uoix, si ces prisonniers auoient forfait contre la chose publique ou non : & là ou il seroit d'aduis qu'ilz eussent forfait, qu'ilz fussent tous executez à mort. Quand ce decret fut leu, il y en eut qui cryerent tout hault, que lon adiouxast d'aduantage à ce decret, que Phocion auant que d'estre executé, fust premierement gehenné : & de faict commanda lon, que lon apportast la rouë à donner la torture, & que lon feist uenir les bourreaux : mais Agnonides uoiant que Clitus mesme estoit malcontent de cela, & avec ce, pensant que ce seroit une cruauté barbare & detestable, dit tout hault, Quand uous aurez entre uoz mains un tel pendart comme Callimedon, Seigneurs Atheniens, alors uous le ferez gehenner : mais contre Phocion, ie ne scaurois en estre autheur. Adonc y eut quelque hōme d'honneur en la compagnie qui adiouxta, Tu fais bien Agnonides, de dire cela : car si nous donnons la gehenne à Phocion, que te deurons nous faire à toy ? Ce decret estant authorisé, & suiuant la teneur d'iceluy, le iugemēt mis à la pluralité des uoix du peuple, il n'y eut pas un en l'assemblée qui demourast assis, ains se leuerent tous, & la plus part meirent encore des chapeaux de fleurs sur leurs testes, pour l'affection qu'ilz auoient de condamner ces prisonniers à mort. Il y auoit avec Phocion Nicocles, Thudippus, Hegemon, & Pythocles : mais Demetrius le Phalerien, Callimedon, & Charicles, furent aussi absens cōdemnez à mourir. Ainsi l'assemblée finie furent les condemnez conduits en la prison pour y estre executez, là ou tous les autres embrassans pour la derniere fois leurs parents & amis qu'ilz trouuoient par le chemin, alloient plorans & lamentans leur miserable fortune : mais Phocion y allant d'un mesme uisage qu'il souloit faire auparauant estant capitaine, quand on le couuoioit par honneur de l'assemblée iusques en sa maison, emouuoit à grande compassion les cueurs de plusieurs ; quand ilz alloient considerans avec admiration la constance & force de courage qui estoit en luy : & au contraire aussi y en auoit il d'autres siens ennemis & malueuillans, qui courtoient au plus pres qu'ilz pouuoient de luy pour luy dire uillanie, entre lesquelz y en eut un qui l'allant aborder par deuât, luy cracha au uisage : & adōc Phocion se tournant deuers les Magistrats leur dit, Ne ferez uous meshuy cesser l'insolence de cest homme ? Quand ilz furent en la prison, Thudippus uoiât la cigue que lon leur brayoit pour leur faire boire, se prit à lamenter & à se tourmenter desesperement, disant qu'on le faisoit à grand tort mourir quand & Phocion. Comment, luy respōdit Phocion, & ne le prens tu pas à grand reconfort, que lō te fait mourir avec moy ? Et comme quelqu'un des assistans luy demanda si luy uouloit mander aucune chose à son filz Phocus : Ouy certes, dit il, C'est qu'il ne cherche iamais à uenger le tort que me font les Athēniens. Adōc Nicocles, qui estoit le plus fidele de ses amis, le pria de luy permettre qu'il beust le poison premier que luy. Phocion luy respondit, Tu me fais une requeste qui m'est bien douloureuse & bien griefue, Nicocles : mais pource que iamais en ma uie ie ne te refusay rien, encore te concede- ie maintenant à ma mort ce que tu me demandes. Quand tous les autres eurent beu, il se trouua qu'il n'y auoit plus de cigue, & dit le bourreau qu'il n'en brayeroit plus d'autre, si on ne luy bailloit douze drachmes d'argent, pource qu'autant luy en coustait la liure, de sorte que lon demoura long temps en cest estat, iusques à ce que Phocion mesme appellât l'un de ses amis, luy pria de bail-
ler à ce bourreau ce peu d'argent qu'il demandoit, puis que lō ne peult pas seu-
lement

A lement mourir à Athenes pour neant, sans qu'il couste de l'argent. C'estoit le dixneuvieme iour du mois de Mars, auquel les cheualiers ont accoustumé de faire une proceffion en l'honneur de Iupiter, mais les uns osterēt les chapeaux de fleurs qu'ilz deuoient porter sur les testes, & les autres regardans la porte de la prison en passant par deuāt, se prirēt à plorer. Si sembla à ceulx qui n'estoient pas despouilleez de toute humanité, & qui n'auoient pas le iugement par rancune & enuie totalement depraué, que c'estoit un tresgrief sacrilege encontre les Dieux, que de n'auoir pas à tout le moins souffert passer ce iour là, à fin que une feste si solennelle comme celle là, ne fust point pollue ny contaminée de la mort uiolente d'homme: toutefois ses ennemis n'aians pas encore leur ire assouuie, feirent ordonner par le peuple, que son corps seroit banny & porté hors des bornes du pais de l'Attique, & defendu aux Atheniens d'allumer feu quelconque pour faire ses funerailles: au moien dequoy il n'y eut pas un de ses amis qui y ozaist mettre la main. Mais un pauvre homme nommé Conopion, qui auoit accoustumé de gagner sa uie à cela, pour quelque piece d'argent qu'on luy bailla, prit le corps & l'emporta par dela la uille d'Eleusine & prenant du feu sur la terre des Megariens le brussa: & y eut une dame Megarique, laquelle se rencontrant de cas d'aduenture à ces funerailles avec ses seruantes, releua un peu la terre à l'endroit ou le corps auoit esté ars & brullé, & en fait cōme un tumbeau vuide, sur lequel elle respādīt les effusiōs que lon a accoustumé de respādre aux trespassez, mais recueillant les os, elle les porta dedans son giron la nuit en sa maison, & les enterra aupres de son foyer, en disant, O cher foyer, ie depose en ta garde ces reliques d'un homme de bien, & te prie que tu les conserues fidelement pour les rendre un iour aux sepultures de ses ancestres, quand les Atheniens uiendront à recognoistre la faulte qu'ilz ont faite en cest endroit. Il ne passa gueres de temps apres que les affaires ne feissent biē sentir aux Atheniens, qu'ilz auoient fait mourir celuy qui maintenoit la iustice & l'honesteté à Athenes. A raison dequoy ilz luy feirent dresser une statue de cuyure, & en sepulturerent honorablement ses os aux despēs de la chose publique: & quant à ses accusateurs, ilz en feirent eulx mesmes mourir Agnonides:

D les deux autres Epicurus & Demophilus s'en estant fouys, furent depuis trouuez par son filz Phocus, qui en fait la uengeance. Cestuy Phocus n'estoit au demourāt pas chose qui gueres ualust, mais il deuint amoureux d'une ieune garce que nourrissoit un macquereau, & se trouuant d'aduenture un iour dedans l'eschole du Lyceum, il ouit faire un tel discours & un tel argument à Theodorus celuy qui fut surnommé l'Atheiste, c'est à dire, mescreant, qui nyoit qu'il y eust des Dieux, Si ce n'est point de honte de deliurer de seruitude un sien amy, aussi n'est ce point de honte de deliurer une siene amie: & si ce n'est point mal fait de tirer de captiuité un sien compagnon, aussi peu est-ce mal fait d'en tirer une siene compagne. Ce ieune homme accommodant cest argument à sa passion, & faisant son compte que c'estoit chose qu'il pouuoit faire avec raison, il tira des mains de ce maquignon la ieune garce dont il estoit amoureux. Au demourant ceste mort de Phocion renouuella aux Grecs la memoire de celle de Socrates, & estima lon que c'estoit une faulte & une calamité toute pareille à la uille d'Athenes.

Caton d'Vtique.



A maison de Caton prit le cōmencemēt de sa gloire & renommee à son bisayeul Caton le Censeur, qui pour sa uertu fut un des plus puissans & des mieulx esteimez personnages de Rome en son temps, ainsi cōme nous auons plus amplement escript en sa uie, & demoura celuy duquel nous escriuons presentement orphelin de pere & de mere avec un sien frere nommē Cæpion, & Porcia leur sœur. Seruilia estoit bien aussi sœur de Caton, mais c'estoit de par sa mere seulement: mais tous ensemble estoient nourriz en la maison de Liuius Drusus leur oncle du costé maternel, aiant pour lors grande authorité au gouuernemēt de la chose publique, pource qu'il estoit trefeloquent & fort homme de biē, & qui au demourant en grandeur de courage ne cedit à nul des Romains. Lon dit que Caton des le commencement de son enfance, tant en sa parole qu'à son visage & en tous ses ieux & passeremps, monstra tousiours un naturel constāt, ferme, & inflexible en toutes choses: car il uouloit uenir à bout de tout ce qu'il entreprenoit de faire, & s'y obstinoit plus que son aage ne portoit: & s'il se mōstroit rebours à ceulx qui le cuidoient flatter, encore se roidissoit il d'auantage contre ceulx qui le pensoient auoir par menasses. Il estoit difficile à emouuoir à rire, & luy uoyoit on bien peu souuent la chere guaye, aussi n'estoit il point cholere, ny prompt à se courroucer: mais depuis qu'une fois il l'estoit, on auoit beaucoup affaire à le r'appaiser. Et pourtāt quād il cōmencea à apprēdre les lettres, il se trouua dur d'entendēmēt, & tardif à cōprēdre: mais aussi ce qu'il auoit une fois compris, il le retenoit fort bien, & auoit la memoire ferme, comme il aduiēt ordinairement à tous autres: car ceulx qui ont l'esprit prompt & uif, ont cōmunement faulte de memoire, & ceulx q apprenent difficilemēt & avec peine, retienent mieulx ce qu'ilz ont une fois appris, pource que l'apprēdre est cōme un eschauffer & alumer l'ame. Mais oultre cela, il ne croioit pas de leger, & semble que cela le rendoit aussi tardif à comprēdre, pour ce qu'il est tout euidēt que l'apprendre est receuoir quelque impression, dont il aduiēt que ceulx qui moins resistent, sont ceulx qui plus tost croient: pourtant sont les ieunes plus aisez à persuader que les uieux, les malades que les sains, & generally tant plus ce qui debat, & qui doute, est debile, tant plus est il aisé d'y mettre & adiouxt ce que lon ueult. Toutefois Caton, à ce que lon dit, obeissoit bien à son pædagog, & faisoit tout ce qu'il luy commandoit: mais il luy demandoit la cause de toutes choses, & uouloit tousiours sçauoir le pourquoy: aussi estoit-ce un honeste homme, & qui auoit la raison plus prompte pour remontrer à son disciple, que le poing leuē pour le frapper, & s'appelloit Sarpedon. Mais estant Caton encore ieune enfant, les peuples de l'Italie alliez des Romains, prochassoient d'auoir droit de bourgeoisie dedans Rome, pour lequel prochain Pompædius Sillo, homme de guerre, uaillant de sa personne, & de grande authorité entre les alliez, estant particulièrement amy de Drusus, fut logé par plusieurs iours en sa maison, durans lesquelz aiant pris familiarité avec ces ieunes enfans, il leur dit un iour: Or sus mes beaux enfans intercederez uous pas pour nous enuers uostre oncle, qu'il nous ueuille aider à obtenir le droit de bourgeoisie que nous demandons? Cæpion en se soubriant luy feit signe de la teste qu'il le feroit: mais Caton ne respondit rien, ains regarda seulement ces estrangers au uisage d'un regard fiché sans ciller. Adonc Pompædius s'adressant à luy

A luy à part: Et toy, dit il, le beau filz, que dis tu? ne uex tu pas prier ton oncle de
 • favoriser à ses hostes, comme ton frere? Caton ne respondit point encore pour
 • cela, ains par son silence & par son regard monstra qu'il reiettoit leur priere. A
 l'occasion dequoy Pompædus l'empoignant le meit hors de la fenestre, com-
 me s'il l'eust uoulu laisser aller, en luy disant d'une uoix plus aspre & plus rude
 que de coustume, & le secouant par plusieurs secousses en l'air au dehors de la
 • fenestre: Promettez nous donc, ou ie uous ietteray à bas. Ce que Caton endura &
 longuement, sans monstrier de s'effroyer ny s'estonner de rien. Parquoy Pom-
 pædus le remettant à terre, dit adonc, en se tournant uers ceulx qui estoient avec
 • luy, O quel heur sera un iour cest enfant pour l'Italie, s'il uit! bien nous prent de
 B ce qu'il est ores enfant: car s'il estoit homme, ie croy que nous ne aurions pas
 • une seule uoix en tout le peuple pour nous. Vne autrefois il y eut quelqu'un de
 leurs parents, qui faisant le festin de sa natiuité y conuia plusieurs enfans, & en-
 tre autres Caton. Ces enfans ne sachans que faire en attendant que le soupper
 fust prest, se meirent à iouer pelle mesle grands & petits, en quelque endroit re-
 culé de la maison: leur ieu estoit de représenter les plers, en l'accusant les uns les
 autres, & de mener en prison ceulx qui estoient condemnez: si y eut un de ceulx
 que lon auoit condemnez, beau ieune enfant, qui fut emmené en une petite
 chambrette, par l'un des plus grâds garçons. L'enfant se uoiant enfermé, se prit
 à crier en appellant Caton: lequel se doubant bien que c'estoit, y courut incō-
 C tinent, & repoulsant à force ceulx qui se mettoient au deuant de luy pour l'em-
 pescher d'entrer dedans la chambre, en tira l'enfant & l'emmena quand & luy
 tout courroucé en sa maison, & les autres enfans le suyurent aussi. Si estoit Ca-
 ton tant renommé entre les ieunes enfans, que Sylla uoulant faire le ieu de la
 monstre & course des enfans à cheual, que les Romains appellent Troie, & les
 dresser deuant, à fin qu'ilz fussent plus addroits au iour de la monstre, aiant as-
 semblé tous les ieunes enfans de noble maison, il leur donna deux capitaines,
 desquelz les enfans accepterent l'un, à cause de sa mere, qui estoit Metella, fem-
 me de Sylla: mais ilz ne uoulurent point de l'autre, cōbien qu'il fust nepueu du
 grand Pōpeius, & s'appelloit Sextus, ny ne uoulurēt s'exerciter soubz luy, ny le
 D suyure. Parquoy Sylla leur demâda lequel ilz uouloient donques: & ilz crierent
 tous, Caton: & Sextus mesme de son bon gré luy ceda cest hōneur, comme au
 plus digne. Or auoit esté Sylla amy de leur pere, à l'occasion dequoy il les en-
 uoyoit aucunes fois querir & parloit à eulx, laquelle carresse il faisoit à bien peu
 de gens pour la magnificence & la haultesse du magistrat qu'il tenoit, & de la
 puissance qu'il auoit. Et Sarpedon estimât que cela estoit de grande conséque-
 ce, pour l'auancement & aussi pour la seureté de ses disciples, menoit ordinaie-
 rement Caton au logis de Sylla, pour luy faire la court: mais son logis en ce
 temps là ressembloit proprement à ueoir un enfer ou une geole, pour le grand
 nombre de prisonniers que lon y menoit, & que lon y gehennoit ordinaire-
 E ment. Caton estoit desia au quatorzieme an de son aage, & uoiant que lon ap-
 portoit leans des restes que lon disoit estre de personnages notables, de sorte
 que les assistans souspiroient & gemissoient de les ueoir: il demanda à son mai-
 stre, comment il estoit possible qu'il ne se trouuast quelque homme qui tuast ce
 • tyran là: Pource, luy respondoit Sarpedon, que tous le craignent encore plus
 • qu'ilz ne le haïssent. Que ne m'as tu donques, repliqua il, baillé une espee, à fin
 • que ie le tuasse, pour deliurer nostre país d'une si cruelle seruitude? Sarpedon
 oyant ceste parole, & quand & quand uoiant son uisage & ses yeux pleins de

Caton d'Utique.

fureur de cholere, se trouua bien estonné, & eut depuis l'œil bien soigneusement sur luy, & le garda de pres, de peur que temerairement il n'attestast quelque chose à l'encontre de Sylla. Mais estant encore petit enfant, quelques uns luy demanderent, qui estoit celuy qu'il aimoit le plus. Il respondit, son frere: & comme l'autre continuaist à luy demander, qui apres: il respondit semblablement, son frere: & qui le troisieme, son frere encore: iusques à ce que celuy qui l'interroguoit fut las de luy demander tant de fois. Et quād il fut en aage, alors il confirma par effect ceste amitié enuers son frere: car il auoit uingt ans, que iamais il n'auoit souppé sans son frere Cæpion: iamais ne fust sorty du logis pour aller sur la place, ny aux champs, sans luy: mais si d'aduenture son frere se faisoit quelque fois huylar d'huyles de parfum, iamais luy n'en prenoit: & estoit en tout le reste de son uiure ainsi austere & seuer, tellement que son frere Cæpion, qui estoit loué de chascun, pour la temperance, honnesteté & sobriété de sa uie, confessoit qu'il estoit uoirement sobre & temperant à comparaison des autres: mais quand, disoit il, ie viens à comparer ma façon de uiure à celle de Caton, il m'est alors aduis que ie ne suis point different d'un Sippius. Ce Sippius estoit en ce temps là, un qui pour sa delicateffe, & sa maniere de uiure trop molle & effeminee, estoit monstré au doigt. Depuis aiant esté Caton eleu prestre d'Apollo, il se departit d'avec son frere, & eut son partage des biens de leur pere, qui monta à la somme de* six uingts talents: & alors encore referra il plus que iamais sa maniere de uiure, & s'accointa d'Antipater Tyrien, philosophe Stoïque, s'addonnāt principalement à l'estude de la philosophie morale & politique, & embrassant l'exercice de toute uertu, avec une si grande affection, qu'il sembloit proprement qu'il y fust poulsé par quelque diuine inspiration: mais sur toute autre uertu, il aimoit la seuerité de iustice, qui ne fleschit, ny pour grace, ny pour faueur quelconque. Il estudia aussi & s'exercita à l'eloquence, pour pouuoir parler en public deuant le peuple, uoulant qu'en la philosophie ciuile, ne plus ne moins qu'en une grosse cité, il y eust des forces entretenues pour la guerre: toutefois il ne s'exercitoit point en presence d'autres, ne n'y auoit iamais personne à l'ouyr harenguer quād il s'apprenoit, ains comme quelqu'un de ses amis l'admonestast un iour, que lon trouuoit mauuais ce qu'il parloit si peu en compagnie: C'est tout un, respondit il, pourueu qu'ilz ne puissent reprendre ma uie: ie commenceray à parler, quand ie scauray dire choses non dignes d'estre teuës. Or y auoit il tout ioignāt la place un palais public, que lon appelloit vulgairement Basilica Porcia, pource que Porcius Caton l'auoit fait bastir durant le temps de sa Censure: là souloient les Tribuns du peuple tenir leur audience: & pour autant qu'il y auoit une coulonne qui empeschoit les sieges de leur parquet, ilz la uouloient oster du tout, ou la remuer de là ailleurs. Cela fut la premiere cause de faire aller Caton malgré luy sur la place, & de monter sur la tribune aux harengues pour leur contredire, là ou aiant donné ce premier essay de son eloquence & de sa magnanimité, il en fut grandement estimé, pource que son langage n'auoit rien de fard, ny d'affetterie de ieunesse, ains estoit roide, plein de sens & de uehemençe, & neantmoins parmy la briueté de ses sentences, y auoit une grace, qui donnoit plaisir aux escoutās, & son naturel se montrant à trauers graue & uenerable leur apportoit ne sçay quoy de affection agreable, qui les conuioit à rire. Sa uoix estoit pleine, forte, & suffisante pour fournir à se faire ouyr d'un si grand peuple, & si auoit une uigueur & fermeté telle, qu'elle ne se rompoit, ny ne s'esclattoit iamais: car souuent il

*Soixante & douze mille escus.

estoit

A estoit tout un iour sans cesser de parler, & si ne s'en lassoit point. Mais pour lors aiant gaigné son proces à l'encontre des Tribus, il se remeit derechef à garder estroittemēt silēce, & à endurcir sa personne aux laborieux exercices du corps, s'accoustumant à supporter les chaleurs, les froidures, & la nege sans couvrir sa teste, & aller en tout temps à pied par les champs, là ou ses amis qui l'accompagnoient, alloient à cheual, & luy s'approchoit tantost de l'un tantost de l'autre, pour deuiser en allant avec eulx. Il auoit aussi une merueilleuse patience & continence en ses maladies: car quand il auoit fiebre, il demouroit seul tout le long d'un iour, & ne souffroit que personne l'allast uisiter iusques à ce qu'il sentist un certain changement de sa maladie, & assuré retour en conualescence.

B Quād il souppoit avec ses familiers & priuez amis, ilz tiroient au sort à qui choisiroit les parts, & si le sort de choisir ne luy escheoit, ses amis neantmoins luy deferoient l'honneur de choisir: mais il ne le uouloit pas faire, disant qu'il n'estoit pas raisonnable, puis qu'il n'aggreoit pas à la deesse Venus. Et du commencement il n'aima pas à tenir longuemēt table, ains apres qu'il auoit beu une fois seulement il se leuoit, mais depuis il apprit à y demourer fort longuemēt, de sorte que bien souuent il y demouroit avec ses amis toute la nuit iusques au matin, dont ses familiers disoient que les affaires & occupations pour la chose publique estoient cause, pource qu'il y uaequoit tout le long du iour, à raison dequoy n'ayant pas loisir d'estudier la nuit, il prenoit plaisir à conferer & disputer avec les gēs de lettres & les philosophes à la table: parquoy, cōme quelque fois en une compagnie Memmius eust dit que Caton ne faisoit que yron- gner toutes les nuits, Ciceron prenāt la parole luy respondit, Tu n'y adieux- tes pas, que tout le long du iour il ne fait que iouer aux dez. En somme, Caton estimant que les meurs & façons de uiure de son temps estoient si corrompues, & auoient si grand besoing de mutation, que pour aller droit il falloit tenir un chemin du tout contraire en toutes choses, pource qu'il uoyoit que la pourpre la plus rouge & de plus haulte couleur, estoit en plus grand pris, & plus en re- quēte, luy au contraire aimoit à en porter de tirante sur le noir: & bien sou- uent apres le disner sortoit en public sans souliers les pieds nuds, & sans saye, nō qu'il cherchast gloire par telles nouuelletez, mais pour s'accoustumer à auoir honte des choses uergongneuses de soy & deshonestes seulement, & à mespri- ser celles qui n'estoient reprouuees que par opinion des hommes. Et luy estant aduenue une succession de cent talents par la mort d'un sien cousin qui s'appel- loit Caton comme luy, il la reduisit toute en argent comptant pour en prester à qui en auroit affaire de ses amis, sans en prédre usure: & y en auoit qui enga- geoient pour leurs propres affaires au public ses terres & possēsiōs, ou ses esclau- es, que luy mesme leur donnoit pour engager, ou bien confirmoit l'engage- ment puis apres. Au reste quand il pēsa estre arriué à l'aage de se deuoir marier, il fiança Lepida, n'ayant iamais cogneu femme au parauāt. Ceste Lepida auoit

E premierement esté promise & fiancee à Metellus Scipion: mais il la quitta de- puis, & en fut le contract rompu, tellement qu'elle estoit toute libre quand Ca- ton la fiança: toutefois auant qu'il l'espousast Scipion se repentit de l'auoir re- fusée, & feit tout ce qu'il peut pour la r'auoir, & l'eut de faict: dequoy Caton fut si fort indigné & courroucé, qu'il fut entred eux de l'en poursuiure par iustice: mais ses amis l'en destournerent. A ceste cause pour contenter un peu sa cho- lere & l'ardeur de sa ieunesse, il se meit à escrire des uers Iambiques à l'encon- tre de Scipion, esquelz il luy dit toutes les iniures qu'il peut, usant bien de l'af-

Caton d'Utique.

preté & amertume qui est esuers d'Archilochus : mais nō pas des impudiques, F
sales, ny aussi pueriles reproches qui y sont. Depuis il espousa Attilia fille de
Sorranus, & fut celle qu'il cogneut la premiere: mais non pas seule, comme a-
uoit fait Lælius l'amy de Scipiō, qui fut plus heureux en cela, d'autant qu'ayant
uescu longuement, iamaïs il ne cogneut autre femme que celle qu'il espousa
premierement. Au demourant la guerre seruile, autrement appelée la guerre
de Spartachus estât esmeuë, il y eut un Gellius qui fut esleu Præteur pour la cō-
duite d'icelle, soubz lequel fut Caton de son bon gré seulement pour l'amour
de son frere Cæpion, lequel auoit en celle armee charge de mille hommes de
pied: si ne peut pas Caton y monstrier son affectiō de bien faire, ny y employer
sa uertu, cōme il eust biē uoulu, pour la faulte & l'insuffisance du chef qui con- G
duisoit mal les affaires: mais neantmoins se monstrant parmy les delices effe-
minees, & la dissolution trop molle de ceulx qui estoient en ce camp là, hom-
me réglé en tous ses faicts, hardy ou il estoit besoing, asseuré par tout, & hom-
me de bō sens, il fut estimé de tous n'estre de rien moindre que l'ancien Caton:
à raison de quoy le Præteur Gellius luy ordonna plusieurs honneurs & pris de
uaillance que lon a accoustumé de decerner aux gés de bien, lesquelz toutefois
il ne uolul pas receuoir, disant qu'il ne s'estoit rien fait digne de telz hōneurs.
Ces choses le faisoient trouuer homme estrange: & d'auantage ayant esté faite
une ordonnance, par laquelle il estoit defendu à ceulx qui briguoient quelques
estats de la chose publique, qu'ilz n'eussent es assemblees aucuns protecolles H
pour leur souffler aux oreilles les noms des particuliers citoyens, luy seul pour-
suiuant un estat de capitaine de mille hommes de pied, obeyt à l'ordonnance,
sestudiant de retenir en sa memoire les noms de tous les particuliers citoyens
pour les nōmer & saluer tous par leurs noms, de sorte qu'il en estoit fascheux à
ceulx mesmes qui le louoient: car d'autant que plus ilz cognoissoient combien
estoient louables les choses qu'il faisoit, d'autant s'ennuyoient ilz plus de ce
qu'ilz ne les pouuoient imiter. Ainsi estant eleu capitaine de mille hommes, il
fut enuoyé en la Macedoine deuers le Præteur Rubrius: & dit on qu'à son par-
tement sa femme estant dolente & esplorie de le ueoir en aller, il y eut un de ses
amis Munatius qui luy dit, Ne te soucie Attilia, ne plore point: car ie te pro- I
mets que ie te garderay bien ton mary. C'est bien dit, respondit Caton. Puis
quand ilz furent à une iournee de Rome, apres soupper il se prit à dire à ce Mu-
natius, Il fault que tu regardes de tenir la promesse que tu as faite à Attilia, que
tu me garderois bien, & pource ne m'abandonne ne nuit ne iour: & comman-
da à ses gens que de lors en auāt ilz dressassent tousiours deux liëts en sa cham-
bre pour y faire coucher Munatius, qui estoit luy mesme plus tost gardé en
iouant par Caton, que Caton par luy. Il menoit quād & luy quinze seruiteurs,
deux affranchis & quatre de ses amis, lesquelz alloient à cheual, & luy chemi-
noit à pied, s'approchant tantost de l'un, & tantost de l'autre, pour deuiser par
le chemin avec eulx. Arriué qu'il fut au camp, ou il y auoit plusieurs legiōs Ro- K
maines, le Præteur luy donna incontinent la charge de l'une: si pensa lors que
c'estoit chose legere, nō pas royale ny magnifique de se mōstrer seul uertueux,
attēdu qu'il n'estoit qu'une seule personne, mais il sestudia de rēdre tous ceulx
qui estoient soubz sa charge semblables à luy. Pour à quoy paruenir, il ne leur
osta pas la crainte de son autorité, mais il y adiouxta la raison, en leur remō-
strāt & les instruisant sur chascun point, accōpagnant tousiours neantmoins
ses remonstrances de remuneration de ceulx qui faisoient bien, & punition de
ceulx

A ceulx qui faisoient mal, de maniere que lon n'eust sceu dire s'il les auoit rendus plus paisibles, ou plus aguerris, plus uaillans, ou plus iustes: tât ilz se môstroiet à l'espreuue rudes & aspres aux ennemis, & doux & gracieux aux amis, craintifz à mal faire, & prompts à acquerir honneur: dont il aduint, que ce dequoy il se foucioit le moins, fut ce qu'il y gaigna le plus, c'est à sçauoir, gloire avec amour & bienueuillance: car les soudards l'honorèrent souuerainemêt, & l'aimèrent singulierement, pourautant que luy mesme mettoit le premier la main à faire ce qu'il commandoit, & qu'il l'égaloit en son uestir, en son uiure ordinaire, en son cheminer par les champs, plus tost aux simples soudards, que non pas aux capitaines: &, au contraire, en gentillesse de nature, grâdeur de courage, uehemençe & effiace de parole, surmontoit tous ceulx qui se faisoient appeller Colônels, Empereurs & capitaines. Car le uray zeile de la uertu, c'est à dire l'affection de l'imiter, ne s'imprime point es cueurs des hommes, sinon avec une singuliere bienueuillance & reuerence du personnage qui en donne l'impression: mais ceulx qui louent les hommes uertueux sans les aimer, ceulx là reuerent bien leur renommee, mais ilz ne portent point d'affection leur uertu, ny n'ont cure de l'imiter. Enuiron ce temps Caton estant aduertty que Athenodorus surnommé Cordylion, personnage qui auoit longuemêt uersé en l'estude & profession de la philosophie Stoique, se tenoit pour lors en la uille de Pergamum, estant ia uieil: & aiant tousiours obstineement refusé de s'aller tenir à la court des Seigneurs, des Princes, & des Roys qui auoiêt recherché de l'auoir auprès d'eulx, il pensa bien, que de luy escrire pour le faire uenir deuers luy, ce seroit peine perdue: parquoy aiant par les ordonnâces Romaines uacation de deux mois, durant lesquelz il pouuoit estre absent du camp pour ses propres affaires, il môra sur mer pour aller en Asie le trouuer, se confiant qu'il uiendrait à bout de ceste chasse pour les grandes & uertueuses qualitez qu'il sentoit en soy. Si parla à luy, disputa & combattit de raisons tellement avec luy, que finalement il le tira hors de sa resolution, & l'emmena au camp quâd & luy, se reioüissant plus de ceste uictoire, & l'estimant plus que toutes les conquestes de Lucullus, ny celles de Pompeius, qui alloient lors subiuguant par armes toutes les prouinces & royaumes de l'Orient. Mais, comme il estoit encore en ceste charge de capitaine de mille hômes, son frere se preparât pour faire un uoyage en Asie, tumba malade en la uille de Ænus au païs de Thrace, dont il fut incontinent aduertty par lettres, & tout soudain, encôre qu'il feist fort mauuais & rude temps sur la mer, & qu'il ne peust promptement trouuer de uaisseau assez grand pour faire ce uoyage seurement, il s'embarqua dessus une petite nauire marchâde de Thessalonique avec deux deses amis & trois seruiteurs seulemêt, & sen fallut bien peu qu'il ne fust noyé par la tourmente: toutefois estant à la fin eschappé par estrâge aduenture, il arriua un peu apres que son frere fut trespassé: la mort duquel il porta un peu plus impatiemmêt qu'il ne sembloit estre conuenable à un philosophe: ce qu'il monstra, non seulement par le grâd deuil qu'il en mena, & les regrets & lamentatiôs qu'il en feit, en embrassant le corps mort, & la griefue douleur qu'il en porta en son cueur: mais aussi par la despence superflue qu'il feit à ses funérailles en parfums, drogues odorantes, & sumptueux draps qui furent bruslez avec le corps, & quand & quand en la structure & fabrique de son monumêt, qu'il luy feit faire de marbre Thassien sur la grâde place des Æniens, & cousta la somme de * huit talêts. Il y en auoit qui calumnioient ceste despence, ucu sa sobriété & simplicité en toute autre chose,

* Quatre mil
le huit cents
escus.

Caton d'Utique.

* Cela semble se
devoir entendre
de César, en son
liure qu'il appelle
la Anticato.

ne considérons pas iusques au fond la naïfue bonté & charité envers les siens, F
qui estoit en luy meslée parmy sa roideur ferme & dureté inflexible à l'encôtre
des uoluptez, des craintes, & des prieres illicites & deshonestes. Plusieurs uilles,
princes & seigneurs luy enuoyèrent adonc force presens pour honorer les fu-
nerailles de son frere, mais il ne prit argent de pas un, ains seulement espiceries
& drogues odorantes, & paremens dont on honore les obseques des trespassez,
encore en paya il la ualeur à ceulx qui les auoient apportees, sans qu'il uoulust
neantmoins mettre en ligne de cōpte pas un denier de tous les frais qu'il feit à
cest enterremēt au partage de la succession de son frere, qui l'auoit institué son
heritier pour egale portio, avec une srene petite fille: ce nonobstant, quoy qu'il
eust faict, & qu'il feist toutes ces choses, encore y eut il quelqu'un * qui escriuit, G
qu'il passa & coula par un tamis les cēdres du feu, ou le corps de son frere auoit
esté cōsumé pour en retirer l'or & l'argēt fondu: ainsi croyoit il que lō ne deust
non plus contreroller ny syndiquer ce qu'il auoit escript avec la plume, que ce
qu'il auoit fait avec l'espee. Mais apres que le tēps de sa charge fut expiré, Catō
au partir du camp fut cōuoyé non seulement avec louāges, & uœus, & prieres
aux Dieux pour son salut, ce qui est ordinaire, ains avec embrassemēs, larmes
& pleuts infinis des soudards, qui estendoiet leurs uestemens par terre là ou il
deuoit passer, & luy baisoient les mains, ce qui estoit un honneur que les Ro-
mains alors faisoiet à biē peu de capitaines generaux. Et uolāt auant que s'en
retourner à Rome pour se remettre aux affaires, aller uisiter le pais de l'Asie, en H
partie pour ueoir à l'œil les meurs, les coustumes & les forces de chascune pro-
uinee, & en partie aussi pour gratifier en cela au roy Deiotarus, q' aiant esté ho-
ste & amy de son pere, l'auoit fort requis & prié de l'aller ueoir en son pais, il se
met en chemin, & feit le uoyage en ceste maniere. Il enuoyoit deuant des le ma-
tin au poinēt du iour son boulēger & son cuisinier au lieu ou il deuoit aller cou-
cher, lesquelz entrans dedās la uille ou uillage simplemēt & modestemēt, sen-
queroient s'il y auoit point quelque hoste, amy ou cognoissant de Caton, & s'il
n'y en trouuoiet point, à lors il luy apprestoient son logis en l'hostellerie, sans
en empescher personne: & s'il n'y auoit poit d'hostellerie, alors ilz s'addressoiet
aux magistrats & officiers du lieu, ausquelz ilz demādoient logis, & se conten- I
toient du premier qu'on leur bailloit: mais bien souuēt on ne croyoit pas qu'ilz
fussent seruiteurs de Catō, & n'en faisoit on point de compte, pource qu'ilz ne
menoient point de bruit, & ne menassoiet point les officiers, tellemēt que Ca-
ton arriuoit quelque fois qu'il n'y auoit encore rien de prest, & quand luy mes-
me estoit arriuē, encore en faisoit on moins de compte, pource q' lon le uoyoit
assis dessus son bagage sans dire mot, & pensoit on que ce deuoit estre quelque
homme de basse & petite qualité, craintif & de petit cueur, toutefois il les ap-
pelloit aucunes fois, & leur remonstroit en leur disant, O pauures gēs apprenez
à estre plus courtois à receuoir les Romains passans: ce ne seront pas tousiours
des Catons qui passeront par uoz terres, & pourtant aduisez à leur faire tant de K
courtoisie, & si gracieux traitement, que uous rabbattiez la pointe de la licen-
ce qu'ilz aurōt sur uous: car il y en aura beaucoup q' ne demāderont pas miculx
que d'auoir quelque couleur pour uous oster par force ce qu'ilz uoudrōt auoir,
cōme si uous ne leur auiez pas uoulu de gré offrir & bailler. Auquel propos on
cōpte, qu'en la Syrie il luy aduint un cas pour rire. Ce fut qu'en arriuāt à Antio-
che, il trouua deuant la porte de la uille grande multitude de gens, mespartis
en deux rens deçà & delà de la rue: les ieunes hommes à part, uestus de beaux
manteaux

A manteaux, & les enfans à part aussi en belle ordonnance, & y en auoit d'autres uestus de belles robbes neufues, portâs chapeaux de fleurs sur leurs testes, qui estoient les presbtres ou les officiers de la uille. Caton pensa incontinent que ce fust la uille qui eust fait faire ceste procession pour l'honorer, & en scauoit desia fort mauuais gré à ses gens qu'il auoit enuoyez deuant, pource qu'ilz n'auoient pas empesché que cest appareil ne se feist. Si feit descendre ses amis qui l'accompagnoient à pied pour marcher quand & luy: mais quand ilz furent tout aupres de la porte de la uille, le maistre des cerimonies qui cōduisoit toute ceste entree, & qui tenoit toute ceste multitude en ordonnance, homme ia tirant sur l'aage, tenant en sa main une uerge & une couronne, s'adressa à Caton

B deuant les autres, & sans le saluer, seulement luy demanda, là ou ilz auoient laissé Demetrius, & quand il arriueroit. Ce Demetrius auoit esté serf de Pompeius, & pourautant que tout le monde lors iettoit les yeux sur le maistre, le seruiteur en estoit aussi honoré & caressé plus qu'il ne meritoit, à cause du credit qu'il auoit à l'entour de son maistre. Les amis de Caton oyans cela, s'en prirent si fort à rire, qu'ilz ne se pouuoient pas contenir en passant à trauers la multitude de ceste procession: mais Caton en aiant fort grande honte, ne feit que dire sur l'heure, ô malheureuse uille! & non autre chose. mais depuis quand il le comptoit à d'autres, ou qu'il y pésoit tout seul, il s'en prenoit luy mesme à rire. Toutefois Pompeius luy mesme redressa bien ceulx qui par ignorance failloient ainsi à honorer Caton. Car estant arriué en la uille d'Ephese, Caton alla deuers luy pour le saluer, comme celuy qui estoit plus aagé & en plus grande dignité & plus grande reputation que luy, & qui lors commandoit à une tresgrosse, & trespuissante armee: mais Pompeius l'ayant apperecu de tout loing, n'attendit pas qu'il uint iusques à luy, ny ne demoura pas assis en son siege, ains se leuant debout, luy alla au deuant comme à l'un des principaulx personages de Rome, & le prenant par la main apres l'auoir salué & embrassé, dit sur l'heure de grandes louanges de sa uertu en sa presence, & encore d'auantage en son absence apres qu'il se fut retiré, de sorte que depuis tout le monde en feit grand cōpte, & l'eut on en merueilleuse estime pour les mesmes choses qui au parauant le faisoient mespriser, quand on uint à considerer de pres sa clemence & sa magnanimité: ioinct que les assistans cogneurēt bien euidement, que le bon recueil que Pompeius luy faisoit, estoit careffe d'homme qui le reueroit & obseruoit par une maniere de deuoir, plus qu'il ne l'aimoit, & apperceurent facilement qu'il luy portoit bien grand honneur tant qu'il fut aupres de luy, mais neantmoins qu'il estoit bien aise de quoy il s'en alloit: car il s'efforceoit de retenir tous les ieunes gentils hommes Romains qui l'alloient ueoir, & desiroit qu'ilz demourassent aupres de luy, mais il n'en pria nullement Caton, ains comme si luy present, il eust pensé auoir un Syndique, qui luy eust controllé son autorité, il fut bien aise de le laisser aller, luy recomandant sa femme & ses enfans, ce

E qu'il n'auoit encore fait à nul de ceulx qui s'en retournoient à Rome, il est bien uray qu'aussi luy appartenoit il de quelque parenté. Depuis, toutes les uilles par ou il passa, festudierēt à l'enuy les unes des autres, à q luy feroit plus d'honneur, & luy faisoit on par tout banquets & festins, esquelz il prioit ses amis d'auoir l'œil & prendre garde à luy, si confirmoit point un propos, que luy auoit dit autrefois Curion, lequel se faschât de ueoir Caton, qui estoit son amy & son familier, ainsi austere, luy demanda un iour, si auoit point de uolunté d'aller ueoir le pais d'Asie, apres que le temps de sa charge seroit expiré. Caton luy feit

Caton d'Utique.

responce, qu'il en estoit bien deliberé. Tu feras fort bien, luy repliqua Curion: F
car tu en retourneras un peu plus gay, & plus appriuoisé que tu n'es. car il luy
usa d'un terme Romain, qui signifie proprement cela. Au demourant Deiotar-
us Roy de la Galatie, estant desia fort uieil, l'enuoya semôdre de le aller ueoir
en son pais, pour luy recommander ses enfans & sa maison: en laquelle si tost
qu'il fut arriué, ce Roy luy feit des beaux & riches presens de toutes sortes, le
prian & sollicitant par tous moiés de les prendre. Cela despleut tant à Caton,
& l'irrita si fort, que y estant arriué le soir, après y auoir demouré un iour seu-
lement, il s'en partit le lendemain des les trois heures du iour: mais il n'eut pas
fait une iournee, qu'il trouua en la uille de Pessinunte d'autres presens encore
plus grands qui l'attendoient avec des lettres de Deiotarus, par lesquelles il le G
prioit bien instammét de les accepter: & si l'en uouloit point, à tout le moins
qu'il permist à ses amis de les prendre, attendu qu'ilz le ualoient & le meritoient
bien pour toutes raisons, mais spécialement pour l'amour de luy, de tant plus
mesmement que ses biens n'estoient point si grands, qu'il peust suffire à tous ses
amis. Toutefois iamais Caton ne leur uoulut permettre non plus que deuant,
qu'ilz en acceptassent rien, encore qu'il apperceust bien qu'il y en auoit aucuns
d'entre eulx amolliz de desir, & se plaignans de ce qu'il ne leur en laissoit pren-
dre: car il leur remonstra, que iamais autrement la corruption & concussion
n'auroit faulte de quelque honeste couuerture & couleur de prendre: & au de-
mourant que ses amis auroient tousiours part aux biens qu'il possederait iuste- H
ment. Ainsi renuoya il à Deiotarus tous ses presens. Et cômme il fut prest à s'em-
barquer pour repasser à Brundisium, il y eut quelques uns de ses amis qui l'ad-
monesterent qu'il ualloit mieulx mettre les cendres & les os de son frere Capiô
dedans un autre uaisseau, mais il leur feit responce qu'il laisseroit plus tost sa
propre uie, que de laisser ces reliques là: & incontinent se meit à la uoile, là ou
lon dit qu'il passa en tresgrâd danger, & les autres uaisseaux eurent assez côm-
de trauerse. Retourné qu'il fut à Rome, il estoit tousiours ou en sa maison à côm-
ferer de la philosophie avec le philosophe Athenodorus, ou sur la place à faire
plaisir à ses amis. Puis quand son temps fut echeu de demander un estat de
Questeur, iamais il ne se meit à le demander, que premierement il n'eust leu di- I
ligemment les edicts, & ordonances concernantes le faict & l'office d'un Que-
steur, & qu'il n'eust particulierement enquis sur tous les poincts, ceulx qui en
auoient plus longue experience, pour sçauoir en somme qu'elle estoit la puis-
sance & l'autorité dudit office. Si ne fut pas plus tost installé en l'estat, qu'il y
introduisit une grande mutation quant aux cleres & ministres de l'espargne,
lesquelz aians tousiours entre leurs mains les papiers & registres des comptes,
& les edicts sur le faict des finances, & puis aians à besongner ordinairement
soubz de ieunes hommes que lon elisoit à ces offices de Questure, qui auoient
eulx mesmes pour leur ignorance & faulte d'experience, plus tost besoing de
maistres qui les enseignassent, que de suffisance pour redresser les autres: ilz ne K
leur cedoient point en autorité, ains estoient eulx mesmes les magistrats, ius-
ques à ce que Caton prenant à bon esciant les matieres à cueur, & ne se conten-
tant pas d'auoir le tiltre & l'honneur de magistrat seulement, ains en aiant aussi
le sens, le cueur, & la parole, uoulut que les cleres & greffiers se portassent pour
telz qu'ilz estoient, c'est à sçauoir, ministres des magistrats seulement, leur mô-
strant & uerifiant les meschancetez qu'ilz commettoient en leur estats, & leurs
enseignant les faultes qu'ilz faisoient par ignorance. Mais en uoiant aucuns
audacieux

- A audacieux & superbes, qui alloient flattans & gaignans les autres Questeurs pour luy resister, il en feist condamner le principal d'entre eulx de male foy cōmise au partage d'une succession entre des coheritiers, & consequemment le feist priuer de iamais pouuoir exercer charge aucune de fināces. Il en meit aussi en iustice un autre, le chargeant de falsification de testament, & Catulus Luctatius se trouua en iugement pour le defendre, estant pour lors Censeur, & au demourant personnage de tresgrande dignité, non seulement pour l'autorité du magistrat qu'il tenoit, mais beaucoup plus pour sa propre uertu, pource qu'il estoit tenu pour l'un des plus iustes, & des plus hommes de bien qui fust de son temps à Rome, & si estoit l'un de ceulx qui plus haultlouoient Caton, & le hantoit uoluntiers pour l'honesteté de sa uie: & uoiant qu'il ne pouuoit defendre son homme par raison, il requit ouuertement, que lon luy pardonast pour l'amour de luy. Caton ne le uolul pas permettre: mais comme il en feist encore plus chaude instance, il luy dit adōc franchemēt, C'est une honte à toy, Catulus, attendu que tu es Censeur, qui deurois rigoureusement examiner noz uies, de te laisser ainsi ietter hors du deuoir de ton office, pour gratifier à noz ministres. Caton aiant prononcé ceste parole, Catulus le regarda bien, comme pour luy respondre, mais neantmoins il ne luy dit rien, ains fust ou de courroux, ou de honte, s'en alla tout cōfus, sans mot dire. Toutefois l'accusé ne fut pas cōdemné: car il se rencontra que les uoix des iuges qui le condēnoient, estoient une de plus que celles qui l'absouloient: mais Marcus Lollius, l'un des compagnons de Caton en la Quæsture, n'ayant peu assister au proces, à cause qu'il s'estoit trouué malade, Catulus enuoya deuers luy, le supplier d'y uenir pour aider à ce pauvre homme: & luy sy faisant porter dedans une litiere, apres le iugement donna la dernière uoix, qui l'absolut iudiciellement: toutefois iamais Caton ne uolul qu'il seruist depuis de greffier, ny ne luy souffrit pas payer ses gages, & qui plus est ne uolul pas cōpter la uoix de Lollius entre les autres. Ainsi aiant rabaisé l'audace des greffiers, scribes & clerks des finances, & les aiant rengez à la raison, il eut tous les registres & papiers à sa uolunté dedans peu de temps, il rendit le parquet & l'auditoire des Quæ-
- D steurs plus uenerable & plus reueré que le Senat mesme, de maniere que tout le monde estoit d'aduis, & disoit, que Caton auoit adiouxte à la Quæsture la dignité de Consulat. Car trouuant que plusieurs particuliers estoient du passé redevables à la chose publique, & la chose publique aussi à quelques particuliers, il donna ordre qu'elle ne feist plus de tort à personne, & que personne aussi ne luy en peust plus faire, contraignant roidement ceulx qui deuoient de payer, & payant aussi promptement & uoluntairement à ceulx à qui il estoit deu: tellement que le peuple mesme auoit honte de ueoir payer aucuns qui s'attendoient bien de ne payer iamais rien, & à l'opposite aussi r'embourser d'autres qui ne cuidoient iamais rien auoir de leurs debtes. D'auantage plusieurs au parauant apportoint au bureau des Quæsturs, des lettres & acquits autrement faicts qu'ilz ne deuoient: & bien souuent ses predecesseurs auoient accoustumé de receuoir par grace & par prieres, des edicts tous faulx: mais durant sa Quæsture, iamais il ne passa rien de ceste sorte: car estant un iour en double d'un edict qui luy fut présenté, à sçauoir s'il estoit uray & ualable, encore que plusieurs tesmoignassent que ouy, il n'en uolul iamais rien croire ny l'admettre, iusques à ce que les Consuls eulx mesmes en personne fussent uenus tesmoigner, & iurer qu'il auoit ainsi esté ordonné. Or y auoit il plusieurs à qui Lucius

Caton d'Utique.

* Douze cents
escus.

Sylla en sa seconde proscription auoit donné* douze mille drachmes d'argēt F
pour teste de chasque citoien prosript qu'ilz auoient occis de leurs propres
mains, lesquelz estoient bien haïs & maudicts de tout le monde, comme meur-
triers & excommuniez, mais toutefois personne ne leur osoit courir sus pour
en faire la uengeance: & Caton les appella tous en iustice, comme detenans in-
iustement l'argent de la chose publique, & les contraignit de le rendre, leur re-
prochant en courroux, non sans raison, la malheureté & meschanceté qu'ilz
auoient commise en cest endroit. Ilz n'eurent pas plus tost rendu cest argent,
qu'ilz furent par autres accusez d'homicide: & comme estant ia condemnez
par preiudice, au sortir d'un iugement, on les menoit droit en un autre, ou ilz
payoient la peine qu'ilz auoient meritee, au grand contentement & aise sin- G
guliere de tous les Romains, lesquelz estimoient alors ueoir toute la tyrānie de
ce tēps là effacee, & Sylla mesme puny. Oultre cela estoit encoré fort aggre-
able au peuple la diligence & assiduité continuelle de Caton, pource qu'il estoit
toufiours le premier uenu au bureau des Questeurs, & en partoit le dernier, sans
iamais se lascher: iamais il ne failloit à pas une assemblee du peuple, ny à pas
une congregation du Senat, craignant, & aiant soigneusement l'œil à ce que
legerement & par faueur on ne remeist quelque argent qui seroit deu à la cho-
se publique, ou que l'on n'ottroyast rabais aux fermiers, ou que lon ne feist don
d'argent, sinon à ceulx qui l'auroient bien & iustement merité. Ainsi aiant
vuidé & nettoyé de calumniateurs, & remply de deniers la chambre du tresor, H
il mōstra que la chose publique pouuoit estre riche, sans greuer, ny faire tort à
personne. Il est uray qu'au commencement de ceste administration il fut en-
nuyeux à quelques uns de ses compagnons, pource qu'il leur sembla trop rude,
mais à la fin il fut aimé de tous, à cause qu'il se soubmettoit seul à soustenir tou-
tes les crieries & malueillances qui se leuoient contre eulx, pource qu'ilz ne
uouloiet pas laisser aller par faueur les deniers de la chose publique, & leur per-
mettoit d'alleguer pour leur descharge & excuse enuers ceulx qui les requeroiet
& importunoient de prieres, qu'il leur estoit impossible de le faire cōtre la uou-
lunté de Caton. Et le dernier iour de son magistrat aiant esté reconuoyé par
tout le peuple, presque iusques en sa maison, il fut aduertiy que Marcellus estoit I
dedans la chambre du tresor assiegé & environné de plusieurs de ses amis, per-
sonnes d'autorité, qui le pressoient de faire enregistrer quelque don d'argent,
comme estant chose deuē par le public. Ce Marcellus estoit son amy des & des-
puis leur enfance, & faisoit tresbien le deu de son office quād il estoit avec luy:
mais quād il estoit seul, il se laissoit aller aux prieres de ceulx qui le requeroiet,
estant de si doulce nature, qu'il auoit honte d'escōduire personne, & estoit trop
prompt à conceder tout ce dont on le requeroit. Caton sy en retourna tout
court, & trouuant qu'il auoit par importunité fait enregistrer ceste donation,
se fait apporter les registres, & l'effacea en sa presence, sans que l'autre dist un
seul mot à l'encontre: puis cela fait, le reconuoya & accompagna iusques en sa K
maison, & ne se plaignit iamais, ny lors, ny onques depuis, de cest acte là, ains
perseuera toufiours en son amitié & familiarité comme deuant. Mais pour e-
stre hors de l'office de Quæsture, il ne laissa pas la chambre du tresor sans guer
ny garde: car il y faisoit tous les iours assister de ses seruiteurs, lesquelz redi-
geoient par escript tout ce qui sy passoit. Et luy mesme aiant reconuré pour le
pris & somme de* cinq talents des liures, esquelz estoit compris tout l'estat du
reuenue public & de l'administration d'iceluy, depuis le temps de Sylla insques
à l'an-

* Trois mille
escus.

A à l'annee de la Questure, il les auoit tousiours entre les mains, entrât tousiours au Senat le premier, & en sortât le dernier. Et là bien souuēt pēdant que les autres Senateurs s'assemblerēt tout à loisir, il falloir seoir en quelque coing à part, & y lisoit tout bas en mettant sa robbe au deuât, & iamais n'alloit aux champs es iours qu'il scauoit qu'il y deuoit auoir assemblee de Senat. Depuis Pompeius & ses adherens, uoyans qu'il estoit impossible de le forcer, & encore plus de le gaigner, à ce qu'il leur fauorist es choses qu'ilz poursuiuoient iniustement, alloient espianr les moiens de le distraire & diuertir qu'il n'assistast au Senat en l'empeschant à defendre les causes de quelques siens amis, & à uacquer à quelques arbitrages, ou autres telz negoces: mais luy festant incontinent apperceu de leur aguet & embusche, il denoncea une fois pour routes, à tous ceulx qui se uouloient seruir de luy, qu'il ne uacqueroit iamais à autres affaires quelconques es iours que lon tiēdroit le Senat: car il n'estoit uenu à s'entremettre des affaires de la chose publique pour s'enrichir, comme faisoēt quelques autres, ny pour acquerir reputation, ny fortuitement, & par cas d'adventure: ains aiant par meure deliberation choisy l'entremise du gouuernement, comme le propre exercice d'un homme de bien, il estimoit estre tenu d'y uacquer & auoir l'œil plus soigneusement que ne fait l'abeille à bastir ses goffres de cire ou elle fait le miel, à l'occasion dequoy il mettoit peine de recouurer par le moien de ses hostes & amis qu'il auoit en chascune prouince de l'empire Romain, les principaux actes, edicts, decrets, sentences & iugemens plus notables des gouuerneurs qui les regissoiēt. Il s'attacha une fois à Publius Clodius, seditieux harangueur, qui alloit suscitant & emouuant des commencemens de grandes nouuelletez, en accusant enuers le peuple les prestres & les religieuses Vestales, entre lesquelles Fabia Terentia sœur de la femme de Cicero fut appelée en iustice, mais Caton aiant pris leur protection & defence, feit si grande uergoigne à leur accusateur Clodius, qu'il le contraignit de sortir hors de la uille: dequoy Cicero luy redant graces, Caton luy respōdit que c'estoit à la chose publique à qui il en falloir rendre graces, à cause que c'estoit pour l'amour d'elle seule, qu'il disoit, faisoit & conseilloit toutes choses: à l'occasion dequoy il uint en telle reputation, que quelque fois en un plaidoyer ou lō alleguoit la deposition d'un seul tesmoing, l'aduocat plaidant pour la partie aduerse, dit aux iuges, qu'ilz ne deuoient aucunement adiouxter foy entiere au dire d'un seul tesmoing, quand bien ce seroit Caton mesme: & estoit ia un commun proverbe, quand on parloit de choses estranges & mal aisees à croire, de dire, Cela n'est pas croyable, quand ce seroit Caton mesme qui le diroit. Et comme un iour au Senat quelque personnage de mauuaise reputation, superflu & dissoluen despence, eust fait une longue harengue à la louange & recommandation de sobriete, temperance & espargne, il y eut un Senator nōmé Amnæus, qui ne se peut tenir de luy dire, Dea mō amy, qui penses tu qui puisse plus auoir la patience de r'ouyr, uieu que tu tiens table comme Crassus, tu bastis cōme Lucullus, & nous presches comme Caton? Aussi appelloit on communement, par maniere de mocquerie, Catons, ceulx que lon uoyoit graues & seueres en paroles, & en faict desordonnez & uicieux. Plusieurs de ses amis l'incitoient & admonestoient de demander l'office de Tribun du peuple, mais il n'en fut pas d'aduis pour lors, disant qu'il ne falloir pas employer ny despendre la puissance d'un tel magistrat & de si grande authorité, non plus q d'une forte medecine, sin on en tēps & en choses necessaires: & y aiant uacatiō publique d'affaires,

Caton d'Utique.

il s'en alla à l'esbat en la Lucanie, ou il auoit des maisons d'assez plaisant seiour, F
menant quād & luy force liures, & des philosophes pour luy tenir cōpagnie:
mais par le chemin il rencontra force sommiers, grāde quantité de bagage, &
un grād train de personnes: il demāda que c'estoit, & on luy dit, q̄ c'estoit Me-
tellus Nepos, qui retournoit à Rome pour demander le Tribunat. Si s'arresta
tout court, & apres auoir pēsé un petit en soy mesme, cōmanda à ses gens qu'ilz
retournassent en arriere. Dequoy ses amis estās esbahis, il leur respōdit, Ne sca-
uez uous pas, que Metellus de soy mesme est à redoubter pour sa folie: & main-
tenāt qu'il uient avec l'instruction de Pompeius, il se ruera à trauers les affaires,
cōme foudre qui gastera tout: à ceste cause n'est il pas maintenāt saison d'aller
à l'esbat, ny de se dōner du bon temps, ains fault la uaincre, ou mourir honora- G
blement pour la defence de la liberté: toutefois à la persuātion de ses amis, il al-
la premierement un tour iusques à sa maison des chāps, là ou il n'arresta gue-
res, ains s'en retourna incontinent à Rome. Et y estant arriué un soir, des le
lendemain matin il descendit sur la place, demandant & poursuiuant l'of-
fice de Tribun du peuple, expressement pour resister aux entreprises de Metellus,
à cause que ce magistrat là a beaucoup plus de puissance d'empescher que de
faire: car si tous les autres d'un accord auoient arresté une chose ensemble, &
qu'il y en eust un seul qui s'y opposast, le seul opposant l'emporteroit par des-
sus tous les autres. Or n'eut il pas du commencement grand nombre de ses amis
autour de luy: mais quand on entendit l'intention pour laquelle il faisoit lors H
ceste poursuite, tous les gens de bien incontinent se rengerent à ses costez, qui
le confirmerent en sa deliberation, & l'encouragerent de la poursuiure, à cause
qu'il ne faisoit pas tant pour soy que pour la chose publique, de demander cest
office en un tel temps, attēdu que l'ayant peu obtenir par plusieurs fois sans dif-
ficulté, en temps ou il n'y auoit point d'affaires, il ne l'auoit point uoulu demā-
der, ains festoit reserué à le poursuiure lors qu'il falloir, non sans danger, com-
battre pour le bien de la chose publique, & pour la protection de la liberté. Si
dit on, qu'il y eut si grande foule de gens qui uindrent pour luy assister à sa bri-
gue, & de si chaude affection, qu'il en cuida estre estouffé, & ne pensa iamais ar-
riuer iusques sur la place, pour la presse du monde qui l'accompagnoit. Ainsi I
ayant esté déclaré Tribun du peuple avec Metellus & d'autres, il apperceut que
lon alloit marchandant & acheptant les uoix du peuple, quand on uint à l'ele-
ction des Consuls, & feit une harengue, en laquelle il reprit & tensa asprement
le peuple pour ceste orde & sale marchandise, & à la fin d'icelle protesta avec
serment, qu'il accuseroit & mettroit en iustice celuy qui auroit baillé argent
pour se faire elire, exceptant Syllanus seul, pource qu'il estoit son allié, aiant es-
pousé Seruilia, qui estoit sa sœur, car à celuy là ne demanda il rien: mais il accu-
sa, & se feit partie formelle contre Lucius Murena, qui par argent auoit tant
fait, qu'il auoit obtenu le Consulat avec Syllanus. Or y auoit il une ordonnan-
ce qui permettoit à l'accusé de dōner garde à l'accusant pour ueoir ce qu'il pro-
poseroit, & dont il se uoudroit seruir en son accusatiō, à fin que l'accusé ne fust K
point surpris au deprouueu: parquoy celuy q̄ Murena auoit baillé à Catō pour
l'observer, le suiuant par tout, & considerāt de pres tout ce qu'il faisoit, quand
il ueit qu'il n'y alloit point cauteleusement ny malicieusement, ains rondement
suyuant le droit chemin de iuste accusateur, il en eut si grande fiance en la ma-
gnanimité & simple bonté du naturel de Caton, que sans autrement l'espier, il
ne luy faisoit que demander à luy mesme, ou sur la place, ou en sa maison, si ce

A jour là il auoit deliberé de procurer chose aucune appartenante à l'accusation: fil disoit que non, il s'en alloit, luy adiouxât pleine foy. Quand ce uint au iour de l'assignatiô que la cause fut plaidee, Cicéron qui estoit ceste année là Consul, en defendant Murena se mocqua si plaisamment des philosophes Stoïques, & de leurs estranges & extraordinaires opinions, qu'il en feit rire les iuges, de sorte q Caton mesme se soubriant, dit à ceulx qui estoient autour de luy: Voiez que nous auons un plaisant Consul, qui fait ainsi rire les gens. Mais aiant esté Murena absoulz en ce iugement, il ne se porta point depuis en homme mauvais, ny estourdy uers Caton, ains tant que son Cōsulat dura, se gouerna tousiours par son conseil es principaux affaires, & continua de l'honorer, & suiure son conseil, en ce qui appartenoit au deuoir de son magistrat: dequoy Caton luy mesme estoit cause, pour ce qu'il n'estoit terrible ny redouctable sinon au conseil, & en ses harengues deuant le peuple pour la defence du droit & de la iustice seulement: car au demourant il se monstroït humain, gracieux, & bening enuers tout le monde. Mais auant que d'entrer en l'exercice de son Tribunat, estant Cicéron encore Consul, il luy aida à bien faire le deuoir de son estat en plusieurs autres choses, & mesmement à mettre fin à la coniuration de Catilina, qui fut un tresgrand & tresbel acte: car ce Catilina machinoit un remuement uniuersel, pour ruiner & renuerser sans dessus dessous toute la chose publique, excitant des seditions ciuiles au dedans, & des guerres ouuertes au dehors, dont estant conuaincu par Cicéron, il fut contrainct de se sauuer hors de Rome: mais Lentulus, Cethegus, & plusieurs autres complices de ceste coniuration, blasmans Catilina d'aller trop laschement & trop froidement en besongne, auoient de leur costé entrepris de brusler toute la uille de Rome entierement, & mettre en combustion tout l'empire Romain par guerres estrange-res & rebellions de nations & prouinces foraines: mais aiant esté leur conspiration descouuerte, ainsi comme nous auons plus amplement declaré en la uie de Cicéron, la chose fut mise au iugement du Senat, pour sçauoir ce qui en deuroit estre fait: & là Sillanus à qui premier fut demâde son opinion, dit qu'il estoit d'aduis que l'on leur deuoit faire souffrir peine extreme, & consequem-ment tous ceulx qui opinerent apres luy furent de mesme aduis, iusques à Cæsar, lequel estant personnage bien parlant, & qui desiroit nourrir & entrete-nir plus tost que esteindre tout mouuement, seditions & changemens en la chose publique, comme matiere propre à ce qu'il auoit de lōgue main proietté en son entendement, feit une harengue pleine de doulces paroles attrayantes, en laquelle il remonstra que de faire ainsi mourir ces personnages, sans qu'ilz fussent iudiciellement condemnez, il ne luy sembloit nullement raisonnable, ains que plus tost on les deuoit tenir en prison. Cela changea tellemēt les opi-nions du reste des Senateurs, pour la crainte qu'ilz eurent du peuple, que Silla-nus mesme rhabilla son opinion, & dit qu'il n'auoit point entendu qu'on les deust faire mourir, ains les retenir en prison fermee, pource q l'extreme peine à un citoien Romain estoit la prison. Ainsi estans les opiniōs changees, & in-clinans les autres Senateurs en la plus doulce & plus humaine sentence, Caton se leuant quand ce fut à luy à dire son opinion, commença en courroux avec une grande force d'eloquence à reprendre griefuement Sillanus de s'estre chā-gé, & à picquer asprement Cæsar, qui soubz une apparence populaire, & soubz couuerture d'un parler doulx & gracieux, alloit ruinant la chose publique, & intimidant le Senat, là ou il deuroit auoir grande peur, & se reputer bien heu-

Caton d'Vtique.

reux, fil se pouuoit sauuer, que lon ne s'attachast à luy mesme, pour les occasions F
de l'en souspeçonner qu'il donnoit, en uoulant ainsi manifestemēt rauir d'en-
tre les mains de la iustice des traistres ennemis de la chose publique, & mon-
strant de n'auoir aucune pitié ny compassion de la uille de sa naissance, si no-
ble & si grande, qui auoit esté si pres de finale extermination, ains plus tost re-
gretter & lamenter la fortune de ces malheureux hommes là, qui ne deuoient
iamais auoir esté nez, & la mort desquelz preseruoit Rome de meurtres, mau-
& dangers infinis. Il n'est demouré que ceste harēgue seule, de toutes celles que
fait oncques Caton, par ce que Ciceron auoit ce iour là attiltré des clerks, qui
auoient la main fort legere, aux quelz il auoit d'auantage enseigné à faire cer-
taines notes & abbreviations, qui en peu de traicts ualoient & representoient G
beaucoup de lettres, & les auoit disposez ça & là en diuers endroits de la salle du
Senat: car lon n'usoit point encore lors, & ne sçauoit on q̄ c'estoit de Notaires,
c'est à dire, d'escruiains qui par notes de lettres abbregez figurēt toute une sen-
tence, ou tout un mot, cōme lon a fait depuis: & dit on q̄ ce fut lors premier que
lon cōmencea à en trouuer la trace. Si le gaigna lors Catō, & fit tellemēt tour-
ner les opinions, que ces hommes furent condemnez à mourir. Et pour ne rien
omettre de ce qui peult seruir à représenter au uif l'image de son naturel, iuf-
ques aux moindres indices: on dit que ce iour là y aiant grand debat & fortue-
hement contention de luy à l'encontre de Cæsar, tellement que tout le Senat
estoit attentif à les regarder & ouyr, on apporta de dehors un petit papier à H
Cæsar. Ce que Caton tira incontinent en suspiration, & l'en calumnia tant, que
plusieurs des Senateurs s'en emeurent, & cōmanderent que ce qui estoit escript
en ce papier fust leu tout hault & clair: parquoy Cæsar tendit la lettre à Caton
qui ne seoit pas gueres loing de luy. Caton l'ayant leuē trouua que c'estoit une
lettre d'amour que sa sœur Seruilia escriuoit à Cæsar, dont elle estoit amoureu-
se, aiant esté par luy corrompue: si la reietta à Cæsar en luy disant, Tien yuron-
gne: & cela fait, se remeit à continuer le propos, qu'il auoit parauant commen-
cé. En somme, il semble que Caton a esté peu heureux du costé des femmes: car
ceste Seruilia, comme nous auons dit, eut mauuais bruit pour l'amour de Cæ-
sar: mais l'autre Seruilia, qui estoit aussi sa sœur, fut encore plus diffamee, pour-
ce que estant mariee à Lucullus l'un des premiers personnages de Rome, dont
elle auoit eu un filz, elle fut à la fin par luy chassée & repudiee pour son impudi-
cité: &, qui est encore plus hôteux, sa propre femme Atrilia ne fut pas elle mes-
me nette de tel uice: car combien qu'il en eust eu deux enfans, il fut contrainct
de la repudier, tant elle se gouerna mal: & depuis il espousa la fille de Philip-
pus, nommee Martia, laquelle semble auoir esté fort honeste Dame. C'est celle
de qui lon parle tant. Car l'acte que fait Caton en son endroit a esté depuis un
subiect de question disputable, à sçauoir s'il fait bien ou mal, & y en a qui tie-
nent pour, & d'autres contre, ne plus ne moins qu'en un compte fait à plaisir:
mais la chose fut telle, ainsi que l'escrit Thraseas, qui en remet la foy & le ga-
rentage sur un Munatius, lequel estoit familier amy de Caton. Entre plusieurs
qui aimoient & admiroient les uertus de Caton, il y en auoit qui le monstroiet
& le descouuroient les uns plus que les autres. Quintus Hortensius personnage
de grande autorité, & homme de bien, avec lequel desirant estre non seule-
ment amy priué & familier de Caton, ains aussi son allié en quelque sorte que
ce fust, & ioindre par quelque affinité toute la maison de luy à la siene, tascha
de luy persuader qu'il luy baillast en mariage sa fille Porcia, laquelle estoit ma-
rie

A rice à Bibulus, & luy auoit ia fait deux enfans, pour y semer aussi, ne plus ne moins qu'en une terre fertile, de sa semence, & en auoir de la race, luy remon-
strant que cela sembloit bien un peu estrange de prime face quant à l'opinion
des hommes: mais quant à la nature, qu'il estoit honeste & utile à la chose pu-
blique, qu'une belle & honeste ieune femme en la fleur de son aage ne demou-
rast point oyseuse, laissant esteindre son aptitude naturelle à cōcevoir, ny aussi
ne feschast, ny n'appauurist point son mary, en luy portant plus d'enfans qu'il
n'en auroit de besoing, & que en communiquant ainsi succeffiuent les uns
aux autres les femmes idoines à la generation, à gēs de bien & hommes qui en
fussent dignes, la uertu uint à se multiplier d'auantage, & à s'espandre en diuer-
B ses familles, & la uille consequemment à s'en mesler, unir & incorporer d'auā-
tage par alliances: mais si d'aduenture Bibulus aimoit tant sa femme qu'il ne la
uoulust point quitter entierement, il la luy rendroit incontinent apres qu'elle
luy auroit fait un enfant, & qu'il se seroit cōioinct par un plus estroict lien d'a-
mitié, moiennant ceste communication d'enfans, avec Bibulus mesme & avec
luy. Caton feit responce qu'il aimoit bien Hortensius, & auroit bien ag-
greable son alliance: mais qu'il trouuoit estrange qu'il luy parlast de luy bail-
ler sa fille pour en engendrer des enfans, ueu qu'il sçauoit biē qu'elle estoit ma-
riee à un autre. Adonc Hortensius tournant le propos ne faignit point de luy
descouurir son affection, & luy demander sa femme, laquelle estoit encore
C assez ieune pour porter des enfans, & Caton en auoit desia suffisammēt: & si ne
sçauoit on dire que ce fust pource qu'il ne feist cōpte de Martia, car elle estoit
lors enceinte de luy: mais tant y a, que uoyant le grand desir & la grande af-
fection que Hortensius en auoit, il ne la luy refusa point, ains luy respōdit qu'il
falloit donques que Philippus pere de Martia en fust aussi content, lequel en-
tendant que Caton sy consentoit, ne uolut point neantmoins luy accorder sa
fille, que Caton luy mesme ne fust present au contract, & stipulāt avec luy. Ces
choses furent faites bien long temps depuis: toutefois pource que ie suis tum-
bé sur le propos des femmes de Caton, il m'a semblé de hastier ce recit, & le met-
tre auant son temps en ce lieu. Aiant donques Lentulus & ses consors en la cō-
D iuration de Catilina, esté executez à mort, Cēsar pour se couurir des char-
ges & imputations que Caton luy auoit mis sus au Senat, recourut en la sauue-
garde du peuple, & retira autour de soy tous ceulx qu'il sçauoit qui auoient
mauuaise uolunté, & qui ne demādoient qu'à renuerfer & gaster tout, en les
mutinant & incitant encore plus à ce faire: au moien dequoy, Caton craignāt
que telle maniere de gens ne fuscitast quelque trouble & combustiō en la cho-
se publique, suada au Senat de gagner le menu populaire qui n'auoit rien, en
luy faisant distribuer quelque bled pour uiure: ce qui fut fait: & mōta ceste des-
E pence par an * douze cents cinquante talents. Ceste largesse assopit manifeste-
ment les menasses des troubles que lon craignoit de ce costé là. Mais d'un au-
tre costé, Metellus entrāt en son Tribunat, faisoit des assemblees & harengues
seditieuses, esquelles il meit en auant au peuple un decret, par lequel estoit por-
té, que Pompeius fust au premier iour rappellé avec son armee en Italie, à
fin qu'il prouueust à ce que la chose publique ne tumbast en inconueniēt pour
le danger de Catilina, ce qui n'estoit qu'une couuerture de belles paroles: mais
le but & l'intention ueritable ou tendoit cest edict, estoit de mettre tous les af-
faires de la chose publique & les forces de l'empire Romain entre les mains de
Pompeius. Le Senat fut assemblé là dessus, auquel Caton ne parla pas d'entree

* Sept cents
cinquante
mille escus.

Caton d'Utique.

aigrement, ny de trop grande uehemenſce contre Metellus, comme il auoit ac- F
couſtumé de faire à l'encontre de ceulx qui ſe deportoiēt comme luy, ains l'ad-
monēſta doulcement & modereement, iuſques à le prier à la fin & luy hault-
louer ſa maiſon, de ce qu'elle auoit touſiours ſuiuy le party du Senat & des gēs
de biē: mais cela eſleua encore plus en audace & en gloire Metellus, & feit qu'il
commença à auoir Caton en meſpris, pource qu'il eſtima qu'il luy cedast ain-
ſi de peur qu'il euſt, tellement qu'il ſ'oublia iuſques à dire des paroles preſum-
ptueuſes, & uſer de fieres menaſſes, qu'il feroit ce qu'il auoit entrepris bon gré
mal gré le Senat. Adonc Caton chāgeant de uiſage, de uoix, & de parole, apres
luy auoir parlé fort aſprement, en fin proteſta roidement, que tant cōme il auoit
uie au corps il ne ſouffriroit que Pōpeius entraſt avec armes en la uille de Ro- G
me. Quoy entendu, le Senat eut opinion que ny l'un ny l'autre n'auoit le ſens
bien raſſis, ny le iugement bien ſain: mais que les deportemens de Metellus e-
ſtoient une fureur, qui procedant d'une extreme malice & meſchanceté, uou-
loit mettre toutes choſes ſans deſſus deſſous: & que ce que faiſoit Caton eſtoit
un rauiſſement & ecſtaſe de uertu tranſportee hors de ſoy pour uouloir defen-
dre les choſes iuſtes & raiſonnables. Quand le iour fut eſcheu auquel on de-
uoit faire paſſer ceſt edict par les uoix du peuple, Metellus ne faillit pas d'auoir
ſes gēſen ordonnance ſur la place, force eſtrangers, force eſclaues, & force
eſcrimeurs à oultrāce tous en armes, avec ce qu'il y auoit une bōne partie de la
commune qui deſiroit le retour de Pompeius pour l'eſperance de quelque mu- H
tation, & ſi eſtoit leur affaire grandement fauoriſé & forrifié de la part de Cē-
ſar, qui lors eſtoit Preteur. Et à l'opposite, de l'autre coſté les plus gēſ de bien
de la uille ſe courrouceoient bien avec Caton, & diſoient comme luy, que c'e-
ſtoit une grande meſchanceté, mais ilz ne luy aidoint point pourtant: à l'oc-
caſion de quoy ſes parēts & domeſtiques en eſtoient en grand ſoucy & en grā-
de peine, de ſorte qu'il y en eut qui paſſerent la nuit enſemble ſans uouloir re-
poſer & ſans boire ny māger, pour le danger auquel ilz uoyoiēt ſa uie, & meſ-
mement ſa femme & ſes ſœurs ne faiſoient autre choſe que plorer & ſe tourmē-
ter en ſa maiſon, là ou luy tout au contraire parloit aſſeurement, & reconfor-
toit tout le monde: & apres auoir ſouppé comme de couſtume, il ſ'en alla cou- I
cher, & dormit de fort profond ſommeil iuſques au matin, q̄ Munatius Ther-
mus l'un de ſes compagnons au Tribunat le uint eſueiller: ſi ſ'en allerent en-
ſemble ſur la place, ou ilz furent accompagnez de bien peu de gēſ: mais ilz en
trouuerent pluſieurs par le chemin qui leur uenoient au deuant, pour les aduer-
tir qu'ilz ſe teinſent ſur leurs gardes. Quand ilz furent à l'entree de la place, Ca-
ton apperceut incontinent le temple de Caſtor & Pollux tout enuironné d'hō-
mes armez, & les degrez tenus & occupez par des eſcrimeurs à oultrāce, & Me-
tellus qui eſtoit au plus hault, aſſis pres de Cēſar: ſi ſe retourna adonc deuers ſes
amis & leur dit, Voyez quel couard uoyla, qui contre un ſeul homme nud a aſ-
ſemblé tant d'armes. En diſant cela il marcha droit celle part avec Thermus, K
& ſ'ouuerirent ceulx qui renoiēt les degrez pour les laiſſer paſſer, mais ilz n'en
ſouffrirent monter pas un autre, encore eut Caton bien affaire à tirer Munatius
à mont par la main: monté qu'il fut, il ſ'en alla droit aſſeoir entre Metellus &
Cēſar pour les engarder de parler enſemble à l'oreille. Ilz ne ſceurent ne l'un ne
l'autre que luy dire: mais les gēſ de bien qui ueirent & conſidererent avec ad-
miration le uiſage, l'aſſurance, & le courage de Caton, ſ'approcherēt de plus
pres, & par leurs cris l'enhorterent qu'il ne craigniſt rien, ſ'encourageans les

A uns les autres de tenir bon, & de se rallier ensemble pour la defence de la liberte commune, en secourant celuy qui combattoit pour elle: si y eut un sergent qui prit en main l'edict par escript, comme pour le lire au peuple. Caton luy defendit de ce faire: parquoy Metellus adonc le prit luy mesme, & commença à le lire. Caton le luy osta par force d'entre les mains: mais neantmoins Metellus en sachant le contenu par cueur, ne laissa pas de le uouloir prononcer sans escripture, & Thermus luy mit la main au deuant de la bouche pour le garder de parler: tant que Metellus uoiant ces deux hommes obstinez à l'empescher par toutes uoyes qu'il ne feist passer son edict, & que le peuple chaland la uoile se rengoit du costé de la raison, il feist signe à ses gens, que quelques soudards armez qu'il tenoit expres à ceste fin en sa maison, accourussent à l'effroy avec grand cris: ce qui fut fait: tellement que le peuple de frayeur s'escarta, les uns deça, les autres dela, & ne demoura sur la place que Caton seul, auquel on tiroit d'amont force coups de pierres & de bastons: mais Murena, celuy mesme qu'il auoit accusé d'auoir achepté le Consulat, ne l'abandonna point en ce danger, ains le couurant de sa longue robe cria à ceulx qui iettoient des pierres qu'ilz eussent à cesser: & en luy remonstrant le peril, auquel il se mettoit pour neant autrement, feist tant enuers luy, qu'en le tenant tousiours entre ses bras il le retira au dedans du temple de Castor & Pollux. Et lors Metellus uoiant la tribune aux harengues vuide, & ses aduersaires fuyans de tous costez hors de la place, cuida bien auoir tout gagné, & commanda à ses soudards armez qu'ilz se retirassent, & luy se tirant tout doucement en auant, essaya de faire lors passer & autoriser son edict: mais ses contraires se reuenans aussi tost de leur effroy, & retournans sur la place recommencerent à crier à l'encontre de Metellus plus fort & plus hardiement que deuant, de sorte qu'il s'en trouua luy mesme en grand trouble & en grande frayeur, & ses adherents aussi, cuidans que leurs aduersaires eussent recouré des armes de quelque part, & que ce fust ce qui les feist ainsi fierement retourner contre eulx, tellement qu'il n'y eut pas un qui arrestast, ains se tirerent tous arriere de la tribune aux harengues. Ainsi estans ceulx de la ligue de Metellus escartez, Caton se presenta sur la tribune qui loua grandement le peuple de la bonne uoulunté qu'il auoit monstree en l'enhortant de perseverer tousiours de bien en mieulx: tellement que la commune mesme se banda lors contre Metellus: & le Senat assemblé la dessus, ordonna que lon secourust Caton plus que iamais, & resistast par tous moiens à cest edict de Metellus, comme estant pernicious, & introduisant une sedition, & une guerre ciuile en la uille de Rome. Quant à Metellus il s'opiniastroit bien encore à poursuivre son entreprise, & ne se uouloit point rendre: toutefois à la fin uoiant que ses adherents festoient merueilleusement, & redoubtoient la constance de Caton, come chose inuincible & inexpugnable, il s'en courut un iour soudainement sur la place, là ou assemblant le peuple, il allegua plusieurs raisons pour cuider mettre Caton en haine de la commune, & dit entre autres choses qu'il se uouloit tirer hors de la domination tyrannique de Caton & de sa conspiration à l'encontre de Pompeius, dont on ueroit que bien tost la uille se repentiroit d'auoir ainsi rebuté un si grand personnage. Cela dit, il se partit aussi tost pour s'en aller en Asie faire ses plaintes à Pompeius. Si fut Caton grandement estimé pour ce faict, d'auoir ainsi deschargé la chose publique du pesant fardeau du Tribunat d'un tel fol, & d'auoir par maniere de dire, desfait en Metellus, la puissance de Pompeius: mais encore fut il loué & estimé d'auantage,

Caton d'Utique.

quand il empescha que le Senat, qui le uouloit à toute force, ne notast Metellus d'infamie, & ne le priuast de son estat: car il sy opposa, & pria le Senat de ne le faire point, pource que le cōmun prit pour un grand argument de nature doulce, benigne & humaine, de ne uouloir point, par maniere de dire, fouler aux pieds son ennemy apres l'auoir abbatu, ny l'oultrager apres l'auoir à force uaincu: mais les sages hommes iugerent d'auantage, qu'il auoit prudemment & utilement faict, de n'irriter point Pompeius. Enuiron ce temps retourna Lucullus de la guerre, de laquelle il sembloit que Pōpeius luy eust osté le couronnement d'entre les mains, & la gloire de l'auoir entierement parachee, & fut encore bien pres d'estre debouté de l'honneur du triumphe, pour la contradiction que luy feit Caius Memmius, l'accusant de plusieurs cas deuant le peuple, plus en faueur de Pompeius que pour inimitié particuliere qu'il eust à l'en-cōtre de luy. Mais Catō, tant pource qu'il estoit son allié, aiant espousé sa sœur Seruilia, comme aussi pource que le cas en foy luy sembloit inique, refista à ce Memmius, & soubsteint plusieurs calumnies & imputations: & à la fin, encore qu'il fust hors de son magistrat de Tribunat, comme seigneurie tyrannique, il feit neantmoins tant, qu'il cōtraignit Memmius de foy departir de ses accusations, & de fouyr la lice. Parquoy Lucullus aiant obtenu l'honneur de l'entree triumpnale, s'accoītra encore plus que iamais de Caton, estimant auoir en luy un grand boulevard & seur rempar à l'encontre de la puissance de Pompeius, lequel retournant quelque temps apres glorieux pour ses conquestes: & se cōfiāt que à la faueur de sa bienuēue il ne seroit refusé de chose quelcōque qu'il demandast à ses citoiens à son arriuee, il enuoya deuant requerir le Senat de uouloir pour l'amour de luy differer l'election des Consulz, iusques à ce qu'il fust à Rome, à fin qu'estāt present il peust fauoriser la poursuite de Piso qui demādoit le Consulat: à quoy comme la plus part du Senat se laissast aller, Caton à l'opposite y contredit, non qu'il estimast ceste remise estre chose de tant grande consequence, ains uoulant retrencher à Pompeius toute esperance d'attendre choses nouvelles & extraordinaires, & feit tellement chāger d'aduis au Senat, que sur l'heure mesme il fut debouté de sa requeste. Cela fāscha fort Pompeius, lequel s'apperceuant bien qu'il auoit Caton pour contraire en beaucoup de choses, s'il ne trouuoit moie de le gaigner, enuoya querir Munatius qui luy estoit fort familier, par l'entremise duquel il feit demander à Caton deux nieces qu'il auoit prestes à marier, l'une pour soy, & l'autre pour son filz ainsné. Les autres disent que ce n'estoient pas ses nieces, mais ses propres filles. Munatius feit le message à Caton, & à sa femme, & à ses sœurs, lesquelles desiroiēt singulierement ceste alliance pour la grandeur & dignité du personnage qui la demandoit: mais Caton sans dilayer, ny autrement en consulter à loisir, ains comme picqué, respondit tout sur l'heure, Retourne Munatius, retourne deuers Pompeius, & luy dy, que Caton n'est point prenable par le moien des femmes, non qu'il n'ait autrement bien chere son amitié: car là ou il ne uoudra faire & poursuire que choses iustes, il trouuera en luy amitié plus seur & plus certaine que nulle alliance de mariage: mais au demourant, qu'il ne bailleroit iamais ostages à l'appetit de Pompeius contre la chose publique. Les femmes furent sur l'heure bien malcontētes de ce refus, & ses amis mesmes blasmerent sa responce, comme superbe & inciuile: mais depuis il aduint que Pompeius prattiquant de faire elire Consul l'un de ses amis, enuoya de l'argent par les lignes pour achepter & corrompre les uoix du peuple, & sur ceste corruption

A ruption assez notoire, pource que l'argent fut compté dedás les iardins mesmes de Pompeius: parquoy Caton adonc remonstra aux femmes de sa maison, que fil se fust obligé par alliance de mariage à Pompeius, il eust esté cōtrainct d'auoir tous les iours part à l'infamie de telz actes: quoy entédu elles mesmes confesserent alors, qu'il auoit plus sagement fait de refuser une telle affinité, que elles de la desirer. Toutefois, fil fault iuger du conseil par les euenemens des choses, il me semble que Caton feit une tresgrande faulte de reietter ceste alliance, pource qu'en ce faisant il fut cause que Pompeius se tourna du costé de Cæsar, & prit une alliance, laquelle uenant à conioindre en un la puissance de Cæsar & celle de Pompeius, cuida ruiner de fond en cōble tout l'empire Romain;

B à tout le moins changea elle entierement tout l'estat du gouuernement de la chose publique: dont il ne fust à l'aduenture rien aduenu, si Caton craignant partrop les lourdes faultes de Pompeius, n'eust esté cause de luy en laisser faire encore de plus lourdes, en augmentant la puissance d'un autre: mais cela estoit lors encore à aduenir. Au demourant Pompeius estant en debat contre Lucullus, touchant certaines ordonnances qu'ilz auoient faittes au royaume de Pōt, pource que l'un & l'autre uouloit que les sienes eussent lieu, Caton fauorisa à Lucullus, auquel notoiremēt on faisoit tort, à raison de quoy Pompeius uoiant qu'il auoit du pire au Senat, recourut au peuple, & meit en auant l'edict de faire departir des terres aux gens de guerre: mais Caton s'opposant encore là, feit reietter son edict, qui fut cause que Pompeius par despit s'accointa lors de Publius Clodius, le plus seditieux & le plus audacieux de tous ceulx qui se mesloient de prescher lors le peuple: & fallia aussi en un mēme temps de Cæsar, dont luy mesme luy en bailla l'occasion & le commencement, pource que Cæsar retournant de sa preture d'Hespagne, demandoit l'honneur du triumphe, & tout ensemble uouloit aussi briguer & poursuiure le Cōsulat: mais il y auoit une ordonnance au contraire, car il falloit que ceulx qui aspiroient à quelque magistrat fussent en personne dedans la uille, & que ceulx qui aspiroient à faire entree triumpnale attendissent au dehors, pource requit il au Senat qu'il fust dispensé de pouuoir demander le Cōsulat par personnes interposees, à quoy

C la plus part du Senat consentoit: mais Caton y contredisoit, & uoiant que les autres Senateurs inclinoient à uoloir gratifier à Cæsar, quād ce uint à luy à dire là dessus sa sentence, il consuma tout le iour à parler, & engarda par ce moie que le Senat ne peut rien conclure: parquoy Cæsar laissant la poursuite du triumphe, se meit à briguer le Cōsulat, & l'amitié de Pompeius. Si fut eleu Consul, & incontinent apres donna sa fille Iulia en mariage à Pompeius, & aians fait entre eulx comme une conspiration à l'encōtre de la chose publique, l'un meritoit en auant des edicts, par lesquelz il pretendoit faire distribuer des terres aux pauures citoiens Romains, & l'autre les defendoit: de l'autre costé Lucullus & Cicéron se bendans avec l'autre Consul, qui estoit Bibulus, faisoient tout ce qu'ilz pouuoient à l'encontre: mais principalement Caton, lequel aiant pour fort suspecte ceste alliance de Cæsar & de Pompeius, comme n'estât point faite pour aucune bonne intention, disoit qu'il ne craignoit pas tant ceste distribution de terres, comme il redoubtoit la recompense qu'en demanderoient ceulx qui par telz moiens alloient allechans & appastans le commun populaire. En quoy tout le Senat fut bien de son aduis, & plusieurs autres gens de bien qui n'estoiēt pas du Senat se rengeoiēt aussi de sa part, se bahissans & se courrouceans grandement de ceste estrange importunité de Cæsar, lequel avec l'au-

Caton d'Utique.

thorité Consulaire, alloit mettant en auant les mesmes choses que souloient F
proposer les plus seditieux & plus audacieux Tribuns du peuple, pour gagner
la grace de la commune, & alloit ainsi uillement & laschement mendiant
la faueur du menu populaire. Parquoy Cæsar & ses adherents, craignans des
grâds aduersaires, y procederēt par uieue force: car premieremēt il fut ietté sur
la teste de Bibulus, ainsi cōme il s'en alloit sur la place, un plein panier de fiāt
& d'ordure, & rompit on à force les uerges que les sergens portoient deuant luy,
iusques à ce que finalement coups de traiçt uolans de tous costez contre eulx,
& plusieurs y estans blecez, tous les autres abandonnerent la place, fuyās à ual
de rouverte: mais Caton se retira le dernier, marchant son petit pas ordinaire, &
encore se retournant souuent en maudissant telz citoiens. Si feirent les autres, G
non seulement passer leur edict par les uoix du peuple, touchant la distribu-
tion des terres aux pauures: mais, qui plus est, y feirēt adiouxter, que tout le Se-
nat seroit tenu de iurer qu'il ratifieroit le cōteu en l'edict, & y tiēdroit la main
fil serrouoit aucun qui attentaist de uouloir aller au contraire, sous grandes
peines à qui refuseroit de passer ce serment. Tous les autres Senateus iurerent
par force, se souuenans de l'inconuenient qui estoit iadis aduenü à l'ancien
Metellus, lequel fut banny de l'Italie pour n'auoir pas uoulu iurer de maintenir
& garder un edict semblable: à l'occasion dequoy les femmes supplierent en
priué avec force larmes Catō, qu'il uoulust un peu fleschir, & iurer: aussi feirent
ses familiers & amis, mais celuy qui plus le persuada & le conduisit à iurer, fut H
l'orateur Ciceron, qui luy remonstra, que à l'aduenture n'estoit il pas raison-
nable de uouloir seul desobeir à ce qui auroit semblé bon & iuste à tous les autres
ensemble, & que ce seroit fait en homme totalement insensé de se precipiter
soymesme en un euidēt peril, pour cuider empescher une chose qui estoit desia
toute faite: mais encore, q̄ le plus extreme mal qu'il y auroit en cela, seroit, s'il
abandonnoit & laissoit en proye la chose publique, pour le bien de laquelle il
faisoit toutes choses, à ceulx qui espioient tous les moiens de la ruiner, comme
s'il fust bien aise de n'estre plus en peine de la defendre à l'aduenir: Car si bien
Caton, disoit il, n'a que faire de Rome, certainement Rome a affaire de Caton,
& aussi ont tous ses amis: desquelz luy mesme se disoit estre le premier qui en I
anoit besoing, à cause que manifestemēt Publius Clodius, par le moien du Tri-
bunat, dresseoit embusche pour le chasser hors du païs. Lon dit que ces prieres
& remonstrances faites à Caton en priué dedans sa maison, & en public sur la
place, l'amollirent un peu, & le feirent à la fin uenir iurer le dernier de tous, ex-
cepté Faonius, qui estoit l'un de ses familiers amis. Parquoy Cæsar eleué en cou-
rage pour auoir cōduit à fin ceste siene premiere entreprise, meit en auāt encore
un autre edict, par lequel il departoit presque toute la cāpagne, & tout le païs q̄
lō appelle Terre de labeur, aux pauures & necessiteux citoiēs de Rome. Auquel
edict personne ne s'opposa que Caton: & Cæsar le feit prendre par ses sergens
dedans la tribune mesme aux harēgues pour le mener en prison: mais pour cela K
il ne fleschit point, ny ne remeit rien de la franchise de son parler, ains en allāt
continua tousiours de discourir à l'encontre de cest edict, & d'admonester le
peuple de reietter ceulx qui mettoient telles choses en auant. Tout le Senat s'en
alla apres luy, & la plus saine partie du peuple aussi, montrans assez par leur
triste silence, qu'ilz estoient en eulx mesmes desplaisans & courroucez de l'in-
iure que lon faisoit à un tel personnage: tellement que Cæsar mesme s'apperceut
bien que le peuple en estoit mal content, toutefois il s'opiniastra attendant
tousiours

- A** rrousiours que Caton de luy mesme en appellast & priaist le peuple : mais quand il cogneut euidentement, que iamais il ne le feroit, à la fin uaincu de la honte & du deshonneur que ce luy estoit, il supposa & attiltra luy mesme l'un des Tribuns du peuple, qui alla oster Caton d'entre les mains des sergens. Finablement l'issue de toute ceste pratique fut, qu'apres auoir bien gagné le peuple par telz edicts & telles gratifications, ilz feirent decerner à Cæsar le gouuernement de toutes les Gaules, tant deça que dela les monts, & de toute l'Esclauonie, avec un exercite de quatre legions, & pour l'espace de cinq ans, combien que Caton predist & denonceast assez au peuple, que luy mesme avec ses propres uoix logeoit le tyran dedans la forteresse, qui luy mettroit un iour le pied sur la gorge.
- B** Ilz feirent aussi elire Tribun du peuple Publius Clodius, quoy qu'il fust de maison patricienne, ce qui estoit expressement defendu par les loix: mais ce Clodius leur auoit promis qu'il diroit & feroit tout ce qu'ilz uoudroient pour eulx, prouueu qu'en recompense ilz luy aidassent à chasser Ciceron hors de la uille de Rome: & d'auantage ilz feirent designer Consulz pour l'annee ensuyuant, Calpurnius Piso, pere de la femme de Cæsar, & Gabinius Paulus, homme du tout fait à la deuotion, & selon le cueur de Pompeius, comme escriuent ceulx qui cognoissoient sa uie & ses meurs. Mais cōbien qu'ilz teinssent la chose publique si fermement embrassée, & qu'ilz eussent reduit au dessoubz d'eulx une partie de la uille par amour, & l'autre par crainte, encore neantmoins redoubtoient ilz tousiours Caton, considerans qu'en ce qu'ilz estoient uenez au dessus de luy, ce auoit esté à toute peine avec difficulté grande, & non sans leur honte, aians esté contraincts de uenir à la force, encore n'en auoient ilz iamais cuidé uenir à bout. Qui plus est, Clodius n'esperoit pas pouuoir iamais chasser ny ruiner Cicero, tant que Caton seroit present: & ourdissans les moiens de le pouuoir faire, si tost qu'il fut installé en son magistrat, il enuoya querir Caton, & luy commença à dire, qu'il l'estimoit le plus homme de bien & le plus entier qui fust dedans Rome, & qu'il estoit prest à le luy monstrier par effect: car là ou il y en auoit plusieurs qui le requeroient de leur faire tumber entre mains la cōmission d'aller en Cypre contre le Roy Ptolomeus, il n'estimoit point qu'il y en eust d'autre qui meritaist cest hōneur que luy, & que pour l'affection qu'il luy portoit, il luy feroit uoluntiers ce plaisir. Caton se prit incontinent à crier, que cela estoit une embusche & une iniure, non pas un plaisir: & Clodius adonc luy repliqua fierement & superbement, Et bien, puis que tu n'y ueux dōques aller de gré, ier'y feray aller par force. ce qu'il feist. Car à la premiere assemblee de uille il luy en feist decerner la cōmission: mais pour y aller il ne luy ordōna ne uaisseaux, ny gens de guerre, ny aucuns ministres, sinō deux secrettaires seulement, dont l'un estoit larron & fort mauuais hōme, l'autre estoit un suiuant de Clodius: & encore comme s'il luy eust donné peu affaire en Cypre contre Ptolomeus, il luy feist d'auantage commander d'aller puis apres remettre les bānits de la uille de Byzance en leur païs & en leurs biens, à fin de le tenir plus longuement hors de Rome, tāt qu'il seroit en son magistrat: parquoy se uoiāt estrainct de telle necessité, il conseilla à Ciceron, lequel estoit desia poursuiuy par Clodius, qu'il n'entraist point en cōbustion avec luy, & qu'il ne iettast point la uille de Rome en guerre ciuile & en meurtres pour l'amour de luy, ains que plus tost il s'absentast pour un temps, à fin qu'il fust une autre fois cause de preseruer son païs. Cela fait il enuoya deuant un sien amy Canidius en Cypre deuers Ptolomeus, pour luy suader qu'il cedast sans uenir aux armes, & qu'en ce faisant, il

Caton d'Utique.

n'auroit faulte ny d'honneur ny de biens, pource que le peuple Romain luy ot- F
troyeroit la prelatore de Venus en la uille de Paphos. Ce pédât luy demoura en
l'Isle de Rhodes à faire ses preparatifz en attendant la respōce. Mais sur ces en-
trefaittes Ptolomeus le roy d'Egypte pour quelque courroux & quelque dif-
ferent qu'il eut avec ses subiects, s'estant party d'Alexandrie pour s'en aller à Ro-
me, en esperance que Cesar & Pompeius le remettroient incontinent avec une
grosse armee en son royaume, uolul bien en passant parler à Caton: si enuoya
deuers luy, esperāt que aussi tost comme il scauroit sa uenue il le ueroit ui-
siter. Caton estoit lors d'auenture à ses affaires, qui respondit au messager, que
Ptolomeus uint deuers luy sil uouloit. ce qu'il feit: mais Caton ne luy alla point
à l'encontre, ny ne se leua point au deuant de luy, ains le salua seulement tout en G
la sorte qu'il eust fait le premier uenu, & luy dit qu'il l'asseist. Cela premiere-
ment estonna ce Roy, de uoir sous un si simple & si petit equipage une telle
grauité & si grande haultesse es façons de faire de Caton: mais quand il fut un
peu entré en propos de ses affaires, & qu'il entendit une parole pleine de sens &
de sain iugement, par laquelle il le tenoit franchement, & luy remōstroit l'er-
reur qu'il faisoit, d'abandonner une si grande opulence & felicité royale pour
faller soubmettre à tant d'indignitez de faire la court, à tāt de travaux, & à tant
de corruptions de presens qu'il luy conuiendroit faire pour gagner l'auarice
de ceulx qui auoient credit & autorité dedans Rome, laquelle estoit tant in-
fatiable, que le royaume d'Egypte, quand bien il seroit tout entierement con- H
uert en argent pour leur bailler, à peine leur suffiroit: à l'occasion dequoy il
luy cōseilloit de s'en retourner tout court, & de chercher les moies de se recon-
cilier & rappointer avec ses subiects, luy disant d'auantage, qu'il estoit contēt
de s'y en aller quand & luy pour s'entremettre de faire son appointment. Pro-
lomeus adonc reuenant comme d'une pasmoison ou d'une alienation d'enten-
dement en son bon sens, considerant la uerité en soy, & la profonde sagesse de
ce personnage, fut entredeux de suiure son conseil: & l'eust fait, n'eust esté que
ses gens l'en destournerent: mais quand il fut arriué à Rome & qu'il luy fallut
aller faire la court aux portes de ceulx qui auoient autorité & qui estoient en
magistrat, il souspira, & regretta fort alors la folie qu'il auoit faitte, comme I
n'ayant pas mesprisé le conseil d'un sage homme, ains plus tost l'oracle d'un
Dieu. Au demourant l'autre Ptolomeus, qui estoit en Cypre, de bonne aduen-
ture pour Caton, se feit luy mesme mourir avec du poison: & pource que lon di-
soit qu'il auoit laissé grosse somme de deniers, Caton delibera de s'en aller en
personne à Byzance, & enuoya en Cypre son nepueu Brutus, pource qu'il ne se
fioit pas trop à Canidius. Et apres auoir remis les bannits de Byzance en grace
avec les autres citoiens, & pacifié tous les differents qu'ilz auoient ensemble,
alors il s'en retourna en Cypre, là ou il trouua une grande & royale richesse de
meubles precieux, comme uaisselle d'or & d'argēt, tables, pierreries, tapisseries,
& draps de pourpre, qu'il falloir tout uendre & en faire argent, il y uolul user K
d'un extreme soing & diligēce, en tirant les choses iusques aux plus haults pris
qu'elles eussent sceu ualoir, & assister à tout, pour tenir compte iusques au der-
nier denier: pour quoy faire il ne se fia point aux vs & coustumes de lencan: car
il auoit tous les ministres qui s'e entremettoient pour suspects, cōme les crieurs,
les encherisseurs, iusques à ses propres amis, & pourtant parloit il luy mesme à
part aux acheteurs qui mettoient à l'enchere, leur faisant haulser les pris, de
sorte que la plus part des choses qui estoient en uente furent ainsi estrouffees.

- A Cela irrita fort ses amis, quand ilz apperceurent qu'il se des fioit d'eulx, mesme-
ment Munatius qui estoit son plus familier, lequel en prit un si grâd despit, que
jamais depuis ne se cuida r'appaier: de sorte qu'au liure que Cesar composa de-
puis contre luy, ceste partie de son accusation est l'endroit, auquel il insiste le
plus longuement & plus aigremēt. Toutefois Munatius mesme escrit, que ce
courroux n'aduint point par aucune desfiace de Catō, ains plus tost par le peu
de respect que Munatius mesme luy portoit, & pour un peu de ialousie qu'il eut
de Canidius: car il a escrit un liure des faicts & dicts de Caton, que Thraseas a
fuiuy en son histoire plus que nul autre, & en ce liure il eserit qu'il arriua en
Cypre le dernier, là ou on luy bailla un meschant logis, dont les autres n'a-
uoiet point uoulu: &, qui plus est, quand il cuida entrer au logis de Caton, on
luy refusa la porte, à cause qu'il estoit empesché à emballer quelque chose avec
Canidius: dequoy s'estant plaint assez modestemēt, encore luy feit on une fort
rigoureuse responce, c'est à sçauoir, Que le trop aimer bien souuēt est cause de
faire hair, ainsi comme escrit Theophrastus: comme maintenant, pource que
tu m'aimes extremement, & qu'il te semble que ie ne fais tel compte de toy que
tu merites, tu te courrouces: & ie te declare, que i'emploie Canidius plus uou-
luntiers que les autres, pource que ie le cognois homme de bon esprit, fidele, &
experimenté, estant uenu des le cōmencement, & aiant, à ce que i'ay peu ueoir,
tousiours eu les mains nettes. Caton auoit premierement dit ces paroles à Mu-
nati-
C nati-
dius de seul à seul: mais depuis il cogneut qu'il les auoit aussi referces à Cani-
dius, à l'occasion dequoy il n'alloit plus soupper comme il auoit accoustumé
chez Caton: & estant appellé au conseil, il ne s'y uouloit pas trouuer, tant que
Caton le menassa qu'il feroit saisir ses meubles & son bagage, comme lon fait
à ceulx qui sont desobeissans à iustice: mais Munatius pour cela ne s'en soucia
point, ains remonta sur mer, & s'en retourna à Rome, là ou il garda bien lon-
guemēt son courroux, iusques à ce que Martia, laquelle estoit encore avec Ca-
ton, parla à luy, & aians tous deux esté conuiez de soupper chez un amy cōmun
nommé Barca, Caton y arriua, que tous les autres estoient desia à table, & de-
manda ou il se ferroit. Barca luy respondit qu'il se meist là ou il luy plairoit: &
D apres auoir regardé par rout, il dit, Je me ueux mettre icy aupres de Munatius:
& feit un circuit pour s'y aller mettre, sans toutefois luy faire autre careffe durāt
tout le soupper. Ceneātmoins depuis à l'instance de Martia, qui l'en pria, Ca-
ton luy escriuit qu'il uouloit parler avec luy, & y alla Munatius des le matin, là
ou Martia le reteint iusques à ce que tous les autres qui estoiet aussi uenuz saluer
Caton, sen fussent allez: & adonc Caton l'embrassa, & luy feit toutes les caref-
fes qu'il est possible de faire. Nous auons bien uoulu racompter cela un peu au
long, estimans que ces petites choses là faittes en priué, donnent autant & plus
à cognoistre les meurs & le naturel des hommes, que font les grandes desfait-
tes en public deuant tout le monde. Au reste Caton en ceste siene commission
E assembla bien iusques à enuiron la somme de * sept mille talents: & craignant
la longueur du uoyage qu'il auoit à faire par mer, il feit faire plusieurs petits
coffrets, desquelz chascun contenoit enuiron douze cents cinquante escus, &
attacha à chascun une fort lōgue corde, au bout de laquelle il y auoit une biē
grande piece de liege, à fin que si par cas d'aduenture la nauire uenoit à se rom-
pre, ces lieges monstrassent l'endroit ou seroit l'argent au fond de la mer: ainsi
fut tout cest argent, excepté bien peu, conduit à sauueré iusques dedans Rome.
Mais aiāt redigé par escript en deux liures tout ce qu'il auoit fait en ceste char-

* Quatre mil-
lions deux cents
mille escus.

Caton d'Utique.

ge, il n'en peut sauuer ny l'un ny l'autre: car un de ses serfs affranchis nommé Philargyrus en portoit l'un, lequel festant embarqué au port de Cenchrees fut noyé, & le liure qu'il auoit perdu quād & luy: & l'autre, luy mesmes l'auoit biē cōtregardé iusques à Corfou, là où il se logea sur la place de la uille, y aiant fait tēdre ses tentes: mais les mariniers aiās froid la nuit, feirēt un si grād feu qu'il se prit aux têtes, & brusta ce liure entre autres choses. Toutefois il menoit quād & luy les seruiteurs du feu roy Ptolomeus, qui de son uiuant auoiēt eu en garde & en maniemēt ses meubles & ses finances, lesquelz estoiet pour clorre la bouche à ses enuieux & mal ueuillans qui l'eussent uoulu calumnier de quelque chose: toutefois il ne laissa pas de luy en faire bien mal, non qu'il eust ainsi soigneusement fait ce proces uerbal de toute son administratiō pour approuuer sa foy & faire cognoistre sa loyauté, ains pour seruir aux autres d'exēple d'exquise diligence: mais la fortune luy enuia cest hōneur. Il arriua iusques dedans la uille de Rome par eau, & si tost que lō entēdit qu'il approchoit, tous les magistrats, les presbtres, tout le Senat, & une bonne partie du peuple sortirent au deuant de luy le long de la riuere, de sorte que les deux riuēs du Tybre estoient toutes couuertes de monde, & sembloit proprement à le uoir ainsi rebourser la riuere, que ce fust comme une entree triumphale: toutefois il y en eut qui trouuerent cela presumptueux & de mauuaise grace, qu'estās les Consuls & les Preteurs sortis au deuant de luy, il ne fait point arrester son uaisseau, ains continua de uoguer tousiours contremont l'eau, estant dedans une galere royale à six rames pour banc, & n'arresta oncques que toute sa flotte ne fust arriuee au port: toutefois quand on uint à porter à trauers la place l'or & l'argent iusques dedans le tresor, le peuple s'esbahit d'en ueoir une si grande quantité, & le Senat assemblé, luy decerna avec treshonorables paroles un office de Prateur extraordinaire, & priuilege de assister aux ieux en robe de pourpre. Caton refusa ces honneurs, mais il pria le Senat de donner liberté à un Nicias, maistred'hôtel du feu Roy Ptolomeus, tesmoignant le soing, la loyauté, & bonne diligence, dont il auoit usé en cest affaire. Philippus pere de Martia, estoit ceste annee là Consul, de sorte que toute la dignité & l'authorité du Consulat, reuenoit à Caton, pour autant que l'autre Consul ne luy faisoit pas moins d'hōneur pour sa uertu que Philippus pour son alliance. Au reste, Ciceron estant retourné de l'exil, auquel l'auoit chassé Publius Clodius, & à son retour aiant grand credit sen alla un iour au Capitole en l'absence de Clodius arracher & oster par force des tables que Clodius y auoit consacrees, esquelles estoit contenu tout ce qui s'estoit fait durant le temps de son Tribunat: surquoy s'estāt le Senat assemblé, Clodius l'accusa de ceste uiolence & uoie de fait. Ciceron luy respondit, que son election au Tribunat aiant esté faite directement contre l'expresse prohibition des loix, estoit nulle, & par consequent tout ce qu'il auoit ou fait, ou dit en iceluy: mais en cest endroit Caton prit la parole, & se leuant dit, qu'il estoit bien d'aduis qu'en toute l'administratiō de Clodius, il n'y auoit rien eu de sain. K ny de bon, toutefois que si on cassoit & annulloit generalement tout ce qui auroit esté fait sous son autorité, il seroit force que lon annullast aussi tout ce que luy auoit manié en Cypre, pource que la commission, en uertu de laquelle il y auroit besongné, n'estoit pas legitime, puis que le magistrat, qui la luy auroit fait decerner, auoit esté indeuēment eleu. Mais pour estre Clodius de maison patriciene, son election au Tribunat, ne uenoit point à estre faite cōtre les loix: car il estoit passé par adoption en une famille populaire, ce que la loy luy per-

- A permettoit, & s'il auoit mal uersé en son estat, comme beaucoup d'autres, il s'en falloit adresser à luy pour luy faire reparer sa faulte, & s'en prendre à l'homme qui auoit abusé, non pas destruire l'autorité du magistrat, qui n'en pouuoit mais. Ciceron fut mal content de Caton pour ceste contradiction, & desista bien long temps de luy monstrier signe d'amitié, comme il faisoit au parauant: mais depuis ilz se reconcilierent ensemble par une telle occasion. Pompeius & Crassus aians esté parlementer avec Cæsar, lequel à ceste intention auoit repassé les mōts des Alpes, auoient arresté entre eulx, qu'ilz demanderoient un second Consulat, & quand ilz seroient instalez en l'estat, ilz feroient prolonger à Cæsar son gouuernement, pour encore autant de temps cōme il l'auoit desia
- B tenu, & se feroient aussi bailler à eulx mesmes des prouinces les meilleures & les plus grandes, avec de puissantes armées, & argent pour les entretenir & soudoyer: ce qui estoit une manifeste conspiration, pour departir entre eulx tout l'empire Romain, & ruiner entierement la chose publique. Il y auoit lors plusieurs gens d'honneur qui se preparoient pour demander le Consulat: mais quand ilz ueirent que Pompeius & Crassus se presentoient à la poursuite, tous les autres se deporterent, excepté Lucius Domitius, qui auoit espousé Porcia, la sœur de Catō: à la suasion duquel il ne se uouloit point deporter de sa poursuite, ny ceder en un combat, ou il n'estoit pas question d'un magistrat, ains de la liberté mesme du Senat & du peuple Romain. Si courut incontinent un bruit
- C parmy la plus saine partie du peuple, qu'il ne falloit pas permettre que la puissance de Pompeius se ioignist à celle de Crassus par le moien de ce magistrat, pource que lors elle seroit de beaucoup trop grande & trop forte, & qu'il en falloit pour le moins oster l'un: à l'occasion dequoy les bons se rengeoient de la part de Domitius, l'admonestans & enhortans de poursuiure à bon esciant, & qu'il trouueroit plusieurs de ceulx qui n'ozoient parler ouuertement, pour la crainte de ces deux puissans personages qui luy fauoriseroiēt au iour de l'election, quand ce uiendroît à dōner les uoix. Ce que craignans Pōpeius & Crassus, dresserent une escarmouche à Domitius le matin auant iour, ainsi comme il s'en alloit avec des torches au champ de Mars ou se faisoit l'election, & là
- D le premier qui portoit la torche deuant Domitius, fut nauré si griefuement, qu'il tumba mort à ses pieds, & apres on frappa sur les autres, qui se sentans blecez s'en fouyrent, les uns d'un costé, les autres d'un autre, excepté Domitius & Caton: car Caton le reteint, combien qu'il fust luy mesme blecé en un bras, en le priant de demourer, & de n'abandonner point la defence de la liberté à l'encontre des tyrans, qui donnoient assez à cognoistre comment ilz useroient de leur magistrat, puis qu'ilz y aspiroient & y pretédoient par si malheureuses & si meschantes uoies: toutefois à la fin Domitius ne uolut plus demourer en ce peril, ains s'en fuit en sa maison. Ainsi furent Crassus & Pompeius declarez Consulz sans contredit: mais Caton pour cela ne se rendit point encore, ains se
- E presenta luy mesme à demander un office de Præteur, à fin que ce luy fust à tour le moins comme un fort, pour de là faire teste à l'encontre de leur Consulat, & que n'estant point personne priuee, il eust plus d'autorité pour resister à ceulx qui tenoient les premiers & principaux magistrats. Mais eulx craignans que la Præture pour la reputation de Caton, neuint à estre en autorité & puissance egale au Consulat, feirent premierement assembler à la haste le Senat, sans que la plus part des Senateurs en sceust rien, & en celle assemblee feirēt arrester par decret du Senat, que ceulx qui seroient cleuz Præteurs, entreroient incontinent

Caton d'Vtique.

en possession & exercice de leurs offices, sans attendre le temps prefix & ordonné par les loix, durant lequel on pouuoit mettre en iustice, ceulx qui auroient achepté à deniers comprans les uoix du peuple, puis aiant par ce decret forgé une impunité & licence de mal faire à ceulx qui y pretendoient par telz moiens, ilz meirent en auant à ceste brigue quelques uns de leurs ministres, donnans eulx mesmes l'argent pour corrompre le peuple, & presidés eulx mesmes à l'election: mais nonobstans toutes leurs menées, la uertu & reputation de Caton les surmontoit encore, pour ce que le peuple luy portoit une si grande reuerence, qu'il estimoit que ce seroit une indignité trop lasche de uendre Caton par ses suffrages, qui meritoit d'estre achepté pour le faire Præteur, tellement que la premiere lignee estant appelée pour donner ses uoix, le declara Præteur: ce que G uoiant Pompeius rompit aussi tost l'assemblée de l'election, faignant trop de honteement, qu'il auoit ouy tonner, pource que les Romains ont accoustumé de détester cela, & ne iamais ratifier rien, quand il suruient quelque tel signe & prodige celeste: mais depuis ilz baillerent encore plus d'argent que deuant, & avec cela chasserent les plus gens de bien hors du chāp de Mars, & feirent tāt à la fin par leurs pratique, que un Vatinius fut eleu & déclaré Præteur au lieu de Caton: & dit on que ceulx qui auoient si iniquemēt & si meschamment employé leurs uoix, comme par un remors de conscience, s'en fouirent incontinent du champ, & les gens de bien demourerēt fort desplaisans du tort que lon auoit fait à Caton. Il se trouua là un des Tribuns du peuple, qui teint assemblée H de uille, là ou Caton se tirant en auant, predict hault & clair deuant toute l'assistance comme s'il eust esté inspiré de quelque diuin esprit prophetique, tout ce qui estoit pour aduenir de ces menées à la chose publique, & irrita les escourans à l'encontre de Pompeius & de Cæsar, en remonstrant qu'ilz se sentoient coupables de telz attentats, & pretendoient à faire de telles choses au manie- ment des affaires qu'il auoient craint que Caton ne fust eleu Præteur, de peur qu'il ne les esclairast de trop pres, ou qu'il n'empeschast leurs desseings. Fina- blemēt quand il s'en retourna en sa maison, il fut accompagné luy seul de plus de gens, que ne furent tous les autres ensemble, qui auoient esté eleuz Præteurs. Et cōme Caius Trebonius Tribun du peuple eust mis en auāt un edict touchāt I la distribution des prouinces aux nouveaux Consulz, que l'un eust toutes les Hespagnes & toute l'Afrique, & l'autre toute l'Ægypte & toute la Syrie, avec puissance de faire la guerre à qui bon leur sembleroit, tant par mer que par terre, tous les autres n'esperans pas le pouuoir empeschier ne rien faire al'encōtre, se deporterent aussi d'y contredire: mais Caton estant monté sur la tribune aux harengues, auant que le peuple commenceast à donner ses suffrages, à peine luy uolurent bailler deux heures pour parler, encore à la fin uoians qu'il tiroit la chose en longueur pour consumer le temps à les prescher, & leur remon- strer ce qui en aduiendroit, ilz ne le uolurent plus laisser dire, ains en- uoyerent un sergēt qui le tira à bas par force: & comme neantmoins pour estre K à bas, il ne cessast point de crier, & que plusieurs prestaissent l'oreille à ses paroles & s'en emeussent, le sergent l'alla encore prendre, & l'emmena hors de la place: mais il ne l'eut pas plus tost lasché, qu'il s'en retourna incontinent uers la tribune aux harengues, ou il recommença à crier plus que iamais, en harrant le peuple de uoloir auoir l'œil à secourir la liberré & la chose publique qui s'en alloit perdue, ce qu'il feit par tant de fois, que finablement Trebonius n'en pou- uant plus endurer, commanda au sergent de le mener en prison: mais le peuple fen

A fen alla apres l'escoutant tousiours & prestant l'oreille à ce qu'il disoit, de maniere que Trebonius mesme craignant qu'il n'en sourdistr quelque scandale, fut contraint de commander au sergent qu'on le laissast aller. Ainsi feit Caton passer tout ce iour là sans rien conclurre: mais le lendemain les adherents de la ligue contraire aians intimidé partie des Romains, & gagné l'autre par belles parolés & par corruption d'argent, engardé par force d'armes l'un des Tribuns du peuple Aquilius de sortir hors du Senat, & auoir ietté uiolentement Caton hors de la place, pource qu'il cryoit qu'il auoit tonné, & aians blecé sur la place mesme plusieurs hommes, dont les uns y moururent tout sur l'heure, ilz feirent à la fin passer leur edict à uiue force par les uoix du peuple. Dequoy plusieurs estans irritez s'en allerent en troupe pour renuerser & abbattre les images de Pompeius, mais Caton y suruenant les en garda: & comme puis apres on eust aussi proposé l'edict des prouinces & armées que Cæsar demandoit, Caton ne s'en adressa plus au peuple pour le cuider empescher, ains à Pompeius, luy denonçant & protestant, qu'il se mettoit luy mesme sur le col le ioug de Cæsar, dont il ne s'apperceuoit pas alors, mais que bien tost il luy commenceroit à peser, & s'en trouueroit pris & attaché: & lors quand il ne le pourroit plus supporter, ny trouuer moien de s'en dépestrer, il se reietteroit avec luy entre les bras de la chose publique, & luy souuiendrait des admonestemens de Caton, lesquels n'estoient pas moins profitables à Pompeius en particulier, que iustes & raisonnables en soy. Caton luy feit par plusieurs fois de telles remonstrances: mais Pompeius n'en teint compte, pource qu'il ne pouuoit pas croire que Cæsar se deust iamais changer, & qu'il se fioit trop en sa prosperité, & en la grandeur de sa puissance. Au reste Caton estant eleu Præteur pour l'année ensuiuant, sembla n'adiouxter pas tant d'honneur & de dignité au magistrat en l'administrant droittement, que luy en oster & le raualler, en allant souuent les pieds nuds & sans saye à son tribunal & siege Prætorial, president en tel estat à des iugemens criminelz, ou il estoit question de la uie de personnes de qualité: & disent aucuns qu'il tenoit l'audience mesmes apres disner, aiant beu du uin: mais cela n'est pas ueritable. Au reste uoiant que le peuple Romain estoit tout perdu & guasté par les corruptions de ceulx qui aspiroient aux magistrats, & que le peuple en faisoit desia un estat comme de gaing ordinaire, pour tascher à déraciner entierement ceuice de la chose publique, il suada au Senat de faire un statut & ordonnance, Que desormais ceulx qui seroient eleuz à quelque magistrat, s'ilz n'auoient personne qui les accusast, fussent tenus de s'en uenir d'eulx mesmes presenter en iugement: & apres auoir presté entre les mains des iuges le serment de dire uerité, rendre compte & raison iudiciellement des moiés, par lesquels ilz seroient paruenus à leurs offices. Ceste ordonnace le rendit fort odieux à ceulx qui briguoient les offices, de sorte qu'un matin ilz s'en allerent en grand nombre au parquet ou il tenoit son audience, & se prirent à crier contre luy, en luy disant des iniures, & luy iettant des pierres, tellement que les assistans furent contraints de s'en fouir du parquet, & luy mesme en estant poulcé hors par la foule du peuple, & tiré ça & là, eut beaucoup d'affaire à gagner la tribune aux harengues, là ou se dressant en pieds, il reprima incontinent le bruit & l'emeure du peuple, par l'assurance & la seueré constance de son uisage seulement, puis leur aiant fait des remonstrances telles que le temps & l'affaire le requeroient en paisible audience, il appaisa en peu d'heure entierement tout le tumulte qui s'estoit emeu. Dequoy comme le Senat

Caton d'Vtique.

le louast, il leur dit à tous hault & clair, Et ie n'ay point occasion de uous louer, attendu que uous auez abandonné un Præteur en danger de sa personne, sans uous mettre aucunement en deuoir de le secourir. Mais ceulx qui briguoier les offices se trouuoient en grande perplexité, pource que d'un costé ilz craignoier de despendre argēt pour achepter les uoix du peuple, & d'autre costé aussi ilz auoier peur que un autre le faisant, ilz ne decheussent de leur poursuite. Si feirēt tous un accord ensemble, qu'ilz deposeroier chascun la somme de douze mille cinq cents escus, & puis feroient iustement & droitement leur poursuite, à la charge, que-celuy qui se trouueroit y auoir fait faulte, & qui se seroit aidé de corruption, perdist l'argent qu'il auroit posé. Cest accord faict entre eulx, ilz eleurent pour depositaire, tesmoing & arbitre Caton, entre les mains duquel il estoit dit qu'ilz deposeroient leur argent. Ce contract fut passé en sa maison, ou ilz baillerēt tous pleges & respōdans au lieu de l'argent, qu'il ne uolust pas recevoir, & quand se uint au iour de l'election, Caton assistant à un Tribun du peuple qui la regissoit, & obseruant soigneusement comme lon procedoit à donner les uoix, apperceut que l'un des pouruiuans faisoit contre les pactions du contract, & le condamna à payer la somme accordee aux autres, lesquelz estimans & louans grandement sa iustice & entiere preudhomie, ne uolurent point de l'amende, iugeans que celuy qui auoit forfait, estoit assez puny d'estre seulement condamné par Caton. Cest acte despleut aux autres Senateurs, & suscita grande enuie à Caton, cōme sil se fust uolu attribuer à luy seul l'autorité & la puissance de tout le Senat, des iuges, & des magistrats. Car il n'y a point de uertu dont la gloire & la fiance engendre plus d'enuie, que fait la iustice, pource que ordinairement le peuple adiouxte foy & dōne autorité grāde à ceulx là, plus qu'à nulz autres: car il ne les honore pas seulement, comme il fait les uaillans, ny ne les a pas en admiration comme les sages & prudens, ains les aime d'auantage, se repose & se confie en eulx, là ou des autres il en craint les uns, & se desfie des autres: &, qui plus est, il estime que la uaillance & la prudence uienne plus tost de la force de nature, que de bōne uolunté, supposant que l'une soit une uiuacité & subtilité d'esprit seulement, & l'autre une force de cuer qui uiet de la nature, là ou chascun peult estre iuste prouueu qu'il leueille seulemēt, qui est la raison pourquoy l'iniustice est le uice dont on a le plus de hōte, pource que c'est une malice & mauuaistié qui n'a point d'excuse. Voila pourquoy tous les grands estoier ennemis de Caton, comme estans par luy conuaincus, mesmement Pompeius, qui estimoit que la reputation de Caton estoit la ruine de son autorité: & à ceste cause suscitoit tousiours quelqu'un pour le harceller, & luy dire des iniures, entre lesquelz estoit Publius Clodius, qui s'estoit derechef racointé avec Pompeius, & crioit à l'encontre de Catō, qu'il auoit derobbe beaucoup d'argēt au public en sa commission de Cypre, & qu'il faisoit la guerre à Pompeius, pourautant qu'il auoit refuzé d'espouser sa fille. A quoy Caton respondit, qu'il auoit rapporté de Cypre plus d'or & d'argent à la chose publique, sans un seul cheual ny un seul gendarme, que n'auoit Pompeius avec tous ses triumphes, & toutes ses guerres, dont il auoit traouillé tout le monde. Au demourant, qu'il n'auoit iamais recherché l'alliance de Pompeius, non qu'il l'en estimast indigne, mais pource qu'il uoyoit qu'il ne marchoit pas d'un mesme pied que luy en l'administration de la chose publique: Car on m'a offert un gouuernement de prouince au sortir de ma Præture que i'ay refuzé, là ou luy en prent à force, & en donne à d'autres: & en fin il a

A n'agueres presté une armee de six mille hommes à Cæsar pour s'en seruir en la guerre des Gaules, sans que ny l'autre nous l'ait demandee, ny luy la luy ait otroyee de nostre cōsentement: ains uoyons que telz exercites, tant d'armes, tant d'hommes & de cheuaux, sont deormais dons reciproques que s'entredonnēt & s'entreprestent noz particuliers citoiens à noz despens: & luy Pompeius retenant seulemēt le tiltre d'Empereur & de capitaine general, commet ses armees & ses prouinces pour les regir & gouverner à d'autres, pendant qu'il demeure icy à nourrir des seditions en la uille, & à susciter & entretenir des troubles es elections des magistrats, bastissant par tel artifice les moiens de mettre la chose publique en telle confusion, que lon soit contraint de luy donner & deferer puissance souueraine. Voila comment il se uengea de Pompeius. Or auoit il entre ses familiers un nommé Marcus Faonius, tel que lon dit qu'estoit anciennement Apollodorus le Phalerien à l'endroit de Socrates, qui le contrefaisoit & l'imitoit en tout ce qu'il pouuoit. Cest homme ne semouuoit pas lentement ny froidement de la raison, ains s'en passionnoit iusques à en sortir hors de soy & à en entrer en fureur. Il demanda une annee l'office d'Ædile, dont il fut deboutré: mais Caton qui luy assistoit à sa brigue, s'aduifa que les tables ou s'escriuoient les uoix, estoient toutes escrites d'une main, & par ce moien aiant cōuaincu la faulseté, il en appella deuant les Tribuns du peuple, & feit tant, que l'election fut declaree nulle. Et depuis Faonius aiant esté déclaré & instalé Ædile, Caton luy aida en toutes les autres charges de son magistrat, & mesmement à ordonner au theatre les ieux qui ont accoustumé de se faire à l'entree de ce magistrat pour donner passetemps au peuple, esquelz ieux il ne donna pas aux ioueurs, musiciens, & autres ministres des ieux, des courōnes d'or, comme faisoient les autres Ædiles, ains des chappelets faits de tendres branches d'oliuier sauuage, comme lon fait en la Gcece es ieux Olympiques: & au lieu que les autres distribuoient en leurs donnees aux pauures de riches dons, luy donna aux Grecs de natiō, de la poiree, des laitues, des réforts, & des poires: & aux Romains, des pots de terre pleins de uin, de la chair de porc, des figues, des concōbres, & des fagots de bois de petite ualeur: dont les uns se mocquoient pour la uilité, les autres les reueroient, uoians que Caton qui estoit si seuer & si austere de nature, s'en melloit, & peu à peu conuertissoient ceste reuerēce en plaisir. Et finablement Faonius luy mesme se iettant parmy le peuple, s'alla seoir entre les regardans pour uoir iouer ses ieux, & battoit le premier des mains applaudissant à Caton qui conduisoit tout, & luy criant tout hault qu'il donnast aux ioueurs qui faisoient bien, & qu'il les honoraist, incitant ceulx qui estoient aupres de luy de faire de mesme, leur disant qu'il auoit donné toute puissance à Caton en ses ieux. Au mesme temps Curion compagnon & concurrent de Faonius en cest office d'Ædile faisoit en un autre theatre des ieux magnifiques, mais tout le peuple l'abandonnoit pour aller ueoir Faonius, qui faisoit à bon esciant l'hōme priué, & Caton l'entrepreneur & le conducteur des ieux. Caton faisoit cela pour se moquer de la despence folle & superflue, que lon a accoustumé de faire en telles choses, & monstrier que qui ueult faire des ieux, il les fault faire en iouant, en les accompagnant d'une grace simple, non pas d'un appareil de grand coust, ny d'une superfluité sumptueuse, en employant beaucoup de sollicitude & de despence en choses de neant. Quelque temps depuis comme Scipion, Hypseus & Milon aspirassent tous trois ensemble au Consulat, non seulement par corruption & distribution de deniers, qui estoient ia-

Caton d'Vtique.

crimes tous communs & ordinaires es brigues des estats de la chose publique, ains ouuertement par armes, batteries & meurtres, tendans à guerre civile, tant ilz estoient tous trois audacieux & temeraires: aucuns meirent en avant que lon deuoit commettre la charge de presider aux elections à Pompeius, à fin que lon y procedast legitimement: à quoy Caton s'opposa du commencement, disant qu'il ne falloit pas que les loix prissent leur asseurance de Pompeius, ains au contraire, Pompeius d'elles. Toutefois à la fin uoiant que ce desordre duroit trop longuement, sans qu'il y eust de souuerains magistrats dedans Rome, & qu'il y auoit tous les iours, comme trois camps sur la place, tellement qu'il estoit bien difficile d'arrester desormais le mal, qu'il ne tirast plus oultre, alors il fut d'aduis, que plus tost que d'attendre l'extreme necessité, par uoluntaire concession du Senat, on meist les affaires de la chose publique es mains de Pompeius seul, en elisant le moindre mal pour obuier & remedier aux plus grands, & introduisant uoluntairement une espede de Monarchie, plus tost que de differer iusques à ce, que l'issue de ceste sedition en produisist une forcee & contrainte. Parquoy, comme Bibulus qui estoit allié de Caton, eust mis ce conseil en avant au Senat, qu'il falloit elire Pompeius seul Consul: pource, disoit il, que ou la chose publique retournera en bon estat par l'ordre qu'il y mettra, ou pour le moins Rome seruira au moins mauuais seigneur: Caton adonc se leuant, contre l'opinion & l'attente de toute l'assistance, approuua cest aduis, disant qu'il ualoit mieulx qu'il y eust un magistrat en la uille, quel qu'il fust, que de n'y en auoir du tout poit, & qu'il esperoit que Pompeius scauroit bien donner ordre à la confusion presente, & qu'il luy prendroit à la fin enuie de conseruer la chose publique, quād il uerroit que lon l'auroit ainsi liberalement commise à sa foy. Ainsi aiant esté Pompeius par ce moien eleu seul Cōsul, il l'enuoya prier de uenir un peu deuers luy es iardins qu'il auoit aux fauxbourgs de la uille. Caton y alla, ou il fut recueilly avec toutes les caresses, embrassemens & demōstrations d'amitié qu'il est possible de faire: & finablement Pōpeius, apres l'auoir biē fort remercié de l'hōneur qu'il luy auoit fait, le pria de luy uouloir estre assesseur & conseiller ordinaire en son magistrat. Caton luy respōdit, que ny il n'auoit dit ce qu'il auoit dit au parauant pour aucune malueuillāce qu'il luy portast, ny ce dernier aduis aussi pour bien qu'il luy uoulust, ains le tout pour le bien & l'utilité de la chose publique: au demourant, quant à ses affaires priuez & particuliers, qu'il le conseilleroit toutes & quātesfois qu'il luy en demanderoit son aduis: mais quant au public, qu'il en diroit tousiours ce qui luy sembleroit pour le mieulx, encore qu'il ne luy en demādaſt rien: & de faict il le fit tout ainsi comme il le dit. Car tout premier, comme Pompeius establist de griefues peines & amēdes nouuelles à l'encontre de ceulx qui par argent auroient corrompu les uoix du peuple, il luy conseilla de ne remuer rien du passé, ains seulement prouueoir à l'aduenir, pour autant qu'il seroit mal aisé de arrester un terme de temps, iusques auquel on deuroit rechercher les faulces passees: & que d'auantage, si lon establist les peines plus recentes que les crimes, on feroit tort à ceulx qui seroient appelez en iustice, de les punir par une ordonnance qu'ilz n'auroient point transgressée: & depuis aians esté accusez aucuns personages de qualite amis & familiers de Pompeius, Caton apperceuāt qu'il se laissoit aller, & fleschissoit en beaucoup de choses, il le redressa, & le tenſa bien asprement. D'auantage Pompeius auoit par edict aboly la coustume de louer en iugemēt les criminelsz

accusez,

A accusez, & neantmoins luy mesme aiant composé une harenque à la louange de Munatius Flaccus, l'enuoya aux iuges pendant que sa cause se plaidoit. Caton, qui d'adventure estoit un des iuges en ce proces là, boucha ses oreilles avec ses deux mains, defendant que lon ne leust ce tesmoignage là: à raison dequoy Flaccus le recusa encore apres que les plaidiers eurent esté ouys d'une part & d'autre: mais nonobstant cela, il ne laissa pas d'estre condemné pourtant. Brief Caton tenoit en telle peine & perplexité ceulx qui estoient accusez, qu'ilz ne sçauoient bonnement comment ilz deuoient faire de luy: car ilz ne l'ozoient laisser entre leurs iuges, ny le recuser aussi: car il y en eut plusieurs condemnez, pource qu'en refusant Caton, il sembla qu'ilz ne se confiasent point en leur innocence: & reprochoit on à aucuns pour un grand uitupere, qu'ilz n'auoient pas voulu accepter Caton pour iuge, quand on leur auoit présenté. Pendât que ces choses passioient à Rome, Cæsar estoit en la Gaule, ou il faisoit la guerre, & ne se departoit point des armes quant à luy: mais neantmoins par dons & argent, il alloit tousiours gagnant amis dedâs Rome pour y estre aussi puissant, de sorte que desia les admonestemens & prédictions de Caton, commencèoiēt à esveiller Pompeius du sommeil dont il auoit esté si longuement endormy, & à luy faire un peu songer au peril que parauant il n'auoit iamais voulu croire: mais toutefois le uoiant encore plein de paresse & de doubte, n'ozant mettre à bon esciant la main à l'œuure, pour empescher les desseings de Cæsar, il luy prit uolunté de demander le Consulat, en intention que ou il luy osteroit incontinent les armes, ou il descouueroit son embusche, & feroit ueoir la fin ou il pretendoit. Ses competeurs estoient deux autres gens de bien & honestes hommes aussi, dont l'un Sulpitius auoit receu beaucoup d'honneur & d'auancement par le moien du crédit & de l'autorité de Caton, à raison dequoy plusieurs estimoient qu'il ne faisoit gueres honestement, ains se monstroient ingrat, de soy formaliser contre luy en ceste poursuite: toutefois iamais Caton ne s'en plaignit, ains au cōtraire dit qu'il ne se falloir poit esbahir s'il ne uouloit point ceder à autrui, ce qu'il estimoit estre le plus grand bien qui luy peust aduenir: mais il suada au Senat de faire un statut, que desormais ceulx qui brigueroyent un estat suppleroiēt & requerroiēt eulx mesmes seuls le peuple, & ne le feroiēt point requérir par d'autres: ce qui irrita bien encore d'auantage le cōmun peuple contre luy, attendu que non seulement il leur auoit osté le gaing manuel de l'argent qu'ilz souloient receuoir es elections pour donner leurs uoix: mais encore les priuoit des moiens de faire plaisir à beaucoup de gens, rendât le populaire & pauvre & mesprisé tout ensemble. Qui plus est, n'ayant pas la grace attraiante pour gagner la faueur de la commune en priant soy mesme, ains aimant mieulx retenir la dignité de ses meurs & de sa uie, que d'acquérir celle du Consulat, luy mesme fait sa brigade, & ne uolut pas laisser faire à ses amis les choses par lesquelles on acquiert & gagne les cueurs d'une cōmune. il se trouua deboutté de sa demâde. Si auoit ce rebut accoustumé d'apporter, non seulement aux refusez, mais aussi à leurs parents, amis & alliez, un deuil & tristesse, avec une honte qui duroit par plusieurs iours: mais Caton en fait si peu de compte, que le lendemain au matin il ioua à la paulme avec ses familiers dedans le champ de Mars, & apres le disner s'en alla sur la place sans souliers en ses pieds & sans sayon, se promener comme il auoit accoustumé. Dequoy Ciceron le reprent, en ce que le temps aiant besoing d'un tel magistrat comme luy, il n'y auoit pas mis assez de peine, ny ne s'estoit estudié de gagner la faueur de la cō-

Caton d'Utique.

mune par courtoisie de les caresser & de leur parler doucement, & onques puis n'auoit voulu essayer d'y paruenir, ains s'en estoit totalement deporté, combien qu'il demanda depuis une autre fois l'office de Præture. A quoy Caton respondoit, que quant à la Præture, il n'en auoit point esté deboutté de la uolunté du peuple, pource qu'il auoit esté forcé, corrompu, & gagné par argent: mais en l'election des Consuls, n'y estant entreuenue corruption quelconque, il cogneut euidement que c'estoit pour estre desaggreable au peuple, à cause de ses meurs: lesquelz changer à l'appetit d'autrui, ou bien en usant de mesme, retomber encore en pareil inconuenient de refus, ne seroit pas faire en homme de sens & d'entendement. Au reste, Cæsar s'estant attaché à des nations fort belliqueuses, & les aiant, non sans grands traux & perilz subiuguees, & d'auantage aiant couru sus aux Allemans, avec lesquelz le peuple Romain auoit la paix, & en aiant bien desfait trois cents mille, ses amis requeroient que le peuple en feist sacrifices solennelz pour en rendre graces aux Dieux: mais Caton en plein Senat dit, qu'il estoit d'aduis, que lon le deuoit liurer entre les mains de ceulx qu'il auoit à tort oultragez, pour en faire telle punitiõ que bõ leur sembleroit, à fin de reietter sur luy seul tout le peché de la paix uiolee, & ne le receuoir point sur la uille qui n'en pouuoit mais: toutefois, dit il, biẽ deuõs nous faire sacrifices aux Dieux pour leur rẽdre graces de ce, quilz n'ont pas tourné la uengeãce de la fureur & temerité du capitaine sur noz pauures soudards q' n'en sont point coupables, ains ont pardonné à la chose publique. Dequoy Cæsar estant aduertý, escriuit une lettre missiue au Senat, cõtenant plusieurs iniures & plusieurs charges qu'il mettoit sus à Caton: lequel se leuant, non comme picqué de soudaine cholere ny d'enuie de cõtester, ains de sens froid & rassis, ne plus ne moins que s'il eust premedité de longue main ce qu'il auoit à dire, monstra que les imputations que Cæsar luy mettoit sus par ses lettres, n'estoient que broccards de mocquerie qu'il auoit ramassez, cõme pour se gaudir, ou pour faire rire la compagnie: mais à l'opposite commençant à descouurir tous ses conseils des son commencement, & toute son intention, aussi particulierement cõme s'il n'eust pas esté son aduersaire, mais plus tost complice & compagnon de sa coniuration: & remonstrât à l'assistance, que ce n'estoient pas les Allemans ny les Gaulois qu'ilz deuoient redoubter, ains luy mesme, filz estoient sages, il eueut & irrita tellement les escoutans, que les amis & adherents de Cæsar se repentirent biẽ d'auoir presenté ses lettres & de les auoir fait lire, pource qu'en ce faisant ilz auoient donné à Caton occasion de deduire plusieurs propos raisonnables, & plusieurs accusations ueritables à l'encontre de Cæsar: toutefois il ne fut pour lors rien arresté contre luy au Senat, ains seulement fut dit, qu'il estoit raisonnable de dõner un successeur à Cæsar: & adõc ses adherents requirẽt, que Pompeius doncques laissast les armes aussi, & qu'il quittast les prouinces qu'il tenoit, ou autrement que lon ne contraignist point non plus Cæsar de ce faire. Caton adonc se prit à crier, que c'estoit bien ce qu'il auoit tousiours predict, & que Cæsar s'en uenoit pour opprimer la chose publique, usant ouuertement en cõtre elle mesme des armes qu'il auoit obtenues par fraude & tromperie d'elle: mais pour chose qu'il sceust dire, il ne gaignoit rien hors du Senat, à cause que le peuple fauorisoit à Cæsar, & uouloit tousiours qu'il demourast tresgrand: & le Senat adiouxtoit biẽ foy à son dire, mais il redoubtoit le peuple, iusques à ce que les nouuelles uindrent que la uille d'Ariminum estoit prise, & que Cæsar s'en uenoit en armes droit à Rome: car alors tout le monde ietta les yeux sur

- A** Caton, & le peuple & Pompeius confesserēt, que luy seul auoit bien preueu des le commencement, le but ou pretendoit Cæsar, & l'auoit franchement predit.
- Et adōc leur dit Caton, Si uous m'eussiez uolu croire, Seigneurs, & suiure mon conseil, uous ne craindriez pas maintenant un hōme seul, ny n'auriez pas aussi uostre esperance en un autre seul. Pompeius à cela respondit, que Caton auoit pour certain bien plus ueritablement prophetizé, mais que luy y auoit plus amiablement ouuré: & Caton cōseilla au Senat de mettre les affaires en la main de Pompeius: pource, dit il, que ceulx qui font les grands maulx, sont ceulx qui sçauent mieulx les moiens de les guarir. Mais Pompeius n'ayant point autour de luy d'armee suffisante pour attendre Cæsar, & uoiant encore ce peu de gens qu'il auoit assez froidement encouragez, abandonna Rome. Et Caton aiant resolu de s'en aller quād & luy, enuoia deuant son ieune filz à Munatius qui estoit au païs des Brutiens, & mena son aîné quād & soy: & au surplus aiant sa maison & ses filles besoing de quelqu'un qui les gouuernast, il reprit encore Martia, estant lors uefue & aiant beaucoup de biens, pource que Hortensius uenant à mourir l'auoit instituee son heritiere: ce que Cæsar en son libelle diffamatoire contre Caton note fort iniurieusement, luy reprochant auarice & sa mercenaire conuoitise de gagner par faire nopces: car s'il auoit, dit il, besoing de femme, pourquoy la cedoit il premierement à un autre? & s'il n'en auoit que faire, pourquoy la reprenoit il puis apres? si n'estoit qu'il la bailla du commencement à Hortensius comme une amorche, & la luy presta ieune en intention de la reprendre riche. toutefois à l'encontre de cela il suffit, ce me semble, de respondre & alleguer ces uers d'Euripides:

E n premier lieu, rien qui ne soit licite

D ire on ne doit: car du tout illicite

A Hercules me semble reprocher

Faulte de cuer, & l'en uoloir tacher.

- Car il me semble que c'est tout un, de reprocher à Hercules couardise, & à Catō auarice & cōuoitise de gagner: mais si pour quelque autre regard il a failly en ce mariage, c'est chose à l'aduenture que lon pourroit bien disputer: car incontinent apres qu'il eut espousé Martia, & qu'il luy eut commis sa maison, son mesnage & ses filles, il se meit à suiure Pompeius, & onques puis ce iour là, comme lon dit, il ne fit ny ses cheueux, ny sa barbe, ny ne meit chapeau de fleurs sur sa teste, ains se mainteint tousiours iusques à la mort en estat de deuil, avec un morne silence & une grande tristesse de cuer en ceste calamité de la chose publique, aussi bien quand ceulx de son party auoient quelque aduātage, comme quand ilz perdoient. Et luy estant escheur par le sort le gouuernement de la Sicile, il passa à Syracuse, là ou estant aduertty que Asinius Pollio de la part des ennemis estoit arriué à Messine avec force gens de guerre, il luy enuoia demander, qui le faisoit là uenir: & Pollio luy demāda à l'encontre, qui estoit cause de ce mouuement de guerre. Et aiant nouuelles que Pompeius auoit de tout poinct abandonné l'Italie, & estoit dela la mer cāpé ioignāt la uille de Dyrrachium, il dit adonc qu'il uoyoit au gouuernement des Dieux une grande incertitude & grande uarieté, attendu que Pompeius auoit auparauant tousiours esté heureux, lors qu'il ne faisoit rien de bien ny selon le droit & l'equite, & maintenant qu'il uoloit preseruer son païs & combattre pour la liberté, il le uoyoit destitué de son bon heur. Si dit adonc qu'il estoit bien assez fort pour chasser Asinius hors de la Sicile, s'il eust uolu: mais pource qu'il luy uenoit un

Caton d'Utique.

autre renfort, il ne uoluit pas affliger ny traualier ceste isle des calamitez que porte la guerre. Parquoy apres auoir cōseillé aux Syracusains qu'ilz se rengaissent du costé des plus forts pour se conseruer, il monta sur mer, & s'en alla trouuer Pōpeius, là ou il fut tousiours d'un mesme aduis de tirer ceste guerre en longueur, esperant tousiours qu'il se pourroit faire quelque appointment, & ne uolant point que lon uint à la bataille, là ou il seroit force, que l'une des parties se trouuant plus foible que l'autre, fust mise au fil de l'espee: & si suada à Pōpeius & au conseil qui estoit à l'entour de luy, de decerner choses respondentes à cela, que lon ne saccageast en celle guerre aucune uille qui fust de l'empire Romain, & que lon ne feist mourir aucun citoyen Romain, sinon qu'il se trouuaist en bataille les armes au poing: en quoy il acquit grand honneur, & attira plusieurs hommes au party de Pompeius pour la consideration de sa bonté, clemence & humanité. Et estant enuoyé en Asie pour aider à ceulx qui estoient cōmis à assembler uaisseaux & leuer gens de guerre, il mena quād & soy sa sœur Seruilia, & le filz que Lucullus auoit eu d'elle, pource que depuis sa uiduité elle l'auoit tousiours suiuy, & en ce faisant auoit beaucoup diminué du mauuais bruit qu'elle auoit auparauant, quand on ueit qu'elle festoit uoluntairement soubmise à la garde & à l'estroite façon de uiure de Caton, l'accompagnant en sa fuitte. toutefois pour cela Cæsar ne laissa pas de luy reprocher encore ceste siene sœur. Si n'eurent point les capitaines de Pompeius affaire de Caton ailleurs qu'à Rhodes, là ou il gagna par remonstrances les habitans, & y laissa Seruilia avec son petit filz, & s'en retourna au camp de Pompeius, lequel auoit desia assemblé une grosse puissance, tant par terre que par mer, là ou il semble que la uolunté & l'intètion de Pompeius se monstra plus euidemment qu'en nul autre endroit: car il auoit proposé en soymesme de donner la charge de l'armee de mer à Caton, qui n'estoit pas moindre que de cinq cents uaisseaux de guerre, sans les fregates, fustes, & autres telz petits uaisseaux nō couuers, dōt il y auoit un nombre infiny: mais festant soudain aduisé de soymesme, ou bié en aiant esté aduertty par aucun de ses amis, que la fin & le but ou tendoit Catō en toutes ses actions de gouuernement, estoit deliurer Rome de tyrannie, & que si une fois il estoit maistre d'une si belle & si grosse puissance, il uouldroit que le iour mesme que lon auroit desfait Cæsar, Pompeius aussi laissast les armes & se soubmeist aussi tost aux loix, il changea de conseil, combien qu'il luy en eust desia tenu propos à luy mesme, & au lieu de luy, en donna la charge à Bibulus: mais pour cela il ne sapperceut point que Caton en fust moins affectionné, ains dit on qu'en l'une des escarmouches & rencontres qui furent faites deuant la uille de Dyrrachium, comme Pompeius preschast les soudards, & commandast aux autres particuliers capitaines d'en faire autant, chascun en son endroit, à ceulx qui estoient soubz leur charge, les soudards les escoutoient assez froidement, sans faire demonstration quelconque, qu'ilz en eussent les cueurs gueres plus eschauffez: mais quād Caton apres tous les autres uint à leur discourir, autant que la commodité du temps le portoit, la raison de la philosophie, touchāt la liberté, la uertu, la mort & la gloire, avec une uehemēce d'affectiō grāde, & à la fin uenāt à conclurre sa harēgue par une inuocatiō des Dieux, tournant son parler à eulx, ne plus ne moins que filz eussent esté presents, & regardans ceulx qui combattoient uertueusement & uaillammēt pour la defence de leur païs, ilz ietterent un si hault cry, & conceurent en eulx mesmes une telle ardeur de uoloir bien faire, que tous les capitaines en prirent fort bon-

A neesperance, & s'en allerent la teste baissée donner dedans les ennemis de si grande fureur, qu'ilz les desfeirent & les tournerent en fuitte ce iour là: mais la bonne fortune de Cæsar leur osta l'entiere uictoire finale, par la doubte & defiance de Pompeius, qui ne sceut pas cognoistre & se seruir de son bon heur, ainsi comme nous auons plus amplement escrit en sa uie. Mais au lieu que tous les autres s'esjouissoient de cest exploit, & haultlouoient cest auantage qu'ilz auoient eu sur leurs ennemis, Caton au contraire deploroit la calamité de la chose publique, & lamentoit la malheureuse ambition, qui estoit cause que tant de bõs & uailans citoiens d'une mesme uille s'entretuoient & meurtrissoient ainsi les uns les autres. Depuis ceste desfaitte, Cæsar aiant pris le chemin de la Theffalie, Pompeius se deslogea de là ou il estoit campé pour aller apres, & laissant à Dyrrachium force armes & grand nombre de personnes qui luy appartenoient ou de parenté ou d'alliâce, il y combeit garde & capitaine Caton avec quinze cohortes de gens de guerre: ce qu'il feit pour la crainte & desfiance qu'il auoit de luy: car s'il uenoit de male aduéture à perdre la bataille, il scauoit bien qu'il ne pouuoit commettre cela à homme plus loyal ne plus fidele qu'à luy: mais aussi s'il la gaignoit, il se doubtoit bien, que là ou seroit Caton il ne pourroit pas disposer de toutes choses à sa uoulunté. Il y eut bien aussi plusieurs autres gens d'honneur & personages de grande qualité qui furent, par maniere de dire, reiettez & laissez dedàs Dyrrachium avec Caton. Finalement la desfaitte de Pharsale entendue, Caton prit ceste resolution en soy mesme, que si Pompeius estoit mort, il repasseroit en Italie tout ce qu'il auoit de gens avec soy, & s'en iroit puis seul en exil le plus loing qu'il pourroit de la tyrannie: & s'il estoit encore uif, qu'il luy garderoit iusques au bout les forces qu'il luy auoit mises entre mains. En laquelle deliberatiõ il trauersa en l'isle de Corfou, là ou estoit l'armée de mer, & y trouuant Ciceron, luy uolul ceder la charge de capitaine, comme à personnage de plus grande dignité, pource qu'il auoit esté Consul, & luy seulement Præteur: mais Ciceron ne la uolul pas accepter, ains s'en retourna en Italie. Et là Caton uoiant que Pompeius le filz, par une arrogâce & haultaineté importune, uoloit punir ceulx qui se retiroient de l'armée de mer, & notamment qu'il estoit en uoulunté de mettre la main sur Ciceron le premier, il le tensa à part en priué, & l'addouloit, de maniere qu'il sauua certainement la uie à Ciceron, & osta la crainte de la perdre aux autres.

Au reste, coniecturant que Pompeius le pere se seroit sauué en Ægypte & en Afrique, il resolut de faire uoile incontinent pour l'aller trouuer en toute diligence. Si s'embarqua avec toute sa troupe: mais premier que faire uoile, il dõna congé de s'en aller ou de demourer à tous ceulx qui n'auoient pas grande uoulunté de le suiure à ceste guerre. Mais estant arriué en Afrique, ainsi comme il alloit régeant la coste, il rencontra Sextus le plus ieune des enfans de Pompeius, qui luy dit le premier, comment son pere auoit esté tué en Ægypte, dont tous ceulx de la troupe furent fort desplaisans: mais il n'y en eut pas un qui apres la mort de Pompeius uolust seulement ouir parler de receuoir commandement d'autre que de Caton: à l'occasion dequoy aiant honte & compassion de faillir au besoing à tant de gens de bien, & qui auoient donné si certaine preuue de leur fidelité, en les abandonnant seulz sans conduite, ne sachans qu'ilz deuoient faire, ne ou ilz deuoient aller en pãis estranger, il en prit la charge à leur requeste, & aborda premierement en la uille de Cyrenes, là ou il fut receu par les habitans, qui peu de iours auparauant auoient fer-

Caton d'Vtique.

* Les anciens festiuoient & se lauoient, puis se mettoient dedans le liét pour soupper.

mé leurs portes à Labienus. Estant là, il ouit nouuelles que Scipion beau-
pere de Pompeius festoit retiré deuers le Roy Iuba, qui l'auoit receu, & que
Appius Varus, auquel Pompeius auoit commis le gouuernement de la pro-
uinee d'Afrique, estoit en leur compagnie avec armee, & delibera de s'aller
ioindre à eulx: si se meit en chemin par terre, à cause que c'estoit en la saison
d'hyuer, & fait assembler bon nombre d'asnes pour porter de l'eau, & bon-
ne prouision de uiures & de bestail, qu'il faisoit mener apres luy avec force
chariots, & de ces hommes que lon appelle en Afrique les Pfilles, lesquelz
guarissent les morsures des serpents, & sucent le uenin avec la bouche, & char-
ment & enchantent les serpents mesmes, de maniere qu'ilz les rendent comme
esuanouis, & n'aisans pouuoir aucun de mal faire. Si furent sept iours entiers à
marcher continuellement, luy seruât de guide, & marchant le premier à pied,
sans iamais monter à cheual ny sur autre beste de uoiture. Depuis le iour qu'il
entendit la perte de la bataille de Pharsale, il ne souppa onques sinon assis,* &
adiouxta cela au reste de son deuil, qu'il ne se coucha iamais q ce ne fust pour
dormir. Aiant passé l'hyuer en l'Afrique, il se meit aux champs avec ses gés, qui
n'estoient pas moins de dix mille, & trouua les affaires de leur part en assez mau-
uais estât, pour le debat & differét qui estoit entre Scipiô & Varus, à l'occasion
duquel ilz faisoient tous deux la court au Roy Iuba, & raschoient à gagner sa
bonne grace, & luy estoit homme insupportable pour la grauité qu'il tenoit &
pour l'oultrecuidance & la gloire dont il estoit plein, à cause de ses richesses &
de sa puissance, comme il monstra la premiere fois qu'il parleméta avec Caton:
car il feit mettre sa chaire entre celle de Scipion & celle de Caton, pour auoir
l'honneur de seoir au milieu: ce que uoiant Caton prit sa chaire, & la porta luy
mesme à costé de Scipion pour le mettre au milieu, combien qu'il fust son en-
nemy, & qu'il eust escript un liure plein d'iniures & de parolles diffamatoires à
l'encontre de luy. Il y en a qui ne font cōpte de cest acte, & neantmoins repre-
nent bien Caton de ce, que se promenant un iour en la Sicile il dōna l'honneur
du milieu à Philostratus pour honorer en luy la philosophie. Ainsi reprīma
Caton l'arrogāce de ce Roy là pour celle fois, car au parauant il faisoit de Sci-
pion & de Varus comme de ses uassaux & satrapes: mais Caton les reconcilia
ensemble. Au demourant comme toute la compagnie le requist de prendre la
charge de toute l'armee, & que Scipion mesme & Varus luy cedassent les pre-
miers, & luy quittassent uolunties l'honneur de commandē à tout le camp, il
respondit qu'il ne transgresseroit point les loix, attēdu qu'il ne faisoit la guerre
que pour l'autorité & la conseruation d'icelles, ny n'entreprendroit la prero-
gatiue de commandē, luy qui n'estoit que Vicepreteur, là ou il y auoit un Vice-
cōsul: car Scipiô auoit esté créé tel, avec ce que le peuple se cōfioit, que les affai-
res iroient bien, si un Scipion leur commandoit dedans l'Afrique. Scipion
dōcques aiant accepté la charge de capitaine general, uolūt incōtinent en fa-
ueur de Iuba mettre tous les habitās de la uille d'Vtique au fil de l'espee iusques
aux petits enfans, & raser les edifices entierement, comme suiuant le party de
César: mais Caton ne le uolūt point endurer, ains criant, protestant, & appel-
lant les Dieux à tesmoings au cōseil, eut beaucoup d'affaire à preseruer les pau-
ures gens de ceste cruelle execution, & depuis en partie par les prieres des ci-
toiens, & en partie aussi à l'instance de Scipion qui l'en requit, il entreprit de la
garder, de peur qu'elle ne uint de gré ou de force en la puissance de César, pour-
ce que c'estoit une place forte & bien à propos pour toutes choses, à qui la re-
noit:

A noit: mais Caton la prouueur & fortifia encore d'auantage, car il meit dedans une quantité infinie de bledz, il feit remparer les murailles, haulser les tours, & cauer tout à l'entour de la uille de profondes trenchees, avec des clostures de paliz: entre lesquelles trenchees & la uille il feit aller habiter & loger les ieunes hommes d'Vtique, les contraignant de bailler leurs armes, & reteint les autres au dedans de la uille, donnât ordre avec grand soing à ce, que personne d'eulx ne fust oultragee ny offensee par les Romains, & encore enuoya force bledz, armes & argent au camp: de maniere que la uille d'Vtique estoit cômél'estappe de la guerre. Et comme il auoit parauant cōseillé à Pompeius de ne uenir point à la bataille, autant en conseilla il encore lors à Scipion, de ne hazarder rien

B cōtre un homme aguerry & trop entédu au faict des armes, ains de se seruir du temps, qui petit à petit metteroit la force & uigueur de sa tyrânie: mais Scipion fut si presumptueux, qu'il ne teint cōpte de son cōseil, ains escriuit quelquefois à Caton luy reprochant sa couardise en paroles de telle substâce, Qu'il luy deuroit suffire d'estre à seureté en une bonne uille, en fermé dedans de fortes murailles, sans uouloir empescher les autres d'executer hardiement avec raison, ce que leur occasion leur presentera. A quoy Caton luy rescriuit, qu'il estoit prest de repasser en Italie avec les gens de pied & de cheual qu'il auoit amenez en Afrique, pour diuertir Cēsar, & le faire retourner contre luy: mais Scipion ne feit que s'en mocquer. Parquoy Caton monstra bien adonc euidemment, qu'il se

C repentoit fort de luy auoir cedé l'autorité de capitaine general de l'armee, pource qu'il uoyoit bien qu'il ne conduiroit pas sagement les affaires de ceste guerre: & si l'aduenoit qu'il en demourast uainqueur, il n'useroit pas modereement de sa uictoire enuers ses citoiens: à raison de quoy il commença des lors à auoir mauuaise esperâce de l'issue de ceste guerre, & le dit à ses familiers pour l'insuffisance & l'oultrecuidance des capitaines: & neantmoins que si par cas fortuit, & autrement qu'il n'esperoit, il en aduenoit quelque bien, & que Cēsar fust desfaict, il ne se tiendrait iamais plus à Rome, ains fueroit la cruaulté & l'inhumanité de Scipion, lequel uſoit desia de griefues & fieres menasses contre plusieurs: mais à la fin, le malheur aduint encore plustost qu'il ne l'attédoit:

D car un soir bien tard arriua un messager, estât party du camp trois iours auparavant, qui apporta la nouuelle, que tout estoit perdu, par ce qu'il auoit esté donné une grosse bataille pres la uille de Thapſes, que Cēsar auoit gaignee, & auoit pris les deux camps, que Scipion & Iuba s'en estoient fouiz avec bien petit nombre de gens, & tout le reste de leurs armées mis au trenchant de l'espee. Ces choses ainsi aduenues, ceulx qui estoient à Vtique, effroyez de ceste nouuelle, cômél'on peust estimer en guerre, & mesmement de nuit, à peine se peurent contenir au dedas des murailles de la uille, tant ilz eurent le sens & l'entendement troublé de frayeur: mais Caton se presenta à eulx, qui arresta ceulx qu'il

E rencontra par les rues crians & fuyans, en les reconfortât au mieulx qu'il peut: & si ne leur osta toute leur frayeur, au moins leur osta il l'estonnement & le trouble d'esprit ou ilz estoient, en leur disant, que la perte n'estoit pas à l'adventure si grande comme l'on la faisoit, & que c'estoit tousiours la coustume d'amplifier de paroles les mauuaises nouuelles. ainsi appaisa il un peu le tumulte, & le matin au poinct du iour il feit crier, que les trois cents hommes qu'il auoit choisis pour son conseil, eussent à se rendre au temple de Iupiter, estans tous citoiens Romains, qui pour trafic de marchandise & de banque se renoient en Afrique, & tous les Senateurs Romains aussi avec leurs enfans. Ainsi comme

Caton d'Vtique.

ilz s'assembloient encore, luy mesme sy en alla aussi poseement, & avec une aussi rassise constance, comme fil ne fust rien suruenu de nouveau, tenant un liuret en sa main, qu'il alloit lisant. ce liuret contenoit l'estat de la monition dont il auoit faict prouision pour la guerre, de bledz, d'armes, d'arcs, de traictz, & d'hommes de pied: puis quand ilz furent assemblez il commença à louer haultement la bonne affection, la foy & loyaulté de ces trois cents Romains, qui de leurs personnes, de leur argent & de leur conseil auoient tousiours trefutilement seruy la chose publique, & leur conseilla de ne se departir point d'ensemble, en perdant esperance, & cherchant chacun moien de se sauuer à part, pource qu'en demourant ensemble, Cæsar les mespriserait moins s'ilz uoloient guerroyer, & leur pardonnerait plus tost s'ilz luy demandoient mercy: pourtant leur conseilla il d'aduiser qu'ilz deuoient deuenir, & que quant à luy il ne trouueroit rien mauuais de ce qu'ilz en resouldroient: car si leur uolunté se tournoit avec la fortune, il estimerait que ce changement ne procederoit que de la necessité du temps: mais s'ilz estoient deliberez de perseverer à cōbattre le malheur, & iusques au bout se soubmettre à tout peril pour defendre la liberté, que non seulement il loueroit, mais aussi admireroit leur uertu, & qu'il leur seroit chef & compagnon à renter & esprouuer iusques au dernier poinct la fortune de leur païs, qui n'estoit point Vtique ny Adrumetū, ains la uille de Rome, laquelle pour la grâdeur de sa puissance s'estoit bien souuent releuee de plus lourdes & plus griefues cheutes, & qu'ilz auoient encore plusieurs moiens de salut & de seureté de leurs personnes, dont le plus grand estoit, qu'ilz auoient à faire à un ennemy, qui pour les occasions de ses affaires estoit distrait en diuers lieux, par ce que d'un costé l'Espagne s'estoit rebellee contre luy en faueur du ieune Pompeius, & que la uille de Rome ne se pouuoit encore accoustumer à prédre le mors, & ne le pouuoit endurer, ains se souleuoit à toute mutation, & qu'il ne falloit point fouir le trauail ny le peril, ains plus tost prendre exemple de leur ennemy, qui n'espargnoit aucunement sa personne pour uenir au dessus de si grandes meschancetez qu'il auoit entreprises: là ou, au contraire, à eulx l'incertitude de ceste guerre, s'il en succedoit bien, se termineroit en une tresheureuse uie: & s'il en aduenoit mal, en une tresglorieuse mort: toutefois qu'il falloit qu'ilz en deliberassent entre eulx, en priât les Dieux que pour recompense de la vertu & bonne uolunté qu'ilz auoient monstree iusques là, ilz leur feissent la grace de se resoudre à ce qui leur seroit le meilleur. Apres que Catō leur eut tenu ces propos, il y eut bien aucuns des assistans qui furent emeus par la uiuacité de ses remonstrances: mais la plus part fut encore plus encouragee par l'exemple de sa genereuse magnanimité, uoians cōme il ne s'estonnoit de rien, & de son humanité & bonté: tellement qu'ilz oublierent, par maniere de dire, tout le danger ou ilz estoient, & le prierent d'user de leurs personnes, de leurs biés, & de leurs armes, tout ainsi que bon luy sembleroit, le reputans seul capitaine inuincible, sur lequel fortune n'auoit point de pouuoir, & estimās leur estre meilleur de mourir en obeissant à son conseil, que de se sauuer en abandonnant un personnage de si-excellente & si-perfainte uertu. Et comme quelqu'un de l'assemblee meist en auant, qu'il falloit proposer liberté aux esclaués, & que la plus part des assistās en fust d'opinion, Caton dit qu'il ne le feroit point, pource qu'il n'estoit ny iuste ny raisonnable: mais bien que si les maistres leur uoloient donner liberté, il estoit cōtent de les recevoir pour soudards, ceulx qui seroient en aage de porter armes. Il y en eut plusieurs

A qui promirent de le faire, & luy commāda que lon enrollast les noms de ceulx qui le uoudroient, & s'en alla. Tantost apres luy uindrent lettres du roy Iuba & de Scipion, desquelz Iuba estoit caché en une montagne avec peu de gens, & luy enuoyoit demander ce qu'il auoit resolu de faire, pource, que s'il auoit deliberé d'abandonner Vtique il l'attendroit, & s'il se deliberoit de la tenir, qu'il le uiedroit secourir avec une armee: & Scipion estoit à l'ancre au dessoubs d'un chef, qui n'estoit gueres loing d'Vtique, qui attendoit tout de mesme quelle resolution il prédroit. Caton fut d'aduis de retenir les messagers qui auoient apporté leurs lettres, iusques à ce qu'il fust resolu de ce que uoudroient deuenir les trois cents, pource que ceulx qui estoient du corps du Senat Romain se monstroient bien deliberez: car ilz affranchirent incontīnēt leurs serfs, & leur baillerent des armes. Mais les autres trois cents estans marchands traffiquans sur la mer & exerceans la banque & l'usure, qui auoient la plus grāde parrie de leurs facultez en serfs, ne reteindrent pas longuement les belles remōstrances de Caton, ains les laisserent escouler inēcontinent, tout ainsi cōme il y a des corps qui reçoient aiseement la chaleur, & la perdent aussi legerement, se refroidissans tout aussi tost cōme lon en esloigne le feu. Aussi ces marchāds là, pēdant qu'ilz auoient Caton deuant leurs yeux semouuoient & s'eschauffoiet un petit: mais quand à part ilz auoient compté avec eulx, la peur qu'ilz auoient de Cēsar leur faisoit oublier toute la reuerence qu'ilz portoient à Caton & à leur deuoir. Car

C qui sommes nous (disoient ilz) & qui est celuy à qui nous desdaignons d'obeir? n'est ce pas Cēsar, en la main duquel est auioirdhuy reduitte toute la puissance de l'empire Romain? & au regard de nous, il n'y a pas un qui soit un Scipion, ny un Pompeius, ny un Caton, & toutefois en ce temps ou tout le monde challe la uoile de crainte, & se tient encore plus bas qu'il ne deuroit, nous uoulons entreprendre de combattre dedans Vtique pour la liberte des Romains à l'encontre de celuy, auquel Caton mesme fuyant avec Pompeius, a abandonné l'Italie: & affranchissons noz serfs pour faire la guerre à Cēsar, n'aians nous mesmes non plus de liberte, qu'il luy plaist de nous en laisser. Reconnoissons nous donques nous mesmes pendant qu'il en est encore temps, & demandons mercy à celuy qui est le plus fort, enuoyans deuers luy pour le prier de nous pardonner. Les plus honestes de ces trois cents marchands Romains tenoient ce langage là, mais la plus part d'entre eulx espioient les moiens de se saisir des personnes de ceulx qui estoient du Senat, esperans de faire mieulx leur appointement avec Cēsar, en les luy liurant entre ses mains. Caton se doubta bien incontinent de ceste mutation, mais il n'en uolut rien rechercher ny aduerer d'auantage, & renuoya les messagers à Iuba & à Scipion, par lesquelz il leur mādā qu'ilz s'esloignassent d'Vtique, pour la doubte & desfrance qu'il auoit de ces trois cents. Or estoit il eschappé de la bataille assez bon nombre de gens de cheual, lesquelz tirans deuers Vtique, enuoyerent trois d'entre eulx à Caton:

E qui ne luy porterent pas une mesme resolution de toute la trouppē, pource que les uns uouloient s'aller rendre la part ou seroit le roy Iuba, les autres se uouloient ioindre à Caton, & les autres craignoient d'entrer seulement dedans Vtique. Ce qu'entendant Caton donna charge à Marcus Rubrius, d'auoir l'œil sur ces trois cents, & receuoir les noms des serfs qu'ilz affranchiroient uoluntairement sans forcer personne, & ce pendant luy & les Senateurs sortit d'Vtique au deuant de ces gens de cheual, ou il parla aux capitaines, & les pria de ne uouloir point abandonner tant de gens de bien, Senateurs Romains qui là

Caton d'Utique.

estoyent, & ne uouloir point auoir pour leur capitaine ce roy Iuba plus tost que F
Caton, ains entrer dedans Utique: là ou il les pourroit sauuer, & se sauuer soy
mesme avec eulx, attendu que la uille n'estoit point prenable de force, & qu'elle
auoit prouision de bledz & de toute autre munition pour plusieurs annees. Au-
tant leur en requirent les autres Senateurs, aians les larmes aux yeux: à l'occa-
sion dequoy les capitaines allerent parler à leurs gens: pendant lequel parlemēt
Caton faisoit dessus une leuee de terre avec les Senateurs attendant leur respon-
ce, mais sur ces entrefaites arriva deuers luy Rubrius tout courroucé, se plai-
gnant du tumulte & desordre de ses trois cents marchands, qui uouloient mu-
riner & faire rebeller la uille: à raison dequoy, les autres perdans tout courage
& toute esperance se prirent à plorer & lamenter leur fortune: mais Caton ef- G
faya de les reconforter, enuoyant deuers les trois cents, les prier de uouloir a-
uoir encore un peu de patience, & ce pendant les deputez par ces gens de che-
ual vindrent apporter leur responce, qu'ilz uouloient des choses trop dures, car
ilz dirent qu'ilz n'auoient que faire de la soude de Iuba, & qu'ilz ne craignoient
point Cesar, prouueu qu'ilz eussent Caton pour leur capitaine, mais qu'il leur
sembloit n'y auoir point de propos de s'enfermer dedans une uille avec les ha-
bitans qui de leur origine estoient Phœniciens, la plus muable & plus desloyale
nation qui soit au monde. Car encore, disoient ilz, que pour ceste heure ilz ne
remuent rien, si est ce que quand Cesar uendra ilz seront les premiers qui nous
uouldrôt courir sus, & nous trahiront: pourtant si Caton uouloit qu'ilz seioi- H
gnissent à luy pour faire la guerre, il falloit qu'il chassast tous les naturelz habi-
tans d'Utique hors de la uille, ou bien qu'il les feist tous occire dedans, & lors
qu'ilz y entreroient quand elle seroit uuide d'ennemis & de barbares. Caton es-
tima cela trop barbare & trop cruel, toutefois il leur repliqua qu'il en commu-
niqueroit avec les trois cents & retournant dedans la uille parla à eulx: lesquelz
n'usèrent plus de desguisement ny ne controuuerent plus de desfaites pour la
reuerence de Caton, ains declarerent ouuertement qu'ilz se courrouceroient à
l'encontre de qui les uoudroit presser de faire la guerre à Cesar, attendu qu'ilz
ne le uouloient ny ne le pouuoient faire: & y en eut mesme quelques uns qui
murmurerēt entre leurs dents, qu'il falloit retenir en la uille les Senateurs, ius- I
ques à ce que Cesar fust uenu. Caton ne feist pas semblant de l'auoir ouy, car aussi
auoit il l'ouye un peu dure: mais sur ce poinct quelqu'un luy uint dire, que les
gens de cheual s'en alloient: parquoy craignant que ces trois cents ne meissent
les mains sur ceulx du Senat, il s'y en alla luy mesme en personne avec ses amis,
& les uoiant desia esloignez, il monta à cheual & picqua apres eulx, lesquelz fu-
rent bien aises de le ueoir, & le receurēt entre eulx, luy conseillans qu'il se uou-
lust sauuer avec eulx. Mais Caton les pria de sauuer ceulx du Senat, si affectueu-
semēt que les larmes, à ce que lon dit, luy en vindrēt aux yeux, en leur tendant les
mains, & retournant leurs cheuaux avec les brides, & leur prenant leurs armes,
tant qu'à la fin il impetra d'eulx qu'ilz demoureroient à tout le moins encore ce K
iour là pour donner moien à ceulx du Senat de s'en fouir à sauueté. Retournant
doncques avec eulx en la uille, il en ordonna les uns aux portes pour les garder,
& en mit d'autres en garnison dedans le chasteau: les trois cents à l'heure eu-
rent peur que ce ne fust pour les chastier de ce qu'ilz s'estoient tournez, s'en-
uoyerent deuers Caton le supplier de s'en uenir, comment que ce fust, deuers
eulx: mais ceulx du Senat l'environnans tout à l'entour ne uolurent point qu'il
y allast, & dirent qu'ilz n'abandonneroient point leur protecteur & sauueur à
des

A des traistres desloyaux : car à la uerité tous ceulx qui lors se trouuerent dedans Vtique, de quelque estat qu'ilz fussent également, cogneurent euidentement la uraye uertu qui estoit en Caton, & esprouuerent qu'il n'y auoit rien de fainct en tout ce qu'il faisoit, ains aiant de longue main resolu de s'occire soy mesme, il prenoit tant de peine & se trauailloit avec si grande sollicitude pour les autres, à fin que apres les auoir mis en seureté de leurs uies, il se depeschast luy mesme de la siene : car il estoit aisé à ueoir qu'il auoit resolu de mourir, encore qu'il n'en monstast au dehors aucuns signes de cuer dolét & affligé. Parquoy il obtempera à la requeste des trois cets, & apres auoir recôforté ceulx du Senat sen alla tout seul deuers eulx, lesquelz le remercierent de ce qu'il auoit daigné uenir & le supplierent qu'il se uoulust seruir d'eulx, & s'y fier hardiment en toute chose, moienant qu'il leur pardonnast filz ne pouuoient pas tous estre des Catons, & qu'il eust compassion de leur foiblesse de cuer fil n'estoient pas si fermes ne si genereux que luy, pource qu'ilz auoient delibéré d'enuoyer deuers Cæsar le supplier premierement & principalement pour luy, & que là ou ilz ne pourroient obtenir grace pour luy, ilz estoient resolu de n'en receuoir point pour eulx mesmes, ains combattroient pour son salut iusques au dernier soupir. A quoy Caton leur respondit qu'il leur sçauoir bien bon gré de la bonne affection qu'ilz monstroient auoir enuers luy, & qu'il estoit besoing qu'ilz enuoyassent donques iustement prier pour leur salut, mais pour le sien qu'il n'en falloir point parler, pource que c'est à faire à ceulx qui sont uaincus que prier, & à ceulx qui ont failly, de demander pardon: mais quant à luy, non seulement il auoit toute sa uie esté inuincible, ains auoit uaincu tant comme il auoit uolu, & auoit tousiours esté plus puissant que Cæsar en droit & en iustice, & que c'estoit luy mesme qui maintenant estoit pris & uaincu, pource que ce qu'il auoit tousiours nié machiner contre la chose publique, estoit lors euidentement auéré & prouué contre luy. Aiant fait telle respôce à ces trois cents, il se departit d'auec eulx. Et entendant quæ Cæsar estoit desia en chemin avec toute son armee pour s'en uenir à Vtique : ô Dieux, dit il, il uient donc contre nous, comme contre des hommes. Et adonc se tournant deuers ceulx du Senat, D il leur conseilla de ne differer plus, ains aduiser chascun à se sauuer, pendant que les gens de cheual estoient encore en la uille. Si feit fermer toutes les autres portes, excepté celle du port qui respondoit à la marine : puis distribua des nauires & uaisseaux à ceulx qui estoient soubz sa charge, prouoyant à ce que tout allast par ordre, & qu'il n'y eust point de tumulte ny de confusion, que lon ne feist tort à personne, & que chascun eust argent & moien de se pouuoir sauuer. Mais comme Marcus Octauius qui auoit deux legions, s'estant uenu camper assez pres d'Vtique eust enuoyé deuers luy pour arrester, à qui & iusques ou chascun d'eulx auroit autorité de commander, il ne respôdit rien à cela : mais E se tournant deuers ses amis leur dit, Nous esmerueillons nous si nous auons tout gasté & perdu, ueu que nous uoions qu'au milieu de la mort l'ambition & conuoitise de dominer regne encore entre nous? Sur ces entrefaites on luy uint dire, comme les gens de cheual s'en uoulans aller, pilloient desia & saccageoient les biens des habitans d'Vtique, côme butin de bonne guerre. Il sy en alla courant à l'heure mesme, & aux premiers qu'il trouua osta des mains ce qu'ilz auoient pris: les autres auant qu'il uint iusques à eulx, ietterent ce qu'ilz emportoient, & regardans tous en terre de honte, s'en allerent sans dire mot. Adonc Caton faisant assembler les naturelz habitans d'Vtique, les pria de n'irriter &

Caton d'Utique.

n'aigrir point Cæsar à l'encontre des trois cents, ains plus tost d'essayer d'obte-
nir pardon de luy tous ensemble: puis s'en allant derechef sur la marine, regar-
da partir ceulx qui s'embarquoïent, embrassant, & disant adieu à tous ses hostes
& amis, aux quelz il auoit conseillé de se sauuer, les accompagnant iusques de-
dans leurs uaisseaux. Quât à son filz, il ne luy suada point de s'en aller, ny n'esti-
ma point qu'il le deust presser d'abandonner son pere. Au demourât il y auoit
en sa compagnie un nommé Statyllius, homme ieune d'aage, mais ferme de
courage, qui s'estoit proposé à imiter la constance inflexible de Caton, qui luy
conseilloit qu'il montast sur mer, & s'embarquast avec les autres, pource qu'il
sçauoit bien qu'il haïssoit à mort Cæsar. Il n'en uoulut rien faire: parquoy Ca-
ton se tournant deuers Apollonides philosophe de la secte-Stoique, & deuers
Demetrius, de la secte des Peripateriques: C'est à uous autres, dit il, à amollir &
applatir ce ieune homme que uous uoyez ainsi enflé, & à le ramener par uoz
remonstrances à son utilité. Ce pendant luy conuoyoit tous les autres, faisoit
droit à ceulx qui luy demandoient iustice, & donnoit ordre à leurs affaires, de
sorte qu'il passa en cela toute celle nuict & tout le iour ensuiuât. Cela faict, Lu-
cius Cæsar parent du victorieux, estant delegué par les trois cets pour aller de-
uers luy interceder pour tous, pria Caton de luy aider à dresser la harengue d'o-
il auoit à user pour eulx: car pour toy, Caton, dit il, ie ne faindray point de luy
baïser les mains, & de me ietter à ses genoux s'il est besoing, à fin qu'il te pardô-
ne. Caton luy respôdit qu'il ne uouloit point qu'il le feist: car si ie uouloie sau-
uer ma uie par la grace de Cæsar, il ne faudroit sinon que ie m'en allasse moy
mesme deuers luy: mais ie ne ueux point sçauoir gré ny estre obligé à un tyran
pour une iniustice: car c'est iniustice à luy d'usurper la puissance de sauuer la uie
comme seigneur, à ceulx à qui il n'a nul droit de commander: mais bien ad-
uifons ensemble, si tu ueux, ce que tu diras pour impetrer grace à ces trois cets.
Si furent quelque espace de temps ensemble à en deuïser, & à la fin quâd il uou-
lut partir, Caton luy recommanda son filz, & ses amis: & l'ayant embrassé, &
pris cōgé de luy, s'en retourna en son logis, là ou il feit assembler son filz, & ses
familiers & amis, aux quelz il teint plusieurs propos, & entre autres dissuada à
son filz de s'entremettre iamais du gouuernement de la chose publique, pource
que le faire ainsi qu'il appartiendroit à la dignité d'un filz de Caton, la qualité
du temps & des affaires ne le permettoit pas: & de le faire autrement, il ne seroit
pas honeste: puis sur le soir il entra dedans l'estuue pour se lauer, & ainsi com-
me il se lauoit se souuenant de Statyllius, il s'escria tout hault. Et bien Apollo-
nides, tu as donques fait partir à la fin Statyllius, en luy rauallant ceste hault-
tesse de courage qu'il auoit: il s'en est bien allé sans nous dire adieu. Comment
allé, respondit Apollonides, il a le cueur plus grand & plus ferme que iamais,
& est impossible de le faire fleschir, combië que nous en aions deuïsé & dispu-
té bien longuement ensemble: car il dit resoluëment, qu'il fera tout ainsi que tu
feras. Apres s'estre lauë, il s'assit à table comme il auoit accoustumé depuis la
iournee de Pharsale: car il ne se coucha onques puis, q̄ ce ne fust pour dormir,
& souppa en cōpagnie de tous ses amis, & mesme des officiers de la uille d'Uti-
que, & apres le soupper furēt mis en auant plusieurs bons propos, & faictz plu-
sieurs beaux discours de la philosophie, les uns sur les autres, tant que la dispute
uint finalement à tumber sur ces lieux communs des opinions estranges que
tiennent les philosophes Stoïques, comme, Qu'il n'y a que le sage & homme de
bien qui soit frâc & libre, & que tous les meschâs sont serfs & esclauës. A quoy
le

A le Philosophe Peripatetique qui là estoit ne faillit pas incōtinent à contredire: mais Caton prenant la parole d'une grande uehemen- & d'une uoix plus aspre & plus grosse que de coustume, continua ceste dispute fort longuement, & contesta d'une affection merueilleuse, de sorte qu'il n'y eut celuy en la compagnie qui ne cogneust euidentement qu'il estoit tout resolu de fōster des miseres de ce monde, en mettant fin à sa uie: à l'occasion dequoy quand il eut acheué de dire, uoiant que tous les assistans se taisoient & faisoient triste chere, pour les reconforter & diuertir de ceste suspicion, il commença derechef à demander des affaires, & monstrier d'en auoir soing & sollicitude, comme aiant peur qu'il n'aduint quelque fortune à ceulx qui estoient montez sur mer, ou à

B ceulx qui auoient pris leur chemin par terre, aians à passer un païs desert, sauua- ge, & ou il n'y auoit nulles eaux. Ainsi s'estant la compagnie du soupper depar- tie, il se promena encore avec ses amis, comme il auoit ordinairement accoustu- mé apres soupper, & aiant commandé aux capitaines du guet ce que le temps requeroit, quand il se uoulut retirer en sa chambre, alors il approcha son filz & le caressa avec tous ses amis les uns apres les autres plus amiablement qu'il n'auoit appris, ce qui donna de rechef souspeçon de ce qu'il auoit en pensee de faire. Entré qu'il fut en sa chambre & couché en son liēt, il prit en main le dia- logue de Platō ou il traite de l'ame, & en leut la plus grande partie, puis regar- dant au dessus de son cheuet il ne ueit point son espee, pource que son filz la luy auoit fait oster comme il estoit encore à table, si appella un sien ualet de cham- bre & demanda qui luy auoit osté son espee: le ualet ne luy respondit rien, & luy se remeit à lire encore en son liure: puis un peu apres sans presser autrement ny monstrier qu'il en eust trop de haste, ains de uouloir sçauoir seulemēt qu'elle estoit deuenue, il cōmanda qu'on la luy rapportast. Il passa un assez long espace de temps, de sorte qu'il eut acheué de lire entieremēt tout le liure sans que per- sonne luy apportast son espee: parquoy il appella tous ses seruiteurs les uns a- pres les autres, & commença à leur user de plus rude parole en leur redeman- dant son espee, iusques à dōner sur le uisage de l'un un si grand coup de poing, qu'il sen sanglanta toute la main, se courrouceant à bon esciant, & criant que

D son propre filz & ses seruiteurs le uouloient liurer tout uif à son ennemy, tant que son filz plorant & ses amis y accoururent, qui se iettans à ses piedz se pri- rēt à lamenter & à le supplier. Mais Catō se leuant du liēt les regarda en trauers de mauuais œil & leur dit: Dea, quād & ou a ce esté q̄ lon m'a ueu furieux? Que ne

me remonstre lon par raison, si il semble que ie preigne cōseil aucun qui ne soit bon, sans me uouloir engarder d'user de mon aduis & de mon sens, & sans me desarmer? Que ne lies tu ton pere, mon amy, & que tu ne luy attaches les mains derriere le dos, iusques à ce q̄ Cēsar arriuāt me treuve sans moiē de me pouuoir

defendre? car cōtre moy mesme ie n'ay point affaire d'espee pour me desfaire, si ie ueux, attēdu qu'il ne me fault que retenir mon halene un peu de tēps, ou bien

E dōner un seul coup de la teste cōtre la muraille, pour me faire mourir. Ainsi cō- me il disoit ces paroles, son filz sortit de la chambre plorant, & aussi feirēt tous ses autres amis, & ne demoura que Demetrius & Apollonides avec luy, aux- quelz parlant ia plus doucement, il dit: Estes uous point aussi uous autres d'ad- uis de retenir en uie par force un homme de l'aage que ie suis? & n'estes uous point demourez icy pour uous tenir assis sans rien dire ne faire que me garder? ou si uous me uenez apporter quelques raisons & arguments pour me donner à entendre qu'il ne soit indign en y deshoneste à Caton, n'ayant autre moiē de

Caton d'Utique.

sauuer sa vie, d'attendre à la respiter & sauuer par la mercy de son ennemy? que
n'alleguez uous main tenant quelques preuues pour me monstres cela, à fin que
reiettant ces autres raisons & opinions, lesquelles nous auons tenues ensemble
iusques icy, estans à ceste heure deuenus soudainemēt plus sages par le moien
de Cēsar, nous en foions de tant plus tenus de luy rendre graces: toutefois ie ne
dis pas cela, pour ce que i'aye arresté aucune chose de ma vie, ains en cōsulteray
& arresteray aucunemēt avec uous, quand i'en delibereray avec les liures & rai-
sons, desquelles uous mesmes usez quād uous uoulez philosopher: & pourtant
allez uous en hardyment, & dites à mon filz, qu'il ne ueuille point forcer son
pere à ce qu'il ne luy sçauroit prouuer par raison qu'il le deust faire. Ces paroles
ouyes, Demetrius sans luy respondre sortit en plorāt de la chambre: & lors luy
enuoya lon son espee par un petit enfant: quand il la teint il la desguainna, &
regarda si la pointe en estoit bien aguysee & le fil bien trenchant: ce que aiant
trouué, Alors ie suis (dit il) maintenāt à moy. Si la mēit aupres de soy, & reprit
encore son liure, que lon dit qu'il leut par deux fois d'un bout à autre, puis s'en-
dormit d'un fort pfond sommeil, tellemēt que ceulx qui estoiet hors de la chā-
bre l'entendoient bien rōfler. Enuiron la minuiet il appella deux de ses affran-
chiz, Cleanthes son medecin, & Butas celuy duquel il se seruoit le plus es affai-
res d'estat, & l'enuoya sur le port ueoir si tous ceulx qui festoient embarquez a-
uoient faict uoile, & bailla sa main pour la bender, à cause qu'elle luy estoit en-
flée du coup de poing qu'il auoit donné à l'un de ses esclaves. cela resiouit tous
ceulx de sa famille, pēsans que ce fust signe qu'il eust encore enuie de uiure. Peu
apres retourna Butas qui luy rapporta que tous les autres auoient faict uoile,
excepté Crassus qui estoit encore demouré pour quelque affaire, & qu'il s'en al-
loit embarquer, mais qu'il faisoit un grād uent, & y auoit une grosse tourmen-
te en la mer. Aiant ouy ce rapport il se prit à soupirer pour la compassion qu'il
eut de ceulx qui estoient montez sur mer: & renuoya Butas derechef sur le port
pour ueoir si aucuns auoiēt point relasche, qui eussent affaire de quelque chose
pour le luy uenir dire. Les petits oyseaux commençoient desia à chanter, & luy
prit derechef un petit de sommeil, mais sur ce poinet retourna Butas qui luy dit
qu'il n'y auoit bruit quelconque sur le port. Catō luy dit qu'il s'en allast done-
ques, & qu'il fermaist la porte apres luy, & se raualla dedans son liēt, cōme pour
dormir ce qui restoit encore de la nuit: mais aussi tost que Butas eut le dos
tourné il desguainna son espee, & s'en donna un coup au dessoubz de l'esto-
mach: toutefois pour l'inflammatiō qu'il auoit à la main il ne peut pas frapper
si grand coup qu'il en trespasast soudainement: ains en tirant à sa fin il tumba
de dessus son liēt & feit bruit en tumbant, par ce qu'il renuersa une table Geo-
metrique qui estoit ioignant son liēt, tellement que ses seruiteurs qui en ouy-
rent le bruit, s'escrierent incontinent: & aussi tost son filz & ses amis entrèrent
en la chambre, là ou ilz le trouuerent tout souillé de sang: & la plus part de ses
boyaux sortans hors du corps, combien qu'il fust encore en vie & qu'il les re-
gardast. Si furent tellemēt outrez de douleur, qu'ilz ne sceurent de prime face
que dire ne que faire: mais son medecin s'approchant uolut essayer de remet-
tre les boyaux qui n'estoient point entamez & recouldre la playe: mais quand
il se fut un peu reuenu d'esuanouissement, il repoulsa arriere le medecin, & des-
chirāt ses boyaux avec ses propres mains ouurit encore plus sa playe, tant que
sur l'heure il en rendit l'esprit. Et en moins de temps que lon n'eust pensé que
ceulx de la maison seulement eussent peu sçauoir l'inconuenient, les trois cents

- A** Romains accoururent à la porte de son logis, & incontinent apres s'y assembla aussi tout le peuple de la uille: qui tous d'une uoix l'appellerēt leur bienfaiteur & leur sauueur, & le nommoient seul homme libre & inuincible: ce qu'ilz faisoient encore qu'ilz eussent nouuelles que Cēsar approchoit bien fort d'Vtique, & neātmōins il n'y eut ny crainte de peril ny enuie de flatter le uainqueur, ny different ou querelle qu'ilz eussent ensemble, qui les engardast de porter honneur à la memoire de Caton, ains ornant son corps magnifiquemēt, & luy faisans un conuoy de funérailles le plus magnifique qu'ilz peurēt, l'inhumerēt sur le riuage de la mer. Là ou il ya encore aujourdhuÿ une siene statue tenant une espee en la main: puis cela faiēt, ilz entendirēt à se sauuer eulx & leur uille.
- B** Mais Cēsar aiant nouuelles par ceulx qui alloiēt deuers luy, que Catō ne bougeoit d'Vtique, & ne s'en fuyoit point, ains enuoyoit tous les autres, & que luy, son filz & ses amis demouroiēt, sans mōstrer qu'ilz eussent crainte de riē, ne sçauoit pēser quelle estoit sa deliberatiō: & pource qu'il en faisoit tresgrand cōpte, se hastoit à la plus grande diligence qu'il pouuoit avec toute son armee: mais quand il eut la nouuelle comment il festoit desfaict soymesme, on escrit qu'il dit ces paroles seulement, le porte enuie à ta mort, Catō, puis que tu m'as enuie la gloire de t'auoir sauué la uie: car à la uerité si Caton eust peu souffrir que Cēsar luy eust sauué la uie, il n'eust pas tant diminué de sa gloire, qu'il eust augmenté celle de Cēsar: toutefois quant à ce qu'il eust faiēt, on n'en sçauroit que dire assurement, sinon que lon cōiecture de Cēsar en la plus humaine partie.
- C** Il mourut en l'aage de quarante & huiēt ans. Et quant à son filz, Cēsar ne luy feit aucun desplaisir: mais on dit qu'il fut hōme de peu de ualeur, & desordonné avec les femmes, car estant logé en la Cappadocie chez un seigneur du sang royal du païs, nommé Maphradates, lequel auoit belle femme, il y demoura plus longuement qu'il ne deuoit pour son honneur, pource qu'il donna occasiō de se faire mocquer, de sorte que lon escriuoit de luy par mocquerie, Caton partira demain, dedans trēte iours. Et, Maphradates & Porcius sont deux bons amis, ilz n'ont qu'une ame. à cause que ceste femme de Maphradates s'appelloit Psyché, qui signifie en langage Grec, ame. Et, Catō est genereux & magnanime, il a l'ame royale. Toutefois il esteignit & amortit toute ceste infamie par sa mort, en combattant uertueusement contre Auguste & contre Antonius en la iournee de Philippes, pour la liberté: là ou estāt leur armee mise en rouverte, il ne uoulut ny fouir ny se cacher, ains se iettāt à trauers les ennemis, feit biē cognoistre qui il estoit, en donnant courage à ceulx de son party, qui faisoiet encore teste, tant qu'il fut occis sur la place, laissant à ses aduersaires grāde admiration de sa uaillance & uertu. Et encore plus Boccia la fille de Caton, qui ne ceda point à son pere ny en chasteté ny en grandeur de courage: car estant mariée à Brutus qui tua Cēsar, elle fut participante de la coniuration, & fōsta la uie aussi magnaniment comme il appartenoit à sa uertu & au noble sang dont elle estoit issue, ainsi comme nous auons escrit plus au long en la uie de Brutus. Et Strylius, qui auoit dit qu'il feroit tout ce que Caton feroit, fut lors empesché de se tuer par les philosophes, dont nous auons parlé cy dessus: mais depuis s'estant monsté tres fidele & tres utile à Brutus en tous ses affaires, il fut aussi tué sur le champ en la bataille de Philippes.
- E**

Agis & Cleomenes.



E n'est pas sans propos ny sans apparence, que quelques uns ont estimé la fable d'Ixion auoir esté compoſee à l'encontre des ambitieux. Qu'il eut affaire à une nuee, pensant que ce fust la Deesse Iuno, & que de cest embrassement les Centaures en furent engédrez : car tout ainsi, les ambitieux embrassans la gloire, comme une image de la uraye uertu, ne font iamais acte qui soit entierement pur & net, ny ne se ressemblent point constamment en leurs faicts : ains produisent des effects, ou il ya tousiours quelque bastardise meslee parmy, selon la diuersité des uents qui les poulsent, ores estans incitez par enuie ou par ialousie, ores par le desir de G
plaire à une commune, ne plus ne moins que les pasteurs disent en une Tragedie de Sophocles, parlans de leurs troupeaux de bestes,

Nous leur seruons, quoy que maistres soions,

E t sans parler fault que nous les oyons:

Cela ueritablement se peult aussi dire de ceulx, qui au gouuernement de la chose publique n'ont autre but, que s'accommoder aux appetits, & aux affections du commun peuple : pource que à la uerité ilz seruent & obeissent en tout & par tout, à fin d'auoir le tiltre & l'apparence seule de magistrats & de gouuerneurs, ne plus ne moins qu'en une nauire les matelots qui sont sur la prouë, uoient deuant eulx, mieulx que ne font les pilotes qui manient le timon en la H
poupe, & neantmoins se retournent tousiours uers eulx, & font ce qu'ilz leur commandent: ainsi ceulx qui en leur gouuernement ne uisent à autre but qu'à la gloire, sont ministres esclaués de la commune, & n'ont que le nom seulement de gouuerneurs: mais celuy qui seroit entierement & parfaitemment homme de bien, n'appeteroit iamais gloire quelconque, sinon entant qu'elle luy pourroit aucunement seruir à executer de plus grands exploits, & à faire que lon se fiast de tant plus en luy. Bien est il uray qu'il fault permettre à un ieune homme de gentille nature, conuoiteux d'honneur, qu'il se glorifie, & se plaise un peu en son bien faire, pource que, comme dit Theophrastus, les uertus boutent & florissent en cest aage là, & prennent pied ferme par les louanges que lon leur donne, puis uont en augmentant & croissant à mesure que le sens & le courage leur croist. Mais le trop, estant de soy mesme par tout ailleurs dangereux, est pestilent & mortel es ambitions de ceulx qui s'entremettent du gouuernement des affaires : car silz ont grande puissance, il leur faict commettre des faulx manifestement furieuses, & commettre des actes de gens forcenez, pource qu'ilz ueulent, non que l'honneur procede de la uertu, ains qu'il soit la uertu mesme. Mais il faudroit qu'il dissent au peuple ce que Phocion respondit une fois à Antipater, lequel luy uouloit faire faire quelque chose qui n'estoit point honeste: Tu ne scaurois, luy dit il, auoir Phoción pour amy & pour flatteur ensemble. Ainsi ne pouuez uous auoir un qui uous soit maistre & ualet, ne qui uous K
commande & uous obeisse ensemble : autrement il est force qu'il aduiene l'inconuenient qui est en la fable du serpent, duquel la cueuë uint un iour à querreller cõtre la teste, disant qu'elle uouloit à son tour aller deuant, non pas tousiours demourer derriere. ce que luy estant otroyé par la teste, elle s'en trouua tres mal elle mesme, ne sachant pas comment ne par ou il falloit cheminer, & si fut encore cause que la teste fut toute dechiree, estant contrainte de suyure contre nature une partie qui n'auoit ny ueuë ny ouye, pour se pouoir con-

A duire. Nous uoions le mesme estre aduenu à plusieurs qui au gouuernement de la chose publique, ont uoulu faire toutes choses au gré de la multitude: car s'estans une fois attachez à ce ioug de seruitude, de uouloir en tout & par tout agreer à la commune, qui bien souuent s'emeut temerairement & sans raison quelconque, ilz n'ont sceu puis apres s'en retirer, ny retenir & arrester la fureur & temerité du peuple. Or ce qui m'a faict entrer en ce discours à l'encontre de l'ambition & uaine gloire populaire, cea esté la consideration de la grande puissance qu'elle a, quand i'ay bien eu consideré les accidents de Tiberius & de Gaius Gracques, lesquelz estans tous deux fort bien nez, aians esté tresbien nourriz, & estans uenus au maniement des affaires de la chose publique en bien

B bonne intention, furent neantmoins tous deux à la fin perdus, non tant par demesuree conuoitise d'honneur que par crainte de deshonneur, laquelle ne procedoit encore que de grand & noble cuer: car aians receu du peuple plusieurs demonstrations d'amitié & de bienueillance, ilz eurent honte de demourer, par maniere de dire, redeuables & tascherent à l'enuy à surmonter les honneurs que le peuple leur faisoit par nouuelles inuentions & nouuelles ordonnances, qu'ilz mettoient en auant, au profit & auantage de la commune: & la commune aussi de son costé les honoroit de tant plus, quilz s'esforceoient de luy gratifier ainsi par egale ambition, s'enflamman les uns les autres, eulx à gratifier de plus en plus au menu peuple, & le menu peuple à les honorer, ilz ne se donnerent de garde qu'ilz se trouuerent enuoloppez en des affaires ou ilz ne pouuoient plus dire ce commun prouerbe,

C

Bien que de foy ne soit la chose honeste,

Le desister seroit ia deshoneste.

Ce que tu pourras toy mesme aiscemēt iuger par la nue exposition de l'histoire. Nous leur comparons deux autres hommes populaires, tous deux Roys de Lacedemone, Agis & Cleomenes, lesquelz uoulans augmenter la puissance & autorité du commun peuple, aussi bien que les deux Romains, & remettre sus le iuste & honeste gouuernement de la chose publique Lacedemonienne, qui ia de long temps estoit hors d'usage, encoururent semblablement la haine des

D grands, qui ne uouloient rien perdre ny diminuer de leur auarice accoustumee. Vray est, que les deux Laconiés n'estoient pas freres, mais ilz suiuirent tous deux un mesme & tout semblable stile de gouuernement, lequel commença en ceste maniere: Depuis qu'une fois la cōuoitise d'amasser or & argēt se fut coulee dedans la uille de Sparte, & qu'avec la possession de la richesse suiuit aussi l'auarice & la chicheté, & avec l'usage les uoluptez & les delices, Sparte se trouua incontinent destituee de plusieurs grandes & honorables preeminences, & demoura long temps indignemēt rauallee & rabaissee, iusques à ce que Agis & Leonidas uindrēt à regner, estāt Agis filz de Eurytiōde & de Eudamidas sixieme en droite ligne apres Agesilaus, qui auoit esté le plus grand homme & le

E plus puissant de toute la Grece en son temps: car Agesilaus eut un filz nommé Archidamus, qui fut desfait par les Messapiés deuant une uille d'Italie qui s'appelle Mandonium. Cestuy Archidamus laissa deux filz, Agis l'aisné, & Eudamidas puisné, qui fut Roy, aiant son frere Agis esté tué deuant la uille de Megalipolis par Antipater sans qu'il eust engédré aucūs enfans. Cestuy laissa un filz qui eut nom Archidamus, & Archidamus un autre, Eudamidas: & Eudamidas, Agis, duquel nous escriuons à present. Leonidas estoit aussi de l'autre maison royale de Lacedemone, huitieme en droite ligne apres Pausanias, celui qui

Agis & Cleomenes.

desfeit en bataille Mardonius le lieutenant du Roy de Perse deuant la uille de F
Platées : car ce Pausanias eut un filz qui fut nommé Plistonax, Plistonax un au-
tre Pausanias, lequel s'en fouit de Sparte en la uille de Tegee, & au lieu de luy
fut Roy son filz aîné Agesipolis, lequel estant mort sans enfans, Cleombrotus
son frere puisné luy succeda au royaume. Ce Cleombrotus eut deux filz, un au-
tre Agesipolis & Cleomenes, desquelz Agesipolis ne fut pas long temps Roy,
& n'eut aucuns enfans, mais son frere Cleomenes qui fut Roy après luy en eut
deux, Acrotatus l'aîné qui mourut son pere uiuant encore, & Cleonymus le
puisné qui le suruescut, & neâtmoins ne fut point Roy, ains le fut son nepueu
Areus filz d'Acrotatus. Cestuy Areus mourut deuant la uille de Corinthe, & son
filz qui fut un autre Acrotatus luy succeda au royaume, qui mourut aussi en bat G
taille deuant la uille de Megalipolis, ou il fut desfait par le tyran Aristodemus,
& laissa sa femme enceinte, laquelle depuis son trespas accoucha d'un filz, du-
quel Leonidas filz de Cleonymus eut la tutelle, & estât son pupille mort en bas
aage, la successiō du Royaume par ceste mort luy escheut à luy mesme: mais ses
meurs ne furēt iamais agreables ny cōuenables à ses citoiēs. Car encore q par
la corruption uniuerfelle de toute la chose publique, tous les citoiēs egaleme
eussent ia fouruoyé du droit chemin, si est ce qu'en cestuy Leonidas y auoit plus
notable dissolution, & plus apparēte torse & alienatiō de l'ancienne regle de ui-
ure des Lacedemoniēs qu'en nul autre, comme en celuy qui auoit longuement
hanté es maisons des Princes & Sarrapes, & qui auoit fuiuy la court de Seleu- H
cus, dont il auoit apporté mal à propos la pompe, & l'orgueil duquel on use en
ces courts là, en la Grece, là ou les loix & la raison dominant. Mais Agis au cō-
traire surpassa en gētillesse de nature, & en grandeur de courage, non seulemēt
ce Leonidas là, mais aussi tous les autres presque, qui auoient regné en Sparte
depuis le grand Agesilaus, de maniere que n'estant pas encore arriué à l'age
de uingt ans, & aiant esté nourry opulētement entre les delices & uoluptueu-
ses superfluites de deux, Agesistrata sa mere, & Archidamia son ayeule, qui a-
uoient plus d'or & d'argent comptant, que nulz autres Lacedemoniens, com-
mencea neantmoins incontinent à se roidir & à tenir fort à l'encontre desuo-
luptez, mesmement à l'encontre la sollicitude de rendre agreable sa beauté, I
ostant tout parement & tout embellissement d'al'entour de la personne, fuyant
toutes delices, & se despouillant de toute superfluité, iusques à faire gloire d'al-
ler simplement uestu d'une pauvre meschante cappe, & à regretter le manger,
le baigner, & tout le reste de la regle de uiure de l'ancienne discipline Laconi-
que, disant publiquemēt qu'il ne uouldroit point estre Roy, si n'estoit pour l'es-
perance de remettre un iour sus ceste forme de uiure par le moien de l'autho-
rité royale. Or auoit commencé à se corrompre & gaster ceste discipline des
lors presque, que les Lacedemoniens aians ruiné la puissance des Atheniens,
festoient remplis d'or & d'argent: mais neantmoins estant tousiours demouré
le nombre des parts & portions des heritages que Lycurgus auoit instituees, & K
aiant tousiours de main en main le pere laissé à son filz la siene, c'est ordre &
ceste egalité s'estant aucunement maintenue, auoit preserué la chose publique
de plusieurs autres fautes & erreurs, iusques à ce qu'il y eut un personnage d'au-
thorité nommé Epiradeus, homme rebours, fier & superbe de nature, lequel es-
tant en office d'Ephore, uint à auoir debat à l'encontre de son propre filz, si as-
prement, qu'en haine de luy il meit en auant une loy & ordonnance, qu'il fust
loisible à un chascun de donner son heritage & son bien des son uiuāt, ou bien
apres

- A** apres sa mort par testamēt, à qui lon uouldroit. Celuy là proposa ceste ordonnance pour satisfaire à un sien particulier courroux, & les autres l'accepterent pour seruir à leur auarice, qui fut cause de réuerser & abolir une tresbelle institution: car les riches cōmencerēt alors à acquerir de tous costez, en deboutant les urays hēritiers des successions qui leur appartenoint: par ce moien estant l'opulence en peu de temps coulee es mains de petit nombre de gens, il y eut aussi tost une grande pauureté en la uille de Sparte, qui fut cause d'y faire cesser tous exercices honestes & liberaux, & d'y introduire les mechaniques, avec enuie & haine à l'encontre de ceulx qui possedoient les biens, de maniere qu'il n'y demoura pas plus de sept cēt naturelz Spartiates en tout, & de ceulx là, encore n'y en auoit il pas plus de cēt qui possedassent des tertes & heritages: tout le reste estoit un amas de peuple souffreteux q se tenoit en la uille, sans y auoir degré d'honneur quelconque, allant mal uoluntiers & laschemēt à la guerre contre les ennemis de dehors, & n'attendant autre chose que quelque occasion de remuer & changer tout au dedans. Pourtant Agis estimant que ce seroit une belle chose, cōme à la uerité elle l'eust esté, de repeupler la uille, & y ramener l'ancienne egalité, alloit sondant les cueurs & les uouluntez des hōmes, & trouua contre son esperance, que les ieunes furent ceulx qui plus tost y presterent l'oreille, & se renegerent du costé de la vertu, en changeant facilement, & tournant, ne plus ne moins qu'un habillement, leur maniere de uiure pour recouurer liberté: mais la plus part des uieux, comme ceulx qui estoient enuicilliz en la corruptiō, craignoient de retourner à l'austerité des ordonnances de Lycurgus, comme un esclau fugitif qui tremble de peur quand on le ramene deuant son maistre: au moien dequoy ilz tensoient Agis quand il uenoit à plorer & à lamenter deuant eulx la malheureté de l'estat present, & à regretter l'honneur & la dignité ancienne que Sparte auoit eue par le passé, excepté Lyfander filz de Lybis, & Mādroclidas filz de Ecphanes, & encore Agefilaus, qui tous approuuerent grandement son intention, & l'enhorterent de la poursuire uiuement. Ce Lyfander estoit le mieulx estimé & le plus honoré personnage qui fust en toute la uille: Mandroclidas le plus aduisé pour bien conduire une menée qui
- D** fust en toute la Grece, & si estoit son astuce & sa finesse accompagnée de hardiesse. Agefilaus estoit oncle du Roy, homme eloquent, mais au demourāt uoluptueux & auaricieux, & ce qui plus, à ce que lon uoyoit au dehors, le pouloit & l'encourageoit de fauoriser ceste entreprise, estoit son filz Hippomedon, qui festoit fort bien porté à la guerre en plusieurs batailles, & qui pouoit beaucoup pour l'amitié que luy portoient les ieunes hommes: mais la uraye cause secrette qui plus l'induisit à entrer en la conspiration, fut la multitude grande de ses debres, dōt il esperoit se descharger en remuant l'estat de la chose publique. Si tost donques qu'Agis eut gaigné celuy là, il essaya d'arrirer aussi par son moien sa mere, qui estoit sœur dudit Agefilaus, & femme qui pouoit beaucoup pour le grand nombre qu'elle auoit d'amis, de seruiteurs, d'obligez, & de debreurs en la uille, par le moien desquelz elle manioit à sa uoulunté une bonne partie des affaires de la chose publique: luy en aiāt dōques ouuert le propos, elle s'en estonna du commencement, & luy dit qu'il se teust s'il estoit sage, & se deportast de mettre en sa fantasie des choses qui n'estoiēt ne possibles ny utiles: mais quand Agefilaus luy eut un peu remonstré la belle chose que ce seroit, & comme elle se pouoit bien conduire à chef avec une utilité tresgrande, & que le roy Agis commença à les presser instamment de prieres, qu'il luy pleust
- E**

Agis & Cleomenes.

quitter uoluntairement sa richesse pour acquerir gloire & honneur à son filz, F
luy alleguant qu'il ne pourroit iamais arriuer à estre egal aux autres Roys en
cheuance & en auoir, attendu que les seruiteurs & facteurs seulemēt des Roys,
Seleucus & Ptolomæus, auoient plus de biens que n'en eurent iamais tous les
Roys de Sparte ensemble: mais si par temperance, magnanimité & continen-
ce surmontant leurs delices, il uenoit à remettre les Lacedæmoniens en com-
munaulté & egalité, comme ilz souloient estre ancienement, il acquerroit la
gloire & le renom d'un ueritablement grand prince & grand Roy. Alors ces
remonstrances ouyes, les Dames emeues & encouragées de ueoir si grāde ma-
gnanimité en ce ieune homme, commencerent à changer d'opinion, & furent
soudainement, comme par inspiration diuine si esprises de l'amour de vertu, G
qu'elles se meirent elles mesmes à inciter & haster Agis: & enuoyerent querir
leurs amis pour les prier & admonester de fauoriser à son entreprise: & qui plus
est, en parlerent aussi aux autres Dames sachans bien que de tout temps les La-
cedæmoniens croyent & deferent beaucoup à leurs femmes, leur permettant
de s'enquerir & se mesler plus auant des affaires de la chose publique, qu'à eulx
mesmes des affaires de leurs maisons. Or fault il noter que la plus part de la ri-
chesse de Lacedæmone estoit pour lors entre les mains des femmes, ce qui ren-
dit l'entreprise plus difficile, car les femmes y resisterent, non seulement pour-
ce que par icelle elles uenoient à perdre leurs delices, esquelles, pour n'auoir pas
cognoissance du uray bien, elles constituoient leur felicité: mais aussi par ce H
qu'elles uoyent que l'honneur qu'on leur faisoit, & la puissance & autorité
qu'elles auoient à cause de leurs richesses, leur uenoient à estre retrenchees de
tout poinct: à l'occasion de quoy en s'adressant à Leonidas l'admonesterent
de reprendre Agis, comme estant plus aagé que luy, & d'empescher ce qu'il a-
uoit entrepris de faire. Leonidas auoit bien bōne enuie de fauoriser aux riches:
mais craignant le commun peuple, qui ne demandoit autre chose que la muta-
tion, il n'ozoit pas luy resister ouuertemēt, ains faisoit soubz main tout ce qu'il
pouuoit pour rompre & empescher ses desseings, en tenant propos avec les of-
ficiers de la uille, & calumniant Agis enuers eulx, leur donnāt à entendre qu'il
offroit aux pauvres les biens des riches, departemēt des heritages, & abolition I
de toutes debtes pour salaire de luy mettre la tyrānie en main, & q par ce moien
il falloit acheptant à luy mesme plusieurs satellites, nō pas plusieurs citoiēs à la
uille de Sparte. Ce nonobstāt Agis aiant fait eslire Lysander Ephore, proposā
incontinent au conseil & meit en auant son ordōnance, de laquelle les articles
principaux estoiet, Que ceulx q deuoient, fussent entierement absoulz de leurs
debtes: que le territoire de Lacedæmone fust derechef diuisé en portios egales,
de sorte q depuis la uallee de Pallene iusques au mōt de Taugetus, & aux uilles
de Mallea & de Selasia, il y eust quatre mille cinq cents parts, & hors ces bornes
là, qu'il y eust en tout le reste autres quinze mille, lesquelles seroiēt distribuees
aux circonuoisins, qui seroiēt idoines à porter armes, & les autres aux naturelz K
Spartiates: le nōbre desquelz seroit réply des peuples uoisins & des estrangers
aussi, qui auroiēt esté bien nourriz, & qui se trouueroiēt forts & dispos de leurs
personnes, & en aage pour bien seruir: lesquelz puis apres seroient departis en
quinze conuiues, qui seroient les uns de deux cents, les autres de quatre cents
hommes, & uiuroient selon la forme & regle de uiure que leurs ancestres a-
uoient instituee & obseruee. Ceste ordonnance estant mise en auant au Senat,
les Senateurs se trouuerent differents d'opinion là dessus: parquoy Lysander
de

A de luy meſme, ſans attēdre autre aduis, aſſembla le grād cōſeil de tout le peuple: en laquelle luy meſme parla aux aſſemblez, & Mādroclidas & Ageſilaus auſſi, les priās de ne uouloir pas permettre que pour les delices d'aucuns particuliers en petit nombre, la dignité de Sparte demouraſt aneantie & eſteincte: ains ſe uouloir ſouuenir des oracles des Dieux, qui ancienement leur auoient eſté reſpondus, qu'ilz ſe donnaſſent ſoigneuſement garde de l'auarice & conuoitiſe d'auoir, qui ſeroit un iour la peſte & ruine de leur eſtat: & ſemblablement auſſi de celuy qui nagueres leur auoit eſté apporté du tēple de Paſiphaé: car il y auoit un tēple & un oracle de Paſiphaé, auquel y auoit grād apport en la uille de Thalamies. Si diſent aucū que ceſte Paſiphaé eſtoit l'une des filles d'Atlas, laquelle

B cōceut & enfanta de Iupiter un filz nōmé Hammon: les autres tienent que c'eſt Caſſandra l'une des filles du roy Priam, qui mourut en ce lieu là, & fut ſurnommee Paſiphaé, pource qu'elle rédoit à tout le mōde les oracles des choſes à aduenir. Mais Phylarchus eſcrit que Daphné fille d'Amycla, fuyant Apollo qui la uouloit prédre à force, fut trāſmuee en un laurier, & honoree par Apollo du don de prophetie: ſi diſoient que les oracles de ce Dieu leur commandoiēt que les Spartiates retournaſſent derechef à eſtre tous egaux, comme il auoit eſté ordōné par les loix de Lycurgus. Quād tous les autres eurent parlé, le roy Agis le dernier ſe tira en auant, lequel apres peu d'autres paroles dit, qu'il contribuoit à ceſte reformatiō de la choſe publique, qu'il uouloit remettre ſus, de tres grandes

C contributions: car premierement il mettoit en cōmun tous ſes heritages, qui eſtoient grands tant en terres labourables qu'en paſturages: & d'auantage * ſix cents talents en argent comprant, & qu'autant enſeroient ſa mere, ſon ayeule, & ſes parents & amis qui eſtoient tous les plus riches des Spartiates. Ce qu'entendant le peuple ſ'eſmerueillā grandement de la magnanimité de ce ieune roy, & en fut merueilleuſement aïſe: diſant que depuis trois cents ans il n'y auoit eu Roy digne de Sparte que luy: mais Leonidas au contraire ſ'eſforça lors de tout ſon pouuoir de luy reſiſter, diſcourant en ſoy meſme que ſi l'entrepriſe d'Agis auoit lieu, il ſeroit contrainct faire de meſme luy, & ſi ne luy en ſçauroit on pas meſme gré qu'à luy, pource que tous Spartiates e-

D galement ſeroient contraincts de mettre leurs biens en commun, mais l'honneur en demoureroit à celuy qui auroit commencé: ſi demanda publicquement à Agis, ſ'il eſtimoit Lycurgus auoir eſté hōme de bien. Agis luy reſpondit que ouy: & ou as tu uēu, repliqua adonc Leonidas, qu'il ait iamais aboly les debtes, ou qu'il ait receu des eſtrāgers au nōbre des bourgeois de Sparte: attendu que à l'opposite il n'eſtima point que ſa choſe publique peult eſtre ſaine, ſi non que tous eſtrangers en fuſſent entierement bannits. Agis à cela redoubla, diſant qu'il ne ſ'eſbahilloit pas ſi Leonidas aiant eſté nourry en païs eſtranger, & aiant pris femme en court de Satrape, ignoroit les ordōnances de Lycurgus, lequel chaffant hors de ſa uille l'or & l'argent, en chaffa auſſi le deuoir & le preſter. Et quant aux eſtrangers, il haïſſoit ceulx qui ne ſe uoloient renger aux meurs, couſtumes & façons de uiure qu'il introduiſoit, & eſtoient ceulx là qu'il chaffoit, non qu'il uoluſt mal à leurs perſonnes, mais pource qu'il craignoit leurs meurs & leur maniere de uiure, de peur que ſe meſlans parmy ſes citoiens ilz ne leur apportaffent & engendraſſent un deſir de uiure mollement & delicieuſement, avec une conuoitiſe de ſ'enrichir: car au demourant Terpander, Thales & Pherecydes, qui tous eſtoient eſtrangers de nation, furent iadis ſingulierement aimez, honorez & reuerrez en Sparte, pour autant qu'ilz chatoient

E

* Trois cēt
ſoixāte mille
eſcus.

Agis & Cleomenes.

en leurs escripts, les mesmes choses que Lycurgus establissoit en ses loix, & F
roymesme loues Ecprepes de ce, qu'estant Ephore il couppa avec une hache
les deux chordes que Phrynys le musicien auoit adiouxtees à la cythre de plus
que les sept ordinaires, & aussi semblablement ceulx qui en feirent autant à Ti-
motheus: & neantmoins tu me blâmes de ce que ie ueux oster de Sparte la su-
perfluité, les delices, la pompe & l'orgueil, comme si ces personnages là n'eus-
sent pas uoulu de loing obuier à ce que ceste superfluité & ce trop en la musi-
que ne procedast iusques à telle corruptiō de uie & de meurs des hommes, que
l'inegalité demesuree & disproportionnee entre les citoiens rendist la cité
descordante & mal conuenante avec soy mesme. Depuis ceste contention le
commun peuple suiuit Agis, & les riches se rengèrent du costé de Leonidas, le G
priens & admonestans de ne les point abandonner: & par prieres & remon-
strances feirent tant enuers les Senateurs, desquelz l'autorité principalement
consiste à consulter & digerer les matieres auant qu'elles puissent estre propo-
sees au peuple, qu'ilz gagnerent ce poinct, que l'ordonnance fut rebouttee par
une uoix de plus tant seulement. Parquoy Lyfander estant encore en son ma-
gistrat, se meit à poursuiure Leonidas en iustice par une ancienne loy, laquelle
defendoit que un de la race d'Hercules ne peust espouser femme estrangere ny
en engendrer des enfans legitimes, & qui establissoit peine de mort cōtre ceulx
qui sorroient de Sparte pour aller demourer ailleurs: & en suscita d'autres, aux
quelz il enseigna de tenir ces langages, pendant que luy avec ses compagnons H
observeroit le signe du ciel: ce qui estoit une telle coustume. De neuf en neuf
ans les Ephores choisissans une nuit que le ciel fust fort clair & net, & qu'il ne
feist point de Lune, se seoient en quelque lieu à descouuert, regardans contre
mont uers le ciel, & s'ilz apperceuoient aucune estoile qui saultast d'un endroit
du ciel à un autre, ilz mettoient leurs Roys en iustice, comme aians commis
quelque peché à l'encontre des Dieux, & les suspendoient de leur royauté, ius-
ques à ce qu'il fust uenu ou de Delphes ou d'Olympe quelques oracles qui les
restituassent. Lyfander dōcques disant qu'il auoit ueu & obserué le signe d'un
astre uolant, appella Leonidas en iustice, & produisit des resmoings cōtre luy:
comme il auoit espousé une femme Asiatique, que l'un des lieutenans du roy I
Seleucus luy auoit baillee en mariage, & qu'il en auoit eu deux enfans: mais
que depuis sa femme le haïssant & ne uoulant plus de luy, il s'en estoit retourné
contre sa uolunté au païs, où il s'estoit emparé de la royauté à faulte d'autre
hoir legitime qui la pretendist, & quand & quand en commenceāt ce proces
il persuada à son gendre Cleombrotus, lequel estoit aussi de la race royale, de
quereller la royauté. Leonidas craignant l'issue de ce proces, s'alla ietter en
franchise au temple de Iuno surnommee Chalceecos, & sa fille aussi, abandon-
nāt Cleombrotus son mary. Si fut Leonidas adiourné à comparoit en person-
ne: & ne l'ayant uoulu faire, fut par sentēce priué de la royauté, laquelle fut bail-
lee à Cleombrotus. En ces entrefaittes Lyfander sortit hors de son magistrat, K
estant son temps expiré: & les nouveaux Ephores qui luy succederēt, relencrent
Leonidas, & accusèrent Lyfander & Mandroclidas de ce que contre les loix ilz
auoiēt uoulu faire abolir les debtes, & faire derechef repartir les terres & heri-
tages. Eulx se uoyans appelez en iustice, suaderent aux deux Roys, que s'en-
tendans ensemble ilz ne feissent plus compte des decrets de ces Ephores: alle-
guans que ce magistrat là n'estoit uenu à auoir autorité sinon par la dissen-
siō des deux Roys, à fin qu'ilz dōnassent leurs uoix à celuy des Roys qui auroit
plus

A plus saine opinion, quand l'autre se uoudroit obstiner cōtre ce qui estoit le plus expedient: mais quand les deux Roys s'accorderoient, que toute leur autorité & puissance deuendroit nulle, & qu'ilz ne feroient point contre les ordōnances de la chose publique, s'ilz resistoient aux Roys, attēdu que de droit il ne leur appartenoit autre priuilege, sinō de arbitrer & decider quād il aduenoit quelque different entre eulx, non pas les aller contreroller quand ilz seroient d'accord. Aquoy les deux Roys adiouxtrans foy, s'en allerent ensemble sur la place accōpagnez de leurs amis, & feirent leuer les Ephores de leurs sieges, & en meirent d'autres en leur place, desquelz l'un fut Agésilas: oultre cela ilz armerent un bon nombre de ieunes hommes, & tirerēt les prisonniers hors des prisons:

B ce qui effroya fort leurs aduersaires, lesquelz penserent incontinent qu'ilz eussent proposē de faire mourir beaucoup de gens, mais il ne feirēt tuer personne, ains au cōtraire comme Agésilas uoulust faire tuer Leonidas, lequel s'en fuyoit en la uille de Tegee, & eust enuoyē gens sur le chemin pour l'attēdre & executer ceste uouluntē, Agis en aiant senty le uent, y enuoya d'autres hommes, dont il se fioit, qui accompagnerent Leonidas & le menerent à sauuetē iusques dedans Tegee. Ainsi estāt leur entreprise bien acheminee, & n'y aiant personne qui ozaist leuer la teste contre eulx pour les empescher, un seul homme Agésilas renuerſa tout, & gasta une tresbelle & tres Laconique ordōnance par un tres infame uice, qui fut son auarice & conuoitise d'auoir. Car aiant beaucoup

C de terres & des meilleures du païs, & deuant aussi beaucoup d'argent, il ne pouuoit payer ses debtes ny ne uouloit laisser ses terres, à raison dequoy il donna à entendre à Agis que s'ilz attentoient de faire l'un & l'autre tout ensemble, ilz suscitoient un grand trouble & dangereuse combustion en la cité: mais que s'ilz gaignoient ceulx qui possedoient des terres, en mettant en auant pour le commencement l'abolition des debtes seulement, ilz receuroient puis apres plus facilement sans dire mot au contraire le departement des terres. Lyſander en fut bien d'aduis, l'un & l'autre estāt deceu par la malice d'Agésilas. Si feirēt commādement à tous creanciers, qu'ilz eussent à apporter sur la place, tous papiers, schedules & lettres obligatoires, que les Lacedæmoniēs appellēt Claria,

D & en faisant un monceau, meirent le feu dedans. Quand les creanciers & ceulx qui faisoient mestier de preſter argent à usure en ueirent la flamme en l'air, ilz s'en allerent en leurs maisons fort mal contents: mais Agésilas en se mocquāt d'eulx, dit qu'il n'auoit iamais ueu plus beau ne plus clair feu. Le peuple demandoit au surplus que le departement des terres se feist tout quand & quand: & les Roys le uouloient aussi, mais Agésilas y faisant naistre tousiours quelques empeschemens, & alleguans quelques excuses tiroit la chose en longueur, iusques à ce qu'il aduint une occasion, qu'il fallut qu'Agis allast à la guerre, aians les Acheiens enuoyē demander le secours que ceulx de Lacedæmone estoient tenus de leur fournir par les capitulations de la ligue qu'ilz auoient avec eulx, à

E cause que lon attendoit de iour à autre, que les Etoliens entrassent par les terres des Megariens dedans le païs du Peloponēse: pour à quoy obuier, Aratus capitaine general des Acheiens auoit assemblē son armee, & auoit escript aux Ephores qu'ilz enuoyassent leur secours: & eulx depeschèrent incontinent le roy Agis, uoians mesmemēt l'affection & la bonne uouluntē de ceulx qui estoient deputez pour aller à celle guerre soubz luy, la plus part ieunes hommes & paureres qui se uoioiēt deschargez de la crainte de leurs debtes, & esperoiet que lon leur departiroit les terres aussi tost comme ilz seroient de retour de ce uoiage, à

Agis & Cleomenes.

raison dequoy ilz se monstroient merueilleusement bien deliberez & obeissans F
au roy Agis: tellement que les uilles par ou ilz passoient les consideroient avec
admiration grande, uoians cōme ilz trauerfoient tout le Peloponese d'un bout
à autre doucement, sans faire desplaisir ny dommage à personne, & presque
sans mener bruit quelconque, en maniere de parler. Si alloiēt les Grecs discou-
rans en eulx mesmes, comment il deuoit donques au pris faire bon ueoir l'ar-
mee de Lacedæmone ancienement, quād ilz auoient pour capitaine un Agefi-
laus, un Lysander, ou un Leonidas, ueu que tous ceulx qui lors estoient en l'ar-
mee qui passoit, obeissoient si promptement à Agis, qui estoit à peu pres le plus
ieune homme de tout son camp, lequel faisant gloire de se passer de peu, d'ai-
mer à beaucoup trauailler, & à n'estre point ny uestu ny armé plus sumptueu- G
sement qu'un priué soudard, en estoit bien regardé, loué, & aimé de la cōmune:
mais les riches ne prenoiēt point de plaisir à celle nouuelleté qu'il introduisoit,
craignans que cela ne dōnast occasion aux autres peuples de se mouuoir aussi,
& d'en uouloir autant faire en leur endroit. Agis dōques ataignit le camp d'A-
ratus pres la uille de Corinthe sur le point qu'il consultoit s'il deuoit donner
la bataille à l'ennemy ou non: & en ce conseil monstra Agis une uolunté
bien deliberee & une hardiesse non temeraire ny furieuse: car il dit qu'il estoit
d'aduis que lon deuoit combattre, & ne laisser point entrer la guerre plus auāt,
en abandonnant l'entree du Peloponese: toutefois qu'il feroit, ce qu'Aratus choi-
siroit pour le meilleur, à cause qu'il estoit plus ancien & capitaine general des H
Acheiens, aux quelz il n'estoit pas uenu pour commander, ains pour leur aider
& pour les secourir. Toutefois Baton Sinopien escrit qu'il ne uoulut pas com-
battre, quoy qu'Aratus le uoulust: mais il n'auoit pas leu ce qu'Aratus mesme a
laissé par escript pour sa iustification & defence, là dessus alleguant que les la-
boueurs aians ia recueilly & serré la plus grand part des fruiets de la terre, il
estima qu'il ualoit mieulx laisser entrer les ennemis, que de hazarder la batail-
le, ou il estoit question de la perte de tout le Peloponese, & que pour ceste cause
il donna congé à tous les alliez & rompit son armee. Ainsi se retira Agis aussi
fort estimé de tous ceulx qui furēt en ce camp, estāt ia les affaires fort brouillees I
& troublees en la uille de Sparte: car Agefilaus estant Ephore & se sentant de-
liuré de la crainte qui le tenoit bas auparauant, n'espargna ny ne laissa à com-
mettre crime quelcōque, prouueu qu'il luy en uint argēt: car entre autres cho-
ses, il feit ceste année là payer les tailles & tributs deuz au public pour treze
mois, en y adiouxant le trezieme, sans que l'ordre du temps ny la reuolution
ordinaire des ans le requist. Au moien dequoy, uoiant qu'il estoit haï de tout
le monde, & craignant ceulx à qui il faisoit tort, il entretenoit des soudards
portans espees qui l'accompagnoient, & luy seruoient de garde quand il alloit
au palais. Quāt aux deux Roys, il ne faisoit compte de l'un, & de l'autre il uou-
loit que lon pensast qu'il en feist cas, plus à cause de la parenté qu'il auoit avec
luy, que pour la royale dignité, & si sema un bruit, qu'il seroit encore Ephore K
l'annee ensuiuant: parquoy ses malueuillans se bendans ensemble & se hazar-
dans au peril, ramenerent à uiue force tout ouuertement Leonidas de Tegee
pour le remettre en sa royaulté, ce que le commun peuple mesme fut bien aise
de ueoir: car ilz estoient mal contents de se ueoir abuzez, en ce que lon ne faisoit
pas le departement des terres, comme lon leur auoit promis: & quant à Agefi-
laus, son filz Hippomedon estant bien uoulu de tout le monde pour sa uailan-
ce, feit tant par ses prieres enuers le peuple, qu'il le sauua, & le tira hors du dan-
ger.

Agis & Cleomenes.

555

- A** ger. Mais quant aux deux Roys, Agis se ietta en franchise dedans le temple de Iuno Chalceecos, & Cleombrotus en celuy de Neptune: car il sembloit que Leonidas luy en ueulust plus qu'il ne faisoit à Agis: tellement qu'il laissa Agis pour aller cōtre luy accōpagné de gens de guerre: si luy reprocha, quand il fut pres de luy, q̄ combié qu'il fust son gēdre, il l'auoit neantmoins espié, luy auoit osté sa royaulté, & l'auoit chassé de son païs. A quoy Cleōbrotus ne sachāt que respondre, se teint affeis sans luy rien repliquer: mais Chelonis sa femme, fille de Leonidas, qui parauant s'estoit sentie oultragee du tort que lon faisoit à son pere, & s'estoit separee d'auec son mary Cleōbrotus, qui auoit usurpé la royaulté sur luy, pour aller seruir son pere en son aduersité, & tant cōme il fut en franchise, se rendit aussi suppliante comme luy, puis quand il sen fut allé à Tegee demoura tousiours portant le deuil, indignee à l'encontre de son mary: mais lors au contraire changeant son courroux avec la fortune, se rendit aussi suppliante avec son mary, se seant aupres de luy, & le tenant entre ses bras, aiant au dessoubz d'elle ses deux petits enfans, l'un d'un costé & l'autre d'un autre: tellement que tous les assistans s'en esmerueilloient, & ploroient par compassion de ueoir la debonnaireté & charité de ceste Dame, laquelle monstrant son uestement de deuil & ses cheueux espars sans ornement quelconque, se prit à dire, Ce n'est point la pitié que i'ay de Cleombrotus qui me fait prendre cest habit ny ceste contenance, mon pere, ains est le deuil qui a tousiours demouré avec moy, & que i'ay continuellement porté depuis le commencement de tes maux quand tu fus chassé en exil: lequel donques des deux doy-ie plus tost faire maintenant, ou cōtinuer de uiure en deuil & porter ce piteux accoustrement ores que tu es uenu au dessus de tes ennemis & es restitué en ta royaulté, ou bien uestir un accoustremēt royal & robe de parement, uoiant que tu ueux occire le mary auquel tu m'as donnee fille en mariage: lequel fil ne te peult mouuoir à pitié, & obtenir de toy mercy par les larmes de sa femme & de ses enfans, souffrira encore une plus dure peine de son mauuais cōseil, que celle que tu luy ueux faire souffrir: c'est, qu'il uerra sa femme, laquelle il aime plus chèrement que chose de ce monde, mourir deuant luy: pource qu'autrement, cōme pourrois-ie, ny avec quel frōt me trouuer en la compagnie des autres honestes Dames, quād ie n'auray onques peu emouuoir à pitié ny mon pere en priant pour mon mary, ny mon mary en priant pour mon pere, & que ie me uoy nee pour estre & fille & femme tousiours malheureuse & mesprisee des miés: Mais quant à mō mary, fil auoit aucune raison appârete de faire ce qu'il feist, ie la luy ostay en me rengeant de ton costé, & protestant contre luy du tort qu'il te faisoit: & au contraire, tu luy dōnes honeste couuerture d'excuser son peché, faisant paroïr que la royaulté soit chose si desirable & si grande, qu'il soit loisible de tuer ses gēdres, & ne faire aucun compte de ses propres enfans pour l'amour d'elle. Chelonis en faisant ces regrets & lamentations, meit son uisage dessus la teste de Cleombrotus, & ietta ses yeux enfoncez de douleur, & fondus à force de larmoyer, deuers les assistans: parquoy Leonidas, apres auoir un peu communiqué avec ses amis, commanda à Cleombrotus qu'il se leuast de là, & qu'il sen allast hors de la uille en exil, priant sa fille qu'elle uoulust demourer pour l'amour de luy, & n'abādonner point son pere qui l'auoit tāt aimée, que pour l'amour d'elle, il auoit sauué la uie à son mary: mais, quoy qu'il dist, il ne la sceut induire à uouloir ce faire, ains se leuant quand & son mary; luy tendit l'un de ses enfans, & prit elle mesme l'autre entre ses bras, puis aiant fait son oraison

Agis & Cleomenes.

deuant l'autel de la Deesse, s'en alla en exil avec luy, de maniere que si Cleombrotus n'eust eu le iugement de praué par ambition & uaine gloire, il eust deu estimer que cest exil luy estoit plus grád heur pour sa femme telle qui l'accompaignoit, que n'estoit la royaulté mesme sans elle. Ainsi Leonidas aiant chassé Cleombrotus hors de la uille, & au lieu des premiers Ephores qu'il deposa, en aiant substitué d'autres, se meit incontinent à penser les moies cōment il pourroit auoir Agis: si tascha de luy persuader premierement qu'il sortist de la franchise du tēple ou il estoit, & qu'il s'en allast avec luy à seureté exercer sa royaulté, luy donnant à entendre que ses citoiens luy auoient pardonné tout le passé, à cause qu'ilz cognoissoient bien qu'il auoit esté deceu & circonuenu par Agesilaus, cōme ieune hōme desireux d'honneur qu'il estoit. Toutefois pour cela Agis ne bougeoit point de sa frāchise, ains auoit pour suspect tout ce que l'autre luy alleguoit: au moié dequoy Leonidas se deporta de tascher à l'attirer & l'abbuzer par belles paroles: mais Amphares, Demochares & Arcesilaus alloiēt souuent le uisiter & deuiser avec luy, tant que quelquefois ilz le menoient iusques aux estuues, puis quand il sy estoit estuüé & laué, ilz le ramenoïēt dedans la franchise du temple, car ilz estoient tous ses familiers. Mais Amphares aiant de nagueres emprunté de luy quelques precieux meubles, comme tapisseries & uaisselle d'argent, entreprit de le trahir, luy, sa mere & son ayeule, soubz esperance que ces meubles quil auoit empruntez luy demoureroient. Et dit on que ce fut luy, qui plus que nul autre presta l'oreille à Leonidas, & incita & irrita les Ephores, du nombre desquelz il estoit. Cōme doncques Agis eust accoustumé de se tenir tousiours le reste du temps dedās le temple, excepté que quelquefois il alloit iusques aux estuues, ilz proposerent de le surprendre quand il seroit hors de la franchise. Si espierent un iour qu'il s'estoit estuüé, & ainsi qu'ilz auoient accoustumé luy allerent au deuant, & le saluerent, faisans semblāt de le uouloir reconuoyer, en deuissant & raillant avec luy, cōme avec un ieune homme duquel ilz se tenoient fort familiers: mais quand ilz furent à l'endroit du destour d'une rue trauersante qui alloit à la prison, Amphares mettant la main sur luy, pource qu'il estoit en magistrat, luy dit, le te fais prisonnier Agis, & te mene deuant les Ephores pour rendre compte & raison de ce que tu as innoué en l'estat de la chose publique. Et lors Demochares qui estoit grand & puissant homme, luy ietta aussi tost sa robe à l'entour du col & letira par deuant, les autres le pōulsoient par derriere, comme ilz auoient conspiré entre eulx. Ainsi n'y aiant personne aupres d'eulx qui peust secourir Agis, ilz feirent tant qu'ilz le trainnerent en prison, & incontinent y arriua Leonidas avec bon nombre de soudards estrangers, qui enuironnerent la prison par le dehors. Les Ephores entrerent dedans & enuoierent querir ceulx du Senat, qu'ilz sçauoient bien estre de mesme uolonté qu'eulx, puis commanderent à Agis comme par forme de proces, de dire pour quelle cause il auoit faiēt ce qu'il auoit innoué en l'administratiō de la chose publique. Le ieune homme se prit à rire de leur simulatiō: & adonc Amphares luy dit qu'il n'estoit pas temps de rire, & qu'il falloir qu'il payast la peine de sa folle temerité. Vn autre Ephore faisant semblant de luy fauorizer & de luy monstrier un expedient pour eschapper de ceste criminelle procedurē, luy demanda sil auoit pas esté seduiēt & cōtrainēt à ce faire par Agesilaus, & par Lysander. Agis respondit qu'il n'auoit esté induit ne forcé de personne: mais qu'il l'auoit faiēt seulement pour ensuiure l'ancien Lycurgus, aiant uolu remettre la chose publique

A au mesme estat, que luy iadis l'auoit ordonnee. Le mesme Ephore luy demanda fil se repentiroit pas de ce qu'il en auoit faict. Le ieune homme respondit franchement, qu'il ne se repentiroit iamais de chose si sagemēt & si vertueusement entreprise, encore qu'il ueist la mort toute certaine deuant ses yeux. Alors ilz le condemnerent à mourir, & commāderent aux sergens de le mener en la Decade, qui est un certain lieu de la prison : là ou lon estrangle ceulx qui sont cōdemnez à mourir par iustice. Et Demochares uoiant que les sergens n'ozoient mettre la main sur luy, & que semblablement les soudards estrāgers refuioient & auoient en horreur une telle execution, comme chose cōtraire à tout droit diuin & humain, de mettre la main sur la personne d'un Roy, en les menas-

B fant & leur disant iniure, trainna luy mesme Agis dedans celle chartre : car plusieurs auoient desia entendu sa prise, & y auoit ia grand tumulte à la porte de la prison, & force lumieres & torches, & y accoururent aussi tost la mere & l'ayeule d'Agis, qui crioient & requeroiēt que le Roy de Sparte peust au moins auoir iustice, & que son proces luy fust faict par ses citoiens. Cela fut cause de faire hastier & precipiter son execution, pour ce que ses ennemis eurent peur que lon ne le recourust par force la nuit d'entre leurs mains, sil y arriuoit encore plus de gens. Ainsi estant Agis mené à la fourche, appercent en allant l'un des sergens qui ploroit & se tourmentoit, auquel il dit, Mon amy ne te tourmente point pour pirié de moy : car ie suis plus homme de bien, que ne

C sont ceulx qui me font mourir si meschāment & si malheureusement : & en disant ces paroles bailla uoluntairement son col au cordeau. Cependant Amphares sortit à la porte de la prison, là ou il trouua Agefistrata mere d'Agis, qui se ietta à ses pieds, & luy la relevant comme pour la familiarité & amitié qu'il auoit eue avec elle, luy dit, que lon ne feroit force ne uolence aucune à Agis, & qu'elle le pouuoit aller ueoir si bon luy sembloit : elle pria que lon laissast donques entrer sa mere quand & elle. Demochares respondit que rien ne l'empeschoit, & ainsi les meit dedans toutes deux, faisant refermer les portes de la prison apres elles. Mais entrees qu'elles furent, il bailla aux sergens Archidamia la premiere à executer, laquelle estoit fort ancienne, & auoit uescu ius-

D ques à son extreme uieillesse en plus grande honneur & plus de dignité que nulle autre dame de la uille. Celle là executee, il commanda à Agefistrata d'entrer apres, & elle uoiant le corps de son filz mort estendu, & sa mere encore pendue au gibet, aida elle mesme aux bourreaux à la despendre, & l'estendit au lōg du corps de son filz : & apres l'auoir accoustree & couuerte, se ietta par terre aupres du corps de son filz, & en le baisant au uisage, Helas, dit elle, ta trop grāde bonté, douceur & clemence, mon filz, sont cause de ta mort & de la nostre. Adonc Amphares qui regardoit de là porte ce qui se faisoit au dedās, oyant ce qu'elle disoit, entra sur ce poinct & luy dit en cholere, puis que tu as esté cōsentante du faict de tō filz, tu souffriras aussi mesme peine que luy. Lors Agefistrata se relevant pour estre estranglee, Au moins, dit elle, puisse cecy profiter à Sparte. Ce cas estant diuulgé par la uille, & les trois corps emportez hors la prison, la crainte des magistrats ne peut estre si grande, que les citoiēs de Sparte ne monstrassent euidēment qu'ilz en estoient fort desplaisans, & qu'ilz ne haïssent de mort Leonidas & Amphares, estimans qu'il n'auoit oncques esté commis un si cruel, si malheureux ne si damnable forfait en Sparte, depuis que les Doriens estoient uenus habiter au Peloponese : car les ennemis mesme en bataille ne mettoient pas uoluntiers les mains sur les Roys des Lacedemoniens,

Agis & Cleomenes.

ains s'en destournoient s'il leur estoit possible, pour la crainte & reuerce qu'ilz portoiēt à leur maiesté, de sorte qu'en tant de batailles que les Lacedemoniens auoient eues alencontre des Grecs il n'y en eut oncques que Cleombrotus, auant le temps de Philippus, qui fut tué d'un coup de iaueline en la iournee de Leuctres. Il est uray que les Messeniens tiennent que leur Aristomenes tua aussi Theopompus, mais les Lacedemoniens disoient qu'il l'auoit seulement blecé: toutefois en cela il ya quelque diuersité d'opinions: mais bien est il certain que cest Agis fut le premier des Roys que les Ephores feirent mourir, pour auoir voulu faire de tres belles choses & tres conuenables à la gloire & dignité de Sparte, estât en l'aage, en laquelle quand les hommes faillent, encore leur pardonne lon, & aians eu ses amis plus iuste occasion de se plaindre de luy que non pas ses ennemis, pour ce qu'il sauua la uie à Leonidas, & se fia aux autres, comme la plus douce & la plus humaine creature du monde qu'il estoit. Aiant doncques esté Agis ainsi executé, Leonidas ne fut pas assez habille pour surprendre aussi Archidamus son frere, car il s'en fouit incontinent: mais il feit emmener par force sa femme hors de sa maison avec un petit enfant qu'elle auoit de luy, & la feit espouser à son filz Cleomenes, combié qu'il ne fust pas encore en aage de marier, de peur que ceste ieune Dame ne fust remariee ailleurs, pour ce qu'elle estoit heritiere d'une grande & riche maison, estant fille de Gylippus nommee Agiatis, oultre ce qu'elle estoit la plus belle ieune Dame qui fust pour lors en toute la Grece, la plus honeste & la mieulx cōditionnee: pour tant feit elle tout ce qui luy fut possible, pour n'estre point forcee: toutefois estant à la fin mariee avec Cleomenes, elle eut tousiours Leonidas en haine mortelle, mais elle se monstra bonne & amiable enuers son ieune mary, lequel aussi incontinent qu'il l'eut espousee en fut amoureux, & par une cōpassion luy sceut bon gré de l'amour qu'elle portoit encore à son premier mary, & de l'amiable souuenance qu'elle auoit de luy, de maniere que bien souuent il l'en mettoit luy mesme en propos, luy demandant comme les choses estoient passées, & prenoit plaisir à luy ouir raconter quelle intention & quelle uolunté auoit eue Agis: car Cleomenes estoit bien autāt desireux d'honneur, & auoit biē le cuer aussi hault comme Agis, & n'estoit pas moins bien né à la temperance & à la simplicité & suffisance de peu, que luy: mais il n'auoit pas celle bonté trop reservee, & ceste trop grande douceur que l'autre auoit, ains se trouuoit en son naturel un petit aguillon de cholere d'auantage, & une uehemençe de uoloir mettre à execution ce qu'il trouuoit honeste: si luy sembloit bien qu'il estoit plus desirable & plus honeste, pouuoir uenir au dessus de ceulx aux quelz il auoit à faire de leur bō gré, mais encore estimoit il honeste d'en uenir au dessus cōment que ce fust, uoulussent ou non, en les forceāt de se renger à ce qui estoit le meilleur. Or ne luy plaisoit point l'estat de la uille de Sparte, uoiant que les citoiens s'alloient aneantissant par oyfisueté & uoluptez, & que le Roy laissoit aller tous les affaires comme ilz pouuoient, prouueu que lon ne l'empeschast point de uiure à son plaisir en ses delices, sans rien faire, de sorte que personne n'yaient soing du public, chacun tiroit tout ce qu'il pouuoit au profit particulier de sa maison: au demourāt, de faire exercer les ieunes enfans, de les nourrir à la temperance, d'introduire une egalité & une reformation de uie, il n'estoit pas seulement seur d'en parler, attendu que Agis auoit de fresche date esté mis à mort pour cest occasion. Lon dit d'auantage que Cleomenes encore ieune garson auoit ouy quelques discours de la philosophie, quand le philosophe

Agis & Cleomenes.

557

- A** Sphærus natif du païs de Boristhenes passa par le païs de Lacedæmone, qui se-
stoit affectueusement arresté à instruire les ieunes garçons & les ieunes hom-
mes: c'estoit l'un des premiers & principaux disciples de Zenon le Citié, & prit
plaisir à considerer & aimer la generosité du naturel de Cleomenes & à luy es-
chauffer encore d'auantage le desir qu'il auoit de se faire ualoir, & renommer:
car comme lon dit, que l'ancien Leonidas interrogué quel poëte luy sembloit
Tyrtæus, respôdit, bon pour flatter & attirer les cueurs des ieunes gës, pource
que par telz uers, estans cômme remplis de diuine inspiration, quâd ilz uenoient
puis apres aux batailles, ilz se iettoient la teste baissée dedans les perilz, sans en
rien espargner leurs personnes: aussi les raisons des philosophes Stoiques ont
- B** bien ne sçay quoy de dangereux pour les natures fortes & uigoureuſes, qui les
induit quelque fois à temerité: mais quand elles uienēt à s'imprimer en un na-
turel graue, doulx & reposé, c'est lors que plus elles monstrent & produisent ce
qu'elles ont de bon fruit. Estant doncques Leonidas pere de Cleomenes uenu
à mourir, & luy à succeder à la royaulté, uoiât que les habitâs de Sparte estoient
de tout poinct corrompus, par ce que les riches n'entendoient qu'à leurs parti-
culiers plaisirs ou profits, & ne se soucioient point du public: & que les pauures
aians assez affaire à uiure en leurs maisons, n'alloient point guayement ny de
bon courage à la guerre, & ne leur chaloit de la nourriture des enfans: que luy
n'auoit que le nom de Roy, mais que toute l'autorité estoit en la main des E-
phores, il luy prit des son aduenement à la royaulté, enuie de remuer & chan-
ger l'estat de la chose publique: & aiant un sien amy Xenares, lequel auoit autre
fois esté amoureux de luy, ce que les Lacedæmoniens appellēt Empnistai, com-
me qui diroit, estre inspiré, il commença à sonder son uouloir, en luy deman-
dant quel Roy luy sembloit auoir esté Agis, & par quelle maniere & avec qui il
estoit entré au chemin qu'il auoit suiuy. Xenares du commencement n'estoit
point mal content de rememorer ces choses, & luy racomptoit comme tout e-
stoit passé: mais quand il apperceut que Cleomenes se passionnoit extrememēt
& s'affectionnoit oultre mesure à ceste nouuelleré d'Agis, & qu'il en uouloit
ouir le recit trop souuent, il l'en reprit & l'en tensa en cholere, comme n'estant
- D** pas sage, & finablemēt se deporta du tout de luy en parler, & mesme de retour-
ner le uisiter, sans toutefois en descouurir la cause à personne, disant seulement
à ceulx qui la luy demandoient, que luy mesme la sçauoit bien: parquoy l'ayant
ce Xenares ainsi rebuté, & pensant qu'il trouueroit les autres tout de mesme, il
resolut d'en ourdir les moiens luy tout seul aparſoy: & pensant qu'il luy seroit
plus facile de remuer les choses en temps de guerre qu'en temps de paix, il meit
la uille de Sparte en picque avec la cômunaulté des Achæiens, lesquelz don-
nerent eulx mesmes les premiers occasions de se plaindre d'eulx, car Aratus
aiant la principale autorité en leur conseil, auoit tousiours tendu des son côm-
mencement à ioindre en une liguë tous les habitans du Peloponese, & estoit
- E** cela le seul but ou uisoient tous ses trauaux en guerre, & toutes ses pratiques &
menees en paix: estimant qu'il n'y auoit autre moie pour faire que les ennemis
du dehors ne les peussent aucunement offenser: & y aiant desia rengé presque
tous les autres peuples, il ne luy restoit plus que les Eliens, les Lacedæmoniens,
& quelques uns des Arcadiës qui marchaient sous les Lacedæmoniës. Si tost
doncques que le roy Leonidas fut decedé, il commença à harceller les Arca-
diens & à les irriter, mesmemēt ceulx qui confinent aux Argiens, pour sonder
que uouldroient dire les Lacedæmoniens, ne faisant point de compte de Cleo-

Agis & Cleomenes.

menes, pource qu'il estoit encore ieune & n'auoit aucune experiēce de la guerre: à raison dequoy les Ephores de Lacedæmone l'enuoyerent premierement saisir le temple de Minerue qui est pres la uille de Belbine, pource que c'est une entree du païs de la Laconie, mais le lieu estoit lors en querelle entre les Megalopolitains & les Lacedæmoniens. Cleomenes s'en saisit, & le fortifia: dequoy Aratus ne fit point autrement de plainte, mais une nuit partant avec son armee alla courir sus à ceulx de Tegee & d'Orchomene, toutefois les traistres qui auoient intelligēce avec luy eurent peur quand ce uint à mettre leur trahison à execution. Ainsi s'en retourna Aratus sans riē faire, pēsant que lon n'auroit riē sceu de sa faillie: mais Cleomenes par mocquerie luy escriuit comme à son amy, luy demandant ou il menoit l'autre nuit son armee: Aratus luy rescriuit que aiant entēdu qu'il uouloit fortifier Belbine, il estoit fort pour l'en engarder. Cleomenes renuoya derechef uers luy, & luy manda qu'il le croioit fermement, mais qu'il le prioit bien fort de luy rescrire, si d'auenture il n'y auoit quelque interest, pour quelle cause il faisoit doncques porter des eschelles & des flambeaux apres luy. Aratus se prit à rire de ceste attainte de mocquerie, & demanda quel estoit ce ieune homme. A quoy Democritus Lacedæmonien bāny de son païs luy respondit: Il est tel, que ie t'aduiſe si tu as à entreprendre quelque chose contre les Lacedæmoniens, que il fault q̄ tu te hastes auant que les ergots soiēt uenus à ce ieune poulet. Depuis estāt à la cāpagne dedās le païs d'Arcadie avec peu de gens de cheual & trois cents hommes de pied seulement, les Ephores luy manderent qu'il s'en retournaſt, craignans la guerre: mais il ne fut pas si tost retourné à Sparte, que Aratus luy prit à son dos la uille de Caphyes, au moien dequoy les Ephores le renuoyerent derechef incontinent, ou il prit la place de Methydrium & courut tout le plat païs d'Argos. Si sortirent les Acheiens alencontre de luy avec une armee de uingt mille hommes de pied, & de mille cheuaux, ſoubs la conduite d'Aristomachus, & s'entrecotrērent pres la uille de Palantium, là ou Cleomenes luy presenta la bataille: mais Aratus craignant la hardieſſe de ce ieune homme, ne uolut pas permettre que le capitaine hazardaſt la bataille, ains se retira, dont il fut iniurié par les Acheiens, mocqué & meſpriſé des Lacedæmoniens: lesquelz n'estoient pas en tout plus de cinq mille combattans: parquoy le cueur en eſtant creu à Cleomenes & parlant plus brauement à ſes citoiens, il leur ramenoit en memoire un mot de quelqu'un de leurs anciens Roys qui ſouloit dire, que les Lacedæmoniens ne demandoient iamais combien estoient les ennemis, mais là ou ilz estoient. Quelque temps apres les Achæiens faiſans la guerre aux Eliens, Cleomenes les alla ſecourir, & attraignit l'armee des Achæiens pres le mont de Lyceum ainſi comme ilz ſ'en retournoient deſia: ſi les effroya de telle ſorte, qu'ilz ſe meirent en rouverte, en tua un grand nombre, & en prit beaucoup de prisonniers, tellement que le bruit courut incontinent par toute la Grece que Aratus luy meſme y estoit mort, & uſant ſagement de l'occasion que luy donnoit ceste rouverte, ſ'en alla droit à la uille de Mantinee, ſans que perſonne ſ'en doubtaſt, & l'ayant ſurpriſe au deſprouueu, meit bonne garniſon dedans pour la tenir: mais les Lacedæmoniens aians les cueurs faillis, & reſiſtans à ſes entrepriſes, pource qu'il les uouloit à tout propos mener à la guerre, il luy prit enuie d'enuoier querir Archidamus frere d'Agis eſtant à Meſſene, auquel appartenoit le droit de la royaulté de l'autre maiſon royale de Sparte, cuidant que la puissance des Ephores en uiendroir à eſtre de tant plus affoiblie, quād celle des

- A deux Roys ensemble leur feroit contrepoix: dequoy s'apperceuans ceulx qui auoient fait mourir Agis, & craignans qu'ilz ne fussent avec le temps punis de ceste execution, si une fois Archidamus retournoit, ilz le receurent bien secrettement en la uille & aiderent à le faire reuenir, mais si tost qu'il y fut le feirent aussi mourir, soit que ce fust au desceu de Cleomenes, ainsi comme Phylarchus l'escriit, ou bien de son consentement, f'estant depuis laissé induire par ses amis à le leur abandonner: car il est bien certain que la plus part de la coulpe en fut reiettee sur eulx, pource qu'il sembla qu'ilz eussent forcé Cleomenes à ce faire. Toutefois aiant resolu de remuer, au plus tost quil luy seroit possible, l'estat de Sparte, il feit tant par argent enuers les Ephores, qu'il les induisit à luy decerner un uoyage: & si attira plusieurs autres des citoiens à sa deuotion par le moien de sa mere Cratesiclea, laquelle luy fournissoit argēt tant comme il uouloit, & luy aidoit à se poulsier en auant, iusques à prendre mary qui estoit le premier homme de Sparte en autorité & en reputatiō, pour seruir aux desseings de son filz, combien qu'elle n'eust point autrement de uolunté de soy remarier. Ainsi Cleomenes menant son armee aux champs, prit une place dedans le territoire de Megalipolis, appelée Leuctra: & les Acheiens estans promptement uenus au secours soubz la conduite d'Aratus, il y eut bataille donnee tout ioignant la uille mesme, ou il eut du pire en une partie de son armee: mais toutefois Aratus ne uolut pas souffrir que les Acheiens passassent une grande & profonde fondriere qu'il y auoit pour le poursuiure, ains feit sonner la retraite: dequoy Lydiadus Megalopolitain se courrouceant, feit neantmoins picquer oultre les gens de cheual qu'il auoit soubz luy, & en chassant ne se donna garde qu'il se trouua en un lieu plein de uignes, de murailles, & de fosses, ou il fallut qu'il escartast ses gens, encore n'en pouuoit il sortir. Ce que uoiant Cleomenes, enuoya ses Tarentins, qui estoient cheuaux legers, & ses Candiots contre luy, par lesquelz Lydiadus en combattant uertueusement fut porté mort par terre. Cela feit reprendre courage aux Lacedemoniens, de maniere qu'avec grands cris ilz retournerent charger les Acheiens par telle fureur, qu'ilz mirēt toute leur armee entierement en rouverte, & y mourut sur le champ grand nombre de leurs gens, les corps desquelz Cleomenes à leur requeste leur rendit pour leur donner sepulture: mais il feit enleuer celuy de Lydiadus, qu'il reuestit d'une robe de pourpre, & luy mettāt une couronne sur la teste, l'enuoia en ce paremēt, iusques aux portes mesmes de la uille de Megalipolis. Cest celuy qui auoit quitté la tyrannie qu'il tenoit en sa uille, en rendant la liberté à ses citoiens, & qui auoit ioinct Megalipolis à la ligue & communaulté des Acheiens. Depuis ceste desfaite Cleomenes ne pensa plus qu'à toutes choses grandes, f'estāt persuadé que sil pouuoit ordonner les affaires de Sparte ainsi comme il desiroit, il uendroit puis apres facilement à bout des Acheiens. Si remonstra au mary de sa mere Megistonus, qu'il se falloir depestrer des Ephores, & faire mettre en commun tous les heritages des Spartiates, & puis quand ilz seroient egaux en biens, les exciter lors à uouloir recouurer la principaulté de toute la Grece, cōme l'auoient anciennement tenue leurs predecesseurs: à quoy Megistonus f'estāt accordé, il prit encore deux ou trois de ses amis. Or estoit il aduenu enuiron ce temps là, que l'un des Ephores couché dedans le temple de Pasiphaé, auoit eu en dormant un merueilleux songe: car il luy fut aduis, que au parquet ou les Ephores auoiēt accoustumé de tenir leur audiēce, il n'y auoit qu'une seule chaire, & que tous les quatre Ephores y furent tuez: dequoy luy f'esmerueillāt, en-

Agis & Cleomenes.

tendit une voix en sortant du tēple, disant que cela estoit le plus expedient pour la uille de Sparte. l'Ephore racompta ceste uision le lendemain à Cleomenes, lequel en fut un peu troublé du commencement, pensant qu'il luy comprast cela pour sonder ce qu'il auoit sur le cueur, aiant senty quelque uent de sa deliberation: mais quand il se fut persuadé que l'autre ne luy mentoit point, alors il s'en assura & confirma encore d'auantage: & menant quand & luy tous ceulx des Spartiates, qu'il pensoit bien deuoir estre cōtraires à l'executiō de son entreprise, il alla prendre Heræa & Alsæa uilles des Achēiens, enuittailla Orchomene, & fallà camper deuant la cité de Mantinee: brief, il lassà & trauailla tant les Lacedemoniens, en leur faisant ainsi faire ça & là de longues traittes, que finablement ilz le prierent de les laisser un peu reposer en Arcadie, & ce pendāt luy mesme avec les estrangers qu'il auoit, s'en retourna droit à Sparte, aiant par le chemin communiqué sa deliberation à ceulx de qui plus il se fioit, & marcha tout à l'aise, à celle fin qu'il surprist les Ephores ainsi comme ilz seroient à table pour soupper. Quand il fut tout pres de la uille, il enuoya deuant Euryclidas en la salle des Ephores, comme pour leur dire quelque nouuelle du camp de par luy, apres lequel il feit aller aussi Thericion & Phœbis, & deux autres qui auoient esté nourris avec luy, que les Lacedæmoniens appelloient les Samothraciens, menans quand & eulx petit nombre de soudards, tous lesquelz, ainsi comme Euryclidas parloit encore à eulx, se ietterent les espees nues aux poings dedans la salle des Ephores, & commencerent à frapper sur eulx. Agefilaus fut le premier attainct, lequel estant tumbé par terre, au premier coup feit semblāt d'estre mort, mais ne l'estāt pas il se coula tout bellemēt hors de la salle, & gaigna secrettement une petite chappelle qui est sacree à la Peur, laquelle souloit tousiours estre fermee, mais lors d'aduenture elle se trouua ouuerte, & se iettant dedans ferma la porte sur luy. Les autres quatre Ephores furent occis en la place, & plus de dix autres qui se uolurent entremettre de les secourir: car au demourant ilz ne tuerent personne de ceulx qui ne bougerēt point, ny n'empescherent ceulx qui uolurent sortir de la uille: ains, qui plus est, pardonnerent à Agefilaus, qui le lendemain sortit de la chappelle de la Peur. Car il y a en la uille de Sparte un temple dedié non seulement à la Peur, mais aussi à la Mort, & un autre au Ris, & à beaucoup d'autres telles passiōs de l'ame: & honoroiet la Peur, non cōme lon fait les mauuais esprits, pour les destourner, estimans que ce fust chose nuisible & dommageable, ains pource qu'ilz croyoient qu'il n'y a rien qui maintienne mieulx une chose publique que fait la peur: à raison dequoy les Ephores à l'entree de leur magistrat, ainsi comme escrit Aristote, faisoient proclamer, que tous Spartiates eussent à faire raire leurs moustaches, & à pēser d'obeir aux loix, à fin qu'ilz ne leur fussent rudes. Et faisoiet, à mon aduis, faire ceste proclamatiō des moustaches pour accoustumer les ieunes hommes à obeir à leurs superieurs iusques aux moindres choses: & me semble que les anciens ont estimé la prouesse & hardiesse n'estre point une priuatiō de peur, ains plus tost une peur d'auoir blasme & reproche, & une crainte de deshonneur, pource que ordinairement ceulx qui ont plus de peur de transgresser les loix, sont les plus assurez alencontre de l'ennemy, & ne se soucient point d'endurer tous maulx ceulx qui redoubtent d'auoir reproche: & pource parla sagement celuy qui dit premierement,

La peur tousiours accompagne la honte.

Aussi fait Homere dire à Helene en un passage, parlant au Roy Priam,

A C ertainement cher seigneur & beaupere,
I e te redoubte ensemble & te reuiere.
Et en un autre endroit parlant des foudards Grecs,
Sans dire mot leurs chefs ilz redoubtoient:
pource que ordinairement les hommes reuerent ceulx qu'ilz craignent. Voila
pourquoy aupres de la salle des Ephores estoit à Sparte la chappelle dediee à la
Peur, aians eleué l'autorité de leur magistrat, presque iusques à une puissance
absoluë & souueraine. Le lendemain donques Cleomenes à son de trompe bā-
nit quatre uingts des citoiens de la uille, & feit abbattre les sieges & chaires
des Ephores, exceptee une seule, laquelle il reserua à fin d'y seoir luy mesme
B pour donner audience. Puis faisant assembler le peuple, rédit raison de ce qu'il
auoit fait, car il dit que Lycurgus messa bien les Senateurs avec les Roys, & que
la uille auoit ainsi esté regie long temps durât, sans auoir besoing d'autre ma-
gistrat: mais que depuis estant la guerre contre les Messeniens de longue du-
ree, les Roys distraicts & empeschez à ceste guerre, & ne pouans eulx mes-
mes uacquer à ouir & decider les affaires & les differents des parties, choisirent
quelques uns de leurs amis qu'ilz laisserent en la uille pour en cognoistre & iu-
ger en leur place, lesquelz furent nommez Ephores, & continuerent longue-
ment à estre seulement ministres des Roys: mais depuis ilz s'estoiét petit à petit
attribué à eulx mesmes la puissance souueraine, & auoient usurpé une iurisdic-
C tion à part pour eulx. En signe dequoy, disoit il, Vous uoiez qu'encore iusques
auourd'hui, quand les Ephores appellent le Roy pour la premiere fois, il re-
pugne à leur mandement, & pour la seconde aussi, mais à la troisieme il se leue
& s'en ua vers eulx: & qu'il soit uray, celuy qui le premier estendit la puissance
& l'autorité des Ephores, Asteropus, fut Ephore plusieurs siecles depuis l'in-
stitution des Roys, encore filz se fussent uoulu comporter doucement & mo-
dereement, il eust à l'aduéture mieulx ualu les endurer: mais de uouloir par une
licence usurpee supprimer les magistrats legitiment instituez de toute an-
cieneté, iusques à auoir banny aucuns des Roys, & en auoir fait mourir d'autres
sans aucune forme de proces ny ordre quelconque de iustice, & menasser ceulx
D qui desirerent encore reueoir à Sparte le tresbeau & tressainct gouuernement qui
y souloit estre iadis, ce n'est pas, dit il, chose que lon deust plus endurer. Or fil
eust esté possible d'exterminer de Sparte sans meurtre ces pestes de la chose pu-
blique que lon y a apporté de dehors, i'entends les delices, la superfluité, l'opu-
lence, les debtes, les usures, & encore d'autres plus anciennes, la pauvreté & la ri-
chesse, il se fust estimé le plus heureux Roy, qui eust onques esté, cōme un me-
decin, qui sans faire douleur auroit guarý les maladies de son país: mais fil a-
uoit esté contraint de mettre la main au sang, il auoit l'exemple de Lycurgus
qui le deuoit excuser, lequel n'estant ny roy, ny autre magistrat, ains seulement
citoien priué prenant autorité de Roy, eut bié la hardiesse de uenir sur la pla-
E ce avec armes, de maniere que le Roy, qui lors estoit Charilaus, en estat effroyé
s'en fouit en la franchise des temples & des autelz: mais estant bon de nature, &
aimant le bien & l'honneur de son país, il se régea bien tost du costé de Lycur-
gus, luy aidant à executer ce qu'il auoit entrepris, & approuua le changement
du gouuernement de la chose publique: par ou il appert que Lycurgus en ef-
fect monstra, qu'il est mal aisé de remuer un gouuernement de chose publique
sans force & sans crainte, dont il auoit usé le plus sobrement & le plus reseruee-
ment qu'il luy auoit esté possible, en ostant & chassant ceulx qui repugnoient

Agis & Cleomenes.

au bien & au salut de Lacedæmone, remettât aux autres toutes les terres du païs F
à departir également en commun, & deliurant de debtes tous ceulx qui en estoient obligez & chargez : & au surplus, qu'il uouloit faire une preuue & une electiō des estrangers pour donner à ceulx qu'il cognoistroit plus gens de bien droit de bourgeoisie Spartaine, à fin de conferuer la uille de Sparte & son territoire par force d'armes, à ce que desormais nous ne uoions plus piller ne fourrager le païs de la Laconie par les Ætoliens & Esclauons, à faulte de gens qui le puissent defendre. Cela fait, il commença le premier à mettre tous les biens en commun, & apres Megistonius son beaupere, & consecutiuelement chascun de ses amis, puis feit faire le departement des terres, & si ordonna une portion à chascun des bannits, que luy mesme auoit chassé en exil, promettant qu'il les receuroit tous en la uille quand les choses seroient rassises, & qu'elles auroient pris pied: & aiant remply le nombre des citoiens de Sparte de leurs plus honnestes & plus uertueux uoïfins en feit quatre mille hommes de pied armez, leur enseignant à user de picques à deux mains au lieu de iauelines à une main, & à porter le bouclier avec une bonne anse forte, nō point avec une boucle. Puis se mit à ordonner de la nourriture & institution des enfans, & à remettre l'ancienne discipline que lon appelle Laconique: à quoy le Philosophe Sphærus, qui estoit present, luy aida en plusieurs choses, tellement qu'en peu de tēps les lieux des exercices pour la ieunesse, & les cōuiues reprirēt l'ordre qu'ilz souloïēt auoir au temps passé, & se rengerent la plus part des habitans d'eulx mesmes uoluntairement à la forme ancienne Laconique de uiure, & peu y en eut qui le feissent par contrainte: puis à fin que le nom de la monarchie, si n'y auoit qu'un seul Roy, ne les mescontentast, il declara son frere Euclidas Roy comme luy. Il n'y eut iamais à Sparte deux Roys d'une mesme maison tout ensemble, que ceste fois là. Au demourant estant aduertie que les Acheïens & Aratus auoient opinion qu'il n'ozeroit sortir du païs de la Laconie, n'y estant pas ses affaires bien asseurez, ueu le grand remuement qu'il auoit fait à Sparte, ny esloigner la uille & la laisser chancellant & flottant en si grand branle: il estima qu'il luy seroit utile & honorable, de faire cognoistre par effect le bon uouloir & la prompte affectiō de son armee. Si entra en armes dedans les terres des Megalopolitains, G
là ou il amassa grande quantité de butin, & y feit un grand gast de païs, & apres tout, aiant surpris quelques ioueurs de farces & d'instruments de musique qui uenoient de Messine, il feit dresser un theatre dedans les terres mesmes des ennemis, proposa un pris de quatre cents escus aux dicts ioueurs & musiciens, H
& fut tout un iour à les uoir iouer, nō pour plaisir qu'il y prist, mais pour plus faire de despit à ses ennemis, & leur faire uoir de cōbien il estoit plus puissant qu'eulx, en leur iouant un tel tour de mocquerie & de mespris. Car autremēt de toutes les armees des Grecs ou des Roys qui estoïēt en la Grece, il n'y auoit que celle de Sparte seule, ou il n'y eust point de suite de farceurs, bastleurs, ioueurs de gobelets & de tours de souplesse, de baladines & de menestrieres: car leur camp estoit seul pur & net de toute dissolution, de toute gaudifferie, & de toute insolence, pource que le plus souuent les ieunes hommes y passoïēt leur tēps à s'exerciter aux exercices de la personne, ou bien à en apprendre les adresses, & les uieux à les enseigner: & si quelquefois ilz se trouuoïēt de loisir, leurs ieux estoient de deuïser plaisamment ensemble, & de s'entredonner les uns aux autres des attaintes de rencontres courtes & aguës à la Laconienne. Et quant à l'utilité que telle maniere de iouer leur apportoit, nous l'auons escrit plus amplement.

A plement en la uie de Lycurgus. Mais lors Cleomenes estoit le maistre qui enseignoit & monstroit à tous, proposant sa uie en ueuë de tout le monde comme un mirouer & un exemple de temperance, ou il n'y auoit que toute simplicité, sobriété, rien de delicat ny de superflu, ny rien d'auantage que le moindre soudard de tout le camp: ce qui luy seruit beaucoup quât aux affaires de la Grece. Car les Grecs qui alloient pour negocier ou parler aux autres Roys ne s'esmerueilloient pas tant de leur opulence & richesse, comme ilz detestoient & haïssoient leur orgueil & leur arrogance, tant ilz parloient fierement & superbement à ceulx qui auoient à traiter de quelque affaire avec eulx: & au contraire, quand ilz alloient deuers Cleomenes, qui estoit Roy comme eulx, & qui tel se nommoit, n'y trouuans des robbes de pourpre ny autres habillemés sumptueux, ny des liëts & litières richement accoustrez, ny un prince qui negociaist par entremise d'une infinité de messagers, d'huissiers, & quelquefois par petits buletins, encore avec difficulté grande, & grande peine, ains uoians que luy mesme leur uenoit au deuant avec une simple robe pour les recueillir, deuïser avec eulx, & depescher les affaires pour lesquelz ilz estoient uenus gayement & humainement: cela les attiroit & gaignoit leurs cueurs à merueilles, de sorte qu'ilz s'en retournoient avec ceste opinion de dire, qu'il estoit seul des Roys digne du sang & de la race d'Hercules. Quât au traitement de sa table ordinaire, il estoit fort simple, fort estroit, & fort sobre à la Laconienne, à trois liëts seulement: mais si d'aduenture il festoioit quelques ambassadeurs & quelques siens hostes qui le fussent uenus ueoir, il y adiouxtoit deux autres liëts, & auoient ses ualets soing que la table fust un peu mieulx seruie, non point de faulces ny de pastissierie ou de confitures, ains seulement qu'il y eust de la uiande d'auantage, & de quelque meilleur uin que l'accoustumé: car il ten sa une fois l'un de ses amis, pource que donnant à soupper en son logis à quelques siës hostes & amis, il ne leur auoit dōné que du brouet noir & du gros pain seulement, comme lon leur seruoit en leurs conuiues ordinaires: car il ne fault pas, disoit il, en cela, mesmemēt quand il y a des estrangers, obseruer trop estroittemēt à la rigueur la discipline Laconique: puis quād la table estoit ostee, on apportoit une autre petite table à trois piedz, dessus laquelle on mettoit une tasse de cuiure pleine de uin, & deux coupes d'argēt renans deux cheopines chacune, & quelques autres pots d'argent aussi, mais en petit nombre, ou il beuuoit qui uouloit, car personne n'y estoit semond à boire contre sa uolūté, & ne sy iouoit ny ne sy chantoit aucune chose pour donner plaisir à l'ouye, aussi n'en estoit il point de besoing: car luy mesme entretenoit toute la compagnie, partie en demandant, & partie en comptant quelque plaisante chose, de sorte que la grauité de ses propos n'estoit point sans plaisir, mais aussi en leur grace & gayeté ny auoit point de dissolution. Car il estimoit les moïens de prendre & gaigner les hommes par appaïs de presents d'argent, cōme faisoient les autres princes & Roys, grossiers, sans artifice, & pleins d'injustice: mais le plus honeste, le plus gentil, & le plus royal moïen luy sembloit, de les attirer par courtoisie de plaisant entretien & de deuïs, esquelz il y eust grace & foy tout ensemble, aiant opinion qu'il n'y auoit autre different entre l'amy & le mercenaire, sinon que l'un s'acqueroit & s'entretenoit par bonté de paroles, & l'autre se prenoit par argent. Les premiers doncques qui les meirent dedās leur uille, furent les Mantiniës, qui luy ouurirent les portēs une nuict, & luy aidans à chasser la garnison des Achæiens, se liurerent eulx mesmes entre

Agis & Cleomenes.

ses mains, & luy leur rendant leurs loix & la liberté de gouverner la chose publique à leur mode, le iour mesme s'en alla à Tegee. Peu de temps apres, faisant le tour par l'Arcadie, il alla descendre à Pheres en Arcadie, tendant à l'un des deux, ou à donner la bataille aux Acheïens, ou bien à mettre Aratus en leur male grace, pour luy auoir abandonné le plat pais à courir & piller: car il est bien uray que Hyperbatas estoit pour lors general des Acheïens, mais Aratus auoit toute l'autorité. Parquoy estans les Acheïens sortis aux champs, avec tout leur peuple en armes, & aians planté leur camp à Dymes, pres le téple de Hecatombœum, Cleomenes tirât celle part, alla loger entre la uille de Dymes qui luy estoit cōtraire, & le camp de ses ennemis, ce que aucuns ne trouuoient pas trop sagement faict, mais à force de harasser les Acheïens & les prouoquer hardiment, il les contraignit à la fin de uenir à la bataille, là ou il les desfeit & meit toute leur armee en ruyne, en laquelle il en fut tué un grand nombre sur le champ, & y en eut aussi beaucoup de prisonniers. Au partir de là, il alla assaillir la uille de Lagon, dont il chassa la garnison des Acheïens & la rendit aux Eliens. Ainsi estans les Acheïens fort au bas, Aratus qui auoit accoustumé d'estre tousiours, ou à tout le moins de deux ans l'un, eleu capitaine general, refusa la charge, cōbien que les Acheïens luy appellassent nommeemēt & l'en priassent: ce qui ne fut pas bien faict à luy, d'abandonner la cōduite du rimon à un autre, lors que la tourmente estoit la plus uiolente. Au moien de quoy les Acheïens enuoycrēt ambassadeurs deuers Cleomenes pour faire paix, aux quelz il sembla auoir donné assez dure responce: mais depuis il en enuoya d'autres deuers eulx, par lesquelz il leur manda qu'ilz luy cedassent la principaulté de la Grece seulement, & que de toutes autres choses il n'auroit au demourant point de querelle ny de debat avec eulx: ains leur rendroit incontinent les places & les prisonniers qu'il auoit pris sur eulx. Les Acheïens furent biē aises d'appointer avec ces conditions, & feirent entendre à Cleomenes, qu'il se trouuast en la uille de Lerne, là ou ilz deuoient tenir une generale assemblee de conseil pour en conclurre. Mais il aduint que s'estant eschauffé en y allant, & aiant beu de l'eau trop chaud, & rendu grande quantité de sang, il deuint si fort enrōué qu'il ne peut pas parler: parquoy il renuoya aux Acheïens les principaux de leurs prisonniers, & remettant l'assemblee à un autre temps, s'en retourna en Lacedaemone. Cela seul fut occasion de ruiner les affaires de la Grece, laquelle autrement estoit encore pour se releuer & se deliurer de l'arrogance & de l'auarice des Macedoniēs: car Aratus, fust ou pour crainte & desfiace qu'il eust de Cleomenes, ou pour enuie qu'il portast à sa gloire, de le uoir ainsi auoir prosperé si grandement & en si peu de temps, estimant que ce luy seroit trop grande honte, apres auoir tenu l'espace de trente ans la principaulté de la Grece, que ce ieune homme s'estant uenu ietter à la trauers luy ostast ainsi sa gloire & la puissance qu'il auoit luy mesme acquise & tenue si long temps, il essaya premierement de diuertir les Acheïens de faire cest appointement, mais à la fin uoiant qu'ilz ne luy uouloient point prester l'oreille, pour la crainte qu'ilz auoient de la hardiesse & promptitude de Cleomenes, ioinct qu'ilz estimoient la demande de Cleomenes iuste & raisonnable, attendu qu'ilz uouloient remettre les affaires du Peloponese en l'estat qu'ilz auoient esté anciennement, alors il se tourna à mener une prattique qui n'estoit biē seante à nul homme Grec, mais estoit tres infame à luy principalement, & tres indigne des beaux & bons actes qu'il auoit faits auparauant, ce fut d'appeller & mettre Antigonus dedans la Grece,

- A** & emplir tout le Peloponèse de Macedoniens en sa uieillesse, lesquelz il en avoit luy mesme chassés en sa ieunesse, ayant osté des mains de leur garnison la forteresse de Corinthe, & ayant tousiours esté suspect & ennemy des Roys, mesmemēt d'Antigonus, duquel il avoit autrefois dit tous les maux qui s'en pouvoient dire, cōme il appert par les cōmentaires & memoires de ses faicts qu'il a laissez, & aiāt luy mesme escrit qu'il avoit beaucoup trauaillé, & s'estoit exposé à beaucoup de dangers pour deliurer la uille d'Athenes de la garnison des Macedoniens. Et neantmoins il les amena depuis luy mesme par la main en son païs, & les feit entrer iusques en son foyer, ppre avec les armes, uoie iusques aux chambres & cabinerz des Dames, aiāt à desdaing q'un prince descendu de la race de Hercules, & roy de Sparte, qui uouloit reduire l'estat de la chose publique corrompu, ne plus ne moins que un instrument de Musique desaccordé, à ce bel accord de l'ancienne & sobre discipline & uie Dorique, instituce par Lycurgus; fust appellé en ses tiltres capitaine general des Sycroniens & des Tricceiens: & en fuyant ceulx qui se contentoient de mager du gros pain, & se uestir de grosses cappes de bureau, & qui ne queroient point de richesses, qui est le principal poinct dont on accuse Aratus, ains plustost remedioient à la pauureté, il fallā soubmettre luy & toute l'Achaïe à un diademe royal, à une robe de pourpre, & à des mandemens fiers & superbes des Macedoniens, de peur que lon ne pēlast q' Cleomenes luy peust commāder: & si eut biē le cueur de faire des saerifices à Antigonus, de chanter des hymnes à son hōneur, avec des chappeaux de fleurs sur sa teste, ne plus ne moins que si c'eust esté un Dieu, là ou c'estoit un hōme qui avoit tous les poulmons pourriz. Toutefois ce que nous en escriuōs en cest endroit n'est pas tant pour accuser Aratus, qui en plusieurs belles choses s'est monstré grand personnage & digne de la Grece, comme pour la compassion que nous auōs de l'imbecillité de nostre nature humaine: laquelle ne peut faire qu'encore en personnages douez de conditions si excellentes & de vertus si eminentes, le deuoir d'honneur y soit entieremēt accompli, sans qu'il y ait rien à redire. Estans doncques les Acheïens allez en Argos ou se deuoit derechef tenir l'assemblée du conseil de toute leur ligue, & y estant aussi descendu Cleomenes partant de Tegee, chascun estoit en grāde esperance qu'il en deust sortir une bonne paix: mais Aratus qui estoit ia d'accord des principaux poincts & articles de sa capitulation avec Antigonus, craignant que Cleomenes par belles paroles ou par force ne feist accorder tout ce qu'il uoudroit à la cōmune, luy māda qu'il entendoit qu'il n'entraist que luy seul dedās la uille, & que pour seureté de sa personne on luy bailleroit trois cents ostages, ou bien sil ne uoloit point esloigner son armee, que lon luy donneroit audience en cōseil hors de la uille dedans le parc aux exercices, qui s'appelle Cyllarabium. Cleomenes ceste respōce ouye, dit qu'on luy faisoit tort, pource que lon le deuoit aduertir des le commencement, premier qu'il se meist en chemin, nō pas lors qu'il estoit uenu iusques à leurs portes, mōstrer qu'ilz se desfiassent de luy, & le réuoier sans rien faire: si en escriuit une lettre missiue au conseil des Achæiens, laquelle ne contenoit presque autre chose que une accusation cōtinuelle d'Aratus: de l'autre costé aussi, Aratus parlant à l'assemblée du peuple dit plusieurs paroles iniurieuses alencontre de luy. Parquoy Cleomenes partant de là en diligence, enuoya par un herault denōcer la guerre aux Acheïens, nō point en la uille d'Argos, mais en celle d'Aegion, comme l'escrit Aratus, à fin de les surprendre auāt qu'ilz peussent estre prests. Si y eut adonc un grād trouble en toute la ligue des

Agis & Cleomenes.

Acheïens, de maniere que plusieurs uilles s'en uolurent departir & se rebeller, F
à cause que le menu populaire esperoit le departement des terres, & l'abolition
des debtes. Et les nobles en beaucoup de lieux se faschoient d'Aratus, & y en a-
uoit mesmes aucuns courroucez contre luy, & qui le haïssoient pource qu'il
uouloit mettre les Macedoniens dedans le Peloponese. A raison dequoy Cleo-
menes se confiant en toutes ces choses, entra en armes dedans la prouince de
l'Achaïe, là ou d'arriuee il prit la uille de Pallene de primsault, & en chassa la
garnison qui estoit dedàs pour les Acheïes, & puis gaigna aussi Pheneü & Pen-
telium: & comme les Acheïens craignans une trahison qui se menoit es uilles
de Corinthe & de Sycione, y eussent enuoyé leur cheualerie qui estoit en Ar-
gos pour garder ces uilles là, & eulx ce pendant en Argos s'amusaient à cele- G
brer la feste des ieux Nemees, Cleomenes pensant ce qui estoit uray, que s'il ti-
roit droit à Argos, il trouueroit la uille pleine de peuple uenu à la feste pour
ueoir l'esbattement des ieux, & que les assaillant ainsi au desprouueu, il les met-
troit en grand trouble & grand effroy, il mena la nuict son armee iusques tout
contre les murailles de la uille d'Argos, & de primsault se saisit du quartier qui
s'appelle Aspis, au dessus du theatre, lieu fort d'assiette & malaisé à approcher.
Cela effroya tellement le peuple qui estoit dedans la uille, qu'il n'y eut homme
qui s'ozast mettre en defence, ains receurent garnison, & donnerent uingt o-
stages, promettans estre de lors en auant bons alliez & confederez des Lacede-
moniens soubz sa charge & conduite, ce qui ne luy fut pas petit accroissement H
de reputation & de puissance: car les anciens Roys de Lacedemone pour quel-
que peine qu'ilz y employassent, n'auoient iamais peu gaigner asseurement la
uille d'Argos: & Pyrrhus l'un des plus grâds & plus uaillans capitaines qui fut
onques, y estant entré par force ne la peut tenir, ains y mourut & y perdit la
plus part de son armee, dont chascun, à bon droit, admiroit grandement la
prompte uiuacité & uehemençe de Cleomenes, de sorte que ceulx qui parauant
festoient mocquez de luy, quand il disoit qu'il uouloit imiter Solon & Lycur-
gus, en egalant les biens de ses citoiens, & abolissant routes debtes, se persua-
derent alors entieremēt que cela estoit la cause ueritable du grand changemēt
que l'oyoit au courage des Spartiates: car auparauant ilz estoient si abastar- I
dis, & auoient si peu de moien & de courage de soy defendre, que les Aetoliens
estans entrez en armes dedans la Laconie, en emmenerent pour une fois cin-
quante mille esclaves, & y eut un des plus uieux Spartiates qui dit alors, que les
ennemis leur auoient fait un grand plaisir, de descharger le pais de la Laconie
d'une si pesante charge: & peu de temps entredeux, quand ilz commencerent à
reprendre la trace de celle ancienne discipline de Lycurgus, comme si luy mes-
me eust esté present à les remettre en train, ilz monstrent de grandes preuues
de uaillance, & de prouesse, & d'obeissance à leurs superieurs, regaignans la
principaulté de la Grece, & recourans tout le pais du Peloponese. Depuis la
surprise d'Argos se rendirent aussi tout d'une tire à Cleomenes les uilles de K
Cleones & de Phliunte. Aratus ce pédant estoit à Corinthe, là ou il informoit
& enqueroit à l'encontre de ceulx qui estoient suspects de Laconiser, c'est à di-
re, de fauoriser au party des Lacedæmoniens, & luy estât ceste nouuelle uenue,
il s'en trouua bien estonné, sentant bien que la uille mesme de Corinthe incli-
noit fort du costé de Cleomenes, & que les Acheïens se uouloient retirer en
leurs maisons. Si feit semblant de faire appeller les citoiens de Corinthe en cō-
seil, & ce pendant se coula iusques à l'une des portes de la uille, là ou luy estant
amene

A amené un cheual, il mōta dessus & s'en fouyt à bride abbatue à Sycione. Quoy entendu, les Corinthiens s'en coururent, à l'enuy les uns des autres à qui plus tost y feroit, deuers Cleomenes en Argos, pour luy porter ceste nouuelle en si grande haste que les cheualx en creuerent, ainsi comme Aratus luy mesme a escrit: mais Cleomenes les tenfa de ce qu'ilz l'auoient laissé eschapper, & qu'ilz ne l'auoient pas arresté. Toutefois il dit que Megistonus uint par deuers luy de la part de Cleomenes, pour le prier de luy liurer le chasteau de Corinthe, ou il y auoit une grosse garnison des Acheïens, moienant une bonne somme d'argent qu'il luy offroit. Aratus luy fait responce, qu'il ne tenoit pas les affaires en sa main, mais que plus tost les affaires le tenoient luy mesme. Au reste Cleomenes partant de la uille d'Argos gagna les Trœzeniens, les Epidauriens, & les Hermioniens: puis arriua à Corinthe, là ou il fit incōtinent enceindre la forteresse de trenchees & de pallis, & enuoiant querir les amis & entremetteurs des affaires d'Aratus, leur commanda qu'ilz prissent sa maison & ses biens pour les luy garder diligemment, & r'enuoya derechef Tritymallus Messenien deuers luy, le priant de uouloir à tout le moins consentir que ceste forteresse fust gardée par les Acheïens & par les Lacedamoniens ensemble, luy promettāt particulièrement le double de la pension que luy donnoit le Roy Ptolomēus: à quoy Aratus ne uolut condescēdre, ains enuoia son propre filz à Antigonus avec les autres ostages, & si suada aux Acheïens de luy liurer le chasteau de Corinthe entre ses mains: quoy entendu, Cleomenes entrant en armes sur les terres du Sycione, courut & pilla tout le plat païs, & prit en don les biēs d'Aratus, que ceulx de Corinthe par decret public luy donnerent. Et comme desia Antigonus eust passé la uille de Gerania avec une grosse & puissante armee, il ne fut pas d'aduis de remparer tout le destroit entierement, par lequel on entre au dedans du Peloponese, ains seulement de faire fortifier les pas plus opportuns, & en cōbattant pour la garde d'iceulx, y faire consumer les Macedoniēs par long traict de temps, plus tost que de combattre en bataille rengee contre une armee qui estoit de longue main bien aguerrie. Suiuant lequel aduis il meit Antigonus en grande perplexité, pource qu'il n'auoit pas fait de bonne heure prouision de uiures, & si n'estoit pas chose facile de gagner le passage à force, y estāt Cleomenes arresté de pied ferme pour le garder, bien essaya il de se couler au dedans à la dérobee par le port de Lechæum, mais il en fut rebouté, & y perdit quelque nombre de ses gens: au moien dequoy Cleomenes & ses gens soy confians en cest auantage, se meirēt à soupper: & Antigonus se desesperoit de se ueoir reduit par la necessité à des partis fort mal aisez à executer, car il deliberoit de se retirer sur le chef ou est assis le temple de Herēum, & de là passer son armee par mer sur des uaisseaux en la uille de Sycione, à quoy il falloit un long temps & un grand appareil: mais sur le soir il arriua deuers luy quelques Argiens amis d'Aratus, lesquelz uenans d'Argos par mer, luy apporterent nouuelles comme les Argiens s'estoient rebellez contre Cleomenes. Celuy qui auoit pratiqué ceste rebellion, estoit un nommé Aristoteles, lequel n'eut pas grande peine à y induire le peuple, estant mal cōtent de ce que Cleomenes n'auoit pas donné abolition des debtes, ainsi comme ilz auoient esperé. Parquoy Aratus avec mille cinq cents hommes que luy bailla Antigonus, s'en alla par mer à Epidaure, mais Aristoteles n'attendit pas son arriuee, ains avec ceulx de la uille, alla assaillir la garnison des Lacedæmoniens qui tenoit le chasteau, & luy aida Timoxenus avec les Acheïens uenus de Sycione, dont Cleomenes e-

Agis & Cleomenes.

stant aduertty enuiron le second guet de la nuict, enuoya incontinent querir F
Megistonus, & luy commanda en cholere qu'il s'en allast promptemēt secour-
rir leurs gens qui estoient en Argos: pource que c'estoit luy qui plus auoit as-
seuré Cleomenes de la foy des Argiēs, & qui l'auoit gardé qu'il ne chassast hors
de la uille ceulx qu'il auoit pour suspects. Ainsi l'ayant depesché soudainement
auec deux mille hommes, il entendoit ce pédant à Antigonus, & reconfortoit
le mieulx qu'il pouuoit ceulx de Corinthe: leur donnant à entendre que ce n'e-
stoit rien que une mutinerie de petit nombre de gens, qui estoit suruenue en
Argos. Mais comme Megistonus estant entré dedans y eust luy mesme esté oc-
cis en combattant uaillement, & que la garnison des Lacedæmoniens se trou-
uant fort pressée, eust par plusieurs messages enuoyé deuers Cleomenes le soli- G
citer, de leur enuoyer uistemēt du secours, luy craignant que ses ennemis se fai-
sissans d'Argos & luy clouās les passages, n'allaissent sans dāger courir & four-
rager le païs de la Laconie, & assieger la uille mesme de Sparte, attendu qu'elle
estoit totalemēt vuide de gēs de defence, il emmena son armee arriere de Co-
rinthe, de laquelle il fut incontinēt priué, pource qu'il n'eut pas plus tost le dos
tourné que Antigonus y entra, qui laissa bōne garnison dedans. Arriué que fut
Cleomenes deuant Argos, il essaya de monter par dessus les murailles, & rallia
son armee encore escartee du chemin qu'elle auoit faict, puis rōpit les uoltes
& arceaux qui soustienent la place d'Aspis, par ou il monta dedans la uille, & se
ioignit à ses gens qui resistoiēt encore à ceulx de dedās, & se faissant de quel- H
ques autres quartiers aussi auec des eschelles, vuida les rues si biē, que personne
des ennemis n'y oza plus comparoir, à cause des Candiots & gēs de traict qu'il
y faisoit tirer: mais sur ces entrefaittes, il apperceut de loing Antigonus descē-
dant des coustaux en la plaine auec ses gens de pied, & ueit que desia les gens
de cheual à la foule se iettoient dedans la uille: alors desesperant de la pouuoir
plus tenir, il rassembla tous ses gens, & descendant à sauueté au long de la mu-
raille, se retira sans rien perdre, aiant en bien petit espace de temps cōquis grād
païs, & esté bien pres de tenir tout entierement ce qui est dedans le Peloponese:
mais aussi en aiant esté puis apres bien tost deboutté totalement, pource que
des alliez qui estoient en son camp, les uns se retirerēt incontinent à la premie- I
re défaueur de la fortune, les autres bien tost apres rendirent depuis leurs uilles
entre les mains d'Antigonus. Estans dōques ses affaires de la guerre en tel estat,
quand il fut de retour à Tegee auec le reste de son armee, sur le soir luy uindrēt
nouuelles de Lacedemone, qui ne luy furent pas moins griesues que la perte de
ses conquestes: car il fut aduertty, comme sa femme Agiatis estoit decedee, la-
quelle il aimoit si cherement, qu'au plus fort de ses grandes prosperitez, il ne se
pouuoit tenir qu'il ne feist souuent des courses iusques à Sparte pour l'aller
ueoir. Si luy fut une griesue douleur & un grand creuecueur, comme lon peut
penfer, à luy qui estoit ieune homme, d'auoir perdu une si belle & si honeste
ieune Dame, dont il estoit tant amoureux: toutefois si n'en feit il point de honte K
à sa magnanimité premiere, ne pour regret qu'il en eust ne r'abaissa point la
haultesse de son courage, ains reteint tousiours la mesme uoix, la mesme paro-
le, la mesme cōtenance, & le mesme uisage qu'il auoit tousiours eu auparauant.
Et aiant ordonné aux capitaines particuliers ce qu'ilz auoient à faire, & prou-
ueu à la seurété des Tegeates, le lendemain au poinct du iour il s'en alla à Spar-
te, là ou aiant demené le deuil de la mort de sa femme en son priué, auec sa me-
re & ses enfans, il se remeit aussi tost à penser & prouueoir aux affaires publi-
ques.

A ques. Or auoit il enuoyé deuers Ptolomeus le roy d'Ægypte qui luy promet-
toit bien de le secourir, mais il uouloit auoir en ostage sa mere & ses enfans, si
demoura longuement sans l'ozer descourir à sa mere, de honte, & allant sou-
uent deuers elle expressement pour le luy exposer, quād ce uenoit à luy declarer
il n'en ozoit ouurir la bouche: tellement qu'elle mesme sen doubra la premiere,
& demanda à ses plus familiers, s'il y auoit point quelque chose que son filz ne
luy oast descourir: toutefois, à la fin aiāt pris la hardiesse de luy dire, elle sen
- **B** prit fort à rire & luy dit, Comment, est ce donc ce que tu as si souuēt esté entre-
deux de me dire, & que tu n'as ozé? Mets moy, mets moy uistement dedans une
- nauire & m'enuoye là ou tu uerras que ce mien corps pourra plus seruir au bien
de Sparte, premier que uieillesse acheue de le consommer sans rien faire, Quād
donques toutes choses furent apprestees pour leur uoyage, ilz allerent par terre
iusques au chef de Tænarus, accompagnez de l'exercite en armes: & comme
Cratesiclea fust preste à monter dedans la nauire, elle tira Cleomenes à part au
temple de Neptune, & en l'embrassant & baisant, sentit que le cuer luy soub-
- leuoit & fendoit de regret & de douleur, si luy dit, Or sus Roy de Lacedæmo-
- ne, que personne n'apperçoie quand nous serons hors de ce temple, que nous
- aions ploré, ny fait chose aucune indigne de Sparte, car cela seul est en nostre
- puissance, au demourant les affaires iront comme il plaira à Dieu. Ces paroles
dites, elle rasseit son uisage & sa cōtenance, puis sen alla droit embarquer avec
C un petit filz de Cleomenes, & commāda au pilote qu'il feist uoile incontīnēt:
mais arriuee qu'elle fut en Ægypte, elle fut aduertie que le roy Ptolomeus rece-
uoit des ambassadeurs d'Antigonus, & estoit en termes d'appointement avec
luy. D'autre costé elle fut aussi aduertie que les Acheiens sollicitoiēt Cleome-
nes de faire appointemēt avec eulx, mais qu'il n'ozoit y entēdre, ny mettre fin à
la guerre, sans le consentement de Ptolomeus, à cause de sa mere: à l'occasion
dequoy elle luy escriuit, qu'il feist ce qu'il ueroit estre le plus expedient pour le
bien & l'honneur de Sparte, sans craindre de desplaire à Ptolomeus pour le re-
gard d'une pauvre uieille & d'un petit enfant: tant se portoit uertueusement ce-
ste Dame es aduersitez de son filz. Au reste, Antigonus aiant pris la uille de Te-
D gee, & saccagé celles d'Orchomene & de Mantinee, Cleomenes se uoiant re-
duit à defendre la Laconie seulement, affranchit tous les Ilotes qui sont les es-
claves de Lacedæmone, prouueu qu'ilz peussent payer cinquante escus, dont il
amassa iusques à la somme de trois cents mille escus, & arma deux mille de ces
esclaves affranchis à la Macedoniene pour faire teste à la troupe de Leucaspi-
des, c'est à dire, boucliers blancs d'Antigonus: puis luy uint en l'entendement
detenter une entreprise grāde, & de laquelle personne ne se fust iamais doub-
té. La cité de Megalipolis estoit pour lors grāde, & de rien moindre ne moins
puissante que celle de Sparte, & si auoit encore le secours de la cōmunaulté des
Acheiens & d'Antigonus, qui estoit tousiours à ses costez, & que les Acheiens
E auoiēt, ce sembloit, appelez à la poursuite & à l'instāce des Megalopolitains
principalement. Cleomenes se meit en fantasie de l'aller saccager: car il n'y a
personne à qui lon puisse mieulx attribuer, à mon aduis, la soudaineté de ceste
surprise qu'à luy. Si commanda à ses gens de prédre des uiures pour cinq iours
& se meit aux champs tirant uers Selasie, comme fil eust uoulu aller au dom-
mage des Argiens: mais de là il tourna tout court sur les terres des Megalo-
politains, & aiant souppé pres de Rærium, prit incontīnēt son chemin droit
uers la uille mesme passant par Elicunte: puis quād il en fut assez pres, il enuoya

Agis & Cleomenes.

deuant en diligence Panteas avec deux bandes de Lacedemoniens, luy enioi-
gnant de se saisir d'un certain pan de muraille entre deux tours, qu'il scauoir e-
stre le plus desert endroit & le plus mal gardé de toute la uille: & luy avec le
reste de l'armee marchant tout bellement apres, Panteas trouua non seulement
ce quartier là, mais grande partie de la muraille sans garde ny defence quelcô-
que, si en occupa de primfaut une partie, & se meit à en abbattre une autre,
mettant à l'espee autant de gardes qu'il en trouua, iusques à ce que Cleome-
nes arriua, lequel fut dedans avec toute son armee, premier que les Mega-
lopolitains en sceussent rien. Toutefois la surprise estant à la fin diuulguee
par la uille, les uns des citoiens s'en fouyrent soudainement avec ce qu'ilz
peurēt prendre de leurs biens à la haste de cest effroy: les autres se rengerent en
semble avec leurs armes, pour cuider faire teste à l'ennemy: mais pour quel-
que effort qu'ilz feissent de s'attacher à eulx, & de les combattre, ilz ne peu-
rent neantmoins uenir à bout de les rechasser hors de la uille: bien donne-
rent ilz moien & loisir aux fuyans de se retirer à sauueté, de sorte qu'il n'y de-
moura pas plus de mille personnes: car tous les autres se retirerent avec leurs
femmes & leurs enfans dedans la uille de Messene: aussi se sauua la plus part de
ceulx qui feirent teste & qui combattirent, & y en eut bien peu de pris, entre les-
quelz furent Lyсандridas & Thearidas, les deux plus nobles & plus puissans
hommes qui fussent entre les Megalopolitains. A l'occasiō de quoy si tost que
les soudards les eurent pris, il les menerent à Cleomenes: & Lyсандridas si tost
qu'il l'aduīsa de tout loing, luy cria, Tu as aujourdhuy, sire roy des Lacedæmo-
niēs, le moien de faire un acte encore plus grād & plus royal que celuy que tu as
executé, & qui te donnera une plus glorieuse renomēee. Cleomenes se doubāt
biē de ce qu'il luy uouloit dire, luy demanda, Et qu'est ce q̄ tu ueux dire Lysan-
dridas? car ia ne me conseilleras tu pas q̄ ie uous rende ceste uille. Mais c'est, luy
repliqua Lyсандridas, ce dont ie te ueux aduertir, que tu ne la destruis point,
ains que plus tost tu la remplisses d'amis & alliez, qui te feront cy apres loyaux
& fideles: ce que tu feras en rendant aux Megalopolitains leur uille, & en pre-
seruant un si grād peuple qui en est sorty. Cleomenes demoura une espace sans
dire mot à cela, puis respondit, Il est bien mal aisé de pouuoir croire & s'asseu-
rer de cela: toutefois uainque tousiours endroit nous l'honneur, plus tost que
le profit. Ces paroles dittes, il enuoya incontinent un herault deuers ceulx qui
s'en estoient fouis à Messene: par lequel il leur feit entendre qu'il estoit prest de
leur rendre leur uille, prouueu qu'ilz uoulussent deuenir bons alliez & confede-
rez des Lacedemoniens, en abandonnant l'alliance des Achæiens: mais Philo-
pœmen ne uoulut pas, & empescha qu'ilz n'acceptassent ceste gracieuse & hu-
maine offre de Cleomenes, ne qu'ilz se departissent de l'alliance des Achæiens,
disant que Cleomenes ne leur uouloit pas rendre leur uille, ains uouloit auoir
les habitans & la uille tout ensemble. Et à ceste cause chassa Thearidas & Ly-
sandrīdas hors de Messene, qui conduisoient ceste prattique. C'est celuy Philo-
pœmen, qui depuis fut le premier homme des Achæiens, & qui acquit une tres-
grande gloire entre les Grecs, ainsi comme nous auons escrit particulièrement
en sa uie. Ce qu'estant rapporté à Cleomenes, qui iusques à là auoit espargné la
uille & cōserué en son entier, sans que lon y eust touché à rien, ne pris la moin-
dre chose du monde: alors il en entra en si grande cholere & s'en irrita si aigre-
ment, qu'il abandonna aux soudards les biens à piller, feit transporter à Sparte
les tableaux, images & peintures, & ruina ou gasta les plus beaux quartiers
de

- A** de la uille, puis s'en retourna à la maison, craignant Antigonus & les Achaïes: lesquelz neantmoins ne firent rien: car ilz tenoient d'adventure lors leur conseil en la uille de Ægium, là ou Aratus estât monté sur la tribune aux harégues demoura longuement, tenant un pan de sa robbe au deuant de ses yeux, dequoy toute l'assemblée s'esmerueillant, luy commanda de dire qu'il auoit: & adonc il respondit, Megalipolis a esté prise, ruinee & destruite par Cleomenes. Les Achaïens effroyez de la soudaineté & perte grande de cest inconuenient, rompirent aussi tost l'assemblée de ce conseil, & Antigonus y cuida aller au secours, mais il ne sceut iamais tirer à temps ses gens hors des garnisons ou il les auoit departiz pour hyuerner, & leur contremanda qu'ilz ne bougeassent: mais luy
- B** s'en alla en la uille d'Argos, accompagné de bon nombre de gens de guerre: & pourtant la seconde entreprise & faillie de Cleomenes, semble de primeface faite d'une temerité furieuse & forsenée: mais elle fut entreprise & executée d'un bon sens, & avec une grâde prouoyace, ainsi cōme l'a descritte Polybius. Car sachant que les gens de guerre Macedoniens estoient espars ça & là par les garnisons, & que Antigonus passoit son hyuer en Argos, avec quelque nombre de gens de pied estrangers, & sa maison seulement, il entra en armes sur les terres des Argiens, faisant ce discours q̄ ou Antigonus meurt de honte sortiroit aux chāps, & q̄ là il le desferoit, ou s'il n'ozoit sortir, au moins le mettroit il en la male grace & mauuaise opiniō des Argiens: lesquelz uoias que lō destruisoit leur païs, & que lō y pilloit & gastoit tout, perdoiēt patience, & s'amassoient deuant la porte du logis d'Antigonus, criās qu'il sortist en cāpagne pour cōbattre, ou qu'il cedast la principaulté de la Grece & la charge de capitaine, à ceulx qui estoient plus uaillans que luy. Mais Antigonus comme capitaine meur & sage, estimant que c'estoit deshonneur de se hazarder temerairement & ne se tenir pas bien sur ses gardes, non pas estre iniurié par estrangers, ne sortit point aux champs, ains persista tousiours en sa resolution. Au moien dequoy Cleomenes aiant mené son armee iusques au plus pres des murailles d'Argos: & aiant ruiné, pillé & gasté tout à l'enuiron, sans aucun danger, s'en retourna à la maison. Quelque temps apres il fut aduertý, qu'Antigonus estoit uenu iusques à
- D** Tegee, pour de là entrer sur le païs de la Laconie, & luy s'en alla par un autre chemin avec son armee, sans que les ennemis s'en apperceussent, de maniere que au poinct du iour on fut tout esbahý, que lō le ueit tout pres de la uille d'Argos, qui destruisoit tout le plat païs, non point en siāt les bledz avec des faucilles ou des espees, comme font les autres, ains les battant & foulant avec de longues perches faictes en forme de rancōns, de sorte que les soudards en passant leur chemin, sans peine, ne faisoient que se iouer abbattoient & renuersoient tous les bledz. Quand ilz furent au faulxbourg ou est le parc aux exercices, qui s'appelle Cyllabaris, il y eut des soudards qui uoulurent y mettre le feu, mais Cleomenes les en garda, leur remonstrant que ce qu'il auoit fait à Megalipolis estoit plus
- E** par cholere que par deuoir. Quant à Antigonus il s'en retourna premierement tout court, comme pour aller droit en Argos: mais depuis s'estant rauisé, il saisit toutes les cimes des coustaux & mōraignes d'alentour: dequoy Cleomenes faisant semblant de ne tenir cōpte, enuoya par des heraults demander les clefs du tēple de Iuno, & qu'il se retireroit apres y auoir sacrifié: & ainsi s'estāt ioué & mocqué d'Antigonus, apres auoir sacrifié à la Deesse, au dessoubs du temple qui estoit fermé, il enuoya son armee à Phliunte, & de là aiant dechassé la garnison qui estoit dedās Ologunte, alla passer au long de la uille d'Orchomene,

Agis & Cleomenes.

aiant non seulement assuré & encouragé grandement ses citoyens, mais aussi F
acquis envers les ennemis mêmes reputation de tresgrand homme de guerre,
& digne d'auoir de grâds affaires en main. Car il n'y auoit celuy qui ne iugeast
que c'estoit bien ceuvre de grande magnanimité & de grâde suffisance & mai-
strise en l'art militaire, qu'avec les forces d'une seule uille faire & soustenir la
guerre contre toute la puissance du royaume de Macedoine, contre tous les
peuples du Peloponese, & contre les finances d'un puissant Roy, & ce pendant
garder que non seulement il ne fust aucunement touché au pais de la Laconie,
ains au cōtraire aller endōmager ceulx des ennemis, & prédre sur eulx tāt & de
si grosses uilles. Mais celuy qui dit premierement, que l'argent estoit le nerf des
affaires, le dit, à mō aduis, principalemēt pour le regard des affaires de la guer- G
re. Et Demades l'orateur, comme un iour les Atheniens commandassent que
lon tiraist en diligence des galeres de l'arcenal en la mer, & qu'on les armaist
promptement, combien qu'ilz n'eussent point d'argent: Celuy, dit il, qui guide
la proué, doit descouvrir & sonder deuant *. Et dit on que l'ancien Archida-
mus, comme les peuples alliez & confederez de Lacedæmone requissent au cō-
mencement de la guerre Peloponesiaque, que lon taxaist combien chascun au-
roit à contribuer, leur respondit, La guerre ne se nourrit pas à pris certain & ar-
resté. Car tout ainsi comme entre les combattans es ieux de pris, ceulx qui de
longue main ont par continuelz exercices endurcy & enforcé leurs corps, ab-
battēt tousiours avec le temps, & gagnēt ceulx qui n'ont rien que l'art & l'agi- H
lité de l'adresse & de l'escrime: aussi Antigon⁹ qui avec la puissance d'un grâd roy-
aulme soustenoit la despée de ceste guerre, lassa & desfeit à la fin Cleomenes,
par ce qu'il ne pouuoit plus fournir la paye aux estrangers qu'il auoit à sa soude,
ny nourrir mesme ses citoiēs: car au reste le tēps faisoit certainement pour luy,
à cause que les affaires qui suruindrent à Antigonus dedans son royaume, le
rappelloient à la maison. Pource que les barbares qui en sont uoïfins, couroïēt
& pilloient toute la Macedoine, mesmement les haults Esclauons qui lors y e-
stoient descendus avec grosse puissance, à raison de quoy les Macedoniens se
trouuans pillés de tous costez, enuoyerent en diligence rappeler Antigonus.
Et si les lettres luy eussent esté apportees un peu deuāt la bataille, comme elles I
le furent apres, il s'en fust aussi tost allé, & eust abandonné les Achēiens: mais la
fortune qui a tousiours accoustumé de decider les plus grandes choses à un
poinēt pres du but, monstra lors un si grand poids & si grande efficace de l'oc-
casion, que incontīnēt apres la bataille de Selasie, en laquelle Cleomenes per-
dit son armee & sa uille, arriuerent les messagers qui rappelloient Antigonus:
ce qui rendit de tant plus pitoyable la desconuenue de Cleomenes: car sil eust
reculé deux iours seulement à dōner la bataille, il n'en eust plus esté de besoing,
ains eust appointé avec les Achēiens à toutes telles conditions qu'il eust uou-
lu, quand les Macedoniens s'en fussent allez: mais à faulte d'argent, n'ayant plus
d'esperance qu'en ses armes, il fut contrainct de donner la bataille avec uingt K
mille combattans contre trente mille, ainsi comme escrit Polybius, là ou il se
monstra excellent capitaine, quant à luy, & ses citoyens aussi y feirent tresuail-
lamment leur deuoir, & les estrangers mesmes ne le feirent pas trop mal: mais
il fut desfaiēt par la façō des armes de ses ennemis & l'effort du bataillō des gēs
de pied Macedoniēs. Toutefois Phylarchus dit qu'il y eut encore une trahison,
qui fut la principale cause de sa desfaiete, pource que Antigonus auoit ordōné
aux Acarnaniens & aux Esclauons qu'il auoit en son ost de se couler à la dérobb-

* Ce lieu est cor-
rōpu en l'exem-
plaire Grec: mais
il uouloit en sub-
stance dire, qu'il
falloit premier a-
uoir de l'argent.

- A** becau l'og de la pointe de l'armée, ou estoit Euclidas frere de Cleomenes, pour l'enuelopper par derriere, pendant que luy rengeoit le demourant de ses gens en bataille. Au moien dequoy Cleomenes qui estoit monté sur un hault, pour ueoir la contenance de l'ennemy, ne uoiant point les armes des Acarnaniens & Esclauiens, eut peur qu'Antigonus ne s'en uoulust seruir à quelque telle ruse de guerre. Si feit appeller Demoteles qui auoit la charge de la patronille, qui est de rechercher & enquerir les choses secretes, & luy comanda qu'il allast regarder commēt se portoit le derriere de l'armee, & qu'il aduifast de descouurir bien tout à l'enuiron. Demoteles qui auoit, comme lon dit, esté iā corrompu par argent, luy respondit, qu'il ne se souciaist point de la cueuē de son armee,
- B** pource que tout y estoit bien: & qu'il entendist seulement à forcer & rompre ceulx qu'il auoit en teste deuant luy. Cleomenes se reposant sur ces paroles, marcha droit cōtre Antigonus, & feirent les naturelz Spartiates, qu'il auoit autour de luy si grād effort, qu'ilz feirent reculer le bataillon des Macedoniēs bien un quart de lieuē en les poulfant & pressant tousiours à force: mais ce pēdāt Euclidas avec l'autre pointe de l'armee fut enueloppé par derriere, & Cleomenes se retournāt & uoiāt la desconfiture l'escrīa tout hault, Ha mon trescher frere tu es perdu, tu es perdu, mais au moins meurs tu en hōme de bien, & sera ta mort proposee pour exēple de prouesse aux enfans, & chantee par les Dames de Sparte. Ainsi estant Euclidas & ses gens mis au fil de l'espee, ceulx qui les auoient desfaicts coururent aussi tost sus à ceulx de l'autre pointe. Adonc Cleomenes uoiant les siens effroyez de telle sorte, qu'ilz n'auoiēt pas le courage d'arrester, il se sauua de uistesse. En ceste bataille mourut grand nombre de soudards estrangers, & tous les naturelz Lacedemoniens; qui estoient six mille il ne s'en falloit que deux cents. Quand Cleomenes fut arriué à Sparte, il conseilla luy mesme aux citoiens qui le uindrent ueoir, qu'ilz se rendissent uoluntairement au uainqueur Antigonus, & au regard de luy, que s'il pouuoit faire aucune chose pour le bien & l'honneur de Sparte, fust en uiuant ou en mourant, qu'il le feroit: & uoiāt les Dames de la uille qui couroiēt au deuant de ceulx qui festoiēt sauuez quand & luy, & les deschargeant de leurs armes leur presentoiēt à boire,
- D** il entra dedans son logis, là ou une ieune garce qu'il auoit prise en la uille de Megalipolis, & dont il festoit seruy depuis la mort de sa femme, luy uint au deuant comme elle auoit accoustumé, & le uolul refreschir, comme uenant tout chaud de la bataille, mais il ne uolul ne boire, encore qu'il endurast soif extreme, ne se seoir, encore qu'il fust fort las, ains tout ainsi comme il estoit armé appuya sa main contre une coulonne, & meit son uisage sur son coude, & apres s'estre reposé un peu de temps en ceste sorte, & auoir discouru en son entendement tous les partis qu'il pouuoit prédre, il s'en alla avec ses amis au port de Gythium, là où il s'embarqua sur des uaisseaux qu'il auoit expressement fait tenir tous prests, & feit uoile incontinent. Bien tost apres entra Antigonus dedans la uille de Sparte, ou il traita humainement les habitans qu'il y trouua, & n'iniuria ny n'oultragea point superbement l'ancienne dignité de Sparte, ains leur aiant rédu leurs loix & leur gouuernemēt, apres y auoir sacrifié aux Dieux pour leur rédre graces de sa uictoire, trois iours apres y estre entré il s'en partit, aiant nouuelles qu'il luy estoit suruenue une grosse guerre en son royaume de la Macedoine, & que les Barbares luy pilloient & couroient tout son pais. La estoit il saisy de la maladie dont il mourut à la fin, laquelle se termina en une Phrise forte par un uolent catarre: mais toutefois encore ne demoura il point

Agis & Cleomenes.

pour cela, ains se mainteint tousiours en uigueur: iusques à combattre pour ses propres affaires, & à gagner une tresbelle uictoire, avec fort grand meurtre & occision des Barbares, pour puis apres en mourir plus glorieusement: car il se deschira les poulmons & le dedans du corps encore plus qu'il n'estoit, à force de crier en l'ardeur du combat, ainsi comme il est uray semblable, & comme Phylarchus mesme l'escriit. Toutefois on compte par les escholes, qu'apres la bataille gaignee, il se trouua si espris de ioye, qu'en criant, O la belle iournee! il redit grande quantité de sang, & que là dessus une grosse fiebure le saisit, d'où il mourut. Voila quant à Antigonus. Mais pour retourner à Cleomenes, partant de l'isle de Cythere, il alla poser l'ancre en une autre qui s'appelle Ægialia, de là ou uoulant trauerser en la cité de Cyrené, il y eut l'un de ses amis nommé Therycion, qui aux affaires s'estoit tousiours montré homme de grand cueur, & en son langage auoit aussi tousiours parlé haultement & brauement: & lors prenant à part Cleomenes, luy comencea à dire: Nous auons, sire Roy, souuy la mort qui nous estoit la plus honorable, de mourir en la bataille, cōbien que parauāt tout le mōde nous eust ouy dire, que iamais Antigonus ne passeroit au dessus du Roy de Sparte, sinon qu'il fust mort estendu: mais au moins nous en reste il encore une autre, qui, sans point de doubte, est en uertu & en gloire seconde à la premiere. Ou est-ce que nous nauiguons sans propos? pourquoy fuyons nous la mort? ou pourquoy l'allons nous chercher bien loing, quand elle est tout aupres de nous? Car si ce n'est point de honte ny de deshonneur à ceulx qui sont extraicts de la race de Hercules, de seruir aux successeurs de Philipppus & d'Alexandre, gagnons le trauail & le danger d'une longue nauigation, en nous allant rendre entre les mains d'Antigonus lequel uray semblablement doit estre meilleur que n'est Ptolomeus, d'autant que les Macedoniens ualent mieulx que les Ægyptiens. Et si nous dedaignōs estre commandez par ceulx qui nous ont uaincus en armes, pourquoy uolōs nous dōques faire nostre maistre celuy qui ne nous a point uaincus, en nous monstrant au lieu d'un inferieurs à deux, l'un Antigonus que nous fuions, & l'autre Ptolomeus à qui nous allons faire la court? Pouuons nous là dessus alleguer que nous allons en Ægypte pour le regard de ta mere qui y est? urayement tu luy seras un beau & ioyeux spectacle, quād elle mōstrera aux Dames de la court de Ptolomeus son filz prisonnier & fugitif, au lieu qu'il souloit parauāt estre Roy. Ne uault il pas donques mieulx, pendant que nous uoions encore le pais de la Laconie, & que nous auons noz propres armes en nostre puissance, nous deliurer nous mesmes de celle desfortune, & en ce faisant nous iustifier enuers ceulx qui sont morts à Selasie pour la defence de Sparte, plus tost que d'aller laschement perdre nostre temps en Ægypte, en attēdant des nouuelles pour sçauoir qui Antigonus aura laissé pour son lieutenant & gouverneur en Lacedemone? Therycion aiant dit de semblables paroles, Cleomenes luy respondit, Tu penles donques que ce soit à toy magnanimité que de chercher la mort, qui est l'une des plus faciles & plus aisees choses qui puisse aduenir à l'homme; & celle qu'il a plus à commander & à main toutes les fois qu'il luy plaist: & ce pēdant, meschant que tu es, tu fuis d'une fuite plus lasche & plus honteuse que la premiere. Car plusieurs uailans hommes, autres que nous ne sommes, ont bien autrefois cedé à leurs ennemis, ou pour quelque accident de fortune qui leur a esté cōtraire, ou aians esté forcez par plus grand nombre de gens: mais celuy qui se laisse aller, & qui succumbe aux trauaux & labeurs, ou aux blasmes & louanges des hommes

Agis & Cleomenes.

366

- A mes, il fault qu'il confesse qu'il est vaincu par sa propre lascheté, car il ne fault pas que la mort que lon se donne uoluntairement soit pour fouir à faire des actes laborieux, ains fault q celle mort mesme soit un acte louable, pource que c'est honte de uouloir uiure ou mourir pour l'amour de soy mesme, comme tu m'enhortes que ie face maintenât, pour me tirer hors des trauaux ou nous sommes de present, sans faire autre acte quelconque, ny utile ny honorable, là ou au contraire ie suis d'aduís que toy ne moy ne deuons iamais abandonner l'esperance de seruir encore quelque iour à nostre país: car là ou toute esperance nous defauldra, alors nous sera il tousiours assez aisé de mourir toutes & quantes fois que nous uouldrons. A cela Therycion ne repliqua rien, mais à la premiere occasiõ qu'il eut de se pouuoir un peu escarter de Cleomenes sur le riuage en se destournant le long de la marine, il se tua luy mesme. Et Cleomenes partant de ce mesme riuage, cingla tant qu'il arriua en Afrique, là ou il fut cõduit par les gens du Roy iusques en la uille d'Alexandrie, & là Ptolomeus à la premiere arriuee luy feit un recueil assez commun: mais depuis quãd il eut un peu donné de preuue de son sens & entendement, & fait cognoistre que parmy la simplicité røde de sa uie Laconique, il y auoit une grace gentille & une grandeur de courage qui ne faisoit point de honte à la noblesse haulte de son sang, ny ne fleschissoit point à la fortune, le Roy commença à le goûster d'auantage & à prendre plus de plaisir à sa compagnie, qu'à ceulx qui luy disoiēt & faisoient toutes choses pour le flatter & pour luy complaire: & adonc se repentit il à bon esciant d'en auoir parauant fait si peu de compte, & de l'auoir ainsi abandonné à Antigonus, lequel par sa desfaitte auoit grandement augmenté sa puissance & sa gloire. Si commença lors à le recõforter par toutes les caresses & faueurs dont il se peut aduiser, luy promettant qu'il le renuoyeroit avec uaisseaux & argēt en la Grece, & qu'il le remettroit en son royaume: & ce pendant luy ordonna pour son entretenemēt une pension de * uingt & quatre talents par an, desquelz il s'entretenoit luy & ses gens simplement & sobrement, & despendoit tout le demourāt à recueillir & soustenir ceulx qui se retiroient de la Grece en Ægypte. Mais de malheur ce uieil Ptolomæus, auant qu'il peust accomplir ce qu'il auoit promis à Cleomenes, de le renuoyer en la Grece, deceda, & depuis sa mort la Court estant tumbee en toute dissolution, yuongnerie, & gouuernemēt de femmes, le faict de Cleomenes fut aussi mis à nonchaloir: car le ieune Roy estoit tant perdu d'amour de femmes & de uin, que lors qu'il estoit le plus sobre & en son meilleur sens, les plus grands de ses affaires ou plus il s'appliquoit, estoient faire festes & sacrifices, sonner d'un tabourin parmy son palais pour assembler le monde, & faire du basteleur & triacleur, ce pendant que une Agathoclea qui estoit son amie, & la mere d'elle, & un macquereau nõmé Oenāthes gouuernoiet tous les principaulx affaires du royaume. Toutefois encore à son aduenement à la courõne il se seruit un peu de Cleomenes, pource qu'il craignoit Magas qui auoit credit entre les gens de guerre, à cause du port que luy faisoit sa mere: au moiē dequoy il approchoit de luy Cleomenes, & l'appelloit en son estroit cõseil, là ou il deliberoit des moiēns comment il pourroit faire mourir son frere: ce que tous les autres du conseil luy conseilloyent, excepté Cleomenes qui luy dissuadoit fort, remonstrant que plus tost il ualloit miculx engendrer plusieurs autres freres au Roy pour seureté de sa personne, & pour leur departir entre eulx les charges du royaume. A quoy Sotibius, qui estoit celuy des mignons du Roy qui auoit le plus grand credit & le

* Quatorze mille escus.

Agis & Cleomenes.

plus d'autorité aux affaires, respondit, que tant comme Magasuiuroit, les gés F
de guerre estrangers, qui estoient à la soute du Roy, ne luy feroient point trop
asseurez. Cleomenes luy repliqua, quant à cela qu'ilz ne s'en donnassent point
de peine, pource, que de ces estrangers là il y en auoit plus de trois mille Pelo-
ponesiés, lesquelz feroiét tout ce qu'il uouldroit, & qu'ilz uiendroient propre-
ment avec leurs armes par tout ou il les manderoit, au moindre clin d'œil & si-
gne de la teste qu'il leur feroit. Ceste parole sembla bien sur l'heure faire foy de
la bõne affection qu'il portoit au Roy, & de la puissance qu'il auoit : mais de-
puis, l'imbecillité de Ptolomeus luy augmētant sa couardise, & cõme il aduiét
ordinairement, que ceulx qui ont faulte de sens, reputent le plus seur estre, re-
doubter toutes choses & foy desfier d'un chascun, la souuenance de ce pro- G
pos rendit Cleomenes redoubtable à ceulx qui auoient credit en Court, pour-
ce qu'il auoir autorité enuers les soudards estrangers, & y en auoit plusieurs
qui disoient, Voyez nous cestuy cy, c'est un Lion qui hante parmy des bre-
bis. Car à la uerité aussi sembloit il tel proprement aux gens du Roy, quand ilz
consideroient ses façons de faire, comment il regardoit de trauers sans faire
semblāt de rien, & auoit tousiours un œil à espier ce que lon y faisoit. Si se lassa
à la fin de demander nauires & armee : mais aiant nouuelles que Antigonus e-
stoit mort, & que les Acheiens estoient empeschez de la guerre cõtre les Eto-
liens, de maniere que les affaires le desiroient & l'appelloient, estant tout le Pe-
loponese en trouble & en combustion, il demanda que lon le laissast aller seu- H
lement luy seul avec ses amis : mais personne ne luy uolunt accorder : car quāt
au Roy, il n'en entendoit rien, pource qu'il estoit continuellement entre des
femmes à danser, yronner, iouer & mommer : & quant à Sosibius, qui auoit
la superintendēce de tous les affaires, il estimoit d'un costé que de retenir Cleo-
menes contre sa uolunté il leur seroit malaisé, & si y auoit du danger : & d'au-
tre costé aussi de le laisser aller, luy qui estoit homme aduenteux, & person-
nage de grande entreprise, & qui auoit cogneu les uices & les faultes qui e-
stoient en leur gouuernement du royaume, ce ne seroit pas trop seurement
faict : car il n'y auoit ny dons ny presens qu'on luy sceust faire, qui le peussent
addoucir. Mais ne plus ne moins que le bœuf sacré, qu'ilz appellent en Egy-
pte Apis, encore qu'il ait à boire & à mager tout son saoul, & qu'il semble estre
en grandes delices, desire neantmoins tousiours sa uie naturelle, & sa liberré de
courir & saulter à son plaisir, & mōstre euidemmēt qu'il se fasche d'estre tous-
iours entre les mains du prestre qui a charge de le garder : aussi n'y auoit il rien
es delices de la Court qui pleust à Cleomenes, ains, comme dit Achilles en
Homere,

Il languissoit d'estre tenu en serre,

Ne demandant que d'aller à la guerre.

Estant doncques Cleomenes & ses affaires en tel estat, il arriua en Alexandrie
un Messenien nommé Nicagoras, qui le haïssoit particulieremēt en son cueur, K
mais au dehors faisoit semblant de l'aimer, car il luy auoit autrefois uendu un
beau lieu de plaissance, & n'en auoit pas receu l'argent, fust ou pource que Cleo-
menes n'eust pas le moien de luy payer, ou pource qu'il n'eust pas le loisir pour
les guerres qui l'occupoient. Vn iour doncques que Cleomenes d'adventure se
promenoit sur la greue du port, il apperceut ce Nicagoras descédant d'une na-
uiue, qui ne faisoit qu'arriuer, & l'ayant recogneu, le salua amiablement, & luy
demanda quelle occasion l'amenoit lors en Egypte. Nicagoras luy aiant ren-
du

A du bien amiablement aussi son salut; respondit qu'il auoit amené de beaux chevaux de seruice pour la guerre au roy. Cleomenes s'en prit à rire, & luy dit, Il eust miculx ualu que tu eusses amené de belles courtisanes, des baladines & des putains: car c'est ce qui plus aggree maintenāt au roy. Nicagoras sur l'heure feist semblant de rire, mais peu de iours apres il luy uint ramenteuoir le lieu qu'il luy auoit autre fois uendu, & le prier qu'à tout le moins lors il luy en uou-
 lust bailler l'argent, l'assurant qu'il ne l'en eust point encore importuné, n'eust esté qu'il auoit perdu à sa marchandise. Cleomenes luy respondit qu'il n'auoit rien de reste de la pension qu'on luy donnoit, dont ce Nicagoras estant cour-
 roucé, s'en alla rapporter à Sosibius le traict de mocquerie qu'il luy auoit ouy
 B dire contre le roy. Sosibius fut bié aise de l'auoir entédu: mais desirāt auoir en-
 core plus grāde occasiō d'irriter le ieune roy cōtre Cleomenes, il suada à Nica-
 goras d'escrire une lettre au Roy contre luy, cōme aiant conspiré si le Roy luy
 donoit des uaisseaux, de l'argēt, & des gēs de guerre, de se saisir de la uille de Cy-
 rene. Ce q̄ Nicagoras feist: & aiant escrit la missiue, feist uoile quatre iours apres.
 Sosibius si tost qu'il fut party porta la lettre au Roy, comme sil la fust uenu de
 receuoir à l'heure. Et irrita tellement le ieune Roy, qu'il fut deslors ordōné que
 lon reserreroit Cleomenes en une grande maison, ou lon luy bailleroit son ui-
 ure ordinaire, comme de coustume, excepté que lon luy defendroit de sortir
 du logis. Cela desia fascha bien Cleomenes, mais encore eut il bien pire espe-
 C rance de son affaire à l'aduenir par un tel accident. Il y auoit l'un des mignons
 du Roy, qui s'appelloit aussi Ptolomeus filz de Chryfermus, lequel auoit tous-
 iours aupāruant deuisé assez familièrement avec Cleomenes, & auoient pris
 une liberté & priuaulté de parler librement de toutes choses ensemble. Cleo-
 menes l'enuoya un iour prier de uenir parler à luy. Ptolomeus y alla, ou en de-
 uisant, il rascha de luy destourner toutes les suspicions qu'il auoit, & de luy ex-
 cuser tout ce que le Roy auoit faiēt en son endroit: puis quand ilz eurent assez
 deuisé, il s'en retourna, ne prenant pas garde que Cleomenes le suiuiroit & estoit
 derriere iusques à la porte, à laquelle Ptolomeus tena bien asprement les gar-
 des, de ce qu'ilz gardoient si negligemment & si peu soigneusement une beste
 D sauage si furieuse, & si mal aisee à reprendre si une fois elle eschappoit. Cleo-
 menes ouit ces paroles, & s'en retourna au dedans du logis sans que Ptolomeus
 eust apperceu qu'il fust derriere luy: & retourné qu'il fut, compra à ses amis ce
 qu'il auoit entédu & ouy. Parquoy tous adonc iettās en courroux le reste qu'ilz
 auoient de bonne esperance, resolurent de se uenger du tort & de l'iniure que
 leur faisoit Ptolomeus, en mourāt ainsi comme il appartenoit à des Spartiates,
 sans attendre que lon les uint hacher en pieces comme moutōs, apres que lon
 les auroit lōguemēt tenus en mue à les engraisser. Pource que ce seroit une grā-
 de honte à Cleomenes apres auoir refusé d'appointer avec Antigonus, qui e-
 stoit homme de guerre & prince de faiēt, attendre le loisir de cest autre roy ba-
 E steleur & triacleur, iusques à ce qu'il luy pleust laisser son tabourin, & rompre
 sa danse & sa mommerie, pour le uenir faire mourir. Aians pris ceste resolu-
 tion entre eulx, le roy Ptolomeus alla d'aduēture à la uille de Canobus, & ceulx
 de la uille feirent premierement courir un bruit par Alexandrie, que le Roy e-
 stoit en propos de le deliurer de prison, & suiuant une coustume que ces roys
 d'Egypte auoient quand ilz uouloient eslargir un prisonnier & le remettre en
 sa pleine liberté, qu'ilz luy enuoyoient le soir de deuant à soupper avec des pre-
 sents, les amis de Cleomenes aians preparé plusieurs telz presents, les luy en-

Agis & Cleomenes.

uoyèrent, en trompant les gardes & leur donnant à entendre que c'estoit de la part du roy que l'on les luy enuoyoit: car Cleomenes mesme sacrifia aux Dieux, & enuoya à ses gardes bonne part des viandes que l'on luy auoit enuoyees de dehors, & souppa le soir en festin avec ses amis, aiās des chappeaux de fleurs sur leurs testes, & dit on, qu'il se hesta d'exécuter ce qu'il auoit entrepris, plus tost qu'il n'eust fait autrement, pour auoir apperceu qu'il y auoit un de ses ualets sachant leur cōspiration, qui alloit hors du logis coucher avec une femme, dont il estoit amoureux, aiant peur qu'il ne descouurist leur entreprise. Quand ce uint sur le midy, & qu'il ueit que les gardes estans yures dormoient, il prit son saye sur son dos, & en ouurāt la cousture à l'endroit de l'espaule droite, se ietta hors la maison l'espee nue en la main avec ses amis accoustrez tout de mesme, qui estoient treize en tout. Entre lesquels y en auoit un nommé Hippotas, qui estoit boitteux, lequel sortit avec eulx bien delibereement à la première saillie: mais quand il ueit que pour l'attendre ilz marchoiēt trop bellement, il les pria qu'ilz le tuassent, & qu'ilz ne laissassent point à exécuter leur entreprise pour le regard d'un homme inutile. Toutefois ilz rencontrèrent d'aduenture un homme de la uille, qui passoit sur un cheual par deuant la porte de leur logis, ilz le feirēt descendre & mōterent Hippotas dessus, puis s'en allerent courans parmy les rues, criās au peuple, liberté, liberté: mais tout ce populaire n'auoit de vertu si non iusques à louer Cleomenes & à admirer sa hardiesse, car au demourāt de le suiure ou de luy porter faueur personne n'en eut le courage, & en courant par la uille ilz rencontrèrent Ptolomæus, celui que nous auons dit qui estoit filz de Chrysermus, ainsi comme il sortoit du Palais, & se ruerent trois sur luy, qui le tuerent en la place. Il y auoit un autre Ptolomæus, qui auoit charge de garder la uille d'Alexandrie, lequel aiant ouy le bruit, s'en uenir uers eulx dedans une coche, ilz luy allerent alencontre, & aiāns premierement fait escarter ses satellites & archers, qui marchoiēt deuant luy, le tirèrent à bas de dessus son chariot & le tuerent aussi, puis s'en allerent uers le chasteau en intention de deliurer tous les prisonniers qui y estoient & s'en seruir: mais les Geoliers qui en auoient la garde, auoiēt bien fermé & muni les prisons, de sorte que Cleomenes fut reboutté de ceste entête. Au moien dequoy il s'en alla errant çà & là par la uille, sans q̄ personne se ioignist à luy, ne qui luy feist teste aussi, pource que tout le mōde s'en fuyoit de peur deuant luy: parquoy à la fin après auoir bien couru, se retournant deuers ses amis, il leur dit, Ce n'est pas de merueille si des femmes commandent à un si lasche peuple, ueu qu'il fuyt ainsi sa liberté. Si les pria qu'ilz uoulussent doncques tous mourir aussi magnaniment, comme il appartenoit à ceulx qui auoient esté nourriz avec luy, & à la dignité des belles choses qu'il auoit faites. Et lors le premier qui se feit tuer fut Hippotas, lequel mourut d'un coup d'espee que luy bailla l'un des plus ieunes de la compagnie à sa requeste, puis chascun des autres se tua aussi consequemment apres, facilement & sans rien craindre, excepté Panteus, celui qui estoit entré le premier dedans la uille de Megalipolis: c'estoit un fort beau ieune homme de uisage, & qui auoit fort bien esté nourry en la discipline Laconique, & mieulx qu'autre de son aage, aussi en auoit Cleomenes esté amoureux, qui luy commanda, que quand il le uerroit tumbé mort & tous les autres aussi, q̄ lors il se tuast le dernier: parquoy estans ia tous les autres gifans par terre, Panteus les alla tous reuifiter les uns apres les autres, & sonder avec la pointe de son espee, pour ueoir si il y en auoit point quelqu'un qui ne fust pas enco-

A re mort, & comme aiant entre les autres picqué Cleomenes aupres du talon, il eust apperceu qu'il fronceoit encore leuifage, il le baifa & l'asseit aupres de luy, puis quand il ueit qu'il eut à fait rendu l'esprit, alors l'embrassant tout mort, il se tua luy mesme dessus luy. Cleomenes doncques aiant esté Roy de Sparte l'espace de seize ans, & aiant esté tel personnage que nous l'auons descrit, acheua ses iours en ceste sorte: dequoy le bruit s'estant incontînét espandu par toute la uille, Cratesiclea sa mere, encore qu'elle fust au demourât femme magnanime, oubliant neantmoins un peu lors sa generosité, pour l'excessiue douleur qu'elle sentit de ce grand accident, & embrassant les enfans de Cleomenes se prit à laméter: mais l'aisné des enfans, sans que personne s'en fust iamais doubté, trouua moié de se depestrer de ses mains, & montât dessus la couuerture de la maison, se ietta du hault en bas la teste la premiere, dont il fut tout froissé, mais il n'en mourut pas pourtant, ains fut emporté criant & se courrouceât de ce que lon ne le uouloit pas laisser mourir. Le Roy Ptolomeus aiant entendu ceste nouuelle, commanda que lon pendist le corps de Cleomenes pour le faire secher, & que lon feist mourir ses enfans, sa mere, & toutes les femmes qui estoiet avec elle, entre lesquelles estoit la femme de Panteus, l'une des plus belles Dames de son temps & de plus gentil cueur. Il n'y auoit gueres qu'ilz estoiet mariez ensemble quand ses malheurs leur aduindrent, & estoit encore leur amour en leur plus grande uigueur: ses parents ne l'auoient pas voulu laisser aller &

C sembarquer avec son mary, ains l'auoiet enfermee pour la retenir à force: mais peu de temps apres aiant trouué moié de recouurer un cheual & quelque peu d'argent, elle s'en fouit une nuict, picquant à toute bride uers le port de Ténare, là ou elle sembarqua sur une nauire qui partoit pour aller en Ægypte, & s'en alla trouuer son mary, avec lequel elle supporta doucement & ioyeusement le uiure hors de sa maison en pais estranger. Et lors que les sergens uindrent prendre Cratesiclea pour la mener mourir, elle la conduisit par dessous le bras, en luy aidant à porter sa robbe & la reconfortant, combien qu'elle ne fust point autrement estonnée pour l'apprehension de la mort, & qu'elle demandast seulement ceste grâce, que lon la feist mourir deuant ses petits enfans: toutefois

D quand ilz furent au lieu ou lon auoit accoustumé de faire telles executions, les bourreaux tuerent premierement les enfans deuant ses yeux, & puis elle apres, laquelle en si griefue angoisse de douleur ne dit autre parole sinon, Helas mes enfans ou estes uous allez? Et la femme de Panteus estant grande & forte, ceignant sa robbe par dessus, accoustra & enueloppa les corps des autres à mesure qu'elles furent executees de ce qu'elle peut recouurer sans dire un seul mot, ny môstrer aucū signe d'estre troublee, & finablement s'estât elle mesme accoustree, & aiant auallé son uestement autour d'elle, sans uouloir souffrir qu'autre personne s'approchast d'elle ny la regardast, sinon le bourreau qui estoit ordonné pour luy couper la teste, elle mourut aussi constamment que sçauoit faire le

E plus uertueux hōme du mōde, sans auoir besoin de personne qui couurist son corps ny l'enueloppast apres sa mort, tant elle fut soigneuse de garder, mesme à la fin, l'honesteté qu'elle auoit tousiours obseruee en sa uie, & retenant encore en mourant le soing de l'honneur dont elle auoit tousiours muny son corps tant comme elle auoit uescu. Ainsi ces Dames Lacedemoniennes en ceste pituifetragœdie aians ioué leur rolle à l'enuy des hommes en leurs derniers iours, à qui plus magnanimement endureroit la mort, fournirent de preuue euidēte, pour uerifier que la Vertu ne peult estre oultragee par la Fortune. Peu de iours

Agis & Cleomenes.

apres, ceulx qui estoient ordōnez pour garder le corps de Cleomenes pēdu en croix, apperceurent un fort grand serpent entortillé à l'entour de sa teste, qui luy couuroit tout le uisage, de sorte que nul oiseau de proye n'en approchoit pour en mager, dont le roy entra en une superstition & frayeur, craignant d'auoir offensé les Dieux: ce qui donna occasion aux femmes de sa court de faire plusieurs sacrifices de purification pour nettoyer ce peché, se persuadans qu'ilz auoient fait mourir un personnage bien uolu & aimé de la diuinité, & qui auoit quelque chose de plus que homme. Les citoiens mesmes de la uille d'Alexandrie allans sur le lieu, luy faisoient prieres & l'inuocquoient comme un Demydieu, en le nommant filz des Dieux, iusques à ce que les plus sçauans les osterent de cest erreur, en leur remontrant que tout ainsi cōme des beufz, quand ilz uienent à se pourrir, s'engendrent les abeilles: des cheuaux, les mouches guespes: & semblablement des asnes, quand ilz uienent aussi à putrefaction, grouillent des escharbors: aussi les corps des hommes, quand la liqueur de la mouëlle uient à se fondre & à se figer ensemble au dedans, produisent des serpents: ce que les anciens aians entendu & cogneu, ont choisi entre tous les animaux le dragon pour l'approprier à l'homme.

Tiberius & Gaius Gracci.



Insi doncques estāt l'histoire des deux Grecs exposee, il reste que nous escriuions aussi celle des deux Romains, en laquelle nous ne uerrons pas de moindres inconueniens, aduenus à Tiberius & à Gaius, qui tous deux furent filz de Tiberius Graccus: lequel encore qu'il eust esté deux fois Consul, & une fois Censeur, & qu'il eust eu l'honneur de deux Triumphe: auoit encore neantmoins plus de dignité & plus de gloire à cause de sa vertu seule, pour laquelle il fut estimé digne d'espouser Cornelia fille de Scipion, qui desfeit Annibal apres la mort du pere: combien que de son uiuant il ne luy eust point esté amy, ains plus tost aduersaire & ennemy. Lon dit qu'il trouua un iour dedans son liēt une couple de serpents, & que les deuins aians considéré que uouloit signifier ce presage, luy defendirēt de les tuer tous deux, & de les laisser aussi eschapper tous deux, mais ouy bien l'un seulement, luy assurant que s'il faisoit mourir le male, cela luy apporteroit la mort à luy mesme, & s'il tuoit la femelle, que ce seroit à Cornelia. Tiberius doncques aimant sa femme, ioint aussi qu'il estimoit estre plus raisonnable que luy mourust premier qu'elle, attendu qu'il estoit le plus uieil, & elle encore ieune, tua le male de ces deux serpents & laissa eschapper la femelle: mais il mourut aussi tantost apres, laissant douze enfans uiuans, lesquelz il auoit tous euz de Cornelia, laquelle apres le trespas de son mary, prenāt tout le soing de sa maison & de ses enfans, se monstra si honeste, si bonne enuers ses enfans, & si magnanime, que lon iugea Tiberius auoir sagement fait, d'auoir voulu mourir plus tost que une telle femme. Car estant en sa uiduité, le Roy Ptolomæus luy uoulut communiquer l'honneur du diademe royal, & la faire Roïne, la demandant à femme: mais elle le refusa, & perdit en sa uiduité tous ses enfans, exceptee une fille, qu'elle donna en mariage au ieune Scipion Afri-

A cain, & Tiberius & Gaius desquelz nous escriuons presentement, lesquelz elle nourrit & institua si diligemment, qu'estans deuenus plus honestes & mieulx conditionnez que nulz autres ieunes hommes Romains de leur temps, on estima que la nourriture en ualoit mieulx que la nature: mais tout ainsi comme es images de Castor & de Pollux on apperçoit ne sçay quoy de difference qui fait cognoistre que l'un ualoit mieulx à la lucte & l'autre à la course: aussi entre ces deux ieunes freres, parmy les autres grandes similitudes qu'ilz auoient, d'estre tous deux heureusement nez à la prouesse de leurs personnes, à la temperance, à la liberalité, aux lettres, & à la magnanimité, il sourdit de grandes differences quant aux effects & quant à leurs administrations en la chose publique: & me

B semble qu'il uauldra mieulx les declarer premier que d'entrer plus auant en matiere. En premier lieu doncques, quant à la forme du uisage, quant au regard & au mouuement de la personne, Tiberius estoit plus doulx & plus posé, & Gaius plus uehement, de sorte que l'un en harenguant se maintenoit constamment en une place, & l'autre fut le premier des Romains qui commença à se promener par la tribune aux harengues en preschant, & à tirer sa robbe de dessus son espaule, comme lon escrit de Cleon Athenien, qu'il fut le premier des Orateurs qui ouurit sa robbe, & frappa sur sa cuisse en parlant. D'auantage la parole de Gaius parmy la force persuaſiue qu'elle auoit, estoit terrible & pleine d'affectiōs: & celle de Tiberius au cōtraire, plus doulce & plus attraian-

C te à pitié, la diction propre & pure, & exquisement bien ordonnée: & celle de Gaius figuree, embellie & fardee. La mesme differēce se cognoissoit aussi en leur table & en leur despence ordinaire: car celle de Tiberius estoit simple & sobre, & celle de Gaius, à cōparaison des autres Romains, estoit bien sobre & estroite aussi, mais au regard de son frere il se trouuoit curieux, delicat & superflu, cōme Drusus luy reprocha un iour, qu'il auoit achepté des daulphins d'argent au pris de douze cents cinquante drachmes pour chascue liure pesant. Et quant

D aux meurs & à leur inclination naturelle, suiuant la difference de leur langage, l'un estoit doulx & gracieux, l'autre uiolēt & cholere, de sorte qu'en harenguant il se laissoit aller quelquefois à son courroux contre sa uolunté, iusques à haulser sa uoix en un ton plus agu, à dire des iniures, & à confondre son parler: mais pource qu'il se sentoit subiect à semblables faillies, il y usa d'un tel remede. Il auoit un seruiteur nommé Licinius, homme de bon entendement, qui avec un instrumēt de musique, dont lon enseigne à haulser & baïſſer les tons, se tenoit derriere luy quand il harenguoit: & quād il sentoit que sa uoix esclatoit un peu trop, & par cholere sortoit hors de ton, il luy souffloit par derriere un ton doulx, au son duquel Gaius se moderait incōtinent, relaschant la uehémence de sa cholere & de sa uoix, & se reuenoit facilement. Voila les differences qui estoient entre eulx. Au demourant leur uailance contre les ennemis, iusticeuers les subiects, soing & diligence es charges de leurs offices, temperance &

E continence alencontre des uoluptez, estoient en tout & par tout semblables es deux. Il est uray que Tiberius estoit plus aagé que son frere de neuf ans, ce qui fut cause que leur entremise du gouuernement de la chose publique fut diuisee de temps, & l'une des principales occasiōs pourquoy leurs entreprises ne succederent pas, pource qu'ilz ne florirent pas en un mesme temps, ny ne peurent pas conioindre leur puissance ensemble, laquelle si elle se fust rencontrée en un mesme tēps, eust esté tresgrande, & à l'aduenture inuincible. Il nous fault doncques escrire separement de chascun, & premierement de celuy qui

* Six uingts
cinq sicus.

Tiberius & Gaius.

est l'aîné, lequel des l'issue de son enfance fut tant estimé, que tout incontinent on l'associa au college des prestres, que lon appelle à Rome les Augures, qui ont la charge de cōsiderer les signes & presages des choses à aduenir, plus pour sa uertu que pour sa noblesse, ainsi que monstra le tesmoignage d'Appius Clodius, personnage qui auoit esté Consul & Censeur, & de telle dignité qu'il auoit esté déclaré & nommé Prince du Senat, aussi auoit il plus d'autorité que nul autre de son temps. Et un iour comme tous les Augures mangeassent ensemble, apres auoir salué & caressé fort amiablement Tiberius, il le rechercha luy mesme de uoloir espouser sa fille, ce que Tiberius accepta bien uoluntiers, & fut sur l'heure mesme passé l'accord du mariage entre eulx: parquoy Appius retournant en son logis, des le seuil de la porte appella sa femme à haulte uoix, criant: Antistia, i'ay fiacé nostre fille Clodia: dequoy elle s'emeuillât, Dea, dit elle, quel besoig estoit il de soy haster & precipiter tât? Qu'eusses tu peu faire d'auantage, si tu luy eusses trouué Tiberius Gracius pour mary? Je n'ignore pas toutefois, que quelques uns ont attribué ceste histoire à Tiberius pere de ceulx cy, & à Scipion l'Africain: mais la plus part des historiens la met ainsi que nous l'escriuons à present: & Polybius mesme eserit, qu'apres la mort de Scipion les parents assemblez choisirent Tiberius entre tous les autres ieunes hommes pour luy donner Cornelia en mariage, comme n'ayant esté ny fiancée ny promise à autre quelconque par son pere. Tiberius doncques le ieune estant à la guerre en Afrique sous le secōd Scipion, qui auoit sa sœur en mariage, & logeant avec luy sous une mesme tente, cogneur incontinent la nature de son capitaine douee de plusieurs belles, bonnes, & grandes parties pour attirer les cueurs des hommes à imiter & desirer ensuiure sa uertu. Si deuint en peu de temps le plus humble & plus obeissant, & le plus uaillant de sa personne qui fust entre tous les ieunes hommes de son temps, tellement que ce fut le premier qui monta sur la muraille des ennemis, ainsi comme dit Fannius, affirmant y auoir monté quand & luy, & l'auoir secondé en cest acte de prouesse: au moié dequoy, present il estoit fort aimé de tout le camp, & absent fort desiré & regretté de tout le monde. Apres ceste guerre il fut eleu Questeur, & luy escheut par le sort d'aller alencontre des Numantins avec l'un des Consulz Caius Mancinus, lequel n'estoit point mauuais homme, mais bien le plus mal fortuné & le plus malheureux capitaine que les Romains eussent: & neantmoins en fortune si contraire, & en si grand malheur reluisit encore plus clairement, non seulement le bon sens & la prouesse de Tiberius: mais, qui est encore plus emerueillable, la reuerence & l'obeissance qu'il portoit à son supérieur, combien qu'il fust si trauaillé & si troublé de ses mesaduentures, qu'il ne sçauoit luy mesme, s'il estoit capitaine ou non. Car ayant esté desfait & battu en de grosses batailles, il se partit de nuict abandonnant son camp: ce que les Numantins aians apperceu, firent premierement son camp, puis coururent apres les fuyans, là ou donnans sur la cueuë ilz en occirent les derniers, & envelopperent toute son armee, de sorte qu'ilz la rengerent en lieux malaisez, dōc il n'y auoit aucun moié d'eschapper: parquoy Mancinus desesperant en pouoir sortir à force, leur enuoya par un herault demander appointemēt, à quoy les Numantins feirent responce qu'ilz ne se fieroient à personne, sinon à Tiberius seul, & luy maderent qu'il l'enuoyast deuers eulx, aians pris ceste affection en partie pour les uertus du ieune homme, à cause que lon ne parloit que de luy en toute celle guerre, & en partie aussi, par la souuenance qu'ilz auoient de son pere

A pere Tiberius, qui faisant la guerre en Hespagne, & y aiant subingué plusieurs nations, donna la paix à ceulx de Numance, laquelle il feit depuis ratifier & confirmer au peuple Romain. Ainsy y fut enuoyé Tiberius qui parla à eulx, & leur faisant passer partie de ce qu'il uouloit, & aussi leur accordant partie de ce qu'ilz demandoient, arresta la paix avec eulx, en quoy faisant il sauua assurement la uie à uingt mille citoiens Romains oultre les esclaves & autres uoluntaires qui suiuiot le camp sans estre des bendes: mais au demourant les Numantins prirent & pillerent tous les biens qui estoient demourez dedans le camp des Romains, entre lesquelz se trouuerent les papiers ou estoient cōtenus les compres de la charge de Tiberius touchant l'administration des deniers, lesquels desirant singulièrement recouurer, il s'en retourna à Numance avec deux ou trois de ses amis seulement, combien que l'armee Romaine fust desia bien auant en chemin: & appellât les gouuerneurs & officiers de la uille, les pria de luy faire rendre ses papiers, à fin qu'il ne dōnast point d'occasion à ses enuieux & malueuillans de le calumnier quand il ne pourroit rendre cōpre de ce qu'il auroit manié. Les Numantins furent bien aises de ceste aduventure, & le prierēt d'entrer dedans leur uille: & comme il s'arrestast tout de bout à cōsultier en soy mesme, s'il y deuoit entrer ou non, les officiers de Numance s'approcherent de luy, & le prirent par la main, le suppliant de croire qu'ilz n'estoient plus ennemis, ains bons amis, & qu'il se uoulust fier en eulx, de façon que Tiberius fut d'opinion de le faire, pour l'enuie qu'il auoit de recouurer ses papiers, & aussi pour la doubte qu'il faisoit d'irriter les Numantins s'il eust mōstré qu'il se fust desfié d'eulx. Quand il fut dedas, ilz luy feirēt appareiller à disner, & le prierēt avec toute l'instance qui leur fut possible, de se uouloir seoir & manger un peu avec eulx, puis luy rendirent ses papiers, & d'auantage luy offrirēt tout ce qu'il uouldroit de ce qu'auoit esté pris par eulx dedans le camp des Romains, dequoy il ne uolut prédre chose quelcōque sinon l'encens dont il uza au sacrifice qu'il feit pour la chose publique: & cela fait, il prit congé d'eulx en les remerciant, & s'en retourna. Mais retourné qu'il fut à Rome, tout le faict de cest appointement fut grandement repris & blasmé, comme indigne & faisant deshonneur à la dignité de Rome: mais les parents & amis de ceulx qui auoient esté en ceste guerre, faisans la plus grande partie du peuple, s'assemblerent alentour de Tiberius, disans que des fautes qui y auoient esté laschement faites, il s'en falloir adresser & prendre au Consul, & au reste, que c'estoit luy qui auoit sauué un si grand nombre de citoiens: toutefois ceulx qui estoient marris de l'infamie de cest appointement, uoloient que lon feist comme auoient autrefois fait leurs ancestres en cas pareil: car ilz renuoyerēt leurs capitaines tous nudz aux ennemis, pource qu'ilz s'estoient contentez que les Samnites les laissassent eschapper la uie sauue, & ne leur enuoyerent pas seulement les capitaines en chef, ains aussi tous ceulx qui auoient eu aucune charge en l'armee & qui auoient consenty à la composition pour conuertir sur leurs testes tout le peché de la contrauention au serment qu'ilz auoient presté & à l'appointement qu'ilz auoient iuré. Mais en cela se monstra bien euidentement l'amour & bienueuillance que le peuple portoit à Tiberius: car il ordonna que le Consul Mancinus seroit rendu piedz & poings liez aux Numantins, & pardonna à tout le reste pour le regard de Tiberius: en quoy il m'est bien aduis que Scipion luy aida, qui estoit pour lors le premier homme de la uille de Rome & qui plus y auoit d'autorité, qui toutefois fut blasmé de ce qu'il n'auoit aussi sauué le Consul.

Tiberius & Gaius.

Mancinus, & fait confirmer l'appointement accordé aux Numantins, ucu
que ce auoit esté Tiberius son amy & son allié qui l'auoit traitté. Ces plaintes F
pour la plus part procedoient de l'ambition des amis de Tiberius, & de quel-
ques hommes de lettres qui l'irritoient & le mettoient en picque, alencôtre
de Scipion, laquelle toutefois ne proceda point iusques à haine declaree, ny
n'en ensuiuit mal aucun: & me semble que Tiberius ne fust point tumbé es
inconueniens ou il tumba depuis, si Scipion eust esté present quand il entre-
treprit ce qu'il meit en auant: mais il estoit desia à la guerre deuant Numance,
quand Tiberius commença à proposer ses edicts pour une telle occasion.
Quand les Romains anciennement auoient vaincu quelques uns de leurs uoi- G
sins, pour l'amende ilz leur ostioient bien souuent une portion de leurs terres,
dont aucunes fois partie se uendoit au profit de la chose publique, & partie se
ioignoit au domaine, qui se bailloit puis apres à ferme ou à rente aux pauures
citoyens qui n'auoient point d'heritages, en payant un bien peu de rente tous
les ans: mais les riches commencerent à haulser la rente & à en debouter par
ce moien les pauures: à l'occasion de quoy fut faite une ordonnance, qu'il ne
fust loisible à citoyen Romain de tenir plus de cinq cents arpents de terre. Ce-
ste ordonnance refrena pour un peu de temps l'auarice des riches, & aida aux
pauures qui demouroient aux champs sur les terres qu'ilz auoient prises à fer-
me de la chose publique, & uiuoient de ce que eulx ou leurs ancestres en auoient
eu des le commencement: mais par laps de temps leurs uoifins riches, sous H
noms de personnes supposees trouuoient moien de transferer en eulx les ar-
rentemens, & à la fin sans plus desguiser rien, en teindrent eulx mesmes publi-
quement & notoirement en leur nom la plus grande partie, de maniere que les
pauures en estans ainsi debouttez, n'alloient plus de bon courage à la guerre;
ny ne se soucioient plus de nourrir & eleuer des enfans, tellement qu'en peu de
temps l'Italie se fust trouuee dépeuplee d'hommes de libre condition, & rem-
plie de barbares & d'esclaves, par lesquelz les riches faisoient labourer les terres,
dont ilz auoient chassé des citoyens Romains: auquel inconuenient essaya de
prouuoir & de remedier Caius Lælius l'amy de Scipion, mais pource que les
gros de la uille luy furent à ce contraires, craignant qu'il n'en sortist autre ef- I
fect que une sedition ciuile, il s'en deporta: & pour ceste cause fut surnommé
Lælius le sage. Toutefois Tiberius, aussi tost qu'il fut eleu Tribun du peuple, se
meit incontinent sur ses brisées à la suscitation, ainsi que la plus part des histo-
riens escrit, de Diophanes rhetoricien, & de Blossius philosophe, qui le poul-
serent à ce faire. Diophanes estant banny de la uille de Mitylene, & Blossius
natif de l'Italie en la uille de Cumes, aiât esté disciple & familier d'Antipater de
Tarse à Rome mesme, ou il luy feit l'honneur de luy dedier quelques siennes cō-
positions de la philosophie. Aucuns en accusent aussi leur mere Cornelia, la-
quelle leur reprochoit que les Romains l'appelloient encore belle mere de Sci-
pion, non pas mere des Gracques. Les autres ueulent dire que ce fut un Spurius K
Posthumus, cōpagnon de Tiberius & son concurrent en la gloire d'eloquence:
pource que Tiberius à son retour de la guerre le trouuant fort auancé deuant
luy en honneur & reputation, & bien estimé de chascun, le uolut surmonter
en attendant ceste hardie entreprise, & qui estoit de tresgrande expectation.
Mais son frere mesme Gaius en un sien liure a escrit, que comme il alloit à la
guerre de Numance, en passant par la Thoscane il trouua le pais presque desert,
& ceulx qui y labouroient la terre ou y gardoient les bestes, pour la plus part es-
claves

A clauës barbares, uenus de païs estrange: à l'occasion dequoy, deslors il se meît en la teste l'entreprise de conduire cest œuure à chef, qui fut cause d'infinis maulx à leur maison: mais, quand tout est dit, ce fut le peuple mesme qui plus enflamma sa conuoitise d'honneur, & hasta sa deliberation, l'inuitât à y entrer par escritteaux que lon trouuoit par tout contre les murailles, es portiques, sur les sepultures, esquelz on le prioit de uoloir faire rendre aux pauvres citoiens Romains, les terres appartenâtes à la chose publique. Toutefois encore ne feit il pas seul de sa teste l'ediât, ains le feit avec le conseil des premiers hōmes de la uille en vertu & en réputatiō, entre lesquelz estoïët Crassus le souuerain pōtife, Mutius Scœuola le iuriscōsulte, qui lors estoit Cōsul, & Appius Claudius son

B beaupere: & si semble q̄ iamais ne fut faite loy si douce ne si gracieuse, q̄ celle là qu'il proposa contre une si grieve iniustice & si grāde auarice: car ceulx qui deuoient estre punis de ce qu'ilz auoient contreuenu aux loix, & à qui lon deuoit oster par force les terres qu'ilz tenoient iniustement contre les ordonnances expresses de Rome, & leur en faire payer l'amende, il uolut que ceulx là fussent remboursez par le public de cē que les terres qu'ilz tenoient illicitemēt pouuoïët ualoir, & qu'elles fussent remises es mains des pauvres bourgeois qui n'en auoient point, & qui auoient besoing d'aide pour uiure. Et combien que la reformation que son ediât introduisoit fust ainsi gracieuse, le peuple neantmoins se cōtentoit, en oubliant tout le passé, que pour l'aduenir au moins on ne

C luy feist plus de tort: mais les riches & ceulx qui se sentoient bien heritez, haïsoïët l'ediât pour leur auarice, & par un despit & une opiniastrerē de ne uoloir point ceder, en uoloient mal de mort à celuy qui l'auoit proposé, taschans à en diuertir & desgouter le peuple, en disant que Tiberius introduisoit un nouveau departement des heritages pour mettre la chose publique en combustion & renuerfer tout sans dessus dessous: mais ilz n'y gaignoient rien, pource que Tiberius defendant ceste cause, qui de soy estoit bonne & iuste, avec une eloquēce qui en eust peu fonder & iustifier une mauuaise, estoit intincible, & n'y auoit personne qui le peust refuter ny soustenir, quand il uenoit à discourir & à deduire en faueur des pauvres citoiens Romains, estant tout le peuple espendu

D au deuant de la tribune aux harēgues, Que les bestes sauuages qui estoient par l'Italie auoient à tout le moins leurs gistes, leurs tēsnieres & leurs cauernes ou elles se retiroient: là ou les hommes qui combattoient & mouroïët pour icelle, n'y auoïët chose quelconque, sinon l'air & la lumiere, ains estoient cōtraincts d'aller errans çà & là avec leurs femmes & leurs enfans, sans seiour & sans maison ou ilz se peussent heberger: de sorte que les capitaines (disoit il) mentēt ordinairement, quand pour encourager les soudards, ilz les prient & admonestent de combattre uailamment pour les sepultures, les temples & les autelz d'eulx & de leurs predecesseurs: car il n'y a pas un de tant de pauvres bourgeois Romains qui sceust monstrier ny un autel domestique, ny une sepulture de ses an-

E cestres: ains uont les pauvres gens à la guerre combattre & mourir pour les delices, la richesse & superfluité d'autrui: & les appelle lon à faulces enſeignes ſeigneurs & dominateurs de la terre habitable, là ou ilz n'ont pas un seul poulce de terre qui soit à eulx. Ces paroles & autres semblables prononcees avec grauité grande & une compassion ueritable, emouuoient tellement le commun peuple, & le rauissoïët hors de ſoy, qu'il n'y auoit personne des aduersaires qui le peust soustenir: parquoy laissant le cōtredire & refuter par raison, ilz se tournerent deuers Marcus Octauius, l'un des compagnons de Tiberius en l'office de

Tiberius & Gaius.

Tribun du peuple: c'estoit un ieune homme sage, posé & raffiné de sa nature, familier amy de Tiberius, tellement que la premiere fois que lon s'adressa à luy, pour le faire opposer à l'enterinement & confirmation de cest edict, il s'excusa, pour le regard de la familiarité & amitié qu'il auoit avec Tiberius. Mais à la fin, comme forcé par la multitude & l'autorité de tant de gros personnages qui l'en pressoient, il résista à Tiberius, & s'opposa à son ordonnance: ce qui estoit suffisant pour la rōpre: car s'il y a un seul Tribun qui empesche & qui cōtredise, encore que tous les autres consentent, il l'emporte, & ne peuuēt tous les autres ensemble rien faire, s'il y a un seul opposant. Dequoy Tiberius s'estāt irrité, se deporta de mettre en auant ceste premiere loy gracieuse, & par despit en remeit une autre plus agreable au menu peuple, & plus aspre alencontre des riches, par laquelle il uouloit que ceulx qui tenoient des terres en plus grande quantité que ne permettoient les anciennes ordonnances, fussent contrainctz d'en vuidier promptement leurs mains: surquoy il auoit tous les iours ordinairement de grandes altercatiōs en la tribune aux harengues alencontre d'Octauius, esquelles combien que l'un contestast alencontre de l'autre avec une uehemençe d'affection, & avec une obstinatiō extreme, si ne dirent ilz iamais une seule mauuaise parole l'un contre l'autre, ny ne leur eschappa iamais, en quelque cholere qu'ilz fussent, un mot qui touchast l'honneur de son compagnon: par ou il appert, que l'estre bien né & bien nourry, modere & arreste l'entendement de l'homme non seulement es choses de plaisir, le gardant d'oultrepasser les bornes d'hōneur ny en faict ny en dict: mais aussi en courroux, & es plus ardentès ambitions & cōuioitises d'honneur. Auquel propos Tiberius uoīt que sa loy touchoit entre autres à Octauius, à cause qu'il tenoit beaucoup des terres publiques, le pria à part de ne plus debattre contre luy, promettant luy rendre du sien propre la ualeur des terres qu'il seroit contrainct de lascher, combien qu'il ne fust pas autrement des bien riches: mais Octauius n'en aiant voulu rien faire pour ses prieres, il meit adonc en auant un edict que tous magistrats cessassent toute iurisdiction & toute exercice de leur estat, iusques à ce que la loy eust esté ou approuuee ou reprouuee par les uoix du peuple, & si sceilla luy mesme de son propre cachet les portes du temple de Saturne, ou estoient les coffres de l'espargne, à fin que les Questeurs ou tresoriers n'y peussent ce temps pendārien prendre ny rien mettre, imposant de grosses amendes aux Preteurs & autres magistrats aians iurisdiction ordinaire, qui contreuiendroient aucunement à son edict: de maniere que tous les officiers craignans d'encourir ceste peine, laisserent l'exercice de leur iurisdiction. A l'occasion dequoy, les riches qui auoient grand nombre d'heritages changerēt de robbes, se promenant par la place avec une chere dolente, & triste contenance, & espièrent secrettement de le surprendre, aians attiré gens pour l'occire, qui fut cause que luy mesme au ueu & sceu de tout le monde, porta aussi deffoubs sa robbe longue une sorte de courtte dague dont usent les brigands, que les Latins appellent proprement Dolon. Quand le iour prefix fut escheu pour proceder à l'enterinement de son edict, Tiberius appella le peuple pour donner ses uoix: & les riches rauirent à force les uases ou se mettoient les buletins des uoix, de maniere que les choses estoient pour tomber en grand trouble & grande confusion, pource que Tiberius y pouuoit estre le plus fort en nombre d'hōmes, qui ia s'assembloiet autour de luy pour cest effect, n'eust esté que Mālius & Fuluius tous deux personnages de dignité Consulaire, s'adresserent à luy en le priant les mains ioinctes, & les

A larmes aux yeux, qu'il sen uoulust deporter. Tiberius tant pource qu'il uoyoit qu'il y auoit danger de quelque grand inconuenient, qui estoit pour aduenir tout promptement, que pour la reuerence aussi qu'il portoit à deux si notables personnes, se reteint un peu, leur demâdant qu'ilz uouloiet donques qu'il feist: ilz respondirent qu'ilz n'estoient pas suffisans pour le conseiller en affaire de si grande conséquence, mais qu'ilz le prioient de uoloir remettre le tout à la deliberation du Senat: ce qu'il leur accorda sur l'heure, mais depuis uoyant que le Senat assemblé la dessus ne concludoit rien, à cause que les riches y auoient trop d'autorité, alors il se meit à poursuiure une autre chose qui n'estoit ny honeste ny legitime, c'estoit de faire priuer & deposer Octavius de son magistrat,

B chant bien qu'il ne uiendrait iamais à bout autrement de faire autorizer son decret: mais premier que de ce faire, il le pria publiquement deuant tout le peuple avec tresgracieuses paroles, en luy touchant en la main, qu'il se uoulust départir de son opposition, & faire ce plaisir au peuple, qui le requeroit de chose iuste & raisonnable, & qui demandoit ceste recompense bien petite au lieu de tant de peines & de trauaux qu'il endureoit pour la chose publique. Octavius reietta toutes ses prieres: & adonc Tiberius dit tout hault, qu'estans tous deux en magistrat d'autorité pareille & de puissance egale, contraires l'un à l'autre en chose de si grande importance, il estoit impossible que ce different à la fin se voidast sans guerre ciuile, & qu'il ne uoyoit remede aucun à cest inconuenient,

C sinó que l'un d'eulx fust deposé de son magistrat, & dit à Octavius qu'il le meist en ieu le premier, & qu'il descédroit bien uoluntiers du tribunal, & se rëdroit homme priué, si ainsi plaisoit au peuple. Octavius n'en uolut rien faire: & Tiberius luy repliqua qu'il le feroit donques contre luy si ne changeoit d'aduis apres auoir eu temps d'y penser: & à tât fait rompre l'assemblée du peuple pour ce iour là. Le lendemain s'estant le peuple r'assemblé, Tiberius montant dessus la tribune, essaya derechef de persuader à Octavius qu'il se deportast: mais à la fin, uoyant qu'il ne le pouuoit diuertir aucunement, il meit la chose aux uoix du peuple, si luy plaisoit que Octavius fust deposé de son magistrat. Or y auoit il trente & cinq lignees du peuple, desquelles les dixsept auoient ia donné leurs

D uoix cõtre luy, & n'en falloit plus que une seule pour le faire destituer: parquoy il feit un peu surseoir la pcedure sur ce poinct, & supplia encore derechef Octavius en l'embrassant deuant tout le peuple, avec toute l'instance de prieres que lon scauroit faire, qu'il ne uoulust point par opiniastrété souffrir que une telle honte luy fust faite, d'estre publiquement destitué de son estat, ny estre aussi cause qu'on luy peust imputer qu'il eust esté ministre d'un si piteux acte. Lon dit que Octavius en cest endroit fut un peu émeu & attendry de ses prieres, & qu'ayant les larmes aux yeux, il demoura assez longuement sans respõdre: mais quãd il ietta ses yeux deuers les riches & heritez, qui estoiet ensemble en grosse troupe, il eut à mon aduis hõte & peur d'estre mal uolu & mal estimé d'eulx,

E & aima miculx prendre genereusement le hazard de sa destitution, disant à Tiberius qu'il feist ce qu'il uoudroit. Ainsi estant son abrogation passce & autorizee par les uoix du peuple, Tiberius commanda à l'un de ses serfs affranchis, qu'il le tirast à bas hors de la tribune aux harengues: car il se seruoit de ses affranchis au lieu de sergens. Cela rendit la chose encore plus pitoyable de ueoir tirer ainsi ignominieusement Octavius à force: & qui plus est, la commune luy uolut courir sus, mais les riches accoururent à son aide, qui empescherent que lon ne l'oultrageast d'auantage: & luy se sauua de uistesse tout seul, aiât ainsi esté

Tiberius & Gaius.

rescoux de la fureur du peuple : mais un sien seruireur fidele qui se mettoit
 au deuant pour luy sauuer les coups, y eut les yeux creuez contre la uolunté de
 Tiberius, lequel y accourut à grande haste, quand il en entendit le bruit.
 Cela fait, l'edict touchant les terres publiques fut adonc passé & confirmé,
 & eleut on trois Commissaires pour en faire l'inquisition & la distributio. Les
 Commissaires furent Tiberius luy mesme, Appius Clodius son beaupeere, &
 Gaius Graccus son frere, qui n'estoit pas pour lors dedans Rome, ains estoit
 au camp deuant la uille de Numance soubz Scipion l'Africain. Ces choses
 furent faittes paisiblement par Tiberius, sans que personne luy ozast plus
 aller ailencontre : & qui plus est, il feit substituer au lieu d'Octauius non une
 personne de qualité, ains seulement un de ses dependans qui s'appelloit Mu-
 tius, dont les riches & les nobles estoient grandement indignez contre luy, &
 redoubtans son accroissement, faisoient au Senat tout ce qui estoit en eulx pour
 luy faire despit & honte: car il demanda qu'on luy baillast une rente aux despés
 du public quand il iroit par les champs pour proceder au departement des ter-
 res, cōme lon faisoit aux autres qui alloient bien fouruet en de beaucoup moin-
 dres commissiōs. Ilz la luy refuzerent tout à plat, & pour sa despense ordi-
 naire luy taxerēt par iour * neuf oboles, à la suscitatio de Publius Nasica, lequel
 se declara en ce fait son ennemy à toute oultrance, pource qu'il possedoit grā-
 de quantité des terres publiques, & estoit fort marry de se ueoir corraint à for-
 ce d'en vider ses mains. Mais le peuple à l'opposite s'en irritoit & enflammoit
 encore d'auantage contre les riches: tellemēt qu'estant mort soudainement un
 des amis de Tiberius, sur le corps duquel, aussi tost qu'il fut trespasé, il apparut
 de bien mauuais signes, la cōmune accourut à son enterremēt, criāt tout hault
 que lon l'auoit empoisonné, & chargeans le liēt sur leurs espaules assisterēt au
 feu de ses funerailles, là ou se descouurirent aucuns indices, qui feirent penser
 qu'ilz n'estoiēt pas hors de propos de presumer qu'il y eust eu du poison, pour-
 ce que le corps se creua, dont il sortit une quantité d'humeurs corrompues qui
 esteignirent le feu, de maniere qu'il en fallut apporter d'autre, lequel encore ne
 se uolulut point prendre ny brūsser, iusques à ce que lon fut contrainct de trans-
 porter le corps ailleurs, là ou lō eut beaucoup d'affaires à l'allumer. Ce qu'ouiant
 Tiberius, pour plus encore mutiner la commune, se uestit de deuil, & apportāt
 ses enfans en public, supplia le peuple de les uoloir auoir pour recommandez
 eulx & leur mere, comme ia desesperant quant à luy de son salut. Enuiron ce
 temps deceda Attalus surnomé Philopater, & Eudemus Pergamenien appor-
 ta son testamēt à Rome, par lequel il instituoit le peuple Romain son heritier:
 parquoy Tiberius pour tousiours se mettre de plus en plus en la bōne grace de
 la commune, meit incontinent en auant un edict, que l'argent comptant qui
 prouiendrait de la succession de ce Roy fust distribué entre les pauures citoiēs,
 aux quelz escherroit d'auoir part au departement des terres cōmunes, pour eulx
 meubler & se prouueoir des choses neecessaires à labourer la terre. Au demou-
 rant, quant aux uilles qui estoient du royaume d'Attalus, il dit qu'il n'apparte-
 noit point au Senat d'en rien ordōner, & que c'estoit à faire au peuple à en dis-
 poser, & q luy mesme le proposeroit. Cela fut cause de le faire encore hair d'a-
 uantage du Senat, & y eut un Senateur nommé Pōpeius, qui se dressant en piedz
 dit qu'il estoit prochain uoisin de Tiberius, & que pour ce uoisinage il scauoit
 comme le Pergamenien Eudemus luy auoit donné l'un des bendeaux royaux
 du roy Attalus, avec une robe de pourpre, en signifiāce qu'il deuoit un iour
 estre

* Cesont enuiron
 cinq sols & de-
 my.

A estre roy de Rome: & Quintus Metellus luy reprocha, que son pere estant Censeur, quand les Romains aians souppé en uille retournoient apres soupper en leurs maisons, ilz esteignoïent leurs torches & flambeaux, de peur qu'il ne semblast, si on les ueoit retourner, qu'ilz demourassent trop tard es compagnies & es bancquets: là ou, au contraire, les plus seditieux & plus necessiteux du menu populaire esclairoient à son filz, & luy faisoient compagnie quand il alloit par la uille toute la nuit. Or y auoit il lors un nommé Titus Annius, homme qui n'estoit ne bon ny honeste, mais on le tenoit pour un grand argueur & pour homme nompareil à subtilement interroguer & cautelement respondre: celuy là prouoqua Tiberius à compromettre alencôtre de luy, s'il uouloit dire qu'il n'eust pas imprimé une note d'infamie à un sien compagnon, en un magistrat qui par les loix Romaines deuoit estre sainct & de tout poinct inuiolable. Le peuple prit ceste prouocatiō à courroux, & Tiberius se tira aussi tost en auant, & aiant fait assembler le peuple, commanda que lon amenast cestuy Annius, auquel il uouloit faire faire le proces sur le champ: mais luy se sentant de beaucoup inferieur à Tiberius en dignité & en eloquence, recourut à ses subtilitez de finement interroguer un homme pour le prendre par sa parole, priant Tiberius, auant que d'entrer en son accusation, qu'il luy uoulust premierement respondre à une seule demande qu'il luy feroit. Tiberius luy permet de demander ce qu'il uouldroit: & leur estant donné silence, Annius luy demanda, Si tu me uoulois diffamer & iniurier, & que i'appellasse l'un de res compagnōs à mō aide, lequel se leuast pour me secourir, & que tu en fusses despit, luy uouldrois tu pour cela oster son magistrat? Lon dit que Tiberius à ceste interrogatoire demoura si confus, que combien qu'il fust l'un des plus prompts à parler & des plus assurez à orer de son tēps, ce neantmoins il demoura tout muet sans pouoir rien respondre, & pour ceste cause rompit l'assemblee sur l'heure mesme. Et depuis cognoissant qu'entre tous ses actes, la depositiō d'Octauius sembloit, non seulement aux nobles, mais aussi au commun populaire, issue d'une passion trop deuoyee de raison, pource qu'il sembloit qu'il eust abbaru & auillé la dignité des Tribuns du peuple, qui iusques à ce temps là auoit esté tenue si grande & si honorable: parquoy pour s'en iustifier il feit une harengue au peuple, de laquelle il ne fera point impertinent d'extraire & mettre en cest endroit aucuns argumēts, à fin que de là on puisse estimer, qu'elle estoit la force, richesse & uehemençe de son eloquence. Car il dit, que le Tribunat estoit uoirement sacré, sainct, & inuiolable, à cause qu'il estoit particulièrement deuoué à la protection du peuple, & estably pour procurer son bien: mais si au contraire il se trouue qu'il face tort au peuple, il empesche sa puissance, & luy oste le moiē de declarer sa uolunté par ses uoix, alors il se priue soymesme des priuileges & prerogatiues de son estat, en ne faisant pas ce, pourquoy telles preeminēces luy ont esté premierement baillees: autrement il faudroit dōques endurer qu'un

D Tribun, si bon luy sembloit, demolist le Capitole & met le feu en l'arcenal, & toutefois quand bien il feroit tous ces excès là, encore seroit il Tribun du peuple pour le moins mauuais: mais quand il tasche à oster l'autorité & la puissance du peuple, alors il n'est plus aucunement Tribun. Ne feroit-ce doncques pas chose de tout poinct hors d'apparēce de raison, que le Tribun peust emmener en prison, toutes & quātes fois que bon luy semble, un Cōsul, & que le peuple ne peust oster à un Tribun la puissance que luy donne le magistrat, quand il en uouldroit user au preiudice de celuy qui la luy a donnee? car c'est le peuple

Tiberius & Gaius.

qui élit autant le Consul que le Tribun. D'auantage la dignité royale pource
qu'elle comprend souuerainement en soy l'autorité & la puissance de toutes
sortes de magistrats ensemble, est cōsacrée avec tresgrandes & tressainctes ce-
rimonies, comme approchante fort pres de la diuinité : & neantmoins le peu-
ple chassa le Roy Tarquin, pource qu'il uoient uiolentement de son autorité,
& pour l'iniustice d'un seul homme, le magistrat le plus ancien, & celuy qui a-
uoit fôdé Rome, fut aboly. Et qu'y a il en toute la uille de Rome q soit si sainct
ne si uenerable, que sont les religieuses Vestales, lesquelles ont charge de con-
seruer & entretenir le feu æternel ? & toutefois si aucune d'elles est conuaincue
d'auoir forsaict à son honneur, elle est enseuelie en terre toute uiue : & quand
elles uienent à mesprendre contre les Dieux, elles perdent toute la franchise
qu'elles ont pour la reuerce du seruice des Dieux. Aussi n'est il doncques point
raisonnable qu'il iouisse de la franchise qu'il a pour defendre le peuple, quand
luy mesme l'offense : car il ueult abolir la puissance dont il tient la siene. Et si
a esté eleu Tribun, pource qu'il s'est trouué que la plus part des lignees du peu-
ple l'ont eleu pour tel, comme n'est il plus iuste qu'il en soit priué, pource que
toutes les lignees ensemble l'en ont déclaré indigne, & l'ont destitué : Il n'est
rien si sainct ne si inuiolable que sont les choses offertes, donnees & consacrees
aux Dieux, & toutefois iamais il ne s'est trouué personne qui ait uoulu defendre
au peuple de s'en seruir, de les remuer & trāsporter de lieu à autre toutes & quā-
tes fois qu'il luy a pleu : par ainsi luy a il esté loisible de transferer le Tribunat,
aussi bien comme une offrande consacree en un autre. D'auantage, qu'il n'y ait
pas un magistrat qui ne se puisse legitimement deposer, il appert par ce qu'il
s'est trouué souuent, que ceulx qui les ont euz, s'en sont eulx mesmes deposez, ou
ont prié que lon les en deschargeast. Voila les principaux chefs & fondemens
de la iustification de Tiberius. Mais ses amis uoians les menasses & les menées
que les riches & nobles faisoient alencontre de luy, furent d'aduis qu'il deuoit
encore poursuiure, pour la seureté de sa personne, un secōd Tribunat pour l'a-
née ensuyuant : & adonc il commença à reflatte encore de plus en plus le cō-
mun peuple par edicts nouueaux qu'il meit en auant, par lesquelz il ostoit le
temps & le nombre prefix des années que le citoien Romain estoit tenu d'aller
à la guerre, quand il y estoit appellé, & que son nom estoit enrollé. Il donnoit
permission d'appeller de la sentence de tous iuges deuant le peuple, & mesloit
parmy les Sénateurs, qui lors auoient seuls la preeminence & autorité de iu-
ger, nombre pareil de cheualiers Romains, allant ainsi par toutes uoyes dimi-
nuant & affoiblissant l'autorité du Senat, en augmentant celle du peuple plus
par opiniastrété que par discours de raison, qui iugeast que ce fust chose iuste
ne profitable à la chose publique. Qui plus est, quand on commēça à recueillir
les uoix & suffrages du peuple sur l'autorization de ses edicts nouueaux, sen-
tant que ses aduersaires estoient les plus forts en celle assemblee, à cause que tout
le peuple n'estoit point encore amassé, il commença à tenser & dire iniures
à ses compagnons, pour tousiours gagner temps, & encore à la fin rompit
il l'assemblee, & commanda que lon retournast le lendemain, auquel il se
trouua le premier sur la place en robbe de deuil tout exploré & affligé à sa
contenance, suppliant l'assistance du peuple que lon eust pitié de luy, pour
ce qu'il disoit auoir peur, que ses ennemis ne uinssent la nuit forcer ou ab-
battre sa maison pour le faire mourir. Cela eueut tellement le monde, qu'il
y en eut plusieurs qui dresserent des tentes alentour de sa maison, & y fei-

A rent le guet toute la nuit pour le garder . Mais au point du iour le pou-
lailler qui gardoit les poulets , par les signes desquelz on deuine les cho-
ses à aduenir, les apporta, & leur ietta deuant eulx à manger: mais ilz ne uoulu-
rent point sortir de la cage, excepté un, encore fut ce apres qu'il l'eut bien se-
couee, & si ne uolut point toucher à la mangeaille qu'on luy presenta, ains
haulsa seulement l'aile gauche & estendit la cuisse, puis s'en refouit au dedans
de la cage. Ce presage fait souuenir à Tiberius d'un autre qu'il auoit eu parauant:
car il auoit son armet qu'il portoit à la guerre fort beau & bien accoustre, de-
dans lequel se glisserét deux serpents sans que lon s'en donnast de garde, & fei-
rent des œufs dedans & les esclouirent: ce qui fut cause que Tiberius festonna
B encore plus du sinistre presage des poulets, toutefois si sortit il de sa maison
quand il sceut que le peuple estoit desia tout assemblé dedans le Capitole, mais
au sortir il donna si grand coup de la pointe du pied contre la pierre du seuil
de l'huis qu'il se rompit l'ongle du gros orteil, d'où il sortit du sang qui percea
oultre son soulier, & n'eut pas gueres cheminé que deux corbeaux luy appa-
rurent, se combattans l'un l'autre sur les tuiles d'une maison à main gauche,
& passant par là une si grosse foule de peuple, toutefois une pierre que poulsa
l'un de ces corbeaux uint à tüber au pied de Tiberius seul. Cela arresta & y feit
pésér les plus audacieux mesmes de ceulx qui estoient autour de luy. Mais Blos-
sius Cumæien qui l'accompagnoit luy dit, que ce seroit grande honte à luy, &
C bien assez pour faire perdre le cuer à ses adherents, que Tiberius qui estoit filz
de Graccus, nepueu de Scipiō l'Africain, & chef de la part du peuple Romain,
pour la crainte d'un corbeau l'aissast d'obeir à ses citoyens qui l'appelloient, &
que ses aduersaires & malueuillās ne tourneroient pas ceste faulte en rīsee, ains
prescheroient au peuple que ce seroit ia un tour de tyran tout formé, qui par ar-
rogance & mespris abuseroit de leur facilité. D'auantage il accourut plusieurs
messagers, que ses amis estās desia au Capitole luy enuoyoient, en luy mandāt
qu'il se hastast & que tout sy portoit bien pour luy: aussi y fut son arriuee fort
honorable, car si tost que le peuple l'apperceut de tout loing, il ietta un grand
cry de ioye pour sa bienuenue, & le recueillit on, quād il fut monté, avec grā-
D de demonstration & de grand soing de sa personne & merueilleuse affection,
prenans garde que hōme quelconque ne s'approchast de luy, qu'il ne fust bien
cogneu. Et là comme Murius commenceast à rappeler les lignees du peu-
ple pour proceder à donner leurs uoix, on ne pouuoit rien faire de ce que lon
auoit accoustumé en tel cas pour le grand bruit que demenoient les derniers
de l'assemblée, tant ilz pouloient & estoient repoulsez en s'efforçant de pene-
trer tousiours plus auant, & s'entremessās les uns parmy les autres. Sur ces en-
trefaittes Flavius Flaccus l'un des Senateurs mōra en lieu dont toute l'assistan-
ce le pouuoit ueoir, & quand il ueit que sa uoix ne pouuoit arriuer iusques aux
oreilles de Tiberius, il luy fait signe de la main, qu'il auoit quelque chose d'im-
E portance à luy dire. Tiberius commāda incontinent que lon fendist la presse,
& ainsi monta Flavius à grande peine, & s'approchant luy dit, qu'en plein Se-
nat les plus riches & les plus gros de la uille n'aiens peu induire & attirer le Cō-
sul à leur intention, auoient resolu de le tuer eulx mesmes, aians autour d'eulx
grand nombre de leurs suiuians & de leurs serfs armez pour cest effect. Tiberius
incontinent declara ceste conspiration à ses amis & adherēts, lesquelz ceigni-
rent aussi tost leur longues robes par dessus, & rompirēt les iauelines que por-
toient les sergens en leurs mains pour faire retirer le peuple, dont ilz prirent les

Tiberius & Gaius.

tronçons pour en repoulsér & combattre ceulx qui les assauroient, dequoy F
ceulx qui estoient plus loing sebahissoient, & demandoient que cela uoloit dire. Tiberius pour leur monstrer par signe le danger auquel il estoit, touchoit à sa teste avec les deux mains, à cause que lon ne pouuoit pour le grand bruit entendre sa uoix: mais ses aduersaires aians ueu ce signe là, s'en coururent uistement au Senat crier, que Tiberius demandoit au peuple un diadème & bandeau royal, & que s'en estoit un certain signe que lon l'auoit ueu toucher de la main à sa teste. Ce rapport mit la compagnie en grand trouble, & adonc Nasica requit au Consul president au Senat qu'il uoulust secourir la chose publique, & exterminer celuy qui attétoit de se faire tyran. Le Cōsul luy respondit doucement, qu'il ne commenceroit point à user de force ny de main mise, & qu'il G
ne feroit mourir aucun citoyen qui n'eust esté iugé premierement & condamné: mais que si le peuple seduit ou forcé par Tiberius ordonnoit chose aucune qui fust contraire aux loix, qu'il ne le receuroit ny ne le garderoit point. Nasica adonc se leuant en cholere, Puis que donc le souuerain magistrat ne fait compte de secourir la chose publique, ceulx qui uoudront conseruer l'autorité des loix, qu'ilz me suiuent. Aiant dit ces paroles, il tira le reply de sa robe dessus sa teste, & s'en alla droit au Capitole, & ceulx qui le suiurent entortillerent tous leurs robes à l'entour de leurs bras, chassans & faisant retirer ceulx qu'ilz rencontroient en leur chemin, combien que peu de gens s'osassent presenter au deuant de telz personages pour les arrester, à cause que c'estoient tous les H
plus dignes & les plus notables hommes de la uille, ains s'enfuyoit tout le monde deuant eulx, & en tumbant de haste, fouloient les uns les autres aux pieds. Ceulx qui les suiuoient, auoient apporté de la maison de gros leuiers & gros bastons, & en allant prenoient en leurs mains les esclats & les pieds des tables & des chaires que la foule du peuple en fuyant reuersoit par terre & brisoit, & marchoient atout le grand pas la part ou ilz pensoient trouuer Tiberius, frappans sur ceulx qu'ilz rencontroient en leur chemin, de maniere qu'en peu d'heure ilz eurent fait escarter la commune, & y en eut de tuez en ceste fuite. Ce que uoiant Tiberius, se uolut aussi sauuer de uistesse: mais ainsi qu'il fuyoit, il y eut quelcū I
qui le prit par le bout de sa robe pour l'arrester, & luy la laissant s'en fouit tout en faye, mais en courant il bruncha & tumba sur d'autres qui estoient tumbés deuant luy: & ainsi comme il se cuidoit releuer, le premier qui le frappa, au moins que lon ueist apertement, fut l'un de ses compagnons au Tribunat, Publius Satureius, qui luy donna d'un pied de selle sur la teste, & le second coup qu'il receut luy fut donné par Lucius Rufus, qui s'en glorifioit, comme s'il eut fait un beau chef d'œuvre. Il mourut en ce tumulte plus de trois cēts autres personnes, qui tous furent assommez à coups de bastons & de pierres, sans qu'il y en eust un seul occis de ferrement. Ce fut la premiere sedition entre les citoyens de Rome, qui fut decidee avec meurtre & effusion de sang, depuis q̄ les Roys en auoient esté dechassez: car toutes les autres dissensions du parauāt qui n'auoient K
point esté legeres ne petites, s'estoient pacifiees doucement, les deux parts aians cédé l'une à l'autre, le Senat pour la crainte de la commune, & la cōmune pour reuerence du Senat: & si semble que Tiberius mesme eust alors facilement cédé s'ilz y eussent procedé par amiable uoye de remonstrances: & encore plus tost eust il cédé, quand ilz y fussent allez par uoye de faict, sans toutefois tuer ny meürdrir personne: car il n'y auoit pas lors alentour de luy plus de trois mille hommes du peuple. Mais il semble que ceste conspiration fut executee alencō-

Atre de luy, plus par la haine & rancune que luy portoient les riches, que pour les autres occasions, qu'ilz faignoient & supposoient alencontre de luy, en preuve dequoy lon peut alleguer la cruaulté & inhumanité dont ilz uferent encontre son corps mort: car ilz ne uolurēt iamais permettre à son frere, qui les en requit, de l'enleuer pour l'ensepuelir de nuict, ains le ietterēt avec les autres morts dedans la riuere, encore ne fut ce pas tout: car de ses amis, ilz en bānirēt les uns sans y garder forme de proces, & feirent mourir les autres sur qui ilz peurent mettre les mains, entre lesquelz fut occis le rhetoricien Diophanes, & un Gaius Billius qu'ilz enfermerēt dedans un tonneau avec des serpents & uiperes, & le feirēt en ce poinct mourir. Blossius le Cumæien fut mené deuant les Consulz qui l'interroguerent sur ce qui s'estoit fait: il leur confessa franchement qu'il auoit executé tout ce que Tiberius luy auoit commandé. Et comme Nasica luy demanda, Et quoy, s'il t'eust commandé d'aller mettre le feu au Capitole? il respondit, que Tiberius ne luy eust iamais commandé une telle chose. Et cōme plusieurs autres par plusieurs fois recoupassent, luy demandans, Mais s'il te l'eust commandé? le l'eusse, respōdit il, fait: car il ne me l'eust point commandé, s'il n'eust esté profitable pour le peuple. toutefois il se sauua lors, & depuis sen fouit en Asie deuers Aristonicus, les affaires duquel estans ruinez, il se tua luy mesme. Au demourant, le Senat pour contenter & appaiser le peuple de ce qui lors se presentoit, ne s'opposa plus au departemēt des terres publiques, ains luy permit de substituer un autre Commissaire pour cest effect au lieu de Tiberius. Si fut élu Publius Crassus qui estoit son allié, pource que sa fille Licinia estoit mariee à Gaius Graccus, combié que Cornelius Nepos dit, que ce ne fut pas la fille de Crassus que Gaius espouza, mais celle de Brutus qui triompha des Lusitaniens: toutefois la plus part des historiēs le met ainsi que nous l'escriuons. Mais quoy qu'il y eust, le peuple estoit tresmal content de ceste mort, & uoyoit on euidentement qu'il ne cherchoit & n'attendoit que quelque occasion pour la uenger, & desia menassoit on Nasica de l'en appeler en iustice. A raison dequoy, le Senat craignant qu'il n'en eust affaire, ordonna sans qu'il en fust autrement besoing, de l'enuoyer en Asie: car le cōmun peuple ne dissimuloit point sa malueillance quand il le rencontroit, ains s'irritoit bien aigrement alencontre de luy, en l'appellant tyran & meurtrier, excōmunié & maudit, aiant souillé ses mains du sang d'un magistrāt sacré, & dedās le plus sainct, le plus deuot, & le plus uenerable temple qui fust en toute la uille, tellement qu'il fut contraint de sortir en fin de la uille, combien qu'il fust obligé pour le deu de son office de faire les principaux & plus grands sacrifices, à cause qu'il estoit le souuerain pontife: & allant hors de son pais errāt, sans hōneur, & avec grand travail, & trouble d'entendement, il mourut bien tost apres, non gueres loing de la uille de Pergamū. Et ne se fault pas esbahir si le peuple haïssoit ainsi fort Nasica, attēdu que Scipion l'Africain mesme, que le peuple Romain auoit E

tant & plus aimé qu'il ne fait oncques autre homme, & plus iustemēt, en cuida perdre de tout poinct l'amour & bienueillance que le peuple luy portoit, pource qu'estant au siege deuant Numance, quād il entendit ceste mort de Tiberius, il prononcea tout hault ces uers d'Homere,

Que desormais autant en puisse il prendre.

A qui voudra telle chose entreprendre.

Avec ce qu'en pleine assemblee du peuple estant interrogé par Gaius & par Fuluius qu'il luy sembloit de ceste mort de Tiberius, il fit une respōse, par laquelle

Tiberius & Gaius.

le il donna à entendre que les actions du defunct ne luy plaisoient point: car depuis cela le peuple le rabroua, & luy rompit le fil de son propos quād il cuida haranguer, ce que iamais au parauant il ne luy auoit fait: & luy aussi se laissa aller à la cholere, iusques à dire des paroles iniurieuses à l'assistance du peuple. Au reste, Gaius Graccus du commencement, fust ou pource qu'il craignist les ennemis de son feu frere, ou pource qu'il cherchast les moiés de les faire encore plus hayr au peuple, demoura un temps sans hanter la place en public, & se teint sans rien entreprendre dedans sa maison, comme personne contente de se tenir basement, & qui de lors en auant se deliberoit de uiure à soy petitemēt sans plus s'entremettre d'affaire quelconque, de sorte qu'il donna occasion à quelques uns de penser & de dire qu'il n'approuoit point, ains trouuoit mau-
uaises les choses q son frere auoit mises en auant: mais il estoit encore lors bien ieune, par ce qu'il auoit neuf ans entiers moins que son frere Tiberius, lequel n'auoit pas encore trente ans quand il fut tué: toutefois avec le temps, il commēcea petit à petit à faire cognoistre ses meurs & sa nature, qui n'estoiet amies des delices ny de paresse, ny subiettes à plaisir, & moins à la conuoytise d'amasser, ains s'exercitoit à l'eloquence, & en faisoit prouision cōme d'ailes, pour puis apres se ietter aux affaires de la chose publique, de sorte qu'il estoit tout euident, que quand son temps seroit uenu il ne chommeroit pas. Car cōme l'un de ses amis nommé Vestius, eust esté appellé en iustice, il prit la charge de le defendre en iugement: auquel le peuple assistant tressaillit, se pasmāt, en maniere de dire, d'aïse & de ioye qu'il eut de le ueoir & ouyr: & fut trouué si biē disant, que les autres orateurs ne sembloient qu'enfans aupres de luy. A l'occasion dequoy les riches & les nobles commencerent derechef à entrer en une nouvelle peur, & murmuroient desia fort entre eulx, qu'il le falloir bien engarder qu'il ne paruint à l'office du Tribunat du peuple: & aduint de fortune qu'estant eleu Questeur, il luy escheut par le sort d'aller avec le Cōsul Orestes en l'isle de Sardaigne, dequoy ses ennemis furent bien ioyeux, & luy n'en fut pas marry, comme celuy qui estoit homme de guerre, & non moins exercit aux armes que au plaider & à l'eloquence: ioinēt aussi qu'il redoubtoit encore la tribune aux harangues & l'entremise des affaires, & neantmoins ne pouuoit du tout resister à la uolunté du peuple & de ses amis qui l'y appelloient: au moien dequoy il fut bien aïse d'auoir occasion legitime de s'absenter pour un temps de la uille en faisant ce uoyage, combien que plusieurs soient d'opinion que cestuy cy estoit encore plus populaire & plus ambitieux de la faueur & de la bonne grace de la commune que n'auoit esté son frere, toutefois la uerité est au contraire: car il fut conduict plus par contrainte au commencement de son entremise des affaires, que par iugement ny de propos deliberé: & escrit l'orateur Ciceron, qu'il auoit resolu de fouir toute administration de magistrat, & de uiure personne priuee en paix & trāquillité: mais son frere luy apparut en songe, qui l'appellāt par son nom, luy dit, Que differes tu, mō frere? Il n'est possible que tu puisses es-
chapper, pource qu'une mesme uie & une mesme mort nous est à tous deux pre-
destinee pour auoir procuré l'utilité du peuple. Estant doncques Gaius arriué en Sardaigne, il y feit ueoir toutes les preuues qu'un hōme sçauoit faire de sa ualeur, & se monstra plus uaillant que nul autre des ieunes hōmes de son aage encontre les ennemis, plus iuste enuers les subiects, & plus obeissant enuers son capitaine, en honneur qu'il luy rendoit, & en bienueuillance qu'il luy portoit: mais en temperance, sobriété & tolerāce de labeurs, il surpassa ceulx mes-

A mes qui estoient encore plus aagez que luy. Or fut d'adventure l'hyuer fort fa-
cheux & malaisé en Sardaigne, & manda le capitaine aux uilles qu'elles eussent
à fournir quelques uestemens pour les soudards : mais elles enuoyerent en dili-
gēce à Rome supplier le Senat, que lon les exemptast de celle charge. Le Senat
trouua leurs remonstrances raisonnables, & escriuit au capitaine qu'il trouuaſt
autre moien de reueſtir ſes gens. Le capitaine ne le pouuoit faire autrement,
parquoy les soudards ce pendant enduroient beaucoup de mal: mais Gaius alla
luy meſme par les uilles, & leur allegua tant de belles raisons, que d'elles meſ-
mes elles en enuoyerent & ſecoururent le camp des Romains à ce beſoing : ce
qu'ayant eſté rapporté à Rome, on interpreta incontinent que c'eſtoit un com-
B mēcement de gagner la bonne grace du peuple, & donna bien à penſer au
Senat. Là deſſus arriuerēt d'Afrique des ambassadeurs du roy Mycipſa, leſquelz
dirent que leur maistre en faueur & pour l'amour de Gaius Graccus auoit en-
uoyé des bledz à leur armee en Sardaigne: dont les Senateurs furent ſi deſpits
qu'il chasserent les ambassadeurs hors du Senat, & ordonnerent que lon y en-
uoyeroit d'autres gens de guerres au lieu de ceulx qui y estoient, mais que Ore-
ſtes y demoureroit touſiours comme capitaine, faiſans leur compte que Gaius
y demoureroit auſſi pour Queſteur: mais luy ces nouuelles ouyes, monta incō-
tinēt ſur mer, & ſ'en retourna à Rome en cholere. Quād on le ueit ainſi de re-
C tour à Rome contre l'eſperance de chaſcun, il en fut blaſmé, non ſeulement par
ſes ennemis, mais auſſi par le commun peuple, à qui il ſembla eſtrange qu'il ſ'en
fuſt reuenu auāt ſon capitaine, duquel il eſtoit Queſteur. Dequoy eſtant accu-
ſé par deuant les Cenſeurs, il demanda audience pour ſ'en iuſtifier : & ayant re-
ſpondu, renuerſa tellement les opinions des eſcoutans, qu'il n'y eut celuy qui
ne iugeaſt qu'on luy auoit fait un tresgrand tort : car il remōſtra qu'il auoit eſté
douze ans à la guerre, là ou les autres n'eſtoient cōtraincts d'y aller que dix, &
qu'il auoit demouré Queſteur aupres de ſon capitaine l'eſpace de trois ans, là
ou la loy luy permettoit qu'au bout de l'ā il ſ'en peuſt retourner, & que luy ſeul
de tous ceulx qui auoient eſté à ceſte guerre auoit porté ſa bourse pleine, & l'a-
uoit rapportee toute vuide, là ou les autres aians beu le uin qu'ilz y auoiēt porté
D dedans des barrors, les auoiēt depuis rapportez tous pleins d'or & d'argēt. De-
puis on le uoulut encore charger d'auoir eſté conſeſtant d'une conſpiration
qui ſ'eſtoit deſcouuerte en la uille de Fregelles: mais aiant effacé tout ſouſpeçō,
& ſ'eſtant à pur & à plein iuſtifié de tout, il ſe meit à demander incontinēt l'of-
fice du Tribunat du peuple, en quoy il eut pour aduerſaires iurez, tous les hom-
mes de qualité uniuerſellement : mais auſſi à l'opposite, il eut ſi grande faueur
de la commune, qu'il accourut de toutes les parties de l'Italie gens pour aſſiſter
à ſon election en ſi grand nombre, que pluſieurs ne pouuoient pas trouuer à
loger: & n'eſtant pas la place du champ de Mars aſſez ſpacieuſe pour contenir
une ſi grande multitude de peuple, il y en auoit qui donnoient leurs uoix de
E deſſus les couuertes & les tuiles des maiſons. Si ne peurent les nobles forcer
d'autre choſe la uolunté du peuple, ny rabbarre de l'eſperance de Gaius, ſi nō
d'autant que eſperant eſtre le premier Tribun, il fut declaré ſeulement le quat-
trieme: mais ſi toſt qu'il fut iſtalé en ſon magiſtrat, il ſe trouua incontinent le
premier, pource qu'il eſtoit autant ou plus eloquēt que nul autre de ſon temps,
& auoit le ſubiect d'un accident, qui luy donnoit hardieſſe grande de parler, en
deplorant la mort de ſon frere: car de quelque maniere qu'il parlaſt, il faiſoit
touſiours tumber là le propos, leur ramenant en memoire les choſes paſſees, &

Tiberius & Gaius.

leur mettant deuant les yeux les exemples de leurs ancestres, qui auoient anciennement fait la guerre aux Falisques, à cause d'un Genuticus Tribun du peuple, auquel ilz auoient dit iniure, & condempnerent à mourir un Caius Veturius, à cause que luy seul n'auoit pas voulu ceder & donner lieu à un Tribun du peuple passant par la place : là ou ceulx cy, disoit il, en uostre presence & deuant uoz yeux ont assommé à coups de baston Tiberius mon frere, & en ont trainné le corps mort depuis le mont du Capitoile par toute la uille, pour le ietter en la riuere, & quand & luy ont aussi cruellement occis tous ceulx de ses amis, sur qui ilz ont peu mettre les mains, sans y garder aucune forme de iustice, & neantmoins par la coustume de tout temps obseruee en ceste uille de Rome, quand quelqu'un est accusé de crime capital, & qu'il fault de se trouuer à l'assignation qui luy a esté donnée, encore enuoye lon le matin à la porte de son logis une trompette, pour le sommer à son de trompe de comparoir : & n'ont point les iuges accoustumé de le condempner, que ceste cerimonie n'ait esté premieremēt obseruee : tant noz predecesseurs ont esté retenus & reseruez là ou il a esté question de la mort d'un citoien Romain. Aiant donques Gaius par telz langages premieremēt émeu le peuple, car il auoit une uoix forte & puissante à merueilles, il proposa deux loix. La premiere, Que celuy qui auroit une fois esté déposé d'aucun magistrat par le peuple, ne fust plus capable d'en pouuoir tenir d'autre. La seconde, Que si quelque magistrat auoit banny aucun citoien, sans luy auoir prealablement fait son proces, le iugement & la cognoissance en appartint au peuple. Desquelles loix, la premiere notoit d'infamie euidentement Octauius, que Tiberius auoit fait déposer de son Tribunat par le peuple : & l'autre touchoit Popilius, lequel estant Préteur auoit banny les amis de Tiberius, au moien dequoy il n'attendit pas l'issue du iugement, ains s'en alla uoluntairement en exil hors de l'Italie. Mais quant à la premiere, luy mesme la reuoca depuis, disant qu'il donnoit Octauius aux prieres de sa mere Cornelia, qui l'en auoit requis, dont le peuple fut bien aise, & le luy ottroya, honorât ceste Dame non moins pour le regard de ses enfans, que de Scipion son pere, pource que depuis aiant fait dresser une statue de cuyure en son honneur, il y feit mettre & grauer ceste inscriptiō, Cornelia mere des Gracques. Lon treuve par escript plusieurs propos assez affectez, & sentans trop son vulgaire plaideur, que Gaius dit en sa defense contre quelqu'un de ses ennemis : comme quand il dit, Ozes tu bien mesdire de Cornelia, celle qui a enfanté Tiberius ? Et estant celuy qui en auoit mesdit suspect & noté du peché de Sodomie : Sur quoy, luy dit il, prens tu la hardiesse de te comparer à Cornelia ? as tu enfanté comme elle ? Et toutefois il n'y a celuy dedans Rome qui ne sache, qu'elle, qui est femme, a plus longuement esté sans homme, que toy qui es homme. Ainsi estoient picquans & aigres les traicts de Gaius : car on en pourroit extraire beaucoup de semblables de ses escripts. Au reste, il mit en auant depuis plusieurs loix pour augmenter la puissance du peuple & diminuer celle du Senat : l'une fut touchant le repeuplement de plusieurs citez, par laquelle il distribuoit toutes les terres communes aux pauures citoiens que lon y enuoyeroit habiter : l'autre portoit, que lon donnast des habillemens aux gens de guerre aux despens de la chose publique, sans que pour cela leur soude diminuast de rien, & que lon ne peust enroller ny recevoir à la soude citoien, qui n'eust dix sept ans passez pour le moins. Vne autre donnoit pareil droit es elections des magistrats à tous les alliez & confederez habitans par toute l'Italie, qu'aux propres bourgeois manans & habitans

A
ans dedans la uille de Rome mesme. Vne autre taxoit le pris bien petit, auquel se distribueroit le bled au pauvre peuple: une autre appartenoit à l'institution de ceulx qui pourroient estre iuges, par laquelle il retrenchoit beaucoup de la preeminence & autorité du Senat, pource que parauât les Senateurs estoient seuls iuges de tous proees; à l'occasion de quoy ilz estoient grâdement honorez & redoubtez du peuple & des cheualiers Romains, & luy y adiouxtoit trois cents cheualiers Romains, autant comme il y auoit de Senateurs, & feit que les iugemens de toutes causes furent communs entre ces six cents hommes. En faisant passer ceste loy, on dit qu'il obserua diligemment toute autre chose, & mesmement ce poinct, que là ou tous les autres harengueurs en preschant le
B
peuple se tournoïent deuers le palais auquel se tenoit le Senat, & deuers l'endroit de la place qui se nomme Comitium, luy au contraire, commença lors à se tourner en harenguant au dehors deuers l'autre bout de la place, & depuis ce temps là l'observera tousiours soigneusement, sans iamais y faillir, en quoy faisant, par un petit destour & changement de regard seulemēt, il remua une tresgrande chose: car il transférā, par maniere de dire, toute la force de la chose publique du Senat au peuple, en rendant le gouuernement, qui parauant estoit en la main de la noblesse, entieremēt populaire, par enseigner aux orateurs qui proposoient les matieres en public, que c'estoit au peuple ou il falloit uiser, & là ou il conuenoit s'adresser, & non pas au Senat. Mais aiant le peuple non seule-
C
ment receu & approuué sa loy touchant les iugemens, ains luy aiant d'auantage donné pouuoir de choisir entre les cheualiers Romains ceulx qu'il uouldroit pour estre iuges, il se trouua auoir en main une puissance absoluë, par maniere de dire, tellement que le Senat mesme receuoit conseil de luy: aussi luy cōseilloit il tousiours, & luy mettoit en auant choses appartenantes à sa dignité, cōme fut entre autres, le decret qu'il proposa touchant quelques bledz que Fabius Vicepræteur auoit enuioiez d'Hespagne, qui fut tresiuste & treshonorable: car il suada au Senat de faire uendre le bled & en renuoyer l'argent aux uilles & communaultez qui l'auoientourny, & quand & quand d'en faire une reprimende à ce Fabius, pource qu'il rendoit l'empire Romain odieux & insupportable aux
D
subiects d'iceluy. Ceste proposition luy engédra grande gloire & grâde bienueillance es prouinces subiettes aux Romains. D'auantage il mit en auant plusieurs repeuplemens de uilles destruittes, de faire pauer & accoustrer les grands chemins, & bastir de grands greniers pour y faire prouision & munitio de bledz, de toutes lesquelles œuures luy mesme entreprenoit la charge & la superintendence de les conduire à chef, ne se lassant point, pour trauail qu'il eust, de prouueoir & donner ordre à tāt & de si grâdes entreprises, ains les acheuant toutes avec si grand labour & si merueilleuse diligence & promptitude, qu'il sembloit qu'il n'en eust qu'une seule à faire, tellement que ceulx mesmes qui le haïssoient & qui le craignoient s'esbahissoient de ueoir cōment il estoit
E
actif & expeditif en toutes choses. Le peuple semblablement s'esmeruilloit aussi à le regarder seulement, uoiant tousiours autour de luy une tourbe grâde d'ouuriers, maneuures, ambassadeurs, officiers, gens de guerre, gēs de lettres, à tous lesquelz il satisfaisoit avec une facilité merueilleuse, retenant tousiours sa dignité, en usant toutefois de courtoisie & d'humanité grande, en s'accōmodant particulièrement à chascun d'eulx, de sorte qu'il faisoit trouuer ses calumniateurs importuns & fascheux, quād ilz alloient disans qu'il estoit à craindre, en l'appellant homme uiolent & insupportable, tant il scauoit bien gaigner la

Tiberius & Gaius.

bienuellance de la commune, estant encore plus populaire en sa cōuersation & en ses actions, qu'il n'estoit en ses harengues. Mais la charge en laquelle il employa plus de diligence & de sollicitude, fut à dresser & accoustre les grāds chemins, aiant le soing, que la grace & beaulté y fust coniointe avec la commodité: car il les faisoit tirer à droite ligne à trauers les champs, & les affermir en les pauāt de pierre dure taillee, & les fondāt dessus force arene entassée qu'il faisoit cōduire sur les lieux. Quand il se rencontroit des ualees & des fondrières que les torrents cauent, il les faisoit cōbler ou bien bastir des ponts par dessus de haulteur egale aux deux costez, de sorte que l'ouurage uenoit à se trouuer tout aplany & tout uny au niueau, qui estoit chose belle à ueoir. Qui plus est, il fit comparoir & diuiser tous ces chemins par milles, contenant chascun mille environ huit stades, qui sont une demie lieuë, mettāt au bout de chascun mille pour le marquer une pierre, & si fit encore mettre aux deux orees de ces chemins ainsi puez deça & dela d'autres pierres un peu releuees, moins distantes l'une de l'autre pour aider les uoiageās à monter à cheual sans auoir besoing de personne qui les mōrast. Pour lesquelles causes, le peuple le magnifiāt & haultlouant à merueilles, & estāt prest à luy en faire toutes demonstrations de bienuellance & d'amour, il dist un iour en harenguant publiquement, qu'il auoit une seule grace à leur demander, laquelle s'il plaisoit au peuple luy octroyer, il se sentiroit entieremēt satisfait, & s'il la luy refuzoit, il ne s'en plaindroit point autrement. Chascun pensa lors que ce fust le Consulat qu'il uoulust demander, & s'attendoit tout le monde qu'il deust briguer le Cōsulat & le Tribunat tout ensemble: mais quād le iour de l'election des Consulz fut escheu, chascū estāt fort attentif à ueoir qu'il feroit, on fut esbahy que lon le ueit descendre sur le champ de Mars, amenant Gaius Fannius avec ses amis pour luy fauoriser à la poursuite du Consulat. Cela seruit tant à Fannius, qu'il en fut promptement eleu Consul, & Gaius fut aussi eleu Tribun du peuple pour la seconde fois sans qu'il l'eust demandé ne poursuiuy, mais le peuple le uolut ainsi. Et uoiant qu'il auoit le Senat pour ennemy déclaré, & que Fannius le Consul se mōstroie en son endroit froid amy, il recōmencea derechef à rechercher la bōne grace du peuple par edicts nouueaux & nouuelles loix, mettāt en auāt q̄ lon enuoyast de pauues bourgeois pour repeupler les uilles de Tarēte & de Capouë, & q̄ lon donnast droit entier de bourgeoisie Romaine à tous les peuples Latins. Ce que uoiant le Senat, & craignāt qu'il ne deuint à la fin si puissant, qu'il n'y eust plus d'ordre de luy pouoir resister, delibera d'essayer un nouueau & non accoustumē moien de diuertir la faueur du peuple, en luy gratifiant, & luy concedāt des choses qui n'estoient point du tout raisonnables: car il y auoit l'un des compagnons de Gaius en l'office du Tribunat nōmé Liuius Drusus, personnage aussi bien né & aussi bien nourry, que nul autre qui fust de son temps dedans Rome, & qui ia faisoit teste à ceulx qui pour leur richesse & pour leur eloquēce estoient les plus estimez, & qui auoient plus de credit & d'autorité en l'administration de la chose publique. Les principaux hommes du Senat s'adresserent à luy, le prians de se uoloir bēder avec eulx, & s'attacher à Gaius, nō point en essayāt de forcer le peuple, ny de cōtreuenir à sa uolunté, ains à l'opposite en luy gratifiant, & luy concedant des choses, pour aux quelles contrarier il eust esté plus honeste d'encourir sa male grace. Liuius offrant son Tribunat pour seruice en telles choses au bon plaisir du Senat, proposa des loix qui n'estoient ny au profit ny à l'honneur de la chose publique, & qui ne tendoient à autre fin qu'à fai-

A re à l'enuy, & à surmonter Gaius à force de flatter le peuple, & de luy aggreer & complaire, ne plus ne moins que ceulx qui font iouer leurs comedies pour luy donner du passetemps. En quoy ceulx du Senat monstroient bien euidentement que les choses que Gaius mettoit en auant ne leur desplaisoient pas tant, comme ilz desiroiēt le ruiner, & luy rabbattre son credit à quelque pris que ce fust: car là ou Gaius ne proposoit que le repeuplement de deux uilles, & y uouloit enuoyer des plus honestes citoyens, ilz cryoient contre luy, qu'il corrompoit la commune, & au contraire ilz fauorisoient à Drusus, qui mettoit en auant, que lon en repeuplast douze, & qui uouloit que lon enuoyast en chascune trois mille des plus pauvres bourgeois, & au lieu qu'ilz haïssoient Gaius, lequel auoit charge de quelque rente annuelle, les pauvres bourgeois à qui il auoit departy les terres publiques: Liuius, au contraire, leur estoit agreable, qui ostoit ceste rente à ceulx à qui il en departoit, en les leur baillant toutes franches & quittes. Qui plus est, Gaius leur desplaisoit, pource qu'il donnoit à tous les Latins pareil droit de uoix es elections des magistrats qu'auoiēt les naturelz Romains, & neantmoins comme Drusus eust mis en auant une ordonnance, que dorenavant il ne fust plus loisible à capitaine Romain, de faire battre & fouetter de uerge à la guerre un soudard Latin, ilz en trouuerent l'edict bon, & le fauoriserent: car Liuius à chasque loy qu'il proposoit, disoit tousiours en ses harengues qu'il le faisoit par l'aduis du Senat, lequel auoit soing du biē du pauvre peuple, & n'y eut rien en toute son administratiō qui fust utile ny profitable à la chose publique q̄ cela, à cause que le peuple en deuint plus doux uers le Senat, & q̄ là ou le populaire auparauant haïssoit & auoit pour suspects tous les principaux hōmes d'iceluy, Liuius esteignit toute celle malueillance quād le peuple ueit que tout ce qu'il proposoit estoit en faueur, & au profit du cōmun peuple du cōsentement & à la suscitatiō du Senat. Mais ce qui faisoit encore plus croire que Drusus alloit droittemēt & iustemēt en besoigne, & qu'il ne uisoit qu'au biē du peuple seulemēt, estoit qu'il ne mettoit iamais rien en auant de soy, ny pour soy: car en tous les repeuplemēs de uilles, dont il fut auteur, il y enuoya tousiours d'autres Cōmissaires, aux quelz il en fait deleguer la charge, & ne uolut iamais auoir maniēmēt d'argent, là ou Gaius se faisoit cōmettre la plus part de toutes telles administrations, mesmemēt des principales & plus grādes. Et cōme Rubrius un autre Tribun du peuple eust mis en auant que lon rebastist & repeuplast Carthage, laquelle auoit esté toute rasee & destruite par Scipion, il escheut par le sort à Gaius d'en estre cōmissaire: à l'ocasiō de quoy mōtant sur mer, il passa en Afrique. Drusus ce pendāt saisissant l'opportunitē de son absence, passa encore plus oultre à s'insinuer en la bōne grace de la cōmune, mesmement par ce qu'il accusoit & chargeoit Fuluius, qui estoit l'un des plus grāds amis de Gaius, que lon auoit eleu cōmissaire quand & luy, pour faire le departemēt des terres entre les bourgeois, que lon enuoyoit à ce nouveau repeuplement. Il estoit homme seditieux, & pour ceste cause notoirement hay & mal uolu du Senat: mais encore estoit il aussi suspect à ceulx qui tenoient le party du peuple, que sous main il emouuoit les alliez, & sollicitoit secrettement les peuples de l'Italie à se rebeller, toutefois on n'en auoit point de preuue suffisante, ny moien de le uerifier contre luy, sinon d'autant que luy mesme en faisoit foy, pource qu'il mōstroit auoir mauuāise uoluntē, & qu'il luy ennuyoit de ueoir les choses en paix & en repos. Cela fut l'une des principales causes de la ruine de Gaius, pource que sur luy se deriua partie de la haine que lon portoit à ce Fuluius. Et

Tiberius & Gaius.

quand Scipion l'Africain fut un matin trouué tout roide mort en sa maison, F
sans aucune cause apparente dont peult estre procedee ceste mort si soudaine,
sinon que lon apperceut dessus le corps quelque marque de coups orbes que ló
luy auoit baillez, & de la uiolence qu'on luy auoit faitte, ainsi cōme nous auōs
escrit en sa uie; la plus part de la suspicion en fut ietee sur ce Fuluius, pource
qu'il estoit son ennemy mortel, & que le iour mesme il auoit eu de grosses pa-
roles avec luy dedans la tribune aux harengues: mais aussi en fut Gaius mesme
aucunement soupçonné: tant y a que ce cas si enorme commis en la person-
ne du premier & plus digne personnage de Rome, ne fut aucunement uengé,
ny n'en feit on inquisition quelconque, pource que la commune empescha que
le proces & iugement n'en prist traict, craignant que Gaius ne s'en trouuast G
coupable, si lon en enquerroit à bon esciâr: mais cela fut quelque temps aupar-
auant. Au reste, Gaius estant lors en Afrique à faire le repeuplement de Car-
thage, laquelle il furnōma Iunonia, lon dit qu'il luy aduint plusieurs signes &
presages sinistres: car la hante de la premiere enseigne y fut rompue par la uio-
lence du uent poulsant d'un costé, & la resistance du portenseigne qui la teint
roide de l'autre: & y eut aussi un tourbillon de uent, qui emporta les sacrifices
estans dessus les autelz, & les ietta hors du pourpris que lon auoit trassé pour
rebastir la uille: qui plus est, les loups en uindrent arracher les marques que lon
y auoit plantees pour borner le pourpris, & les emporterent au loing. Mais
nonobstant tout cela, Gaius aiant disposé & ordonné toutes choses en l'espa- H
ce de soixante & dix iours, s'en retourna incontinent à Rome, pource qu'il eut
nouuelles que Fuluius estoit fort pressé & persecuté par Drusus, & que les affai-
res auoient necessairement besoing de sa presence, à cause que Lucius Hostilius
grand partisan de la noblesse, & homme qui auoit bon credit au Senat, aiant
l'annee precedente esté debouté du Consulat par la menee de Gaius, qui auoit
fait elire Fannius, s'attendoit bien de l'estre à tout le moins celle annee, pour le
grand nombre de gens qui luy fauorisoient: & si luy pouuoit paruenir, il auoit
bien deliberé de desfarçonner Gaius, de tant plus mesmement que son credit &
la grace qu'il souloit auoir enuers la commune, commençoit, par maniere de
dire, à se fener, à cause que le peuple estoit desia cōme saoul de telles inuentions I
que les sienes, pource qu'il y en auoit plusieurs qui en proposoient de sembla-
bles pour agreer au peuple, y accordant & consentant le Senat uoluntai-
remēt. Retourné qu'il fut à Rome, il changea de maison, & au lieu qu'il demou-
roit parauant au mont Palatin, il fallat tenir au dessoubz de la place, pour se mō-
strer en cela plus populaire, à cause qu'il y auoit en ce quartier là beaucoup de
menues gens & de basse conditior, puis il proposa le reste de ses loix, pour les
faire passer & authoriser par les uoix du peuple, s'estant amassé pour cest effect
grand nombre de peuple de toutes parts des enuirs de Rome: mais le Senat
persuada au Consul Fannius de faire faire commandement, que tous ceulx qui
n'estoient point naturelz Romains, manās & habitans dedans la uille mesme, K
eussent à vuidier de Rome, & fut faite une cryee bié estrange & sans exemple,
que nul allié ny confederé ne se trouuast pour quelques iours dedans Rome:
mais au contraire Gaius meit es lieux publics une affiche, par laquelle il blas-
moit le Consul d'auoir fait publier une si inique proclamation, & promettoit
aux alliez & confederes de les secourir, si luy uouloient demourer contre le mād-
ement du Consul, ce que toutefois il ne feist pas, ains uoiant que les sergēs de
Fannius trainnoient en prison un de ses hostes & amis, il passa oultre sans faire
semblant

- A** semblât de rien, & ne le secourut point, fust ou pour ce qu'il craignist d'esprouver son credit enuers le peuple, lequel s'en alloit passant, ou pource qu'il ne uou-
lust pas, comme il disoit, commencer à donner occasion de uenir aux mains, &
d'attacher quelque escarmouche à ses malueuillans, qui ne demandoient autre
chose. D'auantage il aduint qu'il eut different & querelle contre ses compa-
gnons mesmes, pour une telle occasion. Le peuple deuoit auoir le passer-temps de
ueoir combattre des escrimeurs à oultrage dedans la place mesme, & y eut plu-
sieurs des officiers qui pour ueoir l'esbattement feirent faire des eschafaux tout
alentour, que lon louoit pour de l'argent. Gaius leur feit commandement de les
oster, à fin que sans rien payer les pauvres peussent ueoir les ieux de ces lieux là.
- B** Personne d'eulx n'en uoulut rien faire, & luy attendit iusques à la nuit de de-
uant les ieux, en laquelle prenant tous les ouuriers & maneures qu'il auoit
soubz luy, il alla abbattre tous leurs eschafaux, de maniere que la commune le
lendemain eut la place toute vuide, pour regarder les ieux à son aise, dont le
peuple luy sceut bon gré, & l'en estima homme de cueur. Mais ses compagnons
luy en uoulurent grand mal, comme à un audacieux & temeraire: & semble que
cela fut cause de le faire debouter d'un troisieme Tribunat, combien qu'il eust
le plus grand nombre des uoix en sa faueur, par ce que ses compagnons, en uen-
geance du tour qu'il leur auoit fait, en feirent iniustement & malicieusement
une faulxe relation: toutefois cela n'est pas du tout certain. Mais bien est il uray
- C** qu'il fut fort marry de ce rebut, & treuue lon qu'il dit un peu trop arrogamment
à ses ennemis qui s'en rioient, & s'en mocquoient de luy, qu'ilz rioient un ris Sar-
donien, ne cognoissans pas de quelles tenebres ses actions les auoient enuelop-
pez. Au reste ses contraires aiens instalé Opimius au Consulat, ilz commence-
rent incontinent à effacer plusieurs des loix de Gaius, comme entre autres celle
du repeuplement de Carthage, cherchans tous moiens de l'irriter, à fin que luy
leur donast quelque occasion de courroux pour le tuer, toutefois il endura tout
en patience du commencement: mais ses amis à la fin, mesmement Fuluius, l'ai-
guillonnerent tant, qu'il se remeit derechef à amasser gens pour faire teste au
Consul: à quoy lon dit que Cornelia mesme, sa mere, le seconda, louant secret-
tement bon nombre d'estrangers qu'elle enuoya dedas Rome, comme si c'eus-
sent esté des moissonneurs, & que c'est ce qu'elle entend soubz couuertes paro-
les es epistres qu'elle escrit à son filz en maniere de iargon: toutefois il y en a
d'autres qui tiennent au contraire, qu'elle fut fort marrie de ce qu'il se meit à faire
de telles choses. Quand uint doncques le iour assigné, auquel on deuoit proce-
der à la rescision de ses loix, l'un & l'autre de grand matin se saisit du Capitole,
& apres que le Consul y eut sacrifié, l'un des fergens du Consul nommé Quin-
tus Antyllius, portant les entrailles des hosties immolees, dit à Fuluius & aux
autres de sa ligue qui estoient autour de luy, Faites place aux gés de bien, mau-
uais citoiens que uous estes. Et y en a qui disent d'auantage, qu'avec ces paroles
iniurieuses là, il leur tendit encore le bras nud en une façon deshonesté, pour
leur faire honte: à raison dequoy il fut par eulx occis sur le champ à coups de
grands poinçons à escrire, qu'ilz auoient expressement fait faire à ceste inten-
tion. Si se trouua la commune troublee de ce meurtre, & les chefs des deux parts
diuersement affectonnez, pource que Gaius en fut fort marry, & en tena bien
aigrement ceulx qui estoient au pres de luy, disant qu'ilz auoient donné occa-
sion à leur ennemis, qui ne demandoient autre chose, de s'attacher à eulx: &
Opimius, au contraire, prenant ceste anse, s'en cleua, & se meit à emouuoir &

Tiberius & Gaius.

inciter le peuple d'en faire la uengeance : toutefois sur l'heure il survint une F
pluie qui les separa. Et le lendemain le Cōsul aiant assemblé le Senat au point
du iour, ainsi comme il deueschoit affaires au dedans, il y en eut d'autres qui
prirent le corps d'Antyllius, qu'ilz meirēt tout nud dessus un liēt, & le por-
terent à trauers la place, comme ilz auoient parauant proietté entre eulx,
iusques deuant la porte du Senat, là ou ilz commencerent à faire des re-
grets & lamentations, sachant bien Opimius que c'estoit, mais feignant
de n'en rien sçauoir & de s'en esbahir, de maniere que les Senateurs sortirēt de-
hors pour ueoir que c'estoit, & trouuās ce liēt emmy la place, se prirent les uns
à deplorer le trespassé, les autres à crier que c'estoit un cas trop indigne, & qu'il
ne falloit nullemēt endurer: mais, au contraire, cela la haine & le courroux du G
peuple alencontre de la mauuaitié des nobles ambitieux, lesquelz aians eulx
mesmes occis Tiberius Graccus qui estoit Tribun, & dedās le Capitole mesme
en auoient encore ietté le corps en la riuere, là ou ilz faisoient monstre hono-
rablement en public au milieu de la place du corps d'un sergent Antyllius, le-
quel à l'adventure auoit esté iniustement occis, mais pour le moins auoit il luy
mesme donné la cause à ceulx qui le frapperent, de luy faire ce qu'il souffrit: &
estoit lors tout le Senat alētour de son liēt à deplorer la mort & honorer le cō-
uoy des funerailles d'un homme mercenaire, pour irriter le monde à occire en-
core celuy qui seul estoit demouré des protecteurs & defenseurs du peuple. Ce-
la fait, ilz retournerēt derechef au dedans, là ou ilz feirent un decret, par lequel H
ilz donnerent pouuoir & puissance extraordinaire au Cōsul Opimius de prou-
uoir par main souueraine au salut de la chose publique, preseruer la uille, & ex-
terminer les tyrans. Ce decret conclud & arresté, le Consul commanda incon-
tinent aux Senateurs assistans qu'ilz allassent prendre leurs armes: & ordonna
aux cheualiers, que le lendemain matin chascun d'eulx eust à amener quand &
soy deux seruiteurs armez: alēcontre de quoy Fuluius se prepara aussi & assem-
bla de la commune: & Gaius s'en retournant de la place, s'arresta deuant l'ima-
ge de son pere, & la regarda d'un œil fiché sans mot dire, seulement se prit il à
plorar, & iettant un grand sospir passa oultre. Cela eueut à grande compas-
sion le peuple qui l'apperceut: tellement qu'ilz alloient disans entre eulx, qu'ilz I
estoyent bien lasches de faillir au besoing & abandonner un tel personnage. Si
s'en allerent en sa maison, là ou ilz demourerēt toute la nuict à faire le guet de-
uant sa porte, non pas ia la façon que faisoient ceulx qui gardoient Fuluius, les-
quelz passerent toute la nuict à boire & à yurongner, à crier & à bruire, s'estant
Fuluius enyuré luy mesme le premier, q disoit & faisoit plusieurs choses mal-
seantes & conuenables à la dignité ou il estoit. Car au cōtraire, ceulx de Gaius
estoyent en deuil, sans mener bruit, ne plus ne moins qu'en une calamité publi-
que de leur païs, & deuisoient entre eulx de ce qui estoit pour en aduenir, ueil-
lans & dormans les uns apres les autres à leur tour. Quand le matin fut uenu,
ceulx de Fuluius l'esueillerent qu'il dormoit encore fort serré pour leuin qu'il K
auoit beu la nuict, & s'armerent des despouilles des Gaulois pendues alentour
des parois de sa maison, les aiant desfaiets en bataille l'annee qu'il auoit esté
Consul, & avec grands cris & fieres menasses s'en allerent occuper le mont A-
uentin: mais Gaius ne se uoulut point armer, ains sortit de sa maison en robe
longue, comme fil eust uoulu aller simplement sur la place selon qu'il estoit
coustumier, excepté qu'il auoit une courte dague ceinte par dessoubz sa robe.
Ainsi comme il uouloit sortir de son logis, sa femme l'arresta à la porte, & le
tenant

A tenant d'une main, & un sien petit enfant de l'autre, elle luy dit, Helas Gaius tu ne uas pas maintenant, comme tu soulois, Tribun du peuple sur la place pour prescher le peuple, ny pour mettre en auant des loix nouuelles, ny ne uas point à une guerre honeste, à fin que si d'adventure il t'y aduenoit ce qui est ordinaire & commun à tous hommes, à tout le moins ie peusse porter le deuil de ta mort avec hōneur; ains te uas exposer aux meurtriers homicides qui ont occis tō frere, & encore y uas tu sans armes, comme en intention de souffrir, plus tost que d'y faire aucune chose: mais ta mort ne portera aucune utilité à la chose publique: pource, que ce qui est le pire, est ores le plus fort, attēdu que les iugemens se font desia avec uiolēce à l'espee. Si ton frere eust esté tué par les ennemis deuant la uille de Numance, au moins nous en eust on rendu le corps pour l'ensepulturer: mais à l'adventure fauldra il que i'aille tantost moy mesme supplier la riuere ou la mer de me rendre ton corps que lon aura aussi ietté dedans: car quelle fiāce pourroit on plus auoir aux loix ny aux Dieux, depuis que Tiberius a esté tué? Ainsī comme Licinia faisoit ces piteuses complaints, Gaius se tira tout doucement d'entre ses bras, & s'en alla sans luy respondre rien avec ses amis: & elle le cuidant reprendre par sa robbe tumba tout de son long par terre, là ou elle demoura toute estēdue, sans parler, assez longuemēt, iusques à ce que ses seruiteurs l'enleuerent toute esuanouye & pasmee, & la porterent à son frere Crassus. Au demourant Fuluius, quand tous ceulx de leur part furent assemblez, à la persuation de Gaius, enuoya le plus ieune de ses enfans, qui estoit un fort beau petit garson, avec un caducee en sa main, qui est une uerge de heraulte portant sauuegarde. Cest enfant se presentāt honestemēt, en humilité grande, les larmes aux yeux, deuant le Consul & le Senat, leur porta paroles de reconciliation, & y auoit beaucoup des assistans, qui furēt d'aduis que lon y deuoit entēdre: mais Opimius luy fait responce, qu'il ne falloir point enuoyer de messagers pour cuider par belles paroles gaigner le Senat, ains estoit besoing qu'ilz y uinsent eulx mesmes en personnes, se presenter comme subiects & criminels à la iustice, & en ceste maniere requerir pardō, & tascher à amollir le courroux du Senat. Et au demourant fait defence au ieune garson qu'il ne reuint plus deuers eulx, sinon à la condition qu'il luy auoit prescrite. Gaius, à ce que lon dit, y uoulut bien aller pour faire ses remonstrances au Senat, mais les autres ne uoulurēt pas qu'il y allast: au moien de quoy Fuluius y r'enuoya encore de rechef son filz pour leur tenir les mesmes propos que deuant. Mais Opimius, qui ne demandoit qu'à combattre, fait incontinent prendre le ieune garson, & le baillant en garde, marcha tout aussi tost contre Fuluius avec bon nombre de gens de pied bien armez, & de gens de traict Cādriots, qui à coups de traict firent plus de dommage, & troublerent plus les aduersaires que nulle autre chose, de maniere qu'ilz se tournerent en peu d'heure tous en fuite, & se ietta Fuluius dedans une meschante estuue dont lon ne faisoit plus de compte, là ou estant trouuē un peu apres, il fut occis avec son filz ainsē. Quant à Gaius, il ne combattit point, ains se tourmentant & se passionant de ueoir un si sanglant desordre, se retira dedans le temple de Diane, là ou il se uoulut luy mesme defaire, n'eust esté que ses plus feaux amis, Pōponius & Licinius l'en engarderēt: car ces deux là se trouuans lors aupres de luy, luy osterent son espee, & luy conseillerent de s'en fourir. Et là lon dit qu'il se meit à genoux, & que tendant ses deux mains iointes à l'image de la Dēesse, la pria pour uengeance de ceste ingratitude, & de ceste trahison du peuple, que iamais il ne sortist de seruitude:

Tiberius & Gaius.

car la commune, ou la pluspart d'icelle, tout ouuerremēt tourna sa robbe, quād
ilz entendirent crier à son de trompe, que lon pardonnoit à tous ceulx qui se
tourneroyent. Ainsi Gaius s'estant mis à fouir, ses ennemis le poursuuiurent de
si pres, qu'ilz l'attaingirēt dessus le pont de bois, là ou deux de ses amis qui l'ac-
compagnoient s'arrestèrent pour faire teste aux poursuuās, & luy dirent qu'il
gaignast le deuant ce pendant qu'ilz combattroient au deuant du pont, com-
me ilz feirent, si bien qu'il ne passa personne par dessus le pōr, iusques à ce qu'ilz
eurent esté tous deux tuez. Il n'y eut homme qui s'en fouist quand & luy, sinon
un de ses seruiteurs, qui se nommoit Philocrates: car tout le monde l'enhorroit
assez & luy conseilloit, comme s'il eust esté en un ieu de pris, ou lon encourage
ceulx qui y combattent, mais personne ne mettoit la main à l'œuure pour le se-
courir, ny ne luy presentoit un cheual, combien qu'il en demādaist assez, à cau-
se qu'il uoyoit ses ennemis qui le poursuuoient de bien pres: mais il les deuan-
cea de tant, qu'il eut loisir de se ietter dedās un petit boccage qui estoit cōsacré
aux Furies, là ou son seruiteur Philocrates le tua, & se tua puis apres aussi luy
mesme dessus luy. Toutefois les autres escriuent, que & le maistre & le ser-
uiteur furent tous deux attaincts & pris encore uiuans: mais que le seruiteur
embrassa si estroittement son maistre, que nul des ennemis ne le peūt frapper,
que lon ne le tuast luy mesme le premier de plusieurs coups qu'on luy tira.
Si y eut un des meurtriers, qui couppa la teste à Gaius pour la porter au Consul:
mais un des amis de Opimius, qui se nommoit Septimuleius, la luy osta par le
chemin, pource que auant le combat il auoit esté crié à son de trompe, que qui
apporterait les testes de Fuluius & de Gaius, on luy payeroit autāt pesant d'or,
parquoy ce Septimuleius la porta fichee au bout d'une iaueline à Opimius, &
fut apportee une balāce pour la peser, ou lon trouua qu'elle pesoit dixsept liures
deux tiers, pource que Septimuleius oultre le peché del'homicide y auoit enco-
re adiouxte ceste meschāceté, qu'il en auoit tiré toute la ceruelle, & y auoit mis
du plomb fondu au lieu. Ceulx qui apporterent la teste de Fuluius, pource que
c'estoient gens de basse & uile condition, n'eurent rien. Les corps de ces deux
& des autres adherents aussi, qui se trouuerent iusques au nombre de trois mille
morts, furent tous iettez dedans la riuere, leurs biens confisquez, & defendu à
leurs ueufues de porter le deuil de leur mort: qui plus est, ilz feirent perdre à Li-
cinia femme de Gaius, son douaire: mais encore se porterent ilz plus cruelle-
ment & plus inhumainement enuers le ieune filz d'Opimius, lequel n'auoit ny
leué les mains, ny ne s'estoit trouué au combat contre eulx, ains estoit allé pour
parler d'appointement auant le combat, & l'aians fait lors retenir prisonnier,
le feirent depuis mourir apres la bataille: toutefois ce qui greua & offensa en-
core plus le peuple, que tout cela, fut le temple de Concorde que Opimius feit
bastir, pource qu'il sembloit qu'il se glorifiast, & que par maniere de dire, il tri-
umphast pour auoir fait mourir tant de citoiens Romains. Et pourtant y en eut
il qui escriuirent la nuit au dessoubs de l'inscription de ce temple ces uers,

V n furieux acte & forfait

Le temple de Concorde a fait

Cestuy Opimius fut le premier à Rōme qui en estat de Consul usurpa la puis-
sance absolue de Dictateur, & qui condamna sans forme de proces trois mil-
le citoiens Romains, oultre Fuluius Flaccus, personnage Consulaire, & qui
uoit eu l'honneur du triumphe, & Gaius Graccus ieune homme, qui surpassa en
uertu & en reputation tous ceulx de son aage, & neantmoins ne se peut Opi-

- A mius garder d'estre concussionnaire & larron: car aiant esté enuoyé en ambassade deuers Iugurtha le roy de Numidie, il se laissa corrompre par argent: dequoy estant appellé en iustice, il en fut tresignominieusement conuaincu & condamné: au moien dequoy il acheua ses iours avec ceste note d'infamie, hay, moqué, & iniurié de tout le peuple, lequel sur le faict de la desconfiture se porta bien laschement uers ceulx qui combattoient pour sa querelle: mais bien tost apres dona à cognoistre combien il regrettoit ces deux freres Gracques, pource qu'il leur feit faire des statues, & uoulut qu'elles fussent dressees en lieu public & honorable, consacrant les lieux ou ilz auoient esté tuez: & y auoit plusieurs personnes qui leurs offroient des premiers fruiçts & fleurs que portét les saisons, & y alloient faire leurs prieres & oraisons à genoux, ne plus ne moins que es temples des Dieux. Leur mere Cornelia, ainsi que lon escrit, porta constamment & magnaniment ceste calamité, & quant aux chappelles que l'obastit & consacra au lieux ou ilz auoient esté tuez, elle dit seulement qu'ilz auoient telles sepultures qu'ilz auoient meritees: mais depuis elle se teint presque tousiours aupres du mont de Misene sans rien changer de sa maniere de uiure, car elle auoit beaucoup d'amis: & pource qu'elle estoit Dame honorable, aimant à receuoir & traiter les estrangers, elle tenoit ordinairement bonne table, au moien dequoy elle auoit tousiours autour d'elle compagnie de Grecs & de gens de lettres, & n'y auoit Roy qui ne receust d'elle, & qui ne luy enuoyast aussi des presens. Si prenoient grand plaisir ceulx qui l'alloient uisiter, & qui la hantoient à luy ouir compter les faicts & la maniere de uiure de son pere Scipion l'Africain: mais encore s'esmerueilloient ilz d'auantage de luy ouir reciter les actes & la mort de ses enfans, sans en ietter larme d'œil, & sans autremēt en faire des regrets, ny en mener deuil, non plus que si elle eust racompté quelque ancienne histoire à ceulx qui les luy demandoient, tellemēt qu'il y eut quelques uns qui escriuissent, que la uieillesse, ou bien la grandeur de ses malheurs, luy auoient troublé le sens, & hebeté le sentimēt de douleur: mais eulx mesmes estoient insensez quand ilz disoient cela, n'entendans pas combien l'estre bien né & bien nourry sert aux hommes à constamment supporter une douleur, & que souuent la fortune est bien plus forte que la uertu, laquelle ueult garder tous les poinçts du deuoir, mais toutefois elle ne luy peult oster la constance de porter en tumbant patiemment son aduersité.

LA COMPARAISON DE TIBERIUS ET GAIUS AVEC AGIS ET CLEOMENES.

- E **M**Ais estés desormais arriuez à la fin, il ne reste plus que de comparer & de conferer ces vies ensemble, en les mettant l'une deuant l'autre. Quand est doncques aux deux Gracques, ceulx mesmes qui les haïssoient le plus, & qui en disoient au demourât tous les maulx du monde, n'ozérēt oncques nyer qu'ilz ne fussent mieulx nez à la uertu, que nuls autres Romains de leur temps, & qu'ilz n'eussent aussi bien esté eleuez & nourriz: mais il semble que la nature fut encore plus forte en Agis & en Cleomenes, pource que aians esté mal nourriz & eleuez en des meurs & façons de uiure, qui de pieça auoient ia corrompu les plus anciens, neantmoins ilz se monstrent eulx mesmes les premiers guides & maistres de sobriété, temperance, & simplicité. D'auantage ceulx là aians uescu du temps

Tiberius & Gaius.

que Rome estoit en sa plus claire & plus grande dignité, & lors que y regnoit plus lezele de toutes belles & bonnes choses, ilz eurent, par maniere de dire, honte d'abandonner la succession de uertu qu'ilz auoient eomme hereditaire par les mains de leurs ancestres: & ceulx cy estans nez de peres qui auoient eu uolunté toute contraire, & aians trouué leurs pais corrompu & malade, n'en furent point pour cela plus mousses à chercher les moiens de bien faire: & puis le plus grand los que lon donne aux Gracques, d'abstinence, de ne prendre point argent, est qu'en tous leurs magistrats & en toutes leurs entremises des affaires publiques, ilz eurent tousiours les mains nettes, & ne prirent oncques rien iniustemēt: là ou Agis se courroucea de ce qu'on le louoit de ne prédre rié de l'autrui, attendu que de luy mesme il meit en commun, & dōna à ses citoiés tout son bien, qui montoit en argent comprāt seulement * six cents talents. Par ou lon peult iuger, combié il estimoit estre grief peché de gagner iniustemēt, puis qu'il estimoit que c'estoit une espece d'auarice, que de posseder iustement plus que les autres. Au demourant, il y auoit bien difference de grandeur entre les innouations, que les uns & les autres ozerent mettre en auant: car les actiōs des deux Romains estoient raccoustrer les grands chemins, rebastir ou repeupler des uilles: & le plus magnanime faict de Tiberius fut, auoir ramené en cōmun les terres publiques: & de son frere Gaius fut, d'auoir mellé les iugemens, en adiouxant aux Senateurs trois cents cheualiers Romains, qui auroiēt puissance de iuger: là ou Agis & Cleomenes aians opinion que uoloir corriger de petites fautes, & y remedier par le menu, seroit autant comme couper une des testes de l'hydre, ainsi que dit Platon, dont il en reuenoit sept au lieu d'une, entreprirent un remuement, & une nouuelleté qui pouuoit à un coup exterminer & deraciner tous les maulx qui estoient en leur pais, ou pour parler plus ueritablement, qui pouuoit oster l'alteration & le dereglement qui auoit introduit tout mal & tout uice en leur chose publique, pour remettre la uille de Sparte en son propre & ancien estat: car encore peut on dire cela du gouuernement des Gracques, que les principaux personages & les plus gens de bien de Rome furent contraires à leurs desseings, là ou en ce que Agis attenta, & que Cleomenes acheua, ilz auoient le plus beau & le plus magnifique subiect du mōde, qui estoient les anciennes loix & ordonnances de Sparte, touchant la temperance & l'egalité, les unes instituees iadis p Lycurgus, les autres cōfirmées par Apollo. Qui plus est, par les nouuelletez de ceulx là, Rome n'en deuint point plus grande qu'elle estoit auparauant, là ou de ce que Cleomenes feit, la Grece en peu de temps ueit la uille de Sparte commandant à tout le reste du Peloponese, & cōbattant alencontre de ceulx qui pour lors estoient les plus puissans de la Grece pour la principaulté d'icelle, dont le but & la finale intention estoit vuidier & deliurer la Grece des armes des Gaulois & des Esclauōs, pour la remettre soubz l'honeste gouuernement des descendans d'Hercules. Encore me semble il que leur mort monstre quelque difference de leur uertu: car ceulx là combattans contre leurs propres citoiens, furent occis en fuyant: & de ceulx cy, Agis pour n'auoir uolu faire mourir pas un de ses citoiens, fut occis luy mesme presque uoluntairemēt, & Cleomenes se sentant iniurié & oultragé, se meit en deuoir de se uenger: mais l'occasion ne luy permettant pas de le pouuoir faire, il se tua luy mesme hardiment. Mais au contraire aussi peult on alleguer, que Agis ne feit oncques acte de capitaine ny d'homme de guerre, à cause qu'il fut tué auant que d'en pouuoir faire: & aux uictoires de Cleomenes, qui furent belles & en bō

* Trois cētz soixante mille escus.

- A** nombre, on peult opposer la prise de la muraille de Carthage, sur laquelle Tiberius monta le premier, qui ne fut pas petit exploit, & l'appointemēt qu'il feist devant Numance, par lequel il sauua uingt mille combattans Romains, qui n'auoient autre moien de sauuer leurs uies: & Gaius en celle mesme guerre devant Numance, & depuis en Sardaigne, feist plusieurs beaux actes de prouesses, tellement qu'il est tout certain qu'ilz eussent esté comparables aux plus excellents capitaines Romains, si on ne les eust si tost tuez. Au reste, quant aux actiōs civiles, il semble que Agis sy prit trop froidement, f'estant laissé abuser à Agésilas, & aiant fraudé les pauures citoyens du departement des terres qu'il leur auoit promis, brieſ à faulte de hardiesse, pource qu'il estoit trop ieune, il laissa
- B** les choses imperfaittes qu'il auoit proietté de faire, & à l'opposite proceda un peu trop rudement & uiolentement à la mutation du gouuernemēt de la chose publique, en tuant meschamment les Ephores, lesquelz il pouuoit gaigner facilement, ou estre le plus fort en armes: car ce n'est faict ny en sage medecin ny en bon administrateur d'estat politique, de mettre la main au fer, sinon en extreme necessité, quand il n'y a point d'autre remede: & est faulte de suffisance en l'un & en l'autre, mais pis en l'un, pource que l'iniustice y est coniointe avec la cruauté: là ou des Gracques, ny l'un ny l'autre ne commença à mettre les mains au sang de leurs citoyens, ains dit on que Gaius quoy qu'on frappast sur luy, iamais ne se uoulut mettre en defence, & que là ou il estoit tres uailant en
- C** bataille les armes au poing contre les ennemis, il se monstra tres froid en sedition ciuile contre ses citoyens: car il sortit de sa maison sans armes, & se retira, quand il les ueit combattre, se donnant plus garde de ne faire point de mal que de n'en souffrir point, tellement que lon ne doit point imputer leur fuitte à lâcheté ny à couardise, ains plus tost à soing de n'offencer personne: car il falloit ou qu'ilz cedassent à ceulx qui les pourſuyuoient, ou filz s'arrestoiēt, qu'ilz se meissent en defence, pour ne point souffrir qu'on leur feist oultrage en leurs personnes. Et quant aux obiections que lon fait à Tiberius, la plus grieve est d'auoir faict priuer un sien compagnon du Tribunat, & qu'il fut luy mesme cause que son frere Gaius depuis poursuiuit un second Tribunat: & quant à
- D** Gaius on luy imputa faulſement & à tort la mort d'Antyllius, pource qu'il fut occis contre sa uolunté, & à son grand regret: là ou Cleomenes, encore que nous laissions à part l'occision des Ephores, affrâchit tous les esclauē, & teint la royauté seul en effect: mais pour l'apparence seulement, il y associa son propre frere, qui estoit de la mesme maison, & aiāt persuadé à Archidamus, auquel appartenoit le droit de succeder à la royauté de l'autre maison royale, qu'il retornast hardiment de Messine à Sparte, & il le laissa tuer, & en ne faisant point de poursuite ny de uengeance de sa mort, il confirma l'opinion que lon eut qu'il l'eust fait occire luy mesme, au contraire de Lycurgus, lequel il faisoit semblant de uouloir imiter, attendu qu'il rendit uoluntairement la
- E** royauté au filz de son frere Charilaus, & craignant encore que si le ieune enfant uenoit autrement à mourir, il n'en fust aucunement soupçonné, il s'absenta du païs & fut long temps uagabond par le monde, ny ne retornā point à Sparte, que Charilaus n'eust engendré un filz pour luy succeder à la royauté: mais aussi n'y a il nul autre Grec, qui soit comparable à Lycurgus. & nous auons monſtré que parmy les actions de Cleomenes, il y eut plusieurs autres encore plus grâdes nouuellerez, & plusieurs autres transgressiōs des loix. Ainsi ceulx qui blasment les meurs des uns & des autres, disent que les deux

Grecs de leur commencement eurent une uolunté tyrannique ; tendant à F
exciter & faire guerre, là ou aux Romains leurs malueuillans, & ceulx mesmes
qui leur portoiēt le plus d'enuie, ne leur pouuoient imputer autre chose, sinon
une ambition demesuree, & confessoient qu'ilz festoient eschauffez & allumez
oultre leur naturel en la contention qu'ilz auoient eue contre leurs aduersaires,
& festoient laissez transporter au despit & à la cholere, comme à des mauuais
uents, iusques à faire les choses qu'ilz feirent à la fin : car estoit il rien plus iuste,
ne plus honeste que leur premiere intention, si n'eust esté que les riches uoulās
d'autorité & d'audace reietter leurs loix, les feirent tous deux entrer malgré
eulx en ceste querelle, l'un pour sauuer sa vie, l'autre pour uenger la mort de son
frere, que lon auoit occis sans ordonnance, ny forme de procedure iuste ou in- G
iuste qu'elle fust ? Ainsi peux tu ueoir toy mesme la difference qu'il y eut entre
eulx : & pour en prononcer ce qui m'en semble particulièrement de chascun
d'eulx, il m'est aduis que Tiberius a esté le plus uertueux de tous les quatre, que
le ieune Agis est celuy qui a le moins peché, & qu'en execution & hardiesse,
Gaius n'approcha point à beaucoup pres de Cleomenes.

Demosthenes.



ELVY qui a cōposé le petit traitté que lon treuve escript
à la louange d'Alcibiades touchant la uictoire qu'il H
gaigna de la course des cheuaux en la feste des ieu
Olympiques, soit que ce ait esté le poëte Euripides,
ainsi que la plus commune opinion le tiēt, ou quelque
autre (amy Sossius) dit que pour faire l'homme heu-
reux, il fault premierement qu'il soit nay en quelque
noble & fameuse cité. Mais quāt à moy, il me semble
que pour auoir la uraye felicité, de laquelle la plus grā-
de partie gist es meurs, qualitez, & conditions de l'ame, il ne peult chaloir que
l'homme soit nay en uille obscure & de peu de renommée, non plus que s'il e-
stait nay d'une mere laide ou petite: car ce seroit une mocquerie, de penser que I
la uillette de Iulide, laquelle n'est qu'une petite parrie de l'isle de Ceo, qui elle
mesme toute entiere n'est gueres grande: & que l'isle d'Ægine, laquelle est de si
peu d'estendue, que quelque Athenien meit un iour en auant, que lon la deuoit
oster, pource qu'elle estoit comme une paille en l'œil du port de Piræe, puissent
porter de bons poëtes & d'excellents ioueurs de comedies, & qu'elles ne puis-
sent porter ne produire un homme de bien, iuste, constant, sage, & magnani-
me: car il est bien raisonnable de croire que les arts & sciences, lesquelles ont e-
sté inuentees pour faire aucunes choses necessaires à l'usage des hommes, ou
bien pour en acquerir bruit & hōneur se uont abastardissant & aneantissant es
petites & pauures uilles: mais aussi fault il estimer, q̄ la uertu, ne plus ne moins K
qu'une forte & uigoureuse plante, peut prendre pied & racine en tout lieu ou
elle rencontre, une bonne nature, gentille & patiente de labour. Au moien de-
quoy, si nous uenons à commettre quelque erreur, ou que nous uiuions autre-
ment qu'il n'appartient, nous n'en accuserons point la petitesse de nostre país,
ains en attribuerons iustement la coulpe à nous mesmes. Il est bien uray que
celuy qui a entrepris de cōposer quelque œuvre, ou d'escrire quelque histoire,
en laquelle doiuent entrer plusieurs diueres choses nō familiares en son país,

- A & que lon ne trouue pas tousiours par tout à la main, ains estrangeres pour la pluspart dispersees ça & là, & qu'il fault recueillir de la lecture de plusieurs diuers lieux & de plusieurs auteurs, à la uerité il fault que premierement & deuant toutes choses il soit demourant en une grosse & noble cité, pleine de peuple & de grand nombre d'hommes, aimant les choses belles & honestes, à fin qu'il ait abondance de toutes sortes de liures, & qu'en cherchant ça & là, & entendât dire de uiue uoix beaucoup de choses que les autres historiens auront à l'aduenture omis à escrire, & qui seront de tant plus croyables, qu'elles seront encore demourees en la memoire des hommes uiuans, il puisse rédre son ceure de tout poinct accomplie, & non defectueuse de plusieurs choses y necessaires.
- B Mais moy qui suis habitant en une petite uille, & qui m'y tiens uoluntiers, de peur qu'elle ne soit encore plus petite, pendant que i'estoie en Italie, & dedans Rome, n'ay pas eu le loisir d'estudier & de m'exerciter en la langue Latine, tant pour l'occupation des affaires que i'auoye lors en main, que pour satisfaire à ceulx qui me hantoient pour apprendre de moy la Philosophie: tellement que bien tard, estant ia fort auant au decours de mon aage, i'ay commencé à prédre en main les liures Latins: en quoy il m'est aduenue une chose estrange, mais ueritable neantmoins, c'est que ie n'ay pas tant appris ny tant entendu les choses par les paroles, comme par quelque usage & cognoissance que i'auoye des choses ie suis uenu à entendre aucunement les paroles. Mais au demourant, de sçauoir bien gouter en quoy gist la beaulté de la langue Romaine, ou la parler promptemét, ou bien d'entendre les figures, translations, & belles liaisons de simples dictions les unes avec les autres, qui orrent & embellissent le lagage, ie pense bien que ce soit une belle chose & bien delectable, mais aussi requiert elle une longue & laborieuse exercitation, conuenable à ceulx qui ont plus de loisir que ie n'ay, & qui sont encore en aage pour uacquer à telles gentilleses. Pourtant en ce present liure, qui est le cinquiesme de l'oeuvre, ou i'ay entrepris de comparer les vies des hommes illustres, l'une avec l'autre, aiant pris à escrire celle de Demosthenes & de Ciceron, nous considererons & examinerons quelles ont esté leur nature, leurs meurs & leurs cōditions par leurs faicts & leurs actions en l'entremise du gouuernement de la chose publique, sans autrement conserer leurs escripts & leurs oeures d'eloquence, ny de finir lequel des deux est le plus uehement en son dire, ou le plus doulx en son parler. Car comme dit le poëte Ion,

L à le Daulphin courant grand erre,

A force mesme sur la terre.

- Ce que Cecilius homme excessif en toutes choses, n'ayant pas entendu, a bien ozé escrire & mettre hors en lumiere une comparaison de l'eloquence de Demosthenes avec celle de Ciceron. Mais aussi si c'estoit chose cōmune & facile à tout le monde que se cognoistre bien soy mesme, à l'aduenture n'en eust on pas attribué le commandement aux Dieux, ny n'eust on pas dict qu'il fust uenu du ciel. Quant à moy, il me semble que la fortune aiant uolu des le commencement former à un mesme moule, par maniere de dire, Demosthenes & Cicerō, a imprimé en leurs natures plusieurs qualitez toutes semblables, comme l'estre tous deux ambitieux, tous deux aimans la liberté de leur païs, tous deux de peu de cuer es dangers de la guerre: & si me semble qu'elle y a encore meslé plusieurs aduētures toutes semblables aussi, pource qu'à peine trouuerait lon deux autres orateurs, qui de petit lieu & de basse cōdition soient deuenus si grāds &

Demosthenes.

si puissans comme ces deux icy, ne qui aient encouru la haine & maluillance F
ce des roys & des grands seigneurs, comme ces deux icy, qui aient perdu leurs
filles, qui aient esté bannits de leur pais, & qui y aient depuis esté restituez & re-
mis avec honneur, & qui derechef s'en soient fouis, & aient esté repris, ne qui
aient acheué leurs iours quād & la liberté de leur pais, de maniere qu'il est mal-
aisé de pouuoir discerner, si la nature les a faits plus semblables en meurs, ou la
fortune en aduentures, comme si elles eussent fait à l'enuy l'une de l'autre, ne
plus ne moins que deux ouuriers, à qui les feroit mieulx ressembler: mais il
nous fault cōmencer à escrire premier de celuy qui est le plus anciē. Demosthe-
nes dōques, le pere de l'orateur Demosthenes, estoit un hōme de bien & d'hon-
neur, ainsi comme l'escriit Theopompus, & le surnommoit on Macharopœus, G
c'est à dire, forger d'espees, pource qu'il auoit un grād atelier ou il tenoit plu-
sieurs esclauces ouuriers qui en forgeoient. Mais quant à ce que l'orateur Æschi-
nes dit de sa mere, qu'elle estoit fille d'un nommé Gelon, qui s'en fouit d'Athe-
nes, pource qu'il fut accusé de trahison, & d'une femme de nation barbare, ie
ne sçay s'il a dit en cela uerité, ou s'il l'a cōtrouué pour le cuider iniurier. Com-
ment que ce soit, il est certain que son pere luy faillit en l'aage de sept ans, & le
laisa assez aisé, car son bien ne ualoit gueres moins de * quinze talents: mais
ses tuteurs luy feirent un fort grand tort, car ilz luy déroberent une partie de
son bien, & luy laisserent aller à mal l'autre, à faulte d'en auoir tel soing qu'ilz
deuoient, pource qu'ilz ne uouloient pas seulement payer le salaire de ses mai- H
stres d'escole: ce qui fut cause qu'il n'apprit pas les arts liberaux, & que lon a
accoustumé de faire apprendre aux enfans de bonne & honeste maison: ioinct
aussi qu'il estoit fort delicat & de petite complexion, au moien dequoy sa me-
re ne uouloit pas qu'il trauaillast beaucoup à l'estude, ny ses maistres ne l'o-
zoient pas presser ny contraindre, à cause qu'il estoit en ses premiers ans fort
foible, gresse, & maladi. Et dit on que le nom de Battalus, dont on le surnom-
moit par mocquerie, luy fut donné par les autres enfans ses compagnons pour
la debilité de sa personne. Ce Battalus, ainsi comme aucuns disent, estoit un
ioueur de flustes trop effeminé, contre lequel le poëte Antiphanes composa
une petite farce en se mocquant de luy. Les autres font mention d'un Battalus I
poëte lascif, & qui escriuoit des poëmes impudiques: & si semble que lors les
Atheniens appelloiēt une des parties du corps humain, qu'il n'est pas honeste
de nommer, Battalus. Mais quant à Argas, pource que lon dit qu'il eut encore
ce surnom là, il luy fut imposé, ou pour la rudesse farouche & aspreté bestiale
de ses meurs, à cause que quelques poëtes appellent un serpent Argas: ou pour
sa façon de parler, laquelle estoit malplaisante à ouir, à cause que Argas est le
nom d'un poëte qui faisoit de mauuaises & fascheuses chāsons. Mais à tant est
ce assez de cela, comme dit Platon. Au reste l'occasion qui l'incita d'estudier à
l'eloquence fut telle, comme lon treuue par escript. L'orateur Callistratus de-
uoit plaider en iugement la cause d'Oropus, & attendoit un chascun en gran- K
de deuotion le iour de ce plaidoyer, tant pour l'excellēce de l'orateur, qui pour
lors auoit le bruit, que pour la matiere & le faict du proces qui estoit notable
& diuulgé par tout. Demosthenes doncques aiant ouy les maistres d'escole
qui faisoient leur complot ensemble de se trouuer à ce iugemēt, feit tant enuers
son pēdagogue, qu'il luy persuada de l'y mener aussi quand & luy. Ce pēda-
gogue aiant cognoissance aux officiers qui auoient charge d'ouuir la salle de
l'audience, feit enuers eulx que son disciple eut un lieu propre, dont il pouoit
ueoir

* Neuf mille
escus.

A uoir & ouir estât assis à son aise, tout ce qui se feroit & diroit en ce proces, sans que personne le ueist. Au moien dequoy l'enfant aiant tout ouy, estima beaucoup l'honneur qu'y auoit acquis l'orateur, quand il ueit comme il estoit accompagné de grande suite de gens qui le reconuoyoient iusques en sa maison: mais il eut bien encore en plus grande admiration la force de l'eloquence, laquelle pouuoit ainsi mener & manier toutes choses à son plaisir. Si abandonna des lors l'estude de toutes autres sciences, & de tous autres exercices d'esprit & de corps, aux quelz on a accoustumé d'instruire & dresser les enfans, & commença de se traualier & exercer continuellement à composer & prononcer des harengues, en intention d'estre une fois du nombre des orateurs. Le maître sous lequel il apprit la rhetorique fut Isæus, combien que Isocrates pour lors en teint eschole, fust ou pource qu'estant orphelin il n'auoit pas le moien de payer le salaire que demandoit Isocrates à ses disciples, qui estoit cét escus; ou plus tost, pource qu'il trouuoit la maniere de parler d'Isæus plus propre à l'usage à quoy il se uouloit seruir de l'eloquence, comme estant plus rusee & plus fine. Toutefois Hermippus escrit auoir eu entre ses mains des memoires sans nom d'auteur certain, es quelz estoit faite mention que Demosthenes auoit esté auditeur de Platon, & que cela luy auoit beaucoup seruy à former son stile & son eloquence, & metionne aussi un Ctesibius, lequel escrit que Demosthenes auoit secrettement eu & leu les œures de rhetorique d'Isocrates, & celles d'Alcidamas, par le moien d'un Callias Syracusain, & de quelques autres: parquoy si tost qu'il fut en aage de sortir hors de tutelle, il commença à mettre ses tuteurs en proces, & à composer des harēgues & plaidoiers cōtre eulx, lesquelz alloient trouuant des subterfuges, remises & delais, pour tousiours fouir à luy rendre compte de l'administration de son bien, & s'exercitant en tel apprentissage, ainsi que parle Thucydides, il feit si bien qu'il obtint à la fin, mais ce ne fut pas sans peine & sans danger: & neantmoins, encore ne peut il pour cela retirer à beaucoup pres de ce que son pere luy auoit laissé. Mais en aiāt pris une assurance & quelque accoustumāce de parler en public: & aussi aiāt un peu gusté l'hōneur & le credit q̄ lon acquiert par sçauoir biē dire en plaidant, il essaya depuis de soy tirer en auānt, & de s'entremettre du gouuernement dela chose publique. Tout ainsi que lon compte d'un certain Orchomenien nommé Laomedon, qu'estāt trauaillé d'une indisposition de ratte, par le cōseil des medecins il s'exercita à courir de longues carrieres pour remedier à son mal: & en continuant cest exercice rendit son corps si dispos, que depuis il entreprit de courir es ieux de pris, & deuint l'un des meilleurs & plus uistes coureurs de son temps. Autāt en aduint il à Demosthenes: car s'estant du commencement mis à l'exercice d'eloquence pour recouurer le sien, & en ce faisant y aiāt acquis suffisance, force, & uehemenec grande en l'art de bien dire, il oza bien depuis entreprendre de prescher le peuple en public touchant le gouuernement des affaires, ne plus ne moins que s'il se fust présenté au combat d'un ieu de pris, & deuint à la fin le premier de tous les orateurs de son temps qui montoient en chaire pour harenguer, combien que la premiere fois qu'il saduentura de parler en public, le peuple feit tant de bruit qu'à peine peut il oncques auoir audience, & se mocqua lon de sa maniere de parler, laquelle estoit aussi estrange, pource qu'il uisoit de longues clauses confuses, & enueloppoit son dire de tant d'arguments les uns sur les autres, qu'il en estoit fascheux & ennuyeux à ouir: & si auoit d'auantage la uoix foible & debile, la langue empeschée, & l'aleine

Demosthenes.

courte: ce qui engardoit encore que lon ne pouuoit aiseement entendre ce qu'il uouloit dire, pource que les longues trainnees de ses clauses uenoient à estre à chasque coup plusieurs fois entrerompues auant qu'il fust au bout de la sentence: si que finablement se uoiant ainsi rebuté, il abandonna son entreprise de haranguer deuant le peuple, & se retira par desespoir au port de Piree, là ou Eunomus le Thessalien estant ia fort uieil & ancié, le trouua, qui le tésa à bon esciâr, en luy remonstrant qu'il se faisoit grand tort, attendu, qu'ayant une façon de parler fort approchante de celle de Pericles, il se defailloit à soy mesme par couardise & lascheté de cuer, en ne cherchant pas les moiens de s'asseurer contre le bruit d'une commune, & de renforcer son corps pour pouuoir porter le faix & la peine des harangues publiques, ains le laissant à faulte d'exercice de plus en plus aneantir: & neantmoins ayant encore une autre fois esté rebuté & sifflé, ainsi qu'il s'en retournoit la teste cachée de honte en sa maison fort desconforté, Saryrus excellent ioueur de comédies, qui estoit son familier, s'en alla apres luy & parla avec luy. Demosthenes se plaignit à luy de ce, que combien qu'il prist plus de peine que nul autre des Orateurs, & qu'il eust presque despédu toute la uigueur & force de son corps à l'estude, neantmoins il ne pouoit trouuer moien de se rendre agreable au peuple, là ou d'autres qui ne faisoient tout le long du iour que yurongner, & des Mariniers qui ne scauoient du tout rien, estoient patiemment escoutez, & occupoient tousiours la tribune aux harangues: & au contraire, on ne faisoit compte de luy. Saryrus adonc luy respondit, Tu dis la uerité Demosthenes, mais ne te soucie, ie y remedieray bien tost, & t'en osteray la cause, prouueu que tu me ueuilles reciter par cuer quelques uers d'Euripides ou de Sophocles. Demosthenes en prononça sur le champ quelques uns qui luy uindrent en memoire, & Saryrus les repetant apres luy, leur donna tout une autre grace, en les prononçant avec un accent, un geste, & une affection conuenable à la sentence, de maniere que Demosthenes mesme les trouua tout autres: par ou cognoissant, combien l'action, c'est à dire, la belle maniere de prononcer avec geste de mesme, adiouxte d'ornement & de grace au parler, il iugea adonc que c'estoit peu de chose, & presque rien du tout, que de s'exerciter à bien dire, qui n'estudie à auoir la bonne prononciation, & belle action quand & quand. A l'occasion dequoy, il feir depuis bastir un cabinet soubz terre, lequel estoit encore entier de mon temps, & y descendoit tous les iours pour former son geste & sa prononciation, & pour exercer sa uoix, avec si grande affection, que bien souuent il y demouroit deux & trois mois entiers tout de suite, se faisant expressement raser la moitié de la teste, à celle fin qu'il n'ozast de honte sortir hors en tel estat, encore qu'il luy en uint bien grande uolunté, & neantmoins il prenoit & argument & matiere de declamer, & de s'exerciter à bien dire des propos & deuis qu'il auoit euz, ou des affaires qu'il auoit ce pendant traittez avec ceulx qui l'estoient uenus ueoir en sa maison ce pendant: car soudain qu'il estoit departy d'avec eulx, il s'en alloit aussi tost descendre en son cabinet, là ou il repetoit de bout à autre toutes les matieres dont il auoit esté parlé, deduisoit toutes les respôces qui auoient esté faites d'une part & d'autre: & s'il auoit d'adventure assisté à quelque long discours, il le repetoit à par luy, & se prenoit à le coucher en belles clauses, & en belles sentences, changeant & diuersifiant en plusieurs manieres de dire les propos que quelques autres luy auoient tenus, ou luy à quelques autres. De là uint que lon eut opinion qu'il n'auoit pas l'entendement

A uif ne prompt de sa nature, & que son eloquēce n'estoit point une chose naifue, ains acquise par force de labeur: en confirmation dequoy on allegue pour un euidēt signe, que iamais lon ne ueit Demosthenes harenguer à l'improuueu: & que bien souuent qu'il estoit present & seant en l'assemblée, le peuple l'appelloit par son nom, à fin qu'il dist son aduis sur ce qui estoit lors en deliberation: mais que iamais il ne se leua pour ce faire, sil n'y auoit premierement pensé, & qu'il n'eust bien preueu & bien estudié ce qu'il auoit à dire, tellement que les autres orateurs sen mocquoient bien souuent de luy, comme entre les autres Pytheas, qui luy dit une fois, que ses raisons sentoient l'huyle de la lampe: mais Demosthenes luy repliqua bien aigrement, Aussi y a il grande difference, Py-

B theas, entre ce que toy & moy faisons à la lumiere de la lampe. Et luy mesme en parlāt aux autres; ne le nyoit pas du tout, ains leur confessoit franchemēt, qu'il ne redigeoit pas tousiours au long par escript tout ce qu'il auoit à dire, ny aussi ne se presentoit pas à parler qu'il n'en eust premieremēt fait quelques memoires: & si disoit que cela estoit un signe d'homme populaire, de bien penser à ce q lon a adire deuant le peuple: car ceste preparatiō là mōstre que lon l'honore & le reuere: & au contraire, quand on ne se soucie point comment ny en quelle part le peuple doie prendre ses paroles, cela est signe d'homme mesprisant l'autorité du peuple, & qui useroit uoluntiers, sil pouuoit, de la contrainte de force, plus tost que de la persuation de raison. Et pour cōfirmer encore d'auantage ce propos, qu'il n'auoit pas la hardiesse de se presenter pour harenguer à l'improuueu, on allegue encore cest argument, que Demades souuentefois s'est leué pour soustenir promptement, & conforter les raisons de Demosthenes, quand quelque fois il se troubloit: & que Demosthenes au contraire, ne se leua oncques pour cōfirmer, ny pour soustenir le dire de Demades. Mais quelqu'un pourroit demander, Si Demosthenes estoit ainsi craintif à parler en public à l'improuueu, pourquoy doncques est-ce que Æschines dit, qu'il auoit une merueilleuse audace en paroles: & comment est-ce que se leuant promptement, il respondit sur le champ à l'orateur Python natif de Byzance, qui brauoit en son parler, & estoit uiolent comme un torrent a lencontre des Atheniens: & comment est-ce que Lamachus Myrrhinzien, aiant composé une harengue à la louange de Philippus & d'Alexandre roys de Macedoine, en laquelle il disoit tous les maulx du monde des Thebains & des Olynthiens; & l'aiāt leué & prononcee en l'assemblée des ieux Olympiques, Demosthenes se dressant en pieds tout sur l'heure, deduisit ne plus ne moins que sil eust leu en une histoire, & mōstra au doigt à l'assistance les grands seruices & belles choses que les Chalcidiens auoient faittes par le passé au profit & à l'honneur de la Grece: & au contraire, de combien de maux auoient esté & estoient cause les flatteurs, qui alloient ainsi flattant les Macedoniens: il emeut & tourna tellement les escoutans, que le rhetoricien Lamachus, craignant le murmure & la mutination du

E peuple, se derobba secrettemēt hors de l'assemblée. Mais pour dire ce qui m'en semble, il m'est aduis que Demosthenes aiant entrepris des son commencemēt de se former au patron de Pericles, pensa que ses autres parties ne luy estoient pas tant necessaires, & qu'il uolul imiter & representer sa grauité & sa contenance reposee & sage de ne parler pas soudainement de toutes choses à la uolee ny à tout propos, estimant qu'il s'estoit fait grand par ceste prudence là: & cōme il n'eust pas uolu laisser eschapper une bonne occasion de se faire honneur en parlant, aussi n'eust il pas uolu souuent hazarder son credit & sa reputation.

Demosthenes.

à la mercy de la fortune. Et qu'il soit uray, les oraisons qu'il feist promptemēt, F
sans les auoir premierement escriptes, monstrent plus d'assurance & plus de
hardiesse, que ne font celles qu'il auoit escriptes & premeditees de lōgue main,
si nous uoulons adiouxter foy à ce qu'en disent Eratosthenes & Demetrius le
Phalerien, & aux poētes Comiques: car Eratosthenes escrit, qu'en ses harēgues
il deuenoit quelque fois comme transporté hors de foy, & Demetrius met que
un iour en preschant le peuple, il se prit à iurer un serment en uers, comme s'il
eust esté rauy d'une fureur & inspiration diuine, en disant,

P ar la terre & par les eaux,

P ar les fleuues & ruisseaux.

Et des poētes Comiques, il y en a un qui l'appelle Ropoperethra, comme qui G
diroit grand causeur, qui parle de toutes choses à la uolee, & un autre se
mocquant de ce qu'il uisoit d'une figure de Rhetorique qui s'appelle Antithere,
comme qui diroit Opposition, dit: Il a receu comme il a eu: pource qu'il auoit
ce terme affecté Paralabon, si ce n'est que le poēte Antiphanes se soit uolu
mocquer de ce qu'il conseilloit au peuple, de ne prendre point l'isle de Halone-
se du Roy Philippus, mais de la reprendre, uoulant dire qu'il ne la falloit point
receuoir en don comme chose gratuitement donnee, ains la receuoir comme
legitimement restituee. Toutefois il n'y auoit celuy qui ne confessast que De-
mades usant de son naturel seulement sans aucun artifice estoit inuincible,
& que bien souuent parlant à l'improueu, il renuersoit sans dessus dessous H
toutes les raisons que Demosthenes auoit estudees, preueuēs, & premeditees
de longue main: & Ariston de l'isle de Chio a laissé par escript un iugemēt que
fit Theophrastus touchant les orateurs de ce temps là: car estant un iour en-
quis, Quel orateur luy sembloit estre Demosthenes, il respondit, digne de ceste
uille: & puis, Quel luy sembloit estre Demades: par dessus ceste uille, dit il. Le
mesme philosophe escrit aussi, que Polyenctus Sphettien, l'un de ceulx qui
pour lors s'entremettoient du gouuernemēt de la chose publique, donna ceste
sentence, que Demosthenes estoit ueritablement grand orateur, mais que le
parler de Phocion auoit neantmoins plus d'efficace, pource qu'en peu de paro-
les il comprenoit beaucoup de substance. Auquel propos on dit aussi que De-
mosthenes mesme toutes & quātes fois qu'il uoyoit Phocion mōter en la chai-
re aux harēgues pour luy contredire, fouloit dire à ses amis: Voicy la congnee
de mes paroles qui se leue. Toutefois il est mal aisé de iuger s'il disoit cela pour
le regard de son parler, ou plus tost pour la reputatiō qu'il auoit acquise, à cause
de sa grande preudhommie, estimant cōme il est ueritable, q'une seule parole,
un clin d'œil, ou un seul signe de teste d'un personnage qui par sa uertu a acquis
credit, a plus d'efficace à persuader, q'toutes les trainees de raisons & d'argu-
ments de rhetorique. Mais quant aux defaults corporelz qu'il auoit de nature,
Demetrius le Phalerien escrit auoir entendu de luy mesme estant desia uieil,
qu'il y remedia par telz moiens. Premierement quant au vice de sa langue qui K
estoit grasse, & qui ne pouuoit pas prononcer toutes syllabes distinctement, il
le corrigea en mettant dedans sa bouche de petits cailloux que lon treuve sur
les greues des riuieres, & pronōceant ainsi la bouche pleine quelque oraisons
qu'il sçauoit par cueur: & quant à sa uoix qui estoit petite & foible, il la renfor-
cea à courir contremont des coustaux qui estoient droitz & roides, en pronō-
ceant quand & quand à la grosse halene quelques harengues ou quelques uers
qu'il sçauoit par cueur: & se dit, qu'il auoit en sa maison un grand miroir, de-
uant

A uant lequel se tenant debout sur ses pieds, il s'exercitoit & s'apprenoit à prononcer ses oraisons. Et dit on qu'il s'adressa un iour à luy quel qu'un, qui le pria de prendre sa cause en main pour la plaider, luy comptant comme un autre l'auoit battu, & que Demosthenes luy dit, Voire mais de tout ce que tu me dis, il n'en est rien: car l'autre ne te battit onques. Adóc le complaignât renforcea sa uoix, & commença à crier plus hault, Comment: il ne m'a pas battu? Si a urayment, respondit lors Demosthenes: car ie recognois maintenant la uoix d'un homme qui a ueritablement esté battu. tant il estimoit que le ton de la uoix, l'accent & le geste de prononcer en une sorte ou en une autre, auoiet de force pour faire croire ou décroire ce que lon dit. Sa contenance en harenguant deuant le peuple plaisoit merueilleusement à la commune: mais les hommes d'honneur & d'entendement la trouuoient trop basse, trop rauallée, & trop molle, entre lesquelz est Demetrius le Phalerien: & Hermippus escrit qu'un nommé Æsio interrogué des anciens orateurs & de ceulx de son temps, respondit qu'il n'estoit homme qui ne se fust esmerueillé si l'eust ueu, avec quelle dignité, reuerence, & gravité, ilz parloient au peuple: mais que les oraisons de Demosthenes à qui les lisoit à part, auoient trop plus d'artifice & trop plus de uehemence: aussi est il facile à iuger que les oraisons escriptes de Demosthenes ont beaucoup plus de nerfs & plus de pointe que n'ont les autres. Ce neantmoins encore rencontroit il quelque fois plaisamment en deuissant & parlant promptement. Comme un iour que Demades luy dit, Demosthenes me ueult enseigner: c'est bien ce que lon dit en commun prouerbe, La truye ueult enseigner Minerue: il luy respondit soudainement, Ceste Minerue là fut nagueres en la rue de Collytus surprise en adultere. Et à un larron appelé Chalcus, qui uault autât à dire côme de cuyure, lequel sauácea de uouloir dire qlque chose de ses ueilles & de ce qu'il estudioit & escriuoit la plus part de la nuit à la lampe: Le sçay biē, respondit il, que ie te fasche beaucoup de tenir toute la nuit la lampe allumee: mais uous autres feigneurs Atheniēs, ne uo⁹ esbahissez pas si l'on se fait beaucoup de larcins en uostre uille, ueu que nous auons des larrons de cuyure, & les parois de noz maisons ne sont que de terre. Nous pourrions encore alleguer plusieurs autres telles rencontres aiguës & plaisantes de luy: mais nous nous contenterons de celle là pour ceste heure, & uiendrons à cōsiderer au reste sa nature & ses meurs par les choses qu'il a maniees au gouuernement de la chose publique. Son commencement doncques, quand il uint à s'entremettre des affaires, fut au temps que fement la guerre que lon appella Phocaïque, comme luy mesme le dit, & cōme lon le peult cognoistre par ses harengues qu'il feit alēcontre de Philippus, desquelles les dernieres furent faites apres la guerre ia toute acheuee, & les premieres touchent encore quelques faits particuliers d'icelle. Bien est ce chose toute assuree & certaine qu'il escriuit l'oraison cōtre Midias en l'aage de trente deux ans, n'ayant encore lors authorité ne reputation quelconque: qui fut la cause principale, à mon aduis, de le faire composer à argent avec luy pour l'injure qu'il luy auoit faite: car autrement il n'estoit point homme de si douce cholere, qu'il pardonnast ainsi facilement un tel oultrage receu, ains au contraire, estoit uiolent & roide à executer ses uengeances: mais cognoissant que ce n'estoit pas entreprise legere, ne qui peust estre conduite à chef par homme de si petite authorité & si petite puissance que luy, de ruiner un tel personnage comme Midias, qui estoit fort de biens, d'amis, & d'eloquence, il se laissa aller à ceulx qui prioiet & intercedoiet pour luy, & ne me semble pas q' les trois mil-

Demosthenes.

les drachmes qu'il en receut eussent peu faire reboucher la poïcte de son aspre- F
té naturelle, si l'y eust ueu quelque apparéce, & qu'il eust esperé en pouuoir ue-
nir au dessus: mais à son aduenemēt à la chose publique aiant trouué un subiect
honorable de parler contre Philippus, pour defendre les droicts & la liberté
des Grecs, & s'y estant employé dignement, il en acquit en peu de temps repu-
tation tresgrande, & fut incontinent fort renommé pour son eloquēce & pour
sa franchise de parler ainsi librement, de sorte qu'il s'en trouua fort honoré &
fort estimé par toute la Grece, entretenu & caressé par le grand Roy de Perse: &
en fait Philippus mesme plus de compte que de nul autre qui pour lors s'entre-
messast du gouuernement des affaires d'estat à Athenes, iusques à ce q̄ ses mal-
ueuillās & contraires estoient cōtraincts de confesser eulx mesmes, qu'ilz auoient G
affaire à un personnage de grāde reputatiō. Car Æschines & Hyperides es ha-
rengues ou ilz l'accusoient, ont dit de telles choses de luy. Pourtant ne sçay ie à
quoy pensoit Theopompus, quād il escriuit que Demosthenes estoit hōme in-
constant & uariable de nature, & qu'il ne pouuoit pas demourer long tēps avec
mesmes personnes, ny en mesme opinion au gouuernement des affaires: car au
contraire, il me semble qu'il perseuera tousiours constamment iusques à sa fin
en un mesme party, & au mesme reng qu'il auoit élu & choisy des le cōmen-
cement: & que non seulement il ne se changea point en sa uie, ains à l'opposi-
te, qu'il y laissa la uie pour ne se uouloir point changer. Car il ne fait point cō-
me Demades, lequel se uolāt iustifier de ce qu'il auoit tourné sa robbe en ma- H
tiere de gouuernement de la chose publique, dit qu'il festoit bien cōtredit à
soymesme assez de fois selon les occurrēces des affaires: mais contre le biē de la
chose publique, iamais. Et Melanopus qui tenoit tousiours le party cōtraire de
Callistratus, & neantmoins se laissoit tousiours gagner à luy par argēt, & puis
montoit en chaire & disoit au peuple, Il est uray que Callistratus, qui soustient
l'opinion cōtraire à la mienne est mon ennemy, mais toutefois ie luy cede pour
ce coup: il fault que le biē public l'emporte. Et un autre Nicodemus Messenien,
lequel aiant tenu premieremēt le party de Cassander se tourna du costé de De-
metrius, & puis alla disant, qu'il ne se contredisoit point à soy mesme, pource
qu'il est utile & expedient d'obeir tousiours à ceulx qui sont les plus puissans. I
Lon ne sçauoit pas dire le semblable de Demosthenes, qu'il ait gauchy ne flecty
iamais, ny en fait ny en parole quelcōque, car il perseuera tousiours im-
muablement en une mesme teneur de uolunté en l'administration des affai-
res: tellement que le Philosophe Panętius dit q̄ la plus part de ses oraisons sont
escriptes sur ce fondement, que ce qui est honeste se doit choisir & élire pour
l'amour de soymesme, comme celle de la Couronne, celle qu'il fait contre Ari-
stocrates, celles des franchises & immunités, & toutes les Philippiques: esquel-
les il ne induit point ses citoiēs à choisir ce qui est plus plaisant, ou plus facile,
ou plus utile, ains preuue que bien souuent il fault preferer ce qui est honeste &
louable à ce qui est seur & salutaire, de sorte que si en ses actiōs & en ses depor- K
temens, il eust cōioinct à l'honesteté gentillesse & magnanimité de son parler,
la uailłace de sa personne en guerre, & la netteté de ne prédre point d'argent, il
auroit meritē d'estre mis, nō point au rég de Myrocles, Polyeuctus, Hyperides
& autres relz orateurs: mais plus hault, au nōbre de Cimō, de Thucydides, & de
Pericles. Et qu'il soit uray, Phocion qui au gouuernement de la chose publique
suiuoit le party qui n'estoit point loué, pource que lon auoit opinion qu'il fa-
uorisoit aux affaires des Macedoniens, neantmoins pour sa uailłance, sa iusti-
ce

- A** ce & son entiere preudhommie, n'a iamais esté tenu moins homme de bié que Ephialtes & Aristides. Mais Demosthenes, ainsi que dit Demetrius, estoit hōme à qui il ne se falloit pas beaucoup fier quant aux armes, ny bien remparé & fortifié contre les corruptions des presens & des dons: car combien qu'il fust imprenable du costé de Philippus & de la Macedoine, il se laissoit neantmoins gagner à l'or & l'argent qui uenoit d'amont deuers les citez de Suse & d'Ecbatane, & estoit bié prompt à louer les beaux & glorieux faicts de leurs uieux ancestres, mais à les ensuiure & imiter, non. Si estoit il toutefois plus hōme de bié que tous les autres Orateurs de son temps, excepté tousiours Phocion: & si parloit plus franchement au peuple & plus rondement que nul autre, contredisant
- B** ouuertement aux folz appetits de la commune, en reprenant asprement les Atheniens de leurs fautes, comme lon peult ueoir par ses oraisons. Et si escrit Theopōpus que quelquefois le peuple uoulut qu'il prist à accuser un homme, auquel on uouloit à toute force faire le proces criminel, ce qu'il refusa de faire, & le peuple s'en courroucea & mutina contre luy: mais luy se dressant en piedz, leur dit publiquement hault & clair, Seigneurs Atheniens, ie cōseilleray tousiours ce que ie pēseray estre pour le bien public, encore que uous ne le uouliez pas, mais de calumnier & accuser faulxement un autre à uostre appetit, encore que uous me le commandiez, ie ne le feray pas. Au demourāt, ce qu'il fit alencontre de Antiphon montra bien clairement, qu'il se soucioit bien peu de la
- C** commune, & qu'il deferoit beaucoup plus à l'autorité du Senat: car aiant esté Antiphon absous par le peuple en assemblée de uille, il le prit neantmoins & le tira encore à la court des Areopagites, sans se soucier d'encourir l'ire & la malueillance du peuple, & là le conuainquit d'auoir promis à Philippus de brusser l'arcenal d'Athenes: si que par arrest de celle court, il en fut condamné & executé à mort. Il accusa aussi la religieuse Theoride d'auoir commis plusieurs crimes, & entre autres, d'auoir enseigné à des esclaves à trōper leurs maistres: & concluant à la mort contre elle, la fit condamner & executer. Lon tiēt aussi qu'il auoit composé la harengue que prononça Apollodorus contre le capitaine Timotheus, par laquelle il prouua qu'il luy estoit redeuable, &
- D** aussi celles qu'il pronōça cōtre Phormion & contre Stephanus, pour lesquelles il fut à bon droit blasmé & desestimé, à cause qu'il en auoit baillé une autre à Phormion pour se defendre contre Apollodorus laquelle estoit mal faite: ce qui sembloit proprement estre tout autāt, que si d'une mesme boutique il eust uendu à deux ennemis des espees pour s'entretuer. Et quant à ses oraisons accusatoires qu'il fit pour pronūcer en iugemēt, celles qu'il fit cōtre Androtion, contre Timocrates, & contre Aristocrates, il les composa pour les bailler à d'autres, auāt qu'il se fust entremis du gouuernemēt de la chose publique: car il les publia qu'il n'auoit pas encore plus de uingt sept ou uingt & huit ans: mais il prononça luy mesme celle contre Aristogiton, & celle aussi des immunitez
- E** contre Ctesippus filz de Chabrias, comme il dit luy mesme, ou comme quelques autres escriuent, pource qu'il pretendoit à espouser sa mere, ce qu'il ne fit pas pourtant, ains espousa une Samiene, cōme le met Demetrius le Magnesien au liure qu'il a composé des Synonymes, & celle qu'il fit alencontre d'Æschines, ou il l'accuse d'auoir mal & desloyalement uersé au faict de son ambassade. On ne sçait si elle fut iamais prononcée, combien que Idomeneus escriue qu'il ne s'en fallut que trente uoix seulement, que Æschines ne fust absous: en quoy toutefois il me semble qu'il ne dit pas la uerité, & le tire par cōiecture de ce que

Demosthenes.

l'un & l'autre disent en leurs harengues aduersaires de la Couronne, là ou ne l'un ne l'autre ne fait expressement & à certes mention, que ce proces soit uenu iusques à diffinitio de iugemēt, ce neantmoins nous en laisserōs vuidier & decider la doubte aux autres. Au demourāt, auant mesme que la guerre cōmenceast il estoit bien euidēt en quelle part inclineroit Demosthenes au gouuernement de la chose publique: car il n'omettoit rien à contreroller & reprendre de tout ce que faisoit Philippus: à raison dequoy estant plus parlé de luy en sa court que de nul autre, il fut enuoyé dixieme avec autres neuf en ambassade deuers Philippus, qui leur donna bien audience à tous particulièrement les uns apres les autres: mais il respondit plus attentifvement, & avec plus de sollicitude & d'affection à la proposition de Demosthenes qu'à nulle des autres: mais au reste il ne luy fit pas, hors de là, tant d'honneur, ny tant de feste & de careffe, qu'à quelques uns de ses compagnons: car il monstra bien plus de priuaultez à Aschines & à Philocrates qu'à luy: à l'occasion dequoy, comme eulx le haultlouassent, disans que c'estoit un prince qui parloit tresbien, qui estoit fort beau de uisage, & qui urayement beuuoit fort bien, & estoit plaisant en compagnie, il ne se peut tenir de sen mocquer, & de le destourner en la pire part, disant que toutes ces qualitez là n'estoient point louanges dignes, ny propres à un roy, pource que la premiere estoit plus tost qualite d'aduocat, la seconde d'une femme, & la troisieme d'une esponge. Mais à la fin les choses estans tournées à la guerre, pource que Philippus d'un costé ne pouuoit demourer en paix, & les Atheniens de l'autre costé estoient poussez & suscitez par les ordinaires harengues de Demosthenes: les Atheniens enuoyerent premierement en l'isle d'Eubœe, laquelle par le moien de quelques particuliers tyrans, qui s'estoient saisis des uilles, auoit esté de nouueau asseruie à l'obeissance de Philippus, suyuant un decret qui fut mis en auant par luy, & en alla on dechasser les Macedoniens, puis il feit aussi enuoyer du secours aux Byzantins & aux Perinthiēs, aux quelz Philippus faisoit la guerre: car il prescha si bien les Atheniens, qu'il leur feit oublier la haine & rancune qu'ilz auoient contre ces deux peuples là, & les offenses que l'une & l'autre uille auoient commises contre eulx en la guerre de la rebellion de leurs subiects & alliez, & leur feit enuoyer du secours qui les preserua contre toute la puissance de Philippus: & depuis allāt par toutes les autres bonnes uilles & citez de la Grece en charge d'ambassadeur, il leur feit tant de remonstrances, & les prescha de sorte qu'il les assembla presque toutes en une ligue alencōtre de Philippus, tellement que la description de l'armee, que ceste ligue deuoit soudoyer en commun, estoit de quinze mille hōmes de pied estrangers, & de deux mille cheuaux, sans les bourgeois de chascune des uilles, qui à leurs despens iroient à la guerre, & fut l'argent pour ceste soude payé & contribué uoluntiers. Theophrastus escrit que ce fut lors que les alliez demanderēt que lon arrestast une somme certaine d'argent, combien il faudroit que chascun contribuast, & que Crobylus un qui s'entremettoit du gouuernement des affaires, respondit, La guerre ne se nourrist pas à mesure certaine. uoulant dire, que la despée de la guerre ne se peult mesurer ne definir. Estant doncques toute la Grece soubleuee en l'attente de ce qui en deuoit aduenir, & festās ces peuples & citez liez ensemble, ceulx de l'isle d'Eubœe, les Atheniēs, les Corinthiēs, les Megariens, les Leucadiens, & ceulx de Corfou, le plus fort à faire restoit encore à Demosthenes qui estoit d'induire les Thebains à uoloir entrer en ceste alliance, à cause que leur país confine avec celuy de l'Attique, ioinct que leurs

- A** forces estoient de grande consequence, attendu mesmemēt que lors ilz estoient plus renommez en armes que nulz autres des Grecs. Mais ce n'estoit pas chose facile que de gagner les Thebains & les distraire d'auec Philippus, lequel de fresche darte les auoit obligez à soy par plusieurs grāds plaisirs qu'il leur auoit faits durāt la guerre Phocaïque, auec ce qu'il y auoit tousiours entre ces deux citez, à cause de leur uoisinage, q̄lques hargnes & quelques querelles à démeller, lesquelles se renouelloient aiseemēt à tout propos. Ce nonobstant, quand Philippus eleué pour la uictoire qu'il uenoit de gagner pres la uille d'Amphisse, se fut ietté dedans la contree d'Elatie, & saisy de la Phocide, les Atheniens se trouuerent si estonnez, que personne n'ozoit prendre la hardiesse de monter en
- B** la tribune aux harengues, & ne sçauoit on quel conseil prendre. Estant toute l'assemblee en grande doubte, & en grand silence, Demosthenes seul se tira en auant, qui derechef conseilla de rechercher l'alliance des Thebains, & au surplus reconfortant le peuple, luy donna bonne esperance, comme il auoit tousiours accoustumé: si fut enuoyé pour cest effect ambassadeur auec d'autres à Thebes, & Philippus y enuoya aussi de sa part Amyntas & Clearchus, deux gentils hommes Macedoniens, & auec eulx Daochus, Thessalus, & Thrasydæus, pour respondre & contredire à ce que proposeroient les ambassadeurs d'Athenes. Si comprirent bien alors les Thebains en leurs entendemens ce qui leur estoit le plus utile, & se ramenerēt deuant leurs yeux tous les maulx & miseres
- C** que la guerre apporte quād & elle, pource que les playes qu'ilz auoient receuës en la guerre Phocaïque, estoient encore toutes fresches: mais neantmoins la uifue force de l'eloquence de Demosthenes, ainsi que dir Theopompus, leur allumant le courage, & les enflammant de desir d'honneur, offusqua toutes les autres considerations, & les raut tellement en l'amour du deuoir, & de l'honesteté qu'ilz oublierēt toute crainte de danger, toute obligatiō de bienfaiets, & toute raison rendant au contraire. Si fut cest acte pour un orateur trouué si grand & de telle consequence, que Philippus incōtinent enuoya des ambassadeurs deuers les Grecs pour les rechercher de paix, & se soubleua toute la Grece, attendant à quelle fin sortiroit ceste emeute: de maniere que non seulement les
- D** capitaines d'Athenes obeissoient à Demosthenes, faisant tout ce qu'il leur ordonnoit, mais aussi les gouuerneurs de Thebes & du païs de la Bœoce: & estoient les assemblees de conseil à Thebes aussi bien regies par luy, comme celle d'Athenes, y estant egalemēt aimé des uns & des autres, & y aiant pareille authorité de commāder, non point sans cause, comme bien le dit Theopompus, ains meritoirement & tresiustement: mais quelque fatale destinee, & reuolution des affaires, auoient prefix & arresté le but dernier de la liberté des Grecs à cetemps là, ce qui fut contraire à ses desseings, & y eut plusieurs signes celestes qui monstrent, & pronostiquerent qu'elle en deuoit estre l'issue, entre lesquels la prophetisse Pythia en donna des responces terribles, & chantoit on
- E** publiquement ceste ancienne prophetie des Sibylles:
- Estre puisse-ie au iour de la bataille
De Thermodon loing des coups, & que i'aïlle
A mont en l'air, comme un aigle uolant
Pour sans danger en uoir l'estour sanglant,
O u le uainqueur perdu demourera,
Et le uaincu sa perte plorera.
- Lon dir que ce Thermodon est un petit ruisseau de nostre territoire de Cherro-

Demosthenes.

nee, lequel ua tumber dedans la riuere de Cephifus: mais pour le present il n'y a F
ne riuere ne ruisseau en toute nostre contree, que ie sache, qui s'appelle Ther-
modô: & pense que celle qui se nôme auourd'hui Æmon, s'appelloit ancienne-
mēt Thermodô, car elle passe le lôg du tēple de Hercules, là ou les Grecs estoient
cāpez: & pourroit estre que pour auoir esté réplie de corps morts & de sang au
iour de la bataille elle changea de nom, & fut surnommee Æmon, à cause que
Æma en langage Grec signifie le sang: toutefois Duris escrit que ce Thermo-
don n'estoit pas une riuere, mais que quelques uns en dressant leur tente & la
fossoyant alentour, trouuerēt une petite statue de pierre, sur laquelle y auoit des
lettres engrauees, lesquelles tesmoignoient que c'estoit un homme nommé
Thermodon, lequel emportoit entre ses bras une Amazone blecée, & que pour G
ceste image de Thermodon on chante encore un autre tel oracle ancien:

O yseau tout noir attens que la iournee
De Thermodon soit une fois donnée:
Car là sera pour te donner pasture,
De corps humains grande desconfiture.

Ce nonobstant il seroit bien mal aisé de pouuoir asseurement dire la uerité de
telles choses. Mais Demosthenes se confiant aux armes & en la prouesse des
Grecs, & prenant courage de ueoir si grand nombre de uailhans hommes, si biē
deliberez, qu'ilz ne demandoient que l'ennemy pour le combattre, leur dōna
à entēdre qu'il ne se falloir point amuser à telz oracles, ny prester l'oreille à tel- H
les propheties: &, qui plus est, dit d'auantage qu'il auoit la prophetisse Pythia
pour suspecte, comme fauorisant aux affaires de Philippus, & ramenant en la
memoire des Thebains leur capitaine Epaminōdas, & Pericles aux Atheniēs,
en leur remonstrent comme ces deux grands personnages là auoient tousiours
estimé que telles propheties n'estoient autre chose q̄ couuerture de belle couar-
dise, & que sans y auoir egard ilz auoient tousiours fait les choses qu'ilz uoyoiēt
estre à faire par raison. Iusques icy Demosthenes se porta tousiours en homme
de bien: mais quand ce uint à la bataille il s'en fouit tres laschement sans y fai-
re aucun acte de uertu, ne qui correspondist aux belles harengues dont il auoit
presché le peuple, car il abandonna son reng, & ietta laschemēt ses armes pour I
fouir plus habilement, n'ayant pas à tout le moins eu hôte, comme dit Pytheas,
des paroles qu'il auoit fait escrire en grosses lettres d'or dessus son escu, A la bō-
ne fortune. Or Philippus ayant gaigné la bataille en fut sur l'heure tant espris
de ioye, qu'il se laissa aller iusques à faire quelques insolences: car apres auoir
bien beu avec ses amis, il s'en alla sur la place ou gisoit la desconfiture, & là se
prit à chanter, par mocquerie, le commencement du Decret qu'auoit propo-
sé Demosthenes, suiuant lequel la guerre auoit esté conclue à Athenes contre
luy, haulsant sa uoix, & puis la baissant à chascun pied, Demosthenes filz de De-
mosthenes Pæanien a mis en auant cecy: mais puis apres quand il se fut un peu
reuenue de son yuressse, & qu'il eut un peu pensé au danger ou il auoit esté, adonc K
luy dresserent les cheueux en la teste quand il uint à cōsiderer la force & uehe-
mence d'un tel orateur, qui l'auoit cōtraint de mettre en une petite partie d'un
iour son estat & sa propre uie au hazard d'une bataille. Si en fut sa renommee
si grande, qu'elle penetra iusques à la court du grand Roy de Perse, lequel escri-
uit à ses lieutenans & satrapes qu'ilz feissent des presens à Demosthenes, & es-
sayassent de l'entretenir & gagner plus que autre personne de la Grece comme
celuy qui pouoit mieulx distraire & diuertir Philippus, & l'embrouiller es tu-
multes

A multes & troubles de la Grece, ce qui depuis fut descouvert & auéré par lettres de Demosthenes mesme, que le roy Alexandre trouua en la uille de Sardis, & par autres papiers des Sarrapes & lieutenans du roy de Perse, esquelz estoit nommeement contenue la somme d'argent qu'ilz luy auoient enuoyce. Mais pour lors aians les Grecs esté desfaits en bataille, les autres orateurs qui tenoient le party contraire à Demosthenes au gouuernement des affaires, commencerent à luy courir sus, & à se preparer pour luy faire faire son proces: mais le peuple non seulement l'absolut de toutes les charges & imputations que l'on proposa contre luy, ains continua d'auantage à l'honorer tousiours comme deuât, & à l'appeller aux affaires comme personnage bien affectionné à l'honneur & au profit de la chose publique: tellement, que quand les os de ceulx qui estoient morts en ceste bataille de Cheronee furent apportez pour estre publiquement inhumez, suiuant la coustume, le peuple luy defera l'honneur de faire la haren-gue funebre à la louange des trespassez, sans monstrier d'auoir le cuer aucune-mét rabaisié ny failly pour perte qu'il eust faite, ainsi que Theopompus le tes-moigne, & le presche magnifiquement, ains plus tost au contraire, montrant de ne se repentir point d'auoir suiuy un tel conseil, en honorant celuy qui l'a-uoit donné. Demosthenes doncques feit alors luy mesme la haren-gue des fu-nerailles: mais depuis es decrets qu'il proposa au peuple, il n'y uoulut iamais soubcrire, pour euitier le sinistre presage & la malencontreuse fortune de son nom, ains les feit mettre en auant soubz les noms de ses amis les uns apres les autres, iusques à ce que quelque temps apres il reprit encore cuer quand il en-tendit la nouuelle de la mort de Philippus, lequel fut tué bien tost apres la ui-ctoire qu'il gaigna à Cheronee: & semble que c'estoit ce que predisoit la pro-phétie es deux derniers uers,

O u le uainqueur perdu demourera,

E t le uaincu sa perte plorera.

Aiant dōcques sceu ceste mort, auant que la nouuelle en fust diuulguee, il uol-lut preuenir à donner au peuple bonne esperance de l'aduenir: si s'en alla avec une chere guaye en l'assemblée du conseil, là ou il dit qu'il auoit eu en dormant un songe qui promettoit quelque grāde prosperité prochaine aux Atheniens, & incontinent apres arriuerent ceulx qui apportoiēt la nouuelle certaine de la mort de Philippus: dōt les Atheniens feirent aux Dieux sacrifices de ioye pour la bonne nouuelle, & en decernerent une courōne à Pausanias qui l'auoit tué. Demosthenes aussi sortit en public avec sa plus belle robe, aiant sur la teste un chapeau de fleurs, huit iours apres que sa fille luy estoit decedee, ainsi que luy reproche Æschines, le notant d'estre homme de peu d'affection & de peu de charité enuers ses propres enfans: là ou il estoit plus à reprendre & à blasmer luy mesme d'auoir le cuer si foible & si mol, que de penser qu'il faille porter & demener grand deuil de telles aduentures, & de croire que le plorer & lamēter soient signes d'une doulce & charitable nature, en condamnant ceulx qui por-tent patiemment & constamment relz accidents de la fortune. Mais quant aux Atheniens ie ne sçauoye penser ne dire qu'ilz feissent bien de monstrier ainsi tous signes de publique resiouissance, comme de porter couronnes de fleurs sur leurs testes, ny mesme de sacrifier aux Dieux pour la mort d'un prince qui se-stoit porté si humainement enuers eulx es uictoires qu'il auoit gaignees sur eulx: car oultre ce qu'il y a de la cruaulté subiette à estre uengée par les Dieux, encore est ce acte de bas & uil courage d'honorer un personnage uiuāt, & le fai-

Demosthenes.

re citoien de leur uille, & puis quand un autre l'a tué, en estre si surpris de ioye F
que de ne la pouuoir pas modereement porter, ains en saulter, par maniere de
dire, à deux pieds sur le mort, & en chanter des cantiques de uictoire, comme si
ce eussent esté eulx mesmes qui l'eussent uaillâment desfaict. Au contraire, ie
louë bien la constâce de Demosthenes, en ce que laissant aux femmes le plorer
& lamenter ses aduersitez domestiques, il feit ce pédant ce qu'il iugeoit appar-
tenir au bien de la chose publique, & estime que cela estoit fait en homme ma-
gnanime & digne de manier grâds affaires, de ne fleschir iamais, ains estre
toufiours droit & ferme pour le bien public, en remettant toutes ses aduétudes,
toutes ses affections & passions à celles de la chose publique, & retenant sa di-
gnité avec beaucoup plus grand soing, que ne font les ioueurs de comédies & G
de tragédies quand ilz iouent les rolles des roys & des princes, lesquelz nous
uoyons es theatres ne plorer ny ne rire pas à leur plaisir quand ilz ueulent, ains
quand la matiere de ce qu'ilz recitēt le requiert & le merite. Mais oultre ces rai-
sons là, s'il n'est pas raisonnable (comme il n'est) de laisser & abandonner l'af-
fligé en son affliction sans luy donner quelque reconfort, ains luy doit on re-
nir quelques propos seruans à addoucir sa douleur & luy destourner sa pensee
à considerer choses plus plaisantes: ne plus ne moins que lon doit diuertir
les yeux malades de regarder les couleurs trop haultes, trop brillantes, & trop
uiues, & leur en presenter de uertes & de plus sombres: d'ou pourroit on tirer
plus à propos meilleure consolation aux ennuys & malheurs domestiques, H
quād le public est aussi mal traitté, qu'en incorporāt les priuees aduersitez avec
les publiques, à fin que les plus grandes amortissent ou obscurcissent les plus pe-
tites? Mais à tant ce qui m'a fait entrer si auant en ce discours hors du fil de l'hi-
stoire, c'est que ie uoy que Æschines attédrit le cueur à plusieurs, & les amollit
de compassion feminine sans propos en cest endroit de son oraison. Au de-
mourant, les citez de la Grece estās derechef suscitées par Demosthenes, refei-
rēt une autre ligue ensemble: & les Thebains aians recourré des armes par son
entremise, se ruerent un iour sur la garnison des Macedoniens qui estoit dedās
leur uille, & en tuerent plusieurs. Les Atheniens se preparerent aussi pour sou-
stenir la guerre avec eulx, & estoit Demosthenes ordinairement à toutes les as- I
semblees de conseil en la tribune aux harengues à prescher le peuple, & escriuit
en Asie aux lieutenans & capitaines du roy de Perse pour allumer la guerre de
ce costé là contre Alexandre, en l'appellant un enfant, & le surnommant Mar-
gites, qui uault autant à dite comme sot. Mais apres que Alexandre aiant don-
né bon ordre aux affaires de dedans son royaume, s'en uint luy mesme en per-
sonne avec son armee au païs de la Bœoce: adōc se diminua grādement la fier-
té des Atheniēs, & ne prescha plus Demosthenes comme il auoit accoustumé.
Finablement les pauures Thebains abandonnez de tout le monde, furent con-
traints de soutenir tous seuls le faix de ceste guerre, dont leur uille fut entiere-
ment destruite, à raison dequoy les Atheniens se trouuās en grand trouble & K
merueilleux effroy, eleurent soudainemēt des ambassadeurs pour enuoyer de-
uers ce ieune roy, mesmemēt Demosthenes entre autres, lequel redoubtāt son
ire & sa fureur, n'ōza oncques aller iusques là, ains s'en retourna du mōt de Cy-
tharon & quitta l'ambassade: mais Alexādre enuoya sommer les Atheniēs de
luy mettre entre ses mains dix de leurs orateurs, ainsi cōme Idomeneus & Duris
escriuent, ou huiēt, ainsi que le met le plus grand nombre, & des plus nobles
historiens, qui furent Demosthenes, Polyeuctus, Ephialtes, Lycurgus, My-
rocles

A rocles, Damon, Callisthenes, & Charidemus: & fut lors, à ce que lon escrit, que Demosthenes cōpta au peuple d'Athenes la fable des brebis, & des loups qui demanderent une fois aux brebis que pour auoir paix avec eulx, elles leur liurassent entre leurs mains les mastins qui les gardoient: en comparant luy & ses compagnons trauaillans pour le bien du peuple, aux chiens qui gardent les troupeaux des moutons, & appellant Alexandre le loup. D'auantage, dit il, tout ainsi que uous uoyez que les marchands vont portans un peu de bled dedans une escuelle pour monstre, & par ce peu là uendent tout ce qu'ilz en ont: aussi serez uous tous esbahiz, qu'en nous liurant, uous uous rendrez uous mesmes entre les mains de uostre ennemy. Aristobulus de Cassandriel'a ainsi escript. Mais comme les Atheniens estoient apres à en deliberer ne sachans quelle resolution ilz deuoient prendre, Demades aiant pris cinq talents de ceulx qu'Alexandre demandoit, s'offrit & promēit d'aller en ambassadē deuers luy interceder pour eulx, fust ou pource qu'il se confiait en l'amitié que le Roy luy portoit, ou pource qu'il esperast qu'il le trouueroit appaisé, ne plus ne moins que un lion qui s'est saoulé du sang des bestes qu'il a tuées. Comment que ce soit, il persuada au peuple de l'y enuoyer, & feit en forte que Alexandre leur pardonna, & se reconcilia avec la uille d'Athenes: à l'occasion dequoy s'estât Alexandre retiré, Demades & ses semblables eurent la uogue, & Demosthenes se teint fort bas: uray est que quand Agis le roy de Lacedemone se meit aux champs, il se remua aussi un petit, & leua un peu la teste: mais il se referra bien tost, pource que les Atheniens ne se uoulurent point soubleuer avec les Lacedemoniens, qui furent desfaicts, & Agis tué en la bataille. Ce fut lors que lon plaida la cause de la Couronne contre Ctesiphon, en aiant bien esté le proces intenté un peu deuant la bataille de Charonce, estant Charondas preuost à Athenes: mais il ne fut iugé que dix ans apres en l'annee que Aristophon fut preuost. Ce fut un iugemēt publicque autant renommé qu'il en fut oncques, tant pour la renommee grande des orateurs qui y plaiderent à l'enuy l'un contre l'autre, que pour la magnanimité des iuges q̄ le iugerent, lesquelz n'abandonerent point Demosthenes à ses ennemis, encore qu'ilz fussent lors beaucoup plus puissans que luy, & qu'ilz eussent la faueur & la grace des Macedoniēs, ains l'absolurent si asseurement que Æschines n'eut pas seulement la sixieme partie des uoix & opinions en sa faueur, à raison dequoy tantost apres il s'en alla de hôte hors d'Athenes, & se retira au païs d'Ionie & à Rhodes, là ou il feit profession d'enseigner la rhetorique. Peu de temps apres Harpalus s'en estant fouy du seruite de Alexādre, se retira à Athenes, se sentant coupable de plusieurs mauuaises choses qu'il auoit faictes par sa desordonnee prodigalité, & aussi pource qu'il redoubtoit la fureur d'Alexandre, lequel estoit deuenu seuer & cruel enuers ses seruiteurs. S'estant doncques uenu ietter entre les bras du peuple Athenien avec son or, son argent & ses galeres, les autres orateurs haletans apres l'or & l'argent qu'il auoit apporté, cōmencerent incontinent à parler pour luy, & à conseiller au peuple de le receuoir & donner seureté à un pauvre suppliant qui estoit recouru à eulx en franchise: mais Demosthenes au contraire conseilla premierement de le chasser hors de la uille, & se garder bien d'entrer en guerre pour une cause qui non seulement n'estoit point necessaire, ains estoit d'auantage iniuste. Mais quelques iours apres comme lon faisoit inuētaire de ses biēs, Harpalus uoiant qu'il prenoit plaisir à regarder une coupe du Roy, & alloit considerāt fort curieusēment le tour, la façon, & l'ouurage qu'il y auoit dessus, il

Demosthenes.

* Douze mille
escus.

la luy feit souspeser à luy mesme, pour luy faire estimer combié elle pesoit. Demosthenes l'ayant souspesee s'esmerueillâ du poids qui estoit grâd, & demanda combien de poids elle emportoit: & Harpalus en se riant luy respôdit, elle t'emportera * uingt talents: & si tost que la nuit fut uenue luy enuoya la coupe avec les uingt talents: car cest Harpalus estoit homme aduisé, qui cogneut bien incontinent au uisage de Demosthenes, qu'il aimoit l'argent, & sceut bié promptement iuger son naturel à luy ueoir la chere esiouye, & les yeux fichez à considerer de pres ce uase: aussi ne resista il point, ains estât abbattu par ce present, ne plus ne moins que s'il eust receu garnison en son logis, se renga tout aussi tost du costé de Harpalus. Et le lendemain au matin s'en alla en l'assemblée du peuple, ayant le col tout enucloppé de laine & de bendes: & comme on l'appellast par son nom à la tribune aux harengues, pour parler comme il auoit fait les iours passez, il feit signe de la teste, qu'il auoit la uoix empeschée, & qu'il ne pouuoit parler: mais les gens de bon entendement se mocquans de celle siene feinte, disoient que ce n'estoit pas une esquinance qui luy auoit estouppé la nuit le conduit de la uoix, comme il uouloit faire à croire, mais que c'estoit l'argent qu'il auoit receu de Harpalus: & depuis le peuple ayant entendu qu'il festoit laissé corrompre, ainsi comme il s'en cuyda iustifier, iamais ne le uolut ouir, & ne feit que crier & tempester, iusques à ce qu'il se leua quelqu'un de gentil esprit qui dit tout hault, Comment, Seigneurs, refusez uous à ouir un personnage qui a le langage si bien doré? Le peuple adonc chassa sur l'heure mesme Harpalus, & craignant que le Roy Alexandre ne leur demandast compte de l'or & de l'argent que les orateurs auoient derobbé & butiné entre eulx, en feirent une tres seure inquisition, & alla lon fouiller & chercher par toutes leurs maisons, exceptee celle de Calicles filz de Arrenidas, en la maison duquel ilz ne uoulurent pas que lon alast rien remuer, pource qu'il estoit nouuellement marié, & auoit sa nouvelle espouse en sa maison, ainsi que l'escrit Theopompus. Et Demosthenes uoulant monstrier qu'il ne s'en sentoit point coupable, meit en auant un decret, que la court d'Arcopage prist la cognoissance de ce faict, & qu'elle punist ceulx qui auroient mespris en cest endroit, & de faict se presenta en iugement: mais il fut l'un des premiers que la court en condamna en l'amende de * cinquante talents, & à faulte de payement fut pris au corps & constitué prisonnier, là ou il ne peut pas longuement soustenir la prison rât pour l'infamie de la cause, pour laquelle il auoit esté condamné, comme aussi pour la debilité de sa personne: si s'enfouit moitié sans le sceu de ceulx qui l'auoient en garde, & moitié de leur consentement, car ilz luy donnerent moien de pouuoir eschapper: & dit on qu'il ne fouit pas loing de la uille, là ou il fut aduertty que quelques uns de ses aduersaires le suyuoient, & se uolut cacher de peur qu'ilz ne le trouuassent: mais eulx mesmes l'appellerent les premiers par son nom, & s'approchans de luy le prierent de prendre argent d'eulx, qu'ilz luy auoient apporté de leurs maisons pour s'entretenir en son exil, & que c'estoit la cause pour laquelle ilz estoient courus apres luy, en le reconfortant au reste & l'admonestant qu'il eust bon courage, & qu'il ne se desesperast point pour fortune qui luy fust aduenue. Cela luy attendrit encore le cuer d'auantage de douleur, tellement qu'il leur respondit, Comment ne uoulez uous que ie porte impatiemment ce malheur qui me contrainct d'abandonner une uille, en laquelle ie i'ay de si courtois ennemis, qu'il seroit mal aisé de trouuer ailleurs d'aussi bôs amis? Ainsi porta il son exil fort laschement, se tenant la plus part du temps en

* Trente mille
escus.

A la uille d'Ægine, ou en celle de Trœzene, là ou souuent il tournoit sa uenë uers le pais d'Attique en plorant, & a lon recueilly par memoire aucuns mots & propos qu'il y dit, lesquelz ne sont pas d'homme constant, & qui ne respondér pas à la magnificence des belles choses qu'il souloit dire en ses harengues: car on dit qu'en sortant hors d'Athenes, il se retourna, & qu'estendant ses mains uers le chasteau, il dit, ô Dame Minerue patronne de ceste cité, pourquoy prés-tu plaisir à trois si mauuâises bestes, au hibou, au dragon, & au peuple? & alloit preschant les ieunes hommes qui le uisitoient, ou qui se tenoient avec luy, que iamais ilz ne s'empeschassent du gouuernement de la chose publique, leur as-seurant que si du commencement on luy eust proposé deux chemins, l'un pour aller en l'assemblée du peuple, & monter en la tribune aux harengues, & l'autre pour aller à la mort certaine, & il eust aussi bien cogneu comme il faisoit lors les maulx que lon est contrainct d'endurer en s'entremettât des affaires d'estat, les craintes, les enuies, les calumnies, les peines & trauaux qui l'y a, il eust plus tost choisy celuy qui conduisoit à la mort. Mais luy estant encore en cest exil, le roy Alexandre uint à mourir, & la Grece à se soubleuer derechef, tellement que Leosthenes se portant en homme de ualeur, auoit enfermé Antipater de-dans la uille de Lamia, là ou il le tenoit assiegé bien à destroit. Et lors Pytheas & Callimedon surnommé Carabos, deux orateurs tous deux bannits aussi d'Athenes, se rengèrent du costé d'Antipater, & allans de uille en uille avec ses am-bassadeurs & ses amis, preschoient les Grecs de ne se remuer point, & ne uou-loir adhérer aux Atheniens: mais Demosthenes au contraire se iignant aux ambassadeurs, que l'enuoyoit d'Athenes ça & là pour solliciter les uilles Grec-ques de uouloir entendre au recouremēt de liberté, les secundoit & aidait de tout ce qu'il pouuoit à solliciter les Grecs de uouloir prendre les armes avec les Atheniens, pour chasser les Macedoniens hors de la Grece: & escrit Phylar-chus, qu'en quelque uille de l'Arcadie il s'attacha mesme de paroles à Pytheas en pleine assemblée du peuple, pource que Pytheas aiant parlé le premier, auoit dit, Ne plus ne moins que nous presumons tousiours qu'il y ait quelque mal en la maison ou nous uoions porter du lait à uendre, aussi est il force que la uille en laquelle entre une ambassade d'Athenes s'en treuve mal. Et Demosthe-nes luy respondant, retourna contre luy sa comparaison, en disant, que lon portoit uoirement du lait à uendre, ou il fait besoing, pour aider à recouurer santé, aussi les ambassadeurs d'Athenes estoient enuoyez pour le salut & la gua-rison de ceulx qui estoient malades. Dequoy le peuple d'Athenes l'ayant entē-du, fut si aise, qu'il ordōna sur le champ qu'il fust rappelé de son exil. Celuy qui proposa le decret de son rappel, fut un nommé Dæmon Pæanien, qui estoit son nepueu, & luy fut enuoyee une galere pour le rapporter de la uille d'Ægine à Athenes: là ou, arriué qu'il fut au port de Pirée, il n'y eut ny magistrat, ny pres-tre, ne presque citoien quelconque, qui demourast en la uille, & qui n'allast au deuant de luy pour le recueillir: de sorte que Demetrius le Magnésien escrit que leuant alors les mains deuers le ciel il dit, qu'il se reputoit bien heureux pour l'honneur de celle iournee, en laquelle il retournoit de son exil plus ho-norablement & plus glorieusement, que n'auoit fait Alcibiades du sien, pour-ce que Alcibiades auoit esté rappelé par force, & luy l'estoit du bon gré de ses citoiens: toutefois il demouroit tousiours condamné à l'amende, car selon les ordonnances le peuple ne la luy pouuoit pas remettre, ny luy en faire grace: mais ilz s'aduiserent de faire fraude à la loy: car aians accoustumé de fournir &

Demosthenes.

payer quelque argent à ceulx qui prenoient à preparer & orner l'autel de Jupiter Sauueur, pour le iour du solennel sacrifice que lon luy faisoit publiquement tous les ans, ilz luy donnerent la charge de ce faire pour le pris de cinquante talents, qui estoit la somme en laquelle il auoit esté condemné, toutefois il ne iouyt pas loguement de l'heur d'auoir esté restitué en sa maison & en ses biens: car les affaires des Grecs furent tâtost apres ruinez de tout poinct, par ce que la bataille de Cranon qu'ilz perdirent, fut au mois de Iuillet: le mois d'Aoust ensuiuant entra la garnison des Macedoniens dedâs la forteresse de Munychia: & le mois d'Octobre prochain d'apres, Demosthenes mourut en ceste maniere. Quâd la nouuelle uint q' Antipater & Crater^o uenoient en armes à Athenes, Demosthenes & ses adherés en fortirēt un peu deuant qu'ilz y entrassent, les aiant le peuple condemnez à mourir à la suscitation de Demades: & s'estans escartez les uns deça, les autres dela, Antipater enuoya des gés de guerre apres pour les prendre, desquelz estoit capitaine un Archias qui fut surnommé Phygadotherras, qui uault autant à dire comme, poursuivant les bannits. Lon dit que cestuy Archias estoit natif de la uille de Thuries, & qu'il auoit autrefois esté ioueur de Tragédies: & mesme que Polus natif d'Ægine, le plus excellent ouurier de c'est art qui fut iamais, auoit esté son disciple, combien que Hermippus le mette au nombre des disciples de l'orateur Lacritus: & Demetrius escrit qu'il auoit esté à l'eschole de Anaximenés. Cest Archias doncques aiant trouué en la uille d'Ægine l'orateur Hyperides, Aristonicus Marathonien, & Himereus frere de Demetrius le Phalerien, qui festoient iettez en franchise dedans le temple d'Aiax, il les en tira par force & les enuoya à Antipater, qui pour lors se trouuoit en la uille de Cleones, là ou il les feit tous mourir: & dit on qu'il feit couper la langue à Hyperides. Et entendant que Demosthenes festoit aussi ietté en franchise dedans le temple de Neptune en l'isle de Calauria, il sy en alla dedans desquifz avec quelque nombre de foudards Thrâciens, & là rascha premierement à luy persuader qu'il s'en allast uoluntairement avec luy deuers Antipater, luy promettant qu'il n'auroit aucun mal. Mais Demosthenes la nuit de deuant auoit eu un songe estrange en dormant: car il luy fut aduis qu'il auoit ioué une tragœdie à l'enuy de cest Archias, & qu'il luy succedoit si biē que toute l'assistance du theatre estoit pour luy, & luy donnoit l'honneur de mieulx iouer, mais qu'au reste il n'estoit pas si bien en poinct, ne luy, ne ses ioueurs, comme ceulx d'Archias, & qu'en tout appareil il estoit uaincu & surmonté par luy: pourtant le matin quand Archias alla parler à luy, en luy usant de gracieuses paroles pour le cuider induire à sortir uoluntairement du temple, Demosthenes le regardât entre deux yeux sans bouger du lieu ou il estoit assis, luy dit, ô Archias, tu ne me persuadas iamais en iouant, ny ne me persuaderas encore ia en promettant. Archias adonc cōmencea à se cholerer & à le menasser en courroux: & Demosthenes luy repliqua lors, A ceste heure as tu parlé à bon esciant & sans feintise, ainsi que l'oracle de Macedoine t'a commandé, car nagueres tu parlois en masque au plus loing de ta pensee: mais ie te prie attends un petit, iusques à ce que i'aye escrit quelque chose à ceulx de ma maison. Ces paroles dites, il se retira au dedans du temple, cōme pour escrire quelques lettres, & meit en sa bouche le bout de la canne dont il escriuoit, & le mordit, comme il estoit assez coustumier de faire quand il pensoit à escrire quelque chose, & teint le bout de ceste canne quelque temps dedans sa bouche, puis s'affubla la testē avec sa robbe, & là coucha. Ce que uoiant les satellites d'Archias

A chias qui estoient à la porte du tēple s'en mocquerent, cuidans que ce fust pour crainte de mourir qu'il feist ces mines là, en l'appellant lasche & couard. Et Archias s'approchant de luy, l'admonesta de se leuer, & recommencea à luy dire les mesmes paroles qu'il luy auoit dittes au parauant, luy promettāt qu'il moieroit sa paix avec Antipater. Adonē Demosthenes sentāt que le poison auoit desia pris & gaigné sur luy, se desaffubla, & regardant Archias fermement au uisage, luy dit, Or iouē maintenāt quand tu uouldras le rolle de Creon, & fais ietter ce mien corps aux chiens, sans permettre qu'on luy dōne sepulture. Quāt à moy, ô Sire Neptune, ie fors de ton temple estant encore uif, pour ne le phaner de ma mort : mais Antipater & les Macedoniēs n'ont pas espargné ton sanuaire, qu'il ne l'ayent polu de meurtre. Aiant proferé ces paroles, il dit que lon le sousteint par dessoubz les aixelles, pource qu'il commenceoit desia fort à trembler sur ses pieds, & en cuidant marcher, ainsi qu'il passoit au long de l'autel de Neptune il tumba en terre, là ou en iettant un soupir il rēdit l'esprit. Or quant au poison, Ariston dit qu'il le succea, & le tira ainsi comme nous auons dit du bout de sa canne. Mais un autre, Pappus, duquel Hermippus a recueilly l'histoire, escrit, que quand il fut ainsi tumbé tout contre l'autel, on luy trouua le cōmencemēt d'une missiue, ou il y auoit, Demosthenes à Antipater, & non autre chose. Et aiant esté sa mort ainsi merueilleusemēt soudaine, les soudards Thraciēs qui estoient à la porte du temple rapporterent, qu'ilz luy auoient ueu tirer de dedans un petit drapeau le poison qu'il auoit mis en sa bouche, & cuiderent eulx sur l'heure, que ce fust de l'or qu'il eust aualé : mais une chambriere qui le seruoit estant interrogee là dessus par Archias, luy dit, qu'il y auoit long temps qu'il porroit cela enueloppé dedās un petit linge, comme un preseruatif. Et Eratosthenes escrit qu'il gardoit ce poison dedans un petit tuyau d'or creux par le dedans, qu'il porroit comme un bracelet alentour du bras. Il y a beaucoup d'historiens qui racomptent sa mort en diuerses autres manieres, qu'il n'est ia besoing de reciter toutes, sinon qu'il y en a un nommé Demochares, qui estoit familier amy de Demosthenes, qui dit, que ce ne fut point poison qui l'esteignit ainsi soudainement, & que ce fut une speciale grace des Dieux, qui le uoulurent preseruer de la cruaulté des Macedoniens, & qui l'osterent ainsi soudainement de ceste uie, sans luy faire sentir grande passion ny griefue douleur. Il deceda le seizieme iour du mois d'Octobre, auquel iour se celebre à Athenes la feste de Ceres, qui s'appelle Thesmophoria, qui est la plus austere & la plus triste solennité de toute l'annee, en laquelle les femmes demeurent tout le long du iour dedans le temple de la Deesse sans manger & sans boire. Peu de temps apres le peuple Athenien luy rendant l'hōneur qu'il auoit meritē, luy feit fonder une image de cuyure, & ordonna que le plus ancien de sa race seroit à perpetuité tousiours nourry dedās le palais au despēs de la chose publique : & furent ces uers engrauez sur la base de ladicte image,

E
 Demosthenes, si autant de puissance
 Tu eusses eu comme d'entendement,
 La Macedoine avec escu & lance,
 N'eust sur les Grecs onc eu commandement.

Car ceulx qui tienēt que ce fut Demosthenes mesme qui les feit en l'isle de Calauria deuant que prendre le poison, s'abusent grandement. Mais un peu auāt que ie fusse la premiere fois à Athenes, on dit qu'il y aduint une telle chose. Vn soudard estant adiourné pour comparoir en personne deuant son capitaine,

Demosthenes.

meit quelques pieces d'or, qu'il auoit, es mains de celle statue, pource qu'elle-
uoit les doigts des deux mains entrelassez les uns dedans les autres, & estoit
creu tout ioignant un grand Platané, duquel plusieurs fucilles, soit ou que
le uent par cas d'adventure les eust abbatues, ou que le soudard mesme les y eust
expressement mises, couurirét cest or, tellement qu'il y fut bié long temps sans
estre apperceu de personne, iusques à ce q̄ le soudard le retrouua tout ainsi qu'il
l'y auoit mis. Si en fut incontinent le bruit espandu par tout, & y eut plusieurs
hommes de bon entendement qui prirent ce subiect pour en faire des epigrá-
mes à la louange de Demosthenes, comme n'ayant en sa uie point esté corrom-
pable. Au demourát, Demades ne iouit pas longuement de la gloire qu'il eui-
doit bien auoir de nouveau acquise: car la iustice diuine, uengeresse de la mort
de Demosthenes le conduisit en Macedoine pour y estre puny de mort iuste-
ment par ceulx qu'il flattoit deshonestement, combien que des au parauant il
leur fust desia ennuyeux: mais depuis il tūba encore en une faulte, dont il n'eust
sceu se sauuer: car il fut surpris des lettres, par lesquelles il aduertissoit & prioit
Perdiccas de tascher à s'emparer de la Macedoine, & deliurer la Grece de serui-
tude, disant qu'elle n'estoit liee & attachee que d'un petit filet tout pourry, en-
tendant le uieil Antipater par ce filet. Dinarchus Corinthien l'accusa d'auoir
escrit ces lettres, dont Cassander fut si aigrement courroucé, qu'il luy tua son
propre filz entre ses bras, & commanda que lon le tuast apres luy mesme, luy
faisant sentir par telles calamitez, qui sont les plus griesues qui pourroient ad-
uenir à homme, que les traistres qui uendent leur país se uendent eulx mesmes
les premiers: ce que Demosthenes luy ayant souuent predict, iamais il ne l'a-
uoit uoulu croire. Voila, amy Sosius, ce que nous auons leu ou bien ouy dire,
touchant les faiéts & la uie de Demosthenes.

Cicero.



QVANT à la mere de Cicero, on dit qu'elle estoit riche,
& qu'elle uescut tousiours honorablemēt: mais quant
à son pere, on en parle bien diuersement & sans moié,
pource que les uns disent qu'il nasquit & fut nourry
en l'ouurouer d'un foulon: les autres le font descen-
dre de Tullius Appius, qui en son temps fut honoré
comme roy entre les Volsques: bien me semble il que
le premier de celle race, qui fut surnommé Cicerō, fut
quelque personnage notable, & que pour l'amour de
luy, ses descendans ne reietterent point ce surnom, ains furent bien aises de le
retenir, encore que plusieurs s'en mocquassent, pource que Ciceren langage
Latin signifie un poy chiche, & celuy là auoit au bout du nez, comme un poi-
reau, ou une uerrue, qui sembloit proprement un poy chiche, dont il fut pour
cela surnommé Ciceron. Mais cestuy duquel nous escriuons presentement re-
spondit bien un iour gaillardement à quelques siens amis, qui luy conseilloyēt
de laisser & changer ce nom là au premier magistrat qu'il demanda, & qu'il cō-
mencea à s'entremettre du gouuernement de la chose publique: car il leur dit
qu'il mettroit peine de rendre le nom des Cicerons plus clair & mieulx luyfant
que ceulx des Scaures ny des Catules, & depuis estant Questeur, c'est à dire, su-
perintendant

A perintédant des finâces en la Sicile, il dōna une offrande de quelque uase d'argent aux Dieux, sur lequel il feit engrauer tout du long ses deux premiers noms, Marcus Tullius, & au lieu du troisieme commanda, par ieu, à l'ouurier qu'il y entaillast la forme d'un poy chiche. Voila ce que lon treuve par escript quāt à son nom. Au demourant, on dit que sa mere l'enfanta sans peine ne douleur quelconque, enuiron le uingt & huitieme iour de Decembre, qui est le troisieme iour auant les neufues Calendes, c'est à dire du premier iour de l'an: auquel iour les officiers & magistrats de Rome ont maintenant accoustumé de faire tous les ans solēnelles prieres & sacrifices pour la santé & prosperité de l'Empereur: & dit on plus, qu'il apparut un esprit à sa nourrice, lequel luy predict qu'elle nourrissoit un enfant qui feroit un iour cause d'un grand bien à tous les Romains, & combien que telles choses semblent à plusieurs estre songes & refueries, si est-ce que luy mesme bien tost apres monstra que c'estoit prophetie ueritable incontīnēt qu'il fut paruenue en l'age d'apprendre, tant il acquit de bruit & de renom entre les enfans, pour la uiuacité de son bon entendement: de manière que les peres des autres enfans uenoient eulx mesmes aux escholes pour le uoir au uisage, & pour sçauoir plus asseurement s'il estoit uray qu'il eust l'esprit si agu & si uif à apprendre, comme lon disoit: mais quelques uns qui estoient plus rustiques, s'en courrouceoient, & tensoient leurs enfans de ce, qu'en allant parmy les rues ilz mettoient tousiours Ciceron au milieu d'eulx par honneur. Or auoit il l'entendement & la nature toute telle cōme Platon la demande pour estre propre aux lettres, & idoine à l'estude de la philosophie: car il embrassoit toute sorte de sçauoir, & n'y auoit art ny science quelconque liberale qu'il dedaignast: mais neantmoins si estoit il en ses premiers ans plus enclin à l'estude de la poësie qu'à nulle autre, & treuve lon iusques au iourd'huy un petit poëme qu'il escriuit estant encore enfant, qui se nomme Pontius Glaucus, en uers iambiques de huit pieds, & depuis festant addōné plus chaul demēt à cest estude, il fut tenu nō seulement pour le meilleur orateur, mais aussi pour le meilleur poëte des Romains de son temps, toutefois la gloire de l'eloquēce, & l'honneur de bien dire luy est tousiours demouré iusques icy, encore qu'il y ait eu depuis grande mutation en la langue Latine: mais sa poësie a perdu tout bruit & toute reputation, pource qu'il y en a eu depuis d'autres beaucoup plus excellents que luy. Sorry qu'il fut de l'estude des premieres & pueriles lettres, il fut auditeur de Philon philosophe Academique, celui de tous les disciples de Clitomachus, que les Romains estimerent pour son eloquence, & aimerent le plus pour ses meurs & ses façons de faire. Il hanta aussi alentour de Mutius Scœuola, qui pour lors estoit hōme d'affaires, & la premiere personne du Senat, duquel il apprenoit le droit & l'intelligēce des loix, & si suyuit encore les armes quelques tēps soubz Sylla en la guerre Marisque: mais uoiant que les affaires estoient tūbees en seditiōs & guerres ciuiles, & de guerres ciuiles en Monarchie, il se remeit à l'estude & à la uie contēplatiue, hantāt les hōmes Grecs sçauans, & estudia tousiours aux sciences iusques à ce que Sylla fut demouré uainqueur, & que les troubles de la chose publique cōmencerent à se rasscoir. Mais enuiron ce tēps là aiant Sylla fait mettre en cryee & subhastation les biēs d'un q̄ lon disoit auoir esté occis, pource qu'il estoit du nombre des proscripts, c'est à dire, bannits par affiches, Chrysogonus un des serfs affranchis de Sylla, fauorisé de son maistre, les achepra pour la somme de * deux mille drachmes: de quoy le filz & heritier legitime du deffunct, appellé Roscius, estant fort desplaisant, monstra

*Cent cinquante mille escus.

que c'estoit un manifeste abus, pource que le bien de son pere montoit iusques à la somme de * deux cents cinquante taléts. Sylla se sentit picqué de cela, se voyant cōvaincu d'auoir fait ceste fraude au public pour gratifier à un sien ualet, si feist mettre sus à cestuy Roscius par la subornation de ce Chryfogonus, que c'estoit luy mesme qui auoit tué son propre pere. Il n'y auoit orateur qui s'ozast presenter pour defédre ce pauvre Roscius, ains s'en tiroit chascū arriere, pource qu'ilz craignoient l'austerité & la cruaulté de Sylla. Parquoy le pauvre ieune homme Roscius se voyant destitué de tous autres, fut contrainct de recourir à Cicéron, auquel ses amis conseillerent qu'il entreprist hardiment ceste defence, pource qu'il ne recouurerait iamais une si belle occasion ne si honorable commencement de se mettre en reputation, que celuy là: si se resolut de prendre en main ceste cause, & la plaida si bien qu'il obtint tout ce qu'il uoulut, dont il fut merueilleusement estimé: mais redoubtant l'indignation de Sylla, il s'absenta de Rome, & s'en alla en la Grece, faisant courir le bruit q'c'estoit pour se faire pēser de quelque indisposition qu'il sentoit en sa personne: car, à la uerité, il estoit aussi fort maigre & fort descharné, & mangeoit bien peu, & encore sur le tard, pour l'imbecillité & la foiblesse grande de son estomac: toutefois il auoit la uoix bonne & forte, mais elle estoit un peu rude, & non encore bien formée: & pour la uehemençe & l'affection de son parler montoit tousiours, & esclattoit iusques aux plus haults tons, de maniere qu'il y auoit danger que un iour cela ne luy apportast quelque notable accident en sa personne. Arriué qu'il fut à Athenes, il ouit Antiochus natif de la uille d'Ascalone, prenant plaisir à la douceur coulante & à la bōne grace de son langage, encore qu'il n'approuuast pas les nouuelletez qu'il auoit introduictes en la philosophie: car Antiochus auoit ia abandonné les opinions de la secte de philosophie, que l'on appelloit la nouvelle Academie, & auoit laissé la ligue de Carneades, soit ou pource que l'euidence manifeste des choses, & la certaineté des sens le feist fleschir & chāger d'opinion, ou, cōme aucuns ueulēt dire, pource q'par ialouzie & enuie de cōtre-dire aux escholiers & adherēts de Clitomachus & de Philo, il eust reproué les resolutiōs des Academiques qu'il auoit lōg tēps defendues pour adherer à celles des Stoiques en la plus part. Mais Cicero aimoit plus les Academiques, & y estudioit plus qu'aux autres, faisant son cōpte, q's'il se ueoit de tout point forclos & priué du maniement des affaires, il s'en iroit uiure à Athenes loing de toute plaiderie, & de toute administratiō de la chose publiq, pour user ses iours au repos de l'estude de la philosophie: mais quand la nouvelle luy fut uenue, q'Sylla estoit mort, qu'il ueit que son corps estāt renforcé par exercices, s'en alloit estre d'assez bōne & forte cōplexiō, & que sa uoix se façonnāt tous les iours de plus en plus uenoit à emplir l'oreille d'un son doux & gracieux, & si estoit assez forte pour la proportion de la puissance de son corps, avec ce qu'il receuoit tous les iours lettres de ses parēts & amis qui luy escrinoient de Rome, & le prioient qu'il s'en retournast au païs, & que Antiochus, aussi d'autre costé l'admonestoit fort de se mettre à l'action & au maniement des affaires, il se remeit derechef à estudier en rhetorique, & à cultiuer son eloquence cōme un util necessaire à qui se ueult entremettre du gōuernemēt de la chose publique, en s'exercitant continuellement à faire des harēgues sur arguments supposez, & s'approchant des orateurs & maistres d'eloquence qui pour lors estoient les plus renommez: car pour cest effect, il s'en alla en Asie & à Rhodes, & hanta des orateurs Asiatiques avec Xenocles Adramettin, & Dionysius Magnesie, & estudia aussi avec Menippus

- A Carien, & à Rhodes il ouyt Apollonius Molon, & le philosophe Posidonius: & dit on que Apollonius n'entendant pas la lague Romaine, le pria qu'il uou-
lust par maniere d'exercice declamer en Grec deuant luy: ce que Ciceron feit
fort uoluntiers, estimant qu'en ce faisant il en corrigeroit miculx les faultes
qu'il pouuoit auoir en son geste & en son action. Quand il eut acheué de haré-
guer, tous les autres assistans se trouuerent fort esbahis, & le louerét tous à l'en-
uy l'un de l'autre: mais Apollonius pédant qu'il parla, ne môstra oncques sem-
blant de ioyeuse chere, & quand il eut acheué, demoura longuement assis tout
pensif sans mot dire. Dequoy Ciceron estant mal content, Apollonius à la fin
luy dit: Quant à moy, Ciceron, non seulement ie te louë, ains, qui plus est, ie
- B t'admire aussi: mais bien ay-ie compassion de la pauure Grece, uoiât que le sça-
- uoir & l'eloquence, les deux seuls biens & honneurs qui nous estoient demou-
- rez, sont par toy conquis sur nous & attribuez aux Romains. Ainsy estant Cice-
ron en uolunté & en train de s'en aller guayement, & avec bonne esperance
ieter au gouuernement de la chose publique, il en fut un peu refroidy par un
oracle qui luy fut respondu. Car aiant enquis le Dieu Apollo Delphique, com-
ment & en quelle sorte il pourroit acquerir tresgrande renommee, & se rendre
fort illustre, la prophetisse Pythie luy respondit, qu'il le feroit moienant qu'il
suyuist pour la guide de sa uie plus tost sa nature que l'opinion populaire: au
moien dequoy, quād il fut à Rome du cōmencement il se gouuernoit assez re-
serueement, & s'approchoit mal uoluntiers des magistrats, encore quand il y
- C alloit n'en faisoit on pas grand compte: car on l'appelloit communement le
Grec & l'escholier, qui sont deux parolles q̃ les artisans, & telle maniere de gēs
mechaniques à Rome, ont assez accoustumé d'auoir en la bouche. Mais estant
de sa nature desireux d'honneur, & poulsé par les enhortemens de son pere &
de ses amis, il se meit à la fin à aduocasser, là ou il ne paruint pas au premier lieu
petit à petit & par le menu, ains tout aussi tost qu'il s'y fut mis, reluy fit en estime
de bien dire par dessus tous les autres orateurs qui se mesloient de plaider en ce
temps là, & les laissa tous derriere luy. Si dit on neārmoins qu'ayant eu au com-
mencement les mesmes defaultes de nature, quāt au geste & à la pronunciation
- D qu'auoit eu Demosthenes, pour les emēder, il estudia soigneusement à imiter
Roscius, qui estoit excellent ioueur de comœdies, & Æsopus ioueur de tragœ-
dies, duquel Æsopus on escrit, que iouant un iour en plein theatre le rolle
d'Atreus, qui delibere en soy mesme comment il se pourra uenger de son frere
Thyestes, il y eut d'aduenture quelqu'un des seruiteurs qui uolut soudain pas-
ser en courant par deuant luy, & que luy estant hors de soy mesme pour l'affec-
tion uehement, & pour l'ardeur qu'il auoit de bien représenter au uif la fu-
rieuse passion de ce roy, luy dōna sur la teste un tel coup du sceptre qu'il tenoit
en la main, qu'il le rua mort sur la place: aussi ne donnoit pas la grace de la pro-
nunciation peu de force de persuader aux paroles de Ciceron, lequel se moc-
- E quant des orateurs qui en haranguant crioient à pleine teste, souloit dire qu'ilz
faisoient comme les boitieux, lesquelz montent à cheual, pource qu'ilz ne
- peuuent aller à pied: aussi eulx (ce disoit il) crient, pource qu'ilz ne sça-
- nent pas parler. Or quant à ceste ioyeuserie de se mocquer, & rencontrer ainsi
plaisammēt, c'est bien chose seante à qui se ueult meller de plaiderie, & qui part
de bon esprit, mais par en user trop souuent & à tout propos, il faschoit beau-
coup de gens, & se faisoit estimer homme picquant & maling. Il fut élu Que-
steur en temps de cherté, qu'il y auoit faulte de bledz à Rome, & luy aduint la

Sicile pour sa prouince, là ou du commencement il fut mal uoulü des Siciliés, à cause qu'il les contraignit d'enuoyer du bled à Rome: mais depuis quand ilz eurent un peu essayé sa diligence, sa iustice, & sa clemence, ilz l'honorèrent & aimerent autant ou plus que gouuerneur qu'ilz eussent onc eu de Rome. Or y auoit il plusieurs ieunes hommes Romains de bonnes & nobles maisons, qui estans accusez d'auoir laschement fait faulte à leur hōneur & deuoir contre les ordonnances de la guerre, auoient esté renuoyez par deuant le Præteur de la Sicile: Ciceron parla pour eulx & les defendit ouuertement, de sorte qu'ilz furent absouls: au moien dequoy se promettant beaucoup de soy, quand son temps fut acheué, il s'en retourna à Rome, & luy aduint par le chemin une chose digne de rīsee: car en passant par le pais de la Champagne, autrement ditte Terre de labour, il rencontra d'adventure l'un des principaux Romains, qui estoit de ses amis, auquel il demanda quel compte lon faisoit de luy à Rome, & quelle opinion on auoit de ses faicts, pensant bien auoir emply toute la uille de la gloire de son nom & de ses gestes: l'autre luy demanda, Et ou estois tu ce pendant que nous ne t'auons point ueu, Cicerō? Cela le descouragea fort sur l'heure, quand il ueit que le bruit de son nom entrant en la uille de Rome comme en une mer infinie, s'estoit ainsi euanouy, sans qu'il en fust mētion notable: mais depuis quand il uint à considerer en luy mesme avec discours de raison, qu'il se traualloit pour acquerir une chose infinie, ou il n'y auoit but ne terme quelcōque prefix, auquel l'hōme peust aduenir, cela luy retrēcha beaucoup de l'ambition qu'il auoit mise en sa teste. Toutefois l'estre extrememēt ioyeux de se sentir louer, & l'estre passionné du desir de gloire luy demoura tousiours tant qu'il uescut iusques à la fin, & le feit plusieurs fois deuoyer du droit chemin de la raison: mais quand il commença de s'entremettre à bon esciant des affaires de la chose publique, il luy sembla mal seant que les artisans mechaniques eussent plusieurs instruments & utilz sans ames, desquelz ilz sçauent tous les noms, les lieux ou ilz les doiuent prendre, & l'usage auquel ilz seruent, & qu'un homme d'estat qui fait ses actions avec l'aide & le seruice des hommes, fust negligēt & paresseux d'apprendre & retenir les noms de ses citoiens: à l'occasion dequoy il s'accoustuma à sçauoir non seulement les noms des hommes de quelque qualité, mais aussi les quartiers de la uille ou ilz demouroient, les beaux lieux qu'ilz auoiēt aux champs, les amis avec lesquelz ilz hantoiēt, & les uoīsins qu'ilz frequentoient: de maniere qu'en allant par l'Italie en quelque endroit que ce fust, Ciceron pouuoit monstrier & nommer les possessions & maisons de ses amis. Il n'auoit pas beaucoup de biens, & si en auoit assez pour fournir à sa despence, dont on s'esbahissoit, & l'estimoit on grandement de ce qu'il ne receuoit salaire ny present quelconque, pour cause qu'il plaïdast, mesmement lors qu'il entreprit de plaider la cause contre Verres. Cestuy Verres auoit esté Præteur & gouuerneur de la Sicile, là ou il auoit commis plusieurs meschācetez, pour lesquelles les Siciliens l'auoient appellé en iustice, & Ciceron aiant pris en main la cause pour eulx, le feit condamner, non en plaïdant, mais, par maniere de dire, en non plaïdant, pour autant que les Præteurs qui estoient comme les presidents es iugemēs, uouloient gratifier à Verres, & auoiēt tant donné de remises & de delais, qu'ilz auoient reietté la cause iusques au dernier iour plaïdable. Parquoy Ciceron uoiant que le iour ne suffiroit pas à prononcer tout ce qu'il auoit à dire cōtre luy, & q̄ par ce moien le proces ne seroit point voidé ne la cause iugee, il se leua en pieds, & dit qu'il n'estoit point autrement besoing de haranguer,

A rengues, ains produisit seulement ses tesmoins aux iuges : & les aiant fait interroguer, leur requit qu'ilz iugeassent sur les depositions des tesmoins qu'ilz auoient ouys. Tourefois on compte encore plusieurs plaisantes rencôtres qu'il dit en ceste cause là. Les Romains appellét un pourceau qui n'est point chastré Verres, c'est à dire un verrat. Or y auoit il un nommé Cecilius filz d'un serf affrâchy qui estoit soupçonné d'adherer à la loy des Iuifz. Cestuy Cecilius uouloit debouter les Siciliens de ceste accusatiō de Verres, & que la charge de l'accuser luy fust baillee à luy seul. Cicéron se mocquant de ceste siene poursuite, luy dit, Quelle chose peult auoir un Iuif à démeller avec un Verrat? Cestuy Verres auoit un filz qui estoit ia à l'entree de son adolescēce, & auoit le bruit de peu honestemēt user de sa beaulté: parquoy un iour que Verres se cuida mocquer de Cicéron, disant qu'il estoit trop delicat, C'est à ses enfans, dit il, qu'il fault faire ces reproches là en secret, à la maison. En ceste cause l'orateur Hortēsius n'oza pas directement prendre la defence de Verres: mais quant à la condemnation de l'amēde, il se laissa bien induire à comparoir pour luy, & pour ce faire en eut en don une image de Sphinx d'yuoire, que Verres luy donna, dequoy Cicéron luy ictra quelque mot picquant à la trauerse : & Hortensius ne l'ayant pas entendu, dit qu'il n'auoit point appris à souldre les ænigmes : si as tu un Sphinx en ta maison, luy respondit incontinent Cicéron. A la fin Verres aiant esté cōdemné en la somme de soixāte & quinze mille escus pour l'amēde, Cicērō fut soupçonné de s'estre laissé gagner & corrompre par argent pour conclurre cōtre luy en si petite somme, ce neantmoins quand il uint à estre élu *Ædile*, les Siciliens se sentans ses redevables, luy apporterent & enuoyerēt plusieurs presents de leur isle, dont il ne tourna chose quelconque à son particulier profit, & uza de leur liberalité seulement à faire raualler les pris des uiures en la uille. Il auoit un beau lieu dedans le territoire de la uille d'Arpos, & une autre possession aupres de Naples, & une autre alentour de la uille de Pompeij, qui n'estoiēt pas gueres grādes: & depuis eut encore le douaire de sa femme Terētia, qui pouuoit mōter à la somme de douze mille escus, & une succession qui pouuoit ualoir enuiron neuf mille escus, dont il uiuoit honestement & sobremēt sans superfluité avec ses familiers Grecs & Romains qui aimoiēt les lettres, se mettāt à table bien peu souuent avant le coucher du Soleil, non tant pour occupations grandes qu'il eust, que pour la foiblesse & imbecillité de son estomac: car il estoit au demourant exquis & diligent au soing de sa personne, iusques à user de frottemens & de tours de promenemens en nombre certain: & par ce moien traittant & gōuernant son corps, il se le mainteint non seulement sans maladie, mais aussi fort & robuste pour supporter plusieurs grands labeurs & travaux qu'il luy conuint sōstenir depuis. Il ceda la maison paternelle à son frere, & luy s'en alla tenir au mōt Palatin, à celle fin que ceulx qui le uiedroient uisiter par hōneur, & qui luy feroient la court, ne se trauaillassent pas tant d'aller si loing: car il n'y auoit pas moins de gēs tous les matins à sa porte, qu'à celle de Crassus pour ses richesses, ou de Pōpciū pour l'autorité & le credit qu'il auoit entre les gens de guerre, qui estoient les deux plus puissans hommes qui fussent pour lors à Rome, & qui plus est, Pompeius luy mēme luy faisoit la court, à cause que l'entremise de Cicéron luy seruoit de beaucoup à l'accroissement de sa gloire & de son autorité. Quand il uint à briguer & demander l'estat de Præteur, qui est comme iuge ordinaire, encore qu'il eust beaucoup & de grands competeurs, il fut le premier de tous déclaré élu: en l'exercice duquel

estat il se gouuerna si honestement, qu'il ne fut iamais souspeçonné de cor- F
 ruption ny de concussion quelconque. Et à ce propos on racompte que Lici-
 nius Macer, homme qui pouuoit beaucoup de luy mesme, & qui oultre cela e-
 stoit encore porté & soustenu par Crassus, fut accusé deuât luy de larcin & ma-
 le uersation en son estat, & que se confiant au credit qu'il cuidoit auoir, & à la
 brigue grande que faisoïent ses amis pour luy, il se retira en sa maison auant que
 la sentence de son proces fust donnée, estans encore les iuges sur les opinions,
 & que là il feit sa barbe, & uestit une belle robbe neufue, comme se tenant tout
 assuré d'auoir gaigné son proces, puis s'en reuint incontinent en la place: mais
 Crassus luy alla au deuant, & le rencontrant à la porte du palais, luy dit comme
 il auoit esté condamné par toutes les sentences de tous les iuges, dont l'autre G
 fut si desplaisant, qu'il s'en retourna tout court en sa maison, là ou il se meit au
 liect, & n'en releua oncques puis. Ce iugemēt apporta grande reputation à Ci-
 ceron, pource que lon luy dōna la louange d'auoir diligemment tenu la main
 à ce que la iustice eust lieu. Vn autre nommé Varinius, homme effronté, & qui
 portoit peu de reuerence aux magistrats en plaidant, aiant au demourât le col
 tout plein d'escrouelles, se presentoit un iour arrogamment deuant Ciceron
 estant en son siege Prætorial, & luy demandoit quelque chose, que Ciceron ne
 luy uouloit point ottroyer sur le champ, ains s'en uouloit conseiller à loisir: &
 Varinius luy dit, qu'il ne feroit point de difficulté de cela s'il estoit Præteur. Ci-
 ceron se tournant uers luy, luy respōdit, Aussi n'ay ie pas le col si gros que toy. H
 Enuiron la fin de son magistrat, deux ou trois iours auant que son temps expi-
 rast, il y eut quelqu'un qui meit en iustice par deuant luy Manilius, l'accusant
 semblablement d'auoir derobbé la chose publique. Cestuy Manilius estoit biē-
 uoulu & fauorisé du peuple, lequel auoit opinion que lon le persecutoit non
 tant pour sa faulte, que pour faire desplaisir à Pompeius de qui il estoit particu-
 lierement amy. Il demanda quelques iours pour respondre aux charges qu'on
 luy mettoit sus, & Ciceron ne luy bailla pour tout delay que le iour ensuiuant
 seulement, dont le peuple se courroucea fort, à cause que les autres Præteurs a-
 uoient accoustumé de donner en telz cas dix iours de delay pour le moins. Le
 lendemain, comme les Tribuns du peuple le tirassent en iugement, & propo- I
 sassent leur accusation contre luy, il pria Ciceron de le uouloir patiemment
 ouir: & Ciceron respondit, que sa coustume estant de user de toute la gracieu-
 seté, douceur & humanité qui luy estoit loisible par les loix enuers ceulx qui e-
 stoient accusez, il luy sembloit qu'il tiendroît grand tort à Manilius s'il ne fai-
 soit le semblable en son endroit, & que pour ceste cause n'ayant plus qu'un seul
 iour a estre en son office de Præteur, il luy auoit expressement donné ce iour là,
 à fin qu'il peust respondre deuant luy, pource qu'il luy sembloit, que de remet-
 tre le iugement de ceste cause & le renuoyer par deuant un autre Præteur, n'eust
 pas esté fait en homme qui eust enuie de luy faire plaisir. Ces paroles changerēt
 merueilleusement l'opinion & l'affection du peuple enuers luy, & en disant K
 tous les biens du monde de luy, le prièrent de prendre la protection & defence
 de Manilius: ce qu'il feit bien uoluntiers, & se presentant en iugemēt comme
 orateur, pour plaider pour luy, feit une belle harangue, en laquelle il parla bien
 aigrement & franchement alencontre des gros de la uille, & de ceulx qui por-
 toient enuie à Pompeius. Et neantmoins quand il uint à demander & prochaf-
 ser l'office du Cōsulat, il ne trouua pas moins de port & de faueur enuers les no-
 bles & les principaux de la uille, qu'enuers le menu peuple: car ilz luy aiderent
 à obre-

- A à obtenir ce qu'il demandoit pour le regard du bien & de l'utilité publique, à cause de telle occasion. La mutation du gouvernement qu'auoit introduit Sylla du commencement auoit semblé bien estrange au peuple, mais lors sy eſtât ia les hommes aecouſtumez par traiçt de temps, elle commenceoit à prendre pied & à n'eſtre plus trouuee mauuaife: toutefois il y auoit quelques particuliers qui uoloient changer & renuerſer tout ſans deſſus deſſoubz pour ſeruir à leur propre auarice, & non point pour aucun bien public, attendu meſme-ment que lors Pōpeius eſtoit encōre en Leuant ou il faiſoit la guerre aux Roys de Pont & d'Armenie, & qu'il n'eſtoit demouré à Rome aucune force qui fuſt ſuffiſante pour reſiſter à ces ſeditieux, qui cherehoiēt de faire quelque nouuel-
B leté, leſquelz auoient pour leur chef Lucius Catilina, homme hardy & hazardeux à entreprendre toute grande choſe, cauteleux & malicieux de nature, & que lon chargeoit entre autres forfaitures enormes, dont il eſtoit ſouſpe-çonné, d'auoir depucellé une ſiene fille propre, & d'auoir tué ſon frere germain, duquel meurtre craignant d'eſtre appellé en iuſtice, il pria Sylla de le faire mettre au nombre des condēnez & proſcripts, comme ſil euſt encōre eſté uiuant. Ces meſchans ſeditieux doncques aians un tel homme pour leur capi-
C taine, ſ'eſtoient aſſeurez & obligez les uns aux autres par pluſieurs moiens: & entre autres, auoient tué un homme, duquel ilz auoient mangé la chair enſem-ble, & auoient corrompu une grande partie de la ieuneſſe: car le capitaine leur ſubminiſtroit à chaſcun tous les plaiſirs aux quelz la ieuneſſe eſt encline, com-me banquets, amours de folles femmes, & leur fournisſoit argent largement pour ſouſtenir toute celle deſpenſee. D'auantage toute la Thoſcane eſtoit en branle de ſe rebeller, & la plus grande partie de la Gaule auſſi, qui eſt entre les Alpes & l'Italie: & ſi eſtoit la uille de Rome d'elle meſme en grand danger de mutation pour l'inegalité des biens des habitāz, à cause que ceulx des plus no-
D bles maiſons, & qui auoient le cueur plus grand, auoient deſpendu tous leurs patrimoines en ieux & en feſtins, ou en edifices qu'ilz faiſoiēt baſtir à leurs deſpens pour gagner la grace du peuple, à fin d'obtenir les magiſtrats, de ſorte qu'ilz en eſtoient deuenus pauvres, & les richesses eſtoiēt deuoluës entre mains
E de petits perſonnages qui auoient les cueurs bas, de maniere qu'il falloit bien peu de choſe pour faire tourner l'eſtat des affaires ſans deſſus deſſoubz, & eſtoit en la uiſſance de quiconque l'eũt ozé entreprendre, de remuer le gouverne-ment, tant la choſe publique eſtoit corrompue & gaſtee au dedans de ſoy meſme. Toutefois Catilina uolant encōre ſe ſaiſir d'un fort, pour mienx pouuoir paruenir au but de ſon entente, demanda le Conſulat, aiant grande eſperance qu'il ſeroit eleu Conſul avec Caius Antonius, hōme qui de ſoy meſme n'eſtoit pas pour commencer à faire ny grād bien ny grand mal, mais qui pouuoit ad-iouxter beaucoup de force à un autre qui l'eũt mené: ce que preuoyās pluſieurs gens de bien & d'honneur, ſolliciterent Ciceron de demander le Conſulat, & le peuple l'ayant aggreable, Catilina uint par ce moien à decheoir de ſon eſpe-
rance, & Antonius & Ciceron furent declarez Conſulz, combien que Ciceron fuſt ſeul entre les pourſuiuans, né de pere cheualier ſeulement, & non Sena-teur Romain, & ſi ne ſçauoit pas encōre le commun les ſecrettes menecs de Ca-tilina. Mais des le commēcemēt de ſon Cōſulat il eut de grāds trauaux & grāds affaires, pource que d'un coſté ceulx à qui il eſtoit defendu par les ordonnan-ces de Sylla de tenir magiſtrats à Rome, qui n'eſtoiēt point foibles ny en petit nōbre, alloiēt pratiquāt la bienueuillāce du peuple, en diſant & alleguāt plu-

fleurs choses iustes & ueritables cōtre la uiolēte dominatiō & tyrānie de Sylla, F
 mais en tēps qu'il n'estoit pas seur de riē chāger ny remuer au gouuernemēt de
 la chose publique: & d'autre costé les Tribuns du peule mettoient en auant des
 loix & des edicts seruans à ce propos: car ilz uouloient q'lon eleust dix Cōmis-
 saires auec puissance & authorité souueraine par toute l'Italie, par toute la Sy-
 rie, & encore par tous les païs & prouinces, que Pōpeius auoit nouuellemēt ac-
 quises à l'empire Romain, de uēdre & aliener ce qui appartenoit à la chose pu-
 blique, faire le proces à q' bon leur sembleroit, bānir & enuoyer en exil, peupler
 uilles, prédre argent au tresor de l'espargne, leuer gens de guerre, les entretenir
 & soudoyer tant & si long tēps que bō leur sembleroit. Pour ceste grande puis-
 sance il y auoit plusieurs hōmes de qualité qui adheroient & fauorisoient à ces G
 loix, mesmement Antonius compaignon de Ciceron, pource qu'il auoit espe-
 rance d'estre l'un de ces dix Commissaires, & si pensoit on qu'il sçauoit bien la
 menace de Catilina, & qu'il n'en estoit pas mal content, pource qu'il se trouuoit
 fort chargé de debtes, ce qui donnoit plus de crainte aux gēs de bien que nulle
 autre chose: & pourtant Ciceron uoulant premierement remedier à ce danger,
 fait que la prouince du royaume de Macedoine luy fut destinee, & luy estant à
 luy mesme presentee celle de la Gaule, il s'en excusa: & par le moien de ce bene-
 fice gaigna Antonius comme un ioueur de farces mercenaire, luy faisant pro-
 mettre pour le bien de la chose publique, qu'il le seconderoit, & ne diroit sinon
 ce qu'il luy nōmeroit. Quand il eut gaigné celuy là, & qu'il l'eut rendu mania- H
 ble à sa uolunté, il se commença à asseuer d'auantage, & à resister plus har-
 diment à ceulx qui mettoient en auant ces nouuelletez: car en plein Senat il se
 prit un iour à reprouuer & cōdemner la loy que les Tribuns uouloient faire
 passer, & estonna tellement ceulx qui en estoient auteurs, qu'il n'y eut person-
 ne d'eulx qui luy ozaist cōtre dire. Ce neātmoins les Tribuns attenterent encore
 une autre fois depuis de la faire authoriser, & donnerent assignation aux Con-
 sulz de comparoir deuant le peuple: mais Cicerō ne festonna point pour cela,
 ains commandant au Senat de le suiure, non seulement fait rejeter la loy de
 ces Tribuns au peuple, mais d'auantage leur fait perdre esperance de pouuoir
 rien cōduire à chef de tout ce qu'ilz auoient entrepris: tant il les abaissa, & sup- I
 planta par son eloquence. Car ce a esté le personnage qui plus a fait cognoistre
 aux Romains, combien l'eloquence adiouxte de plaisir & fait trouuer doulx ce
 qui est honeste, & que le droit & la raison sont inuincibles quand on les sçait
 bien dire, & qu'il fault que celuy qui ueult faire deuoir d'homme sage au gou-
 uernement d'une chose publique uoyle tousiours de faict preferāt ce qui est u-
 tile à ce qui chatouille & qui flatte la multitude: mais de paroles qu'il doit aussi
 chercher de faire, q' ce qui est utile ne soit desplaisant. Auquel propos on peut
 aussi alleguer, pour monstrier combien il auoit de grace en son parler, ce qu'il
 fait du temps de son Consulat touchant l'ordre de sçoir au theatre à uoir iouer
 les ieux: car au parauant les cheualiers Romains sçoient pesse messe parmy le K
 menu peuple ainsi que chascun se rencontroit, & le premier qui y meit distin-
 ction fut Marcus Otho lors Prêteur, lequel fit un edict, par lequel il ordonna
 des sieges separez pour les cheualiers Romains, de là ou ilz uerroient des lors en
 auant iouer les ieux. Le peuple prit cela à cuer, comme estant fait à son deshō-
 neur, de sorte que depuis quand Otho entra dedās le theatre, tout le menu peu-
 ple se prit à le siffler pour luy faire honte, & au contraire les cheualiers luy feirēt
 place entre eulx avec grands battemens de mains, en signe d'honneur: à l'occa-
 sion

- A sion dequoy le peuple derechef commencea à siffler plus que deuât, & les cheualiers à battre des mains, & de là se tournerent à s'entredire uillanie les uns aux autres, de maniere que tout le theatre estoit en confusion : ce qu'entendant Ciceron sy en alla luy mesme, & appellant le peuple au temple de la Deesse Bellone, le tenfa & le prescha si bien, que retournans sur l'heure mesme au theatre ilz honorerent & recueillirēt aussi de battemēs de mains Otho, & feirent à l'enuy des cheualiers à qui plus luy feroit de careffe & d'honneur. Mais les complices de la coniuration de Catilina, qui du commencement festoient un petit refroidiz pour la peur qu'ilz auoient eüe, recommencerent de nouueau à prendre cueur en se trouuāt ensemble, & s'entre encourageant de mettre la main à l'œuvre plus hardiment, deuant que Pompeius fust de retour, lequel on disoit estre ia en chemin pour sē retourner avec son armee: mais sur tous, les soudards qui iadis auoient esté à la guerre soubz Sylla, s'estans escartez çà & là par toute l'Italie, & la plus part d'iceulx, mesmement les plus belliqueux, estans esendus & femez par les uilles de la Thoscane, sollicitoiēt & hastoiēt Catilina, se promettans bien qu'ilz auroient encore une autrefois des richesses toutes prestes à piller & robber à leur plaisir. Ces soudards aians pour leur capitaine un nommé Mālius, qui autre fois auoit eu charge notable soubz Sylla, estoient bādez avec Catilina, & festoient trouuez à Rome pour luy aider à sa brigue: car il festoit mis à demander derechef le Consulat, aiant deliberé de tuer Ciceron durant le bruit & le tumulte de l'election. Les Dieux monstroient assez euidemment par tremblemens de terre, par foudres & tonnerres, & par uisions de fantasmes qui apparoiſſoient, les menees secretes qui se machinoient, & en anoit on des indices ueritables par personnes qui les uenoient reueler: mais ilz n'estoient pas encore suffisans pour proceder alencontre d'un homme noble, & qui pouuoit beaucoup, comme Catilina. Parquoy Ciceron dilaiait le iour de l'election, feir appeller Catilina au Senat, là ou il l'interroqua sur ce qui se disoit contre luy: & luy se persuadant qu'il y en auoit beaucoup dedans le Senat mesme, qui ne demandoient autre chose que la nouuelleté & la mutation, & quand & quand aussi se uolant monſtrer prest à ceulx qui estoient de sa coniuration, feit une respōce molle à Ciceron, disant: Quel mal fais-ie, si y aiant deux corps en ceste uille, l'un gresse, maigre & tout pourry, qui a un chef: & l'autre grand, gros & fort, qui n'en a point, ie luy en mets un? uolant par ceste responce enueloppee & couuerte, signifier le peuple & le Senat. Ceste respōce ouye Ciceron eut encore plus grande crainte que denant, de sorte qu'il ſarma d'un corps de cuyrasse pour la seureté de sa personne, & fut accompagné par tous les gens de bien, & grand nombre des ieunes hommes, à uenir de son logis iusques au champ de Mars, ou se faisoient les elections, & auoit expressement laissé son ſaye lasche au collet, à fin qu'on peust ueoir le bout de la cuyrasse qu'il auoit sur son dos, pour faire cognoistre à ceulx qui le regarderoient le danger auquel il estoit: ce
- E que tout le monde trouuoit fort mauuais, & se rengoit on autour de luy pour le defendre, qui l'eust uolu assaillir. Si fut la chose à tant conduite, que par les uoix du peuple Catilina fut une autrefois debouré de l'office de Consulat, & furent eleuz Consulz Syllanus & Murena. Peu de temps apres ceste election, estās ia ensemble les soudards de la Thoscane qui deuoient uenir à Catilina, & estant le iour prochain qu'il auoit prefix pour executer leur entreprise, enuiron la minuiēt uindrent en la maison de Ciceron trois des principaux & plus puissans hommes de la uille, Marcus Craſſus, Marcus Marcellus, & Scipio Metellus, &

battans à la porte, appellerent le portier, & luy dirent qu'il allast esueiller son F
maistre, & luy faire entendre comme ilz estoient eulx trois à la porte, & qu'ilz
auoient à parler à luy pour une telle occasion. Le soir apres soupper le portier
de la maison de Crassus luy auoit baillé un paquet de lettres qu'un homme in-
cogneu auoit apportees, lesquelles s'adressoient à diuerses personnes, & y en
auoit une qui n'estoit point souscrite, laquelle s'adressoit à Crassus mesme.
Ceste lettre portoit que bien tost il se deuoit faire un fort grand meurtre en la
uille par Catilina, à raison dequoy il l'admonestoit & cōseilloit de sortir de la
uille. Crassus aiant leu ceste lettre ne uolut point ouurir les autres, ains s'en al-
la tout droit uers Ciceron, meu de la crainte du danger, & en partie aussi pour
se iustifier de quelque souspeçon qu'on auoit sur luy pour l'amitié qui estoit en- G
tre luy & Catilina. Ciceron donques aiant deliberé avec eulx sur ce qui estoit à
faire en tel cas, le lendemain au plus matin fait assembler le Senat, & portât avec
soy les lettres, les distribua à ceulx à qui elles s'adressoient, leur commandant
de les lire tout hault. Ces lettres toutes egalement & conformement descou-
uroient la coniuration, & d'auantage Quintus Arrius homme d'autorité
comme celuy qui auoit autrefois esté Præteur, dit publiquement les amas de
gens de guerre qui se faisoient par la Thoscane: & rapporta lon encore que
Manlius avec une grosse troupe de soudards tenoit les champs alentour des
uilles de la Thoscane, n'attendant autre chose que les nouuelles de quelque
mouuemēt qui se deuoit faire à Rome. Toutes lesquelles choses considerées, il H
fut fait un arrest & decret au Senat, par lequel on remettoit entieremēt les affai-
res entre les mains des Cōsulz, à celle fin qu'eulx en prenât la charge prouueuf-
sent avec autorité souueraine ainsi que mieulx ilz pourroient & scauroiēt fai-
re, à ce que la chose publique ne tumbast en aucun inconuenient. Ceste manie-
re de decret & de conclusion ne se souloit pas souuent prédre au Senat, ains seu-
lement alors qu'ilz redoubtoient quelque grand danger euidēt. Parquoy Ci-
ceron aiant ceste pleine puissance, commeit les affaires de dehors à Quintus
Metellus, & reteint à luy la charge du dedans de la uille: & le iour en allant par
la uille estoit enuironné d'un si grand nombre d'hommes, que quand il pas-
soit à trauers la grande place, elle estoit presque toute remplie de la troupe qui I
l'accompagnoit. A l'occasion dequoy Catilina ne pouuant plus differer ny at-
tendre, resolut de s'en aller luy mesme deuers Manlius, là ou estoit leur armee:
mais auant que partir il attitra un nommé Marcius & un autre Cethegus, aux
quelz il commanda s'en aller le matin à la porte du logis de Ciceron avec des
dagues couuertes pour le tuer, soubz couleur de luy uenir donner le bon iour &
le saluer. Mais il y eut une dame de noble maison nommee Fulvia, qui la nuit
de deuiât en alla aduertir Ciceron, l'admonestât qu'il se gardast de ce Cethegus,
lequel ne faillit pas à uenir le lendemain de bon matin, & luy estant l'entree de
la maison defendue, commença à se courroucer & à crier deuant la porte: ce
qui le rendit encore plus suspect. A la fin Ciceron sortant de sa maison, se fit ap- K
peller le Senat au temple de Iupiter Stator, qui uault autant à dire comme ar-
resteur, lequel est assis à l'entree de la rue sacrée, ainsi que lon mōte au mont Pala-
tin. Là se trouua Catilina avec les autres, cōme pour se iustifier des choses dont
on le suspennoit, mais il n'y eut pas un des autres Senateurs qui se uolust
asseoir aupres de luy, ains se leuerent tous du banc sur lequel il auoit pris place,
& quand il cuida commencer à parler ne peut onques auoir audience pour le
bruit qui se leua contre luy, iusques à ce que finalement Ciceron se leua, & luy

- A commanda de sortir de la uille, & qu'il falloit necessairement qu'il y eust separation de murailles entre eulx, attendu que l'un se seruoit de paroles, & l'autre uouloit user d'armes & de uoye de faict. Parquoy Catilina sortant incontinent de la uille avec trois cents homes armez, ne fut pas plus tost hors de l'enceinte des murailles, qu'il feit par des sergés porter deuant luy des uerges liees avec des haches, cōme s'il eust esté magistrat legitime, & feit leuer des enseignes de gens de guerre, & en cest equippage s'en alla rendre la part ou estoit Manlius, n'aiās pas moins de uingt mille hommes, avec lesquelz il alloit essayāt de prattiquer & gagner les uilles, de sorte que la guerre estant par ce moien declaree ouuerement, Antonius le compagnon de Ciceron au Consulat y fut enuoyé pour
- B le combattre. Ce pendant Cornelius Lentulus surnommé Sura, homme de noble maison, mais de mauuais gouuernement, & qui pour sa meschāte uie auoit parauant esté ietté hors du Senat, assembla le demourāt de ceulx, qui aians esté corrópus par Catilina estoient encore demourez en la uille apres luy, & les admonesta de ne festonner de rien. Il estoit lors Preteur pour la seconde fois, cōme la coustume est, quand quelqu'un uient à recouurer de nouveau la dignité de Senateur qu'il a perduē: & dit on q le surnom de Sura luy fut donné par une telle occasion. Estant Questeur du temps que Sylla auoit le gouuernement de la chose publique en main, il despendit & consumma follement une bonne grosse somme d'argent du public: dequoy Sylla estant courroucé contre luy, &
- C luy en demandant compte deuant le Senat, il se tira en auant fort nonchalammet, & en hōme qui mōstroit biē de ne s'en soucier gueres, & dit qu'il ne sçauoit autrement rendre compte, mais qu'il presentoit le gras de sa iambe, comme font les enfans quand ilz ont failly au ieu de la paulme. De là uint que depuis on le surnomma tousiours Sura, pource que Sura en Latin signifie le gras de la iambe. Vne autre fois estant appelé en iustice pour quelque autre malefice, il corrompit par argent aucuns des iuges, & aiant esté absouls par deux uoix de plus tant seulemēt, qu'il eut en sa faueur, il dit qu'il auoit perdu l'argent qu'il auoit baillé à l'un de ces deux iuges là, pource que ce luy estoit assez d'estre absoulz par une seule uoix de plus. Cest homme doncques estant de telle nature,
- D auoit premieremēt esté esbranlé par Catilina, & acheué de guaster par certains pronostiqueurs & faulx deuins qui l'auoient abuzé de uaine esperance, en luy chantant des uers qu'ilz auoient feincts & controuuez, & des faulses propheties, qu'ilz disoient estre extraittes des liures de la Sibylle, par lesquelles estoit porté qu'il deuoit auoir trois Corneliēs Monarques à Rome, desquelz les deux auoient ia accomply la destinee, Cinna & Sylla: & que au reste la fortune luy presentoit à luy, comme au troisieme, la Monarchie, & qu'il la falloit embrasser chaudement, & non pas laisser perdre les occasions en trop dilayant, comme auoit fait Catilina. Si n'auoit pas cestuy Lentulus entrepris chose petite ne legere, ains auoit proposé de tuer tout le Senat entieremēt, & des autres citoiēs
- E autant qu'ilz en pourroient occire, de bruller toute la uille sans pardonner à personne quelconque, sinon aux enfans de Pompeius, desquelz ilz se deuoient saisir & les garder pour gages & ostages de faire puis apres leur appointment avec luy: car il estoit ia grand bruit, & le tenoit on pour tout assure, qu'il retournoit des grandes guerres & conquestes qu'il auoit faictes es pais d'Orient. Si prirent assignation pour executer leur entreprise à une nuict des Saturnales, & auoient porté force estouppe & souffre, avec grande quantité d'armes en la maison de Cethegus, & oultre ce, auoient deputé cent hommes en cent quar-

tiers de la uille, à fin que le feu estant mis tout à un coup en plusieurs endroits, F
 elle en fust tant plus tost embrazee de tous costez. Il y auoit d'autres hommes
 commis pour estoupper les canaulx & conduits par ou l'eau uenoit en la uille,
 & pour occire aussi ceulx qui uouldroient prendre de l'eau pour esteindre le feu.
 Mais en ces entrefaittes, il se trouua d'aduenture à Rome deux ambassadeurs
 de la nation des Allobroges, laquelle pour lors estoit tresmal contente, & por-
 toit fort impatiemment le ioug de la domination des Romains. Lentulus pen-
 sa que c'estoient personnes idoines pour emouuoir & faire soubleuer toute la
 Gaule: si fit tant qu'il les gaigna & les tira à leur conspiration, & leur donna
 lettres adressantes au conseil de leur pais, par lesquelles il leur promettoit toute
 franchise: & d'autres adressantes à Catilina, par lesquelles il l'admonestoit de G
 proposer liberté aux serfs, & de s'en uenir le plus tost qu'il pourroit droit à Ro-
 me: & enuoya quand & eulx un nommé Titus natif de la uille de Crotone, qui
 auoit la charge de porter les lettres: mais tous leurs conseilz & toutes leurs de-
 liberations, comme d'hommes estourdis, qui ne se trouuoient iamais ensemble
 sinon en yuurongnant avec folles femmes, estoient facilement descouuers par
 Cicéron, qui les alloit espier & recherchait avec grande sollicitude, sobre iu-
 gement, & sens fort agu & clair uoyant: car il auoit mis plusieurs gens au guer-
 hors de la uille, qui les guettoient & les suiuiuent aussi à la trace pour descou-
 urir tout ce qu'ilz proieettoient: & si parloit encore secretement à quelques uns, H
 desquelz il se fioit, que les autres cuidoient estre participans de leur conspira-
 tion: par le moien desquelz il sceut comme les coniurez auoient eu pratique
 & communication avec ces ambassadeurs estrangers: & finablement les fit espier
 la nuit, si bien qu'il surprit les ambassadeurs, & le Crotoniate avec les lettres
 qu'il portoit, à l'aide des ambassadeurs Allobroges, lesquelz s'entendirent secre-
 tement avec luy. Le lendemain au point du iour il fit assembler le Senat de-
 dans le temple de Cécorde, là ou il leut publiquement les lettres, & ouit les de-
 positions des complices & tesmoins. Il y eut d'auantage un Sénateur Iunius
 Syllanus q tesmoigna, quelques uns auoir ouy dire à Cethegus, qu'ilz deuoient
 occire trois Consulz & quatre Præteurs. Piso aussi Sénateur, qui autre fois auoit
 esté Cōsul, declara presque semblables choses. Et Gaius Sulpitius, l'un des Præ-
 teurs qui fut enuoyé en la maison de Cethegus, rapporta qu'il auoit trouué for-
 ce traictz, force armes, grand nombre de dagues & d'espees toutes freschement
 emoulues. Finablement le Senat aiant promis impunité à ce Crotoniate pour
 deceller ce qu'il scauoit de ceste coniuration, Létulus se trouua par luy couain-
 cu, & fut contraint de renoncer à son magistrat de Præteur deuant tout le Senat,
 & changeant sa robe de pourpre en prendre une autre cōuenable à sa malheu-
 reré. Cela fait, luy & ses cōsorts furent baillez en garde par les maisons des Præ-
 teurs: & le soir estant ia uenu, tout le peuple attendant alentour du lieu ou le Se-
 nat estoit assemblé, Cicéron sortit à la fin, & declara à l'assistance du peuple cō-
 me les choses estoient allées: si fut reconuoyé par tout ce peuple iusques en la
 maison d'un sien amy son uoisin, à cause que les Dames de la uille occupoient
 la siene, y faisans en secret une feste & un sacrifice solennel en l'honneur d'une
 Deesse que les Romains appellent la Bonne Deesse, & les Grecs la nomment
 Gynécia, comme qui diroit Feminine, à laquelle tous les ans se fait un solen-
 nel sacrifice par la femme ou mere du Cōsul dedans sa maison, en presence des
 uierges religieuses Vestales. Cicéron dōcques estat entré en la maison de celuy
 sien uoisin, se meit à pēser en soy mesme ayant bien peu de gens autour de luy, K
 comment

- A commēt il se deuoit gouuerner en cest affaire: car de punir les criminelz à la rigueur selon q̄ leurs mesfaicts l'auoiēt deseruy, il doubtoit & craignoit de le faire, tant pource qu'il estoit doux & humain de sa nature, q̄ pource qu'il ne uouloit pas sembler auoir uoulūairemēt embrassé l'occasiō d'employer sa puissance absoluē pour aigremēt punir à la rigueur des citoiēs. qui estoient des plus nobles maisons de la uille, & qui y auoiēt beaucoup d'amis. Et au cōtraire aussi, s'il se portoit en cest affaire trop mollement, il redoubtoit le dāger qui pendoit de leur temerité, se doubtrāt bien q̄ s'il leur faisoit souffrir punitiō moindre que de la mort, ilz ne se chastieroient pas pour cela, faisans compte d'en estre eschappez à bon marché, ains en deuiendroient plus audacieux & plus teméraires que
- B iamais, adioux tans un aguillon de nouueau courroux à leur ordinaire meschaceté: & luy en seroit reputé couard & homme de peu de cueur, avec ce que d'ailleurs il n'estoit pas tenu pour fort hardy. Ainsi que Ciceron estoit en ces doutes, il apparut aux Dames qui sacrifioient en sa maison un miracle: car le feu semblant ia estre du tout amorty sur l'autel ou lon auoit sacrifié, il se leua soudainement des cendres d'escorces que lon y auoit bruslees une grande & claire flamme, de quoy les autres femmes furēt fort esbahies: mais les uierges sacrees Vestales dirent à Terentia la femme de Ciceron, qu'elle s'en allast incontinent deuers son mary l'aduertir qu'il ne faignist point d'executer hardiment ce qu'il auoit en pensee pour l'utilité de la chose publique, & que la Deesse auoit fait
- C soudre ceste grande lumiere, pour luy monstrier que cela luy deuoit ressortir à grand bien & grand honneur. Terentia qui n'estoit point femme molle ny craintifue de sa nature, ains ambitieuse, & qui plus auoit tiré de son mary touchant la cognoissance des affaires publiques, qu'elle ne luy auoit monstrier ny communiqué des affaires du mesnage & domestiques, ainsi que Ciceron luy mesme le tesmoigne, luy alla faire ce rapport, & le sollicita de faire la punition de telles gens: autant en feit Quintus Ciceron son frere, & semblablement Publius Nigidius, qui estoit son familier pour la conference qu'ilz auoiēt ensemble des estudes de la philosophie, & du conseil duquel il uoit fort au manie-
- D ment des principaux affaires. Le lendemain le propos estant mis en deliberatiō du Senat, comment on deuoit punir les malfaitteurs, Silanus auquel premier en fut demādé l'aduis, dit que lon les deuoit mener en la prison pour illec estre puniz de l'extreme supplice, les autres qui opinerēt consecutiuelement apres luy, furent tous de son aduis, iusques à Caius Cesar, qui depuis fut Dictateur, & lors estoit encore ieune & ne faisoit que cōmencer à uenir, mais q̄ ia en tous ses deportemēs & en son esperance prenoit le chemin, suiūāt lequel depuis il tourna la chose publique Romaine en Monarchie: car alors mesme Ciceron eut plusieurs souspeçons sur luy, mais nulle suffisante preuue pour rien aduerer contre luy, & y en a qui escriuent qu'il fut bien pres de le faire prendre, mais qu'il se sauua: les autres disent que sciemmēt il ne fait pas semblāt d'ouir ny de sçauoir
- E les indices que lon luy uint descouvrir contre luy, pour crainte qu'il eut de ses amis & de son credit, pource qu'il estoit tout apparent que si lon mettoit Cesar au nombre des accusez, il seroit plus tost cause de leur faire sauuer la uie à eulx, que eulx de la faire perdre à luy. Quand doncques ce uint à luy à dire son opinion à son tour touchant la punition des prisonniers, il se leua en piedz, & dit qu'il n'estoit point d'aduis qu'on les feist mourir, ains que lon confiscast leurs biens, & quant à leurs personnes qu'on les gardast prisonniers l'un de ça l'autre delà, par les uilles d'Italie, telles qu'il plairoit à Cicero, iusques à ce que la guer-

re fust acheuee contre Catilina. Ceste sentence estant plus douce, & l'auteur d'icelle trefeloquent pour la faire trouuer bonne, Cicero luy mesme y adiouta encore un grand poids, inclinant en l'une & en l'autre opinion, en approuuant en partie la premiere, & en partie celle de Cesar. Ses amis mesmes pensans que la sentence de Cesar estoit plus seure pour Cicero, à cause qu'il seroit moins subiect à estre calumnié quand il n'auroit point fait mourir les prisonniers, suivirent plus tost la seconde, de maniere que Silanus mesme se reprit de ce qu'il auoit dit, & interpreta son opinion, disant qu'il n'auoit point entendu qu'on les deust faire mourir, pource qu'il estimoit le dernier supplice à un Senatien Romain estre la prison. Mais le premier qui cōtredit à ceste sentence fut Catulus Luctatius, & apres luy Caton, lequel avec une grande uehemençe de parler rendit Cesar fort suspect, & remplit au demourant tout le Senat de courroux & de hardiesse, tellement que sur l'heure mesme fut arresté à la pluralité des uoix, qu'ilz seroient executez à mort: mais Cesar derechef s'opposa à la confiscation de leurs biens, ne uoulant pas que lon reiettaist ainsi tout ce qu'il y auoit d'humanité en son opiniō, & que lon s'attachast de tout point à la plus seure & plus aspre sentence: mais pource que le plus grand nōbre le gaignoit & l'emportoit cōtre luy, il appella à son aide les Tribuns du peuple, à fin qu'ilz sy opposassent, toutefois ilz n'y uoulurent point entendre. Mais Cicero cedant de luy mesme, remeit la confiscation des biens, & avec le Senat s'en alla trouuer les prisonniers, lesquelz n'estoient pas tous en une seule maison: car les Prêteurs en auoient en garde chascun un: si alla prendre Lentulus le premier, qui estoit au mont Palatin, & le mena tout le long de la rue sacrée à trauers la place, accompagné des plus gens de bien & des plus apparêts de la uille, qui l'environnoient tout à l'entour, & luy tenoient la main forte: ce que uoiant le peuple se herissoit & trembloit de peur, & passoit oultre sans mot dire, mesmement les ieunes hommes qui cuidoient proprement que ce fust comme quelque mystere solennel pour le salut du païs, qui se iouast de puissance absoluë par les plus gros personnages de la uille avec terreur & frayeur: aiant passé la place, arriué qu'il fut à la prison, il deliura Lentulus entre les mains du bourreau, & luy commanda de le faire mourir, & puis apres Cethegus, & consequemment tous les autres, qu'il conduisit tous luy mesme en la prison, & les y feit desfaire. Et en uoiant encore plusieurs de leurs cōplices en troupe sur la place, qui ne scauoient rien de ce qui festoit fait, & attendoient seulement que la nuit fust uenue pour cuider aller prendre par force leurs compagnons là ou ilz seroient, pensans qu'ilz fussent encore uiuās, il se tourna vers eulx & leur cria tout hault, Ilz ont uestu, ce qui est une façon de parler, dont usent quelque fois les Romains, quand ilz ueulent euitier la dureté de ceste rude parole de dire, Il est mort. Quand le soir fut uenu, & qu'il se uolut retirer en sa maison, passant par la place, le peuple le recouoya non ia plus en silence sans mot dire, ains avec grandes clameurs à sa louange & battemens de mains par tout ou il passoit, en l'appellant sauueur & second fondateur de Rome, & y auoit à toutes les portes des maisons force flambeaux, torches & lumieres, de sorte qu'il faisoit clair comme de iour parmy les ruës. Les femmes mesmes esclairoient du plus hault des maisons, pour luy faire honneur & pour le ueoir accompagné & reconuoyé fort honorablement d'une longue suite des principaux hommes de la uille, desquelz plusieurs auoient acheué de grosses guerres, dont ilz estoient retournez en triumphe, & auoient fait de grandes conquestes à l'empire Romain, tāt par mer que par terre, confessans

A entre eulx les uns aux autres, que le peuple Romain deuoit bien à plusieurs capitaines & chefs d'armee de leurs temps le grād mercy de beaucoup de richesses, de despouilles, & d'accroissement de puissance qu'ilz luy auoient acquises: mais que la grace de son salut & de sa conseruation, il la deuoit toute à Cicéron seul, lequel l'auoit preserué d'un si grand & si extreme danger: non que ce leur semblast acte si admirable d'auoir empesché que leur entreprise ne sortist à effect, & d'auoir puny ceulx qui la uoloient executer: mais pource qu'estant la coniuration de Catilina la plus grande & plus dangereuse qui eust iamais esté faite contre la chose publique, il l'auoit esteincte & assopie, avec si peu de maux, & sans tumulte, trouble, ne sedition quelcōque: car la plus part de ceulx

B qui s'estoient amassez autour de Catilina, quand ilz entendirent comme Lentulus & les autres auoient esté desfaiets, se retirerent incontinent: & luy combattant en bataille rengee avec ceulx qui luy estoient demourez contre Antonius, fut mis en pieces sur le champ luy & toute son armee. Ce neantmoins encore y en auoit il qui pour ce faict mesdisoient de Cicéron, & se preparoiēt pour l'en faire repētir, aians pour leurs chefs Cæsar, qui ia estoit designé & elu pour estre Præteur l'annee ensuyuant, & un Metellus & Bestia, qui deuoient aussi estre Tribuns du peuple, lesquelz soudain qu'ilz furent entrez en possession de leurs magistrats ne uoulurent iamais souffrir ne permettre que Cicéron harenguaist deuant le peuple, quoy qu'il eust encore quelques iours à estre en son office de

C Consul: & pour l'empeschér feirent mettre leurs banes dessus la tribune des harengues que lon appelloit à Rome Rostra, & ne l'y uoulurent iamais laisser entrer, ny le souffrir parler au peuple, sinon qu'il uolust se deposer de son magistrat seulement, & cela fait, en descendre tout incontinent: à quoy il l'accorda, & y monta soubz ceste condition: & luy estant presté silence, il feit un serment, non tel comme les autres magistrats ont accoustumé de iurer quand ilz se deposent de leur autorité, & renoncent à leurs estats: mais un tout nouveau & non usité, iurāt qu'il auoit preserué la uille de Rome, & gardé de ruiner l'empire Romain. Tout le peuple assistāt le confirma, & iura le mesme serment: de quoy Cæsar, & les autres Tribuns du peuple ses malueuillans estans encore plus

D irritez cōtre luy, s'estudierēt à luy machiner & fusciter d'autres nouveaux troubles: & entre autres, meirent en auant que lon rappellast Pompeius avec son armee, pour refrener la tyrannie de Cicéron. Mais Caton, qui lors estoit aussi Tribun du peuple, luy seruit beaucoup & à toute la chose publique, s'opposant à leurs menées, avec pareille puissance que la leur, à cause de son magistrat, & avec meilleure reputatiō qu'eulx: de sorte que non seulement il rompit aiseemēt tous leurs coups, mais en une belle harengue qu'il feit en pleine assemblee deuant tout le peuple, il magnifia & haultloua tellement le Consulat de Cicéron & les choses faittes en iceluy, que lon luy decerna les plus grands hōneurs que iamais eussent auparauant esté decretez & ottroyez à personne du monde: car

E il fut appellé par decret du peuple, Pere du pais, ainsi que Caton l'auoit nommé en sa harengue, ce que iamais homme n'auoit esté auparauant luy, & eut pour lors plus grande autorité que nul autre en toute la uille: mais il se rendit luy mesme odieux, & acquit la male grace de plusieurs gens, non pour aucun mauvais acte qu'il eust fait ou arrenté de faire, ains seulement pource qu'il se louoit & magnifioit trop luy mesme: car il ne se faisoit assemblee ny du peuple, ny du Senat, ny de iugement, là ou lon n'eust la teste rompue d'ouyr à tout propos ramener en ieu Catilina & Lentulus, iusques à emplir ses liures & les œuures qu'il

cōposoit de ses propres louanges, ce qui rendoit son lāgage & son stile, qui autrement estoit si doulx, & si agreable, fascheux, ennuyeux, & desplaisant à tous ceulx qui l'entendoient : car il falloit tousiours que ceste fascherie y fust attachee, comme une furie qui luy ostoit toute sa bōne grace. Toutefois quoy qu'il eust ceste extreme ambition & conuoitise d'honneur en la teste, il ne portoit enuie queleconque à la gloire des autres, ains estoit fort liberal à louer les hommes excellents, tant ceulx qui auoient esté parauant luy, que ceulx qui estoient de son temps, comme lon peut uoir par ses escripts : & a lon encore mis par memoire quelques mots notables qu'il dit d'aucuns des anciens, comme d'Aristote, que son stile estoit un fleuve d'or coulant : & de Platon, que si Iupiter mesme uouloit parler, il parleroit comme luy : & de Theophrastus, qu'il appelloit ses delices : & des oraisons de Demosthenes, un iour qu'on luy demanda laquelle luy sembloit la meilleure, il respōdit, La plus longue. Toutefois il y en a quelques uns, qui pour monstrier qu'ilz sont grāds zelateurs de Demosthenes s'attachent à une parole que Ciceron met en quelque epistre qu'il escriit à l'un de ses amis, disant, que Demosthenes s'endort en quelques unes de ses oraisons : & ce pendant ilz oublient à dire les grandes & merueilleuses louanges qu'il luy dōne ailleurs, & qu'il appella les oraisons qu'il escriuit cōtre Antonius, esquelles il employa plus de peine & plus d'estude qu'en nulles autres, Philippiques, à l'imitation de celles que Demosthenes escriuit contre Philippus roy de Macedoine. Et des hommes qui de son temps ont esté renommez ou en eloquence, ou en sçauoir, il n'y en pas un, duquel il n'ait encore esclarcy le renom en escriuant ou parlant honorablemēt de luy, cōme il impetra de Cēsar, aiant ia la Monarchie en sa main, que Cratippus philosophe Peripateticien fust fait citoien Romain, & feit encore que par arrest & ordonnance de la court d'Areopage, il fut requis & prié de demourer à Athenes pour enseigner & instruire les ieunes gens, comme faisant grand honneur & estant un singulier ornement de leur uille : & treuve lon encore des lettres missiues de Ciceron escriptes à Herodes, & d'autres à son propre filz, par lesquelles il luy commande de hanter & conferer de ses estudes avec Cratippus : & une autre au rhetoricien Gorgias, par laquelle il luy defend de frequenter à l'entour de son filz, pource qu'il auoit entendu qu'il le desbauchoit en l'induisant à yurongneries & à uoluptez deshonestes. Il n'y a entre ses epistres Grecques, que celle là seule qui soit escriite en cholere, & une autre qu'il escriit à Pelops Byzantin : & quant à Gorgias il auoit raison de se courroucer à luy & le piquer par sa lettre, si estoit hōme de mauuaise uie & de mauuaise conuersation, cōme il semble qu'il estoit : mais quant à ce qu'il escriit à Pelops, se plaignant de luy de ce qu'il n'auoit tenu cōpte de prochasser enuers les Byzātins qu'ilz feissent quelques ordōnāces publiques à son honneur & à sa gloire, cela procedoit de sa trop grande ambition, laquelle en plusieurs endroits le transportoit iusques à luy faire oublier le deuoir d'homme de bien, pour s'attribuer la gloire de bien dire : comme, aiant quelque fois defendu en iugement Numatius, lequel peu de temps apres meit en iustice un sien amy nommé Sabinus, on dit qu'il s'en courroucea à luy si aigrement, qu'il ne se peut tenir de luy dire, Ne sçais tu pas bien Numatius, que tu ne fus pas dernièrement absoulz en iugement pour ton innocence, mais pource que ie iettay de la pouldre aux yeux de tes iuges, tellement qu'ilz ne peurent uoir la uerité de ton forfait. Vne autre fois aiant loué publiquement en chaire Marcus Crassus avec attentifue audience de tout le peuple, peu de iours apres au contraire,

- A il dit au mesme lieu tous les maulx du monde de luy. Crassus adonc luy dit, Cômér, ne me louas tu pas l'autre iour si haultemér, toy mesme, en ce mesme lieu?
- Ouy, luy respondit Cicéron, pour plus exercer mon eloquence i'auois pris un mauuais subiect à louer. Quelque autre fois il aduint à ce mesme Crassus de dire en pleine assemblee deuant le peuple, que nul de la maison des Crasses n'auoit oncques passé l'aage de soixâte ans : & depuis s'en repétant il le nia tresbié, disant, Je ne sçay à quoy ie pensois, quand i'allay dire cela. Cicéron luy respondit, Tu sçauois bié que ce seroit un propos agreable au peuple, c'est ce qui te le fait dire, pour gagner la grace du populaire. Vne autre fois cômme Crassus dist que les raisons des philosophes Stoiques luy plaisoient, en ce qu'ilz disoient, que l'homme sage estoit riche: Cicéron luy respondit, Regarde que ce ne soit plus tost pource qu'ilz disent, que tout est au sage. Or estoit ce Crassus mal nommé, pource qu'il estoit extremement auaricieux. Il y auoit un des enfans de ce Crassus, qui ressembloit fort à un qui se nommoit Dignus : & pour ceste cause en estoit la mere sospeçonnée d'auoir forfait à son honneur avec cestuy Dignus. Et un iour ce filz fit une harengue deuant le Senat que plusieurs trouuerent bonne : si fut demandé à Cicéron qu'il luy en sembloit : Il me semble, respondit il, qu'il est Digne de Crassus. Enuiron le temps que Crassus estoit sur le poinct de partir pour s'en aller en Surie, il uoulut auoir Cicéron pour amy, plus tost que pour ennemy. Et à ceste cause un soir en le caressant luy dit qu'il auoit enuie de soupper avec luy. Cicéron s'offrit bien uoluntiers à luy en donner. Quelque peu de iours apres, il y eut de ses amis qui luy parlerent de Vatinius, disans qu'il cherchoit de faire son appointemét avec luy, & de deuenir son amy, car il estoit son ennemy: Veult il point d'ocques, dit il, soupper aussi chez moy? Voila comment il se deporta enuers Crassus. Au demourant ce Vatinius auoit des escrouelles au lög du col, à raison dequoy, Cicéron l'ayant un iour ouy plaider l'appella orateur enflé. Vne autre fois aiât ouy dire qu'il estoit mort, & tout incontinent apres ayant entendu certainement qu'il estoit uiuant, Male mort, dit il, uiene à celuy qui a si mal menty. Et comme Cäsar eust fait passer par les uoix du peuple, que les terres du pais de la campagne seroient departies entre les gens de guerre, plusieurs en furent tresmal contents, & Lucius Gellius entre autres, lequel estoit fort uieil, dit qu'il n'endureroit iamais que cela se feist tât qu'il uiuiroit: Attendons un petit, dit adonc Cicéron, car le bon homme Gellius ne demande pas long delay. Il y auoit un autre nommé Octauius, que lon sospeçonnoit estre natif de l'Affrique: * cestuy dit un iour, ainsi que Cicéron plaidoit une cause, qu'il ne l'oyoit point. Cicéron luy respondit tout promptemét, Si as tu l'oreille percee. Vn autre coup Metellus Nepos luy dit, qu'il auoit asfolé plus d'hômes par son tesmoignage qu'il n'en auoit sauué par son beau parler: Je le confesse, respondit Cicéron, aussi y a il plus de foy que d'eloquence en moy. Il y eut un ieune homme, lequel estant sospeçonné d'auoir empoisonné son pere dedäs un tourteau, faisoit du mauuais & menassoit Cicéron de luy dire iniure: Encore aime ie mieux cela de toy, dit Cicéron, que ie ne fais de ton tourteau. Publius Sextius en un proces qu'il eut, le prit pour son aduocat, avec encore quelques autres: mais neantmoins il uouloit luy mesme tousiours parler, & ne donoit pas loisir à ses orateurs de rien dire. A la fin quand on ueit euidentement que les iuges le uouloient absouldre, ainsi qu'ilz estoient desia aux opinions, Cicéron luy dit, Vse bien aujourdhu y de l'occasion du temps, car demain tu seras hôme priué. Vn autre Publius Cotta uouloit estre tenu pour sça-

* Pource q
les Affricains
ont ordinai-
rement les
oreilles per-
cees.

uant homme en droit, & n'y entendoit rien, & si n'auoit point d'entendement. F
 Cicéron en quelque cause le feit appeller en tesmoignage, & luy estât interro-
 gé, respondit qu'il n'en sçauoit rien. Cicéron luy repliqua incōrinent, Tu pen-
 ses à l'aduenture que lon te demande du droit. Metellus Nepos en quelque
 noise & debat qu'il eut avec Cicéron, luy reperoit souvent, Qui est ton pere?
 Cicéron luy respōdit: Ta mere à fait de sorte, qu'il est bien mal aisé de respon-
 dre à ceste demande. Car la mere de cestuy Nepos auoit le bruit d'estre peu ho-
 nestte, & luy estoit homme inconstant & leger: car estant Tribun du peuple, il
 abandōna l'exercice de son estar pour s'en aller en Syrie deuers Pompeius sans
 propos quelconque, & puis s'en retourna de là tout soudain encore plus folle-
 ment. Et estant mort son precepteur nommé Philager, il le feit inhumer & en-
 sepulturer fort soigneusement, & feit mettre dessus sa sepulture le portraict d'un G
 corbeau de pierre. Ce que uoyant Cicéron, dit, Tu as fait en cecy fort sagemēt:
 car ce maistre icy t'a enseigné plus tost à uoler qu'à parler. Vne autre fois Ap-
 pius Clodius plaidant une cause, au proēme de son plaidoyer dit, que son amy
 l'auoit bien instamment requis & prié d'employer en son proces toute dilige-
 ce, sçauoir & fidelité: Et dea, dit Cicéron, as tu bien puis apres esté hōme si dur
 de ne faire entièrement rien de tout cela q̄ ton amy t'a demādé? Or quant à user
 de telz brocards aigres & picquans alencontre de ses ennemis, ou de ses aduer-
 faires, c'est une partie de bon orateur: mais d'en picquer indifferemment tout le
 mōde pour faire rire les assistans, cela luy acquit la malueillance de beaucoup H
 de gens, dont ie mettray icy quelques exemples. Marcus Aquinius auoit deux
 gendres, qui tous deux estoient bāits: Cicéron pour cela l'appelloit Adrastus.
 Lucius Cotta d'adueture estoit Censeur lors que Cicéron briguoit & prochaf-
 soit son Consulat, & estant à la poursuite le iour de l'election, il eut soif, & fut
 force qu'il beust: mais pendant qu'il beuuoit tous ses amis se rengèrent alen-
 tour de luy, & luy achenē qu'il eust de boire, leur dit: Vous faictes bien d'auoir
 peur que le Censeur ne se courrouce à moy de ce que ie boy de l'eau. car le Cen-
 seur auoit le bruit d'aimer fort le uin. Rencontrant un iour Voconius, lequel
 menoit quand & luy trois sienes filles qui estoient fort laides, il s'escria tout
 hault, Cestuy a semé des enfans en despir du Soleil. On auoit quelque opinion I
 que Marcus Gellius n'estoit pas nay de pere & mere francs, & de condition li-
 bre, & un iour au Senat il leut des lettres avec une uoix haulte, & claire à mer-
 ueilles: adonc Cicéron se prit à dire à ceulx qui estoient autour de luy, Ne uous
 en esbahissez pas, car il est de ceulx qui ont autrefois esté crieurs. Faustus le filz
 de Sylla qui fut un temps Monarque à Rome, & qui feit par affiches proscrire
 plusieurs Romains, à ce qu'on les peust, sans danger de punition, occire par
 tout ou lon les trouueroit, apres auoir despendu la meilleure part de son patri-
 moine, se trouua encore d'auantage fort endebté: & pour n'estre point cōtraint
 à payer, se feit par affiches declarer fol & prodigue. Cicéron ce uoyant, dit, En-
 cōrēme plaissent plus ces affiches que celles de son pere. Ces brocards poi- K
 gnans sans propos le rendirent odieux à plusieurs. Mais la malueillance grā-
 de que luy porta Clodius, commença par telle occasion. Cestuy Clodius estoit
 de bien noble maison, ieune d'aage, & au demourant homme temeraire & in-
 solēt: & estāt amoureux de Pompeia la femme de Cēsar, il trouua moien d'en-
 trer secrettemēt dedās la maison en habit & avec l'equippage d'une ieune garce
 menestriere, pource que ce iour là les Dames Romaines faisoient en la maison
 de Cēsar ce sacrifice là solennel, & secret qu'il n'est pas loisible de ueoir aux
 malles

A malles, & pour ceste cause n'y auoit homme du monde sinó Clodius, qui estoit qu'on ne le cognoistroit point, à cause qu'il estoit encore ieune garson n'ayant point de barbe, & qu'il pourroit par ce moié s'approcher de Pópeia parmi les femmes: mais estant entré la nuit dedans ceste maison grande, dont il ne scauoit pas les estres, il y eut une des chambrières de Aurelia mere de César, qui le uoiant aller errant ça & là par la maison, luy demanda qui il estoit & comme il auoit nom: si fut contraint de parler, & dit qu'il cherchoit l'une des seruantes de Pompeia qui s'appelloit Aura. La chambrière cogneut incontinct que ce n'estoit point la uoix ny la parole d'une femme, & s'escria, & appella les autres femmes, lesquelles fermerent tresbien les portes, & chercherét par tout,

B tellement qu'elles le trouuerent dedans la chambre de la seruante avec laquelle il estoit entré. Le bruit de ce scandale fut incontinct diuulgué par tout: car César en repudia sa femme, & appella Clodius en iustice, le chargeant d'auoir polu les saintes cerimonies des sacrifices. Cicéron pour lors estoit encore son amy, côme de celuy qui luy auoit tousiours tres affectueusement assisté, & l'auoit accompagné pour le defendre si aucun luy eust uoulu faire uiolence en l'affaire de la coniuration de Catilina. Clodius maintenoit fort & ferme qu'il n'estoit rien de ce dont on le chargeoit, disant qu'en ce temps là il n'auoit point esté à Rome, ains en lieux bien esloignez de la uille. Et Cicéron porta tesmoignage contre luy, par ce qu'il deposa, que le iour mesme il estoit uenu en sa maison luy

C parler de quelques affaires: ce qui estoit ueritable: mais toutefois il semble que Cicéron ne le faisoit pas tât pour le regard de la uerité, que pour se iustifier envers sa femme Terentia, laquelle haïssoit Clodius de mort, à cause de sa sœur Clodia qui uouloit espouser Cicéron: & faisoit conduire ceste menée par un nommé Tullus, qui estoit fort priué & familier amy de Cicéron: & pource qu'il hantoit fort souuent & uisitoit ceste Clodia, laquelle demouroit tout ioignant Cicéron, Terentia en prit une ialouzie en sa teste. Ceste Terentia estant femme peruerse, & qui maistrisoit son mary, sollicita Cicéron de courir sus à Clodius en son aduersité, & de tesmoigner contre luy, comme plusieurs autres gés de bien tesmoignerent aussi, les uns qu'il estoit pariure, les autres qu'il faisoit mille insolences, qu'il corrompoit le menu peuple par argent, qu'il auoit seduit & uolé plusieurs femmes.

D Lucullus mesme produisit des seruantes, lesquelles deposerent que Clodius auoit cogneu charnellement sa propre sœur la plus ieune, durant qu'elle estoit mariee avec luy: & si estoit grand bruit qu'il auoit semblablement eu encore affaire avec les deux autres, dont l'une s'appelloit Terentia, & estoit mariee à Marcius Rex, & l'autre Clodia, que Metellus Celer auoit espousée, laquelle on surnommoit publiquement Quadrantaria, pource qu'un de ses amoureux luy enuoya une bourse pleine de quadrins, qui sont petites monoyes de billon au lieu d'argent. Clodius eut plus mauuais bruit pour celle là, que pour nulle des autres. Toutefois le peuple uouloit mal à ceulx qui tesmoignoient contre luy & qui le poursuiuoient.

E Ce que craignans les iuges, feirent mettre des gens armez alentour d'eulx au iour du iugement pour la seureté de leurs personnes: & es tablettes ou ilz escriuirent leurs sentences, les lettres en la plus part estoient toutes cōfuses. Toutefois on trouua qu'il y auoit plus grand nombre de ceulx qui le absouloient que d'autres. Aussi disoit on qu'il y en auoit qui s'estoient laissé gagner & corrompre par argent. A raison dequoy Catulus les rencontrant en son chemin, apres qu'ilz eurent donné leurs sentences, leur dit: Vrayement uous auiez bien raison de demander des gardes pour uostre

feureté, car uous craigniez que lon ne uous ostant l'argent que uous avez receu. F
 Et Cicerō dit à Clodius, qui luy reprochoit que son tesmoignage n'auoit point
 eu de foy: Mais au contraire, dit il, uingt & cinq de tes iuges m'ont creu, car au-
 tant y en a il eu qui r'ont condemné, & les trente ne r'ont pas uolu croire toy,
 car ilz ne r'ont point uolu absouldre, que premierement ilz n'eussent touché
 argent. Toutefois en ce iugement iamais Cēsar ne porta tesmoignage contre
 Clodius, & dit qu'il ne tenoit pas sa femme pour adultere, mais quil l'auoit re-
 pudicee, pource qu'il falloit que la femme de Cēsar fust non seulement nette de
 tout acte deshoneste, mais aussi de tout soupçon. Ainsi estāt Clodius eschap-
 pé de ceste accusatiō, & aiant trouué moien de se faire elire Tribun du peuple,
 se meit incontinent à persecuter Ciceron, remuant toutes choses, & irritant G
 toutes sortes de gens ensemble contre luy: car premierement il gaigna le me-
 nu peuple par ordonnances nouvelles qu'il proposa au profit & à l'aduantage
 de la commune, & fait decerner à l'un & à l'autre des Consulz de grādes & am-
 ples prouinces, à Piso la Macedoine, & à Gabinius la Syrie: il fait dōner droit
 de bourgeoisie à plusieurs pauures personnes: & auoit tousiours grand nōbre de
 serfs armez alentour de luy. Or y auoit il en ce tēps là trois personages à Ro-
 me qui auoient le plus d'autorité: l'un estoit Crassus, qui ouuertement se de-
 claroit ennemy de Ciceron: l'autre Pompeius, qui se faisoit faire la court par
 l'un & par l'autre: le tiers estoit Cēsar, lequel s'en deuoit bien tost aller en la
 Gaule avec armee. Ciceron se ietta soubz l'aile de celuy là, encore qu'il ne luy H
 fust pas biē assure amy, & qu'il se desfiast de luy pour les choses passees en la cō-
 iuration de Catilina, & le pria qu'il peust aller à la guerre avec luy comme l'un
 de ses lieutenans. Cēsar en fut content: & Clodius uoiant que par ce moien il
 euitoit l'annee de son Tribuniat, fait semblant de se uoloir recōcilier avec luy
 disant qu'il scauoit plus mauuais gré à Terentia de ce qu'il auoit fait contre luy
 qu'à luy mesme, & parloit amiablemēt de luy par tout ou il en uenoit à propos,
 en disant toutes bonnes & doulces paroles, qu'il ne luy uoloit point de mal,
 ny n'auoit point autremēt de rācune contre luy: mais qu'il s'en plaignoit seule-
 ment un peu, comme amy aiant esté offensé de son amy. Ces propos osterent
 toute crainte à Ciceron, tellement qu'il renonça à la lieutenance de Cēsar, & I
 se remeit derechef au maniement des affaires comme deuant: dequoy Cēsar
 estant despit, irrita & aiguillonna encore d'auantage Clodius encontre luy:
 &, qui plus est, aliena fort Pompeius de luy, & luy mesme dit & tesmoigna pu-
 bliquement deuant tout le peuple, qu'il luy sembloit que Ciceron auoit mal &
 iniustement contre les loix fait mourir Lentulus, Cethegus, & les autres, sans
 auoir esté premierement conuaincus & condemnez en iugement: car c'estoit
 l'accusatiō de Cicerō, & ce pourquoy on l'appelloit en iustice. Parquoy se uoiant
 accusé & poursuui de ce fait, il changea sa robe ordinaire en uestement de
 deuil, & laissant croistre sa barbe & ses cheveux sans les accoustrer ne peigner,
 alla par tout suppliant humblement le peuple: mais en tous lieux Clodius se K
 trouuoit au deuant de luy parmy les rues, aiant autour de luy des hommes oul-
 trageux, insolents, & iniurieux, qui falloient deshonteement mocquans de ce
 qu'il auoit ainsi changé de robe & de cōtenance, & bien souuent luy iettoient
 de la fange & des pierres, entrerpans les prieres & requestes qu'il faisoit au
 peuple. Ce neantmoins presque tous les cheualiers Romains changerent leurs
 robe quand & luy, & y auoit ordinairement bien uingt mille ieunes hommes
 de bonne maison, qui le suyuoient les cheveux nonchalamment aualez, & al-
 loient

A loient priant & intercedant pour luy. D'auantage le Senat s'assembla pour decerner que le peuple se uestist de deuil comme en un trouble publique: mais les Consulz sy opposerent: & Clodius estoit avec une troupe d'hommes armez alentour du Senat, tellement qu'il y eut plusieurs Senateurs qui s'en coururent hors, & sortirēt du Senat en criāt & deschirant leurs habillemens par destresse: mais pour ueoir tout cela, ces hommes n'en auoient point plus de pitié ny de honte, ains estoit force que Cicéron s'en allast uoluntaiement en exil, ou qu'il cōbattist par armes cōtre Clodius. Adonc se tourna Cicéron à prier Pōpeius de luy estre en aide: mais il festoit expressement retiré de la uille pour ne luy point aider, & se tenoit en une de ses maisons aux champs pres la uille d'Alba: si luy

B enuoya premierement Piso son gendre, pour le prier, & puis y alla luy mesme en personne: mais Pompeius aduerty de sa uenue, n'eust pas le cueur de le laisser uenir en sa presence pour le regarder au uisage: car il eust eu trop grande honte de refuser la requeste d'un personnage, qui auoit autrefois tant trauaillé pour luy, & tant fait & dit de choses en sa faueur: mais estant gendre de Cæsar, à la requeste il abandonna malheureusement au besoing celuy à qui il estoit obligé pour infinis plaisirs qu'il en auoit receus par le passé: & pour ceste cause quand il le sentit uenir, il sortit par la porte de derriere, & ne uolut point parler à luy. Ainsi Cicéron se uoiant trahy de luy, & n'ayant plus au demourant autre à qui recourir, se ietta entre les bras des deux Cōsulz, desquelz Gabinius luy fut toujours aspre & rude, mais Piso luy parla plus gracieusement, le priant & admo-

C nectant de s'absenter pour quelque temps, en cedant un petit à la furieuse impetuosité de Clodius, & de porter patiemment la mutation des temps, pource qu'en ce faisant, il seroit une autrefois sauueur de son païs, lequel pour l'amour de luy estoit tout en combustion. Ceste responce ouye, Cicéron s'en conseilla avec ses amis, entre lesquelz Lucullus estoit d'aduis qu'il deuoit demourer, & qu'il seroit le plus fort: les autres furent d'opinion qu'il s'en allast plus tost, pour ce qu'il ne passeroit gueres de temps, que le peuple le regretteroit, quand il auroit bien enduré de la follie & fureur de Clodius. Cicéron aimant mieulx suyure ce conseil, & aiant de long temps en sa maison une statue de Minerue, laquelle il reueroit grandement, la porta luy mesme & la donna au Capitole, avec une telle inscription, A Minerue conseruatrice & gardiene de Rome. Et luy aians ses amis baillé des gens pour le conduire seurement, sortit de la uille enuiron minuit, & prit son chemin par terre atrauers le païs des Lucaniens, uolant tirer en Sicile. Si tost que lon sceut qu'il s'en estoit fuy, Clodius le feit bānir par arrest du peuple, & le feit déclarer par affiches publiques interdit, avec defēce de le receuoir à couuert à cinq cents mille à la ronde de toute l'Italie: mais les autres portans reuerence à Cicéron, ne firent compte aucun de ceste defence, ains apres luy auoir fait tout le plus courtois recueil qui leur fut possible, le conuoyerent encore au departir, excepté en une uille de la Lucanie, qui lors

E s'appelloit Hipponium, & maintenant s'appelle Vibone, ou un Sicilien nommé Vibius, à qui Cicéron auoit fait plusieurs plaisirs, & notammēt entre autres l'auoit fait estre maistre des ouuriers l'année qu'il fut Consul, ne le uolut oncques receuoir en sa maison: mais biē luy promeit qu'il luy designeroit un lieu aux chāps, ou il se pourroit retirer à couuert. Et Gaius Verginius, pour lors Preteur & gouuerneur de la Sicile, qui parauant se monstroit estre son grand amy, luy escriuit, qu'il ne s'approchast point de la Sicile. Ces choses luy creuerent le cueur: si dressa son chemin droit à la uille de Brundisium, là ou il sembarqua

pour trauerser à Dyrrachium, & eut du cōmencement le uent à gré: mais quand F
il fut en haulte mer, il se tourna & le ramena le lēdemain dōt il estoit party, de-
puis il feit uoile une autre fois, & dit on qu'à son arriuee à Dyrrachium, quand
il descendit & sortit hors du uaisseau, la terre trembla dessoubz luy, & la mer se
foubleua tout ensemble, par ou les deuins interpreterent que son exil ne seroit
pas long, pource que l'un & l'autre estoit signe de mutation. Mais encore qu'il
uint beaucoup de gens le uisiter pour l'amitié qu'ilz luy portoiēt, & que les uil-
les Grecques feissent à l'enuy les unes des autres, à qui plus l'honoreroit, ce
neantmoins il demouroit tousiours triste, & ne pouuoit faire bonne chere, ains
retournoit tousiours ses yeux uers l'Italie, comme font les passionnez amoureux
deuers leurs amours: se monstrant plus foible de cuer, & plus laschement ab- G
battu & abaissé de ceste siene aduersité q̄ lon n'eust peu esperer d'un persona-
ge qui auoit si bien estudié & qui sçauoit tant comme luy, & toutefois il prioit
ses amis bien souuent de ne l'appeller point orateur, mais plus tost philosophe,
disant que la philosophie estoit sa principale profession, & que de l'eloquence
il n'en usoit sinon cōme d'un util necessaire à qui s'entremet du gouuernement
des affaires. Mais il est bien mal aisé que l'opinion n'efface ces beaux discours,
ne plus ne moins qu'une teinture des ames de ceulx qui s'empeschent du gou-
uernement des affaires publiques, & qu'elle ne leur imprime les mesmes passios
que sentent les hommes vulgaires pour la communication & frequentation
ordinaire qu'ilz ont avec eulx, si ce n'est qu'ilz prenēt biē garde à eulx, & qu'ilz H
uienent au maniēmēt de la chose publique, avec ceste ferme resolution d'auoir
à traiter de mesmes affaires que le vulgaire, mais non pas à s'embrouiller des
mesmes passions que leur engendrēt les affaires. Or ne fut ce pas assez à Clodius
d'auoir chassé Cicéron hors de toute l'Italie: car il luy brussa encore ses mai-
sons aux champs, & celle de la uille sur la place, de laquelle il feit edifier un
temple de liberté, & feit porter ses biens meubles à lencan, là ou tout le long
du iour on crioit biens à uēdre, & ne se trouuoit personne qui en uoulust ache-
pter, pour lesquelles uiolēces il commença à estre redoubtable aux autres gros
personnages de la uille, & tirant à son plaisir, comme il uouloit, le menu peu-
ple abandonné à toute licence & route insolence, il chercha de se attacher à I
Pompeius, en parlant mal de quelques choses qu'il auoit ordonnees du temps
qu'il faisoit la guerre, dont tout le monde disoit, que c'estoit tresbien employé
& luy se blasmoit grandement soymesme, de ce qu'il auoit abandonné Cicéro,
& s'en repētoit, taschāt par tous moiens avec ses amis de le faire rappeler. Clo-
dius au contraire sy opposoit tant qu'il pouuoit: mais le Senat unanimement
ordonna qu'il ne se depescheroit ny ne sarresteroit chose quelconque apparte-
nant au public, que premierement le retour de Cicéron ne fust decreté. Lentu-
lus estoit lors Consul, & proceda la sedition & le tumulte si auant sur ce faict
qu'il y eut des Tribuns du peuple qui furēt blecez sur la place mesme, & Quin-
tus Cicéron le frere fut abbattu & caché soubz les morts, adonc le peuple com- K
mencea à changer de uoulunté, & Annius Milo l'un des Tribuns du peuple
fut le premier qui oza mettre la main sur Clodius & le tirer par force en iu-
stice, & Pompeius assembla autour de sa personne bon nombre d'hommes
tant de la uille de Rome mesme que des uilles uoissines, avec l'assurance des-
quelz il sortit de sa maison, & contraignit Clodius de se retirer de la place,
& lors il appella le peuple pour donner ses uoix sur le rappel de Cicéron.
Lon dit que iamais le peuple ne decreta chose avec si grande affection, ne si
unanime

A unanime consentement que ce retour: & le Senat, faisant à l'enuy du peuple, ordonna que les uilles qui auoient receu & honoré Cicéron durant son exil, en seroient louées, & que ses possessions & maisons qui auoient esté démolies & ruinees par Clodius, seroient restablies aux despens du public. Ainsi retourna Cicéron seize mois apres son bannissement, & en monstrent les uilles & citez par ou il passa si grande resiouissance, que toutes sortes de gens luy allerent par honneur au deuant, de si bonne affection & de si bon cueur, que ce que Cicéron en dit depuis estoit encore moindre que la uerité: car il dit que l'Italie le rapporta sur ses espaules iusques dedans Rome: là ou Crassus mesme, qui auant son bannissement luy estoit ennemy, luy alla diligemment au deuant, & fit son appointment avec luy, disant que c'estoit pour l'amour de son filz qu'il le faisoit, lequel estoit grand amateur de Cicéron. Si ne fut pas plus tost de retour, qu'il espia un iour que Clodius estoit hors de la uille, & s'en alla avec bone compagnie de ses amis au Capitole, là ou il arracha, rompit & gasta les tables, esquelles estoit enregistré & escrit tout ce que Clodius auoit fait durant son Tribunat: ce que Clodius uolul depuis tourner en crime à Cicéron: mais Cicéron luy respondit, qu'il auoit indeuëment & contre les loix esté créé Tribun: ce qu'il ne pouuoit estre, attendu qu'il estoit des familles que lon appelle Patricienes, & par ce, que tout ce en quoy il estoit entreuenu en son Tribunat estoit nul. Caton se courroucea de cela & s'y opposa, non pource qu'il trouuaist rien bon de ce que Clodius auoit fait: car au contraire, il blasmoit bien fort toute son administration: mais pource qu'il luy sembloit que ce seroit chose trop uiolente & desraisonnable, que le Senat cassast & annullast tant de choses qui auoient esté faites & passees durant son Tribunat, mesme-ment qu'entre icelles estoit ce q luy mesme auoit manié en l'isle de Cypre, & en la uille de Byzance. Cela fut cause qu'il y eut quelque alienation de uolunté entre eulx, laquelle toutefois ne proceda point iusques à en faire aucune demonstration apparente au dehors, mais seulement iusques à se hanter & caresser moins familièrement l'un l'autre qu'ilz ne faisoient auparauant. Quelque téps apres Milo tua Clodius, & en estant appelé en iustice comme homicide, il pria Cicéron de prendre la defence de sa cause: mais le Senat craignant que ceste accusation de Milo, qui estoit homme courageux & personnage de qualité, ne fust cause de quelque trouble & sedition en la uille, donna commission à Pompeius de tenir la main forte à la iustice, tant en ceste cause comme es autres criminelles, à ce q la uille demourast en paix, & que les iugemens se peussent exercer en toute seurété. A l'occasion dequoy, Pompeius des la nuit precedente aiant fait saisir les plus haults lieux de la place par homes de guerre armez qu'il disposa tout alenuiron, Milo craignât que Cicéron ne sestonnast de uoir reluire ces armes autour de luy, pource q c'estoit chose nō accoustumee, & que cela ne l'empeschast de biē plaider sa cause, le pria de se faire porter de bone heure en litiere sur la place, & là se reposer, en attendât que tous les iuges fussent uenus & le parquet tout remply. Pource que Cicéron n'estoit pas seulement craintif aux armes, mais aussi à plaider: car il ne commenceoit iamais à parler que ce ne fust en crainte, & à peine cessa il de uaciller & trembler de peur lors que son eloquence estoit ia paruenue à sa fleur, & auoit attainct à la cyme de sa perfection: tellemēt qu'en une cause de Lucius Murena, qui fut accusé par Caton, se perforceât de surmōter Hortensius, duquel le plaidoyer auoit esté bien estimé, il ne reposa point de toute la nuit, & pour auoir trop ueillé & trop trauaillé,

se sentit mal, de sorte qu'il ne fut pas trouué auoir si bien plaidé commel'autre. F
 Estant doncques lors allé pour defendre la cause de Milo, quand au sortir de sa
 litriere, dedans laquelle il s'estoit fait porter, il apperceut Pôpeius assis en hault
 lieu, comme s'il eust esté en un camp, & la place enuironnee d'armes reluisan-
 tes tout alentour, il se troubla de telle maniere, qu'à peine euida il iamais com-
 mencer à parler, tant tout le corps luy trébloît fort, & ne pouuoit auoir sa uoix:
 là ou au contraire, Milo luy mesme assistoit assureement & sans apparence de
 crainte quelconque à ce iugement de sa cause, sans que iamais il daignast ny
 laisser croistre ses cheueux, comme souloient faire les autres accusez, ny se
 uestir de robe noire, ce qui semble auoir esté l'une des principales causes de sa
 condamnation: toutefois on eut opinion que ceste timidité de Ciceron proce- G
 doit plus tost de bõne affectiõ qu'il auoit enuers les siens, que de faulte de cuer
 ne de couardise. Il fut aussi élu l'un des presbtres deuins qu'ilz appellent Au-
 gures, au lieu de Crassus le ieune apres qu'il eut esté tué au pais des Parthes. De-
 puis luy estant escheute au sort la prouince de la Cilicie avec une armee de dou-
 ze mille hommes de pied, & deux mille cinq cens cheuaux, il monta sur mer
 pour y aller, & arriué qu'il y fut, rendit la Cappadocié obeissante à son roy A-
 nobarzanes, suiuant la commission & le mandement qu'il en auoit du Senat: il
 renga & ordonna toutes choses là & ailleurs, si bien sans guerre, que lon n'y
 eust sceu rien desirer: & uoyans que les Ciliciens estoient deuenus un peu forts
 en bride pour la secousse que les Romains auoient receuë des Parthes, & pour H
 les mouuemens de la Syrie, il les ramena à la raison, en leurs commandât gra-
 cieusement, & ne receut iamais present quelconque que lon luy enuoyast, non
 pas des princes ny des roys mesmes, & si deschargea ceulx de sa prouince des
 banquets & festins qu'ilz auoient accoustumé de faire aux autres gouuerneurs
 auant luy. Mais luy au contraire auoit tous les iours à sa table les honestes gens
 de sçauoir à manger avec luy, & les traittoit honestemēt sans aucune superflui-
 té toutefois. Sa maison n'auoit point de portier: ny iamais hõme ne le ueit cour-
 ché en son liēt, car des la poincte du iour il se leuoit, & en se promenant deuāt
 son logis ou se tenant debout, recueilloit gracieusement tous ceulx qui le ue-
 noient saluer & uisiter. Et dit on que iamais il ne fait fouetter ny battre deuer- I
 ges personne, ny deschirer les uestemens: iamais ne dit iniure à homme quel
 qu'il fust par cholere, ny n'en condamna à l'amende avec oultrage. Et trouuāt
 plusieurs choses appartenantes au public, que des particuliers auoient usurpees
 & derobbees, il les rendit aux uilles, lesquelles par ce moien en deuindrent ri-
 ches, & neantmons encore sauua il l'honneur à ceulx qui les auoient usurpees,
 sans leur faire autre mal que de les contraindre à rendre ce qu'ilz detenoient du
 public. Il fait aussi un petit de guet, & chassa quelques brigāds qui se tenoient
 aux enuirs de la montaigne d'Amanus, pour lequel exploit ses soudards le
 declarerent & le nommerēt Imperator, c'est à dire, souuerain capitaine. Il y eut
 enuiron ce temps là un orateur Cecilius qui le pria par lettres de luy enuoyer K
 des leopars & des pantheres de la Cilicie pour quelque esbattement qu'il uou-
 loit donner au peuple à Rome. Ciceron se glorifiant de ses faicts, luy rescriuit
 qu'il n'y auoit plus de leopards en la Cilicie, & qu'elles s'en estoient fouyes en
 la Carie, de despit qu'elles auoient de ueoir que toutes choses estans en paix en
 la Cilicie, on n'y faisoit plus la guerre que contre elles. En s'en retournāt de son
 gouuernement, il passa par Rhodes, & fait quelque seiour à Athenes avec grād
 plaisir pour la memoire du contentement qu'il y auoit eu autre fois du temps
 qu'il

A qu'il y demouroit à l'estude. Si fut uisité par les premiers hommes en sçauoir & en lettres qui y fussent, & ueit ses familiers & amis qui pour lors y residoient. Et finalement apres auoir receu de la Grece le recueil & l'honneur qui luy appartenoit, il s'en retourna à Rome, là ou il trouua les partialitez ia tellement enflammées, que lon uoyoit euidentement qu'il en sortiroit à la fin une guerre ciuile. A l'occasion dequoy le Senataiant decerné qu'il entreroit en triūphe dedans la uille, il respondit que plus uoluntiers il suiuiroit le chariot triūphāt de Cēsar, y aiant un bon accord fait entre eulx, dequoy faire il les enhorta & conseilla fort, en escriuant par plusieurs fois à Cēsar, & en priant de bouche Pōpeius luy mesme en presence, taschant à addoucir & appaiser l'un & l'autre par tous moiens: mais le mal estāt si incurable, qu'il n'y auoit plus ordre ne moien de les pouuoir accorder, quand Pompeius sentit Cēsar approcher, il n'osa demeurer en la uille, ains en sortit avec plusieurs autres gens de bien & grands personnages. Ciceron ne le suiuit point en ceste fuitte, & pourtant estima lon qu'il fust pour se ioindre au party de Cēsar, & est certain qu'il fut en tresgrande perplexité, ne sachant commēt s'en resouldre, & en grande destresse en son entendement. Car il escrit en ses Epistres: De quel costé me doy ie tourner? Pompeius a bien la meilleure & la plus honeste cause de faire la guerre, mais Cēsar cōduit mieulx son affaire, & se gouerne mieulx pour s'asseurer luy & les siens: de sorte que i'ay bien qui fouir, mais nō pas à qui recourir. Sur ces entrefaittes,

C il y eut un des familiers de Cēsar nommé Trebatius, qui luy escriuit une lettre, par laquelle il luy mandoit que Cēsar estoit d'aduis qu'il s'en deuoit principalement uenir uers luy pour courir sa fortune & participer à son esperance, mais sil faignoit de ce faire pour le regard de sa uieillesse, qu'il s'en deuoit aller en la Grece se reposer & s'oster de deuant les uns & les autres. Ciceron trouuant estrange comment Cēsar ne luy auoit escrit luy mesme, respondit en cholere, qu'il ne feroit rien indigne de ce qu'il auoit fait au demourant de sa uie. Voila ce qu'il en escriuit en ses lettres missiues. Mais s'en estant Cēsar allé en Hespagne, il monta incontinent en mer pour s'en aller trouuer Pompeius: là ou arriué qu'il fut, tous les autres le ueirent uoluntiers, excepté Caton, lequel à part en secret le reprit bien fort de ce qu'il festoit uenu ioindre à Pompeius, disant que quant à soy il ne luy eust pas esté honeste d'abandonner alors le party qu'il auoit des le commencement choisy & suiuy au gouuernement de la chose publique: mais quant à luy, qu'il eust esté plus utile & pour le bien public du païs, & particulièrement pour tous ses amis, qu'il fust demouré neutre entre les deux parties, en s'accommodant selon ce qui aduiendroit, & qu'il n'y auoit nulle raison, ny cause necessaire qui le contraignist de se declarer ennemy de Cēsar, & de uenir là se ietter en un si grand peril. Ces remonstrances de Caton renuerserent toute la resolution de Ciceron, avec ce que Pompeius ne se seruoit de luy en nulle chose de consequence, dequoy toutefois il estoit plus

E cause luy mesme que Pompeius, par ce qu'il confessoit ouuertement qu'il se repentait d'estre là uenu, & que ordinairement il raualloit & faisoit les preparatifs de Pompeius petits, & qu'il trouuoit mauuaises toutes leurs deliberatiōs, ce qui le rendoit suspect, & si ne se pouuoit pas tenir de laisser eschapper tousiours quelque morde risée & de mocquerie encontre ceulx de son party, cōbien que luy mesme n'eust aucune enuie de rire: car il alloit tousiours par le camp triste & pensif: mais il disoit tousiours quelque brocard qui faisoit rire les autres, encore qu'ilz en eussent aussi peu de uolūtē que luy. Si ne sera point hors de pro-

pos en mettre quelques uns en cest endroit. Domitius taschoit d'auancer un certain personnage auquel il uouloit faire donner une place de capitaine, & pour le recommander disoit, qu'il estoit homme honeste, sage, & modeste. Cicéron ne se peut tenir de luy dire, Que ne le gardes tu donc pour gouuerner tes enfans? Il y en auoit qui louoient Theophanes Lesbien, qui estoit maistre des ouuriers du camp, de ce qu'il auoit bien reconforté les Rhodiens touchant la perte qu'ilz auoient faitte de leurs uaisseaux. Voyez, dit Cicéron, quel grand bien c'est d'auoir un maistre des œuures Grec? Quand ce uint à ioindre de pres que Cæsar auoit quasi par tout l'auantage, & les tenoit presque assiegez, Lentulus dit un iour qu'il entendoit que les amis de Cæsar estoient tous tristes & melancholiques. Cicéron luy respondit, Dis-tu qu'ilz portent mauuaise uolunté à Cæsar? Vn autre nommé Marcius, uenant tout freschement d'Italie dit, que le bruit estoit à Rome, que Pompeius estoit assiegé: Cicéron luy dit, Comment t'es tu donc embarqué pour le uenir ueoir toy mesme, à fin q tu le creusses quand tu l'aurois ueu? Apres la desfaitte il y eut un Nonnius qui dit que lon deuoit encore auoir bonne esperâce, pource que lon auoit pris sept Aigles dedans le camp de Pompeius, Ton admonestement ne seroit pas mauuais, luy dit Cicéron, si nous auions à combattre contre des Pies ou des Gays. Labienus alloit assurent sur la fiance de quelques oracles, que Pompeius reuiendrait bien tost: Voyre mais, dit Cicéron, avec toute ceste belle ruze de guerre, nous auons n'aguères perdu nostre camp pourtant. Apres la iournee de Pharsale, en laquelle il ne se trouua pas, pource qu'il estoit malade, s'en estant Pompeius fuy, Caton se trouuant à Dyrrachium, là ou il auoit ramassé bon nombre de gens de guerre, & grosse flotte de uaisseaux, le pria de prendre la charge & la superintendence de toute ceste armee, comme il luy appartenoit aiant esté Consul. Cicéron non seulement le refusa, mais aussi leur declara qu'il ne uouloit plus en forte quelconque, s'entremettre de ceste guerre: ce qui fut presque cause de le faire tuer, pource que le ieune Pompeius & ses amis qui là estoient l'appellerent traistre, & desgainnerent leurs espees sur luy pour le tuer, n'eust esté Caton qui se meit entre deux, & eut beaucoup d'affaire à le sauuer, & à l'enuoyer à sauueté hors du camp. Quand il fut arriué à Brundisium il sciourna là quelque temps, attendant Cæsar qui tardoit à uenir pour les affaires qu'il trouua, tant en Asie qu'en Egypte: mais finablement la nouuelle estant uenue qu'il estoit arriué à Tarente, & qu'il s'en uenoit de là par terre à Brundisium, il se partit pour aller au deuant de luy, ne se desfiant pas que Cæsar ne fust pour luy pardonner, ains aiant hôte de se presenter à un sien ennemy uictorieux en presence de tant de gens qu'il y auoit alentour de luy, toutefois il ne fut point contrainct de faire ne de dire chose aucune derogante à sa dignité: car Cæsar le uoiant uenir au deuant de luy bien loing deuant la troupe des autres, descendit de cheual & l'embrassa, & chemina bien longuement deuisant tousiours avec luy seul à seul, & de là en auant continua tousiours à l'honorer & caresser, de sorte que Cicéron aiant K escrit un traitté à la louange de Caton, Cæsar en escriuit alencontre un autre, auquel il loua l'eloquence & la uie de Cicéron, comme semblable à celle de Pericles & de Theramenes. Ce traitté de Cicéron, est intitulé Caton, & celuy de Cæsar Anricaton, c'est à dire, contre Caton. Et dit on d'auantage que Quintus Ligarius estant accusé d'auoir porté les armes contre Cæsar, Cicéron le prit à defendre, & que Cæsar dit à ses amis, qui estoient autour de luy, Que nous nuyra d'ouyr Cicéron qu'il y a long temps que nous n'ouysmes? car au demourant

- A Ligarius est, quant à ma resolution, pieça tout condemné, pource que ie le tiens pour un mauuais homme, & pour mon ennemy. Mais Cicéron n'eut pas plus tost commencé à entrer en propos, qu'il l'emeut merueilleusement, estant son parler si plein de bonne grace, & si uehement en affections, que lon dit que César changea sur l'heure de plusieurs couleurs, monstrant euidentement à sa face qu'il sentoit toutes sortes de mouuemens en son cuer, iusques à ce que finalement l'orateur uint à toucher la bataille de Pharsale: car alors César trāsporté hors de soy, tressaillir de toure la personne, de sorte que quelques papiers qu'il tenoit, luy tumberent des mains, & fut contrainct mal gré luy, contre son preiudice, d'absouldre Ligarius. Depuis estant la chose publique reduitte en Monarchie quittant de tout poinct le maniemēt des affaires, il se meit à enseigner la philosophie aux ieunes hommes qui le uoulurent hanter, par la frequentation desquelz, pource que c'estoiēt presque tous les premiers & les plus nobles de la uille, il uint derechef à auoir autant ou plus d'authorité en la uille que iamais. Son estude & occupation estoit de cōposer des discours de philosophie, en maniere de deuïs, & d'en translater de Grec en Latin, mettant peine de rendre les paroles Grecques, qui sont propres aux Dialecticiens ou aux Physiciens, par autres Latines: car ce a esté, comme lon dit, le premier qui a donné noms Latins à ces mots Grecs, qui sont propres aux Philosophes, Phantasia, c'est à dire, apprehension, Catathesis, consentement, Epoché, doute, Catalepsis, cōprehension, Atomon, indiuisible, Ameres, simple, Cēnon, vuide, & plusieurs autres semblables: au moins si ce n'a esté le premier, ce a bien esté celuy qui plus en a inuenté & usé, en tournant aucuns par translations autres en termes propres, si bien qu'ilz estoient receus, usitez, & entendus de chascun. Quant à la facilité & promptitude d'escrire uers, il en ufoit aucunesfois par maniere de passe-temps: car on dit que quand il sy mettoit une fois, il en escriuoit bien cinq cēts pour une nuit. Or durāt tout ce tēps là, il se tenoit presque ordinairement aux champs, en quelques maisons qu'il auoit aupres de Thusculū, de là ou il escriuoit à ses amis, qu'il menoit une uie de Laertes, soit qu'il le dict en iouant, comme c'estoit bien sa coustume, ou pource qu'il sentist des pointures de l'ambitiō
- D qui luy feissent desirer de retourner au maniemēt des affaires, & deplorer l'estat present de la chose publique, tāt y a qu'il uenoit bien peu souuēt à la uille, pour uisiter & entretenir César, & estoit tousiours le premier à approuuer & confirmer les honneurs qui luy estoient decernez, & s'estudioit à dire tousiours quelque chose de nouueau, à la louange de luy & de ce qu'il faisoit, cōme fut ce qu'il dit touchant les statues de Pompeius, lesquelles aians esté abbattues, César cōmanda qu'elles fussent redressees, comme elles le furent, car Cicéron dit alors, que César par ceste humanité d'auoir fait redresser les statues de Pōpeius, auoit asseuré les sienes. Mais aiāt proposé d'escrire toute l'histoire Romaine, & y mesler parmy beaucoup des Grecques, en y adiouxant toutes les fables & fictions
- E entierement que les Grecs escriuent & racomptent, il fut surpris de plusieurs affaires & accidents publiques & priuez, qui l'accueilloient oultre son gré, dōt toutefois il s'en procura la plus part luy mesme: car premierement il repudia sa femme Terentia, pource qu'elle n'auoit tenu compte de luy durant la guerre, de maniere qu'il se partit de Rome sans auoir ce qu'il luy estoit necessaire pour s'entretenir hors de sa maison, & encore quand il s'en retourna ne feir elle aucū acte ny deuoir de bonne affection enuers luy: car elle ne uint oncques à Brundisium, là ou il sejourna long temps: & qui pis est, à sa fille qui eut bien le cuer

de se mettre en chemin pour faire un si long uoiage, elle ne luy donna ny fuyte ny F
côpagnie, ny argent, & equippage tel cômme il luy appartenoit, ains feit en sorte
que Cicéron à son retour trouua sa maison vuide, & aiant faulte de toutes cho-
ses necessaires, & au contraire bien lourdement chargée de debtes: c'estoient les
plus honestes causes que lon alleguast de leur diuorce. Mais oultre ce que Te-
rentia les nyoit, luy mesme luy donna bien grand moien de s'en iustifier, par ce
que peu de temps apres il espousa une ieune fille, dont il estoit deuenu amou-
reux, comme disoit Terentia, pour sa beaulté, ou, comme Tiro son seruiteur a
escriit, pour sa richesse, à fin que des biens d'elle il peust payer ses debtes: car elle
estoit fort riche, & luy gardoit Cicéron ses biens aiant esté institué heritier, côm-
missaire pour cest effect: & pource qu'il deuoit une grosse somme d'argent, ses G
parents & amis luy conseillerent d'espouser ceste ieune fille, encore qu'il fust
hors d'aage pour elle, à fin que des biens d'elle il peust satisfaire à ses creanciers:
mais Antonius faisant mention de ce mariage es responces qu'il feit alencon-
tre des Philippiques de Cicéron, luy reproche qu'il auoit chassé de sa maison
une femme, aupres de laquelle il estoit enuieilly, en le notant quand & quand
plaisamment d'auoir esté homme qui ne s'estoit iamais party de sa maison, ny
n'auoit esté en guerre pour faire seruice à la chose publique. Peu de temps apres
qu'il eut espousé ceste seconde femme, sa fille mourut en trauail d'enfant en la
maison de Lentulus, auquel elle auoit esté mariee en secondes nopces, apres la
mort de Piso son premier mary: si leuindrent ueoir les philosophes & gens de H
lettres de tous costez, pour le recôforter: mais il porta si impatiémēt ceste mort,
qu'il en repudia sa seconde femme, pource qu'il luy fut aduis qu'elle se resioit
de la mort de sa fille. Voila l'estat auquel estoient les affaires de sa maison.
Quant à la coniuration alencontre de César, il n'en fut point participant, en-
core qu'il fust des plus grands amis de Brutus, & qu'il fust desplaisant de ueoir
les choses reduittes en l'estat qu'elles estoient, & qu'il regrettaist le passé au-
tant que nul autre: mais les coniurez eurent peur de sa nature, qui auoit faulte de
hardiesse, & de son aage, auquel bien souuent l'asseurance uient à faillir aux plus
fortes & plus constantes natures. Toutefois la conspiration aiant esté executée
par Brutus & par Cassius, les amis de César festans bendez ensemble, on eut I
grâde doute que la uille ne tumbaist derechef en guerres ciuiles. Et Antonius
qui lors estoit Consul, feit assembler le Senat, là ou il parla quelque peu de re-
duire les choses à concorde: mais Cicéron aiant fait plusieurs remonstrances
propres au temps, proposa finablement au Senat de decerner à l'exemple des A-
theniens une generale abolition & oubliance des choses faittes alencontre de
César, & de distribuer à Brutus & à Cassius quelques gouuernemens de prouin-
ces, mais il ne s'en feit du tout rien: car le peuple de luy mesme s'esmeut à pitié &
compassion quand il ueit porter le corps à trauers la place. Et quand Antonius
d'auantage leur monstra sa robbe toute pleine de sang, perçee & detaillee de
coups d'espee, adonc deuindrent ilz presque furieux de courroux, cherchâs par K
la place s'ilz trouueroient aucuns de ceulx qui l'auoient tué: & prenans des ri-
zons de feu s'en coururent uers leurs maisons pour les y brusler: mais eulx aians
bien preueu ce danger s'en sauuerent: & se doubtrans que s'ilz demouroient
à Rome ilz auroient beaucoup de telles alarmes, ilz abandonnerēt la uille. Par-
quoy Antonius incontinent leua la teste haulte, & deuint redoutrable à tous,
comme pretendant à se faire Monarque, mais plus encore à Cicéron qu'à nul
autre: car Antonius uoiant que Cicéron comméçoit à rentrer en autorité au

A maniemment des affaires, & sachant qu'il estoit familier amy de Brutus ne le uoyoit point uoluntiers aupres de luy, & si y auoit encore d'ailleurs souspecō entre eulx deux pour la diuersité de leurs meurs & differēce de leurs natures; ce que craignant Ciceron, fut premierement en propos de s'en aller au gouuernement de la Syrie soubz Dolabella, comme l'un de ses lieutenās: mais ceulx qui estoient designez pour estre Cōsulz l'annee ensuiuāt apres Antonius, deux hōmes de bien, grands zelateurs de Ciceron, Hircius & Pansa, le prierent de ne les abandonner point, prenans sur eulx qu'ilz aboliroyent ceste trop grande puissance d'Antonius, pourueu qu'il uoulust demourer avec eulx. Parquoy Ciceron ne les croyant, ny ne les descroyans pas aussi du tout, laissa aller Dolabella, &

B promet à Hircius & Pansa qu'il passeroit son esté à Athenes, & que si tost qu'ilz auroient pris possession de leur Consulat il s'en retourneroit à Rome: & en ceste resolution monta sur mer tout seul pour s'en aller en la Grece. Mais ainsi qu'il aduient souuent, il y eut quelque empeschemēt qui le retarda qu'il ne peut faire uoile, & luy uenoiet tous les iours nouuelles de Rome, comme est bien la coustume, que Antonius festoit merueilleusemēt chāgé, & qu'il ne faisoit plus rien, sinon avec l'autorité & le consentement du Senat, & qu'il ne tenoit plus qu'à sa presence que toutes les choses n'allassent bien: Adonc luy mesme condénant sa trop grāde crainte, s'en retourna derechef à Rome, là ou il ne se trouua point deceu de sa premiere esperance, tant il sortit de gens qui allerēt au deuant de luy, de sorte qu'il consuma presque tout un iour à embrasser & toucher

C en la main de ceulx qui par honneur l'estoient uenu rencontrer tant à la porte de la uille que par le chemin, iusques en sa maison. Le lēdemain Antonius feit assembler le Senat, & le feit nommeement appeller: il n'y uoulut pas aller, ains se meit au liēt, feignant se trouuer mal pour le travail qu'il auoit enduré le iour precedent: mais la uraye cause pour laquelle il n'y alloit pas, estoit la crainte & le souspecō d'une embusche que lon luy auoit dressée sur le chemin sil y fust allē, ainsi qu'il luy auoit esté reuelé par un de ses amis. Antonius fut marry de ce qu'on le calumnioit à tort de le faire aguetter, & enuoya des soudards en sa maison, aux quelz il commanda de l'amener comment que ce fust, ou de mettre le feu dedans sa maison: toutefois plusieurs s'en entremirent, qui le prierent de n'en faire rien, & se contenta de faire seulement prédre des gaiges en sa maison. Depuis ceste heure là, ilz continuerent tousiours à s'entreharceler tout doucement neantmoins, en se donnant garde l'un de l'autre, iusques à ce que le ieune Cēsar, retournant de la uille d'Apollonie, se porta pour heritier de l'ulius Cēsar, & uint en differēt avec Antonius pour la somme de deux millions cinq cents mille escus qu'il retenoit riēre luy des biēs de Cēsar. A l'occasion de quoy Philippus qui auoit espōsé la mere de ce ieune Cēsar, & Marcellus qui estoit mary de sa sœur, s'en allerent avec luy deuers Ciceron, & conuindrent ensemble, que Ciceron presteroit au ieune Cēsar la faueur de son autorité & de son eloquence, tant enuers le Senat qu'enuers le peuple, & le ieune Cēsar en recompense assureroit Ciceron par le moien de son argent & de ses armes: car le ieune homme auoit desia autour de luy plusieurs des uieux soudards qui auoient esté à la guerre soubz Cēsar. Et d'auantage il y auoit une autre cause qui faisoit que Ciceron acceptoit bien uoluntiers l'amitié de ce ieune Cēsar: c'est que du uiuant de Pompeius & de Iulius Cēsar, il luy fut aduis une nuit en songeāt, que lon feit appeller les enfans des Senateurs au Capitole, pource que Iupiter auoit ordonné de monstrier celuy qui deuoit un iour estre chef & prince

de Rome, & que tous les Romains de grand desir qu'ilz auoient de ueoir qui ce feroit, estoient tous accourus autour du temple: & que tous les enfans semblablement estoient là attendâs avec leurs belles robes bordees de pourpre, iusques à ce que soudainement les portes du temple s'ouuurent: & adôc les enfans se leuerent les uns apres les autres, & allerent passer au long de la statue de Iupiter, qui les regarda tous, & les renuoya bien mal cōtents, excepté ce ieune César, auquel, quand il uint à passer deuant luy, il tendit la main & dit, Seigneurs Romains, cest enfant icy est celuy qui mettra fin à uoz guerres ciuiles quand il sera uostre chef. Lon dit que Cicéron eut ceste uision en dormant, & qu'il imprima bien fermement en sa memoire la forme du uisage de l'enfant, mais qu'il ne le cognoissoit point, & que le lendemain il s'en alla expressement au champ de Mars ou se souloient aller esbattre les ieunes gens, là ou il trouua que les enfans aians acheué leurs exercices, s'en retournoient en leurs maisons, & qu'entre eulx il apperceut le premier celuy qu'il auoit ueu en songear, & le recongneut fort bien, dequoy estant encore plus esbahy, il luy demanda à qui il estoit. Il estoit filz d'un Octauius, qui n'estoit pas autrement homme de fort grand nom, & de Accia sœur de Iulius César, lequel n'ayant point d'enfant, l'institua par testament son heritier, en luy laissant ses biens & sa maison. Depuis ce temps là, on dit que Cicéron estoit bien aise de parler à luy quand il le pouuoit rencontrer, & que luy aussi receuoit amiablement le bon recueil & la chere que luy faisoit Cicéron: car encore de bonne aduenture il auoit esté né l'année mesme de son Consulat. Voila les causes que lon alleguoit de l'inclination que Cicéron auoit à ce ieune César: mais à la uerité la haine grande qu'il portoit à Antonius premierement, & puis sa nature qui estoit ambitieuse, furent à mon aduis, les principales causes qui luy acquerirent l'amitié de César, estimât que le port de sa puissance luy seruiroit à fortifier son autorité au maniemēt des affaires, avec ce que le ieune homme le sçauoit si bien flatter, qu'il l'appelloit son pere: dequoy Brutus se courrouceât fort es Epistres qu'il escriit à Atticus, reprēt aigremēt Cicéron, disant que pour la crainte qu'il auoit d'Antonius, il se soubmettoit à ce ieune César, & monstroit ne rascher pas tant à remettre Rome en liberté, comme il prochassoit d'auoir un maistre doulx & gracieux. Toutefois Brutus ne laissa pas pour cela d'emmener avec luy le filz de Cicéron qui estudioit à Athenes en la philosophie, & luy dōner charge de gēs aupres de luy, & de s'en seruir en plusieurs endroits, esquelz il se porta tresbien. Mais l'autorité & la puissance de Cicéron fut alors en uigueur plus grāde qu'elle n'auoit encore iamais esté: car il faisoit & obtenoit tout ce qu'il uouloit: & embrouilla si bien Antonius, qu'il le chassa de la uille, & enuoya contre luy pour le cōbattre tous les deux Consulz, Hircius & Panfa, & feit que le Senat ordonna au ieune César des sergens pour porter les haches deuant luy, & tout l'autre ornemēt & equipage de Præteur, comme combattant pour le bien public. Mais apres qu'Antonius eut perdu la bataille, & que tous les deux Consulz y eurent esté tuez, toutes les armées se rengerent ensemble à César. Le Senat adonc aiant peur de ce ieune homme qui auoit la fortune si grande, rascha de rappeler par honneurs & par presens les armées qu'il auoit autour de luy, & luy distraire ceste si grande puissance, disant qu'il n'estoit plus besoing de force pour la defence de la chose publique, puis que l'ennemy Antonius s'en estoit enfuy. Ce que craignant César, enuoya secrètement deuers Cicéron gēs pour luy suader & le prier de procurer qu'ilz fussent eulx deux eleus ensemble Consulz, & que quand ilz seroient

A en l'estat, il ordonneroit de toutes choses ainsi que bon luy sembleroit, & manieroit ce ieune homme à son plaisir, lequel n'en desiroit auoir que le tiltre & l'honneur seulement. Cēsar mesme confessa depuis, que craignant d'estre tout à plat ruiné & de demourer tout seul, il s'estoit seruy biē à poinct à son besoing del'ambition de Cicerō, & qu'il l'auoit enhorté & sollicité de demāder le Cōsulat avec le port & la faueur qu'il luy feroit. Là fut Cicéron bien abuzé & affiné tout uieil qu'il estoit, par ce ieune homme, quand il se laissa conduire à fauoriser sa poursuite du Consulat, & luy rendre le Senat fauorable, dont sur l'heure mesme il fut grandement repris par ses amis, & peu apres il s'apperceut bien qu'il s'estoit ruiné luy mesme, & auoit quand & quand perdu la liberté de son

B pais: car ce ieune homme se trouuant grand par son moien, si tost qu'il se ueit prouueu du Consulat, le planta là, & s'accorda avec Antonius & Lepidus: & assemblāt ses forces avec les leurs, partagea avec eulx l'empire Romain, ne plus ne moins que si c'eust esté un heritage commun entre eulx, & fut fait un rolle de plus de deux cents personnes que lon deuoit faire mourir: mais le plus grād different & plus mal aisé à accorder qu'ilz eurēt entre eulx, fut de la proscripitiō de Cicéron: car Antonius ne uouloit entendre à appointment quelconque que celuy là premierement ne mourust: Lepidus estoit de son aduis: & Cēsar leur contredisoit à tous deux. Leur entreueuē fut auprès de la uille de Boulogne, là ou ilz furēt trois iours à parlemēter eulx trois tous seulz en secret dedās un lieu enuironné tout alentour d'une petite riuiera, & dit on que les deux pre-

C miers iours Cēsar teint bon pour Cicéron, mais que le troisieme il se laissa aller, & qu'il l'abandonna. Le contre eschangē qu'ilz feirent entre eulx fut tel: Cēsar abandonna Cicerō, & Lepidus son propre frere Paulus, & Antonius bailla aussi Lucius Cēsar, qui estoit son oncle, frere de sa mere, tant ilz se ietterent hors de toute raison & de toute humanité pour seruir à la passion de leur furieuse haine & enragē courroux, ou pour mieulx dire, ilz monstrent qu'il n'y a beste sauage au monde si cruelle que l'homme, quand il se treuve en main la licence & le moien d'executer sa passion. Pendāt que ces choses se faisoient, Cicéron estoit en une de ses maisons aux champs pres la uille de Thusculum, aiant son frere

D Quintus Cicéron avec luy, là ou leur estat uenue la nouuelle de ses proscriptions ilz resolurent de descendre à Astrya, qui est un lieu ioignant la marine ou Cicéron auoit une maison, pour là s'embarquer, & s'en aller en Macedoine deuers Brutus: car il estoit ia bruit qu'il se trouuoit fort & puissāt: si se feirēt porter tous deux en litteres estās si affoibliz d'ēnuy & de douleur qu'à peine eussent ilz peu autrement aller: & par le chemin faisans approcher leurs litteres cōste à cōste l'une de l'autre alloient deplorāt leurs miseres, mesmemēt Quintus qui perdoit patiēce. Si luy souuint encore qu'il n'auoit point pris d'argēt au partir de sa maison, & Cicerō son frere en auoit luy mesme bien petit, & à ceste cause qu'il ualloit mieulx que Cicerō gaignast tousiours le deuant, ce pendāt que luy iroit un

E tour courant iusques en sa maison pour prendre ce qui luy estoit necessaire, & s'en recourir incontinent apres son frere. Ilz furent tous deux de cest aduis, & s'enr'embrassans en plorant tendrement, se departirent l'un de l'autre. Peu de iours apres Quintus aiant esté trahy & decelé par ses propres seruiteurs à ceulx qui le cherchoient, fut occis luy & son filz: mais Cicéron s'estant fait porter iusques à Astrya, & y aiant trouué un uaisseau, s'embarqua incontinent dedans & alla cinglant au long de la coste iusques au mont de Circe avec bon uent: & de là uoulans les mariniers incontinent faire uoile, il descendit en terre, soit ou

pource qu'il craignist la mer, ou qu'il ne fust pas encoré du tout hors d'esperance que César ne l'auroit point abandonné, & s'en retourna par terre deuers Rome bien enuiron six lieuës: mais ne sachât à quoy se resouldre & chageant d'aduis, il se feit derechef reporter uers la mer, là ou il demoura toute la nuit en grâde destresse & grâde agonie de diuers pēsemens: car il eut quelque fois fantasie de s'en aller secrettement en la maison de César, & se tuer luy mesme à son foyer, pour luy attacher les furies uēgeresses de son sang: mais la crainte d'estre surpris par le chemin & tourmenté cruellemēt, le destourna de ce propos: parquoy reprenāt derechef autres aduis mal digerez pour la perturbation d'esprit en laquelle il estoit, il se rebaila à ses seruiteurs à conduire par mer en un autre lieu nommé Capites, là ou il auoit maison & une fort doulce & plaisante retraite pour la saison des grandes chaleurs, quand les uents du Nort, que lō appelle Etesiens soufflēt au cueur de l'esté, & y a un petit temple d'Apollo tout sur le bord de la mer, duquel il se leua une grosse compagnie de corbeaux, qui avec grands crys prindrēt leur uol uers le batteau, dedans lequel estoit Cicéron, qui uoguoit le long la terre: si s'en allerent ces corbeaux poser sur l'un & l'autre bout des uerges de la uoile, les uns criāns, les autres becquettans les bouts des cordages, de maniere qu'il n'y auoit celuy qui ne iugeast que c'estoit signe de quelque malheur à uenir. Cicéron neantmoins descendit en terre, & entra dedans le logis, ou il se coucha pour uoir s'il pourroit reposer: mais la plus part de ces corbeaux s'en uint encore iucher sur la fenestre de la chambre ou il estoit, faisant si grād bruit que merueille, & y en eut un entre autres qui entra iusques sur le liēt ou estoit couché Cicéron aiant la teste couuerte, & feit tant qu'il luy tira petit à petit avec le bec, le drap qu'il auoit sur le uisage: ce que uoians ses seruiteurs, & s'entredifans qu'ilz seroient bien lasches s'ilz attendoiēt iusques à ce qu'ilz ueissent tuer leur maistre deuant leurs yeux, là ou les bestes luy uouloient aider & auoient soing de son salut, le uoiant ainsi indignement traité, & eulx ne faisoient pas tout ce qu'ilz pouuoient pour tascher à le sauuer: si feirent tant moitié par prieres, moitié par force qu'ilz le remeirent en sa littiere pour le reporter uers la mer: mais sur ces entrefaites les meurtriers qui auoiēt charge de le tuer, Herennius un centenier, & Pillius capitaine de mille hōmes, que Cicero auoit autrefois defendu en iugement, estant accusé d'auoir occis son propre pere, aiās avec eulx fuyte de soudards arriuerent, & estans les portes du logis fermées, les meirent à force dedans, là ou ne trouuans point Cicéron, ilz demanderent à ceulx du logis ou il estoit. Ilz respondirent qu'ilz n'en sçauoient rien. Mais il y eut un ieune garson nommé Philologus serf affranchy par Quintus, à qui Cicéron enseignoit les lettres & les arts liberaux, qui descourrit à cestuy Herennius, que ses seruiteurs le portoiēt dedans une littiere uers la mer par des allees qui estoient couuertes & umbragees d'arbres de costé & d'autre. Le capitaine Pillius incontīnēt prenant avec luy quelque nombre de ses soudards, s'encourut à l'entour par dehors pour l'attrapper au bout de l'allee, & Herennius s'en courut tout droit par les allees. Cicéron qui le sentit aussi tost uenir, commanda à ses seruiteurs qu'ilz posassent sa littiere, & prenant sa barbe avec la main gauche, cōme il auoit accoustumé, regarda franchemēt les meurtriers au uisage, aiant les cheueux & la barbe tous herissez & pouldreux, & le uisage desfaiēt & cousu pour les ennuys qu'il auoit supportez, de maniere que plusieurs des assistants se boucherent les yeux pendant que Herennius le sacrifioit: si tendit le col hors de sa littiere, estant aagé de soixante & quatre ans, & luy fut la teste

A couppee par le commandement d'Antonius, avec les deux mains, desquelles il auoit escrit les oraisons Philippiques contre luy : car ainsi auoit Cicero intitulé les harengues qu'il auoit escrites en haine de luy, & sont encore ainsi nommees iusques au iourd'uy. Quand on apporta ces pauures membres tronconnez à Rome, Antonius estoit d'adventure occupé à presider à l'electiō de quelques magistrats, & l'aiar ouy & ueu, il s'escria tout hault, que maintenāt estoient ses proscriptions executees, & commanda que lon allast porter la teste & les mains sur la tribune aux harengues au lieu qui se nommoit Rostra. Ce fut un spectacle horrible & effroyable aux Romains, qui n'estimerent pas ueoir la face de Cicero, mais une image de l'ame & de la nature d'Antonius, lequel entre tant de mauuais actes, en fit un seul ou il y eut quelque apparence de bien, c'est qu'il meit Philologus entre les mains de Pomponia femme de Quintus Cicero, & elle l'aiant en sa puissance oultre les autres cruelz tourmens qu'elle luy feit endurer, le cōtraignit de couper luy mesme de sa chair propre par morceaux, & les rostir, & puis les manger. Ainsi l'escruiēt aucuns des historiens, toutefois Tiro qui estoit seruiteur affranchy de Cicero, ne fait aucune mention de la trahison de ce Philologus. Mais i'ay entendu que Cēsar Auguste long temps depuis alla un iour ueoir un de ses nepueux, lequel tenoit en ses mains un liure de Cicero, & que luy craignant q son oncle ne fust malcontent de luy trouuer ce liure en la main, le cuida cacher soubz sa robe. Cēsar le ueit, & le luy prit, & en leut tout de bout une grande partie, puis le rendit au ieune garson en luy disant. C'estoit un sçauant homme, mō filz, & qui aimoit fort son païs. Et apres qu'il eut desfait Antonius estant Consul, il choisit pour son compagnon au Consulat le filz de Cicero, du temps duquel le Senat ordonna que les statues d'Antonius seroient abbattues, & priua sa memoire de tous autres honneurs, adiouxrant d'auantage à son decret que de lors en auant nul de la famille des Antoniens ne pourroit porter le auant nom de Marcus. Ainsi la iustice diuine feit encore tumber la fin extreme de la punition d'Antonius en la maison de Cicero.

LA COMPARAISON DE CICERON AVEC DEMOSTHENES.

D Oyla ce qui est peu uenir à nostre cognoissance, touchāt les choses notables & dignes de memoire que lon a mis par escript de Cicero & de Demosthenes. Au demourāt, laissant à part la comparaison de la similitude ou difference de l'eloquence qui est en leurs oraisons, il me semble que ie puis bien dire iusques là, que Demosthenes employa entierement tout tant qu'il auoit de sens & de science ou naturelle ou acquise en l'art de rhetorique, & qu'il surpassa en force & uertu d'eloquence tous ceulx qui de son temps se mesterent de harenguer & aduocasser: & en grauité & magnificence de stile, tous ceulx qui escriuent seulement pour monstre & pour ostentation : & en diligence exquise & artifice, tous les sophistes & maistres de rhetorique. Et que Cicero estoit homme uniuersel meslé de plusieurs sciences, & qui auoit estudié en diuerses sortes de lettres, cōme lon peut cognoistre, par ce qu'il a laissé plusieurs liures philosophiques qui sont de son inuention, escrits à la maniere des philosophes Academiques: & si peut on ueoir encore es oraisons qu'il a escrites en quelques causes pour sen seruir en iugement, qu'il cherchoit les occasions de monstre en passant qu'il auoit cognoissance des bonnes lettres. Et d'auantage peut on aussi ueoir

à trauers leurs stiles quelque ombre de leur naturel: car le stile de Demosthenes n'a rien de gayeté, rien de ieu ny d'embellissement, ains est par tout serré, & n'y a rien qui ne presse & qui ne poigne à bon esciant, & ne sent pas seulement la lampe, comme disoit Pytheas en se moquant, ains sent un beueur d'eau, un grand travail, & quand & quand une aigreur & austerité de nature. Là ou Ciceron bien souuent uoist du mocquer iusques à approcher bien fort du plaisant & du gaudisseur: & tournât en ses plaidoiers des choses de consequence en ieu & en risce, pource qu'il luy uenoit à propos, oublioit quelque fois le bien feant à un personnage de grauité & de dignité telle qu'il estoit, comme en la defence de Celijs, là ou il dit qu'il ne commettoit rien que lon deust trouuer mauuais ny estrange, si en une si grande affluence de plaisir & de delices, il se donnoit un peu de bon temps, & que c'estoit une folie de n'user pas des voluptez qui estoient licites & permises, attéd du mesmemet qu'il y auoit eu des plus renommez philosophes qui auoient colloqué la souueraine felicité de l'homme en la uolupté: & dit on que ayant Marcus Caton aceusé Murena, Ciceron estant Consul le defendir, & qu'en son plaidoier il brocarda plaisamment toute la secte des philosophes Stoiques à cause de Caton, pour les estranges opinions qu'ilz tienent que lon appelle paradoxes, de sorte que tous les assistans s'en prenant à rire hault & clair, iusques aux iuges mesmes, Caton aussi se foubriant un petit se prit à dire à ceulx qui estoient assis aupres de luy, Que nous auons un grand rieur & un grand mocqueur de Consul, Seigneurs. Mais sans cela il semble que Ciceron a tousiours fort aimé à rire & à se mocquer, tellement que sa face mesme, seulement à la ueoir, promettoit bien une nature ioyeuse, gaye & eniuee: là ou au uisage de Demosthenes on lisoit tousiours une actiueté, un chagrin resueur & pensif qui ne le laissoit iamais, de maniere que ses ennemis comme il dit luy mesme, l'appelloient fascheux & peruers. D'auantage en leurs compositions on uoit quel'un parle sobrement à sa louange, de maniere que lon ne s'en scauroit offenser, & non iamais, sinon qu'il en soit besoing pour le regard de quelque chose de consequence, au demourant fort reserué & modeste à parler de soy mesme: & au contraire les demesurees repetitions d'une mesme chose, dõt uoist Ciceron à tous propos en ses oraisons, monstroiet une excessive cupidité de gloire quand il cryoit incessamment,

Cede la force armee à la prudence,

Le triumphal laurier à l'eloquence.

Il y a plus, qu'il ne louoit pas seulement ses actes & ses faiets, mais aussi les harangues qu'il auoit escrites ou prononcces, cōme s'il eust eu à s'esprouuer alencontre d'un Isocrates ou d'un Anaximenes maistre d'eschole de rhetorique, & non pas à manier & redresser un peuple Romain,

Champion ferme armé pesamment,

Pour l'ennemy attendre ouuertement.

Car il est bien necessaire qu'un gouuerneur d'estat politique acquiere autorité par son eloquēce, mais d'appeter gloire de sō beau parler, ou, qui pis est, la médier, c'est acte de cuer trop bas: & pourrât en ceste partie fault il confesser que Demosthenes est plus graue & plus magnanime, qui luy mesme alloit disant, que toute son eloquēce n'estoit qu'une rotine acquise par lōg exercice, laquelle auoit encore besoing d'auditeurs qui uoulussent ouyr patiemmet, & qui reputoit sots & impertinents, comme à la uerité ilz sont, ceulx qui s'en glorifioient. Cela ont ilz bien egaleement commun entre eulx, que tous deux ont eu grand

A credit & grande authorité à prescher le peuple, & à obtenir ce qu'ilz ont uoulu proposer, de sorte que les capitaines & ceulx qui auoient les armes en main ont eu affaire de leur eloquence, cōme Chares, Diopithes & Leosthenes se sont aidez de Demosthenes: & Pompeius, & le ieune Cæsar, de Ciceron, ainsi que Cæsar mesme le cōfesse en ses Cōmentaires qu'il a escripts à Agrippa & à Mecenas. Mais ce qui plus espreuue & qui plus descouure la nature de l'homme, comme lon dit, & comme il est uray, c'est la licence & l'authorité d'un magistrat, laquelle remue tout tant qu'il y a de passions au fond du cueur d'un homme, & fait uenir en euidence tous les uices secretz qui y sont cachez: Demosthenes ne l'a point eu, ny n'a point doné aucune telle preuue de soy, par ce qu'il ne fut

B iamais en magistrat de grande authorité ny dignité: car il ne conduisit pas cōme capitaine general l'armee que luy mesme auoit dressee contre Philippus: là ou Ciceron fut enuoyé Questeur en la Sicile, & Proconsul en la Cilicie & Cappadocie en un temps que l'avarice & conuoitise d'auoir estoit si effrence, que les capitaines & gouuerneurs que lon enuoyoit pour regir les prouinces, estimans que c'estoit couardise de derobber, rauissoient ouuertement par force: & auquel temps le prédre n'estoit pas reputé mal fait, ains celuy qui le faisoit modereemēt en estoit aimé: luy au contraire y mōstra un grand mespris d'argēt, & fait cognoistre une grande humanite, douceur & debonaireté qui estoit en luy. Et dedans Rome aiant esté eleu en apparence Consul, mais à la uerité Dictateur, avec souueraine authorité & puissance de toutes choses alencontre de

C Catilina & de ses complices: il porta tesmoignage de uerité à l'oracle de Platon, lequel a dit, que lors les uilles seront à la fin de leurs miseres & malheurs, quand par quelque bonne & diuine fortune, puissance grande coniointe avec sapience & iustice se rencontreront en un mesme subiect. Lon blasme Demosthenes d'auoir fait gaing mercenaire de son eloquence, & qu'il escriuit secrettement une oraison pour Phormion, & une autre pour Apollodorus en une mesme cause ou ilz estoient parties contraires: & fut aussi noté de receuoir argent du Roy de Perse, & de faict atteint & condamné pour l'argent qu'il auoit pris de Harpalus: mais si nous uoulons dire alencontre, que ceulx qui ont escrit

D cela, qui sont plusieurs, ont menty, & que Demosthenes n'eust pas ozé seulement regarder les presens que les Roys luy faisoient, en le priant de les accepter pour l'honneur d'eulx, & que cela n'estoit pas le faict d'un homme qui empruntait argent à usure nauale, qui estoit la plus grāde, il seroit impossible de le refuter. Et à l'opposite comme nous auons ia dit, il est certain que Ciceron refusa les presens que luy offrirent les Siciliens pendant qu'il y estoit Questeur: & le Roy des Cappadociēs, pendant qu'il estoit en Cilicie Procōsul: & mesme ceulx que luy presenterent & le presserent d'accepter ses amis, en bōne & grosse somme de deniers, quand il sortit de Rome à son bannissement. D'auantage le bannissement de l'un luy fut honteux & infame, attēdu qu'il fut banny par sentence

E comme larron: & à l'autre fut aussi glorieux, que acte qu'il ait oncques fait, estant chassé pour auoir osté des hommes pestilentieux à son pais: pourtāt ne parla on point de celuy là depuis qu'il s'en fut allé, mais pour cestuy cy le Senat chāgea de robbe & se uestit de deuil: & arresta qu'il n'interposeroit son authorité à decret quelconque, que premierement le rappel de Ciceron ne fust passé par les uoix du peuple. Vray est, que Ciceron passa en oyisfueré le temps de son bannissement estant à ne rien faire en la Macedoine: & l'un des principaux actes que feit oncques Demosthenes en tout le tēps qu'il s'entremet des

affaires publiques, fut pendant qu'il estoit en exil : car il alla par toutes les uil-
 les aidant aux ambassadeurs des Grecs, & reboutant ceulx des Macedoniens:
 en quoy faisant il se monstra bien meilleur citoien que ne feirēt Themistocles
 ny Alcibiades en pareille fortune. Et soudain qu'il fut rappellé & retourné, il
 se meit derechef à suiure le mesme train qu'il auoit suiuy parauant, & continua
 tousiours de faire la guerre à Antipater & à ceulx de Macedoine: là ou Lelius
 en plein Senat dit iniure à Cicéron de ce, qu'il se tenoit coy sans mot dire, lors
 que le ieune Cēsar requist qu'il luy fust permis de demander le Consulat cōtre
 toutes les loix, en aage qu'il n'auoit encore poil aucun de barbe: & Brutus mes-
 me luy reproche par lettres, qu'il auoit nourry & esleué une plus grieve & plus
 grāde Tyrānie que celle qu'eulx auoiet ruinee. Et après tout, la mort de Cicero
 est miserable, de ueoir un pauvre uieillard, que par bonne affection enuers leur
 maistre ses seruiteurs trainnoient ça & là, cherchant tous moiens de pouuoir
 eschapper & fouir la mort, laquelle ne le uenoit trouuer gueres de temps auant
 son cours naturel, & puis encore à la fin luy ueoir encore, tout uieil qu'il estoit,
 ainsi piteusement trencher la teste: là ou Demosthenes, quoy qu'il s'abaissast un
 petit quand il supplia celuy qui estoit uenu pour le prendre, si est ce, que auoir
 préparé le poison de longue main, l'auoir tousiours gardé, & en auoir usé com-
 me il en usa, ne peult estre sinon grandement louable. Car puis qu'il ne plaisoit
 pas au Dieu Neptune qu'il iouist de la franchise de son autel, il eut recours, par
 maniere de dire, à une plus grande, qui est la mort, & sy en alla, en se tirant soy
 mesme hors des mains & des armes des satellites d'un tyran, & se moquant de
 la cruauté d'Antipater.

Demetrius.



CEULX qui furent les premiers auteurs de ceste opi-
 nion, que les sciences & les arts ressemblent aux sens
 de nature, à mon aduis entendirēt tresbien celle puis-
 sance de iuger, par laquelle tant les sciences comme
 les sens nous donnent iugement & cognoissance des
 choses contraires: car cela leur est cōmun à tous deux.
 Mais il y a difference d'autant que les sens naturelz, ne
 referent pas les choses dōt ilz nous donnent iugemēt
 & cognoissance, à une mesme fin que font les sciēces:
 car le sens est une puissance naturelle de discerner & cognoistre autant le blanc
 comme le noir, & non plus le doulx que l'amer, ou le mol & enfondrant com-
 me le dur & le ferme: ains est seulement son propre quād telles choses, qui sont
 ses obiectz naturelz, luy sont presentees, estre par elles emeur, & emouuoir aussi
 le discours, en rapportant à l'entendement, comment il est trouué affectonné.
 Mais les arts & sciences qui sont composees avec raison pour choisir & elire ce
 qui est bon, & pour refuser & fouyr ce qui est mauuais, considerent l'un des cō-
 traires principalement, & pour l'amour de foy, & l'autre accidentellement, &
 pour s'en garder. Car la medecine traite casuellement & par accident, que c'est
 que maladie, & la musique, que c'est que faux accord, à fin de mieulx pouuoir
 faire le contraire, à sçauoir entretenir la santé, & faire de bons accords. Aussi
 temperance, iustice, prudēce, les plus parfaittes sciences de toutes, ne nous dō-

A nent pas seulement cognoissance de ce qui est honeste, iuste, & profitable: mais aussi de ce qui est deshoneste, iniuste, & dommageable, & tant s'en fault qu'elles louent celle sorte & niaise simplicité qui se glorifie comme d'une belle chose, de ne sçauoir que c'est que de mal, qu'elles l'estiment une bestise, & ignorance des choses que doiuent principalement sçauoir ceulx qui ueulent uiure droitement & en gens de bien: & pource les anciens Spartiates es iours de festes solennelles, contraignoient leurs esclauues, qu'ilz appelloiēt Elotes, de boire du uin sans eau oultre mesure, & puis les amenoient tous yures es lieux ou se faisoient leurs conuiues publiques, pour donner à cognoistre & monstrier par exemples à leurs enfans, quelle uillanie c'est que de s'enyrurer. Or quant est à

B moy, ie treuve celle maniere de uouloir corriger & redresser l'un par deuoyer & debaucher l'autre, inciuille & inhumaine: mais peult estre ne sera il point mauuais d'entrelasser parmy les exemples de si grands personnages, desquelz nous mettons les vies par escript une couple ou deux de ceulx qui estans colloquez en degré de souveraine autorité & puissance, ont un peu trop inconsidérément abusé de leur licence, tellement que leurs uices ont esté en ueuë de tout le monde: non pas certainement pour donner plus grande delectation & passe-temps aux lecteurs, en leur monstrent comme un tableau ou il y ait de toutes sortes de peintures: mais plus tost pource que cōme Ismenias le Thebain, monstât à ses disciples ceulx qui iouoyēt bien des flustes, auoit accoustumé de leur

C dire, il fault ainsi iouer, & puis en leur monstrent ceulx qui en iouoyent mal, il ne fault pas ainsi iouer. Et comme Antigenidas disoit que les ieunes gens prédroient plus de plaisir à ouir iouer un bon ioueur, apres qu'il en auroiēt ouy de mauuais: aussi m'est il aduis que nous ferons plus encouragez & de lire & d'imiter les vies des hommes uertueux, quand nous sçaurons l'histoire de ceulx qui pour leurs faultes & uices sont à bon droit blasmez: parquoy en ce present traité nous comprendrons les vies de Demetrius surnommé Poliorcetes, c'est à dire, preneur de uilles, & d'Antonius l'empereur, qui tous deux ont porté bon

D tesmoignage à ce que Platon a laissé par escript, à sçauoir, que les grandes natures, ainsi comme elles produisent de grandes uertus, aussi produisent elles de grands uices: pource que tous deux ont esté addōnez à l'amour, subiects au uin, uailans en guerre, faisans de grands dōs, superflus, insolēts, & qu'ilz ont eu de semblables aduentures & accidents de la fortune: car non seulement ilz ont eu en toute leur uie tantost de glorieuses uictories, & puis de piteuses desfaites, & sont uenus au dessus de plusieurs grandes entreprises, & de plusieurs aussi sont decheuz: & aians esté ruinez contre l'opinion & attente de tout le monde, ont aussi esté remis sus contre toute esperance: mais ont acheué le cours de leur uie presque d'une mesme sorte, l'un estant prisonnier entre les mains de ses ennemis, l'autre arriué bien pres d'en souffrir autant. Pour doncques uenir à l'histoire, Antigonus eut deux filz de sa femme Stratonice, fille de Corrēus, à l'un

E desquelz il donna le nom de son frere Demetrius, & à l'autre celuy de son pere Philippus: & en cela s'accorde la plus part de ceulx qui en ont escript: toutefois il y en a aucuns qui tiennent que Demetrius n'estoit pas filz d'Antigonus, ains son nepueu: mais pour autant que son pere mourut luy estant encore en sa premiere enfance, & que sa mere se remaria incontinent à Antigonus, on estima qu'il fust filz dudit Antigonus: comment qu'il en soit, Philippus, qui n'estoit de gueres plus ieune que Demetrius, mourut. Et quant à Demetrius quoy qu'il fust de belle & grande taille, si n'estoit il pas de si haulte stature q son pere: mais

Demetrius .

d'un air & d'une beaulté de uifage si merueilleuse & si excellente, qu'il n'y auoit F
ne peintre ne imageur qui peust aduenir à le bien tirer & contrefaire naïfue-
ment apres le uif : car on uoyoit en sa face une douceur coniointe avec une
grauité, une reuerence avec une grace, & y reluysoit une heroiq̃ue apparence
de maiesté royale tresdifficile à representer, accōpagnée d'une uiuacitè & gaye-
té de ieunesse: mesme son naturel & ses meurs estoient composees de telle sorte,
qu'elles estoient & delectoient tout ensemble ceulx qui hantoient & frequē-
toient avec luy : car quoy qu'il fust gay & recreatif en compagnie, quand il e-
stoit de loisir, & le plus superflu en festoimens, delicat en son uiure, & dissolu
en toutes manieres de uoluptez & de delices, que fut onques Roy, ce nonobstāt
il auoit une actiueté tresuehement, un soing pressant & diligence continuelle G
aux affaires . A l'occasion dequoy il louoit grandement & festudioit à imiter
Dionysius, c'est à dire Bacchus, entre tous les autres Dieux, comme celuy qui
auoit esté tressage & uaillant capitaine en guerre, & qui aussi auoit bien sceu
tourner la guerre en paix, & en icelle prendre du bon temps, & faire bone che-
re. Il aimoit singulierement son pere, & semble que la grande reuerēce & obeis-
sance qu'il portoit à sa mere, estoit pour l'hōneur de luy, plus à cause de la uraye
amour filiale dont il l'aimoit, que pour l'entretenir par acquit à l'occasion de sa
puissance, ny sous l'esperance de sa succession . A ce propos on lit que un iour
retournāt de la chasse, il alla trouuer son pere Antigonus comme il despeschoit
quelques ambassadeurs, & apres luy auoir fait la reuerence & l'auoir baisé, il H
faisoit aupres de luy, tout ainsi cōme il estoit accoustre, aiant encore en la main
les iauelots qu'il auoit portē à la chasse : & lors Antigonus rappelant à haulte
uoix les ambassadeurs qui s'en alloient, par ce qu'ilz estoient despeschez, & auoient
eu responce : Seigneurs, dit il, uous ferez encore ce rapport de mon filz & de
moy, que uoyla comment nous uiuons l'un avec l'autre. Comme si ce fust une
grande assurance des affaires d'un Roy, & tesmoignage de grande puissance,
que la bonne concorde, & confiance du pere au filz: tant un empire & seigneurie
est chose mal compagnable en toute sorte, & pleine de desfrance, de suspē-
çon & de malueillance: tellement que le plus grand & le plus ancien de tous les
successeurs de Alexādre, se glorifioit de ce qu'il ne craignoit point son filz, ains I
le laissoit approcher de sa personne, tenant une iaueline en sa main. Toutefois
cette maison seule, par maniere de dire, entre toutes les autes Macedoniens,
sest maintenue & gardee impollue de telles meschancetez, iusques à plusieurs
degrez de succession: & à dire uray, il n'y a iamais eu en toute la race d'Antigo-
nus que Philippus qui ait tué son filz, là ou presque toutes les autres maisons &
races des roys ont plusieurs exemples de ceulx qui ont fait mourir leurs enfans,
leurs femmes & leurs meres: car de tuer ses freres c'estoit une chose coustumie-
re, dont il ne faisoient point de difficulté. Et tout ainsi que les Geometriens de-
mandent qu'on leur confesse certaines propositions qu'ilz supposent sans les
prouuer: aussi estoit ce comme un principe que se permettoient ces roys là pour K
la seureté & la cōseruation de leur estat . Mais encore pour plus amplemēt mō-
strer que la nature de Demetrius estoit benigne & debonnaire, & qu'il portoit
grande affection à ses amis, lon en peult alleguer c'est exemple . Mithridates le
filz de Ariobarzanes estoit son familier & amy, pource qu'ilz estoient tous deux
quasi d'un aage, & suyuait ordinairement la court d'Antigonus, sans qu'il pro-
curast ne machinast alencontre de luy aucune meschaceté ne trahison, ne qu'il
fust tenu pour tel: neantmoins Antigonus entra en quelque suspēçon de luy,
à cause

- A à cause d'un tel songe. Il luy fut aduis qu'en passant par un beau & grâd champ, il y semoit de la limeure d'or, & que de ceste semence, il sourdit premieremēt un beau bled qui auoit les espicz d'or: mais q̄ peu apres quād il y retourna il n'y trouua plus rien, sinon le chaulme tout sicé, & comme il en fust fort desplaisant & marry, il ouyt quelques uns qui luy dirent, que ce auoit esté Mithridates qui auoit moissonné son bled d'or, & l'auoit emporté au païs de Pont. Antigonus grandement troublé de ce songe, apres auoir fait iurer à son filz qu'il n'en diroit iamais rien à personne, luy cōpta tout au long la uision qu'il auoit eue, & comme il auoit totalement resolu d'oster & faire mourir ce ieune homme. Demetrius en fut merueilleusement marry, & pource le lendemain que ce ieune
- B seigneur l'alla ueoir pour deuiser & passer le temps auecques luy cōme il auoit de coustume, il ne luy osa pas descouurir ne dire de bouche, à cause qu'il auoit iuré: mais le retirant un petit à part de ses autres familiers, quand ilz furent eulx deux tous seuls à l'escart, il escriuit en terre du bout d'un iauelot, l'autre present & regardant, Fuy t'en Mithridates. Mithridates entendit incontinent ce qu'il uouloit dire, & s'en fouit la nuit mesme en la Cappadocie: & en peu de temps sa destinee feit sortir à effect & accomplit la uision qu'Antigonus auoit eue de luy: car il conquist de belles & grandes terres, & fut celuy qui establit la maison & la race des Roys de Pont, que les Romains desfeirent puis apres enuiron la huiētieme succession. Par telz arguments & exemples peult on assez
- C cognoistre la doulceur & bonté naturelle de Demetrius. Or tout ainsi comme entre les elemēts, selon l'opinion d'Empedocles, il y a tousiours noise & debat, pour autant qu'il disoit, que accord & discord estoient les causes efficientes de la generation & corruption de toutes choses, mais principalement entre ceulx qui se ioignent & qui touchent les uns aux autres. Aussi combien que uniuersellement entre tous les successeurs d'Alexandre, il y eust une cōrinuelle guerre ou malueillance: toutefois elle estoit tousiours plus apparēte & plus enflammee entre ceulx de qui les terres & seigneuries cōfinoient les uns aux autres, & qui auoient à cause de ce uoisinage, quelque chose à demesler ensemble, comme elle estoit pour lors entre Antigonus & Ptolomēus. Cestuy Antigonus fai-
- D soit sa residence ordinaire au païs de Phrygie: & estant aduertty que Ptolomēus estoit passé en Cypre, & qu'il couroit & fourrageoit toute la Syrie, reduisant ou de gré, ou par force, toutes les uilles & citez en son obeissance, y enuoya son filz Demetrius, qui n'auoit encore que uingt & deux ans, & estoit la premiere fois qu'il auoit eu la charge de lieutenant general de son pere en choses de grāde importance. Mais comme celuy qui estoit ieune, & non assez experimenté au faict de la guerre, se trouuant en champ de bataille alencōtre d'un uieil capitaine, nourry en l'eschole & soubz la discipline d'Alexandre le grand, & qui par soy mesme & en son nom, auoit desia conduit plusieurs grandes batailles, il fut uaincu & son armee mise en ruyne pres la uille de Gaza: en laquelle def-
- E faite il mourut cinq mil hommes, & en fut pris huiēt mille, & y perdit d'auantage Demetrius ses tentes & pauillons, son or & son argent: & brief, tous ses meubles & tout son bagage entierement: lesquelles choses Ptolomēus luy renuoya toutes, & ses amis aussi qui auoient esté pris en la bataille, auec une gracieuse & courtoise parole, qu'il ne falloit pas combattre alencontre d'eulx pour toutes choses ensemble, ains seulement, pour l'honneur & l'Empire. Demetrius en les receuant feit prieres aux Dieux qu'il ne demourast pas lōg temps redeuable de ceste courtoisie enuers Ptolomēus, mais que bien tost il luy peust rendre

Demetrius.

la pareille. Et ne s'estonna point, comme eust fait quelque autre ieune homme, F
qui tout au cōmencement de ses entreprises auroit receu une telle secouffe, ains
comme un uieil & sage capitaine qui souuent auroit essayé les mutatiōs de for-
tune, meit peine de ramasser gens, de faire forger harnois, & retenir en son o-
beissance les uilles & pais soubz sa main, en exerçant & duisant aux armes les
soudards qu'il auoit ralliez. Antigonus aiant eu nouuelles de ceste descōfite-
re, ne dit autre chose, sinon, que Ptolomēus auoit lors uaincu ceulx qui ne por-
toient point de barbe, mais que cy apres il combattroit contre hommes faictz
& portans barbe. Toutefois ne uoulant point abattre ne raualler le cueur de son
filz, qui luy demādoit congé de pouuoir encore un coup essayer le combat cō-
tre Ptolomēus, il ne luy refusa point, ains luy permit. Et peu de temps apres uint G
Cilles lieutenant general de Ptolomēus avec une grosse & puissante armee pour
le chasser & le deposseder entierement de toute la Syrie: car desia ne faisoit on
pas grand compte de luy, à cause qu'il auoit esté une fois uaincu: mais Deme-
trius l'alla surprendre & charger au desprouuē, & l'effroya tellement, qu'il prit
ensemble le camp & le capitaine, avec enuiron sept mille prisonniers, & gagna
une bien grosse somme d'argent, dont il fut tresioyeux, non tant pour le gaing
qui luy en deuoit demourer, que pour auoir moiē d'acquitter sa debte: & ne fut
pas tant aise de la richesse ny de la gloire qu'il auoit acquise par ceste uictoire,
comme d'auoir l'opportunitē & le moiē de remunerer la gracieusetē & hone-
stetē, de laquelle Ptolomēus auoit usē enuers luy, & neantmoins encore ne le H
fait il pas de son autorité propre, ains en escriuit à son pere: puis quād son pe-
re luy eut ottroyē & donnē entiere permission d'en faire du tout à sa uoluntē,
il renuoya adonc Cilles à Ptolomēus, & tous ses autres amis avec grands & ri-
ches dons qu'il leur donna largement. Ceste mesaduenture debouta totalemēt
Ptolomēus de la Syrie, & tira Antigonus hors la uille de Celānes pour la grā-
de ioye qu'il eut de ceste uictoire, & pour l'ardent desir de uoir son filz, lequel
tātost apres il enuoya contre les peuples d'Arabie, que lon nōme Nabatheiens
pour les subiuguer & mettre en son obeissance, là ou il enecourut un tresgrand
danger, par ce qu'il se trouua en lieux desertz, là ou il n'y auoit nulles eaux: mais
il ne monstra iamais signe ny apparence d'en estre espouuentē, & pource estō- I
na il tellement les Barbares qu'il eut loisir de se retirer à sauuetē avec un gros
butin, & bien sept mille chameaux qu'il en amena. Enuiron le quel temps Se-
leucus qui auoit esté chassē de Babylone par Antigonus, & depuis y estoit re-
tournē, & l'auoit reconquise sans autre secours que de soy mesme: sen alla
avec grosse puissance contre les peuples & nations qui confinent aux Indes
& es prouinces qui sont alentour du mont de Caucase pour les conquerir. Et
pourtāt Demetrius esperant trouuer la Mesopotamie sans aucune defence, pas-
sa soudainement le fleue d'Euphrates, & se coula deuāt que lon sen apperceust
iusques en Babylone, là ou il forcea la garnison de Seleucus qui gardoit l'un
des chasteaux & forteresses de la citē, car il y en auoit deux, & y laissa sept mil K
hommes de guerre pour la luy garder: puis cōmanda au reste de ses gens qu'ilz
feissent leur profit, & prissent tout ce qu'ilz pourroient porter ou emmener du
pais: & cela fait il se meit en chemin pour retourner uers la mer, laissant en ce
faisant l'estat & le royaume de Seleucus mieulx estably & plus assurē qu'il n'e-
stoit auāt qu'il y entraist. Car il sembloit bien qu'il eust quittē à Seleucus le pais,
comme celuy auquel il n'auoit rien, en le pillant & fourrageant ainsi. A son re-
tour il eut nouuelles que Ptolomēus estoit au siege deuant la uille de Halycar-
nassus,

A nassus, si y alla en grande diligence pour luy faire leuer le siege, & luy osta par ce moïe la uille d'être les mains. Et pource que de cest exploit leur uint une tres-glorieuse renomée, tous deux, Antigonus & Demetrius, entrèrent en un merueilleux desir d'affranchir & remettre en liberté toute la Grèce, laquelle Ptolomeus & Cassander tenoient en seruitude. Iamais prince ne roy ne feit entrepri-se de guerre plus glorieuse, plus honorable, ne plus iuste que celle là : car tout tant de puissance & de cheuance qu'il pouuoit amasser, en foulant & chargeât les Barbares, il le despendoit à remettre les Grecs en leur liberté, pour seulemēt en acquerir gloire. Ainsi doncq comme ilz estoient en deliberation, & con-sultoient comment ilz deuoient acheminer & conduire leur entreprise, aians arresté en leur conseil qu'il falloit commencer à Athenes, l'un des premiers & principaux amis d'Antigonus se prit à dire, qu'il se falloit emparer de celle cité, & mettre bonne garnison dedans pour eulx filz la pouuoient une fois prédre, pour autant, disoit il, que ce sera une bōne planche pour passer & mōter au des-sus de toute la Grèce. Antigonus n'y uoulut point entendre, ains dit, que l'ami-tié & bienueuillance des hommes estoit une bien meilleure & plus seure plan-che, & que la cité d'Athenes estoit comme une guette de toute la terre, laquelle incontinent feroit reluire par tout le monde la gloite de ses gestes, comme un brâdon qui flamboye dessus une haulte tour. Ainsi Demetrius se meit à la uoile aiant * cinq mille talēts en argent, avecques une flotte de deux cents cinquante uoiles, & einglâ uers la uille d'Athenes, dedans laquelle estoit Demetrius Pha-lerien qui la tenoit & gouuernoit pour & au nom de Cassander, & y auoit gros-se garnison dedans le port & forteresse de Munychia. Il eut bon uent & temps à gré, tellement qu'avec la bonne prouuoiance & diligence qu'il y meit, il arriua au port de Pirée le uingt & cinquiesme iour du mois de may, deuant que per-sonne s'en doubraft. Car mesme quand ceste flotte de nauires fut approchiee si pres, que lon la pouuoit de la uille choisir à l'œil, chascun s'appareilla pour les recevoir, pēsans que ce fussent les nauires de Ptolomeus. A la fin les capitaines, apres auoir trop tard cogneu au uray que c'estoit, se tirerēt en auant pour y cui-der remedier. Si y eut un grâd tumulte & grâd trouble, comme lon peut bien penser, à cause qu'ilz estoiet contraints de cōbattre en desordre pour engarder de prendre terre & rebouter leurs ennemis qui les uenoient surprendre au des-proueu. Car Demetrius aiant trouué les bouches des haures toutes ouuertes, se lancea soudainement au dedans: si fut tantost en ueuē de tout le monde, & de dessus sa galere monstra par signes de la main qu'il demandoit silence, & qu'on luy d'onnast audience. Puis quād le tumulte & le bruit fut un peu appaisé, il feit proclamer à haulte uoix par l'un de ses Heraults, qui estoit de coste luy, que son pere l'auoit enuoyé pour, à la bonne heure, deliurer les Atheniens de toute gar-nison, & les remettre en leur liberté & franchise ancienne, en leur rendant leurs loix, leur gouuernemēt & police telle que l'auoient de tout temps eue leurs an-cestres. Ce qu'ayant esté proclamé hault & clair, tout le menu peuple inconti-nent posa les armes, & meirent tous à terre leurs pauois & boucliers deuāt leurs pieds: pour battre des mains l'une contre l'autre, avec grandes acclamations de ioye, le prians de uouloir descendre en terre, & l'appellant à haulte uoix leur bienfaiteur & faulueur. Quant à ceulx qui estoiet avec Demetrius Phalerien, ilz furent bien tous d'aduis qu'il falloit recevoir & laisser entrer celuy qui estoit le plus fort, combien qu'il ne feist rien de ce qu'il promettoit, & neantmoins

* Trois mil-
lions d'or.

Demetrius.

encore enuoyerent ilz uers luy des ambassadeurs pour l'en prier. Demetrius les
ouit gracieusemēt, & enuoy a quād & eulx pour les assurer l'un des plus grāds
amis de son pere, Aristodemus Milesien : & si ne meit pas à nonchaloir le salut
& la seureté de Demetrius Phalerien, lequel à cause du changemēt de la police,
& du gouuernement de la chose publique, auoit plus grande crainte du peu-
ple Athenien, que non pas des ennemis. Mais aiant en reuerence & recom-
mandation la renommee & la uertu du personnage, le feit conduire iusques à
Thebes, comme il le uoulut, avec bonne & suffisante garde. Et de luy, com-
bien qu'il eust grād desir de ueoir la uille, si dit il qu'il n'y entreroit point, que
prealablement il ne l'eust remise en pleine & entiere frāchise, & chassé la gar-
nison qui y estoit : à l'occasion de quoy il feit clorre & enuironner de fosses &
de palliz la forteresse de Munychia : & ce pendant pour ne perdre tēps, il se meit
à la uoile uers la uille de Megare, dedans laquelle Cassander tenoit aussi bien
garnison. Mais en ces entrefaites il fut aduertty que Cratesipolis, laquelle auoit
esté femme d'Alexander surnommé Polyperchon, dame de beaulté excellen-
te & tres renommee, qui se tenoit pour lors en la uille de Patras, le uerroit uon-
luntiers : par quoy laissant son armee dedans le territoire des Megariens, il se
meit incontīnēt en chemin droit celle part, avec bien petit nombre de ses gēs,
les plus dispos & plus legerement armez : & puis encore se derobba il d'eulx,
& feit faire son logis à l'escart, à celle fin que ceste Dame ne fust point apper-
ceue quand elle le uiendrait ueoir. Quelques uns de ses ennemis en furent aussi
roist aduertis, qui luy allerent incontīnēt courir sus en surfault à l'improuueu,
dont Demetrius fut fort effroyé, & n'eut loisir que de s'affubler d'un meschant
manteau le premier qu'il peut trouuer, avec lequel il se sauua de uistesse, telle-
ment qu'il sen fallut bien peu, que pour son incōtinence il ne fust pris tres hō-
teusement par ses ennemis : mais au moins emporterent ilz avec eulx sa tente &
tout l'argent qui estoit dedans. Depuis la uille de Megara fut prise sus les gens
de Cassander, & la uouloient les soudards de Demetrius piller & saccager : mais
les Atheniens avec humbles prieres intercederent pour eulx, qu'ilz ne fussent
abandonnez au pillage. Par quoy Demetrius apres en auoir ictré hors toute la
garnison de Cassander, la remeit en sa pleine liberté. Et en ce faisant il eut sou-
uenāce du philosophe Stilpon, grād personnage & fort renommé, quoy qu'il
eust eleu une façō de uiure loing d'affaires en paix & en trāquillité : il l'enuoya
querir, & luy demāda si aucū de ses gēs auoiet point pris chose qui fust à luy.
Stilpon luy respondit que non : car ie n'ay, dit il, ueu personne qui m'ait emblé
ma science. Toutefois les serfs & esclauēs de la uille auoient presque tous esté
derobbez. Et pourtant comme Demetrius une autre fois luy feist cāresse, & luy
dist en sen allant, Or ça Stilpon, ie uous laisse uostre uille franche : Tu dis la ue-
rité Syre, respondit Stilpon : car tu n'y as pas laissé un tout seul serf. Tantost a-
pres il sen retourna une autre fois à Athenes, & meit le siege deuant le fort de
Munychia, lequel il prit, & força la garnison q estoit dedans : puis raza rez pied
rez terre toute la forteresse. Cela fait, à la semonce des Atheniens qui le prioient
de se uenir refreschir en leur uille, il y entra, & feit assembler tout le peuple, au
quel il rendit son ancienne liberté, & ensemble le gouuernemēt de la chose pu-
blique, leur promettant d'auantage qu'il leur feroit enuoyer par son pere cent
cinquāte mille minots de bled, & tant de bois & de marrien qu'il en faudroit
à faire iusques à nombre de cent cinquante galeres. Ainsi les Atheniens par le
moien de Demetrius recouurerent la Democratie, c'est à dire, le gouuernemēt
de

A de l'estat populaire, quinze ans apres qu'ilz l'auoiét perdue, & uescurent tout le temps & espace d'entre deux, depuis la guerre que lon appelle Lamiaque, & la bataille qui fut dōnee pres la uille de Cranō, en estat d'Oligarchie, c'est à dire, soubz le gouuernement d'un petit nombre de gouuerneurs, au moins en apparence, & à la uerité en Monarchie, c'est à dire soubz la conduite d'un seul aiant toute puissance, pour la grāde authorité de Demetrius le Phalerien. Mais ilz redirent leur bienfaiteur Demetrius, qui sembloit auoir acquis tant de gloire & d'honneur par sa beneficence, odieux & enuié de tout le monde, pour les trop grands & desmesurez honneurs qu'ilz luy decernerent: car tout premierement ilz appellerent Antigonus & Demetrius Roys, lesquels auparauāt auoiét tousiours refusé & reietté ce nom là, & auquel seul entre toutes les autres preeminences, priuileges, & prerogatiues des Roys, ceulx qui auoient party & diuisé entre eulx l'empire de Philippus & d'Alexandre, n'auoiét encore iamais osé toucher ny l'usurper. D'auātage ilz furent seulz qui leur dōnerent le tiltre de Dieux sauueurs, & abolirent leur Preuost annuel, qu'ilz appelloient Eponymos, pour autant que de toute ancieneté on denōmoit & specifioit les années par le nom de celuy qui l'estoit: au lieu duquel ilz arresterent en conseil de uille, que tous les ans par les uoix du peuple seroit élu un que lon nōmeroit le prestre des Dieux sauueurs, le nom duquel on escriroit en tous contractz & tous actes publiques, pour specifier l'année: oultre qu'au uoile ou banniere sacrée, en laquelle estoiet les images des Dieux, patrons & protecteurs de la uille, portraictz de broderie, on y feroit encore peindre leurs figures. D'auātage ilz consacrerent le lieu auquel Demetrius estoit premierement descendu de son chariot en terre, & y dresserent un autel, lequel ilz nommerēt l'autel de la descente de Demetrius: & à leurs lignees en adiouxterent deux, l'Antigonide & la Demetriade. Leur grand conseil, qui se creoit parauant tous les ans de cinq cēts hommes, fut lors premier estably de six cents, pour autant qu'il falloit que chascue lignee fournist & creast de son corps cinquante conseillers: mais encore le plus estrange traict, & la plus nouuelle inuentiō de flatterie de Stratocles (car c'estoit luy qui inuenoit & mettoit en auant toutes ces belles flatteries) fut qu'il proposa un decret, par lequel il fut ordonné que ceulx que lon enuoyeroit publiquement deuers Antigonus & Demetrius seroiēt appelez au lieu d'ambassadeurs Theori, qui uault autant à dire comme, les commissaires des sacrifices: car ainsi estoiet appelez ceulx qu'on enuoyoit ou en Delphes uers Apollo Pythien, ou en Elide uers Iupiter Olympien, aux festes & solennitez publiques de toute la Grece, pour faire les sacrifices & oblations ordinaires pour le salut des uilles. Ce Stratocles en toutes autres choses estoit hōme temeraire, & qui auoit tousiours mené une uie meschante & desordonnee, & pour son impudēce effrontee sembloit fort imiter la folle hardiesse & temeraire insolence de laquelle anciennement Cleon auoit usé enuers le peuple. Il tenoit publiquement en sa maison une cōcubine qui auoit nom Phylaciō. Vn iour qu'elle luy auoit achepté pour son soupper des testes & cols des bestes que lon mange ordinairement, il luy dit, Comment tu m'as achepté ce dequoy nous iouons à la pelotte entre nous autres qui manions la chose publique. Vne autrefois cōme l'armée de mer des Atheniens eust esté desfaite aupres de l'isle de Amorgos, il se hastia de preuenir ceulx qui en apportoiēt les nouuelles, & fen uint tout le long de la rue du Ceramique, couronné de chapeaux de fleurs, cōme si les Atheniens eussent gagné la bataille, & fut autheur d'un decret, par lequel on sacrifia aux Dieux,

Demetrius.

pour leur rendre grace de la uictoire, & distribua lon par les ligneas des uiâdes F
pour une publique resiouissance: mais tâtost apres arriuerēt ceulx q apportoiēt
les reliques du naufrage de celle desfaite: le peuple en fut grâdement mutiné,
& le feit appeller en courroux, & il eut bien l'impudence de s'aller presenter, &
soustaint avec une grande arrogance le mescontentement du peuple, leur di-
-sant tout fierement, Et puis quel tort uous ay-ie fait, si ie uous ay tenu bien aises
-l'espace de deux iours: telle & si grande estoit l'insolence & la temerité de ce-
stuy Stratocles: mais comme dit le poëte Aristophanes,

Il y auoit chose plus chaude encore,

Que n'est le feu, qui tout mine & deuore.

Car il y en eut un autre qui passa en impudēce ce Stratocles, & meit en auāt un G
decret, q toutes les fois q Demetrius uiēdroit en la uille, on le receust avecques
toutes telles cerimonies & pareille solēnité, que lō uoit es festes de Ceres & de
Bacchus, & que à celuy qui surpasseroit tous les autres en sumptuosité & ma-
gnificēce d'appareil, quād Demetrius entreroit en la uille, on dōnast du public
tāt d'argēt qu'il en fauldroit à faire quelque statue, ou autre offrāde que lon cō-
facieroit aux tēples en memoire de sa liberalité. Oultre pl⁹ ilz chāgerēt le nom
du mois de Ianuier & l'appellerent Demetrien, & le dernier iour du mois qu'ilz
appelloient parauant la uieille & nouuelle lune, ilz l'appellerent lors la Deme-
triade: les festes de Bacchus que lon nommoit Dionysia, ilz les surnommerent
Demetria. Mais les Dieux monstrerent par plusieurs signes & presages qu'ilz H
en estoient offencez: car la banniere en laquelle, comme il auoit esté ordonné,
on auoit fait portraire les images d'Antigonus & de Demetrius avec celles de
Iupiter & de Minerue, ainsi comme on la portoit en processio par la rue du Ce-
ramique, il se leua un orage & estourbillon de uent si impetueux, qu'il la def-
chira en deux par le milieu: & tout alentour des autelz qui auoient esté dressez
en l'honneur de Demetrius & d'Antigonus, la terre produisit une quantité de
cigue, laquelle autrement à grand peine pouuoit croistre en ceste terre là: & le
propre iour que lon celebre la feste de Bacchus, on fut contrainct de remettre
la pompe ou processio qui se fait ce iour là, tant il auoit gelé hors de saison:
& rumba tant de bruine & de gresil, que non seulement les uignes & les oliues I
gelerent, mais aussi la meilleure & plus grande partie des bledz qui estoient en-
core en herbe. Au moien de quoy, le poëte comique Philippides ennemy dudit
Stratocles en une siene comēdie escriuit contre luy des uers de telle substance:

C eluy qui a par son impieté

C ontre les Dieux immortelz cause esté,

Q ue la bruine a noz uignes geles,

Q ue le sainct uoile en deux parts uiolees

A par l'effort d'un uent esté fendu,

A ttribuant aux hommes ce qui deu

E st seulement à nature diuine,

C' est luy tout seul, non autre, qui ruine

L' autorité du peuple, quoy qu'il die

A tort que c'est la pauvre Comedie.

Cestuy Philippides estoit familier & bien uoulu du roy Lyfimachus, en sorte q
pour l'amour de luy, ce roy auoit fait beaucoup de bien & de plaisir à la chose
publique d'Athenes: car il l'auoit tāt agreable, que toutes les fois qu'il le uoit
ou qu'il le rencōtroit sus le cōmencemēt d'une guerre ou de quelque autre affai-
re de grande cōsequence, il luy sembloit que cela luy apportoit bonne encōtre:

A si n'estoit pas seulement aimé & estimé pour l'excellence de son art, mais aussi pour ses bonnes & louables conditions: car il n'estoit point facheux, ny entaché de curieuse affecterie de court, comme il monstra bien un iour que le roy le careffoit, & luy disoit d'un bon uisage, Que ueux tu que je te departe de mes biens, Philippides? Ce qu'il te plaira, respôdit il, Sire, prouueu que ce ne soit point de tes secretz. Nous auons bien uoulu dire cela de luy en passant tout expressement pour mettre alencôtre de cest effronté harengueur de peuple un honeste ioueur de comédies: mais encore y en eut il un autre Democélides du bourg de Sphettus, qui songea une plus extrauagante & plus estrange façon d'honneur touchant la dedicasse & consecration des boucliers que lon dedioit au temple d'Apollo en la uille de Delphes, c'est à sçauoir, que lon en allast demander l'oracle à Demetrius: mais il uault mieulx coucher tout au long la teneur & les propres termes du decret qui fut tel, A la bonne heure: le peuple ordônera qu'il soit élu un des citoiens d'Athenes, lequel se transportera par deuers nostre sauueur: & apres luy auoir deuëment sacrifié, demandera à Demetrius nostre sauueur, en quelle sorte & maniere le peuple pourra le plus sainctement & le plus deuotement sans delay faire la consecration & offrande des saincts dons: & selon l'oracle qu'il luy en aura pleu reueler, le peuple le mettra en executiō. Ainsi en espendant toutes ces mocqueries sus cest homme, qui au demourât n'estoit pas gueres sage, ilz le gasterent & l'affolerent encore d'auantage. Mais pour lors estant de loisir à Athenes, il espousa une ueufue nommee Eurydice, laquelle

C estoit de la noble & ancienne maison de Miltiades, & auoit esté mariee à un nommé Opheltas, prince de la prouince Cyrenaïque, & apres sa mort sen estoit retournée à Athenes: duquel mariage les Atheniës furent fort ioyeux, & estimèrent que c'estoit le grand honneur de leur uille, pensans qu'il l'eust fait pour l'amour d'eulx: mais il estoit ainsi prompt & aisé à faire nopces, tellement qu'il auoit tousiours ensemble plusieurs femmes espousees, entre lesquelles toutefois Philla estoit celle qui auoit le plus d'honneur & plus d'autorité, en partie pour le regard de son pere Antipater, & en partie aussi, pource qu'elle auoit esté en premiere nopces mariee avec Craterus que les Macedoniens auoient plus aimé en sa uie & plus regretté apres sa mort, que nul de tous les autres successeurs d'Alexandre. Son pere la luy auoit fait espouser, à mon aduis, par force, quoy qu'elle ne fust pas d'âge sortable à luy: car il estoit fort ieune, & elle desia suraagée: & comme Demetrius monstra n'en estre point content, son pere luy dit tout bas en l'oreille,

O ultre son gré prendre femme il conuient

C ontre nature, ou le profit en uient.

Rencontrant assez à propos sur ces uers d'Euripides,

O ultre son gré afferuir se conuient

C ontre nature, ou le profit en uient.

E Mais tel estoit l'honneur que Demetrius portoit tant à Philla que à ses autres femmes espousees, qu'il auoit tousiours sans uergoigne alentour de luy plusieurs courrisanes & autres femmes mariees, desquelles il usoit: & fut blasmé de estre, plus que nul autre prince ne Roy de son temps, subiect à ce uice & à ceste uolupté. En ces entrefaites il fut mandé par son pere pour aller combattre alencontre de Ptolomæus pour le royaume de Cypre. Si luy fut force d'obeir, combien qu'il fust bien marry de laisser la guerre entreprise pour la deliurance de la Grâce, laquelle estoit beaucoup plus honorable & plus glorieuse: route-

Demetrius.

fois auât que partir il enuoya deuers Cleonides capitaine de Ptolomeus, qui re-
noit avec grosse & puissante garnison les uilles de Corinthe & de Sicyone, luy
offrir de l'argët s'il uouloit laisser ces uilles en liberté: à quoy Cleonides ne uou-
lut entendre. Et pourtant Demetrius monta incontinent sur mer, & avec toute
son armee se mit à la uoile droit la route de Cypre, là ou de premiere arriuer
il uainquit en bataille Menelaus frere de Ptolomæus: mais un peu apres Pto-
lomæus y alla luy mesme en personne avec une grosse puissance tant par mer
que par terre, & là y eut de fieres menasses & de braues paroles qu'ilz se feirent
porter l'un à l'autre: car Ptolomeus manda à Demetrius qu'il se retirast de bon-
ne heure, s'il estoit sage, deuant que toute son armee fust assemblee qui le foute-
roit aux piedz, & luy passeroit sur le uentre s'il l'attendoit: & de l'autre costé De-
metrius luy manda, qu'il luy feroit ceste grace de le laisser eschapper s'il uouloit
iurer & promettre de retirer les garnisons qu'il auoit dedans les uilles de Co-
rinthe & de Sicyone. Ainsi l'attente de ceste bataille tenoit en grand soucy &
en grande destresse non seulement ces deux princes qui deuoient combattre
l'un contre l'autre, mais aussi tous les autres seigneurs, princes & roys, à cause
que l'issue estoit encore incertaine, & ne sçauoit on qui en deuoit auoir le meil-
leur: mais bien sembloit il à chascun que la uictoire ne donneroit pas seulemēt
au uainqueur le royaume de Cypre & de la Syrie, mais le rendroit incontinent
le plus grand & le plus puissant de tous les autres. Ptolomæus donc luy mesme
en personne avec cent cinquante uoiles commença à uoguer de front contre H
son ennemy, & donna charge à Menelaus son frere que quand il les ueroit
ioincts au combat à coups de main, & qu'ilz seroient au plus fort de la mes-
lee, il sortist du port de la uille de Salamine, & qu'il uint charger par der-
riere les uaisseaux de Demetrius, pour les escarter & rompre leur ordonnance,
avec soixante galeres, dont il auoit la conduite. Mais d'autre costé, Demetrius
ordonna dix galeres alencontre de ces soixante, pensant que c'estoit assez pour
fermer l'emboucheure & l'issue du port qui estoit petite & estroite, de façon
que nulle de celles qui estoient dedans n'en peust sortir: & au reste il espan-
dit son armee de terre sus les poinctes & rochers qui sortent auant en la mer
à l'enuiron, & puis se tira luy mesme en pleine mer avec cent quatreuings I
galeres, & alla charger celles de Ptolomeus de si grande impetuosité & a-
vec tel effort, qu'il tourna uailleamment Ptolomeus en fuitte, lequel incon-
tinent qu'il ueit son armee rompue se mit aussi à fouir le plus legerement
quil peut avec huit galeres tant seulement, car il ne s'en sauua que ces huit
là seules, pource que des autres les unes furent brisees & mises à fond en com-
battât, & les soixante & dix prises avec tous les gés de guerre qui estoient de-
dans. Quant au demourant du bagage de son train, ses amis, ses officiers ou
seruiteurs domestiques, ses femmes, & d'auantage son or & argent, armes, en-
gins de batterie, & toute autre telle munition de guerre qui estoit es carraques
& grosses naues à l'ancre, il n'en eschappa rien que tout ne uint en la puissance K
de Demetrius & qui ne fust pris & mené en son câp: entre lequel butin se trou-
ua celle tant renommee courtesane Lamia, laquelle au commencement auoit
esté requise & renommee seulement pour son art, à cause qu'elle iouoit assez
bien des flustes: mais depuis quand elle commença à mener le train de cour-
tesanie, elle fut en bien plus grande uogue que deuant: tellement que lors,
encore qu'elle fust desia au declin de son aage & de sa beaulté, & qu'elle eust
trouué Demetrius beaucoup plus ieune qu'elle, si est-ce qu'elle le gaigna & le

A reteint par sa douceur & bõne grace, de sorte qu'il estoit amoureux de celle là seule, & toutes les autres femmes amoureuses de luy. Apres ceste uictoire nauale, Menelaus mesme ne resista plus, ains rēdit à Demetrius la uille de Salamine & ses nauires, & luy meit entre ses mains douze cēts hõmes de cheual, avec douze mil hommes de pied tous bien armez. Ceste uictoire qui de soymesme estoit si glorieuse & si triumpante, fut encore embellie d'auantage par la bonté & humanité grande de laquelle usa Demetrius, en faisant faire honorables & magnifiques funeraillles à ses ennemis qui auoient esté tuez en la bataille, en laissant aller francs & sans payer rençon, ceulx qui y auoient esté pris prisonniers, & en donnant d'auantage douze cents harnois completz de toutes pieces aux Atheniens. Cela fait, il enuoya deuers son pere Aristodemus Milesien,

B pour luy annõcer de bouche les nouuelles de ceste uictoire. Or estoit-ce le plus grand flatteur qui fust en route la court d'Antigonus, lequel festudia lors, cõme ie croy, d'adiouster à cest exploit, le comble de toute flatterie. Car estāt passé de l'isle de Cypre en la terre ferme, il ne uoulut pas que la nauire, sus laquelle il estoit uenu, approchast de terre, ains commāda qu'on iettast les ancrs, & que personne ne bougeast de la nauire: luy seul en sortit sus un petit esquif, & s'en alla deuers Antigonus, lequel estoit pendant en merueilleuse doubte & crainte de l'issue de ceste bataille passionné, cõme il est aisé de croire que le sont ceulx qui avec une telle destresse attendent la fin incertaine de si grandes choses: &

C lors quand on luy uint dire que celuy là uenoit tout seul uers luy, il fut encore plus troublé que deuant, tellement qu'à peine se pouuoit-il luy mesme contenir au logis, & enuoyoit de ses seruiteurs & amis les uns sus les autres au deuant de cest Aristodemus pour luy demander, & luy uenir uistement redire, quelle auoit esté l'issue de cest affaire: mais il ne respondit iamais rien à personne, ains marcha tousiours lentement pas à pas avec une contenance graue, & un uisage composé, gardant un merueilleux silence: & pourtant Antigonus totalement esperdu, ne se peut plus tenir qu'il ne luy allast luy mesme au deuant iusques à la porte, là ou il y auoit desia grosse foule de peuple qui suiuiot Aristodemus, & accouroit on de toutes parts au logis du Roy pour ouyr sa response. A la fin quand il fut approché bien pres estendant la main droite, il se prit à crier à haulte uoix, Dieu te gard sire roy Antigonus, nous auons desconfit en bataille par mer le Roy Prolomeus, & auõs gaigné le royaume de Cypre avec seize mille huiet cents prisonniers. Adonc luy respondit Antigonus, Et Dieu te gard aussi: urayemēt Aristodemus tu nous as long temps tenus en trāse, mais pour penitēce de la gehenne que tu as dõnee, tu en recepuras plus tard le present de la bonne nouuelle. Et adonc premieremēt le peuple à haulte uoix appella Antigonus & Demetrius Roys. Et quant à Antigonus, ses familiers & amis sur l'heure mesme luy banderēt le chef du bandeau royal, que lon appelle diadesme: mais quāt à Demetrius, son pere le luy enuoya, & par les lettres qu'il luy escriuit, l'appella Roy. Ce qu'aians entendu ceulx qui estoient en Ægypte avec Prolomeus, le nommerent aussi & le saluerent Roy, de peur qu'il ne semblast que pour auoir esté une fois uaincus, ilz eussent perdu le cueur. Ainsi ceste ambitiõ par une ialouzie & emulatiõ alla de l'un à l'autre des successeurs d'Alexandre: car Lyfimachus alors cõmencea à porter le diadesme, & Seleucus aussi toutes les fois qu'il traittoit ou qu'il parlemētoit avec des Grecs: car des auparauāt il besongnoit avec les barbares comme Roy. Mais Cassander, combiē que les autres l'escriuissent & le nommassent Roy, se signa tousiours comme il

Demetrius .

auoit accoustumé. Si ne fut pas cela seulement une addition de nouveau nom, F
ou un changement de pareure & d'habillement, ains fut une gloire qui leur en-
fla le courage, leur haulsa l'opinion qu'ilz auoient d'eulx mesmes, & fait que &
en leur maniere de uiure, & en leur communicatiō avec les gens, ilz deuindrēt
plus pōpeux & plus superbes qu'ilz n'estoiēt au parauant, ne plus ne moins que
les ioueurs de tragedies, qui avec les accoustremēs qu'ilz uestent quand ilz vont
au theatre pour iouer leurs ieux, changent de desmarche, de contenance, de
uoix, & de façon de se seoir, & de parler: tellement que depuis ilz deuindrent
plus uiolents en faisant iustice à leurs subiects, apres qu'ilz eurent osté le masque
& la dissimulatiō de leur puissance absolue, qui les rendoit auparauāt en beau-
coup de choses plus tolerables & plus doux à ceulx qui estoient en leur obeis- G
sance: tant eut de pouuoir & d'efficace la seule uoix d'un flatteur, qu'elle amena
& introduisit une si grande mutation par le mōde. Antigonus doncques eleué
pour la prosperité des choses que son filz Demetrius auoit faittes alentour de
Cypre, se delibera d'aller tout incontinent courir sus à Ptolomeus: & luy mes-
me en personne mena l'armee de terre, aiant tousiours son filz Demetrius uo-
gant en mer coste à coste de luy avec une grosse flotte de uaisseaux: mais l'un
des mignons appellé Medius eut en dormant une uision, qui declaroit quelle
deuoit estre la determination & issue de ceste entreprise: car il luy fut aduis
qu'il ueoit Antigonus avec toute son armee courir en lice à qui auroit & gai-
gneroit le pris de la course double, & qu'il courut d'une grande force & gran- H
de uistesse à l'aller du commencement: mais puis apres la force & haleine luy
diminuerent tellemēt, que quand ce uint au retour il fut hors de pouls & d'ha-
leine, en maniere qu'il eut bien de l'affaire à se retirer. Aussi en aduint il en la
mesme sorte: car luy par terre se trouua en plusieurs grandes difficultez & dan-
gers, & Demetrius aussi en mer fut bien pres de donner à trauers la coste, & d'e-
stre ietté par la tourmēte en lieux ou il n'y auoit ne ports, ne rades, ne abry seur
pour les uaisseaux: & finablement apres auoir perdu grand nombre deses nauir-
es, il s'en retourna sans rien faire. Or auoit lors Antigonus bien pres de qua-
tre uingts ans: mais encore estoit il plus malaisé de sa personne, à cause de la
grandeur & pesanteur de son corps, que à cause de sa uieillesse. Parquoy estant I
deuenu inhabile aux exercices & trauaulx de la guerre, il uoit de son filz en son
lieu, lequel tant pource qu'il estoit heureux, comme aussi pour l'experience qu'il
auoit ia acquise, cōduisoit bien & sagement ses plus grands affaires. Et ne s'of-
fensoit point son pere pour les insolences, superfluitez de despence & yron-
gneries qu'il faisoit ordinairement: car quand il y auoit paix, il estoit desor-
donné en tous ces uices là, & si tost comme il estoit sorty hors d'affaires, il s'a-
bandonnoit dissoluēmēt & se laissoit aller à toutes sortes de uoluptez: mais en
temps de guerre, il estoit sobre & chaste cōme ceulx qui le sont naturellement.
Auquel propos on dit que un iour Lamia estat desia tout appertemēt maistres-
se de luy, ainsi cōme il retournoit des champs il uint suyuant sa coustume bai- K
ser son pere. Et Antigonus en se riant luy dit, Te semble il point, mon filz, que
tu baisses Lamia? Vne autre fois il fut plusieurs iours à boire & à yronner sans
aller ueoir son pere, & puis pour s'excuser enuers luy il dit que c'estoit un reume
qui luy auoit fait garder la chambre, & l'auoit empesché de uenir uers luy. Je
l'auois biē ouy dire, respōdit Antigonus: mais estoit il de Thasos ou de Chios,
ce reume? & ce disoit il, pource qu'il croist de tresbons & delicieux uins en l'une
& en l'autre isle. Vne autre fois encore il fait dire à son pere qu'il se trouuoit
mal:

- A mal: Antigonus y alla pour le ueoir, & en y allant rencontra à la porte de son logis un beau ieune garson, puis entra en sa chambre, & s'asseant aupres de son liect, luy prit la main pour luy taster le pouls. Demetrius luy dit, que sa fiebure s'en estoit nagueres allee. C'est-mon, respondit Antigonus, ie leuiens de recōtter tout à ceste heure, comme il sortoit, ce ieune garson. Ainsi supportoit il doucement ces faultes là, à cause des autres belles & uertueuses choses que Demetrius faisoit. Lon dit que les Scythes en beuuāt & yurōgnant ensemble, font par fois sonner les chordes de leurs arcs, cōme si cela seruoit à rappeler & retenir la uigueur de leur courage & de leur hardiesse, laquelle s'escouleroit & se desrēperoit autrement par la uolupté du uin qu'ilz prenent. Mais Demetrius qui
- B s'addonnoit totalemēt à une seule chose pour un temps, tantost à prendre son plaisir, tantost aux affaires & à choses de consequence, & uoit tousiours de l'un seul en extremité, sans le meller avec l'autre, & si n'estoit pour cela de riē moins prouident à faire tous apprestz & toutes prouisiōs pour la guerre, ains s'il estoit sage & uaillant capitaine pour bien conduire une armee, il estoit encore plus soigneux & plus diligent à la preparer & mettre sus: car il uouloit qu'il y eust de toutes choses necessaires, plus qu'il n'en faudroit quand ce uiendrait au befoing. Mais specialement estoit il insatiable quand à bastir & cōstruire magnifiquement nauires & routes sortes de machines & engins de batterie, mesmement pour le plaisir qu'il prenoit à les inuenter & deuiser: car aiant bon esprit
- C & estant naturellement ingenieux à proietter & imaginer telz ouurages qui se font de l'entendement & de la main, il n'appliquoit point son esprit ne l'affectiō qu'il auoit aux arts mechaniques à ieux & passetemps inutiles, comme certains autres roys qui se sont amusez les uns à iouer des flustes; les autres à peindre & peindre, aucuns à besongner du tour, comme *Æropus* roy de Macedoine, lequel prenoit plaisir & passoit son temps à faire de petites tables & de petites lāpes: & *Attalus* surnommé *Philometor*, c'est à dire, amateur de sa mere, qui iardinoit & cultiuoit certaines herbes medicinales; non seulement le *Elebore* & le *Iuscyame*, mais aussi la cigue, l'*aconite*, & le *dorycnium*, les semant & plantant luy mesme es iardins de son palais royal, & s'empeschant d'en recueillir en
- D la saison la grene, le ius, & le fruit, & de cognoistre leur puissance & uertu: ou comme les roys des *Parthes* qui prenoient à gloire qu'eulx mesmes emouloient & aguysoient les poinctes de leurs flesches: mais de Demetrius les œuures mechaniques mesme sentoient incontinent leur roy: & sa façon & maniere de besongner auoit en soy une certaine grandeur, laquelle parmy l'ingenieuse subtilité & artifice des ouurages, monstroient la haultesse de courage & la magnanimité de l'ouurier, tellement qu'ilz apparoiſsoient dignes non seulement d'un entendement & d'une opulence royale, mais aussi d'auoir esté bastiz de la main propre d'un grand roy: car la grandeur en estonnoit ses amis mesmes, & la beaulté delectoit ses ennemis: mais cela est encore plus ueritable qu'il n'est
- E beau à dire, pource que ses ennemis s'esbahissoient grandement quand ilz ueoient uoguer le long de leurs costes ses galeres à quinze & à seize rens de rames: & ses machines de batterie que lon appelloit *Elepolis*, c'est à dire, engins à prédre uilles, estoient un spectacle de grande admiration à ceulx mesmes qu'il tenoit assiegez, comme les euenemens le tesmoignent: car *Lyſimachus* celuy de tous les roys qui luy uouloit le plus grand mal, luy estant uenu leuer le siege qu'il tenoit deuant la uille de *Soli* en *Cilicie*, l'enuoya prier de luy faire ueoir ses engins de batterie, & ses galeres uogantes en mer, & l'ayant fait, *Lyſimachus* s'en

Demetrius .

retourna avec un grand esbahissement. Ceulx de Rhodes apres qu'ilz eurent F
long temps soustenu son siege, à la fin feirent appointment avec luy, & luy
prierent de leur laisser quelques unes de ses machines pour servir à perpetuité
d'une marque & tesmoignage ensemble de sa puissance & de leur courage &
uailance. Or auoit il fait la guerre aux Rhodiens, à cause qu'ilz estoient alliez &
confederez du roy Ptolomæus, & fait approcher de leur muraille la plus grâde
machine qu'il eust, de laquelle le pied estoit en tuyle plus long que large, & a-
uoit par le bas en chascue costé de sa longueur quarâte & huit coudees, & soi-
xante & six de haulteur, allât tousiours estroississant en pointe par le hault, tel-
lement que les pants en estoient au dessus plus estroits, que non pas à la base, &
par le dedans estoit bien liee & renforcie de plusieurs estages, & plusieurs en- G
tremaient. Le front qui regardoit uers les ennemis estoit ouuert, & auoit à
chascue estage des fenestres, par lesquelles on iettoit toutes especes de traits,
pource qu'elle estoit pleine d'hommes combattans à toutes sortes d'armes: mais
ce qu'elle estoit si bien contrepesee qu'elle ne branloit, ny ne panchoit d'un
costé ne d'autre quand on la mouuoit, ains demouroit droitte & ferme dessus
son foubastement, s'auanceant egalemt en un endroit qu'en l'autre,
avec un bruit & un son merueilleux: cela dis-ie, apportoit un grand esbahisse-
ment à l'entendement, & grand plaisir aux yeulx de ceulx qui la regardoient.
En ceste guerre luy furent apportees deux cuyrasses de fer du poids de quarante
liures chascune, desquelles l'armeurier qui auoit nom Zoilus, uoulant môstrer H
la roideur & bonté de la trempe, les abandonna à l'espreuue, qu'on delaschaft
alencontre, de six uingts pas de loing, un trait de quelque engin de batterie: ce
qui fut fait, & fut la cuyrasse atteinte, qui neantmoins demoura en son entier,
& à peine y feit le trait une petite rature, qui n'apparoissoit comme point, non
plus que si elle eust esté faite d'un petit burin ou poinçon à escrire. Demetrius
porta celle là, & Alcimus l'autre, homme natif du pais d'Albanie, le plus robu-
ste & le meilleur combattant qu'il eust en son ost, & qui seul portoit son har-
nois complet du poids de six uingts liures, là ou tous les autres ne le portoient
que de soixâte seulement. il mourut à Rhodes en cōbattant uailamment aupres
du theatre. En ce siege là les Rhodiens se defendirent si bien, que Demetrius ny
peut faire chose aucune digne de memoire: mais quoy qu'il ueist bien qu'il y
perdoit son temps, si s'estoit il obstiné à les guerroyer opiniastrément pour le
maltalét qu'il auoit alencontre d'eulx, à cause qu'ilz luy auoient pris un uaisseau,
sur lequel sa femme Phylla luy enuoyoit quelques meubles de tapissierie, linge,
robbes, & des lettres, & l'auoient enuoyé tout ainsi qu'ilz l'auoient pris à Pro-
lomæus. En quoy ilz n'ensuyuirét pas l'honesteté & la courtoisie des Atheniés,
lesquelz aias surpris quelques courriers de Philippus, qui leur faisoit la guerre,
ouurirent bien toutes les autres lettres qu'ilz portoiét, & les leurent, fors seule-
ment celles que sa femme Olympias luy escriuoit, lesquelles ilz luy enuoyérét
toutes closes & cachettees comme elles estoient quād ilz les prirent. Et combié K
que c'est oultrage l'eust griefuement picqué & irrité, & luy eust fait bien grand
despit, si n'eut il pas le cuer de s'en uenger & leur redre la pareille un peu apres
qu'il en eut bien le moien sil l'eust uoulu: car d'aduenture en ce temps là Proto-
genes excellent peintre natif de la uille de Caunus leur peignoit le portraict
de la uille de Ialysus: Demetrius en trouua le tableau dedans un logis qui e-
stait hors la uille en l'un des faulxbourgs estant presque tout acheué: & com-
me les Rhodiens luy eussent enuoyé un herault pour le supplier de pardonner

- A à un si bel ouurage, & ne souffrir point qu'il fust gasté: il leur fait responce, qu'il souffriroit plus tost qu'on brullast les images de son pere, qu'un si excellēt chef d'œuure & de si grand labour: car on dit que Protogenes demoura sept ans à le parfaire: & dit on encore plus que Appelles luy mesme quād il le ueit, fut si fort espris d'esbahissement que la parole luy faillit, & demoura un long espace sans mot dire, & que à la fin il dit, Voyla un ouurage admirable, & un tresgrand labour: mais les graces luy defaillent, pour lesquelles ceulx que ie peings atteignent iusques au ciel. Ce tableau aiant depuis esté apporté à Rome, & entassé avec les autres, fut brulé & consummé par le feu. Ainsi comme les Rhodiens demandoient à se demesler de ceste guerre, & que Demetrius aussi ne cherchoit
- B que quelque honeste occasion de ce faire, les ambassadeurs des Atheniens suruindrent tout à propos, qui les appointerent par conuenance que les Rhodiens demoureroient allies avec Antigonus & Demetrius enuers tous & contre tous, fors seulement cōtre Ptolomēus. Les Atheniens appelloient Demetrius, à cause que Cassander estoit uenu mettre le siege deuant leur uille: parquoy Demetrius se mit incontinent à la uoile uers Athenes avec trois cēts trēte galeres & grand nombre de gens de guerre bien armez, tellement qu'il chassa Cassander non seulement de la prouince d'Attique, mais le poursuivit iusques au destroit des Thermopyles, là ou il le desfeit en bataille rengee, & receut la uille de Heraclea, laquelle uoluntairement se rendit à luy, & six mille Macedoniens
- C qui se tournerent de son costé. Puis en s'en retournant remēt en liberté tous les Grecs qui habitent deça le destroit, fēt alliance avec les Bœotiens, & prit la uille de Cenchrees, & les chasteaux de Phyle & de Panaptos es frōtieres de l'Attique, esquelz Cassander auoit laissé des garnisons pour tenir le pais en subiection, & apres les en auoir chassées il rendit les places aux Atheniens. Adonc quoy qu'auparauant les Atheniens semblassent auoir desployé entierement leur arriere espargne à luy decerner toutes sortes d'hōneurs à l'enuy l'un de l'autre, si trouuerent ilz encore d'autres tous nouueaux moiens de luy gratifier & de le flatter: car ilz ordonnerent que le derriere du temple de Minerue qui s'appelloit Parthenon, comme qui diroit, le temple de la uierge, luy seroit préparé & accoustré pour son logis & pour y faire sa residēce: & disoit on q̄ c'estoit la deesse
- D Minerue qui le receuoit & le logeoit chez elle. Mais à la uerité, c'estoit un hoste trop peu chaste & pudique, pour penser qu'une deesse uierge prist à gré qu'il fust logé avec elle. Et toutefois son pere Antigonus, s'estant une fois apperceu que lō auoit fait le logis de son frere Philippus en une maison ou il y auoit trois ieunes femmes, ne luy en dit rien quant à luy, mais en sa presence fait appeller le mareschal des logis, & luy dit, Ne me deslogeras tu point mō filz de ce logis si estroit? Et Demetrius qui deuoit auoir en reuerence la deesse Minerue, si non pour autre regard, à tout le moins cōme sa sœur aisnee (car ainsi uouloit il que lon l'appellast) contamina tout le chasteau, dedans lequel estoit ce saint temple uirginal, des uillanies qu'il cōmeit tant es personnes de ieunes enfans d'hōnestes maisons, que de ieunes femmes de la uille: tellement qu'il sembloit q̄ le lieu fust le plus net & le plus saint lors qu'il y paillardoit simplement avec ses courtisanes publiques Chrysis, Lamia, Demo & Anticyra. Il n'est ia besoing pour l'honneur de la uille de dire clairement & par le menu, toutes les uillanies & meschancetez qui y furent cōmises. Mais la uertu & l'honesteté de Democles est digne de n'estre point passée ny ensepuelie en silence. Cestuy Democles estoit un ieune enfant qui n'auoit encore point de barbe, de la beauté duquel
- E

Demetrius .

Demetrius fut tantost informé par le surnom qu'on luy bailloit : car on le nommoit par la uille, Democles le bel. Si le feit solliciter & pourfuiure de son deshonneur par toutes les sortes de prieres, promesses, dons, & menasses qu'il fut possible. Quand il ueit que personne ne le pouuoit gagner, & qu'à la fin le ieune garson se uoiant si fort importuné & pressé, laissoit de frequenter les lieux publics ou les autres ieunes enfans auoient accoustumé de s'esbattre à la lutte & autres exercices du corps, & que pour euites les estuues communes, il falloit lauer en une pauvre estuue priuee, Demetrius aiant espié le temps & l'heure, y entra incontinct apres luy, qui estoit seul. L'enfant se uoiât seul, & ne pouuant autrement empescher que Demetrius ne le forceast & ne le uiolast, osta le couuerele de la chaudiere ou estoit l'eau toute bouillâte, & saultant dedans s'y G
boulut & estouffa : estant certes indigne d'une si piteuse mesaduenture, mais aiant le cuer digne de sa beaulté & de son pais : car il ne feit pas cōme un autre nommé Cleanctus filz de Cleomedon, lequel apporta lettres de Demetrius adressantes au peuple, & feit tant, que par l'intercessiō & à la requeste dudit Demetrius, l'amende de * cinquante talents, en laquelle son pere auoit esté condéné, & à faulte de payement en estoit detenu prisonnier, luy fut remise & donnée : en quoy faisant, non seulement il se deshōra & diffama luy mesme, mais aussi troubla toute la uille : car le peuple remeit bien l'amende à Cleomedō, mais il feit un edict, par lequel il defendit, que de lors en auāt nul des citoiens n'apportast plus lettres de Demetrius. Et depuis estans aduertiz comme Demetrius H
estoit tresmalcōtent de cest edict, & qu'il s'en estoit courroucé bien aigrement, non seulement ilz casserēt leur premier decret, mais aussi de ceulx qui en auoient esté auteurs, ou qui y auoient tenu la main, ilz en feirent mourir les uns, & bānirēt les autres de la uille. Et d'auātage feirent un autre decret, par lequel il fut déclaré que le peuple Atheniē trouueroit desormais religieux quāt aux Dieux, & iuste, quant aux hommes, tout ce qu'il plairoit au roy Demetrius ordonner. Et lors y eut quelqu'un des plus notables personages & des plus gens de bien de la uille, qui dit que Stratocles estoit homme hors du sens de mettre telles choses en auant : Mais bien feroit il hors du sens uoirement, s'il ne l'estoit de la sorte, respondit Demochares surnommé le Laconien. ce qu'il disoit, pourautāt I
que ce Stratocles auoit receu de grands bienfaitz de Demetrius pour ceste flatterie. Mais Demochares accusé & cōuaincu d'auoir dit ces paroles, en fut bāny de la uille. Voila que faisoient les Atheniens, qui sembloient estre deliurez de la garnison qu'ilz auoient au parauant, & estre remis en leur premiere liberté & franchise. De là Demetrius passa au Peloponese, là ou il n'y eut pas un de ses ennemis qui l'osast attendre, ains s'en fouyrent tous deuant luy, & luy quitterent les places & les uilles. Par ainsi tira il à son party toute la contrée que lon appelle Acte & toute l'Arcadie, excepté la uille de Mantinee : & deliura les citez d'Argos, Sicyone & Corinthe, moienant * cent talents qu'il donna à ceulx qui estoient en garnison dedans. Enuiron ce temps escheut la saison, en K
laquelle on celebre la grande feste de Iuno en Argos, que lon appelle Herça. Parquoy Demetrius uoulāt celebrer & honorer ceste feste avec les Grecs, espou sa la Deidamia, fille de Aeacides roy des Molosses & sœur de Pyrrhus, & persuada aux Sicyoniens de laisser leur uille, & se uenir bastir & habiter en un autre plus beau lieu qui estoit tout au pres, auquel ilz habitēt maintenant : & avec la place & situation changea aussi le nom de la uille : car pour Sicyone il la feit appeller Demetriade. Puis en une assemblee des estats de la Grece qui se feit au destroit

* Trente mille
escus.

* Six cents mille
escus.

A destroit du Peloponèse que lon appelle Istmos, là ou il estoit cōuenü une fort grande multitude d'hommes de toutes parts de la Grèce, il fut eleu capitaine general de tous les Græcs, comme auparauant l'auoient esté Philippus & Alexandre roys de Macedoine, aux quelz non seulement il se comparoit, mais pensoit estre beaucoup plus grand, à cause que pour lors fortune luy rioit, & que ses affaires se portoient si bien : là ou Alexandre n'osta iamais aux autres Roys le tiltre & nom de Roy, ne iamais ne se nomma le Roy des Roys, combien qu'il eust donné à plusieurs le nom & la puissance de Roy : & à l'opposite, cestuy cy seroit & se mocquoit de ceulx qui appelloient quelqu'un des autres princes Roy, fors que son pere & luy : & si estoit bien aise & prenoit plaisir d'ouir ses mignons, qui en bâquetant demandoiēt du uin pour boire au Roy Demetrius, & puis à Seleueus le maistre des Elephâts, à Ptolomeus admiral, à Lyfimachus garde du tresor, à Agathocles Siciliē gouuerneur des isles. Les autres roys quād on leur rapportoit ces galâteries ne s'en faisoient que rire, hors mis Lyfimachus seul qui s'en courrouçoit, & prenoit à grand despit que Demetrius l'estimast châstré, pource que la coustume ancienne estoit de bailler ordinairement la garde du tresor à un Eunuche. Si estoit Lyfimachus celuy qui luy portoit plus grande inimitié que nul des autres princes, & le uoulant picquer, à cause qu'il auoit tousiours Lamia alentour de luy, de laquelle il estoit amoureux, le n'auois, disoit il, iusques à maintenant iamais ueu qu'une putain iouast en tragædie. Demetrius luy respōdit, que sa putain estoit plus pudique, que n'estoit pas la Penelope de luy. Mais potir lors se partant du Peloponèse, il reprit son chemin uers Athenes, & mādā deuāt par lettres aux Atheniēs, qu'il uoloit incōtinent qu'il seroit arriué, estre receu en la confrairie & religion de leurs saincts mysteres, & quil entendoit qu'on luy en monstrest en un coup tout ce qui en estoit, depuis les plus petites iusques au plus haultes & plus secretes ceremonies, qui s'appelloient Epoptiques, à cause qu'on les faisoit ueoir à l'œil aux confreres long tēps apres qu'ilz auoient esté premierement receuz aux premieres & petites ceremonies: ce qui n'estoit pas loisible, ne parauāt n'auoit iamais esté fait, pour autant que les petits mysteres se celebriēt de toute ancieneté au mois de Novembre, & les grands au mois d'Aoust, & si n'estoient point les confreres admis à ueoir à l'œil ces dernieres & plus saintes ceremonies, qu'il n'y eust un an entier pour le moins apres les grāds mysteres. Quand ces lettres furent leuēs publiquemēt, il n'y eut personne que Phithodorus le prestre qui porte la torche quand on monstre les mysteres, qui y osast contredire: toutefois son contredict ne seruit de rien, pource que suiuant la proposition de Stratocles, il fut dit & arresté en pleine assemblee de uille, que le mois de Mars, auquel ilz estoient pour lors, seroit tenu, nōmé & reputé Novembre. Et par ainsi en tant qu'ilz pouuoient faire par leurs decrets & edicts de uille, ilz receurent Demetrius en la confrairie de leurs mysteres: & puis derechef, ce mesme mois de Mars qu'ilz auoiēt conuertiy en Novembre, deuint soudainement Aoust, & en iceluy mesme fut celebree l'autre solennité des grands mysteres, & quand & quand Demetrius admis à ueoir les plus recluses & plus secretes ceremonies. Parquoy le poëte Comique Philippides reprochant ce sacrilege & ceste impieté de la religion uiolée à Stratocles, feit quelques uers de telle substance:

C eluy qui a le cours & le circuit

D e l'an entier à un seul mois reduit.

Et puis touchant ce qu'il auoit esté auther que le legis de Demetrius luy fust

Demetrius.

appresté au temple de Minerue qui estoit dedans le chasteau :

C. eluy qui á fait de uostre fortresse

V. ne tauerne, & qui chez la deesse

Vierge Pallas a logé des putains.

* Cent cinquante mille escus.

Mais encore de toutes les dissolutions, uillanies & meschancetez, qui lors furēt faictes á Athenes, combien qu'il y en eust beaucoup, il n'y en eut pas une, comme lon dit, qui greuast tant les Atheniens, comme feist ceste cy. Demetrius leur feist commandement qu'ilz eussent á luy bailler & fournir prôprement la somme de * deux cents cinquante talents. Le recouurement de ces deniers leur fut dur, tant pour la briefueté du temps qui leur fut prefix, que pource qu'il ne fut iamais possible d'en rien rabattre. Quand il eut ueu tout cest argent, qui luy fut apporté deuant luy en un monceau, il commanda que lon le baillast á Lamia & aux autres courtisanes qui estoient avec elle, pour leur auoir du sauon : car la uergoigne leur faisoit plus de mal que la perte de leur argent : & la parole dót il usa aux grand mespris de eux & de leur cité, les greua plus que ne feist ce qu'ilz payerent : toutefois aucuns disent que ce ne fut pas aux Atheniens á qui il feist ce uillain tour là, ains aux Thessaliens. Mais encore, outre tout cela, Lamia de son autorité priuce rençonna & exigea de l'argent de plusieurs particuliers pour un festin qu'elle feist á Demetrius, duquel l'appareil fut si sumptueux & si magnifique, q̃ Lycéus natif de l'isle de Samos en mit l'ordonnance par escript, & pourtant un certain poëte comicque, non moins plaisamment que véritablement appella ladicte Lamia Elepolis, c'est á dire, engin á prendre uilles : & Demochares natif de la uille de Soli, appelloit Demetrius Fable, pour autant qu'il auoit tousiours ceste Lamia avecques luy, comme es fables que les uieilles comptēt aux petits enfans, il y a uoluntiers une Lamie, c'est á dire une Fee ou une forcierre : en maniere q̃ le grand credit & autorité qu'auoit ladicte Lamia, & l'amour q̃ luy portoit Demetrius, ne luy causoiet pas la jalouzie seulement & l'enuie des femmes espousees dudit Demetrius, mais aussi la haine de ses familiers & priuez amis. Et pource aucuns siens gētilzhōmes qu'il auoit enuoyez en ambassade uers le roy Lyfimachus, cōme ce Roy deuisait priuce mēt avec eulx, & en passant le tēps leur mōstrast de grādes & profondes cicatrices des ongles du Lion qu'il auoit aux cuiſſes & aux bras, en leur comptant comment il auoit esté contraint de combattre á lencontre du Lion, quand par la fureur du roy Alexandre, il fut enfermé dedans une cage avec le Lion : eulx en riant se prirent á dire, que le roy leur maistre portoit aussi au col les marques & morsures d'une mauuaise beste qui estoit Lamia. Aussi, á uray dire, c'estoit une chose merueilleusement estrange, ueu qu'il auoit tant enuis & á si grād regret espouse sa femme Phila, pour autant qu'elle n'estoit pas d'age pareille á luy, comment il estoit ainſi espris de Lamia, & comment il l'aima ainſi constamment si long temps, attendu qu'elle estoit desia passée & suraagée : & pourtant Democelle qui fut surnommee Maria, c'est á dire, l'enragée, luy respondit plaisamment un foiz que Lamia auoit sonnē des flustes durant le soupper, quand Demetrius luy demanda, Et bien que te semble il maintenant, Demo, que c'est de Lamia ? Vne vieille, dit elle, Syre. Vne autre fois que lō auoit seruy le fruić á l'issue de table, Voyez uous, dit Demetrius, combien de petites gētillestes m'en uoye Lamia ? Ma mere, respondit Demo, s'en enuoyra encore d'auantage, si tu ueux coucher avec elle. On compte aussi de ceste Lamia un cōtre dit qu'elle feist au iugement de Bocchoris. Il y eut en Egypte un ieune homme qui deuint

amoureux

A amoureux d'une courtisane nommee Thonis : mais elle luy demandoit si grãd argent pour coucher avec luy , que le ieune homme ne le pouuoit fournir : à la fin ce ieune amoureux de la grande affection & desir qu'il en auoit, songea une nuit qu'il estoit couché aupres d'elle, & qu'il en prenoit son plaisir, tellement que pour l'apprehension & satisfaction du plaisir qu'il eut en dormant, son enuie & son desir luy en passa quand il fut esueillé . Cela sceu la courtisane le feit adiourner & conuenir en iugement , pour auoir son salaire de la uolupté qu'il auoit eu par imagination. Ce que aiant entendu Bocchoris, commanda au ieune homme, qu'il apportast en iugement à la premiere assignation , dedãs quelque uase, autant d'argent bien compté comme elle luy en auoit demandé pour coucher avec luy , & puis le luy feit remuer de la main ça & là deuant la courtisane, à fin qu'elle en eust seulement l'ombre & la ueuë: pour autant, disoit il, que l'imagination & l'opinion n'est que l'ombre de la uerité. Mais Lamia ne trouuoit point ce iugement equitable ne droit : car, disoit elle, l'ombre seule ou la ueuë de l'argent n'appaisa pas la conuoitise d'auoir de la courtisane, comme le songe auoit assouuy la passion & l'amour du ieune amoureux: mais à tant est-ce assez parlé de Lamia . Maintenant les gestes & aduētūres de celuy duquel nous escriuons, transportent le discours de nostre narration comme d'un theatre Comique en un Tragique, c'est à dire, d'une matiere plaisante & legere en une lamentable & pleine de pleurs : car tous les autres princes & roys se banderent & feirent ligue ensemble contre Antigonus, & assemblerent en un toutes leurs forces & puissances. Parquoy Demetrius se partit incontinent de la Grece, & se vint ioindre à son pere, lequel il trouua plus courageusement animé & affectiōné à ceste guerre que son aage ne portoit, oultre q̃ sa uenue l'asseura & l'encouragea encore d'auātage: & toutefois, cōme il me semble, si Antigonus eust uoulu ceder quelques petites choses, & eust peu ou uoulu un peu refrener sa trop immoderee cupidité de dominer, il eust retenu pour soy tout le long de sa uie, & encore laissé à son filz apres sa mort le premier degre d'autorité & de puissance entre tous les autres roys successeurs d'Alexādre : mais il estoit fier & oultrecuidé de nature, & non moins en faicts qu'en paroles insolent & braue, dont il aigrit & irrita encontre luy plusieurs grands & puissans hōmes . Car il disoit encore lors qu'il dissiperoit & esquarteroit ceste ligue & compagnie coniueree contre luy, aussi aisement comme on espouuenteroit en iettant une pierre ou faisant quelque peu de bruit, une uolee de petits oyseaux qui uienent enleuer la semence quand on seme: aussi mena il en bataille plus de soixante & dix mil hommes de pied, dix mil hommes de cheual, avec soixante & quinze Elephāts. Ses ennemis auoient soixante & quatre mil hommes de pied, cinq cents hommes de cheual plus que luy, avec quatre cents Elephāts, & bien six uingts chariots à cōbattre. Quand les deux armées furēt pres l'une de l'autre, il me semble qu'il se meit en l'entendement quelques apprehensions qui luy changerent son esperance, & non pas son courage: car aiant tousiours accoustumé aux autres batailles & rencontres d'estre en cōtenance audacieux, & d'auoir la poix haulte & forte, & de user de paroles braues & fieres, & mesme de dire quelque mot de risée aucunes fois au plus fort du combat, en demonstrent une certaine confiance de soy & contēnement de son ennemy, alors on le uoyoit souuent à par soy, morne & pēsif, sans mot dire. Il feit un iour assembler tout son ost, & presenta son filz aux gens de guerre en le leur recommandant, comme son successeur & heritier, & parla à luy seul à seul dedans sa tente, de quoy on s'esmerueil-

Demetrius.

la encore d'auantage, pource qu'il n'auoit iamais auparauant accoustumé de F
communiquer à personne le secret de son cōseil, non pas à son filz mesme, ains
deliberoit de toutes choses à par soy, & puis commandoit appertement ce qu'il
auoit arresté luy tout seul. Auquel propos on dit, que Demetrius estant encore
bien ieune luy demanda un iour quand le camp delogeroit, & qu'il luy respon-
dit en cholere, As tu peur que toy seul n'entédes pas le son de la trompette? Qui
plus est, il aduint lors beaucoup de mauuais & sinistres presages q leur abbais-
ferent & affoiblirent fort le cueur: car il fut aduis à Demetrius en dormant que
Alexandre le grand l'apparut à luy armé de toutes pieces, & qu'il luy demanda
quel mot ilz auoient deliberé de dōner le iour de la bataille: il respōdit, qu'ilz
auoient proposé de donner Iupiter & Victoire: & que lors Alexandre luy dit, G
Le m'en uois donc uers les ennemis: car ilz me receuront. Et puis le iour mesme
de la desfaitte, comme toute l'armee estoit desia ordōnee en bataille, Antigo-
nus en sortant de sa tente se heurta si rudement, qu'il tumba tout de son long le
uisage contre terre, de sorte qu'il se bleça bien fort: puis quād il fut releué, dres-
sant les mains au ciel, il feit prieres aux Dieux qu'il leur pleust luy donner la ui-
ctoire, ou bien la mort soudaine sans sentir grande douleur, auant quē se uoier
uaincu & son armee desfaitte. Quand doncques les deux batailles furent ioin-
tes, & qu'ilz commencerent à combattre main à main, Demetrius qui auoit la
plus grande & meilleure partie des gens de cheual avec luy, alla charger Anti-
gonus le filz de Seleucus, & combattit si uaillamment qu'il rompit de ce costé H
là les ennemis, & les tourna en fuite: mais par une ardeur oultreceuidee & une
ambition uaine de chasser les fuyans auant qu'il en fust temps, il gasta tout &
fut causé de perdre la uictoire: car quand il fut retourné de chasser, il ne se peut
pas reioindre à leurs gens de pied, pour autant que les Elephans se trouuerent
entre deux: & adonc Seleucus uoiant la bataille d'Antigonus dénuée de gens
de cheual, ne donna pas dedans tout incontinent, ains tourna à costé comme
pour les enuironner par derriere & les effroyer, faisant tousiours semblant de
les uouloir charger pour leur dōner ce pendāt loisir de se tourner de leur costé,
comme ilz feirent: car une grande partie de l'ost d'Antigonus l'abandonna &
se rédit à ses ennemis, & le reste fut mis en rōupte. Et comme une grosse troupe I
pe de gens allast de grand fureur donner sur l'endroit ou estoit Antigonus,
quelqu'un de ceulx qui estoient à l'entour de sa personne luy dit, Syre, pen-
sez à uous, car ceulx cy uous uienent courir sus: Il respondit, Et à quoy me co-
gnoissent ilz? & puis, mon filz Demetrius me uendra secourir. c'estoit sa der-
niere esperance, & regardoit tousiours ça & là, s'il l'apperceuroit uenir de quel-
que part, iusques à ce que finablement à coups de traicts, de dards & de picques
il fut porté par terre: & de tous ses amis ne de ses gardes il ne demoura person-
ne auprès du corps, qu'un nommé Thorax de la uille de Larissa en Thessalie.
Aiant ceste bataille eu telle issue, les princes & roys qui auoient gaigné une si
belle uictoire, comme filz eussent couppé un grād corps en plusieurs pieces, de K
partirent entre eulx l'empire d'Antigonus, & eurent chascun sa part des prouin-
ces, païs & contrees que Antigonus auoit tenues, lesquelles ilz adiouxterent à
celles qu'ilz auoient au parauant. Et Demetrius avec cinq mil hommes de pied,
& quatre mille cheualx fuyant à la plus grande diligence qu'il peut, gagna la
uille d'Ephese, là ou tout le mōde estimoit, que estant en si grāde necessité d'ar-
gent, il n'espargneroit point le temple de Diane Ephesienne, ains pilleroit l'or
& l'argent qui y estoit: &, au cōtraire, craignant que ses gēs de guerre ne le feis-
sent

A sent malgré luy, il s'en sortit soudainemēt, & se meit à la uoile uers la Grèce, aiāt la meilleure & plus grāde part de son esperāce aux Atheniens, pour autāt qu'il auoit laissē à Athenes sa femme Deidamia avec quelques nauires & quelque somme d'argent, pensant ne pouuoir auoir plus seure retraite, ne plus certain refuge en ses aduersitez qu'en la bienueuillāce des Atheniēs. Parquoy quād des ambassadeurs d'Athenes le uindrēt trouuer pres des isles Cyclades, cōme il cingloit à toute diligence uers l'Attique, & qu'ilz luy eūrēt denōcé qu'il se deportast de uouloir entrer en la uille, pour autant que le peuple auoit fait une ordonnance & un edict, de ne souffrir plus nul des roys entrer en la uille, & qu'ilz auoiēt enuoyē Deidamia sa femme avecques suite & cōpagnie honorable en la uille de Megare, alors de despit & de courroux il perdit toute cōtenance, cōbien qu'il eust iusques à là porté biē patiēment sa defortune, & qu'il se fust mōstrē au demourāt non failly ne rabbaisē de courage: mais ce luy estoit un grād creue-cueur, de se ueoir cōtre son esperance deceu des Atheniens qui luy failloient au besoing, & d'esprouuer au plus fort de ses affaires, que l'amitié & bienueuillāce qu'ilz luy auoient monstree auparauant estoit feinte & uainē. A quoy se peult euidēment cognoistre, que le plus incertain & le plus deceuable argument d'amitié des peuples, citez & communaultez enuers les princes & les roys, sont les hōneurs demesurez qu'ilz leur deferent & decernent. Car cōme ainsi soit que la uerité & certaineté de l'hōneur pēd de l'affectiō de ceulx qui le deferēt, la crainte que les peuples & cōmunaultez ont ordinairement de la puissance des Roys, est assez suffisante pour se desfier qu'ilz le facēt de bon uouloir & de bon cueur, attendu que par crainte ilz decernēt de mesmes choses qu'ilz feroiēt par uraye & cordiale amitié. Pourtant les sages & bien aduisez Princes doiuent regarder non tant aux statues qu'on leur dresse, ou aux tableaux & diuins hōneurs qu'on leur decerne, comme à leurs propres faitz & œuures, & selon iceulx les croire & receuoir comme urays honneurs, ou les descroire & refuser, comme choses faittes par contrainte: pource que bien souuent c'est ce qui fait que les peuples ont en plus grande haine les Roys, quand ilz acceptent les honneurs qui leur sont decernez oultrageusement & demesurement, & le plus souuēt par ceulx qui le font malgré eulx.

D Demetrius donc uoyant le mauuais & lasche tour que luy faisoient les Atheniens, mais n'ayant pour l'heure moien de s'en reuenger, leur enuoya seulement faire ses plaintes & doleances modereement, & leur redemander ses nauires, entre lesquelles estoit celle galere qui auoit seize reings de rames, & si tost qu'il les eut, se meit incontinent à la uoile uers le destroit du Peloponese, là où il trouua q̄ tout alloit mal pour luy: car de tous costez, ceulx à qui il auoit laissē les places en garde les quittoient, ou se tournoient, & les tenoient encontre luy. Parquoy laissant Pyrrhus son lieutenant en la Grèce, il monta sus mer & cingla uers la Cherronese, là où du dommage qu'il faisoit, & du butin qu'il gaignoit sur les terres de Lyfimachus, il en entretenoit ses gens & en enrichissoit son armee, laquelle derechef cōmençoit à se remettre sus & estre redoubtable à ses ennemis. Mais quāt à Lyfimachus, les autres Roys ne faisoient compte, & ne s'embesongnoient gueres de le secourir, à cause qu'il n'estoit de rien plus equitable que Demetrius, aiāt plus de terres & plus de puissance que les autres, & leur en estant suspect & redoubtable. Peu de temps apres Seleucus enuoya demander en mariage Stratonice la fille de Demetrius & de Phila, combien qu'il eust desia un filz nommé Antiochus de sa femme Apama Persiene, mais il estimoit que ses affaires & la grandeur de son estat & seigneu-

Demetrius.

rie estoit bien suffisante pour plusieurs successeurs : & d'auantage, il pensoit auoir besoing d'entrer en alliance avec luy, à cause qu'il uoyoit que Lyfimachus prenoit l'une des filles de Ptolomeus pour luy, & l'autre pour son filz Agatocles. Demetrius uoiant ceste bonne fortune qui se presentoit à luy contre son esperance, sans delayer prit sa fille avec soy, & se meit à la uoile avec toutes ses nauires droit uers la Syrie, auquel uoyage il luy fut force de necessairement descendre en terre quelquefois, mesmemēt en la Cilicie, que Plistarchus le frere de Cassander tenoit pour lors, luy aiant esté baillee par les autres Roys pour sa part & portion de la despouille d'Antigonos apres qu'il eut esté desfait. Cestuy Plistarchus estimant que Demetrius fust descendu en sa terre, non pour se refreschir, mais pour la fourrager & piller, & se uoulant aussi plaindre à Seleucus de ce qu'il faisoit alliance avec leur commun ennemy sans le consentement de tous les autres princes & roys confederez, s'en alla deuers luy. Demetrius en estant aduerty, feit soudainement une course iusques en la uille de Cyndes, & en enleua * douze cents talents, qu'il trouua encore de reste des tresors de son pere: & puis à la plus grande diligence que luy fut possible, s'en retourna r'embarquer en ses nauires, & se remeit à la uoile. Tantost apres sa femme Phila le uint trouuer: & ainsi les recueillit Seleucus pres la uille d'Orossus, ou ilz feirent une entreueuē royale qui fut tres franche sans dol ne souspeçon aucun l'un de l'autre. Seleucus le festoya le premier au milieu de son camp dedans sa tente: & puis apres Demetrius luy dedans sa galere à treize rens de rames: si furēt plusieurs iours à passer le temps & deuiser ensemble tout le long du iour, faisans bonne chere l'un à l'autre sans estre armez, & sans auoir aucunes gardes à l'entour de leurs personnes, iusques à tant que Seleucus avec sa femme Stratonice se departit, & prit son chemin en grand triumphe & magnificence uers la uille d'Antioche. Quant à Demetrius, il occupa & tint la prouince de la Cilicie, & enuoya sa femme Phila uers son frere Cassander, pour respondre aux plaintes & accusatiōs de Plistarchus encontre luy. En ces entrefaites Deidamia sa femme se partit de la Grèce pour le uenir trouuer: & apres auoir esté quelque tēps avec luy elle mourut de maladie. Depuis estāt retourné en grace avec Ptolomeus par le moien de Seleucus, il fiança sa fille Ptolomeis. Iusques icy Seleucus se porta honestemēt & gracieusemēt enuers luy: mais depuis il le somma de luy rēdre la Cilicie en prenant quelque somme d'argēt qu'il luy offroit: ce que Demetrius luy refusa tresbien. Et adonc monstra Seleucus une auarice uiolente & tyrannique: car il luy demāda en courroux avec fieres menasses, pour le moins les uilles de Tyrus & de Sidon: en quoy il me semble qu'il faisoit un tour q n'estoit beau ny honeste, comme si luy, qui auoit en son obeissance tout ce qui est entre les Indes & la mer de Syrie, fust encore si pauvre & si indigēt, que pour deux uilles seulement il deust troubler & chasser celuy dont il estoit gendre, & qui auoit soustenu une si grande & si dure mutation de fortune, dōnant un tres seur & certain tesmoignage à ce que nous enseigne Platon, que celuy qui ueult deuenir ueritablement riche, doibt mettre peine, non d'accroistre & augmenter sa richesse & son auoir, mais plus tost de diminuer sa conuoitise d'auoir, pour autant que celuy qui ne fiche point de but, & ne met point de bornes à sa cupidité, n'est iamais hors d'indigence & de pauureté. Si est-ce, que Demetrius pourtāt ne fleschit point par crainte, ains prouueut les uilles de bonnes & grosses garnisons pour les tenir & garder contre luy, disant, qu'encore qu'il eust esté uaincu dix mil autres fois en bataille, il ne luy entreroit pourtant iamais en

* Sept cētz uingt mille escus.

A la fantaisie qu'il se deust cōtenter, & se reputer bien heureux, d'achepter si cher-
 remēt l'alliance de Seleucus. D'autrepart, il fut aduertty qu'un certain Lachares
 ayant espié l'occasion que les Atheniens estoient en sedition ciuile, bandez les
 uns contre les autres, les auoit opprimeez, & s'estoit fait tyran & seigneur de la
 uille: il eut esperance que facilement il la pourroit reprendre, fil y suruenoit
 soudainement à l'improueu: si trauersa la mer avec grande flotte de nauires
 sans aucun danger: mais il eut une grosse tourmente en la coste d'Attique, là
 ou il perdit bonne partie de ses uaisseaux & grand nōbre de ses gens aussi, mais
 quant à luy il se sauua, & commença à faire un peu de guerre aux Atheniens.
 Toutefois uoyant qu'il perdoit son temps & qu'il n'y faisoit rien, il enuoya de
 ses gens pour derechef rassembler des nauires, & luy ce pēdant s'en alla au Pe-
 loponese mettre le siege deuant la uille de Messene, là ou il fut en grand danger
 de sa personne: car en combattant tout ioignant la muraille, il receut un coup
 de trait qui luy passa par la bouche & luy percea la iouē. Cenonobstant apres
 que sa playe fut guarie, il remeit en son obeissance quelques uilles qui s'estoiēt
 rebellees alencontre de luy: & puis s'en retourna derechef en l'Attique, là ou il
 prit les uilles d'Eleusine & de Rhamnus, dont il courut & gasta toute la cōtree,
 & prit une nauire chargee de bled, dont il fit pendre le marchand à qui estoit
 le bled & le pilote de la nauire, à fin d'espouuenter & intimider les autres mar-
 chāds à ce qu'il n'y en ozassent plus amener, & que par ce moien la famine fust
 dedās la uille, & qu'il y eust d'auantage grande indigence de toutes choses ne-
 cessaires pour la uie humaine, comme il aduint, de sorte que le minot de sel se
 uendoit * quarante drachmes d'argēt, & le boisseau de bled * trois cents. En ce-
 ste extreme necessité, les Atheniens eurent une courte ioye pour cent cinquā-
 te galeres que lon apperceut pres d'Ægine que Ptolomeus enuoyoit à leurs se-
 cours: car quand les gens de guerre qui estoient dedans ueirent que lō en ame-
 noit à Demetrius grand nombre du Peloponese, de Cypre & de tous autres co-
 stez, tellement qu'il en pouuoit bien auoir en tout iusques au nombre de trois
 cents, ilz leuerent les ancres & se meirent à fouir. Adonc Lachares mesme abā-
 donna la uille, & se sauua secrettement. Et lors les Atheniens quoy qu'ilz eus-
 sent ordonné peine de mort à l'encontre de ceulx qui feroient aucune men-
 tion de traiter paix ou accord avec Demetrius, luy ouurirent incontinent les
 portes les plus prochaines de l'édroit auquel estoit assis son cāp, & luy enuoye-
 rent des ambassadeurs, non qu'ilz eussent esperāce de quelque grace ou appoin-
 tement, mais pour autant que l'extreme necessité les y contraignoit. Durant ce
 siege si estroit, il suruint plusieurs cas estranges & merueilleux: mais entre les
 autres on en compte un tel: que estant le pere & le filz en leur maison assis hors
 de toute esperance de pouuoir plus soustenir leur uie, il cheut deuant eulx du
 comble de la maison une souris toute morte, & que le pere & le filz se combat-
 tirent à qui l'auroit pour la mager. On dit aussi qu'en ce mesme siege, le philo-
 sophe Epicurus nourrit & sousteint luy & ses familiers adherēt à sa doctrine,
 en leur distribuant par compte, iour à iour, certain nombre de febues, dont ilz
 uescurent. Estant doncques la uille d'Athenes reduitte à telle extremité, Deme-
 trius entra dedans, & fit faire commandemēt à tous les citoiens qu'ilz eussent
 à eulx assembler dedans le theatre, ou il les fit enuironner de soudards armez,
 puis meit tout alentour de l'eschafault des ioueurs ses gardes en armes. Cela
 fait il descendit luy mesme dedans le theatre par les haultes galleries & entrees,
 ainsi comme ont accoustumé de faire ceulx qui iouent les tragœdies, de quoy

* Quatre escus.
 * Trente escus.

Demetrius.

les Atheniens furent encore plus effroyez que parauāt, mais il appaisa leur ire-
meur incontinent qu'il commença à parler: car il n'entonna point sa haren-
gue d'une uoix irascible & courroucée, & n'usa point de paroles aspres ny aigres,
ains seulement apres s'estre plaint tout amiablement d'eulx, & leur auoir mon-
stré gracieusement leurs faultes, il dit qu'il leur pardonnoit, & qu'il uouloit re-
tourner en grace avec eulx: & d'auantage, leur feit donner dix millions de mi-
nes de bled, & établit des magistrats, qui furent tres agreables au peuple. Et
adonc uoyant Democles l'orateur que le peuple iettoit de grands cris de ioye
à la louange de Demetrius, & que les orateurs, à l'enuy l'un de l'autre, mon-
toient en la tribune aux harangues pour luy decerner tous les iours nouveaux
honneurs à qui surpasseroit son cōpagnon, il proposa un decret, que lon meist
& liurast entre les mains du roy Demetrius les forts & hautes de Pircus & de
Munychia pour en faire à son bon plaisir. Ce que luy aiant esté accordé & passé
par les uoix du peuple, luy mesme encore de son autorité priuée, meit une
grosse & puissante garnison dedans le fort appelé Muséum, de peur que de là
en auāt le peuple ne se rebellast cōtre luy & ne le destournast d'autres entrepri-
ses. Apres qu'il eut ainsi pris les Atheniens, il s'en alla espier les Lacedemoniēs:
mais leur roy Archidamus avec une puissante armee luy uint au deuāt, lequel
il desfeit en bataille & le tourna en fuite près la uille de Mantinee: puis entra
à main armee dedans la Laconie, & y penetra iusques à plus pres de la uille de
Sparte, ou il desfeit encore une autre fois en bataille régee les Lacedemoniēs,
dont il en prit cinq cents prisonniers, & en occit deux cents: & sembloit bien
à chascun, que tout de ce pas sans aucun empeschement il deust aller prendre la
uille de Sparte, laquelle iusques alors n'auoit encore iamais esté prise. Mais il
n'y eut oncques Roy, de qui la fortune eust de si grandes & si soudaines muta-
tions & changemens, comme de cestuy cy: ny ne fut iamais en autres affaires
si souuent petite, & puis grande, tout soudain abaissée & puis eleuée, foible &
puis derechef puissante: & pource dit on, qu'en ses grandes aduersitez quand la
fortune se tournoit ainsi contre luy, il auoit accoustumé de escrier, adressant sa
clameur à la fortune, ce que dit *Æschylus* en un passage,

Tu as uoulu premierement me faire,

Et maintenant par feu me ueux desfaire.

Car lors que ses affaires estoient si bien acheminez pour recouurer encore dere-
chef grand empire & grāde puissance, on luy uint apporter nouuelles, premie-
rement que *Lyfimachus* luy auoit pris toutes les uilles qu'il tenoit en l'*Asie*, &
d'autre costé, que *Ptolomeus* luy auoit osté tout le royaume de *Cypre*, excepté
seulement la uille de *Salamine*, dedans laquelle encore il tenoit sa mere & ses
enfans qu'il y auoit enfermez estroitement assiegez. Ce non obstāt encore luy
faisoit la fortune, comme la mauuaise femme que dit *Archilochus*, laquelle

En une main portoit l'eau tromperesse,

Et l'ardent feu en l'autre uengeresse.

Car le destournant & quasi luy ostant d'entre les mains la uille de Sparte par
ces tant effroyantes & espouuentables nouuelles, sus le poinct qu'il estoit cer-
tain de l'emporter, elle luy uint aussi tost presenter & offrir esperances d'autres
grādes & nouuelles choses, par le moié qui s'enfuit. Apres le trespas de *Cassan-
der Philippus* qui estoit l'aîné de tous ses enfans & son successeur au royaume
de *Macedoine* ne regna pas long temps sus les *Macedoniens*, ains deceda tan-
tost apres son pere: & les deux autres freres entrerent en gros differents, & feirēt

- A la guerre l'un cōtre l'autre, de sorte que l'un qui auoit nom Antipater tua sa mere nommee Theſſalonice, & l'autre appella à son aide & ſecours Demetrius & Pyrrhus, l'un du royaume d'Epire, & l'autre de la contree du Peloponeſe. Pyrrhus y uint le premier, & occupa une grāde partie de la Macedoine qu'il reteint pour recompence & loyer de ce qu'il l'eſtoit uenu ſecourir à ſa requeſte: en maniere qu'il eſtoit deſia redoubtable uoiſin à Alexandre meſme qui l'auoit appellé. D'auantage eſtant aduertý que Demetrius incontinent apres auoir receu ſes lettres ſ'eſtoit mis en chemin avec toute ſon armee pour le uenir ſecourir, le ieune homme en fut encore d'auantage eſtonné & eſpouuenté doublement pour la dignité & la reputation grande de Demetrius. Si luy alla il touteſois au deuant & le recueillit pres du lieu que lon appelle Demon, là ou il le ſalua & l'embrassa avec grandes careſſes: mais puis apres luy dit incontinent, que ſes affaires eſtoient en tel eſtat, que (graces aux Dieux) il n'auoit plus beſoing de ſa preſeñce pour le ſecourir. Depuis ceſte parole, ilz cōmencerēt à entrer en doute & deſſance l'un de l'autre. Si aduint un iour comme Demetrius ſ'en alloit au logis d'Alexandre ou le feſtin eſtoit appreſté, que quelqu'un luy uint deſcouvrir l'embuſche q̃ lon luy dreſſoit, & cōment on auoit deliberé de le tuer ainſi qu'il cuyderoit ſe reſiouir en faiſant bonne chere à ce banquet: de quoy Demetrius ne ſe trouua aucunement troublé, mais ſeulement retarda un peu ſon pas, & ne ſauancea point tant de cheminer comme il euſt fait autrement, & ce pendant enuoya cōmander à ſes capitaines qu'ilz tiñſent leurs gēs en armes tous preſts & dit à ſes gentilzhommes qui eſtoient alentour de luy, & tous les officiers de ſa maiſon qui ſe trouuerent lors avec luy, leſquelz eſtoient en bien plus grand nombre que ceulx de Alexandre, qu'ilz entraſſent tous quand & luy dedans la ſalle, & qu'ilz y demouraſſent iuſques à ce qu'il ſe leuaſt de la table: au moien de quoy les gens qu'Alexandre auoit ordonnez pour l'ailoir, ne l'ozerēt faire, tant ilz eurent de peur le uoiant ainſi bien accōpagné. D'auantage Demetrius feignant qu'il n'auoit pas pour lors le corps bien diſpoſé à faire bonne chere, ſortit incontinent de la ſalle, & le lendemain ſe delibera de partir faiſant à croire qu'il luy eſtoit uenu nouuelles de quelques affaires qui le preſſoient, & prioit Alexandre de luy pardonner ce qu'il ne luy pouuoit faire plus longue cōpagnie, ains eſtoit contraint de ſe partir d'avec luy, & qu'une autre fois ilz ſe uerroient plus amplement quand ilz ſeroient & l'un & l'autre de loifir. Alexandre eſtoit treſioyeux de ueoir que Demetrius ſ'en alloit ainſi de ſon bon gré, & nō en malgrace de la Macedoine, ſi le conuoya iuſques en Theſſalie, & quand ilz furent arriuez en la uille de Lariffe, ilz cōmencerent derechef à ſe conuier & feſtoyer l'un l'autre pour ſ'entre ſurprendre: ce qui fut cauſe que Demetrius eut Alexandre en ſa main, tout ainſi comme il le demandoit: car Alexandre expreſſement ne uolul point auoir ſa garde autour de ſoy, de peur qu'il n'enſeignat à Demetrius de ſe tenir ſur ſes gardes auſſi: & par ainſi luy aduint de ſouffrir premier ce qu'il auoit proietté & machiné de faire à autrui, pource qu'il auoit bien deliberé de ne le laiſſer plus eſchapper ſ'il le pouuoit une autre fois tenir. Eſtant dōcques ſe mond de uenir ſoupper chez Demetrius, il y uint: & comme tout au milieu du ſoupper Demetrius ſe fuſt leué de la table, Alexandre ſe leua auſſi tout effroyé de ceſte façō de faire, & le ſuiuit pas à pas iuſques à la porte: & lors Demetrius ne feit que dire à ſes gardes qui eſtoient à la porte, Tue celuy qui me ſuit. En diſant cela il ſortit dehors, & Alexandre qui le ſuiuoit fut occis en la place, & avec luy aucuns de ſes gentilzhommes qui accourerēt au ſecours, deſ-

Demetrius.

quelz l'un ainsi qu'on le tuoit dir, que Demetrius ne les auoit preueni que d'un iour. Toute celle nuit, cōme il est uray semblable, se passa en grand tumulte: mais le lendemain matin, les Macedoniens qui se trouuoient merueilleusement troublez & espouuentez, & qui craignoient fort la grande puissance de Demetrius, quand ilz ueirent que personne ne leur uenoit courir sus, ains que Demetrius au contraire enuoya vers eulx leur dire, qu'il uouloit parler à eulx, & leur rendre raison de ce qu'il auoit fait, alors commencerent ilz à l'asscuer, & luy donnerent bien uoluntiers audience. Si ne luy fut ia besoing d'user de beaucoup de paroles, ne faire de longues harégues pour les gaigner & attirer à soy: car pour autant qu'ilz auoient en haine Antipater, comme parricide & meurtrier de sa mere, & qu'ilz n'en auoient point d'autre meilleur, ilz eleurent facilement Demetrius roy des Macedoniens: & par ainsi le remmenerent en Macedoine pour le mettre en possession & le faire iouyr du royaume. Ceste mutation ne fut point desaggreable aux autres Macedoniens qui estoient demeurez au pais & en leurs maisons, pour la souuenance qu'ilz auoient encore du meschant & desloyal tour que Cassander auoit fait à Alexandre le grand, à raison duquel ilz auoiēt toute sa posterité en haine & en horreur: & si luy auoit encore quelque reste de memoire en leurs cueurs de la bonté & douceur de leur ayeul Antipater, Demetrius en receuoit le fruct, aiant pour sa femme Phila, de laquelle il auoit un filz qui luy deuoit succeder au royaume, & estoit desia en son adolescence au camp avec son pere. Luy estant doncques aduenue une si grande prosperité & si bonne encontre, il eut encore nouuelles que Ptolomeus auoit non seulement leué son siege de deuant la uille ou il tenoit sa mere & ses enfans assiegez, ains leur auoit fait d'auantage de grands honneurs & de riches presens. D'autre part il fut aduertty cōme sa fille Stratonice, laquelle auoit esté mariee premierement à Seleucus, estoit pour lors espousee avec Antiochus filz dudit Seleucus, & comme elle auoit esté couronnee royne des nations Barbares qui habitent es haultes prouinces de l'Asie: ce qui festoit fait en ceste maniere. Il aduint que ce ieune prince Antiochus, ainsi que l'amour surprend les homes, deuint amoureux de sa belle mere Stratonice, qui desia auoit eu un filz de Seleucus: mais estant ieune & singulierement belle, il en fut si uiuement espris & atteint, que combien qu'il essayast & feist tout ce qui luy estoit possible pour uaincre sa passion, si se trouuoit il tousiours le plus foible, tellemēt que à la parfin se condemnant luy mesme à la mort, pour autant qu'il sentoit son desir reprochable, sa passion incurable, & sa raison de tout poinct supplantee, il resolut d'abandonner sa uie, & petit à petit la laisser decliner en s'abstenant de boire & de manger, & ne faisant compte de chercher remede à son mal, feignant auoir quelque maladie interieure & secrette dedans le corps. Si ne peut il feindre si finement, que le medecin Erasistratus ne s'apperceust bien aiseemēt que son mal procedoit d'aimer: mais il estoit difficile à cōiecturer de qui il estoit amoureux. Ce que uoulant descouurir, il demouroit tout le long du iour en la chambre de ce ieune prince, & quand il y entroit quelque beau ieune filz, ou quelque belle ieune femme, il regardoit tresententiuellement au uisage d'Antiochus, & obseruoit songneusement toutes les parties du corps & les mouuemens extérieurs qui ont accoustumé de respondre aux passions & affections secretes de l'ame. Comme donc il eust plusieurs fois remarqué que quand les autres y uenoient pour le uoir, qui que ce fust, il demouroit tousiours en un mesme estat: mais quand Stratonice y arriuoit ou seule ou en compagnie de son mary Seleucus,

- A** leucus, il apperceuoit ordinairement en luy les signes que Sapho escrit des amoureux, à sçauoir, que la parole & la uoix luy failloit, le uisage luy deuenoit rouge & enflambé, qu'il luy iettoit à tous coups des œillades, & puis luy prenoit une sueur soudaine, son poulx se hastoit & se haultoit, & finalement apres que la force & puissance de l'ame estoit toute prosternee, il demouroit comme personne transportée & rauie en esprit hors de soy, & pallissoit. Adonc Erasistratus par ces signes & demonstrences si claires faisant un uray semblable discours, que ce ne pouuoit estre autre que Stratonice de qui ce ieune prince fust amoureux, & qu'il se perforceoit de le taire & le celer iusques à la mort, il pensa bien que ce seroit chose fascheuse, que de le declarer au Roy: mais neant-
- B** moins se confiant à la grande amour & affection paternelle qu'il portoit à son filz, il prit le hazard un iour de luy dire, que la maladie de son filz n'estoit autre chose que amour: mais que c'estoit un amour, dont il estoit impossible qu'il iouyst, & pource qu'il falloir qu'il en mourust: car il estoit incurable. Seleucus fut fort esperdu d'ouyr ceste nouuelle: si luy demanda, Et comment est il incurable? Pour autant, Syre, respondit le medecin, qu'il est amoureux de ma femme. Et lors Seleucus, Et dea, dit il, Erasistratus, ie t'ay tousiours tenu au nombre de mes meilleurs amis, & maintenant ne me uouldrois tu point faire ce plaisir, de laisser ta femme en mariage à mon filz, ueu mesmement que tu sçais bien q'ie n'ay que celuy là, & que ie suis assuré de le perdre, si tu ne me ueulx secourir?
- C** Mais tu ne le ferois pas toy mesme, Syre, dit Erasistratus, si e'estoit de Stratonice qu'il fust amoureux. Pleust aux Dieux, respōdit incōtinēt Seleucus, que quel- qu'un ou des Dieux ou des hommes peust diuertir son amour en cest endroit: car quant à moy ie luy quitteroie non seulement mon affection, mais baille- roie uoluntiers mon royaume pour luy sauuer la uie. Adonc uoiant Erasistratus que le roy disoit ces paroles d'un cueur merueilleusement passionné, & avec grande abondance de larmes, il luy prit la main droite, & luy dit franchemēt, Tun'as, Syre, que faire en cecy de l'aide de Erasistratus: car estant pere, mary, & Roy, tu peux encore seul estre le medecin de la maladie de ton filz. Cela entēdu, Seleucus feit assembler le peuple, & deuant toute l'assistance declara, qu'il auoit
- D** proposé & arresté de courōner son filz Antiochus roy des haultes prouinces de l'Asie, & Stratonice royne, pour les marier ensemble, & qu'il se persuadoit que son filz, lequel festoit tousiours monstré obeissant & rendu subiect au uoloir de son pere, ne luy contrediroit point encore quant à ce mariage: & quant à Stratonice, si elle estoit mal cōtente de telles nopces, ou qu'elle feist difficulté de sy accorder, pour autant que c'estoit chose nō accoustumee, qu'il uoloit que ses amis luy remonstassent, & donnassent à entendre, qu'elle de- uoit trouuer bon & honeste tout ce qui plaisoit au Roy, & qui estoit pour le biē uniuerfel du royaume & l'utilité de la chose publique. Voila cōment fut fait le mariage d'Antiochus & de Stratonice. Mais pour retourner à l'histoire de De- metrius, il receut le royaume de Macedoine & de Theffalie par le moien que nous auons dit: & si tenoit d'auātage la meilleure partie du Peloponese, & de- ça le destroir, les uilles de Megares & d'Athenes: encore mena il son armee cō- tre les Bœotiens, lesquelz du commencement uolurent bien entrer en quel- que noye d'accord & traiter paix avec luy: mais depuis que Cleonynus Spar- tiatē avec son armee fut entré dedans la uille de Thebes, les Bœotiens eleuez & encouragez par les belles paroles & suscitacions d'un Pisis natif de la uille de Thespris, qui pour lors estoit le premier homme d'entre eulx en credit & en au-

Demetrius .

thorité, ilz renoncèrent à ce qu'ilz auoient commencé de traiter, & se résolurent à la guerre. Parquoy Demetrius alla mettre le siege deuant la uille de Thebes, & feit approcher ses engins de batterie, de sorte que Cleonymus, de peur qu'il eut, sortit secrettemēt de la uille: à l'occasiō dequoy les Thebains effroyez se rendirent à la mercy de Demetrius, lequel apres auoir mis de bonnes garnisons dedans les uilles, & auoir leuē une grosse somme d'argent sus la prouince, leur laissa pour gouuerneur & son lieutenant l'historien Hieronymus: en quoy il semble qu'il les traitta fort humainemēt, & leur feit grande grace, mesmement à Pisis: car l'ayant pris prisonnier, il ne luy feit nul desplaisir, ains le receut doucement & luy feit bōne chere, & d'auantage luy dōna le magistrat de Polemarchie, c'est à dire, maistre de la guerre, qui a la superintendence au faict des armes en la uille de Thepis. Peu de tēps apres que ces choses eurent esté ainsi faites, le roy Lyfimachus de fortune fut pris par un autre prince barbare nommé Dromichetes. Parquoy Demetrius ne uolāt perdre une si grande occasion de faire ses besōgnes, alla à main forte pour enuahir le pais de Trace, estimāt qu'il ne trouueroit personne qui l'ēpēchast de prédre tout & le reduire en son obeissance. Mais aussi tost cōme il eut le dos tournē, les Bœotiēs se rebellerēt encore une autre fois, & eut nouuelles ensemble que Lyfimachus estoit deliuré de prison: si sen retourna à grād' haste merueilleusemēt courroucé & irrité alencōtre des Bœotiens, lesquels il trouua auoir desia esté desfaits en bataille par son filz Antigonus, & alla derechef mettre le siege deuant la uille de Thebes capitale de toute la prouince. Mais en ce mesme tēps Pyrrhus uint courir & fourrager toute la Theffalie & entra iusques au destroit des Thermopyles: & pourtāt Demetrius fut cōtraint de laisser son filz à la cōtinuation du siege de Thebes, pēdant qu'il alla alencontre de Pyrrhus, lequel se retira soudainemēt en son royaume. Et par ainsi Demetrius laissa dix mil hommes de pied, & mille cheuaux en la Theffalie pour la defēce du pais, & sen retourna avec le reste de son armee pour forcer Thebes. Si feit approcher de la muraille celle siene grande machine de batterie, que lon appeloit Elepolis, comme nous auons dit parauant, laquelle se poulsait petit à petit avec grande difficulté pour sa grādeur & pesanteur, tellement qu'à grand peine la pouuoit on auancer de demy quart de lieuē en deux mois. Mais les Bœotiens & Thebains se defendoient uailāment: & Demetrius par une opiniastrē & cupidité de uēgeance, plus souuēt que pour bien qui en aduint, contraignoit ses gens d'aller à l'assault & de s'exposer au peril, tellemēt qu'il en mouroit tous les iours un grand nombre. Ce que uoiant Antigonus son filz: Dea, dit il, pourquoy faisons nous ainsi perdre & meurtir noz gens sans aucune necessité ne besōin qu'il en soit? A quoy Demetrius tout courroucé luy respondit: Mais dequoy te soucies tu? dois tu distribution de bled à ceulx qui meurent? Ce neantmoins à fin que lon ne pensast qu'il uolust seulement exposer les autres au dāger, & qu'il ne sy ofast luy mesme presenter, il combattoit quand & eulx luy mesme, tant qu'il y eut le col percé de part en part d'un coup de fiesche bien pointue qui luy fut delaschee de dessus la muraille, dont il fut bien fort malade, mais pourtant si n'en leua il point le siege, ny n'en rompit point son camp, ains prit une autre fois la uille de Thebes d'assault, laquelle de nageres repeuplee & rebastie, fut en l'espace de dix ans prise par deux fois. Si meit les Thebains en grande frayeur, pour les furieuses menasses dont il usa en entrant dedans: de sorte qu'ilz s'attendoient bien de recepuoir toutes les plus extremes afflictions & peines, que peuuent souffrir les uaincus d'un vain-

* Le bled se distribuait, comme la souldie, aux gens de guerre tous les mois.

A queur iustemēt indigné: & toutefois apres en auoir fait mourir seulement treize, & en auoir banny quelques uns, il pardonna au demourant. Enuiron ce temps escheut la saison que se deuoiēt celebrer les ieux & la feste que lon nomme Pythia, en l'honneur d'Apollo: & pourautāt que les *Ætoliens* auoient preoccupé toutes les aduenues & passages, par lesquelz il falloit passer pour aller en la uille de Delphes, en laquelle de toute ancienneté auoiēt accoustumé de se celebrer les ieux susdits, il les feit solenniser à Athenes, comme au lieu là ou plus raisonnablement se deuoit honorer & reuerer celuy Dieu, pour autant qu'il estoit le patron de la cité, & que les Atheniens maintenoient qu'il estoit leur progeniteur. De là il s'en retourna en Macedoine, & cognoissant que ce n'estoit point son naturel que de uiure en oisiveté & en repos, & uoiant aussi d'autre part, que les Macedoniens luy estoient plus seruiables & plus obeissans en temps de guerre, & qu'en tēps de paix ilz deuenoient seditieux, pleins de curiosité, de murmure, & de querelles, il s'en alla faire la guerre aux *Ætoliens*, & apres auoir gasté & pillé tout leur païs, il y laissa une bonne partie de son armee soubz la charge de Pantauchus qu'il y establit son lieutenant: & luy ce pédant avec le reste de ses gens s'en alla contre Pyrrus, & Pyrrus aussi marcha cōtre luy, mais ilz faillirent à se rencontrer l'un l'autre: parquoy Demetrius tira oultre, iusques au royaume d'Epire, lequel il courut & fourragea tout. Et Pyrrus d'autre part chemina si auant, qu'il trouua Pantauchus, auquel il presenta la bataille tout incontinent, & uint iusques à combattre main à main avecques luy, tant qu'il le blecea, & fut aussi blecé par luy: mais à la fin Pyrrhus en demoura uainqueur, & tourna Pantauchus en fuite, en laquelle il occit grand nombre de gens, & prit cinq mil prisonniers: ce qui fut la principale ruine de Demetrius. Car Pyrrhus n'encourut pas tant la haine des Macedoniens pour le mal & le dommage qu'il leur auoit fait, cōme il acquit enuers eulx grand renom de prouesse, pour auoir fait de sa propre main la plus grande partie des beaux faicts d'armes qui furent faits en ceste iournee, dont il en fut de là en auant en tres grande estime & reputation enuers les Macedoniens. Si y en auoit plusieurs à qui il uenoit en pensée de dire, qu'il estoit le seul Roy entre tous les autres, auquel on pouuoit ueoir l'image de la hardiesse & uailance d'Alexandre le grand empreinte au uif, & que tous les autres, & mesmement Demetrius, ne faisoient que contrefaire sa grauité, magnificence, & maiesté royale, comme feroient les basteleurs qui sus un eschaffault uouldroient iouer & représenter son personnage. Aussi à dire la uerité, il y auoit bien de la tragedie & de la pompe alentour de Demetrius: car non seulement il auoit tousiours curieusement la teste bandee d'un diademe large à doubles liens, & estoit uestu de robbes de pourpre brochees d'or: mais aussi uisoit ordinairement d'une chausseure à ses pieds faite de laine teinte en pourpre pure, non tissue, mais ferree en facon de feutre, & doree par dessus. Et si faisoit faire, long temps y auoit, un manteau d'un ouurage merueilleusement superbe & arrogant: car dessus y estoit portraite la figure du monde, des astres, & des cercles du ciel, lequel demoura imperfaiect pour la mutation & le changement de sa fortune: mais il n'y eut iamais Roy de Macedoine depuis qui l'osast porter, combien qu'il y en ait eu apres luy plusieurs fort arrogans & presumptueux. Si n'estoient pas les Macedoniens seulement marries & desplaisans de ueoir telles choses qu'ilz n'auoient point accoustumees: mais aussi s'offensoient grandement de ses delices & de sa maniere de uiure, & mesmemēt de ce qu'il estoit si mal aisé à aborder, & qu'il y auoit si grāde difficulté à parler à luy.

Demetrius.

Car ou il ne donnoit point d'audience, ou s'il en donnoit, il estoit rude, & rabrouoit fierement ceulx qui auoient affaire à luy, comme il teint deux ans les ambassadeurs des Arhēniens sans leur faire aucune responce, aux quelz neantmoins il sembloit qu'il portast plus d'affection qu'à nul autre peuple ne cité de la Grèce: & si se courroucea une fois, de ce que les Lacedemoniens n'auoient enuoyé vers luy qu'un homme seul en ambassade, pensant qu'ilz l'eussent fait en mespris de luy. Si luy respondit l'ambassadeur fort plaisamment, & à la Laconienne: car comme Demetrius luy dist, Cōment, les Lacedemoniens n'enuoyēt ilz en ambassade vers moy qu'un hōme? Non, dit il, Syre, vers un. Il sortit quelquefois en public un peu plus priuement, & plus populairement que de coutume, parquoy il donna esperance au peuple de facile accès, & que benigne-
mēt il orroit les plaintes de chascun. Plusieurs y accoururent, qui luy présenterēt humblemēt leurs requestes par escript. Il les receut toutes, & les meit dedās le reply de son manteau: les pauures supplians en furent bien ioyeux, & le suivirent pas à pas, en asseurāce qu'ilz seroient là promptement depeschez: mais quand il fut sur le pont du fleuve Axius, il deuclopa son mātēau, & les ietta toutes ensemble dedans la riuere. Cela greua fort les cueurs des Macedoniens, qui lors festimerēt estre non gouuernēz par un Roy, mais oultragez par un tyran: & d'autant leur estoit il plus grief, qu'ilz auoient encore souuenāce d'auoir ueu eulx mesmes, ou d'auoir ouy dire à leurs peres, cōment le roy Philippus estoit doux & bening en telles choses, & comment un iour ainsi comme il passoit
par la rue, une pauvre uieille femme le tira par la robbe, en le suppliant instamment par plusieurs fois de la uouloir escouter, il luy respondit qu'il n'auoit pas le loisir pour l'heure, & lors la bonne femme se prit à crier hault & clair, Ne ueuilles donc point estre Roy. Ceste parole le toucha si uiuement au cuer, & y pensa si bien, qu'il s'en retourna tout court en son logis, là ou toutes autres choses mises en arriere, il ne feit rien par plusieurs iours, que uacquer à ouir les plaintes & les requestes de ceulx qui auoient affaite à luy, en commençant à ceste pauvre uieillotte. Car certes il n'y a riē qui soit tant propre ne si biē seant à un prince, que faire & exercer iustice: pour autant que Mars, qui signifie la force, est un tyran, ainsi que dit Timotheus: mais la iustice & la loy, selon que dit Pindarus, est la royne de tout le mōde: & ne dit point le sage poēte Homere, que les princes & roys aient receu de Iupiter en depost & en garde des machines d'artilleries pour ruiner & demolir les uilles, ny semblablemēt des nauires fortes & puissantes, mais bien les saintes loix & les droitz: & pourtant appelle il le disciple & familier amy de Iupiter, non celuy des Roys, qui estoit le plus sanguinaire ou le plus uiolent & le plus grand conquerant, mais bien le plus droit & le plus iuste. Et Demetrius s'esioiissoit d'auoir un tiltre & estre appelé par un surnom du tout contraire à celuy de Iupiter: car on le nomme Policus ou Poliouchos, qui signifie protecteur & conseruateur des uilles, & luy estoit surnommé Poliorcetes, c'est à dire assiegeur & preneur de uilles: par ainsi le mal estoit pris pour le bien, & le uice mis au lieu de la uertu par une force, ne sachant discernē le uray du faulx qui luy tournoit son iniustice à gloire, & son iniquité à honneur. Mais pour retourner là d'ou nous sommes partiz, Demetrius tomba en une grosse & dangereuse maladie en la uille de Pella, pendant laquelle il perdit presque toute la Macedoine, par une soudaine course que feit Pyrrhus, qui la cheuaucha toute, & penetra iusques à la uille de Edeffa: mais incontinent qu'il commença à se bien porter, il l'en de-
chassa

A chassa aiséement, & puis feit quelque appointment avec luy, pour autant qu'il ne uouloit pas en s'attachant à luy, lequel il auroit continuellement à sa porte, & en famulant à le combattre par rencontres, tantost cy, tantost là, perdre l'occasion & se redre moins puissant pour executer ce qu'il auoit entrepris. Or n'entreprenoit il pas peu de chose, ains pensoit de recouurer toutes les terres & seigneuries que son pere auoit tenues: & si n'estoit point l'apprest qu'il faisoit moindre ne moins suffisant que requeroit le desseing de son entreprise: car il auoit desia leué & assemblé une armee de cét mil hommes de pied, il ne s'en falloit que deux mil, & oultre cela non gueres moins de douze mil cheualx: & faisoit faire bien iusques au nombre de cinq cents nauires, qui se bastissoient

B partie sus le port de Pyreus, partie à Corinthe, partie en la uille de Calchis, & partie aux enuirs de Pella. Luy mesme en personne alloit par tous les ateliers, monstrant aux ouuriers comment il falloit faire, & leur aidant à les deuifer, tellement que tout le monde s'esbahissoit non seulement de la multitude, mais aussi de la grandeur & magnificence de ses ouurages: car il n'y auoit pour lors homme uiuant qui eust iamais ueu galere à quinze ny à seize rens de rames: bien est il uray que depuis Ptolomeus surnommé Philopater en edifia une à quarente rens de rames, laquelle auoit de longueur deux cents quatre uingts coudees, & de haulteur depuis la quille iusques au hault de la poupe quarente & huit, & y falloit pour la conduire quatre cents matelots, & bien quatre mil

C forçaires pour la faire uoguer, & oultre tout cela, encore pouuoit elle tenir dessus le tillac peu moins de trois mil cōbattans: mais ceste galere ne seruit iamais que de monstre, & estoit presque semblable aux edifices fermes & immobiles, & ne fut iamais remuee de la place ou elle fut bastie qu'avec tresgrande difficulté, & non moins de danger, plus pour faire esmerueiller le mode, que pour aucun seruice ou utilité qu'on en eust sceu tirer: mais la beaulté des uaisseaux de Demetrius n'empeschoit point qu'ilz ne fussent bōs & agiles pour combattre, ny la grandeur de la structure ne leur ostoit point l'usage, ains leur legereté & agilité estoit encore plus digne d'estre regardée, que non pas la magnificence & sumptuosité. Ainsi donc comme ceste grande puissance, & telle que iamais roy au parauāt depuis Alexandre le grand ne l'auoit assemblee si grande,

D se preparoit & leuoit pour aller enuahir l'Asie, ces trois roys Ptolomeus, Seleucus, & Lyfimachus fallierent premierement ensemble contre luy, & puis apres au nom de tous enuoyerent leurs ambassadeurs uers Pyrrhus pour le pratiquer & le tirer à leur ligue, en l'incitant de descendre en la Macedoine, luy remontrant qu'il ne se deuoit point fier ne reposer sus le traitté que Demetrius auoit fait avec luy comme sur une bonne & seure paix, pource qu'ilz disoiēt que Demetrius ne luy donnoit point assurance de ne luy faire iamais la guerre, ains prenoit pour luy l'aisance de la faire premier cōtre qui bon luy sembleroit. Ce que Pyrrhus aiant considéré & trouué ueritable, la guerre s'ouuidit forte & aspre

E de tous costez à Demetrius, qui differoit de commencer & attendoit encore: car tout en un mesme temps Ptolomæus avec une grande cōpagnie de nauires descēdit en la Grèce, & la feit toute rebeller contre luy: & Lyfimachus du costé de la Thrace, & Pyrrhus du costé que l'Epire confine au royaume de Macedoine, y entrerent en armes & la pillerent & fourragerent toute. Parquoy Demetrius laissant son filz Antigonus en la Grèce, s'en retourna tout court en Macedoine, pour aller premierement contre Lyfimachus: mais comme il se preparoit pour y aller, on luy apporta nouuelles que Pyrrhus auoit desia pris la uille

Demetrius.

de Berrœa. Incontinent que ces nouuelles furent espanduës entre les Macedoniens, il n'y eut plus d'ordre aux affaires de Demetrius: car tout le camp fut aussi tost plein de pleurs & de lamentations, & commencerent ses gens à declarer & monstrier ouuertement leur courroux encontre luy, disant tout plein d'oultrages & de uillanies de luy, tellement qu'ilz ne uouloient plus demourer, ains demandoit chascun congé de s'en aller, soubz couleur de uouloir donner ordre aux affaires de sa maison, mais à la uerité pour s'aller rendre à Lyfimachus. Parquoy Demetrius pensa qu'il seroit expedient de se reculer le plus loing qu'il pourroit de luy, & de tourner ses forces contre Pyrrhus, pour autant que l'autre estoit de leur pais, & qu'il estoit familièrement cogneu de la plus part d'entre eulx, pour auoir esté ensemble soubz Alexandre le grand, & que à son aduis les Macedoniens ne prefereroient point Pyrrhus homme estranger à luy: mais il fut en cela deceu de son opinion: car incontinent qu'il eut planté son camp au pres de luy, les Macedoniens qui auoient tousiours eu en singuliere admiratiō & recommandation sa uertu & prouesse, & qui de toute anciencté souloient estimer celuy plus digne d'estre roy, qui estoit le plus adroit aux armes, & le plus uaillant à la guerre, & qui d'auantage entendoient compter comment il auoit traitté doucement ceulx qu'il auoit pris prisonniers: ioinct aussi qu'il de long temps ilz auoient bonne enuie & cherchoient les moiens de laisser Demetrius, & se rendre ou à Pyrrhus, ou à quelque autre qui qu'il fust: alors commencerent ilz à se derobber & s'en aller secrettemēt les uns apres les autres par petites trouppes du cōmencement: mais puis apres il se leua une emeute & mutinerie uniuerselle de tout le camp contre luy, tellemēt qu'il y en eut à la fin qui eurent bien la hardiesse d'aller iusques en sa tente, luy dire qu'il se retirast, & qu'il se sauuaist, pour autant que les Macedoniens estoiet desormais las de porter les armes & de combattre pour ses delices: encore trouua Demetrius ces paroles les plus modestes & plus doulces, à comparaisō des oultrageuses & aspres que luy en dirent d'autres. Si se retira dedās sa tente, & s'affubla d'un mâteau noir au lieu du sumptueux & superbe accoustrement qu'il souloit porter, comme feroit, non un roy, mais un ioueur de tragœdies, apres que les ieux sont finiz: & puis s'absenta secrettement, ce que estant diuulgué par le cāp, plusieurs soudards accoururent incontinent à sa tente pour la piller, & la tirerent tant, chascun en uoulant auoir sa part, qu'ilz la meirent en pieces, & uindrēt iusques à desgainer les espees pour se battre: mais Pyrrhus qui y suruint, appaisa tout leur debat, & d'arriuee sans coup ferir gagna tout le camp de Demetrius, & apres partit par la moitié tout le royaume de Macedoine avec Lyfimachus, en laquelle Demetrius auoit regné paisiblement l'espace de sept ans. Demetrius doncques ainsi miserablement decheut de ses affaires, & priué de tout son royaume, s'enfouit en la uille de Cassandrie, là ou estoit sa femme Phila, laquelle oultree de douleur, ne peut soustenir de le ueoir encore un coup homme priué, debouté & chassé de son royaume, & le plus miserable roy de tous ceulx qui furent oncques. Parquoy ne uoulant plus receuoir aucune esperance & detestant la fortune de son mary trop plus arrestee & plus ferme en calamitez que en prosperitez, elle se feit mourir par poison qu'elle prit. Mais Demetrius se retira en la Grèce, en intention de recueillir & ramasser encore les pieces & reliques de son naufrage, & là assembla tous ses capitaines, & tous les amis qu'il y auoit. Si me semble que la cōparaisō que Menelaus fait de sa fortune en l'une des Tragœdies de Sophocles en ces uers,

Incessamment

A I ncessamment ma destinee tourne
 C omme une rouë, & iamais ne seiourne
 E n un estat, non plus que fait la Lune,
 Q ui iamais n'est deux nuiëts de reng en une
 M esme figure, ains de non apparente
 S e monstre un peu sur le soir esclairante,
 P remierement en son nouveau croissant,
 Q ui peu à peu se uá tant accroissant
 Q u'elle remplit de lumiere seconde
 E ntièrement sa belle face ronde,
 P uis derechef se uá diminuant,
 E t s'en retourne en son premier neant.

Ceste comparaison dis-ie se pourroit trop mieulx & plus proprement accommoder aux aduentures de Demetrius, à ses accroissemens & ancantissemens, & aux ruinemens & releuemens de ses affaires, attendu mesmement que lors qu'il sembloit bien à chascun que sa force & puissance fust du tout amortie, encore commença elle derechef à se ressourdre & se remettre sus, pource que quelques gens de guerre se rallierét petit à petit alentour de luy qui le remeirent en bõne esperance. Ce fut la premiere fois que lon le ueit iamais aller simplement uestu comme un homme priué par país, sans aucunes enseignes ne marques de roy: & y eut quelqu'un qui le uoiant en cest estat à Thebes, luy appliqua plaisamment certains uers d'Euripides qui sont de telle substance;

A iant mué sa figure immortelle,
 E t sa fortune en nature mortelle,
 I l est uenu au fleue de Diréc,
 E t tout le long d'Ismenus a passé.

Mais quand il fut une fois rentré en esperance, comme, par maniere de dire, au grand chemin des Roys, & que derechef il commença à se rassembler & ramasser au tour de luy quelque nombre de gens, qui feirent comme un corps & une apparence de puissance royale, il rendit à ceulx de Thebes leur liberté & leur gouuernement: mais les Atheniens l'abandonnerét encore une autre fois & reuoquerét la dignité & presbrie de Diphilus, lequel auoit esté celle année créé presbtre des sauueurs, au lieu du preuost, que lon appelloit anciennement Eponymos, comme nous auons dit parauant, & ordonnerent que de là en auant les magistrats anciens & ordinaires seroient remis & eleuz à la forme & maniere ancienne, & enuoyerent en Macedoine uers Pyrrhus plus pour donner terreur à Demetrius qu'ilz uoyoient derechef croistre & redeuenir puissant, que pour espoir qu'ilz eussent qu'il deust uenir à leur secours. Mais Demetrius les alla assaillir en grande fureur, & meit le siege bien estroit deuant la uille, & alors les Atheniens enuoyerét uers luy le philosophe Crates, homme d'autorité & de reputation grãde, lequel feit tant enuers luy, partie par prieres, & partie aussi par les remonstrances & sages aduertissemens qu'il luy donna, touchant ce qui luy estoit profitable, qu'il leua incontinent son siege. Parquoy apres auoir ramassé tout tant de nauires qui luy estoient demourees, & auoir embarqué douze mille hommes de pied, & quelque nombre de gens de cheual, il monta sus mer & eingla uers l'Asie, en intention d'oster à Lyfimachus, & faire tourner contre luy les prouinces de Carie, & de Lydie: & là Eurydice la sœur de sa femme Phila, le receut pres la cité de Milet, aiant avec elle l'une des filles de Pro-

Demetrius.

lomæus & d'elle, nommee Prolomæis, laquelle au parauant luy auoit esté ac- F
cordee & fiancee, par le moien de Seleucus: ainsi l'espousa il là du uouloir & cō-
sentemēt de sa mere Eurydice. Et incontinent apres les nopces faittes il se meit
aux champs, & se tira auāt pour gagner les uilles, desquelles plusieurs le receu-
rent uoluntairement, & les autres furent prises à forces: entre lesquelles il prit
la cité de Sardis, & y eut des capitaines du roy Lyfimachus, qui s'allerent ren-
dre à luy, & luy menerent quelque nombre de souldards & bonne somme d'ar-
gent. Mais estāt aduertie que Agathocles filz de Lyfimachus le suiuiot à la tra-
ce avec une grosse & puissante armee, il passa en la Phrigie, pource qu'il faisoit
son compte, & esperoit que si une fois il pouuoit gagner l'Armenie, facilement
il emouueroit & feroit rebeller la Medie, & qu'il essayeroit à cōquerir les haul- G
tes prouinces de l'Asie, là où il pourroit auoir plusieurs retraittes, si l'aduenoit
par fortune qu'il fust pressé. Mais Agathocles le poursuiuoit de bien pres, &
neantmoins toute les fois qu'ilz se attachoient aux escarmouches, Demetrius
auoit tousiours du meilleur: mais Agathocles luy trenchoit uiures de tous co-
stez, & le tenoit si à destroit que ses gens ne s'osoient nullement escarter du cāp
pour aller au fourrage, dont ilz enduroient grande disette de uiures: & cōmen-
cerent lors ses gens à se doubter & entrer en sousspeçon qu'il les uoloit trainer
apres luy, & les trāsporter en l'Armenie & en la Medie. La famine croissoit tous
les iours de plus fort en plus fort dedās son ost, & si aduint que pour auoir fail-
ly le chemin, & n'auoir pas bien tenté le guay en trauerfant le fleuue de Lycus, H
la force & impetuosité du fil de l'eau emmena à ual & noya un grand nombre
de ses gens, & toutefois entre tant de malheurs encore se gaudissoiēt ilz de luy:
car il y eut quelqu'un qui escriuit sus l'entree de son pauillon le premier uers de
la tragœdie de Oedipus le Colonien escriitte par Sophocles, en changeant seu-
lement quelque mot,

O filz du uieil auēgle Antigonus,

O u sommes nous & en quelz lieux uenus?

Mais à la fin la peste commença à se mesler parmy la famine, comme il a ac-
coustumé de se faire, & est force qu'il aduiene, pourautant que les hōmes con-
traints par la necessité, se mettent à manger tout ce qu'ilz peuuent trouuer, & I
luy fut force de ramener arriere ce peu de gens qui luy estoit demouré, car il
n'en auoit pas perdu moins de huit mil à tout comprendre, que bōs, que mau-
uais. Quand il fut descendu en la prouince de Tharse, il commāda bien qu'on
n'y touchast aucunement, pource qu'elle estoit lors en l'obeissance de Seleu-
cus, auquel il ne uoloit donner occasion quelconque de luy mal faire: mais
quand il ueit qu'il estoit impossible, pource que ses gens estoient reduits à l'ex-
treme necessité, & que Agathocles auoit fait murer & réparer les destroits &
passages du mont de Taurus, il escriuit une lettre à Seleucus, qui contenoit
premierement une longue lamentation & deploration de sa fortune, & puis
apres humbles supplications & prieres qu'il uolust auoir pitié d'un sien allié, K
lequel estoit tumbé en une si miserable & si piteuse desfortune, qu'elle pour-
roit ou deuroit emouuoir à pitié & compassion ses plus grands ennemis. Ces
lettres attendrirent un peu le cueur à Seleucus, tellement qu'il escriuit à ses
lieutenans & gouuerneurs qu'il auoit en ces lieux là, qu'ilz luy fournissent
pour sa personne tout ce qui fait besoing à la maison d'un Roy, & uiures à
foison pour les gens. Toutefois un certain personnage nommé Patrocles qui
estoit en grande reputation de bien sage homme, & de loyal amy de Seleucus,

- A** luy uint remonſtrer, que la deſpenſe de nourrir les gēs de guerre de Demetrius n'eſtoit pas la plus grande faulte qu'il feiſt en cecy, & de laquelle il deuſt faire plus de compte: mais que ce n'eſtoit point ſagement entendu à ſes affaires, que de laiſſer & ſouffrir Demetrius ſeiourner en ſes terres, ueu que de tout temps il auoit eſté plus uiolent & plus aduentureux à entreprendre toutes grandes choſes que nul des autres princes, & maintenant eſtoit reduit à telle extremité & à tel deſeſpoir, qu'il a accouſtumé de faire les plus retenus & les plus craintifs temeraires à entreprendre, & uiolents à executer toutes choſes hazardeuſes contre leur naturel. Seleucus emeu de telles remonſtrances, ſe meit incontinent en chemin uers la Cilicie avec une groſſe armee: & Demetrius eſtonné de ceſte
- B** ſoudaine mutation, & craignant une ſi groſſe puissance, ſe retira aux endroits les plus forts & les plus aſpres du mont de Taurus, puis enuoya uers Seleucus, le prier en premier lieu, qu'il luy uouluſt permettre de ſubiuguer & conquerir quelque contree des barbares de là alentour qui uiuoient à leurs loix, & n'auoient encore point de Roys, à ce que là il peuſt en ſeureté uſer le demourât de ſa uie & mettre fin à ſon exil, ſ'arreſtant à la fin en quelque lieu qui luy fuſt aſſeuré: ou bien ſi cela ne luy plaiſoit, qu'il luy uouluſt pour l'hyuer ſeulement nourrir ſon armee au lieu où il eſtoit, & qu'il n'eũt le cuer ſi dur, que de le chaffer nud & deſtitué de toutes choſes neceſſaires, pour l'expoſer à ſes plus cruelz & plus mortelz ennemis. Mais Seleucus aiant ſuſpect tout ce qu'il demandoit, luy manda, ſil uouloit, qu'il hyernauſt deux mois, & non plus, au
- C** païs de Cataonie, en luy baillant pour oſtage les principaux de ſes amis: mais ce pendant il faiſoit murer & remparer tous les pas & les chemins par où lon peut de là paſſer en la Syrie. Parquoy Demetrius ſe uoiât enclos & enfermé de tous coſtez, cōme une beſte que lon ueult prendre aux toilles, par neceſſité eut recours à la force: ſi courut tout le païs à l'environ: & toutes les fois qu'il uenoit à ſ'attacher par rencontres à Seleucus il en auoit touſiours le meilleur: meſme quelque fois que lon laſcha & chaſſa contre luy les chariots remparez de faulx, il paſſa par deſſus & les meit en rouverte, puis dechaſſa ceulx qui renoiēt le hault des montagnes, & muroient les paſſages pour le garder de paſſer en la Syrie, &
- D** les occupa luy meſme. Brief, uoiât ſes gens aſſurez & encouragez, le cuer luy creut auſſi, iuſques à ſe preparer & deliberer de preſenter la bataille à Seleucus, & de mettre toutes choſes en hazard, en maniere que Seleucus ne ſçauoit qu'il deuoit faire: car il auoit fait retourner le ſecours q̄ Lyſimachus luy enuoyoit, à cauſe qu'il le craignoit, & ne ſe fioit point en luy: & d'autre part il doubtoit de combattre ſeul contre Demetrius, craignant de ſe hazarder contre un homme deſeſperé: & auſſi doubtant l'inſtabilité de ſa fortune, laquelle ſouuent d'extreme neceſſité l'auoit eleué en tres grande proſperité. Mais en ces entrefaites, il print une groſſe maladie à Demetrius, qui luy affoiblit & debilita grandement la force & uigueur de ſon corps, & acheua de ruiner du tout ſes af-
- E** faires, pource que de ſes gens de guerre, les uns ſ'allerent rēdre aux ennemis, les autres ſe deſbanderent & ſeſcoulerent ça & là ſans congé. Puis quand il eut à grand peine recouuré ſa ſanté, & qu'il ſe fut un peu refait en l'eſpace de quarēte iours, avec ce peu de gens de guerre qui luy eſtoient demourez, il feit ſemblant & dōna apparece à ſes ennemis, de ſe uoloir aller ruer ſus la Cilicie: puis tout à coup de nuict, ſans faire ſonner tropētre, il deſſogea, & ſ'en alla d'un autre coſté, & aiant paſſé le mont Amanus, il pillā tout le païs qui eſt au deſſoubz iuſques à la contree Cyrreſtique. Mais Seleucus le ſuiuit à la trace, & ſ'alla camper

Demetrius.

tout au plus pres de luy: & adonc Demetrius feit soudainement armer ses gens, & la nuit toute noire se partit pour l'aller trouuer, qu'il dormoit & ne se doubtoit de rien: tellement qu'il ne sceut point ceste surprise que bien tard, iusques à ce que quelques traistres du camp de Demetrius qui s'en fouyrent deuant, l'en allerent uistement aduertir comme il dormoit encore, & luy porterent la nouvelle du danger ou il estoit. Et alors Seleucus tout effroyé se ietta incōtinent en piedz & feit sonner l'alarme, & en se chauffant & habillant, cria tout hault, adressant sa parole à ses amis & à ses domestiques, Or auons nous affaire à une mauuaise & dangereuse beste. Mais Demetrius coniecturant par le grand bruit qu'il oyoit au camp des ennemis, que son entreprise estoit descouuerte, se retira hastiuement: & le lendemain à la pointe du iour Seleucus luy alla presenter la bataille. Demetrius se prepara pour la receuoir, & aiant donné la charge de l'une des pointes de son armee à l'un de ses plus feaux amis, luy prit à conduire l'autre, & rompit quelques uns des ennemis de son costé. Mais Seleucus au milieu du combat descendit de cheual, & ostant son armet seulement, prit une rōdelle sus son bras, & s'en alla aux premiers régs de son armee, se presenter & faire cognoistre aux gens de Demetrius, les admonestāt de se tourner deuers luy, & de recognoistre au moins à la fin, qu'il y auoit lōg temps qu'il différoit toujours à leur donner la bataille, plus pour les espargner eulx, que non pas Demetrius. Cela entendu, les gens de guerre de Demetrius luy feirent la reuerence, & le saluans & recognoissans pour leur Roy, se rendirent tous à luy. Alors Demetrius qui auoit parauant essayé tant de traueses, de changemens & mutations de fortune, cuidant encore eschapper ceste derniere cy, s'en fouit aux portes Amanides, qui sont certains pas & destroits du mont Amanus, là ou il trouua un petit bois fort espes, & se delibera d'y attendre la nuit avec quelques gentils hommes de sa maison, & quelques officiers & seruiteurs domestiques qui l'auoient suiuy en bien petit nombre, uoulant, s'il luy estoit possible, prendre le chemin de la uille de Caunus, & se couler iusques à celle coste de mer, pource qu'il esperoit y trouuer ses nauires: mais quand on luy dit qu'il n'auoit ne uiures, ny autre prouision quelconque pour ce iour là seulement, il commēça à auoir d'autres pensees & à faire d'autres discours, tant que Sosigenes l'un de ses familiers arriua, lequel auoit en une ceinture, qu'il ceignoit alentour de luy, bien quatre cents pieces d'or. Ainsi esperās qu'avec cela il pourroit eschapper iusques à la mer, ilz prirent leur chemin, la nuit toute noire, droit à la cyme de la montagne: mais uoians que les ennemis y estoient desia aux escoutes, & qu'ilz faisoient de grands feuz tout aupres, ilz desespererent de pouuoir passer sans estre apperceuz, si retournerent au mesme lieu dont ilz estoient partis, non pas tous: car les uns s'en estoiet fouis, ny ceulx qui estoiet encore demourez si biē animez que la premiere fois. Si y en eut un qui s'aduētura de dire, qu'il n'y auoit autre moiē de se sauluer, que de mettre la personne de Demetrius entre les mains de Seleucus. Demetrius adonc desgaina son espee & se uolut occire luy mēme, mais ses amis l'en engarderent, & se meirent tous à luy persuader qu'il le deuoit faire: au moiē de quoy il enuoya par deuers Seleucus, luy dire qu'il se rendoit à luy, dont Seleucus eut si grāde ioye, qu'il dit que ce n'estoit point la bōne fortune de Demetrius qui le sauluoit, ains la siene propre, laquelle oultre plusieurs autres grands biens & honneurs qu'elle luy auoit faits, luy offroit encore une si honorable occasion & ce bon heur, de mettre en ueuē de tout le monde sa clemēce & son humanité. Si feit incōtinent appeller ses mai-

fres

- A stres d'hostel, & leur cōmanda qu'ilz feissent dresser un pauillon royal, & qu'ilz appareillassent toutes autres choses cōuenables pour le receuoir & traiter magnifiquement. Il y auoit en la court de Seleucus un gentilhomme nommé Apollonides, lequel autrefois auoit esté fort familier de Demetrius: Seleucus l'euoya tout incontinent au deuant de luy pour l'asseurer qu'il feist bonne chere, & qu'il uint hardiment sans aucune crainte deuers le Roy, lequel il trouueroit son allié & bon amy. Si tost que lon eut cogneu le uouloir du Roy, quelques uns des courtisans allerent au deuant, en petit nombre pour le commencement: mais puis apres chascun y courut à l'enuy l'un de l'autre à qui y seroit le premier, pource qu'ilz esperoient tous, que incontinēt il auroit tout credit & toute
- B autorité empres Seleucus: mais cela fut cause de luy conuertir la pitié en enuie, & donna occasion & couleur aux enuieux & gens de maligne nature, d'empescher & destourner la benignité & humanité du Roy: car ilz luy meirēt deuant les yeux plusieurs desfrances & souspeçōs, disans, que sans plus long delay, des incontinent que les gens de guerre le uerroient, il soudroit de grandes nouuelletez & grandes mutations en leur camp. Et pourtant un peu apres que Apollonides fort ioyeux de porter ces bonnes nouuelles fut arriué deuers Demetrius, comme les autres y accouroiēt à la file les uns sur les autres, luy apportans chascun quelque bonne & gratieuse parole de Seleucus, & que Demetrius luy mesme, apres une si grande mesadventure (encore qu'au parauant il pensast auoir fait un lasche tour, d'auoir liuré son corps & sa personne entre les mains de son ennemy) changeoit d'aduis à l'heure, & commençoit à l'asseurer & à reprendre esperance de recouurer encore son estat: voicy arriuer un des capitaines de Seleucus nommé Pausanias, aiant enuiron mil hōmes tant de pied que de cheual, avec lesquels il enuironna Demetrius, & feit retirer tous les autres qui y estoient uenus deuant, aiant charge de le mener, non en la court du Roy, mais en la Cherronese de Syrie, là ou il fut confiné: & y eut tousiours depuis grosse garnison establie pour le garder. Au demourant, Seleucus luy enuoia officiers, argēt, & tout ce q fait besoing pour la maison d'un prince, & luy appareilloit on tous les iours son uiure si opulemment, qu'on n'y eust sceu rien
- D desirer. Et d'auantage luy furent assignez certains lieux de plaissance, esquelz il y auoit de belles carrieres, ou il se pouuoit esbattre à picquer cheuaux, ou à se promener, des uergers, des parcs pleins de bestes, là ou il pouuoit chasser: & si estoit permis à ceulx de sa maison qui l'auoient suiuy & accompagné en sa fuite, de demourer & uiure avec luy filz uouloiēt: & uenoit encore tousiours quelque un de la part de Seleucus luy apporter quelque bonne parole & le reconforter, en luy donnant tousiours esperance, que si tost qu'Antiochus & Stratonice seroient uenus, qu'ilz feroiēt ensemble quelque bon appointemēt. Estât doncques Demetrius reduit à tel estat, il escriuit à son filz Antigonus, & à ses lieutenans & amis qu'il auoit à Corinthe & à Athenes, qu'ilz n'adioussassent foy
- E nullement à lettres qui fussent escrites en son nom, non pas à son cachet mesme: mais qu'ilz gardassent à son filz Antigonus les uilles qu'ilz tenoiēt, & le reste de sa puissance, tout ainsi comme si luy estoit mort. Antigonus apres auoir entendu la pitoyable prise de son pere porta fort durement & griefuement sa fortune, se uestit d'une robe de deuil, & escriuit à tous les autres roys, mesmement à Seleucus, le suppliant qu'il le uoulust receuoir & prendre en ostage pour son pere, & qu'il estoit prest de quitter tout ce qui luy restoit pour sa deliurance, autant luy en requirent plusieurs citez, & quasi tous les princes, excepté

Demetrius .

Lyfimachus, lequel luy promettoit par ses ambassadeurs une bien grosse somme d'argent fil le uouloit faire mourir. Mais Seleucus qui desia de tout temps ne l'aimoit gueres, & l'auoit en grand mespris, l'estima encore plus meschant, plus cruel, & plus barbare pour ceste lasche & uillaine poursuite: mais il reculoit tousiours & prolongeoit le temps, pource qu'il uouloit que Demetrius fust deliuré par son filz Antiochus & par Stratonice, à celle fin qu'il leur deust sa deliurance, & leur en sceust à tousioursmais bon gré. Quant à Demetrius, fil auoit des le cōmencement porté assez patiemment sa fortune, encore s'accoutuma il à la iournee de plus en plus à porter facilement l'estat auquel il estoit: car premierement il exercoit son corps à courir & à chasser, autant que le lieu le comportoit, & qu'il luy estoit permis: mais petit à petit il commença à se remplir & à deuenir pesant & nonchalant de prendre telz exercices, puis tout à un coup il se plongea en yurongnerie & ieu de dez, tellement qu'il y passoit la plus grande & meilleure partie du temps, fust ou pour couter les ennuyeuses pensees de sa fortune qui luy reuenoient en memoire quand il uiuoit sobremement, ou pour courir ce qu'il auoit en l'entendement par ceste gourmandise & yurongnerie, ou biē recognoissant en luy mesme que c'estoit celle uie là qu'il auoit par si long temps cherchée, prochassée, & desirée, & par une folle de uaine ambition il s'estoit foruoyé & en auoit failly la droite uoye, en se donnant à luy & aux autres beaucoup de peines & de trauaux pour cuider trouuer en exercices & armées de mer & de terre, la felicité & le souuerain bien qu'il auoit trouué en repos & en oysiueté, lors qu'il ne l'esperoit ny ne l'attédoit pas. Car quelle autre fin de leurs trauaux, perilz, & guerres, se peuuet proposer les mauuais & mal conseillez princes & roys: lesquelz sont grandement abusez, non seulement en ce qu'ilz poursuiuent & prochassent les delices & la uolupté, comme leur biē souuerain, au lieu de uertu & de uraye honesteté: mais aussi en ce que ueritablement ilz ne se sçauent pas donner du bon temps, & prendre bien leur plaisir. Demetrius donc apres auoir esté trois ans cōfiné en ceste Cherronese, encourut d'oysiuété, de graisse & d'yurongnerie, une maladie dōt il mourut en l'age de cinquante & quatre ans, dont Seleucus fut grandement blasmé, & luy mesme lors se repentit fort d'en auoir eu soupçon, & de n'auoir à tout le moins ensuiuy l'honesteté & la courtoisie de Dromichetes, homme barbare, & né en Thrace, lequel auoit si humainement & si royalement traitté Lyfimachus son prisonnier de bonne guerre: & toutefois encore y eut il quelque pompe Tragique & theatrale en l'ordre & appareil de ses funerailles. Car son filz Antigonus incōtinent qu'il fut aduertý que l'on amenoit les reliques & cēdres du corps, monta luy mesme sus mer avec toutes ses nauires, & alla au deuant pour les recueillir iusques aux isles, & puis quand il les eut receuës fait mettre l'urne d'or massif, dedans laquelle elles estoient, sur la poupe de sa galere capitainesse, & toutes les uilles, deuāt lesquelles ilz passaient, ou là ou ilz abordoient, les unes environnoient l'urne de chapeaux de fleurs, les autres enuoyoient quelque nombre d'hommes uestuz en deuil pour l'accompagner, & pour faire hōneur, & assister aux funerailles iusques au bout. Ainsi cingloit toute la flotte vers la uille de Corinthe, & uoyoit on de loing ceste urne qui estoit eminente sus la poupe de la maistresse galere, la place tout alentour tendue de pourpre, & dessus le diademe ou bandeau royal, & y auoit à l'environ de beaux ieunes hommes en armes, qui estoient les archers de la garde. Et d'auantage Xenophantus le plus excellent musicien qui fust de ce temps là, estant assis aupres sonnoit de la

- A** la fluste un chant tresdeuot & piteux, à la mesure duquel se rapportoit le mouvement & le son des rames des forçaires, tellement qu'il en resulroit quelque accord & armonie plaisante aux oreilles, ne plus ne moins qu'en un couoy de mort & deploration funebre le son des coups de ceulx qui se battent les poitrines, respond & uient à la cadence de ceulx qui sonnent des flustes. Mais ce qui plus emouuoit à plover & lamenter par pitié tout le peuple de Corinthe qui estoit espendu sus le haure, & tout le long du riuage de la mer, c'estoit Antigonus, lequel ilz uoyoiēt tout esploré, simplement uestu en deuil. Apres dōc qu'on eust porté & ietté force chappeaux de fleurs, bouquets & festons sus l'urne, & qu'on eut fait aux reliques du corps tous les hōneurs qu'il fut possible à Corinthe,
- B** Antigonus feit emporter l'urne pour l'inhumer en la uille de Demetriade, laquelle portoit le nom du defunct, & estoit une uille neufue, qui auoit esté peuplee & bastie des petites uilles qui sont alentour d'Iolcos. Demetrius laissa deux enfans de sa premiere femme Phila, à sçauoir Antigonus & Stratonice, & deux autres filz tous deux nōmez Demetrius, l'un surnōmé le gresle d'une femme du pais des Illyriens, & l'autre qui fut prince de Cyrenes de sa femme Ptolomēis, & de Deidamia un autre appelé Alexandre, lequel uescut en Ægypte, & dit on qu'il eut encore un autre filz nōmé Corēbus de sa femme Eurydice, & dura sa posterité regnant par succession de pere en filz iusques à Perseus, qui fut le dernier roy, du temps duquel les Romains subiuguerent & meirent en leur obeissance le royaume de Macedoine. Or est il maintenant temps, apres que le Macedonien a ioué son rolle, que le Romain uiene en place pour iouer aussi le sien à son tour.

Antonius.

- D** E grand pere d'Antonius fut celuy fameux orateur que Marius feit occire, pourautant qu'il estoit du party de Sylla, & son pere fut un autre Antonius surnōmé le Critique, c'est à dire, ludiciaire, qui ne fut pas tant renommé, ny n'eut pas tant d'autorité au gouuernement de la chose publique, mais qui au demourant fut homme de bien & de bonne nature, & mesmement liberal à donner, comme lon peut iuger par un sien tel acte. Il n'auoit pas grands biens, & pour ce sa femme le gardoit d'user de sa liberalité & bonté naturelle. Comme donc un iour il fust uenu vers luy l'un de ses familiers amis le prier de luy donner quelque argent, dōt il auoit necessairemēt affaire, il se trouua d'aduenture qu'il n'en auoit point pour luy bailler, mais il commanda à l'un de ses seruiteurs qu'il luy apportast de l'eau dedans un bassin d'argent, & apres qu'il luy eut apporté, il se mouilla la barbe comme s'il l'eust voulu raser, puis trouua quelque occasion pour faire absenter le seruiteur, & donna à celuy sien amy le bassin d'argent, luy disant qu'il s'en aidast. Quelques iours apres tous les seruiteurs de la maison furent en grand peine à chercher ce bassin, & uoiant que sa femme s'en tourmentoit fort, & qu'elle uoloit faire donner la question à tous ses seruiteurs l'un apres l'autre pour sçauoir qu'il estoit deuenu, il confessa l'auoir donné, & la pria de luy pardonner. Sa femme estoit Iulia, de la famille & maison de Iulius Cēsar, laquelle en honesteté & pudicité ne cedoit à nulle dame de son temps. Antonius

Antonius.

fut nourry & eleué foubz elle eftant remariee apres la mort de fon premier mary à Cornelius Lentulus, que Ciceron feit mourir pourautant qu'il estoit de ceulx qui auoient coniuré contre la chose publique avec Catilina: ce qui semble auoir esté le commencement & la premiere source de celle uehement & mortelle haine que portoit Antonius à Ciceron, par ce que Antonius mesme dit que iamais on ne leur uolut bailler le corps de son beaupere pour le faire inhumer, que premier sa mere n'en fust allé requérir la femme de Ciceron, ce qui manifestement & sans doubte estoit faulx: car il n'y eut pas un de tous ceulx que Ciceron feit exécuter par iustice, à qui on deniait ne refusast sepulture. Antonius doncques estant deuenu beau ieune homme en la fleur de son aage, fallu accointer de Curio, l'amitié & acointance duquel, à ce que lon dit, luy fut une peste, à cause que c'estoit un homme perdu & abandonné à toute uolupté, qui pour auoir mieulx Antonius à son commandement, le ietta en grandes & folles despenses à entretenir femmes, & faire des bâquets & festins, de sorte que en peu de temps; il l'endebta d'une bien grosse somme de deniers, & trop plus grande que son aage ne portoit, à sçauoir de * deux cents cinquante talents, de laquelle somme totale Curio estoit respondant: dequoy son pere s'estât apperceu, chassa Antonius d'aupres de luy, & luy defendit sa maison. Et adonc il fallu allier de Clodius, le plus temeraire & le plus meschant homme de tous ceulx qui pour lors s'entremettoient du gouuernement de la chose publique, & fut pour quelque temps participant de sa temerité, laquelle mettoit en grand trouble toute la uille de Rome: mais il s'en retira bien tost, pource qu'il fut tantost las & ennuyé de sa fureur, ou pour autant qu'il craignoit la puissance de ceulx qui festoient bandez alencôtre dudit Clodius. Si se partit de l'Italie & s'en alla en Grèce, là ou il employa le temps partie aux exercices militaires, & partie à l'estude d'eloquēce. Il uisoit du stile & façon de dire, que lon appelle Asiaticque, laquelle florissoit & estoit en grande uogue en ce temps là, & si auoit grande conformité avec ses meurs, & sa maniere de uiure qui estoit uenteuse, pleine de brauerie uaine, & d'ambition inegale & qui ne s'entretenoit point. Apres qu'il y eut esté quelque temps, Gabinus hōme consulaire allant en la Syrie luy uolut persuader qu'il feist le uoyage avec luy, mais il respōdit qu'il n'y iroit point comme personne priuee: parquoy Gabinus luy bailla la charge de sa cheualerie, & ainsi l'emmena quand & luy, & tout premierement l'enuoya contre Aristobulus, qui auoit fait soubleuer & rebeller les Iuifz, là où il monta luy mesme le premier sus la muraille de la plus forte place qu'ilz eussent, & ietta Aristobulus hors de toutes ses fortresses, & avec peu de gens qu'il auoit avec luy, desfeit en bataille rengee les Iuifz, qui estoient plusieurs cōtre un, & les mit presque tous à l'espee, & d'auantage prit Aristobulus prisonnier avec son filz. Apres cela Ptolomaus le roy d'Ægypte qui auoit esté chassé de son pais s'en alla deuers Gabinus pour le prier & l'induire à uoloir entrer en armes avec luy en Ægypte, à fin de le remettre en son royaume, luy promettant s'il le uoloit faire * dix mil talents. La plus grande partie des capitaines fut d'opinion que l'on n'y deuoit point aller, & Gabinus mesme faisoit quelque difficulté d'entrer en ceste guerre, combien que l'auarice de ces dix mil talēts le dominaist & le maistrifast fort: mais Antonius qui ne demandoit que les occasions & moiens de faire de grandes choses, & qui desiroit aussi gratifier à Ptolomaus à sa requeste & priere se mit à persuader & inciter Gabinus d'entreprendre ce uoyage. Or craignoient ilz plus le chemin qu'il leur falloir tenir pour arriuer à la uille de Pelusiū qu'ilz

*Cent cinquante
mil escus.

*Six millions
d'escus.

A ne faisoient pas tout le reste du danger qui pouuoit estre en ceste guerre, pour-
 autant qu'il leur falloit passer par des profondes sablonieres, & lieux aux quelz
 il n'y auoit point d'eau le long du marez, que lon appelle Serbonide, que les
 Ægyptiens disent estre les souspiraux par ou le geant Typhon respire: mais il
 semble, à la uerité, que c'est une deriuation & un regorgement de la mer rouge
 qui s'escoule & se respand là par dessoubz la terre, à l'endroit ou elle est diuisee
 du plus estroit interualle d'avec la mer de deça, d'entre les terres. Antonius
 doncques y fut enuoyé deuant avec les gens de cheual, & gaigna non seulemēt
 ce passage, mais aussi prit Pelusiū, qui est une grosse & puissante uille, avec tous
 les gens de guerre qui estoient dedās: en quoy faisant il rendit ensemble le che-
 min seur au reste de l'armee, & l'esperāce de la uictoire certaine à son capitaine.
 B Mais là les ennemis mesmes se sentirent de sa gentillesse, & du desir qu'il auoit
 de se faire honneur: car, comme Ptolomæus incontinent qu'il fut entré dedans
 Pelusium, pour le courroux qu'il auoit encontre ceulx de la uille, uoulust que
 lon mist à l'espee tous les Ægyptiens qui estoient dedans, Antonius s'y opposa
 & engarda qu'il ne se feist: & en toutes les autres rencontres & batailles qui fu-
 rent donnees grosses & en grand nombre, Antonius feit plusieurs grandes
 prouesses & actes de uaillant & sage capitaine: mesmement en une iournee, en
 laquelle il enferma & enuironna par derriere les ennemis, donnāt la uictoire à
 ceulx qui combattoient de front, dont il receut depuis le pris & loyer d'hon-
 C neur, qui en estoit deu à sa uertu. Aussi fut assez notoirement cōgneue de tous
 l'humanité & l'honesteté, de laquelle il usa enuers Archelaus: car aiant esté son
 familier amy & son hôte, il luy feit la guerre par contraincte de son uiuant,
 mais apres sa mort il feit chercher son corps & l'honora d'obseques & fune-
 railles royales. Pour ces causes & raisons il laissa une tresglorieuse renommee de
 luy à ceulx d'Alexandrie, & fut estimé tres gentil personnage par les Romains
 qui furent en ce uoyage, & si auoit oultre cela une dignité liberale & sentant
 son homme de bonne maison en la face, la barbe forte & espesse, le front large,
 le nez aquilin, & apparoissoit en son uisage une telle uirilite q lon ueoit repre-
 sentee es medailles & images cinctes ou moulees de Hercules. Aussi estoit ce
 D une chose qui se disoit de toute ancieneté, que la famille des Antoniens estoit
 descendue d'un Anton, filz de Hercules, de qui elle retenoit & portoit le nom:
 laquelle opinion il taschoit à confirmer, non seulement par la forme & figure
 naturelle de son corps, qui estoit tel que nous l'auons descrit, mais aussi par la
 façon de s'habiller & uestir. Car toutes les fois qu'il deuoit sortir en public &
 estre ueu de plusieurs, il portoit tousiours quelque hocqueton ceint bien bas
 presque sus la cuisse, avec une grande espee pendant à son costé, & par dessus ce-
 la quelque grosse cappe: qui plus est, ce qu'aucuns trouuoiet fascheux & insup-
 portable en luy, qu'il se uentoit ordinairement & se gaudissoit tousiours de quel-
 qu'un, qu'il ne faisoit point de difficulté de boire deuant tout le mode, & de s'as-
 E seoir au pres des souldards quand ilz disnoient, & de boire & māger avec eulx
 à leur table, il n'est pas croyable combien cela le faisoit aimer, souhaitter & de-
 sirer d'eulx. D'auantage ce qu'il estoit adonné à l'amour, le rendoit desirable, &
 attrayoit par ce moien plusieurs à luy uoloit bien: car il estoit biē aise d'aider
 ceulx qui estoient amoureux à iouir de leurs amours, & si ne prenoit point à
 desplaisir qu'on le gaudist des sienes: & avec celā sa liberalité, qu'il donoit tout
 sans rien espargner aux gens de guerre, & à ses amis, luy bailla grand commen-
 cement deuenir en auant, & quand il fut deuenu grād, luy accreut encore & au-

Antonius.

* Vingt & cinq
mille escus.

gmenta de beaucoup plus son autorité & sa puissance, laquelle au demourant F
il ruinoit & perdoit luy mesme, par mille autres fautes qu'il faisoit ordinaire-
ment. Je reciteray en cest endroit un exéple seulemēt de sa largesse & liberalité
grande. Il cōmanda un iour à celuy q manioit ses finances, que lon dōnast à un
sien familial *deux cēts cinquāte mille drachmes d'argēt, que les Romains ap-
pellent en leur façon de parler Decies, dequoy son tresorier s'esmerueillant &
en estant marry, apporta deuant luy tout cest argent en un monceau, pour luy
monstrer & faire ueoir quelle grosse somme c'estoit. Antonius l'apperceut en
passant, & demanda que c'estoit: le tresorier luy respondit, que c'estoit l'argent
qu'il auoit commandé que lon donnast: & lors Antonius cognoissant la ma-
lice de l'homme, Je pensois, dit il, que Decies fust une bien plus grosse somme, G
car cela est peu de chose, & pource baille luy en encore une autre fois autant.
mais cela fut depuis. Pour lors estans les Romains bandez les uns contre les au-
tres & diuisez en deux ligue, dont ceulx qui defendoient l'autorité du Senat,
adheroiēt à Pōpeius, lequel estoit present: & ceulx qui tenoiēt le party du peu-
ple, appelloient à leur aide Cēsar, qui faisoit la guerre en Gaule. Curio l'amy de
Antonius, qui auoit tourné sa robbe, & defendoit pour lors le party de Cēsar,
auquel il auoit un peu deuāt esté aduersaire, tira à sa corde Antonius, & fait tāt
en partie par la grād uogue & credit qu'il auoit enuers la multitude du peuple,
à cause de son beau parler, & en partie, par l'excessiue despēce qu'il faisoit de l'ar-
gent que Cēsar luy fournissoit, que Antonius fut eleu Tribun du peuple, & puis H
apres admis au college des presbtres, qui par le uol des oyseaux cognoissent &
predisent les choses à aduenir, que les Romains appellent les Augures. Ce qui
ne fut pas de peu de cōsequence pour les trames & menees de Cēsar: car si tost
qu'il eut pris possession de son magistrat, tout premieremēt il s'opposa à ce que
mettoit en auant le Consul Marcellus, lequel uouloit que certaines legions qui
auoient desia esté leuees & enrollees, fussent baillées à Pompeius avec com-
mission & pouuoir, d'en leuer encore d'autres, & meit en auant que les gens de
guerre, qui estoient tous leuez & assemblez, fussent enuoyez en la Surie pour ré-
fort à M. Bibulus, qui faisoit la guerre cōtre les Parthes: & au reste, que defen-
ces fussent faittes à Pōpeius de plus en leuer, & aux gens de guerre de luy obeir. I
Secondement comme les adherents de Pompeius empeschassent que les lettres
de Cēsar ne fussent receuēs & leuēs au Senat, luy aiant puissance & assurance
de sa personne pour la saincteté du Tribunat, les leut publiquement, & fait que
plusieurs changerent d'opinion, pourautant qu'il leur sembla que Cēsar par ses
lettres ne demandoit que choses iustes & raisonnables. A la fin cōme lon eust
proposé & mis en deliberation du Senat deux poincts: l'un, si le Senat estoit
d'aduis que Pompeius quittast & laissast ses exercites: l'autre, que Cēsar, il y eut
peu des Senateurs qui fussent d'aduis que Pōpeius posast les armes, mais de Cēsar,
presque tous le cōmanderent. Et adonc Antonius se leuant demāda sil leur
sembloit bon que & Pompeius & Cēsar ensemble posassent les armes, & cassas-
sent tous deux leurs armees: ce que d'un grand & affectueux consentemēt tous
les Senateurs entierement approuerent, & avec grandes acclamations louans
Antonius, luy prierent qu'il le feist mettre en deliberation & passer par les opi-
nions du Senat, mais les Consulz ne le uolurent pas permettre. Et pourtant les
amis de Cēsar proposerent derechef autres demādes & requestes qui sembloiēt
estre ciuiles & raisonnables, aux quelles Catō s'opposa: & Lentulus l'un des Cō-
sulz chassa par force Antonius hors du Senat, lequel en sortant feit alencontre
d'culx

A d'eulx plusieurs griefues protestations & imprecations, puis uestit la robbé d'un esclau, & sen courut à grand hasteuers César avec Quintus Cassius sus un coche de louage, là ou si tost qu'ilz furent arriuez, ilz se prirent à crier que tout estoit renuersé sans dessus dessous à Rome, attédu qu'il n'y estoit pas loisible aux Tribuns du peuple de parler franchemét, & en estoient dechassez en grád danger de leurs personnes ceulx qui y osoient defendre le droit & l'equite. A ceste cause César se ietta tout incontinent dedans l'Italie avec son armee, & pourtāt dit Ciceron en ses Philippiques, que tout ainfi comme Helene fut cause de la guerre de Troye, aussi auoit esté Antonius autheur de la guerre ciuile: ce qui indubitablement est faulx: car C. César n'estoit point si leger ne si facile à transporter de la raison par courroux, que s'il n'eust de long temps proietté & propéfé de ce faire, il eust ainfi tout sur le champ esté entreprédre la guerre contre son pais, seulemēt pour auoir ueu Antonius & Cassius mal habillez sen estre fouis uers luy sus un coche de louage. Mais comme ainfi fust que de pieça il ne cherchoit que quelque couleur, cela luy seruit de couuerture, & luy donna un apparent uoile de iuste guerre. Et à la uerité ce qui le stimuloit à guerroyer tout le monde, n'estoit autre chose que la mesme cause, laquelle auoit incité premierement Alexandre, & encore auparauant, Cyrus, à sçauoir, un desir insatiable, de regner, avec une cupidité forcenée d'estre le premier & le plus grád homme du monde, ce qu'il ne pouuoit obtenir, que prealablement il n'eust ruiné & destruit Pōpeius. Apres dōc que César se fut emparé de la uille de Rome, & qu'il eut chassé Pompeius de l'Italie, il se delibera d'aller premierement en Hespaigne contre les legions que Pompeius y auoit, & ce pendant faire prouisions de nauires & d'equippage de mer, pour apres poursuiure Pompeius. Durant lequel temps il laissa le gouuernement de la uille à Lepidus qui estoit Preteur, & à Antonius, qui estoit Tribun, la charge de la gendarmerie & de la garde de l'Italie. Si fut incontinent Antonius fort prisé & aimé des gens de guerre, pour autant qu'il s'exercitoit ordinairement, & beuuoit & mangeoit avec eulx le plus souvent, & leur faisoit des dons selō le moien & la puissance qu'il en auoit. Mais il encourut d'autre costé la haine & malueuillance des autres hōmes, à cause que

D par nonchalance il ne tenoit compte de faire iustice à ceulx que lō oultrageoit, & rabrouoit rudement ceulx qui auoient affaire à luy, & si auoit mauuais bruite de debauscher & corrompre les femmes d'autrui. Brief, les amis de César & ceulx qui gouernoient soubz luy, estoient cause que lon calumnioit & haïsoit sa domination, combien qu'elle ne fust rien moins que tyrannie quant à luy, pour les insolences & oultrages qu'ilz faisoient, entre lesquelz Antonius, cōme celuy qui auoit plus de puissance, & qui faisoit aussi de plus grandes fautes, en estoit le plus blasmé. Mais toutefois César, quand il fut retourné de la guerre d'Hespaigne, ne fait compte des plaintes & doleāces que lon proposoit contre luy: ains au contraire, pour autant qu'il le sentoit homme d'entreprise

E & bon & uailāt capitaine, il se seruit de luy en ses principaulx affaires, en quoy il ne se trouua nulle part deceu de son opinion. Si passa la mer Ionique à Brundisium avec petite compagnie de gens, & puis renuoya les nauires sus lesquelles il estoit passé, & māda à Antonius & Gabinius, que le plus tost qu'ilz pourroient, ilz embarquassent leurs gens, & les passassent en Macedoine. Gabinius eut peur de se mettre sus la mer qui estoit desia enflée, à cause que c'estoit la saison d'hyuer, & fait faire à son armee un grand circuit par terre. Mais Antonius craignant qu'il n'aduint quelque inconuenient à César, pource qu'il estoit en-

Antonius.

clos d'un bien grand nombre d'ennemis, repoulsa & chassa premierement F
Libo, lequel avec une armee de mer estoit à l'ancre, tout au deuant de la bouche du port de Brundisium, car il luy meit tant d'esquifz, de barques, & d'autres petits batteaux alentour de chascune de ses galeres, qu'il fut contraint de foster de là. Cela fait, il embarqua dessus ses nauires uingt mille hommes de pied, & huit cents cheuaux, avec laquelle trouppes il se meit à la uoile, & se ietta en pleine mer. Si tost que les ennemis l'apperceurent, ilz se meirent apres à le poursuiure, & eschappa ce danger, par ce que le uent du midy se leua impetueux, & eurent si grosse tourmente en la mer, que les undes empescherent les galeres des ennemis de le pouuoir attaindre: mais aussi alloit il donner avec toute sa flotte à trauers une coste pierreuse, ou la mer estoit fort G
haulte, de sorte qu'il n'auoit nulle esperance de se pouuoir sauuer: mais de bonne fortune, tout soudain le uent se tourna en Lebeche, qui est entre le Midy & le Ponât, lequel souffloit du costé du Golphe, & reiettoit les undes du riuage au dedans de la haulte mer. Et par ainsi Antonius relaschant arriere de la terre, & cinglant en seureté & à son gré, ueit tantost apres toute la coste pleine de naufrages: car la force & uiolence du uent y ietta les galeres qui le poursuiuoient desquelles plusieurs furent brisees & perdues, & y gaigna Antonius grand nombre de prisonniers, & une bien grosse somme d'argent: prit d'auantage la uille de Lyssus, & apporta à Cæsar un grand reconfort & grande assurance, d'estre arriué si à poinct avec telle puissance. Or se faisoit il continuellement H
de grosses escarmouches & rencontres, esquelles Antonius se portoit si uaillement qu'il emportoit le pris deuant tous les autres, spécialement par deux fois que les gens de Cæsar tournoiét le dos, & s'enfuyoiét à ual de roudre: car il leur alla au deuant, & les contraignit de s'arrester & retourner au combat, tellement qu'à la fin la uictoire luy en demeura. Pourtant auoit il au camp entre les gens de guerre la seconde autorité, & ne parloit on que de luy apres Cæsar, lequel monstra bien quelle opinion il auoit de luy, quand à la derniere bataille de Pharsale, & celle qui deuoit decider le total, & attribuer l'empire du monde au uainqueur, il mena luy la pointe droite de son armee, & bailla à conduire la fenestre à Antonius, cōme au plus uailant & mieulx entendu au faict de la guerre I
de tous ceulx qu'il auoit autour de luy. Apres la uictoire gaignee, Cæsar aiant esté créé Dictateur, se meit à poursuiure à la trace Pōpeius: mais deuant il nomma Antonius Tribun du peuple & l'enuoya à Rome, pourautāt que le Tribun du peuple est le second magistrat, quand le Dictateur est en la uille, mais quād il n'y est pas, c'est le premier & presque le seul qui demeure, & sont tous les autres officiers & magistrats supprimez depuis qu'il y a un Dictateur eleu. En ce mesme temps estoit aussi Tribun Dolabella ieune homme qui ne demādoit & n'appetoit que toutes nouuelletez, lequel mettoit en auant ce que les Romains appellent Nouas tabulas, c'est à dire, une rescision de routes obligations, & abolition generale de toute maniere de debtes, & l'appelloit on Nouuelles tables, K
pource qu'il falloir lors faire de nouveaux papiers iournaux de mise & de recepte, & suadoit à Antonius qui estoit son amy, & qui ne demādoit aussi que moien de gratifier & complaire au menu peuple, de luy aider à mener à chef ceste besoigne: au contraire Trebellius & Asinius l'en destournoient & diuertissoiét le plus qu'il leur estoit possible. Si aduint de bone fortune q̄ Antonius entra en grande ialouzie & souspeçon que Dolabella entretenoit sa femme, & le prit à cuer si aigrement qu'il en chassa hors de sa maison sa femme, laquelle estoit

A estoit sa cousine germaine fille de C. Antonius, qui auoit esté compaignon de Cicéron au consulat, & se ioignant à Asinius resista à Dolobella iusques à combattre: car Dolobella festoit saisy & auoit occupé la place ou se faisoient les assemblees du peuple, & y auoit mis des hommes en armes, en intention de faire passer & ratifier au peuple son edict par force. Antonius par le commandement du Senat mesme, qui auoit decerné pouuoir de faire amas de gens pour resister par armes à ce Dolobella, luy alla aleneontre, & combattit si bien qu'il y demoura des hommes morts sur la place d'une part & d'autre, au moien de quoy il encourut d'un costé la malueuillâce de la cōmune & du mēu populaire pour cest acte, & d'autre costé il ne plaisoit point aux gens de bien & d'honneur, à cause du reste de sa uie desordonnee & dissoluë, cōme dit Cicéron, ains estoit hay d'eulx, pourautāt qu'ilz auoiēt en abominatiō les banquets & yrongeries qu'il faisoit ordinairement, à heure indeuë, ses despences excessiues, & qu'il estoit ordinairement entre femmes folles, & puis de iour il dormoit ou se promenoit tout yure pour cuire & digerer le uin qu'il auoit trop pris la nuit. Ce n'estoient en son logis que festins, danfes & mōmeries, & passoit le temps à ouyr iouer des farces, ou à faire les nopces de quelques farceurs, basteleurs, plaisans, & autres telles gēs. Au quel propos on compte, que es nopces d'un sien plaisant nommé Hippias il but tant toute la nuit, que puis apres le lendemain matin quand il uint pour harenguer deuant le peuple assemblé sur la place qui l'auoit fait appeller, aiant encore l'estomac tout chargé de uin & de viande, il fut contrainct de rēdre sa gorge deuant tout le mōde, & que l'un de ses amis luy rēdit sa robbe au deffoubz. Il auoit un autre plaisant ioueur de farces nommé Sergius, qui estoit le principal de tous ses mignons, & qui auoit le plus de credit alentour de luy, & une femme appelée Cytheris du mesme mestier, de laquelle il estoit amoureux: ceulx cy estoient tousiours avec luy quand il alloit par les uilles d'Italie, & n'y auoit pas moins de seruiteurs & de train autour de la littiere de ceste basteleuse que de sa propre mere. Si desplaisoit grādemēt aux honestes gens, de ueoir quand il alloit par les champs qu'il trainoit apres luy grand nombre de buffetx & de uaisselle d'or & d'argent à la ueuë de tout le monde, cōme si c'eust esté la pompe & la monstre de quelque triumphie, & que bien souuent au milieu du chemin il faisoit dresser ses tentes & pauillons à l'orce de quelque uert boccage, ou le long de quelque plaisante riuere, là ou on luy accoustroit son disner sumptueusement, & qu'il faisoit atteler à ses chariots des lions pour les trainer, & falloir par les uilles ou il passoit, que es bonnes maisons des honestes hommes & femmes fussent logees des putains publiques, courtisanes & menestrieres: car il leur faisoit grand mal de ueoir que Cæsar luy mesme fust hors de l'Italie à poursuiure les reliques de ses ennemis, pour mettre fin à ceste grosse guerre, avec tant de perilz & tāt de trauaux, & que d'autres ce pendant soubz son autorité & son nom feissent telles insolēces & telz outrages à leurs citoiens. Cela me semble auoir esté cause que la mutination contre Cæsar s'alla de plus en plus augmentant, & lascha la bride aux gens de guerre, qui de là prirent hardiessē de commettre plusieurs extortions, uiolences & larrecins. Et pourtant Cæsar apres qu'il fut de retour pardonna à Dolobella, & estant créé Consul pour la tierce fois ne prit pas Antonius, ains choy-sit Lepidus pour son compaignon. Depuis quand la maison de Pompeius fut mise en uente, Antonius l'achepta: mais quand on luy en demanda l'argent il le trouua estrange, & fen courroucea: & escriit luy mesme qu'il ne uolus

Antonius.

pas aller avec Cæsar en la guerre d'Afrique, à cause qu'il n'auoit pas esté bien re-
compensé des grands seruices qu'il auoit faits auparauant. Si est-ce que Cæsar
refrena une partie de son insolence & folie, ne luy laissant plus passer legere-
ment ses fautes, en faisant semblant de ne les ueoir pas, pourrant delaisa il cel-
le siene dissoluë maniere de uiure, & espousa Fulvia, laquelle auoit parauant esté
mariee à Q. Claudius, femme qui n'auoit point le cuer si bas que de ne penser
qu'à filler, ou à garder son mesnage, & qui ne se contentoit point d'estre mai-
stresse de son mary en son priué, ains le uouloit maistriser estant en magistrat,
& luy commander aiant commandement sur les legions & grosses armées, tel-
lement que Cleopatra deuoit à ceste Fulvia l'apprentissage de l'obeissance que
portoit Antonius aux femmes, car elle luy bailla bien instruit & appris de faire
le cōmandement de ses fēmes: & pource qu'elle estoit de nature graue & seuer, G
Antonius s'essaya de la rendre un petit plus guaye, luy faisant quelques petits
tours de ieunesse en se iouāt quelque fois à elle, cōme il feir lors q̄ Cæsar retour-
na la derniere fois uictorieux d'Hespaigne, tout le monde luy alla au deuant, &
Antonius aussi: mais soudainemēt il courut un bruit par toute l'Italie que Cæsar
estoit mort, & q̄ ses aduersaires reuenoient en armes: il s'en retourna tout court
à Rome, & prit la robbe d'un ualet, & avec cest habillemēt s'en uint la nuit tou-
te noire en sa maison, disant qu'il apportoit à Fulvia des lettres d'Antonius: on
le feir entrer, & le mena lō uers elle cōme il estoit le uisage affublē de peur qu'on
ne le cogneust: & elle toute esperdue, deuāt que prendre les lettres, luy demāda H
si Antonius faisoit bōne chere: Antonius luy tendit les lettres sans rien respō-
dre, & puis quād elle les eut ouuertes & qu'elle commença à les lire, il luy saul-
ta au col & la baisa. Nous auons allegué ce compte pour exemple seulement,
car nous en pourrions reciter beaucoup d'autres. Au retour doncques de la
derniere guerre que feir Cæsar en Hespaigne, tous les plus gros personnages
& les premiers hommes de la uille luy allerent au deuant iusques à plusieurs
iournees loing de Rome, là ou Cæsar honora grandemēt Antonius par dessus
tous les autres qui y allerent: car il le feir tousiours monter sus son coche avec
luy par toute l'Italie, & derriere Brutus & Octauius le filz de sa niepce, qui de-
puis a esté appelle Cæsar Augustus, & a tenu l'empire de Rome bien lōg temps. I
Et apres encore comme Cæsar eust esté eleu Consul pour la cinquiesme fois, il
choisit incontinent Antonius pour son compagnon, & uolur en se depo-
sant & deschargeant du consulat le mettre entre les mains de Dolobella, le
substituāt en son lieu: & desia l'auoit mis en auant au Senat, mais Antonius sy
opposa roidement, & dit tout plein de uillainies & d'oultrages à Dolobella en
plein Senat. Dolobella ne luy en rēdit pas moins: parquoy Cæsar aiant uergoi-
gne d'un tel scandale, s'en deporta. Vne autre fois encore que Cæsar uolur fai-
re subroguer Dolobella Consul en sa place, Antonius se prit à crier que les pre-
sages des oyseaux ne le permettoient pas: tant qu'à la fin Cæsar fut contraint de
luy ceder, & abandoner Dolobella, qui en auoit grād despit. Si ne les estimoit K
il gueres tous deux: car lon dit que quelquefois il respondit à un qui luy uenoit
rapporter quelque chose d'eulx, & les luy uouloit rendre suspects, que ce n'e-
stoit pas de ces muguets là, si biē nourris & si bien pignez, de qui il se doubtoit:
Mais bien, dit il, craindroy-ie plus tost ces pāsles & maigres: entēdant de Bru-
tus & de Cassius, qui depuis aussi le tuerēt de guet à pent. Aux quelz Antonius,
en n'y pensant pas, & ne le cuidant pas faire, en dōna une tres honeste couleur
& occasion, qui fut telle. Les Romains d'aduenture celebroident la feste & solē-
nité

A nité qu'ilz appelloiēt Lupercalia, & Cēsar uestu d'une robe triumphale estoit assis en la tribune, dont lon auoit accoustumé de faire les harēgues au peuple, & de là regardoit l'esbatement de ceulx qui couroient. Car la coustume est telle, qu'à ce iour il y a plusieurs ieunes hommes de noble maison, & mesme ceulx qui ont les plus grands magistrats ceste annee là, qui courent tous nuds par la uille oingts d'huyle d'olif, & frappent par ieu ceulx qu'ilz rencontrent en leur chemin avec des courroies de cuir blanc qu'ilz tienēt en leurs mains. Antonius qui estoit l'un de ceulx qui deuoient courir, laissant les ceremonies anciennes, ensemble les vs & coustumes de celle solennité, s'en courut uers la tribune ou estoit Cēsar assis, & portoit en sa main un chapeau de laurier, alentour duquel estoit entortillé un bandeau que lon nomme diadēme, & estoit anciennement la marque des Roys. Quād il fut tout aupres, il se feit soubleuer par ceulx qui couroient avec luy & asseit le chapeau de laurier sus la teste de Cēsar, comme uoulant dire qu'il auoit meritē d'estre Roy. Cēsar faisant semblant de n'en uoloir point destourna sa teste, dont tout le peuple fut fort ioyeux, & le tesmoigna avec battemens de mains. Antonius derechef luy approcha de la teste, & derechef Cēsar la rebouta, & furent ainsi long temps à debatre: mais toutes les fois qu'Antonius le pressoit de recepuoir ceste couronne de laurier, petit nombre de ses adherents luy applaudissoit: & toutes les fois que Cēsar la refusoit, tout le peuple ensemble frappoit des mains: qui estoit chose merueilleuse, que ceulx qui souffroiēt de faiēt tout ce que font les Roys à leurs subiets, detestoient & abhorrissoient encore neantmoins ce nom de Roy, comme l'abolition & la destruction de leur liberté. Parquoy Cēsar tout troublē se leua de son siege, & retirant sa robe d'alentour de son col, le presenta tout nud, criant qu'on luy trenchast la teste qui uouldroit. Ceste couronne de laurier fut apres mise sus la teste de l'une des statues de Cēsar, mais quelques Tribuns du peuple l'en arracherent, dont le peuple les loua grandement, & les conuoya par honneur iusques en leurs maisons avec grands battemens de mains: mais Cēsar les en deposa de leurs magistrats. Cela dōna cueur & hardiēse à Brutus & à Cassius de conspirer sa mort, lesquelz eleurent & associerent avec eulx leurs plus feaux amis pour executer leur entreprise, & furent en doubte silz s'en deuroient decouurir & le communiquer à Antonius, dequoy tous les autres furēt bien d'aduuis, hors mis Trebonius: car il dit, que quand ilz allerent au deuant de Cēsar à son retour du dernier uoyage d'Hispaigne, ilz auoient tousiours cheuauchē par les champs & logē ensemble, & que des lors couuertement & de loing il auoit sondē son uoloir, & que Antonius entendit tresbien là ou il uoloit uenir, mais qu'il n'y uoluit iamais prester l'oreille, & neantmoins n'auoit iamais descouuert à Cēsar le propos qu'il luy en auoit tenu, ains l'auoit fidelement tenu secret. Apres cela ilz delibererent silz deuoient occire C. Antonius avec Cēsar: ce que Brutus empescha, disant qu'il falloir qu'une telle entreprise que lon hazardoit pour la defēce des loix & de la iustice, fust pure & nette de toute iniquité. Toutefois craignans la force de corps & la dignité du magistrat de Antonius, ilz ordonnerent quelques uns des coniurez, lesquelz quand Cēsar seroit entrē au Senat, pendant qu'on executeroit ce qui estoit entrepris, detiendroiēt Antonius hors de la salle, soubz couleur de luy parler de quelque affaire. Cōme ces choses auoient esté proiettees & proposees, tout ainsi furent elles executees, & fut Cēsar mis à mort au milieu du Senat: dequoy Antonius estant effroyē, prit sur l'heure la robe d'un esclau & se cacha, mais depuis quand il

Antonius.

fceut, que ceulx qui auoient fait le meurtre ne mettoient la main à personne, & qu'ilz festoient seulement retirez au Capitole, il leur manda qu'ilz descendissent hardiment sur sa foy, & leur enuoya pour ostage son filz: & ce mesme iour là, donna à soupper à Cassius, & Lepidus à Brutus. Le lendemain il fait assembler le Senat, & luy mesme mit en auant, que lon oubliast toutes choses passees, & que lon assignast des prouinces à Cassius & à Brutus, ce que le Senat autorisa & confirma: & d'auantage ordonna, que rien ne seroit chagé de tout ce qu'auoit fait ou estably Cæsar. Ainsi sortit Antonius du Senat en la meilleure estime de chascun, & avecques la plus grande louange que fait oncques homme, pource qu'il sembloit à tout le monde qu'il eust retrenché & osté toute matiere & occasion de guerre ciuille, & qu'il festoit monstre homme tres sage & bien entendu au gouuernement d'une chose publique, d'auoir si prudemment sceu demesler & appaiser ces choses ou il sembloit auoir tant de troubles & de difficultez. Mais l'opinion qu'il conceut de foy mesme, apres auoir un peu ouy la uoix & fondé le uouloir du peuple avec l'esperance, par laquelle il se promettoit qu'il seroit asseurement le premier homme du monde, quand il auroit desfait Brutus, luy chassa biē tantost de l'entendement ces premiers discours. Et pource le iour que lon portoit le corps au lieu ou il deuoit estre inhumé, il fit une harangue funebre tout au milieu de la place à la louange de Cæsar, comme estoit la coustume ancienne de louer les grands personages en leurs funerailles: & uoiant que le peuple prenoit merueilleusement grand plaisir, & se passionoit fort, en oyant parler de Cæsar & reciter ses louanges, il mesla parmy sa narration des paroles emouuantes à commiseration, & toucha les lieux des affectiōs qui incitent les cueurs à pitié & compassion, en amplifiant & augmentant les choses. Puis quand se uint à la conclusion de sa harangue, il deueloppa & desploya deuant toute l'assistance du peuple les habillemens du defunct tous ensanglantez & percez de coups d'espee qu'il auoit receuz, en appellant ceulx qui auoient commis un tel cas, meurtriers & hommes maudits & damnez: tellement que par telles paroles il emplit le peuple de si grande fureur, qu'ilz prirent le corps de Cæsar, & le bruslerent dessus la place avec les bancs & les tables des chageurs qu'ilz assemblerent de tous costez: puis prirent des risons quand le feu fut allumé, & coururent es maisons de ceulx qui l'auoient occis pour y mettre le feu & les attirer à combattre. A ceste cause Brutus & ses complices, pour asseurer leurs personnes, furent contrains de sortir de la uille: & lors les amis de Cæsar se retirerent vers Antonius, mesme sa femme Calpurnia, se fiant en luy, fait porter en sa maison, & luy mit entre ses mains la plus grande partie de son argent, lequel pouuoit bien monter* quatre mille talents, & prit d'auantage tous les papiers de Cæsar, entre lesquels estoient les registres & memoires de tout ce qu'il auoit fait & ordonné. Antonius y adioustoit tous les iours ce que bon luy sembloit, & par ce moyen creoit de nouveaux officiers, faisoit de nouveaux Senateurs. Il rappelloit & restituoit aucuns qui estoient bannits, il deliuroit ceulx qui estoient detenus prisonniers: & puis disoit que tout cela auoit ainsi esté ordonné & arresté par Cæsar. Et pourtant les Romains se moquant de ceulx qui estoient ainsi promez, les appelloient Charonites, à cause que quand ilz estoient conuaincus, ilz n'auoient autre recours, sinon à dire, qu'on l'auoit ainsi trouué par escript aux papiers & registres de Cæsar, lequel auoit passé en la nassele de Charon, & estoit decedé. Pareillemēt en toutes autres choses usoit Antonius de puissance souveraine & absoluë, par ce qu'il estoit Consul, & l'un de

* Deux millions
quatre cents mil-
le escus.

- A** ses freres Caius Præteur, & l'autre Lucius Tribun du peuple. Ainsi comme ces choses se faisoient à Rome, le ieune Cæsar y arriua, qui estoit filz de la niepce de Iulius Cæsar, comme nous auons dit auparauant, & auoit esté institué par testament son heritier uniuersel, estant en la uille de Apollonie lors que son grand oncle fut tué. Il alla d'arriuee saluer Antonius, comme l'un des amis de son feu pere Cæsar, qui l'auoit adopté par son testament, & luy fait incontinent mention de l'argent & des autres choses qui auoient esté mises en depost entre ses mains, pour autant que Cæsar par son testament auoit legué au peuple Romain* soixante & quinze drachmes d'argét pour teste, dôt luy estoit tenu comme heritier uniuersel. Antonius du commencement l'eut en mespris
- B** & n'en fit compte, pource qu'il estoit fort ieune, & disoit qu'il n'estoit pas sage, ains destitué de bon sens & de bons amis, fil se resoluoit de charger sus ses espaulles un si gros & pesant fais que de se porter pour heritier de Cæsar. Mais come Octauius Cæsar ne se laissast poit mener par telles paroles, ains persistast à luy demander son bien, & mesmement l'argent comptant. Antonius commença à dire & à faire plusieurs choses en contumelie, & au desaduantage de luy: car premierement il l'empescha qu'il ne fust eleu Tribun du peuple: & quand il se uoulut entremettre de dedier la chaire d'or, qui auoit esté par le Senat ordonnee en l'honneur de Cæsar, il le menassa de le faire mener en prison, fil ne desistoit de solliciter & emouuoir le peuple. Ce que uoiant ce ieune Cæsar, fallà renger à Ciceron & aux autres qui uouloient mal à Antonius, par le moien desquelz il se insinuoit en la grace du Senat, & luy ce pendant alloit gaignant par tous moiens la bienueillance du menu peuple retirant & prattiquant les uieulx souldards & gens de guerre de Cæsar defunct, qui estoient espars par les uilles, dequoy Antonius se trouua fort estonné, & parlerent ensemble dedàs le Capitole, ou ilz feirent entre eulx quelque appointemēt. Mais celle nuit mesme Antonius en dormāt eut une uisiō fort estrange: car il luy fut aduis q̄ la fouldre tumba sur luy & luy fouldroya & brusla la main droite. Peu de iours apres on luy rapporta que Cæsar luy dresseoit embusche, & le guettoit pour le faire tuer. Cæsar s'en defendoit & purgeoit enuers luy, disant qu'il n'en estoit rien: mais Antonius ne l'en creut point pourtant. Si recommença derechef leur inimitié plus aspre, que deuant, & coururent toute l'Italie l'un & l'autre pour gaigner & enleuer les uieulx souldards qui estoient desia retirez des armes & domiciliez par les uilles, en leur faisant de belles & grandes promesses, & sefforcerent chascun de son costé de gaigner aussi & attirer à soy les legions qui estoient encores en armes. D'autre part Ciceron, qui estoit lors le premier homme de la uille en autorité & reputation irritoit & mutinoit tout le monde encontre d'Antonius, tellement qu'à la fin il feit tant que le Senat le declara & iugea ennemy de la chose publique, & decerna au ieune Cæsar des sergés qui porteroient les haches deuant luy, & autres marques & enseignes du magistrat & de la dignité pratoriale, & enuoya Hircius & Panfa, qui pour lors estoient Cōsulz, avec deux armées pour debouter & chasser Antonius hors de toute l'Italie. Ces deux Consulz ensemble avec Cæsar, qui auoit aussi une armee, allerent trouuer Antonius au siege deuant la uille de Modene, & là le desfirent en bataille: mais tous les deux Consulz y moururent. Antonius en s'enfuyant de ceste desfaite se trouua en plusieurs necessitez & destresses grâdes tout à un coup dont la plus pressante estoit la faim: mais il auoit cela de nature qu'il se surpasseit soy mesme en patience & en uerru quand il se trouuoit en aduersité, & plus

* Environ sept cens & demy.

Antonius.

la fortune le pressoit, plus il deuenoit semblable à un homme ueritablement F
uertueux. Or est-ce bien chose commune à tous ceulx qui rumbent en telz de-
stroits de necessité, de sentir & entendre ce p̄ requiert alors le deuoir: mais il en
est peu qui en telles traueses & secousses de fortune aient le cuer assez ferme
pour faire & imiter ce qu'ilz louent & qu'ilz estiment, ou pour fouyr ce qu'ilz
blasment & reprenent, ains plus tost au contraire se laissent aller pour l'accou-
stumance qu'ilz ont de uiure à leur aise, & par foiblesse & lascheté de cuer fles-
chissent & changent leurs premiers discours. Pourtant estoit-ce un exemple
merueilleux aux soudards, de ueoir Antonius qui auoit accoustumé de uiure
en delices & en si grande affluence de toutes choses, boire facilement de l'eau
puante & corrompue, manger des fruiçts & racines sauuages: & dit on encore G
plus, qu'ilz mangerent des escorces d'arbres, & des bestes dont parauant iamais
homme n'auoit tasté, en passant les monts des Alpes. Si estoit leur intention
de aller ioindre aux légions qui estoient dela les mōts soubz la charge de Le-
pidus, lequel Antonius pensoit estre son amy, pourautant que par son moien
il auoit receu plusieurs grands aduantages & bienfaits de Cæsar. Quand il fut
arriué aux lieux ou estoit Lepidus, il s'en alla loger tout au plus pres de luy: mais
uoiant qu'il ne uenoit personne au deuant de luy, qui luy dōnast quelque espe-
rance, il delibera de s'aduēturer & y aller en personne. Or auoit il laissé croistre
toufiours sa barbe depuis sa desfaire sans l'accoustrer, tellement qu'elle estoit
fort longue, & ses cheueux aussi sans les peigner, & oultre cela il se uestit d'une H
robbe noire en deuil, & en ceste sorte s'approcha tout ioignant les tranches &
leues du camp de Lepidus, là ou il se prit à haranguer: si y auoit beaucoup des
soudards à qui il rompoit le cuer, seulement de le ueoir ainsi pauurement &
miserablement accoustré: les autres s'esmouuoient à pitié par ses paroles, tant
que Lepidus en eut peur, & pource commanda qu'on sonnast des trompettes
routes ensemble, à fin que cela empeschast que les soudards ne peussent ouyr
ce qu'il disoit: mais ilz en auoient d'autant plus grande compassion, & parle-
rent à luy secretement par Clodius & Lelius qu'ilz enuoyerent uers luy des-
guisez en habit de garces, & luy conseillerēt qu'il s'efforceast hardiment d'en-
trer dedans le camp, pource qu'il y auoit bien grand nombre des soudards qui I
le receuroient, & tueroiēt encore Lepidus, si l'ouloit. Antonius ne uolut ia-
mais permettre qu'on luy touchast: mais le lendemain avec son armee il uint
pour tenter le guay d'une petite riuere qui estoit entre deux, & luy mesme le
premier se meit dedans l'eau pour gagner l'autre riuē, uoiant desia plusieurs du
camp de Lepidus qui luy tendoient les mains, & qui arrachotent les paulx & es-
bouloient la leuee de la closture du camp pour luy donner entree. Quand il fut
entré dedans & qu'il eut tout en sa puissance, il se porta fort humainement en-
uers luy, car en l'embrassant il l'appella son pere: & combien que à la uerité il
feist tout, & que tout passast par son commandement, si luy garda il toufiours
l'honneur & le nom de capitaine, ce qui fut cause que Munatius Plancus, le K
quel estoit campé assez pres de là avec une armee, se uint encore ioindre à luy.
Ainsi Antonius remis sus & deuenu grand & puissant, repassa une autre fois les
Alpes, menant quand & luy en Italie dix & sept legions, & dix mil cheuaulx,
oultre six legions qu'il laissa pour la garde des Gaules, soubz la charge d'un nō-
mé Varius, l'un de ses familiers qui luy tenoit cōpagnie à boire, & pource le son
nōmoit par mocquerie Corylon, cōme qui diroit boutillon. Et adonc ne uou-
lut plus Cæsar adherer à Ciceron, uoiant qu'il travailloit totalement, & n'auoit

A autre uolunté ne autre intention, que de remettre la chose publique en sa première liberté : si enuoya semondre Antonius par ses amis de traiter appointement, & pour ce faire s'assemblerét ensemble ces trois, César, Antonius, & Lepidus, en une petite isle, environnée tout alentour d'une petite riuere, là où ilz furét sans en bouger par l'espace de trois iours. Et quant à toutes autres choses ilz en accorderent aiseement, & partirent entre eulx tout l'empire Romain, ne plus ne moins que si c'eust esté leur paternel heritage: mais ilz eurent grande difficulté à s'accorder de ceulx que lon feroit mourir, pourautant que chascun d'eulx uoloit perdre ses ennemis, & sauuer ses parents & amis: toutefois à la fin, pour la grande enuie qu'ilz auoient de se uenger de leur aduersaires, ilz abandonnerent & meirèrent soubz le pied la reuerence de cōsanguinité, & la sainteté d'amitié: car César ceda à Antonius Ciceron, & Antonius luy abandonna Lucius César, qui estoit son oncle, frere de sa mere: & tous deux ensemble permirent à Lepidus de faire mourir son propre frere Paulus. toutefois aucuns disent que ce furent eulx qui le demanderent, & que Lepidus le leur ottroya. Je pense qu'il ne fut iamais fait chose plus atroce, plus inhumaine, ny plus cruelle que ceste permutation là: car en eschangeant ainsi meurtre pour meurtre, ilz tuoient aussi bien ceulx qu'ilz abandonnoient aux autres, comme ceulx que les autres leur abandonnoient: mais d'autant estoient ilz plus iniustes enuers leurs amis, qu'ilz les faisoient mourir sans auoir aucune occasion de ce faire, ny de les haïr.

C Apres que ces conuenances furent ainsi passées, les gens de guerre, qui estoient aux enuirs, uolurét qu'ilz asseurassent encore ceste amitié par alliance de mariage, & que César espousast Claudia la fille de Fulvia, femme d'Antonius: ce que aiant aussi esté accordé, ilz condamnerét à mourir, par proscription, trois cents des principaux citoyens de Rome, & Antonius commanda à ceulx qui en eurent la charge, apres qu'ilz auroiét tué Ciceron, qu'ilz luy trachassent la teste & la main droite, de laquelle il auoit escript les oraisons inuectiues Antonienes contre luy. Quand on luy apporta ces pauures membres tronçonnez il les regarda longuement à grande ioye, en riant tresfort, & à plusieurs fois, de grande aise qu'il en auoit. Puis apres auoir biē saoulé son cueur de les regarder, il les feit mettre au lieu plus eminent de la place, sus la chaire publique, dōt il souloit en son uiuant haranguer au peuple, comme s'il eust fait iniure à celuy qu'il auoit fait ainsi meurtir, & non pas à sa fortune propre, en se monstrant à sa grand honte, & si cruellement, indigne de la puissance qu'il auoit. Son oncle Lucius César, ainsi qu'on le cherchoit & qu'on le poursuiuoit par tout pour le tuer, s'en fouit chez sa sœur, là où comme les meurtriers fussent allez, & uoulussent par force entrer dedans sa chambre, elle se teint les bras estendus à la porte, criāt à haulte uoix par plusieurs fois, Vous ne tuerez point Lucius César, que premierement uous ne me tuez moy qui ay enfanté uostre capitaine: par ce moien sauua elle la uie à son frere. Or estoit la domination de ces trois person-

E nages qu'ilz appellerét le Triumvirat, pour beaucoup de causes odieuse & hayē des Romains: mais on en donnoit la plus grande partie du blasme à Antonius, pourautant qu'il estoit plus uieil que César, & plus puissant que Lepidus, & qu'il se detracqua derechef à uiure uoluptueusement & desordonneement cōme deuant, aussi tost qu'il se ueit hors d'affaires: & oultre le mauuais bruit qu'il auoit par son intemperance, il estoit encore grandement hay à cause de la maison où il habitoit, laquelle auoit esté au grand Pompeius, personnage non moins estimé & renommé pour sa temperace, & pour auoir tousiours uescu honeste-

Antonius.

ment & simplement, que pour les trois triumphes : car il leur faisoit grand mal de la ueoir le plus souuent clause aux capiraines, aux magistrats, & mesme aux ambassadeurs des estranges nations, que lon repoulsoit quelquefois uiolamment & iniurieusement arriere de la porte, & qu'elle fust pleine de bastelleurs, farceurs, ioueurs de passe passe, & de plaisans, yurongnans & faisans grand chere, aux quelz se donnoit & despendoit la plus grande partie de l'argent que lon amassoit par routes les sortes d'extorriens, uiolences, & pilleries qu'il est possible de dire : car non seulement ilz uendoient à lencan les biens de ceulx qu'ilz auoient proscripts, en defraudât calumnieusement les pauures ueufues & leurs pauures enfans orphelins, & mettoient sus toutes sortes d'impos, subides, & tailles: mais aussi estâs aduertiz que les religieuses Vestales auoiēt quelques cōsignations & autres deniers mis en depost & en garde entre leurs mains, tant de ceulx de dehors q̄ de ceulx de la uille, ilz les allerent enleuer par force. Parquoy Cæsar uoiant qu'il n'y auoit argent qui peust suffire à Antonius, uolut partir les finâces avec luy, & diuiserēt aussi l'armee pour aller tous deux en Macedoine faire la guerre contre Brutus & Cassius, & ce pendant laisserent le gouuernement de la uille de Rome à Lepidus. Quand ilz eurent trauerse la mer, & qu'ilz commencerent à faire la guerre, estâns campez tout aupres de leurs ennemis, à sçauoir Antonius à l'encôte de Cassius, & Cæsar de Brutus, Cæsar ne faisoit pas grâde chose, ains estoit Antonius qui uainquoit tousiours, & qui faisoit tout: car à la premiere bataille Cæsar fut desfait par Brutus, & perdit son cāp, tellement q̄ à grād peine se peut il sauuer de uistesse & eschapper à ceulx qui le poursuiuoient: toutefois il escrit luy mesme en ses Cōmétaires, qu'il s'estoit retiré deuant que la charge fust cōmencee, pour une uision qu'auoit eu en songe l'un de ses familiers: là ou Antonius desfeit Cassius en bataille, cōbien qu'aucuns aient escrit qu'il ne fut pas present au combat, mais qu'il y suruint apres la desfaitte, comme ses gens chassoient desia. Si fut Cassius occis à sa grande instance & requeste par un sien fidele seruiteur nommé Pindarus, auquel il auoit donné liberte, & ce, pource qu'il ne fut pas aduertty d'heure, que Brutus auoit uaincu de son costé. Peu de iours entre deux ilz combattirent une autre fois, en laquelle bataille Brutus fut desfait, qui se tua luy mesme puis apres: & Antonius eut la principale gloire de la uictoire, attendu mesmement que Cæsar pour lors estoit malade. Et aiant trouué le corps de Brutus, il luy dit quelques iniures, en luy reprochant la mort de son frere Caius, qu'il auoit fait mourir en Macedoine, en uengeance de la cruelle mort de Ciceron: mais neantmoins il dit qu'il en chargeoit plus Hortensius, que non pas luy, & pourtāt le feit il mourir sus le tūbeau de son frere: & au contraire il ietta sa cotte d'armes dessus le corps de Brutus laquelle estoit fort riche, & donna charge à l'un de ses serfs affrâchis, qu'il meist ordre à sa sepulture, & depuis aiant entédu que le serf affranchy n'auoit pas fait brusler la cotte d'armes avec le corps, pour autant qu'elle ualoit beaucoup d'argent, & qu'il auoit substrait bonne partie des deniers ordonnez pour ses funeraillles & pour sa sepulture, il l'en feit mourir. Apres cela Cæsar se feit reporter à Rome, & n'esperoit on pas qu'il deust suruiure long temps, ny eschapper de la maladie qu'il auoit. Et Antonius tira vers les prouinces & regions de l'Orient, pour exiger & leuer argent, & passa premierement par la Grace, trainant apres luy un nombre infiny de gens de guerre. Car pour autant qu'ilz auoiēt promis à chasque soudard * cinq mille drachmes d'argent, il estoit besoing d'imposer de bien grosses tailles, & faire de griefues & excessiues exactions. Si ne fut il pas

*Cinq cēts escus.

- A à son artifice importun du commencement ne moleste aux Græcs, ains famu-
sa & prit plaisir à ouyr les disputes des hommes sçauâs, à ueoir iouer les ieux, &
entendre & ueoir les ceremonies & les sacrifices de la Grâce, en rendant droit à
chascun benignement avec une equité grande, & si estoit bien aise de s'ouyr sa-
luer & nommer Philellen, c'est à dire amateur des Græcs, & mesmemēt des A-
theniens, aux quelz il feit de grands biens. Parquoy les Megariens à l'enuy des
Atheniens, luy cuidans monstrer aussi quelque chose de beau, le prièrent de ue-
nir ueoir leur palais, là ou s'assembloit le Senat & se tenoit leur conseil. Il y alla:
puis quand il l'eut bien regardé, ilz luy demanderēt, Et bien seigneur, que uous
semble il de ceste salle? Elle me semble, dit il, petite, & preste à aller en ruine.
- B D'auantage il feit prendre la mesure du temple d'Apollo Pithius, aiant promis
au Senat de le faire parachouer. Mais quād il fut une fois passé en l'Asie, laissant
pour gouuerneur en la Grâce Lucius Césorinus, & qu'il eut un peu tasté des ri-
chesses & delices de l'Orient, que les princes, seigneurs & Roys uindrent attē-
tendre à la porte de son logis pour luy faire la court, que les roynes & princef-
ses, à l'enuy les unes des autres, luy feirēt de beaux & riches presens, & luy uin-
drent faire la reuerēce, soigneuses de se parer, & faisans tout ce qu'elles pouuoiet
pour estre trouuees belles, à fin de plus acquerir sa bonne grace: ce pendant que
César se trauailloit à Rome le cuer & le corps en guerres & seditions ciuiles,
luy estant en grande paix & plein de loisir, se laissa aiseemēt recouller en sa fa-
çon accoustumee de uiure uoluptueusemēt: car incōtinent un Anaxenor ioueur
de cithre, un Xouthus ioueur de flustes, un Metrodorus baladin, & toute tel-
le bande des Musiciens & ministres des uoluptez de l'Asie, se glisserent en sa
court, & y gouuernerent tout, luy faisans reietter en arriere par leurs affecteries
& plaisanteries, les soucis, chagrins & trauaux de l'Italie, & onques depuis rien
n'y alla droit. Car tout le monde se meit à faire de telles insolences, quand on
ueit qu'il y prenoit plaisir, & estoit toute l'Asie, comme la uille de qui parle So-
phocles, en l'une de ses Tragœdies,

Pleine de chants, parfums, encensemens,

De pleurs aussi & de gemissemens.

- D Car en la cité d'Ephese les fēmes allerent au deuant de luy habillees en bacchā-
tes: les hommes & enfans en Faunes & Satyres, & ne uoyoit on autre chose par
toute la uille, que lierre & iauelines entortillees de lierre, psalterions, flustes &
haulbois. Ilz appelloient Antonius en leurs cantiques Bacchus, pere de lyesse,
doux & bening: aussi l'estoit il à aucuns, mais à la plus grāde partie estoit cruel
& inhumain, car il ostoit les biens à des nobles hōmes, & à des gens d'hōneur,
pour les bailler à des pendards & des flatteurs, lesquelz demandoient bien sou-
uent les biens de ceulx qui uiuoient, comme s'ilz eussent esté morts, & se mēt-
toient dedans par force, comme il donna la maison d'un citaien de Magnesie
à un cuisinier, pour autant, à ce que lon dit, qu'il auoit bien appareillé un soup-
per. A la fin il doubla la taille, & en impōsa une seconde sur l'Asie: & alors Hy-
brēas l'Orateur, commis & député par les estats pour luy aller faire les remon-
strances du pais, oza bien prendre la hardiesse de luy dire: Si tu ueux auoir la
puissance de nous imposer deux tailles en une mesme annee, il fault aussi que tu
aies le pouuoir de nous donner deux Estez & deux Automes, deux moissons &
deux uendanges. Qui fut bien gentillement & plaisamment parlé à luy, & assez
au gré & selon l'humeur d'Antonius, mais il y adiouxta puis apres qui fut bien
plus hardimēt dit, & plus uiuemēt touché au poinct pour seruir: l'Asie t'a payé

Au commē-
cemēt de Oe-
dipes le ry-
ran.

Antonius.

*Six uingts mil-
lions d'or.

* deux cēts mille talents: si toute ceste somme de deniers n'est uenuē en tes cof-
fres, demādes en compte à ceulx qui l'ont leuee: mais si l'ayant receuē, tu n'en as
plus rien, nous sommes destruits & perdus. Ces paroles de Hybreas toucherēt
& picquerent fort Antonius: car il n'entendoit pas beaucoup de larcins & de
malleuerfations que lon commettoit en ses affaires & en ses finances sous
son authorité, non tant par sa nonchalance, cōme pource qu'il se fioit de tou-
tes choses à ses gens par une grāde simplicité qui estoit en luy: car il estoit gros-
sier & peu subtil de nature, & s'apperceuoit à tard des fautes qu'on luy faisoit:
mais aussi quand il les cognoissoit, il en estoit bien fort marry, & les confessoit
rondement à ceulx à qui soubz son authorité on auoit fait tort: bien auoit il le
cueur grand, tant à punir les forfaits, comme à remunerer les bienfaits: mais
neantmoins, il semble quil passoit plus le moien & la mesure en trop dōnant,
qu'il ne faisoit en punissant. Quant à celle façon insolēte de railler, dōt il uoit
ordinairement en se mocquant & brōquardāt un chasun, elle portoit avec soy
sa medecine: car il estoit loisible de luy rēdre son chāge en le moquant aussi,
& estoit aussi aise d'estre gaudy, que de se gaudir des autres: mais c'estoit ce qui
gastoit tout le plus souuent. Car estimant que ceulx qui luy disoient si bien sa
uerité & parloient si franchement à luy en gaudissant, ne le flatteroient iamais
en traittant de chose de consequence & en parlant à bon esciant, il estoit par
ce moien aiseement abusé des louanges que lon luy donnoit, ne s'apperceuant
pas que ces flatteurs mesloient ceste priuaulté de parler franchement à luy par-
my leur flatterie, comme une ruze de déguiser & differenter les uiandes avec
quelque faulce aigre & picquante, pour engarder par ceste liberté de gaudir &
de plaister avec luy franchement à la table, qu'il ne sennuyast de leurs flatte-
ries ordinaires & continuelles, comme lon fait des choses dequoy on est seruy
trop souuent, & qu'ilz prattiquoient subtilemēt par là, quand en matiere d'im-
portāce ilz luy cederoient & condescendroient à son aduis, qu'il ne semblast
qu'ilz le feissent pour luy complaire, ains pour n'estre pas si bien entenduz ne si
aduisez que luy. Estant doncques Antonius de telle nature, le dernier & le cō-
ble de tous ses maux, c'est à sçauoir l'amour de Cleopatra, luy suruint, qui es-
ueillā & excita plusieurs uices qui estoient encores cachez en luy, & ne sestoient
iusques à là point monstrez: & si luy estoit resté quelque scincille de bien &
quelque esperance de ressource, elle l'esteignit du tout, & le gasta encores plus
qu'il n'estoit auparauāt. Si fut pris en ceste maniere. Ainsy comme il alloit pour
faire la guerre contre les Parthes, il enuoya adiourner Cleopatra à comparoir
en personne par deuant luy, quād il seroit en la Cilicie pour respondre aux char-
ges & imputations que lon proposoit alencontre d'elle, c'est à sçauoir, qu'elle
auoit donné cōfort & aide à Cassius & à Brutus en la guerre qu'ilz auoient eue
contre luy. Celluy qui fut enuoyé uers elle appelé Dellius pour luy signifier
cest adiournement, apres qu'il eut bien regardé & considéré sa beauté, la grā-
de grace & force attraiante de son langage, se doubra bien incontinent que
Antonius se garderoit biē de faire aucū mal ne desplaisir à une telle Dame, ains
que plus tost elle seroit en peu d'espace en grande faueur & grand credit alen-
tour de luy: si se mit à luy porter honneur & l'admonester qu'elle uint en Ci-
licie au meilleur equippage qui luy seroit possible, & qu'elle n'eust point de
doubte ne de peur d'Antonius qui estoit le plus courtois & le plus humain sei-
gneur de tous ceulx qu'elle eust iamais ueuz. Elle d'autre part adioustant foy à
ce que luy disoit Dellius, & faisant coniecture par l'acces & le credit qu'elle a-
uoit

A doit eu auparavant avec Iulius Cēsar, & Cneus Pompeius, le filz du grand Pompeius, seulement pour sa beauté; elle entra en esperance, que plus facilement encore pourroit elle prédre & gagner Antonius: car ceulx là l'auoiet cognēe lors qu'elle estoit encore ieune fille, & qu'elle ne sçauoit que c'estoit q̄ du mode: mais lors elle sen alloit deuers Antonius en l'aage ou les fēmes sont en la fleur de leur beauté, & en la uigueur de leur entendement. Si feit prouision de grande quantité de dons & de presens de force or & argent, de richesses & de beaulx ornemens, comme il est croyable qu'elle pouuoit apporter d'une si grāde maison, & d'un si opulent & si riche royaume cōme celuy d'Ægypte. Mais pourrāt elle ne porta rien avec elle, en quoy elle eust tant d'esperāce ne de confiance,

B comme en soymesme, & aux charmes & enchantemens de sa beauté & bonne grace. Parquoy, combien qu'elle fust mandee par plusieurs lettres, tant de Antonius mēme q̄ de ses amis, elle en feit si peu de cōpte, & se mocqua tant de luy qu'elle n'en deigna autremēt s'aduancer, sinō que de se mettre sus le fleuue Cyanus dedans un batteau, dont la pouppe estoit d'or, les uoilles de pourpre, les rames d'argent, que lon manioit au son & à la cadence d'une musique de flustes, haultbois, cythres, uioles, & autres telz instrumens qui iouoient dedans. Et au reste, quant à sa personne elle estoit couchee deffoubs un pauillon d'or tissū, uestue & accoustree toute en la sorte que lon peint ordinairement Venus, & aupres d'elle d'un costé & d'autre de beaux petits enfans habillez ne

C plus ne moins que les peintres ont accoustumé de peindre les Amours, avec des esuentaux en leurs mains, dont ilz l'esuentoient. Ses femmes & damoyelles semblablement, les plus belles estoient habillees en Nymphes Nereides, qui sont les Fees des eaux, & comme les Graces, les unes appuyees sur le timon, les autres sur les chables & cordages du batteau, duquel il sortoit de merueilleusement doulces & souefues odeurs de parfums qui remplissoient deçā & de là les riuies toutes couuertes de monde innumerable: car les uns accompagnoient le batteau le long de la riuere, les autres accouroient de la uille pour ueoir que c'estoit, & sortit une si grande foule de peuple, que finalement Antonius estant sur la place en son siege imperial à donner audience, y demoura tout seul,

D & couroit une uoix par les bouches du cōmun populaire que c'estoit la Deesse Venus, laquelle uenoit iouer chez le dieu Bacchus pour le biē uniuerfel de toutel Asie. Quand elle fut descendue en terre, Antonius l'enuoya conuier de uenir soupper en son logis: mais elle luy manda qu'il ualoit mieulx, que luy plus tost uint soupper chez elle. Parquoy pour se mōstrer gracieux à son arriuee enuers elle, il luy uolūt biē obtemperer, & y alla, ou il trouua l'appareil du festin si grand & si exquis qu'il n'est possible de le bien exprimer: mais entre autres choses, ce de quoy plus il s'esmerueilla, fut la multitude des lumieres & flambeaux suspendus en l'air & esclairans de tous costez, si ingenieusement ordonnez & disposez à deuises les uns en rond, les autres en quarré, que c'estoit l'une

E des plus belles & plus singulieres choses à ueoir que l'œil eust sceu choisir, dont il soit fait mention par les liures. Le lendemain Antonius la festoyant à son tour, essaya de la surpasser en magnificence & en belle ordonnance: mais il fut vaincu en l'un & en l'autre, tellement que luy mēme le premier commença à se mocquer de la grosserie & lourderie du seruice de sa maison aupres de la sumptuosité, propreté & elegance de celuy de Cleopatra. Et elle uoiant que les rencontres & brocards d'Antonius estoient fort maigres, & qu'ilz sentoient leur foudard à pleine bouche, elle commença à luy en bailler hardiment, & à

Antonius.

le blasonner à tout propos sans rien craindre : car sa beaulté seule, à ce que l'on dit, n'estoit point si incomparable qu'il n'y en peust bié auoir d'aussi belles comme elle, ny telle qu'elle rauist incontinent ceulx qui la regardoient : mais sa cōuersation à la hanter en estoit si amiable, qu'il estoit impossible d'en couter la prise, & avec sa beaulté la bōne grace qu'elle auoit à deuifer, la douceur & gentillesse de son naturel, qui assaisonnoit tout ce qu'elle disoit ou faisoit, estoit un aiguillon qui poignoit au uif : & si y auoit oultre cela grand plaisir au son de sa uoix seulement & à sa prononciation, pource que sa langue estoit comme un instrument de musique à plusieurs ieux & plusieurs registres, qu'elle tournoit aiseement en tel lāgage, comme il luy plaisoit, tellement qu'elle parloit à peu de nations barbares par truchement, ains leur rendoit par elle mesme responce au moins à la plus grande partie, comme aux Æthiopiens, Arabes, Troglodytes, Hebrieux, aux Syriens, Medois, & aux Parthes, & à beaucoup d'autres encore, dōt elle auoit appris les lāgues, là ou plusieurs de ses predecesseurs roys d'Ægypte à peine auoient peu apprendre l'Ægyptienne seule, & y en eut aucuns qui oublièrent la Macedoniene. Parquoy elle surprit tellement Antonius de son amour, que combien que sa femme Fulua fust à Rome en grand different, & en guerre ouuerte pour ses affaires alencontre de Cæsar, & que l'armée des Parthes dont les lieutenans du roy auoient donné la principale conduite à Labienus, fust toute assemblee en la Mesopotamie prestē à entrer dedans la Syrie, neantmoins cōme si tout cela ne luy eust touché en rien, il se laissa emmener par elle en Alexandrie, là ou il despendit & perdit en ieux d'enfans, par maniere de dire, & oyseux esbattemēts, la plus chere & plus precieuse chose que lon scauroit despendre, comme dit Antiphon, c'est le temps : car ilz feirent entre eulx une bande qu'ilz appellerent Amimetobion, c'est à dire, la non pareille, & que autres ne scauroient imiter, se festoians l'un l'autre par tour, en quoy il se faisoit une despēse qui excedoit toutes bornes & toute mesure de raison. Auquel propos i'ay autre fois ouy raconter à mon grand pere Lamprias, qu'un Philotas medecin natif de la uillē d'Amphissa, luy comptoit comme en ce temps là il estoit en Alexandrie, estudiant en son art de medecine, & que l'un des maistres cueux de la maisō d'Antonius, auquel il auoit pris cognoissance, le mena quād & luy, comme un ieune homme curieux de ueoir, pour luy monstrier le grand appareil & la sumptuosité d'un seul soupper. Quand il fut en la cuy sine, il y ueit une infinité de uiandes, & entre autres huit sangliers tous entiers que lon rostissoit, dont il fut fort esbahy, disant qu'il deuoit auoir grand nombre de gens à ce soupper. Le cuisinier s'en prit à rire, & luy respondit, qu'il n'y en auoit pas beaucoup, ains enuiron douze seulement : mais qu'il falloit que tout ce qui estoit mis sur table, fust cuit & seruy à son poinct, lequel se gaste & se passe en un moment, & Antonius uouldra, peult estre, soupper tout à ceste heure, ou bié d'icy à un peu de temps, ou possible qu'il le differera plus tard, pource qu'il aura beu sur iour, ou qu'il sera entré en quelque long propos, & à ceste cause on prepare non un soupper seul, mais plusieurs, pour autant que lon ne scauroit de uiner l'heure qu'il uouldra soupper. Philotas faisoit ce compte à mon grād pere, & si luy disoit d'auantage, que quelque temps depuis il fut au seruice du filz ainsné d'Antonius, qu'il auoit eu de Fulua, & qu'il mangeoit ordinairement à sa table avec ses autres familiers, toutes les fois qu'il ne mangeoit point avec son pere : cōme donques il fust un iour uenu un medecin, qui faisoit merueille d'alleguer & d'arguer, tant qu'il rompoit la teste à tous ceulx qui estoient à table,

A pour luy clorre la bouche Philotas luy feit cest argument sophistique : Il est bõ de donner à boire de l'eau froide à un malade qui a fiebure, en quelque maniere : Or est il que tout malade qui a fiebure, l'a en quelque maniere : Il s'en suit dõc qu'il est bon de donner de l'eau froide à tout malade qui a fiebure. Le medecin demoura muet, & fut si estonné qu'il ne sceut plus que dire : Dequoy le ieune enfant se prit à rire, & en fut si aise, qu'il luy dit, Philotas, ie te donne tout cela, en luy monstrant un buffet tout chargé de grands pots d'or & d'argent. Philotas l'en remercia, & dit qu'il se sentoît bien tenu à luy de ceste tant liberale uou-lunté : mais il n'eust iamais pensé qu'il eust eu la permission de pouuoir don-ner tant de choses & de si grande ualeur, toutefois il fut tout esbahy que un peu

B apres l'un des seruiteurs de la maison, luy apporta dedans une corbeille tous les dicts pots, luy disant qu'il les feist marquer de sa marque & serrer. Philotas renuoya le porteur, craignât estre repris sil les acceptoit : & adonc le ieune sei-gneur luy dit, Comment pauvre homme que tu es, pourquoy fais tu difficulté de les prendre? ne sçais tu pas que c'est le filz d'Antonius qui les te donne, qui a le pouuoir de ce faire? toutefois si tu me croys, prens plus tost de moy l'argent qu'ilz peuuent ualoit, pource que mon pere à l'aduenture pourroit demander quelqu'un de ses uases qui sont faiets à l'antique, & sont beaucoup estimez pour l'excellence de l'ouurage. J'ay souuent oüy reciter ces comptes à mon grand pe-re. Mais pour reuenir à Cleopatra, Platon escrit, que l'art & science de flater se

C traite en quatre manieres, toutefois elle en inuêta beaucoup plus de sortes : car fust ou en ieu, ou en affaire de consequêce, elle trouuoit tousiours quelque nou-uelle uolupté, par laquelle elle tenoit soubz sa main, & maistrisoit Antonius, ne l'abandonnant iamais, & iamais ne le perdant de ueuë ne de iour ne de nuict : car elle iouoit aux dez, elle beuuoit, elle chassoit ordinairement avec luy, elle estoit tousiours presente quand il prenoit quelque exercice de la personne : quelquefois qu'il se desguisoit en uallet pour aller la nuict roder par la uille, & s'amuser aux fenestres & aux huys des boutiques des petites gens mechani-ques, à contester & railler avec ceulx qui estoient dedans, elle prenoit l'accou-strement de quelque chambriere, & s'en alloit battre le paué & courir avec luy,

D dont il reuenoit tousiours avec quelques mocqueries, & bien souuent avec des coups qu'on luy donnoit : & combien que cela despleust & fust suspect à la plus part, toutefois communement ceulx d'Alexandrie estoient bien aises de ceste ioyuseté, & la prenoient en bonne part, disans elegamment & ingenieusement que Antonius leur monstroît un uisage comique, c'est à dire, ioyeux, & aux Romains un tragique, c'est à dire, austere. Si seroit trop grande simplessse de uouloir ramasser & reciter tous les esbattemens qu'ilz feirent lors en se iouant : mais i'en racompteray seulement un entre les autres. Il se meit quelque fois à pescher à la ligne, & uoiant qu'il ne pouuoit rien prendre, en estoit fort despit & marry, à cause que Cleopatra estoit presente. Si commanda secrettement à

E quelques pescheurs, quand il auroit ietté sa ligne, qu'ilz se plôgeassent soudain en l'eau, & qu'ilz allassent accrocher à son hameçon quelque poisson de ceulx qu'ilz auroient eulx peschez au parauant, & puis retira ainsi deux ou trois fois sa ligne avec prise. Cleopatra s'en apperceut incontinent, toutefois elle feit sem-blant de n'en rien sçauoir & de s'esmeruiller comment il peschoit si bien, mais à part elle compta le tout à ses familiers, & leur dit que le lendemain ilz se trou-uassent sur l'eau pour ueoir l'esbattement. Ilz y uindrent sur le port en grand nombre, & se meirent dedans des batteaux de pescheurs, & Antonius aussi la-

Antonius.

cha sa ligne, & lors Cleopatra commanda à l'un de ses seruiteurs, qu'il se hastast de plonger deuant ceulx de Antonius, & qu'il allast attacher à l'hameçon de sa ligne quelque uieux poisson falle, comme ceulx que lon apporte du país de Pont: cela fait Antonius qui cuida qu'il y eust un poisson pris, tira incontinent sa ligne: & adonc, comme lon peult penser, tous les assistans se prirent bié fort à rire, & Cleopatra en riant luy dit, Laisse nous, Seigneur, à nous autres Égyptiens habitans de Pharus & de Canobus, laisse nous la ligne: ce n'est pas ton mestier: ta chasse est de prendre & conquerir uilles & citez, país & royaumes. Ainsi comme Antonius prenoit ses esbats en telles folies & telles ieunesses, il luy uint de mauuaises nouuelles de deux costez: l'une de Rome, que Lucius son frere & Fulvia sa femme auoient premieremēt eu noise & debat ensemble, & puis estoient entrez en guerre ouuerte contre Cæsar, & auoient tout gasté: tant qu'ilz auoient esté contraincts de vider & s'enfuir de l'Italie: l'autre, qui n'estoit point meilleure que celle là, c'est que Labienus avec l'armee des Parthes subiuguoit & conqueroit toute l'Asie depuis le fleuve de Euphrates, & depuis la Syrie iusques au país de Lydie & de Ionie. Et adonc cōmencea il à toute peine à s'esveiller un petit, comme s'il eust esté bien fort endormy, &, par maniere de dire, à se reuenir d'une grāde yuressse. Si uolut aller alencōtre des Parthes premieremēt, & tira iusques à la contree de la Phœnicie: mais là il receut des lettres de Fulvia pleines de lamentations & de pleurs: parquoy il tourna tout court deuers l'Italie avec deux cents nauires, & en allant recueillit par les chemins tous ses amis qui s'en fuyoient de l'Italie uers luy, par lesquels il fut informé que Fulvia estoit la seule cause de ceste guerre, laquelle estant d'une nature fascheuse, peruerse & temeraire, auoit expressement esmeu ce trouble & tumulte en Italie, pour l'esperance de le retirer par ce moien d'avec Cleopatra. Oraduint il de bonne fortune, que ceste Fulvia en allant trouuer Antonius mourut de maladie en la uille de Sycione, & pourtant fut l'appointement entre luy & Cæsar plus aisé à traiter: car quād il eut pris terre en Italie, & que lon ueit que Cæsar ne luy demandoit rien quant à luy, & que Antonius d'autre costé reiettoit tout ce dont on le chargeoit sur sa femme Fulvia, les amis de l'un & de l'autre ne uoulurent point qu'ilz entraissent plus auant en cōtestation ne inquisition pour auer qui auoit le tort ou le droit, & qui estoit cause de ce trouble, de peur d'aigrir d'auantage les choses, ains les accorderent, & diuiserent entre eulx l'empire de Rome, faisant la mer Ionique borne de leur partage: car ilz baillerent toutes les prouinces du Leuant à Antonius, & celles de l'Occident à Cæsar, laissant à Lepidus l'Afrique, & arresterent que l'un apres l'autre ilz feroient leurs amis Consulz quand ilz ne le uouldroient estre eulx mesmes. Cela sembloit estre bien aduisé, mais qu'il auoit besoing de plus estroit lien & de plus grāde seureté, dōt fortune bailla le moien. Car il y auoit Octauia sœur aisnee de Cæsar, nō d'une mesme mere, car elle estoit nee de Ancaria, & luy apres d'Accia. Il aimoit singulieremēt ceste siene sœur: aussi estoit ee, à la uerité, une excellente dame, ueufue de son premier mary Caius Marcellus, qui nagueres estoit decedé, & sembla q̄ Antonius estoit ueuf aussi depuis le decès de Fulvia: car il ne nioit point qu'il n'eust Cleopatra, mais aussi ne cōfessoit il pas qu'il la tint pour sa femme, ains debattoit encore de cela la raison contre l'amour de ceste Égyptienne. Parquoy tout le monde meit en auant ce mariage, esperans que ceste dame Octauia, laquelle auoit la grace, l'honesteté, & la prudēce conioincte à une si rare beaulté, quād elle demoureroit avec An-

tonius,

A tonius, estant aimée & estimée, comme la raison uouloit que le fust une telle dame, qu'elle seroit cause d'une bonne paix & certaine amitié entre eulx. Apres donc qu'ilz en furent tous deux d'accord, ilz s'en allerent à Rome pour faire les nopces, combien que la loy defendist qu'une femme ueufue ne se remariaist de dix mois apres la mort de son premier mary, mais le Senat l'en dispensa: ainsi fut accompli le mariage. Or tenoit alors Sextus Pompeius la Sicile, & de là couroit & pilloit toute l'Italie avec un grand nombre de fustes & autres nauires de coursaïres, que conduisoient Metrodorus & Menecrates deux escumeurs de mer, dont ilz traailloient tellemēt toute la mer, que personne ne foyoit mettre à la uoille: & si y auoit plus, que Sextus Pompeius festoit honestement porté enuers Antonius, car il receut humainement sa mere, laquelle s'en fuyoit de l'Italie avec Fulvia: parquoy ilz aduiserēt, qu'il falloit aussi appoin-
B ter avec luy. Si conuindrent ensemble pres le mont de Misene sus une leuee qui est ietee assez auant dedans la mer, aiant Pompeius la flotte de ses nauires là au pres à l'ancre, & Antonius & Cēsar leurs armées sus le bort de la mer tout à l'en- droit de luy: là ou, apres qu'ilz eurent arresté que Pompeius auroit la Sicile & la Sardaigne, par tel conuenant qu'il nettoieroit la mer de tous coursaïres & lar- rons, & la rendroit seure & nauigable, & oultre enuoyeroit quelque certaine quantité de bledz à Rome, ilz se conuierent les uns les autres à manger ensemble, & tirerēt au sort à qui premier feroit le festin. Le sort escheut premier à Pō-
C peius: parquoy Antonius luy demanda, Et ou souperons nous? Là, respondit Pompeius, en luy monstrant sa galere Capitaineſſe qui estoit à six rēcs de ra- mes: car c'est, dit il, la seule maison paternelle que lon m'a laissée. Ce qu'il disoit pour picquer Antonius, à cause qu'il tenoit la maison de Pompeius le grād, son pere: si feir ietter en mer force ancrs pour assseurer sa galere, & bastir un pont de bois pour passer depuis le chef de Misene iusques en sa galere; ou il les receut & festoya à bonne chere: mais au milieu du festin, comme ilz commençoient à s'eschauffer, & à gaudir Antoni⁹ de l'amour de Cleopatra, Metrodorus le cour-
saïre s'approcha de Pōpeius, & luy dit tout bas en l'oreille, Veux tu que ie coup-
pe les cordaiges des ancrs, & que ie te face seigneur, non seulement de Sicile
D & de Sardaigne, mais aussi de tout l'estat & empire de Rome? Pompeius apres auoir un petit pensé en soy mesme, luy respondit, Tu le deuois faire sans m'en aduertir, mais maintenant contentons nous de ce que nous auons: car quant à moy, ie n'ay point appris de faulser ma foy, ny de faire acte de trahisō. Les au-
tres deux le festoyerēt à leur tour dedās leur cāp, puis il s'en retourna en la Sici-
le. Et Antonius, apres qu'ilz eurent ainsi tout appointé, enuoya deuant en Asie Ventidius pour arrester les Parthes & les engarder de passer plus auāt: & luy ce pendant pour gratifier à Cēsar, consentit estre esleu presbtre & sacrificateur de Iulius Cēsar, & viderent ainsi amiablement ensemble plusieurs grandes cho-
ses concernantes l'estat de l'Empire: mais en tous esbats & en tous ieux à quoy
E ilz passoient quelquefois le temps l'un avec l'autre, Antonius perdoit & auoit tousiours du piré, dont il estoit fort fasché: car il auoit avec luy un deuin Egi-
ptien de ceulx qui se messent de iuger les natiuitez & predire les aduentures des hommes, en considerant l'heure de leur naissance, lequel, fust ou pour gratifier à Cleopatra, ou pource qu'il le trouuoit ainsi par son art, disoit franchement à Antonius, que sa fortune, laquelle estoit de foy tres illustre & tres grande, s'es-
façoit & s'offusquoit aupres de celle de Cēsar, & pourtant luy conseilloit de se reculler le plus loing qu'il pourroit de ce ieune seigneur: Car ton Démon, di-

Antonius.

soit il, c'est à dire, le bon ange & l'esprit qui t'a en garde, craint & redoubte le sien, & estant courageux & haultain quād il est seul a par luy, il deuient craintif & paoureux quand il s'approche de l'autre. Quoy que ce soit, les euenemens approuuoient ce que disoit cest Ægyptien. Car on dit, que toutes les fois qu'ilz tiroient au sort par maniere de passetemps, à qui auroit quelque chose, ou qu'ilz iouoient aux dez, Antonius perdoit tousiours. Quelquefois que par ieu ilz faisoient iouxter des coqs, ou des cailles qui estoient duittes & faittes à se battre, celles de Cæsar uainquoient tousiours, dequoy Antonius estoit marry en soy-mesme, combien qu'il n'en monstraist rien par dehors, & pourtāt en adioustoit plus de foy à cest Ægyptien: tant qu'à la fin il recōmanda les affaires de sa maison à Cæsar, & s'en partit de l'Italie avec Octauia sa femme, qu'il mena iusques en la Grèce, en aiāt desia eu une fille. Mais comme il passoit l'hyuer à Athenes, les nouuelles luy uindrent des uictoires de Ventidius qui auoit uaincu les Parthes en bataille rengee, en laquelle estoient morts Labienus & Pharnabathes le meilleur capitaine qu'eust le Roy Herodes. Pour ces bonnes nouuelles il feir un festin public, & teint court pleniere à tous les Grecs, & furēt faits ieux & cōbats de pris à Athenes, esquelz il uolul luy mesme estre le iuge. Parquoy il laissa en son logis sa garde, les haches & enseignes de son empire, & s'en uint au parc ou se faisoient les ieux & exercices, avec une robbe longue & des pantoufles aux pieds à la Grecque, & portoit on deuant luy les bastons que les setgēs ont accoustumē de porter deuāt les Iuges, & separoit luy mesme les ieunes hommes, quand ilz auoient assez combattu. Puis quād il uolul partir pour aller à la guerre, il prit un chapeau de la sainte oliue, & emporta avec luy un uase plein de l'eau de la fontaine de Clepsydra, pour autant qu'il auoit eu quelque oracle qui luy commandoit ainsi le faire. Cependant Ventidius desfeit une autre fois en bataille, qui fut dōnee en la contree Cyrresticque, Pacorus le filz du roy des Parthes, lequel estoit derechef uenu avec grosse puissance pour enuahir & occuper la Syrie en laquelle iournee il mourut un grād nombre de Parthes, & entre les autres y demoura Pacorus luy mesme. Cest exploit d'armes excellent entre les plus glorieux qui furent oncques faits, donna aux Romains pleine & entiere uengeance de la honte & perte qu'ilz receurent à la mort de Marcus Crassus, & feir retirer les Parthes, & se contenir au dedans des limites de la Mesopotamie & de la Medie. Apres auoir esté desconfits & desfaits par trois fois tout de renc en bataille ordonnee: mais Ventidius n'osa pas entreprendre de les poursuiure plus oultre, à cause qu'il craignoit qu'il ne facquist l'enuie & la male grace de Antonius, bien mena il son armee alencontre de ceulx qui festoient rebellez & les reconquit, entre lesquelz il assiegea Antiochus roy de la Commagene, lequel offroit de bailler * mille talents, & qu'on luy pardonnast sa rebellion, & promettoit faire de là en auant le commandement d'Antonius, mais Ventidius luy feir responce qu'il enuoyast deuers Antonius, lequel approchoit bien fort, & ne uoluit pas que Ventidius appoinrast avec ledit Antiochus, à celle fin q̄ ce petit exploit à tout le moins fust fait en son nom, & que lon n'estimast point qu'il ne feist rien que par son lieutenant Ventidius. Le siege alloit en longueur, pour autant que ceulx qui estoient dedās quand ilz ueirent qu'on ne les uoluit recepuoir à aucune raisonnable composition, eurent recours à se defendre uertueusement iusques au bout. Par ainsi Antonius n'y faisoit rien & en auoit grande honte, se repentant fort qu'il n'auoit accepté leur premiere offre. Encore à la fin fut il bien aise d'accorder & appoin-

* Six cents mille
escus.

A ter à *trois cents taléts avec ledit Antiochus. Ainsi, apres auoir mis quelque ordre aux affaires de la Syrie, il s'en retourna à Athenes : & aiant fait à Ventidius les honneurs qu'il meritoit, il l'enuoya à Rome pour triûpher des Parthes. C'est celuy seul qui a iamais iusques auiourdhuy triûphé des Parthes, homme de bien bas lieu & de petite maison, à qui l'amitié d'Antonius ualut cela, qu'elle luy bailla mariere & moien de faire de grandes choses, dont il usa si dextremée & si bien, qu'il confirma ce que l'on disoit de Antonius & de Cæsar, à sçauoir, qu'ilz estoient plus heureux quand ilz faisoient la guerre par leurs lieutenans, que par eulx mesmes. Car Socius l'un des lieutenans d'Antonius en la Syrie feit beaucoup de belles choses; & Canidius qu'il auoit laissé es confins de l'Arménie, la cõquit & subiugua toute : aussi feit il les Roys des Yberiens & Albaniés, tant qu'il penetra par ses conquestes iusques au mont de Caucasus. Au moien dequoy le bruit & le renõ de la puissance d'Antonius alloit tousiours croissant, & estoit redoubtable entre les barbares nations : mais pour quelques rapports que lon luy feit, il se courroucea derechef alencõtre de Cæsar, s'embarca pour aller uers l'Italie avec trois cents nauires : & pource que ceulx de Brundisium ne uoulurent pas receuoir son armee en leur port, il tira à Tarente, là ou Octauia sa femme, qui estoit uenue avec luy de la Grèce, le supplia que son plaisir fust de l'enuoyer uers son frere, ce qu'il feit. Elle estoit pour lors enceinte, & si auoit desia eu une seconde fille de luy, & neantmoins se meit en uoye, & rencõtra Cæsar en chemin, qui menoit avec luy Mecenas & Agrippa ses deux principaulx amis, lesquelz elle tira à part, & leur feit toutes les plus affectueuses prieres & supplications dequoy elle se peut aduiser, qu'ilz ne uoulussent permettre, qu'elle qui estoit la plus heureuse femme du monde, deuint la plus miserable & plus infortunee qui fut oncques : Car maintenant tout le monde, disoit elle, a les yeux sur moy, pour autant que ie suis sœur de l'un des Empeteurs, & femme de l'autre. Or si (ce que ia à Dieu ne plaise) le pire conseil a lieu, & que la guerre se face, quãt à uous il est incertain auquel des deux les Dieux aiẽt destiné d'estre uainqueur ou uaincu : mais quant à moy, de quelque costé que la uictoire se tourne, en tout euenement ma condition sera tousiours malheureuse. Ces prieres de Octauia amollirent le cueur de Cæsar, tant qu'il alla pacifiquement à Tarente : si fut un spectacle fort plaissant aux yeulx de ceulx qui y furent presens de ueoir une si grosse armee sus terre sans se bouger, & tant de nauires flotter à la rade en paix & en seureté : & d'auantage les entreueüs & caresses des amis qui s'entr'embrassoient & accolloient amiablement les uns les autres. Antonius festoya premier Cæsar, ce qu'il ottroya à l'amour de sa sœur, puis ilz accorderent ensemble que Cæsar bailleroit à Antonius deux legions pour aller contre les Parthes, & Antonius à Cæsar cent galeres armees d'esperons d'arain par les prouës. Mais oultre cela Octauia impetra de son mary pour son frere uingt brigantins, & de son frere pour son mary mille hommes de guerre. Apres qu'ilz se furent ainsi departis, Cæsar incontineẽt s'en alla faire la guerre à Sextus Pompeius pour auoir la Sicile, & Antonius luy laissant entre ses mains Octauia avec ses enfans d'elle, & ceulx aussi de Fulvia, s'en alla en Asie : & adonc ce grief & pestilent mal, l'amour de Cleopatra, qui auoit ia long temps dormy, & sembloit qu'il fust du tout assopy, & qu'il eust donné lieu à meilleur aduis, commença à se rallumer derechef & reprẽdre sa force, incontinent qu'Antonius approcha de la Surie, & à la fin ce cheual de l'ame qui est tant difficile à dompter, comme dit Platon, c'est à dire, la concupiscence

Antonius.

effrenee, ietta hors & renuer sa toutes pées honestes & salutaires: car il enuoya F
Fonteius Capito pour amener Cleopatra en la Surie, à laquelle pour sa bienue-
nue, il ne donna point peu de chose, ains oultre ce qu'elle auoit luy adiousta
les prouinces de la Phœnicie, de la basse Syrie, l'isle de Cypre, une grande partie
de la Cilicie, & celle contree de la Iudee qui porte le uray bausme, le quartier de
l'Arabie ou habitent les Nabateiens qui s'estéd uers l'Ocean. Ces donations la
despleurent fort aux Romains. Et combien qu'il donnast facilement des sei-
gneuries & royaumes de grandes & puissantes natiōs à quelques hommes pri-
uez, & qu'il ostant à d'autres roys de uraye succession les leurs, comme à Anti-
gonus roy des Iuifz, lequel il fait publiquement decapiter, quoy qu'il n'y eust
iamais eu roy puny de telle sorte: si n'y auoit il toutefois rien qui tant offen- G
ceast le cueur des hommes, que ces demesurez honneurs qu'il faisoit à Cleopa-
tra: mais encore augmenta il bien l'enuie & le murmure encontre luy, par ce
que Cleopatra luy aiant fait deux enfans iumeaux filz & fille, il nomma le filz
Alexandre, & la fille Cleopatra, & les surnōma l'un le soleil, & l'autre la lune. Et
toutefois luy qui scauoit bien pallier & colorer de belles paroles ses faicts hon-
teux & reprochables, disoit que la grandeur & magnificence de l'empire Ro-
main se demonstroït, non par ce que les Romains prenoient, mais par ce qu'ilz
donnoient, & que la noblesse se dilatoit & multiplioit entre les hommes par
la posterité des roys, quand ilz laissoient de leur semence en plusieurs lieux, &
que par ce moien son premier ancestre, & premiere souche de sa race auoit esté H
engendré de Hercules, lequel n'auoit point mis l'esperoir de la cōtinuation de sa
lignee & de sa posterité au uentre d'une seule femme, craignant les loix de So-
lon, ou aiant regard aux ordōnances que les hōmes ont faittes touchât la pro-
creation des enfans, ains auoit uoulu donner à nature, & establir les fondemēs
de plusieurs nobles races & familles en diuers lieux. Or apres que Phraortes eut
tué son pere Herodes, & occupé le royaume, plusieurs gentilzhommes des Par-
thes le laisserent & s'enfouyrent, du nombre desquelz fut Moneses hōme tres-
noble & de grande autorité entre les siens, lequel eut recours à Antonius, qui
le recueillit & accōpara sa fortune à celle de Themistocles, & l'opulence & ma-
gnificēce siene à celle des roys de Perse: car il luy dōna trois uilles, Larissa, Are- I
tusa, & Hierapolis, que lon appelloit parauāt Borbyce: mais le roy des Parthes,
peu de réps apres le rappella sur sa foy & parole. Antonius fut biē aise de luy dō-
ner congé de s'en retourner, esperāt par là surprendre Phraortes au desproueu:
car il luy manda qu'ilz demoureroient bons amis, & auroient paix ensemble
fil uouloit seulement rendre les estendards & enseignes des Romains, que les
Parthes auoient pris & gaignez en la bataille, ou Marcus Crassus auoit esté oc-
cis, & ensemble les hommes qui restoient encore prisonniers de celle desconfi-
ture. Et ce pendāt il renuoya Cleopatra en Égypte, & prit son chemin par l'A-
rabie & l'Armenie, là ou il fait la monstre & reueuē generale de tout son ost qui
s'assembla là, & des Roys ses confederez qui estoient uenuz à son mandement K
pour le secourir en grād nōbre, desquelz le principal estoit Artuafdes roy d'Ar-
menie & fournissoit six mille hommes de cheual, & sept mil de pied, & y auoit
de Romains naturelz soixante mil hommes de pied & de gens de cheual He-
spagnolz & Gaulois qui estoient comprez pour Romains, iusques au nombre
de dix mil, & d'autres nations trente mille hommes en comprenāt ensemble les
gens de cheual & gens de pied legerement armez. Ceste si grosse puissance &
si grād apprest de guerre, lequel effroya mesme les Indiens qui habitent dela la
region

A region Baëttiaine, & qui feit trembler toute l'Asie, luy reuint à neant, & ne seruit de rien pour l'amour de Cleopatra: car le grand desir qu'il auoit d'estre l'huyet avec elle, luy feit commencer la guerre hors de saison auant qu'il en fust temps, & precipiter toutes choses à la haste, estant transporté de son entendement, & tellement enchanté & charmé du poison d'amour, qu'il ne pensoit à autre chose qu'à elle, & comment il s'en pourroit bien tost retourner, plus que comment il pourroit uaincre ses ennemis: car premieremēt là ou il falloit hyuerner en l'Armenie pour refraischir & reposer ses gens qui estoient aggraués & reëreuz du long chemin qu'ilz auoient fait, qui estoit bien de cinq cents lieues, & puis sur le commencement de la nouuelle saison, aller enuahir la Medie deuant que les Parthes bougeassent de leurs maisons & garnisons: il n'eut pas la patience d'attendre le temps, ains les mena tout incontinent en la prouince Satropatene laissant l'Armenie à main gauche, & fourragea tout le plat pais. D'auantage de grand haste qu'il auoit, il laissa ses engins de batterie qu'on trainoit apres luy en trois cents chariots, entre lesquels il y auoit un mouton de quatre uingt pieds de long, qui estoit la chose dont il auoit le plus grand besoing, & qu'il ne pouuoit assez à temps recouurer si une fois ilz uenoient à estre perduz ou gastez, pour aurāt que les haultes prouinces de l'Asie ne portent point d'arbres si haults, ne si longs, ne qui soient assez forts & droits pour faire telles machines de batterie, & neantmoins il les laissa derriere comme un empeschement de tost mener à chef ce qu'il auoit entrepris, & laissa quelque nombre de gens pour les garder, desquelz il bailla la charge & conduite à un nommé Tatianus, puis s'en alla mettre le siege deuant la principale & la plus grande uille qu'eust Phraortes le roy de Medie, en laquelle il auoit sa femme & ses enfans. Si luy monstra incontinent le besoing la grande faulte qu'il auoit faitte de laisser derriere son artillerie: car pour autant qu'il n'auoit de quoy faire bresche, à fin que ses gens peussent combattre main à main alencontre de ceulx qui defendoient la muraille, il feit dresser une leuee de terre tout ioignant les murs de la uille, laquelle on haulsoit petit à petit avec tresgrande difficulté & grand peine. Et ce pendant le roy Phraortes descendit à grosse puissance, lequel estant aduertuy

D que Antonius auoit laissé derriere ses machines de batterie, enuoya au deuant grand nombre de gens de cheual, lesquels enuoloperēt Tatianus avec tout son chariage, & le tuerent luy & dix mil hommes qu'il auoit avec luy. Cela fait les Barbares prirent ces machines & les bruslerent, & gaignerent beaucoup de prisonniers, entre lesquels estoit le roy Polemon. Ceste mesaduenture, comme il est aisé à croire, troubla grandement tout l'ost d'Antonius, d'auoir receu une si grosse perte tout au commencement de leur entreprise contre leur esperance, tellement que Artuasdes roy des Armeniens desesperant du faict des Romains se retira avec ses gens, combien qu'il eust esté le principal autheur d'entreprendre ceste guerre. D'autre part les Parthes s'approcherent brauement du camp de

E Antonius, qui estoit au siege deuant leur uille royale, & luy userent de fieres & outrageuses menasses. Parquoy craignant s'il ne se bougeoit sans rien faire que ses gens n'en demourassent failliz de cueur, & ne s'effroyassent tousiours de plus en plus, il prit dix legions avec trois cohortes Pretorienes, qui sont les plus braues, ordonnées pour la garde du capitaine, & tous ses gens de cheual, & les mena au fourrage, esperant que par ce moien il pourroit aiseement attirer les Parthes à combattre en bataille rengee: mais quand il eut marché & eslongné son camp enuiron d'une iournee, il apperceut les Parthes qui s'espandoient tout

Antonius .

à l'entour de luy pour luy courir sus, & l'escarmoucher quand il cuideroit se
mettre en chemin : parquoy il feit exposer en ueuë le signe de la bataille, &
neantmoins feit trousser les tentes & le bagage comme s'il n'eust pas uolu cō-
battre, ains remener ses genstant seulement, puis s'en alla passer tout deuant
l'armee des Barbares, laquelle estoit ordōnee en forme de croissant, & enchar-
gea aux gens de cheual si tost qu'il leur sembleroit que les legions seroient assez
approchees des ennemis pour en pouuoir charger les premiers, qu'eulx courus-
sent à bride aualee, commencer la charge. Si estoient les Parthes en bataille
qui regardoient la contenance des Romains à passer, & leur sembloient bien
gens de guerre à les ueoir marcher en si bonne ordonnance qu'il n'estoit pas
possible de mieulx : car en allant ilz gardoient leurs rens egallement distans
l'un de l'autre, sans aucun desordre & sans mot dire : mais quand l'alarme com-
mencea à sonner, les gens de cheual tournerent tout court, & avec grands crys
coururent de grand randon contre les Parthes, qui les attendirent & soustein-
drent du commencement, car ilz furent tantost ioincts de plus pres que
n'est un traiçt d'arc : mais quand les legionnaires uindrent aussi à les ioindre &
approcher avec grands crys faisant bruire leurs armes, cela effroya tellement
les cheuaults des Parthes, & eulx mesmes, qu'ilz se meirent tous à fouir deuant
que se pouuoir attacher à combattre main à main. Et adonc Antonius se mit
à les chasser & poursuiure, en grande esperance d'auoir par ceste rencontre mè-
né à chef le tout ou la plus grande partie de celle guerre : mais apres que les
gens de pied eurent chassé bien trois grandes lieues, & les gens de cheual trois
fois autant, ilz trouuerent que en tout & par tout il n'y auoit eu que trente hom-
mes pris prisonniers, & enuiron quatreuingts tuez seulement : ce qui les meis
en grand destresse & grand desespoir, quand ilz uindrent à considerer en eulx
mesmes, que là ou ilz auoient la uictoire ilz tuoient si petit nombre de leurs
ennemis, & là ou ilz estoient uaincus ilz perdoient tant de leus gens, com-
me ilz en auoient perdu en la desfaitte ou tout le charroy auoit esté pris. Le
lendemain ilz trousserent leurs hardes & reprirent leur chemin uers le camp :
& en retournant ilz rencontrerent les Parthes en petit nombre premierement,
& puis tirant un peu plus oultre, ilz en trouuerent d'auantage, tant qu'à la fin
quand ilz se furent tous ralliez ensemble, ilz leur uindrent dire oultrages, &
les harceller de tous costez aussi frais & aussi dispos comme filz n'eussent
point esté rompus, de sorte qu'à grand peine se peurent les Romains retirer
à sauueté dedans leur camp. D'autre part les Medoys qui estoient assiegez en
leur uille capitale, feirent une saillie sur ceulx qui gardoient la leuee que lon
dressoit contre la muraille de la uille, & leur feirent abandonner la place d'ef-
froy qu'ilz eurent, dont Antonius fut si courroucé qu'il usa de celle ancienne pu-
nition militaire que lon nomme decimation : car il les diuisa par dizaines, &
puis en feit mourir de dix l'un, sur lequel tûba le sort, & aux autres leur feit bail-
ler de l'orge au lieu de fromēt pour leur uiure. Ainsi estoit ceste guerre fascheu-
se à l'une & à l'autre partie, & l'attente de l'issue encore plus espouuētable, pour-
autant que Antonius ne pouuoit autre chose attendre de son costé que la fami-
ne : car il ne pouuoit plus aller fourrager, ny enuoyer au recouurement de ui-
ures sans faire blecer & tuer beaucoup de ses gēs : & d'autre costé Phraortes sca-
uoit bien qu'il n'y auoit rien que les Parthes ne feissent plus tost que de tenir
camp & de demourer hors du couuert l'hyuer, au moien dequoy il craignoit
que si les Romains s'obstinoient à continuer ce siege & persistoient à luy faire

A la guerre tout l'huyet, que ses gens ne le laissassent, mesmement que la saison cōmençoit fort à se passer & l'air à se grossir & refroidir apres l'equinocce Antonmal: parquoy il faduifa d'une telle ruse. Il donna charge aux principaulx & plus cogneus gentilz hommes d'entre les Parthes, quand ilz rencontreroient les Romains hors de leur camp qui seroient sortiz pour aller au fourrage, ou pour abbreuer leurs cheuaulx, ou bien pour quelque autre prouision, qu'ilz ne leur feissent pas du pis qu'ilz pourroient, ains leur laissassent prendre & emporter quelques choses, en louant & magnifiant leur uertu & leur prouesse, cōme de tresuailans hommes, & que leur roy auoit en tresgrāde estime & admiration, & non pas sans cause. Apres ces premieres emorches ilz cōmenceoient

B petit à petit à s'approcher de plus pres & à parler avec eulx tout à cheual, en blasmant & reprenant grandement l'opiniaistreté d'Antonius, lequel ne dōnoit pas à Phraortes, qui ne desiroit autre chose que d'espargner & sauuer une si belle compagnie de tant de gens de bien, le moien de faire une bonne paix, ains s'opiniaistroit folement à attendre deux les plus grands ennemis & les plus à craindre qu'il sçauoit auoir, c'est à sçauoir l'huyet & la famine, desquelz il seroit malaisé qu'ilz se peussent garantir, encore que les Parthes feissent tout deuoir de les accompagner & de leur aider. Ces parolēs estans rapportees à Antonius par plusieurs fois, luy destremperent un peu le cœur pour l'esperance qu'il eut de son retour, & toutefois ne uoulut point enuoyer deuers le roy des

C Parthes, qu'il n'eust premierement fait enquerir de ces Barbāres qui parloient si gracieusement avec ses gens, si ce qu'ilz disoient uenoit de leur maistre: & cōme ilz asseurassent que ouy, & les admonestassent qu'ilz n'eussent poit de doubte ny de desfiāce d'eulx, Antonius enuoya quelques uns de ses amis uers le Roy luy redemāder les enseignes & les prisonniers qu'il auoit encore des Romains depuis la desconfiture de Crassus, à fin qu'il ne semblast fil ne demandoit rien, qu'il fust bien aise & bien content de se pouoir seulement retirer à sauueté, & eschapper du danger ou il se trouuoit. Le Roy des Parthes luy feit respōce, que quant aux enseignes & aux prisonniers il ne s'en donnast point de peine, mais biē, que s'il se uouloit retirer incontīēt & sans delay, il le pourroit faire en bō-

D ne paix & sans danger. Parquoy Antonius apres auoir donné quelque peu de iours à faire charger tout le bagage, leua son camp & se meit en chemin pour se retirer, & cōbien qu'il eust le langaige à cōmandement & fort propre pour entretenir les soudards & gens de guerre, & qu'il le sceust tresbien faire, autant ou plus que capitaine qui fust de son temps: toutefois de honte & de uergoigne qu'il eut, il ne uoulut point parler à eulx au departir, ains en commeit la charge à Domitius Aenobarbus, ce que plusieurs prirent à despit, estimans qu'il le feist par un desdaing ou mespris: mais la plus grāde part en entendit bien incontīent la uraye cause, & en eut honte aussi au moien dequoy ilz estimerent qu'ilz deuoient porter mesme respect à leur capitaine que leur capitaine leur portoit à

E eulx, & luy en estre plus obeissans. Si auoit Antonius deliberé de retourner par le mesme chemin qu'il estoit uenu, qui estoient grandes plaines toutes descouuettes, sans bois ne buisson. Mais il uint à luy un hōme de guerre natif du païs des Mardiens, lequel par la longue frequētation & communication qu'il auoit eue avec les Parthes cognoissoit fort bien leurs façons de faire, & auoit fait ia preuue de sa loyaulté uers les Romains en la iournee ou le charroy & l'artillerie fut perdue. Cestuy le uint aduertir, qu'il se donnast bien garde de prendre ce chemin là, & d'aller exposer en butte son armee pesante & chargee de harnois à

Antonius.

un si grand nombre de gens de cheual tous archers en pleines campagnes, ou il n'y auroit rien qui les empeschast de pouuoir courir & uoltinger tout alentour de luy, & que c'estoit l'occasion pourquoy Phraortes luy auoit fait offrir si amiables conditiōs, & porter si gracieuses paroles pour luy faire leuer le siege & le pouuoir rencōtrier en pais descouuert: mais q̄ sil uouloit il le guideroit bien par un autre chemin à la main droite à trauers le pais bossu & les montaignes, qui estoit le plus court, & par ou il trouueroit plus grāde foison de ce qui feroit besoing à son ost. Ce qu'entendant Antonius, teint cōseil là dessus: car il ne uouloit pas apres auoir traitté avec les Parthes, leur dōner à cognoistre qu'il se desfiast d'eulx, & d'autre part, il uouloit biē abbreger son chemin & passer par lieux bien habitez & ou il peust recouurer toutes choses necessaires: & pource demanda il quelle assurance luy donneroit ce Mardien de ce qu'il luy promettoit. Le Mardien se bailla à lier & garrotter, iusques à ce qu'il eust rendu l'armee dedās le pais d'Armenie. Si guida l'exercice ainsi lié & garrotté deux iournees sans aucun destourbier ny empeschemēt quelconque. Le troisieme iour, cōme Antonius ne pensoit desia plus que les Parthes le deussent suiure, & pour ceste cōfiāce laissoit marcher ses gens en desordre ainsi q̄ chascun uouloit, ce Mardien uoiant que lon auoit freschement rompu les leuees d'un fleue qu'il leur falloit trauerser, & que la riuiera en estoit hors de riue, & noyoit tout le chemin par là ou il leur falloit passer, il se doubta bien q̄ les Parthes auoient fait cela, & qu'ilz leur auoient ainsi desbordé ceste riuiera pour les arrester, & les garder de gagner pais: si aduertit Antonius de prendre garde à soy, & luy dit q̄ ses ennemis estoient pres de luy. Et si tost qu'il eut mis gens en ordre, cōme il disposoit les tireurs de trait & ceulx q̄ usent de fondes pour faire reculler les ennemis, on decouurit les Parthes qui rouoient tout alentour de l'armee pour l'enclorre de tous costez & la mettre en defarroy: mais les armez à la legere feirent une course sur eulx: & ainsi apres auoir blecé à coup de trait plusieurs des Romains, & auoir aussi esté naurez par eulx à coups de partisans & de plōbees, ilz se retirerent un peu, & puis rechargerēt encore une autre fois, iusques à ce que les gens de cheual Gaulois tournerēt leurs cheuaux & coururēt de grād randon sur eulx, & les escarterent si bien, qu'ilz ne se ramasserēt plus de tout ce iour là. Par cela Antonius fut aduertty de ce qu'il auoit à faire, & reforcea nō seulement la cueuē de son armee, mais aussi les deux ailles de force gens de trait & de tireurs de fonde, & fait marcher son armee en quarré, donnant en mandement aux gēs de cheual, que quād les ennemis les uiedroient assaillir, qu'ilz les repoulassent; mais qu'ilz ne les poursuiussent pas loing: tellement que les quatre iours ensuiuant, les Parthes uoians qu'ilz ne faisoient point plus de dommage aux Romains qu'ilz en receuoient eulx mesmes, ne furēt plus si aspres qu'ilz auoient appris, & s'excusans sus l'hyuer qui les pressoit, delibererēt d'eulx en retourner. Le cinquieme iour, Flauius Gallus hardy combattāt de sa personne, & hōme de fait, qui auoit quelque charge en l'armee, uint deuers Antonius, luy demander qu'il luy baillast quelque nombre de gens legerement armez d'auantage qu'il n'y en auoit à la cueuē, & quelques gens de cheual de ceulx qui estoient à la teste, & qu'avec cela il esperoit faire un grand exploit: ce que luy aiant ottroyé Antonius, quand les ennemis uindrent, comme ilz auoient accoustumé harceller & escarmoucher les derniers des Romains, il les repoulsa courageusement, mais non pas comme on auoit tousiours fait auparauant, en se retirant tout incontinent & se reioignant à l'armee: car il se ahurta à combattre le pied

A ferme par trop temerairement. Les capitaines qui auoient la conduite de la cueue
uoians qu'il felloignoit trop de l'armee, luy enuoyerent dire qu'il se retirast,
mais il n'en uoulut oncques rien faire: & dit on q Titius le Quæsteur luy mes-
me prit les enseignes, & se perforcea de faire retourner arriere ceulx q les por-
toient, disant iniure à ce Gallus, pourautant que par sa temerité & son opinia-
streté, il faisoit blecer & tuer, sans apparence de raison, beaucoup de bons &
uaillans hommes. Gallus de son costé l'iniuria aussi, & commada à ses gens de
demourer: parquoy Titius s'en retourna en l'armee, & Gallus en rompant & re-
poulsant tousiours ceulx qu'il rencontroit de front, ne se donna garde qu'il se
trouua enucloppé: & se uoyant ainsi enclos & enfermé de tous costez, enuoya
B lors dire qu'on l'allast secourir, là ou ceulx qui conduisoient les legions, entre
lesquelz estoit Canidius qui auoit grand credit à l'entour d'Antonius, feirét de
lourdes fautes: car au lieu qu'il falloit faire tourner toute l'armee entierement,
ilz luy enuoyerent du secours par petites troupes: & puis quād ceulx là estoient
desfaits, ilz luy en enuoyoient encore d'autres: tellement que par leur bestie-
se ilz cuiderent mettre tout l'ost en rouverte & en fuite, si Antonius luy mesme
ne fust uenu du front de la bataille avec la tierce legion, laquelle passa au tra-
uers de ceulx qui fuyoient, iusques à ce qu'elle uint à affronter les ennemis,
& les garda de chasser plus auāt: mais il ne mourut pas moins de trois mille per-
sonnes en ceste rencontre, & en rapporta lon dedans le cāp cinq mille blecez,
C entre lesquelz estoit Gallus qui auoit le corps persé d'oultre en oultre de coups
de flesches en quatre endroits, dont il mourut. Antonius alloit par les tentes
uisiter & reconforter les autres en grande compassion, de sorte qu'il ne se pou-
uoit pas cōtenir de plorer, & eulx montrās le meilleur uisage qu'ilz pouuoient,
luy touchoient en la main, & luy prioient qu'il s'en allast luy mesme se traiter,
& qu'il ne se donast point de mesaise pour eulx, l'appellans en grande reuerēce
leur Empereur & leur capitaine, & qu'au regard d'eulx ilz estoient sains & saufz,
mais qu'il fust luy mesme en santé. Car aussi, à bien considerer tout à la uerité, il
n'y eut de ce tēps là Empereur ne capitaine qui assemblast une si belle & si puis-
sante armee que celle là, tant en force & fleur de ieunesse des soudards, comme
D aussi en patience & souffrance de tous labeurs & trauaulx: & si y auoit plus, que
l'obeissance & reuerēce qu'ilz portoient à leur capitaine avec une bienueuillā-
ce & uraye amitié estoit si grande, & estoient egaleement tous, autant grands
que petits, nobles que roturiers, capitaines que soudards, si affectionnez & si
deuouez à preferer l'estre en la bonne estime & bonne grace d'Antonius à leur
propre uie & seureté, qu'en ceste partie de la discipline militaire les anciens
Romains n'en eussent sceu faire d'auantage: dequoy plusieurs choses estoient
causes, comme nous auons desia dit parauant, la noblesse d'Antonius & l'an-
cieneté de sa maison, son eloquence, sa simplicité naturelle, sa liberalité & ma-
gnificence, sa priuauté à iouer & gaudir en compagnie: & mesmement le de-
E uoir qu'il feist lors en secourant, uisitant & plaignant ceulx qui estoient mala-
des, & leur fournissant ce dont chascun auoit besoing, eut tant d'efficace, qu'il
feist que ceulx qui estoient malades & naurez luy demourerent mieulx affectiō-
nez & plus deliberez de le seruir, que ceulx qui estoient sains & entiers. Ceste ui-
ctoire accreut si fort le cueur aux ennemis, qui autrement se lassoient & se fas-
choient de suiure plus, que toute la nuit ilz tindrent les champs & roderent
alentour du camp d'Antonius, pensans que les Romains deussent incontinent
prendre la fuite, & puis qu'ilz iroient piller & saccager leur camp. Si se trouue-

Antonius.

rent le matin à l'aube du iour encore plus beaucoup qu'ilz n'estoiēt auparauāt: P
car on dit qu'il n'y auoit pas moins de quarante mil cheuaux, pource que leur
Roy y enuoya iusques à ceulx de sa garde, comme à une uictoire toute certaine
& desia gaignee, à fin qu'ilz fussent participans du butin & de la despouille: car
de luy il ne se trouua iamais à pas une rencontre. Et adonc Antonius uoulant
prescher ses gens, demanda une robe noire, à celle fin qu'il fust plus pitoyable
à ueoir, mais ses amis l'en diuertirent: parquoy il uestit sa corte d'armes d'Em-
pereur, & en cest habit fit une harengue à toute son armee, en laquelle il loua
grandement ceulx qui auoient uaincu & repoulsé les ennemis, & blasma ceulx
qui auoient laschement tourné le dos, tellement que ceulx qui auoient uain- G
cu le prièrent eulx mesmes qu'il eust bon courage: les autres pour se purger s'of-
friront uoluntairement à estre decimez, si bon luy sembloit, ou à recepuoir
toute autre sorte de punitiō qu'il luy plairoit, moienāt qu'il oubliast le mesco-
ntement qu'il auoit d'eulx, & qu'il ne s'ennuyast plus. Quoy uoiant Anto-
nius leua les deux mains uers le ciel & fit prieres aux Dieux, s'il y auoit quelque
meschef à aduenir en contrepois de ses prosperitez passees qu'ilz le uoulussent
faire tumber sur luy tout seul, & donner la uictoire au reste de son armee. Le lé-
demain ilz donnerent meilleur ordre à tous les costez de l'armee, & se meirent
en chemin tellement que quand les Parthes les cuiderent retourner assaillir,
ilz se trouuerent bien loing de leur compte: car là ou ilz pensoient uenir non
au combat, mais au pillage & au butin, ilz se trouuerēt aux approches enferrez H
& naurez de force traicts, de dards, & d'autres telz bastons que les Romains
leur lancerent: & les esproouèrent aussi rudes & aussi aspres au combat, comme
s'ilz eussent esté tous frais, au moien dequoy ilz commencerent derechef à per-
dre le cueur: toutefois quand ceuint à la descente de quelques costaux & mō-
taignes assez roides, ilz se ruerent une autrefois sur eulx à grands coups de fle-
ches & de traicts, à cause que les Romains ne pouuoient descendre que lente-
ment & pas à pas. Mais adonc les legionnaires qui portoient de grands pauoys
se retournerent, & enfermerent au milieu d'eulx ceulx qui estoient nudz ou le-
gerement armez, & eulx meirent un genoil en terre, puis ietterent deuant eulx
leurs pauois, & ceulx du second reng coururent ces premiers des leurs, ceulx I
du troisieme aussi pareillement les secondz, & ainsi consequemment des au-
tres, tellement que celle maniere de se targer & courir estoit composee ne
plus ne moins que sont les tuiles arrangees sur la couuerture d'une maison, &
ressembloit à ueoir aux degrez & sieges d'un theatre, & si est un tresseur répart
contre les coups de traicts qui coulent par dessus. Quand les Parthes ueirent ce-
ste contenance des legionnaires Romains qui auoient ainsi un genoil ployé
en terre, ilz penserent qu'ilz fussent aggrauéz & recreuz de trauail: si poserēt in-
continent leurs arcs, & prenans leurs lances & bourdons s'approcherēt iusques
à combattre main à main. Et lors les Romains se redresserent soudainement en
piedz & avec leurs iauelots qu'ilz dardent, en tuerent les premiers à coups de K
main, & tournerēt tout le reste en fuitte, & autāt en feirēt ilz les iours ensuiuās:
Mais pour ces dangers & empeschemens, l'armee d'Antonius ne pouuoit pas
faire grand chemin par iour, à raison dequoy la famine commença à les pres-
ser, pource qu'ilz ne pouuoiet recouurer que bien peu de bledz, & si falloit touf-
siours cōbattre pour l'auoir, & oultre cela ilz auoient faulte des utilz à le moul-
dre & à faire du pain, à cause qu'une grande partie auoit esté laissée, par ce que
les somniers qui les portoient estoient morts ou bien employez à porter ceulx
qui

A qui estoient malades & naurez. Si fut la famine si grande, que la huitieme partie d'un boisseau de froment se uendoit* cinquante drachmes, & que lon uendoit le pain d'orge au poids de l'argēt. A la fin ilz furent cōtraincts d'user d'herbages & de racines : mais ilz n'en trouuoient que bien peu de celles que lon mange ordinairement, & estoient contraincts d'essayer de celles dont on n'auoit iamais mangé auparauant, entre lesquelles ilz en trouuerent une qui les faisoit mourir hors du sens, transportez de l'entendement: car celuy qui en auoit mangé ne se souuenoit de rien du mode, & ne cognoissoit chose quelle quelle fust, ains seulement s'embesongnoit à fouiller & remuer d'un lieu en autre toutes les pierres qu'il pouuoit trouuer, cōme si c'eust esté une affaire de grande cōsequen-

B ce, & qui eust requis grande celerité. On ne uoyoit autre chose parmy le camp que gens courbez uers la terre qui fouilloient des pierres & les transposoient d'une place en autre: mais à la fin ilz uomissoient grande quantité de cholere & mouroient soudainement, pourautant que le uin mesme, qui estoit le souuerain remede contre telle maladie, leur defailloit. Lon trouue par escript que Antonius uoiant qu'il mouroit tous les iours si grand nombre de ses gens, & que les Parthes ne se retiroient point, & ne les laissoient point en paix, faisoit souuent de grandes exclamations en souspirant & disant, O dix mille! tant il auoit en grande admiration la uertu des dix mille Grecs que Xenophon ramena après la desfaite de Cýrus, pourautant qu'ilz auoient fait plus de chemin

C estans uenus depuis Babylone, & si auoient cōbattu contre ennemis qui estoient beaucoup de fois plus qu'eulx, & neantmoins festoient retirez à sauueté. Les Parthes doncques uoians qu'ilz ne pouuoient rompre ne mettre en desarroy l'armee des Romains, & au contraire que eulx mesmes auoient desia esté plusieurs fois battuz & tournez en fuitte recoururent derechef à leurs tromperies: car là ou ilz trouuoient quelques uns des Romains escartez de l'ost pour aller au fouflage querir du bled ou autres uiures, ilz s'approchoient d'eulx, comme s'ilz eussent esté amis, & leur monstroient leurs arcs destédúz, disans qu'ilz s'en retournoient quant à eulx en leurs naïsons, & qu'ilz ne les poursuiuroient point plus oultre, mais seulement qu'il y auroit quelques Medoys qui les suiuroient

D encore un ou deux iours pour engarder que lon ne feist mal aux bourgs un peu escartez du grand chemin, & en tenant ces propos là les saluoient prenans cōgé amiablement d'eulx avec grandes caresses, en maniere que les Romains s'en asseuroient fort. Et Antonius mesme cela entendu, avec la bonne enuie qu'il en auoit, se delibera de prendre son chemin par le païs plain & descendre en la campagne, pourautant mesmement que par les montaignes, à ce que lon disoit, ilz ne trouueroient point d'eaux: & comme il proposoit de ce faire, il arriva en son ost un gentilhomme nommé Mithridates du camp des ennemis, lequel estoit cousin de Monēzes celuy qui s'en estoit fuy uers Antonius, & auquel Antonius auoit donné trois uilles. Quand il fut arriué il demanda qu'on

E luy amenaist quelqu'un qui sceust la langue des Parthes ou des Syriens: on luy amena un certain Alexander Antiochien familier d'Antonius, & lors le gentilhomme declara qui il estoit, & dit que Monēzes l'enuoyoit pour rendre la pareille à Antonius du bien & de l'honneur qu'il luy auoit fait. Apres qu'il eut usé de ceste preface, il demanda à Alexander s'il uoioit de haultes montaignes qu'il luy monstroir au doigt deuant luy bien loing. Alexander respondit, que ouy. Les Parthes, dit il, sont embuschez au pied de ces montaignes là, au des-soubz desquelles il y a de grandes plaines, & larges campagnes: & pensent les

Antonius.

Parthes que uous, abuzez de leurs tromperies & feintes paroles, laisserez le chemin de la montaigne & destournerez en la plaine. Quant à l'autre chemin, il est bien plus penible, & y endurez grand trauail & grand soif, à quoy uous estes desia tous accoustuméz: mais si Antonius prêt son chemin par le bas, qu'il se tiene tout asseuré d'auoir toute telle fortune comme l'eut Marcus Crassus. Apres qu'il eut dit cela, il s'en alla. Antonius fut fort estonné quand il ouit ce propos, & assembla tous ses amis pour en deliberer, & quand & quand celuy Mardien qui leur seruoit de guide, lequel dit qu'il n'en auoit iamais moins pensé que ce qu'auoit dit le gentilhomme: Car encore, disoit il, qu'il n'y eust en la plaine nulles embusches d'ennemis, si est-ce que le pais est fort, & le chemin de longue torse & bien malaisé à tenir, là ou le chemin de la montaigne aspre & bossu n'a autre difficulté, si non qu'il faudra marcher une iournee entiere, sans trouuer nulles eaux. Par ainsi Antonius diuertit de sa premiere deliberatio deslogea la nuict, & prit son chemin par la montaigne commandat que chascun portast sa prouision d'eau: mais la plus grand part auoit faulte de uaisseaux pour la porter: parquoy les uns estoient contraincts d'en emplir leurs cabassets & morrions, les autres en chargeoient dedans des peaux de cheures. Come ilz estoient desia en chemin on le uint dire aux Parthes, qui se merent incontinent à les suiure à la trasse la nuict mesme contre leur coustume, tellement que sur le poinct du iour ilz ataignirent la cueue de l'armee des Romains qui estoient si foullez & aggrauéz, tant de trauail, que de faulte de dormir, que plus ne n pouuoient: car ilz auoient fait celle nuict quinze lieues de chemin, & les mettoit en grand desespoir ce, qu'ilz uoyoient si soubdain, corre leur esperance, les ennemis à leur dos: d'auantage le combat leur augmentoit la soif, a cause qu'ilz estoient contraincts de combattre en marchant pour repousser leurs ennemis en gagnant tousiours pais petit à petit. Or ceulx qui estoient au front de l'armee, rencontrèrent d'adueture une riuere qui auoit l'eau froide & claire, mais elle estoit sallee & uenimeuse à boire: car elle escorchoit incontinent les boyaux de ceulx qui en auoient beu, & leur cauoit une soif ardente, avec une extreme douleur de trenches: & combien que ce Mardien leur predist bien, toutefois ilz repoulsoient par force ceulx qui les en uoloient garder, & en beuuoient. Mais Antonius allant deça & delà, les prioit qu'ilz eussent un peu de patience, & qu'ilz endurassent encore un petit de temps, pource qu'il y auoit bien pres de là une autre riuere dont l'eau estoit bonne à boire, & que de là en auant le chemin estoit si aspre & si malaisé pour ges de cheual que les ennemis ne les pourroient plus suiure: & en disant cela, il fait sonner la retraite pour rappeler ceulx qui combattoient, & commanda qu'on dressast les tentes & pavillons, à celle fin au moins que les soudards eussent de l'umbre pour se refreschir. Apres que les tentes furent tendues, & les Parthes retirez come ilz auoient accoustumé, le gentilhomme Mithridates duquel nous auos parlé, retourna une autre fois, & on luy amena Alexander pour truchemén. Si conseilla, apres que l'armee seroit un peu reposée, que les Romains deslogeassent & raschassent de gagner à toute diligence la riuere, pource que les Parthes ne passeroient pas oultre, mais ilz auoient delibéré de les poursuiure bien asprement iusques là. Alexander en alla faire le rapport à Antonius, qui luy bailla grande quantité de uaiselle d'or pour donner à Mithridates: lequel en prit tant comme il en peut cacher dedas sa robbe, & s'en alla à tout. Si deslogea Antonius qu'il estoit encore iour, & se mit tout l'ost en chemin, sans que les Parthes leur feissent aucún empeschement:

mais

A mais eulx mesmes se donnerent la plus male nuit & la plus effroyable qu'ilz eussent encore poiteue: car il y eut des meschans qui couperent la gorge à ceulx qu'ilz scauoient auoir de l'or & de l'argent, & pillerent celuy que lon portoit sur les sommiers: & à la fin meirent la main aux sommiers mesmes qui portoient les hardes & le bagage d'Antonius, briserent en pieces de belles tables, & des vases fort riches qu'ilz butinerent entre eulx, dont tout le camp fut incontiner plein de tumulte & d'effroy, pour autant que les autres penserent que ce fussent les Parthes qui leur fussent uenus doner ceste alarme, & qu'ilz eussent ainsi mis tout l'ost en desordre & de farroy: tellement qu'Antonius appella l'un de ses affranchis nommé Ramnus, qui estoit un de ses gardes, & luy feit promettre sa foy, qu'il luy passeroit l'espee au trauers du corps quand il l'en requerroit, & puis luy couperoit la teste, à fin qu'il ne fust ne pris uif des ennemis, ne recogneu mort, dont tous ses familiers & amis se prirent à plorer par compassion: mais le Mardien le reconforta, & luy assura que le fleue qu'ilz demandoient estoit bien pres de là, ce qu'il cōiecturoit par un doulx uent humide qui les halenoit, & par l'air qu'ilz trouuoient plus frais que de coustume, dont ilz respiroient plus à leur aise, & aussi pource que depuis qu'ilz estoient partis, ilz pouuoient à peu pres auoir acheué le chemin qu'ilz auoient à faire, car il ne restoit plus gueres de la nuit: & d'autre part on le uint aduertir que ce grād trouble n'estoit point uenu des ennemis, mais de l'auarice & meschanceté de quelques soudards.

C Parquoy Antonius uoulant remettre son ost en ordre & appaiser l'esmeurtre & le de farroy qui y estoit, feit sonner à la trompette que lon se logeast. Or comēcoit desia le iour à poindre, & l'armee à se remettre en bon ordre, & le trouble à s'appaiser, quand les Parthes approcherent, & ia les flesches qu'ilz tiroient de leurs arcs ataignoient les derniers de l'armee. Parquoy on bailla le signe de la bataille aux armez à la legere, & les légionnaires se coururent comme deuant de leurs paois, dont ilz sousteindrent les coups de traicts des Parthes, qui ne les osoient plus ioindre de pres: & en ceste maniere ceulx qui estoient deuant à la premiere pointe, se coulerent petit à petit, tant qu'ilz apperceurent la riuere, là ou Antonius ordonna & disposa sur la greue sa gendarmerie, pour soustenir

D & repoulses les ennemis, & puis passa premierement ceulx qui estoient blecez ou malades, & puis les autres apres. Mais ceulx mesmes qui estoient demourez pour combattre, eurent bien le loisir de boire à seureté & à leur aise: car incontinent que les Parthes ueirent la riuere ilz desbenderent leurs arcs, & dirent aux Romains qu'ilz passassent hardiment sans auoir peur, en louant grandement leur uertu. Apres donc qu'ilz eurent passé la riuere tout à leur aise, ilz reprirent un peu haleine, & puis se remeirent derechef en chemin, ne se fians pas fort aux Parthes. Et le sixieme iour d'apres ceste derniere bataille ilz arriuerent au fleue d'Araxes, lequel diuise le pais de l'Armenie d'avec la Medie: si leur sembla, tant pour la profondeur que pour la roideur de l'eau, qu'il estoit dāgereux à passer.

E Et d'auantage il courut un bruit parmy le camp, que les Parthes estoient en embusche là alentour, & qu'ilz les uendroient assaillir quand ilz seroient empeschez à passer la riuere: mais apres qu'ilz furent tous passez à sauueté sans aucun danger, & qu'ilz eurent gaigné l'autre riue en la prouince d'Armenie, alors saluerent & adorerent ilz celle terre, cōme si c'eust esté la premiere qu'ilz eussent ueue, apres un long & perilleux uoiage de mer estans arriuez à port de salut: & leur tumberent les larmes des yeux à tous, & s'entr'embrasserent les uns les autres de grande ioye qu'ilz en eurent: mais en tenant les champs par ceste contrée

Antonius .

plantureuse & opulente de tous biens , apres auoir enduré si grande disette, ilz se remplirent tant, & prirent de toutes uiandes si excessiuemēt, que plusieurs en encoururent en grosses maladies de flux de uentre, en fleurs, & hydropisies. Et là Antonius faisant la mōstre & reueuē de son exercite, trouua qu'il auoit perdu uingt mille hōmes de pied, & quatre mille de cheual, lesquelz n'auoiet pas esté tous tuez par les ennemis: car il en estoit mort plus de la moitié de maladie, aians demouré sus le chemin à uenir depuis la uille de Phraasta iusques en l'Armenie uingt sept iours, & aians uaincu les Parthes en dixhuiēt batailles: mais ces uictōires n'auoient point esté complètes ny entieres, par ce qu'ilz ne chassoient pas loing, à quoy on pouuoit clairement cognoistre que Artuafdes le roy d'Armenie auoit gardé Antonius de mener à chef ceste guerre. Car si les treize mille hōmes de cheual qu'il emmena avec luy de la Medie eussent esté à ces batailles, ueu qu'ilz estoient armez & accoustrez presque à la façon mesme des Parthes, & usitez de combattre alencontre d'eulx, quand les Romains eussent rompus & mis en fuitte ceulx qui se fussent trouuez en bataille deuant eulx, & que ces Armeniens eussent chassé les fuyans, ilz ne se fussent pas ralliez, & n'eussent pas eu la hardiesse ne le cueur de reuenir au combat si souuent apres estre rompus tant de fois: & pourtant tous ceulx qui auoient quelque credit en l'armee, sollicitoient & irritoient Antonius à se uoloir uenger de cest Armenien: mais luy usant plus de raison que de passion, ne luy reprocha point sa trahison, ny ne luy en feit point pire chere, ne moins d'honneur qu'il auoit parauant accoustumé, à cause qu'il sentoit son armee fort affoiblie & souffreteuse de toutes choses, Mais depuis il retourna une autre fois avec grande puissance en Armenie, & feit tant par belles promesses; par sollicitatiōs & messages, que Artuafdes se uint rēdre entre ses mains, & lors il le reteint prisonnier, & le mena en triumphe en la uille d'Alexandrie. Ce qui offensa merueilleusement les Romains, & les aliena de luy, quand ilz ueirent que pour l'amour de Cleopatra, il ostoit le propre honneur & la principale gloire de sa patrie, pour en gratifier aux Égyptiens. Cela fut quelque temps apres: mais pour lors de la grand haste qu'il auoit de s'en retourner vers Cleopatra, il pressa si fort ses gens, les faisant tenir les champs au cueur d'hyuer, ou il negeoit incessammēt, qu'il en perdit sur le chemin bien huiēt mille, & puis descendit avec bien petite cōpagnie en un certain lieu que lon appelle Blanchbourg, lequel est assis entre les citez de Berythus & de Sidon, là ou il attendit Cleopatra. Et pourautāt qu'elle demourait trop à son gré, il lāguissoit d'amour & perdoit toute patience, de sorte qu'il ne sçauoit qu'il deuoit faire, sinon qu'il se mettoit à boire & à faire bonne chere pour passer son ennuy: mais il estoit si espris & si passionné d'amour, qu'il n'auoit pas la patience de se tenir à table iusques à ce que le festin fust acheué, ains se leuoit par plusieurs fois pendant que les autres banquetoient, & s'en couroit sus le bord de la mer, pour ueoir si elle uenoit. A la fin elle arriua, & apporta quand & elle grand nombre de uestemens & d'argent pour donner aux gens de guerre: toutefois il y en a qui disent, qu'elle apporta bien des habillemens, mais quant à l'argent, qu'il le prit du sien, & le feit distribuer aux soudards au nom d'elle, cōme si ce fust elle qui le leur eust donné. Sur ces entrefaites il aduint que le roy des Medois, & Phraortes le roy des Parthes entrerent en grand different & grosse querelle l'un contre l'autre, laquelle commença, comme lō dit, pour les despouilles des Romains, & prit tel accroissement qu'elle meit le roy des Medois en grande crainte, & nō moindre dāger de perdre tout son royaume.

A me: si enuoyâ deuers Antonius le solliciter de uenir faire la guerre aux Parthes, luy promettant qu'il luy aideroit de toute sa puissance. Cela meit Antonius en tres grâde esperance,uoiant que la seule chose qui luy auoit defaillly pour defaire & subiuguer les Parthes,c'est à sçauoir,qu'il n'auoir pas mené avec luy assez de cheualerie & de gens de traict, luy estoit inspercemét offert, & offert en telle sorte,qu'il faisoit plus de plaisir en l'acceptant,que lon ne luy en faisoit en luy presentât,à ceste cause feit il ses apprestz pour faire encore un coup le uoyage par l'Armenie,& recommencer de plus fort que iamais la guerre aux Parthes, apres qu'il auroit parlementé avec le roy des Medois sus le fleue de Araxes. En ces entrefaittes Octauia sa femme qu'il auoit laissée à Rome,uolut monter sur mer pour s'en uenir uers luy: ce que Cæsar son frere luy permet, non tant pour luy gratifier & complaire, ainsi que la plus part des auteurs le tient, comme à celle fin que le tort que luy feroit Antonius, & le peu de compte qu'il en tiendrait, luy fust un honeste couerture & couleur de luy mouuoir la guerre. Mais quand elle fut à Athenes elle receut lettres de luy, par lesquelles il luy madoit qu'elle l'attendist là, & luy faisoit sçauoir l'entreprise de son uoyage, dequoy combien qu'elle fust fort marrie, & qu'elle cogneust bien que c'estoit une desfaitte, toutefois par les lettres qu'elle luy rescriuit, elle luy demanda là ou il uouloit qu'on luy enuoyast ce qu'elle luy portoit, qui estoient force habillemens pour gens de guerre, force cheualx, argent & presens pour donner à ses amis & aux capitaines qu'il auoit à l'entour de luy,& oultre cela encore deux mille hommes de guerre tous gens d'eslitte,armez de belles armes,ne plus ne moins que le sont les cohortes Pretorienes. Quand Niger l'un des familiers d'Antonius qu'il y auoit enuoyé, eut rapporté ces nouuelles de la part d'Octauia, & ensemble l'eust louee,côme elle en estoit digne & qu'elle meritoit: Cleopatra cognoissant que Octauia luy en uouloit & s'efforceoit de luy substraire Antonius, & craignant que si avec sa uertu & son honesteté, avec le regard de la puissance de Cæsar son frere, elle se aidoit encore des attraiçts & caresses d'amour pour flatter s^{on} mary, elle ne fust trop forte pour elle,& qu'elle ne le gaignast à la fin,elle feit semblant de lâguir del'amour d'Antonius,emmaigrissant son corps par faulte de prendre suffisante nourriture,& composant ses gestes si à propos,que quâd Antonius la uenoit ueoir elle iettoit ses yeulx sur luy comme une personne rauie de ioye,puis quâd il s'en departoit, elle fundoit en larmes, & auoit la chere triste, la contenance morne,faisant tout à propos que Antonius la trouuast souuentefois plorant,& puis quand il suruenoit elle faisoit semblant d'essuyer ses yeulx, & destournoit son uisage comme si elle n'eust pas voulu que Antonius la ueist plorer. Toutes ces choses se faisoient sur le poinçt qu'il deuoit partir de la Surie pour aller parlementer avec le roy des Medois: & lors les flatteurs qui secundoient la uolunté de Cleopatra,blasmoient Antonius,comme un homme dur,inhumain, & de peu d'affection,qui tourmentoit & affligeoit ainsi ceste pauvre femme, laquelle ne tenoit sa uie que de luy seul. Car Octauia,disoiet ilz,qui a esté mariee avec luy côme par contrainte, à cause que les affaires le requeroient ainsi pour le regard de son frere, a l'honneur d'estre appelée l'espouse & femme legitime d'Antonius:& Cleopatra estant nee royne de tant de milliers d'hômes est seulement nommee l'amie d'Antonius,& neantmoins ne refuse, ny ne desdaigne point ce nom là tant que son bon plaisir soit qu'elle iouisse de sa presence, & qu'elle puisse uiure avec luy: mais si une fois elle en est priuee, il est impossible

qu'elle puisse suruiure. Brief par leurs flatteries attirées ilz amollirent & effe-
 minerent si bien cest homme, que de peur qu'elle ne se laissast mourir, il s'en
 retourna en Alexandrie & remeit le roy Medois à l'année ensuiuant, combien
 qu'il eust nouuelles que les Parthes estoient lors en grand different & grandes
 seditions entre eulx, toutefois il alla depuis faire paix & alliance avec luy: car il
 fiança sa fille, qui estoit encore bien ieune, à l'un des filz que Cleopatra auoit euz
 de luy, & puis s'en retourna estant desia du tout en propos & en pensement de
 guerre ciuile, pource que quand Octauia s'en fut retournee d'Athenes à Rome
 Cæsar luy commanda qu'elle se retirast de l'hostel d'Antonius, & qu'elle se teint
 à part chez elle, pourautant qu'il luy auoit fait iniure: mais elle respōdit qu'elle
 n'abandonneroit point la maison de son mary, & que si luy n'auoit autre occasiō
 de luy faire la guerre, elle le prioit qu'il ne se souciast point d'elle, pource que ce
 feroit une chose que lon blasmeroit grandement que deux si grands & si puis-
 sans Empereurs eussent ietté les Romains en guerre ciuile, l'un pour l'amour
 d'une fême, l'autre pour la ialouzie d'une autre. Or si elle le disoit de parole, en-
 core le faisoit elle mieulx de faict: car elle demoura en la maison d'Antonius,
 ne plus ne moins que si luy eust esté present, & entreteint honestement & hono-
 rablement ses enfans, non seulement ceulx qui estoient nez d'elle, mais aussi ceulx
 qu'il auoit euz de Fulvia. Et quand Antonius enuoyoit quelqu'un de ses gens à
 Rome pour obtenir aucun office ou magistrat de la chose publique, ou pour
 quelque autre affaire elle le receuoit, & faisoit tant qu'elle impetroit de son frere
 ce qu'il demandoit: mais en ce faisant, sans y mal penser, elle portoit grand
 dommage à Antonius: car cela luy engēdroit la haine de tout le monde, quād
 on uoyoit qu'il traittoit si mal une tant honeste Dame, & fut encore bien hay
 d'auantage pour un partage qu'il feit entre ses enfans dedans la uille d'Alexan-
 drie: aussi à uray dire estoit il par trop insolent & trop superbe, & quasi com-
 me fait en despit & en mespris des Romains. Car il feit assembler tout le peuple
 dedans le parc, là ou les ieunes gens se adressent aux exercices de la personne,
 & là dessus un hault tribunal argenté feit mettre deux chaires d'or, l'une pour
 luy, & l'autre pour Cleopatra, & d'autres plus basses pour ses enfans, puis decla-
 ra publiquement deuant toute l'assistance, qu'il establissoit premieremēt Cleo-
 patra Roynne d'Egypte, de Cypre, de Lydie, & de la basse Surie, & quand & elle
 Cæsarion aussi Roy des mesmes royaumes: on estimoit ce Cæsarion filz de Lu-
 lius Cæsar, qui auoit laissé Cleopatra enceinte. Secondement il appella ses en-
 fans de luy & d'elle, les roys des roys, & donna pour appennage à Alexandre
 l'Armenie, la Medie, & les Parthes quand il les auroit subiuguez & conquis, &
 à Ptolomæus la Phœnicie, la Syrie, & la Cilicie: mais quand & quand il amena
 en public Alexandre uestu d'une robe longue à la Medoise, avec un hault
 chapeau pointu sur la teste, dont la pointe estoit droitte, ainsi que le portent
 les roys des Medois & des Armeniens, & Ptolomæus uestu d'un manteau à la
 Macedoniene, avec des pantoufles en ses pieds, & un chapeau à large rebras
 bandé d'un bandeau royal, car tel estoit l'accoustrement que souloient porter
 les roys successeurs d'Alexandre le grand. Ainsi apres que ses enfans eurent
 fait la reuerence & baisé leurs pere & mere, incontinent une troupe de gardes
 Armeniens attirerz expressement, en enuironna l'un, & une troupe de Mace-
 doniens l'autre. Quant à Cleopatra, non seulement lors, mais aussi de tout temps
 quand elle sorroit en public deuant le monde, elle uestoit l'accoustremēt sacré
 de la Deesse Isis, & donnoit audience à ses subiects comme une nouuelle Isis.

- A** Cæsar rapportât ces choses au Senat, & l'en accusant souuentefois deuant tout le peuple Romain, feit tant qu'il irrita tout le monde contre luy. Antonius de l'autre costé enuoya à Rome pour le contrecharger & accuser aussi: mais les principaulx poincts des charges estoient, que aiant despouillé Sextus Pompeius de la Sicile, il ne luy auoit point baillé sa part de l'isle: Secondemēt, qu'il ne luy rendoit point les nauires & uaisseaux qu'il auoit empruntez de luy pour ceste guerre: Tiercemēt, que aiant debouté Lepidus leur compagnon au Triumvirat de sa part de l'empire, & l'ayant destitué de tous honneurs, il retenoit par deuers luy la personne, les terres, & reuenuz d'icelles qui luy auoient esté assignees pour sa part, & apres tout, qu'il auoit presque distribué à ses gensdarmes toute l'Italie, & n'en auoit rien laissé aux siens. Cæsar luy respondoit, quant à Lepidus, qu'il l'auoit depouillé uoirement, & priué de sa part de l'empire, pourautant qu'il en abusoit oultrageusement: & quant à ce qu'il auoit conquis par armes, qu'il en feroit uoluntiers part à Antonius, prouueu qu'il luy feist aussi le semblable de l'Armenie. Quant à ses gens de guerre, qu'ilz ne deuoient rien querreller en Italie, pourautant qu'ilz possedoient la Medie & la Parthe, lesquelles ilz auoient adioustées à l'empire Romain, en combattant uaillement avec leur Empereur. Antonius eut ces nouvelles comme il estoit encore en l'Armenie: si commanda à Canidius qu'il descendist incontinent uers la coste de la mer, avec seize legions qu'il auoit, & luy avec Cleopatra s'en alla en la uille d'Ephese, là ou on luy assembloit ses galeres & nauires de tous costez, qui estoient iusques au nombre de huit cents, en comptant les grosses naues de charge, desquelles Cleopatra en fournissoit * deux cents & uingts mille talents, & uiures pour nourrir toute l'armee en ceste guerre. Si commanda Antonius à Cleopatra par les remonstrances & suasions de Domitius, qu'elle se retirast en l'Ægypte, attendant l'issue de ceste guerre: mais elle craignant que Antonius ne retournaist encore une autre fois en grace avec Cæsar, par le moie de Octauia, feit tant à force d'argent enuers Canidius qu'il parla pour elle, & remontra à Antonius, qu'il n'estoit point raisonnable de rebouter & chasser de ceste guerre, celle qui en defrayoit & soustenoit une si grāde partie: ne profitable avec, pource que cela descourageroit les Ægyptiens, qui estoient la principale force de l'armee de mer, ueu mesmement qu'il ne uoyoit point qu'il y eust Roy entre tous ceulx qui estoient leurs allies à qui Cleopatra cedast en prudence ny en bō sens, attendu que desia parauāt elle auoit long temps à part soy sagement gouverné un si grand royaume comme l'Ægypte, & oultre cela auoit aussi long temps cōuersé avec luy, là ou elle auoit appris commēt il falloit traiter & manier de grands affaires. Ces belles remonstrances le gaignerent, car il estoit predestiné & falloit que le gouvernement de tout le monde, fust reduit soubz la puissance de Cæsar, par ainsi toutes leurs forces ioinctes ensemble, ilz feirent voile uers l'isle de Samos, là ou ilz se meirent à faire grāde chere & prendre leur plaisir: car tout ainsi cōme il estoit mandé à tous roys, princes potētaz cōmunaultez, peuples & citez qui sont depuis la Surie, iusques aux marests Meotides, & depuis l'Armenie iusques aux Lauriēs, d'enuoyer & apporter tous apprestz & munitions necessaires pour la guerre, aussi estoit il enioinct à tous farceurs, ioueurs d'instrumēs, plaisans, basteleurs & musiciens, de se trouuer en l'isle de Samos: tellement que là ou presque toute la rondeur de la terre habitable estoit en lamentatiōs, en sospirs & en pleurs, en ceste isle seule par plusieurs iours on n'ouit autre chose que chantres & sonneurs d'instrumens, & estoient les theatres

* Douze millions d'or.

Antonius .

pleins de ioueurs de Comœdies & de musiciens, chantâs & sonnans des instrumens à l'enuy les uns des autres . Oultre cela, chasque uille y enuoyoit un bœuf pour sacrifier, & les roys estriuoïent les uns cōtre les autres à q feroit de plus magnifiques festins & de plus riches presens, tellemēt q chascun disoit, Que pourront ilz faire, filz gagnent la bataille pour la resiouissance de la uictoire, ueu qu'ilz font de si sumptueuses festes aux apprests de la guerre? A pres que cela fut passé il dōna & assigna pour leur demourâce, pendāt la guerre, aux musiciēs & autres telles gēs, la uille de Priene, puis s'en alla uers Athenes, & là se remeit de-rechef à ueoir iouer des ieux & à hanter les theatres : d'autre part Cleopatra ialousse des hōneurs que Octauia auoit receuz en ceste uille là, ou elle auoit ueritablement esté fort aimee & honoree des Atheniēs, pour se insinuer en la bienueuillance du peuple Athenien, leur feit de grands biens, & eulx reciproquement luy defererent plusieurs grands honneurs, & deputerent certains ambassadeurs pour luy en porter le decret en son logis, desquelz Antonius fut l'un comme citoiē d'Athenes qui luy porta la parole, & feit la harenque au nom de la uille, puis enuoya à Rome chasser Octauia hors de sa maison, laquelle, comme lon dit, en sortit avec tous les enfans d'Antonius, excepté l'aisné de ceulx de Fulvia, qui estoit avec son pere, en pleurant & lamentant son malheur qui l'auoit à ce conduitte, que lon la tenoit pour l'une des principales causes de ceste guerre ciuile. Les Romains auoient pitié d'elle, mais encore plus d'Antonius, mesmement ceulx qui auoient ueu Cleopatra, laquelle ne surpassoit Octauia ny en beaulté, ny en fleur d'aage . Cæsar aduertty de la grandeur & soudaineté de l'appareil d'Antonius, se trouua fort estonné craignant qu'il ne fust contrainct de combattre en ce premier esté, à cause que plusieurs choses à ce necessaires luy defailloient & les uiolentes extortions & exactions de l'argent que lon leuoit greuoient grandement le peuple : car toutes autres sortes de gens estoient contraincts de contribuer la quarte partie de leurs fruiçts & de leur reuenu : & ceulx que lon nomme Libertins, c'est à dire, de qui les peres ou autres predecesseurs auroient esté autrefois serfs, la huiētieme de tous leurs biens une fois payee : & pourtant en soudoit il une merueilleuse crierie, & en estoit toute l'Italie en grand trouble, de sorte que lon compte entre les plus grandes faultes que iamais feit Antonius, la remise & dilation de la bataille . Car il donna à Cæsar le loisir de faire ses apprestz, & d'appaiser les plaintes & doléances des peuples : car quand on leur demandoit un si grand argent, ilz se courrousoient & se mutinoient, mais quand ilz auoient payé, ilz ne s'en souuenoiēt plus . D'auantage Titus & Plācus des principaux amis de Antonius, tous deux hommes Consulaires, pour les grands torts & oultrages que Cleopatra leur faisoit, à cause qu'ilz auoiēt empesché de tout leur pouuoir qu'elle ne uint à ceste guerre, s'allerent rendre à Cæsar, & luy enseignerent ou estoit le testament qu'auoit fait Antonius, sachans bien ce qui estoit dedans . Il estoit entre les mains des uierges sacrees & uoees à la deesse Vesta, aux quelles Cæsar le demanda . Elles feirent responce qu'elles ne luy bailleroiēt point : mais que sil le uouloit aller prendre qu'elles ne l'empescheroient point aussi . Parquoy Cæsar y alla, & l'ayant premierement leu seul à part luy, en nota quelques passages les plus reprochables, feit assembler tout le Senat, & le leur publiquement, dequoy plusieurs ne furent pas cōtens : car il leur sembla estrange, qu'un homme uiuant portast la peine de ce qu'il ordonnoit par testament estre fait apres sa mort . Cæsar s'attachoit principalement à ce qu'il ordōnoit touchant sa sepulture :

A sepulture: car il uouloit que son corps, encore qu'il mourust à Rome, fust en pompe funebre passé par le milieu de la place, & enuoyé en Alexandrie à Cleopatra. D'auantage Calpurnius l'un des familiers de César, entre autres charges & forfaitures que Antonius auoit commises pour l'amour de Cleopatra, luy reprochoit qu'il luy auoit donné en pur don les librairies de la uille royale de Pergamon; es quelles il y auoit deux cents mille uolumes simples, & qu'en un conuif ou il y auoit plusieurs assis à la table, il luy marcha sur le pied, & se leua soudain de la table pour quelque assignation & complot qu'ilz auoient ensemble: qu'il auoit souffert, luy present, que les Ephesiens appellassent Cleopatra leur Dame; que plusieurs fois estant en son tribunal tendant droit aux princes & aux roys, il auoit receu d'elle des lettres d'amour, escrites en tablettes d'alabaistre ou de crystal, & les auoit leuës seant en son siege imperial, qu'un iour comme Furnius homme de grande autorité, & le plus eloquent de tous les Romains, plaidoit une cause deuant luy, Cleopatra d'adventure passa dedés sa littere par la place ou se faisoit le plaidoyer, Antonius faillit incontinent en piedz & laissa là l'audience pour l'aller conuoyer & fuiure sa littere. Mais toutefois on estima que Calpurnius en auoit controuué la plus grãde partie: toutefois ceulx qui uouloient bien à Antonius alloient suppliant le peuple pour luy, & enuoyerent un d'entre eulx nommé Geminius uers Antonius, le prier qu'il ne souffrist pas par sa nōchalance qu'on luy ostant son empire, & qu'on le iugeast ennemy du peuple Romain. Cestuy Geminius, arriué qu'il fut en la Grèce par mer, meit incontinēt Cleopatra en soupçon, pource qu'elle pensa qu'il n'estoit uenu que pour parler en faueur d'Octauia, parquoy elle luy feit plusieurs tours de mocquerie: car tant que le soupper dura elle ne cessa de le brocarder & luy donner des attaintes. Et pour luy faire plus de despit, elle le feit seoir tout au bout de la table: ce qu'il endura patiemment, en attendant l'occasion de parler à Antonius. Mais comme Antonius luy commandast en souppant de dire qui le menoit, il respondit que ce n'estoient point propos de table, & qu'il luy diroit le matin à ieun: mais bien, ou yure ou ieun qu'il fust, il estoit assure d'une chose, que tout n'iroit iamais biē que lon n'eust renuoyé Cleopatra en Ægypte. Antonius prit mal ces paroles: & Cleopatra luy respondit; Tu fais que saige Geminius, de confesser la uerité auant que lon te donne la geyne pour te la faire dire. Peu de iours apres Geminius s'en fouit à Rome. Et les flatteurs pour gratifier à Cleopatra, feirēt pareillement chasser plusieurs autres des meilleurs seruiteurs & amis qu'eust Antonius, lesquelz ne pouuoient plus souffrir ne endurer les iniures & contumelies qu'on leur faisoit, entre lesquelz mesme estoit Marcus Syllanus, & Dellijs l'historien, lequel escrit qu'il s'en fouit pourautāt qu'il fut aduertiy par le medecin Glaucus, que Cleopatra le faisoit guetter pour le tuer. Il auoit encouru l'inimitié d'elle, pourautāt qu'un iour en souppant il dit, que lon leur faisoit boire du uin aigre, & que Sarmentus à Rome beuuoit du uin de Phalerne. Ce Sarmentus estoit un ieune enfant plaisant, tel que les seigneurs de Rome ont accoustumé d'auoir aupres d'eulx pour leur faire passer le temps, qu'ilz appellent leurs delices, & estoit à César. Apres dōcques que César eut suffisamment fait ses apprests, il feit publiquement decerner la guerre contre Cleopatra, & abroguer la puissance & l'empire d'Antonius, attendu qu'il l'auoit ia préalablement cedé à une femme. Et disoit d'auantage César, que Antonius n'estoit pas maistre de foy, ains que Cleopatra par quelques charmes & poisons amatoires l'auoit fortrait de son bon sens, & que

Antonius.

ceulx qui leur feroient la guerre feroient un Mardion eunuque, un Pothinus, F
une Iras, femme de chambre de Cleopatra, & une Charmion, lesquelles manioient les principaux affaires de l'empire d'Antonius. Avant ceste guerre, comme lon dit, ces signes & prodiges aduindrent. Premièrement la uille de Pisaurum qui auoit esté repeuplée par Antonius, assise au riuage de la mer Adriatique, par un uiolent tremblement de terre fut engloutie & fonde en abysme. L'une des statues de pierre qui auoient esté dressées à l'honneur d'Antonius en la uille d'Alba, sua par plusieurs iours: & combien qu'aucuns l'essuyassent, elle ne cessa point pourtant de fuer. En la uille de Patras, ce pendant qu'Antonius y estoit, le réple de Hercules fut brulé de la fouldre qui tûba dessus, & à Athenes G
en un endroit ou estoit la guerre des geâts cõtre les Dieux représentée en statues, celle de Bacchus par un estourbillon de uent en fut arrachée & ietée dedans le theatre. Or se disoit Antonius extrait de la race de Hercules, cõme nous auons dit ailleurs, & en sa maniere de uiure imitoit Bacchus, à raison dequoy on l'appelloit le nouveau Bacchus. La mesme peste abbatit les Colosses, qui sont des images excessiues en grandeur oultre le naturel, faitres à l'honneur d'Eumenes & d'Attalus, lesquelz on auoit nomméz & inscrits les Antoniés: & si ne fait point de mal aux autres, cõbié qu'il y en eut plusieurs. La galere capitaine de Cleopatra s'appelloit Antoniadé, en laquelle il aduit une chose de sinistre presage. Des arondelles auoiét fait leur nid dessous la pouppé: il en y uint d'autres puis apres qui chasserent ces premieres, & demolirent leurs nids. Quand tout fut H
prest & assemblé, & qu'ilz s'approcherét pour combattre, il se trouua qu'Antonius n'auoit pas moins de cinq cents uaisseaux de guerre, entre lesquelz y auoit plusieurs galeres à huit & à dix régs de rames qui estoiet parees & accoustrees superbement, & non tant pour le combat que pour le triumphe, cent mille hommes de pied, avec douze mille cheuaux, & auoit avec luy pour son secours les roys, ses subiects & uassaux qui sensuiuent, Bocchus roy des Libyés, Tarcondemus celuy de la haulte Cilicie, Archelaus celuy de la Cappadocie, Philadelphus roy de Paphlagonie, Mithridates roy de la Commagene, Adallus celuy de la Thrace, lesquelz y estoiet tous en personne. Les autres q estoiet absents y enuoyerent leurs armées, cõme Polemon roy de Pont, Manchus celuy d'Arabie, I
Herodes roy des Iuifs: & oultre, Amyntas celuy des Lycaoniés & des Galates: & si auoit d'auantage, le secours que luy enuoyoit le roy des Medois. Quant à César, il auoit de nauires de guerre pour le combat, deux cents cinquante, quatre uingts mille hommes de pied, & de gens de cheual presque autant que son ennemy: & tenoiét en leur obeissance, Antonius d'une part toute la terre qui est depuis l'Arménie & le fleuue Euphrates, iusques à la mer Ionique & à l'Esclauonnie. Et César d'autre part tout ce qui reste en nostre hemisphere, depuis l'Esclauonnie iusques à la mer Oceane, de Ponant, & puis tout ce qui est encore depuis l'Ocean iusques à la mer de la Sicile, & de l'Afrique, tout ce qui est à l'opposite de l'Italie, de la Gaule, & del'Hespagne: ce qui estoit depuis la K
prouince Cyrenaïque iusques à l'Éthiopie estoit soubz Antonius, lequel estoit si abbesty & si asseruy au uoloir d'une femme, que combien qu'il fust de beaucoup le plus fort par terre, il uoluit neãrmõins q l'affaire se voidast par un cõbat de mer pour l'amour de Cleopatra, encore qu'il ueist deuant ses yeulx qu'à faulte de forçaires ses capitaines prenoient & enleuoiet de la pauvre Grèce par force toutes gēs q lō pouuoit trouuer par les chāps, uiateurs passans, mulatiers, moissonneurs, de ieunes garçons, & encore ne pouuoiet ilz pas fournir à remplir
les

- A** les galeres, tellement que la plus grande partie estoit vuide, & ne pouuoit uo-
guer qu'à peine, à cause qu'il n'y auoit pas assez gens de rame dedans. Mais au
contraire, celles de Cæsar n'estoient point basties pompeusement en grandeur
& haulteur pour une ostentation de magnificence, ains estoient legeres, & faci-
les à manier, armées & fournies de forçaires autât comme il leur en falloit, les-
quelles il tenoit toutes prestes es ports de Tarente & de Brundisium. Si manda
à Antonius qu'il ne reculast plus en perdât temps, & qu'il uint avec son armee
en Italie: & quant à luy, qu'il luy bailleroit hautes & rades, pour pouuoir seu-
rement & sans empeschement prendre terre, & qu'il se reculeroit avec son ar-
mee arriere de la mer au dedans de l'Italie, autant que se peult estendre la course
d'un cheual, iusques à ce qu'il eust exposé son armee en terre & qu'il fust logé.
- B** Antonius brauant à l'opposite, luy remanda qu'il le desfioit à combattre seul à
seul en champ clos, combié qu'il fust le plus uieil, & fil fuyoir ce combat, qu'il
le combattroit en bataille rengees campagnes de Pharsale, comme auoient
fait auparauant Iulius Cæsar & Pompeius. Ce pendant que Antonius estoit à
l'ancre à ne rien faire à l'abry du chef d'Actium, au lieu ou est maintenant assise
la ville de Nicopolis, Cæsar eut plus tost trauersé la mer Ionique & pris le lieu
que lon appelle Toryne, que Antonius ne sceut les nouvelles de son partemēt:
parquoy les gens s'en trouuerent estōnez, à cause que l'armee de terre estoit de-
mouree derriere. Mais Cleopatra s'en mocquant: Et bien, dit elle, quel danger
- C** y a il, si Cæsar est de seiour à Toryne? Le lendemain au poinct du iour les enne-
mis festans mis à uoguer en bataille cōtre luy, Antonius eut peur filz uenoiēt
à le choquer qu'ilz ne prissent & emmenassent ses uaisseaux lesquelz estoient
uides de gens de guerre, si feit armer les forçaires & les ordonna en bataille
sus les bords & chasteaux des nauires, & puis feit enleuer & dresser contremont
en l'air tous les rengs des rames, tant d'un costé que d'autre, la prouë dressée cō-
tre les ennemis à l'entree & bouche du gouffre, qui commēce à la poincte d'A-
ctium, & les teint ainsi en ordonnance de bataille, comme si elles eussent esté
armees & fournies, tant de forçaires que de gens de guerre pour combattre.
Ainsi Cæsar deceu par ceste ruze de guerre se retira: & avec cela Antonius luy
- D** treucha & osta l'eau bien subtilement & ingenieusement: car sachant que les
lieux circonuoisins de l'endroit ou il estoit descendu en terre, auoient bien peu
& de mauuaise eau, il les enferma de trenchees & de forts, qu'il feit à l'enuiron
pour les garder de faillir à leur aise & en aller querir au loing, & si feit un hone-
ste tour & de grande courtoisie à Domitius, mesmement contre la uolunté de
Cleopatra: car comme il s'en fust allé sur un petit esquif rendre au camp de Cæ-
sar aiant desia la fiebure, Antonius en fut bien marry: mais neantmoins il en-
uoya apres luy tout son bagage, son train & ses gens: & ledit Domitius quasi
comme pour donner à entēdre qu'il se repētoit fort de sa trahison & desloyau-
té descouuerte, mourut incōtinent apres. Il y eut aussi quelques roys qui le laif-
ferent & se tournerent du costé de Cæsar, comme Amyntas & Deiotarus. Qui
- E** plus est, son nauigage qui estoit infortuné en toutes choses, & non prest à réps
pour faire seruice, le contraignit derechef de changer d'aduis, & de uouloir
hazarder la bataille sus terre ferme: & Canidius qui auoit la charge de l'ar-
mee de terre, quand le temps de mettre la main à l'œuure approcha, commen-
cea à changer aussi d'opinion, cōseillant à Antonius qu'il renuoyast Cleopa-
tra, & que de luy il se retirast en la Macedoine pour y combattre sur terre à pied
ferme, ueu mesmement que Dicomēs le roy des Getes luy promettoit de ue-

nir à son secours avec grosse puissance, & que ce ne luy seroit point de honte de ceder la mer à César, pourautant qu'il festoit exercité & ses gës duits & adressez aux combats de mer en la guerre de la Sicile contre Sextus Pompeius : mais plus tost que ce seroit une chose hors de tout bon sens & de raison, si luy qui estoit tant esprouué & experimenté aux combats de terre ferme, ne se seruoit de la force & uailance de tant de bons combattans à pied qu'il auoit tous prests, ains alloit affoiblissant son armee en la diuisant & distribuant par les nauïres. Mais nonobstant toutes ces raisons & remonstrances, Cleopatra le contraignit de commettre tout au hazard d'une bataille de mer, regardant desia comment elle s'en pourroit fourir : & disposant de ses affaires, non pour aider à gagner la uictoire, mais pour pl⁹ legeremēt eschapper quād tout seroit perdu. G

Ory auoit il depuis le camp d'Antonius iusques à la flotte de ses uaisseaux cōme une longue chaussée ou leuee qui estoit assez auant iettée en la mer, par laquelle il alloit & uenoit bien souuent sans se desfier ne se doubter de rien. Vn des gens de César s'en aduisa, qui en alla aduertir son maistre, disant qu'il seroit bien aisé de surprendre & trousser Antonius, ainsi comme il se promeneroit le long de ceste leuee : & pourtant César y enuoya quelques gens en embusche pour le guetter, & s'en fallut si peu qu'ilz ne le prissent qu'ilz empoignerent ce-luy qui marchoit deuant luy, pourautant qu'ilz se leuerent un peu trop tost & à toute peine se peut il luy sauuer de uistesse. Apres donc qu'il fut tout conclud & arresté que l'on combattroit par mer, il feit brusler toutes les autres galeres fors H que soixante Ægyptiennes, & ne reteint que les meilleures & les plus grādes depuis trois rences de rames iusques à dix, sus lesquelles il meit uingt & deux mille combattans, avec deux mille hommes de traict : mais ainsi qu'il ordonnoit ses gens en bataille, il y eut un chef de bande uaillant hōme, & qui s'estoit trouué en plusieurs affaires & rencontres soubz sa charge, tellement qu'il en auoit le corps tout detaillé & cicatricé de coups, lequel ainsi comme Antonius passoit au long de luy, s'escria & dit tout hault, Syre empereur, comment mets tu ton esperance en ces meschans & fresles bois icy ? te desfies tu de ces mienes cicatrices & de ceste espee ? laisse combattre les Phœniciens & Ægyptiens sus la mer, & nous baille la terre ferme, sus laquelle nous auons accoustumé de uaincre, ou de mourir debout. I

Antonius passa oultre sans luy respondre rien, seulement luy feit il signe de la main & de la teste, comme s'il l'eust uoulu admonester qu'il eust bon courage, toutefois il n'auoit pas luy mesme gueres bonne esperance : car comme les patrōs de galeres & pilotes uoulussent laisser les uoiles, il leur commanda qu'ilz les chargeassent, disant pour couleur qu'il ne falloit pas qu'il eschappast un tout seul des ennemis. Tout le long de ce iour là & les trois ensuiuans la mer fut si haulte & si tourmentee de grands & impetueux uents que la bataille en fut differee. La cinquieme iournee le uent s'appaisa, & fut la mer calme, & adonq uoquerent ilz à force de rames en bataille l'un contre l'autre : Antonius menant la pointe droite avec Publicola, & Celius la fenestre : Marcus Octauius & Marcus Insteius le milieu. De l'autre costé César auoit mis à la pointe fenestre de son armee Agrippa, & auoit retenu la droite pour luy. Quant aux armees de terre, Canidius auoit la superintendence de celle d'Antonius, & Taurus de celle de César, qui les tindrent en bataille l'un deuant l'autre sur le bord de la mer sans se chocquer. Et quāt aux deux souuerains chefs Antonius se faisoit mener à force de rames sus une fregate par toute son armee, & alloit preschant ses gens pour les encourager de bien combattre, com-

A me filz eussent le pied fiché en terre ferme, à cause de la fermeté & pesanteur de ses nauires, commandant aux pilotes & patrons de galeres, que sans se bouger nō plus que filz estoiet à l'ancre, ilz sousteinsent le premier choc des ennemis, & qu'ilz n'abandonnassent point le destroit du gouffre. Cæsar le matin deuant iour cōme il sortoit de sa tente pour aller tout alentour uisiter ses nauires, rencontra un homme qui touchoit deuant luy un asne, si luy demanda qui il estoit & comment il auoit nom. L'ay, dit le bon homme, à nom Eutyclus, qui uault autant à dire comme bien fortuné: & mon asne Nikon, c'est à dire, uainqueur: & pource Cæsar apres la bataille gaignee, ornant le lieu avec les esperons des galeres captiues pour marque de sa uictoire, y feit aussi dresser un homme & un asne de bronze. Quand il eut bien par tout uisité l'ordonnance de son armee, il se feit mener dedans un esquif à la pointe droite, & s'esmerueill grandement de ueoir que ses ennemis se cōtenoient ainsi sans se bouger dedās le destroit: car à les ueoir de loing on eust proprement dit que c'estoiet nauires à l'ancre, & le creut un long temps, si reteint ses galeres distantes des ennemis d'environ demye lieuë. Quand ce uint sus le midy il se leua un petit uent de la mer, & adonc les gens d'Antonius impatiens de si longue demeure, & soy confians à la grandeur & haulteur de leurs uaisseaux, comme filz fussent totalement inexpugnables, commencerent à auancer leur pointe fenestre: ce que uoiant Cæsar en fut fort ioyeux, & commença à s'ier un peu en arriere & reculer de la pointe droite, uoulant les attirer encore plus hors du destroit & du gouffre, à celle fin qu'il peust avec ses uaisseaux, qui estoiet legers & bien garniz de forçaires, tourner & enuironer les galeres des ennemis, lesquelles estoiet vuides & pesantes, tant pour leur grande masse comme aussi pour ce qu'elles auoient faulte de gens de rame. Quand la meslee cōmença, & qu'ilz furent ioincts à combattre main à main, il n'y eut point à la rencōtre de grand heurt, ny ne se chocquerent point les uaisseaux impetueusement l'un l'autre, cōme il se fait ordinairement es cōbats de mer, à cause q̄ d'un costé les nauires d'Antonius pour leur pesanteur ne pouuoient auoir la roideur & la uistesse qui fait que les coups de pointe ont grande force & effect, & d'autre costé les uaisseaux de Cæsar se gardoient, non seulement de chocquer & heurter de front contre ceulx d'Antonius, qui auoiet les prouës reuestues & armées de grosses pointes d'arain: mais n'osoient pas mesme leur donner par les flancs, à cause que leurs pointes se brisoient aisement par quelque costé qu'ilz uinsent à dōner d'impetuosité à ces uaisseaux, qui estoient faictz de grosses pieces de bois quarré liees ensemble à grosses bandes & lieures de fer: tellement que la bataille estoit presque semblable à un combat de terre, ou pour mieulx dire, à l'assault d'une uille, car il y en auoit tousiours trois ou quatre de celles de Cæsar alentour d'une de celles d'Antonius, & combattoient les soudards à grands coups de picque, de halebardes, & de iauelines, & iettoient des pots & lances à feu: & ceulx d'Antonius avec arbalestes & engins de batterie leur laschoient force coups de traiet du hault des tours de bois, qui estoient sur leurs uaisseaux. Or Publicola uoiant que Agrippa estendoit & elargissoit la pointe gauche de l'armee de Cæsar pour enclore ceulx d'Antonius qui combattoient, fut cōtrainct de prendre le large aussi, & en se tirant un peu à costé esloigner ceulx qui estoient au milieu de la bataille, lesquelz s'en effroyerēt: car ilz estoient desia fort pressez par Arruntius: toutefois le combat estoit encore egal, & la uictoire en doubte, sans incliner plus d'un costé que d'autre, quand on ueit soudainement les soixante galeres de Cleopatra dresser

les matz, & desployer les uoiles pour prendre la fuitte : si s'enfouyrēt tout à tra- F
 uers de ceulx qui combattoient : car elles auoient esté mises derriere les grands
 uaisseaux, & meirēt les autres en grand trouble & desarroy, pource les ennemis
 mesmes s'esmerueillierent fort de les uoir ainsi cingler à uoiles desployees uers
 le Peloponēse : & là Antonius monstra tout euidentement qu'il auoit perdu le
 sens & le cuer, non seulement d'un Empereur, mais aussi d'un uertueux hōme,
 & qu'il estoit transporté de l'entendement : & que cela est uray, qu'un certain
 ancien a dit en se iouant, Que l'amie d'un amant uit au corps d'autrui, non pas
 au sien. tant il se laissa mener & trainner à ceste femme, comme fil eust esté col-
 lé à elle, & qu'elle n'eust scēu se remuer sans le mouuoir aussi. Car tout aussi tost
 qu'il ueit partir son uaisseau, il oubliā, abandonna & trahit ceulx qui combat- G
 toient & se faisoient tuer pour luy, & se ietta en une galere à cinq rens de ra-
 mes pour suivre celle qui l'auoit desia commencé à ruiner, & qui le deuoit en-
 core du tout acheuer de destruire. Quand elle cognut de loing ceste galere,
 elle feit leuer de la pouppē de sa nauire un pannonceau, & ainsi Antonius s'en
 approcha, puis fut tiré amōnt ou estoit Cleopatra : mais il ne la ueit point de
 prime face, ne elle luy, ains s'en alla seoir tout seul sans mot dire en la prouē de
 la nauire, tenant sa teste entre ses deux mains : & ce pédant approcherent quel-
 ques fustes de César, qui le poursuiuoient : si feit Antonius incontīnēt retour-
 ner la prouē de la nauire, & feit tātost bien retirer tous les autres, fors un certain H
 Eurycles Lacedemonien, qui le suiuoit & pressoit de grand courage, branlant
 une iaueline qu'il tenoit en la main de dessus la prouē, cōme fil l'eust uolu lā-
 cer contre Antonius : lequel se uint presenter au chasteau de degāt, & demāda,
 Qui est cestui-cy qui oze biē poursuiure Antonius ? Le suis, respōdit il, Eurycles
 filz de Lachares, qui par le moien de la bonne fortune de César cherche à uen-
 ger la mort de mō pere. Car cē Lachares auoit esté accusé de quelque uolētie, &
 l'auoit Antonius fait decapiter : toutefois Eurycles se garda bien d'investir la
 nauire ou estoit Antonius, mais il donna à l'autre capitainesse, car il y en a-
 uoit deux, si grād coup de la pointe qui estoit grosse & massifue d'arain, qu'il la
 feit tournoyer, & la prit avec une autre laquelle estoit chargée de grāde quan-
 tité de meuble fort riche & precieux. Apres que celuy là se fut retiré, Antonius I
 s'en retourna en la mesme place, & se teint cōme il estoit parauant sans mot
 dire, & uescut trois iours ainsi à part soy sans parler à personne, iusques à ce qu'il
 arriua au chef de Tanarus, là ou les femmes de Cleopatra les feirent premiere-
 ment parler l'un avec l'autre, & puis apres, soupper & coucher ensemble. Desia
 cōmenceoient à se rallier à eulx grand nombre de nauires marchāns, & aucūs
 de leurs familiers qui estoient eschappez de la desfaitte, lesquelz apportoiēt
 nouvelles q'l'armee de mer estoit perdue, mais qu'ilz estimoient que l'armee de
 terre tenoit encore : & lors Antonius māda à Canidius qu'il s'en reuint avec son
 armee par la Macedoine en Asie. Quāt à luy, il se deliberaoit de trauciser en A-
 frique, & prit l'une de ses carraques chargée d'or & d'argent & d'autres meubles, K
 laquelle il dōna à ses amis, leur cōmandāt qu'ilz la partissent entre eulx, & qu'ilz
 cherchassent moien de se sauuer. Ilz respondirent en pleurāt qu'ilz ne le feroiēt
 point & qu'ilz ne l'abandoneroient iamais. Adonc Antonius les recōforta fort
 humainemēt & affectueusemēt, les priant de se retirer : si escriuit à Theophilus
 le gouuerneur de Corinthe qu'il leur donnast moien d'estre en seureté, & qu'il
 les cachast en quelque lieu secret iusques à ce qu'ilz eussent fait leur appointe-
 ment avec César. Ce Theophilus estoit le pere de Hipparchus, lequel auoit eu
tresgrand

A tres grand credit empres Antonius : ce fut le premier de tous ses affranchiz, qui se retourna & se rendit à Cæsar, & puis apres sen alla demourer à Corinthe. uoila comment il alla d'Antonius. Quant à son armee de mer qui combattoit deuant le chef d'Actium, elle resista long temps, & n'y eut rien qui luy portast si grieue nuysance, comme un grand uent, qui se leua & luy donna par le deuant en prouë, encore à toute peine fut elle à la fin desfaite à cinq heures du soir. Il n'y mourut pas plus de cinq mille hommes : mais il y eut trois cents nauires prises, ainssi comme Cæsar luy mesme l'escriit en ses commentaires. Plusieurs auoient euidemment ueu fouir Antonius, & toutefois à peine le pouuoier ilz croire, que luy qui auoit dixneuf legions encore toutes entieres, & douze mille hommes de cheual sur le riuage de la mer les eust abandonnez, & sen fust fouy ainssi laschement, comme s'il n'eust pas souuentefois experimenté l'une & l'autre fortune, & qu'il ne fust exercité aux uariations & changemens des batailles, & toutesfois encore le desiroient ses gens, & esperoient tousiours qu'il reuiendrait de quelque part : & se monstrent si uertueux & de si grande loyauté enuers leur capitaine que encore apres qu'ilz furent tous certains de sa fuite, ilz se maintindrent sept iours entiers, ne faisans compte des ambassadeurs que Cæsar leur enuoyoit tous les iours. A la fin leur chef Canidius lieutenant d'Antonius sen estat fouy de nuict, & aiant abandonné son camp, quand ilz se ueirent destituez & abandonnez de tous leurs principaulx chefs, ilz se rendirent au plus fort. Cela fait, Cæsar se mit à la uoile uers la uille d'Athenes, là ou il feit appointment avec les Grecz, & distribua ce qui restoit des bleds que lon auoit amassez pour l'armee d'Antonius aux uilles & citez de la Grece, lesquelles estoient reduites à extreme pauureté & misere, espuisées d'argët, de serfs, & de cheuaux & autres bestes de uoiture : tellement que mon bisayeul Nicarchus racomptoit, que alors tous les citoiens de nostre uille, sans en excepter un, furent contrains de porter eulx mesmes sus leurs espaulles une certaine mesure de bled iusques à la coste de la mer, qui est deuant l'isle d'Anticyra, & encore les chassoit on à grands coups de fouet. Ilz n'en porterent qu'une fois en ceste sorte : car à la seconde couruee, comme ilz en deuoient porter une autre fois, & que les charges estoierent desia prestes & mesurees, les nouuelles uindrent que Antonius auoit perdu la bataille, ce qui sauua nostre pauvre uille : car les cômmissaires & gens de guerre d'Antonius sen fouirent inconrinent, & les citoiens departirent le bled entre eulx. Arriué que fut Antonius en la Libye, il enuoya deuant Cleopatra en Egypte de la uille de Parætoniû, & luy demoura en tresgrâde solitude, n'ayant pour toute compagnie avec luy que deux de ses familiers, avec lesquelz il alloit errât ça & là, tous deux rhetoriciens, l'un Aristocrates Grec, & l'autre Lucilius Romain, duquel nous auôs escrit ailleurs, comme en la iournee que Brutus fut desfait pres la uille de Philippes, il seuint luy mesme de son bon gré mettre entre les mains de ceulx qui poursuiuoient Brutus, disant que c'estoit luy, à celle fin que Brutus ce pédant eust loisir de se sauuer, & depuis pourautât que Antonius luy sauua la uie, il demoura tousiours avec luy, & luy garda foy & loyauté d'amitié iusques à la fin de ses iours. Mais quand encore Antonius fut aduerty, que celui auquel il festoit fié du gouuernement de la Libye, & à qui il auoit cômisi la charge de l'armee qu'il y auoit, festoit tourné du costé de Cæsar contre luy, il en fut si desplaisant qu'il se uolut occire, & l'eust fait, si ses amis qui estoient autour de luy ne l'en eussent engardé. Si se feit porter en Alexandrie, là ou il trouua Cleopatra embesoignée apres une entreprise merueilleuse & d'une

Antonius .

tresgrande hardieſſe. Il y a entre la mer rouge & celle d'entre les terres qui bar
la coſte d'Egypte, un bien petit eſpace de terre, qui ſepare les deux mers, & fait
la diuiſion de l'Afrique & de l'Asie, lequel deſtroit eſt ſi contraint à l'endroit
ou les deux mers le ſerrent & eſtraignent le plus, qu'il n'a de l'argeur qu'environ
dix huit lieux & demie. Cleopatra entreprenoit & taſchoit de faire enleuer
ſes nauires de l'une mer, & les faire trainer & charier iuſques en l'autre par deſ-
ſus ce deſtroit, & apres que ſes nauires ſeroient descendues dedans ce gouffre
d'Arabie, emporter tout ſon or & ſon argent, & ſ'en aller avec une groſſe com-
pagnie de ſes gens habiter en quelque terre ſus l'Ocean, loingtaine de la mer
mediterrancee pour eſchapper le danger de ceſte guerre, & de la ſeruitude: mais
pourautant que les Arabes qui ſont alentour de la uille de Petra bruſlerent les
premieres nauires que lon y traina, & que Antonius penſoit que ſon armee de
terre qui eſtoit pres d'Actium teint encore, elle ſe deporta de celle ſiene entre-
priſe, & fait bien garder les ports, paſſages, & aduenues de ſon royaume. Quāt
à Antonius, il laiſſa la uille & la conuerſatiō de ſes amis, & fait baſtir une mai-
ſon dedans la mer, pres l'ille de Pharos ſus certaines chauſſees & leuees qu'il fei-
t ietter en la mer, & ſe tenoit leans, comme ſe banniſſant de la compagnie des
homes, & diſoit qu'il uouloit mener une telle uie comme Timon, pourau-
tant qu'on luy auoit fait le ſemblable qu'à luy, & que pour l'ingratitude & le
grand tort que luy tenoient ceulx à qui il auoit bien fait, & qu'il eſtimoit ſes
amis, il ſe deſſoit & ſe meſcontentoit de tous les autres. Ce Timon eſtoit un
citoyen d'Athenes, lequel auoit ueſcu environ la guerre du Peloponeſe, com-
me lon peult iuger par les comēdies de Platon & d'Ariſtophanes, eſquelles il
eſt mocqué & touché comme malueillant & ennemy du genre humain, re-
fuiāt & abhorriſſant toute compagnie & communication des autres hommes,
fors que d'Alcibiades ieune, audacieux & insolent, auquel il faiſoit bōne che-
re, & l'embraſſoit & baiſoit uoluntiers: dequoy ſ'eſbahissant Apemantus, &
luy en demātant la cauſe, pourquoy il cheriſſoit ainſi ce ieune homme là ſeul,
& abominoit tous les autres: Je l'aime, reſpondit il, pourautant que ie ſçay bien
& ſuis ſeur, qu'un iour il fera cauſe de grands maulx aux Atheniens. Ce Timon
receuoit auſſi quel que fois Apemantus en ſa cōpagnie, pourautant qu'il eſtoit
ſemblable de nature & de meurs à luy, & qu'il imitoit fort ſa maniere de uiure.
Un iour donques que lon celebroit à Athenes la ſolēnité que lō appelle Choē,
c'eſt à dire, la feſte des morts, là ou on fait des effuſions & ſacrifices pour les
trespaſſez, ilz ſe feſtoyoient eulx deux enſemble tous ſeulz, & ſe prit Apemantus
à dire, Que uoicy un beau banquet, Timon. & Timon luy reſpondit, Ouy bien
ſi tu n'y eſtois point. Lon dit qu'un iour comme le peuple eſtoit aſſemblé ſur la
place pour ordonner de quelque affaire, il monta en la tribune aux harengues,
comme faiſoient ordinairement les orateurs quand ilz uouloient harēguer &
preſcher le peuple: ſi y eut un grād ſilence, & eſtoit chaſcun tres ententif à ouir
ce qu'il uouldroit dire, à cauſe que c'eſtoit une ehoſe bien nouuelle & bien e-
ſtrange que de leuoir en chaire: à la fin il commença à dire, Seigneurs Athe-
niens, i'ay en ma maiſon une petite place, ou il y a un figuier, auquel pluſieurs
ſe ſont deſia penduz & eſtranglez, & pourtant que ie y ueux faire baſtir, ie
uous en ay bien uoulu aduertir deuant que faire couper le figuier, à celle fin que
ſi quelques uns d'entre uous ſe ueulent pendre, qu'ilz ſe depeſchent. Il mour-
rut en la uille d'Hales, & là fut inhumé ſus le bord de la mer. Si aduint que tout
alentour de ſa ſepulture le riuage ſ'eſboula, tellement que la mer qui alloit flor-
tant

A tant alenuiron, gardoit qu'on n'eust sceu approcher du tumbau, sus lequel il y auoit des uers engrauez de telle substance,

A iant finy ma uie malheureuse,

E n ce lieu cy on m'y a inhumé:

M ourez meschans de mort malencontreuse

S ans demander comme ie fus nommé.

On dit que luy mesme uiuât feict ce bel Epitaphe: car celuy que lon allegue cōmunement n'est pas de luy, ains est du poëte Callimachus,

I cy ie fais pour tousiours ma demeure

T imon encor les hommes haissant,

B P asse lecteur en me donnant male heure,

S eulement passe & me ua maudissant.

Nous pourriōs escrire beaucoup d'autres choses dudit Timon, mais ce peu que nous en auons dit, est assez pour le present. Pour doncques retourner à Antonius, Canidius luy mesme uint apporter les nouuelles, qu'il auoit perdu son armee de terre pres d'Actium. D'autre costé, il fut aduertty aussi, q Herodes le Roy des Iuifs, lequel auoit quelques legions & quelques cohortes avec luy, s'estoit tourné de la part de Cesar, & tous les autres Roys pareillement, de sorte, q hors mis ceulx qui estoient alentour de sa personne, il n'y auoit plus rien q teint pour luy. Neantmoins il n'y eut rien de tout cela qui le troublast, & sembloit

C qu'il fust bien contēt de laisser toute esperāce, à fin qu'il se dechargeast aussi de toute la sollicitude de ses affaires: si sortit hors de celle demourance qu'il auoit fait bastir dedans la mer, & qu'il appelloit la maison Timoniene, & le receut Cleopatra en son palais royal. Soudain qu'il y fut retourné, il remeit toute la uille à faire bâquets & grâdes cheres, & soy mesme à donner: car il feict enroller selon la coustume des Romains, le filz de Iulius Cesar & de Cleopatra au nombre des ieunes hommes, & donna la robe uirile, qui estoit une robe longue pure sans brodure ny enrichisseure de pourpre, à Antyllus son filz aisné qu'il auoit eu de Fulvia: pour lesquelles choses par plusieurs iours on ne ueit en Alexandrie que ieux, danses, banquets & festins. Il est uray qu'ilz abolirent celle

D premiere bâde, qu'ilz auoiēt nommee la bâde de la uie nō imitable: mais ilz en remeirent sus une autre qu'ilz appellerent Synapothanumenon, c'est à dire, la bande de ceulx qui ueulent mourir ensemble, laquelle en sumptuosité, despenche & delices, ne cedoit de rien à la premiere: car leurs amis se faisoient enroller en ceste bande des Cōmourants, & par ainsi ilz estoient tousiours à faire grand chere, pource que chascun à son tour festoyoit la compagnie. Ce pēdant Cleopatra faisoit un recueuil & amas de tous poisons qui ont pouuoir d'esteindre les hommes: & pour esprouuer ceulx qui faisoient mourir avec la moindre douleur, elle en faisoit l'essay sus les criminelz de mort qui estoient detenus es prisons: mais quand elle ueit que ceulx qui estoient soubdains & prompts appor-

E toient celle prōptitude de mort avec griefues douleurs & grands tourmēs: & au contraire, que ceulx qui estoient plus gracieux & plus doux, n'auoient pas la force prompte & soudaine de faire mourir l'homme, elle se meit à essayer puis apres les morsures des serpents, & en faisoit deuant elle appliquer d'une forte aux uns, & d'une autre aux autres: & combien qu'elle en feist tous les iours de nouuelles esprouues, elle n'en trouua pas une de toutes celles qu'elle essaya, plus propre que la morsure d'un Aspic, laquelle sans pasmoison ne gemissement, attire seulement une pesanteur de teste, & cause une grande enuie de dormir avec

Antonius .

un peu de sueur au uisage, & amortist ainsi petit à petit les sens, sans que lon ap- F
perçoie aucunement que les patiêts endurent grande douleur: car ilz sont aussi
marris quand on les esueille, ou qu'on les lieue, comme sont ceulx qui sont fort
espris de sommeil, & qui ont bien grâde enuie de dormir. Mais non obstant ilz
enuoyerēt des ambassadeurs uers Cæsar en l'Asie, elle requérât le royaume d'Æ-
gypte pour ses enfans, & luy priant qu'on le laissast uiure à Athenes cōme per-
sonne priuee, si Cæsar ne uouloit qu'il demourast en Ægypte. Et pourtant qu'ilz
n'auoient alentour d'eulx autres personnes de quelque apparence, à cause que
les uns s'en estoient fouis, & qu'ilz ne se fioient gueres aux autres, ilz furent cō-
trains d'y enuoyer Euphronius le precepteur de leurs enfans. Car Alexas Lao- G
dicien, qui auoit esté introduit en la maison & amitié d'Antonius par le moien
de Timagenes, & depuis auoit acquis entour luy plus de credit & de faueur que
nul autre des Grecs, pourautant qu'il auoit tousiours esté l'un des instruments
& ministres de Cleopatra à gagner Antonius, & à renuerfer toutes ses bonnes
deliberations de rappeler & bien traiter Octauia, Antonius l'auoit enuoyé
uers Herodes le roy des Iuifs pour cuider le retenir en son amitié, & le garder
de se tourner: mais il demoura là, & trahit Antonius: car au lieu de diuertir l'au-
tre, il luy persuada de se tourner, & eut bien la hardiesse de se uenir presenter à
Cæsar, se confiant à Herodes. Toutefois Herodes ne luy seruit de rien, car il fut
incontinent pris & mené prisonnier en ferré en son païs mesme, là ou par le cō-
mandement de Cæsar, il fut mis à mort. Voila comment cest Alexas du uiuant H
d'Antonius fut puny de la trahison & desloyauté qu'il auoit commise enuers
luy. Au demourant Cæsar ne uoulut point ouir les prieres & requestes d'Anto-
nius: mais quant à Cleopatra, il luy feit responce qu'il ne luy refuseroit rien qui
fust iuste ou equitable, moienāt qu'elle feist mourir, ou qu'elle chassast hors de
son païs Antonius, & enuoya quād & quād l'un de ses seruiteurs nommé Thy-
reus homme clairuoyant & bien aduisé, & qui apportât lettres de creance d'un
ieune seigneur à une femme haultaine, & qui se contentoit grandement & se
fioit de sa beauté, l'eut par son eloquence facilement peu emouuoir: Cestuy
parloit à elle plus long temps que les autres, & luy faisoit la royne tresgrand
honneur, tellemēt qu'il met Antonius en quelque imagination & souspeçon: I
si le feit saisir au corps & fouetter à bon esciant, puis le renuoya ainsi accoustré
à Cæsar, luy mandant qu'il l'auoit irrité, pour autāt qu'il faisoit trop du superbe,
& l'auoit eu en mespris, mesmement lors qu'il estoit facile & aisé à aigrir pour
la misere en laquelle il se trouuoit: Brief, si tu le trouues mauuais (dit il) tu as par
deuers toy un de mes affrāchis Hipparchus, pēds le si tu ueux, ou le fouette à ton
plaisir, à fin que nous soyons egaulx. De là en auant Cleopatra, pour se purger
des imputations qu'il luy mettoit sus, & des souspeçons qu'il auoit encoītre elle,
l'entretint & le caressa le plus soigneusement & le plus diligemment qu'elle
peut: car tout premier, là ou elle solennisoit le iour de sa natiuité petitement &
escharsément comme il conuenoit à sa fortune presente, au contraire elle cele- K
broit le iour de la fiene de telle sorte, qu'elle oultrepassoit toutes les bornes de
sumptuosité & de magnificence, en maniere que plusieurs des cōuiez au festin,
lesquelz y estoīēt uenus pauures, s'en retournoīēt tous riches. Ainsi q̄ ces cho-
ses passoient, Agrippa par plusieurs missiues les unes sus les autres, mandoit à
Cæsar qu'il retournaist à Rome, & que les affaires requeroient sa presence neces-
sairement, parquoy la guerre fut differee & remise à l'annee ensuyuant: mais si
tost que l'hyuer fut passé, il s'en retourna une autrefois contre Antonius par la
Surie,

A Surie, & ses autres capitaines par le costé de l'Afrique. Or comme la uille de Pelusium eust esté prise, il courut un bruit de uille, que Seleucus l'auoit renduë du consentement de Cleopatra : mais pour monstrier que non, elle meit entre les mains d'Antonius, sa femme & ses enfans, pour en faire la uengeance à sa uolunté. D'auantage elle auoit de longue main fait bastir des sepultures & monumens fort sumptueux, tant en beauté d'ouurage, qu'en haulteur & grâdeur d'edifice tout ioignant le temple d'Isis, elle y feit porter tout tant qu'elle auoit de riches & de precieus meubles des anciens roys ses predecesseurs, d'or, d'argent, d'esmeraudes, de perles, d'hebene, d'yuoir, de Cinnamome, & oultre cela, force torches, fagots & estoupes, tellement que Cæsar aiant peur que

B tant de cheuance ne se perdist, & que ceste femme par desespoir ne meist le feu dedans, & ne brustast une si grande richesse, luy enuoyoit tousiours quelqu'un qui luy portoit un bon mot de sa part, pour l'entretenir en bonne esperance, cependant qu'il approchoit de la uille avec son armee. Si approcha tant qu'il uint planter son camp tout ioignant la uille dedans les lices, ou lon auoit accoustumé de picquer & manier les cheualx. Antonius feit une saillie sur luy & combattit uaillement, si bien qu'il repoulsa les gens de cheual de Cæsar, & les mena battant iusques dedans leur camp, puis s'en reuint au palais se glorifiant grandement de ceste uictoire, & baissa Cleopatra tout ainsi armé comme il estoit uenu du combat, luy recommandant l'un de ses hommes d'armes, lequel en ceste escarmouche auoit tresbien fait son deuoir, & elle pour loyer de

C sa uertu, luy donna un corselet & un armet d'or : mais l'homme d'armes apres qu'il eut eu receu ce riche present, la nuit s'en alla rendre à Cæsar. Et Antonius enuoya une autre fois desfier Cæsar, & luy presenter le cōbat d'hōme à hōme. Cæsar luy feit respōce, qu'il auoit beaucoup d'autres moies de mourir q̄ celuy là. Parquoy Antonius uoiant qu'il ne restoit point de plus honeste moie de mourir qu'en cōbattant uaillement, se delibera de faire tout son dernier effort, tant par mer cōme par terre : & en souppant, cōme lon dit, commanda à ses seruiteurs & officiers domestiques q̄ le seruiēt à table, qu'ilz luy uersassent largemēt à boire, & le traittassēt à la meilleure chere qu'ilz pourroient : car, dit il, uous ne scauez

D si uous m'en ferez demain autāt, ou si uous seruirez autres maistres, & peult estre ne sera ce plus rien que de moy, sinon un corps mort esté du : toutefois uoiant que ses gens & ses familiers fondoient en larmes en luy oyant dire ces paroles, pour rabiller ce qu'il auoit dit, il y adiouxta, qu'il ne les meneroit point en bataille, dont il ne pensast plus tost retourner seurement avec la uictoire, que y mourir uaillement avec gloire. Au demourant celle nuit mesme enuiron la minuit presque, comme toute la uille estoit en silence, frayeur, & tristesse pour l'attente de l'issue de ceste guerre, on dit que soudainement on ouyt l'armonie & les sons accordez de toutes sortes d'instruments de musique, avec la clameur d'une grande multitude, comme si ce eussent esté des gens qui eussent

E dansé & qui fussent allez chantans ainsi que lon fait es festes de Bacchus avec mouuemens & saliations Satyriques : & sembloit que ceste danse passast tout à trauers de la uille par la porte qui respondoit au camp des ennemis, & que par celle porte toute la troupe dont on oyoit le bruit sortist hors de la uille. Si fut aduis à ceulx qui avec quelque raison chercherent l'interpretation de ce prodige, que c'estoit le dieu, auquel Antonius auoit singuliere deuotion de le cōtrefaire, & affection de le ressembler, qui les laissoit. Le lendemain à la pointe du iour il alla parquer le peu de gens de pied qu'il auoit sus les cōstaux, qui sont

Antonius .

au deuant de la uille, & de là se prit à regarder ses galeres qui partoient du port & uoquoient contre celles des ennemis: si l'arresta tout de pied coy, attendant de ueoir quelque exploit des gens de guerre qui estoient dedans: mais incontinct que à force de rames, ilz se furent approchez, ilz saluerent les premiers ceulx de Cæsar, & ceulx de Cæsar les resaluerent aussi, & feirent des deux une seule armee, puis tout d'une flotte uoquerent uers la uille. Antonius n'eut pas plus tost ueu cela, que ses gens de cheual l'abandonnerent & se rendirent à Cæsar, & ses gens de pied furent rompus & desfaits: parquoy il se retira dedans la uille, criant que Cleopatra l'auoit trahy à ceulx contre qui il auoit entrepris & fait la guerre pour l'amour d'elle. Adonc elle craignant sa fureur & sa desesperance, s'enfouit dedans la sepulture qu'elle auoit fait bastir, là ou elle feit serrer les portes & abatre les grilles & les harpes qui se fermoient à grosses serrures & fortes barrieres, & ce pendant enuoya uers Antonius, luy denocer qu'elle estoit morte: ce qu'il creut tout aussi tost, & dit en luy mesme, Qu'attens tu plus Antonius, quand la fortune ennemie t'a osté la seule cause qui te restoit, pour laquelle tu aimois encore à uiure? Apres qu'il eut dit ces paroles, il entra en une chambre & deslassa le corps de sa cuirasse, & quand il fut descouuert il se prit à dire: O Cleopatra, ie ne suis point dolent d'estre priué & separé de ta cōpagnie, car ie me rendray tātost par deuers toy: mais biē suis-ie marry que aiant esté si grād capitaine & si grād Empereur, ie soye par effect cōuaincu d'estre moins magnanime & de moindre cuer qu'une femē. Or auoit il un sien seruiteur nommé Eros, duquel il se fioit, & auquel il auoit long tēps au parauant fait dōner la foy qu'il l'occiroit quād par luy il en seroit requis: il le somma lors de tenir sa promesse, parquoy le seruiteur desgaina son espee & l'estendit comme pour le frapper, mais en destournant son uisage d'un autre costé, il se la fourra à soy mesme tout au trauers du corps, & tumba tout mort aux pieds de son maistre: & adonc dit Antonius, O gentil Eros, ie te sçay bon gré, & est uertueusement fait à toy, de me monstrier qu'il fault que ie face moy mesme ce que tu n'as peu faire en mon endroit. En disant ces paroles il se donna de l'espee dedans le uentre, & puis se laissa tūber à la renuerse sur un petit liēt: si n'estoit pas le coup pour en mourir soudainement, & pourtant l'effusion du sang se restraignit un peu quand il fut couché, & apres qu'il se fut un peu reuenu, il pria ceulx qui estoient là presens de l'acheuer d'occire: mais ilz s'enfouyrēt tous de la chambre & le laisserent là cryant & se tourmentant, iusques à ce qu'un certain secretaire nommé Diomedes uint par deuers luy, lequel auoit charge de le faire porter dedans le monument ou estoit Cleopatra. Quand il sceut qu'elle uiuoit encore, il commanda de grande affection à ses gens qu'ilz y portassent son corps, & fut ainsi porté entre les bras de ses seruiteurs iusques à l'entree: toutefois Cleopatra ne uolut pas ouurir les portes, mais elle se uint mettre à des fenestres haultes, & deuala en bas quelques chaisnes & cordes, dedās lesquelles on empacqueta Antonius, & elle avec deux de ses femmes seulement qu'elle auoit souffert entrer avec elle dedans ces sepulchres le tira amont. Ceulx qui furēt presens à ce spectacle disent qu'il ne fut onques chose si piteuse à ueoir: car on tiroit ce pauvre homme tout souillé de sang tirant au traict de la mort, & qui tēdoit les deux mains à Cleopatra, & se souleuoit le mieulx qu'il pouuoit. C'estoit une chose bien mal aisee que de le monter, mesmement à des femmes, toutefois Cleopatra en grāde peine sefforçant de toute sa puissance, la teste courbee contre bas sans iamais lascher les cordes, feit tant à la fin qu'elle le mōta & tira à soy, à l'aide de ceulx d'abas qui luy donnoient

A noient courage, & tiroient autāt de peine à la ueoir ainsi trauailler, comme elle mesme. Apres qu'elle l'eut en ceste sorte tiré amont, & couché dessus un liēt, elle desrompit & deschira adonc ses habillemens sur luy, battant sa poitrine, & s'esgrattignant le uisage & l'estomac: puis luy essuya le sang qui luy auoit souillé la face, en l'appellant son seigneur, son mary, & son empereur, oubliant presque sa misere & sa calamité propre, pour la compassion de celle ou elle le ueoit. Antonius luy feit cesser sa lamentation, & demanda à boire du uin, fust ou pource qu'il eust soif, ou pource qu'il esperast par ce moien plus tost mourir. Apres qu'il eut beu, il l'admonesta, & luy cōseilla qu'elle meist peine à sauuer sa uie, si elle le pouuoit faire sans honte ne deshōneur, & qu'elle se fias̃t principalement en Proculeius plus qu'à nul autre de ceulx qui auoient credit autour de Cēsar: & quāt à luy qu'elle ne le lamētast point pour la miserable mutatiō de sa fortune sur la fin de ses iours, ains qu'elle l'estimast plus tost bien heureux pour les triumphes & hōneurs qu'il auoit receuz par le passé: ueu qu'il auoit esté en sa uie le plus glorieux, le plus triūphant, & le plus puissant hōme de la terre, & que lors il auoit esté uaincu non laschement mais uaillamment, luy qui estoit Romain par un autre Romain aussi. Sus le poinct mesme qu'il rendoit l'esprit, Proculeius arriua que Cēsar enuoyoit: car apres q̃ Antonius se fut frappé, ainsi cōme on le portoit dedās les sepulchres à Cleopatra, l'un de ses gardes nōmé DeraŃus prit l'espee de laquelle il festoit frappé, & la cacha: puis se derobba secrettement, & fut le premier qui porta la nouuelle de la mort à Cēsar, & en monstra l'espee encore toute teinte de sang. Cēsar ces nouuelles ouyes, se retira incontinēt au plus secret de sa tête, & illec se prit à plorer par cōpassiō, & à plaindre sa miserable fortune, comme de celuy qui auoit esté son allié & son beau frere, son egal en empire, & compaignon en plusieurs exploits d'armes & grands affaires: puis appella tous ses amis, & leur monstra les lettres qu'il luy auoit escriptes & ses responces aussi durant leurs differents & querelles, & cōment à toutes les choses iustes & raisonnables qu'il luy escriuoit, l'autre luy respōdoit fierement & arrogāment. Cela faict, il y enuoya Proculeius, luy cōmandant qu'il feist tout deuoir & toute diligence de saisir Cleopatra uiue, si il pouuoit, pour-

D autant qu'il craignoit que sa cheuance ne fust perdue: & d'auantage qu'il estimoit que ce seroit un grand ornement & embellissement de son triumphe, si il la pouuoit prendre, & mener uiue à Rome. Mais elle ne se uoulut iamais mettre entre les mains de Proculeius, toutefois ilz parlerent ensemble: car Proculeius s'approcha pres des portes, qui estoient grosses & fortes & feurement barrees: mais il y auoit quelques fentes par ou la uoix pouuoit passer, & entendoit on qu'elle demandoit le royaume d'Ægypte pour ses enfans, & que Proculeius luy respondoit qu'elle eust bōne esperāce, & qu'elle ne doubraft point de cōmettre tout au bon uouloir de Cēsar. Apres qu'il eut bien regardé & considéré le lieu, il uint faire son raport à Cēsar, lequel enuoya derechef Gallus pour parlermenter encore un coup avec elle: & luy feit expressement durer le propos ce pendāt que Proculeius faisoit dresser une eschelle contre la fenestre haulte, par laquelle on auoit monté Antonius, & descendit au dedans avec deux de ses seruiteurs tout cōtre la porte, pres de laquelle estoit Cleopatra, entendant à ce que Gallus luy disoit. L'une des femmes qui estoiet leans enfermées avec elle, aduifa d'ad-

E uenture Proculeius ainsi qu'il descēdoit, & se prit à crier, Pauvre femme Cleopatra, tu es prise. Et adonc quand elle ueit en se retournant Proculeius derriere elle, elle cuida se donner d'une courte dague qu'elle auoit tout expressement

ceinte à son costé: mais Proculeius s'aduança soudainement, qui l'embrassa à
 F deux mains, & luy dit, Cleopatra tu feras tort à toy mesme premierement, &
 puis à César, luy uoulant oster l'occasion de mettre en euidence sa grande bon-
 té & clemence, & donnant à ses malueuillans matiere de calumnier le plus
 doux & le plus humain prince qui fut onques, comme s'il estoit personne
 sans mercy, & auquel il n'y eust point de fiance. En disant cela, il luy osta
 la dague qu'elle portoit, & secoua ses habillemens de peur qu'elle n'eust de-
 dans quelque poison caché. Depuis César enuoya l'un de ses affranchiz ap-
 pellé Epaphroditus, auquel il commanda tresexpressément de la garder seure-
 ment, & empescher, commét que ce fust, qu'elle ne se desfeist, & au demourant
 de la traiter le plus doucement & le plus gracieusement qu'il luy seroit possi-
 ble: & de luy, il feit cependant son entree en la uille d'Alexandrie, & en allant
 deuisa avec le philosophe Arrius, le tenât par la main, à celle fin que ses citoiens
 l'en eussent en plus grande reuerence, uoians que César l'honoroit comme un
 Dieu. Si alla iusques au parc des exercices, & là monta sus un tribunal hault ele-
 ué, que lon luy auoit préparé, deuant lequel estoit assemblé par son comman-
 dement tout le peuple d'Alexandrie, tremblant de frayeur, & se iettant par terre
 à genoux deuant luy, demandât misericorde. César les feit leuer, & déclara pu-
 bliquement qu'il absouloit le peuple & leur pardonoit l'offence & la felonnie
 qu'ilz auoient commise en ceste guerre, premierement à cause du fondateur de
 la uille, Alexandre le grand: secondement pour la beaulté d'icelle, qu'il esti-
 moit & admiroit beaucoup: tiercement pour l'amitié qu'il portoit à son fami-
 lier & amy Arrius. Tel honneur feit César à Arrius, qui luy requit pardon, &
 interceda pour plusieurs autres, mesmement pour Philostratus le plus disert &
 le plus eloquent de tous les sophistes & rhetoriciens de son temps, pour parler
 promptement & à l'improüueu, mais qui se disoit philosophe Academique à
 faulses enseignes, & pourtant César qui haïssoit sa nature & ses meurs, ne uou-
 loit point ouyr ses prieres: à l'occasion dequoy il laissoit croistre une longue
 barbe blanche, & suyuoit Arrius pas à pas uestu d'une robe noire en deuil, luy
 repetant tousiours & alleguant un uer Grec, qui est de telle substance:

G ens de sçauoir les sçauans uont sauans,

O u ilz ne sont eulx mesmes pas sçauans.

Ce qu'entendant César, & uolât non tant deliurer Philostratus de la peur qu'il
 auoit, cōme descharger Arrius de la haine & enuie q en pourroit soudre encō-
 tre luy, le receut à mercy. Quāt aux enfās d'Antonius, Antyllus le filz aîné de
 Fulvia fut tué, pource que Theodorus son gouuernât le liura aux gés de guerre
 qui luy coupperēt la teste: & luy osta le meschant, une pierre precieuse de bien
 grāde ualeur qu'il portoit au col, la qlle cousur en sa ceinture, & puis nya qu'il
 l'eust prise, mais il en fut trouué faisy, parquoy César le feit mettre en croix.
 Ceulx de Cleopatra estoient gardez avec leurs gouuerneurs, & ceulx qui auoient
 soing de leurs personnes, & les nourrissoit on honorablement. Quant à Césa-
 rion, que lon disoit estre filz de Iulius César, sa mere l'auoit enuoyé aux Indes
 par l'Æthiopie avec une grosse somme d'argent, mais un autre sien gouuerneur
 nommé Rodon, semblable à Theodorus, luy persuada qu'il sen retournaist, &
 que César le rappelloit pour luy bailler le royaume de sa mere: & comme César
 deliberoit qu'il en deuoit faire, Arrius luy dit,

Pluralité de Césars n'est point bonne:

faisant allusion à un certain ver d'Homere, ou il ya,

A Pluralité de seigneurs n'est point bonne.

Parquoy César le feit depuis mourir apres la mort de Cleopatra. Plusieurs princes, capitaines & roys. requirent à César le corps d'Antonius pour l'ensepulturer: mais il ne le uoulut point oster à Cleopatra, & fut inhumé royalement & magnifiquemēt par les mains d'elle mesme: à qui il fut permis de prendre pour employer à ses funerailles tout tant qu'elle uoulut. Or estoit elle oultree de tristesse & de melancholie, & ensemble aussi de douleur, pouratāt qu'elle s'estoit tāt battu la poitrine par destresse, qu'elle en auoit le sein tout meurtry, & estoit en plusieurs lieux ulcerée avec inflammatio, tellemēt qu'elle en prit la fiebure: dont elle fut bien aise, pensant que ce luy seroit une bōne couleur pour s'abstenir de manger, au moien dequoy elle pourroit finir & esteindre sa uie sans empeschement. Elle auoit un medecin nommé Olympus, auquel elle se descouurit, & luy confessa la uerité, à fin qu'il luy aidast à se deliurer de sa uie, ainsi cōme Olympus mesme à laissé par escript, lequel a cōposé & mis en lumiere une histoire de ces choses: mais César s'en doubra par quelques coniectures qu'il en eut, & luy feit peur, en la menassant de faire mourir ses enfans honteusement: aux quelles menasses elle se rendit incontīnēt, ne plus ne moins que si c'eussent esté coups de batterie, & depuis se laissa medeciner & nourrir, comme lon uoulut. Peu de iours apres, César luy mesme en personne l'alla uisiter pour parler à elle & la reconforter: elle estoit couchee sus un petit liēt bas en bien pauvre estat: mais si tost qu'elle le uit entrer en sa chambre, elle se leua soudain, & se alla getter toute nue en chemise à ses pieds estant merueilleusemēt desfiguree, tant pour ses cheueux qu'elle auoit arrachez, que pour sa face qu'elle auoit deschirée avec les ongles, & si auoit la uoix foible & tremblāte, les yeulx battus & fondus à force de larmoyer continuellement, & si pouuoit on ueoir la plus grāde partie de son estomac deschiré & meurtry. Brief le corps ne se portoit gueres mieulx q̄ l'esprit: neantmoins sa bonne grace, & la uigueur & force de sa beauté n'estoient pas du tout esteinctes: ains, encore qu'elle fust en si piteux estat, elle apparoissoit du dedans, & se demonstroit aux mouuemens de son uisage. Apres que César l'eut faict recoucher, & qu'il se fut assis auprès d'elle, elle comencea à uoloir deduire ses defenses, & alleguer ses iustifications, s'excusant de ce qu'elle auoit fait, & s'en deschargeāt sus la peur & la crainte d'Antonius. César au contraire la conuainquoit en chascue poinct & article: parquoy elle tourna tout soudain sa parole à luy requerir pardō, & implorer sa mercy, comme si elle eust eu grande peur de mourir & bonne enuie de uiure. A la fin elle luy bailla un bordereau des bagues & finances qu'elle pouuoit auoir. Mais il se trouua là d'aduenture l'un de ses thresoriers nommé Seleucus, qui la uint deuāt César conuaincre, pour faire du bon ualet, qu'elle n'y auoit pas tout mis, & qu'elle en receloit sciemment & retenoit quelques choses: dont elle fut si fort pressée d'impatience de cholere, qu'elle l'alla prēdre aux cheueux, & luy donna plusieurs coups du poing sus le uisage. César s'en prit à rire, & la feit cesser.

• Helas, dit elle adonc, César, n'est ce pas une grande indignité, que tu ayes bien daigné prendre la peine de uenir uers moy, & m'ayes fait cest hōneur de parler avec moy chetifue reduitte en un si piteux & si miserable estat, & puis que mes seruiteurs me uient accuser si i'ay, peut estre, mis à part & reserué quelques bagues & ioyaux propres aux femmes, nō point, helas, pour moy malheureuse en parer, mais en intention d'en faire quelques petits presens à Octauia & à Liuia, à celle fin que par leur intercession & moien tu me fusses plus doulx & plus

Antonius.

gracieux. Cæsar fut tresioyeux de ce propos, se persuadât de là, qu'elle desiroit fort assurer sa vie: si luy fait response, qu'il luy donnoit non seulement ce qu'elle auoit retenu pour en faire du tout à son plaisir, mais que oultre cela il la traiteroit plus liberalement & plus magnifiquement qu'elle ne sçauoit esperer: & ainsi prit congé d'elle, & s'en alla pensant bien l'auoir trompee, mais estant bien trompé luy mesme. Or y auoit il un ieune gentilhomme nommé Cornelius Dolobella qui estoit l'un des mignons de Cæsar, & n'estoit point mal affectié enuers Cleopatra: cestuy luy manda secrettement, côme elle l'en auoit prié, que Cæsar se deliberoit de reprêdre son chemin par la Surie, & que dedans trois iours il la deuoit enuoyer deuant avec ses enfans. Quand elle eut entendu ces nouvelles, elle fait requeste à Cæsar, que son bon plaisir fust de luy permettre, qu'elle offrît les dernieres oblatis des morts à l'ame de Antonius: ce que luy estât permis, elle se fait porter au lieu de la sepulture, & là à genoux embrassant le tumbeau avec ses femmes, se prit à dire les larmes aux yeux, O cher seigneur Antonius, ie t'inhumay nagueres estât encore libre & franche, & maintenant te presente ces offertes & effusions funebres estant prisonniere & captiue, & me defend on de deschirer & meurrir de coups ce mien esclau corps, dôt on fait soigneuse garde seulement pour triûpher de toy: n'attens d'ocques plus autres honneurs, offrendes, ne sacrifices de moy: celles cy sont les dernieres que Cleopatra te peult faire, puis que lon l'emmeine. Tant que nous auôs uescu, rien ne nous a peu separer d'ensemble: mais maintenant à nostre mort ie fais doubte, qu'on ne nous face eschanger les lieux de nostre naissance: & comme toy Romain as esté icy inhumé en Ægypte, aussi moy malheureuse Ægyptiene ne fois ensepulturee en Italie, qui sera le seul bien que i'auray receu de ton pais. Si donc les Dieux de là ou tu es à present, ont quelque authorité & puissance, puis que ceulx de pardeça nous ont abandonnez, ne sceuffre pas que lon emmeine uiue ton amye, & n'endure qu'en moy l'õ triûphe de toy, ains me reçoys avec toy, & m'ensepuey en un mesme tumbeau: car combien que mes mauz soient infinis, il n'y en a pas un qui m'ait esté si grief à supporter, côme le peu de temps que i'ay esté contraincte de uiure sans toy. Apres auoir fait telles lamentations, & qu'elle eut couronné le tumbeau de bouquets, festons, & chapeaux de fleurs, & qu'elle l'eut embrassé fort affectueusement, elle commanda qu'on luy apprestast un baing: puis quand elle se fut baignee & lauee, elle se mit à table, ou elle fut serui magnifiquement. Et ce pendant qu'elle disnoit, il arriua un paysant des champs qui apportoit un panier: les gardes luy demanderent incontînet, que c'estoit qu'il portoit leans: il ouurit son panier, & osta les feuilles de figuier qui estoient dessus, & leur monstra que c'estoient des figues. Ilz furent tous esmerueillez de la beauté & grosseur de ce fruit. le paysant se prit à rire, & leur dit qu'ilz en prissent silz uouloient: ilz creurent qu'il dist uray, & luy dirêt qu'il les portast leans. Apres que Cleopatra eut disné, elle enuoya à Cæsar unes tablettes escrites & sceelles, & commanda que tous les autres sortissent des sepultures ou elle estoit, fors ses deux femmes: puis elle ferma les portes. Incontinent que Cæsar eut ouuert ces tablettes & eut commencé à y lire des lamentations & supplications, par lesquelles elle le requeroit qu'il uoulust la faire inhumer avec Antonius, il entedit soudain, que c'estoit à dire, & y cuida aller luy mesme: toutefois il enuoya premierement deuant en diligence ueoir que c'estoit. La mort fut fort soudaine: car ceulx que Cæsar y enuoyoit, accoururent à grand haste, & trouuerent les gardes qui ne se doubtoient de rien, ne festans aucunement

apperceuz

A apperceuz de ceste mort: mais quand ilz eurent ouuert les portes, ilz trouuerent Cleopatra roide morte couchee sus un li^ct d'or, accoustree de ses habits royaux & l'une de ses femmes, celle qui auoit nom Iras, morte aussi à ses pieds: & l'autre Charmi^on à demy morte & ia tréblante, qui luy raccoustroit le diademe qu'elle portoit alentour de la teste: il y eut quelqu'un qui luy dit en courroux, Cela est il beau; Charmion? Tres beau, respondit elle, & conuenable à une dame extraicte de la race de tant de Roys. Elle ne dit iamais autre chose, ains cheut en la place toute morte pres du li^ct. Aucuns disent qu'on luy apporta l'aspic ded^{ans} ce panier avec les figues, & qu'elle l'auoit ainsi commadé qu'on le cachast de fueilles de figuier, à fin que quand elle penseroit prendre des figues le serpent la picquast & mordist, sans qu'elle l'apperceust premiere: mais que qu^{and} elle uoulut oster les fueilles pour prendre du frui^ct elle l'apperceut, & dit, Es tu doncques icy? & qu'elle luy tendit le bras tout nud pour se faire mordre. Les autres disent qu'elle le gardoit dedans une buye, & qu'elle le prouqua & irrita avec un fuseau d'or, tellement que le serpent courroucé sortit de grande roideur, & luy picqua le bras, mais il n'y a personne qui en sache rien à la uerité. Car on dit mesme qu'elle auoit du poison caché dedans une petite rape ou estrille creuse qu'elle portoit entre ses cheueux, & toutefois il ne se leua nulle tache sur son corps, ne n'y eut aucune apperceuance ne signe qu'elle fust empoisonnee: ny aussi d'autre costé ne trouua lon iamais dedans le sepulchre ce serpent, seulement dit on que lon en uit quelque fray & quelque trace sus le bord de la mer, là ou regardoit ce sepulchre, mesmement du costé des portes. Aucuns disent que lon apperceut deux picqueures en l'un de ses bras fort petites, & qui n'apparoissoient quasi point: à quoy il semble que Cæsar luy mesme adiousta foy, pource qu'en son triumphe il feit porter l'image de Cleopatra qu'un aspic mordoit au bras. Voila comme lon dit qu'il en alla. Quant à Cæsar, combien qu'il fust fort marry de la mort de ceste femme, si eut il en admiration la grandeur & noblesse de son courage, & commada que lon inhumast royalement & magnifiquement son corps avec celui d'Antoni^{us}, & uoulut aussi que ses femmes eussent pareillement honorables funerailles. Cleopatra mourut en l'aage de trente & huit ans, apres en auoir regné uingt & deux, & gouuerné avec Antoni^{us} plus de quatorze. Touchant Antoni^{us}, les uns disent qu'il uescut cinquante trois ans, les autres cinquante & six: mais toutes ses statues, images & medalles furent abbattues, & celles de Cleopatra demurerent en leurs places, moienant que Archibius l'un de ses amis donna à Cæsar * mille talents, à ce qu'on ne leur feist le semblable qu'à celles d'Antoni^{us}: il laissa sept enfans de trois femmes, dont Cæsar en feit mourir l'aisné seulement de Fulvia nommé Antyllus. Octauia prit tous les autres & les feit nourrir avec les siens, & donna en mariage Cleopatra fille d'Antoni^{us} au roy Iuba tres beau & gracieux prince: & fut Antoni^{us} filz de Fulvia si grand, que apres Agrippa, qui auoit le premier lieu & degré d'honneur autour de Cæsar, & apres les enfans de Liuia qui auoi^{ent} le second, il estoit au troisieme: & d'auantage Octauia ai^{ant} eu de son premier mary Marcellus deux filles, & un filz nommé aussi Marcellus, Cæsar donna à ce filz sa fille en mariage, & quand & quand l'adapta pour son filz, & Octauia donna en mariage l'une de ses filles à Agrippa. Mais quand Marcellus fut mort, un peu de temps apres qu'il eut esté marié, uoyant que Cæsar son frere estoit empesché de choisir & eslire d'entre ses amis quelqu'un de qui il se fiast pour en faire son gendre, elle luy porta parole qu'il fallo^{it} que Agrippa espousast sa fille, ueufue de

* Six cents mille escus.

Marcellus, en laissant la siene d'elle: à quoy s'accorda César premierement, & puis apres Agrippa, & parain si elle retira sa fille & la maria à Antonius, & Agrippa espousa Iulia la fille de César. Il restoit encore les deux filles d'Octavia & d'Antonius. Domitius Enobarbus en espousa l'une: & l'autre la ieune Antonia Dame tant renommée pour sa singuliere beauté & pour sa pudicité, fut mariée à Drusus le filz de Liuia & beau filz de César, duquel mariage nasquirent Germanicus & Clodius, desquelz Clodius fut depuis empereur: & des enfans de Germanicus l'un qui eut nom Caius le fut aussi, & apres auoir regné desordōnemēt quelque peu de temps, fut tué avec sa femme & sa fille: & Agrippina aiant un filz Lucius Domitius de son premier mary Enobarbus, fut remariée à Clodius, qui adopta sō filz, & l'appella Nero Germanicus, lequel a tenu l'empire de nostre temps, & a fait mourir sa mere, & s'en a peu fallu qu'il n'ait ruiné l'empire des Romains par sa meschanceté & furieuse folie, estant en nombre le cinquieme successeur de l'empire depuis Antonius.

LA COMPARAISON DE DEMETRIUS AVEC ANTONIUS.



DR cōme ainsi soit que l'un & l'autre, à sçauoit Demetrius & Antonius, aient cela cōmun entre eulx, q̄ tous deux ont esté subiects à plusieurs changemens & grandes mutations de fortune: considerons maintenant quelle a esté & dōt est procedee la puissance de l'un & de l'autre, & commēt ilz sont uenuz à si grande authorité. Premierement, il est certain que la puissance de Demetrius luy estoit hereditaire & deuāt acquise par son pere Antigonus, lequel s'estoit fait le plus puissant de tous les successeurs d'Alexandre, & auoit conquis la meilleure & la plus grande partie de l'Asie auant que Demetrius fust en aage. Antonius au contraire estant né d'un pere homme de bien, mais qui au demourāt n'estoit point homme de guerre, & qui ne luy auoit laissé nul moien d'acquérir si grande gloire, s'osa entremettre de l'empire de César, qui par droit hereditaire ne luy appartenoit en rien, & se feit de luy mesme successeur de la puissance que l'autre par son labour & travail auoit conquis, & deuint si grand sans aide d'autrui par son moien seulement, que estant l'empire du monde diuisé en deux parties, il en eut l'une & prit celle de la plus grande apparence. Luy absent par ses ministres & lieutenans desfeit en bataille plusieurs fois les Parthes, & s'engea les nations barbares qui habitent à l'entour du mont de Caucasus iusques à la mer de Hyrcanie. Et cela mesme que lon luy tourne à blasme & à reproche porte tesmoignage de sa grandeur. Car le pere de Demetrius luy feit espouser à grand ioye Philla la fille de Antipater, combien qu'elle fust suraagée pour luy, à cause qu'elle estoit de plus noble maison que luy: & ce que lō reprochoit à Antonius, estoit le mariage de Cleopatra, Dame qui surpassoit en puissance & noblesse de sang tous les roys de son temps, excepté Arsaces: & se feit de luy mesme si puissant, que les autres l'estimoient digne de plus grandes choses que luy mesme ne uouloit. Quant à la uolūtē & intētion qui mouuoit l'un & l'autre à conquerir empire, elle estoit droite & irreprehensible en Demetrius, qui uouloit dominer & regner sus des peuples qui auoient de tout temps accoustumé, & qui demādoient à estre regis & dominez par roys: mais celle d'Antonius estoit meschāte & tyrānique, par laquelle il uouloit afferuir le peuple Romain, nagueres eschappé & deliuré de la Monarchie de César. Mesme le plus grād &

- A** le plus fameux exploit d'armes que feit onques Antonius, à ſçauoir la guerre en laquelle il deſcōit Caſſius & Brutus, ne fut entrepriſe à autre fin, ſinō pour oſter à ſes citoiens & à ſon païs leur liberté & franchise: là ou Demetrius encores deuant que fortune l'eust reduit à l'extremité, ne ceſſa de aſſranchir la Grèce, & de chaſſer les garniſons qui tenoient les uilles aſſeruiſes, non pas comme Antonius qui ſe glorifioit & uentoit d'auoir occis ceulx qui auoient remis Rome en ſa liberté. L'une des choſes q̄ plus on louë en Antonius, c'eſt ſa liberalité & magnificence, en quoy Demetrius le ſurpaſſa de tant qu'il donna plus à ſes ennemis, que ne feit onques Antonius à ſes amis, combien qu'il fut bien eſtimé à cauſe qu'il ordonna que le corps de Brutus fuſt honorablement & ſumptueuſemēt enſeuely. Mais ceſtuy-cy feit inhumer tous ſes ennemis qui eſtoiez morts en la bataille, & renuoya à Ptolomæus tous ceulx qu'il auoit pris avec preſens & dons qu'il leur feit. Ilz eſtoient bien tous deux inſolents en leurs proſperitez & diſſolus en uoluptez & delices: mais on ne ſçauoit dire que iamais Demetrius ait laiſſé eſchapper, ne perdre les occasions de faire de grandes choſes pour uaquer à ſes plaiſirs, ains ſe laiſſoit aller aux delices & uoluptez ſeulement alors qu'il eſtoit en trop grand loifir: & prenoit ſon plaiſir de Lamia ueritablement comme lon feroit à ouyr compter des comptes, quand on ne ſçait que faire, & qu'on a grande enuie de dormir: mais quand il eſtoit queſtion de faire les apprests de la guerre, il n'y auoit point alors de lierre à ſa lance, ny ſon armet ne ſentoit point les parfums, ny ne ſortoit point des cabinets des Dames poly & mignon pour aller à la bataille, ains laiſſoit reposer les dâſes & faiſoit ceſſer tous eſbattemens, & deuenoit, comme dit le poëte Euripides,

Soudard de Mars cruel & inhumain.

- Brief il ne luy meſaduint iamais par ſa pareſſe, ny par ſe trop arreſter & eſtre ſubiect à ſon plaiſir: mais comme nous uoyons des tableaux de portraiture, là ou Omphale oſte ſecretement la maſſue à Hercules, & luy deſpouille ſa peau de Lion: auſſi ſouuentefois Cleopatra deſarmoioit Antonius & l'attiroit à ſoy, luy faiſant laiſſer eſchapper de ſes mains des affaires de grande importance & des uoyages & expéditions neceſſaires, pour ſ'en uenir iouer & ſolaſtrer avec elle à l'entour des riurages de Canobus & de Taphoſiris. Et à la fin tout ainſi comme Paris ſ'en fouit de la bataille, & ſ'alla cacher entre les bras de Helene, auſſi feit il luy au ſein de Cleopatra: ou, pour mieux dire, Paris ſe cacha dedâs le cabinet de Helene, mais Antonius pour ſuiure Cleopatra ſ'en fouit & laiſſa perdre la uictoire. D'auantage Demetrius auoit pluſieurs femmes eſpouſées en un meſme tēps, ce qui n'eſtoit point reprochable, ne deſendu entre les roys de Macedoine, ains eſtoit une choſe uſitee depuis Philippus & Alexander, ainſi comme en auoient auſſi Lyſimachus & Ptolomæus, & portoit hōneur à toutes celles qu'il eſpouſoit. Mais Antonius premierement eſpouſa deux femmes enſemble, ce que nul Romain n'auoit iamais ozé faire. Secondement il delaiſſa & chaſſa la Romaine, & celle qu'il auoit legitimement eſpouſé pour l'amour d'une eſtrangere, & qu'il auoit ſeulement priſe par amourettes, & non ſelō l'ordonance des loix: pourrant ne meſcheur il iamais à celui là pour tort qu'il euſt fait à ſes femmes, & à ceſtuy-cy ſes plus grands maux luy en aduindrent. Il eſt biē uray qu'entre les faiets d'Antonius, il n'y a point une telle meſchanceré qu'il y a entre ceulx de Demetrius: car les hiſtoriens eſcriuent que lon ne laiſſoit point entrer les chiens en tout le chaſteau d'Arhenes, pourautant que c'eſt la beſte entre toutes les autres qui ſe meſſe le plus publiquement avec les femelles, & luy de-

Antonius.

dans le temple mesme de Minerue couchoit avec des courtisanes, & illec cor- F
rompit & uiola plusieurs bourgeois de la uille: & oultre ce le uice que on pen-
seroit estre le moins meslé parmy ces dissolutiōs & delices, à sçauoir la cruauté,
est coniointe à la concupiscence de Demetrius, lequel laissa, ou pour mieulx
dire contraignit de mourir piteusement le plus bel & le plus chaste ieune en-
fant de tous les Atheniens, pour euitier qu'il ne fust pris à force: & pour dire ce
qui en est en somme, Antonius par son incontinence ne faisoit tort qu'à luy-
mesme, & Demetrius qu'à autrui. Quant à ses parents Demetrius ne forseit ia-
mais aucunement, & Antonius abandonna le frere de sa mere à la mort pour
pouuoir occire Ciceron, chose qui de soy est si damnable, si meschante, & si
cruelle, qu'à grāde peine meriteroit il qu'on la luy pardonnast, encore qu'il eust G
esté contrainct de faire mourir Ciceron pour sauuer la uie à son oncle. Quant à
ce qu'ilz faulserent leur foy & uiolerent leur serment, l'un arrestant Artabazus
prisonnier, & l'autre en tuant Alexander, Antonius sans point de doubte auoit
une couleur de cause ueritable: car l'autre l'auoit trahy & abandonné aux Me-
dois: mais Demetrius, à ce que plusieurs disent, cōtrouua les charges qu'il met-
sus faulsement à Alexander pour couurir le meurtre qu'il auoit commis: & tie-
nent qu'il calumnia celuy auquel il auoit fait tort luy mesme, & ne se uengea
pas de celuy qui luy en uouloit faire. D'autre part Demetrius luy mesme faisoit
ses beaux faicts & exploicts d'armes que nous auons recitez de luy, & au cōtrai-
re Antonius quand il n'y estoit pas en personne, gaignoit de tresbelles & gran- H
des uictoires par ses lieutenans: & furent destruiets & desfaits tous deux estans
en personne à la bataille, mais non pas pourrant tout d'une mesme sorte: car
l'un fut destitué de ses gens, pource que les Macedoniens l'abandonnerent: &
l'autre au contraire, abandonna les siens: car il senfouit laissant ceulx qui pour
son bien & son honneur, se hazardoient au peril de la mort: tellement que la
faute que feit l'un gist en ce qu'il aliena & se rendit ainsi ennemis ceulx qui
combattoient pour luy, & de l'autre en ce qu'il delassa si laschement ceulx qui
luy portoient si grand amour, & luy gardoient si loyaument la foy. Touchant
la mort on ne la sçauoit louer ny en l'un ny en l'autre: mais encore y a il plus à
blasmer & reprendre en celle de Demetrius, qui se laissa prendre prisonnier, & I
apres qu'il fut pris & confiné eut bien le cueur de uouloir encore gaigner trois
ans de respit, & seruir à son uentre & à sa bouche, comme les bestes mues: quāt à
Antonius il se desfeit luy mesme, à uray dire bien timidement & miserablemēt
à grand regret & à grande peine, mais au moins fut ce deuant que son corps
uint en la puissance de son ennemy.

Artoxerxes.



Artoxerxes le premier de ce nom entre les roys de Per-
se, prince debonnaire & magnanime autant que nul
autre de sa maison, fut surnommé Longue main, pour
autant qu'il auoit la main droite plus longue que la
gauche, & fut filz du roy Xerxes: mais le second du-
quel nous entendons escrire presentement fut surnō-
mé Mnemon, c'est à dire, grande memoire, & fut filz
de la fille du premier: car le roy Darius & sa femme
Parysatis eurent quatre enfans masles, dont l'aîné fut
cestuy

A cestuy Artoxerxes, le second fut Cyrus, & deux autres plus ieunes, Ostantes & Oxathres. Cyrus porta des le commencement le nom du premier ancien Cyrus, qui uault autāt à dire en langage Persien, comme le soleil: mais Artoxerxes parauant s'appelloit Arsicas, combien que Dinon escriue qu'il se nommoit Oarfes: toutefois il n'est pas uray semblable que Ctesias, encore que ses liures au demourant soient pleins de toute sorte de fables non seulement incroyables, mais aussi folles & sortes, ait ignoré le nom du prince avec lequel il se renoit, qu'il seruoit & suyuoit ordinairement, luy, sa femme, & ses enfans. Or fut tousiours Cyrus des son ieune aage de nature ardente & uehement, & Artoxerxes au contraire plus doux & plus attempé en toutes ses actions, & estoient ses affections & passions plus moderees & moins uiolentes. Il eut pour femme une belle & honeste dame, laquelle il espousa par le commandement de son pere & de sa mere, & depuis la reteint contre leur uoulunté & par dessus leur defence: car le roy Darius son pere aiāt fait mourir le frere d'elle, uouloit qu'elle mesme mourust aussi: mais il supplia tant sa mere, & feit tant par ses larmes & prieres enuers elle, qu'il obtint en fin à grande peine, non seulement qu'elle ne mourroit point, mais aussi qu'elle ne seroit point separee d'avec luy. Ce neantmoins la mere portoit tousiours plus d'affection à Cyrus qu'à luy, & desiroit qu'il fust roy apres la mort de son pere. A l'occasion de quoy Cyrus estant en son gouuernement des prouinces maritimes de l'Asie, quand on luy manda qu'il s'en uint à la court, lors que son pere deuint malade de la maladie dont il mourut, il s'y en alla en tresgrande esperance, que sa mere auroit fait enuers son pere, qu'il le declareroit par testament son successeur au royaume de Perse: pour autant mesmement que Parysatis alleguoit une raison ou il y auoit quelque apparence, & de laquelle l'ancien Xerxes s'estoit autrefois aidé en cas pareil, par le conseil de Demaratus: car elle disoit auoir enfanté Arsicas auant que Darius son mary fust roy, & Cyrus depuis qu'il estoit uenu à la couronne: toutefois elle ne le peut obtenir, ains fut le filz ainsné Arsicas déclaré successeur du royaume de Perse, & surnommé Artoxerxes, & Cyrus gouuerneur de la Lydie, & lieutenant general du roy en toutes les prouinces basses & maritimes de l'Asie. Or

D peu de iours apres le decès de Darius, le nouveau roy Artoxerxes s'en alla à Pasargades, pour illec estre sacré par les presbtres du pais de Perse. Ce lieu de Pasargades est un temple dedié à une deesse des armes, qui est Minerue, cōme ie pense, & fault que le roy qui y entre pour estre consacré, despouille sa robbe, & ueste celle que l'ancien Cyrus portoit au parauant qu'il fust roy: fault encore qu'il mange d'un tourteau fait de figues avec du terebinte, & qu'il boiue d'un breuuage composé de uinaigre & de lait. Si y a d'auantage quelques autres carimnies secretes qu'il soit tenu de faire, il n'y a personne que les presbtres qui en sache rien. Mais sur le poinct que Artoxerxes estoit prest de faire toutes ces carimnies, Tissaphernes s'en uint deuers luy, & luy amena l'un

E des presbtres, qui auoit esté precepteur & maistre de Cyrus en son enfance, luy ayant enseigné l'art de la Magie, & qui par raison deuoit estre autāt ou plus que nul autre, mary de ce qu'il n'auoit point esté déclaré roy. Ce qui fut cause que lon adiousta plus de foy aux charges quil uint proposer contre luy: car il l'accusa d'auoir conspiré alencontre de la personne du roy son frere, & d'auoir entrepris de le tuer en trahison dedans le tēple, lors qu'il despouilleroit sa robe. Aucuns disent que sur ceste simple accusation uerbale, Cyrus fut saisy au corps. Les autres escriuent qu'il entra dedans le temple, là ou sestant caché, il

Artoxerxes .

fut pris sur le faict, & descouvert par le prestre: mais ainsi que lō le uouloit faire mourir, sa mere le prit entre ses bras, & des tresses de ses cheueux luy entortilla le col, & le lia estroittemēt avec le sien, en plorant si chaudemēt, criāt & suppliāt le roy son filz avec telle instāce, qu'elle luy sauua la uie, & le feit renuoyer en son gouuernemēt : duquel neantmoins il ne se cōtenta point, & ne meit pas tant en sa memoire la grace q̄ le roy son frere luy auoit faite en luy donnant la uie, que le despit de ce qu'il l'auoit fait prédre prisonnier : de maniere que pour ce malalent, il desira depuis encore plus que iamais, se faire roy . Aucuns ont escrit qu'il prit les armes & se rebella contre son frere, pourautant qu'il n'auoit pas reuenu suffisant pour entretenir l'estat de sa maison & sa despence ordinaire: mais c'est folie que de dire cela: car quand il n'eust eu autre moyen que de sa mere, il pouuoit auoir d'elle tout ce qu'il eust uoulu prédre, & qu'il eust sceu demander: & pour monstrier qu'il estoit de soy assez riche, il ne fault alleguer que les gens de guerre estrāgers, qu'il entretenoit à sa soule en plusieurs lieux, ainsi cōme l'escrit Xenophon : car il ne les meit pas ensemble tout à un coup, pource qu'il desiroit tenir son entreprise cachee le plus qu'il pourroit, ains auoit des seruiteurs & amis qui les leuoient en diuers lieux & sous diuerses occasions: & si auoit sa mere, laquelle estant aupres du roy destournoit tous les souspeçons que lon conceuoit alencōtre de luy, & luy aussi de sa part pendant qu'il faisoit ses apprests, escriuoit tousiours fort humblement à son frere, en luy demandāt aucune fois quelque chose, & aucune fois contreechargeant & accusant Tissaphernes, à celle fin qu'il fust aduis au roy que c'estoit à luy, à qui il en uouloit, & cōtre qui tout son courroux & toute sa ialousie s'adressoit: avec ce que la nature du roy de soy mesme estoit un petit pesante & endormie, ce que le cōmun estimoit proceder de douceur & d'humanitē. Il est bien uray qu'à son aduenement à la couronne, il ensuyuit fort la benignitē & debonnaireté du premier Artoxerxes dont il portoit le nom: car il escoutoit gracieusement ceulx qui auoient à faire à luy, honoroit & recompensoit largement ceulx qui l'auoient meritē, & faisoit punir les delinquans avec telle moderation, qu'il donnoit assez à cognoistre que ce n'estoit point par appetit de uēgeance ne par uolunté desordonnee d'oultrager personne qu'il le faisoit, & si receuoit les presens que lō luy offroit avec aussi gaye chere, que ceulx mesmes qui les luy donnoient, & estoit aussi aise de donner, comme ceulx à qui il donnoit: car toute chose que lon luy presentoit, pour petite ou legere qu'elle fust, il la receuoit & l'acceptoit de bien bon cueur. A quoy s'accorde ce qu'il dit un iour d'un nommé Romises, qui luy faisoit present d'une pomme de grenade belle & grosse à merueille: Par le soleil, dit il, cest homme icy en peu de temps feroit d'une petite uille une grosse cité, qui la luy donneroit à gouuerner. Vne autre fois il y eut un pauvre homme de mestier, qui uoyant que chascun offroit quelque present au roy, l'un d'une chose, & l'autre d'une autre, ainsi comme il passoit, & ne trouuāt prōptement autre chose en son chemin, qu'il luy peust offrir, s'en courut à la riuiere, là ou il puisa de l'eau en ses deux mains, & la luy alla presenter. le roy Artoxerxes en fut si aise & le trouua si bon, qu'il luy enuoya dedās une couppe d'or massif mille Daricques, qui estoient pieces d'or ainsi nommees, pource que l'image de Darius y estoit imprimee. Et à un Lacedæmonien nommé Euclidas, qui luy disoit audacieusement plusieurs paroles fascheuses, il se cōtenta de luy faire respondre par un de ses capitaines: Il n'est loisible de me dire ce qui te plaist: mais à moy qui suis roy, il m'est loisible & de dire & de faire ce qui me plaist.

A Vne autre fois estant à la chasse, Tiribazus luy monstra sa robe qui estoit toute deschirée: Et biē, dit le Roy, que ueux tu que ie t'en face? Tiribazus luy respondit, Syre, prens en une autre & me dōne celle que tu as uestuē. Le roy le feit ainſi & luy dit, Tiribazus, ie te dōne ceste miene robe, mais ie te defends de la porter. Tiribazus la prit, & ne se soucia point de ce que le roy luy auoit defendu de la porter, non qu'il fust homme de mauuaise uolunté, mais seulement estourdy & temeraire sans se soucier de rien: si uestit incontinent ceste robe du roy, & non content de ce, y attacha encore plusieurs ioyaux d'or, que les roys seulz auoient accoustumé de porter, & plusieurs affiquets de Dames, de maniere que tous ceulx de la court en murmuroient, pource que c'estoit chose defendue par les ordonnances de Perse: mais le roy ne s'en feit que rire, & luy dit, le te donne congé de porter ces affiquets d'or cōme à une femme, & ceste robe royale cōme à un fol. D'auantage la coustume estā en Perse, que iamais personne ne māgeoit à la table du roy, sinon sa mere ou sa femme, dont la mere se seoit au dessus & la femme au dessoubz, Artoxerxes y feit manger avec luy ses deux ieunes freres Oxanes & Oxathres: mais encore ce qui plus aggreā aux Perses fut, qu'il uolut que sa femme, qui auoit nom Statira, allast tousiours en chariot descouvert, & qu'elle se laissast uisiter & saluer par les autres Dames du païs: ce qui fut cause que le peuple l'aima singulierement. Vray est, que ceulx qui desiroient les nouuellerez, & qui ne pouuoient demourer en paix, alloient disans que les affaires requeroient un prince tel comme Cyrus qui estoit liberal de sa nature, aimoit les armes, & faisoit de grands biens à ses seruiteurs, & que la grādeur de l'empire de Perse auoit necessairemēt besoing d'un roy qui eust le cueur hault, & qui fust conuoiteux de gloire & d'honneur: de maniere que Cyrus entreprit la guerre contre le roy son frere, non seulement soubz la cōfiance de ceulx qui estoient es païs bas alentour de luy, mais aussi es prouinces haultes au pres du roy, & en escriuit aux Lacedemoniens, les requerant de luy enuoyer de leurs gens de guerre, promettant à ceulx qui uiendroient à pied de leur donner des cheuaux, & à ceulx qui auroiēt des cheuaux de leur dōner des chariots, à ceulx qui auroient des heritages de leur donner des uillages tous entiers, & à ceulx qui auroient des uillages de leur donner des uilles. Au demourant, quant à la soude ordinaire de ceulx qui porteroient les armes pour luy, qu'il la leur payeroit non point à compte, mais à mesure: & parlant de soy mesme auantageusemēt, il disoit qu'il auoit le cueur plus grand que son frere, qu'il enduroit mieulx toutes necessitez que luy, qu'il entendoit mieulx la Magic, qu'il beuuoit plus de uin & le portoit mieulx: & que le roy son frere au contraire estoit si delicat & si couard, que quand il alloit à la chasse à peine ozoit il monter sur un cheual, & à la guerre sur un chariot. Les Lacedemoniens ses lettres ueuēs, enuoyerent un petit billet à Clearchus, par lequel ilz luy commanderent qu'il eust à obeir à Cyrus en tout ce qu'il luy commanderoit. Ainsi se partit Cyrus pour aller faire la guerre à son frere, aiant assemblé grand nombre de cōbattans des nations barbares, & de Grecs peu moins de treize mille, en donnant à entendre tantost une cause & tantost une autre, pour laquelle il faisoit ce grand amas de gens: mais si ne peut il pas longuement diffimuler ny celer son intention, car Tissaphernes alla luy mesme à la court porter la nouuelle de son entreprise, dōt toute la maison du roy fut fort troublee. On reiettoit la plus grande partie de la coulpe d'auoir suscitē ceste guerre sur la mere du roy, & estoient ses amis & seruiteurs fort soupconnez d'auoir intelligence avec Cyrus: mais ce qui plus faschoit Pary-

Artoxerxes .

fatis la mere du roy, estoit la royne Statira, laquelle se tourmêtoit fort de ueoir
ceste guerre entreprise contre son mary, & ne faisoit autre chose que crier, Ou
est la foy que tu as iuree? ou sont les prieres par lesquelles tu respitas de mort ce-
luy qui auoit attenté & coniuéré contre la propre personne de son frere? en luy
aiant sauué la uie, n'es tu pas cause de ceste guerre, & de tous ces maux & trauaux
ou nous nous uoyons maintenât? Pour ces plaintes & reproches Parysatis, qui
estoit femme aigre & uindictifue, & qui gardoit fort son courroux, se prit à
hayr Statira si cruellement, qu'elle chercha des lors par tous moiens de la faire
mourir: & dit l'historien Dinon, que ce fut durant la guerre mesme qu'elle ex-
cuta en cela sa mauuaise intèrion. Mais Ctesias escrit que ce fut apres: & est plus
uray semblable q̃ luy, qui residoit lors ordinairement en la court du roy de Per-
se, ait sceu certainemēt le tēps auquel elle executa son aguet & sa trahison, & si
n'y a point de cause pour laquelle il l'ait plus tost deu mettre en autre tēps qu'en
celuy auquel le cas fut fait: encore qu'en plusieurs autres lieux il soit assez cou-
stumier de fouruoyer de la uerité pour escrire des mensonges & comptes faits à
plaisir. Pourtant remettrons nous le recit de ce fait en l'ordre mesme du temps
& du lieu qu'il l'a mis. Mais quand Cyrus commença à s'approcher du pais ou
estoit son frere, il luy uint nouuelle, & courut un bruit parmy son camp, que le
roy n'estoit pas deliberé de le combattre si tost, ny de uenir promptement à la
bataille cōtre luy, & qu'il auoit proposé de soy retirer au fond de la Perse pour
illec attendre que ses forces s'assemblassent de tous costez. Et qu'il soit uray, le
roy ayant fait tirer à trauers la campagne une trêchee de dix brasses de largeur,
& autāt de profondeur, par l'espace de biē uingt & cinq lieues de long, il l'abā-
donna & la laissa gagner à Cyrus, lequel penetra sans trouuer aucune resistan-
ce iusques biē pres de la uille mesme de Babylone: toutefois à la fin Tiribazus,
comme lon dit, fut le premier qui prit la hardiesse de luy dire qu'il ne falloit
point ainsi fouyr la lice, ny s'aller cacher au fond de la Perse, abandonnant en
proye à son ennemy les royaumes de la Medie, de Babylone, & de Suse: attēdu
mesmement qu'il auoit plusieurs fois autant de combattans ia tous prests cōme
son ennemy, & innumerables capitaines plus experimentez & meilleurs &
pour cōseiller & pour combattre, que luy. Ces paroles de Tiribazus feirēt chā-
ger de propos & d'aduis au roy, & prendre resolution de combattre le plus tost
qu'il pourroit. Si se meit incontinent en chemin pour aller au deuāt de son en-
nemy avec neuf cens mille cōbattans fort bien equippez, & marchans en bon
ordre. Cela de prime face estōna & troubla fort les gens de Cyrus: quand ilz les
apperceurent en si bon equippage deuant eulx, pourautant qu'eulx estoient
escartez ça & là sans ordonnance, tous desarmez à cause qu'ilz se confioient
trop en eulx mesmes, & mesprisoient leur ennemy: de maniere que Cyrus
eut beaucoup affaire à les renger en bataille, encore fut ce avec grand tu-
multe & grand bruit: mais sur tous les autres, les Grecs en furent les plus es-
bahiz, quand ilz ueirent l'armee du roy marcher en si bonne ordonnance &
sans bruit: car ilz s'attendoient bien d'y ueoir un grand desordre & grande cō-
fusion en une telle multitude de gens, & pensoient qu'il y auroit tant de crierie,
qu'ilz ne s'entendroient pas les uns les autres: là ou au cōtraire tout y estoit fort
bien ordonné, mesmement que au deuant de sa bataille il auoit disposé les
meilleurs chariots de guerre, armez de faulx, & attelez de plus puissans che-
uaux qui fussent en tout son ost: esperant que par l'impetuositè de leur course, ilz
ouuriroient & romperoiēt les rens des ennemis, auant qu'ilz peussent ioindre

A ny chocquer les siens. Mais aiant esté ceste bataille descrite par plusieurs historiens, spécialement par Xenophon, qui, par maniere de dire, la fait ueoir à l'œil, & la represente à ceulx qui la lisent, non comme chose passée, mais presente, en les passionant ne plus ne moins que si eulx mesmes estoient sur le faict, & au milieu du peril, tant il la décrit clairement, ce ne seroit pas sagement fait à moy de la uouloir descrire d'auantage, si non quelques particularitez dignes d'estre sceües qu'il a par aduenture omises, comme que le lieu ou la bataille fut donnée, s'appelloit Counaxa; loing de Babylone peu plus de trente lieues, & que auant la bataille Clearchus conseilla à Cyrus, qu'il se teint derriere le bataillon des Grecs, sans autrement hazarder sa personne entre les premiers: &

B Cyrus luy respondit, Que dist tu, Clearchus? ueux tu que moy qui cherche de me faire roy, me monstre indigne de l'estre? Mais aiant Cyrus fait ceste faulte de ne se tenir pas assez sur ses gardes, ains trop temerairement se ietter au plus fort du danger, Clearchus luy mesme en feit une autre nō moins lourde, si plus ne fut, quand il ne uolūt pas renger & opposer ses gens à l'endroit de la bataille des ennemis ou estoit la personne du Roy, ains les alla serrer au long de la riuere, de peur qu'ilz ne peussēt estre enveloppez par derriere: car s'il uoloit regarder ainsi de pres, & prouuoir de tout poinct à sa seureté, à ce qu'il ne peust estre aucunement offensé, il ne deuoit bouger de la maison. Mais apres auoir fait tant de chemin qu'il y a depuis les pais bas de l'Asie, iusques au lieu ou ilz combattirēt, sans que personne l'y contraignist, seulement pour mettre Cyrus dedans le throsne royal de son pere, aller choisir un endroit de la bataille, non point auquel il peust faire plus de seruice au seigneur qui le soudoyoit, ains auquel il peust combattre plus à son aise, & avec moins de danger, c'estoit tout autant comme si par faulte de cuer il eust perdu le sens au besoing, ou que par desloyaulté il eust laschement abandonné l'entreprise: car qu'il soit uray que les troupes qui estoient alentour de la personne du Roy, n'eussent iamais soutenu l'effort des Grecs, & que celles là desfaites, le Roy eust esté occis sur le champ, ou contrainct de fuyr, & Cyrus eust gagné la iournee, & fust par ceste uictoire demouré Roy, l'issue de la bataille le monstre & le tesmoigne assez

C euidentement. Au moien de quoy lon doit plus tost donner la coulpe de la perte de ceste bataille à la trop grande circumspection de Clearchus qu'à la temerité de Cyrus: car si le roy Artoxerxes eust luy mesme choisy par souhait un endroit auquel les Grecs se deussent mettre pour moins luy faire de dommage, il n'en eust peu trouuer d'autre mieulx à propos, que celui qui estoit plus esloigné de luy, & de là ou les Grecs n'eussent sceu ne ueoir ny ouyr ce qui se faisoit à l'endroit ou il estoit, comme il apparut à l'effect: car Cyrus fut mis en pieces auant qu'il se peust aucunement ualoir de la uictoire de Clearchus, tant il estoit loing de luy: & si y a d'auantage, que Cyrus en cela cogneur bien auant le faict, ce qui estoit plus expedient de faire: car il commanda à Clearchus qu'il se rengaest avec sa compagnie au milieu de la bataille, & Clearchus luy respondit, qu'il ne se souciaist de rien, & qu'il y donneroit si bon ordre que tout se porteroit bien. Aiant dit cela, il gasta puis apres tout: car à l'endroit ou furent les Grecs, ilz rompirent les Barbares qu'ilz trouuerent en teste deuant eulx, & les chasserent tant comme ilz uolurent. Cyrus estant monté sur un cheual ardent & courageux, mais qui auoit mauuaise bouche, & estoit rebours & farouche que lon appelloit Pasacas, ainsi que dit Cresias, le gouuerneur de la prouince des Cadusiens qui se nōmoit Artageres le choisit de tout loing, & si tost qu'il

Artoxerxes.

l'eut apperceu picqua droit à luy en criant à haulte uoix, O traître, le plus des-
loyal & le plus insensé qui soit auourd'hui au monde, tu fais bien deshon-
neur au nom de Cyrus, qui est le plus beau & le plus honorable qui soit entre les
Perses, d'auoir icy amené les Grecs, si uailhans combattans, à une si malheureu-
se entreprise pour saccager les biens des Perses, en esperance de ruiner & desfai-
re ton souuerain seigneur & ton propre frere, lequel a innumerables seruiteurs
& esclaués, qui sont trop plus gens de bien que tu ne feras de ta uie: & tu le co-
gnoistras icy presentemēt par experience, car tu y laisseras la uie premier que tu
puisses ueoir la face du roy ton frere. En disant ces paroles il luy lācea de tou-
te sa puissance la iaueline qu'il tenoit en sa main: mais la cuyrassē de Cyrus fut
si bonne, qu'elle ne la percea point: toutefois le coup fut si uiolent qu'il le feit
chancelier sur le cheual. Ce coup donné Artagerſes retourna aussi tost son
cheual, & adonc Cyrus luy tira un coup si à poinct qu'il l'assena au dessus de l'os
qui conioint les deux espaules, tellement que le fer de la iaueline, luy percea le
col de part en part. Et quāt à cela que Cyrus ait occis de sa main Artagerſes sur
le champ, tous les historiens en sont bien d'accord: mais quant à la mort de
Cyrus, pource que Xenophon n'en dit qu'un mot en passant, à cause qu'il n'e-
stoit pas present au lieu ou il fut occis, il ne sera point à l'aduenture mauuais de
descrire à part la façon comme la compte Dinon, & celle de Ctesias à part aussi.
Dinon doncques escrit que Cyrus, apres auoir occis Artagerſes, alla de grande
fureur donner atrauers la trouppē de ceux qui estoient les plus proches au de-
uant de la personne du Roy, & qu'il le ioignit de si pres, qu'il luy tua son cheual
deſſoubz luy, de sorte qu'il rumba à terre: mais Tiribazus qui se trouua là le re-
monta incontinent dessus un autre en luy disant, Syre, te souuiene cy apres de
ceſte iournee: car elle ne merite pas d'estre mise en oubly. Et Cyrus elāceant une
autrefois son cheual, tira un ſecond coup, duquel il ataignit Artoxerxes: mais
à la troisieme recharge le roy ne se pouuant plus contenir dit à ceulx qui estoiet
autour de luy, qu'il aimoit mieulx mourir q de plus en endurer: si picqua alen-
contre de Cyrus, lequel se iettoit furieusement la teste baissēe atrauers infinis
coups que lon luy tiroit de tous costez, & luy darda son iauelot: si firent tous
ceulx qui estoiet au plus pres de sa personne, de maniere qu'en ceste meslee Cy-
rus fut porté par terre. Les uns disent que ce fut du coup que luy dōna le roy son
frere: les autres disent que ce fut un homme d'armes du pais de la Carie, auquel
le Roy en recompence donna depuis le priuilege de porter en toutes batailles
deuant le premier renc un coq d'or attachē au bout d'une iaueline, pourautant
que les Perses appellent ceux du pais de la Carie, les coqs, à cause qu'ilz ont ac-
couſtumē de porter en guerre des creſtes dessus leurs armets. Voila comment
Dinon le racompte: mais Ctesias, pour estraindre en peu de paroles ce qu'il
estend bien au long, dit que Cyrus apres auoir occis Artagerſes picqua droit
contre le Roy mesme, & le Roy contre luy, sans dire un ſeul mot ne l'un ne l'au-
tre. Ariæus l'un des mignons de Cyrus tira le premier coup, mais il n'assena
point le Roy: & le Roy de route sa puissance lancea son iauelot, pensant atain-
dre Cyrus: mais il le faillit, & au lieu de luy assena Tiffaphernes l'un des plus
uailhans hommes & des plus loyaux seruiteurs que Cyrus eust autour de luy, &
de ce coup le ietta mort par terre. Adonc Cyrus luy tira un coup, qui l'assena en
l'estomac si rudement, qu'il faulsa la cuyrassē, & entra bien deux doigts dedans
la chair. Le Roy rumba de ce coup en terre, dōt la plus part de ceulx qui estoiet
autour de sa personne s'effroyerent, de sorte qu'ilz s'enfouyrent: toutefois il se

releua

A releua à l'aide des autres qui demourerent aupres de luy, entre lesquelz Ctesias dit qu'il estoit, & se retira sus une petite motte assez pres de là, pour un peu reprendre son haleine. Ce pendant le cheual de Cyrus qui estoit ardent, comme nous auons dit, & auoit fort mauuaise bouche, le porta malgré luy bien loing de ses gens au milieu de ses ennemis, sans que personne le cogneust, pource qu'il estoit ia nuict, & estoient ses gens bien empeschez à le chercher: mais luy se confiant en ce qu'il cuydoit auoir gaigné la uictoire, ainsi qu'il estoit bouillant de nature & plein d'ardeur & de hardiesse alloit ça & là atrauers la presse des ennemis, criant en langage Persien, Sauuez uous pauures gés, sauuez uous. Quoy entendans, les uns s'ouuroient pour le laisser passer, en luy faisant la reuerce: mais

B de male aduventure sa tiare, qui est le hault chapeau royal à la Persiene, luy tûba de la teste: & adonc un ieune homme Persien nommé Mithridates passant au long de luy, luy donna un coup de sa iaueline par l'une des tempes assez pres de l'œil sans autrement sçauoir qui il estoit. Il coula incontinent de ceste playe fort grande effusion de sang, à l'occasion dequoy Cyrus se pasmant tumba esuanouy en terre, & son cheual s'en fouyt: mais la bastine dont il estoit couuert tûba à terre toute ensanglantee, & un page de celuy qui l'auoit frappé l'amassa. Peu apres Cyrus estât reuenu de pasmoison quelques uns de ses Eunuques, c'est à dire, ualets de chambre chastez, qui estoient demourez aupres de luy, le releuerent pour le cuyder remonter sur un autre cheual, & le tirer hors de la presse:

C mais il ne peut iamais se tenir à cheual: si essaya s'il pourroit miculx aller à pied, & les Eunuques le prirent par dessoubz les bras tout essourdy qu'il estoit, ne se pouuant soustenir dessus les pieds, encore qu'il cuydast biē auoir gaigné la bataille, pource qu'il entendoit ses ennemis fuyās autour de luy qui crioiēt, Viue le roy Cyrus, & le prioiet de leur pardonner & auoir pitié d'eulx. Mais en ces entrefaites il y eut quelques pauures gens natifs de la uille de Caunus qui suiuiōt le cāp du roy, gaignans leur uie à faire tous les plus bas & plus uilz seruices que l'homme peut faire. Ces pauures gens par cas d'aduēture se ioignirēt à la troupe ou estoit Cyrus pensans q̄ ce fussent gés du roy, toutefois à la fin ilz apperceurēt

D aux hoquetōs rouges qu'ilz portoiēt sur leurs armes, q̄ c'estoiēt ennemis, pource q̄ eulx du roy en portoiēt de blācs, & y en eut un d'entre eulx qui prit la hardiesse de tirer à Cyrus un coup de partisane par derriere, sans qu'il cogneust q̄ ce fust Cyr⁹. Le coup l'attaignit au iaret & luy en couppa les nerfs, de maniere qu'il tûba par terre, & en tumbār encore de malheur donna il de la tempe ou il auoit parauant esté blecé dessus une pierre si rudement, qu'il en rendit l'esprit tout sur l'heure. Voila cōmēt le recite Ctesias, là ou il semble propremēt qu'il luy coupe la gorge avec une dague mouffē & aiant le trenchāt rabbattu, tāt il a de peine à le faire mourir. Tantost apres qu'il eut rendu l'esprit, Artasyras l'un des Eunuques d'Artoxerxes que lon appelloit en sa court, l'œil du roy, passant par là à cheual recogneut les Eunuques de Cyrus qui demenoient fort grand deuil,

E & lamētoiēt la mort de leur maistre. Si demāda à celuy duquel Cyrus se fioit le plus: Qui est ce mort, ô Parisca, que tu pleures si chaudemēt? Pariscas luy respondit, Ne uois tu pas, Artasyras, que c'est Cyrus qui uient de trespasser? Artasyras fut bien esbahy quand il le ueit: si reconforta l'eunuque, & l'admonesta qu'il se teint aupres du corps pour le garder sans se partir, & ce pendant luy galoppant à bride abbatue s'en alla trouuer le roy Artoxerxes, lequel pensoit auoir tout perdu, & si se portoit assez mal de sa personne tant pour la soif extreme qu'il enduroit, que pour le coup qu'il auoit receu en l'estomac. Arriué que fut l'E-

Artoxerxes.

nuque deuers le roy, il luy compta, avec une chere ioyeuse, la nouuelle cōment il auoit ueu Cyrus tout roide mort, dont le roy fut si resiouy, qu'il luy prit enuie de s'en aller luy mesme tout sur l'heure au lieu ou il estoit pour le ueoir, & com-
māda à Artosyras qu'il l'y menast: mais apres y auoir un peu mieulx pēsē, il fut cōseillē de n'y aller point en personne pour la crainte & le dāger des Grecs que lon disoit auoir tout gaignē, & estre encōre par les chāps à chasser & tuer, ains plus tost y enuoyer bonne compagnie d'hommes qui pourroient plus à plein s'en informer, & luy rapporter seuremēt si la nouuelle estoit uraye ou non. Lon farresta à cest aduis, & y enuoya lon trente hommes avec force torches & flam-
beaux, & ce pendant l'un des Eunuques, appellē Satibarzanes alla courant ça & là pour ueoir s'il trouueroit quelque peu d'eau pour le roy, qui estoit bien pres de mourir de soif: car il n'y auoit eau du monde au lieu ou il s'estoit retirē, & si estoit fort loing de son camp. Apres auoir bien couru, il rencontra à la fin ces
pauures portefais Cauniens, desquelz l'un portoit dedans une meschante peau de cheure enuiron huiēt uerres d'eau ia toute corrompue & gastee, si la porta in-
continent au roy, qui la beut toute entierement: & apres qu'il l'eut beuē, l'eunu-
que luy demanda, si ceste mauuaise eau luy auoit point fait de mal au cuer, & le roy luy iura par tous les Dieux, qu'il n'auoit iamais beu uin, quelque delicieux ny eau quelque fresche & nette qu'elle fust, avec tant de plaisir comme il auoit fait celle là: & pourtant, dit il, ie prie aux Dieux si d'aduenture ie ne puis trouuer celuy qui te l'a baillee pour l'en recompenser, qu'ilz leur plaise le faire content
& bienheureux. Ainsi comme il estoit sur ce propos retournerent les trente hommes avec leurs flambeaux, qui tous d'un bon & ioyeux uisage luy confir-
merent la bonne nouuelle qu'il n'auoit point esperee, & ia de tous costez s'estoit ralliē si grand nōbre de gens de guerre autour de luy, & en uenoit encore tous-
iours à la file, qu'il commença à fasseur: si descendit en la plaine avec force torches & flābeaux, & s'en alla au lieu ou estoit gisant par terre le corps de Cy-
rus, là ou suiuant une ancienne ordonnance de Perse alencontre des criminelz de lēse maiestē, il luy fait couper la teste & la main droite, puis se fait appor-
ter la teste, laquelle il prit par les cheueux que Cyrus portoit longs & espez, & l'alloit luy mesme mōstrant à ceulx qui fuyoient encore, & estoient en doubte
pour les asseurer, & eulx s'esmerueillans faisoient la reuerence, & se rallioient à la troupe du roy, de sorte qu'en peu d'heure il se rassembla bien soixante & dix
mille combattans, avec lesquelz il reprit son chemin deuers son camp. Vray est que Ctesias dit, qu'il n'auoit que quatre cents mille combattans en tout, mais
Dinon & Xenophon en mettēt bien d'auantage: & quant au nōbre des morts, Ctesias dit que lon rapporta au roy qu'il y en auoit enuiron neuf mille, mais
qu'il luy sembloit à les ueoir qu'il n'y en auoit pas moins de uingt mille: & quāt à cest article on le pourroit en l'une & en l'autre part debatre: mais au reste
quāt à ce qu'il dit que le roy l'enuoya avec Phayllus le Zacynthien deuers les Grecs & quelques autres encore, cela est une menterie certaine: car Xenophon
sçauoit tresbien que ce Ctesias estoit au seruice du roy, attendu qu'il en fait mē-
tion en quelques endroits de son histoire, & s'il eust esté deputē par le roy pour aller porter aux Grecs paroles de si grande importance, il est uraysembla-
ble que Xenophon ne l'eust pasteu ne celē, là ou il ne nomme que Phayllus le Zacynthien: mais Ctesias, comme il appert assez par ses escripts, estoit hom-
me fort ambitieux & partial des Lacedæmoniens, notamment de Clearchus, & ua souuent cherchant & faisant uenir à propos des occasions pour parler de
loy-

A' soy mesme à son aduantage, & de Lacedemone & de Clearchus. Or apres ceste
bataille le roy Artoxerxes enuoya de beaux & riches presens au filz de Ar-
tagerfes que Cyrus auoit occis de sa main, & honora aussi Ctesias, ce dit il, &
puseurs autres grandement, & si n'oublia pas de faire chercher le pauvre hom-
me Caunien qui auoit baillé l'eau pour luy apporter à son tres grand besoing,
& l'ayant trouué, le feit de pauvre incogneu qu'il estoit auparauât, homme ri-
che & d'honorable qualité. Il usa aussi de sage & droiturier iugement en la pu-
nition de ceulx qui auoient failly à leur deuoir, cōme entre autres d'un Medois
nommé Arbaces, lequel au iour de la bataille sen estoit premieremēt souy du
costé de Cyrus : puis quand il entendit qu'il auoit esté tué festoit retourné de
son costé: car estimant que c'estoit plus tost lascheté de cuer & couardise que
B trahison ou mauuaise uolunté qui luy auoit fait faire, il le condamna à porter
dessus son col une putain toute nuë, alentour de la grâde place, tout le lōg d'un
iour. Et à un autre, qui oultre ce qu'il festoit allé rendre aux ennemis, se uentoit
encore à faulses enseignes qu'il en auoit tué deux, il luy feit percer la lāgue avec
trois coups d'alaine en trois endroits. Au reste, aiant opinion que c'estoit luy
mesme qui auoit tué Cyrus de sa propre main, & uoulant que tout le monde le
pensast & le dist aussi, il enuoya des presens à Mithridates qui l'auoit blecé à la
pe le premier, & commanda à celuy qui les luy portoit, de luy dire de sa part,
Le roy t'enuoye ces presens pourauant qu'ayant le premier trouué la bastine
du cheual de Cyrus tu la luy as apportee. Le Carien semblablement qui luy a-
uoit couppé le iarret dont il estoit tumbé par terre, demanda aussi son present
C que le roy luy donna, & luy feit dire par celuy qui luy presenta, Le roy te fait ce
don, pourauant que tu as esté le second qui luy as apporté la bonne nouuelle:
car Artasyras a esté le premier, & toy le second qui luy auez annoncé la mort
de Cyrus. Or Mithridates encore qu'il fust bien mal content de ces paroles en
son cuer, si sen alla il neantmoins sans mot dire sur l'heure ny repliquer au cō-
traire: mais le malheureux Carien se laissa aller par sa follie à une passion assez
commune aux hommes, car la ioye qu'il eut soudainement, comme il est uray
semblable, de ueoir deuât soy le beau & riche present que le roy luy faisoit, l'es-
blouit & auégla, iusques à le faire aspirer & pretendre à plus haultes choses
D qu'à son estat n'appartenoit: si ne uolut poit accepter le present que le roy luy
faisoit soubz tiltre ne qualité de luy auoir annōcé la mort de Cyrus, ains com-
mencea à se courroucer en criant tout hault, & appellāt les Dieux à tesmoings,
que c'estoit luy seul & non autre qui auoit tué Cyrus, & qu'on luy faisoit grand
tort de le uoloir priuer de ceste gloire. Ce que le roy aiant entendu, sen aigrit
& courroucea si amerement, qu'il commanda incontinent que lon luy tren-
chast la teste: mais Parysatis la mere du roy estāt presente à ce commandemēt,
luy dit, Ne le fais point ainsi mourir, non, ce meschant, laisse m'en faire seule-
ment, ie le chastieray bien d'auoir ozé parler ainsi temerairement. Ce que le roy
E luy aiant permis, elle feit prendre le malheureux Carien par les executeurs de
haulte iustice, & le feit gehenner l'espace de dix iours continuellement, & au
bout de dix iours luy feit arracher les deux yeux de la teste, & finablement luy
uerfer du metal fondu dedans les oreilles, iusques à ce qu'il eust rendu l'ame en
cetourment. Mithridates mesme mourut aussi peu de temps apres miserable-
ment par une mesme follie: car il fut semond à soupper en un banquet, auquel
estoit aussi conuiez les Eunuques du roy & de sa mere, & y estant uenu, il se
feit à table avec la mesme robbe d'or que le roy luy auoit donnee. Quād seuint

Artoxerxes.

à la fin du soupper que lon comméce à boire les uns aux autres, l'un des eunu-
ques de Parysatis se prit à luy dire, Le roy t'a ueritablement icy donné une bel-
le robbe Mithridates, & de belles chaines & carquans d'or, & si est le cymeter-
re qu'il te donna aussi fort riche & sumptueux: de sorte que quand tu l'as à ton
costé, il n'y a celuy qui ne s'en estime bien heureux. Mithridates, à qui les fu-
mees du uin qu'il auoit beu commenceoient à monter au cerueau, luy respô-
dit soudain, Et qu'est ce que cela Sparamixes: i'en meritay bien d'auantage & de
plus beaux au iour de la bataille. Adonc Sparamixes luy repliqua en soubriant,
Je ne dis pas cela pour enuie que ie porte à ton bien, Mithridates: mais à parler
icy entre nous franchement, pource que les Grecs disent en commun prouer-
be, que la uerité est au uin, ie te prie dis moy, qu'elle si grande & si magnanime
prouesse est ce q d'auoir amassé la bastine d'un cheual qui estoit rûbee à terre, &
l'auoir apportée au roy? Ce que l'eunuque luy disoit malicieusement, non qu'il
ne sceust bien la uerité, mais pour le prouoquer à parler, & à se ietter hors des
gons: sachant bien qu'il estoit homme leger de sa nature, & qui ne sçauoit pas
bien tenir sa langue, mesmemét lors qu'il auoit beu, côme il en aduint: car Mi-
thridates ne se pouuant contenir, repliqua incontinent, Vous parlerez de ba-
stine de cheual, & de telz fatras tant comme uous uoudrez, mais ie uous dis à
certes, que Cyrus a esté occis de ceste miene main & non d'autre: car ie ne tiray
point mô coup en uain, comme fait Artagerfes, ains l'assenay en la tempe bien
pres de l'œil: & luy aiât percé la teste de part en part, le portay par terre, & mou-
rut de ce coup là. Il n'eut pas plus tost acheué ces paroles, que les autres qui e-
stoient à table ietterent tous les yeux contre bas, preuoians desia la ruine & la
mort de ce pauvre malheureux Mithridates: mais celuy qui faisoit le banquet
prenant la parole, luy dit: Mithridates mon amy, beuuons & faisons bonne
chere, en adorant & remerciant la bonne fortune du roy: mais au demourât
laissions ces propos là, qui sont plus haults qu'il ne nous appartient. Au sortir de
là l'eunuque alla incontinent rapporter à Parysatis les paroles que Mithrida-
tes auoit dittes en presence de gens: & elle au roy, lequel en fut fort courroucé,
comme se sentant desmenty & conuaincu à perdre ce qui luy estoit plus hono-
rable, & qu'il auoit plus agreable en sa uictoire: car il uouloit que tout le mô-
de, autant les Grecs que les Barbares creussent certainemét, qu'en la rencontre
de luy & de son frere il eust bien esté blecé: mais qu'il l'eust aussi tué de sa pro-
pre main. Si commanda que l'on feist mourir Mithridates de la peine des auges,
laquelle est de ceste maniere. Lon prend deux auges faittes expres si egales, que
l'une n'excede point l'autre en longueur ny en largeur, & couche lon sur les
reins à la renuerse celuy que l'on ueult punir dedans l'une d'icelles, & puis le cou-
ure lon de l'autre, & les coust on l'une à l'autre: de sorte que les piedz, les mains
& la teste du patient sortent dehors par des trous que lon y fait expressement: le
demourant du corps demeure couuert & caché au dedans. On luy donne à
mâger tant comme il ueult, & si l'on ne ueult manger, on le cōtraint par force en
luy poignât les yeux avec des alaines: puis quâd il a mangé, on luy dōne à boi-
re du miel destrempé avec du lait, & luy en uerse lon non seulement en la bou-
che, mais aussi sur tout le uisage en le tournant de sorte que le soleil luy donne
tousiours dedans les yeux: tellement qu'il a la face sans cesse toute couverte de
mouches, & faisant dedas ses auges toutes les necessitez qu'il est force que l'hō-
me beuant & mangeant face, il uient à s'engendrer de l'ordure & pourriture
de ses excremens, des uers qui luy rongēt tout le corps iusques aux parties no-
bles:

A bles: puis quand ilz uoient que le patient est mort, ilz leuent lauge de dessus, & treuuent sa chair toute mangée par ceste uermine qui s'engendre iusques dedans ses entrailles. Mithridates donques apres auoir languy l'espace de dixsept iours en ceste misere, finalement mourut à toute peine: si ne restoit plus à Parysatis pour uenir au dessus de son entente, que Mesabates l'un des eunuques du roy, qui auoit couppé la teste & la main à Cyrus: & uoiant qu'il se tenoit si bié sur ses gardes, qu'il ne luy donnoit aucune prise, à la fin elle luy dressa une telle embusche. Elle estoit femme de grand esprit, & qui entre autres choses scauoit fort bien iouer à tous ieux de dez, & y iouoit auant la guerre bien souuent avec le roy son filz: & depuis la guerre encore, apres auoir fait son appointemēt, elle
B ne laissa pas de iouer & passer le tēps avec luy cōme deuāt, iusques à scauoir les secrets de ses amours, & luy aider à en iouyr: brief, elle ne le perdoit de ueuē que le moins qu'elle pouuoit, & laissoit le moins qu'il luy estoit possible de temps à sa femme Statira, auquel elle le peüst gouverner & estre avec luy: tant pource qu'elle la haïsoit sur toutes les personnes du mōde, que pource qu'elle uouloit auoir plus de credit & d'autorité aupres du roy que nul autre. Vn iour donques uoiant le roy de loisir, & ne sachāt à quoy passer son temps, elle le prouoqua à iouer mille Dariques aux dez, & se laissant perdre uoluntairement, paya comptant les mille Dariques, faisant neantmoins semblāt d'en estre bien marrie, & de se sentir picquee: si le pria de uouloir encore iouer un eunuque, le roy
C en fut content: mais auant que iouer, ilz meirēt ceste condition à leur ieu, que l'un & l'autre excepteroit nōmeemēt les cinq qui leur seroiēt les plus feables, & qu'ilz auroiēt les plus chers: & q̄ au reste, celuy qui perdrait, seroit tenu de liurer promptement au gaigneur celuy de tous les autres eunuques qu'il demāderoit. Ilz se meirent à iouer soubz ceste cōdition: & elle employant tout ce qu'elle scauoit à ce ieu, & y prenant garde le plus pres qu'il luy fut possible, avec ce que les dez luy fauoriserent, feit si bien qu'elle gagna, & demāda Mesabates pour son gaing, pource qu'il n'estoit point de ceulx que le roy auoit exceptez. Si tost qu'elle l'eut entre ses mains, auant que le roy se peult doubter de ce qu'elle en uouloit faire, elle le bailla à des bourreaux, & leur commāda qu'ilz l'escorchassent tout uif, & puis qu'ilz crucifiassent & attachassent son corps en trauers à trois croix, & qu'ilz estēdissent sa peau sur une autre piece de bois à part. Ce qui fut fait, dont le roy fut fort desplaisant & malecontent quand il le sceut, & s'en courroucea bien aigrement à elle: mais elle ne s'en feit que mocquer, & luy die
D en riant, Vrayement tu as bonne grace de te courroucer pour auoir perdu un meschant uieillard chastré, la ou ie perdis mille Dariques, & eu bien patience, sans en dire mot. Ainsi n'en fut il autre chose, sinō que le roy en fut fort marry, & se repentit bien d'auoir ioué, & de s'estre ainsi laissé affiner. Mais la royne Statira oultre ce qu'en toutes autres choses elle luy estoit tousiours cōtraire, ne cessoit encore en ce cas de dire ouuertemēt, q̄ c'estoit meschāment fait à elle, de
E faire ainsi cruellemēt mourir à tort les bons & loyaux seruiteurs du roy, & pour l'amour de Cyrus. Mais au demourant, apres que Tissaphernes lieutenant du roy Artoxerxes eut trōpé Clearchus & les autres capitaines Grecs, en faulxant malheureusement la foy qu'il leur auoit promise, & qu'il les eut enuoyez pieds & poings liez au roy, Ctesias dit que Clearchus le pria de luy faire recouurer un peigne, & qu'en aiant eu un par son moien, & s'en estāt peigné, il eut ce plaisir si agreable, qu'il luy donna en recompense l'anneau duquel il sceilloit & cachetoit ses lettres, pour luy seruir d'enseigne & de tesmoignage enuers ses pa-

rents & amis de l'amitié qui auoit esté entre eulx deux, & dit qu'il y auoit en la pierre de cest anneau une danse de Caryatides engrauee . Il dit d'auantage que les autres gens de guerre qui estoient prisonniers avec Clearchus luy ostoiene la plus part des uiures que lon luy enuoyoit, & ne luy en laissoient que bien peu pour luy, & que luy y remedia, en procurant que lon leur en enuoyast plus grande quantité, & que lon meist la portion de Clearchus à part, & des autres soldards à part aussi: ce qu'il faisoit, dit il, du sceu & par le commandement de Parysatis, laquelle sachant que lon enuoyoit tous les iours à Clearchus du iambō entre les autres uiures, l'aduisa une fois qu'il ne falloit que cacher un petit cousteau dedās la chair de ce iambō & le luy enuoyer, à fin que l'issue de la uie d'un si uaillant capitaine & si homme de bien, ne demourast point en la disposition de la cruaulté du roy, mais qu'il eut peur de l'entreprendre, & ne l'oza pas faire, & que le roy promeit & iura à sa mere, laquelle l'en pria fort affectueusement de ne le faire point mourir, toutefois que depuis estant sollicité & persuadé du contraire par la royne Statira, il les feit tous mourir, excepté Menon : à l'occasion de quoy Parysatis depuis ceste heure là, dit il, comença à espier tous les moies de faire mourir & d'empoisonner la royne Statira. Mais il ne me semble pas uray semblable, que Parysatis se fust mise à prochasser un si malheureux, si meschant & si dangereux acte, que de faire mourir la femme legitime du roy, de laquelle il auoit ia des enfans qui estoient pour uenir un iour à la couronne, seulement pour l'amour & pour le regard de Clearchus : & est assez aisé à ueoir qu'il ua cōtrouuant cela pour plus honorer & magnifier la memoire de Clearchus, & qu'il soit uray, on le peult facilement coniecturer par les euidents mensonges qu'il adiouxte apres, disant que les capitaines aians esté tuez, les corps de tous les autres furent deschirez par les chiens & oyseaux : mais qu'il suruint un tourbillon de uent qui couurit celuy de Clearchus d'un grand monceau de pouldre, & que alentour de ce monceau peu de temps apres il sourdit de la terre plusieurs palmiers, dont il se feit comme un petit bocage fort & espes à merueilles, de sorte qu'il couurit & umbragea tout cest endroit là, tellement que le roy mesme puis apres se repentit fort de l'auoir fait mourir, comme aiant esté homme de bien & bien uoulu des Dieux . Ce ne fut doncques pas l'amour de Clearchus : mais bien une ancienne rancune que Parysatis auoit imprimee en son cuer, & une ialouzie conceüe de longue main, alencōtre de la royne Statira, pourautāt qu'elle uoyoit bien, que le credit & autorité qu'elle auoit au pres du roy, procedoit d'une reuerence filiale qu'il luy portoit pour l'honorer seulement : & au contraire, que le credit de Statira estoit bien mieulx fondé & plus asseuré, attēdu qu'il procedoit de la bonne amour qu'il luy portoit, & de la fiance qu'il auoit en elle. Voila la uraye cause qui l'incita à conspirer & machiner la mort de la royne, aiant resolu qu'il falloit necessairement qu'elle ou la royne mourussent. Or auoit elle une femme de chambre nommee Gigis, qui pouuoit beaucoup enuers elle, & de qui elle se fioit entierement. Dinon escrit qu'elle luy seruit à executer cest empoisonnement. Toutefois Ctesias dit qu'elle le sceut tant seulement : mais au demourant, que ce fut contre sa uolunté, & que celuy qui fournit le poison, fut un nommé Belitaras, toutefois Dinō l'appelle Melantas : & combien qu'elles se fussent reconciliees en apparence, faisans semblant d'auoir oublié toutes leurs querelles & inimitiez passees, & qu'elles commençassent à se trouuer l'une avec l'autre, & à boire & manger ensemble, si est ce neantmoins qu'elles se desfioient tousiours l'une de l'autre, & se tenoient diligem-

A ment sur leurs gardes, en mangeant de mesmes uiandes & estās seruies par mesmes officiers & en mesme uaisselle. Or y a il en Perse un petit oiseau, auquel il n'y a rien qui ne soit bon à manger, car il est tout plein de graisse par le dedans, de maniere que lon estime qu'il se nourrisse du uent & de la rosee, & le nomme lō en langage Persiē R yntaces. Parysatis, ainsi que dit Ctesias, en prit un qu'elle couppa par le milieu en deux parts avec un petit cousteau, lequel estoit empoisonné de l'un des costez seulement, & meit incontīnēt en sa bouche la partie qui estoit nette, n'ayant point touché au costé du cousteau empoisonné, & donna à Statira la moitié qui estoit infectee & enuenimee. Toutefois Dinon escrit que ce ne fut pas Parysatis qui luy donna elle mesme, ains que ce fut son escuyer Melantas qui trenchoit deuant elle, & qui seruoit tousiours à la royne, la chair qui auoit touché au costé de son cousteau enuenimé. Si tumba incontīnent Statira malade de la maladie dont elle mourut avec griesues douleurs & aspres tortions & trenchees es parties interieures, & cogneur bien euidemment qu'elle auoit esté empoisonnee par le moien de Parysatis, & le dit au roy, lequel en eut la mesme opinion contre sa mere, mesmement pource qu'il cognoissoit bien sa nature cruelle & uindicatiue, qui ne pardonnoit iamais depuis qu'elle auoit pris une chose à cuer. Parquoy s'en uoulant du tout esclarcir, incontīnent que sa femme fut morte il feit saisir tous les seruiteurs domestiques & les officiers de sa mere, qu'il feit tous gehēner, pour leur faire dire la uerité, excepté **C** Gigis, que Parysatis teint en sa chambre longuemēt cachee, sans la uouloir iamais liurer au roy qui la demandoit : toutefois à la fin elle mesme pria Parysatis de la laisser aller en son logis une nuit : dequoy le roy ayant esté aduertty, la feit guetter au passage, & prise qu'elle fut, la condamna à mourir du tourment dont on punist les empoisonneurs en Perse, qui est tel. On leur fait mettre la teste dessus une pierre platte, & avec une autre pierre la leur presse & bat lon tant & tant, que lon la leur brise & froisse toute. Gigis fut ainsi executee. Et quant à Parysatis, le roy ne luy feit, ny ne luy dit iamais autre mal, sinō qu'il la cōfina en Babylone, cōme elle mesme luy requit, & iura q̄ tant qu'elle uiuroit, iamais Babylone ne le uerroit. Voila l'estat auquel estoient ses affaires domestiques, mais **D** aiāt Artoxerxes fait tout son effort pour auoir entre ses-mains les Grecs qui luy estoient uenuz faire la guerre iusques au centre de son royaume, & l'ayant aurant desiré comme de desfaire Cyrus mesme, & cōseruer son estat, il n'en peut neātmoins iamais uenir à bout : car encore qu'ilz eussēt perdu celuy q̄ les soudoyoit qui estoit Cyrus, & tous leurs particuliers capitaines qui les auoient cōduits, ilz se sauuerēt du fond de son royaume en mōstrant par experiēce, que tout le faict des Perses n'estoit que or & argēt, force delices & belles fēmes, & au demourāt pōpe uaine & mine seulemēt, dōt toute la Grece en prit une merueilleuse assurance & en eut les Barbares en tresgrand mespris, tellement que les Lacedæmoniens estimerent que ce leur seroit une grande honte, filz ne deliuroient les **E** Grecs habitās en l'Asie de la seruitude des Perses, & ne les garētissoient des insolēces & oultrages des Barbares. Ce qu'aians autrefois attenté de faire par leur capitaine Thimbrō, & encore depuis par Dercyllidas qu'ilz y enuoyerēt avec armee, sans y auoir peu faire chose digne de memoire, finablement ilz resolerent d'y enuoyer leur roy mesme Agesilaus, lequel trauerfant en Asie avec des uaisseaux commença incontīnent qu'il fut descendu en terre à mettre la main à l'œuure à bon esciant : car d'arriuee il desfeit en bataille Tissaphernes le lieutenant du roy, & feit rebeller contre luy la plus part des citez Grecques, qui sont

Artoxerxes .

en l'Asie. Ce que considerant le roy Artoxerxes imagina sagement & trouua le F
moien, par lequel il falloir qu'il feist la guerre aux Grecs : car il enuoya un Ro-
dien nommé Hermocrates, duquel il se fioit, avec force or & argët, en la Grece
pour donner & distribuer à ceulx qu'il uerroit auoir credit & authorité es prin-
cipales citez d'icelle, à fin de faire une ligue de tous les autres Grecs alencon-
tre des Lacedemoniens. Hermocrates executa bien & sagement sa cômmission,
car les plus puissantes citez de la Grece se banderent contre Lacedæmone, telle-
ment que tout le Peloponese en estant en grand trouble & grande combustiõ,
le conseil de Lacedæmone fut contrainct de rappeler Agesilaus : lequel se uoiât
à son grand regret forcé de se partir de l'Asie, dit à ses amis, que le roy de Perse
l'en chassoit hors avec trente mille archers, pource qu'en la monnoye de Perse G
il y a la figure d'un archer imprimee. Il debouta aussi semblablement les Lacedæ-
moniens de la principauté de la mer par le moien du capitaine Conon Athe-
nien q̄ Pharnabazus l'un de ses lieutenans luy gaigna : car Conon depuis la bat-
taille nauale qu'il perdit au lieu nommé la riuere de la cheure, f'estoit tousiours
tenu en l'isle de Cypre, nō pour y estre en seureté de sa personne seulement, mais
aussi pource que c'estoit un seiour propre à attendre que les affaires de la Grece
prinsent quelque changement : & cognoissant que les discours qu'il auoit en
son entendement auoient faulte de puissance pour les executer, & au contraire
que la puissance du roy auoit faulte d'un homme de bon discours & de bon en-
tendement pour l'employer, il luy escriuit unes lettres touchant ce qu'il auoit H
en pensee de faire, cōmandant expressement à celuy auquel il les bailla à porter,
que s'il luy estoit possible il les luy feist presenter par un Cádiot qui s'appelloit
Zenon qui estoit baladin du roy, ou par un Polycritus natif de la uille de Mé-
de qui estoit son medecin : & si d'aduenture ces deux là n'y estoier, qu'il les bail-
last à Ctesias pour les presenter au roy. Il aduint que les lettres tumberent entre
les mains de ce Ctesias, lequel, à ce que lon dit, y adiouxta oultre ce qui y estoit
que le roy l'enuoyast deuers luy, pource que c'estoit un personnage qui seroit
fort utile à son seruice, mesmement quant aux affaires de la marine. Ctesias ne
dit pas cela, ains escrit que le roy de son propre mouuement luy donna ceste
charge. Mais apres que Artoxerxes par la conduite de Conon & de Pharnaba- I
zus eut gaigné la bataille nauale pres de l'isle de Gnidus, & que par le moien
d'icelle, il eut chassé & depossédé les Lacedemoniens de la seigneurie de la mer,
il fut en tresgrande estime & grande reputation par toute la Grece, tellement
qu'il donna aux Grecs à telles conditions qu'il uoulut, celle tant renommée paix
qui fut appelée la paix d'Antalcidas. Cestuy Antalcidas estoit un citoyen de
Sparte filz de Leon, lequel fauorisant aux affaires du roy, feit tāt que par le trait-
té de ceste paix, les Lacedemoniens abandonnerent à Artoxerxes toutes les ci-
tez Grecques, qui sont en Asie, & toutes les isles comprises sous icelle pour en
iour paisiblement, & leur faire payer taille & tribut à sa uolunté. Ceste paix
aiant esté faite avec les Grecs (s'il faut appeller paix une trahison, un reproche K
& une infamie de toute la Grece si ignominieuse, que nulle guerre n'eut iamais
yssue plus hôteuse, ne plus infame pour les uaincus.) le roy Artoxerxes qui au-
trement haïssoit de mort tous les Lacedæmoniens, & qui les estimoit, ainsi que
Dionon escrit, les plus effrontez hommes du monde, au contraires aima singu-
lierement Antalcidas, & luy feit la meilleure chere dont il se peut aduifer, quāt
il alla deuers luy en Perse : si dit on que un iour le roy prit un chapeau de fleurs
qu'il trempa dedans une huyle de parfum la plus precieuse & la plus odorante
que

A quel on eust apprestee pour le festin, & l'enuoya à Antalcidas, tellement que tout le monde s'esmerueillâ de uoir si grandes caresses, & si grande faueur que le roy luy faisoit: mais aussi estoit-ce un homme tel qu'il falloit pour uiure entre les delices & superfluitez Persiennes, & qui meritoit que lon luy enuoyast un tel chapeau, attendu qu'il auoit bien eu le cuer de danfer un bal deuant les Perses, auquel il contrefaisoit Leonidas & Callicratidas deux des plus uailans hommes qui furent oncques en toute la Grece. Pourtant y eut il quelqu'un qui dit alors en la presence du roy Agésilas, O combien est auioirdhuy malheureuse la pauure Grece, en laquelle les Lacedemoniens Persisent, c'est à dire, adherent aux Perses: & le roy Agésilas luy respondit promptement, Non font, mais plus tost les Perses Laconisent, c'est à dire, adherent aux Lacedemoniens.

B Toutefois l'arguée de ceste respôce si à poinct retournée n'effacea point la uergoigne du faict, & peu de temps apres les Lacedemoniens perdirent la iournee de Leuctres, & quand & quand la principaulté qu'ilz auoient longuement tenue sur toute la Grece, combien que ia auparauant ilz eussent perdu la reputatiô pour auoir consenty & accordé le traitté d'une si honteuse paix. Or tant que la cité de Sparte demoura sur ses pieds, & qu'elle reteint le premier lieu de dignité entre les Grecs, Artoxerxes entreteint aussi tousiours, & fait compte d'Antalcidas, en le nommant son hôte & son amy: mais apres que les Lacedemoniens eurent perdu la bataille des Leuctres, se trouuans fort rabaissez, & aians faulte d'argent, ilz enuoyerent Agésilas en Ægypte, & Antalcidas s'en alla en Perse uers Artoxerxes pour le prier de uoloir aider & secourir les Lacedemoniens: mais le roy en fit si peu de compte, & l'eut en si grand mespris, en le reiettant luy & toutes ses requestes, qu'il s'en retourna tout confus à Sparte sans auoir rié fait, & là se uoiant moqué de ses ennemis, & craignant encore que les Ephores ne le feissent saisir au corps, il se fit luy mesme mourir de faim. Environ ce mesme temps, allerent aussi en la court de Perse deuers Artoxerxes Ismenias & Pelopidas tous deux Thebains, depuis qu'ilz eurent gagné la iournee de Leuctres, Pelopidas n'y fit rien d'indigne ny deshoneste: mais Ismenias, luy estât commandé qu'il s'inclinast pour faire la reuerence au roy, laissa cheoir son anneau à ses pieds, & se baissa pour le ramasser, ce que lon estima qu'il feist pour s'incliner deuant le roy. Vne autrefois Artoxerxes aiant trouué bon un secret aduertissement que luy enuoya Timagoras Athenien, par un secretaire nommé Beluris, il luy donna dix mille Dariques: & pource qu'estant indisposé, il auoit besoing de laiât de uache pour se réforcer, le roy luy feir mener apres luy quatre uingts uaches pour les tirer, & en auoir le laiât frais par chascun iour, & si luy enuoya un liât fourny de ses matterats, couuertures, & de route autre chose, avec des ualets de chambre pour le luy accoustrer, disant que les Grecs n'entendoient rien à bien faire un liât, & luy bailla d'auantage des homes pour le porter à bras iusques à la mer, à cause qu'il estoit malade, & tât qu'il fut à la court le fit tousiours traiter fort plâtureusement & magnifiquement, de sorte qu'un iour l'un des freres du roy nommé Ostances, luy dit, Timagoras, souuiene toy de ce ser uice de table: car ce ne doit pas estre pour chose legere que l'on te sert ainsi magnifiquement. Ceste parole estoit plus tost un reproche de trahison, qu'un record de grace receüe. Aussi les Atheniens depuis condempnerent ledit Timagoras à mourir pour auoir pris argent du roy de Perse: mais Artoxerxes en recompence de tant d'autres choses qu'il auoit faittes au grand desplair des Grecs, en fit une qui leur apporta grand contentement, quand il fit mourir Tissaphernes.

* Ou, ensuiuent les meurs des Perses.

qui estoit le plus aspre & le plus aigre ennemy qu'ilz eussent. Parysatis aida bié F
 à ce faire, en aggrauant les charges qui estoient contre luy: car le roy ne garda
 pas long temps le courroux qu'il auoit contre sa mere, ains se reconcilia avec
 elle, & la renuoya querir, uoiant qu'elle auoit l'entendement, & le courage tel
 qu'il falloit pour gouverner un grand royaume, & oultre ce qu'il n'y auoit plus
 d'empeschement qui les gardast d'estre & hanter ensemble tant comme ilz
 uouldroient pour crainte de ne donner occasion de ialousie, ou d'ennuy à au-
 truy. Parquoy de là en auât Parysatis se meit à seruir & complaire à tous les ap-
 petis du roy son filz, en faisant semblant de ne trouuer rien mauuais de tout ce
 qu'il faisoit, par ou elle acquit tel credit aupres de luy qu'il ne luy refusoit cho-
 se quelconque qu'elle luy sceust demander: si s'apperceut qu'il estoit desespereé G
 ment amoureux de l'une de ses propres filles qui s'appelloit Atossa, mais qu'il
 dissimuloit son affection le mieux qu'il pouuoit, & la deguisoit pour le regard
 d'elle principalement, cōbien qu'aucuns ueuillent dire qu'il l'auoit ia despuce-
 lee. Incontinēt que Parysatis eut descouuert ceste amour, elle cōmencea à faire
 beaucoup meilleure chere & plus de caresses à la fille que parauât, & en parlant
 à son pere, luy louoit tantost sa beaulté, tantost sa bonne grace, & son doux
 maintien, disant qu'elle sentoit sa royne & sa grande princesse: de maniere que
 peu à peu elle luy persuada à la fin de l'espouser publiquement, sans autrement
 s'arrester aux loix & aux opinions des Grecs, attendu que Dieu l'auoit doné aux H
 Perses pour leur establir loy, & leur definir ce qui est iuste, ou iniuste: honeste,
 ou deshoneste. Il y a bien quelques historiés, entre lesquelz est Heraclides na-
 tif de Cumes, qui escriuent que Artoxerxes n'espouza pas seulemēt la premiere
 de ses filles, mais aussi la seconde qui s'appelloit Amestris, de laquelle nous par-
 lons peu apres: mais aiant espousé la premiere, il l'aima si affectueusement &
 si ardemment, qu'encore qu'il luy fust suruenue la maladie que lon appelle vul-
 gairement le mal de saint Main qui luy occupa tout le corps, il ne l'en aimade
 rien moins pour cela, ains feit continuellemēt prieres pour elle à Iuno, n'ado-
 rant ny ne priant autre deesse que celle là seule, en se prosternant à terre deuant
 son image, & luy enuoyant & faisant enuoyer par ses amis & lieutenans tant &
 tant d'offrādes, que tout le chemin qu'il y auoit depuis son palais royal iusques I
 au temple de Iuno, qui estoit à une grande lieuē de là, rompoit de ioyaux d'or
 & d'argēt, de riches draps teincts en pourpre, & de cheuaux que lō y enuoyoit.
 Il entreprit aussi la guerre contre les Ægyptiens, & feit ses lieutenans Pharna-
 bazus & Iphicrates Athenien, qui n'y feirent rien, pource qu'ilz tumberent
 en debat & en dissention l'un contre l'autre: mais depuis il alla luy mesme en
 personne à l'entreprise de la conqueste des Cadusiens avec trois cents mille cō-
 battans à pied, & dix mille cheuaux: si entra dedās leur païs, qui est fort aspre &
 tousiours obscur & nubileux: la terre n'y porte fruit quelconque que les hom-
 mes sement, ains nourrit ses habitans de poires, de pōmes & autres telz fruitcs,
 & y sont neantmoins les hōmes forts, hardis & courageux. Entré qu'il fut auât K
 en païs, il ne se donna garde qu'il se trouua en estroitte disette de tous uiures, &
 consequemment en grand danger: car ses gens ne trouuoient en tout le païs
 chose quelconque qui fust bonne à manger, & si n'en pouuoit on faire appor-
 ter d'ailleurs pour la rudesse & aspreté du païs, de maniere que son camp ne se
 soustenoit plus que de la chair des bestes de uoiture que lon y tuoit, encore uint
 elle à estre si chere, que la teste d'un asne y coustoit *soixāte drachmes d'argent.
 Brief, la necessité y fut si extreme, que la prouision mesme pour sa bouche uint à
 faillir,

A faillir; & n'y auoit plus que biē petit nōbre de cheuaux, pource q̄ tous les autres auoiēt ia esté mangez: là Tiribazus qui auoit plusieurs fois tenu le premier lieu de credit & d'hōneur aupres du roy, pource qu'il estoit uailāt hōme: & plusieurs fois aussi en auoit esté debouté pour sa folie & sa legereté, cōme alors mesmement qu'il n'y auoit nulle autorité, s'aduīsa d'une ruze, par laquelle il sauua le roy & tout son cāp. Il y auoit en ce païs des Cadusiens deux roys qui tous deux estoient en campagne avec leurs armées cāpez à part l'un de l'autre. Tiribazus apres auoir parlé au roy Artoxerxes, & luy auoir cōmuniq̄ ce qu'il entendoit de faire, s'en alla deuers l'un d'eulx, & au mesme temps enuoya secrettement son filz deuers l'autre, abusant l'un & l'autre, en leur donnant à entendre à chacun, que l'autre roy auoit enuoyé deuers Artoxerxes pour traitter de paix & d'alliance avec luy, au desceu de son compagnon: & pourtāt leur disoit il, Si tu es sage, il fault que tu gagnes le deuant, & que tu te hastes auant que le traitté soit cōclud entre eulx, & de ma part ie t'aideray en tout ce que ie pourray. L'un & l'autre de ces roys adiouxta foy à ces paroles, chascun estimāt que son compagnon luy portast enuie, de sorte que l'un enuoya soudainement ses ambassadeurs deuers Artoxerxes avec Tiribazus, & l'autre aussi semblablement avec son filz: mais pourautant que Tiribazus demouroit beaucoup en ce uoyage, le roy Artoxerxes commenceoit ia à entrer en quelque souspeçon de luy, & ses malueuillans à le calumnier en son absence, & en estoit le roy fort fāché, se repentant bien de s'estre fié en luy, & prestant uoluntiers l'oreille à ceulx qui disoiēt quelque chose contre luy: mais à la fin il retourna & son filz aussi pareillement, & amenerent chascun quand & eulx des ambassadeurs Cadusiēs, avec lesquelz la paix fut accordee. Adonc Tiribazus fut en plus grand credit & en meilleure estime que iamais, & se partit avec le roy: lequel par effect monstra lors clairement, que la couardise & lascheté de cuer ne procede point des delices, pompes & superfluitez, comme aucuns estiment, croians que c'est ce qui amollist & effemine les courages des hommes, ains uient d'une basse, uile & mauuaise nature qui s'attache ordinairement plus tost à suiure la mauuaise opinion que la bonne: car ny les ioyaux d'or, ny la robe royale, ny les autres bagues & ornemens, que ce roy auoit tousiours alentour de sa personne, iusques à la ualeur de * douze mille talents, comme lon dit, ne l'empeschoit point de trauailler & de prendre peine lors, autant que le moindre hōme de son ost, car il marchoit luy mesme le premier à pied, portant sa trouffe en escharpe sur ses espaules, & son bouclier sur son bras, & cheminoit à trauers montagnes roides & aspres, de maniere que les soudards uoiās le courage & la peine que le roy mesme prenoit, en cheminoient si legeremēt, qu'il sembloit qu'ilz eussent des ailles: car il faisoit par chasque iour douze lieues & demie & plus. Si feit tāt par ses iournees qu'il arriua en l'une de ses maisons royales, ou il y auoit des uergers & des parcs d'arbres beaux à merueilles, & qui estoīēt singulieremēt bien accoustrez, mais tout alentour le païs estoit rez & descouuert, de sorte qu'il n'y auoit arbre quelconque iusques à bien loing de là, & faisoit fort grād froid: il permit aux soudards de couper les beaux pins & cypres de ses parcs, & pource qu'ilz n'osoiēt prendre la hardiesse d'y mettre la main, luy mesme prenant une congnee tout ainsi qu'il estoit, alla couper par le pied le plus beau & le plus grand qui y fust: ce que uoyans les soudards, se meirent aussi à en couper chascun de son costé, de sorte qu'en peu d'heure ilz eurent bonne prouision de bois, dont ilz feirent de grands feuz en plusieurs lieux, alentour desquelz ilz passerēt la nuit à leur

* Sept millions deux cents mille escus.

Artoxerxes.

aïse. Toutefois il perdit en ce uoyage bon nombre de uailhans hommes, & pres-
que tous ses cheuaux entierement, à l'occasion de quoy pensant en estre mespri-
sé des siens pour auoir failly à son entreprise, il commença à entrer en souspe-
çon & à se deffier des premiers homes qu'il eust autour de luy: tellemēt qu'il en
fit mourir plusieurs par despit, mais plus encore en demoura il de ceulx dont
il auoit deffiance: car il n'est rien si cruel ne si aimant le sang qu'est un tyran-
couard, comme au cōtraire, il n'est rien si doux ne si humain, ne qui soit moins
souseçonneux qu'un homme uailant & hardy: & pourtant les bestes qui ne
s'appriuoisent iamais sont ordinairement toutes couardes & craintiues, & à
l'opposite, celles qui sont nobles & courageuses s'asseurent incōtinēt, & s'ac-
coustument à l'hōme, pource qu'elles n'ont point de peur & ne refuyent point.
les caresses & priuaultez que l'homme leur fait. Depuis Artoxerxes estant ia fort
auant en son aage, entendit qu'il y auoit debat entre ses enfans qui succederoit
au royaume apres sa mort, & que ce debat se demenoit mesme entre ses amis &
personnes de grande qualite. Les plus raisonnables uouloient, que comme
luy par le droit d'ainesse auoit succedé à son pere au royaume, aussi il le laissast
apres sa mort à son filz aîsné, qui auoit nō Darius: mais le puisné q s'appelloit
Occhus, estāt homme prompt à la main, & ardēt de nature, en auoit d'autres à
la court qui tenoient aussi son party, & esperoit bien uenir au dessus de son en-
tente par le moien de sa sœur Atossa, à laquelle il faisoit fort la court, luy aiant
promis de l'espouser, & de la faire royne s'il pouuoit paruenir à estre roy apres
le deces de son pere, & si estoit quel que bruit que du uiuant mesme de leur pere
il l'entretenoit secrettemēt: toutefois Artoxerxes n'en sceut iamais rien, mais
uoulant de bōne heure oster à Occhus toute esperāce de luy succeder au roya-
me, de peur que ceste attente ne luy feist entreprendre ce que Cyrus auoit mis
en sa teste, & que par ce moien son royaume ne uint à estre diuisé & trauaillé de
guerres ciuiles & intestines, il declara son filz aîsné Darius, qui auoit ia cinquā-
te ans, roy apres sa mort, & luy donna priuilege de porter des lors la pointe de
son chapeau droite. Or est-ce la coustume au royaume de Perse, quād aucun
uient à estre ainsi déclaré successeur de la couronne qu'il requiere un don à ce-
luy qui le declare son successeur: ce q l'autre luy ottroye, quelque chose q ce soit
qu'il luy demande, pour ueu qu'elle soit possible. Darius demanda lors à son pe-
re une cōcubine, qui s'appelloit Aspasia, laquelle auoit premieremēt esté à Cy-
rus, plus cherement aimee de luy que nulle autre, & lors seruoit Artoxerxes: elle
estoit du pais d'Ionie, nee de pere & de mere francs & libres, & aiant esté nour-
rie pudiquement & honestement, fut un scoir amenee à Cyrus ainsi comme il
souponnoit avec d'autres femmes, lesquelles s'asseirent, sans trop se faire semon-
dre, aupres de luy, & furent bien aïses quand Cyrus commēça à se iouer à elles
& à les taster, en leur disant à chascune quelque mot de ioyeuseté en passant, &
ne feirent point des estrāges: mais elle se teint tout debout sans mot dire aupres
de la table, & encore que Cyrus l'appellast, iamais elle ne uoulut aller à luy, ains
cōme les ualets de chābre la uoulussent prendre pour la l'y mener, elle leur dit,
• Le premier qui mettra la main sur moy, s'en repētira: tellemēt q tous les assistās
• dirent q c'estoit une sottie mal apprise, qui ne sçauoit ny bien, ny honneur: mais
• Cyrus en estāt bien aïse ne s'en feit que rire, & dit à celuy qui les luy auoit ame-
• nees, Ne uoistu pas q de toutes celles q tu m'as amenees, il n'y en a pas une qui
• soit entiere ny honeste q ceste cy? Depuis ce iour là Cyrus cōmēça à la caref-
• fer, & l'aima plus ardēment & plus cōtinuellement q nul autre, la surnōmant la

A sage. Elle fut prise avec le reste du bagage quand Cyrus fut desfait, & que son cāp fut entierement sacagé, & Darius, cōme nous auons dit, la demanda en don à son pere, lequel en fut fort marry: car les Barbares entre autres choses sont fort jaloux de leurs uoluptez & plaisirs, de sorte que non seulement celuy qui auroit ozé parler ou toucher en passant à une concubine du roy, mais qui se seroit seulement approché en allant par les champs des chariots ou elles sont, seroit puny de mort: & toutefois sa fille Atossa, qu'il auoit espousee cōtre toutes loix, uiuoit encore, & si auoit autres trois cents soixante cōcubines toutes exquisés en beaulté, & neantmoins quād son filz luy demanda celle là, il respondit qu'elle estoit libre & franche, & que si elle le uouloit, il estoit cōtent qu'il la prist: mais

B si elle ne uouloit aller de son bon gré avec luy, qu'il ne uouloit point qu'il la forceast. Si fut Aspasia enuoyee querir, & luy demanda lon à qui elle aimoit mieulx estre. Elle respondit, à Darius, contre l'esperance du roy Artoxerxes, lequel par la necessité de la coustume & de la loy fut contrainct de la luy bailler, mais peu de temps apres il la luy osta, disant qu'il la uouloit rendre religieuse à Diane, qui est au pais d'Ecbarane, là ou on l'appelle Anitis, pour illec seruir la Deesse, & uiure chastement tout le reste de sa uie: faisant son compte, que par ce moien il chastieroit son filz d'une punition nō point trop aigre, ains moderee & meslee de ieu & de rusee parmy la peine: toutefois son filz ne porta point ce tour modereement ny patiemment, fust ou pource qu'il estoit tout oultre passionné de l'amour d'Aspasia, ou pource qu'il se sentoit outragé, mocqué, & mesprisé par son pere en cela: quoy uoyant Tiribazus, & apperceuant qu'il estoit ainsi picqué au uif dedans son cueur, se mit à l'aigrir & l'irriter encore d'auantage, recognoissant en luy la mesme passiō qu'il sentoit en soy mesme pour une telle occasion. Le roy Artoxerxes auoit plusieurs filles, & auoit promis en mariage à Pharnabazus, celle qui s'appelloit Apama, & à Orcetes Rodogoune, & à Tiribazus Amestris. Il dōna aux deux autres celles qu'il leur auoit promises, & frustra Tiribazus de la siene: car il espousa luy mesme Amestris, & au lieu d'elle luy promeit qu'il luy dōneroit la plus ieune Atossa, de laquelle il deuint encore luy mesme amoureux, & l'espousa: dont Tiribazus fut si despit & si desplaisant,

D qu'il luy en uouloit mal de mort, non qu'il fust de nature homme traistre ny seditieux, mais bien un peu estourdy & leger: au moien de quoy il estoit tantost en autorité & en dignité pareille aux plus grands, puis tout soudain il faisoit quelque chose qui desplaisoit au roy, pour laquelle il estoit reculé, & ne se comportoit biē ny en l'une ny en l'autre fortune: car quād il estoit en credit, il se faisoit hayr pour son arrogance, & quand il estoit reculé il ne se pouuoit plier ny humilier, ains estoit plus fier & plus haultain que iamais. Si fut adiouxter du feu au feu quand Tiribazus commēça à s'approcher de Darius: car il luy souffloit tous les iours aux oreilles, que rien ne luy seruoit de porter la pointe de son chapeau droite, si ne faisoit que ses affaires allassent droit aussi: & qu'il estoit

E bien abuzé si ne cognoissoit que son frere, par le moien des femmes qu'il entretenoit, aspiroit secrettement à la courōne, & qu'estant son pere ainsi radotté & variable comme il estoit, il ne falloit point qu'il s'assurast en aucune sorte de luy succeder au royaume, quelque declaration qu'il eust faite en sa faueur: car celuy, disoit il, qui pour une femmelette Grecque a fait fraude à la plus sainte & plus inuiolable loy qui soit en Perse, il ne fault pas que tu penſes qu'il tiene iamais ferme chose quelconque qu'il t'ait promise: & si luy remōstroit d'auantage que ce ne seroit pas rebut pareil à Occhus de ne pouuoir paruenir là ou il pretendoit cōme à luy d'estre destitué & priué de ce qui luy estoit ia acquis, pource

que quand Occhus uoudroit uiure en hōme priué, il le pourroit faire seuremēt
sans que personne luy dōnast empeschemēt: mais à luy qui ia auoit esté declaré
& designé roy, il estoit force forcee qu'il fust roy, ou qu'il ne uescust point du
tout. Or est à l'aduenture uniuersellement uray ce que dit le poëte Sophocles,

S uasion de mal faire chemine

Legerement à sa perte & ruine.

pourautant mesmement que le chemin est uny & plain qui conduit l'homme à
croire ce qu'il ueult, & les hommes ordinairement ueulent plus tost le mal que
le bien, pource que le plus souuēt ilz n'ont point de cognoissance ny d'experiē-
ce du bien. Mais oultre cela, la grandeur du royaume, & la crainte que Darius
auoit de son frere Occhus donnoient grande force aux remonstrances de Ti-
ribazus: & peult estre aussi que Venus mesme y faisoit quelque chose, pour la
ialouzie & le despit de ce qu'on luy auoit osté Aspasia: mais comment que ce
soit, la chose fut tellement conduite que Darius se laissa aller à conspirer cōtre
la personne de son pere avec Tiribazus, & y aiant ia grand nombre de coniurez
de la partie, l'un des eunuques s'en apperceut, qui l'alla descouurir au roy, & luy
declara le moien comment ilz auoient deliberé de le surprendre, estant bien
certain qu'ilz auoient resolu entre eulx de le tuer la nuit en son liēt. Artoxer-
xes aiant eu cest aduertissement, pensa qu'il ne falloit pas du tout mettre à non-
challoir une chose de si grande consequence qui luy porroit danger de sa uie,
& aussi que ce seroit trop legerement fait d'adiouxter si soudainement foy à
l'eunuque sans en auoir autre preuue ou indice. Si s'aduifa de faire en ceste for-
te: Il cōmanda à l'eunuque qui luy auoit donné l'aduertissement, qu'il se teint
pres des coniurez, & qu'il les suiuit par tout, pour sçauoir tout ce qu'ilz feroiēt,
& ce pendāt il feit percer la muraille de derriere son liēt, ou il feit faire un huys
qui se couuroit avec une tapissierie: & quand le iour & l'heure furent uenus que
les coniurez auoient pris pour leur assignation, ainsi que l'eunuque l'auoit de
poinēt en poinēt aduertty, Artoxerxes les attendit dessus son liēt, & ne s'en leua
point qu'il n'eust ueu au uisage, & cogneu certainement chascun de ceulx qui
uenoient de propos deliberé pour l'occire, puis quand il les ueit uenir droit à
luy les dagues nues au poing, soudainement il leua la tapissierie, & se retira en
son arriere chambre, & ferra l'huys apres luy, criant à haulte uoix, au meurtre.
Ainsi les cōiurez aians esté claiemēt ueuz & recogneuz par luy, sans auoir peu
executer leur desseing, s'en fouyrent par ou ilz estoient entrez, & dirent à Tiri-
bazus qu'il aduifast de se sauuer, pour ce qu'il auoit esté cogneu, & eulx fescar-
rans les uns ça les autres là, se sauuerent de uistesse: mais Tiribazus fut pris sur
l'heure, apres auoir routefois occis plusieurs des gardes du roy, en se defendāt
uaillammēt, encore ne fut-il point saisy au corps iusques à ce qu'il fut porté par
terre d'un coup de iaueline qui luy fut tiré de loing. Darius semblablement fut
aussi pris. & mené prisonnier avec ses enfans, & luy donna le roy des iuges roy-
aux pour luy faire son procès: car il ne uolut point estre present au iugement,
& comencit d'autres en son lieu pour l'accuser: mais il commanda aux greffiers
de mettre par escript la sentence de chascun des iuges & la luy apporter. Il n'y
eut pas un des iuges, qui ne prononcest cōtre luy, & ne le cōdemnast à mou-
rir. Adonc les sergens le saisièrent au corps, & le menerent en une chambre de la
prison, là ou lon feit uenir le bourreau avec le rasoir en la main, dont il auoit
accoustumé de couper la gorge à ceulx qui estoient executez par iustice: & en-
trant dedans la chambre, si tost qu'il apperceut que c'estoit Darius, il s'effroya,

A & s'en retourna tout court uers la porte par ou il estoit entré, n'ayant pas la hardiesse ny la force de mettre la main sur la personne du roy : mais les iuges qui estoient au dehors de la chambre, luy cryerent qu'il passast oultre, sil ne uouloit luy mesme en porter la peine. Il rentra dedans adonc & prit Darius par les cheueulx d'une main, & luy faisant baisser la teste luy couppa le col avec le rasoir qu'il tenoit en l'autre. Les autres escriuent que ce iugement fut fait en la presence mesme du roy Artoxerxes, & que Darius se uoiant cōuaincu par les preuues que lon alleguoit contre luy, se ietta aux pieds de son pere luy requerant mercy, & que son pere se leua en cholere, & desguainant son cymeterre luy en donna tant de coups, qu'il le feit trespasser en la place deuant luy : puis retournant en son palais adora le Soleil, & se tournât uers les autres seigneurs Persiens qui le suyuoient leur dit, Allez uous en, Seigneurs Persiens, faire bōne cherē en uoz maisons, & dittes à ceulx qui n'ont esté presens, que le grand Oromazes a fait la uengeance de ceulx qui auoient machiné d'executer leur meschante & malheureuse trahison cōtre moy. Voila quelle fut l'issue de la cōiuration de Darius. Depuis laquelle Occhus entra en grāde esperāce de succeder au royaume, mesmement pour le port & faueur que luy faisoit sa sœur Atossa, toutefois encore craignoit il de ses freres legitimes celuy qui s'appelloit Ariaspes, qui estoit demouré seul, & des bastards, Arsames: non pource q̄ Ariaspes fust plus aagé que luy, mais pource qu'il estoit doulx, bening, & simple de nature, les Perles desiroient qu'il fust leur roy: d'autre costé Arsames estoit homme de bon entendement, & uoyoit bien Occhus qu'il estoit fort agreable à son pere, si delibera de leur dresser embusche à tous deux: & estant homme cauteleux, cruel & malicieux de sa nature, il employa sa cruaulté aleneontre d'Arsames, & sa malice contre Ariaspes: car pource qu'il le sentoit simple, il luy enuoyoit tous les iours quelques uns des eunuques ualsts de chambre & domestiques du roy, qui luy rapportoient des paroles & menasses espouuentables du roy, en luy donnant à entendre qu'il auoit proposé de le faire mourir cruellement & ignominieusement, & en luy controuuant ces nouuelles de iour à autre, comme choses fort secretes, luy mettoient des terreurs en l'entendement, disans que le roy auoit resolu d'en executer aucunes de ses menasses de là à quelque temps, & les autres tout promptement, de sorte que le pauvre hōme en prit telle frayeur, & en entra en tel desespoir, qu'il feit prouision de poison qu'il beut, & se priua uoluntairement luy mesme de la uie. Le roy son pere aiant entendu comment il estoit mort, le regretta & plaignit fort, & eut quelque souspeçon de la cause pour laquelle il festoit fait mourir: mais il ne la peut pas auerer ny rechercher pour sa trop grande uieillesse, & luy donna cest accident occasion d'aimer encōre plus cherement Arsames que parauant, monstrant euidentement qu'il se fioit plus en luy, qu'à Occhus, & se descouuroit de toutes choses à luy familierement, à raison dequoy Occhus n'eut pas la patiēce de plus differer son entrepr̄se, & attira Harpases filz de Tiribazus, par lequel il feit occire Arsames. Or estoit ia Artoxerxes si caduc & si cassé, qu'il falloit bien peu de chose pour l'emporter: parquoy si tost que l'accident du meurtre d'Arsames fut aduenū, il ne peut le supporter, ne plus resister, ains mourut incontinent de regret & de douleur qu'il en eut apres auoir uescu l'espace de quatre uingts quatorze ans, & regné soixante & deux. Il fut estimé prince doulx & humain, & qui aimoit son peuple, & ses subiects, mesmement quand on eut essayé son successeur Occhus qui en cruauté & inhumanité surpassa tous les hommes du monde.



INSI comme Simonides, ô Soffius Senecion, dit que
 la uille d'Ilion ne scauoit point mauvais gré aux Co-
 rinthiens de ce qu'ilz luy estoient uenus faire la guer-
 re avec les autres Grecs, pourautant que Glaucus, du-
 quel les ancestres estoient anciennement uenus de Co-
 rinthe, auoit pris les armes & combattu affectueuse-
 mēt pour elle : Aussi certainemēt me semble il, que les
 Grecs ny les Romains n'ōt point occasiō de se plain-
 dre de l'Academie, attendu qu'ilz rapportent egale
 louange d'elle par ce present liure, auquel ie comprens les vies de Dion & de
 Brutus, dont l'un aiant familierement uescu avec Platon mesme, l'autre aiant
 esté des son enfance nourry en la doctrine de ses escripts, tous deux sont par
 maniere de dire, sortiz d'une mesme eschole, ou d'une mesme salle d'escrime
 pour aller executer les plus grands combats qui se facent entre les hommes. Et
 n'est point de merueilles, filz ont tous deux fait plusieurs actes germaines &
 tous semblables les uns aux autres, en rendant tesmoignage à ce qu'a escrit leur
 precepteur de uertu, que pour faire des exploits au gouuernement d'une chose
 publique qui aient ensemble la grādeur coniointe avecques la beaulté, il fault
 que puissance & fortune soient concurrētes en un, avec iustice & prudence. Car
 comme un certain maistre de lucte & d'escrime, nommé Hippomachus, disoit
 qu'il cognoissoit bien de tout loing ceulx qui auoient appris ces exercices du
 corps soubz luy, à les ueoir tant seulement reuenir du marché apportans de la
 chair en leurs mains : Aussi est il uray semblable, que la raison accōpagne ega-
 lemēt toutes les actions de ceulx qui ont esté bien nourris & bien instituez, la-
 quelle oultre le deuoir & l'honesteté leur apporte une certaine consonance &
 conformité des uns aux autres. Mais d'auantage les fortunes qui leur sont ad-
 uenues toutes pareilles & semblables, plus par cas d'aduēture que par discours
 de iugement, font une grande similitude entre leurs uies : car ilz ont tous deux
 esté tuez avant que d'auoir peu conduire leurs entreprises iusques à la fin qu'ilz
 festoiēt proposez. Et ce q est encore plus emerueillable, c'est, qu'à tous deux la
 mort a esté diuinemēt preditte par un mauuais esprit & fātasme sinistre, qui ui-
 siblemēt s'apparut à l'un & à l'autre : cōbien qu'il y en a aucūs qui reietēt entie-
 rement toutes telles opiniōs, & maintienēt que iamais ces apparitiōs d'espritz,
 & ces uisions n'aduienēt à personne de sain entēdement, ains que ce sont quel-
 ques petits enfans, quelques femmelettes, ou bien quelques hommes debilitēz
 de cerueau par maladie, qui se trouuans en quelque deuoyement d'esprit, ou in-
 disposition de corps, impriment en leur fantasie de telles estranges apprehen-
 sions, aians ceste superstitieuse opinion, qu'il y ait un maling esprit & mauuais
 ange en eulx. Mais si Dion & Brutus hommes graues, biē uersez en la philoso-
 phie, & qui n'estoiēt point legers ny faciles à troubler, ou aisez à uaincre d'au-
 cune passion, ont esté tellement emuez par un fantasme, qu'ilz en ont compté
 la uision à leurs amis, ie ne scay si nous ne serons point contrains de recevoir
 l'une des plus estīāges & plus anciennes opiniōs, laquelle tient qu'il y a des ma-
 lings espritz qui portent enuie à la uertu des gens de bien : & pour empescher
 leurs uertueuses actions, leur fuscitent des troubles & frayeurs, taschans par là à
 esbranler & faire tumber la uertu, de peur que filz persistent fermes & entiers
 en la uertu, ilz ne soient apres leur mort recompensez de meilleure & plus heu-
 reuse condition de uie, que n'est la leur : mais remettōs ceste dispute à une autre
 ceure,

A œuvre, & maintenāt en ceste douzieme couple des hommes illustres, mettons en auant premierement la uie de celuy qui est le plus ancien des deux. Dionysius l'aîné, incontinent apres auoir occupé la seigneurie de Sicile, espousa la fille de Hermocrates citoien de Syracuse: mais n'estant pas encore sa tyrannie bien asseuree, les Syracusains se souleuerent encontre luy, lesquelz oultragerent si cruellement & si meschamment le corps de celle femme siene, qu'elle mesme se feit uoluntairement mourir. Depuis aiant recouuré & estably la domination plus seurement qu'auparauant il espousa derechef deux autres femmes tout ensemble, l'une estrangere de la uille des Locres nommee Doris, l'autre du pais mesme nommee Aristomache fille de Hipparinus le premier homme de Syracuse, & qui auoit esté compaignon de Dionysius en la charge de capitaine souuerain la premiere fois qu'il le fut eleu. Lon dit qu'il les espousa toutes deux en un iour, & que iamais homme ne sceut à laquelle premiere il eut affaire: au demourāt, que tousiours depuis il feit egale faueur à l'une & à l'autre, car elles mangeoient ordinairement toutes deux ensemble avecques luy, & y couchoient l'une apres l'autre chascune à son tour, combien que le peuple de Syracuse uoulust que celle de sa nation fust preferee à l'estrangere: mais elle eut cest heur d'efanter le filz aîné de Dionysius, qui luy seruit à se soustenir, & defendre de ce qu'elle estoit foraine. Et au cōtraire, Aristomache demoura long temps mariee à Dionysius sans faire enfans, combiē qu'il desirast fort en auoir d'elle, de sorte qu'il feit mourir la mere de la Locriene, luy mettant sus que par charmes & sorcelleries elle gardoit Aristomache de cōcevoir: de laquelle Diō estant frere, du commencement fut en honneur & credit pour l'amour d'elle: mais depuis le tyran l'ayant esprouué homme de bon sens, l'aima pour l'amour de luy mesme: tellement que oultre beaucoup d'autres faueurs quil luy feit, il commanda à ceulx qui manioient ses finances, qu'ilz luy deliurassent tout tant qu'il leur demanderoit, moienāt que le iour mesme ilz luy uinsent dire ce qu'ilz luy auroient baillé. Et combien que de tout temps auparauāt, il eust naturellement le cueur grand, & que son naturel fust genereux & magnanime, si est ce que celle magnanimité luy creut encore bien d'auantage, quand par une diuine fortune Platon arriua en la Sicile: ce qui ne se feit point par humaine prouidence, comme ie croy, ains fut quelque Dieu, qui uolant de loing proietter les fondemēts de liberté à ceulx de Syracuse, & dresser l'euerfiō de la tyrānie, transporta Platon de l'Italie en la uille de Syracuse, & le feit parler & auoir communication avecques Dion, qui lors estoit bien fort ieune, mais d'entendement le plus docile à comprendre, & de uouloir le plus prompt à suiure la uertu, que fut oncques ieune hōme qui hātast alētour de Platon, ainsi que Platon luy mesme l'a escrit, & comme ses faicts aussi le tesmoignent: car aiant esté nourry de ieunesse en meurs seruiles soubz un tyrā & accoustumé à une uie subiette & craintive, à un traitement superbe & insolent, à une superfluité de delices, qui met son souuerain bien en uolupté & auarice, neantmoins si tost qu'il eut un peu gousté des preceptes & des discours de philosophie qui enseignent le chemin de la uertu, son ame s'enflamma incontinent du desir de la suiure: & pourautāt qu'il se sentoit auoir esté si aiseement persuadé & induit à aimer les choses honestes & uertueuses, esperant par une grāde simplicité & naifue bonté qui estoit en luy, que les mesmes raisons imprimeroyent une mesme affection en Dionysius, il feit tant, que Dionysius estant de loisir, fut content de ueoir Platon & de l'ouir parler. Quand ilz furent ensemble, leurs deuis en somme furent tous de

la vertu, mais principalement disputerent ilz que c'estoit que la uraye force & prouesse, là ou Platon luy uerifia & prouua que les tyrans n'estoient rien moins que uaillans hommes. Et de là tournant son propos à parler de la iustice, il luy monstra que la uie des iustes estoit bien heureuse: & au contraire, celle des hommes iniustes, malheureuse: tellemēt que le tyran se sentāt cōuaincu, ne le sceut plus endurer discourir, & fut marry de ueoir que les assistans l'auoient en merueilleuse estime, & qu'ilz prenoient tresgrand plaisir à l'ouir raisonner: si luy demanda à la fin tout courroucé, quel affaire l'auoit amené en Sicile. Et comme Platon luy eust respondu qu'il estoit uenu chercher un hōme de bien, Dionysius luy repliqua: Cōment, il semble par les Dieux, à t'ouir parler, que tu n'ayes encore point trouué. Dion pēsa que son courroux ne tireroit point oultre, & à ceste cause renuoya Platon, qui luy en faisoit grande instāce, sus une galere à trois reings de rames, laquelle remenoit Pollis capitaine Lacedemonien en la Grece: mais Dyonisius secrettement feir requeste à ce Pollis, que sus tout il le tuaist par le chemin, s'il luy uouloit faire un bien grand plaisir: sinon, à tout le moins qu'il le uendist comment que ce fust: car il ne luy en fera, dit il, de rien pis pour cela, par ce que s'il est homme iuste, il sera (ce dit il) aussi heureux estant serf, comme autrement. Voila cōme lon dit que ce Pollis mena Platon en l'isle d'Ægina, là ou il le uēdit, pource que les Æginetes aiant pour lors la guerre cōtre les Atheniens, auoient fait un edict, que tous les Atheniens qui seroient pris en leur isle fussent uendus. C'enon obstant Dionysius ne laissa point pour cela à faire autant d'honneur à Dion, & à se fier autant en luy comme il faisoit auparauant, ains se seruit de luy en ambassades de tresgrande importance, cōme quand il l'enuoya uers les Carthaginois, là ou il se gouuerna tellemēt qu'il en rapporta biē grande reputation: & enduroit le tyran patiemment sa liberte de parler, car il n'y auoit que luy seul qui luy osast dire frāchemēt & sans crainte, tout ce qui luy uenoit en la bouche, comme quād il le reprit de ce qu'il blasmoit Gelon: car un iour que lon se mocquoit en sa presence du gouuernement de Gelon, & que Dionysius luy mesme disoit (faisant allusion à son nom, lequel signifie risee) que ce auoit esté la mocquerie mesme de la Sicile: les autres courtisans faisoient semblant de s'emerveiller de l'arguce de ce mot de risee, mais Dion en estant marry luy dit, Et commēt, pour l'amour de luy on s'est fié en toy, au moien de quoy tu t'es fait tyran, & pour le regard de toy on ne se fierā iamais en personne. Car aussi à la uerité, le gouuernement de Gelon monstra que la plus belle chose que lon sçauroit ueoir, est une cité regie par un prince souuerain, & celuy de Dionysius au contraire, monstra qu'il n'est rien plus infame à ueoir. Cestuy Dionysius eut de sa femme Locriene trois enfans, & d'Aristomache quatre, dont il y auoit deux filles, l'une appellee Sophrosyne, l'autre Arete, desquelles Dionysius son filz aîné espousa Sophrosyne, & Arete fut mariee à son frere Thearides, apres la mort duquel, Dion l'espousa estant sa niepce. Et comme le pere fust tumbé en une grosse maladie, dōt on n'esperoit pas qu'il peust iamais eschapper, Dion luy uoulut parler des enfans de sa sœur Aristomache, mais les medecins pour gratifier à celuy qui deuoit estre successeur de la tyrānie, empescherēt qu'il n'eust iamais temps opportun de luy pouoir rien dire, ou comme escrit Timæus, ilz luy dōnerent ainsi qu'il leur auoit commandé un breuuage aiant force de faire dormir, & luy osterēt par ce moie tout sentimēt, en conioignant la mort auecques le dormir. Toutefois en la premiere assemblee de conseil, que teindrent ses amis touchant les affaires du ieune

- A** ne Dionysius, Dion parla tellement de ce qui estoit pour le temps profitable & expedient, qu'il monstra qu'en sagesse les autres n'estoient qu'enfans, & en franchise de parler que serfs de la tyrannie, conseillans laschement & timidement tout ce qu'ilz scauoient estre agreable à ce ieune tyran: mais ce qui plus les estonna en son dire fut, que come ilz craignissent plus que toute autre chose, le danger qui pendoit à l'estat de Dionysius du costé de Carthage, il promit, si Dionysius uouloit la paix, qu'il s'en iroit incontinent en Afrique, & qu'il trouuerait le moie d'appaiser honorablement la guerre: ou s'il aimoit mieux la guerre, qu'il luy equipperoit à ses despens, & entretiendrait de son reuenu cinquante galeres prestes à uoquer: de laquelle magnanimité & magnificence Dionysius semerueilla grandement, & luy sceut fort bon gré de la bonne affection qu'il auoit monstree enuers ses affaires. Mais les autres estimans que la magnificence de Dion fust reprehension de leur auarice, & son credit & autorité diminution de la leur, prirent incontinent de ceste offre, occasion de le calumnier, sans omettre ny espargner aucunes paroles qui fussent propres à aigrir & irriter ce ieune homme contre luy, mettans en auant qu'il pratiquoit finement les moiens d'occuper la tyrannie en se faisant fort par mer, taschant par ses galeres de faire tumber la seigneurie entre les mains des enfans d'Aristomache, qui estoient ses nepueux enfans de sa sœur: mais les plus grandes & les plus apparetes causes de la haine & de l'enuie qu'ilz luy portoient, estoient la diuersité de sa vie, & qu'il ne les uouloit aucunement hanter ne uiure à leur guise. Car eulx, qui des le commencement s'estoient insinuez en la grace & familiarité de ce ieune tyran mal nourry, en le flattant, & se rendant ministres de ses uoluptez, ne cherchoient autre chose qu'à l'entretenir tousiours en quelques amourettes, & autres uaines occupatiōs, comme à faire festins, entretenir folles femmes, & tous autres telz uicieux passetemps, par lesquelles choses la tyrannie deuenant molle, ne plus ne moins que le fer par le feu, sembloit aux subiets douce: & de fait, aussi en estoit la trop grande seuerité & austerité un petit relaschee, non tant pour la benignité, que pour la nonchalance & paresse du seigneur: tellement que ceste lasche negligence croissant par chascun iour de plus en plus, & gagnant tousiours petit à petit sus ce ieune tyran, fonda & gasta à la fin ces fortes chaines de dyament, desquelles Dionysius l'aisné se uentoit qu'il laissoit sa principaulté & monarchie enchainée à son filz: car il demoura quelque fois trois iours entiers à yurongner continuellement, sans interualle depuis qu'il eut commecé, durant lequel temps son palais fut tousiours clos & fermé à toutes graues personnes, & à tous honestes deuis, & plein d'yurōgneries, farces, plaisanteries, danses, mommeries, & de routes autres dissolutions. Pourtant estoit il aisé à penser que Dion leur estoit ennuyeux, lequel ne se laissoit aller à nulle uolupté ny gayerie de ieunesse, au moien dequoy ilz le calumnioient en surnommant ses uertus par les noms des uices aians quelque semblance d'icelles, comme en appellant sa grauité arrogance, son rond parler opiniastreré: s'il aduient qu'ilz disoient qu'il accusoit, s'il ne se rendoit compaignon de leurs folies, qu'il les mesprisoit. Car aussi à la uerité, ses meurs auoient de nature une certaine haultainerie & austerité mal aisee à abborder & malgracieuse à accointer: tellement que sa compagnie n'estoit pas tant seulement fascheuse & desplaisante à ce ieune homme, qui auoit les oreilles si delicates qu'elles ne pouuoient patiemment ouir rien que flatteries, ains plusieurs de ses familiers & plus priuez amis, qui aimoient la frâchise & ronde generosité de son naturel,

reprenoient neantmoins sa maniere de cōmuniquer avec les gens, pource qu'il leur sembloit qu'il negocioit & parloit plus rudement & plus austeremēt avec ceulx q s'adrescoient à luy, que les affaires d'estat ne ueulent estre traictez : touchant lequel propos Platō mesme luy escriuit quelque fois, cōme prophetisant ce qui luy estoit à aduenir, qu'il fouyst opiniastrētē, laquelle demeure avec solitude, c'est à dire qui fait que lō est en fin abandonné de tout le monde : toutefois on luy faisoit pour lors plus d'hōneur qu'à nul des autres, à cause des affaires, & pource q lon estimoit qu'il estoit seul, ou à tout le moins celuy qui mieulx pouuoit asseurer & entretenir la tyrānie, laquelle estoit en grād brāle. Or cognoissoit il tresbien, que ce n'estoit pas tant de la uolunté du tyrā qu'il estoit le premier & le plus grād, cōme maułgrē luy, pour la necessitē des affaires & du tēps. Et pēsant q l'ignorance & faulte de sçauoir de Dionysius en fust cause, il festudia de le ietter en honestes occupations & luy faire gouster les sciences & les lettres, mesmement celles qui seruent à reformer les meurs, à celle fin qu'il cessast de craindre la uertu, & qu'il s'accoustumast à prendre plaisir aux choses honestes : car Dionysius de sa nature n'estoit pas des plus mauuais tyrans, mais son pere craignant fil uenoit à sentir son cuer, ou qu'il hantast quelques gens de bon entendement, qu'il ne machinast aucune chose, & ne le deboutast en fin de sa seigneurie, le tenoit enfermē en une chambre sans souffrir que personne parlast avecques luy, là ou, à faulte d'autres occupations, il s'amusoit à faire de petits chariots, des chandeliers, des selles, escabelles & tables de bois : car ce Dionysius l'aisné estoit si deffiant, si souspeçonneux de tout le monde, & si miserablement craintif, qu'il n'eust pas souffert que lon luy eust roigné les cheveux avecques des ciseaux de barbier, ains faisoit uenir un de ceulx qui font des images de terre, lequel avecques un charbon ardent luy brusloit la perruque tout alentour. Il n'entroit personne en la chambre ou il estoit avecques sa robe, non pas son propre frere, ny son filz, ains falloit auant que d'y entrer qu'il posast son habillement, & que les gardes de la chambre le ueissent tout nud qui qu'il fust, puis on luy bailloit une autre robe que la siene. Vn iour Leptines son frere luy uoulant descrire l'assiette de quelque place, prit la halebarde de l'un de ses gardes, & avec la pointe se prit à luy en traſser le portraiēt en terre. Dionysius sen courroucea bien aigrement à luy, & feit mourir le soudard qui luy auoit baillé sa halebarde. Il disoit auoir peur de ses amis, mesmement des plus aduisez, par ce qu'il sçauoit bien qu'ilz aimeroient mieulx dominer que nō pas estre dominez, & commander que non pas obeir. Il tua un de ses capitaines nommé Marſyas, qu'il auoit auancē, & à qui il auoit donné charge de gens de guerre, pourautant qu'il auoit songē qu'il le tuoit : disant que ceste uision luy estoit uenue la nuit en dormant, par ce que le iour en ueillant il auoit pensē & proposē de le faire : & cependant luy qui estoit si poureux, & qui pour sa timidité auoit l'ame pleine de tāt de miseres & de maułx, se courroucea à Platon de ce qu'il ne le pronōcea & ne le iugea pas estre le plus magnanime & le plus uaillāt homme du monde. Dion doncques uoiant, comme nous auōs dit, son filz corrompu, & ses meurs gastees & perdues à faulte d'auoir esté bien nourry l'admonesta le plus qu'il peut de s'addonner à l'estude des lettres, & de prier par toutes les prieres qu'il luy seroit possible, le prince des philosophes de sen uenir en la Sicile : & fil pouuoit tant faire qu'il y uint, quād il y seroit uenu qu'il se meist du tout entre ses mains, à celle fin qu'en reformant ses meurs à la uertu par la cognoissance des lettres, & se conformāt à la diuinité, qui est le plus bel exemple

A plaire qui sçauroit estre, au gouuernemēt duquel l'uniuers obeissant est de faict & de nom monde, qui autrement ne seroit que desordre & confusion immunde, il s'acquist à luy mesme premier une tresgrande felicité, & consequemment à ses citoiens aussi, qui desormais feroient de bōne uoulunté par la temperance & iustice d'un pere, les mesmes choses que maintenant ilz faisoient à regret par la crainte d'un seigneur, en quoy faisant, il deuiendrait de tyrā roy: pour autāt que les chaines de diamant, pour bien retenir & asseurer une seigneurie n'estoient point la force & la crainte, comme disoit son pere, ny grande multitude de ieunes soudards, ou une garde de dix mille Barbares: mais au contraire que c'estoient la biēueillance, la bōne affection, & la grace & amour des subiects que le prince acquiert par uertu & iustice, lesquelles chaines, bien qu'elles soiēt plus lasches que celles là si dures & si roidement rédues, sont neantmoins plus fermes & plus fortes pour long temps garder & entretenir une principauté. Et d'auantage le prince, disoit il, n'est point desireux d'honneur ny homme qui merite d'estre grandement loué ny estimé, lequel a bien le soing de uestir sumptueusement son corps, & qui fait gloire q̄ sa maison soit richement meublee & delicatement seruite, & cependant ne donne point ordre que son parler, sa compagnie & conuersation soit plus graue & plus sage que de quelque basse & uulgaire personne, ne tenant compte d'auoir le royal palais de son ame accoustre royalement & ainsi qu'il appartient à une royale magnificence. Dion repertant souuent ses exhortations à Dionysius, & luy entremessant aucunes fois quelques unes des raisons qu'il auoit ouy discourir à Platon, luy imprima un merueilleux, & par maniere de dire, furieux desir d'auoir Platon en sa compagnie, & d'apprendre de luy. Si uindrent incontinent à Athenes force lettres de Dionysius, force prieres de Diō, & force requestes du costé d'Italie de la part de certains philosophes Pythagoriens qui prioient & enhortoient Platon de s'en venir en Sicile pour arrester & contenir dedans les bornes de raison par graues discours & sages enseignemens, l'ame legere de ce ieune homme, qui en effrence licēce, & puissance non limitee, uaguait sans bride ça & là. Et pourtāt Platon, comme il dit, se uergoignant plus de soy mesme que d'autre, & craignant qu'il ne donnast occasion aux hommes de croire que ce n'estoient que paroles de luy, & qu'il n'eust iamais uoluntairement mis la main à aucune œuvre louable: & d'auantage esperant que en purgeant un seul homme qui estoit comme la guide de tous les autres, il gueriroit toute la Sicile estant corrompue & malade, il feit ce que lon luy mandoit. Mais les aduersaires de Dion. craignans la mutation de Dionysius, luy persuaderēt de rappeler d'exil Philistus, qui estoit homme docte nourry & accoustumé aux meurs des tyrans, à celle fin qu'il leur seruiſt de contrepoids alencontre de Platon & de la philosophie: car Philistus des le cōmencement que la tyrannie commenceoit à s'establiſſir, festoit monſtré fort affectionné à l'establiſſement d'icelle, & auoit eu en garde le chasteau bien lōg temps, & disoit on qu'il entretenoit la mere de Dionysius l'aîné, nō point du tout au desceu du tyrā: mais depuis Leptines aiant eu deux filles d'une femme, qu'il desbaucha estant mariee avecques un autre, dōna en mariage l'une de ses filles à ce Philistus sans en auoir parlé premierement à Dionysius, dont le tyrā fut si courroucé qu'il en meit ceste femme de Leptines en prison bien enfermee, & chassa Philistus de la Sicile, lequel s'en alla en exil deuers quelques ſiēs amis qui se tenoient sus la coste de la mer Adriatique, là ou, comme il me ſemble, il escriuit, estant de loisir, la plus grande partie de son histoire: car il ne fut

point reuocqué du uiuant de Dionysius l'aisné: mais apres sa mort l'enuie que les autres courtisans portoient à Dion fut cause de le faire rappeler, ainsi que nous auons dit, comme celuy qui leur estoit plus idoine, & qui tiendroît plus ferme pour la tyrânie. Aussi ne fut il pas plus tost retourné qu'il se meit à la soutenir, & d'autre costé les autres dressoient des charges & calumnies enuers le tyran alencontre de Dion, luy mettât sus qu'il auoit tenu propos à Theodotes & Heraclides de ruiner la dominatiō de Dionysius: car Diō, à mon aduis, esperoît par la uenue de Platon refrener un petit la trop imperieuse & immoderee licence de la tyrannie de Dionysius, & en faire par ce moien un sage & droiturier gouuerneur: mais sil resistoit & ne samollissoit, il auoit deliberé de le chasser & de remettre le gouuernement entre les mains de ceulx de Syracuse, non qu'il approuuast la Democratie, c'est à dire, le gouuernement ou le peuple est souuerain: mais estant totalement d'opinion que celle Democratie ualoit encore mieulx que la tyrannie, quand on ne pouroit aduenir à l'Aristocratie, c'est à dire, au gouuernement d'un petit nombre des plus gens de bien. Estans les affaires en tel estat, Platon arriua en la Sicile, là ou à son arriuee il fut merueilleusement caressé & honoré par Dionysius: car incontinent qu'il fut descédu de la galere, sur laquelle il estoit uenu, il trouua un beau chariot royal paré magnifiquement, qui luy estoit appresté pour le porter au chasteau, & feit le tyran un sacrifice pour rendre grace aux Dieux de sa uenue, cōme de quelque grāde felicité aduenue à sa seigneurie. D'auantage une merueilleuse honesteté que lon commença à garder es banquets, la court toute reformee, & une grande benignité & douceur du tyran en toutes choses qui se traittoient & depechoiēt apporterēt aux Syracusains tresbonne esperance de changement, & n'y auoit celuy en la court qui de grande affection ne se meist à l'estude des lettres & de la philosophie, tellement que lon ne uoyoit au palais du tyran, comme lon dit, autre chose que le sable & le poulcier ou les estudians trafoient les portraicts & figures de geometrie. Quelque peu de iours apres que Platon fut arriué, d'aduéture le temps escheut de faire un certain sacrifice ordinaire qui se deuoit faire dedans le chasteau, auquel sacrifice le herault, comme parauant estoit la coustume, proclama tout haultement la priere solennelle que lon auoit accoustumé d'y faire, qu'il pleust aux Dieux maintenir longuement en son entier l'estat de la tyrannie, & q̄ Dionysius estāt aupres de luy dit, Ne cesseras tu point de me detester & mauldire? Ceste parole fascha bien fort Philistus & ses compagnons, estimans que avec le temps, petit à petit, Platon acquerroit si grande authorité enuers Dionysius & si grande puissance, que puis apres ilz ne luy pourroient resister, attendu que pour si peu de temps qu'il commenceoit à le hanter, il auoit desia tellement changé la uolunté, & mué le courage de ce ieune homme: pourtant commencerent ilz non plus à part un à un, ny secrettement en derriere, mais tous ensemble appertement à iniurier Dion, disans qu'il estoit bon à ueoir qu'il charmoit & enchantoit Dionysius par le moien de l'eloquence de Platon à celle fin que uoluntairement il quittast & cedast la seigneurie, laquelle il uouloit faire tumber entre les mains des enfans d'Aristomache, desquelz il estoit oncle. Les autres faisoient semblant d'estre courroucez de ce que les Atheniens estans uenus quelque temps auparauant en la Sicile avec grāde puissance tant de mer que de terre, y estoient tous periz, & y auoient esté desfaits, sans qu'ilz peussent prendre la uille de Syracuse, & que maintenant par un seul Sophiste, ilz ruinaissent l'empire & la seigneurie de Dionysius, luy persuadans

A persuadans de casser les dix mille soudards qu'il auoit tousiours autour de sa personne pour sa garde, & se dessaisir de quatre cets galeres, de dix mille hommes de cheual, & de plusieurs fois autat de gens de pied, pour aller en l'Academie chercher ie ne scay quel souuerain bien, dont on n'ouit iamais parler, & le faire bienheureux par la geometrie, en quittant l'heur & la felicité d'estre grâd seigneur, d'auoir force argent & de uiure sumptueusement à Dion & à ses neveux. Par telles calumnies & mauuais langaiges, commença premierement Dionysius à se deffier de Dion, & puis à se courroucer ouuertement à luy, & luy monstrier mauuais uisage : & sur ces entrefaittes on luy apporta secrettement unes lettres que Dion escriuoit aux gouuerneurs de la uille de Carthage, par lesquelles il leur mandoit que quand ilz uoudroient traiter de paix avec Dionysius, qu'ilz ne feissent point ce parlement qu'il n'y fust present, & qu'il leur aideroit à appointer toutes choses, si bien qu'il n'y auroit desormais plus rien à raconter. Dionysius aiant leu ces lettres à Philistus, & s'estant conseillé à luy de ce qu'il auoit à faire, ainsi que dit Timæus, abuza Dion par faulx semblant de reconciliation, fignant ne luy uouloir point de mal, & disant qu'il uouloit retourner en amitié comme deuant avecques luy. Si le mena un iour sus le bord de la mer au dessoubz du chasteau, & luy monstra ces lettres, le chargeant d'auoir machiné & conspiré avec les Carthaginois encontre luy : & comme Dion s'apprestast de luy respôdre pour se descharger, iamais il ne le uolut ouyr, ains le fit mettre incontinent, tout ainsi qu'il estoit, dedans une fuste, & commanda aux mariniers qu'ilz le menassent en la coste d'Italie. Quand cela eut esté fait & diuulgué, il n'y eut celuy à qui le cas ne semblast estre cruel, tellement que la maison mesme du tyran en fut toute troublée pour le grand deuil que les femmes en menerent & la uille de Syracuse, commença à leuer la teste s'attendant de ueoir bien tost quelque nouuelleté & quelque changement pour le tumulte qui aduiendroit de ce que Dion estoit chassé, & aussi pour la deffiance que tous les autres auroient de Dionysius. Ce que luy uoyant, & craignant qu'il ne luy en mesaduint, reconforta de paroles ses amis, & les femmes de sa maison, leur donnant à entendre qu'il ne l'auoit point banny : mais qu'il auoit bien voulu qu'il s'absentast pour un temps de peur que par quelque soudain courroux, il ne fust à l'aduenture contrainct de luy faire pis, si luy fust demouré, à cause de son opiniastrété : d'auantage il bailla aux domestiques de Dion deux nauires pour y charger tant qu'ilz uoudroient des biens, de l'argent, & des seruiteurs de Diō & les luy mener au Peloponese. Or estoient les biēs de Dion grands à merueilles, & la pompe du seruice, & des meubles de sa maison, sentant en sumptuosité son tyran, toute laquelle opulence les amis de Dion chargerent sur les nauires & la luy menerent, oultre plusieurs autres riches dons que les femmes & ses familiers luy enuoyerent, tellement que à l'occasion de ses grandes richesses, Diō estoit fort renommé entre les Grecs qui par l'opulence d'un citioien banny cōiecturoient qu'elle deuoit estre la puissance du tyran. Quāt à Platon, Dionysius le fit aussi tost qu'il eut chassé Dion loger dedans le chasteau, luy dōnant finement par ce moien une garde honorable soubz couleur d'hospitalité amiable, de peur qu'il ne sen retourast quāt & Diō en Grece pour tesmoigner le tort & l'iniure qu'il luy auoit fait : mais par trait de réps & continuatiō de hāter autour de luy, Dionysius s'accoustuma si bien à sa compagnie & à ses propos & deuils (ne plus ne moins qu'une beste saulage qui s'appriuoise à hanter l'hōme) qu'il en deuint amoureux, mais c'estoit une amour tyrānique : car il uouloit que Pla-

ton n'aimast autre q̄ luy, & qu'il l'estimast plus que personne du monde, estant F
 prest & appareillé de luy mettre entre les mains tous les affaires de sa seigneurie, toutes ses forces & sa tyrannie, moienant qu'il uoulust preferer l'amitié sienne à celle de Dion, de sorte que ceste passionnée affection de Dionysius estoit un malheur à Platon, car il en estoit affolé, ne plus ne moins que sont les ialoux de leurs amours, si qu'en peu de temps il se courroucea plusieurs fois à luy, & plusieurs fois le racconta & le pria de luy pardonner: car à la uerité il auoit affectio merueilleuse de l'ouir discourir & d'estudier en la philosophie avecques luy: mais d'autre costé, il reueroit ceulx qui l'en diuertissoient, luy remōstrans qu'il se perdrait & se gasteroit, si l'y mettoit si auant. Sus ces entrefaittes il survint une guerre, à l'occasion de laquelle il renuoya Platon, luy promettant que G
 sus le temps nouveau il rappelleroit Dion, en quoy neantmoins il faillit de promesse, mais bien luy enuoya il le reuenu de ses biens, priant Platon de luy pardonner s'il n'auoit tenu en cest endroit sa promesse au temps qu'il auoit promis, par ce que la guerre en estoit cause, & que tout aussi tost comme la guerre seroit finie il renuoyeroit querir Dion, lequel ce pendant il requeroit d'auoir patiece, & de ne rien remuer ou attenter aucune nouuelleté contre luy, ny detracter & mesdire de luy entre les Grecs: ce que Platon fessaya de faire: car le destournant à l'estude de la Philosophie, il le cōtenoit en l'Academie. Il estoit logé dedans la uille chez un nommé Callipus, auquel il auoit ancienne familiarité & cognoissance, mais il achepta une terre pour s'aller quelquefois esbattre H
 aux champs, laquelle puis apres quand il uolut faire uoile en Sicile, il dōna en pur don à Speusippus qui luy fait compagnie, & uescut ordinairement avecques luy plus qu'autre amy qu'il eust à Athenes par le cōseil de Platon, qui uoloit un petit adoucir & resiouir les meurs de Dion par la cōuersation de quelque hōme recreatif qui sceust bien en temps & lieu modestement iouer & plaifanter, comme estoit Speusippus, pour laquelle cause Timon en ses Satyriques brocards l'appelle bon gaudisseur. Et aiant Platon luy mesme entrepris de faire la despence es ieux publiques de la danse des ieunes enfans, Dion prit la peine de les exercer & apprendre, & si fournit toute la despense qu'il y cōuenoit faire du sien, luy permettāt Platon de faire ceste liberalité & honesteté aux Atheniens, laquelle apportoit plus de bienueuillance à Dion, que d'honneur à luy. I
 Si ne se teint pas tousiours Dion à Athenes, ains alla uisiter aussi les autres bonnes uilles de la Grece passant le temps, & se trouuant aux festes solēnelles & publiques assemblees, avec les plus gens de bien & les mieulx entendus au gouuernement des choses publiques sans y monstrier une seule apparence de dissolution, ou de fierté & d'arrogance tyrannique en son uiure, ny d'homme qui eust esté nourry en superfluité & en delices, ains d'homme uertueux, attempé, magnanime, & bien uersé es honestes estudes des lettres & de la philosophie, au moien dequoy tout le monde l'aimoit & l'estimoit: les uilles luy deferoient honneurs publiques, & luy enuoyoient des decrets faits en assemblee de conseil à sa gloire: & qui plus est, les Lacedemoniens le feirēt Spartiate, c'est à dire, K
 leur bourgeois ne tenans compte du mescontentement qu'en auoit Dionysius, combien que lors il leur feist un grand secours en la guerre qu'ilz auoient encouru des Thebains. Lon dit que quelquefois Præodorus Megarié pria Diō de le uenir ueoir en sa maison, ce qu'il fit. Ce Præodorus estoit hōme puissant & riche, & pourtāt Dion uoyant à la porte de son logis une si grāde multitude de gēs qu'il estoit malaisé d'entrer & de parler à luy, tāt il auoit d'affaires, se retour-
 na

A na uers ses amis qui l'accôpaignoient estans courroucez & marris dequoy on le faisoit attêdre à la porte, & leur dit, Quelle raison auons nous de nous plaindre de luy, ueu que nous en faisons autant à tout le mode, quand nous estiôs en Syracuse? Mais avec le temps Dionysius conceut une ialousie contre luy, & craignant la bienueuillancé que les Grecz luy portoient, cessa de luy plus enuoyer son reuenu, & feit saisir ses biës, lesquelz il bailla à regir à ses propres receueurs, & uoulât abolir le mauuais bruit qu'il auoit acquis entre les Philosophes à cause de Platon, il assembla plusieurs hômes que lon estimoit doctes & sçauâs, lesquelz il fesforceoit par une uaine ambition de surmonter tous en sçauoir de bien dire: si estoit contraint de se seruir mal & impertinemment des beaux discours qu'il auoit ouy faire à Platon, à l'occasion dequoy il recommença derechef à le desirer & à se blasmer soymesme, de ce qu'il n'en auoit sceu user durât le temps qu'il l'auoit eu à son commandement, & qu'il ne l'auoit autant ouy qu'il deuoit: & comme un tyran qu'il estoit, tousiours transporté & passionné de cupiditez, & aisé à se tourner tantost à une affection, & tantost à une autre, il luy prit soudain un impatiêt desir de le r'auoir. Si employa tous les moiës qu'il peut imaginer, iusques à prier Archytas philosophe Pythagorien de luy mander qu'il uint assurement, & de uouloir pleiger & cautionner enuers luy, ce qu'il luy promettroit: car ilz auoient eu premierement cognoissance & amitié ensemble par son moien: parquoy Archytas y enuoya le philosophe Archidemus. Dionysius aussi de son costé y enuoya quelques galeres, & quelques uns de ses amis pour le prier de uenir, & luy mesme escriuit notamment, que Dion se trouueroit mal si Platon ne uenoit en Sicile: mais sil se laissoit persuader de uenir, qu'il feroit tout ce que lon uouldroit. Force lettres & prieres uenoient à Dion de sa femme & de sa sœur, qu'il feist tant, comment que ce fust, que Platon obeist à Dionysius, & qu'il ne luy alleguast excuse aucune. Voila comment Platon mesme escrit, qu'il fut contraint de uenir pour la troisieme fois au destroit de Sicile,

P our repasser encores un uoyage

D e Charybdis le dangereux passage.

D Estant arriué, il emplit Dionysius de grande resiouissance, & toute la Sicile derechef de grande esperâce, laquelle desiroit fort, & faisoit tout tant qu'elle pouuoit, à fin que Platon surmôst Philistus, & que la philosophie uainquist la tyrannie. Les femmes de la maison de Dionysius mettoient toute peine à l'entretenir, mais sur tout, Dionysius monstroît auoir singuliere confiance en luy, & plus grande qu'à nul autre de ses amis: car il le laissoit approcher de luy sans le faire uisiter ne fouiller, & luy offroit souuent en don grande somme d'argent, mais Platon n'en uouloit point prendre: parquoy Aristippus le Cyrenien, qui lors estoit aussi en la court de Sicile, disoit que Dionysius faisoit ses liberalitez & magnificences seurement: car il donne peu à nous qui demâdons beaucoup, & beaucoup à Platon qui ne prent rien. Apres les premieres caresses de la bienueue, Platon commença à luy parler de Dion, & Dionysius pour le commencement usa de remises & delais, mais puis apres en monstra quelque mescontentement: à la fin il entra en querelle & contestation avec Platon, sans que toutefois les autres s'en apperceussent encore, pour autât que Dionysius dissimuloit cela, & luy faisoit au demourant toutes les caresses, bons traitemens & honneurs dequoy il se pouuoit aduiser, taschant à le retirer par ce moien de l'amitié de Dion: non pas que Platon n'eust bien entendu tout du premier coup, qu'il

* Six cents escus.

n'y auoit point d'assurance en ses promesses, & que ce n'estoient que feintes & mensonges de tout ce qu'il disoit qu'il feroit, mais il ne luy en descouuroit rien pourtant, ains enduroit tousiours pour le miculx, faisant semblât de le croire. Ainsi qu'ilz estoient tous deux en ces mines & dissimulatiōs, & qu'ilz pensoiēt que personne ne sceust rien de leurs secrets, Helicon Cyzicien l'un des familiers de Plató predict l'eclipse du soleil, & estant aduenue ainsi comme il l'auoit predictte, il en fut fort estimé du tyran, qui pource luy feit don * d'un talent d'argent. Et adōc Aristippus dit en se iouant, qu'il scauoit bien aussi une fort estrange chose qui deuoit bien tost aduenir. Et comme les autres luy priaissent de dire que c'estoit, le uous pronostique, dit il, que dedās peu de temps Platon & Dionysius seront ennemis. La fin fut, que Dionysius uendit publiquemēt à l'encât les biens de Dion, & en retint l'argent, & meit Platon, qui parauant estoit logé dedans le uerger prochain de son palais entre les soudards de sa garde, lesquels de long temps luy uouloient grand mal, & cherchoient à le tuer, comme celuy qui persuadoit à Dionysius de quitter la tyrannie & uiure sans gardes: auquel danger estant Platon, Archytas enuoya soudain une ambassade deuers Dionysius sus une fregate à trente rames le redemander, remonstrant que soubz l'assurance & saufsōduit de sa caution, il estoit uenu à Syracuse, Dionysius pour s'excuser & monstrier qu'il n'auoit point de courroux encōtre luy, feit à son departement force festins, & le conuoya aueques grandes caresses & demonstratiōs d'amitié. Et un iour entre les autres sauācea de luy dire, Certes ie me doute bien Platon, que tu diras bien des maux de moy quand tu seras en l'Academie entre tes compagnons & amis: & lors Platon en se soubriant luy respondit, la dieu ne plaise qu'il y ait si grande faulte de propos en l'Academie que lon y face mention de toy. Voila quel on dit auoir esté le renuoy de Platon, cōbien q̄ ce que Platon mesme en a escrit ne s'y accorde gueres. Ces choses despleurēt fort à Dion, de sorte que peu de temps apres, il se declara ouuertement ennemy de Dionysius, mesmement quand il entēdit ce qu'il auoit fait de sa femme. Platon soubz paroles couuertes le māda à Dionysius par ses lettres: & est le cas tel. Apres que Dion eut esté chassé, Dionysius renuoiant Platon, luy donna charge de sentir secrettement de Dion, s'il ne seroit point marry que sa femme fust donnee en mariage à un autre pourautant qu'il couroit un bruit, soit qu'il fust uray, ou qu'il eust esté controuuē & rapporté par ceulx qui uouloiēt mal à Diō, que ce mariage ne luy auoit iamais esté agreable, & qu'il ne pouuoit commodement uiurē auec sa femme. Parquoy quand Platon fut à Athenes, & qu'il eut parlé de toutes choses à Dion, il escriuit unes lettres au tyrā Dionysius, par lesquelles il luy exposa toutes autres choses si clairemēt, que chascun les pouuoit entendre, & ceste cy seule si obscurément, que celuy seul à qui il escriuoit l'eust entendue, luy mandant qu'il auoit parlé à Dion de ce qu'il scauoit, & qu'il luy auoit donné à cognoistre quil seroit griefuement irrité si Dionysius le faisoit: & pour lors à cause qu'il y auoit encore grande esperance de reconciliation entre eulx, le tyrā ne fait rien de nouueau touchāt sa sœur, ains la souffrit tousiours demourer auec le filz de Dion: mais quand ilz furent tellement alienez, qu'il n'y eut plus apparence de retourner en grace, & qu'il eut renuoyé Platon en male grace & inimitié, alors donna il en mariage sa sœur Arete femme de Dion maulgré qu'elle en eust à l'un de ses amis nōmé Timocrates, n'ensuiuāt pas à tout le moins en cela, l'aquitē de son pere: car Polyxenus qui auoit espouzé sa sœur Thesta estant aussi deuenu son ennemy, se retira & s'enfouit de peur

A hors de la Sicile. Dionysius enuoya querir sa sœur, & la tenfa fort de ce que sçachât bien que son mary s'en uouloit fouir, elle ne luy en auoit rien dit : elle luy
 - respondit magnanimement certes, sans se troubler ny estonner, Et comment
 - ressemble il Dionysius que ie sois femme si lasche & de si peu de cueur, si i'eusse
 - sçeu que mon mary s'en uoulust aller que ie ne me feusse mise sus la mer quand
 - & luy, & que ie n'eusse voulu estre compaignie de sa fortune? ie n'en ay rien sçeu
 - deuant qu'il soit party: car il m'eust esté plus honorable d'estre ditte femme de
 - Polyxenus banny, que sœur de toy tyran. Dionysius fut bien esbahy d'ouir
 sa sœur ainsi franchement parler, & les Syracusains eurent en grande admiration sa uertu, de sorte qu'encore apres que la tyrannie fut ruinee, ilz ne laisserent
 B point de luy faire tout l'honneur qu'ilz eussent sceu faire à une royne: & quand
 elle fut morte, tous les citoiens par ordonnance publique cōuoyèrent le corps
 iusques à la sepulture. Ceste digression, quoy qu'elle soit hors de nostre histoire, n'est à l'aduenture point inutile. Mais pour reuenir à nostre propos, Dion de
 là en auant tourna toutes ses pensees à la guerre, contre le conseil & aduis de
 Platon qui l'en diuerissoit, tant pour la reuerence de l'hospitalité & bon traitement que luy auoit fait Dionysius, comme aussi pour la uieillesse de Dion:
 mais au cōtraire, Speusippus & ses autres familiers l'incitoient à ce faire, & l'enhortoient d'aller affranchir & deliurer de seruitude tyrannique la Sicile, laquelle luy rendroit les bras, & le receuroit avecques grande deuotion. Car durant le temps que Platon estoit à Syracuse, Speusippus qui hantoit plus avec les
 C citoiens parmy la uille, que ne faisoit Platon, auoit cogneu quelles estoient
 leurs humeurs & uoluntés, combien que du commencement ilz eussent peur de se descouurir, & dire franchement ce qu'ilz en pensoient, craignans que ce ne fust une espie que le tyran enuoyast ainsi par les maisons pour sonder leurs
 affections: mais avec le temps ilz s'assurerent de luy, & estoit la uoix & parole
 de tous une, qu'ilz prioient & enhortoient Dion de uenir, sans se soucier de mener quand & luy nauires, soudards, ny cheuaux, ains qu'il montast seulement
 sus quelque nauire de louage, & qu'il prestast son corps & son nom aux Siciliens alencōtre de Dionysius. Ces nouuelles que Speusippus racompta à Dion
 D luy donnerent courage. Si commença à leuer gens secrettement par personnes interposées pour couurir ce qu'il auoit en pensee. Plusieurs citoiens manias
 les affaires de la chose publique luy aiderent, & de ceulx aussi qui entendoient
 seulement à l'estude de la philosophie, entre lesquelz Eudemus le Cypriot, (sus la mort duquel Aristote escriuit son dialogue de l'ame) & Timonides
 Leucadien, qui luy associerent aussi Miltas Thessalien homme entédu en l'art de deuiner, & qui auoit esté son compaignon d'estude en l'Academie, là ou de
 tous ceulx que le tyran auoit bannits, qui n'estoient pas moins de mille en nombre, il n'y en eut iamais que uingt & cinq seulement qui oassent l'accompagner en ceste guerre: tous les autres eurent le cueur si lasche, qu'ilz l'abandonnerent.
 E Le lieu ou ilz se deuoient trouuer & assembler, estoit l'isle de Zacynthe, en laquelle ilz amasserent leurs soudards qui n'estoient point en tout huit centz, mais tous gens de faict, & hommes esprouuez en plusieurs guerres, esquelles
 ilz s'estoient trouuez, adroits aux armes, & exercitez de leurs corps autant qu'il est possible de l'estre, & en experiēce & hardiesse les meilleurs que lon eust sceu
 choisir: brief, telz qu'ilz estoient suffisans pour animer & encourager à combattre uailamment avec eulx toute la troupe qu'esperoit auoir Dion quand
 il arriueroit en Sicile. Ces soudards mercenaires, la premiere fois qu'ilz ouyrēt

dire que c'estoit pour aller en Sicile faire la guerre contre Dionysius, que l'on dressoit ce uoyage, furent de prime face fort estonnez, & condemnèrent l'entreprise, comme estant faite sans aucune apparence de raison, pour quelque despit & cholere forcenee de Dion, lequel à faulte d'autre meilleure esperance falloit ietter les yeulx clos à entreprendre des choses impossibles & desesperées, & pourtant se courrouceoyent ilz à leurs capitaines qui les auoient leuez, de ce qu'ilz ne les auoient pas aduertis de ceste guerre dès le commencement. Mais quand Dion par une belle harengue leur eut donné à entendre, combien les tyrannies sont ruineuses & mal fondees, & leur eut déclaré, qu'il ne les menoit pas tant en la Sicile cōme soudards, qu'il faisoit, comme pour estre capitaines des Syracusains & autre Siciliens, qui de long temps ne cherchoient que l'occasion de se souleuer. Et quand encore après Dion, Alcimenes compaignon de l'entreprise & le premier homme des Achæiens, tant en noblesse qu'en réputation, eut parlé à eulx, à ceste heure là furent ilz tous contents d'aller ou on les uouldroit mener. Or estoit il lors au cueur d'esté, & souffloit leuent que l'on appelle Maïstral, la lune estant à demy pleine, & Dion aiant fait appareiller un sacrifice sumptueux & magnifique en l'honneur d'Apollo, mena ses soudards tous armez à blâc en processio au tēple, & après le sacrifice leur feit un festin dedâs le parc des lices des Zacynthiēs, là ou estoiet les tables dressees, dōt les soudards furent bien esbahys uoyans la grâde quantité & magnificēce des potz d'or & d'argent, des tables & autres meubles qui surpassoyent la richesse d'un homme priué, & penserent adonc bien en eulx mesmes, qu'un homme ia uieil & passé estant seigneur d'une si grâde cheuance, n'attenteroit point choses si hazardeuses sans quelque bon fondement, & sans que ses amis de pardela luy offrissent beaucoup de bien grands moïens: mais après les oblations du uin, & oraisons accoustumees es festins faittes aux Dieux, la lune soudainement eclipsa: ce qui ne sembla point estrange à Dion, considerant les reuolutions des eclipses, & entendant tresbien que c'est une ombre qui tombe sus le corps de la lune, à cause que la terre se treuue directement entre elle & le soleil: mais pourautant que les soudards qui s'en troubloient & estoñoient, auoient besoing de quelque reconfort qui les assuraist, Miltas le deuī se dressant en piēds au milieu de la compagnie se prit à dire, Cōpagnons ayez bon courage, & uous assurez q̄ tout ira tresbiē pour nous: car la diuinité nous predict & nous mōstre à l'œil qu'il y aura eclipse de quelqu'une des choses qui sont maintenāt les plus claires & plus illustres. Or n'est il rien plus clair, ne plus reluisant auiourdhuy que la tyranie de Dionysius: par ainsi fault il pēser, que si tost que uous serez arriuez en la Sicile, uous en esteindrez la splendeur. Voila l'interpretation de l'eclipse que feit le deuī Miltas publiquement deuant toute la compagnie. Mais quant à la ruche d'abeilles qui se uint poser sus la poupe de la nauire de Dion, il luy dit particulierement à luy & à ses amis, qu'il se doubtoit fort que ses actes seroiēt beaux & glorieux, mais qu'ilz ne dureroient pas long temps, ains que après auoir fleury peu de iours ilz se feneroient & passeroient incontinent. L'on dit qu'il aduint aussi pareillement à Dionysius plusieurs estranges presages & signes merueilleux par permission diuine. Entre les autres il y eut une Aigle qui arrachea des mains de l'un de ses gardes la iaueline qu'il tenoit, qu'elle emporta biē hault en l'air, puis la laissa tumber dedans la mer: & l'eau de la mer alendroit qu'elle bat le pied du chasteau fut tout un iour doulce & bonne à boire, comme chascun qui en uolut taster le peut experimenter: & luy nasquirent de petits porceaux

- A** qui n'estoient defectueux de nulles autres parties de leurs corps, sinon que des oreilles, ce que les deuins interpreterent estre signifiante de rebellion & desobeissance, par ce que les citoyens ne uoudroient plus prester l'oreille, ny obéir à la tyrannie: & declarerent aussi, que la douceur de l'eau de la mer pronostiquoit aux Syracusains mutation de cruel & mauuais temps en bon & doux gouuernement, & que l'Aigle ministre de Iupiter, & la iaueline marque de seigneurie & d'empire, signifioient que Iupiter le plus grâd des Dieux auoit deliberé de destruire & abolir la tyrannie. Theopompus l'a escrit en ceste sorte. Si furent embarquez les soudards de Dion dedans deux grandes nauires de decharge, & un autre troisieme uaisseau qui n'estoit pas gueres grand & deux fustes à trente rames alloient après. **B** Quant aux armes oultre celles qu'auoient les soudards, il portoit deux mille boucliers, grande quantité de traits, de iauelines, de picques, & munition de viures à foison, à fin que rien ne leur faillist durant le temps qu'ilz auroient à estre sur la mer, attendu que tout leur passage & uoyage gisoit entierement en la mercy des uents & de la mer, à cause qu'ilz craignoient la descente en terre, & qu'ilz auoient nouuelles que Philistus estoit à l'ancre en la coste de l'Apouille avec une flotte de uaisseaux qui les guettoit au passage. Si cinglerent poulsez par un doux & gracieux uent l'espace de douze iours, & la trezieme iournee arriuerent alendroict du chef de Sicile, que lon appelle Pachynus, là ou le pilote fut d'aduis que lon descendist le plus tost que lon pourroit, pource q̄ si de leur gré ilz éloignoiēt la terre, & laissoiēt celle pointe, **C** ilz estoient asseurez de perdre plusieurs iours & plusieurs nuicts en haulte mer à attēdre en uain, lors qu'il estoit la saison d'esté, le uent de Midy. Mais Diō craignāt de faire descēte si pres des ennemis, & uolāt aller plus auāt, passa oultre le chef de Pachynus, & adōc se leua le uēt de la tramōtaine fort & impetueux, qui avecques une grande tourmente rechassa leurs uaisseaux loing de la coste de Sicile: & d'auantage l'esclair & le tonnerre mellé parmy, à cause que c'estoit le temps que l'estoille d'Arcturus commence à se monstrer, firent une telle tempeste, & espendirent du ciel une si uiolente pluyē, que les mariniers s'en trouuerent tous estonnez, ne sçachans ou le uent les poulsait, iusques à ce que soudain **D** ilz s'apperceurent que la tourmente alloit ietter leurs uaisseaux contre l'isle de Cercina, qui est en la coste de la Libye, mesmement du costé qu'elle est la plus pierreuse, plus aspre, & plus dāgereuse à abborder, & s'en fallut bien peu qu'ilz n'allassent donner atrauers, & briser leurs uaisseaux contre les rochers d'icelle: mais ilz repoulserent les nauires avec leurs longues perches à bien grande peine, & uaguerent çà & là par la mer, sans sçauoir ou ilz alloient, iusques à ce que la tourmente s'appaisa: & lors ilz rencontrèrent un uaisseau, par le moien duquel ilz sceurent qu'ilz estoient en la playe, que les mariniers appellent uulgairement les testes de la grande Syrte. Et comme ilz estoient ainsi bien faschez & ennuyez de ce que la mer estoit fort calme, il se leua de la terre un petit uent de **E** Midy, combien qu'ilz n'attendissent lors rien moins q̄ ce uent là, & qu'ilz ne creussent point qu'il se deust ainsi changer: mais uoyans que le uent petit à petit se renforçoit, ilz desployerent toutes les uoiles entierement, & faisans ueuz & prieres aux Dieux, cinglerent atrauers la mer droit de la coste de Libye uers la Sicile, & eurent le uent si à gré, que au cinquieme iour ilz se trouuerent pres d'une petite uillette de la Sicile appellee Minoa, laquelle estoit soubz la seigneurie des Carthaginois. Celuy qui en estoit capitaine, & qui l'auoit en garde homme Carthaginois nommé Synalus, hôte & amy de Dion, sy trouua d'ad-

uenture lors, & ne sçachant rien de son entreprise, ny de sa uenue, s'efforcea de F
 garder de descendre ses gens de guerre, qui non obstant sortirēt soudain avec
 leurs armes sans occire personne, car Dion leur auoit defendu pour l'amitié
 qu'il auoit avec le capitaine : & suyans de pres ceulx de la uille, qui sen
 fuyoient deuant eulx, entrèrent pêle melle avec eulx, & se saisirent de la place
 par ce moien. Mais apres quand les deux capitaines se furēt entreueuz, & qu'ilz
 eurent parlé ensemble, Dion remeit la uille entre les mains de Synalus, sans
 qu'il y fust fait aucun excès ny dommage : & Synalus de son costé feit deuoir de
 recueillir & traiter les gens de guerre, en aidant à Dion à preparer les choses
 qui luy estoient necessaires. Mais ce qui donna plus grande asseurāce aux sou-
 dards, ce fut q̄ par cas d'aduenture Dionysius se trouua absent de la Sicile quād G
 ilz y arriuerent : car il sen estoit peu de iours auparauāt allé avec quatre uingts
 uoiles en Italie : & pourtant comme Dion les inuitast à seiourner là quelques
 iours pour eulx refreschir, à cause qu'ilz auoient si long temps esté trauaillez de
 la marine, eulx mesmes ne le uolurēt pas, tant ilz eurent grand desir d'embras-
 ser l'occasion qui s'offroit d'elle mesme, & dirent à Dion qu'il les menast droit
 à Syracuse. Parquoy Dion laissant ce qu'ilz auoiēt trop de harnois & de hardes
 entre les mains de Synalus, & le priant de les luy enuoyer quād il en seroit tēps,
 se meit en chemin uers Syracuse : & en allant, deux cēts hōmes de cheual Agri-
 gentins de ceulx qui habitēt au quartier nommé Ecnomus, se uindrent les pre-
 miers ioindre à luy, & apres ceulx là les Geloïens. Le bruit de leur uenue fut tāt-H
 tost couru iusques à Syracuse : parquoy Timocrates celuy qui auoit espousé la
 femme de Dion, sœur de Dionysius, & à qui Dionysius auoit baillé la garde &
 la superintendence de ses gens & amis qu'il laissoit en la cité, luy enuoya sou-
 dain en diligence un messager avec des lettres, par lesquelles il luy mandoit les
 nouuelles de la uenue de Dion, & luy ce pendant auoit l'œil à donner ordre
 qu'il ne se leuast aucun tumulte ne mutination dedās la uille : car ilz auoient biē
 tous bonne enuie de se soubleuer, mais pource qu'ilz ne s'asseuroient pas enco-
 re que ce bruit qui couroit fust uray, & qu'ilz en auoient peur, chascun se tenoit
 coy. Or aduint il une aduenture bien nouuelle au messager qui portoit les let-
 tres à Dionysius : car apres qu'il eut passé le destroit, & qu'il fut arriuē en la uil-I
 le de Rege du costé d'Italie, il se uolut haster de gaigner la uille de Caulonia,
 ou estoit Dionysius, & rencontra sus le chemin quelqu'un de sa cognoissance
 qui portoit une hostie de sacrifice, laquelle uenoit d'estre nagueres immolee.
 Ce cōpagnon luy bailla un morceau de la chair, & l'autre tira son chemin à la
 plus grande haste qu'il peut : mais quand il eut cheminé une bonne partie de la
 nuit, il se trouua si las qu'il fut contrainct de reposer & dormir un petit : si se
 coucha tout ainsi qu'il estoit sur la terre, dedans un boys, le long du grand che-
 min. La senteur de ceste chair attira celle part un loup, qui emporta la chair &
 le bissac quād & quand, dedās lequel il l'auoit enuelppee, & ou il auoit mis les
 lettres que lon luy auoit baillées à porter, quand il fut esueillē, & qu'il s'apper-K
 ceut qu'il auoit perdu son bissac, il se meit en queste à le chercher, & alla & uint
 ça & là bien long temps : mais ce fut en uain, car il ne le peut onques trouuer : à
 raison dequoy il luy fut aduis qu'il ne deuoit point aller sans ses lettres uers le
 tyran, ains plus tost sen fouyr en lieu ou lon ne sceust qu'il seroit deuenue. Par
 ainsi fut force que Dionysius eust l'aduertissement bien tard, & par autres, de la
 guerre que lon luy faisoit en Sicile, & ce pendant les Camariniens se uindrent
 rendre à la troupe de Dion sur le chemin de Syracuse, & y arriuoit d'heure en
 heure

- A** heure grād nombre de Syracusains soubleuez, qui lors se trouuoient parmy les champs: d'autre costé quelques Campaniens & Leontins, qui festoient mis dedans le fort de Epipoles avec Timocrates, en intention de le garder, pour un faulx bruit que Dion feit courir deuant uers eulx, qu'il uouloit premierement aller contre leurs uilles, abandonnerent Timocrates, & s'en allerent pour donner ordre à defendre leurs propres biens. Ce que Dion aiant entēdu, qui lors estoit logé avec sa troupe en un lieu qui s'appelle Macræ, il deslogea sur l'heure qu'il estoit encore nuit, & chemina tant qu'il arriua au fleue de Anapus, qui n'est distant de la uille que d'une bonne demie lieuë seulement, & là s'arrestant un petit sacrifice au fleue, & feit sa priere au Soleil leuant: quand & quand les
- B** deuins luy uindrent annoncer que les Dieux luy promettoient certaine uictoire. Et uoians les assistans que Dion auoit un chapeau de fleurs sus la teste qu'il auoit pris pour la ceremonie du sacrifice, tous d'un mesme uouloir en prirent, aussi, n'estans pas moins de cinq mille qui festoient amassez sur le chemin mal armez de ce qu'ilz auoient peu finer: mais supplians le default de leurs armeures par l'affection de leur bon uouloir, tellement que quand Dion commanda que lon marchast, ilz se prirent à courir de grande ioye qu'ilz auoient, s'encourageans l'un l'autre avec grands criz de se monstrer uertueux au recouurement de la liberte. Quant à ceulx qui estoient dedans la uille, les plus notables personages & les plus gens de bien les allerent receuoir aux portes, uestus de leurs belles robbes: mais le menu peuple falla ruer sus ceulx qui tenoient le party du tyran, & saccagea ceulx que lon appelloit les profagogides, comme qui diroit les courratiers, hommes meschans hayz des Dieux & du monde, qui ne faisoient autre mestier que se promener parmy la uille, & se mesler parmy les citoiens, s'enquerans de ce que chascun alloit disant, faisant ou pensant, pour puis apres l'aller rapporter au tyran: ceulx là furent les premiers punitz, car on les assomma à coups de baston, & Timocrates n'ayant peu entrer dedans le chasteau avec ceulx qui le gardoient, monta à cheual & s'en fouit de la uille, & en fuyant, par ou il passoit il emplissoit tour de tumulte & d'effroy, amplifiant de paroles la puissance de Dion, à celle fin qu'il ne semblast que pour crainte de
- D** peu de chose, il eust laissé perdre & abandonné la uille. Ce temps pendant Dion approchoit tousiours avec ses gens, & estoit ia si pres que lon le pouuoit ueoir euidentement de la uille, marchant le premier armé à blanc d'un harnois reluisant, aiant autour de luy d'un costé Megacles son frere, & de l'autre costé Callippus Athenien, couronnez de chapeaux de fleurs, & apres luy suyuoient cēt soudards estrangers qu'il auoit choizis pour sa garde, les autres uenoient apres en bon ordre, marchans en bataille, soubz la conduite de leurs capitaines: les Syracusains les regardoient uenir, & les receuoient cōme une sainte & sacree procession, qui leur rapportoit la liberte & la domination populaire quarāte & huict ans apres qu'elle leur auoit esté ostee. Apres que Dion fut entré en la uille
- E** par la porte que lon appelle Menitide, il feit à son de trompe appaiser le bruit & le tumulte du peuple, puis proclama à haulte uoix par un herault, que Diō & Megacles, qui estoient uenez pour abolir la tyrannie, affranchissoient les Syracusains, & quand & quand tous les autres Siciliens, de la seruitude du tyran, & uoulant luy mesme parler & haranguer au peuple, monta au hault de la uille par le quartier que lon appelle Acradine. Les Syracusains le long des rues par ou il alloit, auoient appresté de costé & d'autre des sacrifices, dressé des tables & des tasses dessus, & au pris qu'il passoit par deuant leurs maisons, luy iettoient des

fruiſts & des fleurs; & luy adreſſoiēt leurs prieres & oraifons, ne plus ne moins F
 que ſi c'eult eſté un Dieu. Or y auoit il au deſſoubz du chasteau & du lieu appellé
 Pentapyla, un horologe à cognoiſtre les heures au ſoleil que Dionyſius auoit
 fait faire, lequel eſtoit hault eleué & en lieu eminent: Dion monta deſſus, & de
 là feit ſa harengue au peuple qui eſtoit eſpandu tout alentour de luy, preſchant
 & enhortant ſes citoiens de ſe mettre en debuoir pour recouurer entieremēt &
 garder leur liberté: & eulx eſpris de grande ioye, & uoulās gratifier à Dion l'e-
 leurent luy & ſon frere capitaines generaulx avecuiſſance & authorité ſou-
 ueraine, puis en eleurent encore autres uingt du conſentemēt de Dion meſme,
 & de ſon frere, & à leur requeſte, deſquelz la moitié eſtoit de ceulx qui auoient
 eſté chaffeſ par le tyrā, & qui eſtoient retournez avec Dion. Les pronosti-
 queurs G
 & deuins trouuoient bien que c'eſtoit un tresheureux preſage pour Dion, ce
 qu'il auoit mis deſſoubz ſes pieds en faiſant ſa harengue celle magnifique
 ſtructure du tyrā: mais pource que c'eſtoit une monſtre du cours du Soleil qui
 tourne touſiours inceſſamment, ſus laquelle il eſtoit monté quand il fut eleu
 ſouuerain gouuerneur & capitaine, ilz eurent peur, doubans que ce ne fuſt ſi-
 gne que es affaires de Dion, il y auroit bien toſt ſoudaine mutation de fortune.
 Cela fait, Dion aiant pris la fortreſſe de Epipoles deliura les citoiens qui y e-
 ſtoient detenus priſonniers en grande captiuité par le tyrā, & enuironna de
 murailles le chasteau tout alentour. Sept iours apres Dionyſius retourna par
 mer au chasteau de Syracuſe, & auſſi arriuerent les chariots chargez des armes H
 & harnois que Dion auoit laiſſez entre les mains de Synalus, leſquelz Dion di-
 ſtribua aux bourgeois de Syracuſe qui n'en auoient point: les autres ſequippe-
 rent le mieulx qu'il leur fut poſſible, ſe monſtrans bien deliberez & encouragez
 de combattre pour la liberté. En ſes entrefaittes Dionyſius enuoya des ambaffa-
 deurs, premierement à Dion en priué, pour tenter ſ'il uoudroit entēdre à quel-
 que compoſition: mais Dion ne les uoulut point ouyr, & leur dit qu'ilz parlaſ-
 ſent aux Syracuſains en public, comme à ceulx qui eſtoient francs & libres. Et
 adonc les ambaffadeurs parlerent de par le tyrā en paroles doulces & graci-
 ſes au peuple de Syracuſe, leur promettans qu'ilz ne payeroient plus ne tailles
 ne ſubſides, ſi non que bien peu, & ne ſeroient plus trauaillez de guerres, ſi non I
 de celles qui ſeroient entrepriſes du uoloir & conſentement d'eulx meſmes.
 Les Syracuſains ne ſe firent que mocquer de telles offres, & Dion reſpondit
 aux ambaffadeurs, que Dionyſius n'enuoyaſt plus parler à eulx que prealable-
 ment il n'eult quitté la tyrannie, & que là ou il la uouldroit quitter il luy aide-
 roit à impetrer & obtenir du peuple toutes choſes iuſtes & raiſonnables. Dio-
 nyſius trouua ceſte ouuerture bonne, & pourtant renuoya il ſes ambaffadeurs
 demander aux Syracuſains, qu'ilz deputaſſent quelques uns d'entre eulx pour
 uenir au chasteau parlemēter avec luy touchāt le bien & utilité publique, en al-
 leguāt leurs raiſons, & entendāt les ſienes. On y enuoya quelques perſonnages
 que Dion meſme choiſit, & couroit deſia un grād bruit qui eſtoit uenu du cha- K
 ſteau, entre les Syracuſains, q̄ Dionyſius ſe demettroit uoluntai-
 remēt de la ty-
 rānie, & qu'il le feroit plus pour ſoy meſme, q̄ pour la uenue de Diō: mais c'eſtoit
 une fraude & feinte que ce tyrā ourdiſſoit pour ſurprendre les Syracuſains: car
 il reteint & enferma ceulx que lon luy auoit enuoyez de la uille pour parlemen-
 ter, & un matin apres auoir bien fait boire & enyurer les ſoudards qu'il auoit à
 ſa ſoude, les enuoya aſſaillir de grande impetuofité la muraille que les Syracu-
 ſains auoient baſtie alentour du chasteau: & pourautant que ceulx de la uille
 n'attendoient

- A** n'attendoient rien moins que cest assault, & que de ces Barbares les uns avec une hardiesse merueilleuse & grand tumulte, abbattoient la muraille, les autres couroient sus aux Syracusains : il n'y eut pas un qui ozaist arrester en place pour les repouls & cōbattre, exceptez les gens de guerre estrangers que Dion auoit amenez quand & luy, lesquelz incontinent qu'ilz entendirent le bruit, accoururent au secours, & encore ne sçauoient ilz pas bien eulx mesmes, comment ny en quelle maniere ilz sy deuoient gouuerner: car ilz ne pouuoient rien ouir pour le grand bruit & desordre des Syracusains fuyans en confusion, qui se mesloient & couroient à trauers eulx, iusques à ce que Dion uoyant que personne n'entendoit sa parole, uoulāt par effect les guider à ce qu'ilz auoiēt à faire, se ietta le premier sus ces Barbares, & là y eut autour de luy un aspre & cruel combat: car les ennemis le cogneurent aussi bien comme ses gens, & coururent tous de grande fureur & avec grands cris sus luy. Or quant à luy, uray est qu'il estoit desia, à cause de l'aage, plus pesant qu'il n'eust esté requis, pour supporter le trauail de telz combats, mais neantmoins il eut le courage si uertueux & si bon, qu'il le soubsteint, & mit en pieces ceulx qui se ruerent sus luy: aussi y eut il la main percee d'un coup de picque, & à grand peine peut sa cuyrasse resister aux coups de trait & de main qu'il receut, tant elle fut martelée à trauers l'escu faulcé de coups de iauelines & de picques, qui furent rompues contre luy en si grand nombre, qu'à la fin il en fut porté par terre: mais ses soudards le retirerent incontinēt. Et adonc il leur bailla pour capitaine Timonides, & mōtant à cheual, s'en alla par toute la uille arrestant & r'appaissant la fuitte des Syracusains, puis alla querir les gens de guerre estrangers qu'il auoit mis en garnison au quartier de la uille qui s'appelle Acradine pour le garder, & les mena tous frais & bien deliberez cōtre les Barbares du chasteau ia recreuz & lassez, & d'auantage desia tous descouragez de plus auant tenter ce qu'ilz auoiēt entrepris: car ilz auoient fait ceste saillie en esperance de surprendre & occuper toute la uille de prim fault, en la courant seulement: mais quand ilz rencontrerent contre leur esperance & opinion ces hommes prompts à la main & bons combattans, ilz commencerent à reculer uers le chasteau: & au contraire, les soudards
- D** Grecs les sentans tirer le pied arriere, les presserent d'auantage, de sorte qu'ilz furent à la fin contrains de monstrier le dos, & furent rembarrez iusques au dedans de leur muraille apres auoir tué soixante & quatorze hommes de ceulx de Dion, & perdu grand nōbre des leurs. Ceste uictoire fut belle & illustre, parquoy les Syracusains donnerēt aux soudards estrangers pour loyer de leur bon seruice* cent mines d'argent: & eulx donnerent à leur capitaine Dion une couronne d'or. Apres cela de la part de Dionysius il descendit quelques heraults du chasteau, qui apporterent à Dion des lettres que luy escriuoient les femmes de sa maison: & entre les autres y en auoit une q estoit inscrite au dessus, A mon pere, que luy escriuoit Hipparinus: car ainsi s'appelloit le filz de Dion, combien
- E** que Timæus escrit qu'il s'appelloit Aretæus du nom de sa mere Areta: mais il me semble qu'en telles choses on doit adiouster plus de foy à Timonides, lequel estoit amy & compagnon d'armes de Dion. Toutes les autres missiues furent ouuertes & leuës deuant tout le peuple de Syracuse, & ne contenoient autre chose que supplications & prieres de ses femmes à Dion. Les Syracusains ne uouloient pas que lon ouurist publiquement celle que lon estimoit estre de son filz: mais Dion contre leur uoloir l'ouurit, & se trouua que c'estoit Dionysius luy mesme qui de parole adressoit son escritture à Dion, & de faict parloit aux

* Milicescus.

Syracusains: car elle contenoit en apparence une forme de priere & de iustifi-
 cation: mais à la uerité, elle estoit attirée & composée expressement pour ca-
 lumnier & faire soupçonner Dion: car premierement il luy ramenteuoit &
 luy mettoit en auant les choses qu'il auoit autrefois faites de grande affection
 pour l'establissement & conseruation de la tyrannie, & puis de trescruelles me-
 naces a'encontre des personnes qu'il deuoit auoir les plus cheres, cōme sa fem-
 me, son filz, & sa sœur, & finalement de tres humbles prieres & obsecrations
 avecques regrets & lamentatiōs. Mais ce qui plus encore eueut Dion que tout
 le demourant, fut, qu'il le requeroit de ne ruiner pas la tyrannie, ains plus tost
 la prendre pour luy mesme, & de n'affranchir point des hōmes qui le haïssoient,
 & qui auroient tousiours en memoire les maux qu'il leur auoit autrefois faitz,
 mais qu'il uoulust luy mesme se faire seigneur, en assurant par ce moien la uie
 de ses parents & amis. Quand ces lettres eurent esté leuēs deuant toute l'assistā-
 ce du peuple, il neuint point en pensee aux Syracusains de reuerer avecques ad-
 miration comme ilz deuoient, la constance inflexible, ny la magnanimité de
 Dion, qui contre tant de passions de consanguinité tenoit ferme pour la iusti-
 ce & la vertu, ains en prirent un commencement de crainte & de deffiance, cō-
 me de celuy qui seroit necessairement contraint de pardonner au tyran pour
 les grands ostages qu'il auoit de luy, au moien dequoy ilz commencerent des
 lors à uouloir eslire de nouueaux gouuerneurs, mesmement quand ilz ouyrent
 dire que Heraclides s'en uenoit uers eulx, & eurent affection singuliere à luy.
 Cestuy Heraclides estoit un de ceulx qui auoient esté chassez & bannits, hom-
 me de guerre, bon capitaine & bien cogneu pour les charges qu'il auoit eues
 soubz les Tyrās, mais qui ne demouroit iamais stable en un propos, ains estoit
 inconstant & leger en toutes choses, & moins encore ferme qu'ailleurs en cō-
 pagnie d'affaires & de charges, ou il estoit question de superintendēce & d'hō-
 neur: il auoit eu quelque different avecques Dion estant au Peloponese, à l'oc-
 casion dequoy il se delibera de tenir son reng à part, & s'en uenir avec sa flotte
 seule contre le tyran. Si feit tant qu'il arriua à Syracuse avec sept galeres & trois
 autres uaisseaux, là où il trouua Dionysius derechef emmuré dedās le chasteau,
 & les Syracusains aians les testes leuees: si se mit incontinent à s'insinuer par
 toutes manieres de caresses en la grace du menu peuple, aiant de nature une cer-
 taine façon de faire, attrayante à manier & mener un populaire qui ne deman-
 de qu'à estre flatté: & luy fut d'autant plus aisé à les gagner, que desia ilz se fas-
 choient de la grauité de Dion, comme d'un homme trop austere & trop seuer
 pour gouverner une chose publique: car ilz estoient desia deuenuz si pleins de
 leur uouloir, & si fiers de se uoir les plus forts, qu'ilz uouloient estre flatez &
 caressez, comme lon fait ordinairement es citez franches un peuple seigneur,
 auant qu'ilz fussent entierement affranchis: & tout premieremēt sans estre as-
 semblez de l'autorité des gouuerneurs, ilz s'en coururent de leurs propre mou-
 uement au lieu des assemblees publiques, là où ilz eleurent Heraclides admi-
 ral: & comme Dion, cela entendu, fust uenu uers eulx se plaindre du tort qu'ilz
 luy faisoient, en leur remonstrant, que bailler maintenant ceste puissance à
 Heraclides, estoit luy oster celle qu'ilz luy auoient premieremēt baillee, pour-
 autant qu'il ne demouroit plus souuerain, si on elisoit autre que luy chef de la
 marine: les Syracusains adonc par acquit & mal uoluntiers reuocquerent le
 pouuoir qu'ilz auoient donné à Heraclides. Cela fait, Dion l'enuoya prier de
 uenir parler à luy en sa maison, & quand il fut uenu, le tena un petit, luy remō-
 strant

A strant que ce n'estoit ny honestement, ny utilement fait à luy, de briguer & estriuer pour l'honneur encontre luy, en temps si perilleux qu'il ne falloit que la moindre occasion du monde pour perdre tout: puis derechef luy mesme teint assemblee de uille, en laquelle il establit Heraclides admiral, & suada à ses citoyens de luy decerner des gardes comme il en auoit. Heraclides de paroles & de mines, faisoit la court à Dion, confessant en public qu'il estoit bien tenu à luy, estant tousiours à sa cueuë tout humblemēt, & faisant ce qu'il luy commādoit: mais ce pendant en secret il alloit suscitāt & mutinant le menu populaire, en irritant ceulx qu'il cognoissoit plus enclins à nouuelletez: par lesquelles menées il embrouilla Diō de tāt de troubles, & le meit en telle perplexité, qu'il

B ne sçauoit plus que faire ne que dire: car sil estoit d'opinion que lō laissāt sortir du chasteau Dionysius en paix, on le calumnioit, qu'il le faisoit pour l'esparagner & luy sauuer la uie: si ne les uoulant fascher, il cōtinuoit le siege sans rien mettre en auant, il leur sembloit qu'il faisoit durer ceste guerre expressement, à celle fin qu'il fust plus long tēps capitaine en chef, & qu'il teint en crainte plus longuement ses citoyens. Or y auoit il pour lors à Syracuse un nōmé Sosis, qui n'estoit cogneu ny renōmé entre les Syracusains pour autre chose, que pour sa meschanceté & temerité, estimāt que c'estoit abondance de liberté, que d'auoir licence iusques là effrence, d'oser dire de telles choses cōme il fait: car espiāt les moiēs de faire desplaisir à Diō, premieremēt un iour qu'il y auoit assemblee de

C uille, se dressa en pieds, & appella les Syracusains bestes, entre plusieurs autres iniures qu'il leur dit, filz ne s'apperceuoient, q̄ estans sortis d'une folle & yure tyrānie, ilz auoient maintenant receu un maistre sobre, uigilāt, & auisé tyran. Apres qu'il se fut monstré appertemēt ennemy de Dion, pour ce iour là il s'absenta de la place, & le lendemain on le ueit courir parmy la uille tout nud, aiāt la teste & le uisage plein de sang, cōme sil y eust eu quelques gens à sa cueuë qui l'eussent poursuuiy, & se iettant en tel estat au beau milieu de la place, alla criāt par tout, q̄ c'estoient les foudards de Dion qui auoient failly à le tuer, monstrāt sa teste blecée. Il y auoit beaucoup des assistās qui prenoiet le cas biē à cuer, & qui se partialisoiet avec luy, crians alencōtre de Diō, que c'estoit meschāment

D & tyranniquemēt fait à luy, de uouloir par crainte & danger d'estre ainsi battu & meurtry, oster la liberté de parler aux citoyens. Toutefois combien que ce fust une assemblee confuse, seditieuse, & turbulente, Dion y uint, & respondit aux charges que lon luy mettoit sus, faisant promptement apparoir, que cestuy Sosis estoit frere propre de l'un des gardes & satelites de Dionysius, qui luy auoit mis en teste de troubler ainsi & mettre en combustion la cité, pourautant que Dionysius n'auoit plus d'autre esperance ny moien de se sauuer, sinon en suscitāt ainsi des seditions & partialitez entre culx, tant qu'ilz se deffiasent les uns des autres: & quand & quand les chirurgiens furēt appelez pour uisiter la

E bleccure de ce Sosis, lesquelz trouuerent que c'estoit plus tost une esgratigneure superficielle, que bleccure faite d'un coup uiolentement dōné: car les plaies de coups d'espée sont tousiours au milieu plus profōdes, & celle de Sosis estoit par tout legere, aians plusieurs commencemens, & faite à plusieurs reprises, cōme il estoit uray semblable que pour la douleur il auoit lasché la coupeure, & puis y auoit remis le ferrement à plusieurs fois. D'auantage sus ses entrefaittes suruindrent quelques uns de ses familiers qui apporterent en pleine assemblee un rasoir, & compterent, comme en passant leur chemin ilz auoient rencontré Sosis tout ensanglanté, disant qu'il s'enfuyoit deuant les foudards de Dion, qui

ne faisoient tout à l'heure que de le uenir blecer, au moyen dequoy ilz s'estoient
incontinent mis à les poursuiure, mais qu'ilz n'auoient trouué personne, ains
auoient apperceu en allant ce rasoir que lon auoit ietté deffoubz une pierre creu-
se à l'endroit de là ou ilz l'auoient premierement ueu uenir uers eulx, parainfi
se portoit desia mal le cas de Sosis: mais quand encores, oultre toutes ces preu-
ues & indices, ses seruiteurs domestiques vindrent porter tesmoignage contre
luy, qu'il estoit sorty de la maison tout seul de grand matin auant iour, tenant
en sa main un rasoir, alors ceulx qui chargeoient & accusoient Dion ne sceurent
plus que dire, & se retirerent, & le peuple condemnant Sosis à mourir, fut ap-
paisé enuers Dion: toutefois si auoient ilz tousiours les soudards estrangers
pour suspects, mesmemēt quand ilz ueirent que la plus part des combats qu'ilz
auoient contre le tyran se faisoit par mer, depuis que Philistus fut uenu de la
coste de l'Apouille avec grand nombre de galeres au secours du tyran: car alors
ilz estimèrent que ces soudards estrangers, qui estoient armez de toutes pieces
pour les combats de terre ferme, ne leur seruoient plus de rien à leur guerre, ains
qui plus est, que c'estoient eulx mesmes qui les tenoient en seureté, par ce qu'ilz
estoient gens de marine exercez aux combats de mer, & qu'ilz estoient les plus
forts par le moyen de leurs nauires: mais encore les esleua & leur haulta bien le
cœur d'auantage la bonne fortune d'une bataille qu'ilz eurent sus la mer, en
laquelle aians uaincu Philistus, ilz se porterent cruellement & barbarement en-
uers luy. Il est bien uray, que Ephorus escrit qu'il se desfeir luy mesme, quand il
ueit que sa galere estoit prise: mais Timonides qui fut tousiours quand & Dió,
depuis le commencement que ces choses se firent, escriuant au philosophe
Speusippus, dit qu'il fut pris uif, par ce que sa galere donna en terre, & que les
Syracusains luy offerent premierement sa cuyrasse & le mirent tout nud, & a-
pres luy auoir fait & dit plusieurs uillainies, luy coupperēt la teste, puis en bail-
lerent le corps aux ieunes enfans, leur commandans qu'ilz le trainassent tout
le long du quartier de la uille nommé l'Acradine, & qu'ilz l'allassent puis apres
ieter dedans les quarrieres. Et Timæus l'oultrageant encore d'auantage, dit que
les petits enfans en attacherēt le corps mort par la iambe dont il estoit boiteux,
& qu'ilz le trainerēt par toute la uille, ou il fut iniurié & oultragé par tous ceulx
de Syracuse, estans bien aises de uoir trainer par la iambe celui qui auoit dit
qu'il ne falloit pas que Dionysius s'en fust de la tyrannie sus un cheval leger,
ains qu'il falloit que lon l'en tirast par la iambe, plus tost que d'en sortir uou-
luntairement. Et toutefois Philistus recite ceste parole, non cōme ditte à Dio-
nysius par luy, ains par un autre. Mais Timæus prenant pour couleur & occa-
sion non iniuste de mesdire, l'affection, la diligence, & la fidelité que Philistus
auoit tousiours monstré à l'entretienement & defense de la tyrannie, s'emplit à
cœur saoul d'oultrages & de uillainies qu'il luy dit en cest endroit. Or quant à
ceulx qu'il auoit de faict oultragez, filz furent inhumains iusques à perdre par
courroux le sentiment des cruaultez qu'ilz luy faisoient, à l'adventure leur es-
toit il pardonnable: mais ceulx qui depuis sa mort en ont escrit les gestes, qui
ne furent oncques offensez de luy en sa vie, & qui doiuent en escriuant user de
raison, il me semble que le soing de leur estime & reputation requerroit, qu'ilz
ne luy reprochassent point oultrageusement & avec une sorte moquerie, les
aduersitez & malheurs qui peuent par fortune aussi tost aduenir au plus hom-
me de bien du monde qu'à luy. Aussi peu sagement fait Ephorus de louer Phi-
listus, lequel combien qu'il soit res ingenieux à pallier de belles excuses, beau-

A coup de meschâs actes & de mauuaises meurs, & eloquent à inuêter des raisons fardees de paroles honestes, si ne se scauroit il luy mesme, encore qu'il y employast tous ses cinq sens de nature, sauuer de ceste charge, qu'il n'ait esté l'homme du monde qui a le plus fauorisé les tyrâs, & qui a tousiours aimé, sus tout desiré & admiré les delices, la puissance, les richesses & les alliances des tyrans: mais celuy qui ne louë les actes de Philistus, ny aussi ne luy reproche ses calamitez, tient le uray moien qu'il fault tenir à un historiographe. Apres la mort de Philistus, Dionysius enuoya deuers Dion, luy faire offre de luy liurer entre ses mains le chasteau, les armes, & les souldards qui estoient dedans, avec argent pour les souldoyer l'espace de cinq mois entiers, moyenât qu'il luy fust permis de s'en aller à sauueté demourer en Italie, & illec iouyr des fruiçts d'une certaine cōtree que lon appelle Gyarta, estant au territoire de Syracuse, ou il y a beaucoup & de bien bonne terre qui prent depuis le bord de la mer & monte contremont au dedans de l'isle. Dion ne uoulut point receuoir cest offre, ains respondit qu'il falloit le requerrir aux Syracusains, lesquelz esperans qu'ilz prendroient aiseement Dionysius uif, chasserent & ne uoulurent point ouyr ses ambassadeurs. Quoy uoyant Dionysius laissa le chasteau entre les mains de son filz aîné Apollocrates, & aiant espié l'opportunité d'un uent impetueux & uiolent, fit secrettemēt charger sus quelques nauires les personnes qu'il auoit les plus cheres avec ses plus riches & plus precieux meubles, puis se meit à la uoile sans estre apperceu de Heraclides admiral de Syracuse, auquel pour ceste cause les Syracusains uoulurent grand mal, & cryoient incessammēt apres luy: mais pour appaiser ce mescontentement du peuple, il attiltra un certain orateur fait à sa poste nommé Hippon, qui meit en auant au peuple qu'il falloit distribuer & partir egalemeēt tout le territoire, & que le commencement de liberte estoit l'egalité, & de seruitude la pauureté à ceulx qui n'auoient nulz heritages. Heraclides fauorisant à ceste sentence, & mutinant le menu populaire a lencontre de Dion qui y contrarioit, fit tant qu'il persuada aux Syracusains, non seulement de cōclurre & arrester ce qu'il auoit proposé en assemblee de conseil, mais aussi de ne payer plus la sould de des souldards estrangers, & d'elire d'autres capitaines & gouuerneurs, se deliurâs de l'énuyeuse seuerité de Diō.

D Mais en se cuidant tout à coup releuer & ressoundre de la tyrannie, ne plus ne moins que d'une longue maladie, & uoulans hors de saison faire tout ce que font les peuples francs de longue main, ilz ruinoient eulx mesmes leurs affaires & empeschoient les desseings de Dion qui uouloit, comme un bon medecin, contenir la uille en estroite & reglee diete. Ainsy comme ilz estoiet assemblez pour elire de nouueaux officiers au cueur d'esté, il suruint des orages de tonnerres horribles & d'autres sinistres presages de l'air, qui l'espace de quinze iours continuellement feirent tousiours leuer & retirer le peuple toutes les fois qu'il s'assembloit: tellement que pour crainte de ces celestes prodiges ilz n'oze-
E rent oncques, durant ce temps, creer de nouueaux magistrats. Quelques iours apres, ainsy que ceulx qui manioient le peuple par leur beau parler aians choisy un serain assure procedoient à l'election des officiers, il y eut un bœuf attelé à un chariot, & qui auoit assez accoustumé de ueoir du mōde & d'ouyr du bruit, lequel toutefois ne sçait on cōment seffaroucha lors cōtre le bouuiier qui le menoit, & rôpant le ioug auquel il estoit lié, prit sa course de grande roideur droit au theatre, là ou il feist biē souldre le peuple, & l'escarta fuyant en grād desordre ça & là, puis alla, regibbât & réuerfant tout ce qu'il trouua en son chemin, cou-

rir autant de la uille, comme les ennemis en occuperét depuis. Ce neantmoins F
 les Syracusains ne faifans compte de tout cela, eleurent uingt & cinq capitai-
 nes, dont Heraclides fut l'un, & enuoyerent fecrettement uers les foudards e-
 strangers pour sonder filz les pourroiet foubsttraire à Dion, & les retirer à eulx
 en leur faifant de grandes promesses, & entre autres de leur donner droit de
 bourgeoisie egal à eulx. Les foudards n'y uoulurent oncques entendre, ains fi-
 delement & de grande affection prirent Dion entre eulx avec leurs armes, &
 l'enfermant au milieu d'eulx le menerent hors de la uille, ne faifans desplaisir
 à personne, mais bien reprochans l'ingratitude & la meschanceté à tous ceulx
 qu'ilz rencôtroient en leur chemin. Adonc les Syracusains les mesprisans pour
 leur petit nombre, & pource qu'ilz ne les assailloient point les premiers, se con- G
 fians au contraire en ce qu'ilz estoient en bien plus grand nombre qu'eulx, leur
 allerent courir sus, cuidans qu'ilz uiendroiet facilement à bout d'eulx, mesme-
 ment dedans la uille, & qu'ilz les occiroiet tous. Dion se uoyant reduit à ceste
 contrainte de fortune, qu'il falloit necessairement ou qu'il combattist alencô-
 tre de ses citoiens, ou qu'il fust tué avecques ses foudards, tendoit les mains aux
 Syracusains, & les prioit le plus affectueusement qu'il pouuoit, leur montrant
 le chasteau tout plein d'ennemis, qui se monstroient de dessus les murailles, &
 regardoient tout ce qu'ilz faisoient: à la fin quand il ueit qu'il n'y auoit ordre
 d'appaiser l'impetuosité de ceste multitude, & que toute la uille estoit menee H
 par les soufflemens de ces seditieux flatteurs du peuple, ne plus ne moins que la
 mer est agitée des uents, encore defendit il à ses foudards de les aller charger:
 mais bien feirent ilz seulement semblant de leur uouloir courir sus avecques
 grands crys, en faifant bruire leurs armes, & lors il n'y eut homme des Syracu-
 sains qui ozaist arrester en place, ains se meirent tous à fouir courans à trauers
 les rues, sans que personne les chassast: car Dion rappella incontinent ses gens
 & les mena droit au territoire des Leontins, dôt les officiers & nouueaux gou-
 uerneurs de Syracuse, uoians que les femmes mesmes se mocquoient d'eulx, &
 uoulans reparer la honte qu'ilz auoient receüe, feirent derechef prendre les
 armes à leurs gens, & se meirent derechef à poursuiure Dion à la trasse, lequel
 ilz trouuerent sus le bord d'une riuere, comme il la uouloit trauffer. Si com- I
 mencerent leurs gens de cheual à escarmoucher un petit sa troupe: mais quād
 ilz ueirent qu'il ne supportoit plus doucement ny paternellement leurs faul-
 tes, ains leur monstroit uisage courroucé, & mettoit en bataille ses gens con-
 tre eulx, ilz tournerent le dos une autrefois plus laschement encore, & plus uil-
 lainement qu'ilz n'auoient fait la premiere fois, & se retirerent fuyans en la uil-
 le, sans qu'il y eust gueres de leurs gés tuez. Les Leontins receurent Dion avec-
 ques grands hōneurs, prirent les foudards estrangers à leur soule, & les feirēt
 leurs bourgeois, & si enuoyerent des ambassadeurs uers les Syracusains pour
 leur remonstrier qu'ilz eussent à leur faire la raison. Les Syracusains enuoyerent
 aussi de leur costé uers les Leontins pour charger & accuser Dion. Si furent as- K
 semblez en la cité des Leontins tous ceulx qui estoient de leur ligue & confe-
 deration, en laquelle assemblee, apres que les raisons sur ce eurent esté deduittes
 & ouyes d'une part & d'autre, il fut dit que les Syracusains auoient le tort: mais
 ilz n'acquiescerent pas pourrant à la sentēce de leurs alliez: car ilz estoient desia
 deuenuz insolens & superbes, à cause qu'ilz n'auoient plus personne qui leur
 commandast, ains auoient des capitaines qui ne cherchoient qu'à leur com-
 plaire, & craignoient de les courroucer. Apres cela arriua à Syracuse quelques
 galeres

- A galeres de Dionysius, dont estoit capitaine Nypsius Neapolitain, qui menoit uiures & argent à ceulx qui estoient assiegez dedans le chasteau. Il y eut rencontre, de laquelle les Syracusains gagnerent la uictoire, & prirent quatre galeres à trois reings de rames de celles du tyran : mais ilz abuserent oultrageusement de leur uictoire, & pource qu'il n'y auoit ame qui leur commandast, employèrent leur resiouyssance en banquets dissoluts, & assemblees folles & desordonnees, se donnans si peu de soing de leurs affaires, que lors qu'ilz pensoient desia tenir le chasteau, ilz perdirent presque leur uille : car Nypsius uoyant qu'il n'y auoit nul endroit en la cité qui ne fust desarroyé, & que le menu populaire ne faisoit autre chose tout le long du iour, iusques bien auant en la nuict, que boire,
- B yurongner, & danser au son des flustes & haultbois, & que les gouuerneurs eulx mesmes estoient aussi bien aises de uoir une telle feste, ou bien feignoient & n'osoient user de commandement & de contrainte enuers ce peuple qui estoit tout yure, embrassa tressagement l'occasion qui s'offrit d'elle mesme, & feit assaillir la muraille, dont le chasteau estoit emmuré, laquelle il gagna & la rompit, puis enuoya les soudards Barbares en la uille, leur commandant faire de tous ceulx qu'ilz rencontroient ce qu'ilz uoudroient ou pourroient : Parquoy les Syracusains s'apperceurent tantost bien de leur mal, mais tard & à grande peine y donnerent ilz aucune prouision, tant ilz furent estonnez : car c'estoit un uray sac de uille que ce qui s'y faisoit, par ce que lon tuoit les homes, on demollissoit la muraille, on emmenoit les femmes & petits enfans prisonniers, crians & pleurans, dedans le chasteau, & si desesperoient les capitaines d'y pouoir mettre aucun ordre, ny de se seruir de leurs gens contre les ennemis qui se iettoient de tous costez pelle melle parmy eulx. Estât la uille en tel estat, & approchant desia le peril du quartier d'icelle que lon nommoit Acradine, ou lon n'auoit encore point touché, & sus lequel seul se pouoit plus appuyer l'esperance de leur ressource, il n'y auoit celuy qui ne sentist bien en soy mesme qu'il falloit rappeler Dion, mais personne n'en parloit pourtant, aians honte de leur ingratitude & de la grande folie qu'ilz auoient faite en le chassant, toutefois la necessité les pressant, y eut aucuns des alliez & des gens de cheual qui crièrent
- D qu'il falloit rappeler Dion, & enuoyer querir les soudards Peloponesiens, qui estoient avec luy au territoire des Leontins. Si tost que la premiere parole en fut ouye, & qu'il se trouua quelqu'un qui prit la hardiesse de le dire, tous les Syracusains se prirent à crier que c'estoit le point, & en furent si aises, que les larmes en uindrent de ioye aux yeux à chascun, prians aux Dieux qu'il leur pleust le leur ramener, tant ilz desiroient de le rauoir : car ilz ramenoient en memoire comment il estoit ferme & courageux aux dangers, & comme non seulement il ne s'effroyoit iamais, ains les asseuroit de sa hardiesse, & les encourageoit de sorte qu'ilz ne craignoient point d'aller foubz sa conduite affronter leurs ennemis. Si luy furent enuoyez incontinent de la part des alliez Archonides &
- E Telefides, & de la part des nobles qui seruoient à cheual cinq autres avecques Hellanicus, lesquelz se meirent en chemin courans sus leurs cheuaux à bride abbatue, de sorte qu'ilz arriuerent en la uille des Leontins qu'il estoit desia environ le soleil couchant, & descendans le plus habilement qu'ilz peurent fallerent tout premier ietter aux pieds de Dion, auquel ilz exposerent en plorant les miseres des Syracusains. Desia y suruenoient aucuns des Leontins, & plusieurs des soudards Peloponesiens samassoient alentour de Dion, se doubans bien qu'il estoit suruenu quelque chose de nouueau à uoir la grande instance, &

l'humble priere que faisoient ces deputez de Syracuse. Parquoy Dion les prit incontinent & les mena luy mesme au theatre ou se faisoient les assemblees de uille: tout le monde y accourut aussi tost de grande affection, & adonc Archonides & Hellanicus par luy introduits, compterent sommairement deuant toute l'assistance, la grandeur de leurs maux, requerant les gens de guerre estrangers de uenir porter aide aux Syracusains sans tenir leur cueur, ny se ressentir des tortz que lon leur auoit faicts, attedu qu'ilz en auoient desia payé plus grieve amende, que eulx mesmes qu'ilz auoient oultragez neussent daigné prendre ny exiger d'eux. Quand ilz eurent acheué de dire, il y eut un grád silence en tout le theatre, & adonc se leua Dion, & commença à parler: mais les grosses larmes qui luy tumboient des yeulx, luy empeschoient la uoix, & les soudards estrangers aians cõpassion de le ueoir plorer, le prierent de ne se fascher point, & d'auoir bon courage. Parquoy Dion, apres s'estre un peu reuenu de la douleur qu'il auoit sentie, se prit à dire, Seigneurs Peloponesiens, & uous seigneurs allies, ie uous ay icy assemblez, pour deliberer & cõsultier entre uous de ce que uous auez à faire: car quant à moy, il ne me seroit point honeste de consulter de ce que ie doy faire maintenât, que la uille de Syracuse s'en ua perdue, & pour ce, si ie ne la puis sauuer, à tout le moins me ueux- ie faire ensepulturer au feu & en la ruine de mō pais: mais quât à uous, si uous auez uouloir de secourir encore à ceste fois nous autres tresmal cõseillez, & nō moins infortunez, uous releuez sus ses pieds la pauure cité de Syracuse, q est uostre ouurage: ou, si pour la souuenâce des griefz & tortz q uous ont fait les habitãs d'icelle, uous les uoulez laisser exterminer, aumoins ie prie aux Dieux qu'il leur plaise uous payer cõdigne recõpense de la uertu, loyaulté, & bõne uoulunté que uous auez iusques icy monstré enuers moy, uous suppliant d'auoir memoire de Dion, lequel n'a abandonné ny uous cy deuant quand on uous a oultragez, ny ses citoiens quand ilz ont esté affligez. Ainsi comme il parloit encore, les soudards estrangers saillirent en auant auecques grands cris, & le prierent qu'il les menast en diligence au secours de Syracuse: & adonc les enuoyez des Syracusains les saluerent en les embrassant, & priant aux Dieux qu'ilz enuoyassent tant à Dion comme à eulx, le comble de leurs desirs. Apres que le bruit fut appaisé, Dion leur commanda qu'ilz s'en allassent tout de ce pas apprestier, & qu'ilz se trouuassent avec leurs armes, si tost qu'ilz auroient souppé, là mesme, aiant proposé de partir la nuit mesme pour aller au secours de son pais: mais à Syracuse, tant que le iour dura, les capitaines & gens de guerre de Dionysius ne cesserent oncques de faire tous les maux du monde en la uille, & quand il fut nuit se retirerent dedás le chasteau n'aians perdu que bien peu de leurs gēs: & adonc les seditieux gouuerneurs des Syracusains reprirent cueur, esperãs que les ennemis se tiendroient à ce qu'ilz auoient fait, & cõmencerent à mettre en teste à leurs citoiens, qu'ilz deuoient laisser là Dion, & ne le recepuoir point s'il uenoit à leur secours avec ses estrangers, disans qu'ilz estoient plus gens de bien qu'eulx pour sauuer leur uille, & defendre leur liberté eulx mesmes, sans aide d'autrui. Ainsi furent derechef enuoyez d'autres ambassadeurs uers Dion, les uns de par les capitaines & gouuerneurs de la uille pour le diuertir de uenir, & d'autres au contraire de par les gens de cheual & de par ses familiers & amis, pour le faire hastier: au moien de laquelle diuersité il cheminoit lentement & tout à son aise. Quand la nuit fut bien aduancee, ceulx qui uouloient mal à Dion se saisirent des portes pour le garder d'entrer: & Nipsius feit derechef sortir du chasteau ses soudards bien

A bien mieux delibérez & en plus grand nombre qu'ilz n'estoient auparauant, avec lesquels il abbatit incontinent toute la muraille que lon auoit bastie deuant le chasteau, courut & saccagea toute la uille. A ceste faillie lon tuoit non seulement les hommes, comme lon auoit fait à la premiere fois, mais aussi les femmes & les petits enfans, & ne famusoier plus gueres au pillage, mais à tout perdre & exterminer. Car pource que desia Dionysius uoyoit bien que tout estoit desesperé pour luy, il cōceut si grande haine cōtre les Syracusains, qu'il delibera d'ensepuelir, par maniere de dire, sa tyrānie, puis qu'il falloit qu'il la perdist en la ruine & desolation totale de leur cité: & pour preuenir le secours de Dion & plus promptement desoler, ruiner, & reduire tout à neant, ilz userent de feu, embrazans à la main ce qui estoit le plus pres d'eulx avecques des torches & des flambeaux, & semās des lances & flesches à feu avecques des arcs es parties plus loingtaines & plus reculees de la uille: par ainsi ceulx qui s'enfuyoient pour le feu, estās rencōtrez es rues par les soudards, estoient passez au fil de l'espee: ceulx qui festoient iettez en leurs maisons, estoient contrains pour le feu d'en ressortir: car il y auoit desia grand nombre de maisons embrazées, & qui tumboient dessus ceulx qui alloient & uenoient. Ceste calamité fut principale cause que tous les Syracusains d'un accord ouurirent les portes à Dion: car depuis qu'il auoit ouy dire en chemin que les gens de guerre de Dionysius festoient retirez & renfermez dedans le chasteau, il ne festoit pas gueres hasté de uenir: mais

C quand il fut iour, il uint premierement au deuant de luy quelques gens de cheual qui luy apporterent les nouuelles que les ennemis auoient une autre fois repris la uille: puis uint aucuns de ses aduersaires mesmes le prier de se haster. Et comme le mal tira oultre en croissant & empirant tousiours, Heraclides y enuoya son frere, & puis Theodotes son oncle, le supplier de uenir uistement au secours, pource qu'il n'y auoit plus personne qui resistast aux ennemis, à cause qu'il estoit blecé luy, & que la uille estoit bien pres d'estre du tout entierement destruite & brulée. Quand ces nouuelles uindrent à Dion, il estoit encore loing des portes de la uille enuiron quatre lieues: si declara aux soudards estrangers le danger auquel estoit la uille, & les aiant un peu preschez, les mena, non

D plus le pas, mais courant uers la uille, rencontrant tousiours en son chemin des messagers les uns sus les autres, qui luy uenoient au deuant le solliciter de se haster: & au moien que les soudards feirent une extreme diligence & d'une singulieremēt bonne affection, il entra par les portes au quartier de la uille qui se nome Hecatópedon, & d'arriuee enuoya deuant cōtre les ennemis, ceulx qu'il auoit les plus legerement armez, à celle fin que ceulx de Syracuse les uoyans prissent courage, ce pendant qu'il mettoit en bataille ses autres soudards pesamment armez, & les citiens qui y accouroient & se uenoient ioindre à luy, desquelz il feit plusieurs esquadrons plus longs que larges, & ordonna ceulx qui auroient la charge de les conduire, à celle fin, qu'en courant sus aux ennemis de plusieurs costez tout ensemble, il leur fust plus espouventable. Quand il eut préparé tout son cas & fait sa priere aux Dieux, qu'on le ueit passer à trauers la uille marchāt contre les ennemis, adonc se leua un bruit, une resiouissance publique, & une grande clameur militaire entremeslee de uoeuz, prieres, & admonestemens de tous les Syracusains, qui appelloient Dion leur sauueur & leur dieu, & les soudards estrangers leurs concitizens & leurs freres. Et n'y eut homme en Syracuse si aimant sa personne, ny tant craignant la mort, qui ne monstrest estre pour lors en plus grand esmoy du salut de Dion tout seul, que de tous les autres en-

semble: car ilz le uoyoyent s'aller ietter au peril le premier à trauers le feu, marchant dedans le sang & par dessus les corps morts qui gisoient emmy les rues & places de la uille. Or est il uray, que seulement aller ioindre & affronter les ennemis, estoit bien chose dangereuse, pource que c'estoient gens totallemēt enragez, & si s'estoient rengez en bataille au long du mur qu'ilz auoient abbatu en lieu dont l'approche & l'aduenue estoit bien malaisée & difficile à gagner, mais le danger du feu troubloit & estonnoit encore plus les estrangers & leur empeschoit plus le chemin: car de quelque costé qu'ilz se tournassent ilz uoient tout alenuiron d'eulx la flamme qui brusloit les maisons d'alentour, & falloit qu'ilz marchassent par dessus les ruines ardentes, & qu'ilz courussent en grand danger entre les grāds pans de parois & de murailles qui tumboiēt, & en passant à trauers la fumee espesse meslee de force poulcier, qu'ilz taschassent à entretenir & ne rompre point l'ordonnance de leurs rengs. Quand ce uint à charger les ennemis, ilz ne peurent combattre main à main, que peu en nombre cōtre peu, à cause que le lieu estoit estroit, & bossu: mais les Syracusains à force de crier & d'inciter, encouragerent tellement ceulx de leur party, que finablement Nyphius & ses gens furēt contraints d'abandonner la place. La plus grande partie se sauua de uistesse dedans le chasteau, duquel ilz estoient bien pres: les autres qui n'y peurent entrer assez à temps, s'en fouirent ça & là, que les soudards Grecs occirent en courāt apres. La qualité du temps ne permet point aux uainqueurs receuoir promptement le fruit de leur uictoire, ny la resiouissance, les caresses & embrassemens conuenables à un si grand effect: car les Syracusains s'en allerent chascun en sa maison pour esteindre le feu, qui à grand peine peut estre esteinct de toute la nuit, incontinent que le iour fut uenu, il n'y eut pas un des autres mutins flatteurs de peuple qui ozaist arrester en la uille, ains se condēnans eulx mesmes, prirent la fuitte. Heraclides & Theodotes sculz se uindrent d'eulx mesmes rendre entre les mains de Dion, confessans qu'ilz luy auoiēt fait tort, & le supplians qu'il se uoulust monstrier meilleur enuers eulx, qu'ilz n'auoient fait enuers luy, & que c'estoit chose seante & conuenable à luy, qui n'auoit son pareil en toute autre uertu, de se faire cognoistre plus magnanime à uaincre son courroux, que n'auoiēt fait ses ingrats aduersaires, lesquelz ueniēt presentement adouuer, confesser & recognoistre qu'ilz estoient moindres que luy en uertu, de laquelle ilz auoient auparauant voulu estriuer alencontre de luy. Telles prieres faisoient Heraclides & Theodotes à Dion, mais ses amis l'enhortoient qu'il ne pardonnast plus à deux si meschans hommes, qui portoient malignement enuie à sa gloire, & que s'il uouloit faire plaisir aux soudards estrangers, il leur meist Heraclides entre leurs mains, & qu'il extirpast du gouvernement de la chose publique de Syracuse celle siene façon de caresser & flatter le peuple, qui estoit une peste non moins pernieieuse en une cité que la tyrannie. Dion en les recōfortant leur respōdit, que les autres capitaines & chefs d'armee ont accoustumé d'employer le plus de leur estude aux exercices des armes & de la guerre, & que de luy il auoit par lōg temps estudié & appris en l'eschole de l'Academie à surmonter l'ire, l'enuie, & toute contentieuse opinion, de laquelle magnanimité la preuue & demonstration se fait, non pas en se portant modereement enuers ses amis ou enuers les gēs de bien, ains en pardonnant doulcemēt, & remettant humainement son courroux à ceulx par qui on a esté offensé, & que de luy il aimoit beaucoup mieulx surmōter Heraclides en bonté & iustice, que non pas en puissance ny en prudence, pourautant que

A là estoit ce qui plus ueritablement se doit appeller bien, & que es beaux & glorieux faicts d'armes, encore que nulle autre personne n'y querelle part, si eût ce que la fortune en prend la plus grande partie estre siene. Et si Heraclides, disoit il, par enuie a esté desloyal & meschant, est ce pourtant à dire que Dion par courroux doine maculer sa uertu: Vray est, que les loix des hommes portēt qu'il est plus iuste de se reuenger d'une iniure faite, que de la faire premier: mais toutefois nature monstre, que l'un & l'autre procede d'une mesme imbecillité: & combien qu'il soit bien difficile de changer la mauuaisiē d'un homme, depuis qu'il a pris une habitude d'estre meschāt, toutefois si n'est pas l'homme de nature si brutale, si farouche, ne si sauuage à manier, que sa meschāceté ne se puisse bien uaincre à la fin par beneficence, quand il uoit que lon retourne souuent à luy faire plaisir. Dion usant de telz discours, pardonna à Heraclides, & tournant à rebastir la muraille pour emmurer le chasteau, feit commandement aux Syracusains que chascun eust à uenir cauer un fossé tout aupres du mur abbatu: puis la nuit y amena les soudards estrangers pendant que les Syracusains se reposoient, en maniere que lon ne se donna garde qu'il eut enuironné tout le chasteau d'un fossé & d'une leuee de terre: tellemēt que le lendemain ceulx qui ueirent la grandeur & soudaineté de l'ouurage s'en esmerueillērēt grandemēt, autant les ennemis que ceulx de la uille: & apres auoir inhumé les morts & deliuré ceulx qui auoient esté faits prisonniers, qui n'estoient pas moins de deux mille, teint une assemblee de uille, en laquelle Heraclides meit en auāt, que lon le deuoit eslire capitaine souuerain de Syracuse avec pleine puissance, tant par mer q̄ par terre: ce que tous les plus gēs de bien trouuerent bon, & uolurent le faire passer par les uoix du peuple, mais une tourbe des mariniers & autres gens mechaniques qui uiuent de leurs bras, ne uolans souffrir que lon deposast Heraclides de l'admiraulté, se mutinerent: pēsans, encore qu'il ne ualust rien à autre chose, qu'au moins seroit il en tout & par tout plus populaire que Dion, & plus soubz la main de la cōmune. Dion leur cōceda cela, & rendit pour l'amour d'eulx la charge de la marine à Heraclides, mais il les offensa d'autre costé bien griefuemēt, quād non seulemēt il resista à la chaulde poursuite qu'ilz faisoiet, que les terres maisons & heritages fussent entre tous diuisez par egales portiōs, mais aussi cassa & annulla tout ce qui en auoir desia parauant esté fait. Parquoy Heraclides estant de seiour à Messine, prit de là nouueau commencement de rentrer en ses menées, & se meit à caresser les gens de guerre & mariniers qu'il auoit là menez quād & luy, & à les irriter alencōtre de Dion, disant qu'il se uoloit faire tyran, & luy ce pendant traittoit secrettement avec Dionysius, par le moien d'un Spartiate nommé Pharax, dequoy les plus notables personnages des Syracusains se doubterent bien, & en sourdit une sedition & mutinerie en leur camp, à l'occasion de laquelle y eut charté & grande faulte de uiures à Syracuse, de sorte que Dion estoit en si grande perplexité, qu'il ne sçauoit qu'il deuoit faire, & estoit blasme & tensé de ses amis de ce qu'il auoit ain si auancé, & mis en autorité grande contre luy mesme un homme si malaisé à manier, & si corrompu d'enuie & de malignité comme estoit Heraclides. Et cōme Pharax fust avec une armee logé pres la uille de Neapolis en la marche des Agrigentins, Dion meit aux champs l'armee des Syracusains, aiant toutefois delibéré d'attendre encore à le combattre à un autre temps: mais par les crieries de Heraclides & de ses gens de marine, qui alloient crians qu'il ne uoloit pas vider ceste guerre par une bataille, ains uoloit qu'elle durast tousiours, à celle fin

qu'il demourast aussi tousiours capitaine en chef, il fut contraint de donner la F
bataille, laquelle il perdit: toutefois la rouverte ne fut pas grande, & aduint plus
par ce que ses gens se troublerent eulx mesmes, à cause de leurs partialitez, que
autrement. Au moien dequoy Diō se preparoit pour uenir derechef à la batail-
le, & rassembloit ses gens, les preschant & leur donnant courage, quand sus le
cōmencement de la nuit on luy uint apporter nouuelles que Heraclides avec-
ques toute sa flotte s'en alloit cinglant droit à Syracuse en intention d'occu-
per la uille, & de l'en forclorre luy & son armee. Parquoy il prit incōtinent avec
luy ceulx qui auoiēt le plus d'autoritē en la uille, & qu'il cognoissoit de meil-
leure uoluntē, avec lesquelz il cheuaucha toute la nuit en si grande diligen-
ce, que le lendemain enuiron les neuf heures du matin, ilz se trouuerēt aux por- G
tes de Syracuse, aians fait quarante & quatre lieues de chemin. Heraclides qui
auoit fait tout son effort de le preuenir avecques ses nauires, uoyant qu'il estoit
demourē derriere tourna uoile, & en errant par la mer sans auoir aucun but cer-
tain en ses affaires, rencontra par cas d'aduenture Gēsylus Lacedæmonien, soy
disant estre enuoyē de Lacedæmone pour seruir de chef aux Siciliens en ceste
guerre, comme autre fois Gylippus y auoit esté enuoyē. Il fut biē aise de l'auoir
rencontrē & s'en munit comme d'un preseruatif alencontre de Dion le mon-
strant aux confederez & aliez de Syracuse, & enuoyāt deuant aduertir & som-
mer par un herault ceulx de Syracuse de receuoir le capitaine Lacedæmonien,
qui leur estoit enuoyē pour les gouverner. Dion feit responce que les Syracu- H
sains auoient assez de gouverneurs, & encore que les affaires requissent neces-
sairement un capitaine Lacedæmonien, que luy mesme l'estoit, aiant esté fait
bourgeois de Sparte: parquoy Gēsylus desesperant de pouuoir obtenir la char-
ge de capitaine general, s'en alla à Syracuse uers Dion, là ou il feit l'appointe-
ment de Heraclides, moienant les plus grands iuremens & sermens du monde
qu'il presta, & moienant aussi que Gēsylus iura qu'il uengeroit luy mesme Diō,
& puniroit Heraclides si iamais il luy aduenoit d'attenter ou machiner aucune
meschancetē. Depuis cela les Syracusains casserent & rompirent leur armee de
mer, pource qu'elle ne leur seruoit plus de rien, & leur coustoit beaucoup à en-
tretienir, & si estoit occasion de diuorce & de sedition entre leurs gouverneurs, I
& se meirent à assieger le chasteau encore plus estroittement que deuant, recdi-
fians tout alentour la muraille qui auoit esté abbatue. Parquoy uoiant le filz de
Dionysius qu'il ne leur uenoit secours de nulle part, que uiures leur failloient,
& que les soudards deuenoient mauuais & meschans, n'ayant plus moien de
tenir, feit appointment avec Dion, & luy rendit entre ses mains le chasteau
avec toutes les armes & autres meubles qui estoient dedans, & de luy il prit sa
mere & ses sœurs & chargea cinq galeres, avec lesquelles il se retira deuers son
pere, moienant la sauuegarde que Dion luy feit, à ce qu'il s'en peust aller en seu-
retē. Il n'y eut homme en toute la uille de Syracuse qui faillist à ueoir ce specta-
cle, ou si aucuns d'aduenture en estoient absents, les autres les appelloiēt à hau- K
te uoix tant qu'ilz pouuoient crier, disans qu'ilz ne uoyoiēt pas le beau iour &
le beau soleil qui lors premier pouuoit ueoir à son leuer la cité de Syracuse plei-
nement affranchie. Car si iusques auioir d'hy entre les rares exemples de mu-
tation de fortune on compte la fuite de Dionysius, cōme l'un des plus grands,
des plus insignes, & des plus notables qui furent oncques, quelle liesse deuons
nous penser que receurent alors ceulx qui le chasserent, & quel contentement
d'eulx mesmes deuoiēt auoir ceulx qui avec le moins de moien qu'il est possi-
ble,

A ble, ruinerent la plus grande & la plus puissante tyrannie qui fut iamais au monde: Quand Apollotrates fut embarqué, & que Dion uoulut entrer dedàs le chasteau, les femmes qui y estoient ne se peurent contenir ny attendre qu'il fust entré, ains luy coururent au deuant iusques à la porte, Aristomache menant par la main le filz de Dion, & Areta la suyuant apres toute exploree, & doubtt en elle mesme comment elle deuoit nommer & saluer son mary, pourautant qu'un autre auoit eu sa compagnie. Quant à luy, il salua premierement sa sœur, & puis apres son filz, & adonc Aristomache luy presentant Areta luy dit, Nous auons esté en grande captiuité & misere, Dion, pendant que tu as esté en exil: mais maintenant que tu es retourné & es demouré victorieux, tu nous as deliuré de tristesse, & as fait que nous ozons bien maintenant leuer la teste, excepté ceste cy seule, laquelle ie miserable ay ueüe, toy uiuant, mariee par force avec un autre: Puis que d'ocques maintenât la fortune t'a fait seigneur & maistre de nous, quel iugement fais tu de ceste contrainte? comment ueulx tu qu'elle te saluë, ou comme son oncle, ou comme son mary? Ainsi que Aristomache disoit ces paroles, les larmes uindrent aux yeux à Dion, & prenant sa femme par la main doucement & amiablement, luy bailla son filz, & luy commanda qu'elle s'en allast en la maison ou il faisoit pour lors sa demourance, aiant mis le chasteau en sa puissance. Les affaires luy estans ainsi succedez, il ne uoulut receuoir aucun fruit ny aucun plaisir de sa prosperité presente auant que rendre graces à ses amis, faire des presens aux allies de Syracuse, & principalement auant que departir à ses familiers citoiës, & aux soudards estrangers à chascun quelque portion de profit & d'honneur selon son merite, surpassant en cela de magnanimité sa puissance: & ce pendant il se maintenoit quant à luy sobrement & petitement, se contentant de ce que premier luy uenoit en main, dont chascun auoit sa uertu en grande admiration, considéré que non seulement toute la Sicile & Carthage, mais aussi uniuersellement toute la Grece auoit les yeux iettez sus luy en une prosperité si grâde, & n'estimoit pour lors rien au monde plus grâd que luy, ne qu'il y eust autre capitaine, dont la prouesse ou la fortune fust plus illustre que la siene, & neantmoins se contenoit aussi sobrement & modestement tant en habillemens qu'en suite de seruiteurs & seruice de table, comme s'il eust esté en l'Academie uiuant avecques Platon, & non pas conuersant entre gens de guerre capitaines & soudards, qui n'ont autre reconfort des trauaux qu'ilz endurent & des dangers ou il fault qu'ilz se iettent ordinairement, sinon que de boire & manger leur saoul, & prendre leurs plaisirs tous les iours: Platon luy escriuit que tous les hommes de la terre auoient les yeux fichez sus luy: mais luy, à mon iugement, ne regardoit qu'en un seul lieu d'une seule uille, c'est à sçauoir, en l'Academie, & ne uoloit autres iuges, ny autres spectateurs de ses faicts que les estudians d'icelle, qui n'admiroient ny aucun de ses exploits, ny sa hardiesse, ny sa uictoire, ains regardoient seulement s'il useroit modereement & attrempeement de sa fortune, & s'il se sçauoit bien cōtenir dedàs les bornes de temperance, aiant fait de si grandes choses. Quant à la grauité qu'il tenoit en pariant au gens, & à la rigueur austere & inflexible, dont il usoit enuers le peuple, il s'opiniastra à n'en uoloir iamais rien diminuer ne relâcher, combien que ses affaires requissent fort qu'il usast de douceur & de grace, & que Platon l'en reprist & luy escriust que l'opiniastreté demouroit avec solitude, comme nous auôs desia dit: mais il me semble qu'il le faisoit pour deux raisons, l'une pource qu'il n'auoit point de nature celle gracieuseté de douceur

attraiante, & que son naturel y repugnoit: l'autre, qu'il s'estudioit de tirer au cō-
 traire les Syracusains qui estoient trop delicats & corrompuz par telles flatteries &
 semblables caresses: car Heraclides se remeit derechef à le harceler. Tout pre-
 mier quād Dion l'enuoya prier de uenir au conseil, il luy manda qu'il n'y iroit
 point, & qu'estant citoien priué il se trouueroit à l'assemblee comme les autres
 quand il y en auroit, & puis il le chargea de n'auoir pas demoly & rasé le cha-
 steau, & de n'auoir pas uoulu laisser faire le peuple, lequel uouloit ouurir la se-
 pulture de Dionysius l'aisné pour en ietter le corps dehors, & qu'il enuoyoit
 querir des conseillers à Corinthe, & dedaignoit auoir pour compagnons au
 gouuernemēt de la chose publique les citoiens de la uille. A la uerité aussi Dion
 uoiremēt auoit enuoyé querir des Corinthiens, esperāt qu'il establirait mieulx
 la forme de police qu'il auoit en l'entendement, quand ceulx là seroient uenez,
 & auoit en pensee de rompre & enfreindre la pure Democratie, c'est à dire, le
 gouuernemēt de uille, ou le peuple a souueraine puissance de toutes choses, cō-
 me estant non une police, mais plus tost une foire & un marché, là ou tout se
 uéd, ainsi que dit Platon, & d'establir une sorte de police Laconienne & Cretique
 meslee du gouuernemēt populaire, & du royal, qui seroit une Aristocratie, c'est
 à dire, un petit nombre des plus gens de bien qui gouuerneroient & dispose-
 roient des principales & plus grādes choses. A quoy faire il estima que les Co-
 rinthiens luy seruiroient bien, uoyant qu'ilz gouuernoient leurs affaires plus
 par un petit nombre de gens de bien eleuz qu'autrement, & qu'ilz ne commer-
 toient point beaucoup de choses aux uoix du peuple: & pourautāt qu'il se tenoit
 tout assuré que Heraclides luy resisteroit & contrarieroit en cela, & qu'au de-
 mourant il cognoissoit bien que c'estoit un homme turbulent, seditieux, incō-
 stant & muable, il permit adonc à ceulx qui de pieça l'eussent fait, s'il ne les en
 eust gardez, de l'aller tuer, & l'allerent trouuer en sa maison, ou ilz le firent
 mourir. Ceste mort fut bien desplaisante aux Syracusains: mais Dion luy feit
 preparer honorables obseques, & accompagna le corps iusques à la sepulture
 avec toute l'armee qui le suyuit: puis feit une harangue au peuple, par laquelle
 il leur remonstra qu'il estoit impossible de faire qu'il n'y eust des troubles & se-
 ditions en la uille, tant que Dion & Heraclides eussent esté au gouuernement
 ensemble: au moien de quoy ilz pardonnerent sa mort. Or y auoit il l'un des fa-
 miliers de Dion nommé Callipus, natif d'Athenes, que Platon dit n'estre point
 uenu à la cognoissance & familiarité de Dion pour l'occasion de l'estude de la
 philosophie, ains par le moien de ce qu'il luy auoit esté guide à le mener ueoir
 les mysteres & secretes ceremonies des sacrifices, & pour autre telle frequen-
 tation & communication uulgaire: mais neantmoins il l'auoit accompagné
 en ceste guerre, estant bien honoré de luy, & auoit entré quand & luy en la uil-
 le le premier de tous ses amis couronné d'un chapeau de fleurs, & s'estoit bien
 fait ueoir & cognoistre en toutes les rencontres & combats qui s'estoient faits.
 Cestuy Callipus uoyant que les premiers & les meilleurs amis de Dion auoient
 esté tous consommez en ceste guerre, que Heraclides estoit mort, & que le peu-
 ple de Syracuse n'auoit plus de chef, & d'auantage que les soudards qui estoient
 avec Dion, luy portoient plus d'affection qu'à nul des autres, deuint le plus des-
 loyal & le plus meschant des meschants, esperant que pour loyer d'occire son
 hôte & son amy, il gagneroit assurement la seigneurie de toute la Sicile: &
 cōme disent aucuns, aiant pris d'auantage des ennemis* uingt talēts pour salai-
 re de commettre le meurtre qu'il comiteit. Si se met à prattiquer, corrompre

A & suborner quelques uns des soudards estrangers alencôtre de Dion, cōmençant par une très malicieuse & cauteleuse uoye : car en luy rapportant ordinairement quelques paroles mutines, ou ueritablement dites par les soudards, ou bien cōtrouuees par luy, il gaigna une telle licence pour la fiance que Dion auoit en luy, qu'il luy estoit loisible de parler à seureté à qui il uouloit d'entre eulx, & mesdire franchement de Dion, par le commandement de luymesme, à celle fin qu'il sceust asseurement s'il y en auoit aucuns qui fussent mal contents de luy, ou bien qui luy uoulussent mal du tout. De là aduint que Callipus trouua incōtinent ceulx qui auoiēt mauuaise uolunté, & qui estoient desia gastez, lesquelz il tira à sa ligue, & si aucun ne le uolant ouir parler alloit descouvrir à Dion,

B qu'il l'auoit sollicité contre luy, que Dion ne s'en emouuoit, ny ne s'en courrouceoit point à luy, pensant qu'il ne feist que ce qu'il luy auoit commandé de faire. Ainsi que ceste trahison se menoit & se machinoit contre Dion, il s'apparut à luy un grand & monstrueux fantasme : car il estoit d'adventure en une galerie de son logis assis enuiron les uespres tout seul, pensant profondemēt quelque chose en luymesme, & ua tout soudain ouir un bruit : si ietta sa ueuë à l'autre bout de la galere (il estoit encore iour) & ueit une grāde femme de uesture & de uisage ressemblāt totalemēt aux Furies que lon introduit quelquefois es tragedies, laquelle nettoyoit la maison avec un ballet. Ceste uision l'estonna fort, & en fut si effroyé, qu'il enuoya querir ses amis, aux quelz il la recita, & les pria de demourer avecques luy, & y passer la nuit, estant totalemēt transporté hors de soy, pour la crainte qu'il auoit que ce fantasme ne se presentast encore deuant luy quand il seroit tout seul, ce qui toutefois ne luy aduint oncques puis : mais quelque peu de iours apres, son filz, qui estoit presque desia en l'aage d'adolescēce, pour quelque courroux dont l'origine auoit esté une chose puerile & legere, se precipita du hault en bas de la maison la teste la premiere, & se tua. Estāt Diō en cest estat, Callipus poursuiuit de plus en plus sa trahison, & sema un bruit parmy les Syracusains, que Diō se uoyāt priué d'enfans auoit deliberé d'appeler Apollocrates le filz de Dionysius, & le faire son heritier & successeur, cōme estant cousin germain de sa femme, & filz de la fille de sa sœur. Desia commen-

D ceoit Diō, & sa femme & sa sœur à se doubter des menées de Callipus, & leur en uenoit on faire des descouuertes, & apporter des indices de tous costez : mais Dion estant marry de la mort de Heraclides, ainsi que ie pense, & ayant tousiours sus le cuer avecques grande desplaissance ce meurtre là, comme estant une tache qui maculoit sa uie & ses actes, dit qu'il aimoit miculx mourir de plusieurs morts, & offrir sa gorge à couper à qui uoudroit, plus tost que de uiure en telle destresse, qu'il fust contraint de se donner garde, non seulement de ses ennemis, mais aussi de ses amis. Et Callipus uoyant que ces femmes en faisoient grande & uehemente inquisition, & craignant que son faict fust descouuert, s'en uint uers elles leur dire en pleurant qu'il n'en estoit rien,

E & qu'il estoit prest & appareillé de leur en donner toute telle asseurāce qu'elles luy demanderoient. Elles luy demāderent qu'il iurast le grand serment, lequel estoit tel : Celuy qui doit prester ce iurement, entre dedans le temple des deesses Theismophores, qui sont Ceres & Proserpine : & apres quelques sacrifices faits, il uest la chappe de pourpre de la deesse Proserpine, tenant en sa main une torche ardente, & iure en cest estat. Callipus aiant fait toutes ces ceremonies, & presté le sermēt en la sorte que i'ay dit, feit si peu de compte des Deesses, qu'il n'attendit à faire le meurtre qu'il auoit entrepris, que iusques à ce que la feste so-

lennelle de la deesse, par laquelle il auoit iuré, fust uenuë, & le tua au iour mesme de la feste de Proserpine: non que ie pense qu'il eust expressement choisy ce iour là, sachant tresbien qu'il offensoit & pechoit tousiours cōtre elle, en quel-
 que temps qu'il eust tué son confrere, mesmement luy qui l'auoit introduit en la religion & confrairie des mysteres de Ceres & de Proserpine. Or estoient ilz plusieurs consorts de ceste trahison: & comme Dion estoit assis deuisant avecques aucuns de ses amis en une chābre, ou il y auoit plusieurs lietz à se seoir, les uns enuironnerent la maison tout alentour: les autres se meirent aux huys & aux fenestres de la chambre, & ceulx qui deuoient mettre la main sus luy, qui estoient soudards Zacynthiens, entrerēt dedans tous en saye sans espee: si tost qu'ilz furent entrez, ceulx de dehors tirerent les portes apres eulx, & les teindrēt
 fermees de peur que personne ne sortist: & ceulx qui estoient entrez se ruerent incontinent sus Dion, taschans à l'estrangler & l'estouffer: mais quand ilz ueirent qu'ilz ne pouuoient, ilz demanderent une espee. Personne de dedans n'osoit s'entremettre d'ouurir les portes, cōbien qu'ilz fussent plusieurs avec Dion: car chascun d'eulx pensoit, qu'en le laissant tuer il sauuerait sa vie, & parainssi ne l'oserēt secourir. Si furēt les meurtriers lōg tēps à attēdre sans riē faire: à la fin il y eut un Syracusain nōmé Lycon, qui tendit une dague par la fenestre à l'un de ces Zacynthiens, de laquelle ilz luy coupperent la gorge, ne plus ne moins qu'à un mouton qu'ilz tenoient long temps y auoit entre leurs mains tout esperdu de frayeur. Le meurtre executé, ilz ietterent en prison sa sœur, & sa femme qui
 estoit grosse, & fait la pauvre dame une piteuse geline: car elle s'accoucha en la prison d'un beau filz qu'elles se delibererent de nourrir plus tost qu'en faire autre chose: ce que leur permeirent aisement ceulx qui les auoient en garde, à cause que desia Callipus commenceoit à estre troublé & embrouillé en ses affaires: car du commencement apres qu'il eut tué Dion, il eut quelque temps la uo-
 gue, & teint en sa main la uille de Syracuse, & en escriuit à la uille d'Athenes laquelle il deuoit, apres les Dieux immortelz la plus redoubter, aiant souillé ses mains d'une si damnable forfaiture: mais il ne fut, à mon aduis iamaïs mal dit, que c'est la uille qui produit les meilleurs hommes du monde, quand ilz s'adonnent à bien: & les plus meschans aussi, quand ilz s'adonnent à mal: comme
 leur region porte le meilleur miel que lon trouue point, & la cigue, qui le plus soudainement esteint la uie de l'homme. Toutefois les Dieux & la fortune ne sousteindrent pas long temps ce crime, & cest impropere de souffrir demourer en regne un homme aiant acquis domination & seigneurie par une si grande meschanceté, ains en paya tantost apres la peine qu'il auoit meritee: car s'estant mis aux champs pour aller prendre la uille de Catane, il perdit aussi tost celle
 de Syracuse, & treuve lon qu'il dit lors, Aiant perdu une uille, j'ay pris une rappe à rapper du fourmage. Depuis il alla assaillir ceulx de Messine, là ou il perdit la plus grande partie de ses gens, entre lesquelz furent ceulx qui auoient tué Diō, & pource qu'il ne trouua uille aucune en toute la Sicile qui le uolust receuoir, ains le haïssoient toutes, & l'auoient en abomination, il alla occuper la uille de Rege en la coste d'Italie, là ou estant en grand disette de toutes choses, & ne pouuant qu'à grand peine nourrir ses soudards, il fut occis par Leprines & Polyperchon de la mesme dague de laquelle Dion auoit esté tué: ce que lon recon-
 gneut à la façon, pource qu'elle estoit courte comme les Laconienes, & aussi à l'ouurage de dessus, qui estoit singulier. Telle fut l'amende que paya Callipus. Quant à Aristomache & à Arcte, elles furēt mises hors de prison, & Icetes Sy-
 racusain,

A racusain, qui auoit esté autrefois des amis de Dion, les retira en sa maison, & les traitta pour quelque temps fidelement & bien, mais depuis il fut gaigné par les ennemis de Dion: si leur feit preparer une nauire, faisant à croire qu'il les uouloit enuoyer au Peloponese, & donna charge à ceulx qui les menoiét de les tuer par le chemin, & les ietter dedans la mer: les autres disent qu'elles y furét iettees toutes uifues, & le petit enfant avec. Mais la peine du peché qu'il oza commettre en cest endroit, retourna à la fin sus sa teste aussi bien comme des autres: car il fut pris par Timoleō qui le feit mourir, & si luy tuerét encore les Syracusains deux de ses filles en uengeance de la desloyauté dōt il auoit usé uers Dion: desquelles choses nous auons escrit par le menu de poinct en poinct en la vie de
B Timolcon.

Marcus Brutus.

C **M**arcus Brutus estoit descendu de celuy Iunius Brutus auquel les anciens Romains dresserent une statuē de bronze au Capitole entre celles des Roys, tenant une espee nuē en la main, à cause quil auoit tresuertueusement chassé & debouté les Tarquins de la royauté de Rome: mais eeluy là aiant les meurs austeres de nature, & non addoucies par la raison, ressemblant aux especes de trop aigre trempe, se laissa trāsporter au courroux & à la haine qu'il auoit contre les tyrans, iusques à en occire ses propres enfans. Et au contraire, cestuy dequoy nous escriuons maintenāt, aiant temperé ses meurs par la cognoissance des lettres & par la raison apprise en l'estude de la philosophie, & aiant excité son naturel, qui de soy-mesme estoit doulx & graue, à faire & executer de grandes choses, me semble auoir esté tresbien cōposé à la vertu: tellemēt que ceulx mesmes qui luy ueulēt
D mal, pource qu'il cōiura alencōtre de Cēsar, s'il y a eu aucune chose genereusement faitte en toute la coniuration, l'attribuent à Brutus, & tous les actes aspres ou aigres à Cassius, lequel estoit bien familier & amy de Brutus, mais non pas en ses meurs si entier ne si net comme luy. Seruilia sa mere se disoit extraitte du sang de Seruilius Hala, lequel, comme Spurius Manlius attentast de se faire roy, & à ses fins sollicitast & emeust le menu peuple à seditiō, prit un poignard qu'il cacha soubz son aixelle, & s'en alla sus la place, là ou il feit semblant d'auoir quelque chose à luy cōmuniquer, & pour ce faire s'approcha tout au plus pres de luy, mais ainsi que l'autre baissa la teste pour ouir ee qu'il luy trouloit dire, il luy donna un coup de poignard, dont il le tua: & quant à cela, il n'y a
E personne qui die du contraire. Mais quant au costé paternel, il y en a eu aucuns qui pour haine & malueuillāce qu'ilz ont conceuē encōtre Brutus, à cause de la mort de Iulius Cēsar, soustienēt qu'il n'estoit point yssu de celuy qui chassa les Tarquins, pourauāt qu'il ne demoura nul de sa race, attēdu qu'il tua ses enfans, & que cestuy estoit populaire cōme estant descendu d'un certain maistre d'hôtel de l'ancien Brutus, & que de luy, il n'y auoit gueres qu'il commenceoit à estre auancé aux honneurs & estats de la chose publique. Au contraire, le philosophe Posidonius escrit, que Iunius Brutus tua uoieremēt deux de ses enfans, qui

Marcus Brutus.

estoit desia en aage comme lon trouue par les histoires, mais qu'il en demoura F
un tiers, qui estoit pour lors encore en sa premiere enfance, duquel la maison a
depuis esté deriuee: & d'auantage, que de son temps il se trouuoit quelques hô-
mes illustres de celle famille, desquelz la forme & les traicts de uisage ressem-
bloient fort à celle statuë de Brutus. Mais à tant c'est assez parlé de ce propos.
M. Cato le philosophe estoit frere de Seruilia mere de Brutus, & celuy de tous
les Romains que plus il se proposa à imiter, estant son oncle, duquel il espousa
encore depuis la fille. Quât aux Philosophes Grecs, il n'y en a pas une secte, par
maniere de dire, de qui il n'en ait ouy, ny dont il ait esté estrange: mais sur tous
les autres il aima singulierement les Platoniques, & ne s'appliquant pas fort à G
la nouvelle ny à la moienne Academie que lon appelle, il s'estoit du tout adon-
né à l'ancienne, au moien dequoy il eut bien tousiours en grande admiration le
philosophe Antiochus de la uille d'Ascalon: mais il se feit amy familier de son
frere Ariston, & le uoulut auoir pour domestique, lequel en lettres & sçauoir
n'estoit pas si excellent comme ont esté beaucoup d'autres philosophes, mais
en sagesse & en douceur il cōtestoit avecques les premiers. Touchant Emphy-
lus, de qui luy mesme fait mention en ses Epistres, & ses amis aussi en plusieurs
lieux, c'estoit un orateur, lequel a laissé un petit liure qui n'est pas mauuais, de la
mort de Cæsar, intitulé Brutus. Or estoit Brutus suffisammēt exercitē en la lan-
gue Latine, tant pour parler entre gens comme pour haréguer & plaider: mais H
en la langue Grecque, lon note & obserue par quelques unes de ses epistres qu'il
a affecté celle graue & sententieuſe briefueté de parler, qui est propre aux Lace-
demoniens: comme aiant desia la guerre commencee il escriuit aux Pergame-
niens en ceste sorte, Ientends que uous auez baillé de l'argent à Dolobella: si
uous l'avez fait uoluntairemēt, uous cōfessez m'auoir offensé: si malgré uous,
declarez lé, en m'en baillant uoluntairement. Vne autre fois aux Samiēs, Voz
conseilz sont longs, uoz effects sont rardifz & lents, pensez quelle en sera la fin.
Et une autre qu'il leur escriit des Patariēns, Les Xanthiens pour auoir mesprisē
ma grace, ont fait de leur païs un sepulchre de desespoir: & les Patariēns pour
sestre mis en ma sauuegarde, n'ont perdu pas un seul poinct de leur liberté. Par-
quoy pendant qu'il uous est loisible, choisissez ou le iugement des Patariēns, I
ou la fortune des Xanthiens. Voilà la sorte dequoy sont les missiues de Bru-
tus, que lon note pour la briefueté. Estant encore en son adolescence, il alla en
Cypre avec son oncle Caton, que lon auoit enuoyé contre le roy Ptolomæus,
lequel s'estât desfait luy mesme, Caton aiant quelque affaire qui le retenoit ne-
cessairemēt en l'isle de Rhodes, auoit desia enuoyé deuant l'un de ses familiers
Caninius pour garder l'argent & les biens: mais craignant qu'il ne se tiendrait
iamais de destobber, il escriuit à Brutus qu'il sen uint en Cypre tout incōtinēt
de la Pamphylie, ou il estoit se reuenant d'une maladie: ce qu'il feit, mais bien à
regret, tant pour la uergoigne qu'il auoit de Caninius que Caton reiettoit à son
aduis ignominieusement, comme aussi pource que ceste charge & administra- K
tion luy sembloit trop uile & mal seante à luy qui estoit ieune & dedié à l'estu-
de: toutefois il sy employa si bien & si diligemment, que Caton l'en loua: & a-
pres que tous les biens eurent esté uendus, il prit la plus grāde partie des deniers,
avec lesquelz il sen retourna à Rome. Depuis quand la puissance Romaine fue
diuisee en deux ligue, que Cæsar & Pompeius prirent les armes l'un cōtre l'au-
tre, & que tout l'empire de Rome fut troublé, on s'attēdoit bien qu'il suiuroit le
party de Cæsar, pourautant que quelque temps auparauāt Pompeius auoit fait
mourir

- A** mourir son pere : mais estimant qu'il falloit preposer les affectionis publiques au priuees, & se persuadant que la cause qui faisoit prendre les armes à Pompeius estoit meilleure & plus iuste que celle de Cæsar, il se mit de la part de Pompeius, combien qu'au parauant aiant quelquefois rencontré Pompeius, il ne le daigna pas seulement saluer, pensant que ce seroit à luy un grand peché, que de parler à l'homicide de son pere: mais lors se soubzmettât à luy comme au chef de la chose publique, il feit uoile en Sicile commé lieutenant de Sestius, à qui le gouuernement de celle prouince estoit escheut: & uoyant qu'il n'y auoit pas là moien de faire de grandes choses, & que desia Cæsar & Pompeius estoient l'un aupres de l'autre combattans à qui demoureroit le maistre, il s'en alla uoluntairement sans estre mandé en Macedoine pour estre participât du danger,
- B** là ou lon dit, que Pompeius estant ioyeux & esmerueillé de sa uenue, quand il le ueit uenir, se leua de son siege & l'alla embrasser deuant tout le monde, comme il eut sceu faire à l'un des plus grands de sa ligue. En ce camp là tout le long du iour, excepté le temps qu'il estoit avec Pompeius, il uacquoit aux liures & à l'estude, non seulement tous les iours precedés, mais aussi celuy mesme de deuant la grande bataille de Pharsale. Il estoit au cuer d'esté & faisoit un fort grâd chault, avecques ce que lon auoit logé le cãp pres de lieux marescageux, & ceulx qui portoient sa tente auoient beaucoup demouré à uenir: au moien dequoy tout las & trauaillé qu'il estoit, à peine se mit il sus le midy à manger
- C** un morceau, puis au lieu que les autres dormoient, ou bien pensoient & se soucioient de ce qui aduiendroit le lendemain, il estudia & escriuit tout le long du iour iusques au soir, composant un sommaire de Polybius. Lon dit que Cæsar ne le mit point à nonchaloir, & qu'il dit deuant la bataille à ses capitaines & chefs de bandes, qu'ilz se gardassent de tuer Brutus en la bataille, & s'il se redoit uoluntairemēt, qu'ilz luy amenassent: mais s'il se mettoit en defense pour n'estre point pris, qu'ilz le laissassent aller sans luy faire autre uiolēce: & dit on qu'il le faisoit pour l'amour de Seruilia mere dudit Brutus: car estant encore biē ieune il auoit cogneuē Seruilia, qui auoit esté demesurement amoureuse de luy: & pourautant que Brutus estoit nay enuiron le temps que leur amour estoit
- D** en sa plus grande ardeur, il se persuadoit qu'elle l'auoit conceu de luy. Auquel propos on racompte que du temps que lon traittoit au Senat des affaires de la cōiuration de Catilina, laquelle fut bien pres de ruiner & destruire toute la uille de Rome, Cæsar & Caton se trouuerent pres l'un de l'autre, soustenans contraires opiniōs, & qu'en ces entrefaittes on apporta de dehors quelque petit escript à Cæsar. Cæsar le prit & le leut à part tout bas, & adonc Caton se prit à crier que Cæsar faisoit meschamment de receuoir aduertissemens & lettres des ennemis, dequoy plusieurs des assistans murmurèrent. Parquoy Cæsar donna la lettre tout ainsi comme elle estoit à Caton, qui la leut, & trouua que c'estoit une lettre amatoire & lasciuue de sa sœur Seruilia: si la reietta à Cæsar, & luy dit, Tien y-urōgne. Et cela fait, il reprit son propos, & poursuuiuit le discours de son opiniō
- E** comme deuant. tant estoit publicc & cogneuē de tous l'amour & l'affection que Seruilia portoit à Cæsar. Mais apres la desfaitte de Pharsale que Pompeius s'en fut foy uers la mer, & que lon uint assieger le camp, Brutus en sortit par les portes sans estre apperceu, & se ietta dedans un marescage plein d'eau & de roseaux palustres, puis quand la nuit fut uēue, il sortit & se retira en la uille de Larissa, de là ou il escriuit à Cæsar, lequel fut bien aise de ce qu'il estoit sauué, & luy manda qu'il s'en uint uers luy: & quand il fut uenu, il ne luy pardōna pas

Marcus Brutus.

seulement, ains le reteint autour de luy, en aussi grand honneur que personne F
qui y fust. Il n'y auoit homme qui sceust dire là ou s'enfuyoit Pôpeius, & estoit
on en peine de le sçauoir: pourtant Cæsar marchant quelque espace de che-
min seul à seul avecques Brutus, enquit de luy ce qu'il en pensoit: & luy sembla
par quelque discours qu'il luy ouit faire, qu'il iugeoit tresbien par coniectures
de sa fuitte: & pource, laissant tout autre aduis & conseil, il prit chemin uers Æ-
gypte. Mais Pompeius, qui, comme Brutus auoit coniecturé, festoit retiré en
Ægypte, fut là surpris de l'heure de sa destinee. Au demourant Brutus impetra
encore de Cæsar grace pour Cassius: & defendât la cause du roy de Libye, uray
est qu'il succumba à la multitude & au pois des charges que ló luy mettoit sus,
mais intercedant & priant pour luy, encore luy sauua il grande partie de son G
royaume & de ses terres. Et dit on que la premiere fois que Cæsar l'ouit haren-
guer deuant luy, il dit à ses amis, Je ne sçay pas que ueult ce ieune homme:
mais tout ce qu'il ueult, il le ueult d'une merueilleuse uehemençe. Car com-
me sa grauité ne se laissoit pas aller aiseement à tous ceulx qui le uenoient re-
querir de leur faire plaisir, ains estant meüé par conseil & par raison, elle ten-
doit tousiours à faire choses louables & honestes: aussi, là ou elle se mettoit à
poursuiure quelque chose, elle uoit d'une instance uehement & pressante, qui
ne desistoit iamais qu'elle ne fust uenue à chef de son entreprise: car par le
flatter on n'eust iamais sceu obtenir de luy, ne luy faire faire aucune chose in-
iuste, & estimoit que se laisser uaincre de prieres & requestes par ceulx qui H
sans uergoigne pressent & importunét ceulx de qui ilz ueulent obtenir aucune
chose de raisonnable, ce que aucuns font par honte de n'oser rien refuser, estoit
une chose bien laide & mal conuenable à un grand personnage: & pource il
auoit accoustumé de dire, qu'il luy sembloit que ceulx qui ne pouuoient rien
refuser auoient tresmal gouuerné la fleur de leur ieunesse. Quand Cæsar uolul
passer la mer pour aller en Afrique contre Caton & Scipion, il luy laissa à gou-
uerner la Gaule, qui est deçà les Alpes du costé d'Italie, qui fut un heur singu-
lier à celle prouince: car au lieu que les autres prouinces estoient trauaillees &
pillees par l'insolence & l'auarice des gouuerneurs, ne plus ne moins que si
c'eussent esté pais de conqueste, Brutus estoit aux Gaulois repos & recófort des I
travaux qu'ilz auoient mesme auparauant endurez, duquel bon traitement la
grace estoit entieremét par luy attribuee à Cæsar, de sorte que à son retour d'A-
frique, en uisitant l'Italie, ce qu'il y ueit plus uoluntiers, & avec plus de plaisir
furét les uilles du gouuernement de Brutus, & Brutus mesme qui luy faisoit hó-
neur de sa personne, & duquel la compagnie luy estoit fort agreable. Or y
auoit il à Rome plusieurs sortes de Prétures, & s'attendoit on bien que Brutus
ou Cassius emporteroient celle qui est de plus grande dignité, que lon nom-
moit la Prature urbaine, à cause que celui qui l'exerçoit faisoit droit, & iugeoit
entre ceulx de la uille: à raison de quoy ilz entrerent en different l'un cōtre l'au-
tre, combien que les uns ueulent dire, que pour quelques autres causes precedē-
tes, il y auoit desia quelque peu de picque entre eulx, & que ceste concurrence
les meit encore plus auāt en querelle quoy qu'ilz fussent alliez: car Cassius auoit
espousé Iunia la sœur de Brutus. Les autres disent que ce debat entre eulx uint de
Cæsar mesme, lequel secrettemét donnoit esperance de sa faueur à l'un & à l'au-
tre: si tira leur brigue si auant, & se picquerent tellemét à ceste poursuite, qu'ilz
en eurent proces l'un contre l'autre. Brutus combattoit de sa uertu & bonne re-
nommee a lencontre de plusieurs beaux exploits d'armes que Cassius auoit faits
contre

A contre les Perſes : & Cēſar, apres auoir ouy leurs allegations, dit à ſes amis aux quelz il ſe conſeilloit ſur ceſt affaire, Il eſt uray que les raiſons que Caſſius allegue, ſont plus iuſtes : mais neantmoins il fault preſerer Brutus. & par ainſi eut Brutus la premiere, & Caſſius la ſeconde, lequel ne luy uoulut pas tant de bien pour celle qu'il auoit obtenue, que de mal pour celle qu'il auoit perdue. Mais Brutus en beaucoup d'autres choſes, ſe ſentit encore de la puiffance de Cēſar autant comme il uoulut : car ſil euſt uolu il euſt peu eſtre le premier de ſes amis, & auoir le plus de credit autour de luy : mais les familiers de Caſſius l'en diuertifſoient : car quant à Caſſius ilz n'eſtoient point encore retournez en grace de puis le different de leur brigue, & eſtoient inceſſamment apres luy à l'admonester & preſcher de ne ſe laiſſer point deſtremper ny amollir par les allechemēs de Cēſar, ains fouir toutes ſes careſſes & ſes graces tyrāniques, deſquelles ilz diſoient que Cēſar uſoit enuers luy non pour honorer ſa uertu, mais pour affoiblir la force de ſon courage. Si n'eſtoit poit Cēſar luy meſme ſans en auoir quelque ſouſpeçon, & ſans en ouir quelques delatiōs, ains craignoit ſon grād cueur, ſon authoritē & ſes amis, mais d'autre coſté il ſe fioit à la bontē de ſes meurs & de ſon naturel : car comme on luy euſt un iour rapportē que Antonius & Dolabella machinoient quelque nouuelletē contre luy, il reſpondit, que ces gras & perruquez ne luy faiſoient point de peur, mais ouy bien ces palles & maigres : entendāt cela de Brutus & de Caſſius. Vne autrefois que l'on accuſoit & chargeoit Brutus enuers luy, & l'admonestoit on de ſ'en donner de garde, il reſpondit en touchant de la main à ſon eſtomac, Comment, uous ſemble il que Brutus n'aura pas la patience d'attēdre que ce pauvre corps ait fait ſon tēps : comme ſil euſt uolu dire, qu'il n'appartenoit à nul autre qu'à Brutus, d'auoir apres luy auſſi grande puiffance que luy. Et me ſemble, quant à moy, qu'il euſt peu eſtre aſſeurement le premier homme de la uille, ſil euſt peu endurer de ſeconder Cēſar quelque eſpace de temps, & laiſſer un peu fener, par maniere de dire, la fleur de ſon authoritē, & paſſer la gloire qu'il auoit acquiſe par ſes grandes uictōires : mais Caſſius homme cholere, qui haifſoit plus Cēſar en priuē qu'il ne faiſoit le tyran en public, l'enflamma & le precipita : & dit on que Brutus portoit mal patiemment l'eſtre ſeigneurifē : mais que Caſſius haifſoit le ſeigneur, ſe plaignant de pluſieurs tortz qu'il luy auoit faits, & entre autres, qu'il luy auoit oſté des lions. Caſſius en auoit fait prouiſion pour ſes ieux, quand il ſeroit Œdile, & furent trouuez en la uille de Megare lors qu'elle fut priſe par Cālenus, & Cēſar les reteint. On dit que ces beſtes porterent grand dommage aux Megariens : car ſur l'inſtant que la uille ſ'en alloit priſe, ilz rompirēt les cages ou ilz eſtoiet enfermez, & les deſlierent, penſans qu'ilz empescheroient les ennemis de leur courir ſus : mais les lions ſe tournerent contre eulx meſmes, ainſi qu'ilz ſ'enfuyoiēt çà & là tous deſarmez, & en deſchirerēt aucuns ſi cruellement, que les ennemis meſmes eurent pitié de le ueoir. Voila ce que aucuns diſent auoir eſté cauſe principale de faire conſpirer Caſſius alencontre de Cēſar : mais ilz ne diſent pas la uerité. Car Caſſius auoit de ſa naiſſance une nature impatiente de toutes ſortes de tyrans, comme il monſtra eſtant encore ieune enfant allant à une meſme eſcholē que Fauſtus filz de Sylla : car comme ce Fauſtus ſoy glorifiant entre les autres enfans louaſt haultement la monarchie de ſon pere, Caſſius ſe dreſſant en pieds luy donna une couple de ſoufflets : de quoy les tuteurs de Fauſtus uolurent auoir reparation & pourſuiure ceſte iniure en iuſtice : mais Pompeius les en engarda, & feit uenir les deux enfans deuant luy.

Marcus Brutus.

aux quelz il demanda comment la chose estoit allee: & là Cassius, ainsi que lon
trouue par escript, dit à l'autre, Or sus Faustus prens encore la hardiesse de redi-
re une autrefois en la presence de ce personnage icy, les mesmes paroles qui me
irriterent alors contre toy, à celle fin que derechef ie te rompe la teste à coups
de poing. tel estoit le naturel de Cassius. Mais quant à ses familiers amis par
plusieurs sollicitations, & ses citoiens par plusieurs bruits de uille & plusieurs
escritteaux l'appelloient nommeement, & l'incitoient à faire ce qu'il feir: car
au dessoubz de celuy sien ancestre Iunius Brutus qui abolit la domination des
roys à Rome, on escriuit, Pleust à dieu que tu fusses maintenant, Brutus: & une
autrefois, Que uescusses tu auiourdhuy, Brutus. Le tribunal mesme, sur lequel il
seoir & donnoit audience durant le temps de sa Præture, se trouuoit le matin
tout plein de telz escritteaux, Brutus tu dors, & n'es pas uray Brutus. Dequoy les
flatteurs de Cæsar estoient cause, lesquelz oultre plusieurs autres excessifz & de-
mesurez honneurs qu'ilz luy inuentoient tous les iours mettoient la nuict des
diademes sus les testes de ses statues, esperâs par ce moien attraire la commune
à l'appeller Roy au lieu de Dictateur: mais il en aduint tout autrement, ainsi que
nous auons escrit bien au long en la uie de Iulius Cæsar. Comme donques Cas-
sius alloit sondant & sollicitant ses amis alencontre de Cæsar, tous unanime-
ment luy promettoient d'entrer en ceste coniuration, moienant que Brutus en
fust le chef, disans qu'une telle entreprise auoit besoing, non tant de hardiesse
ne de gens qui meissent la main à l'espee, que d'un personnage de telle reputatiõ
comme estoit Brutus, pour commencer à faire à chascun asseurement penser
par sa seule presence, que l'acte seroit saint & iuste: autrement, que & à le faire ilz
auroient moins de cueur, & apres l'auoir fait, en seroient plus soupçonnez,
pource que chascun estimeroit que iamais ce personnage n'auoit refusé à estre
participant d'une telle execution si la cause en eust esté bonne. Parquoy Cassius
apres auoir discouru ces raisons en luy mesme parla le premier à Brutus, depuis
le different qu'ilz auoient eu ensemble, & apres s'estre reconcilié avec luy, &
& qu'ilz se furent entr'embrassez l'un l'autre, il luy demâda s'il auoit deliberé de
soy trouuer au Senat le premier iour du mois de Mars, pourautant qu'il auoit
entendu que les amis de Cæsar deuoient ce iour là mettre en auant au conseil
que Cæsar fust par le Senat appelé & déclaré roy. Brutus respondit qu'il ne sy
trouueroit point. Mais si on nous y appelle, dit Cassius. Alors fera ce à moy, re-
spondit Brutus, à point ne me taire, ains à y resister, & à mourir plus tost que de
perdre la liberré. Cassius adonc encouragé, & poulsé par ceste parole: Et qui se-
ra (dit il) celuy des Romains qui te ueuille laisser mourir pour la liberré? Ignores
tu que tu es Brutus? estimes tu que ce soient tyffiers, cabaretiers, ou autres telles
basses gens mechaniques qui escriuent ces billets & escritteaux que lon treuve
tous les iours en ton siege prætorial, & non les premiers hômes, & les plus gens
de bien de la uille qui le facent? Car il fault que tu saches qu'ilz entendent des
autres Præteurs quelques donnees & distributions populaires, quelques ieux,
& quelques combars d'escrimeurs à oultrance pour donner passetemps au peu-
ple: mais ilz te demandent à toy nommeement, comme une debte hereditaire
à laquelle tu leur es obligé, l'abolition de la tyrannie, estans bien deliberez de
faire & souffrir toutes choses pour l'amour de toy, moienant que tu te ueuilles
monstrer tel comme ilz pensent que tu le doiues estre, & qu'ilz s'attendent que
tu sois. Cela dit, il baïsa Brutus, & l'embrassa, & ainsi prenâs congé l'un de l'autre,
s'en allerent chascun parler à leurs amis. Or y auoit il un des amis de Pom-
peius

- A Peius nommé Quintus Ligarius, qui pour auoir fuiuy son party auoit esté accusé deuant Cæsar, & Cæsar l'en auoit absous: mais ne luy sachant pas tant de gré de son absolution, comme estant indigné de ce que pour sa tyrannique domination il auoit esté en danger, il luy en estoit demouré fort aspre ennemy en son cuer, & si estoit au reste fort familier de Brutus, lequel l'alla uoir malade en son liect, & luy dit, O Ligarius en quel temps es tu malade? Ligarius incontinent se soubleuant sur le coude, & luy prenant la main droite, Si tu as (dit il) Brutus, uoulunté d'entreprendre chose digne de toy, ie suis sain. Depuis cela ilz commencerent à tenter tous ceulx de leur cognoissance, desquelz ilz se fioient, & à leur communiquer leur entreprise, choisissans non leurs familiers
- B & amis seulement, ains tous ceulx qu'ilz estimoient auoir le cuer assez ferme pour attéter choses perilleuses, & qui ne craignissent point la mort, à raison dequoy ilz n'en descouvrirent rien à Ciceron, combien que ce fust le personnage que plus ilz aimoient, & auquel plus ilz se fioient, de peur que oultre ce que de nature il auoit faulte de hardiesse, luy aiant encore l'age apporté de la crainte d'auantage, il ne rabbatrast, par maniere de dire, & n'emoussast la pointe de leur deliberee affection, & ne refroidist l'ardeur de leur entreprise, laquelle auoit principalement besoing d'estre chauldement executee, en uoulant par discours de raison reduire toutes choses à si grãde seurété, qu'il n'y eust aucune doubte. Car Brutus laissa mesme de ses autres amis, Stallius l'Epicurien, & Faonius, ce-
- C luy qui faisoit profession d'imiter, & ensuiure Marcus Caton, à cause que leur en aiant ietté de loing quelques paroles couuertes en deuissant & disputant ensemble de la philosophie, pour sonder leur uoulunté, Faonius respōdit qu'une guerre ciuile estoit pire qu'une principaulté de monarchie usurpee contre les loix: & Stallius auoit dit, que ce n'estoit point le faict d'un hōme prudent & sage, que de se mettre en danger & en peine de sa uie pour des folz & des ignorās. Labeo estoit present à ceste dispute, qui sousteint le contraire à tous deux: mais Brutus s'en teut comme s'il y eust eu en cela quelque doubte, & quelque difficulté malaisée à resoudre en ce propos: mais depuis hors de là, il communiqua sa delibération à ce Labeo, lequel l'offrit bien uoluntiers à en estre participant,
- D & furent d'aduis de pratiquer aussi un autre Brutus surnommé Labienus, non qu'il fust autrement homme à la main ny fort uailant de sa personne, mais pource qu'il pouuoit beaucoup, à cause d'un grand nombre de serfs escrimans à oultrance qu'il nourrissoit pour donner au peuple le passetemps de les uoir combattre: ioinct aussi qu'il auoit credit alentour de Cæsar. Cæsius & Labeo luy en parlerent premierement ensemble, aux quelz il ne respondit rien, mais quand il en eut luy mesme parlé à Brutus à part, & que Brutus luy eust déclaré qu'il en estoit le chef, & conducteur de toute l'entreprise, adonc il promeit bien uoluntiers d'y aider de tout son pouuoir. Brief la meilleure & plus grande partie des coniurez fut induite à entrer en ceste conspiration par la dignité
- E & la reputation de Brutus: & sans auoir iamais iuré ensemble, sans auoir ne pris ne donné assurance, ne festre obligez les uns aux autres par aucuns religieux sermens, tous teindrēt la chose si secrette en eulx mesmes, tous la sceurent si biē celer, & si couuertemēt manier & mener entre eulx, que combien que les Dieux la descouvrirent par predictions de deuins, par signes & prodiges celestes, & par presages des sacrifices iamais neantmoins elle ne fut creuē. Mais Brutus cōme celuy qui sçauoit tresbiē que à son adueu & pour l'amour de luy tous les plus nobles, les plus uertueux & plus magnanimes hommes de la uille se mettoient

Marcus Brutus .

en ce hazard , considerant en soy mesme la grandeur du peril , quand il estoit hors de sa maison raschoit à se contenir , & à composer de sorte sa contenance & son uisage, que lon ne cogneust point qu'il eust aucune chose qui le trauail-
last en son entendement : mais la nuit & en sa maison il ne le pouuoit pas aussi faire : car ou son soucy l'esueilloit malgré luy , & le gardoit de dormir , ou de luy mesme il se mettoit le plus souuent à penser si profondement en ses affaires, & s'arrestoit à discourir en son esprit toutes les difficultez qui estoient en son
entreprise si fort , que sa femme estant couchee aupres de luy , s'apperceut bien qu'il estoit plein d'agonie & de tristesse d'entédemét qu'il n'auoit point accou-
stumeé , & qu'il remuoit à par luy en son esprit quelque consultation qui luy pesoit beaucoup & luy estoit bien malaisée à deuelopper . Sa femme Porcia estoit, comme nous auons desia dit, fille de Caton , & l'espousa Brutus qui estoit
son cousin, non point fille, mais bien ieune ueufue apres la mort de son premier mary Bibulus, duquel elle auoit eu un petit garson nommé Bibulus , qui depuis a
escriit un petit liure des faicts & gestes de Brutus que lon trouue encore aujour-
dhuy. Ceste ieune dame estant sçauante en la philosophie, aimant son mary, & aiant le cuer grand , ioinct avec un bon sens & une prudence grâde, ne uoluit
point attéter d'interroger son mary de ce qu'il auoit sur le cuer , que premiere-
ment elle n'eust fait une telle espreuue de soy mesme. Elle prit un petit ferremét
avec lequel les barbiers ont accoustumé de roigner les ongles, & aiant fait sor-
tir de sa chambre toutes ses femmes & seruantes, elle se feit une playe bien pro-
fonde dedans la cuisse, tellemét qu'il en sortit incontînét une grande effusiô de
sang , & tantost apres pour l'aspre douleur de celle incision la grosse fiebure la
commencea à saisir : & uoiant que son mary s'en tourmentoit fort , & en estoit
en fort grand esmoy, au plus fort de sa douleur elle luy parla en ceste maniere,
" Ie (dit elle) Brutus, estant fille de Caton t'ay esté donnee, non pour estre partici-
" pante de ton liét & de ta table seulement comme une concubine, ains pour e-
" stre aussi parsonniere & compaigne de toutes tes bônes & mauuaises fortunes.
" Or quant à toy, il n'y a que plaindre ne reprendre de ton costé en nostre maria-
" ge, mais de ma part, quelle demonstration puis ie faire de mon deuoir enuers
" toy, & de combien ie uouldrois faire pour l'amour de toy, si ie ne sçay suppor-
" ter constamment avec toy un secret accident, ou un soucy qu'il soit besoing de
" celer fidelément? Ie sçay bié que le naturel d'une femme semble comunemét
" trop debile pour pouuoir seurement contenir une parole de secret : mais la bô-
" ne nourriture, Brutus, & la conuersation des gens uertueux, ont quelque pou-
" uoir de reformer un uice de la nature: & quant à moy, i'ay cela d'auantage, que
" ie suis fille de Caton , & femme de Brutus , à quoy neantmoins ie ne me froye
" pas du tout par cy deuant, iusques à ce que maintenant i'ay cogneu que la pei-
" ne mesme & la douleur ne me sçauoiét uaincre. En disant ces paroles, elle luy
monstra sa bleceure, & luy compta comment elle se l'auoit faite pour s'esprou-
uer elle mesme. Brutus fut fort esbahy quand il eut ouy ces paroles, & leuant
les mains au ciel, feit prieres aux Dieux de luy faire tant de grace, qu'il peust mener à chef son entreprise si bien, qu'il fust trouué digne d'estre mary d'une si no-
ble dame comme Porcia : laquelle pour lors il recôforta le mieux qu'il peut. Au
reste, aiant esté prefix un iour de conseil, auquel on esperoit que Cæsar ne faul-
droit pas de uenir au Senat, ilz delibererent d'executer adonc leur entreprise,
pource que lors tous les coniurez se pourroient trouuer ensemble sans souspe-
çon, & qu'ilz auroient là les premiers hommes de la uille & les plus gens de bié

- A** tous portez, lesquelz quand ilz uerroient un si grād exploit executé, tiendroier au demourant la main à la defence de la liberté: & si leur sembla d'auātage, que l'assignation du lieu auquel se deuoit tenir le conseil, estoit proprement chose conduite par expresse prouidence diuine, & qui faisoit pour eulx: car c'estoit l'un des portiques qui sont alentour du theatre, dedans lequel portique y auoit un conclaue garny de sieges tout alētour, & en iceluy une image de Pompeius que la uille y auoit fait dresser en son honneur, lors qu'il orna & embellit ce quartier là de la uille du theatre qu'il y feit bastir, & des portiques qui sont alentour d'iceluy. En tel lieu doncques fut assignee l'assemblee du Senat droittemēt au quinzieme iour du moys de Mars, que les Romains appellēt Idus Martias, de sorte qu'il sembloit proprement que quelque dieu menast expressément là Cēsar pour y estre tué, en uengeance de la mort de Pompeius. Quand le iour fut escheut, Brutus sortit de son logis aiant une dague ceincte par dessous sa robe longue sans que personne en sceust rien que sa femme seule, & les autres coniurez estoient tous assemblez chez Cassius, pour accompagner & conduire iusques sur la place son filz, qui ce iour là prenoit la robe que lon appelle uirile, & de là se rendirent tous en troupe dedans ce portique de Pompeius, l'attēdans que Cēsar deust incontinent uenir au Senat, là ou principalemēt fut certes admirable la constance assuree de ces hommes là, en chose de si grand peril, attendu ce qu'ilz auoierent entrepris: car plusieurs d'iceulx pour le deu de leurs offices, à cause qu'ilz estoient Prēteurs, estans contrains de faire droit aux parties, non seulement escouterent doucement & patiemment ceulx qui uolurēt parler à eulx, ou plaider quelque cause deuant eulx, de sens aussi rassis comme filz n'eussent eu autre affaire quelconque en teste, ains qui plus est, donnerent des sentences graues & de reposē iugement, en y uacquant tres attentifuelement. Si y eut quelque partie, qui aiant esté condēnnē ne uouloit pas payer, ains en criant & protestant disoit qu'il en appelloit par deuant Cēsar: & Brutus adonc regardant les assistās, Cēsar (dit il) ne m'empeschera point de faire ce que commandent les loix. Et toutefois il leur suruint, par cas de fortune, plusieurs accidens qui estoient bien pour les troubler, dont le premier & le principal fut, que Cēsar demoura beaucoup à uenir, de sorte qu'il estoit desia biē tard quand il arriua au Senat, à cause que ne se trouuans pas les signes des sacrifices bōs ny propices, sa femme le retenoit en la maison, & les deuins luy defendoient d'en sortir. Le second fut, que quelcun s'approchant de Casca, qui estoit l'un des coniurez, & le prenant par la main droite luy dit, Dea Casca, tu m'as bien celé ton secret, mais Brutus m'a le tout descouuert: de quoy Casca se trouuant estonné, l'autre continua son propos en disant, Cōment, par quel moien es tu soudainement deuenu si riche, que tu brigues d'estre Ædile? tant peu s'en fallut que Casca deceu par l'ambiguité de paroles que l'autre luy auoit dittes, ne decelast tout le secret de leur coniuration. Vn autre Senateur nōmé Popilius Læna, apres auoir salué plus affectueusemēt q̄ de coustume Brutus & Cassius, leur dit tout bas en l'oreille, Je prie aux Dieux que uous puissiez uenir à chef de ce que uous auez entrepris: mais ie uous conseille & admoneste de uous auancer, car uostre faict n'est point celé. leur aiāt dit ces paroles il sen alla incontinent, & les laissa en grande doubte que leur conspiration ne fust descouuerte. Et sur ces entrefaittes accourut à grāde haste l'un des domestiques de Brutus pōur luy dire q̄ sa femme se mouroit, à cause que Porcia passionēe du soucy de l'aduenir, & n'estāt pas asses puissante pour supporter une si grāde agonie d'esprit, à peine

Marcus Brutus.

se pouuoit cōtenir dedans la maison, ains tressailloit de frayeur à chasque bruit ou cry qu'elle entendoit, ne plus ne moins que font ceulx qui sont espris de la fureur des Bacchantes, demandant à tous ceulx qui reuenoient de la place que faisoit Brutus, & y enuoyant continuellement messagers les uns sur les autres pour en sçauoir des nouuelles. A la fin la chose allât en longueur, sa force corporelle ne peut plus resister, ains se laissa aller & defaillit tout à coup: tellement qu'elle n'eut pas seulement loisir d'entrer en sa chambre, car il luy prit une foiblesse ainsi qu'elle estoit assise emmy la maison, dōt elle se pasma incontinent & perdit la parole entierement: ce que uoians ses seruantes, se prirent à crier, & les uoifins y accoururent à la porte, au moien dequoy le bruit fut incontinent espandu par tout qu'elle estoit trespassee, toutefois elle se reuint biē tost de ceste pasmoison, & fut couchee & traittee par ses femmes. Quāt à Brutus, ayant ouy ceste nouuelle il en fut bien troublé, comme lon peult estimer: mais toutefois il n'en abandonna point le public, ny ne s'en retira oncques en sa maison pour chose qui y fust aduenue. Et ia disoit on que Cæsar estoit en chemin, se faisant porter dedans une litiere: car il auoit deliberé de n'arrester riē au Senat de tout ce iour là, pource qu'il craignoit les sinistres presages des sacrifices, ains de remettre les affaires de consequence à une autre assemblee de conseil, faignant qu'il se trouuoit mal. Au sortir de sa litiere, Popilius Læna, celuy qui un peu deuant auoit dit à Brutus qu'il prioit aux Dieux qu'il peust conduire à fin son entreprise, l'alla abborder, & le tint longuement à parler à luy. Cæsar luy presta l'oreille & l'escouta bien attentifusement: parquoy les cōiurez (s'il les fault ainsi appeller) n'entendans pas sa parole, mais coniecturans par ce qu'il leur auoit un peu auparauant dit, que ce parlement n'estoit autre chose que la descouuerture de leur conspiration, furent bien estonnez, & s'entreregardans les uns les autres, donnerent bien à cognoistre à leurs uisages, qu'ilz estoient bien tous d'aduis, qu'il ne falloit pas attendre iusques à ce que lon les faist au corps, ains que plus tost ilz se deuoient occire eulx mesmes avec leurs propres mains: & cōme Cassius & quelques autres iettassent desia les mains sur les manches de leurs espees par dessoubz leurs robbes pour les desguainer, Brutus regardant le geste & la contenance de Læna, & considerant qu'il auoit la façon d'un homme qui prie affectueusement, & non pas d'un qui accuse, il n'en dit mot à ses compagnons, à cause qu'il y auoit parmy eulx plusieurs qui n'estoient pas de la cōspiration: mais avec un uisage ioyeux & une chere guaye assura Cassius, & tantost apres se departit Læna d'avec Cæsar en luy baisant la main, ce qui monstra que c'estoit pour quelque affaire qui le concernoit que ce long parlement s'estoit fait. Estant doncques le Senat entré le premier dedans le conclaue ou se deuoit tenir le conseil, tous les autres coniuerez enuironnerent incontinent la chaire de Cæsar, comme filz luy eussent voulu dire quelque chose. Et dit on que Cassius, iettāt sa uenē sur l'image de Pompeius, la pria, ne plus ne moins que si elle eut eu sens & entendement. Trebonius d'autre costé retira à part Antonius à l'entree du Conclaue, & luy commença un long propos pour l'arrester au dehors. Quand Cæsar entra au dedans, tout le Senat se leua par honneur deuant luy, & aussitost qu'il fut assis, les coniuerez l'enuironnerent de tous costez, en luy presentant un d'entre eulx, nommé Tullius Cimber, lequel supplioit pour la restitution de son frere qui estoit banny, tous faisoient semblant d'interceder pour luy, en luy touchant aux mains, & luy baisant l'estomac & la teste. Cæsar du commencement reietta simplement leurs caresses & leurs prie-

A res: mais puis apres uoiant qu'ilz ne desistoiēt point de tousiours l'importuner, il les repoulsa à force: & adonc Cimber avec les deux mains luy aualla sa robbe de dessus les espaules, & Casca qui estoit tout ioignāt luy par derriere desguaina le premier & luy dōna un coup aupres de l'espaule, mais la playe n'entra pas gueres auant, & Cēsar se sentant blecé, luy saisit incontinent la main dont il tenoit sa dague, & s'escria à haulte uoix en langage Romain, Meschant traistre
Casca, que fais tu? Et casca de l'autre costé s'escria aussi en langage Grec, appellant son frere à son aide. Et comme ia plusieurs à la foule chargeassent sur luy, en regardant tout alentour de soy, & sen uoulant fouir, il apperceut Brutus qui tenoit une espee nuë au poing pour le frapper: & adonc il lascha la main à Casca qu'il tenoit encore, & couurant son uisage avec sa robbe, abandonna son corps à qui le uoulut naurer: & lors les coniuerez s'entrepressans les uns les autres pour l'affection qu'ilz auoient de ne le point espargner, en frappant de tant de dagues & espees sur un seul corps se blecerēt les uns les autres, entre lesquelz Brutus fut atteint en la main, en uoulant estre participant de ce meurtre, & tous les autres furent aussi en sanglantez. Aiant doncques esté Cēsar ainsi tué, Brutus se presentant au milieu de la salle, uolut parler, & arrester les autres Senateurs qui n'estoient point de la conspiratiō, pour rendre raison de leur faict: mais ilz sen fouyrent tous effroyez en grand desarroy, s'entrepressans & poulsans à la porte de grande haste qu'ilz auoient de sortir, sans que personne toute fois les chassast: car il auoit expressement esté arresté entre eulx, que lon ne tueroit autre que Cēsar seul, ains que lon conuieroit au reste tous les autres à raseher de recouurer la liberté. Tous les autres auoient bien esté d'aduis en delibérant sur cest affaire, que lon deuoit aussi tuer Antonius, pource que c'estoit un homme insolent, & qui de sa nature fauorisoit à la monarchie, oultre ce qu'il auoit grāde faueur & bon credit enuers les gens de guerre pour la longue frequentation & conuersation qu'il auoit eue entre eulx, & mesmement pour ce qu'estant hōme de sa nature entreprenant & conuoiteux de grandes choses, il auoit encore d'auantage lors l'autorité du Consulat, estant Consul avec Cēsar: mais Brutus empescha qu'il ne se conclust, premierement pource qu'il dit que la chose seroit iniuste de soy: & secondement, par ce qu'il leur proposa quelque esperance de changement en luy: car il n'estoit point hors d'esperoir qu'Antonius estant hōme magnanime de nature & desireux d'honneur & de gloire, quand il ueroit que Cēsar seroit mort, ne peust entrer en uolunté d'aider à son pais à recouurer la liberté, estant par l'exemple d'eulx attiré à aimer & suiure la uertu. Ainsi fut Brutus cause de sauuer la uie à Antonius, lequel sur l'heure de ce grād effroy se desguisa de l'habillemēt de quelque basse & uile persōne, & se desrobba: mais Brutus & ses confors aians les mains toutes sanglantes, & leurs espees toutes nues aux poings, sen allerent droit au Capitole, admonestās par tout ou ilz passoient les Romains de reprendre leur liberté. Or y eut il du commencement, soudain que le cas eut esté fait, quelques clameurs & quelques gens qui sen coururent ça & là par la uille, ce qui augmenta le trouble, l'effroy & le tumulte d'auantage: mais quand on ueit que lon ne tuoit personne, que lō ne pilloit ny ne forceoit chose quelconque, adonc aucuns des Senaturs & plusieurs du peuple prenans assurance de là, sen monterent uers eulx au Capitole, là ou s'estant à la file assemblé grand nombre de personnes, Brutus leur feit une harengue pour gagner la grace du peuple, & iustifier ce qu'ilz auoient fait. Tous les assistans dirent qu'ilz auoient bien fait, & leur cryerent qu'ilz de-

Marcus Brutus.

scendissent hardiment : à l'occasion dequoy Brutus & ses compagnons pri-
rent l'assurance de descendre sur la place : les autres suyuient en troupe,
mais Brutus marchoit deuant enuironé tout alentour fort honorablement des
plus notables personages de la uille qui l'accompagnerent & l'amenerent du
mont du Capitole à trauers la place, iusques en la tribune aux harégues. Quād
la commune le ueit monté là dessus, encore que ce fust une tourbe de gens
ramassez de toutes pieces, & bien deliberez de faire quelque emeute, elle eut
neantmoins honte de le faire pour la reuerence de Brutus, & presta silen-
ce pour entendre ce qu'il uoudroit proposer : & quand il commença à parler
presterent audience fort paisible à sa harangue, toutefois si donnerent ilz bien
clairement à cognoistre incontinent apres, que le faict ne leur plaisoit point à
tous : car quand un autre nommé Cinna uoulut parler, & qu'il commença à
charger & accuser Cæsar, ilz entrerent en un courroux & une mutination grā-
de, & luy dirent plusieurs iniures, tellement que les coniurez s'en retirerent de-
rechef au mont du Capitole, là ou Brutus craignant y estre assiégué, renuoya plu-
sieurs gros personages qui y estoient montez quand & luy, estimant qu'il n'e-
stoit pas raisonnable que ceulx qui n'auoient point esté participās du faict, fus-
sent participans du peril : toutefois le lendemain festant le Senat assemblé de-
dans le temple de la Deesse Tellus, c'est à dire, la terre, & en icelle assemblée aiās
Antonius Plancus & Ciceron mis en auant, qu'il falloit ordonner une generale
abolition de toutes choses passees, & une concorde pour l'aduenir, il fut arresté
que non seulement ilz auroient impunité du faict, mais que d'auantage les Cō-
sulz mettroient en deliberation du Senat, quelz honneurs on leur decerneroit.
Cela conclud le Senat se leua, & Antonius le Consul pour asseurer ceulx qui e-
stoient au Capitole leur enuoya son filz en ostage. Sur ceste fiance Brutus & ses
compagnons descendirent, là ou chascun pesse messe les salua, caressa, & em-
brassa, entre lesquelz Antonius mesme donna à soupper en son logis à Cassius,
& Lepidus à Brutus, & ainsi des autres selon que chascun auoit eu ou familia-
rité ou amitié avec quelqu'un d'eulx. Le iour ensuiuant le Senat estant derechef
assemblé en conseil, loua premierement Antonius de ce qu'il auoit sagement
esteinct & assopy un commencement de guerre ciuile, puis donna aussi de grā-
des louāges à Brutus & à ses consors qui là estoiet presens, & finalement leur
assigna des gouuernemens de prouinces : car à Brutus fut ordonnee Candie, à
Cassius la Libye, & à Trebonius l'Asie, à Cimber la Bithynie, & à l'autre Brutus
la Gaule de deça les Alpes. Cela fait, on uint à parler du testament de Cæsar, de
ses funerailles & de sa sepulture, là ou estant Antonius d'aduis que lon deuoit
lire son testament hault & clair en public, & aussi iuhumer le corps honorable-
ment, & non point à cachettes, de peur que cela ne fust occasion au peuple de
s'irriter & aigrir d'auantage si on le faisoit autrement, Cassius y contredit fort
& ferme : mais Brutus y consentit & sy accorda, en quoy il semble qu'il feit une
seconde faulte : car la premiere fut quand il empescha de conclurre que lon oc-
ciroit Antonius, pource qu'à bon droit on le chargea d'auoir en ce faisant sau-
ué & fortifié un tresgrief & inexpugnable ennemy de leur conspiration : & la
seconde fut, qu'il accorda que lon feist les funerailles de Cæsar en la sorte que
Antonius uoulut, ce qui fut cause de perdre & gaster tout. Car premierement
quand on eut leu en public le testament, par lequel estoit porté qu'il leguoit &
donnoit à chasque citoien Romain *soixante & quinze drachmes d'argent
pour teste, & qu'il laissoit au peuple ses iardins & uergers qu'il auoit deça la ri-
uiere

* Sept escus &
denys.

A uiere du Tybre, au lieu ou maintenant est basti le temple de la Fortune, le peuple l'en aima & regretta merueilleusement: puis quand le corps fut apporté sur la place, Antonius qui feit la harengue à la louange du defunct selon l'ancienne coustume de Rome, uoiant que la commune s'emouuoit à compassion par son dire, tourna son eloquence à l'inciter encore d'auantage à commiseration, & prenant la robbe de Cæsar toute ensanglantée, la desploya deuant toute l'assistance, monstrant les decoupeurs d'icelle, & le grand nombre de coups qu'il auoit receus. Dequoy le peuple se mutina & s'irrita si fort, qu'il n'y eut plus d'ordre en la commune, par ce q̄ les uns cryoient qu'il falloit faire mourir les homicides qui l'auoient occis, les autres alloient arracher les estaux, les tables, selles, & bancs des boutiques d'alentour de la place, comme lon auoit fait es funeraillies de Clodius, & en aiant fait un monceau, meirent le feu dedans, & sur iceluy posèrent le corps, qu'ilz bruslerent au milieu de plusieurs lieux sacrez, inuiolables & sanctifiez, & aussi tost que le feu fut bien embrazé, les uns deçà les autres delà en prirent des tisons ardents, avec lesquels ilz s'en coururent es maisons de ceulx qui l'auoient tué, pour les y brusler: toutefois eulx qui s'estoient bien auparauant munits & prouueuz, se sauuerent aiseemēt de ce danger: mais il y eut un pauvre poete nommé Cinna, lequel n'auoit aucunement esté participant de la coniuration, ains auoit tousiours esté amy de Cæsar, & la nuit de deuant auoit songé que Cæsar le conuioit à soupper avec luy, & que l'ayant refusé, il l'en auoit pressé à grande instance, iusques à le forcer, tant qu'à la fin il l'auoit mené par la main en un grand lieu uague & tenebreux, là ou tout effroyé il auoit esté contrainct de le suyure mal gré luy. Ceste uision luy auoit donné la fiebure toute la nuit, & neantmoins le matin quand il sceut que lon portoit le corps pour l'aller inhumer, aiant honte de ne se trouuer au conuoy de ses funeraillies, il sortit de son logis, & s'alla mettre parmy la commune qui estoit ia mutinée & irritée: & pource que quelqu'un le nomma par son nom Cinna, le peuple pensa que ce fust celuy, qui nagueres auoit en sa harengue blasmé & iniurié publiquement Cæsar, & se ruant dessus luy en fureur le deschira en pieces sur la place. Cela effroya plus Brutus & ses compagnōs qu'autre chose quelconque apres la mutation d'Antonius: à l'occasion dequoy ilz se retirerent hors de Rome, & se teindrent du commencement en la uille de Antium, en esperance de retourner à Rome quand la fureur du peuple seroit un peu appaisée, ce qu'ilz estimoient deuoir estre bien tost, attendu qu'ilz auoient à faire à une multitude inconstante & facile à emouuoir, & que le Senat estoit pour eulx, lequel pourtant ne teint compte de faire informer alencontre de ceulx qui auoient demembré le pauvre Cinna, mais bien feit rechercher & prendre ceulx qui avec des tisons ardents estoient allez assaillir les maisons des coniurez. Le peuple mesme estant desia ennuyé de l'insolence d'Antonius, lequel faisoit presque toutes choses de puissance absolue, ne plus ne moins que s'il eust esté Roy, desiroit que Brutus retournast: & s'attendoit on qu'il uiendroist luy mesme en personne faire iouer les ieux qu'il deuoit au peuple, à cause de son office de Præteur: mais estant aduertuy que plusieurs soudards de ceulx qui auoient esté à la guerre soubz Cæsar, & qui auoient des heritages de luy & des maisons es uilles ou il les auoit logez, le guettoient pour le tuer, & que tous les iours par petites troupes ilz se couloient secretement à la file dedans Rome, il n'y oza retourner, ains eut le peuple le passetemps de ueoir en son absence ses ieux, & autres esbattemens qui furent bien & magnifiquement fourniz de routes choses à ce necessaires, sans qu'il y

Marcus Brutus.

eust rien espargné: car il auoit fait acheter grand nombre de bestes estranges, desquelles il ne uoulut que lon donnast pas une à aucun particulier, ny aussi que lon en laissast pas une, ains uoulut qu'elles fussent toutes employees à ses ieux, & alla luy mesme iusques à Naples pour parler à aucuns ioueurs de Comedies & musiciens qui s'y tenoient, & escriuit à ses amis touchant un Canutius, qui lors estoit un excellent ioueur, qu'ilz feissent tant enuers luy, commet que ce fust, qu'il uoulust iouer à ses ieux, pource qu'il n'estoit pas raisonnable, ce disoit il, de forcer aucun des Grecs, filz n'y uenoient de leur bon gré: & si escriuit d'auantage à Ciceron, en le priant tres instamment d'y uoloir assister comment que ce fust. Les affaires estans en tel estat à Rome, il suruint une autre mutation, quand le ieune Cæsar y fut arriué. Il estoit filz de la niepce de Iulius Cæsar, qui l'auoit adopté pour son filz, & institué son heritier uniuersel par son testament: mais lors que son pere adoptif fut tué, il estoit en la uille d'Apollonie, là ou il estudioit en l'attendant, pource qu'il auoit delibéré d'aller faire la guerre aux Parthes, & si tost qu'il ouyt les nouuelles de la mort, s'en retourna à Rome, là ou pour commencer à se insinuer en la bonne grace du peuple, tout premierement il prit le nom de son pere adoptif, & distribua l'argent qu'il leur auoit laissé par son testament, au moien de quoy il embrouilla fort Antonius, & à force d'argent retira grand nombre des soudards qui auoient esté à la guerre soubz son pere. Et Ciceron mesme, pour la haine grande qu'il portoit à Antonius, fauorisoit à ses affaires, de quoy Brutus le reprenoit & le blasmoit fort, luy escriuant qu'il monstroient par ses deportemens de n'estre pas marry d'auoir maistre, mais seulement d'en auoir un qui le haïst, & que ses conseilz en l'administration de la chose publique, tesmoignoient qu'il cherchoit & choisissoit de se soubmettre à une seruitude gracieuse & humaine, en disant & escriuant que ce ieune Cæsar estoit homme doulx & debonnaire: & noz predecesseurs, ce disoit il, ne se sont iamais voulu asseruir à aucuns maistres quelque doulx qu'ilz fussent: Et que de sa part il n'auoit iamais resoluement arresté en soy mesme de faire ny la paix, ny la guerre, mais que sa resolution & sa deliberation arrestee estoit de iamais ne seruir: & qu'il s'esmeruilloit grandement, comme Ciceron redoutoit une guerre ciuile pour estre perilleuse, & ne craignoit point une paix ignominieuse, & que pour debouter Antonius de la tyrannie qu'il usurpoit, il cherchoit d'establi ce ieune Cæsar tyran en recompense. telle estoit la substance des premieres lettres, que Brutus escriuit à Ciceron. Mais estant ia la uille de Rome diuisee en deux parts, les uns se regeans du costé d'Antonius, & les autres du costé de ce ieune Cæsar, & les gens de guerre uendans leur seruice, ne plus ne moins qu'à un encan, à qui plus leur offroit, Brutus desesperant que les choses se peussent bié porrer, delibera de sortir d'Italie, & s'en alla à pied par le pais de la Lucanie en la uille d'Elea, qui est assise sur le bord de la mer, & là Porcia estât sur le poinct de se departir d'avec luy pour s'en retourner à Rome, taschoit le plus qu'elle pouuoit à dissimuler la douleur qu'elle en portoit en son cuer: mais un tableau la descouurit à la fin quoy qu'elle se fust au demourant, iusques à là tousiours constamment & uertueusement portee. Le subiect de la peinture estoit pris des narrations Grecques, comment Andromache accompagnoit son mary Hector, ainsi qu'il sortoit de la uille de Troye, pour aller à la guerre, & comment Hector luy rebailloit son petit enfant: mais elle auoit les yeux & le regard tousiours ficez sur luy. La conformité de celle peinture avec la passion la feit fondre en larmes, & retournant plusieurs fois le iour à reuoir

celle

A ceste peinture, elle se prenoit tousiours à plorer. Ce que uoiant Acilius l'un des amis de Brutus recita les uers qu'Andromache dit à ce propos en Homere,

H ector tu tiens lieu de pere & de mere

E n mon endroit, de mary & de frere.

Adonc Brutus en ce soubriât, Voire mais (dit il) ie ne puis de ma part dire à Porcia, ce que Hector respond à Andromache au mesme lieu du poete,

I l ne te fault d'autre chose meller,

Q ue d'enseigner tes femmes à filer.

Car il est bien uray, que la naturelle foiblesse de son corps ne luy permet pas de pouuoir faire les mesmes actes de prouesse que nous pourrions bien faire : mais de courage elle se portera aussi uertueusement en la defence du pais, comme l'un de nous. Bibulus le filz de Porcia l'a ainsi escript en son histoire. Au partir de là Brutus montât sur la mer cingla droit uers Athenes, là ou le peuple le receut biē uoluntiers avec force decrets honorables à sa louange, & se logea chez un sien hoste, allant tous les iours ouir les lectures & disputes de Theomnestus philosophe Academique, & de Cratippus Peripatetique, & communiquant avec eulx de la philosophie, tellement qu'il sembloit que tous affaires mis en arriere, il ne uacquist seulement qu'à l'estude, toutefois ce pendât sous main il faisoit ses apprests pour la guerre : car il enuoya Herostratus en Macedoine pour pratiquer & gagner les capitaines & les gens de guerre qui estoient en celle marche, attiroit & entretenoit tous les ieunes gentilzhōmes Romains, qui estoient à Athenes pour l'estude des lettres & de la philosophie, entre lesquels estoit le filz de Ciceron, lequel il louē singulierement disant que soit qu'il ueillast, ou qu'il songeast en dormât, il le trouuoit de cuer merueilleusement gentil, tāt il haïssoit naturellement les tyrans. Quelque temps apres il commença à manier ouuertement affaires, & estant aduertty qu'il uenoit de l'Asie quelque flotte de uaisseaux Romains, ou il y auoit de l'argent, & que le capitaine qui estoit homme de bien & son familier, prenoit la route d'Athenes, il alla au deuant iufques au pres de l'isle de Carystos, là ou aiant parlé avec luy, il feit en sorte que l'autre fut content de luy mettre ses uaisseaux entre mains : à l'occasion dequoy Brutus le uoulut bien traiter magnifiquement en son logis, attendu mesmement que c'estoit le iour de sa natiuité. Quand ce uint au milieu du festin, que lon commença à boire les uns aux autres, les conuiez se prirent à boire à la uictoire de Brutus & à la liberté des Romains, & Brutus les uolant encore plus confirmer & encourager, demanda une plus grande couppe, & la tenant pour boire, il se prit à prononcer à haulte uoix, sans occasion quelconque, ces uers :

M ais toutefois ma triste destinee

E t Phœbus ont ma uie terminee.

Suiuant lequel propos, on dit que le iour qu'il eut la derniere bataille pres la uille de Philippes, au sortir de sa tente il donna pour le mot de la bataille à ses gens, Phœbus : tellement que depuis on a iugé que ceste soudaine exclamation estoit un presage du malheur qui luy deuoit aduenir. Apres cela Antistius luy deliura * cinq cents mille Drachmes de l'argent qu'il portoit en Italie, & tous les soudards de Pompeius qui estoient encore errans çà & là par la Thessalie, se retirerent bien uoluntiers par deuers luy, & si osta à un nommé Cinna cinq cents hommes de cheual qu'il cōduisoit en Asie à Dolobella, puis s'en alla par mer en la uille de Demetriade, là ou il se saisit d'une grande quantité d'armes que lon portoit à Antonius, & qui par le commandement de Iulius Cæsar a-

*Cinquante mille escus.

Marcus Brutus.

uoient là esté faittes & forgees pour seruir à la guerre Parthique : qui plus est, F
Hortésius gouuerneur de la Macedoine luy en meit le gouuernemēt entre ses
mains, & tous les princes, roys & seigneurs d'alenuiron se ioignoient & en-
troient en ligue avec luy, quand il fut aduertty que Caius frere d'Antonius ue-
nant de l'Italie auoit passé la mer, & tiroit en diligence uers les uilles de Dyr-
rachium & d'Apollonia pour s'emparer des gens de guerre que Gabinus y te-
noit. Parquoy Brutus uoulant gagner le deuant & le preuenir, meit incont-
nent aux champs si peu de gens qu'il auoit autour de luy, prenant son chemin
par pais aspres & malaisez en la saison d'hyuer qu'il negeoit bien fort, & dili-
genta si bien qu'il deuança de beaucoup ses somniers qui portoient les uiures:
tellement que quand il fut aupres de Dyrrachium, il luy prit une maladie que G
les medecins appellent Bulimia, c'est à dire famine, à cause du froit & du tra-
uail qu'il auoit enduré. Cest accident de maladie aduiēt souuent aux hommes
& aux bestes qui trauaillent quand il a negé, soit ou pource que la chaleur na-
turelle estāt toute retiree & resserree au dedās du corps par la froidure de l'air
enuironnant & espessissant le cuyr, digere & consume incontinent la uiande,
ou qu'un petit uent subtil, agu & perçant qui sort de la nege quād elle se fond,
penetre au dedans du corps & en chasse la chaleur naturelle, qui s'en espend au
dehors : car il semble que la chaleur esteinte par le froid qu'elle rencontre au
fortir de la peau du corps, soit cause des sueurs qui aduiennent en telle maladie,
desquelles choses nous auons ailleurs disputé plus amplement. Mais Brutus se- H
stant euanoüy, & ne se trouuāt en son camp chose aucune qu'on luy peust bail-
ler pour manger, ses gens furent contrains de recourir à leurs ennemis, & ap-
prochans de la porte de la uille, demanderent de grace du pain aux gardes: les-
quelz entendant l'inconuenient qui estoit arriué à Brutus, y allerent eulx mes-
mes, & luy porterent à boire & à manger : en souuenance de quoy puis apres
quand il eut la uille entre ses mains, non seulement il les traitta humainement
& gracieusement quant à eulx, ains aussi tous les autres habitans pour l'amour
d'eulx. Estant doncques Caius Antonius arriué en la uille d'Apollonia, il man-
da aux gens de guerre qui estoient aux enuironz qu'ilz se retirassent par deuers I
luy: mais entendant que au contraire ilz se retiroient tous deuers Brutus, & d'a-
uantage, que ceulx d'Apollonia luy fauorisoient aussi, il abandonna la uille, &
s'en alla en celle de Buthrotus: toutefois il perdit premieremēt en chemin trois
enseignes qui furent mises en pieces, puis s'efforcea de gagner à force quelques
lieux forts & auantageux d'assiette, qui sont alentour de Byllis, & en chasser des
gens de Brutus qui les auoient preoccupé, & pour ce faire donna la bataille à
Ciceron le filz, par lequel il fut uaincu: car Brutus se seruoit desia de luy, com-
me d'un capitaine, & feit plusieurs bōs exploits par son entremise & son moié.
De là à quel que temps, aiant surpris Caius en quelque pais de maretz fort escar-
té & esloigné de sa retraite, il ne luy uoulut pas courir sus à toute oultrāce, ains
seulement le feit cheualer tout alentour, commandāt à ses soudards qu'ilz l'es- K
pargnassent luy & ses gens, comme ceulx qui bien tost apres seroient à eulx
sans coup ferir, ainsi qu'il en aduint, car ilz se rendirent eulx & leur capitaine à
sa mercy : tellement que Brutus auoit desia une bonne grosse troupe de gens
de guerre autour de luy. Or teint il long temps ce Caius en honneur, sans luy
oster mesmes les marques & enseignes de magistrat, combien que plusieurs, &
entre les autres Ciceron, luy escriuissent qu'il le feist mourir: mais quand il ap-
perceut qu'il commēceoit à parler en secret aux capitaines, & à pratiquer quel-
que

- A** que nouuelleté, il le feit mettre dedans une nauire, & là le feit garoter. Les soudards, qui desia auoient esté par luy subornez, festoient retirez en la uille d'Apollonia, de là ou ilz manderét à Brutus qu'il sy en allast uers eulx : mais il leur feit responce, que cela n'estoit point la coustume des Romains, & qu'il falloit qu'eulx mesmes uinssent uers leur capitaine, pour le supplier de leur pardonner la desloyaulté qu'ilz auoient cōmise: ce qu'ilz feirent, & il leur pardonna. Ainsi comme il s'apprestoient pour passer en Asie, luy uindrent nouuelles de la mutation qui estoit aduenüe à Rome: car le ieune Cæsar auoit esté fortifié d'honneur & d'autorité par le Senat encontre d'Antonius: mais apres qu'il l'eut desfait & chassé hors de l'Italie, il commēça à estre luy mesme redoutable au Senat,
- B** pourautant qu'il demandoit le Cōsulat, qui estoit chose defendue par les loix, & entretenoit de grosses armées sans que la chose publique en eust aucun besoing. Et d'autre costé, uoiant que le Senat non content de cela, se tournoit deuers Brutus, lequel estoit hors l'Italie, & qu'il luy ordonnoit & decernoit des gouuernemēs de prouinces, il eut aussi luy mesme peur de son costé, & enuoya deuers Antonius luy offrir son alliance & amitié: puis approchant son armée pres de Rome, se feit eslire bon gré mal gré Consul, n'estant pas à peine en son adolescēce: car il n'auoit en core que uingt ans, ainsi comme luy mesme l'escriit en ses Commentaires, & tout incontīēt commeit des iuges pour faire le proces criminel à Brutus & à ses complices, pour auoir occis le premier & le plus grand personnage de Rome, tenant le plus hault & le plus honorable magistrat d'icelle, sans auoir esté iugé, ouy, ny condamné iudiciellement, faisant accuser Brutus de ce crime par Cornificius, & Cassius par Agrippa. Si furēt les accusez condempnez par contumace, pource que les iuges furent cōtrains d'ainsi iuger. Et dit on, que ainsi comme un huissier suiuant la coustume des iugemēs, montāt sur la tribune aux harengues appellaist à haulte uoix Brutus, l'adiournant à comparoir en personne deuant les iuges, tout le peuple assistant soupira manifestement, & les gens d'honneur baissèrent la teste sans oser dire mot, entre lesquelz, on ueit les larmes tumber des yeux de Publius Silicius, à l'occasion dequoy tantost apres il fut au nombre de ceulx qui par affiches furent abandonnez à estre tuez. Apres cela, ces trois, Cæsar, Antonius, & Lepidus, feirēt un accord & une ligue ensemble, par les capitulations delaquelle ilz partagerent entre eulx les prouinces de l'empire Romain, & feirent par affiches condempner à mourir deux cēts des principaux personnages de Rome, au nombre desquelz fut Ciceron: dequoy les nouuelles estans uenues en Macedoine, Brutus adonc contraint, escriuit à Hortensius, qu'il feist mourir Caius Antonius pour uengeance de la mort de Ciceron, & de l'autre Brutus, dont l'un estoit son amy & l'autre son parent. Pour ceste cause, Antonius depuis aiant pris Hortensius en la bataille de Philippes, le feit occire dessus la sepulture de son frere. Mais Brutus dit adonc, qu'il auoit plus de honte de ce que Ciceron auoit esté cause de sa mort, qu'il n'en auoit de compassion, & qu'il ne pouuoit que blasmer & reprendre grandement les amis qu'il auoit à Rome, lesquelz estoiet serfs plus par leur faulte, que par la uertu de ceulx qui usurpoient la tyrānie sur eulx, attēdu qu'ilz auoient bien la uolunté si lasche, que de souffrir ueoir faire deuant leurs yeux, ce qui seulement à ouir leur deuoit creuer le cuer. Quand il eut passé son exercite, qui ia estoit gros & puissant en Asie, il donna ordre à assembler grand nombre de uaisseaux, tant en la coste de la Bithynie, comme en la uille de Cyzicum, à fin de mettre sus une armée de mer, & ce pendant il alla par les uilles y ordon-

Marcus Brutus .

nant & disposant toutes choses , & donnant audience aux princes & seigneurs F
du païs, qui auoient affaire à luy . Puis il enuoya deuers Cassius en Syrie pour le
destourner d'aller en Ægypte, luy mandant que ce n'estoit point pour acquerir
Empire , ne seigneurie à eulx mesmes qu'ilz alloient ainsi errans par le monde,
ains que c'estoit au contraire pour affranchir leur païs & le remettre en liberté,
& que l'amas qu'ilz faisoient d'armes & de gens de guerre , estoit pour destruire
les tyrans qui les uoloient asservir, au moien dequoy eu esgard à leur premier
but & principal desseing, ilz ne deuoient que le moins qu'il leur seroit possible
esloigner l'Italie , ains plus tost se haster d'y aller pour secourir leurs citoyens.
Cassius le creut & s'en retourna . Brutus luy alla au deuant , & se trouuerent en- G
semble pres la uille de Smyrne, qui fut la premiere fois qu'ilz s'estoiēt reueus de-
puis qu'ilz se departirent d'ensemble au port de Piræe à Athenes, l'un pour aller
en la Syrie, & l'autre en Macedoine. Si eurent grande ioye , & non moins d'as-
surance quand ilz ueirent ensemble les puissantes armées qu'ilz auoient tous
deux amassees , ueu qu'estans partiz de l'Italie comme les plus rauallez , & les
plus pauvres bannits du monde, sans armes, sans argent , n'aians ny nauire au-
cune equippee, ny un tout seul hōme de guerre , ny une seule uille en leur deuo-
tion, neantmoins peu de temps apres ilz se retrouuoiet ensemble assez puissans
de nauires, d'argent & de gens de guerre tant à pied qu'à cheual pour combat-
tre de la principaulte de l'empire Romain. Or uoloit bien Cassius faire autant H
d'honneur à Brutus, cōme Brutus luy en faisoit: mais Brutus le preuenoit le plus
souuent, & s'en alloit le premier deuers luy, tant pource qu'il estoit le plus aagé,
cōme aussi pource qu'il n'estoit pas si dispos ny si aisé de sa personne: & estimoit
on communement qu'il estoit bien entendu au faict de la guerre , mais au de-
mourât cholere & uiolēt, qui uoloit cōmander aux autres plus tost par crainte
qu'autrement: & puis au contraire estoit trop mol entre ses familiers, aimāt par
trop à railler & gaudir. Mais à l'opposite, Brutus estoit pour sa uertu bien voulu
du peuple, aimé des siens , estimé des gens de bien, & hay de nul, non pas de ses
aduersaires mesmes , à cause qu'il estoit homme de douce & benigne nature à
merueilles , magnanime, qui ne se passionnoit iamais d'ire, de uolupté, ny d'a-
uarice, ains auoit tousiours la uolunté & l'intétion droite sans iamais flescir I
neuarier pour le droit & la iustice , qui estoit la principale source de sa gloire,
de son accroissemēt , & de la bienueuillāce que chascun luy portoit, pource que
tout le monde auoit ceste persuation, que son intention estoit droite : car on
n'esperoit pas certainement, que le grand Pompeius mesme fil fust demouré
au dessus de Cæsar, eust uolu soubmettre son autorité aux loix , ains pense
lon qu'il eust tousiours retenu la souueraineté de puissance, en prenāt pour cō-
tenter le peuple , le tiltre de Consul , ou de Dictateur, ou de quelque autre plus
ciuil & plus gracieux office : & quant à Cassius homme uiolent & cholere, qui
en mainte passion se foruoyoit du droit chemin de la iustice pour suiure son u-
tilité, on estimoit asseurement qu'il faisoit la guerre , & alloit ça & là s'expo- K
sant aux dangers des armes, plus pour s'acquerir domination à soy mesme , que
pour rendre la liberté à ses citoyens : car qui considerera les autres encore plus
uieux que ceulx cy, comme un Cinna, un Marius , un Carbo, il est tout certain
qu'ilz se proposoient comme un pris & un butin de leur uictoire, la dominatiō
sur leur païs, & que, par maniere de dire, ilz confessoient presque, qu'ilz com-
battoient pour occuper la tyrannie & se faire seigneurs de l'empire Romain: &
au contraire, ses ennemis mesmes ne reprocherent oncques à Brutus une telle
mutation,

Marcus Brutus.

695

- A** mutation, ains dit on que Antonius a plusieurs fois déclaré publiquemēt, qu'il estimoit que de tous ceulx qui auoient mis la main sur Cæsar, il n'y auoit eu que Brutus seul qui eust esté meū à ce faire par auoir seulement estimé l'acte en soy louable & uertueux, ains que tous les autres coniurerent sa mort ou par haine particuliere, ou par enuie qu'ilz luy portoient. Par ou il appert que Brutus ne se confioit pas tant en la puissance de son armee qu'en sa propre uertu, & le peult on ueoir par ses escripts mesmes: car estant ia fort prochain de l'extreme peril, il escript à Pōponius Atticus, que ses affaires estoiet au plus beau degré de fortune qu'ilz eussent sceu estre: Car ou ie affranchiray tout le peuple Romain en gagnant la bataille, ou ie me deliureray de seruitude en mourant: & que toutes
- B** autres choses leur estās assurees & certaines, un seul poinct leur estoit encore en doute, s'ilz uiuroient, ou s'ilz mourroient avec liberté. Il escript d'auantage qu'Antonius sçauoit la peine q̄ sa folie meritoit: car au lieu qu'il pouuoit participer egalemēt à la gloire de Brutus, de Cassius, & de Caton, & estre mis en leur reng, il a mieux aimé estre seulement un adioinct d'Octauius, avec lequel, encores qu'il ne soit par nous maintenant uaincu, si aura il bien tost apres la guerre cōtre luy: & quāt à ce poinct, certainement il prophetisa tresbien ce qui depuis en est aduenū. Mais pour lors, ainsī cōme ilz estoiet en la uille de Smyrne, Brutus requit à Cassius qu'il luy baillast partie des deniers qu'il auoit amassez en grand nombre, pource que ce qu'il en auoit peu finer de son costé, il l'auoit
- C** despensé à faire bastir si grand nombre de nauires, que par le moien d'icelles, ilz tiendroient toute la mer d'entre les terres en leur subiection: ce que les amis de Cassius empeschoient, & luy dissuadoient bien fort, luy remonstrant qu'il n'estoit point raisonnable que Brutus eust l'argent que Cassius auoit amassé en espargnāt, & leuē avec grād mescōrentemēt des peuples subiects, pour en faire largesse à ses souldards, & par ce moie en acquerir leur biēueillance aux despēs de Cassius: mais neantmoins Cassius luy en bailla la tierce partie de la somme totale. Et là se partās derechef d'ēsemble pour aller chascun de son costé prouueoir à leurs affaires, Cassius prit la uille de Rhodes, là ou il ne se porta ny humainement, ny honestement, quoy qu'en entrant dedās il eust respōdu à quelques uns des habitans, qui en lesaluant l'appellerent seigneur & roy, qu'il n'estoit ny seigneur ny roy, mais biē celuy qui auoit puny & tué celuy qui se uouloit faire seigneur & roy. Brutus au partir de là enuoya demander argent & secours de gens de guerre aux Lyciens: mais il y eut un certain orateur nommé Naucrates, lequel feir rebeller les uilles, tellement que ceulx du pais occuperent quelques petites montagnes, cuidans par ce moien empescher le passage à Brutus. Parquoy Brutus enuoya contre eulx ses gens de cheual, qui les surprirent ainsi comme ilz disnoient, & en desfeirēt enuiron six cents, & en prenant toutes les petites uillettes & bourgades, il laissoit aller sans payer récon tous ceulx qu'il y prenoit prisonniers, esperāt par ceste gracieuseté les gagner pour luy
- E** attirer tout le reste du pais: mais ilz estoiet si obstinez & si fiers, qu'ilz se murinoient pour un peu de dommage que lō leur faisoit en passant par leurs terres, & mesprisoient sa bonté & son humanité, iusques à ce que finablement il alla mettre le siege deuant la uille des Xanthiens, en laquelle se estoient enfermez les plus felons & les plus belliqueux de toute la Lycie. Or y a il une riuere qui passe au long des murailles de la uille, par dedans laquelle se sauuoiet aucuns d'entre eulx nageans entre deux eaux, & sen fuyoient: mais on y prouueut avec des rets que lon feir tendre à trauers la riuere, au dessus desquelz y auoit de perites

Marcus Brutus .

sonnettes attachees qui par leur son aduertissoient quand il y auoit quelqu'un pris dedans les filez. Ces Xanthiens de nuict feirent une saillie, & uindrēt mettre le feu à quelques engins de batterie, dont on battoit leurs murailles, mais ilz furent incontinent rembarrez au dedans par les Romains aussi tost qu'ilz furent apperceuz. Le uent d'aduēture se trouua impetueux qui augmēta la flamme, & la porta iusques aux creneaux des murailles, tellement que les prochaines maisons en furent incontinēt esprises. Parquoy Brutus craignant que toute la uille n'en fust embrasee, cōmanda soudain q̄ lon esteignist le feu, & que lon taschast à secourir la uille: mais il prit soudainemēt à ces Lyciens une rage & furieuse incitation à desespoir si estrange & si horrible, que lon ne la sçauoit bien exprimer ny descrire, & ne la pourroit on mieulx ne plus ueritablement accompagner, qu'à un forcenē desir de mourir: car tous ensemble avec leurs femmes & leurs enfans, maistres & seruiteurs, de quelque aage qu'ilz fussent, combattoiet de dessus la muraille, & iettoient pierres, traictz, & toutes autres telles choses aux Romains qui taschoient à amortir la flamme pour sauuer la uille: & au contraire, apportans des fagots, des cannes, & roseaux secs, & du bois, attiroient le plus qu'ilz pouuoient le feu au dedans de la uille, en luy donnant toute matiere propre à entretenir & augmenter le feu, & l'irritant par toute maniere qui leur estoit possible. Quand la flamme fut coulee par tout, & que ia embrassant tout les quartiers de la uille, elle commēça fort à reluire, Brutus en aiant grande compassion, monta à cheval, & enuironna tout le circuit des murailles pour ueoir s'il y pourroit donner quelque ordre, tendant les mains aux habitans, en les priant qu'ilz uoulussent pardonner à leur pauvre uille, & se sauuer eulx mesmes: mais personne ne prestoit l'oreille à ses paroles, ains faisoient tout ce qu'ilz pouuoient pour se ruiner, & se perdre eulx mesmes, non seulement les hommes & les femmes, mais aussi les petits enfans, dont les uns en plorant & criant se iettoient eulx mesmes dedans le feu, les autres se precipitās du hault en bas des murailles, se rompoient le col; les autres presentoient leurs gorges nues aux glaiues de leurs peres, & délassans leurs uestemēs, les prioiet qu'ilz les tuassent eulx mesmes. Et quand la uille fut arse & bruslee, on trouua une femme qui s'estoit pendue & estranglee avec un cordeau, tenant de l'une de ses mains son enfant mort, attaché par le col, & de l'autre mettant le feu dedans sa maison avec un flambeau ardent. On la uolut monstrier à Brutus, mais il ne uolut point ueoir un si horrible & si tragique spectacle, ains se prit à plorer quand il l'entendit, & feit à son de trompe crier par un herault qu'il donneroit certain pris d'argēt à tout soudard qui pourroit sauuer un Xanthien: & ne s'en trouua, à ce que lon dit, que cinquante seulement, qui furent sauuez mal gré eulx. Ainsi les Xanthiens apres un long espace de temps aians acheuē la reuolution de leur ruine, qui leur estoit comme fatale, renouellerent par leur hardiesse, la memoire de la calamité de leurs ancestres, lesquelz semblablement es guerres de Perse bruslerent leur uille, & se desfeirent eulx mesmes. A raison dequoy Brutus uoiant celle des Patareiens resister & tenir fort contre luy, estoit en doubte, & ne sçauoit s'il la deuoit faire assaillir ou non, craignāt qu'ilz n'entraissent en un pareil desespoir: mais aiant pris quelques unes de leurs femmes prisonnieres, il les renuoya sans leur faire payer rençon: & elles qui estoiet filles & femmes des principaux hommes de la uille, racomprans à leurs parētz la grande preudhōmie, iustice, continence, & honesteté, qu'elles auoient trouuee en Brutus, leur persuaderent de soy soubmettre à luy, & luy liurer leur uille entre ses mains: apres

A apres lesquelz tous les autres feirent le semblable, & fallerent rendre & soubmettre tous à luy, lequel ilz trouuerent humain, doulx & gracieux trop plus qu'ilz n'auoient esperé, mesmement à comparaisson de Cassius, qui enuiron le mesme temps, apres auoir contrainct les Rhodiens de contribuer tout l'or & l'argent comptant qu'ilz auoient particulièrement chascun en sa maison, dont il amassa bien iusques à la somme de * huiet mille talents, encore condamna il la uille en public à la somme de cinq cents autres talents, là ou Brutus apres auoir leué sur tout le pais de la Lycie cent cinquante talents seulement, sans leur auoir fait autre dommage ne desplaisir, s'en partit du pais d'Ionie. Or feit il en en tout ce uoyage là plusieurs actes notables & bié dignes de memoire, tant en remunerât cōme en punissant ceulx qui l'auoiēt meritē: mais i'en racompteray icy un entre les autres, dont luy mesme & tous les plus gens de bié des Romains furent fort aises. Lors que le grand Pompeius, ayant perdu la bataille cōtre Iulius Cēsar, alla descēdre en la coste de l'Ægypte pres la uille de Pelusium, ceulx qui auoient la tutelle & la garde de la personne du Roy, qui estoit encore presque enfant, teindrent conseil avec ses seruiteurs & amis paternelz, sur ce qui estoit à faire en ce cas. Ilz ne furent pas tous d'un aduis en ceste consultation, pource que les uns furent d'opinion que lon le deuoit receuoir, les autres que lon le deuoit chasser & debouter arriere de l'Ægypte: mais un certain Rhetoricien nommé Theodotus, natif de l'isle de Chio, qui estoit là pour enseigner la Rhetorique à ce ieune roy, estāt appellé à ce conseil à faulte de plus suffisans personnages dit, que les uns & les autres s'abusoient, tant ceulx qui estoient d'aduis de le receuoir, que ceulx qui disoient que lon le deuoit chasser, & que le plus expediēt, ueu le temps, estoit de s'en saisir, & le faire mourir, adiouxant à ceste siene sentence, qu'un homme mort, ne mord point. Le conseil s'arresta à ceste opinion, tellement que pour un notable exemple des aduentures non croyables, & que lon ne pēseroit iamais, le grād Pompeius se trouua occis par la rhetorique de ce plaidereau de Theodotus, ainsi que luy mesme en s'en glorifiant puis apres le disoit: mais quand Iulius Cēsar fut depuis arriuē en Ægypte, les meschans qui auoient esté de ce conseil, en furent puniz selon leur demerite, & en moururent tous malheureusement, excepté ce Theodotus, auquel la fortune presta un respit de peu de temps, durant lequel encore uescut il pauuement & ignominieusement, sans iamais oser arrester en un lieu: mais lors que Brutus alloit par le pais d'Asie, il ne se peut plus cacher, ains luy fut amené, là ou il fut puny, de sorte qu'il acquit plus de bruit à sa mort, qu'il n'auoit oncques fait en toute sa uie. Enuiron cē temps, Brutus enuoya prier Cassius de se trouuer en la uille de Sardis, ce qu'il feit, & Brutus estant aduertie de sa uenue, luy alla au deuant avec tous ses amis, & là tout leur exercite estant en armes, les appella tous deux empereurs, & comme il aduient ordinairement en grands affaires entre deux personnages, qui ont l'un & l'autre beaucoup d'amis, & tant de capitaines soubz eulx, ilz auoient quelques plaintes & quelques mescontentemens l'un de l'autre: parquoy deuant que faire autre chose, incontinent qu'ilz furent arriuez au logis, ilz se retirerent à part en une petite chambre, feirent sortir tout le monde, & fermerent les portes sur eulx, & lors commencerent à se plaindre reciproquement chascun de son compaignon, & finablement uindrent iusques à s'entrecharger & accuser, en se disant hault & clair leurs ueritez l'un à l'autre, avec une grande uehemence, & puis à la fin se prirent tous deux à plorer. Leurs amis qui estoient au dehors de la chambre, les oyans tenser ainsi haultement, & se

* Quatre millions huiet cents mille escus.

Marcus Brutus .

courroucer si aigrement, en furent bien esbahis, & eurent peur qu'ilz netirassent oultre, mais ilz auoient defendu que personne n'allast parler à eulx : toutefois un nommé Marcus Faonius, qui auoit esté, par maniere de dire, amoureux de Caton en son uiuant, & se mesloit de contrefaire le philosophe non tât avec discours de raison, qu'avec une impetueuse opiniastrété & une furieuse & passionnée affection, uoulut entrer dedàs, quoy que les seruiteurs luy empeschassent l'entree: mais il estoit trop malaisé de retenir ce Faonius, à quoy que ce fust que sa passion l'incitast, car il estoit homme uehement & soudain en toutes choses, qui n'estimoit rien la dignité d'estre Sénateur Romain : & combien qu'il usast de celle franchise de parler audacieusement, de laquelle faisoient profession les philosophes que lon appelloit ancienement Cyniques, comme qui diroit, Chiens, si est ce que le plus souuent on ne trouuoit point son audace facheuse ny importune, pource que lon ne se faisoit que rire de tout ce qu'il disoit. Ce Faonius doncques alors malgré les huyffiers poulsa la porte au dedàs, & entra en la chambre, prononceant avec une grosse uoix, & un accent graue, qu'il contrefaisoit expressement, les uers que dit le uieux Nestor en Homere :

E scoutez moy, & mon conseil suyuez :

I' ay plus uescu, que tous deux uous n'auetz.

Cassius sen prit à rire: mais Brutus le ietta dehors, l'appellant chien de mauuaise grace, & chien contrefait à faulses enseignes: toutefois ilz feirent en cest endroit fin à leur contestation, & se departirent incontinent d'ensemble. Le soir mesme Cassius feit apprester le soupper en son logis, auquel Brutus mena ses amis: & comme ilz estoient desia à table, Faonius y suruint festant lauë. Brutus le uoiant se prit à dire tout hault qu'il ne l'auoit point mädé, & commanda que lon le meist au plus hault liët : mais luy à force se coucha au milieu, ce qui donna à la compagnie matiere de rire, & en fut la chere du festin plus gaye, & non sans propos de philosophie. Le lendemain Brutus condamna iudiciellement en public, & nota d'infamie Lucius Pella, hōme qui auoit esté Prêtreur des Romains, & à qui Brutus auoit dōné charge à la poursuite de ceulx de Sardis, qui l'accuserent & conuainquirent de pilleries, concussions & maleuerfations en son estat. Ce iugement despleut merueilleusement à Cassius, à cause que peu de iours auparauant, luy mesme auoit seulement admonesté de paroles en priué deux de ses amis attainctz & conuaincus de mesmes crimes, & en public les auoit absouls, & ne laissoit pas de les employer & de sen seruir comme deuant: à l'occasion de quoy il reprenoit Brutus, comme uoulant estre trop iuste & garder trop seuerement la rigueur des loix en un temps, auquel il estoit plus tost besoing de dissimuler un petit, & ne prendre pas les choses au pied leué. Brutus au contraire luy respondoit, qu'il se deuoit souuenir des Ides de Mars, auquel iour ilz auoient tué Cēsar, lequel ne pilloit ny ne trauailloit pas luy mesme tout le monde, ains estoit le support & l'appuy de ceulx qui le faisoient soubz son autorité & soubz luy, & que s'il y a aucune occasiō, pour laquelle on puisse honestement mettre à nonchaloir la iustice & le droit, il eust miculx ualu laisser desrobber, & faire toutes choses iniques & contre la raison aux amis de Cēsar, que de le souffrir aux leurs : car lors on ne nous eust peu, disoit il, imputer que la scheté de cuer seulement, & maintenant on nous accusera d'iniustice, oultre la peine que nous supportons, & les dangers aux quelz nous nous exposons. à cela peult on euidentement cognoistre qu'elle estoit l'intention de Brutus. Mais ainsi comme ilz se preparoient pour repasser de l'Asie en Europe, on dit qu'il se

A presenta à luy un grand & merueilleux prodige . Il estoit homme uigilant de nature , & qui dormoit bien peu , tant pource qu'il uiuoit fort sobrement , que pource qu'il s'exerceoit & trauailloit continuellement . Iamais il ne dormoit de iour , & la nuict ne dormoit sinon autant qu'il eust esté contrainct de demourer sans rien faire , ou sans parler à personne , quand tout le monde reposoit . Mais lors qu'il auoit la guerre & la superinténdice de tous les affaires , aiant tousiours l'entendement rendu à la cogitation de l'issue , & de ce qui en deuoit aduenir , depuis qu'il auoit seulement un petit sommeillé apres soupper , il employoit tout le reste de la nuict à depescher ses plus pressés affaires , & apres les auoir expédiez , & y auoir donné prouision , s'il luy restoit du temps , il se mettoit à lire

B quelque liure iusques au troisieme guet de la nuict , à laquelle heure les capitaines , centeniers , & chefz de bandes auoient accoustumé de s'en tenir vers luy . Sur le poinct d'ocques qu'il deuoit passer en Europe , une nuict bien tard tout le monde estant endormy dedans son camp en grand silence , ainsi qu'il estoit en son pauillon avec un peu de lumiere , pensant & discourant profondemēt quelque chose en son entendement , il luy fut aduis qu'il ouit entrer quelqu'un , & iettant sa ueuë à l'entree de son pauillon , apperceut une merueilleuse & monstrueuse figure d'un corps estrange & horrible , lequel s'alla presenter deuant luy sans dire mot : si eut bien l'assurance de luy demander qui il estoit , & s'il estoit

C Dieu ou homme , & quelle occasion le menoit là . Le fantasme luy respondit , Je suis ton mauuais ange , Brutus , & tu me uerras pres la uille de Philippes . Brutus sans autrement se troubler , luy repliqua , Et bien ie t'y uerray donc . Le fantasme incontinct se disparut : & Brutus appella ses domestiques , qui luy dirent n'auoir ouy uoix , ne ueu uision quelcōque . A ceste cause il se remeit pour lors à ueiller & penser comme deuant : mais le matin si tost qu'il fut iour , il s'en alla deuers Cassius , luy compter la uision qu'il auoit eue la nuict . Cassius qui tenoit les opinions d'Epicurus en la philosophie , & auoit accoustumé d'en disputer & débattre souuent avec Brutus , luy dit là dessus , Nous tenons , Brutus , en nostre secte de philosophie , que nous ne souffrons , ny ne uoyons pas à la uerité , tout ce que nous pensons ueoir ou souffrir : & que c'est chose bien incertaine & tromperesse , que le sens naturel de l'homme , & que l'entendement qui est encore plus léger & plus soudain , le remue & le tourne facilement , sans matiere ne subiect aucun , en toutes formes & toutes especes , ne plus ne moins que lō imprime facilement sur de la cire : & par ainsi qu'il est bien aisé à l'ame de l'homme , laquelle a en soy ce qui fait & qui reçoit l'impression de diuersifier & differéter une chose par elle mesme : ce que nous montrent assez euidentement les diuerses mutations des songes qui nous aduenēt en dormant , que la partie imaginatiue , ou l'apprehension de nostre entendement , de bien petit commencement tourne en toutes especes d'accidents , pource que le naturel de nostre entendement est de tousiours se mouuoir , & son mouuement n'est autre chose que imagination ou apprehension : mais encore y a il d'auantage maintenant en toy , c'est que le corps trauaillé tient par nature l'entendement suspendu en transe & en trouble .

E Mais au reste de dire qu'il y ait des esprits ou des anges , & encore qu'il y en eust , qu'ilz aient forme d'hommes , ou uoix , ou puissance aucune qui paruiēne iusques à nous , il n'est pas uray semblable . Quant à moy ie uoudrois qu'il y en eust , à fin que nous eussions confiance , non seulement en si grand nombre d'armes , de cheuaux , de nauires , & de uaisseaux , mais aussi au secours des Dieux , attēdu que nous sommes auteurs & defenseurs de tres beaux , tressaincts , & tres uertueux

Marcus Brutus.

a ctes, par telz discours Cassius remeit & appaisa un petit Brutus. Au deloger de F
l'armee y eut deux aigles qui fondans de grande roideur fallerent renger aux
premieres enseignes, & suivirent tousiours les soudards, qui les nourrirent iuf-
ques aupres de la uille de Philippes, là ou un iour seulement deuant la bataille
elles s'en uolerent toutes deux. Or auoit ia Brutus reduit en son obeissance la
meilleure partie des peuples & natiõs de tout ce pais là : mais sil y estoit encore
demouré à réger quelque uille ou quelque seigneur, alors ilz acheuerent de les
subiuguer tous, & tirerēt oultre iusques à la coste de Thassos : là ou Norbanus,
aiaut plaré son cāp en certains pas q̄ lon appelle les destroits pres d'un lieu que
lon nōme Symbolon, Cassius & Brutus l'enuirōnerent tellement, qu'il fut cō-
traint de se retirer de là, & abādonner le lieu q̄ estoit fort auātageux pour luy, G
& s'en fallut bien peu qu'il ne luy prissent toute son armee: car Cēsar ne l'auoit
peu suiure à cause de sa maladie, pour raison de laquelle il estoit demouré der-
riere, & l'eussent fait, n'eust esté le secours d'Antonius, qui feit une si extreme di-
ligence que Brutus ne la pouuoit croire. Cēsar n'arriua que dix iours apres: & se
cāperent Antonius alencontre de Cassius, & Brutus à l'opposite de Cēsar. Les
Romains appellēt la plaine q̄ estoit entre leurs deux osts, les chāps Philippiés,
& n'auoit on iamais ueu deux si belles ne si puissantes armees de Romains l'une
deuant l'autre prestes à cōbattre. Il est uray que celle de Brutus estoit en nōbre
d'hōmes beaucoup moindre q̄ celle de Cēsar, mais en beauté de harnois & en
magnificēce d'equippage il faisoit beaucoup meillieur ueoir celle de Brutus: car H
la plus part de leurs armes n'estoiēt que or & argent, q̄ Brutus leur auoit donné
largemēt, cōbien qu'en toutes autres choses il enseignast tresbien à les capitai-
nes à uiure reglement sans superfluité quelcōque: mais quant à la sumptuosité
des armes qu'il fault q̄ les gēs de guerre aient tousiours en leurs mains, ou qu'ilz
les portent ordinairement sur leur dos, il estimoit qu'elle augmētoit le cueur à
ceulx qui de nature sont cōuoiteux d'hōneur, & qu'elle rend plus aspres au cō-
bat ceulx qui aiment à gagner & craignent à perdre, à cause qu'ilz combattent
pour sauuer leurs armes, comme leurs biens & leurs heritages. Quand ce uint à
faire la reueuē & la purification de leurs armees, Cēsar feit la siene au de-
dans des trenchees de son camp, & donna un peu de bled seulement, & * cinq I
drachmes d'argēt pour teste à chasque soudard pour sacrifier aux dieux, en leur
demandant la uictoire: mais Brutus condemnant ceste chicheté ou pauvreté,
premierement feit la reueuē de son exerceite, & le purifia aux champs ainsi com-
me est la coustume des Romains, & puis dōna à chasque bende force moutons
pour sacrifier, & * cinquāte drachmes d'argent à chasque soudard: de maniere
que leurs gens estoient bien plus cōtents d'eulx, & mieulx deliberez de bien fai-
re au iour de la bataille que ceulx de leurs ennemis. Toutefois en faisant les ce-
rimonies de ceste purificatiō, on dit qu'il aduint à Cassius une chose de sinistre
presage: car l'un de ses sergens qui portoit les uerges deuant luy, luy appor-
ta le chappellet de fleurs qu'il deuoit auoir sur la teste en sacrifiant, renuersé à l'en-
uers: & dit on qu'encore auparauāt en quelques ieux & quelque pompe, on lon
portoit une image de la uictoire de Cassius qui estoit d'or, elle tumba, par ce que
celuy qui la portoit tresbuchā. D'auantage lon uoyoit tous les iours dedans le
camp grand nombre d'oiseaux qui mangēt les charoignes des corps morts, &
si trouua lon des ruches d'abeilles qui festoient amassees en un certain lieu
dedans le pourpris des trenchees du camp, lequel lieu les deuins furent d'aduis
de forclorre de l'enceinte du camp pour oster la superstitieuse crainte & souf-
peçon

* Enuiron dix sept
folz & demy.

* Cinq escus.

- A peçon qu'ilz en auoient, laquelle commenceoit mesme à d'imouuoir un petit Cassius des opinions d'Epicurus, & auoit totalement espouuenté ses souldards: tellement qu'il n'estoit pas lors d'aduis que lon decidaist ceste guerre par une seule bataille, ains que lon dilayast plus tost, & que lon la tirast en longueur, attendu qu'ilz estoient les plus forts d'argent, & les plus foibles en nôbre d'hommes & d'armes: mais au contraire, Brutus tousiours auparauant & lors mesme ne demandoit autre chose, que de mettre tout au hazard d'une bataille le plus tost qu'il seroit possible, à fin que uistement ou il recouurst & rendist la liberté à son païs, ou qu'il deliurast de ces mauulx tout le monde qui estoit trauaillé à suiure, nourrir, & entretenir tant de grosses & puissantes armées. Et encore
- B uoiant que es courses & escarmouches qui se faisoient tous les iours, ses gens estoient tousiours les plus forts & auoient tousiours du meilleur, cela luy eleuoit le cuer d'auantage. Et oultre cela, pource que desia il y auoit eu quelques uns de leurs gens qui s'estoient allez rédre aux ennemis, & en souspecônoit on encore d'autres d'en uoloir faire autant, cela feit que plusieurs des amis mesmes de Cassius, qui parauant estoient de son opinion, quand seuint au conseil à debattre si lon donneroit la bataille ou non, furent de l'aduis de Brutus, & neantmoins y eut l'un de ses amis qui s'appelloit Atellius qui y contredit, & fut d'aduis que lon attédist l'hyuer passé. Brutus luy demâda quel profit il esperoit d'attédre encore un an: & Attellus luy respôdit, Si autre profit il n'y a, au moins
- C auray ie d'autât plus longuemêt uescu. Cassius fut fort marry de ceste responce, & en fut Attellius tres mal uoulu, & pis estimé de tous les autres: tellement qu'il fut sur l'heure conclu & arresté, que le lendemain on donneroit la bataille. Si teint Brutus tout le long du soupper contenance d'homme qui auoit bien bonne esperâce, & feit de beaux discours de la philosophie: puis apres soupper s'en alla reposer. Mais quant à Cassius, Messala dit qu'il souppa à part en son logis avec bien peu de ses plus familiers, & que tout le long du soupper il eut la façon morne, triste, & pensue, combien que ce ne fust point son naturel, & qu'apres soupper il le prit par la main, & la luy serrant estroittemêt, comme lon fait par
- D maniere de careffe, ainsi qu'il auoit accoustumé, il luy dit en langage Grec, Ie te proteste & appelle à tesmoing Messala, que, comme le grâd Pompeius, ie suis contre mon uoloir & aduis contrainct de auanturer au hazard d'une bataille la liberté de nostre païs: & neantmoins si deuôs nous auoir bon courage, aians regard à la fortune, à laquelle nous ferions tort si nous nous deffions d'elle, encore que nous suyuiions mauuais conseil. Apres que Cassius luy eut dit ces dernieres paroles, il l'embrassa, & le conuia de soupper encore, ainsi qu'il racôpte, en son logis, pource que c'estoit le iour de sa natiuité. Le lendemain doncques aussi tost comme il fut iour, fut haulsé au camp de Brutus & de Cassius le signe de la bataille, qui estoit une cotte d'armes rouge: & parlerent les deux chefs ensemble au milieu de leurs deux armées, là ou Cassius le premier se prit à
- E dire, Plaise aux Dieux, Brutus, que nous puissions ce iourd'uy gaigner la bataille, & uiure desormais tout le reste de nostre uie l'un avec l'autre en bonne prosperité: mais estant ainsi, que les plus grâdes & principales choses qui soiêt entre les hommes, sont les plus incertaines, & que si l'issuë de la iournée d'hy est autre que nous ne desirons & que nous n'esperôs, il ne sera pas aisé que nous nous puissions reuoir. Qu'as tu en ce cas deliberé de faire? ou de fouir, ou de mourir? Brutus luy respondit, Estant encore ieune & non assez experimenté es affaires de ce monde, ie feis, ne sçay comment, un discours de philosophie,

Marcus Brutus.

par lequel ie reprenois & blasmois fort Caton de s'estre desfait soy mesme, cō-
me n'estant point acte licite ny religieux quant aux Dieux, ny quant aux hom-
mes uertueux, de ne point ceder à l'ordonnance diuine, & ne prendre pas con-
stamment en gré tout ce qui luy plaist nous enuoyer, ains faire le testif & s'en
retirer: mais maintenant me trouuāt au milieu du peril, ie suis de toute autre re-
solution: tellement que fil ne plaist à Dieu que l'issuē de ceste bataille soit heu-
reuse pour nous, ie ne ueux plus tenter d'autre esperance, ny tascher à remettre
sus derechef autre equippage de guerre, ains me deliureray des miseres de ce
monde, me contentant de la fortune: car ie donnay aux Ides de Mars ma uie à
mon païs, pour laquelle i'en ay depuis uescu une autre libre & glorieuse. Cassius
se prit à rire, luy ayant ouy dire ce propos, & en l'embrassant, Allons doncques
dit il, trouuer noz ennemis pour les combattre en ceste intention: car ou nous
uaincrons, ou nous ne craindrons plus les uaincueurs. Ces paroles dittes ilz se
meirent à deuiser en presēce de leurs amis touchant l'ordonance de la battail-
le, là ou Brutus pria Cassius de luy laisser la conduite de la pointe droite, la-
quelle on estimoit estre plus conuenable & mieux seante à Cassius, tant pource
qu'il estoit plus aagé, que pource qu'il estoit plus experimenté, & neantmoins
Cassius le luy ottroya, & uoulut que Messala q'auoit la charge de l'une des plus
belliqueuses legions qu'ilz eussent, fust aussi en celle pointe. Si meit incontīnēt
Brutus aux champs sa cheualerie, qui estoit fort bien en poinct, & les gens de
pied ne furent pas moins prompts à donner dedās. Or faisoient les gens d'An-
tonius une trēchee depuis le marais, au long duquel ilz estoient logez, pour
coupper à Cassius le chemin de la mer: & Cæsar, aumoins son armee, ne bou-
geoit: car quant à luy, il n'estoit pas en son camp, pource qu'il se trouuoit mala-
de, & ne s'attendoient pas les gens que les ennemis leur deussent donner la bat-
taille, ains seulement faire quelques saillies pour empescher ceulx qui beson-
noient à la trēchee, & à coups de traitt les troubler & empescher de faire leur
ouurage, & ne se dōnans point garde de ceulx qui uenoiet droit à eulx pour leur
donner la bataille, s'esmerueilloient du grand bruit qu'ilz oyoient, uenant de
l'endroit auquel se faisoit la trēchee. Ce pendant Brutus enuoya aux chefs des
bendes & particuliers capitaines de petits buletins, esquelz estoit escript le mot
de la bataille, & luy mesme passant à cheual au long de toutes les troupes, al-
loit preschant & priant les soudards de bien faire leur deuoir, tellement qu'il y
en eut bien peu qui entendissent quel mot de bataille auroit esté donné, ains la
plus part, sans attendre que lon le leur dist, coururent de grande impetuositē
charger les ennemis, de sorte que pour ce desordre il y eut grande inegalitē en-
tre les legions, qui furent fort distraittes & esloignees les unes des autres. Celle
de Messala la premiere, & les plus prochaines apres, passerent oultre la pointe
fenestre des ennemis, sans faire autre chose que glisser seulement au long & en
renuerfer quelques uns en passant, & tirans oultre, allerent donner droit dedās
le camp de Cæsar, hors duquel, comme luy mesme escript en ses Commentaires, K
il auoit un peu deuant esté transporté par le conseil & aduertissement de l'un de
ses amis nommé Marcus Artorius, qui la nuict en dormant auoit eu une uisiō
laquelle commandoit qu'il fust transporté hors de son camp: tellement que lō
pensa qu'il y eust esté tué, à cause que sa lictiere ou il n'y auoit rien dedans fut
percee & faulsee à coups de traitt & de iauelines en plusieurs endroits. Il y eut
grand meurtre dedans ce camp: & entre autres y furent mis en pieces deux mil-
le Lacedemoniens, qui peu deuant estoient arriuez au secours de Cæsar: les au-
tres

A tres qui n'auoient point glissé au long, ains auoient chargé de front à droit fil la bataille de César, les meirēt facilement en rouverte, à cause qu'ilz estoient ia troublez pour la perte de leur cāp, & y furēt desfaittes à coups de mains trois legiōs, puis de la grande ardeur qu'ilz chassoient & poursuuiuoient les fuyans, ilz se ietterent pesse mesle parmy eulx dedans leur camp aians Brutus quand & eulx. Mais ce que les uaincueurs n'auoient point aduisé, l'occasion le monstra aux uaincus, c'estoit la pointe gauche de la bataille des ennemis toute nuë, & desemparee de ceulx de la pointe droite qui festoient escartez trop loing à poursuivre ceulx qu'ilz auoient rompus: si s'allerent asprement ruer dessus, & neantmoins quelque effort qu'ilz feissent, ne peurēt encore forcer ny rōpre le milieu de la bataille, ou ilz trouuerent gens qui les soubsteindrent & leur firent teste uailamment, mais bien rōpirent ilz & meirent en fuite la pointe gauche en laquelle estoit Cassius, pour le desordre qui sy trouua, & aussi pource qu'ilz n'estoient pas aduertis comment leur pointe droite festoit desia portee. Si les chasserent battans iusques dedans leur camp, qu'ilz pillerent, sans que ny l'un ny l'autre des capitaines en chef y fussent presens, pource qu'Antonius, à ce que lon dit, euitant la fureur de la premiere charge, festoit ietté dedans le prochain marets, & ne sçauoit on qu'estoit deuenue César depuis qu'il festoit fait transporter hors de son cāp, de maniere qu'il y eut quelques soudards qui monstrent leurs espees sanglantes, desquelles ilz disoient l'auoir occis, & notamment en descriuoient la face, & specifioient l'aage qu'il pouuoit auoir. Qui plus est, le front & le milieu de la bataille de Brutus auoit desia mis en rouverte avec grāde effusion de sang tout tant qu'ilz auoient rencontré d'ennemis en teste deuant eulx, de sorte que Brutus auoit entierement uaincu & gagné tout de son costé, & Cassius tout perdu du sien, & n'y eut rien qui ruina tāt leurs affaires que cela, que Brutus n'alla pas secourir Cassius, pensant qu'il eust uaincu comme luy: & Cassius n'attendit pas Brutus, pensant qu'il fust perdu comme luy: & qu'il soit uray que la uictoire fust de leur costé, Messala le monstre, par ce qu'ilz gagnèrent trois aigles & plusieurs autres enseignes sur leurs ennemis, & leurs ennemis n'en gagnèrent pas une sur eulx. Mais Brutus en s'en retournāt de la chasse

D apres auoir battu, pillé, & saccagé ceulx de César, s'esmerueillā qu'il ne uoyoit point la tente de Cassius dressée & hault esleuee comme elle souloit, ny les autres tentes & pauillons en son camp ordonnez comme ilz auoient accoustumé, pource que tout auoit esté ietté par terre & deschiré à la premiere entree des ennemis: mais ceulx d'autour de luy qui auoient meilleure ueuë, luy dirēt qu'ilz uoyoiēt grand nombre d'armes reluisantes, & force boucliers argentez qui alloient & uenoient par dedās le camp de Cassius, mais que ce n'estoient point à leur aduis ny les harnois, ny le nombre des hommes qui y auoient esté laissez & ordonnez pour la garde du camp, & neantmoins qu'ilz ne uoyoiēt point au delā un si grand nombre de morts ny une telle desconfiture qu'il y deuroit auoir si tant de legions y auoient esté desfaittes. Cela commença à faire doubter Brutus de ce qui estoit aduenue, si ordonna quelques gens pour garder le cāp de son ennemy, qu'il auoit pris, & fait r'appeller ses gens qui chassoient encore, & les r'allia pour les cuider mener au secours de Cassius, duquel l'affaire estoit allé en ceste sorte. Premièrement il fut fort marry de ueoir comme les gens de Brutus couroient sus aux ennemis sans attendre ny le mot de la bataille, ny le cōmandement de charger, & moins encore luy pleut ce qu'apres auoir uaincu, ilz se meirent incontinent au pillage, sans se soucier d'aller envelopper le

Marcus Brutus.

reste des ennemis par derriere: mais aussi par trop attendre & trop differer, plus F
que par la prouoyance ou uailance des capitaines aduersaires, il se trouua luy
mesme enuelpé par la poincte droite de l'armee des ennemis: tellement que
ses gens de cheual se desbenderent incontinent, fuyans à ual de rouverte vers la
marine: & uoiant ses gens de pied branler aussi & reculer en arriere, il seffor-
cea de les retenir, & osta à un port'enseigne qui fuyoit, l'enseigne qu'il por-
toit, laquelle il planta en terre deuant ses pieds, combien qu'à grande peine peust
il ia plus tenir ensemble seulement ses gardes. Ainsi fut il à la fin contraint luy
mesme de se retirer avec une petite troupe de ses gens sur une motte, de là ou
lon pouuoit clairement ueoir & descourir ce qui se faisoit en la plaine: mais
quant à luy, il n'y ueit rien, car il auoit mauuaise ueüe, sinon qu'il ueit, encore G
fut ce à grande peine, comme les ennemis pilloient son camp deuant ses yeux.
Il ueit aussi uenir une grosse troupe de gens de cheual que Brutus enuoyoit à
son secours, & pensa que ce fussent ennemis qui le poursuiussent, & neâtmoins
enuoya l'un de ceulx qui estoient autour de luy nommé Titinnius, pour sçauoir
au uray que c'estoit. Ces gens de cheual l'apperceurent de tout loing, & si tost
qu'ilz cogneurent que c'estoit l'un des meilleurs & plus feaux amis de Cassius,
se prirent à ietter un grand cry de ioye, & ceulx qui estoient ses plus familiers mei-
rent pied à terre pour le saluer & l'embrasser: les autres l'environnerent tout
alentour à cheual, avec chants de uictoire & grand bruit de leurs armes, dont
ilz faisoient retentir la campagne pour l'excessiue ioye qu'ilz auoient: mais ce H
fut ce qui feit plus de mal que tout le reste, car Cassius pensa que Titinnius à la
uerité fust pris des ennemis: & dit adonc ces paroles, Pour auoir trop aimé à
uiure, i'ay attendu iusques à ueoir, pour l'amour de moy, prendre deuant mes
yeux, l'un de mes meilleurs amis. Et cela dit, il se retira à part en une tente ou il
n'y auoit personne, & y tira quand & luy l'un de ses affranchis nommé Pinda-
rus, qu'il auoit tousiours tenu aupres de luy pour une telle necessité, depuis le
malheureux uoyage contre les Parthes, auquel Crassus mourut: toutefois il se
sauua bien de celle desconfiture, mais lors entortillant son manteau alentour
de sa teste, & luy tendant le col tout nud, il luy bailla à trencher sa teste (car on
la trouua separee d'avec le corps) mais iamais depuis homme ne ueit ce Pindarus, I
dont aucuns ont pris occasion & matiere de dire, qu'il auoit occis son maistre
sans son comandement. Incontinent apres on aduisa & recogneut claiement ces
gens de cheual, & Titinnius couronné d'un chapeau de triumphe qui s'en ue-
noit deuant en diligence pour trouuer Cassius: mais quand il entendit par les
cris, pleurs, & lamentations des amis de Cassius qui se tourmentoient, l'in-
conuenient & l'erreur qui estoit aduenue par l'ignorance de son capitaine, il
desguaina son espee, en se disant mille iniures à soy mesme de ce qu'il auoit tant
demouré, & s'en tua luy mesme sur le champ. Brutus ce pendant approchoit
tousiours, aiant desia bien entendu que Cassius auoit esté rompu, mais de sa
mort il n'en sceut rien qu'il ne fust bien pres de son camp: là ou, apres l'auoir K
bien lamenté & ploré, en l'appellant le dernier des Romains, comme estant
impossible que plus il peust à Rome naistre un personnage d'aussi grand cueur
côme il auoit esté, il feit ensepuelir le corps, & l'enuoya en la uille de Thassos,
de peur que si lon faisoit ses funerailles dedas le camp, elles ne fussent cause de
quelque desordre, puis assembla ses ges de guerre & les recôforta: & uoiant qu'ilz
aupient perdu tout leur bagage, dont ilz ne se pouuoient passer, il leur promeit à
chascun deux mille drachmes en recompense. Les ges de guerre furent tous co-

- A** solez apres l'auoir ouy harenguer, s'esmerueillans grandement de sa liberalité, & le conuoyerent avec grâds criz, quand il se retira, en le magnifiant comme celuy seul des quatre capitaines qui n'auoit point esté uaincu en la bataille. Aussi à la uerité l'effect monstra que non sans cause il auoit eu esperance de demourer uainqueur, pource que avec peu de legions il auoit battu & chassé tous ceulx qui s'estoient trouuez en teste deuant luy : & encore si tous les siens eussent combattu, & que la plus part d'iceulx n'eust point outrepasé les ennemis, pour courir au pillage de leurs biés, il est uray semblable qu'il les eust tous desfaits, & qu'il n'en fust demouré pas un. Il y mourut de sa part enuiron huit mille hommes, en comptant les seruiteurs des soudards, que Brutus appelloit
- B** Brigas, & de la part des ennemis Messala escrit qu'il en mourut, à son aduis, plus de deux fois autant, à l'occasion dequoy ilz estoient aussi plus ennuyez & plus descouragez que luy, iusques à ce que le soir bié tard il y eut l'un des seruiteurs de Calsius nommé Demetrius, qui s'en alla deuers Antonius, & luy porta les uestemens dont le corps de son maistre auoit nagueres esté despouillé, & son espee aussi. Cela assoura les ennemis de Brutus, & leur dōna un tel courage, que le lendemain des le matin ilz se presenterent aux champs en bataille : mais du costé de Brutus, les deux camps estoient en branle & en trouble, non sans grād danger, par ce que le sien estant plein de prisonniers auoit soing de grande & soigneuse garde, & celuy de Calsius portoit impatiemment la mutation de son capitaine, & si y auoit quelque sourde enuie de ceulx qui auoient esté battus
- C** alencontre de ceulx qui auoient uaincu : à l'occasion dequoy Brutus les teint bien tous prestz en armes, mais il se garda neantmoins de donner la bataille. Et quant aux prisonniers serfs, desquelz il y auoit un grand nōbre, qui non sans souspeçon alloiēt & uenoient parmy les soudards armez, il commanda qu'on les tuaist : & quant à ceulx qui estoient de libre condition, il les renuoya tous deliures, disant qu'ilz estoient miculx prisonniers avec ses ennemis qu'avec luy, pource qu'avec eulx ilz estoient serfs & esclaués, & avec luy libres & citoiens : & uoiant que ses amis & ses capitaines en auoient aucuns en si grāde haine qu'ilz ne leur uouloient aucunement pardonner, luy mesme les recelca, & les enuoya se-
- D** cretement à sauueté. Entre ces prisonniers estoient Volumnius un plaissant, & Sacculio ioueur de farces, desquelz Brutus ne faisoit compte aucun, mais ses familiers les amenerent deuant luy, les accusans & leur mettant sus, que tout prisonniers qu'ilz estoient, ilz ne s'abstenoient pas de se mocquer d'eulx, & de les broquarder iniurieusement. Brutus ne respondoit rien à cela, aiant l'esprit tendu à autres choses, & Messala Corvinus dit que ce seroit bien fait de les faire tresbié fouetter dessus un eschaffault, & puis les renvoyer tous nuds bien fouettez aux capitaines de leurs ennemis, pour leur monstrier leur uergoigné en ce qu'il falloit qu'ilz eussent de telz rustres que ceulx là, estās en camp, pour les faire rire, & leur faire passer leur temps à la table. Quelques uns des assistans se pri-
- E** rent à rire de ce propos : mais Publius Casca, celuy qui donna le premier coup à Cæsar, quand il fut tué, dit adonc, Nous ne faisons pas le deuoir des mortuaires & funerailles de Calsius, de nous amuser à plaissanter & à rire en ce point : & quant à toy, Brutus, tu montreras quelle souuenance tu auras d'un tel capitaine ton pair & compagnon, en faisant mourir ou en sauuant ces galans icy, qui se mocqueront cy apres de luy, & diffameront sa memoire. A quoy Brutus respondit en grande cholere, Pourquoi donc m'en uenez uous parler uous autres Casca, & que uous n'en faires de uous mesmes ce que bō uous semble ? Ces

Marcus Brutus .

paroles ouyes , ilz prirent ceste responce pour un consentement aiencontre de ces pauvres malheureux , & une permission d'en faire ce qu'ilz uoudroiet: si les emmenerent hors de là, & les feirent mourir. Cela fait , Brutus donna aux soudards ce qu'il leur auoit promis, apres les auoir premierement un petit tenez & repris de ce que sans attendre que lon leur donnast le mot de la bataille, ilz estoient ainsi allez à la desbêdee chocquer les ennemis en la premiere bataille, & leur fait promesse, que si en la seconde ilz faisoient deuoir de bien combattre, il leur donneroit à piller & saccager deux uilles, à sçauoir Theffalonice & Lacedæmone. En toute la uie de Brutus il ne se treuve que ceste seule faulte, à laquelle il n'y a point de responce, combien que Cæsar & Antonius aient depuis payé à leurs gens beaucoup pire loyer de la uictoire, aians dechassé presque de toute l'Italie les naturelz habitans & urays proprietaires pour donner à leurs soudards des terres & des uilles, esquelles ilz n'auoient rien: mais ceulx là ne se proposerent iamais autre but en ceste guerre, ny autre fin, sinon uaincre pour dominer, là ou lon auoit si grande opinion de la uertu de Brutus, que la uoix commune & opinion du monde ne luy permettoit ny de uaincre, ny de se sauuer si n'estoit iuste & honeste, mesmement depuis que Cassius fut mort, lequel on chargeoit & mescroioit de poulsier aucunes fois Brutus à faire des choses uiolentes. Mais ainsi comme sur la mer, apres que le timon & le gouuernail de la nauire est brisé par la tourmente, les mariniers taschent à y reclouer & attacher encore quelque autre piece de bois au lieu, en combattant le moins mal qu'il leur est possible contre la necessité: aussi Brutus aiant à gouverner une si grosse puissance, ses affaires estans en grand branle, & n'ayant plus de capitaine qui fust en dignité & en autorité pareil à luy, estoit cōtrainct de soy seruir necessairement de ceulx qu'il auoit, & consequemment de faire beaucoup de choses selon leur aduis, & estoit bien de luy mesme d'opinion de leur ottroyer tout ce qu'il pensoit seruir à faire qu'ilz se monstassent gens de bien au besoing: car les gens de Cassius estoient fort mal aisez à manier, & se monstroient fiets & braues au camp, pource qu'ilz n'auoient point de chef qui leur commandast souverainement, & couards enuers les ennemis, pource qu'ilz auoient esté ia par eulx desfaicts. D'autre costé les affaires de Cæsar & d'Antonius, ne se portoient de rien mieulx: car premierement ilz auoient faulte de uiures, & pource qu'ilz estoient logez en lieu bas, ilz s'attendoient d'auoir un bien fort aspre & mauuais hyuer, à cause qu'ilz estoient campez au long d'un maret, & que depuis la bataille il estoit suruenue de grandes pluies en la saison d'Autonne, dont toutes les tentes & pauillons estoient pleins de fange & d'eau, laquelle se geloit incontinent pour le froid, & encore sur ces entrefaites leur uindrent nouvelles de la grande perte de gens qu'ilz auoiét faite sur la mer: car les galeres de Brutus rencontrerēt au passage un gros renfort de gens de guerre que lon leur amenoit encore d'Italie, & les desfeirent tellement qu'il s'en sauua bien peu, lesquels furent encore si pressez de famine, qu'ilz furent contraincts de manger iusques aux cordages & aux uoiles de leurs uaisseaux: si desiroient fort uenir derechef à la bataille premier que Brutus fust aduertie de ces bonnes nouvelles pour luy, car il aduint par cas de fortune que la bataille de mer se donna au mesme iour que celle de terre: mais par accidēt, plus tost que par la malice ou paresse des capitaines, il arriua que Brutus n'en sceut riē que uingt iours apres. Ce que si l'eust sceu deuant, il ne fust point derechef descendu à la bataille, attendu qu'il auoit bonne prouision de toutes choses necessaires à son armee pour un long temps,

Marcus Brutus.

701

- A & estoit logé en un lieu fort opportun, de maniere que son camp ne pouuoit pas estre grandement offensé par l'hyuer, ny aussi forcé par ses ennemis, & qu'il estoit paisible seigneur uictorieux sur la mer, aiât de sa part encore uaincu sur la terre. Cela luy deuoit bien haulser le cuer, & luy donner bõne esperance: mais estans les affaires de l'empire Romain, à ce qu'il me semble, reduits à tel estat qu'ilz ne pouuoient plus estre regiz par plusieurs seigneurs, ains auoiet besoing d'un souuerain Monarque, Dieu uoulant oster celuy qui seul pouuoit empescher celuy qui deuoit paruenir à celle Monarchie, engarda q̃ celle uictoire ne uint à la cognoissance de Brutus, quoy qu'il fut bien pres d'en estre aduertty neantmoins: car le iour de deuant que fut la derniere bataille, sur le soir bien
- B tard il se uint rendre en son camp un des ennemis nommé Clodius, qui declara que Cæsar aiant eu la nouuelle de la desfaitte de son armee de mer ne cherchoit autre chose qu'à cõbattre premier que Brutus en fust aduertty: mais on n'adiouxta point de foy à son dire, & fut tellement mesprisé que lon ne daigna pas seulement le mener deuant Brutus par ce que lon estima que c'estoit une menterie qu'il auoit controuuee pour estre le bien uenu en apportant bõnes nouuelles. Celle nuit on dit que le mesme fantasme qui s'estoit desia une fois apparu à Brutus, se representa derechef à luy en la mesme forme & figure, & puis se disparut sans luy mot dire: mais Publius Volumnius hõme sçauant & philosophe qui fut des le cõmencement de ceste guerre tousiours avec Brutus, ne fait point
- C de mention de ce fantasme: mais il dit bien que la premiere & principale aigle fut toute couuerte d'abeilles, & qu'il y eut l'un des capitaines à qui soudainemēt l'un des bras sua & rendit de l'huile rosar, & que plusieurs fois on rascha à l'esfuyer & secher, mais que cela n'y seruit de rien, & que deuant le choc de la bataille, il y eut deux aigles qui combattirent entre les deux armees, durāt lequel combat, il se feit un si grand silence qu'il n'est pas croyable, en toute la plaine, estans les deux exercites l'un deuant l'autre ententifs à les ueoir combattre, & qu'à la fin celle de deuers Brutus ceda, & s'en fout. C'est bien une chose toute notoire & certaine, que quand la porte du camp fut ouuerte, le premier homme que rencontra le port'enseigne qui portoit l'aigle fut un Æthiopien que les
- D soudards meirent en pieces à coups d'espees pour le presage. Et depuis que Brutus eut mis aux champs son armee en bataille, & l'eut presentee droit en front à son ennemy, il demoura long temps à donner le signe de la bataille, pource qu'en allant ça & là uisiter les cõpagnies, il luy tumba en l'esprit quelques soupçons alencontre d'aucunes d'icelles, & luy en uint on faire quelques descouuertures & quelques aduertissemens: & si uoioit ses gens de cheual aller laschement en besongne, & ne uoloir pas franchement commencer la charge, ains attendre tousiours ce que feroient les gens de pied: puis tout soudain l'un des meilleurs cheualiers qu'il eust en tout son ost, & qui iusques là auoit esté fort renommé pour sa prouesse, estant appellé Camulatus, s'en uint passer à cheual tout
- E au long de Brutus, & alla deuant luy rēdre aux ennemis. Brutus en fut fort desplaisant, & partie par courroux, partie par crainte de plus grande rebellion & trahison, feit soudain marcher ses gens, qu'il estoit desia plus de trois heures après midy: si eut du meilleur alendroit ou il combattoit de sa personne, & enfoncea la pointe gauche des ennemis, qui recula deuant luy à l'aide de sa cheualerie, qui chargea avec les gens de pied quand elle ueit les ennemis en branle: mais ceulx de la pointe gauche, quand les capitaines les uolurent faire marcher, eurent peur d'estre environnez par derriere, à cause qu'ilz estoient en

Marcus Brutus.

moindre nombre que les ennemis, & à ceste cause en s'elargissant s'escarterent un peu du milieu de leur bataille. Au moien dequoy s'estās eulx mesmes affoibliz, ilz ne peurent soustenir l'effort des ennemis, ains se tournerent les premiers en fuite: & ceulx qui les auoient mis en rouverte uindrent aussi tost envelopper Brutus par derriere, lequel au plus fort de la meslee feit tout ce que scauroit faire un bon capitaine & uailant souldard, tant de l'entendement que de la main, pour obtenir la uictoire: mais ce qui luy auoit donné la bataille gaignee à la premiere iournee, la luy donna perdue à la seconde: car à la premiere fois les ennemis qui furent rompus, furent aussi tost mis en pieces, & à ceste seconde des gens de Cassius qui furent tournez en fuite il n'y en eut gueres de tuez, & ceulx qui se sauuerent de uistesse estans espouuentez pour auoir ia esté uaincus, G descouragerent le reste de l'armee en se uenant reioindre à eulx, & emplirent tout de desordre & d'effroy. Si mourut là le filz de Marcus Caron, combattant uertueusement entre les plus uillans ieunes hommes: car combien qu'il fust extremement las & trauaillé, il ne uolut iamais reculer ny foudre, ains en combattant obstineement à coups de main, & declarant tout hault qui il estoit par son nom & celuy de son pere, fut à la fin abbattu dessus plusieurs corps des ennemis qu'il auoit tuez autour de luy: aussi y demorerent morts sur le chāp tous les plus gens de bien qui fussent en l'armee, qui s'exposerent courageusement à tout danger pour sauuer la personne de Brutus: entre lesquelz y auoit un de ses plus familiers nommé Lucilius, qui uoiant une troupe d'hommes d'armes Barbares, ne faisans compte de tous les autres qu'ilz rencontroient en leur uoye, & tirans tous en foule droit alencontre de Brutus, se delibera de les arrester tout court au peril de sa uie, & estant demouré derriere, leur dit qu'il estoit Brutus, & à celle fin qu'ilz le creussent plus tost, les pria de le mener à Antonius, pource disoit il, qu'il craignoit Cesar, & qu'il se fioit plus à Antonius. Ces Barbares estans fort ioyeux de ceste rencontre, & cuidās bien auoir trouué une tresheureuse fortune, le menerent qu'il estoit desia nuict, & enuoyerent deuant quelques uns d'entre eulx, pour en aduertir Antonius: lequel en fut aussi tresaise, & uint au deuant de ceulx qui le menoient. Les autres qui entendirent, que lon amenoit Brutus prisonnier, y accoururent aussi de toutes parts, les uns aians compassion de sa fortune, les autres disans qu'il auoit fait chose indigne de sa reputation, de s'estre pour peur de mourir laissé ainsi laschement prendre uif à des Barbares. Quand ilz approcherent les uns des autres, Antonius s'arresta un peu pensant en luy mesme cōment il se deuoit porter enuers Brutus, & ce pendant
" Lucilius luy fut présenté, qui se prit à dire d'un uisage fort asseuré: Antonius, ie
" te puis asseurer, que nul ennemy n'a pris ny ne prendra uif Marcus Brutus, & ia
" Dieu ne plaie que la fortune ait tant de pouuoir sur la uertu: mais quelque part
" que lon le treuve, soit uif, soit mort, on le trouuera tousiours en estat digne de
" luy: au reste quant à moy, ie uiens icy deuāt toy, aiant abusé ces hommes d'ar-
" mes icy, en leur faisant à croire que i'estoie Brutus, & ne refuse point de souffrir K
" pour ceste trōperie, tous telz tourments que tu uoudras. Ces paroles de Lucilius
ouyes tous les assistants en demorerent fort estonnez: & Antonius regardant
" ceulx qui l'auoient amené leur dit, le pense que uous estes bien marriz d'auoir
" failly à uostre entente, compagnons, & qu'il uous est aduis que cestuy cy uous a
" fait un grād tort: mais ie ueux biē que uous sachez, que uous auez fait une meil-
" leure prise, que celle que uous poursuyuiez: car au lieu d'un ennemy, uous m'a-
" uez amené un amy: & quant à moy, si uous m'eussiez amené Brutus uif, ie ne
scay

A ſçay certes que ie luy euſſe fait, là ou i'aimetrop miculx que telz hommes que ceſtuy cy ſoient mes amis q̄ mes ennemis. En diſant cela, il embrasſa Lucilius, & pour lors le conſigna & bailla en garde à l'un de ſes amis, en le luy recommandant: & Lucilius le ſeruit touſiours depuis loyaumét & fidelemét iuſques à la mort. Mais Brutus aiant paſſé une petite riuere bordée deçà & delà de haults rochers & umbragée de force arbres, eſtant deſia nuict toute noire, ne tira guerres oultre, ains ſarreſta en un endroit bas au deſſoubz d'une haulte roche, avec aucuns de ſes capitaines & amis qui l'auoient ſuiuy, & regardât uers le ciel tout plein d'eſtoiles, prononcea en ſouſpirant deux uers, dont Volumnius en a noté l'un qui eſt de telle ſubſtance,

B O Iupiter, que celuy, dont naiſſance
O ut tant de maux, n'eſchappe ta uengeance.

& dit qu'il auoit oublié l'autre. Vn peu apres nommant ſes amis qu'il auoit neu mourir en la bataille deuant ſes yeux, il ſouſpira plus fort qu'il n'auoit encore point fait, meſmement quand il uint à nommer Labeo & Flavius, dont l'un eſtoit ſon lieutenant, & l'autre, maiſtre des ouuriers de ſon camp. Sur ces entrefaittes, il y eut quelqu'un de la compagnie, qui aiant ſoiſ, & uoyant que Brutus l'auoit auſſi, ſ'en courut avec un cabasſet uers la riuere. Au meſme inſtât lon entendit du bruit deuers l'autre coſté: Volumnius y alla avec Dardanus l'eſcuyer de Brutus pour ueoir qui c'eſtoit, & incontinent apres eſtâs retournez

C demâderent ſil y auoit plus à boire. Brutus en riant doulcemét leur reſpondit, Tout eſt beu, mais on uous en apportera d'autre: & y r'enuoya celuy meſme qui y auoit eſté la premiere fois, lequel fut en danger d'eſtre pris par les ennemis, & ſe ſauua à bien grande peine eſtant encore bleccé. Au reſte Brutus eſtimoit qu'il ne fuſt pas mort grand nombre de ſes gens en la bataille, & pour le ſçauoir au uray, il y eut un nommé Statylius qui promeit paſſer à trauers les ennemis, car autrement n'eſtoit il pas poſſible, & ſ'en aller uiſiter leur camp, & que là ſil trouuoit que tout ſy portasſt bien, il allumeroit un flambeau & le haulſeroit en l'air, puis ſ'en retourneroit à luy. Le flambeau fut leué: car Statylius alla iuſques là: & lon temps apres, Brutus uoiant qu'il ne reuenoit point, dit, Si Statylius eſt en

D uie il reuiendra: mais il aduint de male fortune, qu'en ſ'en retournant il tumba es mains des ennemis, qui l'occirent. La nuict eſtant ia bien aduancee, Brutus ſinclinant deuers Clitus l'un de ſes domeſtiques, ainſi qu'il eſtoit aſſis, luy dit quelques mots tout bas en l'oreille: l'autre ne luy reſpondit rien, ains ſe prit à plorer. Parquoy il attira ſon eſcuyer Dardanus, auquel il dit auſſi quelques paroles: & à la fin il ſ'addreſſa à Volumnius meſme, parlant en langage Grec, & le priant en memoire de l'eſtude des lettres & des exercices qu'ilz auoient pris enſemble, qu'il luy uoulusſt aider à mettre la main à l'eſpee & à pouſſer le coup pour ſe ruer. Volumnius reietta fort ceſte priere, & auſſi feirét bien les autres, deſquelz il y eut un qui dit, qu'il ne falloir pas demourer là, ains ſ'en fouir: & a-

E dôc Brutus ſe leuant, Il ſ'en faut fouir uoiremét, dit il, mais c'eſt avec les mains & non pas avec les pieds: & leur touchant à tous en la main, leur dit ces paroles d'un fort bon & ioyeux uiſage, Je ſens en mon cuer un grand contentement, de ce qu'il ſeſt trouué que pas un de mes amis ne m'a failly au beſoing, & ne me plains point de la fortune, ſinon en tant qu'il touche à mon païs: car quât à moy, ie me repute plus heureux que ceulx qui ont uaincu, non ſeulement pour le regard du paſſé, mais auſſi pour le preſent, aſſé du que ie laiſſe une gloire ſempiternelle de uerit: laquelle noz ennemis uictorieux ne ſçauoient iamais, ny

Marcus Brutus.

par armes, ny par argent, acquerir ne laisser à la posterité que lon ne die tous-
 iours, qu'eulx estans iniustes & meschans, ont desfait des gens de bien pour u-
 surper une domination tyrannique qui ne leur appartient point. Cela dit, il les
 admonesta, & pria chascun d'eulx qu'ilz se uoulussent sauuer, puis se tira un peu
 à l'escart avec deux ou trois seulemēt, desquelz estoit Stratō, qui estoit premie-
 remēt uenu à sa cognoissance par l'estude de la rhetorique, il l'approcha le plus
 pres de luy, & prenant son espee à deux mains par le manche, se laissa tumber
 de son hault sur la poincte & se tua ainsi. Les autres disent que ce ne fut pas luy
 qui teint l'espee, mais que ce fut Straton à son instāce & priere qui la luy tendit
 en tournant le uisage d'autre costé, & que Brutus se ietta de grande roideur des-
 sus: tellement que s'estant percé d'oultre en oultre par le milieu de l'estomac, il
 rendit l'esprit tout incontinent. Messala qui aiant esté grand amy de Brutus, se
 reconcilia depuis avec Cæsar, luy presenta quelque temps apres, ce Straton
 un iour qu'il estoit de loisir, & en plorant luy dit, Cæsar, uoicy celuy qui feit le
 dernier seruice à mon Brutus. Cæsar le receut des lors, & depuis en tous ses affai-
 res s'en est trouué aussi loyaument seruy que de nul autre des Grecs qu'il eust a-
 lentour de luy iusques à la bataille d'Actium. Et dit on que ce Messala mesme
 respondit un iour à Cæsar, qui en sa presence le louoit fort haultement d'auoir
 combattu tres uaillamment & de tresgrande affection pour luy en la iournee
 d'Actium, cōbien qu'il luy eust esté parauāt tres aspre ennemy en celle de Phi-
 lippes pour l'amour de Brutus, l'ay tousiours uoulu estre de la meilleure & plus
 iuste partie. Au demourant Antonius aiant lors trouué le corps de Brutus, le
 fait enuelopper de l'une de ses plus riches cottes d'armes. Et depuis estāt aduer-
 ty que la cotte auoit esté derobbée, fait mourir le larron qui l'auoit prise, & en-
 uoya les cendres & reliques du corps à Seruilia mere de Brutus. Quāt à Porcia
 sa femme, Nicolaus le philosophe, & Valerius Maximus, recitent qu'ayant pris
 en soy resolution de mourir, ses parents l'en uoulurent engarder, & eurent soi-
 gneusement l'œil à la garder, & qu'à ceste cause elle tira du feu des charbōs tous
 ardents, & les ietta dedās sa bouche, qu'elle teint si estroittement fermee, qu'elle
 s'en estouffa. Toutefois on trouue une lettre missiue de Brutus à ses amis, par
 laquelle il se plaint de leur nonchalance, d'auoir tenu si peu de cōpte de sa fem-
 me, qu'elle auoit mieulx aimé mourir que de languir plus longuemēt malade.
 Ainsi sembleroit il que ce philosophe n'auoit pas biē cogneu le temps, car l'e-
 pistre, au moins si elle est ueritablement de Brutus, donne assez à entendre la
 maladie & l'amour de ceste dame, & quand & quand la maniere de sa mort.

LA COMPARAISON DE DION AVEC BRUTUS.



R pour uenir maintenant à comparer ces deux personnages, il
 est certain qu'ayans tous deux eu de grandes parties, mesmemēt
 celle cy pour la premiere, que de biē peu de chose ilz se sont tout
 deux faits tresgrands, c'est une louange propre & singuliere à
 Dion, qu'il n'a point eu de concurrent, ny d'aide à ce faire, com-
 me Brutus eut Cassius: lequel, sans point de doubte n'auoit pas la reputation de
 uertu, ny la gloire pareille à luy: mais aux affaires de la guerre il ne contribua
 pas moins de sens, de hardiesse, ny d'entendement, & de tout exploir, que luy:
 ueu mesmement que plusieurs luy attribuent le premier commencement & l'o-
 rigine de toute l'entreprise: & disent que ce fut luy qui donna cueur à Brutus de
 conspirer


- A conspirer la mort de Cæsar. Là ou comme Dion fournit du sien les armes, les nauires, & les foudards: aussi gagna il de luy mesme ceulx qui luy furent aides & compagnons à executer ce qu'il auoit entrepris. Et si ne fait pas de mesme Brutus, lequel des affaires mesmes prit sa grandeur & acquit par la guerre sa puissance & sa richesse, ains au contraire auancea ses propres biens à faire la guerre pour recouurer & rendre la liberté à ces citoiens, y employant l'argent mesme duquel il se deuoit entretenir en son exil. D'auantage Brutus & Calsius par contrainte eurent recours aux armes, pourautant qu'ilz n'eussent peu seurement demourer en paix quand ilz furent hors de Rome, à cause qu'ilz estoient condempnez & poursuiuis à mort: & à ceste cause pour la seureté de leurs personnes, furent cōtraints de se mettre au hazard de la guerre, plus pour eulx mesmes que pour leurs citoiens: là ou Dion uiuant en son exil plus seurement & plus ioyeusement que le tyran mesme qui l'auoit banny, se hazarda & exposa à un tel peril pour deliurer la Sicile de seruitude: & si n'estoit point chose pareille aux Romains, d'estre deliurez de la domination de Cæsar, que aux Syracusains d'estre deschargez de Dionysius: car Dionysius ne nioit point qu'il ne fust tyran, & auoit emply la Sicile de maux infinis. Mais la domination de Cæsar quand elle uint à festabliir, il est uray qu'elle fait beaucoup de maux à son commencement à ceulx qui y uoulurent resister: mais depuis à ceulx qui estans uaincus la receurent, il semble que ce n'estoit qu'un nom seulement, & une apparence & opinion, plus tost que chose uraye: car il n'en sourdit iamais un seul acte tyrannique ny cruel, ains au contraire, sembloit que ce fust cōme un doulx & clement medecin que Dieu de grace speciale eust donné à l'empire Romain pour mettre quelque ordre aux affaires d'iceluy, lesquelz auoient besoing d'estre reduits en monarchie: & pourtant le peuple Romain regretta fort Cæsar incontinent qu'il eust esté tué, & ne pardōna iamais depuis à ceulx qui l'auoient occis: là ou ce dequoy plus les Syracusains accuserent Dion, fut qu'il l'aisa eschapper Dionysius du chasteau de Syracuse, & qu'il ne uolut pas demolir la sepulture de son pere. Au reste, quant aux exploits de la guerre, Dion s'est tousiours monstré capitaine irreprehensible, aiant tousiours tresbien & sagement conduit les choses qu'il auoit luy mesme de son propre conseil entreprises, & emenda les fautes que faisoient les autres, en remettant les affaires en meilleur estat qu'il ne les trouuoit: là ou il semble que Brutus ne fait point sagement de soustenir la secōde bataille, attendu qu'il y alloit de tout, & apres qu'il l'eut perdue ne sceut trouuer aucun remede ny ressource, ains faillit de cuer, & quitta toute esperance, n'ayant ozé à tout le moins autāt combattre contre la mauuaise fortune, comme fait Pompeius, attendu mesmement qu'il luy estoit demouré sur le lieu mesme encore beaucoup de matiere d'auoir esperance aux armes, & qu'il estoit oultre cela indubitablement seigneur de toute la mer. Et ce qui est le plus grand reproche que lon obiice à Brutus, à sçauoir, que Cæsar luy aiant sauué la uie & donné grace pour autant de prisonniers pris en la bataille comme il en auoit demandé, le reputant son amy, & l'honorant beaucoup plus que nul de ses autres familiers, Brutus neantmoins auoit souillé ses mains de son sang: cela ne sçauoit on reprocher à Dion, car à l'opposite tant comme il fut amy & allié de Dionysius, il luy dressa, & aida à maintenir tousiours ses affaires: & depuis estant banny de son païs, luy aiant esté fait un oultrage notable en sa femme, & luy aians ses biens esté ostez, il entra adonc ouuertement en guerre iuste & legitime contre luy. Mais certes au cōtraire c'est le premier poinct qui se re-

Marcus Brutus.

tourne tout au rebours: car ce en quoy consiste leur principale louange, à sçauoir la haine contre les tyrans & contre les meschâs, est toute pure & toute simple en Brutus, pource que n'aiât chose aucune en priué, pour laquelle il se peust plaindre de Cæsar, il s'exposa au hazard de le tuer, seulement pour le recouurement de la liberté de son pais: là ou si Dion n'eust receu en son priué quelque oultrage de Dionysius, iamais il ne luy eust fait la guerre. Ce qui appert assez par les Epistres de Platon, ou lon peult ueoir que Dion aiât esté chassé oultre son gré de la court tyrannique, & non pas s'en estant retiré ny estragé uoluntairement, dechassa Dionysius. D'auantage le regard du bien public feit que Brutus deuint amy de Pompeius, duquel auparauant il estoit ennemy, & ennemy de Cæsar, duquel il estoit amy, comme si l'eust eu autres bornes pour limiter son amitié ou inimitié, que le droit & la iustice seulement: & Dion feit plusieurs choses en faueur & au profit de Dionysius, pendant qu'il se fia de luy, & & quand il comença à s'en deffier, alors par despit il luy commença la guerre: tellement q̄ ses amis mesmes ne creurēt pas tous, qu'après auoir chassé Dionysius il ne se deust luy mesme saisir de la seigneurie, en abusant le peuple de quelque plus doux & plus gracieux tiltre que de tyran: mais quant à Brutus ses amis mesmes cōfessoient, que de tous ceulx qui auoient conspiré alencontre de Cæsar il estoit celuy seul qui n'auoit iamais proposé autre but à son entreprise, sinon remettre le gouuernemēt de la chose publique Romaine en son premier estat. Et oultre cela, encore n'estoit ce pas chose pareille d'auoir affaire à Dionysius, H cōme d'auoir affaire à Cæsar: car il n'y a personne, qui aiât premier cogneu Dionysius ne l'eust mesprisé, attēdu qu'il employoit la pluspart du tēps à yurōgner, iouer aux dez, & paillarder: mais auoir osé mettre en son entendemēt de ruiner Cæsar, & n'auoir point restiué pour crainte de son grand sens, sa puissance & sa fortune, ueu q̄ son nom seulement tenoit en frayeur, & ne laissoit point reposer les roys des Parthes & des Indes, il falloit bien q̄ cela uint d'une excellēte nature, & qui pour crainte n'eust iamais riē diminué de son courage. Et pourtāt aussi tost que lon ueit Dion en la Sicile, plusieurs milliers d'hommes s'en allerent ioindre à luy contre Dionysius: mais la gloire de Cæsar sousteint & remeit sus ses amis encore après qu'il fut mort, & son nom eut tāt d'efficace, que d'un ieune enfant qui n'auoit aucun moien ny aucun pouuoir de soy, il en feit incontinent le premier homme des Romains, & en uza lon cōme d'un remede ou d'un contrepoison contre la haine, malueillance, & puissance d'Antonius. Et si lon ueult dire que Dion chassa le tyran Dionysius avec grands combats & grands exploits d'armes: &, au contraire, que Brutus tua Cæsar estant tout nud, & n'aiāt aucune garde: ie responds que cela fut un acte de tresgrand sens & de tres sage capitaine, d'auoir sceu si bien choisir le temps & le lieu propre pour surprendre un si puissant homme nud, & sans aucune garde: car il ne l'alla point assaillir subitement en chaude chole, ny tout seul, ou à peu de compagnie, ains fut son entreprise propensee de longue main, & arrestee avec plusieurs, desquelz il n'y eut oncques un seul qui luy faillist: ainsi fault il croire que des le commencement il les choisit tous gens de bien, ou que par les auoir choisis il les rendit telz. Là ou Dion, soit ou que des le commencement il ait failly à bien choisir s'estant fié à des meschans, ou que pour n'auoir sceu bien user de ceulx qu'il auoit choisis, il les ait rendus de gens de bien, malheureux & meschans, ne l'un ne l'autre ne peult estre le faict d'un homme sage: car Platon mesme le reprend de ce qu'il auoit choisy de telles personnes pour ses amis, que

- A que ce furēt eulx qui l'occirēt, & apres que Diō eut esté tué, nul ne uégea sa mort: & au contraire, des ennemis de Brutus, l'un (qui fut Antonius) feit honorablement inhumer son corps, & Cæsar luy garda ses hōneurs: car il y auoit à Milan cité de la Gaule qui est du costé de l'Italie, une siene image faitte de cuyure à sa semblance, laquelle Cæsar, passant par là quelque temps apres, regarda fort attentifuelement, pource qu'elle estoit faitte d'un excellent ouurier, & qu'elle retiroit fort au naturel, & passa oultre, puis s'arresta tout court, & appella en presence de plusieurs, les officiers de la uille, aux quelz il dit que leur uille estoit son ennemie, & criminelle de lese maiesté, par ce qu'elle receloit un sien ennemy. Les officiers de prime face furent bien estonnez, comme lon peult penser, & le
- B nierent fort & ferme, & ne sachant quel ennemy il uouloit dire, se regarderent les uns les autres. Cæsar adonc se retournant deuers la statuë de Brutus avec un uisage renfrongné, leur dit: Et cestuy-cy que uoicy debout n'est il pas nostre
- ennemy? Les officiers adonc furent encore plus effroyez que deuant, tellement quilz ne sceurent que respondre: mais lors Cæsar se prit à rire, & louant les Gaulois de ce qu'ilz estoient fermes & loyaux à leurs amis, encore en leurs aduersitez, uoulut que la statuë demourast en son plant, ainsi comme elle estoit.

Aratus.

- C  E philosophe Chrysippus, amy Polycrates, craignāt, comme il me semble, le mauuais son d'un anciē proverbe, le couche, non du tout es propres termes qu'il doibt estre & qu'il est en usage, mais ainsi qu'il estimoit qu'il seroit mieulx, en disant,
- Qui ua louant son pere genereux,
Si ce ne sont des enfans bienheureux?
- Mais Dionysodorus le Træzenien, en le reprenant, le r'accoustre ainsi qu'il doibt estre à la uerité:

- D Qui ua louant son pere genereux,
Si ce ne sont des enfans malheureux?

Disant que ce proverbe clost la bouche à ceulx qui d'eulx mesmes ne ualēt rien, & se uōt tapissant soubs les uertus de leurs ancestres, ne faisans autre chose que les hault louer continuellement. Mais ceulx qui ont, ainsi que dit Pindarus,

Par nature la uertu claire

De leurs parents hæreditaire,

- comme toy qui uas conformant ta uie aux exemples domestiques de tes uertueux ancestres, à ceulx là est-ce une grande felicité de rememorer souuent les faiçts glorieux de leurs parents, en oyant reciter, ou en recitant eulx mesmes
- E souuent quelque chose notable d'eulx: car ce n'est point à faulte de qualitez recommandables en eulx mesmes, qu'ilz se uont attribuant & attachant la gloire des louāges d'autrui, ains en cōioignāt les leurs propres à celles de leurs ancestres, les exaltent, comme ceulx qui les ont conduits, non seulemēt à estre, mais aussi à bien estre. Pourtant aiant composé la uie d'Aratus ton citoien, & l'un de tes ancestres, à la memoire duquel tu ne fais point de hôte à faulte de gloire ny à faulte de puissance, ie te l'enuoye: non que ie pèse que tu n'ayes plus diligemment que nul autre enquis tous ses faiçts & tous ses dicts, mais à fin que tes deux

enfans Polycrates & Pythocles en lisant & en oyant tousiours reciter quelque chose, ilz soient eleuez & nourriz en exemples domestiques de la uertu que lon leur proposera à ensuiure : car celuy s'aime soy mesme, & non pas le deuoir ny l'honneur, qui sestime si parfaict, qu'il n'ait que faire de se proposer personne à imiter. La cité doncques de Sicyone, depuis qu'une fois elle fut sortie du pur gouuernement de la noblesse, qui est le propre des uilles Doriques, ne plus ne moins q si son armonie eust esté desaccordee & cōfuse, tumba en dissensiōs ciuiles & seditieuses menees des harégueurs du peuple, & ne cessa d'estre trauaillee de ces maulx & troubles là, changeāt tousiours de nouueaux tyrans, iusques à ce que Cleon aiant esté occis, les citoiens eleurent pour leur gouuerneurs Timoclidas & Clinias les deux plus notables personnages & de plus grande authorité qui fussent en la uille, & comme la chose publique commenceast à prendre quelque estat certain, Timoclidas mourut, & Abantidas filz de Paseas, pretendait à se faire seigneur de la uille, tua Clinias, & de ses parents & amis feit mourir les uns & chassa les autres, & tascha de faire aussi mourir son filz Aratus, qui n'auoit encore lors que sept ans : mais en ce trouble & tumulte, il sen fouyt de la maison de son pere parmy ceulx qui fuyoient, & en errant parmy la uille tout effroyé sans trouuer personne qui le secourust, par cas de fortune il se ietta dedans la maison d'une femme qui estoit sœur d'Abantidas, mariee à Periphantus frere de Clinias, & s'appelloit la femme Soso, laquelle estant de nature magnanime, & estimant que l'enfant par expresse prouoyance diuine sen estoit ainsi fouy chez elle, le cacha au dedās, & puis la nuit l'enuoya secrettement en la uille d'Argos. Aiant doncques Aratus esté ainsi sauué & respité de ce peril commença à conceuoir en son cuer celle uehemente & ardente haine alencontre des tyrans, qui depuis alla tousiours en luy croissant avec l'age. Si fut honestement nourry en la uille d'Argos, chez les hostes & amis de son pere, & uoiant que son corps deuenoit grand & robuste, il s'addonna aux exercices de la personne, en quoy il se rendit si excellent, qu'il combatit es ieux de pris publiques à toutes les cinq sortes d'exercices, dont il gaigna par plusieurs fois le pris : aussi apperçoit on en la face de ses images & statues ne scay quoy de champion de lucte, & parmy la prudence & façon royale que lon ueoit empreinte en son uisage, cognoist on aussi qu'il estoit grand mangeur & grand beueur, comme sont ordinairement ceulx qui font profelsion de telz exercices du corps, dont aduint qu'il ne s'exercita pas tant à biē parler, comme il eust esté à l'aduenture requis à un gouuerneur de chose publique, toutefois il y en a qui iugent par ses commentaires qu'il estoit plus elegant en son parler, & plus eloquent qu'il ne semble à aucūs, à cause qu'il les escriuit à la haste, en faisant autre chose, avec les premieres paroles qui luy uenoient en l'entendement : mais depuis Dinias & Aristoteles le Dialecticien occirent Abantidas, lequel auoit pris une coustume de se trouuer ordinairement sur la place à ouir leurs deuis & de disputer avec eulx, ce qui leur donna moien d'executer leur aguet. Apres la mort d'Abantidas son pere, Paseas occupa la tyrannie, & Nicocles depuis le tua aussi en trahison, & se feit tyran en son lieu. Lon dit que cestuy Nicocles ressembloit naifusement de uisage à Periander filz de Cypselus, comme Orontes Persien à Alcmæon filz d'Amphiaras, & un autre ieune homme Lacedemonien à Hector de Troie, lequel Myrsilus escrit auoir esté foulé aux pieds par la grande presse du mode qui y accourut pour le ueoir quād on le sceut. Ce Nicocles teint la tyrannie quatre mois durans, esquelz il feit beaucoup de maulx à la uille, &

- A sen fallut bien peu qu'il ne la perdift par emblee des *Ætoliens*. Or commen-
 ceoit lors Aratus d'entrer en son adolescence estant beaucoup estimé pour la
 maison dont il estoit yssu, & pour le courage que lon apperceuoit en luy, qui
 n'estoit ny lasche ny petit, ains accompagné d'une grauité & d'un sens raisis
 plus que son aage ne portoit, à raison de quoy les bannits de Sicyone se rége-
 rent plus aupres de luy que de nul autre, & Nicocles ne mettoit point à nō cha-
 loir de faire diligemment enquerir ce qu'il attentoit, ains obseruoit & faisoit
 espier secrettemēt quelle intentiō il auoit, nō qu'il se doubtaſt d'aucune si har-
 die entreprise ny d'aucun si aduenteux exploit, ains souspeçonnant seule-
 ment qu'il sollicitaſt les roys, qui estoient hostes & amis de son feu pere : car
- B aussi à la uerité Aratus essaya premierement de tenir ce chemin là : mais quand
 il ueit que Antigonus tiroit ses promesses en lōgueur, & laissoit tousiours cou-
 ler le temps, & que l'esperance du secours de Ptolomæus & de l'*Ægypte* estoit
 trop loingtaine, il resolut à la fin d'entreprēdre de desfaire par luy mesme le ty-
 ran. Si communiqua premierement sa deliberation à Aristomachus & à Ecdē-
 lus, dont l'un estoit aussi bāny de Sicyone, & l'autre Arcadien bāny de la uille
 de Megalipolis philosophe & hōme à la main tout ensemble, aiant esté fami-
 lier & disciple d'Archeſilaus Academique en la uille d'Athenes. Ces deux aiās
 bien uoluntiers presté l'oreille à sa semonce, il en parla encore aux autres ban-
 nits, desquelz y en eut quelques uns, mais peu, qui eurent honte de n'estre parti-
- C cipans d'une telle esperance, & se messerent de l'entreprise : mais la plus part, nō
 seulement n'y uolut point entrer, ains essayèrent d'en diuertir aussi Aratus,
 disans qu'à faulte d'experience & de ne cognoistre pas bien le danger, il entre-
 prenoit une chose ou il n'y auoit point d'apparéce. Et comme il fust en propos
 d'occuper une place sur le territoire de Sicyone, de laquelle ilz peussent faire la
 guerre aux tyrās, il uint deuers eulx en Argos un homme eschappé des prisons
 du tyran de Sicyone, frere de Xenocles l'un des bannits: lequel estant mené par
 Xenocles mesme à Aratus, dit qu'à l'endroit par ou il festoit sauué, la terre au
 dedans estoit presque aussi haulte que les creneaux de la muraille, laquelle e-
 stoit en ce quartier là attachee contre des lieux hault releuez & pierreux, & que
- D par le dehors la haulteur n'y estoit point si grande, que lon n'y peust bien adue-
 nir avec des eschelles. Aratus aiant entendu cela, enuoya avec Xenocles deux
 de ses seruiteurs Seuthas & Technon, pour recognoistre la muraille, estāt de-
 liberé s'il y auoit apparence d'attenter, plus tost d'excecuter secrettement son en-
 treprise, & de hazarder promptement tout à un coup, que de commencer une
 guerre qui seroit de longue duree, en y procedant par force euidente à la def-
 couuerte luy qui estoit priué alencontre de la puissance d'un tyran. Xenocles
 estant retourné aiant pris la mesure de la haulteur de la muraille, rapporta que
 cest endroit là n'estoit pas ny impossible ny difficile à monter: mais qu'il estoit
 biē malaisé d'en approcher sās estre descouuers, à cause de quelques petits chies
- E qu'auoit un iardinier aupres de là, lesquelz estoient aspres à merucilles, & ne les
 pouuoit on faire taire, toutefois il ne laissa pas pour cela de l'entreprendre in-
 continent. Si ne fut point chose nouuelle de leur ueoir faire prouision d'armes,
 pource que lors on ne uoioit que uoleries & brigandages par les champs, & ne
 faisoit on que courir les uns sur les autres : mais quant aux eschelles Euphranor
 qui estoit charpentier & faiseur d'engins, les feit tout publiquement, pource
 que son mestier ordinaire oſtoit toute occasion de souspeçonner pourquoy c'e-
 stoit faire : car il estoit luy mesme, aussi bien que les autres, banny de Sicyone.

Aratus.

Au reste, les amis qu'il auoit en Argos, de ce peu qu'ilz auoient, luy prestèrent F
chascun dix hommes, & luy arma trente de ses seruiteurs, oultre lesquelz il sou-
doya & loua encore quelque petit nombre de soudards, par l'entremise d'un
Xenophilus que luy fournirent les capitaines des brigands, aux quelz on don-
na à entendre, que lon les menoit sur le territoire de Sicyone, pour y prendre &
emmener les iuments & le haras du Roy, & les enuoya lon deuant, les uns par
un costé, les autres par un autre, avec mandement de se rendre tous ensemble
à la tour de Polygnotus, ou ilz deuoient attendre: aussi enuoya il deuant Ca-
phesias sans armes, avec quatre autres compagnons, qui deuoient le soir quād
la nuit seroit uenue, arriuer en la maison du iardinier comme estrangers pas-
sans, & se loger en sa maison pour le tenir renfermé au dedans avec ses chiens, G
à cause qu'il n'y auoit point d'autre chemin pour passer par ailleurs. Quant aux
eschelles qui se mettoient en pieces, ilz les cachèrent dedans des sacs de bled, &
les chargerent sur des chariots qu'ilz enuoyerēt deuant. Mais sur ces entrefait-
res on descouurit en Argos des espies de Nicocles, qui se promenoient ça & là
par la uille, espians sans faire semblant de rien, ce que Aratus alloit faisant: par-
quoy le matin au poinct du iour, il sortit de son logis, & s'en alla sur la place
promener avec ses amis, comme il auoit de coustume, puis s'en alla au parc des
exercices, là ou il se despouilla, oignit & lucta, & finablement emmena quand
& luy en son logis quelques uns des ieunes gentilzhommes qui auoient accou-
stumé de faire bonne chere, boire, & passer le temps avec luy: & aussi tost apres H
ueit on sur la place l'un de ses seruiteurs qui portoit des chapeaux de fleurs,
l'autre qui acheptoit des torches & flambeaux, l'autre qui parloit à des balla-
dines & des menestrieres qui auoient accoustumé de baller & de iouer des in-
struments es banquets. Ce que uoians les espies de Nicocles furent abusez, & se-
rians les uns aux autres, dirent que lon pouuoit bien ueoir à cela, qu'il n'y auoit
rien au monde plus couard, ne plus craintif qu'un tyran, ueu que Nicocles qui
tenoit une si grosse uille, & auoit une si grande puissance, redoubtoit un ieune
homme qui despendoit tout ce qu'il pouuoit auoir pour l'entretienemēt de son
exil, en uoluptez, & en banquets & festins sur iour. Voila comment ces espies
furent trompez: mais Aratus incontinent apres le disner se partit d'Argos, & I
alla trouuer les soudards, aux quelz il auoit donné assignation de se trouuer à la
tour de Polygnotus, & les mena droit à Nemee, là ou il leur declara à descou-
uert son entreprise, les aiant premierement bien preschez & leur aiant fait de
belles promesses, puis leur donna pour le mot du guet Apollo fauorable, & tira
droit à Sicyone hastant son pas du commencement à mesure que la lune baiss-
soit, & puis le retardant apres, de maniere que sa clarté leur seruist tout le long
du chemin, & qu'il arriuaſt à la maison du iardinier, qui estoit tout ioignant
la muraille, quand la lune seroit couchée. Si luy uint Caphesias au deuant, le-
quel n'auoit peu prendre les chiens, pource qu'ilz s'en estoient fouyz: mais
bien auoit enfermé le iardinier au dedans de sa maison. Cela decouragea la K
pluspart de la compagnie, qui uoloient à toute force que lon s'en retour-
naſt: mais Aratus les reconforta, en leur promettant qu'il les remeneroit s'il
uoyoit que les chiens leur feissent trop d'ennuy, & incontinent fait partir &
se mettre deuant ceulx qui portoit les eschelles, que conduisoient Ecdelus
& Mnastheus, & luy meſme marcha tout bellement apres. Les chiens ab-
bayoient desia bien fort, & couroient alentour de Ecdelus: mais neantmoins
ilz approcherent de la muraille seurement, & y planterent les eschelles, par les-
quelles,

A quelles, ainſi que les premiers montoient, le capitaine du guet qui auoit cedé à celuy qui le deuoit faire le matin, paſſa d'aduenture par là deuant, faiſant la ronde avec une clochette, & auoit force torches, & grand bruit de gés qui marchotent apres luy. Ce qu'entendans ceulx qui eſtoient ſur les eſchelles ſe tappèrent deſſus ſans bouger, au moien dequoy il fut facile que les paſſans ne les aperceuffent point: mais le guet nouueau du matin uenoit à l'opposite, qui les meit en extreme danger d'eſtre deſcouverts: toutefois l'ayant encore eſchappé, à cauſe que ce ſecôd guet paſſa tout oultre ſans ſ'arreſter, Ecdelus & Mnafitheus ſaillirent incontinent ſur la muraille, puis enuoyerent en diligence Technon deuers Aratus, luy mandans qu'il ſe haſtaſt deuenir. Or n'y auoit il pas grande diſtance depuis le iardin ou eſtoient les petits chiens iuſques à la muraille, & iuſques à une tour, là ou lon tenoit un grand chien de chaſſe pour y faire le guet: toutefois il ne ſentit point leur uenuë, fuſt ou pource que de ſa nature il eſtoit laſche, ou que le iour de deuant il euſt eſté trauaillé: mais les petits chiens du iardinier qui iappoient à bas l'ayant eſueillé & conuié à abbayer, il cōmença à leur reſpondre en grongnant un petit ſeulement tout bas: mais puis quād ilz paſſerent au long de la tour ou il eſtoit, il ſe prit à iapper à pleine gorge, & ſe fit retentir tout ce quartier là du bruit de ſon abboy, de ſorte que l'eſcoute qui eſtoit plus auant, demanda à haulte uoix au ueneur qui gouernoit le chien, à qui c'eſtoit qu'il abbayoit ſi aſprement, & ſil y auoit point là quelque choſe de nouueau. Le ueneur luy reſpondit de dedans la tour, qu'il n'y auoit rien de mal, & que c'eſtoit ſon chié qui ſ'eſtoit eſueillé & mis à abbayer pour les lumieres du guet qui eſtoit paſſé & du ſon de la clochette: ce fut ce qui plus aſſeura les ſoudards d'Aratus pource qu'ilz eſtimerent que le ueneur fuſt de l'intelligence, & qu'il aidast à celer leur emblee, & qu'il y en euſt beaucoup d'autres dedans la uille adherents à la coniuration. Quand ceuint à monter ſur la muraille, il y eut adonc grande longueur & grand danger, à cauſe que les eſchelles branloiet & plioiet ſoubz le faix, ſilz ne montoient un à un tout bellement, & l'heure les preſſoit, pource que les coqs commenceoient deſia à chanter, & que les gens de uillage qui apportoiēt quelque choſe pour uendre au marché, cōmenceoient à arriuer de tous coſtez. A l'occafion dequoy Aratus ſe haſta de monter, y ayant quarante hōmes ſeulement mōtez auant luy, & en attendant encore quelques uns de ceulx qui eſtoiet à bas, marcha droit au palais & à la maiſon du tyran, là ou les ſoudards qu'il tenoit pour ſa garde à ſa ſoude faiſoient le guer, & les ſurprenāt au deſprouueu, les ſaiſit tous au corps ſans en occire pas un, puis enuoya par toute la uille es maiſons de ſes amis les appeller: ilz accoururent incōtinent de tous coſtez. La cōmenceoit le iour à poindre, & fut tout auſſi toſt le theatre plein de peuple qui ſ'eſtoit eſmeu au bruit de uille, ſans ſçauoir au uray que c'eſtoit, iuſques à ce qu'un herault leur annonça à haulte uoix, que c'eſtoit Aratus filz de Clinias qui appelloit ſes citoiens au recouurement de leur liberté: & lors ſ'aſſeurans que ce qu'ilz attendoient de pieça eſtoit aduenue, ſ'en coururent tous en foule à la maiſon du tyran, ou ilz meirent le feu, dont il ſ'en leua une ſi grande flamme quand la maiſon fut toute embrasce, que lon la ueit iuſques à Corinthe, de ſorte que les Corinthiens ſ'eſbayſſans que ce pouuoit eſtre, furent entredeux d'y aller au ſecours. Mais quant à Nicocles, il ſe ſauua & ſ'enfouit hors de la uille par des contremines ſecrettes: & les ſoudards eſteignans le feu avec ceulx de la uille, ſaccagerent tout ce qu'ilz trouuerent de demourant dedans la maiſon: à quoy Aratus ne meit point d'empêchement, ains meit en-

Aratus.

core en commun tout le reste des biens qui appartenoyent au tyran. Et succeda la chose si heureusement, qu'il n'y eut personne tué ny blecé de ceulx qui estoient uenus de dehors, ny de leurs ennemis qui estoient au dedans, ains contregarda la fortune tout cest exploit pur & net de toute effusion de sang ciuil. Si remeit Aratus en leurs biens & maisons quatre uingts bannis qui auoient esté chassés par Nicocles, & d'autres qui auoient aussi esté iettez par les tyrans precedés, bien iusques au nombre de cinq cents qui auoient esté longuement errans hors de leur pais par l'espace de bien cinquante ans en tout, & s'en estés retournez la plus part pauures & indigents, uoulurēt r'entrer en leurs biens qu'ilz possedoiēt auparauant, & se remettans de faict en leurs terres aux champs, & en leurs maisons à la uille, ietterent Aratus en grande perplexité: uoyant d'un costé qu'Antigonus espioit tous les moiens de s'emparer de Sicyone, depuis qu'elle fut affranchie, & qu'au dedans elle estoit en trouble & en dissension ciuile: parquoy iugeant tresbien & choisissant le meilleur party selon l'estat ou estoient les affaires de ce tēps là, il l'associa à la ligue & cōmunaulté des Achēiens. Car ceulx de Sicyone estans de nation Dorique, se soubmeirent uoluntiers à la société du gouuernement, & soubz le nom des Achēiens, lesquelz n'auoient encore pour lors ny grande authorité ne grande puissance, pource que c'estoient toutes petites uilles qui n'auoient pas grande estendue de terres, ny de guerres bones, estans situez au long d'une coste de marine, en laquelle il n'y auoit presque nulz arbris ny aucuns ports, ains force pierres & rochers, par entre lesquelz la mer battoit la terre ferme, & neantmoins ilz feirent tresbien cognoistre que la force des Grecs est inexpugnable toutes & quantes fois qu'il y a bon ordre, & qu'ilz s'accordent bien entre eulx soubz la conduite d'un sage capitaine, attendu que ce n'est pas, en maniere de dire, l'une des moindres parties des forces de la Grece, lors qu'elle estoit en sa fleur: & pour lors n'aians pas tous ensemble la puissance d'une seule bonne uille pour s'accorder bien les uns avec les autres à suiure bon conseil, & à ne porter point d'enuie à celuy qui estoit le premier en uertu, ains luy obeir uoluntiers, non seulement ilz se mainteindrent francs & libres au milieu de tant de grosses citez, si grandes seigneuries & si puissantes tyrannies, ains deliurerent encore & preseruerent de seruitude plusieurs autres peuples Grecs. Mais quant aux meurs d'Aratus, il estoit homme qui de sa nature aimoit l'egalité ciuile, laquelle doit estre entre bourgeois d'une mesme uille, magnanime, plus soigneux & plus diligent es affaires de la chose publique, que non pas es propres de sa maison, haissant mortellement les tyrans, & mesurant ses amitez ou inimitiez à la mesure du bien & de l'utilité publique. Au moien dequoy il semble n'auoir pas esté si entier ne si parfait amy cōme doulx & gracieux ennemy, s'accommodant au temps de la chose publique en l'un & en l'autre: brief, c'estoit une uoix conforme & commune de tous les alliez de toutes les uilles confederées, de toutes les compagnies priuces, & de toutes les assemblees des theatres, qu'Aratus n'estoit amy sinon des choses bones & honestes, qui n'estoit pas tant asseuré ny hardy pour donner une bataille rengee & pour faire la guerre à descouuert, comme cauteleux & ruzé pour surprendre quelque uille d'emblee, & pourtant combien qu'il ait hardiement executé plusieurs grandes entreprises, dont on n'eust iamais esperé qu'il fust uenu à bout, encore semble il qu'il en laissa d'auantage de celles qui estoient bien possible, à faulte de les ozer entreprendre: car il n'y a pas seulement des bestes qui uoyent clair de nuict en tenebres & sont aucugles de iour, par ce que la siccité & subtrilité

A lité deliée de l'humour qui est en leurs yeux, ne se peult contemperer avec la lumiere du iour: ains y a aussi bien des hommes, lesquelz estans au demourât prudents & sages de nature, se troublent facilement es dangers ou il fault aller en plein iour à la descouuerte: & au contraire, s'assurent es entreprises secrettes, là ou il fault proceder à la derobbee, laquelle inegalité d'assurance en personnes autrement bien nees, procede de faulte d'auoir le iugement affiné, & le discours espuré par raisons de philosophie, produisant en eulx la nature d'elle mesme, la vertu non regie par certaine science, ne plus ne moins qu'un fruit qui uient de soy mesme sans estre cultiué de main d'homme. mais cela se pourra mieue cognoistre & iuger par les exemples. Aratus doncques s'estant ioinct à la communauté des Acheiens soymesme & sa uille aussi, & seruant de sa personne à la guerre entre les hommes d'armes estoit singulierement aimé des capitaines generaux qui le uoyoyent ainsi obeissant: car combien qu'il eust apporté à la communauté une si notable contribution, comme estoit sa reputation de luy mesme & la puissance de sa uille: ceneantmoins, il se rendoit aussi prompt à exccuter tous les commandemens de ceulx qui estoient esleuz capitaines, comme eut sceu faire le moindre souldard, soit qu'il fust ou de Dyme, ou de Trita, ou de quelque autre encore plus petite uillette: & luy estant enuoyé par le roy Ptolomeus un don d'argent comptant, iusques à la somme de * uingt & cinq talents, il l'accepta bien, mais il la distribua tout aussi tost entre ses pauures citoiés, tant

B pour leur suruenir à leurs autres necessitez comme pour rachapter les prisonniers. Ce nonobstant les bannits pressoyent tousiours les usurpateurs de leur bien pour les en faire sortir, & ne se uouloyent point contenter autrement, à ceste cause estant la chose publique en danger de rumber en une guerre ciuile, Aratus uoyant qu'il n'y auoit autre moien de remedier à tel inconuenient, sinon par la liberalité de Ptolomeus, resolut de s'en aller deuers luy le supplier de luy faire deliurer de l'argét pour appaiser & accorder tous ces differets. Si s'embarqua au port de Methone au dessus du chef de Malce, pour de là prendre la route d'Egypte: mais il eut le uent si fort contraire & la mer si haulte, que le pilote de la nauire fut cōtraint de relascher. Et ainsi estât ietté hors de sa route, eut beaucoup d'affaire à gagner la uille de Adria qui luy estoit ennemie, pource que Antigonus la tenoit, & y auoit dedans garnison de ses gés: mais Aratus la preuint en descendant habillement à terre hors de la nauire, & se tirant bien loing arriere de la marine avec un de ses amis qui auoit nom Timanthes, & se ietterēt tous deux dedans un boschage ou ilz passerent toute la nuit en grand mesaise. Il ne fut pas plus tost fort hors de la nauire: que le capitaine de la garnison y arriva qui le cherchoit: mais il fut abusé par ses seruiteurs, lesquelz il auoit instruits de ce qu'ilz deuoient dire, qu'il s'en estoit incontinet fuy, & auoit passé en l'isle d'Eubœe. Mais au demourant le capitaine reteint la nauire, les seruiteurs & tout ce qui se trouua dedans, comme estant de bonne prise. Quelques iours apres estant Aratus en grande perplexité, ne sachant ce qu'il deuoit faire, il aduint de bone fortune que une nauire Romaine aborda à l'endroit du lieu ou il se tenoit le plus du tēps, partie pour se cacher, & partie aussi pour espier s'il descouueroit rien. Ceste nauire s'en alloit en Syrie, il monta dessus, & fit tant enuers le maistre, qu'il luy promet de le porter iusques en la Carie, cōme il feist: mais il ne fut pas en moindre danger de la tourmente sur la mer à ceste seconde fois, qu'il auoit esté à la premiere. Et de la Carie il passa lōg temps apres en l'Egypte, ou il parla au Roy, lequel estoit bien affectionné enuers luy, pource que

* Quinze mille
escus.

Aratus.

Aratus l'entretenoit, en luy enuoyant souuent des tableaux, peintures, & autres F
telles singularitez de la Grèce: car y aiant bon iugemēt, il en amassoit & ache-
ptoit tousiours des meilleures & plus exquisēs, mesmemēt de celles de Pamphi-
lus & de Melanthus, pour les luy enuoyer: car encore florissoiēt alors les lettres
à Sicyone, & y estoit la peinture en reputatiō de retenir la uraye perfectiō, sans
y auoir rien de corrompu ny d'alteré: tellement que Apelles, combien qu'il
fust desia en grande estime s'y en alla, & paya à ces deux ouuriers un talent pour
demourer quelque temps avec eulx, à fin d'y acquerir, non tant la perfection de
l'artifice, que la reputation: & pourtant, si tost qu'Aratus eut remis la uille en li-
berté, il feit incontinent effacer & abbattre toutes les autres images des tyrans: G
mais il fut assez longuement en doute, s'il effaceroit aussi celle d'Aristratus, le-
quel auoit regné du temps de Philippus, pource qu'elle estoit peinte des mains
de tous les disciples de ce Melanthus, estant aupres d'un chariot qui portoit une
uictoire de triumphe, & y auoit Apelles mesme mis la main, ainsi comme l'e-
scrit Polemō le geographe. C'estoit une œuvre singuliere & tresdigne de uoir,
de maniere qu'Aratus du commençemēt fleschissoit, & se laissoit aller à la uou-
loir cōseruer pour l'excellence de l'artifice: toutefois à la fin, poulcé de la hai-
ne excessifue qu'il portoit aux tyrans, encore commanda il que l'on l'effaceast.
Mais on dit que le peintre Nealces qui estoit des amis d'Aratus, le pria les lar-
mes aux yeux de uouloir pardonner à un si noble chef d'œuvre: & comme Ara-
tus n'en uoulust rien faire, il luy dit que c'estoit bien raison de faire la guerre H
aux tyrans, mais non pas aux images & tableaux des tyrans. Laissons doncques
le chariot de triumphe & la uictoire, & ie feray que tu uerras Aristratus sortant
uoluntairement hors du tableau. Aratus le luy permit, & adonc Nealces ef-
facea la figure d'Aristratus, au lieu de laquelle il peignit une palme seulemēt, &
n'y oza adiouster autre chose du sien. Lon dit qu'au dessoubz du chariot de-
mourerēt cachez les piedz d'Aristratus effacé. Aratus doncques à raison de ces
peintures estoit desia biēuoulu du roy Ptolomeus: mais depuis qu'il eut un peu
gousté & essayé sa compagnie, il l'aima bien encore plus cheremēt que iamais,
de sorte qu'il luy donna pour suruenir à sa uille la somme de * cent cinquāte ta-
lents, desquelz il emporta les quarente quand & luy au Peloponēse, & depuis le I
roy luy enuoya le reste à plusieurs fois. Si fut desia chose de soy grande, d'auoir
sceu finer à ses citoiens une somme de deniers telle, que les harengueurs, capi-
taines & gouuerneurs des uilles franches: pour bien petite partie d'icelle, qu'ilz
prenoient des princes & des roys, s'en laissoient corrompre, & leur uendoient
& trahissoient leurs païs & leurs uilles. Mais encore fut ce plus grāde chose que
par le moien de cest argent il remeit en bonne paix, union & cōcorde, les pau-
ures avec les riches, & cōsequemēt assura le salut de tout le peuple de Sicyo-
ne, là ou il se mōstra merueilleusement reserué & moderé en une si grāde puis-
sance & autorité comme il eut: car aiant esté esleu arbitre avec plein pouuoir
pour cōposer, iuger & decider par main souueraine, toutes les querelles & dif-
ferents des bānits, il ne le uoulut point entreprendre luy seul, ains prit avec luy K
quinze autres des principaux citoiens, avec lesquelz à grande peine & grād la-
beur il appointa & appaisa à la fin tous ses citoiens, & les meit en bonne paix,
les uns avec les autres. A raison dequoy non seulemēt tous les manās & habitās
de Sicyone ensemble luy decernoient hōneurs publiques telz cōme il luy ap-
partenoit: mais aussi les bannits particulieremēt luy feirēt dresser une image de
cuyure, audeffoubs de laquelle ilz feirent engrauer ceste inscription:

* Quatre vingts
dix mille escus.

A Les haults exploits de sens & de prouesse,
 Qu'a faits cest homme à l'honneur de la Grece,
 S'ont approchans des coulomnes iumelles
 Dont Hercules borna ses œuures belles:
 Mais nous estans, Aratus, retournez
 Par ta iustice au lieu ou sommes nez,
 Pour honorer ton uertueux courage,
 Fait eriger t'en auons ceste image,
 Te reuerans comme nostre sauueur,
 Qui, moienant des bons Dieux la faueur,
 B A ton païs as rendu liberté
 D. es sainctes loix en toute egalité.

Aratus dōcques aiant fait tous ces actes, uainquit bien l'enuie des bourgeois & habitans de la uille pour la grandeur des biens qu'il leur auoit faits : mais le roy Antigonus en estāt marry, & uoulāt ou le tirer du tout à son amitié, ou le mettre en souspeçon & deffiance de Ptolomæus, luy faisoit plusieurs autres grandes courtoisies, sans q̄ Aratus les recherchast : & mesmemēt un iour cōme il sacrifioit aux Dieux à Corinthe, il luy enuoya iusques à Sicyone sa part des hosties qu'il auoit immolees, & au festin du sacrifice, ou il y auoit beaucoup de personnes notables cōuices, dit tout hault, le pensois du commencement que ce ieune Sicyonien ne fust que frāc de sa nature, aimant la liberté de son païs & de ses citoyens seulement : mais ie cognois maintenant qu'il est homme qui sçait biē iuger des meurs & des affaires des princes : car par cy deuant il ne faisoit compte de nous, pource que son esperance le tiroit hors de ce païs, & qu'il estimoit beaucoup les richesses Ægyptienes oyant parler de tant d'Elephās, de si grosse flotte de uaisseaux, & de si grande court comme lon fait celle d'Ægypte : mais maintenant qu'il a ueu de pres & cogneu que tout cela n'est qu'une apparence uaine, une pompe & une fumee, il s'est du tout retourné deuers nous : & quant à moy, ie le reçoÿ bien uoluntiers, & ueulx que uous l'estimiez & le teniez tous pour mon amy. Ces parolēs ne faillirent pas d'estre bien recueuillies par les enuieux & gens de maligne nature, qui les prenans pour leur subiect escriuirent à l'ēuy les uns des autres plusieurs mauuaises & fascheuses choses d'Aratus au roy Ptolomæus, de sorte que Ptolomæus luy enuoya un messager expres pour s'en plaindre à luy. Voila comment il y auoit parmy les ardētes amitez de ces princes & roys, qui faisoient par ialouzie à l'ēuy l'un de l'autre à qui l'auroit, beaucoup d'enuie & de malignité. Au demourāt la premiere fois qu'Aratus fut eleu capitaine general de la ligue des Achæiens il courut & pilla le païs de la Locride, qui est uis à uis de la coste d'Achaïe, & la Calydoine aussi : mais il n'arriua pas à temps pour secourir les Bœotiens en la bataille qu'ilz perdirent deuant la uille de Cheronee cōtre les Ætoliēs, là ou Abœœeritus gouuerneur de la Bœoe fut occis sur le chāp avec mille autres Bœotiēs : mais l'annee ensuiuant estāt de rechef eleu capitaine general, il entreprit de regagner la fortresse & chasteau de Corinthe qui estoit une entreprise qui concernoit le bien non seulement de Sicyone en particulier, & de la ligue des Achæiens, ains aussi de toute la Grece, pource que son intention estoit d'en chasser la garnison des Macedoniens, laquelle sembloit proprement un ioug qui tenoit en seruitude tout le demourant des Grecs : car tout ainsi comme Chares capitaine des Atheniens aiant eu quelque auantage en une rencontre sur les lieutenans du Roy, escriuit

Aratus .

au peuple d'Athenes qu'il auoit gaigné une uictoire sœur germaine de celle de Marathon: aussi me semble il que lon ne faudroit point quand on diroit que ceste execution ressembloit naïfvement comme un frere à l'autre, à l'occision des tyrans faite par Pelopidas le Thebain, & par Thrasybulus Athenien, sinõ que ce dernier acte est plus excellent en ce, que ce ne fut pas contre des Grecs, ains contre une domination estrangere qu'il fut executé: car l'encouleur du Peloponese qui separe la mer Ægee d'auec l'Ionique unit & conioint la terre ferme du reste de la Grece auec la presque-isle du Peloponese, ainsi le mont que lon appelle Acrocorinthe, sur lequel est la forteresse, se leuant au milieu de la Grece, quand il y a garnison de gens de guerre dedans, uient à rompre & empescher tout le commerce, traffic & passage d'armees de ceulx qui sont au dedans du de-
G
stroit d'auec ceulx qui en sont au dehors, tant par mer que par terre, & en rend seigneur & maistre celuy seul qui tient la place, de sorte que ce n'estoit point par maniere de ieu ny de mocquerie, ains à la uerité que Philippus le ieune roy de Macedoine souloit appeller la uille & chasteau de Corinthe, les ceps & les fers de la Grece, à l'occasion dequoy la place estoit fort requise & desirée de tout le monde, mesmement des princes & des roys: mais le desir qu'Antigonus en auoit, estoit si ardent qu'il ne differoit en rien de la fureur des plus passionnez amoureux: car il ne faisoit autre chose que penser continuellement comment il la pourroit oster par quelque surprise à ceulx qui la tenoiet, pource que de l'a-
H
uoir par force ouuerte il estoit impossible. Parquoy estant mort Alexandre qui tenoit la place, par poison qu'Antigonus luy feit bailler, comme lon dit, & la forteresse demouree entre les mains de sa femme Nicæa, qui prit le gouuernemēt des affaires, & feit soigneusement garder ceste forteresse d'Acrocorinthe, il y enuoya incontinent son filz Demetrius, & luy donna une douce esperance de nopces royales, en luy promettant de luy faire espouser ce ieune prince: chose qui estoit fort agreable à la Dame, encore qu'elle tiraist desia fort sur l'aage: si la gaigna incontinent quant à elle par le moien de ce sien ieune filz, dont il usa comme d'un appast pour la tirer en ses rets: mais pour cela elle n'abandonna point son chasteau, ains le feit tousiours garder diligemment: dequoy Antigonus monstra semblant de ne se soucier point, faisant de sumptueux sacrifices
I
aux Dieux, des festins, des ieux, tous les iours dedans la uille de Corinthe pour les nopces, comme celuy qui ne uouloit entendre à autre chose qu'à faire festes & la plus grande chere dont il se pourroit aduifer. Quand l'heure de ueoir l'esbattement des ieux fut uenue, & que le Musicien Amœbeus commēça à chāter, luy mesme feit semblant de uouloir accompagner Nicæa iusques au theatre estāt portee dedans une litriere parée & accoustree comme pour une royne. Elle estoit fort aise de cest honneur, & ne pensoit à rien moins qu'à ce qui luy deuoit aduenir: mais quand Antigonus fut alendroit d'une ruelle par ou il fault destourner pour monter contremont au chasteau, il luy dit qu'elle s'en allast tousiours deuant au theatre, & luy ce pendant laissa là Amœbeus auec
K
tout son chant, & toute la feste des nopces, & monta droit au chasteau, s'efforçant plus que son aage ne portoit. Quand il fut amôt il trouua la porte fermee, & frappa de son baston, commandant à ceulx de la garnison qu'ilz ouurissent. Eulx estonnez de le ueoir là en personne, ouurirent: & luy festant ainsi saisy de la place, en fut si aise, qu'il ne se peut contenir dedans les bornes de prudence, ains se meit à banqueter au milieu des rues de ioye qu'il en auoit, & sur la place aiant des menestrieres qui iouoient des instruments deuant sa table, & por-

A tant des chappeaux de fleurs sur sa teste, en follastrant ainsi dissoluëment, comme si c'eust esté quelque ieune homme, luy qui estoit ia uieil & ancien, & qui auoit en ses ans expérimenté tant de mutations de la fortune, & neantmoins encore se laissoit il tant transporter à son aise qu'il saluoit & embrassoit tous ceulx qu'il rencontroit en son chemin: par ou lon peult estimer que la ioye entrant en l'esprit de l'homme sans raison, le fait quelques fois sortir hors de soy, & le met en plus grand trouble d'entendement, que ne font ny la douleur ny la peur. Antigonus doncques aiant gagné la fortreffe d'Acrocorinthe, en la maniere que nous auons dit, il la meit entre les mains & la donna en garde à ceulx dont il se fioit le plus, dont il bailla la charge au philosophe Perseus. Mais Aratus, du uiuant mesme d'Alexâder, fut bien en uolunté de l'entreprêdre, toutes fois il s'en deporta, pource qu'il se feit allié des Acheïens: mais lors il se presenta derechef une autre occasion de l'attenter, qui fut telle. Il y auoit à Corinthe quatre freres natifz de la Syrie, desquelz l'un nommé Diocles estoit soudard de la garnison du chasteau, & les autres aians derobbé de l'or du roy, se retirerent à Sicyone deuers le bancquier Ægias, duquel Aratus se seruoit en ce qui concernoit sa uacation. Ces trois freres luy uendirēt incontinent partie de l'or qu'ilz auoient derobbé: & depuis, l'un d'eulx qui se nommoit Erginus, allant & uenant souuent le ueoir, luy uédit petit à petit le demourant, moienant lequel traffic, Ægias prit familiarité avec luy, & le meit en propos de la garnison de ceste fortreffe d'Acrocorinthe. Erginus luy dit qu'en allant deuers son frere cōtremont les rochers droits & coupez, il auoit apperceu une fente taillee dedās le roc en trauers qui conduisoit à un endroit ou la muraille du chasteau estoit fort basse. Ce qu'entédant Ægias luy respōdit en riant, Et dea mon amy, comment allez uous pour gagner si peu d'or troublant les affaires du roy, ueu que uous pouuez uendre le chasteau, & gagner en une heure seule bien grosse somme d'argent? car aussi bien uous fera lon mourir si uous estes attaincts de ce larcin, comme si uous estiez cōuaincus de trahison. A ceste parole Erginus se prit à rire, & promet qu'il sonderoit là dessus la uolunté de son frere Diocles, pource qu'il ne se fioit pas trop des autres freres: & peu de iours apres retournant, il

D fit marché de conduire Aratus en un endroit de la muraille, qui n'auoit pas plus de quinze pieds de hault, promettāt qu'il luy aideroit à executer le demourant avec son frere Diocles. Aratus promet de leur donner * cinquante talents sil uenoit à bout de son entreprise; & sil y failloit, qu'il leur donneroit à chacun une maison & un talent. Erginus uoulut que les cinquante talents fussent reallement deposez entre les mains du bancquier Ægias. Aratus ne les auoit pas cōptans, & si ne les uouloit pas prêdre à usure, de peur de dōner occasion de souspeçonner & d'esuenter son entreprise: parquoy il prit toute sa uaisselle d'or & d'argent, & toutes les bagues & ioyaux de sa femme, qu'il meit en gage pour la somme, entre les mains d'Ægias: mais Aratus auoit le cuer si grand, & desiroit tant faire de belles choses, que sachant comme Phocion & Epaminondas auoient esté estimez les plus iustes, & les plus hommes de bien, qui fussent en toute la Grece, pour auoir refusé de grands presens qu'on leur faisoit, & n'auoir iamais uolu uendre leur hōneur pour de l'argent, luy passant encore plus oultre, estoit content de auancer & despandre le sien secrettement pour mener à chef une entreprise, là ou il falloit que luy seul se meit en dāger de sa uie pour un bien cōmun à tous, sans que ceulx mesmes, au profit desquelz tournoit l'entreprise, en sceussent rien. Qui sera donc celuy qui n'aura en admiration la ma-

*Trēte mil-
le escus.

Aratus.

gnanimité grande d'un tel personnage, & ne sera, par maniere de dire, encore à ceste heure affectionné à luy aider, ueu qu'il acheptoit si cherement un si grand danger de sa propre personne, & mettoit en gage ce qu'il auoit de plus précieux meuble, pour estre mené la nuit au milieu de ses ennemis, là ou il luy faudroit combattre pour sa propre uie, sans auoir autre plege ny autre gage que l'esperance de faire une belle chose, & rien d'auantage? Mais si l'entreprise estoit de soy perilleuse, un erreur qui suruint par ignorance tout au commencement, la rendit encore plus dangereuse, car Aratus auoit enuoyé deuant un de ses gens nommé Technon avec Diocles pour recognoistre la muraille: ce Technon n'auoit encore iamais parlé à Diocles, mais il pensoit bien auoir sa forme emprainte en son entendement par les enseignes que Erginus luy auoit baillees, qu'il auoit les cheveux crespes, le uisage noir, & point de barbe. Estant doncques arriué alendroit ou Erginus auoit dit qu'il se trouueroit avec Diocles, il attendit deuant la uille en un lieu qui se nommoit Ornis: pendant qu'il estoit là attendant, le premier frere de Diocles nommé Dionysius, qui ne sçauoit rien de l'entreprise, ny n'estoit point de l'intelligence, & qui ressembloit de uisage à Diocles, y suruint par cas d'adventure. Technon emeu par les marques qu'il apperceuoit en luy toutes semblables à celles que lon luy auoit baillees, luy demanda s'il tenoit rien à Erginus: il respondit qu'il estoit son frere: parquoy il se persuada incontinent qu'il parloit certainement à Diocles, & sans luy demander son nom, ny rechercher autre indice quelconque, luy toucha en la main, & luy commença à parler de l'intelligence qu'il auoit avec Erginus, & à luy en demander. L'autre recueillant son erreur finement luy aduoua tout, & quand & quand sen retourna uers la uille deuisant avec luy, sans que Technon se doubtaist de rien: mais sur le point que ce Dionysius estoit tout prest de luy mettre la main sur le collet, Erginus y arriua aussi, lequel s'estant apperceu de l'erreur que Technon auoit fait, & du danger ou il estoit, luy fit signe de la teste qu'il sen fouist, & se prenans tous deux à courir, se sauuerent de uistesse uers Aratus: lequel pour cela ne perdit encore point l'esperance, ains enuoya tout aussi tost Erginus porter de l'argent à ce Dionysius, & le prier de ne descourir rien de ce qu'il auoit entendu, & d'auantage le mena quād & luy à Aratus: mais quand ilz le teindrent une fois, ilz ne le laisserent plus aller, ains le lierent & le fermerent en une chambre enfermée, pendant qu'ilz se preparoient pour executer leur entreprise. Quand toutes choses furent prestes, Aratus ordonna au reste de son armee, qu'ilz demourassent derriere en armes toute la nuit, & luy avec quatre cents hommes des meilleurs qu'il eust, qui ne sçauoient eulx mesmes, ou ilz alloient, ne pourquoy, tira droit uers les portes de la uille passant le long du temple de Iuno. Il estoit lors enuiron le cueur d'esté, & se trouuoit la lune au plein, le ciel clair sans nuee quelconque, de sorte qu'ilz auoient grande peur que leurs armes reluisantes aux rayons de la lune, ne les decelassent: mais ainsi que les premiers approcherent assez pres de la uille, se leuerent des nuees de la mer qui couurirent toute la uille & les enuiron d'icelle, de maniere qu'elles y feirent ombre, & là tous les autres se seans en terre deschaufferent leurs souliers, tant pource que lon fait moins de bruit, que pource qu'on glisse moins en montant à pieds nuds sur des eschelles: mais Erginus & sept autres ieunes compagnons habillez comme gens qui uoient, entrerent secrettement dedans la porte de la uille, ou ilz tuerent le portier & les gardes qui estoient avec luy. Au mesme instant Aratus fait appuyer les eschelles cōtre les murailles, par lesquelles

A les il feit monter en diligence cent soudards, & enuoya commander aux autres qu'ilz le suyussent le mieulx qu'ilz pourroient, puis faisant tirer amont les échelles à la plus grande haste qui luy fut possible passa à trauers la uille avec ses cent hommes pour aller uers le chasteau, estant aussi ioyeux comme s'il eust tenu la chose pour ia toute faite, à cause qu'il ne se sentoit point descouuert. Mais en allant ilz apperceurent uenir contre eulx quatre hommes du guet portans de la lumiere: ces hommes ne les uoioient point, à cause qu'ilz estoient encore dedans l'ombre, & au contraire eulx les uoioient bien claiement de tout loing: parquoy Aratus & ses gens se serrerent un peu contre de uieilles murailles & mafures, pour les attendre; & de primfault en tuerent les trois: mais le quatrième blecé d'un coup d'espee sur la teste s'en fouit criant que les ennemis estoient dedans la uille. Incontinent les trompettes sonnerent l'alarme, toute la uille se eueut, & furent aussi tost toutes les rues pleines de gens, qui couroient ça & là, & de lumieres qui esclairoient par tout, tant au bas de la uille comme en hault au chasteau, & entendoit on un grand bruit confus de tous costez. Aratus cependant s'efforceoit de monter contre mont les rochers droits; & coupez pas à pas du commencement, & avec grande peine & grande difficulté, n'estât pas dedans le sentier qu'il deuoit tenir, ains l'ayant failly à cause qu'il estoit fort enfoncé & caché entre les rochers, & que avec plusieurs tours & retours il alloit aboutissant au pied de la muraille du chasteau: mais tout soudain comme par un miracle expres, la lune penetraut atrauers les nuees, mesmement lors qu'ilz furent alendroit le plus malaisé de tout le chemin, leur esclaira iusques à ce qu'il arriua alendroit de la muraille, ou il falloir qu'il s'y trouuast; là ou derechef la lune se recacha, pource que les nuees se rassemblerent. Au reste les trois cents soudards que Aratus auoit laissez à la porte pres du temple de Iuno, quand ilz furent entrez dedans la uille pleine de bruit & de tumulte & de lumieres, ne pouuans trouuer le sentier, par ou les autres estoient montez ny les suiure à la trace, ilz se rengerent & se serrerent ensemble au long d'un flanc de rocher umbragé & obscur, attendans en grande destresse & grande agonie d'esprit, des nouuelles d'Aratus, qui estoit desia attaché au combat contre la garnison du chasteau, laquelle tiroit cōtre luy & cōtre sa troupe à toute puissance. On oyoit bien au bas du chasteau un grand bruit de gens qui combattoient: mais le son en estoit si confus pour le retentissement des rochers & du mont, que lon ne sçauoit certainement discerner dont il procedoit. Eulx doncques estans en ceste perplexité, & ne sachans en quelle part ilz deuoient tourner, Archelaus capitaine des gens du roy Antigonus, aiant bon nombre de combattans, monta à mont avec grands criz & grand bruit de trompettes pour aller donner sur la cueuë à Aratus & à sa troupe: mais passé qu'il fut oultre les trois cēts soudards, ilz se leuerent en sursault comme s'ilz eussent expressement esté là mis en embusche, & chargeans sur luy, occirent ceulx qu'ilz peurent ataindre les premiers, & effroyerent les autres avec Archelaus mesme, de maniere qu'ilz les escarterēt tous en fuite, les uns d'un costé les autres d'un autre. Et sur le poinct qu'ilz uenoient d'estre desfaits, arriua Erginus deuers ces trois cents, uenāt d'avec ceulx qui combattoient, & leur apporta nouuelles comme Aratus estoit attaché au combat de main contre ceulx du chasteau qui se defendoient uaillamment, & qu'ilz combattoient fort asprement pour la muraille, au moien dequoy il estoit besoing de le secourir promptement. Les soudards luy dirent qu'il les menast doncques tout de ce pas sans plus attendre: comme il feit: & en montant si-

gnifierét par leurs cris à leurs gens qu'ilz alloient à leur secours : d'auantage la lune qui estoit au plein donnant sur leurs harnois, faisoit imaginer & penser aux ennemis, qu'ilz fussent en plus grand nombre qu'ilz n'estoient pour la longueur du chemin qu'ilz faisoient en môtant au long des rochers, & aussi pour ce que la resonance de la nuit estoit cause que leur clameur sembloit uenir de beaucoup plus grosse troupe qu'ilz n'estoient. En somme se ioignans avec les autres ilz feirent tel effort qu'ilz poulserent ceulx de la garnison hors de la muraille, gaignerent le dessus, & furent en fin maistres de la place à l'instant propre que le iour commença à poindre, de sorte que tout à un coup le soleil leuât uint à esclarcir leur exploit, & le demourant de leur armee à arriuer de Sicyone que les Corinthiens receurent bien uoluntiers à portes arriere ouuerres, leur aidans à prendre les gens du roy, puis quand il leur sembla que tout estoit bien assuré, alors Aratus descendit du chasteau au theatre de la uille, ou il accourut une multitude innumerable de peuple, tant pour enuie de le uoir, que pour ouir les remonstrances qu'il feroit aux Corinthiens : parquoy aiant disposé les Acheiens aux entrees du theatre d'un costé & d'autre, luy tout armé comme il estoit, entra sur la scene & se tira en auant aiant le uisage tout changé, tant pour la peine qu'il auoit enduree que pour la faulte de dormir : tellement que la lassitude du corps amortissoit l'aïse & le contentement de l'esprit. Et comme toute l'assistance du peuple, aussi tost qu'il se presenta sur la scene, se debordast à luy faire toutes les demonstrations d'honneur, de caresses, & de bon recueil qui leur estoit possible, il transposa sa iaueline de la main gauche en la droite, & pliant un peu le genouil, & le corps s'appuya dessus, & se teint longuement de bout en ce poinct auant que parler, receuant les cris de ioye & les battemens de mains que faisoit tout ce peuple louant sa uertu, & benissant sa bone & heureuse fortune : puis quand ilz eurent cessé, & qu'ilz se furent rassis, adóc composant sa contenance, il commença à leur faire une harengue au nom de toute la ligue & communaulté des Acheiens cōuenable à ce qu'il uenoit d'exceuter, leur suadant de se uouloir ioindre & unir à icelle : & quand & quand il leur rendit sur l'heure mesme les clefz de leur uille, lesquelles iusques alors n'auoïent point esté en leur puissance, depuis le temps du roy Philippus. Et quant aux autres capitaines d'Antigonus, aiant pris prisonnier Archelaus, il le laissa aller, & fait mourir Theophrastus, pource qu'il ne uouloit pas sortir de Corinthe : mais Perseus uoiant que le chasteau s'en alloit perdu, se sauua secrettement de uistesse en la uille de Cenchrees : & dit on que depuis estant quelque fois tumbé en propos de la philosophie, comme quelqu'un mainteint qu'il n'y auoit que le parfait sage, qui peust estre bon capitaine. C'est bien, respondit il (ainsi me soient les Dieux en aide) l'une des opinions de Zenon, qui m'a autrefois esté la plus agreable : mais maintenant ce ieune homme Sicyonien m'a bien fait changer d'aduis. plusieurs historiens escriuent notamment ce propos de Persæus. Au reste Aratus se saisit aussi lors incontinent du temple de Iuno & du port de Lecheum, là ou il prit uingt & cinq uaisseaux de ceulx du roy, & cinq cents cheuaux de seruice pour la guerre, & quatre cents Syriens qu'il uendit tous. Les Acheiens laisserent dedans la forteresse d'Acrocorinthe une garnison de quatre cents hommes de pied, cinquante chiens, & autant de ueneurs, qui tous estoïent nourriz & entretenus pour la garde du chasteau. Or les Romains aians en admiration la uertu de Philopœmen, l'appellerent le dernier des Grecs : mais aussi pourrois ie bien dire que cest acte (à mon aduis) est le dernier exploit notable

A de uertu des Grecs, estant (à mon aduis) semblable, tât en hardiesse qu'en prosperité, aux plus beaux des anciens, cōme tesmoigna bien ce qui en ensuiuit incontinent apres: car les Megariens se departans d'auec Antigonus, se ioignirēt incontinent à Aratus, & les Trœzeniens avec les Epidauriens entrèrent aussi tost en la ligue & societé des Acheïens, & à la premiere saillie qu'il feist, il alla courir le pais de l'Attique, & passa en l'isle de Salamine, laquelle il pillā & sacagea toute, ne plus ne moins q̄ si l'eust deliuré & tiré hors de prison la puissance des Acheïens pour s'en seruir à tout ce que bon luy sembleroit, mais il renuoya francs les prisonniers Atheniēs sans leur faire payer aucune rençon pour leur faire uenir enuie de se rebeller contre les Macedoniens. Qui plus est, il feist

B le roy Ptolomeus allié & cōfederé des Acheïens, sous condition qu'il auroit la preeminence & superintendence en la guerre tant par mer que par terre: à raison desquelz effectz, il acquit si grande autorité & un tel credit entre les Acheïens, que ne pouuant estre eleu continuellement d'an en an capitaine general, à cause que les loix le defendoient, il l'estoit tousiours pour le moins de deux ans l'un, mais de faict & de conseil il auoit tousiours l'autorité de commander, pource qu'ilz uoyoient & cognoissoient euidentement qu'il n'y auoit ny gloire, ny richesse, ny amitié des princes & des roys, ny le profit mesme particulier de la cité dont il estoit nay, ny autre chose quelconque, qu'il preferast à l'augmentation & à l'accroissement de la communaulté des Acheïens: aiant opinion que les uilles estoiet d'elles mesmes chascune à par soy foibles, & se cōseruoient les unes les autres estans liees ensemble par la chaisne du bien public, ne plus ne moins que es corps des animaux, les parties uiuent, se nourrissent & prenēt esprit de uie par la liaison qu'elles ont les unes avec les autres, & soudain qu'elles sont separees, elles ne prennent plus de nourriture, & se corrompent & pourrissent: semblablement aussi les uilles perissoient par ceulx qui desmembroient leur societé, & au contraire alloient en accroissant lors que se faisant partie d'un autre grand corps, elles se sentoient de la commune prouoiance: & uoyant que les principales uilles d'alentour estoient libres & uiuoient à leurs loix, il luy sembla chose indigne de laisser les Argiens en seruitude: si espia les

D moiens de faire mourir le tyran Aristomachus qui les dominoit, tât pour rendre graces à la uille de ce qu'il y auoit esté en son enfance esleué & nourry, cōme aussi pour ioindre celle grosse & puissante cité à la ligue des Acheïens. Or se trouua il asses gens qui eurent bien le cueur & la hardiesse de l'oser entreprendre, dont furent les chefs Æschylus & Charimenes le deuin, mais ilz n'auoient point d'espees, pource qu'il estoit tres estroittement defendu d'en tenir, & y auoit de fort griefues punitions ordonnees par le tyran contre ceulx qui en feroiet trouuez saiziz. Parquoy Aratus leur feist à Corinthe forger de petites courtes dagues qu'il cousut dedans des bastines que lon chargea dessus des bestes de uoitture, qui portoient ne sçay quelles meschantes hardes, mais le deuin Charimenes communiqua l'entreprise à un tiers, & l'associa à leur coniuration, dōt Æschilus estant mal content, commēça à mener sa pratique à part, & se retirer d'auec culx, dequoy l'autre s'apperceuat, en fut si despit, qu'il les decela ainsi comme ilz s'en alloient pour executer leur entreprise. Toutefois la pluspart des complices de la conspiration, se sauua & se retira à Corinthe: ce nonobstant le tyran Aristomachus peu de tēps apres fut occis par ses propres seruiteurs. Mais un autre tyran Aristippus plus meschant que le premier, se hasty d'usurper la tyrannie auant que lon y peust obuier: ce neantmoins Aratus avec tous les ieu-

Aratus.

nes hommes Acheïens qui se trouuoient en aage de porter armes, y alla promptemēt au secours, esperant y trouuer les uolūtez de ceulx de la uille bien disposées à recouurer leur liberté: mais le peuple estāt desia tout accoustumē à porter uoluntaiemēt le ioug de seruitude, pour le long temps qu'il y auoit qu'il estoit asseruy, il ne trouua personne qui se rengeast de son costé: & ainsi se retourna sans rien faire, sinō que lon imputa aux Acheïens, qu'en pleine paix ilz auoient commencé la guerre, & en furent sur ce appelez en iustice par deuant les Mantiniens, à l'instance & poursuite d'Aristippus. La cause fut plaidee en l'absence d'Aratus, & furent condemnez en l'amēde de trente marcs d'argent. Depuis cest essay, Aristippus craignant & haissant mortellement Aratus, espia de le faire tuer, à l'aide du roy Antigonus qui le secondoit à ce faire, & y auoit presque par tout gens au guet, qui n'espioient & ne cherchoient que le temps propre pour executer ceste uolunté: mais il n'est point de si seure garde pour un seigneur & un capitaine que la uraye & constante bienueuillance des subiects: car depuis que la noblesse & le commun peuple sont accoustumez à craindre, non celuy, mais pour celuy qui leur commande, alors il uoit de plusieurs yeux, il oyt de plusieurs oreilles, & sent de loing tout ce qui se fait. Pourtant ueux ie un petit arrester le fil de mon histoire en cest endroit, pour exposer la maniere de uie de ce tyran Aristippus, à laquelle ceste tant enuiee domination tyrannique, & ceste fumee de seigneurie, que tant on souhaite & tant on estime, l'auoit reduit. Car encore qu'il eust le roy Antigonus pour allié, qu'il entreteint grand nombre de gens de guerre pour la seureté de sa personne, & qu'il n'eust laissé dedās la uille aucun de ses ennemis & malueuillās uiuant: ce neātmoins il uouloit que ses gardes & satellites logeassent & feissent le guet au dehors de son palais sous les galeries & portiques d'alentour, & chassoit ses seruiteurs tout aussi tost comme ilz auoient souppé, puis fermoit sa court sur luy, & falloit fermer luy seul avec une siene concubine dedans une petite chambre haute qui se fermoit avec une trappe, dessus laquelle il mettoit son liēt & y dormoit de tel somme que doit dormir une personne qui est continuellemēt en telle deffiance & en telle frayeur: puis quand il y estoit mōté, la mere de son amye uenoit oster l'eschelle, & l'enfermoit dedās une autre chambre, & puis l'y remettoit le lēdemain au matin appellāt ce beau tyran, qui sortoit de là, ne plus ne moins q̄ fait un serpēt de son creux & de son trou. Là ou Aratus au contraire aiant acquis nō uiolentemēt par armes, ains legitimemēt par uertu une principauté perpetuelle, sans estre ordinairement couuert d'autre chose q̄ d'une simple robe & d'un manteau de peu de ualeur, s'estāt déclaré ennemy mortel de toute sorte de tyrās, a laissé une race & lignee de ses descēdās, qui dure iusques au iour d'huy. tresnoble & tresillustre entre les Grecs: & à l'opposite il se trouue bien peu de ces tyrās, qui userpēt les fortresses des uilles libres, qui soudoiēt & entretenēt tant de satellites, qui se réparent de tāt d'armes, tant de portes, & tāt de pōts leuis pour la seureté de leurs personnes, qui se sauuet à la fin de mort uiolēte, non plus que les lieures, & si ne laissent ny posterité, ny maison, ny sepulture, dont leur memoire soit honoree apres leur mort. Aiant doncques Aratus essayé par plusieurs fois, & d'éblee, & à force ouuerte, de surprendre la uille d'Argos, & l'oster à ce tyran Aristippus, il y auoit tousiours failly, mesmemēt une nuit entre autres qu'il y entra fort hazardeusemēt par eschelles avec peu de gēs de guerre, & tua les gardes qui accoururent celle part au secours: mais puis apres quand le iour fut uenu, & que le tyrā avec toutes ses forces, luy uint courir sus, les Argiēs
comme

A comme si ce n'eust point esté pour leur liberté qu'Aratus eust cōbattu, ains tout ainsi que filz eussent esté iuges seans à ucoir l'esbattement des ieux de Nemee, pour adiuger de bonne foy le pris au uainqueur, sans uouloir fauoriser à l'une ny à l'autre partie, ne se bougerent aucunement: & ce pendant Aratus combattant en homme de biē, receut un coup de picque, qui luy percea la cuisse de part en part, toutefois il gaigna à la fin le quartier de la uille ou il cōbattoit, & n'en fut point deboutté iusques à la nuit, quelque effort que feissent les ennemis, & si eust aussi bien peu durer au trauail toute la nuit, il fust uenu au dessus de son entreprise: car le tyran ne regardoit plus qu'à fouir, & auoit desia enuoyé uers la mer beaucoup de ses biens, mais il n'y eut iamais homme qui en allast dire aucune nouuelle à Aratus, ioinct aussi qu'ayant faulte d'eau, & ne se pouuant pas aider à cause de sa bleccure, il fut à la fin contrainct de remmener ses gens sans rien faire. Parquoy desesperant de la pouuoir plus auoir par surprise, il y alla à force ouuerte, pillant & fourrageant tout le plat país d'Argos, là ou il y eut une grosse rencontre aupres de la riuierē de Chares contre le tyran Aristippus, en laquelle on donna grand blasme à Aratus d'auoir abandonné la uictoire, & de sestre laschemēt retiré de la meslee, pource que le reste de son armee auoit sans point de doubte eu l'auantage, & ayant chassé les ennemis iusques bien loing, luy n'estant pas tant pressé & forcé de reculer, comme soy desiant d'auoir gaigné, & s'estant effroyé, se retira avec ses gens dedans son camp tout troublé: & comme les autres retournans de chasser, se courrouceassent de ce que ayant rōpū les ennemis, & en ayant tué beaucoup plus grand nombre qu'ilz n'en auoiēt perdu des leurs, neantmoins ils laissoient, à faulte de cuer, dresser sur eulx un trophée en signe de uictoire par ceulx qu'ilz auoiēt battus & desfaits, ayant hôte de cela, il proposa d'essayer le combat une autre fois pour le trophée. Et un iour seulement entre deux, il sortit aux champs, & presenta une autre fois son armee en bataille: mais neantmoins depuis uoyant qu'il estoit arriuē un gros renfort à son ennemy, & que ceulx du tyran uenoīēt au combat plus franchement que deuant, il ne l'osa pas attendre, ains se retira, enuoyant demander cōgé d'enleuer ses morts pour les ensepuclir: toutefois il sceut si gracieusement parler, & si sagement se conduire pour l'experience qu'il auoit de gouuerner, & aussi pour la bienueuillance qu'on luy portoit, qu'il effacea ceste faulte là, & acquit aux Acheiens la uille de Cleones, là ou il feit celebrer la feste des ieux de Nemee, comme appartenant de toute ancienerē plus tost aux Cleoneciens, que non point aux Argiens. Toutefois les Argiens la celebrerent aussi, & fut lors premierement rompue la franchise & la seureté que lon souloit donner à ceulx qui uenoient pour combattre à telz ieux, par ce que les Acheiens arresterēt prisonniers ceulx qui auoient combattu en Argos, en repassant par leurs terres, & les uendirent comme ennemis: tant Aratus & les Acheiens haïssoient asprement, & sans uouloir pardonner, toutes sortes de tyrans. Peu de temps apres il fut aduertty comme le tyran Aristippus espioit quelque occasion pour luy surprendre la uille de Cleones, mais qu'il le craignoit, à cause qu'il faisoit sa résidence à Corinthe, si enuoya mādemens par tout pour faire assembler l'armee de la ligue: & commāda q̄ lon eust à faire prouision de uiures pour plusieurs iours, & descendit à Cenchrees, prouoquant Aristippus par la ruze de cest esloignement, à fin qu'en son absence il attentast de courir sus aux Cleoneiens, comme il en aduint: car il ne faillit pas incontinent de sy en aller avec son armee: mais Aratus retournāt de Cenchrees à Corinthe, qu'il estoit desia nuit toute noire,

Aratus .

& aiant mis des gardes sur tous les chemins , il mena tout soudain l'armee des F
Acheïens droit à Cleones, si uistement & si paisiblement, qu'ilz ne furent point
apperceus par les chemins, ains entrèrent dedàs la uille de Cleones, qu'il estoit
encore nuit, & furent prests à combattre auant que le tyran en sceust rien. Si
furent les portes de la uille ouuertes au poinct du iour, & le signe de la bataille
donné au son des trompettes, & courans sus avec grands cris aux gens du tyran
qui ne se doubtoient de rien moins, les tournerent d'arriuee tous en fuite: &
pourautant que le lieu ou se fait la rencontre auoit plusieurs destours, Aratus en
chassant se meit sur le chemin qu'il luy sembla que le tyran auroit plus tost sui-
uy. La chasse dura iusques à la uille de Mycenes, là ou le tyran fut atteint par un G
Candiot nommé Tragiscus, ainsi comme le met Dinias, qui le tua, & y mourut
de ses gens plus de quinze mille combattans. Mais Aratus aiant gagné une si
belle & si heureuse uictoire qu'il n'y auoit pas perdu un tout seul hōme, ne peut
pas toutefois prendre la uille d'Argos, ny la remettre en liberté, par ce qu'un
Ægias & un second Aristomachus se ietterent dedàs avec l'armee du roy, qui la
teindrent: mais bien effacea il par cest exploit d'armes bonne partie du blasme
qu'on luy donoit, & des broccards & traiçts de moquerie que disoient de luy
les flatteurs des tyrans, lesquelz, pour leur complaire, alloient racomptant, que
quand on uenoit à iouer des cousteaux le uentre s'emouuoit au capitaine gene-
ral des Acheïens, & qu'il luy prenoit un esblouissement d'yeux & un tournoye-
ment de teste soudain qu'il entendoit le son des trompettes: & que quand il a- H
uoit mis ses gens en ordonnance & donné le mot de la bataille, il demandoit
aux chefs des bendes, s'il y estoit besoing de sa presence, pource qu'il estoit ble-
cé aux talons, & puis s'en alloit bien loing attendre quelle seroit l'issue de la bat-
taille. Ces propos estoïent desia si communs, que les philosophes mesmes dispu-
tans, à sçauoir si trembler & changer de couleur quand un peril se presente sont
signes de foiblesse de cuer, ou bien d'une mauuaise complexion & froideur
de corps, alleguoient tousiours Aratus comme estant bon & uailât capitaine,
à qui neantmoins cela tousiours aduenoit à l'instant que commenceoit le cō-
bat. Apres doncques qu'il eut desfait Aristippus, il espia aussi les moiens de rui- I
ner Lydiadas Megalopolitain, qui tenoit comme seigneur souuerain son païs
la uille de Megalipolis, toutefois il n'auoit point le cuer bas ne uillain, ny ne
festoit point laissé aller à ceste uiolente usurpation de tyrannie par effrence
concupiscence de uiure à son plaisir, ne par auarice insatiable, comme font la
plus part des princes, ains estant poulxé d'un desir d'honneur & de gloire estât
encore ieune homme, & aiant receu inconsiderement en son cuer, qui e-
stait hault & grand, les propos faux & uains qu'il entendoit dire de la princi-
paulté cōme de chose grandement heureuse & admirable, il trouua moien de
se faire seigneur de son païs: mais il fut puis apres bien tost saoul des dangers &
trauaux que telle seigneurie porte quand & soy, & desirât imiter Aratus, lequel
il uoyoit prosperer en gloire & en hōneur, ioint aussi qu'il redoubtoit les aguets K
quil luy dresseoit, il luy prit une tres honeste & tres louable uolunté de se deli-
urer premierement de haine & de crainte de prison & de garde de satellites, &
par consequence d'estre bienfaiteur de son païs: si enuoya querir Aratus, quit-
ta sa seigneurie, & meit sa uille en la ligue & communaulté des Acheïens: pour
lequel acte ilz le louerent haultement, & l'eleurent capitaine general de leur
ligue: & luy, uoulant du premier coup surpasser la gloire d'Aratus, attenta plu-
sieurs choses qui ne sembloient point necessaires, cōme entre autres il cōmen-
cea

A cea la guerre aux Lacedemoniens, à quoy Aratus luy uoulut bien resister, mais on estima qu'il le feist parenuie, au moien de quoy il fut pour la seconde fois esleu capitaine general des Acheïens, nonobstant toutes les menées d'Aratus qui luy contrarioit ouuertemēt, & prochassoit d'en faire eslire un autre: car luy estoit tousiours esleu des deux ans l'un. Si fut ce Lyfiadas esleu par trois fois capitaine general de la ligue des Acheïens au grand contentemēt de tout le monde, & auoient l'autorité souueraine de commander alternatiuemēt l'un apres l'autre, Aratus & luy: mais à la fin, pource qu'il prit une inimitié declarce encōtre luy, & qu'il le blasmoit & chargeoit ordinairement au cōseil des Acheïens, on s'en fascha, & le reietta lon, par ce que lō estima que ce fust une uertu feincte & simulee qui uouloit estriuer & contester alencōtre d'une uraye, pure, & sincere. Et tout ainsi comme *Æsopus* dit que les petis oiseaux respondirēt au cocu qui leur demandoit pour quelle raison ilz le fuyoient, que c'estoit pource qu'ilz craignoient qu'à la fin il ne deuint esparuiuer: aussi semble il qu'il estoit demouré en l'opinion des hommes ne sçay quoy de suspicion de la tyrannie de Lyfiadas, qui faisoit estimer qu'il ne s'estoit point mué de bonne & franche uolunté. Mais Aratus acquit aussi grand honneur par les choses qu'il feit alencontre des *Ætoliens*: car comme les Acheïens à toute force les uoulussent combattre sur les confins du territoire de *Megare*, & que mesme le roy des Lacedæmoniens *Agis*, estant avec son armee arriué au camp de la ligue, les enhortast & incitast à leur donner hardiment la bataille, Aratus y contredit fermement, & endura plusieurs reproches & plusieurs attaintes de moquerie qu'on luy tira, en le chargeant de lascheté & de couardise: mais nonobstant tout cela, il n'abandonna point la resolution de son conseil salutaire pour une infamie apparente seulement, ains laissa les ennemis passer le mont de *Gerania*, & entrer au dedās du *Peloponese* sans les combattre: toutefois depuis uoiant que d'arriuee ilz auoient pris la uille de *Pallene*, il ne suiuit plus son premier aduis, ny ne uoulut plus perdre temps, en attendant que ses forces fussent entierement assemblees, ains sans plus differer, marcha droit avec ce peu de gens quil auoit ensemble contre les ennemis, lesquelz s'affoiblirent eulx mesmes pour user insolentemēt & desordonnemēt de leur uictoire, iusques à ne se tenir point sur leurs gardes: car ilz ne furent pas plus tost entrez dedans la uille de *Pallene*, que les soudars sescarterent incontinent par les maisons, s'entrepoulsans les uns les autres, & s'entrebattans pour les biens qui y estoient, & les capitaines allerent aussi rauifsans les filles & les femmes des *Palleniens*, aux quelles ilz mettoient leurs morrions & armets sur les testes, à fin que nul autre ne les prist, ains que lon cogneust à l'armet qui seroit le maistre de chascune. Mais ainsi qu'ilz estoient en ces termes & entendoient à cela, on leur uint soudainement apporter nouuelles qu'Aratus arriuoit, ce qui meit soudainement un tel effroy parmy eulx, que lon peult estimer, se uoyans surpris en desarroy: car auāt qu'ilz fussent tous aduertis du danger de la surprise, les Acheïens estoient desia attachez au combat iusques dedans les portes de la uille, & dedans les faulxbourgs contre les premiers qui furent incontinēt deffaits: & ceulx là rompus & fuyans à ual de ruyte meirent en telle perplexité ceulx qui festoient r'alliez ensemble pour aller au secours, qu'ilz ne sçauoient qu'ilz deuoiēt faire. En ce tumulte y eut l'une des dames captiues fille de *Epigethes* l'un des plus nobles de la uille, & elle grande & belle à merueilles, laquelle estant assise dedans le temple de *Dianē*, ou l'auoit retiree le capitaine qui l'auoit prise & choisie pour soy, & qui luy auoit mis son

Aratus .

armet sur la teste, accourut soudainement quand elle entendit le bruit des combattans, & se presenta à la porte du temple avec l'armet sur sa teste pour regarder la meslee. Ceulx de la uille la uoyans en cest accoustrement, la trouuerent plus uenerable à ueoir, & de plus grande maiesté que d'une creature humaine, & les ennemis en conceurent une telle frayeur, cuidans ueoir un fantasme, qu'il n'y en eut pas un qui eust le cuer de soy mettre en defence. Aussi disent les Pal-
leniens, que l'image de Diane tout le reste du réps demoure serree sans que lon y touche, & que quand la religieuse qui en a la charge la remue pour la porter ailleurs, personne ne l'oze regarder, ains tout le monde en destourne les yeux, pource que la ueuë n'en est pas seulemēt espouuētable & dommageable aux hō-
mes, mais aussi qu'elle rend les arbres par ou lon la passe steriles, & y fait auorter
les fruiçts. Ce fut l'occasion qui troubla lors ainsi l'entendement aux Ætoliens, par ce que la religieuse en transportant l'image de la Deesse, la tourna deuers eulx: toutefois Aratus en ses Commentaires ne dit rien de tout cela, ains escrit
seulement, qu'ayant desfait les Ætoliens, & les chassant, il entra pelle mesle quand & les fuyans dedans la uille, dont ilz les ietta hors, & en tua sept cents. Ce faict d'armes a esté renommé depuis entre les plus glorieux, & l'a le peintre Timanthes exprimé & représenté fort au uif. Ce neantmoins pource que
plusieurs princes, peuples & nations se benderent incontinent alencontre des Acheiens, Aratus appointa depuis, & fit paix & alliāce offensive & defen-
sive avec les Ætoliens par l'entremise d'un Pantaleon qui auoit fort grand cre-
dit & autorité entre eulx. Au surplus desirant aussi affranchir les Atheniens, il essaya de surprendre d'emblee le port de Piræe, dont il fut repris & blasmé
par les Acheiens, à cause qu'il auoit enfrainct la trefue qu'ilz auoient avec les Macedoniens: mais luy en ses commētaires nie fort & ferme que ce ait esté luy, & en reiette la coulpe sur Erginus, celuy par le moien duquel il recouura le cha-
steau d'Acrocorinthe, disant que ce fut luy qui de son propre mouuemēt essaya de l'escheller, & que festant son eschelle rompue soubz luy, il se prit à fouir: &
que se sentant poursuiuy de pres par les ennemis, il appella continuellement Aratus, comme s'il eust esté present, & qu'il se sauua aiant abuzé les ennemis par
ceste ruze de guerre. Toutefois ceste respōce ne me semble pas uray semblable, pource qu'il n'est pas croyable que Erginus soudard priué, Syriē de nation, eust
mis une si grande entreprise en sa teste, si ce n'eust esté du sceu & par le commā-
dement d'Aratus, qui luy eust baillé gens, temps & moien de l'entreprendre: ce
que depuis il monstra bien euidemment, par ce qu'il n'attenta pas deux & trois
fois seulement, mais plus encore, comme ceulx qui desirent impatiemēt une
chose, de surprendre ce port de Piræe, ne se rebuttāt point pour auoir failly une
fois, ains plus tost asseurant derechef son esperance pour l'auoir failly de peu
& en estre approché bien pres: & une fois, entre autres, en fuyant par la plaine
Thriasie, il se denoua la iambe, & luy fallut faire plusieurs incisiōs pour le gua-
rir, de sorte qu'il fut long temps que lon le portoit dedās une litiere à la guer-
re. Depuis estant mort Antigonus, & Demetrius succedé au royaume, il attenta
encore plus que iamais de deliurer la uille d'Athenes, faisant bien fort peu de
compte des Macedoniens. Et pource aiant esté desfait en bataille pres de Phy-
lacia par un lieutenant du roy Demetrius nommé Bithys, & estant incontinct
couru par tout un grand bruit qu'Aratus estoit mort, ou pour le moins qu'il e-
stoit prisonnier, celuy qui gardoit le Piræe, qui estoit un capitaine nommé Dio-
genes, escriuit une lettre missiue à Corinthe, par laquelle il mandoit à la gar-
nison

Anison des Acheïens qui la tenoit, qu'ilz eussent à luy rendre la uille, pourautāt qu'Aratus estoit mort: & il se trouua d'adventure lors dedans Corinthe, de forte que ceulx qui auoient apporté les lettres, s'en retournerent mocquez, sans faire autre chose que donner à rire à la compagnie: qui plus est, le roy mesme Demetrius enuoya de la Macedoine une galere, sur laquelle il uouloit qu'o luy amenast Aratus lié & garotté: & les Atheniens mesmes pour complaire aux Macedoniens, surpassans toute legereté de flatterie, porterent tout un iour des chapeaux de fleurs sur leurs testes en signe de resiouissance publique, quand on apporta les premieres nouuelles qu'il estoit mort, dequoy Aratus estant irrité mena incontinent son armee contre eulx iusques tout ioignant le faulx bourg de l'Academie, toutefois à leurs prieres il n'y fit point de dommage, & depuis les Atheniens recognoissans sa uertu, quand le roy Demetrius uint à mourir prirent enuie de recouurer leur liberté: & luy, combien qu'il y eust ceste annee là un autre capitaine general des Acheïens, & qu'estant detenu par une longue maladie il ne bougeast du liēt, toutefois à ce besoing il se fit porter dedās une litiere iusques à Athenes, & fit tant enuers le capitaine de la garnison Diogenes, qu'il fit rendre aux Atheniens le port de Pirée, la forteresse de Munichia, & l'isle de Salamine, & le chasteau de Sunium, moienant la somme de *cent cinquante talents, dont luy mesme Aratus en fournit du sien propre douze mille: & cela fait, se ioignirēt incontinent aux Acheïens les Æginetes & les Hermioniens, & la plus part de l'Arcadie mesme, de sorte qu'estans pour lors les Macedoniens distraicts à autres guerres qu'ilz auoient alencontre de leurs uoifins, la puissance des Acheïens prit un grand accroissemēt, aians mesmement pour allies les Ætoliens. Adonc Aratus uoulant accomplir son ancienne promesse, & se faschāt de ueoir la cité d'Argos, qui leur estoit si uoisine, encore detenue en seruitude, enuoya deuers Aristomachus luy remōstrer qu'il se uoulust contenter de remettre sa uille en liberté & l'associer à la ligue des Acheïens, comme Lysidas auoit fait de la siene, & de uouloir plus tost estre capitaine general avec honneur & louange d'une si grosse & si puissante communaulté, que tyrā d'une seule uille hay, & à toutes les heures du iour & de la nuit en dāger de sa personne. Aristomachus presta l'oreille à ces admonestemens, & renuoya deuers Aratus, luy mandant qu'il auroit doncques besoing de *cinquante talēts pour se desfaire des gens de guerre qu'il auoit autour de luy. L'argent fut trouué soudainement, & Lysidas qui estoit encore capitaine general de la ligue, & qui desiroit singulierement que cest exploit se conduisist à chef par son moien, enuoya secrettement deuers Aristomachus accuser Aratus, en luy faisant remontrer comme de tout temps il estoit ennemy mortel, & qui ne pardonnoit iamais aux tyrans, à raison dequoy il luy conseilloit de se mettre plus tost entre ses mains: cōme il feit: & le presenta Lysidas au cōseil des Acheïes, là ou ceulx du conseil declarerent bien euidemment l'amour & la fiance qu'ilz auoient en Aratus: car quand il contredit à ce que Aristomachus ne fust point receu, ilz le chasserent en courroux hors de leur conseil, & depuis aiant luy mesme esté gaigné, quand il commença à en parler derechef au contraire deuant le conseil, ilz accorderent promptement de receuoir les Argiens & les Phliasiens en leur communaulté, & mesme l'annee ensuyuant eleurent Aristomachus capitaine general de la ligue: & luy se uoiant en credit enuers les Acheïes uolut entrer à main armee dedans le país de la Laconie, & enuoya querir Aratus, qui pour lors se trouuoit à Athenes. Aratus luy rescriuir qu'il luy dissuadoit

*Quatre uingts dix mille escus.

*Trente mille escus.

Aratus.

totalemēt ce uoiage, ne uoulant point que les Achēiens s'attachassent à Cleomenes qui estoit ieune homme courageux & aduenteux, & qui en peu de tēps s'estoit accru merueilleusement: toutefois y estant Aristomachus aheurté de tout poinct, Aratus luy obeit, & fut en personne à tout ce uoiage, là ou s'estant Cleomenes soudainement uenu presenter à eulx avec son armee pres la uille de Palantium, Aristomachus luy uoulut donner la bataille: mais Aratus l'en destourna, dont Lyfiadas le chargea enuers les Achēiens, & l'annee ensuyuant luy uoulut faire teste à demander la charge de general: mais il le perdit & en fut deboutté à la pluralité des uoix, estāt Aratus eleu capitaine general pour la douzieme fois. Ceste annee là il fut desfait en bataille par Cleomenes, pres du mōt de Lycēum, & s'en estant fouy il s'egara la nuit, tellement que lon cuyda qu'il fust mort, & en courut derechef bien grand bruit entre les Grecs: toutefois il se sauua, & aiant rallié ses gens ne se contenta pas d'estre eschappé, & de se pouoir retirer à sauueté, ains se seruant tressagement de l'occasion, sans que personne s'en doubtaſt, ne que lon souſpeçonnast qu'il peust aduenir, il alla assaillir au desproueu les Mantiniens qui estoient alliez de Cleomenes, & aiant pris la uille laissa bonne garnison dedās, & donna droict de bourgeoisie aux estrangers qui estoient demourans dedans. ainsi fut il seul, qui estant uaincu acquit aux Achēiens ce que à grāde peine eussent ilz peu gaigner, si eulx mesmes eussent uaincu. Depuis les Lacedemoniens estans entrez en armes sur les terres des Megalopolitains, il y alla bien soudainement au secours: mais il ne uoulut plus hazarder la bataille, ny donner prise à Cleomenes, qui ne demādoit autre chose que de l'attirer au combat, & resista tousiours constamment aux Megalopolitains qui le pressoient de sortir en la campagne: car oultre ce qu'il n'estoit pas de nature fort propre pour une bataille assignee, encore estoit il lors le plus foible en nombre de combattans, & auoit affaire à un ieune homme aduenteux, aiant encore le feu en la teste, là ou l'ardeur de son courage estoit desia fort attiedie quant à luy, & son ambition refroidie: & si estimoit que comme Cleomenes par se hazarder hardiment alloit acquerant reputation, qu'il n'auoit pas auparauant: aussi estoit il besoing que luy conseruaſt, par soy tenir bien sur ses gardes, & aller rescrueement en besoigne, celle qu'il auoit desia toute acquise. Ce neantmoins les soudards armez à la legere estans sortiz aux champs, & aiās repoulsé les Spartiates iusques dedans leur camp, ou ilz entrerent pelle melle quand & eulx, Aratus non pour cela ne uoulut oncques y mener ses citoiens, ains les arresta sur le bord d'une grande baricaue qu'il y auoit entre deux, & les engarda de passer oultre: dequoy Lyfiadas se desesperant & en disant outrage à Aratus, appella les gēs de cheual, disant qu'il uouloit à tout le moins aller soutenir ceulx qui chassoient, les priant de ne uouloir point ainsi laschement laisser perdre la uictoire qu'ilz auoiēt toute certaine entre leurs mains, & de ne l'abandonner point au besoing combattāt pour la defence de leur païs. Ainsi aiāt assemblé autour de luy bon nombre de cheualerie & d'hommes choisis, il alla par grand effort donner dedans la pointe droite de la bataille des ennemis, & les aiant tournez en fuitte les chassa d'un ardeur de courage inconsiderée iusques dedans des chemins tortus, plantez d'arbres & fossoyez de larges fossez, là ou Cleomenes l'alla charger si asprement qu'il y demoura mort sur la place en combattant fort uaillamment & fort glorieusement, les autres hommes d'armes fuyans s'allerent reiecter dedans la bataille de leur gens de pied, & troublans leurs rens emplirent toute l'armee de fuitte & d'effroy: à l'occasion de-

A quoy on donna grand blasme à Aratus d'auoir là abandonné Lyſiadas, & eſtât forcé par les Achæiens qui ſ'en alloient ſans ſon congé, il les ſuyuit à la fin, & ſe retira auſſi luy meſme en la uille d'Ægium, là ou les Achæiens tenans leur cōſeil arreſterent qu'ilz ne fourniroient plus argent à Aratus, ny ne luy ſoudoyeroient plus d'eſtrangers, & luy dirent qu'il les entreteint du ſien fil en uouloit plus auoir pour faire la guerre: dequoy ſe ſentant grandement iniurié, il fut entre deux de leur quitter leur ſeau & ſe depoſer promptement de la charge de general, toutefois apres auoir un peu diſcours l'affaire en luy meſme, il eut patience, & menant les Achæiens uers la uille d'Orchomene y combattit alencontre de Megiſtonus beaupere de Cleomenes, ſur lequel il eut aduantage:

B car il luy tua trois cents de ſes hommes, & le prit luy meſme priſonnier. Au reſte, aiant parauant accouſtumé d'eſtre touſiours eſleu capitaine general pour le moins de deux ans l'un, quand ſon tour de l'eſtre fut eſcheu on l'appella bien pour luy bailler la charge, mais il ſ'en excuſa, & fut eſleu Timoxenus en ſon lieu: de laquelle excuſe la cauſe que lon allegue que c'eſtoit pour un deſpit & un meſcontentement qu'il auoit de la commune, ne me ſemble pas urayſemblable, pource que la cauſe uraye fut, à mō aduis, l'eſtat auquel il uoyoit les affaires des Achæiens: car Cleomenes ne marchoit plus pas à pas tout bellemēt comme il auoit fait à ſon commencement, quand il eſtoit contrerollé par des officiers & magiſtrats de uille, ains depuis qu'il eut fait occire les Ephores, de-

C party egalemant tout le territoire de Lacedæmone, & dōné droit de bourgeoisie Spartaine à pluſieurs eſtrangers, ſ'eſtât fait ſeigneur abſolu de Lacedæmone, il courut auſſi toſt ſus à bon eſciant aux Achæiens, & uolut auoir preeminence & principaulté ſur eulx. A l'occasion dequoy lon reprēt fort Aratus, de ce qu'en une ſi perilleuſe tourmente des affaires de ſon païs il auoit quitté & abandonné, luy qui eſtoit le pilote, la conduite & le gouuernement du timon à un autre, lors qu'il euſt eſté honeſte & raiſonnable, que de luy meſme il l'eũt pris en main, encore que lon ne luy euſt pas uolu bailler, pour ſuruenir au ſalut commun: ou bien ſ'il ſe deſſioit & deſeſperoit du tout des affaires & de la puissance des Achæiens, il deuoit plus toſt ceder à Cleomenes, & non pas infecter & cor-

D rumpre derechef le Peloponeſe de meurs barbares, en y remettant garniſon de Macedoniens, & empliffant le chaſteau d'Acrocorinthe d'armes de Gaulois & d'Eſclauons, nō pas faire ſes ſeigneurs & maiſtres ceulx qu'il auoit tant de fois battus à la guerre, & tant de fois affinez en matiere de gouuernement, & dont luy meſme dit tant de mauſx par tout en ſes Commentaires, ny ne les mettre pas dedans les uilles, en les appellant allies & confederez pour cuidoier amoin-

E drir & deguiſer la uillanie du faiēt. Car encore que Cleomenes euſt eſté inique, uiolent, & tyrannique, ſ'il fault ainſi dire, à tout le moins eſtoit il deſcendu du ſang de Hercules, & eſtoit natif de Sparte, au plus bas & plus petit hōme de laquelle il ualloit mieux donner la principaulté, que nō pas au premier de la Macedoine, au moins à ceulx qui ont en quelque recommandation l'honneur & la nobleſſe de la Grece: & toutefois Cleomenes ne demandoit aux Achæiens que la preeminence & le tiltre de capitaine ſeulement, au lieu duquel tiltre d'honneur il promettoit beaucoup de bien aux uilles de la ligue & alliance: là ou Antigonus aiant eſté eſleu capitaine general avec puissance abſoluë, tant par mer que par terre, n'en uolut neantmoins accepter la charge que premieremēt on ne luy euſt mis entre ſes mains pour ſon ſalaire, la fortreſſe d'Acrocorinthe, qui eſtoit manifeſtement faire ne plus ne moins que le chasseur d'Æſopus, qui

brida le cheual: car il ne uoulut point monter dessus les Acheïens qui l'en re-
 queroiēt, & qui par ambassades & par decret de leur conseil, se soubmettoïēt à
 sa puissance, qu'il ne les eust premierement sellez & bridez par garnison qu'il
 leur fait receuoir, & ostages qu'il leur fait bailler, & neantmoins allegue tout
 ce qu'il peult pour se lauer de ceste faulte, en taschant de faire à croire qu'il y
 fut contraint. Mais Polybius escrit que de longue main auant la cōtrainte, soy
 deffiant de la hardiesse de Cleomenes, il auoit secrettemēt eu propos avec An-
 tigonus de ce qu'il fait depuis ouuertemēt, & qu'il attirera les Megalopolitains
 les premiers qui feirent ceste requeste au cōseil des Acheïens, d'appeller le roy
 Antigonus à leur secours, à cause qu'ilz estoient les plus uoïfins du feu, & ceulx
 qui plus continuellemēt sentoïēt les trauaux de la guerre de Cleomenes, lequel
 estoit tousiours à leur porte à les saccager & piller: & autant en escrit sembla-
 blemēt Philarchus, auquel toutefois fil n'auoit Polybius pour tesmoing, à l'ad-
 uenture ne feroit il pas trop raisonnable d'adiouxter grande foy: car pour l'a-
 mour qu'il portoit à Cleomenes, il semble estre rauy de quelque inspiration
 diuine toutes & quantes fois qu'il uient à parler de luy, & fait en son histoire,
 ne plus ne moins qu'il feroit en un plaidoyer deuāt des iuges, accusant par tout
 l'un, & defendant tousiours l'autre. Les Acheïens doncques perdirent derechef
 la uille de Megalipolis, qui fut prise sur eulx par Cleomenes, & furent par luy
 desfaits en une grosse bataille pres de Hecatombœon, dont ilz furent si es-
 tonnez, qu'ilz luy enuoyerent incontinent des ambassadeurs, par lesquelz ilz
 luy manderent qu'il se trouuast en la uille d'Argos, & que là ilz le feroient leur
 capitaine general: mais quand Aratus entendit qu'il uenoit, & qu'il estoit
 desia avec son armee pres la uille de Lerna, en aiāt peur, il enuoya d'autres am-
 bassadeurs pour luy faire entēdre qu'il uint en seureté avec trois cents hommes
 seulement, comme deuers ses alliez & confederez, & nonobstant que fil auoit
 suspēçō d'aucune fraude ou mauuaitié, qu'on luy bailleroit des ostages pour
 la seureté de sa personne. Cleomenes respondit q̄ cela estoit manifestement un
 tour de moquerie & une iniure qu'on luy faisoit: au moien dequoy il se partit
 de là incontinent, & escriuit une lettre missiue au conseil des Acheïens, dedans
 laquelle il dit toutes les uillanies & infamies qu'il peut d'Aratus, lequel luy
 repliqua demesme, & se picquerent ainsi l'un l'autre iusques à parler de leurs
 mariages & de leurs femmes: depuis laquelle lettre Cleomenes enuoya par un
 herault deffier les Acheïens, & leur denoncer la guerre, & sen fallut bien peu
 qu'il ne derobbast la uille de Sicyone, par intelligēce de quelques traistres: mais
 y aiant failly, il se destourna tout court, & sen alla à Pallene, qu'il prit, en aiant
 chassé le capitaine general des Acheïens, & incontinent apres il prit aussi la
 uille de Phence & celle de Pentelion, puis se ioignirent uoluntairement à luy
 les Argiens & les Phliasiens, qui receurent garnison de luy, de sorte qu'il n'y
 auoit plus rien qui demourast seur ny ferme aux Acheïens de tout ce qu'ilz a-
 uoient conquis & ioint à leur communaulté: pourtant se trouuoit Aratus en
 grand trouble de son entendement, uoiant que tout le Peloponēse branloit
 ainsi, & que toutes les uilles se soubleuoient par les menées de ceulx qui demā-
 doient les nouuelletez: car il n'y auoit personne qui se contentast de l'estat au-
 quel estoient pour lors les affaires, ains y eut plusieurs des Sicyoniens & des
 Corinthiens mesmes descouverts, qui auoient de secrettes intelligences avec
 Cleomenes, & qui de longue main estoient mal affectiōnez au bien de la ligue
 & communaulté, pour le desir qu'ilz auoient de se faire eulx mesmes seigneurs

A de leurs uilles, cōtre lesquelz aiant esté donné par le conseil à Aratus cōmission d'informer & de faire leur proces souuerainement & sans appel, il feit mourir ceulx qu'il trouua attaints de celle eruption en Sicyone, & essayant de faire le semblable à Corinthe, il enquit cōtre eulx, & les feit punir, irritant cōtre soy le cōmun peuple, qui estoit ia luy mesme estrangé de uolunté, & se faschoit de la subiectiō des Acheiens. Parquoy festans assemblez au temple d'Apollo, ilz enuoyèrent querir Aratus en intention de le prendre & le retenir prisonnier auāt que de se rebeller ouuertement. Aratus y alla, pour mōstrer qu'il ne se doubtoit ny ne se deffioit point d'eulx, tirant toutefois son cheual apres luy par la bride. Si se leuerent incontinent plusieurs encontre luy, qui luy reprocherent & dirent toutes les iniures dont ilz se peurent aduiser: mais Aratus avec un uisage rassis & une parole douce, leur dit qu'ilz se r'asseissent en leurs places, & qu'ilz ne criassent point ainsi dissoluēment debout, & mesme feit entrer dedans ceulx qui estoient à la porte: mais en leur disant cela, il se tira tout bellement un peu arriere de la presse, comme pour donner son cheual à quelqu'un pour le luy tenir. Puis estant ainsi sorty de ceste presse, il parla posemēt & sans effroy à ceulx de Corinthe qu'il trouua par le chemin, leur disant qu'ilz s'en allassent à ce temple d'Apollo: mais quand il fut à l'endroit du chasteau, alors il monta soudainement dessus son cheual, & commanda à Cleopater capitaine de la garnison des Acheiens, qu'il entendist soigneusement à bien garder le chasteau: & cela dit, s'en courut à bride abbattuē deuers Sicyone, suiuy par trēte de ses soudards seulement, pource que les autres l'abandonnerent, s'escartans ça & là. Vn peu apres les Corinthiens aduertis comment Aratus s'en estoit fouy, allerent apres, mais ilz ne le peurent ataindre: si enuoyèrent adonc querir Cleomenes, & meirent leur uille entre ses mains, dont il n'estima pas tant le gaing, comme il fut marry de la faulte de ce qu'ilz auoient laissé eschapper Aratus. Ainsi Cleomenes, festans aussi les peuples habitans au long de celle marine qui s'appelle communement la riuere de Corinthe, rendus à luy, & luy aiant liuré leurs places & leurs uilles, enuironna d'une trenchee & d'une closture de pallis le chasteau d'Acrocorinthe. Au demourant, arriué que fut Aratus à Sicyone, plusieurs des Acheiens sy assemblerent autour de luy, & y estant tenue assemblee de cōseil, fut par eulx esleu capitaine general avec plein pouuoir & autorité souueraine de toutes choses, & luy donnerēt gardes de ses propres citoiēs, aiant desia manié les affaires des Acheiens par l'espace de trēte & trois ans, durant lesquelz il auoit tousiours esté le premier homme de la Grece en puissance & en reputation, & lors il se trouuoit pauvre, desert, & affligé, cōme en un naufrage de son païs battu de la tempeste & en grād danger de sa propre personne: car aiant enuoyé deuers les Aetoliens leur demander secours, ilz le luy refuserēt tout à plat: qui plus est, la uille d'Athenes aiant bonne uolunté d'enuoyer secours pour l'amour d'Aratus, fut diuertie de la mettre en exeeution par les meenes d'Euclidas & de Micion. D'auantage, il auoit une maison à Corinthe, ou estoit tout son argent, à quoy Cleomenes ne toucha point du commencement, ny ne permit point qu'autre y touchast, ains enuoya querir ses amis & entremetteurs de ses affaires, & leur dit qu'ilz luy gardassent & gouuernassent le tout pour en rendre puis apres bon compte à Aratus: & oultre ce, particulièrement enuoya Tripylus deuers luy, & depuis encore Megistonius son beaupere, luy faire plusieurs grandes offres, mesmement une pension de* douze talents, qui estoit le double de celle que luy donnoit Ptolomeus, qui luy enuoyoit six ta-

*Sept mille
deux cents
eleus.

lents tous les ans, & ne demandoit autre chose, sinon qu'il fust declaré par la communauté capitaine des Acheïens, & qu'il peust mettre la moitié de la garnison dedans le chasteau d'Acrocorinthe pour le garder en commun: à quoy Aratus fait responce, qu'il ne tenoit pas les affaires en sa main, & que les affaires le tenoient plus tost luy mesme. Laquelle responce Cleomenes prenant pour une simulee desfaite, entra incontinent en armes sur les terres des Sicyoniens, ou il pillâ & gasta tout le plat païs, & demoura l'espace de trois iours, pendant que Aratus estoit apres à deliberer & à se resoudre, fil deuoit recevoir Antigonus ou non, à cause qu'il ne uouloit point mettre la main aux armes pour le secourir, que prealablement on ne luy liurast le chasteau d'Acrocorinthe entre ses mains. Parquoy les Acheïens assemblez en la uille d'Ægium pour en consulter, y appellerent Aratus: mais il y auoit danger au passage, à cause que Cleomenes estoit campé tout aupres de la uille de Sicyone, avec ce que ses citoiens le retenant, & disoient à toute force qu'ilz ne le laisseroient point aller s'exposer à un si euidant peril, estans leurs ennemis si pres d'eulx. Les femmes mesmes & les petits enfans estoient pendus à son col, plorans & l'enuironnans comme leur pere & leur sauueur cōmun: toutefois Aratus les aiant reconfortez & asseurez au moins mal qu'il peut, monta à cheual avec dix de ses amis, & son filz qui estoit desia sur le commencement de son adolescēce, & s'en alla uers la marine, ou ilz monterent sur quelques uaisseaux qui estoient là à l'ancre, & se feirent porter à Ægium, ou se tenoit l'assemblee du conseil, auquel il fut resolu, que l'on appellerait Antigonus, & luy liureroit on le chasteau d'Acrocorinthe entre ses mains: ce qui fut fait, & y enuoya Aratus son propre filz entre les autres ostages, dequoy les Corinthiens estans griefuement irritez & indignez, pillerent ses biens, & dōnerent sa maison à Cleomenes. Et comme desia Antigonus fust en chemin pour aller au Peloponese avec son armee, laquelle estoit de uingt mille hommes de pied Macedoniēs, & de quatorze cents hommes de cheual, Aratus avec les officiers de la ligue des Acheïes luy alla au deuant par mer, sans que les ennemis en sceussent rien, iusques à la uille de Peges, ne se fiant pas trop à Antigonus, ny aux Macedoniens, pource qu'il scauoit tresbiē qu'il ne s'estoit agrandy que par les maulx & dommages qu'il leur auoit faits, & que le premier & plus grand moien qu'il auoit eu de se poulsier & mettre en auant aux affaires, auoit esté la haine qu'il portoit au uieil Antigonus: toutefois uoiāt que c'estoit une necessité irremediable, que l'ocasiō qui le pressoit, à laquelle ceulx mesmes qui commandent aux autres sont contrains d'obeir, il en prit l'adventure. Quand doncques on en alla dire la nouuelle à Antigonus, que c'estoit Aratus en personne qui s'en uenoit uers luy: aiant salué les autres qui estoient en sa compagnie d'une chere assez commune, il luy feit à luy un recueil à ceste premiere rencontre, qui fut singulierement honorable, & depuis le trouuāt en toutes choses homme de bien & de fort bon sens, il l'approcha de luy, iusques à luy communiquer de ses plus priuez affaires, pource qu'il n'estoit pas seulement utile au maniement d'affaires d'estat & gouuernement de grandes choses, ains estoit autant ou plus agreable pour estre alentour d'un prince, & luy tenir cōpagnie à luy faire passer le temps en paix estant de loisir. Parquoy, combien que Antigonus fust lors ieune, toutefois quand il eut entierement cogneu la nature d'Aratus, aiant toutes les parties qui sont necessaires pour retenir l'amitié d'un prince, il se seruit de luy en toutes choses, plus que de nul autre, non seulement des Acheïens, mais aussi des naturelz Macedoniēs. Et ainsi aduint ce que

A les Dieux auoient signifié par les signes & indices des sacrifices: car en une hostie qui fut immolee, il se trouua deux bourses du fiel enuolopees d'une seule taye: ce que les deuins auoient interpreté signifier, que ceulx qui parauant estoient tresgrands ennemis, & qui se uouloient mal de mort, se uiendroient à unir en amitié extreme: de laquelle predictiō Aratus sur l'heure ne feit point de cōpre, n'adiouxtant pas au demourant grād foy ny aux sacrifices, ny aux diuinatiōs, & s'arrestant plus au discours de la raison. Mais depuis estans les affaires de la guerre bien acheminez, comme Antigonus feist un festin en la uille de Corinthe, auquel beaucoup de gens furent conuiez, il uolut qu'Aratus couchast au dessus de luy à la table, & peu apres commanda que lon apportast une couverture, & se tournant deuers Aratus luy demanda s'il sentoit point de froid.

B Aratus luy respondit qu'il geloit, & adōc Antigonus luy dit qu'il s'approchast plus près de luy, & cōme les seruiteurs eussent apporté un tappis pour couvrir le roy, ilz les en enuolopperent tous deux ensemble: & lors Aratus se souuenāt de ce sacrifice se prit à rire, & cōpta au roy le signe qui luy estoit adueni en sacrifiant, & l'interpretation que les deuins en auoient faite. Cela fut quelque temps depuis: mais pour lors estant à Peges, ilz donnerent la foy l'un à l'autre, & cela fait, marcherent aussi tost cōtre les ennemis: si y eut entre eulx plusieurs escarmouches tout ioignant la uille de Corinthe par ce que Cleomenes festoit bien fortifié, & que les Corinthiens se defendoient de grand courage. Sur ces entre-

C faites Aristoteles Argien, estant amy d'Aratus, enuoya seeretiement deuers luy l'aduertir, qu'il feroit rebeller la uille, si luy mesme y uenoit avec quelque nombre de gens de guerre. Aratus le dit au roy Antigonus, qui luy bailla mille cinq cents hommes, avec lesquelz il sembarqua, & passa en diligēce depuis l'encouleur du destroit, iusques en la uille d'Epidaure: mais les Argiens n'attendirent pas sa uenue, ains s'esleuerent deuant, & assaillirēt les gens de Cleomenes, qu'ilz rengerent iusques dedās le chasteau. Dequoy Cleomenes estāt aduertty, & craignant, que ses ennemis tenās la uille d'Argos ne luy couppassent & serrassent le chemin de se pouoir retirer à sauueté en son país quād il en seroit besoing, abandonna le chasteau d'Acrocorinthe, & se partit qu'il estoit encore nuit

D pour aller secourir ses gens qui estoient dedās Argos: si y arriua assez à temps, & y desfeit quelque troupe des ennemis, mais tantost apres Aratus y estant arriué, & le roy aussi Antigonus y surueni avec toute sa puissāce, Cleomenes fut contraint de se retirer à Mantinee. Depuis ce recouurement d'Argos toutes les autres uilles du Peloponese se retournerent derechef du costé des Acheiens, & Antigonus se saisit du chasteau d'Acrocorinthe, & Aratus estant esleu capitaine par les Argiēs, leur conseilla qu'ilz feissent present à Antigonus de tous les biens de leurs tyrans & de ceulx qui auoient esté traistres à la chose publique, & apres auoir bien tourmēté & gehenné le tyran Aristomachus en la uille de Cēchrees, le noyerent finablement dedās la mer, dont Aratus fut fort blasmé d'auoir laissé ainsi martyriser ce pauvre homme, qui n'estoit point meschāt, & qui luy auoit fait du plaisir, aiant à sa persuasion uoluntaiement quitté sa tyrānie & mis sa uille en la communaulté des Acheiens, avec ce que desia on luy impu-

E toit plusieurs autres choses comme d'auoir esté cause que les Acheiens auoient donné en don à Antigonus la uille de Corinthe, ne plus ne moins que si c'eüst esté quelque petit uillage, & que apres auoir pillé la uille d'Orchomene, ilz luy auoient permis d'y mettre garnison de Macedoniens qu'ilz auoient arresté en leur conseil que lon n'escriroit plus, ny n'enuoyeroit on ambassadeurs quelcō-

ques sans le sceu & consentement d'Antigonus, & qu'ilz estoient contraincts F
de payer la soude aux Macedoniens, & que lon faisoit des sacrifices, des offran-
des, des festes & des ieux à Antigonus comme s'il eust esté un Dieu, en suyuant
l'exemple des citoiens d'Aratus qui auoient commencé les premiers, & auoient
receu Antigonus dedans leur uille, à la suasion d'Aratus qui le logeoit & fe-
stoyoit en sa propre maison. De toutes lesquelles fautes ilz iettoient la coulpe
sur Aratus, ne considerans pas que depuis auoir baillé en main à Antigonus
les renes du gouuernement, luy mesme estoit bon gré mal gré qu'il en eust, tiré
par la roideur impetueuse de la royale licence, & n'estoit plus demouré maistre
ny seigneur, sinon de la parole seulement, de laquelle encore n'osoit il pas user
trop librement: car il est tout certain qu'il se fit lors plusieurs choses qui des- G
pleurent grandemēt à Aratus, comme entre autres, que Antigonus feit releuer
les images des tyrans d'Argos que luy auoit fait abbattre, & qu'il feit aussi ruer
par terre celles que lon auoit dressées à ceulx qui auoient surpris le chasteau de
Corinthe, excepté celle d'Aratus toute seule: & quelques prieres qu'il feist au
contraire, iamaïs pourtant ne le sceut obtenir. Et si sembla que les Achæiens ne
se porterent pas enuers les Mantiniens, avec l'humanité qui estoit conuenable
entre peuples Grecs: car aians la uille entre leurs mains par le moié d'Antigo-
nus, ilz feirent mourir tous les principaux & plus notables personnages d'icel-
le, & des autres en uendirent les uns comme esclaués, & enuoyerent les autres H
en Macedoine avec les fers aux pieds, & feirent les femmes & les enfans serfs
qu'ilz uendirent aussi comme esclaués, & de l'argent qui en prouint en departi-
rent entre eulx une tierce partie, & en donnerent les deux autres aux Macedo-
niens. Mais encore se peult il dire que cela se faisoit par quelque droit de uen-
geâce, car cōbien que ce fust cruauté grande de traiter ainsi en courroux des
peuples qui estoient d'un mesme sang & d'une mesme lāgue, au moins est ce cho-
se douce & non aspre, comme dit Simonides, quād on y est cōtrainct, donner
ce refreschissement & ce contentemēt à son cuer bouillant d'ire & enflammé
de despit: mais quant à ce qui fut encore depuis fait de celle uille, on n'en sçau-
roit aucunement excuser Aratus, ne dire qu'il l'ait fait par occasion ny honeste
ny necessaire: car Antigonus aiant donné le corps vuide de la uille aux Argiés, I
ilz resolurent de la repeupler, & eleurent Aratus pour capitaine & cōducteur de
ce repeuplement, lequel ordōna que de lors en auant la uille ne seroit plus ap-
pellee Mantinee, ains Antigonide, cōme elle s'appelle encore iusques aujour-
d'hui. Ainsi semble il que l'amiable Mantinee (car ainsi la surnommēt les poe-
tes) ait esté totalement effacee, & est demouré une autre uille qui porte le nom
de ceulx qui ont destruit & fait mourir les habitās de la premiere. Depuis Cleo-
menes aiant esté desfait en une grosse bataille pres la uille de Sellasie, abādon-
na la uille de Sparte, & s'en fōuit en Ægypte: & Antigonus aiant usé de toute
honesteté & gracieuseté enuers Aratus, s'en retourna en Macedoine, là ou se
sentant desia attainct de maladie, il enuoya Philippus qui luy deuoit succeder K
au royaume, estant encore sur le cōmencement de son adolescence, au Pelopo-
nese, luy enioignant expressement de soy gouuerner principalement par le cō-
seil d'Aratus, & user de son entremise quand il uoudroit parler aux uilles, & se
faire cognoistre aux Achæiens. Aratus le recueuillant de mesme, le rendit affe-
ctionné, de sorte qu'il le renuoya en Macedoine plein d'amour & de biēueuil-
lance enuers luy & bien delibéré d'entendre à bon esciāt aux affaires de la Gre-
ce. Mais apres le trespas d'Antigonus, les Ætoliens commencerent d'auoir en
mespris

A mespris la paresse & lascheté des Achæiens, pource qu'estans ia tous accoustu-
mez à se defendre par mains estrangeres, & festans de tout poinct regez des-
soubz les armes des Macedoniens, ilz uiuoient en oisifucté & dissolution gran-
de, à l'occasion dequoy les Ætoliens entreprirent de se faire seigneurs du Pelo-
ponese: si leuerent une armee, & en passant chemin prirent quelque bestail, &
quelque butin seulement sur les terres des Patreïens & des Cumains: mais en-
trans à main armée dedans le territoire de Messine, y pillerent & gasterent tout
le plat país. Dequoy Aratus se courrouceant, & uoiant que celuy qui estoit lors
capitaine general des Achæiens nommé Timoxenus, dilayoît & reculoit tous-
iours, en consumât le temps en uain, à cause que la fin de son annee approchoit
B luy estant designé general pour l'annee ensuiuant, anticipa son terme de cinq
iours pour aller secourir les Messeniens, & assemblant les forces des Achæiens,
qui n'estoient plus ny de leurs personnes duits aux armes, ny de leurs uoulun-
tez bien affectionnez à la guerre, il fut uaincu pres la uille de Caphyes. Et pour-
ce qu'il sembla qu'il y auoit procedé un peu trop chaudemét & trop courageu-
sément, il se refroidit derechef si fort, & abandonna tellement les affaires, que
toute esperance perdue, il endura que les Ætoliés foulassent aux pieds, par ma-
niere de dire, le Peloponese deuant ses yeux, avec toute l'insolence & l'arrogan-
ce qu'il est possible, combien que par plusieurs fois ilz luy donnassent de belles
prises sur culx. Si furent derechef les Achæiens contraincts de rendre les mains
C à la Macedoine, & de attirer aux affaires de la Grece le ieune roy Philippus,
esperans que pour l'amour qu'il portoit & la confiance qu'il auoit en Aratus
principalemét, ilz le manieroient facilement, & en feroient tout ce qu'ilz uou-
droient. Mais lors premier commencerent Apelles & Megareus, & quelques
autres courtisans à calumnier Aratus, aux quelz le roy prestant l'oreille teint la
main à ce qu'un autre nommé Eperatus de faction contraire à Aratus, fust par
les Achæiens esleu capitaine general: toutefois estant ce nouveau general Epe-
ratus extremement mesprisé par les Achæiens, & Aratus ne se uolant plus au-
cunement mesler ny entremettre des affaires, il ne se faisoit chose quelconque
qui rien ualust: à l'occasion dequoy Philippus recognoissant qu'il auoit gran-
D dement failly, se retourna deuers Aratus, & se donnant du tout à luy, quand il
cogneut que ses affaires en alloient croissans tousiours de bien en mieulx, il
uolut dependre totalemét de luy, comme de celuy duquel procedoit tout son
honneur sa reputation & sa grandeur. A l'occasion dequoy Aratus fut estimé de
tout le monde sage gouuerneur, non seulemét d'un estat & chose publique po-
pulaire, mais aussi d'un royaume, pource que ses meurs, son intention, & son
but principal apparoiſsoiét es faicts de ce ieune roy, comme une riche couleur
qui les embellissoit: car la moderation de laquelle usa ce ieune prince enuers
les Lacedæmoniens qui l'auoient offensé, le gracieux traitement qu'il feit aux
Candiots, moienant lequel il gaigna toute l'isle de Candie en peu de iours, & le
E uoïage qu'il entreprit contre les Ætoliens, qui fut de merueilleuse execution,
luy acquerirent renom de prince croyant conseil, & à Aratus de sage gouuerneur
& d'homme de grand entendement: au moien dequoy les mignons de ce ieune
roy, luy portans plus grâde enuie que iamais, & uoians qu'ilz ne gaignoient
rien à mesdire de luy à cachettes, commencerent à luy dire iniures tout pu-
bliquement, & à le picquer ouuertement de uillaines & outrageuses paroles
à la table par grande insolence & grande derision, iusques à le poursuiure une
fois à coups de pierres, ainsi comme il se retireroit apres soupper en sa tente, de-

* Douze mille
escus.

quoy Philippus quand il le sceut estant indigné, les condamna sur l'heure à l'amende de ^{*}vingt talents, & depuis encore pource qu'ilz luy troubloient ses affaires, il les feit mourir. Mais à la fin enorgueilluy par la prosperité de ses affaires qui luy succedoient à sa uolunté, il commença à mettre hors plusieurs uolentes cupiditez & sa naturelle mauuaistié uenant à forcer le masque dont il se couuroit contre sa nature, & petit à petit à monstrier les uices de ses meurs: car premierement il corrompit la femme du ieune Aratus, ce qui fut longuement couuert & caché, pourautant qu'il estoit logé en leur maison, & commença à deuenir de iour en iour plus rude & plus aspre aux choses publiques, & aux estats populaires, & uoioit on euidentement qu'il reculoit Aratus arriere de soy: mais le commencement de la deffiance qu'il prit de luy uint de ce qui se feit à Messine: car comme les Messeniens fussent tumbéz en une grande dissension ciuile les uns contre les autres, Aratus y alla pour y remedier, & y arriua un iour apres Philippus, qui au lieu de les accorder, les alloit aigrissant & irritant encore d'auantage les uns contre les autres, demandant à part aux capitaines de la uille filz n'auoient pas des loix pour reprimer l'audace & l'insolence du commun peuple, & puis à part aux chefs de la partie du peuple, filz auoient pas des mains pour se defendre des tyrans: parquoy se fiant l'une & l'autre partie de luy, les capitaines uolurét mettre les mains sur les harégueurs & prescheurs du peuple, & eulx avec la cōmune se soubleuans tuerét les capitaines, officiers & principaux personages de la uille, iusques au nombre de bien pres de deux cents. Philippus doncques aiant fait ce mauuais acte, & mis les Messeniens en telle combustion les uns contre les autres, Aratus qui y suruint puis apres, monstra d'en estre fort desplaisant, & ne feit point taire son filz qui en reprit & blasma publiquement le roy, avec une tresgrande aigreur. Or sembloit il que ce ieune Aratus auparauant fust amoureux de Philippus: mais il ne se peut tenir lors de luy dire deuant toute l'assemblée du peuple qu'il ne le trouuoit plus beau, non pas de uisage mesme, ains le plus laid du monde, apres auoir fait un si mauuais acte: à quoy Philippus ne luy respondit rien, combien que lon cuydast qu'il luy deust bien respondre en cholere, & qu'il se fust plusieurs fois escryé pendât que l'autre harenguoit, ains cōme s'il eust porté patiemment les grosses paroles que le filz luy auoit dittes, & ne s'en fust point autrement offensé pour estre de nature ciuile & moderee, il prit le pere par la main & l'emmena hors du theatre ou se tenoit l'assemblée du peuple uers le chasteau d'Ithomatas pour y sacrifier à Iupiter, & pour uisiter la place, laquelle n'estoit pas moins forte que celle d'Acrocorinthe, & qui quād il y a garnison dedās fait beaucoup de maux à ceulx d'alentour, & si est bien mal aisé de l'en dechasser. Philippus doncques estant mōré la sus au chasteau, & y aiāt sacrifié, cōme le deuin luy eust apporté les entrailles d'un bœuf que lon uenoit de immoler, il les prit luy mesme à deux mains & les monstra à Aratus & à Demetrius Phalerien, se tournāt tantost deuers l'un & tantost deuers l'autre, en leur demandant ce qu'ilz iugeoient par les signes & presages de ce sacrifice, à sçauoir, si le retiendrait pour luy le chasteau, ou bien si le redroit aux Messeniens. Demetrius s'en prenant à rire luy respondit, Si tu as conscience de deuin, tu le rendras: mais si tu l'as de Roy, tu retiēdras le bœuf par les deux cornes. entendant par le bœuf le Peloponese, & uoulant dire que si une fois il tenoit ceste forteresse de Ithomatas avec celle de Acrocorinthe, le Peloponese seroit entierement soubz sa main & en sa subiection. Mais Aratus demoura longuement sans mot dire, & à la fin Philippus l'ayant prié de respōdre,

A Il y a, dit il, en Candie plusieurs grâdes fortresses & plusieurs chasteaux assis sur des monts hault eleues hors du plain de la terre dedans les païs des Boeotiens & des Phociens. Aussi y a il plusieurs lieux de merueilleuse force es marches des Acarnaniens, tant au dedâs de la terre comme le long des costes de la marine, de tous lesquelz tu n'en as pris pas un de force, & neantmoins font tous uoluntairement ce que tu leur commandes: car c'est à faire à des brigands que de soy fier à des rochers & à se saisir de haults precipices: mais un roy ne peut auoir fortresse plus forte ne plus munic que l'amour, la foy, & bienueillance des hommes: C'est ce qui t'a ouuert la mer de la Candie: c'est ce qui t'a mis dedans le Peloponese: ce sont les moiens qui t'ont desia fait en si ieune aage eslire capitaine des uns, & redu seigneur absolu des autres. Cômme Aratus poursuuoit encore son propos, Philippus rebaila au deuin les entrailles qu'il luy auoit apportees, & prenant Aratus par la main, luy dit, Or allôs doncques suiuant ce mesme chemin. ne plus ne moins que s'il l'eust ietté à force dehors du chasteau, & qu'il luy eust osté la uille de Messine d'entre les mains. Depuis Aratus se garda le plus qu'il peut de se rrouuer en sa court, & se retira petit à petit de sa compagnie: car quand il alla faire la guerre au royaume d'Epire, il pria fort Aratus de uoloir faire le uoiage avec luy: mais il s'en excusa, & demoura en sa maison craignant d'acquerir mauuais bruit & mauuaise reputation des choses que Philippus y feroit: lequel depuis aiant perdu treshonteusement son armee de mer contre les Romains, & aiant au demourant fort mal fait ses besongnes, s'en retourna derechef au Peloponese, là ou il cuida une autre fois abuser les Messeniens: mais sa malice fut descouuerte, à cause dequoy il se prit adonc à les outrager ouuertement en gastant tout leur plat païs. Parquoy Aratus s'estrangea aussi totallemēt de luy, & se retira aussi de tout poinct de son amitié, aiant desia apperceu l'iniure qu'il luy auoit faite en la femme de son filz, dont il estoit fort desplaisant en son cuer, sans toutefois en uoloir rien descourir à son filz, pource qu'il ne luy en pouuoit uenir autre fruct, que de sçauoir l'oultrage qui luy auoit esté fait, attendu qu'il n'auoit pas moien de s'en ressentir & uenger, pource que Philippus s'estoit merueilleusement & estrangement chagé, estant deuenue de roy gracieux, & de ieune adolescent chaste & bien conditionné, homme uicieux, dissolu, cruel, & tyrannique: ce qui, à dire uerité, n'estoit point un changement de nature, ains plus tost une declaration à la descouuerte, quand il ne craignit plus personne de sa mauuaistié & meschanceté, laquelle auoit esté par crainte long temps tenue couuerte: car qu'il soit uray que le regard & l'affection qu'il porta des le commencement à Aratus fust meslee de reuerence & de crainte, il le monstra euidentement par ce qu'il feit à la fin contre luy: car desirant le faire mourir, & ne pensant point estre seulement libre, tant qu'il seroit en uie, non pas roy ou tyran, ilz n'osa attenter de le faire luy mesme, ains attirā l'un de ses familiers & capitaines nommé Taurion, auquel il donna charge de l'executer par le plus secret moien qu'il luy seroit possible, mesmement par poison & en son absence. Ce capitaine prit familiarité avec Aratus, & luy donna du poison, non point fort ny uolent, ains de ceulx qui emeuuent au dedans du corps une chaleur lente, avec une petite toux, & qui perit à petit rendent la personne Phrifique. Aratus s'apperceut bien qu'il estoit empoisonné: mais pource qu'il uoioit qu'il n'eust rien gaigné à le descourir, il l'endura patiemment sans en dire mot, comme si c'eust esté maladie naturelle, sinon que une fois estant l'un de ses plus priuez & plus feaux amis en sa chambre, qui s'es-

merueilloit de luy ueoir cracher du sang, il luy dit: C'est, Cephalon mô amy, la recompense de l'amitié des roys: & mourut de ceste sorte en la uille d'Ægium, estant pour la dixseptieme fois capitaine general des Achæiens, lesquelz uoloient qu'il fust enterré au lieu mesme, & qu'on luy bastist un monument conuenable à l'honneur de sa uie. Mais les Sicyoniens estimans que ce leur seroit une honte si son corps estoit ensepulturé ailleurs qu'en leur uille, feirēt tant par remonstrances enuers le conseil des Achæiens qu'on leur permit emporter le corps: toutefois il y auoit un ancien statut, par lequel il estoit expressement defendu d'enterrer personne dedans l'enceinte des murailles de leur uille, & outre celle defence encore y auoit il une superstitieuse crainte qui les retenoit, à raison dequoy ilz enuoyerent au temple d'Apollo en Delphes pour en demander conseil à la prophetisse, qui leur rendit une telle responce:

C onsultes-tu Sicyone, ou les os
D' Aratus sont en æternel repos,
C omment tu dois à ce grand homme faire
S a sepulture & digne anniuersaire?
S ache, que qui de reuerer empesche
C e personnage, ou en est marry, peche
C ontre la terre & le hault firmament,
C ontre la mer aussi ensemblement.

Cest oracle aiant esté apporté, tous les Achæiens en furēt bien ioyeux: mais spécialement les Sicyoniens, lesquelz tournans incōtinent leur deuil en feste publique, enleuerent le corps de la uille d'Ægium, & mettans des chapeaux de fleurs sur leurs testes, & se uestans de belles robbes blanches, le conduisirent en maniere de procession, avec hymnes & cantiques à sa louange, & avec danſes iusques à la uille de Sicyone, en laquelle ilz choisirent le plus apparent lieu, où ilz l'inhumerent, comme le fondateur, pere & sauueur de leur uille, & s'appelle le lieu encore iusques auiourdhuy Aratium, là où on luy fait tous les ans deux solennelz sacrifices, l'un le cinquiesme iour de Nouembre, auquel il deliura la uille de seruitude, & appelle lon ce sacrifice là Soteria, qui uault autant à dire comme la feste de salut: & un autre, le iour qu'il nasquit, ainsi cōme ilz disent. Quant au premier sacrifice, ce fut le prestre de Iupiter sauueur qui le feit, & le second, ce fut le filz d'Aratus, estant ceint d'une nappe qui n'estoit pas toute blanche, ains mespartie de couleur de pourpre: & durant le sacrifice furent chantez des hymnes à sa louange sur la lyre par des Musiciēs, & le maistre des musiciēs feit une procession alentour, estant accompagné des enfans & des ieunes hommes de la uille, apres lesquelz suiuoit le Senat courōné de chapeaux de fleurs, & des autres citoiens ceulx qui y uolurent aller. dequoy ilz gardent encore iusques auiourdhuy quelques marques par deuotion. Mais la pluspart des hōneurs qui luy furent alors ordonnez, par traitt de tēps, & changement des choses qui sont depuis suruenues, ont esté delaissez. Voila commēt a uescu, & quel a esté le premier Aratus, ainsi comme lon trouue par les histoires. Au reste, Philippus homme meschant & oultrageux en sa cruaulté, feit aussi empoisonner son filz, le second Aratus, non pas de poison mortel, ains de ceulx qui troublēt le sens & l'entēdement de l'homme, le faisant par ceste malheureté deuenir fol, en luy offusquant la raison, iusques à luy faire attenter des choses estranges & enormes, & à prendre des appetis honteux & reprochables, de maniere que la mort, encore qu'elle luy uint en sa ieunesse & en la fleur de son aage, ne luy doibt

A doit point estre repute'e à calamité, ains à salut & deliurance de plus grands maux & malheurs. Mais Philippus paya bien depuis durant toute sa uie à Iupiter protecteur du droit d'hospitalité & d'amitié, la peine q̄ meritoit sa malheureuse meschanceté: car aiant esté desfait en bataille par les Romains, il fut cōtraint de soy soubmettre à leur mercy, par lesquelz il fut priué de tout le demourât des terres & seigneuries qu'il tenoit, & de tous les uaisseaux qu'il auoit, fors q̄ de cinq, cōdemné à leur payer * mille talents pour l'amende, & de bail-
B ler son filz en ostage: seulement luy laissa lon par pitié le royaume de la Macedoine, avec ses appartenâces: là ou encore faisant de iour à autre mourir tous les plus nobles hommes & les plus prochains de son sang, il emplit tout son royaume d'horreur & de haine mortelle encontre luy. Qui pis est, n'ayant entre-rât de malheurs, qu'une seule felicité, d'auoir un filz uertueux, il le feit mourir par l'enuie & la ialouzie de ce qu'il uoyoit que les Romains l'honoroient, & laissa la succession de son royaume à son autre filz Perseus, lequel on disoit encore n'estre pas son filz legitime, ains auoir esté supposé, estant nay d'une courtisane qui se nōmoit Gnathenium. C'est celuy que desfeit & mena en triumphe à Rome Paulus Æmylius: & à celuy là faillit la race des roys descendus d'Antigonus, là ou la posterité d'Aratus dure encore iusques à nostre temps es uille de Sicyone & de Pallene.

* Six cents mille escus.

C Galba.

L PHICRATES capitaine Athenien disoit, qu'il fault que le soudard soit auaricieux, amoureux, & uoluptueux, à fin que pour auoir dequoy fournir à ses cupiditez il se hazarde plus hardiement & plus aduenteusement à tout peril: mais la plus part des autres sont d'aduis que les gens de guerre doiuent estre cōme un corps fort & robuste, qui de soymesme n'ait aucun mouuement, ains se meue au branle & eslan-cement du capitaine. Suiuant laquelle opinion, lon dit que Paulus Æmylius arriuant en la Macedoine, trouua l'armee qui estoit pleine de babil & de curiosité, pourautant que chascun soudard se mesloit de faire du capiraine: ce que luy ne trouuant pas bon, feit publier un mandement, que les soudards ne s'empeschassent d'autre chose, sinon d'auoir la main prompte & l'espee bien trenchante: & qu'au demourant ilz luy laissent faire, pour ce qu'il auroit l'œil & le soing de faire ce qui appartenoit à sa charge. Pourtant Platon, qui dit que rien ne sert d'auoir un bon chef & sage capitaine, si les soudards ne sont sages de mesme & obeissans aussi, estimant que la uertu de bien obeir a aussi grād besoing d'une nature genereuse de soymesme, & d'une aide de bonne nourriture, comme la uertu royale de bien commander, attēdu mesmement que c'est elle qui tempere en bon accord la uehemen-ce de la cholere a ctiue avec la douceur & facilité humaine, a assez d'autres exemples & suffi-sans tesmoignages ailleurs pour uerifier son dire, & mesmement les miseres & calamitez qui aduindrent aux Romains apres la mort de Neron, pour mōstrer qu'il n'y a rien qui soit plus à redoubter & à craindre en un empire, que une puissance militaire, qui licencieusement fuyt les appetits forcenez & desordō-

D

E

nez. Car Demades apres la mort d'Alexandre le grand, accompagnoit son armee F
au Cyclops Polyphemus depuis qu'il eut l'œil creué, uoyant les mouuemens
insensez, troublez, & aucuglez, dont elle se mouuoit. Mais l'empire Romain
diuisé en plusieurs parts tout en un mesme temps, & mutiné en plusieurs en-
droits contre soy mesme, tumba en semblables accidents & inconueniens, que
ceulx que les poëtes comptent des Titans, non tant pour l'ambition de ceulx
qui uenoient à estre declarez Empereurs, comme pour l'auarice & l'insolence
des gens de guerre, qui poulsioient & chassoient hors du siege imperial les Em-
pereurs les uns par les autres, ne plus ne moins qu'une cheuille chasse l'autre.
Er neantmoins Dionysius le tyran de Sicile souloit appeller Pheræus, qui auoit G
esté seigneur & tyran de la Theffalie l'espace de dix mois tant seulement, tyran
de tragœdie, se mocquant de la soudaine mutation de son estat, là ou le palais
& la maison imperiale des Cæsars à Rome en moins de temps que de dix mois
receut quatre Empereurs, y faisans les soudards entrer l'un & en sortir l'autre,
ne plus ne moins que s'ilz eussent ioué quelque mystere sur un eschaffault: mais
à tout le moins auoient les habitans de Rome, qui estoient ainsi opprimez, une
consolation, c'estoit, qu'il ne leur falloit point d'autre uengeance alencontre
de ceulx qui estoient cause de leur oppression: car ilz les uoyoient s'entretuer
eulx mesmes, & plus iustement que nul autre, celuy qui premier les auoit alle-
chez, & qui leur auoit enseigné d'esperer tant à la mutation d'un Empereur, cō-
me il leur promet en condamnant un tres bel acte, qui estoit de s'estre souble- H
uez & rebellez contre Neron, & le rendant acte de trahison, par y interposer sa-
laire. Car Nymphidius Sabinus estant capitaine des soudards destinez à la gar-
de des empereurs, q̄ lon appelle les soudards Prætorians avec Tigellinus, quād
il ueit les affaires de Neron totalemēt desesperez, & luy prest à s'en fouir en Æ-
gypte, persuada auxdits soudards de declarer Galba Empereur, comme n'estant
plus Neron à Rome, ains s'en estant desia fouy, leur promettant sept cents cin-
quante escus pour teste, & aux autres qui estoient ça & là à la garde des prouin-
ces cent uingt & cinq, laquelle somme de deniers il estoit impossible d'ama-
ser, qu'il ne feist dix mille fois plus d'extortions à tout le mōde que Neron n'en
auoit fait. Ceste promesse fut cause de faire incontinent mourir Neron, & peu I
apres Galba, à cause que les soudards abandonnerent l'un pour l'esperance de
receuoir ce donatif, & bien tost apres occirent l'autre, pource qu'ilz ne le re-
ceuoient pas assez tost à leur gré. Puis en cherchant quelqu'un qui leur en don-
nast autant, ilz se perdirent & meirent à male fin les uns les autres par rebelliōs
& par trahisons, plus tost qu'ilz n'eurent trouué ce qu'ilz esperoient. Or de uou-
loir exposer particulièrement, & par le menū, toutes les choses qui furent fait-
tes ou qui aduindrent alors, ce seroit escrire une hystoire entiere & complete:
mais quant à moy, il me suffira seulement de ne passer point soubz silence les
plus notables faicts ou accidents & inconueniens qui aduindrent lors aux Cæ-
sars. C'est doncques chose confesse de tous, que Sulpicius Galba a esté le plus K
riche hōme priué qui soit entré en la maison des Cæsars: & combien que de son
propre estoc il eust grande dignité de noblesse, pour estre de la race & maison
des Sergiens, si se sentoit il encoré plus honoré pour estre parét de Quintus Ca-
tulus, qui fut un des premiers hōmes de son temps en uertu & en reputation,
combien qu'au demourant il cedast uoluntairement le credit & l'autorité à
d'autres. Aussi estoit Galba aucunement parent de Liuia, femme d'Augustus
Cæsar: & pour ceste cause, en faueur d'elle il sortit du palais imperial quand il
alla

- A** alla prendre possession de son Consulat. Et dit on, qu'ayant eu charge de l'armée d'Alemagne, il s'y porta fort bien: & semblablement au gouvernement de la Libye, là ou il fut Viceconsul, il eut honneur en son faict autat que nul autre: mais la simplicité de son uiure ordinaire, & sa despence reglee sans superfluité quelconque, fut reputée chicheté quand il fut déclaré Empereur, pource que la louange de sobriété & de tempérance qu'il uouloit ramener en usage, estoit desia chose si rance, par maniere de dire, & si desaccoustumée, qu'il n'en estoit plus de nouvelle. Il fut aussi enuoyé pour gouverner l'Hespagne par Neron avant qu'il eust appris à redoubter les citoiens de grande autorité: mais oultre ce qu'il estoit doux & humain de sa nature, la uieillesse augmenta encore l'opinion que
- B** lon auoit de luy, qu'il fust craintif. Car comme les meschâs & maudits procureurs de Neron tourmentassent cruellement & inhumainement les provinces, il ne les pouuoit pas autrement secourir, mais au moins estoit ce quelque recôfort & quelque consolation à ceulx qui estoient adiugez & uendus comme esclaves par ceulx, de uoir que Galba plaignoit leur calamité & l'iniure qu'on leur faisoit, autant que si lon luy eust faite à luy mesme. Et comme ló eust fait des uers diffamatoires alencontre de Neron, que lon portoit & chantoit par tout, il ne les defendit ny ne s'en courroucea point, comme faisoient les procureurs de Neron: à raison dequoy il estoit encore plus aimé de ceulx du pais, aux quelz il auoit pris familiarité, pource que c'estoit ia la huitieme année qu'il administroit ce gouvernement là, lors que Iunius Vindex estant gouverneur de la Gaule se rebella & soubleua contre Neron: lequel, à ce que lon dit, luy en auoit escrit avant qu'il se rebellast ouuertement, mais Galba n'y adiouxta point de foy, ny aussi ne le decela, ny ne l'accusa point, comme feirent plusieurs autres aians charge d'armées & de gouuernemens de provinces, qui enuoyerent à Neron les lettres mesmes que Vindex leur en auoit escrites, & empeschérēt, en tant qu'en eulx estoit l'entreprise, de laquelle aians depuis esté participans, ilz confesserent estre traistres à eulx mesmes, autant cōme à luy. Mais depuis aiant Vindex ouuertement déclaré la guerre à Neron, il escriuit une autre fois à Galba, le priant qu'il uoulust accepter l'Empire, & se uoloir dōner pour chef à un corps fort & puissant, qui n'auoit besoin que d'une teste, c'estoient les Gaules, ou il y auoit ia cent mille combattans en armes tous prests, & ou lon en pouuoit leuer encore d'auantage, alors il meit la chose en deliberation de ses amis, desquelz les uns furent d'aduis qu'il différast encore, attendant quel mouuement & quelle mutation monstreroit Rome à ceste nouuelleté. Mais*
- D** Titus Quinius capitaine d'une legion luy dit, O Galba, comment consultes-tu de cela? car de liberer si nous demourerons fideles ou non à Neron, c'est desia demourer: il nous fault faire l'un des deux, ou ne reietter point l'amitié de Vindex, comme nous estant Neron ennemy, ou bien il nous le fault accuser & luy faire la guerre, pource qu'il desire te uoir Empereur de Rome plus tost que Neron tyran.
- E** Depuis cela, par affiches publiques il assigna iour, auquel il donneroit affranchissement & liberté à ceulx qui l'en iroient requerir. Ce bruit ineontinent espandu par tout, fait assembler grande multitude d'hommes bien deliberez de se rebeller, & ne fut pas à peine monté sur le tribunal, que tous les assistés l'appellerent & le declarerēt Empereur. Toutefois il ne uolur pas du premier coup recepuoir ceste appellation, ains accusant Neron, & deplorant aucuns des plus nobles personages qu'il auoit fait mourir, promet qu'il presteroit son sens, & sa prudence au bien public de son pais, ne se nommant ny César ny Empereur,

* Suetone
l'appelle Ti-
tus Iunius

ains seulement lieutenant du Senat & du peuple Romain. Or que Vindex ait fait
 F
 sagement d'appeller Galba à l'Empire, on le peult uerifier par le tesmoignage
 mesme de Neron: lequel aiant tousiours monstré semblant qu'il ne se soucyoit
 point de Vindex, & qu'il ne faisoit compte aucun de la rebellion des Gaulois,
 si tost qu'il entendit que Galba festoit aussi déclaré, ce qui fut sur l'heure de
 son soupper, il renuersa la table par courroux & despit, & neantmoins le Senat
 aiant iugé Galba ennemy, encore uoulut il faire de l'asseuré, & se iouer entre ses
 amys, disant que ceste nouuelle ne luy estoit point uenue mal à propos, pource
 que aussi bien auoit il affaire d'argent, & que c'estoit un expedient qui luy estoit
 arriué bien à poinct pour en trouuer, à cause que bien tost il auroit les biens de
 tous les Gaulois, comme butin de iuste guerre, apres qu'il les auroit reconquis
 & subiuguez de nouveau: & que tout promptement s'offroiét les biens de Gal-
 ba qu'il pouuoit uendre, attendu qu'il festoit déclaré son ennemy. Ainsi com-
 G
 manda il que lon saylist & uendist à l'encan au plus offrant les biens de Galba.
 Quoy entendu, Galba feit aussi à son de trôpe mettre en uente tout ce qui estoit
 à Neron en toute la prouince d'Hespagne: & trouua encore plus de gens prests
 à acheter. Tous les iours se soubleuoiet gés de tous costez cōtre Neron, qui se
 rengoiet tous de la part de Galba, exceptez Clodius Macer en Afrique, & Ver-
 ginus Ruffus en la Gaule, aians charge de l'armee des Alemans: lesquelz deux
 faisoient leurs affaires à part, n'ayans pas tous deux une mesme intétion: pour-
 ce que Clodius aiant beaucoup derobbé, & fait mourir beaucoup d'hommes
 H
 pour sa cruaulté & son auarice, monstroie euidemmét qu'il nageoit entre deux
 eaux, ne sachant ne comme lascher, ne comment retenir la charge de son gou-
 uernement. Et Verginius estant chef des plus puissantes legions, qui par plu-
 sieurs fois l'auoient déclaré Empereur, & l'auoiet uolu cōtraindre d'accepter
 l'Empire: à quoy il auoit tousiours fait respōce qu'il n'estoit point deliberé, ny
 de l'accepter, ny de souffrir qu'il fust donné à un autre qu'à celuy que le Senat
 auroit esleu: cela du cōmencement troubla fort Galba. Mais quād les deux ar-
 mees de Vindex & de Verginius malgré les capitaines, qui ne les peurēt engar-
 der, non plus q̄ des chartiers qui ne peuuent retenir les brides de leurs cheuaux,
 se furēt entrechocquees en une grosse bataille, ou il demoura uingt mille Gau-
 I
 lois morts sur la place, & Vindex qui se tua luy mesme apres: il courut un bruit
 que les uainqueurs apres une si belle uictoire contraindroient Verginius d'ac-
 cepter l'Empire, ou qu'il se retourneroit à Neron. Alors Galba se trouuāt extre-
 mement effroyé, escriuit à Verginius qu'il se uoulust entēdre avec luy pour cō-
 seruer l'Empire & la liberté aux Romains, & se retira quand & quād en une uil-
 le d'Hespagne qui s'appelle Colonia, se repentant plus tost de ce qu'il auoit
 ia fait, & regrettant son accoustumee tranquillité de uie, en laquelle il a-
 uoit tousiours esté nourry, que uacquant à faire aucune chose utile ou ne-
 cessaire à son entreprise. Or estoit il ia le commencement de l'esté, & un
 iour sur le soir un peu auant la nuict, arriua deuers luy un sien serf affranchy
 K
 natif de la Sicile, lequel estoit uenu de Rome en sept iours, & entendant que
 Galba se reposoit seul, il sen courut droit en sa chambre qu'il ouurit, & y en-
 trant malgré les ualers de chambre qui estoient à la porte, luy annonça com-
 me uiuant encore Neron, mais ne comparoissant plus, le peuple Romain pre-
 mierement, & puis le Senat apres l'auoient appellé & déclaré Empereur, & que
 tantost apres on auoit apporté nouuelles comme Neron estoit mort, ce qu'il
 n'auoit point uolu croire, ains sen estoit allé sur le lieu mesme, là ou aiant ueu
 son

- A** son corps roide mort estandu, il s'estoit alors mis en chemin. Ces nouvelles esjouyrent fort Galba, & accourut grãde multitude d'hommes à la porte de son logis, s'asseurans sur ce qu'ilz le uoioient luy mesme assuré, combien que la diligence du messager semblast incroyable: mais deux iours apres arriua Titus avec quelques autres du camp, qui luy annoncea particulièrement tout ce que le Senat auoit ordonné. Si fut ce Titus auancé en degré honorable, & le serfaffranchy eut le droit de porter anneaux d'or, & se faisant appeller Martianus Vircellus, eut depuis le premier credit entre les affranchyz de son maistre. Ce pendant Nymphidius Sabinus à Rome, alloit nõ petit à petit ains tout à un coup entreprenant & usurpant toute l'autorité: faisant son compte que Galba estoit si uicil, qu'à peine pourroit il estre apporté dedans une litiere iusques à Rome, estant aagé de soixante & treize ans: ioinct aussi que l'armee des Prætoriens qui estoient dedans Rome de long temps, luy uouloit grand bien, & lors ne reconnoissoit autre supérieur que luy seul, pour la grandeur de la promesse qu'il leur auoit faite: dont luy auoit le gré & la grace, & Galba demouroit obligé de la dette. Si commanda incontinent à Tigellinus son compagnon en la charge de capitaine des Prætoriens, qu'il eust à poser l'espee: & faisant force banequets enuoyoit semondre tous ceulx qui auoient esté Consulz, ou qui auoient eu charge d'armees ou de gouuernemens de prouinces, & les faisoit conuier au nom de Galba: & se trouuerent quelques uns des souldards, qui semerent ce propos parmy le camp, qu'il falloit enuoyer des ambassadeurs deuers Galba, luy requerir Nymphidius pour leur capitaine perpetuel, seul, & sans compagnon. Mais encore ce que le Senat faisoit en l'honneur & faueur de luy, en l'appellant son bienfaiteur, & luy allant tous les iours faire la court iusques dedans son logis, uoulant qu'il fust autheur de tous les decretz qui se passoient au Senat, & qu'il les autorisast, luy haussa bien d'auantage le cuer, & luy donna bien plus grande audace: de sorte qu'en peu de temps il deuint, non seulement odieux, mais redoutable à ceulx mesmes qui luy alloient faire la court. Et comme les Cõsulz eussent donné à des courriers publiques les patentes signees & scelees, esquelles estoient cõtenus les decretz du Senat, pour les porter à l'Empereur: en uertu desquelles patentes les officiers des uilles aussi tost qu'ilz uoient le scel, font fournir coches & cheuaux frais aux enuoyez, pour plus diligemment faire & haster leur uoiage, il se courroucea bien asprement à culx, de ce qu'ilz n'auoient aussi pris lettres scelees de luy & des souldards pour y enuoyer: qui pis est encore dit on, qu'il fut entre deux de deposer les Consulz: toutefois culx festans excusiez enuers luy, & l'aians supplié de leur pardonner, il appaisa son courroux, & pour gratifier à la commune, il ne les garda point de faire mourir en tourmente ceulx qu'ilz pouuoient tenir des domestiques & familiers de Neron: cõme entre autres un gladiateur & escrimeur à oultrance, qui se nõmoit Spielus, lequel ilz meirent dessoubz les images & statues de Neron, que lon trainna par toute la uille: & un autre nõmé Aponius, l'un des dilateurs de Neron, qu'ilz renuerferent par terre, & feirent passer par dessus des chariots chargez de pierres: & plusieurs autres semblablement qu'ilz meirent tous en pieces, les uns sans qu'ilz eussent aucunement forfait. Tellement qu'il y eut un Mauriscus des plus gens de bien de la uille, & tenu pour tel, qui dit en plein Senat, l'ay grande peur que bien tost nous ne regrettrions Neron. Ainsi Nymphidius approchât en son esperance bien pres du but ou il pretendoit, estoit bien aise d'ouyr que quelques uns murmuroient, qu'il estoit filz de Caius Cæsar, celuy qui teint l'Empire Ro-

main apres Tiberius, pource que ce Caius estant encore ieune garson, auoit cogneu sa mere qui estoit assez belle ieune femme de uisage, fille de Callistus l'un des affranchiz de César, qu'il auoit eue d'une lingere, laquelle il entretenoit: mais il se treuve que ce Nymphidius estoit desia nay auant que Caius César eust sceu cognoistre sa mere, & auoit on opinion qu'il auoit esté engendré par un escripteur à oultrance, qui se nommoit Martianus, dont Nymphidia sa mere fut amoureuse pour le grand bruit qu'il auoit dedás Rome, & de faict il luy ressembloit de uisage mieulx qu'à nul autre: tant y a qu'il aduouoit bien estre uoirement filz de ceste Nymphidia, mais l'attribuât à luy seul la desfaitte de Neron, il n'estimoit pas en estre suffisamment recompencé des hōneurs qu'il en auoit, & des biens dont il iouyssoit, ny de ce qu'il couchoit avec Sperus, que Neron auoit tant aimé, lequel il enuoya querir aux funerailles de Neron, que le corps brusloit encore, & le teint avec luy, comme si c'eust esté sa femme, & l'appelloit Pompeius: toutefois non content de ce, encore aspiroit il soubz main à la succession de l'Empire, faisant partie de ses menées dedás Rome mesme, par l'entremise de quelques femmes & hommes, qui estoient du Senat, & qui luy fauorisoient secrettement, & partie pour un Gellianus, qu'il enuoya en Hespagne pour espier ce qui s'y faisoit. Mais depuis que Nerō fut mort, toutes choses succederēt au gré de Galba, excepté que Verginius Ruffus qui nageoit encore entre deux eaux, le tenoit en grand soucy, par ce qu'il craignoit (oultre ce qu'il commandoit à une grosse & tresbelliqueuse armee, aiant mesmement de fresche darte desfait Vindex, & tenant soubz sa main une bōne partie de l'Empire Romain qui estoit la Gaule totale, laquelle estoit en branle, & ne demādoit qu'à se rebeller) qu'il ne prestast l'oreille à ceulx qui l'enhortoient de prendre pour luy mesme l'Empire: car il n'y auoit lors capitaine Romain, qui eust si grand nom, ne qui fust de telle reputation que Verginius, & meritoirement, comme celuy qui auoit grandement seruy, & au poinct du besoing, aux affaires des Romains, les aians deliurez tout à un coup d'une cruelle tyrannie & du danger des guerres Gauloises: toutefois luy perseuerant en sa premiere resolution garda au Senat l'electiō de l'Empereur, cōbien que encore depuis que la mort de Neron fut toute notoire, la commune des soudards luy en feist grande instance, & que un coulōnel de mille hommes fust allé iusques dedans sa tente luy presenter l'espee nue, & luy dire qu'il se deliberaist d'accepter l'Empire, ou de receuoir l'espee en son corps. Mais depuis que Fabius Valens chef d'une legiō eut fait le serment de fidelité à Galba, & qu'il eut receu des lettres de Rome, par lesquelles on luy escriuoit ce que le Senat auoit ordōné, à la fin difficilement & avec grande peine persuada il aux soudards de declarer & recognoistre Galba Empereur, lequel luy enuoya pour successeur Flaccus Ordeonius, à qui il ceda uoluntairement: & luy aiant liuré l'armee entre ses mains, s'en alla trouuer Galba qui n'iroit tousiours son chemin droit à Rome, & l'accompagna tousiours sans que Galba luy feist aucune demonstration de mescontentement ny d'hōneur aussi: K estant cause de l'un Galba mesme qui le reueroit, & de l'autre ses amis, mesmement Titus Ouinius pour l'enuie qu'il portoit à Verginius, cuidant empescher son accroissement, là ou il secondoit & aidoit sans le cognoistre, sa bonne fortune, laquelle luy preparoit les moiens de le tirer hors des guerres ciuiles & des mauulx, esquelz tumberent depuis les autres capitaines pour le mettre en une uie tranquille, & en une uieillesse pleine de paix & de repos. Au demourāt, les ambassadeurs enuoyez de la part du Senat rencontrerent Galba à Narbonne cité de

A de la Gaule, là ou apres l'auoir salué, ilz l'admonesterent de se hastier le plus tost qu'il luy seroit possible, pour se môstrer au peuple Romain, lequel desiroit singulierement sa uenue. Galba les receut humainement & gracieusement, & leur fait bonne chere, mais ciuilement toutefois: car combien que Nymphidius luy eust enuoyé force officiers & force meubles de ceulx de Neron, iamais il ne se seruit en tous les bâquets & festins qu'il feist, d'autres que de ses propres: en quoy il se monstra hôme magnanime & uainqueur de toute folle uanité. Mais Quinius luy donna bien tost à entendre, que ceste magnanimité & ceste modération ciuile sans pompe ny magnificēce quelconque, estoit une façon trop basse de flatter le peuple, & que c'estoit une certaine honesteré qui ne se cognoissoit pas soy mesme, ains desdaignoit sa grâdeur. Si luy persuada d'user des biens & meubles de Neron, & en ses festins faire, sans rien espargner, une sumptuosité de despence royale. Brief le uieillard commença à faire euidentement cognoistre qu'il se laisseroit mener & gouverner par Quinius, lequel estoit extrêmement & plus que nul autre auaricieux, & oultre cela encore subiect aux femmes: car estant encore ieune homme la premiere fois qu'il fut à la guerre soubz Caluissius Sabinus, il mena la femme de son capitaine, qui estoit femme luxurieuse, desguisee en habit de souldard au camp, iusques au logis mesme du capitaine que les Romains appelloient Principia, là ou il la corrompit: pour raison dequoy Caius Cæsar le feist mettre en prison, mais à sa mort il en eschappa. Vne

C autre fois souppant avec Clodius Cæsar, il derobba un pot d'argent: ce qu'entendant Clodius le feist encore semondre le lendemain de uenir soupper avec luy: mais il commanda à ses officiers que lon ne le seruist qu'en uaisselle de terre. Ainsi ce larcin par la facilité comique de Cæsar, sembla plus tost digne de risée & de moquerie que de courroux: mais ceulx qu'il cōmeit depuis par extreme conuoitise d'argent lors qu'il tenoit Galba en sa puissance, & auoit tout credit enuers luy, donnerent aux uns iuste cause, & aux autres apparente couuerture de tragiques inconueniens & de tresgriefues calamitez. Car Nymphidius incontīnēt que Gellianus fut retourné de l'Hespagne, ou il l'auoit enuoyé pour espier ce que faisoit Galba, estant par luy aduertty comme Cornelius Lacon estoit capitaine des gardes & de la maison de l'Empercur, & que Quinius auoit tout le credit & toute l'autorité, & qu'il ne luy auoit iamais esté permis de pouuoir seulement approcher de Galba, ny de parler à luy en secret, à cause que tous ceulx qui estoient autour de luy le tenoient pour suspect, & auoient l'œil sur tout ce qu'il faisoit, se trouua tout troublé: si assembla tous les centeniers, chefz des bendes, & capitaines particuliers du camp des Prætorians, aux quelz il remonstra que Galba quant à luy, estoit un bon uieillard, & personne moderee: mais qu'il ne se gouvernoit pas par son conseil, ains se laissoit mener à Quinius & à Lacon qui gastoient tout: & pourtant que ce seroit bien fait auant qu'ilz uinsent à se fortifier d'auantage, & à usurper au gouuernement des affaires, aussi grâde autorité comme auoit fait Tigellinus, d'enuoyer deuers l'Empercur des ambassadeurs au nom de tout le camp, pour luy remôstrer qu'en dechassant seulement ces deux personnes d'alentour de luy, il seroit miculx uenu dedans Rome, & plus agreable à tout le monde. Les capitaines ne trouuerent point cela bon: car il leur sembla estrange & sans apparence de raison, de uouloir ainsi instruire & enseigner un uieil Empercur, comme si c'estoit un ieune garson qui ne feist que commencer à gouter que c'estoit d'auoir licence de commander, & luy prescrire de quelz seruiteurs & amis il se deuoit seruir, & à qui il

deuoit dōner credit ou nō. Ce que uoiant Nymphidius prit un autre chemin, & F
 escriuit des lettres à Galba pour l'effroyer, luy mandant une fois qu'il y auoit
 beaucoup de gens à Rome qui luy portoient mauu aise uolunté, & qui estoient
 en branle de se soubleuer cōtre luy, une autrefois que les legions de la Germa-
 nie se remuoient, & qu'il entendoit le semblable de celles qui estoient en la lu-
 dēe & en la Syrie, & une autrefois que Clodius Macer retenoit en Afrique les
 nauires chargees de bleds qui deuoient uenir à Rome: mais à la fin uoiant que
 Galba ne faisoit aucun compte de luy, & ne luy adiouxtoit point de foy, il pro-
 posa de luy courir sus le premier, combien que Clodius Celsus natif d'Antio-
 che, homme sage, & qui luy estoit fidele amy, luy deconseilla fort de ce faire,
 en luy remonstrāt qu'il ne pensoit pas qu'il y eust une seule famille ny maison G
 dedās Rome qui fust pour l'appeller Nymphidius Cæsar. Mais au cōtraire plu-
 sieurs autres se mocquoient de Galba, mesmement un Mithridates du royau-
 me de Pont qui le blasonnoit de ce qu'il estoit chaulue & ridé: car les Romains,
 disoit il, le tiennent maintenant en quelque compte: mais quand ilz l'auront une
 fois ueu, ilz estimerōt que ce soit une perpetuelle infamie, & un sempiternel re-
 proche de nostre temps, qu'il y ait esté appellé & nommé Cæsar: si furent d'ad-
 uis de mener Nymphidius enuiron la mynuict au camp, & là le declarer & nō-
 mer publiquement Empereur. Mais le premier coulōnel Antonius Honoratus
 quand uint sur le soir assembla les soudards qui estoient soubz sa charge, & en H
 leur presence cōmencea à se blasmer premierement soy mesme, & eulx apres de
 ce qu'en si peu de temps ilz s'estoient tournez & changez tant de fois sans s'ar-
 rester par discours de raison, ny eslire ce qui estoit le meilleur, ains seulement
 estans poussez par quelque mauuais esprit qui les trainnoit d'une trahison en
 une autre. Encore (dit il) auoit nostre premier changement quelque couleur ap-
 parente, c'est à sçauoir, les crimes & pechez de Neron: mais maintenāt de quoy
 accusons nous Galba pour auoir couuerture de luy faulser la foy? a il tué sa me-
 re? a il fait mourir sa femme? a il uillainement fait acte de batteleur ou de farceur
 sur un eschaffault en plein theatre? & toute fois pour tous ces cas infames là, en-
 core n'eumes nous iamais le cueur de cōmencer à abādōner Nerō, ains adioux-
 tasmes foy au dire de Nymphidi⁹ qui nous dōna à entēdre q̄ c'estoit luy le pre- I
 mier qui nous auoit abandonnez, & qu'il s'en estoit fouy en Ægypte. Que uoi-
 lōs nous donques faire? occirōs nous Galba apres Neron? uolōs nous tuer ce
 luy qui est parent de Liuia, pour eslire Empereur le filz de Nymphidia, comme
 nous auōs desia fait mourir le filz d'Agrippine, ou plus tost faire payer à cestuy
 cy la peine de ce qu'il a temerairement ozé faire, & en ce faisant uenger la mort
 de Neron, & nous monstrier loyaux & fideles gardes à Galba? A ces paroles du
 coulōnel cōsentirēt tous les soudards, & de ce pas allerēt deuers leurs autres cō-
 pagnons, les admonester & prier de uoloir maintenir la foy & loyalté qu'ilz
 auoiēt iuree à l'Empeteur, de sorte qu'ilz en feirēt retourner plusieurs. Sur quoy
 festant leuē un grand bruit, Nymphidius cuidant, comme aucuns disent, que K
 ce fussent les soudards qui ia l'appellassent, ou bien uolant de bonne heure as-
 foppir ceste emeute pour contenir ceulx qui flottoient encore en doute, sy en
 alla avec force lumieres de flambeaux & de torches, portant en sa main une ha-
 rengue que Cingonius Varro luy auoit composee, & que luy auoit estudee par
 cueur pour la pronōcer deuant les soudards: mais trouuant les portes du camp
 fermees, & uoyant plusieurs avec leurs armes dessus les murailles, il eut peur, &
 en s'approchant leur demanda qu'ilz uoloient dire, & par commandement de
 qui

- A** qui ilz auoient ainsi pris leurs armes? Il luy fut respondu par tous d'une uoix, qu'ilz ne recognoissoient autre Empereur que Galba, ce qu'il feist semblât d'approuuer, & commanda à ceulx qui le suyuoient d'en faire autant, & quand & quand s'approcha de plus pres: quelques uns des soudards qui se trouuerēt pres de la porte, luy ouurirent, & le laisserent entrer dedans avec peu de gens. Mais il ne fut pas plus tost entré, que lon luy tira premierement un coup de iauelot, lequel un Septimius qui marchoit deuant luy receut sur son pauois, puis d'autres luy coururent sus avec leurs espees nues, & le poursuyuirent fuyant, iusques au logis d'un soudard, là ou ilz le massacrerēt, puis tirerent son corps en lieu public, mettant des barrieres alentour, à fin q̄ ceulx qui en auroiēt enuie le peussent ueoir le lendemain. Aiant dōcques Nymphidius ainsi finy ses iours, Galba qui en fut aduertty, ordonna que tous ses complices & consors de sa conuiration, qui n'auoient point esté occis sur l'heure pour l'amour de luy fussent exécutez à mort, comme ilz furēt: entre lesquelz fut Cingonius, celuy qui auoit composé la harégue, & Mirhidates le Pontique aussi: mais cōbien qu'ilz l'eussent bien meritē, si estima lon que ce n'estoit ny legitimement ny ciuilement fait, de commander que lon feist ainsi mourir ces personnages qui estoient de quelque qualité, sans leur faire faire premierement quelque forme de proces, pource que tout le monde s'attendoit de ueoir soubz ce nouueau Empereur une toute autre forme de gouuernement, que l'on n'auoit point encore ueuē, & se trouuoit on deceu de ce que lon en esperoit au commencement: mais encore trouua lon bien plus mauuais ce qu'il commanda de mourir à un personnage de dignité Consulaire, nommé Petronius Tertullianus, pource qu'il auoit esté fidele à Neron. Car de Macer qu'il feist tuer en Afrique par Trebonianus, & de Fonteius en Alemagne par Valens, il auoit quelque occasion de les craindre, à cause qu'ilz estoient en armes, & auoient cōmandement sur des exercites: mais Tertullianus qui estoit homme uieil, nud, & sans armes, certainement il le deuoit ouyr en ses iustificatiōs, s'il eust uolu obseruer de faict la moderatiō qu'il promettoit de garder à son aduenement. Voila ce que lon reprēnt en luy. Au demourant quand il fut pres de Rome, enuiron de lieuē & demye, il se trouua enuoloppē d'un tumulte de mariniers & de forçaires, qui auoiēt occuppē le chemin, & le teindrent enuironné de tous costez: c'estoient ceulx que Neron auoit amassez en une legion, & les aians tirez de la rame, en auoit fait des soudards: si estoient là uenus pour luy requerir qui leur confermast leur estat de gens de guerre, & le pressoient si importunement, qu'ilz ne permettoient pas que ceulx qui uenoient au deuant du nouueau Empereur le peussent ueoir ny parler à luy: ains tumultuoient & menoient un grand bruit, demādans des enseignes à leur legion, & un lieu de garnison pour y résider. Galba les remeit à une autre fois, en leur disant qu'ilz luy feissent une autre fois entendre ce qu'ilz demandoient. Eulx disoient que ceste remise estoit une sorte de refus, & s'en mutinoient en le poursuyuāt avec grands cris, iusques à tant qu'il y en eut aucuns qui eurent bien la hardiesse de desguainner leurs espees: & adonc Galba commanda aux gens de cheual qu'il auoit à sa suyte, qu'ilz chargeassent dessus. Il n'y en eut pas un qui feist teste, ains furēt les uns foulez aux pieds des cheuaux sur le lieu mesme: les autres tuez en s'en fuyāt. Ce qui fust un mauuais & sinistre presage pour luy, d'entrer en la uille de Rome avec une telle effusion de sang humain, & par dessus les corps de tant de pauures gens morts: mais au lieu que quelques uns au parauant le mesprisoient, cōme trop uieil & trop caduc, il n'y eut celuy à l'heu-

re qui ne le redoubraſt, & ne tremblaſt deuant luy. D'auantage uoulant monſtrer une grande mutation, quant aux largeſſes deſmeſurees & deſpences ſuperflues de Neron, il ſemble qu'il ſe foruoya du deuoir: car comme un Canus excellent ioueur de fluſtes, cuſt ioué durant ſon ſoupper, pource que c'eſtoit une muſique fort plaiſante à ouyr, il la loua & priſa beaucoup: puis commanda que lon luy apportat ſa bougette, en laquelle il prit quelques eſcus, & les luy donna de ſa main, diſant que ce n'eſtoit point de l'argent public, ains du ſien propre: & au ſurplus commanda que lon repetaſt ſeucremēt les dons que Neron auoit faits aux ioueurs de comēdies, muſiciēs, luēteurs, & toute autre telle maniere de gēs faiſans profeſſiō des exercices de la perſonne, en leur en laiſſant la dixieme partie ſeulement: dont il retira bien peu de choſe, pource que la plus part de ceulx qui en auoient eu, l'auoient ia tout deſpendu, comme ilz ſont communement gens deſordonnez en leur uiure, & qui uiuent ordinaiſemēt au iour la iournee: & falloir aller rechercher ceulx qui auoient pris ou achepté quelq̄ choſe d'eulx, & le leur faire rēdre: à quoy il ne ſe trouuoit point de fin, tant cela alloit loing de l'un à l'autre, & ſ'eſtendoit à grand nombre de perſonnes. De tout cela la hōte & le deſhonneur tumboient ſur luy: mais l'enuie & la haine ſur Ouinius, cōme celuy qui rendoit le prince chiche & mechanique enuers tous les autres: pēdant que luy en uſant deſordonneement, prenoit à toutes mains, & uendoit toutes choſes: car le Poēte Heſiodus dit qu'il fault.

B oire ſon ſaoul quand le tonneau eſt plein,

E t tout autant quand il uient au declin.

Mais Ouinius uoyant Galba ainſi uieil & caduc, ſe uouloit gorger & remplir de la fortune, ce pendant qu'il la tenoit, penſant bien qu'elle luy commenceoit & finiſſoit tout enſemble: & ce pendant il faiſoit un grand tort au pauvre uieillard, adminiſtrant mal ſoubz ſon authorité les principaux affaires, & blaſmāt, ou du tout empeſchant ceulx que le prince de luy meſme auoit bien bonne enuie de faire iuſtement, cōme de punir les miniſtres de Neron: car il en feit mourir aucuns, entre leſquelz furent un Elius, un Polyclitus, Petinus, & Patrobius: dont le peuple fut fort aiſe, & cryoit ainſi comme on les menoit au ſupplice à trauers la place, que c'eſtoit une belle & ſaincte proceſſion, & demandoit aux Dieux & aux hommes, celuy qui auoit eſté le maiſtre & le conducteur de toute la tyrannie de Neron, Tigellinus: mais le uailant homme auoit gaigné le deuant, en preoccupant Ouinius avec de grandes arres, & puis en faiſant mourir le pauvre Tertullianus, pourautant ſeulement qu'il n'auoit point abandonné ny hay Neron, eſtant tel comme il eſtoit, ſans que toutefois il fuſt aucunement coupable ny participant des crimes & des mauſx qu'il auoit commis en ſa uie: là ou celuy qui auoit rendu Neron digne de mort, & qui depuis l'auoit encore abandonné, demoura ſans qu'on luy feiſt ne qu'on luy demandat rien, ſeruant de bel enſeignement aux autres, qu'il n'y auoit choſe que lon ne peuſt eſperer & obtenir d'Ouinius, pourueu qu'on luy donnaſt: car iamais le peuple Romain ne deſira tant choſe, que de ueoir conduire ce Tigellinus au ſupplice, & ne ceſſoit iamais aux aſſemblees du theatre ou des lices de le demander, iuſques à ce que l'Empereur les en reprit par une affiche publique: en laquelle eſtoit narré, que Tigellinus ne uiuroit plus gueres, à cauſe qu'il eſtoit malade de Phriſe, qui l'alloit tous les iours conſumant petit à petit: & requeroit Galba au peuple, qu'il ne uoluſt point aigrir ſa principaulté, ny la rendre tyrannique & cruelle. De quoy le peuple fut marry, mais eulx ne ſ'en feirēt que rire: & ſacrifia Tigellinus

A aux Dieux pour leur rendre graces de son salut, & feit preparer un sumptueux festin, là ou Ouinius se leuant d'aupres de l'Empereur apres soupper, s'en alla iouer chez Tigellinus, menât sa fille qui estoit ueufue quand & soy, à laquelle Tigellinus beut, luy offrant un don de uingt & cinq mille escus, & commanda à la principale de ses concubines d'oster de son col, pour le luy donner, un carquât qu'elle portoit, du pris & ualeur de quinze mille escus. Depuis lequel acte les choses mesmes qui se faisoient droittemēt & avec raison, estoient calūniees & prises en mauuaise part: comme ce qui fut ottroyé aux Gaulois, pource qu'ilz festoient soubleuez avec Vindex: car lō estima que ce n'estoit pas tant de la bōté & liberalité de l'Empereur, qu'ilz auoient esté affrâchiz & exemptez des sub-

B fides & tributs qu'ilz souloient payer, & qu'ilz auoient obtenu droit de bourgeoisie Romaine, comme qu'ilz l'auoient achepté d'Ouinius. Pour ces causes & raisons le peuple haïssoit l'Empire de Galba: mais les soudards pour le donatif qui leur auoit esté promis du commencement, s'entretenoient en quelque esperance, pensans qu'encore qu'ilz n'eussent autant comme il leur auoit esté promis, aumoins en auroient ilz autant que Neron leur en auoit baillé. Mais Galba entendant qu'ilz se plaignoient de luy, dit adonc une parole digne d'un

C grād prince & magnanime, qu'il auoit accoustumé de choisir les soudards, nō pas de les achepter. Ceste parole leur estant rapportee, engēdra en leurs cueurs une aspre & cruelle haine alencōtre de luy, pouraurāt qu'ilz estimerēt q'c'estoit les priuer, non seulemēt du donatif qu'ilz esperoiēt receuoir presentemēt, mais aussi enseigner & instruire les Empereurs qui uiendroient apres luy, de ce qu'ilz auoiēt à faire en leur endroit. Toutefois le mutinement des soudards Pretoriēs qui estoient à Rome, estoit encore fort couuert & caché pout quelque reuerence qu'ilz portoient à la presence de Galba, lequel retenoit ceulx qui auoiēt bien bonne enuie de se mutiner, pource qu'ilz ne uoioient encore commencement aucun de mutation. Cela cachoit aucunement & les gardoit de monstrier en euidence leur mauuaise uolunté. Mais ceulx qui parauant auoient esté soubz la charge de Verginius, & qui estoient lors soubz Flaccus en Alemagne, se reputans dignes de grandes recompences pour la bataille qu'ilz auoient gaignee

D contre Vindex, & n'en aiant du tout rien, ne se uouloient contenter pour chose que leur dissent leurs capitaines, & ne faisoient point de compte de Flaccus mesme, à cause qu'il ne se pouuoit aider de sa personne, tant il estoit tormenté de la goutte: ioint aussi qu'il n'auoit experience quelconque des affaires de la guerre ny d'estat. Et comme un iour il se feist quelques ieux, à l'entree desquelz les coulōnelz & capitaines, selō la coustume Romaine, faisoient des ueux & prieres aux Dieux pour la santé & prosperité de l'Empereur Galba, il y en eut plusieurs qui feirent bruit du commencement: puis comme les capitaines con-

E tinuassent leurs prieres, à la fin les soudars respondirent, S'il en est digne. Les legions semblablement qui estoient soubz la charge de Tigellinus, faisoient souvent de telles insolences, dequoy les procureurs & entremetteurs des affaires de Galba, l'aduertissoient par lettres. Et luy craignant & pensant que lon le mesprisast, non seulement pour sa uieillesse, mais aussi pource qu'il n'auoit point d'enfans, il se delibera d'adopter pour son filz quelque ieune homme des plus nobles maisons de la uille, & le declarer son successeur à l'Empire. Or y auoit il Marcus Otho, qui estoit bien de noble race: mais qui tousiours auoit esté fort subiet à son plaisir, & perdu en uoluptez des son enfance, autant ou plus que nul autre des Romains. Et comme Homere appelle souuent Paris le mary de la bel-

le Helene, en le nommant par le nom de sa femme, pource qu'il n'auoit autre
 qualite recommandable en luy: aussi uint Otho à auoir bruit & à estre cogneu
 dedans Rome pour le mariage de Poppea, delaquelle Neron deuint amoureux,
 lors qu'elle estoit encore mariee à Crispinus: mais portant encore quelque hō-
 neur à sa femme, & craignant sa mere, il attitra Othon pour la solliciter & cor-
 rompre. Car Neron aimoit Othon, & prenoit plaisir à sa compagnie, pource
 qu'il estoit ainsi dissolu: estant biē aise d'ouyr que quelque fois il se moquoit de
 luy, en l'appellāt chiche, mechanique. Auquel propos on cōpte que Neron fe-
 stant un iour oingt d'une huyle & composition de parfum fort precieuse, il en
 aspergea un petit en passant Othō: lequel luy fit le lendemain un festin en son
 logis, ou soudainement sortirent force tuaux d'or & d'argent de tous costez de
 la sale, qui ietterent de cest huyle parfume, cōme si c'eust esté de l'eau toute sim-
 ple, & en baignerent toute la sale. Aiant doncques le premier debauché Pop-
 pea, & l'ayant corrompue soubz l'esperance de l'amour de Nerō, il luy persuada
 de faire diuorce avec son mary. Ce qu'elle fit, & luy la receut puis apres en sa
 maison cōme sa femme legitime, ne se contentāt pas tant d'y auoir part, cōme
 estant marry & despit de la cōmuniquer à un autre. Et de ceste ialouzie Poppea
 mesme n'estoit point marrye, à ce que lō dit: car elle ferma quelque fois la porte
 à Neron, encore que Othō ne fust pas à la maison: soit ou pource qu'elle le uou-
 lust tousiours tenir en appetit, & ne le laisser pas prēdre son plaisir à cuer saoul:
 ou comme aucūs estimēt, pource qu'elle ne uoulust point de Cesar pour mary,
 & qu'elle ne le refuzast point pour son amy, à cause qu'elle estoit luxurieuse.
 Tant y a que Othon fut en danger de sa uie pour ce mariage de Poppea: & estoit
 chose estrāge que Neron aiant fait mourir sa femme & sa sœur pour les nopces
 de Poppea, pardōna neantmoins à Othon. Mais ce fut à cause qu'il auoit Sene-
 que pour amy, à la persuasion & par l'admonestemēt duquel, il fut enuoyé tout
 au bout de l'Hespagne, le long de la mer Oceane, au gouuernement des Lusita-
 niens: ou il se deporta si sagement, qu'il ne fut ny chargeant ny desplaisant aux
 naturelz habitans du païs: entendant tresbien q̄ ceste cōmission honorable luy
 auoit esté baillee, pour adoucir ou couvrir seulement son exil. Depuis quand
 Galba se rebella, luy fut le premier de tous les gouuerneurs des prouinces, qui se
 ioignit à luy: & faisant porter tout ce qu'il auoit de uaisselle d'or & d'argent au
 maistre de la mōnoye, la bailla pour la fondre, & en battre de la mōnoye: & luy
 dōna de ses officiers ceulx qu'il sentoit les plus adroitcs, & les mieulx propres
 pour seruir un prince: se mōstrant au demourāt fidele, & aussi bien entendu aux
 affaires d'estat quād on l'eut essayé, cōme nul autre qui fust en la suyte de l'Em-
 pereur. Tellement que par tout le chemin il alla plusieurs iournees dedans un
 mesme coche avec Galba, là ou il chercha fort de s'insinuer biē auāt en la bōne
 grace de Quinius par presens qu'il luy faisoit, & par propos agreables, dōt il
 l'entretenoit: mais principalemēt par ce qu'il luy cedoit uoluntaiремēt le pre-
 mier lieu, au moien dequoy il auoit asseurement le second lieu de credit apres
 luy: & le surmontoit en ce qu'il faisoit tout ce, dont on le requeroit, gratuite-
 ment & sans rien prendre, & donnoit facile acces & gracieuse audience à tous
 ceulx qui uoloient parler à luy: mesmement aux gens de guerre, aux quelz il
 aida beaucoup, & en feit auancer plusieurs aux charges honorables, partie les
 demandant luy mesme sans moien à l'Empereur, & partie les impetrant de O-
 uinius, & des deux affranchiz de Galba, Siculus & Asiaticus: car c'estoient les
 trois personnes, qui auoient le plus de credit en la court alentour de leur ma-
 istre

A stre: & toutes les fois qu'il donnoit à soupper à l'Empereur en son logis, il cor-
 rumptoit tousiours la bende des gardes qui faisoient le guet, faisant distribuer à
 chasque soudard un escu: ce qu'il sembloit qu'il feist pour plus honorer l'Em-
 pereur, mais c'estoit pour luy donner une trousse, qu'il alloit ainsi gaignant les
 gens de guerre & les gardes qui faisoient le guet. Comme doncques Galba cō-
 sultast qui il esliroit pour son successeur, Ouinius luy meit en auant Othon: ce
 qu'il ne faisoit pas pour neant, ny sans loyer, ains soubz promesse que Othon
 espouserait sa fille, prouueu que Galba l'adoptast pour son filz, & le declarast
 son successeur à l'Empire: Mais Galba auoit tousiours euidément monstré qu'il
 uouloit preferer le public au priué, & cherchoit d'adopter, non celuy qui luy
 B seroit plus agreable, ains celuy qui seroit plus utile à l'Empire Romain. Et
 m'est bien aduis qu'il n'eust pas uolu instituer Othon heritier de son patri-
 moine seulement, sachant qu'il estoit homme desordonné, dissolu, & desbordé
 en despence, & abyfiné de debtes, cōme celuy qui deuoit cinq cēts mille escus.
 Parquoy aiant ouy le conseil d'Ouinius sur ceste matiere, doucement sans rien
 respondre il en remeit la resolution à une autre fois, & le feit seulement pour
 lors Consul, & Ouinius quand & luy: dont on pensa que incontinent au com-
 mencement de l'annee, il le declareroit son successeur à l'Empire. Ce que les gēs
 de guerre desiroiēt plus que nul autre: mais ainsi qu'il estoit encore apres à cō-
 sultier & arrester quelle resolution il prendroit sur ce faict, la rebelliō des legiōs
 C de la Germanie, qui se soubleuerent & se declarerent tout à un coup, le surprit.
 Car tous les gens de guerre uniuersellement le hayssioient, à cause qu'il ne leur
 payoit point le donatif qui leur auoit esté promis. Mais ceulx là particuliere-
 ment alleguoient pour cause simulee de leur malueillance, qu'il auoit reietté
 sans honneur Verginius Rufus: & que les Gaulois qui auoient combattu con-
 tre eulx estoient remunerez de beaux & grands priuileges, & ceulx qui n'auoiēt
 point adheré à Vindex, auoient esté puniz & chastiez. De sorte qu'il sçauoit grē
 seulement à Vindex, attendu qu'il l'honoroit & recompensoit, tout mort qu'il
 estoit, avec publique oblation & sacrifices funebres, cōme si par luy seul il eust
 esté déclaré Empereur. Ia se tenoient tout publiquement ces propos parmy le
 D camp quād le premier iour de l'an escheur, que les Romains appellent Les Ca-
 lendes de Ianuier, auquel comme Flaccus eust fait assembler les soudards pour
 leur faire prester le serment de fidelité à l'Empereur selon la coustume, ilz ab-
 battirent & ietterent par terre les images de Galba, & iurerent au nom du peu-
 ple & du Senat Romain seulement. Ce que uoiant les capitaines redoubterent
 autant le dāger d'estre sans chef, que le peril de la rebellion. Si y eut quelqu'un
 d'estre eulx qui se prit à dire, Que faisons nous cōpagnōs? nous ne eslisons poine
 d'autre Empereur, & si ne uoulons point de celuy qui l'est maintenant: mon-
 strans par là que nous ne refusōns, ny ne fuyons pas Galba seulement, mais tout
 autre chef & Empereur qui nous puisse commander. Et quant à Flaccus Orde-
 E nius, qui n'est qu'une ombre & une image de Galba, ie suis bien d'aduis que
 nous le laissons là pour tel comme il est: mais Vitellius gouuerneur de la basse
 Germanie, n'est loing de nous q̄ d'une iournee seulemēt, filz d'un pere qui a esté
 Cēseur à Rome, & par trois fois Cōsul, & qui a esté pair & cōpagnō, par manie-
 re de dire, de Clodius Cæsar en l'administration de l'Empire, la pauureté du-
 quel fil y a aucun qui la luy reproche, est une certaine preuue de sa bonté & ma-
 gnanimité. Eslisons le doncques & monstons à tout le monde, que nous sça-
 uons mieulx eslire & choisir un Empereur, que les Hespagnolz, ny les Lusita-

niens. Aucuns des soudards assistans approuuerēt ces paroles, les autres non: & y eut un port'enseigne qui se derobbāt secrettement du camp en alla porter la nouvelle à Vitellius, lequel auoit ce iour là à soupper grande cōpagnie en son logis: & estant ce propos incontinent couru par tout son camp, Fabius Valens coulōnnel d'une legion sen uint le lendemain avec grosse troupe de gens de cheual le premier, & nomma Vitellius Empereur, qui parauāt sembloit en faire refus & le reietter, comme redoubtant la charge de l'empire trop grāde & trop pesante pour luy: mais lors estant plein de uiande & de uin de son disner, il sortit en public & receut le nom de Germanicus qu'on luy bailla, ne uoulāt point encore accepter celuy de Cēsar, & tout incontinēt apres ceulx de Flaccus laissant le beau serment populaire qu'ilz auoient prestē au nom du Senat, iurerent b'obeir fidelement à ce qu'il plairoit à l'Empereur Vitellius leur commander. Voila comment Vitellius fut esleu Empereur en Alemagne. Galba entendant ce nouveau mouuement pensa qu'il n'estoit plus temps de differer l'adoption qu'il auoit propensee: & cognoissant que ceulx à qui il donnoit credit autour de luy, estoient partis les uns faisans pour Dolobella, & la plus part pour Orthō, il n'en approuua ne l'un ne l'autre, & soudainement sans en auoir predict un seul mot à personne, il enuoya querir Piso qui estoit petit filz de Crassus & de Critiō que Neron auoit fait mourir, ieune homme bien conditionné, & qui mōstroit à une grauité moderee qu'il auoit de nature, qu'il estoit né à toute uertu. Galba descendit incontinent du palais, & sen alla droit au cāp pour le declarer Cēsar & son successeur à l'empire: mais au sortir du palais, il y eut de grands signes & prodiges celestes qui l'accompagnerent, & encore quand il fut dedans le camp & qu'il commença à dire par cueur partie de sa harenque, & partie à la lire, il tonna & esclaira tant comme il parla, & quand & quand tumba une si grosse pluye, & un brouillas si espez dedās le cāp, & sur toute la uille qu'il estoit facile à ueoir que les Dieux n'auoiet point pour agreable ceste adoption; & qu'il n'en aduiendroit ia bien. Les soudards mesmes par leur triste chere mōstroient bien leur mescontentement & leur mauuaise uoulunté, mesmement que lors on ne leur fait mention quelconque de donatif, & s'esmerueillerent fort les assistans à ce que lon pouuoit coniecturer au uisage, & par la uoix & parole de Piso, qu'il ne s'esmouuoit aucunement d'une si grāde grace, combien que ce ne fust point à faulte de sentiment pour la cognoistre. Cōme aussi de l'autre costé on remarqua aiseement en la face d'Orthō plusieurs signes, qui tesmoignoient qu'il estoit amerement espris de despit & de courroux, de se ueoir ainsi decheu de ceste esperance: car estant celuy duquel on auoit premierement parlé comme du plus digne, & en estant approché si pres, se ueoir puis apres frustré, il iugea que c'estoit bien signe que Galba auoit mauuaise opinion de luy, & qu'il luy uouloit mal en son cueur, tellement que depuis il fut tousiours en crainte & en doubte de sa personne: car redoubtant Piso, haissant Galba, & estant courroucé à Ouinius, il sen alla plein de diuerſes passions en son entendement, pource que les deuins Astrologiens & Chaldeiens qu'il auoit tousiours autour de luy, l'admonestoient de ne quitter point totalement l'esperance, & de n'auoir point le cueur failly, mesmement un nommé Ptolomæus, auquel il auoit grande fiance, pource qu'il luy auoit par plusieurs fois predict & asseuré que Neron ne le feroit point mourir, & au contraire qu'il mourroit le premier, & que luy le suruiuroit & feroit Empereur de Rome: car luy aiant desia fait cognoistre le commencement ueritable, il luy maintenoit qu'il ne se deuoit point deffier du demou-

A demourant: mais plus encore l'aguillonnoient ceulx qui le plaignoient secrettement, & qui souspiroient de le ueoir si ingrattement traiter par Galba, mesmement plusieurs de ceulx qui auoient autrefois tenu lieux honorables aupres de Tigellinus & de Nymphidius, lesquelz estans lors reculez & rauallez, se retireroient tous deuers luy, & l'irritoient: comme, entre autres, Iturius & Barbius, dont l'un auoit esté Optio, c'est à dire lieutenant ou aide, & l'autre Tesscrarius: car ainsi appellent les Romains ceulx qui seruent de rapporteurs, d'espies, & d'entremetteurs, aux capitaines, lesquelz avec un sien serf affrâchy que lon appelloit Onomastus allerent au camp, ou ilz corrompirent aucuns des soudards par argent comptant, & d'autres par promesses, avec ce qu'ilz auoient desia la uolunté mauuaise, & ne demandoient que quelque occasion pour la declarer: car autremēt si les soudards eussent tous eu la uolunté saine, ce n'estoit pas ceure qui se peust conduire à chef en quatre iours qu'il y eut d'interualle entre l'adoption & l'occision, que faire ainsi tourner & rebeller tout un camp: car ilz furent tuez le quinzieme iour de Ianuier, auquel iour Galba sacrifia des le matin dedās le palais en presence de ses amis: & le deuin qui se nommoit Ombricius, si tost qu'il eut les entrailles de l'hostie immolee entre ses mains, & qu'il les eut regardees, il dit, non en paroles couuertes ny ambigues, ains tout ouuertement, qu'il uoioit des signes de grand tumulte, & qu'il y auoit peril de trahison, qui pendoit sur la teste de l'Empereur mesme, de maniere qu'il sembloit propremēt que les Dieux luy baillassent Othon pris par la main: car il estoit lors derriere Galba, & escoutoit tout ce q̄ le deuin disoit, & ce qu'il mōstroir: mais ainsi qu'il estoit en ceste agonie d'entendement, changeant de toutes couleurs au uisage pour la frayeur qu'il auoit, Onomastus son affranchy luy uint dire que les maistres charpentiers & maçons estoient uenez, & qu'ilz l'attendoient: car c'estoit le signe qu'ilz auoient pris ensemble, auquel Othon deuoit aller audeuant des soudards. Si dit adonc Othon, que aiant achepté une maison uieille, il uouloit aller monstrier aux maistres ouuriers, ce dont il se deffoit: & ainsi se partit de la compagnie, & descēdit du palais par le quartier que lon appelle le logis de Tiberius sur la place, alendroit ou est la coulomme doree, à laquelle se rendent & aboutissent tous les grands chemins de l'Italie. Là le rencontrerēt ceulx qui les premiers l'appellerēt Empereur, qui n'estoiēt pas en tout plus de uingt & trois: à l'occasion de quoy, encore qu'il ne fust point inconstant, comme il sembloit, pour estre si delicat de sa personne, & si mol & effeminé de courage, ains plus tost resolu & immuable en dangers: si se uolut il lors, tant il eut de frayeur, de porter de son entreprise: mais les soudards ne luy permirent pas, ains environnans sa littere à bras avec les espees nues, commanderent à ses porteurs qu'ilz le portassent: & luy disant & repetāt souuent, Je suis mort, alloit hastant ses porteurs: car quelques uns l'ouyrent ainsi comme il passoit, se sbahissans plus tost que se troublans, de ueoir autour de luy si peu de gens qui eussent ozé entreprendre une chose si hardie. Ainsi qu'on l'emportoit à trauers la place, il en rencontra autant d'autres qui uenoient au deuant de luy, & puis encore d'autres trois à trois, & quatre à quatre, qui tous se ioignirent à sa troupe, cryans Cæsar, Cæsar, & aians leurs espees traittes aux poings. Or celuy des coulōnelz à qui il touchoit ce iour là de garder le camp, Martialis, ne sçauoit rien de la cōspiration: mais se trouuant estonné & effroyé au desprouueu, il les laissa entrer. Quand il fut dedans il ne trouua personne qui luy feist resistance, pource que ceulx qui ne sçauoient que c'estoit, se trouuans enuoloppez de ceulx qui le sçauoient, &

Galba

qui par complor fait de longue main s'entr'entendoient, se trouuans escartez F
ça & là un à un & deux à deux, suyuirent les autres par crainte du comencement,
& apres de bonne uolunté. Cela fut aussi tost rapporté à Galba au palais, estât
encore le deuin apres ses sacrifices, de sorte que ceulx mesmes qui n'adiouxtoiēt
point de foy à telles diuinations, & n'en uouloient rien croire, s'esmeruillerent
lors grandement de ceste diuine signifiante: si accourut incontinent de la pla-
ce au palais grande foule de peuple: parquoy Quinius Lacon, & quelques uns de
ses affranchiz se teindrent aupres de sa personne, aians les espees toutes nues, &
Piso sortit dehors pour parler aux gardes du corps, & pource que la legion Es-
clauonne logeoit hors du camp dedans le portique qui s'appelle de Vipsanus,
on y enuoya uistement Marius Celsus un homme de bien pour la gagner. Ce G
pendant Galba estoit en doubte si l'deuoit sortir du palais ou non: car Quinius
ne uouloit point qu'il sortist: mais Celsus & Lacon l'admonestoient fort de ce
faire, iusques à dire de grosses paroles à Quinius qui l'en diuertissoit. Sur ces en-
trefaittes il courut un bruit que Othon auoit esté tué dedans le camp, & tâtost
apres suruint Iulius Atticius l'un des meilleurs & plus renommez soudards qui
fussent entre tous les gardes, monstrât son espee toute nue, & criant qu'il auoit
tué l'ennemy de César: il poulsa tant atrauers la presse qu'il approcha de Galba,
& luy monstra son espee toute ensanglantee. Galba le regardant entre deux
yeux luy demanda qui luy auoit ordonné de ce faire: le soudard luy respondit
que c'estoit la foy & le serment de fidelité qu'il luy auoit iuré: à quoy toute la H
tourbe du peuple assistant luy cria qu'il auoit fort bié fait, & en battit des mains
en signe de resiouyssance. Adonc Galba se mettant en sa litiere se feit porter
hors du palais pour aller sacrifier à Iupiter, & aussi se monstrier en public: mais
il ne fut pas plus tost descendu en la place qu'un uent tout cōtraire, en maniere
de parler, luy dōna aux oreilles, que Othon estoit seigneur & maistre du camp
& de toute l'armee. Adonc, comme il aduient en une si grosse foule de peuple,
les uns luy crierent qu'il sen retournast arriere, les autres qu'il passast oultre, &
qu'il tirast auât, les uns qu'il ne se doubtaist de rien, les autres qu'il se teint sur ses
gardes. Estant sa litiere en ce trouble, ne plus ne moins qu'en une tourmēte de
mer, poulsée tantost ça tantost là, & bien souuent pres d'estre renuersee, lon ap- I
perceut premierement des gens de cheual, puis d'autres à pied armez, uenās du
costé du palais de Paulus, crians tous ensemble à haulte uoix, Dehors dehors
homme priué. Si se prit incontinent tout le peuple à courir, non point d'une
fuitte esgaree, ains es portiques & lieux plus eminents de toute la place, comme
si c'eust esté pour ueoir iouer quelque esbattement. Et lors un nommé Atrilius
Sarcello renuersa par terre l'une des statues de Galba, qui fut comme un com-
mencement de guerre declaree: les autres tout alentour tirerent force coups de
iauelines contre sa litiere: mais quand ilz ueirent qu'ilz ne le pouuoiet assener
alors ilz sen approcherent les espees traittes aux poings sans que personne de
ses gēs demourast aupres de luy, ny se meist en quelque deuoir de le defendre, K
excepté un que le soleil ueit ce iour là seul, entre tant de milliers d'hommes, di-
gne de l'empire Romain: ce fut un centenier nommé Sempronius, qui n'ayant
receu particulièrement aucun bienfait de Galba, ains seulement pour le deuoir
& pour le serment de fidelité, se meit au deuant de sa litiere, & haulsant une
branche de uigne qu'il tenoit en sa main, dont les capitaines Romains ont ac-
coustumé de battre & fouetter les soudards quand ilz l'ont meritē, se prit à crier
apres ceulx qui luy couroient sus, en les priant de ne faire point d'oultrage à
leur

A leur Empereur: mais à la fin quand il ueit qu'ilz ne desistoient point, & que c'estoit à bon esloi, il desguaina son espee, dōt il sousteint les coups, iusques à ce qu'on luy eut à luy mesme couppé les iarrets: car alors il tumba par terre: & adōc la littere de Galba estant renuersee alendroit de la place, qui s'appelle le Lac Curtien, Galba demoura gifant tout de son long emmy la place, couuert d'une cuirasse. Les soudards coniuerez se ietterent sur luy, qui luy donnerent plusieurs coups, & luy leur tendant la gorge leur dit: Frappez, si il est ainsi expedient pour le bien du peuple Romain. Il receut plusieurs coups aux bras & aux cuisses, à ce qu'on dit, mais le soudard qui le tua fut un nommé Camurius de la quinzieme legion, les autres mettent que ce fut un Terentius, les autres Arcadius, les autres nōment un Fabius Fabulus, qui luy aiant couppé la teste l'enueloppa dedās un pan de sa robbe, pource qu'il ne la pouuoit autrement empoigner, à cause qu'elle estoit toute chaulue: mais ses compagnons ne uouloient point qu'il la cachast, ains plus tost qu'il monstrest en euidence le beau chefdœuure qu'il auoit fait: parquoy il la ficha au bout d'une lance, & alla secouant & branlant la face de ce pauvre uieillard, prince sage & moderé, souuerain pontife & Consul, courāt ça & là, cōme font les femmes esprises de la fureur de Bacchus es festes des Bacchanales, & croulant sa lance toute teinte du sang qui couloit au long. Quand ceste teste fut presentee à Othon, lon dit qu'il s'escria tout hault: Ce n'est rien de ceste cy compagnōs, si uous ne me mōstrez aussi celle de Piso. Laquelle luy fut un peu apres apportee aussi: car le ieune hōme aiāt esté blecé, s'en fuyoit, & fut pouruiuy par un nommé Marcus, qui le tua aupres du temple de Vesta, aussi fut tué Quinius, qui confessa tout hault qu'il estoit participāt de la conuiration alencontre de Galba: car il crioit à ceulx qui le tuoient, que Othon ne entendoit pas qu'on le feist mourir. Ce neantmoins les soudards luy coupperēt la teste à luy & à Lacon, & les porterent toutes deux à Othon pour en auoir des presens: mais, comme dit le poete Archilochus,

D e sept tuez sur la terre gifans,

M ille en y a les tueurs s'en disans.

Aussi lors plusieurs qui ne s'estoiēt aucunemēt empeschez de ce meurtre, souillerent leurs mains & leurs espees de sang, & les monstrent toutes sanglantes pour en auoir des presens, lesquelz Vitellius feit depuis rechercher & mourir: aussi uint au cāp Marius Celsus que plusieurs accusoient d'auoir suadé aux soudards qu'ilz portassent secours à Galba, & crioit la commune que lon le feist mourir: ce que toutefois Othon ne uouloit point faire, toutefois craignant de contredire à la uolunté des soudards, il leur dit qu'il ne le falloīt pas occire si chaudement, pource qu'il y auoit des choses qu'il falloīt premierement enquerir & sçauoir de luy: si commanda que lon le liaist, & le bailla en garde à ceulx dont il se fioit le plus. Cela fait, le Senat fut incontinent conuoqué, là ou comme si les hommes fussent soudainement deuenus tous autres qu'ilz n'estoient, ou qu'il y eust de nouueaux Dieux, ilz iurerēt fidelité au nom d'Othon, que luy mesme qui l'auoit iurce à Galba, ne luy auoit pas obseruee, & luy donnerent les noms d'Augustus & de Cæsar, estans encores les troncs des corps sans testes tous estédus sur la place, uestus de leurs robes consulaires. Quāt à leurs testes, les soudards apres qu'ilz n'en sceurent plus que faire, uendirent celle de Quinius à sa fille deux cents cinquante escus: & quant à celle de Piso, sa femme l'impetra par prieres d'un nommé Veranius: mais celle de Galba ilz la baillerēt aux seruiteurs de Patrobius & de Vitellius, lesquelz apres luy auoir fait toutes les

Othon.

fortes d'oultrages & de uillanies dont ilz se peurent aduifer, la ietterent à la fin F
au lieu ou lon iette les corps de ceulx que les Cēsars font mourir: le lieu s'appelle
Sestertium. Quant à son corps, Heluidius Priscus par permissiō d'Othon l'em-
porta, & la nuit Argius un sien affranchy l'ensepultura. Voila l'histoire de
Galba, personage qui en noblesse & en richesse ne cedit à gueres de Romains,
mais en tout deux ensemble estoit le premier de son temps, aiant uescu durans
les regnes de cinq Empereurs tousiours en honneur & en bonne reputation: de
maniere qu'il desfeit Neron par son bon nom, & la bonne estime que lon auoit
de luy, non par sa puissance ny par sa force. Car de ceulx qui attererent lors de
se faire Empereurs, les uns ne trouuerēt personne qui les en reputast dignes, les
autres s'ingererent, & s'en repouterent dignes eulx mesmes: mais Galba y fut ap- G
pellé, & obeit à ceulx qui l'appellerēt, prestās son nom à la hardiesse de Vindex,
en quoy faisant il fut cause que son mouuement, qui parauant se nommoit at-
tētat de nouuelleté & rebellion, fut nommé guerre ciuile, depuis que sa faction
eut pour chef un personnage que lon reputoit digne de l'Empire, pourtant ne
feit il pas tant son compte de prendre les affaires pour soy, comme de se donner
soymesme aux affaires: mais il faillit en ce qu'il uoulut commander aux sou-
dards que Tigellinus & Nymphidius auoient gastez par leurs flatteries, ne plus
ne moins que faisoient ancienement Scipion, Fabricius, & Camillus aux gens
de guerre Romains de leur temps. Et estant ia usé de uieillesse il se monstra bon
Empereur & de l'ancienne mine en ses deportemens enuers les soudards & gens H
de guerre seulement: mais au demourant se laissant aller aux cupiditez d'Oui-
nius & de Lacon, & de ses serfs affranchiz, il ne laissa personne qui regrettaist le
gouuernement de son Empire, mais bien plusieurs qui eurent pitié & compas-
sion de sa mort.

Othon.



Elendemain le nouuel Empereur au poinct du iour
alla au Capitole, ou il sacrifia, & là se feir amener Ma-
rius Celsus, qu'il salua, & parla humainement à luy, I
l'admonestant d'oublier plus tost la cause de son em-
prisonnement, que de se souuenir de sa deliurance.
Celsus luy feit une responce magnanime & prudente,
que le crime d'or on l'auoit uolu charger enuers luy,
faisoit foy de ses meurs, se montrant fidele enuers
Galba, auquel il n'estoit de nulle grace obligé. Les
propos de l'un & de l'autre pleurent grandement aux assistans. Les gens de
guerre mesmes les trouuerēt bōs. Et au Senat apres auoir mis en auant plusieurs
honestes & gracieux propos, il departit le temps qu'il auoit encore à estre. Cō-
sul, en donnant partie à Verginius Rufus: & à tous ceulx qui auoient esté nom- K
mez au Consulat par Neron ou par Galba, il leur garda & confirma leur reng:
& des prelatures & presbtrises, il en honora les plus uieux Senateurs, & ceulx
qui estoient de plus grande reputation. A tous ceulx du Senat qui aians esté bā-
nits par Neron, auoient esté rappellez, il leur rendit ce qu'il peut trouuer enco-
re en estre de leurs biens qui n'auoit point esté uendu, dont les premiers &
principaulx personages de la uille, qui parauant trembloient de frayeur &
d'horreur, pensans que ce ne seroit pas un hōme, mais plus tost une furie & un
esprit

A esprit maling qui seroit uenu à usurper l'Empire, furent tous fort resiouiz pour la bonne esperance de regne riant & gracieux que leur donna ce commencement. Mais il n'y eut rien qui tant aggrea à tous les Romains ensemble, ne qui tant luy gaignast la bienueillance de tout le monde, que ce qu'il feist de Tigellinus, lequel estoit desia bien puny quand il n'y eust eu que la crainte qu'il auoit de la punition que tout le monde demandoit de luy, ne plus ne moins qu'une debte deuë à la chose publique, & par les maladies incurables dont son corps estoit attraint. Et combien que les gens de bien & d'honneur estimassent estre un extreme supplice comparable à plusieurs morts, que les maudictes & execrables dissolutions de luxure, esquelles il se plongeoit ordinairement avec

B femmes dehontees & perdues, apres lesquelles sa desordonnee concupiscence brusloit encore, quoy qu'il eust la mort entre les dents, en les retenant le plus longuement qu'il pouuoit: ce neantmoins encore faschoit il au monde, de ce qu'un tel meschant uoyoit le Soleil, apres en auoir fait perdre la lumiere & la ueuë à tant de si grands personages. Othon l'enuoya querir: car il se tenoit en des maisons de plaisance aux champs pres la uille de Sinuesse, ou il faisoit sa demourance, aiant tousiours des uaisseaux tous prestz en la coste de la marine pour s'en fouyr plus loing, si besoing luy en estoit. Il essaya premierement de gagner par argët celuy q auoit la cômmission de l'émener, & luy persuader qu'il le laissast eschapper: mais quand il ueit qu'il ne le pouuoit faire, il ne laissa pas

C pourtant de luy donner des presens, & luy pria de luy donner à tout le moins loisir de razer sa barbe: l'autre le luy conceda: & lors Tigellinus prit un rasouer duquel il se couppa la gorge luy mesme. Ainsi Othon aiant donné cetres iuste contentement au peuple, ne uolut au demourant se ressentir ny uenger d'aucune siene inimitié particuliere: mais pour gratifier au cômun populaire, il ne refusa point d'estre appellé es publiques assemblees des theatres Nerô: & comme aucuns particuliers eussent releué & remis en ueuë publique quelques sienes images, il ne le defendit point: ains, qui plus est, Clodius Rufus escrit qu'il fut enuoyé des lettres patentes en Hespagne par des courriers, esquelles ce beau nom de Nerô estoit ioint à celuy d'Othon: toutefois cognoissant que les pre-

D miers & principaux hommes de Rome ne le trouuoient pas bon, il s'en deporta & desista de les mettre en ses lettres. Aiant doncques Othon ainsi commencé à establir son empire, les soudards luy donnoient de l'ennuy, par ce qu'à tout propos ilz l'admonestoient qu'il se deffiait & se donnaist de garde, defendât que les personnes d'honneur & de qualité n'approchassent de luy, soit ou pource que ueritablement ilz eussent peur qu'il ne se tramaist secrettement quelque cōspiration alencontre de luy pour l'amour & bienueillance qu'ilz luy portoiet, ou que ce fust une couleur affectee qu'ilz cherchassent pour troubler tout, & mettre tout en combustion de guerre: car côme luy mesme eust depesché Crispinus avec la dixseptieme cohorte, pour luy amener quelques uns prisonniers,

E & que Crispinus se preparast auât iour pour aller en sa cômmission, & feist charger les armes de ses soudards sur des chariots, les plus temeraires se prirent à crier que Crispinus ne couuoit rien de bon en son cueur, & que c'estoit le Senat qui attentoit de remuer quelque nouuelleré, & que ces armes se portoiet non pour, mais contre Cæsar. Ces paroles toucherent plusieurs au uif, qui s'en mutinerent: de maniere que les uns meirēt les mains sur les diëts chariots pour les arrester, les autres occirent de faict deux ceteniers, & Crispinus mesme, qui les uouloiēt empescher: & tous ensemble s'encourageans les uns les autres, tirerent droit à

Othon.

Rome, comme pour aller au secours de l'Empereur: & là entédans qu'il y auoit bien quatre uingts Senateurs qui souppoient avec luy, ilz s'en coururent droit au palais, crians que c'estoit une bonne occasion de tuer à un coup tous les ennemis de Cæsar. Si fut incontinent toute la uille de Rome en grande combustion s'attendant bien de deuoir estre incontinent apres saccagee, & couroient gens ça & là par le palais, se trouuant Othon luy mesme en tresgrand trouble & grande destresse: car on cognoissoit euidemmēt qu'il auoit peur pour ceulx qu'il auoit conuiez, non pas pour soy mesme, les uoyans tous transis de frayeur sans luy mot dire, tenans les yeux fichez sur luy, mesmement que les uns estoient uenus à ce festin avec leurs femmes: si enuoya soudainement les capitaines & chefs des bendes uers les soudards, leur commandant d'aller parler à eulx, & faire tout ce qui leur seroit possible pour les appaiser, & quand & quand feit leuer de table les conuiez, & sortir hors du palais par autres portes secretes: & ainsi se sauuerent ilz passans à trauers les soudards, bien peu auant qu'ilz entrassent dedans la salle ou se faisoit le festin, crians & demandans, Que sont ilz deuenus les ennemis de Cæsar? Et luy se leuant de bout sur son liēt, les appaisa & addoucit de paroles, iusques à y employer des larmes mesmes, & feit tant qu'il les renuoya tous à la fin: & le lendemain leur feit distribuer pour teste cent uingt & cinq escus à chascun, puis entra dedans le camp, là ou il loua la communauté de la bonne & prôpre affection qu'ilz auoient monstree en son endroit, mais il dit qu'il y en auoit entre eulx, qui soubz couleur de bien, faisoient de mauuais offices, estās cause de faire calumnier sa bonté & son humanité, & leur constance & fidelité, les requerans qu'ilz s'en uoulussent ressentir avec luy & les en punir. Tous approuuerent son dire, & luy crierent tout hault qu'il le feist. Si en feit Othon saisir au corps deux seulement, de la punition desquelz il pensoit bien que personne ne se soucieroit, & à tant s'en alla. Ceulx qui l'aimoient, & qui se fioient en luy, s'esmeruillerent de ceste mutation: les autres estimerent qu'il estoit necessaire qu'il le feist ainsi pour plus gagner le cuer des soudards à cause de la guerre qui le menassoit: car desia luy uenoiet certaines nouvelles de tous costez, que Vitellius auoit pris authorité d'Empereur, & arriuoiet des courriers les uns sur les autres, qui luy apportoiēt aduertissemens, comme il se rendoit tous les iours quelque chose à luy. D'autres aussi luy annonceoient comme les legions qui estoient à la garde des Pannonies, de la Dalmatie, & Mysie, auoient esleu Othon. Incontinent apres, luy furent aussi apportees lettres fort amiables de Mutianus, & de Vespasianus, dont l'un estoit en la Syrie, & l'autre en la Iudee, avec grosses & puissantes armées: sur quoy se confiant, il escriuit à Vitellius, qu'il ne meist point en sa teste entreprise plus haulte que d'un simple soudard, & qu'il luy donneroit force or & argent avec une uille, là ou il pourroit uiure ioyeusement en repos & fort à son aise. Vitellius luy respondit, en se moquant de luy tout doucement du commencement: mais depuis festans irritez l'un l'autre, ilz s'entr'escriuirent de fort oultrageuses & iniurieuses lettres, en se reprochant l'un à l'autre, non faulxement, mais sortemēt & follement, les uices qu'ilz auoient: car il seroit mal aisé à discerner, lequel d'eulx deux estoit plus uoluptueux, plus effeminé, moins experimēté, plus pauvre, ou plus endebté au parauant. Or se comptoit il alors plusieurs signes & presages que lon disoit estre apparus, mais la pluspart estoient bruits de uille incertains, qui ne trouuoient personne qui les aduouast. Mais il y auoit dedans le Capitole une uictoire montee dessus un chariot triumphal: tout le monde ueit

comme

A comme elle laissa aller les renes des brides des cheuaux qu'elle tenoit en ses mains, comme ne les pouuant plus retenir. Et une statuë de Caius Cæsar estant dedås l'isle qui est à Rome au milieu de la riuere du Tybre, sans qu'il y eut aucun tremblement de terre, ne qu'il soufflast uent quelconque, se tourna d'Occident vers Orient, ce que lon dit estre aduenü droittemēt enuiron le temps que Vespasian commença à prendre à bon esciant les affaires en main : & y en eut plusieurs qui tournerent mesme en presage l'accident du Tybre : car il est bien uray que c'estoit la saison que les riuieres ont accoustumé d'estre pleines, mais il n'auoit iamais auparauant esté si gros, ny n'auoit perdu & gasté tant de choses comme il feit adonc, estant sorty hors de ses riuës, & aiant noyé la plus grande partie de la uille, mesmemēt à l'endroit ou l'on uend le bled, de sorte qu'il fut plusieurs iours que lon enduroit grande disette & grande famine à Rome. Sur ces entrefaites vindrent nouuelles que Cecinna & Valens, deux capitaines de Vitellius, auoient desia occupé les monts des Alpes, & dedås Rome Dolobella homme de noble maison fut soupçonné par les soudards Prætoriens, qu'il ourdissoit quelque sourde menée. Othon, soit ou qu'il le craignist luy ou un autre, l'enuoya en la uille d'Aquinum, l'assurant qu'il n'auoir autre mal : & choisissant des personnes de qualité ceulx qu'il meneroit quād & luy, il y mena entre les autres Lucius frere de Vitellius, sans luy diminuer ny augmenter rien de l'honneur qu'il auoit : & si eut d'auantage grand soing d'assurer sa femme & sa mère, à ce qu'elles n'eussent point de peur, & ordonna Flauius Sabinus frere de Vespasian garde & gouuerneur de Rome en son absence, soit qu'il le feist pour l'amour de Neron qui luy auoit autrefois donné le mesme honneur & la mesme autorité, laquelle Galba luy auoit depuis ostee, ou bien pour donner à entendre à Vespasian qu'il l'aimoit & qu'il se fioit en luy. Si demoura luy derriere, à Bresselle uille assise sur le Po, & enuoya deuant son armee soubz la conduite de Marius Celsus & de Suetonius Paulinus, & de Gallus & de Spurina, tous personnages de grāde & illustre qualité, mais qui ne pouuoient manier ny gouverner les affaires à leur fantasie, comme ilz l'eussent bien uoulu, pour l'insolence & la desobeissance des soudards, lesquelz ne uoloient point d'autres capitaines, & disoient qu'il n'appartenoit qu'à l'Empereur seul de leur commander. **D** Vray est, que ceulx des ennemis n'estoient pas eulx mesmes gueres sages non plus, ny faciles à manier à leurs capitaines, ains estoient braues, temeraires, & audacieux pour la mesme occasion : mais ilz auoient cela d'auantage, qu'ilz sçauoient bien combattre, & estoient tous aguerris & accoustumez au trauail, lequel ilz ne fuyoient point : là ou les Prætoriens qui uenoient de Rome estoient delicatz, mols & effeminez, pour le long seiour qu'ilz auoient eu sans guerre, en repos & en oyisfueté dedans Rome, ou ilz auoient uescu la plus part du tēps en festes & en ieu, & par brauerie & arrogance uoloient que lon pēst qu'ilz desdaignassent les charges & couruées que leurs capitaines leur cōmandoient, **E** comme estans trop dignes pour les faire & non pas trop lasches pour en porter le trauail, de sorte que quād Spurina les y uolut contraindre, il fut en danger de sa personne, & s'en fallut biē peu qu'ilz ne le tuassent : mais au moins n'espargnerent ilz uillanie, oultrage, ny iniure du mode qu'ilz ne luy dissent, l'appellāstrastre, & luy reprochant qu'il laissoit perdre les occasions de bien conduire les affaires de Cæsar. Il y en eut mesme quelques uns, qui estans yures s'en allerent la nuit en sa tente luy demander congé, disans qu'ilz uoloient aller comment que ce fust deuers l'Empereur, pour le charger & accuser enuers luy.

Othon.

mais une pointure que leur donnerent leurs aduersaires enuiron ce temps là pres la uille de Plaisance, seruit beaucoup à Spurina & aux affaires mesme: car ceulx de Vitellius approchās des murailles de la uille, se moquerēt de ceulx d'Othon qui estoient aux creneaux les appellās beaux danseurs, & beaux ioueurs de far-ses qui n'auoient iamais rien ueu que des ieux & des festes: mais de guerre ny de faicts d'armes & de batailles ne sçauoient que c'estoit, & que leur plus grande prouesse estoit d'auoir trenché la teste à un pauvre uieillard tout nud, entendās de Galba: mais de se presenter en pleine campagne en bataille deuant des hōmes, qu'ilz n'en auoient pas le courage. Ces paroles iniurieuses les picquerent, irriterent & enflammerent si bien, qu'ilz uindrent d'eulx mesmes supplier Spurina, qu'il leur commandast ce qu'il luy plairoit, & que desormais ilz ne refuse-roient trauail ne peril quelconque. Si y eut un fort uiolent assault donné à la uille avec force engins: mais ceulx de Spurina en eurent l'aduantage, & aiant repoulsé les assaillans avec grand meurtre, sauuerent l'une des plus belles, plus grosses, & plus florissantes citez de l'Italie. Si estoient les capitaines d'Othon plus accointables & plus gracieux à traiter & parler aux uilles & aux hommes priuez & particuliers, que n'estoiet pas ceulx de Vitellius: desquelz Cecinna n'estoit ny de presence, ny de façons de faire, accessible ny populaire, ains estrāge, hydeux & facheux à le ueoir seulement, un grand corps, portant à la guise des Gaulois des braguesques & des sayes à manches, & parlant en cest accoustre-ment aux portenseignes & capitaines Romains: & si auoit sa femme quand & luy tousiours montee sur un braue cheual, uestuē pompeusement, & accompa-gnee d'une troupe d'hommes d'armes choisiz de toutes les compagnies. L'autre, Fabius Valēs, estoit si auaricieux, que ny le pillage des ennemis, ny les lar-cins sur les subiets, ny les concussions & corruptions sur les alliez & amis, ne pouuoient assouuir sa conuoitise d'auoir, & semble que ce fut la cause pour la- quelle ne chemināt pas assez tost, il ne se trouua pas à la premiere bataille: tou-tefois les autres en donnent le tort & la coulpe à Cecinna qui se hāsta trop pour l'enuie qu'il auoit que l'honneur de la uictoire luy demourast à luy tout seul, qui fut cause, que oultre les autres plus legeres fautes, il feit encore celle là, qu'il donna la bataille hors de temps & de saison: & puis quand ce uint au faict, en-core ne la debattit pas assez uailamment, de sorte qu'elle cuida estre cause de tout perdre: car aiant esté repoulsé de Plaisance, il sen alla deuant Cremone qui est une autre grosse & puissante uille. Et Annius Galba allāt pour secourir Spu-rina qui estoit assiegé dedans Plaisance, quand il entendit par le chemin que ceulx de dedans estoient demourez bien plus forts: mais que ceulx qui estoient dedans Cremone se trouuoient bien pressez & en grand danger, il transporta là son armee, & sen alla camper tout au pres des ennemis. Et depuis les autres ca-pitaines d'une part & d'autre, uindrent au secours de leurs gens: mais Cecinna aiant mis en embusche bon nombre de soudards bien armez, en quelques en-droits pleins de bois & couuerts, commanda aux gens de cheual qu'ilz mar-chassent deuant, & que si les ennemis les uenoient chocquer qu'ilz se tirassent en arriere petit à petit, faizans semblant de fouyr, iusques à ce qu'ilz les eussent attirez dedans l'embusche. Il y eut quelques traistres qui descourirēt l'aguet à Celsus, lequel avec les meilleurs de ses hommes d'armes leur marcha bien alen-contre, mais il se garda bien aussi de les poursuiure à bride abbattue, ains enui-ronna le lieu auquel estoit l'embusche, qu'il feit leuer, & ce pendant manda en diligence aux gens de pied qui estoient en son camp, qu'ilz se hastassent de ue-nir:

A niri: & semble que filz fussent arriuez à temps il ne se fust pas sauué un tout seul des ennemis, & que eulx eussent passé sur le uentre de route l'armee de Cecinna, filz eussent suiuy à temps & à propos les gens de cheual. Mais Paulinus estant arriué trop tard au secours, pour auoir marché trop laschement, fut chargé de n'auoir pas fait deuoir de capitaine, tel comme il en auoit le nom: qui plus est, les communs soudards l'accusoient de trahison enuers Othon, & irritaient l'Empereur encōtre luy, parlans d'eulx mesmes haultement, cōme aians uaincu quant à eulx, & n'ayant tenu qu'à la lascheté de leurs capitaines qu'ilz n'eussent emporté la totale uictoire: mais Othon ne se fioit pas tant à eulx, comme il uouloit leur imprimer opinion qu'il ne s'en deffioit aucunement. Parquoy il

B enuoya Titianus son frere au camp, & avec luy Proclus le maistre du Palais, lequel auoit de faict toute l'autorité & le pouuoir de commander, mais d'apparence, c'estoit Titianus qui en auoit le tiltre d'honneur de lieutenant de l'Empereur. Celsus & Paulinus alloient apres, aians le nom de Conseillers & d'amis seulement: mais de puissance & d'autorité au maniement des affaires, rien du tout. De l'autre costé, les ennemis n'estoient pas en moindre trouble, mesmement ceulx que menoit Valés: car quand on apporta la nouuelle de la rencontre qui auoit esté faite en ceste embusche, ilz se courroucerēt à luy, de ce qu'ilz n'y auoient pas esté, & que luy ne les y auoit pas menez pour secourir leurs gés qui y estoient demourez, de sorte qu'il eut beaucoup d'affaires à les appaiser & à

C les contenir, tant ilz furēt pres de le charger: à la fin toutefois il deslogea, & alla ioindre avec Cecinna. Mais Othon estant arriué en son camp à Bebriacum, qui est une petite uille uoisine de Cremone, teint conseil avec ses capitaines, à sçauoir s'il deuoit donner la bataille, ou non. Si furēt Proclus & Titianus d'aduis, attendu que les soudards estoient bien deliberez, à cause de la uictoire qu'ilz uenoient de gagner, que lon ne la deuoit point differer, pource que cela ne feroit que refroidir l'ardeur de l'armee, qui ne demandoit qu'à combattre, & donner loisir à leurs ennemis d'attendre leur chef Vitellius, qui uenoit luy mesme de la Gaule. Au contraire Paulinus alleguoit que les ennemis auoient toutes les forces presentes, avec lesquelles ilz esperoient les combattre & leur faire la guerre, & qu'il ne leur en defailloit rien, là ou Othon attendoit une autre armee de

D la Mysie & des Pannonies, tout aussi puissante que celle qu'ilz auoient là, pourueu qu'il sçeuſt attendre son occasion, non pas seruir à celle de ses ennemis, & que si presentement les soudards estoient bien deliberez estans en moindre nombre, à plus forte raison le seroient ilz encore d'auantage quand ilz auroient plus grand nombre de compagnons, & qu'ilz combattroient avec meilleure condition. Qui plus est, il remonstroit que le dilayer faisoit pour eulx, attēdu qu'ilz auoient affluence de tous biens & de toutes prouisions, là ou à l'opposite leurs aduersaires estans en pais d'ennemis uiendroient à auoir bien tost faulte de uiures. Marius Celsus trouua ces raisons & remonstrances bonnes:

E & Annus Gallus n'estant pas present à ce conseil, ains s'estant retiré pour se faire penser d'une cheute, à cause qu'il estoit tumbé de cheual, mais Othon luy en auoit escrit pour auoir le discours de son aduis, il feit responce qu'il estoit d'opinion que lon ne se deuoit point haster, ains attendre l'armee qui uenoit de la Mysie, attendu qu'elle estoit desia par chemin: toutefois Othon ne s'arresta point à ce conseil, ains le gagnerent ceulx qui cōcluoient à la bataille, dont on allegue plusieurs occasiōs: mais la principale & plus apparente fut, que les soudards qui s'appellent Pretoriens, qui sont les gardes ordinaires de

Othon.

l'Empereur, essayans lors au uray que c'est de faire la professiō de soudard, & de F
uiure en gēs de guerre, regrettoiet la demourāce de Rome, ou ilz uiuoiet à leur
aise en ieux & en festes, sans sentir les trauaux & les incōmoditez de la guerre,
& demādoient à ceste cause la bataille avec si grāde instance, q̄ lon ne les pou-
uoit pas cōtenir, cōme filz eussent deu à leur premier cry & premier clancemēt
rompre les ennemis: & si me semble que Othō mesme ne pouuoit plus suppor-
ter la doubte & l'incertitude de l'aduenir, ny endurer plus lōguement le trauail
de pēser au dāger de ses affaires, tant il estoit delicat, & non accoustumē à por-
ter un soucy & à prédre peine: ce qui le fait ainsi se haster & se precipiter, ne plus
ne moins q̄ d'un hault rocher, à yeux clos, & ietter tout à l'aduēture. Ainsi le cō-
ptoit l'orateur Secundus, qui estoit secretaire d'Othō: les autres racōptent que G
les deux armées eurent plusieurs deliberatiōs, & plusieurs uouluntez, comme de
s'assembler toutes en un camp, & toutes ensemble eslire, filz se pouuoiet accor-
der, le plus hōme de biē de leurs capitaines qui estoiet là presens: sinō, d'assem-
bler le Senat en un lieu, & là permettre aux Senateurs de eslire un Empereur tel
que bō leur sembleroit. Et n'est point hors de uerisimilitude, attēdu que ny l'un
ny l'autre des deux qui se nōmoient lors Empereurs n'en estoit estimē digne, q̄
ces conseilz là ne puissent estre rubez en l'entendement des naturelz soudards
Romains sages & bien experimētez, que c'estoit chose qu'ilz deuoiet bien abo-
miner q̄ de se ietter eulx mesmes es miseres & calamitez que leurs predecesseurs
auoient par le passé fait souffrir les uns aux autres, pour la cause de Sylla & de H
Marius premieremēt, & depuis pour Cæsar & Pōpeius, & ce pour attribuer l'ē-
pire de Rome, ou à Vitellius, à fin qu'il eust de quoy fournir à son yurōgnerie &
à sa gourmādise: ou à Othon, à fin qu'il peust entretenir ses delices & sa luxure
desordōnée. C'estoit l'ocasiō qui mouuoit Celsus à dilayer, esperant que sans
travail & sans dāger les affaires se pourroiet accorder, & qui fait aussi q̄ Othon
se hasta pour la crainte qu'il eut de cela: mais s'en retournant à Bresselles, il fait
une autre faulte, non seulemēt en ce qu'il osta à ses gens la bōne affection de se
mōstrer, q̄ sa presence & la reuerēce qu'on luy portoit leur dōnoit: mais aussi en
ce qu'il emmena quand & soy pour la garde de sa personne les meilleurs cōbat-
tās & les plus deliberez & mieulx affectiōnez qui fussent en tout son ost. Or ad- I
uint il enuiron ce tēps là qu'il se fait une rencōtre le long du Po, par ce que Ce-
cinna bastissoit un pont dessus, & ceulx d'Othon le uoloient empescher: mais
uoians qu'ilz n'y faisoiet rien, ilz meirēt dedās des batteaux force fagots & au-
tre bois sec, frotté de souffre & de poix, & mettās le feu dedans les laisserēt aller
à ual: mais quand ilz furēt au fil de l'eau il se leua soudainemēt un uent sur la ri-
uiere, qui souffla ce bois qu'ilz auoient préparé pour ietter sur les ouurages des
ennemis, dōt il se leua premierement une fumee, & puis incontinent apres une
grande flamme, qui pressa de telle sorte ceulx qui estoient dedans les batteaux,
qu'ilz furent contraincts de soy lancer dedans la riuiera, & ainsi perdirēt leurs
batteaux, & se rendirent eulx mesmes avec grāde mocquerie entre les mains de K
leurs ennemis. D'auantage les Alemans de Vitellius festans attachez au com-
batal'encontre des gladiateurs d'Othon, à qui gaigneroit une petite isle au mi-
lieu de la riuiera, furent les plus forts, & en tuerent plusieurs: au moien de quoy
les soudards d'Othon qui estoient dedans Bebricum se despirans, & deman-
dans la bataille à toute force, Proclus les tira aux champs, & alla camper hors
de la uille enuiron trois lieux loing si inconsiderement, & si mal à propos, que
en la saison du printemps tout le païs d'alentour estāt plein d'eaux, & de ruis-
seaux

A seaux qui iamais ne tarissent, neantmoins ilz auoiēt diserte d'eau : le lendemain ilz uoulurent partir pour ce iour mesme aller trouuer les ennemis, & leur conuenoit faire plus de six lieuës. Paulinus ne uolut pas, remonstrant qu'il falloit aller tout beau, & ne se trauailler pas trop, ny aller chaudement, aussi tost comme ilz seroiēt arriuez, las, & recreuz du chemin qu'ilz auroiēt fait, courir sus aux ennemis qui estoient bien armez, & qui auroient eu temps de se renger en bataille tout à loisir, pendant que eulx auroient fait un si long chemin avec tout leur bagage & leur chariagé. Surquoy y aiant contrarieté d'opinion entre les capitaines, il suruint de la part d'Othon un homme à cheual de ceulx que lon appelloit les Nomades qui leur apporta des lettres, par lesquelles Othon leur mandoit, qu'ilz ne demourassent point, & ne perdissent point temps : ains qu'ilz marchassent incontinent droit contre les ennemis. Parquoy ces lettres ueüs, les capitaines feirent incontinent marcher l'armee. Cecinna entendant leur uenue se trouua de prime face estonné, & soudain abandonna l'ouurage de son pôt pour s'en retourner en son camp : là ou il trouua la plus part des soudards desia tous armez, & aiäs desia le mor de la bataille que Valens leur auoit baillé : & ce pendant que les legions prenoient leurs places pour se renger en bataille, ilz enuoyerent deuât escarmoucher les meilleurs hommes de cheual qu'ilz eussent. Or estoit il couru un bruit, & ne sçait on pour quelle occasion, que les capitaines de Vitellius se tourneroient en la bataille du costé d'Othon : de maniere que quand ces hommes d'armes furent aupres des premiers de l'armee d'Othon, ceulx d'Othon les saluerent amiablement, & les appellerent cōpagnons. Ceulx de Vitellius ne receurent point ceste salutation en bonne part, ains leur respondirent en courroux, & en uoix d'hommes qui auoient enuie de combattre : tellement que ceulx qui les auoientaluez, s'en trouuerent tous decourages, & les autres entrerēt en souspeçon & en deffiace de leurs cōpagnōs qui les auoientaluez, les mescredoyans d'estre traistres. Cela fut la premiere cause de leur desordre lors qu'ilz estoient prests de uenir au coups de main. Et au demourant encore n'y eut il rien de leur part qui allast par ordre : car les somniers s'allerent messer parmy les combattans, qui feirent un autre grand desarroy. **D** D'auantage le lieu ou ilz combattoient les contraignoit de s'escarter assez loing les uns des autres, à cause de plusieurs fossez & plusieurs trenchees qu'il y auoit. Ce qui les cōtraignoit de s'attacher par plusieurs troupes : & n'y eut que deux legiōs seules, l'une de Vitellius, qui s'appelloit rauissante, & l'autre d'Othō, qui se nōmoit secourable, qui se deueloppant de ces fossez, & s'estendant dessus une belle plaine rase & unie, cōbattirent en iuste bataille ordōnee bien lōguement. Ceulx d'Othon estoiet beaux hōmes, forts & uaillans de leurs personnes : mais ilz n'auoient iamais rien ueu de la guerre, ny iamais n'auoient esté en bataille, que celle là : & ceulx de Vitellius estoient uieux routiers de guerre, aiäs desia passé la fleur de leur aage, qui s'estoient trouuez en plusieurs affaires. **E** Quand donques ilz uindrent à chocquer, ceulx d'Othon leur donnerent une charge si roide d'arriuee, qu'ilz renuerserent & tuerent tout le premier renc, & gaignerēt l'enseigne de l'aigle : dont ceulx de Vitellius eurent si grande honte & si grand despit, qu'ilz reprirent cuer, & se ruerent les testes baissées dessus leurs ennemis si rudement, qu'ilz tuerent premierement le coulōnel de toute la legion, & prirent plusieurs enseignes : & alencontre des gladiateurs d'Othon, qui estoiet tenus pour hommes assurez & experimentez à manier les armes, Varus Alphenus opposa les hommes d'armes Batauiens, qui sont bas Alemās, habitans de-

dans une Isle, alentour de laquelle court la riuierie du Rhin. Il y eut bien peu de
 ces gladiateurs qui arrestassent, ains en fouyt la plus part incontinent deuers la
 riuierie, là ou ilz trouuerent quelques enseignes des ennemis reengees en bataille,
 qui les meirent tous en pieces, de sorte qu'il ne s'en sauua pas un seul: mais il
 n'y en eut point en tout qui se portassent si laschement q̄ feirent les Prætoriens:
 car ilz n'attendirent pas seulement que les ennemis les affrontassent, ains tour-
 nerent le dos fuyans atrauers leurs gens qui n'estoient point desfaits, & les em-
 plirent de trouble & d'effroy: toutefois il y en eut un bon nôbre de ceulx d'O-
 thon, qui aians rompu ceulx qui s'estoient rencontrez de front deuant eulx re-
 passerent à force arrauers leurs ennemis uictorieux, & s'en retournerent en leur
 camp: mais des capitaines ne Proclus, ne Paulinus, n'oserent retourner quand
 & eulx, ains se destournerent redoubrans la fureur des soudards qui reiettoient
 la coulpe de leur desfaite sur leurs capitaines: toutefois Annius Gallus receut
 dedans la uille de Bebriacum, & recueuillit ceulx qui se rallierent de ceste de-
 faite, en leur donnant à attendre que la bataille auoit esté egale, & qu'en plu-
 sieurs endroits ilz auoient eu aduantage sur leurs ennemis. Mais Marius Cel-
 sus assemblant les personnes de qualité, & qui auoient charge en l'armee, meit
 en deliberation ce qu'ilz auoient à faire en une telle calamité, & si grande occi-
 sion de citiens Romains, pource que Othon luy mesme, s'il estoit homme
 de bien, ne deuroit plus uouloir tenter la fortune, attendu que Caton & Sci-
 pion pour n'auoir pas uoulu ceder à Cæsar apres qu'il eut gaigné la iournee
 de Pharsale sont blasmez d'auoir fait mourir, sans qu'il en fust besoing, plu-
 sieurs gens de bien en Afrique, encore qu'ilz combattissent pour la liberté
 des Romains: car la fortune fauorisant au reste tantost aux uns, & tantost aux
 autres, ne peult oster ce poinct aux gens de bien de prendre en aduersité le con-
 seil selon les malheurs qui leur suruiennent. Ces remonstrances persuaderent
 incontinent les capitaines, lesquelz s'en allerent de ce pas sonder les uoluntéz
 des particuliers soudards, qu'ilz trouuerent tous desirans la paix: si fut Titianus
 d'aduis qu'ilz enuoyassent des ambassadeurs aux ennemis pour parler d'appoin-
 tement, & prirent Celsus & Gallus la charge d'y aller pour en ouurir le propos
 à Cecinna & à Valens: mais sur le chemin ilz rencontrerent quelques cente-
 niers qui leur dirét comme toute l'armee des ennemis estoit desia en uoie pour
 uenir droit à Bebriacum, & que leurs chefs les auoient enuoyez deuant pour
 ouurir propos d'accord & d'appointement: dequoy Celsus & son compagnon
 estans bien ioyeux, prièrent les centeniers de uouloir doncques retourner quād
 & eulx deuers Cecinna: mais quand ilz en furent bien pres, Celsus se trouua en
 danger de sa personne, pource que les hommes d'armes qu'il auoit quelques
 iours au parauant battus en leur embusche, marchans lors deuant, si tost qu'ilz
 l'apperceurent luy coururent sus avec grands criz: mais les centeniers qui l'ac-
 compagnoient se meirent au deuant & le couurirent, aussi feirent les autres ca-
 pitaines qui leur crierent qu'on ne luy feist aucun desplaisir. Cecinna entendāt
 que c'estoit, picqua celle part & appaisa le tumulte de ces hommes d'armes, puis
 aiant salué amiablement Celsus, tira quand & luy deuers Bebriacum. Mais ce
 pendant Titianus se repentant d'auoir enuoyé ambassadeurs deuers les enne-
 mis, & quelques uns aussi des soudards, faisans les audacieux, il les disposa sur
 les murailles de la uille, & tascha de donner courage aux autres de faire le sem-
 blable, & de soy mettre en defence: mais Cecinna s'approcha de la muraille, &
 leur tendit la main tout à cheual: & adonc il n'y eut personne qui luy uoulust
 plus

A plus faire de resistance, ains ceulx qui estoient sur les murailles saluerent les souldards, & ceulx qui estoient par la uille ouurirent les portes, & se meslerent parmy ceulx de Vitellius, qui les receurent, & ne fut fait oultrage à personne, ains s'en resaluerent & s'entr'embrasserent les uns les autres, puis iurerent tous & presterent le serment de fidelité au nom de Vitellius, & se rendirent à luy. Ainsi racomptoyent l'issue de ceste bataille la plus part de ceulx qui y furent, confessans neantmoins qu'ilz n'en sçauoient pas toutes les particularitez pour le desordre qu'il y eut: mais ainsi comme ie passoye quelque fois par le champ ou fut donnée la bataille avec Metrius Florus, personnage Consulaire, il me monstra un uieil homme, qui estant lors que fut ce faict d'armes ieune, auoit esté en la bataille, non de son bon gré, mais par contrainte du party d'Othon, qui nous compra qu'apres le cōbat il fut sur le champ pour ueoir la desconfiture, ou il ueit des monceaux de corps entassez les uns sur les autres si haults, que ceulx qui estoient au dessus arriuoient à la haulteur de ceulx qui en approchoient, & dit qu'il en chercha la cause: mais qu'il ne la peut imaginer, ny trouuer homme qui la luy sceust dire: car il y a bien apparence qu'en une bataille ciuile de citoyens d'une mesme uille, depuis que l'une des deux armées est en rōupte, il sy face plus grande boucherie que contre d'autres ennemis, à cause que lon n'y prent point de prisonniers, pource que ceulx qui les prendroient ne sçauoient aussi bien qu'en faire: mais qu'ilz soient ainsi entassez les uns sur les autres, la cause en est mal aisee à coniecturer. Au demourant, la nouuelle de ceste desfai-
C te en uint premierement obscure & confuse à Othon, comme il est assez ordinaire en chose de si grande cōsequence: mais puis apres estans uenus quelques uns blecez qui en apportèrent la certaineté, ce ne fut pas de merueille à l'aduenture, si ses familiers & priuez amis le reconforterent, & luy dirent que pour cela il ne falloit point perdre le cuer ny l'esperance: mais l'affection que monstre-
D rent adonc les priuez souldards en son endroit surmonte & surpasse toute créa-
ce, pource qu'ilz ne s'en allerent, ny ne se tournerēt point du costé des ennemis uictorieux, ny ne penserent point à leur propre faict, uoyans leur Empereur de-
sesperé, ains tous egalemēt s'en allerent alentour de son logis, & l'appellerent
leur Empereur: puis quand il fut sorty, se prosternerent à ses pieds, ne plus ne
moins que lon represente des gens couchez en un trophée, & luy baisèrent les
mains aians les larmes aux yeux, le supplians de ne les uouloir point laisser ny
abandonner aux ennemis, ains se seruir d'eulx & de leurs personnes, tant qu'ilz
auroiēt une seule goutte de sang & de uie en leurs corps. Tous ensemble luy fei-
rent ces prieres: mais il y eut un simple souldard, entre les autres, qui deguai-
nant son espee luy dit, Sache (César) que tous mes compagnons sont deliberez
de mourir ainsi pour toy: & se tua deuant luy. Mais toutes ces pitoyables choses
ne rompirent ny n'affoiblirent point le cuer à Othon, lequel regardant d'un
uisage constant autour de luy, & iettāt ses yeux par tout, leur parla en ceste ma-
E niere: le reputé ceste iournee plus heureuse pour moy, mes compagnons, que
celle là, en laquelle uous m'esleustes & declarastes premieremēt Empereur, uous
uoyans si bien affectionnez en mon endroit, & me faisans un tel honneur avec
une si grande demōstration d'amitié: mais ie uous prie q̄ ne me ueuillez point
frustrer d'une autre plus grande grace, qui est de uailamment & honorable-
ment mourir pour le salut de tant de gens de bien que uous estes & de bons ci-
toiens Romains. Si i'ay esté digne de tenir l'empire Romain par uostre electiō,
il fault que ie le monstre maintenant en ne faignant point de despendre ma uie

Othon.

- pour le bien & le salut de mon païs. Je sçay bien que la uictoire n'est point en-
- tiere ne parfaite à mon ennemy. J'ay nouuelles que noz armées de la Mysie &
- de la Pannonie sont en chemin pour s'en uenir uers moy, & qu'elles ne sont pas
- à gueres de iournees loing d'icy, tirās uers la mer Adriatique: l'Asie, la Syrie &
- l'Ægypte, & les legiōs qui font la guerre en la Iudée sont pour nous: le Senat est
- de nostre costé, & les femmes & enfans de noz ennemis sont entre noz mains:
- mais ceste guerre n'est point contre un Hānibal, ny contre un Pyrrhus, ou cō-
- tre les Cimbres, pour combattre à qui demourera la possession de l'Italie, ains
- est contre des Romains mesmēs: de maniere qu'en ceste guerre & le uainqueur
- & le uaincu offensent leur païs, pource que ce qui tourne à bien aux uictorieux,
- cede tousiours au dōmage de la chose publique. Croyez q̄ ie sçay mieulx mou-
- rir que regner, uoyant mesmemēt que ie ne sçauois tant profiter aux Romains
- quād ie demoureroie à la fin le plus fort, cōme ie feray en sacrifiāt ma uie pour
- la paix, union & concorde de mes citoiens, & pour empescher que l'Italie ne
- uoye encore une autre iournee, telle comme a esté celle cy. Aiant dit ces paro-
- les, & rebouté ceulx qui le uouloient diuertir de ce propos, il commanda à ses
- amis, & à tous les Senateurs qui estoient presens, qu'ilz se retirassent: & escriuit
- à ceulx qui estoient absens, enuoya lettres aux uilles par ou ilz auoient à passer,
- à ce qu'ilz y fussent en passant receuz honorablement, & conuoyez seurement:
- puis approcha de luy son nepueu Cocceius qui n'estoit encore qu'un ieune gar-
- son, & le recōforta, en luy remonstrāt qu'il ne deuoit point craindre Vitellius,
- pource qu'il luy auoit conseruē sa mere, sa femme & ses enfans, tout aussi soi-
- gneusement, cōme filz eussent esté siens: & qu'il ne l'auoit point encore voulu
- adopter pour son filz, encore qu'il le desirast faire, iusques à ce qu'il ueist l'issuē
- de ceste guerre: à fin que s'il en demouroit uainqueur, il regnast paisiblement
- Empereur avec luy: & s'il estoit uaincu, que pour l'adoption il ne fust point cau-
- se de sa mort. Mais bien te commande ie cela, dit il, mon enfant, pour le der-
- nier aduertissement que ie te puis donner, que tu n'oublies pas du tout, ny aussi
- ne mettes pas trop en ta memoire, que tu as eu un oncle Empereur. Cela dit &
- fait, il ouyt du bruit à la porte de son logis: c'estoient les soudards qui menas-
- soient les Senateurs qui en sortoient, & les uouloient tuer, filz ne demouroiēt,
- & filz abandonnoient leur Empereur. Pour ceste occasiō il sortit encore une au-
- tre fois, craignant que lon ne leur feist desplaisir, & fait retirer les soudards, nō
- point en les priant ny en parlant plus à eulx gracieusement, ains en les regar-
- dant de mauuais œil en cholere si asprement, qu'ilz s'en allerent de peur. Quād
- ce uint sur le soir, il eut soif, & beut un peu d'eau: & aiant deux espees, fut long
- temps à en essayer le fil. A la fin il en rēdit l'une & reteint l'autre, entre ses bras:
- puis cōmencea à reconforter ses seruiteurs, & à leur distribuer liberalement son
- argent, aux uns plus, aux autres moins: ne le iettant point prodigalement sans
- consideration, comme deniers appartenans desia à autrui, ains y gardant di-
- ligemment proportion, & mesure selon le merite de chascun: puis apres les a-
- uoir enuoyez, alors il se reposa & s'endormit tout le reste de la nuit: tellement
- que ses ualets de chambre l'entendoient ronfler, tant il dormoit profondemēt,
- Le matin il appella un siē affranchy, duquel il festoit seruy à faire retirer & sau-
- uer les Senateurs, & l'enuoya ueoir, filz s'en estoiet tous allēz: & entendāt qu'ilz
- estoient tous partis, & qu'ilz auoient eu tout ce qu'ilz auoient voulu: Or sus, luy
- dit il, aduise donc maintenant toy mesme à te monstrer aux soudards, si tu ne
- ueux qu'ilz tetuent, pensans que tu m'auras aidē à me donner la mort. Puis aussi
- tost

A tost que son affranchy fut party de sa chambre, il prit son espee à deux mains, & en dressant la poincte cōtre son estomac, se laissa tūber dessus de son hault, sans faire autre demōstration de sentimēt de douleur, sinon qu'il ietta un soupir, à quoy ceulx de dehors cogneurēt bien qu'il festoit oultré: si se priērēt incontinēt ses domestiques à crier, & aussi tost le camp & toute la uille fut pleine de pleurs & de lamentations. Les soudards accoururēt soudain avec grād bruit à la porte de son logis, là ou ilz le plorerent en grand regret & grand deuil, s'entredisant les uns aux autres qu'ilz estoient bien lasches d'auoir fait si mauuaise garde de leur Empereur, & de n'auoir pas empesché qu'il ne se tuaist pour l'amour d'eulx: si n'y en eut pas un qui partist d'aupres de son corps, combien que les ennemis approchassent fort, ains l'aians honestemēt ensepuely & basty un chārier de bois, le conuoyerēt en armes au feu de ses funeraillies, se tenās bienheureux ceulx qui pouuoient les premiers mettre l'espaule soubz le liēt pour aider à le porter: les autres s'approchans à genoux, luy baisoient sa playe: les autres luy prenoient & baisoient les mains: les autres qui n'en pouuoient approcher, l'adoroient, & luy faisoient la reuerence de loing: & y en eut, qui apres que lon eut mis le feu dedās le buscher, se tuerent eulx mesmes au lōg du feu, sans qu'ilz eussent receu aucun bienfaict du trespasē, au moins dont on eust cognoissance, ne qu'ilz eussent occasion de rien craindre de celuy qui estoit demouré uictorieux. Mais il me semble que iamais roy ne tyran n'eut si ardēte ne si furieuse conuoitise de regner, comme ceulx là desirerent estre cōmandez par Othon, & luy obeir, attendu que ce desir là ne leur passa point non pas mesme apres sa mort, ains leur demoura si bien empraint en leurs cueurs, qu'à la fin il se resolut en une haine capitale & irreconciliable alencōtre de Vitellius: mais cela se declarera ailleurs en temps & lieu. Au reste, aiant mis en terre les cēdres d'Othon, ilz luy dresserent une sepulture, laquelle ne fut point ny en grādeur de structure, ny en magnificence d'inscription subierte à l'enuie: car i'ay ueu son monument en la uille de Bresselles, qui est de moiene apparence, & l'inscription de dessus trāslatee de Latin ne contient autre chose, sinon que c'est la sepulture de Marcus Otho. Il mourut en l'aage de trente sept ans, & ne iouyt de l'Empire que trois mois, & y eut autant de gens en nombre, & d'aussi notables, qui louèrent sa mort, comme de ceulx qui blasmerent sa uie: car n'ayans uescu guerres plus honestement que Neron, il mourut plus magnaniment. Au reste, les soudards, comme Pollio l'un de leurs capitaines les pressast de iurer promptement fidelité à Vitellius, s'en courroucerent à luy, & entendans qu'il estoit encore demouré quelques Senateurs, ilz ne demanderent rien aux autres, mais ilz feirent de la fascherie à Verginius Rufus: car ilz s'en allerent en son logis en armes, & l'appellans par son nom, luy commanderent qu'il prist la charge d'eulx, & qu'il allast comme ambassadeur interceder pour eulx, mais luy pensa que ce seroit follement fait à luy d'accepter la charge d'eulx lors qu'ilz estoient uaincus, attendu qu'il l'auoit refuzee quand ilz auoient uaincu: ioint aussi qu'il craignoit d'aller en ambassade deuers les Alemans, lesquelz il auoit forcez à beaucoup de choses oultre leur uoulunté: parquoy il se sauua par une porte de derriere: ce que les soudards aians entendu, se laisserent à la fin conduire à prester le serment de fidelité au nom de Vitellius, & se ioignirent à ceulx de Ciccina, moienant que tout le passé leur fust pardonné.

FIN.

LA TABLE OV INDICE DES MATIERES PRINCIPALES CON- tenues par toutes les Vies de Plutarque, en laquelle se trouueront en leur ordre alphabetique, Harangues, Concions, Oracles, Presages, Stratagemes & autres.



Bantes furent les premiers qui se firent tondre, & pourquoy. 2 D	bon accident en l'entreprinse d'Acrocorinthe 710 DE	tion 264 K	Agefila ⁹ veinqueur de soy mesme. 422 DEF
Abantes sont peuples Ioniques 2 DE	prinse d'Acrocorinthe par Aratus 710 FG	les affligez recourēt aux bien-fortunez 182 A	bonne response d'Agefilaus à Pharnabazus 422 HI
Archilochus en l'honneur des Abantes 2 DE	Acron roy des Ceniniēs meurt guerre contre les Romains 18 HI	Agamemnon dispense pour vn pris le riche. couard d'aller à la guerre 421 F	contraction d'amitié entre Agefilaus & le fils de Pharnabazus 423 A
Loy sur les ruches d'abeilles 63 E	Acron tué par Romulus en combat singulier 18 I	Agefilaus blasme de faire trop louuēt guerre en vn pais. 33 A	Agefilaus grandement amy 423 B
Prima fille, & Aollus, autremēt Abillius fils de Romulus & Hercilia 18 BC	Acrotatus Lacedemonien applaudy des siens 282 AB	Agefilaus boiteux 312 G	modestie & sobriete d'Agefilaus en guerre 423 DE
Academie, & d'ouderiue son nom 11 C	mort quasi semblable de deux Acteons 398 B	vers poetiques contre Agefilaus 312 H	haute entreprinse d'Agefilaus 423 FG
Academie uieille & nouuelle 365 AB	Adrastia deesse fatale 348 G	discours sur le maintiē d'Agefilaus & de Lylander. 313 BCDE	brauade d'Agefilaus pour son retour en Sparte 424 BCD
image d'amour au parc de l'Academie 54 F	mer Adriatique à cause d'Adria uille de Thoscane. 93 EF	genealogie d'Agefilaus 418 F	bonté d'Agefilaus 424 DE
Academus 11 C	aduersité enseigne les arrogas 123 H	Agefilaus nourry Laconique-ment 418 FG	victoire d'Agefilaus à luy fort agreable 424 F
Acca Lauretia femme de Faustulus, & nourrice de Romulus & Remus 13 K	grāde aduersité en grāde prosperite 176 BC	Agefilaus commande scachant obeir 418 G	Agefilaus grandement obeissant à ses citoyens 424 FG
sacrifices faits à Acca Lauretia pour auoir esté nourrice de Romulus & Remus 13 K	constāce en aduersité 429 DE	Agefilaus boireux 418 HI	sagesse d'Agefilaus 424 HI
Laurentia courtisane sur la fin de ses iours disparut alēdroit dela sepulture d'Acca Lauretia femme de Faustulus. 14 C	repudiatio pour adultere. 22 C	Agefilaus roy de Sparte par le moyē de Lylander. 419 BCD	ordre de bataille d'Agefilaus contre les Thebains 424 I
accidens qui ont similitude de miracle 160 DE	mariages & adulteres de Theseus 10 A	bonté d'Agefilaus enuers Leontichides 419 E	victoire d'Agefilaus contre les Thebains 425 ABCD
acesis, guarison 47 K	les femmes adulteres nommees louues par les Latins 13 I	ruse d'Agefilaus au commencement de son royaume. 419 FG	simplicité de vie d'Agefilaus 425 EF
affaires d'Achaie malmenez 718 C	Acacides, c'est Achilles 464 G	opinion d'Agefilaus touchant l'amitie 419 H	Corinthe prinse par Agefilaus 426 AB
cruauté d'Acheiens 717 GH	Aegeus pere de Theseus 1 IK	amēde fort notable cōtre Agefilaus 419 I	naturel d'Agefilaus. 426 CDE
Acheiens changent leurs foibles armes en pi ⁹ fortes. 252 C	enseignes d'Aegeus pour recognoistre son enfant 2 A	Agefilaus & Lyfander egale-ment reprehensibles 420 B	preuoyāce d'Agefilaus. 426 HI
Acheiens malcontents d'Aratus 715 A	Aegeus recognoit Theseus pour enfant 4 CD	vision nocturne d'Agefilaus 420 C	contrepetis d'Agefilaus 426 K
Achilles surnommé Aspetos 268 K	Aegeus se precipite par tristesse 7 B	Agefilaus sacrifie à sa fantasie 420 D	menees d'Agefilaus par preuoyance 427 A
Achilles tué par Paris aux portes de Troye 334 D	agiorees, cest à dire, cheuriers 63 C	Agefilaus malecontent de Lylander 420 GH	Agefilaus supporte vn mestair maleureux 427 ABCD
vers d'Homere pour Achilles 273 H. 566 I	Aeginetes puissants en Grece sur la mer 78 A	iniquité d'Agefilaus en haine de Lyfander 420 HI	opinion d'Agefilaus touchant la iustice 427 BC
honneur fait au sepulchre d'Achilles par Alexandre le grād 469 E	poureté des Aeliens 173 HI	Lyfander vilemēt employé par Agefilaus 420 IK	grand amour d'Agefilaus enuers ses enfans 428 AB
Achilles eut vn loyal amy, & vn excellent heraut 469 E	Aemilia fille d'Aeneas & de Lauinia enceinte du faict du dieu Mars 13 A	Lylander essaye à se reconcilier à Agefilaus 420 K	reproche d'Anralcidas à Agefilaus 428 C
Caius Acilius touchant la feste Lupercalia 21 K	Aemon, signifie sang 588 F	iuste troperie d'Agefilaus. 421 CD	Thebains opiniaistrement hais d'Agefilaus 428 D
proesse d'Acilius 497 F	Aemylens, patrices descendus de Mamercus Aemylus fils de Numa 45 F	subtilité d'Agefilaus pour faire son armee bonne 421 E	subtilite inuention d'Agefilaus 428 DE
aconeté, leos, c'est à dire, oyez, peuple 4 G	Aemyl ⁹ , c'est à dire, doux. 45 F	ruse d'Agefilaus 421 FG	maladie d'Agefilaus domma-geable aux Laconiens 428 G
dequoy sert l'accoustumance 290 F	cerimonie de Paul. Aemylus apres eclipse de Lune 169 D	bon aduis d'Agefilaus 421 H	Agefilaus pris de courroux. 428 IK
maleur en l'entreprinse d'Acrocorinthe 709 FG H	Aenobarbus, qui porte barbe blonde 172 C	victoire d'Agefilaus contre Tisaphernes 421 HI	trouble en Lacedemone cōtre Agefilaus 429 FG
le ciel fauorise à l'entreprinse d'Acrocorinthe 709 IK	Aeschilus Atheniē poete Tragique, parlant de Theseus. 1 E	braue response d'Agefilaus sur la paix 421 K	ruse d'Agefilaus 429 IK
grandes difficultez en l'entreprinse d'Acrocorinthe 710 AB	Aesope du tēps de Solon 65 C	Agefilaus gratifie le vègeur de Tisaphernes 421 K	le regne d'Agefilaus au plus haut & au plus bas 430 C
	propos notable entre Aesope & Solon 65 D	double honneur d'Agefilaus 422 A	louange donnee par Agefilaus à Epaminondas 430 E
	fable notable d'Aesope 395 D	faute notable d'Agefila ⁹ . 422 A	subtilité d'Agefilaus cōtre vne sedition 430 FG
	Aesopus Tragique 594 D	exploits de guerre d'Agefilaus 422 BC	Agefilaus cōtrevient à la coustume 430 G
	Aethra mere de Theseus, par la mennee de Pitheus pere d'icelle 2 A	actes vertueux d'Agefilaus. 422 DE	ruse d'Agefilaus sur l'assoibissement de Sparte 430 H
	Aeti, c'est à dire, aigles 223 B		Agefilaus ambitirieux & opiniaistre 430 I
	Aetoliens detracteurs 262 E		
	Aetoliens sedirieux 264 GH		
	Aetoliens chastiez de leur sedi-		

TABLE ALPHABETIQUE

Sparte en decadence par Agefilaus, & non releuee par luy 430 I K	Alalcomenos, mois 230 H	Alcibiades donne secours à Socrates 132 I	niens 139 B
Agefilaus mal estimé de tous 432 A B	Tarchetius roy d'Alba merueilleux conte du lac d'Alba 89 E F G H	temeraire arrogant d'Alcibiades 132 I K	ansteriré de Sparte observee par Alcibiades 139 B C
menée d'Agefilaus contre Tachos l'Egyptien. 432 F G H I K	oracles d'Apollo touchant le lac d'Alba 90 A B	Alcibiades adonné aux femmes 133 A	Alcibiades se transformoit en routes mœurs 139 C D E
comparaison d'Agefilaus. 432 I K	deuotion de Lucius Albinus 95 F G H	la femme d'Alcibiades demande estre divorcée 133 B	comparaison d'Alcibiades au chameleon 139 D
Agefilaus redouté de trahison 433 A B C	Alcander creue l'œil à Lycurgus 31 G	Alcibiades rait sa femme devant le magistrat 133 B	Timea femme du roy Agis amoureuse d'Alcibiades 139 F
ruse d'Agefilaus 433 C D E F	les Spartiates liurent Alcander à Lycurgus pour le punir. 31 G	cher achat d'un chien par Alcibiades 133 C	Leotychides fils d'Alcibiades & de la reine Timea 139 G
dernier & braue exploit de guerre d'Agefilaus 433 F	debonnaireté de Lycurgus envers Alcander 31 H	premiere harangue d'Alcibiades à l'improeu 133 D	menées d'Alcibiades contre Athenes 139 H
mort d'Agefilaus 433 G	Alcander publie la bôte de Lycurgus 31 I	eloquence d'Alcibiades 133 E	coûratiō de mort par les Spartiates contre Alcibiades 139 I
malice d'Agefilaus oncle d'Agis 552 D	trahison d'Alcetas & Neoprolemus 410 G H	Alcibiades aime mieulx plaire en eloquence, qu'en pesse. 133 E	retraite d'Alcibiades vers Tisaphernes 139 K
Agefilaus par son auarice ruine la bonne loy d'Agis 554 B C	Amilca nourrice d'Alcibiades 34 B	Alcibiades restituoit quelque foisen ses harangues 133 F	ruse d'Alcibiades 140 B
auarice d'Agefilaus 554 I	Pericles tuteur d'Alcibiades 34 H	magnificence d'Alcibiades aux ieux Olympiques 133 G	menée d'Alcibiades avec les Atheniens 140 D E
Agefilaus se sauue au temple de la Peur 558 H	statues de Pythagoras & Alcibiades en Rome 45 G	les trois premiers pris Olympiques gagnet en un iour par Alcibiades 133 G	Phrynichus seul fautive de la malice d'Alcibiades 140 E
gêtil trait d'Agefilaus à son retour d'Asie 665 F G	Alcibiades & Pericles contemporains 117 H	louange d'Alcibiades non acquise par autres 133 H	Phrynichus accusé de trahison par Alcibiades 140 G
Agis roy de Sparte ne se peut vne seule fois excuser de manger en commun 32 B	genealogie d'Alcibiades. 130 F G	Alcibiades congratulé par les memes ennemis 133 I K	Alcibiades reuoué & créé chef des Atheniens 141 B
Agis roy de Sparte condamné en l'amende, pour n'auoir sacrifié 32 C	Alcibiades & Socrates contemporains & grâds amis. 130 G	calomnie contre Alcibiades 133 K. 134 A C	bon aduis d'Alcibiades. 141 B C
Agis roy fils d'Archidamus. 40 F	Alcibiades toujours fort beau 130 G H	menées d'Alcibiades 134 H	Alcibiades seul engarda la ruine d'Athenes 141 C D
genealogie d'Agis 551 D E	Alcibiades singulierement ambitieux 130 K	accusations d'Alcibiades contre Nicias 134 I K	secours inespéré d'Alcibiades aux Atheniens 141 F G H
louanges du naturel d'Agis 551 H	malicieuse puerilité d'Alcibiades pour n'estre veincu. 131 A	subtile inuention d'Alcibiades 134 K. 135 A B	Alcibiades trahy & prisonnier 141 I
Agis desirieux de remettre sus les loix de Lycurgus. 552 C D E	braue response d'Alcibiades en sa ieunesse 131 A	ruse d'Alcibiades 135 C	Alcibiades eschapé de prison 141 I
sage remonstrance d'Agis à sa mere 552 E F	fiercé d'Alcibiades encor fort petit 131 B	imperfections d'Alcibiades 135 H I K. 136 A B C	stratageme d'Alcibiades 142 A K
articles des ordonnances d'Agis 552 I K	Alcibiades mesprise le ieu de fleute 131 C	l'escu d'Alcibiades 135 H	eureuse victoire d'Alcibiades par mer & par terre. 142 C D
magnanimité d'Agis 553 B C	Alcibiades auoit des amoureux 131 E	Alcibiades restablit Argos, & la rend plus forte 135 E	soldats d'Alcibiades plus superbes que les autres 142 E
ordonnance d'Agis non receue 553 G	Alcibiades perdu, non crié, & pourquoy 131 E	subtile response d'Alcibiades. 135 F G	Pharnabazus desfait par Alcibiades pour la deuxieme fois 142 F
Agis & Cleobrotus s'accordent 554 A B	Socrates resiste aux attraits des amoureux d'Alcibiades. 131 F	propos de Timon à Alcibiades 136 C D	eureux succes de guerre aux Atheniens sous Alcibiades 142 G H I K
boneté d'Agis envers Leonidas 554 B C	Alcibiades assiege de delices 131 G H	persuasion d'Alcibiades sur la conquête de Sicile 136 E F G	souueraine hardiesse & diligence d'Alcibiades. 142 I
bon ordre d'Agis en son camp 554 F	Alcibiades cognut la sincerité de Socrates 131 H	imaginatiōs hautes d'Alcibiades 136 F	bonne preuoyance d'Alcibiades 143 A
temperance d'Agis 554 F G	Alcibiades se mesprise pour admirer la uertu 131 I	vers de Phrynichus en la iustification d'Alcibiades 138 A	Byfance prinse par Alcibiades 143 C D
Agis trahy & mené prisonnier 555 G H I	Alcibiades rude à ses amoureux 131 I K	faux tesmoin contre Alcibiades 137 B	grand nôbre de vaisseaux conquis par Alcibiades 143 H
proces criminel fait contre Agis 555 I K	tour d'Alcibiades envers l'un de ses amoureux. 131 K. 132 A	accusation d'Alcibiades sur le mespris des ceremonies. 137 C	menfonge notable sur l'arriuee d'Alcibiades au port d'Athenes 143 H I
Agis condamné à mourir par les Ephores 556 A	folie d'un des amoureux d'Alcibiades 131 A	menées des ennemis d'Alcibiades 137 E F	honorale reception d'Alcibiades en Athenes. 143 K. 144 A
constante mort d'Agis 556 B	boneté d'Alcibiades 132 A B C	Alcibiades descouure les menées de ses ennemis 137 G	brief discours sur la harangue d'Alcibiades 144 C D
Agis pendu & estragné. 556 B C	Socrates seul honoré d'Alcibiades 132 D	Alcibiades reuoué pour ester à droit 137 H I	Alcibiades abfous des fulminations 144 D
la mere & grande mere d'Agis pendues 556 C D	cōparaison du fer avec Socrates & Alcibiades 132 F	Alcibiades euade 138 H I	espece de mauuais presage sur le retour d'Alcibiades 144 E F
Agis premier roy de Sparte iusticié, & pour sa boneté 556 F	sententieuses responses d'Alcibiades 132 G H	accusation contre Alcibiades 138 I K	procession conduite par Alcibiades en bataille 144 G H I
mort d'Agisatis femme de Cleomenes 562 I K	Socrates & Alcibiades compagnons d'armes 132 H	malediction vniuerselle contre Alcibiades 138 K	Alcibiades ruiné par sa propre repuration 145 B
tout le bien d'Agis roy de Lacédemone. 581 G	Socrates sauue la vie à Alcibiades 132 H	Theano ne veut maudire Alcibiades 138 K. 139 A	Alcibiades
moyen de bien aguerrir vne nation 251 F G H	pris d'honneur adiugé à Alcibiades 132 H I	Alcibiades bien venu en Sparte 139 A	
Museus de l'aigle 299 B		trois choses notables, qu'Alcibiades fit faire contre les Atheniens 139 B	
celuy qui aime soy mesme. 704 F			
le trop aimer est souuent cause de faire hair 539 B			
le trop d'aide nuit 270 F G			

Alcibiades accusé 145 G	Alexandre le grand visite Diogenes 468 K	Alexandre le grand grād louangeur de soy mesme 472 A	bouche d'Epheslion, & pourquoy 479 I K
Alcibiades se retire, & laisse les Atheniens 145 H	iugement d'Alexandre le grand, touchant Diogenes 469 A	table de despense d'Alexandre le grand 473 B	Alexandre le grand en faueur des meres 480 A
bonté d'Alcibiades enuers son païs 145 H I K	Alexandre le grād tirevneureux oracle par force 469 A B	Alexandre le grand sept mois deuant Tyr 473 D	superfluité de delices és mignons d'Alexandre le grand 480 A B
Alcibiades en Bithynie. 146 B C	l'armee d'Alexandre le grand passant en Asie 469 C	fonges d'Alexandre le grād deuant Tyr 473 D E	braue remonstrence d'Alexandre le grand aux efeminez de son camp 480 B C
regrets des Atheniens pour la perte d'Alcibiades 146 D E	liberalité d'Alexandre le grād en son plus grād besoin 469 D	notable travail & grandeur de courage d'Alexandre le grād 473 F G	Alexandre le grād sert d'exēpie de travail en son cāp. 480 C D
machinarion en la mort d'Alcibiades 146 F G	braue responce d'Alexandre le grand à Perdicas 469 D	notable present enuoyé par Alexandre le grand à Leonidas 474 A	notable mort d'Alexandre le grand pour un roy 480 E
fonge d'Alcibiades, & la suite d'iceluy 146 H I	Alexandre le grand mer difference entre la lyre d'Achilles, & celle de Paris 469 F	situation & fondation d'Alexandrie en Egypte 474 B C D E F	grandē amitié d'Alexandre le grand 480 E F G H
Alcibiades tué 146 H I	riē difficile à Alexandre le grād 469 G H	presage sur le plan & pourtrait d'Alexandrie 474 E F	maintien d'Alexandre le grand en iustice 480 I K
Lais courtisane tres celebree, fille d'Alcibiades 146 I K	Alexandre le grand aisē à cognoistre en bataille 469 I	Alexandre le grād fauorité des dieus és deserts de Libye. 474 G H	Alexandre le grād plus curieux de sa gloire, que de toute autre chose 480 K
remonstrence notable d'Alcibiades aux Atheniens. 307 B C	Alexandre le grand en grand danger, sans le secours de Clitus 469 K	Alexandre le grād guidé és deserts par des corbeaus 474 H	opinion diuerse touchant Alexandre le grand & la roine des Amazones 480 I K
Alcibiades enuieux sur Nicias 371 F	viētoire d'Alexandre cōtre les lieutenans du roy Darius 470 A B	Alexandre le grand au temple de Iupiter Hammon 474 I	chose tres notable en Alexandre le grand 481 A B
ruse d'Alcibiades pour empescher paix 371 G H	Alexandre le grand honore les soldats morts en la bataille 470 B	Alexandre le grād discourt sur la nature de dieu 475 A B C	rigueur & bonté d'Alexandre le grand 481 F
subtiles menees d'Alcibiades sur le voyage de Sicile. 373 B C	prosperité d'Alexandre le grād en Asie mineur 470 C	Alexandre le grand n'abusoit point de l'opinion que lon auoit touchant sa diuinité 475 D	pourquoy Alexandre le grand voulut predrer habit & mœurs Barbares 481 F G
Alcimus Albanois 617 H	discours consolatif par Alexandre le grand 470 D	Alexandre le grand estoit grād amy. en toute sa vie, qui commence au fuciller 464.	Alexandre le grād supporté en ses imperfectiōs, & pourquoy 481 H I
le corps d'Alcmene disparut en la portant en terre 24 I	vers de Menāder en faueur d'Alexandre le grand 470 F	braue responce d'Alexandre le grand à Parmenion 473 G	harāgue d'Alexandre aux Macedoniens 482 A B
Alexandre tyran de Pheres. 201 F G H	grace d'Alexandre le grand à honorer la statue d'un sien amy 470 G	bōrē d'Alexandre enuers la femme de Darius 475 H I K	difference del'amitié d'Alexandre le grād enuers Epheslion & Craterus 482 D E F
cruauté d'Alexandre de Pheres 202 K. 203 A B	le neu Gordian desnoué par Alexandre le grand 470 G H	Alexandre le grād doux en viētoire, comme aspre en bataille 475 K	dissimulation d'Alexandre le grand enuers Philotas 482 I K
Alexandre le grand fait faire grād signe de dueil à la mort d'Epheslion 205 C	Alexandre le grand en extremité de maladie 471 A B	briefue louange de la bōrē d'Alexandre le grand 476 A B	Alexandre le grand redoutable à ses amis 483 D
merueilleuse garde du tyran Alexandre 205 H I	cas notable en Alexandre le grand malade, & son medecin 471 A B C D	presage des valets du cāp d'Alexandre le grand 476 D E	vision nocturne d'Alexandre le grand sur Clitus 483 F G
menees secretes apres la mort d'Alexandre 410 A B C	viētoire d'Alexandre le grand contre Darius 471 E F G H	ou sur la derniere bataille d'Alexandre cōtre Darius 476 F	grande cholere d'Alexandre le grand 484 A B
excellēte genealogie d'Alexandre le grand 464 G	mot notable d'Alexandre le grand touchant le roy Darius 471 K	Alexandre le grand: le ne veut point desrober la viētoire 476 H	bonne preuoyance d'Alexandre le grand 484 C
fonges des pere & mere d'Alexandre le grand, & de leur interpretation 464 H	Alexandre le grād ne faisoit la guerre que pour regner. 472 A	Alexandre le grand se promet toute chose possible 476 K	grandetristesse d'Alexandre le grād, pour la mort de Clitus 484 C D
ables inuētees sur la cōception d'Alexandre le grād 464 H I	bonté d'Alexandre le grand enuers la femme de Darius & ses filles 472 A B	Alexandre le grand ne sestonne point de peu 477 A B	vers d'Alexandre contre Callisthenes 484 H
naissance d'Alexandre le grād 465 B	continence notable d'Alexandre le grand 472 C D E	accoustrement d'Alexandre le grand le iour de sa grāde bataille 477 B C D	Alexandre le grād n'estime rien impossible 485 C
Alexandre le grād né le iour du feu du temple d'Ephese. 465 B	continēce d'Alexandre le grād en fait & volonté 472 F	bon presage à la priere d'Alexandre le grand 477 D E	malvueillāce d'Alexandre cōtre Callisthenes 485 D
predictiōs sur la naissance d'Alexandre le grand 465 C D	en quoy Alexandre le grand se cognoissoit mortel 472 F	pourquoy Alexandre le grand fut mal cōrent de Parmenion 477 F G H I	Alexandre le grand se plaint de ne scauoir pager 485 E
Alexandre le grad rancé de son pere 467 G H	sobriété d'Alexandre le grand 472 G H	maintien d'Alexandre le grād apres sa grāde viētoire. 477 I K	simplicité & courtoisie d'Alexandre le grand 485 E
les mignōs d'Alexandre le grād bannis par son pere 467 H	notable appareil des repas d'Alexandre le grand, sur la sobriété 472 G H	Alexandre le grād amy de vertu 478 A	Alexandre le grand fait mettre le feu au bagage superflu de son cāp 485 H I
Alexandre le grād souspecōné de la mort de son pere 467 I	en temps d'affaires Alexandre le grand dedaignoit tous autres passer temps 472 H	Alexandre le grand en Perse 478 I K	Alexandre le grand seure iusticier 485 I K
magnanimité d'Alexandre le grand 468 A	ordre de uie d'Alexandre le grād en temps de loisir 472 I	liberalité gaye en Alexandre le grand 479 E F G H I K	prodige esponentant Alexandre le grand 485 K
Alexandre le grand cōtre la calōnie de Demosthenes. 468 B	conuersation d'Alexandre le grād tres agreable 472 K	Alexandre le grand cache la	Alexandre le grād ne veut estre surmōré de courtoisie. 486 G
bonté d'Alexandre le grand enuers les Thebains 468 C			
Alexandre le grand deuāt Thebes 468 C			
bonté d'Alexandre le grand enuers les Atheniens 468 G H			
repentāce d'Alexandre le grād pour la ruine de Thebes 468 H			
bonté d'Alexandre le grād enuers les Thebains eschapez de la ruine 468 I			

TABLE ALPHABETIQUE

riche coup de beuverie par Alexandre le grand 486 G
vne seule tache en l'honneur d'Alexandre le grand 486 H
les philosophes Indiens trou-
bloient les affaires d'Alexandre le grand 486 I
exploit de guerre d'Alexandre le grand contre le roy Porus 486 I K. 487 A B D E
orage faisant grand ennuy au camp d'Alexandre le grand 486 K
Alexandre le grand & son cap en grande perplexité, pour le mauvais chemin 487 A
Alexandre le grand bien prouident 487 B
stratageme d'Alexandre le grand 487 C
victoire d'Alexandre le grand contre Porus, difficile à gagner 487 C D
notable deuis entre Alexandre le grand & Porus 487 E
grand appareil d'armes contre Alexandre le grand. 487 G H
grad cœur d'Alexandre le grand 487 H
inventions d'Alexandre le grand pour perpetuer sa gloire. 487 I
retraite d'Alexandre le grand, en combatant & gagnant pais 487 K. 488 A B C D E F
extreme peril & proesse d'Alexandre le grand, contre les Malliens 488 A B C D
bonné d'Alexandre le grand envers Porus 487 E F
questions tresdifficiles proposees par Alexandre le grand, aux Gymnosophistes 488 E F G
bôté d'Alexandre le grand envers les Gymnosophistes 488 H
figure notable de l'empire d'Alexandre le grand 488 I K
ambitieuse priere d'Alexandre le grand aux dieux 489 A
extreme necessité de viures au camp d'Alexandre le grand 489 A B
iustice d'Alexandre le grand envers les maluersans 489 H I
honesté & liberale coustume en Perse renouuee par Alexandre le grand 489 I
bonté d'Alexandre le grand en la sepulture de Cyr^s. 489 I K
Alexandre le grand amoureux de Bagoas 489 E
l'estat & empire d'Alexandre le grand en grad branle 489 G
prediction de la mort d'Alexandre le grand 490 A
pris de bien boire par Alexandre le grand 490 B
Alexandre le grand espouse vne des filles de Darius 490 C
magnificéces & liberalitez admirables d'Alexandre le grand 490 C D

honorable & profitable recopense d'Alexandre le grand à ses soldats 490 H I
signé du dueil d'Alexandre le grand, à la mort d'Ephestion 490 K
Alexandre le grand aduertie de n'aller en Babylone. 491 B C
presages de la mort d'Alexandre le grand 491 C D E
Alexandre le grand se desfie gradement de la faueur des dieux 491 C D E F
Alexandre le grand se desfie de ses amis 491 F G
mortelle maladie d'Alexandre 491 I K
papper journal d'Alexandre sur la mortelle maladie. 492 A B C
mort d'Alexandre 492 C
Alexandre non empoisonné 492 D E
present d'Alexandre à Phocion 520 I K
Alexandre offre à Phocion de quatre villes l'vne 521 B
Alexandre conspire la mort de Demetrius 623 B C D E
Alexandre reconcilié avec les Atheniens 590 B
Demades touchant l'armee d'Alexandre apres sa mort 720 F
guerre d'Alexandrie malaisée à Iul. Cesar 508 F G
grande crainte aux Allemans, & pourquoy 498 K
Alliemans vaincus avec grand meurtre, par Iul. Cesar 499 A B
d'ou vient ce chant, Alons à Athenes 5 C
Panon natif d'Amathunte, en l'honneur de Theseus 6 H
voyage de Theseus vers les Amazones 8 K. 9 A B
Amazones font la guerre à Athenes contre Theseus raiffeur 9 D
tesmoignage du cap des Amazones dans Athenes 9 E
baraille entre les Amazones & les Atheniens 9 F
paix entre les Amazones & les Atheniens 9 G
Amazones du temps de Pompee, & leur habitation. 446 G
Ambiorix chef de la rebellion Gauloise contre Iul. Cesar 500 F G
le trop ambitieux fait fotes entreprinse 197 B
erreur des ambitieux touchant la vertu 550 I
ambition mal sociable 272 B
ambitiō cause de grands maux 283 B C. & par toutes les vies.
ambition est d'agereuse es gouuernemens publiques 421 A B
Heracite: l'ame la plus seiche est la meilleure 24 K

friades tables corrompet le corps & l'ame 31 D
l'ame aime naturellement 56 C
cheual de l'ame 641 E
Amilca nourrice d'Alcibiades 34 B
Amimetobion, que c'est à dire 638 H
These^s & Pirithous fort grâds amis 10 D
fideles amis 85 K
estrange occasion de cōtraçter amitié 10 D E
amitié preferee à parenté 62 C
notable amitié fraternelle en poureté 164 F G
amitié inuiolee 193 C
la seule vertu est cause de parfaite amitié 193 D
amour fleschit tout cuer felon 159 C
folie d'amour 9 B
amour est vne entremise de Dieux 26 B
amour naist d'amitié 43 D
image d'amour au parc de l'Academie 54 F
l'usage de faire l'amour introduit à bonne fin 198 I K
amour & sagesse sont malaiseement ensemble 423 C
subtile ruse d'amour 647 C D E
amours masculines d'Apollo 43 E
compagnie de gens de guerre cōposee d'amoureux. 198 E F
folie notable des amoureux cōtre nature 198 F G
bonne opinion sur la bonté des amoureux 198 H
conte notable d'un amoureux 620 A B
Amphictions, c'estoit l'assemblee generale des estats de Grece 338 E
Amphicrates orateur Atheniē & la presomption 355 D
Numitor & Amulius freres 13 E
Antho fille d'Amulius 13 F
Amulius chasse Numitor 13 F
guerre emuee entre Romulus & son oncle Amulius 15 F
la mort d'Amulius 15 G
office d'amy 85 H
Anacas, & que c'est à dire 47 K
propos d'Anacharsis avec Solon 55 H
Anacos, & que c'est à dire 11 F
Anactes, dignité royale 11 F G
Anaxagoras surnommé Nus, c'est à dire, entendement 105 D E
Anaxagoras grand philosophe & theologien 105 E
theologie d'Anaxagoras. 105 E
Anaxagoras en extreme necessité 111 A B

Anaxagoras admonnest Pericles de ce, dont luy mesme auoit besoin 111 B
Anaxagoras parlant de la Lune 377 K
remonstrance notable d'Anaxarchus à Alexandre 484 D E
science & sagesse d'hommes anciens 1 I
douce inimitié des anciens 343 D
façon de faire des anciens 545 G
Ancon, signifie le coude 47 K
Ancylia boucliers de cuyure 47 I
Ancylon, forme courbe 47 K
Andocy des cōfesse le mal dont il est innocent 138 E
Androgeos fils ainé de Minos 4 I
persecutiō en Arhenes pour la mort d'Androgeos 4 I
Androgeos fils de Minos tué par les Atheniens & Megariens 25 A
Andromanes, enrageans d'auoir le malle 53 A
Anecas, anecathen, c'est à dire, en haut 11 G
Anecathen, & sa signification 47 K
subtilité de Tit. Annus contre Lib. Graccus 573 A B C
confusion es mois & ans du temps de Romulus 49 H
Antalcidas blafme Agefilaus 33 A
reproches d'Antalcidas au roy Agefilaus 197 C D
la paix d'Antalcidas paix ignominieuse 665 I K
Antalcidas mal receu en Perse 666 B C
Anteus auoit soixante coudees de long 401 B
sepulture d'Anteus decouuerte par Sertorius 401 B
les habitans de Fidene, Crustumerium, & Antenne, desfaits par les Romains, & leurs terres departies 19 D
Valerius Turias 18 A
Antigonus disoit, qu'on aime ceux qui trahissent, & hait on ceux qui ont trahy 19 E
response notable d'Antigonus 192 E
bon naturel d'Antigonus fils de Demetrius 284 G H
notable propos d'Antigonus 284 H
auarice & proesse d'Antigonus 490 D E
sagesse d'Antigonus 564 C
mort d'Antigonus 565 F
eur d'Antigonus & de sa race 611 H I K
songe d'Antigonus 612 A
belle entreprinse d'Antigonus 613 A

Antigon ^o & Demetrius appe- lez rois 614 A B	ialouſie de M. Antoine ſur Do- labella 632 K	puiffant ^e armee de M. Antoi- ne 641 K	Q. Antilius tué au capitolé 579 D
Hônours faits à Antigonus & Demetrius par les Atheniëſ 614 A B C	diffolution de M. Antoine 633 B C D	grande faute en guerre par M. Antoine 642 A B C D E	Prima fille, & Aollius, autremēt Abilius, fils de Romulus & Hercula 18 B C
ſonge de Medius amy d'Anti- gonus 616 G H	conte ridicule de M. Antoi- ne 633 H I	pource victoire de M. Antoine côte les Parthes 642 F G H	le mois Sextilius, eſt le mois d'Aouſt 18 G
mots facetieux d'Antigonus a- uec ſon fils 616 K	M. Antoine aduerſaire de Do- labella 633 I K	brauerie des Parthes côte M. Antoine 642 H I	Aouſt ſe nōmoit Sextilis, de- puis Auguſtus à cauſe d'An- guſte Cæſar 50 C
notable mort d'Antigonus. 618 D	applauდიſſement de M. Antoi- ne à Iul. Cæſar 634 B C	fidele guide de M. Antoine. 643 E F	les Perſes maleureux au mois d'Aouſt contre les Grecs. 94 H
Antigonus eſtoit le conſeil de ſoy meſme 620 F	M. Antoine & Octauien pi- que pour la ſuccelſion de Cæ- ſar 635 A B	euſe & belle armee de M. Antoine 644 C D E	Apelles failloit au pourtrait de Alexandre le grand 465 D E
ſiniſtres preſages au cāp d'An- tigonus 620 F G	ſonge de M. Antoine 635 C	difficile retraite de M. Antoi- ne 644 F G H I K	librairie d'Apellicon portee à Rome par Sylla 328 A
malice d'Antigonus contre A- ratus 708 B B D	M. Antoine deſcōſit par Octa- uien, & les Romains 631 E	merueilleuſe neceſſité au camp de M. Antoine 645 A	Aphranius lieutenāt de Pom- pee victorieux des Parthes 446 H
trahiſſe d'Antigon ^o . 708 H I K	M. Antoine en aduerſité. 635 F G	M. Antoine aduertty de la tra- hiſon des Parthes 645 D E	les ieunes Grecs offroyēt leurs cheueus à Apollo 2 C
ioye diſſolue d'Antigonus 708 K. 709 A	M. Antoine vers Lepidus 635 G H I	deſſins des Parthes deſcou- uerts à M. Antoine 645 I K	oracle d'Apollo en Delphos 8 D
Antigonus dās Acrocorinthe 709 A	M. Antoine receu chef par les ſoldats de Lepidus 635 I K	auarice de ſoldats Romains mer M. Antoine en grād trou- ble 646 A B C	oracle d'Apollo en l'honneur de Theſeus 12 C
grād ſigne d'amitiē d'Antigo- nus enuers Aratus 717 A B	parlemēt de M. Antoine, Octa- uien & Lepidus 636 A	paſſion d'amour de M. An- toine 646 I K	l'oracle d'Apollo à Lycurgus 29 C
les deux gouverneurs d'Antil- lus & Cæſariō traîtres. 655 I K	M. Antoine porte le blaſme de la haine du Triūuirat 636 E	partage fait par M. Antoine ſur les enfans 647 H I K	l'oracle d'Apollo Delphique à Lycurgus 29 H
Antimachus de la ville de Theos 16 K	diſſolutiō de M. Antoine. 636 F	guerre ouuerte de M. Antoine contre Octauiā 648 B C D	Tyrtaeus poete amplifie l'ora- cle d'Apollo 30 A
grandeur d'Antiochus 239 A	M. Antoine & Octauien font la guerre à Brutus & Caſſius 636 G H	equipage de guerre de M. An- toine contre Octauien 648 B C D	amours maſculines d'Apollo 43 E
inſolence d'Antiochus, & de ſon arriuee en Grece 256 B	humanité de M. Antoine en- uers Brutus 636 I	diffolution de M. Antoine en temps d'affaires 648 D E	oracles d'Apollo, touchant le lac d'Alba 90 A B
hiſtoire de l'amour d'Antio- chus fils de Seleucus 623 H I K	M. Antoine ſurnommē Phi- lleen 637 A	faute irreparable de M. Antoi- ne 648 H I	diſcours ſur la naiſſance ou nō naiſſance d'Apollo 197 H I
Antior ^o fils de Lycurgus. 41 F	M. Antoine retourne à ſes diſ- ſolutions 637 B C D	teſtament de M. Antoine leu- deuant le peuple par Octa- uien 648 K. 649 A B	oracle d'Apollo interpreter par Iupiter 225 I K
Antipater meſpriſe entieremēt Xenocrates 523 E F	maleureux gouvernement de M. Antoine 637 B C D	preſages mauuais pour M. An- toine 649 F G	Apollonides Stoicien 548 G
Antipater auoit deux amis cō- traires de nature en Athenes 524 F G	exactiōs de M. Antoine, pour donner à ſarceurs & putains 637 D E	grand appareil de M. Antoine 649 H I	louange d'Apollonius Rhodiē 493 D
Antithenes Socratique taxe les Thebains d'vne inſolence 41 B	M. Antoine homme groſſier, ne prenoit garde à ſes finan- ces 637 F	rufe de M. Antoine contre O- ctauien 650 C	apophthegme de Leontychi- das 32 K
antithēſe, que c'eſt à dire. 585 G	le comble de tous les maux de M. Antoine 637 H I	ordre de bataille nauale entre M. Antoine & Octauiā Cæ- ſar 649 I K	apothetes, c'eſt à dire, depoſi- toires 34 F
M. Antoine deſcōſit par Hir- cius & Panſa 607 K	hiſtoire de l'amour de M. An- toine enuers Cleopatra. 637 I K	cōbat de M. Antoine & Octa- uien 651 C D E	apparēce morne n'eſt meſpri- ſable 119 A B
Antonius empereur. 611 C D E	feſtins reciproques de Marc Antoine & de Cleopatra 638 D E	M. Antoine fuitif avec Cleo- parra 651 G	la belle apparence ſert à beau- coup 249 F G
notable liberalité d'Antoine Critique 630 D E	conte notable du fils de M. An- toine 638 K	trifteſſe de M. Antoine 651 H I	Appius Claufus bourgeois Ro- main 74 F
Fole ieuneſſe de Marc Antoi- ne 630 F G H	contenement de M. Antoine avec Cleopatra 639 C D E F	fideliſe des ſoldats de M. An- toine 652 A B	menees d'Appi ^o Clodius pour les Romains 354 E F
M. Antoine en Grece 630 H	facetieux conte de M. Antoi- ne & Cleopatra 639 D E F G	proeſſe de M. Antoine. 654 B C	Aquiliēſ traîtres Romains de- capitez 69 D
commencement des proeſſes de M. Antoine 630 I	mauuiſes nouuelles à M. An- toine 639 F G	preſage ſiniſtre à M. Antoine, 654 D E	deriſion du traître Arabe en- uers les Romains 390 B
debonnairētē de M. Antoine 631 B C	traitē de paix entre M. Antoi- ne & Octauien 639 H I K	tragique mort de M. Antoine 654 G H I K	Araterion, lieu de maledictiōs 12 A
figure de M. Antoine 631 C	traitē de paix entre M. Antoi- ne, Octauien & le ieune Pompee 640 B C D	M. Antoine inhumē royalement par Cleopatra 656 A	Aratus commenca le premier l'honneur des Acheiens 251 K
M. Antoine deſcendu de Her- cules 631 D	Paix entre M. Antoine & Octa- uien 641 D E	comparaiſon de Hercules avec M. Antoine 658 C	menees d'Aratus Acheien. 557 D E F
M. Antoine reſſembloit à Her- cules 631 D	merueilleuſe liberalité de Marc Antoine enuers Cleopatra 641 F	victoire de M. Antoine ſur Caſ- ſus 659 E F G	Aratus craint Cleomenes. 557 H I
forme d'habits de M. Antoine 631 D	impudēce de M. Antoine. 641 G H	bontē de M. Antoine enuers le corps de Brutus 702 H	lacherē d'Aratus 560 K. 561 A B C
liberalité de M. Antoine 631 E F G		Antonius Honoratus rennerſe l'ētreprinſe de Nymphidius 723 H I	Aratus ſ'enfuit 561 K
M. Antoine tribun & augure 631 G H			enfance d'Aratus 704 G H I
M. Antoine partiſan de Cæſar 631 H I			A ij
M. Antoine lieutenant de Cæ- ſar en Italie 632 C			
vices de M. Antoine 632 D			

TABLE ALPHABETIQUE

adololefcence d'Aratus 705 A B	Aratus defconfit par les Aeto- liens 718 A B	sacrifices differens à deux Ari- adnes 72	articles louables d'Aristides 220
hardie entreprinfe d'Aratus 705 A B C D E F	lafche courage d'Aratus. 718 B	Arialpes fepoifonne foy mef- me 669 D	Etorifez de tous 230 F G
ruife d'Aratus contre les efpies de Nicocles 705 G H	aigreur du ieune Aratus cõtre le roy Philippe 718 H I	Ariouiftus eftonné de la pro- effe de Iul. Cafar 498 I K	edit d'Aristides fur l'eftar poli- tic 231 A B
fermeté d'Aratus en fon entre- prinfe 705 I K	norable remonftrance d'Ara- tus au roy Philippe 719 A	prediñtion notable d'Aristan- der fur la prinfe de Tyr 472 H	Aristides prepose l'equité au grand gain 231 B C
grandes difficultez en l'entre- prinfe d'Arat ⁹ . 706 A B C D	Aratus fe retire du roy Philip- pe 719 B C	Arifteas Preconnefien 24 G	fageffe en Aristides 231 D E
Aratus execute fon entreprin- fe, fans effufiõ de fang 706 F	Aratus reftitué en honneur 718 C D E	Aristides & Themiftocles cor- riuaux en amours mafculi- nes, puis en affaires publiques 77 I	preuoyance d'Aristides fur vne rebellion 231 F G
Aratus en grande perplexité 706 F G	louanges d'Aratus 718 D E	Themiftocles fait bannir Ari- stides le iufte, à temps 78 K	Aristides commiffaire general de la taille vniuerfelle Gre- que 231 K
particuliere louange d'Aratus 706 I K	Aratus perfecuté des mignons du roy Philippe 718 E F	diuerfes opinions fi Aristides e- ftoit pour ou riche 220 D E F	Aristides dedaignoit les richel- fes 232 F H
obeiffance d'Aratus 707 B	Aratus empoifonné 719 D E F		enquoy Aristides defailloit de iufte 232 D E
liberalité d'Aratus 707 B C	Aratus dixfept fois capitaine general des Acheiens 719 F		Aristides tousiours pour 232 F
Aratus en grand danger pour le bien de fon pais. 707 C D E	oracle à l'honneur d'Aratus 719 F	Aristides & Themiftocles touf- iours aduerfaires 221 B C	harangue contre Callias, de- monftrant la pourreté d'Ari- stides 232 G H
Arat ⁹ bien voulu de Proiomée 707 F G H I	funerailles d'Aratus 719 H	naturel d'Aristides 221 B	Aristides feul mefprisé de Pla- ton 232 I
grande bonté d'Aratus enuers les citoyens 707 H I K	discours du liberal arbitre felõ Homere 158 F G	condamnation d'Aristides cõ- tre foy mefme & Themiftoc- les 221 G	bonté d'Aristides 232 K
vers à la louange d'Aratus 708 A B	confequence neceffaire fur le liberal arbitre 158 G	loy fur le plât des arbres. 63 D	diuerfes opinions fur la mort d'Aristides 233 A B C
ialoufie entre les rois pour l'a- mour d'Aratus 708 D	louange du roy Charilaus par le roy Archelaus 29 E	conftance d'Aristides 221 H	les enfans d'Aristides tresnecef- fiteux 247 K
Arat ⁹ chef de tous les Acheiẽs 708 D E	Agis roy fils d'Archidamus 40 F	grand honneur fut à Aristides 221 I	Aristides nõ curieux de l'hon- neur, ny des richesses 248 G
menees d'Aratus pour Acro- corinthe 709 B C D E	Archidamus condamné en a- mende, pour auoir epoufé vne petite femme 418 K	iufte d'Aristides 221 K	vie diffolue du tyran Ariftion 322 F G H
honorable comparaiſon pour Aratus 709 D E F	Archidamus victorieux de la bataille fans larmes 431 A	Aristides iuge incorruptible 222 A	Aristippus 674 D
proſperité d'Aratus 711 A B	Archimedes feul refifte par fon efprit à tous les affaurs des Romains. 211 B C D E H I K.	Aristides treforier d'Athenes 222 B	prediñtiõ d'Aristippus fur l'ini- mitié de Dionyſius & de Pla- ton 674 F
Arat ⁹ peculier ennemy deſty- rans 711 C D E	Archimedes dedaignoit l'art de la Geometrie 212 F	Aristides furnommé le iufte 223 A B	Aristippus defconfit & tué. 712 F G
proeffes d'Aratus nõ pourſuy- uies 712 A B C	louange d'Archimedes en ſes eſcrits 212 F G	bonté inuiolable d'Aristides 223 K. 224 A	Diane Aristobule, c'eſt à dire, de tresbon confeil 84 K
ſtratagemes d'Arat ⁹ . 712 D E F	Archimedes ſi contemplatif, qu'il ſoubloit foy mefme 212 H	tous bannis d'Athenes reuo- quez pour l'amour d'Aristi- des 224 A	Aristocrates fils de Hipparchus 29 A
Aratus moqué des flateurs des tyrans 712 G H	proportion la plus eſtimee de Archimedes 212 I	extreme pourreté d'Aristides 233 D	Aristocrates fils de Hippar- chus, ſur la mort de Lycur- gus 41 F
honneur d'Aratus contre les Aetoliens 713 B C D E K	Archilochus, en l'hõneur des Abantes 2 D E	liberalité des Atheniens en- uers les enfans d'Aristides 233 d	Aristocratie gouuernemẽt de petit nombre 221 A
defaiftres d'Aratus 713 H I K	la cour d'Areopage de quels hommes compoſee 107 E	Aristides commun arbitre de tous differens 223 E	Aristocratie 672 G
menees d'Aratus pour le bien public 714 A B C D	conſeil Areopagite, & de quoy compoſé 61 B	pourquoy Aristides fut banny del'oſtraciſme 223 F	Aristophanes cõtre vn qui par- loit gras, & le contrefait 130 H I
argument de l'amour du peu- ple enuers Aratus 714 D E	vn Laconien refuſa del'argent pour ne combatre aux ieux Olympiques 37 H	Aristides plus creu que The- miſtocles 224 E	vers d'Aristophanes 614 F
Aratus douze fois capitaine ge- neral des Acheiens 714 F	tout eſt ſuier à l'argent 151 G	bon propos d'Aristides 224 F	Aristotẽ touchãt les ieunes A- theniens ſerfs en Candie 5 B
louable exploit d'Aratus eſtant veincu 714 G	argent eſt le nerf de la guerre 564 G H	bon exploit de guerre d'Ari- stides 223 F G	Aristore taxé de menſonge 33 B
blaſme d'Aratus 715 C D E	propos louable d'Argileonide mere de Braſidas 38 H	bon cõſeil d'Aristides 224 H I	Aristore grand admirateur de Lycurgus 41 D
contre Aratus en ſes commen- taires 715 F G	Iaſon chef general de la grãde nef Argo, & pourquoy 6 C	braue reſponſe d'Aristides aux Lacedemoniens & Perſes 225 A B	Aristore hay d'Alexãdre 485 F
fineſſe d'Aratus 716 A B C	eſtrange guerre nocturne en Argos 283 F G H I K	Aristides capitaine general cõ- tre les Perſes 225 F	Aristoxene du bon naturel de Alexandre le grand 465 E
Aratus premier de la Grece par trente-trois ans 716 D	ſoldats Argyraſpides 414 F	Aristides trouue l'oracle diffi- cile, & pourquoy 225 H I	Arithmiadas fauoriſa ſur tous Lycurgus en ſes loix 29 D
Aratus decline de ſon eur 716 D E	Ariadne donne ſecours à The- ſeus 5 K	Aristides aduertý de l'entre- prinſe des Perſes 227 C D	le chef d'armee doit eſtre au- ſtere en la loy militaire. 164 A
Aratus refuſe le party de Cleo- menes 716 F	facrifice en l'ifle de Cypre en l'honneur d'Ariadne 6 I	preuoyance d'Aristides contre vne conſpiration, & le dan- ger d'icelle 227 F G	vn chef d'armee doit chercher l'auãrage du lieu & du temps 164 B C
Aratus attire Antigonus en Achaie 716 F G H	rameaus portez en l'honneur de Bacchus & Ariadne 7 I	Aristides donne ordre à vne dãgereuſe mutination. 229 K	moyen d'aguerrir vne armee 289 C D
Aratus reduit en neceſſité irre- mediable 716 I			grand meurtre d'Armeniens, pour peu de victorieux. 358 G
Aratus fort bien mené d'Anri- gonus 716 I K			
Aratus blaſmé pour la mort de Aristomachus 717 D E			
erreur d'Aratus 717 H I			

c'estoit crime punissable à Rome d'abandonner ses armes 497 H	le iour de la cōception de Romulus cognu par astrologie 17 A	cheualiers en Athenes 60 H	illusion aux Atheniens 12 C
Armilustrum 22 F	le iour de la naissance de Romulus cognu par astrologie 17 B	appel des officiers au peuple de Athenes 60 I	Androgeos fils de Minos tué par les Atheniens & Megariens 26 A
arrogance decoit son homme 356 FG	le temple d'Asylus à Rome donnoit franchise à toutes gens 15 K	conseil second en Athenes de 400 hommes 61 B	Pindare en l'honneur des Atheniens 79 H
aduersité enseigne les arrogans 123 H	Lycurgus asēbla en Asie toutes les œuvres d'Homere. 28 I	Ephetes iuges criminels d'Athenes 61 D	Trozene refuge des debiles Atheniens 80 F
Artemidorus Grec avec Lucullus 351 E	le danger rauit inopinément l'Atheiste à quelque diuine idee 513 H	Athenes pais de pasturage. 63 B	partiale diuision des Atheniens 108 B
Artemon ingenieur furnomé Periphoretos, & pourquoy 114 B	contre les Atheistes 583 D E	ordonnance sur la bourgeoisie d'Athenes 63 G	colonies d'Atheniens par Pericles 108 D
reproche cōtre vn resmoignage d'artisan 104 E	Plaron sur la fable Atlantique 66 K	cōmiseration d'Athenes. 80 H	serment des ieunes Atheniens 135 G
Arthmius & la posterité noiez d'infamie 79 B	Athenes peuplee par Theseus 1 E	rappel de ban des bāis à rēps d'Athenes 80 K	Lacedemoniens obstacles des Atheniens 112 C
genealogie d'Artoxerxes 658 K	Athenes & Rome, sont les deux plus nobles citez du mōde. 1 G	contre les braues edifices d'Athenes 108 FG	rigueur d'Atheniens 137 K
diuersité de noms d'Artoxerxes 659 A	Athenes appartenoit naturellement aux Pallanrides 4 E	pour les braues edifices d'Athenes 108 G H	grāde ruine d'Atheniēs 146 B
debonnairētē d'Artoxerxes 659 H I K	persecution en Athenes pour la mort d'Androgeos 4 I	monnoye d'Athenes marquee à la cheuesche 113 I	Atheniens naturellement bons 194 A
Artoxerxes fuit deuant son frere 660 H I	tribut d'Athenes pour neufans 4 K	plainte generale des Grecs cōtre Athenes 114 I	Atheniens enflēz de gloire de leurs victoires precedentes 227 I K
bataille entre Artoxerxes & son frere Cyrus 660 K. 661 A B C D E F G H I K	ieus de pris pour le tribut d'Athenes 5 A B	la loy des bastards en Athenes reuoeue 117 I K	recueil des fautes des Atheniēs 233 C
Artoxerxes en extreme trouue l'eau corrompue bonne. 662 G	d'ou vient ce chant, Alons à Athenes 5 C	Athenes trop plus excellēte en edifices que Rome 130 E	Atheniēs fort charitables. 233 F G.
iustice equitable d'Artoxerxes 663 A B	tribut d'Athenes payé seulement troisans 5 D	les dieux d'Athenes haïssoient les fleutes 131 D	bonté d'Atheniens enuers les bestes 236 B C
Artoxerxes s'approprie le meurtre de Cyrus. 663 B C D	Theseus ramene les ieunes Atheniens de Candie en Athenes 6 A	conspirations des nobles d'Athenes cōtre le peuple & leur pais 226 E F	grande descōfiture d'Atheniēs par Lyfander en petit nōbre 307 F G H I K
Artoxerxes fait grande careffe à Antalcidas 665 K. 666 A	reduction de tout le peuple Attique en la ville d'Athenes, lequel auparauāt estoit espars en plusieurs bourgades 8 A	Athenes prinse par Lyfander 309 A B	trois Atheniens gens de bien 367 G
Artoxerxes fait guerre aux Grecs par argent 665 F	Panathenea feste solennelle de Athenes 8 C	calamité d'Athenes 309 D	vers d'Euripides en faueur des Atheniens 375 B
Artoxerxes est fait seigneur de la mer par Conon. 665 G H I	Meretia feste & sacrifice des estrangers dans Athenes 8 C	prinse d'Athenes par Sylla 322 I K	defastre au camp des Atheniēs deuant Syracuses 375 B C D E
Artoxerxes amoureux de sa propre fille 666 F G	Decabæon monnoyē d'Athenes 8 G H	treis grande effusion de sang en Athenes 323 A B	grand trouble & grande perte au camp des Atheniens 377 C D E F
Artoxerxes espouse ses filles 666 G H	office des nobles en Athenes 8 G	le peuple d'Athenes haïssoit la philosophie naturelle. 378 A B	Atheniēs barus par mer deuant Syracuses 376 E F
Artoxerxes mene guerre aux Cadusiens 666 I K	Hecatombæon monnoye de Athenes 8 G	dueil en Athenes pour la ruine de Thebes 468 G H	grande descōfiture d'Atheniēs par mer 378 H I K
grande famine au camp d'Artoxerxes 666 K	ordre politique en Athenes selon Theseus 8 G	cruauté du peuple d'Athenes 526 D E F	toute esperance perdue au cap des Atheniens 378 K
pompeux accoustremēt d'Artoxerxes 667 D	Amazones font la guerre à Athenes contre Theseus raiisseur 9 D	Athenes remise en sa liberté par Demetrius 613 K	grande misere au camp des Atheniens 379 B G D E
bōtē du roy Artoxerxes. 667 E	tesmoignage du cap des Amazones dans Athenes 9 E	democratie d'Athenes 613 K	pourquoy les allies d'Athenes se desloioient des capitaines Atheniens 519 F G
cruauté d'Artoxerxes 667 F	Boedromia feste en Athenes. 9 F	preuost d'Athenes furnommé Eponimos 614 B	louange des Atheniens par Alexandre 520 H
enfants Artoxerxes debarēt de la succession auāt qu'elle soit escheue 667 G H	Theseus se bannit volontairement d'Athenes 12 A	Athenes assiegee par Demetrius 622 B C D	Atheniēs rigoureusement traittez par Antipater 523 D E F
Artoxerxes meurt de douleur 669 E	les os de Theseus recouurez miraculeusement & sainctement receus en Athenes 12 C D	extreme necessitē dans Athenes 622 C D	Atheniēs presages tristes aux Atheniens 523 K
Asbolemeni, barbouillez de luy 335 F	oisierētē condamnée en Athenes 38 C	Atheniens forcez de se rendre à Demetrius 622 D	courroux des dieux Atheniens 614 G H
Aspasia 112 I K grande rhetoricienne 113 A. Omphale, & pourquoy 113 B putain celebree 113 C	excōmuniez en Athenes 58 A	diffERENCE entre l'Athenien & le Peloponnésien 336 F G	amitié feinte des Atheniēs enuers Demetrius 621 A B C
histoire d'Aspasia courtisane 667 I K	iugement cōtre les excommuniez d'Athenes 58 B	tribut des Atheniēs enuers Minos, & l'occasion 41 K	le mōt Artho, en figure humaine fort notable 491 B
Neptune furnommé Asphalius, & Cæiochus, & pourquoy 12 F	Epimenides appelé à la purification d'Athenes. 58 B C D	Atheniens serfs en Cādie. 5 B	attri, iours, c'est à dire, noirs 358 B
morsure d'aspic 653 E F	seditiōs populaires pour le gouuernement d'Athenes 58 F	Theseus ramene les ieunes Atheniens de Candie en Athenes 6 A	estrāge mort d'Attalus 260 H
ruse d'assiegeans 348 I		Atheniens peuple seul en Grece, selon Homere 8 G	reductiō de tout le peuple Attique en la ville d'Athenes, lequel auparauāt estoit espars en plusieurs bourgades 8 A
excellence d'astrologie 16 K		baraille entre les Amazones & les Atheniens 9 F	
17 A		paix entre les Amazones & les Atheniens 9 G	
		Castor & Pollux font guerre aux Atheniens pour Helene 11 B	

TABLE ALPHABETIQUE

Attis Phrygien 43 C	renouuee 117 I K	celuy à qui on fait biē, est cause de l'honneur de celuy qui l'a fait 263 G	Tarpeia trahit Rome pour des brassiers d'or 19 E
deux Attis, l'un Syrien, l'autre Arcadien, tuez par vn sanglier 398 B	il vaut mieulx bastir en terre fertile que sterile 64 D	nul bien fait sans recompense, quoy qu'il tarde 226 B C	propos louable d'Argileonide mere de Brasidas 38 H
Autochthones nez de la terre Attique 1 H	permissiō d'enterrer les morts à l'issue d'une bataille 10 C	le bienfaire des vertueux epoinconne les biennez 3 A	prise de Rome par Brennus roy des Gaulois 95 I
subtilité de Lycurgus contre l'avarice des Spartiates 30 H I K	sacrifice des Lacedemoniens auant que commencer bataille 37 D F	plus de biens à donner, que de gēs qui les receussent 173 D	harangue de Brennus à ses soldats 97 F
avarice est l'abolition des saintes loix 552 A B	description d'un lieu pour vne bataille 168 I K	dedeigner les biens est virieux 247 H I K	Brennus afflige les affligez 98 C D
l'avarice fait trahir l'amy 555 G H	comparaison de festin à vne bataille 173 G	l'amas de biens rend l'homme miserable 248 C	querelle sanglante entre Brennus & Camillus 98 F G
auchmon Iysis, & sa signification 47 K	bataille bien prise à la commodité 186 I K	ancienne bienveillance sert beaucoup 264 I K	Britomartus roy des Gaulois, tué par Claudius Marcellus 19 C
lituus, baston augural, & la façon dont il estoit 22 B	forme de bataille 186 K	Biton & Cleobis freres plus eueux que Cræsus 65 A	Brut ⁹ & Publicola principaux de la rebellion contre Tarquin 67 D E
augure estrange 81 I	bataille ou furent tous les rois de la terre 269 K	moyen de ruiner les bleds pendans par les racines 564 D	Brutus & Collatinus premiers consuls à Rome 67 F
augures & presages 207 B C	ordonnance de bataille selon le nombre d'hommes, & la necessité du lieu 292 F	Bocchus beaupere de Iugurta 587 I	Brutus inflexible accuse Collatinus de fauoriser à Tarquin 67 K
Aurelia mere de Cæsar 495 D	apres grandes batailles grâdes pluies 293 A	louange de Boccia fille de Caton d'Utique 550 D E	Brutus fait en sa presence executer à mort ses deux enfans traitres 68 I K
Pharmuthi en Egyptien, est le mois d'Auril 17 B	bataille bien debatue & bien descrite 325 A B C D E F	Boedromia feste en Athenes 9 F	magnanimité de Brutus soupconnee 69 A
Auril dedié à Venus Aphroditte 50 A	coustume notable sur la requiescence des corps morts en vne bataille 369 I K	Boedromion mois de Iuillet 229 I	mort de Brutus 69 I K
l'autel Ceratō fait tout de cornes 7 B	il faut commencer vne bataille en furie 458 I	vn boeuf valoit 100 oboles. 71 B	trahison de Decius Brutus contre Iul. Cæsar 513 C D E
Aurunnois freres des Romains rebelles à Iul. Cæsar 501 C	attente de bataille grandemēt effrayable à tous hommes 615 G	la Bonne deesse enuers les Romains 495 D	visiō estrange de Brut ⁹ 515 A B
Anuergnas & Chartrains rebelles contre Cæsar 501 A	diuerſes opiniōs pour dilayer ou donner bataille 731 C D E	quelle difference il y a entre les choses bones & les mauuaises 432 C D E	Brutus tres vigilant capitaine 515 A
axones, & que c'est 63 I	bataille ciuile plus cruelle que toutes autres, & pourquoy 733 B	le réps fauorise les bons 194 K	Brutus se tue soy mesme. 515 C
¶ B	merueilleuse machine de batterie 624 H	les bons sont plus faciles à gouverner que les mauuais 486 F	genealogie de Brutus 686 B C D E
Gouffres notables au pais de Babylone 478 A B	Battalus que c'estoit en Athenes 583 I	bonté de vautour 16 B C	bon naturel de Brutus. 686 B C
description du pais d'environ Babylone 478 F	le baru trouue tousiours quelque excuse 476 H I	il n'y a si grande bonté qui ne soit enuiee 189 I K	estude de Brutus 686 G H
rameaus portez en l'honneur de Bacchus & Ariadne 7 I	iniquité de beaupere 287 K	la naïue bonté emporte volentiers la faueur de tous. 226 E	lettres Laconiennes de Brutus 686 H I
Bacchus Omeſtes 81 K	la beauté fait mal aux yeux de qui la contemple 472 D	bonté s'estent plus auant que iustice 236 A B	Brutus vilement employé par Caton 686 I K
Bacchus Omeſtes, c'est à dire, cruel 224 G	begoyement de la goutte, que c'est 328 B C	exemples de bonté. 226. B C D E	Brutus plus republiquain que vindicatif 687 A B
Bærix roy des Cimbres 294 C D	les Belges estoient les plus belliques Gaulois 499 C	bonté d'hommes connue apres leur mort 343 C	Brutus au camp tousiours estudiant 687 B
coustume de baiser es matrones Romaines, en saluant leurs parens & maris, & d'ou elle vient 12 I	Belges veincus par Iul. Cæsar avec grand meurtre 499 C	borne se doit iustement garder 49 C	Cæsar est soigneux de Brutus 687 C
honorables bannissement 372 G	diuerſe opinion touchât Belone 320 G	origine des Bottieiens 5 C	Cæsar pèsoit estre pere de Brutus 687 C D
Theseus se bannit volontairement d'Athenes 12 A	Romulus prins par les bergers de Numitor 14 H	Venus Epitragia, c'est à dire du bouc 5 K	fermeté de Brutus 687 G
forme de banqueter estrange, & non ouye 489 C D	iustice de Bessus par Alexandre le grand 481 D	sacrifice à Venus, d'une cheure transmuee en bouc 5 K	gouvernement de Brutus sur les Gaulois 687 H I
grandeur de courage des Barbares 293 E F	l'homme vaillant doit combattre les bestes cruelles 3 G	Boucation, premier mois de l'an 200 K	Brutus en grand soucy pour la coniuuration 689 F
grand meurtre de Barbares 325 G	contre ceux qui cherissent curieusement les bestes 104 A	bouclier de cuyure tombé du ciel dans Rome 47 F	le peuple à Brutus en reuerence 691 F G
ialouſſie des Barbares pour leurs concubines 668 A	Bibulus compaignon de Cæsar au consulat mal traité. 450 H	ancylia boucliers de cuyure 47 I	deux notables fautes de Brutus 691 I K
gendarmes ne doyent porter barbes 2 F	faire bien contre mal 96 D E	Saliens prestres, d'ou sont descendus les bouffons 47 H I	lettres de Brutus à Ciceron 692 H I
Barſene aimée d'Alexandre le grand, & les bonnes conditions d'elle 472 C D	contre ceux qui fuyent le bien de peur de le perdre puis apres 56 F	Bourguignons amis des Romains 501 C D	Brutus s'enfuit hors d'Italie 692 I K
Basilica Porcia, que c'est à dire 242 F	le bien est connu par son contraire 28 I	Romulus & Rem ⁹ alaitiez d'une louue, & alimētez des oiseaux de l'air, & eleuez par vn bouvier 13 D	Brutus fait ses aprests pour la guerre 693 B C D E F
quels estoient les Bastarnes Gaulois 166 I		branche d'oliue entortillee de laine, nommee Iresioné 7 F	Brutus
le reproche du bastard retourné au pere 62 I		dance ou branle nommé la grue inuenté par Theseus 7 A	
contre les peres des bastards 62 I			
la loy des bastards en Athenes			

Brutus malade de la Bulimie 693 G H	285 A	les Gaulois 95 F G	335 E
proces criminel fait à Brutus & ses complices 694 B C	Callipus traistr 684 K	regrets des ieunes Romains pour la perte de Camill ⁹ . 96 I	Taur ⁹ capitaine de Minos. 4 B
fortune fauorable à Brutus & Cassius 694 G	Callipus 685 A B C D E	Camill ⁹ refuse les Romains d'e- stre leur capitaine fors sous condition louable 96 K	le sage capitaine emporte l'hô- neur de la victoire 75 B
naïue bôré de Brut ⁹ . 694 G H	serment de Callipus 685 E	Camillus Dictateur pour la se- conde fois 97 D	le vieil capitaine vaillant prefe- rable à tour ieune 102 A
louange de Brutus 694 H I	trahison de Callipus descou- uerte 685 D E	Camillus Dictateur pour la se- conde fois 97 D	côparaïson d'un bon caprai- ne assiege à un bon pilore 116 D
Brutus fait la guerre en Lycie 695 I K	Callisthenes & Anaxarchus en controuerfe 484 F G	brouade faite par Camillus aux Gaulois 98 E	comparaïson d'un bô caprai- ne à un bon luiteur 120 G H
ruse de Brutus contre les Xan- thiens 695 E F	Callisthenes aimé de tous fors de ceux de son estat 484 G	querelle sanglante entre Ca- millus & Brennus 98 F G	office de bô capitaine. 130 A B
justice de Brutus 696 H I	pourquoy Callisthenes fuyuoit Alexandre 484 G	restablissement de Rome par Camillus 98 I K	le chef d'œuvre d'un bon capi- taine 192 F G
intention de Brutus 696 I K	taciturnité de Callisthenes. 484 H	office de Dictature prolongee de moitié en Camillus 99 C	un bon capitaine doit mourir vieil 192 G
vigilance & sobriété de Brutus 697 A B	merueilleuse eloquēce de Cal- listhenes 484 I K	Camillus Dictateur pour la troisième fois 99 I	le capitaine ne doit faire le sol- dat qu'en éminēt peril. 192 G
estrange vision à Brutus. 697 B	Callisthenes vraiment philo- sophe 485 A B C	stratageme de Camillus contre les Larins & Volques 101 E F G	vigilance de capitaine 197 G
assurance de Brutus 697 B C	Callisthenes eloquent, mais nō sage 485 B	Latins & Volques desconfits par Camillus 100 F G H	bonne respōse de bon caprai- ne 199 D
belle armee de Brutus. 697 G H	eloquēce de Callisthenes pro- fitable à toute la Grece & à Alexandre 485 B	diligēce de Camill ⁹ . 100 H I K	deuoir de bon capitaine. 289 F
liberalité de Brutus : 697 I	calomnies alencontre de Cal- listhenes 485 D E	Thoscans surprins par Camil- lus 100 K. 101 A	290 I
parlement de Brutus & Cassius 698 E F G	mort de Callisthenes 485 F G	tierce entree triōphale de Ca- millus en Rome 101 A	preuoyance de bon capitaine. 290 B C
faute notable de Brutus 699 A B C	Calphurniens de Calpus 51 B	Camillustribun militaire pour la sixieme fois 101 F G	pourquoy doit cōbarre un bon capitaine 290 D E
eur de Brutus 700 A B	les Camerins descōfits par Ro- mulus, & faits ciroyés de Ro- me 22 K	eur de Camillus 101 H I	bon aduis de capitaine 293 G
trouble au cāp de Brutus 699 B	Mercure nommé Camille, c'est à dire, ministre des Dieux. 44 I	Surrie reprins par Camillus sur les Thoscans 101 K	consideration de bon caprai- ne 323 F G
bonté de Brutus enuers ses pri- sonniers 700 C D	Camillus chassa les Gaulois de Rome 25 C	contreruse de Camillus. 102 C	à quoy sert la presence d'un ca- pitaine lors d'une baraille 351 G H
une seule faute de Brutus. 700 F	louage de Furius Camill ⁹ . 88 K	quatrième Dictature de Ca- millus 102 D	sagesse de capitaine surprins 398 I K
sinistres presages à Brutus. 701 B C D	Camillus simple homme d'ar- mes 89 A	cinquieme Dictature de Ca- millus 102 I	conditions d'un bon capitaine 401 E F
maintien de Brut ⁹ apres la des- faite 702 A B C D E	proesse de Camillus 89 A	preuoyāce de Camill ⁹ . 102 I K	experisse d'excellent capitaine 411 C D
dernieres paroles de Brut ⁹ 702 E	Camillus Censeur 89 B	stratageme de Camillus. 103 A	consideration de vieil caprai- ne contre un ieune 714 H
mort de Brutus 702 F	deux actes notables de Camill ⁹ l'un honneste, l'autre neces- saire 89 B	secōde desfaite des Gaulois par Camillus 103 B C	les bōs capitaines aguerrissent leurs soldats 197 D
bubulci, bouuiers 71 B	Camillus Cēseur pour la deux- ieme fois 89 D	mort de Camillus fort regret- tee 103 I	exploits de capitaines morts vaillamment 334 C D
mort de Bucephal 487 F	Camillus Dictateur 90 B	qui diminue la force d'un cāp 128 A	excellens capitaines borgnes 398 C
fondatiō de Bucephalie en l'hō- neur de Bucephal 487 F	p̄tinsē de la ville de Veies par Camillus 90 C D E	escarmouche & combat pour l'auantage du camp. 204 D E	Capitole 19 E
Bulla, & son erhimologie. 21 B	oraïson notable de Camillus 90 E F	descriptiō del alsiete de camp auantageux 226 A	Tarpe ⁹ capitaine du chasteau du Capitole 19 E
Laie Crommienne, autrement Phiza, c'est à dire, Bure 3 G	Camillus exaucé 90 G	diuerses opinions sur vne rou- p̄ture de camp 377 G H I	oyes sacrees à Iuno firent fau- uer le Capitole 97 G H
Butas poete, interprete les ce- rimonies obseruees le iour de Lupercalia 21 I K	entree de Camillus en superbe triomphe dans Rome 90 K	à quoy sert un camp endurcy à route peine 402 D E	caprarij, cheuriers 71 B
desespoir de Butes lieutenant du roy de Perse 337 I	Camillus mal voulu, & les oc- casions 91 A B C D E	grand appareil en un camp est nuisible 402 D E	sacrifice Capratin 25 C
Byzance prinse par Alcibiades 143 C D	loy de diuision du peuple Ro- main empeschee par Camill ⁹ 91 A B	subtilité de se camper à la veue de l'ennemy 169 B	Nones Capratines 25 C
bonne defense d'un Byzantin accusé de trahison 143 F	faute notable de Camillus. 91 C	qui meurt Theseus d'aller com- me tributaire en Candie 5 E	Nones Capratines à cause d'un figuier sauvage 25 C
C	preudhomme de Camillus. 92 B C	Canathres, que c'est 425 F	Carmenta deïse d'enfantement masculin 21 B
Caddos vaisseau de receptiō ou reïection 32 E	la vertu de Camillus veinquit les Faleriens 92 A	Aristote touchant les ieunes A- theniens serfs en Candie 5 B	la feste Carmentalia 21 B
Caius Acilius touchant la feste Lupercalia 21 K	accusatiō cōtre Camillus. 92 G	Theseus ramene les ieunes A- theniens de Candie en Arhe- nes 6 A	Carthage & Corinthe repeu- ples par Iul. Cesar 510 I K
mort du gymnosophe Cala- nus 490 A	exil volōraire de Camill ⁹ . 92 H	opinions diuerses sur les voya- ges de Theseus en Cādie 6 A B C D E F G H	vingt septieme de Iuiller re- douté par les Carthaginois 94 K
Calé, en langage Indien signi- fie, Dieu vous gard 488 I	imprecatiō de Camill ⁹ au par- tir de Rome 92 I	Canthots bons hōmes de guer- re 251 F	puissante armee de Carthagi- nois 183 H
Numa racoustra aucunement le Calendrier 49 H	prompte calamité en Rome a- pres l'exil de Camillus 92 K	Carlemos, c'est à dire, le for	retraite de Carthaginois à trop petite occasion 184 H
reformation du Calendrier par Iul. Cesar 511 D E	harangue de Camillus aux ie- unes gens d'Ardea 96 E F		grand meurtre de naturels Car- thaginois 187 F
cruauté de Callias prestre de Ceres 222 I K	entreprinsē de Camillus cōtre		Spurius Caruilius premier des
fole responce de Callicratidas 192 D			
louange de Callicratidas. 305 E			
Callimachus puny 360 H I			
callinicos, victorieux 150 E			

TABLE ALPHABETIQUE

Romains qui repudia sa femme 27 B
 cas esmerueillable 71 F G H
 cas estrange 13 B. 183 D E F
 cas notable 228 H. 568 F G
 Cascas est le premier qui frappe Iul Cesar 513 I
 descriptiō du goufre de la mer Caspiene 481 E F
 Cassander en extreme frayeur d'Alexandre le grand 491 G H
 similitude du casseron à vn Eretrien 81 C
 Cassius descouure la trahison del'Arabe 390 A
 bon trait de Cassius 393 K
 proesse de Cassius Sceua 497 F G
 Cassius meurtrier de Iul. Cesar estoit Epicurien 513 H
 Cassius haïssoit la tyrānie. 688 D E F
 harangue de Cassius à Brutus 688 I K
 Cassius honnestement admonesté par Brutus 694 F
 discours de Cassius sur les passions de l'ame 697 C D E
 sinistres presages au camp de Cassius 697 I K
 Cassius craint la bataille 698 A B C D E
 protestatiō de Cassi. 698 C D
 mort de Cassius 699 H
 insolence des soldats de Cassius 700 H
 Castor & Pollux s'or guerreaux Atheniēs pour Helene. 11 B
 Castor & Pollux receus en la confrairie des mysteres. 11 F
 chanson de Castor 37 G
 feste en Rome de Castor & Pollux 147 I
 miracle de Castor & Pollux 172 B C
 castrametation bien prinse, & pourquoy 291 F G
 Lucius Catilina 596 B C D
 coniuration de Catilina 597 A B C D E F G H I K
 coniurez de Catilina condamez & executez à mort. 599 H I
 Catilina desfait par Antonius 600 B
 Carō d'Vtique descouure toutes menees. par toute sa vie. reprehension louable en Caton 191 I
 race & origine de Caton. 233 H I
 Caton appelé homme neuf, & pourquoy 233 I K
 Caton, c'est à dire, sage 233 K
 figure de Caton 233 K
 vers medisans de Caton. 234 A
 bonne complexion de Caton. 234 A B
 exercice de Caton 234 A B
 Caton dedaignoit l'honneur, & le salaire de ses plaidoiries

234 C
 Caton aimoit mieuls estre connu par les armes, que par l'eloquence 234 C
 maniere de faire de Caton en combatant 234 D
 Caton en guerre alloit à pied portant ses armes 234 D
 Caton fort sobre 234 H
 Caton sur son vieil aage estude en Grec 234 H
 maniere de viure de Caton. 234 I K
 Caton poulsé en auar par Valerius Flaccus 232 A
 Caton élu Tribun militaire 235 A
 Caton Questeur 235 A
 Caton Consul, puis censeur 235 B
 Carō curieux imitateur de Fabius Maximus 235 B
 quelle chose rédoit la vertu de Caton admirable 235 G H
 Caton a escrit de soy mesme 235 H I K
 proposition notable de Caton 235 K
 opinion bonne & charitable contre la rigueur de Caton 236 A
 dict's sententieux de Caton. 236 K. 237 A B C D E
 Caton ne fait cas de roy quel que bon qu'il soit 237 F
 opiniō notable de Caton. 237 F
 peché par ignorāce pardonné à tous par Caton, fors qu'à soy mesme 237 F
 espargne reprochable en Carō 236 E
 abstinēce admirable de Caton 236 F
 exemple admirable de l'abstinence de Caton 236 F G
 Caton simple en despence & graue en iustice 236 G H
 louange de Caton en ses écrits & mœurs 236 H
 rigoureuse opinion de Caton contre Cesar victorieux. 397 E F
 quels vouloit Caton que fussent les soldats 237 I
 trois choses notables dont Caton se repentoit 237 K
 Caton gouuerneur en Espagne 238 B
 subtile remonstrance de Caton en peril eminent 238 C
 eueux sucees de guerre en Caton 238 D
 munificence de Caton 238 D
 propos notable de Carō. 238 E
 Caton craint des siens 638 F
 iuste iniustice de Caton 238 F
 exploit de Carō au retour d'Espagne 238 G
 menee de Caton cōtre Scipion 238 H
 Caton ne recusa point l'exercice de vertu, apres auoir ar-

taint le point de l'honneur 238 I K
 Caton se moque des admirateurs des langues estrangeres 239 C
 perilleuse entreprise de Carō 239 F G H
 briefue & brusque harangue de Caton 239 H I
 braue fait de guerre de Caton 239 K. 240 A
 Caton non chiche de celebrer ses louanges 240 B C
 Carō grād empereur. 240 D E
 l'office de Caton estoit en Rome de souveraine dignité 240 H
 Caton censeur 241 D
 censures de Caton contre les maluians 241 E F G H I K
 Carō bien-eureux quād il tonnoit, & pourquoy 241 I
 obseruation de Caton pour retrācher les superfluites Romaines 241 K. 242 A B
 austerité de Caton en sa censure 242 D
 haines contre Caton pour ses censures 242 E
 Caton plus reueré pour sa censure, que pour ses autres actes 242 F
 Caton auoir grande opiniō de soy mesme 242 G H
 Caton bon pere 242 I
 Caton bon mary 242 I
 Caton bon mesnager 242 I
 ce que Caton enseignoit à son ieune enfant 243 B C
 proesse du fils de Carō. 243 D E
 Caton sur le gouuernement de ses esclaves 243 G H
 permission notable de Caton à ses esclaves 243 H
 Caton grand trafiqueur à profit 244 A B
 Carō estime plus les armes que les lettres 244 E
 Caton mesprise la philosophie 244 F G
 Caton mesprise la medecine 244 H
 l'entretien de santé de Caton 244 I K
 Caton se remarie hors d'aage 244 K. 245 A B C D
 bonne response de Caton à son fils 245 C D
 constance de Caton en la mort de son fils 245 D E
 gaillarde vieillesse de Caton 245 F G H
 Caton ne confabuloit des mechans en bien ny en mal 245 H
 Caton aucteur de la finale destruction de Carthage. 245 I K
 Caton & Scipion contraires en opinion sur la ruine de Carthage 246 C D
 Caton non iamais conueincu

en iustice 247 D
 louange de Caton 383 F
 Caton resiste vigoureusement à l'iniuste requeste de Pompee 449 D
 Caton refuse l'alliāce de Pompee, & pourquoy 449 D
 bonne issue sur le refus de Caton, pour l'alliance de Pompee 449 E
 Caton prephetise la ruine de Pompee & de la chose publique 450 I
 Caton redouté pour sa droiture 452 C D
 seuerité Catoniane 453 G
 mors sententieux de Caton & Pompee 455 H I
 Caton pouruoit au bien publique contre Iul. Cesar 495 C D E F G H
 austerité de Caton. contre Iul. Cesar 499 K. 500 A
 bonté de Caton 506 B
 cōparaison des fructs hors de saison à la vertu de Caton 516 B
 cōparaison de Caton à vn pilote 516 C
 Caton de noble maison. 516 E
 genealogie de Caton d'Vtique 527 F G
 enfance austere de Caton d'Vtique 527 G H I K
 Caton d'Vtique estoit de difficile apprehension 527 H
 liberalité liberale de Carō d'Vtique 529 D
 Caton d'Vtique escrit vers amoureux à l'imitatiō nō imitée d'Archilochus 529 E F
 intemperance de Caton d'Vtique 529 F
 Caton d'Vtique à la guerre civile 529 F G
 Carō d'Vtique austere avec les dissolus 529 G
 Carō d'Vtique dedaigne le pris d'honneur de Gellius. 529 G
 Caton d'Vtique n'alloit qu'à pied par les champs 529 I
 Caton d'Vtique chef d'vne legion, & son gouuernement furicelle 529 K. 530 A
 constance inflexible de Caton d'Vtique. 527 K, & par toute sa vie.
 coniecture du naturel de Carō d'Vtique des son enfance 528 A B
 Caton d'Vtique estant encore enfant, en iouāt, fait œuvre vertueux 528 B C
 Caton d'Vtique estant encore enfant, desiré des enfans pour leur chef 528 D
 magnanime enfance de Caton d'Vtique 528 E
 Carō d'Vtique prestre d'Apolo. 528 G
 bien hereditaire de Carō d'Vtique 528 G
 Caron

- Caton d'Vrique grād zelateur de philosophie 528 H
 Caton d'Vrique grād amateur de iustice 528 H
 Caton d'Vrique s'exercitoit en secret à bien parler 528 H I
 premiere oraison publique de Caton d'Vrique 528 I K
 Caton d'Vrique s'exerce au labour corporel 529 A
 maniere de viure de Caton d'Vrique 529 A B C D
 gain notable de Caton d'Vrique colonel d'une legion Romaine 530 A
 victoire studieuse de Caton d'Vrique sur Athenodorus. 530 B C
 gloire notable de Caton d'Vrique pour sa victoire sur Athenodorus 530 C
 l'amitié fraternelle de Caton d'Vrique fait calōnier sa vie 530 D E
 retraite honorable de Caton d'Vrique sa charge expiree 530 G
 voyage de Caton d'Vrique en Asie 530 H I K
 simplicité de Caton d'Vrique par les champs 530 H I K
 conte ridicule aduenū à Caton d'Vrique dedans Antioche 531 A
 Caton d'Vrique grandement honoré de Pompee. 531 B C
 Caton d'Vrique craint d'estre trop guay 531 E F
 Caton d'Vrique fuit les presens de Deiotarus 531 F G
 examē de Caton d'Vrique pour l'office de questeur 531 I
 feuerité de Caton d'Vrique en son office de questeur. 531 K.
 532 A B C D E F G H I K
 Caton d'Vrique poursuit les meurtriers de la proscription de Sylla 532 F
 Caton d'Vrique se donoit tout au gouvernement de la chose publique 533 A B C
 paroles Catonienes 533 D E
 Caton d'Vrique poursuit l'office de Tribun, & pourquoy 533 G
 coniuration de Catilina 534 B C D
 Caton d'Vrique peu eueux du costé des femmes 534 H
 conte notable de Caton d'Vrique & Hortensius. 535 A B C D
 Caton d'Vrique baille sa femme à Hortensius 535 B C
 Caton d'Vrique resiste à toutes noualitez 535 D E F G H I K
 benignité de Caton d'Vrique enuers son ennemy 536 F
 Caton d'Vrique resiste à la faueur de Pompee 536 G
 Caton d'Vrique refuse l'alliance de Pompee 536 I K
 si Caton d'Vrique fit bien ou mal de refuser l'alliance de Pompee 537 A B
 malice de Cesar & Pompee congne par Caton d'Vrique. 537 D E
 Caton d'Vrique gagné à viue force par Ciceron. 537 G H I
 Caton d'Vrique seul redouté des seditieux 538 C
 Caton d'Vrique enuoyé hors Rome mal accompagné. 538 C D E
 Caton d'Vrique conseille Ciceron de ceder au réps. 538 E
 grauité de Caton d'Vrique enuers Ptolomee 538 F G
 Caton d'Vrique s'acquire bien d'une charge 538 K
 cause de la haine de Numatius contre Caton d'Vrique 539 A B C D E
 preuoyance de Caton d'Vrique contre le naufrage de la mer 539 E
 fortune enuieuse de leur de Caton d'Vrique 539 F G
 Caton d'Vrique mesprise l'honneur mondain 539 H
 Caton d'Vrique resiste à Ciceron pour le tribunat de Clodius 539 I K
 menées de Cesar & de Pompee contre Caton d'Vrique 540 E F G
 Caton d'Vrique predict les maieurs qui procederent de Cesar & de Pompee 540 H
 perseuerance de Caton d'Vrique pour le bien public. 540 I K
 Caton d'Vrique prophetise à Pompee sa ruine par Cesar 541 B
 Caton d'Vrique preteur ne fait honneur à son estat 541 C
 ordonnance louable de Caton d'Vrique rouchant les offices de magistrats 541 D E
 iustice de Caton d'Vrique. 541 G
 Caton d'Vrique enuié par le senat pour sa iustice. 541 G H
 Caton d'Vrique hay de tous les grans, & pourquoy 541 H I
 iustification de Caton d'Vrique contre les calomnies de Clodius 541 I K
 cōtre les accusez recusans Caton d'Vrique 543 A
 Caton d'Vrique debouté de l'office de consular, & pourquoy 543 C D E
 Caton d'Vrique resiste aux menées de Cesar 543 G H
 Caton d'Vrique descouure les menées de Cesar 543 H I
 tous iettent les yeux sur Caton d'Vrique 543 K
 conseil de Caton d'Vrique cōtre Cesar 544 A B
 Caton d'Vrique reprēt Martia pour femme, apres la mort de Hortensius 544 B C
 dueil extreme de Caton d'Vrique 544 D
 Caton d'Vrique, grande incertitude au gouvernement des dieux, & pourquoy 544 E
 bon cōseil de Caton à Pompee en la guerre ciuile 544 F G
 Pōpee ne se sert de Caton d'Vrique pour la crainte qu'il a de luy 544 H I
 Caton d'Vrique eschauffe seul les cueurs des soldars de Pompee 544 K
 norables presens par Caton d'Vrique 542 C D E
 Caton d'Vrique choisit de deux maux le moindre 542 F G
 ronde respōse de Caton d'Vrique à Pompee 542 I
 Caton d'Vrique cause de la desfaite de Cesar deuant Dyrhachium 545 A
 deliberatiō de Caton apres la route de Pharfale 545 C
 Caton d'Vrique sauue la vie de Ciceron 545 C D
 Caton d'Vrique seul accepté chef des Romains 545 E
 acte de Caton d'Vrique pour deprimer Iuba 545 H
 contre les mespriseurs de Caton d'Vrique 545 H
 Caton d'Vrique defend la ruine d'Vrique 545 I K
 Caton d'Vrique gouverneur d'Vrique 545 K
 harangue de Caton d'Vrique sur l'infortune de leur republique 546 F G H
 bon aduis de Caton d'Vrique sur la liberte des esclaves 546 K
 Caton grandement troublé dedans Vrique 547 H I
 Caton d'Vrique s'efforce de sauuer les senateurs estans dans Vrique 547 I K
 les senateurs en Vrique recognoissent Caton pour leur sauueur 547 K
 Caton d'Vrique resolu de se faire mourir. 548 A
 norables faits de Caton d'Vrique dans Vrique. 546. 547. 548. 549.
 braue respōse de Caton d'Vrique 548 B C
 propos notable de Caton d'Vrique 548 E
 Caton d'Vrique garde qu'Vrique ne soit pillée par les Romains 548 C
 propos notable de Caton d'Vrique 548 G H
 Caton d'Vrique fait cognoistre le desir qu'il a de mourir 549 A
 Constance & raisons de Caton d'Vrique au desir de sa mort 549 B C D E F G
 Caton d'Vrique à sa mort leut deux fois Aristote de l'ame 549 G
 mort violente de Caton d'Vrique par sa main propre 559 I K
 funeraillies honorables de Caton d'Vrique 540 A
 aage de Caton d'Vrique. 550 C
 proesse de Porcius Caton 550 D
 erreur de Cecilius 583 D
 naturel de Cecinna 730 G H
 faute de Cecinna 730 H
 Quintus Metellus appelé Celestus, & pourquoy 16 E
 Celeres, de Celer, qui tua Remus 16 E
 Celeres, & que c'est à dire. 23 G
 Celeres garde royale de Romulus chassiez 44 H
 Celer, prompt 150 G
 Celtoscythes, Gaulois Tartares 288 F
 Acron roy des Ceniniens meut guerre contre les Romains 18 H I
 Ceniniens desfaits par les Romains 18 I
 Ceninie prinse par Romulus, & les habitans menez à Rome pour y habiter 18 K
 office de Censeur en Rome estoit saint & sacré 93 A
 estat de Censeur en quoy il consistoit 177 C D. 240 I K
 office de Censeur 440 K
 Cephisus riuere d'Athenes 430 C
 l'autel Ceratō fait tout de cornes 7 B
 Ceranni, c'est à dire, foudroyās 223 B
 interpretatiō des loix ceremoniales de Numa 48 E
 ceremonie de la feste des rameus 7 H I K
 le iour de la ceremonie de la fondation de Rome, & la solennité y obseruee 16 H I
 ceremonie obseruee en la feste Lupercalia 21 H I
 ceremonie de sacrifice pour victoire 23 F
 ceremonie de mariage en Sparte 33 H I K. 34 A B
 ceremonie des enterremens en Sparte 39 C D
 ceremonie obseruee sur les presages 207 F G
 prelatz destituez pour vne petite omisiō de ceremonie. 207 G H
 ceremonie du dueil des Perses 227 B
 ceremonie pour prendre du feu sacré 230 D
 ceremonies obseruees en la fondation de Rome 16 F G H
 ceremonies des Romains en leurs nopces pour memoire du rauissement des Sabines 18 F G
 Butas poete, interprete les ceri-

TABLE ALPHABETIQUE

monies obseruees le iour de
Lupercalia 21 I K
cerimonies de Numa contre la
peste 47 G H
cerimonies delatées à temps
pour bonne consideration
125 I K
cerimonies en Rome recom-
mencees pour peu d'occa-
sion 155 K
Cermanū anciennement Ger-
manū, lieu ou turent premie-
rement trouuez Romulus &
Remus, & pour ceste cause
ainsi nommé 13 H
César disoit, qu'aimer la trahi-
son, est hair les traistres 19 F
response aigue de César à Sylla
317 K
menée de César pour paruenir
au consulat 386 D E
César auacé par Crassus & Pô-
pee & sous quel pretexte
386 F
prolongatiō du gouuernemēt
de César és Gaules 387 B
deportement de César en son
premier consulat. 450 E F G
alliance entre César, Pompee
& Piso 450 G
le menu peuple de Rome ale-
ché par César gouuerneur
de toutes les Gaules pour cinq
ans 450 I
César menant guerre és Gau-
les, la fait secrette en Rome
451 I K
César grandement honoré de
par les Romains dedans Lu-
ques 452 A
menées de César en Rome, luy
absent 454 H I K
César obtient contre Pompee
en Rome 455 A B
ruse de César pour gagner le
peuple de Rome 455 D
César douteux en son entre-
prise de guerre ciuile. 455 F
toute Rome troublee à cause
de César 455 G H I K
César dedans Rome le porte
humainement 456 B
le dire estoit à César plus diffi-
cile, que le faire 456 B
César se met en deuoir de paix
avec Pompee 456 F
César se porte doucement là
ou il est le plus fort 457 A
César victorieux de l'armee de
Pompee en Espagne 457 A
César cherche paix avec Pom-
pee 457 A
César presque veincu de Pô-
pee 457 C
César dit, que Pôpee ne pou-
oit veindre 457 C
quels estoient les soldats de Cé-
sar 457 D
les gens de César promptemēt
rangez en bataille 458 F
avec quelle legion César com-
baroit ordinairement. 458 G

ruse de César contre la cheua-
lerie Romaine 458 G H
commencement de victoire de
César. contre Pôpee. 459 F
victoire de César cōtre Pom-
pee 459 I
louange de César par la bou-
che de Pompee 460 I
sagesse de César 461 B
César pleure la mort de Pom-
pee en Egypte 462 G
vengeance de César sur les
meurtriers de Pôpee. 462 G H
Iul. César fuitif, prins & se ra-
chette 492 I
Iul. César prins par des courfai-
res, & mis à rencon, qu'il au-
gmēt de plus de moitié. 492
K. 493 A
brauerie notable de Iul. César
enuers les courfaires estant
leur prisonnier 493 A B
premier exploit de Iul. César
cōtre les courfaires 493 B C
Iul. César fait pendre les cour-
faires 493 C
Iul. César ne veut obeir à Sylla
en chose illicite 492 G
cause de la haine de Iul. César
enuers Sylla 492 H
Iul. César en grande ieunesse
aspire à grādes choses. 492 H
Iul. César le secōd des plus elo-
quens 493 D
Iul. César a escrit contre Cice-
ron 493 E
Iul. César parrocinoit 493 F
Iul. César bien voulu en Ro-
me, & pourquoy 493 F G
les enuieux de Iul. César trom-
pez 493 G
la contenāce de Iul. César trō-
poit les plus fins 493 H
Iul. César capitaine de mil hō-
mes de pied 493 I
bienveillance du peuple enuers
Iul. César 493 I K
Iul. César premier restaurateur
des images de Marius. 493 I K
magnificēce de Iul. César. 493
F G H I K. 494 A B
Iul. César questeur 494 A
Iul. César preteur 494 A
debtes de Iul. César auant ses
charges publiques 494 B
Iul. César edile 494 B
Iul. César veut remettre sus la
ligue de Marius 494 C D E
brigue de Iul. César pour le sou-
uerain pontificat 494 F G
Iul. César souuerain pontife
494 G
Iul. César suspect de la cōiura-
tion de Catilina 494 I K
Iul. César en grand danger de
mort 495 A
Iul. César repudie sa femme
495 I
Iul. César desire plustost estre
premier en vn village, que se-
cond en Rome 496 B
Iul. César pleure sur l'eur d'A-

lexandre 496 B
Iul. César bō en paix & en guer-
re 496 C
ordonnāce de Iul. César sur les
vsures 496 D
Iul. César és Espagnes appellé
empereur 496 D
menée de Iul. César trompant
tout le monde 496 E
Iul. César consul 496 G
menées de Iul. César pour at-
teindre à l'empire. 496 G H I
Iul. César gouuerneur des Gau-
les 496 K
chose vilaine faite par César
durant son consulat. 497 B C
briefue & haute louāge de Iul.
César 497 C D E
exploit de guerre és Gaules par
Iul. César 497 E
Iul. César grandement aimé de
ses soldats 497 E F
que faisoit Iul. César pour se
faire aimer 497 I
Iul. César s'expose en tout pe-
ril, & ne se lasse du travail
497 I K
statue de Iul. César 497 K
Iul. César fuier au mal caduc
497 K
Iul. César prenoit les labours cō-
me pour medecine 498 A
Iul. César ne perdoit point de
temps 498 A B
diligence de Iul. César 498 B
Iul. César dictoit à deux ense-
ble 498 B
notable facilité de viure en Iul.
César 498 C
grād exemple de bonté en Iul.
César 498 D
premiere guerre de Iul. César
en Gaule 498 D E F
Iul. César surprins par les Suif-
ses le lōg de la Sone 498 E F
Cruelle bataille & victoire de
Iul. César contre les Suiffes
498 F
Iul. César contre les Allemans
498 G H I K
Iul. César faide de l'occasion
499 A
menées de Iul. César en Rome
499 B C
Iul. César surprins par les Tour-
nensiens 499 D
Iul. César & les Romains en
grand peril contre les Tour-
nensiens 499 D E F
grande ioye en Rome pour la
victoire de Iul. César contre
les Tournensiens 499 F
que faisoit Iul. César absent,
pour disposer des choses de
Rome 499 G
grād hōneur fait à César par les
Romains hors Rome. 499 G
Iul. César trompé par les Ipes &
Tenterrides 499 I K
pont de Iul. César sur le Rhin
500 B
grand exploit de Iul. César és

Allemagne en xviij iours
500 C
guerre & voyages de Iul. César
en Angleterre 500 D E
nouuelles à Iul. César de la
mort de sa fille 500 E
toutes les Gaules eleuees cōtre
Iul. César 500 F G
ruse de Iul. César contre Am-
biorix 500 G H
extreme diligence de Iul. César
501 B C
victoire de Iul. César contre
Vercingetorix. 501 D
soixante & dix mil hommes as-
siegez par Iul. César 501 E
tres-noble exploit d'armes de
Iul. César deuant Lauxois
501 F G
Iul. César & Pompee cherchent
de se ruiner 501 H I
preuoyance de Iul. César con-
tre Pompee 501 I K
menées de Iul. César & Pôpee
l'un contre l'autre 502 D E
liberalité de Iul. César aux sol-
dats de Pompee 502 E
brauerie dans Rome d'un des
capitaines de Iul. César. 502 G
raisonnables cōuertiōs de Iul.
César à Pompee 502 H I K
signe de dueil en Rome pour la
dissention de Iul. César & Pô-
pee 502 K
stratageme & preuoyance de
Iul. César 503 B C D
Iul. César en grand trouble de
esprit sur son arrentar 503 E
Iul. César : à tout perdren'y a
qu'un coup perilleux 503 F
illusion damnable de Iul. César
en dormant 503 F
bonté de Iul. César enuers La-
bienus 504 B
Iul. César en soixāte iours sei-
gneur d'Italie 504 D E
Iul. César à Metellus tribun
504 F G
le faire estoit plus facile à Iul.
César, que le dire 504 G
Iul. César en Espagne cōtre les
lieutenāts de Pôpee. 504 G H
Iul. César dictateur onze iours
seulement 504 H I
murmure contre Iul. César par
ses soldats 504 K. 505 A
les soldats de Iul. César se repē-
tent de leur murmure. 505 B
tout semble facile à Iul. César
505 B
perilleuse entreprinse de Iul.
César 505 C D
grandeur de courage és soldats
de Iul. César 505 E
Iul. César necessiteux de viures
505 E
stratageme de Iul. César, & cō-
treruse de Pompee 505 F
Iul. César en grand danger cō-
tre Pompee 505 G H
mot notable de Iul. César con-
tre Pompee 505
la pin

la plus triste nuit qu'en onques Iul. Cæsar 505 I	Iul. Cæsar dictateur irreprehensible 510 H	Cæsar desconfit en son absence par Brutus 658 I	pourquoy 147 F
preuoyace de Iul. Cæsar. 505 K	Iul. Cæsar fait redresser les images de Pompee 510 H	victoire de Cæsar sur Brutus 701 E F G	Neptune surnomé le chevalier ou le patrô des cheuaux 147 I
la peste au camp de Iul. Cæsar 506 B	mor notable de Iul. Cæsar, touchant la mort & la vie 510 I	louange de Cæsar en sa monarchie 703 B C	cheualiers en Athenes 60 H
ruse de Iul. Cæsar 506 G	grandes projections de Iul. Cæsar 511 A B C D E	prouerbe, c'est vn autre Theleus 10 B	bon exercice pour cheuaux ne bougeas de l'estable. 414 A
presages non cognus que par Iul. Cæsar 506 H	Iul. Cæsar desire se faire nômmer roy 511 G	Chazrin, que c'est à dire 520 I	les ieunes Grecs offroyet leurs cheueux à Apollo 2 C
ordre de bataille par Iul. Cæsar contre Pompee 506 K	cause de haine des Romains enuers Iul. Cæsar 511 G H I	l'homme chagrin doit sacrifier aux Graces 285 C	propos de Lycurgus touchant les cheueux 37 F
opinion de Iul. Cæsar contraire à celle de Pompee 507 B	Iul. Cæsar fort troublé pour la haine du peuple 511 I K	chalcioccos, c'est à dire, temple d'arain 29 D	sacrifice à Venus, d'une cheueure transmutée en bouc 5 K
cheualerie Romaine mise en route par la preuoyance de Iul. Cæsar 507 E F	Iul. Cæsar fonde le cuer du peuple 512 B C D	sans chalcetec toutte matiere est immobile 95 D	le chef de la sepulture du chien 80 I
clemence de Iul. Cæsar apres sa victoire 507 H I	notables mots de Iul. Cæsar 512 F G	Chalcetecos temple de Iuno 553 I	le chef de la sepulture du chien 236 D
presages de la victoire de Iul. Cæsar 507 I K	grands presages & predictiôs de la mort de Iul. Cæsar. 512 H I	champs Elysiens 400 K	sacrifice de chiens pour purification 22 A
liberalité de Iul. Cæsar apres sa victoire 508 A	K. 513 A B C D E	d'où vient ce chant, Alons à Athenes 5 C	ordonnance contre les chiens mauuais 63 F G
officielle louable de Iul. Cæsar enuers Pompee 508 A B	mort de Iul. Cæsar par vingt & trois coups d'espee 514 A B	châsons de trois âges des Lacedemoniens 37 A B	Ion poëte de l'isle de Chio 6 G
le plus doux fruit de la victoire de Iul. Cæsar 508 B	grand trouble en Rome pour la mort de Iul. Cæsar 514 B C	chançon de Castor 37 G	lanas manteaus royaux, se dit chlanas en Grec 44 I
Iul. Cæsar recôcilie Cleopatra à son frere 508 E	decret du senat sur la mort de Iul. Cæsar 514 E	contre les chantres 104 D	Choz, c'est la feste des morts 652 I
Iul. Cæsar tue Pothinus, qui le vouloit tuer 508 F	testament de Iul. Cæsar. 514 E F	pilos en Grec signifie chapeau 44 I	Cherac, en Egyptien, est le mois de Decembre 17 A B
Iul. Cæsar en trois grands perils dans Alexandrie 508 F G H	le peuple Romain cerche la vengeance de Iul. Cæsar. 514 F G	l'enfant nouveau né posé en la chaire royale par Lycurgus, & nômé Charilaüs, qui signifie ioye de peuple 28 D	la cholere est fort mal-aisée à veindre 62 B
Iul. Cæsar victorieux du roy de Egypte 508 H	Iul. Cæsar mort à cinquante & six ans 514 H	louage du roy Charilaüs par le roy Archelaüs 29 E	exemple vnique de Chrysantas 219 H
Cæsarion fils de Iul. Cæsar & de Cleopatra 508 H	punition de mort sur tous les côiureurs mortels de Iul. Cæsar 514 I	Tarquinius fils de Demaratus premier triôphateur en charriots 19 C	liure de Ciceron intitulé Lucullus 365 A
victoire de Iul. Cæsar contre Pharnaces roy de Pôre. 508 I	le ciel & la terre pleignent Iul. Cæsar 514 I K	l'essence diuine ne se delecte en compagnie charnelle 43 D	Ciceron rappelé par les menees de Pompee 451 D
le Veni, vidi, vici de Iul. Cæsar 508 K	Cæsar fait Caton prisonnier 537 I K	bonté de Charon le Thebain 195 B C D	Cicerô premier explorateur de l'intérieur de Iul. Cæsar. 493 H
Iul. Cæsar contraint d'endurer l'iniustice de ses ministres 509 A	mot notable de Cæsar à la mort de Caton d'Vtrique 550 B	Charontes en Rome 634 K	Cicerô humain enuers Iul. Cæsar 495 A
promptitude de Iul. Cæsar au voyage d'Afrique 509 B	Cæsar touchant sa femme impudique 602 F	consideration d'un chef d'armee 202 I K	Ciceron parlât de Caton. 516 A
nécessité de viures au camp de Iul. Cæsar en Afrique 509 D	Cæsar rauy de l'eloquence de Ciceron 606 A	vers d'Euripide sur l'honneur d'un chef d'armee 219 I	response ague & amphibologie, que de Ciceron 529 C
deux mauuaises rencontres à Iul. Cæsar en Afrique. 509 E F	harangue funebre de Cæsar par M. Antoine 634 G H	le chef d'armee gagne les victoires, & non les combatans 276 E	comparaison de Ciceron à Demosthenes 583 E F G
incroyable diligence de Iul. Cæsar 509 F	amitié de Cæsar enuers Brutus 688 A B	bonne response d'un chef d'armee 283 D	genealogie de Cicerô 592 I K
trois câps prins par Iul. Cæsar en bié peu d'heures. 509 F G	traits notables de Cæsar 688 B C	sage admis en vn chef d'armee 337 D	ethimologie de Ciceron 592 I K
discours sur l'amour ou la haine de Iul. Cæsar enuers Catô 509 H I K	les flatteurs de Cæsar causes de sa mort 688 F G	subtile ruse d'un chef d'armee 394 C D	braue trait de Ciceron 592 K
trois triomphes de Iul. Cæsar en vn temps. 510 A	coniuuration de la mort de Cæsar 689 A B C D E	response d'un vaillant chef contre les subornateurs. 410 K	naissance de Ciceron 593 A B
merueilleux festin de Iul. Cæsar 510 B	admirable constance des coniuereux contre Cæsar 690 B C	lebo chef de guerre doit aider à sa bonne fortune 471 G	illustre enfance de Ciceron 593 B C
quatrième consulat de Iul. Cæsar 510 C	sinistres accidens aux coniuereux contre Cæsar 690 C D E	quatre cës mil chefs quasi tous desfaits 500 A	Ciceron le meilleur poete de son temps 593 C D
Iul. Cæsar en Espagne contre les enfans de Pompee 510 D	mort de Cæsar 691 A B	felicité d'un bon chef 711 I	estude de Ciceron 593 D
victoire penible à Iul. Cæsar contre les Pôpeïens. 510 D	public honneur fait aux coniuereux contre Cæsar 691 I	Platon touchant le chef d'armee 720 D E	Ciceron homme de guerre 593 D
derniere bataille de Iul. Cæsar, pour sa propre vie 510 D	funerailles publiques de Cæsar 692 A B	bon exemple pour chefs de guerre 11 F	premiere cause plaidee & gagnée par Ciceron 593 E F
Iul. Cæsar triomphant des Pôpeïens, desplait aux Romains 510 E	tumulte contre les coniuereux de Cæsar 692 B	magnanimité de Chelonis femme de Cleombrotus 555 A B	indispositiô de Ciceron. 593 G
Iul. Cæsar eleu dictateur perpétuel 510 F	le ieune Cæsar fauorisé par Ciceron 692 F G	notable harangue de Chelonis à son pere Leonidas. 555 B C D	Cicerô à Athenes. 593 G H I K
	le camp de Cæsar surprins & desfait par Brutus 698 I K	le cheine, & quelques siennes proprietiez 147 G H	Ciceron estoit Academique 593 I
		le cheine dedié à Iupiter, &	Ciceron renforcé sa complèxion 593 I
			pourquoy Ciceron estude en rhetorique 593 K
			Ciceron declame en Grec à Rhodes 594 A
			Apollonius Grec admire Ciceron 594 A B
			oracle d'Apollo à Ciceron 594 B C

TABLE ALPHABETIQUE

Ciceron premier aduocat de son temps à Rome 594 D
Ciceron du comencement faillit en geste & en prononciation 594 CD
Ciceron pour bien orer imite les ioueurs de Comedies 594 D
comparaison Ciceroniane 594 E
Ciceron blasme d'estre ioyeux moqueur en ses plaidoiries 594 E
aduerture de Ciceron digne de rifee 594 F
Ciceron grandement desirieux de gloire, & d'estre loue. 594 H
grade & notable diligence de Ciceron mediocrement aise 594 I
Ciceron ne prend salaires ny present pour les plaidoiries 594 I
Ciceron plaide sans gain pour les Siciliens contre Verres 594 K. 595 AB
rencontres de Ciceron en la cause de Verres. 595 AB
liberalite de Ciceron envers le peuple Romain 595 C
Facultez & mode de viure de Ciceron 595 CD
Ciceron grandement courtoise des Romains 595 E
Ciceron preteur, c'est à dire, iuge ordinaire 595 E
Ciceron emporte le consular par dessus Catilina. 596 DE
considerations de Ciceron sur la punition des coniuere de Catilina 599 AB
bon presage à Ciceron touchant la conuuration de Catilina 599 BC
Ciceron appelle pere du pais 600 DE
Antonians de Ciceron furno- mees par luy Philippiques 600 G
mors agus de Ciceron 601 AB
CDEF GHIK
Ciceron maistrise par sa femme 602 I
Ciceron trompe du tribun Clodius 602 HI
Ciceron accuse d'iniustice. 602 I
Ciceron l'accoustre de deuil, & avec luy vingt mil nobles Romains 602 IK
grand trouble au senat pour l'amour de Ciceron 603 A
Ciceron done la statue de Minerue au Capitole 603 CD
Ciceron estant en exil volotaire est banny de Rome. 603 D
ingratitude de Vibius & Verginius envers Ciceron. 603 DE
presage notable du rappel de ban de Ciceron 603 F
Ciceron supporte impatiemment son exil 603 FG
Rome en grand trouble pour le rappel de ban de Ciceron 603 IK

Ciceron rappele en grand honneur & ioye. 603 K. 604 A
combien Ciceron fut en exil 604 A
Ciceron craintif en armes & plaidoiries 604 E
Ciceron eleu vn des prestres Augures de Rome 604 G
Ciceron gouverneur de la Sicile 604 G
bon ordre mis par Ciceron en Sicile 604 GHI
Ciceron nomme imperator. 604 I
lettre notable de Ciceron à Cecilius 604 K
Ciceron en la guerre ciuile ne se peut refoudre 605 BCD
contenement de Ciceron avec Pompee en la guerre ciuile 605 DE
notables traits de Ciceron au camp de Pompee 605 FGH
Ciceron se retire vers Cesar 605 IK
exercice de Ciceron durant la monarchie 606 BC
Ciceron traducteur de Grec en Latin 606 B
mots Grecs faits Latins par Ciceron 606 C
Cesar rauy de l'eloquence de Ciceron 606 A
facilite de versifier par Ciceron 606 C
Ciceron repudie Terentia, & pourquoy 606 E
Ciceron impatient en aduersite 606 GH
Ciceron innocent de la conuuration de Cesar 606 H
Ciceron & Antonius en pique pour leurs grâdeurs. 607 AB
songe notable de Ciceron touchant Octauian Auguste. 607 E
Ciceron fait pour Octauian ce qu'il peut 607 IK
Ciceron abuse par Octauian 608 AB
Ciceron proscrip 608 C
Ciceron s'enfuit 608 DEF
presage de la mort de Ciceron 608 GHK
mort violente de Ciceron. 608 K
louange de Ciceron 609 EE
style de Ciceron 609 FGH
Ciceron tres cupide d'honneur 609 HI
Ciceron dit que M. Antoine est cause de la guerre ciuile. 632 BC
Ciceron partisan d'Octauian contre M. Antoine 635 D
reolution du ciel en 365 iours 49 I
ordre de bataille des Cimbres 294 F
cruaute non pareille des Cimbres contre eux mesmes 295 AB
grâdetuerie de Cimbres. 295 C
Cimmeries, & leur habitation 288 FG

force extreme des Cimmeriens 288 H
Cimon trop plus riche que Pericles 107 C
liberalite de Cimon 107 C
Pericles fait bannir Cimon à temps 107 E
louanges de Cimon 107 F
Thucydide subroge à Cimon, pour resister à Pericles. 108 A
enfants de Cimon portent noms estrangers 114 H
sepulture des iumens de Cimon 236 C
comparaison entre Cimon & Lucullus 336 AB
genealogie de Cimon 336 C
disolue iunesse de Cimon. 336 D
iunesse de Cimon mal apprinse 336 E
Cimon fort suiet à l'amour 336 H
louanges de Cimon 336 I
Cimon est le premier qui fauorise la bonne opinion de Themistocles 336 K
Cimon beau personnage 337 A
Cimon almyral d'Athenes. 337 C
victoires de Cimon. 337 HI
honneur des Atheniens à Cimon 337 IK
Isle de Scyros conquise par Cimon 338 F
acte louable de Cimon par soy-mesme 338 K
grande liberalite de Cimon 339 BCD
vers de Cratinus en l'honneur de Cimon 339 E
Critias en l'honneur de Cimon 339 F
comparaison de Cimon aux autres liberaux Grecs 339 FG
briue louange de Cimon 339 GHI
histoires de la non-avarice de Cimon 339 IK
grand fait de guerre de Cimon 340 CD
Cimon victorieux de trois batailles en vn iour 340 GHK
edifices par Cimon en Athenes 341 CD
Cimon accuse de concution en Athenes 341 FGH
vers d'Eupolis contre Cimon 341 K
Cimon fauorisant les Laeedoniens 342 ABCD
Cimon passant en armes par Corinthe 342 HI
Cimon mal voulu pour le secours des Atheniens, reuoye par les Spartiates 342 K
Cimon banny par l'Ostracisme 343 A
bonte de Cimon durant son bannissement 343 AB
Cimon reuoye de son bannissement 343 D
bon aduis de Cimon 343 E
estrage visio de Cimon. 343 FE

implacable sacrifice de Cimon 343 GH
mort de Cimon 343 K. 344 A
ordre de Cimon en son armee auant la mort 344 A
sepulture de Cimon 344 CD
mort de Cimon estant la Grece en la vigueur 365 HI
obseruation de Cineas en Rome 277 BC
Cinna tue pour l'amour de Pompeius 435 BC
Cinna amy de Iul. Cesar porte peine de mort pour autrui 514 G
poete Cinna 692 BC
Romanus fils d'Vlysses & de Circe 12 K
Circos, & que c'est 175 A
Athenes & Rome sont les deux plus nobles citez du monde. 16
Claria, que c'est à dire en Grec 554 CD
Claudius Marcellus tua le roy Britomartus Gaulois 19 C
Claudius, boiteux 150 H
notable faute de Clearchus 661 BCD
Clearchus a grand plaisir à se peigner 664 E
anneau du cachet de Clearchus 664 EF
repudiation pour falsification de clefs 22 C
temple de clemence basti pour l'amour de Iul. Cesar 510 H
Cleobis & Biton freres plus heureux Cresus 65 A
Cleobrotus roy de Sparte. 553 I
Cleombrotus en exil 555 EF
Cleomedes Astypalgien 24 G
Cleomenes fils de Leonidas 556 G
amour & clemence de Cleomenes envers sa femme. 556 G
comparaison de Cleomenes à Agis 556 HI
consideration royale de Cleomenes à son nouuel aduenement 557 B DE
lettres & respôses de Cleomenes & Aratus lvn & l'autre. 557 F
trait notable de Democrite à la louange de Cleomenes 557 G
menace de Cleomenes alencontre des Ephores 557 K
Cleomenes quasi desconfit par Aratus 558 BC
refoursse de Cleomenes quasi desconfit contre Aratus. 558 C
victoire de Cleomenes contre les Acheiens 558 C
Cleomenes desire reestabli les loix de Lycurgus 558 DE
subtilite de Cleomenes pour paruenir à ses desins. 558 FGH
Cleomenes red raiso du meurtre des Ephores 559 ABCD
harangue notable de Cleomenes à ses citoyens. 559 BCD
Cleomenes ne veut regner seul 559 H
Cleomenes

Cleomenes miroir de tempe-
rance 560 A
table de Cleomenes. 560 B C D
victoire de Cleomenes sur les
Acheïens 560 F G
articles de paix entre Cleome-
nes & les Acheïens 560 H
Cleomenes trompé par Ararus
561 DE
grands exploits de guerre de
Cleomenes 561 F
prinse d'Argos par Cleomenes
561 G H
articles de paix presentez par
Cleomenes à Ararus 562 B
rebellion des Argiens contre
Cleomenes 562 E
Cleomenes promptemēt fauo-
risé & defaorisé de fortune
562 H I
grand courage de la mere de
Cleomenes 563 A B C
afranchissement des esclaves
par Cleomenes 563 D
grâde entreprinse de Cleome-
nes 563 DE
pourparlé notable entre Cleo-
menes & Lysádridas. 563 H I
brauade de Cleomenes contre
Antigonus 564 B C
stratageme de Cleomenes
564 D
Cleomenes se moque d'Anti-
gonus 564 E
louange de Cleomenes au fait
de la guerre 564 F
Cleomenes desconfit par Anti-
gonus 564 K
Cleomenes trahy par Demore-
les 565 A
Cleomenes s'esuit hors du Pe-
loponnese 565 DE
Cleomenes en Egypte. 566 B C
pésion du roy d'Egypte à Cleo-
menes 566 C
Cleomenes craint & hay en E-
gypte, & pourquoy 566 F
non permis à Cleomenes se ré-
tirer d'Egypte 566 G H I
Cleomenes trahy par Nicago-
ras 567 A B
superbe entreprinse de Cleo-
menes & ses cōpagnons 567
DEFGHIK
furieuse mort de Cleomenes &
ses compagnons 567 IK
cōbiē regna Cleomenes. 568 A
cliēs, c'est à dire, receus en fau-
negarde 17 F
priuilege de patrōs & de leurs
cliēs 17 G
Sous roy de Sparte deceut les
Clitoriens 27 IK
insolence de Clitus 483 HIK
histoire sur la mort de Clitus
483 EFGHIK. 484 ABC
mort de Clitus par la main de
Alexandre le grand. 484 B C
mauuais presage contre Clitus
483 F
la table des temps par Clodius
41 H

Clelia fille Romaine louee de sa
hardiesse 73 I
Clodius desguisé en femme en
la maison de Iul. Cēsar 495
FGH. Clodius accusé de
lese maiesté diuine 495 H
Clodius incestueux de la pro-
presœur 495 H
Clodius tribun du peuple con-
tre les loix 538 A B
Clodius tribun du peuple enne-
my mortel de Cicerō. 451 A D
Clodius tribun se bande contre
Pompee 451 A B
insolence de Clodius contre
Pompee 451 B C
insolēce de Clodius tribun cō-
tre Ciceron 602 K
extreme rigueur de Clodius
enuers Ciceron 603 D H I
Clodius tué par Milo. 604 C D
facilité comique de Clodius
Cēsar 723 C
Clodones & Mimallones, &
que c'est à dire 464 I
Cleon corrupteur des bonnes
loix d'Athenes 370 H
proesse de Cleonym^e. 423 B C
en quelle sorte Cleopatra aila
voir Iul. Cēsar 508 E
magnifique magnificence de
Cleopatra allant vers M. An-
toine. 638 ABCD
louange de Cleopatra 638 F
lettres d'amour de Cleopatra
escrites en crystal ou alaba-
stre 649 A B
iusolence de Cleopatra enuers
les meilleurs amis de M. An-
toine 649 C DE
la fuite de Cleopatra est cause
de la victoire d'Octauius
651 EFG
grande entreprinse de Cleopa-
tra 652 F
sompueux monumēs faits par
Cleopatra 654 A B
Cleopatra prinse viue. 655 DE
Cleopatra desiré mourir apres
M. Antoine 656 A B C
piteux estat de Cleopatra. 656 C
courage de Cleopatra. 656 DE
oraïson funebre de Cleopatra
au tombeau de M. Antoine
656 G H
mort de Cleopatra 657 A B C
Cocles, & que c'est à dire. 72 H
proesse de Cocles reconnue en
biens & honneurs 72 K
colax signifie flateur 130 I
Collatinus & Brutus premiers
consuls à Rome 67 F
Collatinus pourquoy preferé à
Publicola au cōsulat premier
67 F
Brutus inflexible accuse Colla-
tinus de fauoriser à Tarquin
67 K
Collatinus se depose volonta-
irement du consular 69 D
Fidenes faire colonie Romaine
22 H

merueilles de colōnes de pier-
re 79 I
Acron tué par Romulus en cō-
bat singulier 18 I
cōparaison de l'honneur du vi-
uant à celuy qui cōbat 65 C
stratageme pour attirer l'ēne-
my au combat 169 E
Megariens con. baroyér la pre-
scription du temps 3 H
l'homme vaillant doit comba-
tre les bestes cruelles 3 G
pourquoy les hommes de bon
sens doyēt combattre. 486 G
différence entre Comedie &
Tragedie 620 B
entreprinse de Cominius pour
entrer au Capitole assiége 97
ABCD
le chemin de Cominius au Ca-
pitole descouuert par les Gau-
lois 97 E
Comitium 16 F
Comitiū, & sa significatiō 20 K
il ne faut iuger le cōmencemēt
par l'euenemēt de la fin. 397 H
comparaison gentille 49 F
cōparatiō en cōrrarieté. 104 C
comparaison 108 B
cōparaison ppre. 348 C. 366 G
bonne comparaison 430 K
cōceptiō malaisée à croire. 13 B
vœu du bastiment du temple de
Concorde 103 G
febue percee ou signe de con-
damnation 32 E
confrairie des mysteres 10 G
Castor & Pollux recūs en la
confrairie des mysteres. 11 F
Cōnidas gouuerneur de The-
seus, celebré en Arhenes pour
cette occasion 2 C
Consalia feste 18 G
conseil maleureux de Medee
contre Theseus 4 C
opinion de Lycurgus sur l'ere-
ctiō du lieu on lon doit tenir
conseil 29 I
l'auctorité du peuple Spartia-
te appelé au conseil 29 K
propos notable de conseil 274
DEFG
consequence notable 159 I
bonne consideration en ieunes
gens 3 B C
franchise de parler de Cōsidius
à Iul. Cēsar 497 B
cōspiration cōtre Theseus. 11 A
Publicola premier consul triō-
phant dedans Rome 70 C
ce qui se portoit deuāt vn con-
sul à Rome 70 E
Lucius Sextus premier consul
populaire 103 I
iniquité de consul pour plaire
à son bredache 241 F G
loy Romaine sur l'election de
Consul 496 D
Brutus & Collatinus premiers
Consuls à Rome 67 F
restrinction de magnificence
Consulaire 70 H I

ordonnance nouvelle sur le
Consular 103 H
opinion du Cōsulat contre les
seditieux 151 A
indigné du Cōsulat Romain
579 F G
le dieu Consus 17 IK
conte plaisant d'un sacristain,
qui ioua aux cēz contre son
dieu Hercules, & sous quelle
paction 14 A
le bien est cogneu par son con-
traire 28 I
deux contraires peuent estre
bons en guerre 209 D
Ephores, c'est à dire, contrerol-
leurs erigez au senar de Spar-
te 30 B
contrerolleurs en Rome sur le
labourage des terres 49 DE
130000 chefs contribuans, sans
les vesues & les orphelins
exemptis 71 D
forme de receuoir ou reietter
quelcun au publique conui-
ue 32 DE
le profit que les Spartes & leurs
ensans tiroyēt de leurs com-
muns conuiues 32 C
d'ou procede la conuoiuise d'a-
uoir 242 C
Corax en Grec est vn corbeau
130 I
Corinthe & Carthage repeu-
plees par Iul. Cēsar 510 I K
description notable de Corin-
the 708 F G
Corinthe estoit les ceps & fers
de la Grece 708 G
bonré de Corinthiēs. 185 EFG
Corinthiens irritiez cōtre Ara-
tus 716 A
naturel de Coriolanus. 147 B C
trois vertus peculieres en Co-
riolanus 147 G
Coriolanus plus fort que nul
Romain 147 E
Coriolanus en la premiere ba-
taille obtient la couronne ci-
uique 147 GH
Coriolanus en toutes batailles
rapportoit tousiours hōneur
& pris 148 A
hardiesse & proesse merueilleu-
se de Coriolanus 149 CDE
tres louable regne de Coriola-
nus 149 H I, braue re-
spōse de Coriolanus 149 K
Coriolanus mesprise le biē tē-
porel, & ne cherche quel hon-
neur 150 B C
les enuieux de Coriolan^e vein-
cus d'honesteté 150 C
imposition du nom de Corio-
lanus 150 D
Coriolanus pretend au consu-
lar 151 E
brigue de Coriolan^e au cōsulat
aneantie 151 IK
Coriolanus trop choleric. 151 K
harague de Coriolan^e cōtre la
distribucion de bleds. 152 DE

TABLE ALPHABETIQUE

sedition populaire contre Coriolanus 152 H I K	que corrompue 29 B	far & Pompee 386 G H	Crassus 390 C
requisition des Tribuns contre Coriolanus 153 A B	friandes tables corrompent le corps & l'ame 31 D	Crassus obtient le triomphe d'ouation 385 H	magnanimité de Publius Crassus 392 A
intention des Tribuns contre Coriolanus 153 B C	si affliction du corps altere les forces de l'ame 118 A B	facheuse gratuite de Crassus 381 G	mort de Publius Crassus & autres Romains 392 B
fierté de Coriolanus 153 C	le corps est la premiere peste de l'ame 234 H	table modeste de Crassus 381 G	Marcus Crassus grandement troublé 392 D
condamnation de mort contre Coriolanus 153 D	diuersité d'opinion sur les corps romains du ciel 308 A B C D	eloquence de Crassus 381 H	grand cœur de Crassus. 392 F G
Coriolanus recouru par les Patriciens 153 E	dieu s'appaise par la correction des vices 22 I K	courtoisie de Crassus 381 I	harangue de Crassus aux soldats Romains 392 G
condamnation de la mort de Coriolanus retractée à réps. 153 G	Corynetes, porte massue 3 D	Crassus fuitif pour crainte de Marius 382 A B C	grand trouble au camp de Crassus 392 K. 393 A B C
charge inopinée contre Coriolanus 154 B C	discours cosmographique. 446 C	bonné notable de Viblius Espagnol enuers Crassus 382 B C D E F	ambition de Crassus cause de sa ruine 393 A
Coriolanus banny perpetuellement 154 C	Cornelius Cossus tua Tolumnius 19 C	Crassus se tint huit mois caché dans vne caverne 382 F	desordre en la retraite de Crassus 393 C D E
entreprinse estrange de Coriolanus 154 K	description de coste maritime 470 E	exploits de Crassus au sortir de son exil 382 G	fausse nouvelle sur la fuite de Crassus 393 F
harangue de Coriolanus à Tullus Volusque son ennemy. 155 A B C	gobelet Laconique nommé cothone 31 B	Crassus bien receu de Sylla 382 G	les trois ligues en Rome du temps de Crassus 383 F
Coriolanus capitaine general des Volusques 156 E	corille mesure de vin en Grece, est vn pot 97 K	jalousie d'honneur entre Crassus & Pompee 382 H I	imprudence de Crassus 393 H I K
course de Coriolanus tendant à deux fins 156 F	indiscretion du consul Cotta 348 A B	auarice de Crassus. 382 K. 383 A	Crassus forcé par ses soldats de faire leur volonté 394 E F
Coriolanus en campagne contre les Romains 156 I K	corylon, ou boutillon 635 K	Crassus detestoit en autrui le vice de soy mesme 383 A	derision des Parthes contre Crassus 395 B C
desir des Romains de raconter & rapeler Coriolanus 157 E	supplice notable de couarts 429 H	honneur diuersement acquis par Crassus & par Pompee 383 B C D	derniers mots de Crassus en l'honneur des Romains. 394 F G
ambassadeurs Romains vers Coriolanus 157 E	coulône quarree, par Theseus, au destroit du Peloponnese 8 H	ambition de Crassus non maligne 383 D E	trahison de Surena enuers Crassus 394 I K
gratuité de Coriolanus enuers les ambassadeurs Romains. 157 F	le courroux trouble le iugement 15 E	response pecuniaire de Crassus pour Cesar 383 E	mort de Crassus, & par qui 395 A
articles de paix proposez par Coriolanus 157 F G	courte dague nommée dolon par les Latins 571 I K	Crassus & Pompee consuls par force 387 A B	Crassus le plus riche Romain de son temps 495 K
cœur de guerre en Coriolanus. 157 I	Laurentia courtisane 14 A	Crassus oublie grandement pour son ambitieuse esperance. 387 C D	Crassus plege de Iul. Cesar 496 A
la mere de Coriolanus le va trouuer avec toutes les Romaines 159 C	Laurentia courtisane sur la fin de ses iours disparut alendroid de la sepulture d'Acca Lauretia femme de Faustulus. 14 C	execrables imprecations iettées contre Crassus 387 F G	iniquité de Crassus 396 E F
retraite des Volusques par Coriolanus. 159 K	Lyficles fait grand par vne courtisane 113 A	voyage de Crassus vers les Parthes 387 F G H	mauuais souspeçon contre Crassus 396 B C
conspiration de mort contre Coriolanus 160 G H	Phiralides recompensez de leur courtoisie 8 A	Crassus & le roy Deiotarus s'entrebrocardent 387 H	excessive despenfée vne fois faite par Crassus. 396 D
mort de Coriolanus 161 A	crainte opiniaistre d'un enfant en Lacedemone 35 G	louange de Crassus mesprisée 387 I	Crassus empeschoit l'ambition de Cesar & de Pompee. 452 K
honorable sepulture de Coriolanus. 161 A	crainte feminine 281 I	faute de Crassus 387 K	Crassus & Pompee consuls par force 540 D E
les dames Romaines portent le deuil de Coriolanus 161 B	proesse de Crassianus pour Cesar 459 D E	iniquité de Crassus 388 A	Craterus fort aimé des soldats, & pourquoy 411 A B
le saint Cormier dans Rome 21 C D	braue promesse de Crassinius à Iul. Cesar 507 C	prefage maleureux de Crassus 388 B	proesse de Craterus 411 H
maintien notable de Cornelia apres la mort de ses deux fils 581 B C	ambition de Crassus 385 B	braue ambassade des Parthes vers Crassus 388 C D	mort de Craterus 411 I
Cornelie femme de Pompee digne de louange 453 G H	Crassus consul. 385 I.	braue response de Crassus aux Parthes 388 C	Cratippus philosophe, & Pompee, disputent de la providence diuine 460 K. 461 A
tristesse de Cornelia en l'infortune de son mary Pompee 460 F G H I	acte magnifique de Crassus 385 I	braue trait de Vageses ambassadeur à Crassus 388 D	Creocopides, retrencheurs de debres 60 A
Cornelia s'accuse seule occasion du desastre de Pompee. 460 G	modeste ieunesse de Crassus. 380 I K	Crassus bouche l'oreille au bon conseil & aux diuinations 388 G	police Cretique 684 G
louage de Cornelia fille de Scipion 568 I K	Crassus accusé d'inceste. 380 K	secours d'Armenie refusé par Crassus 388 G H	la loy criptia, c'est à dire, secrette 39 G
statue de cuyure de Cornelia mere des Gracques 576 H	Crassus auaritieux 381 A	sinistres presages contre Crassus 388 I K. 389 A	Critias 31 B
Cornelius Cossus tua Tolumnius 19 C	discours des richesses de Crassus 381 B C D E	Crassus trompé par vn Arabe 389 C D E F	Critique, c'est à dire, iudiciaire 630 C D
deuination de Caius Cornelius 507 I K	grand nombre des esclaves de Crassus 381 C D E	Romains mal menez par Crassus 389 I K	Cleobis & Biton freres plusieurs que Cresus 65 A
l'autel Ceraton fait tout de cornes 7 B	bonne opinion de Crassus. 381 E	arrogance de Crassus 390 A	remonstrance de Solon à Cresus enuoyé de gloire pour ses biens temporels 65 B
comparaison d'un corps infecté de maladie à vnerepublic	opinion de Crassus touchant la richesse 381 F	ordre de bataille de Crassus 390 E F	profit de la remonstrance de Solon à Cresus 65 F
	obeissance de Crassus avec son excuse propre 386 A	incosideration de Crassus. 390 F G	magnificence de Cresus en l'endroit de Solon 64 G H I K
	Crassus censeur 386 A B	stratageme de Surena contre	mespris de Solon des biens de Cresus 64 I K
	Ciceron mal voulu de Crassus 386 C		Tellus
	Crassus chef contre Spartacus 384 F G		
	secrette mené de Crassus, Ce-		

Tellus bourgeois d'Athenes
pluseureux que Crefus. 64 I K
Laie Crommiene, autrement
Phza, c'est à dire, Bure 3 G
Cronius estoit le mois de Iuin
4 B
cruauté de Damastes surnom-
mé Procrustes 4 A
cruauté de pere enuers ses filles
13 C
cruauté d'oncle enuers ses pe-
tits neueus 13 G
cruauté contraint le poure à se
bander contre le riche. 58 H
les habitans de Fidene, Cruftu-
meriū, Antenne, desfaits par
les Romains, & leurs terres
departies 19 D
mefonges de l'historien Crefias
664 F G H
le procès de la couronne cōtre
Ctesiphon 590 C
nombre huit est le premier cu-
bique 12 F
les dieus ne fauorisent point les
lasches de cuer 170 A
le cuer doit estre plus sensible
que la langue 237 K
bonne response d'un cuisinier à
vn roy friand 32 F
naturel du cuyure 436 C
remonstrance contre les trop
cupides 303 F G
Cures ville de Numa 42 I
remonstrances norables de Cu-
rio, pour Cesar contre Pom-
pee 454 K
Curion applaudy par les Ro-
mains en faueur de Iul. Cesar
502 H
Curtius noble Sabin 20 A
Iacus Curtius 20 B
Phanomerides, c'est à dire, mō-
stre-cuisse 53 A
Cybernesia est la feste des pa-
trons de nauire, celebree en
l'honneur de Naufirheus & de
Phzas 5 H I
les meurtriers de Cylon tirez
subtilement de leur franchi-
se, & iusticiez 57 I K
Cyniques, c'est à dire, chiens
696 G
Cynofarges lieu dedie à Her-
cules 77 A
sacrifice en l'isle de Cypre en
l'honneur d'Ariadne 6 I
naturel du cyprez comparé à
vn grand langager 522 D
cyrbes, & que c'est 63 I
largesse de Cyrus enuers Ly-
fander 306 F G
inscriptio estant en la sepulture
de Cyrus 489 K
Cyrus, c'est à dire, Soleil. 659 A
Cyrus accusé de trahison en-
uers Artaxerxes 659 E F
Cyrus se bande contre son fre-
re 659 F G H
Cyrus dresse armee contre Ar-
toxerxes 660 C D E
lourdes fautes en l'armee de

Cyrus 661 A B
diuerfes opiniōs sur la mort de
Cyrus. 661 G H I K. 662 A B C
nouuelle de la mort de Cyrus
ioyeuse à Artaxerxes 662
F G H I
les dieus fauorisent aux Cyzi-
ceniens 349 C D E
D
Dadouchos, c'est à dire, porte-
torche 222 I
Damasimbrotos, & que c'est à
dire 415 G
cruauté de Damastes surnom-
mé Procrustes 4 A
Damon bāny d'Athenes pour
estre reputé trop sage 220 I
Damon surnommé Peripoltas
335 B
coniuuration de Damon contre
son amoureux 335 C
condamnation de mort contre
Damon 335 C D
secōd exploit de Damon. 335 D
Damon reuōqué à Cherancee
335 E
Damon meurtry en trahison
335 E
dance ou branle nomé la grue
inuenté par Theseus 7 A
dance armee 47 H I
malplaisant danceur 155 H
grande armee de Darius cōtre
Alexandre le grand 470 I
songe du roy Darius & son in-
terpretation 470 I K
Darius reiette le bon conseil
d'Amyntas 471 D E
opulence du roy Darius en son
camp 471 I K
Darius & sa femme beaux per-
sonnages 472 B C
complainte de Dari^s à la mort
de sa femme 475 I
grand pouoir de Darius 476 I
ialousie de Darius contre Ale-
xandre 476 A B
louable priere de Darius aux
dieus 476 C D
le roy Darius senfuit à vau de
route 477 G
Darius declaré roy par son pe-
re 667 H
laborieuse poursuite de Darius
par Alexandre 480 K
le roy Darius condāné à mort
668 K
Darius executé à mort. 669 A
Dadalus coulin germain de
Theseus 6 D
ieter le dé, mot de Cesar, est se
mettre à l'aduenture 455 G
Creocopides, retrencheurs de
debtes 60 A
Decabzon monnoye d'Arhe-
nes 8 G H
Decade prison de Sparte. 556 A
Chzac en Egyptien est le mois
de Decembre 17 A B
Decembre pour dixieme. 50 C
decimation 640 I
Rumilia deesse des alaitemens,

& quels sacrifices on luy fai-
soit 13 H
Carmenta deesse d'enfentemēt
masculin 21 F
Radamāthus iuge des defuncts
5 D
Minos roy a estably les loix des
defuncts 5 D
oblations propitiatoires pour
les defuncts 230 H I K
semōce aux defuncts de serrou-
uer au festin funeral 230 K
contre la deification des corps
humains 24 I K
opiniō de Pythagoras touchār
la deité 45 D
images de deité defendues par
Numa, & pourquoy 45 D E
delices destituees de leur nour-
rissement se fācent peu à peu
31 A
les delices efeminent les hom-
mes 561 H I
lieu de pris en Delos 7 B
Delphinium temple 4 D
oracle d'Apollo en Delphos
8 D
mespris de Demades Athenien
515 C D E
Demades infame en Athenes
523 B
mort precipitee de Demades
par Cassander 524 I K
bō naturel de Demades. 585 G
Demades meilleur orateur que
Demosthenes 585 H
Demadestouchār l'armee d'A-
lexandre apres sa mort. 720 F
ruse de Demagoras pilote. 346 C
importune requeste de Dema-
rate Laconien 87 D
Demarate piqué de folie 87 E
Tarquinius fils de Demaratus
premier triōphateur en cha-
riots 19 C
libre reprehension de Demara-
tus au roy Philippe 467 F
funerailles magnifiques faites à
Demaratus 485 H
Demetrius Phalerien de Ly-
cargus 37 K
Demetrius guerroyé de tous
costez 272 F G
Demetrius delaisé des Mace-
doniens 272 K
Demetrius fuit en poure estat
273 A
Demetrius serf afrāchy le plus
aimé de Pōpee. 447 I. 448 A
conte de Demetrius 447 K.
448 A
Demetri^s Peripateticiē. 548 G
Demetri^s poliorceres. 611 C D E
comparaison de Demetrius à
Antonius 611 D
genealogie de Demetrius 611
D E
merueilleuse beaute de Deme-
trius 611 E F
naturel de Demetrius. 611 F G
grande amitié de Demetrius à
Mirhridates 612 A B

Demetrius desfait par Prolo-
mee 612 D E
victoire de Demetrius contre
Ptolomee 612 G
Demetri^s s'acquie de graticu-
set enuers Ptolomee. 612 G
prosperité de Demetrius con-
tre les Nabarheiens. 612 H I
prise de Babylone par Deme-
trius sur Seleucus 612 I K
eur de Demetrius sur la prise
d'Athenes 613 C D E
Demetrius Poliorcetes sauue
Demetrius Phalerien 613 I
Demetrius en grand danger
613 G H
Megare prise par Demetrius
613 H I
Demetri^s fort lubrique. 615 D E
victoire de Demetrius contrē
Menelaüs 615 F
victoire en Cypre de Demetri^s
contrē Ptolomeus 615 H I
clemence de Demetrius apres
sa victoire 616 A
dissolution de Demetrius 616
I R
bō naturel de Demetrius. 617 B
Demetri^s adōné à choses grā-
des & royales 617 B C D E
appointment d'entre Deme-
trius & les Rhodiens. 618 B
prosperité de Demetrius en
Grece 618 B C D
Demetrius en Athenes logé au
temple de Minerue 618 C D
dissolutio de Demetrius au tē-
ple de Minerue 618 D E
Demetrius au Peloponnese
618 I K
Demetrius confrere des saints
mysteres d'Athenes. 619 C D E
Demetrius senfuit d'Ephese
620 K
Demetrius mal receu par rou-
te la Grece 621 C D
Demetrius refait son armee
621 D E
Demetrius fiance Ptolemeüs
621 H
liberalité de Demetrius aux A-
theniens 622 F
deux victoires de Demetrius
contre les Lacedemoniens
622 G
fortune plus diuersement va-
riable en Demetrius qu'en nul
autre 622 H I K
Demetrius fait mourir Alexā-
dre 623 D E
Demetrius eleu roy de Mace-
doine 623 F G
bonnes nouuelles à Demetrius
623 H
humanité de Demetrius en-
uers les Thebains 624 F
arrogante superfluité de De-
metrius 625 D E
Demetrius inaccessible aux
Macedoniens 625 F G
grād appareil de guerre de De-
metrius 626 A B C

TABLE ALPHABETIQUE

Demetrius est guerroyé par tout 626 DEF
 Demetrius abandonné de ses soldats s'enfuit pourment 626 GH. 628 GH
 Demetrius releue sa fortune 627 DE
 Demetrius épouse Ptolemeüs 627 F
 Demetrius en grande necessité de viures 627 GHIK
 Demetrius recourt à Seleucus 627 K
 Demetrius fait la guerre cōme desesperé 628 BCD
 Demetrius fort affoibly par maladie 628 DE
 stratageme de Demetrius 628 E
 Demetrius trahy 628 F
 Demetrius prest à se desfaire 628 K
 Demetrius se rend à Seleucus 628 K
 prompt mutation notable de Demetrius 629 ABCD
 Demetrius confiné par Seleucus 629 CDE
 mutation de vie de Demetrius 629 FGH
 notable discours de Demetrius sur l'estat des rois 629 GH
 mort de Demetrius 629 H
 pompe funebre de Demetrius 629 IK
 successeurs de Demetrius. 630 BC
 Demetrius Phalerien. 718 IK
 facerie de Demo. courtoisane surnommée Mania 619 K
 histoire de Democles 618 EF
 Democratie, que c'est 341 I
 Democratie 672 G
 fausse opinion de Democrite 163 B
 Damon, c'est à dire, bon ange 640 F
 temerité de Demosthenes. 377 AB
 desesperoir de Demosthenes 379 F
 Demosthenes parlant de Phocion 516 I
 genealogie de Demosthenes 583 FG
 bien paternel de Demosthenes 583 G
 Demosthenes mal entretenu de ieunesse 583 GH
 Demosthenes de petite complexion 583 H
 Demosthenes surnommé Bartalus, & pourquoy 583 H
 Demosthenes surnommé Argas, & pourquoy 583 I
 occasion de Demosthenes d'estudier en l'eloquence 584 A
 sous qui estudia Demosthenes 584 B
 Demosthenes dedaigné du commencement 584 EFG

naturel de Demosthenes en ses harangues. 585 ABCDEF
 Demosthenes remédie aux defauts qu'il auoit de nature 585 IK
 opinion de Demosthenes touchant l'accet & le geste. 586 A
 sentences agues de Demosthenes 585 C
 Philippiques de Demosthenes 586 F
 contre Theopompus escriuāt de Demosthenes 586 G
 Demosthenes ferme en son opinion 586 GHI
 vices de Demosthenes 587 A
 oraisons de Demosthenes. 587 BCDE
 la viue force de l'eloquence de Demosthenes 588 CD
 Demosthenes mesprise les oracles 588 H
 couardise de Demosthenes 588 H
 notable comparaison de Demosthenes 590 A
 Demosthenes corrompū par le present de Harpalus 590 F
 Demosthenes corrompū de corruption 590 HIK
 Demosthenes s'enfuit en exil 590 IK
 bonté des ennemis de Demosthenes 590 K
 notable mort de Demosthenes sortant en exil 590 K
 acclamation de Demosthenes à Minerue 591 A
 Demosthenes retorque brauement la comparaison de Pytheas 591 CD
 Demosthenes rappelé d'exil 591 DE
 grad honneur fait à Demosthenes à son rappel d'exil. 591 DE
 Atheniens fraudēt leur loy pour Demosthenes 591 EF
 Demosthenes derechef fuitif d'Athenes 591 FG
 Demosthenes en franchise au temple de Neptune 591 H
 songe de Demosthenes. 591 HI
 notable propos de Demosthenes à Archias 591 IK
 Demosthenes s'empoisonne soy mesme 592 AB
 diuerses opinions sur la mort de Demosthenes. 592 BCD
 honneur fait à Demosthenes apres sa mort, par les Atheniens 592 DE
 louage de Demosthenes. 609 D
 style de Demosthenes 609 F
 apotheres, c'est à dire, depoitaires 34 F
 Dercyllidas vaillāt capitaine, mesprisé d'un ieune homme, pour ne s'estre point marié 33 GH
 en un defastre tous flechissent 135 DE
 braue desconfiture 198 AB

contre ceux qui se descōfortēt miserablement 56 DE
 desesperoir barbaresque 337 I
 desesperé honeste de vile acquisition 396 D
 les victoires anciennement se cognoissoyēt par la despouille des veincus 3 D
 vers de Pindare sur la destinee 218 B
 quelquefois un dessein retourner à contre-poil 116 AB
 enseignement bon pour detracteurs 105 H
 Deucalion fils de Minos 6 D
 office de deuin 106 A
 Dexithea fille de Phorbās. 13 A
 Diadematus, bandé 150 F
 Diagoras grandement honoré esieus Olympiques 205 E
 Diane Orthia, & son temple. 10 H
 Diane Aristobule, c'est à dire, de tresbon conseil 84 K
 Diane surnommée Anitis & Ecbarane 668 B
 diatagmata en Grec, c'est à dire, edicts 216 D
 restriction au Dictateur. 120 A
 pouoir de Dictateur 122 E
 deux Dictateurs ensēble. 122 G
 le dieu Confus 17 IK
 dieu s'appaise par la correction des vices 22 IK
 Romulus adoré pour dieu sous ce nom, Quirinus 24 FG
 ne faut craindre dieu d'une frayeuse perdue 105 I
 chose impossible à dieu 160 E
 aduertissement contre les mespriseurs de dieu 491 HI
 le vouloir de dieu est ineuitable 701 A
 Theseus né hors mariage, & estimé sorty de la race des dieus 1 F
 Romulus né hors mariage, & estimé sorty de la race des dieus 1 F
 le peché impuny par les hommes est puny par les dieus 22 I
 les hommes par vertu deuient dieus 25 A
 Lycurgus aimé des dieus, & plus tost dieu que homme. 29 C
 amour des dieus enuers les hommes 43 D
 consequence sur l'amour des dieus 43 F
 pourquoy les dieus ont aimé les poētes 43 G
 la terreur des dieus dressel'homme en son deuoir 80 DE
 mespris des dieus par les Romains 94 BD
 dieus auteurs de tous biens, & cause nuls maux 118 E
 dieus innez 197 I
 opinions diuerses sur sacrifices, & sur la clemence ou inclemence des dieus 199 GHI
 preuoyance des dieus en l'incertitude des hommes. 199 K

les Dieus ne fauorisēt point les lasches de cuer 170 A
 exemple propre à tous homes eleuez en dignité 23 G
 Diocles Peparethiē, historica 13 E
 demāde de Diogenes à Alexandre le grand 468 K
 cōparaison de Dion avec Brutus 669 HI
 Dion 670 C
 bon naturel de Dion 670 CD
 Dion instruit par Platon 670 DE
 franchise de parler de Dion 671 A
 bonté de Dion prinse en mauuaise part 671 ABCDE
 Dion calomnié pour ses vertus 671 DE
 calomnies contre Dion. 672 K
 lettres de Dion aux Carthaginois, baillees à Dionysius 673 AB
 Dion trahy, & mené par force en Grece 673 BC
 grad dueil en Syracuse pour la perte de Dion 673 C
 grands biens de Dion 673 D
 meurs de Dion adoucies par frequetation ioyeuse 673 H
 honeste liberalité de Dion en Athenes. 673 HI
 honeste conuersation de Dion 673 I
 Dion fait bourgeois de Sparte 673 K
 preparatif de Dion, pour mener guerre au tyran Dionysius 675 DE
 sacrifice & festin de Dion 675 GH
 pouruoyance d'armes & viures de Dion 676 B
 Dion en grande tourmente de mer 676 CD
 abord de Dion à Minoa en Sicile 676 E
 bon commencement de fortune à Dion 676 F
 bon cuer es soldats de Dion 676 G
 renfort du camp de Dion 676 G
 grades troupes de Siciliēs viennent au secours de Dion 676 K
 ruse de Dion 677 A
 sacrifice de Dion promettant victoire 677 AB
 cap de Dion augmēté des quatre parts 677 B
 entree de Dion en Syracuse 677 CDE
 proesse & bon ordre de Dion 678 ABC
 victoire de Dion contre Dionysius 678 CD
 Dion en grands troubles 679 AB
 Dion inflexible 680 AB
 essay

essay de subornatiō des soldats de Dion 680 F	Dion & sa femme 674 K	annulation des loix de Dracon trop seueres 60 F	Empnissai, que c'est à dire 657 C
Dion se retire avec ses soldats hors Syracuse 680 F G	presages mauuais à Dionysius 675 K	loix de Dracon escrites de sang 60 F	punition Persienne contre les empoisonneurs 655 C
bonté de Dion enuers les Syracusains 680 G	Dionysius absent de Sicile à l'arriuee de Dion 676 F G	Drusus tribun bandé contre Gaius Gracchus 578 A B C D E F G H I K	Endymion Arcadien 43 C
Dion bien receu des Leontins 680 I	estrange aduenturé au messager, allant vers Dionysius 676 H I K	dueil funebre en Sparte 39 D	ene cai néa, c'est à dire, vieille & nouvelle lune 63 K
ambassadeurs de Syracuse vers Dion 681 D E	trahisō de Dionysius. 677 H I K	diuersité de dueil mortuaire par Numia 47 A	enfance trompeuse 118 K. 119 A
notable harāgue de Dion à ses soldats 681 G H	Dionysius s'enfuit en Italie 680 B	descriptiō de la cōtrée de Duras en Albanie 328 D E	enfance bien entretenue par vn pere non riche 165 A
Dion seul recours des Syracusains 682 C D E	infortune de Dionysius. 182 C D	moyen de recouurer eau douce en vn camp 167 G	Pelopsroy de Pelopōnese grādement riche en enfans 1 H
victoire de Dion contre Nymphius 682 G H	nonchaloir du tyrā Dionysius. 182 E	estrange nature d'eau froide 392 D	repudiatiō pour empoisonnement d'enfans 22 C
bonté de Dion enuers les mutins 682 H I K	diuerses opiniōs sur la nōchalance de Dionysius 182 F	discours sur les eaus qui sont en la terre 167 H I K	bonne nourriture es enfans est la plus excellente œuure d'un legislateur 33 B
notable propos de Diō 682 K	comparaison de Dionysius 182 G H	eclipse de Lune le iour de la fondation de Rome 16 I	enfants communs en Sparte 34 A B C
notable remonstrāce de Dion 683 A B	bonnes respōses de Dionysius 182 H I K	interpretation d'eclipse 675 I	enfants nouveaux nez en Sparte estoient visitez de sātē, ou de maladie, & ce qui s'en faisoit 34 F
bōté de Dion enuers Heraclides 683 C	dipnophore, porte-souper 7 I	Ecprepes ephore, & ce qu'il fir 553 F	lauement d'enfans nouveaux nez en Sparte, pour cognoistre s'ils estoient bien ou mal complexionnez 34 G
route de Dion 683 F	il vaut mieulx estre vn peu lent, & bien dire 133 G	troures gens gagnēt en la facon des braues edifices. 108 H I K	grande nourriture aux enfans les garde de croistre 35 E
paix iuree entre Dion & Heraclides 683 H	disparition de Romulus 23 K. 24 A B C D E F	effects contraires en mesme suiet 301 I	limitation sur la loy de vendre les enfans 49 G H
le chasteau de Syracuse rendu à Dion 683 I	disparition du corps d'Alcmeene en la portāt enterre 24 I	prouerbe de Solon: egalitē ne engendre point de debar 58 K	commoditē d'auoir enfans entre les Romains 52 I
notable rencōtre de Diō avec les dames de Syracuse 684 A B	dispute philosophique sur la galiote de Theseus 7 G	engendrer point de debar 58 K	enfants doyuent estre bien moriginez 53 G H I
la magnanimitē de Dion surpasse sa puissance 684 C D	Hesiodē estimē pour ses dits moraux & sententieux 1 I	Egerie deesse 43 B C	teindre en laine les mœurs des enfans 53 I
les yeux de tous fichez sur Dion 684 D	opinion de Numa touchant le seruice diuin 48 B C	insolence en Egypte 566 D E	quel sacrifice doyuent les enfans aux amēs de leurs peres. 240 F
Dion ne regarde que l'Academie 684 D	les Romains anciennemēt obseruoyēt le vol des vantageurs en leurs diuinations 16 B	Chēac, en Egyptiē, est le mois de Decembre 17 A B	enseignes du pere pour recognoistre son enfant 2 A
austeritē de Dion 684 E	l'essence diuine ne se delecte en compagnie charnelle 43 D	Thorh, en Egyptiē, est le mois de Septembre 17 B	l'enfant nouveau né posé en la chaire royale par Lycurgus 28 D
apparition de fantasme à Dion 685 B C	enquoy l'essence diuine precede les autres essences. 223 B C	Pharmuthi, en Egyptien, est le mois d'Auril 17 B	l'enfant dont la mere se purge mensalemēt, est plus pur que les autres 35 F G
le fils de Dion se tue 685 C	la diuinitē aime la frequēntation des hōmes de bien. 43 C	roues Egyptiennes & leur signification 48 F	crainte opiniastre d'un enfant en Lacedemone 35 G
grand courage de Dion. 685 D	diuision reünissant les diuisiōs 49 G	opinion contraire à celle des Egyptiens 43 D	Carmentē deesse d'enfantemēt masculin 21 F
mort de Dion 685 F G H	courte-dague nommee dolon par les Latins 571 I K	contre l'opinion de l'anciēntē des Egyptiens 49 K	enfantemēs mōstrueux en Rome 74 C D
la vesue de Dion en geline 685 H	Dolopiens grands coursaire 338 D	Elarus premier ephore de Sparte 30 B	l'histoire du voyage de Theseus & de Pirithous aux enfers 101 K
vengeance de Dion 685 I K	Domitian excessif en bastimēs 72 E	ele-leuf, iou iou, & que c'est à dire 7 D E	Theseus deliuré des enfers par Hercules 11 I
Dionysius espouse deux femmes en vn iour 670 A B	cōparaison de Domitian à Midas 72 F	elephants bons en bataille contre gens de cheual 276 C	anecas, anecarthen, c'est à dire, en haut 11 G
Dionysius fait vendre Platon en l'isle d'Eginete 670 F G	Domitius craignant Iul. Cesar se pēse empoisonner. 504 B C	grande cognoissance & bontē d'elephant 284 C	bonne cōsideration contre son ennemy 67 K
estrange desiance & crainte de Dionysius le tyrā. 671 G H I	discipline Dorique 561 B	merueilleuse prudēce naturelle en vn elephant 487 D	rusē pour chasser vn ennemy fort 224 I
inductiō de Diō au ieune Dionysius de s'addonner aux lettres 671 K	le propre des villes Doriques 704 F	Elepolis, que c'est à dire 617 E	ne faire souuent la guerre contre mesmes ennemis 32 K. 33 A
Dionysius tyranniquement amoureux de Platon 673 E F	Dofon, c'est à dire, qui donnera 165 E F	Elepolis, engin à prendre villes 619 G H	souhait d'un roy cōtre ses ennemis 86 K
Dionysius enuoye à Diō le reuenu de ses biens 673 G	femmes mariees sans douaire 61 I	difference entre eloquence & parole 134 B	veindre ses ennemis par presents 112 K
Dionysius retient le reuenu de Dion, pour crainte qu'il a de luy 674 A	vser de trop de douceur par vn roy à son peuple, n'est pas bō 27 K. 28 A	eloquence estoit le but ordinaire de ieune Romains 235 E	
Dionysius tresdesireux d'auoir Platon 674 A B C	le doux appellē menoices par Homere, & que c'est à dire 515 G	force d'eloquence 302 F G	
seurs liberalitez de Dionysius 674 D E	drachme Attique, & sa valeur 63 A	contre les curieux d'eloquence 367 F	
Dionysius nē veut point ouir parler de Dion 674 E	drachme en Grec signifie potence 310 E	Romus fils d'Emathion 12 K	
Dionysius vend les biens de Dion, & en prend les deniers 674 G		Empedocles touchāt les elemēs 612 C	
iniquitē de Dionysius enuers		genealogie des premieres empe-reurs Romains 657 F G	

TABLE ALPHABETIQUE

on doit conuertir les querelles
des compatriotes contre les
ennemis 122 K
moyen de scauoir l'estat & or-
dre de ses ennemis 239 H I
merueilleuse inuention pour se
faire aimer de ses ennemis
425 I K
différence entre le sens extérieur
& l'entendement 104 B
l'entendement est libre au bien
ou au mal 104 B
les effets de la vertu sont l'ob-
iect de l'entendement 104 B
cerimonie d'enterremens en
Sparte 39 C D
forme d'enterremens contrai-
re 57 G
loy sur la cerimonie des enter-
remens 62 E
permission d'éterrer les morts
à l'issue d'une bataille 10 C
entreprinse braue quasi rom-
pue, auant que commencee
194 G H I
braue executiō de braue entre-
treprinse 195 K. 196 A B C
entregne en Rome aupara-
uant l'electiō de Numa Pom-
pilius 42 F G
prosperité engendre enuie &
haine 6 A B
bonne enuie d'un cuer magna-
nime 256 C
enuie est tousiours calomnieu-
se 157 H
naturel des enuieux 201 B
poureté d'Epaminondas 129 E
Epaminondas donna grāde ioye
à ses pere & mere 148 B
Pelopidas riche prēd exemple
de vie sur Epaminondas po-
ure 192 K. 193 A
proesse d'Epaminondas au se-
cours de Pelopidas 193 E F
Epaminondas prompt en exe-
cution de guerre 201 K
le seul bruit d'Epaminondas fait
doubles effets 202 H I
Epaminondas homme excellēt
428 H
exploits de guerre d'Epaminō-
das au Peloponnese 430
A B C D E
mort d'Ephestion insupportable
à Alexandre le grand. 490 I K
le sacrifice des funerailles d'E-
phestion 491 A
grande despēse es obseques d'E-
phestion 491 A B
Ephetes iuges criminels d'A-
thenes 61 D
Ephialtes orateur redouté des
nobles 107 K
Elarus premier ephore de
Sparte 30 B
ephores, c'est à dire, contrerol-
leurs erigez au senat de Spar-
te 30 B
ephores & senateurs en Sparte
419 F
acte notable d'ephores contre

les rois de Sparte 553 H
pourquoy les ephores furēt in-
stituez en Sparte 553 K
mort violente des ephores
553 G H
premiere institution des epho-
res 559 H
Epicure philosophe 622 E
opinions d'Epicurus 277 F
conte notable de la fille d'Épi-
gethes 713 E F
Epimenides appelé à la purga-
tion d'Athenes 58 B C D
pphetie d'Epimenides 58 D E
loy maleureuse d'Epitadeus e-
phore 551 K
epitaphie notable 230 E
Venus Epitragia, c'est à dire,
du bouc 5 K
Epizephyriens, c'est à dire, Oc-
cidentaux 217 I
Erasistratus medecin cognoit
l'amour d'Antiochus. 624 A
sage aduis d'Erasistrat⁹. 624 B C
similitude du casseron à vn E-
retrien 81 C
ergades, c'est à dire, artisans
63 B C
escarmouche grandement dō-
mageable aux Perses 226 K.
227 A B
Eschines blasme de blâmer
Demosthenes 589 D
cruauté contre vn esclau
155 F G
ancienne punition des esclaves
en Rome 155 G
noise entre les esclaves profite à
son maistre 243 I
que faisoient les esclaves le iour
de leur liberté 264 F
trahison d'un maistre d'escole
enuers ses escoliers 92 A B C
punitiō du traistre maistre d'e-
scole 92 C D
Pataecus disoit auoir l'ame d'E-
sope 56 B
effort d'un vaillant soldat pour
recouurer son espee tombee
170 H I
espions dignes de grands salai-
res & louanges 398 G
opinion de Plutarque sur le re-
tour des esprits 337 F G
conditions des durs esprits
527 H I
touchant les apparitions d'e-
sprits 669 I K
office de prince, pour la cōser-
uation de son estat 26 C
Metœcia feste & sacrifice des
estrangers dans Athenes 8 C
estrangers chassiez de Sparte
39 E
inconueniēts qu'amenent estrā-
gers en ville bien policee
39 F
Euan, chant de ioye 215 A
Euander en Italie 17 D
Nicostrate femme d'Euander
21 F
extreme diligence d'Euchidas

230 D E
Euchia, c'est à dire, bonne renō-
mee 230 E
Eudemon, eurenx 150 F
Euergetes, c'est à dire, bienfai-
teur 150 F
Eumenides, c'est à dire, furies
9 G
genealogie d'Eumenes 409 A
dexterité d'Eumenes 409 A B
Eumenes aimé de Philippe de
Macedoine 409 B
brief discours de la vie d'Eu-
menes 409 B C D E
Eumenes chancelier d'Alexan-
dre 409 B
auācemēt d'Eumenes. 409 B C
Eumenes grandement honoré
par Alexandre 409 C
causes de haine d'Alexandre
alencontre d'Eumenes 409
D E F
ingratitude d'Eumenes enuers
Alexandre le grād 409 E F G
sagesse d'Eumenes 409 H I
le partage d'Eumenes apres la
mort d'Alexandre 409 K
Eumenes delaisé gouuerneur
d'Armenie par Perdiccas
410 D E
ruse d'Eumenes contre l'auda-
ce d'une infanterie 410 E F
Eumenes capitaine general cō-
tre Antipater 410 G H
victoire d'Eumenes par sa pre-
uoyance contre Neoptole-
mus 410 H I
offre d'Antipater à Eumenes
410 I K
vigilance d'Eumenes 411 C
songe d'Eumenes en bon presage
411 D E
bon ordre de bataille par Eu-
menes 411 F G
proesse d'Eumenes 411 I K
mort de Neoptolemus par Eu-
menes 412 A B
deux notables batailles gagne-
es par Eumenes 412 C
Eumenes cōdamné à mort par
enuie 412 D
inueniō d'Eumenes pour sa-
tisfaire à sa promesse 412 F
grādeur d'Eumenes par la tra-
hisiō de ses ennemis 412 G H
braue iustice faite par Eumenes
412 H I
brauē & notable retraite d'Eu-
menes estat descōfir. 412 I K
bonne preuoyāce d'Eumenes
412 K
sage aduis d'Eumenes. 413 A B C
la sagesse d'Eumenes le fait ai-
mer de ses ennemis 413 C
Antigonus cognoit la preuoy-
ance d'Eumenes 413 D
grād cuer d'Eumenes. 413 F G
estroite vie d'Eumenes assiegé
413 H I
naturel d'Eumenes 413 I
Antigonus cherche paix avec
Eumenēs 414 C

grāde sagesse d'Eumenes, sur les
articles de paix 414 C D
Eumenes de faisiégé 414 D E
preuoyance d'Eumenes contre
la trahison d'Antigonus
414 E
la roine Olympie enuoye que-
rir Eumenes à secours. 414 E F
Eumenes fait chef d'Armee cō-
tre Antigonus 414 F
sagesse d'Eumenes enuers deux
fols capitaines 414 G H
dissolution au camp d'Eume-
nes 414 I K
subtile ruse d'Eumenes cōtre les
chefs de son armee 415 A
Eumenes sauue sa vie au cōtrai-
re des autres 415 A
Eumenes recogneu pour chef
en temps de necessité 415
B C D E F
victoire d'Eumenes cōtre An-
tigonus 415 B C
vieilles bandes d'Alexandre es-
mains d'Eumenes 416 E
Eumenes trahy par les siens
416 I K
harāgue d'Eumenes prisonnier
à ses vieilles bandes 417
A B C
Eumenes liuré entre les mains
d'Antigonus 417 D E
espece de bonté d'Antigonus
enuers Eumenes 417 E
gloire d'Eumenes par sa propre
bouche 417 F G
mort d'Eumenes 417 G
mort ignominieuse des trai-
stres d'Eumenes 417 H
Euripide touchant Minotaure
5 A
foudre du ciel sur le tombeau
d'Euripide pres Arethuse. 41 E
vers d'Euripide 484 I
sentence d'Euripides non vni-
uerselle 130 H
bon cōseil d'Euripides pour les
gouuerneurs 317 H
poēsie d'Euripides aimée des
Siciliens 380 E
Euripides sur le violement du
droit 397 G
Eurotas fleuve celebré en La-
conie 32 F
Eurotas riuere de Lacedemo-
ne 430 C
pusillanimité d'Eurybiades
79 E
Eurycles Lacedemonien. 651 H
Eurytionides d'Eurytion fils de
Soüs 27 K
Eurychus, c'est à dire, bien for-
tuné 651 A
Excestides pere de Solon. 54 C
ele-leuf, iou iou, exclamations,
& que c'est à dire 7 D E
excomuniez en Athenes 58 A
iugement cōtre les excommu-
niez d'Athenes 58 B
excuse pour meurtriers 22 F
bon exēple pour chefs de guer-
re 11 F
exemple

exemple propre à tous homes
eleuez en dignité 23 G
exercice vigoureux és filles de
Sparte 33 CDE
comparaison d'un exercice à
vn corps humain 192 C
experience assure l'homme
79 G
l'experience considere & pre-
uoit le peril 169 A
deux braues exploits executez
en diuers lieux nomez freres
196 GH

F

genealogie des Fabiens. 118 HI
Fabius bouclier Romain. 209 E
Fabius Pictor, historien 13 E
Fabius historien 17 G
sentence de Fabius 214 F
surnoms de Fabius Maximus
118 K
enfance de Fabius 118 K
Fabius inflexible 119 C
Fabius eleu Dictateur de Rome
119 I K
Fabius maintient la grâdeur de
son estat de Dictateur. 120 A B
dilation de combatre par Fabius;
& pourquoy 120 EF
ruse de Fabius cognue par Hā-
nibal seulement 120 F G
harangue de Fabius Dictateur
aux Romains 120 B
vœu de Fabius pour impetier
victoire contre Hannibal
120 C D
petit discours sur le vœu de Fa-
bius 120 D
Fabius mesprisé pour sa dilatiō
120 H I
Fabius pedagogue de Hānibal,
par derision 120 I
mors de derision contre Fabius
120 I
response de Fabius, touchāt l'e-
stat d'un general d'armee. 120
K. 121 A
Hannibal surprins par Fabius
121 B C
stratageme de Hannibal cōtre
Fabius 121 DEFG
desastre de Fabius 121 GH
ruse de Hannibal pour mettre
Fabius en souspeçon aux Ro-
mains 121 HI
Romains mal contés de Fabius
121 I K
Fabius vent ses terres pour ra-
cherer les Romains 122 A
Fabius appelé à Rome pour les
solennels sacrifices 122 A
Fabius laisse la charge de l'ar-
mee à Minutius sous con-
dition 122 A
Minutius contrenient à la de-
fense de Fabius 122 B
criminelle harāgue contre Fa-
bius 122 C D
Fabius Buteo Dictateur oné-
raire seulement 122 G
merueilleuse patiēce de Fabius
122 H

diuision du camp Romain par
moitié entre Fabius & Minu-
tius 122 K
secours de Fabius à Minutius
123 EF
modestie de Fabius 123 G
humilité de Minutius enuers
Fabius 123 I K
double victoire de Fabius en
vne seule baraille 123 K
preuoyance de Fabius à la te-
merité de Varro 124 B C
bonne cōsideration de Fabius
124 CDE
Fabius de son temps seul pro-
tecteur de Rome 125 G
ordre politic de Fabius en ex-
treme necessité 125 HI
Fabius bouclier des Romains
126 C
subtilité de Hannibal contre
Fabius 126 E
qui sauua Fabius de la ruse de
Hannibal 126 F
doux traitemēt de Fabius à vn
soldat 126 I K
ruse de Fabius pour regagner
Tarente 127 B C
stratageme de Fabius contre
Hannibal 127 E
blasme de Fabius 127 GH
Fabius moins humain que Mar-
cellus 127 HI
bonne consequence tiree par
Fabius 128 B
Fabius contraire à Scipion
128 G
opiniātre ambition de Fabius
128 H
Fabius empesche Scipion à son
possible 128 K
vaine raison de Fabius contre
Scipion 129 A
Fabius enterré aux despens pu-
bliques 129 E
Fabius estaya la republique
Romaine 129 H
Fabius ferme en ses cōseils. 129 I
auarice de Fabius Valēs. 730 H
fable de la feste & du lēdemain
83 F
Caius Fabritius incorruptible
277 DE
deux notables propos de Fa-
britius 277 F G
manipules sont petits flagots
d'herbes ou de buchettes. 15 E
approuuer vn fait, & neant-
moins en punir l'auteur. 193 I
la famine est vn tres aspre en-
nemy 447 F
notable famine sur mer. 700 K
seruice volontaire de Faonius
à Pompee en son aduersité
460 E
eduité de Faonius par Carō de
Vrique 542 B
conte ridicule de Faonius. 696
FGH
fatale destinee ne se peut euitier
89 K
sueur tourne selon fortune

625 C D
Numa surprint & arresta les
dieux Picus & Faunus 48 I
Acca Laurētia femme de Fau-
stulus, & nourrice de Romu-
lus & Remus 13 K
Faustulus 13 G
Laurentia courtisane sur la fin
de ses iours disparut alēdroit
de la sepulture d'Acca Laurē-
tia sēme de Faustulus. 14 C
Faustulus & Plutinus tuez avec
Remus 16 E
Faustus & Fausta enfans besōs
de Sylla 331 H
Februata 21 G
febue percee ou signē de con-
damnation 32 E
feciales, prestres Romains. 47 B
office des Fecialiens 47 C D
guerre ne se pouoit faire sās le
congé des prestres Fecialiens
47 C D
Spurius Caruilius premier des
Romains, qui repudia sa fem-
me 27 B
horrible meschancetē de fem-
me 28 B
bonne response de Theopom-
pus roy de Sparte à la repro-
che de sa femme 30 C
le Romain pouoit donner sa
femme à vn autre, ou la pre-
ster 52 I
comparaison propre sur la re-
pudiatiō d'une femme. 164 D
premiere femme conspirant la
mort de tyran son mary. 205
I K. 206 A
femme noble & riche est fiere
242 K
louange de poure noblesse en
femme 242 K
qui bat sa femme ou ses enfans
est sacrilege 242 K
la sēme de bien ne doit pas seu-
lemēt estre souspecōnee. 495 I
amour de femme 568 B C
ordre de Numa sur les femmes
53 C
fēmes mariees sans douaire. 61 I
femmes achettent leurs maris
61 I
loy sur la liberte des femmes
62 DE
grand cueur des femmes Bar-
bares 292 A B
cerimonie és sacrifices de la
deesse des femmes. 495 DEFG
monoye de fer alterē par vin-
aigre, pour euitier le larcin d'i-
celle 30 I K
Iupiter Feretrien 19 B
porte Ferentine 22 K
fermiers se preualent d'un an-
nee à l'autre 131 C
Cybernesia est la feste des pa-
trons des nauire, celebree en
l'honneur de Nausirheus &
de Phēas 5 HI
oschophoria feste des rameaus
7 D

cerimonie de la feste des rame-
aus 7 HI K
Panathenea feste solennelle de
Athenes 8 C
Mecēcia feste & sacrifice des
estrangers dans Athenes. 8 C
Boedromia feste en Athenes
9 F
Palilia feste pastorale 16 I
Consalia feste 18 G
la feste Marronalia 21 E
la feste Carmentalia 21 F
la feste Lupercalia, quād elle se
celebre, & ce qui s'en dir 21 G
cerimonie obseruee en la feste
Lupercalia 21 HI
Caius Acilius touchant la feste
Lupercalia 21 K
fable de la feste & du lēdemain
83 F
merueilleuse sōptuosité & cu-
riosité au seruice d'un festin
638 I K
le feu sacré; & qui premier en
ordonna la garde aux vierges
sacrees à Vesta 22 B
vierges Vestales ont la garde du
feu sacré, & pourquoy. 46 A
feu sacré s'estein quelquefois
46 A
feu sacré ne se doit alumer par
feu materiel 46 B
forme de faire feu sacré tout
neuf 46 B
pourquoy le feu eternal & sa-
cré estoit tant reueré à Rome
95 DE
cerimonie pour prendre du feu
sacré 230 D
Feurier ha des iours malencon-
treux 21 G
Feurier signifie purificatif. 50 C
sacrifices du mois de Feurier
50 D
fiction est quelquefois salutai-
re 43 G
les habitans de Fidene, Crustu-
meriū, Antenne, desfaits par
les Romains, & leurs terres
departies 19 D
Fidenes faite colonie Romaine
22 H
figuier sauuage nommé rumi-
nalis 13 H
Nonēs Capratines à cause d'un
figuier sauuage 25 G
cruauté de pere enuers ses filles
13 C
filles endurees au trauail com-
me les hommes 33 CDE
exercice vigoureux és filles de
Sparte 33 CDE
filles nō mariables qu'en aage
meur 53 E
pourquoy lon marie les filles
fort ieunes 53 F
permission de vendre sa fille, &
à quelle occasion 62 K
le fils se fait reuerer par le pere
128 B
vers contre le fils cōtrefaisant
le pere 130 I

TABLE ALPHABETIQUE

le fils fait mourir le pere. 395 K
 Fimbria se fait mourir par crainte de Sylla 327 I K
 ordonnance de Publicola sur les finances 71 D
 questeur & superintendant de finances 592 K
 Flamines prestres en Rome pourquoy ainsi nommez 44 I
 prodige contre Flaminius consul 119 F
 le corps de Flaminius perdu 119 H
 naturel de Flaminius 258 D E
 auacemēt de Flamini⁹. 258 GH
 Flaminius cōsul à l'aage de trēte ans 258 I
 Flaminius biē voulu de tous les Grecs 260 D E F
 ruse de Flaminius pour simpatroniser de Thebes. 260 GH
 Flamini⁹ cōtinué pour la guerre Macedonique 260 I
 victoire de Flaminius cōtre les Macedoniens 261 D E F G
 calomnie des Aetoliens contre Flaminius. 262 A B
 liberalité grande de Flaminius enuers la Grece. 262 GH I K
 louāges speciales de Flaminius 263 B C D E F
 bon ordre de Flaminius pour la liberte de la Grece. 263 D E
 Flaminius cause de la generale liberte des Grecs 263 H
 vers de Flaminius à sa louange 263 I K. 264 A
 lente guerre de Flaminius contre Nabis tyran de Sparte. 264 B
 enuie de Flaminius sur Philopemen 264 B C
 present honorable des Acheiens à Flaminius 264 D E
 Flaminius intercesseur pour les Eroliens & autres Grecs. 265 A B C D
 honorable recōpēse des Grecs enuers Flaminius 265 C D E F
 sacrifice à Flaminius en Chalcide 265 D E
 chanson Greque à la louange de Flaminius 265 E
 Flaminius reueré pour sa debonnaireté 265 F
 Flaminius non vindicatif 265 F G
 vives responses de Flaminius 265 GH
 inimitié entre Flaminius & Caton 266 B C D E
 espece detachee en l'hōneur de Flaminius 266 F G
 Flaminius ambitieux. 266 GH
 cruelle ambition de Flaminius 266 I K. 267 A
 triomphe de Flaminius 264 F G
 excuse pour Flaminius sur la mort de Hannibal 267 F GH I

mort naturelle de Flaminius 267 I
 cōparaison de Scipion au blasme de Flaminius 267 C D E
 Hosiode taxe Pisistrate de flaterie 6 G
 flaterie tousiours autour des rois 407 B
 office de gens de bien entre flateurs 473 A
 ruse de flateurs courtisans 637 GH
 Platon, il y a quatre manieres de flaterie 639 C
 cōparaison de la viole à la fleur 131 C
 incommodité au ieu de la fleur 131 C
 les dieux d'Athenes haïssoient les fleutes 131 D
 Lacedemoniēs marchoyent en guerre au son & cadence de fleutes 37 B
 Flora courtisane du temps de Pompeius 434 C D
 prouerbe, il a du foin à la corne 383 G
 les sages proposent, & les fols decident 55 K
 Solon contrefit le fol pour contreruenir à vne loy d'Athenes 56 GH
 la folie de l'vn fait recognoistre la sagesse de l'autre 125 G
 hōmes d'extreme force & legereté, maistotalement meschās: & sur quelle raison leur meschanceré estoit fondee 2 H I
 office de vraye force 42 K
 force meslee avec iustice 59 F
 biens de fortune & vertu aimez differemment 104 E
 temple de fortune feminine 160 B C
 contre l'instabilité de fortune 173 A B C
 harangue funebre sur l'inconstāce de fortune. 176 E F G H
 merueilleux tours de fortune 182 E. 564 I
 ieus inesperez de fortune. 183 F
 le fort quelques fois doit chercher paix avec le foible 272 D
 discours sur la cōformité & varieté de fortune. 398 A B C D E
 fortune inconstante 460 H I
 fosse appelee le monde 16 F
 loy sur les fosses & fossez 63 C
 foudre du ciel sur les cendres de Lycurgus 41 E
 foudre du ciel sur le tombeau d'Euripide pres Arethuse. 41 E
 purification contre la foudre 48 K
 temple à la Foy 49 B
 iurer la foy est le plus grād serment 49 B
 faute de foy rend les faits de dieu incognus 160 G
 reliques de Theseus seruans de franchise 12 D
 le tēple d'Asyleus à Rome don-

noit franchise à toutes gens 15 K
 les meurtriers de Cylon tirez subtilement de leur franchise, & iusticiez 57 I K
 notable amitié de frere en poureré 164 F G
 contre les freres plaidans pour succession 164 G
 friandes rables corrompent le corps & l'ame 31 D
 Fulvia femme de M. Antoine maistrise son mary 633 F
 dueil funebre en Sparte 39 D
 furcifer, que c'est à dire 155 H
 Eumenides, c'est à dire, Furies 9 G
 G
 Romulus & Remus estudiant en Gabie 14 D
 Neptune surnommé Asphalius, & Geiochus, & pourquoy 12 F
 Sulpitius Galba 19 G
 promesse de salaire excessif par Galba 720 HI
 Sulpitius Galba 720 IK
 genealogie de Galba 720 K
 sobriete de Galba 721 A
 Galba gouuerneur en Espagne 721 AB
 rebellion de Galba contre Neron 721 DE
 modestie de Galba en sa rebellion 721 E
 Galba amateur de tranquillite 721 I
 nouvelles à Galba de la mort de Neron 721 K
 Galba fait empereur à soixante & trois ans 722 AB
 Galba redoute Verginius 722 GH
 Galba gouuerné par Ouinius 723 BC
 rebellion en Germanie contre Galba 724 BCDEF
 fautes de Galba en son nouuel aduenement 724 BC
 grand meurtre à l'arriuee de Galba à Rome 724 DE
 chicheté de Galba 724 FG
 prodiges mauuais à Galba 724 GH
 adoption de Piso par Galba 724 H
 Orthon bien voulu de Galba 724 IK
 l'empire de Galba gouuerné à contrepoil 725 AB
 cause de haine des soldats contre Galba 725 BCD
 insolēce des soldats cōtre Galba 725 DE
 coniuration contre Galba 727 ABCDEFGHIK
 signes & presages sinistres à Galba 727 B
 Galba entre les satellites de sa mort 727 IK
 mort de Galba 728 AB

Galba grandement noble & riche 728 F
 Galba naturellement bon 728 GH
 Galba se donnoit aux affaires 728 G
 structure de bonnes & braves galeres 626 B
 merueilleuse galere 626 BC
 dispute philosophique sur la galiote de Theseus 7 G
 galiote à trente rames, sur laquelle Theseus feit son voyage 7 G
 lourde faute de Flavius Gallus 643 K. 644 AB
 largeur & profondeur du fleueue Ganges 487 G
 Britomartus roy des Gaulois tué par Claudius Marcellus 19 C
 Camillus chassa les Gaulois de Rome 25 C
 Rome saccagee par les Gaulois 41 H. 96 B
 cause du sac de Rome par les Gaulois 47 DE
 Gaulois cerchans à s'habituier pour leur multitude 93 B
 Gaulois passans les mons Rhiphees à intētion d'y habiter 93 B C
 occasion aux Gaulois de passer en Italie 93 CDE
 response naturelle des Gaulois aux Romains 93 GH I
 Gaulois offensez des Romains 93 IK
 Gaulois contre Rome 93 K
 Gaulois accessoires vengeurs des dieux sur Rome 94 BC
 bonté Gauloise 94 C
 Romains desfaits par les Gaulois 94 F
 iour de la victoire des Gaulois contre les Romains 94 FG
 entreprinse de Camillus contre les Gaulois 96 FG
 grande negligence des Gaulois 96 G
 Gaulois surprins en dormant 96 GH
 grande mortalité au camp des Gaulois deuant le Capitole 98 A
 male-foy des Gaulois 98 C
 brauade faite par Camillus aux Gaulois 98 F
 Gaulois desconfits par les Romains 98 H
 seconde guerre des Gaulois cōtre Rome 102 H
 secōde desfaire des Gaulois par Camillus 103 B C
 Gaulois redoutez des Romains plus que toute autre nation 206 K
 prestres Romains priuilegiez fors cōtre les Gaulois. 206 K
 207 A
 descēte de Gaulois en Lōbare die 207 IK
 Gaulois

Gaulois bōs hommes d'armes 208 A
 Gaulois seigneurs de Milan du temps de Plutarque 208 F
 Gaulois grādemēt estimez par Pyrrus 280 H I
 Gaulois fort auariteux 280 K
 nombre merueilleux de Gaulois descendēs en Italie. 288 C
 Gaulois merueilleusement preux 391 H I
 Gansameles, que signifie en langage Persien 476 F
 prelage sur la prinse de Gaza 473 I K
 gedontes, c'est à dire, laboureurs 63 C
 Gelon, c'est à dire, risce. 670 H
 moyen de regagner vn gēdarmer perdu 209 H I
 gendarmes ne doyuent porter barbes 2 F
 honneste gendre est à preferer au riche. 83 G
 honneste vergongne de gēdres enuers leurs beaux peres 243 C
 comparaison de trop parler à l'action genitrice 36 A B
 office de gens de bien en republique 550 H
 Gēthius roy d'Esclauonie trōpé par Perles 167 C D
 brief discours sur la Geometrie 211 C D E
 Architas & Eudoxus premiers inuenteurs de l'art de Geometrie 211 C D
 Platon mesprise l'art de Geometrie 211 E
 merueilleuse proposition Geometrique 211 F
 merueilleuse experience de Geometrie 211 F G H I K
 Archimedes desdeignoit l'art de la Geometrie 212 F
 Geographie 631 A
 gephyran en Grec, signifie pōr 45 I
 respōse aigue de Geradas Spartiate à vn curieux inquisiteur 34 D E
 Cermanū anciennement Germanum, lieu ou furent premierement trouuez Romulus & Remus, & pour ceste cause ainsi nommē 13 H
 Gessates Gaulois, sont à qui plus leur donne 206 F
 la guerre des gladiateurs en Italie. 383 H I K. 384 A B C D E F
 ruse des gladiateurs assiegez 384 A B
 victoire des gladiateurs contre les Romains 384 B
 preudhomme de Glaucias roy d'Esclauonie 269 G
 louable desir de gloire 148 A
 gloire mediocre est bien seante à ieunes gens 550 H I
 robelet Laconique, nomē cothon 31 B

Gorgone femme de Leonidas 33 F
 audacieuse respōse de Gorgone. à vn blāme imposé aux Laconiennes 33 F
 que fait le trop auariteux gouvernement 724 G H
 comparaison d'un gouverneur à vn medecin 110 D E
 le gouverneur politique ne se doit familiariser 221 D E
 ce que doit obseruer vn gouverneur de chose publique 248 H
 cōparaison propre pour gouverneurs d'hōmes & de bestes sauvages 126 H
 Tiberius Graccus 568 H
 histoire norable de l'amour de Tiberius Graccus enuers sa femme Corneliē 568 I
 louange de Tiberius & Gaius Graccus 569 A B
 naturel des deux Gracques 569 B C
 Tiberius Graccus l'un des augurateurs Romains 569 F
 approbation de la vertu de Tiberius Graccus 569 F G H
 proesse de Tib. Graccus. 569 H I
 Tib. Graccus questeur. 569 H I
 Tib. Graccus traite paix avec les Numantins 570 B C
 hardie entreprise de Tib. Graccus 570 I K. 571 A
 gracieuse loy de Tib. Graccus 571 B
 Tib. Graccus cherche tous moyens pour faire homologuer son edict 571 F G H I
 harangue inconfutable de Tib. Graccus 571 D E
 edict de Tib. Graccus homologué 572 F
 calomnies iettees contre Tib. Graccus 572 K
 harāgue notable de Tib. Graccus 573 D E F G H
 edicts de Tib. Graccus mal digerez 573 I
 sinistres presages de la mort de Tib. Graccus 574 A B C
 calomnie alencontre de Tib. Graccus 574 F
 mort precipitee de Tib. Graccus 574 G H I
 cruauté des ennemis de Tib. Graccus 575 A
 eloquence de Gaius Graccus 575 G H
 apparition nocturne de Tib. Graccus à son frere Gaius Graccus 575 I K
 deux loix de Gaius Graccus 576 G H
 louage de Gaius Graccus 576 K
 leur de Gaius Graccus le fait craindre du Senat 576 A B
 le bien fait en faueur de Gaius Graccus desplait au Senat Romain 576 B
 Gaius Graccus se iustifie 576 B

576 C D
 louange de Gaius Graccus par sa propre bouche 576 C
 Gaius Graccus pourfuit l'office de tribun & l'imperre. 576 D E
 harāgue de Gaius Graccus sur la mort de son frere 576 F G
 aigres propos de Gaius Graccus 576 I
 loix de Gaius Graccus. 576 G H
 1 R. 577 A
 Gaius Graccus fort populaire 577 A B
 decret treshonorable par Gaius Graccus 577 C D
 grandes entreprises diligemment executees par Gaius Graccus 577 D
 Gaius Graccus de grāde entremité 577 E
 louables ouurages publiques de Gaius Graccus 577 F G
 menees du senat contre Gaius Graccus. 477 R. 578 A B C D E
 Gaius Graccus fuit le tumulte populaire 579 A
 Gaius Graccus malicieusement fraudé du tiers tribunat 579 B
 preparatif de guerre ciuile à cause de Gaius Graccus. 579 H I
 simplicité de Gaius Graccus 579 K
 mort de Gaius Graccus. 580 G
 qui fit perdre les Gracques. 581 A B C
 supremes honneurs faits aux Gracques apres leur mort. 581 A B
 les deux plus excellens faits des Gracques 581 G
 tousiours grādeur engēdre enuie 581 F G
 grādeurs sōt tousiours enuies. 110 G. Voyez par toutes les vies.
 les grands portent enuie à l'honneur des plus grāds. 157 G H
 qui cause enuie entre les grāds 193 D
 exemple de la resourse de grāds estans en calamité 267 G H
 contre la varieté des grands 273 G
 les plus grāds n'ont guere plus de delices que les moindres 475 D
 la seure garde des grāds. 711 G
 Atheniens peuple seul en Grece, selon Homere 8 G
 Sparte avec sa poureté cōmandoit à toute la Grece 40 H
 abstinance de guerre en Grece pour vn temps 79 B
 pris de ieunes en Grece 186 F
 les forts de la Grece 262 E
 supersuoir des rois de Grece 580 A B
 occasion de la ruine de Grece 580 I K

les ieunes Grecs offroyēt leurs cheueux à Apollo 2 C
 Talassius estoit chanté par les Romains le iour des nopces, cōme Ymeneus par les Grecs 18 D E
 lacheté de cueur des Grecs. 80 B C
 seconde victoire des Grecs cōtre les Perles 83 A
 Panemus mois de Iuillet malheureux aux Grecs 94 I
 prediction de la victoire des Grecs cōtre les Perles. 225 C
 oracle d'Apollō touchant la guerre des Grecs & des Perles 225 H
 desordre des Grecs au descampier 228 B C
 epigramme de la victoire des Grecs 229 H
 les deux afranchissemens des Grecs 264 A
 le parler ne sortoit aux Grecs que des leures, & aux Romains du cueur 239 D
 extreme ioye des Grecs. 262 I K. 263 A
 estrange coustume des Grecs 366 D
 acclamation contre l'entree des Grecs 423 H
 louage des dix mil Grecs. 645 H
 retraite des dix mil Grecs depuis Perse iusques en Sparte 665 D E
 dernier notable exploit des Grecs 710 K
 ce que mōroit la taille vniuerselle Greque 232 A B
 anciens rois Barbares aimoyēt les lettres Greques 395 F
 les ligues Greques se rangent tousiours des plus forts. 717 D
 Gripos, c'est à dire, aquilin 285 A
 dance ou branle nomē la grue inuenté par Theseus 7 A
 Grypos, c'est à dire, nez aquilin 150 F
 le poil nuit aux gens de guerre 2 D E
 bon exēple pour chefs de guerre 21 F
 ruse, contreruse & archiruse de guerre 20 B C
 ne faire souuent la guerre contre mesmes ennemis 32 K. 33 A
 Agesilaus blasme de faire trop souuent guerre en vn pais 33 A
 Lacedemoniens marchoyēt en guerre au son & cadence des fleutes 37 B
 Lacedemoniens aimans la guerre & la musique 37 C D
 Lacedemoniens auoyēt la guerre moins penible, que la paix 37 F
 la guerre estoit repos aux Lacedemoniens 37 F

TABLE ALPHABETIQUE

guerre ne se pouoit faire sans le congé des prestres Fecaliens 47 C D	opinion des Gymnosophistes touchant les philosophes Grecs 488 H	nia mere de Coriolanus 158 IK	harangue d'Orthon à ses soldats 733 E F G
les mutilez en guerre nourris aux despens communs. 66 H	Gynécia deesse des femmes 495 D Gynécia deesse bonne & feminine 598 K	harague de la mere au fils pour impetrer grace 159 D E F G	la deesse Harmonie patronne des Thebains 198 K
contreruse de guerre 74 I	H	HIK	Romulus hardy de peur 25 I
conseil propre à gens de guer- re 92 B C	changement d'habitation fai- soit changer de dieus 151 B	harangue braue pour refrener l'insolète ieunesse. 173 A B C	digne exemple de temeraire hardiesse 191 K. 192 A
cerimonies requises en guerre nō obseruees par les Romains 94 D	prosperité engendre enuie & haine 6 A B	harangue consulaire de Paul Aemyle 174 G H I K	Hasdrubal & Hamilcar avec 70000 hommes desfaits par 5000 hommes 187 E F
guerre sainte 112 C	haine particuliere doit cesser pour vn bien public. 224 B C D E	harangue funebre, sur l'incon- stance de fortune 176 E F G H	pris d'honneur pour vn meur- tre sacrilegement executé 183 F
mauvais presage pour voyage de guerre 136 K. 137 A	bonne instructiō pour s'entre- tenir en haleine 414 A	harangue funebre pour Timo- léon 190 I K	Jupiter Fecalien 4 H
quel doit estre l'honneur de guerre 149 C	Hamilcar & Hasdrubal avec 70000 hommes, desfaits par 5000 hommes 187 E F	harangue de Pelopidas aux bā- nis de Thebes 194 B C	Hecatombœon monoyé d'A- thenes 8 G
pour faire guerre il faut co- gnoistre les affaires de l'enne- my 155 C	Romains desfaits par Hanni- bal pour la deuxieme fois 119 G	harangue de Themistocles à Xerxes 86 H I	Hecatombœon & Hippodro- mus est le mois de Iuin 94 H
subril preparatif de guerre. 165 F G	stratageme de Hannibal cōtre Fabius 121 D E F G	harangue de Brennus à ses sol- dats 97 F	hecatompedon, c'est à dire, à cent piez 109 D
ruse de guerre 181 G. 253 A B C	ruse de Hannibal pour mettre Fabius en souspeçon aux Ro- mains 121 H I	harague de Minutius à ses sol- dats 123 H	hectemorij, c'est à dire, valets 58 G
le bon chef de guerre doit ser- uir d'exemple 181 I	stratageme de Hannibal. 123 A B C	harangue de Coriolanus con- tre les distributeurs des bleds 152 D E	Thesus fuitif pour le premier rauissement d'Helene 10 A
entre-menees de guerre 183 I K	prediction de Hannibal. 123 G	harangue dudit Coriolanus à Tullius Volusque son ennemy 155 A B C	rauissement d'Helene par The- seus & Pirithous 10 H
il fait mauvais voir guerre en- tre gens de mesme nation & loy 187 H I	vn seul mot de ruse de Hannibal assieura les Carthaginois es- pouantez 124 H	harangue cōtre Callias, demō- strant la poureré d'Aristides 232 G H	Castor & Pollux font guerre aux Atheniens pour Helene. 11 B
compagnie de gens de guerre cōposée d'amoureux 198 E F	des ruses de Hannibal pour cō- batre les Romains 124 I K	briefue & brusque harangue de Caton 239 I	Helicon biē salarie pour auoir predit vne eclipse de Soleil 674 F
l'art de la guerre merite vn me- diocre apprentissage 197 C	viçtoire de Hannibal sur 88000 Romains 125 A B C D	harangue de Claudius Appius, cōtre la paix requise par Pyr- rus 276 I K. 277 A	Heraclides, c'est à dire, les de- scendens de Hercules 7 F G
prosperité en Guerre compa- ree à vne nauire 200 G	50000 Romains tuez par Han- nibal, & 14000 prisonniers 125 D	harague de Crassus aux soldats Romains 392 G	Heraclides 678 H
bon aduis pour euitier guerre ciuile 230 A B	faute d'Hannibal fort notable 125 E	harangue d'Eumenies prison- nier à ses vieilles bandes. 417 A B C	Heraclides fait ses menees con- tre Dion 680 C D
l'homme de guerre se doit en- durcir au trauail 250 C D	reproche faite à Hannibal. 125 E	harangue d'Alexandre aux Ma- cedoniens 482 A B	sedition de Heraclides 683 D E
l'art de la guerre est le plus beau suiet de la vertu 250 F	eur de Hannibal par sa viçtoire 125 F	harangue notable du roy Ta- xiles à Alexandre le grand 486 F G	malice de Heraclides preue- nue par Dion 683 F G H
l'homme de guerre y doit aller en personne 251 F	Marcellus surprins & tuez par la ruse de Hannibal 126 D	harangue de Phocion aux A- theniens 520 F	Heraclides sans charge 683 H
le braue equipage de guerre eleue le cuer gentil 252 H	subtilité de Hannibal cōtre Fa- bius 126 E	harangue de Caton d'Vtique aux Romains sur l'infortune de leur republique. 546 F G H	mort de Heraclides 684 H
ruse de guerre selon le temps & assiette du lieu 255 A B	deffiance de Hannibal sur la conqueste d'Italie 127 K	notable harangue de Chelo- nis à son pere Leonidas 555 B C D	Heraclite: l'ame la plus seche est la meilleure 24 K
bon ordre en guerre par pre- uoyance 260 B C	Hannibal deconfit par Scipiō 129 D	harangue notable de Cleome- nes à ses citoyēs. 559 A C D	Leos heraut des Pallatides tra- hit ses maistres 4 E
le labour de la guerre fortifie le pais 340 A B C	crainte de Hannibal 209 E	harangue inconfutable de Tib. Graccus 571 D	Hercilia Sabine seule rauie par Romulus 18 B
contre les gens de guerre trop armez 358 D	bonté de Hannibal reconnue 209 F G	harague notable de Tib. Grac- cus 573 D E F G H	Prima fille, & Aollius, autre- ment Abillius, fils de Romu- lus & Hercilia 18 B C
ne faire souuent la guerre à vn mesme peuple 428 C D	Hannibal rembarré dans son camp par Marcellus 210 A B	harague de Gaius Graccus sur la mort de son frere. 576 F G	Iphyrus tuez par Hercules 2 I
diffERENCE grande entre faire guerre, & obtenir victoires 439 C	opinion des Romains touchāt Hannibal 210 C	harangue de Licinia à son ma- ry Gaius Graccus 580 A B	Omphale roine de Lydie ser- uie par Hercules 212 I K
trois conditions necessaires a- uant que conseiller la guerre 522 D	ruse de Hannibal pour assiette de camp 217 I K	harangue funebre de Cesar par M. Antoine 634 G H	ieus Olympiques inuentez par Hercules en l'honneur de Iu- piter 18 I
la guerre ne se nourrit à mesure certaine 587 K	Hannibal non bleffé en batail- les innombrables 219 H	harangue d'Octauia pour pa- cifier son mary & son frere 641 C	Hercules purifié ceremoniale- ment 210 G
ruse & contreruse de guerre 730 I K	diuerfes opations sur la mort de Hannibal 267 A B	notable harague de Dion à ses soldats 681 G H	reconnoissance de Theseus en- uers Hercules 211 I
occasion de guerres ciuiles. 30 & D	presomption de Hannibal. 267 E	harangue de Cassius à Brutus 688 I K	Theseus deliuré des enfers par Hercules 211 I
Gylippus Spatiare grād. hom- me de guerre 376 A B	Hannibal fondateur d'Artaxa- ta 360 A		conte plaisant d'vn sacristain qui ioua aux dez contre son dieu Hercules, & sous quelle paction Hercules le perdit. 214 A
Gymnastarche, que c'est. 335 E	harangue des Sabine à leurs peres & parens 20 F G H		rois de Sparte font descendus de Hercules 27 G
Gymnosophistes prins par A- lexandre le grand 488 E	harangue de Valeria à Volu- -		exemple de Hercules à Laca- edemone 240 H

sacrifice

sacrifice solennel à Hercules 169 D E	les mieulx armez par Home- re 193 C	nôbre huit est le premier cu- bique 12 F	& propice 49 A
vers d'Euripide sur Hercules 336 F	Homere bié parlât de la proëf- se 279 A B	discours sur les actions humai- nes 179 F G	Iia mere de Romulus & Re- mus 15 D
institution d'heritier permise 62 C	Ios & Smyrna naissance & se- pulture d'Homere 398 C	qui s'humilie, s'exalte 241 H I	Ilores veincus par les Spartes 27 H
Hermione Lacedemonienne chantée par Sophocles 53 B	Iliade d'Homere enfermée par Alexandre le grand dedâs vn excellent cofret 474 B	Hyperbolus sert de suiet à mo- queries 134 C D	secrete conspiration des Spar- tes contre les Ilores 39 G H
Hermippus historien 29 D	Homere 625 I	Hyperbolus homme vil banny par l'Ostracisme 134 E	insolence Lacedemonienne cõ- tre les Ilores 39 I
Hermippus de Lycurgus 37 K	vne ville a son temps prefix, cõ- mel l'homme sa vie 17 B	arrogance d'Hyperbolus. 372 D	les Ilores cõfessoient estre serfs des Lacedemoniens 39 K
coniuratiõ de Hermolaüs alé- contre d'Alexandre 485 D E	l'homme n'est estimé eueux qu'après sa mort 65 B	menee d'Alcibiades & Nicias sur le bannissement d'Hyper- bolus 372 D E	illusion aux Arheniens 12 C
Hermus signifie Mercure. 9 D	l'homme de bien ne doit estre espluché de trop pres 112 F	proësse & vigueur de Hyphi- cratie concubine de Mithri- dates 445 F G	trompeuses illusions 147 I
Herodote Pontique historien 16 B	l'homme de bien ne peut estre iniurié 122 I	I sainte proëssion d'Iacchus en Arhenes 95 A	images de denté defendues par Numa, & pourquoy 45 D E
Hesiodé estimé pour ses dits mo- raux & sententieux 1 I	l'homme politic doit sur tout euite son opiniastreré. 152 A	Iacchus, c'est à dire, Bacchus 95 A	excuse sur les imperfectiõs hu- maines 335 K
Hesiodé taxe Pisistratè de flate- rie 6 G	acte d'homme de bien 221 E	contre la ialousie 34 A B	ce qui nous semble impossible, est possible à dieu 160 F G
Hefychia, c'est dire, repos 373 D	il y a tousiours à redire en l'hõ- me quelque vertueux qu'il soit 336 A	ialousie hors de Rome du tẽps de Numa, & cõment 52 I	reprehension de l'impudicite en vn camp 395 C D
Hiberiens non iamais veincus que des Romains 446 D	louage du naturel de l'homme 443 F	Ianvier fait premier mois de l'an, au lieu de Mars, & pour- quoy 50 D	Gymnosophistes es Indes. 29 A
Hieraces, c'est à dire, aigles 223 B	l'homme de cuer rend sa pla- ce imprenable 485 C	temple de Ianus a deux portes ouuertes en temps de guerre, & closes en paix 50 E	inimitié particuliere doit cesser en peril commun 81 G
la deesse Hierapolis 388 A B	naturel de l'hõme qui a la for- tune contraire 515 G	temple de Ianus tousiours clos du temps de Numa 50 F	inimitiez ne doyuent estre im- mortelles 62 B
Aristocrates fils de Hipparchus 29 A	l'homme de bien ne peut estre amy & flateur ensemble. 550 I	Iason chef general de la grande nef Argo, & pourquoy 6 C	loy de s'abstenir d'iniure en cer- tains lieux 62 B
Hippias sophiste parlât de Ly- curgus 37 I	les hõmes par vertu deuenent dieux 25 A	promptitude de Iason Arme- nien en poësie 395 G H I	cause de celer vne iniure 719 C
Aristocrates fils de Hipparchus, sur la mort de Lycurgus. 41 F	la diuinité aime la frequentatiõ d'hommes de bien 43 C	menee d'Icetes cõtre le secours de Corinthe 180 A B	l'homme de bien ne peut estre iniurié 122 I
Hippias Elien computateur des ieus & pris Olympiques. 42 A	amour des dieux enuers les hõ- mes 43 D	Icetes traistre enuers la fem- me & enfans de Dion 686 A	contre ceux qui pour la moin- dre iniure prennent querelle mortelle 122 H I. voyez tout Pericles & Fabius.
Hippocrates marchand 54 K	il fait bon euite le iugement des hommes 138 H	Icetes & 16 fils & son chef d'ar- mee executez à mort. 188 G H	différence entre parole iniurieu- se & voye de fait 188 H
Hecatombeon & Hippodro- muse est le mois de Iuin 94 H	hommes faits dieux 197 I	ieu de pris en Delos 7 B	perit discours sur l'insatiabilité humaine 363 F G
la plus apparentement vraye hi- stoire des ancestres de Romu- lus 13 E	les lieus ne font pas les braues hommes 198 D	d'un ieune homme prié de son deshonneur 206 F G	contre les ioueurs d'instrumẽs 104 D
verité d'histoire corropue par haine ou faueur 110 A	les hommes ont trois differen- tes affectiõs enuers les dieux 223 C D. commune erreur des hommes 223 D	bonne consideration en ieunes gens 3 B C	ruse de double intelligence en guerre 353 E
à quoy profire l'histoire. exa- ctement recherchee. 163 A B C	instruction pour bien gouver- ner les hommes 515 K	occasion bonne aux ieunes hõ- mes de contendre pour l'hõ- neur 33 D	orfaueries & ioyaus ne se font que pour le profit de l'ouurier 31 A
ceux qui escriuent les histoires des vertueux se familiarisent de la vertu 163 A	honneste moyen de gagner le cueur des hommes 560 D E	exercice de ieunesse 34 I K	Ion poëte de l'isle de Chio. 6 G
Promathion historien 13 D	qui fait les hõmes plus enclins au mal qu'au bien 668 F	comparaison de poulains à ieu- nesse 77 G	Abantes sont peuples Ioniques 2 D E
Fabius Pictor historien 13 E	resemblances d'hommes. 704 K	applaudissemens en ieunesse 132 F	ele-leuf, iou iou, & que c'est à dire 7 D E
Diocles Peparethien, historien 13 E	comparaison de bestes aux hõ- mes 706 K. 707 A	harangue braue pour refrener l'insolence ieunesse. 173 A B C	iour blanc pourquoy ainsi nõ- mé 114 A
Herodote Pontique, historien 16 B	hõneur nõ accoustumé. 74 A B	la ieunesse anciennement s'ex- ercoit à plaider 398 F. & qua- si par toutes les vies.	Feurier a des iours malencon- treux 21 G
Marcus Varro grand historiẽ, & sa curiosité 16 K	occasion bõne aux ieunes hõ- mes de cõtendre pour l'hõ- neur. 33 D. cõparaison de l'honneur du viuant à celuy qui combat 65 C	ieus de pris pour le tribut d'A- thenes 5 A B	à scauoir s'il y a iours maleu- reux ou non. 94 G H I K. 95 A
Fabius historien 17 G	l'honneur precipité sauorte de soy mesme. 147 I K. hõneste contentiõ d'honneur. 222 G	ieus appelez Isthmia, instituez par Theseus en l'honneur de Neptune 8 H I	supersticieuse obseruation des Ioxides 3 F
Zenodorus Trezenien, histo- rien 18 C	l'honneur particulier ne doit empeschier le salut publique 226 C D	ieus appelez Melicerta 8 I	Ioxides, & leur genealogie 3 F
Iuba historien 19 G	Horatius Cocles & sa proësse 72 H	ieus Olympiques inuentez par Hercules en l'honneur de la- piter 8 I	Ioxus fils de Menalippus fils de Theseus 3 F
Hermippus historien 29 D	il ne reste de l'hostie immolee que la lague & le vêtre. 515 E	pris de ieus en Grece 186 F	Iphicrates touchant le soldat 720 C D E
deuoir d'historien 367 F G		ignorance palie son défaut. 1 C	Iphytus tué par Hercules 2 I
cõtre les faulx historiẽs. 19 G		ileos en Grec signifie appaisé	Iphytus roy de Lacedemone 27 F
pour les historiẽs. 582 K. 583 A			ireneri, & qu'il signifie 47 B
instruction pour les historiẽs 679 K			Irenophylaces, c'est à dire, cõ- seruateurs de paix 47 B
Lycurgus assembla en Asietou- tes les ceuures d'Homere. 28 I			branche d'oliue entortillee de laine nommee Irefione 7 F
contre les mauuais interpreta- teurs d'Homere 158 E			
Homere sur le liberal arbitre 158 E F			
pourquoy les plus vaillãs sont			

TABLE ALPHABETIQUE

grande proesse d'Isadas. 431 G
 isle sacree dās Rome formee ca-
 suellement 60 F G H
 isles fortuñees en la mer Atlan-
 tique 400 H I K
 Ismenias ioueur de fleutes. 61 I
 B C
 ieus appelez Isthmia, instituez
 en l'honneur de Neptune par
 Theseus 8 H I
 pris des ieus Isthmiques 63 A
 Euander en Italie 17 D
 naturel des anciens Italiens
 170 C
 Italus 12 I
 Iuba 18 A
 Iuba historien 19 G
 Iuba historiē issu de sang royal
 401 C
 Iugurtha Iuba insupportable 545
 G H
 calamité du roy Iuba & de Sci-
 pion 547 A
 le courroux trouble le iugemēt
 15 E
 Iugurtha liuré par Bocchus à
 Sylla 317 D E
 Iugurtha pert le sens au triom-
 phe de Marius 289 B
 misere adioustee au miserable
 Iugurtha 289 B
 mort de Iugurtha 289 B C
 Iuillet se nommoit Quintilis,
 mais depuis il a receu le nom
 de Iulius Cesar 50 C
 Panemus mois de Iuillet ma-
 leureux aux Grecs 94 I
 27 de Iuillet redouté par les
 Carthaginois 94 K
 Cronius estoit le mois de Iuin
 4 B
 Iuin ainsi nommé pour la qua-
 lité de la saison 50 B
 Hecatombéon & Hippodro-
 mus est le mois de Iuin 94 H
 ardente amour de Iulie enuers
 son mary Pompee 452 G H
 mort de Iulie fille de Cesar &
 femme de Pompee 452 I
 Iulie enterree par le peuple au
 champ de Mars 452 I
 la mort de Iulie fait descourir
 l'ambition de son pere & de
 son mary 452 I K
 visio de Romulus à Iulius Pro-
 culus 24 D
 Iuno Quiritide 25 B
 Iuno transportee de Veies à
 Rome 90 G H
 Iupiter Hecalien 4 H
 ieus Olympiques inventez par
 Hercules en l'honneur de Iu-
 piter 8 I
 tēple de Iupiter Capitolin. 71 I
 Iupiter Feretrien 19 B
 Iupiter Strator 20 D
 Numa confere avec Iupiter. 48
 K. 49 A
 Iupiter coniuré par art magi-
 que 48 K
 tēple de Iupiter Capitolin rec-
 tifié par Sylla. 72 B C. par

Vespasian pour la tierce fois
 72 C. par Domitian pour la
 quatrieme fois 72 D
 despēse de la dorure du temple
 de Iupiter Capitolin 72 D
 Iupiter Feretrien, & son ethi-
 mologie 208 K
 qui fait ordinairement corrō-
 pre iustice 354 D
 vision de Iupiter à Onatius Au-
 relius 385 K
 que c'est à dire, Iupiter à The-
 mis 484 E
 iustice preferee à vn royaume
 52 A
 acquerir vn royaume par iusti-
 ce 52 A
 force meslée avec iustice 59 F
 preuenir la iustice contre ce-
 luy qui la veut abolir 71 C
 louange de iustice 223 C
 iustice plus aimée que nulle au-
 tre vertu 541 H
 qui ne veut faire iustice, ne doit
 estre roy 625 H
 fable d'Ixiō represente les am-
 bitieux 550 F

L

contrerolleurs en Rome sur le
 labourage des terres 49 D E
 lac d'estrange nature 385 A
 Laccoplute, c'est à dire, enri-
 chy de la fosse 222 K
 Iphytus roy de Lacedemone
 27 F
 Sparte est Lacedemone 27 G
 deux rois en Lacedemone. 29 E
 le Senat de Lacedemone 29 E
 Spharus touchant le Senat de
 Lacedemone 29 G
 seconde institution de Lycur-
 gus en Lacedemone 30 D E
 nouveau departemēt de terres
 de Lacedemone 30 D E F G
 richesse estoit poure en Lacede-
 mone 31 B
 poureté estoit riche en Lacede-
 mone 31 B
 deux causes d'excuse de ne mā-
 ger en commun en Lacede-
 mone 32 A B
 crainte opiniastre d'un enfant
 en Lacedemone 35 G
 exemple de Hercules à Lacede-
 mone 40 H
 soupçon d'honneur és filles de
 Lacedemone 53 A
 Lacedemone deux fois plus
 grande qu'Athenes 62 G
 Lacedemone quasi prinse. 282 F
 secours en Lacedemone. 282 G
 Lacedemone en grad trouble
 430 A B C D
 merueilleux tremblemēt de ter-
 re en Lacedemone 342 D E
 cause de la decadence de Lacede-
 mone 430 K
 le reuenu annuel de chacun La-
 cedemonien, selon la diuision
 de Lycurgus 30 G
 le nouveau marié Lacedemo-
 niē, ne couchoit avec sa fem-

me qu'en cachettes, & pour-
 quoy 33 K. 34 A
 ieunesse Lacedemonienne. 34
 I K. 35 A B &c.
 insolēce Lacedemonienne cō-
 tre les Ilotes 39 I
 les Lacedemoniēnes n'estoyēt
 si lasciuies que lon a dit 34 D
 liberté grāde des dames Lacede-
 moniennes 552 G H
 les Lacedemoniēs mangeoyēt
 en commun 31 C D
 chansons de trois aages des La-
 cedemoniens 37 A B
 Lacedemoniens marchoyēt en
 guerre au son & cadence des
 fleutes 37 B
 Pindare des Lacedemoniens
 37 C. Terpandre des Lacede-
 moniens 37 C
 Lacedemoniēs aimans la guer-
 re & la musique 37 C D
 sacrifice des Lacedemoniēs a-
 uāt que cōmēcer bataille. 37 D
 liberté aux soldats Lacedemo-
 niēs. 37 E. la guerre estoit re-
 pos aux Lacedemoniens. 37 F
 Lacedemoniēs auoyēt la guer-
 re moins penible, que la paix
 37 F
 Lacedemoniens en victoire v-
 soyent de misericorde 37 I
 ioyeuse vie des Lacedemoniēs
 38 E. deus des Lacedemo-
 niens 38 F
 Lacedemoniens ne sortoyent
 point de leur territoire sans
 congé 39 E
 les Ilotes confessoeyēt estre serfs
 des Lacedemoniens 39 K
 mauuaise opinion des Sybari-
 tains sur les Lacedemoniens
 192 A B
 grande faute pour les Lacede-
 moniens 196 D E
 les enseignes des Lacedemoniēs
 estoient de cinq cens homes
 198 A. Lacedemoniēs ob-
 stacle des Atheniens 112 C
 grāde obeissance militaire des
 Lacedemoniens 228 F G
 Lacedemoniens espouantables
 marchans en bataille 228 K
 magnanimité des Lacedemo-
 niens 231 H I
 les Lacedemoniens exhortent
 leurshommes à bien comba-
 tre 281 H
 Lacedemoniens naturellemēt
 ambitieux 304 B
 les Lacedemoniēs cōmādoeyēt
 à leurs rois 423 K
 les Lacedemoniēs ne scauoyēt
 aucun art mechanique. 428 F
 present notable des Lacedemo-
 niens 431 B. Euroras fleu-
 ue celebré en Laconie 32 F
 le pais Laconien sembloit vne
 succession nouvellement di-
 uisee entre freres 30 H
 honorable respōse d'un Laco-
 nien 37 H

vn Laconien refusa de l'argent
 pour ne combattre aux ieus
 Olympiques 37 H
 audacieuse responce de Gorgo-
 ne à vn blafme imposé aux
 Laconiennes 33 F
 responce Laconiennes, c'est à
 dire, courtes & sententieuſes
 36 B C. &c.
 vers d'Euripides contre l'hon-
 neur des Laconiennes 53 B
 lettres Laconiēnes fort succin-
 ctes 142 D
 grand cueur des Laconiennes
 281 F G H
 Laconiens souuerains en l'art
 militaire 200 C
 Laconiens en grand nombre
 desconfits par vn petit 200 D
 pourquoy les Laconiens por-
 toient perruque 204 A
 les esclauſes Laconiens en ar-
 mes contre les maistres. 342 I
 gobelet Laconique nommé co-
 thon 31 B
 Laconizer 36 I
 Lalius le sage 570 H I
 lēnas manteaus royaux, se dit
 chlēnas en Grec 44 I
 discours sur le laiēt des māmē-
 les des femmes 167 H I
 Laie Crommiēne, autrement
 Phēa, c'est à dire, Bure 3 G
 branche d'oliue entortillee de
 laine nommée Irefione 7 F
 Laie courtisane tres celebree
 fille d'Alcibiades 146 I K
 Lamachus Athenien de peu de
 fait 374 B
 Lamia courtisane 615 K
 Lamia vieille courtisane aimée
 de Demetri^o biē ieune. 616 A
 Lamia nom amphibologique
 619 B
 Lamia courtisane sous la fa-
 ueur de Demetrius rācon-
 ne les Grecs 619 G
 Lamyrōs, causeur, plaifāt. 150 F
 la lance nommée Mars 25 B
 contre ceux qui escriuent en
 autre langue que la leur na-
 turelle 239 E
 pour la cognoissance des lan-
 guēes estrangeres 583 B C
 Laos 23 H
 Romistiran des Latins 12 K
 ruma c'estoit à dire, mammel-
 le entre les Latins 13 H
 le piuert fort reueré des Latins
 13 I
 les femmes adulteres nommees
 louues par les Latins 13 I
 les Latins contre les Romains
 25 D
 cōditio d'accord presentee par
 les Latins aux Romains. 25 D
 Philotis seruāte Romaine sau-
 ua Rome des Latins 25 E
 Rōme mariee avec Latinus fils
 de Telemachus 13 A
 vision memorable de Titus
 Latinus 155 D E
 Aemilia

Aemilia fille d'Aeneas & de Lavinia enceinte du fruit du dieu Mars 13 A	grande difficulté de chemin & deserts de Libye 474 F G	Lucerenses, & ethimologie de ce nom 21 A	bonne consideration de Lucullus 348 F
Tatius meurtry en sacrifiant dans la ville de Lauinius. 22 F	licence effrene 679 B	notable ruse de Lucullus. 701 H I	preuoyance de Lucullus en sa castrametation 348 H
Laurea, mine d'argent en Attique 78 B	harangue de Licinia à son mary Gaius Gracchus 580 A B	Lucius Ostius premier parricide à Rome 22 D	petit secours de grand profit par Lucullus 349 A
Acca Laurétia femme de Faustus & nourrice de Romulus & Remus 13 K	Liétors, & la deriuation 23 H	Lucius Sextus premier consul populaire 103 I	auantage de Lucullus sur Mithridates 349 F G
sacrifices faits à Acca Laurétia pour auoir esté nourrice de Romulus & Remus 13 K	le lierre ne se peut nourrir en Babylone 478 G	Tarquin chassé à l'occasion de Lucrece 67 D	Lucullus fait grande desconfiture sur Mithridates 349 G
Laurentia courtisane 14 A	ethimologie des 30 lignees Romaines 18 A	coustume de lucter esteinte, & pourquoy 250 A	Mithridates fuit deuant Lucullus 349 I
Tarruti ^e amy de Laurétia. 14 B	conspiration mortelle de Limnus alencontre d'Alexandre le grand 482 K	façon de viure de lucteurs contraire à vn bon capitaine 249 I K	Lucullus victorieux sur Mithridates 349 I
Laurentia courtisane sur la fin de ses iours disparut alendroit de la sepulture d'Acca Laurentia femme de Faustus 14 C	la chasse du lion au temple d'Apollo 480 D	Lucullia feste establie en l'honneur de Lucullus 355 F	vision nocturne à Lucullus 349 K. 355 G
hommes d'extreme force & legereté, mais totalement meschâs & sur quelle raison leur meschâceté estoit fôdee. 2 H I	Litores 23 H	victoire de Lucullus pour Sylla 328 K	exploit maritime par Lucullus 350 A B
legions Romaines du temps de Romulus, & ethimologie de ce mot legion 17 C	Liturgos 23 H	statue erigee à Lucullus en Cheronee 335 G H	Lucullus stimulé par le Senar pour resister à Pôpee. 450 B C
legions Romaines de 6000 hommes de pied, & 600 de cheual 20 K	Lituus, baston augural de Romulus trouué miraculeusement 99 H	genealogie de Lucullus. 344 D E	le borgne Marius rendu vis à Lucullus 350 B C
bonne nourriture & en fans est la plus excellente œuure d'un législateur 33 B	Lituus baston augural, & la façon dont il estoit 22 B	premier acte louable de Lucullus 344 F	superstitieuse opinion en faueur de Lucullus 350 F G
le législateur doit regarder l'ordinaire possibilité des hommes 62 B	Liuius Posthumius 25 D	Lucullus fort eloquent. 344 G	grande abondance au camp de Lucullus 350 G H
Leitos 23 H	Minos roy a establi les loix des defuncts 5 D	louanges de Lucullus. 344 F G	plaintes contre Lucullus. 350 H I
Leonidas contre Lycurgus. 28 E	loix de Lycurgus non escrites 32 G	Lucullus eleu Aedile en son absence 344 K	Lucullus bien campé 351 F
Gorgone femme de Leonidas 33 F	subtile inuention de Lycurgus pour faire entretenir ses loix 40 B C D E	pourquoy Sylla tira Lucullus à loy 344 K	trahison d'Olthacus contre Lucullus 351 I K
genealogie de Leonidas. 551 E	les loix de Lycurgus inuiolables par cinq cens ans 40 F	Lucullus fait battre monnoye pour Sylla 345 A	pouruoir de victoire par Lucullus 352 G H
dissolution de Leonidas. 551 G	intention de Lycurgus en l'erection de ses loix 41 C	pieces Luculliennes 345 A	exploits de Lucullus contre Mithridates 353 C D
calomnie de Leonidas contre Agis 552 H I	cur & grâdeur de Lycurgus en ses loix 41 C	Lucullus en Egypte pour Sylla 345 A	piété de Lucullus 353 F G H
Leonidas & Agis en dispute pour les loix de Lycurgus 553 D E	contre les loix escrites 55 H I	consideration notable de Lucullus 345 E	ordre de Lucullus sur les operations d'Asie 354 B
le roy Leonidas pourfuyuy en iustice par Lyfander ephore, & pourquoy 553 G H I	loix ne doyuent estre fortes à entendre, pour euitier à proces 60 I	present de Prolomee à Lucullus 345 F	Lucullus bien voulu par tout 354 D
Leonidas priué de la royauté 553 I	la loy doit estre escrite au cuer de l'homme & nō ailleurs. 32 G	ruse de guerre de Lucullus 345 F G H	exercice de Lucullus en paix 355 E
menees de Leonidas pour surprendre Agis. 555 F G H I	chacun se doit seruir de loy à loy mesme 32 G	remonstrance raisonnable de Fimbria à Lucullus. 345 H I K	Lucullus prent & sauue la ville de Sinope 355 G
cruauté de Leonidas & Amphares 556 A B C D E F	Lycurgus se fait mourir pour tenir tousiours ses citoyens obligés à sa loy 40 D E	coniectures pour Lucullus refusant le conseil de Fimbria 346 A B	haute entreprise de Lucullus 356 A B
apophthegme de Leonrychidas 32 K	bon exemple pour l'entretenement de la loy 55 I	prosperité de Lucullus en guerre nauale 346 B C D	querimonies en Rome contre Lucullus 356 A B
Leos heraut des Pallatides trahir ses maistres 4 F	Solon contrefit le fol pour contréuenir à vne loy d'Athenes 56 G H	charge onereuse de Sylla en Lucullus 346 D E	Euphrates debordé se retire pour faire chemin à Lucullus 356 B C
leos, en Grec, signifie peuple. 4 G	la loy accommodée à la chose, & non la chose à la loy. 62 H	stratageme de Lucullus 346 E F	bō presage pour Lucullus. 356 D
Lepida fiancée de Caton d'Utique & de Metellus 529 E	la loy doit ceder à l'utilité publique 288 K	faueur de Sylla en Lucullus absent 346 G	sacrifice de Lucullus 356 E
mort notable de Lepidus. 439 A	laisser dormir la loy en cas de necessité 429 I	origine du different d'entre Pompee & Lucullus 346 G	bonne conduite de Lucullus contre Tigranes 356 K
desfaite de Leuctres 429 B	victoire d'un loup contre un taureau 283 I K	ambition de Lucullus 346 H	extreme hardiesse de Lucullus 357 G H
liberté aux soldats Lacedemoniens 37 E	la fable des loups & des brebis 590 A	preuoyance de Lucullus 346 H I K	victoire inestimable de Lucullus 358 C
libre liberté des Spartes 39 K	Romulus & Remus allaitez d'une louue, & alimentez des oiseaux de l'air, & eleuez par un bouvier 13 D I	Lucullus cherche un moyen peu honneste pour paruenir à son intention 347 B C D	deux grandes victoires de Lucullus par moyens contraires 358 H
liberté fait mespris de l'aïse 185 D	la louue & le pinert sacrez au dieu Mars 13 I	Lucullus chef de la guerre Pôrtique 347 D	braue responce de Lucullus sur les iours noirs 358 B
Libirina deesse des droits des morts 46 K	les femmes adulteres nommees Iouues par les Latins 13 I	reformation militaire & soldats par Lucullus 347 F G	ordre de Lucullus entrant en bataille contre Tigranes 358 C
	Lucaria 12 I	exercité de Mithridates contre Lucullus 347 H I	victoire de Lucullus quasi sans coup ferir 358 E F
		ordre de Lucullus en Asie 347 I K	liberalité de Lucullus enuers ses soldats 359 A
		bonté de Lucullus 348 B	louable desir d'honneurs de Lucullus 359 B

TABLE ALPHABETIQUE

la bonté de Lucullus attira le cœur des Barbares 359 CD	Lucullus grâd sectateur de phi losofphie 364 K	Lycurgus assembla en Asié tou tes les œuvres d'Homere 28 I	temple & sacrifice à Lycurgus apres la mort, en Sparte 41 D
bonté de Lucullus 359 D	liure de Ciceron intitulé Lu- cullus 365 A	l'oracle d'Apollo à Lycurgus 29 C	Aristote grand admirateur de Lycurgus 41 D
louables funerailles faites par Lucullus 359 DE	Lucullus nō du tout retiré des affaires publiques 365 B	Lycurgus aimé des diens & pluſtoſt dieu qu'homme. 29 C	foudre du ciel sur les cendres de Lycurgus 41 E
Lucullus pourſuit Tigranes par tout 359 I K	Lucullus reſiſte à l'ambition de Pompee 365 C	Arithmiadas fauoriſa ſur tous Lycurgus en ſes loix 29 D	ou mourut Lycurgus 41 E
Lucullus fondateur des Arme- niens deuât Arraxata. 360 D	ſubornation inutile cōtre Lu- cullus 365 D	premiere inſtitutiō de Lycur- gus 29 E	Antiorus fils de Lycurgus. 41 F
le camp de Lucullus combatu du mauuaistemps 360 EF	Lucullus pert le ſens ſur la fin de ſes iours 365 F	l'oracle d'Apollo Delphique à Lycurgus 29 H	Aristocrates fils de Hipparch ⁹ , ſur la mort de Lycurgus. 41 F
Lucullus cede au temps. 360 G	pompe funebre de Lucullus 365 FG	opinion de Lycurgus ſur l'ere- ctiō du lieu ou lon doit tenir conſeil 29 I	cendres de Lycurgus iettees en mer, & pourquoy 41 FG
Sibis aſſiegee par Lucullus 360 H	ſepulture de Lucullus 365 G	ſeconde inſtitution de Lycur- gus en Lacodemone 30 DE	l'eſtat politique de Lycurgus ſentoit la nobleſſe 52 FG
Lucullus deſauoriſé de fortu- ne 360 I K	pourquoy Lucullus eſt mort eureux 365 H	ſubtilité de Lycurgus cōtre l'a- uarice des Spartiates. 30 H I K	contraire expoſition de la loy de Lycurgus 310 D
louanges de Lucullus 361 A	cōtre les derniers iours de Lu- cullus 365 I K	le reuenu annuel de chacun La- cedemonien, ſelon la diuiſion de Lycurgus 30 G	comparaiſon notable de Ly- curgus aux philoſophes na- turels 419 I K
cauſe de murmure des ſoldats de Lucullus 361 AB	cōparaifon des delices de Cimō à Lucullus 366 A B	troiſieme inſtitutiō da Lycur- gus 31 CD	Lydiadas cognoiſſant le regne tyrannique l'abandonne 712 I K
plaintes en Rome contre Lu- cullus en ſon abſence. 361 BC	les grands faits d'armes de Lu- cullus 366 H	les riches Spartiates pourſuy- uēt Lycurg ⁹ en cholere. 31 F	Lydiadus Megapolitain. 558 C
decret de reuocation cōtre Lu- cullus 361 CD	eclipse de Lune le iour de la fon- dation de Rome 76 I	Alcander creue l'œil à Lycur- gus 31 G	Omphale roine de Lydie ſer- uie par Hercules 2 I K
la femme de Lucullus fort eſtō- ree 361 D	douze reuolutions de la Lune en 354 iours 49 H I	Lycurgus par ſon œil creué pa- ciſſe les Spartiates 31 G	Thales poëte Lyrique 28 GH
ſeditiō pratiquee par Clau- dius contre Lucullus. 361 EF	ene cainéa, c'eſt à dire, vieille & nouuelle Lune 63 K	les Spartiates liurent Alcāder à Lycurgus pour le punir. 31 G	Lysander premier inuenteur contre les loix de Lycurgus 40 G
mutinerie au cāp de Lucullus 361 GH	Neomenia, nouuelle lune. 64 A	debōnaireté de Lycurgus en- uers Alcander 31 H	naturel de Lysander 304 C
les Romains ſe laiſſent de hon- te mener à Lucullus. 361 H	ce que faiſoyent les Romains lors d'vne eclipse de Lune. 169 C	Alcander publie la bōté de Ly- curgus. 31 I. loix de Ly- curgus non eſcrites 32 G	Lysander reſtaurateur d'Ephē- ſe 304 GH
Romains mal menez en l'ab- ſence de Lucullus 361 H I	eclipse de Lune eſpouantable au camp des Atheniens. 377 I	opinion de Lycurgus touchāt les mariages contraire à tou- tes nations 34 C	fineſſe de Lysander 304 I K
mutinerie des bandes Fimbria- nes contre Lucullus 361 K	eſtrange eclipse de Lune. 675 GHI	propos de Lycurgus touchant les cheueux 37 F	rufe de Lysander pour ſe faire aimer 305 DE
Lucullus bien empeſché pour la mutinerie 361 K	cerimōnies és courſes ſacrees des Lupercales 512 A B	Hippias ſophiſte parlāt de Ly- curgus 37 I	rufe & trahiſon de Lysander 306 DE
Lucullus mal obey par ſes ſol- dats 362 AB	la feſte Lupercalia, quand elle ſe celebre & ce qui ſ'en dit. 21 G	Demetrius Phaleriē de Lycur- gus. 37 K. Philoſtephanus parlant de Lycurgus 37 K	Lampſaque prinſe par Lysan- der 306 HI
deriſion des ſoldats de Lucul- lus 362 B-C	cerimōnie obſeruee en la feſte Lupercalia 21 HI	Hermippus de Lycurgus. 37 K	ſtratageſme de Lysander 307 A B C D E F
tort euidēt fair à Lucullus. 362 CD	Buras poete interprete les ceri- monies obſeruees le iour de Lupercalia 21 I K	illuſion de Lycurgus 38 A	ordre politique de Lysander tyran, à la tyrānie. 308 GH I
indigne traitemēt de Pompee à Lucullus 362 D E F G	Caius Acilius touchant la feſte Lupercalia 21 K	oiſiueté non oiſiue introduite par Lycurgus 38 C	enquoy premier Lysander fut deſdit des Lacedemoniens 308 K
deſectuoſité de Lucullus. 362 G	Lupercalia ieus 634 A	contre Thucydides, qui taxe Lycurg ⁹ marry du bien d'au- truy 39 F	hymne en l'honneur de Lysan- der 310 I
le dōmage que fit le triomphe de Lucullus 362 I	ſureur des Lyciens contre eux mesmes 695 F G H I	opinion de Plutarque ſur les loix de Lycurgus 39 F G	poëtes celebrent Lysander à l'enuy 310 I K
triōphe de Lucullus. 363 A B C	genealogie de Lycurgus 27 H	ſubtile inuention de Lycurgus pour faire entretenir ſes loix 40 B C D E	cruauté de Lysander 311 A B
Lucul ⁹ maleureux en femmes 363 D	Polydeſtes frere ainſné de Ly- curgus 28 A	ſermēt donné par les Spartes à Lycurgus 40 C D	Lysander abuſé par vn Cādiot 311 GH. mors ſentētiēx de Lysander 312 DE
Lucullus ſe retire des affaires 363 E	le pere de Lycurg ⁹ tué par l'in- ſolence du peuple 28 A	Lycurgus ſe fait mourir pour tenir touſiours ſes citoyens obligés à ſa loy 40 D E	interpretatiō de prophetie par Lysander 312 I
comparaifon ſur la vie de Lu- cullus 363 H	Lycurgus roy vn peu de tēps 28 B	les loix de Lycurgus inuiola- bles par cinq cens āns 40 F	menée de Lysander en faueur d'Ageſilaus 312 K
voluptez de Lucullus 363 H I	preudhommie de Lycurgus 28 B C D	Lysander premier inuētēx cō- tre les loix de Lycurg ⁹ . 40 G	Lysander plus courtiſé qu'A- geſilaus 313 A B C
K. 364 A B C D E	l'enfant nouueau né poſé en la chaire royale par Lycurgus 28 D	intention de Lycurgus en l'e- rectiō de ſes loix 41 C	meſpris de Lysander par Age- ſilaus 313 DE
Lucullus furnōmé Xerxes Ro- main 363 K	Leonidas cōtre Lycurgus. 28 E	eur & grādeur de Lycurgus en ſes loix 41 C	entreprinſe de Lysander ſur l'e- ſtat royal de Sparte 313 GHI
bonne reſponſe de Lucullus à Pompee 363 K	Lycurgus enuié dans Sparte, ſen bannir ſoy meſme 28 F		Lysander veut ſuborner les o- racles 314 A B
Lucullus touchant la richeſſe 364 A	Thales Candien du temps de Lycurgus 28 G		grande menée de Lysander 314 B C D E
Pompee ſur la curioſité de Lu- cullus 364 C	Lycurgus imitateur de Thales Cādiot en ſa police ciuile. 28 H		cruel edit de Lysander contre les Atheniens 314 H
merueilleux ſouper de Lucul- lus à Cicero & à Pōpee. 364 F G H I			Lysander ſurpris en aguēt, deſconfit & tué 315 A B C D
belle librairie de Lucullus. 364 I K			oracle
les lettres bien exercees chez Lucullus 364 I K			

oracle predifant la mort de Lyfander 315 H I
 Lyfander mort pour. 316 A B
 menée de Lyfander à l'auancement d'Agelilaüs 420 A B
 double obligation d'Agelilaüs à Lyfander 420 B C
 Lyfander plus reueré qu'Agelilaüs en Ephese 420 F G
 aétions cōtraires & notables entre Lyfander & Sylla. 334 A B
 exploits de guerre de Lyfander & Sylla 334 B C D E
 la Grece n'eust peu porter deux Lyfandres 311 C
 Lyfiadas descōfit par Cleomenes 714 K
 Lyficles fait grād par vne courtifane 113 A
 Lyfippus represente Alexādre le grand plus excellemment que tous les autres imagers 465 D

¶ M.

alliance de Machares avec les Romains 355 K
 Macherionas, que c'est à dire 431 I
 Macheropēus, que c'est à dire 583 G
 Les anciēs rois de Macedoine achetoyēt les victoires. 167 B
 la Macedoine diuifée en deux 272 B
 vaillante opiniaſtrete des Macedoniens 170 K
 Macedoniens aimans la guerre 273 E
 Macedoniēs ſoulagez d'impoſitiōs par Paul Aemyle. 173 F
 les Macedoniens ne ſe laiſſoyēt gouverner aux femmes. 489 G
 ialouſie des Macedoniens contre les ieunes Perſiēs. 490 E F G
 le grād cueur des Macedoniēs rabaiſſé par Alexādre le grād 490 F G H
 Iupiter coniuré par art magique 48 K
 elections de magiſtrats venales 151 G
 ne ſe tenir en villes cloſes eſt ſigne de magnanimité 18 G
 œuvre de main pour argent eſt art mechanic 38 D
 Leos heraut des Pallatides trahit ſes maiſtres 4 F
 il fait quelquefois bon tomber en vn mal pour en euitier vn plus grand 372 G
 gloire de mal non fait, punie 727 D
 comparaiſon de maladie à vne puiſſance afoiblie 256 G
 il y a des maladies hereditaires 190 C
 Araterion, lieu de maledictiōs 12 A
 ſur qui ſe peuvent eſtendre les maledictiōs 144 E
 vn maleur rapporte honneur 188 B

vn maleur en ſauue vn plus grand 352 H
 malſait ne demeure impuny 188 B
 l'hōme malin craint touſiours l'hōme droit 295 H
 Mamercius de Mamercus 51 B
 ruma, c'eſtoit à dire mammelle entre les Latins 13 H
 deux cauſes d'excuse de ne manger en cōmun en Lacedemone 32 A B
 Agis roy de Sparte ne ſe peut vne ſeule fois excuſer de māger en commun 32 B
 le profit que les Spartes & leurs enſanſtiroyent de māger en commun 32 C
 forme de receuoir ou reietter quelcun au publique manger 32 D E
 les Lacedemoniens mangoyēt en commun 31 C D
 combien d'hōmes mangeoyēt en cōmun dans Sparte, & cōbien chacun fourniſſoit pour la deſpenſe d'un mois 32 A
 Mania, c'est à dire, enragee 619 I
 vaillancede Manlius 97 H I
 recompense de la vaillance de Manlius 97 I K
 Manlius ſurnommé Capitolin 101 B
 Manliuscōueincu de crime capital n'auoit recours qu'à la reproche de ſa vaillāce. 101 D
 Manlius executé à mort au lieu de ſa plus grāde gloire. 101 F
 ſoldars manipulaires 15 G
 manipules ſont petits ſagots d'herbes ou de buchertes. 15 A
 Mantinee l'amiable 717 I
 le taureau Marathon de Tetrapolis 4 G
 Marathus ſoffre volontairement au ſacrifice 11 D
 Claudius Marcellus tua Briomartus roy des Gaulois. 19 C
 nature de Claudius Marcellus 126 B
 Marcellus ſurnomé l'eſpee des Romains 126 C. 209 E
 Marcellus ſurpris & rué par la ruſe de Hannibal 126 D
 Marcellus, c'eſtoit à dire, Martial 206 B C
 naturel de Marcellus. 206 B C
 proceſſes de Marcellus 206 E
 dignitez de Marcellus en Rome 206 F
 haſardeuſe entreprinſe de Marcellus 207 I
 vceu de Marcellus 208 C
 Marcellus tue Briomartus roy des Gaulois 208 D
 vceu de Marcellus à Iupiter 208 E
 Milā prinſe ſur les Gaulois par Marcellus. 208 G. triomphe de Marcellus en Rome. 208 G
 Marcell^o porte le trophée de ſa

victoire ſur ſes eſpāules 208 H
 Marcellus reuoké de Sicile cōtre Hannibal 209 C
 ſcrupule de Marcellus 209 G
 Marcellus ſe depoſa de ſon cōſulat à cauſe d'un ſiniſtre preſage 210 D
 proſperité de Marcellus cōtre Hannibal 210 D E
 fauſſe imputation de cruauté contre Marcellus 211 A
 Syracuſe aſſiegee par Marcell^o 211 B. eueuſes executiōs de Marcellus 212 I K
 douceur & bōté de Marcell^o en la prinſe de Syracuſe. 213 C
 Marcellus fort triſte du meurtre d'Archimedes 213 E F G
 Marcell^o fut le premier qui ioignit la clemence à la victoire 213 H
 Marcellus priſe des vns & meſpriſe des autres 214 F G
 bon aduis de Marcellus accuſé de crime 215 C D. Marcell^o redouté des Syracuſains. 215 D E. bōté de Marcell^o. 215 G
 les Syracuſains recognoiſſans les biēfaits de Marcell^o. 215 H
 opinion de Marcellus totalemēt cōtraire à Fabius. 215 H I
 Hannibal chafſé & pourſuiuy par Marcellus 216 A B
 Hannibal cōtraint de cōbatre par Marcellus 216 F G
 Marcellus deſait par Hannibal 216 G.
 ruſe de Marcellus pour animer ſes gēs au cōbat 216 G H. Hannibal admire la viuacitē de Marcellus. 216 I
 Hannibal deſconſit par Marcellus 217 A
 murmure en Rome cōtre Marcellus 217 B C
 Marcellus conſul pour la cinquieme fois 217 D E
 ſiniſtres preſages contre Marcellus 217 F G
 Marcellus eſtrāgemēt deſireux de cōbatre Hannibal. 217 G H
 mort de Marcellus par embuſche 218 D E
 bonté de Hannibal enuers Marcellus 218 F G
 diuerſes opinions touchant les cēdres de Marcellus 218 G H
 vers de Poſidonius en l'honneur de Marcellus 218 I
 Marcellus & Lentulus fort cōtraires à Iul. Ceſar 502 C D
 louāge de marchandſe 54 I
 pourquoy marchāds ſe traitēt quelquefois delicieuſement 54 K
 marchands ſe rendent volontiers des plus forts 547 B C
 Marcus Varro grand hiftoriē, & ſa curioſité 16 K
 cōſtāce de Marc^o Horati^o. 72 B
 brief diſcours de Marcus Curius. 234 E F. reſponſe notable de Marcus Curius. 234 F

Margites, c'eſt à dire, ſor 589 I
 Theſeus & Romulus nez hors mariage, & eſtimēz ſortis de la race des dieux 1 F
 ſimplicité Romaine ſur l'eſtar du mariage 53 A
 ceremonie de mariage en Sparte 33 H I K. 34 A B
 mariages & aduiteres de Theſeus 10 A
 opinion de Lycurgus touchāt les mariages contraire à toutes nations 34 C
 contre mariages inegaux en aage 61 K
 foſſe Mariāne ſur le Rone 290 C
 Dercyllidas vaillant capitaine, meſpriſé d'un ieune homme, pour ne ſ'eſtre point marié 33 G H I
 le nouveau marié Lacedemonien ne couchoit avec ſa femme qu'en cachettes, & poutquoy 33 K. 34 A
 punition contre les hommes de Sparte qui ne ſe vouloyēt point marier 33 G
 insolence de Marius 277 F G
 vengeance d'ingratitude ſur Marius 287 H I
 opinion de Marius ſur la ſuffiſance humaine 381 G
 naturel de Marius 285 B
 genealogie & facultez de Marius 285 D
 Marius né à la guerre 285 E
 faueurs de Scipion à Marius 285 E F
 Marius tribū du peuple. 285 G
 Marius droit en iuſtice 285 G H I K
 Marius recoit vne iniure non écore aduenue à Rome. 286 A
 Marius preteur 286 A
 debat de Marius ſur le droit de Patronage 286 C
 Marius en Eſpagne 286 D E
 grandiffime patience de Marius 286 F G
 Marius veut ſupplanter l'honneur de Metellus conſul 286 G H
 discipline militaire de Marius 286 H I K
 grandes promeſſes à Marius par les ſignes de ſon ſacrifice 287 D
 Marius conſul 287 D E
 origine de la haine de Marius & de Sylla 288 A
 deuxieme conſulat de Marius 288 C
 Marius eleu conſul contre les loix Romaines 288 K
 prouerbe, mulet de Marius 289 D E
 bonne facon de Marius eſtant ſoldar 289 E
 iugement tres louable de Marius ſur le fait d'un ſien neueu 289 G H I

TABLE ALPHABETIQUE

Tribonius meurtrier couronné par Marius d'un chapeau de triomphe 289 I	prodige merueilleux, Mars secoués armes 119 D	harague de la mere au fils pour impetrer grace 159 D E F G H I K	temple de Minerve Optileide, & son origine 31 I K
troisieme consulat de Marius 289 I K	Mars est vn tyran, & iustice estoit roine 625 I	bonité de mere enuers son fils 558 B	miracle de Minerve 109 H
commencement de victoire de Marius sur les Cimmericiens 291 I K. 292 A B	Marsaille fondee par vn Marchand 54 I	hommes d'extreme force & legereté, mais totalement meschans: & sur quelle raison leur meschanceté estoit fondee 2 H I	contre ceux qui s'enrichissent des minieres d'or 396 A B
secondé desfaire des Cimmericiens par Marius 292 E F G H I	Martius gendre de Numa 51 C	faire bien aux meschans pour crainte de leur malice. 368 H	Taurus capitaine de Minos. 4 B
grande reconnaissance des Romains enuers Marius. 292 I	loy de Solon contre le mary inhabile à cohabiter. 61 G H	les meschans respitez de mort par argent 724 H I K	Androgeos fils ainé de Minos 4 I
cinquieme consulat de Marius 293 B	cruelle mort de Mafabares 664 C D	mespris engendre haine 254 E	tribut des Atheniens enuers Minos, & l'occasion 4 I K
subtile inuention de Marius 294 B C	Andromanes, enrageans d'auoir le masle 53 A	mespris & cotremespris. 426 G	Minos roy a estably les loix des defuncts 5 D
bataille rangee par Marius contre les Cimbres. 294 D E	Pallas pere de cinquante masles 2 B	Messala 702 E G	Deucalion fils de Minos 6 D
Marius frustré de son intention 294 I K	Corynetes, porte-masle 3 D	Messine deliuree de tyrannie, pour la crainte du secours de Philopœmen 254 A	Androgeos fils de Minos tué par les Atheniens & Megariens 26 A
Marius surnommé troisieme fondateur de Rome 295 D	Tarutius grand philosophe & mathematicien 16 K	confrairies & festes de chacun mestier à Rome 49 G	Euripide touchant Minotaure 5 A
menée de Marius pour son sixieme consulat 295 H I	la feste Matronalia 21 E	mestiers superflus bannis de Sparte 30 K	Fabi ^s laisse la charge de l'armee à Minuti ^s sous cōdition. 122 A
honneur souverain fait à Marius 295 D E	Matuta deesse 90 B	mestiers superflus 31 A	Minutius contrenient à la defense de Fabius 122 B
Marius rien que martial. 295 F	sacrifices à la deesse Matuta 90 C	peuple de Rome diuisé par mestiers 49 E F G	crainte du peuple Romain pour Minutius 122 E
brave respōse de Marius. 295 G	les mauuais craignent l'auctorité des bons 241 B	enfants mestifs, & que c'est à dire 77 A	arrogance de Minutius 122 I K
desir de grandeur de Marius 295 H	de deux maux eniter le pire 453 E	Metagitnion, mois 72 A	harangue de Minutius à ses soldars 123 H
caucelle de Marius 296 A B	May dedié à Maia mere de Mercure 50 B	Quintus Metellus appelé celebre, & pourquoy 16 E	humilité de Minutius enuers Fabius 123 I K
Marius mesprisé en temps de paix 297 C	œuvre de main pour argent, est art mechainique 38 D	arrogance de Metellus sur vn malfait 287 A B C	miracle 155 F
nourrissement de haine entre Marius & Sylla 297 D	conseil maleureux de Medee contre Theseus 4 C	sagesse de Metellus 296 D E	accidens qui ont similitude de miracle 160 D E
piquante reprehension de Marius à ses soldats 297 H	approbation de la fable de Medee 478 D E	rigueur contre Metellus 298 E	miracle de renommee 171 K
euidente ambition de Marius contre son vieil aage 297 K	premiere desfaire des Medois par les Romains 356 I	Meteorolesches, que c'est à dire 378 A	exemples des miracles de renommee 172 B C D E
guerre civile entre Marius & Sylla 298 D E	Megalopolis destruite par Cleomenes 563 K	Metœcia feste & sacrifice des estrangers dans Arhenes 8 C	miracle de Castor & Pollux 172 B C
Marius fuitif de Rome 298 F	proesse des Megalopolitains contre Cleomenes 563 F G	folie de Meton astrologue 136 G H	miracles de faulx dieux. 90 G H I
presage pour Marius des son enfance 299 A B	Megariens cobatoyent la prescription du temps 3 H	Meton astrologue 373 E	faulx miracles 147 I
presage preser à Marius. 300 A	Androgeos fils de Minos tué par les Atheniens & Megariens 26 A	subtilité de Meton pour empescherv vn mal commun 273 I K. 274 A	d'où vient l'apprehension des faulx miracles 160 E
conte estrange de Marius & du Gaulois qui le vouloit tuer 300 B C	le fleuve Melas en Theffalie 326 B	Metrodorus surnomé pere de Mithridates 355 B	Lacedemoniens en victoire voyent de misericorde 37 I
sententieuse respōse de Marius 300 H	comparaison du fleuve de Melas au Nil 326 C D	Metrodorus tué par ordonnance de Mithridates 355 B C	estonnement de Mithridates. 407 E
retour de Marius en Italie 301 B C	les grandes natures sont suiettes à la Melancholie 304 C D	tout meuble doit estre sortable 32 I K	presages contre Mithridates 321 D E
crualté de Marius 302 A B C D E F G H	ieus appelez Melicerta 8 I	le meurtre arbre consacré à Venus 215 A	l'armee de Mithridates fort brave & espouantable 323 H I K
horreurs de Marius 303 A	Menacteron, mois 230 G	pris d'honneur pour vn meurtre sacrilegemēt executé. 183 F	desordre de l'armee de Mithridates 323 K
mort de Marius 303 D	Ioxus fils de Menalippus fils de Theseus 3 F	grand meurtre vaillamment executé 385 C	grad esfroy au camp de Mithridates 324 K
mortelle sedition d'entre Marius & Sylla 319 F G	Menalippus fils de Theseus & de Perigouné, fille de Sinnis 3 E F	grand meurtre en vne bataille 437 E	le camp de Mithridates renouvelé mieulx que iamais. 325 K
brauade de Marius lieutenant de Sertorius enuers Mithridates 407 F G	forme de menasse 181 D	excuse pour meurtriers 22 F	occasion de la guerre des Romains contre Mithridates 327 H I
Marius Celsus 727 F G	enue de Meneclides 201 A B	cōparaison du miel au vrayes remonstrances 515 G	Mithridates bien campé ne cognoit l'asiettedu lieu. 445 A B
Aemilia fille d'Aeneas & de Lauinia enceinte du fait du dieu Mars 13 A	Aristote taxé de mesonge. 33 B	Milan prinse sur les Gaulois par Marcellus 208 G	Mithridates fuit deuant Pompee 445 B
la louue & puerit sacrez au dieu Mars 13 I	Mercedinum, mois de 22 iours 49 I	Milefiagues d'Aristides. 395 C	longe veritable de Mithridates 445 C D
pourquoy la mere de Romulus & Remus croyoit Mars estre le pere de ses deux fils 13 I	Mercedonius, mois intercalaire 511 E	le plus grad point de tout l'art militaire 254 K	descōsiture de Mithridates par Pompee 445 F
la lance nommee Mars 25 B	Hermus signifie Mercure 9 D	Miltiades eguillon de Themistocles 3 A. 78 A	Mithridates fuit en lieux malaites 446 E
Mars dedié à Mars 50 A	Mercure nommé Camille, c'est à dire, ministre des Dieux 44 I	ingrate respōse faite à Miltiades 338 C	concubines de Mithridates 446 I
	l'enfant dont la mere se purge mensalemer, est plus pur que les autres 35 F G		ridicules papyrus de Mithridates 447 B C
			Mithridates

Mithridates sophiste 347 G	monnoye d'Athenes marquee à la cheuesche 113 I	Neoptolemus premier escuyer d'Alexandre 409 C	pour sauuer son camp 375 D E
retranchement de pompes par Mithridates 347 G H	computatiō de monnoye Greque & Romaine 120 D	neptune de Neoptolemus 410 E	prosperité de Nicias en Sicile 375 F G
mort de Mithridates 448 F	marque de monnoye Greque 310 A	Neptune pere suppose de Theseus 2 F	Nicias combatu & chassé iniques dans son camp 376 F
le fourreau d'espee & le cha peau de Mithridates 448 H	qui sont ceux qui veritablement font moquez 122 H	Neptune appelez Isthmia instituez par Theseus en l'honneur de Neptune 8 H I	deffiance de Nicias 376 D E
extreme famine au cap de Mithridates 349 E F	Hesiodo estime pour ses dits moraux & sententieux 1 I	Neptune surnomé Asphalius, & Geiochus, & pourquoy 12 F	Nicias inopinement assailly par mer & par terre 376 E
trois cens mil des gens de Mithridates tuez 349 I	apparence morte n'est mesprisable 119 A B	Neptune surnommé le cheualier, ou le patron des cheuaux 17 I	Nicias desconfit par mer 376 H
Mithridates en extreme danger de mer 350 D E	mort precipitee de Theseus 12 A B	Neron trouble pour la rebellio de Galba 721 F	Nicias frustré de sa bonne esperance 376 K
Mithridates redresse vne armee 351 D	l'homme n'est estimé eueux qu'apres sa mort 65 B	amours de Neron & Poppea 724 F G H	Nicias mal interpretant l'eclipse de Lune 378 D
deux eueux rencontres des Romains contre Mithridates 352 C D	cōtre Aesopetouchât la mort 205 E	cruauté d'oncle enuers ses petits neueux 13 G	Nicias deceu par Hermocrates 379 A B
Mithridates & tout son camp fuit en grand desordre 352 D E	ioyeuse mort & triste vie 429 E	Nicanores, c'est à dire, victorieux 223 B	l'infortune de Nicias fort plainte 379 D E
Mithridates sauue par l'auarice des soldats 352 F G	permission d'enterrer les morts à l'issue d'une bataille 10 C	Nice, c'est à dire, victoire 367 D	bonne conduite de Nicias en sa retraite 379 F
douloureuse mort des femmes de Mithridates 353 A B	Libitina deesse des droits de morts 46 K	rusé de Nicias pour fuit le danger d'une conspiration 213 I K 214 A B	offre de Nicias pour la sauueré des Atheniens 379 G
pieté de Mithridates enuers Tigraues 353 I K	diuersité de deuil mortuaire par Numa 47 A	Nicias fait pardonner à ses citoyens qui l'auoyent voulu trahir 214 C	humilité de Nicias enuers Gylippus 379 H
cruelle mort de Mithridates 366 I 663 F G H I K	loy sur les ruches de mouches à miel 63 E	Nicias craintif incognu en guerre 367 K	ignominie faite à Nicias 380 C
Mnemon, c'est à dire, ayant bonne ou grande memoire 285 A 658 K	vn monton valoit 10 oboles 71 B	magnificence de Nicias 368 B	mort de Nicias 380 C
Chac, en Egyptien, est le mois de Decembre 17 A B	Murenia reprehensible en beaucoup de choses 353 I	Nicias non iamais veincu es ieux publics 368 C	puissance de Nicias 397 A
Pharmuthi, en Egyptien, est le Mois d'Auril 17 B	pomerium, c'est à dire, joignant les murs 16 H	notable liberalité de Nicias 368 C	grande faute de Nicias 397 A
Thoth, en Egyptien, est le mois de Septembre 17 B	Tacita muse muette celebre en Rome 45 D	ordre cerimoniale de Nicias 368 D E	tesmoignage de la bōté de Nicias 397 B
le mois Sextilius, est le mois d'Aoust 18 G	Lacedemoniens aimas la guerre & la musique 37 C D	preiens sacrez de Nicias en Delos 368 F	nicium, paix, & son ethimologie 134 G
confusiōs mois & ans du rèps de Romulus 49 H	pris de Musique en Athenes 109 G	Nicias deuot 368 G	nicium, que c'est à dire 371 D
Mercedinum, mois de 22 iours 49 I	espoir de mutation trompe les attendans 65 G	Nicias estoit vne rēte aux mechans, aussi bien qu'aux bons 368 H	Nicocles senfuit de Sicyle 376 E
diuersité de mois en l'an en diuerses nations 49 I K	confratrie des mysteres 10 G	vers pour & contre Nicias 368 I K 369 A B	Nicon, c'est à dire, victorieux 284 C
ethimologie des dix mois de l'an nommez par Romulus 50 A B	Castor & Pollux receus en la confratrie des mysteres 11 F	maintien de Nicias en Athenes 369 C D	Nicon, c'est à dire, vainqueur 651 A
forme de conter le mois au décroissement de la Lune 64 A	notable discours contre l'opinion d'Euripides, pour le lieu de la naissance 582 H I K	Hieron poëte aidoit à Nicias à le mettre en reputation 369 C D E	Nicostrate femme d'Euander 21 F
aduertissement sur l'inegalité des mois & iours 229 I	Naphthe, & sa propriété 478 B C	Nicias cherche mediocrité 369 G	viure oisiuement est viure noblement 38 D
supplication irrefragable contre les Molossiens 85 G	premiere rencontre & desfaite de Macedoniens par Nasica 168 G	Nicias mal voulu en Athenes 371 K	office des nobles en Athenes 8 G
coustume des Molossiens 270 C	exil & mort de Nasica 575 D	Nicias seul contredit à la guerre de Sicile 372 I K	bon aduertissement cōtre les nobles auariteux 150 D
fosse appelee le monde 16 F	le style du dieu de nature 516 A	Nicias eleu premier chef des Atheniens en Sicile 372 K	prouerbe touchant les nobles 704 C D
Monime femme maleureuse de Mithridates 352 I K	notable remede contre vne vice de nature 569 D	ce qu'il deuoir faire Nicias en sa charge de Sicile 373 G H I	auctorité de noblesse par terre 84 A
monnoye des Trezeniens 2 F G	si le naturel se peut changer 401 F G	Sophocles en l'honneur de Nicias 374 C	louange de vertu & noblesse 333 G
Hecatombion monnoye d'Athenes 8 G	Cybernesia est la feste des patrons de nauire, celebre en l'honneur de Naustheus & de Pheas 5 H I	petite execution de Nicias en Sicile 374 C D E	le nombre 28, est nombre complet 29 G
Decabion monnoye d'Athenes 8 G H	necessité contraint le necessiteux 287 I	Hermocrates se moque de Nicias 374 G	adoucissement de noms odieux 59 G
monnoye de fer en Sparte 30 I K	Neomenia, nouvelle lune 64 A	trop grande tardité de Nicias 374 H I K	prouerbe, Non fans Theseus 10 B
monnoye de fer alteree par vinaigre, pour euitier le larcin d'icelle 30 I K	Neoptolemus descouure son secret inconsiderement 270 F G	grande persuoyance de Nicias	nonchalance & mespris sont fort domageables 375 G H I K
computation de monnoye de Grece à celle de Rome 92 I	mort de Neoptolemus 270 G		Nones Capratines 25 C
			Nones Capratines à cause d'un figuier sauage 25 G
			Talassius estoit chanté par les Romains le iour des nopces, cōme Ymeneus par les Grecs 18 D E
			cerimonies des Romains en leurs nopces pour memoire du rauissement des Sabines 18 F

TABLE ALPHABETIQUE

<p>Nonas tabulas 532 IK</p> <p>Nouëber pour neuvieme 50 C</p> <p>grande nourriture aux enfans, les garde de croistre 35 E</p> <p>nourriture passe nature. 569 E</p> <p>les Spartes ne portent point de lumiere de nuit, & pourquoy 32 F</p> <p>Numa Pompilius & Pythagoras contemporains 41 I</p> <p>entrepris à Rome auparavant l'election de Numa Pöpilius 42 F G</p> <p>Numa Pompilius eleu roy des Romains 42 HI</p> <p>Cures ville de Numa 42 I</p> <p>Numa Pompilius né le mesme jour de la fondatiö de Rome 42 I</p> <p>vie austere de Numa Pompilius 42 K. 43 AB</p> <p>Numa Pompilius gendre de Tatiüs roy de Rome 43 A</p> <p>Numa aimoit mieuls le repos que le regne 43 H</p> <p>responße de Numa aux ambassadeurs Romains, qui luy offrent la couronne 43 I K. 44 AB</p> <p>persuasion à Numa par son pere pour accepter le royaume 44 CDE</p> <p>toutes choses induisoient Numa à ne refuser la couronne 44 E</p> <p>receptiö de Numa dans Rome 44 F</p> <p>Numa confirmé roy par les Dieux 44 G</p> <p>ruse de Numa pour adoucir son peuple 45 AB</p> <p>conformité d'entre Numa & Pythagoras 45 BCD</p> <p>images de deité defendues par Numa, & pourquoy 45 DE</p> <p>sacrifices instituez par Numa 45 E</p> <p>vierges Vestales establies par Numa 45 K</p> <p>diuersité de dueil mortuaire par Numa 47 A</p> <p>cerimonies de Numa contre la peste 47 GH</p> <p>opinion de Numa touchant le seruice diuin 48 BC</p> <p>conformité d'ordonnances de Numa avec les Pythagoriens 48 D</p> <p>interpretatiö des loix ceremoniales de Numa 48 E</p> <p>cötes fabuleux de Numa 48 H</p> <p>Numa surprint & arresta les dieux Picus & Faunus 48 I</p> <p>Numa confere avec Iupiter 48 K. 49 A</p> <p>distribution des terres aux peuples par Numa 49 C</p> <p>Numa racoustra aucunement le Calendier 49 H</p> <p>temple de Ianus tousiours clos du temps de Numa 50 F</p> <p>Numa regna 43 ans 50 F</p>	<p>Rome exemple de bien viure à ses voisins du temps de Numa 50 FG</p> <p>vers de la beatitude du peuple Romain du temps de Numa 50 H</p> <p>quels enfans eut Numa 51 B</p> <p>Numa Pöpilius plus digne de regner que nul autre 51 A</p> <p>Pompilia fille de Numa 51 B</p> <p>Matrius gendre de Numa 51 C</p> <p>mort de Numa 51 D</p> <p>funerailles honorables de Numa 51 DE</p> <p>Numa enterré au mont Ianiculum 51 E</p> <p>les liures sacrez de Numa enterréz avec luy, & pourquoy 51 EF</p> <p>le sepulchre de Numa trouué vuide quatre cës ans apres sa mort 51 GH</p> <p>Petilius preteur fit bruler les liures de Numa 51 H</p> <p>l'estat des rois successeurs de Numa 51 IK</p> <p>comparaison du temps de Numa à celui de Saturne 52 D</p> <p>l'estat politique de Numa sentoient le populaire 52 F</p> <p>en quoy Numa faillit 52 GH</p> <p>ialousie hors de Rome du teps de Numa, & comment 52 I</p> <p>ordre de Numa sur les femmes 53 C</p> <p>Numa n'eut esgard à la nourriture des enfans 53 G</p> <p>Numa sage instituteur de la culture des Dieux 55 I</p> <p>Numitor & Amulius freres 53 E</p> <p>la fille de Numitor rendue Vestale avec la diuersité d'opinions sur son nom 53 F</p> <p>Amulius chasse Numitor 53 F</p> <p>la fille de Numitor enceinte & enfermee estroitement 53 F</p> <p>Remus prins par les bergers de Numitor 54 H</p> <p>Numitor remis en sa dignité royale par ses arriere-fils 55 H</p> <p>Romulus réd raison de ce qu'il scait de son estre, à Numitor 55 AB</p> <p>nundine marché de Rome 55 H</p> <p>insolence de Nymphidius Sabinus 722 ABCDEF</p> <p>genealogie de Nymphidius 722 F</p> <p>arrogance de Nymphidius 723 CDEF</p> <p>temerité de Nymphidius 723 F</p> <p>Nymphidius se veut faire empereur 723 FGHK</p> <p>Nymphidius mort violëtemēt 724 A</p> <p>Nympholepti, c'est à dire, esprits des Nymphes 225 I</p>	<p>¶ O</p> <p>demandier terre & eau, c'est demander entiere obeissance 79 A</p> <p>obole valoit sept deniers 80 F</p> <p>obole en Grec signifie broche 310 C</p> <p>obscurité d'oracle 1 K</p> <p>exemple de peu d'occasiö prinse par les Romains 99 F</p> <p>l'occasion veut estre prinse au poil 281 EFGHIK</p> <p>l'occasion rend doubles effects 352 AB</p> <p>malices d'Occhus pour regner 669 BCDE</p> <p>Octauiä harangue pour pacifier son mary & sön frere. 641 C</p> <p>grand cueur & bonté d'Octauiä 647 FG</p> <p>bonté d'Octauiä envers les enfans de M. Antoine 657 DE</p> <p>differéce d'Octauiä & de Marc Antoine 607 DE</p> <p>genealogie d'Octauiän. 607 G</p> <p>tous les gens de guerre se rangent sous Octauiän. 607 K</p> <p>Octauiän va chercher M. Antoine en Grece 650 B</p> <p>Octauiä fait ligue avec M. Antoine & Lepidus 608 AB</p> <p>proscrits en Rome par Octauiän, M. Antoine & Lepidus 608 BC</p> <p>bon preface pour Octauiän Cesar 651 A</p> <p>viötoire nautale d'Octauiän cötre M. Antoine 651 FGH</p> <p>ambassadeurs d'Egypte vers Octauiän Cesar 653 F</p> <p>Octauiän Cesar aduertit & dolent de la mort de M. Antoine 655 BC</p> <p>bonté d'Octauiän Cesar en Alexandrie 655 FGH</p> <p>chicheté d'Octauiän Cesar 697 I</p> <p>M. Octauius destitué de son office de tribun 572 BCDE</p> <p>October pour huitieme 50 C</p> <p>l'economie est particule de la police 247 F</p> <p>office des nobles en Athenes 8 G</p> <p>la dignité d'office public n'a rien commun à la paternité 128 CD</p> <p>schinocephalos, teste d'ognon 104 I</p> <p>schinos, ognö de Barbarie. 104 I</p> <p>Romulus & Remus alaitez de vne louue, & alimentez des oiseäus del'air, & eleuez par vn bouvier 13 D</p> <p>esuanouissement d'oiseäus en l'air 442 GH</p> <p>occasion de la loy contre les oisifs 62 H</p> <p>viure oisiuement est viure noblement 38 D</p> <p>oisiueté condamnée en Athenes 38 C</p>	<p>oisiueté non oisive introduite par Lycurgus 38 C</p> <p>Oligarchie 614 A</p> <p>branche d'oliue entortillee de laine nommée Iresione 7 F</p> <p>hauteur du mont Olympe 168 DE</p> <p>ieus Olympiques inuentez par Hercules en l'honneur de Iupiter 8 I</p> <p>vn Laconien refusa del'argent pour ne combattre aux ieus Olympiques 37 H</p> <p>Hippias Ebien. calculateur des ieus & pris Olympiques. 42 A</p> <p>pris des ieus Olympiques 63 A</p> <p>Bacchus Omeßtes, c'est à dire, cruel 81 K</p> <p>Omphale roine de Lydie seruite par Hercules 2 IK</p> <p>cruauté d'oncle envers ses petits neueüs 13 G</p> <p>Opaidion, c'est à dire, ö cher fils 474 K</p> <p>Opai Dios, c'est à dire, ö cher fils de Iupiter 475 A</p> <p>cruauté du consul Opimius 580 ABCDEFGHIK</p> <p>Opimius premier usurpateur de la dictature 580 K</p> <p>Opimius cöueineu de concussion 581 A</p> <p>l'homme politic doit sur tout euitier son opiniaistré. 582 A</p> <p>opiniaistré se fait abandonner 671 F</p> <p>Platö, opiniaistré demeure en solitude 684 E</p> <p>le besoin fait changer d'opinion 81 H</p> <p>on est souuent trompé de son opinion 281 F</p> <p>diuerßes opinions en font vne bonne 357 G</p> <p>opinions superstitieuses 367 DE</p> <p>oplites, c'est à dire, armez 63 B</p> <p>temple de Minerue Opuletide, & son origine 31 IK</p> <p>Optio, c'est à dire, lieutenant ou aide 727 A</p> <p>obscurité d'oracle 1 K</p> <p>l'oracle d'Apollo en Delphos 8 D</p> <p>oracle d'Apollo en l'höneur de Theseus 12 C</p> <p>l'oracle de Thetis en Thoscane 13 B</p> <p>l'oracle d'Apollo à Lycurgus 29 C</p> <p>l'oracle d'Apollo Delphique à Lycurgus 29 H</p> <p>Tyrthëus poëte amplifie l'oracle d'Apollo 30 A</p> <p>l'oracle Retra, c'est à dire, decret 29 H. 32 G. 33 A</p> <p>oracle fauorable à Solon 59 A</p> <p>oracle d'Apollo touchant la guerre des Grecs & des Perles 225 H</p> <p>oracle 230 C</p> <p>oracle</p>
---	---	---	---

oracle d'Apollo interpreté par Jupiter 225 I K	bon commencement d'Orthon en son empire 728 I K	ostages de paix 73 F	surprise & ruse des Parthes sur le ieune Crassus 391 F
oracle predisant la mort de Lyfander 315 H I	Orthon troublé par les soldats 729 DE	paix desplait aux soldats. 92 E	bravade des Parthes aux Romains 392 DE
oracle de victoire aux Thebains 315 K	Orthon fort bien voulu des soldats 729 F G	paix avantageuse & necessaire par bonne preuoyance 262. B C D	fortes armes des Parthes. 392 I & quasi par toute la vie de Crassus.
oracle interpreté en double sens 419 C D	Orthon appaise vne grande sedition 729 F G	paix & guerre seruent de monnoye aux rois 273 C	dissolution grande au camp des Parthes 395 E
interpretation d'oracle 389 C	reproches de vie entre Orthon & Vitellius 729 I K	paix fourree entre princes 273 C D	le roy des Parthes anciennement nommé roy des rois 447 E
oracle d'Apollo à Ciceron 594 B C	ordre d'Orthon cōtre Vitellius 730 B C D	Pahlia feste pastorale 16 I	infidelité des Parthes 643 G H I. 645 C D
oracle à l'honneur d'Aratus 719 F	grāds discours es deux armées d'Ortho & Vitellius. 731 F G	Athenes appartenoit naturellement aux Pallantides 4 E	dix huit batailles en vingt sept iours contre les Parthes 646 F
oracles d'Apollo touchant le lac d'Alba 90 A B	desastres & mauuais ordre au camp d'Orthon 731 I K.	Leos heraut des Pallantides tra hit ses maistres 4 F	cruauté de Parysatis mere de Artoxerxes 663 DE
oracles & songes ambigus. 199 G H I K	camp d'Orthon 732 A B C	Pallantium, ville 12 H	malice de Parysatis mere d'Artoxerxes 664 A B C D
oracles veritables, mais trompeurs 266 K. 267 A B	bataille entre Orthon & Vitellius 732 D E F	Pallas pere de cinquante masses 2 B	qui estoit Pasiphae 553 A B
oracles 553 A B	camp d'Orthon fait serment de fidelité à Vitellius 733 A	fable du proces de Pallas & de Neptune 83 K	temple de Pasiphae 553 A B
oracle mauuais 588 D E G	amour & fidelité des soldats de Orthon 733 C D	Pallas Polemique & Politique 517 E	passions que peu d'hommes ont vitees 26 C
oraïson funebre de Cleopatra au tombeau de M. Antoine 656 G H	harāgue d'Orthon à ses soldats 733 E F G	Pindare aimé du dieu Pan 43 F	passions faisantes foruoyer les hommes 62 D
ce qui est necessaire au bon orateur 584 H I K	Orthon se prepare à sa mort volontaire 733 G H I K	Panathenea feste solēnelle de Athenes 8 C	quelles passions ne vieillissent point 319 E F
contre les presomptueux orateurs 367 F	notable aduertissement d'Ortho à son nepueu 733 H	Panemus, mois de Iuillet malheureux aux Grecs 94 I	Paraccus disoit auoir l'ame de Esope 56 B
Orcomosium ioignant le temple de Theseus 9 H	les soldats d'Orthon l'aiment & le craignent 733 H I	Panemus, mois 229 I	conspiratiō de mort paternelle descouuerte 668 G H I
ordre politic en Rome par Romulus 17 B C	Orthon salarie ses seruiteurs 733 I	Parasiter & son ethimologie 63 H	la dignité d'office public n'a rien commun à la paternité. 128 C D
tenir quelcun par les oreilles 132 E	Orthon se tue soy mesme pour le bien public 733 F G H I K.	il faut pardonner quelquefois à cause des bōs seruices. 127 A	patience contre les grands, est grande magnanimité 201 A
orfaueries & ioyaus ne se font que pour le profit de l'ouurier 31 A	734 A	Silanius & Parrhasius, peintre & sculpteur de Theseus 2 C	Patriciens, & ethimologie de cenom 17 C D E
contre ceux qui s'exculent sur l'orphelinage 147 B	honorable funeraillies faites à Orthon par ses soldats. 734 A	opiniō de Romulus sur le paricide 22 D	Patriciens, & quels ils estoient en Rome 23 I
orphelins à la taille 89 B	chose notable es soldats d'Orthon 734 B C	Lucius Ostius premier paricide à Rome 22 D	occasion de souspeçon contre les Patriciens sur la mort de Romulus 23 K
Diane Orthia, & sō rēple. 10 H	aage d'Orthon & son regne 734 D	comparaison de trop parler à l'action genitrice 36 A B	Patriciens nobles de Rome. 51 D
les os de Theseus recourez miraculeusement & saintement recueus à Athenes. 12 C	difference entre l'ouation & le grand triomphe. 214 H I K	le parler interdit aux femmes Romaines 53 C	patrocinium, & qu'il signifie 17 D
Ofchophoria, feste des rameaus 7 D	ouation, triōphe, & pourquoy ainsi nommez 215 A B	en quoy gist la force du parler 516 H	parrocination iadis exercee des plus excellens 106 G. voyez toutes les vies.
Lucius Ostius premier paricide à Rome 22 D	compagnies d'hommes d'armes en Spartē nōmees Oulames 37 K	Aristophanes contre vn qui parloit gras, & le contrefait 130 H I	patron homme secourable 17 D
ostraci estoient petits tuileaus sur lesquels chacun particulier escriuoit celuy qu'il vouloit estre banny pour dix ans 134 E	tout ouurage qui delecte, ne rend pas l'ouurier honorable 104 E	mort de Parmenion 483 D	patroni, c'est à dire, protecteurs 17 F
Ostracisme, bannissement, & pourquoy 85 B	ouurage admirable aux amis & ennemis 683 B	cōparaison de la parole à vne tapisserie 87 B	exemption de patronage, & comme elle s'obtient 286 D
Hyperbolus dernier relegué par l'Ostracisme 223 G H	acoueté, leos, c'est à dire, oyez peuple 4 G	parole poignante, & responce de mesme 297 G	Cybernesta est la feste des patrons de nauire, celebre en l'honneur de Nausirheus & de Phēas 5 H I
bannissement de l'Ostracisme pourquoy inuēté. 223 F G H I	naturel des oyes 97 G H	il faut tremper la parole en sens & en raison 516 G	pruilege des patros & de leurs cliens 17 G
Ostracisme, & son ethimologie 223 I	oyes sacrées à Iuno firent sauuer le Capitole 97 G H	temple Parthenon, temple de la vierge 109 C. 618 C	bon naturel de Paul Aemyle 163 G
causes du bannissement de l'Ostracisme 372 B C	uer le Capitole 97 G H	Parthes inuincibles 362 H	Paul Aemyle prestre augurial 163 H
vers de Platon sur le bannissement de l'Ostracisme 372 F	¶ P	description du camp des Parthes effrayable aux Romains 388 DE	Paul Aemyle estoit pour 164 C
premier & dernier bannis de l'Ostracisme 372 G	Panon natif d'Amathunte, en l'honneur de Theseus 6 H	facon des Parthes pour s'encourager au combat 390 H	excuse notable sur la repudiation de Paul Aemyle. 164 E
l'Ostracisme annichilé 372 G	en tous pais toutes guises. 86 E	stratageme des Parthes contre les Romains 390 K	Paul Aemyle se fait prier d'entrer au consulat 166 B
Orthon vit sous l'espoir de l'empire 724 I K	garder son pais par le fer, non par l'or 98 E F	extreme force estrait des Parthes 391 A B	
Orthon bien voulu de Galba 724 I K	lon doit plus aimer son pais, que pere, mere ny enfans 159 B	Parthes combatent en fuyant 391 B C	
	paix entre les Amazones & les Atheniens 9 G	preuoyance des Parthes 391 C	
	Irenophylaces, c'est à dire, cōseruateurs de paix 47 B	ruse des Parthes 391 D	

TABLE ALPHABETIQUE

bon presage pour Paul Aemyle 166 D	ble que faite aiseemēt. 189 F G	Pétacosiomedimnes, c'est à di- re, ayans 500 minors de re- uenū 60 G. 220 C	grande contention entre Peri- cles & Thucydide 108 C
l'avarice des Perles fut la bon- ne fortune de Paul Aemyle 166 H	le vray office d'un peintre 335 I	Pétacosiomedimni, & que c'est à dire 246 I	louange des bastimens de Peri- cles 109 BC
stratageme de Paul Aemyle 170 F G	Pelagiens rodās le mōde. 12 G	Diocles Peparethien, historien 13 E	Phidias superintendant des edi- fices de Pericles 109 C
victoire de Paul Aemyle con- tre les Perles 170 K	Pelopidas maistre, & non ser- uiteur des biens 192 I	le perdrix s'engresse à courir la femelle 62 A	Cratin poète, contre Pericles 109 EF
tristesse de Paul Aemyle apres sa victoire 171 B C	Pelopidas riche prēd exemple de vie sur Epaminondas po- ure 192 K. 193 A	enseignes du pere pour reco- gnōistre son enfant 2 A	reproche detestable à Pericles 109 K
grand eur de Paul Aemyle. 171 I K	bonne responce de Pelopidas touchant les richesses 193 B	cruauté de pere envers ses filles 13 C	rusé de Pericles pour le para- cheuement de ses edifices 110 AB
Paul Aemyle fauorifé des dieux 171 K	Pelopidas fuitif de Thebes 193 H	contrainte au pere d'enseigner son enfant en ieunesse 62 G	Pericles seul puissant en Athe- nes 110 C
Perles blasme de lascheté par Paul Aemyle 172 IK	harague de Pelopidas aux bā- nis de Thebes 194 B C	dissention entre le pere & le fils iusques à la mort 117 F	Pericles se change selon l'oc- casion 110 C
Macedoniens soulagez d'im- positions par Paul Aemyle 173 F	diligence de Pelopidas. 196 F	iustice inexorable de pere con- tre le fils 122 F	Pericles non auaritieux 110 G
Paul Aemyle œconomique aussi bien, que bon capitaine 173 F G	Pelopidas à tousiours en char- ge 197 D	le pere fait l'oraison funebre du fils 128 E	œconomie de Pericles 110 IK
fineſſe de Paul Aemyle 173 K	bonne responce de Pelopidas 197 K	grand cōtētement du pere en la gloire du fils 148 A B	Anaxagoras admōnest Peri- cles de ce, dont luy mēme auoit besoin 111 B
braue entree de Paul Aemyle en Rome 174 B	vision nocturne à Pelopidas 199 F	curieuse bonté de pere 243 A B C	Pericles cherche la grandeur de Athenes 111 CDE
conspiration des soldats contre Paul Aemyle 174 CDE	exploits notables de Pelopidas en la Theſſalie & Macedoine 201 GHI	le pere fait espouser sa femme à son fils 624 D	entreprinſe de Pericles rōpue par les Lacedemoniens. 111 E
harangue conſulaire de Paul Aemyle 174 GHIK	Pelopidas trahy & delaiſſé de ses soldats 202 A	courroux du pere contre son fils pour l'amour d'une con- cubine 667 IK	prudence de Pericles à donner bataille 111 F
ordre de triomphe de Paul Aemyle 175 B C D B	Pelopidas redouté pour sa re- putation 202 B	Peres conscripts 17 E	proeſſes de Pericles. 111 HIK
premiere iournee du triomphe de Paul Aemyle 175 B	Pelopidas fait priſonnier par le tyran Alexandre 202 C	conſtance de peres gēs de bien 56 E	Pericles reſtraint la trop gran- de ambition de ses citoyens 112 B
de iournee CD troiſieme iournee EFGH	grand eur de Pelopidas 202 E	Pericles tuteur d'Alcibiades 34 H	penſions ſecrettes de Pericles aux Spartes 112 G
presens de villes Greques à Paul Aemyle 175 K	bonne responce de Pelopidas à vn tyran 202 F	genealogie & naiſſance de Pe- ricles 104 H	Pericles & Socrates contem- porins 112 K
magnanimité de Paul Aemyle 176 CD	deliurance de Pelopidas par Epaminondas 203 C	Pericles auoit la teſte longue & grosſe 104 I	lourde faute de Pericles 113 GH
nombre des hommes de Rome du temps de Paul Aemyle 177 E	Pelopidas ambassadeur vers le roy de Perſe 203 CDE	Cratin poète en faueur de Pe- ricles 104 K	Pericles grandemēt bien-vou- lu de ses citoyens 114 E
mort de Paul Aemyle 177 G	renōmee de Pelopidas en tou- tes parts 203 DE	Damōn precepteur de Pericles 105 A	rusé de Pericles venant d'en- uie 114 G
funerailles honorables de Paul Aemyle 177 H	Pelopidas mieulx venu en Gre- ce que nul des autres Grecs 203 F	braue maintien de Pericles 105 F	Pericles & ses amis accuſez en- uers le peuple 115 GHIK
faute notable de Paulinus l'un des capitaines d'Othon. 731 A B	Pelopidas ſeul ne print rien des presēs du roy de Perſe. 203 G	grande patience de Pericles 105 F G	preuoyance de Pericles. 115 K
erreur non petite de Pauſanias 228 F	mauuais presage pour Pelopi- das 204 AB	bien contre mal par Pericles 105 F G	diſſimulation de Pericles ſur le haſard d'une bataille. 116 C D B
Pauſanias inſupportable. 231 EF	Pelopidas deſire l'honneur de ſa patrie 204 BC	profit de Pericles avec Anaxa- goras 105 I	Hermippus poète Saryrique, contre Pericles 116 F
Pauſanias meſpriſé & delaiſſé des Grecs 231 GH	proeſſe de Pelopidas 204 E	prodige notable en la maiſon de Pericles 105 IK	ſtratageme de Pericles 116 H
ruſe de Pauſanias contre Ly- ſander 312 B C	temerité de Pelopidas 204 G	Pericles craint le peuple, & pourquoy 106 B	ſeditiōs ouuertes contre Pe- ricles 116 FGHK
impudicité de Pauſanias. 337 E	mort de Pelopidas 204 G H	le peuple craint Pericles, & pourquoy 106 B	Pericles condamné en grosſe amende, avec priuation de eſtat 117 C
Pauſanias pourſuyuy des Grecs & d'un eſprit de vier- ge 337 G	grande apparence de dueil à la mort de Pelopidas 204 K	Pericles ſe range au peuple cō- tre ſon naturel 106 CD	ſeditiō domestique contre Pericles 117 DE
prophetie ſur la mort de Pau- ſanias 337 G	magnifiques funerailles de Pe- lopidas 205 ABC	mutation de vie de Pericles, & pourquoy 106 DE	Pericles chargé d'indigne di- ſpute 117 EF
conſideration de payemēt cō- traint 98 D	Pelopidas treize fois gouuer- neur de Beoce 205 F	Pericles ſurnommé Olympien, c'est à dire, celeſte & diuin 106 H	Pericles plora vne ſeule fois 117 G
le peché impuny par les hom- mes, eſt puny par les Dieux 22 I	mort de Pelopidas profitable à ſes allies 205 F G	eloquence de Pericles 106 I	Pericles reſtitué en ſes eſtats 117 H
peculiū & ſō ethimologie. 71 B	Pelops roy de Peloponeſe, grā demēt opulēt en enfans 1 H	dits notables de Pericles. 107 A	Pericles & Alcibiades cōtem- porins 117 H
propos louable de Pzdarerus, peu imité pour le jourdhuy 38 G	colōne carree, par Theſeus, au deſtroit du Peloponeſe 8 H	Cimon trop plus riche, que Pe- ricles 107 C	Pericles ne ſe fit en ſa vie porter robbe noire 118 CD
choſe faite à peine n'eſt ſi loua- ble	Thucydide en la guerre Pelo- poneſiaque 39 H	Pericles fait bannir Cimon, à temps 107 E	Pericles de nature benigne 118 D
	occaſion de la guerre Pelop- oneſiaque. 115 A B C D E F G H I	Thucydide ſubrogé à Cimon, pour reſuſter à Pericles. 108 A	Pericles apres ſa mort regretté des Atheniens 118 F
	Pelufium grāde ville prinſe par M. Antoine 631 A		reſponſe

- responce de Pericles à Hclpini-
 ce 341 G
 Menalippus fils de Theseus &
 de Perigonne fille de Sinnis
 3 EF
 en peril chacun fuit la lice. 78 K
 le peril d'un intimide tous. 94 E
 le peril present enseigne l'hô-
 me à l'aduenir 276 A
 le peril corrige les insolens
 415 AB
 Artemon ingenieur surnomé
 Periphoretos, & pourquoy
 114 B
 Peripoltas deuin 335 A
 Periscylacismes, & que c'est à
 dire 22 A
 priuilege royal de Perse 66 A
 traité de paix entre le roy de
 Perse & les Grecs 341 AB
 cerimonies faites au sacre des
 rois de Perse 659 D
 persecution en Athenes pour la
 mort d'Androgeos 4 I
 Persephatria feste de Proserpi-
 ne 349 B
 Perse estrangement ialoux
 86 C
 les Perse maleureux au mois
 d'Aoust contre les Grecs
 94 H
 eur de guerre du roy des Perse
 contre les Romains 165 IK
 auarice de Perse 166 K.
 167 AB. 171 HI
 grand appareil de guerre cōtre
 Perse 167 A
 description du camp du roy
 des Perse 169 GH
 cruauté du roy des Perse
 171 G
 le roy des Perse abandonné
 quasi de tous 171 G
 Perse assiege en l'isle de Sa-
 morhrace 172 E
 ruse Candiote contre Perse
 172 F
 Perse, sa femme & ses enfans
 prisonniers 172 GH
 lascheté de cuer de Perse
 172 I
 estrange mort de Perse roy
 176 K
 cerimonie du deuil des Perse
 227 B
 la faim contraignit les Perse à
 combatre les Grecs 227 C
 desordre des Perse, & pour-
 quoy 228 C
 Perse rompus par les Lacede-
 moniens 229 E
 grāde occisiō de Perse. 229 G
 opinion contraire à Herodote,
 touchāt la guerre des Perse
 contre les Grecs 229 H
 grand effray entre les Perse
 477 F
 proesse des gens de bien Perse
 477 FG
 cerimonies de Numa contre la
 peste 47 GH
 contagion pestilente chassée à
 force de boire 506 E
 la peste suit ordinairement la
 famine 627 H
 Perilius preteur fit bruler les li-
 ures de Numa 51 H
 grand cuer de Petronius
 497 HI
 leos, en Grec, signifie peuple
 4 G
 reduciō de tout le peuple At-
 tique en la ville d'Athenes, le-
 quel auparavant estoit espars
 en plusieurs bourgades 8 A
 Atheniens peuple seul en Gre-
 ce, selon Homere 8 G
 Romulus hardy de peur 25 I
 vsr de trop de douceur par vn
 roy à son peuple, n'est pas bō
 27 K. 28 A
 le pere de Lycurgus tué par l'in-
 solence du peuple 28 A
 Polydorus roy de Sparte alte-
 ra la puissance du peuple 29
 K. 30 A
 Theopōpus roy de Sparte alte-
 ra la puissance du peuple
 29 K. 30 A
 ruse de Numa pour adoucir son
 peuple 45 AB
 exēple de ne faillir pour crain-
 te du peuple 92 E
 moyen d'augmenter les affai-
 res du peuple 108 CD
 que fait vne trop grande opi-
 nion de peuple 145 BC
 insolence de peuple 152 DE
 il vaut mieuls gratifier le peu-
 ple, que le gourmander. 161 E
 peuples nouveaux sont plus ga-
 gnez par douceur, que par
 force 259 A
 le plus grand honneur qu'on
 peut faire au menu peuple
 368 A
 discours notable de la peur
 558 IK
 vers de la peur 558 K
 Laie Crommiene, autrement
 Phza, c'est à dire, Bure 3 G
 Cybernesia est la feste des pa-
 trons de nauire, celebre en
 l'honneur de Naustheus &
 de Pheas 5 HI
 Phānomerides, c'est à dire,
 monstre-cuisse 53 A
 Pharmuthi, en Egyptien est le
 mois d'Auril 17 B
 presages precedens la iournee
 Pharfallique 458 CDE
 l'ordre de la bataille Pharfalli-
 que 458 FGH
 Pherus Theffalien tyran de
 tragédie 720 EG
 Phidias superintendāt des edi-
 fices de Pericles 109 C
 Phidias à faire Iupiter comme
 Homere le descrire 173 E
 Phidiria, c'est à dire, cause d'a-
 mitié 32 A
 Philadelphos aimant ses freres
 150 F
 Phillelen, que c'est à dire. 637 A
 Philippe de Macedoine descō-
 fit par Flaminius 260 A
 mauuais presage cōtre Philip-
 pe de Macedoine 261 B
 renange du roy Philippe con-
 tre le poëte Alcee 262 A
 Philippe de Macedoine deuenu
 borgne, & pourquoy. 465 A
 Philipperuē par Pausanias
 467 I
 mignōs du roy Philippe punis
 par mort 718 F
 dissolution du roy Philippe
 718 FG
 malice du roy Philippe. 718 G
 douceur du roy Philippe 718
 HI
 les champs Philippiens. 697 G
 vers de Philippides cōtre Stra-
 tocles 614 IK. 619 EF
 louange de Philippides. 614 K.
 615 A
 notable mot de Philippides à
 Demetrius 615 A
 louāges cōtre louāgees du roy
 Philippus de Macedoine.
 587 G
 insolence de Philippus redres-
 sée par soy mesme 588 IK
 histoire de Philistus. 672 DEF
 mort de Philistus 679 GHI
 Philometor, c'est à dire, aime-
 mere 617 C
 bonne education de Philopœ-
 men 249 BCDE
 Philopœmē dernier des Grecs
 249 E
 conte facetieux de Philopœ-
 men 249 FG
 Philopœmen imitateur d'Epa-
 minondas 249 HI
 imperfection de Philopœmen
 249 HI
 Philopœmē premier en guer-
 re, & dernier au retour. 250 B
 estude de Philopœmen. 250 D
 proesse de Philopœmen. 250 G
 preuoyance de Philopœmen
 250 GH
 grand cuer de Philopœmen
 251 BC
 bōne reputation de Philopœ-
 men 251 B
 Philopœmē ne cedeit en pro-
 esse au ieunes, ny en pruden-
 ce aux vieux 251 I
 proesse de Philopœmē. 253 C
 bonne comparaison en l'hon-
 neur de Philopœmen. 253 G
 trahison de Philippe de Mace-
 doine contre Philopœmen
 253 I
 le nom de Philopœmē donoit
 crainte à ses ennemis 253 I
 espede de tache à l'honneur de
 Philopœmen 254 BC
 excuse en l'honneur de Philo-
 pœmen 254 C
 notable reprehension de Phi-
 lopœmen contre le roy Pro-
 lomée 254 D
 Philopœmē diuersifie la guer-
 re selon les hommes 254 F
 defastre de Philopœmen en
 guerre maritime 254 G
 lourde faute de Philopœmen
 254 H
 bonne remonstancē de Philo-
 pœmen 255 GH
 iniuste hardiesse de Philopœ-
 men 255 HI
 Lacedemoniens aigremēt corri-
 gez par Philopœmen. 255 IK
 iniustice de Philopœmē. 255 A
 prompt exploit digne de nom
 de Philopœmen 255 C
 netteté de vie de Philopœmen
 255 E
 vice de Philopœmen 256 F
 extreme diligence de Philopœ-
 men malade 256 H
 derniere victoire de Philopœ-
 men 256 I
 Philopœmen prisonnier 256
 K. 257 A
 ignominie faite à Philopœmē.
 257 BC
 Philopœmen mort par poison
 257 G
 vengeance de la mort de Phi-
 lopœmen 257 I
 funerailles de Philopœmē ac-
 compagnees de triumphes de
 victoires 257 IK
 Tarutius grand philosophe &
 mathematicien 16 K
 office de philosophe naturel
 106 A
 negligente curiosité des philo-
 sophes cōtemporatis. 111 AB
 dispute philosophique sur la
 galiote de Theseus 7 G
 Philostephanus parlāt de Ly-
 curgus 37 K
 histoire de Philotas. 482 FGH
 IK. 483 ABC
 insolente ambition de Philo-
 ras 482 HI
 mort ignominieuse de Philo-
 ras 483 C
 Philotis seruāte Romaine sau-
 ua Rome des Latins 25 E
 Phitalides recompensez de leur
 courtoisie 8 A
 vertu de Phocion 515 E
 deference de Phocion à Carō
 516 CD
 coniecture pour Phocion sur
 l'honneur de son lignage 516
 EF
 naturel estrange de Phocion
 516 F
 propos poignant de Phocion
 516 G
 Phocion tres eloquent 516 H
 double effect de Phocion en
 Chabrias 516 K
 Phocion bien employé à son
 honneur en guerre 517 A
 Phocion ambassadeur vers les
 aliez insulaires d'Athenes
 517 B
 Phocion souuēt eleu chef d'ar-
 mee 517 E

TABLE ALPHABETIQUE

Phocion élu chef quarante & cinq fois en son absence 517 F	Dexitheia fille de Phorbas. 13 A	la menée de Pitheus père d'icelle 2 A	de soy 188 D
propos notables de Phocion 517 GH I. 518 ABCDE	ruse de Phraortes pour abuser M. Antoine 643 ABC	le puer aida à nourrir Romulus & Remus 13 I	Simylus poëte 19 GH
bonté de Phocion 518 FG	Phrynichustraître 140 F	le puer fort reueré des Latins 13 I	Buras poëte interprete les ceremonies observees le iour de Lupercalia 21 IK
Phocion seul bien voulu en guerre par les allies d'Athenes 518 H	Phrynichus accusé de trahison par Alcibiades 140 G	la louue & le puer sacrez au dieu Mars 13 I	Thales poëte Lyrique 28 GH
ruse de Phocion en l'isle d'Eubee 518 IK	vilaine trahison de Phrynichus 140 G	il vaut mieulx faire plaisir que le recevoir 258 F	pourquoy les dieux ont aimé les poëtes 43 G
victoire de Phocion contre Philippe de Macedoine 519 ABC	preparatif de Phrynichus contre sa trahison 140 GH	Plesianaction, que c'est à dire 336 F	irriter poëtes est mauuais 84 EFG
Phocion fait diminuer l'opinion de Philippe de Macedoine 519 GH	Phrynichustué, & le meurtre approuvé louable 140 I	don gratuit des Plateiens aux Atheniës, pour le bien de tous les Grecs 226 AB	poëtes par leurs fictions troublent les esprits des hommes 118 EF
diligence de Phocion pour la ville de Megare 519 HI	les meurtriers de Phrynichus recôpensez du meurtre. 140 I	Demetrius Phalerië de Lycurgus 37 K	contradictions des poëtes en eux mesmes 118 F
propos agus de Phocion 520 ACD. 521 FGH I	Phrisemal de poumons. 565 E	Platon trafiqua au voyage d'Egypte 54 K	le poil nuit aux gens de guerre 2 DE
harangue de Phocion aux Atheniens 520 F	Phygadothecas, que c'est à dire 598 G	Platon descêdu de Solon. 66 K	grâd essay de poisons 653 DE
Phocion conseille Alexandre 520 GH	physcon, c'est à dire, ventru 150 F	Platon sur la fable Atlantique 66 K	Polemarches officiers collatéraux du roy 32 B
Phocion refuse le present d'Alexandre 521 A	Fabius Pictor historien 13 E	le contr'amour de Platon 131 I	Polioceres, c'est à dire, forceur de villes 223 B. 625 IK
plaisir requis par Phocion à Alexandre 521 B	Numa surprint & arresta les dieux Picus & Faunus 48 I	Platon pource 220 F	ordre politic en Rome par Romulus 17 BC
simplicité de la femme de Phocion 521 D	office de pieté recommandable 65 A	prophetie de Platon aux Cirenians 345 BC	quelle chose est necessaire à vn politic 110 E
Phocion seul parement de sa femme 521 E	pilos, en Grec, signifie chapeau 44 I	Platon reprend Orpheus. 365 I	ordre politique en Athenes selon Theseus 8 G
le fils de Phocion dissolu 521 EF	côparaïson de l'estat Romain aux piloris 44 K. 45 A	Platon & sa philosophie reuerrez 378 B	la science politique est la plus grande de toutes 247 E
Phocion imprenable par argent 522 A	Pinariens de Pinus 51 B	Platon 611 C	Castor & Pollux font guerre aux Atheniens pour Helene 11 B
Phocion refuse la faueur à son gendre 522 B	Pindare 24 I	Platon touchant le chef d'armee 720 DE	Castor & Pollux receus en la confrairie des mysteres 11 F
le bien fait par Phocion estant capitaine d'Athenes 522 D	Pindare des Lacedemoniens 37 C	Platon contre auarice 621 K	Polydectes frere ainé de Lycurgus 28 A
Phocion inflexible 522 F	Pindare aimé du dieu Pan. 43 F	Platon precepteur de vertu 669 G	Polydorus roy de Sparte altera la puissance du peuple. 29 K. 30 A
ruse de Phocion pour faire hair la guerre aux Atheniens 522 HI	piryocâpres, plieur de pins. 3 E	Platon appelle par le ieune Dionysius 672 CDE	Polygnotus peintre non mechanique 336 G
reproche de Phocion aux Atheniens 523 C	la guerre contre les pirates mille à fin en trois ans 443 E	la presence de Platon fait desirer l'estude 672 HI	vers de Melanthius en l'honneur de Polygnotus peintre 336 G
gouuernement de Phocion en Athenes 524 D	Thesius & Pirithoüs fort grands amis 10 D	Platon doucemê emprisonné 673 E	menée de Polyperchon contre Phocion 525 BCDE
faute de Phocion 525 DE	rauiffemê d'Helene par Theseus & Pirithoüs 10 H	Plato en Sicile pour la troiſieme fois 674 CD	Pomœriü, c'est à dire, joignant les murs 16 H
negligence de Phocion. 525 F	l'histoïre du voyage de Theseus & Pirithoüs aux enfers 10 IK	Platon mal traité de Dionysius 674 G	bon presage pour Pompeius 362 F
Phocion accusé de trahison 525 F	mort de Pirithoüs 10 K	trait facetieux de Plato à Dionysius 674 H	Pompeius grandement honoré de Sylla 382 I
Phocion accusé, non ouy & condamné 526 ABC	Hesiodo raze Pisistrate de flatterie 6 G	Platon licentié par Dionysius 675 G	ambition de Pompeius sur l'honneur de Crassus 385 G
Phocion & ses amis cōdamnez à mort 526 FGH	Solon amoureux de Pisistratus 54 D	Faustulus & Plistinustuez avec Remus 16 E	Pompeius poursuit pour Crassus au consulat 385 HI
Phocion lamenté par les gens de bien 527 A	Pisistratus fardoit son naturel pour paruenir à la tyrannie 65 H	pourquoy Plutarque ne parle des temps plus lointains que ceux dont il a escrit 1 D	Pompeius appaise la conspiration faite contre Crassus 387 E
cruauté du peuple contre Phocion mort 527 B	Pisistratus hōme excellent hors mis l'ambition 65 I	opiniō de Plutarque sur les loix de Lycurgus 39 FGH	brieue louange de Pompeius 404 I
funeralles de Phocion. 527 BC	subtilité de Pisistrat ^o pour paruenir à la tyrannie 66 A	Plutarque cōtre l'historien Timeus 367 CDE	Pompeius surnommé par Sertorius, disciple de Sylla 405 A
les Atheniens recognoissent Phocion estre mort à tort 527 CD	Solon cognut la ruse de Pisistratus 66 AB	iugement de Plutarque sur les enuies publiques 419 K	honte receue de Pompeius en Espagne 405 B
accusateurs de Phocion punis à mort 527 D	maintien de Solon en la tyrannie de Pisistratus 66 E	la grandeur de Plutarque fait sa ville de petite qu'elle est, grande 583 B	Pompeius desconfit & en grand danger de mort 405 F
côparaïson de Phocion à Demosthenes 585 HI	conseil de Solon aux Atheniës estans sous la tyranie de Pisistratus 66 F	que faisoit Plutarque en Rome 583 B	sagesse de Pompeius 408 GH
Phocion estoit la congnee des paroles de Demosthenes 585 I	Pisistratus tyran debonnaire 66 G	histoire du temps de Plutarque 592 EFG	Pompeius comparé à Hercules 435 I
	acte memorable de Pisistratus tyrā, accusé de meurtre. 66 G	Plutarque contre l'histoire de Ctesias 662 K	Pompeius
	adoption de Piso par Galba 724 H	Pluton dieu des richesses est aueugle 31 E	
	Pitheus fonda Trezene 1 H	factites & poëtaſtres presumêt	
	Aethra mere de Theseus, par		

Pōpeius humain & debonnaire. par toute sa vie, qui commence au fucillet 433 I
 Strabon pere de Pōpeius fort hay 433 K
 le pere de Pompeius frapé du tonnerre 433 K
 Pōpeius trefaimé des Romains, & pourquoy 434 A
 grandes & briefues louanges de Pompeius 434 A B C D E
 ressemblance de Pompeius à Alexandre le grand. 434 B C
 Pompeius furnommé Alexandre 434 B C
 conspiration mortelle contre Pompeius & son pere 434 F G H
 sage deportemēt de Pompeius cōtre la cōiuration. 434 G H
 Pompeius accusé de l'iniquité de son pere 434 H I
 Pompeius bien voulu 435 E
 Pompeius se dōne de luy mesme auctorité de commander 435 F
 Pōpeius leue des gens de guerre 435 G
 victoire de Pompeius contre Brutus 435 H I
 prosperité de Pompeius en son commencement 435 I K
 Pompeius grandement caresse par Sylla 436 A B
 Pōpeius non ambitieux 436 B
 Pompeius es Gaules 436 C D
 comparaison de Plutarque sur Pompeius 436 C D
 tyrannique mariage de Pompeius par Sylla 436 E F
 tragedie sur le mariage de Pōpeius 436 F
 Pompeius gagné la Sicile sans coup ferir 436 H I K
 Pōpeius seelle les espees de ses soldats insolens 437 A
 victoire de Pompeius en Afrique 437 E
 Afrique conquise par Pōpeius en quarante iours 437 G
 grands exploits d'armes de Pōpeius à vingt & quatre ans 437 G
 Pōpeius presque forcé par les soldats pour estre leur chef 437 H I
 Pompeius fort bien receu en Rome 437 I K
 Pompeius furnommé le grand, & par qui 437 K
 Sylla veut empescher le triōphe de Pompeius 438 B C
 braue trait de Pompeius à Sylla 438 C
 Pompeius triomphe hors de aage, & contre la coustume Romaine 438 D
 Pompeius vrayement grand 438 D E
 Sylla enuieux sur Pompeius 438 F
 prophetie de Sylla à Pōpeius

438 G
 Pompeius rend à Sylla mort bien pour mal 438 H
 Pompeius se range du costé des gens de bien 438 I
 Pompeius resiste aux menées de Lepidus 438 I K
 L. Phiippus en l'honneur & faueur de Pompeius 439 D
 Pompeius feintement mesprisé par Sertorius 439 E
 Pompeius reglé en ses appetits 439 F
 Pōpeius en grand danger contre Sertorius 439 H
 Pompeius & Metellus deferēt hōneur l'un à l'autre. 439 K
 derniere victoire de Pompeius en Espagne 440 C D
 Pompeius participant à l'honneur de la guerre seruile 440 E
 Pompeius plus populaire que consulaire 440 G H
 Pompeius remet l'office de tribun 440 I
 acte notable de Pompeius gratifié des Romains 441 A B C
 honneur fait à Pompeius par Crassus 441 D
 norable auctorité donnée à Pompeius 442 D E
 Pompeius grandement aimé du peuple Romain 442 F G
 prosperité de Pompeius contre les coursaïres 442 I K
 Piso, consul enuieux sur Pompeius 443 A B
 vers Atheniens en l'honneur de Pompeius 443 C
 humanité de Pompeius enuers aucuns coursaïres 443 C D
 preuoyance de Pompeius sur les coursaïres veincus 443 F G
 erreur de Pompeius 443 H I K
 grande puissance decernée à Pompeius 444 A B C D
 Catullus seul resiste à l'auctorité de Pompeius 444 C D
 grande dissimulation de Pompeius 444 D E
 facheux deportement de Pompeius enuers Lucullus 444 F G H I K
 espee de presage à l'entreueue de Pompeius & Lucullus 444 G H
 reprehensions de Lucullus sur Pompeius 444 K
 douceur de Pompeius enuers Tigranes 445 K
 victoire de Pompeius contre les Albanois 446 B C D
 sage responce de Pompeius au roy des Parthes 446 B
 seconde victoire de Pompeius contre les Albanois 446 F G
 chasteté de Pompeius 446 I
 Pompeius non auaritieux 447 B

reprehension en Pompeius 447 D
 briefue louage des victoires de Pompeius 447 E F
 Pompeius repare vne faute de Lucullus 447 G
 deportement de Pompeius en Syrie 447 G H I
 theatre de Pompeius 448 B
 signe de sobriété en Pompeius 448 C
 finesse de Pōpeius pour veindre Mithridates 448 C D
 Pōpeius au royaume de Pont 448 G
 ioyeux retour de Pōpeius vers Rome 448 H I K
 Pōpeius triste à son retour pour la forfaiture de sa femme Murtia 448 K
 sage aduis de Pompeius à son retour en Italie 449 A B C
 grande caresse faite à Pōpeius sous ombre de sa simplicité 449 C
 grande abōdance au triomphe de Pompeius 449 F G H I
 de quoy triompha Pompeius pour la troisieme fois 449 F G H I
 en trois fois Pōpeius triomphe des trois parts du monde 449 H I
 petit discours sur l'infortune de Pompeius 449 I K
 commencement du deiaistre de Pompeius 450 A B C D E
 Pompeius subtilement trompé par Cesar 450 C
 Pompeius peche en ce que luy mesme blaime 450 K
 Pompeius peu plaint du senar. 451 C
 Pōpeius remis en grace du senat par Ciceron 451 E
 Pōpeius cōmissaire de viures, grande dignité 451 E
 Pompeius remis en grāds manimens publiques 451 E
 diuerfes opiniōs sur la nouuelle charge de Pompeius 451 F
 l'ambition de Pompeius non maligne 451 H
 braue mot de Pompeius 451 H
 diligence de Pompeius en sa commission des viures 451 H I
 Pōpeius, Cesar & Crassus trafiquent ensemble de l'empire Romain 452 A B
 Pompeius & Crassus inquietez sur leur trafique 452 B C
 Pompeius & Crassus cōsuls par voye de fait 452 D
 menées de Pompeius & Crassus en leur consulat 452 D E
 departement de proninces entre Pompeius, Cesar & Crassus 452 E
 ieus publiques de Pōpeius dedans Rome 452 F

Pompeius ne peut laisser sa femme Iulie, & pourquoy 452 G
 briefue recapitulation de Pōpeius sur son gouuernement publique 453 B
 Pompeius seul consul 453 E
 Pompeius calomnié de faire nopces au temps de la calamité Romaine 453 H I
 Pompeius corrompt la iustice 453 K
 Pompeius fauorise en iustice 454 A
 toute Italie sacrifie à la conualescence de Pompeius 454 E
 souverain honneur fait à Pompeius 454 F
 Pompeius foublié en la pre-somption de soy meisme 454 F G H
 Pompeius estant applaudy par Appius, se trompe soy mesme 454 G H
 commandement à Pompeius d'aller resister à Cesar. 455 C
 Pompeius mal suyuy à sa ieuee de gens de guerre 455 C D
 voyes d'accord non suyues entre Pompeius & Cesar 455 D E
 mors sentreux de Pompeius, & Caton 455 H I
 Pompeius fort en peine pour resister à Cesar 455 K
 apparence de l'amour portee à Pompeius par les Romains 456 A B
 preuoyance de Pompeius contre Cesar 456 C D
 Pompeius s'enfuit deuant Cesar hors d'Italie 456 D
 petit discours sur la fuite de Pōpeius 456 E
 ordre de Pompeius en la guerre ciuile 456 F G H I K
 dextérité de Pompeius en son vieillage 456 G H
 hommes notables qui se retirerent vers Pompeius contre Cesar 456 H I
 preuoyance de Pompeius contre Cesar 457 B
 arrogance des Romains partisans de Pompeius 457 E F G H I K
 conseil au camp de Pompeius contre Cesar 457 F G H I
 Pompeius calomnié en son camp 457 I K
 erreur notable de Pompeius 458 A B C D E
 songe nocturne de Pompeius, & son interpretatiō 458 C D
 frayeurs paniques dedans le camp de Pompeius 458 D
 l'obseruation de Pōpeius mesprisée par Cesar 458 H I
 l'armee de Pompeius deux fois plus grande que celle de Cesar 458 K

TABLE ALPHABETIQUE

petit discours sur le differet de
Pōpee & de Cēsār. 459 ABC
grand estonnement de Pōpee
459 GH
vers d'Homere sur Ajax ppres
à Pompee 459 H
Pompee s'enfuit 459 I
ridicule preparatif de victoire
au camp de Pompee. 459 K
calamité de Pōpee fuitif à pied
460 ABCDE
songe de l'afflictio de Pompee
460 C
lametation de Pompee pour a-
voir obey à ceux à qui il de-
voit commander 461 B
faute de Pompee 461 B
Pompee consulte de sa retraite
461 CDEF
trahison en Egypte contre Pō-
pee. 461 K. 462 ABC
constante mort de Pompee
462 CD
funerailles de Pōpee par Phi-
lippe son serf afranchy.
462 EF
l'anneau de cachet de Pompee
462 G
notable comparaison de Pōpee
avec Agefilatis. 462 IK. 463
par tout, & 464 ABCD
Pōpee enflé de vaines persua-
sions 502 FG
reproches faites à Pōpee à cau-
se de Iul. Cēsār 503 HI
Pompee & le senat s'enfuyent
de Rome 503 K
Pompee fuit deuant Iul. Cēsār
504 D
bonne opinion de Pōpee con-
tre Iul. Cēsār 506 A
Pōpee. calomnié pour ne vou-
loir dōner bataille à Iul. Cēs-
ār 506 C
presages & sinistres visiõs à Pō-
pee 506 EF
arrogance & presomption es
Romains de Pompee 506 F
Pōpee a deux fois & plus d'hō-
mes que Iul. Cēsār 506 G
terreur Panique au camp de
Pompee 506 I
ordre de bataille de Pōpee cō-
tre Iul. Cēsār 507 A
Pompee desconfit par Iul. Cēs-
ār 507 FG
Pōpee fort hebeté, pour la vi-
ctoire de Iul. Cēsār 507 FG
Pompee honore Caton d'Vti-
que courtisanelement 531 D
Pōpee se deffie de Caton d'V-
tique 545 B
Pompee seul consul par l'aduis
de Caton d'Vtique 542 GH
Pompee en son consular estan-
conné & redressé par Caton
d'Vtique 542 IK
Pōpee se cache de peur de fa-
uoriser au droit de Ciceron
603 A B
magnanimité du ieune Pom-
pee 640 CD

pōpes superflus sont à reietter
205 D
Pompilia fille de Numa 51 B
Numa Pompilius & Pythago-
ras contemporains 41 I
Pōponiens de Pōponius 51 B
braue responce de Pomponius
à Mirhidates 351 D
destourbier aux bastimens de
pons de bois sur riuieres. 731 I
gephyran, en Grec, signifie
pont 45 I
le pont de bois à Rome ioint
sans fer 45 I
office du souuerain Pontife
45 I K. 46 I K
le souuerain Pontife doit resi-
der 128 I
Pontifes & la deriuation de ce
mot 45 GHI
Herodote Pontique historien
16 B
Popilius s'enfuit volōtairement
en exil 576 H
amours de Neron & Poppæa
725 FGH
vn Senat tient la bride à deux
extremitez, au tyran, & à la
confusion populaire 29 F
auctorité populaire par mer.
84 A
turbulence populaire 727 H
Porcia fille de Caton, femme
de Brutus 689 G
courage de Porcia 689 GH
notable remonstrance de Por-
cia à Brutus 689 HI
inconstante constance de Por-
cia 692 K
notable mort de Porcia. 702 H
porcij, porchers 71 B
paix entre Porfena & les Ro-
mains 73 EF
Porfena prend guerre cōtre les
Romains en faueur de Tar-
quin 72 FG
magnificence de Porfena en-
uers les Romains 73 K
reconnoissance enuers Porfe-
na de sa magnificence 73 K
porte Ferentine 22 K
incommodité de portes ouurā-
tes par dehors 74 B
statue du roy Porus 487 D
la resistance de Porus afoiblir
le cueur des Macedoniens
487 G
Liuius Posthumus 25 D
Posthumus, que c'est 150 G
malice de l'eunuque Pothinus
contre Iul. Cēsār. 508 BCD
cruauté contraint le poure à
se bander contre le riche
58 H
le poure vertueux ne doit refu-
ser le present, & comment
220 G
le poure enrichy, met en dou-
te sa bonté 316 G
distribution de terres aux po-
ures par Numa 49 C
iniquité des riches contre les

poures 58 GH
poureté estoit riche en Lace-
demone 31 B
poureté n'est point vice. 220 K
qui sont les hôteux de poure-
té 232 H
en quoy poureté est dehonne-
sté 248 A
teinture de pourpre 478 H
ceux qui ont esté mangez de
poux 332 FG
Præcia celebree courtisane de
Rome 347 BCD
precipice pour malfaiteurs au
mont de Tarpeia 19 I
Aegeus se precipite par tristesse
7 B
predictions mal aisees auant
l'effect 199 F
prelats destituez pour vne pe-
tite omission de cerimonie
207 GH
presage de victoire 82 DE
presage 181 K
presage prins en double sens
186 E
bon presage 186 FG. 188 F
bon & propt aduis cōtre mau-
uais presage 208 BC
Marcellus se depōsa de son cō-
sular, à cause d'un sinistre pre-
sage 210 D
mauuais presage destourbier
de paix 271 A
mauuais presage. 300 K. 390 C
interpretation norable de pre-
sage 319 IK
consideree acception de pre-
sent 354 K
presage gentiment interpreté
469 B
presage estrange 470 D
presage sur la prise de Gaza
473 IK
presage sur le plan & pourtrait
d'Alexandrie 474 EF
presage des valets du camp de
Alexandre le grand 476 DE
bon presage à la priere d'Ale-
xandre 477 DE
mauuais presage contre Clitus
483 F
presage d'une fontaine d'hui-
le 486 AB
presage notable du rappel de
ban de Ciceron 603 F
presage de la mort de Ciceron
608 GHK
bon presage pour Octauia Cēs-
ār 651 A
presage sinistre à M. Antoine
654 DE
presage interpreté 675 IK
presages mauuais à Dionysius
675 K
presage notable 677 FG
vers de mauuais presage
693 D
presage de sacrifice 717 A
presages & augures 207 BC
cerimonie obseruee sur les
presages 207 FG

sinistres presages contre Mar-
cellus 217 FG
sacrifices de mauuais presages
218 AB
presages merueilleux 283 E
grande obseruation des Ro-
mains sur les p̃sages. 291 AB
presages de bonne fortune en
guerre 307 IK
presages merueilleux 319 FG
petit discours sur presages & re-
uolutions de temps 319 GH
presages bons 349 BCDE
presages precedens la iournee
Pharalique 458 CDE
presages de la mort d'Alexan-
dre le grand 491 CDE
presages & sinistres visiõs à
Pompee 506 EF
presages non cognus que par
Iul. Cēsār 506 H
presages de la victoire de Iul.
Cēsār 507 IK
grands presages & predicions
de la mort de Iul. Cēsār 512
HIK. 513 ABCDE
presages tristes aux Atheniens
523 K
presages mauuais 588 DEG
sinistres presages de la mort de
Tib. Graccus 574 ABC
sinistres presages au camp de
Antigonus 620 GHI
presages mauuais pour M. An-
toine 649 FG
interpretations de presages
676 A
presages contre la fole inten-
tion des Syracusains. 680 DE
sinistres presages au camp de
Cassius 697 IK
sinistres presages à Brutus
701 BCD
signes & presages sinistres à
Galba 727 B
presages en choses insensibles
729 K. 730 A
Megariens combatoyent la
prescription du temps 3 H
il ne faut gagner les gens de
bien par presens, ains les mes-
chans 255 F
vn coupable condamné par
presomption 206 GH
contre les presomptueux opi-
niastres 162 BCDEFGHIK
prestres exempts de la guerre
fors cōtre les Gaulois. 103 DE
prestres Romains priuilegiez
fors cōtre les Gaulois 206 K
207 A
office de Preteur que c'est. 317 I
soldats pretoriens 720 H
plusieurs sortes de pretures
687 I
priere de cueur deuot aussi a-
greable que le sacrifice. 228 I
Prima fille, & Aollius, autremēt
Abillius, fils de Romulus &
Hercilia 18 BC
priuilege des patros & de leurs
eliens 17 G
priuilege

privilège des dames Sabines dans Rome 21 B	prouerbe Termerien 4 A	mort de Publius Valerius Pu- blicola 75 C	pour rompre la paix avec De- metrius 272 D E
office de prince pour la cōser- uation de son estat 26 C	prouerbe, c'est va autre The- seus 10 B	duel de Publicola annuel & v- niuersel 75 C	visiō nocturne de Pyrrus por- tant bon presage 272 G
le prince doit seruir d'exemple à son peuple 51 A	prouerbe, non sans Theseus 10 B	successeurs de Publicola 75 F	Pyrrus portoit cornes de bouc pour cimier sur son armet 272 K
maigre paſſetemps de prince 478 C D	prouerbe de Solon, egalité ne engēdre point de debar. 58 K	Publicola tres eureux 75 I	Pyrrus se ſaiſit du camp de De- metrius 273 A
aduertiſſemēt aux princes pour leur gouuernement. 621 B C	prouerbe, il a du ſoin à la cor- ne 383 G	Theseus premier inclinant à la choſe publique 8 F G	conseil de Pyrrus aux Athe- niens 273 D
ce qui entretiēt la principauté 672 A B	prouerbe 551 C	ſimplicité d'une ieune pucelle 3 E	Pyrrus ne pouoit viure en paix 273 E
proces banny de Sparte, & le moyen 38 D	prouerbe touchant les nobles 704 C D	loy ſur les puis 63 C D	Pyrrus chaffé de Macedoine 273 F G
ſaincte proceſſiō d'Iacchus en Athenes 95 A	Pſilles en Afrique 545 F	punition memorable 155 E	Pyrrus languifſoit en paix 273 G H
proceſſion recommencee, & pourquoy 155 I	Pſyché, en Grec, ſignifie ame 550 C	ſacrifice de chiens pour purifi- cation 22 A	imperueuſe tempeſte ſur l'ar- mee de mer de Pyrrus 274 I K. 275 A
ſergens en proceſſions, ſacrifi- ces & autres ceremonies, pour mettre ordre au peuple. 48 B	Protomée pourment conſeil- lé 461 G	Hercules purifié cerimoniale- ment 10 G	Pyrrus ſe iette en mer pour ſe ſauuer 275 A
occafion de recommencer les proceſſions en Rome. 156 A	la librairie de Protomée bruſ- lee 508 G	genealogie de Pyrrus 268 I K.	eſtroite ordonnance de Pyrrus ſur l'eſtat de Tarente 275 C D
cruauté de Damastes ſurnom- mé Procrustes 4 A	Protomée ſe repent d'auoir meſpriſé le conſeil de Caton d'Utique 538 H I	269 A	Pyrrus offre la voye de iuſtice au conſul Albinus 275 E
Proculeſus, que c'eſt 150 G	gratieuſeté de Protomée en- uers Demetrius 612 E	Pyrrus, c'eſt à dire, roux 268 K	l'ordre des Romains campe- z, eſtonna Pyrrus 275 F
visiō de Romulus à Iulius Pro- culus 24 D	eſgard public plus que parti- colier 79 D	Pyrrus enſancon de māmelle en grand danger de mort 269 B C D E F G	Pyrrus au plus aſpre. cōbat ne ſe trouble en ſa charge. 275 H
prodicos, c'eſt à dire, tuteurs de rois 28 B	le bien public preferable au p- pre frere 179 D	cas notable aduenu à l'enfant Pyrrus 269 F G	premiere victoيرة de Pyrrus ſur les Romains 276 C
prodige notable en la maiſon de Pericles 105 I K	Valerius publicola 19 C	Pyrrus reſtitué en ſon royau- me 269 G	Pyrrus victotieux cherche paix, & pourquoy 276 F
prodige merueilleux, Mars ſe- coue ſes armes 119 D	Publicola eloquent & riche 67 G	Pyrrus maieſté de Pyrrus 269 G	harangue de Claudius Appius, cōtre la paix requiſe par Pyr- rus 276 I K. 277 A
prodige contre Flaminius Con- ſul 119 F	Publicola droiturier & liberal 67 C	Pyrrus n'auoit qu'une dētrour le long de la machouere hau- te 269 H	reſpōſes des Romains à Pyrrus, ſur la paix 277 B
prodige eſpouuantant Alexan- dre le grand 485 K	Publicola & Brutus principaux de la rebellion contre Tar- quin 67 D E	Pyrrus garifſoit le mal de la ra- te, & comment 269 H	gratieuſeté de Pyrrus 277 H
petit diſcours ſur les prodiges 106 A B	cōſideratiō de Publicola. 87 E	cas merueilleable en Pyrrus 269 H I	ſeconde victoيرة de Pyrrus cō- tre les Romains 278 C D
prodiges inuſitez à Rome. 119 C	Collatinus pourquoy preferé à Publicola au conſulat pre- mier 67 F	Pyrrus abſent eſt deſtitué de ſes terres 269 I	belles occaſions. ſe preſentent enſemble à Pyrrus. 278 G H
prodiges 155 D	crainte des Romains pour le tort fait à Publicola 67 G	proeſſe de Pyrrus en grāde ieu- neſſe 269 K	Pyrrus en Sicile 278 I K
prodiges mauuais à Gaiba 724 G H	Publicola iure la liberté Ro- maine 67 H	maintien de Pyrrus en ſon in- fortune 270 A B	proſperité de Pyrrus en Sicile 278 I K
proeſſe nommee virtus en Ro- me 147 D	Publicola ſeul empeſcha l'au- dience des ambassadeurs de Tarquin 67 I	Pyrrus & Neoptolemus rois d'Epire 270 B C	veu de Pyrrus à Hercules 278 K
bel exemple de proeſſe 251 D	diligence de Publicola ſur la verification de la trahiſon des Romains 68 F G H I	reminſcence de Pyrrus 270 G	proeſſe de Pyrrus 279 A
proeſſe emerueillable & profi- table 393 E F	reſiſtence de Publicola à la fa- ueur de Collatinus 69 B C	Pyrrus ſaide de l'occafion 270 H I	ruſſeſſe tyrannique de Pyrrus en Sicile 279 D E F
Promathion, hitorien 13 D	Publicola ſubſtitué conſul au lieu de Collatinus 69 E	Pyrrus malaiſé à tromper 270 K	bonne occaſion à Pyrrus de ſe retirer de Sicile 279 F
propas facietieux de Stratoni- cus 41 A B	Publicola premier conſul triō- phant dedans Rome 70 C	victoيرة de Pyrrus en Mace- doine 271 C D E	Pyrrus combatu en mer par les Carthaginois 279 G H
curieuſe recherche ſur propos. agus 183 A	oraiſon funebre de Publicola pour Brutus 70 C D	Pyrrus eſmerueilleable aux vein- queurs & veincus 271 F	deſaſtre de Pyrrus 279 G H I
diſcours ſur ferme propoſition 179 H I	magnanimité de Publicola 70 F G	comparaifon de Pyrrus avec Alexandre le grand 271 F	merueilleux coup d'eſpee don- né par Pyrrus 279 I
Proſagogides 677 C	Publicola, c'eſt à dire, honorāt le peuple 70 I	Pyrrus a eſcrit de ſoy meſme 271 F G	Pyrrus veincu & chaffé d'Italie 280 C D E
cruelle proſcription 636 A B	preuoyāce de Publicola. 70 I K	bonne reſponſe de Pyrrus par- lant en roy vaillant 271 H	comparaifon de Pyrrus à vn ioueur de dez 280 E F
proſperité engendre enuie & haine 6 A B	loix de Publicola 70 K. 71 A	naturel de Pyrrus 271 H	cur de Pyrrus en Macedoine 280 F G H
quelle pſperité eſt plus à crain- dre que l'aduerſité 122 C	Publicola leua les impositions de deſſus ſon poure peuple 71 A	bonté en Pyrrus 271 I K	entreprinſe de Pyrrus ſur le Peloponeſe 281 C D E
grande aduerſité en grāde pro- ſperité 176 B C	ordonnance de Publicola con- tre la tyrannie 71 C	les mariages de Pyrrus 271 K	ſeintriſe de Pyrrus 281 C D
Protogoras banny pour la phi- loſophie 378 B	ordonnance de Publicola ſur les finances 71 D	enfans de Pyrrus 272 A	propos notables d'entre Pyr- rus & les Spartiates 281 D E
patroni, c'eſt à dire, prote- cteurs 17 F	preudhōmie de Publicola. 73 G	Pyrrus gratifie ſes ſuiets 272 B	Pyrrus repouſſé au premier aſ- ſaut de Sparte 282 B
Protogenes peintre natif de Caunus 617 K		courſe de Pyrrus par la Mace- doine 272 C	
excellent ouurage de Protoge- nes 618 A		Pyrrus ſe retire ſuyant & batu 272 C	
		ambassadeurs enuers Pyrrus	

TABLE ALPHABETIQUE

visiõ nocturne de Pyrrus. 282 E
 second assaut de Pyrrus à La-
 cedemone 282 E
 Pyrrus amassoit esperances sur
 esperances 282 I
 Pyrrus travailloit tousiours
 quelcun, si n'estoit travaillé
 282 I
 Pyrrus chargé à sa retraite
 282 K
 mauvais augure oublié par
 Pyrrus. 282 K
 le fils de Pyrrus tué 283 A
 Pyrrus en cholere tué tout ce
 qu'il trouue d'ennemis. 283 B
 Pyrrus grandement estonné, &
 pourquoy 283 I
 prediçtion de la mort de Pyr-
 rus 283 I
 grand trouble en l'armée de
 Pyrrus 284 B CD
 mort de Pyrrus par coup de
 femme 284 EF
 espouuantable regard de Pyrrus
 284 F
 victoire de Pyrrus sur Pantau-
 chus lieutenant de Demetrius
 625 B C
 Pyrrus se saisit du camp de
 Demetrius 626 I
 Numa Pompilius & Pythago-
 ras contemporains 41 I
 conformiçé d'entre Numa &
 Pythagoras 45 B C D
 subtiliçé de Pythagoras 45 B
 Pythagoras repuré enchan-
 teur 45 C
 opinion de Pythagoras tou-
 chant la deiré 45 D
 Pythagoras bourgeois Ro-
 main 45 F
 statues de Pythagoras & d'Al-
 cibiades en Rome, & pour-
 quoy 45 G
 opinion des Pythagoriens pour
 l'assiete de la terre 46 H I
 conformiçé d'ordonnances de
 Numa avec les Pythagoriens
 48 D
 Pythopolis fondée par The-
 seus 9 C

¶ Q

on doit conuertir les querelles
 des compatriotes contre les
 ennemis 122 K
 office de Questeur, & que c'e-
 stoit 287 K
 Quintus Metellus appelé Cele-
 re, & pourquoy 16 E
 le temple Quirinal 25 B
 Romulus adoré pour Dieu par
 les Romains sous ce nom,
 Quirinus 24 F G
 Quirinus, & l'ethimologie de
 ce nom 25 B
 Sabins habitans Rome nomez
 Quirites, & pourquoy 20 I
 Iuno Quiritide 25 B
 Quirites 42 I

¶ R

comparaïson sur race noble
 333 F G

Radamāthus iuge des defuncts
 5 D
 le siege de la raison est au cuer
 selon les Romains 237 G
 raison se doit fonder sur chose
 vraye, non sur apparence
 454 F
 si raison discourt par dessus la
 fortune 461 F
 Oschophoria, la feste des ra-
 meaus 7 D
 cerimonie de la feste des ra-
 meaus 7 H IK
 rameaus portez en l'honneur de
 Bacchus & Ariadne 7 I
 Ramnenses 20 K
 remede contre le mal de rate
 584 D
 Theseus fuitif pour le premier
 rauissement d'Helene 10 A
 rauissement d'Helene par The-
 seus & Pirithoüs 10 H
 rebellions & troubles. 721 C D E
 F G H I K
 le but d'un bon reformateur de
 republique 32 H
 contre ceux qui ne peuvent rien
 refuser 687 H
 le sage descouure la ruse du re-
 gnard 65 I
 reliques de Theseus seruans de
 franchiçé 12 D
 religion est la science de seruir
 Dieu 163 H I
 Remonia sepulchre de Remus
 16 F
 Remonium depuis nommé Ri-
 gnarium 16 A
 Tarchetius desfait par Romu-
 lus & Remus 13 D
 Romulus & Remus alaitez d'un
 louue, & alimentez des oi-
 seaux de l'air, & eleuez par un
 bouvier 13 D I
 Teratius chargé de la mort de
 Romulus & Remus 13 D
 Romulus & Remus iettez au
 Tibre 13 G
 Cermanum anciennement Ger-
 manū, lieu ou furent premie-
 rement trouuez Romulus &
 Remus, & pour ceste cause ain-
 si nommé 13 H
 le pieuet aida à nourrir Romu-
 lus & Remus 13 I
 pourquoy la mere de Romulus
 & Remus croyoit Mars estre
 le pere de ses deux fils 13 I
 sacrifices faits à Acca Laurence
 de Romulus & Remus 13 K
 Acca Laurētia femme de Fau-
 stulus, & nourrice de Romu-
 lus & Remus 13 K
 Romulus & Remus estudiēt en
 Gabie 14 D
 Romulus & Remus en ieunes-
 se 14 D
 Romulus mieuls né que Re-
 mus 14 E
 ieunesse de Romulus & Remus
 14 F

Ilia mere de Romulus & Remus
 15 D
 debat entre Romulus & Remus
 pour l'assiete de Rome 16 A
 Remustué, & à quelle occasiõ
 16 D
 Faustulus & Plistinus tuez avec
 Remus 16 E
 Celeres, de Celer, qui tua Re-
 mus 16 E
 Remonia sepulchre de Remus
 16 F
 coudre la peau du regnard à
 celle du lion 306 B C
 miracle de renommee 171 K
 exēples des miracles de renom-
 mee 172 B C D E
 forme de receuoir ou reietter
 quelcun au publique repas
 32 D E
 Repoperethra, que c'est à dire,
 585 G
 doucereprehension 256 E
 concurrence necessaire à un
 republicain 669 G
 cõparaïson d'un corps infecté
 de maladie à une republique
 corrompue 29 B
 le but d'un bon reformateur de
 republique 32 H
 moyen de grandeur de repu-
 blique 238 G
 Spurius Caruilius premier des
 Romains, qui repudia sa fem-
 me 27 B
 repudiatiõ pour adultere. 22 C
 loy de repudiation entre les
 Romains 22 C
 repudiatiõ pour empoisonne-
 ment d'entans 22 C
 repudiation pour falsification
 de clefs 22 C
 bonne reputation se fait obeir
 110 F
 resemblances d'hommes 704 K
 bonne respõse de Theopom-
 pus roy de Sparte, à la repro-
 che de sa femme 30 C
 respõses Laconietines, c'est à
 dire, courtes & sententieuses
 36 B C, &c
 l'oracle Retra, c'est à dire, De-
 cret 29 H. 32 G. 33 A
 Rhetorique & sa propriēte
 110 F
 Rhodes assiegeē par Deme-
 trius 617 F G H I K
 cruauté contraint le poure à
 se bander contre le riche
 58 H
 le riche doit d'autant surmon-
 ter le poure en vertu qu'en
 richesse 149 A
 iniquiçé des riches contre les
 poures 58 G H
 quasi tous les riches viuēt serfs,
 & comment 192 I
 folie de riches somptueux
 242 B
 richesse estoit poure en Lace-
 demone 31 B
 contre la richesse 54 G

richesse mal acquise est punie
 54 H
 richesse mal partie 55 A
 richesse est l'ame de la guerre
 451 K
 Pluton dieu des richesses est a-
 ueugle 31 E
 bonne respõse de Pelopidas,
 touchant les richesses 193 B
 Remonium depuis nommé Ri-
 gnarium 16 A
 image du ris en Sparte 38 F
 mort de risee en double sens
 249 G
 Rodotus Bythinien 43 C
 comparaïson de l'estat Romain
 aux piloris 44 K. 45 A
 vers de la beatitude du peuple
 Romain du temps de Numa
 50 H
 le Romain pouoit donner sa
 femme à vn autre, ou la pre-
 ster 52 I
 ruse d'un Romain contre un
 Veien 89 I
 arrogance du peuple Romain
 103 E F G
 extreme ioye du peuple Ro-
 main 154 C
 un Romain ayant cõbatu vint
 & trois fois en cap clos. 174 G
 le peuple Romain comparé à
 une troupe de moutõs. 237 A
 bonté du peuple Romain. 241 I
 grande richesse d'un serf Ro-
 main affranchy 434 D E
 butiner l'empire Romain
 496 I
 louange d'un soldat Romain,
 & sa simplicité 497 G H
 Fidenes faite colonie Romaine
 22 H
 simplicité Romaine sur l'estat
 du mariage 53 A
 d'où vint la ruine de la repu-
 blique Romaine 496 F
 republique Romaine fort es-
 branlee 502 A B
 perte Romaine par la guerre
 ciuile 510 B C
 ancienne rigueur Romaine
 570 D E
 coustume de baïser es matro-
 nes Romaines, en saluant
 leurs parens & maris, & d'où
 elle vient 12 I
 legions Romaines du temps de
 Romulus, & ethimologie de
 ce mot legion 17 C
 ethimologie des trente lignes
 Romaines 18 A
 legions Romaines de 6000
 hommes de pied, & 600 de
 cheual 20 K
 le vin defendu aux Romaines
 53 C
 le parler interdit aux femmes
 Romaines 53 C
 hardiesse des filles Romaines
 73 G
 loy aux vefues Romaines sur
 leur remariage 640 A
 grandes

grâdes debtes Romaines. 724 B	lois 94 F	viçtoire des Romaines cõrreles Cimbres 195 A	vengeances mortelles des Romaines 694 C D
les Romaines anciennemẽt obliuoyẽt le vol des vautours en leurs diuinations 16 B	Romaines desfaits par les Thoscans ou mporurẽt 300 d'un nom 94 G	differece des anciens Romaines à ceux du temps de Sylla. 322 C D E	les plus grâds Romaines ont aspiẽrẽ à l'ẽmpire 694 I K
Talassius estoit chantẽ par les Romaines le iour des nopces, cõme Ymeneus par les Grecs 18 D E	honneur des venerables Romaines 95 H	viçtoire des Romaines contre Mithridates 325 F	insolence de soldats Romaines 730 D E
condition du contract de mariage des Sabines avec les Romaines 18 E	superbe arrogãce des Romaines à la premiere prinse de leur ville 96 A B	quelle estoit la note d'infamie des Romaines fuyans 351 H	Romanus fils d'Vlysses & de Circe 12 K
cerimonies des Romaines en leurs nopces pour memoire du rauissement des Sabines 18 F G	l'arrogance des Romaines ne les sauua 96 B	tyrannie execrable exercee par les fermiers Romaines sur l'Asie mineur 354 A	Rome & Arhenes, sont les deux plus nobles citez du monde 1 G
Acron roy des Ceniniens meut guerre contre les Romaines 18 H I	parlemẽt & traitẽ entre les Romaines & Gaulois 98 B C	medpris des Romaines par les Armeniens 357 H	opinions diuerfes sur l'imposition du nom de la ville de Rome 12 G
Ceniniens desfaits par les Romaines 18 I	Gaulois desconfits par les Romaines 98 H	sedition entre les soldats Romaines 359 G H I	Rome en langage Grec signifie puissance 12 G
premier trophẽe des Romaines 19 A	exemple de peu d'occasio prise par les Romaines 99 F	Romaines espouãtez par les Parthes 390 I	Rome Troienne fit mettre le feu aux vaisseaux Troiens, à fin d'arrester en Thoscane 12 H
Spolia opima n'ont touchẽ que trois capitaines Romaines. 19 B	Romaines desfaits par Hãnibal pour la deuxieme fois. 119 G	douloureuse mort des Romaines 391 G H	une dame Troienne nommee Rome 12 H
les habitans de Fidene, Crustumeriũ, Antenne, desfaits par les Romaines, & leurs terres departies 19 D	signe de bataille entre les Romaines 124 F	defauantage des Romaines contre les Parthes 391 H	diuersitẽ d'opinions sur la genealogie de dame Rome, qui donna nom à la ville 12 K
Romaines en desordre cõtre les Sabins 20 C	admirable clemence des Romaines 126 A	mauuaise preuoyance des Romaines 391 K	Rome mariee avec Latinus fils Telemachus 13 A
traitẽ de paix entre les Sabines & les Romaines 20 I	Romaines fõt hors l'Italie ce qu'ils n'ont peu en leur pais. 129 D	magnanimitẽ de quelques soldats Romaines 392 H I	diuerses occasions du premier bastiment de la ville de Rome 15 H I
loy de repudiatioẽ entre les Romaines 22 C	cruelle vsure des Romaines 148 C	courage de Romaines abatu 392 E	debar entre Romulus & Remus pour l'assietẽ de Rome. 16 A
les Veiens descõfits par les Romaines 23 C D E	coustume de Romaines auant qu'entrer en bataille 149 G	grand meurtre de Romaines par les Parthes 393 E	cerimonies obseruees en la fondation de Rome 16 F G H
Romulus adorẽ pour dieu par les Romaines sous ce nom, Quirinus 24 F G	dieux tutelaires des Romaines dans Lauiniũ assiegee. 157 B	Romaines trahis par un guide 393 I K	le iour de la cerimonie de la fondation de Rome, & de la solennitẽy obseruee 16 H I
les Latins contre les Romaines 25 D	Romaines iettẽt l'anchre sacree 158 A B	grand meurtre de Romaines par les Parthes 395 A B	eclipse de lune le iour de la fondation de Rome 16 F
condition d'accord presentee par les Latins aux Romaines 25 D	Romaines deplorent, sans se pouoir aider 158 C	deux Romaines surnomez tres grands, & pourquoy 438 A	le iour de la fondation de Rome 17 B
Spurius Caruilius premier des Romaines qui repudia sa femme 27 B	feste des Romaines pour leur deliurance 160 A B	les Romaines quelques grands qu'ils fussent, plaidoyẽt pour autrui 441 E	ordre politic en Rome par Romulus 17 B C
les temples Romaines estoient tournez la porte vers orient 48 E	grãd meurtre d'ennemis à peu de pertẽ de Romaines 171 A	coustume de Romaines contre les chefs de guerre 441 F	les filles Sabines rauies, quatre mois apres la fondation de Rome, & en quel nombre, & encore sous quel pretexte. 17 G H I K. 18 A B
commoditẽ d'auoir enfans entre les Romaines 52 I	grande crainte des Romaines pour la descẽte des Gaulois 207 A B	grãd effort de courfaires & pirates cõtre les Romaines. 441 G H I K	Ceninie prinse par Romulus, & les habitans menez à Rome y habiter 18 K
crainte des Romaines pour le tort fait à Publicola 67 G	sacrifices cruels contre l'vsage des Romaines 207 A B	pilleries faites sur les Romaines par les courfaires 441 K	Romulus entra le premier triõphant à Rome 19 A
baraille cruelle entre les Romaines & Thoscans. 70 A B C	Romaines fort religieux 207 D E F	derision des courfaires cõtre les prisonniers Romaines. 442 A B	Tarpeia trahit Rome pour des brasseliers d'or 19 E
Romaines victorieux des Thoscans 70 B	estrange viçtoire des Romaines sur les Gaulois 208 F	Romaines forcez d'enuoyer cõtre les courfaires 442 C	Sabins habitans Rome nomez Quirites, & pourquoy. 20 I
paix entre Porfena & les Romaines 73 E F	cry de Romaines entrans en bataille 209 A	le signe des Romaines pour signifier le iour d'une bataille 458 F	les habitans de Rome diuisẽz en trois lignees 20 K
Sabins en route par les Romaines 74 K	equitẽ des Romaines 209 B	deuotion des Romaines aux funeraillẽs des grands 452 F	priuilege des dames Sabines dans Rome 21 B
liberalitẽ des dames Romaines recompensee 91 F	rigueur des Romaines contre les fuyarts, & mauuais combattans 210 G H I	Romaines doureux en iugemẽt 495 K	le saint Cormier dans Rome 21 C D
alliãce entre les Romaines & Falisques 92 E	Romaines n'estimoyent que la guerre & le labour 214 G	dixieme legion des Romaines 498 I	Luci ⁹ Ostius premier parricide à Rome 22 D
mespris des dieux par les Romaines 94 B D	signe de baraille entre les Romaines 216 I	notable contract des pourfuyans aux estars Romaines. 541 F G	les Camerins descõfits par Romulus, & faits citoyens de Rome 22 K
cerimonies requises en guerre nõ obseruees par les Romaines 94 D	vergongne pour vergõgne de Romaines enuers les Grecs 243 C	differeces opiniõs des Romaines dans Vtique 547 A B	conspiratioẽ des voisins de Rome 23 A B
Romaines desfaits par les Gau-	grand effort de Romaines 259 G H I K. 260 A	discours des marchands Romaines dedans Vtique 547 B C D	Patriciens, & quels il estoient en Rome 23 I
	modestie des soldats Romaines 260 B	ancienne & notable coustume des Romaines de prauẽe 570 F G H	
	fidelitẽ notable des Romaines 277 H I K	delices des seigneurs Romaines 649 E	
	discours touchant les noms & surnoms des Romaines 284 I K. 285 A		
	soldats Romaines bien aguerris 295 A		

TABLE ALPHABETIQUE

Camillus chassa les Gaulois de Rome 25 C	me 316 F	teur 14 G	ethimologie des dix mois de l'an nommez par Romulus 50 AB
Philoris seruâte Romaine sauua Rome des Latins 25 E	grands troubles en Rome 320 ABCDEF	Romulus prins par les bergers de Numitor 14 H	Lirius, baston augural de Romulus trouué miraculeusement 99 H
Rome saccagee par les Gaulois 41 H. 96 B	Rome prinse par Sylla. 320 HI	Romulus réd raison de ce qu'il scait de son estre, à Numitor 15 AB	Romus fils d'Emathion 12 K
trouble en Rome pour l'election d'un second roy 42 CDE	cruautés exercees en Rome, Sylla absent 326 GH	Ilia mere de Romulus & Remus 15 D	roues Egyptiennes & leur signification 48 F
entreregne en Rome auparauant l'election de Numa Pompilius 42 F G	souspeçon de coniuration en Rome 386 HI K	guerre eueue entre Romulus, & son oncle Amulius 15 F	il vaut mieulx rongir que blemir 237 I
Flamines prestres en Rome pourquoy ainsi nommez 44 I	Rome fort oppresse par tyras 435 CDE	debat entre Romulus & Remus pour l'assiette de Rome 16 A	le mariage de Roxane profitable à Alexandre le grand 482 CD
Rome fondee d'hômes ramassez & fort belliqueux 44 K	à qui se souloit donner le triôphe en Rome 438 B	le iour de la conception de Romulus cognu par Astrologie 17 A	Roxane enceinte à la mort de Alexandre le grand. 482 CD
le pont de bois à Rome ioint sans fer 45 I	comparaison de la republique de Rome à vn bateau. 450 D	le iour de la naissance de Romulus cognu par Astrologie 17 B	cruauté de Roxane enuers Statira 492 F
cause du sac de Rome par les Gaulois 47 DE	Rome en grande confusion 453 CD	ordre politic en Rome par Romulus 17 BC	vray office d'un bon roy 14 K
contrerolleurs en Rome sur le labourage des terres 49 DE	Rome abandonnee de Pompee, des consuls & des senateurs 456 A	legions Romaines du temps de Romulus, & ethimologie de ce mot legion 17 C	vser de trop de douceur par un roy à son peuple, n'est pas bon 27 K. 28 A
peuple de Rome diuisé par mestiers. 49 EFG	merueilleux trouble en Rome 503 GH	Hercilia Sabine seule sauuee par Romulus 18 B	bonne responce d'un cuisinier à un roy friand 32 F
confrairies & festes de chacun mestier à Rome 49 G	premiere sedition de Rome decidee avec meurtre 574 I K	Prima fille, & Aollius, autrement Abillius, fils de Romulus & Hercilia 18 BC	un bon roy se doit fier à ceux qui se fient en luy 44 H
Rome exemple de bien viure à ses voisins du temps de Numa 50 FG	Rome en grand trouble pour la mort de Cesar 606 I	Acron tue par Romulus en combat singulier 18 I	souhait d'un roy contrefesconemis 86 K
ialousie hors de Rome du tēps de Numa, & comment 52 I	Romistyrans des Latins 12 K	Ceninie prinse par Romulus, & les habitans menez à Rome y habiter 18 K	en quoy consiste la grandeur d'un roy 203 E
repudiatio premiere en Rome 53 D	Romulus né hors mariage, & estimé forty de la race des dieux 1 F	Romulus entra le premier triôphant à Rome 19 A	le petit roy paisible, est aussi euvreux, que le plus grand monarque 274 H
Publicola premier consul triôphant dedans Rome 70 C	comparaison de Theseus à Romulus 1 G	statues de Romulus portas son trophee à pied 19 C	moyen à un roy d'accroistre son auctorité 419 EGH
premiers thresoriers de Rome 71 D	opinions diuerfes touchant la genealogie de Romulus 13 A	Romulus fort deuot & grand diuinateur 22 B	le plus iuste roy est le plus grand 427 C
enfantemēs monstrueux en Rome 74 CD	Tarchetius desfait par Romulus & Remus 13 D	opinion de Romulus sur le paricide. 22 D	qui se donne au roy, s'assuiettit à sa puissance 717 F G
pourquoy le feu eternel & sacre estoit tant reueré en Rome 95 DE	Teratius chargé de la mort de Romulus & Remus 13 D	occasion de querelle entre Romulus & Tarius 22 E	grand changemēt de roy. 719 D
prinse de Rome par Brēnus roy des Gaulois 95 I	la plus apparentemēt vraye histoire des ancestres de Romulus. 13 E	occasion de faire aimer Romulus 22 G	prodicos, c'est à dire, tuteurs de rois 28 B
retablissement de Rome par Camillus 98 I K	Romul' & Remusiettez au Tibre 13 G	les Camerins descōfits par Romulus, & faits citoyens de Rome 22 K	les rois de iadis en Grece estoient iustitiables 420 E
sedition populaire pour le retablissement de Rome 99 A BCDE	Cermanū anciennement Germanū, lieu ou furent premierement trouuez Romulus & Remus, & pour ceste cause ainsi nomme 13 H	second triomphe de Romulus 23 E	ancienne bonté de rois 481 CD
sedition en Rome 102 D	pourquoy la mere de Romulus & Remus croyoit Mars estre le pere de ses deux fils 13 I	mesconnoissance de Romulus enuers son peuple 23 G	nombre de rois addonnez aux arts mechaniques 617 CD
prodiges inusitez à Rome. 119 CD	le pieuert aida à nourrir Romulus & Remus 13 I	occasion de souspeçon contre les Patriciens sur la mort de Romulus 23 K	la bōté des rois desplaist à leurs mignons & flateurs. 672 I K
Athenes trop plus excellente en edifices que Rome 130 E	Acca Laurētia femme de Faustulus & nourrice de Romulus & Remus 13 K	disparition de Romulus 23 K. 24 ABCDEF	anactēs, dignité royale 11 FG
numding marché de Rome 153 H	sacrifices faits à Acca Laurentia pour auoir esté nourrice de Romulus & Remus 13 K	opinions diuerfes sur la mort & disparition de Romulus 24 B	l'enfant nouveau ne posé en la chaire royale par Lycurgus 28 D
grands troubles en Rome. 155 D	Romulus & Remus en ieunesse 14 D	visio de Romulus à Iulius Proculus 24 D	ce qui est propre à la grandeur royale 418 G
estrange mutation en Rome 157 BC	Romulus & Remus estudiant en Gabie 14 D	Romulus adore pour dieu par les Romains sous ce nom, Quirinus 24 FG	imbecillité royale 566 FG
nombre des hommes de Rome du temps de Paul Aemyle 177 E	Romulus mienls né que Remus 14 E	Romulus hardy de peur 25 I	ce qui maintient bien un royaume 40 I K
Rome enrichie des tableaux & statues de Syracuse 214 DE	ieunesse de Romulus & Remus 14 F	Romulus repuré tyran 26 C	acquérir un royaume par iustice 52 A
Rome temple de Mars sanglant 214 E	Romulus deuot & vaticina-	Celeres garde royale de Romulus chassé 44 H	lénas manteaus royaux, sedit chlenas en Grec 44 I
ieunesse de Rome fort addōnee à la philosophie 244 CD		cōfusion és mois & ans du tēps de Romulus 49 H	Rubicon fleuee separe les Gaulles de l'Italie 503 E
eloquence & richesse attirerēt credit en Rome 286 E			uma, c'estoit à dire mammelle entre les Latins 13 H
notable note d'infamie en Ro-			Rumilia deesse des allaitemens, & quels sacrifices on luy faisoit 13 H
			figuier sauuage nomme ruminalis 13 H

ruse Romaine entre les seditiōs populaires 91 I K	sacrifices faits à Acca Lauren- tia pour auoir esté nourrice de Romulus & Remus 13 K	Sczuola, c'est à dire, gaucher 73 C	bonté de Sempronius 727 K
bonne ruse de guerre 196 K.	sacrifices instituez par Numa 45 E	histoire piteuse de Scedafus & de ses filles 199 E	Ephores, c'est à dire, contrerol- leurs erigez au Senar de Spar- te 30 B
197 A	exemples de sacrifices cruels 199 G H	Scenires, que c'est à dire 354 G	le Senar de Lacedemone 29 E
ruse de guerre 272 I	opinions diuerfes sur sacrifices, & sur la clemence ou incle- mence des diens 199 G H I	science & sagesse des hommes anciens 1 I	vn Senar tient la bride à deux extremitez, au tyran, & à la confusion populaire 29 F
ruse de brigue 289 K	sacrifices de mauuais presages 218 A B	quelle est la plus belle science que lon scache apprendre 425 H	Sphærus touchant le Senar de Lacedemone 29 G
louange de la vie rustique 49 C D	sacrifices sur sacrifices non a- greables 228 F G H I	le plus beau fruit des sciences 147 D	election de Senateur en Sparte au lieu du dernier defunct 38 I K. 39 A
Ryntaces oiseau Persien. 665 A	Agisroy de Sparte condamné en l'amende pour n'auoir sa- crifié 32 C	schinocephalos, teste d'ognon 104 I	priuilege de Senateur le iour de son election 39 A B C
S	conte plaisant d'vn sacristain qui ioua aux dez contre son dieu Hercules, & sous quel- le paction 14 A	schinos, ognon de Barbarie 104 I	de qui furent creez les premiers Senateurs en Sparte 38 I
Hercilia Sabine seule rauie par Romulus 18 B	remonstrance de sage à fol sert quoy qu'il tarde 65 D E F	mort incertaine de Scipiō l'A- fricain 24 A	difference entre le sens exte- rieur & l'entendement. 104 B
les filles Sabines rauies, quatre mois apres la fondatiō de Ro- me & en quel nombre, & en- cor sous quel pretexte. 17 G H I K. 18 A B	le sage descouure la ruse du re- gnard 65 I	commencement de Scipion 128 E F	discours notable sur les sens na- turels 610 I K. 611 A B C
condition du contract de ma- riage des Sabines avec les Ro- mains 18 E	le sage apprend du fol, non le fol du sage, & pourquoy 237 I	innoation de Scipion 128 F	Hesiodé estimé pour ses dits moraux & sententieux 1 I
cerimonies des Romains en leurs nopces pour memoire du rauissement des Sabines 18 F G	les sages proposent, & les fols decident 55 K	Fabius contraire à Scipion 128 G	Septemagium 23 E
iour du rauissement des Sabines 18 G	il faut obeir aux plus sages 222 F	Scipion emprunte argent pour passer armee en Libye 128 I	Thorh en Egyptien, est le mois de Septembre 17 B
les Sabines font cesser la batail- le d'entre leurs peres & leurs maris 20 D E F G	science & sagesse des hommes anciens 1 I	Fabius empesche Scipion à son possible 128 K	Septembre pour septieme. 50 C
harâgue des Sabines à leurs pe- res & parens 20 F G H	sagesse, que c'est 77 F	vaine raison de Fabius contre Scipion 129 B C	cerimonie du priuilege de se- pulture 75 D
priuilege des dames Sabines d'as- sister à Rome 21 B	Saliens prestres Romains, & la cause de leur institution 47 F G H	proesses de Scipion en Libye 129 A	couronnement de sepultures avec de l'ache 186 E
origine des Sabins 18 G	Saliens prestres, d'ou sont de- scendus les Boufons 47 H I	Hannibal descōfit par Scipion 129 D	af franchissement de serf, se nom- me vindicta, de Vindex. 69 F
Tatius lieutenant general des Sabins 19 D	opinion de Plutarque contre Saluste 349 H	Scipion accusé par Caron. 235 D E	les serfs se seoyent avec leurs maistres es festes de Saturne 52 D
Romains en desordre cōtre les Sabins 20 C	Salinator meurtry en trahison 400 D	Scipion se iustifie de l'accusa- tion de Caron 235 E	statut de Solon sur les serfs a- mouroux 54 D
traité de paix entre les Sabins & les Romains 20 I	salair & condamnation en vn homme pour vn mesme fait 431 I	Scipion Sallurion fait par Iul. Cesar chef de son armee 509 C	Sergensen processions, sacrifi- ces & autres cerimonies, pour mettre ordre au peuple 48 B
Sabins habitās Rome nommez Quirites, & pourquoy 20 I	se plaire en effusion de sang hu- main represente vne mau- uaise ame 199 I	Scipion mesprise le conseil de Catō d'Vtique, & luy en préd mal 546 A B C D	insolence de sergens contre vn roy 420 E
Sabins en route par les Ro- mains 74 K	Sapho enseigne à cognoistre les amoureux 624 A	nouvelles à Vtique que Scipiō & Iuba estoient desfaits. 546 D	tromper les enfans par les dez, & les hommes par les sermēs 306 E
Tatius meurtry en sacrifiant dans la ville de Lauiniū. 22 F	Sarpedon pedagogue de Catō d'Vtique 527 I	deux Scipions Africains. 398 B	iurer la foy est le plus grād ser- ment 49 B
sacrifice à Venus, d'vne cheure transmuee en bouc 5 K	ris Sardonien 579 C	Scytale, que c'est 311 D	serment avec grande peine 63 K
sacrifice en l'isle de Cypre en l'honneur d'Ariadne 6 I	les serfs se seoyent avec leurs maistres es festes de Saturne 52 D	les Scythes desfaits & chassiez par Alexandre le grand 481 I	fable du serpent 550 K
Metecia feste & sacrifice des estrangers dans Athenes 8 C	cōparaison du temps de Numa à celuy de Saturne 52 D	naturel des Scythes en beuāt 617 A	superlatiues comparaisons de Sertorius 398 D E
Marathus foffre volōtairement au sacrifice 11 D	vn Satyre présenté vis à Sylla 328 E	Solon faillit grandemēt decla- rant son secret 59 K	Sertorius infortuné 398 D
sacrifice de chiens pour purifi- cation 22 A	poètes Satyriques sacrifier l'hō- neur des grands, à l'enuie du populaire 109 I K	opinion du consulat contre les sediteux 151 A	genealogie de Sertorius. 398 E F
cerimonie de sacrifice pour vi- ctoire 23 F	aduertissement contre les Saty- riques 601 G H	Seditiō populaire, & pourquoy 150 I K	apprentissage de Sertorius aux armes 398 F
sacrifice Capratin 25 C	cliēs, c'est à dire, receus en sau- uegarde 17 F	sedition en vn camp est fort à craindre 385 A B	force & dispositiō de Sertorius 398 F
sacrifice des Lacedemoniens au- uant que commēcer bataille 37 D F	Scambuca instrument de bare- rie 211 K. 212 A	seditiō entre soldats sous om- bre de bien 729 E	Sertorius espion au camp des Gaulois 398 G
sacrifice trescruel 81 K. 82 A	Mutius Sczuola 73 A B C	ruse Romaine entre les seditiōs populaires 91 I K	Sertorius surprins en sa garni- son 398 H
sacrifice cruel 224 G		Seisachtheian, c'est à dire, des- charge 59 G	stratageme de Sertorius 398 K
presage de sacrifice 717 A		Selencus cerche alliance avec Demetrius 621 E F	Sertorius questeur 398 K
sacrifices differēs à deux Ariad- nes 7 A		Selencus esponse Stratonice fille de Demetrius 621 G H	Sertorius acquiert bonne repu- tation 399 A B
sacrifices faits à Theseüs 12 E F		auarice de Selencus 621 I	gloire de proesse de Sertorius 399 A B
Rumilia deesse des alaitemens, & quels sacrifices on luy fai- soit 13 H			cauē de haine entre Sertorius & Sylla 399 C
			bonté de Sertorius entre les

TABLE ALPHABETIQUE

cruantez de Marius 399 GHI	uers sa mere 406 I K	tes & Alcibiades 132 F	Solon marchad pour la neces- sire 54 F
bonne punitiō de Sertorius cō- tres les esclaves de Marius 399 I	exemple du grād cneur de Ser- torius 407 A B C D E	Socrates & Alcibiades compa- gnons d'armes 132 H	Solon dissolu en despēse & pa- role 54 K
retraite de Sertorius en Espa- gne 399 K. 400 A B	ambassadeurs de Mithridates vers Sertorius 407 C D E	Socrates sauue la vie à Alci- biades 132 H	Solon estoit plus poure que ri- che 55 A
Sertorius acquiert l'amitié des Espagnols 400 B	braue responce de Sertorius à Mithridates 407 E	Alcibiades donne secours à So- crates 132 I	poēsie de Solon 55 A B
ordre de gouuernemēt par Ser- torius en Espagne 400 B C	traitē d'accord entre Sertorius & Mithridates 407 F	Socrates auoit vn esprit fami- lier 136 G. 373 F	commencement des loix de Solon en vers 55 B
Sertorius fuitif en Afrique 400 E	sedition enuicuse au camp de Sertorius 407 H I K	louange de Socrates par Platō 236 H I	Solon philosophe moral 55 C
le vent fort cōtraire à Sertorius 400 F G	coniuration sur la mort de Ser- torius 408 A B C D E F	Socrates condāné à mort pour la philosophie 378 B	Solon peu philosophe naturel 55 C
Sertorius cōtre Ascalius en A- frique 401 A	honnesterē de Sertorius en ta- ble 408 D E	lepreux soldat ne doit seulemēt regarder son profit particu- lier 149 E	propos d'Anacharsis avec So- lon 55 H
Sertorius victorieux cōtre A- scalius & les Romains. 401 A	Sertorius meurtry traistreuse- ment 408 F	effort d'un vaillant soldat pour recouurer son espēe tombee 170 H I	subtilité de Thales cōtre So- lon 56 A
Tigenna prinse par Sertorius 401 B	le camp de Sertorius bien tost minē apres sa mort 408 G	loy cōtre le soldat iertant ses armes 192 C	Solon impatient en aduersitē 56 B
bontē de Sertorius victorieux 401 C	morts ignominieuses de tous les cōiurez de Sertori ⁹ . 408 G	exemple de bon soldat 234 D E	Thales reprend Solon 56 B
Sertorius capitaine general des Portugalois 401 D	comparaison du camp de Ser- torius à vn torrent 439 I	nul soldat ne doit abandonner son capitaine 393 D	Solon contrefit le fol pour cō- treuenir à vneloy d'Athenes 56 G H
louanges de Sertorius requises à vn bon capitaine 401 E F	la peine que faisoit Sertori ⁹ aux chefs Romains en Espagne 440 A	legain attire le soldat au labeur 473 C	Solon paruiet à son intention moyennant sa contrefaitefo- lie 56 I
Sertorius bien fuyuy & bien o- bey, & pourquoy 401 G H	il faut pardonner quelquefois à cause des bons seruices. 127 A	Iphicrates touchant le soldat 720 C D E	stratageme de Solon cōtre les Megariens 56 K. 57 A
ruse de Sertorius fondee sur re- ligion 401 H I K. 402 A B	serue seruitude en Sparte. 39 K	soldats manipulateurs 15 G	Solon surprend les Megariens 57 B C
peu de gēs soubz Sertorius font grand exploit de guerre 402 B C D	le mois Sextilius, est le mois d'Aoust 18 G	libertē aux soldats Lacedemo- niens 37 E	Solon cherche l'auctoritē d'Ho- mere pour le droit de Sala- mine 57 E
briefue description des faits de Sertorius 402 B C D E F	Lucius Sextus premier consul populaire 103 I	paix desplaist aux soldats 92 E	Solon acquiert grande reputa- tion 57 H
estroite viē de Sertorius 402 F	Sibis prinse d'affaut 360 H	moyen de gagner les soldats descouragez de seruir. 126 G H	Solō seul hors de coulpe. 58 H I
soigneuse sollicitude de Serto- rius cōtre Metellus. 402 F G	desolation de Sicile 185 C D	trop de licence aux soldats est mauuaise 167 F	Solon preuost d'Athenes. 58 I K
preuoyance de Sertorius con- tre vn siege de ville. 402 I K	tyrannies de Sicile abatues par Timoleon 185 I K	bannissement de soldats desloy- aux 187 K	prouerbe de Solō, egalitē en- gendre point de debat 58 K
merueilleuse astuce de Sertori ⁹ 403 C D	vains discours sur la conquēste de Sicile par les Arheniens 372 H I	anciennement les soldats se cō- tentoyent de peu 235 C	oracle fauorable à Solon. 59 A
grāde amour des Espagnols en- uers Sertorius 403 F F G	diuers & sinistres presages sur le voyage de Sicile. 373 B C D E F	vie de bon soldats 250 A	Solon refusa la principautē de Athenes 59 B
stratageme de Sertorius. 403 H	libertē de la Sicile publice en Syracuse 677 E	naturel de bons soldats. 286 I K	vers honorables de Solon. 59 C
exemple fort notable de Serto- rius 403 I K	crainte de Siciliens 183 H	soldats ne doyēt estre pources, & pourquoy 287 E	vers cōtre Solon dedaignant la tyrannie 59 D E
grand renom de Sertorius. 404 H I	Sicyone en ligue avec les A- cheiens 706 G	soldats nommez mulets de Ma- rius 289 D E	vertu de Solon 59 E
gentil stratageme de Sertorius 405 A B	Sicyone en dāger de guerre ci- uile 707 C	murmure de soldats maladui- sez 290 G H	ordonnances de Solon. 59 G H
louables faits de Sertorius. 405 C D E F	excellens peintres en Sicyone 707 F	punitiō des soldats fuyans d'un pour dixaine 384 H	Solon faillit grādemēt decla- rant son secret 59 K
eur de Sertorius 405 D E F	bonne ruse sur vn siege de ville 308 F	inobedience de soldats est leur totale ruine 385 D E	perte de Solon par sa loy me- me 60 A
Sertorius veincu victorieux 405 F G	merueilleux signe du ciel. 348 D	bōté de soldats enuers leurs ca- pitaines 394 B C	Solon non agreable pour ses loix 60 B
braue moquerie de Sertorius cōtre Pompee 405 G	Silanion & Parrhasius, peintre & sculpteur de Theseus 2 C	sedition entre soldats soubz ombre de bien 729 E	excuse pour Solon 60 B C
subtilité de Sertorius. 405 G H	simplicitē d'une ieune pucelle 3 E	forme d'adorer le Soleil par les Romains 208 C	Solon eleu reformateur ge- neral des loix 60 E
grande ruse de Sertorius 406 B C D	Simylus poete 19 G H	cōparaison du soleil à vn gou- uernement de republique 515 I	puissance absolue de Solon 60 E
proesse de Sertorius 406 E	Menalippus fils de Theseus & de Perigounē, fille de Sinnis 3 E F	le iour de la cerimonie de la fondation de Rome, & de la solennitē y obseruee. 16 H I	bonne responce de Solon sur l'iniure faite à autrui 61 A B
grande promesse de Metellus pour la mort de Sertorius 406 E F	fondateurs de Sinope 355 H	Soles ville du nom de Solon 64 E	loy peculiere de Solon 61 F
grande gloire de Metellus pour auoir vne fois veincu Serto- rius 406 F G	Sacrifice Sisachthiaque 60 E	Excestides pere de Solon. 54 C	loy de Solon cōtre le mary inhabile à cohabiter 61 G H
grande deuotion de Sertorius enuers son pais 406 H I K	Sisnatiass, que c'est à dire. 342 E	Solon amoureux de Pisistratus 54 D	defectuositē de loy en Solon 62 K
grande amour de Sertorius en-	Socrates & Pericles cōtempo- rains 112 K	statut de Solon sur les serfs a- moureux 54 E	loix de Solon en tableaux rou- lans 63 H I
	Socrates resiste aux attrairs des amoureux d'Alcibiades. 131 F		Solon se bannit volontaiemēt d'Athenes pour donner loy à ses loix 64 C
	Socrates seul honorē d'Alci- biades 132 D		magnificence de Croesus en l'endroit de Solon 64 G H I K
	cōparaison du fer avec Socra-		

mespris de Solon des biens de Crésus 64 I K	seconde victoire de Spartacus contre Lentulus 384 E F	porté le pris és ieux & tournois publics 37 H	blason funereal en l'honneur des Spartiates 192 B
remonstrance de Solon à Crésus enfié de gloire pour ses biens temporels 65 B	tierce victoire de Spartacus 384 F	côpagnies d'hommes d'armes en Sparte nomées Oulames. 37 K	cause de guerre entre les Spartiates & les Thebains. 314 G H
propos notable entre Aesope & Solon 65 D	quatrième victoire de Spartacus 384 G	proces banny de Sparte, & le moyen 38 D	grandeur de courage des Spartiates 315 F
profit de la remonstrance de Solon à Crésus 65 F	Spartacus trôpé par coursaies 384 I	image du Ris en Sparte. 38 F	condamnations & peines contre les Spartiates non mariez 316 D
Solô cognut la ruse de Pisistratus 66 A B	negligence de Spartacus. 384 K	de qui furent creéz les premiers senateurs en Sparte 38 I	recômmencement de guerre entre les Spartiates 372 A
Solon essaye à resister à la ruse de Pisistratus 66 B C	cinquieme desfaite des Romains par Spartacus 385 D	election de senateur en Sparte au lieu du dernier defunct 38 I K. 39 A	constance de femmes Spartiates 568 A B C D E
bon propos de Solon. 66 C D E	cruelle bataille entre Spartacus & les Romains 385 E	cerimonie des enterremens en Sparte 39 C D	Sphærus touchant le Senar de Lacedemone 29 G
maintien de Solon en la tyrannie de Pisistratus 66 E	grande proësse de Spartacus 385 F	duel funebre en Sparte 39 D	Spolia opima, & leur ethimologie 19 B. Spolia opima n'ont touché que trois capitaines Romains 19 B C
conseil de Solon aux Atheniês estans sous la tyrannie de Pisistratus 66 F	Spartacus desfait 385 F G	estrangers chassés de Sparte. 39 E	Spolia opima, que c'est 209 A
confiance de Solon contre la tyrannie 66 G	rois de Sparte sont descendus de Hercules 27 G	serue seruitude en Sparte. 39 K	Spurius Carulius premier des Romains qui repudia sa femme 27 B
vieillesse de Solon paresseuse 66 I	Sparte est Lacedemone 27 G	Sparte avec sa poureté cômmandoit à route la Grece 40 H	Staficrates tres excellent ingenieur 491 A B
vieillesse de Solon somptueuse 66 I	Sous roy de Sparte deceut les Clitoriens 27 I K	commencement de la ruine de Sparte 196 H I	Statira empoisonnée par sa belle mere 664 I K. 665 A B
Platon descêdu de Solon. 66 K	Lycurg ^e enuié d'as Sparte, sen bannir soy mesme 28 F	conseil tenu pour la defense de Sparte 281 G	Iupiter Stator 20 D
mort de Solon 67 A	Theopôpus roy de Sparte altera la puissance du peuple. 29 K. 30 A	trahison des paisans de Sparte 342 F G. les rois de Sparte refrenéz par le Senat 419 F	sole creance qu'une statue air parlé 160 C D
quelle fin de vie desiroit Solon 75 G	Elar ^e premier Ephore de Sparte 30 B	Sparte en grand danger. 431 D	statues de Romulus portés son trophée à pied 19 C
Solon tres sage 75 I	Ephores, c'est à dire, contrerolleur serigez au Senat de Sparte 30 B	corruptiô des mœurs de Sparte 556 K	Starylius & sa fin 550 E
les somptuositez domestiques rendent les cœurs effeminez 252 G	bonne responce de Theopompus roy de Sparte à la reproche de sa femme 30 C	notable mot d'un roy de Sparte 557 I	Starylli ^e desirieux d'imiter Caton 548 F G
double interpretation de songe 282 C D	monnoye de fer en Sparte. 30 I K	têples dans Sparte erigez à plusieurs passions de l'ame. 558 I	Stefilaus le beau 77 I
Sylla dit qu'il faut croire au songe 355 I	mestiers superflus bannis de Sparte 30 K	Sparte remise en son premier ordre de viure par Cleomenes 559 F G H	Sthenis excellēt statuaire. 355 H
songe notable 558 E F	Polydorus roy de Sparte altera la puissance du peuple. 29 K. 30 A	Ilotes veincus par les Spartes 27 H	magnanimité de Sthenis Himerien 436 E. 437 A
songes & oracles ambigus. 199 G H I K	côbien d'hommes mâgeoient en commun dans Sparte, & combien chacun fournissoit pour sa despense d'un mois 32 A	le profit que les Spartes & leurs enfans tiroient de leurs cômuns conuiues 32 C	Stilpon philosophe 613 I
Hippias sophiste parlât de Lycurgus 37 I	Agis roy de Sparte ne se peut vne seule fois excuser de mâger en commun 32 B	la plus exquisite viande des Spartes 32 E F	estrange opinion des Stoiciens 548 K
Sophistes sont sages cōtrefaits 77 F	Agis roy de Sparte condâné en l'amende pour n'auoir sacrifié 32 C	les Spartes ne portent point de lumiere de nuit, & pour quoy 32 F	à quoy seruent les raisons Stoiques 557 B
Sophistes sont audacieux. 347 O	exercice vigoureux és filles de Sparte 33 C D E	secrete cōspiration des Spartes contre les Ilotes 39 G H	Stolo puny par sa mesme loy 102 G
Sophocles poete tragique. 338 H	punition cōtre les hommes de Sparte qui ne se vouloyent point marier 33 G	libre liberté des Spartes 39 K	Strabon hay par les Romains pour son auarice 434 A
vers de Sophocles 550 G	cerimonie de mariage en Sparte 33 H I K. 34 A B	serment donné par les Spartes à Lycurgus 40 C D	stratageme d'Alcibiades. 142 A
vers de Sophocles cōtre la seruene noblesse 462 B	enfants communs en Sparte. 34 A B C	coustumes differêres des Spartes & Romains 215 B	stratageme d'Alcibiades en extreme peril 142 K. autre dudit Alcibiades 143 C D
vers de Sophocles non veritables 555 F	enfants nouveaux nez en Sparte estoient visitez de santé, ou de maladie, & ce qui sen faisoit 34 F	capitulation entre les Spartes & les Lacedemoniens 309 B	stratageme d'Alexandre le grâd 487 C
vers de Sophocles representâs la fortune de Demetrius 627 A	laument d'enfants nouveaux nez en Sparte, pour cognoître si les estoient bien ou mal complexionnez 34 G	l'or & l'argēt desdeigné par les Spartes 310 A B	stratageme d'Aratus. 712 E F G. 713 D E
Sophocles 668 F	le roy de Sparte marchant en bataille est accompagné de quelcun, qui autrefois air em-	le camp des Spartes seul pur & net 559 I K	stratageme de Camili ^e cōtre les Latins & Volsques. 100 E F G
Sofis 679 B		à quoy les Spartiates passoyent le temps 559 K	stratageme de Camillus 103 A
trahison de Sofis decouverte, & punie par mort. 679 B C D		l'auctorité du peuple Spartiate appelé au conseil 29 K	stratageme & preuoyance de Iul. Cesar 503 B C D
foter en Grec, sauueur 150 E		grâd cueur d'un Spartiate. 282 B	stratageme de Iul. Cesar & contreruse de Pompeius 505 F
foteria, feste de salut 719 H		lubrilité de Lycurgus cōtre l'auarice des Spartiates. 30 H I	stratageme de Cleomenes. 564 D
dipnophore, porte-souper 71 I		les riches Spartiates poursuuēt Lycurgus en cholere. 31 F	stratageme de Surena contre Crassus 390 G
Sous roy de Sparte deceut les Clitoriens 27 I K		les Spartiates liurent Alcander à Lycurg ^e pour le punir. 31 G	stratageme de Demetri ^e . 628 E
stratageme du roy Sous 27 I K		Lycurg ^e par son œil creué pacifie les Spartiates 31 G	stratageme de Hānibal contre Fabius 121 D E F G
Eurytionides d'Eurytiô fils de Sous 27 K			stratageme de Hānibal. 123 A B
c'est plus de veincre soy mesme, que surmonter ses ennemis 472 C			stratageme de Fabius contre Hannibal 127 E
bon aduis de Spartac ^e chef des gladiateurs 384 D			

TABLE ALPHABETIQUE

stratageme de Lucillus 346 E F	logie 63 F	premiere victoire de Sylla cō- tre ses ennemis Romains 328 H. prophetie. d'un e- sclave à Sylla 328 H I	dire, la bande de ceux qui veulent mourir ensemble 653 D
stratageme de Lyfander. 307 A B C D E F	Sylla, couperoſé 150 H	rufede Sylla pour ſuborner les ſoldats ennemis 329 A B	cruauté des Syracuſains cōtre les Arheniens 380 A B C D E
stratageme de Paul Aemyle 170 F G	forme de corps de Sylla 316 I	comparaifon de Sylla à vn oi- ſeleur 329 B	cruauté des Syracuſains cōtre la femme de Dionyſius. 670 A
stratageme des Parthes contre les Romains 390 K	Sylla grand gaudiſſeur 316 K	regnard 329 C	les Syracuſains ſe deffient de Dion 678 F G
stratageme de Pericles 116 H	vices de Sylla 317 A B	viſion nocturne promettāt vi- ctoire à Sylla 329 C	inconſtance des Syracuſains 678 I
stratageme de Sertorius. 398 K. 403 B	cōmencemēt de Sylla. 317 B C	viſion inſperee de Sylla cō- tre Marius 329 D E	preſages contre la ſole inten- tion des Syracuſains. 680 D E
merueilleux stratageme de Ser- torius entre les Characitanies 404 A B C D E F G	Sylla fort ambitieux 317 E	le plus grand peril ou ſe trouua Sylla 329 G H I K. 330 A B C	puſſilanimité des Syracuſains 680 H I
gentil stratageme de Sertorius 405 A B	eureux ſucces de Sylla 317 F	le coſtiller de Sylla luy ſauua la vie 330 A	Syracuſains conuēincus de tort 680 K
stratageme de Solon contre les Megariens 56 K. 57 A	Sylla cōtre Mithridates. 318 A	grandiſſime cruauté de Sylla 330 D E	diſſolution des Syracuſains 681 A
stratageme du roy Souſ. 271 K	iugemēt phyſiognomique ſur Sylla 318 C	comparaifon de Sylla à Marius 330 F G	Syracuſains ſurpris 681 B C
stratageme. 149 A B. 324 H I K	Sylla attribue tous ſes faits à la fortune 318 G H	cruelle loy de proſcription par Sylla 330 I K	Syracuſains en neceſſité n'ont recours qu'à Dion 681 D E
stratageme cōtre vne trahiſon deſcouuerte 209 K	Sylla curieux obſeruateur des ſonges 318 I	les biens faiſoyēt mourir les ri- ches au temps de Sylla 331 B	maleureuſe enuie des Syracu- ſains 681 I K
stratageme de guerre 281 K	prelage interpreté par Sylla à ſon auantage 318 I K	cruautez de Sylla 331 B C D E	tyrannie de Syracuſe la plus puiffante du monde 178 B C
stratagemes en ſeditiō d'enne- mis 74 E	grande inegalité de mœurs en Sylla 319 A B	Sylla obtient la dictature par force 331 D	grande prouiſion de guerre en Syracuſe 182 B
stratageme pour attirer l'enne- my au combat 169 E	Sylla conſul à cinquante ans 319 C	la licence que Sylla ſe dōne en ſa dictature 331 D E	aſſaſ de Corinthiens contre Syracuſe 184 I K
histoire de Stratocles. 614 D E	les noms des femmes de Sylla 319 C D E	triomphe de Sylla 331 G	prinſe de Syracuſe ſans mort d'aſſailans 184 K. 185 A
histoire ridicule du pere de Stratonice concubine de Mi- thridates 446 I K. 447 A	viſiō nocturne de Sylla. 320 G	Sylla ſe fait ſurnōmer Euxes 331 H	Syracuſe repeuplee par le bon moyē de Timoleō. 185 F G H
propos facetieux de Straton- icus 40 A B	cruauté de Sylla en Rome 320 I K	Sylla ſe ſurnomme Epaphro- dytus, & pourquoy 331 H	ſtatues de Syracuſe conda- mnées 185 I
les ſubſidiaires ruinent les païs 353 K	ingratitude de Sylla enuers Ma- rius 321 A	Sylla ſe depoſe volontairemēt de toutes charges 331 I	prinſe de Syracuſe par ſubri- lité 213 A B C
peuple imprenable veincu par ſubtilité 404 G	Sylla ne fait en Rome tout ce qu'il veut 321 B C	prophetie de Sylla à Marcus Lepidus conſul 331 K	Syracuſe pleinemēt afranchie 683 K
le païs Laconien ſembloit vne ſucceſſion nouuellement di- uiſee entre freres 30 H	Sylla ſ'aide des choſes ſacrées ſelon ſa neceſſité 321 I K	feſtins & delices de Sylla 332 A B	difficulté grande de combatre dans Syracuſe 682 F G
les ſucceſſeurs ſouffrent pour leurs predeceſſeurs 181 E	interpretation de ſuperſtition par Sylla 322 A B	Sylla contrenient à ſes loix 332 B	mutins de Syracuſe en fuire 682 H
ſigne de non ſuffiſance 248 C	Sylla premier applaudiffeur des ſoldars 322 E	indignes voluptez de Sylla. 332 D E	Syracuſe en merueilleuſe com- buſtion 687 A B C
Suiſſes forcez par Iul. Céſar de retourner en leur païs. 498 G	ruſe de Sylla 324 A B C	les poux deuorèrent Sylla. 332 E F G	propos de table ne ſe doyent rapporter 32 D
Sulpitius Galba 19 G	Sylla gagne par ruſe vn fort 324 C	Sylla preuent ſa mort 332 G	la table deſtēps par Clodi⁹. 41 H
Sulpitius tribun tres meſchant 319 K	reuelations & preſages de la vi- ctoire de Sylla 324 D E	funerailles de Sylla 332 I K	Tacira, muſe muette celebrée en Rome 45 D
contre la ſuperfluité 32 I	Sylla preuoyance de Sylla 326 C D	honneur fait à Sylla par les da- mes Romaines 332 K	notable remonſtrāce à l'impo- ſitiō de double raille 637 E F
ſuperſtitieuſe obſeruation des loxides 3 F	proſſe de Sylla en la neceſſité 326 D	Sylla accompagné de ſa bonne fortune en la vie & en la mort 333 A B	Talaſſio cry de nopces en Ro- me, & pourquoy 435 A
remonſtrance ſur la ſuperſtitiō 90 I	ſecōde victoire de Sylla ſur Mi- thridates 326 D E F	epitaphe de Sylla en ſubſtance 333 B	Talaſſius Romain 18 C D
ſuperſtition ancienne. 199 C H	parlement entre Sylla & Ar- chelaus 326 I K	briefue & grande louange de Sylla 334 F G	Talaſſius eſtoit chanté par les Romains le iour des nopces, comme Ymeneus par les Grecs 18 D E
la ſuperſtitiō a toujours eu for- ce 414 G H	grande remonſtrance de Sylla à Archelaus 326 K	Sylla dit qu'il faut croire au ſonge 355 I	ralēt Attique & ſa valeur. 85 K
briefue louange de Surena chef des Parthes 389 G H	traité de paix entre Sylla & Mi- thridates 327 A B C	Sylla empêche le deſir de Iul. Céſar 492 I	Tarchetius roy d'Alba 13 B
louange de Surena 390 I K	braue reſpoſe de Sylla aux am- baſſadeurs de Mithridates 327 C D	Sylla en propos de faire mou- rir Iul. Céſar fort ieune 482 I	Tarchetius deſfait par Romu- lus & Remus 13 D
ruſe & bonne inuention de Su- rena 393 F G H	veuē de Sylla & Mithridates. 327 E G	Sylla iuge Iul. Céſar auoir plu- ſieurs Marius en ſoy 492 I	la ſcherē de cuer des Tarētius 275 C D
ignominieuſe mort du pariure Surena 395 I K	ratification de paix entre Sylla & Mithridates 327 F G H	Sylla fraude le public pour gratifier vn valet 593 F	Tarpeia trahit Rome pour des braſſeleſ d'or. 19 E. Tarpeia payee de ſa trahiſon 19 F
grādes richesses en Suſe. 478 G	ſeinte excuſe de Sylla ſur la paix 327 I	Synapoſthanaumenon, c'eſt à	precipice pour malſaiteurs au mont de Tarpeia. 19 I
Sutrie reprinſe par Camillus ſur les Thoſcans 101 K	rigoreuſe cōdānatiō de Sylla ſur toute l'Asie mineur. 327 K		Tarpeius
Sutrin ville prinſe deux fois en vn iour 101 A	Sylla receu confrere es myſte- res ſacrez d'Athenes 328 A		
mauuiſe opinion des Sybari- ains ſur les Lacedemoniens 192 A B	les ſoldats de Sylla luy offrent argent en ſa neceſſité 328 E		
	les ennemis de Sylla en grande armee. 328 F G. preſages de victoire pour Sylla. 328 G H		

SVR LES VIES DE PLVTARQVE.

Tarpei ⁹ capitaine du chasteau du Capitoie 19 E	leur temps à bonnes choses 104 B	berré de Thebes. 194 G H I 195 A B C G H	cha la terre à la mer 83 K
Tarpei ⁹ atteint de trahison. 19 G	le temps plus sage cōseiller que tous 111 G	les affaires de Thebes en grāde prosperité 200 H I	inuentiō de Themistocles tres-utile & tresuiste 84 B
le mont Tarpeius de Tarpeia 19 I	le temps est le plus certain secours de ceux qui peuent attendre 404 A	Thebes prinse & rainée tour à fait 468 C D	occasion de haine des Lacedemoniens cōtre Themistocles 84 C D. contre l'auarice de Themistocles 84 D
Tarquin le superbetyrān. 67 D	Teratius chargé de la mort de Romulus & Remus 13 D	les exemples du sac de Thebes 468 D E	vers iniurieux contre Themistocles 84 E F G
Tarquin chassé à l'occasion de Lucrece 67 D	temple au Terme 49 B	Thebes prinse pour la seconde fois par Demetrius 624 K	Timocreo ⁹ poëte ennemy iuré de Themistocles 84 E F G H I
Publicola & Brut ⁹ principaux de la rebellion cōtre Tarquin 67 D E	prouerbe Termerien 4 A	Miltiades eguillon de Themistocles 3 A. 78 A	Themistocles hay des siēs. 84 I
Publicola seul empescha l'audience des ambassadeurs de Tarquin 67 I	Terpandre, des Lacedemoniēs 37 C	Themistocles mestif 76 K	Themistocles condāné au bānissement de l'Ostracisme. 85 A
Brutus inflexible accuse Collatinus de fauoriser à Tarquin 67 K	opinion des Pythagoriēs pour l'assiette de la terre 46 H I	finesse de Themistocles encore ieune 77 B	Themistocles accusé fausement de trahison 85 B C D E
trahison de quelques Romains en la faueur de Tarquin. 68 A	demande terre & eau, c'est demāder entiere obeissāce. 79 A	enfance de Themistocles promettant grandes choses. 77 C	cōsideratiō sur l'accusatiō faire contre Themistocles 85 D
Vindex descouurit ladite trahison 68 D	merueilleux tremblement de terre 119 G	estude de Themistocles. 77 C D	extremeneccēssitē de Themistocles 85 F G H. Themistocles resiste à l'honneur du tyrān Hieron. 85 I. moyen par Themistocles d'aller en Perse 86 C D. Themistocles en Perse 86 E. Themistocles avec Xerxes. 86 H I. applaudissement de Themistocles 86 K. biēs de Themistocles entrā en gouuernemēt. 85 K
bataille des Thoscās pour Tarquin cōtre les Romains. 69 I K	nouveau departemēt de terres de Lacedemone 30 D E F G	Themistocles auoit grāde opinion de soy mesme 77 F	Themistocles poursuuy de toutes parts 86 A. vers pronostics à Themistocles. 88 B
Tarquin par sa fierté fait Portocena son ennemy 73 E	distributiō de terres aux pources par Numa 49 C	ieunesse de Themistocles difficile à ranger 77 G	songe emerveillable de Themistocles, 86 B C. Themistocles bien traité de Xerxes 87 C D E F G. Themistocles perdu, sil n'eust esté perdu 87 F. facultez de Themistocles en Perse 87 F G
trahison de Tarquin 73 H	Lacedemoniens ne sortoyent point de leur territoire sans congé 39 E	Themistocles & Aristides couriaux en amours masculines; puis en affaires publiques. 77 I	vision de nuict de Themistocles 87 G. mort de Themistocles, & à quelle occasion 88 A B C. aage de Themistocles 88 C
Tarquinius fils de Demaratus premier triōphateur en charriots 19 C	nombre ternaire & son excellence 120 E	Themistocles seditieux 77 K	vers funebres de Platon pour Themistocles 88 G
Tarruti ⁹ amy de Laurētia. 14 B	Tesserarius 727 A	Themistocles dresse les Atheniens à la marine 78 D	naturel de Themistocles. 221 B
Tarutius grand philosophe & Mathematicien 16 K	le taureau Marathon de Terrapolis 4 G	preuoyance de Themistocles 78 B C. 84 B C D	Themistocles aigremēt piqué d'Aristides. 232 C. richesse de Themistocles 246 K
Tarienses 20 K	Thais courtisane à Alexandre 479 B C	Themistocles vindicatif 78 F	braue responce de Themistocles 338 I
Tatius lieutenant general des Sabins 19 D	Thales Candien du temps de Lycurgus 28 G	Themistocles ambitieux. 78 G	opinion sur la mort de Themistocles 343 I
occasion de querelle entre Romulus & Tatius 22 E	Thales poëte Lyrique. 28 G H	Themistocles droiturier 78 I	Theodotion conclut à la mort de Pompeius 461 H I
Tatius meurtry en sacrifiant dans la ville de Lauiniū. 22 F	Thales poëte Lyrique. 28 G H	Themistocles fait bannir Aristides le iuste, à temps 78 K	Theodorus presenta la teste de Pōpeius à lul. Cesar 508 A
Numa Pompilius gēdre de Tatius roy de Rome 43 A	Lycurgus imitateur de Thales Candiot en sa police ciuile. 28 H	Themistocles achera l'ambitiō d'epicydes 79 A	Theodorus puny par Brutus 696 B C D
le taureau Marathon de Terrapolis 4 G	Thales Milesiē marchād. 54 I	profit par Themistocles au biē public 79 D	Theopōpus roy de Sparte altera la puissāce du peuple. 29 K. 30 A. bone responce de Theopompus roy de Sparte à la reproche de la femme 30 C
Taur ⁹ capitaine de Minos. 4 B	Thales le plus excellēt des sept sages. 55 D. Thales blasme de ne s'estre marié 55 K	subtilité de Themistocles 79 F G. 81 E F	Theopompus plus croiable en louange qu'en blasme 316 B
harangue notable du roy Taxiles à Alexandre le grād. 486 F	subtilité de Thales contre Solon 56 A	inuentiō subtile de Themistocles 80 A G	Theori, que c'est à dire 614 D
Rome mariee avec Latinus fils de Telemachus 13 A	Thales reprend Solon 56 A	bō aduis de Themistocles. 80 C	Antimachus de la ville de Theos 16 K
Telephus 12 I	reprehension notable de l'opinion de Thales 56 C	diuorce entre le chef general des Grecs & Themistocles 80 K. 81 A B	Theramenes surnommé Cothurnus, & pourquoy 367 H
Tell ⁹ bourgeois d'Athenes plus eueux que Crēsus 64 I K	prophetie de Thales 58 E	respōses subtiles de Themistocles 81 A B C	
Tellus deesse 691 G	Thargelia 112 I K	patiēce de Themistocles. 81 A	
Diane Orthia, & son tēple. 10 H	Antisthenes Socratique taxe les Thebains d'une insolēce. 41 B	enuie des Grecs sur Themistocles. 83 A B. Themistocles ambitieux d'hōneur 83 B C	
le tēple d'Asyleus à Rome donnoit franchise à toutes gēs. 15 K	braue menee des Thebains pour la liberté. 194 C D E F G	honneur fait à Themistocles par les Laconiens 83 B	
le tēple Quirinal 25 B	Thebains delaissez de tous en leur aduersité 196 I K	suffisāce de Themistocles. 83 C	
chalciēcos, c'est à dire, tēple d'arain 29 D	eureuse rencōtre des Thebains contre les Laconiens. 197 E	richesse mesprisee par Themistocles 83 D	
temple de Minerue Optiletide, & son origine 31 I K	gloire honorable des Thebains 198 C D	brauade de Themistocles. 83 D	
temple à la foy 49 B	bāde sacree des Thebains. 198 E	comparaizon de Themistocles à vn platane 83 E	
temple au Terme 49 B	Thebains victorieux apres la mort de leur chef 204 H	responce poignante de Themistocles 83 E	
temple Parthenō, tēple de la vierge 109 C	humanité des Thebains cōtre la cruauté de Lysāder. 314 H	superbe responce de Themistocles 83 F	
les tēples Romains estoient tournez la porte vers Oriēt. 48 E	oracle de victoire aux Thebains 315 K	consequence du pouoir du fils de Themistocles 83 G	
Megariens cōbaroyent la prescription du temps 3 H	conspiration de trahison cōtre Thebes. 193 G H. trahison cōtre les bānis de Thebes. 193 K. 194 A. grands destoubiers en l'entreprinse de la li-	subtilité de Themistocles. 83 H	
vne ville a son temps prefix, cōme l'homme sa vie 17 B		Lacedemoniēs a finez par Themistocles 83 H I	
la rable des rēps par Clod ⁹ . 41 K		Themistocles rebastit Athenes 83 I K. Themistocles atta-	
contre ceux qui n'employent			

TABLE ALPHABETIQUE

remonstrance de Therycion, & respõce de Cleomenes. 565
G H I K
 Theseia, à cause de Theseus. 2 C
 Athenes peuplee par Theseus 1 E
 Aeschylus Athenien poete Tragique, parlant de Theseus. 1 E
 Theseus né hors mariage, & estimé fort de la race des dieux. 1 F
 comparaison de Theseus à Romulus 1 G
 genealogie de Theseus 1 G H
 Aegeus pere de Theseus 1 I K
 Aethra mere de Theseus, par la mennee de Pirtheus pere d'icelle 2 A
 etymologie du nom de Theseus, & de l'imposition d'iceluy 2 B
 Connidas gouverneur de Theseus, celebré en Athenes pour ceste occasion 2 C
 Silanion & Parrhasius, peintre & sculpteur de Theseus 2 C
 Neptune pere supposé de Theseus 2 F
 generosité de Theseus encore fort ieune. 2 G H. victoire premiere de Theseus 3 C
 Menalippus fils de Theseus & de Perigouné, fille de Sinnis 3 E F
 Ioxus fils de Menalippus fils de Theseus 3 F
 Theseus purifié cerimonielement 4 B. conseil maleureux de Medee contre Theseus 4 C
 Aegeus recognoit Theseus pour enfant 4 C D
 qui meut Theseus d'aller come tributaire en Candie 5 E
 Ariadne donne secours à Theseus 5 K
 Theseus ramene les ieunes Atheniens de Candie en Athenes 6 A
 opinions diuerfes sur le voyage de Theseus en Cadié. 6 A B C D
 Delas cousin germain de Theseus 6 D
 Penon natif d'Amathunte, en l'honneur de Theseus 6 H
 dance ou brâle nommé la grue inuenté par Theseus 7 A
 galiote à trente rames, sur laquelle Theseus fait son voyage 7 G
 disputation philosophique sur la galiote de Theseus 7 G
 Theseus premier inclinant à la chose publique 8 F G
 ordre politique en Athenes selon Theseus 8 G
 colonne quarree, par Theseus, au destroit du Peloponese. 8 H
 ieus appelez Isthmia instituez par Theseus en l'honneur de Neptune 8 H I
 voyage de Theseus vers les Amazones. 8 K. 9 A B. Pythopolis fondée par Theseus. 9 C

Amazones font la guerre à Athenes contre Theseus raiusfeur. 9 D. Orcomosium ioingnâr letéple de Theseus. 9 H
 mariages & adulteres de Theseus 10 A
 Theseus fuitif pour le premier raiussement d'Helene 10 A
 prouerbe, nō sans Theseus. 10 B
 prouerbe, c'est vn autre Theseus. 10 B. Theseus & Pirithoüs fort grands amis 10 D
 raiussemēt d'Helene par Theseus & Pirithoüs 10 H
 l'histoire du voyage de Theseus & Pirithoüs aux enfers. 10 I K
 Theseus prisonnier 10 K
 conspiratiō cōtre Theseus. 11 A
 recognoissance de Theseus enuers Hercules. 11 I. Theseus deliuré des enfers par Hercules. 11 I. Theseus se bânir volontairement d'Athenes. 12 A
 mort precipite de Theseus. 12 A B. oracle d'Apollo en l'honneur de Theseus 12 C
 les os de Theseus recourez miraculeusement, & saintement receus en Athenes. 12 C D
 reliques de Theseus serués de franchise. 12 D. sacrifices faits à Theseus 12 E F
 les os de Theseus trouuez par Cimō & portez à Athenes. 338 F
 Thesmophoria feste de Ceres 392 D
 Thesmetheres, & leur office 63 I
 Thespis poete Tragique. 65 I K
 Tholcās sortis de Thessalie. 12 K
 magnanime respõce de Theseus à son frere Dionysius 675 A
 Thetes, c'est à dire, mercenaires 60 H
 oracle de Thetis en Thoscane 13 B. Tholcane festé iusques au Tybre 12 H
 Rome Troienne fit mettre le feu aux vaisseaus Troiens, à fin d'arrester en Thoscane. 12 H
 oracle de Thetis en Thoscane 13 B. estendue de la Thoscane. 93 E. fertilité de la Thoscane 93 F
 Thoscans sortis de Thessalie 12 K. occasion de terreur aux Thoscans 70 B
 Thoth, en Egyptien, est le mois de Septembre 17 B
 Threscevin, que c'est à dire 464 K
 contre les thresors publics 310 E
 contre Thucydides, qui taxe Lycurgus marry du biē d'autrui 39 F
 Thucydides en la guerre Peloponessiaque 39 H
 Thucydides subrogé au lieu de Cimō, pour resister à Pericles 108 A B
 grâde contention entre Thucydides & Pericles 108 C

cydides & Pericles 108 C
 Thucydides banny par Ostracisme 110 B
 finesse des Thusculaniēs. 102 B
 Romulus & Remus iettez au Tybre 13 G
 Tigellinus & sa maleureuse vie 729 A B
 Tigellinus se coupe la gorge avec son rasoir 729 B C
 fondation de Tigenna 401 C
 Tigranes grand roy 351 A
 le roy Tigranes & sa grâde presumption 354 F G
 choses notables du roy Tigranes 354 F G H
 Tigranes estonné d'ouir librement parler Appius 354 I
 Tigranes descōfit & fuitif. 357 A
 grand amas de peuple par Tigranes 357 C
 arrogance de Tigranes. 357 D E
 le grand nombre des hommes de guerre de Tigranes 357 E F
 Tigranes se gaudit des Romains 357 H I
 Tigranes estonné 358 A
 lascheté de Tigranes fuyant 358 F. Tigranes fuit la bataille 359 I K
 largesse de Tigranes enuers les Romains 446 A
 le fils de Tigranes prisonnier pour sestre rebellé cōtre son pere 446 A
 facheux & traistre deportement de Tigranes enuers Mithridates 445 H
 pusillanimité de Tigranes. 445 I
 siege de Tigranocerta par Lucullus. 357 A B. Tigranocerta riche ville 357 A B
 prinse de Tigranocerta. 359 A
 grandes richesses de Tigranocerta 359 A
 Timagoras Athenien condané à mort, & pourquoy 203 G H. 666 D E
 magnanimité de Timoclee Thebaine 468 F G
 Timocreon poete ennemy iuré de Themistocles. 84 E F G H
 Timoleon eleu chef d'armee en son absence 178 C
 bonté de Timoleon 178 H I
 proesse de Timoleon 178 K
 Timophanestyrá meurtry par la mennee de son frere Timoleon 179 B C D
 forte tristesse de Timoleon. 179 E
 solitude de Timoleon 179 F
 bons presages pour Timoleon 180 B C D E. contreruse de Timoleon 181 I K. 182 A
 petite armee de Timoleon. 181 E
 diligence de Timoleon. 181 H
 renfort de Corinthe au secours de Timoleon 183 B
 conspiration de mort par Ictes sur Timoleon 183 D
 bon aduis de Timoleon 185 B
 Syracuse repeuplee par le bon

moyen de Timoleon. 185 F G
 bonne opinion de Timoleon 186 D
 tyrannies de Sicile abatus par Timoleon 185 I K
 le temps combattoit pour Timoleon 187 B C
 mennee des ennemis de Timoleon 188 A B
 faueur de iustice diuine enuers Timoleon 188 C
 Ictes mesprise Timoleon. 188 E
 Timoleon fuit Ictes 188 E
 honorable discord en la gendarmerie de Timoleon 188 F
 Mamercus desconfit par Timoleon 188 K
 paix entre Timoleon & les Carthaginois 188 K
 guerre de Timoleon aux tyrans de Sicile 189 A B C
 Timoleon en bonne opinion enuers tous les Syracusains 189 D E
 bonne recognoissance de Timoleon 189 G H
 modestie de Timoleon 189 H I
 bonté de Timoleon 190 A
 brief discours des faits de Timoleon 190 A B C
 honneur grâd des Syracusains à Timoleon 190 D E F G
 mort de Timoleon 190 G
 pompes funebres de Timoleon 190 G H
 harangue funebre pour Timoleon 190 I K
 Timō Misanthrope, c'est à dire, loulgarou, ou haissant les hommes 136 G
 propos de Timon à Alcibiades 136 C D
 histoire de Timon Athenien 652 H I K
 estrâges epitahes de Timō. 653 A
 Timophanestyrá meurtry par la mennee de son frere Timoleon 179 B C D
 Timotheus dedaignât la fortune, est dedaigné des dieux. 318 F
 Tiribazus sauua par sa finesse Artoxerxes & lō cap. 967 A B
 Tiribazus fort irrité cōtre Artoxerxes 668 D E
 Tisaphernes se trompe soy-mesme 421 G
 Tisaphernes puny de son pariure 421 I
 visif memorable de Titus Latinus 155 D E
 Cornelius Cossus tua Tolumnius capitaine general d'Thoscans 19 C
 Abâtes furēt les premiers qui se firēt tōdre, & pourquoy. 2 D
 Tournesiens plus tost morts que veincus 499 F
 Antigonus disoit, qu'on aime ceux qui trahissent, & hait on ceux qui ont trahy 19 E
 Tarpeia payee de sa trahison 19 F

SVR LES VIES DE PLVTARQVE.

Cesar disoit, qu'aimer la trahison, est hair les traistres 19 F	force & damageable tromperie 184 CD	ordonnée sur femmes veufes 47 A	différence d'aimer ou louer vertu 530 B
induction de trahison 68 B C	premier rophée des Romains 19 A	veufes mariees 89 B	vertu n'est outragée de fortune 568 E
execrable serment sur vnetra- hison 68 C	statues d Romulus portās son trophée à pied 19 C	les Veiens desconfits par les Romains 23 CDE	le bien faire des vertueux espoir comme les biens nez 3 A
cōtrarius de trahison 270 FG	Troie trois fois prinse pour occasion de cheuaux 398 C	prinse de la ville de Veies par Camillus 90 CDE	la gloire d'un vertueux est plus grande que celle d'un roy 44 C
filles endurcies au travail com- me les hommes 33 CDE	Rome Troyenne fit mettre le feu aux vaisseaux Troiens, à fin d'arrister en Thoscane 12 H	fil est meilleur veindre par a- mour ou par force 215 B C	le feu sacré, & qui premier en ordonna la garde aux vier- ges sacrées à Vesta 22 B
Triacada, c'est à dire, trentieme 16 I	vne dame Troienne nommee Rome 12 H	les victoires anciennement se cognoissoyēt par la despouil- le des veincus 3 D	la fille de Numitor rendue Ve- stale avec la diuersité d'opi- nions sur son nom 13 F
trepié d'or pesché en mer 55 D E	troubles & rebellions 721 CD EFGH I	prouerbe, douleur aux veincus 98 D	vierges Vestales establies par Numa 45 K
le trepié d'or présenté aux sept sages à chacun separement 55 F	truchemē puny de mort. 79 A	Velabrum, & sa signification 14 C	vierges Vestales ont la garde du feu sacré, & pourquoy 46 A
le trepié d'or desdié au temple d'Apollo Ismenien 55 G	iniquité de Tullus 160 I K	Velatura, & sa signification 14 C	premières vierges Vestales 46 C
Tresantas, que c'est à dire 429 H	Tutola 25 E	appetit de vengeance est dou- leur 154 E	regle des vierges Vestales 46 CD
premiers tresoriers de Rome 71 D	Tyr prinse inopinément 473 I	Ventidius victorieux des Par- thes, pour M. Antoine. 640 G	pruileges des Vestales 46 DE
les tresors anciennement gar- dez par Eunukes 619 B	vn Senat tient la bride à deux extremitez, au tyran, & à la confusion populaire 22 F	Ventidius seul triomphateur des Parthes 641 A	punition des Vestales qui per- dent leur virginité 46 F G H
royal ne mesdire des trespasses 62 A	miteres d'egyptien 711 H I K	sacrifice à Venus, d'une che- ure transmuee en bouc 5 K	dieu l'appaise par la correctio de vices 22 I K
le Tribun aloy de tout dire 122 E F	bonne sentēce contre la tyrā- nie 59 B C	Venus Epitragia, c'est à dire, du bouc 5 K	victoire premiere de Theseus 3 C
Tribun du peuple est vne fort grande dignité 632 I	lestyrānies vont de mal en pis 524 B C	Vercingetorix chef des Au- uernas & Chartrains. 501 A	cerimonie de sacrifice pour vi- ctoire 23 F
Tribuns, & ethimologie de ce nom 21 A	facon de faire entrant chez les tyrans 182 I	Vercingetorix assiegé par Iul. Cesar dans Lauxois 501 E	Lacedemoniens en victoire v- soyent de misericorde 37 I
election de Tribuns militaires au lieu de consuls 88 I	Tyrāns suiets à varieté de pas- sions 674 B	secours de trois cens mil hom- mes à Vercingetorix assie- gé par Iul. Cesar 501 E F	victoire avec grand meurtre sans perte d'homme 74 A
premiere erection de Tribuns 148 I	folie de Tyriens sur vn songe à eux aduenu 473 DE	Vercingetorix se rend prison- nier de Iul. Cesar 501 H	le sage capitaine emporte l'hō- neur de la victoire 75 B
Tribuns cōtrarians au consu- lar, & pourquoy 151 B C	Tyrtæus poète amplifie l'ora- cle d'Apollo 30 A	Verginius victorieux de Vin- dex 721 H I	presage de victoire 82 D E
estrange priuilege de tribuns à Rome 571 F	quel estoit le poète Tyrtæus 557 A	fidelité de Verginius. 722 H I K	victoire sacrée 90 K
tribut des Atheniēs enuers Mi- nos, & l'occasion 4 I K	mort de Tyssaphernes. 666 E F	Pindare, l'estre veritable est commencement de grand vertu 296 B	il fait bon sayure sa victoire 91 B C
tribut d'Athenes pour neuf ans 4 K	¶ V	les hommes par vertu deuien- nent Dieux 25 A	victoire honorable & profita- ble aux veincus 123 K
de pris pour leut d'A- thenes 5 A B	Vaches sacrées à Diane Per- sienne 356 D	la seule vertu doit mettre diffé- rence entre les habitans d'une mesme ville 30 F	bonne consideration en victoi- re 198 C
tribut d'Athenes par seule- ment trois ans 5 D	l'homme vaillant doit comba- tre les bestes cruelles 3 C	ce qui fait vertu maistresse du vice 50 K	vers de victoire 261 I
qui meurt Theseus der comme tributaire en adie 5 E	le vaillant fuit de combatre les murailles 334 D	vertu fait diuers effects 52 B	grande victoire à peu de perte 325 G H
Romulus entra le prier triō- phant à Rome 19 A	pourquoy les plus vaillans sont les mieulx armez par Homere 192 C	vertu est tousiours enuiee 71 I K	gaillard presage de victoire 328 I K
Publicola premier dul triō- phant dedans Ro 70 C	les vaillans se recognoissent à l'enuy l'un de l'autre. 199 A B	les effects de la vertu sont l'ob- iect de l'entendement. 104 B	les victoires anciennement se cognoissoyēt par la despouil- le des veincus 3 D
Tarquinius fils de Inaratus premier triōphaten cha- riots 19 C	Valeria sœur de Publicola 158 H	vertu attrait l'homme à imita- tion 104 F	c'est plus d'honneur de viure victorieux, que mourir en combatant 75 G
second triomphe de mulus 23 E	bon aduis de Valeria 188 H I	vertu & biens de fortune aimez différemment 104 F	le victorieux ne doit reduire le veincu en extreme necessité 82 H I
ordre de triomphe Paul Aemyle 18 C D E	harangue de Valeria à Volu- mnia mere de Coriolanus 158 I K	bon commencement de vertu prend tousiours accroissement 147 K	5000 hommes victorieux de 70000 187 A B C D E
triōphe, ouation, & prquoy ainsi nommez 5 A B	Valerius Antias 18 A	la seule vertu est cause de par- faire amitié 195 D	victorieux veincu 416 G
Ageus se precipite pristef- se 7 B	Valerius Publicola 19 C	vertu se fait honorer par son ennemy mesme 220 B	vne ville a son temps prefix, cōme l'homme sa vie. 17 B
Triumuirat 536 E	hectemorij, c'est à dire, valets 58 G	quelle vertu est la plus appro- chante de la diuinité 248 B	il vaut mieulx sauuer sa vie que offenser son ennemy 192 C
Pitheus fonda Troezen 1 H	Marcus Varro grād historien, & sa curiosité 16 K	la vertu militaire a besoin de vigueur corporelle 318 F	honneur à vieillesse 71 E
Troezen refuge des ddes A- theniens 80 F	Terētius Varro temeraire cō- sul 124 B	louange de vertu & noblesse 333 G	vierge rousse immolee 200 A
Zenodorus Troezeniaisto- sien 18 C	bonté de vautour 16 B C		moyen d'augmenter vne nou- uelle ville 18 K
monnoye des Troezens 2 F G	le vautour se void fort rare- ment 16 D		
	les Romains anciennemēt ob- seruoient le vol des vautours en leurs diuinations 16 B		

TABLE ALIHAETIQUE

la seule vertu doit mettre difference entre les habitas d'une mesme ville 30 F
 Surriom ville prinse deux fois en vn iour 101 A
 ne se tenir en villes closes est signe de magnanimité 18 G
 soixante & dix villes pillées en mesme iour & heure 174 A
 comparaison de la viole à la fleur 131 C
 le vin defendu aux Romaines 53 C
 Vindex descouurit la trahison que les Romaines machinoient en faueur de Tarquin 68 D
 Vindex serf afranchy & fait bourgeois Romain 69 E
 Iunius Vindex rebelle à Neron 721 CD
 afranchissement de serf, se nomme Vindicta, de vindex 69 F
 virginité sauuee par mort 337 E F
 vision fantastique raportant prophetie 93 A
 vision memorable de Titus

Larinus 155 D E
 Vitellius Germanicus nommé empereur 724 F G
 reproches des soldats de Vitellius à ceux d'Orthon 730
 victoire de Vitellius contre Orthon 732 F G
 comparaison de l'honneur du vivant à celui qui combat 65 C
 Romanus fils d'Ulysses & de Circe 12 K
 responce de Volumnia 159 A
 volupté est le plus grand appast de mal faire 234 G
 vne volupté fait oublier l'autre 366 C
 Vopiscus, que c'est 150 G
 voyage de Theseus vers les Amazones 8 K. 9 A B
 l'histoire du voyage de Theseus & Pirithois aux enfers 10 I K
 Vsure personnelle 53 C
 vsure maritime est la plus prouuee 243 K
 contre l'vsure de l'vsure 354 C

sedition populaire pour les vsures 48 D E F G
 cruelle vsure des Romaines 148 C
 remonstrance sur la lessence ou abandon d'Vrique. 47 F G H
 ¶ X
 fidelité du chien de Xarippus 80 I
 louanges de Xenocntes 523 E
 louanges du capitaine Xenophon 421 C
 Xenophon aimé d'Agelaüs 425 G
 batailles bien descrites par Xenophon 661 A
 mille vaisseaux de Xerxes en la guerre de Grece 82 A B
 guerre nauale entre Xerxes & les Grecs 82 B C D E F
 premiere despouille de Xerxes dedee à Apollo porte-laurier 82 E
 victoire des Grecs contre Xerxes 82 F
 bon aduis pour faire retirer Xerxes 82 K

Xerxes adoré comme Dieu 86 F
 Xerxes adoré premier que donner audience 86 F
 la maison de Xerxes bruslee 479 C D
 ¶ Y
 Talassius estoit chanté par les Romains le iour des nopces, come Ymeneüs par les Grecs 18 D E
 mort d'yurongnes 490 B
 ¶ Z
 Zenodotus Troezenien historien 18 C
 Zenon philosophe naturel, grand sophiste 105 C D
 opinion de Zenon touchant le bon capitaine 710 I
 Zeugtes pourquoy nommez 60 H
 Zoilus armeurier 617 G H
 Zopyrus precepteur d'Alcibiades

Fautes & corrections.

Fuillet 2, A, ligne 2: Aegeus donques: D, 4: qui se sont. 4, C, 6: sceust qui il: D, 1: eust voulu. 6, I, 2: eust escrites. 7, A, 1: ma. ne n'eut pas: F, 8: avecques pleinetasse. 9, I, 6: Scotule: K, 5: cōtre d'icel. 12, A, 5: là ou il auoit. 14, I, 10: & K, 1: il commença. 16, D, 7: feist faire: H, 2, & 3: derriere les murs ou ioignant. 17, B, 9: leur faulser: D, 5: à cest office: & 6: les eust ainsi. 18, G, 4: s'appelloit Sextilis. 20, A, 10: sortir à force de le picquer: F, 8: nous sommes de present. 21, D, 4: tenant. 22, F, 9: que ceux de la ville de Laurentu effroyez. 24, F, 9: y eut il ne scay. 25, C, 4 & 5: comme Marcus, Cneus, Caius. 25, I, 4: le pressoit, & eschapper. 26, B, 4: des Dieux voulans sauuer. 28, B, 7: main, fil. 33, F, 5: luy dist. 36, F, 9: droit & iustice. 41, K, 2: tantour de Numa. 44, A, 9: vignes: H, 6: tousiours euz. 46, H, 5: au niveau. 47, C, 9: vouloyer consentir. 48, I, 9: aucunement. 51, B, 4: scauoir est celle. 53, A, 9: c'est à dire, enragés. 60, F, 8: rencontra fort. 65, C, 10: eust fait: F, 5: confirmé. 67, A, 2: plaisir de que lon. 68, F, 1: se sentat incité. 69, F, 3: de ce Vindex. 69, I, 5: pour l'y cūder. 76, I, 1: qu'il eust esté. 81, A, 1: Themistocles y contredit. 84, D, 1: de deux. 85, C, 10: pressante maniere. 89, C, 7: d'un des courstaux. 93, H, 4: asseruez. 96, C, 6: y arriva. 99, G, 9: Palatin. arriuer. 105, F, 6: & port honnest. H, 8: les presomptueux comme ius pource. 107, K, 1: vne humeur cholerique. 110, B, 10: ausuile ligue. 111, F, 7: pour lesquelles il estoit. 144, H, 9: Aiant pris. 149, E, 4: de mettre au dedans à seurer. 157, C, 6: s'enteint. 161, D, 3: qu'il a pl. de fois. 162, F, 7: il espargnast. 167, K, 4: ce pouloit. 171, K, 4: le bois estât sur l'autel. 175, B, 8: dont le premier. 175, H, 7: moistroit bien. 177, F, 2: qu'il se retirait. 187, D, 2: furent a. 187, H, 5: iours, & à la fin. 189, C, 6: qu'il auoit trouué l'isse: K, 2: luy donnast. 217, E, 2: l'issue du proces fut telle. 219, D, 10: semblablement. 221, I, 10: avec trois cens mille des. 234, K, dernière ligne: qu'on l'allast. 240, A, 6: pierre sur le visage. 243, I, 6: il auoit son. 245, H, 5: & auoit beaucoup. 262, E, 7: les fers de la Grece. 266, F, 1: il y a double lecture en celieu, & selon l'vne il faut dire: il prouqua Quintius à iurer: ainsi que nous l'auons rendu en la vie de Caton le Censeur: selon l'autre, il faut dire comme il l'auons rendu en celieu, à laquelle s'accorde l'histoire de Titus Liuius. 276, B, 9: rescouissance merueilleuse. 285, A, 3: ne plus moins. 289, A, 9 & 10: qui auoit parmy. 296, A, 5: contreuiendroyent. 297, D, 6: qu'il luy. 304, B, 4: autre en se monstrent: D, 9: drace, luyuant. 320, B, 9: cessatiō de la iustice. 330, C, 5: qui dirent. 332, H, 5: la ville de Poussol. 330, A, 8: lesquels le voiās: & 10: qui ne les poiēt: B, 1: ny les forcer: & 5: ou lō pouoit. 355, K, 1: & puis sous vne. 356, D, 3: paisloyer: F, 9: nouuelle de la venue de. 357, B, 6: pour faire: I, 7: meilleur guay. 358, E, 1: peu au lieu. 359, D, 9: l'appeller amy & allié. 360, F, 1: passer à guay. 366, C, 8: blâmer en luy: voy. 71, B, 5: vn an, durât lequel: & 6: de la seurer. 375, B, 10: qui se bander. 382, I, 3: incontinet illustre par sa vertu. 383, B, 2: luy fioit: F, 3: ny sa puissance. 387, C, 7: festant eleué. 397, A, 6 & 7: & abandonnoit. 407, B, 6: querir & charger. 413, C, 7: se parlast rar. 415, A, 10: il se retiroient. 421, D, 2: le desloyal pariurement. 523, C, 5: abandonnast. 426, A, 4: il n'y auoit. 427, D, 9 & 10: les Trains. 430, H, 4: les cachassent. 433, D, 3: ce qui est à faire. 447, D, 3: que au parauant il auoit fort. 449, D, 7 & 8: escondre: la se & la. 461, H, 8: fils lescondroient, Pompeius leur. 463, H, 9: c'est ce qui plus. 472, A, 3: bonne. Si enuoia. 481, D, 4: destachant. 481, H, 1: continuast. 484, E, 5 & 6: alsise. 495, I, 5: soit seulement. 497, F, 2: par telle fureur. 518, B, 6: il entre iamais. 519, K, ligne diere: à diuertir. 520, C, 10: d'auantage luy uit son conseil. 524, I, 4: avec son filz. 528, A, 7: Promes nous donc, ou iete ietteray: I, 4: choses dignes de non estre teues. 534, K, 4: les autres comme Quintus. 541, A, 7: Senat, apres auoir. 550, D, 7: Porcia la fille. 551, I, 1: mesmement contre la sollicitude. 552, H, 4: Leonidas, elles l'admonesterent. 557, A, 1 & 2: ou il festoit. 576, B, 1: peuple, qui donna. 579, G, 1: cela renouela la haine. 580, I, 4: fils de Foluius. 582, B, 1: à l'opposite Cleomenes proceda. 587, D, 1, 2, 3 & 4: ce lieu est corrompu en l'original Grec mesme, & le faut ainsi restituer: aussi celles qui sont intitulees à Phormio & à Stephan pour lesquelles il fut à bon droit blâmé: car Phormio agit & combattir contre Stephanus avec l'oraison que Demosthenes l'auoit baillee, ce qui estoit tout autant, que si d'une: & 5 & 6: accusatoires en crimes publics, celles. 595, G, 1 & 2: dont il fut si. 612, E, 2: qui l'accueillirent: & 5: ce qui luy. 610, G, 5: luy veoir tout vieil. 617, F, 7: estoit en forme de tuye. 622, G, 2: les ports & has. 643, H, 3: qu'il eut mis les gens: & 10: de grande roideur. 649, F, 6: & fondit. 655, I, 8: laquelle il cousut. 679, C, 1: uille, il se dress. 80, K, dernière ligne: Apres cela arriuerent. 681, C, 5: du quartier que lon: & 10: pressant, il y eut. 682, C, 4: tiraist oultre. 687, H, 5: autres estoient. 689, D, 1: surnommé Albinus. 695, B, 3: Antonius receuoit. 700, B, 9: auoit besoing. 705, G, 7: Brutus ses ennemis. 705, F, 2: chose, soient. 705, G, 1: loger leans pour. 706, H, 1: nuls abrys. 707, G, 3 & 4: d'un chariot de triomphe qui portoit vne voire: K, 6: decernerent. 709, E, 6: se meist. 710, C, 3: qu'il se trouuast. 712, F, 1: chemins: mena. 715, F, 4: neantmoins il allegue. 717, D, 7 & 8: en tourment ceulx: E, 1: de lateurs. 727, D, 5: & dangers. 730, I, 2: me la debatit il pas.

PRIVILEGE.



HENRY par la grace de Dieu Roy de France. A tous ceux qui ces presentes lettres verront, Salut. Scauoir faisons que nous bien aduertis des grâds labeurs, peine & travaux que nostre bien amé Michel de Vascofan Imprimeur & Libraire iuré en nostre Vniuersité de Paris, à prins depuis vingt deux ans, à imprimer continuellemēt en toutes langues & disciplines tous les meilleurs liures, & les plus vriles, dont il a peu auoir la cognoissance, & que de tout son pouoir, il a tousiours aidé à fournir & peupler nostre Royaume, de tous les bons liures qui ont esté imprimez, & s'impriment tous les iours par tous les autres pais & nations estranges: Aduertis aussi de la grande diligence, fraiz & despēs, qu'il fait à reconuer plusieurs bōs & anciens liures, & iceux faire traduire de langue en autre, & les illustrer de pourtraits & figures, quand besoin le requiert: Et aussi qu'il fait ordinairement conferer avec plusieurs & diuers exemplaires, tant escripts à la main que imprimez, par les hommes doctes de nostredit Royaume, tous les liures lesquels il pretend mettre en impressiō & lumiere, le tout à l'hōneur de Dieu, augmētation de la Foy Chrestienne, & au grand profit de nous & de tout le bien public. Pour ces causes & autres à ce nous mouuans, à fin de l'inciter à faire de bien en mieux, & tousiours profiter à la chose publique, voulās les arts & sciences fleurir en nostredit Royaume, & que tous les bōs liures viennent en euidence, Auons à iceluy Vascofan de nostre certaine science, propre mouuement, grace speciale, pleine puissance & auctorité donné & octroyé, donnons & octroyons par ces presentes, priuilege pour le temps & terme de dix ans, pour tous les liures que ledit Vascofan imprimera cy apres, lesquels n'auront esté auparauant imprimez en nostredit Royaume: Et six ans pour ceux lesquels par la collation de plusieurs bons & diuers exemplaires, & par le labour, diligence & industrie dudit Vascofan, & des hommes doctes, de grande literature & experience & probiré & integrité auront esté remis, restituez & illustrez de notables corrections, emendations & annotations, à commencer du iour & date de la premiere impressiō de chacun desdits liures. Que nul nostre Royaume, pais, terres & seigneuries ne puissent pendā & durant ledit temps imprimer, primer, vendre ne debiter les liures par luy ainsi corrigez, imprimez & amendez, iusques au ledit temps finy & accompli. En ce tourefois non compris les Imprimeurs qui ont eu au parauant priuilege de nous ou de noz iuges deuēment expediez, ausquels par ces presentes n'entendons deroger, pour le temps cōtenu audit priuilege seulement. A l'impressiō desquels liures ne pourra ledit de Vascofan aucunement proceder, que prealablement n'ayent esté veus & visitez par la faculté de Theologie de nostredite ville de Paris, ou ceux qui serōt par elle deputez, suyuant noz ordonnāces: faisans à tous Libraires, Imprimeurs, & autres de quelque estat ou cōdition qu'ils soyent, inhibitions & defences de ne aucune chose attenter contre la teneur de cesdites presentes, sur peine de confiscation d'iceux liures, qui auront esté ainsi imprimez, contrefaits & mis en vente, & de telle amēde que nosdits iuges verront y deuoir escheoir & appartenir, applicable, cōme lesdits liures confisquezz, moitié à nous, & moitié audit de Vascofan. Et lesquels liures voulons incontinent estre saiziz & mis en nostre main par le premier de noz iuges & officiers sur ce requis: Et ceux qui auront ce fait, adiournez pardeuāt iceux noz iuges, pour proceder sommairement & de plain, alencontre des desobeissans, à la declaration desdites confiscation & amendes arbitraires. Si donnons en mandement par ces presentes à noz amez & feaulx Conseillers les gens tenās noz Courts de Parlemēt, Preuost de Paris, Bailly de Rouen, Seneschaux de Lyon, Toulouse, Bordeaux & Poictou, & à tous noz autres iusticiers & officiers, que dudit priuilege & de tout le contenu en cesdites presentes ils facent iouir & vser ledit Vascofan pleinement & paisiblement durant ledit temps, sans en ce luy faire ne souffrir estre fait, mis ou donné ores ne pour l'aduenir ayn destourbier ou empeschement. Lequel si fait, mis ou donné luy estoit, ils facent incontinent & ns delay mettre à pleine deliurance: Nonobstant oppositions ou appellations quelcōques, & sans preiudice d'icelles. Et outre nous declarōs que mettant par ledit de Vascofan en brief au commencement ou en la fin desdits liures le cōtenu de cesdites lettres au vray, sur peine d'encourir crie de faux, nous voulons & nous plaist, qu'elles soyent tenues pour suffisamment signifiees & enues à la cognoissance de tous les libraires & imprimeurs, lesquels ont accoustumé ainsi de faire: Et soit cela de tel effect & vertu, cōme si cesdites lettres mesmes leur auoyēt esté expressément & particulièrement monstrees & signifiees, sauf s'ils veulent pretendre que moins cōtiennent q' ledit Vascofan n'aura mis, à en demander par eux l'exhibitiō desdites lettres, quā à ceux de nre ville de Paris, & quant aux autres, le vidimus d'icelles fait sous seel royal. Auquel voulons q' soy soit adioustee, comme à ce present original. Car tel est nostre plaisir. En tesmoin de ce nous ons fait mettre nostre seel à ces presentes. Donne à Paris l'onzieme iour de Feurier, Lan de gra mil cinq cens cinquante trois: Et de nostre regne le septieme.

Et sur le nly est escrit: Par le Roy, le seigneur de Seaux, maistre René Baillet, maistre des Requestes d'hostel, present. Signé, Mahieu: Et seellé sur double queuē du grand seau en cire iaune.

Acheué d'imprimer en May. M. D. LVIIII.